




Hipp 42 K. 1. a. 52

Accessions
116236

Shelf No.

D. 12. 1. 4
vol. 4



BEQUEATHED BY
George Ticknor.


Rec^d. Apr. 26th 1871



Bibliotheca Palatina

K. 1. a.

V29304



Digitized by the Internet Archive
in 2012 with funding from
Boston Public Library

HISPANIAE
ILLVSTRATAE

S E V

VRBIVM RERVMQVE
HISPANICARVM, ACADEMIA-
RVM, BIBLIOTHECARVM, CLARORVM DE-
NIQVE IN OMNI DISCIPLINARVM GENE-
re Scriptorum Auctores varii Chronologi,
Historici,

*PARTIM EDITI NVNC PRIMVM, PARTIM AVCTIO-
res, melioresque facti studio, & opera*

ANDREÆ SCHOTTI ANTVERP.
Societatis IESV.

Tomus IIII.



FRANCOFVRTI

Apud Claudium Marnium & he-
redes Ioan. Aubrii.

ANNO M. DC. VIII.

D. 121
.4
Vol. 4

116236

G. 3.



REVERENDISSIMO

D. JOANNI MIRÆO

ANTVERPIENSIVM EPISCO-

po, FRANC. SCHOTTVS Iuriscons.

S. D.



VI VITAM MORTALIVM
 Peregrinationem appellarunt, Praesul optime, na illi mul-
 tum vidisse censendi sunt: ut qui militiam cum Iob, aut
 vigiliam cum Plinio nominarunt: Sancta nimirum sa-
 cris è litteris sententia utilitatis, consolationisque ple-
 na: quam heroicis illis temporibus Patriarcha peregri-
 nos se, dum in terris degerent, existimantes, liberis suis,
 veluti testamenti iure, transcripserunt.

Vates enim idemq, Rex, Psalmo 38. Aduena, inquit, ego sum, apud te Deus,
 & peregrinus, sicut omnes patres mei. Qui autem peregrinus in viam se dedit, is
 prudenter maturat, amicitias per viam non contrahit: alieno in Solo ac caelo,
 quæ spectat, miratur quidem, sed, quod hinc consequens est, adamare cauet,
 atq, affectare, veritus, ne quò studet in portum patriamq, minime perueniat.
 Igitur reliqua, quæ oneri sint, aut moram iniiciant, ut delicias, ut otium, vitat,
 ne, ut sit, *ἡσυχία* vertat in *ἡσυχία*. Tale huius vitæ curriculum est, ac veluti
 stadium, ut non nisi doctus domū meliorq, viator redeat, vel de via lassus in por-
 tu tandè aliquando cōquiescat. Quod prælarè, ut omnia, Philosophi illi veteres
 naturæ dumtaxat lumine illustrati obseruarunt. Pythagoras enim similem si-
 bi vitam hominum aiebat, & mercatum eum, qui haberetur maximo ludorum
 apparatus totius Græciæ celebritate. Nam ut illic alii corporibus exercitatis
 gloriam & nobilitatem coronæ peterent; alii emendi aut vendendi quæstus & lu-
 cro ducerentur; esset autem quoddam genus eorum, idq, vel maxime ingenuum,
 qui nec plausum nec lucrum quærerent, sed visendi causa venirent, studioseque
 perspicerent, quid ageretur: ita nos, quasi in panegyrim quandam ex urbe ali-
 qua, sic in hanc vitam ex alia vita profectos, alios gloria seruire, alios pecunia;
 raros esse quosdam, qui ceteris omnibus pro nihilo habitis, rerum naturam stu-
 diose intuerentur, & ad ingenium excolendum se compararent, vel ad alios
 docendum se conuerterent. Hos ille Philosophos, hoc est, sapientiæ studiosos no-
 minauit. Idemq, discendi docendiq, studio inflammatus, & Ægyptum lustra-
 uit, & Persarum Magos adiit, tantas regiones Barbarorum pedibus obiit, tot
 maria transiit. Eius quoq, Apollonius Tyaneus auditor quantum terra
 mariq, iactatus fuerit, Philostrati libri testantur. Diuinus adhuc Plato, nonne
 Ægyptum peragrauit, ut à sacerdotibus Barbaris numeros & cœlestia accipe-

ret? post Tarentum ad Archytam, mox ad reliquos Pythagoreos, in his Ty-
maum se contulit, quorum doctrinam Socratis disciplina coniungeret? Hic &
libro Legum duodecimo, in ea, quam formabat, bene constituta Reip. idea, de
peregrinis sic tulit, partim iis, qui hospites peregrinarentur, partim in urbem re-
ciperentur; illos natu grandiores atq; cordatos postulat: cumq; domum longo in-
teruallo redirent, Senatui exponere iubet aliarum gentium instituta, leges ac
ritus; si quid forsitan aut ab aliis didicerint, aut per se ipsi inuenerint. Si melio-
res doctioresq; redierint, magnis honoribus ac laudibus viuos iuxta ac mortuos
affici vult; sin deteriores corruptisque sint moribus, eorum interdicens fam-
iliaritate pronunciat, & si Magistratui morem gesserint, priuatos degere;
sin secus, & leges, institutaque maiorum labefactare tētarint, capite penas dare
iubet. De peregrinis vero in urbem recipiendis quatuor hominum genera sta-
tuit. Primum Mercatorum, qui importandis exportandisque mercibus inui-
gilant, atque animum more lucri studio terra marique ad Indos usque ac Ga-
ramantas penetrant. Eos Plato in urbis pomoeriis habendos, ibidemque ius iis
dicendum censuit, ne, ut fit, cum mercibus, peregrinis etiam moribus, ciues cor-
rumpant delitiisque eneruent. Hinc & Gallorum fortissimos Belgas, & in his
Neruios C. Caesar experimento didicit, quod nihil eorum, quæ ad effeminan-
dos animos pertinerent, importari tum soleat. Alteros, qui studiorum gratia
tantum peregrinantur, in urbem recipiendos putat, ac propter templa diuerso-
ria eis attribuit, quorum sacerdotes ac mystæ curam gerant. Tertiū sunt Legati
atque Oratores, quorum sollicitudinem belli Præfectis mandat. Quartum ge-
nus idque rarius, quos *ἑταίρους* hoc est, Spectatores nominat, & in urbem admit-
tendos negat, nisi se natu maiores sint, & eo plane animo accesserint, ut alio-
rum bene constitutam Rempub. inspiciant. Leges, mores ac caerimonias & co-
gnoscant ipsi & cum aliis communicent. Hæc ferè Plato ab eodemque laudatus
Socrates Atheniensium Orator sic paranesi *Ἰων* hortatur (seu quis
alius auctor, in controuersiam vocantibus Criticis): Turpe videri Mercatores
tot maria lucelli gratia traicere; iuuenes verò, ne terrestre quidem iter, quo mentem
ornatiorem reddant, ingredi velle.

Itaque ne pigeat, monet, vel immensum iter ad eos, qui se, quid utile dictu-
ros, profitentur suscepisse. Quid? Philosophos pene omnes, nonne propter discen-
di cupiditatem ultimas terras peragrasse videmus? ut voluntarium sibi exi-
lium, quo scientiam augerent, indixisse videantur; nec domum prius remeasse,
quam disciplinarum opibus patriam, cui senatos arbitrarentur, exornare pos-
sent. Socrates Academia auctor idcirco mundi se incolam prædicabat, ut Teu-
cer ille Ennianus patriam esse ait vbi bene sit cuique, quemadmodum æra ac ma-
ria auibus, piscibusq; communia existunt. Eius auditor Plato in *Timæo* Gra-
cos grauiter increpat, ut & pueros vocare non dubitet, quod antiquitatis o-
mnis ignari socordia quadam domi desiderent. Hic Plato, Philosophorum Ho-
merus dictus: qui Poetarum facile Coryphaeus *Ὀδυσσεύς* terra marique viginti
annorum *ποσειδῶν* iactatum, *πολύτροπον* ut politicum hominem *Ὀδυσσεύς* exhibet:

Πολῶν δ' αἰθρῶν ἰδὲν, ἄστα καὶ νόον ἔγνω.

Qui mores hominum multorum vidit & vrbes,

Ceteri

Ceteri Philosophi discendi gratia sunt peregrinati, teste Tullio ac Laertio, Xenocrates, Crator, Arcesilas, Lacydes, Zeno, Cleanthes, Chrysippus, Posidonius, Antipater, Carneades, Pæatus, Clitomachus, Philo, Antiochus, innumerabiles alii, qui semel egressi domum, numquam redierunt. Theophrastus vero à diuina nomen Eloquentia sortitus, Aristotelis in schola ^{didicit} & mire laudat, ut idem auctor est Cicero, hospitalitatem ratus decorum videri patere domos hominum illustrium illustribus hospitibus: Reipub. praterea ornamento esse exteros hoc liberalitatis genere non egere. Id quoque Cimonis Atheniensium Ducis in suos curiales Laciadas liberalitate comprobauit.

Verum enim uero Christiani Euangelii luce eruditi longè quam gentes ac Philosophi illi utilius hodie peregrinantur, ut Te omnium, Praesul doctissime, minimè fugit: partim qui sacra loca religiose frequentant, ut Palestinam B. Hieronymus iuxta Domum praesepe impressaque à Christo vestigia: partim qui Academias obeunt, ac Bibliothecas inspiciunt, tanquam in scientiarum mercatum profecti, in patriam tandem doctiores melioresque reuertunt, sic & frater meus ANDREAS, rei gerundae gratia olim à parente Franc. Schotto CL. V. in Hispaniam missus, turbante bello civili Belgio, viginti ipsos annos, quot Ulysses, peregrinatus est, patria sponte carens, Hispania atque Italiae gymnasia sic obiuit, ut & doctoris personam de superiore identidem sustineret. Bibliothecas etiam scrutando, quae adhuc ineditae laterent, inuestigauit. Doctissimis adhuc hominibus familiariter usus, ut non nisi doctior, ab eorum latere discederet: in his Ant. Augustino, Ant. (ouarrunna, Garsia Loaysa, Aluaro Gometio, ac Pet. Joan. Nannesio. De societate vero Ioan. Mariana ac Petro Ribadeneyra per familiaris, hominum doctissimorum pietate inuitatus, votique reus, post aggregari sociis voluit, degitque benemerendi studio, iuuandique cupiditate flagrans. Testes sunt in lucem haecenus edita monumenta: Senecæ Rhetoris Suasoriae & Controuersiae, prodigiose usque eo deprauate, ut ab iis legendis plerique haecenus refugerint. Testes Vitae comparatae Aristotelis ac Demosthenis aequalium, per olympiadas atque archontas: nuper etiam Photii Bibliotheca graece Augusta Vindelitorum excusa, quam etiam Latine redditam transcripsit. Adhuc ne immemor & ingratus erga fberos, quib. multum & vellet & deberet, videretur, quemadmodum Cicero T. Attico promiserat, editurum se aliquando peregrinationis suae fructum, sic hoc egit frater, ut Hispanicarum rerum Scriptores Latinos colligeret, atque uno veluti fasce colligaret: quorum Tomus hic quartus est, quem Tibi libens volensque Episcopo meritissimo, veluti coetum Episcoporum plurimorum adhuc diem trans Pyrenaeos nondum visorum, offerri per me voluit.

Agmen, ducet Lucae Tudenis Episcopi Chronicon, typis antea numquam euulgatum. Hunc sequitur Victor Tununensis in Africa Praesul & Ioan. Scalbitanus Gerundenis Ecclesiae à Biclariensi Abbate Episcopus: mox & Idacius seu potius Ithacius: qui fere omnes Chronologiam Eusebii ad sua usque tempora perduxerunt, haecenus vel inediti, vel certe sic deprauati, nihil ut sanum apparet. His B. Eulogius Cordubensis Episc. De certaminibus Martyrum in Hispania accessit ab Ambrosio Morali Cordubensi Notis egregie illustratus. Insi-

P R Æ F A T I O.

gnem vero Episcoporum hūc gregem excipiet Hispania Chorographia Ludovici
Nonii Medici Antuerpiani: Bibliotheca quoque triplex Clarorum Hispania
Scriptorum, praesertim Theologorum. Quem quidem fratris mei colligendi indu-
striam, atque edolando laborem Ecclesiae Dei, ut opto & spero, profuturum
equi boni ut facias, Praesul optime, benigneque suscipias, etiam atq;
etiam oramus obtestamurque. Sic Te DEVS OPT. MAX. Eccle-
sia sponsa in Belgio nostro fatali bello afflictā diutissi-
me seruet incolumem. Antuerpia Kal.

Martii MD. LXXVII.

CATALOGVS AVCTORVM,

QVORVM OPERA IN HOC IV. TOMO RE-
rum Hispanicarum continentur.

- | | | |
|-----|---|-----------|
| I | L V C A E Diaconi T V D E N S I S Chronicon mundi
ab origine mundi vsque ad Eram MCCLXXIV. | pag. 1. |
| II | V I C T O R I S Episcopi T V N N V N E N S I S Chronicon
à XIIIX consulatu Theodosii Iunioris vsque ad annum à nato Chri-
sto DLXIII. | pag. 117. |
| III | I O A N N I S Abbatis B I C L A R E N S I S Chronicon
ab initio regni Iustini Iunioris vsque ad annum VIIII Mauriti Imp. | pag. 152. |
| IV | I D A C I I Chronographia
à primo rege Assyriorum Nino vsque ad annum II Anthemii. | pag. 160. |
| V | E V L O G I I martyris opera, eiusdemque vita &c. omnia cum scholiis
Ambrosii Moralis | pag. 213. |
| VI | L V D O V I C I N O N I I Hispania, siue Populorum, Urbium, Insula-
rum, ac Fluminum in ea accuratior Descriptio | pag. 373. |

L V-





LVCÆ DIACONI PRÆFA-
TIO IN HISTORIAM SEV CHRONICAM
BEATI ISIDORI ARCHIEPISCOPI
HISPALENSIS.



EAT IT VDO potentię temporalis tunc in vero esse dispo-
nitur, quando per bona temporalia ad æternam beatitu-
dinem homo perducitur. Nam sicut Rex regum dominus
Iesus Christus testatur, nihil prodest homini si vniuersum
mundum lucretur, animę verò suę detrimentum pariat? Omnis quidem potestas bona, quia vt ait Apostolus ex
Deo est: & fidelibus præcipit, potestatibus sublimioribus
subiici, siue Regi quasi præcellenti, siue ducibus tanquam
ab eo missis. Rex dicitur à regendo, quod se & alios bene
regat. cui specialius quinque sunt necessaria. Primò vi-
delicet creatorem & Regem suum, patrem & filium & spi-
ritum sanctum vnum verum Deum in vnitae substantiæ

& in trinitate personarum agnoscere. Secundò fidem catholicam moribus & verbis
confiteri. Tertiò regnum in pace omnimode conseruare. Quartò sine acceptione
personarum vnicuique iustitiam exhibere. Quintò verò hostes viriliter contemptis
30 cunctis laboribus expugnare. Princeps enim delicatus potius flectitur ad carnis ludi-
bria peragenda, quam ad hostium obstinatum fortitudinem feriendam. Princeps de-
licatus vino madet, lenitur blanditiis meretricum, dissoluitur luxuria, & susurronibus
libenter apponit aurem. De primis duobus sacra scriptura dicit, quod vinum & mu-
lieres apostatare faciunt sapientem. De tertio dicit beatus Isidorus, quod luxuria corpus
debilitat, debilitatum autem citius ducit ad senectutem, de senectute ad mortem, de
morte ad æternam damnationem. De quarto verò diuina sapientia dicit: quod prin-
ceps qui libenter audit verba susurri, omnes ministros habet impios. Sed auferatur su-
furro & cessabit perturbatio. De principe autem quem præcedit sapientia, roborat
fortitudo, consilium firmat, & illum non rapit leuitas vel audacia, nec ira furere facit,
40 loquitur sacra scriptura dicens: Rex qui sedet in solio iudicii intuitu suo dissipat omne
malum. Semper sollicitatur Princeps sapiens, ne suis excessibus in temporalibus aut
spiritualibus patiat populus sibi subditus detrimentum. Nam plerumq; pro peccatis
Principum ira Dei in populos incandescit: & quotquot eius culpa dilapsi sunt in pec-
catum, de illis Deo redditurus est rationem. Hoc etiam considerat Rex honestus, vt
quidquid egerit siue bonum siue malum, eo quod scripturæ perpetuo commendetur,
ab hominum memoria non recedat. Probitas nomen in se nõ patitur offuscari, ne à no-
bilibus patrum actibus merito degener habeatur. Moribus probitatum se probat esse
de genere illorum Principum, per quos fortis & clemens victoria facta est in populis
orbis terræ. Plerumq; caloris & frigoris intemperiem, sitim patitur & esuriem, vt popu-
50 los sibi subditos gloriosius valeat gubernare. Cauet ne ad ipsum sententia flectatur, qua
dicitur: Væ terræ cuius Rex puer est, & cuius Principes mane comedunt. Illam autem
in se desiderat experiri: Beata terra, cuius Rex sapiens est, & cuius Principes vescuntur
tempore suo. Astrictis præceptis gloriosissimæ ac prudentissimæ Hispaniarum Reginæ
dominæ Berengariæ, quæ vt chronicorum libros à beato Isidoro & à quibusdam aliis
peritis de historia Regum Hispanorum & quorundam aliorum editos sibi scriberem
imperauit, hanc præmissi præfationem, vt prima fronte voluminis discant Principes
præclaro negotio sanguine generosi non minus sapienter & clementer, quam in ma-
nu valida regna sibi subdita gubernare. Tunc enim iuris ordo seruator, cum magis ex
æquitate quam ex potestate in regimine proceditur subditorum.

Regibus.

DONIS affluens propriis patria Hispanorum, etiam multorum privilegiorum prærogativas inter primas mundi provincias à domino meruit insigniri. Hæc patria aeris salubritate, soli fecunditate, animalium vbertate, fontium, fluminum, & piscium copia, arborum amoenitate, & fere cunctarum rerum ad usus utilitatis & delectationis hominum pertinentium sufficientissime dignoscitur abundare. Inter ipsas delicias confert diuitias † rebus, eo quod serico, argento & auro purissimo præfulgeat. Inter cæteras regiones excellit orbem vniuersum aibus siluestribus domesticis, & c. 10
 quis pulcherrimis & fortissimis, agilitate mirabili velocissimis, ut bellicosis militibus in aliquo non desit materia viriliter decertandi. Exceptis omnibus his temporalibus bonis omnipotens Deus in tantum Hispaniam cælestibus ditauit donis, ut protomartyris Apostolorum Iacobi corpus sibi transmitteret perpetuo in carne amplectendum, & doctorem gentium Paulum illi contulit specialius in spiritu venerandū. Etenim cum Romanis idem Apostolus scriberet, dixit se per eos transitum facturum, & venturum ad Hispanias. Quod utrum in corpore venerit, licet quædam scripta, quæ videntur authentica, eum testentur venisse corporaliter, nos tamen ignoramus. Firmiter credimus eum promissum suum etsi non in corpore tamen in spiritu compleuisse: quia veritatis Apostolus mentiri non potuit. Teneat ergo Roma corpus Apostoli Pauli, & Hispania 20
 quadā prærogatiua, eius spiritus patrociniis se perfrui gloriatur. Accedit ad Hispaniam antonomasie decorandam, quod illos duos insignes martyres & Leuitas, scil. Laurentiū & Vincentiū genuit: quorum fama & sanctitate ubiq; ecclesia Christi roboratur. Quæ patria vel quæ ciuitas ut Legio vrbs Hispaniæ tale quid protulit, quam Christi martyre Marcellum centurionem cum beatissima vxore Nona & duodecim filiis centurionibus & Christi martyribus edidit: quorum sanguine & fide plebs catholica roboratur. Nomina eorū hæc sunt, Claudius, Lupercus, Victorius, Faundus, Primitius, Emerterius, Celedonius, Seruandus, Germanus, Faustus, Ianuarius, & Martialis. Ut autem ad præsens omitam infinitam aliorum sanctorum multitudinem, quorum martyrio & doctrina Hispania fulget: veniam ad Seuerianum Carthaginensem Ducem, qui de v- 30
 xore Theodora illos tres doctores inclytos Leandrum scilicet Archiepiscopum Hispanensem & Isidorum archipræsulem ambos primates Hispaniæ, atq; Fulgentium episcopum omnes Christi confessores, filios meruit obtinere. Augent & laudes Christi virgo Florentina religiosarum Abbatissa, & Theodosia gloriosa Regina: quæ sanctorum horum doctorum utroq; parente sorores fuerunt. Quales hi doctores fuerint, eorum florigeris libris & beneficiis orbis experitur quotidie vniuersus. Laudabilis est inter sacras virgines illa sanctissima Florentina: sed dignis præconiis efferenda est gloriosa Theodosia. Etenim ipsa in sanctissimo Hermegillo Rege & Martyre filio suo acerrimam mentis pertulit passionem, quamvis ecclesia multos meliores martyres veneretur. Laurentium tamen & Vincentium excellenter inter ceteros colit: & nusquam reperi- 40
 tur tantus pater, qui cum tantis filiis numero & genere ut Marcellus, ad palmam martyrii perueniret. Similiter Seueriano non legitur similis pater, qui tantorum trium doctorum, & tantarum duarum filiarum filiali contubernio frueretur. Extollit etiam Hispaniam sanctissimus ille Romanus Papa Damasus natione Hispanus: qui præ cæteris virtutum operibus, ecclesiam Apostolorum principis Petri opere miro fundauit Romæ: & ex diuersis mundi partibus multa sanctorum corpora detulit ad eandem urbem gloriosius decorandam. Gloriosus Toletanus archipræsul & Hispaniarum primas Illesonsus beatorum Leandri & Eugenii consanguineus, Hispaniam laudabilem reddit: qui viuens in corpore pallio cælesti à Regina cælorum Dei genetrice Maria meruit insigniri. Beatissimus quoque Froilanus Legionensis episco- 50
 pus, super quem Spiritus sanctus in specie columbæ descendit: cuius & labia immixti ardentibus prunis non æstuarunt. Innumerabiles quidem sunt sancti in sanctissima patria procreati: ut sunt Vincentius, Sabina, Christeta, Felix, Fructuosus, Eulalia, Marina, Euphemia, & alii plures, quorum si voluero nomina tradere scriptis, facilius me tempus quam copia deseret: sed prætermittendi non sunt sanctissimi Dominicus, & Antonius, qui Apostolorum opera nostris temporibus adauxerunt. Dominicus sanctissimus ordinem Prædicatorum instituit sancto Spiritu suggerente: & Antonius beatissimo patri Francisco in ordine pauperum beatorum, sanctitate successit primus. Sanctus etiam Dominicus Cluniacensis ordinis Abbas de Silos in liberandis de carcere Sarrace-

Sarracenorum, captiuis gloriam præ cæteris sanctis reportare videtur. Quid de venerabili Martino Legionensi presbytero sentiendum? qui tantam à domino precibus in diuinis scripturis prærogatiuam obtinuit, vt in expositione scripturarum sanctissimis primis doctoribus merito valeat adæquari. Antiquitate præterea philosophorum fulget Hispania, eo quod genuit Aristotelem summum philosophum nobilem inuestigatorem astrorum, & Senecam facundissimum atq; Lucanum historiographum & poetam clarissimum. Inter quos Isidorus præminet gloriosus cui mortalium nullus in varietate scientiarum potest recto iudicio adæquari. Lucium quoque consulem, Neruam & Traianum Hispania Romæ dedit imperatores strenuos: qui remp. admodum augmentarunt, licet persecutione dira Christianos fuerint persecuti. Theodosium etiam christianissimum Imperatorem Hispania genuit, qui decorauit Romanum imperium legibus æquitatis. Hos præscriptos viros & innumerabiles alios laudum titulis dignos Hispania genuit: vt habeat præclara Gotthorum posteritas, quos merito debeat imitari. Habent Hispani martyres & confessores inter sanctos sanctissimos: habent doctores inter doctos doctissimos: habent mundi sapientes inter cæteros peritos sapientissimos: habent & milites strenuos inter cæteros milites mundi præcipue animosos. Quorum animositas & audacia tam feruida est, vt non solum illos, verum etiam patriam nonnunquam in periculum ducat. Sunt & post triumphos valde clementes: qui vt virtuosus permaneat, Principe indigent sapiente. Nam quis poterit mortalium tantæ virtutis resistere viris, si sapientia non præueniat illos. De iis quidam sapiens eorum mores subtiliter considerans dicit: expertus est belli, promptus, victisque benignus, impatiens, fortis, audax, dans vulnera mortis. Pertulit ingenio gaudens in munere dando. O quam exactus debet esse, qui fortibus & sapientibus dominatur. O quam beatus & gloriosus est princeps, qui habet huiusmodi populos regere: dummodo ipse sapientia gubernetur, & suorum consilio sapientium perfruatur: Nihil enim deest illi, eo quod habeat sanctissimos Apostolos, martyres fortissimos, & doctores doctissimos, per quos sanctam fidem accepit catholicam. Non enim in fide mutare potest, quia non per qualescumque viles & rudes personas, sed per sanctissimas & generoso sanguine nobilissimas Dei leges accepit. Imitetur eos igitur fide, sanctitate sequatur, & eorum prudentia decoretur, quorum natalibus generoso sanguine sociatur. Habet & Hispaniæ Princeps viros consilii, quos natura sapientia fecit insignes. habet, vt dictum est, milites bellicosos, & etiam pedites agiles & animosos, cum quibus potest bellorum fortia exercere & muros ferreos penetrare. Habet præterea patriam fertilem & ditissimam: quæ suis consuevit abundanter & delitiose temporalia bona conferre. De diuitiis Hispaniæ in libro Macchabæorum meminit diuina scriptura dicens, quod Romani obtinuerunt metalla auri & argenti eius, sapientia sua. Hæc patria ab, is, quod est vnum, vel solum, &, pan, quod est totum, &, ia, quod est stella, quasi sola tota stella dicitur Hispania: quia specialius præ cæteris prouinciis propriis bonis abundat. Dicitur & ab Ibero flumine Iberia, & ab Hespero occidentis stella Hesperia: quia sicut hæc stella in occiduo climate fulget inter sidera, sic Hispania situ in successum transmissa non est in vltimis regionibus vltima, sed in primis prima. Præfulget etiam omnimoda libertate Hispania, cum in agendis causis ciuilibus propriis vtitur legibus: & Hispanorum Rex nulli subditur imperio temporali. Et quia duo sunt extrema scilicet paradysus & Hispania, quadam affinitate delitiosa alludunt sibi. De hac quidam minus sapienter scribentes, propter oppositionem orientis dixerunt, eam esse frigidam & siccam, non attendentes quod sicut oriens sita est iuxta torridam zonam, vnde orientis qualitatibus esse probatur. Igitur Rex & populi qui tanta bona specialia à domino acceperunt, indefinenter illi specialius gratias referant, & fortiter & sapienter collata beneficia custodiant. Hoc reducant frequenter ad cor: quia cum difficultate custoditur, quod à multis diligitur: & illius bona latrones latenter surripere moluntur, quem non valent nudare suis spoliis violenter. Nos verò ad libros chronicorum à doctore Hispaniarum Isidoro editos manum mittimus, secundum etiam quosdam alios Hispanorum Regum & aliorum quorundam seriem prosequendo præceptis gloriosissimæ Hispaniarum Reginæ dominæ Berengariæ omni desiderio desiderantes fideliter satisfacere. Ipsa enim, cuius catholicis præceptis non licet nec libet resistere, mihi Lucæ indigno diacono, vt hoc perficerem, imperauit. Chronica antiqua series interpretatur: & dicitur à, chronos, quod est tempus, vel sene, siue longum. & scriptis continet opera nobilium homi-

num, ne more labentium aquarum, ab humanis mentibus dilabantur. Tamen sciendum quod in hac chronica ille annorum numerus non seruatur, qui in libro Genesis continetur. Moyses namque magis successiones generationum, quam annorum seriem studuit ordinare: maxime dum sacra scriptura illud quemlibet asserat vivere, quod bene ac sancte vixit: reliquum verò tempus vitae, quo non bene viuitur, potius est mori quam vivere. Quapropter Moyses centum annos filuit, quibus Adam Abel mortuum luxit, & Euam cognoscere noluit. Et Saul duobus annis legitur regnasse, eo quod illis tantum bene rexerit: cum aliis pluribus annis regnum indigne tenuerit. Isidorus autem plus est in hoc opere in annorum seriem ordinandam secutus septuaginta interpretes, & quosdam alios, qui magis annorum numerum sunt secuti. Perutilis est hic liber in scripturis sacris, quia quantitatem annorum ab exordio mundi vsque ad Christum lucide manifestat. Quædam, quæ in sacris historiis deesse videntur, supplet: & seculi ætates ostendit manifesta præuia ratione.

INCIPIT

INCIPIT CHRONICA BEATI ISIDORI ARCHIEPISCOPI HISPALENSIS.

Prologus.

BREVEM temporum annotationem per generationes & regna primus ex nostris Iulius Africanus sub Imperatore Marco Aurelio Antonino simplici historiæ stylo elicuit. Dehinc Eusebius Cæsariensis episcopus, atq; sanctæ memorię Hieronymus presbyter chronicorum multiplicem historiam ediderunt regnis simul ac temporibus ordinatam. Post hos autem alii atq; alii, inter quos præcipue Victor ecclesiæ Tunnensis episcopus recensitis prædictorū historiis gesta sequentium ætatum vsq; ad cōsulatum Iustiniani iunioris expleuit. Horum nos & quorundam aliorum historiographorum summam temporum ab exordio mundi vsq; ad Augusti Heraclii & Sisebuti vel scintillam Hispaniæ Regum tempora compendiosa breuitate notauimus, adiicientes è latere descendente lineam temporum: cuius indicio summa præteriti seculi cognoscatur.

Prima ætas seculi.

SEX diebus rerum omnium creaturas Deus formauit. Primo diē condidit Deus lucem & omnem angelicam creaturam. Secundo diē condidit firmamentum: quod quam primum fuit factum, statim sanctis angelis est decoratum, superbis angelis in hunc aerem caliginosum expulsis. Firmamentum in medio aquarum Deus fecit: & quandam exteriorem mundi superficiem ex aquis congelatis disposuit ad instar crystalli solidatam & lucidam, intra se cætera sensibilia continentem: & in firmamento postea sidera fecit. Tertia diē congregauit Deus aquas inferiores in vnum locū, id est, in viscerib. terræ, & apparuit arida; quæ terra dicitur quia pedibus teritur. Quarta diē fecit Deus solem & lunam & sidera. Quinta diē fecit pisces & volucres de aqua. Sexto diē fecit bestias & iumenta. Et tunc omnibus valde bene dispositis ad imaginem & similitudinem suam de limo terræ formauit Adam: cui animam creatam de nihilo inspirauit. Extra paradysum factus fuit: & ad paradysum colonus deductus. Vltimus omnium creaturarum factus, vt statim inueniret omnia inferiora perfecta, quibus præesset. Hora prima diei fuit factus, hora tertia in paradysum deductus, hora sexta seductus, hora nona à paradiso expulsus. Septima diē Deus cuncta quæ fecerat, benedixit: & diē ipsam sabbathum, id est, requiem vocauit.

Præmissis quinq; dieb. in sexto diē Adā formatus est: qui vixit annis **DCCCC. XXX.** Anni ab orbe c.

435.	Adam annorum c c x x x. genuit Seth.
625.	Seth annorum c c v. genuit Enos.
	Enos annorum c x c. genuit Cainam.
	Cainam annorum c l x x. genuit Malaleel.
	Malaleel annorum c l x v. genuit Iared.
	Iared annorum c l x i i. genuit Enoch.
	Enoch annorum c l x v. genuit Mathusalem.
	Mathusalem annorum c l x v i i. genuit Lamech.
	Lamech annorum c l x x x v i i. genuit Noe.
2242.	Noe anno sexcentesimo factum est diluuium.

Adam extra paradysum anno quintodecimo, ex quo factus est, genuit Caim & sororem eius Calmana. Licet vnus diei fuerit Adam cum esset in paradiso, triginta tamen annorum habuit perfectionem: & virgo exiit de paradiso. Post quindecim annos alios genuit Abel, qui interpretatur nihil, luctus, vel vapor, & sororem eius Delboram,

Præterea plures alios filios & filias fertur Adam genuisse. Caim qui interpretatur possessio, spicas attritas & corrosas secus viam, ductus auaritia obtulit Deo: & dominus munera eius non respexit; siue quia prius comedebat, deinde offerebat placens sibi plus quam Deo. Abel de pinguioribus gregis primogenita obtulit: & ignis de cælo oblationem eius intendit. Quare iratus Caim Abel interfecit: & dominus in Caim signū, hoc est, tremorem capitis posuit. Tunc egressus Caim à facie domini habitauit ad orientalem plagam Edem, hoc est, deliciarum cum vxore sua Calmana, ex qua genuit Enoch, & quia latrociniis & rapacitatibus insistebat, primus ciuitatem condidit, & Enoch vocauit, & multitudine suæ posteritatis impleuit. Enoch genuit Irad, qui Mauiael, qui Mathusale, qui Lamech. Qui septimus ab Adam, primus contra instituta Dei 10 bigamiam induxit. Genuitque ex Oda label qui adinuenit portatilia pastorum tentoria, & greges characteribus distinxit. Nomen fratris eius Tubal, qui fuit inuentor musicæ. Ex Sellagenuit Tubalcain qui ferrariam artem primus inuenit, bella concitauit, sculpturas operum in metallis fabricauit. Prænominatus Tubal malleorum eius sonitulelectatus ex proportionibus & consonantiis eorum, musicam excogitauit. Tubalcain etiam, cum frutices in pascuis incendiisset, venæ metallorum fluxerunt in riuulos: & sublata laminæ figuras locorum, in quibus iacuerant, referebant: vnde in metallis sculpere adinuenit. Soror etiam eius Noema variæ texturæ artem inuenit. Lamech autem vir sagittarius fuit: & Dei nutu oculorum caliginem incurrit. qui habens adolescentem ducem, dum exercet venationem, interfecit Cain inter fruteta existi- 20 mans esse ferā, quem quia ad indicium adolescentis sagittam dirigens interfecit, dum factum comperit, adolescentem arcu verberando occidit.

Adam autem dolens quia Cain Abel interfecit, vxorem suam proposuit non cognoscere: & iuxta Hebron in loco, qui vallis lachrymarum dicitur, Abel filium suum luxit, & centum annis à toro coniugali abstinuit. Admonitus autem à Deo per Angelum, vt suscitaretur semen iustum, quod est stirps filiorum Dei, cum esset ducentorum triginta annorum genuit Seth, qui pro Abel natus est, interpretaturque resurrectio. Seth annorum ccv. genuit Enos, qui caput inuocare nomen domini, verba deprecatoria componendo. Enos annorum cxc. genuit Cainam, qui interpretatur natura Dei. Cainam genuit Malaleel, qui interpretatur plantatio Dei, Malaleel genuit Iared, qui 30 interpretatur descendens siue roborans. Iared genuit Enoch, qui translatus est à Deo in paradysum voluptatis, vt in fine temporum cum Elia conuertat corda patrum in filios quique pugnabunt cum Antichristo. Iste Enoch nonnulla scripsisse fertur sapienter: sed antiquitate suspectæ fidei à Patribus refutata sunt. Enoch genuit Mathusalem qui iuxta annorum seriem vixisse quatuordecim annis post diluuium reperitur. Sed non legitur fuisse in arca: propter quod nonnulli cum patre suo Enoch, qui translatus fuerat, aliquantulum fuisse, donec diluuium præteriret, falsa opinione existimant. Hac generatione concupierunt filii Dei filias hominū, id est, filii Seth filias Cain. Mathusalem vixit † DCCCC LXXIX annis, & eodem anno mortuus est, quo diluuium 40 fuit. Mathusalem genuit Samech. hac generatione gigantes nati sunt. Tunc temporis cæperunt mala multiplicari in terra. Nam filii Adæ, qui boni extiterant vsque ad septimam generationem, contemnentes præcepta Adæ & patrum suorum paulatim ad mala corruere cæperunt. Etenim Adam viuens prohibuerat, ne miscerentur filii Seth cum filiabus Cain. Mortuo autem Adam Seth separauit cognationem suam à cognatione Cain, qui redierat ad natale solum. & habitauit Seth in quodam monte proximo paradiso. Cain habitauit in campo, vbi fratrem occiderat, & exarserunt filii Cain in alterutrum coeuntes: & abutebantur fratrum suorum vxoribus. Mulieres etiam in vxoriam versæ supergressæ viris abutebantur. Filii autem Seth reuer- tentes ad natale solum corruerunt filias Cain, eo quod sibi pulchræ videbantur: & ex eorum copula orti sunt gigantes. Incubi etiam dæmones cum mulieribus concubere 50 videbantur, quod vere non poterat esse sed delusue. Lamech genuit Noe, qui requies interpretatur. Iste coram Deo ambulabat, & detestabatur mala facta hominum. Noe cum esset quingentorum annorū genuit Sem, Cham & Iaphet. Vigesimo autem anno antequā quingentesimū expleret, fecit iuxta præceptū domini arcā de lignis læuigatis, id est, quadratis & bituminatis lōgitudine trecentorū cubitorū, latitudine triginta. Hi cubiti geometrici intelligendi sunt: alioqui tāta capere non valeret. Continet enim cubitus geometricus sex nostros, vel secundum quosdam nouem. Erat arca superius angusta in cubito consummata, inferius vero ampla quandam habens rotunditatem ad modum sentinæ naui. Habuit quinque cámaras, quarum inferior quadratura areæ

aræ erat vna ftercoraria, & altera apothecaria. deinde vna mirium animalium, altera immitium, media vero, quæ superior, hominum erat & auium. Illa tantum animalia in ea sunt intelligenda fuisse, quæ in aquis viuere non possunt, & quæ de corruptionibus non nascuntur, vt muscæ, apes, & quædam alia. Per centum annos continuos Noe construxit aream.

Tunc homines perpendentes quod aqua vel igne perire poterant, studia sua conscribere in duabus columnis, altera marmorea, altera lateritia: quarum altera non dilueretur diluuium, altera non dissolueretur incendio. Iubal frater Tubalcain huius operis existente magistro: quia audierat Adam prophetasse de duobus periculis aquæ videlicet & ignis, quæ ventura erant super omnem carnem. Quarum lapidea columna fertur diluuium euasisse, & hætenus in Syria permanere. Prima, quæ nunc dies Dominica dicitur, ingressus Noe in arcam. Seorsum viros seorsum mulieres Deus in ingressu nominauit, vt tempore pœnitentiæ ostenderet, esse vacandum ab amplexu carnis. Centum quinquaginta diebus creuerunt aquæ, & eleuata est arca super omnes montes quindecim cubitis: vt ablueret aqua sordes aeris, vsque quo ascenderant praua opera hominum, de quorum sacrilegiis aer fuerat maculatus. Vsque ad eundem locum ignis ascendet in die Iudicii vt purgetur aer à vapore ascendente de sacrificiis idolorum. Per annum fuit Noe in arca lumen recipiens per cristallinam fenestram: & egressus est anno reuoluto, eo die & mense quo est ingressus scilicet Maio. Resedit arca super Armeniæ montem, qui Barim dicitur; vbi vsque hodie lignorum illius reliquiæ demonstrantur.

Secunda ætas seculi.

SECVNDA ætas, quam per generationes dicimus currere, vnā minus habet secundum codices Hebræos: quæ hic ponitur, id est, illum qui dicitur Cainan; quam tamen generationem & septuaginta interpretes memorant, & euangelium secundum Lucam confirmat. Hæ autem duæ ætates seculi, id est, ante vna & secunda post diluuium, ideo nullam habent difficultatem in peruentione annorum, quia directis generationum lineis currunt, & vnus ex altero propagatur.

Sem anno secundo post diluuium genuit Arphaxad.

Anni ab orbe c. Arphaxad annorum cxxxv. genuit Cainan.

1277.

Cainan annorum cxxx. genuit Sala.

Sala annorum cxxx. genuit Heber.

Heber annorum cxxxiv. genuit Phaleg.

Phaleg annorum cxxx. genuit Ragau.

Ragau annorum cxxxii. genuit Seruch.

Seruch annorum cxxx. genuit Nachor.

Nachor annorum lxxix. genuit Thare.

Thare annorum lxx. genuit Abraham.

Sem anno secundo post diluuium genuit Arphaxad: à quo gens Chaldæorum exorta est. Iste Sem fertur fuisse Melchisedech, qui primus post diluuium condidit urbem Salem, quæ nunc vocatur Ierusalem. De tribus filiis Noe, id est, Sem, Cham, & Iaphet exortæ fuerunt septuaginta duæ gentes. De Iaphet quindecim, de Cham triginta, de Sem viginti septem. Filii Sem Asiam inhabitauerunt: sed filii Cham quandam Asiæ partem violenter occupauerunt: atque Salem capientes expulsis filiis Sem & Iebusæis Iebusalem eam vocauerunt. Filii Iaphet Europam sortiti sunt: filii autem Cham Africam tenuerunt. Natus est Noe filius post diluuium, quem Ionitum vocauit. Dedit Noe Ionito donationem benedictionis, & dimisit eum in terram Etham. Et intrauit eam Ionitus vsque ad mare, quod Helioscora dicitur, id est, solis regio. Hic accepit à Deo donum sapientiæ, & multa sapienter adinuenit: atque quosdam futuros euentus rerum præuidit: cuius generatio permixtim cum filiis Sem habitauit. Arphaxad filius Sem genuit Sala à quo antiqui Salamitæ vel Medi orti sunt. Salā genuit Heber, à quo Hebræi nuncupati sunt. Heber genuit Phaleg, cuius tempore turris Babel ædificata est, factaque linguarum diuisio, & multi dii adorari cœperunt. Nam alii colebāt ignē, alii aquā, alii solē, & sic de aliis elemētis: vnde Phaleg diuisio interpretatur. Impleti sunt dies Noe nongētis quinquaginta tribus annis, & mortuus est. Nemo putet falsa quæ de antiquorū lōgæuitate scripta sunt: quia propter inueniēdas virtutes & gloriosas scientiarū vtilitates, atq; astrologiā & geometriā Deus eis amplius viuēdi spatiū

condonauit: quæ aliter differere non potuissent, nisi quingentos triginta uiuerent annos: per tot enim annorum curricula magnus annus impletur. Postea vero annorum numerus in vita hominum extitit diminutus: & terra non fuit adeo fertilis post diluuium sicut fuerat ante.

Nembrot autem ex patre veniens de Cham & ex matre Cibelne de Irom filio Sem gigas fortissimus: cuius erat statura altitudinis decem cubitorum, venit ad Ionitum, & eruditus est ab eo in multis: & doctus de ortu quatuor futurorum regnorum, & casu eorum per successionem quod primi regnarent de Cham, deinde de Sem, vnde Persæ, tertio de eodem Sem & Iaphet, vnde Græci, quarto de Iaphet, à quo Romani. Fuit autem Nembrot potens in terra, & robustus venator hominum coram domino, id est, extingtor & oppressor amore dominandi. Hic transiit ad Chaldæos, & docuit eos ignem colere: & sollicitabat genus suum de Sem, vt imperaret aliis quasi primogenitus. Qui cum nollent acquiescere, cepit eos sollicitare de timore diluuii, ne iterum inundaret & disperderet eos. Transiit autem Nembrot ad filios Cham & regnauit inter eos. Huius exemplo cepit regnare Iectan super filios Sem, & Suphene super filios Iaphet. Tunc consilio Nembrot conuenerunt prædicti duces in campum Sennaar: & timentes diluuium cæperunt ædificare turrin, quæ pertingeret vsq; ad cælos, habentes lateres coctos pro saxis & bitumen pro cæmento. Hoc autem bitumen, vt fertur, non nisi sanguine menstruo dissoluitur postquam fuit desiccatum. Hæc turris altitudine tenere duo millia sexcentos triginta tres passus dicitur: cuius latitudo tanta est, vt prope eam aspicientibus altitudo longe minor videretur. Describunt ibi templa marmorea fuisse lapidibus pretiosis auroq; distincta, & multa alia quæ videntur incredibilia. Dominus autem descendit, & linguas eorum in septuaginta duas loquelas diuisit, ita vt nō intelligeret quisq; proximum suum: & cōstruere cessauerūt. Nembrot verò expulit filios Sem & filios Iaphet à turri calliditate quadam, & Babyloniam condidit, & regnum suum super filios Cham firmavit: & postea ad Persas migravit, eosq; ignem colere docuit. Assur autem filius Sem ad Chaldæos venit, & purpuram, vnguenta criniū & corporum bene fragrantia reperit: à quo Chaldæa Assyria dicta est: & Assyriorum regnū inde exortum est. quod tempore Seruch proauī Abrahæ factum est.

Phaleg genuit Ragau. Ragau genuit Seruch. Hoc tempore Belus Nembrotites Rex Babylonis (quia fuit alter Belus Rex Græciæ) intrauit Assyriam, sed parum in ea obtinuit. Eo tempore Scytharum regnum exortum est: vbi primus regnauit Tanaus, & post eum Ninus. Seruch genuit Nachor. Ægyptiorum regnum sumit principium, vbi primus regnauit Zoes qui & Mineus. Nachor genuit Thare: sub quo regnū Assyriorum ampliatur regnante Nino: quia primus in Assyriis regnauit Belus, quem quidam Saturnum existimant. Ea quoq; ætate Sicyoniorum regnū exoritur: vbi primus regnauit Ægialeus: à quo Ægialea nuncupata est, quæ hæctenus Peloponesus vocatur. Et sic quatuor principalia regna per idem tempus exorta sunt: Assyriorum ab oriente, Scytharum ab Aquilone, Ægyptiorum à meridie, Sicyoniorū ab occidente. Eo tempore Ninus filius Beli post mortem patris primus bella campalia instituit, & armorum multa instrumenta inuenit, & auxiliante vxore sua Semiramide, quæ in multis sapientissima videbatur, totam Assyriam obtinuit: & ciuitatem in ea, in qua caput regni erat itinere dierū trium ampliavit, & à suo nomine Niniuem nuncupauit. Tum Cham qui Zoroastes filius Noe magicam artem reperit: & septem liberales artes in quatuordecim columnis scripsit, scilicet in septem æneis & septem lateritiis cōtra diluuium & contra ignem. Ninus autem pugnando Cham Regem Bactrianorū vicit & occidit, & libros eius combussit. Eo quoq; tempore muri Babylonix à Semiramide Regina Assyriorum fortissimo & mirabili opere reædificantur. Hæc primo femoralia, id est, bracas inuenit, ne denudatio Noe in opprobrium succederet filiorum. Ninus etiam idola primo inuenit sic. Mortuo Belo Ninus in solatium doloris imaginem patris fecit fieri: cui tantam exhibebat reuerentiam, vt quibuslibet reis parceret, qui confugissent ad eam. Proinde homines de regno eius honores diuinos imagini cæperunt impendere. Maligni etiam spiritus quasdam delusiones circa imaginem faciebant: vnde cæcata mente miseri mirabantur. Huius exemplo plurimi caris suis mortuis imagines dedicauerunt: & sicut ab idolo Beli cætera traxerunt originem, sic & ab eius nomine generale nomen sumpserunt. Sicut enim dictus est Belus ab Assyriis, sic aliæ nationes secundum idiomata linguæ suæ dixerunt aliæ Bel, aliæ Beel, aliæ Baalim, imo & nomina specificauerunt aliæ Beelphegor, aliæ Beelzebub dicentes.

Cirophanes primus idolatra Ægyptiorum. Chaldæi ignem adorabant, & cogebant

bant alios idem facere, alia idola comburentes. Sacerdotes verò Ægypti, qui aquam adorabant, eo quod Ægyptum præ cæteris regionibus vtilius irrigabat: magnum quoque idolum in honorem Beli formauerunt, remouentes autem coronam auream apposuerunt ei vas fictile ad modum coronæ perforatum: ad quod per occultos meatus aqua desuper veniebat inferioribus foraminibus cera obturatis. Venientes autē Chaldæi apposuerunt ignem, & liquefacta cera aqua defluens, quæ erat in corona extinxit ignem, & præualuerunt idola Ægypti.

Thare genuit Abraham. Frater Abrahæ Aram mortuus est ante patrem suum in Vr Chaldæorum: & est nomen ciuitatis, vbi hætenus sepultura eius ostenditur. Hebræi, Vr, ignem dicunt: & tradunt quod Chaldæi in ignem, per quem traiciebant paruulos suos, proiecerunt Aram & Abraham, quia nolebant ignem adorare. Aram ibi expirauit: & Abraham Dei auxilio dicitur liberatus, vnde legitur: Ego sum qui eduxi te de Vr Chaldæorum. Thare autem habens odio terram propter luctum Aram, & non valens sustinere iniurias, quæ fiebant ei, vt coleret ignem; statuit peregrinari, & dedit Nachor Melcham vxorem, Abrahæ vero Sarai: qui & Loth fratrem vxoris in filium adoptauit, quia Sarai sterilis erat. Egressus est ergo Thare cum illis, vt irent in terram Chanaam: & venerunt vsque ad Aram Mesopotamiæ ciuitatem. Cumq; Abraham relicto patre, habens tamen propositum reuertendi ireret per Mesopotamiam, locutus est ei dominus dicens: Egredere de terra & de cognatione tua.

20

Tertia ætas seculi.

TERTIA dehinc ætas seculi sequitur: in qua ideo post commemorationem Abrahæ, Isaac, Iacob, & Ioseph, per Hebræorum seruitutem in Ægypto, & per tempora iudicum anni quærentur, quia in generationib. illis quatuordecim, quæ per Matthæum ab Abraham vsq; ad Dauid commemorantur, non vbiq; anni ipsi manifeste patefcunt. Quod propterea dicimus, ne contrarium aliquid cuiquam videatur: quod alius illic generationum, alius hic annorum ordo seruatur: vbi anni quærentur, cum illic euident tantummodo generationum ordo texatur, qui perueniat vsq; ad Christum. Hic autem sola annorum veritas describatur, quæ in annis fidem collocet temporum.

30

Anni ab orbe c. Abraham annorum c. genuit Isaac.

3414 Isaac annorum LX. genuit Iacob.

3474 Iacob annorum XC I. genuit Ioseph.

Ioseph annorum XXXVII. genuit Ephraim & Manassem.
& vixit annos CX.

Hebræorum seruitus annorum CXLIII.

Moyse annos XL. rexit populum.

Iosue annos XXVII.

Othoniel annos XL.

Aod annos LXXX.

Debbora annos XL.

Gedeon annos XL.

Abimelech annos tres.

Thola annos XXIII.

Iair annos XXII.

Iepthe annos sex.

Abesan annos septem.

Abdon annos octo.

Samson annos viginti.

Heli sacerdos annos XL.

50

4255. Samuel & Saul annos XL.

Abraham cum esset septuaginta quinque annorum relicta gente & patria ad imperium Dei venit in terram Chanaam accipiens promissionem nasciturum de suo semine saluatorem. Et annorum centum genuit Isaac ex Sarra libera. Nam primum ex ancilla Agargenuerat Ismael: à quo Ismaelitarum genus, qui postea Agareni, ad vltimum Sarraceni sunt dicti. Hoc tempore mortuus est Ninus: cuius vxor Semiramis, vt posset regnare post eum, proprio filio, quem susceperat ex Nino, nupsit. & ex eo filium genuit, qui & Babyloniam ampliavit. Iacob annorum nonaginta genuit Ioseph. His temporibus Serapis Ionis filius Ægyptiorum Rex moriens in Deos transfertur.

*Arcnmis id
est planstris
ex Fefio. co-
dex quidam
legisse vide-
tur, acervus,
& fortassis
ea verale-
tio est.*

Tunc apud lacum tritonidem Minerua in specie virginali apparuisse fingitur: quæ plurimis claruisse ingeniis prædicatur. Hæc enim inuenit clypeum, & diuersis coloribus reperit ordiri telam, & colorare lanas hæc docuit. Hæc dicitur Pallas à Pallante gigante, quem interfecit, vel à Pallante insula, in qua nutrita est. Hanc Græci Mineruam dicunt. His temporibus factum est diluuium particulare in Achaia sub Ogyge Rege. Tunc etiam Phoroneus Rex Argolicus filius Regis Inachi primus Græciæ leges dedit, & sub iudice causas agi instituit: locumque iudici destinatum à nomine suo forum appellauit. Soror ipsius Isis in Ægyptum nauigauit, & quosdam apices litterarum tradidit Ægyptiis, de agricultura eos docuit & tunc segetes primo habere cæperunt: vnde cum Io diceretur, Isis ab eis dicta est: quod in lingua eorum, terra sonat: & ob hoc post mortem in Deos in Ægypto recepta est. Filius etiam Phoronei, qui Apis dictus est, eo tempore in Ægyptum nauigauit, quem quidam virum Isidis tradunt fuisse, & similiter ab Ægyptiis deificatus est & Serapis nominatus. Tunc etiam Prometheus dictus est fecisse homines, cum quia de rudibus doctos fecit, tum quia legitur fecisse imagines hominum quas arte quadam deambulare fecit. Inuenit hic primus anulum sed ferreum, & in eo inclusit gemmā, & quartū digitū scilicet medicū ex eo muniuit, quia inde vsque ad cor vena quædam pertingit. Hoc tempore, vt dicitur, Triptolemeus in naui, in qua pictus erat draco in Græciam venit, & ampliauit agriculturam. Ceres etiam præter instrumēta arandi, mensurandi granum adinuenit, cum prius in † arconiis segetes ponerentur, & numerabatur triticum per acervos: vnde à Græcis demetra dicta est. Tum etiam Telchines à Græcis victi & exules Rhodum condiderunt. Eo tempore Esau primus equas asinis iunxit, vnde ortæ sunt mulæ. Tunc etiam Atlas in astrologia multa reperit, motumque cæli & rationem præ cæteris, qui præcesserant, subtilius considerauit. Tunc fuit & Mercurius nepos Atlantis multarum artium peritus, & propter hoc post mortem in deum translatus. Hac etiam ætate primus Procidus quadrigam iunxit.

Vixit Ioseph centum decem annis. Hebræorum seruitus centum quadraginta quatuor annis durauit in Ægypto. Quod autem legitur, quadringentis triginta annis fuisse filios Israel in Ægypto, nomine Ægypti intelligendus est omnis incolatus eorum, qui cæpit à promissione Abraham facta in via Mesopotamiæ: à qua vsque ad legem datam tot anni fluxerunt. solis enim centum quadraginta quatuor annis seruierunt filii Israel in Ægypto post mortem Ioseph. Quibus expletis ea die egressi sunt, qua Abraham exiit ad peregrinandum. Leui filius Iacob genuit Caath, qui genuit Amram, qui ex Iacobel genuit Moysen sub Amenophi Rege Ægypti, qui sicut cæteri Reges Ægyptiorum Pharaon dicebatur. Pharaon interpretatur regnans. Iste Amenophis odiebat valde populum, & eos ne vacarent amplexibus & generarent liberos, multis laboribus opprimebat.

Cum autem præcepisset Amenophis vt omnes pueri Hebræorum necarentur in flumine, quidam taurus ex improviso egrediebatur de flumine, aliquando maxime infesto Apis, habens in humero dextro signum candidum instar lunę corniculatæ. Ad quem cum Ægyptii confluerent, multis generibus Musicorum psallentes, eleuabatur in aere, & super eos tanquam psallens ferebatur: & ad motum vel stationem ipsius ipsi mouebantur in terra, vel stabant, & eadem die euanescebat. vnde Apis ab Ægyptiis dicebatur. Tunc quidam Sacrorum scriba Regi prædixerat eo tempore masculum nasciturum in Israel qui regna Ægyptiis humiliaret, & virtute transcenderet vniuersos. Hac de causa postea filii Israel adorauerunt vitulos aureos opinantes quod per hunc ab Ægypto fuerint liberati. Amram autem post edictum ad vxorem nolebat accedere, ne in necem filios procrearent. Diuina autem ei reuelatio in somnis astitit dicens, ne timeret vxorem cognoscere, quia puer quem timebant Ægyptii, erat nasciturus ex ea. Concepit autem Iacobel & peperit. Et videns puerum elegantem abscondit tribus Mensibus. cumque celare non posset, sumpsit fiscellam scripeam, & liniuit eam bitumine ac pice: & ponens intus infantulum in carrecto ripæ exposuit eum, ne impetu fluminis raperetur, stante procul sorore paruuli Maria, & ex præcepto matris rei exitum expectante. Et ecce descendit Thermut filia Pharaonis vt lauaretur in flumine. Quæ videns alueolum & sibi afferri iubens, vidit paruulum vagientem: & miserta eius dixit: de infantibus Hebræorum est hic. Sic enim Deus venustauerat eum, vt etiam ab hostibus dignus haberetur alimento. Et cum plures Ægyptiæ præberent illi vbera, nolebat accipere. Et ait Maria: vis adducam Hebræam? fortassis accipiet vbera gentis suæ. Ex præcepto ergo Thermut matrem paruuli tanquam alienam adduxit: & statim puer.

puer ad vbera eius accessit. Suscepit Iacobel puerum à Thermut alendum, & ablactatum reddidit filiae Pharaonis: quæ vocauit eum Moyses, & eum in filium adoptauit. Ægypti enim, mos, aquam, is, saluatum dicunt. Quem dum quadam die Thermut obtulisset Pharaoni, vt ipse adoptaret eum, Rex admirans pueri venustatem, coronam auream quam gestabat, capiti eius imposuit, erat in ea imago idoli Ammonis fabrefacta. puer coronam in terram proiecit & fregit. Sacerdos autem Heliopoleos, qui prædixerat per quendam puerum Hebræum in proximo ruituram Ægyptum, à latere Regis surgens exclamauit dicens: Hic est puer, quem Deus nobis occidendum monstrauit vt de cætero timore careamus: & voluit irruere in eum, sed defendente Rege liberatus est. Etenim quidam sapiens assererat, quod pueriliter & per ignorantiam esset hoc factum à puero: vnde non debebat ei vllatenus imputari. In cuius rei argumentum cum allatas prunas puero obtulisset, puer eas ori suo apposuit, & linguæ summitatem corrupit: vnde dicitur impeditioris linguæ fuisse. Tantæ pulchritudinis extitisse fertur, vt nullus adeo esset crudelis, qui eius aspectui non hæreret. Multique dum cernerent eum per plateam ferri, occupationes in quibus studebant, desererent. Hunc Thermut astronomia & omni Ægyptiorum scientia fecit erudiri.

Cum autem esset Moyses adultus & strenue doctus, Æthiopes vastauerunt Ægyptum vsque Memphim. Ægyptii vero conuersi ad diuinationes, acceperunt responsum, vt vteretur auxiliatore Hebræo, & vix obtinuerunt à Thermut, vt exercitui quem parauerant, præficeret Moysen, prius præstitis sacramentis, ne ei nocerent. Erat enim Moyses vir bellicosus & sapiens, qui fluminis iter tanquam longius prætermittens per terram duxit exercitum itinere breuiori, vt improuisos Æthiopes præueniret. Etenim per loca deserta & serpentibus plena iter faciens tulit in arcis papyri super plaustris bices ciconias Ægyptias naturaliter serpentibus infestas, quæ rostro per posteriora immisso aluum purgant, & castrametaturus proferebat eas, vt serpentes fugarent, & deuorarent: & ita tutus per noctes transibat exercitus. Tandem præuentos expugnatis post fugam inclusit eos in Sabba regia ciuitate, quæ post Meroe dicta est. Erat ciuitas inexpugnabilis: & cum Moyses diu obedisset eam, Tharbis filia Regis Æthiopum iniectis oculis in eum ex conditione illi tradidit ciuitatem, vt duceret eam vxorem, quod ita factum est. Dum autem Moyses vellet redire in Ægyptum, eo quod Tharbis erat idololatra, & eam plene ab errore non poterat reuocare, ipsa non acquieuit. Proinde Moyses sapienter in gemmis duas imagines sculpsit huius efficaciam, vt altera memoriam, altera obliuionem conferret. Inseruit gemmas anulis: & obliuionis anulum vxori tradidit, & alterum ipse tulit. cepitque mulier amoris viri obliuisci, & ita Moyses in Ægyptum libere regressus est. Inde est quod Aaron & Maria postea iurgati sunt aduersus Moysen pro vxore eius Æthiopissa. Tam in factis Moysis quam aliorum sanctorum patrum virtus diuina mundanam sapientiam adiunauerat.

Egressus Moyses in terram Ieslem, vidit præfectum operis Ægyptium percutientem quendam de Hebræis: & secreto percussum Ægyptium abscondit in sabulo. Et cum audisset Pharaon verbum hoc, quærebat eum occidere. Qui fugiens per desertum venit in terram Madian, & ciborum inopiam virtute tolerantiam superabat. Et venit ad ciuitatem Madian circa mare Rubrum, sic nominatam à quodam filio Abraham de Cethura. & accepit Sephoram vxorem, filiam Raguelis sacerdotis Madian, id est, primatis. Antiquitus enim primates sacerdotes vocabantur. Raguel agnominabatur Iethro & cognominabatur Cyneus. Dedit ei focer omnem curam gregum suorum: in quibus omnis antiquis barbaris nationibus erat possessio. Cumque minasset gregem ad interiora deserti, venit in montem Dei Sina, qui in quadam parte sui dicitur Oreb: & apparuit ei dominus in flamma ignis in medio rubi. Erat autem mons ad pasturas egregius. Sed pastores illuc ascendere non præsumebant, tum quia excelsus erat, tum quia opinio erat Deum habitare in monte. Mortuus est tunc Pharaon Rex Ægypti: & Phua filius Iusti Heliopoleos sacerdotis: qui quærebat occidere Moysen: & præcepit ei dominus vt descenderet in Ægyptum ad liberandum fratres suos. Tunc temporis multi Ægyptiorum timentes ruituram Ægyptum ad alias sedes se transtulerunt. Vnde Cecrops venit in Græciam & ibi urbem condidit, quam Actam vocauit, & post Athenæ dicta est. Hanc quidam Græcorum Didas, & quidam Archomeniam dixerunt. hæc est mater liberalium litterarum & nutrix philosophorum. Cecrops dictus est Diphyes & est nomen Ægyptium, quod latine di homo vel bicorpor dicitur, vel propter proceritatem staturæ, vel propter vtriusque linguæ peritiam Græcæ scilicet & Ægyptiæ. Sub quo in

arce præter communem vsum oliua nata est. Hic ex nomine Mineræ antiquos Athenienses vocauit. Iste etiam bouem immolans primus in sacrificio Iouem adorare præcepit. Creditur etiam hoc tempore egressum Dionysium Bacchum, qui Argos condidit. Dicitur & diluuiū in Thessalia factū sub Deucalione Rege: & Phaetontis incendiū fabulosū. Hoc tēpore Corinthus est cōdita, & ibi ars picturæ ab Atlante reperta & astrologia publice declarata. Iamnes & Mambre insignes magi Pharaonis: qui omnia signa, quæ dominus faciebat per Moysen, corā Pharaone facere cōtendebant; cū apud Assyrios regnaret Ascades, apud Argiuos Troyphas. Octoginta annorum erat Moyses, cum eduxit populū Dei de Ægypto & quadraginta annis sub prædictis Regibus rexit eum. Tunc Iudæi cum lege litteras habere cœperunt. Tunc templum Delphis constructur. Lacedæmon conditur. Tunc primi Curetes & Corybantes imitantes armorum strepitum modulatam saltationem & consonam inuenerunt.

Rexit Iosue populum annis viginti septem. Troianorum gens antea Dardana à Dardano extitit nominata. Nam Dardanus & Iasius fratres è Græcia profecti: ex his Iasius ad Thraciam, Dardanus ad Phrygiam peruenit, & ibi regnauit primus. Post quem eius filius Erychthonius & nepos eius. Tros: à quo Troiani nominati sunt. Tros Rex Gannimedis pater. His temporibus Erychthonius Atheniensium princeps qui Vulcani filius dicitur fabulose, currum iunxit in Græcia primus: & Troilus quadrigam in Troia. Iam enim erat currus inter alias nationes: Isis Epaphum genuit, qui Memphim condidit cum in sola Ægypto regnaret. Busiris Rex valde crudelis fuit in hospites, ita vt eorum multos decapitaret & tormentis afficeret multis: Illum etiam cui præceperat facere bouem æneum intus concauum, innocuum, in eo primum combussit, vt eiusdem bouis sophisticum experiretur mugitum.

Phænix & Cadmus de Thebis Ægyptiorū in Syriā profecti in regione Tyri & Sidonis regnauerunt. Cadmo in Græciam recedente, terra à Phænice Phænicea dicta est. Tunc Europæ filiæ Phænice fabulose Iupiter mixtus est. Danaus per quinquaginta filias, filios Ægisti fratris interfecit vno tātum scilicet, Lino superstite, qui regnauit post eum. Othoniel annis quadraginta. Tūc Cadmus Thebis regnauit, qui primus Græcas litteras adinuenit. Ex filia eius Semele natus est Dionysius liber pater. Bythinia condita est à Phænice: qui Phænicebus quasdam litteras tradidit, & ad scribendum vermiculum instituit, vnde & color ille puniceus quasi phæniceus dictus est. Ephyra quæ nunc Corinthus dicitur à Sisipho ampliata est. Minos filius Europæ regnauit in Creta. Per idem tempus Linus & Amphion apud Græcos in arte musica claruerunt. Aod annis octoginta populū iudicauit. Tunc ciuitas Cyrene in Libya condita est. Tūc ficta est fabula de Tryptolemo quod iubente Cerere serpentium pennis gestatus, id est longa nauigatione Eleusim veniens frumenta distribuit: & Proserpinam rapuit. de Rege Molosorum Orco & de cane eius Cerbero tricipite, qui Peritoum deuorauit. De Phryxo & Elle sorore sua, quod ariete vecti per aerem volauerunt: & nouercales insidias euaserunt. De Hippocentauris quod equorum hominumque natura permixti fuerūt. De Bellerophonte quod pennis equi volādo sit vectus. De Amphione quod ci-tharæ cantu lapides & ligna commouerit. De Gorgone meretrice, quæ crinita serpentibus in se aspicientes in lapides conuertebat. Hanc Perseus occidit, quia ob nimiam pulchritudinem & quibusdam maleficiis spectatores suos mentis impotes faciebat. In Dardania regnat Tros à quo Troia multo honore est ampliata. Nam primo sub Iosue à Troilo condita fuit. Dionysius in India Nissam condidit. Debora annis quadraginta. Apollo Chitharam condidit, & medicinæ artem inuenit, & incantationem Pythonicam reperit. quare videbatur mortuos suscitare. Regnum finitum est Argiuorum, & in Missenas translatum. Liber pater obiit: cuius sepulchrum apud Delphos iuxta Apollinem habetur aureum. depingitur autem corpore muliebri, quia mulieres militantes cum viris habuit primus. Ilium ab Ilo conditur, & Miletus ædificatur. Picus qui fertur fuisse filius Saturni regnat in Latinis primus. Et notandum quod Hebræi sub numero annorum iudicum comprehendunt interpositos annos seruitutis & quietis. Et ipsos iudices non exercuisse dominium in populo Israel: sed consilium & auxilium in tribulationibus præbuisse.

Gedeon iudicauit populum quadraginta annis. Tunc Meltinius inuenit syringas trahens hoc nomē à Syringa vxore Cadmi. quæ propter studium harmoniæ à viro suo recessit. Reperit etiam lyram hoc modo. Inuenit concham testudinis mortuæ: cuius nerui arentes & extensi flatu auræ percussū tenuem sibilum reddebant: ad quorum imitationem lyram reperit, & Orphæo tradidit. Hic fertur in Hispaniam venisse

venisse, & ciuitatem Florem condidisse. Tres fuerunt Mercurii. Primus fuit Hermes. Secundus iste qui & Trimegistus philosophus. Tertius Mercurius minor in multis studiis clarus. Tunc Tyrus condita est: & Dædalus aues fecit metallinas, quæ volare videbantur spiritu artificioso incluso. Similiter etiam fecit simulacra se mouentia. Hic cum filio Icaro naui fugiens propter inuestigabilem fugam pennis auolasse æstimatus est: vnde & fabula de ipso facta est. Argonautarum historia scribitur. Musæus discipulus Orphæi, & Linus magister Herculis claruit. Minos Cretensibus legem dicitur dedisse, quod Plato negat. Hydram vero callidissimum fuisse sophistam asserit Plato. Abimelech annis tribus. Hic primus legitur regnasse in populo Iudæorum: qui tamen non fuit Rex sed tyrannus. Iste septuaginta fratres suos interfecit: & à muliere fragmen molæ in capite accipiens post vulnus occisus est ab armigero suo apud oppidum Thebes. Nota quod à Thebis Ægyptiorum dicuntur Thebæi: à Thebis Græcorum dicuntur Thebani: à Thebe Iudæorum dicuntur Thebitæ. Hoc tempore † Silemon primus apud Phicium in Græcia eorum inuenit: quod instrumentum est pellis cum duabus cicutis, per alteram respiratur, & per alteram reddit sonum. Thola annis viginti tribus. Priamus post Laomedontem regnat in Troia. Hercules Antæum palæstræ artis inuentorem in palæstra vicit & interfecit: & Ilium vastauit. Bellum fuit inter Lapithas & Centauros: qui fuerunt nobiles milites Thessalorum. Theseus in agone Minotaurum occidit: propter quod Athenienses tributarii, pueri à pœna liberati sunt. Fuit autem Minotaurus vir fortis & inhumanus magistratus Minois, valens in palæstra: vnde dictus est Minois taurus, id est, Minois carnifex. Tunc ficta est fabula de Minotauro bestia labyrintho inclusa. Iair annis viginti duobus. Hercules agonem Olympiacum instituit. Carmentis nympha Latinas litteras reperit. Theseus Helenam rapuit, quam rursus receperunt fratres eius Castor & Pollux capta matre Thesei, eo peregre profecto. Iepte annis sex. Hercules flaminis se iniecit, quia in morbum inciderat pestilentem. Abesam annis septem. Agamemnon Athenis imperauit vel Mycenis. Menelaus Lacedæmone. Abdon annis octo. Alexander, qui & Paris, Helenam rapuit. Bellum decennale Troiæ surrexit. Memnon & Amazones in subsidium primo arma tulerunt: & ad vltimum famosum Troiæ excidium prædicatur. Tamen secundum quosdam sub iudice Abesam Paris Helenam rapuit. Et post Abesam teste sacra scriptura Aialon iudicauit Israel decem annis, qui anni, quia non habentur apud septuaginta interpretes ab Eusebio sub Samuele & Saule computantur, quorum annos historia non ostendit. Post Aialon Abdon iudicauit Israel: cuius anno tertio Troia capta fuit. Tunc Græci ad gloriam victoriæ suæ caperunt annotare tempora sua sic: Anno à captiuitate Troiæ. Incepta vero Olympiade annotarunt tempora secundum numerum Olympiadū. Capta Troia Menelaus & Helena venerunt ad Thuorum Regem Ægypti, qui alio nomine Polybus vocatur. Anno tertio à captiuitate Troiæ mortuo Latino Rege regnauit Æneas in Italia tribus annis: qui ob nobilitatem regnandi dictus est primus Rex Latinorum. In qua prius regnauerant Ianus, Saturnus, Picus, Faunus, Latinus, circiter centum quinquaginta annis. Hac ætate Vlysses nauigio in Hispaniam venit, & ciuitatem Vlisbonam condidit.

Samson iudicauit Israel viginti annis. Eo tempore Ascanius filius Æneæ qui secundus Rex Latinorum dictus est, Albam condidit. Tunc Vlyssis fabulæ vel Sirenarum fictæ sunt. Fuerunt enim Sirenæ mulieres meretrices, quæ cantu & pulchritudine decipiebant nauigantes. Heli sacerdos annis quadraginta. Fere viginti anni fluxerunt sine iudice, qui aggregati sunt annis, quibus iudicauit Heli. Tertius Rex Latinorum Syluius Postumus, filius Æneæ & Lauinæ: à quo deinceps Latini Reges Syluii nominati sunt. Hunc Ascanius hæredem reliquit adhuc viuente paruulo filio suo Iulio, à quo Iuliorum familia nomen & originem traxit. Filii Hectoris Ilium receperunt Nestoris expulsis posteris. Samuel & Saul quadraginta annis. Incertum est vtrum Samuel ante regnum Saulis viginti annis vel amplius populum iudicauit. Secundum Apostolum autem certum est, quod ambo rexerunt Israel quadraginta annis. Tunc apud Latinos quartus regnauit Syluius Æneas filius Postumi. His temporibus Homerus philosophus dicitur floruisse. Saul autem post mortem Samuelis regnauit duobus annis. Iste fuit primus Rex in Israel.

IN hac quarta ætate si cuiquam forte contrarium esse videtur, quod non ipse numerus quatuordecim generationum hic seruetur, qui in Matthæo complectitur, attendat inter Ioram Regem & Ioathan, omiſſa Athalia, tres Reges in medio prætermiſſe Matthæum, qui hic cum annis ſuis ponuntur: & in euangelio detrahuntur pro eo quod Ioram genus ſe miſcuerat impiſſimæ Iezabel: & idcirco uſq; ad tertiam generationem eius memoria tollitur, ne in ſanctæ natiuitatis ordine poneretur. Quanquam & illud præ cæteris conſiderare conueniat, quod plures fuerunt ſucceſſiones, pauciores autem generationes. Non enim quæ Regum eadem generationum ſunt tempora: unde & Matthæus, quos ad generationem non putauit pertinere, præteriit.

Anni ab orbe c. David regnauit annis quadraginta.

4295

Salomon regnauit annis quadraginta.

Roboam regnauit annis decem & ſeptem.

Abia regnauit annis tribus.

Aſa regnauit annis xli.

Ioſaphat regnauit annis viginti quinq;

Ioram regnauit annis octo.

Ochozias regnauit anno vno.

Athalia regnauit annis ſeptem.

Ioas regnauit annis quadraginta.

Amasias regnauit annis viginti nouem.

† Azarias regnauit annis quinquaginta duobus.

Ioathan regnauit annis ſedecim.

Achaz regnauit annis ſedecim.

Ezechias regnauit annis viginti nouem.

Manaſſes regnauit annis quinquaginta quinq;

Amon regnauit annis duodecim.

Ioſias regnauit annis triginta † duobus.

† Sedechias & Iechonias regnauerunt annis vndecim.

Sedechias regnauit annis vndecim.

Oziæ

vno.
Ioachim

David regnauit quadraginta annis, qui fertur vixiſſe centum decem annis. Iſte congregauit marmora, ferrum, lapides pretioſos, aurum, argentum, & æs Corinthium: de quibus poſtea conſtructum eſt templum Dei. In Corintho fuit olim templum idolorum cum infinitis idolis ex ære, argento, & auro. Quo ab Annibale combuſto metalla fluxerunt & commixta ſunt: & quia maior pars ærea erat, talis commixtio vocata eſt æs Corinthium. De tali ære Salomon fecit mare æneum, columnas & altare. Habuit David ſecum triginta fortes, & tres fortiores, atq; tres fortiſſimos: ipſe tamen fortior & inſignior omnibus erat. Tres fortiſſimi fuerunt primus Leſboam, qui à Iosepho Eusebius dicitur, ſecundus Eleazar filius patris David. Tertius Semnaa Ararites, quem Iosephus Semeiaam vocat. Poſt iſtos fuerunt tres, ſcilicet Abiſai, Banaiaſ, & Sobocay. Cōpoſuit David cum pace fruereſſet cantica & hymnos alios trimetros, alios quinque metros, adinueniens violam, nablum, pſalterium & alia muſica inſtrumenta: in quibus Leuitæ per ſolennitates hymnos dicerent Deo. Eſt autem pſalterium canora cithara decem chordis coaptata, quæ plectro percutitur, nablum vero duodecim ſonos habens digitis tangitur. Nocent Principes & Prælati, qui cum pace fruuntur, venationibus & vanitatibus intendunt. Hoc tempore Carthago incæpta eſt à Carchedone Tyrio, & filia eius Didone conſummata. Quintus Latinorum Rex Syluius Latinus regnat. prophetantibus Gad, Nathan, & Aſaph. Codrus Athenienſium Rex ſponte pro ſalute patriæ hoſtibus ſe offerens interimitur. Salomon regnauit annis quadraginta, & vixit annis quinquaginta duobus. Quod autem legitur, quod ſenuerit, poteſt intelligi, quod propter nimium concubitum mulierum debilitatus anticipatam habuit ſenectutem. Tamen vt dicit Iosephus octuaginta quatuor annis vixit. Fecit Salomon ob honorem patris iuxta ſepulchrum eius opere mechanico octo ſubterraneos loculos theſaurorum. Duxit vxorẽ filiam Pharaonis Regis Ægypti: de qua, vt fertur, genuit filium quaſi contra naturam, cum ipſe adhuc eſſet vndecim annorum. Ante quatuordecimum annum viri & duodecimum fæminæ generare non conſueuerunt. Quarto anno regni ſui cæpit ædificare templum domino: quod octo annis cōſummauit, vt dicit Iosephus. Poſuit Salomon lapides grandes de marmore candido, quod parium dicitur, in fundamento templi habentes viginti cubitos in longitudine, & decem

& decem in latitudine, & in altitudine quinque. Lapidēs & ligna extra ciuitatem dolabantur: vnde malleus, securis, & omne ferramentum non sunt audita in domo domini cum ædificaretur. Fertur tamen quod habuit Salomon sanguinem vermiculi, qui Thamir dicitur, quo dura marmora facile secabantur. quem inuenit hoc modo. Erat ei struthio habens pullum; quem iubente Salomone sub vase vitreo sapientes eius incluserunt. Quem cum videns struthio habere nequiret, tulit vermiculum de deserto: cuius sanguine liniuit vitrum, & fractum est. Isto sanguine operarii ligna & lapides facillime incidebant: & clauos cum quodam glutino figebant. Tanta fuit gloria Salomonis, quod ante fores domorum in Hierusalem plurima sedilia argentea fierent. Ad operum eius incredibilem opinionem Regina Sabba regis ciuitatis Æthiopæ venit videre Salomonem: & admirans prudentiam & dispositionem gloriæ Salomonis dedit illi gemmas pretiosas, aurum, aromata infinita, & etiam radicem balsami: vnde propagatæ sunt in Engadi vineæ balsamitæ. Quæ cum reuerteretur multis donata muneribus Salomonis, fertur scripsisse illi, quod in domo † salutis lignum quoddam opertum auro viderat, in quo suspendendus erat quidam cælestis propheta, pro cuius morte regnum Iudæorum periret: & certis illud indiciis scripturarum declarauit Regi. Timens autem Salomon discindere lignum, eo quod Rex Dauid in magna illud habuerat reuerentia, in profundissimis terræ visceribus occultauit illud. tempore autem Christi in probatica piscina supernatauit: quod lignum dominicæ crucis creditur fuisse. Hæc Regina Sibylla dicta est: quia sapientes fæminæ hoc nomine antiquitus dicebantur. His diebus fuit Rex sextus Latinorum Syluius Alba Syluii Æneæ filius.

Roboam regnauit annis decem & septem. Regnum Israel à Iuda diuiditur. Fertur tempore huius auem nō volasse super Hierusalem, & fere desperasse Iudæos. Hoc tempore Latinorum Rex fuit septimus Syluius Athys siue Ægyptus: & Reges in Samaria haberi cæperunt. Abia annis tribus. sub quo Hebræorum Pontifex Maximus Abimelech insignis est habitus. Asa annis quadraginta vno. Prophetæ in Iudæa Aggæus, Zacharias, Micheas, Amos, Ioel, & Ichu. Tunc fuit octauus Rex Latinorum Syluius Capis. Iosaphat annis viginti quinque. Prophetæ Helias, Abdias, & Micheas. Nonus Latinorum Rex fuit Syluius Carpentus. Decimus Syluius Tiberinus, à quo fluuius dictus est Tiberis, qui prius Albula dicebatur. Vndecimus Syluius Agrippa. Ioram annis octo. Hic accepit vxorem Athaliah filiam Achab & Iezabel. Prophetæ Helias, Helisæus, & Abdias. Helias erat vir pilosus, sicut fuerat Esau: vnde in bona significatione & in mala inuenitur pilosus. Helisæ septem insignia miracula prædicantur. Ochozias anno vno. Helias rapitur. Athalia regnauit annis septem. Hæc interfecit omne semen Regis Dauid quod reperit, male seducta vt ipsa sola regno potiretur. Ionadab filius Recab sacerdos clarus habetur. & Iorada Pontifex, qui solus post Moysen vixisse annis centum triginta perhibetur.

Ioas regnauit annis quadraginta. Hic cum argueretur à Zacharia filio Ioiadæ, fecit eum obrui lapidibus inter templum & altare: & omnes filii eius cum eo lapidari sunt, præter vnum postumum, qui post eum dictus est Zacharias. Ex tunc, vt fertur, non accepit populus responsum in templo manifeste sicut prius, nec ex Dabir, id est rationali, nec ex Ephod. Helisæus moritur, cuius virtutes quatuordecim prædicantur. Lycurgus Legislator Apollinis apud Græciam insignis habetur. Rex Latinorum duodecimus Syluius Aremulus, qui præsidium Albanorum inter montes, vbi nunc Roma est, posuit. Huius filius fuit Iulius proauus Iulii Proculi, qui cum Romulo Romam commigrans fundauit Iuliam gentem. Amasias annis viginti nouem. Carthaginem hoc tempore quidam asserunt conditam, alii vt superius: isto autem tempore fuit innouata & ampliata. Rex Latinorum tredecimus Syluius Auentinus regnat: & in eo monte, qui nunc pars vrbis est, mortuus & sepultus æternum loco vocabulum dedit. † Azarias annis quinquaginta duobus. Olympias primum à Græcis instituitur. Agnus in Græcia loquitur. Sardanapalus Rex vltimus monarchus Assyriorum, victus ab Arbace Medo sponte semetipsum concremauit: & tunc Arbaces monarchiam Assyriorum ad Medos transtulit. Simile postea fecit Darius acciso Balthassar. Fuerunt tamen Reges Assyrii si non à Deo monarchi, tamen potentes vsque ad subuersionem Ninivæ. Lacedæmoniorum Reges deficiunt. Tunc Hesiodus poeta clauit: atq; Phidon Argius pondera & mensuras reperit, Osee, Amos, Isaia, & Iona prophetantibus in Iudæa. Tamen secundum quosdam Ionas tempore Ieroboan Regis Israel prophetauit. Hic euersionem Ni-

niuz prædixit: quæ multo post tempore impleta est. Nam inundatione fluminis, pluviarum, atque ictibus fulminum & terræmotuum subuersa fuit, cum ciuium iniquitas abundaret: vnde videtur quod dilata est Dei sententia non deleta. Rex Latinorum quatuordecimus Syluius Amulius. Hoc tempore ascendit Phul Rex Assyriorum in Therfan: & dedit ei Manahem Rex Israel pecuniam multam vt recederet ab eo. Fertur etiam quod promisit ei vitulos aureos, qui erant in Dan & in Bethel, vt esset sibi in auxilium. Sacerdotes autem absconderunt vitulos aureos, & fecerunt æreos deauratos: quos misit Manahem Regi Assyriorum. Qua fraude postea percepta Rex Assyriorum nimium exarsit contra Israel. Vnde ascendit Phul qui & Theglathphasar dicitur, in terram Israel: & vastauit omnem regionem trans Iordanem: & captiuauit duas tribus & dimidiam, scilicet, tribum Rubem, & Gath, & dimidiam Manasse. Ex quibus tamen tribubus in possessione sua Iudæi aliqui remanserunt: vastans quoq; Galilæam de tribu Zabulon & Neptalin multos transtulit in Assyrios qui possent dimidiæ tribui comparari: vnde sæpe reperitur quod tres tribus captiuauit. Hoc fuit initium captiuitatis decem tribuum Israel. 10

Ioathan annis sedecim. Romulus & Remus gemelli & ex patre Marte & matre Ilia nascuntur. Qui à lupa nutriti feruntur, quæ creditur fuisse meretrix quæ prostitutione sua multos occidebat. Tamen potuit esse vt Deus à lupa illos expositos vellet nutriri, per quos ciuitas sancta Roma habebat fundari. Prophetabant in Iudæa Osee, Ioel, Isaias, & Micheas. 20

Achaz annis sedecim. Roma à Romulo & Remo conditur in monte Palatino Olympiade quinta. Olympias vocabatur ludus qui fiebat in quinto anno quatuor mediis annis vacantibus. Et ob hoc Elidum certaminis tempus Olympiadem vocauerunt quadriennio sub vna Olympiade supputato: & dicebatur Olympias ab Olympo monte. Tunc temporis Senacherib Rex Assyriorum septem tribus captiuauit: & iuxta flumen Gozam ultra montes Medorum & Persarum, vbi erat prima trium tribuum captiuitas, eos habitare fecit: & Samaritas accolas in terram Israel misit. Huius tempore Tobie historia incepta est. Anno ab vrbe condita tertio Remus rastro pastoralis occisus est à Fabio duce Romuli. Consualibus ludis Sabinæ raptæ sunt: & pulcherrima feminarum data est Thalamoni duci Romuli: vnde, quia bene cessit illi, locus nuptiarum exinde dictus est Thalamus. Ezechias regnavit annis viginti nouem super tribum Iuda, Benjamin & dimidiam Manasse. Hoc tempore Romulus milites ex populo sumpsit scilicet, ex mille vnum: qui sub Tatio Rege Sabinorum Romulo fauebant quos Quirites appellauit. Ex populo centum nobilissimos viros elegit, qui ob curâ ac sollicitudinem reipublicæ patres vocati sunt, & ob ætatem senes. Romulus apud paludem Capræ nusquam comparuit: ob quam causam deificatus est, & suadente Lucio Quirini nomine consecratus. Post Romulum prædicti senes singuli per quinos dies rempublicam rexerunt per annum fere & dimidium. Quod tempus interregnum appellatur. Tunc in Sicilia Syracusa & Catina condite sunt. Post Romulum Numa Pompilius regnavit: qui prædictos senes senatores appellauit. Hic primus congiarium militibus dedit, id est, imperialem largitionem in sui promotione. Qui & primus Pötifex, & vestales virgines instituit: falorumq; deorum numerositate urbem impleuit. De Achaz patre pessimo ortus est optimus Ezechias. 30

Manasses annis quinquaginta quinq;: qui malum habuit principium, finem bonum. Numa Pompilius duos menses, scilicet, Ianuarium & Februarium decem mensibus anni adiecit; Ianuarium diis superioribus, Februarium inferis dedicauit, & Capitolii fundamenta iecit. Sibylla Erophila claruit in Samo, vnde & Samia dicta est. Partheni Tarentum condiderunt. Glaucus de Choo primus ferri glutinum exco-gitauit. Amon annis duobus post mortem patris, qui decem annis regnauerat, vt fertur viuente patre. Tertius Romanorum Rex Tullus Hostilius. Hic primus Regum Romanorum purpura & fascibus vsus est: priorque in Rep. censum exegit: quod adhuc per orbem terrarum incognitum erat. hic post longam pacem bella reparauit. Albanos vigentes vicit. adiecto monte Cælio ampliavit urbem: & tandem cum domo sua fulmine conflagrauit. Iosias regnavit annis triginta & duobus. Quartus Romanorum Rex Ancus Martius Numæ nepos ex filia Auentinum montem & Ianiculum Vrbi addidit: supra mare Hostiam condidit. Oraculo Dodonæo primo Græcia vsa est. Quintus Romanorum Rex Tarquinius Priscus: qui muros Romæ, cloacas, id est, occultos meatus, Capitolium, & circum extruxit, & ludos Romanos instituit. Arion à delphino in Tenarum dicitur deportatus. Thales Milesius philosophus claruit, qui defectib. Solis 40

Solis

Solis acutissima persecutione comprehensis Astrologia numerum primus inuestigauit. prophetantibus in Iudæa Hieremia & Sophonia. Reliquit autem Iosias tres filios, Eliachim, qui & Iechonias, primogenitum quindecim annorum, Ioachaz, qui & Sellum dictus est, & tertium Mathaniam. Tulit ergo populus Sellum, & constituit eum Regem pro patre suo, & regnauit tantum tribus mensibus: quia Rex Ægypti veniens in Hierusalem amouit eum, & constituit Ioachim Regem pro eo.

- Ioachim annis vndecim. Huius anno tertio Nabuchodonosor Iudæam captam tributariam fecit. Duxerat namq; Sellum in dolo sub spe honorandi eum in Ægypto; & cum venisset in Reblatha vinxit eum, & ligatum misit in carcerem. Tunc Daniel, 10 Ananias, Azarias, & Misael in Babylone claruerunt. Quos Nabuchodonosor obsides, quia erant de semine regio, cum aliis nobilibus Iudæis traxit in Babylonē. Ioachim autem Rex Babylonis sibi repugnare volentē Hierusalem veniens dolo cepit & occidit, & extra muros insepultum proiici iussit. & inuenta sunt stigmata, id est, vstiones in corpore occisi more gentiliū, & nomen idoli, quod colebat Nabuchodonosor. Et cōstituit Nabuchodonosor filium eius Ioachim Regem pro eo æquiuocum patri. Qui regnauit tribus mensib. & decē diebus. Cumq; recessisset Nabuchodonosor, timuit ne Ioachim memor mortis paternæ adhæreret Ægyptiis & pugnaret aduersus eum: ideo rediit & obsedit Hierusalē. Sed egressus est ad eum Ioachim cum matre & cum principib. suis, & cum omnib. viris robustis circiter duo millia, & cum omni familia sua: inter quos e- 20 rat Mardocheus & Ezechiel propheta cum aliis multis. Rex Nabuchodonosor transtulit eos in Babylonē cum omnib. vasis & thesauris domus domini, & domus regiae. Et cōstituit patruū Ioachim, scil. Mathaniā Regē pro eo, quem Sedechiā vocauit. Timuit Nabuchodonosor ne reuerteretur Ioachim in Iudæā, & incarcerationi eū. Isti quia spōte se tradiderunt, proprie dicti sunt transmigratione Iudæ. Alii vero qui postea per violentiā traducti sunt, dicūtur captiuitas Iudæ. Ab hac transmigratione, scilicet, ab anno nono regni Nabuchodonosor quidam inchoant numerare septuaginta annos captiuitatis.

- Sedechias annis vndecim. Hunc Rex Babylonis veniens Hierusalem cum populo captiuum duxit: & templum incensum est anno ædificationis suæ CCCCLIV. dum Nabuzardan princeps coquorum ex præcepto Nabuchodonosor vellet transferre omne 30 aurum & argentum, quod erat in ædificiis templi, fecit puteum in medio templi: & ipsum templum impleuit lignis, stipula, & pice, & apposuit ignē: vbi tanta fuit vis flammæ, vt omnino lapides, aurum, & argentum dissoluerentur: & cum decurrerent metalla per præparatos riuulos ad prædictum puteum, disruptus est puteus fere vsque ad abyssum: ita quod de metallis templi ne modicum quidem potuit inueniri. Per idem tempus Sapho mulier diuerso poemate in Græcia claruit. Solon Atheniensibus Leges dedit. Rex Romanorum Sextus Seruius, nobilis captiue filius, qui tres montes Vrbi addidit Quirinalem, Viminalem, & Esculum. fossas circa muros duxit: & statuit primus, vt Romani ciues exigerent censum per subditas regiones. Tandem occisus est à Tarquinio superbo Prisci Tarquinii filio. Eodem tempore apud Græcos septem Musæ, id 40 est, septem sapientes sunt appellati. Nabuchodonosor cum intrasset Babylonem post triumphum, victimas solennes immolauit diis suis. Et cum recumberet post solennitatem vndecim dierum exhilaratus cum Principibus suis præcepit vt adduceretur Sedechias in medium & aliqui de cantoribus templi cum eo qui psallerent coram eo in musicis instrumentis, & canerent hymnos de canticis Sion. Bibebant conuiuæ in vasis domus domini: quorum Nabuchodonosor quædam consecrauit idolis, & quædam retinuit sibi. Cumq; darent psallentib. potum, præcepit Rex vt secreto daretur Sedechiæ potus laxatiuus: & coram omnibus ignominiose laxatus est: & rursus reduxerunt eū in carcerem. Qui nimio afflictus dolore post paucos dies mortuus est. Rex autem Nabuchodonosor fecit eum cum honore regio sepeliri.

- Traditur quod Hieremias priusquam templum succenderetur, tulit arcam testamenti cum iis quæ erant in ea, & detulit eam inter duos montes, in quibus fuerunt sepulti Moyses & Aaron, & in quodam specu misit, & os speluncæ magno lapide clausit: atq; in ipsa petra Dei nomen impressit: & factum est sigillum in similitudine sculpturæ, quæ ferro cauatur. Et nubes operuit locū, ita vt nullus posset agnoscere eum. Illic tamē sæpe nubes vt ignis fit nocturno tempore, eo quod à sua lege Dei gloria non recedat. Reliquerat Rex Nabuchodonosor de pauperibus terræ filios Israel vt colerent terrā. Qui ducentes secum Hieremiam & Baruch fugerunt in Ægyptum. Cumq; redargueret eos Hieremias, quod sacrificabant diis alienis lapidauerunt eum: Ægyptii vero honorauerunt prophetam sepelientes eum in sepultura Regum memores beneficiorum,

quæ præstiterat Ægypto. Oratione namq; sua fugauerat aspides & crocodilos, quibus Ægyptus prius infestabatur. Post hæc anno quinto euerfionis Hierusalem descendit Nabuchodonosor in Ægyptum, & subuertit eam. Denuo Iudæos, quos ibi reperit, captiuos duxit in Babylonem. Ab hac vltima captiuitate reliquiarum Iuda, quidam numerant septuaginta annos, vsque ad secundum annum Darii filii Histaspis. Tres enim fuerunt captiuitates. Prima fuit productionis manifestæ: quæ incepit quartodecimo anno regni Iosæ Regis iusti, & durauit vsq; ad primum annum Regis Cyri. Secunda incepit anno tertio Regis Ioachim, quæ fuit afflictionis, & durauit vsq; ad vicesimum annum Cyri. Tertia incepit vltimo anno Sedechiæ, quæ fuit desolationis & durauit vsque ad secundum annum Darii filii Histaspis. Tamen magis videtur quod septuagesimus annus à destructione templi vsq; ad perfectam restaurandi licentiam sit computandus. 10

Quinta ætas seculi.

QUINTA ætas à transmigratione Babylonis vsq; ad Christum, quam Mattheus per generationes exequitur; quia in progenitoribus quis quot annis vixerit, non facile noscitur, vt pote in captiuitate constitutis. Ideo melius numerus annorum ætatis huius vsque ad Christum per historias gentium cognoscitur adhibendus. Tamen sciendum quod scriptura sacra, si pauci menses vel dies solido annorum numero superfuerint, in annorum numeris putandis eos ponere minime consueuit. Item si pauci defuerint pro solido per synecdochen computantur, partem anni plerunq; ponendo pro toto. Quod in hoc opere factum pluries reperitur. Item vnus & idem Rex patri conregnauit. prius regnare cæpit: qui postea fuit illius vel alterius regni maiori gloria decoratus. Quare quidam computant à principio regni eius & alii à sublimatione maiori: vnde videtur in scripturis sæpe discordantia suboriri. Quod prudens & sedulus lector, clare aduertere potest. 20

Anni ab orbe c. Hebræorum captiuitas annis LXX.

4810.

Darius annis XXXIIII.

Xerxes annis viginti.

Artaxerxes annis quadraginta.

Darius, qui & Nothus annis decem & nouem.

Artaxerxes annis quadraginta.

Artaxerxes annis viginti sex.

Artes annis quatuor.

Darius annis sex.

Alexander annis quinque.

Ptolemæus annis quadraginta.

Philadelphus annis triginta octo.

Euergetes annis viginti sex.

Philopator annis decem & septem.

Epiphanes annis viginti quatuor.

Philometor annis † triginta quinque.

Euergetes annis viginti nouem.

Soter annis decem & septem.

Alexander annis decem.

Ptolemæus annis octo.

Dionysius annis triginta.

Cleopatra annis duobus.

Iulius Cæsar annis † quinque.

Octavianus Augustus vsque ad natiuitatem Christi annis quadraginta duobus. 50

5327.

Hebræorum captiuitas annis septuaginta permanfit: in quibus ignis ab altari Dei subtractus & absconditus in puteo post septuagesimum regressionis annum assumitur inuentus viuus. Annus septuagesimus à destructione templi vsque ad perfectam restaurandi licentiam est computandus. Nabuchodonosor elatus superbia, & non cognoscens Deum, vt debuit post reuelationes somniorum, quæ vidit, ab hominibus est eiectus, & fænum vt bos comedit. Mutatus est non corporis mutatione, sed alienatione mentis, & videbatur ei, quod esset bos in anterioribus, & in posterioribus Leo, quia in prima ætate voluptuosus fuit, & ceruicosus, & in fine multos interfecit: & nullus Regum

gum ei resistere potuit. Daniel autem orauit dominum, & obtinuit, vt septem menses verterentur. In quibus quadraginta diebus insaniam patiebatur, & per alios quadraginta ad cor hominis vertebatur, donec septem menses complerentur. Post quos reuocatus est: non tamen statim regnauit, sed statuti sunt pro eo septem iudices, & vsq; ad finem septem annorum pœnitentiam egit panem & carnes non comedens & vinũ non bibens iuxta consilium Danielis. Et cum iterum regnasset, voluit Danielelem coheredem facere filiorum: & Daniel noluit.

Euilmerodach autem filius Nabuchodonosor, cum pater insaniam pateretur, multa malageffit in terra: vnde Nabuchodonosor restitutus regno misit eũ in carcerẽ, vbi erat Ioachim Rex Iuda. Dilexit autem Euilmerodach Ioachim valde, & pepigit cum eo amicitiarum fœdus. Post hæc mortuus est Rex magnus, Nabuchodonosor vocabatur, qui de spoliis hostium templum Beli in Babylonia magnifice decorauit. ciuitatem reparans, ita vt fere nequaquam obsidentes valerent flumen auertere, paternis munitionibus multo maiora addidit. Sepulchrum patris mirabili opere decorauit: & in dieb. quindecim miranda ædificia consummauit. Detulit etiam lapides grandes: ex quibus fecit instar montis ædificium magnum, & superplantauit arbores, & hortum, qui suspensus dicebatur, eo quod vxor eius, quæ in finibus Mediæ nutrita fuerat, regionẽ suam à longe videre desiderabat. Afferunt quidam eum fortitudine & operum magnitudine Herculem transcendisse. Tamen obsedit fortissimam ciuitatẽ Tyrum ttrib. annis & decem mensibus, & non cepit eam. Mortuus est eo tempore Rex Nabuchodonosor: & regnauit Euilmerodach filius eius pro eo. Hic duxit vxorem fratris sui: ex qua genuit Egeasar, Lobosardach, & Balthasar. Euilmerodach anno primo regni sui eleuauit Ioachim Regem Iuda de carcere: & posuit thronum eius super thronum Regũ qui erant cum eo in Babylone. Et timens ne resurgeret pater suus qui de bestia resurrexerat in hominẽ, & quia sepulchrum eius aliquando moueri videbatur, consuluit Ioachim: ad cuius consilium patrem secreto extumulauit, & cor atq; cadauer eius in trecentas partes diuisit & dedit eas trecentis vulturibus comedendas. Et ait ad eum Ioachim: Non resurget, inquit, pater tuus nisi redeant vultures in vnum quos euolare fecisti. Mortuus est Euilmerodach, & regnauit Egeasar filius eius pro eo. Cui successit Laborfardach frater eius. Isto defuncto ad Balthasar fratrem eius transiit imperium. Sub istis sex Regibus expleti sunt septuaginta anni captiuitatis Iudæorum: quæ primo anno Cyri Regis Persarum laxata est.

Darii filia fuit mater Balthasar: pro qua factus est hortus suspensilis: & quia Balthasar filium non habebat, festinabat Darius occupare regnum. Similiter Cyrus erat nepos Darii filius sororis Balthasar: per quam idem Balthasar adeptus est Babyloniæ regnum. Petebat Cyrus ab Balthasar partem eiusdem regni: & ille contempsit eum habere consortem: vnde Cyrus Rex Persarum congregato exercitu cum Dario auunculo suo Rege Medorum Assyrios & Babyloniã petit bello vendicaturus regnum Balthasar. Scindens autem primo impetum fluminis Tigris secundæ post Euphratem magnitudinis, ipsum flumen per magnas concisum deductumq; fossas in trecentos sexaginta alueos comminuit: & alueum ad siccum vsq; perduxit. Eo prædoctis opere fossoribus etiam Euphratem longe validissimum fluuium per mediam Babyloniã interfluentem multis fossis deriuauit: ac sic meabilibus vadis eo diminuto exercitib. suis iter siccum aperuit. Intrauerunt igitur hostes: & capta est vrbs tunc longe cunctis gloriosior & opulentior: quam humano opere posse extrui vel humana virtute capi vel destrui posse, fere apud mortales incredibile videbatur. Ipsa nocte Balthasar viderat manum scribentem contra se in pariete: & eadem nocte interfectus est à Chaldeis.

Darius regnauit annis triginta quatuor. Huius anno secundo Iudæorum est captiuitas resoluta. Cyrus enim tanquam maiori in omnibus deferebat. Nempe Babylonia à Nembrot gigante fundata, à Semiramide Regina reparata delitiis & fortitudine abundabat. Hæc campi planicie vndique conspicua, natura loci lætissima, castrorum altitudine mirifice decorata, mænibus paribus per quadrum pulchre disposita, firmitas & magnitudo murorum eius vix relatu credibilis, habens in latitudine cubitos centum quinquaginta & altitudine sexcentos ab hostium cunctorum incurfibus secura videbatur. Ceterum ambitus eius quadringentis octoginta stadiis ¶ circumuenitur. Ipsa autem latitudo murorum in consummatione pinnarum, vtroque latere habitaculis æque dispositis media intercapedine sui iunctas quadrigas capit. Murus coctili latere atq; interfuso bitumine erat compactus.

Lidiam.

Fossa extrinsecus late patens vndique vice amnis circumfluit. In fronte autem murorum erant centum portæ æreæ nimiae magnitudinis. Et tamen Babylon illa à Deo fortis & magna minima mora victa & capta subuersa est. Cyrus postquam Babyloniam vt hostis inuasit vt victor euertit, vt Rex disposuit, bellum transtulit in † Libyam.

Tenuit Darius anne primo monarchiam sibi exhibente obedientiam Cyro: secundo vero anno constituit Cyrum monarcham, quia cum super salutem propriam diligebat. Vnde Cyri monarchiae anno primo suscitauit Deus spiritum eius, & dedit libertatem omnibus Iudæis, qui erant in regno suo, & licentiam redeundi in Iudæam, & ædificandi domum domini. Cumque Iudæi inciperet ædificare, Samaritæ inuidentes impediabant eos. Et cum non possent eos impedire per se, dederunt munera Principibus Regis Persarum, qui erant positi super terram, vt eos impedirent. Vnde factum est vt ignorante Cyro adeo impedierint eos, quod in triginta annis, in quibus Cyrus regnauit, non erexerunt muros templi nisi vsque ad apodationem. Porro Cyrus cum percussisset Cresum iuxta fluuium Halim, gentem Lydorum bellicosissimam astute redegit in socordiam: tradidit enim illis sollemnitates & ludos, præcipiens eis vt lusibus, comestationibus & amplexibus vacarent quasi beneuolentiam in eis ostendens: & in hunc modum eos eneruauit: & quos bello non poterat, per libidinem expugnauit. Postea vero misit nuntios ad Thomirim Reginam Masagetarum, vt eum acciperet in coniugem. Quæ cum nollet ab exercitu Thomiris Cyrus bello victus est & occisus. Quæ caput illius præcisum in virem plenum sanguine humano proiciens insultando dixit: satia te sanguine quem sitiisti.

In diebus Cyri septimus Rex Romanorum Tarquinius superbus à regno est expulsus & merito, quia urbem velut Rex premebat, velut exactor seruitiis perurgebat, velut hostis bellis & seditionibus regnum euertebat, & crudelitate Tarquiniarum, quos secum habebat, deuastabat Romam. Hic excogitauit diuersa genera tormentorum scilicet, vincula taurea, fustes, latumias, carceres, compedes, catenas, & exilia. Causa etiam Tarquinii iunioris filii sui, qui Lucretiam nobilem matronam corruerat, omnibus erat odiosus. Post hunc Romani sibi consules præfecerunt, & leges statuerunt vsque ad Iulium Cæsarem. Sicque factum est, vt cadente Babylonia surgeret Roma. Babylon namque à Cyro Rege Persarum est subuersa & Roma eo tempore à pestifera Tarquiniarum Regum dominatione est liberata. Siquidem cecidit orientis regnum, & ortum est imperium occidentis. Et per quatuor mundi partes quatuor regnorum principatus eminentes extitisse noscuntur. Babylonium regnum ab oriente, Carthaginense à meridie, Macedonicum à septentrione, ab occidente vero viguit Romanum imperium. Primus consul Romanorum Brutus fuit vix tenente Roma imperium vsque ad quintumdecimum miliarium: quamuis quædam aliæ regiones sibi iam fauorem & seruitium exhiberent propter eius fortitudinem & prudentiam. Inde etiam tribuni plebis & dictatores & rursus consules rempublicam rexerunt vsque ad Iulium Cæsarem.

Mortuo Cyro successit ei filius eius Cambyfes qui apud Esdram Artaxerxes vel Assuerus dicitur. In historia vero Iudith Nabuchodonosor vocatur. Per idem tempus Iudith historia scribitur. Pythagoras quoque Arithmeticæ artis inuentor, atque Xenophanes comædiarum scriptor insignis habetur. Iesus sacerdos magnus, & princeps gentis Zorobabel claruit. Aggæus, Zacharias, & Malachias prophetae claruerunt. Cambyfes autem ingressus Ægyptum vastauit eam & condidit Babylonem in Ægypto: cumque reuerteretur ab Ægypto ægrotabat & ferebatur ceruicibus Regum. Et mortuus est in Damasco.

Erant tunc in Perside septem magi, id est, septem sapientes, & conuenerunt inter se vt venirent diluculo in atrium palatii super equos soli ante fores templi. Et cuius equus prius hinniret, Rex constitueretur. Erat vnus eorum Darius filius Histaspis: qui secrete mandauit custodi equorum suorum vt in loco ad quem in crastinum conuenire debebant, equo suo de nocte supponeret equam. Quo facto cum in crastinum septem magi ad dictum locum venissent, statim ad equæ memoriam equus Darii hinnitum dedit: & continuo Darius in Regē est eleuatus. Erat ei valde familiaris Zorobabel, & obtinuit ab eo anno secundo regni sui constructionem templi, & vasa domini remitti in Hierusalē. Et consummatū est tēplū quadragesimo sexto anno à prima licentia quā dedit Cyrus redeundi & ædificandi templum. Vnde in Euangelio dicitur: quadraginta & sex annis ædificatū est templū hoc. Post Dariū Xerxes filius eius regnauit, qui Deū coluit

coluit, & multa gloriose gessit. Darius autem magnus filiam Cyri duxerat uxorem ex qua genuit Xerxem, qui regnavit annis viginti. A quo tempore in Israel non Reges sed Principes fuerunt usque ad Hyrcanum & nepotem eius Aristobolum. Tunc temporis Herodotus historiarum scriptor & Xeufis agnoscitur pictor, Hesiodus, Pindarus; Sophocles, & Euripides tragicædiarum scriptores fulserunt, Gorgias primus rhetor claruit. Hoc tempore lapis habens formam caprinam in Ægæum mare visus est cecidisse de cælo.

Artaxerxes qui & Longimanus regnavit annis quadraginta. Esdras sacerdos legem à Chaldæis succensam per spiritum sanctum reparavit, & scribendi modum & 10 novos apices litterarum excogitavit, qui faciliores ad scribendum fierent & ad pronuntiandum. Prius enim arantis more scribebant de sinistra in dextram & de dextra in sinistram, unde scribere dicitur exarare. Nehemias muros Hierusalem restauravit, & dux Israel fuit. Aristarchus, Aristophanes, Sotades tragicædiarum scriptores habentur. Hypocras medicus, Socrates philosophus & Demetrius claruerunt. Darius qui & Nothus annis decem & novem. Plato philosophus floruit. Dionysius in Sicilia tyrannidem exercuit. Ignis de Æthna usque ad mare erupit. Ægyptus à Persis recessit. Hic fecit vineam auream in qua erant diuersi generis gemmæ pro racemis pendentes. Artaxerxes qui à Iudæis Asuerus dicitur, annis quadraginta. Ester historia expletur. Plato quoque & Xenophon claruerunt. Athenienses viginti quatuor litteris uti cœperunt, cum antea sedecim solummodo vterentur. Senones Galli duce Brenno Romanam inuaserunt & ex ea partem maximam cremauerunt. Romani sex mēribus tribunis militaribus pro cōsulibus uti cœperunt. Obiit Anaxagoras philosophus & Heraclytus tenebrosus atque Democritus. Socrates venenum bibit & mortuus est. Diogenes claruit. Magnus philosophus Aristoteles Hispanus natione in Græcia Platonem audiuit: & in multis floruit maxime dialectica & metaphysica. Artaxerxes annis viginti sex. Hic Ochus dictus est & ciuitate Apodasmo Iudæorum capta in Hircaniam accolatranslatos iuxta mare Caspium collocavit. Arses annis quatuor. Demosthenes primus orator agnoscitur. Romani Gallos superauerunt. Iudæorum Pontifex maximus Iaddus: cuius frater Manasses templum in monte Garizion cōstruxit ad similitudinem 30 templi Hierusalem: & multos Iudæorum secum associavit. Darius annis sex. Eodem tempore Manlius Torquatus consul Romanorum filium suum virgis cæsum securi percussit, quia contra imperium consulum cum hostibus pugnavit, & tamen vit eos.

Alexander Macedo annis quinque. Ille regnavit annis duodecim: sed illi quinque hic tantummodo computantur quibus Asiæ monarchiam tenuit solus. Fuit filius Philippi Regis Macedonum: qui per insidias est peremptus à Pausania trahente genus ab Oreste. Alexander viginti annorum erat cum regnare cœpisset: qui volens obtinere Syriam transiit Hellespontum. Et congregati sunt aduersus eum duces Darii qui erant trans flumen: & super Granicum fluuium expugnauit eos. Tunc Darius Arsami 40 filius collegit exercitum magnum, & transiit Euphratem, & montes Ciliciæ, sperans iuxta montem Taurum in Armenia minore Macedones expugnare. Commisso autem prælio victus est Darius ab exercitu Alexandri: & capta matre eius uxore ac filiis ad Persas fugit. Alexander autem cepit Damascum & subiugata Sydone Tyrum obsedit. Et scripsit ad Iaddum principem sacerdotum in Hierusalem, ut sibi præberet auxilium & exercitui venalia præpararet & redderet sibi tributa, quæ prius Dario conferebat. Respondit autem Iaddus se Dario sacramenta dedisse, nec eo viuente posse transcendere constituta. Tunc iratus Alexander valde comminabatur Iudæis, & iniectis aggeribus coæquauit muris ciuitatis, & cepit Tyrum fortissimam ciuitatem: quam fortis Rex Nabuchodonosor fere per quatuor annos obsedit & eam non po- 50 tuit capere. Destructa igitur Tyro & terræ coæquata magnus timor inuasit omnes orientales qui audierunt. Post hæc obsedit Alexander Gazam, & ea capta Hierosolymam festinabat. Timentes autem Iudæi clamauerunt ad dominum, & immolabant hostias. Summus sacerdos Iaddus obtulit sacrificium. & cū obdormisset admonitus est à Deo quid faceret. Et exurgens à somno ciuitatem Hierusalem multis insigniis ornauit: & ipse pontificalibus indutus, & reliqui sacerdotes cum eo stolis legitimis decorati venienti Alexandro obuiâ extra ciuitatem processerunt. Alexander autem intuens summum Pontificem sacris vestibus insignitum ira mutata in mansuetudinem statim de equo descendit, & nomen domini quod scriptum erat in lamina aurea, quæ erat in fronte sacerdotis, adorauit. Interrogatus autem quare sacerdotem gentis Iudææ adorasset, respondit:

Non hunc adoravi, sed Deum cuius principatum sacerdotii gerit: nam per somnium in tali habitu Deum conspexi, dum essem in Macedonia: qui mihi totam Asiam se daturum promisit. Ingressus itaque urbem Alexander secundum iussionem sacerdotis in templo sacrificium obtulit, & dona multa auri & argenti contulit, & concessit Iudæos ubique patriis legibus uti, & septimum annum sine tributo esse propter sabbatum terræ: atque exinde cum lætitia & deuotione profectus est. Cumque venisset ad montes Caspios, miserunt ad eum filii captiuitatis decem tribuum postulantes, ut daret eis licentiam in terram Israel reuertendi. Qui, cum quæssisset captiuitatis causam, accepit eos adeo Israel recessisse idolis & vitulis aureis immolando. Tunc respondit quod arctius includeret eos: cumque angusta viarum loca obstrueret molibus bituminatis terra subito tremuit, & fulgur cecidit, & præcis rupibus maxima montium pars corruit & loca meabilia obstruxit. Rex autem Alexander interfecit Darium Regē Persarum & Regem Porū: qui fecerat vitem magnā ex auro: vbi erāt quasi racemi omnium lapidum pretiosorum inæstimabilis pretii. Accepit aurum & lapides Alexander & diuisit exercitibus suis. Et cum post multos triumphos totius Asiæ monarchiā obtinuisset, posuit in Lybia Gades, id est, columnas æreas & marmoreas & arcum triumphalem. Reuertens autē in Babylonem sumpto veneno vsum linguæ amisit: & extremam voluptatem suam scripto expressit. Noluit monarchiam suam in aliquem transferre ne aliquis par ei potentia apud posteros legeretur. Duodecim quos ab adolescentia socios habuerat regni successores instituit. Hæc autem institutio nō stetit: nam quatuor ex his abiectis aliis regnauerunt. Fertur etiā duodecim Alexandrias cōdidisse per numerum annorum quibus regnauerat: in Lybia quoque Aretho condidit ad indicium virtutis suæ. Tunc regnū Persarum deletū est. Post mortē Alexandri regnū eius diuisum est secundū Danielis prophetiā in quatuor ventos cœli. In Ægypto enim quæ est ad meridiem, primus regnavit Ptolemæus, qui Soter est cognominatus filius Lagi: à quo sequētes Reges Ægypti Ptolemæi dicti sunt. In Macedonia Philippus, qui & Arideus, frater Alexandri, quæ est ad occidentē Syriæ & Babylonis & superioribus locis, quæ sunt ad orientem, Seleucus Nicanor imperauit Asiæ & Ponto & ceteris in eadem plaga prouinciis, Antigonus imperauit ad septentrionem.

Post Alexandrum in Syria regnavit Seleucus. Post Seleucum Antiochus Soter: à quo successores Reges Antiochi dicti sunt. Post Antiochus Theos. Post Antiochus Galeritus. Post Antiochus Magnus. Post Antiochus Epiphanes. Hic cum esset Romæ pro patre obses, mortuo patre clam reuersus in Syriam exhibuit se benignum omnibus & munificum. Strenuus erat in agendis & acer in hostes: vnde à populo cognominatus est Epiphanes, quod sonat illustris. Qui cum sibi regnum adeptus esset, aperuit malitiam insitam sibi, & erexit se impius contra Deum. Hic enim Hierusalem dolo inuasit, & templum expoliavit, Ephebiā, id est, Lupanar epheborum in Hierusalem constituit, leges Dei abstulit, cunctos sibi subditos in idolatriam impulit, & summum sacerdotium impiissimo Iasoni vendidit. Ob quam causam ignis sacrificii, qui per septuaginta annos Babylonicæ captiuitatis & etiam amplius in puteo sub aquis vixerat extinctus est super altare, quamuis lignorum fomite nutrire. Vnde notandum quam inæstimabile malum sit apud Deum vitium simoniæ.

Ptolemæus Soter post Alexandrum regnavit in Ægypto annis quadraginta. Hic in Iudæam sub specie sacrificandi Deo Hierusalem veniens die sabbathi multos Iudæorum cepit: & tam de Iudæa quam de Garizim captiuos trahens ad Ægyptum rediit & venditioni exposuit: vnde à negotiatoribus nationum per multas regiones distracti sunt & dispersi. Inde est quod in actibus Apostolorum legitur: quod erant habitantes in Hierusalem Iudæi viri religiosi ex omni natione quæ sub cœlo est. Tunc liber primus Macchabæorū inceptit. Menander Comicus, & Zenon & Theophrastus philosophi claruerunt. Eo tempore Apius Claudus Cæcus Romæ claruit: qui aquas Claudias induxit, & viam Apiam lapidibus nigris strauit. Censu Romæ agitato inuenta sunt ciuium ducenta septuaginta millia: quoniam singula capita ciuium dederunt nomen ut certus numerus haberetur. Condite sunt à Romanis Ariminum & Beneuentum.

Ptolemæus Philadelphus annis triginta octo. Hic nutu Dei dedit edictum, ut omnes Iudæi qui erant sub eius ditione, haberent licentiam in terram suam redeundi, & obseruandi legem Dei. Misit etiam munera ad Eleazarum summum sacerdotem in Hierusalem rogans ut mitteret sibi legem Dei & viros peritos qui eam transferrent de Hebræo in Græcū. Eleazarus vero misit sapientissimos viros septuaginta duos cū lege ad Ptolemæū. Qui recepit eos honorifice: & quidquid ab eis obscurū quæsiuit inuenit:

& ma-

& maxime de cognitione Dei & administratione regni: & in septuaginta duobus diebus in singulis cellulis transtulerunt totam legem: & per spiritum sanctum vna & eadem tam in verbis quam in sententiis inuenta est editio omnium. Placuit factū Regi: & eos bene remuneratos remisit gratias agēs. Eleazaro quoq; transmisit munera multa. In templum misit vasa sancta quæ potuit inuenire. Misit etiam mensam magnam gemmis pretiosissimis insignitam: cuius spissitudo cum esset dimidii cubiti, opus tamen materiam superabat. Eo tempore Sostratus Pharum in Alexandria construxit mirabile valde: erat enim turris altissima in littore maris sita, non in terra fundata, sed super quatuor cantos vitreos posita: & tantæ magnitudinis artificio quod ignis in summo positus totum littus irradiabat. Erat quoq; in ea mirabile phanum sepulchrum Arati in Sicilia admiratione dignum: nam saxa iacta super eum resiliunt. Tunc Aratus astrologus claruit: & argentei numi primum Romæ cuduntur. Carthaginenses nauali prælio vicerunt Romanos Metello consule fugato.

10 Ptolemæus Evergetes frater Philadelphi annis viginti sex. Hic ab Ægyptiis Evergetes dictus est, quod reuectio sonat. Etenim post vastatam Syriam, Ciliciam, & partē Asiæ inter innumera spolia quæ cepit, etiam Deos eorum, quos Cambyfes in Persas transuexerat, reportauit. Eo tempore Iesus filius Sirac ecclesiasticum librum sapientiæ composuit, & quædam Salomonis verba interseruit in eo. Ennius Tarentinus à Catone quæstore Romæ translatus est. Quadraginta fere millia Gallorū à Romanis cæsa sunt.

20 Apud Rhodū colossus magnus corruit terræmotu. Erat enim imago maxima tam miræ magnitudinis, vt sagitta ad summū dirigi non valeret. Caput eius tantæ magnitudinis quod capere poterat triginta coros grani: in inferiori parte in plantis pedum eius apertura erat, vnde homo intraret & ad caput ascenderet.

Ptolemæus Philopator annis decem & septem. Fuit filius Evergetis. Ab isto Iudæi prælio victi sexaginta millia corruerunt: Siciliamq; Marcellus consul obtinuit.

Ptolemæus Epiphanes annis viginti quatuor. Libri secundi Macchabæorum historia inchoat. Hac ætate Romani victos Græcos liberos esse iusserunt dicentes: impium est seruos esse, apud quos philosophia primum orta est magistra morum & inuentrix liberalium disciplinarum.

30 Ptolemæus Philometor annis triginta quinque. Per idem tempus Scipio Africam vicit: & Terentius comicus claruit. Hunc Ptolemæum Rex Syriæ Antiochus magnus vicit, & Iudæam sibi subiugauit. Tributa septimi anni & ministrorū templi, quæ Philadelphus relaxauerat, reuocauit. Qui dum finitimas regiones supra modum infestaret, delata est res ad Romanos: & missi sunt ad eum Scipio Africanus & Scipio Nasica & ab infestatione sub religione iurisiurandi amouerunt eum. Insuper tulerunt ab eo obsidem filium eius Seleucum. Quem volens recipere ab eis tradidit pro eo filium minorem natu Antiochum Epiphanē: ita quod esset obses perpetuus. Antiochus magnus regnante Ptolemæo Epiphane Syriam & Ægyptū fortiter infestabat. Onias autē sacerdos assumptis plurimis Iudæorū fuit in Ægyptū: & accepit à Rege, Helipoleos regionē, & in eo struxit templū simile templo Iudæorū asserens se implere vaticiniū Isaię dicentis: Erit altare domini in Ægypto & titulus eius in terminis eius. Hoc templū Ptolemæus Philometor multis diuitiis & gloria decorauit: quod postea Vespasianus cum ipsa ciuitate quæ dicebatur Oniæ funditus euertit. Occisus est in Perfide Antiochus in phano Naneæ, id est, fortunæ: & membratim eiectus est à sacerdotibus qui dolose promiserant ei thesauros: & regnauit pro eo filius eius Seleucus pessimus & iners. Eo tempore Aristobolus natione Iudæus peripateticus philosophus scripsit commentarios in Moysem Ptolemæo Philometori. Antiochus vero Epiphanes qui erat Romę obses, occulte fugit in Syriā, & obtinuit regnū. Hic templū Hierusalē spoliauit, & omnē vsum sacrificiorū remouit: idolū Iouis Olympici inter duos Cherubim posuit, & sanctuarium

40 pphanauit. Pensanda valde tunc prudentia Romanorū: nā subditos sibi, amicos vocabant strenue defendentes. Vnde cum Antiochus obsideret Alexandriā Ægypti, legati Romanorū missi sunt ad Ægyptios liberandos quib. fæderati erant. Cumq; applicuissent, egressus est eis obuiā Antiochus. & cum staret in littore, dixit ei Marc. Publius: Senatus populusq; Romanus præcipiunt tibi recedere ab amicis suis: cumq; ille peteret inducias respondendi, Marcus circa illū fecit circulū in sabulo dicens: Senatus populusq; Romanus præcipiunt tibi ne egrediaris de hoc circulo donec respondeas. Ad quę Antiochus: si sic visū est senatui populoq; Romano recedendū est: & recessit ab Ægypto. Tunc tēporis Mathathias leges patrias fortiter vindicauit. Quo mortuo Iudas Macchabæus ducatū Iudæorum suscepit. Antiochus autem cum iterū preponeret Iudæam

50

euertere & facere Hierusalem polyandrium Iudæorum, iussit in furore agitari cur-
rum: & statim apprehendit eum grauis dolor viscerum, & cadens de curru in petram
collisus est: ferebatur humeris in gestatorio, & ebullientes vermēs fluebant à carne
eius: & nec ipse nec exercitus factorem illius poterat sustinere. Cognouit Antiochus
potentiam Dei: & fatebatur se pati hoc pro violatione templi, atque inter amarissimos
dolores in montibus miserabiliter mortuus est.

Ptolemæus Evergetes annis viginti nouem, qui Philologus dictus est. Hoc tem-
pore per consules Brutum & Tolemonem Hispaniæ maior pars à Romanis plus sapi-
entia quam armis obtenta est: & constructa ciuitas Toletana. Ionathas dux & pontifex
Iudæorum. Quo à Triphone interfecto Simon frater eius in ducatum & sacerdotium
eleuatur: & quia Romani sapienter & elementer se gerebant regendo fere totus orbis
eorum dominium expetebat.

Ptolemæus Soter annis decem & septem. Varro Ciceroque nascuntur. Thraces
Romanis subiiciuntur.

Ptolemæus Alexander annis decem. Syria per Gabinium ducem in Romano-
rum dominium transit.

Ptolemæus Phiscon Cleopatraz filius annis octo. Hic postquam à matre per Ga-
binium ducē fuerat eiectus anno octauo regressus de Cypro regnū obtinuit: eo quod
Alexandrū, qui ante eum regnauerat, ob interfectionē matris ciues à regno expulerāt.
Per idem tempus Sylla Athenienses vastat: Salustius quoque historiographus nascitur.
Aristobolus filius Ioannis Hyrcani regnum & pōtificatum Iudæorū post captiuitatē Ba-
byloniæ obtinuit primus. Plotius Gallus latinam rhetoricam primus docuit Romæ.

Ptolemæus Dionysius annis triginta. Per idem tempus Cato philosophus clauit.
Virgilius nascitur Mantuæ: qui multa Romæ & Neapoli humana sapientia gloriose
fere incredibilia fecit: cuius etiam carmina de Christo manifestissime prophetare vi-
dentur. Horatius nascitur in † Venusina. Cicero laude oratoria celebratur. Apollo-
dorus clarus habetur, qui postea exitit præceptor Augusti. Ouidius philosophus poeta
nascitur. Pompeius capta Hierosolyma templum irreuerenter intrauit, & vsque ad
sancta sanctorum ascendit: cuius miratus pulchritudinem nihil de thesauris domus
Domini abstulit, sed intactos permanere præcepit: Iudæos tamen tributarios Roma-
nis fecit.

Cleopatra regnauit annis duobus. Hæc Ptolemæi Evergetis Regis Ægypti fuit
filia, & fratris Ptolemæi Philopatoris soror & coniux effecta. Quæ dum Philopatorem
regno fraudare voluisset, tempore belli ciuili in Alexandria occurrit Cæsari: & per
speciem atque stuprum regnum sibi & mortem Ptolemæo apud Iulium impetrauit.
Atque Alexandriæ regnum per Iulium Cæsarem in Romanam transiit ditionem. Re-
gnum Ægyptiorum finit. Cleopatra postea Antonio Cæsari nupsit: & inter Octauia-
num Augustum & Antonium discordiæ nutrix fuit.

Cæsar Iulius annis † quinque. Ab isto sequentes imperatores Romani Cæsares
vocati sunt. Hic primus Romanorum monarchiam tenuit & inter mortales victori-
osissimus fuit.

Octauianus Augustus ante natiuitatem Christi imperauit annis quadraginta
vno: cuius incipiente imperii anno quadragesimo secundo in Bethleem Iudæ de
virgine Maria natus est Christus. Ab isto sequentes imperatores Romani Augusti dicti
sunt. Finit ætas quinta seculi. Tamen ordiendum est qualiter sacerdotium & regnum
Iudæorum post captiuitatem Babyloniz fuerit reparatum, vt ad narrationem sextæ æ-
tatis seculi clariùs accedamus.

Post mortem Simonis ducis & sacerdotis magni, qui fuit vltimus quinque filio-
rum Mathatiæ, successit ei filius eius Ioannes cognomine Hyrcanus: qui tale cogno-
men sortitus est eo quod Hyrcanorum populos in bello strenue superauit. Hic inse-
cutus est Ptolemæum, qui patrem eius Simonem dolo interfecerat, matremque eius
cum duobus paruulis tenebat in vinculis, & fugerat ad Dagon oppidum vltra Hieri-
chonta. Obsesso vero oppido cum Ioannes acriter insisteret, Ptolemæus matrem eius
& fratres super muros cadebat vsque ad sanguinis effusionem: fractusque pietate Io-
annes ab impugnatione se temperabat: matre tamen clamante ne propter se sineret
Ptolemæi scelus inultum, mortem enim suam sic iudicare meliorem immortalitate.
Ob hoc itaque diutius tracta obsidione septimus aduenit annus, Iudæis feriatu, re-
cessitque ab obsidione Ioannes. Ptolemæus vero matre ipsius & fratribus occisis fugit
ad Zenonem Philadelphæ Tyrannum, qui Cotyla dicebatur.

Post

Post Antiochus Pontius Rex Syriæ obsedit Hierusalem. Quamobrem aperuit Ioannes duos de octo loculis circumstantib. sepulchrum Dauid: & sustulit ex eis plusquam tria millia talentorū auri & argenti, deditq; trecenta talenta Antiocho vt ab obsidione recederet, & vt placaret murmur populi de sepulchri apertione, de reliqua pecunia primus instituit hospitale pauperū in Hierusalem & muros fortes in eo instituit ad defensionē templi. Samariam captam solo æquauit: quam post Herodes instaurans Sebastem nominauit. Eodem tempore mortuo Ioanne filio Simonis, qui cognominabatur Hyrcanus, rebus optime administratis relictis quinq; filiis Aristobolo & Antigono cum tribus aliis minoribus, Alexandra vxor Ioannis disertissima ex præcepto Ioannis præerat Iudæis, eo quod nullus filiorum ad populum regendum sufficeret. Aristobolus vero impatiens dominii materni matrem cum fratribus minorib. incarcerationi: & Antigonom, quem diligebat secundum à se cōstituit: imposuitq; sibi diadema regni & sacerdotii, & restitutum est regnum Iudæ. Fluxerant à Sedechia vel à captiuitate Babylonis anni quadringenti septuaginta quinq;. Aristobolo autem præcisum est regnū, & non regnauit nisi per annum, eo quod matrem fame peremerat in vinculis. Consilio etiam vxoris suæ fratrē suum Antigonom interfici fecit, & ipse postea expirauit. Quo mortuo vxor eius, quæ prolem ex eo non susceperat, fratres viri soluit à vinculis maiorem natu Alexandrum Regē constituens, qui cognominatus est Iannæus. Hic Alexander filius Ioannis Hyrcani regnauit annis triginta octo. Accepit vxorē nomine Alexandram, quæ & Salome dicta est. Adeo nequissimus fuit quod in trib. annis circiter quinquaginta millia seniorum interfecit, quia facinora eius detestabantur: Cumq; offensus esset populo, muniuit sibi palatium in turri, quæ Baris dicebatur, quam duo viri defendere poterant ab omni viuente. In tantum odiosus erat Iudæis vt semel percunctati ab eo quo pacto posset eos sedare, responderint, si moreretur. Ob hoc in plateis Hierusalē octingentos viros vxoratos suspendit, vxoresq; eorum & liberos necauit. Sciens itaq; filios pro patre Iudæis odiosos, regnum reliquit vxori, quæ sub viro resistens ipsius tyrannidi beneuolentiam sæpe comparauerat, & simulatam religionem in habitu præferebat. His temporibus Iugurta contra Romanos dimicans à Sylla & Mario captus est. Romæ ars rhetorica cepit haberi edocta à Plotio Gallo. Alexandra dum regnaret Hyrcanum primogenitum suum Pontificem declarauit cum futurum Regē iudicans quia modestus erat. Minorē vero Aristobolum, eo quod feruentis animi videretur, priuatū viuere coegit. Eo tempore orta est in Iudæa hæresis Phariseorū, quorum consilio utebatur in omnib. Alexandra. Nono autē regni sui anno ægrotauit Alexandra: & Aristobolus collecta plurimorū manu post matrē nitebatur regnare. Ob hoc mater miserata querelarū Hyrcani acceptos obsides coniugē & filios Aristoboli in custodia reclusit, ne regnum sibi Aristobolus vsurparet. Mortua vero Alexandra Aristobolus contra fratrē mouit arma, & in congressione victus Hyrcanus fugit in Hierusalē. Tandem ea lege in concordiam redierunt, vt Aristobolus regnaret, & Hyrcanus sub eo quibuslibet honorib. fungeretur. Orta tamen iterum discordia magna inter Hyrcanū & Aristobolū, super obtentu regni fortiter contendebant. Tunc temporis Pompeius, qui missus erat à Romanis contra Tigranē Armeniæ Regē, cum audisset fratrum dissensionem, in Iudæam venit, atq; legati à fratribus vtrinq; venerunt eius auxilium postulantes. Properatē vero Hierosolymam Pompeio occurrit ei Aristobolus pollicens illi infinitam pecuniam, seq; Romano imperio de cætero pariturum. Cumq; missus esset Gabinius ad accipiendam pecuniam & vacuus reuerteretur, Pompeius Aristobolum in custodia collocauit: & obsedit Hierusalem: atq; à fautoribus Hyrcani in urbem receptus est. Fautores vero Aristoboli secesserunt in templum: sed à Romanis fortiter debellati. templum irruptum est & à Romanis prophanatum, ita vt equos in porticibus stabularent. Ob quam causam creditur, nunquam de cætero pugnasse Pompeium quin vinceretur, qui hactenus fortunatissimus fuerat. Imposuit Pompeius Hierosolymis tributum Hyrcano Pontifice declarato, & Aristobolum cum duobus filiis Alexandro & Antigono & totidem filiabus captiuauit: Romamq; per Ciliciam properabat Syria & Iudæa administratione Scauro commissa relictis secum duab. cohortibus, Alexander vero filius Aristoboli ex itinere fugit: qui magna manu collecta Iudæam deuastabat, & Hyrcano prominebat. Obtinebat autē munitissima loca: & in castro Alexandro à Gabinio obsessus consilio matris Alexander se & castra sua tradidit: quæ Gabinius funditus euertit. Post hæc Gabinius cura templi Hyrcano mandata gentē Iudeorū in quinq; conuentus diuisit quasi per pentarchias Iudææ superbiam frangens. Eo tempore Antipater alienigena factus est amicissimus Gabinio: adeoq; claruit quod data est ei vxor

Regis Arabum Cypris nomine: qui sustulit ex ea quatuor filios & filiam, id est, Phaselum, Herodem, qui post dictus est Ascalonita. Tertius Iosipus, quartus Pheroras, filia dicta fuit Salome. Post hæc casu elapsus est Aristobolus Roma, qui magna manu Iudeorum conflata in Iudæa Alexandria muro recingebat. Ad quem debellandū missus est à Gabinio Antonius. Captusq; iterum Aristobolus, cum filiis Romæ incarcerationis est: sed filii eius in Iudeā remissi sunt. Post hæc cum Gabinius apud Ægyptum detineretur, Alexander Aristoboli filius Iudeos iterū ad dissensionē reduxit. Sed rediens Gabinius eos pacificavit, & Hyrcano pontificatū confirmavit. Quo mortuo missus est præses Syriæ Crassus, ut etiam Parthos, qui iam Romanis imminabant, reprimeret. Hic tulit fere totum aurū de templo ad duo millia talentorum à quibus Pompeius abstinerat. Et ob hoc ex Romani senatus sententia † Cassius aurū igne liquefactū in os eius infudit donec moreretur dicens: Aurum sitisti, aurum bibe. Eo tempore factū est dissidium inter Romanos pro Pompeio & Iulio Cæsare. Cæsar autem post senatus & Pompeii fugam trans mare Ioniū rebus omnibus Romaq; potitus solutum Aristobolum cum duabus cohortib. in Syriam misit per hunc Iudæā sibi posse subiici arbitratus. Verum spes Cæsaris frustrata est. Nam ab amicis Pompeii veneno periit Aristobolus: occiditur quoq; filius eius Alexander Antiochiæ à Scipione. Solus Antigonus superstes remansit cum sororibus suis & ad quendam Ptolemæū, qui sub Libano morabatur, confugit. Accepitq; Ptolemæus minorem sororem eius Alexandram nomine in uxorem: de qua suscepit Lisaniam Abilinæ postea tetrarcham. Iulius quoq; Cæsar antea in cōsulatu Germanos & Gallos obtinuit: Britannos quoq; victos obsidib. acceptis stipendiarios fecit.

Inter Pompeium & Iulium Cæsare per quattuor annos indefinenter bellum acerrimum toto orbe tenuit: & in Emathia victus Pompeius Alexandria fugit: in qua à Ptolemæo Rege Ægypti percussus interiit. Mortuo Pompeio Antipater amicus Pompeii Iulio Cæsari se firmiter copulavit: & in multis fidelissimus amicus & subditus Cæsari claruit: unde ciuis est Romanus ascriptus, & eius gratia pontificatū Cæsar confirmavit Hyrcano, ita tamen ne Rex vocaretur. Post hæc Antipater filiū maiorem Phaselū Hierosolymis sub se procuratorem statuit, & Herodē Galilææ præfecit, & adeo terram sibi subditam quietā reddidit, ut Herodes, pater Galilææ cantaretur. Cæsar de partib. transmarinis Romā venit, & gloriose receptus, & octavo decimo die de Roma Saguntū accessit: & principantibus Petreio & Afranio totā Hispaniā Romano imperio subiugavit, & Hispalim Iuliam Romulā vocavit. Per diuersas Hispaniæ partes itinera ob insigne nominis fieri iussit: & turrim mirabilem in Pharo Galleciæ condidit. Et ab Hispania regressus Romę dolo Bruti & Cassii occisus est post annos quinque & menses septem quam regnare cæperat. Tribus autē annis & mensib. septem post victoriā Pompeii solus tenuit principatū. Obiit autē Cæsar anno ætatis suæ quinquagesimo sexto. Corpus eius combustū est à populo Romano in foro, & statuerunt sibi columnā lapidis Numidici, super quam tumulatus est in pomo deaurato, quę Iulia dicta est. Centesimo die ante mortem eius, fulmen cecidit iuxta statuā Cæsaris in foro: & de nomine eius superscripto C. litteram capitalē abruptit. Nocte præcedente diem mortis eius fenestræ thalami tanto strepitu apertę sunt, ut Cæsar à lecto exiliens ruiturā crederet domum. Eadē die cum iret in capitoliū, datę sunt ei litterę indices mortis imminentes: quę, dum portaretur occisus, in manu eius nondū solutę inuentę sunt. Eodē tempore apparuerūt tres soles in oriente: qui paulatim in vnū corpus solare redacti sunt significantes q; dominū Lucii Antonii & Marci Antonii & Augusti q; post Iuliū Cæsare Romanorū adepti sunt, in vnā monarchiam rediret. vel potius q; notitia trinitatis in vno Deo toti orbi imminabat futura.

Erat eodem tempore quidam de amicis Hyrcani nomine Malicus aspirans ad sacerdotium, & cupiens Hyrcanum veneno appetere prius appetiit Antipatrum: & veneno oblato interfecit. Herodes vero ob vindictam patris Malicum interfecit. Habebat tunc Herodes uxorem nomine Dosidem sed ignobilem, de qua Antipatrum suscepit: superducitq; Mariamnem neprem Hyrcani: cuius etiam amore circuncidit se, & factus est proselytus. Habuit & uxores alias, quarum plures suscepit filios: ex quibus paucos sufficit numerare: primogenitus Antipater ex Doside, Alexander & Aristobolus ex Mariamne, Archelaus ex Mathata Samaritide, Herodes Antipas, qui post tetrarcha fuit, & Philippus ex Cleopatra Hierosolymitide.

Veniens autem Antigonus cum Pacoro Rege Parthorum in manu valida Antonio Cæsare regresso Romam Hierusalem expugnabat. Sed cum intrasset urbem Hyrcanū & Phaselum Parthorum exercitus cepit & Herodes ad Idumæos contribules suos fugit. Parthi vero Antigonom restituerunt in regnum: & Hyrcanum & Phaselum vin-

ctos ei tradiderunt verberandos. At ille dentibus aures Hyrcani truncauit, ne quando mutatis rebus solutus pontificatum reciperet: Phaselus vero cum vinculis ligatus esset, sponte ad saxum fracto capite expirauit. Herodes accepta morte fratris Romam properauit: & ab Augusto & Antonio coronatus Iudææ Rex constituitur. Tunc missi sunt cum eo duo Principes Ventidius & Sylo qui eum in regno collocarent. Et cum venissent in Galilæam, Antigones Sylonem corripuit muneribus, & propterea congregandi Antigono simulatis occasionibus differebat: & cum tandem obsedisset Hierusalem, Romani tum pro hyemis asperitate tum pro inopia victus recesserunt. Herodes autem venit ad Antonium, qui tunc circa Athenas morabatur, super dolo Sylonis querelam
 10 facturus: dumque Herodes esset cum Antonio, Iosippus contra Antigonom dimicauit & victus interfectus est à Papii principe militiæ Antigoni. Quod cum accepisset Antonius exercitum cum Herode misit in Iudæam, & occurrentem sibi Papium vicit & interfecit. Deinde quinque mensibus obsessa Hierusalem capta est à Romanis, & astrictus Antigonus catena aurea Deo dicata ad Antonium ductus est, & ab eo securi percussus. Tunc Antonius Cleopatram duxit vxorem: quæ amore regnandi succensa inter Antonium & Augustum semper discordiam seminabat. Confirmatusque est Herodes in regno Iudææ quarto anno ex quo Romæ diadema susceperat. Herodes autem Hyrcanum occidit, eo quod dicebatur regnum sibi deberi: occidit etiam Mariamnem vxorem suam ob suspicionem adulterii: de cuius morte adeo doluit, vt tanquam lunaticus
 20 crebro in amentiam verteretur.

Post hæc commissum est prælium apud Actium ad suggestionem Cleopatræ inter Augustum & Antonium: quo Antonius victus post dies paucos mortuus est: vxor etiam eius Cleopatra è mamillis suspensa aspide mortua est. Est enim aspis quoddam genus serpentis quod ex morsu somno inducto interficit. Herodes autem amicitiam Augusti obtinuit: & primogenitum Antipatrum ex Doside volebat præponere in regni successionem Alexandro & Aristobolo, qui erant ex Mariamne, ne videretur esse de genere Iudæorum. Vnde fecit cõburi omnes libros regalis prosapiæ Iudæorum vt aboleretur genealogia Regum ipsorum. Quapropter Alexander & Aristobolus cum essent persecutores acerrimi, contra Herodem apud Octavianum Augustum contendebant, & de morte
 30 patris occulte tractabant. Octavius autem Cæsar regnavit annis quinquaginta sex & mensibus sex. Huius anno quarto era singulorum annorum ab eo est cõstituta quando primū censum exegit: & Romanū orbem descripsit. Dicta est era ex eo quod totus orbis æs per singulos annos reddere professus est reipublicæ. Multa gloriose gessit in imperio, & tres triumphos præclare peregit, id est, Dalmaticum, Asiaticum, Alexandrinum & etiam Hispanū postquam ciuitas Cæsaraugusta Augusti præcepto in Hispania cõditur. Deinde terra mariq; pace orbe toto redita Augustus Iani portas clausit, vt bellandi cessaret occasio. Ab isto sequentes imperatores Romani Augusti appellati sunt. Sub cuius imperio sexaginta nouē hebdomadæ in Daniele scriptę cõplentur: ita quod
 40 dies pro anno computentur: & faciunt septuaginta hebdomadæ annos quadringentos & nonaginta. Eodem tempore natus est magnus Christi præco Ioannes Baptista & à Dei genetrice Maria in hora natiuitatis suæ de terra primo fuit eleuatus.

Sexta ætas seculi.

SEXTA ætas: in qua anno quadragesimo secundo regni Augusti natus est Christus, Anno vero regni Herodestricesimo, vniuerso orbe pacato, & anno ab vrbe condita septingentesimo quinquagesimo secundo. A quibusdā numeratur à natiuitate ipsius, ab aliis à die qua baptizatus est propter vim regeneratiuā aquis datam: ab aliis autē numeratur à passione ipsius, quia tūc facta est redēptio nostra, & aperta est cœli ianua atq; inchoata quodāmodo ætas septima quiescentiū. Melius autē videtur à natiuitate ipsius inchoanda, eo quod Apostolus dicit: cum venit plenitudo temporis misit Deus filium suū, &c. † Quandoquidē de intemerata Virgine Maria natus est Deus & homo Christus, fluxerāt ab Adā anni quinque mille ducenti vno excepto secundū septuaginta interpretes, secundū Hebræos vero longe pauciores: eo quod Moyses omisiss cētum annis quibus Adam filiū Abel mortuum luxit, centum triginta annorum eum esse dixit, cum genuit Seth. Septuaginta autem interpretes & Iosephus atque plures alii historiographi ducētorū triginta annorū eū fuisse dixit, cū genuit Seth: similiter fit in quibusdā aliis locis scripturarū. Iudæi etiā ob odiū fidei Christianæ, ne cōtra eos proferatur testimoniū veritatis quēdā de libris legis præciderūt & quēdā immutauerūt. Natus est autē dominus nocte Dominici diei, vt ea die qua dixit fiat lux, visitaret nos oriens ex alto. Anni autē huius ætatis sextæ per cōputationē annorū ab incarnatione eius vel per erā,
 50

Ratio hæc annorum nō constat propter cxxx annos Cæsarum quos Lucas addit ad chronicon Isidori, quē alioqui sequitur in aliis ad eiusque rationē per incuriam recurrit in hoc tum aliis locis quibusdam.

quæ tricesimo octauo anno ante natiuitatem eius inuenta est, vsque ad finem mundi clare poterat inueniri. Tamen per annos Romanorum imperatorum vsq; ad Heraclium Augustum vel Suintillanum Gotthorum Regem annorum numerum ostendamus. Tamen præuidendum, quod aliquando plures imperatores regnabant simul & & etiam aliqui nonnunquam tyrannice imperium assumebant. Hic autem magis notabiles describuntur & aliorum anni sub eis adnotantur.

Iesus Christus filius Dei tricesimum tertium annum ætatis suæ explens & fere menses tres anno imperii Tiberii Cæsaris octauo decimo crucifixus est. Post hæc Tiberius regnauit annis quinq;

*Auctor vsq;
ad Caii fi-
nem nume-
rat annos
5238. sui
nempe obli-
tus & ad Is-
dori ratio-
nem recur-
rens, quam
reliquerat.*

Gallus

Anni ab orbe c.

5369.

5383.

5397.

5522.

5523.

5669.

Caius Caligula regnauit annis quatuor.

Claudius regnauit annis xiiii.

Nero regnauit annis xiiii.

† Galba regnauit annis duobus.

Vespasianus regnauit annis nouem.

Titus regnauit annis duobus.

Domitianus regnauit annis sedecim.

Neruius regnauit anno vno.

Traianus regnauit annis xviii.

Hadrianus regnauit annis xxi.

Antoninus Pius regnauit annis xxii.

Antoninus Iunior regnauit annis xviii.

Item Antoninus regnauit annis duobus.

Commodus regnauit annis xiiii.

Ælius Pertinax regnauit anno vno.

Seuerus Pertinax regnauit annis xviii.

Antoninus Caracalla regnauit annis septem.

Macrinus regnauit anno vno.

Marcus Aurelius regnauit annis quatuor.

Alexander regnauit annis xiii.

Maximinus regnauit annis tribus.

Gordianus regnauit annis sex.

Philippus regnauit annis septem.

Decius regnauit anno vno.

Gallus & Volusianus regnauerunt duobus annis.

Valerianus & Galienus regnauerunt annis xv.

Claudius regnauit annis duobus.

Aurelianus regnauit annis sex.

Tacitus qui & Iacinctus regnauit anno vno.

Probus regnauit annis sex.

Carus regnauit annis duobus.

Diocletianus & Maximianus regnauerunt annis xx.

Galerius regnauit annis duobus.

Constantinus regnauit annis xxx.

Octavianus Augustus volens scire numerum regionum in orbe, quæ Romanæ suberāt ditioni, numerum etiam ciuitatum in qualibet regione, numerū quoq; capitum in qualibet ciuitate, præceperat vt de suburbanis, oppidis, vicis & pagis ad suam homines cōfluerēt ciuitatē, vnde trahebāt originē: & quisq; nummū argenteū pretii decē nummorum vsualium prouinciæ tradens se subditū Romano imperio profiteretur: & quia numerus eorum qui censi capite ferebantur, redigebantur in scriptis, huiusmodi professio descriptio dicta est. Hęc descriptio facta est à præside Syriæ Cirinio in Iudæa vt in Hierusalē inchoaretur, quæ est cor siue mediū terræ habitabilis: & deinde per circunstantes nationes alii præfides psequerentur. Tunc ascendit Ioseph à Nazareth in Bethleem, vt profiteretur cum Maria vxore sua prægnante. Hęc solutio prima dicta est, non q̄ tunc inciperet primo, cum anno quarto Augusti cæpta fuerit, sed quod annuatim in Iudæa primo habebat fieri: & dicebatur era. Factū est dū esset ibi peperit virgo filiū suū primogenitū, primogenitū dictū nō quod postea genuerit aliū: sed quod fuerit primus dignitate, & sine peccato cōceptus, & sine matris dolore natus. Locus vbi natus est dominus: iure paterno ptinebat ad Mariā & Ioseph, eo q̄ ibi fuerit domus Iesse patris Dauid: ad quē causa orandi ppter sanctitatē loci multi diuertebant. Vbi erat quēdam spelunca

10

20

30

40

50

lunca ad quam Ioseph se contulit, & boui & asino quos secū duxerat; præsepiū fecit in quo est repositus Iesus. Multa quidē signa in natiuitate ipsius claruerunt per orbē: quæ in euangelio non sunt scripta. Nam Romani ædificauerant templū pacis, propter pacē quæ fuerat continua sub Augusto per vniuersum orbem fere duodecim annis. Et cōsulentes Apollinem quandiu duraturum esset templum illud, respondit; donec pariat virgo. At Romani dixerunt: Ergo in æternum durabit, quia nunquam virgo pariet. Sed in hora natiuitatis domini ipsum templum funditus est euersum. Multa enim futura prædicebant spiritus falsitatis eos vrgente spiritu veritatis. Fons etiam olei trans Tiberim erupit, & vsque ad flumen fluxit: per quod intelligitur excellentiā pontificalis vñ-
 10 ctionis Romæ vñbi per Christum esse collatam. In Hispania etiam hora natiuitatis domini circa noctis medium quædam nubes adeo splenduit, vt meridiani caloris feruorem & splendorem daret terris.

Tertia decima die ex qua natus est Christus, tres magi, id est, sapientes noua stella duce venerunt Hierusalem nouum natum Regem cum muneribus quærentes. Sapientes enim dicebantur magi quasi maiores vel magni. Audiens autem Herodes Rex turbatus est timens ne quis de semine Hyrcani vel Aristoboli natus esset regnaturus se tanquam alienigena à Iudæis dimisso. Cumque diligenter didicisset ortum stellæ, vt per eum natalem pueri sciret, etiam à sacerdotibus & scribis sciscitabatur vbi Christus nasceretur. Qui ex vaticinio Micheę prophetæ dixerunt in Bethleem Christum nasci-
 20 turum. Herodes autē præcepit magis mittens illos in Bethleem, vt postquam adoraret puerū reuerterentur ad ipsum. Iam enim direxerat animum ad perdendum puerum. Sed magis postquā adorauerant, per aliā viam in regionē suā reuersis doluit Herodes se illusum ab eis: maxime cū audisset, quæ dicta fuerāt à pastoribus & prophetias Simeonis & Annæ: & de morte puerorū Bethleemitarū tractabat, vt Iesus quē ignorabat occideretur cū eis. Quapropter per admonitionē angeli fugit Ioseph cū puero & matre eius in Ægyptū. Qui cū ingrederetur Ægyptū, corruerūt omnia simulacra Ægyptiorū.

Herodes autem dum de nece puerorum disponeret, citatus est per epistolam à Cæsare Augusto vt Romam iret filiis de illo conquerētibus responsurus. Qui cum iter faceret per Ciliciam audiens naues Tarsensium magos transuexisse, in spiritu vehementi
 30 combussit naues Tharsis. Cum vero coram Cæsare disceptasset pater cum filiis, hac lege facta est recōciliatio, vt adolescētes in omnibus patri obedirent, & ipse regnū dimitteret cui vellet. Veniensque Hierosolymam populo cōuocato Iudæorū, tribusque filiis astantibus concordiam fratrum à Cæsare factā exposuit: & se successionis iudicē constitutum ne Iudæi regnū ad suos rediturum existimarent. Tunc Herodes in regno Iudææ Trachonitidis Ituræ, totiusque maritimæ vsque ad pyrgū Stratonis confirmatus certius quā prius, elapso anno à natiuitate domini mittens occidit omnes pueros qui erant in Bethleem & in omnibus finibus eius, ab bimatu & infra. Omnes autē qui erāt de genere regio vel sacerdotali ab vno anno vsque ad quinq; annos fecit occidi. Sed factū est, vt quoniā Herodes multos orbauerat filiis, & ipse suis miserabiliter orbaretur. Nā ipse A-
 40 lexandrū, Aristobolū & Antipatrū, qui de morte patris contendebāt, interfecit: & ipse variis afflictus languoribus validæ febris, & intercutaneo morbo putrescētibus genitalibus, & ex eis scatentibus vermibus mortuus est trigesimo septimo anno postquam à Romanis Rex fuerat declaratus. Fuit ex patre Idumæus, Arabs vero ex matre, qui Ascalonita dictus est, eo quod ædificauit domū regiā in Ascalone: vel dictus est Ascalonita, quia auus eius Herodes Idumæus erat natione, & Ascalonita conuersatione, & edituus templi Apollinis. Cuius filium Antipatrū paruulum rapuere cōsanguinei eius latrones Idumæi: & cū eis tantū fuit, quod etiā post factus est princeps eorū: vnde Idumæus dictus est. Hic templū profanauit: & aquilā auream in honorē Augusti posuit super speciosam portā templi. Hic Herodes construxit Cæsareā Palæstinæ, in qua erat turris Stratonis. In qua contra aduentum Cæsaris portā de candido marmore construxit: & in ea
 50 post Cornelius centurio à beato Petro episcopus creatus fuit. Ædificauit etiā in Hierusalem turrē quæ dicitur Antonia. Qui cum audisset quod Iudæi gauderent in morte eius, ex tota Iudæa nobiliores collectos iuuenes cōcludi præcepit in carcerem, præcipiens suis vt cum animam efflaret, statim illos occiderent: vt Iudæi in morte ipsius etiam inuiti plangerent. Filium suum Archelaum regni successorem scripsit, ita tamen quod ab Augusto susciperet diadema.

Post mortem Herodis Archelaus septima die post patris honorificam sepulturā, candida veste indutus ascendit in templum variisque: fauoribus à plebe susceptus Iudæis leuamen ab oppressione patris petētibus, cūctis tributa annua relaxauit: & nobiles

soluit, quos pater moriens iusserat occidi. Instante autem azymorum die, & cum turba pontificem quem Herodes pretio creauerat, amouendum clamaret: & ab immolatione prohiberet, maxime cum non esset recta linea de genere sacerdotum, Archelaus misso Chiliatcho verbis eos sedare tentauit. Cum autem vulneratum remisisset chiliarchum, & seditio cresceret, Archelaus missa manu satellitum fere nouem milia Iudaeorum interfecit: & per vocem praconis omnes ad propria redire commonens neglecta festiuitate omnes abierunt. Ex quibus patet iam venisse sanctum sanctorum: & Iudaeos regnum & sacerdotium amisisse secundum vocem sanctorum prophetarum. Profectus est autem Archelaus ut iret Romam accepturus diadema regni. Profectus est etiam Herodes Antipas, ut de regno habendo disceptaret cum fratre. Iuerunt etiam & quinquaginta ex honorabilioribus Iudaeorum, & apud Caesarem instabant supplicantes, ut Iudaeorum reliquias dignas misericordia iudicaret: & ius antiquum regni illis restitueret. Aut eos Syriae finibus coniungeret, aut per Romanos iudices Iudaeam administraret. Eo tempore quidam Iudaeus in partibus Sydoniorum nutritus, simillimus Alexandro Herodis filio, quem pater interemerat, instinctu cuiusdam liberti Herodis, qui omnes actus regni sciebat, venit in Iudaeam asserens sibi deberi regnum, tum quia maior filius Herodis erat, tum quia ex parte matris eum contingebat. Cumque plures Iudaeorum sequaces haberet perrexit Romam sciscitatus qualiter viueret, dicebat lictores miseratos alium pro eo morti subiecisse. Augustus vero optime vultu Alexandri sciens, quia dum Romae studeret puer, quaedam secreta cum eo habuerat, fallaciam similitudinis animaduertit: promisitque illi vitam, si tantae fraudis detexisset auctorem. Cum ille confessus esset, iussit Caesar libertum interfici: & falsum Alexandrum propter habitudinem corporis constituit esse de numero remigantium piratarum. Tandem de consilio ienatus Caesar monarchiam Herodis distribuit. Mediam partem Iudaeam scilicet & Idumaeam tradens Archelao sub nomine tetrarchiae, pollicitus eum se facturum Regem si dignum se prae buisset. Mediam vero partem in duas secuit tetrarchias: cessitque in partem Herodis Antipae regio trans flumen & Galilaea. Ituraea vero & Trachonitis & Auranitis Philippo destinata sunt. Lisanias autem Abilinam suscepit sub nomine tetrarchiae, quae erat pars satis minima aliarum. Archelaus vero postquam venit in Iudaeam, valde patre crudelior fuit, & cum esset diarchus, monarchi nomen falso imposuit sibi. Cuius crudelitatem non ferentes Iudaei per diuersas mundi partes eorum maxima multitudo dispersa est, religiosioribus Iudaeis remanentibus in Iudaea. Huius regni anno primo Angelus dixit Ioseph, ut rediret cum matre & puero in terram Israel. Qui rediens ab Aegypto post annos septem cum audiret quod Archelaus pro patre regnabat in Iudaea, noluit illo ire: & admonitus ab angelo iuit in Galilaeam & mansit in Nazareth. Tandem crebro accusatus Archelaus a Caesare aduocatur. Nonno autem principatus sui anno Romam veniens a Caesare damnatus in exilium pellitur apud Viennam Galliae ciuitatem. Tunc Romani Archelai regnum per procuratores administrare ceperunt: primusque procurator illuc Coponius a Caesare missus est: & Iudaea in prouinciam redacta est. Romani enim triumphatis regionibus, quasdam faciebant colonias expulsis propriis habitatoribus, & nouis superinductis colonis, qui medietatem fructuum Romanis exoluerent: quasdam etiam faciebant prouincias expulsis Regibus, sed propriis relictis habitatoribus: a quibus praefes Romanus annuatim tributa reciperet: quod factum est in finibus Archelai eo in exilium relegato. Eo tempore Philippus Sephorum reparans Iuliam nominauit in honorem Iuliae uxoris Caesaris, Coponio praefide Romam reuerso successit & Marcus: & huic successit Annius Rufus, sub quo moritur Octavianus Augustus cum regnasset quinquaginta sex annos & menses sex & dies decem. Ex quibus duodecim annis Antonius cum eo regnauit. Cum enim quadragesimo secundo regni eius anno natus est dominus, qui quinto decimo anno imperii Tiberii fuit tricenarius: patet Augustum mortuum domino quintum decimum annum agente. Mortuus est autem anno vitae suae septuagesimo septimo. Tiberius filius eius adoptiuus successit ei regnans annis viginti tribus. Qui Valerium Gracchum misit in Iudaeam: qui quaestum putans pietate palam videbat sacerdotii principatum. Qui amouens Annam, Ismaelem pontificem declarauit: quo amoto Eleazarum Annae filium subrogauit. Post annum etiam hunc remouens Simonem instituit. Sed & post annum Iosippum, qui & Caiphas, apposuit. Ille fiebat sacerdos, qui offerendo pecuniam preualeret. Tamen Gracchus post annos undecim Romam reuersus est. Cuius successor missus est Pontius Pilatus: sub quo Herodes Antipas in honorem Tiberii Tiberiadem edificauit. His temporibus Tiberius multos Reges ad se vocatos ductus, auaritia non remisit: inter quos Archelaum Cappadocem retinens regnum eius in prouinciam

nunciam vertit: unde multæ gentes ob auariciam Cæsaris à Romano imperio discesserunt. Auaritiæ igitur causa cepit diminui Romanum imperium, quod ubiq; terrarum largitate ac clementia fuerat dilatatum. Sane Pilatus veniens Hierusalem statuas Romanorum secum ferens, eas in templo posuit: sed rogantibus Iudæis eas amouit. Item Pilatus videns Hierusalem aquæ penuria laborare, aperuit gazophylacia: & ex opibus templo dicatis aquæ ductum cepit ædificare suscipiens initium torrentis qui Itadiorū duum millium intervallo distabat. Iudæi vero acclamabant vt ab opere cessaretur. Ob hoc Pilatus multos Iudæorum occidit: & intermissum est opus, eo quod Iudæi legationem accusationis contra Pilatum ad Cæsarem direxerant. Habebat etiam Pilatus
 10 stolam solemnem & antiquam in potestate sua: quam debebat semper habere Pontifex, vt vteretur ea in diebus festiuis: & non poterat eam habere nunc nisi pretio dato.

Anno Tiberii septimo decimo ab Herode Antipa Ioannes Baptista tempore paschali in castello Arabiæ trans Iordanem dicto Macheronte decollatus est, & corpus eius in Sebaste vrbe Palæstinæ sepultum: caput autem eius humatum est in Hierusalē iuxta palatium Herodis.

Anno vero Tiberii octauo decimo dominus crucifixus est peractis à principio mundi annis quinq; mille ducentis triginta duobus. Cuius tempore Lucillus quidam excogitauit temperamentum vitri, vt esset flexibile & ductile. Qui dum admittus fuisset à Cæsare, porrexit phialam Cæsari: quam ille quasi indignatus ad pauimentum allisit. Artifex autem sustulit phialam de pauimento, quæ se tanquam vas æneum complacauerat. Deinde martellū de sinu protulit, & phialam correxit. Quo facto Cæsar dixit artifice. Nunquid alius scit hanc condituram vitreorum? postquam ille iurauit alterū hoc nescire, iussit eum Cæsar decollari: ne dum hoc fieret cognitum, auri & argenti vilesceret pretium. In multis autem Iudæis accusantibus Pilatum apud Tiberium, Pilatus in exilium missus est Lugdunū, unde erat oriundus, vt ibi moreretur in opprobriū gentis suæ. Hic sceleratissimus duabus sororibus intulit stuprum. Vbi multis coarctatus iniuriis & tormentis, eo quod sententiam damnationis in Christum dixerat, propria se manu peremit. Eodem tempore mortuus est Philippus tetrarcha Iturææ. Mortuus est
 20 etiam Lisanius tetrarcha Abilinæ: & ita vacabant duæ tetrarchiæ.

Fuit iisdem temporibus Iesus sapiens vir, si tamen virum eum nominare fas est. Erat enim mirabilium operum effector, & doctor eorū qui libenter quæ vera sunt audiunt. Et multos Iudæorum, & multos ex gentibus sibi adiunxit. Christus hic erat. Hunc accusatione primorum nostræ gentis cum Pilatus in crucem agendum esse decreuisset, non deseruerunt eum ii qui ab initio eum dilexerant. Apparuit enim iterum viuus secundum quod propheta vel hæc vel alia de eo futura prædixerant. Sed & in hodiernum diem Christianorum, qui ab ipso dicti sunt, & nomē perseuerat & genus.

Erat autem quidam Herodes Agrippa vir bellicosus nepos Herodis tetrarchæ & frater vxoris eius Herodiadis, filius Aristoboli filii magni Herodis. Hic venit Romam
 40 vt impetraret à Tiberio alteram vacantium tetrarchiam. Tiberius autem cum vidisset eum liberalem & fortem, fecit illum adhærere filio suo Druso, cum iam imperium contradiderat. Sed mortuus est Drusus, & Herodes Agrippa rediit in Iudæam: eo quod Tiberius à sua præsentia remoueret omnes, qui familiariter adhæserant Druso: ne reducerent ei ad memoriam mortem eius, de qua nimium dolebat.

Herodes vero Agrippa paupertate compulsus iterum venit ad Tiberium, & honorifice receptus est ab eo: & cum haberet Tiberius duos nepotes vnum de filio Druso scil. Tiberiū, & alterum de fratre Germanico scil. Caium volebat sibi substituere Tiberium quem magis diligebat. Herodes autem Agrippa familiarius adhæsit Caio: unde animus Cæsaris contra se aliquantulum concitauit. Quadam vero die dum sederet Agrippa in curru cum Caio, leuatis in celum manibus dixit: Vtinam videā mortē impo-
 50 rtoni senis, & te dominum totius orbis, qui idoneus es imperare vniuerso orbi. Accusauit autē quidam de suis Herodē Agrippam apud Cæsarē, quod orauerat mortē imperatoris: unde Tiberius iussit Herodem incarcerari. Quadam autem die in carcere positus dum staret iuxta quandam arborem, cuius frondibus bubo insidebat, accessit ad eum vnus de captiuis & dixit ei: Cito à carcere liberaberis, & eris in maximo honore. Quam cito autem videris huius generis auem super te, scito te in breui moriturum. Erat homo qui loquebatur hæc in multis peritus. Tiberius autem post dies paucos declarauit Caium cognomine Caligulam sui imperii successorem, & mortuus est.

Caius regnauit annis quatuor: & Herodem Agrippam, qui sibi viuentē Tiberio

fuerat amicissimus eduxit de carcere: & dedit ei duas vacantes tetrarchias: & imposuit ei diadema & sublimatum in Regem dimisit eum in Iudæam. Quod cum videret Herodias soror eius instabat importune apud virum suum Herodē tetrarcham, ut iret Romanam nomen Regis adepturus. Tunc Herodes & vxor sua Herodias cum magno apparatu venerunt ad Caium. Herodes autem Agrippa direxit epistolam Caio, quod Herodes tetrarcha viuentē Tyberio firmavit amicitiam cum Rege Parthorū, ut esset rebellis Romano imperio: & ob hoc congregauerat armorum copiā, quæ sufficerent septuaginta millib. virorū. Perlecta epistola quasi aliunde interrogās inter cætera Caius quaesuit ab Herode, vtrum essent in ciuitatib. suis arma quanta audierat à quibusdā: & non negauit Herodes. Tunc Caius credens verum esse quod significauerat ei. Herodes Agrippa relegauit Herodē tetrarchā apud Lugdunum in exiliū: vbi cum Herodiade miserabiliter mortuus est. Hic est Herodes qui in passione spreuit Iesum, & illudit ei. Dedit Caius Agrippæ Galilæā, quam habuerat Herodes tetrarcha: & habuit tres tetrarchias. Fuit autē Caius in principio regni per bienniū satis modestus, sed postea auaritiæ, crudelitati & luxuriæ deditus. In tantum euanuit cor eius, & in tantā prorupit vāsaniam, quod in toto imperio iuberet se coli tanquam Deus dicens se esse fratrem Iouis. Vnde etiam filiam vnicā, quam habebat, ponebat inter genua idoli Iouis, ut ita cōmunis videretur vtriq;. Misit ergo imaginē suam per totum imperium, ut adorarent eam: & in templo Hierusalem statuam Iouis sub nomine suo poni iussit. Hic cum esset Romæ, & rediret à ludis Circensibus consilio senatorum interfectus est. Per idem tempus Matthæus Apostolus euangelium Hebræo sermone scripsit primus.

Facta est autem in vrbe dissensio inter curiam & milites & populum. Quia ergo viderant senatores sequitiam imperatorum & incommoda quæ inde acciderant reipublicæ, voluerunt protinus extirpare imperium, & urbē redigere in statum in quo erat ante Iulium Cæsarem: ut esset regimen in arbitrio curiæ, id est, consulum & senatorū. Contra milites & populus timentes auaritiā senatorum & amantes donatiua imperatorū, constituerunt imperatorem Claudium virum mansuetum & pium contradicentibus senatorib. & consulib. Tunc venit Herodes Agrippa & sapienter se gerens inter dissidentes, eos in vnā redegit concordia, & Claudium constituerunt imperatorem: qui regnavit annis quatuordecim. Petiit Herodes Agrippa à Claudio, ut decretū Caii de statua sua adoranda reuocaret in irritum: & acquieuit ei atq; præcepit, ut epistola reuocationis poneretur in loco conuenienti, ut ab omnib. videretur: quod factum valde placuit Iudæis. Dedit etiam Claudius Herodi quartā tetrarchiam scil. Iudæam & factus monarchus venit in Iudæam, & honorifice susceptus est à Iudæis, quia in multis studebat placere illis. Iste Herodes occidit Iacobum fratrem Ioannis in dieb. azymorum. Videns autem quia placeret Iudæis cepit Petrum & posuit eum in carcerem, ut post pascha occideretur à Iudæis. Angelus autē domini nocte eduxit Petrum de carcere. Alia autem die cum præciperet ut traderetur Petrus Iudæis, ut occideretur ab eis & per hoc maiorem acquireret gratiam Iudæorum, eo quod tradebat eis occidendum principē Apostolorum, & non esset inuentus in carcere Petrus, iussit ad se adduci custodes ut occideret eos. Non tamen fecit procurante domino, ne solutio Petri noceret alicui. Imminente namq; negotio descendit Herodes à Iudæa in Cæsaream Palæstinæ, ut noceret Tyris & Sydonibus, quibus iratus erat. Quod illi audientes statim studiose reconciliati sunt illi. Sequenti autem die Herodes indutus veste regali auro & gemmis fulgēte sedebat pro tribunali apud eos & concionabatur blandiens eis. Erat enim nimia eloquentia decoratus, & aspectu decorus valde. Cuius ostenditur gloria, ut maior sequatur miseria. Populus autem clamabat, Dei voces & non hominis, id est, exhibebant ei laudes Deo debitas & non homini. Et dum adulatoriis fauoribus mulceretur, & oblatos sibi diuinos honores non respueret, respiciens supra se vidit imminente capiti suo in funiculo cortinæ Angelum, id est, auem bubonē mortis eius proximæ nuntium. Et inclinauit se ad eos, qui applaudebant sibi, & dixit eis: En ego Deus vester morior: & statim percussit eum angelus Domini. Qui per quinq; dies magnis doloribus cruciatus consumptus vermibus expirauit. Reliquit autem filium qui dictus est Agrippa, qui non habuit totū regnum patris sed partem: habuit enim terram duarum tribuum & dimidiæ vltra Iordanem. Claudius Cæsar pie se gerebat erga subditos: & audita fama Apostolorum, cupiebat videre signum aliquod ab eis. Petrus autem admonitus ab Spiritu sancto de Antiochia, vbi patriarcha erat ab Apostolis cōstitutus, Romā venit: & annis viginti quinq; & mensibus sex pontificatum tenuit. Tunc Marcus Euangelista cum eo veniens euangelium scripsit: & reuersus Alexandriam Christum euangelizauit.

Nero regnavit annis quatuordecim. Hic nimiae crudelitati & luxurie deditus Deum se vocari praecepit: & retibus aureis piscabatur. Fratrem suum occidit atq; matrem, & sororem suam prostituit & interfecit. Senatum multum extinxit: & multas reipublicae provincias amisit. Romam quoq; succendit, ut Troiani incendii imaginem videret. Huius tempore Iacobus Alphæi à Iudæis Hierosolymis occiditur. Habebat Nero secum Simonem magum cuius maleficiis deludebatur. Qui cum altercationem haberet cum Petro, dicebat esse filium Dei. Superuenit autem & Paulus, & similiter cum Simone contendebat. Nero autem dedit Paulo potestatem prædicandi, & libertatem deambulandi per partes occidentis: placebat enim illi Paulus, eo quod eloquentissimus erat. Duodecim annis fuit Paulus Romæ & in partibus occidentis prædicans verbum Dei cum fiducia: quo tempore in Hispania creditur prædicasse. Anno imperii Neronis tertio decimo cum iam nequitia Cæsaris ob* immisionem Simonis inualuisset, captus est Romæ Paulus & missus in carcerem: ubi multos de familia Neronis convertit & familiaritatem Senecæ magistri Neronis obtinuit: unde Nero Senecam & Lucanum fecit occidi. Hac tempestate Persius poeta moritur. Quartodecimo anno imperii sui Petrus & Paulus præcepto Cæsaris cum Simone contendebant. Simon autem promissum se volare in celum videntibus cunctis, & in se divinam ostendere maiestatem. Qui cum à daemonibus in altum aeris duceretur, adiurante Petro per Deum, Paulo vero orante iuxta templum Romuli dimissus crepuit. Ob cuius necem Petrus præcepto Neronis in Vaticano, in vico scilicet qui est extra civitatem, ubi fiebant dolia, crucifigitur: ubi quondam vates studuisse dicuntur. Paulus vero tanquam civis honorabiliore morte in catacumbis gladio decollatur. Una die mortui sunt gloriosi principes terræ, quos unitas fidei & amoris, dum in carne viverent, sociavit. Nero autem ob tanta scelera vivens priuatur regno: & postea miserabiliter occiditur & à feris deuoratur. Galba regnavit annis duobus fere: nihil dignum memoria fecit.

Vespasianus regnavit annis novem. Iste in disciplina militari strenuus fuit. Multas provincias, quas Nero vel Galba amiserant, bellando reipublice restituit. Immemor offensarum fuit: & convivia in se dicta leuiter tulit. Huius secundo anno Titus cum patre Vespasiano Hierosolymam cepit atq; subvertit: ubi undecies centena millia Iudæorum utriusque sexus fame & gladio perierunt: sed præter hos centum millia Iudæorum publice sunt venundata. Hoc factum est quia Iudæi se contra Romanum imperium erigebant: & vicinis regionibus, ut ipsi quoque Romanis resisterent suadebant. Causa quoque fuit quia ad Vespasianum pervenit, quod Iudæi dominum Iesum Christum innumera illis miracula & beneficia conferentem morte turpissima condemnarunt. Consummatum est bellum annis quatuor, duobus ante Neronem eiectum ab imperio eo miserabiliter iubente, & postea duobus aliis: atque non est relictus in Hierusalém lapis super lapidem secundum vocem domini: qui flens super civitatem istam prædixerat. Tunc Romani tulerunt arcam testamenti Dei, quæ erat in templo & candelabrum sacrum & mensam & alia sacra, & intulerunt ea Romani in templum quod erat in loco quod nunc dicitur Lateranum. Post Vespasianum Otho regnavit diebus nonaginta quinque. Vitellius mensibus novem. Hic interfectus est à ducibus Vespasiani & in Tiberim missus caruit sepultura.

Post patrem Titus regnavit duobus annis. Iste in lingua Græca & Latina facundissimus extitit: ita ut causas Latine ageret, poemata & tragœdias Græce componeret. Tantum bellicosissimus fuit, ut equestri bello fere omnes lancea secum confligentes deiceret: & inexpugnatione Hierosolymorum sub patre militans duodecim pugnatores armatos duodecim sagittarum ictibus una die confoderet. Porro in imperio tantæ bonitatis fuit, ut nullum puniret: sed etiam convictis de coniuratione contra se dimitteret, atque in ea familiaritate, qua prius fuerant, eos retineret. Huius etiam inter cætera fuit illud celeberrimum dictum. Dicebat se perdidisse diem, quo nihil boni se fecisse sentiebat.

Domitianus frater Titi regnavit annis sedecim. Hic post Neronem secundus superbia execrabilis Deum se appellari iussit: & Christianos prosequi paganis instituit. Sub quo Ioannes Apostolus in Pathmos insulam est exilio relegatus: ubi Apocalypsin scripsit. Iste multos senatorum in exilium misit ac peremit. cunctosque, qui de genere Regis David erant, interfici iussit, ut nullus Iudæorum ex regali superesset origine.

Nerva regnavit anno uno mensibus sex, in imperio moderatus, natione Hispanus, qui æqualem se & communem omnibus præbuit: cuius tempore Ioannes Apostolus ab exilio Ephesum rediit. Evangelia Matthæi, Marci & Lucæ confirmavit Ioannes: atque evangelium suum efflagitatus ab episcopis Asiæ novissimus edidit. Multi fuerunt evangeliorum scriptores: sed horum quatuor, id est, Matthæi, Marci, Lucæ & Ioannis tantum recipit ecclesia Dei, propter eorum excellentiam: & ut quaternarius numerus quadrata stabilitate firmetur. Evangelium enim Matthæi in Hebræa scriptum ab Apostolis auctoritatem accepit.

Euangelium Marci discipuli Apostolorum principis Petri ab eodem Apostolo est cōfirmatum. Euangelium Lucę dicitur euangelium Pauli quod Paulus contulit cum Petro & Iacobo: à quibus etiam est roboratum. Ioannes prę ceteris adeo dilectus & conscius secretorum Dei, nouissimus euangelium suum edidit trib. pręteritis approbatis. Hi per quatuor animalia pręfigurati fuerunt, Matthęus per hominem, Lucas per vitulum, Marcus per leonem, Ioannes autem per aquilam.

perduxit. Traianus regnavit annis decem & nouem. Iste natione Hispanus mirabilis virtute Romanum imperium vsq; in orientem longe lateq; † prōduxit. Babyloniam & Arabiā cepit, & vsq; ad Indię fines post Alexandrū accessit. Liberalis fuit atq; tranquillus: cuius inter alia dicta illud prędicatur egregium: dum interrogaretur quod nimium circa omnes communis esset, respondit: talem se imperatorem esse priuatis, id est carentibus dignitate, quales esse sibi imperatores priuatus optasset. Hic quatuordecim legiones militum misit contra occidentem per Romanum imperiū, vt ciuitates in aliis locis positas destruerent, & in plano eas conderent, ne contra imperium Romanum rebellarent. Ex quib. duę venerunt in Hispaniam, & ciuitates Sublantiā & Florem destruentes non longe ab ipsa Flore urbem condiderunt, quam legionem vocauerunt. Inceptum est hoc à Nerua & à Traiano perfectum. Iussit etiam fieri in Hispania pontem, qui dicitur Alcantara super flumen Tagum: & quędam alia ob insigne nominis sui. Compellente autem senatu dedit licentiam gentilibus Christianos persequēdi. Tunc Simon Cleophas Hierosolymorum episcopus crucifigitur. Huius regni anno primo Ioannes Apostolus sexagesimo sexto anno post passionem domini, ætatis vero suę nonagesimo nono obiit in Epheso. Galenus medicus Pergamo genitus Romę clarus habetur.

arca marmorea, Petrus & Paulus sepulti sunt Romę. Andreas Patras ciuitate Achaię Iacobus Zebedæi in † arce marmorea, & delatus in Galeciam Hispaniæ vltimam prouinciam. Ioannes in Epheso. Philippus cum filiabus suis in Hieropoli Asię. Barnabas in insula Cypri. Bartholomęus in Albone ciuitate maioris Armenię. Thomas in Calamina ciuitate Indię. Matthęus in montibus Parthorum. Martialis discipulus Apostolorum Lemouicę, Lucas in Bithynia, Marcus Alexandrię in Biuolis. Iacobus Alphęi iuxta templum Hierosolymis. Tadaus, id est, Iudas in Beruto Edeffenorum. Simon Cleophas, qui & Iudas, post Iacobum episcopus, ætatis centum viginti annorum crucifixus est in Hierusalem & sepultus. Titus Cretę. Crescens in Galliis Eunuchus Candacis regiņę in Arabia quę Felix dicitur.

Hadrianus regnat annis viginti vno. iste Traiani glorię inuidens prouinciam Orientis Persis reddidit, & Euphratem flumen Romani imperii finem posuit. Idem Iudeos secundo rebelles subiugat: urbem Hierosolymam restaurat, eamq; ex nomine suo Heliam vocat. Per idem tempus Aquila Ponticus, interpretes secundus post septuaginta oritur: & Basilides hęresiarcha agnoscitur.

Antoninus Pius regnavit annis viginti duobus. Iste ob hoc tale cognomen accepit, quia in toto regno Romano cautionibus incensis per clementiam cunctorum debita relaxauit: vnde pater patrię appellatus est. Eo regnante Valentinus & Martion hęresiarchę produntur.

Antoninus minor cum fratre suo Lucio, Aurelio Commodo regnavit annis decem & octo. Hic ad Parthos profectus Seleuciam Assýrię urbem cum quadringentis millibus hominum cepit. De Parthis & Persis nobiliter triumphauit. Eo tempore Montanus Cataphrygarum hęresis auctor & Titianus fuerunt, à quo hęreses Encratarum exortę sunt.

Antoninus regnavit annis duobus. Ante imperium multa nobiliter gessit. Commodus regnavit annis tredecim. Hic luxurię multę fuit. Sub hoc Theodotion Ephesus interpretes tertius apparuit: cuius editio à septuaginta interpretibus non discordat: atq; Irenęus episcopus Lugdunensis in doctrina habetur insignis. Hoc tempore sancta Eugenia passa est.

Ælius Pertinax regnavit menses sex. Hic supplicante senatu vt vxorem Augustam & filium Cęsarē faceret, reuens ait: sufficere sibi debere, quod ipse imperaret inuitus. Severus Pertinax regnavit annis decem & octo. Hic multa bella feliciter gessit. Parthos vicit. Arabiam obtinuit. Britanniam bellando cepit. Litterarum & philosophię scientiam habuit. Huius tempore Symmachus interpretes quartus agnoscitur. Narciscus Hierosolymitanus episcopus virtutibus plurimis celebratur. Tertullianus Afer in ecclesia insignis habetur. Origenes Alexandrię studiis eruditur.

Antoninus

Antoninus Caracalla Seueri filius regnavit annis septem. In Hyericho quinta editio diuinarum scripturarum inuenta est, cuius auctor non apparet. Hic Antoninus impatiens libidinis fuit, nouercam suam vxorem duxit. Nihil memorabile gessit.

Macrinus Martianus regnavit anno vno. Nihil memorabile temporis breuitate gessit: nam seditione militari interfectus est.

Marcus Aurelius Antonini filius regnavit annis quatuor. Hic dum obscenissime viueret, tumultu militari peremptus est. Cuius temporibus sexta editio inuenta est Nicopoli. Sabellius hæresiarcha oritur. Facundus & Primitius & decem fratres eorum martyrio coronantur, eos patre Marcello præcedente martyrio glorioso.

10 Alexander regnavit annis tredecim. Persas gloriosissime vicit: ciuibus fauorabilis fuit. Origenes Alexandriae claruit: in cuius libris multa erronea & infamiae digna inuenta sunt. Romæ Vlpianus insignis est habitus.

Maximinus regnavit annis tribus. Iste primus ex militari corpore absq; decreto Senatus imperator efficitur, & Christianos persequitur.

Gordianus regnavit annos sex. Hic rebellantes Parthos & Persas afflixit: rediensq; victor de Persis fraude suorum interiit. Huius temporibus Zepherinus testimonio Spiritus sancti in specie columbe super caput eius descendens Romæ episcopus ordinatur.

Philippus regnavit annis septem. Iste primus imperator Christi efficitur: cuius primo anno millesimus annus Romanæ vrbs docetur expletus ab vrbe condita.

20 Decius regnavit anno vno mensibus tribus. Hic cum Philippus patrem & filium interfecisset, ob odium eorum in Christianos persecutionem mouit. Fabianus & Cornelius interfecti sunt, & multorum sanguis iustorum effusus est. Huius temporibus Antonius monachus in Ægypto claruit: a quo primum monasteria condita sunt.

Gallus & Volusianus filius eius regnant annis duobus. Cornelius Romæ episcopus rogatus a quadam matrona Lucina corpora Apostolorum de catacumbis leuauit noctu: & posuit Paulum via hostiensis, Petrum vero iuxta locum vbi crucifixus est inter corpora sanctorum episcoporum in templo Apollinis in monte Aurelio, in Vaticano palatii Neronis. Sanctus Cyprianus episcopus martyrio coronatur. Nouatus Nouatianam hæresin adinuenit.

30 Valerianus cum filio Galieno regnavit annis quindecim. Hic Christianis persecutione commota statim a Sapore Rege Persarum capitur: ibique luminibus orbatus seruitute miserabili consenescit. Cyprianus primum rhetor, deinde episcopus martyrio coronatur. Gotthi quoq; Græciam, Macedoniam, Asiam, Pontum atq; Illyricum devastant & quindecim annis vendicant.

Claudianus regnavit duobus annis. Iste Gotthos Illyricum Macedoniamq; vastantes superat. Paulus Samosatenus hæresiarcha agnoscitur. Aurelianus regnavit annis sex. Iste Romanum imperium bellando pene ad fines proprios perduxit: Qui sicut supra nominatus Valerianus dum Christianos persequitur, a Rege Persarum capitur: ibique in dedecore senescit & fulmine moritur. Tacitus qui & Iacintus regnavit an-

40 no vno cuius vitæ breuitas gestorum nihil dignum prænotat. Probus regnavit annis sex: Iste miles strenuus & ciuilitate præclarus Gallias a barbaris occupatas bellando Romanis restituit. Huius temporibus Manichæorum hæresis orta est. Carus cum filiis Carino & Numeriano regnavit duobus annis. Carus postquam de Persis triumphauit, victor circa Tigridem castra ponens ictu fulminis cecidit.

Diocletianus & Maximinus & Lucinius regnauerunt annis viginti. diuinis libris aduertis Christianos toto orbe persecuti sunt. Isti primo gemmas vestibus calceamentisq; inferi iusserunt: dum sola purpura retro imperatores vterentur. Hi autem imperatores varia bella gesserunt. Persis victis, recepta Mesopotamia postea pariter fastigio imperii relicto regno priuati sunt.

50 Galerius & Maximinus Gallus regnarunt annis duobus. Huius breuitas imperii nihil dignum historiae contulit. Constantius vir tranquillissimus Gallia tantum Hispaniaque contentus Galerio cæteris partibus cessit. Constantius vero Augustus summæ mansuetudinis & ciuilitatis in Britannia obiit. Qui Constantinum filium ex concubina Helena creatum imperatorem Galliarum reliquit.

Constantinus regnavit annis triginta. Hic visitatione Petri & Pauli Apostolorum & per beatum Syluestrum Papam Christianus effectus, multa in Romano imperio gloriose per egit. Qui primo Persis bellum parauit: ad cuius aduentum adeo trepidauerunt, ut supplices occurrerent promittentes imperata perficere. Hic primus imperatorum ecclesiâ Christi in palatio suo, hoc est, Laterano fundauit: & licentiam dedit Christianis publice ac libere

congregari: & in honorem Christi basilicas construendi. In tantum in eo concaluit amor Christianæ religionis, vt Romano Pontifici omnia insignia imperialia perpetuo daret tradens ei simul Italiæ regnum. Tunc est sancta ecclesia in Romano antistite imperialis regni gloria decorata: vt merito gloriosius & specialius in eo regale sacerdotium prædicetur. Ipse vero Constantinus perrexit in Græciam, & ibi condens Constantinopolim urbem, quæ prius Byzantium dicebatur, domum regni sibi suisque successoribus statuit. Abhinc cum occidentis & orientis regimine sacerdotii tenuit Roma imperium occidentis, & Constantinopolis imperium orientis. His temporibus per Arrium Alexandrinum presbyterum hæresis Arriana exoritur. Nicenum etiam concilium trecentorum decem & octo episcoporum Constantinus ad condemnationem¹⁰ Arrii congregauit. Donatistarum schisma oboritur. Per idem tempus crux domini à gloriosa Helena Constantini matre Hierosolymis reperta est. Ob cuius etiam deuotione dominus quatuor clauos, qui in corpore suo fuerant fixi tanquam aurum splendentes ostendit. Nicolaus Myrrhæ episcopus innumeris miraculis floruit. Constantinus autem fere in extremo vitæ suæ ab Eusebio Nicomediensi pseudoepiscopo rebaptizatus in Arrianorum dogma conuertitur. Heu proh dolor! bono vsus principio & fine malo: & in eo tantorum titulorum laudes Arriana vāsania offuscantur. Tamen fertur quod in ipsa egritudine qua migravit de corpore, modis omnibus execrabatur insaniam Arrianam, & fidem catholicam fatebatur.

quindecim.

Constantius & Constans fratres regnauerunt annis † viginti quatuor. Constans²⁰ crudelitate morum terribilis à Persis multa incommoda perpeffus est. deinde Arrianus effectus Christianos toto orbe persequitur. Cuius etiam fauore Arrius fretus, dum in Constantinopoli ad ecclesiam pergeret contra nostros in sancta synodo dimicaturus, diuertens per forum Constantini ad necessariam causam, viscera eius multis videntibus repente simul cum vita effusa sunt. Hoc tempore facta fuit persecutio tam crudelis, vt intra vnum annum & mensem, decem & septem millia martyrum pro Christo passi inueniantur. Per idem tempus Athanasius & Hilarius doctrina & confessione fidei celebrantur. Hæresis Anthropomorphitarum in Syria & Macedonia & Constantinopoli nascitur. Hieronymus presbyter sedis Apostolicæ Cardinalis efficitur. Donatus artis grammaticæ scriptor ac præceptor Romæ claruit. Ossa Andreæ &³⁰ Lucæ Apostolorum Constantinopolim transferuntur.

Iulianus regnauit duobus annis. Hic ex clerico effectus imperator, apostata & paganus in idolorum cultum conuersus liberales litteras Christianos docere vel discere vetuit, & eis crudelissima martyria intulit. Ossa Ioannis Baptistæ multis miraculis coruscantia fracto mausoleo per agros spargi præcepit. Sed non defuerunt fideles qui collegerant ea: inter quos quidam monachus maximam eorum partem Constantinopolim detulit: quædam etiam Hierosolymam ad Philippum episcopum de ipsis sacris ossibus detulerunt: vbi digitus index, quo dominum monstrauit, incorruptus apparuit. Iulianus autem iussit ossa colligi & comburi. Quæ cum non inuenissent satellites eius, quædam alia combusserunt, vt viderentur satisfacere tyranno. In odium etiam Christi⁴⁰ templum Hierosolymis reparare permisit Iudæis: qui ex diuersis prouinciis collecti cum noua templi fundamenta iacerent, subito adueniente nocte saxa magno terræmotu ab imo fundata late excussa sunt. Igneus quoque globus de interiore æde templi egressus plurimos eorum suo prostrauit incendio. Quo terrore reliqui pauefacti Christum confitebantur inuiti. Et ne hoc casu crederent factum, sequenti nocte in vestimentis cunctorum crucis apparuit signum. Iulianus autem contra Persas procedens facta congressione iaculo suscepto interiit.

Iouinianus catholicus regnauit anno vno. Qui dum se ab exercitu imperatorem fieri conspiceret, & Christianus accipere paganorum imperium recusaret: & nos inquit totus exercitus, qui per Iulianum nomen Christi abieciimus, tecum Christiani esse⁵⁰ volumus: quibus ille auditis imperialia sceptrâ suscepit: firmataq; pace cum Persis rediit. Qui protinus leges Christianis & priuilegia dedit, quæ illis à Constantino concessa fuerant: ac templa idolorum claudi præcepit.

decem.

Valentinianus & Valens frater eius regnauerunt annis † quatuordecim. Valens collapsus in hæresim Arrianam multis causa erroris fuit. Tunc enim Gotthi apud Istrum bifariam in duobus Fridegerno & Athanarico Regibus diuisi sunt. Sed Athanaricus Fridegernum Valentis auxilio superat. Hic ex catholico cum tota gente Gotthorum Arrianus effectus est. Tunc Gulphilas eorum episcopus Gothicas litteras eis reperit, & vtrūque testamentum in linguâ propriâ transtulit. Photinus quoque & Eunomius atq;

Apollina-

Apollinarius hæretici eo tempore agnoscuntur. Damasus Papa natione Hispanus Romæ ecclesiam beati Petri miro opere construxit, & de diuersis partibus multa sanctorum corpora congregauit in urbem.

Gratianus cum fratre Valentiniano regnauerunt annis quinque. Huius anno tertio Theodosius creatur imperator. Ambrosius Mediolanensis episcopus in catholicorum dogmate claruit. Martinus episcopus Turonorum Galliæ ciuitatis multis miraculis claruit. Priscillianus hæresim sui nominis edidit.

Valentinianus iunior cum Theodosio regnat annis octo. Constantinopoli synodus centum quinquaginta sanctorum Patrum colligitur: in qua omnes hereses condemnantur. Hieronymus presbyter Bethleem sanctitate & scientia toti mundo claruit. Hic scripturas sacras de Hebræo primus transtulit in Latinū: & abstulit opprobriū Latinorū. Græci enim insultabāt Latinis, quod ab eis legē tanquā riuulus à fonte acceperāt: in quorum odiū quidam eorum etiā exemplaria corrumpebant. Tunc temporis Priscillianus accusante Idatio à Maximo tyranno gladio ceditur. Gentium quoq; templa per totum orbem iubentibus Theodosio & Honorio subuertuntur. Pars etiam corporis Ioannis Baptistæ Alexandriæ in templo Serapis per Theophilum episcopum à sordibus mundato, honorifice conditur: & in honore eius basilica consecratur.

Theodosius natione Hispanus regnauit solus tres annos & cum Honorio & Arcadio regnauit annis tredecim. Per idem tēpus Ioannes anachoreta insigniter claruit: qui etiam Theodosio consulente de Eugenio tyranno victoriam illi prædixit. Arcadius cum fratre Honorio regnauit annis tredecim. Huius temporibus Augustinus episcopus doctrina & scientia insignis habetur. Martinus episcopus Turonorum obiit. Ioannes quoque Constantinopolitanus, & Theophilus Alexandrinus illustres episcopi prædicantur. Donatus etiam Epiri episcopus virtutibus insignis est habitus. Qui draconem ingentem expuens in os eius facto signo crucis necauit: quem octo iuga bouum ad locum incendii vix trahere potuerunt, ne aerem putredo eius corrumperet. Horum Arcadii & Honorii tempore Alaricus Rex Gotthorum sororem eorum Placidiam Theodosii filiam cum ingenti thesauro Romanorum capit primo facta vrbs irruptione: & acceptis multis opibus urbem incensam reliquit. Per idem tempus corpora sanctorum Abacuch & Micheæ prophetarū diuina reuelatione produntur. Gotthi totam Italiam deprædantur: & Vandali & Alani Gallias aggrediuntur.

Honorius cum Theodosio fratris filio regnat annis quindecim. Vandali & Alani & Sueui Hispaniarum maximam partem occupant. Hac tempestate Pelagius aduersus Christi gratiam erroris sui dogmata prædicat. Ad cuius condemnationem concilium apud Carthaginem ducentorum quatuordecim episcoporum congregatur. Hoc tempore Cyrillus episcopus Alexandriæ insignis habetur.

Theodosius minor Arcadii filius cum Honorio & Valentiniano regnauit annis viginti septem. Hoc tempore Valentinianus iunior Constantii filius Rhauennæ imperator creatur: qui matrem suam Placidiam Augustam nuncupauit. Hic gentem effera⁴⁰ ram Vandalorum & Alanorum ab Hispaniis ad Africam transtulit. Beatus Augustinus Hyponensis episcopus & doctor eximius migravit ad dominum. Eodem tempore Nestorius Constantinopolitanus episcopus perfidiæ suæ suscitauit errorem. Aduersus quem Ephesina Synodus cōgregata eius impia dogmata damnat. Hoc etiam tempore diabolus in specie Moyfi Iudæis in Creta apparens, dum eos per mare sicco pede ad terram repromissionis promittit perducere diabolo prius ingresso & sequentibus Iudæis, qui super vndas iis qui erant in littore incedere videbantur, subito diabolus disparuit, & multi Iudæi mortui sunt: aliqui autem qui euaserunt ad Christi fidem conuersi sunt.

Martianus & Valentinianus regnauere annis septem. Huius tempore synodus⁵⁰ geritur, vbi Eutiches cum Dioscoro Alexandrino episcopo condemnantur. Caput etiam Ioannis Baptistæ, quod duo monachi eodem Ioanne reuelante iuxta palatium Herodis Regis Hierosolymis sepultum inuenerant, Constantinopolim defertur. Hoc etiam tempore Theodoricus Rex Gotthorum cum ingenti exercitu Hispanias ingreditur. In Italia Boetio catholico philosopho crudeliter interfecto.

Leo maior cum Leone minore regnauerunt annis decem & septem. Ægyptus & Alexandria errore Dioscori hæretici insanientes contra Chalcedonensem synodum canina rabie latrant. Hoc tempore Gotthi leges proprias in discussione causarum habere cæperunt. Tunc apparuit hæresis Acephalorum Chalcedonense concilium

impugnantium: qui ideo Acephali, id est sine capite nominantur, quia quis primus eam hæresim introduxit non inuenitur. Huius hæresis peste plurimi hæcenus Orientalium sunt languentes.

Zenon regnavit annis decem & octo. Ab isto Acephalorum hæresis defenditur: & decreta Chalcedonensis synodi abdicantur. Iste Leonem Augustum filium suum interficere volens, pro eo mater eius aliam figura similem obtulit: ipsumque Leonem occulte clericum fecit: qui in clericatu usque ad Iustiniani tempus vixit. Per idem tempus corpus Barnabæ Apostoli, & euangelium Matthæi eius stylo scriptum ipso reuelante repertum est.

Anastasius regnavit annis viginti septem. Iste Acephalorum errorem vindicans episcopos Chalcedonensis synodi defensores exilio damnat. Euangelia quoque tanquam ab idiotis composita euangelistis reprehendit, & prave corrigit. Huius octavo decimo anno Gotthi ab Italia in Hispania per Theodoricum regnare ceperunt. Eo tempore Trasemundus Rex Vandalorum catholicas ecclesias claudit in Africa & contra catholicos sævit, & episcopos in exilium in Sardiniam mittit. Per idem tempus Carthagine Olympus quidam Arrianus in balneis sanctam trinitatem blasphemans tribus igneis iaculis Angelo emittente visibiliter est combustus. Barbas quoque quidam Arrianus episcopus dum contra regulam fidei quendam baptizans dixisset: Baptiza te Barbas in nomine patris per filium in spiritu sancto, statim aqua, quæ fuerat ad baptizandum delata, nusquam comparuit. Quod aspiciens qui Baptizandus erat, ad catholicam ecclesiam venit, & iuxta morem fidei, Christi baptismum suscepit. 10

Iustinus maior regnavit annis nouem. Iste synodi Chalcedonensis amator Acephalorum hæresim abdicat. Huius tempore post Trasemundum Ildericus ex Valentiniani imperatoris captiua filia genitus in Vandalis regnum suscepit. Qui sacramento à Trasemundo astrictus, ne catholicos in regno suo foueret, antequam regnum susceperet episcopos ab exilio reuerti iussit, eisque proprias ecclesias reformauit. Hoc tempore Theodericus Italiæ Rex in Hispania regnat postquam Atalaricus nepos eius successit in regnum. Benedictus Abbas virtutum gloria clauit. Athanagildus in Gotthis regnare cœpit. Iustinianus regnavit annis triginta nouem. Iste Acephalorum hæresim suscipiens omnes in regno suo episcopos tria Chalcedonensis concilii capitula damnare compellit. In Alexandria Theodosiana & Gaiana hæresis oritur. In Africa Vandalis per Belisarium ducem extinguuntur. In Hispania per Athanagildum Romanus miles ingreditur: & in Asturiis Vandali omnino delentur. In Italia perfidus Totila Rex Gotthorum à Narſe Romano patricio superatur. Per idem tempus Antonii monachi diuina reuelatione corpus repertum Alexandriam perducitur, & in ecclesia Ioannis Baptistæ humatur. 20

Iustinus minor regnavit annis vndecim. Narſis patricius postquam sub Iustiniano Augusto Totilanem Gotthorum Regem in Italia superauit, Sophiæ Augustæ Iustini coniugis minis perterritus Longobardos à Pannonis inuitauit, eosque in Italiam introduxit. Hic Iustinianus ea quæ aduersus Chalcedonensem synodum fuerunt edita, destruxit: & symbolum centum quinquaginta patrum, tempore sacrificii concinendum populo præcepit. Armeni tum primum fidem Dei suscipiunt. Geppides Longobardorum Rex extinguitur. Hac tempestate Leouildus Rex Gotthorum quasdam Hispaniæ regiones sibi rebelles, in potestatem sui regni superando redegit. Per idem tempus Martinus Braccarenſis Dumienſis episcopus apud Galleciam clarus in doctrina fidei prædicatur tempore Theodimiri Regis. 30

Tiberius regnavit annis septem. Longobardi expulsis Romanis Italiam adeunt. Gotthi per Hermegildum Leouigildum Regis filium bifariam diuisi mutua cæde vastantur. 40

Mauritius regnavit annis viginti vno. Gregorius Romanæ ecclesiæ Pontifex & doctor eximius habetur. Fulgentius episcopus Astigitanus in confessione Dei & scientia clauit. Eodem tempore Sueui à Leouigildo Rege Gotthorum obrenti bello, Gotthis subiiciuntur. Idem quoque Gotthi per Reccaredum religiosissimum principem, ad fidem catholicam reuertuntur, sanctissimo patre Leandro episcopo Hispanensi virtutibus & scientia decorato eisdem Gotthis sanctæ prædicationis verbum ministrante.

Phocas regnavit annis octo. Iste seditione militari imperator effectus Mauriti-
um Augustum & multos nobilium interfecit. Huius tempore Prasini & Veneti per
Orientem & Ægyptum civile bellum faciunt, ac sese mutua cæde prosternunt: de quo
Romanum imperium magnum sustinuit detrimentum. Prælia quoque Persarum
graviissima aduersus rempublicam excitantur: à quib. Romani fortiter debellati ipsam
Hierosolymam amiserunt. Per idem tempus Romæ templum Pantheon eliminata
spurcicia idolorum à sancto Bonifacio Papa in honorem Dei genitricis & omnium
martyrum Christi consecratur.

Heraclius temporibus nostris sumpsit imperium. Hic Persas reipublicæ subdidit:
10 & crucem Christi quam impius Rex Cosdroas asportavit, Hierosolymis restituit. Hu-
ius Heraclii anno secundo Sisebutus in Hispania regnare incipit: regnumq; octo annis
catholice regit. Huius etiam anno decimo Suintila in Hispaniis regnare incipit: & to-
tius Hispaniæ monarchiam inter Reges Gotthorum tenuit primus: qui decem annis
regnavit. Fiunt ergo ab exordio mundi vsque in præsentem diem anni quinque millia
octingenti septuaginta in era sexcētesima† septuagesim† prima, hoc est anno impera-
toris Heraclii octauo decimo, & religiosissimi Hispaniarū Regis Suintilani ultimo. Re-
siduum seculi tempus humanæ inuestigationi incertum est. Omnem enim de hac re
quæstionem dominus Iesus Christus abstulit dicens: non est vestrum nosse tempora
vel momenta quæ pater posuit in sua potestate. Et alibi de die illa dominus, inquit,
20 nemo scit neq; Angeli cælorum, nisi solus pater. Vnusquisq; ergo de suo cogitet transitu
ne in peccati operibus profuat, sicut sacra scriptura dicit: In omnibus operibus tuis me-
morare nouissima tua, & in æternum non peccabis. Quando vnusquisq; de seculo mi-
grat, tunc illi quodammodo consummatio seculi est.

EXPLICIT PRIMVS LIBER CHRONICORVM BEATI ISIDORI
Hispaniarum doctoris archiepiscopi Hispalensis.

LIBER SECVNDVS.

Prologus.

40 **D**E C E T viros virtutis præcedentium facta sæpe ad memoriā reuo-
care: vt in bonis præteritis discant bonis operibus† incubare, & in
malis exemplum caueant reproborū. Præ cunctis malis sacrilegiū,
luxuriam, & auaritiam debent principes euitare: quibus maxime
præteriti principes corruerunt, adeo vt qui multarum gentium vi-
ctores extiterant, prouocato Deo sacrilegiis, luxuria & auaritia, suis
subderentur miserabiliter inimicis. Cauenda est etiam summope-
re discordia militaris: qua non solum Romanum imperium subiit detrimentum, ve-
rum etiam fortissima gens Gotthorum sæpe gentis & patriæ sensit euerfionem: vt in
subscriptis libris clarius elucebit. Quis enim inuidiissimam Gotthorum gentem adeo
superauit, vt ipsa Gotthorum diuisio? quæ tempore Roderici Regis per Iulianum co-
mitem & Witizam, qui Gotthi erant, Gotthorum gloriā & patriam subdidit Agare-
nis? Factum est etiam consimile tempore Ramiri & Veremundi Regum Gotthorum,
cum Almanzor Rex Agarenus cum Gotthis militibus exulatis, qui ad se confugerunt,
Legionense regnum inuasit, & euertit munitissimas ciuitates. Si quis percurrat histo-
rias diligenter, fere nunquam inueniet Gotthos præliis superatos, nisi contra ipsos ma-
nus quæq; Gotthica repugnaret. In agendis etiam bellorum negotiis est iure nobilitas
50 sanguinis requirenda: quia vt in libro Macchabæorum sacra testatur scriptura, multi
ex populo Israelitico victi ceciderunt in prælio, quia duces eorum scilicet Iosephus &
Azarias non erant de genere virorum illorum per quos salus facta fuerat in Israel. Iam
nunc ad gesta Regum Gotthorum manum mittimus chronicorum librum Isidori do-
ctoris Hispaniarum secundum in opere proponentes. Tamen sciendum quod in Re-
gum Gotthorum serie, & in Romanorum imperatorum atq; aliorum principum fere
vbiq; discors annorum numerus scriptorum vel æmulorum vitio reperitur. Quapro-
pter ego in huius operis annorum concordiam vt cumq; potui, laboraui. Corrigit ta-
men catholica veritas, si quid forte in his vel aliis opusculis meis me viderit deuiasse.

TOMVS IIII.

D 2

lxxxix.
Non consen-
tit hac anno-
rum ratio
neq; cum Isi-
doro neque
cum superio-
bus: ac debuit
potius vsque
ad xviii.
annum He-
raclii nume-
rare ab orbe
condito 5965.
erā 676 præ-
cise iuxta eā
quam in sin-
gulis compu-
tationem ipse
quidem secu-
tus est. Onu-
phrius qui-
dem annos
Christi nu-
merat 628.
atq; adeo e-
666. vsq; ad
eum Heraclii
annum.

incumbere

BEATI ISIDORI

Prologus.



OMINO & filio charissimo Sifnando Regi Gotthorum Isidorus. Quia de origine Gotthorum, Hispanorum, Sueuorum, Vandalorum, & Alanorum, & qualiter rexerunt Hispaniam tibi fieri notitiam postulasti: in huius parte duximus laborandum: atque tuæ charitati, prout possumus, id scribendo breuiter explanare. Tres filios Noe, id est Sem, Cham, & Iaphet scriptura sacra esse testatur. Ab ipsis quippe omnium hominum genus per tripartitam mundi regionem, id est, Asiam, Europam, & Africam est disseminatum. Filii Sem orientalem partem scilicet Asiam cum filiis Ioniti filii Noe, qui post diluuium natus est, possederunt. Filii Iaphet septentrionalem, scilicet, Europam. Filii Cham meridiionalem, id est Libyam siue Africam inhabitauerunt. Sed tempore procedente terram Chanaam in Asia violenter obtinuerunt. Nati sunt filii Iaphet, Magog, & Tubal & alii. De Magog inde Gotthi, de Tubal vero Hispani & Itali orti censentur. Primus Rex Hispanorum exstitit nomine Hispanus, qui famosam urbem condidit, quam ex suo nomine Hispalim nominauit: & in ea solium regni sibi firmavit: à qua etiam Hispania nomen traxit. Dicitur & ab Ibero flumine Iberia, & ab Hespero sidere Hesperia. Hispanis tandem regnum suum segniter gubernantibus, principantibus Petreio & Afranio, Iulio Cæsari, & Romanis omnino cesserunt: non tamen patria sed regni honore caruerunt. Olim pro magna parte sui Romanis Hispania iam cesserat Bruto & Ptolemone ducibus exercitus Romanorum. Ante biennium autem Romanæ urbis irruptionis era ccccxliiii. excitatæ per Stiliconem ducem Romanum gentes Alanorum, Sueuorum, Vandalorum transiectoque imperu ad Pyrenæum vsque perueniunt. Cuius obice per Didymum & Verinianum Romanos nobilissimos ac potentissimos fratres ab Hispania trib. annis repulsi per circuniacentes Galliæ prouincias vagabantur. Sed postquam qui priuato præsidio Pyrenæi claustra tuebantur, ob suspicionem tyrannidis insontes & nulla culpa obnoxii, à Constantio Imperatore occidentis interfecti sunt, memoratæ gentes Hispaniarum prouincias disrumpunt. Sueui à Germanis duxerunt originem, qui à flumine Sueuo nominantur. Vandali à Galliis venerunt, & à Vandalico fluuiio nominantur. Alani ab Hunnis orti sunt: & † Alanus fluuius eis nomen imposuit.

Era ccccxlvii. Alani, Sueui & Vandali Hispanias occupantes, neces vastationesque eruentis discursibus faciunt. Urbes incendunt, substantias direptas exhauriunt: ita ut humanæ carnes in fame deuorarentur à populis. Edebant filios suos matres. Bestiæ quoque morientium gladio fame ac peste cadaueribus assuetæ etiam in viuorum efferebantur interitum. Atque ita quatuor plagis per totam Hispaniam sæuientibus diuinæ iracundiæ per prophetas scripta olim prænuntiatio adimpletur.

Era ccccxlviii. post plagarum diram perniciem, quibus Hispania cæsa est, tandem barbari ad pacem Deo miserante conuersi in possessionē sibi eius prouincias diuidunt. Galleciam enim Vandali & Sueui occupant. Alani Lusitaniam & Carthaginensem prouinciam. Vandali autem cognomine Silingi relicta Gallecia postquam Tarraconenses insulas deprædati sunt, regressi prouinciam Beticam sortiuntur. Hispani autem per ciuitates & castella residua plagis afflicti barbarorum dominantium de Romanorum absentia & tuitione plangentes, sese miserabiliter seruituti subiiciunt. Primus autem in Hispania Gundericus Rex Vandalorum præfuit regnans in Galleciæ partib. annis decem, & octo. Qui dum rupto fœdere Sueuorum gentem in Eruasis mōtib. obsident, relicta obsidione Sueuorum Balearicas Tarraconensis prouinciæ insulas deprædatur, Deinde Carthagine Spartaria euerfa cum omnib. Vandalis ad Beticam transit. Hispalim diruit acrique cæde in direptionem mittit. Qui cum auctoritate regiæ potestatis irreuerenter manus in basilicā sancti Vincentii martyris ciuitatis ipsius extendisset, mox Dei iudicio in foribus templi dæmonio correptus interiit.

Era cccclxvii. Gisericus frater Gunderici succedit in regnū annis quadraginta. Qui ex fide Catholica effectus apostata in Arrianam fertur primus transisse perfidiam. Hic de Beticæ

de Beticæ prouinciæ littore cum Vandalis omnibus eorumq; familiis ad Mauritaniam & Africam relictis Hispanis transfretauit. Cui Valentinianus iunior occidentis imperator non valens obistere pacem mittit: & partem Africæ, quam Vandali possederant, tanquam pacifice dedit, conditionibus sacramenti ab eo acceptis ne quid ultra inuaderet. Ille autem de cuius amicitia iam nihil ambigebatur, violata sacramenti religione Carthaginem dolo pacis inuadit: omnesq; opes eius excruciat diuerso tormentorum genere ciuibus in ius proprium vertit. Deinde Siciliam deprædatus Panormum obsedit: & Arrianam pestilentiam per totam Africam intromittit. Sacerdotes ab ecclesia pellit: martyres plurimos efficit, & iuxta prophetiam Danielis demutatis sanctorum mysteriis ecclesias Christi hostibus tradidit. Nec iam diuini cultus loca, sed suorum esse habitacula iussit. Aduersus quem Theodosius minor orientis imperator bellum parauit, quod ad effectum non venit: Hunnis enim Thraciam Illyricumq; vastantibus exercitus ad Vandalos missus, ad defendendos Thraces Illyrianosque à Sicilia reuocatur. Maiorianis autem imperator de Italia in Hispaniam veniens, cum in Carthaginensi prouincia aliquantas naues siue ad transitum aduersus Vandalos præparasset, eas de litore Carthaginensi commoniti Vandali per proditores arripiunt. Sicque Maiorianus à sua dispositione frustratus Italiam reuertitur, atq; à Recimiro patritio fraude circumuentus occiditur. Quo comperto Gisericus non contentus solis Africæ vastationibus, nauibus aduectus Romam ingreditur, direptisque per quatuordecim dies opibus Romanorum relictâ Vrbe vxorem Valentiniani & filias eius & multa millia captiuorum secum tulit. Mox Carthaginem redit: & per legatos ab Imperatore postulata pace, Valentiniani relictam Constantinopolim remittit: quarum vnâ ex filiabus suis filio suo Vgnerico iure matrimonii copulauit. Sicque post multarum prouinciarum clades Christianorumque spolia atq; necesse moritur regni sui anno XLIIII.

Era DXXII. post Gisericum Vgnericus Giserici filius regnat annis septem, mensibus quinque: habens in coniugio Valentiniani filiam, quam pater eius ex Roma cum matre captiuam adduxerat, qui & ipse Arriano suscitatus furore catholicos per totam Africam atrocior patre persequitur, ecclesias tollit, sacerdotes & cuncti ordines clericos in exilium mittit. Monachos quoque atq; laicos quatuor circiter millia exiliis durioribus relegauit, martyres fecit, confessoribus linguas abscidit: qui linguis abscissis perfecte vsque ad finem locuti sunt. Tunc Lætus Neptensis ciuitatis episcopus gloriose martyrio coronatur. Qui dum Arriani contagii labe variis pœnis maculari non potuit, victor repente cœlos obrinuit. Vgnericus autem inter innumerabiles suarum impietatum strages, quas in catholicos exercuerat, octauo regni sui anno, vt Arrius pater eius interioribus cunctis effusus miserabiliter vitam finiuit.

Era DXXIII. Guntamundus succedit regnans annos quatuordecim. Qui statim ecclesiæ pacem reformans catholicos ab exilio reuocauit.

Era DXXVII. Trasemundus succedit regnans annis viginti septem mensibus quatuor. Ille Arriana infania plenus catholicos insectatur, ecclesias claudit, in Sardiniam exilio ex omni Africana ecclesia centum viginti episcopos mittit. Carthagine moritur. Cuius tempore Fulgentius Ruspensis episcopus in nostro dogmate claruit.

Era D LV. Hildericus Hugnerici filius ex Valentiniani imperatoris filia genitus successit regnans annis nouem mensibus tribus. Ille sacramento à prædecessore suo Trasemundo adstrictus ne catholicis in regno suo pacem daret, aut ecclesias aperiret, aut priuilegia restitueret, priusquam regnaret ne religionem sacramenti violaret, præcepit sacerdotes catholicos ab exilio reduci & ecclesias aperiri. Quem Gilimer sumpta tyrannide regno priuat: & cum filiis carceris custodiæ mancipat.

Era DLXIII. Gilimer regnum tyrannide quatuor annis tenuit, multos nobilium Africæ prouinciæ crudeliter extinguens, multorumque substantias tollens. Aduersus quem Iustinianus imperator, ex visitatione visionis nocturnæ Læti episcopi, qui ab Vgnerico Rege Vandalorum martyr fuerat factus, exercitum cum Belisario magistro militum duce mittit. Initoq; idem Belisarius prælio Guntemirum & Gebamundum Regis fratres primo prælio superatos interficit. Deinde ipsum Gilimirum in fugam versum Africam capit. In ipso autem Belisarii occursum priusquam congressio fieret Gilimer tyrannus Hildericum Regem cum quibusdam generis eius affinibus occidit. Belisarius autem Gilimirum tyrannum capit: eumque cum deuitiis ex rapinis prouinciarum & Africæ conquestis Constantinopolim Iustiniano Imperatori adducit. Sicque regnum Vandalorum cum populo atque stirpe deletur era DLXVIII. quod permansit centum & quadraginta nouem annis ab anno primo Gunderici Regis vsq; ad interitum Gilimiri.

SVEVORVM HISTORIA.



RA CCCCLXVI. Sueui principe Hermerico cum Alanis & Vandalis simul Hispaniam ingressi sunt, atque omnem Galleciam cum Vandalis occupauerunt. Vandalis autem Africam transeuntibus Galleciam soli Sueui fortiti sunt: quibus præfuit in Hispaniis Hermericus annis triginta duobus. Gallecia autem in parte prouinciæ regno suo vtebantur. Quos Hermericus assidua vastatione depræ-
dans tandem morbo oppressus pacem cum eis fecit & Recchilaniem filium suum in regno suo substituit. Qui cum magna parte exercitus missus Andeborum Romanæ militiæ ducem cum multis copiis ad Singilium Beticæ prouinciæ fluuium inito bello prostravit magnis eius auri argenti que copiis occupatis. Inde Emeritam obsessam ingreditur atque obtentam proprio regno associat. Hermericus autem pater eius per annos septem diuturno languore affectus interiit.

Era CCCCLXXVIII. Hermerico defuncto Recchila filius eius regnat annis nouem. Qui post obitum patris Hispali obtenta Beticam & Carthaginensem prouincias in suam potestatem reducit. Atque inde Emeritæ sub cultu, ut fertur, gentilitatis vitam finiuit.

Era CCCCLXXXVII. Reccarius Recchilani filius catholicus factus succedit in regnum annis nouem accepta in coniugium filia Theodoredi Regis Gotthorum. Hic in principio sui regni confortatus Vascones deprædatur: moxque ad Theodoredum socerum suum profectus, Cæsaraugustanam regionem remeans Gotthis auxiliantibus vastat. Tarraconensem prouinciā, quæ Romano imperio deseruiebat, inuadit. Carthaginenses regiones quas Recchila pater eius Romano reddiderat, in prædam mittit. Ad ultimum, dum Theudericus Rex Gotthorum in Hispaniam ingrederetur, inito prælio aduersus eum, primo fugatur, deinde captus occiditur.

Era CDXCVI. extincto Reccario, Sueui, qui remanserant in extrema parte Galleciæ, Masdram Masfilæ filium Regem sibi constituunt. Mox bifariam diuisi, pars Frantanem, pars Masdram Regem appellant. Nec mora Frantane mortuo, Sueui qui cum eo erant Recchimundum sequuntur, & cum Masdra pace inita, pariter partes Lusitaniam deprædantur. Masdra autem tertio regni anno à suis iugulatur.

Era CDXCIX. Masdra interfecto inter Frumarium & Recchimundum oritur de regni potestate dissensio: sed Frumarius cum manu Sueuorum, quam habebat, Flauientis urbis conuentum graui euertit excidio. Recchimundus autem vicina sibi pariter Auriensem, & Lucensis conuentus maritima populatur. Duobus annis post Masdram regnauit Frumarius.

Era DII. Frumario mortuo Remismundus omnibus Sueuis in suam ditionem regali iure reuocatis, pacem cum Gallecis reformat, legatos fœderis ad Theudericum Regem Gotthorum mittit, à quo etiam per legatos & animam & coniugem, quā haberet, accepit. Inde ad Lusitaniam transit. Conimbriam pace deceptam diripit. Olisbona quoque ab eo occupatur ciue suo, qui illi præerat, tradente Lusidio. Huius tempore Ajax natione Galata effectus apostata. Arrianus inter Sueuos Regis sui auxilio, hostis catholicæ fidei, & diuinæ Trinitatis emergit, de Gallicana Gotthorum regione hoc pestiferum virus afferens & totam gentem Sueuorum lethalis perfidiæ tabe inficiens. Multis deinde Sueuorum Regibus in Arriana hæresi permanentibus, (fuerunt ex tunc Reges Sueuorum seducti nonaginta annis: quorum actus & nomina hic minime describuntur) tandem regni potestatem Era DC. Theudemirus suscepit. Qui confestim Arrianæ impietatis errore destructo Sueuos catholicæ fidei reddidit, innitente Martino monasterii Dumienfis episcopo fide & scientia claro, cuius studio & pax ecclesiæ ampliata est, & multa in ecclesiasticis disciplinis Galleciæ regionibus instituta.

Era DCVIII. Post Theudemirum Miro Sueuorum princeps efficitur, regnans annis tredecim. Hic secundo regni sui anno bellum contra Ruccones intulit. Deinde in auxilium Liuuigildo Gotthorum Regi aduersus rebellem filium expugnandum Hispaliā pergit, ibique terminum vitæ clausit.

Huic Heboricus filius in regnum succedit anno vno, quem adolescentem Andeca, sumpta tyrannide regno priuat, & monachum factum in monasterio damnat, pro quo non diu est dilata sententia. Nam Liuuigildus Gotthorum Rex Sueuis mox bellum inferens, obtento eodem regno, Andecanem deiecit, atque detonsum post regni honorem,

morem, presbyterii officio mancipauit. Sic enim oportuit, ut quod ipse regi suo fecerat, rursus idem congrua vicissitudine pateretur. Regnum autem Sueuorum deletum in Gothos transfertur, quod mansisse CLXXVII. annis scribitur.

Explicuit historia Sueuorum.

GOTTHORVM HISTORIA.

GOTTHORVM antiquissima origo de Magog Iaphet filio orti cū Scythis vna probantur origine: vnde non longe vocabulo discrepant. Demutata enim ac detracta littera Getæ quasi Scythæ sunt appellati. Hi igitur Septentrionis glacialia iuga inhabitantes, quæque sunt ardua montium cum cæteris gentib. possidebant. Quib. sedib. tempestatibus & impetu gentis Hunnorum pulsi Danubium trāseuntes Romanis se dederunt. Sed dum iniurias eorum non sustinerēt, indignati arma sumunt, Thraciam irruunt, Italiam vastant, obsessam urbem Romā capiunt: Gallias aggrediuntur, patefactisq; montib. Pyrenæis Hispaniam vsq; perueniunt: & ibi sedem vitæ atq; imperium locauerunt. Populi natura prompti, ingenio alacres, consuetudine viribusq; freti, robore corporis validi, staturæ proceritate magni vel medii, gestu habitusq; conspicui, eloquio clari, manu prōpti, duri vulnerib. sicut ait poeta de ipsis: Mortē contemnunt laudato vulnere Getæ. Quib. tanta extitit magnitudo bellorū, & tam excellens gloriosæ victoriæ virtus, ut Roma ipsa victrix omniū populorum subacta captiuitatis iugo Gothicis triumphis accederet: & domina cunctarū gentium illis ut famula deferuaret. Hos Europæ omnes pertimere gentes, Alpiū his cessere ^{duriciis} obices. Vandalica & ipso crebro opinata barbaries non tantum præsentia eorū exterrita, quantū opinione fugata est. Gotthorum vigore Alani extincti sunt: Sueui quoq; hætenus intra inaccessos Hispaniarum angulos coarctati, etiā nunc eorum armis periculum finis experti sunt: & regno q; desidiōso torpore tenuerunt, turpiori nunc dispendio caruerunt: quanquā se tenuisse hucusq; valde sit mirum, quo sine experimento defensionis carere potuerunt. Sed quis poterit tantā Gothicæ gētis liberalitatis & viriū dicere magnitudinem? Etenim multis gentib. non solū larga munera contulerunt, sed & magna reliquerunt gentium precib. inclinati. His tamen libertas magis de congressione bellica quam de petita pace contingit: atq; vbi se illis necessitas dura opposuit, vires eos potius adhibuisse q̃ preces. Porro in armorum artib. spectabiles sunt: & non solū hastis sed & iaculis equitando configunt: nec equestri tantū prælio sed & pedestri incedunt. Veruntamen magis equitum præceleri cursu configunt: vnde poeta Getes, inquit, quo pergit equo. Exercere. n. sese telis ac præliis præludere maxime diligunt. Ludorū certamina vsu quotidiano gerunt. Hac sola armorū experientia huc vsq; carebant, q; classica bella in mari gerere non studebant. Sed postquā Sisebutus princeps regni sumpsit sceptra ad tantā felicitatis virtutem profecti sunt, ut non solum terras, sed & ipsa maria suis armis adeant: subiectusq; seruiat illis Romanus miles, cui seruiere tot gētes. Eos magis Getas q̃ Gog Magog appellare cōsueuerant. Gens fortissima hæc à qua Iudæa terra vastata describitur. Interpretatio namq; nominis eius in linguā nostram recte quoq; significatur fortitudo. Quia reuera nulla gens in orbe fuit, quæ Romanū imperium adeo fatigauerit ut hi. Isti sunt. n. quos etiam Alexander vitandos pronunciauit, Pyrrhus pertimuit, Cæsar exhorruit. Per multa quippe retro secula ducibus vsi sunt, postea Regibus: quorum oportet tempora per ordinem cursim exponere: & quo nomine actuque regnauerint de historiis libata retexere. ¶ Anno ante eram conditā duodecimo dum pro arripiendo Reipub. imperio Magnus Pompeius & Iulius Cæsar arma ciuilia cōmouissent, Gotthi ad præbendū Pompeio auxilium in Thessaliam aduersus Cæsarem pugnatū venerunt. Vbi dū in Pompeii exercitu Æthiopes, Indi, Persæ, Medi, Græci, Armeni, Scythæ, ac reliquæ orientis gentes euocatæ aduersus Iulium dimicassent, isti præ cæteris Cæsari fortius restiterunt. Quorum Cæsar copia & virtute turbatus, fertur fugam meditatus esse, nisi nox prælio finē dedisset. Tunc Cæsar ait: Nec Pompeiū scire vincere, nec Cæsarem posse vinci. Nam si Pompeius vincere nossset, hodie cū tam asperis viris Cæsarem superasset. ¶ Era † CCLXXXVI. anno secundo imperii Valeriani & Galieni Gotthi primo descensus Alpibus quib. inhabitabāt, Græciā, Macedoniā, Pontū, Asiam, atq; Illyricum vastauerūt. Ex quib. Illyricum & Macedoniam quindecim annis

feretenuerunt. Deinde à Claudio imperatore superati sedes proprias repetunt. Romani autem Claudium Augustum, pro eo quod tam fortissimam gentem à finib. reipublicæ remouisset, insigni gloria honorantes in foro illi aureum clypeū, in Capitolio auream statuam collocauerunt.

ccclxviii Era † ccclxii. tempore Cōstantini Christiani imperatoris Gotthi Sarmatarum regionem aggressi copiosissimis super Romanos irruerunt agminibus, vehementi virtute cuncta gladio, & deprædatione vastantes. Aduersus quos idem Constantinus aciem instruxit, ingentique certamine vix superatos vltra Danubium expulit, de diuersis gentibus virtutis gloria clarus, sed de Gotthorum victoria amplius gloriosus. Quem Romani acclamante senatu publica laude prosequuti sunt, quod tantam gentem vice- 10 rit, quod patriam rempublicam reformauerit.

ccccviii Era † cccc. anno imperii Valentis quinto primus Gotthorum gentis administrationem suscepit Athanaricus regnans annos xiii. qui persecutione crudelissima aduersus fidem Christi commota, voluit se exercere contra Gotthos qui in gente sua Christiani habebantur, ex quib. plurimos, qui idolis immolare nō acquieuerūt, martyres fecit: reliquos autem multis persecutionibus affectos, dum pro multitudine horret interficere, dedit licentiam, immo magis coegit de regno suo exire, atque in Romani soli migrare prouincias.

ccccxv Era † ccccxiii. anno octauo Valentis imperatoris Gotthi in Istrium aduersus semetipsos in Athanarico & Frigiderno diuisi sunt, alternis sese cædibus depopulantes. 20 Sed Athanaricus Frigidernum Valentis Imperatoris suffragio superat. Huius rei gratia legatos cum muneribus ad eundem imperatorem mittit, & doctores propter suscipiendam Christianæ fidei regulam poscit. Valens autem à veritate catholicæ fidei diuius, & Arrianæ hæresis peruersitate detentus, missis hæreticis sacerdotibus, Gotthos persuasione nefanda sui erroris dogmati adgregauit, & in tam præclaram gentem virus pestiferum semine pernicioso transfudit, sicq; errorem quem recens credulitas ebibit, tenuit diuque seruauit. Tunc Gulfilas eorum Gotthorum episcopus Gotthicas litteras condidit, & scripturas noui ac veteris Testamenti in eandem linguam conuertit. Gotthi autem statim vt litteras & legem habere cæperunt, instruxerunt sibi dogma 30 tis sui ecclesias, talia iuxta eundem Arrium de ipsa diuinitate documenta tenentes, vt crederent: Filium Patri maiestate esse minorem & æternitate posteriorem. Spiritum autem sanctum nec Deum esse, neque substantiam Patris existere, sed per filium creatum esse, vtriusque ministerio deditum, & amborum obsequio subditum. Aliam quoque Patris sicut personam sic & naturam asserentes: aliam Filii, aliam denique Spiritus sancti, vt iam non (secundum sanctæ scripturæ traditionem) vnus Deus & dominus coleretur. Sed iuxta idolatriæ superstitionem tres dii venerarentur. Cuius blasphemix malum per decessum temporum, Regumque successum annis † ccxxiii. tenuerunt. 40 Qui tandem reminiscens salutis suæ renunciauerunt inditæ perfidiæ & per Christi gratiam ad vnitatem fidei catholicæ per orthodoxum patrem Leandrum Hispalensem antistitem peruenerunt.

ccccxvi Era † ccccxviii. anno tertio decimo Valentis imperatoris Gotthi qui primū Christianos à terra sua expulerant, rursus ipsi multis acerbis tempestatibus Dei iudicio fatigati ab Hunnis cum Rege suo Athanarico expulsi sunt, transitoque Danubio cū vim ferre non possent Valentis imperatoris, sese non depositis armis tradunt, & Thraciam ad inhabitandum accipiunt. Sed vbi viderunt se opprimi à Romanis contra consuetudinem propriæ libertatis, ad rebellandum coacti sunt. Thraciam ferro incendiisq; depopulantur, deiectoque Romanorum exercitu ipsum Valentem iaculo vulneratum in quadam villa fugientem succenderunt, vt merito ipse ab eis viuus temporali cremaretur incendio, qui tam pulchras animas ignibus æternis tradiderat per errorem. Inue- 50 nerunt autem eo prælio Gotthi priores Gotthos, quos dudum propter fidem à terra sua expulerant, & voluerunt eos sibi ad prædæ societatem coniungere. Qui cum non acquieuisent, aliquanti interfecti sunt. Alii montuosa loca tenētes & refugia sibi qualiacumque construētes, non solum perseuerauerunt Christiani catholici, sed etiam in concordia Romanorum à quibus dudum excepti fuerant permanserūt. Tunc Gotthi contra Hungaros arma dirigentes innumerabilem ex eis multitudinem hostiliter necauerunt.

ccccxix Era † ccccxiiii. anno imperii Theodosii Hispani iiii. & Valentiniani primo Athana-

Athanaricus cum Theodosio ius amicitiamque disponens mox Constantinopolim pergit, ibique quinto decimo die postquam fuerat à Theodosio honorabiliter susceptus, interiit. Gotthi autem proprio Rege defuncto aspicientes benignitatem Theodosii imperatoris inito foedere, Romano se imperio tradiderunt & fuerunt cum Romanis † septem annis.

xxviii.

Era ccccxx. anno imperii Theodosii iv. Gotthi patrocinium Romani foederis recusantes, Alaricum Regem sibi constituunt, indignum iudicantes Romanæ esse subditos potestati, eosque sequi, quorum iam pridem leges imperiumque respuerant, & de quorum se societate prælio triumphantes auerterant.

10 Era † ccccxxxvii. anno imperii Honorii & Arcadii quarto Gotthi in Alarico, & ccccxvi. Radagaiso diuisi, dum semetipsos in duabus regni partibus variis cædibus lacerarent, ob excidium Romanorum concordēs effecti, consilium in commune constituunt, parique intentione ad prædandas quasunque regiones Italiæ ab inuicem diuiduntur.

Era ccccxlvi. anno Honorii & Arcadii x. Rex Gotthorum Radagaisus genere Scythæ cultui idolatriæ deditus, barbaricæ immanitatis feritate sæuissimus, cum ducentis armatorum millibus Italiæ partes vehementi vastatione aggreditur, spondens in contemptum Christi Romanorum sanguinem diis suis libare, si vinceret. Cuius exercitus ab Stilicone duce Romano in montuosis Thuscæ locis circumclusus fame est potius, quam ferro consumptus. Ipse postremo Rex captus & interfectus est.

20 Era ccccxlvi. anno imperii & Arcadii xv. extincto Radagaiso Alaricus consors regni nomine quidem Christianus, sed professione hæreticus, dolens tantam multitudinem Gotthorum à Romanis extinctam in vindictam sanguinis suorum, aduersus Romanam prælium gessit, obsessamque impetu, igne gladiis irrumpit: sicq; vrbs cunctarum gentium victrix, Gotthieis triumphis victa succubuit, eisque capta subiugataque seruiuit. Tam autem Gotthi clementes ibi extiterunt, vt votum antea darent, quod si ingrederentur urbem quicumque Romanorum in locis Christi inueniretur, in vastationem vrbs non mitteretur. Post hoc igitur votum, aggressi urbem omnibus & mors & captiuitas indulta est, qui ad sanctorum limina confugerunt. Sed & qui extra locum martyrum erant, & nomen Christi & sanctorum nominauerunt, & ipsis simili miseri-

30 cordia pepercerunt. In reliquis autem, etsi præda hostium patuit, feriendi tamē immanitas refrænata est. Incurfantibus autem in illa vastitate per urbem Gotthis, dum quidam potens virginem consecratam ætate prouectam reperisset, eamque honeste admoneret, vt si quid apud se auri argentique esset proferret: illa fidei conscientia quod habuit protulit: cumque ille vasorum formam & pulchritudinem, ex illa antiqua Romanorum opulentia miraretur, virgo ait: Hæc vasa mihi de sacrario Petri Apostoli deposita sunt: præsume, si audes. Ego sacra hosti dare non audeo. Gotthus ille ad nomen Apostoli magno pauore perterritus, Regi hoc per nuntium refert, qui confestim Rex reportari omnia ad sacrarium sancti Petri, per virginem illam summa cum reuerentia iussit dicens: Cum Romanis gessi bellum non cum Apostolis Dei. Rediit igitur virgo

40 reuerentissimis officiis honorata, redeunt & cum illa omnes, qui ei se sociauerant super capita sua vasa illa aurea & argentea cum hymnis & canticis reportantes. Exercitus vndique iussu Regis ob defensionem armatorum custodientes concurrunt. Vndique ad voces canentium de latibulis agmina Christianorum. Concurrunt etiam & pagani, atque admisti inter eos, dum seruos Christi se esse fingunt, etiam & ipsi calamitatis excidium euaserunt. Hac tempestate Gotthi Placidiam Theodosii principis imperatoris filiam, Arcadii & Honorii imperatorum sororem, cum ingenti auri argentiq; thesauro Romæ capiunt. Anno ab vrbe condita mclxiii. irruptio vrbs per Alaricum facta est: adeptisq; multis opibus Romanorum tertia die, incensa euerfaque in partibus, vrbe discedunt. inde conscensis nauibus, cum ad Siciliam exiguo ab Italia freto diuisam post tantam victoriam maior eorum pars simul cum Alarico Rege & potentioribus ducibus transire disponent, infesto mari periclitati multum exercitum perdidērunt.

Quibus tanta fuit gloria de Romanæ vrbs obtentu, vt in eius comparatione nihil se mali passos tempestate illa arbitrarentur, damna naufragii euentu victoriæ compensantes. Mors Alarici confestim sequuta vigesimo octauo regni anno defunctus est in Italia.

Era † ccccxlviii. anno imperii Arcadii & Honorii xii. Alarico post captam urbem defuncto Athaulfus à Gotthis Italiæ regno præficitur annis septem.

Iste quinto regni anno de Italia recedens, Gallias adiit. Placidiam Theodosii imperatoris filiam quam Romæ Gotthi ceperant, coniugem sibi assumpsit. In qua propheta Danielis à quibusdam creditur fuisse completa, qui ait filiam Regis Austri coniungendam Regi Aquilonis, nulla tamen de germine eius sobole subsistente. Sicut & idem in sequentibus propheta subiungit dicens: Nec stabit semen eius. Nullus enim de vtero illius extitit genitus, qui patris in regno succederet. Athaulfus autē dum relictis Galliis Hispanias peteret à quodam suorum apud Barcinonā inter familiares fabulas iugulatur.

l v. Era cccc. † lvi. anno imperii Honorii & Arcadii xxi. post obitum Athaulfi, à Gotthis Sigericus princeps electus est tribus annis, qui dum ad pacem cum Romanis esset promptissimus mox à suis est interfectus. 10

Era cccc. lviii. anno imperii Honorii & Theodosii xxv. Wallia Sigerico succedens, sex annis regnum tenuit. Belli causa princeps à Gotthis effectus, sed ad pacem diuina prouidentia ordinatus. Mox enim ut regnare cepit, foedus cum imperatore Honorio pepigit: & Placidiam sororem eius, quæ à Gotthis Romæ capta fuerat, ei honorifice reddidit promittens imperatori propter rempublicam omne certamen implendum. Itaq; ad Hispanias per Constantium patritium euocatus Romani nominis causa, cædes magnas crudelib. populis intulit: Vandalos, Silingos in Bætica omnes bello extinxit. Alanos qui Vandalis & Sueuis potentabantur, adeo trucidauit, ut extincto Atace Rege ipsorum, pauci qui superfuerant oblito regni nomine Gunderici Regis Vandalorum, qui in Gallecia resederat, se regimini subiugarent. Confecto igitur Wallia bello Hispaniæ, dum instructa nauali acie ad Africam transire disponderet, in freto Gaditani maris vi grauissimæ tempestatis effractus memor etiam illius sub Alarico naufragii, omisso nauigationis periculo, relictis Hispaniis Gallias reperit. Dataq; est ei ab imperatore ob meritum victoriæ secunda Aquitania cum quibusdam ciuitatibus confinium prouinciarum vsq; ad Oceanum. 20

secundo Era cccc. lxi. anno imperii Theodosii minoris † nono Wallia Rege defuncto, Theoderedus succedit in regno annis triginta tribus. Qui regno Aquitanico non contentus pacis Romanæ foedus recusat: & pleraq; municipia Romanorum vicina sedibus suis occupat. Arelas nobilissimum Galliæ oppidum multa vi obsessum oppugnat. A cuius obsidione imminente virtute Aetii Romanæ militiæ ducis non impunitus abscedit: sed amissa parte suorum abscedere bello coactus est. Remoto igitur Valentiniani imperatoris iussu à potestate militari Aetio, dum Theoderedus Narbonensi vrbi diutina obsidione ac fame esset infestus, rursus à Litorio Romanæ militiæ duce Hunnis auxiliantibus effugatur. Litorius autem dum primum res prosperas aduersus Gotthos gessisset, denuo dæmonum signis aruspicumq; responsis deceptus bellum cum Gotthis imprudenter iniit: amissoq; Romano exercitu miserabiliter superatus interiit. Fecitq; intelligi quantum illa, quæ cum eodem periit, multitudo prodesse potuerit, si fide potius quam fallacibus dæmoniorum ostentis uti maluisset. Extincto igitur Litorio pace deinde Theoderedus cum Romanis inita, denuo aduersus Hunnos Galliarum prouincias sæua populatione vastantes, atque vrbes plurimas euertentes, in campis Catalaunicis auxiliante Aetio duce Romano aperto Marte confluxit: ibique præliando victor occubuit. Gotthi autem dimicante Thurismundo Theoderedi Regis filio adeo fortiter congressi sunt, ut inter primum prælium & postremum trecenta fere millia hominum in eo certamine prosternerentur. Multa eodē tempore cæli & terræ signa præcesserunt, quorum prodigiis tam crudele bellum significaretur. Nam assiduis terræmotibus factis, à parte orientis luna contra naturalem eclipsem offuscata est. A solis occasu stella cometes apparuit: atque ingenti & insolita magnitudine aliquandiu fulsit. Ab aquilonis plaga cælum rubens sicut ignis aut sanguis effectus est permixtis per igneum ruborem lineis clarioribus in speciem hastarum rutilantium deformatis. Nec mirum, ut tam ingens cæforum strages diuinitus tam multa signorum demonstraretur ostensione. Hunni autem vsque ad internecionē pene cæsi cum Rege suo Athila relictis Galliis Italiam perfugiunt aliquantis ciuitatibus irruptis. Qui & ibi partim fame partim cælestibus plagis percussi interierunt. Missio insuper à Martiano imperatore exercitu forti plaga cæduntur, affectique nimium ac diminuti sedes proprias repetunt. Ad quas Rex eorum Athila mox ut remeauit, occubuit. Post eius obitum Hunnorum gens proprio se insuper excidio deuastauit. statimque inter filios eius de obtinendo regno magna sunt exorta certamina. Atque ita Hunni qui tot claudibus ante diminuti fuerant, rursus mutuis se gladiis conciderunt. In quibus illud mirum est: ut dum omne prælium detrimentum habet populorum, isti vice versa cadendo proficiant. 30 40 50

proficiant. Sed proinde est quia in disciplinam fidelium positi sunt, sicut populi gentis Persarum. Virga enim furoris Dei sunt, & multoties cum indignatio eius aduersus fideles procedit, per eos flagellantur, vt afflictionib. emendati à seculi cupiditate & peccato semetipsos coerceant, & cælestis regni hæreditatem possideant. Adeo autem hæc gens horrida est, vt cum famem in bello fuerit passa, venam tangat equi, & sic excludat hausto sanguine famem.

Era † cccclxxxvii. anno vigesimo quinto imperii Theodosii Thurismudus filius Theoderedi post decessum patris prouehitur ad regnum anno vno. Qui dum in ipsis regni sui exordiis feralis ac noxii hostilia inspiraret & multa ageret insolenter à Theodorico & Frigidarico fratribus est occisus. ccccxxx

Era cccclxxxxi. anno secundo imperii Martiani Theudericus post fraternam necem in regno succedens imperauit annis † xlii. pro eo quod imperatori Auito sumendi imperialis fastigii cum Gallis auxilium præbuisset, ab Aquitania in Hispaniam cum ingenti multitudine exercitus, & cum licentia eiusdem Auiti imperatoris ingreditur anno regni quinto. Cui cum magna copia Rex Sueuorum Reccarius occurrens duodecimo ab Austuricensis vrbis milliario apud fluium, qui Vrbicus appellatur, inito mox certamine superatus est cæsis Sueuorum agminibus, aliquantis captis, plurimisque fugatis. Ipse postremo Rex telo saucius fugit, præsidioque suorum carens ad locum Portucale capitur. Regi Theudericoviuius offertur. Quo perempto, multis qui de prior certamine superfuerant sese tradentibus, aliquantis nihilominus trucidatis pro maiori parte destructum est, finitumque Sueuorum regnum. Reliqui autem Sueui, qui remanserant in extrema parte Galleciæ, Massilæ filium nomine Masdram sibi Regem constituunt, & in parte regnum reparatur Sueuorum. Occiso Reccario, Theudericus de Gallecia ad Lusitaniam victor succedens, dum Emeritensem urbem deprædari moliretur, sanctæ martyris Eulaliæ ostentis perterritus, cum omni protinus exercitu discedit, & Gallias repetit. Mox deinde partem vnā exercitus duce Ceurila ad Beticam provinciam mittit: partem aliā sub Sigerico, & Nepotiano ducib. ad Galleciam dirigit, qui Sueuos apud Lucum sua deprædatione vastauerunt. In Galliis autem Agrippinus Comes & ciuis Ægidio Comiti Romano æmulus, vt Gotthorum mereretur auxilia, Narbonam tradidit Theudericovi. Post, aliquot legati à Remismundo Masdræ filio Rege Sueuorum missi, ad Theudericum venerunt, pacem amicitiamque poscentes. Similiter Theudericus ad Remismundum remittit cum armorum adiectione, vel munerum, directæ etiam coniuge quam haberet. Sallanem quoque legatum denuo Theudericus mittit ad Remismundum. Qui reuersus ad Gallias Theudericum ab Eurico fratre suo reperit interfectum. xlii

Era † diiii. anno imperii Leonis i. x. Euricus pari scelere quo frater successit in regnum annis decem & septem. In quo honore prouectus & crimine statim legatos pro amicitia ad Leonem imperatorem dirigit. Nec mora partes Lusitanie magno impetu deprædatur. Exercitum inde alium mittit, qui capta inde Pampilona, & Cæsaraugustam misso exercitu, capit, superiorem quoque Hispaniam in potestatem submittit. Tarraconensis etiam provincie ciuitates, quæ ei repugnauerant exercitus irruptione euertit. In Gallias autem reuersus Arelatum urbem, & Massiliam bellando obtinuit, suoque regno vtrasque adiecit. Iste quodam die, congregatis in colloquio Gotthis, tela, quæ omnes habebant in manibus à parte ferri vel acie, alia viridi, alia roseo, alia croceo, alia nigro colore naturalem ferri speciem vidit aliquandiu habuisse mutatam. Sub hoc Rege Gotthi legum statuta in scriptis habere cæperunt. Nam antea tantum moribus & consuetudine tenebantur. Obiit Arelati Euricus Rex morte propria defunctus. diiii

Era dxxi. imperii Zenonis octauo Eurico mortuo, Alaricus filius eius apud Tolosanam urbem princeps Gotthorum constituitur regnans annis viginti tribus, aduersus quem † Fluduius Francorum princeps Gallie regnum affectans, Burgundionibus sibi auxiliantibus, bellum mouet, fuisque Gotthorum copiis ipsum postremo Regem apud Pictauum superatum interficit. Theudericus autem Italie Rex, dum interitum generi comperisset, confestim ab Italia proficiscitur, Francos proterit, partem regni, quam manus hostium occupauerat, recepit, Gotthorum iuri restituit. Fluduius

Era † dxliiii. anno tertio decimo imperii Anastasii Gisaleicus superioris Regis filius ex concubina creatus, Narbonæ princeps efficitur regnans annos quatuor, sicut genere vilissimus, ita in felicitate & ignauia summus. Denique dum eadem dxliiii

ciuitas à Gundebado Burgundinorum Rege direpta fuisset, iste cum multo sui dedecore, & cum magna suorum clade apud Barcinonam se cōtulit, ibique moratus, quousque etiam regni fascibus à Theuderico fugæ ignominia priuaretur. Inde profectus ad Africam Vandalorum suffragium poscit, quo in regnum posset restitui. Qui dum non impetrasset auxilium, mox de Africa rediens ob metum Theuderici Aquitaniam petiit, ibique anno vno delitescens in Hispaniam reuertitur, atque à Theuderici Regis duce duodecimo à Barcinona vrbe milliario, commisso prælio superatus in fugam vertitur, captusque trans fluuium Druentium Galliarum interiit, sicq; prius honorem postea vitam amisit.

DLXIX. Era † **DXLVIII.** anno decimo septimo imperii Anastasii Theudericus iunior **10** cum iam dudum consul & Rex à Zenone imperatore Romæ creatus fuisset, peremptoque Odoacro Rege Ostrogothorum, atque deuicto fratre eius Honoulfo, & trans confinia Danubii effugato decem & octo annis in Italia regnasset, rursus extincto Gisleico Rege Gotthorum, Hispaniæ regnum quindecim annis obtinuit, quod superstiti Amalarico nepoti suo reliquit. Vxorem ex Toletō de prima Hispanorum origine duxit: cuius precibus omnes Hispanos libertate donauit: & ex ea filium nomine Seuerianum suscepit. In Italia & Hispania regnavit Theudericus annis quadraginta, Romæ etiam obtinens principatum. Deinde ab Hispania Italiam repetens aliquandiu omnium cum prosperitate regnavit, per quem etiam vrbi Romæ dignitas non parua est restituta. Muros namque eius iste redintegrait, cuius rei gratia à senatu inauratam statuam **20** meruit.

DLXIII. Era † **DLXVIII.** anno imperii Iustiniani primo regresso in Italiam Theuderico, & ibidem defuncto, Amalaricus nepos eius quinque annis regnavit. Qui cum à Childeberto Francorum Rege apud Narbonam prælio superatus fuisset, ad Barcinonam trepidus fugit, effectusq; omnium contemptibilis ab exercitu iugulatus Narbonæ in foro interiit.

DLXIX. Era † **DLXXII.** anno imperii Iustiniani sexto post Amalaricum Theudis in Hispania creatus in regnum annis decem & septem mensibus quinque, qui dum esset hæreticus, pacem tamen concessit ecclesiæ. Adeo vt licentiam catholicis episcopis daret, in vnum apud Toletanam urbem conuenire, & quæcumque ad ecclesiæ disciplinam **30** necessaria extiterunt libere licenterque disponere. Eo regnante dum Francorum Reges cum infinitis copiis in Hispaniam conuenissent, & Tarraconensem prouinciam bello depopularent, Gotthi duce Theudisclo obicibus Hispaniæ interclusis Francorū exercitum multa cum admiratione victoriæ prostrauerunt. Dux idem, prece atque ingenti pecunia sibi oblata, viā fugæ hostibus residuis vnus diei noctisq; spatio præbuit. Cætera infeliciū turba cui transitus collati temporis non occurrit, Gotthorum perempta gladio concidit. Post tam feliciū successum victoriæ trans fretum inconsulte Gotthi se gesserunt. Denique dum aduersus milites, qui Septem oppidum, pulsus Gotthis inuaserant; Oceani freta transissent, idemque castrum magna vi certaminis expugnarent: adueniente die Dominico deposuerunt arma ne diem sacrum prælio funestarent. **40** Hac igitur occasione reperta, milites repentino incurfu aggressi exercitum mari vndique terraque conclusum, ignauum atque inermem adeo prostrauerunt, vt ne vnus quidem superesset, qui tantæ cladis excidium præteriret. Nec mora præuenit mors debita principem. Vulneratur enim à quodam in palatio, qui iam dudum dementis speciem, vt Regem deciperet, simulauerat. Finxit enim arte insaniam, perforatque principem, quo vulnere ille prostratus occubuit, & vi gladii indignantem animam exhalauit. Fertur autem inter effusionem sanguinis coniurasse ne quis interficeret percussorem dicens, se congruam meriti recepisse vicissitudinem, quod & ipse priuatus ducem suum † sollicitatus occiderat.

Salutatum
DLXXVI.

Era † **DLXXVIII.** anno imperii Iustiniani vndecimo interempto Theudi Theudisclo superioris Principis dux Gotthis præficitur, regnans anno vno mensibus tribus, qui dum plurimorum potentum connubia prostitutione publica macularet, & ob hæc instrueret animum ad necem multorum, præuentus coniuratorum manu Hispali inter epulas iugulatur, confossusque gladio extinguitur. Hic filius extitit sororis Totilæ, qui post multas victorias, quas gessit in terra & in mari, se contra Deum & fidem catholicam erexit: & tam Romæ quam in tota Italia monachos & clericos, ad quoscumque potuit peruenire insatiabili crudelitate occidit. Superatus autem dei iudicio à Narfi catholico regno cum vita caruit.

DLXXVII. Era † **DLXXXI.** imperii Iustiniani decimo quinto mortuo Theudisclo Agila Rex

Rex constituitur regnans annis quinq. Iste aduersus Cordubensem urbem praelium mouens, dum in contemptum catholicae religionis beatissimi martyris Aciscii corpori iniuriam inferret, hostiumque ac iumentorum cruore sacrum sepulchri eius locum ut profanator pollueret, inito aduersus Cordubenses ciues certamine poenas dignas sanctis inferentibus meruit. Nam belli praesentis ultione percussus & filium ibi cum copia exercitus interfectum amisit, & thesaurum omnem cum insignibus opibus perdidit. Ipse victus ac miserabili metu fugatus Emeritam se recepit. Aduersus quem interiecto aliquanto temporis spatio, Athanagildus tyrannidem regnandi cupiditate arripens dum exercitum eius contra se Hispali missum virtute militari prostrasset: videntes Gotthi proprio se euerti excidio, & magis meruentes, ne Hispaniam milites Romani auxilii occasione inuaderent: Agilanem Emeritae interficiunt, & Athanagildi sese regimini tradiderunt.

Era † DLXXXVII. anno imperii Iustiniani vigesimo occiso Agilane, Athanagildus regnum quod inuaserat tenuit annis quindecim. Hic cum iam dudum sumpta tyrannide, Agilanem regno priuare, conaretur, militum sibi auxilia ab imperatore Iustiniano poposcerat, quos postea submouere a finibus regni sui molitus non potuit. Aduersus quos huc usque conflictum est. Frequentibus antea praeliis caesi, nunc vero multis casibus fracti atque finiti. Fidem catholicam occulte tenuit: & Christianis valde beneuolus fuit. Decessit autem Athanagildus Toleti propria morte vacante regno mensibus 20 quinque.

Era DCII. anno imperii Iustiniani trigesimo quinto Athanagildo adhuc viuentem Liuuam Narbone Gotthis praeficitur, regnans in Galliis annis septem, & post in Hispania annis tribus. qui secundo anno postquam adeptus est principatum, Leuigildum fratrem non solum successorem, sed & participem regni sibi constituit, Hispaniaeque administrationi praefecit, ipse Galliae regno contentus. Sicque regnum duos cepit, dum nulla potestas patiens consortis sit. † Vnus tantum annus in ordine temporum reputatur Liuuae Regis, reliqui Leuigildo fratri annumerantur. otto tantum anni

Era † DCX. anno imperii Iustini minoris quarto Leuigildus regnum obtinuit. Qui cum primo Christianus haberetur, Theodosiam filiam Seueriani ducis Carthaginensis filii Regis Theuderici duxit uxorem: ex qua Ermegildum & Reccaredum, filios suscepit, regnumque bello ampliare & augere opes studuit. Studio quippe eius exercitus concordante fauore victoriarum multa praecclare sortitus est. Cantabros namque iste obtinuit. Aregiam iste suscepit. Sabaria quoque tota ab eo deuicta est. Cesserunt etiam armis illius plurimae rebelles Hispaniae urbes. Fudit quoque diuerso praelio Iustini milites, quos Athanagildus ad auxilium euocauerat, & quaedam castra ab eis occupata dimicando recepit. Ermegildum deinde filium imperio suo resistentem, quem Christiani Regem sibi praefecerant, obsessum Hispali dolo cepit. Postremum Sueuis bellum intulit, totam Galleciam subiugauit, regnumque eorum in iura gentis suae mira celeritate transmisit. Hispania magna potitus ex parte: nam antea gens Gotthorum angustis finibus arcebat. Romanos milites apud Legionem bello extinxit: & ipsam eorum urbem cepit, quam ex suo nomine Leonem nominauit. Sed offuscavit in eo error impietatis gloriam tantae virtutis. Denique Arrianae perfidiae furore repletus in catholicos persecutione commota plurimos episcopos exilio relegauit, ecclesiarum redditus & privilegia tulit. Beatum Ermegildum filium suum nefandis ritibus communicare nolentem diuersis tormentis prius excruciatum. Denique in vinculis positum dira securi interficere iussit: & dignum Deo martyrem illius feralis crudelitas consecrauit. Multos quoque terroribus in Arrianam pestilentiam impulit: plerosque sine persecutione verbis blandis terroribusque decepit. Inter cetera quoque haereseis suae contagia, etiam rebaptizare catholicos compulit. Et non solum multos peruertit ex plebe, sed etiam ex sacerdotalis ordinis dignitate, sicut Vincentium Caesaraugustanum de episcopo apostatam factum, & tanquam a caelo in infernum proiectum. Extitit autem & quibusdam suorum perniciosus. Nam quoscumque nobilissimos ac potentissimos viros aut capite truncauit, aut opibus ablatis proscriptis, & proscriptos in exilium misit. Fiscum quoque primus Regum Gotthorum iste locupletauit: primusque ararium de rapinis ciuium hostiumque spoliis repleuit. Primus etiam inter suos regali veste opertus in solio resedit: nam ante eum & habitus & consensus communis ut populo ita & Regibus erat. Condidit etiam ciuitatem in Celtiberia: quam ex nomine filii sui Reccopolim nominauit. In legibus quoque ea quae ab Eurico inconsulte constituta videbantur, correxit, plu-

rimas leges prætermittas adiiciens, plerasque superfluas auferens. Regnavit autem annis decem & octo: & defunctus est acerrima morte Toleti. Sed antequam moreretur, præcepit filio suo Reccaredo, ut beatum Leandrum Archiepiscopum Hispalensem ab exilio revocaret, & eum audiret ut patrem, & in fide Christi confirmaretur. Tunc temporis Fulgentius Astigitanus episcopus in nostro dogmate claruit.

DCXXVIII. Era† **DCXXVIII.** anno imperii Mauricii quarto Leuigildo defuncto filius eius Reccaredus, qui per Leandrum Archiepiscopum Hispalensem in fide catholica erat instructus, in regno est coronatus, cultu præditus religionis, & paternis moribus longe dissimilis. Namque ille irreligiosus, & bello promptissimus, hic fide pius & pace præclarus. Ille armorum artibus gentis imperium dilatans, hic gloriosus pietate eandem gentem fidei trophæo sublimans. In ipsis enim regni sui exordiis catholicam fidem adeptus totius Gothicæ gentis populos inditi erroris labe deterfa, ad cultum rectæ fidei revocat. Synodum deinde episcoporum ad condemnationem Arrianæ hæresis, de diversis Hispaniæ & Galliæ provinciis congregat. Cui concilio idem religiosissimus princeps interfuit, gesta que eius præsentia sua & subscriptione firmavit, abdicans cum omnibus suis perfidiam, quam huc usque Gotthorum populus Arrio docente didicerat, & prædicans trium personarum unitatem in vno Deo. Filium à Patre consubstantialiter genitum esse: Spiritum sanctum à Patre Filioque procedere, & esse amborum vnum spiritum, unde & vnum sunt. Interfuit tunc dignitate primas ille catholicus & orthodoxus Leander Hispalensis Archiepiscopus & Romanæ ecclesiæ legatus, sanctitate & doctrina perspicuus. Qui cum Arrianæ hæresis feruorem tempore Leuigildi ab Hispaniis quondam confutare radicitus nequisset, pro confirmandis sanctæ & immaculatæ Trinitatis capitulis ad Constantinopolitanum præsum coetum transiit. Ibi aderat beatus Gregorius doctrina & sanctitate clarissimus, tum Cardinalis vices Romani antistitis agens: cum quo ipse Leander amicitia fœdus pepigit, & ab eo postulavit ut librum beati Iob sibi exponeret: quod postea ille deuota mente compleuit. Leander vero postquam ad Hispanias rediit, Gotthis prædicando suavit: ut Patrem & Filium & Spiritum sanctum trinum secundum personarum distinctionem, & vnum secundum naturæ diuinitatem Deum esse crederent. Illis credentibus prior dedit præcepta & ecclesiastica officia quibus fruerentur. Ipso namque tempore per eum Sueui vnda baptismatis loti Galliciam obtinent. Leander vero post multos labores, quos pro fide Christi pertulit, ecclesia pacem adeptæ spiritum cœlo reddidit. Doctor etiam eximius Gregorius Papa migravit ad dominum. Egit præterea prædictus princeps bellum gloriose aduersus infestas gentes fidei suscepto auxilio. Francorum enim fere sexaginta millia armatorum, qui ad auxilium venerant hæresis Arrianæ Gallias irruentibus, misso Claudio Emeritensium duce prostravit: unde glorioso triumphauit euentu. Nunquam in Hispaniis Gotthorum victoria similis extitit. Prostrata sunt enim captaque multa millia hostium: residua vero exercitus pars præter spem in fugam versa Gotthis post tergum insequentibus usque in regni sui finibus cæsa est. Hispaniæ & Galliæ regna tanta benignitate rexit, ut omnes illum patrem dulcissimum acclamarent. Anno regni sui sexto Gothicas leges compendiose fecit abbreviari. Sæpe misit exercitum contra Romanorum insolentias: eisdem deuictis irruptionem in eorum urbibus fecit. Tanta fuit gloria Gotthis illo tempore, ut non viderentur bella tractare pugnando, sed quasi in palæstra lusbis delectari: ubique enim persistebant victores. Prudens & pius erat Princeps & provincias quas pater bello conquisiuit, iste pace conseruauit, æquitate disposuit, moderamine rexit. Fuit enim placidus, mitis & egregiæ bonitatis: tantamque in vultu gratiam habuit, & tantam in animo benignitatem gessit, ut omnium mentibus influens, etiam malos ad affectum amoris sui attraheret, adeo liberalis, ut opes priuatorum, ecclesiarum prædia, quæ paterna labe fisco associauerat, cum augmento multiplici iuri proprio restauraret. Adeo clemens ut populi tributâ sæpe indulgentiæ largitione laxaret. Multos etiam ditauit rebus, plurimos sublimauit honoribus. Antiquos Hispanos & Romanos sibi subditos vna cum Gotthis eiusdem conditionis esse instituit, nulliusque captiui Christiani filium iugo seruitutis opprimi passus est. Opes suas in miseris, thesauros in egenis recondens, ferens ad hoc illi fuisse collatum regnum, ut eo salubriter frueretur. Bonis initiis & bonis mediis decoratus bonum finem adeptus est. Fidem enim rectæ gloriæ, quam initio regni

tio regni percepit, nouissime publica confessione pœnitentiæ cumulauit. Toleti fine pacifico transiit, qui regnauit annis quindecim.

Era † DCXLIII. anno imperii Mauritiū decimo nono post Reccaredum Regem regnat Liuuia filius eius annis duobus ignobili quidem matre progenitus, sed virtutum indole insignis. Quem in primo flore adolescentiæ Vuittericus sumpta tyrannide innoxium regno deiecit præcisæque dextra occidit anno ætatis suæ † vigesimo, regni secundo. DCXXXVI IIII
XVI

10 Era DCXLIII. imperii Mauritiū vigesimo extincto Liuuane Vuittericus regnum quod viuente illo inuaserat, vendicat annis septem, vir quidem strenuus in armorū arte, sed tamen expers victoriæ. Namque aduersus militem Romanum prælium sæpe molitus nihil satis gloriose gessit præter quod milites quosdam Segonciæ per duces obtinuit. Hic in regno plurima illicita fecit, & hæresim Arrianam inducere tētauit. In morte autem quia gladio operatus fuerat, gladio periit. Mors quippe innocentis inulta in illo non fuit. Inter epulas enim prandii coniuratione quorundam est interfectus: & corpus eius viliter exportatum atque sepultum. Per idem tempus Romæ templum, quod ab antiquis Pantheon dicebatur, à gloriofo Bonifacio Papa consecratur in honore omnium martyrum Christi.

20 Era † DCLI. anno Phocatis sexto Gūdemarus post Vuittericum regnat annis duobus. Hic Vascones vna expeditione vastauit: alia militem Romanum obsedit. Morte propria Toleti decessit. DCLVIII

Era † DCLIII. anno imperii Heraclii secundo Sisebutus post Gundemarum ad regale fastigium euocatur. Regnat annis octo mensibus sex. Qui initio regni Iudæos ad fidem Christianam permouens, æmulationem quidem habuit, sed non secundum scientiam: potestate enim compulit, quos prouocare fidei ratione oportuit. Sed sicut scriptum est siue per occasionem siue per veritatem Christus annuncietur. Fuit autem eloquio nitidus, sententia iustus, scientia litterarum magna ex parte imbutus, in bellicis quoque documentis promptus, victoriis clarus. Astures etiam rebellantes misso exercitu in ditionem suam reduxit. Rucones montibus arduis vndique conseptos per duces euicit. De Romanis quoque præsens bis feliciter triumphauit: & quasdam eorum vrbes pugnando sibi subiecit. Adeo post victorias clemens fuit, vt multos ab exercitu suo hostili præda in seruitutem redactos pretio illorum dominis dato absolueret: eiusque thesauri redemptio existerent captiuorum. Ecclesiam sanctæ Leocadiæ Toleti præfatus princeps miro opere fundauit. Ipso tempore Mahomet ab Hispania turpiter fugatus, in Africa nequitiam nefariæ legis stultis populis prædicauit. Sisebutum autem alii proprio morbo, alii immoderato medicamento hauistu, alii veneno asserunt interfectum relicto Reccaredo filio paruulo: qui post patris obitum princeps paucorū dierum morte interueniente habetur. Hic cum patre duobus annis regnauit. DCL

40 Era † DCLXI. imperii Heraclii octauo gloriosissimus Suintila filius Reccaredi Regis gloriosi supra nominati gratia diuina regni suscepit sceptrum, qui regnauit annis decem. Iste sub Rege Sisebuto in adolescentia ducis nactus officium Romana castra perdomuit. Rucones superauit. Postquam vero apicem fastigii regalis conscendit, vrbes residuas quas in Hispaniis Romana manus detinebat, prælio conferto obtinuit: multique triumphis gloriam præ cæteris Regibus felicitate mirabili reportauit. Totius Hispaniæ infra Oceani fretum monarchia regni primus idem potitus est, quod nulli retro principum est collatum. Auxit etiam virtutis eius titulum duorum patriciorū obtentus, quorum alterum prudentia suum fecit, alterum virtute belli sibi subiecit. Habuit quoque & initio regni expeditionem contra incursum Vasconum Tarraconensem prouinciam infestantium: vbi adeo montiuagi populi terrore aduentus eius percussi sunt, vt confestim quasi debita iura cognoscentes, dimissis telis, expansis ad precem manibus, supplices & colla submitterent, obsides darent, Ologitim ciuitatem Gothorum stipendiis suis & laboribus conderent, pollicentes eius regno ditionique parere & quidquid eis imperaretur efficere. Præter has militaris gloriæ laudes plurimæ in eo regiæ maiestatis virtutes fulsere, fides, prudentia, industria, in iudiciis examinatio. Strenua in regendo regno cura, præcipua circa omnes munificentia largus, erga indigentes & inopes misericordia satis promptus. Ita vt non solum princeps populorum, sed etiam pater pauperum vocari sit dignus. Fine proprio Toleti decessit tempore imperatoris DCLIX

Heraclii relictis duobus filiis Sisenando & Chindasuintho, quos de Theodora filia Sisebuti Regis susceperat. Computatis igitur Gotthorum Regum temporibus ab exordio Athanarici Regis usque ad quintum gloriosissimi Suintilæ principis annū, regnum Gotthorum per annos CCLVI. Deo fauente reperitur esse porrectum. Reliquum autem tempus soli Deo cognitum est: qui sibi arcana futurorum scienda seruauit.

EXPLICIT SECVNDVS LIBER CHRONICORVM BEATI
Isidori episcopi.

13

LIBER TERTIVS.



NCIPIT continuatio Chronicorum beati Isidori Archiepiscopi Hispalensis per beatum Illesonsum Archiepiscopū Toletanum composita. Quoniam præclarus doctor Isidorus ætates mundi & quorundam Imperatorum & Regum historias, ab exordio mundi usque ad tempus Sisenandi Regis Gotthorum docili compendio patefecit: nos à tempore quo ipse desit, sumamus principium: ne præsentium heroum memoria à futurorum mentibus diluatur.

Era DCLXXI. anno imperii Heraclii decimo octauo post Suintilanum Regem Sisenandus regnat annis tribus. Iste Synoda episcoporum egit, patiens fuit, regulis Catholicis Orthodoxis stetit. Toleti finiuit vitam.

Era DCLXXIII. anno imperii Heraclii vigesimo primo Chintilanus regnum accepit. Synoda plura Toleti cum episcopis egit: & subditum regnum in fide catholica firmavit. Regnavit annos quinque menses quatuor. Anno sexto regni Chintilani doctor & legislator Hispaniarum Isidorus stans in ecclesia, peracto sermone ad populum, & expandens manum ad cælum, ac benedicens omnibus, Deo sibi hætenus traditam gregem commendans felicissimo somno obdormiuit in domino senio sanctissimo decoratus. Exitit quippe spiritu prophetiæ clarus, in eleemosynis largus, hospitalitate præcipuus, corde serenus, in sententia verax, in iudicio iustus, in prædicatione assiduus, in exhortatione lætus, in lucrandis Deo animabus studiosus; in expositione scripturarum cautus, in consilio prouidus, in habitu humilis, in mensa sobrius, in oratione deuotus, honestate præclarus, semper pro ecclesia ac veritatis defensione mori pronus, & in omni bonitate conspicuus. Præterea pater exitit clericorum, doctor & sustentator monachorum ac monialium, cōsolator incoerentium, tutamen pupillorum ac yduarum, leuamen oppressorum, defensor ciuium, attritor superborum, persecutor & malleus hæreticorum. Rexit archipræfulatum Hispalensis ecclesiæ quadraginta annis, diuersis fulgens miraculorum signis, primatiæ dignitate florens, & Romani Papæ in Hispaniis vices gerens. Sacerdotibus, Regibus & populis diuinas & humanas leges tradidit: & Romano antistiti humiliter obedire præcepit. Nolentibus obedire maledictionem intulit: & eos à fidelium consortio separauit. Multis librorum voluminibus Christi ecclesiam informauit & in pace quieuit era DCLXXX. Toletum ad Synodum episcopos conuocauit, & ore prophetico eis sui obitus diem & Hispaniis ventura prædixit.

*Sidus honestatis, lux morum, sol probitatis
Hæc ait in Synodo Toleti vir sacer ille
Isidorus, per quem floruit alma fides.
Si seruaueritis quæ vobis præcipiuntur,
Seruabit Christus vos in amore suo,
Frumentum dabit ac oleum, dabit optima quæque,
Si pura mente complaceatis ei.
Si neglexeritis ea, non impune feretis,
Cum recte praua puniat acta Deus.
Inde cadent Gotthi bellis & barbarus hostis
Vos premet innumera clade, timore, fame,
Tunc conuertimini, tunc crimina plangite vestra,*

Et statim

Et statim dominus auxiliator erit.

Gloria maior erit vobis: & gratia Christi

Extollet Gotthos vberiore bono.

De gestis eius hæc inter Regum actus annotauimus, quia ipse de præclara Regum Gotthorum stirpe, patre Seueriano Carthaginensi duce extitit procreatus. Post transitum autem eius mense vno Rex Catholicus Chintilianus Toleti decessit bono fine perfunctus. Successit beatissimo doctore Isidoro Theodiscus natione Græcus, varietate linguarum doctus, exterius locutione nitidus, interius autem, vt exitus demonstrauit, sub ouina pelle lupus voracissimus. Nam libros quosdam de naturis rerum & arte medicinæ, nec non & de arte notoria, quos pater Isidorus facundo stylo composuerat, & ne dum ad publicum venerant, in odium fidei corruptit refecans vera & inferens falsa: atque per quendam Arabum nomine Auicennam, de Latino in Arabicum transtulit. Hic in his & aliis pluribus infidelis inuentus, & erroneus in articulis fidei comprobatus, per Synodum ab Archiepiscopali dignitate degradatus est. Asserebat enim Dominum nostrum Iesum Christum cum Patre & Spiritu sancto non esse vnum Deum, sed potius adoptiuum. Hic vt dictum est, priuatus honore sacerdotii ad Arabes transiit: & sectæ pseudoprophetæ Mahometi adhæsit: & plura docuit detestanda sub imperatore Heraclio. Tunc temporis dignitas primatiæ translata est ad ecclesiam Toletanam.

20 Heraclius autem aduersus Cosdroan Regem Persarum gessit bellum anno imperii sui sexto, & Sisebuti Regis Gotthorum sexto. Quo deuicto & occiso, ac Hierosolymam delata cruce domini, & viso Angelo super portas Hierusalem, inde ad propria reuersus est cum gaudio magno. Hoc tempore dedignantibus Orientis gentibus vestigalia & tributa reddere Romanis, cæperunt pro viribus rebellare. Tunc surrexit quidam iniquus concionator ortus in Arabia nomine Mahomet. Qui pessimus seductor videns inter Orientales & Romanos ortam discordiam, se contra Deum erexit: & Christianorum imperium, seductorie hortans genus Arabum atque dicens: Non debere alterius gentis domino subiugari: quia dominus illis esset prouisorus, de suo genere ducem beneuolum concedendo, quem haberent, vt fratrem, cum quo etiam dominus loqueretur. Hæc & his similia cum prædicaret illis verbis suauioribus, & virtutes quasdam simulatas, & miracula artibus magicis facere videretur, ex templo Ismaelitæ sicut bruta animalia, quibus non est intellectus, paulatim de bono in malum mutati, derelicta fide catholica cæperunt ei credere: & eum in tanta veneratione habere, vt eum prophetam prædicarent à Deo missum, & sibi eligerent. Regem simulatis illius seducti miraculis & facundia decepti. Erat enim pulcher, facundus, & fortis, & magicis artibus valde imbutus. Iste Mahometus Sarracenorum & Arabum princeps, vt fertur, fuit de genere Ismael filii Abraham. Qui cum in adolescentia cæpisset esse mercator prouidus, pergebat frequenter cum camelis suis apud Ægyptum & Palæstinam, & morabatur cum Iudæis & Christianis, & maxime cum quodam monacho Antiocheno 40 superstitionis amico, qui vocabatur Ioannes: à quo tam nouum quam vetus superficialiter & superstitiose didicit testamentum. Et cum hac illacque cum diuersis speciebus aromatum & diuitiarum causa lucri pergeret, contigit vt Corrozatam ingrederetur prouinciā. Cuius prouinciæ domina, quæ Cadiga vocabatur, vt vidit iuuenem, primo in illius pulchritudine & eloquentia mente capta cæpit diuersas species, quas secum Mahometa attulerat contemplari, & ei familiariter adhærere. Quam Mahomet caute incantationum suarum perstrinxit phantasmate: & astute paulatim cæpit ducere in errorem, dicens ei quod ipse esset Messias quem venturum expectabant Iudæi. Auxiliabantur ei non solum Regina Cadiga quæ ab eo decepta erat, sed etiam multi Iudæorum qui ad eum de diuersis partibus concurrebant. Omnes etiam Ismaelitæ & Arabes cateruatim confluebant ad eum attoniti tanta nouitate rei. Quibus cæpit nouas leges fingere eisque tradere adhibens ipsis nefandis legibus de vtroque testamento corrupta testimonia. Ideo diuinæ paginæ auctoritates peruertit, vt tam Christianis quam Iudæis cum Sarracenis aditum præcluderet disputandi. Dedit etiam suis edictum, vt quicumque alia quam ea, quæ ab illo acceperant, prædicaret animaduersione gladii puniretur. Huius sacrilegas traditiones Sarraceni Dei leges appellant: eumque suum legislatorem & nuncium Dei fatentur. Præfata quoque Cadiga, cum videret illum Iudæorum & Sarracenorum pariter contubernio vallatum, existimabat in illo diuinam latere sapientiam: & cum esset vidua, accepit

eum sibi maritum: & ipse Mahumet nomen Regis assumpsit sibi imposito diademate regni. Cæpit deinde se in armis gerere strenue, & Regis ac prophetæ sibi nomen & insignia usurpare. Post hæc vero cæpit cadere frequenter caduco morbo & epileptica passione. Quod Regina Cadiga cernens admodum tristabatur: eo quod nupsisset homini, quem credebatur arreptione dæmonum laborare. Ille autem astute leniendo decipiebat eam dicens: quia Angelum Domini Gabrielem mecum loquentem contem-
 plor: & non ferens splendorem vultus eius, utpote carnalis homo, deficio & cado. Hæc dicens quædam signa & miracula magicis artibus facere nitebatur. Veruntamen, ut fertur, Diabolus transfigurans se in angelum lucis, quædam ei prædicebat futura. Vnde est ut in exordio suæ subdolæ prædicationis adiret Hispaniam, & Cordubæ suæ per-
 ditionis sectam doceret. Dicebat enim Iesum Christum Dominum de virgine esse natum, operatione Spiritus sancti non tamen esse Deum. Quod cum beatissimo patri I-
 sidoro nunciatum fuisset, qui tunc reuertebatur à Romana curia, confestim misit ministros, qui caperent eum. Sed Diabolus Mahumeto apparuit & quam citius fugeret imperavit. Mahumetus autem post fugam in Africam & Arabiam innumerabiles plebes seduxit: & regno adepto cum Ismaelitis, qui credebant eum ab ore Gabrielis Archangeli leges quas ei tradebat recipere, Romanum imperium fortiter deua-
 stabat. 10

Era DCLVI. Mahumetus cum exercitu suo partes Arabiæ, Syriam & Mesopotamiam hostiliter inuasit, & tam ipsas quam vicinas patrias funesta deprædatione occupa-
 puit. Quod cum nunciatum fuisset Theodoro fratri Heraclii, qui tunc præerat partibus Orientis, mox apud Gabatam cum magno exercitu obuiam illi præliaturus occurrit: ubi dum inter se acrius dimicarēt, Theodorus interfectus est, & exercitus Christianorum maxima pars occubuit diro gladio, & cæteri fuga lapsi sunt. Tunc Agareni de Romanorum fuga validiores effecti audacius appetunt Syriam: & depopulantes patriam apud Damascum nobilem quondam Christianorum urbem sibi regni solum firmaverunt: & dictis Mahumeti tribuebant fidem diuinam in eo latere potentiam asserentes. Mahumetus autem inter cætera nefanda quæ docuit, sectam Nicolai aduenæ Antiocheni, qui vnus de septem Apostolorum diaconis fuerat, iam per Apostolos emortuam suscitauit: quam Dominus in Apocalypsi Angelo Ephesi ecclesiæ
 scribit, se odire dicens: Odisti facta Nicolaitarum, quæ & ego odi. Decimo autem regni sui anno, quia dixerat se moriturum & tertia die resurrecturum, Albimor discipulus eius volens experiri, vtrum vere à morte resurgeret, callide Mahumeto efficacissimum venenum obtulit: quo statim repentina mutatione Mahumet mortis suæ terminum sensit. Vnde quibusdam sibi astantibus dixit, quod per aquam remissionem acciperent peccatorum, & statim mortuus est. Discipuli vero eius diligenter custodiebant corpus ipsius expectantes quod resurgeret. Sed nimio erumpente fatore, cum iam sustinere non possent, eis abscedentibus Albimor post vndecimam diem reperit corpus eius à canibus dilaniatum: & diligenter colligens ossa illius cum magno Sarracenorum conuentu sepeliuit eum in Medina Ruphul quæ Latine
 ciuitas nuntii dicitur. 40

Era DCLXVI. anno Heraclii decimo septimo post Mahumet, Abubacar de cognatione eius electus in Regem Arabes fortiter rexit per triennium. Post hunc Homer regnavit, qui multis præliis triumphauit. Alexandriam ciuitatem metropolim suo imperio subiecit. Post multas victorias in mari & in terra ab ipso factas, dum quædam die orationi vacaret, à quodam seruo suo sagittatus interiit expletis in regno decem annis. Sicque error Sarracenorum exordium habuit, & de Romanis per diuersas orbis partes multas obtinuerunt prouincias & victorias. Atque ut fertur, tantorum malorum causa Romanorum auaritia fuit: qui sibi subditas nationes iugo seruitutis intolerabiliter opprimebant: vnde opportunitate male habita eorum domini-
 um quam citius à suis ceruicibus excusserunt, se nefariis ritibus Mahumeti miserabiliter implicantes. Hic enim fuit cauda draconis, de qua legitur in Apocalypsi, quod deiecit de cælo tertiam partem stellarum. Sed iam ad Reges Gotthorum ver-
 tatur stylus. 50

Era DCLXXX. anno imperii Heraclii vigesimo sexto post Chintilanum Regem Tulga regnat annis tribus. Iste blandus & catholicus per omnia fuit. Regna sibi subdita in pace dilatauit, in iudicio rectus, & largitate ac lenitate claruit. Synoda à suis decessoribus facta firmavit. Toleti decessit.

Era DCLXXXII. anno imperii iunioris Heraclii primo Chindasuinthus regnavit
 solus

solus quatuor annis mensibus octo: postea vero cum filio suo Reccesuintho annis aliis sex regnavit & mensibus septem. Iste à Romano Papa obtinuit priuilegium, vt secundum beneplacitum pontificum Hispanorum, primatiæ dignitas esset Hispali, vel Toleti, & per multa synoda firmata cum episcopis erudiuit ecclesiam. Cuius tempore ab omni perturbatione quieuit Hispania, adeo vt nullus in ea infidelis reperiretur, vel qui rebellionis fumeret arma. Libros sanctorum patrum diligenter fecit perquiri, & instituta beati Isidori firmiter obseruari. Hic perfidum Theodiscum Hispalensem episcopum Synodalis sententia exulauit: & dignitatem primatiæ transtulit ad ecclesiam Toletanam. Obiit Toleti.

- 30 Era dclxxxvi. anno imperii Constantis filii Heraclii primo cum Chindasuintho Reccesuinthus filius eius regnavit annis sex, & postea solus annis duodecim. Hic fidem catholicam in tantum dilexit, vt semper perquireret viros litteratos qui frequenter coram ipso conferrent de articulis fidei. Delectabatur enim in diuinis scripturis: & altaria Christi auro, argento, gemmis, & sericis summo studio decorabat. Ter Synoda cum episcopi Toleti peregit: & leges à prædecessoribus suis editas firmavit, atq; quasdam addidit omnino honestati conuenientes. Cunctos mire dilexit, & ab omnibus valde dilectus fuit. Erat enim adeo mitis & humilis, vt inter subditos, quasi vnus ex illis videretur. In pace regnum sibi subditum rexit: & in villa nomine Gerticos, quæ in monte Cauriensi sita est, propria morte decessit sub Imperatore Constantino.
- 20 Huc vsque beatus scripsit Illesonius Hispaniarum primas & Archiepiscopus Toletanus: qui tempore dicti Regis Reccesuinthi quasi Lucifer inter sidera, tam morum honestate quam signorum claritate fulsit in ecclesia Dei. Qui etiam donis cælestibus à perpetua virgine Dei genetrice Maria & Leocadia in præsentivita meruit honorari.

- Era dcciii. post Reccesuinthum Bamba regnum Gotthorum rexit nouem annis. Hic Toleti ea hora qua vnctus est in Regem cum quadam euaporatione visa est apis, à cunctis qui aderant, ex capite eius exire & ad cælos volare. Hoc signum factum est à Domino, vt futuras victorias nunciaret de inimicis per eum, & dulcedinem pacis, quam habuit erga suos. Astures enim & Vascones in finibus Cantabriæ crebro rebellantes edomuit, & suo imperio subiugauit. Ciuitatem quæ Cartua vocabatur, ampliauit: & eam Pampilonam quasi Bambæ Lunam vocauit. Prouinciam quoque Galliæ, quæ Hispania citerior dicitur, sibi rebellantem multis agminibus Francorum interemptis subiugauit: & Paulum perfidum Galliæ tyrannum cepit, eique oculos euellere præcepit, & ad urbem Toletanam cum triumpho magno reuersus, discordantes pontifices, eo quod alii aliorum parrochias inuadebant, ad concordiam studuit reuocare. Fecit enim chronicas Regum priorum coram se legere, vt facilius posset terminos parrochiarum diuidere, sicut antiquitas denotaret, & exigeret iuris censura, & iura propria quælibet ecclesia possideret, sicut subiecta demonstrat scriptura.
- 30

- Primus Rex Vandalorum Gundericus regnavit in Galleciæ & Asturiarum partibus annis decem & octo. Iste ædificauit ciuitatem in Asturiis quam vocauit Lucco siue Lucum. Quo mortuo frater eius Gisericus regnavit pro eo. Quo mortuo Hunericus regnavit pro eo. Quo mortuo Trasemundus regnavit pro eo. Quo mortuo Hildericus regnavit pro eo. Quo mortuo Gilimer sub quo cessauit regnum Vandalorum, regnavit pro eo. Isti omnes Lucensem ecclesiam dotauerunt: quæ auctoritate Romana permanet libera & nunquam fuit subdita vlli metropoli. Teneat igitur dicta Lucus totas Asturias per Pyrenæos montes & per flumen magnum Ouæ, & per totum littus maris Oceani vsque Viscayam, per summum rostrum, per summum Cabrium, per portas de sancta Agatha, per Pozazalem, per Lumbam, de Folios, vna cum campo Erbolio, Gordon, Aluam vsque ad illam arborem de Quadros, per riuulum de Vmania, Lunam, Radabiam, Paredes, Flazianam, vsque ad Pyrenæos montes, Coiancam, Villam Queixidam, per Coiamquillam, & Ventosam, vsque ad flumen Urbicum, in Gallecia Suarnam, Vallem longam, Veram flamofam, totam Sarriam, Paramum vsque ad flumen Minæum, totam Lemos, Vmimzo & Verosino, & Semiuiano & Froilano vsque ad flumen Silum, totam Luniam cum ecclesiis de Petraio quæ ædificatæ sunt, vel fuerunt inter Arnoium flumen & Silum à termino montis Baron & per aquam Zoræ vsque in fundum Arnoia, & per ipsum discursum vsque flumen Minæum in Veza vsque Portellam Deuanati, & ecclesias de Salar inter Arnoiam & Silum cum ecclesiis de Barolo, Castellam Cufancam, Barbantes & Amon, Asmam, Cambam, Auiancos: sicut dictam ecclesiam Lucensem Reges Vandali dotauerunt.
- 40
- 50

Post Vandalos ceperunt regnare Sueui: quorum primus fuit Rex Hermericus, quo mortuo Recchila regnavit pro eo. Quo mortuo Reccarius regnavit pro eo, quo mortuo Frumarius regnavit pro eo, quo mortuo † Remismundus regnavit pro eo, quo mortuo Theodemundus regnavit pro eo. Rex iste catholicus fuit: & fecit celebrare concilium in Gallecia apud Lucensem urbem. Interfuit huic concilio cum cæteris episcopis Galleciæ Adaulfus Legionensis episcopus ad subscriptam diuisionem roborandam: quæ fuit prima diuisionis & facta est hoc modo.

Legio quam condiderunt Romanæ legiones, quæ antiquitus flos fuit vocata & per Romanum Papam gaudet perpetua libertate, & à nostris prædecessoribus extat sedes regia, atque alicui metropoli nunquam fuit subdita, teneat per suos terminos antiquos, per Pyrenæos montes & per Penam Vbeam vna cum media Leuaci, Ceruam, Petras nigras, Auiam vsque ad flumen Carriõnem, per illam Sernam, per riuulum Siccum vsque ad Villam Ardecam. Per Ceresinos vsque in Castro Pepe, per villam † Mannam vsque in arborem de Quadros. Infra fines etiam Galleciæ tria castella, Turtures, Datineum, Cancellatam, & Nauiam, sicut eam dotauerunt Romani & Reges Sueuorum.

Metropolis Bracarensis teneat centum cellas Gotthis millia, Lameto Giliolis Adoneste, Aportis, Arlo, Carrandonis, Laubis, Ciliotro, Letunio Ceresis, Petronco, Equisis, Adsaltu, item Pago, Pannonias, Latera, Bregancia, Astiatico, Turego, Armego, Merobrio, Berese, Palantusino Celo Senequino Vmio, familia regia de Egitanienfi tota Egitaniam, Mene, Cibio & Francos.

Ad sedem Portugalensem & in Castro nouo ecclesiæ quæ in vicino sunt, Villanoua, Betaonia, Vesea, Menturio Torebio, Banuaste, Pongoaste, Lunibo, Nescis, Napoli, Curmano, Magneto, Leborero, Melga, Tongobia, Villa Gomedei, Taunasse. Item Paga, Lambrenton, Aliobo, Vallericia, Turlugo, Cepis & Mendolas, & Palencia sub vno viginti quinque.

Ad Lemegum ipsum Lemegum Tuencia, Amuca, Cantabriano, Omia & Caminus sub vno sex. Ad Conimbriense, ipsam Conimbriam, Suninio, Selio, Lurbini, insula, Astusiane & Portugale, Castrum antiquum, sub vno septem.

Ad Vesensem, ipsum Vesea, Rodomiro, Subinoncia, Suberbeno, Ofania Ouelione, Tutela, Goleia, & Caliabria, qui apud Gotthos postea sedes fuit sub vno nouem.

Ad Iriam ipsam Iriam, teneat deinde vsque Cufanea, & de Caldas de Rege vsque in oram maris Oceani.

Ad Lucensem ipsa ciuitas cum adiacentia sua, cum Cauroquia, Seuies, Carabairos, Mõtenigro, Parraga, Latra, Azuniana, Gogios, Tauada, Pogonti, Salauetera, Monte roso, Dorradeca, Goleam sub vno XIII.

Ad Auriensem Sedem, Vesugio, Biuiale, Teporos, Geursos, Pinera, Casauia, Vereganos, Sanabria, & Calabazas maiores sub vno decem.

Ad Astoricam sedem, ipsa Astorica, Legio, Superurbico, Berizo, Petra, Speranti, Tibris, Callellas, Murellos superiore & inferiore, Semure, Frigellos, & Besicos. Sub vno undecim.

Ad Tudensem, ipsa Tude cum ecclesiis, quæ in vicino sunt, Torello, Tolobera, Ludo, Parre, id est, Paga, Agnoue, Sagirica, & Biliõne, Cauda, Omia, & Cartasse. Sub vno quindecim.

Ad sedem Bretonicam ecclesiæ quæ in vicino sunt intra Britones, vna cum monasterio Maximi vsque in flumen Ouæ.

Rex Bamba vt supra scriptum est, diuisionibus Epantuum confirmatis, cæteras imperii sui sedes diuisit, sic dicens: Toletum metropolis, regia sedes, inter cæteros Hispaniæ quandiu huic sancto cætui placuerit, metropolitanos, teneat primatiam. Oreto teneat de Galla vsque Ecigiam. De Petra vsq; Campaniam. Beacia teneat per terminos de Oreto, & de Metesa, & Acci. Metesa teneat de Ega vsque Securam, Belida vsq; Puligenam. Acci de Secura vsque Montana, de Archetel vsq; Caracoie. Basti teneat de Montana vsq; Gestam, de Rauca vsq; Rusicam, Vrgi teneat de Gestam vsque Carthaginem, de Gastri vsq; Midam. Bagastri teneat de Pugilla vsq; in Soloniam, de Seta vsque in Lumbam. Ilici teneat per terminos Bagastri, Setabi & Deniam. Setabis teneat de Custo vsq; ad Moletam. De Togola vsq; Vnitam. Denia teneat de Zoza vsque Vnitam, de Sylua vsque † Gil. Valentia teneat de Sylua vsq; Muretum de mari vsq; Valerianum. Valerianum teneat de Alpont vsq; in Tarabellam. De Firzerola vsq; Innar. Secobrica de Tarabella vsque Obuiam, de Toga vsque Breccam. Ercabica teneat de Alcont

Alcont vsque ad Obuiam, de Mora vsque Lustram. Compluto de Alcont vsque ad Cortem. Segontia teneat de Corte vsque in Furcam, de Godol vsque in Pinnam. Oxoma teneat de Furca vsque Aslanzon quomodo currit Caminus sancti Petri qui vadit ad sanctum Iacobum. De Garrafe vsque Ermitas. Secobiateneat de Valle. De Alemeht vsque Mambellam. De Montel vsque Vasadota. Palencia teneat de Mambella vsque Caltam, de Valbona, vsque Fortosam. Hæ sunt sedes decem & nouem immediate subditæ Archiepiscopo Toletano.

Sedes subditas Hispalensi metropoli, quæ hætenus prima fuit, sedes Hispaniarum diuidimus sic. Italica teneat de Vlca vsque Bulsam, de Asa vsque Lamolam. Alfidona teneat de Bula vsque ad Semam, de Latefa vsque viam latam. Elepa teneat de Sema vsque Datam, de Abisa vsque Cortesam. Malaga teneat de Data vsque Meleocam, de Tenna vsq; Sedes Campo. † Iliberri teneat de Malaca vsque Sotellam, de Alonica vsque Sedile. Aftigi teneat de Sotella vsque Parietem, de Lueca vsque Taucam. Corduba teneat de Pariete vsque Vbetam, de Galla vsque Ronam. Egabro teneat de Vbeta vsque † Malam Saia, de Garta vsq; Suetam. Tucci teneat de Mala Saia vsque Abalagar, de Gigeram vsque Calonam. Hæ sunt nouem sedes episcopales immediate subditæ Archiepiscopo Hispalensi prouinciæ Beticæ. Eliberri
Mala Saxa

Sedes Emeritensis metropolis diuidimus sic. Pate teneat de Balagar vsque Aram, de Olla vsque Mataual. Vlisbona teneat de Arta vsque Ambiam, de Olla vsque Matar. Elbora teneat de Sotebra vsque Petram de Rutella vsque Paratam. Oxonoba teneat de Ambia vsque Sallam, de ipsa vsque Turrem. Egitania teneat de Sala vsque Nauam, de Sena vsque Mauriellam. Conimbria teneat de Naua vsque Borgam. Viseum teneat de Borga vsque Sortam, de Bonella vsque Ventosam. Lamecum teneat de Sorta vsque Petram, de Tara vsque Ortosam. Caliabria teneat de Sorta vsque Albenam, de Soro vsque Faram. Salamantica teneat de Albenam vsque Sotobiam, de Rufa vsque Siberam. Numancia, quam nostrates Gotthi postea vocauerunt Zemoram, teneat per Pennam Gosendi vsque ad Tormem, super illos balneos de Valle de Rege vsque ad Dorium de Vilalalle vsque ad Oterum de Fumus, secus riuulum Siccum, vsq; Breto, de Tauara vsque Dorium. Abula teneat de Petra vsque Villam, de Maseo vsq; Terrero. Cauria teneat de Villa vsque Tagum, de Asar vsq; Pumar. Hæ sunt sedes tredecim immediate subditæ Archiepiscopo Emeritensi prouinciæ Lusitaniæ.

Legio ciuitas sacerdotalis & regia, & Lucus quam Vandali edificauerunt in Asturiis, teneant per suos terminos antiquos, sicut eis diuisit Theodemirus Rex Sueuorum, & nulli vnquam subdantur Archiepiscopo vel Primate. Sedes etiam Portugaliæ permaneant in sua diuisione sicut eis diuisit Rex Theodemirus cum his quæ nos eis adiecimus.

Sedes Bracarensis metropolis, sicut eis ordinauit Rex Theodemirus, ita eas permanere inandamus & hos terminos eis superponimus. Dumio teneat de Duria vsque Albiā, de Rumea vsque ad Aram. Portugale teneat de Lobia vsque Losolam, de Olmos vsque Solam. Calcidonia quam Sueui vocauerunt Tudam, teneat de Tolosa vsque Lagunam, de Monte albo vsque Fetosam. Auria teneat de Cufanea vsque Silam, de Vezeganos vsque Calabazas maiores. Iria teneat de Issum vsq; Cufancam, de Caldas de Rege vsque in oram maris Oceani. Lugo teneat de Laguna vsque Bosam, de Monte Soto vsque Quintanam. Britonia teneat de Bula vsq; Torrentes, de Occoba vsque Tobellam & vsq; Ouem. Rama quam Vandali vocauerunt Astoricam teneat de Tarrentes vsq; Samoiam, de Homania vsq; ad montem Gerod. Hæ sunt octo sedes episcopales immediate subditæ Archiepiscopo Bracarensi prouinciæ Galleciæ.

Post hæc diuisit Rex Bamba sedes Terraconæ metropolis. Terragona metropolisteneat infulas Baleares, Maioricam scilicet, & Minoricam, & Formenteram, & Vzetiam. Bartinona teneat de Minoniam vsque Pagellam, de Via vsque Bordel. Exara de Bordel vsque Palladam, de Montesa vsque Portellam. Gerunda teneat de Pallada vsque Instamant, de Alofa vsque Impurias. Impurias teneat de Instamant vsque Brecam, de Ventosa vsque Gilbam. Aufona teneat de Borca vsque Auratam, de Bulga vsque Mentecim. Vrgello teneat de Auratam vsque Vasanam, de Mucana vsque Valam. Lerita teneat de Vasona vsque Fontem Salam, de Loram vsque Matham. Hictosa teneat de Fonte Salam vsque Porrellam, de Morale vsque Tormalam. Tortosa teneat de Porrella vsque Damam, de Termoga vsque Catheriam. Cæsar Augusta teneat de Mania vsque Splanam, de Ribas montes vsque Gordollo. Osca de Splanam teneat vsque Cobello vsque Mustellam, de Lotica vsque Tallam, de Mu-

stella teneat vsque Nampiam, de Sparga vsque Ostual. Calaforra teneat de Mampia vsque Spargam, de Mustela vsque Lacalam. Tirafona de Sparsa vsque Plateam, de Altomonte vsque Millosam. Auca teneat de Platena vsque ad Maiam, de Villainferno vsque Pedemoram. Hæ sunt sedes quindecim immediate subditæ Archiepiscopo Terragonæ prouinciæ Terraconensis.

Diuisio autem sedium Narbonensis metropolis hæc est. Beterris teneat de Scallath vsque Barcinonam, de Macay vsque Ribofora. Agathe teneat de Rusa vsque Riberam, de Gallar vsque Nurlam. Magalona teneat de Nurla vsque Ribogar, de Castello vsque Sambiam. Lateua teneat de Sambia vsque Ribanal, de Anges vsque Montem Rufum, Carcassona teneat de Monte Rufo vsque Angeram, de Angosa vsque Montanam. 10 Elna teneat de Angera vsque Rosmalam, de Latorfa vsque Lamafam. Hæ sunt octo sedes immediate subditæ Archiepiscopo Narbonensi prouinciæ Galliæ, vel Hispaniæ quæ citerior dicitur. Et fiunt sedes harum duarum Hispaniarum octoginta sub dominio Gotthorum tam Archiepiscopales quam episcopales, per quas nobis ministratur verbum Dei, qui à Romano Papa accipiunt communionem catholicæ veritatis, vt in fide Christi secundum traditionem & doctrinam sanctorum patrum animas sibi commissas valeant gubernare. Hæc igitur nostra diuisio quæ de assensu omnium archiepiscopotum & episcoporum dictarum sedium auctore Deo facta est, firma permaneat in æternum.

Hæc omnia suprascripta legit gloriosus Rex Bamba in concilio Toletano: vbi omnes Archiepiscopi & episcopi Hispaniarum conuenerunt. Quæ subscriptione omnium confirmata sunt. Quirico Toletano Archiepiscopo & primatiæ dignitate & fide catholica consistente: statutum est præterea in dicto concilio, vt omnes clerici viuerent secundum regulam sanctissimi patris Isidori, prout continetur in libro eiusdem de honestate clericorum. Et quicumque Archiepiscopus, Episcopus, Abbas claustralis clericus, vel sæcularis pro dignitate vel ordine, aut aliquo ecclesiastico beneficio muneraret Regi, siue alicui aliæ personæ, illum excommunicatione perpetui anathematis innodarunt. 20

Hæ sunt ciuitates & oppida quorum nomina antiquitas, vel Sarraceni mutauerunt. Quæ ne generent ambiguitatem legentibus vnius cuiusque ciuitatis, vel oppidi nomen pro parte memoremus. Hispalis, id est Iulia Romula, Sibilis, Affidonia, id est Sidonia, † Illiberri, id est Granata. Astigi, id est Belsa. Egabro, id est Cabra. Auccis id est, Xarez. Pace, id est, Badaios. Oxonoua, id est, Seduma. Egitania, id est, Lucenia. Caliabria, id est, Montages. Ferrezola, id est, Toletum. Oreto, id est, Calatraua. Mentefa, id est, Iacn. Acci, id est, Guadiez. Vrgi, id est, Almaria. Illici, id est, Berga. Setabis, Xatiua. Compluto, id est, Guadalafaiara. Alcala etiam quondam Compluto vocabatur. Elbora, id est, Talauera. est in Portugalia ciuitas quæ dicitur Ebora. Vrsaria, id est, Madrit. Numancia, id est, Zemora. Moriana, id est, Castrum Taraph. Campus Gotthorum, id est, Taurus. Flos, Legio, Leo. Coranca, id est, Valencia. Malgrat, id est, Benauentum. † Duruetrū, id est, Saluaterra. Rama, id est, Astorica. Ariscoma, id est, Mindoneda. Domnos sanctos, id est, Sanctus Facundus. Calcidonia, id est, Tuda. Episcopatus Lucensis in Asturiis translatus est ad Ouetum, & dicitur Ouetensis. Episcopatus Aucensis translatus est Burgis, & dicitur Burgenfis. Quem ecclesia Romana sicut Legionensem, vel Ouetensem donauit perpetuæ libertati. Campus stellæ, id est, sanctus Iacobus: ad cuius ecclesiam translatus est Archiepiscopatus Emeritenfis. † Martua, id est, Pampilona. Tritio, id est, Naiera. 30 40

HIC INCIPIT IULIANVS EPISCOPVS

Toletanus.

SOLET virtutis esse animorum incitamentum triumphorum pulchra relatio animosque nobilium ad virtutis attollere signum, quidquid gloriæ de præteritis fuerit prædicatum. Habet enim humani moris natura pigrum quendam internæ virtutis affectum: vnde contingit quod non tam citatior ad virtutes, quam ad vitia procliuior reperitur. Et nisi iugi exemplorum vtilium instructa fuerit prouocatione assidua, frigida remanet & torpescit. Hac de re vt timidis & pigris mederi possit, relationem præteritæ rei nostris temporibus gestam inducimus: per quam ad virtutem subsequencia secula prouocemus. Affuit in diebus nostris Bamba princeps clarissimus de regali sanguine ortus, quem digne principari dominus voluit, quem sacra vnctio decora-

decorauit, quem totius gentis & patriæ communio elegit, quem populorum amabilitas exquisiuit: qui ante regni fastigia multorum relationibus præconio celebri prædicatur. Antequam regnaret, dum decedentis Reccesuinthi Regis morte exequiale funus solueret, inter ipsa elemēta in vnam omnes concordiam versi, vno affectu pariter prouocati illum se desiderio habere principem clamant. Illum nec alium in Gotthis posse principari vnitis vocibus intonant: & cateruatim suis pedibus obuoluti, vt regimen regni suscipiat, instant cum lachrymis postulantes. At ille cuius mentem fortitudo firmauerat, nec lachrymis cedit, nec precibus vincitur, nec voto flectitur populorum, modo se non suffecturum tot ruinis imminētibz clamans modo senio confectum sese pronuncians. Cui acriter reluctanti vnus ex officio ducum audacter in medium profiliit: & minaci contra eum vultu educto gladio prospiciens dixit: Nisi consensurum te nobis promittas, gladii huius mucrone modo truncandum te scias: nec hinc tandiu exhibimus, quādiu aut expeditio nostra te Regē accipiat, aut contradictionē cruētus hic hodie casus mortis absorbeat. Quorum non tam precibus superatus, quam minis tandem cessit: regnumque suscipiens ad suam omnes pacem recepit. Et tamen ne citra locum sacræ sedis Toletanę regni sacram susciperet vnctionem, distulit vsque ad nonam decimam diem, ne videretur ambitione vsurpassē, vel furatum esse regni gloriam, sed potius signum tanti culminis à domino percepisse. Gerebantur enim ista in villa, cui antiquitas Gerticos nomen dedit: quæ fere centum viginti milliariis ab vrbe regia distans in Salamanticensi territorio sita est. Ibi enim vno eodemque die, scilicet in Kalendis Septembris, & decedentis Regis vitalis terminus fuit, & dicti viri electio subsequuta. Postquam autem Toletanam urbem ingreditur, & ventum est, quo sanctæ vnctionis susciperet signum, regio iam cultu conspicuus, ante altare diuinum consistēs, ex more catholicam fidem professus cum sacramento iurandi fidem populis reddidit: & mores bonos prædecessorum Regum atque leges firmavit. Deinde curuatis genibus oleum benedictionis per sacri primatis & Pontificis Quirici manus vertici eius refunditur, & benedictionis copia exhibetur. Vbi hoc statim emicuit mirabile signum: nam mox ē vertice ipso, vbi oleum sanctum perfusum fuerat, euaporatio quædam fumo similis in modum columnæ sese erexit: & ex capite ipso apis visa est prodigiū, & aeris alta petiisse: quæ vtique signum fuit secururæ felicitatis. Post hæc quam gloriose regnum rexit non est nostræ disserere valetudinis.

Consistente igitur in quiete pacifica regno, Galliarum terra euersionis suæ nutritiua decipulam. Etenim subito in ea vnus turbo infidelitatis assurgit: & consensio perfidiæ per vnum ad plurimos transit: atque rebellio contra Regem & patriam agitur. Huius enim caput tyrannidis Hildericum esse, sui criminis infamia refert. Qui Nemausensis vrbis curam sub comitali præsidio gerens, non solum nomen sed titulum & opus sibi infidelitatis assumpsit, adiungens etiam sibi prauitatis suæ socios Gumildum Magalonensis sedis detestandum antistitem & Ramirum Abbatem: quorum fauore in patriam Iudæorum gentem perfidam euocauit contra constituta regni Gotthorum. Huius igitur criminis caput Hildericus, cum per diuersos ignem suæ infidelitatis accenderet, Nemausensis vrbis episcopum vitæ beatæ Aregium ad perfidiam notam trahere nitebatur. Quem casto ore, constantique corde repugnare suis consiliis cernens, loci dignitate priuatum, pondere vinculorum onustum, in Franciæ finibus Francorum manibus tradidit illudendum: deinde in sublato pontificis locum suæ perfidiæ socium Ramirum Abbatem intrusit episcopum. In cuius electione nullus ordo attenditur, nulla principis vel metropolitani definitio præstolatur: sed erecto superbæ fastu, contra interdicta maiorum à duobus tantum pseudoepiscopis ordinatur. Peracto tempore temeritatis prouentu Hildericus, Gumildus, atque Ramirus terminos sibi sibi suæ coniurationis statuunt, & a loco vbi vocabulum dicitur mons Cameli, vsque in Nemausum terram Galliæ diuidunt, suæ coniurationi associant. Ab infidelitate fidelitas superatur. Collecta dein manu ciues depopulantur, labores exterminant, opes exhauriunt, & totam prouinciā Galliæ deprædantur. Cucurrit hæc fama ad principem Bambanem, qui mox ad extinguendum seditioforum nomē, exercitum per manum Pauli ducis, qui erat de Græcorum nobili natione, in Gallias destinauit. Qui Paulus tepide cum exercitu gradiens a bello abstinuit: & studio quo valuit animos militum ab eo quo ardebant præliadi furore submouit: & promissam religioso principi fidē omnimode violauit. Egit hoc archano quodam cōsilio, vt ad affectatum perueniret fastigiū, allectis sibi perfidiæ suæ sociis

Ranofindo Tarraconensis provinciae duce, & Hildigiso sub Gardingatus adhuc officio consistere. Quod votum peruersi sui desiderii incredibili efficere celeritate intendens, collectis vndique populis simulate se pugnaturum contra seditiosos enunciat. Quod vir vitae venerabilis Argebaudus Narbonensis antistes subtilissima quorundam relatione ut comperit, aditum illi ciuitatis intercludere nisus est. Sed nec ista opinio latuit Paulum: vnde priusquam Argebaudus quod cogitauerat, effectibus manciparet subito propero cursu Paulus cum exercitu Narbonensem urbem ingrediens, portas ciuitatis sub suorum armatorum praesidio obseruari praecipit. Vbi dum circumfusa omnis exercitus multitudo collecta est, vipereum caput perfidiae cum quibusdam sociis suis Paulus ipse medio astitit obiurgans prius episcopum, cur illi ciuitatis aditum intercludere niteretur. Post haec tyrannidis suae consilium proditur, & diuerso fraudis argumento fidem populorum degenerans ad irrogandas iam sancto Bambae Regi iniurias animos singulorum inflamat. Iurat principio ipse Paulus se nullo modo illum Regem posse habere, nec in eius consistere ulterius famulatu: & etiam addidit dicens. Caput regiminis ex vobis ipsis eligit, cui omnis multitudo cedat, & qui in vobis appareat deuote & humiliter principari. Cui vnus ex coniuratis maligni ipsius consilii socius Ranofindus applaudens Paulum sibi Regem designat, Paulum sibi nec alterum populis Regem futurum exoptat. Ad haec caeteri coniurationis conscii Paulum Regem acclamant, & totius populi animos ad sua vota inclinant. At vbi idem Paulus sui consilii accelerationem inspexit, consensum illico propriae voluntatis adhibuit: & iam re sibi omnes coegit. Post haec Paulus regnum arripuit: & nefaria temeritate coniuratorum cateruam illam, quam armorum virtute non cepit, opere perfidiae ad se traxit. Nam Hildericum Comitem, & Gumildum atque Ramirum pseudoepiscopo absque difficultate sua perfidiae sociavit: & tota provincia Galliae subito in coniurationis arma concurrat. Nec solum Gallia sed & pars Tarraconensis provinciae coturnum rebellionis attentat. Fit tota Gallia repente conciliabulum perfidorum, parata mori pro defensione perfidiae prauitatis. Paulus autem dum iniquitatis suae socios multiplicatos numero laboraret efficere, datis promissisque multis muneribus Francorum Vasconumque nimiam multitudinem in sui auxilium congregauit, & expectabat tempus opportunum, quo posset in Hispaniam pugnaturus accedere, praereptumque regni fastigium vendicare.

Cum haec in Galliis agerentur, gloriosus Rex Bamba Vascones rebellantes debellaturus aggrediens in partibus Cantabriae morabatur. Vbi dum de iis quae in Galliis gerebantur, nuntium celerem recepisset, mox negotium primatibus palatii innotuit pertractandum: utrum possent exinde in Gallias pugnaturi accedere an reuertentes ad propria, & collectis vndique viribus, cum multiplici exercitu itineris tam longinqui arriperent commeatum. In quo bicipiti consilio nutantes multos princeps aspiciens, ac omnes admonitione alloquitur dicens: Ecce iuvenes exortum malum audistis: & quo se munimine incenitor seditionis huius armauerit agnouistis. Praeuenire ergo hostem necesse est, ut ante praueuiatur bello, quam in suo crescat incendio. Turpe sit talibus dimicaturi in occursum non ire: aut domos nostras priusquam intereant repere. Ignominiosum nobis videri debet, ut Paulus patria proditor, qui rebelles nostros non potuit armis subiicere, tantae gloriae viris audeat repugnare. Et qui abiectissimam & imbellem gentem deuincere non valuit pro quiete patriae, Gothorum militiae hostem audeat se praebere. Quasi examinatos & molles nos usquequaque diiudicans, qui vti que nullis viribus, nullis armis, nullisque consiliis eius tyrannidi resistere valeamus. Reuera animositatem & virtutem Gothicam gentis bellorum triumphis a seculo orbis expertus est vniuersis: & quae erit perituro illi virtus, etsi Francorum viribus nobiscum decertando confligat? vti que notissima eorum nobis neque incerta est pugna, saepius enim a Gothis contra hostes, defensionis auxilium magnis precibus impetrarunt. Igitur turpe sit vobis eorum acies vel ad horam expauescere: quorum nostis infirmiores semper esse virtutem. Et siue Galli siue Franci sint, tantae coniurationis vindicandum sentiant facinus: quia armis ultoricibus gloriae nostrae nomen vendicare debemus. Tamen non cum feminis sed cum viris vobis certandum est, quanquam notissimum maneat, nec Francos Gothis aliquando posse resistere nec Gallos aliquid sine illis virtutis perficere. Quod si alimentorum seu vehiculorum necessitatem apponitis, scitote quia gloriosius est triumphum in necessitatibus conquisisse, quam in abundantia bella exquisita conficere. Augustius enim semper est, quod plus tolerantia quam suffectus rei nobilitat. Exurgit etiam ad victoriae signum nomen dispersitum perfidorum. Gallorum

lorum ingratuitas vestrum inflammet animum, quia Franci illos semper seruitute miserabili oppresserunt, quos Gotthi dederunt bellicis gladiis nobilissime libertati. Dum ergo calor est animi nulla debet esse remoratio properandi. Dum ira animos urget, nulla nos debet retardatio impedire. Quin potius si fieri posset sine intermissione proficiscendi susceptum iter aggredi, multo facilius poterimus hostium nostrorum castra subuertere. Nam ut quidam sapiens ait: Ira praesens valet, dilata languescit. Et illud: Nocuit differre paratis. Non igitur opus est retro verti militem, quoniam impiger accessus belligerandi facit esse victorem. Adhuc ergo Vasconibus cladem illaturi accedamus. Deinde ad seditiosorum nomen extinguendum protinus festinemus.

- 10 Cum haec peroraret Bamba Rex prudentissimus inualescunt animi omnium & ardenter exoptant fieri, quod iubentur, & statim omnis exercitus Vasconiae partes ingreditur: ubi per septem dies usquequaque per patentes campos depradatio & hostilitas castrorum domorumque incensio tam valide acta est, ut Vascones feritate deposita vitam sibi dari, datis obsidibus pacemque largiri, non tam precibus quam muneribus exoptarent. Unde acceptis obsidibus tributisque solitis, & pace composita directo itinere in Gallias profecturi accedunt per Calafurram & Oscam transitum facientes. Post haec Rex Bamba in tres turmas exercitum diuidit, ita ut una pars ad castrum Libiae quae est Aquitaniae caput tenderet. Secunda per Ausonensem ciuitatem Pyrenaei media peteret. Tertia vero per viam publicam iuxta ora maritima graderetur. Ipse etiam religiosus princeps cum multiplici bellantium manu subsequebatur. Sed quia insolens quorundam ex nostris motio non solum praedae inhiabat, sed etiam cum incensione domorum adulterii facinus perpetrabat, tanto disciplinae vigore iam dictis princeps de his & quibusdam aliis vitiis scelus vindicabat nequiter perpetratum, ut grauiora in iis supplicia illum putares impendere, quam si hostiliter contra illum egissent. Testantur haec ab illis adulteris abscissa membra virilia, quibus pro fornicatione hanc ultionis irrogabat iacturam. Dicebat enim. Ecce iam iudicium imminet belli & libet fornicari ut Deus ad iracundiam prouocetur. Ut credo ad examen pugnae acceditis, videte ne in vestris sordibus pereatis. Nam ego si ista non vindico, iam ligatus inuado. Ad haec ergo vadam, ut iusto Dei iudicio capiar, si iniquitatem populi videns ipsam non puniam. Frustra enim pergit ad bellum ut vincat quem iniquitas comitatur. Exemplum vobis praebere debet, quod Heli sacerdos ille in diuinis litteris eruditus, qui pro sceleribus neglexit filios increpare: & ideo illos in bello didicit concidisse: ipse quoque filios sequens fractis ceruicibus expirauit. Haec igitur nobis timenda sunt, & ideo si purgati maneamus a crimine, non erit dubium quod triumphum capiamus ex hoste. Sub ista, ut praemissum est, disciplina princeps Bamba exercitum gloriose perducens, mores singulorum sub diuinis tenens regulis, prosperari sibi videbat per incrementa dierum dispositum belli & victoriam praeliandi. Sicut enim erat regali Gotthico clarissimus genere, sic erat magnanimus mente, sic & abundans scientia litterali. Itaque prima ex rebellionem omnium ciuitatum Barcinona in potestate principis religiosi adducitur, deinde Gerunda subiicitur. Huius ciuitatis venerabili viro Amatori episcopo Paulus pestifer sub isto sensu miserat epistolam scriptam. Audiui quod Bamba Rex cum exercitu ad nos venire disponat. Sed cor tuum non turbetur, nec enim haec fieri puto. Et tamen quem primum de nobis ambobus tua sanctitas cum exercitu viderit accedentem, ipsum se credat habere dominum, & in eius debeat persistere charitate. Haec miser scripsit nesciens, quod iustum contra se iudicium protulit. Unde horum scriptorum verba Rex Bamba sapienter coniiciens dixit. Non in his scriptis Paulus a semetipso locutus est, sed licet ignoranter, tamen illud censeo prophetasse. Egressus igitur post haec princeps de ciuitate Gerunda belligerosus incursum gradiens ad Pyrenaei montis iuga peruenit, ubi duobus diebus exercitu repausato, per tres diuisiones ut dictum est, exercitus Pyrenaei montis dorsa adiuit, & castra Pyrenaica quae vocantur Caucolibeam, Vulturariam & Libiam mirabili victoriae triumpho cepit, atque perdomuit, multam copiam in his castris auri & argenti reperit, quae copiosis exercitibus in praedam cessit. Excusserat manus suas ab omni munere, unde praeliantium animos accendebat ad victoriam obtinendam. Castrum etiam quod vocatur Clausuras, missis ante se exercitibus per duces duos facta irruptione cepit: ibique Ranosindum Hildigisum cum caetero agmine perfidorum, qui ad defensionem castrum conuenerant, exercitus capit, atque deuinctis post tergum manibus eos principi repraesentat. Vuitimirus vnus ex coniuratis, qui se in Sordoniam clauserat, nostros irrupisse persentiens statim fugit, & tantae cladis nuntium Paulo Narbonem perlaturus accessit. Quae res grandi timore tyrannum concussit.

Princeps vero religiosus prædictorum castrorum exercitu subiugato, in plana post transitum Pyrenæi montis descendens duob. tantum dieb. exercitum ad vnum cōgregaturus expectat. At vbi è diuersis partib. collecta in vnū multitudo percrebuit, statim per quatuor duces electum numerum armatorum ad expugnationem Narbonæ ante faciem suam mittit, alium exercitum destinās, qui nauali prælio accederet bellaturus. Et quidem iam erant pauci dies ex quo de Narbona rebellis Paulus recesserat seruiliter fugiendo, cōperto q̄ tam feliciori prouentu pars religiosi principis properaret. Quā ciuitatem Paulus muniuit præsidio multiplici perfidorum & Vuitimiro duci suo commisit. Quem cum nostrorum exercitus blanditer hortaretur, vt ciuitatem sine sanguinis effusione traderet, prorsus renuit: obseratisq; ciuitatis portis muro, viua voce nostro- 10 rum exercitum conuictis detestatur. In principem quoq; religiosum maledicta congeminat, minisq; conatur exercitum perturbare. Quod nostræ partis animositas nō ferēs subita cordiū accensione incanduit: & telorum iactu perfidorū ora petiuit. Immanis ab vtrisq; pugna cōferitur: & sagittis alternatim sibimet partes obsistunt. Sed vbi ab vtrisq; fortiter agitur, tātos imbres lapidū nostri intra urbem cōiiciunt vt clamore vocū & collisione petrarū ciuitas subuerti existimaretur: vnde ab hora fere quinta diei vsq; ad octauam horā fundibulorū instantia acriter à nostris pugnatū est. Incanduit itaq; nostrorū animus victorię dilationē ferre nō valēs, & ad portas propius pugnaturus accessit. Tūc victoriosa per Deū manu portas incēdunt, & ciuitatē victores ingrediuntur. Vbi dum Vuitericus adhuc armata manu ecclesiā peteret, accessu nostrorū turbatus, post aram 20 Dei genitricis se vindicaturū non reuerētia loci miser sed ultore gladio testabatur, dextera tenēs gladiū, & mortē minitans singulorū. Ad cuius ergo insaniæ tumore ptinus comprimendū, vnus ex nostris tabulā manu arripuit, & ferocissimo ictu se ad illū direxit, at vbi tabula nisus est eū ingenti iactu percutere, mox in terrā tremebūsus proster-nitur, protinusq; capitur, & ferrū illi de manu extrahitur, viliter tractus pōdere vinculo-rū arctatur, verberibusq; vna cū fociis quib. urbē nitebatur vendicare afficitur. Post-hæc deuicta subiugataq; Narbona ad insequendum Paulum, qui se in Nemausum con-tulerat, iter dirigitur. Deinde Beterius & Agathæ ciuitates illico subiugantur. In Ma-galonēsi vero vrbe Gumildus loci ipsius antistes cum ad obsidionem sui circumfusum videret exercitum, urbemq; ipsam non tam ab iis qui per terram pugnatursi accesserāt, 30 quam ab iis cingi, qui nauale prælium acturi per mare commeauerant: huius rei clade perterritus compendii viam arripuit: Nemausumq; secum Paulo contulit. Sed cū ex-ercitus Hispaniæ Gumildum fugisse persensit, ciuitatem mox Magalonensem nō diffi-mili victoria cepit: & directā acie Nemausensem urbem debellare cōtendit. Prima per quatuor duces præliādi facies cum electo pugnatorum agmine destinata est: quorum robusta iuuentus triginta ferme millibus principem anteibat. Hic idē nobili præcursu Nemausum, vbi cum Paulo Francorum exercitus se ad vindicandum compulerat, no-stri tendentes, cum nocte tota cursum festinati itineris cōfecissent, subito cum diei lux orta prodiret, apparuere nostrorum acies armorum pariter & animorum apparatu dis-positæ. Quas vt è ciuitate conspiciunt, vtpote dimicaturi cū paucis in patentes campos 40 armis eos expetendos definiunt: sed insidiarum dolos suspicati eligunt potius intra vr-bem siti de muris bellum cōficere quam extra urbem improuisos casus & pericula sus-tinere: & expectare auxilium promissum gentium aliarum. Vbi aut sol refusus est, con-fertum est bellum à nostris clangentib. tubis sagittisq; ac lapidib. hostes in manu valida ferientes. Resistunt perfidi & ad instar guttarum pluuiæ petras & spicula iaciūt. Acrius ab vtrisq; pugna conficitur, æquo certamine præliatur. Nec à nostris nec ab illis certa-mini ceditur: & tota die illa sub ancipiti sorte certatur. Sed vnus de incentorib. sediti-onis acriter pugnans, aspiciens è muro, nostris insultans, hæc verba commentat. Quid hic, ait, instanter pugnantes consistitis morituri? cur lares proprios non repetitis? an forte casum mortis ante tempus excipere vultis? quin potius prærupta petrarum non 50 queritis vbi vos abscondatis cum facies auxilii nostri apparuerit? cōdolere me credite vobis sciēs occursum solatii superuēturi nobis. Mihi res notissima manet, q̄ multiplicia nobis auxilia præliādi occurrant. Tertia dies est ex quo inde properās venio. Quapro-pter hoc sciens miserabilis pompæ vestræ occasum contristatus expecto: & principem vestrum, pro quo pugnatursi venistis, vobis ligatum ostendam. Non igitur pro eo vobis hic expedit tam superuacue decertare: quem forsan iam constat nostrorum insidiis interiisse. Et quod grauius est, dum patuerit victoria nostra, nulla erit de reliquo vo-bis venia. Hæc dicens nostrorum animos non solum terruit, sed acrius in præliandi furorem accendit. Propinquant ad murum. Acrius quam ceperant in bellando con-sistunt: acriterque confertum innouant prælium. His igitur actis per spatia totius diei

diei nox tandem finem prælio dedit. In ipso tamen primo feruore diei, cum adhuc nostri infatigabili virtute in præliando persisterent, remandant ad principem sibi que dirigi auxilium petunt non mediocri prouisione salutis propriæ consulentes, scilicet, ne aut extraneæ gentis dolo præuenti, aut aliis cum quibus decertabant subruerent viribus fatigati. Et bene res acta est: nam ubi princeps cognouit cum nostris Paulum tyrannum decertare nulla de reliquo mora fuit: & per Vandemirum Ducem electos de exercitu decem millia viros ad auxilium pugnantibus destinavit: qui nocte tota peruigiles maturatum iter conficerent, & superuentu suo non tam hostem frangeret, quam nostrorum animos solaturi ocius peruenirent. Vbi autem auxilium sibi missum nostri aspiciunt, nimia lætitia confortati illi vires sumunt, & statim ab omnibus pugnandi definitur occursum. Iam aurora apparere inceperat, & stipata per murum hostilis prospiciens multitudo videt per serenam aciem luminum multiplices, quam pridiana die viderat, excreuisse acies pugnaturum. Iam tunc caput perfidiæ Paulus ad tantæ rei visionem in quondam præminenti loco conscensurus occurrit. Qui mox ut nostrorum acies dispositas videt, animo decidit his verbis pronunciando. *Recognosco, inquit, hoc dispositum pugnae ab æmulo meo procedere. Hic ipse est nec alius puto. in suis enim eum dispositionibus recognosco. Hæc & his similia dicens animum reuocans, verbis suavioris suos capit confortare dicens: Nolite pauore turbari. Hæc est tantum Gotthorum illa famosissima virtus, quæ se venire ad superandos nos solita temeritate iactabat.*

20 Hic principem, hic totum eius exercitum credite nunc adesse. Nihil est quod de reliquo timeatis: famosa siquidem virtus Gotthorum antea fuit, & suis in defensionem & aliis in timorem: nunc autem omnis in illis præliandi virtus emarcuit, omnis scientia pugnae defecit. Nullus illis bellandi mos, nulla conflictandi experientia subest. Quod si in vnum conferti prælium conferant, ad definita statim euolabunt latibula: quia degeneres eorum animi pondus prælii nequeunt sustinere: sed potius hæc quæ dico cum præliari cæperitis in meis verbis actu probabit. Nihil ergo est de cætero quod pauescere debeatis, præsertim cum Regem & totum exercitum eius hic videatis adesse. Ad hæc plerique ex suis astruebant, Regem sine vexillis signorum non posse procedere. Ad quod ille dicebat, ideo illum bandorum signis absconditis accessisse ut intellectum

30 suis hostibus daret alium adhuc exercitum superesse cum quo ipse post futurus accederet. * Sed hæc tota, dicit, illusio, agit fraus: ut quos virtute non valet deuincere dolo consilii humiliat ad pauorem. Nec dum Paulus hæc verba compleuerat, & ecce subito à nostris bellorum concrepant tubæ, bellumque adorsi pridiani diei decertandi faciem innouant. Sed illi plus in muris quam in viribus vincendi locantes confidentiam intra urbem per murum spicula iactant, & rediuiua cum nostris iterum certamina innouant. Efferbuit itaque ab utraque parte incendium belli, sed acrius à nostris virtus patuit præliandi. Cum autem totis viribus decertarent, & hostem intra urbem diuerso genere armorum prosternerent: plerique ex iis qui erant vulnerati Gotthorum virtutem pariter ac constantiam admirantes, Paulum adorsi sunt dicentes. Non illam

40 quam dicebas, in Gotthis bellandi significatione cernimus: multam enim in illis audaciam & vincendi videmus constantiam. Hæc quæ excipimus vulnera docent, quod tam validos ictus in hostem proiciunt, & ante fragor ipse deterret, quam percussus vitam extinguat. Quorum Paulus deterritus verbis multiplici desperationis iaculoangebatur. Gotthi vero constantius dimicantes victoriam suam recraftinari dolentes, acriori animositate insurgunt, victos se per omnia reputantes si cito non vincerent. Vnde ferociori quam fuerant incensione commoti usque in horam diei quintam continuis præliorum ictibus muros ciuitatis illidunt: imbres lapidum fundibularii cum ingenti fragore dimittunt, suppositoque igne portas incendunt & irrumpunt. Deinde ciuitatem gloriose intrantes viam sibi ferro aperiunt. At ubi feroces nostrorum animos sustinere non possunt intra arenas, quæ validiori muro antiquioris ædificii cingebantur, se muniendos includunt. Sed ubi nostri hoc persenserunt, post eos fortiter insequentes, plures eorum antequam se in castro arenas reciperent gladio ancipiti peremerunt. Plerique tamen è vulgo nostrorum qui prædæ inhiabant gladio concisi sunt. Surgit & noua inter seditiones seditio: & dum suspicionem proditoris ciues ipsi vel incolæ ad suorum aliquos referunt, gladio vindice hos in quibus suspicio vertebatur interimunt. Erat siquidem valida perturbatio, ita ut Paulus proprium quendam de suis, manibus suorum ante se iugulari prospiciens suum esse vernulam lamentabili voce clamaret, nec sic morituro in aliquo subueniret, unde effectus exanguis & tremebundus à suis ipsis omnino contemnitur. Nam suspectus & ipse ab incolis cum cæteris qui de Hispania cum illo com-

meauerant habebatur; ne ille ad liberationem sui eorum excogitaret traditionem: Hispani vero ne irrogata incolis morte ad religiosum transiret Regem. Quid multa? fit intra urbem miserabile spectaculum præliandi; utrobique cadit perfidorum caterua, utrobique prosternitur, utrobique iugulatur; & qui nostrorum gladios euadebant, armis suorum peribant. Repletur itaque ciuitas permixto funere mortuorum cadaueribus humanorum. Miserabile etiam funus erat in domibus, & ubi domorum abdita perlustrasses, patentes mortuos reperires: per vias quoque & plateas urbis iacere hominum cadauera cerne-
res minaci quodam vultu & ferocitate immani, tamquam essent adhuc in ipsa bellorum acie positi. Erat tamen color deformis, cutis lurida, horror immanis, fætor intolerabilis. Quidam etiam de ipsis iacentibus adhuc viuis, qui exceperant lethalia vulnera mor-
tis, speciem mortuorum simulabant ut mortem euadere possent. Hæc & his similia Paulus fieri videns tyrannidis ferocitate deposita, magna cordis anxietate ac miseria strin-
gebatur: cum nec hosti resistere nec suis posset in aliquo subuenire. Accessit tamen ad eum insultaturus illi vir quidam ortus ex familia sua. Quid hic ait, assistis? ubi sunt con-
siliarii tui qui te ad istud perduxerunt calamitatis ludibrium? quid tibi profuit contra-
rios insurgere, cum nec tibi nec tuis minime nunc valeas in tanta mortis clade prodesse? Hæc dicens insultabat illi non tam conuictiandi voto quam amaritudinis studio prouo-
catus: Sed cum ab illo blandis hortaretur sermonibus ut dolori eius parceret, & confu-
sionem confusioni non adderet in ipsis gradibus marmoreis consistens, in quibus ista illi insul-
taturus aduenerat in oculis ipsius Pauli circumuolutus a suis iugulatus occubuit. Paulus
autem quid huic queritis tremebundus clamabat. Meus est dicens, ne pereat: & ut re-
seruaretur frequenti vocum lamentatione orabat. Sed iam contemptui habitus quasi
& ipse continuo moriturus audiri non poterat. Tunc omnimoda desperatione permo-
tus regalia indumenta, quæ potius tyrannidis ambitione quam ordine præeunte per-
ceperat, tabefactus deposuit. Miro occultoque Dei iudicio id agente, ut ea die perce-
ptum tyrannidis regnum deponeret, qua religiosus princeps regnandi sceptrum a do-
mino percepisset. Erat enim dies illa Kalend. Septemb. in qua principem nostrum con-
stabat regale assumpsisse fastigium, in hac ergo die irruptio patuit urbis, tyrannus Paulus
regalia deposuit indumenta, & sanguinea ultio illata est inimicis.
Tertia post hæc dies aduenerat cum Paulus post noctis suspiria ultimum sui funus
expectat: atque cum iis cum quibus consilia suæ perditionis habuerat verbum habere cæ-
pit: ut aut vale sibi ultimum dicerent, aut si possent salutem suam in aliquo consulerent. Tunc
Argebaudus Narbonensis episcopus communi consilio ad principem mittitur: qui vi-
tam rogaret offensis & veniam precaretur. Qui oblatis Deo hostiis in ipsis vestimentis
quibus dominici corporis & sanguinis peregerat sacramentum principem adiit rogaturus:
& quanto fere ab urbe milliario principi dedit occursum inæstimabili pugnatorum a-
gmine constipato. Quem ut vidit Episcopus, de æquo profiliit, & humo prostratus ve-
niam precabatur. In cuius occursum princeps equum paulisper tenuit, & ut erat miseri-
cordiæ visceribus affluens, & ipse illacrymans subleuari episcopum a terra præcepit. E-
piscopus autem lachrymarum singultibus interclusus lamentabili voce dicebat: Heu pec-
cauimus in cælum & coram te, sacratissime princeps, non sumus digni, quibus euentus
tuæ pietatis occurrat. Qui & promissam tibi maculauius fidem, & in tanto sumus pro-
lapsionis scelere voluti. Parcat orationi tuæ pietas cito, nec gladius vindex semineces re-
liquias nostrorum extinguat, nec plusquam capit mucro animas petat. Iube iam exer-
citum cessare a sanguine & ciuem ciuib. parcere: pauci siquidem euasimus gladium, sed
pro paucis veniam deprecamur. Parce misericorditer nostris reliquiis, ut quia iam in cæ-
teras nostrorum emanauit iugulum mortis, saltem remaneant aliqui quibus miserearis. Si
enim cito non peperceris, nec ipsi quidem remanebunt incolæ ad urbis tuitionem. His
auditis commotus religiosus princeps cum lacrymis episcopo dixit: victus precibus tuis do-
no tibi animas quas petisti: & non illas ultore gladio perdam, nec hodie cuiusquam san-
guinem fundam: quâquam talium offensa non transeat impunita. Cui venerabilis præ-
sul diuitiæ insistebat, ut quorum sibi donauerat vitam, nullam in eis exerceret dânationis
iacuram. Sed princeps mox furore commotus inclementior redditus dixit. De cætero
nobis alias condiciones non imponatis, cum vitam vobis donasse sit satis. Tibi autem soli
ex toto me pepercisse sufficiat: pro reliquis vero nihil horum promitto. Et hæc indignans
quadam animi succensione efferbuit: & concita progressionem triumphum potiturus vi-
ctoriæ properat ad urbem capiendam. Appropinquante autem principe glorioso cum incre-
dibili exercituum multitudine, cum sol refulisset in clypeis, gemino tamē ipse lumine
coruscabat. Erant ibi innumera bellorum signa terrentia, & ipsa quoque arma radiatâ ful-
gorem

gorem solis solito plus augebant. Sed quid dicā? quæ ibi fuit exercitus pōpa? quis decor armorum? quæ species iuuenum? quis robur pugnatorum? quæ cōcordia animorum? singula explicare quis poterit? maxime cum manifeste diuina protectio affuerit, quod celestibus indiciis patuit euidenter. Visus est enim Angelorum excubiis protectus noīter exercitus, & ipsos angelos super castra corusca volitatione protectionis suæ signa prætere. Sed paulisper talia sub silentio relinquentes suscepti operis ordinem prosequamur. Cumq; in vnum cōgregatum iam princeps sensisset exercitum, eminus ab vrbe fere vno stadio positus, incredibili animi accessione permotus disponit duces, ordinat plebes, diuidit acies, & quibus modis pugna conficerent instruebat. Siquidem fama detulerat quod Franci cōueniebant ad auxilium perfidorū. Tunc electos quosq; de ducibus mittit viribus & animis præstantiores, vt Paulum cæterosque incentores seditionum à cauernis arenarum abstraherēt: in quibus se mortem fugientes absconderant. Nec mora: cum iussa factis explerent, extrahitur subito Paulus cū sociis de abditis arenarum, & per murum depositus viliter contrectatur. Deinde omnis illa multitudo Gallorum atq; Francorum quæ hinc inde contra nostros pugnatura confluxerat, cum immensis thesauris capta est & detenta. Deferebatur nequissimus Paulus à duobus ducibus nostris insidentibus equis, ex vtraq; parte protensis manibus hinc inde ipsum per capillos tenentes, donec illum religioso principi præsentarent. Quo viso magnificus princeps protensis cum lacrymis in cælum manibus ait: Te Deum Regem omnium Regū, collaudo: qui humiliasti sicut vulneratū superbum: & in virtute brachii tui contriuiisti aduersarios meos. Hæc & his similia fletib. interclusus princeps aiebat. Sed mox tyrannus idē erectis oculis vt faciē principis vidit, statim se humo prostrauit, sibiq; cingulū soluit & collo suo ligauit. Iam quidē exanimis, & nimio pauore turbatus, quid illi accideret nō attendēs. Spectabile quidem erat oculis, quomodo de tā sublimi licet prærepti ordinis culmine, in hac subito humiliatione Paulū reprobū deuenisse. Erat cernere magnū, quā facilis fuerat rerū ipsa mutatio: tam cito videre deiectū quem pridem viderant gloriosum: & quem præterita dies adhuc Regē tenuerat, tā præcipiti lapsu concideret, in ruinam. Impleta satis est in ipso prophetia quæ dicit. Vidi impium super eleuatum & exaltatū sicut cedros Libani. Transiui & ecce non erat: quæsiui eum & non est inuentus locus eius. Quid multa? cum iam ante principis equū Paulus & ceteri huiusmodi pactionis capti iacerent gloriosus princeps dixit. Cur in tanto malo versantē prorupistis, vt pro bonis mala mihi redderetis. Sed hic quid morabor: ite & estote sub custodiis deputatis, quousq; de vobis censura iudicii agitur. Viuere. n. vobis donabo et si non mereamini. Tunc diuisos per exercitū omnes deputatis & sollicitis custodib. tradidit. Franci tamen qui capti fuerant benigne tractari iubentur. Erant. n. aliqui eorū nobilissimis parentib. geniti: qui Paulo perfido, vt à Francis ei subueniretur, erant pro obsidib. dati: sed vero ex Saxonib. erant. Post omnes in vnum munificentia regali onustos post octauam decimam diem quam capti fuerant, libere remisit ad propria: Non debere, dicens, victorem inclementem victis existere.

40 Primo die Kalend. Sept. contra Nemausensem urbem à nostris inchoatū est bellum: & sequenti die ciuitatis ipsius irruptio facta est: tertia quoq; die, quæ fuit quarto Nonarū Septemb. ciuitas ipsa celebri captione deuicta est. Sed post hæc religiosi principi animus de reparatione captæ vrbis sollicitus statim murorū caua reformat, incēsas portas innouat, insepultis tumulum præstat, incolis ablata prædam restituēs & exulcerata quæq; publico ærario fouēs. Iubet tamen thesaurorū omnem quā ceperat copiam diligentiori seruare custodia: nō illectus auaritiæ questu, sed amore prouocatus diuino scilicet, vt res sacrata Deo possent facilius inueniri, & cultib. diuinis restitui. Cumulat. n. nefandissimus Paulus peccatis peccatū, dum tyrānidē adiunxit sacrilegiū. Quia nisi sacris ecclesiis intulisset spoliū, non illi esse videbatur, ynde suū floreret ærarium. 50 Vnde factum est, vt vasa auri & argēti quamplurima de thesauris dominicis raperet, & coronam illam auream diuæ memoriæ Reccaredus Christianissimus princeps ad corpus beatissimi Felicis obtulerat, idem Paulus insano capiti suo imponeret.

Tota hæc in vnu collecta iubet princeps prout cuiq; cōpetebat ecclesiæ integræ reformari. Tertia iam post victoriā victorib. venerat dies & Paulus onustus ferro cū cæteris cōplicib. matritæ suæ cōsidenti in throno principi exhibetur. Tunc antiquorum more, curuata spina dorsi vestigiis regalib. sua colla submittit. Deinde corā exercitib. cunctis adiudicatur cū cæteris yniuersorum iudicio, vt mortē exciperet qui mortem principi præparasset. sed noluit princeps eos mortis sententia perdere, sed tantum decaluationis derisione eos præcipit onustos ferro ad præsens sustinere vindictā. Fere-

batur tunc quorundam opinio Francos & Teutonicos ad ereptionem Pauli quam totius festinare. Sed princeps non solum ob hanc causam, verum etiā ob gentis suae praeteritas iniurias vindicandas cū Francis cupiebat acius decertare, & sustinebat quotidie animo fortiori. Sed cū nullus ē Francis ad bellandū accederet, ipse potius illis se occursum deuouerat, nisi fidelitatis reuocaretur cōsilio, ne pacis inter vtramq; gentē firmata pactio sumperetur à Gothis. Sustinebat autē vt dictū est, eorum aduentum: & iā quarta dies effluxerat ex quo Paulū ceperat: & nulla hostis praesumptio, nullus euentus, nulla prorsus hostilis conuentio monstrabatur. Iam praeterea Franci munitissime vrbis vltimū sui, vt ferebatur excidium deplorabant: & ciues earum ne à nostris praeuirentur, relictis vrbibus longe lateq; incertis sedib; vagabantur, latebrosis, scilicet, vitā compendiis munientes. Nam & religiosus princeps eminens à Nemausensi vrbe in plano cum exercitu consistebat. Illic castra posuit, mira q; celeritate Nemausensem urbem fortissimis muris & vallo instaurari fecit. Vbi cum aduentum hostium sustineret, subito percurrente nuncio audit vnum ex nobiliorib; ducib; Franciae nomine Lupum in Beterrēsi territorio hostiliter accessisse: vnde concita velocitate egressus cum exercitu properas delatas inimici nifus est insidias praeuire: sed Lupus ipse iuxta villā, cui Asperiano vocabulum fertur, regressum principis audiens, ita territus fugit, vt exercitus duci & dux exercitui videretur deesse. Non. n. fugiendo vel ipse suos sustinuit, vel sui eū vllō modo assequi potuerunt. Quippe quorū ita pauore dissoluta fuerāt eorda, vt non tā dispersis viarum aditib; quam montium praeruptis elapsi: vtpote iam gladiū suis imminere ceruicibus cernerent, de cōpendio fugae vitā se lucrasse monstrabant, multas praedas hac perturbatione nostris exercitib; relinquentes tā de hominib; qui eos sequi nō poterant, q̄ de iumentis siue substantiis quae multipliciter innumerabilib; plaustris adduxerant. Et vtiq; iam lecta bellantium manus à principe destinata poterat eos beligerosis incurrib; assequi, sed tam velox illorum extitit fuga & tā citato finium suorum occurrere latibula, vt quo fugerent, quo laterēt atq; consisterent, nulla omnino censerentur vestigia reliquisse. Vnde cōperto princeps q; Lupus cum suis inueniri non posset, placida progressionē Narbonam contendens urbem victor ingreditur. Ibiq; quae dirupta atq; depasta ab hostib; fuerant, iubet princeps solcite instaurare, atq; Narbonensem prouinciā regia dispositione reformat, consiliis instruit, Iudaeos abiicit, clementiores rectores instituit, per quos tanti mali placaretur offensa, & constuprata tantis sordib; terra nouo caelestium institutionum baptismo depurata ad veniam admittatur. Statū omniū rerum mira pace cōposuit, & radices ab ea omnis rebellionis deterfit: atq; fortium bellatorum manus ibi dimisit. Exhaustis dein princeps Galliis atq; edomitis securus directo itinere ad Hispaniam comueit. Nullos post se Gallorum motus formidans, nullas Francorum pertimescens insidias, certo sciens neminem esse principū vicinorum, qui secum audeat virib; decertare. Tanta. n. virtute animi atq; constantia erat fretus, vt circūpositas barbarorum gentes non solum non timeret, sed cōtemneret, vnde adhuc intra Gallias positus in loco qui Canabat nuncupatur, cuncto exercitui q; fortiter & feliciter egisset relatione gratificatus satisfecit, omnesq; ab eo loco statim absoluit. Ipse quoq; Heliā veniens duorum ibi dierum moram fecit, sicq; exinde profectus in Hispaniam rediit: sedemq; sui solii sexto postquam inde comueuerat mense repetiit. Quam celebri triumpho Toletanā urbem intrauerit de inimicis exultans explicare vel in parte necesse est, vt sicut ingentis eius gloriae signum secula subsecuta laudabunt, ita seditiosorum ignominia non excidat à memoria futurorum. Etenim quarto fere ab vrbe Rege milario Paulus princeps tyrannidis vel ceteri incentores seditionum eius decaluatis capitibus, abasis barbis, pedibusq; nudatis, induti vilissimis faccis camelorum vehiculis imponitur. Praeibat à capite perfidorū Rex ipse perditionis Paulus omni cōfusionis ignominia dignus, corona picea coronatus. Sequebatur deinde hunc Regem suū longa deductione ordo suorum omnes, quib; relatum est vehiculis insidentes eisdemq; illusionib; acti, hinc inde astantib; & sibilantib; populis urbem intransantibus. Nec enim ista sine dispensatione iusti iudicii Dei illis accessisse credendum est, scilicet, vt alta & sublimia confusionis eorum fastigia vehiculorum edocerentur laesione nimium proiecta. Et qui vltra humanum morem fastu mentis excelsa male petierant, excelsiores luerēt suae confusionis iniurias. Sint ergo haec in secuturis reposita saeculis probis ad votū, impropis ad exemplum, fidelibus ad gaudium, infidelibus ad tormentum: vt vtraque pars in contuitu quodam sese lectionis huius inspiciens, & quae rectis semitis graditur, prolapionis casus effugiat, & quae iam cecidit, damnatam se aeternis proscriptionibus recognoscat.

Hic vsque Iulianus.

Perfido-

Perfidorum denotata transgressio ideo debet acrius percuti, quo in illicitis videtur ausibus perpetrari. Habeant ergo confusionis propriæ signum, quibus contigit sacramenti violare promissum. Reportent nomen perditionis ad posteros, quos indulgentia principalis fecit esse ingratos. Denotentur inter cuneos perfidorum, qui gentis suæ excidium parauerunt: vt reportent in progenies seculorum titulos infamiæ suæ, qui euerfores facti sunt patriæ: quib. ex clementia princeps dederit viuere. Effossionem luminum non euadant, qui patriæ gloriam minuētes prodicionis notam temerarie incurrerunt. Ecce prodidit sese in apertum campum infausta perfidia quæ nefandorum societatem cruentis sibimet amplexibus socians ad scandalū impulit ciues, ad suorum perniciem plebem, ad euerfionem patriæ gentes ad interitum principis nō solum proprias, sed externarum commouit plebium nationes: testis est horum quæ dicimus terra quæ ipsorum est exterminatione detrita. Testis etiam est cœlum sub quo nobis est attributum à Deo triumphale vexillū. Spontaneo. n. promissionis fœdere perfidus Paulus irrupto nouum sponsionis iusiurandum constituit, quo voluntaria fide promissionis discissa electum diuinitus dominum nostrum Regem Bambanem abiiceret, & maturatam illi vel patriæ perniciem exhiberet. Nam nouo ritu periurii non solum suā sed & multorum decepit animas populorum, ita vt in iis illud Prophetæ vaticinium imple retur, quo dicitur. Cadent in retia principes eorū à furore iræ Dei, & erit subsannatio eorum in omnem terram. Nec non & illud quod Isaias in talium narrat excessibus dicens: Inuenti sunt in populo meo impii insidiantes quasi aucupes, laqueos ponentes & pedicas ad capiendos viros. Sicut decipula plena auib. sic domus eorum plene dolo. Et hæc quidem necessario præmissa sufficiant. Nam cum nefandissimum Paulū serenissimus dominus noster Bamba Rex ad vendicationem Galliæ destinaret, vt dissidentes quosdam ad fidem suæ gloriæ matura dispositione colligeret, subito iniunctū sibimet negotium in contrarium mutans, non solum dissidentibus in fide persistendo non obstitit: sed ipse dissidentia sui plurimos infideles effecit. In tyrannidem. n. contra prædictum principem gentem, & patriā versus spoliavit se primo fide promissa & prauitatis textrinii sui ordiens telam, induit prodicionis & periurii maculā. Deinde in gloriosum principem maledicta coniecta & multimoda detractionum atq; iniuriarū de illo conuitia protestantur. Post hæc q; nefas est dici, regnum contra Dei voluntatem arripuit, & populos in hac nefaria conspiratione ciuium iurare coegit, vt contra fidem glorioso principi redditam agerent: & necem, vel deletionem principi exhiberent. Hūc præcipue ordinem in ipsa peruersarū conditionū serie seruans vt gloriosum dominū nostrū Bambanem infaustū Regem nominare auderet. Quod utiq; nomen iuxta interpretationem sui infelicē significat esse. Qui adhuc insuper tyrannicę sortis apice prouocatus prouinciā omnem Galliæ & partē aliquā Tarraconensis prouinciæ tumultuoso sui iuris imperio subdens speciales omniū munitiones per singulas quasq; ciuitates cōstituit, defensoresq; in eis p̄prios ordinauit. Huius rei nefariæ temeritate cōpulsi sumus arripere arma, & tot interiacentib. terris nefandorū perfidiam insectare. Vnde ad horū coniuratorū tyrannidem protinus extinguendā in Tarraconensem prouinciā, & in Gallias pugnautes accessimus, & diuina nobiscum comitante manu ad ipsas ciuitates vsq; atq; castella venientes, hos ipsos satellites defensoresq; ciuitatū & castrorum feliciter cepimus. Nā primum ad satellites repugnātes Barcinonā cum exercitu accedētes Euredū, Pompedium, Guttrifredum, Arnulfum, Diaconum & Neufredum eandē ciuitatē vindicantes cōprehendimus. Dein ad clausuras venientes castra ipsa disposito exercitu p̄ iuga Pyrenæi mōtis intrauimus, & vindicatores eorundē castrorum cōprehendimus, Ranosindū, Hildegisum, Heliam, Carmenū, Maureconem, Vandemirū, Diagerū, Cixanem & Liubanē. Hos etiam belligerosos incurfib. properantes cōprehendimus in castro caucoliberi, i. Leufredum & Gugidillū, atq; prædictorum coniuges. Castrū quoq; Libiæ q; est caput Ceretaniæ, simili ordine properātes ingressi sumus quoniā Iacintus ipse cū Arangisclo in vna cōcordantes perfidia post Pauli perfidi, vendicabant. Sed q̄a idē Iacintus idē castrum Libiæ vindicare nō potuit, nec ipse Deo fautore manus nostros euasit. Quorū omnium cōprehensionem, siue ingressum nostrum Gallie, cū idem Paulus perfidus per fugā Francorū, quos ad vindicādas clausuras direxerāt cōperisset, relicta & ipse ciuitate Narbona fugæ se præsidio dedit: relictis ibi etiā conseruatorib. ciuitatis ipsius, scil. Ramirū pseudoepiscopū, Victimirū, Argemundū, & Galtritionē Primiceriū. Qui etiā Ramirus viso exercitu antequā ciuitas ipsa expugnaretur petiit fugā. Sed mox in Beterrēsi territorio cōprehensus nostras nō effugit manus. Vnde cū p̄dictos Victimirū & Argemundū Laicos siue Galtritionē, Primiceriū Narbonā vindicātes, &

contra nos acriter dimicantes cepissemus, Agatēsem ciuitatem imperio gloriosi domini nostri subegimus, cōprehendentes in ea Vilesmundum Episcopū & Arangiscum & Ranosindū Germanum Vilesmundi episcopi. Post hæc cum diuino iudicio adiuuante ad expugnandā Magalonēsem ciuitatem accederemus, cum duob. exercitibus, nauali, scilicet & terrestri, Gumildus episcopus statim eandem ciuitatē reliquit, & fugam petens Nemausum se cum Paulo perfido contulit. Cumq; hanc ipsam Magalonēsem ciuitatem defensoresq; eius gloriosius cepissemus, statim vsq; in Nemausum post prædictum Paulum sociosq; suos pugnaturi peruenimus. Ibi se idem Paulus, non solum suorum perfidorum fretus audacia, sed etiam Francorum munitus auxilio, ad dimicandum contulerat. Quo in loco instantissime pugnans, & in perfidiæ temeritate perdurās, tandem diuinis iudiciis nostrisq; armis eadem ciuitate irrupta victus captusq; est Paulus. Eius & socios cōmemorare necesse est, quos & pugnantes contra nos in eadē ciuitate dure pertulimus, & qui tandiu eius perfidiæ instantissime adhæserunt, quādiu cū ipso nefandissimo caperentur, id est Gumildus episcopus, Friuscus, Frodarius, Vuitimirus, Ranemūdus, Adosindus, Adulfus, Maximus & Gotila, excepta vulgi multitudine Francorum vel Saxonum, quæ in eadem ciuitate cōprehensa est. Hic igitur sceleratissimus Paulus dum cōuocatis adunatisq; omnib. ibidem seniorib. cunctis & palatii Gardingis omnib. omniq; palatino officio seu etiā adstante exercitu vniuerso in conspectu Regis gloriosi nostri Domini ē prædictis sociis suis iudicandus assisteret, sic prædictus princeps super præmissa coniurationis interpositione eum allocutus est dicens: Adiuro te per nomen Omnipotentis Dei, vt in hoc conuentu fratrum nostrorum contendas mecū iudicio: si aut te in aliquo læsi aut occasione cuiuslibet malitiæ tibi malum nutriui, per q̄ excitatus hanc tyrānidem sumens huius regni apicē suscipere attentares. Mox idem nefandissimus Paulus voce clara testatus est dicens: Per Deum quia neq; à gloria vestra sensi me esse læsum, neq; à vobis mali aliquid pertuli, sed tantum boni in me impartiri iussit clementia vestra, q̄ percipere nullatenus merui. Ego tamē Diaboli instinctu prouocatus id feci. Similiter iam dicti socii sui quesiti sunt, & omnes similiter responderunt: vnde prolata sunt conditiones vbi spontanea promissione in electione gloriosi Domini nostri Bambē Regis ipse nefandissimus Paulus cum sociis suis vna pariter nobiscum consenserunt, & inuiolabiliter se illi & patriæ fidem obseruatuos esse sub diuini numinis sponcione testati sunt, quas etiam sponciones manus suæ subscriptionib. notauerunt. Quibus conditionibus perlectis, quas ipsi maligne rescuerant, ad confusionem perfidiæ ipsorum subscriptio manus eorum in ipsis conditionibus eis aspicienda ostēditur. Post hæc aliæ conditiones ad quas ipse perfidus Paulus populum sibi iurare fecerat, relectæ sunt. In quib. iste impietatis, & crudelitatis ordo seruatus est, vbi ipsi Paulo omnes socii sui sub isto ordine iurauerūt, vt & fideles illi essent, & vnanimes cū eodem contra gloriosum dominum nostrum Regem Bambanem pugnarent, atq; in deiectionem eius vel periculum vsq; ad effusionē sanguinis dimicaret; vel contra eos qui eundem Regem defendere voluissent. Infaustum iam dictum Regē gloriosum Bābanem (vt præmissum est) in ipsis conditionib. temerarie reperitur scriptum. His excursis atq; perfectis Canonum est prolata sententia ex Concilio Toletano qualiter debeāt puniri huiusmodi transgressores. Regnantes post hæc Domino nostro Bābane cclxx. naues Sarracenorum Hispaniæ littus aggressæ occurrentib. eius exercitib. omnes ibi deletæ sunt & ignib. concremata. Hic gloriosus Rex ad confirmationem catholici veritatis Synoda Toletana agere ordinauit sapius, vt in canonica sententia clarissime declaratur. Et quia præpediente malignitatis auctore, qui ad bonorum discordia semper tendit, tempore bonæ memoriæ Chindasuindi Regis, ex Græcia venit vir quidā nomine Ardebastus Græcorum genere nobilis, qui ab Imperatore suo expulsus in Hispania est aduectus, quem Chindasuindus Rex magnifice suscepit, & ei in coniugio cōsobrinam suam dedit. Ex quo coniugio natus est filius nomine Eruigius, qui cum esset in palatio Regis nutritus & honore Comitum sublimatus, elatus superbia callide aduersus Regem Bambanem excogitauit, & potionem lethiferam dedit ei, ex qua Rex officium memoriæ perdidit. Cumq; episcopus ciuitatis suæ, & optimates palatii qui erāt fideles Regi & eis potionis causa latebat, vidissent Regem iacentē absq; memoria, causa pietatis, commoti poenitentiam volentes illi perficere, vnctionem sancti olei & communionē Christi corporis obtulerunt. Sed factum est vt Rex à potione liberatus cū persensisset quod illi extremæ vnctionis episcopus peregerit sacramentum, ad monasteriū perrexit, ibiq; quādiu vixit, in religione permansit. Regnum feliciter rexit annis decem, & in monasterio vixit annis duodecim. Morte propria decessit.

Era **DECCXIII.** dictus Eruigius regnum obtinuit, quod causa quia erat consanguineus Chindasuindi tyrānide sumpsit. Hic synoda multa cum episcopis apud Toletum egit, leges quæ à prædecessoribus suis editæ fuerant ex parte corrupit, & ex parte corripuit, & ab Isidoro Hispalensi episcopo Hispaniarum primate traditas ex nomine suo annotare præcepit, vel antiquas vocauit, ne nomine ecclesiæ forum iudiciale agi videretur. & Romani Pontificis assensu statuit, vt nullus archiepiscopus Hispaniarum subderetur alicui primati nisi Romano. Tamen pius & modestus erga subditos fuit, & filiā suam nomine †Casilonem magno viro Egicæ consobrino Bambæ in coniugem dedit. *Cixilonam*
Regnavit annis octo, finiuit Toleti.

- 10** Era **DCCXXI.** Egica gener Eruigii regnum accepit. Sapiens quidem & patiens fuit, synoda generalia egit, gentes multas intra Hispanias rebellantes perdomuit. Cum Francis ter bellum gessit: sed nullum triumphum habuit, nec quidem victus fuit. Cum autem confirmatus esset in regno, auunculus eius Rex Bamba ei præcepit, vt coniugem dimitteret, eo quod pater eius Eruigius eum callide expulisset à regno. Ille quidem iussa compleuit, sed filium nomine Vuitizam habuit ex ea quem idem Rex participem in regno fecit, & in ciuitate Tudensi habitare præcepit, vt ipse pater teneret regnum Gotthorum & filius Sueuorum. Hic Vuitiza Fasilam ducem filium Chindasuindi Regis, quæ Egica Rex illuc cū filio direxerat, vxore Vuitizę instigāte in capite claua percussit: vnde idē Fasila postea ad mortē venit, & in villa quæ est iuxta flumen Vrbicum quam
20 duodecim manus appellant, & alii nunc Palatiū vocant, sepultus fuit. Rex vero Egica regnavit solus annis duodecim & postea cum filio annis quinque. Toleti vitam finiuit.

- Era **DCCXXXII.** Vuitiza regnum patris eo viuentē obtinuit. Ille quidem probrosus & flagitiosus fuit, & multa nefanda & horribilia flagitia per Hispanias seminauit, & ad voluptates carnis soluto impudiciæ freno se fornicationibus multis contulit, & gentem Gotthorum ad lasciuiam luxuriam & superbiam inclinauit. Namque postposita omni religione diuina spretisque animarum medicamentis, cupiditas alienas res inuadendi, rapiendi & luxuriandi exercitus Gotthorum inuasit. Sed episcopi & ecclesiæ minister aspernabantur ecclesiastica officia: pro nihilo habebant synodalia, clausis foribus ecclesiarum, despiciabantur ecclesiastica sacramenta. Despiciuntur sancti patris Isidori instituta, deiiciuntur concilia, sacri canones dissoluuntur, & quidquid honestatis est extirpatur. Et ne aduersus eum insurgeret sancta ecclesia, episcopis presbyteris, diaconibus, & cæteris ecclesiæ Christi ministris carnales vxores lasciuus Rex habere præcepit, & ne obedirent Romano Pontifici sub mortis interminatione prohibuit. Istud quidem causa pereundi Hispaniæ fuit sicut scriptum est, abundabit iniquitas, & refrigescet charitas multorum. Habuit præterea nefandus Vuitiza similiter plures vxores & concubinas, atque suis ducibus vt similiter agerent imperauit. Tota Gotthorum nobilitas in cōuiujs, libidinibus & vitijs versa, dominum ad iracundiam prouocauit, ita vt in illis impleretur quod dicitur. Impius cum venerit in profundum malorum contemnit, quod quia Reges & sacerdotes dominum dereliquerunt, cuncta
40 agmina Hispaniarum derelicta à domino perierunt. Itaq; Vuitiza datus est in reprobum sensum & muros cunctarum vrbium sui regni subuertit, ne possent sibi resistere ciues, & vt eos ad sua scelera facilius inclinaret. Muri tamen Toletanæ vrbis & Legionensis & Astoricensis integri remanserunt propter earundem reuerentiam ciuitatum. Succensus & malitiæ zelo Theudfredum Cordubensem ducē dolo cepit priuatūq; viroq; frontis lumine miserabiliter palpitare fecit. Fuit enim Theudfredus ex Gotthorum regali stirpe progenitus, scilicet, filius Chindasuindi Regis, quem pater in ætate reliquerat puerili. Cumq; ad ætatem venisset virilem, videns eū Egica Rex elegantem, & recogitans ne cum Gotthis surgeret contra ipsum, expulit eum à regno: qui veniens Cordubam sortitus est vxorem ex regali genere nomine Ricilonem: & ex ea natus est
50 ei filius nomine Rodericus, qui cum ad ætatem perfectā venisset vir bellator extitit, & Cordubæ palatium fortissimum fecit. Ne igitur Theudfredus Vuitizę posset resistere eum, vt dictū est, orbauit oculis. Præterea Pelagiū filiū supra dicti ducis Fasilæ Vuitiza capere voluit, vt similiter ipsum orbaret, sed Pelagius fugit, quia voluit dominus Hispaniæ subuenire per ipsum. Exulato etiā Iuliano Toletano episcopo intrusit filiū suū Oppam vt esset Archiepiscopus Hispalensis simul & Toletanus contra sacrorū canonum instituta. Addidit & Vuitiza iniquitatem super iniquitatē, & Iudæos ad Hispanias euocauit, atq; fractis ecclesiarū priuilegijs Iudæis immunitatum priuilegia dedit. Deus aut tantum facinus, tantamq; malitiam abhorrens hominum ruinam & subuersionē Hispaniarum populis intulit. Regnavit Vuitiza annis quindecim & morte propria Toleti decessit.

Era DCCXLVIII. Rodericus filius Theudefredi consilio magnatorum Gotthicae gentis in regnum successit ut belliger & durus & ad omne negotium expeditus, sed vita & moribus Vuitizæ non dissimilis. Hic anno regni sui tertio iniuriam patris vlcisci festinans duos filios Vuitizæ Farmarium & Expulsionem ab Hispaniis cum summo dedecore expulit. Qui ad Tingitanam prouinciam transfretantes Iuliano Comiti ipsius patriæ adhæserunt, quem Vuitiza Rex intra suos scutarios familiarem habuerat carissimum. Qui condolens expulsionem eorum & dedecori consilium iniit cum eis quatenus Sarracenos euocarent, & cum eis illatas sibi iniurias vindicarent. Ad hoc facinus peragendum incitabat Iulianum, quod Rodericus Rex filiam ipsius non per uxorem, sed eo quod sibi pulchra videbatur, utebatur pro concubina, quam pro uxore à patre acceperat. Erat hic Iulianus vir sagax & astutus, & callide incitauit Francos ut expugnant Hispaniam citeriorem. Finxit etiam se esse amicum Regis Roderici, & callide consuluit ut equos & arma ad Gallias mitteret & ad Africam: quia in interiori Hispania ipse regnabat securus, & non erat necesse ut haberent arma in patria quibus se mutuo interficerent. Tale tunc ad hoc Rodericus Rex dedit edictum, ut ubicumque arma inuenirentur vel equi fortissimi violenter dominis auferrentur, & in Africam vel in Gallias mitterentur. Fauebat huic prodicioni Oppa primas Hispalensis & Archiepiscopus Toletanus, quem pater eius Vuitiza duabus regalibus præfecerat ciuitatibus, ut per eum posset catholicæ fidei statum euertere. Igitur era septingentesima quinquagesima secunda Vlit fortissimus Rex barbarorum totius Africæ ducatu, Iuliani & filiorum Vuitizæ fretus auxilio, ut cognouit quod arma & equi non essent in Hispania & ciuitates essent absque muris Tharich Strabonem vnum ex ducib. exercitus suis cum viginti quinque millibus fortium pugnatorum ad Hispaniam præmisit, ut cognita Iuliani dubia fide bellum cum Hispaniæ Rege inciperet. Terreabant namque barbarum Regem laquei dolosi Tingitani Comitis si forte adessent, quippe qui ipsum habuerat semper infestum & fortem viribus & consilio sapientem expertus didicerat. Ceperunt nunc Sarraceni Hispalim & circuniacentes vrbes, quia eas absque murorum ambitu inuenerunt inermes. Rex autem Rodericus dum vidisset dolos Iuliani Comitis Tingitani & barbaros sensit adesse; collecto Gotthorum exercitu armatus ut potuit acer & fortis primo subiit pugnam, adeo ut per septem continuos dies infatigabiliter dimicans sexdecim millia & Tharich exercitu interficeret. Iulianus vero & duo filii Vuitizæ, qui erant in præsidio Maurorū, postquam Regem Rodericum in prima acie certare cernunt, Christianos milites pro mortuis Sarracenis & fauciis commutando barbaros viribus roborabant.

Sed postquam Iuliani fides per totam Africam declaratur, Muza exercitus Africani Regis princeps cum infinita multitudine equitum peditumque ad Hispaniam dirigitur. Deinde renouato bello turmas vnas post alias ad prælium barbarus augere cæpit. Porro Rex Rodericus more solito prælio intentus cæpit acrius instare, ac propensius in hostes ferire. Tandem vero instantibus barbaris Hispani milites ceperunt deficere atque per longitudinem belli fatigati, quisque hosti locum dare. Terribiliter Gotthi qui erant ex parte Comitis Iuliani irruebant super Hispanos & ad præliandum barbaros animabant. Rodericus autem ubi se à suis vidit destitui, per aliquot dies terga præbens paulatim pugnando ut credimus occubuit, sed non scimus certum interitum eius. Regnavit annis septem mensibus sex. Rudis tamen postea in ciuitate Viseo inuenta est lapidea sepultura, in qua epitaphium est superscriptum, scilicet, hic requiescit Rodericus Rex Gotthorum. Recesserat manus domini ab Hispania ob inueteratam Regum malitiam ne in tempore huius ruinæ eam protegeret. Omnes deinceps Gotthorum milites fusi fatigatiq; fere vsque ad internicionem gladio & inedia perierunt. Non solum modo infecutionibus barbarorum, verum etiam Francorum armis ex parte Galliarum consumpti sunt.

Post hæc Mauri viribus Gotthicis non obstantibus totam Hispaniam fere atque prouinciam Burdigalam & Pictauiam ferro, flamma, fame attritas suo dominio manciparunt. Legionensem vero ciuitatem quondam caput regni Sueuorum fame sibi subiugauerunt, multis Gallecorum in defensione ipsius vrbs viriliter obfistentibus hostili gladio trucidatis. Vrbs quoque Toletana multarum gentium victrix Ismaelitæ triumphis victa succubuit per prodicionem Iudæorum, quia fortior & rebellior fuerat. Nam dum Christiani in die ramis palmarum ad ecclesiam sanctæ Leocadiæ extra urbem regiam ob reuerentiam tantæ solemnitatis ad audiendum verbum Domini cōuenissent, Iudæi qui prodicionis signum dederant Sarracenis, Christianis claudentes portas Sarracenis

racenis aperuerunt. Ideo fidelis Toletanus populus inermis inuentus extra urbem gladio deletus est. Post hæc Sarraceni præfectos per omnes prouincias Hispaniæ posuerunt, & plurib. annis Babylonico Soldano persoluerunt tributa quousque sibi Regem nomine Luzam elegerunt, & Cordubam urbem patriam regnumque sibi firmaverunt. Hispaniam siquidem absque murorum ambitu reperientes & sine Deo vero Domino Iesu Christo quem reliquerunt Gotthi concubinali luxuriæ & sacrilegio se tradentes in paucis annis vastauerunt, & victricem gentem prostrauerunt, quã præterita secula valde pertimuerunt. Tamen residui Gotthi in arduis montium Pyrenæorum, Asturiarum & Galleciæ se recludentes qualitercumq; euaserunt, Sarracenis quæque plana & meliora gladio vindice obtinentibus, & in ecclesiis quibus laudabatur nomen Christi Mahometi nomen prophanum voce publica † proclamantes. Euer-^{proclamantibus.} terunt præterea ciuitatum antiquarum mœnia: diruerunt quædam quæ Rex Rodericus innouauerat castra. Destruxerunt monasteria, sacræ legis libros ignis incendio tradiderunt, & multa perpetrarunt enormia, quia gens gloriosa Gotthorum ignominiose præcepta domini dereliquit.

LIBER QVARTVS.

20



OST tantam igitur Hispaniarum ruinam operæpretium est referre qualiter diuina pietas suos quos percutit sanat. Etenim ex rediuiua radice virgultum Gotthorum gentis cœpit resumptis virib. pullulare dum Sanctorum Patrum quærerent regulas quibus possent placere Deo, quas sacerdotes & Reges Hispaniæ sequentes suæ carnis desideria reliquerunt, & ideo perierunt. Eodem tempore in ciuitate Asturiensi nomine Gegione præfectus erat Muza confors Tharich, quia iam Sarraceni ardua montium occupabant. Ipso Muza præfecturam agente Pelagius filius suprafacti ducis Fasilæ Spatarius Regis Roderici dominatione Ismaelitarum oppressus cum propria sorore Asturias est ingressus. Muza vero videns sororem illius pulchram accensus libidine dolore quasi legationis causa Pelagium Cordubam misit, & eo absente sororem ipsius vi sibi sociauit. Sed Pelagius vt erat vir fortis & catholicus postquam rediit, nullatenus consensit in illicito matrimonio. Sed cum omni animositate, quod iam diu cogitauerat, de saluatione ecclesiæ Christi agere festinauit. Erat rumor per totam illam regionem quod vellet debellare Ismaelitas cum Christianis qui remanserant per môtana. Quod cum nunciatum fuisset nefandissimo Tarich commotus ira centum milites direxit ad præfectum Muza, qui Pelagiũ comprehenderent & Cordubam ferro vinctum perducerent. Qui dum ad Asturias peruenissent, volentes eum fraudulenter comprehendere in vico cui nomen est Brete, per

40

50

quendam amicum manifestatum est Pelagio consilium Chaldæorum. Sed quia Sarracenis non poterat ad præsens resistere cursu rapidissimo ad ripã fluminis Pionix venit & ad aliam ripam natando se transtulit & montem ascendit. Est enim vallis cui nomen est Cangas. Super quam mons magnus ille Affeua videtur eminere; ad cuius radices montis rupis quædam diuino artificio opere munita in immensum tendens claudit speculam ab omni hostium machinamento securam ex qua egreditur flumen Enna. Cum enim medio stans concaua ferme mille viros capiat ad protegendum quos recipit, nullo fere obstaculo indiget. Ad quã Pelagius Regis Roderici Spatarius qui fugiẽs oppressionem Maurorũ in locis vagabatur incertis, dũ peruenit, diuino fretus oraculo cum quibusdã Gotthorũ militib. ad expugnãdos barbaros à domino corroboratus est. Omnes Astures in vnũ collecti Pelagium super se principẽ erexerunt. Ceterum de robore loci & facto Pelagii vbi rumor egreditur barbarorũ aures promulgãdo apertius; Cordubam reuersi milites Sarraceni Regi suo omnia referunt, scilicet, Pelagium de quo Muza suggestionẽ fecerat, manifestũ esse rebellẽ. Quod Rex Tharich, vt audiuit, cõmotus vãsaniam immensum Ismaelitarũ exercitum vndiq; cõglomerat, atq; Alcamanem socium suum ducem super eum constituens, Oppam quoq; Toletanũ episcopum Vuitizani Regis filium, qui iam se barbaris dederat, ob cuius fraudem Gotthi perierũt, ad capiendum Pelagium cum eis direxit: quia Christianorum primas & episcopus fuerat, & fortassis posset eum decipere. Alcaman ab imperãte præceptum acceperat, quod si Pelagius monitis Toletani episcopi obsecundare nollit, fortitudine prælii captus Cordubam vinctus catenis perduceretur.

Venientes itaque Alcamam & Oppa cum octuaginta millibus equitum & pedum fundibali mque, Asturias ingressi sunt. Sed postquam ad beatam speluncam ventum fuerat, & circuncirca densa barbarorum fingerentur tentoria. Primo quasi Christianorum infortunio condolendo Oppa verbis quasi pacificis in dolo Pelagium tentare aggreditur, quatenus postposita recuperandæ patriæ cura se omnemq; voluntatem suam sicuti Deus permittit fieri in Chaldæorum traderet potestatem. Addit etiam magnis eum honoribus sublimari si monitis eius præbere assensum non differat. At Pelagius à bono proposito animum reuocare abhorrens præ nimio dolore motus in ira fertur talia respondisse. Tu inquit, & fratres tui cum Iuliano Sathanæ ministro regnum Gotthicæ gentis subuertistis, & Christi ecclesiam deiecistis, & propter scelera patris tui Vuitizæ, qui peccare coegit gloriosam gentem Gotthorū, reliquit dominus ecclesiam suam; & quia Deo facile est saluare siue in paucis siue in multis, nos de misericordia Domini confidentes conuertimur ad Dominum Deum nostrum, ut fidem Catholicam conseruemus quam vos spreuistis & pater vester. Est enim ecclesia Dei sicut Luna, quæ aliquando valde diminuta & iterum reuertitur ad plenitudinem primam. Ecce in ista coua hodie inclusa est maxima pars militiæ Gotthorum, sed egredietur ex illa dante domino semen quo genus Gotthicum & ecclesia Christi in tota Hispania restauretur, quod quia aduocatum habemus apud Deum Patrem Dominum nostrum Iesum Christum totam spem nostram ponentes in eo hanc multitudinem paganorum, quibus ducatum præbes, despiciamus. Confidimus enim per intercessionem gloriosæ Virginis Mariæ genitricis eiusdem Domini nostri Iesu Christi saluari, & ipsa adiuuante, quæ mater misericordiarum est, gentem Gotthorum de paucis quæ sunt in ista spelunca restaurari, sicut ex paucis granis infinitæ segetes germinantur. Quibus dictis Pelagius, & qui cum eo erant tanto hoste perterriti incluserunt in spelunca beatæ Mariæ suffragia expetentes, cuius ibidem memoria veneratur, & pro recuperatione Christianorum orationibus insistebant.

Videns autem Oppa confidentiam quam Pelagius in domino posuerat, conuersus ad Ismaelitas dixit: Properate ad speluncam, & pugnate fortiter, quia ut ex verbis eius comperi nisi per gladium pacem cum eo habere non possumus. Alcamam illico fundibalis, sagittariis, & vibrantibus iacula portam speluncæ ferire præcepit. Tunc cerne res saxa intermissis iaculis sicut densissimas pluuias euolare contra beatam speluncam, sed in hoc turbine iaculorum & lapidum qualiter diuina manus quæ percutit & sanat, pro Christianis pugnaverit, ex eo potest aduertri, quod lapides & iacula à Sarracenis emissa contra eos retorquebantur, & maximam Sarracenorum multitudinem prostrauerunt. Barbari autem ubi non solum ad peragendum negocium quod volebant se nihil proficere, sed maximam suorum partem vident prostratam armis suis, confusi turbatique retrocedendo speluncam oppugnare destiterunt. At Pelagius Dei gratia & fortitudine roboratus dum tantam multitudinem hostium prostratam aspiciere, reliquos qui supererant Sarracenos egressus de spelunca cum suis stricto ense inuadit. Ibi que statim Oppa captus est, & Alcamam cum viginti millibus Sarracenorum interfectus. Sed neq; sexaginta millia quæ remanserant domini vindictam euadere potuerunt. Siquidem dum per verticem montis Asseuæ fugam arriperent, atque per concaua petrarum, & deuia loca ad Leuanam venire vellent, quoddam supercilium montis dum graderentur secus flumen deuia à fundamento corruēs in eodem flumine, diuino nutu oppressit eos. Vnde cum idem flumen inundatione aquarum proprium alueum excedit, multa ex eis signa armorum & ossium euidenter ostendit. Vere Deus impleuit tunc cum seruis suis illud quod Apostolus dicit, Fidelis, inquit, Deus, qui non patietur vos tentari supra id quod potestis, sed faciet cum tentatione, & prouentum ut possitis sustinere. Tam gloriose egit dominus tunc cum populo Christiano, ut nec in populo Israelitico cum Deus cum paucis de multis dedit sepius triumphare, talis victoria inueniatur.

Eo tempore erat in Gegione Asturiarum maritima ciuitate præfectus quidā Maurus nomine Muza, qui cum Tharich, ut superius dictū est, Roderico Regi Gotthorum bellum indixerat. Hic postquam tantam barbarorum stragem audiuit timore perterritus relicta ciuitate Gegione fugam petiit. Sed ab Asturibus interceptus in quodam vico, qui dicitur Olalies, cum suis interfectus est. Maurorum autem Rex, ubi se vidit frustratum spe sua & quos ad expugnandum Pelagium misit, didicit interfectos, Iulianum Comitem, & duos filios Vuitizæ, huius rei dolose conscios autumans fecit eorundem capita amputari. Cæterum Gotthorum gens velut à somno surgens capit

patrum

patrum ordinem paulatim requirere, & consuetudines antiquorum iurium obseruare, in bello sequi signa, in regno legitimum seruare imperium, in pace fundare ecclesias, & studio deuotissimo exornare. Primo & principaliter Deum qui eis paucissimis de multitudine hostium dederat triumphare, collaudabant toto mentis affectu. Conueniebant ad eos omnes Gotthi qui dispersi erant per Gallias, & per cæteras regiones & Chaldaeos in manu valida expugnabant. Eo tempore Adefonsus catholicus Petri Cantabriensis ducis filius, qui fortiter rebellionem parauerat Sarracenis, Hermesendâ Pelagii Regis filiam accepit in coniugem. Vixit quoq; Pelagius in regno annis decem & octo & morte propria in Cangas vitam finiuit.

10 Era DCCLXXIII. Fasila filius Regis Pelagii in regnum successit. Basilicam in honore sanctæ crucis opere miro construxit. Quadam occasione leuitatis à quodam vrfio interfectus est, quia voluit cum eo propriis viribus decertare. Regnavit annis duobus.

Era DCCLXXVI. Adefonsus catholicus ab vniuerso populo Gotthorum in Regem eligitur. Fuerat namque Petrus ex Reccaredi serenissimi Gotthorum principis progenie ortus, qui debitum carnis exsoluens duos filios supradictum Adefonsum, scilicet, & Froylam reliquit. Sed Adefonsus cum quo Pelagii filia nupserat vix mortuo Fasila in Regem constituitur. Exercitum cum Froyla contra Tarracenos sæpius mouens quam plurimas à barbaris ciuitates oppressas bellando cepit, id est, Lucum, Tudam, 20 Portugalem, Anegiam, Braccaram, Viseum, Flauias, Letesimam, Salmaticam, Numan-tiam, quæ nunc est Zamora, Abelam, Astoricam, Legionem, Septimancas, Saldaniam, Amaiam, Secobiam, Oxomam, Septempuluicâ, Arganzam, Cluniam, Mauc, Aucam, Mirandam, Reuendecam, Carbonariam, Aluegiam, Cinisariam, & Alsanco. Cepit etiam castra cum terminis suis, id est, Primorias, Trasmieram, Suportam, Carnizâ, Barduliam, quæ nunc est Castella, & maritima Galleciæ, Alauam, Bizcayam, Aiconem, Orduniam, Pampiloniam & Beroziam. Omnes quoque Arabes gladio interficiens Christianos qui detinebantur captiui secum ad patriam duxit. Eo quoque tempore populauit Asturias & Leuanam & totam Castellam, Alauam & Bizcayam, & Pampiloniam. Alias autem ciuitates vastauit, quia illas non potuit populare. Humilis Rex 30 fuit, & hominibus amabilis extitit, ecclesias nefando Mahometis nomine remoto in nomine Christi consecrare fecit. Episcopos vnicuique ciuitatum quas potuit capere & retinere præposuit secundum traditionem sacrorum canonum, atque ecclesias auro, argento, lapidibus pretiosis ac sacræ legis libris studuit decorare. Habuit filios ex Hermesenda filia Pelagii Regis idem, Froylanum Vimaranû, qui fuit pater Veremundi Regis diaconi & Adosindam. Mauregatum, post hæc habuit filium, qui fuit natus de ancilla quadam de Caso pulchra nimis post mortem Hermesendæ Reginae. Post multa vero quæ supra feliciter successerunt obiit, & voces in eius obitu auditæ fuerunt in aere laudantium Deum & dicentium. Ecce quomodo tollitur iustus & nemo considerat; ablatum est à facie iniquitatis, & erit in pace memoria eius. Regnavit annis de- 40 cem & nouem, & sepultus est vna cum vxore sua Hermesenda in territorio Cangas in ecclesia sanctæ Mariæ.

Era DCCLXXXV. filius eius Froylanus regnavit pro eo. Iste episcopatum in Ouetum transtulit à Lucensi ciuitate, quæ in Asturiis à Vandalis ædificata fuerat. Perquisiuit etiam diligenter sacros ecclesiæ Christi canones, & prohibuit ne ministri ecclesiæ carnalia matrimonia vltius sortirentur: sed in suis ordinibus secundum quod institutum est à sanctis patribus absque sceminarum manifesto coniugio ministrarent. Pro qua re quamquam in quibusdam aliis austerus fuit, quia magnum Deo exhibuit famulatum, & diuina virtus de inimicis multoties dedit triumphum. Siquidem Cordubensis barbarus Rex cum fines prouinciæ Galleciæ deuastaret, & cum manu militum ar- 50 matorum obuius processit, confertoq; prælio quinquaginta millia Sarracenorum interfecit. Nec non & ducem eorum nomine Haumarinum capiens cum captiuis multis aliis trucidauit, superauit & Galleciæ populum aduersus suum imperium rebellantem. Domuit quoque Nauarros sibi rebellantes, ex quibus scilicet ex regali stēmate nomine Moniam duxit vxorem ex qua genuit filium nomine Adefonsum. Fratrem suum Nimiranem ob zelum regni innocuum interfecit. Veremundum filium eius sibi adoptauit, & ipse à suis ob vindictam fratris in Cangas interfectus est. Erat enim Vimaranus valde pulcher & miles strenuus, qui propter bonitatem suam ab omnibus amabatur. Regnavit annis duodecim, & sepultus est Oueti vna cum vxore sua Munina, quam duxerat è Vasconia.

Era dcccvii. Aurelius patruus eius successit in regnum. Cuius tempore seruilis origo contra proprios dominos tyrannidem sumpsit. Sed Regis industria superati seruituti pristinae sunt redditae. Prælia cum Chaldaeis nunquam gessit, sed pacem cum eis firmavit, & quasdam Christianas nobiles mulieres Sarracenae permixtas in coniugio copulari. Suo tempore Silo de genere Regum Adosindam Froylæ Regis sororem conjugem accepit: per quam postea regnum obtinuit. Aurelius autem anno regni sui sexto vitam finivit & sepultus est in Cangas.

Era dcccxiii. Silus regnum adeptus est, & cum Ismaelitis pacem firmavit. Galliciam rebellantem in monte Ciperio superavit. Dum iste regnaret, Adefonsus Regis Froylæ filius causa dilectionis Adosindæ Reginae vices Regis supplebat in regno, quia Silus carebat filiis ex coniuge. Hic anno regni sui octavo vitam finivit, & sepultus est una cum uxore sua Adosinda in ecclesia sancti Ioannis Apostoli & Euangelistæ, quam ipse construxit.

Era dcccxxi. Adefonsus in solio patrio in Regem constituitur. Mauregatus autem patruus eius ex ancilla natus cum exercitu Sarracenorum venit, & eum de regno expulit. Adefonsus vero fugiens Alauam petiit, ad propinquosque matris suæ Muninæ se contulit. Et quia Mauregatus erat affabilis & benignus regnum quod inuasit quinque annis vendicauit. Multas nobiles puellas & etiam ignobiles ex conditione Sarracenae matrimonio dedit cum eis habens pacem. Post hæc mortuus est & sepultus in Prauia.

Era dcccxxvi. Veremundus Diaconus filius Nimarani in Regem eligitur. Qui Veremundus vir magnanimus fuit duobus annis regnavit & regnum sponte dimisit reminiscens ordinem Diaconi supra se olim impositum, & Adefonsum quem Mauregatus à regno expulerat scilicet, successorem in regno constituit, & cum eo abis quatuor annis & mensibus sex carissime vixit & in pace vitam finivit & sepultus est una cum uxore sua Nunilo Regina Oueti relictis ex ea filiis paruulis Ramiro & Garfia.

Era dcccxxviii. Adefonsus castus & pius filius Froylani Regis regnum suscepit, multis virtutibus emicuit, solium suum pulchro & forti opere Oueti firmavit, templum Saluatoris nostri ibidem fabricauit aulamque sanctæ Mariæ iuxta ipsum templum ædificauit. Basilicam quoque sancti Tyrsi pulchro ædificio fieri fecit, omnesque has domini domos cum arcubus lapideis atque columnis marmoreis auro argentoque ornauit. Palatium regale Oueti fecit, quod picturis variis decorauit, omnem Gotthorum ordinem sicuti Toletum fuerat tam in ecclesia quam in palatio Oueti fieri ordinauit. Cum esset omnino castus & pius & catholicus arcam quam Pelagius Rex à Toletum detulerat in Asturias diuersorum sanctorum reliquiis plenam Ouetum detulit. Ædificauit & altare meridianum in vltima parte ecclesiæ sancti Saluatoris, unde ascensio fit per gradus ad honorem sancti Michaelis Archangeli: ubi transtulit gloriosissimam arcam cum multis aliis sanctorum reliquiis propter loci tuitionem & securitatem. Hoc factum credens esse ad firmitatem sui regni & salutem totius populi Christiani. Concurrent ad pia sanctorum suffragia ex multis partibus fideles vota cum deuotione ferentes, & auctoritate apostolica tertiæ partis suæ poenitentiae indulgentiam consequentes. Quæ nimirum arca gentili terrore comminante tempore Mahometi pseudoprophetae ab Hierosolymis nauigio Hispalim est delata. Deinde per annos nonaginta quinque Toleti permansit. Rursus cum à Mauris Toletum opprimeretur arcam Dei Pelagius rapuit, & per abdita loca ad Asturias duxit, quam Rex Adefonsus ut dictum est in ecclesia Ouetensi honorifice cum multis aliorum sanctorum reliquiis collocauit.

Iulianus quoque quondam Archiepiscopus Toletanus qui à nefario Vuitiza Rege ab Archiepiscopali dignitate fuit expulsus, cum prædicta arca venit, & Oueti quiescit. Decoratur etiam dicta Ouetensis ecclesia angelici miraculi nouitate. Dum ei quadam die Rex Adefonsus haberet casu coram se pondus auri splendidissimum & quosdam lapides pretiosos, cogitare cepit intra se, quomodo ad opus dominici altaris inde crux fieri posset. In eadem sancta deuotione Rege existente cum post auditam Missam à templo nostri Saluatoris regale palatium peteret, obuios habuit duos angelos in figura peregrinorum, qui se aurifices esse dixerunt.

Rex

Rex autem Adefonsus illico tradidit eis aurum, & lapides, & iussit illis dare domum in qua possent sine impedimento hominum operari. Sed Rex dum pranderet ad se reuersus quibus personis dederit aurum inquit, & statim vnum post alium legatum misit, vt viderent quod ignoti aurifices agerent. Iam ministri domini fabricæ accedebāt, cum subito tanta lux intra domum resplenduit, vt non possent eam oculi humani aspicere præ nimia claritate. Quod cum nunciatum Regi fuisset cito occurrit ad domum, & crucem solam sine aurificibus reperit, quæ totam domum sicut sol irradiabat. Rex autem accipiens benedictam crucem conuocato omni clero cum laudibus & hymnis Deo gratias agens eandem similiter in altari sancti Saluatoris reuerenter posuit. ad augmentum etiam suæ felicitatis à reuerendo patre Leone tertio Romano antistite impetrarunt, vt Quetenensis ecclesia Archiepiscopali dignitate dictaretur. Anno regni sui tertio exercitus Chaldaeorum Asturias ingressus est, qui in loco qui dicitur, Lutos ab eiusdem piissimi Regis militibus præuenti † nonaginta millia cū duce suo nomine Mu-^{viginti}zay ex eis prostrata sunt. Multa prælia cum Sarracenis habuit dum vixit: & semper victor extitit. Erat Regi soror nomine Xemena; quam Sanctius Comes iam adamauit & ex ea filium genuit nomine Bernaldum. Rex autem Adefonsus, vt factum comperit nimium iratus Comitem Sanctium in castro de luna sub iuramento perpetuo incarceravit, & sororem suam in ordine monastico trussit. Fecit tamē Bernaldum delicate nutrirī, quia eo quod non habebat filium illum tenerrime diligebat. Hic Bernaldus post-

20 quam ad adolescentiam venit tanto vixit robore, vt nullus miles tunc temporis posset ei viribus adæquari. Erat quidem statura magnus, vultu decorus, suauis eloquio, ingenio clarus, armis strenuus, & consilio prouidus. Per idem tempus Magnus Carolus Rex Franciæ & Imperator Romanus venerando senio decoratus, funesta truncatione Ismaeliticum populum trucidauit, & Burgundiam, Pictauiam, & Galliam vsq; ad montes Pyrenæos expulsis Sarracenis restituit cultui Christiano. Vnde transiectis etiam Roscidæ vallis montibus subdidit imperio suo Gotthos, & Hispanos, qui erant in Catalonia & in montibus Vasconiæ, & in Nauarra. Tunc Carolus scripsit Regi Adefonso vt sibi esset subditus & vasallus. Bernaldus autem hæc audiens ira commotus festinauit cum suis contra Carolum ferre auxilium Sarracenis. Carolus vero obsedit Tutelam,

30 quam breui cepisset, nisi proditione cuiusdam Galalonis sui palatii Comitis Tutela dimissa Naiaram petiisset. Qui postquam cepit Naiaram & montem Iardinum, & in Franciam redire disponderet. Marsil Rex barbarorum, qui præerat Cæsaraugustæ ciuitati, euocatis innumerabilibus millibus Sarracenorum, & prædicto Bernaldo atque quibusdam Nauarris secum associatis, & cum Francis inito bello Rodlandus Britannicus præfectus, Anselmus Comes, Egiardus mensæ Caroli præpositus cum aliis multis nobilibus Francis exigentibus peccatis nostrorum occisi sunt. Transierat iam quidem Carolus in primo suorum agmine Alpes Roscidæuallis dimissa in posteriore parte exercitus manu robustorum ob custodiam, qui Bernaldo (postposito Dei timore) super eos cum Sarracenis acerrime incursante interfecti sunt. Sed iterum Christianissimus

40 Carolus exercitu reparato hoc factum triumphali victoria viriliter vindicauit ex Sarracenorum nobilibus innumerabilem extinguens multitudinem. Limina etiam beati Iacobi cum per deuia Alauæ veniens Christianissimus Carolus gratia visitaret orandi, saniori eius consilio Rex Adefonsus Iriam ciuitatem destruxit, & sancti Iacobi Apostoli ecclesiam quam ipse construxerat reuerendi patris Leonis tertii Romani pontificis assensu Metropolitano sublimauit honore, atque vt secundum sancti patris Isidori viuerent tam Iacobitani quam omnis Hispaniæ clerus statuit, vt hoc esset Hispaniæ subleuatio cuius neglectus extiterat ei causa deiectionis. Carolus autem reuertens in Hispaniam secum eum honore magno Bernaldum detulit, & vitæ termino feliciter consummato ad Aquisgranū in domino obdormiuit: vbi condigno quiescit honore.

50 Bernaldus vero inter Romanos & Germanos atque Gallos se gloriose gessit, & sub imperatoribus scilicet Lodoico & Lotario contra hostes Imperii Romani fortiter dimicauit.

Anno regni Regis Adefonsi quadragesimo septimo cum fama suæ bonitatis apud Christianos & barbaros vbique terrarum diuulgaretur, venit ad eum quidā Mauritanus nomine Machometh, qui aduersus Abderramam Regem Maurorum maximum arma sumpsit, & eius deprædatus est prouincias, & exercitum sæpe prostrauit. Cumque in patria habitare nequireret, Regem Adefonsum precibus petiit promittens se illi seruare fidem. quem Rex Adefonsus benigne suscipiens cum omni exercitu suo eum in finibus Galleciæ habitare iussit. Post annos autem duos Machometh superbia

eleuatus contra Regem conspirare præsumpsit, atque aggregatis Maurorum copiis validissimis cepit totam Galleciam hostiliter deuastare. Huius rei accepto nuncio Rex Adefonsus grauiter commotus collecto exercitu Galleciam intrat. Tamen barbarus quamuis in suorum numerositate confideret impetum exercitus Regis formidans in quodam castro cui nomen est sancta Christina se cum suis recepit. Sed Rex eum à tergo perurgens circundedit militibus castrum. Milites autem statim muros irrupentes primo impetu ipsum Machumeth confodiunt, caputque eius abscissum ad Regis præsentiam deferunt. In cæteros etiam consurgentes quinquaginta millia barbarorum trucidarunt. Rex autem cum magno captiuorum pecuniarumque numero Ouetum reuersus est. Duxerat vxorem nomine Bertam sororem Caroli Regis Francorum: quam quia nunquam vidit & abstinuit à luxuria Rex castus vocatus est. Quinquaginta duobus annis regnauit feliciter, quamuis vndecim annis antequam solus regnare cepit tempore Regum scilicet Sili & Mauregati & Veremundi Rex vocaretur. Sed antequam moreretur Ramirum filium Veremundi Regis diaconi sibi regni successorem elegit: & in senectute bona mortuus est & Oueti in ecclesia sanctæ Mariæ feliciter tumulatus.

Era DCCCLXXX Ramirus regnare cepit. Eo tempore absens erat à propria sede, quia in Barduliam, quæ nunc Castella dicitur, perrexerat ad accipiendam vxorem, & cum Rex Adefonsus decessisset Nepotianus quidam palatii Comes tyrannidem sumpsit. Quod factum Ramirus vt comperit venit Galleciam, & apud ciuitatem Lucensem exercitum congregauit. Deinde animosus Asturias ingressus iuxta Narceam fluuium armatorum equitum peditumque Nepotiani multitudinem aggreditur bello. In ipso autem primo congressu Nepotianus destitutus à suis in fugam conuersus est. Quem duo comites Scipio scilicet & Somna insequentes apud Pianoniam ceperunt & oculis orbauerunt. Rex autem Ramirus fecit eum in ordine monastico dum vixit misericorditer sustentari. Iustus & strenuus fuit Rex Ramirus in regno. Qui cum regnare cepisset miserunt ad eum Sarraceni quod daret illis annuatim quinquaginta puellas nobiles quas sibi matrimonio copularent, & quinquaginta de plebe quæ ad solatiū essent illis, sicut olim fecerat Rex Mauregatus. Rex autem Ramirus cum hæc audisset iratus est valde propter stuprum & sacrilegium puellarum, & congregato exercitu magno terram Maurorum hostiliter intrauit; & cuncta quæ in agrestibus villis & in agris reperit vsque Naiaram ferro & flamma vastauit. Sarraceni vero in multitudine valida congregati ei bellum intulerunt in loco qui vocatur Aluella. Exercitus autem Regis Ramiri paulatim cepit terga præbere vsuque dum peruenerunt in collem qui Catuldum vocatur. Clausit nox obscurissima diem: & in vna mola omnes Christiani congregati sunt totam noctem in lachrymis & in orationibus peragentes. Rex autem Ramirus aliquantulum dormire cepit, & apparens ei beatus Iacobus Apostolus ait illi: Dominus noster Iesus Christus alias prouincias aliis fratribus nostris Apostolis distribuens totam Hispaniam meæ tutelæ deputauit, atque mea muniuit protectione. Post hæc Apostolus manu sua manum Regis astringens dixit illi. Confortare & esto robustus. Ego enim sum Iacobus Apostolus Christi & venio in auxilium tibi, & superabis mane auxilio Dei Sarracenorum à quibus obsessus es hanc innumerabilem multitudinem. Multi tamen ex tuis quibus iam parata est æternarequies, sunt in isto prælio coronam martyrii suscepturi. Et ne dubites super hoc: videbitis me in equo albo deferentem maximum album vexillum. Summo igitur mane facta peccatorum vestrorum confessione & accepta corporis & sanguinis domini communionem, armata manu non dubitetis inuadere castra barbarorum nomen domini inuocantes & meum. Pro certo enim noueris eos in ore gladii ruituros. Quibus dictis Apostolus discessit. Rex autem Ramirus ad se reuersus vocatis episcopis, abbatibus & magistratibus, eis retulit visionem. Qui gratias agentes Deo fecerunt vt sibi fuerat præceptum, & bellum barbaris intulerunt. Beatus autem Iacobus apparuit sicut promiserat Christianos animando ad pugnam, & Sarracenos fortiter feriendo. Christiani autem vt viderunt beatum Iacobum in domino roborati ceperunt magnis vocibus, concidendo gladiis Sarracenos clamare dicentes: Adiua nos Deus & beate Iacobe. Tunc victi Sarraceni fugerunt & ceciderunt ex illis fere septuaginta millia. Tunc cepit Rex Calagurram & quædam alia castra & reuersus est cum gloria magna.

Rex autem Ramirus cum episcopis & abbatibus statuerunt tunc annuatim perpetuo dare tam in terra acquisita, quam adquirenda, quam Deus sub nomine beati Iacobi dignaretur de Sarracenorum manibus liberare, de vnoquoque iugo bouum singulas mensuras ad modum primitiarum, & de vino similiter clericis in ecclesia beati Iacobi Apostoli Deo seruientibus. Concesserunt etiam similiter in perpetuum quod Christiani milites in singulis expeditionibus de eo quod à Sarracenis adquisierint, ad mensuram portionis vnius militis beato Iacobo conferre. Præsentes erant duo Archiepiscopi & quatuor episcopi cum hæc dona beato Iacobo Apostolo vouerentur, scilicet Dulcidius Cantabrienſis Archiepiſcopus Suarius Ouetenſis, Oueto Aſtoricenſis
 1^o episcopus, Rodericus Lucenſis episcopus, & Petrus Irienſis episcopus. Præsentes quoque erant Ordonius filius Regis Ramiri & Garſias frater Regis, qui ambo Reges dicebantur. Siquidem Rex Ramirus tantæ benignitatis erat, vt fratrem tanquam se ipsum diligeret, & participem faceret regni. Non appoſuerunt vltra Sarraceni à Christianis tributum petere puellarum, quia Rex Ramirus barbaros in manu valida expugnabat auxilio glorioſiſſimi Apoſtoli roboratus. Inclyta quoque Regina Vrraca vxor eius quam glorioſe erga eccleſiam beati Iacobi Apoſtoli ſe habuerit, ex hoc poteſt aduerſi quod eam multis donis, auro, argento, gemmis & cortinis ſericis decorauit. Ouetenſem quoque eccleſiam ſancti Saluatoris multis inſigniis nobiliter ditauit: quia catholica per omnia fuit. Rex autem Ramirus blandus & clemens erat, bonis ſcilicet
 2^o tractatibus & ſeuerus videbatur iniquis. Latrones eorum oculos euellendo abſtulit, magicis artibus per ignem ſinem impoſuit. Eius tempore Normānorum claſſes per ſeptentrionale mare ad littus Legionis ciuitatis aduenerunt. Gens hæc crudeliſſima & in partibus noſtris antea non viſa. Quod Rex vt comperit aduerſus eos cum exercitu ſuo venit; & multitudinem eorum vicit, & ſeptuaginta naues illorum combuſſit, atque multis ditatus diuitiis ad propria incolumis reuerſus eſt. Duo etiam proceres magnatorum ſuorum aduerſus eum conſpirauerunt. Sed tanta illorum detecta vāſania vni eorum nomine Aluito Rex oculos euellere præcepit. Alterum vero nomine Primoſum Legali ſententia pro traditione condemnatum capitalem ſententiam cum ſeptem filiis ſuis ſubire iuſſit. Conſtruxit etiam ſanctæ Mariæ eccleſiam duobus ab Oueto
 3^o milliariis remotam ex marmore opere forniceo decoratam. Ad titulum etiam Archangeli Michaelis in latere Maurantii montis nobilem & pulchram eccleſiam fabricauit. Fecit quoque ſpatio ſexaginta paſſuum ab eccleſia palatium opere miro inferioris ſuperiusque cumulatum, quod in eccleſiam poſtea verſum beata Dei genitrix virgo Maria inibi adoratur. Cæterum Ramirus Rex anno regni ſui ſexto expleto ex hoc ſeculo migravit, & Oueti tumultus quieſcit.

Era DCCCLXXXVI. Ordonius in regnum patris Ramiri ſucceſſit. Qui magnæ patientiæ atque modeſtiæ fuit, & in omnibus negotiis regni valde diſcretus, vxorem duxit nomine Mumadonam ex qua hos ſuſceptos filios habuit, Adeſonſum, Veremundum, Nunnium, Odarium, Froylanum. Ciuitates deſertas ex quibus Adeſonſus maior Chaldæos eiecerat, iſte populauit & muris muniuit, id eſt, Legionem, Aſtoricam, Tudam, Mārgiam, Patriciam, multaque alia caſtra. In primo anno regni ſui cum aduerſus Vaſcones rebellantes exercitum moueret, atque illorum patriam ſuo iuri ſubiugaffet, illo ad propriam remeante nuncius aduenit, dicens: Ecce ex aduerſo exercitus Arabum adeſt. Illico Rex ferrum & acies ad illos vertit, & ſine mora eorum turbam fugauit & membratim gladio detruncauit. Eo tempore quidam Muza natione Getulus ſed ritu Machometiano cum tota gente ſibi ſubdita decepta contra Cordubenſem Regem bellauit: eiſque multas ciuitates partim gladio partim fraude inuaſit. Prius quidem Cæſarauguſtam, dein Toleſam, & Oſcam, poſtremum vero Toletum: & ibi filium ſuum nomine Lupum poſuit præfectum. Poſtea in Francos & Gallos arma conuertit: & multas ibi ſtrages & prædas fecit & nobiles Francorum quorſdam deuicit, inter quos duos Caroli Regis magnos duces vnum nomine Sanctionem & alium Oculionem fraude cepit, & eos vinctos in carcerem miſit.

Carolus vero magnus Franciæ Rex, quia multis negotiis aliis pro eccleſiæ liberatione erat præpeditus, nec ſine diſcrimine magno illis annis poterat obuiare, muneribus cepit ei blandiri vt eius amicitiam obtineret. Igitur ob tantæ victoriæ proſperos euentus Muza tertium ſe Hiſpanorum Regem à ſuis appellari præcepit. Poſt-

hæc ex Chaldæis duos magnos tyrannos vnum nomine Hienchaza, alterum nomine Alporū cum filio suo Azeth partim Muza partim filius eius Lupus præliando ceperūt. Quibus omnibus ei prospere succedentibus se contra Regem Ordonium in manu valida erexit. Ad cuius vāsaniam comprimendam Rex Ordonius exercitum mouit: & ad ciuitatem quam ille nouiter opere miro construxerat, & Albeidam vocauerat, cum exercitu venit, & munitione circumdedit. Quo nuncio Muza commotus adunatis Maurorum validissimis cōpiis sine dilatione ad pugnam se præparauit, & in monte cui nomen est Ladurzo tentoria fixit. Rex vero Ordonius exercitum suum in duas partes diuisit. Vnam partem, scilicet, quæ ciuitatem obsideret, & aliam quæ contra Muzam dimicaret. Initoque certamine tanta barbari cæde prostrati sunt, vt exceptis 10 innumerabilibus fere militibus Chaldæorum, quorum sanguis effusus est, decē milia magnatorum pariter cum genere eiusdem Muzæ nomine Garfia interempta sint. Ipse vero Muza ter gladio confossus equino cursu manus Christianorum semiuius euasit. Sed ad ciuitatem Ordonius Rex animosus exercitum applicans post septem dies bellando cepit eam, & vsque ad fundamenta destruxit. Omnes quoque bellatores barbaros gladio extinxit, & puerorum & matrum eorum magnam turbam in captiuitatem redegit, in quo bello Muza omnem fere armorum & equorum fortitudinem, simulque spolia ex diuersis victoriis congesta, nec non & insignia & munera infinita quæ Carolus ei direxerat, perdidit, & nunquam postea effectum victoriæ habuit. Lupus vero filius eiusdem Muzæ qui Toletō consul præerat, dum cognouit quod 20 pater eius taliter fuerat superatus, Ordonio Regi cum omnibus suis se subiecit: & dum vixit subditus illi fuit. Postea vero cum eo aduersus Chaldæos prælia multa gessit. Multas etiam alias ciuitates Rex Ordonius præliando cepit. Idem ciuitatem Cauriensem cum Rege suo nomine Zeit; aliam cepit ciuitatem nomine Talamancam cū Rege suo nomine Mozem & vxore sua, & bellatores eorum omnes interfecit. Reliquum vero vulgus cum vxoribus & filiis sub corona vendidit. Piratæ etiam Normannorum his temporibus ad nostra littora peruenerunt, qui fugati armis Regis Ordonii per Hispaniam perrexerunt, omnemque maritimam gladio igneque dissipauerunt. Exinde mari transuecti Nachor ciuitatem Mauritanix inuaserunt, ibique multitudinem Chaldæorum gladio interfecerunt. Deinde insulas, scilicet, Maioricam, Fermenteram, & 30 Minoricam aggressi gladio eas depopulauerunt. Inde Græciam aduecti post triennium in patriam sunt reuersi. Ordonius autem Rex decimo sexto anno regni sui expleto morbo podagrico correptus Oueti est defunctus, & in basilica sanctę Mariæ tumulatus; felicia tempora duxit in regno, & nunc sicut credimus feliciter regnat cum Christo.

Era DCCCCII. Adefonsus qui obeunte patre casu à palatio aberat, postquam accepit nuncium quod pater eius Ordonius erat mortuus summa festinatione Ouetū venit, & de consensu & fauore omnium magnatorum anno ætatis suæ quatuordecimo in Regem vnctus est: & commissam regni administrationem strenue disponere inchoauit. Filius autem perditionis Froyla Veremundi ex partib. Galleciæ cum magno 40 exercitu venit ad inquirendum regnum non debitum sibi. Rex vero Adefonsus cum esset securus cum paucis, & inopinatum illius audiret aduentum, vt exercitum cōgregaret secessit in partibus Alauensium. Sed nefandus Froyla dum se incaute gereret interfectus est à Senatu Ouetensi. Quod Rex Adefonsus vt audiuit Ouetum rediit & honorifice ab Asturibus & Gallecis susceptus est. Exinde Legionem venit, & Sublaciā & Ceam populauit. Dum esset in Legionē nuncius ex Alaua venit qui diceret Alauenses ei rebellare. Rex vero cum exercitu illuc ire disposuit, sed ipsi terrore aduentus eius concussi iura debita cognoscentes supplices colla submiserunt Regi eius se imperio subiugantes. Cepit Rex Eylonem Comitem eorum qui parauerāt rebellare, & ferro vinctum secum duxit Ouetum. At multo post vniuersam Galleciam se- 50 cum associauit ad debellandos Sarracenos; & cepit Atentiam & multas clades ferro, flamma & fame intulit Sarracenis. Cæterum vt ab infantia Deum timere cæperat, omnes patris thesauros ecclesiis & pauperibus studuit erogare, atque inter cætera regni negotia quæ ab eo legitime ac strenue gesta sunt, Maurorum infinitam multitudinem ex Toletano regno eius imperium deuastantem felici pugna deuicit: & quadringentos quadraginta ex eis primo impetu prostrauit. Insequutus etiam fugientium terga tanta cæde in eis debacchatus est, vt de innumerabili eorum multitudine euaderent perpauci. Habebat secum famosissimum militem Bernaldum, qui in istis præliis tanquam Leo fortissimus se gerebat. Peracta hac victoria in ripa fluminis Dorii, cum magna

magna gloria Rex Adefonsus reuersus est Legionem. Prædictus autem Bernaldus in territorio Salmanticensi castrum Carpium populauit. Et quia Rex Adefonsus patrem eius tenebat Comitem Sancium captum in castello quod dicitur Luna, quem olim Rex Castus ceperat Adefonsus, Bernaldus Regi rebellare cepit. Quod videntes Sarraceni ciuitatem Legionensem atque Astoricensem, & circumiacentia ferro & flamma deuastare nitebantur. Rex autem Adefonsus promittens Bernaldo se patrem eius à vinculis soluere, pacem cum eo fecit; & adunatis fortissimorum militum copiis obuiam exire illis præparauit. Sarraceni vero præ multitudine armatorum nihil metuentes se in duas turmas diuiserunt, & maior eorum pars Poluorariam venit. Gloriosissimus verò Rex à latere Siluæ progressus, irruit super eos in prædicto loco Poluorariæ iuxta fluuium Vrbicum vbi barbarorum duodecim millia corruerunt. Alia quidem pars Sarracenorum Bernaldo eos insequente Valdemora venit fugiendo. Sed Rex Adefonsus properans ad bellum, omnes ibidem Sarraceni Christianorum gladiis sunt interfecti. Nullus inde euasit præter decem inuolutos sanguine inter cadauera mortuorum. Rex autem cum multis spoliis & victoria in campos Gotthorum se recepit. Post hæc magnus exercitus Ismaelitarum Zemoram obsedit. Quod Rex audiens eandem cum paucis ingressus est ciuitatem. Sed cum exercitu Christianorum properante Bernaldo diuina clementia deleuit eos vsque ad internicionem; & Alchamam, qui eorum propheta videbatur ibidem mortuus est. Sarraceni autem ad Regem Adefonsum legatos miserunt pro pace. Duxit vero Rex uxorem ex Francorum regali genere nomine Amulinam, quæ postea se fecit vocare Xemenam magni Regis Caroli consobrinam: ex qua quatuor filios suscepit & tres filias. Nomina filiorum sunt hæc Garseanus, Froylanus, Ordonius & Gundisaluus qui fuit Archidiaconus ecclesiæ Ouetensis.

Eo tempore Carolus tertius Imperator Romanorum cum exercitu magno debellaturus tam Christianos quam Sarracenos ad Hispaniam properabat. Sed Bernaldo cum exercitu Christianorum & cum Muza Rege Cæsaraugustano illi ad claustras Pyrenæorum montium obuiam hostiliter procedente dum exercitus Caroli inordinate se gereret, mox in fugam versus est, & multi tam ex Romanis quam ex Gallis in illo excidio, Christianorum & Sarracenorum gladiis perierunt. Carolus postea cum Rege Adefonso amicitiam fecit, cuius consilio instituta beati Isidori & sanctorum patrum Rex Adefonsus in regno suo firmavit. Orationis etiam gratia ecclesias sancti Saluatoris & sancti Iacobi Carolus visitauit: & à glorioso Papa Ioanne obtinuit, ut vtraque ecclesia Metropolitano priuilegio frueretur, & pacifice in Franciam reuersus est secum deferens suos qui in prædicto prælio fuerant capti Rege Adefonso hoc & alia multa dona illi largissime cōferente. Quibus peractis Bernaldus cum infinita multitudine spoliolum in patriam se recepit. Aduertendum est diligenter tres fuisse Carolos Imperatores Romanos. Primus fuit Carolus magnus tēpore Adefonsi Regis Casti sub glorioso Papa Leone. Secundus fuit Carolus sub reuerendo Papa Ioanne. cui tertius iste successit, qui Carolus Martellus dictus est. Vnde sæpius in historiis ambiguitas oritur, & vnius factum alteri attribuitur. ¶ Post hæc Agareni urbem Legionensem oppugnare venerunt cum duobus ducibus Imundar & Alcatenel. Bernaldo cum eis armis fortiter feriente barbarorum multa millia perierunt, & cæteri fugerunt relictis duobus ducibus suis, qui ferro vincti sub custodia sunt traditi. His diebus frater Regis nomine Froylanus tractans de Regis morte captus ab eo oculis orbatus est cum aliis quatuor, id est, Nunno, Froyla, Veremundo & Odario, qui Regem interficere satagebant. Ipse autem Veremundus orbatus oculis occulte exiit ex Oueti, & Astoricam veniens per septem annos tyrannidem gessit, secum habens Arabes cum quib. exercitum Graliare direxit. Rex autem Adefonsus hæc audiens obuiam illis processit, & eos vsq; ad internicionem deleuit. Cæcus vero ad Sarracenos fugit. Tunc edomuit Rex Astoricam & Ventosam, Conimbriam quoq; ab inimicis obsessam defendit, & suo dominio subiugauit. Cesserunt etiā armis illius plurimæ Hispaniæ vrbes, quæ detinebantur à Sarracenis. Eius tēpore ecclesia ampliata est. Vrbes namq; id est, Portugalensis, Vefensis, Auentensis tunc populantur ab eo, & secundum canonicam sententiam episcopi ordinantur & vsq; ad Tagum flumen populando regnū perducitur. Sub cuius imperio dux quidam Hispaniæ & proconsul nomine Abohalit bello comprehensus Regis obtutib. est præsentatus. Qui se pretio redimens centum millia solidorum pro redemptione sua dedit. Vrbes desertas ab antiquis Rex populari fecit videlicet Septimācas & Donnas & omnes villas in campis Gotthorum. Taurum dedit filio suo Garseano ad populandum.

Eo tempore Rex congregato exercitu Toletum perrexit, & à Toletanis Mauris accepit pecuniam infinitam. Exinde reuersus cepit Castellum quod dicitur Quintralubel, & partem Sarracenorum gladio detruncavit, partemque secum captiuam adduxit. Atque Carrionem veniens seruum suum Adamum a filiis suis trucidari iussit, eo quod cogitauerat in mortem Regis. Fecit etiam Rex Adefonsus super corpus beati Iacobi ecclesiam opere miro: quam magnis honoribus scilicet auro, argento, fericisque cortinis & indumentis & lapidibus preciosis ditauit, quæ postea à barbaris destructa est. Ad defensionem etiam ecclesiæ Ouetensis castrum Gauzon forti opere in maritimis Asturiarum partibus fabricauit. Timebat enim ne nauigio locum sanctum hostes attingerent. ¹⁰ *Ædificauit quoque in ipso castello ad honorem sancti Saluatoris ecclesiam pulchris marmoribus decoratam, quam à tribus episcopis seruando Iacobenfi, Nauſto Conimbriensi, & Reccaredo Lucensi fecit honorifice consecrari. Inter cætera ornamenta quæ contulit ecclesiæ Ouetensi, eximiam crucem & auro puro preciosisque gemmis contulit venerabili loco. Super altaris quoque Christi Facundum scilicet & Primitium summa cum deuotione Cera ecclesiam construxit; hanc etiam Mauri eo tempore quo Iacobenſem hostiliter destruxerunt. In ciuitate etiam Zamoræ, quam ipse fecerat populari, ad honorem sancti Saluatoris pulchram construxit ecclesiam, quam etiam glorioſe dotauit. Eo tempore mortuus est Bernaldus fortissimus miles.*

Post mortem autem Bernaldi Regina Xemenæ quæ Regina de Galliis dicitur, ²⁰ cepit callide cogitare qualiter posset virum suum Regem Adefonsum à regno expellere & filium suum Garſeanum pro eo substituere. Fabricauit castra in confinio Legionis scilicet Albam, Gordonem, Arbolium, Lunam & tradidit ea filio suo Garſeano occulte suggerens, vt tyrannizaret contra patrem. Hæc fuit mulier inhumana, & in regno posuit malas consuetudines, & seruales conditiones. Rex autem Adefonsus vt intellexit filium suum Garſeanum parare rebellionem, veniens Zemoram comprehendit eum & ferro vinctum ad Gauzonem direxit. Socer autem Regis Munio de consilio Reginæ Xemenæ cepit contra Regem Adefonsum fortiter rebellare. Cui adhærentes omnes filii Regis inter se coniuratione facta patrem suum ³⁰ compulerunt Garſeano filio suo regni facere cessionem. Tunc Rex Adefonsus Boytes villulam vocatis regni ducibus se à regno deposuit & filium suum Garſeanum pro se constituit Regem: atque orationis causa ad sanctum Iacobum perrexit, & inde reuersus petiuit à filio suo Garſeano dum esset in Astorica, vt daret sibi vel semel subsidium ad Arabes persequendos. Quod Garſeanus concedens multo exercitu congregato fines Sarracenorum inuasit, & post multas strages quas fecit Zemoram reuersus ibidem proprio morbo post receptionem corporis & sanguinis domini feliciter migravit, & Astoricæ sepultus fuit; sed postea cum vxore sua Regina Xemenæ translatus Ouetum in aula sanctæ Dei genitricis quiescit. Regnauit annis quadraginta septem.

Era DCCCXLVIII. Garſeanus filius Regis Adefonsi in regnum patris successit. ⁴⁰ Primo anno regni sui maximum exercitum congregauit, & ad persequendum Arabes properauit. Dedit illi Dominus victoriam, & multas munitiones euerit, multasque strages fecit, & ferro ac flamma vniuersa Sarracenorum deuastauit ad quæ potuit deuenire. Insuper Regem Sarracenorum nomine Ayolas cepit. Cumque reuerteretur cum præda magna in loco qui dicitur Altremulo incuria custodum Ayolas fugit. Tribus annis Rex Garſeanus regnauit, & morbo proprio Zemoræ decessit, & Oueti cum aliis Regibus sepultus est.

Era DCCCCLI. Garſia defuncto Ordonius frater eius regni scepra suscepit. Quæ ⁵⁰ profecto Ordonium insignem militem Adefonsus magnus pater & Rex gloriosus dum viueret prouinciæ Galleciæ præfecerat. Ipse namque iuuenili flore paterna fortia facta sequutus prostratis totius Hispaniæ sæpe publico bello robustissimis barbaris omnes eorundem ciuitates sibi tributarias fecit. Erat enim in omni bello prouidus atque prudentissimus, in ciuilibus iustus & misericordiosissimus, in pauperum & miserorum necessitatibus compassionis visceribus affluens, atque in vniuersa gubernandi regnum honestate præclarus. Siquidem dum pater eius adhuc viueret, & ipse dominaretur Gallecis collecto exercitu prouinciæ Beticam petiit. Deinde vastatis circumquaque agris & villis incensis primo impetu [†] Vegel ciuitatem quæ inter omnes barbarorum occidentales vrbes opulentior & fortior videbatur, pugnando cepit. Omnesque bellatores Chaldæos gladio delens cum maximo captiuorum & spoli-
apparatu

apparatu ad Visensē vrbem victor reuersus est. Defuncto vero patre & fratre Garzia ei succedente Ordonius belliger rursus exercitum mouens in Elboram ciuitatem Tolletani regni, quæ nunc Talauera vocatur, profectus est. Ad quam vbi accessit positus super eam in gyro castris consedit. Cui neque robur murorum neque pugnatorum valida manus profuit, quin victoriæ Ordonii fortissimi milites subiaceret. Nempe in breui facta irruptione non solum ciuitatem cepit, imo vniuersos qui ad pugnam processerant, cum duce suo interfecit, direptisque oppidanorum spoliis cum magna captiuorum turba ad propria reuersus est. Cæterum Rex Garzias postquam vltimam præsentis vitæ clausit horam, ad Ordonium Christi belligerum successio regni diuino nutu peruenit. Omnes siquidem Hispaniæ magnates, Episcopi, Comites & Barones facto conuentu solenniter generali, eum acclamando sibi Regem constituunt, impositoque illi diademate à duodecim pontificibus in solium regni Legionis regia ciuitate perunctus est.

- Anno igitur regni eius quarto ab expugnatione Maurorum quiescere non sustinens aggregatis exercitibus vltra Emeritensē vrbem hostiliter profectus est. Sed cum totam prouinciam Lusitaniam horrifero impetu deuastasset, castrum Colubri cepit, qui nunc à Chaldæis Alhanza nominatur. Interfectisque quos inibi reperit barbaris eorum mulieres & paruulos cum immenso auri & argenti sericorumque ornamentorum pondere in patriam captiuauit. Cui omnes Emeritenses cum Rege de Badalyoz
- 20 obuiam exeuntes, humiliter pacem petentes, multa illi munera obtulerunt. Ipse vero victor & præda onustus reuersus est in Campestre Gotthorum prouinciam. At vero vbi venit Legionem pro tantis victoriis immensas Deo grates deferens, eius genetrici beatissimæ Mariæ virgini ex proprio palatio ecclesiam fieri fecit, cathedramque episcopalem in ea statuit, quæ prius extra murum ciuitatis per parua diœcesi in honore sancti Apostolorum principis Petri habebatur. Hanc ergo pontificalem sedem in veneratione beatæ Mariæ nouiter sancitam ampliori diœcesi magnisque honoribus regali auctoritate locupletauit. Erat tunc deserta ciuitas Legionis propter impetus barbarorum, quam Rex Ordonius eo tempore populauit. Post hæc Rex Ordonius labori
- 30 cedere nescius, ne quasi per otium tempus pugna perdere videretur, arrepto iterum comite ad remanentes transacti belli Elboræ ciuitatis deuastandas accedens reliquias, omnia eiusdem vrbs suburbia igne combusta depredatus est, Almirantem quoque Cordubensem pro defensione suorum armatum, sibi bellum inferentem, capiens ferro victum Legionem perduxit. Vnde conturbati totius Mauritaniæ barbari lugubri præconio vociferantes necessario ad Cordubensem Regem legationem mittunt, dicentes, impetum Christianorum se vltius sustinere non posse. Ad quorum vociferationem barbarus animum flectens vniuersis Maurorum regibus cum omnibus copiis ad bella procedere imperat, ea conditione, vt si quis imperata contemneret capitali sententia puniretur. Ad hoc etiam pro tanto hoste expellendo Tingitanorum præsidia Maurus rogans, immensum Ismaelitarum numerum adunauit. Comparatis igitur
- 40 ex tota Mauritania validissimis copiis & à maximo barbarorum Rege omnibus magnis sumptibus datis ad expugnandos Christianorum fines innumera Sarracenorum multitudo dirigitur. Cui expeditioni Rex Cordubensis Abderamam duos magnos duces præfecit. Nomen vnius Hulitrahulhabat & nomen alterius Veuezuz. Verum barbari prout res postulabat, arrepto itinere in littore fluminis Dorii fixis innumerabilibus tentoriis apud sanctum Stephanum de Gormaz toti Christianorum regno comminabantur ruinam. Porro Ordonius Rex Christi clypeo protectus aggregato Gotthorum exercitu eis occurrit. Non aliter miserum pecudum gregem Libycus Leo quam fortissimus Rex turbam Maurorum inuadit. Tantam namque in eis stragem fecit, vt præ multitudine cadauerum modum numerus excedere videretur.
- 50 Siquidem ab ipso Dorii littore, quo barbari castra metati sunt, vsque ad castrum Entenza & Paracolles omnes montes, colles sylvas & agros exanimis Sarracenorum artus tegebant; adeo vt per pauci persequentium manus euaderent, qui nuncium ferrent Regi Cordubensi. Vbi inter alios quamplurimos Ismaelitarum Reges, duo nobiles ceciderunt, quorum nomina Abulmutarchas & Ibilimatel erant. Corruit etiam ibi Alcayde, nomine Ablapaz: cuius consilio princeps Sarracenorum regebatur. Rex quoque Maximus Tingitanorum nomine Abolmotarap ibi cecidit: nec non & Hulitrahulhabaz in eodē loco occubuit. Cuius caput cum apri capite pro signo celebri Rex Ordonius supra mœnia ciuitatis, quæ illi venerant expugnare, suspendere iussit; & reuersus est cum magno triumpho ad sedem suam Legionem. Post hæc Abderamam dolens de

tanta suorum clade, venit per se cum magno exercitu ad locum qui dicitur Britonia. Cui occurrit Rex Ordonius & inter se dimicantes ex ambabus partibus corruerunt multi, & neuter illorum vicit, vel victus fuit, cum per totam diem vsque ad noctem fortiter dimicassent. Exhinc in anno tertio venit Abderamam cum innumerabili multitudine barbarorum, quam ex Babylonia & Africa conduxerat, & fixit tentoria in loco qui dicitur Mohys. Castellani autem Comites noluerunt venire ad præceptum Ordonii Regis. Quod Sancius Pyrenæorum vt audiuit cum exercitu magno misit Garseam filium suum ad Regem Ordonium vt adiuuaret eum contra acies Agarenorum. Rex vero perrexit cum magno præsidio contra Regem Abderamam & obuiauere sibi in valle quæ dicitur Tuncaria, & peccato impediante multi corruerunt ex nostris: & etiam duo episcopi Dulcidius Salmanticensis & Ermogius Tudenensis ibidem sunt comprehensi & Cordubam ducti. Pro isto Ermogio episcopo ingressus fuit sobrinus eius sanctus Pelagius carcerem, qui postea peruenit ad martyrium sub eodem Abderamam in Corduba ciuitate. Ordonius autem Rex vt potuit dictos episcopos ad propria reuocauit, & cogitans qualiter posset ista vindicare, iussit arma componi & congregato magno exercitu Gallorum & Gotthorum in eorum terra quæ dicitur Citilia strages multas fecit, terram depopulauit & castella multa cepit. Castrum quoque Scarmolon, Eliph, Palmacio & Castelion & Magnanza funditus destruxit, & omnes habitatores eorum interfecit. Cepit etiam alia multa, quæ flamma & ferro destruxit, quorum nomina est longum pernotare per plures dies in terra Maurorum fuit, & in tantum hostiliter, profectus est, quod dimidii diei spatio ad Cordubam non accessit. Exinde regressus cum magna gloria Zemoram, inuenit vxorem suam Reginam dominam Geloyram defunctam; & licet multum gauderet decollato sibi cælitus triumpho, valde tristatus est de morte Reginæ, siquidem habuerat ex ea filios scilicet Adefonsum & Ramirum. Aliam quoque duxit vxorem nomine Aragontam de partib. Galleciæ, quæ postea fuit ab eo spreta: & tenuit inde pœnitentiam dignam.

Rex autem Ordonius, vt erat prouidus direxit Burgos pro Comitibus, qui tunc Castellam regere videbantur. Hi sunt Nannius Fernandi, Albomondaralbus, & filius eius Didacus & Fernandus filius Ansuri, qui noluerunt ad eum venire Legionem, sed fecerunt cum eo iunctam in ripa fluminis Carrionis loco qui dicitur Rebulare. Et cepit eos Rex Ordonius, & catenatos duxit ad ciuitatem regiam Legionem, & in carcere illos necare iussit. Post hæc nuncii venerunt ex parte Regis Garseani, vt illuc pergeret. Rex Ordonius ad debellandas vrbes perfidorum. Hæ sunt Nagara & Beguera. Rex vero statim perrexit cum magno exercitu & cepit prædictam Nagaram quæ ab antiquis Trucio vocabatur. Tunc accepit filiam Regis Garsiæ nomine Sanciam in vxorem quam valde dilexit, & cum magna lætitia in Legionem venit. Regnauit annis nouem mensibus sex. Hic dum esset Zemora, & se ægrotare sensisset, festinat vt Legionem veniret, & ibi proprio morbo decessit atque in aula sanctæ Mariæ virginis Legionis sedis, vt tantum Regem decebat, honorifice sepultus est.

Era DCCCCLXI. Froylanus frater eius Ordonii successit in regnum & duxit vxorem nomine Mumadomam, ex qua hos filios habuit, Adefonsum, Ordonium, & Ramirum. Habuit etiam filium nomine Aznarem de concubina. Rex Froylanus nihil memorabile gessit propter paucitatem dierum, nisi quod filios Olmudi nobilis sine culpa trucidare iussit, & fratrem eorum Frominium Legionensem episcopum sine culpa in exilium misit. Iusto Dei iudicio Festinus regno caruit, quia innocuos occidit & Christum Domini episcopum Frominium contristauit. Non audiuit Dominum per Dauid dicentem, nolite tangere Christos meos, & in prophetis meis nolite malignari. Ob hoc abbreviatum est regnum eius, & percussus lepra vitam finiuit & sepultus est in Legione iuxta fratrem suum Regem Ordonium. Regnauit anno vno mensibus duobus. Præfatus autem episcopus episcopatum suum tunc recuperauit.

Rege Froylano viuentem nobiles de Castella contra ipsum tyrannidem sumpserunt, eum Regem habere nolentes. Elegerunt autem sibi duos iudices nobiles milites, id est Nunnum Rasoiram de Catalonia & Iainium Caluum Burgensem, qui noluit suscipere iudicatum. Nunnus vero Rasoiram vt erat vir sapiens petiuit ab omnibus Comitibus Castellæ, vt darent sibi filios suos nutriendos. Habebat ipse filium nomine Gundisaluum, quem cum aliis nobilium filiis educauit. Sapienter se gessit Nunnus Rasoiram in iudicatu suo, & totam Castellam vsque flumen de Pisorga iudicauit dum vixit.

vixit. Tunc enim angustatum est regnum Legionense & in prædicto flumine metam fecit. Hunc simplicem militem Castellani nobiles super se iudicem erexerunt, ne si de nobilioribus suis iudicem facerent, pro Rege vellet in eis dominari. Post mortem autem Nunnii Rasoiræ nobiles ab eo nutriti filium eius Gundisaluum Nunnii, sibi iudicem fecerunt; & etiam Comitem vocauerunt, dantes ei pro vxore Xemenam nobilissimam filiam Nunnii Fernandi, ex qua filium habuit nomine Fernandum. Prædictus autem Gundisaluus Nunnii fuit sententia iustus & armis strenuus, & multa bella intulit regno Legionensium & Sarracenis, ad gesta veniamus.

- 10 Era DCCCCLXIII. mortuo Rege Froylano Adefonsus filius Regis domini Ordonii, adeptus est regnum paternum. Duxit autem nomine Xemenam ex qua genuit Ordonium malum. Huic consistenti in regno, voluntas euenit arripiendi viam confessionis, & misit nuncios pro fratre suo Ramiro qui morabatur in partibus Vesei dicens quod vellet à regno discedere & fratri suo dare. Ramirus autem vt audiuit cum exercitu magno venit Zemoram & regnum suscepit. Adefonsus vero properauit ad monasterium quod est in loco qui dicitur Domnos Sanctos in crepidine fluminis Ceixæ, & habitum monachalem suscepit. Rex autem Ramirus vt erat vir bellicosus mouit exercitum ad Arabes persequendos. Cum esset Zemoræ nuncius venit, dicens, quod frater eius Adefonsus de monasterio esset egressus, & regnum Legionis iterum adeptus. Hæc audiens Rex Ramirus ira commotus iussit intonare buccinis: & continuo reuersus cum exercitu magno obsedit fratrem suum Regem Adefonsum in Legione per annos duos vsque dum eo se tradente ad arbitrium fratris cepit eum & in ergastulo iussit retrudi. Post hæc magnates Asturiensium arte facta miserunt nuncios pro Rege Ramiro, qui Asturias ingressus cepit omnes filios Froylani fratris Ordonii Regis, id est Adefonsum, Ordonium & Ramirum: & adduxit eos secum pariterque cum fratre suo suprafato Adefonso, qui ergastulo tenebatur, ferro vinxit, & omnes simul vna die oculis orbare præcepit. Rex autem Ramirus de eo quod fecerat poenitentia motus construxit monasterium ad honorem sancti Iuliani in ripa fluminis Durii non longe à ciuitate Legionensi, vbi fratri suo prædicto Adefonso, & prædictis filiis Froylani fecit affluenter necessaria ministrari. Adefonsus vero Rex cæcus octauo anno ex quo regnare cepit, mortuus est, & in ipso monasterio sancti Iuliani sepultus vna cum vxore sua Regina Xemena & prædictis filiis Froylani Regis. Regnavit quinque annis & anno quinto regni sui oculis orbatus est, atque duobus annis aliis superuixit & septem mensibus. Causa vero orbationis oculorum filiorum Froylani fuit, quia contra ipsum Regem Ramirum tyrannidem gesserant, & primum eorum scilicet Adefonsum Asturiarum Regem violenter præfecerant.
- 20
- 30

- Era DCCCCLXVIII. Ramirus securus regnans consilium iniit cum omnibus magnatibus regni sui, qualiter Chaldaeorum terram inuaderet, vnde coadunato exercitu pergens ad ciuitatem quæ dicitur Magerita, confregit muros eius, & ipsam incendio tradidit, & multas strages fecit in Sarracenis Dei clementia adiuuante, & reuersus est in Legionem cum victoria in pace. Legione vero eo sedente cum Sancia Regina nuncius venit quod Aceyfa cum grandi exercitu Maurorum properabat ad Castellam. Quo audito Rex Ramirus immemor malorum quæ sibi fecerant nobiles Castellani cum exercitu magno obuiam Sarracenis exiuit, & in loco qui dicitur Oxoma nomen Domini inuocando acies ordinare iussit, & omnes se ad bellum parare. Dedit illi Dominus victoriam: & magnam partem ex Sarracenis interfecit, & multa millia captiuorum secum adduxit & ad propriam sedem reuersus est cum magna gloria. Tunc Castellani Ramiro Regi iura propria cognoscentes ei se subdiderunt. Tamen conditiones quasdam Rege concedente vendicauerunt ei.
- 40
- 50

Post hæc Rex Ramirus patrum suorum regno integratus congregato exercitu Cæsaraugustam Sarracenorum ciuitatem perrexit. Rex autem Cæsaraugustanus nomine Abohahya, vt concordiam Castellanorum cum Rege Ramiro vidit, perterritus valde Regi Ramiro se subdidit cum omnibus suis: & mentitus est Abderamam Regi suo, cuius nomine Cæsaraugustam regebat. Rex Ramirus vt erat fortis & potens, omnia castella quæ ad regnum Cæsaraugustanum pertinebant partim bello partim sapientia edomuit & Abohahyæ tradidit, & reuersus est Legionē cum victoria magna. Abohahia vero Regi Ramiro mentitus est, & Abderamā Regi Cordubæ

se subdidit. Postea idem Abderamam cum magno exercitu barbarorum Septimancas properauit ad euertendum regnum Christianorum. Rex autem Catholicus Ramirus congregato exercitu Gotthorum, qui vnanimiter ad vindiſtam Catholicæ fidei properabat, obuiam illi exiuit. Dedit dominus victoriam Regi Catholico & populo Christiano: & inito certamine ſecunda feria in feſto ſanctorum, Iuſti & Paſtoris deleta ſunt octoginta millia barbarorum, etiam ipſe Abohahia Rex Cæſarauguſtæ ibidem à noſtris comprehenſus eſt. Ceteri vero fugerunt reliſta noſtris multitudine ſpoliorum. Rex vero Ramirus cum exercitu ſuo non tantum ad ſpolia quàm ad perſecutionem Arabum direxit iter; & ad urbem quæ dicitur Albandegua peruenit: vbi omnes fere Sarracenos qui de prælio euaserant, capta vrbe extinxit. Præſatus vero Abderamam 10 ſemiuiuus euasit: vnde Chriſtiani detulerunt multa ſpolia auri, argenti, & lapidum pretioſorum. Rex autem Ramirus reuertens in Legionem ſecum detulit Abohahiam ferro vinctum, & in ergaſtulo multis diebus permanſit. Poſtea Aceyfa ad ripam fluminis turmis venit & ciuitates deſertas ibidem populauit. Hæ ſunt Salmantica, ſedes antiqua caſtrorum, Leteſma, Ripas Balneos, Alphadego, Penna & alia plura. Fernandus Gundifaſui Didaco Munionis ei auxilium præbenti contra Regem tyrannidem parabat. Rex autem Ramirus bello comprehendit eos & vnum in Legionem, alterum in Gordone ferro vinctos carcere truxit. Sed multo tempore tranſacto iuramento Regi dato vt eſſent ei fideles vaſalli de carcere exierunt. Tunc Ordonius filius Regis ſortitus eſt 20 filiam Ferdinandi in coniugio nomine Vrracam. Tunc temporis populauit Rodericus Comes Amaiam. Didacus etiam Comes populauit Burgos per Iuſſionem Regis. Populauit etiam Comes Munio Muniz Raudam & Gundifaſuus Tellit Oxomam, & Gundifaſuus Fernandi Axeam, Cluniam & ſanctum Stephanum. Populauit Fernandus Gundifaſui Septempubicam. His autem omnibus feliciter ſuccedentibus omnes prædicti barones ſe contra Regem Ramirum erexerunt. Rex autem ſtudiuit eos ſapienter ad concordiam reuocare, ne tantorum virorum diſcordia Gotthorum gēti deſtructio eueniret. Rex Ramirus omnibus pacificatis vt erat mitiſſimus, filiam ſuam Geloyram Deo dicauit, & ob gratiam eiufdem monaſterium infra urbem Legionenſem conſtruxit in honorem Saluatoris iuxta palatiū Regis: vbi eam manere præcepit. Alia quidem monaſteria in honorem ſancti Andreæ & ſancti Chriſtophori ædificauit ſuper 30 ripam fluminis Ceia. Aliud ſuper ripam Dorii in honore ſanctæ Mariæ conſtruxit. Aliud etiam monaſterium in ſua hereditate propria ædificauit in honore ſancti Michaelis Archangeli in valle de Orna cuius nomen eſt Deſtriana. Adiuvabat in his ſanctis operibus vxor eius Regina Tharaſia cognomine Florentina, ex qua prædictos filios habuit, ſcilicet Sancium, & Geloyram. Nono decimo regni ſui anno exercitu aggregato, obſedit ciuitatem Agarenorum quæ nunc Talauera vocatur. Sarraceni autem obuantes ei bello inito ceciderunt ex ipſis Agarenis duodecim millia. Aſportauit etiam Rex ſecum ſeptem millia captiuorum, & reuerſus eſt in pace. Et cum Ouetum cauſa orationis iuiſſet illic grauiter ægrotauit, & Legionem feſtinus reuerſus eſt, atque ab epiſcopis & abbatibus pœnitentiam accepit vigilia apparitionis Domini, & ipſi ex pro- 40 prio regno ſeſe abſtulit dicens: Nudus egreſſus ſum de vtero matris meæ & nudus reuertar illuc. Dominus mihi ſit adiutor, non timebo quid faciat mihi homo. Poſt hæc percepto corporis & ſanguinis domini ſacrificio mortuus eſt, & ſepultus eſt in Legionem in monaſterio ſancti Saluatoris quod conſtruxit filia ſua domina Geloyra. Regnauit annis decem & nouem, menſibus duobus, diebus viginti quinque.

Era DCCCCLXXXVII. Ordonius filius eius adeptus eſt regnū vir ſatis prudens, & in exercendis diſponendiſque exercitibus nimis ſapiens. Frater autem eius nomine Sancius conſilio inito cum auuneulo ſuo Garſeano Rege Pampilonenſium, & Fernando Gundifaſui Burgenſium Comite, vnusquiſque illorum cum exercitu ſuo Legionem acceſſerunt, vt Regem Ordonium à regno expellerent, & fratrem eius Sancium face- 50 rent Regem. Quo audito Rex Ordonius ſatis bene exercitatus ſtetit, ſuaſque ciuitates fortiter defendit, & regni ſceptrum viriliter vindicauit. His ſupradictis remeantibus ad propria filiam Fernandi Gundifaſui, quam ob cauſam vt pacificaret Caſtellanos & Legionenſes acceperat, reliquit nomine Vrracam, eo quod pater eius impugnat ipſum & aliam duxit vxorem nomine Geloyram ex qua genuit Regem Veremundum, qui podagricus fuit. Galleci etiam videntes diſſenſionem inter Legionenſes & Caſtellanos, contra Regem Ordonium rebellare cæperunt. Ipſe vero Rex Ordonius magno exercitu aggregato Galleciam edomuit. Vliſbonam deprædauit & multa ſpolia ſimul cum captiuis duxit ad ſedem ſuam Legionem. Fernandus vero Gundifaſui cuius

cuius erat studium regnum omnimodè perturbare, nolens nobiles ad Regis Ordonij seruitium præparauit, eo quod ipse Rex cum magno exercitu veniebat super Castellam, & Sarraceni propter nostrorum discordiam fines terræ Burgenſium deuastabant. Sed comes Gundisaluuſus Fernandi accepto exercitu Legionēſium & ſuorum, nimiam multitudinem Sarracenorum, qui ſanctum Stephanum de Gormaz obſederant, hoſtiliter interfecit. Rex verò Ordonius cum ſuper Sarracenos ire diſponeret, propria morte in vrbe Zemoræ deceſſit, & Legionē quieſcit iuxta patrem ſuum in aula Sancti Saluatoris. Regnauit annis quinque & menſibus ſex.

Era DCCCCLXXXII. Ordonio defuncto Sancius frater eius pacificè apicem regni ſuſcepit. Ferdinando autem Gundisalui cum omnibus militibus contra ipſum magna facta coniuratione Rex Sancius ex Legionē egreſſus Pampiloniam venit ad auunculum ſuum Regem Garſeanum. Erat quidem Sancius craſſus nimis, ita quod non poterat ſine ſui maximo grauamine equitare, & de conſilio auunculi ſui Regis Garſeani ad Abderamam Regem Cordubēſem venit, vt de tanta craſſitudine à Sarracenis acciperet medicinam. Omnes vero magnates regni eius inito conſilio cum Fernando Gundisalui comite Burgenſi, Ordonium malum eligeret in regnum filium eius Adenſi cœci. Fernandus autem Gundisalui dedit illi filiam ſuam in vxorem nomine Vrracam, relictam à Rege Ordonio filio Ramiri Regis: & ipſe Fernandus Gundisalui ſecurus Castellam regere cœpit. Erat tunc in Caſtella & in Alaua adoleſcens quidam comes generoſus nomine, Vela, qui contra Fernandum Gundisalui rebellare parauit, eo quod eſſet de nobilioribus Caſtellæ, & nolebat dicto Fernando Gundisalui ſubditus obedire. Fernandus autem comes armis eum à Caſtella & Alaua expulit, & ad Sarracenos ire coegit. Rex autem Sancius à Sarracenis accepit medicinam de craſſitudine ſua, & ad priſtinam leuitatem peruenit. Et conſilio inito cum Abderamam Rege Cordubēſium cum innumerabili Sarracenorum exercitu venit Legionē, vt regnum acciperet, à quo fuerat eiectus. At vbi terram regni ſui intrauit, & Ordonius malus hoc audiuit, vt erat muliebris, & diſſolutus, nimio timore perterritus ex Legionē per noctem fugit, & Aſturiās intrauit, & regno caruit. Ille caruit, Sancius regnum ſuſcepit, & ingreſſus Legionē edomuit regnum ſuum. Supradictus quippe Ordonius ab Aſturiis proiectus ad focerum ſuum venit. Comes autem Fernandus filiam ſuam illi abſtulit, & cum duobus filiis à Caſtella expulit, & ad Sarracenos ire compulſit. Ipſa vero Vrraca alterum virum accepit. Ordonius dum vixit inter Sarracenos manſit, & exulando pœnas perſoluit. Tunc præſatus Sancius Rex vxorem nomine Tharaſiam duxit, ex qua filium habuit Ramirum. Poſt hæc ſalubre iniecit conſilium cum vxore ſua & ſore Geloyra, vt nuncios mitteret Regi Cordubēſi, & peteret corpus ſancti Pelagij, qui tempore Regis Ordonij ſub Abderama Rege martyrio fuerat coronatus. Conſtruxerat quidem Rex Sancius infra muros Legionis monachorum monaſteriū, ad quod volebat corpus ſancti Pelagij deferre. Et dum legatos vna cum Velascone Legionenſi Epifcopo ad Sarracenos pro pace & pro corpore Sancti Pelagij Rex Sancius miſit, egreſſus ex Legionē venit in Galleciam, & domuit eam vſque ad flumen Dorij. Quo audito Gundisaluuſus, qui dux erat vltra flumen illud, congregato magno exercitu venit vſque ripam ipſius fluminis. Deinde miſſis nunciis, & dato iuramento vt ſolueret tributum de ipſa terra quam tenebat, callide aduerſus Regem cogitans venenum illi in pomo direxit. Quod dum guſtaſſet, ſenſit cor ſuum immutatum, & feſtinus cœpit remeare Legionē, atque in ipſo itinere die tertio vitam finiuit, & Legionē iuxta patrem ſuum ſepultus eſt in eccleſia Sancti Saluatoris. Regnauit annis duodecim.

Era M I V. Sancio Ramirus filius eius habens à natiuitate quinque annos ſuſcepit regnum patris ſui, continens ſe cum conſilio amitæ ſuæ dominæ Geloyræ Deo deuotæ, & matris ſuæ Reginæ Tharaſiæ. Firmavit pacem cum Sarracenis, & corpus Sancti Pelagij martyris ab eis accepit, & cum corporibus multorum religioſorum Epifcoporum Legionē tumulauit in monaſterio, quod pater ſuus conſtruxerat. Factum eſt autem vt cum Sarraceni ſecuritatem accepiſſent à Rege Sancio, & à filio eius Rege Ramiro, quod non ferrent ſubſidium Caſtellanis, direxerunt arma contra Comitem Fernandum Gundisalui, & cum non poſſit eis dictus Comes reſiſtere, ceperunt Sarraceni Gormaz, & Septimancas, & ſeptem Puluicam: & multas ſtrages & horrendas perpetrarunt in terra Chriſtianorum. Erat cum Sarracenis ſupradictus Vela nobilis Caſtellanus, qui propter vindictam expulſionis ſuæ à Caſtella humanitatis immemor trucidabat crudeliſſime Chriſtianos. Eo tempore ceperunt Sarraceni Zemoram, & ſubuerterunt eam. In tanta clade ſe gerente terrā mortuus eſt Fernandus Gun-

disalui Comes Burgenſis morte propria, & ſucceſſit ei Garſeas Fernandi Comes filius eius, qui cepit contra Sarracenos ſe viriliter exercere. Anno autem ſecundo regni Ramiri Regis centum claſſes Normannorum cum Rege ſuo Gundaredo videntes diſſenſiones Gotthorum ingreſſæ ſunt Galleciam, & ſtrages multas facientes in giro Sancti Iacobi, Epiſcopum loci ipſius nomine Siſnandum gladio peremerunt, & totam Galleciam deprædati ſunt, vſque dum peruenirent ad Alpes montis Zebrarij. Tertio verò anno remeantibus illis ad propria poſt multam cædem & captiuitatem Chriſtianorum, Comes Gundisaluuſ ſanctiſſionis in nomine Domini, & in honore Sancti Iacobi Apoſtoli, cuius terram deuaſtauerant, cum exercitu magno venit obuiam illis, & cœpit cum eis fortiter præliari. Dedit illi Dominus victoriam, & omnem gentem ipſam Normannorum ſimul cum Rege ſuo Gundaredo gladio interfecit, atque claſſes eorum igne cremauit. Rex autem Ramirus accepit vxorem nomine Vrracam, & cum eſſet in pueritia & modica ſcientia, cœpit Comites Galleciæ factis ac verbis irritare, & eis crudelis exiſtere. Ipſi autem Comites talia ægre ferentes Regem alium nomine Veremundum filium Regis Ordonij ſuper ſe erexerunt, quem in ſede Sancti Iacobi Apoſtoli confirmauerant, era M X V I I I. Idibus Octobris. Quo audito Rex Ramirus ex Legione ad Galleciam cum exercitu properauit. Rex vero Veremundus obuiam illi exiuit, in portella de arenis, & cœperunt acriter præliari. Nullus tamen eorum alteri cedens ſunt ſeparati ad inuicem, & multi ex vtraque parte Chriſtianorum ſe cæde mutua proſtrauerunt. Per duos continuos annos inter Legionenſes & Gallecos inteſtinum bellum fuit, quo ex his & illis innumera-
biles corruerunt. Qua cæde valde diminuta fuit fortitudo Gotthorum. Rex vero Ramirus proprio morbo Legione deceſſit, & in Deſtriana ſepultus fuit. Regnauit quindecim annis, menſibus ſeptem.

Era M X X. mortuo Ramiro Veremundus Ordonij Regis filius, vt audiuit de morte eius, venit Legionem, & accepit regnum pacifice, quia ipſe erat propinquior generi regali, ad quæ ſpectabat ſceptrum regni. Is fuit vir ſatis prudēs, leges factas à prædeceſſoribus ſuis Gotthorum Regibus firmavit, Canones aperire iuſſit, & ſanctorum Patrum inſtituta perquiſiuit. Tamē obtenebrauit leuitas mores eius bonos, quoniam leuiter ſuſurronibus præbebat aurem. Vnde tres ſerui eccleſiæ ſancti Iacobi Apoſtoli, quorum nomina hæc ſunt, ſcilicet Zadon, Cadon, & Anſilon, accuſauerunt apud eum falſo dominum ſuum Adulphum Epiſcopum de criminibus peſſimis, & quod promiſerat Agarenis ſe Sarracenum futurum, & eis totam terram Galleciæ traditurum. Rex verò indiſcrete credidit tribus falſis teſtibus, & iuſſit velociter Iacobenſem Epiſcopum ad ſe venire Ouetum. Prouocabat Regem hoc magis credere, quia idem Epiſcopus filius fuerat illius Gundisalui ducis, qui Regi Sancio dederat venenū in pomo. Iuſſit itaq; Rex quærere taurum ferociſſimum ad interficiendum dictum Epiſcopum. Pontifex vero in die cœnæ Domini, ſicut ſibi præceptum fuerat, venit Ouetum. Cui milites Regis dixerunt vt prius veniret ad Regem quam Eccleſiam intraret. Ipſe autē
fulſus à Domino dixit: Ego prius ibo ad Regem Regum Saluatorem meum, & poſtea veniam ad tyrannum Regem veſtrum. Illico intrauit Epiſcopus eccleſiam noſtri Saluatoris, ſciens quod futurum erat, & induit ſe ſacris pontificalibus indumentis, & celebrato diuino myſterio ſic ab eccleſia indutus exiit, & ad locum vbi erat taurus venit ante fores palatij Regis, vbi fere omnes nobiles Aſtures conuenerant ad tractandum in curia Regis contra Sarracenos, qui regnum Legionenſe deuaſtabant. Tunc Rex taurum dimitti præcepit. Taurus autem velociter cucurrit, & cornua in manu Epiſcopi dimiſit, & reuerſus multos deriſores interfecit, & poſtea ſiluas vnde venerat, petiit. Epiſcopus vero ad eccleſiam reuerſus, cornua quæ in manibus tenebat, ante altare noſtri Saluatoris proiecit: & Cadonem & Zadonem & Anſilonem excommunicauit, & ora-
uit voce clara dicens: Quod de ſemine eorum vſque in finem mundi quidam eſſent leproſi, alij cœci, alij claudi, & alij manci propter crimen falſum quod impoſuerat ei. Rex vero vt miraculum vidit, nimium doluit, & ſatisfacere Epiſcopo voluit. Sed Epiſcopus ultra Regem videre noluit. Manſit in eadem ſede quatuor diebus, & ſecunda feria poſt Paſcha ab Ouetis cum ſuis exiit, & in vallem Pramarenſem ad Eccleſiam ſanctæ Eulaliæ venit. Quo loco percuffus infirmitate corpus & ſanguinē Domini ſumpſit, & quarta feria illuſcente die ſpiritum Domino tradidit. Tunc ſui qui venerant cum eo fere-
trum fecerunt, vt eum ad Eccleſiam ſancti Iacobi Apoſtoli deportarent. Sed Dominus tam immobilem eum fecit, vt à mille manibus hominum moueri non poſſet. Deinde accepto conſilio ſepelierunt eum in ipſa Eccleſia ſanctæ virginis Eulaliæ.

Eo tem-

Eo tempore Rex Agareus, nomine Alphagip, fecit se vocare Almanzor, & una cum filio suo Abdameleh, & cum prædicto Vela comite Castellano, & aliis comitibus Christianis exulatis regnum Legionensium, & regnum Pampilonensium, & comitatum Burgensium fortiter deuaſtabat. Erat enim diſcordia magna inter Gotthos: & non erat qui alteri ferret ſubſidium. Habebat ſecum dictus Almanzor multitudinem Chriſtianorum, quos ita honorabat, vt ſi inter Chriſtianos aliqua oriretur ſeditio ad ſedandum tumultum potius de barbaro quam de Chriſtiano mortis ſententia ferebatur. Largus erat & hilaris barbarus Almanzor, & dum multis abundaret theſauris, cunctos muneribus ad ſuam beneuolentiam attrahebat. Iam cuncta quæ à flumine Dorij, quod
10 tunc temporis inter Chriſtianos & Sarracenos pro limite habebatur, vſque ad flumen Eſtolæ deuaſtauerant Sarraceni, & ad debellandam Legionenſem urbem properans Almanzor in ripa fluminis Eſtolæ tentoria fixit. Rex autem Veremundus cum exercitu ſuo hoſtibus armatus occurrit. Commiſſoq; cum eis prælio vſque ad tentoria illos magna cæde proſtravit. Porro Almanzor ubi ſuos ſæda fuga præbere terga vidit, indignatus de ſolio in terram proſiliit. Fertur enim Almanzor hoc ſignum calumniæ dum male pugnarent oſtendere ſuis militibus, quod deſiſſo aureo galero, quo aſſidue caput tegebat, humi cum calumnia reſideret. Quem decaluatum videntes ſui milites, alteri alteros adhortantes noſtros vndiq; magno cum fremitu circumuenerunt, atque verſa
20 vice eos à tergo perurgentes per medias ciuitatis Legionenſis portas intermixti irruerent, niſi ingens pluuia cum turbine hanc dirimeret litem. Barbarus attamen hoc anno propter imminentem hyemem in patriam ſe recepit. Sequenti vero anno obſedit Legionem, & eam fortiter oppugnabat. Rex autem Veremundus podagrica ægitudine nimium grauatus, cum nō poſſet barbaro obuiare, ſe recepit Ouetum. Dum itaque per annum integrum oppugnaretur ciuitas Legionis, facta eſt murorum irruptio iuxta portam occidentalem. Comes Guillelmus Gundifaſui Gallecus, qui ad deſenſionem Chriſtianitatis eidem ſe cōtulerat ciuitati, cum grauiffime ægrotaret & audiſſet, quod erat facta irruptio, fecit ſe ſuis armis indui, & in lecto ad locum, ubi murus erat ſuffoſſus, deſerri: ubi per tres dies adeo fuit fortiter dimicatum, vt multa millia Sarraceno-
30 rum occumberent in eodem loco. Quarta autem die fortiter pugnantibus barbaris alia irruptio facta eſt iuxta portam meridionalem. Deinde irruentibus barbaris ciuitas capta eſt. Comes autem Guillelmus Gundifaſui in eo loco, ubi facebat, armatus à Sarracenis occiſus eſt. Tunc Rex Almanzor iuſſit portas ipſius ciuitatis, quæ opere marmoreo erant conſtructæ, à fundamentis deſtrui, & turres murorum diruere præcepit. Fecit etiam deſtrui arcem à fundamentis iuxta portam Orientalem, quæ altiffimis & fortiffimis turribus lapideis erat munita. Mandauit tamen ad portam Septentrionalem vnā relinquere turrem, vt ſecula futura cognoscerent, quantam ipſe deſtruxerit ciuitatem, cum omnes aliæ murorum turres fere illius fuerint altitudinis. Poſt hæc barbarus cepit Aſtoricam, & turres illius aliquantulum præcipitauit, Coyancam etiam à fundamentis deſtruxit, & Eccleſiam Sanctorum Facundi & Primitiui ſubuertit.
40 Veruntamen Aluam, Lunam, Gordonem, & Arbolium non cepit, nec Berizum intrauit. Deinde reuerſus in Caſtellam Almanzor cepit Atenzam, & Oſmam, & Alcobam, & ab ipſis fundamentis deſtruxit. Venientes autem Aſtures Legionem tulerunt corpus ſancti Pelagij, & corpora Regum, quæ erant in Aſtorica, tranſtulerunt Ouetum. Multa etiam Sanctorum corpora ex deſtructis Chriſtianorum ciuitatibus Ouetum delata ſunt & ſepulta. Quidam etiam clericus Legionenſis Epiſcopatus corpus ſancti Froylani Epiſcopi tranſtulerunt ad loca tuta ſubmontana, quæ dicitur Vallis ceſar, & poſuerunt illud ſuper altare ſancti Ioannis Apoſtoli. In tantum Dominus pro peccatis noſtris Regi Almanzor ſuper gentem Chriſtianorum ſauire permiſit, vt per duodecim continuos annos totidem vicibus Chriſtianorum fines aggrederetur, & ſemper
50 victor reuerteretur Cordubam. Poſtremo omnia loca plana ſibi ſubiugauit, & tributaria fecit. Ea tempeſtate in Hiſpania cultus diuinus periit, & omnis gloria Gotthorum decidit, atque congeſti Eccleſiarum theſauri funditus direpti ſunt.

Tertiodecimo vero anno Almanzor barbarus cum magno exercitu per fines Portugalie hoſtiliter intrans illius regionis omnia deuaſtauit. Non fuit ciuitas, nec munitio, quæ illi reſiſtere poſſet, vſque dum peruenit ad partes maritimas Occidentales Hiſpaniæ, & ciuitatem & eccleſiam, in qua corpus beati Iacobi tumulatum eſt, deſtruxit. Ad ſepulchrum vero beati Iacobi Apoſtoli, vt illud frangeret, audacter accedit, ſed ter-
ritus quadam fulguratione rediit: Eccleſias, monaſteria, & palatia fregit, atque igne cremauit. Rex autem cœleſtis Dominus I E S V S Chriſtus non continens in ira ſua mi-

fericordias suas, beati Iacobi Apostoli meritis ultionē fecit de inimicis suis. Misit namque Dominus diarriam & dysenteriam in ventrem Agarenorum: & partim infirmitate, partim subitanea morte quotidie gens ipsa minuebatur, & ad nihilum veniebat. Tulit autem barbarus Almanzor campanas minores ecclesiæ sancti Iacobi, & ob insignē fecit eas Cordubem deduci, & in oratorio suo pro lampadibus suspendit eas. Rex autē Veremundus misit pedites agiles, & expeditos plurimos, qui adiuti auxilio beati Iacobi Apostoli, per montana Galleciæ Sarracenos more pecudum trucidabant.

Post hæc Rex Veremundus misit nuncios ad Comitē Garfiam Fernandi de Castella, & ad Garfeanum Regem Pampilonensem, ut auxilium præberent ad tantū hostem debellādum. Tunc Rex Garfeanus maximā partem sui exercitus misit, & Comes Gar-¹⁰ fias Fernandi per se cum omni exercitu suo venit. Rex autē Veremundus, quia eo quod podagricus erat, nullatenus poterat equitare, humeris hominū baiulatus cum suo exercitu properavit. Cumq; Almanzor egressus de Gallecia Castellæ fines vellet iterum deuastare, occurrit ei cum magno exercitu Rex Veremundus, & in loco qui dicitur Canatanazor, inito certamine multa Sarracenorum millia corruerunt; & nisi nox diem clausisset, ipse Almanzor fuisset captus. Tamen ipsa die non fuit victus, sed de nocte arripuit fugam cum suis. Sequenti vero die Rex Veremundus præcepit acies ordinare, ut in ipso diei crepusculo contra Sarracenorum exercitum dimicarent. Sed properante exercitu ad castra Sarracenorum inuenerunt tantummodo tentoria fixa cum multitudine spoli-²⁰ orum. Comes autem Garfias Fernandi insecutus Sarracenos, qui fugiebant, eorum innumerabilē extinxit multitudinē. Mirabile est dictū ipsa die qua in Canatanazor succubuit Almanzor, quidam quasi piscator in ripa fluminis de Guadalquivir quasi plangens modo Chaldaico sermone, modo Hispanico clamabat, dicens: En Canatanazor per dio Almāzor el tambor: id est, in Canatanazor perdidit Almanzor tympanum siue sistrum, hoc est, lætitiā suā. Veniebant ad eum barbari Cordubenses, & cum appropinquarent ei, evanescebat ab oculis eorū, & iterum in alio loco apparens eadem plangens repetebat. hunc credimus diabolū fuisse, qui Sarracenorū plangebat deiectionem. Almanzor autem ab hac die qua succubuit, noluit comedere, neque bibere, & veniens in ciuitatē, quæ dicitur Medinacelem, mortuus est, & ibidem sepultus.

Post hæc Abdamelech filius eius anno sequenti venit cum exercitu magno iterum³⁰ Legionē, & destruxit denuo muros eius, ne Christiani eam iterum popularent. Comes autem Garfias Fernandi cum Legionensibus & Castellanis exiit obviam ei, & fugavit eum à regno Legionensi. Gens vero Gotthorū Dei miseratione à tanto hoste liberata, vires paulatim recepit, & in cōcordiam versa est. Nam miserunt ad Velam supra fatum nobilem, & ad certos comites Christianos, qui erant cum Sarracenis: & tam Rex Veremundus quam Rex Garfeanus, necnon & Comes Garfias Fernandi eos restituerunt hæreditatibus, & directuris suis; & pro patria & fide Catholica fortiter dimicarunt. Rex vero Veremundus adiutus à Domino cœpit construere Ecclesiā sancti Iacobi Apostoli, & certa loca sacra in melius restaurare. Sed dum in multis recepisset corre-⁴⁰ ctionem, tamen semper susurrōnes audiuit. Nam in multis, accusantibus quibusdam domnum Gudestem Ouetensem Episcopū, cepit eum, & in castro quod dicitur Pina reginē in finibus Gallecię per tres annos in vinculis tenuit. Sed mundi Saluator tantam siccitatē dedit in terra, quod nullus homo arare potuit, unde facta est fames valida in tota Hispania. Tunc homines quidam Deum timentes dixerunt Regi: Domine Rex, quidam serui Dei in visione viderunt, & dixerunt nobis, quod peccasti in Dominum, quando cepisti Ouetensem Episcopum, & non pluet, nec fames exiet à regno tuo quousque soluas eum, & restituas ei Episcopatū suum. Hoc audito Rex misit nuncios ad Astoricensem Episcopum dominum Xemenum, cui commendauerat Ouetensem Ecclesiā, & iussit absolui præfatū Ouetensem Episcopum, & honorifice restituit eum⁵⁰ ecclesię suę. Etenim Rex Veremundus quia facile deuiabat ad malum, facilius ad bonū misericordia flectebatur. Ab illa igitur die Dñs Iesus Christus super faciem terræ dedit pluuiam, & terra dedit fructum suum, & expulsa fuit fames à regno Gotthorum.

Habuit duas legitimas vxores Rex Veremundus: vnā Velasquitam quam viuētem dimisit, & aliam nomine Geloyrā, ex qua habuit filios Adefonsum, scilicet & Tharasiā. Habuit etiam duas nobiles concubinas: & ex vna genuit infantem domnū Ordonium, & ex alia infantissā domnam Geloyram. Ipse infans Ordonius ex infantissā Fronildi Pelagij genuit plures filios: quorum nomina hæc sunt, Adefonsum, Pelagius, Sancius & Xemenā. Ipsa vero Xemenā ex comite Munione Roderici genuit Comitē Rodericum Munionis, qui postea mortuus fuit in lite de sacralias. Præfatus etiam

Rex

Rex ex vna femina nomine Liefquita, pulcherrima genuit infantissam Christinam. Ipsa vero Christina genuit ex infante Ordonio cæco filio Ramiri Regis plures filios & filias, Adefonsum scilicet, Ordonium, Pelagiam Comitissam, & Efdonciam, quæ fuit vxor Pelagij Froylæ, qui diaconus fuit, & genuit ex eo Comitem Petrum, Ordonium, Pelagium, Munionem & matrem Suari Comitis & fratrum eius, & Tharasiam Comitissam Carrionensem, quæ ædificauit ecclesiam sancti Zoyli martyris. Isti omnes dicti fuerunt infantes de Carrione. Rex autem Veremundus maxima pedum grauatus ægritudine per manum Episcoporum & Abbatum multas eleemosynas faciens de malis commissis pœnitentiã egit, & in Berizo vitam finiuit: atque in Villa bona sepultus fuit, 10 & post aliquantos annos à filio suo Rege Adefonso translatus est Legionem: & vna cum vxore sua Regina domna Geloyra in ecclesia sancti Ioannis Baptistæ quiescit. Regnavit attamen annis decem & septem. Post mortem Regis Ramiri cum ante duobus annis regnauerit, & mensibus septem.

Era MXXXVI. Adefonsus filius eius habens à natiuitate sua annos quinque adeptus est regnum. Hic nutritus est à Melendo Gundisalui Comite Galleciæ, & ab eius vxore Comitissa domna Maiore: & dederunt ei filiam suam in coniugem, nomine Geloyram: ex qua genuit Veremundum & Sanciam, post mortem cuius duxit aliam nomine Vrracam. Eo fere tempore cum rebellaret Sancius contra patrem suum virum strenuum Burgenfium comitem Garfiam Fernandi, ipse comes Garfias mortuus est, & 20 successit, & filius eius nomine Sancius in comitatu Burgenfi vir armis strenuus, prudens in agendis, in sententia iustus, & labori cedere nescius, qui multas clades intulit Sarracenis. Tamen dum ipse rebellaret contra patrem suum, venerunt Sarraceni propter eorum discordiam, & capientes urbem Abelam funditus destruxerunt eam. Ceperunt etiam Sanctum Stephanum & Cruniam. Comes autem Garfias Fernandi dum cum paucis vellet obuiare Sarracenis, & incaute se gerere, captus est ab eis, & post paucos dies propria morte decessit. Tunc comes Sancius filius eius collecto multo exercitu Legionensium, Pampilonensium, & suorum perrexit Toletum, vt patris iniuriam vindicaret, & multas strages circumquaque ferro & flamma faciens, acceptis multis muneribus à barbaro Toletano Rege, in Castellam victor reuersus est, & multas victo- 30 rias nobiliter de Sarracenis obtinuit sæpe, ita vt vsque Cordubam hostiliter pergeret, & multas cædes Sarracenis inferret. Præfatus autem Rex Adefonsus sceptrum regni nobiliter gubernauit eo, quod sapientum se consilio rexit.

Tamen dum esset puerulus, & Adella Rex Toletanus Legionense regnum hostiliter infestaret, inito cōsilio nobiles regni dederunt Tharasiam sororem Regis Adefonsi barbaro pro coniuge, ipsa nolente eo, quod occulte se simulabat Christianam, & auxilium contra Agarenos cæteros Regi Adefonso se præstaturum iuramento firmavit. Quæ cum esset virgo Christianissima, & Toletum perductam barbarus vellet eam cognoscere, dixit ei: Noli me tangere, quia paganus. Si vero me tetigeris, Angelus interficiet te. Tunc Rex derisit eam, & concubuit cum ea semel, & statim sicut illa prædixit, percussus est ab Angelo Domini. Ille autem vt sensit mortem propinquam adesse, 40 sibi vocauit cubicularios suos, & præcepit eis onerare camelos auro, argento, gemmis & vestibus pretiosis, & adducere illam ad fratrem suum.

Rex autem Adefonsus celebrauit concilium cum Episcopis, Comitibus & potestatibus suis. era MLVII. & repopulauit Legionensem urbem, quæ vt prædictum est à Rege Agarenorum Almanzor fuerat depopulata. Reædificauit omnes portas eiusdem ciuitatis ex luto & ligno, & dedit ei bonos foros, & mores: quos debet habere tam ciuitas, quam totum Legionense regnum à flumine Pisorga, vsque ad extremam Galleciæ partem in perpetuum. Fecit etiam ecclesiam sancti Ioannis Baptistæ in ipsa vrbe ex luto & latere, & collegit omnia ossa Regum & Episcoporum, quæ in ipsa erant ciuitate, & in ipsa ecclesia sepeliuit ea simul, & super ea ædificauit altare ad honorem sancti Martini Episcopi & Confessoris. Deinde transtulit ossa patris sui Veremundi Regis, qui sepultus fuerat in Berizo in Villa bona, & sepeliuit ea in Occidentali parte ipsius ecclesiæ in sepulchro marmoreo vna cum matre sua Regina domna Geloyra. Restauratum etiam iuxta eandem ecclesiam monasterium sancti Pelagij, quod ab Agarenis fuerat destructum. Quo loco soror eius prædicta Tharasia in monachali habitu cum virginibus Deo dicatis diu permanfit, & postea Oueto obiit, & in monasterio sancti Pelagij sepulta fuit. Eo fere tempore supradicto Vela comite mortuo duo filij eius Didacus & Syluester cum Sancio duce Burgenfium nollent obedire, à Castella cum magno dedecore eiectioni sunt ab ipso duce. Ij venientes ad Regem Adefonsum, honorifice

sunt ab eo recepti: & dedit eis terram in submontanis. Post hæc Rex Adefonsus ordinatis sapienter per regni confinia rebus cœpit Sarracenis bella inferre, & regnum sibi subditū nobiliter gubernare. Anno igitur regni sui vigesimo octauo aggregato magno exercitu obsedit Vescum in Portugale magnum oppidum, quod adhuc detinebatur à Sarracenis. Cumq; quadam die propter nimium feruorē Solis indutus, tantummodo pallio & camissia longe à muris ipsius ciuitatis equitaret, à quodam insigni balcario Sarraceno inter scapulas sagitta percussus est. Cumq; sensisset se lethali ter vulneratū, vocauit Episcopos & Abbates, & ab eis accipiens corpus & sanguinem Domini, mortuus est, & sepultus in Legionem iuxta patrem suum & matrem suam.

Era M L X V. mortuo Rege Adefonso filius eius Veremundus successit in regnum Legionensium. Qui reuera Veremundus Patricius, puer constitutus in Regem, non vt illa ætas diuersis puerilibus & lasciuis cupiditatibus astringi assolet, constrictus dignoscitur, sed in ipso teneri regni exordio ecclesias Christi gubernare, easque à prauis hominibus defendere, cœnobiorum ceu pius pater consolator existere, & pauperum tutor sedulus esse cœpit. Duxit vxorem filiam Sancij ducis Castellani nomine Tharsiam: ex qua suscepit filium Adefonsum, qui post paucos dies mortuus est. Sancius vero Burgenfium dux quam gloriose se gesserit in suo comitatu, non posset noster ad plenum euoluere stylus. Dedit namque bonos foros & mores in tota Castella, & sapienter & fortiter se gessit in suo ducatu. Hic accepit à Sarracenis Gormaz, Osmam, & sanctū Stephanum, & alia multa in Extremadura Habuit filium nomine Garseam, & filias duas: quarum vnā dedit Regi Veremundo Legionensium in vxorem: & aliam Sancio Cantabrorū Regi: ex qua idem Sancius genuit duos filios, scilicet Garseam, & Fernandum. Obiit comes Sancius, & successit ei in ducatu Burgenfium infans Garsea filius eius. Tunc Burgeneses comites inito consilio miserunt ad Veremundum Regem Legionensium, vt sororem suam Sanciā comiti Garfiæ daret in coniugem, & concederetur eundem Regem Castellæ vocari. Rex attamen Veremundus hoc se facturū promisit. Vnde factum est, vt cum esset Rex Veremundus Ouetō, venerunt Burgenfium nobiles cum comite suo infante Garfiā in Legionem proponentes ire Ouetum, tum causa orationis, tum vt loquerentur cum Rege de matrimonio contrahendo, & Regis nomine Garfiæ duci obtinendo: sed filij Velæ comitis supradicti aggregantes exercitus in submontanis memores malorum, quæ sibi fecerat dux Sancius, ambulantes per totam noctem intrauerunt Legionem: & tertia feria illucescente die occiderunt ipsum infantem Garseam in porta ecclesiæ sancti Ioannis Baptistæ. Didacus comitis Velæ filius ipsum Garfiā in Baptismo de sacro fonte leuauerat, & propria manu occidit eum enormi sacrilegio perpetrato, & Dei timore postposito. Tunc occisi fuerunt multi tam de Castellanis, quam de Legionensibus, qui ad defensionem Garfiæ ducis confluebant. Post hæc cum iam multitudo conflueret ad vindicandam mortem Garfiæ ducis, prædicti filij Velæ, scilicet Didacus & Syluester fugientes se in montibus, locis tutissimis contulerunt. Infans vero Sancia prædicta fecit planctum magnum super ducem Garfiā, & sepeliuit eum honorifice iuxta Regem Adefonsum patrem suum in ecclesia sancti Ioannis Baptistæ. Puer fere tredecim annorum erat infans Garfiā quando mortuus est.

Sancius autem Rex Cantabrienfium, qui gener erat Sancij ducis Castellani, successit Garfiæ in comitatu Burgenfium, & cœpit regnare in Nauarra & in Castella. Rex autem Sancius filius fuit Garseani Regis Nauarrorum, qui & ipse Garseanus genitus fuit de Sancio Rege Cantabriæ, qui de nobili Gotthorū regali femine extirrit procreatus. Hic tempore cladis Almanzor, & aliorum Agarenorum fortiter se habuit contra Sarracenos. Nam cum Agareni quæque plana Hispaniæ occupassent, Cantabri alioris & laborum pro loco & necessitudine iniurias fortiter patientes, arreptis leuioribus armis, per colles & opaca siluarum loca pedites serpendo ex improviso castra hostium, dum aderant inuadendo sæpe conturbabant. Neque huiusmodi factum ab hostibus vsquam poterat vindicari, quia Cantabri succincti & leues, statim vt res postulabat, in diuersa rapiebantur. Itaque Maurorum rabies, quæ aliis formidolosa erat, Cantabris ludibrio habebatur. Quapropter Cantabriorum regnum propter difficultatem introitus & agilitatem incolarum pro maiori parte solidum mansit. Vnde Rex Sancius primus, cuius cognomen Auarca, cum Sarraceni tempore hyemali urbem Pampilonam debellarent, & ipse esset in Pyrenæis montibus, vltra Alpes roscidauallis, & ingens nix clauderet portum, fecit sibi & suis militibus de coriis crudis & ligneis viminibus rusticorū more calceamenta, quæ vulgariter, Auarcas & Baraliones vocāt, & nocte Alpes

Alpes rōscidæuallis per niues transiit, & illucescente die Agarenos iaculis & gladiis in tantum fortiter inuasit, vt perpauci Sarracenorum euaderent, qui suis facta prælij nunciarent. Post ipsum surrexit filius eius Rex Garseanus, qui nobilissimi patris fortissima facta secutus, barbaris armatus crebro occurrit: & eorum impetus, ne in finibus Christianorum more solito deuenirent, constanter compescuit. Quo defuncto Sancius filius eius paternum subiit regnum, qui victoria simili, sicut auus eius, per auarcas & baraliones, super eandem urbem Pampilonam multa millia Sarracenorum prostrauit; quare etiam ipse Rex Auarca dictus fuit, & ad plana descendens, inimicos fidei Christianæ longius secedere compulit. Hic autem vt prælibatum est, postquam in Castella regnare cœpit, ita comitatum Burgensem ampliavit, vt iam non comitatus Castella, sed regnum merito diceretur. Ab ipsis namque Pyrenæis iugis vsque Naiaram, quidquid terræ infra continetur, à potestate Paganorum eripuit; & iter sancti Iacobi aperuit, quod barbarica infestatione clausum erat, & per deuia Alauæ peregrini declinabant, quos Sancius Rex absque retardationis obstaculo recta via currere fecit, & in cunctis fere victor extitit. Meruit quoque, vt dictum est, natorum contubernio diu feliciterque perfrui: quibus viuens pater benigne regnum diuidens Garciam primogenitum Pampilonensibus præfecit, Fernandum vero bellatrix Castella iussione patris pro Rege suscepit. Dedit etiam Ramiro, quem ex concubina habuerat, Aragonem
20 quandam se motam regni sui particulam, ne fratribus eo quod materno genere impar erat, quasi regni hæreditarius videretur. Deinde mouens arma contra Regem Veremundum Legionense regnum valde minorauit. Tamen contra eum insurgentibus vehementer Legionensibus & Gallecis, ne hoc deueniret in patriæ destructionem, petiuit à Veremundo Rege Legionis adhuc in teneris annis constituto Sanciam sororem suam nobilissimam puellam, dari filio eius Fernando in cōiugem propter pacem Christianorum reformandam. Rex autem Veremundus largissima manu regales sororis nuptias exhibuit, & Ferdinandus Sanciam in coniugem accepit. Cæterum Rex Veremundus ab extremis finibus Galleciæ vsque ad flumen Pisorgam, quod tunc Cantabriensium regnum separabat, Rex constituitur. Porro Sancius Rex in senectute bona plenus dierum dum filius eius Garcias ob vota soluenda Romam commicaret, ab
30 hac vita decessit. Quem Fredenandus apud Oniense ctenobium magno cum honore, vt tantum patrem decebat, humari fecit. Rex vero Garcias postquam solutis Deo votis Roma rediit, & obitu patris percepto Pampilonensi provinciæ appropinquauit, audiuit Ramirum fratrem suum ex concubina ortum, super regno sibi insidias tendere. Qui nimirum Ramirus ad hoc perficiendum adunauerat sibi quosdam Mauro- rum Reges, Cæsaraugustanum scilicet & Oscensem, atque Tutelanum: quorum præsidio fretus positis castris super Taphaiam fratri campale bellum indigne comminabatur. Cuius superbiam, quia animositas Garciæ Regis ferre non sustinebat, collectis Pampilonensium fortissimorum copiis castra hostium extemplo aggreditur. Deinde
40 maxima parte hostium trucidata, ceteri qui remanserunt, relictis tentoriis, stipendiisq; inermes fugam arripiunt. Ramirus autem nisi discalceatus super equum capistro regente tuta peteret loca, dies illa sibi vltima foret.

Post hæc ex vinculo vnitatis & dilectionis oritur inter Regem Fernandum, & Regem Veremundum sæua discordia, quæ omnium malorum seminarium bonorumque semper turbatrix fuit. Siquidem præfatus Rex Sancius pater Regis Ferdinandi post mortem Legionensis Regis Adefonsi Rege Veremundo puerilibus annis impedito, partem regni sui, videlicet à flumine Pisorga vsque Ceiam, suo domino mancipauerat, & tam in ipsa terra, quam in tota Castella eidem filio suo Fredenando Regi & Sancie Reginæ dominandi dederat potestatem. Veremundus autem ubi Rex Sancius expi-
50 rauit paternum regnum sibi vindicare disposuit. At hoc Fredenando, cui Adefonsi Regis filia nupserat, videbat esse iniustum, si vxor eius foret omnino expers regni patris sui. His itaque repugnantibus magna inter vtrumque nascitur commotio belli: sed quoniam viribus militum impares erant, adeo quod Fredenandus ferre Veremundi impetus non valeret, auxilia fratris sui Regis Garciæ ad expugnandum hostem obnixius poscit. Fernandus igitur & Garcias frater eius aggregatis fortissimorum militum copiis, dum ad expugnandum hostem properant, ecce Rex Veremundus cum suis transiecto Cantabriensium limite eis armatus occurrit: & iam in ripa fluminis de Pisorga super vallem Thamaron vtriusq; exercitus oppositæ acies conspiciebāt se fulgentibus armis, cum Rex Veremundus acer & imperterritus primo insignem equum suum Pelagiolū calcaribus vrgeret: & cupiens hostem ferire, rapido cursu intes

denfissimum cuneum militum Cantabrorum stricta hasta incurrit. Sed dum ferox Garfias & Fernandus acrius instarent, in ipso equi sui rabido impetu confoditur lanceis, atque corruens in terram mortuus est. Multi etiam sui milites inordinate currentes post ipsum, quia non potuerunt eum contingere propter equi eius nimium cursum, accelerantes tamen ut poterant, super eum occubuerunt. Corpus autem Veremundi Regis delatum est Legionem, & cum patribus suis est sepultum, vna cum vxore sua regina Tharasia. Regnavit autem annis decem.

Era M L X X V. prædictus Rex Fredenandus venit & obsedit Legionem, & cum esset fere absque muris, post paucos dies cepit eam, & intrauit cum multitudine militum, & accepit ibi coronam regni, & factus est Rex in Legione & in Castella. Non enim supererat aliquis de regali semine, ad quem spectaret regnum Legionense iure propinquitatis, nisi Sancia Regina vxor eiusdem Regis Fernandi. Consecratus est dominus Fredenandus in Ecclesia sanctæ Mariæ Legionensis sedis, & vnctus in Regem à venerandæ memoriæ Seruando eiusdem ecclesiæ Catholico Episcopo decimo Kalen. Iulij. Qui postquam cum coniuge sua Sancia scepra regni gubernandi suscepit, incredibile est memoratu, quam breui barbarorum prouincias totius Hispaniæ formido eius inuaserit. Quas in principio regni maturius depopularet, nisi ad sedandos regni sui tumultus, prius quorundam magnatum rebelles animos corrigere sagaciter procuraret. Terreabantur Sarraceni cum viderent Legionem & Castellam in vnam concordiam conuenire, & Regem fortem & sapientem illis imperare. Sancia vero Regina peperit ei filium, qui Sancius est vocatus. Deinde peperit filiam nomine Geloyram. Tertio peperit filium, quem utrique parenti vocari placuit Adefonsum. Quarto minimus Garfias genitus est. Vrracam namque decore & moribus nobilissimam puellam priusquam obtinuisset regni apicem genuerunt. Rex vero Fredenandus filios suos & filias ita censuit instruere, ut primo litteralibus disciplinis, quibus & ipse studium dederat, erudirentur. Deinde ubi ætas patiebatur masculos more Hispanorum equos cursare & armis & venationibus fecit filios exercere. Filias autem ne per otium torperent, ad omnem muliebrem honestatem erudiri fecit. Sed inimica omnium bonorum inuidia animum Garfiæ Regis Pampilonensium fratris eius coepit acrius stimulare & de Regis Fredenandi opulentia & felicitate Garfias nimium torquebatur. Rex vero Fernandus cum per omnia mansuetus & pius inueniretur, quadam naturali benignitate fratris inuidia perturbatum animum studebat ad dilectionem fraternam reuocare. Igitur dum Rex Garfias apud Naiaram ægrotaret, Rex Fernandus fraternis commotus visceribus eum visere festinat. Rex autem Garfias inito consilio iussit suis, ut caperent Regem Fredenandum. Sed Fredenandus ut hoc comperit, velociter in patriam se recepit. Factum est autem conuerso Rege Fredenando, & ægrotante eum Rex Garfias pro tanto scelere mitigando & fratre placando accessit humiliter visitare. Quem visum Rex Fredenandus Ceizæ in vinculis ponere iussit. Sed Rex Garfias callide post aliquos dies euasit, & cum quibusdam militibus furtim præparatis ad propria remeauit. Qui deinceps Garfias acer & furibundus coepit aperte manifestas occasiones belli quærere, atque fratrum sanguinem sitiens Fernandi fines quousque attingere poterat, hostiliter deuastare. Quibus auditis Rex Fredenandus collecto à finibus Galleciæ vniuerso exercitu iniuriam regni vlcisci properat. Tamen legatos idoneos ad Regem Garfiam misit, quatenus dimissis finibus suis vteretur pace, & cum eo mortiferis gladiis confligere nollet. Fratres enim erant; ideoque vnumquemque in regno suo deceret quiete vivere. Ad hoc etiam tantam suorum militum multitudinem Garfiam sustinere non posse, illi prædicit. Porro Rex Garfias ferox & animosus audita legatione nuncios de castris suis despecta pietate fratris exire imperat, & statim subinferendo minas ipsos nuncios cum sociis, qui pugnam subierint, triumphato domino more pecudum se rapere in patriam dicit. Præsumebat namque Rex Garfias de iuribus suis eo quod tunc temporis, excepto imperio regio, præ omnibus militibus habebatur miles insignis. Siquidem in omni bello strenui militis & boni imperatoris officia nobiliter agere consueuerat; illexerat quoque sibi maximam turbam Maurorum, quos tumultus causa suis ad pugnam sociauerat. Igitur Rege Fredenando, & à Rege Garfia dies & locus infelicitis pugnae constituitur. Sed iam Rex Garfias in media valle de Mata Porca posuerat castra, cum Fernandi Regis milites noctu desuper imminentem præoccupant collem. Qui nimirum milites ex cognatione, vel familia Regis Veremundi fuerant, & ubi voluntatem domini sui Regis Fredenandi auidam Regem Garfiam viuum capiendi potius quam extinctum animaduertunt, instinctu Sanciæ Reginae communem sibi san-

sibi sanguinem vel dominum vindicare singulariter anhelabant. Mane itaque facto cum primo Sol refulsisset, vndique ordinatis aciebus ingens clamor vtrinque attollitur, inimica pila eminus iaciuntur, & mortiferis gladiis res geritur. Cohors tamen fortissimorum militum, quos paulò ante tetigi, laxis habenis desuper incurstantes per medias acies secando omnem impetum crispatis hastis in Regem Garciam inferunt, atq; confossum, exanimem de equo in terrâ præcipitât. In quo bello duo ex magnis militibus Garciæ cum eo interfecti sunt. Rex autē Fernandus præcepit suis ne fugientes Christianos occiderent volens ciuibus parcere, Vnde factum est, vt Sarraceni, qui venerant ad pugnandum dum fugerent, maior pars illorum captiuata est. Corpus
 10 vero Garciæ Regis in ecclesia B. Mariæ de Naiara sepulturæ traditū est, quā ipse à fundamēto deuote cōstruxerat, atq; argēto & auro sericisq; ornamētis pulchre ornauerat.

Rex autem Fernandus postquam mortuo Rege Garcia & Rege Veremundo ab ultimis finibus Galleciæ vsque Tolosam, omne regnū ditioni suæ subactum videt, omne tempus reliquum iam securus de patria in expugnādis barbaris, & ecclesiis Christi decorandis agere decreuit. Igitur anno regni sui decimosexto de campis Gotthorū cum exercitu magno mouens in Portugalem profectus est. Etenim ex Lusitania prouincia & Betica barbari erumpentes impie dominabantur in partibus illis. Rex autem Fernandus per omne vitæ suæ tempus hoc immobili mente firmiter statuerat, scilicet non prius ab incepto desistere, aut semel suscepto labori cedere quam hoc q̄ efficere conaretur, perfecto fine cōcluderet: ex qua re formido eius corda barbarorū perterruerat.
 20 Paratis itaq; stipendiis omnibus primo impetu oppidum Sena cum circumiacentibus castellis inuasit interfectis barbaris, & ex eis quos voluit in seruitutē sibi suisq; redegit.

Triumphato ergo oppido Sena ad debellandam Vefensem ciuitatē accelerat ea scilicet causa, vt factorum suorum reddita vice pro Adefonso Rege socero suo interfecto ciuitatis illius barbari soluerent debitas pœnas. Erat in ipsa ciuitate sagittariorum fortissima manus, cuius impetū si aliquando milites ad murū causa dimicandi accederēt, nisi clypeis tabulas superponerēt, aut aliqua obstacula fortiora ferre nō valerent, cum sagitta singularē clypeum & loricam pertransiret. Exploratis igitur omnibus ciuitatis ingressibus, positisq; castris Rex electos & milites & balearios ad ciuitatē cursu tēdere,
 30 & portas obsidere præcepit. Deinde cōmisso prælio per aliquot dies cū magna fortitudine certaretur cepit eam: atq; inuento inibi sagittario insigni qui Adefonsum Regem interfecerat, eum manibus & oculis & altero pede priuare iussit. Ceteri vero Sarraceni qui gladium euaserūt, militibus fuere præda. Inde propere mouens castra ad Lamecū ciuitatē peruenit, & circumdato exercitu murū magno conamine irrumperē nititur; q̄ quāuis difficultate loci inexpugnabilis videretur, oppositis turribus ligneis, & diuersorū generū machinis, eam breui expugnauit, & Mauros inibi degentes partim gladio interfecit; partim ob diuersa ecclesiarū opera ansis ferreis iussit cōstringi. Siquidē Rex Fernandus solerti semper cura prouidebat, vt de victoriarū suarū spoliis ad laudē Dei, qui eum victorē reddebat, melior pars per ecclesias, & Christi pauperes distribueretur.

40 Cepit etiā castrum sancti Iusti super flumen Malua situm & Taroca, cum aliis pluribus circumquaq; positis, ne in eis cōtra Christianos barbari vltius præsidia ponerent, ad solum vsq; detraxit. Quibus triumphatis vt Conimbria illarū partium maxima ciuitas, quæ istis præfuerat, Christo subiiceretur limina B. Iacobi Apostoli petiit: atque in ipsa ecclesia, quæ dicti Apostoli corpus cōtinet, triduū fecit, & vt gentē Christianā dignaretur adiuuare, & Conimbriā ciuitatē Christiano cultui subiugare Apostolus Iacobus, deuotis precibus precabatur. Dotataq; ipsa ecclesia multis muneribus Rex Fernāndus diuino fretus auxilio Conimbriā accelerat, positisq; super eam castris cōsedit. Exaudiuit Dñs preces Regis Ferdinādi: & cū ipse pugnaret apud Conimbriā martiali gladio, Iacobus Apostolus Christi intercedēdo Dñm pro eo pugnabat in cœlo. Et cum per ali-
 50 quot tēporis spatia infra muros Conimbriæ Sarracenos teneret inclusos, positis in giro machinis & arietib⁹ muros ciuitatis in parte fregerat. Quod vidētes barbari legatos supplicādo ad Regē Fernandū miserunt, quatenus Mauris tantūmodo cōcederet vitā, & acciperet urbē cum omni eorū substantia. Rex vero Fernandus adquiescit, & eiectis Sarracenis quadā die Dominica hora tertia ciuitatē cepit. Quod hæc ciuitas meritis B. Iacobi Apostoli à Rege Ferdinando capta fuerit, sic manifeste innotuit. Venerat enim ab Hierosolymis quidā Græculus peregrinus, qui in porticu ecclesiæ B. Iacobi diu permanēs vigiliis & orationibus insistebat. Cumq; intrātes populi laudando, beatū Iacobum militē decantarent, ipse peregrinus dicere cœpit eū non fuisse militē, sed piscatorem. Cum vero pernoctaret in oratione, subito raptus in extasi, ei Apostolus Iacobus

apparuit, & tenens quasdam clauēs manu cum alacri vultu alloquens dixit. Heri, inquit, pia precantium vota deridens dicebas me militem non fuisse. Post hæc allatus est magnæ staturæ splendidissimus equus ante fores ecclesiæ, cuius nimia claritas totam apertis ianuis ecclesiā perlustrabat. Quem Apostolus ascendens innotuit peregrino illis clauibus se ciuitatem Conimbriam aperiturum, & Regi Fernando in crastinum circa tertiam diei horam se daturum. Quibus dictis Apostolus disparuit. Facto autem mane peregrinis vocatis clericis & maioribus ciuitatis indicauit eis visionem, & expeditionis ignarus dixit ipsa die Regem Fernandum Conimbriam habiturum. Qui denotato die legatos cum festinatione ad castra inuictissimi Regis dirigentes inuenerunt Conimbriam à Rege Ferdinando captam ea die & hora qua dixerat peregrinus. 16

Expulsa itaque de Portugali Maurorum rabie, omnes Sarracenos vltra fluuium Mondego, qui vtramq; prouinciā separat, Rex Fernandus armis ire coegit. His vero ciuitatibus, quas de potestate paganorum eripuit Sennandum consiliis illustrem præfecit. Is namque à Benabeth Rege Beticæ prouinciæ cum alia præda ex Portugali olim raptus, multis præclaris commissis inter barbaros insudando in tantam peruenerat claritatem, vt præ omnibus regni sui barbaris Regi charior haberetur. Quippe cuius neque consilium neque inceptum vllum frustratum fuerat opus. Cæterum vbi relicto Benabeth Sennandus ad Regem Fredenandum profectus est, actis & consilio & Christianis insignis & barbaris vsque ad extremum diem valde terribilis fuit. Rex vero Fernandus post triumphum limina beati Iacobi Apostoli cum immensis donis deosculans ad Legionensem urbem alacriter est reuersus. Vbi magnatorum suorum generalem habens conuentum statuit barbaros qui à parte Orientis ex prouincia Carthaginensi & Cæsar-augustano regno inundantes, munitiones & castella secus flumen Dorij sita inhabitabant bello aggredi. Erant autem affinitate loci, confinibus Castellæ prædas pecudum & mancipiorum extemplo agentes. 26

Redeunte igitur anni congruo tempore Fernandus Rex dictas ciuitates & castella cum magno exercitu inuadit; captoque in breui castro Gormaz, vadum Regis accessit. Quod oppidum postquam suæ ditioni mancipauit, ciuitatem Berlangam quæ cætera circumquaq; posita protegebat castra, animosus petiit. Sarraceni autem illius ciuitatis, ne præda forent Christianis, nimio terrore concussi antequam eos Rex interciperet, murum in diuersa perforantes relicta turba puerorum & mulierum fugerunt. Post cuius triumphum Rex oppidum Aquilera inuasit. Castro quoq; sancti Iusti triumphato, sanctæ Mariæ munitionem pugnando cepit. Castrum etiam Guermos aggrediens ad solum vsque destruxit. Postremum etiam destruxit omnes turres vigiliarum, quæ barbarico more super monte Parrantago erant eminentes; atque municipia quæ in valle Porceo Rex ob tuitionem arantium & pecudum construxerat. Cæterum vbi Cantabriensium confinia à fortitudine barbarorum ex Celtiberia prouincia, & Toletano regno eructantium fecit secura, compactis ex omni regno validissimis militum baleariorumq; copiis Carthaginensem prouinciā Fernandus Rex expugnare intendit. Qui superatis Oniæ alpibus plana etiam loca, quæ Sarraceni detinebant, ferro & flamma vastauit. Deinde secus oppidum Talamanca castra mouens cepit eam, & pleraque loca barbarorum armentis & pecoribus aliisque prosperis rebus opulentissima occuparunt, agros vastauit, multa castella & oppida cepit & incēdit, Mauros masculos interfecit, & pueros ac mulieres, & omnē eorum substantiam militum prædam esse iussit. Ciuitatem etiam Complutensem pertingens depopulatis ferro & flamma vndique illius prædiis circumuenit eiusdem mœnia castris. Complutenses vero barbari postquam infra muros constricti omnes res suas de foris direptas murumq; arietibus feriri vident, necessario ad Regem Almemonem Toletanum legatos mittunt, quatenus tantum hostem vel bello propulsando, seu muneribus mitigando de sua & regni incolumitate pertractet. Quod nisi celerius faciat, se Toletanum regnum perditurum in proximo sciat. Barbarus autem saniori vsus consilio immensam pecuniam auri & argenti & pretiosarum vestium conglomerat, atque accepta formidinis securitate ad Regis Fernandi præsentiam humiliter prope-rans, excellentiam illius obnixius postulat, vt acceptis muneribus fines suos vastare desistat. Ad hoc etiam & se & regnum suum potestati illius commissum dicit. Porro Fernandus Rex quamuis barbarum fecte loqui intelligebat, tamen pro tempore accepta pecunia & Sacramenti sponione, vt sibi esset subditus, Carthaginensem prouinciā expugnare desinens, multa onustus præda in campos Gotthorum se recepit. 50

Cumq; iam gloriosa securitate ditatus Legione in solio suo resideret gloriosus, vt patrum suorum Regis Reccarediatq; Regis Adefonsi fidem augeret, & opera ad cumulū suæ fœ-

suæ felicitatis, cum Regina Sancia blandis adit colloquiis, quatenus in ciuitate Legionensi sibi suisq; posteris decenter pararet sepulturam, quam etiam Sanctorum reliquiis ad suam & suorum tam præsentis vitæ quam futuræ tuitionem decorare studeret. Hæc suggerens Regina Sancia dicebat ei: Pollet hæc ciuitas situs nobilitate, eo quod sit iucunda terris, salubris aere, fluminibus irrigua, pratis & hortis fæcunda, montibus & fontibus delitiosa, arboribus nemorosa, atque religiosorum virorum habitationi aptissima. Decreuerat namq; Fredenandus Rex apud monasterium Sancti Facundi, quod semper carum habebat, vel in Ecclesia sancti Petri de Arlanza corpus suum tradere sepulturæ. Sed victus petitionibus, suæ dilectissimæ coniugis statim deputantur camentarij, qui assidue dent operam in lapidibus dolandis & Ecclesia construenda tam dignissimo labori. Tunc Rex Fernandus Legionensium ciuium precibus inclinatus Zemoram, quæ à Sarracenis destructa fuerat, populauit & dedit ei perpetuo bonos foros & nobilissimos mores. Extiterant quippe ab antiquo Legionenses & Zamorenses amicitii copulati, & Almanzor barbarus vtramq; destruxerat ciuitatem. Interea Rex Fernandus cum venerabili coniuge, quibus idem inerat sanctum & firmum desiderium, excogitans qualiter de sanctorum Martyrum corporibus, qui fuerant in Hispalensi ciuitate trucidati pro Christi nomine posset adipisci vel vnum, ordinatis per cōfinia rebus cum primo aduenit opportunitas temporis congregato exercitu innumerabili in Beticam & Lusitaniam prouincias, quibus barbarorum Rex Benabeth præerat, hostiliter profectus est. Depopulatis itaque barbarorum agris, & plerisq; villis incensis eidem Benabeth Rex occurrit cum magnis muneribus, eumq; per amicitiam & regni decus obsecrat, ne ipsum regnumq; persequi velit, sed illum sicut cæteros Sarracenos Hispaniæ Reges subiectum tributarium dignetur habere. Rex vero Fernandus grandæui barbari precibus flexus omnes idoneos viros, qui ex hybernis conuenerant ad bellandum pro fide vocari iubet, quorum consilio disponat, quem finem supplicationibus Regis Maurorum imponat, sed viri prudentes superni dispensatione consilij consulunt illi, vt barbarum recipiat cum muneribus, & corpus beatæ Iustæ martyris, quæ olim apud Hispalim cum corona virginitatis & martyrij perrexit ad Christum, prout eius insidebat animo expeteret ad Legionensem urbem transferendum, quod factum est petitionibus eius, vt catholicus Fredenandus voluit, assensum præbuit Benabeth: & ei se daturum sanctæ Iustæ virginis corpus promisit. Qua sponsione accepta postquam de expeditione illa gloriose ventum fuit Legionem, conuocauit Rex miræ sanctitatis Aluitum Legionensem Episcopum, & Ordonium immutabilem fide, prudentia & largitate Astoricensem antistitem, simulq; Munionem comitem, atque Fernandum & Gundisaluum sui palatij optimates: & cum manu militum eos ad deferendum supradictæ virginis corpus Hispalim misit. Qui venientes causam suæ legationis Regi Benabeth patefecerunt. Rex itaq; paganus eos cum magno suscipiens honore egit consilium cum suis quid supra hoc ageret, & accepto suorum consilio respōdit nunciis Regis Fernandi, se nescire vbi esset prædictæ virginis & martyris corpus. Tunc beatus Aluitus Legionensis Episcopus vna cum gloriosissimo Ordonio Astoricensi Episcopo indixerūt triduanum ieiunium sociis, vt Dominus eis ostendere dignaretur corpus sanctissimum quod quærebant. Tunc apparuit ambobus Episcopis oratibus Christi confessor Isidorus, & ostendit eis sui corporis locum, præcipiens vt eum deferrēt ad ciuitatem Legionensem decorandam. Sed cum ex licentia Regis Benabeth tumulus beatissimi Doctoris Hispaniarum Isidori aperiretur, balsami ros de ossibus illius exhalauit, & arbores & homines qui aderant, perfudit. Multa etiam alia miranda in ipso loco & in itinere facta sunt, dum duceretur Legionem. Delata sunt beati confessoris Isidori membra Legionem, & in tumulo aureo à Rege Fredenando & Sancia Regina super altare sancti Ioannis Baptistæ venerabiliter collocata, vbi tot miracula ad laudem Christi nominis quotidie declarantur, vt si quis peritus ea membranis traderet, non minima conficeret librorum volumina.

Post aduentum autem sancti corporis Isidori summi Pontificis in Legionem, quia ciuitas Abulensis in vastitatē olim à Sarracenis redacta fuerat, transtulit ex ea Rex Fernandus corpora sanctorum Martyrum Vincentij, Sabinæ, & Christetæ. Corpus sancti Vincentij martyris cum parte reliquiarum ipsius germanarum Rex Fernandus iuxta techam beati Isidori Doctoris Hispaniarū honorifice collocauit in Legione. Corpora vero sanctarum Sabinæ, & Christetæ in ecclesia sancti Petri de Arlanza tumulauit. Sed magnam ex eis partem Palentiæ contulit. Regina etiam Sancia postulante patrē suum Regem Sanciū à monasterio Oniensi transtulit, & cū aliis Regibus Legione sepeliuit.

Post hæc venerabilis Rex Fernandus in defendendo, ampliando simulque exornando regno inuictissimus Princeps cum in folio suo Legione resideret serenus, habito magnatum suorum concilio generali, ut filij sui, si fieri posset, post obitum eius quietam ducerent vitam, illi regnum etiam eis diuidere placuit. Dedit Domino Sancio à flumine de Pisorga totam Castellam, Naiaram, & Pampilonam cum omnibus regalibus sibi pertinentibus in montibus Pyrenæis vsque Tolosam. Dedit domino Adefonso Legionem per flumen de Pisorga, & totas Asturias de Transmera vsque ad flumen Oua. Astoricam etiam Campos, Zemoram, campum de Tauro, Berizum vsque in villam Vxor in monte Zebrero. Dedit domino Garfia totam Gallæciam vna cum toto Portugali. Tradidit etiam filiabus suis Vrracæ scilicet & Geloyræ totum infantaticum cum omnibus monasteriis, quæ ipse construxerat, admonens, ut vsque ad exitum huius vitæ ipsas Ecclesias adornarent, & absque mariti copula viuerent. Religionem etiam Christianam, quam ab infantia deuotè amplexatus fuerat, summa cum deuotione custodiens, quam in Legione nouiter construxerat Ecclesiam, & in honore Sancti antistitis Isidori fecerat dedicari, plurimæ pulchritudinis auro & argento lapidibusque preciosis & cortinis sericis decorauit. Eandem Ecclesiam mane, vespere & nocturnis horis atque sacrificij tempore impigre frequentabat, & interdum cum clericis in Dei laudibus modulando in ecclesia pollenter vices cantoris explebat, quod quia beatus confessor Isidorus Doctor & Legislator Hispaniarum extiterat, Rex Fernandus statuit, ut in eius Ecclesiæ leges Gotthicæ à Legionensibus omnibus [†] discernerentur. Colebat etiam Rex Fernandus nimia veneratione Ouetensem Sancti Saluatoris Ecclesiam, quam multo auro & argento & lapidibus pretiosis ditauit. Ecclesiam etiam beati Iacobi Apostoli diuersis muneribus studuit exornare. Quid plura? neque Fernandus pius & excellentissimus Princeps vitæ suæ curriculo quicquam carius duxit, quàm ut regni suæ Ecclesiæ principales suis donis fulgerent, atque omnes per illum non solum quiete ac defensione, verum etiam suis laboribus ornata & ditata forent. Amabat pauperes peregrinos, & in eis suscipiendis magnam habebat curam. Ad hæc etiam ubicumque monachos, canonicos, clericos, vel mulieres Deo dicatas viuere in paupertate reperiēbat, eorum penuriæ compatiens, aut per se, ut eos consolaretur venire, seu pecuniam mittere crebro consueuerat. Vnde factum est, ut quadam die ad Ecclesiam Sanctæ Mariæ Legionensis sedis Missam auditurus veniret, atque inspiceret subdiaconum conscissa serica tunica ministrantem. Post hæc per singulos diligenter aspiciens vidit quosdam pueros clericulos ipsius Ecclesiæ in choro nudis pedibus stantes. Qui misericordia motus plures vestes sericas ad ministerium diuinum eidem Ecclesiæ contulit, & quingentos solidos seu amplius ad opus calceamentorum Canonicorum in castro Iudæorum, quod est iuxta ciuitatem, eandem annuatim habendos perpetuo concessit.

Post hæc cœnobium Sancti Facundi visitare misericorditer veniens, dum ibi erat monastico contentus ordine cum eisdem monachis orabat, & cum eis humiliter fumebat cibum. Cæterum quadam die ex more coram Abbatis mensa, super quam & ipse Rex recumbebat, allatum est domino Regi quoddam vitreum vas vino plenum. Quod iussu Abbatis, ut de vino pro benedictione biberet, Rex incaute accipiens, cecidit vas super mensam, & frustatim confRACTUM est. Tunc Rex anxietate velut magni reatus percussus vocat ad se vnum de circumstantibus pueris, & vas aureum preciosis lapidibus insignitum quo ipse assidue bibebat, sibi adduci celeriter imperat. Quod sine mora defertur, & Rex eum accipiens se erexit, & fratres sic allocutus est, dicens: En domini mei pro confRACTO hoc beatis martyribus restituo vas. Statuit quoque per vnumquemque annum dum viueret pro vinculis peccatorum soluendis Cluniacensis Cœnobij monachis mille aureos ex proprio ærario dari. Regina autem Sancia vxor eius non minus eo consimilibus sanctis operibus insistebat, & sapientia plena ita suberat viro, ut particeps laboris fieret in regno. Dum enim ad bellandos Agarenos Rex Fernandus longe lateq; procederet, Regina Sancia in tantum ei equos, arma & omnia necessaria ministrabat, ut nihil deesset exercitibus Christianis, sed bonis abundantes viriliter persequeretur inimicos Christi. Quibus rebus benè ordinatis cum expedita manu multorum militum ad Celtiberiæ prouinciæ pagos vastandos, ac villas Maurorum diripiendas Rex Fernandus profectus est. Non enim volebant sibi Sarraceni illius prouinciæ reddere solita tributa. Cumque ibi diu moraretur, omnia quæ extra munitiones erant, ferro & igne depopulatus, Valentiam ciuitatem accessit. Quam breui expugnasset, nisi ægritudine correptus decubuisset. Omnibus tamen

Celtibe-

Celtiberiæ provinciæ ciuitatibus & castellis in deditionem acceptis almus Doctor Isidorus ei apparuit, & diem sui exitus imminere innotuit, & in ipsa corporis valetudine mense Decembri Legionem delatus, apud sancti Isidori confessoris Christi memoriam orauit. Ingressus est enim in ciuitatem nono Kalen. Ianuarij, die Sabbatho, & ex more corpora Sanctorum fixis genibus adorans, petebat, vt quia iam terribilis hora mortis sibi imminere videbatur, ipsis cum Angelicis choris interuenientibus anima eius à potestate tenebrarum libera ante Christi tribunal sui Redemptoris illæsa præsentaretur.

- 10 Cæterum in ipsa celebri Natiuitatis Domini nocte, cum clerici festiuo more natalicium matutinum canerēt, affuit inter eos dominus Rex atque virtute qua poterat concinere cœpit vsque ad vltimum Psalmum matutinorum. Aduenit nobis, versus quem tunc temporis more Toletano canebant, succentoribus respondentibus. Erudimini omnes qui iudicatis terram. Quod Fernando serenissimo Regi non incongrue veniebat. Quia dum sibi viuere licuit, regnum catholice gubernauit; & se ipsum pressum pudicitia freno funditus eruditum reddidit. Porro illucescente natiuitatis filij Dei clara vniuerso orbi die, vbi dominus Rex se artibus deficere prospicit, Missam canere petit, ac percepta corporis & sanguinis Christi participatione ad lectum manibus deducitur sustentantium. In crastinum vero luce adueniente sciens quod futurum erat, vocauit ad se Episcopos & Abbates, & quosque religiosos viros, & vt exitum suum confirmarent, vna cum eis ad ecclesiam defertur ornatus cultu regio, & corona aurea imposita capiti. Deinde fixis genibus coram altari sancti Ioannis Baptiste, & Sanctorum corporibus, scilicet Isidori confessoris, & Vincentij martyris clara voce ad Dominum dixit: Tua est potentia, tuum regnum Domine; tu es super omnes Reges, tuo imperio omnia regna cœlestia & terrestria subduntur. Ideoq; regnum quod te donante accepi, & quamdiu tuæ liberæ voluntati placuit, regi, ecce reddo tibi: tantum animam meam de voragine istius mundi ereptam, vt in pace suscipias deprecor. Er hæc dicens exiit regalem clamidem qua induebatur corpus, & deposuit gemmatam coronam, qua caput ambiebatur, atque, cum lachrymis solo prostratus pro delictorum venia Dominum attentius exorabat. Tunc ab Episcopis accepta pœnitentia, & Extreme vnctionis sacramento peracto, induitur cilicio pro indumento regali, & aspergitur cinere pro aureo diademate. Cui in tali pœnitentia permanenti coram prædicto altari duobus diebus à Deo viuere datur. Sequenti autem die, quæ est feria tertia, hora diei sexta, in qua sancti Ioannis Euangelistæ festum celebratur, inter manus pontificum, cœlo, vt credimus, tradidit spiritum. Sicque in senectute bona, plenus dierum, perrexit in pace, era MCIII. cuius corpus humatum est cum magna gloria in Ecclesia beati Isidori summi Pontificis in Legione iuxta patrem suum Regem Sancium. Regnavit in Legione & Castella simul annis viginti & octo, mensibus sex, diebus duodecim. In Castella vero priusquam obtineret regnum Legionense, regnauerat fere duodecim annis. Viuente adhuc patre eius Sancio regnare cœpit in Castella, & completi sunt anni regni eius feliciter quadraginta. Regina autem Sancia duobus annis superuixit, & obiit sexto Idus Nouembris, & iuxta eum quiescit in Legione.
- 30
- 40

Postquam igitur bonæ memoriæ Rex Fredenandus superstitibus liberis Sancio, Adefonso, Garfia, Vrraca & Geloyra extremum clausit diem, quamquam adhuc viuens pater regnum eis diuisisset, per septem tamen continuos annos intestinum bellum † insolubiliter gesserunt extincta duobus magnis præliis non modica Gotthorum ^{implacabilis} militum parte. Tanta fuit discordia fratrum cupiditate dominandi, quod inter mortales ab initio factum fuisse nullus ambigit prudens, nisi aliquis negotiis secularibus occupatus, qui lectionis studio nequit operam dare. Scrutare sedulo Regum gesta, & inuenies, quia fociis in regno fere nunquam pax diuturna fuit. Porro Hispanici Reges

50 tantæ ferocitatis dicuntur fuisse, quod cum ex eorum stirpe quilibet regulus ad ultatate iam arma primo sumpserit, siue in fratres, seu in parentes, si superstites fuerint, vt ius regale solus obtineat, pro iuribus contendere parat.

Vrraca siquidem moribus nobilissima à patre ac matre fratri Adefonso fuerat commendata, quem semper præ filiis carum habuerant. Rex autem Adefonsus ex quo Legionense regnum obtinuit, obediebat sorori Vrracæ tanquam matri. Cui propter varios imminentes casus Zemoram urbem contulit, in qua se posset à fratrum imminentibus cladibus tueri. Post hæc Rex Sancius, vt erat fortis & animosus, cum magno exercitu suorum castra mouit cōtra Regem Adefonsum. Rex vero Adefonsus in locum qui Plantata dicitur, occurrit ei cum exercitu suo. Inito autem certamine succubuerunt Legio-

nenfes, & ex vtraque parte multa Christianorum millia corruerunt. Deinde Rex Adefonsus maiori manu militum congregata, induxit bellum fratri suo Regi Sancio in loco qui dicitur Golpeyar in ripa fluminis Carrionis. In quo bello fortiter vtrisque instantibus tanta Christianorum mutua cæde facta est strages, vt sine gemitu excogitari non posset. Tandem victus Rex Sancius cum suis terga dedit. Rex autem Adefonsus præcepit suis, vt non insequerentur fugientes.

Sed in illis diebus surrexerat miles quidam nomine Rodericus Didaci armis strenuus, qui in omnibus suis agendis extitit victor. Hic cum iam esset magni nominis Regem Sancium adhortatus est, dicens: Ecce, inquit, Gallæci cum fratre tuo Rege Adefonso post hodiernam victoriam quiescunt securi in tentoriis nostris. Irruamus igitur super eos primo mane illucescente die, & obtinebimus ex eis victoriam. Rex Sancius acquieuit consiliis eius, & reuocato vt potuit exercitu suo, illucescente die cum quiescerent securi Legionenses, irruit super eos; & cum essent inermes cesserunt pugna, & captus est Rex Adefonsus in Ecclesia sanctæ Mariæ de Carrione, & in vinculis religatus. Vrraca vero nobilissima vt audiuit fratrem suum Adefonsum, captum, timens ne zelo regni ipsum Rex Sancius interficeret, venit velociter & pepigit cum Rege Sancio, vt illi Adefonsus regnum Legionense dimitteret, & iret ad Sarracenos, nunquam sine sui iussione viuente Rege Sancio reuersurus. Acquieuit Rex Sancius: & accepto regno fratris Adefonsi ad Sarracenos ire permisit, Zemorenses tamen & quidam nobiles de regno Legionis noluerunt Regi Sancio subiici, sed pro Rege Adefonso & Regina Vrraca fortiter resistebant. Rex etiam Sancius fratrem suum Garfiam iuniorem cepit, & vt sibi esset subditus acceptis obsidibus, & sacramentis eum dimisit.

Erant tunc temporis in regno Legionensi tres fratres nobiles, & sapientissimi, scilicet, Petrus Ansuri, Gundifalvus Ansuri, & Fernanduss Ansuri: quos nobilis Vrraca de beneplacito Regis Sancij cum Adefonso regno priuato ad Regem Toletanum Almenonem ire fecit. Hoc autem prouida dispensatione Dei credimus factum fuisse. Cum enim Adefonsus ad Regem Toletanum Almenonem venisset, & vt tantus Rex à barbaro cum honore susciperetur, & circumuallatus globo Maurorum huc atque illuc apud Toletum circumduceretur gratia spatiandi, Adefonsus altius quam credibile est ingemiscens, quibus locis, quibusue machinamentis ciuitas illa Christianorum totius Hispaniæ olim speculum à Paganorum manibus erueretur pectoris secreto volebat. Sed cum die quadam Adefonsus sub vna arborum quasi dormiens iaceret, & Almenon cum suis consiliariis loqueretur, si Toletum fortissima ciuitatum posset ab aliquo capi, vnus barbarorum intulit, dicens: Si, inquit, per septem annos huic ciuitati continue auferantur fruges & fructus, & in octauo hostium obsidione valleretur, poterit hæc ciuitas capi. Adefonsus, qui se dormire simulabat, hæc audiens condebat in corde suo. Factum est etiam quodam die in magno festo barbarorum, vt Adefonsus Regi barbaro assisteret causa ipsum exhilarandi: & cum appropinquaret Regi Almenoni, capilli verticis Adefonsi erigebantur. Rex autem Almenon eos manu comprimens, iterum atque iterum magis erigebantur. Quapropter barbaro cum suis consilio habito consulebant ei, vt Adefonsum occideret, eo quod ipse Toletum capere deberet prognostico se erigentium capillorum. Rex vero Almenon noluit eos audire, ne fidem solitam frangere videretur; sed vocato ad se Adefonso, dixit ei: Iura, inquit, mihi per Deum tuum, vt me viuente nec mihi, neque regno meo inferas malum. Iurauit Adefonsus, & quod poscebat barbarus se facturum promisit, & etiam contra omnes hostes eius, promisit se omnimodum auxilium & obsequium præstaturum. Ex hoc factus est Adefonsus Almenoni Regi familiarior, & ipsum tenerrime diligebat. Regebatur tunc temporis Adefonsus consilio suprafati Petri Ansuri, & eum tanquam discipulus audiebat.

Dum hæc agerentur, Rex Sancius voluit capere Vrracam sororem suam, & horum ipsa præscia se Zemoræ inclusit. Sed Rex Sancius aggregato exercitu magno Legionensium, Castellanos & Pampilonensium Zemoram obsedit. Zemorenses vero Adefonsi Regis domini sui non ferentes repulsam, eo tempore inuictissimi perstiterunt, & Ariam Gundifaluum, qui eandem Vrracam nutriebat, super se Principem erexerunt, sicut eis nobilis Vrraca constituerat. Et dum Sancius Rex esset in ipsa obsidione, egressus est de ipsa ciuitate magnæ audaciæ miles nomine Vellitus Arnulfi, qui ipsum Regem Sancium ex aduerso lancea inopinate percussit. Qua lancea Rex dolo perfoesus vitam simul cum sanguine fudit. Idem vero miles qui eum tam audacter percussit, cursu

curſu rapidiſſimi equi Zemora receptus eſt. Sed interempto Rege, tunc cerneret ex tanta exercituum audacia, tantaque læritia, quanta diſperſio, quantaque triſtitia in illo tanto tamque nobili exercitu fuerit. Namque vt quiſque miles per caſtra circumſedebat percuffus horribili ſonitu, quaſi amens effectus relicto fere omni ſtipendio arripuit fugam, & non ordinate, vt exercitus armis vigiliſque munitus ſolitus eſt incedere, ſed noctibus diebuſque laborando, omnes in patriam rapiuntur. Cohors tamen fortiffimorum militum de Caſtella memores ſui generis ac priſtinæ virtutis armis fortiter reſiſtendo exanime domini ſui corpus quantum licebat egregie detulerunt, & regio funere circumuectum apud Onienſe cœnobium magno cum honore ſepulturæ tradiderunt, era M C I X.

Nobilis vero Vrraca concite miſit nuncios ad fratrem ſuum Adefonſum, vt acceleraret venire, & accipere regnum ſuum. Egit tamen caute præcipiens nunciis, vt hæc celarent Sarracenis, timens ne forte ſcientes mortem Regis Sancij caperent Adefonſum. Quidam etiam falſi Chriſtiani ſtatim vt mortuum viderunt Regem Sancium præcurrerunt, vt Regi barbaro Almenoni mortem Regis Sancij nunciarent. Præſatus vero Petrus Anſuri cū eſſet vir prudens, & lingua Arabica eruditus, egrediebatur quotidie quaſi ſpatiando mane & veſperi extra Toletum trium milliariorū ſpatio vel amplius, & aſpiciebat contra Caſtellam, ſi forte veniret aliquis qui ſibi rumores nunciaret. Sed factum eſt veſpere quodam vt veniret quidam curſor, qui dum eſſet interrogatus ab eo, & Regis Sancij mortem ſibi detuliſſet, adiiciēs etiam quod hoc volebat nunciare Regi Almenoni, Petrus Anſuri duxit eum extra viam, quaſi habens aliquid interrogare, & amputauit caput eius. Similiter fecit alio nuncio, qui veniebat poſt ipſum. Tertium vero accepit nuncium dominæ Vrracæ, & feſtinauit venire Toletum, & parare equitaturas, ac neceſſaria, quatenus Adefonſus ipſa nocte ſe in patriam ꝑ recepiſſet. Et quia Rex Adefonſus promiſerat Regi Almenoni, quod non prius ab eo diſcederet, niſi ei ſuum reditum nunciaret, Adefonſus ipſa nocte Regi Almenoni aſtitit, & ab eo cœpit auxilium militum Maurorum petere dicens, ſe velle reuerti in patriam, vt eſſe ſuis auxilio poſſet, ſed mortem Regis Sancij barbaro nullatenus vindicauit. Barbarus autem patricij hominis iacturæ primo compaſſus, ne in hoſtiles manus rursus velit incidere monet. Ad hæc Adefonſus fortunam fratris & virtutem ſatis ſe expertum dicit. Tantum vt ſibi Maurorum auxilia præberet quamuis callide, tamen inſtantiffime ſupplicabat. Barbarus autem illius importunitate tēdio affectus dixit ei: Recede modo, quia de hac re alias licentius loquemur. Porro Petrus Anſuri extra Toletum equitaturas caute parauerat antequam portæ ciuitatis clauderentur. Adefonſus autem poſtquam ſe à Rege Almenone quaſi licentiatum vidit, ſcilicet dum ei dixiſſet, recede nunc, à ſuis in conticinio noctis per murum dimiſſus, ſicut erat prouidus, per totam noctem equitando in patriam ſe recepit. Almenon autem cœpit cum ſuis conferre quare vellet ad patriam reuerti Adefonſus. Sarraceni autem barbaro dixerunt, quia fortaiſſis de morte fratris acceperat nuncium. Tunc ex definitione conſultum eſt, vt primo mane caperetur, ne forte eſſet in excidium aliquando Toletanis. Facto vero mane miſit Almenon apparitores qui caperent Adefonſum, & cum non eſſet inuentus, atque dictum fuiſſet, eum de nocte fugiſſe, miſit poſt eum milites plures ad capiendum ipſum, qui eo non inuento reuerſi ſunt.

Rex autem Adefonſus Zemoram veniens accerſita ſore Vrraca aliſq; illuſtriſſimis viris, habuit cum eis ſecretum colloquium. Quæ proſecto Vrraca à pueritia Adefonſum præ cæteris fratribus fraterno amore tenerrime diligebat. Cum enim maior eſſet ætate eum loco matris alebat, induebatque. Pollebat namque Vrraca conſilio & probitate. Quippe quod veritate magis quam opinione poteſt probari ſpretis carnalibus copiis periturique mariti amplexibus de foris ſub laicali habitu, ſed intrinſecus ſub moniali obſeruatione, Chriſto vero ſponſo adhæſit, ac omni vitæ ſuæ tempore in ornandis auro, argēto, precioliſq; gemmis ſacris altaribus ſacerdotalibuſq; ſtuduſt veſtimentis. Igitur in ſuprafato colloquio diſſinierunt qualiter nuncios per regna Hiſpaniæ mitterent, & ſapienter ſe agerent in diſpoſitione regnorum. Legionenſes autem Gallæci, & Aſtures audientes Regis Adefonſi aduentum, ei cum magna læritia Zemoram occurrere, ſibi eum Regem ac dominum acclamantes. Rex vero Garſias frater Regis, vt vidit ſui regni Gallæcos ad Regem Adefonſum properare, iratus eſt valde: & cœpit bellum inferre Regi Adefonſo fratri ſuo. Rex autem Adefonſus habito conſilio ſoris Vrracæ & Petri Anſuri, miſit ad fratrem ſuum Regem Garſiam, vt cum eo tractarent de pace. Garſeanus autem vt nuncios fratris vidit, (& erat ſimplicis ingenij) venit ad

Regem Adefonsum nulla fide de securitate accepta ab eo. Rex vero Adefonsus Regem cepit Garfiam fratrem suum, & in vinculis posuit, cui præter licentiam imperandi omnis regius honor exhibebatur. Considerabat namque Adefonsus hunc post se regnaturum. Obtinuit tunc Rex Adefonsus regnum Portugaliæ & Gallæciæ fratris sui.

Post hæc Castellani nobiles, & Pampilonenses, cum nullus esset sibi de genere regali, quem dominum possent habere, venientes ad Regem Adefonsum, eum Regem fecerunt, hac tamen conditione interposita, ut prius iuraret, quod nunquam fuerat in consilio mortis Regis Sancij fratris sui. Cumque nullus esset, qui iuramentum à Rege auderet accipere, suprafatus Rodericus Didaci strenuus miles iuramentum à Rege accepit. Quapropter Rex Adefonsus semper habuit eum exosum. Postquam autem Rex Adefonsus fratrum suorum regna obtinuit, sapientissimam sororem suam Vrracam Reginam fecit vocari, cuius prudenti consilio disponebat quæcumque erant gerenda in regno. Tam sapienter Rex Adefonsus regni gessit gubernacula, ut omnes potestates, nobiles, diuites, vel pauperes, qui erant in regno, erant in quiete, ita quod non auderet vnus contra alterum litem mouere, nec aliquid mali facere. Pater erat & defensor omnium Ecclesiarum, & per omnia Catholicæ religionis cultor. Tam terribilis fuit omnibus male agentibus, quod nequaquam auderent apparere in conspectu Regis. Tanta pax fuit in diebus quibus ipse regnauit, ut vna sola mulier portans aurum vel argentum in manu sua per totum regnum eius, tam in motibus quam in campis, non inueniret qui tangeret eam, ut aliquid mali faceret ei. Negociatores & peregrini transeuntes per regnum eius nihil verebantur, quia non erat aliquis qui eos molestare auderet. Studuit etiam facere omnes pontes, qui sunt Lucronio, vsque ad sanctum Iacobum.

Factum est autem cum Rex Cordubensis Regem Almenonem impugnaret, Rex Adefonsus congregato magno exercitu, venit versus Toletum. Rex Almenon ut hoc audiuit, timuit valde, & misit nuncios ad Regem Adefonsum, qui ei ad memoriam reducerent bonam quæ fecerat ei barbarus Toletanus, & eum supplicarent pro pace. Rex Adefonsus honorifice susceptis nunciis barbaris dixit eis: Reuertimini ad dominum vestrum Almenonem, & dicite ei, quia ad auxilium eius venio contra Regem Cordubensem. Recordetur quia dum secum essem quadam die adiurans me interrogauit, ut dicerem ei, quid facerem si regnum patrum meorum haberem. Ego vero respondi ei, quod aggregato magno exercitu properarem adiuuare ipsum contra omnes aduersarios eius. Quod dum Almenoni hæc nunciata fuissent, lætatus est valde, & missis sibi famulis suis, qui Toletum fuerant detenti, & muneribus magnis, perrexit cum eo contra Cordubenses. Sed Rex Adefonsus omnia, quæ in circuitu Cordubæ erant, ferro & flamma deuastans, cum infinita præda Legionem reuersus est. Tunc accepit uxorem nomine Constantiam, ex qua genuit Vrracam, quæ fuit vxor comitis Raymundi. Post cuius mortem duxit uxorem nomine Bertam, de Tuscia oriundam. Quartam quoque duxit nomine Elisabeth, filiam Ludouici Regis Franciæ, ex qua genuit Sanciam coniugem comitis Roderici & Gelayram, quam duxit Rogerius dux Siciliæ. Quintam quoque duxit nomine Beatricem, quæ post mortem Regis in suam patriam repedauit. Habuit etiam duas concubinas nobilissimas, priorem Xemenam Munionis, ex qua genuit Gelayram uxorem comitis Tolosani Raymundi: & Raymundus genuit ex Gelayra Adefonsum Iordani. Habuit etiam Rex Adefonsus ex prædicta Xemena Munionis filiam nomine Tharasiam, uxorem comitis Henrici, & Henricus genuit ex ea Vrracam, Gelayram, & Adefonsum, qui fuit Rex Portugalsium. Posteriolem quoque Rex Adefonsus habuit nomine Zaydam filiam Benabeth Regis Sibilæ: ex hac genuit Sancium, qui fuit mortuus in lite de Vcles.

Habuit Rex Adefonsus pacem cum Almenone Rege Toletano, quamdiu ipse barbarus vixit: & fecit ei gratiam & honorem. Post obitum vero Almenonis Rex Adefonsus coepit expugnare ciuitatem Toletum, & per septem continuos annos abstulit ipsi ciuitati fructus & fruges. Anno autem octauo cum diuino adiutorio cepit ipsam ciuitatem Toletanam, quæ olim fuerat mater & gloria regni Gotthorum. Post hæc cepit Talaueram, Sanctam Eulalam, Maquedam, Alphamin, Argenzam, Magen zam, Mageritam, Olmos, Canales, Cafatalipham, Talamancam, Vzedam, Godal phaiaram, Fitam, Ribas, Caracoyam, Moram, Aluede, Consogram, Veles, Masattrigo, Concham, Almodouar, Alaeth, & ex alia parte cepit Cauriam, Vlisbonam, Sintriam, Santarem. Populauit etiam Rex Adefonsus totam Strematuram, & totam Castellam,

stellam, & ciuitates & villas, quarum nomina hæc sunt, id est, Salmantica, Abula, Coca, Olmedo, Medina, Secobia, Iscar & Colar. Perlustrauit Rex Adefonsus omnes ciuitates Sarracenorum, & deuastauit & deprædatus est multa castella ipsorum, & fecit sibi tributarios omnes Hispaniæ Sarracenos. Qui ad tantam deuenit gloriam, vt Imperatorem Hispaniæ faceret se vocari. Eodem tempore Rodericus Didaci miles strenuus pugnavit cum Petro Rege Aragonum in campo, & cepit eum. Post hæc obsedit Valentiam, & cepit eam. Deinde vicit barbarorum Regem Buchar, & interfecit multa millia Sarracenorum. Rex autem suprafatus Garfias frater Regis Adefonsi cum esset in vinculis ægrotavit, & minuit se sanguine. Sed cum nunciatum fuisset
 10 Regi Adefonso fratrem suum grauiter ægrotare, doluit valde, & iussit eum extrahere à vinculis, & ducere Legionem. Per viginti annos tentus fuit Rex Garfias in vinculis, & cum Rex Adefonsus non haberet filium qui sibi succederet, ad hoc seruabat Regem Garfiam, vt regnaret post ipsum. Timebat tamen à vinculis eum extrahere, ne pararet rebellionem, & turbaretur regnum. Rex autem Garfias cum veniret Legionem in itinere mortuus est: cuius funeri ambæ sorores, Vrraca scilicet & Geloyra morte regio occurrentes, & Renerio Romanæ Ecclesiæ Legato, qui postea Papa effectus est, & cum Bernardo Toletano Archiepiscopo, aliisque comprouincialibus Episcopis & Abbatibus Legione Synodum celebrabat, omnibus pro eius anima Deo salutarem hostiam offerentibus, corpus eius in eadem vrbe cum patribus suis sepulturæ honorifice tradiderunt, era MCXXIX.

20 In prædicta vero Synodo almi Sacerdotes de fide Catholica colloquētes statuerunt, vt secundum regulam beati Isidori Hispalensis Archiepiscopi ecclesiastica officia in Hispania regerentur. Statuerunt etiam vt scriptores de cætero Gallicam litteram scriberent, & prætermitterent Toletanam in officiis ecclesiasticis, vt nulla esset diuisio inter ministros Ecclesiæ Dei. Eo tempore Rex Adefonsus offendit grauiter Comitem Castellanum, Garfiam de Cabrera: & causa placandi ipsum, dedit ei Geloyram sororem suam in vxorem, & pacificauit totum regnum, quod in seditionem vertebatur. Videns etiam Rex se non habere filium qui regnaret post ipsum, tradidit filiam, suam primogenitam Vrracam nobilissimo viro comiti Raymundo, qui erat de regali
 30 genere Gotthorum, vt de tali coniugio Regum semen suscitaretur. Comes Raymundus de coniuge sua Vrraca genuit primogenitam filiam Sanciam, & secundo Adefonsum. Tunc comes Raymundus de præcepto Regis Salamanticam populauit. Obiit gloriosa Regina Vrraca Fernandi: & Legione in ecclesia beati Isidori sepulta est. Soror quoque eius Geloyra Fernandi, obiit, & Legione iuxta sororem sepulta est.

Cum igitur Rex Adefonsus regnaret securus, cum tantis prosperitatibus accepit filiam Regis Benabeth, vt præmissum est quasi pro vxore, & genuit ex ea Sanciam. Deinde habito consilio cum Benabeth euocauit ad Hispaniæ partes, barbaras, transmarinas gentes, quæ Almorabides siue Almophades vocantur. Putauerat enim Rex
 40 Adefonsus, quod prædictæ gentes pugnarent cum cæteris Sarracenis, & mutuo gladio barbari delerentur. Sed ipsi Sarraceni Almophades partim gladio, partim consilio ipsos Hispaniæ Sarracenos in suam concordiam redegerunt: & constituerunt ex genere suo Regem, quem Miramamolinum honoris gratia vocauerunt. Facta igitur concordia inter Sarracenos, Hispanos, & Africanos, ipsi barbari ceperunt Regem Adefonsum grauissime molestare, & omnino illi tributa solita denegare. Primo Regem Benabeth occiderunt, eo quod esset occulte Christianus, & Regi Adefonso nimio amore coniunctus. Deinde congregato innumerabili agmine Maurorum, Christianorum fines deprædari cœperunt. Comes autem Garfias & Comes Rodericus occurrerunt Sarracenis cum exercitu magno. Et finito bello in loco,
 50 qui Roda dicitur, cesserunt bello Christiani, & multi ibi perierunt ex nostris. Post Miramamolinus congregata nimia Maurorum multitudine fines Christianorum intrauit. Occurrit autem ei Rex Adefonsus cum exercitu suo in loco, qui dicitur Barduzo, id est, sacralias, commisso prælio innumerabilis multitudo de nostris corruit. Rex autem Adefonsus in hoc mirabilis habebatur, quod cum victus fuisset, magis animabatur ad bellum. Vnde eodem anno magno exercitu congregato usque Sibilam venit, & innumerabiles strages fecit, & in pace reuersus est. Erat cum Sarracenis Comes Garfias Ordonij, qui Agarenos ad prælium fortiter animabat. Cuius consilio Rex Miramamolinus inæstimabili suorum multitudine conglobata Regis Adefonsi adiit hostiliter regnum. Rex vero Adefonsus cum multo-

rum Christianorum agmine venit illi obuiam ad castrum quod vocatur Ocles, & int-
to inter se praelio, cum à mane vsque ad noctem inuincibiliter dimicatum fuisset, tan-
ta millia ex ytraque parte corruerunt, quod prae sui multitudine dinumerari non pos-
sent. Ibi de nostris occubuit Sancius Regis filius, & comes Garfias Fernandi, & co-
mes domnus Martinus, & alij plures. Perquisiuit autem Rex Adefonsus à sapienti-
bus, quare sui milites non poterant laborem exercitus tolerare. Responsumque est
illi: quia eo quod erant balneis dediti, & admodum delicati. Tunc Rex fecit balnea
sui regni destrui, & milites variis exercitiis insudare. Post hæc Rex Adefonsus labori
cedere nescius congregato Gallorum & suorum exercitu inastimabili fines Mauro-
rum inuasit, & regem Miramamolinum Cordubæ obsedit. Rex vero Miramamoli-
nus misit ei legatos pro pace, promittens de omnibus ciuitatibus suis, quæ sunt citra
mare, Regi Adefonso soluere tributa. Dum hæc agerentur, Sarracenus quidam insi-
gnis nomine Abadella, cum manu forti barbarorum de nocte irruit super castra Re-
gis Adefonsi. Sed concurrentes nostri ad arma, ipsum Abadella viuum ceperunt, &
de suis multitudinem nimiam occiderunt. Sequenti vero die ipsum Abadella iussit
Rex Adefonsus videntibus Mauris, qui erant super murum Cordubæ, frustatim scin-
di, & igne cremari, quia occiderat Benabeth socerum Regis, de illis etiam qui capti
fuerant cum illo, & erant familiares eius, igne comburi iussit. Vnde territi Sarraceni
de soluendo tributo cum Rege Adefonso firmiter pepigerunt, & illi auri, argenti, la-
pidum pretiosorum & sericarum vestium immensos thesauros obtulerunt, & reuersus
est Rex in patriam cum multis opibus & gloria magna. Rex vero Miramamolinus re-
uersus est Marrochos regalem sedem regni sui, & quamdiu vixit Rex Adefonsus, non
apposuit venire in Hispaniam.

Rex autem Adefonsus multa gloria ditatus & opibus transcendit Hispaniæ Re-
ges, qui fuerant ante ipsum: & regnum sibi subditum in pace & in fide Catholica con-
firmavit; & de cætero dum vixit constituta tributa per vnumquemque annum à Sar-
racenis accepit. Post hæc decidit in lecto, & per annum vnum & sex menses integros
ægotauit: & quamuis esset infirmus qualibet die aliquantulum equitabat iussu me-
dicorum, vt aliquod corporis leuamen haberet, & ne faceret de sua valetudine lati-
tiam Sarracenis. Sed octauo die antequam moreretur, fecit Deus in Legionensi vrbe
in ecclesia sancti Isidori prodigium magnum. In natiuitate quidem sancti Ioannis Ba-
ptistæ hora sexta, lapides qui sunt ante altare sancti Isidori, vbi tenet sacerdos pedes,
quando Missam celebrat, non per iuncturas lapidum, sed per medias petras cœperunt
manare aquæ videntibus cunctis ciuibus tam maioribus, quam minoribus, vna cum
Episcopis, videlicet, Petro Legionensi, & Pelagio Ouetensi, & hoc fuit factum tribus
diebus, quinta feria, sexta & Sabbatho. In quarta vero die, quæ erat Dominica, præ-
dicti Episcopi induerunt se pontificalibus indumentis, & omnis ecclesiasticus ordo
sacris vestimentis ornatus, singuli cereos habentes in manibus, vna cum ciuium & po-
puli multitudine facta processione ab ecclesia sanctæ Mariæ, vsque ad altare beati con-
fessoris Isidori, intrauerunt ecclesiam sancti Isidori, dantes voces cum lachrymis, lau-
dantes mirabilia nostri Saluatoris. Peraçto itaque sermone à prædicto Pelagio Oue-
tensi Episcopo, & celebrata Missa à Petro Legionensi Episcopo, accesserunt prædicti
Episcopi ad locum vbi erat aqua, & ipsi Episcopi biberunt ex ea, & totus populus si-
mul. Post hæc statim aquæ fluere cessauerunt. Iusserunt tamen ipsi Episcopi, vt de illa
aqua in vasibus vitreis seruaretur in testimonium: & quamuis multi ad honorem beati
Isidori curati fuerint infirmi ex potu illius aquæ, tamen hoc signum tribulationes & lu-
ctus ostendisse videtur, quæ post mortem prædicti Regis illi Ecclesiæ atque Hispaniæ
euenerunt. Et ideo quidam sapientes autumant, quod lapides lachrymas quasi plo-
rantes produxerunt. Etenim per Regem Aragonium Petrum postea ipsa ecclesia spo-
liata fuit, multis possessionibus & thesauris atque pars regni maxima deuastata. Igitur
Rex Adefonsus septuagesimo vitæ suæ anno accepto corporis & sanguinis Domini
sacramento, obiit Toletum quadragesimotertio, ex quo regnare cœpit. Tunc Comites
simulque omnes populi decaluatis capitibus, scissis vestibus, ruptis mulieres faciebus,
cum magno gemitu & dolore cordis dabant voces, dicentes: Cur pastor oues deseris?
Nam commendatum tibi gregem & regnum inuadent Sarraceni & crudeles homi-
nes. Post viginti autem dies deduxerunt eum in territorium Ceizæ, & omnes Archie-
piscopi & Episcopi vna cum cæteris nobilibus regni sepelierunt eum in Ecclesia san-
ctorum Facundi & Primitiui, iuxta vxores suas, scilicet, Agnetem, & Constantiam.
Hanc quidem ecclesiam prædictus Rex Adefonsus dum viueret, multis insigniis dita-
uerat,

uerat, libertatibus donauerat, & multis prædiis ampliauerat. Regina vero Elisabeth eius vxor Ludouici Francorum Regis filia Legionē in ecclesia sancti Isidori sepulta quiescit.

Era M C X L V I. Adefonsus filius comitis Raymundi & Vrracæ Reginae filiae Regis Adefonsi cœpit in Gallecia regnare. Eo tempore facta est perturbatio magna in Hispania, eo quod Regina Vrraca regere volebat regnum paternum sine filio Adefonso. Siquidem Pampilonenses videntes dissensionem regni, quidam militem Garfiam Ramiri super se Regem erexerunt. Erat tunc temporis in Aragonia Rex Petrus, qui amore Vrracæ Reginae fecit se vocari Regem Adefonsum. Vrraca vero Regina habebat secum comitem Henricum, qui præerat Portugaliz, cuius consilio misit ad Regem Aragonensem, vt properaret eam accipere in vxorem, & obtineret regnum. Venit igitur Rex Aragonum cum magna manu militum, & Reginam Vrracam accepit vxorem. Cumque Rex vellet obtinere Gallæciam, obuiauit ei cum larga manu militum, comes nomine Gomez, in loco qui dicitur, Campo de Spina. Initoque certamine captus est comes Gomez, & à comite Henrico in ipso loco occisus. Gallæci autem dolore nimio perturbati vna cum Rege suo Adefonso constituerunt diem & locum, vbi cum Rege Aragonensium dimicarent, & conuenerunt inter Astoricam & Legionem in loco, qui dicitur, via de Angos, vbi acriter præliari cœperunt, & multam de istis, quam de illis corruerunt. Tandem cesserunt Gallæci, & se fugæ commiserunt. Tamen Gallæci de sua iustitia confidentes, miserunt ad Regem Aragonensem, dicentes, quod volebant iterum in campo cum eo configere. Rex autem Aragonensium erat in arcto positus, eo quod videret Gallæcos & Astures pro domino suo mori paratos, & Castellani nullum sibi ferrent subsidium. Defecerat etiam sibi census, eo quod primo largissima manu dederat militibus, & ad præsens non erat ei quod largiretur. Vnde factum est, vt de consilio comitis Henrici, & Reginae Vrracæ quasdam nobiles ecclesias, quas Rex magnus Fernandus & filius eius Rex Adefonsus thesauris ditauerant, spoliaret: etiam ad aurum sepulchri beati Isidori mitteret manum: quod sibi & principibus suis à Deo & ab hominibus in magnum scandalum cessit. Omnes enim nobiles & ignobiles ipsum, & suos infideles, & sacrilegos conclamabant. Dum hæc agerentur venit illi nuncius, quod Sarraceni regnum Aragoniæ deuastabant. Festinauit itaque Rex eis obuiam procedere, & in loco qui dicitur Fraga, commisso prælio à Sarracenis occisus est. Tamen nec viuus nec mortuus de cætero potuit inueniri. Adefonsus autem filius Vrracæ Reginae properauit cum exercitu magno Gallæcorum, & concordantibus cum eo Legionensibus & Castellanis obsedit matrem suam Reginam Vrracam in turribus Legionis: quæ post paucos dies filio se tradidit, & multis honoribus fuit ab eo sublimata dum vixit, & mortua est præfata Regina Vrraca, era M C L X I V. Habebat sororem nobilissimam Adefonsus nomine Sanciam, quam ea hora qua à Legionensibus & Castellanis est confirmatus in Regem, secum sedere fecit, & Reginam vocari iussit. Hæc sapientissima Regina Sancia quamdiu vixit in virginitate permansit, Christi ecclesias multis insigniis decorando, monasteria construendo, & Christi pauperes recreando. Igitur Rex Adefonsus confirmatus in Regem sancte ac catholice se & suos regere studuit. Fecit etiam congregari Episcopos & omnes Barones regni sui in Legionē, & imponere sibi coronam secundum legem Dei, & consuetudinem imperatorum priorum. Ab illa die vocatus est Imperator Hispaniæ, & dilexit iustitiam, & gloriose dotauit Ecclesias imperij sui. Habuit successiue vxores legitimas, scilicet Berengariam, Beatricem, & Ricam. De Berengaria genuit plures filios & filias: ex quibus quatuor remanserunt, scilicet, Sancius, Fredenandus, & Elisabeth, quam duxit Ludouicus Rex Francorum vxorem & Beatricem, quam duxit vxorē Rex Sancius de Navarra. Postea ex quadam domina nobilissima nomine Maria genuit Stephaniam pulcherrimam puellam. Felicia tempora imperator Adefonsus duxit dum vixit, & terras Maurorum multoties inuasit, & non fuit in Hispania qui posset resistere illi. Erat quædam nobilissima, & opulentissima ciuitas barbarorum, in maritimis mediterranei maris Almeria: quam imperator Adefonsus deprædatis omnibus aliis oppidis barbarorum obsedit, & etiam Genuenses & Venetos per mare ad obsidionem illius vrbs conuocauit. Cepiteam Imperator Catholicus in ore gladij, & omnes thesauros ipsis dedit Venetis & Genuensibus, & ciuitatem retinuit sibi. Captiuos autem Sarracenos dedit Raymundo comiti Barchilonensi, qui venerat ad obsidionem vrbs, & licet thesauri essent infiniti Imperator nihil sibi retinuit. Quippe nobilissimum animum suum in tantum largitate decorauerat, vt omnes thesauros pro nihilo duceret, & statim tri-

bueret cuncta, nisi essent sapientes sui, qui ei necessaria reseruabant. Post aliquot annos fuit ciuitas Almeria in suo dominio, atque ad vltimum funditus, destruxit eam. Obsedit etiam Cordubam ciuitatem magnam solium regni barbarorum, & egressi Sarraceni ad eum, tradiderunt ei ciuitatem, ita tamen quod ipsi Sarraceni habitarent in ea, & Christiani essent in arce ipsius ciuitatis. Sarraceni autem licet iurauerint Imperatori nostro, vt essent ei fideles vassalli & filiis eius, tamen tempore procedente mentiti sunt ei, qui nunquam Sarracenorum Reges fidelitatis pactum seruauerunt Christianis. Cæpit tunc Imperator castrum fortissimum Montor, & posuit in eo præsidium fortissimorum virorum. Post hæc obsedit Baeciam, & Sarraceni ciuitatis illius fortiter resistebant. Et quia Imperator tota mente diligebat Dominum, etiam Sanctorum 10 auxilium manifestum meruit habere, ipse dilectus à Deo. Nam cum milites sui defluisissent ab eo, & esset cum paucis, atque innumerabiles Sarraceni conglobati accederent, vt ipsum cum suis raperent, apparuit ei beatus confessor Isidorus dum dormiret, & confortauit eum dicens, se datum esse domino illi, & suo generi defensorem, & ne timeret multitudinem Sarracenorum hortabatur, sed viriliter primo mane cum Sarracenis confligeret, quia sicut fumus euanescerent à facie eius, & in ipsa die eandem caperent ciuitatem. Imperator autem tanta visione confortatus in Domino, primo mane inito certamine cum barbaris, statim terga dederunt Sarraceni nostris relictæ innumerabili multitudine spoliis, statimque Sarraceni eiusdem ciuitatis tradiderunt illi urbem, pro vita tantummodo supplicantes. Imperator autem destruxit ipsam 20 Baeciam, & multa castella Maurorum, & terras destruxit, & captiuauit, & occidit, vt sibi visum fuit. Post hæc reuersus Legionem cum magna gloria, statuit confraternitatem fieri in ipsa ciuitate ob memoriam tanti miraculi, & ob honorem sancti Isidori confessoris. Reparauit etiam thesauros, & hæreditates pro parte magna, quas Rex Aragonum, & comes Henricus abstulerant ab ecclesia prædicti confessoris, & eandem ecclesiam, quæ adhuc in iure consistebat regali, consecrauit Domino, tradens eam perpetuo iure Canonicis regularibus. Tantam illi Dominus gratiam & gloriam contulit, vt omnes Hispaniarum Reges & Principes Christiani, & barbari suo imperio se subderent. Etenim Rex Garzia de Nauarra & Raymundus comes Barchilonensis, qui tunc 30 Aragonense regebat regnum, & Reges Sarracenorum scilicet Abephandil, & Zaphadola, & Rex Lupus vno & eodem tempore eius vassalli fuerunt. In tanto imperij culmine sublimatus nunquam aliquem subditum oppressit, sed multos de thesauris suis gloriose ditauit, & libertates & immunitates ecclesiis & oppressis pauperibus contulit.

Quam sedulus fuerit in iustitia facienda, & superborum audacitate, & contumacia extirpanda, ex hoc potest aduerti, quod cum quidam nobilis in Gallæciæ partibus nomine Fernandus, cuidam rustico hæreditatem suam auferens ei iniuriam intulisset, ipse Toletum ad Imperatorem properans de dicto milite querimoniam fecit. Imperator autem statim per ipsum rusticum suis litteris præcepit ei, vt visis litteris statim rustico iustitiam exhiberet, mandans maiorino terræ, vt cum rustico veniret ad militem, & videret qualiter ei iustitiam exhibebat, & hoc sibi rescriberet. Miles vero, qui erat 40 nobilis & potens, vt rusticum vidit cum litteris Imperatoris, succensus ira cœpit rustico mortis inferre minas, nolens illi satisfacere. Reuersus est autem rusticus ad Imperatorem Toleti inferens testimoniales litteras maiorini, quod noluerit illi miles iustitiam exhibere. Imperator vt hæc audiuit, vocatis secretariis suis, præcepit eis, vt ipsum dicerent ægrotare, & nullum permetterent intrare cubiculum eius. Præcepit etiam sibi & duobus militibus tantum secrete parari equos, & diebus ac noctibus nullo alio sciente, ad Gallæciam properauit. At vbi ventum est ad locum, vbi præfatus miles erat, vocauit Imperator secrete maiorinum terræ, & diligenter ab eo, & ab aliis super facto militis & rustici perquisita veritate, fecit vocari plures, & stans ad ostium militis, misit ad eum dicens: Egredere, quia vocat te Imperator. Quod miles vt audiuit, nimio 50 timore perterritus, intelligens quod futurum erat, fugere parauit, sed præuentus à ministris Imperatoris captus est, & eo iubente in ostio domus suæ suspensus. Tunc Imperator manifestauit se in Gallæcia, & totam patriam ipsam pacificauit. Tantus inuasit terror omnes magnates totius imperij ex hoc facto, videntes zelum & animositatem Imperatoris in iustitia facienda, vt nullus esset qui minimo vel magno inferret iniuriam, quin statim ei satisfacere festinaret.

Post hæc quidam maligni detractores cœperunt Ludouici Regis Francorum auribus instillare, quod Elisabeth vxorem eius Imperator Adefonsus genuerat de vilissima concubina. Vnde ipse Rex turbatus, simulans se causa orationis ad sanctum Iacobum ve-

bum venire, venit in Hispaniam cupiens experiri, vtrum verum esset, quod sibi maligni dixerant detractores. Addiderant enim quod ipse Imperator Adefonsus erat vilis persona, & nullius momenti inter suos. Denegauerat etiam ei coniux eius Elisabeth thorum conjugalem, eo quod ita Rex Ludouicus improperabat sibi. Imperator autem Adefonsus vt audiuit aduentum generi sui Regis Ludouici, præcepit Regi Nauarræ, & comiti Barchinonæ, vt omnem gloriam Hispaniæ exhiberent ei. Sed vbi Rex Ludouicus venit Legionem, occurrit ei Imperator Adefonsus cum tam glorioso apparatu, quod ipse Rex Ludouicus, & Franci, qui cum eo venerant, obstupuerunt. Venit Imperator cum eo vsque ad Sanctum Iacobum, & direxit nuncios per totum imperium
 10 suum ad omnes nobiles Christianos, & barbaros, quatenus Toletum ad eius ciuitatem & curiam conuenirent, sed cum reuersi à Sancto Iacobo Imperator & Rex Ludouicus, venirent Toletum, atque omnes Reges barbarorum, & Christianorum Principes occurrerent Imperatori manus eius osculantes, vltra quam credi potest Ludouicus admirans, dixit Imperatori: Per Deum, inquit, iuro, quod non est gloria similis huic in toto mundo. Siquidem tantus erat apparatus holosericarum cortinarum, & tentoriorum per agros extra urbem Toletanam, & diuersorum insignium copia, quod à nullo poterant æstimari. Tantus erat nobilium virorum conuentus, quod à nullo poterat dinumerari. Tanta offerebantur dona auri, argenti, lapidum pretiosorum, sericarum vestium, & equorum Regi Ludouico & suis, quod præ multitudine illis tantum
 20 dium generabant. Imperator autem conuersus ad Regem Ludouicum, dixit ei: Certe Rex Francorum vides, & ipse potes veritati testimonium perhibere, quod mentiti fuerunt, qui mihi & filiæ meæ coram te in Francia detraxerunt. Filia mea est quam genui ex imperatrice Berengaria, quæ filia fuit huius præsentis Barchinonensis comitis Raymundi. Præsens erat cum multo gloriæ apparatu comes Raymundus, & dixit Ludouico Regi: Habeas in magno honore & reuerentia Elisabeth neptem meam, alioquin cum auxilio præsentis domini mei Imperatoris Adefonsi promitto me tibi Parisiis in paruo ponte campale inferre bellum. Rex Ludouicus dixit eis: Gratias ago Deo, & omnibus Sanctis eius, qui de nobilissimo sanguine vestro filiam vestram mihi dignatus est dare vxorem, quam semper dum vixero modis omnibus honorabo. Multa
 30 donaria oblata fuerunt tunc nobilissimo Ludouico Regi Francorum, sed nihil inde accipere voluit, nisi quendam smaragdum magnum, lapidem pretiosum cogente Imperatore Adefonso, quem Rex Zafadola detulerat. Reuersus est itaque Rex Ludouicus in Franciam cum honore & lætitia magna, & hunc pretiosum lapidem, quem detulerat ab Hispania, monasterio beati Dionysij contulit; vxorem quoque suam Elisabeth tenerrimè dilexit, & modis quibuscumque potuit honorauit. Hæc post obitum suum in Ecclesia beati Dionysij est sepulta, & merito sancta Regina vocata; quia dum vixit in simplicitate spiritus & afflictione carnis, studuit Domino deseruire. Imperator autem Adefonsus cum in tanta consisteret gloria, & corporis ægritudine laboraret, scædifragus populus barbarorum se contra illum erexit. Sed Imperator vt erat magnanimus
 40 dissimulans ægritudinem cum manu Gotthorum maxima contra Mauros perrexit. Qui vt viderunt eum cum magno exercitu, colla ei illico submiserunt. Sed crescente ægritudine dum ad propria rediret iuxta portum, qui vocatur Muradal, in loco qui dicitur Fresneda, Domino, vt credimus, spiritum tradidit anno quadragesimo nono, ex quo regnare cœpit; sepultusque est in vrbe Regia Toletana. Priusquam vero moreretur, diuisit imperium suum duobus filiis suis, Sancio scilicet & Fernando. Sancio quidem dedit bellatricem Castellam, & Fernando fidelem Legionem & Gallæciam.

Era m c l x x x v. post mortem Imperatoris, duo filij eius Sancius & Fernandus vnusquisque in parte regni, quam eis pater eorum dederat, regnare cœperunt. Sancius
 50 duxit vxorem nomine Blancam, filiam Regis Garfiæ de Nauarra adhuc viuente patre; ex qua genuit filium nomine Adefonsum. Iste Rex Sancius Catholicus fuit, & armis strenuus, bonitate perspicuus, & omni regia honestate præclarus. Diligebatur ab omnibus minoribus & maioribus, quia ipse Deo & cunctis hominibus placere studebat. Regnavit anno vno, & diebus duodecim, tam parum propter peccata populi, & vitam in pace finiuit, sepultusque est iuxta tumulum patris sui in Ecclesia Sanctæ Mariæ Toletæ.

Rex autem Fernandus frater Sancij Regis tunc temporis regnabat in Legione & Gallæcia, & regebat se consilio Fernandi comitis de Gallæcia, qui eum nutrierat, & mortuo fratre eius Rege Sancio maximam partem regni Castellæ obtinuit. Nutriebat

quidem ipse filium fratris sui Adefonsum puerulum, quem dedit comiti Manrico ad custodiendum. Tunc regnavit Fernandus Rex in toto imperio patris sui, unde Rex Hispaniarum fuit vocatus. Sed concordantibus comite Manrico, & fratre eius comite Nunno, cum omnibus qui ad regnum Castellæ pertinebant, Adefonsum filium domini sui Regis Sancij sibi Regem constituerunt. Fredenandus autem Rex, ut erat pius & hilaris acceptavit quod fecerant Castellani. Fuit hic Rex Fernandus armis strenuus, in bellis victoriosus, circa omnes pius, benignus, liberalis, & largitate præclarus, adeo quod in omni conflictu victor extitit, & nihil proprium habere voluit. Fidem Catholicam, quam à cunabulis adeptus fuerat, in tantum dilexit, ut ecclesiis & ordinibus sacris fere omnia regalia sua conferret. Omnibus erat communis, ita ut omnes eum potius diligerent, quam timerent. Hic piissimus Rex Fernandus accepit filiam Adefonsi Regis Portugaliæ nomine Vrracam, ex qua suscepit filium nomine Adefonsum. Sed iste Rex Portugaliæ Adefonsus filius fuit comitis Henrici & Tharasiæ filia Regis Adefonsi, qui Adefonsus filius comitis Henrici fecit se Regem Portugaliæ vocari, & quia strenuus fuit armis & bellicosus ampliavit terram suam, partem de nouo populando, partem Sarracenos occidendo, & ab eis municipia capta muniendo, & retinendo magnum sibi nomen acquisiuit, quia contra Christianos & Sarracenos fortissime decertavit. Huius filiam, ut dictum est, Rex Fernandus accepit coniugem, ut eius posset habere auxilia contra impetus aduersantium. Cœpit igitur Rex Fernandus ecclesias honorare, & regnum suum populationes faciendo ampliare. Populauit siquidem in Extremadura ciuitatem Roderici, & Letesnam. In transerra Granatam, in territorio Zemoræ castrum Taraphei. In terra Legionis populauit Maioricam, Benauentum, Mansellam, Villapandum & Coiancam. Terra Leonis dicitur per flumen de Pisorga, & per flumen Dorij, & per montes Submontanorum. Est autem in ipsa terra quædam ciuitas regia quæ Legio vocatur. Salmanticenses autem eo quod Rex Fernandus in eorum termino ciuitatem Roderici populauerat, cœperunt rebellare contra Regem Fernandum, & elegerunt sibi Regem nomine Nunnum, Serranum, & pugnaverunt cum Rege Fernando in valle de Muza. Siquidem incenderunt quendam montem, eo quod ventus veniebat ex parte ipsorum contra exercitum Regis Fernandi, ut fumo & vento Leonenses fatigati ad bellum accederent. Sed misericordia Dei non defuit Regi Fernando. Nam ventus & fumus, qui contra suum exercitum veniebant, contra Salmanticenses & Abulenses conuersus est, & illorum obtenebrauit aspectus. Rex autem Fernandus irruit super eos, & cum victoria magna cepit Regem Nunnum viuum, & occidit eum, atque subdidit sibi Salmanticam. Post hæc Rex Fernandus cupiens ciuitatem Astoricam decorare, transtulit corpus Ramiri, quod sepultum fuerat in Destriana, & Astoricæ in Ecclesia cathedrali ipsum honorifice sepeliuit.

Per idem fere tempus erat cum Sarracenis vir nobilis & potentissimus nomine Fernandus Roderici Castellanus. Hunc Sarraceni miserunt ad euertendam populationem nouam, scilicet ciuitatem Roderici. Rex autem Fernandus eo tempore erat Benauenti. Beatus autem Isidorus apparuit cuidam Canonico & thesaurario monasterij sui nomine Isidoro, & mittens eum ad Regem Fernandum, significauit ei aduentum Sarracenorum, dicens, quod cito Rex Fernandus obuiaret Sarracenis, & vinceret eos, eo quod ipse beatus Isidorus, & sanctus Iacobus Apostolus in certamine illo forent cum eo. Quo audito velociter perrexit Rex Fernandus cum paucis Christianorum, & inito certamine cum Sarracenis statim vicit eos, & tantam ex illis prostravit multitudinem, quod præ numerositate indicibili non poterat numerari. Transactis paucis diebus Rex Fernandus reuocauit præditum Fernandum Roderici, & dedit ei Stephaniam sororem suam in uxorem. Sed Fernandus Roderici quiescere nefcius iniit prælium cum comitibus Castellanis, & vicit eos, atque occidit comitem Oforium, & comitem Henricum, & alios plures nobiles Castellanos, & cepit viuum comitem Vimirum. Hic Fernandus Roderici genuit ex infantissima domna Stephania Petrum Fernandi potentissimum virum. Eo tempore quieuit terra Leonensem ab infestatione Maurorum.

Præfatus autem Adefonsus Rex Portugaliæ voluit insurgere contra Regem Fernandum: & misit filium suum Regem Sancium, quem sibi regni constituerat successorem, cum magna militum manu ad euertendam prædictam ciuitatem Roderici. Infestabat tunc temporis validissime Regem Fernandum Adefonsus Rex Castellæ Sancij Regis filius, & dimissa Rex Fernandus maiori parte sui exercitus contra nepotem suum Regem Castellæ, obuiavit Portugalensibus in termino ciuitatis Roderici in loco qui dicitur

dicitur Arganal, & commisso prælio deuicti sunt Portugalenses, & fugato Rege Sancio reliqui miserationi Regis Fernandi se subdiderunt. At ipse motus pietate dimisit eos redire ad propria.

Præfatus Rex Portugalie Adefonsus Regem Fernandum fortiter molestaue-
 & occupauerat in Gallacia totam Limiam, & totum Toroniũ. Deinde obsedit Vada-
 lozum ciuitatem Maurorum ad Regem Fernandum de iure spectantem. Tunc Rex
 Fernandus aggregato suorum exercitu perrexit contra Regem Adefonsum. Ceperat
 iam Rex Adefonsus maiorem partem ipsius ciuitatis, & in arce concluderat Sarrace-
 nos. Commisso autem prælio cum Rege Fernando deuicti sunt Portugalenses, Rex
 10 autem Adefonsus dum fugiens equo supersederet, & egrederetur per portam ciuita-
 tis de Badalozo casu inueste ferreo portæ impegit, & crus eius fractum est. Tunc ca-
 ptus est Rex Adefonsus, & Regi Fernando delatus, dixit ei Rex Adefonsus, Domine,
 inquit, Rex, valde peccaui in Deum, & in te: sed ecce totum regnum meum libere tra-
 do tibi. Rex autem Fernandus victus misericordia, dixit ei: Redde mihi tantummo-
 do mea, quæ abstulisti, & regnum tuum maneat tibi. Vincebatur quidem semper
 Rex Fernandus precibus miserorum, qui nunquam in bello potuit vinci. Tunc Rex
 Adefonsus tradidit Toronium & Limiam, & in tantum debilitatus fuit de fractura
 cruris, quod de cætero non potuit equitare. Sarraceni autem ad Regem Fredenadum
 egressi de arce se & ciuitatem tradiderunt illi. Rex autem Fernandus præcipit Sarrace-
 20 nis, vt habitarent in ciuitate, & essent vassalli sui. Tradidit etiam arcem cuiusdam magno
 barbaro nomine Abenhabel, accepto ab eo & ab omnibus Sarracenis iuramento, vt
 essent Regi perpetuo fideles vassalli, atque quandocunque ipse vellet, sibi arcem tra-
 derent, & ciuitatem. Sed sicut dicit vulgus, qui per Sarracenum credit, terram suam
 nunquam videbit. statim vt Rex Fredenandus recessit, ipsi Sarraceni Regi Fernando
 mentiti suo Miramamolino cum ipsa ciuitate se contulerant, & multas iniurias Regi
 Fernando postea intulerunt.

Post hæc Sarraceni videntes Adefonsum Regem Portugalie debilitatum, & quod
 in quibusdam offenderat Regem Fernandum ipsum Adefonsum in oppido qui dici-
 tur Santarem, obsederunt. Rex autem Fernandus congregato exercitu magno ad au-
 30 xilium Regis Adefonsi properauit. Sed Rex Adefonsus, vt hæc audiuit, timuit valde,
 credens quod Rex Fernandus ad auxiliũ Maurorum veniret, & misit ad eum nuncios
 supplicans pro pace. Rex autem Fernandus declarauit ei, quod ad eius auxilium pro-
 peraret. Quod Sarraceni vt audierunt, arrepta fuga ab obsidione turpiter recesserunt.
 Post hæc Rex Fernandus dimisit vxorem suam Vrracam filiam Regis Adefonsi, eo
 quod erat consanguinea eius propinquo gradu, & duxit aliam nomine Tharasiam,
 quæ fuerat vxor Nunij comitis de Castella. Post cuius mortem duxit aliam nomine
 Vrracam filiam Lupi comitis de Vizcaya, ex qua genuit Sancium & Garciam. Cæte-
 rũ Rex Fernandus regni anno quinquagesimo primo feliciter cõsummato, obiit apud
 Beneuentum, & in ecclesia sancti Iacobi Apostoli circa tumulum matris suæ, & aui sui
 40 comitis Raymundi sepultus est.

Era MCCXXVI. mortuo Rege Fernãdo filius eius Adefonsus successit ei in regnum
 Legionense. Hic fuit pulcher, eloquens, clemens, fortis viribus, & armis strenuus, &
 in fide Catholica solidatus. Tamen in primordio regni sui inquietatus fuit valde à col-
 lateralibus suis scilicet ab auunculo suo Sancio Rege de Portugalia, & ab Adefonso
 Rege Castellæ consobrino suo. Vnde compulsus fuit ducere in vxorem Tharasiam fi-
 liam eiusdem Regis Sancij, vt ipsum Regem Sancium haberet in auxilium sui contra
 Adefonsum Regem Castellæ. Ex ista Tharasia genuit tres filios, scilicet Sanciam pri-
 mogenitam, deinde Fernandum & nobilem infantissam Dulciam.

Præfatus autem Rex Castellæ Adefonsus Sancij Regis filius erat fere trium annorũ
 50 cum regnare cœpisset. Qui postquam venit ad ætatem adultam in tantum claruit præ-
 cunctis Regibus nostri temporis, vt noster non posset euoluere stylus, quanta vigeret
 probitate. Fuit namque sapientia magnus, consilio prouidus, armis strenuus, largitate
 præcipuus & fide Catholica roboratus. Duxit vxorem filiam Henrici Regis Angliæ no-
 mine Alionoram, ex qua genuit Fernandum, Henricum, & Berengariam, & Blancam,
 & Vrracam, & Alionoram, & Constantiam, filiam suam primogenitam Berengariam
 dedit Adefonso Regi Legionensi in vxorem, quæ fuit mulier prudentissima. Dedit
 Ludouico Regi Francorum filiam suam Blancam, & Adefonso Regi Portugalie tra-
 didit Vrracam. Tempore etiam procedente Iacobus Rex Aragoniæ filiam eius Alio-
 noram duxit vxorem. Quinta vero Constantia monachalem suscipiens habitum vir-

ginitatem suam Domino consecrauit. Rex Castellæ Adefonsus cœpit quasi leo fortissimus cum Christianis & Sarracenis Regibus in circuitu regni sui consistentibus fortiter & sapienter armis configere, regnum suum defendere & ampliare, & populum sibi subditum iuste gubernare. Siquidem cum ex vno latere regni haberet fortissimum Legionensem Regem Adefonsum, ex altero Sancium Regem strenuum Nauarrensem: tertio Regem ferocissimum Petrum Aragonensem, & quarto maximum Sarracenorum Regem Miramamolinum; tamen ipse Rex Adefonsus cum omnibus armis & consilio fortiter se gerebat: sua defendebat, & omnium aliorum Regum multa castra & oppida capiebat. Populationes multas & nobiles fecit in regno suo, scilicet Placenciam, Beiam, Moiam, & alias multas, quarum nomina longum est prænotare. Sed cum in tantis prosperitatibus famam virtutis & gloriæ suæ longe lateque spargeret, Miramamolinus congregato exercitu innumerabili barbarorum simulque nobilium militum exulum Christianorum contra Regem Adefonsum in manu validissima properauit. Rex autem Castellæ cum exercitu suo Regi Miramamolino obuiam properauit. Veniebat quoque Adefonsus Rex Legionis in auxilium Regis Castellæ cum exercitu magno; sed Rex Castellæ bellandi animositate incensus noluit eum expectare; licet Rex Legionensis cum exercitu suo properans iam esset Toleti. Iniiit itaque Rex Castellæ bellum cum Rege Miramamolino: vbi tam innumerabilis erat multitudo Maurorum, quod nostri habito respectu ad eos paucissimi videbantur. Cesserunt nostri pugnæ, & Miramamolinus pro peccatis nostris extitit victor. Erat tunc cum Rege barbaro Petrus Fernandi de Castella potentissimus miles, cuius consilio Rex barbarus eo tempore se regebat. Vnde notandum est, Gotthos fere nunquam fuisse à barbaris victos, nisi Gotthorum exulum secum haberent consilium & auxilium. Venit anno sequenti Miramamolinus vsque Toletum, & cum ipsam regiam urbem capere niteretur, Toletani fortiter restiterunt. Rex autem Castellæ suas ciuitates & castra muris excelsis cœpit fortiter munire, & filios nobilium, qui occubuerant in bello nutrire & exaltare dicens, quoniam filij vindicabunt sanguinem patrum. Qui licet tunc fuerit victus, tamen eius animus inuincibilis perdurabat. Rex Miramamolinus reuersus est ad propria, & Christianis nō nocuit sicut voluit: quia tunc Reges Hispaniæ in vnā concordiam conuenerunt. Habuit tunc Rex Castellæ pacem cum Christianis & Sarracenis, sed illatum sibi à barbaris dedecus ab eius animo nō recedebat. Tamen dum Sancius Rex Nauarræ contra ipsum moueret prælium vna cum Adefonso Legionensi Rege, Rex Castellæ fines Nauarræ inuasit, & victoriā cepit. Ceperatiam totā terrā de Alaua, & alia plura in regno suo. Post hæc etiā habuit discordiam cum Rege Adefonso Legionensi, & cepit castrum Ardon & Coiancam, castrum viride, & quædam alia. Post hæc venit vsque Legionem, & cepit castra Iudæorū iuxta ipsam ciuitatem. Obsedit etiam Astoricam, sed non cepit eam. Accessit ad submontanam ad castrum quod dicitur Alua, & cepit illud. Rex autem Legionis Adefonsus occurrit ei cum magno exercitu ad ipsum locum, vt pugnaret cum eo. Sed Petrus Fernandi de Castella, qui tunc erat cum Rege Legionensi, & alij viri Deum timentes, reformauerunt pacem inter Regem Castellæ & Regem Legionis.

Cum autem pax esset inter eos, quidam inimici Dei discordiā seminantes iterum inter eos bellum concitauerunt, & per tres continuos annos inter se fortissimorum regum exercitus horriferis gladiis configebant. Multæ perpetrabātur hinc inde cædes hominum: præcedebat, quod in agris erat & flammis villæ exurebantur. Duo ferocissimi Reges quasi duo ferocissimi leones alter alteri cedere nesciebat. Præibat Regem Castellæ fortitudo & sapientia, sed Regem Legionis fortitudo & suorum exercituum amabilitas nimia muniebat. Sed antequā inter dictos Reges tam horribile oriretur bellū, ostendit Dominus quoddam prodigiū in ecclesia sancti Stephani extra muros urbis Legionis. Etenim quædam imago Dei genitricis cum imagine filij sui ex se cœpit emittere sanguinem, non sine horrore & admiratione multorum, qui hoc viderunt. Tunc clerus & populus Legionis ad prædictam ecclesiā accesserunt pedibus nudis, & ipsam imaginē ad ecclesiam beati Isidori detulerunt: & super ipsius altare posuerunt, vbi per tres dies continuos sanguinem emanauit. Sed fuerunt quidam sapientes interpretes, qui ex ipso signo bellum futurum cruentissimum prædixerunt, eiusdem monasterij exheredationem etiam prædicentes. Quod postea factum esse testatur veritas manifesta. Etenim vt prædiximus bellū cruentissimum inter Reges exortum est, & tradēte Rege Legionensi Rex Castellæ castrum de Pozolo accepit, qui iam acceperat villam Barxeni, Caparios, & alia plura ad ecclesiam beati Isidori spectantia, ex quibus sustentabantur clerici

clerici inibi domino seruietes Adefonsus Rex Legionis cum esset Catholicus habebat secum clericos, qui modulatis vocibus quotidie coram ipso divinum officium peragebant, quos ipse nimio venerabatur affectu. Habebatque cubicularios suos laicos quosdam, quibus omne consilium suum committebat, & licet polleret omnimoda probitate, tamen susurronibus aliquando præbebat aurem. Vnde quædam faciebat minus spectantia ad tam regiam maiestatem. Rex autem Castellæ cum esset sapientissimus, consilium suum semper sapientibus committebat. Vnde præ cæteris Hispaniæ Regibus feliciores habebat successus.

10 Pacificatum est inter Reges prædictos post multas strages & damna, sed iterum inter eos mota discordia cum venirent ad pacem, dedit Rex Adefonsus Legionensis uxori suæ Reginæ dominæ Berengariæ quæ tunc degebat cum patre suo in Castella Villarparandum Ardon, Rodam Arbolium, Gordonem & Lunam. Adefonsus autem Rex Castellæ labori cedere nescius monuit exercitum suum contra Vascones, & cepit sanctum Sebastianum, Ortes & Burgum de Ponte, Salvaterram, civitatem Aquensem & alia plura oppida, & reversus est in Castellam cum gloria magna. Post hæc cœpit excogitare de salute animæ suæ, & construxit de novo nobile monasterium Sanctæ Mariæ in Olgis Burgenfis civitatis. Hoc monasterium multis prædiis ditavit, & miræ pulchritudinis auri, argenti, pretiosorum lapidum, olofericarum cortinarum decoravit.

20 Alter nostris temporibus Salomon idem Rex iuxta prædictam domum domini ædificavit palatium Regis. Adiecit etiam, & non longe ab ipso monasterio in via publica beati Iacobi construxit miræ pulchritudinis hospitale: cui tantum redditum contulit, ut cuncti pauperes peregrini transeuntes in eo unius diei perciperent victum. Iam prædictum monasterium quam palatium suum regale, quam etiam hospitale cum capella sua de lapidibus vel laterculis coctis & calce constructa sunt, & auro ac variis coloribus depicta. Tunc ipsa civitas Burgenfis, civitas regia vocata est, & in regni solium sublimata. Eo tempore Rex Adefonsus evocavit magistros theologicos, & aliarum artium liberalium, & Palentiæ scholas constituit procurante reverendissimo & nobilissimo viro Tellione eiusdem civitatis Episcopo. Quia ut antiquitas refert, semper ibi viguit scholastica sapientia, viguit & militia. Iste Rex Adefonsus primo castellum armis suis

30 depinxit, quamvis antiqui Reges patres ipsius Leonem depingere consueverant, eo quod Leo interpretatur Rex vel est omnium bestiarum.

Suprafatus autem Adefonsus Rex Legionensis ex quo regnare cœpit regnum sibi subditum viriliter & nobiliter vendicavit, & tam terribilis fuit malè agentibus, quod eius aspectum non possent aliquatenus sustinere. Vox eius in ira quasi leo rugiens videbatur. Cum esset indutus armis bellicis, & equum suum conscenderet, licet magnus esset motus corporis, quidam tamen gestus in eo nimie ferocitatis fortitudinem in eius animo declarabat. Hic in bello nunquam fuit victus, sed victor semper extitit, quamvis multoties cum Christianis & Sarracenis pugnavit. Hanc suam fortitudinem tanta clementia sequebatur, ut iram statim à corde excuderet, & misericorditer flecteretur deponens virus quod Susurrones suis auribus instillaverant, si esset qui diceret bonum.

40 Hic ex sententiâ domini Papæ Innocentii dimissa uxore sua Regina Tharsia, duxit Berengariam prudentissimam filiam Adefonsi Regis Castellæ uxorem, & tam nobiliter eam desponsavit sibi, quod dedit ei pro dote turres Legionis, Astoricam Valenciam, & alia triginta Castella. Posuit etiam in fidelitate alia decem Castella in manu Baronum Regis Castellæ, ne recederet à pactione. Genuit ex ista Berengaria Fernandum, Adefonsum, Alionoram, primogenitam, Constantiam & Berengariam. Genuerat iam ex nobilissima fœmina Agnete Vrracam, quam tempore procedente tradidit magno viro Lupo Didaci de Vizcaya in uxorem. Berengariam etiam filiam eius duxit Ioannes Rex Hierosolymitanus uxorem, qui postea cum ipsa Constantino-

50 politanum imperium rexit. Constantia verò in monasterio Sanctæ Mariæ de Burgis habitum monachalem suscepit. Fuit præfata Berengaria filia Regis Castellæ adeo sapientissima, quod patris sapientia ad eam defluxisse videretur. Hæc cum primo venit Legionem blandis precibus à viro suo Rege Adefonso obtinuit, ut corrigeret mores & foras Legionensis civitatis & regni, & gravamina relevaret. Ædificavit Regina Berengaria palatium regale in Legione ex lapidibus & calce iuxta monasterium sancti Isidori, & turres Legionis quas Rex barbarus quondam destruxerat Almazor ex calce & lapidibus similiter restauravit.

Hæc Regina serenissima auro, argento, lapidibus preciosis & fericis indumentis monasterium beati Isidori, & cæteras regni principales ecclesias studuit decorare.

Hoc tempore ampliata est fides Catholica in Hispania, & licet multi regnum Legionense bellis impeterent, tamen ecclesiæ regalibus muneribus ditatæ sunt in tantum, ut antiquæ destruerentur ecclesiæ, quæ magnis sumptibus fuerant fabricatæ, & multo nobiliores & pulchriores in toto regno Legionensi fundarentur. Tunc reverendus Episcopus Legionensis Mauticius eiusdem sedis ecclesiam fundavit opere magno, sed eam ad perfectionem non duxit. Tunc etiam fundata est ecclesia beati Iacobi Apostoli, quæ postea per reverendissimum patrem Petrum Iacobensem Archiepiscopum est gloriosissime consecrata. Cum autem regnum Legionense frueretur pace & gloria multa, & ut suprafatum est, orta esset discordia inter Regem Legionensem & Regem Castellæ, & omnes Hispaniæ Reges Christiani & Sarraceni niterentur Legionense regnum evertere, Rex Legionis adiutus à Domino, & à beato Iacobo Apostolo regnum suum fortiter defendit. Hoc tempore Martinus presbyter doctus à Domino miraculose scientia scripturarum magna volumina edidit, & sanctitate claruit & miraculis.

Rex autem Adefonsus multas populationes in regno suo fecit & eum valde ampliavit. Populavit namque in Gallecia Cluniam Baionam, Salvaterram, Villam novam de Sarria, Melide, tria castella Milmanda, & alias multas. Similiter in Asturiis multas populationes fecit. Populavit in Berizo, Benevive, & Pontem Ferratum. Populavit in terra Legionis Rodam, Ardon, Senabriam, & alias plures. Populavit in Extremadura Mirandam, Monleon, Carpium, Montem regalem, Calisteum, Salvaterram, Salvaleon, & alia plura oppida & castella. Fecit quoque pontem magnum super flumen Mineum in loco qui dicitur de Castrello, & alios plures pontes fecit, & restauravit in regno suo. Fundavit etiam monasterium Cisterciensis ordinis vallis Dei in loco qui dicebatur antiquitus Boites. Aliud in Berizo construxit monasterium in villabona. Multa gloria regnum suum ditavit, & muros urbium ab antiquis destructos honorifice restauravit. Circa viros religiosos & moniales, adeo misericors fuit, ut quando illis deerat, præberet de suis cellariis alimenta: gregesq; omnes pecudum, quæ illi de hostium præda eveniebat cunctis monasteriis distribuebat. Latrones autem & superbos, alios a turrib. præcipitabat, alios in mari mergebat, alios suspendebat, alios igne cremabat, alios caldariis decoquebat, alios vivos excoriabat, & multis afficiebat generibus tormentorum, ut regnum in pace & iustitia conservaret.

Suprafatus autem Adefonsus inclytus Rex Castellæ quod diu conceperat animo perducere cupiens ad effectum, ut haberet occasionem gerendi prælium cum Sarracenis, cum quibus tunc pacem habebat, populavit quandam villam, quæ Mora dicitur in confinio barbarorum. Rex autem Miramamolinus nomine Abeniacob misit ei nuncios dicens quod non haberet pacem cum eo si dictam villam popülaret. Sed eū Rex Castellæ nollet à populatione desistere, venit Rex barbarus cum tanta Sarracenorum multitudine, & cum tanto bellico apparatu, quod non posset aliquatenus explicari, & obsedit castrum, quod dicitur Salvaterra. Cumque milites Cisterciensis ordinis Sarracenis in ipso castro fortiter restitissent, Mauri viriliter accedentes machinis fregerunt murum, multis ex illis occisis. Cepit Rex Miramamolinus ipsum castrum, & propter hyemem Hispalim reversus est. Rex autem Adefonsus cum esset in angustiis positus eo quod barbaris commode non poterat obviare, convocavit Regem Aragoniæ & regem Navarræ, precibus, & muneribus, ut secum accederent contra barbaros pro fide catholica pugnaturi. Misit etiam idoneos nuncios ad regem Legionensem, ut ipse quoq; dignaretur tanto periculo subvenire. Sed Rex Legionensis licet ad subveniendum desideraret accedere, tamen habito cum suis consilio respondit, quod libenter accederet, si Rex Castellæ sibi redderet castra, quæ illi abstulerat. Rex vero Castellæ cum esset erga plurima occupatus, & in arcto positus non potuit ad singula respondere, sed totum animi sui impetum direxit ad iniurias sibi à Sarracenis illatas omnimode vindicandas.

Eo tempore Archipræsul Toletanus nomine Rodericus atque omni bonitate conspicuus scientia & moribus eruditus, tactus nimio cordis dolore intrinsecus tanquam catholicæ fidei filius se non recusavit subdere laboribus & discriminib. pro defensione catholicæ veritatis. Etenim fultus auctoritate domini Papæ Innocentiæ Galias adiit, verbum Dei assidue proponendo & suadendo populis, ut ad defensionē fidei convenirēt, data illis remissione omniū peccatorū, & eos crucis signaculo muniendo. Terigit dominus corda multorū qui audiebant verbum domini populorum, & contra barbaros alacriter properabāt. Sed dū hæc agerētur, filius regis Castellæ, qui sperabatur

tur regnaturus post patrem nomine Fernandus morte præuentus est: cuius obitum in tantum cunctos dolore repleuit Hispanos Christicolas, ut se fere cuncti amisisse de-
 10 flierent patrem, dominum, socium, & pastorem. Etenim non immerito, quia erat clemens, fortis, pulcher, sapiens, largus & catholicus. Hic tanto fidei catholicæ feruebat ardore, ut cum quadam die fecisset sibi exponi passionem Iesu Christi, & ex relatione didicisset, quod antiqui catholici Reges Iudæos expulerint ab Hispania, & Toletana ciuitas Iudæorum proditione tradita fuerit Sarracenis, tantum concepit odium contra ipsos, quod eorum proteruiam quibuscumque poterat persequeretur modis: & quia Iudæi timebant deleri per ipsum, ut fertur, eius mortem procurauerunt veneno,
 20 quia mundus non erat dignus tanto principe gloriari. Sepultus est Burgis in monasterio sanctæ Mariæ cum honore magno.

Rex autem Adefonsus licet esset pro morte tanti filii saucius, ex multitudine exercituum confluentium recepit consolationem. Venit namque præclarus Petrus Rex Aragonum cum multitudine populorum. Accessit fortissimus Sancius Rex Navarrensum cum robustissima manu militum. Affuerunt Portugalenses, & etiam Franci & Gallæci, qui ad prælium tanquam ad epulas properabāt. Rex Miramamolinus, ut hæc
 30 audiuit, valde pertimuit, & doluit se verbum superbiz protulisse, scilicet quod vinceret in campo omnes adorantes crucem Christi. Vnde iam non ad præsens Christianos impetere, sed tantum se defendere satagebat. Confluebant populi multi Christianorum apud regiam ciuitatem Toletam, & cum deficerent in expensis, Rex Castellæ in tantum manu largissima de thesauris suis singulis præbuit necessaria, ut nullus posset
 40 ab exercitu victus inopia resiliire. Sed cum Rex barbarus Christianis expectantibus ad bellum, ut promiserat, non accederet, nostri mouentes castra, prima fronte castellum Malagon ceperunt, cunctos illius oppidi gladio trucidantes. Deinde ceperunt Calatiavam, & Petram bonam, Benauentum, Alarcos, & Caracuel. Post hæc Francorum populus cepit murmurare victus dulcore patriæ suæ, & statuētes inter se quod nullus remaneret, nec futurum expectaret bellum, ad propria reuerſi sunt. Quibus recedentibus suprafati Reges Christianorum turbati sunt, volētes eos retinere muneribus & precibus, sed nullatenus potuerunt. Sed Rex Adefonsus in Domino roboratus iussit
 50 Christianorum populum ad portum de Muradal accedere, vbi multos inuenerunt Sarracenos armatos, quos Christiani milites gladiis ferientibus fugauerunt. Et quia excelsi montes & angustæ semitæ Christianos ad Sarracenos accedere non permittebant, diuinitus affuit quidam coram Rege Adefonso quasi pastor ovium qui eis latam ostendit viam, & eo duce peruenerunt vsq; ad castra Maurorum, & nullo vidente Pastor ipse recessit. Sarraceni autem ut viderunt Christianorum exercitum, quia ventus veniebat ex parte ipsorum ignem per spinas & tribulos posuerunt, ut fumus Christianis noceret. Sed diuina gratia fumus cessit retro & in castris Maurorum se totus ingessit, & per nimium oppressit eos. Exercitus autem Christianorum sedit in monte nocte
 60 sequente, & illucescente die iussit Rex Miramamolinus Sarracenos tubis & tympanis excitare. Tunc Reges Christiani inito consilio quieuerunt ipsa die, ut se ad bellum die altera præpararent. Ordinauerunt autem inter se, ut Didacus Lupi nobilis & strenuus cum nepote suo Sancio Ferdinandi quondam Regis Legionensis filio, prima fronte exercitum præiret. Sed ubi commissum est prælium tanta fortitudine præclarus Didacus accessit cum suis, quod Sarraceni turbati in se perstiterunt. Quod videntes
 70 Christianorum exercitus animati ad prælium, Sarracenorum castra gladiis vndique feriebant. Victus est Rex Miramamolinus cum suis & tanta multitudo cecidit barbarorum, quod nullus viuens posset mortuorum cadauera numerare. Actum est hoc felicissimum bellum in loco qui dicitur, Naues de Tolosa, cui in Hispania simile bellum nunquam fuit. Post hæc ceperunt nostri Bilchis, Ferrat, Balneos, & Vbedam, in qua
 80 multa Sarracenorum millia occidere. Sed cum populus Christianorum ex labore nimio grauer inciperet ægrotare, inclyto Rege Adefonso præcipiente in propria reuerſi sunt cum multis opibus & gloria magna.

Cum autem hæc agerentur, Rex Legionensis Adefonsus habebat secum virum potentissimum Petrum Ferdinandi de Castella, qui ei nobiliter consilium, & auxiliū impendebat, & ipso dicto Petro Ferdinandi operam dante recuperavit de illis oppidis, quæ sibi abstulerat Rex Castellæ Rodan, Ardon, Castrum terram, Villalugam, Castrum Gonzalui, Albadalista, Lunam, Gordon, Aruolium, Alion, & quædam alia. Intulit quoq; Adefonsus Rex Legionensis bellū portugaliæ, & cepit Balsamon, Vlgosum, Fresno, & ex alia parte Lahosum, Melgazon & Contrastam quā funditus diruit. Tunc

congregati sunt contra ipsum omnes Portugaleses ad prælium, & licet esset Rex Legionensis cum paucis, vicit eos in loco, qui dicitur Portella de Valdeuer, & cum multis spoliis & gloria magna reuersus est. Rex autem Castellæ Adefonsus, qui post felicem victoriam timebatur venire super Legionenses in ira & brachio extento, valde humilis venit laudans Deum de victoria reddita populo Christiano. Et inuitans ad pacem Regem Legionis indulgit ei omnia oppida, quæ abstulerat sibi, & insuper restituit ei Pennamfiel, Almanzam & collem in terra Legionis & in Asturiis Mirandā de Nieua, & in territorio Salmantiæ dedit sibi ad diruendum castellum de Carpio, & montem regalem. Rex etiam Legionis ex pacto Regis Castellæ tradidit Regi Portugalie omnia castra, quæ abstulerat illi. Hoc Rex sapientissimus Castellæ ideo faciebat, vt pacificatis omnibus Hispaniæ Regibus eos contra Sarracenos concitaret. Tunc Rex Adefonsus destruxit Gordonem, & Arbolium, vt Legionensis ciuitas securitate frueretur & pace. Iam olim destruxerat Iudæorum castrum iuxta Legionem, quia eidem ciuitati multa damna sæpius inferebat. Destruxit etiam Miramentum iuxta Maioricam. Et accepto à Rege Castellæ in auxilium sui potentissimo viro Didaco Lupi, sumpsit arma contra Sarracenos, & obsedit Alcantaram & cepit eam. Eo tempore mortuus est Fernādus filius eius pulcherrimus adolescens, quem genuerat ex Regina Tharasia, & sepultus est in Ecclesia sancti Iacobi Apostoli. De cuius morte valde doluit Legionensis Rex & regnum eius. Eo tempore obierunt potentissimi viri Didacus Lupi, & Petrus Eernandi. Rex autē Castellæ Adefonsus in Domino roboratus obsedit fortissimum castrum Sarracenorum Alcharaz & cepit ipsum, & reuersus est in Castella cū gloria magna atque feliciter vitæ termino consummato, obiit in termino Areuali: & vt tantum Regem decebat Burgis in monasterio de Olgis, quod ipse construxerat, gloriose sepultus est. Regnavit annis quinquaginta quinque.

Era Mcc LII. Henricus filius eius in regno Castellæ cum esset annorum decem, regnare cœpit. Regina vero Alienor expletis post mortem viri sui viginti septem diebus Burgas mortua est, & sepulta circa virum suum. Henricus autem Rex Castellæ cum esset Palenciæ quidam nobilis puer ludendo fragmen regulæ casu proiecit, & Regem in capite grauitè percussit, vnde mortuus est, & Burgis iuxta patrem suum & matrem sepultus. Regnavit annis duobus & mensibus octo.

Era Mcc LV. Fernandus filius Adefonsi Regis Legionensis in Castella ei matre Berengaria tradente regnum, felicissime regnare cœpit. Siquidē Castellæ nobiles regnum Berengariæ Regiæ tradiderunt, eo quod erat primogenita Adefonsi Regis Castellæ. & ipsa vt dictum est tradidit regnum filio suo Fernādo. Hic autem Rex Fernandus grauissima adolescentia venustatus, non vt illa ætas assolet lasciuia amplectatus est mundi, sed pius, prudens, humilis, catholicus & benignus senilibus se moribus decorauit. Etenim ita obediebat prudentissimæ Berengariæ Regiæ matri suæ, quāuis esset regni culmine sublimatus, ac si esset puer humillimus sub ferula magistrali. Habebat secum prudentissimos catholicos viros quibus tam ipse quam mater totum suum consilium committebant. In tantum regnum sibi subditum succensus igne catholice veritatis strenue rexit, vt inimicos fidei Christianæ totis viribus persequeretur, & quoscumque reperiēbat hæreticos flammis exureret, & ipse vice famulorum ignē & signa in eis comburendis ministrabat. Aderat illi in humilitate iusta seueritas, qua reprobos puniebat, & in seueritate iusta misericors & clemens humilitas, qua postratis inimicis placebat. Eius regalis animus auaritia nūquam potuit inflammari, siquidem visum est, quod requieuerit super eum spiritus sapientiæ, qui fuit in Adefonso Rege Castellæ auo suo, & spiritus fortitudinis & clementiæ, qui erat in Adefonso Rege Legionensi patre ipsius. Quid plura? Quod de nullo Regum præcedentium legitur, omnino irreprehensibilis fuit, quantum nobis scire datum est, & thorum coniugalem vnamquam minime violauit. Duxit namq; uxorem ex imperiali genere Romanorum Deo deuotissimam foeminam nomine Beatricem, ex qua genuit Adefonsum, Fredericum, Fernandum, Philippum, Henricum, Sancium, Emanuelem, Alienor, Berengariam, & Mariam. Omnibus etiam Ecclesiis ita omnia sua iura seruauit, vt nullus esset, qui auderet eas vel in aliquo molestare. In tanta pace regnum sibi subditum rexit, vt maiores vel minores in aliorum res insurgere non auderent.

Sed cū regnare cœpisset comes Aluarus de Castella & fratres eius Comes Fernandus, & comes Gundisalvus contra eum rebellare cœperunt, & cū Rex Fernandus vna cum matre sua Berengaria cū manu militū iuxta castrū, quod dicitur Ferrerola, transiitum faceret, Comes Aluarus ei bellū indixit. Fuit autē Dominus cū Rege Fernādo, & cepit

cepit ipsum comitem Aluarum, & tam ipse Aluarus quam fratres eius, multa castella Regi Fernando tradiderunt: in quibus rebellabant ei, & comes Aluarus est tunc à vinculis liberatus. Rex autem Legionensis Adefonsus cum exercitu suo quosdam regni Castellę fines molestabat: eo quod adhuc quędam ad regnum Legionense spectantia detinebant Castellani. Tunc congregati sunt contra eum omnes nobiles de Castella: quia reuera filius eius rex Fernandus cum patre pugnare volebat. Inito autem certamine prædicti nobiles Castellę fugati sunt, & omnes in Castellon à Rege Adefonso inclusi. Tunc mutuo colloquentes de pace vt iustum erat, firmauerunt pacem inter patrem & filium, & ad tantam concordiam regna Hispaniæ peruenerunt, vt vnanimiter
 10 conuenirent ad Arabes persequēdos. O quam beata tempora ista: in quibus fides Catholica sublimatur, hæretica prauitas trucidatur, & Sarracenorum vrbes & castra fidelium gladiis deuastantur. Pugnant Hispani Reges pro fide, & vbique vincunt. Episcopi, Abbates & Clerus Ecclesias & monasteria construunt, & ruricolę absque formidine agros excolunt, animalia nutriunt, pace fruuntur, & non est qui exterreat eos. Eo tempore reuerendissimus pater Rodericus Archiepiscopus Toletanus Ecclesiam Toletanam mirabili opere fabricauit. Prudentissimus Mauricius Episcopus Burgensis Ecclesiam Burgensem fortiter & pulchre construxit. Et Sapientissimus Ioannes Regis Fernandi Cancellarius Ecclesiam Vallisoli fundauit, & multis possessionibus gloriose dotauit. Hic tempore procedente factus Episcopus Oxomensis Ecclesiam Oxomensem opere magno construxit.

Nobilis Nūnus Astoricensis Episcopus inter alia quę prudenter gessit, muros Astoricensis vrbs, Episcopium & Ecclesię claustrum fortiter, & pulchre studuit reparare. Regula iuris Laurentius Auriensis Pōtifex, eiusdem Ecclesię, & Episcopium quadris lapidibus fabricauit: & pontem in flumine Mineo iuxta eandem ciuitatem fundauit. Generosus etiam Stephanus Tudensis Episcopus eiusdem Ecclesię magnis lapidibus consummauit, & ad consecrationem vsque perduxit. Pius autem & nobilis Martinus Zamorensis Episcopus in Ecclesiis constituendis monasteriis restaurandis, pontibus & hospitalibus ædificandis continuo præbebat operam efficacem.

His & aliis Sanctis operibus nostri beati insistant Pontifices & Abbates isti: & alii
 30 quorum nomina scripta sunt in libro vitę. Adiuuant his Sanctis operibus largissima manu Rex magnus Fernandus & prudentissima mater eius Regina Berengaria multo auro, argento, pretiosis lapidibus, & sericis ornamentis Christi Ecclesias decorantes. Eo tempore per totam Hispaniam fratrum Prædicatorum, & fratrum Minorum construunt monasteria: & ubiq; sine intermissione verbum Domini prædicatur. Huius gloriosi Regis tempore multi cruce signatorum Mare Mediterraneum transfretantes in Ægypto nobilem ciuitatem Damiatam de Sarracenorum manibus eruerunt. Etenim per vnum annum antequam Rex Fernandus regnare inciperet, gloriosus Papa Innocentius Romę Synodum celebrauit: vbi fuerunt quadringenti septem Episcopi, primates & Metropolitani septuaginta vnus. affuerunt etiam duo de præcipuis Patriarchis, videlicet, Constantinopolitanus, Hierosolymitanus: Antiochenus vero graui languore detentus misit procuratorem suum. Alexandrinus etiam Sarracenorum dominio pressus misit vicarium suum. Interfuerunt Abbates Benedicti, & Priores conuentuales plusquam octingenti. Procuratores Episcoporum, Abbatum, Imperatorum, Regum, & Principum non potuerunt numerari. In qua Synodo Ecclesię Christi columnę, & pastores rectissime de honestate ac fide Catholica tractauerunt, statuantes vt ad liberationem terrę sanctę cunctus clerus subsidium mitteret. Tunc missus est à Sede Romana nobilis & prudens Cardinalis Pelagius, Episcopus Albanensis Hispanus natione. qui factus Dux, Cruce signatorum ciuitatem Damiatam (vt supra dictum est) cū thesauris innumerabilibus cepit. Hanc autem ciuitatem procedente tempore Sarraceni exigentib. peccatis nostris iterum occupauerunt. Sed iam ad nostrorum Regum gesta veniamus.

Adefonsus Rex Legionis, vbi cum filio suo pacem habuit, quosdam rebelles in regno suo perdomuit, Rege Fernando filio suo auxilium præbente: & congregato exercitu magno contra Sarracenos arma mouit: & cuncta quę erant in circuitu de Caceres, scilicet arbores, vineas & segetes ferro & flamma vastauit, & ad propria reuersus est. Hic salutari consilio euocauit magistros peritissimos in sacris scripturis: & contituit scholas fieri Salmantię, & ab illa die magis directa est Victorię salus in manu eius. Et quia Rex Portugalensis Regem Legionensem offendit, Rex Adefonsus obsedit castrum ipsius, quod dicitur S. Stephanus de Cauias, & accepit illud. Sed facta pace cum

Rege Portugaliæ misit nobilis regni sui cum duce Martino Sancii, qui de prædante terram Maurorum, fere vsque ad Hispalim accesserunt. tunc congregata est multitudo nimia barbarorum in loco qui dicitur Teiada. Inito cum nostris prælio terga dederunt barbari, & ceciderunt ex illis maxima multitudo: & nostris cum victoria magna reuersis, Rex Adefonsus iterum cum magno exercitu terram Maurorum ingressus cuncta quæ erant in circuitu de Badaioz exterminauit. Similiter Sancius Rex Portugaliæ cum exercitu suo, omnia quæ erant circum circa Elues vastauit: & ambo Reges ad propria reuersi sunt.

Rex autem Castellæ Fernandus quam sapienter se tunc temporis gesserit, non est qui scriptis ostendere possit. Etenim reuocauit virum potentissimum Aluarum, Petri Fernandi de Castella filium, qui erat cum Sarracenis, & aggregato suorum exercitu magno, barbarorum fines inuasit: & multas strages Sarracenis inferens cepit ab eis ciuitatem Baeciam, Porcunam, Quesadam, Anduiar, Aznataraph, Garciez, Martusiahen, Capellam, & alias plures, & cum magna victoria in Castellam reuersus est.

Post hæc Reuerendissimus pater Ioannes, Cardinalis Romanus Sabinienſis Episcopus, Apostolicæ sedis legatus missus est in Hispaniam à gloriosissimo Papa Gregorio. Hic inter cætera quæ sanctè gessit Reges Hispanos contra Sarracenos studuit incitare, vnde Rex Legionēſis Adefonsus cum exercitu suo, & parte exercitus filii sui Regis Fernandi obsedit Caceres, oppidū fortissimū barbarorum, & cepit ipsum. Fecit etiā largissimus Rex quoddam memoria dignum, præ Regib. qui fuerunt ante ipsum. Nam adiurauit omnes iudices regni sui, vt non acciperent ab aliquo paruum vel magnū donum. Ipse quidem eis de suo ærario omnes abundanter faciebat expensas: ne iudices propter dona peruerterent iudicium, & iustitia haberetur venalis. Filius autē eius Rex Castellæ Fernādus ingressus est terram Maurorum cū exercitu magno, & multas strages faciens, arbores, vineas, segetes & cuncta quæ erant in circuitu Gehen ferro & flamma vastauit. Sequenti vero anno Adefonsus Rex Legionenſis obsedit ciuitatem Emeritam, & cepit eam. Erat tunc temporis quidam barbarus insignis nomine Abenfuth, qui expulit Almophades ab Hispania, & factus est Rex barbarorum. Hic à suis vocabatur Rex virtutis, & congregato exercitu Maurorū innumerabili, venit pugnaturus cū Adefonso Rege Legionenſi: qui erant Emeritæ cum paucis. Sed Rex Adefonsus, vt erat fortis, & animosus fecit exercitum suum de nocte contra Sarracenos flumen Gaudianam transire. Fixerant Sarraceni tentoria iuxta castrum Alhange, & viderunt primo mane nostrorum acies paratas ad bellum, & ipsi ordinauerunt acies suas ad prælium properantes. Fuit Dominus cum Rege Adefonso, & populo Christiano, & in congressione ipsius bellitāta Sarracenorum millia prostrata sunt, quod multa barbarorum oppida remāserunt vacua omnib. habitatorib. eorum extinctis in ipso bello. Abēfuth autē Rex barbarorū fugit grauitervulneratus. Tunc Rex Adefonsus à victoria reuersus obsedit Badaiozum, & post paucos dies cepit ipsum. Dimiserāt Sarraceni Elues, & castra alia plura se fugæ committentes: quæ Christiani populauerunt, cum vacua reperissent. Reuersus est Rex Adefonsus cum multis spoliis, & victoria magna laudans Deū & beatum Iacobum, qui sibi de inimicis dedit tā nobiliter triumphare. Siquidem in ipso bello visibiliter apparuit B. Iacobus cum multitudine militum albatorum, qui Sarracenos in manu valida prosternebant. Beatus etiam Confessor Isidorus quibusdā apparuit Zemora ante quam Emerita caperetur & bellum fieret: & dixit eis se ad auxiliū Adefonsi Regis cum Sanctorum exercitu properare, & quod sibi dictam traderet ciuitatem, & de Sarracenis campalem præberet triumphū. Rex autem Adefonsus multam victualium & bellici apparatus copiam præparauit, vt statim reuerteretur ad euertendas vrbes & oppida barbarorum. Sed cum causa orationis ad Ecclesiam S. Iacobi Apostoli properaret, in Galēcia in loco, qui dicitur Villa noua de Zemos grauitè agrotauit: & accepta ab Episcopis pœnitentia, & corporis & sanguinis Domini sacramento morte pretiosa decessit: & in Ecclesia beati Iacobi Apostoli iuxta patrem suum est honorifice tumulatus. Rexit regnum feliciter quadraginta duobus annis. Obiit era millesima ducentesima sexagesima octaua, octauo Kalendas Octobris.

Rex autem Fernandus filius eius tunc temporis erat in expeditione in terra Maurorū, & cum audisset quod decesserat pater eius, festinauit venire Legionem, vt obtineret regnum patrum suorum. Eo tempore facta est perturbatio magna in regno Legionenſi. Multi namque milites Gallæci & Astures multas populationes, quas Rex

Rex Adefonsus fecerat absque murorum ambitu, incendio tradiderunt. Nitebantur etiam resistere Regi Fernando si possent, sed omnipotens Deus illū mirabiliter adiuuabat. Etenim miles nobilissimus Didacus cum esset Legione, fecit suos per palatium Regis furtiue ascendere, & turrim & Ecclesiam beati Isidori occupauit. Reuerendus autem pater Rodericus Episcopus Legionensis vir nobilis, prouidus & honestus, ut hæc vidit, Ecclesiam Legionensis Sedis armis, hominibus & bellicis apparatibus muniuit, ut ciuitas Regi Fernando seruaretur. Ciuesque turres murorum & Ecclesiarum, ut potuerunt similiter munierunt. Erat tunc in ipsa ciuitate, die ac nocte, continua vox belli, & tribulatio & angustia magna. Sed misericordia Dei non defuit: & prædictus Didacus ægitudine valida est percussus, ita ut ipse vel in eo nescio quis clamaret, quod beatus Isidorus ob auxilium Regis Fernandi volebat ipsum militem interficere, eo quod occupauerat turrim & Ecclesiam eius. Præterea à capite dicti militis oculi videbantur auelli, & à concavitate sua egrediebantur non sine magno dolore. Vnde compulsus (cum se videret tam grauissime vexari) consilio Sancia Comitissæ venerabilis matris suæ, Abbati & conuentui ipsius Monasterii turrem & Ecclesiam restituit, & damna quæ illis intulerat, integravit, dato super sancta Dei Euangelia iuramento, quod de cætero esset miles & Vassallus beati Isidori Confessoris. Illico sanitati restitutus est, & statim cum suis de ciuitate egressus. Episcopus autem Rodericus & ciues gaudentes in Domino, quod etiam sancti pro Rege Fredenando pugnabant, miserunt nuncios illi, veniret cito suam accipere ciuitatem. Venit itaque Rex Fernandus (qui vere creditur Rex virtutis, eo quod sit virtuosus) vna cum prudētissima Domina Berengaria matre sua, & Legionensem ciuitatem ingressus, cum gloria magna obtinuit regnum patrum suorum. Tunc confluentibus ad eum de singulis ciuitatibus & oppidis viris nobilissimis concessit eis bonos mores & foros antiquos, & etiam illis multa grauamina releuauit. Supererant duæ nobilissimæ sorores suæ, filiæ Regis Adefonsi, quas genuerat ex Regina Tharasia, Sancia scilicet & Dulcia, quas habuit in magna reuerentia donans illis dum viuerent, annuatim triginta millia aureorum. Deinde pacificato toto regno suo, omnes milites, qui populationes patris sui succenderant, exulauit.

Post hæc congregato Legionis, & Castellæ exercitu magno, ingressus terram Maurorum obsedit Vbedam, & cepit eam. Eo fere tempore inclytus Adefonsus frater eius, & Aluarus heros potentissimus de Castella, de mandato Regis cum nobilium exercitu deprædantes terram Maurorum, vsq; ad mare Mediterraneum hostiliter perueniunt, quibus cum exercitu innumerabili occurrit Rex barbarus, nomine Abenfuth, iuxta ciuitatem quæ vocatur Xerez. Cōmisso certamine fugati sunt Mauri, multis millibus suorum prostratis, & Christiani reuersi sunt in patriam cum multis opibus & gloria magna. Iterum Rex Fernandus mouit exercitum; & fines Sarracenorum inuadens, cepit fortissimum castrum quod dicitur S. Stephanus, & quædam alia: & acceptis à Sarracenis thesauris multis reuersus est. Diulgabatur fama Regis Fernandi per vniuersas regiones; & de fide, gloria, & victoriis eius loquebantur omnes gentes. Siquidem magnanimitas eius, & sapientia omnes hostes eius vehementissime deterrebat. Regina vero Berengaria mater eius in tanto sapientiæ culmine ferebatur, ut in regni administratione cuncta sapienter & nobiliter ordinaret. Quapropter secare Rex Fernandus faciebat moram in expeditione contra Sarracenos, eo quod Regina Berengaria vices eius sapienter in regno Legionis & Castellæ supplebat, & tanta securitate, & pace vtrumque regnum gaudebat, ut paruus vel magnus aliquis non auderet violenter res alterius occupare. Tantus inuaserat cunctos hæreticos terror, ut cuncti de vtroque regno fugere festinarent. Mittebat Regina Berengaria abundanter filio suo Regi Fernando dum esset in expeditione milites, equos, aurum, argentum, cibaria, & quæcunque erant necessaria exercitibus suis.

Era M C C L X X I I I. Regina domina Beatrix obiit, & sepulta est Burgis in regali Cæmeterio, quod bonæ memoriæ fecerat Castellæ Rex Adefonsus. Ante paucos dies decesserat filia Regis Fernandi & Regine Beatricis Maria puellula, quæ Legione in monasterio Sancti Isidori est sepulta. Tunc temporis deuotissimus Rex Fernandus coram corpore beati Isidori fixis genibus orauit, & votum faciens dixit viua voce: Adiuua me beate Cōfessor contra Sarracenos, & de his quæ acquisiero huic Ecclesiæ tuæ conferam honorabilem portionem. Eo tempore quidam Catholici viri strenui de frontaria

Maurorum, qui Almugaueres vocantur, collecta suorum multitudine de nocte terram Sarracenorum furtiue ingressi sunt. Qui cum venissent Cordubam, & custodes murorum ipsius ciuitatis barbari minime vigilarent, per scalas & funes ciuitatem magnam Cordubam intrauerunt, & maximam obtinuerunt partem turrium & murorum; & cum aduersus Sarracenos fortiter dimicarent, & multos ex eis occiderent, festinanter miserunt nuncios ad Regem Fernandum, vt ad eorum properaret succursum. Erat tunc in partibus illis heros potentissimus Aluarus de Castella, & veniens festinus ad succurrendum Christianis extra Cordubam tentoria fixit. Paucissimi erant Christiani habito respectu ad Saracenos: sed quotidie de barbaris adiuuante Domino triumphabant. Quantæ autem magnanimitatis fuerit Rex Fernandus ex hoc potest aduerti, quod statim Beneuentanis & Zemoresibus, & aliis sibi adstantibus dixit: Si quis est mihi amicus & fidus vassallus sequatur me. Erat tunc hyems valde pluuiosa, & dum non haberet secum centum milites, ingressus est audacter per frontariam regni Legionis, & cum paucis Cordubam venit. Magnus timor & dolor inuasit amicos cunctos Regis Fernandi, cum peruenit ad eos, Regem se tanto discrimini contulisse. Accelerabant cuncti tanto domino subuenire, sed resistebant eis flumina inundantia & pluuiarum tempestas. Rex autem Fernandus stabat fortis & imperterritus, & Sarracenos cum suis fortiter feriebat: & cum ingressum ciuitatis & egressum non possent Christiani Sarracenis prohibere, eo quod prohibente flumine magno Guadalquivir ad aliam partem non poterant transire, & Sarraceni ingrediebantur & egrediebantur per pontem, Rex Fernandus fecit fieri balsas & nauigia de lignis & coriis, & ipse Rex cum paucis primus transiit. Tunc prohibitus est Sarracenis ingressus & egressus, & cepit Rex castrum quod erat in ipso ponte. Obpressa fuit ciuitas Cordubensis, vndique properante Christianorum exercitu; & cum quotidie ab vtraque parte gladiis mortiferis, & iaculis fortiter certaretur, tandem laboribus multis & fame victi Sarraceni Regi glorioso Fernando Cordubam ciuitatem inclytam tradiderunt; & ipsi Sarraceni recedentes se aliis Agarenorum oppidis contulerunt. Ingressus est Rex Fernandus Cordubam cum gloria & lætitia magna, & eliminata omni spurcicia Mahometi, pontifices sacri in festo Apostolorum Petri & Pauli ad honorem Domini nostri Iesu Christi, & genitricis eius Regine celorum Marie, in eadem vrbe diuina mysteria peregerunt: magnum illud Sarracenorum oratorium, genitricis Dei Mariæ nomini, decorantes. Inuentæ sunt ibi campanæ quas ob insigne ab Ecclesia S. Iacobi Apostoli Rex Cordubensis olim detulerat Almazor: & Rex Catholicus Fernandus fecit eas Sarracenorum humeris ad Ecclesiam S. Iacobi reportari. Capta est ciuitas Cordubensis era M c c l x x i v. & reuersus est inclytus Rex Fernandus Toletum cum victoria & gloria magna. O quam beatus iste Rex qui abstulit opprobrium Hispanorum, euertens solium barbarorum, & restituens Ecclesie S. Iacobi Apostoli campanas suas cum magno honore, quæ multo tempore fuerant Cordubæ, ob iniuriam & opprobrium nominis Christi. Acquisiuit etiam Rex Fernandus Turgellum, Sanctam crucem, Alhange, & quædam alia castra.



CHRONICON VICTORIS EPISCOPI TUNNUNENSIS.

10

AD LECTOREM



CHRONICA haec Victoris & Abbatis Biclarensis antehac nusquam visa, reperit in Toletana Bibliotheca Andreas Schottus, Societatis IESU sacerdos de litteris & antiquitate optime meritus, qui ea ad C. V. Marcum Vellserum Reipub. Augustanae Septemvirum misit; à quo in manus meas pervenerunt, lucemq; à me in re suo postularunt; ob id magis, quod in Victoris Chronico, crebro Iustiniani nostri mentio fiat. Sed antequam Victorem legas, amice lector, de Victore quis fuerit, docendus, & de nonnullis, quae ipse scribit, instruendus es, ne erres. De Victore ita Isidorus: Victor Tunnunensis Ecclesiae Africanæ Episcopus à principio mundi, usque ad primum Iustini Iunioris Imperii annum, brevem per consules annuos bellicarum Ecclesiasticarumque rerum nobilissimam historiam promulgavit, laude & notatione illustrem, ac memoria dignam. Hic pro defensione trium Capitulorum à Iustiniano Augusto exilio in Ægyptum est transportatus; unde rursus Constantinopolim est evocatus, dum à Iustiniano Imperatore & Eutychio Constantinopolitanæ urbis Episcopo, obrectatori-
bus eorundem trium Capitulorum resisteret rursus in Monasterium eiusdem civitatis mittitur custodiendus, atque in eadem damnatione, ut dicunt, permanens, moritur. Hac Isidorus.

Libro de ubi
ris illustris
bui. cap. 25.

Idem ferè Trithemius; nisi quod hic addat, eum scripsisse etiam libellum pro defensione trium Capitulorum. Meminit Victoris huius & Ado Viennensis, initio Chronici, & Otto Frisingensis lib. 5. cap. 6.

Quod vero Isidorus ait, hunc Victorem à principio mundi usque ad primum Iustini Iunioris annum brevem quandam historiam scripsisse (cùm hunc à XII. Theodosii Iunioris consulatu, ubi Prosper desit, inchoasse, palam sit) ad ea, opinor, respicit, quae in fine huius operis habentur; dum videlicet Victor rationem annorum à condito mundo iniens ita scribit: Colliguntur omnes anni ab Adam primo homine. &c. Quibus verbis minimè significare voluit, se historiam ab exordio mundi texuisse, ut Isidorus existimasse videtur; sed enumerans omnes annos, qui à principio mundi effluerunt, Chronicisq; Eusebij, Hieronymi, Prosperi, & suo comprehenduntur, asserit tot & tot annos ab Adamo protoplasto, usque ad primum Iustini Iunioris annum, elapsos esse. Et quæ, quæso, Victor Chronicum ab exordio mundi contexuit, cùm ipsemet fateatur, finem Prosperi sibi esse principium scribendi?

Ceterum inter alia, quæ hoc Chronico continentur, est Epistola Vigilij Pontificis Maximi ad hereticos Episcopos Theodosium Alexandrinum, Anthemium Constantinopolitanum, & Severum Antiochenum; qua profitetur, se eiusdem cum illis esse sententiae, hoc est, Eutychianæ & hereticae. Extat eadem Epistola apud Liberatum; nisi quod aliam habeat inscriptionem, hanc nimirum: Dominis & patribus, seu ut alii legunt, fratribus. Ex qua aliqui occasionem sumpserunt affirmandi, hanc epistolam ad ipsum Iustinianum & Theodoram Augustam fuisse scriptam. Sed aliter se habere constat, ex hoc Victore nostro; ex quo etiam restitui poterit apud Liberatum integer huius commentitiae epistolae titulus. Commentitiam voco; quod eam commentitiam & ab hereticis confictam esse, copiose demonstrent Illustrissimi Cardinales Baronius & Bellarminus.

In Breviario
cap. 22.

Si enim revera scripsisset ista Vigilius, inquit Baronius, cur non ex iisdem suis scriptis conventus est, cùm de restitutione Anthimi altercatus est postea Constantinopoli cum Theodora? Rursus si isthæc ab ipso scripta sunt, cur non exprobrata eadem, cùm ipse Constantinopoli à Theodoro Episcopo Cæsariensi, & Menna Constantinopolitano durius vexaretur; cùm utrumque ipse Vigilius excommunicationi subiecit? Vel cur non id factum ab ipso Iustiniano Imperatore, cùm in ipsum furore accensus, etiam vi agendum putavit? Cur item id tacuit ipsa Quinta Synodus, in eundem Pontificem accedere renuentem, non nihil commota? Hæc omnia publicè sunt ventilata, & publicis actis excepta, nec tamen de dicta epistola vel nutu usquam mentio. Neque

Tomo 7. anno
Christi
538. Iustinia.
Imp. 12.

Bellarmin. de
Rom. Pon-
tif. lib. 4.
cap. 10.

Iam alleg.
loco.

etiam Facundus Hermianensis Episcopus, in Vigiliū ob tria capitula subinfensus, aliquid huiusmodi (sicut cætera) ipsi obicere ausus apparet. *Hæc Baronius.* Posset etiam dici, inquit *Bellarminus*, epistolam illam Vigili, cuius meminit Liberatus (& hic noster Victor) fuisse confictam ab hæreticis. Liberatū autem (& hunc nostrum Victorem) credidisse falso rumori, quem hæretici sparserant. Nam quod hæretici confinxerint epistolam quandam Vigili Papæ nomine ad Theodoram & Iustinianum, deprehensum fuit certis indiciis in VI. Synodo, act. 14. Ita *Bellarminus.* Nec alienum hoc est à moribus hæreticorum. Nam ut olim *Ruffinus* sub nomine *Pamphili Martyris* finxit Apologiam pro *Origene*, cum esset *Euseby Casariensis*, *Arriana sectæ* *Coryphæi*; & alium librum sub nomine *Xisti Pontificis* & *Martyris*, cum esset *Xisti Pythagorei*; ita & hodie fingere solent libros contra imagines sub specioso *Caroli Magni* titulo, & epistolas contra Cælibatū sub clarissimo *Augustani Præsulis* *Vdatri* nomine; & alia centena sub aliorum velo & tegmine. Nec igitur mirum, si olim quoque hanc epistolam hæretici *Eutychiani* commenti sunt sub *Vigili* nomine; præsertim cum scirent se gratum facturos *Theodora Augusta* alteri *Iezabeli* & *Megara* sui avi. Nec mirum etiam *Liberatū* & *Victorem* nostrum Afros, ob tria capitula, *Vigilio* non valde benevolos, monumentis suis figmentum hoc inseruisse. Deinde, ut maximè epistola à *Vigilio* scripta fuisset, inde tamen non conficeretur, *Summum Pontificem* *Petri* successorem *Christique Vicarium* in hæresin lapsū fuisse. Nam ut rectè censet *Bellarminus*, id fecit cum adhuc viveret *Sylverius* Papa quo tempore *Vigilius* ipse, Papa non erat, sed *Pseudopapa*. Neque enim duo simul veri Pontifices Summi esse possunt; & constabat tunc omnibus, *Sylverium* verum Pontificem esse, licet in exilio degeret. Cum multis aliis, quæ in eiusdem *Vigili* excusationem, tum etiam commendationem adfert idem *Bellarminus*. Et hæc hætenus de *Vigili* epistola quam *Victor* recitat.

Liberatus
cap. 24.

Idem *Victor* trium capitulorum perpetuus defensor fuit. Sunt autem tria capitula hæc. Primum de damnatione *Theodori Mopsuesteni*. Secundum de damnatione epistolæ *Ibæ* Episcopi *Edeseni*. Tertiū, de damnatione scriptorum *Theodori* & Episcopi *Cyri* contra *Cyrillum*. Quia enim in Concilio *Chalcedonensi* *Ibas* & *Theodore*us, qui *Nestorio* fauerant, recepti sunt in communionem *Catholica Ecclesiæ*, acta pænitentia & repudiato *Nestorio*; & quia Concilium *Chalcedonense* *Theodorum Mopsuestenum*, etiam *Nestorii* studiosum non damnarat, sed potius probasse videbatur ob epistolam *Ibæ*, in qua *Theodorus* laudatur; ideo hæretici *Eutychiani* hostes Concilij *Chalcedonensis*, solito artificio cogitare cæperunt, quomodo non se *Orthodoxis* coniungere; sed *Orthodoxos* inter se committere, sparsis disidiis & excitatis iurgiis, possent. Itaque *Theodorus Casarea Cappadociæ* Episcopus *Eutychianus*, sultus præsidio *Theodora Augusta*, cum *Iustinianus* *Acephalos* & *Eutychianos* ad observationem Concilij *Chalcedonensis* cogere iam statuisset; *Iustiniano* persuasit, noti esse hoc opus, quando compendio omnes *Acephalos* ad tuam communionem adducere posset: siquidem illi, inquit, hoc offenduntur in Synodum *Chalcedonensem*, quod laudes susceperit *Theodori Mopsuesteni* Episcopi, epistolamque *Ibæ*, quæ per omnia *Nestoriana* cognoscitur, quam Synodus ipsa iudicio suo pronuntiavit *Orthodoxā*. Qui *Theodorus*, si cum dictis suis & hac epistola anathematizaretur, tanquam retracta Synodus atque purgata, suscipietur ab eis per omnia & in omnibus, & sine pietatis vestræ labore *Ecclesiæ Catholicæ* sociati gaudentes, in universali *Ecclesiæ* *Clementiæ* vestræ laus erit sempiterna.

Hæc audiens Imperator, inquit *Liberatus*, & dolum dolosorum minimè perspiciciens, suggestionem eorum libenter accepit, & facere promptissimè spondit. Sed rursus illi callida fraude rogaverunt eum, ut dictaret librum in damnationem trium capitulorum. Quò libro eius edito, & toti mundo manifestato, dum emendare Princeps etubescit, irrevocabilis causa fieret: sciebat enim Principem solita pietate; scandalo emergente, sententiam suam posse corrigere, seseque ad periculum pervenire. Annuit his Princeps, & hoc se lætus implere promisit. Et relinquens operis sui studium, unum in damnationem trium capitulorum edidit librum; pro delictis nostris nobis omnibus notissimum. Hæc *Liberatus*.

Cum igitur damnationi horum trium capitulorum quidam ex Catholicis sese opponerent, proque iis publicè & privatim pugnarent, in duas partes *Orthodoxorum* animi distracti sunt: aliis damnationi trium Capitulorum subscribentibus; aliis refragantibus: *Eutychianis* interim effusè ob excitatum à se incendium, exultantibus. Inter eos, qui tria Capitula defenderunt fuit, initio *Vigilius Pontifex*, qui & *Apologeticum*, & quidem benè longum, quod *Constitutum* appellatur, pro tribus capitulis publicavit. Cui lubentes volentesque sese adiunxerunt Episcopi *Africani*, *Itali*, *Provincia Venetiæ* & *Liguria*, *Epirotici*, *Illyrici* & alii his finitimi.

Quod

Quod agerrime ferens Iustinianus, facti unque hoc contemptum Maiestatis sua interpretans, parum clementer cum his Episcopis egit. Ita enim Liberatus, ut alios Scriptores taceam. Cætera quæ subsequenter in Episcopis & Catholica Ecclesia ab eodem Principe facta sunt; quomodo consentientes Episcopi in trium damnationem capitulorum muneribus ditabantur, vel non consentientes deposui, & in exilium missi sunt, vel aliqui fugâ latitantes in angustiis felicem exitum susceperunt, quoniam nota sunt omnibus, puto nunc à me silenda. Hæc Liberatus.

Imo ipse Vigilus iam dudum legitimus Pontifex: quippe mortuo pridem Sylverio, in exilium, Iustiniani iussu, pulsus est, ex quo prius non rediit, quam mutata sententia, tria capitula
 10 damnaret, quintamque Synodum adversus tria capitula, potissimum Iustiniani auctoritate celebratam, comprobaret, suffragioque suo Oecumenicam efficeret. Quod Vigilus fecit, ut Ecclesiam Orientalem cum Occidentali coniungeret & schisma exortum sopiret. Factum hoc Vigilii Africanis Episcopis, inter quos noster Victor, cum aliis, tunc displicuit. Quare convocato Concilio excommunicarunt Vigilium; ut testatur noster Victor: excommunicarunt, inquam subditi Prælatum, omnes Pastorem, de facto, non de iure, irrito conatu: cum omnes successores Vigilii, nominatim S. Gregorius Magnus, & tota posteritas, id quod Vigilus pacis & concordia causa fecit, comprobarent, Synodumque V. in qua tria capitula damnantur, tanquam Oecumenicam receperint. neque unquam inter hanc & illam partem questio de fide fuit: sed tantum de personis (ut observavit etiam sanctus Gregorius) hoc est de Theodoro Mopsuesteno, Iba Edesseno,
 20 & Theodoro Cyri: quorum scripta Nestoriana; nemo Orthodoxus defendit, multo minus sacrosancta Chalcedonensis Synodus; licet hæretici vulgo iactarent Synodum, ipsam epistolam Iba & scripta Theodoretici contra S. Cyrillum probasse & laudasse; prout etiam Victor referre videtur. At secus res se habet. Nam Synodus personas ab errore resipiscences, Ibam, videlicet, & Theodoretum probavit & collaudavit, non scripta. Nec potuit Vigilus aut quisvis alius Orthodoxus Theodoretum & Ibam damnare, eo respectu, quo probati fuerant à Concilio Chalcedonensi, alioqui factum eiusdem Concilii improbassent. Itaque nihil egit Vigilus in præiudicium Synodi Chalcedonensis, ut putarunt Affricani, & refert Victor noster. Et tamen illa damnatione Theodoretici & Iba satisfactum est trium capitulorum damnatoribus. Nam de Theodoro Mopsuesteno minor est difficultas: cum in Chalcedonensi Synodo non fuerit ipse nominatim receptus, ut Iba & Theodoretus; sed tantum, quia in epistola Iba multis laudibus extollitur, visum
 30 fuit nonnullis, illum quoque à Synodo Chalcedonensi fuisse probatum; quod à veritate longè abhorret: cum Synodus non probavit epistolam Iba, sed Ibam ipsum Nestorio anathema dicentem.

Quod autem Victor ait, Theodorum Mopsuestenum similiter Synodaliter gestis apud Antiochiam sub Iohanne Episcopo eiusdem Ecclesie, & Chalcedone laudatum fuisse: id quidem Liberatus quoque his verbis prodidit. Tunc Ioannes Antiochenus Episcopus, Synodo
 congregata, tres pro Theodoro Mopsuesteno dictavit epistolas: unam quidem direxit Theodosio Imperatori, aliam autem Cyrillo Alexandrino, & tertiam Proclo Cō-
 stantinopolitano Episcopo, & eius exponens sapientiam. Ad hæc autem Imperator
 40 dirigens Sacram Ioanni, derogatores illos Theodori contra salutem propriam venire iudicavit. Cyrillus autem præscripto suo Theodorum præferens, tale de eius accusatoribus tulit iudicium, eò quod dogmate veritati contrario uterentur; interponens de Symbolo in Concilio sibi oblato tessera decadas factas à Carisio presbytero. Nihilominus & Proclus per Menham Diaconum suum rescribens, cuius essent illa capitula, quæ Theodori dicebantur, quæ sivit. Qui pro eius excusatione ignorare se dixit. Veruntamen duas memorati Ioannis epistolas, id est, primam & tertiam laudes Mopsuesteni continentes, Chalcedonensis Synodus postea per relationem suam Marciano Imperatori directam cum tomo Procli, quem ad Armenos direxit, & aliis Sanctorum Patrum epistolis suscepit & confirmavit. Hæc Liberatus.

In quibus illud iterum admonendum, inquit Illustrissimus Baronius, eundem Liberatum Diaconum à nescio quo Nestoriano incaute nimis, quam narrat, esse mutuatum Historiam; qua refert probata scripta Theodori Mopsuesteni non scriptis tantum Ioannis Antiocheni, sed & edicto Imperatoris atque etiam scriptis Cyrilli Episcopi Alexandrini, ipsum Theodorum fuisse laudatum; quin etiam (quod deterius existimari debet) dum ait, Synodum Chalcedonensem relatione ad Marcianum facta suscepisse & confirmasse Ioannis Antiocheni epistolas, quibus laudavit Theodorum Mopsuestenum; eandem S. Synodum Chalcedonensem in idem crimen adducit, quod laudes Theodori receperit, & doctrinam. Videsne, quot & quales lateant colubri sub uno

cessite falsitatis? Sed securim ad radicem admoveamus. Inprimis autem, quod ad Cyrillum spectat, quomodo potuit ipse accipere laudes, probareque scripta Theodori, qui eadem sapuit cum Nestorio, cum adeo reperiatur adversatus esse Nestorio? Sed id apertius demonstramus, ex ipsius Cyrilli scriptis, postquam hac de Theodoro Mopsuesteno in controversiam deducta sunt, editis. Lucubrationem quidem Cyrilli de expositione Niceni Symboli elaboratam ab eo fuisse post scriptam Procli epistolam ad Armenos, sua ipsius testificatione monstratur, dum ipsam citat & laudat his verbis: Proclus ipse, qui nunc sancta Constantinopolitana Ecclesia thronum adornat, religiosissimus & piensissimus Pater & Coepiscopus scripsit ad Orientales piissimos Episcopos in hac verba: Et incarnatus quidem est, &c. inferius vero scripserunt adversarii, qui prae multa insipientia Nestorii & Theodori scripta non cavent, &c. vides igitur S. Cyrillum una eademque lance, aequoque pondere Theodorum expendere cum Nestorio.

Quod autem ad Chalcedonense Concilium spectat, quod dicatur recepisse & confirmasse epistolas à Ioanne datas laudibus Theodori refertas: reddamus hic verba ipsa, quae in relatione Synodica ad Marcianum, citata à Liberato, scripta habentur; sic enim se habent: Si enim per epistolas Ecclesia dogmata declarari pro unaquaque quaestione dignum culpa iudicant, ipsum inprimis beatissimum Cyrillum quilibet poterit denotare, qui litteris suis Orientalibus, quod sentiebat, expressit: nec non & magnum Proclum huic vituperationi subiiciet, qui eisdem Orientalibus volumen ad Armenios pro fidei congruentia destinavit. Huic autem consociabitur ad culpam, & sapientissimus Ioannes Antiochenus Episcopus, qui haeticorum maledicta repellens & Apostolicam doctrinam religiosissimum dogma declarans, totius Orientis confessionem, velut ex uno ore, sanctissimo Proclo, & ei qui per idem tempus mundi regebat gubernacula, destinavit. Hac sancta Synodus ad Martianum Imperatorem, in quibus vides nullam de Theodoro Mopsuesteno mentionem haberi, sed istos ut magni nominis Episcopos in exemplum adduci.

Nec est quod quis adhuc instet & urgeat, laudatas à Synodo epistolas Ioannis Antiocheni, quasi hoc ipsum esset laudibus Theodori consensisse, eiusque scripta probasse: nam cum rectam in omnibus fidem (ut vidimus) dictis epistolis professus esset, adeo ut non potuerint eadem epistola à Proclo non recipi atque Cyrillo, & ipso Theodosio Imperatore, nihil virulentum ex Theodori doctrina eisdem admiscuisse, certum est. Sed quod ad Theodorum spectat, non eum laudavit Ioannes ut erroris auctorem, verum tantummodo excusavit non esse Theodori, quae nomine Theodori circumferrentur. Ita quidem se rem habuisse, verbis illis Liberati manifestè probatur, quare-
tulimus, ubi ait: Nihilominus & Proclus per Mennam Diaconum suum ipsi Ioanni rescribens, cuius essent illa quae Theodori dicebantur, quasi vit. Qua pro eis excusatione ignorare se dixit.

Vides igitur negantem Ioannem fuisse à Proclo literis interpellatum, si non essent Theodori tria illa haesum capita, quae ab Armenia monachis circumferebantur, cuiusnam essent: Ioannem verò respondisse, se penitus ignorasse. Quibus planè intelligis, sic laudatum à Ioanne Theodorum, immunemque ab omni labe criminis haesis redditum, eo quod putaret calumniam passum, dum sub eius nomine circumferrentur errores. Quod igitur defensores Theodori ea ipsius scripta esse negarent, quae diffamata per totum fuerant Orientem: inde accidisse videtur, ut prudenter Proclus in epistola ad Armenos, errores ipsos redarguens nullam penitus de Theodoro habuerit mentionem, detectis autem postea scriptis Theodori, eadem cum auctore prorsus damnata fuisse, & dictum est superius, & suo loco pluribus dicemus.

Hac Illustrissimus Baronius ad Liberatum Africanum Archidiaconum: nos ad nostrum Victorem Africanum Episcopum. Atque de his haecenus disseruisse satis fuerit. Cetera quae in Victoris Chronico declaranda vel emendanda occurrunt, erudito Lectori committimus.

Nihil enim in exemplari repertum, temerè mutare voluimus, imitati eruditum illum Virum, qui varios Francorum Historicos edidit, eo prorsus stylo & scriptura modo, quem in ipsis Autographis invenerat.

CHRONICON
VICTORIS TUNNUNEN-
SIS EPISCOPI.

10 **A** XII X Consulatū Theodosii Iunioris, Victor, Episcopus Tunnunensis Ecclesiæ Africæ, historiam prosequitur, ubi Prosper reliquit.

Igitur Theodosio XII X. & Albino Coss. Antiochenæ Ecclesiæ Episcopatum post Ioannem Diaconus suscepit:

Aetio III. & Symmacho:

Domnus.

Callipio & Ardaburio Coss. Eutyches Presbyter, & Archimandrita cuiusdam Monasterii Constantipolitani apparuit, qui sui nominis hæresin condidit. Hic etenim Dominum nostrum IESVM sic assererat natum ex MARIA semper Virgine matre, ut nihil in eo confiteretur humanæ naturæ. Qui Synodali invitatus colloquio, Constantinopolim congregato, cui sanctus præfuit Flavianus, eiusdem urbis Episcopus, dum nollet Christum in duabus confiteri naturis, post nativitatem ex Virgine & nobis secundum carnem substantialem esse, damnationem cum proprio errore suscepit, quam Sanctus Romanus Antistes Apostolica autoritate firmavit.

Pro quo Imperatore Theodosio patrocinate; Leone Romano, Dioscoro Alexandrino*, Diacono Antiocheno, Iuvenale Hierosolymitano, & Flaviano Constantinopolitano præsulibus sedium; Postumiano & Leone Coss. Synodus generalis II. congregatur in Epheso, in qua Dioscorus Alexandrinus Episcopus sibi principatum usurpans, imperiali favore, eundem Eutychen post legitimam damnationem absolvit, & eius obrectatores, duarum in Christo naturarum doctores, Flavianum Constantinopolitanum, Eusebium Dorilei, Theodoretum Cyri & Ibam Edeffenum, Antistites, ceterosque alios, impia autoritate, contradicentibus etiam legatis sedis Apostolicæ, condemnavit, totamque Synodum sibi favore monachorum, seditione militariq; violentia inclinavit.

*al. Donato.
Domno.*

*Concilium
Ephesinum
II. potius conciliabulum.*

Asterio & Protogene Coss. Attila Rex Hunnorum, postquam est Valentiniani Augusti ducis prælio superatus, & in fugam conversus, vires recepit, & ad Italiam importabiliter pergit, cuius mala Romana Respublica pacis fœdere sopiit: Qui Attila Leonis Papæ legatione suscepta, non solum à Reipublicæ vastatione quievit, sed & trans Danubium pace data recessit.

Valentiniano VII. & Attieno Coss. Theodosius Imperator anno vitæ suæ LXII. Constantinopoli moritur:

40 Chrysaphius præpositus Imperatoris, amicitii Eutychetis male usus occiditur; & Martianus totius Reipublicæ consensu Imperator efficitur.

Romanorum XLVII. Martianus regnat annis V. mensibus VI. qui in ipsa regni sui exordia, Ecclesiarum paci prospiciens, Chalcedone fieri Synodum, imperiali auctoritate, denunciat.

Constantinopolitanæ Ecclesiæ præsulatum post Flavianum Anatolius suscepit:

Consulatū Martiani Augusti IIX. Kal. Octobris Leone Romano, Dioscoro Alexandrino, Maximo Antiocheno, Iuvenale Hierosolymitano, & Anatolio Constantinopol. præsulibus; Synodus generalis Chalcedone colligitur Episcoporum DCXXXII. ubi Ephesina II. nec dicenda Synodus, abdicatur: Eutyches cum Dioscoro patrono suo, Alexandrino Episcopo, atque Nestorio condemnatur, Antistitesque Catholici iniuste damnati, ab eodem Dioscoro in Synodo præfata Ephesina II. solvuntur, fidesq; sanctorum patrum, qui in Nicæna Constantinopolitana, & Ephesina I. convenerunt, sanctis Synodis explanatur. His itaq; definitis & subscriptionibus totius Synodi roboratis; Eusebio Dorilei, Theodoretō Cyri & Iba Edeffeno propriis restitutis Ecclesiis, iis, quos pro eis Dioscorus hæreticus substituerat pulsus, omnia, quæ ad statum Ecclesiæ pertinent, disposita sunt, ratumq; terminum susceperunt.

Opilione & Vincomalo Coss. Dioscoro Gangra exilio relegato, Proterius Alexandrinæ Ecclesiæ suscepit præsulatum:

*DCXXX.
al.*

Eo tempore Attila moritur, de cuius regno dum filii dimicant, Hunni vastantur, ac deinde minorantur.

Aetio & Studio Coss. Aetius patritius Valentiniani Augusti manu intra palatium primò percussus, circumstantium gladiis crudeli morte extinguitur. Boetiusq; præfectus nihilominus occiditur.

Valentiniano IIX. & Anthemio Coss. Valentinianus Imperator in campo maximo dolis Maximi patritii, & Heraclii Præpositi perimitur. Idemq; Maximus ex consule ac patritio eius sumit imperium, diebus LXVII. Hic itaq; malum, quod latebat, apparuit. Mox relictam Valentiniani Augustam viri exitum sui lugere non permit- tens in matrimonio sumit. Sed his malis peiora succedunt, dum adventum Genferi- 10 ci Vandalorum regis formidat, & cunctis volentibus urbe recedere licentiam tribuit, priusquam fugam, quam cogitabat, assumeret, occisus, membratimque concisus in Tiberim fluvium proiectus est.

Aetio & Studio Coss. & præfectis, tertia die, postquam Maximus occiditur, Gen- *al. cunctos.* fericus Vandalorum Rex Romanam urbem ingreditur, & per XIV. dies cunctis opi- bus nudat, secumque inde Valentiniani filias & uxorem ac captivorum multa millia tollit: Vt autem ab incendio tormentis & gladio abstineret, Papæ Leonis intercessio *al. Avitum.* facit: huius quoque captivitatis LXXV. die Anitius vir totius simplicitatis in Gallis imperium sumit.

Ioanne & Varane Coss. Ricimirus patritius Avitum superat, cuius innocentia 20 parcens Placentia civitatis Episcopum facit.

Constantino & Rufo Conf. Martianus Imperator Orientis Constantinopoli mo- *His tempori- bus Theodo- ricus frater* ritur, & pro eo Leo imperator efficitur. Romanorum XLIX. Leo regnat annis XVI.

Alexandria & Ægyptus errore Dioscori languens decreta Chalcedonensis Sy- *Thurisimun- di Gothorū regit an. ix. al. Illuro in- fra Ellurus Refe Aelu- rus.* nodi non recepit. Proterium Antistitem, Dioscori successorem, & Synodi Chalcedo- nensis decretorum custodem, populus Dioscoritanus seditione facta, Timotheo *His diebus Gothi contra Suevos di- micant in campo Para- mo iuxta flu- men Orbicū, in quo praelio Gothi exti- tere victores.* auctore, cognomento Herulo, interfecit vi. Kalen. April. vi. feria ultimæ Ieiuniorum hebdomadæ, die qua noster Salvator & Dominus a Iudæis est crucifixus. Tunc enim Pascha Dominicum quarto est Kal. Apr. celebratum. Proterio itaq; interempto, Ti- *His diebus Maio- ranus Imp. Casar- augustanus venit.* motheus præfatus, cognomento Herulus, Chalcedonen. Synodi obtrektor, eius E- 30 piscopatū Ecclesiamq; pervadit.

Leone Aug. Coss. Maioranus Romæ imperium sumit. Timotheus Alexand. Ec- clesiæ incubator defensores Synodi Chalcedonensis insequitur.

Patritio & Ricimero Coss. Iuvenalis Hierosolymorum Episc. litteris Leonis Ro- mani antistitis adversum errorem Eutydis, Dioscoriq; armatur.

Magno & Apollonio Coss. Timotheus Episcopus interfecto Proterii Episcopi, Leonis principis præcepto, vix a sede Alexand. raptus Ecclesiæ. Chersona exilio rele- gatur, & post menses V. eidem Alexandrinæ Ecclesiæ alius pro eo Timotheus, cogno- mento Salafatiatus Synodi Chalcedonensis defensor, Episcopus ordinatur.

Gadalayfo & Severino, Leone Aug. II. Viviano V. C. Coss. Carthaginensis Ec- *al. Salafari- arius.* clesiæ post Capreolum. *Solofaciolus.* Quod vult Deus Eugenius Episcopus ordinatur. 40

Maioranus Romæ occiditur, & Severus imperium Non. Iul. sumit.

Olybrio & Rustico Coss. Genfericus Vandalorum Rex post multarum provin- *al. Leone & Severo Vini- ano & Basi- lio.* ciarum clades, & Christiani apud Africam populi spolia atque neces moritur, anno re- gni XL. post quem Vgnericus filius eius regnat annos VII. menses V. Huic Vgnerico pater Genfericus Valentiniani filiam, quam ex Roma captivam abduxerat, in coniu- *His Coss. Ma- ioramus Imp. & Ricimero interfectus est.* gium tradidit.

Hermia & Basilisco Coss. Antiochenæ Ecclesiæ Episcopatum post Maximū su- *Hunericus.* scepit Alexander. Hierosolymitanæ verò Ecclesiæ post Iuvenalem præest Anastasius. *al. x.*

Leone Aug. III. Coss. Vgnericus Vandalorum Rex, Arriano suscitatus furore, Ca- *Hi diebus Theodoricus Rex Gotho- rum a suis gladio inter- fectus est; & Euricus fra- ter eius Go- thorum Rex efficitur, re- gnat annos xvi.* tholicos per Africam plus patre persequitur, Christianorum Ecclesias tollit, & Ca- *al. Pusco.* tholicos Sacerdotes exilio mittit. 50

Busco & Ioanne Coss. signum in cælo ex nube, velut contum apparuit, per dies x. Anthemius Romæ imperium sumpsit.

Leone IV. & Anthemio II. Coss. Leo Aug. supplicationibus Ægyptiorum per- motus, ut Synodus fieret, quæ de gestis Synodi Chalcedonensis iudicium ferret, ad cognoscendam singulorum fidem, Ecclesiarum præsulibus unicuiq; semotim scripsit, & a singulis epistolas, tanquam ex una collatione, consonas suscepit, id fieri nullaten⁹ posse, sed magis ac magis in sua perpetuitate Synodi gesta Chalcedon. manere. Extant quæ ἐγκύκλια Græco eloquio vocitantur. Leo-

Leone & Martiano Coss. Romanæ Ecclesiæ Episcopatum post Leonem Hilarius *Hilarius* suscepit.

Ioanne & Severo Coss. Leo Aug. Patritium Asparis filium, Cæsarem facit.

Leone Aug. V. & Probino Coss. Aspar & duo filii eius Patritius Cæsar & Ardaburius Constantinopoli, præcepto Leonis, occiduntur. His Coss. Arelatum & Massilia à Gothis occupata sunt.

Leone VI. & Probino Coss. Leo Aug. Leonem nepotem suum, Zenonis uxoris suæ filia, filium, Cæsarem facit, & imperat an. II. Romanæ Ecclesiæ Episcopus post Hilarium Simplicius ordinatur, & post Simplicium Felix.

10 Constantinopolitanæ Ecclesiæ Gennadius Anatolio succedit in Episcopatu, & Gennadio Acacius.

Antiochenæ Ecclesiæ post Alexandrum Marturius, post Marturium Iulianus *Martyris* ordinatur Episcopus. Hierosolymitanæ verò Ecclesiæ Marturi^o post Anastasium Episcopus aderat.

His Coss. Olybrius Romam venit, & imperium factione Ricimeri Patritii, regnante Anthemio, sumit, quo agnito, Anthemius in fugam conversus, occisus est, & post certos dies Herculanius, Orestis filius, arripiens imperium, cum patre suo occiditur, & eius regnum nepos assumit.

Leone minore Aug. Coss. Leo maior Aug. Constantinopoli moritur. Zenon 20 à Leone Aug. F. in Septimo contra consuetudinem coronatur.

Romanorum XLI. X. Zenon regnat annis XVII. post consulatum Leonis Iunioris Aug. Zenon Imperator quærens Leonem Aug. proprium filium occidere, & eius imperium pervadere, alium pro eo eius uxor Ariadne Augusta similem puerum ad mortem obtulit, & Leonem eundem Aug. occultè torondit, eumq; clericum unius Ecclesiæ Constantinopolitanæ fecit. Qui Leo usq; ad Iustiniani tempora principis vixit.

Eodem Consulatu Basiliscus cum filio Marco imperium quam tyrannicè Constantinopoli sumit.

30 Zenon Aug. in Isauriam, unde exortus fuerat, fugit, & eum Ariadne Aug. sub hyemis discrimine navali itinere subsecuta.

His Coss. Basiliscus Tyrannus, lege data, Chalcedonensem Synodum damnari, & Ephesinam II. præcepit absolvi & suscipi.

Timotheus Episcopus, cognomento Hellurus, Proterii successor pariter & peremtor, ab exilio Chersona redit, & fugato alio Timotheo Episcopo, *Salafatiatio*, cognomento, defensore Synodi Chalcedonensis, Alexandrinam Eccl. etiam pervadit. *al. Solafatiatio.*

Basilisco Tyranno & Armato Coss. Zenon Aug. vigesimo mense, donato sibi exercitu, Constantinopolim ab Isauria redit, imperium resumit, & Basiliscum cum filiis atq; uxore exilio in *Gasemis* Cappadociæ mittit, finemq; vitæ ibi miserè facit, inter hæc *al. Sasemis.* gesta sunt; quia nullus Coss. accessit & Basiliscus Tyrannus à Consulatu recessit.

40 Post consulatum Armati v. c. Timotheus Hellurus Chalcedonensis Synodi obrectator, & Proterii Episcopi interfecto, moritur, & Alexandrinæ Ecclesiæ prætulerat alius Timotheus Salafatiarius Chalcedonensis Synodi defensor, resumit. Hierosolymitanæ itaq; Ecclesiæ Salustius Marturio succedit Episcopus, Antiochenæ verò Petrus, cognomento Fullo, post Iulianum, qui Marturio successerat, ordinatur Episcopus. *Additur in alio Armatus presentis anno consul remansit.*

Zenone Aug. Coss. Hunericus Vandalorum Rex persecutioni per totam Africam nimis insistens, Tibunnis, Macri & *Nippis*, aliisq; Heremi partibus Catholicos, iam *al. Nippis* non solum sacerdotes & cuncti ordinis clericos, sed & monachos atq; laicos quatuor circiter millia exiliis durioribus relegat, & Confessores ac Martyres facit, Confessoribusq; linguas abscidit. Quos Confessores, quod linguis abscisis perfecte finem ad- 50 usq; locuti sunt, urbs regia attestatur, ubi eorum corpora iacent.

Tunc Lætus, *Neptensis* Ecclesiæ Episcopus, glorioso martyrio coronatur II. X. Kal. Octob. & Eugenius Episcopus Charthaginensis Ecclesiæ post dir. Heremi exilia, plurimis afflictionibus, pœnisq; clarus habetur. *al. Neptensis.*

Hic itaq; Hunericus inter innumerabiles suarum impietatum strages, quas in Catholicos exercebat, octavo regni sui anno, interioribus cunctis effusus, ut Arrius pater eius, miserè finivit vitam, cui succedit Gunthamundus, regnat annis XII. qui nostros protinus de exilio revocavit.

Post consulatum Zenonis III. Timotheus, cognomento Salafatiarius, Synodi Chalcedonensis defensor moritur, & pro eo Alexandrinæ Ecclesiæ Ioannes

Tabennesiota Presbyter & Oeconomus, Synodi Chalcedoniensis defensor, Episc. ordinat. Quem Zenonis præcepto principis Petrus, qui superstite Timotheo Salafatiario Episcopo, ab hæreticis fuerat ordinatus, eiiciens, Alexand. Ecclesiam pervadit, qui confestim, favore Zenonis principis, Synodum Chalcedoniensem de pulpito, contra populum damnat. Nomina Proterii & Salafatiarii de Ecclesiasticis diptychis tollit, & Dioscori, & Helluri, qui Proterium interfecit, scribit, corpusq; privati Timothei Salafatiarii de Ecclesia eiiciens, in loco deserto foris civitatem proiecit.

al. prefati.

Tricundio v. c. consule Zenon Imp. Eutychiani poculo erroris sopitus, Acatium Constantinop. Episcopum, damnatoribus Synodi Chalcedoniensis, Petro Alexandrino & Petro Antiocheno Episcopis, per Henoticum à se prolatum socians, eorum communionem polluitur, & cum eis à Catholica fide recedit.

Post consulatum Tricundii v. c. Leontius Tyrannus, Hilli patritii factione, imperium in Isauria cum tyrannide sumit.

Theodorito v. c. Coss. Felix Romanæ Ecclesiæ Præsul monachis & clericis per orientem Ægyptum & Bithyniam commorantibus scribit, ut Petrum Alexandrinum Episcopum Chalcedonensis Synodi obrectatorem, & eius communicatores, tanquam hæreticos, vitent.

His diebus
Euricus Rex
moritur, &
Alaricus filius
eius pro eo
Rex efficitur,
regnat an.
xxiii.

Post consulatum Theodoretii v. c. orientales Episcopi, præter paucos, per Henoticum Zenonis, communionem atque consensu polluti Petri Alexandrini, Petri Antiocheni & Acatii Constantinop. Episcoporum, Synodo Chalcedoniensi renunciant.

20

Longino v. c. Coss. Acatius Constantinopolit. Episcopus, literis Felicis Rom. Ecclesiæ præsulis admonitus, ut à damnatorum Synodi Chalcedonensis communionem atq; societate abstineat, legatos eius custodiæ mancipat.

Post consulat. Longini v. c. Acatius Constantinop. Petrus Alexandrinus, & Petrus Antiochenus Episcopi, Chalcedonensis Synodi inimici, à Felice R. E. præfule, & Synodo in Italia facta damnantur, & ipsa damnatio Acatio Constantinopolim, legatis

Acemetaur.
al. Casiliani,
Basiliani.

missis, per monachos Monasteriorum Achimitensium atq; dii ingeritur.

Post cons. II. Longini v. c. consulis corpus S. Barnabæ Apostoli in Cipro, & Evangelium secundum Mattheum, eius manu scriptum, ipso eodem revelante inventum est.

30

Leontius Tyrannus, & Patritius prodicione Castellii capti morte turpissima pereunt. Petrus Antiochenus sub damnatione moritur, & in eius locum Calendionem ordinat. Orientales autem Episcopi, tanquam nescientes, Ioannem cognomento Codonatum eidem Antiochenæ Ecclesiæ consecrant Episcopum, cui Petrus succedit hæreticus.

al. Leontius,
Illus Patritius.

al. Campa-
neum.

al. Provitius,
al. Flavitas.

Eusebio v. c. Coss. Acatius Constantinop. Episcopus sub damnatione moritur, & pro eo Flavianus Episcopus ordinatur, cui tertio promotionis suæ mense mortuo, Euphemius Synodi Chalcedonensis decretorum custos, in Episcopatu succedit.

al. Philippo-
poli.
Heremita.

Post Consulatum Longini v. c. Petrus Alexandrinæ incubator Ecclesiæ, sub damnatione moritur, cuius Episcopatum simul & errorem suscepit Anastasius. Calendio Antiochenus Episcopus reliquias prædecessoris sui Eustachii Episcopi & confessoris ex Philippis populis Macedoniæ colligit, & Antiochiam, summo cum honore producit. Hoc tempore Annianus super Euphratem fluvium oratione podagros curat, Auxentius dæmones fugat, Daniel & Anastasius, Vindimiolus, Manasse, Severus & cæteri alii, per diversa eremi loca virtutibus variis, ac præscientia claraverunt.

40

al. Patreno-
ta. fort. pas-
sim nota.

Olybrius v. c. Coss. Zenon Imp. Constantinop. moritur, anno vitæ suæ XLII. Ariadne Aug. Zenonis relicta, Anastasium Silentiarum Illyricianum, patre Dirrachæno, matre Arriana, Imperatorem designat, Anastasii autem fide, immo perfidia procul iam patre nota, coactus est, Euphemio Constantinop. Episcopo insisterente, scripto promittere, nihil sinistrum contra Apostolicam fidem & Synodum Chalcedonensem agere, Chirographum Euphemius Episcopus suscipit, & in Archivo Ecclesiæ reponit.

50

Romanorum L. regnat Anastasius annis XXVII. qui imperium sumens, violenter Chirographum suum ab Euphemio Episc. recolligit, & adversus Synodi Chalced. defensores Episcopos atrociter sævit, inter quos, mortuo Petro Antiocheno Episcopo, qui Calendione, Synodi Chalcedoniensis, defensore superstite, fuerat ab hæreticis, Zenonis temporibus Principis, ordinatus, sententiam mutat in peius, ut Calendio quidem de malis ad peiora ducatur, & pro eo Palladius ordinetur.

Anastasio & Rufo Coss. Rom. Ecclesiæ Felici succedit Gelasius, & Gelasio Anastasius. Alexandrinæ verò Athanasius præerat hæreticus, Antiochenæ etiam Ecclesiæ Palladius, Calendione superstite factus, & Hierosolymorum Salustius, Euphemius Constantinop. Episcopus, Anastasii Imperatoris calliditate prævisa, Synodum congregat, Chalcedonensis Synodi decreta confirmat.

Aste

Asterio & Præsidio Coss. Ioannes Episcopus Alexandrinus, à Romana Ecclesia veniens, Anastasio Imp. supplicat, ut eum throno suo, pro antiqua amicitia, reddat, sed hoc pro defensione Chalcedonensis Synodi, dum non impetrat, Romam furtim, unde venerat, remeavit.

Victore v. c. Coss. Bellum Isauricum exardescit Athenodorus & Longinus tyranni occiduntur. Athanasio Alexandrino mortuo, Ioannes cognomento *Hemula*, succedit, quo occumbente post paucos dies, ei Ioannes alius, cognomento Niceta, succedit Episcopus.

Paulo v. c. Coss. Anastasius Imp. hæreticorum Synodum faciens Henoticum Zenonis confirmat, & Euphemium Episcopum Constantinop. Chalcedonensis Synodi defensorem deponit, quem *Euchaida*, in exilium mittens, pro eo Macedonium facit.

Anastasio Aug. Coss. Macedonius Constantinopol. Episcopus Synodo facta, condemnat eos, qui Chalcedonensis decreta Synodi suscipiunt, & eos, qui Nestorii & Eutychis defendunt.

Anastasio Romano Episcopo mortuo succedit Symmachus, & ex alia parte Laurentius ordinatur qui dum Noceræ civitatis Episcopus nollet esse, *contentus*, Synodo Romæ facta, à cætu est sacerdotali proiectus.

Palladius Antiochenus moritur, & pro eo Flavianus ordinatur Episcopus. Alexandrinæ Ecclesiæ Ioannes, cognomento Niceta, adhuc præsidebat. Hierosolymæ vero post Salustium Helias suscepit præfulatum.

Gunthamundo Vandalorum rege Charthagine mortuo, Trasamundus regnat annis XXVII. men. IV. & hic Arriana insania plenus, Catholicos insectatur, Catholicorum Ecclesias claudit, & in Sardiniam exilio ex omni Africana Ecclesia CXX. Episcopos mittit.

Eo tempore Fulgentius, Ruspensis civitatis Episcopus, in nostro dogmate claruit.

Ioanne Scythia & Paulo Coss. Olympius quidam Arrianus in balneis, quæ Heliana vocantur apud regiam urbem, sanctam & consubstantialem Trinitatem blasphemans tribus *ignis scelis*, angelo ministrante invisibiliter, in piscina frigida aquæ *ersusus*, vitam impiæ, simulq; prodigiose finivit.

Gibbo v. c. Coss. Anastasius Imp. Flaviano Antiocheno & Philoxeno Hieropolitano præsulibus, Constantinopolim Synodum congregat, & contra Diodorum Tarsensem, Theodorum Mopsuestenum cum scriptis, Theodorum Cyri, Ibam Edessenum, Andream, Eucherium, Quirum & Ioannem Episcopos, cæterosque alios, qui in Christo duas prædicabant naturas, duasq; formas, & qui non confiterentur unum de Trinitate crucifixum, una cum Leone Episcopo Rom. & eius tomo, atque Chalcedoniensi Synodo inferre Anathema persuasit.

Patritio & Hypatio Coss. Barbas quidam Arriani erroris Episcopus, dum præsumit contra regulam supra baptizandum dicere, baptizat te Barbas in nomine patris, per filium, in spiritu sancto, protin⁹ aqua, ex qua futurus erat baptizare hominem, nusquam comparuit, vas verò ipsum, in quo aqua erat, contractum est: Quod considerans, qui baptizandus erat, protinus ad Catholicum currit, & Baptismum regulariter sumit.

Abieno & Pompeio Coss. Anastasius Imp. Macedonium Constantinopolitanum Episcopum cum quibusdā clericis, nolentem Synodi Chalcedonensis decreta damnare, ab Ecclesia rapit & in exilium mittit, atq; pro eo Timotheum Presbyterum Episcopum facit, qui continuo damnatores Synodi Chalcedonensis in communionem suscepit.

Abieno Iuniore Coss. ingens terræ motus, cum corruscationibus & tonitruis magnis, atq; grandine & totius cæli ac terræ commotione factus est.

Cethego v. c. Coss. Flavianus Antiochenus Episcopus fera pœnitentia Anastasium Imperatorem deserit, & in possessione Platani vocabulo, relicto throno suo, recedit. Huic Anastasius Imperator Severum Chalcedonensis Synodi inimicum subrogat, Ecclesiæ orientis scandala magna ministrat.

Theodoro v. c. Coss. Eugenius Carthaginensis Episcopus confessor moritur. Iulianus Bostrenus, & Ioannes Paltensis Episcopi ab Ecclesiis ultro recedunt, & alii eis subrogantur.

Mefala v. c. Coss. Constantinopoli, iubente Anastasio Imp. sancta Evangelia, tanquam ab idiotis Evangelistis composita, reprehenduntur & emendantur.

Venantio & Celere Coss. populos Alexandrinos, & totius Ægypti, simul pusillos & magnos, liberos ac servos, clericos atq; monachos, præter peregrinos, immundi spiritus occupant, & humana locutione privati, latrare cunctis diebus ac noctibus, ut ca-

Hic Coss. Sacerdos in Hispania ingressi.

al. Mala.

Hic Coss. Burdimelus in Hispania tyrannidem assumit.

al. Encadia.

Hic Coss. Goti intra Hispanias sedes acceperunt,

Et Burdimelus à suis traditus Et Tolosam dire.

Hic in taurino aneo impositus igne crematus est.

al. contempnus.

al. igneus speculus.

al. percussus.

al. Palatinus.

Hic consul.

Casaraug.

circus expectatus est.

Hic Coss.

Dorsosa à

Gothis ingrossa est, De tyrannus interfectus est

Et caput eius Casaraugustam deportatum est.

Hic diebus

pugna Gothorum Et Francorum

Boglodoretæ.

Alaricus

Rex in prælio à Francis interfectus est.

Regnum Tolosanum destructum est.

nes, coeperunt, ita ut vinculis ferreis vincti ad Ecclesias postea, ut sanitatē perciperent, traherentur. Comedebant enim suas manus, simulq; & brachia pariter omnes.

His evenientibus, Angelus in viri specie quibusdam ex populo apparuit dicens, hoc eis, pro eo, quod Anathema Synodo Chalcedonenſi dederint, evenisse, comminatus deinceps nihil eos tale aliquid præsumere.

al. Leonis.
al. Sacerdotum.
Venantio Iuniore v. c. Coss. Cannades, Rex Persarum, Zumdaber castellum plurimis thesauris ab initio suæ conditionis plenum, & Dæmonum *leonibus*, mancipatum custodiatq; munitum, ubi nullus unquam ingredi potuit, *Christianorum* orationibus caput, & ingressus universos ex eo thesauros tulit.

al. Paraxenensis.
Importuno Iuniore v. c. Coss. Helias Episcopus Hierosolymitanus Synodi Chalcedonenſis defensor, nolens Severum Antiochenum, Apostolicæ fidei inimicum, in communionem, præcipiente Anastasio Imp. suscipere, exilio *Paraxenensi* castello traditur, & pro eo Ioannes, *crucis* custos Episcopus ordinatur, qui confestim & Severum Antiochenum in communionem suscepit, & Synodum Chalcedonenſem damnavit.

His Coss. Gesalecus Goer cum Barcinone in palatio interfecit quo anno idem Gesalecus ab Helbane Theodoricus Italia Regis duce, ab Hispania fugatus Africam petit. Hyppathii. XL. & V.
Boetio v. c. Coss. Vitalianus Comes patricioli F. fidei Catholicæ subversionem & Synodi Chalcedonenſis damnationem, remotionesq; orthodoxorum Episcoporum atq; successiones hæreticorum cognoscens, virorum fortium validam manum congregat, & Anastasii imperio repellat.

Felice v. c. Coss. Vitalianus Comes, *in patritium* nepotem Anastasii principis, magistru Romanæ militiæ, cōgressionē facta, LXVII. viris ex militia Romana peremptis, vivū capit, & vinculis æreis vinctū, in custodiā caveæ ferreæ trudit, & postea distrahit.

Paulo & Muschiano Coss. Alamundarus Sarracenorum Rex, à defensoribus Synodi Chalcedonenſis baptizatus, Theopaschitas Episcopos, à Severo Antiocheno Episcopo ad se, cum litteris missos, barbaram mirabiliter propositionem concludens, atq; superans, DEVM immortalem ostendit.

Hic Barbarus sapientia Catholica vivebat.
al. Marinus.
His Coss. Gesalecus de Africa rediens ob motum Helbanis Aquitaniam petiit, ibiq; latuit annum unum.
Probo v. c. Coss. Anastasii Imp. præcepto, Plato civitatis præfectus & *Maximus* pulpitu Ecclesiæ S. Theodori ascendentes, & hymno, quem Græci trisagion dicunt, *ὁ θεὸς πατὴρ υἱὸς ἅγιος*, noviter apponentes, dum per forum Constantini id psallentes, ad maiorem Ecclesiam pergunt, nubes ex improvise cinerem super eos pro pluvia emisserunt, totamq; civitatem atq; provinciam contexuerunt. Pro qua novitate Cōstantinopolitana multa mala obvenerunt civitati, multiq; malè sunt interempti, Præsinorum siquidem simulq; & Venetorum turbæ adversum Anastasium Imperatorem unitæ, inter mille iniurias atq; mala incendium in urbem miserunt, combustaq; est civitas *δορυ* *τῆς κίλυψ* quod vocant, usque ad Constantini forum supra longitudinem plateæ columnarum XCIV.

Post Maritum Theodoricus Italia Rex Gothorum regis in Hispan. an. xv. Amalici parvulus tutelam gerens.
al. Hunni.
Senatore v. c. Coss. Vitalianus comes cum manu valida Barbarorum Constantinopolim veniens, in Sosthene sedit, qui non aliter postulatus, pacem Anastasio Imp. promittit, nisi prius defensores Synodi Chalcedonenſis relegatos exilio, sedibus propriis reddat, & Romanæ Ecclesiæ cunctas orientis Ecclesias uniat.

Florentio v. c. Coss. Vgni Armeniam, Cappadociam & Galatiam, Pontumque atrociter vexavere; Eo tempore Euphemijs Constantinopolitanus Episcopus apud Ancyram Galatiæ, & Ariadne Augusta in regia urbe de hac vita transiere.

Petro v. c. Coss. universi Archimandritæ & monachi Heremi, trans palæstinam & Iordanem fluvium, Anastasio Imp. scribunt pro statu Chalcedonenſis Synodi, & adversum impietates Severi Antiocheni Episcopi.

Agapito v. c. Coss. Ioannes Alexandrinus Episcopus moritur, & pro eo Dioscorus ordinatur. Timotheus Constantinopolitanus Episcopus obtrectator Synodi Chalcedonenſis. V. die mensis Aprilis occubuit, & Ioanni Cappadoci Syncello proprio atq; Presbytero Episcopatum tradidit. Hunc Anastasius ante ordinationem suam, ut Synodum Chalcedonenſem prædamnaret, coegit.

Agapito II. Magno Coss. Anastasius Imp. intra palatium suum tonitruorum terrore fugatus, & coruscationis iaculo percussus, in cubiculo, quo absconditus fuerat, moritur, & cum ignominia, absq; consuetis exequiis, ad tumulum ducitur, anno vitæ suæ XXCIIX.

Romanorum LI. Iustinus regnat annis IIX. men. IX.

Candidata.
Illyricianus Catholicus, Synodi Chalcedonenſis amator, simulq; defensor, cuius coniunx Lupicina nomine dicebatur, quam Constantinop. Euphemijs postea vocaverunt, cui nepos Iustinianus vocabulo fuit, *Candidatæ* militia functus.

Iustino Aug. & Heraclio Coss. Amantius Præpositus seditiones in populo suscitans

tans, Imperator alius postulatur, qui Iustini præcepto principis una cum Andrea cubiculario occiditur, & in Rheuma iactatur.

Rustitione v. c. Coss. Ioannes, qui ante Iustinum ad imperiū erat electus, Heracliae Thraciae Episcopus ordinatur, & Iustinianus nepos *Iustini* Aug. ex candidato Magister militum ordinarius constituitur.

Valerio & Iustiniano Coss. Alexandrinæ Ecclesiæ Dioscoro Episcopo mortuo, Timotheus succedit. Antiochenæ verò Ecclesiæ Severus princeps hæres fuit, & Hierosolymitanæ Ecclesiæ Ioannes.

10 Iustinus Imp. orientales, præter parvos Pontifices, Acatium quondam Constantinopolitanum, Petrum Antiochenum, & Petrum Alexandrinum Episcopos pristino errore implicitos, occidētalibus Antistitibus sub digna satisfactione coniungit, redivivāq; facit Synodi Chalcedonenſis decreta, Zenonis & Anastasii principum temporibus abdicata.

Symmacho & Doctio Coss. Vitalianus, Sacramento suscepto, Constantinopolim redit, quem Iustinus Aug. grātē suscipiens, magistrum militum facit & consulum *dari* permittit.

al. dare.

Maximo v. c. Coss. Trasamundus Vandalorum Rex Carthagine moritur, cuius uxor Amalafrida fugiens ad barbaros, congressione facta, Capſæ, iuxta Heremum capitur, & in custodia privata moritur.

20 Hilderix, qui ex Valentiniani Imp. filia à Giserico captivata, & Vgnerico iuncta, natus est, regnavit annis VII. Mens. III. Hic ergo Sacramento à decessore suo Trasamundo obstrictus, ne Catholicis in regno suo aut Ecclesias aperiret, aut privilegia restitueret, priusquam regnaret, ne Sacramenti terminos præteriret, præcipit & Sacerdotes Catholicos ab exilio redire, Ecclesias aperire, & Bonifacium cum dogmatibus divinis satis strenuum, ad postulationem totius urbis Carthagenensis, Ecclesiæ Episcopum consecravit.

Vitalianus Constantinopoli intra palatium, loco quem Delphicum Græco vocabulo dicunt. Iustiniani patritii factione, dicitur interfectus fuisse.

30 Iustino Aug. & Apione Coss. Romanæ Ecclesiæ in Episcopatu, mortuo Symmacho, succedit Hormisda. Alexand. Ecclesiæ adhuc Timotheus superfuit. Antiochenæ Ecclesiæ Severus Chalcedonenſis Synodi obrectator, cum à Iustino Imp. quæretur ad pœnas, fugit, & in eius loco substituitur Paulus. Hierosolymitanæ Ecclesiæ Ioannes præfuit. Constantinop. verò Ecclesiæ Ioanni Epiphanius succedit Episcopus.

His consiliis Amalaricus Gothorum Rex efficitur, regnat an. 4.

Post consulatum II. Iustini & Apionis, Iustinus Aug. Iustinianum nepotem suum, ad senatorum supplicationem, invitū Cæsarem facit.

Philoreno & Probo & Marbotio Coss. Iustinus Imp. moritur.

Marbortio.

Romanorum LII. Iustinianus regnat annis XXXIX. Mens. VII. huic erat uxor vocabulo Theodora.

40 Iustiniano Aug. Coss. Orientales Ecclesiæ, eiusdem principis iussione, quatuor Synodos, Constantinop. Ephesinam I. & Chalcedonenſem atque sanctorum CL. patrum fidem, præsentibus sacrificiis, publica voce suscipiunt recitari.

Decio v. c. Coss. Theodoræ Augustæ factio unum de Trinitate passum non asserens secundum quid, sed absolutè suscipiendum cunctis generali lege imponit, & à clericis atque monachis subscriptiones violētē exegit. Qua de causa plurimi se ab Ecclesia subtraxerunt, & monachi à propriis monasteriis recesserunt, asserentes, sufficere sibi fidem eorum, qui in prædictas quatuor Synodos convenerunt.

His diebus Stephanus Hispaniarum præfectus efficitur, qui tertio anno præfectura sua in civitate Geruntensi in consilio discit.

Lampadio & Orestē Coss. Hypatius Anastasii principis nepos, tyrannidem Constantinopoli assumens, multis hominū millibus, in Circensi spectaculo, militari gladio cæsus, capitur, & nocte cum Pompeio occiditur, atq; in Rheuma iactatur.

50 Post consulatum Lampadii & Orestis, Geilimer apud Africam regnum cum tyrannide sumit, & Carthagine in ingressus Hildericum regno privat, & cum filiis custodiae mancipat, atq; Oamer, Dignum, multosq; nobiliū perimit. Post consulatum Lampadii & Orestis, anno tertio, Belisarius Magister Romanæ militiæ duobus superatus præliis Thacium, mirabiliter Persicum prælium superavit.

Iustiniano Aug. III. Col. Geilimer Tyrannus multos nobilium Africæ provinciæ crudeliter extinguit, multorumq; substantias per Bonifacium tollit.

Iustiniano IV. Col. Iustinianus Imp. visitatione Læti Episcopi, ab Hunerico Vandalorum Rege Martyre facti, exercitum in Aphricam Belisario Magistro militum Duce, contra Vandalos mittit, quos idem Belisarius prælio superans, Gumthimer, & Ge-

bamundum, Gardingos Regis fratres perimit, ipsoq; Gelimer Rege in fugam converso Africam capit, nonagesimo septimo Vandalorum ingressionis anno, in ipso etiam Belisarii ingressu, priusquam congressio fieret, Gelimer Tyrannus Hildericum Regem, cum quibusdam generis eius affinibus, occidit.

Belisarius Magister militum ac Patritius Geilimer Tyrannū capit, & eum cum divitiis ex rapinis Africæ conquestis, Constantinopolim Iustiniano Imperatori adducit.

Belisario v. c. Cos. Reparatus Charrhaginenſis Ecclesiæ Episcopatū post Bonifaciū suscipit. Hierosolymitanæ verò Ecclesiæ præſulatum Petrus, Ioanne mortuo, suscipit.

Post Consulatum Belisarii, anno secundo, Iustinianus Imp. libros de Incarnatione Dominica edidit, & Illyricianos Episcopos ad subscribendum coegit. 10

Post consulatum Belisarii v. c. an. III. Epiphanio Episcopo Constantinop. Ecclesiæ mortuo, qui Ioanni successerat, Anthemius Episcopus Eutythianus Trabezontensis, factione Theodoræ Aug. Constantinopolitanam pervadit Ecclesiam.

Ioanne v. c. Cos. Romanæ Ecclesiæ post Ormisdam Ioannes, post Ioannem Felix, post Felicem Bonifacius, post Bonifacium alius Ioannes, & post Ioannem Agapitus Episcopus ordinatur.

Alexandrinæ Ecclesiæ, Timotheo mortuo, qui Dioscoro minori successerat, duo, populi electione, perversi ordinantur uno die Episcopi, Theodosius scilicet & Gaianus. Quib⁹ ordinatis, Alexandria in utrisq; est Christi inimicis divisa. A Theodosio etenim Theodosiani, & à Gaiano Gaianitæ voluerunt appellari, quamvis æqualiter Synodū Chalcedonensē non suscipiant, & errores Eutythetis ac Dioscori proprios faciant. 20

Apione v. c. Cos. Severus Antiochenus hæresis princeps, à quo Severiani vocantur, & Iulianus Halicarnasiensis Episcopi, Apostolicæ fidei & Chalcedonensis Synodi impugnatores, exilio Alexandriam, Iustiniani principis iussione, mittuntur, ubi adversus sequaces Chalcedonensis Synodi scribentes, ex duabus unam in Christo naturam esse dixerunt, quam dudum Severus corruptam, & Iulianus astruit incorruptam: Alexandria, Ægyptus & Libya in utrisq; est Christi inimicis divisa. Theodosiani enim Severum & Gaianitæ Iulianum secuti sunt. Sed à Theodosianis aliæ duæ Hæreses extiterunt, una Agnoitarum, & altera Tritheitarum: Agnoitæ siquidem perversitati, à qua exierunt, id adiiciunt, quod Christi divinitas ignoret futura, quæ sunt scripta de die & hora novissima. Tritheitæ verò, sicut tres personas in Trinitate, ita quoq; tres adstruunt Deos esse, contra illud quod scriptum est, *Audi Israel Dominus Deus tuus unus est*: & rursum, *Nullus Deus nisi unus. & Ego sum Deus, & non est alius præter me.* 30

Iustino v. c. Cos. Agapitus Archiepiscopus Romanus Constantinopolim venit, & Anthemium Episcopum Constantinopolitanum, Ecclesiæ perversorem, Chalcedonensis Synodi inimicum, deponit. Theodoram Aug. eius patronam, cōmunionē privat, & Mennam protinus Constantinopolitanæ Ecclesiæ Episcopum facit.

al. Fugas.

al. Paulus

pro eis Tabē-

nensiotarum

monachorū à

defensoribus

Synodi Chal-

ced. ordina-

tur Episc.

Qui Diosco-

ri, &c.

Hoc anno

Francorū Re-

ges numero

v. per Pam-

alonā Hi-

spanias in-

gressi Cesar-

augustā ve-

nerunt, quā

obfissim per

tres dies o-

mnē seu Tar-

raconensem

provinciam

depopulatio-

ne triverūt.

His diebus

inguinalis

plaga totam

pane contri-

vix Hispani-

am.

Theodosius & Gaianus Alexandrini Episcopi cum suo errore damnati, exilio transportantur. Sed Theodosius Constantinopoli Sugas relegatus, totum pænē palatium, & maximam regiæ urbis partem sua perfidia maculavit. Quæ occasio cunctis pænē hæresibus licentiam tribuit, ita ut non solum Theodosianitæ, sed & Gaianitæ monasteria atq; oratoria apud urbem regiam construxissent. Vixit enim Theodosius prædictus hæreticus usq; ad primum Iustini Iunioris Augusti consulatum. 40

Eo anno, Paulo Antiocheno Episcopo superstite, subrogatur Eufraſius.

Basilio v. c. Cos. Agapito Archiepiscopo Romano Constantinopoli mortuo, Sylverius pro eo Episcopus ordinatur. Alexandrinæ verò Ecclesiæ, Theodosio atq; Gaiano exulatis, Paulus prior pro eis Tabennensiotarum Dioscori hæretici prædecessoris sui depositionem celebrans, Palæstino concilio deponitur, & pro eo Zoilus ordinatur Episcopus.

Consulatu præfato, Stuzas apud Africam, regnum in Heremi partibus cum tyrannide assumit. 50

Post consulatum Basilii v. c. anno secundo, Theodoræ factione Augustæ, quæ occulta esse Synodi Chalcedonensis nunquam destitit inimica, ex quo regnare coepit, proscriptionum insidiæ præparantur. Sylverius Rom. Episcopus exilio mittitur, & pro eo Vigilius ordinatur, à quo Theodora memorata Aug. priusquam ordinaretur, occulto chirographo elicuit, ut Papa effectus, in proscriptione Synodi Chalcedonensis tria capitula condemnaret, id est, epistolam Ibæ Edeſſeni Episcopi ad Marim Persam, quæ iudicio Synodi Chalcedonensis approbata, & orthodoxa iudicata est, & gestis synodalibus sociata, Theodorum dein Mopsuestenum Episcopum, synodaliter similiter gestis apud Antiochiam, sub Ioanne Episcopo, eiusdem Ecclesiæ & Chalcedone lau-

datum, & Theodoret Cyri Episcopi dicta, cum eodem Theodoro Synodi Chalcedonenfis vocibus collaudata. Hic itaque Papa effectus ab Antoniana patritia Belisarii patritii uxore, compellitur, ut Theodosio Alexandrino, Anthemio Constantinop. & Severo Antiocheno iam pridem ab Apostolica sede damnatis, tanquam Catholicis scriberet, & ita de fide, quemadmodum & illi, sentiret, cuius Epistolæ illius tenor ita se habere probatur. *Dominus & in Christi Dei salvatoris nostri charitate cunctis fratribus Theodosio, Anthemio & Severo Episcopis, Vigilus Episcopus. Scio quidem, quæ ad sanctitatem vestram antè fidei mei credulitas, Deo iuvante pervenit, sed quia modo gloriosa Domina & filia mea Patritia & Christianissima, desideria mea facit impleri, ut fraternitati vestre presentia scripta trans-*
10 *mitterem, Salutans ergo gratia, qua nos in Christo D. N. Salvatore coniungimur, eam fidem, quæ tenetis, Deo iubente, & tenuisse me, & tenere significo, scientes illud inter nos, quod predicamus & legimus, quia anima una & cor nobis sit unum in Deo, profectus mei, qui est vester, Deo iuvante, nunciare vobis gaudia maturavi ex meo animo fraternitatem vestram, quæ optat, libenter amplectitur. Oportet ergo, ut hac, quæ vobis scribo, nullus agnoscat, sed magis, tanquam suspectum, me sapientia vestra ante alios aestimet se habere, ut facilius possit DEVS, quæ cepit operari, perficere.*
Et subscriptio, *Orate pro me Domini mei fratres in Christi DEI nostri Salvatoris charitate con-*
nexi. Horum exordia malorum generalis orbis terrarum mortalitas sequitur, & in-
guinum percussione melior pars populorum voratur.

*Triudi mor-
tuo Theodi soli
Gothos regit
anno 1. M.*

VII.

Post cons. Basilii V. C. anno III. Stuzas tyrannus gentium multitudine ordinata;
20 Salomoni magistro militiæ ac patritio Africæ, Duciq; Romanæ militiæ, Ducib⁹ Cilio occurrit. Vbi congressione facta peccatis Africæ Romanæ Reipub. militia superatur. Salomon utriusque.....

Post consulatum Basilii v. c. an. IV. Iustinianus Imp. Acephalorum subreptionibus instigatus, Vigilium Romanum Episcopum subtiliter compellit, ut ad Urbem re-
giam properaret, & sub specie congregationis eorū, qui ab Ecclesiæ sunt societate di-
visi, tria capitula condemnaret.

*Theodi solò
mortuo Agi-
la Gothos re-
git annos 7.
M. VI.*

Hierosolymitanæ Ecclesiæ præfulatum post Petrum Macarius suscipit.

Post consulatum Basilii v. c. an. V. Stuzas tyrannus apud Africam portu Taceæ, congressione facta, Ioannis Rom. militiæ Ducis iaculo percussus est, pariq; vice & Io-
30 annes Stuzæ, qui confestim alterutro utriq; gladio ceciderunt, & Dominico die, quo pugna facta est, moriuntur.

Post consulatum Basilii v. c. an. VI. Ferrandus Charthaginiensis Ecclesiæ Diaconus clarus habetur.

Guntharich Magister militum Ariobindam patritium, principemq; Romanæ apud Africam militiæ, eo tempore ab Imp. missum, Carthagine infra Palatium nocte perimit, & regnum cum tyrannide assumit. Hunc Carthaginiensis Dux Artabanus trigesimo sexto regni sui die prudentem interfecit.

Post consulatum Basilii v. c. an. IIX. Iustinianus Imp. per diversas provincias in regni sui finibus constitutas, instantissime scribit, & Antistites cunctos præfata tria capi-
40 tula damnare compellit. Euphemio Antiocheno Episcopo succedit Domnus.

Post consulatum Basilii v. c. an. IX. Illyriciana Synodus in defensione III. capitulum, Iustiniano Aug. scribit, & Benenatum primæ Iustinianæ civitatis Episcopum, obrectatorem eorundem trium capitulum condemnat.

Theodora Augusta Chalced. Synodi inimica, canceri plaga corpore toto perfusa, vitam prodigiose finivit.

Post Cons. Basilii v. c. an. X. Africani Antistites Vigilium Rom. Episcopum damnatorem trium capitulum synodaliter à Catholica communione, reservato ei poenitentiae loco, recludunt, & pro defensione memoratorum III. capitulum literas fa-
tis idoneas Iustiniano principi, per Olympium Magistratum, mittunt. Eo tempore

*Isid. lib. de
script. Eccles.
ponit XII. li-
bros Facun-
di.*

50 VII. libri Facundi Hermaniensis Ecclesiæ Episcopi refulsere, quibus evidentissime declaravit, tria sæpe fata capitula, in proscriptione fidei Catholicæ & Apostolicæ Chalcedonenfis concilii fuisse damnata.

Post consulatum Basilii v. c. an. XI. Reparatus Archiepiscopus Charthaginensis Ecclesiæ, Firmus, Numidarum Episcoporum primates, & Primasius & Verecundus Concilii Binzanteni Episcopi, pro fidei causa, ad urbem regiam, eiusdem præcepto Principis, evocantur. Apollinarius Zoilo tria memorata capitula damnare nolenti Episcopus Alex. Ecclesiæ subrogatur. Agilam mortuo, Arthanagildus, qui dudum tyrannidem assumpserat, Gothorum Rex efficitur. Regn. ann. XV.

Post consulatum Basilii v. c. an. XII. Reparatus Archiepiscopus

mnis impetitus, pro eo, quod damnationi trium capitulorum memoratorum assensum non præbuit, officio sumptibusq; privatus, Encayda exilio relegatur, & Primosus Diaconus apocrisarius eius, postquam damnavit, quæ sunt synodaliter atq; universaliter defensata, eo superstitite, contra vota cleri simulq; & populi, Episcopus Carthaginensis Ecclesiæ ordinatur.

Firmus concilii Numidiæ Primas, donis principis corruptus, damnationi eorundem Capitulorum assensum præbuit, sed ad propria remeans in navi, morte turpissima periit. Primasius quoq; Aquimetensis Monasterio relegatus; sed Boetio Primatæ Byzanceni concilii morte prævento, ut ei succederet, memoratæ damnationi protin⁹ assensit, reversusq; ad sua, quæ prius defendebat, validissimis persecutionibus impugnavit, fidelibusq; calumnias generando, eorumq; substantias auferendo. sed in quibus peccavit, latere non potuit, siquidem à Catholicis sui Concilii Antistitibus pro suis prævaricationibus condemnatus infelici morte extinguitur, & quæ conquisserat fraude, fideliter à iudicibus auferuntur. Verecundus verò Ecclesiæ Nicensis Episcopus, in defensione memoratorum perdurans capitulorum, Chalcedone urbe refugiū fecerat; in diversorio gloriosæ matris Euphemie de hac vita migravit ad Dominum. Macarius Hierosolymitanus Episcopus eiicitur, & eo superstitite Eustochius ordinatur.

Post consulatum Basilii v. c. an. XIII. Constantinopolim Synodus Iustiniani principis præcepto colligitur, cui Præsules Sedium aderant, Vigilius Rom. Episcopus, superstitite Sylverio ordinatur, Apollinarius Alexandrinus, Zoilo vivente, promotus; Antiochenus Domnus; Eustachius, Macario remoto Hierosolymitano Episcopo, Episcopus factus, & Eutychius Constantinopolitanus, qui Mennæ fuerat subrogatus. Ibi tria sæpe fata Capitula, cum defendentibus ea, damnationi subiiciunt, sibiq; ipsis pœnitentiæ regressum pœnaliter intercludunt, tali se perpetuo anathemate obstringentes, si aliquando absolvere tentaverint, quæ damnationis sententiæ subdiderunt. Quorum decretis Rusticus Romanæ Ecclesiæ Diaconus, & Felix Gillensis Monasterii provinciæ Africanæ Hegumenus contradicentes scripto, Thebaida in exilium cum suis sociis transmittuntur. His itaque gestis, terræmotus urbem regiam à fundamentis concutiens, ædificia plurima, porticusq; deiecit, & Basilicis consistentibus altaria penè cuncta prostravit.

Post Cos. Basilii v. c. an. XIV. Frontinus Episcopus ad urbem regiam evocatus, pro defensione III. eorundem capitulorum Antinoensi primæ Thebaidæ civitatis exilio deputatur, & pro eo ab hæreticis Petrus Salonensi Ecclesiæ ordinatur.

Proconsularis concilii provinciæ Africanæ Sacerdotes Rufini & Vini Episcoporum, Reparati Archiepiscopi obtrektorū arte delusi, tanquam defensoribus fidei occurrunt, & Primosi prævaricatoris, Carthaginis Ecclesiæ communione, præter paucissimos, polluantur.

Dacius Mediolanensis Episcopus Constantinopolim venit, & damnationi eorundem III. capitulorum consentiens, eo die percussus occubuit.

Narfes Eunuchus ex præposito Patritius, Totilam Gothorum Regem prælio apud Italiam mirabiliter superat ac perimit, & omnes eius divitias tollit.

Post Cos. Basilii v. c. XV. an. concilii Numidiæ Episcopi ad instar proconsulariū Sacerdotum collecti, Charthaginem veniunt, & Primosi eiusdem Ecclesiæ incubatoris communioni polluti, prævaricatoresq; effecti, ad propria redeunt.

Victor Tunnunensis Ecclesiæ Episcopus, huius auctor operis, post custodias, simulq; & plagas, quas in Sala est Valericis perpeffus, nec non in Monasterio de Mandra cum primo, ac secundo exilio Egi Mauritanie insulæ, tertio Alexandrinæ, unà cum Theodoro Cebarsufitanæ Ecclesiæ Episcopo, præfatorū trium capitulorū defensione, exilio mittitur, & carceris castelli Diocletiani post Prætorianum carcerem truditur.

Antiochenus Anastasius Domno succedit Episcopus.

Post cons. Basilii v. c. an. XVI. Primosus, Charthagine, incubator Ecclesiæ, sibi nolentes assensum præbere, nunc fustibus, nunc custodibus, nunc quoq; exiliis affligit.

Victor & Theodorus antefati Episcopi Africani de carcere eiiciuntur, & post disputationes in prætorio continuas dierū XV. ad aliam custodiā monasterii Tabenensiorum, quod est apud Canopum, XII. Mil. procul ab urbe Alexandria, mittuntur.

Post Cos. Basilii v. c. an. XVII. Vigilius Romanus Episcopus, postquā prævaricator est sub excommunicatione totius Africanæ Ecc. Pontificum, in insula Sicilia moritur.

Eo tempore Felix Hegumenus Monasterii Gillitani, exilio apud Sinopem de hac vita migravit ad Dominum.

Post Cons. Basilii v. c. anno XIX. Pelagius Roma: Archidiaconus III.

præfatorum defensor capitulorum, Iustiniani principis persuasione de exilio redit, & condemnans ea, quæ dudum constantissimè defendebat, Romanæ Ecclesiæ Episcopus à prævaricatoribus ordinatur, qui præfuit annis V.

Post Coss. Basilii v.c. an. XIX. Illyriciani Episcopi, præter parva monasteria, parvosq; fideles, persecutiones passi, consentiunt, pristinam fidem in irritum deducentes.

Eo tempore Vgni Armeniam gravissimè vexaverunt.

Post Coss. Basilii v.c. an. XX. Bulgares Thraciam invadunt, & usq; ad Sucas Constantinopolim veniunt, Sergium patritium, qui dudum Africanæ fuerat Dux militiæ, capiunt, simulq; & distrahunt, sed Patritii Belifarii armis fortiter debellati, pariterque fugati Danubium transierunt.

Post Coss. Basilii v.c. an. XXI. corpus S. Antonii Heremitæ repertum cum maximo honore Alexandriam perducitur, & in Basilica S. Ioannis Baptistæ honorificè collocatur.

Post. Coss. Basilii v.c. an. XXII. Frontinianus Salonensis Episcopus de exilio *Antinensi* Ancyram Galatiæ transmutatur. Petrus eius incubator Ecclesiæ moritur, & pro eo Prodinus substituitur. *Supra Frontin.*

Post consulatum Basilii v.c. an. XXIII. Reparatus Archiepiscopus Charthaginensis Ecclesiæ exilio apud Euchaidam, gloriosa confessione, transit ad Dominum, die VII. Idus Ianuarii.

20 Eo anno Iustinianus Princeps, legatos gentis Abarorum, unde venerant, facit.

Anno XXXVII. imperii, præfati principis Iustiniani. Pelagius Romanus Episcopus ordinatur, præfuit an. XI. *Abbatum.*

Eustochius Hierosolym. Episcopus, qui fuerat, Macario superstitite, ordinatus, eicitur, & rursus Macarius reformatur.

Anno XXXIX. Imp. eiusdem Muscus, Brumafius, Donatus, & Chrisonius Episcopi de Africa, & Victor ac Theodorus Episcopus similiter: ex Ægypto, ad urbem regiam Imperiali præcepto evocantur. Qui dum eidem Iustiniano Principi præsentibus præfatis, & postea Eutychio regiæ urbis Episcopo altercanti, novæ superstitioni resistunt, ab invicem segregati, per Monasteria eiusdem urbis custodiæ mittuntur.

30 Anno XXXIX. Imperii sui Iustinianus Eutychium Constantinopolitanum Episcopum damnatorem trium capitulorum & Evagrii Heremitæ Diaconi, ac Didymi monachi & Confessoris Alexandrini, quorum laudes supra illustrium virorum ex auctoritate protulimus, exilio dirigit, & pro eo Ioannem eiusdem erroris consimilem Episcopum facit. Eo anno Prasini apud regiam urbem civile bellum faciunt, multosque Reip. viros gladio, frequenti congressione, prosternunt, sed eorum atroces plerique postea à Iuliano præfecto extincti sunt. *Nihil de his supra Victor nisi locus exciderit. Sed cur laudat duos istos Origenes?*

40 XL. Imp. sui anno Iustinianus vitæ suscepit finem, indictione XV. Theodorus Cebarsufitanus Episcopus defensor III. capitulorum, exilio apud urbem regiam, eo mense & die, quo Iustinianus moritur, & iuxta Confessores, quibus Vgnericus, Vandalorum Rex, linguas absciderat, sepelitur.

Iustinus Iunior Vigilantiæ sororis Iustiniani Aug. filius, patre Dulcissimo natus, cum tranquillitate populi magna, imperii sumit sceptrum. Huius coniunx Sophia Theodoræ Aug. neptis asseritur.

Colliguntur omnes anni, ab Adam primo homine usque ad nativitatem D. N. Iesu Christi secundum carnem, quæ facta est V. M. CXCIX. A nativitate verò D. N.

Iesu Christi, secundum carnem, quæ facta est XLIII. Augusti Octaviani Cæsaris

Imperii anno, usq; in annum Iustini primū principis Rom. qui Iustiniano

in imperio successit, anni D. LXVII. fiunt simul ab Adam usq; in

annum primum memorati principis Rom. anni

V. M. DCCLXVI.

FINIS CHRONICI VICTORIS.




CHRONICON

IOANNIS PRIMVM
FVNDATORIS ET ABBA-
TIS MONASTERII BICLARENSIS,
POSTEA EPISCOPI GERVN-
densis.

Nunc primum in lucem editum.

A B

HENRICO CANISIO NOVIOMAGO
IC. ET PROFESSORE SS. CANONVM IN
alma Academia INCOLSTADIENSI.



AD LECTOREM.

- D**E Auctore huius Chronici Isidorus & ex eo Illustrissimus Cardinalis Baronius. Lib. de scri-
ptorib. Eccl.
Tom. 7. anno
Christi 584.
- 10 Ioannes Gerundensis Ecclesiæ Episcopus, natione Gotthus, provinciæ Lusitaniæ Scalavitanus. Hic cum esset adolescens Constantinopoli perrexit, ibiq; græca & latina eruditione nutritus, septimo demum anno in Hispanias reversus est, eodem tempore, quo incitante Leovigildo Rege Ariana fervebat insania. Hunc supradictus Rex, cum ad nefandæ hæresis credulitatem compelleret, & hic omnino resisteret, exilio rursus Barcinonæ relegatus per decem annos multas infidias & persecutiones ab Arianis perpassus est, qui postea condidit monasterium, quod nunc Biclaro dicitur, ubi congregata Monachorum societate, scripsit regulam ipsi Monasterio profuturam. Sed & cunctis Deum timentibus satis necessaria omnia addidit; & in libro Chronicorum ab anno primo Iustini Iunioris principatus, usq; in annum octavum Mauriti principis Romanorum, & quartum Recaredi annum, historico compositoq; sermone valde utilem historiam, & multa alia
- 20 scripsisse dicitur, quod ad nostram notitiam non pervenit. *Eadem ferè Thrithemius.* Lib. 5. de reb.
bus Hisp.
cap. 13. Quibus lucem adferunt ea, quæ Ioannes Mariana Societatis IESV Sacerdos, memoriæ prodidit. Ita ergo hic: In ea urbe (Constantinopoli) Ioannes Biclarensis Abbas Scalabi in Lusitania natus; decem & septem ætatis annos studiorum gratiâ, Iunior consumpserat: inde utriusque linguæ, aliarumq; artium cognitione instructus, in patriam ex longinqua peregrinatione redux communi Ecclesiæ tempestate iactatus, Barcinonem exilii causa missus, ad Pyrenæi montis radices, ubi hodieq; eodem nomine visitur, Biclarense Monasterium constituit, optimis legibus atq; institutis ad D. Benedicti regulam conformatum. Vnde Recaredo quidem Rege, ad Gerundensis Ecclesiæ procurationem: Suinthilæ autem ætate, ad cælum morte migravit, meritis debitum præmium. Nonito successore. *Hæc Mariana, qui Biclarensis Chronicum sæpe testem laudat.*
- 30 Circa ipsum Chronicum nihil admonendum occurrat, nisi quod locus ille de Leovigildo Rege Ariano admodum obscurus sit. Sed ut videas, integrum adscribere placet. Leovegildus Rex in urbem Toletanam Synodum Episcoporum, sectæ Arianae, congregat, & antiquam hæresin novello errore emendat; dicens, de Romana religione ad nostram Catholicam fidem venientes, non debere baptizari, sed tantummodo per manus impositionem & communionis præceptione ablui, & gloriam patri per filium in Spiritu sancto dare. Per hanc ergo seductionem plurimi nostrorum cupiditate potius impulsus, in Arianum dogma declinant. *Alia lectio habet, de Ariana hæresi venientes. Sed quomodo factum hoc multos ad Arianam fidem pertraxit? An ægrè ferentes, quod qui transibant ab Ariana hæresi non rebaptizarentur, ipsi Ariani fiebant ex indignatione? Probabilior est lectio altera. Ut Rex ille Arianus veram religionem vocet Romanam: & suam hæresin, Catholicam fidem; hoc enim edixit, ut qui ex Orthodoxis ad Arianismum migrarent, non rebaptizarentur, (iam enim eò impudentiâ processerant Ariani, ut qui ad Arium defecissent, rebaptizarent, tanquam non legitime baptizatos in Ecclesia) & hac fraude multos Orthodoxos ad perfidiam Arianam pertraxit: prius enim anabaptismum metuentes, non facile transfugiebant ad illa impietatis castra. At postea inciso hoc retinaculo, plures invenire erat, qui Deo deserto, Arium sequerentur. Hunc sensum esse Biclarensis nostri, declarant cum alia, tum illud, quod ex antiquioribus Hispaniæ monumentis scribit Mariana; Leonigildi iussu Arianorum Præsulum conventum Toleti habitum, & in eo sublatum esse rebaptizandi morem Arianis familiarem; cum ad eorum sectam Catholici confugissent. Sed*
- 40 quare factum hoc Regis nominat Biclarensis novellum errorem? An quia aliis occasio errandi fuit? Caterum ut Chronicum hoc, eo melius lector intelligat, proderit evoluisse Chronicum Isidori de rebus Gotthicis, & ea quæ in sua Historia scribit Mariana, maxime libro 5:
- 50

CHRONICON
IOANNIS BICLAREN-
SIS, POSTEA EPISCOPI
GERVNDENSIS.

POST Eusebium Cæsariensis Ecclesiæ Episcopum, Hieronymum toto orbe notum presbyterum; nec non & Prosperum virum religiosum, atque Victorem Tunnunensis Ecclesiæ Africanæ Episcopum, qui historiam omnium penè gentium, summa brevitate & diligentia contexere visi sunt; & usque ad nostram ætatem congeriem perduxerunt annorum, & quæ acta sunt in mundo ad agnitionem nostram transmiserunt. Nos ergo in adiutorio D. N. IESV Christi, quæ temporibus nostris acta sunt, ex parte, quod oculata fide providimus, & ex parte, quæ ex relatu fidelium didicimus, studuimus ad posteros notescenda brevi stylo transmittere.

Quinta decima ergo indictione, ut dictum est, Iustiniano mortuo, Iustinus Iunior, nepos eius, Romanorum efficitur Imperator.

Romanorum LIII. regnat Iustinus Iunior an. XI. qui Iustinus anno primo regni sui ea, quæ contra Synodum Chalcedonensem fuerant commentata, destruxit, symbolumq; Sanctorum CL. patrum Constantinopoli congregatorum, & in Synodo Chalcedonensi laudabiliter receptum, in omni Ecclesia Catholica, à populo concinendum intromisit, priusquam Dominica dicatur oratio. Armeniorum gens & Iberorum; qui à prædicatione Apostolorum Christi susceperunt fidem, dum à Cosdra Persarum Imperatore, ad culturam Idolorum compellerentur, renuentes tam impiam iussionem, Romanis se, cum provinciis suis, tradiderunt: quæ res inter Romanos & Persas pacis fœdera rupit.

Advers. Anno II. memorati Principis in regia urbe Ætherius & Additus patritii, dum Iustino mortem vellent veneno potius, quam ferro per medicos inferre, detecti capitali sententia puniri iussi, prior à feris devoratus, secundus incendiis concrematus, interiiit. Iustinus filius Germani patritii consobrinus, Iustini Imp. factione Sophiæ Augustæ in Alexandria occiditur. His temporibus Athanildus Rex Gothorum in Hispania, vitæ finem suscepit, & *Luiba* pro eo in regnum provêhitur.

Terminum.

Luiba.

Anno III. Iustini Imp. Garamantes, per legatos paci Romanæ Reipublicæ & fidei Christianæ sociari desiderantes, poscunt, qui statim utrumq; impetrant. Theodorus præfectus Africæ à Mauris interfectus est. Mauritarum gens his temporibus Christi fidem recipit. Huius Imperii an. III. Leonegildus Germanus Luibani Regis, superstitie fratre, in regnum citerioris Hispaniæ constituitur, Gosuintham, relictam Athanildi, in coniugium accipit, & provinciam Gothorum, quæ iam rebellionem diversorum fuerat diminuta, mirabiliter ad pristinos revocat terminos.

Anno IV. Iustini Imp. qui est Leonegildi Regis secundus annus, Theodistius, Magister militum provinciæ Africanæ, à Mauris bello superatus, interiiit. Leonegildus Rex loca Bastaniæ & Malacitanæ vrbis, repulsis militibus, vastat, & victor solio redit. Iustinus Imp. per Tiberium excubitorum comitem, in Thracia bellum genti barbarorum ingerit, & victor Tiberius Constantinopolim redit. In provincia Galletiæ Miro, post Theodomirum, Suevorum Rex efficitur.

An V. Iustini Imp. qui est III. Leonegildi Regis annus, Iustinus Imp. Armeniam & Iberiam, repulsis Persis, Romanas provincias facit, & bellum Persarum Imp. per duces parcat. Amabilis Magister militiæ Africanæ à Mauris occiditur. Leonegildus Rex Asinodam, fortissimam civitatem, proditione cuiusdam Framidanæi, nocte occupat, & militibus interfectis, memoratam urbem ad Gothorum revocat iura. Donatus Abbas monasterii Seruitani, mirabilium operator, clarus habetur.

Anno VI. Iustini Imp. qui est Leonegildi Regis IV. ann. Gepidarum regnum finem accepit, qui à Longobardis prælio superati, Cunicmundus Rex campo occubuit, & thesauri eius per Trasaricum Arrianæ sectæ Episcopum, & Reptilanem Cunicmundi nepotem, Iustino Imp. Constantinopolim ad integrum perducti sunt. Leonegildus Rex Cordubam civitatem diu Gothis rebellem nocte occupat, & cæsis hostibus, propriam facit, multasq; urbes & castella, interfecta rusticorum multitudine, in Gothorum dominium revocat. Miro Suevorum Rex bellum contra Arragones movet. Dominus Helenensis Ecclesiæ Episcopus clarus habetur.

Anno

Anno VII. Iustini Imp. qui est Leonegildi V. annus, *Alboinus* Longobardorum Rex, factione coniugis suæ, à suis nocte interficitur. Theauri verò eius cum ipsa Regina in Reipub. Romanæ ditionem obveniunt, & Longobardi sine Rege & Thesauro remanserunt. His diebus Luiba Rex vitæ finem accepit, & Hispania omnis in regno & potestate Leonegildi, Galliaq; Narbonensis concurrit. Iustinus Imp. gravi infirmitate concutitur, quæ infirmitas ab aliis quidem cerebri motio, ab aliis demonum vexatio putabatur. In regia urbe mortalitas inguinalis plagæ exardescit, in qua multa millia hominum vidimus defuisse. Leonegildus Rex *Sabariam* ingressus Sapos vastat, & provinciam ipsam in suam redigit ditionem, duosq; filios suos ex amissa coniuge, Ermenegildum & Recaredum consortes regni facit. Legati gentis Macuritarum Constantinopolim veniunt, dentes Elephantinos & Camelos Pardalim Iustino principi munera afferentes, sibi cum Romanis amicitias collocant. Post Ioannem Rom. Ecclesiæ Benedictus ordinatur Episcopus, præfuit an. IV. Mausona Emeritensis Ecclesiæ Episcopus in nostro dogmate clarus habetur.

An. IIX. Iustini, qui est Leonegildi VI. an. Persæ cum Romanis pacis fœdera rumpunt, & congressione facta, Daras civitatem fortissimam bello superant, & caesa multitudine Romanorum, memoratam urbem ingressi, depopulati sunt.

His diebus Leonegildus Rex Cantabriam ingressus, provinciæ pervasores interficit, Amaiam occupat, opes eorum pervadit & provinciam in suam revocat ditionem. Iustinus Imp. Tiberium, quem superius excubitorum Comitem diximus, Cæsare facit, & non multo post imperiali fastigio provehit, & Reipub. principem designat. Huius Tiberii Cæsaris die prima, in regia urbe, inguinalis plaga sedata est.

An. IX. Iustini Imp. qui est Leonegildi Regis VII. annus, Coldroes Persarum Imp. cum nimia multitudine exercitus ad vastandos Romanorum terminos promovet. Cui Iustinianus Dux Romanæ militiæ, & Magister militum orientis, à Tiberio destinatus, bellum parat, & in campis, qui inter Daras & Nozinios ponuntur, forti pugna congressus, habens secum gentes fortissimas, quæ barbaro sermone Hermiam nuncupantur, memoratum Imperatorem bello superat, quo cum suo exercitu in fugam verso, castra eius pervadit, & provinciæ Persidæ fines Victor Iustinianus vastat, excubiasq; eorum pro triumpho Constantinopolim dirigit, XXIV. elephantos inter cætera, qui magnū spectaculum Romanis in urbe regia exhibuerunt; Prædani verò de manubiis Romanorum; Persarum multitudo ad nimiam utilitatē nummo publico vetundatæ sunt.

Leonegildus Rex Ategenes montibus ingreditur, Aspidium loci seniores cum uxore & filiis captivos ducit, opesq; eius & loca in suam redegit potestatem. Aramundarus Sarracenorum Rex Constantinopolim venit, & cum sthemate suo Tiberio principi cum donis Barbariæ occurrit; qui à Tiberio benignè exceptus, & donis optimis exornatus ad patriam abire permissus est.

An. X. Iustini Imp. qui est Leonegildi Regis IIX. ann. Bandarius gener Iustini principis, à Longobardis prælio vincitur, & non multo post vitæ finem accipit. Romanus filius Anagasti patritii, Magister militiæ gentis Suevorum Regem vivum cepit, quem cum suo thesauro, uxore & filiis Constantinopolim adducit, & provinciam eius in Romanorum dominium redigit. Leonigildus Rex in Galleria Suevorum fines conturbat, & à Rege Mironie per legatos rogatus, pacem eis pro parvo tempore tribuit. Selaniti in Thracia multas urbes Romanorum pervadunt, quas depopulatas vacuas reliquere. Abates littora maris captiosè obsident, & navibus littora Thraciæ navigantibus satis infesti sunt.

Post Benedictum Romanæ Ecclesiæ Pelagius Iunior ordinatur Episcopus, præest annis XI.

Anno XI. regni sui Iustinus diem clausit extremum, & Tiberius singulare obtinuit imperium.

Romanorum LIV. Tiberius regnat annis VI.

Anno ergo I. imperii Tiberii, qui est Leonegildi annus IX. Abares Thracias vastant, & regiam urbem à muro longo obsident. Leonegildus Rex Orospedam ingreditur, & civitates atq; castella eiusdem provinciæ occupat, & suam provinciam facit, & non multo post inibi Rustici rebellantes à Gothis opprimuntur, & post hæc integra à Gothis possidetur Orospeða.

An. II. Tiberii Imp. qui est Leonegildi Regis X. Gennadius Magister militum, in Africa Mauros vastat. Gasmulem fortissimum Regem, qui iam tres duces superius nominatos Romani exercitus interfecerat, bello superat, & ipsum regē gladio interfecit.

Tiberius Mauritium excubitorum Comitem, Magistrum militiæ Orientis instituit, & ad repugnandum Persis direxit. Romani contra Longobardos in Italia lachrymabile bellum gerunt. Leonegildus Rex extinctis undique tyrannis, & pervasoribus Hispaniæ superatis, sortitus requiem propriam cum plebe resedit, & civitatem in Celtiberia ex nomine filii condidit, quæ Recopolis nuncupatur, quam miro opere, & mœnibus & suburbanis adornans, privilegia populo novæ urbis instituit. Ioannes presbyter Ecclesiæ Emeritenfis clarus habetur.

Anno III. Tiberii Imp. qui est Leonegildi XI. annus, Abares à finibus Thraciæ pelluntur, & partes Græciæ atque Pannonis occupant. Leonegildus Rex Hermenegildo filio suo filiam Sisberti Regis Francorum in matrimonium tradit, & provinciæ partem ad regnandum tribuit. Leonegildo ergo quæta pace regnante, adversariorum securitatem domestica rixa conturbat. Nam, eodem anno, filius eius Hermenegildus, factione Gosvinthæ reginæ, tyrannidem assumens in Hispali civitate, rebellionem facta, recludit, & alias civitates atque castella secum contra patrem rebellare fecit. Quæ causa in provincia Hispaniæ tam Gothis, quàm Romanis maioris exitii, quàm adversariorum infestatio fuit....

Nonellus Complutensis Episcopus clarus habetur.

Anno IV. Tyberii, qui est Leonegildi XII. an. Mauritius Magister militum Orientis contra Persas bellum movet, & repulsa Persarum multitudine, in Oriente hyemavit. Leonegildus Rex in urbem Toletanam, Synodum Episcoporum, sectæ 20 Arrianæ, congregat, & antiquam hæresin novello errore emendat, dicens, *de Romana* religione ad nostram Catholicam fidem venientes non debere baptizari, sed tantummodo per manus impositionem, & communionis præceptione *pollui*, & gloriam patri per filium in Spiritu sancto *dare*. Per hanc ergo seductionem, plurimi nostrorum cupiditate potius impulsæ, in Arrianum dogma declinant.

*Locus obscurus,
ab Arriana
ablu.*

dari.

Anno V. Tiberii, qui est Leonegildi XIII. an. Longobardi in Italia Regem sibi ex suo genere eligunt, vocabulo Antharich, cuius tempore & milites Romani omnino sunt cæsi, & terminos Italiæ Longobardi sibi occupant. Sclavinorum gens Illyricum & Thracias vastant. Leonegildus Rex partem Vasconiæ occupat, & civitatem, quæ Victoria, cum nuncupatur, condidit. 30

Tiberius Imp. Magistro militum Orientis filiam suam in coniugium tradit.

Anno VI. Tiberii, qui est Leonegildi XIV. Tiberius vitæ terminum dedit, & Mauritius pro eo Romanorum Imperator efficitur.

Romanorum LV. Mauritius regnat an. XX. Leonegildus Rex exercitum ad expugnandum tyrannum filium colligit.

Anno ergo I. Mauriti Imp. qui est Leonegildi Regis XV. annus, Leonegildus Rex civitatem Hispalensem, congregato exercitu, obsidet, & rebellem filium, gravi obsidione concludit, in cuius solatio, Miro, Suevorum Rex, ad expugnandam Hispalem devenit, ibique diem clausit extremum, cui Eburicius filius, in provincia Galletiæ in regnum succedit. Interea Leonegildus Rex supradictam civitatem nunc fame, 40 nunc ferro, nunc Betis conclusionem omnino conturbat.

Anno II. Mauriti Imp. qui est Leonegildi XVI. an. Leonegildus muros Italiciæ, antiquæ civitatis, restaurat, quæ res maximum impedimentum Hispalensi populo exhibuit. His diebus Andeca in Galletia Suevorum regnum cum tyrannide assumit, & Siseguntiam relictam Mironis regis in coniugium accepit. Eboricum regno privat, & Monasterii monachum facit.

Leonegildus Rex, filio Hermenegildo ad Rempublicam commigrante, Hispalem pugnando ingreditur, civitates & castella, quas filius occupaverat, cepit, & non multo post memoratum filium in Cordubensi urbe comprehendit, & regno privatum in exilium Valentiam mittit. 50

Mauritius Imp. contra Longobardos, Francos per conductelam movet, quæ res utriusque genti non parva intulit damna. Eutropius Abbas Monasterii Servitani, discipulus S. Donati, clarus habetur.

Anno III. Mauriti, qui est Leonegildi XVII. an. Mauritius per duces bellum infert. Leonegildus Rex Galletias vastat. Andecanum Regem comprehensum regno privat. Suevorum gentem, thesaurum, & patriam, suam in potestatem redegit, & Gothorum provinciam facit: Hermenegildus in urbe Tarraconensi à Sisberto interficitur. Franci Galliam Narbonensem occupare cupientes, cum exercitu ingressi, in quorum congressionem Leonegildus Recaredum filium obviam mittens, & Francorum 60

est ab

est ab eo exercitus repulsus, & provincia *Gallatie* ab eorum est infestatione liberata. *Gallia.*
 Castra verò duo cum nimia hominum multitudine, unum pace, alterum bello occu-
 pat. Castrum verò, quod *Hodierno* vocatur, tutissimum valde in Ripa Rhodani flu- *al. ugerne.*
 minis ponitur, quod Recaredus Rex fortissima pugna aggressus, obtinuit, & victor ad
 patrem, patriamq; redit. Andeca verò regno privatus tondetur, & honore Presbyte-
 ri post regnum honoratur. Non dubium, quod in Eborico Regis filio, Rege suo, fece-
 rat, patitur, & exilio Pacensi urbe relegatur. Maluricus in Galletia Tyrannidem assu-
 mens, quasi regnare vult, qui statim à ducibus Leonegildi oppressus, comprehendi-
 tur, & Leonegildo vinctus presentatur. Leander Hispalensis Ecclesiæ Episcopus cla-
 10 rus habetur.

An. IV. Mauriti Imperatoris, qui est Leonegildi Regis XIIIX. Anthane Longo-
 bardorum Rex, cum Romanis congressione facta, superat, & cæsa multitudine militū
 Romanorum Italiæ fines occupat. Hoc anno Leonegildus Rex diem clausit extremū,
 & filius eius Recaredus in tranquillitate regni eius sumit sceptrum.

An. V. Mauriti Imp. Romanorum, qui est Recaredi Regis primus feliciter an-
 nus, Mauritius Theodosium filium suum, ex filia Tiberii Imperatoris natum, Cæsa-
 rem facit. Pelagio Iunior mortuo Romanæ Ecclesiæ Gregorius in Episcopatum suc-
 cedit, præst an. XV. Romani per Francorum adiutorium Longobardos vastant, &
 20 provinciæ Italiæ partem in suam redigunt potestatem. Sisbertus interfector Herme-
 negildi, morte turpissima perimitur.

Recaredus primo regni sui anno, mense X. Catholicus, Deo iuvante, efficitur, &
 Sacerdotes sectæ Arrianæ sapienti colloquio aggressus, ratione potius, quàm imperio
 converti ad Catholicam fidem facit, gentemq; omnium Gothorum & Suevorum ad
 unitatem & pacem revocat Christianæ Ecclesiæ sectæ Arriana, gratia divina, in dogmate
 veniunt Christiano.

Desiderius Francorum Dux, Gothis satis infestus, à ducibus Recaredi Regis su-
 peratur, & cæsa Francorum multitudine, in campo moritur. Recaredus Rex aliena à
 prædecessoribus direpta, & seculo sociata, placabiliter restituit, Ecclesiarum & Mona-
 steriorum conditor & ditator efficitur.

An. VI. Mauriti, qui est Recaredi secundus annus, quidam ex Arrianis Sunna Epi- *Sunna*
 scopus, & Segga cum quibusdam tyrannidem assumere cupientes, deteguntur; con-
 victi Sunna exilio traditur, & Segga manibus amputatis in Galletiam *exulans* mittitur.
 Mauritius Theodosium filium, quem supra Cæsarem diximus, Romanorum Impera-
 torem facit.

An. VII. Mauriti, qui est Recaredi regis III. an. Vldila Episcopus, cum Gofuin- *Vldila.*
 tha regina insidiantes Recaredo manifestantur, & fidei Catholicæ communionem,
 quam sub specie Christiana, quasi sumentes proiciunt, publicantur. Quod malum
 in cognitionem hominum deductum, Vldila exilio condemnatur. Gofuintha verò *Vldila.*
 Catholicis semper infesta, vitæ tunc terminum dedit. Francorum exercitus à Gote-
 40 ranno Rege transmissus, Bosone duce, in Galliam Narbonensem obveniunt, & iuxta
 Carcafonensem urbem castra metati sunt, cui Claudius Lusitanæ dux à Recaredo
 Rege directus obviam, inibi occurrit, cum quo, congressione facta, Franci in fugam
 vertuntur, & direpta castra Francorum, & exercitus à Gothis cæditur. In hoc ergo
 certamine, gratia divina, & fides Catholica, quam Recaredus Rex in Gothis fideliter
 adeptus est, esse noscitur operata. Quemadmodum non est difficile, Deo nostro sive
 in paucis sive in multis detur victoria. Nam Claudius Dux vix cum CCC. viris LX.
 millia ferme Francorum noscitur infugasse, & maximam eorum partem gladio tru-
 cidasse. Non immerito Deus laudatur temporibus nostris in hoc prælio esse operatus,
 qui similiter ante multa temporum spatia per manum Ducis Gedeonis in trecentis
 50 viris multa millia Madianitarum, Dei populo infestantium, noscitur extinxisse.

Anno IIX. Mauriti Imp. qui est Recaredi Regis IV. an. sancta Synodus Epi-
 scoporum totius Hispaniæ, Galliæ, & Galletiæ in urbe Toletana, præcepto principis
 Recaredi congregatur, Episcoporum numero LXXII. in qua Synodo intererat me-
 moratus Christianissimus Recaredus, ordinem Conversionis suæ, & omnium sacer-
 dotum, vel gentis Gothicæ confessionem tomo scriptam manu sui Episcopis potri-
 gens, & omnia, quæ ad professionem fidei Orthodoxæ pertinent, innotescens, cuius
 tomus ordinis decrevit Sancta Episcoporum Synodus Canonici applicare monumentis.
 Summa tamē Synodalis negotii penes sanctū Leandrum Hispal. Eccl. Episc. & beatissimū
 Europiū monasterii Servitiani Abbatē fuit. Memorat⁹ v. Recaredus Rex, ut diximus,

Eutyches.

sancto intererat concilio renovans temporibus nostris antiquū principē Constantinū magnum sanctam Synodum Nicēnam sua illustrasse potentia; nec non & Martianum Christianissimum Imp. cuius instantia, Chalcedonensis Synodi decreta formata sunt. Siquidem & Nicæna urbe, hæresis Arriana, & initium sumpsit & damnationem meruit radicibus non amputatis. Chalcedone verò Nestorius & Eutyches, unā cum Dioscoro ipsorum patrono, & Hæresibus propriis condemnati sunt. In præsentī verò sancta Toletana Synodo Arrii perfidia, post longas Catholicorum neces atq; innocentium strages, ita radicitus amputata est, insistente principe memorato Recaredo Rege, ut ulterius non pullulet, Catholica ubique pace data Ecclesiis. Hæc ergo nefandā hæresis, secundum quod scriptum est: De domo domini exiet tentatio, ab Alexandrina Ecclesia, detegente sancto Alexandro eiusdem urbis Episcopo, per Arriū Presbyterum inolevit, qui in Nicæna Synodo CCCXIX. Episcoporum iudicio vigesimo Imperii Constantini senioris anno, Synodaliter damnationem, cum proprio errore suscepit. Quæ post hæc non solum Orientis & Occidentis partem maculavit, sed & Meridianam & Septentrionis plagam, & ipsas insulas sua perfidia irretivit. A vigesimo ergo Constantini principis anno, quo tempore hæresis Arriana initium sumpsit, usque in octavum annum Mauritiū principis Romanorum, qui est Recaredi quartus regni annus, anni sunt CCLXVI. quibus Ecclesia Catholica huius hæresis infestatione laboravit, sed favente Deo vicit, quoniam fundata est supra petram.

In his ergo temporibus, quibus omnipotens Deus, prostrato veteris hæresis veneno, pacem suæ restituit Ecclesiæ, Imp. Persarum Christi suscepit fidem, & pacem cum Mauritio Imperatore firmavit. Recaredo ergo Orthodoxo quicta pace regnante, domesticæ insidiæ prætenduntur. Nam quidam ex cubiculo eius, etiam provincie Dux, nomine Argimundus adversus Recaredum Regem Tyrannidem assumere cupiens, ita ut si posset, eum & regno privaret & vita: sed nefandi eius consilii detecta machinatione comprehensus, & in vinculis ferreis redactus, habita discussione, socii eius impiam machinationem confessi, condignia sunt ultione interfecti; ipse autem Argimundus, qui regnum assumere cupiebat, primum verberibus interrogatus, deinde turpiter decalvatus, posthæc dextra amputata, exemplum omnibus in Toletana urbe asino sedens pompizando dedit, & docuit famulos domini non esse superbos.

FINIS CHRONICI BICLARENSIS.

A. SCHOTTVS

LECTORI S.

DE Chronographis antiquis, qui post Eusebium, & B. Hieronymi additamentum
 10 supplementa dederunt, prater Prosperum Aquitanum hominem Gallum: Hispani quoque enituerunt. In his Ithacius, & Isidorus, Episcopus uterq; Doctiss. mox Victor Tunnunensis & Ioan. Gerundensis, Biclariensis Abbas, sed ut ille diu desideratus est ac nondum integer exiit; sic diu hi quidem à nobis in Hispania reperti atque eruti Ingolstadtj primum lucem aspexerunt. Verum enim verò ut de nomine controversia est, sic & duo cognomines fuisse putantur, Hispanus uterq; & Episcopus, sed scriptione diversi. Alij Idacium per quartam litteram vulgo scribunt, nonnulli per τ qui forte Ithacius per θ rescribendis! Depravatum autem id nomen non raro, ut Nardacius olim in Sulpitij Chronico sit lectum. Vrsacius in Isidoro. Anicius verò in Honorii Augustodunensis Catalogo. Duos autem fuisse temporibus tamen studioque aequales & Episcopos in Lusitania hereticorum in primis hostes multa arguunt, quibus parum aequum fuisse Sulpitium deprehendo, forte quod à
 20 B. Martino dissentirent. Alter Idacius Emeritæ, vel, ut alii, Lamecæ, iuxta Durum fluvium civitatis in Lusitania Prasul, Hieronymi laude nobilis: Alter Ithacius Ossonobensis Episcopus (sic enim in Chronico Sulpitii emendandum esse vidit Carolus Sigonius, & Ioan. Mariana noster lib. III. Annalium Hispania, Cap. 20. pro illo Sossuben(s) florueruntque ad annum Christi, 383. ut & Sigeberti Chronico discas, qui & ipse in Catalogo Lenucæ Episcopum facit. Ille contra Varamundum Arianum scripsit, & loca S. Scripturae de Trinitate explanavit, exstatque Tomo III. Bibliothecæ SS. Patrum.

Vtrius verò hæc Chronologia sit, quam damus Libro priore ex Eusebiano hausto; altero verò eiusdem Aucturio factò, iam inde à Theodosio Aug. non facile dixero, non visa enim hætenus primumque edita, sed è vitioso codice ab Henrico Canisio I. C. egregio Tomo II. Antiquarum Lectionum, & in Chronico Eusebiano à Iosep. Scaligero, sed mutila valde ac depravata exemplaris vitio, eiusque pars duntaxat altera ad Eusebium, quid ex utriusque comparatione sim assecutus, secutus certe, æquus Lector existimabit, quod veteri verbo dicitur, hoc Catone contentus sit, dum aut melius exemplar, aut integrum opus è Democriti puteo, hæc est è tenebris, quibus delitescit, in apertam lucem proferatur. Cupio quidem certè ac spero. Nam spes illa iam decolavit, quam Allobrogibus Crispinus quidam, tabulis professus typographus, daturum se HISTO-
 30 RIAE MISCELLAM ex Isidoro, Idacio ceteris. Verum id genus hominibus Var-
 roniana titulum Satyræ Mempeæ libens accino: Cras cre-
 dam hodie nihil. Vale.



CHRONOGRAPHIA

EX

I D A C I O

COLLECTORE

Quodam Caroli Magni aequali.

LIBER PRIMVS.

Regnum Assyriorum.

*De semine
Abraham.*



Rimus Rex Ninus regnavit annis LI. Et mulier sua Semiramis regnavit post eum annis XLII. Eodem tempore natus est Abraham. Ninias filius Nini & Semiramis regnavit post eos annis XXXVIII.

* leg. 180.

Abraham cum esset annorum LXXV. à Deo accepit repromissionem. De illo tempore usq; ad egressionem Hebræorum de Ægypto supputantur anni Ccccxxx. Abraham de ancilla Agar habuit filium nomine Ismahel: unde Ismahelitæ & postea Agareni, postremum Sarraceni vocantur. Centenarius Abraham habuit de Sara filium nomine Isaac. Primus omnium Prophetarum Abraham. Assyriorum Arrius tunc regnavit annis Xxx. Sexagenario Isaac an. nascuntur filii gemini, primus Esau, ex quo gens Idumæa fuit: secundus Iacob, qui Israel appellatus est. Inde gens Iudæorum est. Vixit Abraham annis CLXXV. Centesimo anno repromissionis moritur Abraham. Centesimo sexagesimo anno cum esset Isaac, tunc Iacob descendit in Mesopotamiam, & servivit Laban annis XIV. pro duabus filiabus, quas accepit uxores, Lia & Rachel. Anno Cc. post repromissionem mortuus est Isaac annorum * octoginta. Filius eius Iacob cum esset annorum Cx. adhuc vivente Isaac, Ioseph filius Iacob venundatus est in Ægyptum. Centum triginta annorum cum esset Iacob, iam secundo anno famis ingressus est cum filiis in Ægyptum. Iacob centesimo quadragesimo septimo anno obiit, Prophetizans de Christo. Centum decem annos cum impleisset Ioseph moritur. Fiunt autem omnes anni, quibus Hebræi in Ægypto fuerunt, ducenti quindecim. Ob hoc ab eo tempore computantur, quo Iacob cum filiis suis descendit in Ægyptum.

*De Moyse &
captivitate
Iudaorū. &c.
corrīg. ex Eu
seb. 390.
repr. an. &
40. anno
Moyssis.*

Trecentesimo quinquagesimo an. repromissionis natus est Moyse. cum esset annorum Lxxvi. Cecrops regnavit in Attica: à quo usq; ad Troiæ captivitatem fiunt anni Ccclv. Trecentesimo à quadragesimo repromissionis anno Moyse Ægyptum derelinquens eremo philosophatur Hebræorum. Octogesimum annum agens dux itinervis ex Ægypto Hebræorum gentis efficitur, legem eis in eremo tradidit per annos XL. Ab hoc loco usque ad Salomonem ædificationem templi numerantur anni quadringenti octoginta. Primus apud Hebræos Aaron Pontifex fuit Hebræorum. Post Moysen constituitur Hiesus. Hiesus successit Moyse. Terrâ Palæstinorum Iudææ genti sorte distribuit. Iudæorum Iudex post Gothoniel annis XL. Post Gothoniel Hebræi fuerunt subiecti alienigenis annis decem & octo, qui copulantur temporibus Aod. Ipse fuit Iudex ex tribu Effraim annis octoginta. Post Aod Hebræos in ditionem redigunt alienigenæ annis viginti; qui copulantur temporibus Deboræ & Barac, qui iudicaverunt Israel annis quadraginta. Hebræorum Iudex Gedeon. Post Deboram in ditionem redigunt alienigenæ annis septem, qui coniuncti sunt temporibus Gedeonis secundum Hebræorum traditionem, Gedeon Iudex ex tribu Manasse. Cyrus condita ante templum Ierosolymorum annis Ccxl. scripsit Iosephus in libro tertio Hebræorum. Abimelech filius Gedeonis Iudex annis tribus. Post quem Tola annis Xxii. Post quem Iair annis Xxii. ex tribu Manasse. Sub Tautano rege Assyriorum Troia capta est. Hebræorum Iephthe Iudex annis octo. Postea Hebræos in ditionem suam redigunt Ammonitæ annis Viii. qui cum temporibus posteriorum Iudicum copulantur, secundum Iudæorum traditionē. Iephthe in libro Iudicum (Post quem Efebon annis Vii.) ab ætate Moyse usque ad semetipsum ait supputari annos Ccc. Post Efebon Labaion. Viii.

*Euseb. & Iu-
dic. 12. an. 6.
Euseb. an. 18
Hic maior
codex m. l. in
sertam habet
importune
historiam
Daretis de
Origine Fræ-
corum.*

In illo

In illo tempore Priamus Helenam rapuit. Troianum bellum decennale surrexit, causa mali, quod trium mulierum, de pulchritudine certantium, præmium fuit una earum, Helenam patiori iudici pollicente. Memnon & Amazones Priamo tulere subsidium. Exinde origo Francorum fuit. Primo Priamum regem habuerunt: postea per historiam libros scriptum est, qualiter habuerunt Regem Friga. Postea parati sunt in duabus partibus. Una pars perrexit in Macedoniam, vocati sunt Macedones, secundum populum, ad quem recepti sunt, & regem Macedoniæ, qui opprimebatur a gente vicina, invitati ab ipsis fuerunt, ut eis auxilium præberent. Per quos postea cum subiuncti in plurimam procreationem crevissent, ex ipso genere Macedones fortissimi pugnatores effecti sunt. Quod in postremum in diebus Philippi Regis & Alexandri filii sui fama confirmat illorum fortitudo qualis fuit. Nam & illa alia pars, quæ de Friga progressa est, ab Olexo per fraudem decepti, tamen non captivati, nisi exinde deiecti per multas regiones vagantes cum uxoribus & liberis.

Vide Aemilian. de gestis Fran. lib. 1. cap. 2.

Electo a se Rege, Francione nomine, per quem Franci vocantur. In postremo eo, quod fortissimus ipse Francio in bello fuisse fertur, & multo tempore cum plurimis gentibus pugnam gerens, partem Asiæ vastans, in Europam dirigens, inter Renū & Danubium & mare consedit.

De Francio.

Ibiq; mortuo Francione, cum iam prælia tanta, quæ gesserat, parva ex ipsis manibus remanserat, Duces ex se constituerunt. Attamen semper alterius ditione vagantes, multo post tempore cum ducibus transegerunt, usque ad tempora Pompeii Consulis, qui & cum ipsis dimicans, sicut & reliquas gentium nationes, quæ in Germania habitant, totasq; ditiones subdidit Romanis. Sed continuo Franci cum Saxonibus amicitias ineuntes, adversus Pompeium rebellantes, eiusdem renuerunt potestatem. Pompeius in Hispania contra gentes dimicans plurimas morti tradidit. Post hæc nullagens usq; in præsentem diem Francos potuit superare, qui tamen eos suæ ditioni potuisset subiugare. Ad ipsum instar & Macedones, qui ex eadem generatione fuerunt, quamvis gravibus bellis fuissent attriti, tamen semper liberi ab externa dominatione vivere conati sunt.

De Germanis.

Saxones.

Tertiam ex eadem origine gentem Thurcorum fuisse fama confirmat. Ut cum Franci Asiam pervagantes pluribus præliis pertransissent, ingredienti Europam, super littora Danubii fluminis inter Oceanum & Thraciam, una ex eis ibidem pars residet: Electum a se itaq; Regem nomine Torquoto, per quod gens Torquorum nomen accepit. Franci huius itineris gressum cum uxoribus & liberis agebant. Nec erat gens, quæ eis in prælio potuisset resistere. Sed dum plurima egerunt prælia, quando ad Renum confederunt, dum a Torquoto minuati sunt, parva ex eis manus aderat.

De Thurco.

A captivitate Troiæ usq; ad primam Olympiadem fiunt anni CCCCVI.

Redeamus quo ordine Hebræorū gens fuit. Hebræorū reliqui an. L. Abdō an. octo. Post Abdō Hebræos in ditionē redigūt alienigenæ an. XL. qui copulantur temporibus Iudicum posteriorū. Post quem Samson fortissimus omnium fuit; ita ut quibusdam facta ei? cum gestis Herculis computarent. Quidam ad huius memoriam cōservandā balneum multo post tempore adpellatus pœnia. Post quem Heli sacerdos. In Hebræorum libris XL. anni inveniuntur; in septuaginta Interpretum, viginti.

De gente Hebræorum.

In illo tempore Tautanus regnabat in Assyriis. Tunc Troia capta est. In Hebræis Lepdon Iudex erat, & in Ægypto Dinaftia rex erat. Primus Rex Latinorum tunc in ipso tempore surrexit, eo quod a Troia fugaciter exierunt, & ex ipso genere & Frigas fuerunt, nisi per ipsam captivitatem Troiæ & inundationem Assyriorum. E quorum persecutione in duas partes egressi & ipsa civitate & regione. Vnum exinde regnum Latinorum erigunt, & aliud Frigorum. Post tertio anno capta Troia, Latini, qui postea Romani nuncupati sunt, & ut quidam volunt, post octo an. regnavit Æneas. Æneas & Frigas feruntur Germani fuisse. Æneas in Latinos regnavit annis III. & Frigas in Frigia. Ante Æneam & Frigam Ianus, Saturnus, Picus, Faunus, Latinus, per quem Latini vocati sunt, & in Italia regnaverunt annis circiter CL. Roleta scribit. Palæphatus autem in incredibiliū libro primo; Sirenas quoq; fuisse meretrices, quæ deceperint navigantes. Post Æneam Ascanius annis XXXVIII. Ascanius derelicto novercæ suæ regno, Latinis Albam Longam condidit, & Silvium posthumum fratrem suum, Æneæ ex Lavinia filium summa pietate educavit. Amazones illo tempore etiam templum Ephesi incenderunt. Ascanius Iulium filium procreavit, a quo familia Iuliorum orta, & propter ætatem paruuli, qui necdum regendis civibus idoneus erat, Silvium posthumum fratrem suum regni reliquit heredem.

De regno Latinorum.

De primo ex
tribus Iuda
rege.

In illo tempore mortuo Heli sacerdote Hebræorum, Samuel prophëtabat & Saul regnavit annis XL. In illo tempore Silvius Latinorum Rex Æneæ filius, à quo omnes Albanorum Reges Silvii vocati sunt. Hebræorum Rex primus ex tribu Iuda David annis XL. Hebræorum tunc Pontifex Abiathar clarus habebatur. Latinus Silvius regnavit annis L. Hebræorum filius David Salomon regnavit annis XL. Salomon templum in Ierosolymis ædificare cœpit, consummavit annis septem.

De Cartha-
gine &c.

Carthago tempore Salomonis à Lacedæmoniis in Africa condita est à rege Zoftrato & aliæ urbes plurimæ. Nam & Carthago ab Arcedone Tyrio, ut verò alii, à Dido filia eius annis CXLIV. expleta fuisse refertur.

Colligitur autem omne tempus. A Moyse & egressu Israël secundum tertium 10 librum regnorum usque ad Salomonem & ædificationem templi computantur anni CCCCLXXX. A diluvio usque ad Moysen anni III. millia CCCCLXXXIX. Ab Adam usque ad diluvium anni duo millia CCXLII. Simul omnes anni quatuor millia CXLIIX.

De regibus
Hebræorum
& Latino-
rum.

Salomon Rex Hebræorum regnavit annis XL. Sacerdos Sadoch tunc fuit. Post Salomonem Roboam annis XVII. Post mortem Salomonis seditione orta in gente Iudæa, regno bifariam divisò in Samaria decem tribus regnavit Ieroboam. Latinorum Alba Silvius regnavit an. XXXVIII. Roboam filius Salomonis regnavit Hierosolymis duas tribus tantum, quæ vocantur Iudæorum, quia ex Iudæ stirpe descenderunt. Vnde & universa gens illa nomine Iudæorum est vocata. Post quem 20 Abia annis VIII. Post quem Asa annis XLI. Latinorum Ægyptius Silvius annis XXII. Latinorum octavus Capis Silvius annis XXVI. Hebræorum Iuda Iosaphat annis XXV. Prophetabant in Hebræis tunc Abdias, Hicu, Ozias, Michæas. Latinorum nonus, Carpentus Silvius annis XIII. Hebræorum Iuda (Ioram) annis octo. Postquem Ochozias anno uno, Post quem Godolia mater annis VII. Post quam Ioas annis XL. Latinorum tunc post Carpentum, Tyberinus annis octo. Post XI. Agrip-
pa Silvius annis XL. Ioiadæ apud Hebræos insignissimus Pontifex erat. Qui solus post Moysen vixit annis CXXX. Hebræorum Iuda Amasias annis XXIX. Hebræorum Israel Ioas in tempore Ioram. Ipse fuit septimus in Iuda, regnavit annis VIII. In cuius tempore prophëtabat Elias. In tempore Ioas Regis Heliseus moritur. Zacha-
rias propheta à Ioas Rege interficitur. Hebræorum Iuda Amasias XI. regnavit annis
XXIX. 30

Hæc vox in
utroq. m. f.
exciderat.

De regibus
Latinorum.

LATINORVM duodecimus Aremolus Silvius annis XIX. Post quem tertius decimus Aventinus Silvius annis XXXVI. In tempore Aremoli superioris ipse Silvius Aremolus sive Remolus Agrippæ superioris regis filius præsidium Albanorum inter montes, ubi nunc Roma est, posuit. Ab impietate postea fulminatus interiit.

Hebræis.

Hebræorum Israel secundus Nadab annis duobus. Post quem tertius Baasa annis viginti quatuor. Post quem Hela annis septem. Post quem Ambri annis duodecim. Post eum annis XXVII. In tempore Achab prophëtabat Helias. Post Ioram Iehu annis XXVIII. Post Iehu Achab annis XVII. 40

De Iulio &
Assyriis.

IULIVS proavus Iulii Proculi, qui cum Romulo Romam commigravit, fundavit Iuliam gentem. His diebus Hebræorum duodecimus Azarias, qui & Ozias annis LII. In illo tempore Thespie Ocorifonis filio Athenis regnante, Assyriorum imperium deletum est. Vsq̃ue ad id tempus fuisse Reges Assyriorum historia refert. Et sunt simul anni mille nongenti novem. Omnes autem anni regni Assyriorum à primo anno Nini supputantur mille ducenti quadraginta. Ab arces Medus Assyriorum imperio destructo regnum in Medos transtulit. Et interim sine principibus res agebatur usque ad Antiochum regem Medorum. In medio autem tempore Chaldæi proprie prævalebant: quorum separatæ quædam regum successiones feruntur. Reliquæ quoque gentes propriis legibus utebantur. 50

De Romulo
& Remo.

LATINORVM decimus quartus Procas annis XXXIII. Post quem Amulius Silvius annis XIV. In illo tempore Roma palilibus, qui nunc festus dicitur, est condita. Romulus & Remus ipsam condiderunt. Remus rutro pastoralis à Fabio Romuli duce occisus. Ob asyli impunitatem magna Romulo multitudo coniungitur. Anno ab urbe condita III. una virginum pulcherrima, cunctorum acclamatione rapien-
tium, Talasso duci Romuli decernitur. Vnde in nuptiarum solennitatibus, Ta-
lasso, vulgo clamitant; cui talis nupta sit, quam Talassus meruit. In illo tempore pri-
ma capti-

ma captivitas Israel. Decem tribus à Senacherib rege Chaldaeorum translatae sunt in montes Medorum. Regnatumque est in Samaria annis CCL.

Romanorum decimus septimus rex Romulus, annis XXXVIII. Remus & Romulus generantur Marte & Iia. Romulus apud paludem caprenus moritur. Post quem per quinos dies senatores Remp. rexerunt, atque ita unus annus expletus, quod tempus Interregnum appellatum est. Postea Pompilius regnavit annis XLI. Romulus primum milites sumpsit ex populo, & nobilissimos senes centum, ob ætatem, senatores; ob similitudinem curæ patres adpellavit: Templâ quoque & muros, Romanæ urbis extruxerunt. Sabacan Bochirum Regem captum, vivum exussit. Tullius Hostilius, annis XXXIII. Primus regum Romanorum purpura & fascibus usus est, ac deinceps cum sua domo fulmine conflagravit. Tullius Hostilius post longam pacem bella reparavit, Albanos, Veientes, Fidenates, vicit, & adiecto monte Caelio urbem ampliavit. Romanorum quartus Ancus Martius annis XXXIII. Ancus Martius Aventinum montem & Ianiculum urbi addidit. In tempore Procatæ Silvii Latinorum regis, Hebræorum tunc prophetabant Osee. Amos, Iosias, Isaïas, Ionas anno LIII. quando Roma condita fuit prophetabat. Ioathan annis XVI. Post quem Iuda decimus quartus Achazitem regnavit XVI. Cuius tempore Talat Faltasar rex Assyriorum magnam partem populi Iudæorum in Assyrios transtulit. Post quem Iuda decimus quintus Sedechias annis XLIX. Post quem Iuda decimus sextus Manasses annis LX. Post quem in Iuda decimus septimus Ammon annis XII. Post quem in Iuda decimus octavus, Iosias annis XXXII. Hieremias prophetabat. Hebræorum Iuda Ioachim annis XI. Post quem iterum Ioachim alias annis XLIII.

De Regibus Romanorum.

al. annis 40.

Anno tertio Ioachim Nabuchodonosor rex Babylonie Iudæam capit, & in ditionem suam redactis plurimis Iudæorum, cum etiam partem vasorum templi invasit, & tributarium fecisse Ioachim fertur, victor ad patriam revertitur. Israhel (quando Roma condita fuit) Azarias: & Manaim principabat añ. X. postea Vaceas annis X.

De Nabuchodonosor.

Anno decimo à captivitate Troiæ usque ad Olympiadē primam añ. CCCC. Primam Olympiadem AFRICANVS temporibus Ioatham regis Hebræorum fuisse scriptum. Post Vagea in Iudæa prophetabat annis novem. Tunc à Sanacherib Israëlita in captivitatem ducti sunt. Memoravimus sub Arifrone rege Assyriorum regnum destructum. Sardanapalus eo tempore Tarsum atque Anæcalem condidit, & in prælio victus ab Arbace Medo semet incendio concremavit. Primus, ut supra memoravimus, rex Macedonum Casanus regnavit annis XVIII. Ægyptii regem suum Osorton Herculem nominaverunt. Phidon Argivus mensuras & pondera primus invenit.

De captivitate Troiæ. Iulius Africanus. al. Vagea. supra c. 14. al. Arifrone.

Macedonum Philippus regnavit annis XXXVIII. Numa Pompilius duos menses ad annum condidit, Ianuarium & Februarium; cum antehac menses decem tantum apud Romanos fuissent. Capitolium quoque à fundamentis ædificavit. Sibylla Samia quæ & Herophila, in Samo insignis habetur. Numa Pompilius nullum cum finitimis bellum gessit. Olda mulier apud Hebræos prophetabat. Postea Sophonias, Hieremias annis XXXII. Post quem Ioachim añ. XI. Post quem Sedechias XI.

Romanorum quintus Tarquinius Priscus annis XXXVIII. Ancus Martius Numæ nepos. Tarquinius Priscus circum Romæ ædificavit, numerum Senatorum auxit, Romanos ludos instituit, muros & cloacas ædificavit, ad extremum ab Anci filiis, regnum eius, cui ipse successerat Primo anno captivitatis Ierusalem in Iudæa Nabuchodonosor Rex Chaldaeorum, Ierosolymis captis, templum incendit, quod ab initio ædificationis suæ transierant anni CCCCLII. quadragesima octava Olympiadē captivitas & exterminium templi, quod fuit in Ierosolymis añ. LXX. In Babylone prophetabant Daniel & Ezechiel.

De Romanis ac captivitate Ierusalē.

Tunc Romæ Servius ancillæ, sed nobilis captivæ filius, tres montes urbi addidit, Quirinalem, Æsquilinum, & Viminalē. Fossas circa muros duxit, censum Romanorum civium ipse primus instituit, & ad extremum Tarquini Superbi generi sui superioris regis filii scelere occisus est.

Romane urbis ampliatio.

Mortuo Nabuchodonosor Babyloniæ Rege suscepit imperium Evilmerodach. Cui successit frater eius Baltasar, cuius tempore liber Danielis scribitur. Romanorum Servius sextus regnavit annis XXXIII. Capta Hierosolyma ab Assyriis ad Vafrem regem Ægypti Iudæorum reliqui transfugerunt: Hieremias quoque Propheta

De regno Babylonia.

meminit. Corinthiorum monarchia destructa. Solis facta defectio; cum futuram eam Thales ante dixisset Olympiade LV. Initium regni Persarum. Cyrus Rex Medorum destruxit imperium.

*De Cyro
Persarum
Rege.*

Cyrus regnavit Persis subverso Astyage rege Medorum. Persarum Cyrus regnavit annis XXX. Cyrus Hebræorum captivitate laxata, quinquaginta ferme millia hominum regredi fecit in Iudæam. Qui constructo altari, templi fundamenta, iecerunt. Sed cum a vicinis gentibus fabricatio impediretur imperfectum opus usq; ad Darium permanfit. Cyrus Babyloniam capit.

*De Prophe-
tis, & Tar-
quinio.*

In Hebræis prophetabant Aggæus & Zacharias. quo tempore Hiesus filius Ioseph, & Zorobabel, regio genere, principes fuerunt eorum, qui regressi sunt in Iudæam. Colliguntur, omne tempus captivitatis Iudæorum, an. LXX. secundum quosdam à tertio anno Ioachim usque XX. an. Cyri computantur. Romanorum Tarquinius tunc regnabat annis XXXV. excogitavit vincla, taurea, fustes, latomias, carceres, compedes, catenas, exilia, metalla.

De Medis.

Regnaverunt Medi super Assyrios annis CCCLIV. Croesus à Cyro captus est, & Lydorum regnum destructum est, quod stetit an. CCXXX.

*De Holofer-
ne.*

Cambyfes qui & Nabuchodonosor. Rex vocatus est, sub quo historia Iudith, quæ Holofernem interfecit, scribitur. Apud Hebræos Aggæus & Zacharias prophetabat. Secundo anno Darii Regis templum in Hierosolymis construitur à Zorobabel, consummatur annis quatuor remissionis captivitatis Iudæorum. Et ædificatio templi initium sub Cyro habuit, consummatur sub Dario. Regnavit Persis, Assyriis & Ægypto.

*Initiū
Rom.*

Armodius Acidius & Aristogidus Inpargum regem interfecerunt. Et Lena meretrix amica eorum, cum tormentis cogeretur, ut reos proderet, linguam suam moribus amputavit. Pulsis urbe regibus attenuatum est valde Romanorum imperium. Romanorum reges septem à Romulo usq; ad Tarquinium Superbum imperaverunt annis CCXLIV. Romæ post exactos reges initio Consules à Bruto esse cœperunt. Deinde tribuni plebis ac dictatores & rursus consules Remp. tenuerunt per annos ferme CCCCLXIV. Censu Romæ agitato inventa sunt hominum centum viginti millia: Lapis tunc in Ænis fluvio de cœlo ruit. Persarum septimus Artabanus regnavit annis IIX. Artaxerxes annis XL. Anno ab urbe condita CCCII. tribuni plebis Romæ erecti consulibus eiectionis. Neemias tunc Hebræus minister vinarius consentiente domino suo, vigesimo eiusdem regni anno de Babylone venit, & muros Hierosolymis struxit. Romani denuo consules creati sunt. Si quæsieris de hebdomadis LXX. quæ in libro Danielis scriptæ sunt, reperiēs eas esse expletas in tempore Neronis Imperatoris, quæ faciunt annos * CCCCXL. Secundo postea à Vespasiano anno Hierosolyma capitur, ut Daniel prophetavit. Ex Ætna monte ignis erupit. Temporibus Consulium Galli Senonaci Romam incenderunt, excepto Capitolio.

*De Alexan-
dro.*

Alexander filius Philippi & Olympiadis nascitur. Romani Gallos superant. Nectenebon rege Ægyptiorum in Æthiopiam pulso, Ægyptiorum regnum destructum est, & in Romanam ditionē redigitur. Romani Samnitas duobus præliis & reliquas vicinas gentes superant. Descriptione Romæ facta inventa sunt civium centum quadraginta duo millia hominum. Alexander adversus Illyrios & Thracas feliciter dimicans vicit. Quibus subversis in Persas arma corripuit & apud Granicum fluvium rege ducibusq; oppressis urbem Sardis capit. Romanorum Consul Torquatus filium suum, qui plures prælio hostes vicerat, virgis cæsum securi percussit. Alexander capta Tyro Iudæam invadit. Post multas pugnas triumphans Alexandriam in Ægypto septimo regni sui anno ædificavit: & tenuit omnia quæ cœperat annis XII. Alexander Hyrcanos & Medos cepit. Alexander Ornem & Indum amnem transgreditur. Bellum egit Alexander, adversus Porum & Taxilononem dimicavit: & vicit Arpalus: fugit in Asiam. Alexand. XXX. ætatis suæ anno moritur in Babylone; postquam translatus est in multos eius imperium. Macedonum regnum Philippus frater Alexandri possedit.

*De Romā-
nis.*

Romani Samnitas diutissime adversus se pugnantes ad extremum in servitutem subiiciunt. Seleucus Consul Babyloniam & plures urbes ædificavit. Censu Romæ agitato inventa sunt civium Romanorum ducenta septuaginta millia hominum. Legati Alexandriam Ptolomæi transmissi Romanorum amicitiam petierunt. Romani Gallos superant, & Sabinorum terram sorte dividunt. Seleucus in Sicilia capto Demetrio Syriæ & Asiæ pariter imperavit. Sostratus ingressus est Alexandriam, quam

quam Romano subdidit imperio, & Pharum magnam in Alexandria fecit. Aratus
 argenteos nummos primus in orbe figurari fecit. Romani Carthagenenses navali
 praelio superant, & centum ibi urbes capiunt. Carthagenenses Romanorum naves in
 Sicilia capiunt Metello Consule in fugam vexis. Censu Romæ tunc agitato inventa
 sunt hominum ducenta sexaginta millia. Post an. quatuor Romæ templum Vestale
 incensum est. Post annos XII. quadraginta fere millia Gallorum fuerunt à Romanis
 cæsa. Post annum septimum Caria & Rhodos terræ motu concussa est, ita ut colossus
 magnus rueret. Post annos, item septem victi Iudæi & sexaginta millia armatorum à
 Romanis cæsi, Romanam redacti sunt in ditionem. Post annos tres Romani Marcel-
 10 lo consule Syracusam capiunt.... Siciliam. Post annos septemdecim Romani Græ-
 cæ sibi liberos esse iusserunt, & universis Hebræis ita fecerunt. Postea per Antiochum
 regem Iudæi contra Romanos cœperunt rebellare, & ad idololatriam cogente Antio-
 cho sunt conversi. Tunc Sacerdotes & duces Machabæi propter regem custodien-
 dum surrexerunt, sicut scriptum est in lib. Machabæorum. Romani interfecto Seleu-
 co rege Macedones tributarios faciunt. Descriptione Romæ facta inventa sunt ho-
 minum trecenta viginti duo millia. Oppius consul Gallos capit. Et Carthago in di-
 tionem Romanam per Scipionem redigitur; habens, quod condita fuit annos septin-
 gentos quadraginta novem. Ptolomæus Demetrio filiam suam tradidit uxorem.
 Cum regnaret in Ægypto & in Ierosolymis super Iudæos, dedit Demetrio genero suo
 20 regnum quod abtulerat patri suo Antiochus rex. Antiochus rex filio Alexandro fra-
 tre Demetrii interfecto, ad extremum se interfecit. Bellum civile ortum est in illo
 tempore in Sicilia. Primus liber Machabæorum temporibus Antiochi scriptus est in
 Iudæa. Arsaces Parthus Antiochum interfecit. Servi qui in Sicilia rebellabant, ob-
 fidionis necessitate compulsi ad sua invicem cadavera devoranda conversi sunt. Ar-
 vernia tunc nobilis Galliarum urbs capta. Et rex Veturus iuxta Tulæ insulam igni est
 conflatus. Samariam urbem Herodes restaurans, Sebasten in honorem Augusti ap-
 pellare voluit. Græci victi à Romanis subiiciuntur. In Sicilia bellum civile confur-
 git. Deprehenso Ptolomæo per matrem Cleopatram in Sicilia bellum civile quievit.
 Ptolomæus rex Cyrenæ moriens Romanos testamento reliquit hæredes. Seleucus
 30 ab Antiocho vivus exurit. Antiochus in Parthos fugatur; Pompeio consuli se de-
 inceptis tradidit. Pompeius Syriam in ditionem redegit. Antiochus reversus de fuga
 regnum obtinuit. Plotius Gallus, Latinorum Rhetoricam docuit, sicut Cicero re-
 fert: pueris nobis primum latine dicere cœpisse Plotium quendam. Descriptione
 tunc Romæ facta, inventa sunt hominum quadringenta quadraginta quatuor millia.
 Voltacilius Plautus Pompei Consulis libertus doctor scholam Romæ primum inve-
 nit. Pompeius gloriosissime triumphavit.

LVCVLLVS primus Imperator appellatus est, victa Armenia & Mesopotamia, &
 Nisibi cum fratre accepta Pompeius universam Hiberiam subiugavit. Lucullus
 de Bessis triumphavit. Virgilius Maro in pago qui *Ædis dicitur, non procul à Man-
 40 tua nascitur. Antiochia ab Assyriis capta. Aristobulus & Hyrcanus filii Alexandræ
 contra se de Imperio dimicantes, occasionem præbuerunt Romanis, ut Iudæam in-
 vaderent. Pompeius Ierosolymam veniens, capta urbe & templo observato ad San-
 cta sanctorum accedit. Aristobulum victum secum adducit. Hyrcanum deinde
 Antipatrum Herodis Ascalonitæ filium procuratorem Palæstinæ fecit. Pompeius ca-
 ptis Ierosolymis, tributarios Iudæos facit. Pompeius secundus Imperator appellatur.
 Cæsar Lusitaniam & quasdam Insulas in Oceano capit. Cæsar Rhenum transiens
 Germanos & Gallos capit.

Postquam C. Iulius Cæsar primus Romanorum singulare obtinuit imperium, De Iulio Cæ-
 Romanorum princeps appellatus est. Pompeius praelio victus fugiens, à spadonibus
 50 Alexandri regis occiditur. Ptolomæi cadauer cum lorica aurea in Nilo inuenitur. Cæ-
 sar in Ægypto regnum Cleopatræ confirmat, ob stupri gratiam. Cleopatra regio comi-
 tatu ingressa urbem, prohibet lecticis & margaritis uti. Antonius decernit Quinti-
 lem mensem Iulium debere dici, quia in eo fuisset natus. C. Iulius Cæsar in Curia oc-
 ciditur: corpus in rostro rumore concrematur. Romæ tres exorti Consules in ea-
 dem urbe fuerunt. Inter cætera portenta, quæ in toto orbe facta sunt, bos ad aran-
 tem in suburbano locutus, frustra se urgeri: non enim frumenta, sed homines brevi
 defuturos.

ROMANORVM secundus post Iulium singulare Octavianus assumpsit impe-
 rium, qui primum Augustus Cæsar appellatus est. regnavit annos LXII. menses

De Octavi-
no Cæsare.

sex. Post quem Augusti appellati sunt reges Romanorum. Antonius adversus Cæsarem Augustum bellum movit. Falcidius tribunus plebis legem tulit, ne quis plus testamento legaret, quam ut quarta pars hæredibus superesset. Trans Tyberim fluvium oleum terra erupit, quod tota die sine intermissione fluxit, significans Christi gratiam ex gentibus. Antonium superat Augustus Octavianus & interveniente Senatu, eum in gratiam recepit. Antonius Patritius contra Iudæos dimicans tandem occiditur, & regnum Iudæorum tunc fuit destructum. Herodes postea à Romanis constitutus princeps. Virgilius in Cappadocia moritur. Herodes à Romanis Iudæorum suscepit principatum. Cuius tempore Christi nativitate vicina, regnū & sacerdotium Iudæi, quod prius per successionem Assamonæorum tenebatur, destructum est; 10 completa prophetia, quæ ita per Moysen loquitur: Non deficiet princeps ex Iudæa, neque dux de femoribus eius, donec veniat, cui repositum est: & ipse erit expectatio gentium. In hoc loco etiam Christus, quem Danielis scriptura præfatur, accepit finem. Nam usque ad Herodem, Christi, id est, Sacerdotes erant reges Iudæorum, qui imperare cœperunt * 165. Olympiade; & ab instauratione templi sub Dario usque ad Hyrcanum & CLXXXV. Olympiade; an. CCCCLXXXVII. in mediis an. transactis, quos Daniel significat, dicens: Et sciens & intelligens ab initio sermonem respondendi & ædificandi Hierusalem, usque ad Christi principatum, hebdomades VII. & hebdomades sexaginta duæ: quæ sexaginta novem hebdomadæ faciunt an. quadraginta quatuor. Herodes Antipatri filius nihil ad se pertinentem Iudæam ab Augusto & 20 Senatu accepit: filiique eius post eum regnaverunt, usque ad novissimam Ierosolymæ captivitatem. Quæ omnia etiam Daniel propheta vaticinatur, ita dicens: Et post hebdomadas septem & sexaginta duas, peribit chrisma, & iudicium non erit in eo: & templum & sanctuarium corrumpet populus cum duce veniente: & cædentur in catadistimo belli. Et in consequentibus: Et super templum, inquit, abominatio desolationum usque ad consummationem temporis; & consummationem dabit super dissolutionem.

Gen. 49.

Dan. 50.
Euseb. 95.

Dan. 9.

Dan. 7.

Herodes Ananæum quendam Pontificem Iudæorum instituit, & post exiguum temporis Aristobulum fratrem uxoris suæ, nepotem successorem dedit, quo post annum unum interfecto, Ananæo reddidit sacerdotium. 30

Lunæ cursus tunc à Romanis inventus est.

Antonius Cleopatram Arabiam tradit. Augusti & Antonii tertiæ dissensionis exordium fuit, quod repudiata sorore Cæsaris, Cleopatram duxit uxorem. Cleopatra & Antonius semet interficiunt, & ob hoc Ægyptus fit Romana provincia, quam primus tenuit consul Cornelius.

De Augusto
& Caio.

Tertio decimo anno imperii Octaviani, monarchiam habere meruit Cæsar Augustus; & ita appellatus est: à quo Sextilis mensis Augusti nomen accepit. Cum ingenti triumphorum pompa Augustus Romam ingressus est. Cleopatram liberi Sol & Luna ante currum eius ducti. Augustus Romanis plurimas leges statuit. Censu Romæ agitato inuenta sunt civium Romanorum XLII. millia, centena & LXIV. millia. Hæc 40 descriptio XIIII. anno imperii Octaviani facta est. Augustus Calabriam & Gallos vstigales fecit. Munatius Plancus Ciceronis discipulus, orator insignis habetur: qui cum Galliam Comaram regeret, Lugdunum condidit.

ms. Vindelicos, & vindiculos. cor-rigo Vindelicos ex Euseb.

Anno XXI. imperii Octaviani Tiberius, ab Augusto missus, occupavit Armeniam. Herodes ab Hierosolyma multas & magnas ædes cõstruit. Herodes Samariam olim, iam in cineribus sedentem, à fundamentis suscitans, in honorem Augusti Augustam, id est, Sebasten appellavit. Augustus Samiis libertatem dedit. In Cypro plurimæ civitatum partes terræ motu corruerunt. Germanos in arma verfos Lollius superat. Augustus XXIX. anno imperii sui Caium adoptavit in filium. Tiberius Vindelicos, & eos qui Thraciarum confines erant, Romanas provincias facit. Herodes Cæ- 50 saream in nomine Cæsaris condidit. Antidonam & Antipatridam condidit: innumera opera quoque in singulis Syriarum urbibus, quas regnavit soletissime, ædificavit. Herodes Hyrcanum, qui olim sacerdos Iudæorum fuerat, de captivitate Parthica regressum, & filium eius, qui sacerdotio patris successerat, interfecit. Sororem quoque eius uxorem suam cum duobus propriis filiis adolescentibus, & matrem uxoris occisæ socrum suam crudelissime necavit. Augustus Iuliam filiam suam in adulterio deprehensam damnat exilio. M. Tullius Tyro Ciceronis libertus, ipse primus notas commentus est. Herodes ad ea, quæ supra crudeliter gesserat, etiam hoc addidit, virum

virum sororis suæ Salomæ interfecit; & cum eam alii tradidisset uxorem, etiam ipsum hecat. Interpretes divinæ legis occidit.

Colliguntur omnes anni ab Abraham usq; ad Nativitatem Christi, an. duo mil-
lia quindecim. Tertullianus in eo libro, quem contra Iudæos scripsit, affirmat quadra-
gesimo primo an. Augusti natum, & decimo quinto Tiberii esse passum. Augustus
Tiberium & Agrippam in filios adoptavit. Iudas Gallilæus ad rebellandum Iudæos
cohortatur. Herodes cum Christi Nativitatem Magorum indicio cognovisset, uni-
versos Bethleem parvulos iussit interfici. Herodes morbo intercutis, & scatentibus
toto corpore vermibus, miserabiliter & digno moritur cruciatu. Augustus quinqu-
agesimo quinto imperii sui anno, cum Tiberio filio suo censum Romæ agitans. Inven-
ta sunt hominum nonaginta centena millia. Archelaus nono anno regni sui in Vien-
tia urbe Galliarum moritur. Defectio solis facta. Augustus * septuagesimo sexto æta-
tis suæ anno Atellæ in Campania moritur, sepultusq; est Romæ in Campo Martio. Im-
peravit Tiberius annis xxiii. Germanicus Cæsar de Parthis triumphavit. Tiberius
multos reges ad se per blanditias evocavit, nec remisit, quem attrahere potuit, & Ar-
chelaum Cappadocem, cuius regnum in provinciam erat versum, Agriacham novissi-
mam civitatem Cæsaream appellare iussit. Tiberius Drusum consortem imperii fecit.
Drusus Cæsar veneno periit anno xlv. imperii Tiberii. Ioannes filius Zachariæ in
deserto iuxta Iordanem fluvium prædicans Christum filium Dei in medio eorum adesse
testatur. Ipse quoq; Dominus IESVS Christus hic in principio salutarem iam adnunci-
at signis atq; virtutibus viam: vera comprobant esse, quæ dicerentur per Prophetas.

Computantur in præsentī an. id est, Tiberii Cæsaris xxxiv. à secundo anno instau-
rationis Templi, quæ facta est sub altero an. Darii regis Persarum, an. dclviii. à Sa-
lomone autem & prima ædificatione templi anni mille quadraginta. à Moysæ & e-
gressu Israel ex Ægypto anni mille octingenti novem. Ab Abraham & regno Nini &
Semiramidis ann. duo millia quadraginta quatuor. à diluvio usque ad Abraham anni
nongenti quadraginta duo. Ipse Christus filius Dei salutarem cunctis prædicans viam,
miracula, quæ in Evangelio scripta sunt, facit. Iesus Christus filius Dei discipulos suos
divino imbuens sacerdotio, ut universis gentibus conversionem ad Deum nuncient
imperat. Ipse Christus filius Dei secundum Prophetas, quæ de eo fuerant prælocuti,
ad Passionem venit anno Tiberii decimo quinto. Quo tempore etiam in aliis Ethni-
corum commentariis hæc diversa scripta comperimus. Solis facta defectio, ita ut in
tenebrosam noctem dies media converteretur, & stellæ apparerent. Bithynia terræ
motu concussa est, quæ omnia his congruunt, quæ in Passione Salvatoris acciderant.
Argumentum autem huius diei, quod Salvator isto anno passus sit, Evangelium præ-
bet Ioannis, in quo scribitur xv. anno Tiberii Cæsaris tribus annis dominum prædi-
casse. In templo Ierosolymis subito erupit vox dicentium, Transmigremus ex his se-
dibus. Eodem anno Pilatus præses, secreto noctis, imaginem Cæsaris in templo statu-
erat. Hæc prima seditio & turbarum Iudæis causa. Ecclesiæ Ierosolymorum primus E-
piscopus ab Apostolis ordinatus est Iacobus frater Domini. Ex hoc considerandum,
quantæ deinceps calamitates Iudæorum gentem oppresserint. Pilatus post supradic-
tam seditionem, quæ ob Cæsaris imaginem fuit concitata, sacrum thesaurum, quem
Corbonam Iudæi vocant, in aquæductum Ierosolymorum exposuit. Secunda seditio
Iudæorum fuit anno xxi. imperii Tiberii. Agrippa filius Herodis regis accusator He-
rodis Terrarchæ Romam profectus à Tiberio in vincula mittitur. Pilatus de Christiano-
rum dogmate refert, Tiberius senatui dicens, ut inter cætera sacra reciperent, præ-
cepit. Tiberius per edictum accusatoribus Christianorum comminatus est mortem.
Multi senatorum & equitum Romanorum interfecti. Tiberius in Campania moritur.

Romanorum 4. Caius imperavit an. 4. & menses 10. Gaius Cæsar cognomento
Caligula Agrippam vinculis liberatum, regem Iudæis fecit. Gaius semetipsum in De-
os refert. Flaccus multos Iudæos calamitatibus premit, consentiente Alexandria po-
pulo. Gaius Mammii reguli uxorem duxit, impellens eum, ut uxoris suæ patrem esse
se scriberet. Pontius Pilatus in multas incidens calamitates, propria se manu interfe-
cit. Gaius Ierosolymam statuam suam sub nomine Iovis Maximi ponere præcepit. Pluri-
mi nobiliū à Gaio sunt interfecti. Gaius sorores suas, quibus stuprum intulerat, exilio
condemnavit. Gaius omnes exules iussit interfici, Gaius à protectoribus suis in pa-
latio occiditur, anno ætatis suæ 29.

Romanorum v. CLAUDIUS imperavit annos xiv. menses ix. dies xxviii. Iste
est Claudius patruus Drusi, qui apud Moguntiam monumentum habet. Petrus Apo-
stolorum auctor primus postquam Antiochenam Ecclesiam in Episcopatu fuisse dasset,

De Christo
Salvatore
nostro.
Tertull ad
Iudæos cap. 8

al. nonagin-
ta ter cente-
na millia.

Quando pas-
sus sit Chri-
stus.
Confer cum
Eusebio.

de Gaio Cæ-
sare.

Mammii re-
guli. vel re-
gentis exerci-
tus. Ita enim
Sueton. Ca-
lig. 25.

Lollia Pau-
lina C. Mæ-
mio consula-
ri, exercitus
regenti nu-

ptam Sc.
coniunxit
sibi.

Romam mittitur. Vbi Evangelium prædicans XXV. annis eiusdem urbis Episcopus perseverat. Marcus Evangelista interpret Petri Ægypto & Alexandria Christum annunciat. Primus Antiochiæ Episcopus ordinatus Euodius. Agrippa rex Iudæorum regnavit an. XXVI. post quem filius suus Agrippa à Claudio substituitur in regno. Fames ingens, quæ prædicta fuerat sub Claudio, toto orbe fuit. Claudius de Britannis triumphavit, & Orcadas insulas Romanorum subiecit imperio. Descriptio Romæ V. anno Imperii Claudii facta. Inventæ sunt civium Romanorum LXIX. centena & LXIX. millia. Græcia eiusq; regna in provinciam rediguntur. Hierosolymis orta seditio, ut in portarum exitu corrueret: triginta millia Iudæorum perierunt. Claudius felicem Procuratorem in Iudæam mittit: apud quem Paulus Apostolus accusatur. Sub Felice Procuratore Paulo dicitur à tribuno, Nonne tu es Ægyptius; qui ante hos dies congregasti & eduxisti in desertum quatuor millia virorum sicariorum? Claudius XIV. anno imperii sui in palatio, ætatis suæ LXIV. moritur.

De Nerone.

Romanorum VI. regnavit NERO annos XIII. menses VII. & dies XXVIII. Huius avunculus fuit CAIUS Caligula. Felice regnante in Iudæa seditio in Cæsarea Palæstinorum orta est. Magna Iudæorum periit multitudo. Festus successit Felici, apud quem præsentem Agrippa rege Paulus Apostolus religionis suæ rationem exponens, vinculus Romam mittitur, anno tertio Imperii Neronis. Terræ motus Romæ & solis facta est defectio. NERO Agrippinam matrem suam, & sororem matris suæ interfecit. NERO tantæ luxuriæ fuit, ut frigidis & calidis unguentis lavaretur, retibusq; aureis piscaretur, quæ purpureis funibus extraherent. Iacobus frater Domini, quem omnes Iustum appellabant, à Iudeis lapidibus opprimitur. Cui Simeon secundus Episcopatum assumpsit. Ante mensam Neronis fulmen de cælo cecidit. Thermæ Neronianæ ædificatæ sunt. NERO ut similitudinem Troiæ ardentis inspiceret, plurimam partem Romanæ urbis incendit. Duæ tantum provinciæ sub Nerone factæ, Pontus Ptolemæicus, & Alpes Cottiæ. Cœtio rege defuncto multi nobilium à Nerone interfecti. Neroni in expensas centies centena millia, decreto Senatus, annua subministrantur. NERO cum cæteris Octaviam uxorem suam interfecit, Cornutum philosophum Persii in exilium relegat. Primus NERO super omnia scelera sua etiam persecutionem in Christianos facit. Petrus & Paulus gloriose Romæ occubuerunt: Petrus crucifigitur, & Paulus gladio capite truncatur. Iudæos tunc contra Romanos rebellantes, Vespasianus à Nerone transmissus, plurimas urbes Iudæorum capit. NERO cum à Senatu queritur ad pœnam, à palatio fugiens ad V. urbis miliarium in suburbano liberti sui inter Salariam & Numentanam viam semetipsum interfecit, anno ætatis suæ XXXII. atq; in eo omnis Augusti familia consumpta est.

Suet. Ner. cap. 48.

**log. Bebrin. enm.*

Post Neronem GALBA in Iberia, VITELLIVS in Germania, OTTO Romæ imperium administraverunt. Magister militum Fabius Quintilianus Romam à Galba perducitur. Galba VII. mense imperij sui in medio Romanæ urbis foro capite truncatur. Vespasianus duobus præliis superat Iudæos. OTTO III. regni sui mense apud Vitricum propria manu occubuit. Vitellius à Vespasiani ducibus occisus, in Tiberim proicitur.

Romanorum VII. imperavit VESPASIANVS annos novem, menses undecim, dies 22. VESPASIANVS apud Iudæam Imperator appellatus, & bellum Tito filio suo commendans Romam per Alexandriam proficiscitur. Tunc Iudæorum regnum finitum est. Titus Iudæam captam & Ierosolymis subversis sexcenta millia virorum interfecit, undecies centena millia fame & gladio ex eis periere: & centum millia captivorum publice sunt vendita: quia ex omni gente Iudæorum ad tempus Paschæ in urbe quasi carcere sunt reclusi. Oportuit enim in iis diebus Paschæ eos interfici, qui Salvatorem crucifixerunt. Colligitur omne tempus, in secundo anno Vespasiani & novissima everfione Hierosolymorum CCXV. anni, Tiberii Cæsaris & ab exordio Evangelicæ prædicationis, an. XLII. à captivitate autem, quam ab Antiocho perpassi sunt, anni, CCXXXVIII. Porro à Darii secundo anno, quo rursum templum ædificatum est, anno DCLXI. A prima autem ædificatione templi, sub Salomone, usq; ad novissimam eius ruinam, quæ à Cæsare Vespasiano facta est, anno millesimo centesimo secundo. Vespasianus capitolium ædificavit. Germanos rebellantes superat, & Avenicum civitatem ædificari præcipit, à Tito filio suo postea expletur, & nobilissima in Gallia Cisalpina efficitur. In Alexandria facta est seditio. Colossus Romæ erectus habens in altitudine pedes CVII. quem in nomen & laudem victoriæ, quam in Germania fecerat, erexit. Vespasianus mortuus est profluvio ventris, in villa propria an. ætatis suæ LXIX.

Romæ

Romanorum LX. Titus imperauit annos duos, menses duos. Titus filius Vespasiani in vtraq; lingua peritissimus fuit, & tantæ bonitatis, vt cum quadam die recordatus fuisset in cæna, nihil se cuiquam præstitisse, dixerit, Amici, hodie peridi diem. Mons Bibius in Asia subtus in vertice tantum eiecit incendium, vt regiones vicinas cum hominibus exureret. Titus amphitheatrum Romæ ædificauit, & in dedicatione eius quinq; millia ferarum occidit. Romæ Ecclesiæ secundus Episcopus Cletus an: XII. Titus vniuersam Galliam circuiuit, & Auenticæ ciuitatem, quam pater inceperat, expleuit, gloriose: & quod eam diligebat, ornauit. Titus Romam rediens morbo periit in ea villa qua pater suus.

*Nomē mō-
tis huius mi-
re variant.
Georg. Ce-
dren. Besbi.
Silio Italico
Vesprius: aliis
Vesuius, Ve-
senus, Vesu-
vius.*

*Vide Syno-
nymiam Or-
telii.*

*De Vesuu
eruptione
Sueton. Tit.
cap. 8. Dio
in Tito. Plin.
Epist. ad
Taci.
De Domitiā-
no Cesare.*

10 Regnavit DOMITIANVS an. XV. & menses V. Titi frater iunior fuit. Domitiani vxor Augusta appellatur. Domitianus eunuchos fieri prohibuit. plurimos Senatorū Domitianus in exilium mittit. Domitianus templum sine lignorum administratione construxit. Primus Domitianus Dominum se & Deum appellari iussit. Duos menses aliter appellari fecit; Septembrem, Germanicum; Octobrem, Domitianum. Domitianus plurimos nobiliū exilio damnauit atq; occidit. Domitianus de Dacis & Germanis triumphauit. Domitianus tantæ superbix fuit, vt aureas & argenteas statuas sibi in Capitolio poni iusserit. Domitianus multos nobilium perdidit, quosdam vero in exilium misit. Secundus post Neronem Domitianus Christianos persequitur: & sub eo Ioannes Apostolus in Pathmos insulam relegatus Apocalypsin scripsit. Domitianus
20 rursus philosophos & mathematicos Romæ per edictum proscribit. Domitianus eos, qui de genere Dauid erant, interfici præcepit vt nullus Iudæorum regum reliquis esset. Domitianus in palatio occiditur, & per vespillones ignobiliter portatus sepelitur anno ætatis suæ * XXXVI.

al. 36.

Romanorum decimus regnavit Nerua an: I. menses IV. Senatus decreuit, vt omnia quæ Domitianus statuerat, irrita essent, & multi, quos iniuste eiecerat, de exilio sunt reuerfi. Et Apost: Ioan: hoc tempore exilio solutus Ephe: secessit; in qua vrbe hospitium & amicos amantissimos habebat. Nerua morbo periit in hortis Salustianis anno ætatis suæ 72. cum iam Traianum adoptasset in filium. Traianus Agrippinæ in Galliis Imperator factus, natus in Hispania.

30 Romanorum vndecimus regnavit TRAIANVS annos XIX. menses VI. Decreto Senatus Nerua in Deos relatus. Ioannes Apostolus vsq; ad Traiani tempora perman- sit. Traianus de Dacis & Scythis triumphauit. Traianus victo rege Decibalo Daciam fecit prouinciam: Iberos, Sauromatas, * Ruinos, Arabes, Bosphoranos, Colchos in fidem accepit. Seleuciam, Ctesiphontem, Babyloniamq; occupauit. Romæ aurea domus incendio conflagrauit. Terræ motu quattuor vrbes Asiæ sunt subuersæ. Traianus aduersus Christianos persecutionē mouens, multos Christianos interfecit. Traianus Armetiam, Assyriam, Mesopotamiam fecit prouincias. Traianus profluvio ventris extinctus est anno ætatis suæ * LXIV. mense IX. die IV.

*al. Asirunā:
quidā Cro-
neos, quidam
Hofdroenos
nominant
hic sunt qui
Agarenos ex
Dione legāt.
al. 63.*

Romanorum duodecimus ADRIANVS in Hispania natus consobrinæ Traiani fi-
40 litus fuit. Adrianus Alexandriam subversam à Romanis, publicis restauravit expen- sis. Adrianus Traiani invidens gloriæ, de Assyria, Mesopotamia, & Armenia, quas ille provincias fecerat, revocavit exercitus. Adrianus Iudæos rebellantes capit. Senatus Traianum in Deos refert. Adrianus in vtraq; lingua eruditus benigniter tributa uf- bium plurimum relaxavit, * polepticis publicis incensis plurimos a tributis liberos fecit. Adrianus edictum dedit, sine obiectione criminum Christianos non condem- nandos. Imperator Adrianus pater patriæ appellatur, & uxor eius Augusta. Adrianus bibliothecam miri operis extruxit. Iudæis rebellantibus Adrianus mittit ad repri- mendum exercitum eorum: que rebellio finem accepit; & ita oppressi sunt, ut ex eo tempore etiam eis introeundi in Ierusalem sit licentia ablata. Primus ex gentibus Ie-
50 rosolymis tunc constituitur Marcus Episcopus, cessantibus his qui fuerant ex Iudæis Adrianus morbo moritur sexagenarius.

*al. Polemici.
Corrige
tu has voces
ex Dione &
Spartiano
qui de Syn-
graphis in-
censis multi.*

Romanorum XIII. regnavit Titus, cui nomen ANTONINVS PIVS, annos XXII. menses * III. cum liberis suis Aurelio & Lucio. Antoninus pater patriæ appellatur. An-
toninus Pius in villa propria XII. ab urbe milliario moritur, anno vitæ septuagesimo septimo.

al. menses 4.

Romanorum XIV. regnavit MARCVS ANTONINVS annis XIX. mense uno: cum quo consortes fuerunt regni * Lucius Aurelius & Commodus. Hi primum æquo iure imperium administraverunt; cum usq; ad hoc tempus singuli Augusti fuerint. Lucio
Cæsare Athenis sacrificante, ignis in cælo ab oriente in occidentem ferri vilus. Luci

*al. Lucius &
Aurelius
Commodus.
Hic sollicite
m. s. var. lect.*

nota, propter
ingentes dis-
ensiones de
nomencla-
tura horum
Imp. de qua
Baron. ann.
1633.
* Capitolin.
in Marcò ha-
bet: in ve-
hiculo.
al. Pertinaci
exercitum
eo in Gotho-
rum regione
oppressus.

Cæsar de Parthis cum fratre triumphavit. Plurimi in Galliis gloriose ob Christi no-
men interfecti. Lucius Imperator anno regni sui nono in Concordia apoplexia ex-
tinctus est, sedens cum fratre in * cubiculo. Pseudo prophetia quæ Cata-Phrygas no-
minatur, accepit exordium. Tanta undiq; tunc fuit inundatio gentium, ut totus Ro-
manorum exercitus ad internecionem delectus fuisset. Imperator Antoninus multis
adversum se nascentibus bellis sæpe ipse intererat; sæpe duces nobilissimos destina-
bat. Semel * pertinaciter exercitu confligebat in Gothorum regione; & oppresso plu-
via divinitus missa est; cum è contrario Germanos & Sarmatas persequeretur imber.
Christianis militibus fortiter deprecantibus ad extinguendam sitim illorum hoc fuit
præstitum. Antoninus commodum filium suum conlortem regni facit. Descriptiones
iniquas in foro incendi iubet. Leges severiores integra emendatione instituit. Anto-
ninus post victoriam in editione munerum mirificus fuit. Smyrna urbs Asiæ terræ
motu ruit. Antoninus in Pannonia morbo perit.

Commodus.

Romanorum XV. regnavit COMMODVS annis XIII. Commodus de Germanis
triumphavit. Commodus Imperator Colossi capite sublato suæ imagini caput iubet
imponi. Commodus multos nobilium interfecit. Incendio Romæ factò, palatiū, ædes
Vestæ, plurimaq; urbis pars solo æquantur. Commodus strangulatus in domo Vestali
moritur.

Romanorum XVI. Ælius regnavit menses VI. PERTINAX cognominatus: qui
obsecrante uxore sua Augusta, ut filium suum Cæsarem appellaret, cōtradixit: suffice- 20
re, dicens, quod ipse regnaret invitus. Occiditur in palatio, IULIANI iurisperiti scele-
re, quem postea Severus apud Milvium pontem interfecit.

Romanorum XVII. regnavit SEVERVS annos XIX. Severus Parthos & Avaros su-
peravit. Severo imperante thermæ Severianæ Romæ factæ. Persecutio in Christianos
facta. * Leonides gloriose martyrium accepit, CLAUDIO ALBINO, qui se in Gallia Cæ-
sarem fecerat, apud Lugdunum interfecto. Severus in Britannos bellum transfert: ubi
recepta maxima eiusdem provinciæ parte, murum per centum triginta quinque millia
à mari ad mare duxit. Severus moritur Eboraci in Britannia.

Romanorum XIX. regnavit ANTONINVS cui nomen CARACALLA, Severi filius
an. VII. Antoninus Romæ thermas sui nominis Antoninianas ædificavit. Tam impa- 30
tiens fuit suæ libidinis, ut novercam suam Iuliam uxorem duceret. Antoninus interfi-
citur an. ætatis suæ XLIV.

Romanorum XIX. MACRINVS regnavit anno uno. Interficitur in Archelaide.

Romanorum XX. regnavit AVRELIVS annis IV. impudicè. Romæ occiditur tu-
multu militari.

* Herodian.
lib. 6. &
Lampridius
Artaxerxem
vocant.

Romanorum XXI. regnavit Alexander Mammeæ filius annis XIV. Alexander *
Xerxem regem Persarum gloriosissime vicit. Thermæ Alexandrinæ Romæ ædificatæ.
Alexander occiditur Moguncie, super Rheno fluvio, tumultu militari.

Romanorum XXII. MAXIMINVS an. quatuor. Maximinus primus ex corpore mi-
litari ab exercitu electus est. Imperator. à Popione occiditur.

Romanorum XXIII. regnavit GORDIANVS. In palatio occiditur Gordianus, cum 40
de Parthis triumphavit, fraude Philippi Præfecti Prætorii. Philippus filium suum con-
sortem regni fecit, primusq; omnium ex Romanis Imperatoribus Christianus fuit.

Regnante PHILIPPO millesimus an. Rom. urbis expletus est. Philippus nominis
sui in Thracia urbem construit. Philippus senior Veronæ occiditur.

Romanorum XXIV. regnavit DECIVS anno uno mensibus tribus: qui in Panno-
nia inferiori natus fuit. Cum duos Philippos patrem & filium interfecisset, ob odium
eorum, in Christianos persecutionem movet. Antonius monachus in Ægypto nasci-
tur. Decius cum filio in Africa occiditur.

Romanorum XXV. regnavit GALLVS & VOLVSIANVS Galli filius an. I. mens. III. 50
Gallus & Volusianus ab Æmiliano interfecti sunt.

Romanorum XXVI. regnavit VALERIANVS & GALLIENVS an. XV. Valerianus
in Rhetia ab exercitu Cæsar appellatus est. Valerianus in Christianos persecutione cō-
mota statim à Sapore rege Persarum capitur, ibique servitute miserabili consenescit.
Sapor rex Persarum Syriam, Ciliciam depopulatur Valeriano in Persas ducto. Sapor
Rex, de dorso Valeriani semper equum ascendebat.

GALLIENVS firmatur in imperio. Germani Ravennam veherunt. Alamanni va-
statum Aventicum pervenerunt, inæstimabili nocumento & plurimam partem Galli-
arum vastaverunt, indeq; in Italiam transferunt. Græci Pannoniam occupaverunt.
Germa-

Germani Hispanias obtinuerunt, etiam & Syriam incurſaverunt, Francos in eorum habentes auxilio. Gallienus Mediolani occiditur.

Romanorum XXVII. regnavit CLAUDIVS annos XL. & menses* novem. Claudius Gothos, Illyricum, & Macedoniam vastantes superat. Claudius Syrmii civitate Pan-^{al. 8. l. fratres} noniæ moritur. ^{ex Pop. suo.}

QVINTILIVS Claudii* pater à Senatu Augustus appellatur. XVII. die Imperii sui occiditur.

Romanorum XXVIII. AVRELIANVS annos V. & menses II. Aurelianus, Tetrico apud Cataulanenſem exercitum gubernante, Gallias recepit. Cenobia apud Emmaus non longe ab Antiochia vincitur, quæ, occiſo marito ſuo, Orientis tenebat imperium: in qua pugna ſtrenuiſſime apud eandem pugnavit Pompeianus dux genere Francus, cuius familia uſq; hodie apud Antiochiã perſeverat. Cuius Pompeiani inſtantia maxima pars Aſiæ ditioni Romanæ ſubiicitur: ex cuius ſtirpe EVAGRIVS chariſſim⁹ nobis preſbyter deſcendit. Tetricus Aurelianum Romæ triumphantem & Cenobia præceſſerunt. Aurelianus templum Solis ædificat, Romam firmiorib⁹ muris vallat. Aurelianus cum adverſus Chriſtianos perſecutionem moviſſet, à fulmine occiditur.

Romanorum XXIX. regnavit TACITVS menses VII.

Quo apud Pontum occiſo, obtinuit FLORIANVS imperium dies 89. qui apud Tharſum interficitur.

20 Romanorum XXX. regnavit PROBUS annos VI. menses IV. Probus Gallias à barbaris occupatas, ingenti virtute reſtituit. Probus Galliis & Pannoniis vineas habere permittit. Probus tumultu militari apud Syrmium in turri, quæ vocatur Ferrata, occiditur.

Romanorum XXXI. regnavit CARVS cum filio CARINO & NUMBRIANO. Carus fulmine eſt mortuus. Numerianus ob oculorum dolorem cum lectica veheretur, inſidiis Apri ſoceri ſui occiſus eſt, vix ſœtore cadaveris poſt aliquot dies comperto ſcelere. Carinus in prælio victus apud Murgum occiditur.

Romanorum XXXII. regnavit DIOCLETIANVS an. XX. qui primò pro ſcelere generum ſuum interfecit. DIOCLETIANVS in conſortio regni ſui Herculium Maximianum adſumit: qui ruſticorum multitudine oppreſſa, qui factioni ſuæ Baccaharidarum nomen indiderunt. pacem Galliis reddidit. Carauſius ſumpta purpura Britannias occupavit. Narſeus in Oriente bellum intulit. Achildis Ægyptum obtinuit. ob quæ Valerius Maximianus Cæſares aſſumuntur in regno. DIOCLETIANVS etiam affinitate coniungitur: & Conſtantiuſ privigniæ Herculei Theodoram accepit, ex qua poſtea ſex liberos Conſtantini fratres habuit; Gallerius filiam Diocletiani Valeriam; ambo uxores, quas habuerunt. repudiare compulſi. Carporum & Baſternorum gentes in Romanum ſolum translati. Primus Diocletianus adorari ſe ut Deum iuſſit: veſtibus, calceamentisq; gemmas inſeruit; cum ante eum omnes Imperatores in modum iudicium ſalutarentur, & chlamydem tantum purpuream à privato habitu plus haberent. Poſt 40 decem annos Britannia rebellantes, ab Aſclepiodoro receptæ. Iuxta Lingonas à Conſtantio Cæſare ſexaginta millia Alamanorum cæſa. Paulatim decimam illo tempore perſecutionem adverſus Chriſtianos incipiens prælio Galerius ſuperior, Narſeo, uxoribus, ac liberis, ſororibusq; eius captis à Diocletiano ingenti honore ſuſcipitur. Therma Romæ à Diocletiano factæ. Diocletianus & Maximianus Auguſti inſigni pompa Romæ triumphaverunt. Nouendecim annis Diocletiano regnante quatuor* Sedum cum populo, eodem iubente ſubverſi ſunt: ſecundo anno perſecutionis Diocletianus & Maximianus Mediolani purpuram depoſuerunt. Maximianus & Severus à Galerio Maximiano Cæſares facti. Conſtantiuſ XVI. imperii ſui anno diem obiit in Britannia.

50 Romanorum XXXIII. regnavit CONSTANTINVS xxx. annos, menses decē. Conſtantiuſ Bizantium civitatem miræ magnitudinis ampliavit, & glorioſe conſtruxit: quam ſui nominis Conſtantinopolim appellari iuſſit. Conſtantiuſ cum matre Helena Crucem Domini noſtri leſu Chriſti Hieroſolymis invenit, effectusq; eſt Chriſtianus ab Helena. Crux Domini Hieroſolymis fabricatur & ſtabilitur. Conſtantiuſ per ſignum crucis omnes gentes ſuperat. Severus Cæſar à Galerio Carnoti cum Galliam regeret, imperator factus. Galetius Maximianus moritur. Conſtantiuſ filius Conſtantiini Cæſar factus. Herculiſ Maximianus à filia Fauſta detectus, quod dolum Conſtantino viro ſuo pararet, Maſſiliam fugiens occiditur. Galerius Maximianus moritur. Criſpus & Conſtantiuſ, filius Conſtantini & Liciniuſ adoleſcens Licinii Auguſti fi-

Maximinus.

al. quem
Crispus &
Lactantius in
erudit.
Corrige hunc
mendosum
locum ex Eu-
seb. Chron.

lius, Constantini ex sorore nepos: quem cum Crispus & Lactantius Latinis literis erudit, Constantinus filius Constantini Cæsaris & Liciniæ filius crudelissime interficitur. Edicto Constantini gentiliū templā subversa sunt. Romani Gothos in Sarmatarum regione vicerunt. Constans filius Constantini provectus ad regnum. Constantinus cum liberis suis honorificas ad Antonium literas mittit. Constantinus extremo vitæ suæ tempore ab Eusebio Nicodemienſe Episcopo baptizatus, in Arianum dogma declinat. Constantinus bellum parans in Persas in Aquiloni villa publica moritur, anno ætatis suæ LXI. post quem tres liberi eius Consules à Senatu appellantur Imperatores.

Hieronym.
in Chron.
Ancyron.
Vide Euseb.
in vita Con-
stant. 4. cap.
61.

Romanorum XXXIV. regnaverunt CONSTANTINVS CONSTANTIVS & CONSTANS 10 annos XXIV. menses V, dies XIII. à quo multi nobilium sunt occisi. Sapō rex Persarum Mesopotamiam vastat: Nisibin obsidet. Dalmatius Cæsar quem patruus Constantin⁹, consortem regni filiis dereliquerat, factione Constantii patruelis & tumultu militari interimitur. Ex hoc loco impietas Ariana Constantii regis fulta est. Carceribus & variis afflictionum modis primum Athanasium Episcopum persecutus est..... iuxta Aquileam à se occiditur. Vario euentu aduersus Francos à Constante pugnat. Multæ orientis urbes terræ motu horribili confederunt: Franci à Constante perdomiti; pax cum eis facta. Solis defectio. Bellum Persicum nocturnum apud Signera: victoriam, militum stabilitate, perdiderunt. Neq; vero ullus Cōstantium ex novem gravissimis præliis contra Persas bellasse acrius conspexit. Nam ut alia omitam, Nisi- 20 bis obsessa, Nicea & Amida captæ sunt. A quatuordecim millibus militum, sexaginta millia victa & capta.

lege Constan-
tinus iuxta
Aquileia Al-
fani.

Ieronim. in
Chron. Sin-
garū in quo,
victoria, mi-
litum stoli-
ditate perdi-
dimus.

MAGNENTIO apud Augustodunum arripiente imperitum, Cōstans haud longe ab Hispania in castro cui Helenæ nomen est, interficitur an. ætatis suæ XXX. Quamobrem turbata rep. VETRANIO Murſæ, NEPOTIANVS Romæ Imperatores facti. Romæ populus aduersus Nepotianum consurgit. Caput eius ablatum, multorumq; nobilium cædes interea fiunt. Magnentius Lugduni in palatio propria se manu interfecit. DECENTIVS frater eius quem ad tuendas Gallias Cæsar miserat, apud Senonas se laqueo suspendit.

GALLVS Cæsar sollicitatus à Constantio patruelem à quo in suspitione ob egregia 30 facta habitus, occidit. Siluanus in Gallia res nouas molitur: xx. ix. die extinctus est. Eusebius Vercellensis Episcopus, & Lucifer ac Dionysius Caralitana & Mediosis Ecclesiæ Episcopi, Pangratius Romanus presbiter à Constantio damnantur exiliis. Antonius Monachus cv. ætatis suæ anno moritur, solitus multis ad se venientibus de Paulo quodam Thebæo miræ beatitudinis viro referre: cuius exitum breui libello explicuimus. Saraceni in monasterium Beati Antonii irruerunt, Sarmatam interficiunt. Constantio Romam ingresso, ossa Andreæ Apostoli & Lucæ Evangelistæ à Cōstantinopolitanis miro favore suscepta. Paulinus Treverorum Episcopus in Phrygia exulans moritur. Gratianus qui post Imperator fuit, nascitur. Hilarius cum apud Cōstantinopolim librum pro se Constantio porrexisset, ad Gallias redit. Omnes pæne to- 40 tius orbis Ecclesiæ, sub nomine pacis, & regis, Arianorum consortio polluuntur. Gallia per Hilarium perfidiæ dolos damnat. Constantius Mopsocrenis inter Ciliciam Capadociamq; moritur, anno XLV. ætatis suæ.

Sunt verba
S. Hierony-
mi in Chron.

al. 22. quod
corrigit
alii in 23.

Romanorum XXXV. regnavit IULIANVS anno uno, mensibus octo. Iuliano ad idolorum cultum converso, blanda persecutio fuit, illiciens magis quàm impellens. Multi ex Christianis voluntate propria corruerunt. Iulianus in Persas profectus post victoriam à contrariis hostibus superatur; à suis conto ilia percussus interiit, anno ætatis suæ XXVII.

Post quem Iovianus arripuit imperium, Romanorum xxxvi. Regnavit IOVIANVS mensibus 8. Iovianus necessitate compulsus, Nisibem & magnam partem Mesopota- 50 miæ Saxoni regi Persarum tradidit. Iovianus in castris moritur an. ætatis suæ xxxiii. Post quem Valentinianus tribunus scutariorum apud Niceam Augustus appellatus est; fratrem Valentem apud Constantinopolim in commune assumit regni confortium.

xxxvi. Romanorum, regnavit VALENTINIANVS VALENS ab Eudoxio Arianorum Episcopo baptizatus Christianos persequitur. Gratianus Valentiniani filius Arabianis Imperator factus. Apud Atrebatē lana e coelo pluuia mixta defluxit. Hilarius Episcopus Pictaviensis Pictavis moritur. Athanaricus Rex Gothorum in Christi persecutione commota plurimos interfecit. Eusebius Verecellensis Episcopus mo

Valentinianus in Britannia antequam tyrannidem inuaderet oppressus est. Saxones exsi Divione in regione Francorum confederunt qui superfuerunt.

In illo tempore Burgundionum LXXX ferè millia, quot nunquam antea nec nominabantur, ad Rhenū descenderunt, & ibi castra posuerunt, Quasiburgo vocitaverunt, & ob hoc nomen acceperunt Burgundiones: ibiq; nihil aliud præsimebant, nisi quantum pretio ementes à Germanis eorum stipendia accipiebant. Et cum ibidem duobus annis resedissent, per legatos invitati à Romanis vel Gallis qui Lugdunensium provinciæ & Gallia domita Cisalpinia tributarii, publice potuissent renuere, ibiq; cum uxoribus & liberis visi sunt cōsedisse. Valentiniānus subita sanguinis eruptione, quod Græci apoplexiam vocant, Brivione percussus moritur. Vicius locus in viroq; m. f.

Post quem GRATIANVS assumpto in imperium Valentiniano fratre cum patruo Valente regnat. Valens legem dat ut monachi militarent: nolentes iussit interfici. Alamannorum xxx. circiter millia apud Argenariam oppidū Galliarum ab exercitu Gratiani prostrata. Gens Hunnorum Gothos vastat, qui à Romanis, sine armorum congressione suscepti, per avaritiam Maximi ducis, fame ad rebellandum coacti sunt. Superatis in congressione Rom. Gothi funduntur in Thracia. Valens de Antiochia exire compulsus Christianos de exilio revocat. Lachrimabile bellum in Thracia, in quo deferente equitum præsidio, Romanæ legiones à Gothis vsque ad internecionem cæsæ sunt. Ipse Imperator Valens cum sagitta faucibus fugeret, & dolore nimio sæpe ab equo laberetur, ad cuiusdam villulæ casam deportatus est, quo persequentibus barbaris, & incensa domo, sepultura quoque caruit. Ab vrbe condita vsque ad extremū huius operis, Anni fiunt M. xxxi. hoc modo sub regibus an. ccxl. sub consulibus anni cccclxiv. sub Augustis & Cæsaribus an. ccccxvii. A xv. Tiberii anno, & prædicatione Domini nostri Iesu Christi: secundo anno Darii Regis Persarū, quo tempore templum Hierosolymis restauratum est, anni nongenti sexaginta nouem. Ab Olympiade prima, qua ætate apud Hebræos Isaias prophetabat, anni 655. A Salomone & prima ædificatione templi, anni 1311. A Moyse & Cecrope, primo rege Atticæ, anni 1890. ab Abraham & regno Nini & Semiramidis an. 2314. A Diluio autem vsq; ad Abraham supputantur anni 62212. & fiunt ab Adam vsque ad xiv. Valentis & Valentiniani iterum omnes anni 5588. Et quia deinceps varietatibus temporum, & incursionibus Barbarorum ita cuncta mixta sunt, gestorum veritas, quæ historiæ inferi possit, ad plenum reperiri non potest. Recapitulatio. al. mille CXXXI. al. 427.

Idacius servus Domini nostri Iesu Christi, uniuerfis fidelibus in Domino Iesu Christo, & feruientibus sibi in veritate Salutem. Conclusio libri.

*Probatissimorum in omnibus virorum studio, quos præcipue in fide Catholica & conuersatione perfecta testes veritatis diuini cultus docet assertio, hucusque à sancto Hieronymo, & ipso (sicut in capite istius voluminis præfatio prima declarat) cognomine Eusebio, Historia in aliquantulis Hispaniarum prouinciis descripta retinetur. Cui si quid postea subdidi in locis, quibus de-
cui, certo styli studio declaratur. Verum ad hæc ignarus, indignissimus omnium ser-
uorum Dei IDACIUS servus Iesu Christi Domini nostri, quæ sequuntur ab
anno primo Theodosii Augusti, ut compareat, descripsi, breui ante
facta præfationis indicio.*

al. Provincia
Gallia civi-
tatis. Corri-
go ex Zosimo
lib. 4. natus
Cante Gal-
lecia civita-
te. Scid à
Marcellino
in Chr. pa-
triam eius
vocari Itali-
cam.

In fœdera
Romanis pa-
ci Scalig. in
Euseb. ex
Chronico.
VIII. Scal.
al. Grantin-
gorum. Groc-
tingorum
Scal.

Imo Theodo-
sius Iun. ut
Scal. observ.
al. Stere fort.
austeritate
ut aliqui le-
gunt. vel au-
thoritate Co-
mittis Arbe-
gastis.
XL. Scal.

XV. Sic Scal.
edit.

Sunt autē de
Martini obi-
tu variantes
sentētia. Sul-
pitius enim
Severus in
eius vita cap.
7. & repu-
gnare sibi vi-
detur

Gregori^{us} Tu-
ronensis lib.
X. Hist. Ec-
cles. Pontio
Attico & El.
Casario Coss.
obisse putat.

Tu vide Vi-
ctorem Cise-
linū notis ad
Severū Sul-
pitium: vel
potius D. Ba-
roniū Com-
ment. in mar-
tyr. P. XI.

Novemb. &
Tomo 3. Ec-
cles. Annal.
an. Chr. 376.
& Tomo 4.
an. Chr. 402.
Lectorum se-
des migra-
vit.

III. Id. O-
ctob. Scal.
al. Atulfus.
al. in Gallia
occiditur. Vi-
de Sozom. 9.

cap. 13.
Et Ortelij
Thesaurum
geograph. in
Narbona.
Oros & auj
Iovinum vo-
cant.

CHRONOGRAPHIÆ,

EX

IDACIO.

COLLECTORE QVODAM CAROLI MAGNI
AE QVALI.

LIBER II.



OMANORVM XXXVII. THEODOSIVS post Gratianum regnat an-
nis XVII. Theodosius natione Hispanus provinciæ Galleciæ ciuita-
tis à Gratiano Augustus appellatur. Inter Romanos & Gothos mul-
ta certamina conferuntur..... Theodosius II. anno regni sui Au-
gustus appellatur. III. regni Theodosii anno Athanaricus rex Go-
thorum Constantinopoli XV. die à quo à Theodosio fuerat recep-
tus interiit. IV. regni Theodosii anno in fœda Romanis pace se tra-

dunt. Martinus in Galliis Turonicæ Episcopus, & vitæ meritis & patratis virtutum mi-
raculis insignis habetur. Theodosius quinto regni sui anno ARCADIVM filium suum ap-
pellans, consortem regni sui fecit. In VI. regni Theodosii anno HONORIVS filius nasci-
tur. VII. an. regni Theodosii Graotingorum gens à Theodosio superatur. XI. an. The-
odosius regni sui Romam cum filio Honorio ingressus est, legesque Romanorum inte-
gra emendatione edidit. XIV. regni sui anno Valentinianus iunior, apud Viennam sce-
lere Comitis Arbogastis occiditur. XVII. anno Theodosius Metropoli Mediolano
defunctus est anno regni sui XVII. à Romanis in Ecclesia sancti Laurentii sepultus est.

Romanorum XXXVIII. Arcadius & Honorius filii Theodosii defuncto patre
regnaverunt annis XXX. Anno octavo regni eorum Theodosius Arcadii filius nasci-
tur. Anno undecimo regni Arcadii Martinus Episcopus Spiritu sancto plenus & vir
Apostolicus transit ad Dominum carne deposita. Cuius vitam & mirabilia quæ fe-
cit, edidit Severus, vir summus, discipulus ipsius, qui & Chronica, alia quàm hæc
sunt, ab initio Genes peritissime scripsit.

Anno XV. regni Arcadii & Honorii Alani, Wandali, & Sævevi Hispanias ingressi
sunt tertio Idus Octobris. Honorio & Theodosio Arcadii filiis consulibus Alaricus
rex Gothorum Romam ingressus. Cum intra extraq; urbem cædes agerentur, omni-
bus indultum est, qui ad Sanctorum limina confugerant. Opes conditas in urbe &
substantiam Tyrannicus exactor diripit. Sed Placidii Theodosii filia, Honorii Imp.
soror à Gothis in urbe capta est. Alaricus moritur; cui Ataulfus succedit in regno.

Anno XVI. imperii Honorii debachantibus per Hispanias Barbaris, pestilentia
malo in urbe, etiam fames dira grassatur, ut humanæ carnes ab humano genere præ fa-
me fuerint devoratae; matres quoque necatis, & coctis natorum suorum sint pastæ
corporibus. Peste occisorum, gladio, fame, pestilentia, bestiarum infestatione interi-
muntur homines. His quatuor plagis [ferri, famis, pestilentia, & infestationis besti-
arum ubique in toto orbe sævientibus] prædicta à Domino per Prophetas suos an-
nunciantes implentur. Anno XVII. Honorii regni Galliciam Wandali occupant,
& Suevi in extremitate succedunt. Alani Lusitaniam & Carthaginensem provincias,
Wandali cognomento Silingi Baeticas sortiuntur. Constantinus post triennium in-
vasit tyrannidem & ab Honorii duce Constantio Narbonæ occiditur. Iovianus & Se-
bastianus tyranni ab Honorii duce Narbonæ interfecti.

Anno XX. imperii Honorii Aistulfus apud Narbonam, Placidiam duxit uxorem:
in quo prophetia Danielis putatur impleta, cum ait, filiam regis Austrii sociandam re-
gi Aquilonis, nullo tamen ex ea semine subsistente.

Anno XXII. imperii Honorii Ataulfus à Patritio Constantio compellitur, ut re-
lictæ Narbona, Hispanias peteret. A quodā Gotho Barcinona iugulatur: cui successit

Wallia

V Vallia in regno. Cum Patritio Constantio pax mox facta, Alanis & Vandalis con-
gnomento Silingis, in Lusitania & Bactica sedentibus adversatur. Constantius Placi-
diam duxit uxorem. Fred. baldum, regem gentis Vandalorum, sine ullo certamine
ingeniose captum, ad Imperatorem Honorium destinat.

Anno XXVI. Honorii regni, V Vandali per Baeticam à V Vallia plurimi sunt ex-
tincti. Alani adeo cæsi à Gothis, fortiter vallato Addacher rege ipsorum, pauci qui su-
perfuerunt, oblito regni nomine, Gunderico rege Wandalorum, qui in Galliis resi-
debat, se patrocinio subiugaverunt. Gothi sedentes in Aquitania Tolosam sibi sedem
eligunt. a mari inter Rhenum & fluvium Rhodanum per Ligerim fluvium usq; Occa-
num possident. Walliæ regi eorum defuncto Theudericus succedit in regnum.

Anno XXVII. imperii Honorii inter Gundericum Wandalorum & Hermen-
cum Suevorum regem bellum ortum est. Suevi in Nervosis montibus à Wandalis
obfessi. Valentinianus Constantii & Placidia filius nascitur. Wandali Suevorum
obsidione dimissa, relicta Galicia ad Baeticam transferunt. Honorius apud Raven-
nam Constantium consortem regni facit. Constantius Imperator Ravennæ moritur
in suo tertio Consulatus anno.

An. XXVIII. imperii Honorii Castinus Magister militum magna manu in au-
xiliis Gothorum bellum Bactica Wandalis infert: quos cum ad inopiam obsidionis
ardaret & tradere se pararent, inconsulto, publico certamine conficiens, auxilio-
rum fraude deceptus, Tarraconam victus fugit.

Trigesimo Honorii imperii an. Ravennæ moritur.

Romanorum XXXIX. THEODOSIUS Arcadii filius post obitum Honorii patru-
elis monarchiam tenens imperat tribus & decem annis. Theodosius Valentinianum
amitæ suæ Placidia filium Constantinopoli Cæsarem facit; quem contra Ioannem
Tyrannum mittit: is à ducibus suis Ravennæ occiditur. Felix Patricius coronatur.
VALENTINIANVS Cæsar Romæ Augustus appellatur. Anno XVIII. Theodosii. Gun-
dericus rex Wandalorum capta Hispali cum insidias Ecclesiis intenderet, mox Dei
iudicio correptus interiit.

Cui Gaifericus frater succedit in regno: an. uno regnavit. Gaifericus rex Wan-
dalorum, cunctaq; eorum familia ex Mauritania in Africam transit: interfecto Er-
mengario rege Suevorum, iniuriam Sanctæ Eulaliæ in eodem, etsi nolens, ulciscitur.
Confederunt Wandali in Baetica an. LIV.

Septimo an. imperii Theodosii Aetius, Dux utriusq; militiæ: Suevi initam cum
Gallis pacem libera sibi occasione conturbant.

Anno IIX. regni Theodosii Aetius, Dux utriusq; militiæ, Patricius appellatur.

Anno X. regni Theodosii Burgundiones qui rebellabant Romanis, a Duce Ae-
tio sunt perdomiti.

Anno XIII. regni Theodosii ab Aetio Duce & Magistro militum, Burgundionū
cæsa sunt viginti millia, Gothorum, qui eis auxiliaverunt, octo millia.

Anno XIV. regni Theodosii Suevi cum parte plebis cui adversabantur, pacis iu-
ra confirmant. Emenricus rex Suevorum morbo oppressus Richilam filium suum sub-
stituit in regno, quem postea ad Baetica fluvium Gothi prostraverunt, auri argentiq;
opibus occupatis. Carthago magna fraude direpta. Bellum Gothicum sub Theodori-
co rege apud Tolosam Litorius Dux Romanus inconsultus init, cum auxilia Huno-
rum manu magna irruerent: cæsis parte plurima suis, ipse vulneratus, à Gothis post
dies paucos capitur & occiditur. Geisericus Rex Suevorum multas in sacerdotibus
fecit strages. Richila Rex Suevorum qui Geiserico successerat, Emeritam ingreditur.

An. XVI. regni Theodosii, Richila Hispale obtenta Baeticam & Carthaginē capit.

An. XXIII. regni Theodosii, Solis facta defectio. Richila Rex Suevorum Emeri-
tagentilis moritur: cui mox filius suus Richarius succedit in regno. Agiulphum Go-
thum nobilem Hispali Cæsarius Comes iugulat. Richarius rex accepta in coniugium
Theodora Gothorum regis filia, Vaseonias deprædatur.

An. XXVII. regni Theodosii moritur Constantinopoli antio ætatis suæ XLIX.

Post quem XL. MARTIANVS à militibus [& ab exercitu, instante etiam Pulche-
ria sorore Theodosii, regina efficitur] & ipse sublimatur in regno, eamq; Valentinianus
in coniugium assumpsit. Valentinianus & mater Placidia moriuntur Romæ. In Gallia
terræ motu facto, tertia feria post Solis occasum, ab Aquilone plaga è cælo ruens quasi
ignis & sanguis efficitur.

Gens Hunnorum pace rupta in Gallias irruit: quos cum Aetius Patricius venien-

Paul. Dia-
lib. 13. ponit
Forū Corne-
lii & Ataul-
fui scribitur.
Dan. 11.
Barcinone
ait Oros. 7. c.
43. cum cu-
ius chronolo-
gia nosse co-
venit hic. Via
d. Baro. tom.
5. an. 414.
F. adalun.
Scal.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

al. vallati ad
Dacher re-
gem. Forte
vallati à Da-
cher rege
ipsorum.
al. in Nervu-
sis montibus
obsidente à
Vandalis.
al. anno 29.
Paul. Dia-
ait Roma
moriuntur.
XLI. Scal.
col.
Patru Scal.
An. XXIII.
Ioanne ty-
rannidem.
De Ioanne
Ravennæ ob-
it. Socrus 7.
cap. 23.
Oratoratur.
Anno IV. re-
gn: Theodo-
si. Scal. c.
Anno V. re-
gnavit Gaiz-
sericus. Scal.
NB.

tes comperisset, sanctum Anianum Aurelianensem Episcopum ad Theodorum regem Gothorum in legationem dirigit, petens auxiliare contra Hunos subsidium: & si superaret, mediam partem Galliae Gothis daret. Cum à Theodoro rege huius petitioni annuente auxilium fuisset promissum, Aetius legatos mittens ad Attilam regem Hunnorum, obviam petens auxilium contra Gothos, qui Gallias conabantur invadere: si praevalerent Hunni contra Gothos, medietatem Galliae ab Aetio perciperent. Attila Rex cum Hunnis festinans & parcens civitatibus Germaniae & Galliae, contra Gothos super Ligetim fluvium, non procul ab Aurelianis confligit certamine. Cæsa sunt Gothorum ducenta millia. Theodorus rex hoc occubuit prælio. Cæsa sunt Hunnorum centum quinquaginta millia. Civitas Aurelianis orationibus bea-

Thursimundus. Scal.

Thursimundi. Sustinebis. Scal. Thursimundum.

Cum Mauris. fort. ar. eis Scal. Periculum ad declinandum abier. Scal. adires. al. Turingia.

à Gothis.

al. secundo Scal. recte.

Quarto. Scal. recte. Alii Maiores. ranum vocant. Ex consulis XLIII. corrige: anno si de Martiano intelligas. Scio à quibusdam hic poni Maximianum tyrannum, qui post duos menses peremptus: de quo forte nosset. Intra fide est imperio ad Suevos leg. missis: Scal.

Campania. Thursimodus filius Theodori, qui ei successit in regno, collecto Gothorum exercitu, patrem ulcisci desiderans, cum Attila & Hunnis Mauriaco confligit certamine, ibique tres dies utraque phalanges invicem præliantes: & innumerabilis multitudo gentis occubuit. Aetius cum esset strenuissimis consiliis, per noctem ad Attilam veniens, dixit ad eum: *Optabile duxeram, ut tua virtute regionem hanc à perfidis Gothis potuisssem eripere: sed nullatenus fieri potest: cum usque nunc cum minimis pugnatoribus prælias: hac nocte Theodoricus germanus Thursimodi cum nimia multitudine & fortissimis Gothorum pugnatoribus advenit: hac non sustines. atque utinam vel evadere possis.* Tunc Attila dedit Aetio decem millia solidorum, ut per suum ingenium Pannoniam repedaret. Ipsaque nocte Aetius ad Thursimodum perrexit, dicensque ei causam consimilem: quod apud viles Hunnorum pugnatores usque nunc pugnaverit; nam maxima multitudo & fortissimi pugnatores à Pannoniis ipsa nocte ad Attilam venerat, & audissent fratrem suum Theodericum maures Gothorum occupasse, regnumque velle arripere: nisi festinus ad residendum pergeret, periculum adeo grande haberet. Acceptis idemque Aetius à Thursimodo XM. solidis, ut suo ingenio à persecutione Hunnorum liberati Gothi ad sedes proprias remearent: protinus abierunt. Aetius vero cum suis etiam Francos secum habens, post tergum duxerat Hunnorum, quousque Turingia à longe persecutus est; præcepitque suis, ut unusquisque nocte, ubi manebat, decem ipsarum focos facerent, ut immensam multitudinem simularent. Quievit hoc prælium Aetii consilio: Gallia ab adversariis liberatur. Postea cum à Thursimodo regi & Gothis hæc factio perlata fuisset, requirente promissionem Aetii implendam; & ille renueret, per pacis iura orbiculum aureum gemmis ornatum, pensans libras quingentas, ab Aetio compositionis causa transmittitur Thursimodo: & hæc iurgia quieverunt: quæ species devotissimè usque in hodiernum diem Gothorum thesaurus pro ornatu veneratur & tenetur.

Anno tertio Principis Martiani Hunni in Italiam irrutunt, eamque deprædantur aliquantis civitatibus direptis, divinitus partim fame, partim morbo quodam, plagis celestibus finiuntur, iussu Martiani ab Aetio duce cæduntur, in sedes suas coacti revertuntur: & mox Attila moritur. Thursimodus Rex Gothorum à Theudorico & Friderico fratribus interficitur. Cui Theudoricus successit in regno.

Tertio regni Marciani Principis anno regina moritur Pulcheria. Aetius Dux & patritius fraudulenter Valentiniani Imperatoris manu propria occiditur.

Septimo regni anno Principis Martiani per duos Barbaros familiares Valentinianus occiditur. Post quem mox Maximianus ex consulibus, XLI. Romæ Augustus appellatur. Qui cum Imperator factus relictam Valentiniani sibi duxit uxorem. Maximianus quarto regni sui mense in urbe Romæ tumultu militari occiditur.

In ipso anno Avitus Gallus ab exercitu Gallicano, primo Tolosæ, dehinc apud Arelatum Augustus appellatus Romam pergit.

Obtenta monarchia per Avitum Gallum, qui à Romanis evocatus & susceptus fuerat Imperator: Gaisericus sollicitatus [relicta Valentiniani & malam famam dispersit] priusquam Avitus Augustus fieret Romam ingreditur, ditatusque opibus Romanorum, Carthaginem redit, relictam Valentiniani & filias duas & Aetii filium Gaudentium secum ducens. Legati à Martiano pro unanimitate mittuntur. Imperatori & sic Martianus & Avitus concordēs principatu Imperii Romani utuntur. Sive Carthaginensium regiones quas Romanis reddiderant, deprædantur. Sive Tarraconensem provinciam vastant. Theudoricus rex post irritam fidem imperii in Sive vos legatos mittit, ut se à provinciis, quas invaserant, removerent. Consilio & consensu Aviti Imperatoris Theudoricus rex contra Sivevos movit exercitum & in Tarraconensem

raconensem Campaniam super Vrbicam fluuium cum Richario rege Svveorum cō-
 fligit certamine; plurimisque Svveis extinctis, ipse Rege placito in Gallicias fuga-
 citer fecit adgredi, ipsoque in itinere Theudoricus cum Gothis qui in Hispania con-
 fidebāt captiuitate vastauit, & multas diripit ciuitates; sanctasq; basilicas effregit. Ri-
 charius ad locum qui Portegale appellatur, profugus redit, à Theudorico captus du-
 citur & in custodiam redigitur. Svveui oblito regno se tradunt Theudorico, ibique
 Regnum eorum destructum est. Auitus Imperator legatum ad Theudoricum cum
 sacris muneribus mittit, nuncians in Corsica cæsa multitudine Wandalorum, Auitū
 de Italia ad Gallias Arelatem secessisse. Orientalium naues Hispalim venientes per
 10 Martianum exercitum cæsum nunciant. Occiso Richario rex Theudoricus de Galli-
 cia ad Lusitaniam venit. Svveui denuo regem Maldra sibi consecrant. Theudoricus
 Emeritam deprædari molitur. Auitus III. anno quam à Gothis & Gallis factus fuerat
 Imperator, Gothorum promissis destitutus & auxilio, caret imperio & vita. VII. anno
 imperii sui moritur.

ROMANORVM XLII. MAIORIANVS in Italia, & Cōstantinopoli LEO Augusti appel-
 lantur. Theudoricus aduersis sibi nunciis territus mox post dies Paschæ de Emerita e-
 greditur, Gallias repetens; partem ex ea quam habebat multitudinem variæ nationis,
 cum ducibus suis ad campos Gallicia dirigit: qui dolis & periuriis instructi, ad Svve-
 uos, qui remanserant, iussam sibi expeditionem ingrediuntur, pace fucata solita arte
 20 perfidia. Nec mora: illis cedit multitudo Romanorum: sanctæ effringuntur Ecclesiæ,
 omnis ornatus & vsus aufertur, Episcopi & Clerici captiuntur, domus dantur incēdiis.
 Agilulfus dum regnum Svveuorum sperat, Portugali moritur. Svveui in solitam perfidi-
 am versi; Regionem Gallia adhaerentem fluuiio Durio circa littora remanentes de-
 prædantur. Gothicus exercitus duce suo Cyrola à Theudorico rege in Hispanias mis-
 sus succedit ad Baetiam. Theudoricus duce suo Semnerico exercitus sui aliquantam
 partem ad Baeticam dirigit. Cyrola reuocatur ad Gallias. Svveui Lusitaniam cum
 Maldare rege & alii cum Richmundo Gallias deprædantur, Alxeroli ad Baeticam per-
 tendentes. Maldras germanum suum nomine fratris interfecit, & Portugali castrum
 inuadit. Legati à Maioriano Augusto & Theudorico, pace inter se inita, ad Svveuos &
 30 Wandalos diriguntur.

Anno IV. regni Maioriani Maldras rex iugulatur mense Maio. Maiorianus Im-
 perator Hispanias ingreditur, ad Carthaginensem prouinciam pertendens: naues ad
 transeundum aduersus Wandalos præparare iubet, quas Wandalis subripiunt. Maio-
 rianus Imperator sua ordinatione frustrata ad Italiam repedauit. Gothicus exercitus à
 Sunnerico & Nepotiano Comitib⁹ vertitur. Svveuos deprædantur. A Theudorico le-
 gati ad Svveuos veniūt: recurrunt à Theudorico legati ad gentes pace postulata, & ob-
 tenta, reuertuntur.

Anno V. Maioriani regni Gaifericus rex à Maioriano Imp. pacem per legatos
 postulat. Maioriano de Gallias Romam redeunte Romano imperio vel res necessarias
 40 ordinante, Richimerus Svveuorum consilio Sultus fraude interficitur.

ROMANORVM XLIII. SEVERVS à Senatu Romæ Augustus appellatur anno impe-
 ri Leonis quinto. Atrapenus Galliarum Comes & ciuis inuidus Aegidio insignis in-
 imicus..... Gothorum foederatur. Narbona traditur Theudorico. Mente Iulio in Ga-
 licia coruscatione villæ exustæ, & greges ouium concremati, carnes concisæ, pluuia
 de cælo mixtæ cadunt: duo adolescentes carne inuicē solidati adhaerentes sunt mor-
 tui. In Armenia prouincia Fridericus frater Theodorici regis insurgens cum his, cū
 quibus fuerat, superatus occiditur. Luna XV. tunc conuersa est in sanguineam speciē.
 Luna V. Sol ab hora tertia vsque ad horam nonam obscuratus est. Vvandaliper Mar-
 cellium in Sicilia cæsi effugantur. Aegidius Comes veneno periit.

ROMANORVM XLIV. regnat ANTHEMIVS. Romæ Augustus appellatur. Anno
 octauo Leonis imperii expeditio ab Africa aduersus Vvandalos ordinatur. Per Theu-
 doricum Salla legatus mittitur ad Remundum Regem Svveuorum; qui reuersus eum
 à fratre suo Theudorico nunciat esse interfectum. Gothi qui ad Vvandalos missi fue-
 rant supradictæ expeditionis rumore perterriti reuertuntur. Conimbra ciuitas in pace
 decepta domibus destructis cum aliqua partem murorum, habitatores capti atque
 dispersi, & regio desolatur & ciuitas.

Anno II. Anthemii in medio Tolosæ ciuitatis sanguis erupit de terra, & tota
 die fluxit; significans Gothorum dominationem sublatam, Francorum adueniente
 regno. Exercitus Leonis aduersus Vvandalos cum tribus ducibus descendit. Richi-

al. Vrbeam.
 al. rege pla-
 caro. locus
 corra. est
 Fertur Scal.
 al. Portuga-
 le. Portogale
 Scal.
 Profugus rex
 Scal.
 De Galliis.
 Aldra sibi
 constituunt.
 Qui à Van-
 da & Gotho,
 & Gallis
 XLIV.
 Se inconsulto
 expedit. in-
 grad. Scal.
 Illic ceditur
 Scal.
 Sacer orna-
 tus Scal.
 al. Gallicia.
 Ad Theudo-
 ricum regem
 Scal.
 al. Sunnerico.
 al. Gallicias.
 al. Aetoli
 vocant; alii
 Verulos. He-
 ruli Scaliger
 germani Se-
 nomur fra-
 trem interfi-
 ciunt; &
 Portug. cast.
 inuadunt.
 Scal.
 Pro pace in-
 ter se inuen-
 da. Scal.
 Frustratus,
 Scallion repe-
 tit. Scal.
 Emitteretur.
 Consilio ful-
 tas. Scal.
 Vide Marcel-
 lin & Cassi-
 odor.
 En interfecit.
 XLV.
 Alii vocant
 Atrabenum.
 Ares pennus
 Gallus cornis
 & civilis. Sc.
 Foedere Nar-
 bonam tra-
 deret. Th. Sc.
 In Gallia. Sc.
 Fame concis-
 sa. Scal.
 al. Mam-
 nicana. Ar-
 moricana.
 Scal.
 XLVI. Scal.
 An. II. Leo.
 al. Renuf
 mundū. Re-
 mis mundū.
 Scal.
 al. supradi-
 cta expediti-
 one Roma-
 norū. & Sc.
 Sed Romam
 nit
 Forte direpra
 ut supra.

*Richem-
rus.
Degrado
fecero ad pr.
v. cum ade-
git, filius eius.
Sen.*

meris gener Anthemii Imperatoris & patricius factus adfatim degradatum ad priva-
tam vitam filio eius occiso. Aduersus Romanorum imperium conuenere V vandali,
consulentes Gothis, vt eodē tempore hostiū legatos deferentes, partē etiam Lusitaniæ
deprædentur. Richimundo cum Svveuis ad Imp. transeunte. Durissimus extra solitū
hoc eodem anno imber hyemis & æstatis, autumniq; fructuū mutatione diffunditur.

*Gaiferici
Scal. Bislo-
ria vet. cod.
Sed bifaria
rectum.
Hactenus e-
ditio Scali-
geri. Vide de-
inceps Caroli
Sigonii Chro-
nica de occi-
dentis impe-
rio. Se-
quentia e-
nim ut fabu-
losa magnā
partē ista
cio indigna
videntur.
Eadem Ai-
mon lib. 11.
de gest.
Kronus.*

Temporibus Imperatoris Honorii regnum Gothorum post captam Romam
bifaria diuisione partitur; & qui in Italia confederunt, ditioni imperii se tradunt: reli-
qui Aquitaniæ prouinciæ, ciuitate Tolosa eligentes sedem, Regem eligunt Ataulfum:
postea, vt supragesta confirmant, à Gothis regnatum est. In his vero qui in Italia con-
fidentes, Romano pertinebant imperio, Theodoricus natione Macedo permissu Leo- 10
nis Imp. principatum assumpsit, sicut huius lib. gesta testantur. Nam ille alius Theu-
doricus Theodori regis filius natione Gothus fuit. Natiuitas Theodorici
regis ex genere Macedonum ita fuit, qui in Italia Gothis & Roman. regnauit. Ida-
cius patricius & vxor eius Eugenia cum sine liberis essent, & haberēt in ministerio cre-
ditum sibi puerum nomine Theodorum & puellam nomine Liliam: quos cum com-
perissent diligentes se, coniugium permiserunt copulare; erantq; ambo natione Ma-
cedones, vnde parui captiui erant adducti. Eugenia iussit puellæ cum ad viri coitum
accesseris, quodcunq; eadem nocte sopore somnii visaueris, mihi in crastino narrare
non fileas; quia creditur veritate subsistere, quod nubentes prima nocte visauerint.
Qui cum coniugati eadem nocte fuissent, vidit puella somnium, quod nata illi fuisset 20
arbor exiliens de vmbilico ventris tam excelsa, quod nubes penetraret. Narrauitque
viro somnium, iussione dominæ suæ & visionem quam viderat: dixitq; ad eam vir su-
us, cum steteris in conspectu dominæ tuæ, eo quod sine liberis est, sic dices ad eam, Vi-
saui hac nocte equum & equam, ambos pulcherrimos cunctorum & comam nimia
pulchritudine habentes: sequebatur eos tertius equus paruulus eorum confimilis &
ambulabant in domo dominorum meorum. Quod cum dixeris, inuenies gratiam in
conspectu eius. Surgensq; Lilia, omnia sicut vir præceperat, protinus nunciavit do-
minæ suæ. Eugenia cum audisset viro narrat, putauerunt liberum esse futurum; reple-
ti gaudio Theodorum & Liliam liberos esse iusserunt, & per tabularum scriptionem
firmantes etiam rebus plurimis ditauerunt. Conceptum Lilia peperit filium no- 30
mine Theodoricum; qui diligenter nutritus est: Idacio & Eugeniæ præsentatur cum
puero quem secum esse iusserunt, tanto eum amplectentes amore, ut ipsum sibi adop-
tarent in filium. Crescensq; puer decorus valde cubitum super aliorum staturam effe-
ctus est, prudens & fortis valde. Defuncto Idacio & Eugenia præcepto Imperatoris
Leonis Theodoricus iussus est militare, duodecimq; an. militiam agens tantæ fortitu-
dinis & ingenii prælia gessit, primum vt ab omnibus senatoribus palatii
vehementer dilgeretur. Post triennium sagaci inuidiæ morbo aduersus eum dolore
fremebant, inuestigantes, quali iussu Imperatoris interiret. Ptolomæus quidam ex se-
natoribus huius consilii tacitus contrarius vehementer, cum Theodorico amicitias
iniens, vsque diem obitus custodiuit. Gothi postquam Romam vastauerunt, & ter- 40
ram Italiæ possederunt, seditioni Imperatoris Leonis spontanei tradiderunt.... Vt ab
Odoagro rege & Erolis & reliquis vicinis gentibus assidue vastarentur, per legatos
Leonem Imperatorem postulauerunt, vt Theodoricum eis institueret patricium, vt
per ipsum aduersariis resisterent. Quod Leo Imperator clementer annuens, cum con-
sensu senatus Theodoricū Romam direxit: qui à Romanis seu Gothis patriciatus ho-
nore gloriose susceptus est, & cum Herolis plurima prælia gessit. Nam quadam die cū
apud Odoacrum regem & Herolos Theodoricus cum Gothis prælium concitasset,
Theodoricus fugiens cum suis Rauennam ingressus est: ibique mater sua Lilia obuiā
veniens increpans eum dixit, *Non est ubi fugias, fili, nisi ut leuem vestimēta mea, ut ingrediaris*
uterum de quo natus es. Quod ille audiens nimium confusus, cum suis quos potuerat 50
reperire, plus mori volens quam viuere, obuiam Odoagro & Herolis exiuit. Qui cum
eis imparatis & dispersis obuiasset, tandem cum paucis eos superat: resumptis viribus
Gothi se colligentes persequuntur Odoacrum: quem cum vxore & liberis vinctum
interfecit; gentemque & regnum Herolorum deleuit. Quod cum perlatum Leoni
Imperatoris fuisset, & senatus sæpius suaderet, vt Theudericum deleteret, præcepit eū
ad se venire: Theudoricus collectis secum vtilissimis pugnatoribus Gothorum, arma-
tusque, vt qui nobilis erat vtrinque duodecim millibus tantum euectu nauali quasi
obseciens in occursum Leonis Imperatoris Constantinopolim venit. Amicus eius
Ptolomæus nullo ingenio scire poterat, qualiter eidem res, quæ agebantur, narraret,
nisi tantum in consilia prudentissime & subtili ordine, qui Theoderico erant contrarii

*al. Postu-
mum.*

destruebat. Decretum Imperatoris Leonis & senatus erat, ut cum in palatium ingrederetur, à cunctis membratim & separatus à suis interficeretur. Consilio Ptolomæi amici sui de hoc periculo liberatur, dicentis ad Imperatorem, non est utile gloriæ tuæ, ut homo ille sic fraudulenter interficiatur, ne dictum sit à suis qui eum eodem venerunt, quod non publice eum potuissetis interficere, nisi ingeniose separatim à suis. Sed iube eum vinctum tenere, & mittantur seniores Senatores ad castra Gothorum foris ciuitatem, narrantes eis, qui cum Theodorico venerunt offensionem Theodorici & iram gloriæ tuæ, eo quod dignus est morte; ipsi decernant utrum capite truncetur, an bestiis deuorandus tradatur. Cumque placuisset consiliū

16 Ptolomæi, transmissis quinque Senatoribus, qui præerant cæteris, & Ptolomæus cū ipsis hæc verba Gothis nuntianda. Ibiq; Ptolomæus secretissime mittens puerum, nuncians Gothis, ut cum ipse & reliqui Senatores eis verba hæc narranda, accederent, eos Gothi cingerent & ligarent, imperatori mandantes, nisi dominum nostrum Theodoricum viuum & saluum nobis redderet & sacramentis firmaret incolumes nos eum ipso remeare permittat, Senatores hos interficimus, & aduersus ciuitatem hanc qua virtute possumus præliabimur. Quod cum consilio Ptolomæi fuisset impletum, Theodoricus vinctus in palatio tenetur, & Ptolomæus cum sociis itemq; vinctus sub eiusmodi ordine tenetur à Gothis. Vellet nollet Imperatorem Theodoricum sanum Gothis reddidit. Insuper promittens eum cum suis incolumem patriæ remeare. Saluatus Theodoricus consilio Ptolomæi, regressus Romam Auaris bellum intulit; plurimæ strages vtrique factæ: Hunni Italiam inundantes Theodoricum & Gothos superant, plurimas ciuitates Italiæ vastant. Tandem Theodoricus resumptis viribus irruit super Auaros, quos victos Pannoniam in fugam dirigit quos cū sequeretur ut finibus in Pannoniæ non est ausus ingredi; ibiq; tum castra locauit, cum quatuor pueris in equis sedentibus extra castra sibi quintus egressus est, ut præuideret, ne forte Auari denuo aduersus ipsum insurgerent. Cum iam procul à castris esset, Auar, nomine Xerses utilissimus cunctorum singulis ad præuidentum Theodoricum, cum casu ei obuiasset & à Theodorico conspectus fuisset, missi à Theodorico tres viri bellatores, ut eum aut viuum caperent, aut interficerent. Quos Auar

36 fugam fingens, singulatim interfecit. Denuo Theodoricus alios tres viros ad ipsum capiendum direxit, qui iterum ab ipso intercepti sunt. Postea Theodoricus singulare certamen cum Auaro iniuit; quem conto in brachium percussit: diutissime inuicem cum equis girantes, à Theodorico Auar superatus est. Quem vinctum Theodoricus secum ducit ad castra: quem cum cognouisset fortissimum esse in bello, verbis & blanditiis ei suadebat, ut suo sacramento fidem Theodorico promitteret, & eum postea multis muneribus Theodoricus ditaret. Quod Auar Xerses nomine vehementer renuens, fidem promittere noluit, nisi ad terram suam cupiens remeare: postea minis & diuersis afflictionibus à Theodorico coactus est: sed tamen eius imperium denegans, fidem penitus promittere noluit. Cumque vehementer renueret, permisit eum

46 Theodoricus ad patriam remeare. Natans cum equo per fluuium Istrum, ait, Liberatus sum ab dominatione tua: libero me arbitrio esse cognosco: nihil super me est tua potestas: reuertar ad te, eroque tibi fidelissimus cæteris. Quem Theodoricus multis opibus ditans, cunctis dilectissimum habuit: & cum plura prælia cum Wandalis & Sveuis cæterisque gentibus habebat, eum semper proximum & fortissimum præliantem suæ custodiæ in agminibus cognoscebat, ideoque à Theodorico vehementer dilectus est. Cumque utilitas Theodorici & prælia quæ gesserat, perlata ad aulam Imperatoris fuissent, Leo Imp. iussit eum denuo venire, consilio Senatus, ut tractatū perficerent, quem de ipso inierant. Iuramento Senatores cōstringit, ut huius cōsiliū nullus proditor esset: & si quis agnitus esset, capite puniendus esset. Tunc Theodorico dirigens secreta puerum ad Ptolomæum, inquirens quæ suæ utilitati proficeret; aut veniret, aut forsità oporteret renuere. Ptolomæus his verbis secretissime dixit ad puerum, Nihil penitus Theodorico remando, hodie dies festus est, iussione Augusti omnes Senatores in aula imperii discumbent ad prandium, tu vero ad instar pueri mei mihi ad dorsum obediens, diligenter attende, quod ad Senatum loquar fabulis, protinus reuertens nuncies ad eum qui te misit. Quod cum puer ille huius eadem die obediret, discumbentibus Senatoribus ad prandium, dixit Ptolomæus, Lætus dies huius prandii sit, locudemus in fabulis. Cum esset Leo fortissimus bestiarum, fuit electus à cunctis bestiis rex, venientesq; cuncti in eius occursum, cum esset iam hora prandii, venit ceruus. Cum adorasset leonem, apprehendit cornu eius, ut ei ceruus esset ad pran-

Abolagus de Ciruo.

dium: ille vehementer retrahens cornu amisit, cursuque veloci fugit in eremum. Iussu Leonis inter has bestias missa est vulpes, ut eum venientem subuerteret. Illa cum sit ingeniosa, artis suae iuramentis non pauida sacramentis praeventum ceruum in conspectu Leonis adducit. Qui cum adorasset Leonem ab ipso Leone capitur, & membratim disrumpitur. Vulpes illa furtim ablatum cor eius comedit. Cor cerui ad manducandum inquirens leo & fremens vehementer: omnes bestiae pauefactae tremebant, eo quod cerui cor inuenire non potuissent, dixerunt, Vulpes quae eum adduxit, ipsa proximior cunctis fuit, quando disrumpus fuit, illa furata est cor eius. Apprehensa cum esset in poena & quaereretur ab ea, ut redderet quod furauerat, dixit, Sine culpa poenas patior. Ceruus ille non habuit cor: nam si cor habuisset, ego ei praua- 10 lere non potuisssem, ne huc vnquam venisset, primum amisso cornu vix tandem euasit; quo pacto cor habens hic reuerti potuerat. Puer ille diligenter audiens memoria retinens, Theodorico velociter narravit consilium Ptolomaei: iterum Theodoricus de periculis liberatur. Post haec remansit ditioni Imperii cum summa felicitate XXV. annis cum Gothis regnavit. Fiunt omnes anni quibus Theodoricus regnum tenuit in Italia, triginta duo. A finibus Pannoniae usque ad Rhodanum fluvium: a Tyrreno mari usque alpes, Penninas & Isara fluvium. Vnum tantum modium plerum terrae annis singulis arariis publicis soluebat, ut diceretur, Theodoricus rex modium plenum arariis per singulos annos reddet publicis, decretum imperii, ut amplius ei nullo tem- 20 pore quaereretur. Ciuitates vniuersas quas regebat, miri operis restaurari & muniti solertissime fecit. Palatia quoque splendidissima Rauennae urbis, Veronae & Papias cui Ticinum cognomentum est fabricari iussit. Tantae prosperitatis post regnum tenuit, pacem cum gentibus habens, ut mirum fuisset. Cum filiam SIGISMUNDVS rex Burgundionum habuit uxorem.

*Almo in mo-
dum numo-
rum explicat
lib. 1. cap. 10.*

*Al. Vxor. Al-
mo in. vocat
ferreum ostij
ebicem lib. 1.
cap. 20.*

Quadam vice Clodoueus rex Francorum & Alaricus rex Gothorum, qui sedem Tolosae habebat, post multa praelia quae inuicem gesserunt, intercedentibus legatis cum pacem inire coepissent huius conuenientiae, ut Alaricus barbam tangeret Clodouei effectus patrinus, perpetuam ad inuicem pacem seruarent, & ad huius placita conuentionis nec Francus nec Gothus armatus penitus accederet. Statuentes diem ad locum designatum ad inuicem; ibique legatus Clodouei Paternus nomine ad Alari- 30 cum accessit, inquirens utrum eo habitu Gothi sine armis quod sponponderant, placitum custodirent; aut forte more solito, ut post probatum est, mendaces apparerent. Cum loqueretur Paternus cum Alarico rege, nuncians salutem Clodouei; & diligenter inquirens, quo ordine deberent coniungere, Gothi fraudulenter buxos pro baculis in manu ferentes. Apprehensum vnum ex his Paternus extrahit dicens, Mendacia tua placita sunt, rex, ut fraude coneris cum tuis Gothis dominum meum & Francos decipere. Accepto placito cum Alarico spondens Paternus pro Francis ad iudicium Theodorici regis Italicae, huius rei terminus fieret. Ibi legatus Alarici regis & Paternus directus a Clodoueo ad conspectum properant Theodorici. Exponens per ordinem Paternus causam Clodoueo & Francis quod legatus Alarici denegare non 40 potuit, nisi tantum petens, ut iudicium Theodorici finiretur. Cogitans in semetipso Theodoricus huius causae euentum & futuris temporibus quae oportebat obliuioni non tradens, zelum aduersus hos duos reges retinens, dicens, His legatis in crastinum, quod attentius huius rei pro pacis concordia ut iustitiae ordo poposcerit, cum senioribus palatii pertractare potuero, fratribus meis cum integra dilectione & amore profuso mandare non sileo: tractansque in arcano cordis quod iam olim celauerat, cupiens hos duos reges ad inuicem semper esse discordes, tale inter eos demum iudicium terminauit, ut difficile Gothis, quos Alaricus regebat huius culpa compleretur; ut veniret legatarius Francorum sedens super equum, contum erectum tenens manu ad aulam palatii Alarici, & tandiu Alaricus & Gothi super eos solidos iactarent, quousque legatum & equum & acumen conti cum solidis cooperirent. Renunciantes 50 legati Alarico protinus, quod Theodoricus huius rei terminasset iudicium. Et cum esset difficile haec Alarico & Gothis supplere, volentes fraude Paternum legatum Francorum decipere; qui in solario, misso per noctem quod suppositum erat, ruens fracto brachio vix tandem euasit. Ducensque eum Alaricus in castrum, suos ostendens thesauros, cum sacramento dicens; amplius solidos non habere, quam ad praesens arcis plenis ostenderit. Vbi Paternus vnum solidum de pugno extrahens suo protegit dicens, His solidis sit arrabo ad partem Domini mei Clodouei regis & Francis. Reuertens ad Clodoueam narrans per singula. Clodoueus aduersus Alaricum arma comouet,

het, quem in Campagnia Nodauensi X. ab vrbe Pictaua milliario interfecit, & maximam partem exercitus Gothorum ibi gladio trucidauit, regnumq; eius à Ligeri fluuio & Rhodano per mare Tyrrhenum & montes Pireneos vsq; Oceanum mare abstulit, quod hodieq; ditione condigna permanet ad regnum Francorum.

THEODORICVS cum Papam Romæ Apostolicum virum IOANNEM sine culpa morte damnasset, & Symmachum Patrium nullis causis existentibus itemq; trucidari fecisset, ira percussus diuina, à germano suo Galerico interficitur. Fertur in dialogis *Greg. dial. sancti Gregorii à quodam sacerdote visibiliter ab ipso Pontifice & Patricio Theodorico victus trahi in Siciliam in ollam ignis.*

- 10 CROCUS rex Wandalorum cum Svveis & Alanis egressus de sedibus Gallias appetens, consilio matris nequissimo utens, dum ei dixisset, Si nouam rem volueris facere & nomen acquirere; quæ alii ædificauerunt, cuncta destrue, & populum quem superas, totum interfice: nam nec ædificium melius à prædecessoribus facere potes neque plus magnam rem per quam nomen tuum eleues. Qui Rhenum Moguntiarum ponte ingeniose transiens, primum ipsamq; ciuitatem & populum vastauit: deinde cunctas ciuitates Germaniarum vallans, Meris peruenit, ubi muro ciuitatis diuino nutu, per noctem ruente, capta est ciuitas à Wandalis. Treuerici vero in harenam huius ciuitatis quam manierant, liberati sunt. Post hæc cunctas Gallias Crocus cum Wandalis, Svveis, & Alanis peruagatus, alias obsidione deleuit, aliasq; ingeniose iram pens
- 20 vastauit. Nec vlla ciuitas, nec castellum ab eis in Gallis liberatum. Cumq; Arelatum obsiderent Crocus à Mario quodam milite captus & vinculis contractus est Qui ductus ad pœnam per vniuersas ciuitates, quas vastauerat, impiam vitam digna morte finiuit. Cui Trasemundus successit in regno. Alamanis aduersus Wandalos arma commouent. Vtrique consentientes ad singulare certamen præliandum duos miserunt. Sed ille qui à Wandalis missus est, ab eo qui ab Alamanis, superatus. Victusq; est Trasemundus & Wandali. Et secundum placitum Trasemundus cum Wandalis, Svveis, & Alanis, Gallias prætermittis, Hispanias appetiit, ibique multos Christianorum pro fide Catholica interfecit. Post paucum temporis mare traducto in Mauritaniam, credo diuino nutu, fera ducente cum Wandalis transuadendo transiuit, vt fertur, mare, vbi septem millia passuum latitudinem esse scimus. Mortuo in
- 30 Mauritania Trasemundo Hynericus mente crudelior Wandalis successit in regnum terram totam occupans, nimias strages in Christianos exercuit, conciliante Cyrola Hæreticorum Episcopo, cuius persecutione plurimi de numero Christianorum martyrii palma sunt coronati. His diebus Eugenius & Vindemialis Episcopi miras vires in Christi nomine ostendebant, etiam mortuos suscitabant. Cyrola quendam hominem præuentum datis quinquaginta aureis, suasic vt se cæcum fingeret & clamaret coram Honorico rege, Cyrolæ virtutibus lumen se accipere, quo facto Cyrola cæcus efficitur. Postea oratione Eugenii lumen recepit. Instigante Cyrola ab inuidiæ morbo, Honorico iubente Eugenius capite truncatur. Longinus & Vindemialis diuersis pœnis afflicti pro Christi nomine ad æternam migrabant beatitudinem. Honoricus merito exigente propriis se moribus laniauit, indignam vitam iusta morte finiuit.
- 40 Cui Childericus successit in regno. Ipso defuncto Childemerus regnum suscepit, apud quem Belisarius fortissime dimicauit. In quo regnum Wandalorum finiuit.

- Iustinianus priusquam temporibus Iustini Imperatoris regnum assumeret, cum esset Comes castrorum, & Belisarius Comes Stabularius, erant inuicem nimia dilectione complexi, iurantes sibi, quantum cuiusquam ex his causa proficeret, parem sibi semper fidem seruarent. Cum quadam die inter duas germanas de lûpanari electas ex genere Amazonas sibi concubitum meridie sub quadam arbore in pomerio
- 50 senior Antonia cum Iustiniano distribuisset, Iustiniano sopore depressus sed declinans caput eius incaluit. Veniens aquila diuino nutu eodem dormiente, calorem solis extensis alis obumbrabat. Quod cum Antonia vigilanti fuisset reperi- tum, sperans hoc signo Iustinianum imperium assumere, experget. Cui à somno dixit ei, Si Imperator effectus fueris, erit digna ancilla tua tui concubitu. Et ille subridens, reputans se difficile hoc esse honore dignum, dixit ad eam, Si Imperator effectus fuero, tu mihi eris Augusta. Commutatisque ad inuicem annulis ait Iustinianus ad Belisarium, Scias inter me & Antoniam placuisse, Si ego efficiar Imperator, ipsa sit mihi Augusta. Annulis enim commutatis hoc fœdus iniuimus. Dixitque Antonina, Si soror mea tibi Augusta, ego Belisario matrona efficiar.

Isid. ait Trasemundo successisse Hildericum filium Hysperici ex filia Valentiani Imp.

Gilgimerum vocant alij.

Dixitque Belisarius diuino nutu, Si Antonia Augusta efficitur, tu stratus mei matrimonio sociaberis: itemque anulis cōmutatis abierunt. Nec multo post tempore Iustinus Imperator bellum in Persas mouit; qui cum Chalcedonem transisset, morbo periit. Consensu itaque Senatus & militum eleuatus est Iustinianus in regnum, oppresso rege Persarū, cum vinctum eum Iustinianus teneret in cathedra quasi honorifice sederet iussit, perquirens ab eo ciuitates & prouincias reip. restituendas, quo facto pactionis vinculum firmaret. Et ille respondebat, Non dabo. Iustinianus dicebat, Da eas. Ab hoc loco vbi hæc acta sunt, ciuitas nomine Darea fundata est Iustiniani iussu, & vsque in hodieum diem hoc nomine nuncupatur. Post receptas prouincias & ciuitates plurimas quæ à rege Persarum huiusmodi ordine Iustinianus 1. suæ ditioni assumpserat omnibusque firmatis, permisit eum in Persia regnum recipere. Reuertens Iustinianus cum magno triumpho, Constantinopoli sedem tenuit imperii. Antonia sumptis secum quinque aureis, duos dedit ostiariis, à quibus permessa est introire palatium, tres vero dedit tenentibus velum, vt suam causam permitteretur suggerere Imperatori, dicens ad Iustinianū. Clementissime Imperator, iuuenis aliquis in hac ciuitate dedit mihi annulum in sponsalem arram, & meum sibi accepit, promittens & sacramento firmans, aliam se non accepturum, sed me habiturum vxorem. Dilatatur hæc causa. Et illa, Iube, inquit, piissime Imperator, vt fiat. Dixitque Iustinianus; non licet hanc promissionem, si facta est, mutare. Tunc porrigens annulum, Dominus, inquit, cognoscat, cuius fuerit annulus iste: & quis eum mihi dederit, te 2. latere non potuit. Cumque cognoscens Iustinianus annulum quem dederat, recordatus fuisset suæ promissionis, iubet eam in cubiculo intromitti, vestibusque indui splendidissimis, suoque stratui in nomine Augustæ sociauit. Quod cum perlatum fuisset in populo factione senatus, vulgus clamitat, Domine Imperator redde mulierem nostram. Quod Iustinianus audiens, diligenter inquirens initium factionis huius, duos ob hoc verbum Senatores interfecit. Omnes quicuerunt in posterum, ne quisquam audebat exinde verbum proferre. Accepit & Belisarius Antoninam vxorem. Cum vnico amore Iustinianus diligeret Belisarium, & eum Patricium partibus Africæ, quæ à Wandalis fuerat occupata, instituisset, eumque multis opibus assidue ditaret, quærebant Senatores ob inuidiam, quo pacto eum perdere potuissent, dicentes 3. Iustiniano, vnanimiter ingredienti, singulatim ad eum, Si Belisarii consiliis voluissimus succumbere, iam olim ab Imperio fuisses degradatus. Ipse disponit vt tibi succedat in regno. Quod ille audiens, tacite aduersus Belisarium zelum ducens, cum consilio senatus iubet eum ab Africa Wandalos expugnare. Ibi fortissimi viri & multæ legiones militum à Wandalis sepe fuerunt trucidari. Belisarius habuit pueros proprios XII. millia quos propriis stipendiis alebat, & viros fortes ad præliū & de patriciatu XIX. millia præliatores viros qui procedebant ad bellum. His auditis Belisarius cum arbitraretur impossibile, Wandalos superare se posse graui mœrore perterritus ad propria remeauit. Cumque eum Antonina afflictum & mœrentem vidisset, & non posset cognoscere quæ hæc esset afflictio, solícite à pueris requisit: nec quisquā ei hanc rem 4. indicare poterat dum omnibus illis esset incognitum. Reuertens ad ipsum, dixit, Domine mi, quare mœrore deprimeris, & more solito veniens de imperio non lætaris? ne forte aliquid sit offendiculi. Indica mihi huius causæ euentum, forsitan ancilla tua dabit tibi consilium oportunum, vt vertatur mœror in læticiam. Dixitque Belisarius ad eam; hæc causæ consilia mulierum non poscit, nec quicquam est tecum in hanc rem utile. Illa vero cum esset Christiana narrat viro suo dicens, scriptum est: Saluabitur vir infidelis per mulierem fidelem. Indica mihi, quæ sit ista conditio. Credo de omnipotentis Dei virtute vt detur tibi consilium diuina inspiratione, vt possis dies malos euadere. Belisarius hæc audiens narrat vxori decretum Imperatoris esse, vt contra Wandalos iret ad bellum. Dixitque Antonina ad eum. Voue, te deinceps 5. baptizandum, & Christum Dominū & Trinitatē inseparabilē crediturū fideliter: atque illius virtute & solatio Wandalos superabis, & eris ob hoc gloriosior quā fuisses. Quod Belisario deuotissime se impleturū promittēte, dixit ad eū Antonina. Duodecim millia puerorū quos proprios habemus, de illis adhibe tecum quatuor millia & XII. patriciatus tui pugnatores adhibe tecum XII. millia. ibis cum eis terreno exercitu, & ego de pueris octo millia, & ex militibus sex millia: vado euectu nauali, & statuta die pariter vndiq; circundemus castra Wandalorum. Diuino protecti auxilio superabimus eos. Domine mi, si vsus fueris consilio ancillæ tuæ, prouidentia Dei optata perfici-

Belisarij uxorem Antoninam Vocauit, testis Procopius.

1. Cor. 7.

perficies, qui nobiscum in domo sunt ut non te cognoscant moerentem, quid corde re-
 tineas hilari vultu significa. Cum vero tu terrenū, & ego maris iter arripimus, signum
 daturi inuicem, noctis tempore focos tui in littore faciant, & nos lucernas in nauibus
 erigemus causa significandi aduentus nostri. Nec oportet quenquam urgere, sed pari-
 ter phalanges utrinque circūdemus inimicorum. Cum fuisset consilium huius rei An-
 tonina utile uterque sic properant. Vvandali & Gildimer eorum princeps comperto
 exercitu terreno, nauale praelium post tergum penitus ignorantes, castra merantur su-
 per litore maris, liberis & mulieribus dimissis contra Belisarium procedunt ad bellum.
 Cum iam prope conflictum adessent certaminis, Antonina cum suis exiuit in litora,
 10 omnesque liberos & mulieres Vvandalorum deleuit, nec animal aliquod ex illis viue-
 re permittit. Nuncius velocissime ad Gildimerem peruenit, uxores & liberos Vvan-
 dalorum fuisse deletos. Gildimer & Vvandali destructa phalange praelii retrorsum cur-
 su veloci pergunt ad castra. Tunc Belisarius & Antonina vadique circumdatos Vvan-
 dalos trucidant, & usque ad internecionem deleti sunt. Gildimer rex cum patricis duo-
 decim tantum Vvandalis in quoddam castrum tutissimum fugit, nec tamen liberatus
 est, coarctatus angustiis Gildimer petebat Belisarium tantummodo non ligatum
 Imperatori se presentari. Belisarius promittens nec ligno, neque corrigia, nec æris liga-
 mine eum constringendum. Gildimer credens à Belisario captus est, regali tamen
 ligamine, hoc est cathena argentea eum constringit, sociosque suos interfecit: Illum
 20 tantum singulum Iustiniano presentauit, quem Iustinianus in palatio habitare iussit
 suo. Sed à suis expulsum aduersis opprobriis opprimebatur grauius, petensque Impera-
 torem, Non possum, inquit, tanta opprobria sustinere: expuunt enim me & premunt
 habitatores palatii tui: melius est mihi mori quam vivere. Si iubeas, qui me expuunt
 & opprimunt, duodecim ex his, & ego solus cum equo quem habui ante conspectum
 gloriæ tuæ armati accedemus ad praelium; & cognosces cuius ex nobis sit virilitas an
 ignauia. Quod Iustinianus annuit & pro spectaculo contra duodecim iuvenes huius
 praelii Gildimer cum equite iussit configere. Gildimer verò cum contra eos aggredi-
 tur, fugam fingens, hos duodecim singulatim solus interfecit. Post hæc IUSTINIANI
 iussu Gildimer eunuchus fit, & in provincias contra Persas vicinas Patricius ordina-
 30 tur & multa praelia & victorias contra Persas egit. Senatus aduersus Belisarium denuò
 inuidia vrente, IUSTINIANO eum faciunt odiosum, quod ille victoria super WANDA-
 LOS elatus imperium vellet arripere. De Patriciatus honore degradatur, cum non
 potuissent perficere, ut interficeretur. IUSTINIANVM ab honore imperiiq; dignitate
 conantes eicere factione quadam die IUSTINIANVM hortantes, ut circum expectaret
 & consulatum populo daret; electum quendam nomine FLORIANVM volentes impe-
 rio sublimare. IUSTINIANVM itaq; custodia cingulum retinentes, eiusque corona ab-
 lata. IUSTINIANVS misit puerum ad Belisarium, ut eum adiuuaret. Et ille dicens, Sub-
 limatus honoribus, quod habui & fueram, poteram adiuuari? modo nihil ei possum
 adiutorii præstare. Ordinans suis pueris circum apprehendere, ubi cathedra im-
 40 petii. FLORIANI parabatur, Ipse illis partibus adoraturum se FLORIANVM fingens, pro-
 cedit, dicens pueris suis, Omnes inimicos meos per circuitum cathedrae Imperatoris
 video: quodcumque me facientem videritis, & vos sitis facturi. Ille fingens se FLO-
 RIANVM adorare, gladio eum percussit, omnesq; inimicos suos circumdantes pueri
 interfecerunt. Corona Imperii capta, ad IUSTINIANVM veniens dixit, Adulatores
 tui te ab honore imperii degradati sunt: ipsorum consilio usus consecutus es humili-
 tatem meam.

Ego vero reddam tibi bona pro malis, & non fidem retractans, sed meam me-
 tainens promissionem, fidemque seruans illibatam imposui coronam capiti Iustinia-
 ni, eumq; imperio restituit Belisarius multa praelia cum Persis agens, eos glorio-
 50 sissime vicit. Ab Vcelino quodam Franco in Italia superatus est, tantæ
 victoriæ nomine gloriosus, ab Vcelino victus nomen
 utrumque amisit.



IDACII LEMICENSIS IN

GALLÆCIA EPISCOPI CHRONICON CON-
tinuans ubi Hieronymus desinit.

Isidorus de viris Illustribus. Cap. 9.

10



IDACIVS prouinciæ Gallæciæ Episcopus secutus Chronicon Eusebii Cæsariensis Episcopi, siue Hieronymi Presbiteri, quod vsque [hodie] in Valentis Augusti imperium editū declaratur: dehinc ab anno primo Theodosii Augusti vsq; in annum imperii Leonis octavum subiunctam sequitur historiam, in qua magis barbararum gentium bella crudelia narrat, quæ premebant Hispaniam. Decessit sub Leone principe, vltima iam penè senectute, sicut etiam præfationis suæ demonstratur indicio.

Sigebertus Gemblacensis Monachus ad

annum CCCCXC.

20

Idacius Lemiciæ Hispaniarum vrbis Episcopus Chronica sua à primo Theodosii consulatu inchoata hucusque perduxit.

Idacius seruus Domini nostri Iesu Christi vniuersis fidelibus in Domino nostro Iesu Christo, & seruientibus ei in veritate, Salutem.

Probatissimorū in omnibus virorum studio, quos præcipuos in fide Catholica & conuersione perfecta testes veritatis diuinæ cultus docet assertio, hucusque de Sancto Hieronimo, vt ipso in capite istius voluminis præfatio prima declarat, cognomine Eusebii Historiam in aliquantis Hispaniarum provinciis conscriptam retineri: cui si- 30
cut postea subdidit in locis, quibus debuit, certo styli studio declaratur, vtrum ad hæc ignarus ego & indignissimus omnium seruorum Dei Idacius seruus Iesu Christi & Domini nostri, quæ sequuntur ab anno primo Theodosii Aug. & comperi, & descripsi breui ante factæ præfationis indicio.

Romanorum XXXVIII. Theodosius post Gratianum regnat annos XXVII. Theodosius natione Hispanus, Prouinciæ Gallæciæ ciuitatis à Gratiano Augustus appellatur. Inter Germanos & Gothos certamina conferuntur. Theodosius secundo anno regni sui Augustus appellatur.

Tertio regni Theodosii anno Athanarius rex Gothorū Cōstantinopoli, quinto-
decimo die, à quo à Theodosio fuerat receptus, interiit. 40

Quarto regni Theodosii anno in fœdera Romanis paci se tradunt. Martinus in Galliis Taronica Episcopus, & vitæ meritis & patratis miraculis virtutū habetur insignis.

Theodosius V. regni sui anno Arcadium filium suum Augustum appellans, con-
sortem regni sui fecit esse.

In sexto regni Theodosii anno Honorius filius nascitur: octauo anno regni
sui Romam cum filio Honorio ingressus est, legesque Romanorum integra emenda-
tione edidit.

XIV. Regni sui anno Valentinianus iunior apud Viennam scelere Comitum Ar-
begastis occiditur. 50

XVII. anno Theodosius valetudine metropolis Mediolani defunctus est. à Ro-
manis in sancta ecclesia Laurentii sepultus est.

ROMANORVM XL. Arcadius & Honorius filii Theodosii defuncto patre re-
gnauerunt annos XXX.

Anno regni eorum Theodosius Arcadii filius nascitur.

Anno XV. regni Arcadii Martinus Episcopus, & vir Apostolicus transit ad Do-
minum carne deposita. cuius vitam & mirabilia, quæ fecit edidit Seuerus vir summus
discipulus ipsius, qui & Chronicam aliaque ab initio Genesis peritissime scripsit.

Anno

Anno XV. regni Arcadii & Honorii, Alani, Wandali, & Sueui Hispanias ingressi. III. Id. Octob. Honorio & Theodosio Arcadii filiis Coss. Alaricus Rex Gothorum Romam ingressus, quum intra & extra urbem cædes aderant, omnibus indultum est, qui ad Sanctorum limina confugerunt, opes conditas in vrbe & substantiam tyrannicus exactor diripit. Placida Theodosii filia, Honorii Imperatoris soror à Gothis in vrbe capta est. Alaricus moritur, cui Athaulfus succedit in regno.

Anno XVI. imperii Honorii debachantibus per Hispanias barbaris pestilentia malo fames dira grassatur, vt humana carnes ab humano genere fame fuerint deuorata: Matres quoque necatis & coctis natorum suorum visceribus, sint pastæ corporis bestia occisorum. Gladio, fame, pestilentia, bestiarum infestatione interimebantur homines. His III. plagis ubique in toto orbe sævientibus, prædicta à domino per Prophetas suos adimplebantur.

Anno XVII. Honorii regni, Gallæciam Wandali occupant, & Sueui in extremitate succedunt. Alani Lusitaniam & Carthaginenses prouincias, Wandali cognomento Silingi Bæticas sortiuntur. Constantinus post triennium inuasit tyrannidem. Ab Honorii duce Constantio in Gallicia occiditur. Iouianus & Sebastianus Tyranni ab Honorii duce Narbonæ interfecti.

Anno XX. imperii Honorii Athaulfus ad Narbonam Placidam duxit uxorem: in quo prophetia Danielis putatur impleta, quum ait, Filiam regis Austri sociandam regi Aquilonis, nullo tamen est semine subsistente.

Anno XXII. Imperii Honorii Athaulfus à patritio Constantio pulsatur, vt relicta Narbona Hispaniam peteret; à quodam Gotho, Barcinone iugulatur. Cui successit Vallea in regno. Cum patritio Constantio mox pax facta. Alanis & Wandalis cognomento Silingis in Lusitania, & Bætica sedentibus aduersatur. Constantius Placidam duxit vxorem: Freditalum regem gentis Wandalarum suis vlllo certamine ingeniose captum ad Imperatorem Honorium destinat.

Anno XXVI. Honorii regni, Wandali per Bæticam à Vallea plurimi sunt extincti. Alani adeo cæsi à Gothis, fortiter vallati. * Othacar regem ipsorum. * Pauci, qui superfuerunt, oblito nomine Ganderico regi Wandalarum, qui in Galliis residebat, se patrocinio subiugauerunt. Gothi sedentes in * Aetania Tolosam sedem sibi elegerunt, à Mari Tyrrheno, & fluuiò Rhodano per Ligerim fluuium usque Oceanum possident. Vallea rege eorum defuncto Theudericus succedit in regnum. * Aquitanis

Anno XXVII. Imperii Honorii, inter Gandericum Wandalarum regem & Hermenticum Sueuorum regem bellum ortum est. Sueui in Neruiasis montibus obsidentes Wandalos: Valentinianus Constantii & Placidæ filius nascitur. Wandali Sueuorum obsidione dimissa, relictaque Gallicia ad Bæticam transierunt. Honorius apud Rauennam Constantium consortem regni facit. Constantius Imperator Rauennæ moritur in suo tertio consulatu.

Anno XXVIII. imperii Honorii Castinus magister militum cum magna manu in auxiliis Gothorum bellum Bæticæ Wandalis infert: quos quum ad inopiam obsidionis arctaret, &, vt traderent se, pararent, inconsulto certamine publico confligens auxiliorum fraude deceptus Tarraconam victus fugit.

Anno XXX. imperii sui Honorius Rauennæ obiit.

ROMANORVM XLI. Theodosius Arcadii filius, post obitum Honorii patrui Monarchiam tenens imperat annos XXIII.

Theodosius Valentinianum amitæ suæ Placidia filium Constantinopoli Cæsarem facit: quem contra Iohannis Tyrannidem mittit. Is à ducibus suis Rauennæ occiditur. Felix patritius ordinatur, Valentinianus Cæsar Romæ Augustus appellatur.

Anno III. regni Theodosii regnauit Gandericus Rex Wandalarum, capta, Ispali. Quum insidias Ecclesiis tenderet, mox Dei iudicio correptus interiit: cui Gaifericus eius frater succedit in regno.

Anno V. regnauit Gaifericus Rex Wandalarum cunctaque eorum familia ex Mauritania in Africam transiit. Interfecto Ermengario Rege Sueuorum iniuriam Sanctæ Eulaliæ in eodem, etsi nolens, vlciscitur. Confederunt Wandali in Bætico annos LIII.

Anno VII. imperii Theodosii Aetius dux utriusque militiæ. Sueui inita cum Galliciis pace libitam sibi occasionem conturbant.

Anno VIII. regni Theodosii Aetius dux vtriusque militiæ patritius appellatur.

Anno X. regni Theodosii, Burgundiones, qui rebellabant contra Romanos, à duce Aetio sunt perdomiti.

Anno XIII. regni Theodosii ab Aetio duce & magistro militum, Burgundionum caesa XX. millia Gothorum, qui eis auxiliauerunt, VIII. caesa sunt.

Anno XIII. regni Theodosii Sueui cum parte plebis, cui aduersabantur, pacis iura confirmant. Hermenricus rex Sueuorum morbo oppressus Richelam filium suum substituit in regno: quem postea ad Baticæ fluuium Gothi prostrauerunt, auri & argenti opibus occupatis. Carthago magna fraude direpta. Bellum Gothicum sub Theudero Rege apud Tolosam Lidorius dux Romanus inconsultius iuit. Quum auxilia Hunnorum manu magna irruerent, cæsis parte plurima suis, ipse vulneratus à Gothis post dies paucos capitur & occiditur. Gaifericus Rex Sueuorum multas in sacerdotibus fecit strages. Richela Rex Sueuorum, qui Gaiferico successerat, Emeritam egreditur.

Anno XVI. regni Theodosii, Richila Ispale obtenta Baticam & Carthaginem capit.

Anno XXIII. regni Theodosii Solis facta defectio. Richila Rex Sueuorum in Emerita gentilis moritur: cui mox filius suus Richarius succedit in regem. Agiulfum Gothum nobilem in Ispale Cæsarius comes iugulat. Richarius rex accepta in cōiugio Theodora Gothorum regis filia Wascones deprædatur.

Anno XXVI. regni Theodosii moritur Constantinopoli, anno ætatis suæ XLVIII.

Post quem XLII. MARTIANVS, commilitibus & exercitu instante, etiam Pulcheriani sororem Theodosii reginam effecit: & ipse sublimatur in regno: eamque Valentinianus in coniugium adsumsit. Valentinianus & mater Placita moriuntur Romæ. In Gallia teræ motus III. fuerunt. Post sol ab occasu ad Aquilonem è cælo rubens quasi cinis ac ut sanguis effectus. Gens Hunnorum pace rupta ruit in Gallias, quam quum Aetius Patritius venientes compressit, Sanctum Anianum Aurelianensem Episcopum ad * Theodoricum regem Gothorum legatum dirigit, petens auxilia contra Hunnos. Si præualerent resistere, mediam partem Galliæ Gothis daret. Quum à Theodorico Rege huius petitionis annuente, auxilium fuisset promissum Aetius legatos mittens ad Attilam regem Hunnorum, petens ebrum auxilium contra Gothos, qui Gallias conabantur inuadere. Si præualerent Hunni hos contra Gothos defendere, medietatem Galliæ ab Aetio perciperent. Attila verò cum Hunnis festinans & parcens ciuitatibus Germaniæ & Galliæ contra Gothos super Ligerim fluuium nec procul ab Aurelianis configit certamen. Caesa sunt Gothorum CC. millia hominum. Theodoricus Rex hoc prælio occubuit. Caesa sunt Hunnorum CL. millia: Ciuitas Aureliana oratione beati Auiani Episcopi liberata est. Hunni repetandes Tricassis in Mauriacensi confidentes Campania. Thurismundus filius Theodorici, qui ei successit in regno, collecto Gothorum exercitu, patrem vlcisci desiderans, cum Attila & Hunnis Mauriaco configit certamen. Ibiq; tribus diebus utraq; Phalange inuicem præliantes, innumerabilis multitudo gentium occubuit. Aetius, quum esset strenuissimus consilio, per noctem ad Attilam veniens dixit ad eum: Optabile duxeram, ut tua virtute regionem hanc à perfidis Gothis potuisssem eripere. Sed nullatenus fieri potest. Usq; nunc cum minimis pugnatoribus præliasti. Hac nocte Theodoricus Germanus Thurismundi cum * minima multitudine & fortiss. Gothorum pugnatoribus aduenit. Hæc non * sustinens. Atq; utinam vel euadere possis. Tunc Aetio Attila decem millia solidorum, ut pro suo ingenio Pannoniam repedaret. ipsaq; nocte Aetius ad Thurismundum idemq; perrexit, ducensq; ei causam consimilem: quod apud viles Hunnorum pugnatore usq; nunc pugnauerat. Nam maxima multitudo & fortiss. pugnatore à Pannoniis ipsaq; nocte ad Attilam aduenerat, & audissent fratrem suum Theodoricum Mauris Gothorum occupasse regnum, quod vellet arripere, nisi festinus ad resistendum pergeret, & periculum ad declinandum * abiret. Acceptis idemq; Aetius à Thurismundo decem millia solidorum, ut suo ingenio à persecutione Hunnorum liberati Gothi ad sedes proprias remearent, & protinus abierunt: Aetius verò cum suis etiam Francos secum habens post tergum direxit Hunnorum: quousque Toringia à longe persecutus est, præcepitq; suis, ut unusquisq; nocte vbi manebat. X. sparsim focos facerent, ut immensam multitudinem simularent. Quieuit hoc prælium. Aetii consilio Gallia ab aduersariis liberatur. Postea quum à Thurismundo rege & Gothis factio perlata fuisset, requirentes promissionem Aetii implendam, & ille renueret, per pacis

* in v. 6.
Theodori.
vel infra.

* nimia.
sustinens.

* adires.

pacis iura orbiculum aureum gemmis ornatum pensantem libras quingentas ab Aetio compositionis causa transmittitur Thurismundo. Et hæc iurgia quieuerunt, quæ species deuotissime usq; in hodiernum diem Gothorum thesauris pro ornatu veneratur & tenetur.

Anno II. Principis Martiani, Hunni in Italiam irrunt, namq; depredantur, aliquantis ciuitatibus irruptis. Diuinitus partim fame, partim morbo quodam plagis cœlestibus finiuntur. Iussu Martiani ab Aetio duce cæduntur. in sedibus suis coacti reuertuntur: & mox Attila moritur. Thurismundus Rex Gothorum à Theodorico & Friderico interficitur: cui Theodoricus successit in regnum. III. Regni Martiani anno Regina moritur Pulcheria. Aetius Dux & Patritius fraudulenter à Valentiniano Imperatore manu propria occiditur.

IV. Regni anno Principis Martiani à duobus Barbaris Aetii familiaribus Valentinianus Imperator occiditur. Post quem mox Maximianus ^{* ex Cōsul.} ex Cōsulibus XLIII. Romæ Augustus appellatur: qui quum Imperator factus, relictam Valentiniani Abi duxit vxorem. Maximianus quarto regni sui mense in vrbe Roma tumultu militari occiditur.

In ipso anno Auitus Gallus ab exercitu Gallicano primo Tolosæ, dehinc apud Arelatum Augustus appellatus Romam pergit. Obtenta Monarchia per Auitum, qui à Romanis euocatus & susceptus fuerat Imperator, Gaisericus sollicitatus, priusquā Auitus Augustus fieret, Romam ingreditur, ditatusq; opibus Romanorū Carthaginem redit, relictam Valentiniani & filias duas Aetii, filium Gaudentium secum ducens.

Legati à Martiano pro amicitia mittuntur Imperatori, & sic Martianus & Auitus concordēs principatu Imperii Romani utuntur. Sueui Carthaginensem regionem, quam Romanis reddiderant, depredantur. Sueui Tarraconensem prouinciam vastant: Theodoricus inita fide cum imperio Sueuos legatos mittit, vt se à provinciis, quas inuaserant amouerent. Consilio & consensu Auiti Imperatoris Theodoricus Rex contra Sueuos mouet exercitum, & in Tarraconensem Campaniam super Urbicam fluuium cum Richario rege Sueuorum configit certamen, plurimisq; Sueuis extinctis, ipso rege placato Gallicias fugaciter fertur aggredi. ipsoq; itinere Theodoricus Gothos, qui in Spaniis consedebant, vastauit & captiuitate multas diripuit ciuitates, sanctasq; Basilicas effregit. Richarius ad locum, qui Portugalæ appellatur, profugus Rex à Theodorico captus ducitur, & in custodiam redigitur. Sueui oblito regno se tradunt Theodorico: ibiq; regnum eorum destructum est. Auitus Imperator legatū ad Theodoricum cum sacris muneribus mittit, nuncians in Conseca cæsam multitudinem Wandalorum.

Auitus de Italia ad Gallias Arelatum secessit. Orientalium naves Ispalim venientes pro Martiano exercitum cæsum nunciant.

Occiso Richario Rex Theodoricus de Galliis ad Lusitaniam venit. Sueui denuo Regem Aldra sibi constituunt. Theodoricus Emeritam depredari moliens.

Auitus, qui à Wandalis, Gothis & Gallis factus fuerat Imperator, Gothorum promissis destitutus auxiliis, imperio caret & vita. VII. anno imperii sui moritur.

ROMANORVM XLIV. MAIORIANVS in Italia & Constantinopoli LEO Augusti appellantur.

Theodoricus aduersis sibi nuntiis territus mox propter dies Paschæ de Emerita egreditur Gallias repetens. Partem earum, quarum habebat multitudinem, variarum nationum cum ducibus suis ad campos Gallicie dirigit: qui dolis & periuriis instructi ad Sueuos qui remanserant, se inconsulto expeditionem ingrediuntur, pace fucata solita arte perfidia. Nec mora illic cæditur multitudo Romanorum: Sanctæ effringuntur Ecclesiæ: facer omnis ornatus & usus aufertur: Episcopi & Clerici captiuntur: domus dantur incendio.

Agilulfus, dum regnum Sueuorum sperat, Portugalæ moritur. Sueui in solitam perficiam versi regionem Gallicie adhærentem fluuiio Durio, circa littorā manentes depredantur. Gothicus exercitus à duce suo Cyrola ad Theodoricum Regem in Spanias missus succedit ad Baticam.

Theodoricus Duce suo Sunnerico exercitus sui aliquantam partem ad Baticam dirigit. Cyrola reuocatut ad Gallias, Sueui Lusitaniam cum Maldare Rege, & alij cum Richimundo Gallias depredantur. Heruli ad Baticam pertendentes Maldras germanum Senomuz fratrem interficiunt, & Portugalæ castrum inuadunt. Legati à Majoriano Augusto, & Theuderico Rege pro pace inter se ineunda ad Sueuos & Wandalos diriguntur.

Anno IIII. Regni Maioriani Maldras Rex iugulatur, mense Maio. Maiorianus imperator Hispanias ingreditur ad Carthaginensem prouinciam pertendens. Naues ad transiendum aduersus Wandalos præparari iubet, quas Wandali subripiunt. Maiorianus Imperator sua ordinatione frustratus Italiam repetit. Gothicus exercitus à Sunnerico & Nepotiano comitibus emittitur. Sueuos deprædantur. A Theodorico legati ad Sueuos veniunt, & recurrunt. Theodorici legati ad gentes pacem postulatum qui ierant, ea obtenta reuertuntur.

Maioriani V. anno Regni Gaifericus Rex à Maioriano Imperatore pacem per legatos postulat. Maioriano de Galliis Romam redeunte, Romano imperio vel res necessarias ordinante, Richimerus Sueuorum consilio fultus fraude eum interfecit. 10

* *iradit.*

ROMANORVM XLV. Senerus à Senatu Romæ Augustus appellatur: anno imperii Leonis V. Atrepennus Gallus comis & ciuilis inuidus Aegidio insignis inimicus Gothorum fœdere Narbonam tradebat Theodorico. Mense Iulio in Gallia conuulsione villæ exusta, greges ouium concremata, fame concisa: pluuiæ de cœlo mixtæ cadunt. Duo adolescentes carne inuicem solidata adhærentes sunt mortui. In Armenicana prouincia Fridericus frater Theodorici regis insurgens cum his cum quibus fuerat superatus occiditur. Luna XV. tunc conuersa est in sanguinem. In specie Lunæ V. Sol ab hora tertia usq; in horam nonam obscuratus est. Wandali per Marcellinum in Sicilia cæsi effugantur. Aegidii Comes veneno perit.

ROMANORVM XLVI. regnauit ANTHEMIVS. Romæ Augustus appellatur. 20

Anno Leonis imperii II. expeditio ab Africa aduersus Wandalos ordinatur. Per Theodoricum Salla legatus mittitur ad Remismundum regem Sueuorum, qui reuersus eum à fratre suo Theodorico nunciat interceptum. Gothi qui inter Wandalos missi fuerant supradicta expeditione Romam perterriti reuertuntur. Conembra ciuitas in pace decepta, domibus destructis cum aliqua parte murorum, habitatores capti atq; dispersi; & regio desolatur & ciuitas.

Anno II. Anthemii in medio Tolosæ ciuitatis sanguis erupit de terra, & tota diē fluxit, significans Gothorum dominationem sublatam, Francorum adueniente regno. Exercitus Leonis aduersus Wandalos cum tribus Ducibus descendit. Richimerus gener Anthemii imperatoris ex Patritio Cæsar factus, adfatim degradato socero, ad priuatam vitam illum adigit, filio eius occiso. Aduersus Romanorum imperium conuenere Wandali consulentes Gothi, vt eodem tempore hostium legatos deferentem partem etiam Lusitaniam deprædentur. Richemundo cum Sueuis ad Imperatorem transeunte; durissimus extra solitum hoc eodem anno hibernus hyemis, æstatis, autumnus, fructuumq; mutatione diffunditur. Temporibus imperatoris Honorii regnū Gothorum post captam Romam Gaiferici diuisione partitur: & qui in Italia consederunt, ditioni imperii se tradunt. Reliqui Aquitaniam prouinciam cum ciuitate Tolosæ eligentes sedem, Regem eligunt Athaulfum. Postea, vt supra confirmant, à Gothis regnatum est. 30

* in v. s. *Historia.*

C H R O N I C I I D A C I I F I N I S.

Descriptum ex Chirographo Friderici Lindenbruch Hamburgensis, qui Lutetia exscripsit ex veteri codice.

Vera scriptura huius nominis erat Ithacius *Idacius*, quo nomine Episcopum memorat Hieronymus. Sed ex Ithacio Idacius factum. dictio huius scriptoris barbara est, vt apparet velit, magis suspicari possum quam intelligere. Errores non pauci in historia Romana, vt in obitu S. Martini Turonensis: in aliis, quæ non referam. Attribuit legum emendationem Theodosio seniori: quod erat adscribendum

iuniori. Quia tamen quædam habet, quæ alibi non reperies, de Gothiis & Sueuis, & præterea quia commendatur ab Isidoro: deniq; quia continuat Hieronymum, hunc scriptorem omittere nobis religio fuit. 50

DIVI EVLOGII CORDUBENSIS

10 Martyris, Doctoris, & electi Archiepiscopi
Toletani opera.


STUDIO ET DILIGENTIA ILLVSTRISSIMI
ac Reuerendissimi Domini Petri Pontii Leonis à Corduba Episcopi
Placentini, summiq; fidei Christianæ per regna & ditiones
PHILIPPI II. Regis Catholici Inquisi-
toris reperta:

20 EIVSDEM SANCTISSIMI MARTYRIS VITA
per Aluarum Cordubensem scripta. Cum aliis nonnullis Sanctorum
Martyrum Cordubensium monumentis.

OMNIA AMBROSII MORALIS CORDVBENSIS
Regii Historici scholiis illustrata, eiusq; cura & diligentia excussa.

Operum Catalogus sequitur post præfationes.

30

 Pus hoc nunc ex vetustate novum, iam olim editum à beatissimo Martyre Cordubensi Eulogio de vitis Martyrum eiusdem Patricia ciuitatis: nostra vero temporibus nouiter repertum, & ab innumeris meritis tuncq; vindicatum, ab Illustissimo Domino Petro Pontio Leone Pontifice Placentino ex eadē ciuitate oriundo, Scholiis vero mirifice illustratum ab eruditissimo viro Ambrosio Morali Regio Hispanico, & eloquentiæ magistro olim primario in Academia Complutensi: suscepi examinandum, de mandato præstantissimorum virorum supremi senatus Domini nostri Philippi Hispaniarum Regis Catholici. Mihi vero altius rem totam expendenti videtur in primis doctrinam sanctissimi Martyris Eulogii summam, & summo Martyre dignam redolere sanctitatem. Deinde vero grauißimi Episcopi Placentini labores, summā grauitatem, & de doctrinis antiquorum præclare meritam præ se ferre. Tandem tertio, in laboribus Ambrosianis admiror incredibilem eruditionem & pietatem in viro, alioqui eruditissimo & prorsus pio. Et non solum de sua patria (hoc est Corduba) sed de vniuersa Hispania, & de Hispaniarum vniuersis Martyribus, si mihi fides, immo suis præclaris lucubrationibus adhibenda est, bene merito. Atque adeo cum res salua sit, & hoc volumine munda sint omnia, poterit liber hic ad patientiam comparandam appositissimus, merito typis mandari, & in publicam utilitatem efferri: utpote in quo nihil fidei absolum, nihil Christianis moribus aduersum, sed summa sanctitas in Duo Martyre, summa grauitas & solertia in huius operis repertore Placentino Prælato, summa demum eruditio, diligentia, & pietas in regio Historico Ambrosio dignissimo Scholiaste, luce clarius inueniuntur. Cuius rei gratia cum nostra paruitatis hoc sit de tanta re utcumque iudicium & censura, nomen nostrum necessarium duximus, in signum veritatis apponendum, in nostro Regali Cænobio sanctæ Mariæ de Horta, sacri ordinis Cisterciensis, Anno Virginei partus, orbisque reparati, M D LXXII.

40

50

15. Kalendas Noacmbris.

Fr. L. Estrada, Abbas Horta:

Yo he visto lo que toca a las antigüedades de la ciudad de Cordoua, que se me cometio, y esta muy docta y diligentemente escrito, y assi se puede y deve imprimir, y este es mi parecer, y lo firme de mi nombre. En Madrid el primero de Hebrero.

1573.

Geronino curita.



AMBROSIVS MORALES AD LECTOREM.

Dum diui Eulogy editio post censuras Regii senatus iussu iam latas, de die in diem differtur: mors Illustrissimi Petri Pontii Episcopi Placentini interuenit: quanta cum bonarum literarum per Hispaniam iactura, non est huius loci deplorare. Ibi me, qui orbata suo patrono sancti Martyris opera grauitur dolore, nouum laborem subire necesse fuit: ut industria, diligentia & impensa etiam nostra excuderentur. Cum interim Deo Opt. Max. ingentes gratias agerem, qui hunc eximium laborem totum integrum nostrum esse voluerit: & illam nostram innatam penitus propensionem, qua eius munere vehementius in senectute incitatur, & plane incendimur, ut omnes Hispanos Diuos, quorum iam vitas, quantacunque potuimus diligentia perscripsimus, ad Dei gloriam, & patrium nostratum exemplum illustremus: in Diuo Eulogio plenius prouiderit exerceri & impendi. Nihil enim iam hic ferme alienum, prater inuentionem codicis (quod maximum certe fuit) superest. Quocirca nos nihil prorsus de Illustrissimi Placentini Episcopi memoria & laude volumus deperire. Prasationes, quae antea fuerant, nostram ad ipsum epistolam, ceteraque omnia, ad eius famam & gloriam spectantia, intacta reliquimus.



EL REY.

POR quanto por parte de uos Ambrosio de Morales nuestro Coronista nos fue hecha relacion, diziendo, que por parte del reuerendo in Christo padre don Pero Ponce de Leon Obispo que fue de Plasencia e Inquisidor general en estos nuestros reynos, se presento ante los del nuestro conseio vn libro de las obras de san Eulogio martyr de Cordoua, y se pidio licentia para lo imprimir, y se auia cometido el examen del a fray Luys de Estrada, abad que al presente es del monesterio de Huerta, y a Geronymo de corita nuestro secretario, y auian dado su aprouacio. Y estando en este estado, murio el dicho obispo, hin hazer memoria en su testamento del dicho libro, ni de su impresion. Y sus testamentarios, siendo vos vno dellos, sustituido por el licenciado Andres Ponce de Leon del nuestro conseio, no querian passar adelante con la impresion a costa de la hazienda del dicho obispo, por iustas causas que les mouian. Y siendo esto ansi, auia des pedido a los demas testamentarios, que a tento el mucho prouecho Christiano, que de publicarse el dicho libro se esperaba, y a lo mucho que vos auia des trabajado en el, haziendole scholias, illustrandole, y annadiendole cosas dignas de su compannia: os diessen el derecho del dicho obispo, y su poder para imprimirle, por ser los dichos testamentarios los que lo podian hazer. Los quales os passaron el derecho, y dieron el dicho poder, como por vna escritura pareceria, de que hezistes presentacion, suplicandonos, os mandassemos dar licentia y priuilegio para imprimir el dicho libro, porque en ello seria seruido nuestro Sennor, o como la nuestra merced fuesse. Lo qual visto por los dol nuestro Consejo, por quanto en el dicho dicho libro se hizo la diligencia, que la prematica por nos agora nueuamente fecha sobre ello, dispone: fue acordado, que deniamos mandar dar esta nuestra cedula en la dicha razon, e nos toui moslo por bien. Y por la presente vos damos licentia y facultad, para que vos o la persona, que para ello vuestro poder uiere, y no otra persona alguna, podays hacer imprimir y vender el dicho libro, que de suso se haze mencion, en estos nuestros reynos de Castilla, por tiempo y espacio de diez annos, que corren, y se cuent an desde el dia de la fecha desta nuestra cedula. Sopena que qualquiera persona o personas, que sin tener para ello vuestro poder, lo imprimierẽ y vendieren, e hiczierẽ imprimir y vender, pierda tota la impressio que hiczierẽ y vendierẽ, con los moldes y aparejos della, y mis incurran en pena de cinquenta mil marauedis por cada vez que lo contrario hiczierẽ, la qual dicha pena sea la tercia parte para la persona que lo acusare, y la tercia parte

cia parte para el diez que lo sentenciaré, y la otra tercia parte para la nuestra camara y fisco. Co tanto que todas las vezes que uieredes de hazer imprimir el dicho libro, durante el dicho tiempo de los dichos diez annos, le trayays al nuestro Consejo iuntamēte co el original, que en el fue visto, que va rubricado cada plana y firmado al fin del de Iuan Gallo de Andrada nuestro escriuano de caera, de los que residen en el nuestro Consejo, para que se vea si la dicha impresion esta conforme a el, y se os de licencia para lo poder vender, y se tasse el precio, a como ouieredes de vender cada volumen, so pena de caer e incurrir en las penas contenidas en la dicha prematica y leyes de nuestro reynos. Y mandamos a los de nuestro Consejo, y a otras qualesquier justicias destos nuestros reynos, guarden y cumplan, y executen, y hagan guardar y cumplir y executar esta nuestra cedula, y todo lo en ella contenido. Fecha en el bosque de Segouia, a treze dias del mes de Iulio de mil y quinientos y setenta y tres annos.

YO EL REY:

Por mandado de su Magestad.

Antonio de Erasso.

YO Iuan Gallo de Andrada secretario del Consejo de su Magestad, doy fe, que por los señores del Consejo, fue tassado el libro intitulado, las obras del mar tyrr sancto Eulogio, que su Magestad dio licencia para lo imprimir a Ambrosio de Morales Coronista de su Magestad, en seys reales cada volumen en papel: y a este precio, y no mas, dieron licentie que se venda el dicho libro. Y mandaron, que esta tassa se ponga al principio del. Y para que dello conste, di esta fe firmada de mi nombre, que es fecha en la villa de Madrid a diez y ocho dias del mes de Marco, de mil y quinientos y setenta y quatro annos.

Iuan Gallo de

Andrada.

PHILIPPO SECVNDO
REGI CATHOLICO, RE-
GVM OMNIVM MAXIMO, ET
POTENTISSIMO,

PETRVS PONTIVS LEONIS A CORDVBA, EPISCO-
pus Placentinus, Summus per eius regna & ditiones fidei Christiana Inquisi-
tor, salutem & veram felicitatem.

INTER multas, præclaras, Christianoque principe dignissimas virtutes, quibus Catholici cognomen & merito retines, & perpetuo tueris, Philippe Maxime, illud vnum cum ingenti lætitiâ & vere cœlesti gaudio Hispani tui suspicimus, & semper recolimus: quod inter grauissimas tot regnorum regendorum curas, belli pacisque varias sollicitudines, nostratium sanctorum gloriæ & venerationi semper studes, incensaque in ipsos deuotione, eo mira prouidentia magnoque sumptu iugiter incumbis. Et lōgum sit huius tuæ in Hispanos diuos religionis & obseruantia testimonio celebrare. Pauca percurrā. Magnificentissime transferendis illorum corporibus, & qua decentia sepulti vbique sint, quaque veneratione eorum cultus vigeat, missa etiam ad id ipsum legatione pientissima, perquirendo & intelligendo: publicam etiam inter diuos relationem ab summo Pontifice expetendo, hanc pietatis tuæ partem abunde testaris. Illud vero vnum in hoc genere præterea est, quod ego præsertim admiror, & publicæ utilitatis ergo exultanter reputo. Scripta Hispa-

norum sanctorum diligenter vndique conquisita, & ex misera obliuione extracta, vt
 integra, emendata, scholiis aucta, & debito suo nitori restituta invulgus exeant, non
 solum cupis & iubes: sed eruditissimis hominibus ea cura semel iam demandata, Mai-
 estas tamen tua neque prouidentia, neque liberalitati interitum parcat. Quæ tua in tan-
 ta Celsitudine insignis religio & pientissimæ prouidentia voluntas, vel eo magis me
 delectat, & vt inde gratias Deo Opt. Max. ingentes referam; cogit: quod eodem ego
 iam olim desiderio flagrauerim, sanctorum nostratium multa scripta vndique ex ve-
 tustis bibliothecis congregauerim, & munus tandem hoc, quod hic supplex offero,
 sacro isto tuæ Maiestatis studio, & sancta propensione dignissimum comparauerim.
 Dui enim Eulogii Cordubensis Martyris doctoris, & electi Archiepiscopi 10
 Toletani opera nunc primum in lucem eruta tibi (Princeps sanctorum Hispanorum,
 & hac præsertim ex parte amantissime) offerimus, quæ non dubito, quin futura sint græ-
 tissima. Vnum enim tantummodo Martyris nomen auditum, scio quam Maiestati tuæ
 futurum sit iucundum & venerandum. Quid si paulisper libeat recollere, Martyris ardorem in
 his suis scriptis mirifice expressum? Quid si ipsum met rediuium, loquentem, & docentem,
 adhortantem ad te venire reputes? Quid si delituisse per septingentos & eo amplius
 annos hæc martyris opera, spemque omnem penè ablatam eorum reperiendorum fu-
 isse cogites? Ea præterea, quæ his sanctissimi Martyris scriptis continentur, eiusmodi
 sunt: vt ab quouis homine scripta plurimi profecto fierent, & magni cuiusdam the-
 sauri loco inuenta haberentur. Etenim quinquaginta ferme nostratium Martyrum vi- 20
 tas & passionis, quorum aliunde præter nomen nihil ferme habebamus, ab Hispano
 homine, qui ipse pene omnibus interfuerit, luculenter scriptas & plene traditas, quan-
 ti inter Hispanos fieri æquum fuerit? Martyr præterea de Martyribus, Martyrii do-
 ctor de discipulis Martyribus testis oculatus scripsit. Hæc vt nemo digne possit estima-
 re, ita te, Principem, vere Catholicum, vere augustissimum, & in hoc ipsum studio &
 religiosa cura incubentem, grato animo, vt decet, excepturum & veneraturum aperte intelli-
 gimus. Et reliqua quidē D. Eulogii, præter Martyrum historiā, opera, eiusmodi esse, le-
 ctor, plane intelliges: vt præterquam quod historiæ eiusdem maxima sunt adminicula,
 flagrantissimum Martyris pectus vndique spirare, & viuam quodammodo eius imaginem
 exprimere videat. Hic vero thesaurus ideo mihi diuina benignitate videtur osten- 30
 sus, vt Cordubensis ciuis, Cordubensem Martyrem inuenirem, Maiestatiq; tuæ obla-
 tum, meæ ciuitati, & orbi Christiano sub tuo nomine felicius communicarem.
 Codicem horum operum miræ vetustatis, & D. Martyri, vt credi potest, coetaneum
 Gothicis literis in membrana descriptum ex Bibliotheca sanctæ Ouetenſis Ecclesiæ
 habuimus: quo nimirum cum sancto eiusdem martyris corpore Corduba, non multo
 post ipsum coronatum, fuerat delatus. Quo nomine sanctæ eidem Ecclesiæ plurimum
 debet Hispania, cum opulentissimum thesaurum per sexcentos & eo amplius annos
 seruauerit, & nunc oportuno tempore benigne mihi, & per me omnibus comunica-
 uerit. Verum vt alia omnia Cordubenses ciui nostro sanctissimo præstaremus, oppor-
 tune presto fuit Ambrosius Morales Cordubensis, tuus, Rex potentissime, Historicus 40
 q. D. Eulogii opera omni ex parte illustraret, & scholiis plane necessariis locupletaret.
 Idem etiam quædam de aliis Cordubensibus Martyribus paulo post tempore ob Chri-
 sti fidem interfectis, noua, & nunc primum adinuenta superaddidit. Accipe igitur,
 Philippe Regum Maxime, D. Eulogium vere tuum, in Hispania
 tua natum, edoctum, Martyrum ibidem Doctorem & inuentorem,
 & demum Martyrem.

ILLVSTRISSIMO AC RE- VERENDISSIMO D. PETRO PONTIO

LEONIS A CORDVBA EPISCOPO PLACEN-

TINO, SVMMO CHRISTIANÆ FIDEI PER REGNA

ET DITIONES PHILIPPI SECVNDI REGIS CATHO-

lici Inquisitori, diuinæ legis & sacrorum canonum

consultissimo, humaniorum studiorum

amantissimo:

AMBROSIVS MORALES CORDV-

bensis Regius Historicus, salutem pluri-

mam reuerenter dicit.



PER Multum Tibi, Præsul Illustrissime, multis nominibus se debere Corduba nostra semper fatebitur. Cum enim eius gloria, quæ quam plurimis nature bonis extollitur, ciuium tamen clarissimorum multitudinem & singularem celebritate maiorem in modum præcellit, præclara semper & sublimis extiterit: amplitudo tua suo splendore, morum sanctitate, doctrina, & celsis magnarum virtutum meritis, ut maxime hoc nostro tempore sit inclyta perfecit. Eum namque te ciuem præstisti, qui patriæ clarissimæ, & magnorum virorum sæcundissimæ eximio decori & ornamento esse possis. Ut enim nobilitatem tuam, & generis claritatem præteream (quanquam quicquid penè claritatis in duabus magnificentissimis ciuitatibus Cordubensiscilicet & Hispalensi seorsum prænitet, in tuis parentibus coniunctum præfulserit) illud quod vere tuum est, oculatus ab infantia penè tua testis prosequar. Edu-
tus à teneris sanctissimè apud D. Petrum Pontium patrum tuum Cordubensis Eccle-
siæ Primicerium & canonicum: cuius egregias virtutes vitæque probatissimæ exem-
pla nunquam nostra ciuitas desinet cum sancta quadam admiratione recolere: Lati-
næque linguae cognitione iam imbutus, Salmanticam maioribus studiis imbuendus,
eiusdem clarissimi viri cura & sumptu transmitteris. Sacrorum ibi canonum instituta,
sanctorumque patrum consulta in primæua ad eam ætate feliciter perdidicisti: ut cum
publica studiorum tuorum experimenta & veluti specimina, de gymnasij illius more
præberes, peritiam tuam omnibus admirantibus, etiam nondum confirmata ætas esset
stupori. Quod etiam in magnis tuis, sed admodum præcocibus honoribus, magistrati-
bus & dignitatibus mox contigit. Electus namque ab Imperatore Carolo, V. (Cæsare
in augustissimum, ac supremum, uti vocant, sanctæ Inquisitionis Senatum: cum colla-
tum homines eum honorem merentissimo gratularentur, iuueni admodum contigisse
admirabantur. Eadem virtutis, doctrinæ, ac meritorum celeritate festinans, Episcopus
Ciuitatensis crearis. Cumque in ea dignitate, in Tridentino concilio, & in censura
Vallis Oletani conuentus, aliisque grauissimis Hispanæ reip. negotijs prudentissimè
amplitudo tua se gereret: ab Philippo secundo Rege catholico in Placentinum episcopa-
tum, maioris præmij, & amplioris in Dei Ecclesia fructus ergo euehitur. Et ut dignus
tandem amplitudinis tuæ, atque præstantiæ cumulus accresceret: nuper in summum
fidei catholicæ Inquisitorem ab eodem Rege catholico delectus fuisti. Cuius magistra-
tus dignitate nihil habet Hispania nostra sanctius, magis augustum, aut veneran-
dum. Hæc tuam dignitatem, Præsul clarissime, cum magno opere adaugeant: Cordu-
bam pariter nostram tali alumno iure optimo gloriantem, plurimum nobilitant. Illud
verò quantum veræ gloriæ patriæ nostræ accumulatur? Quod in hac sublimioris digni-

tatis magnitudine, in hoc clarissimo fortunarum & splendoris fastigio, amatas olim, & diutissime cultas bonas literas tanto studio retines, tanta assiduitate frequentas: ut si sola ea laus infimo homini, & vulgari contingeret, multum commendationis promeritus iure optimo videretur. Illud etiam insigne & ampliore dignum laude in tuo hoc bonarum literarum amore resplendet, quod non sui vnus commodis, aut voluptati prestantia tua vult inferuire sua studia: sed omnibus in commune prodesse cupit. Proinde cum in conquirendis, & vndiquaque peruestigandis sanctorum Hispanorum libris multum curæ, diligentiae & sumptus etiam semper reposuerit: quis non videt publice ipsam utilitatis causa in hoc genere tanto opere elaborare? Nam opes has audissimè congeris, sed in omnium mox usum profusus. Multa hoc ipsum propediem testabuntur: nunc vnus D. Eulogius, amplitudinis tuæ industria repertus, & veluti è sepulchro in vitam reuocatus, abunde manifestat. Quamuis namque sancti huius martyris opera in publicum efferendo, typisque euulgando Cordubæ nostræ præclarum hoc munus destinaueris, eidemque vni veluti tribueris: quandam tamen inde utilitatem tota Hispania, atque adeo exteræ nationes consequuturæ sint: pii homines, & meliorum studiorum amatores tanto Christianæ opulentiae thesauro dices, tanti boni magnitudine fruenter, melius postmodum prædicabunt. Cum vero me tua amplitudo partem eius præclari laboris subire voluerit, cum eiusdem D. Eulogij operibus emendandis, scholijs illustrandis, & demum adendis præesse iussit: eo nomine ingētes tibi gratias ago. Summi enim beneficij loco duco, sanctissimo martyri qualicumque mea opera inferuire, gloriæque Cordubensis hic aliqua ex parte veluti fabrum esse. Et tamen si neutrum nõ sine ingēti labore possem perficere: vtrunq; cum summa iucunditate ad me recepi. Quid enim? sanctissimo martyri, martyrum etiam multorum præconi, ingenij: doctrinæ & industriæ ministerium, quod scio quam sit exiguum, sed qualecunque tamen id sit, non letarer exhibere? Iam verò Cordubensem hinc gloriam augere, præclarum munus, quod ea de causa eidem comparabas, locupletare, perpolire, & aliquantisper illustrare non delectarer? Et quamuis Cordubæ nostræ causa, cui tanta hinc gloria quarebatur, iucundissimum mihi hoc ipsum acciderit: tū etiam sanctæ Ecclesiæ Toletanæ (cuius maiestas primatu totius Hispaniæ sublimis, multis etiam alijs nominibus summā merito venerationem habet) dignitatem & sanctum splendorem inde præterea ignoto antea & rediduo incremento exauctum delector. Ex iisdem enim D. Eulogij operibus intelliget, ipsummet sanctum martyrem antistitem suum fuisse, atque Vistremiro sanctissimo archiepiscopo, & per vniuersam Hispaniam celebratissimo successisse. Horum duorum suorum præsulum, tanta gloria præcellentium, quemadmodum ante hac notitiam nullā habuerat: ita nunc habuisse magno opere letabitur. Ego verò vtroque nomine quicquid habui libens impendi, quicquid potui, propensus contuli, Deo in primis authore, quem in hoc ipsum supplici prece obsecraueram. Id quale fuerit, labor ipse noster indicabit: ut hic commemorare opus non sit. Tantum id ipsum Deo Optimo Max. in primis consecro, D. Eulogio, & celebratis ab illo martyribus dedico, Cordubensi gloriæ cælestibus emolumentis hinc adauctæ offero: & prestantiæ tuæ, Antistes celeberrime, tuis auspicijs, tuo etiam beneficio cæptum laborem, quanto opere potui, cumulatim refero. Vale, Præsul Illustrissime, & hoc tuo tanto bono diutius fruiere. Compluti anno Domini M. Dlxxij.

Mense Nouembri.

OPERV M INDEX.

Cum in vetusto exemplari operum series præpostera & admodum perplexa haberetur, iustis de causis in hunc modum visum est ipsam dirigere.

Vita S. Eulogij, per aluarum Cordubensem scripta.

Hymnus & epitaphia eiusdem martyris, eodem authore.

Diui Eulogij libri tres de martyribus Cordubensibus, Memoriale martyrum ab authore nuncupati.

Apologeticum eiusdem pro gestis sanctorum martyrum Cordubensium.

10 Exhortatio eiusdem ad martyrium, duabus virginibus Floræ & Mariæ, iam in carcere pro Christi confessione comprehensis scripta.

Eiusdem epistola ad Wiliesindum Pompelonensem Episcopum: in qua peregrinationem suam in Galliam commemorat.

Item epistolæ aliquot eiusdem martyris.

Coronidis loco adiecta sunt, quæ assequi vnde cunq; eruta potuimus de S. Pelagio, S. Eugenia, S. Dominico Sarraceno, cum multis eiusdem sociis martyribus, non multis annis post Eulogium Cordubæ ob Christi fidem coronatis.

Multa etiam de Cordubæ antiquitatibus ad finem libri cum chronologia adiecimus.

20 DE VOCABVLIS FICTIS ET NOVATIS, ET
Toto D. Eulogij sermone.

Divi Eulogij ingenium quantum fuerit, quanta doctrina excultum, ipsius opera plene satis edocebunt. In signem præterea sacrarum literarum peritiam cum multis indicijs possis in sancto martyre deprehendere, felix tamen in explicandis & exproffesso exponendis testimonijs, quæ adducit, dexteritas illam in primis declarabit. Stylus etsi pius semper & sæpe suavis, longe inferior est tanta ingenij & nativæ etiam eloquentiæ magnitudine: eamq; sentias multoties hac ope destitui. Degenerauerat nimirum iam ubique latini sermonis præstantia & puritas, eiusq; claritatem multa sordes obscurauerant, & nostræ cladis apud nos magis obruerant. Vt potius in tam dira captiuitate & miseria, quam per centum ac quinquaginta ferme iam annos tempore D. Eulogij perpetiebamur, laude dignum sit, quod vir sanctus præstare in hoc genere potuit, quam culpa imputandum, quod non est assequutus. Quendam etiam proprium & peculiarem stylum iam sibi illa tempora effecerant, in quo laudis & gloriæ fuit eminere. Argutiam, subtilitatem, vehementiam nonnihil, atq; aliquem in rebus magnis sublimitatis impetum, non possis non suspicere. Sed verborum & totius sermonis neglectu egregios conatus doleas retundi & obscurari. Nos religione quadam reuerenter tacti, nihil emendare volumus: tantum fictorum & nouatorum verborum & phrasæon catalogum hic apponere duximus necessarium.

Vna atque alia vice. Dico vobis in veritate. Hispanismi.

Monachorum vitam oblectans, pro oblectari vita monachorum. In ante. In amplius.

40 Consultum gerens, pro consulens, aut prospiciens. Libri series has causas innotescet, vt sit actiuus. Praconabile. Preconari. Paruipendulus. Gloriositer. Deicola.

Decisus, pro occisus, aut obtruncatus. Itus, pro itinere seu via. Et itum nentro genere pro incessu in Nonio Marcello reperitur.

Prophetismus, vt Christianismus. Incultio, pro ruditate seu barbarie sermonis.

Adepsit, pro adeptus est. Medie, pro mediocriter. Epistolatim, per epistolas. Lunatim, per singulos menses. Metabulum, pro spatio. Victoriare.

Pausare verbum, nam pausam pro quiete antiqui dixerunt. Eremititas, pro eremo seu solitudine. Officiositas, pro munere. Oramen, pro prece. Victimare, tanquam victimam offerre.

Sospitare, salutare. Deliquium, pro peccato. Optio pro occasione, item pro petitione.

50 Vindicium, pro vindicta.

Grassedo, pro crassitudine. Sol, pro die. Multiplicus, pro multiplex. Versibilitas, pro mutabilitate & inconstantia. Inconuulsibiliter. Combinatus, pro imbutus.

Iugitas, pro perpetuitate. Dibellio, pro rebellio. Potestatiue. Præsentialiter. Dulcoratus. Repriorans. Anticeps. Fulcimen. Noxietas.

Taxatum, pro narratum. Compactare, pro formare, & veluti fabre facere. Pusillitas, pro paruitate. Mundialis. Desertitudo. Et quadam alia ad hunc modum.

Genera confusa, casus peruersi, numeri in nominibus & verbis neglecti: & tota inde Latini sermonis structura dissipata, describentium, non authoris fuisse vitia, est manifestum. Idcirco nos omnia eiusmodi emendauimus: cum in reliquis nihil nobis permiserimus.

QVI STATVS CHRISTIANÆ RELIGIONIS
CORDVBÆ SVB ARABVM IMPERIO
D. Eulogij tempore fuerit.



*Corduba
Maurorum
regni sedes.*

CCVPATA Ab Sarracenis Hispania, multis de causis Barbari victores Christianis pepercerunt. Illudque eos in primis commouit, quod magnas lateque diffusas Hispaniæ prouincias accolis ipsi implere non poterant. Vt igitur essent, qui agros colerent, consueta mercimonia exercerent, & tributa principi persoluerent: Christianos in Hispania quoscunque potuerunt, conseruauere. Relictus iis fuit religionis cultus, templa multis locis intacta permanserunt: libereque permillum, vt Christiano ritu eadem frequentarent. Cordubæ vero maior Christianorum numerus relictus, maiorem etiam religionis cultum retinuit. In vniuersum namque ea ciuitas multis modis ab Mauris iam inde fuit nobilitata. Sedes regni totius, quæ Hispali paucis annis constiterat (referentibus Rasi & Ruderico Tolitano Antistite in Arabum historia, quæ nondum est excussa) per Abdalazim Muçā in Hispaniæ administratione successorem eo fuit translata. Ibi arcem, ibi templum, nunc etiam inter tot ingentia ædificia toti orbi admirandum erexerunt: scholas ibi philosophiæ, & publica doctrinæ gymnasia (vt est in Alfonsi regis historia, quam Generalem dicunt) esse voluerunt: & regni caput constitutam sublimi vndique magnitudine & maiestate extulerunt. Sed longum sit, si omnia percensere velim, quæ eo tempore ad Cordubensis ciuitatis amplitudinem & maiestatem collata sunt. Verum enim uero quanquam quicquid Barbari poterant claritatis nostræ vbi eo tempore certatim inferrent: multo tamen illam Deus Optimus Maximus maiori splendore inclytam esse voluit: cum captiuam, oppressam, & multis malis afflictam Christianorum ibi Ecclesiam religionis cultu, fideique catholicæ amore maxime fecit excellere. Vt quæ martyrum cæde iam diu antea irrogata nobilissima fidei Christianæ germina, & vberri-
mos fructus protulerat: nunc sacri cruoris exundantibus riuis plenius imbuta, præstantiorē sibi gloriæ coronam in cœlis pararet, ciuibuscque suis firmum certumque apud Deum patrocinium maiori cumulo in omne æuum compararet. Id quale quantumque fuerit diuinæ largitatis beneficium, diui Eulogij libri fufius & vberius declarabunt.

*Concilia duo
Corduba co-
gregata.
Samson
Cordubensis.*

*Tēpla Chri-
stianorum
Corduba.*

Et quoniam Cordubam, cum imperij Arabici domicilio & sede ibidem constituta, summa omnia Hispaniæ iura tam sacra quam prophana immigrarunt: Christianæ religionis dignitas atque potestas, quæcunque fuerunt, eo etiam ex tota prouincia sese transtulerunt. Non quod Toletana Ecclesia, vt fuit olim, & nunc quoque est, eo tempore totius Hispaniæ primas esse desierit, caputque Christianæ apud nos religionis haberi. Non quod metropolitanum suum Hispalensem Cordubensis Ecclesia non agnosceret. Sed quia tyranni cum omnia possent, & ad sese omnia reuocarent: eo conuenire ad concilium reliquos antistites cogeabant, ibique de quibuscunque cuperent rebus & consultare, & statuere volebant. Indicio suo duo concilia Cordubæ per illa tempora congregata. Alterum, cuius D. Eulogius meminuit, ab omnibus Hispaniæ metropolitanis cum subditis Episcopis celebratum: alterum, cuius in Sampsonis abbatibus Cordubensis, de quo suo loco dicemus, Apologetico mentio fit. Et quoniam hanc, quam dico maiorem potestatem miserabili profecto de causa habere Cordubensis Ecclesia videbatur: ideo multo plura ibidem templa, basilicæ, monasteria virorum ac foeminarum, & permansisse, & denuo exædificata fuisse D. Eulogij scripta testantur. Oprepretium fuerit ad Dei omnipotentis gloriam catalogum hic iam sacrorum locorum, qui Cordubæ fuere, ex D. Eulogij præsertim libris apponere. Et intra urbem quidem hæc fuisse memorantur.

Sancti Aciscii martyris Cordubensis basilica, vbi sanctum eius corpus requiescebat. Sancti Zoyli martyris Cordubensis basilica, in qua sanctum eius corpus erat tumulatum. Sanctorum trium martyrum Cordubensium Fausti, Ianuarij, & Martialis basilica, vbi eorundem cineres asseruabantur. Huius templi mentio etiam est in priscis analibus, quos initio liber ille Compostellanus habuit, de quo in Dominico Sarraceno martyre dicemus. Ibi ita legitur, Era M. xxxij. Octauo Kalendas Ianuarij captus, & lanceatus fuit Comes Garfia Fernandi à Sarracenis, inter Alcocer & Langa in riba de Dorio. Et quinta die mortuus fuit, & ductus ad Cordubam, & sepultus in Sanctos tres, & inde ductus fuit ad Caradignam.

Basilica

Basilica sancti Cypriani.

Basilica sancti Genesij martyris.

Sanctæ Eulaliæ virginis & martyris basilica, quæ ex 10. cap. lib. 3. Mem. Sanct. astrui non potest intra Cordubam fuisse.

EXTRA VRBEM.

Sancti Christophori martyris monasterium, vrbi trans flumen propinquum, in parte Meridiana.

Cuteclarense monasterium in montibus vrbi vicinis, diuæ Mariæ virgini sacrum.

Tabanense cœnobium, ipso diui Eulogij tempore constructum in iisdem montibus.

10 Pilemellariense monasterium sancti Saluatoris: & ipsum etiam eodem tempore iisdem in montibus conditum, cuius etiam hodie ruinae visuntur.

Armilatense cœnobium, ad Armilatæ fluminis ripam in montibus sancto Zoylo dicatum.

Sancti Felicis martyris monasterium in oppido Froniano eorundem montium.

Monasterium sancti Martini in montibus ad locum Roiana.

Sanctorum martyrum Iusti & Pastoris cœnobium in montibus ad viculum Leiu-lense.

Palma oppidum, Annanellos vicus, & alia quædam oppidula, quæ nominantur, sua templa habuere, inter quæ Colubris dictus vicus sanctorum martyrum Cosmæ & Damiani habuit ecclesiam.

20 Fuit etiam prope Cordubam templum sancti Sebastiani.

In his, atque aliis multis templis, quæ nominare diuus Eulogius non potuit, præterquam quod sacra fierent, docendi quoque cura & erudiendi quamplurimos consuetudo perseverabat. Id docet multis locis diuus Eulogius, & in eiusdem vita Aluarus: ubi etiam apparet non vulgarem illum doctrinæ cultum, sed supra captiuitatis & miseriarum, in quibus degebant fideles, tempora præcellentem. Ipsa templa etiam intra urbem suas turres, ænea sua cymbala habuere, quibus Dei plebem assidue conuocabant. Et durat adhuc Cordubæ exiguum vnum, ab illis vsque temporibus, vt suo loco referemus, conseruatum. Sacerdotes, monachi, sacræ virgines, peculiari veste, legitimoque

30 cultu amicti, de consuetudine etiam in publico conspiciébantur. Quæ omnia ex diuo Eulogio atque aliis duobus eiusdem sæculi scriptoribus, sunt manifesta. Neque sine pretio tamen, & recentibus semper exactionibus, vt idem sanctus martyr & alij tradunt, concessa fuere. Vnum illud tantummodo mortis etiam in terminatione fuerat Christianis vetitum, ne pseudopropheta eorum Mahometum maledictis incescerent, aut legi suæ cum probro detraherent. Hoc vno fideles Christi abstinerent, Arabum templa non intrarent, tributa persoluerent: tuti, & penè liberi poterant permanere. Nam &

*Martyr in
tempore ex-
casio.*

Comitum dignitas semper Cordubæ inter Moçarabes perseverabat: vt ex Samfone Abbate, & Cypriani Cordubensis epigrammatibus, per hæ ipsa tempora scriptis constat: & quod in diuo Eulogio legimus, publico exceptorum munere iidemungeban-

*Comites Mo-
carabes Cor-
duba.*

40 tur Christiani, atque inter Tyrones Regios, de quibus suo loco dicemus, Regiis annonis, vt ipsis sancti martyris verbis vtatur, vescebantur. Et Samson Abbas, cum de Seruando Comite initio libri secundi agit, aperte Comitatum Cordubensem nominat. Vt intelligere debeamus, Gothorum more Comitem Cordubæ Moçarabibus Christianis datum, qui eis præesset. Ius inter eos diceret, & controuersias aliquas leuiiores, neque ad publicam Regis maiestatem, fiscumve Regium pertinentes, decideret. Eius enim dignitatis Gothorum tempore, quod ex eorum legibus præsertim constat, hoc fuit proprium & peculiare, vt vrbes regeret: cum militiæ munia Duces imprimis obirent.

*Seruandus
Comes.*

Et inter sacerdotes etiam præter abbates, qui, vt diximus, templis præerant, Archidiaconi, atque Archipresbyteri nomen & dignitas perdurabat. Cyprianus enim in illo-
50 rum suorum epigrammatum titulis Archipresbyterum sedis Cordubensis se appellat. Archidiaconi mentionē ab eodem factam mox referemus. Illud etiam scitu dignum, in templis etiam nostrorum publicas Cordubæ bibliothecas fuisse: vt facile quicuis possit intelligere quanto doctrinæ ardore nostri flagrarent. Vnam scriniis etiam insignem, quam in sancti Aciscii templo Adulphus Comes reposuerit, idem Cyprianus Archipresbyter longo epigrammate celebrauit. Alterius etiam meminit, quam ipse Saturnino Archidiacono magna ex parte perscripsit.

*Archidiaconi
& Archi-
presbyteri
Moçarabes
Corduba.
Bibliotheca
sancti Aciscii.*

*Adulphus Co-
mes.*

*Saturninus
Archidiacono.*

*Sarraceni
quanto ope-
re Moçarabes deuota-
rent.*

Sed enim, cum hæc ita sint, Christianorum tamen contactum referente diuo Eulogio, tamquam in ipso contaminarentur, Sarraceni prorsus deuitabant: & ab illorum pueris nostri indigna multa in publico patiebantur. Tributa vero grauissima fuisse,

Moçarabes
tunc Chri-
stiani dice-
batur, quasi
Mixtarabes,
quia mixti
Arabibus
degerēt. Ru-
dericum Ar-
chiepiscopus
Toletanus lib. 3.
cap. 21.

idem sanctus Martyr ingemiscit, & illud in primis, quod singulis mensibus soluebat. Nouis etiam tributis Christiani Moçarabes onerabantur. Adeo ut de oblationibus omnium Ecclesiarum partem soluere, nouo tributo excogitato, cogerentur. Quod Samson de Seruando Christianorum Cordubæ Comite, sed nefario homine loquens, his verbis deplorat. Exinde omnes basilicas vrbis prædictæ tributarias fecit esse: & impurus hostis de purissimis oblationibus fidelium in usus templi collatis Dominici, thesauros fisci inhiatus est ampliare. Ut spoliando mensam Christi, & ditando palatia fisci, videretur aquam sitientibus auferre, & amplissimo maris sinu infundere: sicque actum est, ut venale sacerdotium sustinentes ipsæ basilicæ, non more solito dignos recipere, & indignos queant sacerdotes repellere. Et quæ sequuntur. Hæc autem sex octo annis post diui Eulogij martirium facta fuisse, suo loco, plenius de Samphone agentes demonstrabimus.

CÆTERVM quamuis Christianorum ecclesia Cordubæ congregata diui Eulogij temporibus, ut dicebam, in dira captiuitate tot tantisque solatiis templorum, monasteriorum, doctrinæ, & exemplorum in sanctissimis viris alleuaretur, ut non omnino capta, aut deserta videri posset: illud tamen habuit verum ac solidum de diuina benignitate solatium, illo maiori beneficio magnam persensit Dei misericordiam: quod multi ex ea martyres eo tempore prodire, qui veram fidem in viuis sua morte confirmarent: mortui etiam viuientibus suo patrocinio Dei clementiam propitiam redderent. Qui autem, quotque fuerint, diui Eulogij libri, & quæ his nos adiunximus, latius ostendent.

AD LECTOREM.



*V*ius Diui Eulogij vitæ duo habuimus exemplaria. Alterum cum sancti operibus in vetustissimo Ouetensi ad finem cohærebat. Alterum mihi benigne commodauerat Michael Ruizius Acagra, serenissimorum Bohemiarum Principum Rodulphi & Ernesti a secretis, adolescens ingenio & literis ornatissimus, & in peruestiganda omni antiquitate studij & diligentia singularis. Fuit is etiam codex literis Gothicis in membranis descriptus, & quod multis indicibus apparebat, itidem vetustissimus. Plura continet poemata, Dracontij nimirum de opere sex dierum libros duos, cum diui Eugenij tertij Archiepiscopi Toletani supplementis: Coryppi grammatici Africani ad Iustinum Imperatorem libros quatuor: eiusdem diui Eugenij epigrammata, & quædam alia. In fine vitæ hæc diui Eulogij fuit adnexa. Ouetensis codex nullum titulum habuit huic operi præfixum. Ille alter hunc præferebat, quem apposuimus. Sed Eræ computatio fuit varie in margine signata, cum abraso numero, ut apparebat, alter fuisset superscriptus. Annus Dominicæ Incarnationis recte fuit signatus. Inde nos & ex Astronomica nostra ratione supputandi (cuius nobis opportunitatem Aluarus ad finem operis, quemadmodum ibi apparebit, præbuit) utrumque recte signauimus, & astruximus. Nomen etiam Regis in titulo mendose fuit ascriptum. Abderrahgman enim legebatur: cum ipso mortuo, Mahomad eius filius diuum Eulogium, quod ex eiusdem libro tertio constat, martyrio coronauerit: & Aluarus etiam ipsum Regem Mahomad nominat. Ipse Aluarus nobilis admodum, & illustri genere videtur fuisse: siquidem serenissimi titulo ipsum non semel compellat Eulogius. Quod idem præceptorem suum etiam vocat, humilitatis est prorsus: cum fuerint, ut confestim legenti apparebit, condiscipuli. Quinimo & per catacrisin quandam Aluarus Doctor dicitur, homo laicus & coniugio, quantum conuicere datur, innexus, cui huiusmodi titulus minime eo tempore poterat competere.

223

VITA VEL PASSIO BEATISSIMI MARTYRIS EULOGII

PRESBYTERI ET DOCTORIS, QUI PASSVS EST

Era DCCCXCVII. Anno Incarnationis Domini

DCCCLIX. sub rege Mahomad, die

quinto Idus Martij.

10

Authore Aluario Cordubensi.

BEATISSIMI Martyris & Doctoris Eulogij passionem disponens scribere, prius vitam eius putavi dirigendam in ordine, quam sui finis agonem pulcherrimum designare: vt quis vel quantus fuerit ante lectoribus innotescat: & sic deinceps adeptum ex merito palmam victoriæ, euidentissimis [†] elucescat indiciis. In cuius operis principio Domini fretus & Redemptoris nostri auxilio, profiteor me nō audita & dubia, sed visa & per me probata retexere, quoniam, gratia Dei cooperante, à primæuo adolescentiæ flore charitatis dulcedine, & scripturarum amore vno vinculo concordī innexi, huius vitæ, licet non pari ordine, tamen pari affectu in cunctis quæstionibus duximus iugum. Sed ille sacerdotij ornatus munere, pennis virtutum in sublime euectus, altius euolabat: ego luxuriæ & voluptatis luto confectus, terra tenus repens hactenus trahor. Et inde est, quod non incerta, & quorumcumque hominum narratione comperta, sed mecum gesta, & per me cognita narrare disposui. Quia sicut de incertis temere referre sententiam, periculosum fore profiteor, ita de cognitis subprimere ea, quæ [†] nosci debent, vacuum periculis esse non reor. Est quoque & laudabilis pro exemplo prædicanda omnibus veritas, & nihilominus detestanda Rhetoricorum composita falsitas. Quoniam melius est de multis præclaris nihil facitioribus dicere, quam ex paruis bonis multa falsa differere: tutiusq; est, omnia, quæ gesta sunt, præterire, quam ea, quæ non [†] fuerunt, aliqua fingere. Et mitius errat, qui non malitiæ voto, sed segnitæ fastu vera subprimit, eo, qui diserte falsa confingit. Veritas enim, si studio veritatis, & non vanæ gloriæ iactantia dicitur, dicenti coronam implodit: falsitas autem, si ab aliquo intentatur, coniectantem occidit. Et ideo sicut me veritatem dicentem remunerandum esse congaudeo, ita falsitatem si dixerō, condemnandum esse non nego. Quibus ergo causis ad falsitatem retexendam insilirem, ipse non habui, qui veritatem in omnibus, non mendacium remunerare cognoui.

IGITUR beatus martyr Eulogius nobili stirpe progenitus, Cordubæ ciuitatis Patriæ senatorum traduce natus, ecclesiæ ministerio mancipatur, sancti ac beatissimi Zoyli æde deseruiens, & in eiusdem collegio clericorum vitam deducēs, multis & clarissimis virtutibus floruit, magnis & laudabilibus operibus vixit. Ab ipsis enim incubulis literis ecclesiasticis hærens, & quotidie per studia bonorum operum crescens, perfectionem adeptus est, ac super omnes coætaneos doctrinæ scientiæ clarens, & eruditionis lumine florens, magistrorum doctor est factus. Quippe qui mentem senilem paruissimo corpore gerens, vincebat etsi nō ætate ceteræ scientiæ vniuersos. Erat [†] enim studiosissimus scripturarum scrutator, & intentissimus sententiarum inuestigator. Ita vt nihil scripturæ præponeret sanctæ, nihil magis eligeret, quam in lege Domini meditari die ac nocte. Nec contentus magisterio doctorum suorum, alios si quos forte audiret, procul positos, requirebat: & ne offenderet proprios, furtim se horis, quibus poterat, subtrahebat. Nam & abbatem bonæ recordationis & memoriæ Speraindeum ^{*} optabilem & celebritate doctrinæ præconabilem virum sæpius inuisebat, auditorioq; more ex illius ore disertissimo dependebat. Qui ipso tempore totius Bæthicæ fines prudentiæ riuulis dulcorabat. Ibi eum primitus videre merui, ibi eius amicitia dulci inhæsi: ibi illi indiuidua sum nexus dulcedine. Erat namque iam dicti inlustrissimi viri auditor: & dum frequentius eius limina tæzerem, incultumq; ingenium acuerem, tandem respectione diuina huius tanti viri societate coniungor. Et catenatim [†] insolubili nexu non innector tantum, sed vnior: factique sumus auditores viri, inquisitores veri, amatores nostri. In tantum vt illa ætas indocta sibi non concessa præsumeret. Agebamus vtrique scripturarum delectabilem lusum, & scalmum in lacu nescientes

regere, Euxini maris credebamur fragori. Nam pueriles contentiones pro doctrinis, quibus diuidebamur, non odiose, sed delectabiliter epistolatim in inuicem egimus, & rhithmicis versibus nos laudibus mulcebamus: & hoc erat exercitium nobis melle suauius, fauis iucundius, & in ante nos quotidie extendentes, multa inadibilia tentare
 † in scripturis, puerilis immatura docibilitas egit. Ita vt volumina conderemus, quæ postea ætas muta abolenda, ne in posteros remanerent, decreuit.

dum annos

*Eulogium
presbyter &
doctor sa-
ctus.*

SE D † cum iam annos iuuentutis adtingeret Eulogius, diaconij ministerio fungitur, atque in breui merito vectus ad superos, gradu presbyterij sublimatur: moxq; magistris ordine & vitæ moribus sociatur. Quanta illi humilitas, quanta bonitas, quanta inhæserat charitas, amor omnium ostendebat. Ex hinc cœpit se acriori vitæ austeritate
 10 constringere, & modestiæ legibus in vniuersis actionibus perornare. Scripturis vacare diuinis, & corpus suum vigiliis ac ieiuniis castigare, monasteria frequentare, cœnobia inuisere, regulas fratrum componere. Hinc inde cuncta eo modo curare, quo, si fieri posset, vtrobique adesset. Ita clericatum agens proprium, vt regularem ordinem non dimitteret alienum: ita monachis adhærens, vt clericus probaretur. Ita in clero degens, vt monachus videretur, vtrobique aptus adcurrent, & vtrarumque professiones vnus sufficientissime complens, currebat sæpius ad cœnobiorum sacratissimos greges. Sed ne proprium ordinem contemnere putaretur, ad clerum iterum remeabat: in quo
 20 dum aliquod tempus persisteret, ne virtus animi curis sæcularibus eneruaretur, itidem monasteria repetebat. Hic doctrina oris ecclesiam ornans, illic vitam propriam † excutiendo decorans, in † cunctis virtutibus positus, viam sæculi mœrens incedebat, & anxius: & quotidie ad cœlestia volare cupiens, corporea sarcina grauabatur. In tantum vt Romam ire disponderet, vt adolescentiæ nœuos lachrymis, & peregrinationis itinere domaret, immo domitos deleret: sed ecce omnes hinc inde insistimus, & eum magis corpore quam animo retinemus.

*exculpando
vitiis*

*Peregrina-
tio Romana.*

7

*Reccaffre-
dus Episco-
pus.
Eulogius in
carcerē mis-
sus.
Flora & Ma-
ria Virgines
& martyres.*

VERVM dum ista & alia referuntur, tandem Reccaffredus episcopus super ecclesias & clericos quasi turbo violentus insiluit: omnesq; sacerdotes, quos potuit, carcerali vinculo alligauit. Inter quos vt electus aries ducitur, & cum Pōtifice suo vel aliis sacerdotibus vincitur. In qua retrusione magis orationibus & lectionibus operam dedit, quam vinculis. Ibi sanctis virginibus Floræ & Mariæ, pro fide comprehensis, illud
 30 documentum Martyrale vno libro composuit. In quo eas ad martyrium verbis tenacissimis solidauit, easque & per se verbis & per epistolas mortem contemnere docuit. Seque, suosque socios, earum suffragiis vinculo soluendos commisit, quod & obtinere mox post sextum diem passionis earum promeruit. Nam illę octauo Calendas Decembris expleuerunt martyrium, sacerdotes vero Domini tertio Calendarum earundem
 8 solutionem adepti sunt. Extat super hoc inlustriore stylo confecta, & mihi his diebus directæ epistola, passionem earundem virginum, & ereptionem sacerdotum ipsarum
 9 virginum meritis continentem. Ibi metricos, quos adhuc nesciebant sapientes Hispaniæ, pedes perfectissime docuit, nobisq; post egressionem suam ostendit. Inde & mihi
 40 pro libris illis, quos in defensionem martyrum dederat, epistolam facundo loquutionis genere dictatam direxit. Nam cum omnes, qui cum eo erant sacerdotes, vacarent otio & quieti, ille non noctibus, non diebus à lectione cessabat, noctes diesque ingeminans, scripturarum mella lambens, & ore & corde spiritualiter ruminans.

VERVM operæpretium reor, si paulo altius incedentes, tempore persequutionis qualiter probatus extiterit, inseramus. † Nam dum episcopi, sacerdotes, clerus, & sapientes Cordubę in martyrio nuper exorto deuio calle incederent, ac timoris impulsu pene fidem Christi, si non verbis, nutu tamen negarent, hic tamen inadibilis nunquam vacillare, vel tenui est visus susurro. Sed omnibus pergentibus ad agonem occurrens, vniuersorum animos roborans, cunctorumq; ossa venerans & componens, in
 50 tantum ardescebat: † vt dote martyrij & ipse incentor ipsis diebus videretur esse martyrum. Pro quo rectitudinis zelo multis extitit contumeliis propulsatus, magnisq; terroribus fatigatus. Nam vnus ex proceribus illum impetens, & minis exasperans, diuino iusto iudicio in reprobum sensum conuersus, fidem, quam tenens nescius impugnabat, mox miser & stultus amisit. De quo plenius in libro Memoriale Sanctorum tertio iam dictus beatissimus disputauit. In quibus libris & passiones sigillatim martyrum claro fonte loquutionis explicuit, & prosequutione sufficienti quæcumq; acta sunt in martyribus domini & dicta, sequuturis generationibus propalauit. Quantus autem, vel quam excellens fuerit scientia, luce clariora eius pandent opuscula, quæ sale Attico & profatice lepore, immo diuina inspiratione composuit.

(Denique)

*Eulogius
martyrū in-
centor & cul-
sor.*

*ardore mar-
tyrij, &c*

Cap. 2.

SE D

SEd redeundum est ad Reccaffredi episcopi tempora, & qua arte à sacrificio se suspende-
 10 suspenderit, ne eius glutinaretur errori, proferendum. Namque ipsis diebus cuncti ei
 & vi & potestate addicti, iussu regio subditi, iniquo videbantur hosti adiuncti: & qui
 priori insurrectione aduersi & erecti contra eum steterunt, tunc terrore † conciti, quasi
 familiares hærebant non mente, sed corpore: nec dilectione cordis, sed compulsionem
 terroris, & ne aditus ei nocendi daretur in amplius. † Ita quoque Rex contra nos des-
 uiens legibus necessitatem induxerat, & liberum arbitrium interpollans, omnes truci
 subdiderat hosti. Cuius historiæ veritas in alio opere enucleatius differetur.

Nv n c vero huius admirabilis viri tantum enodare sanctissimam cupimus ar-
 tem. † Is enim graui instinctu doloris, dum vndique circa se dolosum cerneret ipsius e-
 20 piscopi grassari ingeniū, & cæteros ei communicantes deprehēderet, nec resistēdi sibi
 copiam inesse videret, nec amouendi licentiā (vtpote fidei iussoribus datis) † remanere
 sibi cōspiceret: cœpit se graui adterere gemitu, magnoq; intrinsecus vt diximus ma-
 ctari dolore. Sed nutu Dei contigit, vt quadam die præsentī Episcopo beati Epiphani-
 priæ Salaminæ Episcopi, Ioanni Episcopo Hierosolymitano directā epistola legeretur.
 Quam ego cuidam diacono præceperam legere: in qua idem beatissimus pontifex O-
 rigenis nenias arguens, & ordinationem cuiusdam presbyteri in monasterio iam dicti
 Hierosolymitani adsignato à se consecrati defendens, causam ordinationis retexuit,
 beatissimorumque presbyterorum Hieronymi & Vincentij continentiam sacrificadi
 30 laudando innexuit. Quam narrationem tum iam dictus Eulogius auida mente magis
 arripiens, quam suscipiens, & sibi à Deo datam occasionem cognoscens, ingenti vulne-
 re quasi percussus, ab intimo corde trahēs suspiria, meq; intuens, conuersus Episcopo
 dixit: Si lucernæ Ecclesiæ, & fidei nostræ hoc egerunt columnæ, quid nobis facere cō-
 uenit, quos delicti onera grauitè deprimunt, & affligunt? Cognoscat ergo vestra pa-
 ternitas, interdictam à me ipso mihi sacrificandi licentiam. Sicque huiusmodi inge-
 nio tempore Reccaffredi se ipse suo ligauit arbitrio. Cuius professionis licet hoc modo
 ordinem sumeret, delectabili tamen † vlu perfunctus, nolebat postea statum reiectum
 recipere. Sed Pontifex proprius in tantum eum † amissum officium sacrificandi com-
 pulsit repedare, vt eum anathemate ferire non vereretur, nisi citius redire promitteret.

Et erat vir ille in omnibus professionibus principaliter, & non medie decoratus,
 cunctis ex æquo deseruiens, & cum præiret omnes scientia, humilior certe etiam infi-
 40 mis videbatur. Clarus vultu & honore præcipuus, eloquentia fulgidus, & vitæ operi-
 bus luminosus. Incitator martyrum & laudator, tractator peritissimus & dictator. Quis
 ardorem ingenij, quis decorem eloquij, quis fulgorem scientiæ, quis affabilitatem vsu-
 alem officij, quocunque poterit prudentiæ dicere flumine? Quæ enim illi non patue-
 re volumina? quæ potuerunt eum latere ingenia catholicorum, philosophorum, hære-
 ticorum, nec non & gentilium? Vbi libri erant metrici, vbi profatici, vbi historici, qui
 eius inuestigationem effugerent? Vbi versus, quorum ille ignoraret canora? vbi hymni,
 vel peregrina opuscula, quæ eius nō percurreret pulcherrimus oculus? Quotidie enim
 50 noua & egregie admiranda quasi à rudibus, & fossis effodiens, thesauros elucidabat
 inuisos. Quanta docibilitas tam pretioso munere ornatæ † inesset animæ, quanta & in-
 exhausta cura solertiæ, nullus sapiens comprehendere poterat. Et ô admirabilis suaui-
 tas mentis, nunquam priuatim scire aliquid volēs, nobis omnia præstabat. Vitiata cor-
 rigens, fracta consolidans, inusitata restaurans, antiqua repriorans, neglecta renouans,
 & quæque poterat ex antiquis viris gesta competere, satagebat operib. adimplere. Se-
 ueritatem Hieronymi, modestiam Augustini, lenitatem Ambrosij, patientiam Gre-
 gorij in corrigendo errores, in sustentando minores, in demulcendo maiores, in suffe-
 rendo † horrores, vnus idem se multipliciter varium exhibebat.

Nec ei suffecit monasteria patriæ suæ inuisere, quin potius occasione fratrum su-
 60 orum, qui ipsis diebus in Franciæ finibus exulabāt, indeptam viam arripuit, & in Pam-
 pilonensium territoria vltro progrediens, monasterium sancti Zachariæ ingressus, &
 aliorum cœnobia ipsarum regionum gliscenti voto percurrens, multorum patrum est
 amicitia dulcoratus. Quorum conuersationem in epistola, quam Episcopo Pampilo-
 nensi in carcere positus dedit, nominatim locatimue digessit. In quibus locis multa
 volumina librorum reperiens abstrusa, & pene à multis remota, hūc remeans, suo no-
 bis † regressu adduxit. Ibi beati Odoarij est fructus conloquio, cui centum quinqu-
 70 ginta regulares monachi militabant. Inde secum librum Ciuitatis beatissimi Augusti-
 ni, & Aeneidos Virgilij, siue Iuuenalis metricos itidem libros, atque Flacci † satura-
 ta poemata, seu Porphyrij depicta opuscula, vel Adhelelmi Epigrammatum opera,

Reccaffre.
 duo Episco-
 pus.

10

(conciſi)

11

Ira quoque

Regio

11

Eulogij pru-

dens constā-

tia.

(Qui)

imminere

12

13

Epiphani-

Epistola

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

15 necnon Auienni fabulas metricas, & hymnorum catholicorum fulgida carmina, cum
 16 multis minutissimarum caularum ex sanctis quaestionibus multorum ingenio congre-
 17 gatis, non priuatim sibi, sed communiter studiosissimis inquisitoribus reportauit. Idem
 18 praeterea fulgorem operis & coruscationem ingenij resplendentibus semitis praesen-
 tialiter cunctis † sequentibus & vſualiter sequentibus, specificis semper ostentans in-
 diciis, & luminosis deducens vestigiis, vbique lucidus gradiens, vndique fulgidus redi-
 ens, limpidus, dulcorosus, nectareus, CHRISTI coronatus emicabat omnibus fa-
 mulus.

** Hoc loco aliquid de esse videtur.*
 19 Nec illud omittendum in hoc opere reor, quod post diuinæ memoriae Vuis-
 tremi Toletanæ sedis episcopi, * in eandem sedem ab omnibus comprouincialibus, & 10
 cōfinitimis Episcopis electus, & dignus est habitus, & pro relatu omnium comproba-
 tus. Sed dispositio diuina, quæ eum sibi ad martyrium referuabat, quibusdam repagu-
 lis obuiauit. Cumque iam ipsa communis electio eum sibi consecrare in episcopio ad-
 clamaret, rerum obuiantium aduersitate impediti, alium sibi eo viuentem interdixerūt
 eligere. Qui licet argute frustraretur ab ordine, tamen non priuatus eiusdem ordinis
 munere. Siquidē episcopatum cœlestem adeptus est, dum per martyrij gloriam Chri-
 sto coniunctus est. Omnes namque sancti Episcopi, non tamen omnes Episcopi sancti.
 Ille vero sanctitatem per cruoris fusionem inueniens, Episcopij ordine fungitur, dum
 cœlo † receptus, æternis promissionibus muneratur.

tenu.
 CUMQUE his virtutibus & dogmatibus insigniretur, & omnibus quasi lucerna 20
 super candelabrum posita, ac veluti ciuitas in montis sita cacumine procul altius emi-
 caret, & vt doctus scribe de thesauro domini sui noua & vetera vniuersis familiis præ-
 uideret, in sacerdotibus primus, in confessoribus summus, in iudicibus residens non
 extremus: tandem voti compos effectus, diuina sibi cooperante clementia inopinato
 iudicio, sed deliberatiuo studio euectus est ad superna. Et ea, quæ à martyrib. suis postu-
 lauerat lachrymis, & per tota sua opuscula more sparserat precis: obtinere meruit o-
 peribus sanctitatis. Quod verius poterit noscere, qui ipsa eius egregia opera curauerit
 legere. Et quoniam expedit, & dignum vobis visum est pro vtilitate legentium, & pro
 annuo festiuitatis suæ recurſu, passionem eius breuiter explicare: ideo sequeſtratum,
 pure & ſynceriter agonis sui pulcherrimum induximus finem. 30

Ab hinc passio eiusdem.

Et Arabicū dolum dixit in epist. ad D. Eulogiū inf. fo. 106. b
 Mahomad Arabum Rex.
 21 Empore igitur, quo sæua dominatio Arabum calliditatis astu omnes fines
 Hispaniæ misere deuastabat, quo Rex Mahomad incredibili rabie & ef-
 frenata sententia Christicolum genus delere funditus cogitabat, multi
 terrore cruentissimi Regis mutuentes, eiusque insaniam modificare ni-
 tentes, per trucem voluntatis iniquæ officium diuersis & exquisitis occasionibus gre-
 gem Christi impetere tentauerunt. Plerique Christum negando se præcipitio commi- 40
 serunt: alij duris tormentis agitati, commoti sunt. Porro alij florenti virtute stabiliti
 sunt, & fundati. In cuius (vt diximus) tempore martyrium fidelium coruscando resplē-
 dit, & error negantium fluctuauit. Nonnulli enim, qui fidem Christi tantum menti-
 bus retinebant, instinctu Dei quod celauerant, luminositer & patule proferebāt, Nul-
 22 lo disquirente ad martyrium proſilientes, & coronam sibi ex tortoribus rapientes. Ex
 quibus, Arabs genere, B. Christophorus extitit, cuius passionis ordine malibi digerere
 cogitamus. Sed & eorum numero B. Aurelius & sanctus extitit Felix, qui cū vxorib.
 ad passionis gloriam post multa & prolixa latibula prodierunt. Ex ipsis etiam florens
 virtutibus Flora virgo beata, quæ contemnens sæcularem labilem pompam, æternam
 meruit sine fine coronam. Quorum hic noster sanctissimus Doctor agonem singillatim 50
 exposuit, & actus vitalque corusco sermone explicauit.

Leocritia virgo.
 23 Hoc tempore puella nomine Leocritia quædam genere nobilis, mente nobili-
 or, ex Gentilium fece progenita, & ex luporum visceribus prodita, dudum per quandā
 24 sibi genere proximam Christo dicatam nomine Litiosam, aquis salutaribus tincta, &
 25 occulte fide Christi induta enituit, odoremque nectareū notitiæ suæ cunctis adsparsit.
Litiosa Deo dicat.
 Etenim cū ad iam dictam religiosam in annis infatigabile more propinquitatis recurreret,
 eamque quib. illa sermonibus poterat, quotidie instrueret, tandem respectione cœlesti
 fidē Christi mente suscepit: & ardore amoris susceptam pectore conseruauit. Quæ dū
 ad annos sapientiæ veniret, & scientiæ contingeret lumina: fidem illam, quam tener-
 rimis

nimis institutis occulte didicerat, quotidie fomentis spiritualibus auctam in ampli-
 us crescentem alebat, primum occulte, deinceps patule & aperte. Quam parentes se-
 dule admonentes, & nihil omnino proficientes, conati sunt eam flagellis & verberib.
 impetere, vt quam per blandimenta amouere non poterant, saltim terrorib. coerce-
 rent. Sed ignis ille, quem Christus in corda fidelium misit, nullis minis cedere nouit. In
 hoc conflictu dum diebus vapularet & noctibus, seque acerrimis impetendam ultio-
 nibus & duris vinculis præpeditam videret, metuens ne non propallata publice fide,
 cauterio vteretur perfidiæ: per internuncios beatissimo Eulogio, opinatissimo iā mul-
 tis talib. operib. viro, vel sorori eius Anuloni virgini Deo dicatæ causam suam innotu-
 it: & quia ad tutiora loca fidelium, in quibus fidem suam posset interrita propallare, ire
 vellet, exposuit. Illico beatus Eulogius solitum officium recognouit: & vt erat fautor
 anhelantissimus Martyrum, hanc exire clam per eosdem internuntios ordinauit. Illa
 concite artem fingens, & parentibus quasi consentiens, nostramque fidem verbis im-
 petens, & data opera omnia selecta ornamenta induēs, seq; more illorū quasi placitu-
 ra & nuptura sæculo ostēdēs, nisa est eorū inflectere animos, & sibi exosos comere gres-
 sus. Cūq; sibi omnia iā tuta inesse prospiceret, ad nuptias quorundā propinquorū suo-
 rum, quæ ipsis agebantur diebus fingens, vt eidem officio congruit, ornate procedere,
 celeri cursu se beatissimo Eulogio, vel sorori eius Anuloni turandā exhibuit. Quā mox
 grato animo suscipientes, occulendam probatissimis tradiderunt amicis. At vbi pater
 eius & mater expectantes filiam non viderunt, delusos se ingemiscientes, rabie inaudita
 & dolore inuiso se ipsos cruciantes, cuncta disturbant, vniuersa contaminant curren-
 tes per ignotos & cognitos, & potestatiue, ac iussione Præsidis, quosque impetendos
 putabant, carceribus & vinculis onerabant, viros, mulieres, confessores, sacerdotes, de-
 uotas, vel quos poterant flagellis & carceribus affligebant, si quo modo possent filiam
 suam per hæc & ampliora recipere. Ille vero sanctus immobilis ei loca diuersa muta-
 bat, & ne traderetur ouis luporum in manibus, omni intentione curabat. Illa tamen
 ieiuniis & vigiliis insistens, & cilicio membra tegens, vel puluere cubans, seuerè mem-
 bra corporis elimabat. Sed & vir beatissimus, cum reuerentia nominandus, Eulogius,
 nocturnas vigilias adpetens, & in basilicam sancti Zoyli terratenus prostratus orans,
 noctes infomes ducebat, auxilium Domini & fortitudinem virgini imprecans, & se
 per hæc exercitia Domino consecrans.

Inter hæc virgo serenissima beati Eulogij germanā, quā ardenti desiderio diligebat,
 videre voluit, & ad eorū habitacula nocte deuenit, reuelatione Dñi prouocata, & auidi-
 tate consolationis perducta, vt vno die tantūmodo cum eis moraretur, & iterū ad soli-
 ta latibula repedaret. Quib. & retulit, sibi vna & alia vice orāti liquore mellis os reple-
 tū fuisse, q; se non ausu temerario expuisse, sed inglutiisse, crassi elementi admirando
 speciē referebat. Cui ille sanctus hoc esse præsagium, regni cœlestis dulcedinem per-
 fruendam, differuit.

V E R V M dum alio die redire virgo disponderet, actum est, vt comēs itineris non
 hora sueta, sed inlucescente aurora veniret. Nec potuit aditum exeundi habere, quip-
 pe quæ nocturno tempore, pro euitandis insidiis solebat incedere. Prouisum est, vt ea-
 dem die vsque dum sol metā sui luminis terræ subduceret, & nocturnę tenebrę quietu-
 dinem optatam indulgerent, virgo Dei eo, quo manebat loco, persisteret. Humano
 quidem consilio, sed diuino retinebatur iudicio: vt & suam sibi coronam, & beato Eu-
 logio imponeret gloriæ diadema. Nam eo die, nescio cuius instinctu, quorūue insidiis
 & proditiōe locus præfidi latibuli indicatur, & à militib. ad hoc missis ex improui-
 so omnis illa eorum habitatio circumdatur. Actumque est, vt electus & prædestinatus
 martyr præsentialiter adfuisset. In cuius præsentia iam dictam virginem educentes, e-
 umque vna pariter comprehendentes, verberantes, multisque contumeliis affligētes,
 iniquo præfidi, & scelerato iudici præsentarunt. Quē mox iudex per flagella occidere
 cogitans, truculento vultu & impatienti animo vehementi furore accēsus, furiosis ver-
 bis interrogat, virginemq; cur domo retinuerit minitando disquirat. Cui libētissime &
 patiētissime, more loquutionis suæ, splēdide rei veritatē hoc ordine pandit. Præses, or-
 do nobis prædicationis iniunctus est, & nostræ hoc fidei conuenit, vt disquirentibus
 à nobis lumen fidei porrigamus, nullique ad vitæ itinera properanti, quæ sancta sunt,
 denegemus. Hoc sacerdotibus competit, hoc religio vera deposcit, hoc etiam
 Christus Dominus noster nos docuit: vt quisquis sitiens fidei haurire flumina volue-
 rit in duplo potum inueniat potius quā quem quæsiuit. Et quoniā hæc virgo fidei san-
 ctæ regulam à nobis inquirere visa est, necessarium extitit, vt illi nostra eo se liben-

dira

26

Anulo D.
Eulogij soror
Deo dicata.

ex opera

27

28

Basilica S.
Zoyli.

illa

(Gel)
Eulogius &
Leo crista
capti.Eulogius ad
Præsides.fidem
illa
sibi

tius adplicaret intentio, quo eius in amplius incenderetur affectio. Nec decuit talia desiderantem reicere, præsertim illi, qui ad hoc Christi electus est munere. Vnde &, vt posse mihi extitit, illustraui, & docui: & fidem Christi viam regni esse cœlestis exposui. Quomodo & tibi, si me disquirendum putasses, libentissime facerem. Tunc præses turbido vultu virgas inducere iussit, eum minitans flagellis perimere. Cui sanctus dixit, Quid istis virgis exercere cupis? Animam (inquit) tuam per has educere volo. Gladium (ait) acue & compone, pro quo animam à vinculo corporis expeditam ei reddas, qui dedit. Nam flagellis membra dissecare non extimes. Et mox clara inuestione & sufficienti eloquio falsitatem vatis sui & legis improprians, & prædicationis verbum ingeminans, sub omni velocitate palatium ducitur, & ad regis consiliarios vsque pertrahitur. Vbi vnus ex ipsis, illi familiarissime notus, compatiendo insiluit. Si stulti (inquit) & idiotæ in hanc mortis deffendam ruinam deuecti sunt: tu sapientiæ decore præcinctus, & vitæ moribus illustratus, quæ te dementia huic mortifero casui, oblitterato naturali vitæ amore, committere compulit? Audi me obsecro, & ne præcipiti casu corruas rogo. Dic tantum verbo in hora huius tuæ necessitatis, & postea tua, vbi vbi potueris,

29

Diui Eulogij mira constantia.

vt ere fide. Promittimus te nuspiam inquirendum. Cui beatissimus martyr subridens: ô (inquit) si scire potuisses, quanta fidei nostræ cultoribus maneant reposita: Aut si possem, quod meo retineo, tuo committere pectori: tunc iam non me à proposito reuocare conareris, sed libentius te ab hoc mundiali honore amouere cogitares. Et cœpit eis Euangelij æterni verbum porrigere, & prædicationem regni constanti libertate infundere. Qui illico eum nolentes audire, gladio iubent transfigi. Cumque duceretur, vnus ex eunuchis regis alapa eum percussit. Cui ille alteram faciem præparans, obsecro (inquit) vt hanc iterum verberando, priori corques. Quam cum secundo feriret, ille patiens & mitis iterum priorem parauit. Sed impetu militum ad locum occisionis deducitur, vbi genua in oratione curuans, & manus ad cœlos extendens, signoq; crucis totum se muniens, paucis verbis intra se orans, ceruicem mucroni tetendit, & celeris ictu mundum contemnens, vitam inuenit. Compleuit martyrium suum quinto Idus

D. Eulogium occiditur.

30

Columba in diui Eulogij corpore insidet.

Martij, die sabbato, hora nona. Et ô felicem & admirabilem nostro sæculo virum, qui & præmisit in multis sui operis fructum, & reliquit in virgine se sequendum. Secum victoriæ vexillum manibus eleuans, & manipulum laboris sui pro se Domino libans, oblationem puram, & pacificas hostias offerens, & in se, quæ alios docuerat, Christo rerum Domino repræsentans. Mox vero vt proiectum est cadauer è loco eminentiori inductum aluei, columba miro candore niuescens, videntibus omnibus, secans aera pennis, super corpus martyris aligerans sedit. Quam omnes missilibus petris hinc inde abigere conantes, & nihilominus consistentem repellere non valentes, manibus voluerunt cominus effugare. Sed illa in circuitu corporis non volans, sed saliens, super turrim corpori imminentem propius resedit, & ad corpus beatissimi viri vultum conuertit. Nec silendum est miraculum, quod ad laudem sui nominis Christus est super corpus martyris operatus. Etenim vnus Astigitanæ ciuitatis incola, dum inter ceteros palatinum lunatim mansionis seruitium ageret. Ibique cursum suum vigiliis ex-

Aliud miraculum. Astigitana ciuitas.

31

32

sota

(Pro, alio proximo sequente. Hispanis vulgari.) S. Zoyli templum. S. Leocritia martyrium. (exercuit.) Basilica S. Genesij. Tertios Genesij.

pediret, nocte aquam potare desiderans, surrexit, & ad prominentem canalis ductum, qui super illa loca producit, peruenit, vbi vidit desuper super corpus eius, quod dorsum iacebat, sacerdotes miro candore niuentes, luminaria coruscantia retinentes, & psallentium more psalmos grauiter recitantes. Qua visione perterritus, ad mansionis locum magis fugiens, quam rediens, repedauit. Et socio ÷ omnia renuntians, cum eo iterum ad locum reuerrere voluit: sed iam secundo cernere illud non valuit. Cuius beatissimi caput ÷ alio die curiositas Christianorum redemit, corporis vero reliquias tertio die collegit, & sub vmbra beatissimi martyris Zoyli tumulauit.

BEATISSIMA vero virgo Leocritia multis oblectationibus delinita, multisq; promissionibus impulsata, tandem diuino munere soliditate fidei roborata, quarta post eius martyrij die extitit decollata, ac in flumine Bæthis proiecta. Sed aquis nec submergi potuit, nec celari, erecto enim corpore pergens, mirum omnibus visum præbuit. Et sic à Christianiseducta, in basilica sancti Genesij martyris, quæ sita est ad locum Tertios, extitit tumulata. Hic fuit beatissimi doctoris Eulogij finis: iste admirabilis exitus, huiusmodi plenus opere transitus.

NUNC restat in fine voluminis Regi omnium sæculorum gratias agere, qui ab initio fidei suam ornans martyribus Ecclesiam, dat lassis virtutem, & de se nihil præsumentes perducit ad gloriam sempiternam. Ipsi Domino nostro gloria & imperium per infinita semper sæcula sæculorum. Amen.

At nunc

At nunc quia sermone pedestri & inculta oratione agonem Doctoris nostri & Martyris nostri † expleuimus: restat, ut ad eundem amicissimū nobis patronum, quasi ad audientem, & precibus nostris præsentem, sermonem vertamus, & familiaritatem nostram ei cognitam referamus. Certe potens est audire rogantes, & patrocinari miseris, & afflictis: si merita nos adiuuauerint propria, si delicta non obuauerint dura, si affectio hoc postulauerit pura. Ergo martyr Dei excelsæ, dulcis nomine Eulogi, Aluarum tuum clamantē intende: & quem hic tenuisti charitate † animi fixum, illic tibi ad sociandum feruum. Non aliorum quam tuis te interueniam verbis. Certe ego sum ille, quem tecū vnitum esse dicebas, ad quem & pro quo hoc modo locutus es: ut non sit (inquis) alter Aluarus quam Eulogius, nec alibi quam penes intima Aluari totus sit conlocatus amor Eulogij. Valeat, valeat, Christe domine, hæc suaui fidelisq; inter utrosque dilectio. Valeat perenni culmine sanctitatis, & quasi lux splendens procedat & crescat usque ad perfectum diem. Ecce Domine testimonium tuum præ manibus habeo, literis aureis, & sententiarum gemmis depictum, sed desidero patrociniij tui complementum. Iam enim quod in terris positis oratione, ut valeret, indefinenter orabas, in cœlis translatus, poteris in me suffragio, quod in te impletum est, obtinere. Seruat namque amor verus (ut ipse dixisti) in absentem fideliter charitatem, & quod sibi poterat, hoc exhibet in amantem. Ergo, martyr egregie, & amice charissime, dum licet, & adhuc misericordiae imminet tempus, intercessionis tuum amico porrigem munus: ut sit hic mihi concessa remelioratio morum: sint crebra munera lachrymarum, sit affectiva labili menti inlata virtutum, sit affectiva compunctio iugis, sit purus pœnitendi affectus, sit locus optabilis rite concessus, sit opportunus aditus nullis obicibus disrumpendus. Soluantur perplexionum omnium vincula, resiliant impeditionum cunctarum molimina, retinaculorumq; obstacula: immutatione dexteræ excelsi in obsequentū mutantur auxilia. Aperiantur ianux cordis, ad suscipiendum regnum Dei altissimi: inclinetur ceruix superba, & colla subdantur, ad ferendum iugum suauissimum Christi. Vellem adhuc poscere maiora, sed temeritatis vereor incurrere notam. Sed tu, ô serue Dei excelsæ, qui vultu Dominico satiaris, eiusq; dono perpetuo iucundaris: illud adscisce misero interuentibus dignis, quo nostri millena delicta purgari. Vitam quoq; æternam desidero, & regni cœlestis requiem sitio. Quocumque ergo tormēto aut flagello cura, remedium impendere seruo, & eo ardoris igne dilectum purgare desidera, quo hic nobiscum videbaris nexus in terra: ut dilectio illa clariori luce nunc emicet, quando & ampliori lumine lu-
cet, & potiori suffragio prorogare quæsitæ valet.

Ego autem, mi dulcis Eulogi, memoriam nominis tui, quantum potui, † lustraui, vitam digessi, doctrinam expressi, agonemq; pulcherrimum explicavi: & ut nominis tui delectabilis semper in mundo memoria floreat, & perenni splendore, sicut in cœlo vita, ita hic mentio rutilet: & si non enucleatissimis sermonibus, tamen euidentissimis, quibus valui, nîsibus dedicaui. Construxi enim ære perennius monumentum gloriæ tuæ, quod nec nimbosus turbo, grandoq; lapidea destruat, nec rogos flammarum quocumque igne liquefaciat. Edificaui nomini tuo memoriam ex auro obrizo & lapidibus omnigenis pretiosis, quam nullus violentissimus valebit diruere prædonis more tyrannus. Composui fabricā * culminis tui, & in sublime turrim habitationis tuæ erexi, ut sis speciosa pharus, cunctis † virtutibus hinc inde relucens. Ornaui titulū decoris tui vniuersis mirō candore niuentibus, & topazione fulgētī, ut vniuersis emicet finibus terræ. Adparsi cineres sanctos nectareis flosculis, nullo æstu fatiscentibus, nec indito cedentibus igne. Vnxi pretiosum corpus nardi pistico pretioso, ac diuerso thymiamatum genere, amomo, balsamo, bisamoq; commiscens, ut flagrans sanctitatis tuæ suauissimus odor diffusus, per † omnia refertus sæcula nullo sine tepescat. Impleui amicitiae vinculum, & charitatis tuæ nolui nudum sæculo dimittere nomen, ut sicut cœlo vita resplendes & opere: ita mundo lingua † elucescas & nomine. Ut generatio subsequens te laudatum inueniat, imitandum respiciat, & quantus fueris doctrina, nostro tenui ingenio recognoscat. Neque priscorum studio corporalibus beneficiis, speciebus & floribus constipatum te ætas sequentura mirabitur, quæ consumuntur temporum vetustate: sed spiritualibus donis decoratum, & immortalibus sublimatum titulis venerabitur.

Tu ergo venerabilis domine, æquiparando nobis redde mercedem, ut † qui seruitio nostro tuæ decoratur reliquæ, & ornantur exequiæ: illustremur deinceps respectione felici, visitemur dono cœlesti, ut ego ille, qui per prona hætenus, & abrupta nō liquide fluens, ab iniquitate mea defeci, & tabidus hucusque in malis meis manens, à vultu domini mei recessi, maligno adhærens hosti, præuenienti gratia illustratus, & gratuita

miser cordia quocumque vitæ termino consummatus, merear ita cœlestia indisrupta communiter tecum possidere gaudia, sicut hic pari fletu & gemitu terrena maceratus angustia, traxi diuturna & longa suspiria. Vt etsi non æquali datum est mihi fulgere gloria, saltem vel delictorum meorum mihi inlata sit venia. Quatenus non pœnali doleam barathro merfus, sed in cœlesti gaudeam requie tibi, vel cæteris dominis meis sociis tuis, condonatus. Amen.

HYMNUS IN DIEM S. EVLOGII

presbyteri, quinto Idus Maij.

10

reuehit
poliferam

1

Almi nunc † redeunt festa † polifera
Nostri Eulogij martyris inclyti:
Soluamus Domino carmina principi
Concentu fidei calico munere.

2

Laudamus varia musico carmine,
Quæ non sunt Domini prædita lumine:
Hic nunc sat melius res pia panditur,
Quum Christum resonant chordulæ metricæ.

At nunc hic

20

dulcis

† Hic nunc est animus magna reuoluere:
Splendenter anhelat balsama fulgide
Gliscens egregia clangere libere,
Vt † dulci roboet musica flamine.

hic

3

Bellator Domini, verbo potentior,
Doctrina & pariter sine celebrior:
Christi sic igitur gloria cingitur,
Vt florens vigeat † licet in æthere.

doceret
perdere

4

Rector dum populos docte reficeret,
Gypsum, quum † diceret, fragmine † prodire:
Turbam multiplici germine lauream,
Cœlesti rutilus agmine prouehit.

30

5

Vstus sic Domini zelo, fidelium,
Conuertens fluidos mores rebellium,
Adsciscens opibus munere nobili,
Abstractos barathro sublimat æthere.
Sed iam cum meritis digna rependere
Christus cunctipotens vellet, Leocritiam,
Recte mox lepidam virginem extulit,
Quæ clarum famulum axe reconderet.

Præstant

40

Tunc celsus solitum rite solatium,
† Præstat, & placidum compe remedium,
Cultum † tunc fidei dogmate ingerit,
Aduersans populis iusta rebellio.

Extemplo præconans prædo peranxius
Conturbat patriam, iussuue plebium,
Per cunctas plateas longe reuoluitur,
Quod princeps rabidus excitus imperat.

Regnantem tumidum respuit inclyta
Cœlestis famuli mens Deo prædita:
Tandem præcipiti & ductu notabili
Comprehensus, sonuit mox quoque libere.

50

Optimo

† Dicens, ô proceres temnite impium,
Christum æthereum credite principem,
Vatem impudicum recte repellite,
Qui tantos populos igne recondidit.

quassant

Gaudens hæc resonet culmine gnauiter,
Necnon & alia † conquerens fortia,
Hunc mandant gladio vertice tundere,
Ne sancta valeat turba recipere.

Adest

Adest intrepidus belliger annuens,
 Tundunt quem alapis, sed rogat horridum,
 Extendens faciem, verberare ut alteram.
 Alternans, gemina palma relideret.
 Tunc signo fidei pectora servulus
 Armat de fide aurea, † roseo
 Colla † lactentia sanguine prædita,
 Incurvat Domino, instat, & obsecrat:

Sic ictu gladii sydere conditur,
 Sic verbo fidei clare reuoluitur.
 Adesto miseris, quæsumus affatim.
 Perplexos precibus soluere concite.
 Adhuc gemitis poscimus excitis,
 Inflectens famulis nunc quoque numinis
 Auditum placidum, † atque serenius
 Mentem, ut precibus sancte refocillet.

Ut rector deleat regna ferocia,
 Conculcet validus dogmata impia,
 Adspiret fidei comptæ refulsio,
 Qua cœli referet culmina fulgida.
 Ut torquens hæresis longe resiliat,
 Ut cultus Domini altius emicet:
 Rectores patriæ florescunt redolent,
 Aduersos cuneos libere ventilent.
 Sit vita populis, sit quoque prouida
 Sanctis religio periuge tempora,
 Sit trino Domino gloria sedula
 Æternum dominans inclite sæcula. Amen.

Post hæc superiora in altero exemplari sequentia erant continuata:

Translatio corporis Sancti Eulogij presbyteri.

Translatio facta est Sancti Eulogij Martyris & Doctoris, in basilica Sancti Zoyli titulo principali, Calendas Iunias Era Dcccxcviii. Celebratur autem dies natalis eius in supradicto coto, eo quod omni tempore in diebus quadragesimæ occurrat illius solennitas.

Epitaphium Sancti Eulogij.

Hic recubat lepidus martyr, doctorq; refulgens
 Eulogius, lumen, dulce per sæcula nomen.
 Qui zelo fidei rutilans, virtute † priorum
 Accensit animos magno fulgore virorum.
 Hic macte celebris libris præconatur & hymnis;
 Et vita † rigidus, & sine sole coruscus.
 Qui temnens fluida, conscendit lucida cœli.
 Nec morte periit, sed viuit sede perenni.
 Credite quæso mihi, viuit, per sæcula, viuit;
 Quisquis cœlesti lætatur gloria regni.

Oratio Aluari.

Nunc te sancte rogo, recolas ut nomen amici,
 Quem tua hic tenuit dulcis amicitia fixum.
 Aluari extremi, qui multa clade reati
 Infectus vitiis pergit per deuita mundi.
 Prex tua hunc † teneat lapsus ad pascua vitæ,
 Ut solite sancto digno nectatur amore,
 Quo tibi coniunctus mansit per sæcula charus,
 Præsta Deus deorum regnans per sæculis, Amen.

Scholia in Diui Eulogij vitam.

1 **ET Doctōris.)** In Concilio Casaragustano l. cap. 7. decretum his verbis fuit scriptum. Ne quis Doctōris nomen sibi imponat prāter has personas, quibus concessum est, secundum quod scriptum est. Hinc diuus Eulogius Doctōr in Ecclesia Cordubensi & habitus est, & vocatus. Et paulo post Aluarus notat, Eulogium inter magistros fuisse eo etiam tempore ascitum, quo fuit presbyter factus. Ipse quoque Eulogius Praesidem alloquens, hoc ipsum non semel de se testatur. Casaragustanum concilium primum notauit, quia tria in ea urbe celebrata in vtiustissimis exemplaribus habentur, quae in regio Diui Laurentij cānobio seruantur.

2 **Ego luxuriæ.)** Humiliter de se loquitur, cum tamen uxorem se duxisse velit indicare.

3 **Cordubæ.)** Hic & ubique non Cordubæ, sed Cordoba fuit scriptum in utroque exemplari, iuxta veterem illam illorum temporum veri nominis corruptelam, quae iam, ut suo loco diximus, inoleuerat. Fuit etiam ubique scriptum, egleſia, non ecclesia, ut agnoscas hic quoque paulatim obrepentem Hispanam, quam nunc retinemus, huius nominis prolationem. Inlustratus, adpersus, & huiusmodi alia, quemadmodum in exemplaribus fuerunt, reliquimus.

4 **Senatorum traduce.)** Quod late in nostra historia ostendimus, post Gothorum & aliarum exterarum gentium in Hispaniam irruptionem, tria hominum discrimina Prouinciā totā incoluere. Antiqui Hispani: Romani, qui se illis aliquot ante seculis immiscuerant: Gothi itidem Alani & Sueui cum reliquis: qui tamen vno nomine Gothi postea appellabantur. Hoc cum multis testimoniis pateat, legibus tamen Gothicis, quae in foro iudicantur, ut vocant, continentur, sit manifestum. Posteriores etenim Gothorum reges in legibus, Hispanorum populos in vniuersum alloquentes, trium horum hominum discrimina separatim nominant. Et apud Paulum Orosium eorundem est mentio. Cum autem nobiles, qui ex Romanorum essent stirpe volunt intelligi, Senatores eos illorum temporum scriptores appellant: Paulus Emeretensis diaconus, qui de Episcopis eius urbis scripsit: Samson Abbas Cordubensis, & cum Aluaro noster Eulogius. Ipsum itaque hic * Patritium, & Romanorum stirpis credo significari. Quod si quis per catacrisin nobilem tantum, non Romanæ originis Eulogium hic dici existimet: ego cum hoc non contenderim. Mater D. Eulogij Elisabeth vocabatur, ut ipse in epistola ad Pompelonenſem Episcopum scribit. Auus Eulogius itidem dictus fuit, ut in Apologetico appellat.

Tria hominum in Hispania discrimina.
* Ex gente, vel familia ordinis Senatorij intelligendum est apud Aluarum. Eademque & dicitur vocabulo Traduce, ipsemet Eulogius c. 17. lib. 3. Mem. Sancti. Mater & auus D. Eulogij.

Sancti Zoyli æde.) Huius templi mentio est alicubi in D. Eulogij operibus. Eidem praefuit paucis post annis Samson Abbas, de quo plura in sequentibus dici oportebit. In hoc D. Zoyli templo corpus eiusdem martyris suo tempore asseruari D. Eulogius, & idem Samson docent. De Samſone Abbate lib. 1. de Paulo Emeretensi diacono initio libri 2. dicemus.

6 **Sperandeu.)** Huius viri meminit lib. 1. & 2. Eulogius. Eius nomen varie in exemplaribus fuit scriptum: Spera in Deum, & Sperandeu.

7 **Tandem Reccaffredus.)** Cum multa non vno loco D. Eulogius de sua ista calamitate, & in carcerem trusione commemoret, nunquam Reccaffredi huius meminit: nec quis hic fuerit tumultus plane docet. Quantum ex sequentibus & ex Eulogij dictis possumus conicere: Reccaffredus metropolitanus fuit episcopus, cuius ministerio Habbarraghman rex Christianos voluit compeſcere. Ille autem aut prauo zelo instinctus, aut infideli metu compulsus ecclesiam Cordubensem atque alias grauiter afflixit: episcopum Cordubensem, cuius nomen nusquam proditur, aliosque templorum ministros in vincula coniecit. Sed neque qua de causa liberi postmodum fuerint dimissi, memorant: neque nos aliunde possumus diuinare.

8 **Extat super hoc.)** Durat etiam adhuc hæc epistola. Ibi hæc omnia latius referuntur. Pariter & illa altera, quam e vestigio commemorat Aluarus, extat epistola.

9 **Ibi metricos pedes.)** Innuit D. Eulogium in carcere positum, hymnos ius carminum generibus scripsisse, quæ Hispanis eo tempore essent incognita. Nimirum, ut mox apparebit, Horatij Poeta opera ipse nuper adinuenerat, & illa illectus carminum varietate, similia tentare est aggressus.

10 **Namque ipsis diebus.)** En tibi Reccaffredum iussu regio ecclesiam afflixisse. Eulogius autem ac ceteri veri Christiani ei aperte resistere, tametsi cuperent, pra causa, quam Aluarus non tacuit, commoti nolebant. Ceterum D. Eulogius, qui illum excommunicatum & ab ecclesia alienum merito existimabat, sacris abstinere toto illo tempore decreuit: ne se videlicet eius etiam labe respergeret, quo cum foris videretur consentire. Satis autem indicabat, quam non consentiret, qui ita se contineret. Neque tamen vitare omnino poterat Reccaffredum: cum fideiussoribus, quos dederat, hac ratione noceret.

11 **Cuius historiae veritas.)** Quum Aluarus hunc, quem refert, librum scripsisset, quo plenius omnia ista digesserat: hic innuere tantummodo contentus effecit, ut tenuis & subobscura ista notitia ad nos tantum perueniret.

12 **Vtpote fideiussoribus datis.)** Apparet cauisse Reccaffredum vadium interuentu, ne ab se posset Eulogius, postquam vinculis fuerat exemptus, seiungi.

13 **Beati Epiphaniij.)** Extat hæc epistola à diuo Hieronymo in Latinum sermonem conuersa, & inter eius opera excussa.

Quinpotius occasione fratrum suorum.) Hac omnia fustius in ea epistola narrantur, cuius 14
 mox Aluarus meminit. Sed temporum series diligenter est attendenda. Reuersus enim ex hac peregrina-
 tione ab Reccaffredo in carcerem conuicitur. Inde eductus, concilio Cordubensi cum aliis metropolitanis
 celebrato interfuit, quamquam illorum sententia penitus non acquieuit. Quod lib. 2. cap. 15. ipse comme-
 morat: & tempus quidem ita digessisse, & continuasse, ut multum deinceps ad intelligenda, qua narrat
 Eulogius, contulerit. Reccaffredi namque nomen ipse nunquam apposuit, modestia vere Christiana ergo,
 ut ego interpretor. Vnde illa omnia hinc sunt prorsus intelligenda.

Inde secum.) Animaduertere decet, qua cupiditate & diligentia perquirendorum librorum ve- 15
 10 terum vir sanctus teneretur. Inde quanto opere Corduba feruerent etiam in illo rudi, & undique Chri-
 stianis miserabili saculo studia literarum, satis apparebit.

Flacci saturata poemata.) Allusit ad Iuuenalis versum. Satur est cum dicit Horatius, ohe. 16

Porphyrj depicta opuscula.) Tyrius fuit Philosophus Plotini auditor, Iamblichi praeceptor, 16
 Malchus seu Basylus antea dictus: sed Porphyrius deinceps cognominatus, ob purpuream vestem, qua 17
 semper propter generis nobilitatem utebatur. Acerrimus Christianorum hostis, quique ab egregijs eccle- 17
 sia ducibus Methodio, Eusebio, & Apollinari contra ipsum decertantibus, fuerit profligandus. Plura de
 illo Suidas. Picta autem eius opera referens Aluarus, ea intelligi credo, qua ad eloquentiam spectantia
 Suidas recensuit.

Vel Adhelelmi Epigrammatum opera.) Intelligit plane Adhelelmum Saxonum Occiden- 18
 20 talium episcopum, in diuinis literis clarum, sed humaniorum studiorum & Poetices studiis sui temporis Adhelelmum
 clarissimum. Floruit sub Iustimiano minore annis ante D. Eulogium plus ducentis. Eius operum cata- 18
 logum Abbas Tritemmius texuit: & inter cetera librum carmine scriptum de Virginitate Sanctorum,
 quem hic intelligi praesertim crediderim.

Necnon Auienni fabulas metricas.) Rufus Festus Auiennus seu Abydnus poeta, ut quidam 19
 volunt Hispanus, inter cetera Virgilianas fabulas, iambicis versibus descripsit: & Aesopi etiam fabellas 19
 quae elegiaco carmine circumferuntur, huius esse auctoris multi affirmant. Aut alterutrum, aut utrum- 19
 que opus hic possumus intelligere. Qui hac & plura de hoc auctore scire voluerit, Quartum Lilij Gi-
 raldi de Poetis Dialogum legat.

Post diuinæ memoriæ Wistremiri.) Cordubam ex Gallia rediens Eulogius, ut ipse in episto- 20
 30 la ad Pompelonensem episcopum narrat, aliquandiu Toleti apud hunc sanctissimum antistitem est diuer-
 satus. Inde haud dubie factum est, ut Toletani Mocarabes, & sancta ecclesia praesertim ministri, quibus
 ex hac consuetudine eius viri sanctitas & doctrina probe fuisset perspecta: ipsum Praesulem sibi optarent,
 & deligerent. Alterum exemplar Tolenatæ calami certe vitio, hic habuit. Est autem Toletum urbs Hi- 20
 spania celeberrima, non semel ab Titò Liuiò nominata, & ab Plinio etiam & Ptolemaeo inter ceteras
 connumerata. De qua, ut de Carthagine Sallustius, praestiterit hic nihil, quam pauca referre. Praesertim
 cum sublimis huius urbis nostro hoc tempore magnificentia & praestantia, omnibus sit notissima.

Pro annuo festiuitatis suæ recursum.) Attende festiuitatem D. Eulogij, & aliorum perinde 22
 martyrum Cordubensium, iam tunc institutas fuisse, & quotannis celebratas: & translatio etiam Diui
 Eulogij solenni more, ut paulo post apparebit, colebatur.

40 Rex Mahomad.) Habdarraghmanis huius nominis tertij fuit filius: quod ex tertij libri prin- 23
 cipio patet.

Arabs genere beatus Christophorus.) Huius martyrium cum breuiter D. Eulogius lib. 2. 24
 expedisset: Aluarus latius describere cogitabat.

Ex Gentilium fece.) Gentilium nomine semper Arabes secta Mahometica vocat Eulogius. Hoc 25
 quoque esse videtur ex illa Romanorum vocabulorum affectatione, qua Consules & fascies aliaque eius-
 modi saepius repetuntur.

Christo dicata.) Sanctimoniales nostrates variis nominibus in Conciliis Hispanis appellantur: 26
 Deuotæ, Religiosæ, Deo dicatæ, sacrae virgines, & hoc ipsum Christo dicatæ. Vtitureisdem nominibus
 varie D. Eulogius, & ipse Aluarus.

50 Nominè Elitiosa.) Alterum exemplar Litiosa habuit: nos id sequuti hic sumus, quod cum Diui 27
 Eulogij operibus coharebat.

Vel sorori eius Anuloni.) Praeter hanc sororem alteram etiam habuit D. Eulogius nomine 28
 Niolam. Tres etiam ei fratres fuerunt, Aluarus, & Isidorus, & nati minimus Ioseph. Ex epistola ad Diui Eulogij
 Pompelonensem episcopum.

Comere gressos.) Ita fuit in ambobus exemplaribus. Et sensus interim cum tota arguita est 29
 manifestus.

Cum reuerentia nominandus.) Tam in his duobus exemplaribus, quam in aliis peruetustis 30
 libris Mocarabum Christianorum literis descriptis, quos mihi videre hucusque contigit. f. pro u. & u. pro
 f. semper cernitur appositum. Itaque hic referentia, non reuerentia fuit scriptum: & semper prouanus,
 non profanus. Item e conuerso. Nescio quid hoc habet ex Digamma Eolico Fabij Quintiliani,
 Quint. lib. 1.
 c. 4. & Aul.
 Gell. lib. 14.
 c. 5. & lib. 19.
 c. 61.

- 31 Cui beatissimus martyr.) Expressit ad vinum D. Eulogius, & vere implevit sancti senis Eleazari exemplum. Quod quia est ipsum per sese illustrissimum, & dictante diuino spiritu facundissime per scriptum: lectus est dignissimum.
- 32 Compleuit martyrium suum.) Mensis dies signatur, Martij videlicet undecima: Sabbatum etiam fuisse dicitur: cum Era aut annus non fuerit ab Aluaro expressus. Hinc tamen iam, licet aliunde astrui non posset passum fuisse D. Eulogium anno Domini octingentesimo quinquagesimo nono, quem in titulo apposuimus, necessario penitus probatur. Illo enim anno Martij dies undecimus in sabbatum incidit, neque aliquot retro annis in eum hebdomadae diem inciderat, neque aliquot sequentibus sabbatum fuit occupaturus. Neque extra hos non paucos annos pati potuit Eulogius. Nam tres quatuorve ante hunc annos ipse (quod ex suis libris patet) in viuis erat. Nostra autem hac supputandi ratio, ubi hebdomada dies signatur, non vera solum, sed omnino etiam irrefragabilis, ex canonica cycli solaris conuersione, & ex ea annorum & mensium desumitur obseruatione, qua cum ab initio sancta Christi vteretur ecclesia: postea Abbatis Dionysij, ut plerique tradunt auctores, doctrina & diligentia in dilucidiolem & certiolem formam fuit disposita, & constituta. Caterum quemadmodum inde nos ad certissimam hanc annos in historia supputandi & digerendi firmitatem, si quando hebdomada dies nominatur, rationem inierimus: in nostra historia, ubi ad Gothorum tempora peruenimus, late sumus praefati. Occasionem autem huius obseruationis nobis Petrus Appianus primum in suo Casareo astronomico, & F. Onuphrius Panuinius uno atque altero loco in Fastis, olim praebuerant. Nunc vero Gerardi Mercatoris chronicon, superiori anno euulgatum, astronomicam etiam in supputando rationem, tametsi ab nostra ista diuersa m, per eclipsium nimirum, quae apud historicos reperiuntur, notationes, videmus retinere. Et quia solenne est diuo Eulogio hebdomadae dies in martyrum cade notare, unde anni plerumque assenerationem & certitudinem demonstrabimus: ideo fusius aliquanto de toto hoc nostro inuento hic fuit differendum.
- 33 Lunatim mansionis seruitium.) Menstruas significat excubias, quae in arce agerentur, cum finito mense, noui excubitores prioribus succederent. Hoc enim aduerbio temporibus illis efficto diuus etiam Eulogius aliquando utitur, & eo praesertim loco, ubi tributum Christianis per singulos menses impositum deplorat.
- 34 Et ad prominentem canalis ductum.) Prope arcem profecto iacuit ad fluminis ripam sanctum diui Eulogij cadauer, prope turrin, quae Arcarum nunc appellatur: siquidem excubitor longius recedere non auderet. Et propius arcem haud dubie is erat siue fons siue aquaductus, quem petebat. Alioqui potius causa in flumen, quod arcis alluit fundamenta, citissime potuit descendere. De ea autem arce loquitur, quae nunc etiam Corduba perdurat. Ea enim iam fuerat edificata, quod ex Rasis Chronico, & ex speculari Ruderici Toletani Praefulis de Arabum rebus historia, quae nondum est excussa, aperte constat. Illud etiam est animaduertendum, praecipitium ingens esse ab arcis platea in alucum fluminis: ut sit ab latere per cliuum descensus.
- 35 In basilica sancti Genesij.) Huius templi & loci mentio non semel erit in diui Eulogij libris, in Apolog. Mart. pag. 84. b.
- 36 Dulcis nomine Eulogi.) Alludit ad Graecam originem vocabuli. Eulogius enim bonus sermo interpretatur. Alioqui & amoris teneritudine, ita potuit Aluarius loqui.
- 37 Ut non sit inquis.) Scripserat haec proculdubio verba in aliqua ad Aluarum epistola Eulogius. Sed ea intercidit.
- 38 Ego autem mi dulcis Eulogi.) Offert iam hoc suum opus diuo Eulogio: & dum attollere orationem studet, multa ingeminans, & accumulans, cacozydon non potuit euadere, & tumidum quid, magis quam sublime perfecit. Fertilitas nimirum Cordubensis soli hanc quoque ubertatem semper in ingenis protulit.
- 39 Construxi enim are perennius monumentum.) Horatij versum tantum dissoluit: & ex recens lecto opere aliquid affectauit inspergere. Horatij versus hi sunt in fine carminum:
Exegi monumentum are perennius, &c.
- 40 Bisamoq; commiscens.) In altero exemplari bisanto, in altero fuit visamo. Sed neutrum quid sit reperio.
- 41 Neque priscorum.) Locus in utroque exemplari corruptissimus. spem etiam ademit diuinandi.

Scholia in Hymnum & Epitaphia.

- 1 Hymnus in diem.) Titulos qui fuerant in veteribus Codicibus, conseruauimus. Est autem hic hymnus, quemadmodum & epitaphia ab Aluaro, ut ego existimo, compositus. Carmen est quale illud, Sanctorum meritis inclita gaudia.
- 2 Laudamus varia.) Sensus est: Solemus carminibus varias res celebrare, quae ad Dei gloriam non pertinent: Quanto rectius carmina diuinis laudibus, ut nunc contingit, impenduntur.

Rektor

Rektor dum populos.) Quatuor sequentes versus in utroque exemplari fuisse corruptissimos: 3
nos quoquomodo potuimus ex coniectura & ingenio emendauimus.

Gypsum.) In antiquis libris ad hunc modum legebatur. Gypsum quum doceret fragmine prode- 4
re. Nos substituiimus, Gypsum quum diceret fragmine prodite. Sic versus constat: Sic aliquis sensus elici-
tur, nempe iste ex allegoria. Eulogius clamabat: Legem Mahomad penitus introspectite: ipsa se cum sua
deterrima turpitudine ostendet & retegat. Quasi vas terreum aut testaceum, fractum docebit, quam
sit fragile.

Virtus sic domini.) Hoc ideo dicit, quia aliquos ex martyribus parum constantes, & iam iam la- 5
bantes, in fide confirmant. Quod alicubi ipse idem Eulogius testatur.

10 Translatio corporis.) Exemplar cum diui Eulogii operibus coniunctum, cum epitaphium so- 6
lummodo haberet, nihil habuit de eius translatione. In altero Michaelis Atagra hac ipsa fuisse. Cum
autem initio in hoc eodem templo fuerit, ut est in eius vita, sepultus: intelligo nunc elevationem solen-
nem fuisse factam. Nam illa verba: titulo principali, non diuersum templum, quantum ego possum in-
telligere, innuunt, sed ab rege aliquando conditum significant. Et hoc sensu in conciliis nostratibus scri-
buntur. Cotum, vocabulum est ab Hispanis nostris ex Latino, cantum, deprauatum: quod vetustissima
regum diplomata ostendunt, & lapides in quibus legitur: Rex fecit cotum, & fecit cantum, indifferenter.
Et multa huiusmodi.

20 Illud autem operis pretium fuerit animaduvertere & expendere. Cum diuus Eulogius Martyrii un-
decimo die interemptus, & Iunii primo fuerit translatus: cur in Martyrologio Vsuardi, & in Romano
nuperrime excusso & adaucto, vigesimo Septembris eius festum reponatur? Quin etiam Breuiarium
Cordubense eodem die habet. Huius rei causam ego eam fuisse crediderim, quod cum eo ipso die, Septem-
bris videlicet vigesimo, sancti Eulogii presbyteri (eius qui inter priscos Eremitas cultores insignis fuit) obi-
tus fuisset annotatus, in libro qui Vita Patrum inscribitur, & diuo Hieronymo ascribitur, & in Marty-
rologio Romano: quidam eundem illum & nostrum hunc Cordubensem esse credentes, veritatis aliqui
ignari, eidem diei eius festum attribuerunt: & in Romano quidem utriusque eodem die festum notatur.

30 Illud etiam animaduertendum, Vsuardum non potuisse D. Eulogii, & aliorum eiusdem saculi mar-
tyrum Cordubensium, quorum frequens in eius Martyrologio mentio est, passiones scripsisse. Nam cum
Carolo Magno suum Martyrologii opus dicauerit, quantumvis iuuenis Imperatori admodum seni scri-
pserit, vix credibile est D. Eulogio supersitem fuisse. Restat, ut aliquis postea eius operi nostrates hos mar-
tyres superaddiderit: qui certe ex diuo Eulogio non res solum, sed ipsa etiam eius verba aliquando deprom-
psit. Romanum vero Martyrologium, siquidem diuo Hieronymo tribuitur, meminisse diui Eulogii &
coetaneorum martyrum non potuit. Sed adiectitia sunt omnia, quae de his sanctis inibi leguntur, ut est
opus nouis & nouis accessionibus opportunum. Idem dicendum de Bedae martyrologio, qui diuum Eulo-
gium ducentis annis praecessit: & tamen Lupi & Aurelii festum mense Octobri ibi apponitur. Ado-
Viennensis in Gallia Archiepiscopus legerat profecto diui Eulogii libros. Nam & omnes ferme hos Cor-
dubenses martyres in suo Martyrologio posuit, & quae pauca de his commemorat, hinc plane desumpta
sunt. Et eius historia ad vigesimum post diui Eulogii martyrium annum protenditur.

40 Hoc vero nostro tempore corpus diui Eulogii simul & Leocritiae Oueti, in celeberrimo multorum
sanctorum corporum & reliquiarum sacrario, quod Cameram sanctam vocant, decentissime asseruan-
tur. Theca reconduntur bene magna, argento undique obiecta, signis perbelle exornata: in cuius sum-
mitate haec litera argento insculpta leguntur:

ANNO DOMINI MCCC. QUINTO IANVA-
RII DOMINVS FERNANDVS ALVARI
O VETENSIS EPISCOPVS TRANSTVLIT.
Hic tres dictiones desunt. M. EVLOGII ET LVCRI-
TIAE IN HANC CAPSAM ARGENTEAM.

Neque dubium tamen esse potest, quin qua parte argenti subtractio fragmentum effecit, ad hunc modum
esset scriptum: CORPORA SANCTORVM MARTYRV.

50 Hanc vero argenteam arcam cum sanctis corporibus, ego, etsi indignus (quod summi beneficii loco
mihi à Deo Opt. Max. misericorditer tributum libentissime recolo) his meis oculis, non tam senio iam
caligantibus, quam spectaculi sanctitate praestictis, contemplatus sum: his miseris manibus, hisce im-
meritis vlnis venerabundus sustuli, hoc ipso anno Domini MDLXXII. cum Philippus II. Rex po-
tentissimus, idemq; & cognomine & studio pietatis & religionis vere Catholicus, sancta me & religioso
in primis Principe dignissima legatione misisset, ad reuerenter inuiscenda Sanctorum per Legionenses, Gal-
lecos, & Astures corpora & reliquias: custodiam, cultum, & venerationem, si digna pro eorundem ma-
iestate esset, diligenter perquirendum, & renuntiandum. Et ut omnem sanctae eius legationis summam
breuiter complectar: providentissimamque & bene gratam Regis erga suos maiores curam & sollici-
tudinem referam: habui etiam in mandatis, ut priscorum Hispanorum Regum sepulchra perspicere-
rem, an digne & honorifice essent eorum tumultata corpora animaduverterem: quam plene & accurate

Vbi corpus,
aut reliquiae
ipsius Mar-
tyris requie-
scunt, quod
patet ex cap.
1 & 5. lib. 2.

Mem. Mar-
tyrum.
Festum diui
Eulogii cum
Septembris
apponatur.

Vsuardum
non potuisse
diuo Eulogio
scribere.

Romanum
martyrolo-
gium.
Martyrolo-
gium Bedae.
Adonm mar-
tyrologium.

Diui Eulogii
& Leocritiae
corpora Oue-
ti seruantur.

Fernandus
Aluarius Oue-
tensis Epi-
scopus.

Sanctae Phi-
lippi Regis
legatio.

his statis diebus sacris tum anniversariis solennibus, tum etiam quotidianis parentaretur, intelligerem. Illud etiam superiniunctum, ut bibliotheca omnibus publicis diligenter perlustratis, veterum omnium exemplarium catalogum perscriberem, & ut diligenti custodia asseruarentur, monerem. Sed ad Sanctorum corpora redeo.

Rex Alfonso. Celebrat etiam sancta Ouetensis ecclesia festum translationis horum in duorum sanctorum corporum: in cuius matutinis lectionibus scriptum est, quo pacto Ouetum fuerint adducta. Rex Alfonso (quorū fuerit non referunt) Dulcidium quendam legatum ad regem Mahomad Cordubensem misit. Is opera Samuelis cuiusdam (qui se hanc ipsam translationis historiam scripsisse testatur) adiutus, ipsa sancta corpora adeptus, Ouetum tandem pertulit. Rex vero simul cum Ermenegildo, Ouetensi tunc temporis Archiepiscopo in sancta Leocadia sacello, saxo sepulchro subtus altare excavato, quod nunc etiam vacuum conspicitur, eadem beata corpora theca cupressina inclusa, decenter cum solenni pompa reposuit. Miraculum paulo post paralytici sanati consequutum est.

Multo vero post tempore Rudericus Guterrius Ouetensis archidiaconus, distorto ore mutus repente factus, horum sanctorum martyrum interuentu, quorum patrocinium in suis interne precibus implorauerat, sanatur. Eius miraculi occasione factum est, ut sepulchro extracti, & theca argentea denuo reconditi, in sanctam Cameram, quemadmodum retulimus, eleuarentur. Hec ibi. Caterum ex Ermenegildi Archiepiscopi, & Mahomad Regis, mentione intelligimus, Regem Alfonso huius nominis tertium, cognomento Magnum, fuisse eum, ad quem Corduba sancta corpora, fuisse perlata. Nec grauius carmina etiam apponere, quæ loco antiphonarum & responsiorum in eo festo decantantur, quamuis rude quiddam & incultum sonent: cum Hispana eorum temporum in carminibus vetustatis expressam imaginem retineant.

Eulogij cultus crescit per secula multus,

Lucritia pariter festa sequuntur idem.

Nec timet Ouetum subitum contingere letum,

Nam festum latum iussit abesse metum.

Oratio.

Deus, qui per beatissimos martyres tuos Eulogium & Lucritiam Ouetensem ecclesiam adornasti, concede nobis famulis tuis veniam delictorum: ut eorum patrocinio roborati, pro tuis beneficiis gratias tibi debitas referamus. Per Dominum, &c.

Et Lucritia sane ubique Oueti scribitur, non Leocritia. Nos vetustos codices potius sequuti sumus.

Aluari opera. Aluarus vero hic noster librum etiam scripsit Scintillarum, ipsum nos in Regio, de quo iam diximus, sanctorum Facundi & Primitiui cœnobio manuscriptum in membrana cum hoc titulo vidimus. In Christi nomine incipit liber scintillarum Aluari Cordubensis, collectus de sententiis sanctorum Patrum. In fine constat ante quadringentos annos fuisse descriptum. Eundem etiam multo vetustiore litteris Gothicis scriptum, sed lacerum: principio sineq; carentem in inclyto Cisterciensi prope Vallis Oletum monasterio dicto del Espina, conspeximus. Eundem etiam habet Mindoniensis ecclesia in Gallie bibliotheca. Fuitq; eius operis argumentum in illa eo tempore librorum penuria admodum necessarium, nec nunc tamen aspernandum. Etenim per locos communes de virtutibus & vitiis, multa quæ in sacris literis, multa quæ ab sanctis doctoribus dicta sunt, congesta reperiuntur. Exsumum etiam Basilee, sed mutilum, & sine nomine auctoris, circumfertur. Scripsit præterea, ut D. Episcopus Placentinus existimabat, idem Aluarus opus egregium, cui titulus est, Indiculus Luminosus. Permanet Gothicis litteris in membrana descriptus Corduba in bibliotheca Fani maioris, sed sine auctoris nomine. Tantum notatum ab ipso auctore est, scriptum opus fuisse Corduba anno domini octingentesimo quinquagesimo quarto, quo, ut frequenter apparebit, & florebat, & scribebat Aluarus. Stylus etiam aut Aluari prorsus est, aut simillimus. In eo opere multa ad ea ipsa, quæ in his Dini Eulogij operibus continentur spectantia traduntur. Mentio enim fit quorundam ex his martyribus, quorum vitam & agonem scribit Eulogius: ut hinc etiam Aluari esse videatur. Vnum illud est, quod ut Aluari opus illud esse non credam,

omnino persuadet, quia nimirum D. Eulogij ibi mentio nulla fit. Nec arbitror Aluarum in tanta benevolentia continere se potuisse, quin

eius eadem scribentis meminisset. Et de hoc

iterum in Scholiis libri primi

ad finem.

DIVI EVLOGII MARTYRIS CORDVBENSIS, DOCTORIS ET ELECTI ARCHIEPISCOPI

Toletani Liber Memoriale Sanctorum,
ab ipso inscriptus.

P R A E F A T I O.

EGO quidem volumen hoc Memoriale Sanctorum appellans, illis tantummodo ascyteris commentaueram, e quibus prior ille monachorum globus ad resistendum mendacissimo vati processerat. Sed postquam ex vrbibus, viculis, oppidiculis, & castellis certatim proruere ad hoc certamen viros, ac mulieres cognoui, neque quenquam vereri praesidis tribunal comperi, sed omnes pro testamento, & legibus Dei nostri mortem incunctanter elegisse conspexi: vniuersis illud ecclesiis supra solidissimam petram fundatis dicaui, vt tantum haberent cuncti de triumpho eorum suae consolationis, & gloriae exemplum, & gaudium, quantum fuit illos ex diuersis locis venisse, & in exemplum totius Ecclesiae discrimina passionum subiisse. Sed reor, quod inter ipsos haud dubie principatum obtinet sanctus Isaac monachus. Qui prior e Tabanensi coenobio in forum descendens, iudicem adiit, atque his verbis eum aggreditur: Vellem (inquit) iudex, cultor fidei strenuus fieri, si modo tu non differres ordinem, rationemque eius mihi exponere. Cui cum libenter, quasi iam tyrunculo fidei suae credituro iuueni inflatis buccis, turgenti guttore, crepitantia infra caua palati verba institutionis lingua fallax proferret, sectae huius auctorem Mahomad fore praedixit; qui Angeli Gabrielis magisterio illustratus, verbum Prophetismi ab Altissimo nationibus relaturus accepit: legem instituit, Paradisum disseruit, regnumque coelorum plenum epulis, & fluxibus foeminarum edocuit. Sed & alia plura, quae hic disponi per longum est, ex ritu pro vano arbitrio prosequente, protinus Ephebus ille venerabilis monachus, vt erat apprimeliteris Arabicis imbutus, Arabice dans illi responsum: Mentitus, ait, est vobis, ita maledictionibus tabescat diuinis, qui tanto scelere implicatus, tantorum agmina perditorum inuasit, secumque inferorum barathro mancipauit. Ille etenim daemone plenus, daemonicis fauens praestigiis lethale morbidis propinans poculum, aeternae perditionis luet interitum. Quare vos scientia praediti a talibus non abdicatis periculis? Quare non renuntiantes vlcus perstiferi dogmatis, perennem fidei Christianae Euangelicam sospitatem optatis? Hec, & his similia ore pudico, summis reuerentiae ausibus, viribusque lingua peracuta beato differente Isaac, stupore nimio iudex turbatus, ac veluti amens effectus, vbertim lachrymasse perhibetur: & quadam mentis hebetudine occupatus vix potuisse fertur, exprobranti se monacho respondere: sicque manu extensa faciem eius verberanti, confestim monachus dixit: Consumilem imagini Dei vultum audes ferire? vide qualem propter hoc redditurus sis rationem. Iccirco, a considentibus se cum sapientibus deprehensus, arguitur, quod grauitatis Censoris oblitus leuiter per semetipsum ad cadendum martyrem egerit: & praesertim, quia secundum legum suarum sententiam, is qui pro crimine dignus est mori, nullius poenae conuictis lacerari debet. Tunc iudex ad sanctum Isaac conuersus ait: Forte madidus vino, aut frenesi captus ad ista, quae profers, non facile pores aduertere. Nam ipsius vatis nostri, quem tu temere conuictis impetis, sententia manet irrefragabilis, animaduerti debere in eos, quia talia de ipso non verentur profiteri. Ad quem venerabilis Isaac intrepida responsione ait: Ego quidem, iudex, nec vino madidus, nec quolibet morbo saucius sum, sed zelo iustitiae conflagrans, quia vatem vestrum, vosque expertes existere comperi, veritatem vobis exposui: propter quam si mors furibunda occurrerit, libens excipiam, placidus subeam, nec ab eius casibus ceruices meas auertam. Noui enim, Dominum dixisse: Beati qui persecutionem patiuntur propter iustitiam, quoniam ipsorum est regnum coelorum. Tunc iudex carceri illum tradens, protinus regi causa eius innotuit, qui tantae accusationis euentu perterritus, illico ferocioribus animis ferox promit edictum, dicens morti usquequaque fieri debere obnoxium, talem in auctorem fidei suae ferentem conuictum. Hinc Dei seruus ad necem damnatus vertice plectitur: hinc in stipite eleuatus capite deorsum appenditur, atque vltra amnem in spectaculum vrbis locatur, tertio Nonas Iunias, Fe-

1

2

3

4

Isaac monachus martyr.
Tabanense monasterium.

5

6

Censor nominat, quem prius & post iudicem nominauit. & inf. lib. 3. cap. 16.

Matth. 10.

*Annus Do-
mini Deceli.*

*Prasugia de
beato Isaac
martyre.*

*Tabanense
canonibum.
Dies Iunij
viij.*

Genesis 22.

*Hieremias
martyr.
Sanctus Per-
fectus mar-
tyr.*

Cap. 1.

ria quarta, Era octingentesima, octuagesima nona. Cuius corpus post aliquot dies cum cæteris, qui eum imitando perempti sunt, igne crematum, & in fauillam conuersum, deinceps in amnem proiectum est. Sed necesse est exponere, quibus indiciis vel prodigiis hic beatus Isaac extiterit in infantia denotatus, vt ex eo diuinitus ad coronam martyrij illum fuisse credamus electum, ex quo in matris vtero positus terribilem valde parentibus stuporem intulerit. Tribus namque vicibus vna die, paulo antequam nasceretur, visus est loqui: cuius rei nouitate perterrita mulier pene mortua vim verborum nequaquam potuit intelligere. Alio etiam tempore, cum adhuc septennis existeret, virgo quædam cernit per visionem globum luminis e cælo descendere, & inter omnium præstolantium turbam solus hic vlnas extendens, manibus lumen excepit, totamque eius claritatem ori suo iniecit, ebibit: felicem tunc, & vere beatum omnibus tali condignum munere nuncupantibus. Hæc sunt infantia eius prodigia & signa, quæ illum dignum martyrio longe antea portenderunt. Nam quidam sacerdos ex cænobio Tabanensi, ex quo idem beatus ad agonem processerat, peractis Missarum Dominico die solenniis, septimo scilicet Iduum Iuniarum, qui post quintum martyrij sui diem euenerat, in quodam lectulo fratrum recumbens, obdormire paulum cœpit, & ecce subito per somnium vidit puerum decoris pulcherrimi à partibus Orientis venire, schedamque miræ pulchritudinis manibus gestantem sibi adfistere. Quam ab eo accipiens, scripturam eius legere cœpit: erat enim his exarata sermonibus. Sicut pater noster Abraham Isaac filium Deo in sacrificium obtulit, ita & nunc sanctus Isaac in conspectu Domini sacrificium pro fratribus immolauit. Et continuo quidam e ciuitate venientes, dixerunt beatum Hieremiam martyrio cum aliis fuisse coronatum per Dominum nostrum IESVM Christum, cuius exemplo nonnulli ad publicum sub eadem professione perempti sunt. Sed dudum anticeps illis beatæ memoriæ Perfectus presbyter extitit, qui ob eiusmodi professionem, qua & isti, occubuit: sed non eo modo, quo ipsi deciderunt. Prædictus namque presbyter coacte ad passionem tractus, viriliter consummauit sancti certaminis cursum. Hi vero sponte sua venientes, acriter hosti resistunt, & quadam violentia per effusionem cruoris regnum cœli capeunt. Quo autem ordine idem venerabilis Perfectus presbyter passionis brauium emeruerit, principium libri secundi exponet: ac deinceps cæterorum nomina, ætates, ortus, temporaque allisionum edicet. Quapropter hanc præfationem in capite voluminis posui, vt inter laudes, vituperationesque sanctorum me discurrente, interdum etiam auctori profano obuiam venientem lectores mei facilius intelligerent: precibus expiant, orationibus adiuuant: & tam de illis, quam de me ipsis fauente, iudicium proprium, & nunc & ante Dominum ferrent.

Incipit Liber primus.

*Ecclesia com-
modis inui-
gilandum.*



ERITISSIMORVM virorum prouidum semper esse debet consultum, commoda Ecclesiæ Catholicæ non paruipendere, nec ab obuentu perfectionis eius desistere, vel si qua vitio cuiusque hebetudinis sese intulerunt commenta piæ religiositati adultera, nullatenus improbo neglectu silentij in maiorem perniciem sinendum accrescere. Quia quantum meritis præclaræ conuersationis, seu sanctæ doctrinæ gradibus sancta Ecclesia in superna euehitur, in sublime eleuatur, vbique incremento fidei dilatatur: tantum etiam, aut eo amplius incuria negligentium deiicitur, impulsibus horum misere concutitur, & quorundam socordia ad ima proiicitur. Hinc prouenit, vt auctæ vires peruerforum detrimentum semper fidelibus ingerant, dispendiumque gregi pusillo, cui complacuit patri dare regnum, exaggerent: dum aliquando torpenti silentio omnibus contentis, seu proniori lapsu vltimo vitiorum abyssu immerfis, nullus adsit, qui redimat, neque qui saluum faciat, dicente Propheta: Non ascendistis ex aduerso, neque opposuistis murum pro domo Israel, vt staretis in prælio in die Domini. Illius etiam quam maxime vaticinium Prophetæ formidans, quo socordiam inutilium pastorum Dominus contestatur. Ecce, inquiens, vos lac comedistis, & lanis operiebamini, oues autem meas lupi inuaserunt: & dum non procuratis pascua salubria, ab inimicis eis sunt herbæ morbida procuratæ.

Lucæ 12.

*Psal. 7.
Ezechiel. 13.*

Ezechie. 34.

QVAPROPTER necanis mutus, & non valens latrare appellaret à Domino: *Isaia 56.*
 siue vt euaderem in futurum negligentium iudicium, conatus sum ex pauperrimo nostræ scientiæ scrinio depromere aliqua, & ex olerum ferculis, tamen Catholico studio apparatus, fidelium saturare esuriem. Eorum scilicet, qui veritatem fidei Christianæ, sicut à sanctis Patribus acceperunt, sana credulitate retentant: ne desistente procurationis nostræ salutari edulio, lethiferum ab inimicis sumerent cibum. Ideoque vrgente mediuinæ charitatis stimulo, & consultum gerens Catholicæ plebis, quam nutantem in certaminibus militum Christi cognoui: seu obuius illis studens occurrere ense verbi Dei accinctus, qui non solum eos recipere inter martyres nolunt, verumetiam
 10 ore sacrilego conuitiis, atque blasphemis impetentes, rediduum, si possibile est, quietis Sanctorum implodunt supplicium: seu dignis beatorum satisfacere memoriis anhelans, qui cælo regnantes exemplaria victoriarum suarum mortalibus reliquerunt: libuit mihi pro modulo exigui ingenij talibus rebus insistere, nostroque licet rusticano sermone * paruipendulos informare; æmulis contraire, & cælo tenus acta Sanctorum extollere.

Martyrum detractores.
 * Hispanis: quos vulgo, Poco considerados, & Burladores dicimus. *Vititur & in eodem sensu voce Paruipendens, inf. in orat. ad filium lib. 2. folio 52. b. & in Apolog. 77. b.*

SED nescio quo tendere rea mens poterit, cui legalis auctoritas ex voce Domini occurrit, dicens: Peccatori autem dixit Deus: Quare tu enarras iustitias meas, & assumis testamentum meum per os tuum? Hinc silere decreueram, hinc melius ab huiusmodi intentione abducere me iudicaueram: quoniam nefas esse putabam, os nulla
 20 sanctitatis ope subnixum temere acta elucubrare sanctorum: siue quod maiestati rei gestæ nostrum imbecille ingenium considerauit posse succumbere. Quia si diuina res humanum supergreditur conatum: sic lingua terrenis incumbens, ætherea non potest mysteria loqui. Sic prædicare libere nescit, qui minus peccatis liber existit. Si abnuendum creditur dogma eiusdem, cuius vitilis infecta est vita. Sed nunquid mercedem suam coram Domino perdet mens talibus oblectata studiis? aut æternorum vacuabitur gratia munerum? Qui inquit, quod Deo est placitum, etsi non effectum, certe vel pium geret affectum. Aut non erit coram Domino compensandum, quod hi, qui zelo Dei armati contra hostem, publicum apertumq; gesserint bellum, in eo nos ineffabilem attollat lætitia gaudiorum? Sicut enim mihi met nescius non sum, peccatis
 30 obnoxium, sceleribus implicatum me ipsum esse: ita quoque de clementia redemptoris mei nullatenus sum diffusus, qui reprobans peccatores ab officio prædicandi, quia non licet committere cani sancta Domini, non refutat peccatorum vtilem voluntatem, in id quod sibi placet. Denique execranda sunt opera reproborum, non contemnenda vota probabilia peccatorum. Quia sicut opus sinistrum vsquequaque nos deiecit, ita pium affectum in nobis Dominus non spernit. Quapropter illico mens deiecta erigitur, Christumq; instituentem ac promittentem recolens, spe quodammodo possibilitatis animatur, qui ait: Aperi os tuum, & ego adimplebo illud. Et alibi: Dominus
 40 dabit verbum euangelizantibus in virtutibus multis. Inde voti compos effectus credo, quod idem magister verus dignabitur nobis conferre præconabile verbum ad instructionem Catholicorum honestam, ad laudem Sanctorum dignissimam, & ad expugnationem aduersariorum efficacissimam: qui præstitit animali irrationali eloqui ritu hominum. Et sicut me indignum tanto opere fateor, ita quoque sui perfectione non solum erui culpis confido, verumetiam poenis abstractus, præstantiorem gratiam interuentu eius apud Dominum inuenire spero: vt est illud philosophicum; Hoc opus, hoc olim, forsan me subtrahet igni.

Apolog. 77. b.
 2
Psalm. 49. Diui Eulogij humilitas.
Matth. 7.
Psalm. 80. Psalm. 67.
Num. 22.
Ouidius.

IGITUR de memoriis martyrum quidpiam me locuturo, principium orationis nostræ ad vos dirigatur, ô sancti fratres nostri, & sorores in Christo beatæ; ex quorum collegiis sacratissimo Deo libata est hostia, non verens pudorem inculti eloquij: non
 50 venustatem, leporemq; affectans liberalis studij, quod nullius instituentis magisterio traditum habui: præsertim cum & in huiusmodi rebus magis nouerim simplicem veritatem esse obseruandam, quam tonantem musarum turgidam pompam. Loquar etiam tibi, ô vniuersalis Ecclesiæ sanctæ conuentus, vt verbum veritatis, quod ore nostro edicitur, placidis mentium vlnis amplectens, nullatenus prædicationis nostræ arcendam velis doctrinam, quæ, Apostolica affirmante auctoritate, libera ad instructionem omnium redditur: cum vnius fidei auditores vario discretos talento diuerso præceptorum accendit oraculo: & ibi acriorem spiritu patientiæ virtutem demulcet, vbi mitem viuido iubentis imperio perarmauit: vni dicens: Argue, obsecra, increpa in
 60 omni patientia, & doctrina: alteri vero præcipiens: Argue cum omni imperio, nemo te contemnat. Vnde parati estote omni homini reddere rationem peterè à vobis vo-

Lectiones suas excitat.
1. Timot. 4. Ad Tit. 2.

lenti, de illa, quæ in eo manet spe, ne (quod absit) stupido auditu sanæ doctrinæ dogmata respuentes illius quondam Apostolicæ imputationis sententiæ obnoxij iudicemini, qua dicitur: Erit enim tempus, cum sanam doctrinam non sustinebunt, sed ad sua desideria coaceruabunt sibi magistros prurientes auribus, & à veritate quidem auditum auerterent, ad fabulas autem conuerterentur. Quia sicut nobis incumbit officiositas prædicandi, ita vobis subest necessitas audiendi. Nec propter hoc, quod nos inordinate degimus, turpique conuersatione deiicimur, respuendum verbi Dei documentum arbitremini: quoniã plerumque in magna domo patrisfamilias nouimus † haud ambigue conuersari affeclas deploratæ vitæ, quorum ministerio familiares dominorum interdum expediuntur necessitates. Nam & Imperatoribus mundi plumbeis adducitur cuniculis vnda; & inter sacra Domini vasa auro, argenteve cõflata, pretiosorum lapidum ornamentis percompta, etiam non abiicienda habentur testacea. Solet enim peccator forti Dei immixt⁹ quotidie in aures populi hæc dicere: Dominus ait, proclama, de transgressionibus præceptorum Dei plebem argue: de seueritate iudicij, quæ peccatorum debetur excessibus, contestare: de redditu veniæ, & spe promerendæ clementiæ admonere: cum tamen ille ipse nec modum sibi in criminibus ponat, nec terrorem futuri examinis metuat: & quod aliis prædicat, moribus ipse impugnat: verbo autem eius nonnulli intenti, ab illicitis abstinent, & perfectioribus adhærent. De quibus in Evangelio dicitur: Omnia quæcumque dixerint vobis, obseruate, & facite: secundum opera vero illorum nolite facere: dicunt enim, & non faciunt: alligant onera graua & importabilia, & imponunt ea humeris hominum, digito autem suo nolunt ea mouere. Vnde congruit, vt cum Ecclesia possidet rectorem vitæ moribus deiectum, non contemnendam eius prædicationem existimet, quamuis hanc ipse prauis actibus impugnet. Officium itaque vulgi est intendere ad concionantem, & audire dicentem, & doctoris prædicationem operando exequi; & non proprium iudicium de præpositorum meritis ferre, quos suo Dominus distringendos examini referuauit, dicens; Propheta namque, & sacerdos polluti sunt, & in domo mea inueni malum eorum, ait Dominus. Iccirco via eorum erit, quasi lubricum in tenebris, impellentur enim, & corruent in ea. Afferram enim super eos mala, annum visitationis eorum. Et iterum: Mihi vindictam, & ego retribuam, dicit Dominus. Et licet hæc, quam dudum digessi auctoritas meriti mei defensionem inquirat, & quibus modis iustorum legem euadere non possim, ostendat; plus tamen simplicem religiosorum conuentum accendere anhelat, ne sancta sanctorum, quamuis ore improbo edita, respuat.

IN horum igitur certaminibus confessorum tanto alacrioribus animis est exultandum, tantaque libertate cordis, & vocis gloriosum consummatæ victoriæ cursum ferendum, quanto his diuina vox indulgentissimæ sponsonis verum salutis confert solatium, dicens: Qui perseuerauerit vsque in finem, hic saluus erit. Quoniam veraciter cognouimus non inchoantibus deberi præmium, sed perseuerantibus. Adeo illa primordialis abrenunciatio rerum, mundique contemptus præcipuis votis, & studio ardentiori ab eis exercitatus est; vt contuendi † velocius Deum, & beatorum fruendi consortio desiderium haberent, vt etiam labentis vitæ obnix occasum appeterent; melius putantes sub vnius puncti spatio ferre sententiam hominum, quæ illico, nulla intercedente dilatione, eos ferret ad cælum, quam per varia & longa discrimina temporum cum graui molestia sustinere versutias dæmonum. Et Dominus quidem, ad officium prædicandæ veritatis discipulos imbuens, impauida eos audacia iubet esse contentos, dicens: Euntes per vniuersum mundum prædicate Euangelium omni creaturæ, baptizantes eas in nomine Patris, & Filij, & Spiritus sancti: qui crediderit, & baptizatus fuerit, saluus erit; qui vero non crediderit, condemnabitur. Et iterum: Nolite timere eos, qui occidunt corpus, quia non habent quid amplius faciant; sed potius eum timete, qui potest corpus & animam perdere, & mittere in gehennam. Vos estis lux mundi, non potest ciuitas abscondi super montem posita; neque accendunt lucernam, & ponunt eam sub modio. Quod dico vobis in tenebris, dicite in lumine: & quæ in aure audistis, prædicate super tecta: quod in mysterio cognouistis, apertius enarrate: quod didicistis abscondite, publice loquimini: quod vos erudiui in paruo Iudææ loco, in vniuersis vrbibus, & in toto mundo audacter dicite. Docet fiduciam prædicandi, ne Apostoli abscondantur ob metum, & sint similes lucernæ sub modio: quoniam hi, qui libertatem faciendi verbum in populis diuinitus acceperunt, nequaquam resilire à prædicatione veritatis, etiam periculis imminentibus debent, vt non lucernis sub modio, sed supra candelabrum positis compareantur.

ET LICET formidolosis facultas collata sit declinandi rabiem persecutionis, *Fugere per-
sequutionē
quo pacto li-
ceat.
(pro, nume-
rosi)* non tamen passim hoc obseruandum est à perfectis: qui iam præscia Redemptoris po-
tentia denotati, & conscripti, quasi ab ÷ immensis legionibus, ad exercitium prælio-
rum Dei electi sunt. Vt si propter veritatem mors cruenta eis occurrat, non curandum
est de iactura membrorum, vbi sine dubio solatium vitæ perennis acquiritur anima-
rum, dicente Domino: Si quis vult post me venire, abneget semetipsum, & tollat cru-
cem suam, & sequatur me: qui enim perdiderit animam suam propter me, in vitam
æternam inueniet eam. Inde sancti viri, placidis auditibus veritatem euangelicam ca-
pientes, eam totis nisibus adimplere contendunt, scilicet viam sanctæ confessionis vir-
tutem huius præconij esse solummodo arbitantes. Qui illico relictis vrbibus, & his
quæ mundanis hærent affectibus, auida rapiendi regnum Dei cupidine conflagran-
tes, circuierunt in mellotis, & in pellibus caprinis: egentes, angustiis afflicti, quibus di-
gnus non erat mundus: in solitudinibus errantes, in montibus, & in speluncis, & in
cauernis terræ: expectantes Dominum, qui saluaret eos à pusillanimitate animi, &
tempestate. Sed ista pro nihilo computantes, immo vero contra spiritalis nequitie ho-
stem dubium quotidie agonem gerentes, nutu Dei mortificatione subita temporalis
vitæ accenduntur, & secundum Apostolum, dissolui cupiunt, & esse cum Christo:
viam compendij requirentes, qua de corpore mortis huius eruti propere ad cœlestem
patriam peruenirent, & pia violentia regnum Dei arriperent. Sic quoque armati lo-
rica iustitiæ in forum profiliunt, prædicantes Euangelium Dei principibus, & natio-
nibus mundi. Super Christum, montem excelsum, contemplatione mentium ele-
uati, didicerunt confessores beati ex Psalmistæ oraculis iustitiam Domini in Ecclesia
magna fore annuntiandam: & ideo perfecto odio contra aduersarios Ecclesiæ insur-
gentes, arguunt impios de falsidica vatis iniqui doctrina, præstigiis, sacrilegiis, & va-
nitatibus sæculi plena: detestantur quoque, & maledictionibus auctorem tantæ per-
uersitatis impugnant, eundemq; cœtum talibus inseruientem culturis perenni ana-
themate damnant: & ita interriti contra hostem publicum apertū veritatis erigentes
vexillum, vtpote ante fores Prætorij, & in ipso accessu palatij proferentes testimonium
inducem perditionis, confusionis, & ignominie: non verentes, quod suppliciorum
pro eadem veritate subirent tormentum, aut qualibus periculis vitæ huius haberent
occasum. Quippe quos immensus vrgebat ardor migrandi ad cœlum, festinantes vide-
re faciem eius, cui seruiuerunt. Stimulatur zelo vltionis cohors iniqua gentilium, cele-
risq; animaduersionis emergit vindictum in obtrectatores sectæ suæ. Nescientes quia
illi, vt hunc ÷ præcocem, obitum exciperent, liberis vocibus inimico iustitiæ, & ad-
uersario Ecclesiæ Dei progressu vltroneo restiterunt: loquentes de testimoniis Domi-
ni in conspectu regum, & nihil verentes: quia nihil aliud mortem suam, quam vitam
perpetuam existimantes, sponte interitum carnis exoptant, voluntarium Deo ani-
marum suarum sacrificium offerentes. Quibus recte prophetica voce cantatur: Qui
sponte obtulistis de Israel animas vestras ad periculum, benedicite Dominum. Ac per
hoc verè imitatores Pauli Apostoli mihi esse videntur, qui ait: Si quis vobis euangeli-
zauerit præter quod accepistis, anathema sit. Cuius testimonij informati oraculis pro-
filiunt contra angelum Sathanæ, & præuium Antichristi, patule ea quæ sancta sunt
confitentes, quæ nunc etiam omnis Ecclesia Hispaniæ, quanquam clandestinis, vt op-
pressa, prædicat vocibus.

NAM idem peruersi dogmatis auctor, & multarum animarum perniciosus euer-
sor, inter cæteros post ascensionem Domini hæresum institutores, solus nouæ super-
stitionis sectam instinctu diaboli condens, procul ab vnione Catholicæ Ecclesiæ sepa-
ratur. Prophetarum vaticinia respuens, & Apostolorum doctrinam infamans: san-
cti quoque Euangelij veritatem conculcans, piorumque Doctorum dogmata abne-
gans, & ridiculum potius quiddam, quam rerum necessariarum causas per eandem
sectam suam insinuans, docuit Christum Dei verbum esse, & prophetam quidem ma-
gnum, nulla tamen potentia diuinitatis subnixum, cæteris hominibus similem, sed
non Deo Patri æqualem. Comestiones quoque in Paradiso, & carnis proposuit vo-
luptates. Quam quæstionem vir disertissimus, magnum temporibus nostris Ecclesiæ
lumen, Sperai deo Abbas, cum contra nugas huius nefandi stylum admoueret, &
vno opusculo ex eius deliramentis nonnulla niteretur arguere in sexto ipsius libelli
capitulo, quasi ex voce cultorum eius obiectionem inducens: ac deinceps suam pro-
ponens sententiam, ita disseruit, dicens: Futuro aiunt in sæculo cuncti ouantes aspor-
tabimur in Paradisum: ibi namque nobis à Deo erunt mulieres concessæ pulchræ, &

Marci 12.

pro imperio

Luc 1.

Ezechie. 43.

Perfectus
presbyter.Iohannes con-
fessor.

supra hominum naturam speciosissimæ, atque nobis in voluptatem præparatæ. R. Nequaquam ergo vestri in Paradiso beatitudinis obtinebunt statum, si eorum vterque sexus vacauerit exercitio fluxæ libidinis. Hoc non erit Paradisus, sed lupanar, & locus obscœnissimus: cum Dominus sciscitantibus Phariseis, cuius in resurrectione illa mulier coniux existeret, quæ septem fratres secundum legem Moyssi acceperat ad suscitandum proximi semen, responderit: Erratis, nescientes scripturas, nec virtutem Dei. Filij huius sæculi nubent, & tradentur ad nuptias: in resurrectione autem nec nubent, nec tradentur, sed erunt sicut Angeli Dei in cœlo. Taceam sacrilegium illud, & totis Catholicorum auditibus immane facinus respuendum, quod de beatissima Virgine, mundi Regina, sancta & venerabili Domini, & Saluatoris nostri genitrice Maria, canis impurus dicere ausus est, Protestatus enim est (salua loquor reuerentia tantæ Virginis) quod eius foret in sæculo venturo ab se violanda virginitas. O vacuum cerebro caput, & † priuilegio Sathanæ occupata præcordia. O vas perditum, & habitaculum spirituum immundorum. O frustatim præscindendam ense bicipiti linguam. O organum dæmoniorum, & symphoniam zabuli. Quis furor, quæue dementia tantis te blasphemis inquinari compulerunt? Quis te, ô sordium cloaca, laqueus perditionum, gurgis iniquitatum, & omnium vitiorum sentina sensibus priuauit humanis, vt non modo tibi sat fuerit tot nationibus inferre interitum, quibus præstigiosum documentum suasisti, & totis nisibus nunc, & in futuro luxuriarum obscœnitatibus inferuire: sed etiam in Creatore scelus operari aggressus es: impius temerator, asserens coeleste hospitium, & receptaculum Spiritus sancti incontaminatum, incoquina-
tum, purum, sanctum, & mundum sacrilegis immunditiæ tuæ in futuro sæculo contaminandum? Quæ nutu superno, verbum Deitatis vtero suo excipiens, carne sua Creatorem vestiuit, saluoque pudore ipsum verbum ad redimendam in morte creaturam præcipitem edidit? Quæ omnis tactus, aspectusq; expers virilis expauit salutationem Angelicam: & licet sine viro nullam feceri posse cognosceret, tamen superno credula numini, se ad huiusmodi inusitatum conceptû electam Deo reuelante sciens, consentit, & dicit: Ecce ancilla Domini, fiat mihi secundum verbum tuum. De cuius gloriosa parturitione olim Dominus per Ezechielem prædicare dignatus est, dicens: Conueri me ad viam portæ sanctuarij, quæ respiciebat ad Orientem, & erat clausa; & dixit Dominus ad me: Porta hæc, quam vides clausam, non aperitur, & vir non transit per eam, quoniam Dominus Deus Israel egredietur per eam, & erit clausa.

MULTA denique alia inaudita vanitatis figmenta scelerosus idem instinctu maligni spiritus, à quo obfidebatur, transfigurando se illi in angelum lucis Gabrielem componens, delubra in quibus pessimum dogma coleretur, extruxit. Cuius quidem erroris insaniam, prædicationis deliramenta, & impiæ nouitatis præcepta nonnulli nostrorum philosophorum zelo Dei armati, commentariis, & voluminibus exponentes, iustitiæ arietibus illiserunt. At vero confessores beati, non leuiter spurcitiam eius ferentes, præstantius illum, eiusque sectam patulis assertionum congressibus expugnarunt. Quia nimirum nouerant, quod propter eandem veritatem, quam de ipso cæcorum
duce proferrent, gladio vindice protinus erant ruituri.

ET licet primo sanctus Perfectus presbyter exemplar detestandi fidei hostem omnibus exhibuerit, merumq; moriendi pro veritate robur confessionis eius à multis exclusit: de quo in libro secundo nos plenius loquuturos, propitio Deo, spondemus: non tamen paruipendenda est inuictissimi illius Iohannis constantia præconabilis; qui inter sæua ac dira flagella forti animo durans, plurimos documento suo ad martyrium incitauerit. Super quem inimici Dei viuentis falsum coram iudice testimonium proferentes, huiuscemodi contra eum crimen deponunt. Nouimus hunc, ô iudex, in subsannationem Doctoris nostri semper insistere; eumque maledicis verbis irreuerenter impetere. Itavt cum forte negocium mercimonij sui in nundinis velit exercere, non alias illicere potest ementes, nisi cum sacramentum nostrum dictis paruipendulis subtilissimus irritor proposuerit. Cuius rei nos testes sumus, & in veritate dignum hunc morte confitemur. Verum quia minus idoneorum accusatione testium impetebatur, nec poterat reis mortem inferre obiectio testationis eorum, damnatur Dei seruus acrioribus flagris: & crudeli verbere laceratus cogeatur Christum negare. Ille vero non se talibus obnoxium criminationibus solummodo confitebatur: sed etiam neque vsque ad mortem religionem Crucifixi deserturum clamabat. Cuius obstinatione iudex vehementi furore commotus, quingentis, & eo amplius hunc macerandum tradens flagellis, tamdiu verberibus iussit insistere, quousque exanimis

nimis inter cædentium manus in solum prorueret. Sicq; semiuiuum vix palpitantem, retrorsus a fello impositum, totam circuire urbem, ac plateam fecit, præcedente sacrilega præconis voce, dicentis: Hæc merebitur exprobrator vatis nostri, cultusq; irrisor perferre. Postquam vero ad vindictam sui Doctoris talia exercuerunt, ad vltimum grauissimo ferri onere coarctatum ergastulo deputarunt. Quem nos ibidem religatum, adhuc dorso eius vigentibus plagis, inuenimus: nostroq; contubernio per idem tempus, quo detrusi sumus, acciuimus. Nam beatissimus Perfectus presbyter, cui Ioannes (de quo supra meminimus) ad vincula, & cædes successit, violenter ad passionem tractus, postea quam carcerem adiit, diuinitus illustratus, ad præliandum armatus est.

*Perfectus
martyr.*

10 Ita vt necessitatem in voluntatem conuertens, vim illam cœlesti quodam respectu esse considerans, quo martyrio dignus haberetur, totus in superna erigitur, alienatur præsentibus, futurorum commoda præstolatur, & totius mundani expers affectus, ad ea, quæ diligentibus Deum promissa sunt, futurus martyr aptatur. Hinc sæculo mortuus, & Deo viuens, quod primo se dixisse negauerat, postmodum vltro neus confessor, & athleta fortissimus coram iudice asserebat. Magis eligens mori pro veritate, occasione inde sumpta proferendi iustitiam Dei gentibus, ac detestandi aduersarium fidei, quam negando veritatem tanto se præmio abstrahere.

H O R V M igitur duorum & spontaneus, & violentus ad passionem cursus cæteros in vnum eundemque consensum dimicandi vltro venire coegit. Quia non erant
20 de corona ambigui, qui nouerant etiam vi protractos regni perpetui coronam percipisse. Quapropter ordine, quo in præfatione voluminis huius digestum est, omnis turba sanctorum ad palestram certaminis currens dat repudium aduersario Dei, & inimico iustitiæ. Omnes summo ore Christum laudantes, cuius tanta virtute subnixi in certamine claruerunt, vt in nullo penitus terrenum formidarent supplicium, qui summi Redemptoris gratia illustrati, plus nouerant æternum metuere tormentum. Quod ideo in principio libri exposui, vt non deesset cognitionibus posterorum, quæ res confessoribus nostris obtulerit obitum: & cuius rei odio in molestissimam iracundiam excitata gentilitas, totum immanitatis furorem ad perniciem talia profitentium
30 admouerit. Inde etiam prudentissimi lectores facile poterunt aduertere, quam merito hoc opusculum in beatorum laudibus laboret, repagula opponens diffidentibus & dubitantibus, qui eos loco martyrum renuunt coli debere.

*Martyrum
Cordubensium turba.*

C A T E R V M eorundem Sanctorum corpora, qui primo conflictu occisi sunt, equuleis versis vestigiis affigentes gentiles, post sextum diem allisionis eorum, id est, pridie Idus lunias, inopinato scelere crudelitatis, cuncta iam putredine resoluta, atrocibus incendiis deputant. Quin etiam, ne virtutum emolumenta præstarent Christi-
colis, deformes cineres, quos legere è camino quiuerant, minacis aluei vltimo conduntur abyssis.

*Crudelitas
in martyrum
cadavera.
Dies 12.*

I N S T A B A T quoque vniuersitas ethnicorum resultando, pietatis exprobrans cultum, quod in suorum vltione nullum aduersariis daret opprobrium. Latabatur namque, quod in vindictam sui Doctoris tot contemptorum corpora prostrauisset, nulla
40 nouitate prodigiorum obstante, quæ horrorem posset scelerosis incutere. Dicebatque; Si vere Deus est, in cuius nomine tantæ vos calamitati submittitis, & verum hoc esse martyrium creditis: vel si nulla veritate prophetiæ hic noster vates succinctus est: (qui, vt idem docuit, Angelo instituyente Gabriele gentibus, totiq; orbi verbum Dei prædicare permissus est, lex quam cultores eius meditentur, documento ipsius Angeli promulgata est. Cuius vocabulum rudis protoplastus, cum adhuc olim Paradisum incoleret, adnotatum in supernis, globoque micantis claritatis immixtum contemplans, quæ esset illa lux cæteris præstantior in centro micans, quæ fulgoribus Dominum expiaret, fertur Creatorem Adæ interrogasse, illumq; respondisse: Hic verus Propheta
50 est futurus in mundo, qui ex femine tuo oriens, ipso quem radiare nomine obstupescis, Mahomad appellabitur, cuius quoque meritis tu creatus subsistere meruisti) quare non satellitibus qualecunque prodigiorum infertis terrorem, vel quibuslibet astanti vulgo signaculis coruscatis? quia dum vos improuisæ morti ob quandam assertionem superfluam destinatis, neque vlla virtute miraculorum, quæ sententiam nostram in vestrum latam excidium infringere possit, præcellitis: cum partem vestram minime adiueris, nullum etiam cœtui nostro infertis dispendium.

*Sarraceni
vnde marty-
res contem-
nerent.*

E T ob hoc ipsum plerisque nostrorum paruipendulis verum non esse videbatur martyrium, quod non ad confusionem incredulorum, vel roboracionem fidelium ali-
quod ostentaret miraculum. Nescientes quia in fine sæculi, vt sanctus Gregorius refert

*Christiano-
rum aduersus
martyres ob-
testatio.
Gregorium.*

*Miracula
non mirum
si cessent.*

lib. Moral. Aberunt de Ecclesia signa virtutum, terribili quippe, ait, ordine dispositio-
nis occultæ, prius quam leuiatan in illo damnato homine, quem assumet, appareat, à
sancta Ecclesia virtutum signa subtrahentur. Nam prophetia absconditur, curatio-
num gratia aufertur, prolixioris abstinentiæ virtus imminuitur, doctrinæ verba con-
ticescunt, miraculorum prodigia tolluntur. Quæ quidem nequaquam superna dis-
pensatio funditus subtrahit, sed non hæc, sicut prioribus temporibus, aperte ac multi-
pliciter ostenduntur. Quod tamen mira dispensatione agitur, vt vna ex re diuina simul
pietas, & iustitia compleatur. Dum enim subtractis signorum virtutibus sancta Eccle-
sia, velut abiectior apparet, & bonorum præmium crescit, qui illam pro spe cœlestium,
& non propter præsentia signa venerantur, & malorum mens cōtra illam citius osten-
ditur, qui sequi inuisibilia, quæ promittit, negligunt, dum signis visibilibus non tenen-
tur. Signa namque virtutum nec omnibus data, nec passim quocunque tempore sunt
exercenda. Quia & hi, qui hoc munus diuinitus acceperunt, nisi spe, & fide probatis,
nequeunt erogare, Euangelista narrante: & non poterat I E S V S inter eos facere vir-
tutes propter incredulitatem illorum. Et Veritas per semetipsum multi, inquit, lepro-
si erant in Israel sub Eliseo Propheta, & nemo eorum mundatus est, nisi Naman Syrus.
Desistente enim fide quærentium, largitas erogantium quassatur. Nam cum idem
Dominus ardentissimis persæpe multorum votis consolator occurrat, dicens: Ite in
pace, fides vestra vos saluos fecit; tamen deficiente fide, virtus nihil proficit. Quam
plerumque, exigente fide languentium, etiam homines reprobi, & mente corrupti im-
pertuntur. Sicuti de illis in Euangelio legitur, qui in futuro ante fores Domini que-
sturi sunt, dicentes: Domine, Domine, nonne in tuo nomine prophetauimus? & in
tuo nomine dæmonia eiecimus? & in tuo nomine virtutes multas fecimus? Quibus
vtique dicturus est Dominus: Non noui vos, discedite à me operarij iniquitatis. Et ite-
rum: Exurgent pseudochristi, & pseudoprophetæ, & dabunt signa magna, & prodi-
gia: ita vt in errorem iuducant, si fieri potest, electos. Et in Exodo: Fecerunt & male-
fici per incantationes sicut & Moyses. Miraculorum vero signa ideo olim per seruos
suos Dominus congruenti tempore præstabat mundo, quoniam præscia diuinitate
proficere nihilominus præstolantibus ea sciebat; nec in vanum currere operarios vir-
tutum cognouerat: Vt saltem prodigiorum nouitatibus cederent, qui sacræ legis præ-
cepta salutaria respuebant. Eratq; temporibus illis satis congruum Dei martyres signis
coruscare virtutum, quoniam rudem diffusum Christianismum nunc instructione
verborum, nunc exhortatione scripturarum, nunc ostensione signorum, nunc etiam
trophæis inclytis passionum conabantur solidis radicibus fieri firmum in cordibus
credentium populorum. Nam quia non omni tempore (vt supra relatum est) signo-
rum exercitium congruat, neque omnes cœlestium contemplatione virtutum digni
existunt, facile aduerti potest ex comparatione eorum, quæ gesta sunt ab Apostolis.
Qui cum vellent bonum nuntium Asianis prædicare, prohibiti sunt à Spiritu sancto: &
qui pridem adnuntiare Euangelium omni creaturæ præceperat, sciens in Asia nullum
existere dignum percipiendi euangelicam veritatem, præfaga diuinitatis auctoritate
discipulos ab eorum salute inhibuit. Vtpote qui verbum vitæ arroganti spiritu erant
reiecturi, neque audirent, quoniam spernerent.

Actuum 16.

Marci 6.

Luca 10.

** Miraculo-
rū auctores.*

MIRACULA denique dum aut propter fidem credentium, aut propter futu-
ram credulitatem astantium Dei providentia operatur, non tam nos in eorum admi-
ratione debemus stupere, quam provida compensatione intueri, si eorundem effecto-
res signorum expulsis vitiis morum honestate præcellant: si sæculo mortui, Deo vi-
uant: si propter illam veram charitatem, quæ cuncta carismatum dona exuperat, om-
nes affectiones mundi pro nihilo pensant: si acceptā virtutem non ad suam gloriam,
sed ad beneficium referunt collatoris: si attentis auribus cordis veri magistri admoni-
tione percepta, non quia dæmonia eis subiiciantur, tripudiant, sed quia nomina sua
scripta sunt in cœlis exultant. Et iccirco hæc dinumeratio virtutum in illis prodigiorū
auctoribus potius, quā ipse signorū effectus, est admirandus: & quod sit magis præuium
specimen eundi ad regnum, querendū, non vero quod *signiferos ac notabiles nos vul-
go ostendet. Quia sanctitas & timor Domini, cultusq; regni cœlestis non nisi ab idoneis
& perfectis procedunt. Signa vero, atq; prodigia & sancti & reprobi faciunt. Quæ nihil
aliud, quam notitiam vanam etiam aliquando hominum conferunt. Hinc prouenit, vt
qui fuerit hominibus notus, nisi fuerit iustus, ad æterna supplicia perueniat condem-
nandus. Ille autem, qui cœlesti gratia inlustratus sub notitia sui creatoris vixerit san-
ctus, etsi mortalibus sit ignotus, in futuris tamen sanctorum gaudiis erit annumerandus.

N E C

Nec nos, ista prosequentes, miraculorum penitus abdicamus insignia, cœlesti dono quibuscumque collata, & congruenti tempore per Dei dispensationem nationibus ordinata: sed latratibus rabidorum canum obuiam venimus, qui martyrum nostrorum intentionem exinanire attentant, dum eos de miraculis redarguere sperant. Quid potius generaliter sequendum sit cunctis ex auctoritate diuinorum librorum, vel dictis sanctorum Patrum ostendimus. Non (quod absit) funditus charismata cœlestium munerum extirpamus.

10 RADIX itaque, ac fundamentum omnium virtutum, signumque victoriæ fides est: per quam iusti viuunt, per quam Sancti omnes regna vicerunt, operati sunt iustitiam, adepti sunt repromissiones, obturauerunt ora leonum, extinxerunt imperium ignis, effugauerunt aciem gladii, conualuerunt de infirmitate, fortes facti sunt in bello. Quorum vestigia hi Sancti veraciter prosequentes intrepida confessione Deum, & Dominum IESVM Christum in concilio principum profitentes. Omnem quoque, quam Evangelica auctoritas non recipit, prophetiam, ut furum & latronum detestantes, ac maledicetes abiiciunt: Ob quam causam inauditis sauitiæ furoribus illa frendens turba Gentilium cunctos animaduersione gladii præmittit ad cœlum, presbyteros, leuitas, confessores, virginemque beatas. Et quoscumque confessio talis haberet, ut publice eorum subannando prophetam, cultum eius deriderent, mox amputatis ceruicibus fuerent. Ac ne sibi quidpiam inesse humanitatis ostenderent nonnullos, quos gladio vindice huius vitæ limen sub testimonio veritatis excedere coegerant, præ foribus palatii

Abac. 2.
Hebr. 11.

20 inhumatos relinquentes canibus iusserunt exponi, adhibitis simul custodiis, ne quis Catholicorum intuitu pietatis carnibus etiam spoliata cadauera sepeliret. Quasi sentirent persecutores supplicium, quorum animæ paradisi requie fruebantur: aut obesset animabus cœlo regnantibus temporalium poena tormentorum illata corporibus. Vel de inhumatis curare poterant membris hi, qui vere sciebant, quod sicut nihil commodius foret impiis sepultura, auctis reuerentiæ studiis solenniter præparata: ita beatis & sanctis nequaquam officere posset vilem, aut nullam sepulturam adipisci. Licuit etiam de hoc poetis plausibiliter ludere, cœlo tegitur qui non habet urnam.

9
Sarraceni
martyres pro
hibent sepe-
liri.
Carmen hoc
citatur Isido. c.
25. lib. 16. Et
ymolog. sine
auctoris no-
mine, cū sit
Lucani libr.
7. extra.
Obiectio
Christianorum
aduer-
sus suos mar-
tyres secunda.
1. Timoth. 6.

30 SVNT autem plerique fidelium, & (heu prohi dolor) etiam sacerdotum, temere horum confessorum gloriam adimere non verentes, qui iubent eos non recipi in catalogo Sanctorum, inusitatum scilicet, atque prophanum asserentes huiusmodi martyrium. Quippe quos nulla violentia prædialis fidem suam negare compulit, nec à cultu sanctæ piæque religionis amouit, sed propria se voluntate discrimini offerentes, ob superbiam suam, (ita dicunt) quæ initium est omnis peccati, interempti, suarum parricidæ effecti sunt animarum. Præceptis etiam Evangelicis eos arguendos esse credunt, quibus dicitur: Diligite inimicos vestros; benefacite his, qui oderunt vos; & orate pro persecuentibus & calumniantibus vobis, ut sitis filij patris vestri, qui in cœlis est. Et iterum: Neminem concutiatis, neque calumniam faciatis. Et Dominus quidem, cum malediceretur non maledicebat: cum pateretur, non comminabatur; tradebat autem

Matth. 5.
Luc. 3.
1. Pet. 2.
1. Corin. 6.

40 se iudici iniuste iudicanti. Illud præterea obiciunt de Apostolo: Neque maledicere gnum Dei possidebunt.

Hæc, & his similia ore pestifero contra Dei milites proferentes multorum corda peruertunt: quia verba hæreticorum ut cancer serpunt in mentes humilium, & modo dico fermento sceleris facilius ingens massa panis corrumpitur, exturbatque quam pro-
pere filios Dei lethalis assertio zabuli. De quibus beatus Apostolus dicit: Quidam enim aberrantes conuersi sunt in vaniloquium, volentes esse legis Doctores, nescientes quæ loquuntur, neque de quibus affirmant. Et iterum: Docuerunt linguam suam loqui mendacium, ut inique agerent laborauerunt, non verentes derogare gloriæ fortium, qui iam coram rege suo haud dubie extollunt victoriæ suæ vexillum. Nec contenti sunt scripturas sano sensu intelligere, sed eas pro suo libitu exponentes, dum in superficie literarum quasi concordantia suæ vesaniæ repererint testimonia, non modo Christiano more simpliciter eis vtuntur, vel aberuditionibus virtutem sensus earum explorant, sed quasi inaudita rei nuntij, & alicuius nouitatis scioli per forum, per plateas, per vulgus, per nundinas obdurata fronte easdem in summitate linguarum promendo, recensendo, atque cantando vehunt sententias. Et ut facilius agnoscantur cuius partis sint defensores, per deuios intelligentiæ suæ calles veritatem scripturæ torquentes, lineam sanæ doctrinæ proprio electionis iudicio derelinquunt. Ut quandoque illis ad interitum animarum suarum proueniant, quod non sine grauissima indignatione Propheta infert, dicens: Væ qui dicitis malum bonum, & bonum malum, ponentes tene-

2. Timoth. 2.
1. Corin. 5.
1. Timoth. 1.
Hierem. 9.

Isaia 5.

bras lucem, & lucem tenebras: ponentes amarum dulce, & dulce amarum: id est, claritatem sacræ legis prauo errore nescientiæ interpollantes: eiusq; suauitatem, non recte coniiciendo, in fellis amaritudinem conuertentes. Quod bonum & pium est, malivolis coniecturis inficiunt; expertes nos arbitantes ab illorum intelligentia testimoniorum, quibus victoriosissimam extenuare intentionem sanctorum Martyrum arbitrantur: vel nostram de eis sententiam (quæ semper in laude ipsorum exultauit) enervare conantur. Quippe qui iam nos euidentioribus indiciis eorum passionibus communicare credamus, dum causâ professionis eorum & carceres, & vincula insuper & damna rerum perpeffi, ad vltimum gratia intercessionis eorum propitio Deo euaserimus.

*Respondet
obiectis.*

Matthæi 5.

1. Petri 2.

*Mahometi
impia scelerata.*

Psalms. 18.

Sapient. 1.

Zacharia 13.

Psalms. 118.

à contrario

Arnobius.

Ipsi denique Sancti, qui hanc corporis cladem cælitus compuncti propter veritatis professionem aggressi sunt, in nullo à prædictorum custodia mandatorum se auertunt. Quia & propter Deum inimicos diligentes, de salute eorum valde solliciti, ne diutius labyrintho impietatis detinerentur, arguere non destiterunt. Et beneficientes his qui oderant Christum, melius visi sunt per effusionem sanguinis vecordiam eorum, quam per doctrinæ verba instruere; vt relicta vanitate superstitionis, non solum Christum credere, verumetiam vsque ad mortem propter illum decertare contenderent. Sine dubio precibus & obsecrationibus etiam apud Dominum animarum impetrantes salutem illorum, qui sæpe, & incessanter Ecclesiæ membra calumniantur. Quapropter exemplo veri magistri educati, cum ad passionem traherentur, maledicti non remaledicebant, flagellati non murmurabant, comminati silentium obseruabant: hoc solummodo exprobrantes (quod Deo conuiuium infert, & quod maiestatem tremendam impugnat) Sacrilegum scilicet illius vanissimi ac perditum homunculi prophetismum, qui non veritus est spiritu diabolico perarmatus se loco prophetarum inferere, sanctisque prædicatoribus, vt deificus euangelizator, adiicere. Et cum toto pene orbe euangelica præcelleret veritas, nec deesset lux fidei Christianæ à notitia gentium, quia in omnem terram sonus eius exiuit, parentibus iam domui David, & habitantibus Hierusalem tinctionis gurgitibus in ablutionem peccatoris & menstruatæ, maxime in Oriente, quo mysterium Incarnationis Christi specialiter effectum quodammodo operatum est. Vbi quoque & hic sceleratissimus ac peruersus vates exortus, & enutritus est, nescio qua præreptus infania, clarentibus iam in mundo lucernis, tanto se perditionis laqueo dare præcipitem non extimuit, tantarumque animarum irreuerenter parricidam se fieri non expauit. Cum scriptum sit: Os quod mentitur, occidit animam. De quo olim Zacharias Propheta loquutus est, dicens: In die illa dicit Dominus exercituum, disperdam nomina idolorum de terra, & non memorabuntur vltra: & pseudoprophetas, & spiritum immundum auferam de terra, & erit cum prophetauerit quispiam vltra, dicent ei pater eius, & mater eius, qui genuerunt eum, Non viues, quia mendacium loquutus es in nomine Domini, & confringent eum genitores eius, cum prophetauerit. Iccirco huic perditio, atque spurcissimo vati resistere, virtus mactæ coronæ est: summumque trophæum tanti derisoris cultum euertere: adeo vt si illum ætas nostra superstitem haberet, nequaquam ab eius esset interitu Christicolis resiliendum, quanto magis non sit dignum eius hodie dogma venenosum infringere, maledicere sectam, detestari sententiam, qui tantæ multitudinis perditionem inducens, perenni eam dedicavit barathro. Foretq; (vt reor) tunc melius poenitudinem vnius occisi homunculi gerere, quam tot nationum luere perniciem: congrue vniuerso gregi consulendum arbitantes, dum vnius pecudis è medio conati fuissent auellere contagium. Quoniam quemadmodum sine culpa non est, maledicere iustos, pios persequi, aduersitatem parare electis: ita magni meriti esse credo, subuerrere impios, Ecclesiæ hostibus contraire, bellum parare incredulis, & framea verbi Dei concidere aduersarios fidei, vt secundum Psalmistam, contra Deo inuidentes perfecto armati odio exurgentes, non curemus de inimicitia eorum, quibus est amica impietas. Neque enim sine culpa patitur fieri Patrum doctrina eos, qui improbo silentio erga dogmata torpent hæreticorum: & † è regione hostibus fidei non occurrunt, aut zelo Creatoris vindictam in hæreticos non exercent. Quod bene Arnobius Rhetor, dum centesimum tricesimum nonum Psalmum interpretaretur, dicit: Qui pepercerit hæresiarchis, aut prædicatoribus falsitatis, & non eos gladio fidei suæ iugulauerit, hoc ei euenire, quod euenit Sauli, quis ambigat? aut qui misericordiam suam putauerit se in hæresi permanentibus exhibere, quis neget similiter à regno Dei excludi, sicut Saul à regno humano probatur exclusus? qui vana miseratione Amalecitis parcens, subito semetipsum Dei benedictione, & regni sceptro priuatum inge-

ingemuit? Et si hoc iis qui contradictoribus veritatis non resistunt, promittitur, quod, vel quale erit ultionis discrimen iis, qui derogant electis? quia non solum expugnare hæreticos nolunt, verumetiam expugnantibus maledictionum armis accincti occurrunt.

- AIVNT præterea, non debere esse martyres, aut haberi, qui non violenter tracti sunt ad martyrium: sed sponte sua venientes, his conuitium intulerunt, qui eos in nullo molestia affecerint. Nullam opinantes esse molestiam diruptiones basilicarum, opprobria sacerdotum, & quod lunariter soluimus cum graui mœrore tributum: adeo vt expeditius nobis sit compendium mortis, quam egentissimæ vitæ laboriosum discrimen. Si ergo exosum Deo est maledicere diabolo, & eius ministro, frustra vtique Ecclesia contra omnem diabolicum incursum vtitur exorcismis. An quia domesticis fidei maledicere inhibuitur, nullumque oportet pusillanimum de membris Ecclesiæ scandalizare: iccirco hospitem diaboli, & habitaculum Sathanæ non necesse est maledicere? & vbi est quod scriptum est? Maledicti omnes qui spernunt te Hierusalem, & omnes qui blasphemant te: maledicti omnes qui oderunt te, & omnes qui dixerunt in te verbum durum, &c? quod dictum esse pro Ecclesia nullus ambigit. Et quis inter cunctos persecutores fidelium cruentius, quam hic infandus, Ecclesiam insequutus est? Quis tanta in euerfionem Catholicorum, quanta idem exaggerauit infaustus? quia (vt ita dixerim) nemo nostrum inter eos securus ingreditur, nemo quietus per-
 20 meat, nemo septum eorū nisi dehonestatus pertransit. Etenim, cum nos cuiuslibet rei familiaris necessitas ire in publicum coegerit, & instante domestica necessitate, ex angulo tugurij nostri in forum proflire contigerit, mox vt stigmata in nobis ordinis sacri aduertunt, acclamatione derisionis vt amentes, & fatuos impetunt, præter illa puero-
 30 rum quotidiana ludubria: quibus non satis est inferre linguæ conuitium, turpia exaggerare scurrilitatum: verumetiam tergo nos lapidibus insectari non desinunt. Quid illud memorem, quod in cōtumeliam signi venerabilis proferunt, quod cum forte competens tempus psallendi signum fidelibus dare compulerit, & imminens hora obsecrationis indicium populis facere consuetum poposcerit: mox vt illectum superstitione mendaci vulgus clangorem tinnientis metalli aure captauerit, in omnem maledictionem & spurcitiam linguam admouere nō differt. Ergo non incongrue maledicuntur, qui tanto odio aduersus Dei sortem sequipedas suos informant. Sæpe ab eis, & incessanter calumniatur: causaq; religionis eorum sæuitiam vbique perpetimur. Adeo, vt multi ex eis tactu indumentorum suorum nos indignos diiudicent, propiusq; sibimet accedere execrentur. Magnam scilicet coinquinationem existimantes, si in aliquo rerum suarum admisceamur. Cum vtique milites Dei veritatem coram eis magis confessi fuerint, quam maledicta iniecerint, veri magistri præcepta seruantes, quibus olim discipulos informauerat, dicens: Qui enim me confessus fuerit, & verba mea in generatione ista adultera, & peccatrice; hunc & filius hominis confitebitur, cum venerit in gloria Patris sui, & sanctorum Angelorum: Quis ille tam vecors est, qui laudibus deroget beatorum obuiantium pro defensione iustitiæ cultoribus impietatis? Dictum sane fuerat eis: Ecce ego mitto vos sicut oues in medio luporum: estote ergo prudentes sicut serpentes, & simplices sicut columbæ. Cuius præcepti sensum hunc esse arbitror, quod immixta gentibus caterua fidei, quasi innocentia prædita ouium, truculentiam ferre cogeretur luporum. Ac, ne segnitiei dediti facilius versutiis succumberent inimici, congrue diuinitus admonentur. Vt essent cum aduersariis fidei oportuna semper cautela subnixi, & contra astutias hostium erecti vbique & prouidi. Ne prauæ doctrinæ verbis illecti protinus corrumperentur sensus eorum, & discederent ab æquitate. Porro etiam Christiani admonentur. Confratribus vestris & domesticis fidei exhibete vosmetipsos, vt Dei ministros in multa patientia, in longanimitate, in benignitate, in Spiritu sancto, in charitate non ficta, in verbo veritatis, in virtute Dei: per arma iustitiæ à dextris & sinistris: per gloriam & ignobilitatem: per infamiam & bonam famam: vt seductores, & veraces: sicut ignorati, & cogniti: tanquam morientes, & ecce viuimus. Et iterum: Estote autem inuicem benigni, misericordes, donantes inuicem, sicut & Deus in Christo donauit nobis: vt vere columbarū sectantes simplicitatem, eodem intuitu quo vestram, proximorum quoque affectetis salutem. De quorum constantia, simplicitate & fortitudine, discretione, & prudentia Eusebius Cæsariensis Episcopus rerum Ecclesiasticarum historiam texens, ait: Erant ergo martyres Christi inter fratres humiles, inter persecutores elati, suis mites, aduersariis terribiles, Christo subiecti, diabolo erecti. Sed & Arnobius (de quo supra memorauimus)

Tertia aduersus martyres obiectio.

Christiano-rum sub Sathane maledictio.

12

Tobias 13.

Vide inf. lib. 3. c. 17. & in Apol. Mart. pag. 82. b.

13

Templorum sacrorum cymbala.

Sarraceni tactum Mo-carabum vitabant.

Matth. 10.

Ibidem.

2. Corini. 6.

Ephes. 4.

Eusebius.

Arnobius.

mus) aliquid huic simile in eodem Psalmo differuit, dicens: Age ergo, & cum pugnantibus pugna: & si auxilium poscis à rege, repugnantem te ostende. Linguae contra te pugnant, quas acuunt hæretici, sicut serpentes: his & tu esto sicut serpens astutus, & te simplicem ut columbam esse ciuibus tuis, id est, Catholicis solis ostende: cæteris hæreticis, & cunctis contra veritatem venientibus, ipsis serpentibus, esto astutior: noli timere: iussum tibi est à Domino tuo. Tam bona est astutia contra malitiam, quam benigna simplicitas circa iustitiam. Occide hæreticos, & Domini tui spirituali gladio interfice inimicos.

14

*Emeterius,
& Celedoni-
um.*

Sic nimirum beati martyres Emeterius, & Celedonius, cum tradere pro Domino animas anhelarent, tali sese inuicem ad passionem astantes hortatu impellunt: Feriat ubique hostem missilibus suis vibrata confessio, & latentem fidei inimicum, ubicumque fuerit, inquiramus. O incomparabilis magnanimitas, & fortitudo admiranda, laudanda, atque imitanda Sanctorum? Qua, etiam si torpeat inimicus, ac persequi Ecclesiam Dei sinat, irrumpere tamen latebram eius, & incitare ipsum ad bellum iubemur. Ut hostem frigidum strenuus agnotheta accendat, proferat latentem, erigatque ad conferenda certamina desidem. Et quamquã effuso cruore consternatis membris succumbat, feret tamen ad sedem patris captum ex hoste triumphum, spiritus belliger victoriae laurea potiturus. Quia in eo vires militis comprobantur egregiae, quo non requisitus ultro se obtulerit palestræ martyrij, sancta Scriptura testante: Qui propria voluntate obtulistis vos discrimini, benedicite Dominum. Si ergo qui zelo charitatis nostræ aduersariis nostris fidelis expugnator occurreret, arma sumeret, ensibus desæuaret, animam ponere contenderet, nequaquam eum immunem condignis pateremur donariis, eiusque liberalitatem largo munificandam beneficio censeremus: quanto potioris gloriæ honore ferendi sunt, qui obtentu capeffendi gratiam Regis æterni, vigore aucti iustitiæ, ad obitum quoque resistentes infensis, crudeli morte perempti sunt? Ille denique Angelus veritatis, & præco iustitiæ, Redemptoris præcursor, & nuntius pacis Baptista Ioannes, cum regem iniquum de stupro Herodiadis commo- neret, cumque adulterino incestu thorum violare fraternum inhiaberet, ergastulo propter veritatis professionem detruditur, ibique absque vlla fidei persecutione truncatur. Nec tali succumbere recusauit dispendio, qui sine dubio nouerat, diuino reuelante spiritu, tantundem esse propter iustitiam mori, quam pro fidei confessione proster- ni. Vnde & Dominus, vitalia discipulis doctrinæ ministrans præcepta, sic eos de monte alloquitur: Beati qui persecutionem patiuntur propter iustitiam, quoniam ipsorum est regnum cælorum. Et quid aliud ad omnia beatitudinis præmia, quam cælo- rum affectandum est regnum?

15

*Quarta ad-
uersus mar-
tyres obie-
ctio.*

** publice
palam.*

*Septem fra-
tres marty-
res, qui cum*

*Iuliano, &
Basilissa*

passi sunt.

Luca 9.

*D. Hierony-
mus.*

Ezechiel. 2.

Hierem. 50.

Hieronymus

CALVMNIANTVR etiam inimici ultro neum ad mortem eorum progres- sum, quos * passim liberalitas regis suum incolis iusserat Christianismum. Sed præces- sit hoc reor exemplum in illis septem fratribus, quos gesta beati Iuliani commemo- rant. Qui ideo, quod Augustalibus præpollebant natalibus, ex decreto principum li- bere exercebant religionis Catholicæ cultum. Sed tamen in agone sudantem beatum Iulianum cernentes, illico ad bellum profiliunt, & amore martyrij voluntarium obi- tum expetunt. Legitur quoque de Domino in Euangelis: Obfirmavit faciem suam, ut iret in Hierusalem. Quod ita sanctus exponit Hieronymus: Obfirmatione enim & fortitudine opus est ad passionem sponte properanti. Vnde & Ezechiel, cui dixerat Deus: Fili hominis in medio scorpionum tu habitas, ne timeas: obfirma (inquit) faciem tuam: & dedi faciem tuam æneam, & frontem tuam ferream. Ut, si forte surrexissent contra eum malleus vniuersæ terræ, quasi incude durissima resisteret, malleumq; contereret. De quo scriptum est: Quomodo confRACTUS est, & contritus est malleus vniuersæ ter- ræ? Idem quoque Doctor in suprascripto opere quandam Euangelij sententiam expo- nens ait: Non est delicata in Deum, & secunda confessio: qui in me credit, debet suum sanguinem fundere. Qui enim perdiderit animam suam in præsentem, lucrificet eam in futuro. Denique Agabus Propheta, cum venisset ad Apostolos, tollens zonam Pau- li, alligauit sibi pedes & manus, & ait: Hæc dicit Spiritus sanctus: virum, cuius est zona hæc, sic alligabunt in Hierusalem Iudæi, & tradent in manus gentilium. Quod cum audissent Apostoli, & qui loci illius erant, ne ascenderet Hierosolymam, cum lachry- mis precabantur. Tunc respondens Paulus, dixit: Quid facitis flentes, & affligentes cor meum? ego enim non solum alligari, sed & mori in Hierusalem paratus sum propter nomen Domini Iesv Christi. Et cum ei suadere non possent, quieuerunt, dicen- tes: Domini voluntas fuit, fiat.

Actuum 21.

SIC

Sic namque & felicissimus Felix, cum fidei relatu persequutionem Catholicorum, quæ apud Gerundam Hispaniæ urbem confinem Galliæ gerebatur, comperiret, crudeliterq; Ecclesiam Dei ibidem à paganis infestari cognosceret; ex templo literaturæ liberalis studium derelinquens, quod in Cæsarea Mauritaniae positus excolebat, præpeti nauigatione æquore transmissio prædictum oppidum adiit: ibique martyrium, quod patriæ suæ deerat, deuotus miles Christi triumphabiliter consummauit. Sic sanctus Sebastianus, sic beatissimus Thyrsus, sic electus Adrianus, sic Iustus & Pastor, sic Eulalia virgo Barchinonensis, sic Babilas pontifex, multiq; alij sponte se obtulerunt, & coronati sunt. Et ideo, ut quidam sapientium meminit, inter primas dignitates regnorum cœlestium sunt ponendi, qui ad passionem venerunt non quæsitæ: & excellentis voti est inter tormenta profluere, ubi non est criminis latuisse.

Sed in veritate crimen esse fatendum est, latitare, si virtus excellentis meriti est, ultro procedere: quando fidei nostræ confessio prædicationem exigit, & testimonium postulat. Nam si, audito verbo veritatis, fidem incredulus non accommodet, magisq; exprobet euangelizanti, quam credat: cum sit ante cognitam veritatem inculpabilis, sit postmodum sanctæ prædicationi obnoxius. Quia non poterit de ignorantia se excusare, ubi veritas elucubrata responderit, Domino & magistro testante. Memen-
tote sermonis mei, quem ego dixi vobis, non est seruus maior domino suo: si me persequuti sunt, & vos persequentur: si sermonem meum seruauerunt, & vestrum seruabunt. Sed hæc omnia facient vobis propter nomen meum, quia nesciunt eum, qui misit me. Si non venissem, & loquutus eis non fuisset, peccatum non haberent: nunc autem excusationem non habent de peccato suo.

Obiiciunt etiam aduersarij corporum eorundem corruptionem. Sed quæso respondeant, quid obest cœlesti iam præmio coronatis, quasi illi carnis affectarint honorem, qui vere nouerant perlatam olim mortalibus legem, quia dictum est Adæ: Pulvis es, & in puluerem redigeris; aut per supplicia tyrannorum, quibus datum est corpus occidere, quandoque finem accipere: Quia omnis caro scænum, & omnis gloria eius quasi flos agri: & cum omnem dicit, nullius carnem ex humano semine orientem reliquit, (& licet audenter, dicam tamen) non Patriarcharum, non Prophetarum, non Apostolorum, non Martyrum. Legant Apostolorum actus, qui ista somniant, & inuenient, testante Petro, Dauid illum à Deo electum, & secundum cor suum fidelissimū seruum, sepulturæ corruptionem esse perpeffum, iis verbis Apostolo differente: Viri fratres, licet audenter dicam de patriarcha Dauid, quia & defunctus est, & sepultus est: & sepulchrum eius est apud nos usque in hodiernum diem: & caro eius vidit corruptionem. Considerent patriarcham Iob vermibus scatentem: & Lazarum Euangelicum vlcerosum præ foribus purpurati diuitis mendicantem. Percurrant cæterorum Sanctorum ad instar syderum cœli diuersarum victoriarum fulgentia gesta, & insultet (si audet sacrilegus) eorum putrida membra doloribus tormentorum, pœnisq; consumpta. Sed hæc temporalis corruptio corporum in nullo detrimentum infert animabus
sanctorum, quæ tamen incolumis materies carnis prodesse non poterit in futuro iniquis. Nam cur vana sollicitudine de corporum integritate distenderentur, qui vere nouerant omnem temporalem salutem etiam cum ipso mundo perire: & illam protoplasto Adæ sententiam mortis collatam, generaliter cunctis mortalibus congruere: Pulvis es, & in puluerem reuerteris? Sancti etenim, qui expertes eius legis non sunt, quod in terra sua, id est Hierusalem cœlesti, duplicia nacturi sunt præmia, non magnopere corporalem pensant iacturam. Quam veraciter in illa generali hominum resurrectione de quibuscumq; labefactionibus, locis, antris, & speluncis, seu ex aliorum elementorum abditissimo sinu, quo dilapsa cadauera perierint, in temporis puncto reddenda, & reintegranda ex legali auctoritate cognoscunt, & credunt: ut ipsi quidem sancti duplici
præmio congaudentes, bina confusione conterant impios, ac peccatores.

Vnde obsecro vos, o sancti fratres nostri, & sorores in Christo beatæ, ne stultorum affectionibus exturbemini, aut cōiecturis creduli nescientium aliquo saltem scrupulo (quod absit) contra Dei milites moueamini. Hi sunt enim qui piæ religionis ardore non compunguntur: & ideo non solum veritati fauere non possunt, verum etiam fidem sanctā, quam leuiter, & non alto credulitatis fundamento cordibus gerunt, defendere nequeunt, magis derogantes, si propter illam quis ultro neus moriatur: quam dolentes, si ab ea plures recedendo laqueū præuaricationis incurrant. Et hinc ad sacrilegium impietatis facile prolabantur, dum quod à Deo iustificatum est, isti condemnare non vereantur. Plebs sine disciplina, de quibus scriptū est: Et impie agent impij, ne-

16

Felix martyr Gerundensis.

Cæsarea Mauritaniae urbs.

17 18

Sebastianus.

Thyrsus.

Adrianus.

Iustus & Pastor.

19

Eulalia Barchinonensis.

Babilas

presbyter.

20

Ioan. 15.

Quintus: quod martyribus obiiciebatur.

Isaia 40:

22. 1.

Dan. 2.

que intelligent omnes impij, qui vt fal infatuatus à cœtu Catholicorum foris proiiciendi, & ab omnibus conculcandi, ac velut nemus infructuosum securi euangelica præscindendi, igni perpetuo deputandi sunt.

*Matthai 24.
Marci 13.* **PENSANDVM** est, fratres, cui dispendio subiacebit, qui tantæ victoriæ laudem infamare non metuit: qui tot virorum triumphis obuius venit. Illi quidem, prædicationis Apostolicæ non immemores, non erubuerunt testimonium Domini nostri Iesus Christi, & veritatem sancti Euangelij ad confusionem impij doctoris, & cultorum eius palam proferre. Quem vnum, & magnum ex pseudoprophetis ore Dominico olim per Euangelium denotatis, esse cognouerant: dum cauta circumspeditione Apostolos intentos fore iuberet, dicens. Videte, ne quis vos seducat, multi enim pseudo-
prophetæ venient in nomine meo, & seducēt multos: & nos formidine amittendi temporalem honorem, quos martyres nō colimus, hæreticos protestamur. Væ illis, qui ista sectantur: væ eis, qui bonum putantes malum, & lucem conuertentes in tenebras, quod patulis refutarunt blasphemis, occultis etiam cōuitiis insequuntur, ne inter martyres habeantur, ne debita eis reuerentia exhibeatur: qui contumaciori spiritu contra inimicum fidei ore blasphemo venientes digna ultione consumpti sunt. Ac ne cæteri ad huiusmodi palestram discurrant, schedulis anathematum per loca varia damnari iubentur. Si ergo ab iis Dominus abstrahit præmium, eo quod apertum, & spontaneum aduersus hostem religionis gesserint bellum, quanto longius aberunt ab æterni Regis consortio, qui id occultis murmurationibus timore carnis depressi quotidie agunt? nunquid ori nostro hæc prædicatio deest? nunquid vacua est Catholicorum professio tali præconio.

*Matthai 19.
Daniel. 11.* **RESISTENDVM** est igitur omnino iustitiæ aduersariis, & nullatenus pro defensione veritatis corporalis interitus differendus. Merito namque hoc ab illis exercitatur, qui aucta virtute magnanimitatis diuinitus illustrati sunt, vberioremq; pensant certaminis fructum, quam securæ confessionis profectum. Non interim penitus imbecillia contemnentes Ecclesiæ membra. Quia scriptum est: Spiritus quidem promptus, caro autem infirma. Nec violenter ad hoc stadium pertrahendi sunt, qui cœlitus non compuncti sunt: scriptum est enim: Qui potest capere, capiat. Et iterum: Eligentur, & dealbabuntur, & quasi igne probabuntur multi, non omnes. Quamobrem terminis donorum, quæ Deo dispensante vnusquisque sibi inesse cognoscit, contentus sit, nec supra mensuram collati muneris quisquam temere conatum extendat. Hic congruit, vt qui se destitutum viribus ad præliandum non ignorat, & minus posse proprio iudicio considerans, aciem hosti non parat: e regione sponte præparantibus non resistat. Vt quem non habent certamina expeditum, pauorq; bellandi efficit timidum, hunc iusta non inueniat detractionis ultio puniendum. Quoniam scriptum est: Omne verbum ociosum quod loquuti fuerint homines, reddent de eo rationem in die iudicij. Quod si omnis vaniloquus condemnandus veniet in iudicium, qua sententia punietur infamator Sanctorum? Qui enim sui non imperitus grandia non exequitur, gradientibus ad celliora non aduersetur: hæreatq; imis, & solo procliuiibus, qui nequit meditari sublimia. Vt est illud apud Salomonem: Altiora te non inuestigaueris, & profundiora ne exquisieris. Et consequenter Cato infert Philosophus: Quod potes, id tenta, operis ne pondere pressus Succumbat labor, & frustra tentata relinquas.

*Matthai 12.
Eccles. 3.* **CERTÉ** si quosdam palam quæ sancta sunt profitentes, infernus tenet, multo magis qui in abscondito veritatem prædicant, claustra possident inferorum. Quia si oberit palestricum luctamen iustitiæ assertoribus, profecto nihil proderit clam veritatem fatentibus. Et quæ mens religiosa hanc insaniam credat, vt ex eo in opprobrium veniat veritas, reprobans malum, ex quo non violenter trahimur ad gentilitium malum? & inde ipsa iustitia martyriale non habeat præmium, quæ in auctorem sceleris patulum infert conuitium? Vnde libenter à cultoribus eiusdem vatis, inter regni eorum priuilegia fidei Christianæ sinimur gestare vexillum. Quasi eorum patientiæ sit deputandum, quod inter ipsos sine molestia fidei degimus, & non potius diuinæ dispensationi sit referendum: quæ Patriarchas, Prophetas, & Apostolos suos inter feritates gentium conseruauit, honoribus extulit, dignitatibus sublimauit. Qui etiam pia promissionum spe discipulos consolans ait: Ecce ego vobiscum sum omnibus diebus vsque ad consummationem sæculi. Quapropter non huius impiæ gentis beneficio, in cuius ditione nostro compellente facinore, sceptrum Hispaniæ post extidum, & euulsionem regni Gothorum translatus est, quod felicissimo fidei Christianæ pridem cultu pollebat, venerabilium sacerdotum dignitate florebat, & admirabili basilicarum
constru-

constructione fulgebat) sed gratia Redemptoris sui, & eius assiduo comitatu Ecclesia custodiri meretur, qui dixit: Sicut lilia inter spinas, sic amica mea inter filias. Et iterum: In medio nationis prauæ & peruersæ, inter quos lucetis, sicut luminaria in mundo.

Ad Phil. 2.

10 SED nouerint ipsi, qui hæc obstinata mente de martyribus Dei sentiunt, impu-
risque linguis gloriam Sanctorum mutilare non verentur, quod cum eisdem Sanctis
causas in futuro examine sunt acturi, & nisi fructuosa præcesserit satisfactio, rationem
ante tribunal Domini reddituri. Nam qua fronte clarificatum gloria passionis tunc
vultum eorum aspiciet, in contubernio Regis æterni ob meritum constantiæ glome-
ratorum, quos hic tantis impetiit blasphemis, tantis lacerauit opprobriis, tantisque
10 affecit iniuriis? Tunc utique, cum iusti in magna constantia aduersum eos adstiterint,
qui se angustiauerunt, & gloriam martyrij eorum non coluerunt, & qui abstulerunt la-
bores eorum: reor, videntes turbabuntur terrore horribili, & mirabuntur in subita-
tione insperatæ salutis, dicentque inter se, pœnitentiam agentes, & præ angustia spi-
ritus gementes: Hi sunt, quos habuimus aliquando in derisum, & in similitudinem
improperij. Nos insensati vitam illorum æstimabamus insaniam, & finem illorum sine
honore. Ecce quomodo computati sunt inter filios Dei, & inter sanctos sors illorum
inuenta est.

Martyres
sui erunt
toros.

Sapiens. 5.

VELLEM responderent mihi Christi militum derisores, vtrum amor mortis eos
ad mortem perduxerit, an non magis oblectatio Paradisi, vt æternæ mortis euaderent
20 incendia, ad supplicium ire coegerit? Quantum reor, nullus responderet, quod intui-
tum moriendi obitum expetierint sancti: sed vt per temporalem interitum ignes euita-
rent perpetui lethi. Quapropter eos incunctanter eadem remuneratio nihilominus
consequetur, quæ fuit causa moriendi, non quæ extitit voluntas moriendi. Vnusquis-
que ergo eorum quod vult credat, dicat, vel sentiat: me tamen ea pars firmum obtinet
defensorem, quæ cum summa reuerentia eorum cultum veneratur, & extollit hono-
rem. Ibique fidelem sub testimonio Domini nostri IESU Christi dono assensum, vbi
eorum præcipuis titulis sublimatur trophæum. Quapropter in posterorum notitiam
hunc decreui manere tractatum, vt qualem de dominorum meorum tulerim agone
iudicium, & ætatis nostræ vulgus nouerit, & futurum.

24

Martyrum
Gloriam,
finis.

30 VO S autem, viri fratres, credite mecum, immo cum omnibus pie, religioseque
beatorum certamina venerantibus, credite beatos esse martyres talia exequentes, &
feliciores animas sub eorum testimonio morientes. Armate crudelitate fidei pectora
vestra, soluite diuinis laudibus ora, summique Redemptoris beneficia extollentes,
præconate & dicite: Moriantur animæ nostræ morte istorum, & fiant nouissima nostra
horum similia. Qui dat lassis virtutem, & iis, quibus nullæ suppetunt vires, potentiam
potenti dextera roborat in certamine; det mihi, vt vsque ad mortem pro eo fortiori
animo cum his militem, qui perfecto desiderio in eius amorem exstuant. Quia non
erit immunis coram Domino intentio, quæ pro veritate exeritur: neque vllatenus re-
pudianda mors, quæ pro iustitia irrogatur. In tali igitur conflictu laudatur Christus, de-
40 testatus remanet hostis iniquus: atque sub eadem professione necem excipit furibun-
dam miles strenuus.

IDEOQUE non solum ij, qui talia confitendo subiectu gladij ceciderunt, digno
præconio celebrandi sunt, verum etiam illi digna laude efferendi, qui talium laudibus
oblectantur. Quia cum martyrum gloriæ passionibus acquisitæ recoluntur, & beato-
rum certamina edita referantur, debitus honor martyribus redditur: ac piæ mentes
exemplorum incentiuus armantur. Et si martyrium nequeant adipisci, vt participium
tamen merebuntur honorandorum præmiorum promoueri. Vt quorum ascribi tri-
umphis cupiunt conscientiæ voluntate, non imparem sumant ex deuotione merce-
dem. Nam si pessimis factis animum accommodare peruersitatis est, quomodo opti-
50 mis communicare, non est virtutis? Et cum Deus omnipotens iudicem se non solum
factorum, sed etiam votorum insinuet, cur piissimum in martyribus semper votum in-
tentum non conciliet gaudia beatorum? sancto Dauid approbante: Mihi autem nimis
honorificati sunt amici tui Deus. Et iterum: Qui vos diligit, me diligit: & qui vos re-
cipit, me recipit.

Sanctos
necantibus
præmiorum.

Psalm. 138.

Matth. 20.

IPS I denique Sancti, corpora sua gladiis offerentes, perennem animarum inco-
lunitatem capeffunt: & acquirētes sibi in regno Christi electorum consortium, relin-
quunt, nihilominus persecutoribus æternæ pœnalitatis incendium. Quia licet scri-
ptum sit, posuerunt mortalia seruatorum tuorum escam volatilibus cœli, carnes sati-
80 atorū tuorum bestiis terræ: effuderunt sanguinem eorum velut aquam in circuitu

Psalm. 78.

Locum corruptissimum.

Hierusalem, & non erat qui sepeliret: tamen ad puniendum scelerum eorum occurrerent, qui ista fecerunt, non ad derogationem virtutum proueniet eorum, qui talia sustinuerunt, vt ea ipsa crudelitas cumulum perditionis lectoribus augeat: martyribus vero sanctis præmium sempiternæ felicitatis acquirat. Nam quamuis hæc obtutibus hominum dira & aspera videantur, tamen pretiosa est in conspectu Domini mors sanctorum eius.

Psal. 119.

Vos autem fratres, & sanctæ in Domino Iesv Christo sorores, gaudete, & exultate, quod manipulos messis vestræ in horreum Domini recondendos iam præmissis. Iam fructus seminis vestri Syon illa beata ciuitas habet, illa pacis visio Hierusalem cælestis domesticos cognationis vestræ in pace suscepit. Pergite securi: properate exultantes. Itui vestro nullus aduersari quibit, nullus contradictor assistet, peruenientesq; ad patriam procedet in occursum vestrum, non solum illa cohors sanctorum, qui nuper coronati sunt, verum etiam cætera turba electorum, quorum consortio isti nouitij martyres adnumerati sunt.

Titul. 1. 1.

Psal. 138.

ERG o libet mihi, fratres, paululum iucundantis more loqui vobiscum: & pro charitate sufferte verbosum, quem ex dilectione Christi cernitis in laudibus versari sanctorum. Quoniam vt meritorum meorum euaderem debitum, & beatorum adipisci scerer intercessionis suffragium, hoc opus victoriis dedicans martyrum, decreui appellare Memoriale Sanctorum, vt ex quo victis compatimur, & Dei amicos veneramur, saltem eorum patrociniis adiuuemur. Dicitur enim in Psalmo: Mihi autem honorificati sunt amici tui Deus, quis valde confortatus est principatus eorum. Quam obrem, fratres charissimi, & sorores beatæ, iubete me vestris admitti tripudiis, quem non sinit abesse talibus gaudiis huius confessio operis. Nec inuida affectatione vobismet solummodo vindicetis sanctorum patrocinia martyrum, quos nostis pro totius Ecclesiæ membris subiisse discrimina passionum. Sed quare ego diutius his gaudiis immorari delector? quasi vestrum sit nostro satisfacere opratui? Certe vt saltem non sine consultu vestro adsint nobis Dei testes in tribulatione quæsit, qui generaliter pro grege Catholico coram patre, & angelis eis manent solliciti. Itaque & vestri & nostri sunt. Ex vobis, carne prodierunt, sed nobiscum, vno baptismatis fonte renati sunt. Nihil est quod de eorum gloria vobis priuatim vindicetis, quia omnes in Christo vnum sumus.

25

Paulus cor. 1. 1.

Sanctum

martyr.

Isaac martyr.

Non meminit hoc loco

Aludonici

fratris Pauli, quod for-

taßu quo re-

pore D. Eu-

logium hæc

commenda-

batur, ipse

Aludonico

nondum mar-

tyrum pas-

sus fuerat:

de quo infra

cap. 13. lib. 3.

Ad Rom. 8.

Nam & nos quosdam ex illis ad prælium incitauimus: & si ipsi pugnare desiuimus, arma tamen quibus militarent, suggessimus. Quosdam vero ex consanguineis inter ipsos martyres in cælum præmisimus. Paulum loquor leuitam egregium carne nobis conexum, & Sanctium auditorem nostrum, qui secundo conflictu post beatum Isaac perrexit ad Christum. Sed nunquid soli de perfectione eorum gloriabimur? quia quos informauimus, quos fratres habuimus, vicisse videmus. Sit commune omnibus gaudium: sint cunctis indiscrete fruenda feliciū monumenta virorum. Misceamus vtrique vota, & paribus studiis laudum Deo persoluamus libamina: cuius dono reddita sunt nobis inoliti temporis felicia sæcula. Quibus olim, tempestatibus persequutio- num creberrimis, Christiana Ecclesia lapides in illius cælestis Hierusalem coaptabat digniter structuram ad Dei gloriam, cuius munere pugnant Sancti, & vincunt: oppetunt mortem, & viuunt. Cuius gratia roboratur constantia martyrum: cuius virtute quicquid scelerum protulit impiorum, virili animo prægrediuntur. Quia non sunt condignæ passionis huius temporis ad superuenturam gloriam, quæ reuelabitur in eis. Nec pendunt, quo mortis genere hanc vitam amittant, quandoquidem per huius defectum perennis regni felicitatem expectant.

VERVM quia semper laudabilis est mediocritas, faciliusque lectorem oblectat succincta breuitas, quam fastidiosa prolixitas: ideo finali claudendus est limite liber.

Ne præter vnam, & summam incultionis suæ absurditatem, alium parturiat meditanti- bus ex longa verbositate laborem. Hinc vos instanti iam voluminis termino, o corona sanctorum, ego ipse licet indignus vestri laudator Eulogius postulo, vt hoc opus vobismetipsis probatum efficiatis, acceptum sanctificetis: sanctificatum, Deo libetis, neque inordinatam narrationis eius seriem pensetis. Sed velle meum potius, quam posse considerantes, voluntatis votum, non impossibilitatis remuneremini defectum.

26 Quia ideo primitias huius commentarij præ omnibus philosophis patriæ nostræ vobis offerre curauī, vt eius obtentu vestrum habeam patrocinium, vestroque interuentu omni caream vitio. Quo Dominum contra me pro peccatis offensum merear, &

27 nunc & in æternum inuenire propitiū. Et licet inde grauioris culpæ me obnoxium conscientia mea remordeat, quia res præconabili stylo ad posterorū notitiam ordinandas

temere

temere intecerit eloquij mei inculta barbaries: tamen ex eo tanti † deliquij remedium ^{pro, criminis} adipisci spero, ex quo omnem vim suam breuitas ingenij nostri in laudem vestram expenderit. Sed & sulurationibus maledicorum obuius veniens, acies perfidorum prostrauit, fundamenta subuertit, vires confregit. Ac veluti canes, qui ardentissimo zelo ^{cōparatio.} pro dominis suis sæpe rixare non desinunt, eo amplius in importunis latratibus exacerbantur, quo forte impugnatoris fuerint verberare lacerati: ita nos licet asperrimi temporis angustia coarctemur, & imminentibus periculis obruamur, nullatenus tamen linguam de vestris laudibus abstraximus, aut de perfidorum insectatione cessauimus. Hæc nos quadam spe cogunt lætos existere, & de clementia boni parentis cōfisos manere. Et idcirco non me desperare faciet oratio inculta, & vilis oblatio muneris huius
10 de obtentu gratiæ redemptoris. Quia plus coram ipso votiuum noui valere affectum, quam segnem affluentiam munerum. Quapropter iterata supplicatione vos quæso, milites Dei, bellatores egregij, testes idonei, martyres Christi, consortes regni perpetui: vt me hic fidei seruitute Deo iungatis, & post debitam pro sceleribus in futuro examine vltionis sententiam à me auferatis. Vt qui liber Memoriale Sanctorum à nobis appellatus, vestrorum actuum gloriosam memoriam præconatur, memoriam meam corā tribunali futuri iudicis fauore suæ acceptionis in sortem ouium præscribat. Quo à læua in partem dexteram demutatus, pij redemptoris aspectibus sine confusione merear perfrui, nulloque præpediente reatu, illi cœtui connumerari promerear, cui idem
20 redemptor pia voce dicturus est: Venite benedicti patris mei, percipite paratum vobis ^{Matth. 25.} regnum à constitutione mundi.

Scholia in operis præfationem.

EGo quidem) Instituti sui reddit rationem: & gustum, quantum credi potest, futuri operis in ipso vestibulo præbiturus, Isaac martyris vitam & interitum memorat.

Ascysteriis). Græcum verbum, unde hoc nomen deriuatur, mentem in reram diuinarum contemplatione exercere significat. Inde ascysteria monasteria dicuntur. Vfus est eo vocabulo imperator
30 Iustinianus in. l. omnia. 33. C. de Episc. & cler. Iterū etiam id ipsum D. Eulogius usurpat, & D. Basilius, D. Gregorius Nazianzenus eo frequenter vtuntur.

Qui prior). Præcesserunt haud dubie multis annis Adolphus & Ioannes, vt lib. 2. ca. 8. apparebit. Sedenim de his tantum nunc loquitur, qui per tres hos aut quatuor annos martyrio coronati sunt. Et quamuis nunc etiam Perfectus presbyter præcessisset, ipse tamen Eulogius paulo post rationem est redditurus, cur ipso priorem Isaac referat.

E Tabanensi cœnobio.) Monasterij huius crebra mentio deinceps occurret. Eo autem potissimum sese receperat S. Isaac, quia patruelem Hieremiam, mox martyrem, inibi habebat, qui cum uxore Elisabeth monasterium ipsum construxerat: in quo ipse etiam monachus factus, vt suo loco apparebit, degebat.

Ephebusille.) Viginti septem annorum fuisse in Vsuardi martyrologio memoratur. Eulogius
40 in 2. lib. hoc ipsum eius martyrium repetens, cum primæ uos adolescentiæ annos ingrederetur, monachum factum, & post triennium martyrium subiisse scribit.

Ita maledictionibus tabescat.) Imprecatio est, Hispanis nostris quam Latinis inter loquendum hac forma vsitator. Diuersa enim sunt illa.

Dij talem terris auertite pestem.

Virgilium.

Item illud eiusdem.

Quod Dij prius omen in ipsum Conuertant.

Feria quarta.) Annus Domini octingentesimus quinquagesimus primus, dies Iunij tertius notatur. Et recte prorsus: incidit enim is eius mensis dies illo anno in feriam quartam. Habuit enim literam,
50 vt vocant, dominicalem D.

Eo porro ipso die in Vsuardi martyrologio festum eius apponitur: quod etiam Romanum nuper locupletatum, & Venetijs apud Iuntas excussum, inde transtulisse videtur. Cordubensis Ecclesia eundem diem eidem sancto martyri dicatum celebrat.

Qui post quintum.) Inclusive, vt aiunt, computat.

8

Hieremiam martyrio.) De his lib. 2. cap. 4. Item de Perfecto presbytero cap. 1. Cuius ideo hic
9 mentionem inseruit, vt qua ratione eidem tempore Isaac anteferet, demonstraret.

- 1** *Peritissimorum virorum.) Sancta Ecclesia ut fuit, eritque semper (quemadmodum ab eius auctore IESV Christo Domino nostro prae dictum est) sagena, bonis & malis promiscue piscibus oppleta: ita in ipsis etiam Christianis prauos quosdam habere nunquam destitit, qui ipsam importune conturbarent: & zelo quoddam improvido instigati affligerent. Quod etiam D. Eulogij tempore contigit. Non satis erat Hispanam Ecclesiam captiuam in misera & truculenta seruitute versari, & ab immanissimis tyrannis infanda mala assidue perpeti: quod unum Christianis in tot calamitatibus, insigne solatiū esse poterat: nimirum non deesse, qui fortiter mortē pro Christo oppeterent: & constantia sua alios instimulantes, Dei Ecclesiam exhilararent: hoc ipsum tot malorum leuamen, impij quidam, & insipienter prouidi eripere illi nitebantur. Martyres criminabantur, eo nomine indignos iudicabant, & obesse potius in commune Ec-
clesia Hispana, quam prodesse affirmabant. Eis respondere hoc 1. lib. D. Eulogius voluit, ut martyrum, de quibus deinceps esset acturus, fama consuleret, contra calūniantes defenderet, veramq; & solidam illorum gloriam initio astrueret. Nihil osecius tamen destinato in hoc ipsum opere Apologetico, idem postea argumentū plenius tractauit. Nec solus tamen martyres ita defendit. Quisquis enim fuit auctor Indiculi Luminosi (de quo in D. Eulogij vita, de Aluaro loquentes, diximus) totum illud opus ad eorundem martyrum defensionem conscripsit: ut Apologeticum prorsus posset iure optimo appellare. Et neque hoc D. Eulogij saeculo solū martyrum fuere detractores, sed prius etiam Ecclesia temporibus. Concilium. n. Carthaginense primum sub Syluestro primo, huiusmodi martyrum obrectatores canone secundo grauiter compefcuit.*
- 2** *Sed nescio quo tēdere.) Insignis ubiq; apparet in D. Eulog. modestia atq; eo profecto magis cōspicua, quo homo, ut illa tēpora ferebāt, doctissimus, nullā habet de ingenio & literis, nullā probatissimus de virtute fiduciam.*
- 3** *Ecclesia Hispaniae.) Corruperant iam hac secula multa in proprijs praesertim nominibus vocabula: ut in hunc, quem nunc habemus, Hispanum sermonem paulatim transformarent. In Spaniam, non Hispaniam: Cordobam: non Cordubam. eglefiam, non Ecclesiam, proferebant: Neq; recēs post Arabum in Hispaniam ingressum ea fuit corruptela: sed retro ab Gothorum temporibus deriuata, quod ex nūmis iam in D. Eulogij vita ostendimus. Scribebant autē, quemadmodū & pronuntiabant. Itaque eglefia, non ecclesia, fuit semper in veteri scriptum. Nos tamen in excudendo latini sermonis proprietatem in Hispania, & ecclesia, quemadmodum in Corduba nomine retinuimus.*
- 4** *Comellationes quoq;.) Late in hoc loco D. Eulogius quae pessime de Christo saluatore, & sacratissima eius matre Mahometus tradidit, ex nefando Alcorano prosequabatur. Verum nos lineas aliquot iustis de causis depsumus. Nā quae illo tēpore ad detegendā sectae abominandae turpitudinē erant necessaria, nunc piorū aures poterāt offendere. Et prouidentissimis sanctae Inquisitionis decretis cautū est, ne Alcorani nefaria dogmata passim legātur. Neq; nos tamē pro libito quippiā de S. Martyris opere, q̄ digne suspicimus, & reuerēter attingimus, adimere volumus: quin potius id ipsum de sapientissimorum virorum consilio fecimus. Hac ideo hic annotare volumus, ut si quis in D. Eulogij exēplar incidit, cur hic paucula quaedā desint, intelligat. Et quantū ego existimo. Speram ideo abbatis verba sunt usq; ad illa, & erit clausa. Hic enim vehementioris orationis impetus, nescio quid commotius, & ab ceteris in hoc opere diuersum dignūque facundiori artifice molitur.*
- 5** *Nonnulli nostrorum philosophorum.) Christianos, qui doctrina praestarent, quique doctores in Ecclesia essent, philosophos vocat. Habetq; catacrisis nonnullam ex similitudine rationem.*
- 6** *Inuiditissimi illius Ioānis.) Auctor Indiculi Luminosi Ioānis huius supplicij late descripsit. Et quoniā liber nondū est typis excussus, operae pretiū fuerit, ipsa eius verba hic apponere. Post martyriū igitur Perfecti presbyteri ita inquit. Pergamus secūdi iterū exponere casū. Post anni reuolutionē, aut aliquid amplius, ille liuoris gentiliū oculus nō quieuit: sed ut solitū est illis Christianis suū irridere, & nobis omnib. Christicolis insultare: hūc Ioānē, quē multo tēpore carceris retinuerē claustra, negotiationē & mercimonia nūdi nādi in eo exag gerare conati sunt, & ipsū vexare: & ob gratiā mercimonij liuore vsti, multa exprobrādo ingerere, dicētes. Paruipēdēs nostrū prophetā, semper eius nomē in derisione frequētas, & mendaciū tuum per iuramēta, ut ibi videtur, nostrae religionis falsa aurib. te ignorantū Christianū esse, saepe confirmas. Ad quos ille confidenter, & nihil erga se doli suspicans, cum se immunem ab ipsis, quae contra eum opponebantur, vellet ostendere: furor crepitans, & praeceps ira, eadem repetens, inculcans, & replicans crebrius, quae saepe dixerat, intentauit. Tunc ille non ferens, ex hac generationum talium nube stomachabundus, & faceta satis urbanitate accinctus, eleganti mente respondit elatus: Maledictus sit à Deo, qui prophetam vestrum nominare desiderat. Illico clamor ingens factus, & perditorum cuneus constipatus iniquitatis ex ore conuentus, velut apes in unum perfidia aggerem congregati, unius massa cumulo, malicia conspiratione respersi, semiuiuū ad iudicem perduxerunt. Et testibus minus idoneis: ab ipsa perfidorū massa surgentibus, praesentatis, potiora & maiora contra ipsum testatione propria intenterunt. Quae ille tota negauit, & emulationē inuidiae ipsorum aperto in se sermone reuexuit. Sed iudex iniquitatis quadringentis eū ictibus verberat flagellorū, & per omnium ades sanctorū sub voce praconia fecit discurrere: Talia pati debere, qui propheta derogat Dei. Ac deinde carcerali mācipat arcta custodia, mimitando illi inferre maiora. De hoc Ioanne iterū etiā D. Eulogius lib. 2. c. 10. In vetusto vero Michaelis Ruizij Acagra codice epi-*

epigrammata etiam Cypriani Cordubensis Ecclesie Archipresbyteri fuerunt: & inter cetera hoc quoque distichon cum hoc titulo.

Cyprianus
archipresby-
ter Cordu-
bensis.

Item super tumulum S. Ioannis confessoris.

Carceres, & dira Ioannes ferrea vincla

Christi amore tulit. Hac functus in aula quiescit.

Hunc eundem Ioannem esse credo, quem D. Eulogius commemorat. Quamquam pauciora epitaphium, quam potuit, ac debuit, retulit. Sed eiusmodi erant tempora, ut versum quoquomodo clausisse, magnum etiam haberetur. Vixit autem & scripsit Cyprianus hic, quod ex alijs eius epigrammatis apparet quadraginta aut paulo amplius post D. Eulogij mortem annis.

10 Qui vt idem docuit.) Longa admodum est parenthesis, & traiectione etiam (quod Fabius 7 damnat) plusquam tarda. Sed nos nihil immutare hic ausi sumus.

Et quoscunque confessio.) Iam hinc est animaduertendum Christianos per totam Hispani- 8 am, & Cordubæ præsertim, ea lege, quemadmodum initio scripsimus, fuisse relictos & toleratos, ut Mahometi sectæ non detraherent. De hoc ipso in Indiculo Luminoso legimus ad hunc modum. Ecce lex publica pendet, & legalia iussa per omne regnum eorum discurrent, ut qui blasphemauerit, flagelletur, & qui percusserit, occidatur. Et ecce quotidie horis diurnis & nocturnis in turribus suis & montibus caligosis Dominum maledicunt, dum vatem impudicum, periurum, rabidum & iniquum vram cum Domino testimonij voce extollunt. De ceteris vero quæ ab Sarracenis paterentur Christiani, hic ab Eulogio commemoratis: auctor ille in hunc modum. Quotidie opprobrijs, & mille contumeliarum fascibus obruti,

Oppropria
Sarraceno-
rum in Chri-
stianos.

20 persecutionem nos dicimus non habere? Nam ut alia taceam, certe dum defunctorum corpora à sacerdotibus vident, ut mos est Ecclesiasticus, humanda portare, nonne apertis vocibus, & impurissimis gemi-
tibus dicunt, Deus non miserearis illis? & lapidibus sacerdotes Domini impetentes, ignominiosis verbis populum Domini denotantes, spurcitiarum fimo Christicolæ transeuntes pedore infando aspergunt, maiora minitendo ringentes. Et paulo post. Sic itidem, & cum sacerdotes Dei casu quopiam cuiquam obuierint per viam, lapides coram ipsis cumulantes, testasque aridissimas ante vestigia eorum reuoluentes, ac impropertioso & infami nomine derogantes, vulgari proverbio & cantico inhonesto sugillant, & fidei signum opprobrioso elogio detruncant. Sed cum basilicæ signum, hoc est tinnientis æris sonitum, qui pro conuentu Ecclesiæ adunando horis omnibus canonicis percutitur, audiunt: derisione & cōtemptu inhiātes, mouentes capita, infanda iterando congeminant, & omnem sexum, omnemque ætatem, totiusque

30 Christi Domini gregem non uniformi subsannio, sed milleno contumeliarum infamio impetunt, & derident. Nunquid non isti sunt, qui Hierusalem maledicunt, & muros sanctæ Sion destruunt, & succendunt? De quibus dicitur: Maledicti omnes, qui spernunt te, & omnes qui blasphemant te. Maledicti omnes qui destruunt muros tuos, & omnes qui subuertunt turres tuas, & omnes qui succedunt habitationes tuas. Et licet hæc omnia ab illis per contemptum vel derisionem, vel odium, ut diximus, impleantur: tamen etiam carnaliter in habitationes Domini, & in sanctuarij ædes quotidie perpetrantur: dum Ecclesiæ Dei destruuntur, & antiqua soliditate templa firmata, terra tenus coæquantur.

Carnibus etiam spoliata.) Hic paulisper oportet immorari, ut melius quid hic lege cautum 9 dicat sanctus martyr intelligamus. Vnebat Cordubæ, hocque ipso tempore presbyter, Abbas postea S. Zoyli fuit, Samson nomine, vir doctus & subtili ingenio, in Philosophiæ & sacrarum literarum studijs versatus. Id abunde declarat eius Apologeticum opus, quod tribus libris distinctum scripsit contra Hostigesium 40 Malacitanum episcopum, qui ipsum in concilio Cordubensi hæreticum cum conuitio dixerat: quemadmodum ipse in præfatione li. 2. late commemorat. Ibi se abbatem Ecclesiæ S. Zoyli martyris Era nonagesima prima, hoc est anno Domini octingentesimo sexagesimo tertio factum ostendit. Is autem annus est post Eulogij martyrium 3. aut 4. Me etiam iuvene in montibus Cordubensibus, decimo ab urbe millia-
rio, non admodum longe ab oppido, quod Trasierra vocant, in eo agro, qui Comitatus de Espiel dicitur, dum vetustum puteum rustici repurgant: cymbalum æreum paruum, pedis ferme altitudine, extraxerunt. Id nunc etiam in D. Hieronymi cænobio adseruatur. Forma est ab ceteris, quibus nunc utimur, longe diuersa. Literas sequentes non fusiles, sed celte excauatas in orbem habet: sed tot nexibus inter se colligatas, & alijs alias inclusas, ut typis eorum species exprimi nequeat.

Samson Ab-
bas.
Hostigesus
Malacita-
nus Episco-
pus.
Concilium
Cordubense.

Trasierra
oppidum.
Espiel.
Cymbalum
vetustissi-
mum.

50 OFFERT HOC MVNVS SAMSON ABBATIS IN
DOMVM S. SEBASTIANI MARTYRIS CHRISTI.
ERA DCCCC ET XIII.

Fidelissime
transcrip-
tum.

Est autem hic annus Domini octingentesimus septuagesimus quintus. Obijt autem idem Samson anno postea octingentesimo nonagesimo. Quod ex eius epitaphio constat, ab Cypriano archipresbytero cōposito, & inter reliqua eiusdem epigrammata in eodem illo Agrabæ codice reperto, cum hoc titulo.

Cyprianus
archipresby-
ter Cordu-
bensis.

Epitaphium, quod idem in sepulchro Domini

Samsonis edidit, metro heroico.

Quis, quantusue fuit Samson clarissimus Abba,
Cuius in vrna manent hac sacra membra sub aula:

Personat Hesperia, illius fame fota.
 Fleste Deum precibus, lector, nunc fleste peroro,
 Athera vti culpis valeat conscendere terfis.
 Discessit longe notus, plenusque dierum,
 Sextilis namque mensis die vicesima prima.
 Sextilis namque mensis primo & vicesimo sole.

Era D C C C C X X V I I j

- S. Ecclesia Toletana bibliotheca.* Era ad hunc modum fuit infra scripta. Illud autem eius opus Apologeticum Toleti in S. Ecclesia bibliotheca Gothicis literis descriptum, in peruetusto codice habetur. Hæc omnia satis indicat Samsonem hunc D. Eulogij temporibus floruisse. Quod nos exquisitius astruere volumus, quia de hoc ipso periculo, quod martyres sanctos sepeliendo imminebat, in præfatione libri secundi de Seruando Comite Christiano, sed nefario homine, ita inquit, postquam multa mala, quæ Christianis viuentibus intulerat, recensuit. Deinde viuorum mortibus non contentus, quiescentium, quorum animabus impedire requiem non potuit, ne vel ipsis parcere videretur: corpora, ut fuerant sub arcibus Dei posita, è suis loculis insignis vespilo traxit, & fidelibus regis, ut fuerant ancipiti ense truncata, monstrauit: ut hoc facto animos regios in nostrorum perniciem excitaret. Quatenus probarentur apud eum, debito mortis obnoxij, qui ausi essent humare illius prostratos pugione Hucusque Samson. Nec dubium credo alicui esse possit, quin de S. martyribus, superioribus annis interemptis, loquatur.
- Seruandus Comes.* 10 Quippe iam nos.) De se ipso loquitur Eulogius, qui ut Aluarius scripsit, ipse quem et postea non semel narrabit, in carcerem missus fuerat. Inde autem sanctarum virginum & martyrum Flora, & Maria precibus, ut ipsa contestata ante martyrium fuerant, cum cæteris Christianis est eductus. Hoc innuit. Attende autem scripsisse D. Eulogium hunc librum, post suam illam liberationem.
- Leonigildus presbyter Cordubensis.* 11 Vbi quoque & hic.) Nemo nescit Mahometum in felici Arabia genitum.
- Leonigildus presbyter Cordubensis.* 12 Lunariter soluimus.) Lunariter, quemadmodum & lunatim, aduerbia sunt illis temporibus nouata. Significant autem per singulos menses. Huius menstrui tributi meminit etiã Leonigildus presbyter Cordubensis, qui hoc ipso etiam sæculo vixit, & de habitu clericorum opusculum scripsit. Causas autem cur scriberet reddens, ita inquit: Ut qui ex nobis ad remanentes doctores imbecillitate corporis præpediente dirigere gressus nequiuert, aut quem inquisitio vel census, vel vectigalis, quod omni lunari mense pro Christi nomine soluere cogimur, retinuerit: saltem nocturno tempore inter Ecclesiastica munia, qui 30 necessarium duxerit, legat. Meminit huius Leonigildi Samson Abbas. Est autem peracerbum & lachrymis dignum, miseriam Christianorum, qui tot, tantaque ludibria & detrimeta paterentur, reminisci.
- Ad Gal. 6.* 13 Stigmata in nobis.) Sacram tonsuram intelligit. Stygmaturum autem vocabulum, quod alioqui in seruis solummodo erat proprium, D. Paulus eo usus, fecit Christianis etiam venerabile.
- 14 Emeterius & Celedonius.) Prudentius poeta in horum sanctorum hymno, spontaneam eorum ad oppetendam mortem satis indicat voluntatem, cum ita loquentes inducit.

Sit satis, quod capta primo
 Vita sub chyrographo
 Debitum persoluit omne,
 Functa rebus Cæsaris.
 Tempus est Deo rependi
 Quicquid est proprium Dei.
 Ite signorum magistri,
 Et vos tribuni abistite:
 Aureos auferte torques,
 Sauciorum præmia,
 Clara nos hinc angelorum
 Iam vocant stipendia.
 Christus illic candidatis
 Præsidet cohortibus:
 Et throno regnans ab alto,
 Damnat infames Deos,
 Vosque, qui ridenda nobis
 Monstra diuos fingitis.

Codex sanctoralis Toletanus. Ceterum sancta Toletana Ecclesia peruetustum codicem habet, quo vitæ nostratium martyrum continentur. Ibi in Emeterij & Celedonij historia, hæc ipsa verba, quæ paulo post adducit Eulogius habentur. Sunt autem Celedonij Emeterio adhortanti, ut ad iudicem procederent, respondentis. Et olim profecto sancta Toletana Ecclesia hanc ipsam historiam in matutinis legere consueuerat, & nonnulla hodie per Hispaniam legunt. Et magnopere est animaduertendum, quam sit antiqua illa historia, quæ tempore etiam

etiam Eulogij iam fuerat conscripta.

In illis septem fratribus.) Hoc ipsum iisdem verbis in vulgata sanctorum Iuliani & Basilissæ 15
historia legimus in Episcopo Equilino, in sanctoralibus vetustissimis, & ubicunque est plene descripta. Ec-
clesia enim ferme omnes in matutinis breuitatis auida indidem multa præcidere. Quod in omnibus et-
iam fere sanctorum historiis accidisse dolemus. Hinc autem præstiterit intelligere, quanta sit in multis san-
ctorum historiis auctoritas, quanta esse debeat ex antiquitate veneratio. Quis crederet has S. Iuliani &
Basilissæ, Emeretij & Celedonij historias, ante octingentos annos fuisse scriptas: nisi hic cerneret ab D. Eu-
logio citari? Nos vero passim multa eiusmodi contemnimus, & tanquam noua inuenta superbe fasti-
dimus.

10 Felicissimus Felix.) Hæc omnia in huius martyris, qui S. Cucufatis fuit frater, in matutinis 16
per omnes fere Hispaniæ Ecclesias leguntur. Est autem Gerunda in extremis Hispaniæ finibus, qua per
Pyrenæos cum Narbonensi Gallia coniungitur, in Ausetanis sita. Non omnino deletio nomine Gironam
nunc vulgo nuncupamus. Paruam eam urbem Prudentius appellauit, cum in hymno Caesar augustano-
rum martyrum Felicis etiam meminisset. Mauritania vero Casarea eadem esse putatur, cuius nunc rui-
nae ingentes cum nomine perseverant.

Sic S. Sebastianus.) Exempla SS. Martyrum sunt, qui se sua sponte non quesiti, martyrio tradide- 17
runt. Longum esset persequi singula. Satis sunt nota horum omnium sanctorum gesta, ut quicuius vel quid
Eulogius innuat, intelligat: vel eorum legere possit historias.

10 Sic Eulalia virgo Barchinonensis.) Iam hinc facile intelligas, Emeretensem Eulalam non 18
sponte sua ad confessionem fidei Christianæ processisse, sed iudicis imperio fuisse abductam. Alioqui &
eius etiam exemplum Eulogius protulisset. Sunt porro qui aliter narrēt. Et qui unam eademque esse vo-
lunt utramque Eulalam. Iam hinc D. Eulogij testimonio refelluntur. Barchinonensis vero urbis tanta
est celebritas, ut de ipsa hic plura dicere non sit necessarium.

Ut quidam sapientissimum meminit.) Verba sunt ex eadem illa historia Emeretii & Ce- 19
ledonij desumpta.

Sed in veritate.) Acute satis testimonium quod adduxerat, expendit, & quo pacto sit intelligē- 20
dum, demonstrat. Quod est frequenter in D. Eulogio eximium, ingenijque & iudicij ipsius egregium in-
diciū. Est autem Hispanismus, eadem phrasi ad hæc usque tempora conseruatus. Frequenter enim quip-
piam asseuerantes incipimus: En verdad.

30 Ac ne cæteri.) Zelus ille quorundam Episcoporum insipiens hucusque processerat. Nam Episco- 21
pos etiam ad hunc modum commotos fuisse, in Apologetico postea ostendit.

Nec violenter.) Prudentissime & cum ingenti circumspectione omnia S. Martyr pertractat. 22
Ideo quod in commune statuerat, adhibito necessario temperamento comprimit, & veluti coercet.

Cato infert Philosophus.) In tanta Hispaniæ Ecclesiæ calamitate & misera seruitute, magna 23
etiam doctores Christiani librorum penuria laborabant. Inde cogitur Eulogius non admodum nobilis au-
ctoris carmina, grauius alioqui & veræ sapientiæ plena præceptis, interserere.

40 Sors illorum inuenta est.) Quanquam in vetusto codice vacua membrana hic aliquantulum 24
fuit relictum, quod octo decemue lineas posset recipere: veruntamen nihil prorsus defuit. Nam totum illud
folium laxè admodum exaratum, & multo paucioribus quam cætera lineis distributum, aperte demon-
strat, descriptoris, occupare totum folium satagentis, anxietatē. Quod cum assequi plene non posset, & sequen-
tia nouum haberent initium, dignaque folij principio viderentur: satis habuit, oppleta una pagina, alte-
ram occæpisse, & aliquot lineis continuasse.

Paulum loquor.) De his lib. 2. ca. 3. & 6. scribit.

Præ omnibus philosophis patriæ nostræ.) Iterum philosophos doctos viros nominat, ea-
dem, quam supra docuimus, catacrisi. Et cum anno Domini 851. scriberet, tribus annis ante auctorem In-
diculi Luminosi scribebat. Quod ipsum argumento esse possit, illud opus Aluari non esse, qui post Eulogium
profecto non fuit scripturus.

Et licet inde.) Iterum ad insignem suam modestiam redit Eulogius. Humilitatis suæ seipsum 27
diutius non sinit obliuisci. In SS. Martyrum laudibus tripudianti, & sanctissimis gaudijs seque, & pios
omnes cælitus exhilaranti, humilitatis subit cogitatio, memoria occurrit, cælestique fruentem latitia si-
stit, & quasi indignum co iubilo reuocat. Omnia pectus spirant vere Deo dicatum, omnia futurum mar-
tyrem iam redolent.

Hucusque in D. Eulogij emendatione & illustratione processeram, cum post insignem illam victoriā,
qua Ioannes Austrius, serenissimus princeps, Turcarum classem in chyto triumpho deleuit, accepit ca-
ptiuam, mensis Octobris superioris die 7. natus est Fernandus princeps, Philippi secundi regis Catholici &
Anna Austriæ reginæ filius. Natus vero est Madriti 3. fer. die. 4. Decemb. ante aurorā, hoc anno Domini
1571. Nos vero, qui maximo Christianæ Reipublicæ bono natum hunc principem de Dei benignitate spe-
ramus, in communi Hispaniæ & totius Christiani orbis latitia, scripto hoc epigrammate exulta-
uimus.

AD FERNANDVM PRINCIPEM PHI-
LIPPI II. CATHOLICI REGIS FILIVM, IN MA-
XIMA CHRISTIANI ORBIS LÆTITIA,
& Turcarum mœrore natum.

NAsceris, ô magni proles Fernande Philippi,
Ingentis veniens tempore lætitiæ.
Nasceris en lato Christiani nominis orbe,
Turcarumque venis orbe gemente puer.
Et natus vix dum est hostili terror in aure,
Omne qui magnus incipis esse puer.
Græcia te in cunis, atque Asia tota tremiscit:
Illa subacta gemit, hæc superanda pauet.
Fata tibi & Syriam, & Solymos iam certa loquuntur,
Christus factorum spondet & hinc Dominus.
Magne puer, Christi tibi se monumenta reseruant,
Per te victrici mox liberanda manu.
Interea lato patruus tibi calle Ioannes,
Per maria & terras strauerit ante viam.

10

20

DIVI EVLOGII COR-
DVBENSIS, MARTYRIS, DO-
CTORIS, ET ELECTI ARCHIEPISCOPI
TOLETANI, MEMORIALIS SANCTO-
rum liber secundus.

P R Æ F A T I O.

30

CONTIGVA Huius secundi operis breuitas, martyrum tantummodo beatorum gesta exponens, nomina, ætates, ortus, diesque allisionum fideli proferet relatione: quo prudens lector per paululum prioris libelli seriem protelatam compensans, quos præconio suo extulerit, siue è contra quos zelo Dei armatus incesse, facilius possit coniicere. Nam quod ille vario disputationis ambitu obuolute disponit, iste enucleatim compendiosa disserit breuitate. Quem per capita ideo digessimus, ut vniuscuiusque martyrum agonis principia liberius se meditantibus exhiberent.

40

De Perfecto presbytero Cordubensi martyre. Cap. I.

Annus Do-
mini Deccl.

1
Habdarrahman.

2
Arabum rex.

3
Corduba colonia Patri-
tia.

4
Perfectus
presbyter
martyr.

5
Basilica S.
Aciscle.

IN nomine Domini. Regnante in perpetuum Domino nostro IESU CHRISTO, anno Incarnationis eius 850. Era 888. consulatus autem Habdarrahman, 29. Cuius temporibus rebus & dignitate gens Arabum in Hispaniis aucta, totam pene Hiberiam diro priuilegio occupauit: Cordubam verò, quæ olim Patritia dicebatur, nunc sessione sua urbem regiam appellatam, summo apice extulit, honorib. sublimauit, gloria dilatauit, diuitiis cumulauit, cunctarumq; deliciarum mundi affluentia (vltura quæ credi, vel dici fas est) vehementius ampliauit: ita ut in omni pompa sæculari prædecessores generis sui reges excederet, superaret, & vinceret. Dumque sub eius grauissimo iugo Ecclesia orthodoxorum gemens, vsque ad interitum vapularet: venerabilis memoriæ Perfectus presbyter Cordubæ natus, & sub paedagogis basilicæ S. Aciscle clara eruditione nutritus, plenissime Ecclesiasticis disciplinis imbutus, & viuaci educatione literaria captus, necnō ex parte linguæ Arabicæ cognitus, totam pene iuuentutem in prædicto transegit cœnobio.

50

QUODAM vero die dum ob rei familiaris necessitatem iter perageret, & rerum domesticarum commodis consulens, per urbem ingrederetur, quorundam gentilium sciscitationib. de fide catholica exploratur: suumq; coram eis de Christo, & propheta Maho-

Maho-

Mahomat testimonium proferre iubetur. Qui continuo diffuso ore Diuinitatis Christi potentiam profitens, & esse Deum super omnia benedictum in sæcula præconans: Vatem (inquit) vestrum, qualiter apud catholicos habeatur, exponere non audeo, quia graui molestia propter hoc vos vulnerari non ambigo. Verum si fœdus intercesserit amicabile, & pacificam fidei pactionem accommodatis, dicam quo Euangelij testimonio denotetur, vel qua veneratione à christicolis excolatur. Illico fraudulenter fidē spondent, & quicquid de illo apud religiosos tenetur, omni pulsa formidine enarrare compellunt. Ad hæc prudens sacerdos Arabice illos reciprocans, pseudopropheta illum, & falsissimum dogmatistam, quia plures seduxerit, ex Euangelio protulit, dicēs:

- 10 Multi pseudopropheta venient in nomine meo, & multos seducent, & dabunt signa magna, & prodigia, ita vt in errorem inducantur, si fieri potest, etiam electi. E quibus inter cæteros summus hic propheta vester hostis antiqui præstigiis occupatus, dæmoniorum figmentis illectus, maleficiorum sacrilegiis deditus, multorum paruipendentium corda lethali veneno corrumpens, æternæ perditionis laqueis mancipauit. Sic nulla spiritali discretus prudentia, principi Sathanae eorum fidem accommodat, cum quo ipse asperrima inferorum luiturus tormenta, vos quoque sequipedas secum arsurus, inextinguibilis camini deputauit incendius. Nam quo pacto inter prophetas reputabitur, aut quare non maledictione cœlesti plectetur, qui Zeinab vxorem vernaculi sui Zaid, specie decoris eius obcæcatus, iure barbarico auferens, sicut equus & mulus, in quibus non est intellectus, adulterina sibi copula nexuit, seseque ex iussu angeli hoc egisse prædixit. Multa deinde beatus Perfectus de fœditatibus, & libidinibus, quæ lege 7 Mahometica præcipiuntur, superaddidit, & tandem finem his verbis fecit. Sic fautor immunditiæ, & libidinum voluptatibus seruiens, omnes vos perennis luxuriæ impuritatis dedicauit. Alia etiam plura, prout nouerat, de ipsius nefandissima doctrina eis exponens multaue auditui exosa coram omnibus denuntians, licet non tunc illū superbo oculo impetierint, accensum tamen ultionis furorem in corde ad perniciem eius reponunt.

Marc. 13.

Mahometi
nefaria scelerata.

Psal. 31.

- PERFICIT Dei famulus sibi hinc necessariæ rei vtilitatem, & expleto sui itineris cursu, propriæ quietis cellulam reperens, securus aliquamdiu permanfit. Cæterum post non longam digressionem temporis, dum occasio familiaris necessitatis eum aliquo ire compelleret, casu per eosdem cum quibus dudum conflictum gesserat, habuit commeatum. Quem æmuli venientem ab eminus contuentes, æternum aduersus eum sub pectore vulnus seruatum, in apertum produnt incendium, & in vindictam sui vatis circum astantium hoc modo horrantur conuentum. Ecce, quem temeraria pridē impellente infania, tanta coram nobis aduersus vatem (psallat Deus super eum, & saluet eum) maledictionis verba protulit, quanta nullus vestrorum auditus potest perferre. Hoc autem genere benedictionis semper ad honorem eius vr̄itur, Zalla, Allah, Halla, Anabi. V. A. Zallen. Quod latine dicitur, Psallat Deus super prophetam, & saluet eum. Et ita quasi apes stimulata, tota illa cohors perditionis in eum furibunda consurgens, apprehensum sub omni celeritate iudici, vix plantis solum tangentem, offerunt, atq; huiusmodi de eo testimonium proferunt. Hunc, quem tuis reuerentissimis tribunalibus iudex, attraximus, maledixisse prophetam nostrum, eiusque cultoribus exprobrasse comperimus. Quæ vero sententia tales ausus compescat, furiamque retundat, melius tua nouit prudentia cogitare. Tunc iudex iniquitatis ergastulis futurum Dei martyrem tradit: ferroque vinctum importabili pondere vinculorum coarctans, victimandum in eo die differt, quo profanis ritibus festiuium * paschæ gaudium apud eos excolitur. Vadit miles Christi exultantibus animis abdita carceris petēs, lætusque illū reorum specum quasi ad epulas inuitatus, ingreditur. Vbi summa timoris, & sanctimonix reuerentia præditus, vigiliis, orationibus, atque ieiuniis inseruiens, fertur suam sententiam, quam dudum ante iudicem formidine mortis negauerat, fortiori mente in virtute S. Spiritus confirmasse. Et priusquam foro plectendus educeretur, tradunt prophético vegetatum spiritu de quodam eunucho vocabulo Nazar Clauiculario procōsule (qui eo tempore totius rei in Hispaniis administrationem gerebat) dixisse: Hunc quem hodie super omnes Hiberiæ primates fastus principatus extollit, & cœlo tenus gloriosa potestas in hac parte occidua sublimauit, reuoluto v̄turi anni curriculo ipsū, quo me prosterni die decreuerit, non attinget. Quod ita diuina virtus, vt cōfessori suo iam quidem per squalores carceris elimato reuelauerat, implere non distulit.

8

Perfectus
accusatus
& captus.

- 40 gens, apprehensum sub omni celeritate iudici, vix plantis solum tangentem, offerunt, atq; huiusmodi de eo testimonium proferunt. Hunc, quem tuis reuerentissimis tribunalibus iudex, attraximus, maledixisse prophetam nostrum, eiusque cultoribus exprobrasse comperimus. Quæ vero sententia tales ausus compescat, furiamque retundat, melius tua nouit prudentia cogitare. Tunc iudex iniquitatis ergastulis futurum Dei martyrem tradit: ferroque vinctum importabili pondere vinculorum coarctans, victimandum in eo die differt, quo profanis ritibus festiuium * paschæ gaudium apud eos excolitur. Vadit miles Christi exultantibus animis abdita carceris petēs, lætusque illū reorum specum quasi ad epulas inuitatus, ingreditur. Vbi summa timoris, & sanctimonix reuerentia præditus, vigiliis, orationibus, atque ieiuniis inseruiens, fertur suam sententiam, quam dudum ante iudicem formidine mortis negauerat, fortiori mente in virtute S. Spiritus confirmasse. Et priusquam foro plectendus educeretur, tradunt prophético vegetatum spiritu de quodam eunucho vocabulo Nazar Clauiculario procōsule (qui eo tempore totius rei in Hispaniis administrationem gerebat) dixisse: Hunc quem hodie super omnes Hiberiæ primates fastus principatus extollit, & cœlo tenus gloriosa potestas in hac parte occidua sublimauit, reuoluto v̄turi anni curriculo ipsū, quo me prosterni die decreuerit, non attinget. Quod ita diuina virtus, vt cōfessori suo iam quidem per squalores carceris elimato reuelauerat, implere non distulit.

Hinc, inuestigatio die
Paschæ apud Mahometanos, di-
es detentio-
nis Perfecti
in carcerem
Nazar re-
gi eunu-
chi.

EXACTI sigitur non multis in carcere mensibus, post expleta ieiuniorum suorum tricena diecula, in quibus gastrimargiæ crapulis, & fluxu libidinis, sicuti in * primo li-

* Hac inde
refecata fuit

*runt ab Am
brofio Mora
leſio, quare
locus ſubob-
ſcurus.*

*D. Perſectus
martyrio co
ronatur.*

*Forſe damo
uioſum. Ita
enim inf. A.
polog. 79. b.*

Et 91. a. da

monioſum

homunculi

appellat. V.

troque autē

modo ſiſſa

miſſum vul

garem ſonat

homine eu

diablado,

aut Hōbre

de los dia-

bles.

Arabes duo

ſubmerſi.

Eſaia. 53.

S. Acifeli cor

pm.

12

Nazarus

miſer interi

mus.

Arrius ha-

reticum.

13

D. Eulogius

in carcerem

miſſus.

14

Annus De-

mini Decel.

dies Aprilis.

18.

Sarraceno-

rum per-

turbatio.

bro digeſtum eſt, propenſius ſolito inſiſtunt: illuceſcit martyri cæteris temporib. glo-
riofior dies: Ille, ille ſcilicet, quem ſolenni veneratione ſummoque tripudio ritu vanæ
legis gerunt dicatum. In quo ſe magnum Deo ſuo præſtaturi arbitantes obſequium,
eductum ex antro gladio vindice trucidarunt conſitentem Chriſtum in gloria Deita-
tis manentem, & Eccleſiæ catholicæ inimicum liberis vocib. exprobrantem atque di-
centem: prophetam veſtrum & maledixi, & maledico, virum * dæmoniorū, magum,
adulterum, & mendacem: ſicuti profeſſus ſum, & profiteor. Profanationes ſectæ veſtrę
commenta diaboli eſſe denuntio. Vos quoque cum ipſo duce tenebrarum, æterna lūi-
turos tormenta proteſtor. Turba gentilium, quæ intuitu tantæ feſtiuitatis in campum
vltro pontem fluminis, in parte ab vrbe Auſtrali ſitum, latiffima planicie ad exorādum
proceſſerat, ouans præpeti regreſſu ad necem martyris contemplandam ſeſe diuertit.
Quæ iam proſtratam ante fores prætorij, ſuoque ſe volutantem ſanguine cernens, in-
litis quoque & ipſo extincti ſacerdotis cruore veſtigiis, aucta iucunditate, ad exoluen-
dum ſacrilegium voti compos regreditur. Nihilominus commoda ſe facilius poritura
confidens, quæ tanti hoſtis ſanguine combinatis greſſibus incedebat.

SEd ad propoſitum redeamus, & quod ad laudem ſui martyris ipſo die, quo deci-
dit, diuina pietas fuerit operata, ſicut plurimorum fideli relatione comperimus, rete-
ramus. Nam celerem ad vindictam ſui militis vltionem effundens, nonnullos de peſſi-
morum caterua gurgite fluuiali immerſit. Regredienti namque vulgo à loco orationis,
quo ritu ſacrilegio irrita vota perſoluerat, plerique aſcenſis nauib. dorſo veſtantur æ-
quoreo: ſectoque carinis & præpeti nauigio amne, domum reuertunt. Inter quos vna
fluctuatione vndarum euerſa nauicula, que octonis homunculis vehiculum inter flu-
ctus præſtabat, gremio interioris abyſſi recōditur. Vix inde nando ſex euadentibus, bi-
ni naufragio perierunt. Vt non eſſet vacua ſcriptura, quæ dicit: Ego Dñs dabo impios
pro morte tua, & diuites pro ſepultura tua. Vnum enim in cœlum crudelitas perſequē-
tis præmiſit, & duos inferis ſæua tempeſtas fluminis dedicauit. Corpus autem S. mar-
tyris piis religioſorum officijs, dignoque præſulis & ſacerdotum obſequio in basilica
beati Acifeli, in eo titulo, quo felicia eius membra quieſcunt, humatur. Illudque pro-
phetiſmum diuinitus ore eius prolutum de procōſule eunucho clauiculario Nazar, ita
(Deo diſpenſante) impletum eſt, vt carcere adhuc religatus conuinctis prædixerat, Nā
priuſquam in anno altero profanæ ſolennitatis paſchale gaudium perituris occurre-
ret, multis ante diebus eunuchus idem occubuit. Ignita namque febre intrinſecus vi-
ſcera eius aduſta, & (vt nonnulli ferunt) toxica potione corrupta, ante obitum dum vr-
gente corporali neceſſitate, ad purgandum aluum ſecretius cubiculum peteret, diſco
effuſa ſunt, & interiit. Sicuti quidam poeta chriſticola Arrij finem deſcribens, heroice
luſit, dicens, Viſceribus fuſis vacuus quoque ventre remanſit. Sic namque Dominus v-
troque miraculo militem ſuum glorificans, magnæ ſpei ſolatiis fidelium vota corrobo-
rat, impiorumque ſacrilegam vanitatem ſtupore vehementi exturbat. Hæc nos per
pauca ex geſtis beati martyris dixiſſe ſufficiat, quæ viris catholicis referētibus, qui eius
contuberniis à principio in vinculis adhæſerunt: ſed & ipſorum ethnicorum relati-
one vera eſſe cognouimus, dum nos tempore compeditionis noſtræ omnes, cum quib.
ille martyr futurus morabatur, vix paucos ſolutos reperimus. Conſummauit autem
vir Deicurſum agonis ſui in pace quartodecimo. Cal. Majas, die 6, feria, Era qua ſupra
adnotatum eſt.

REs vero tanti facinoris in ſacerdote commiſſi, multos, ocio ſecuræ confeſſio-
nis per deſerta montium, & nemora ſolitudinum in Dei contemplatione fruentes, ad
ſponte & publice deſtandum, & maledicendum ſcleratum vatē exilire coegit: ma-
ioris que ardoris fomitem moriendi pro iuſtitia cūctis miniſtrauit. Et quod ab iſto vno
infida perſequutorum executio primitus violēter extorſit, & quod in hunc calida cir-
cumuentione ſuadendo vlcifcitur, poſtmodum in plurimos vltro ſe tali diſcrimini of-
ferentes exhorruit. Adeo namque terrore nimio ethnicorum vniuerſitas in horū pro-
greſſu concuſſa eſt, vt perdicionem reip. regni que ſui excidium iam imminere arbitra-
retur, ac noſtros athletas ab huiuſmodi intentionibus inhiberi ſuppliciter exoraret.
Sed nos, ſicut huius voluminis præſatio continet, noſtrorum agonistarum ætates, or-
tus, tempora que deciſionis fideli proſequamur ſtylo, vt quod diuino munere nobis,
noſtræ que ætati coniunctum eſt, propriis ſcilicet obtutibus ſanctorum contemplari a-
gonem, venturis etiam ſæculis pura libelli ſeries innoſceſcat. Vt noſtri quoque gaudiij
futura generatio particeps fiat, dum mente credula vera eſſe non abnuat, quæ ſibi ca-
tholicorum mandaſſe industria leſcitat.

De Isaac monacho martyre. Cap. II.

IEATVS itaque Isaac ex ciuib. Cordubensium nobilibus, & locupletioribus parentibus natus, dum primæuos adolescentiæ annos ingrederetur, atque inter opes bonaque genitorum tenerrime degeret, adeo vt peritus & doctus lingua Arabica exceptoris reipublice officio fungeretur, ex improviso spiritali flagrans ardore, monachorum vitam optans, Tabanos viculum petiit, qui in partibus Aquilonis inter prærupta montium, & condensa sylvarum septennis ab vrbe milliaribus distans, formosissimis in exercitatione vitæ monasticæ virorum, atque ancillarum Dei rumoribus decoratur. Siquidem in eodem cœnobio virum summa timoris Dei reuerentia præditum Hieremiam patruelem habebat: qui etiam inclutus opibus, rebusq; abundans, & coniux eius venerabilis Elisabeth, ac liberi, totaque pene cognatio sumptu proprio fundamenta ipsius cœnobij iacentes, diuinarum legum perenni adhæfuri obsequio, pridem sese eo contulerant. Ibi per triennium B. Isaac sub regularib. disciplinis, seu sub reuerentissimo Abbate Martino prædictæ sœminæ fratre, in sancto proposito militans, extemplo diuinitus illustratus, forum adiens iudicem petiit, & ordine quo in præfatione libri disposui, felici obitu sub testimonio Domini nostri IESV Christi in eadē regia vrbe, 3. nonas Iunias, fer. 4. Era octingentesima octuagesima nona occubuit. Cuius corpus equuleo suspensum, post aliquot dierum cum cæteris, qui eum imitādo decisi sunt, rapacissimo igni commissum, vsq; ad vltimam fauillam minutum est, ac deinceps anni perdendum immersum est.

1 2
Tabanos
oppidum.
Tabanense
monasteriū.
Hieremias
monachus
martyr, Isa-
ac marty-
ris patruelis.
Elisabeth
Hieremia
quondam xpi
Abbas Mar-
tinus.

3 4
Annus Do-
mini Dccclj
dies lunij.
ij.
albenſe op-
pidum.

1 2 3
Annus Do-
mini Dccclj
dies lunij. v.

1
Petrus Asti-
gitanus
martyr.

2
Uualabon-
ſus martyr.

3
Eleplensis ci-
uitas
quam oppi-
dum appel-
lat i. f. ca. 8.
ſol. 40. a
Frugellus
abbas.

Cuteclagen-
ſe cœnobij.
Cute clara
ſicua.

4
Vicinus Froni-
anus.

quam oppi-
dum inf. ap-
pellat pag.
40. a.

5
i. Literis in-
cumbendi.
lta. n. inf.
cap. 10.

Meditatio-
nem proſu-
dio D. Eulo-
gij & ſur-
pat.

Vuſtremun-
dus martyr.

6
Monasteriū
Armitata
S. Zoilo dica-
tum.

7
Armitata
ſtutius.
Habentius
monachus
martyr.

8
S. Chriſtoph.
monasteriū.

De sanctio Martyre. Cap. III.

SANCTVS vero Sanctius auditor noster, laicus, adolescens, & Albenſi opido Gallia comata olim captiuatus, nunc autem inter militares regis pueros liber præscriptus, & regalibus annonis nutritus, in eadem vrbe regia sub eadem professione, nonas Iunias, Era qua supra, feria sexta, prostratus est, & affixus.

De Petro, Uualabonſon, Vuſtremundo, Habentio, & Hieremia martyribus. Cap. IV.

VENIAMVS nunc ad illum myſterij ſenarij ſacratiffimum martyrum globum, qui vno die, vnaque hora sub icu ſequiētis mucronis ob testimonium veritatis occiſi ſunt.

E Quibus Petrus ſacerdos in vrbe Aſtigitana progenitus, & S. Uualabonſus diaconus ab Elephenſi ciuitate exortus, vtrique prioribus coæui martyribus, Cordubam ſtudio * meditantibus adeuntes, liberalibus diſciplinis traditi ſunt. Sed Deo fautore ſcientia, & doctrina ſcripturarum pollentes, ſub Frugello abbate monaſterio ſanctæ & glorioſæ virginis Mariæ præficiuntur. Quod in vico Cuteclara, non longe ab vrbe in parte Occidentali, præclaro ancillarum Dei propoſito eniteſcit. Sanctus quoque Sabinianus ex vico Froniano montanæ Cordubeniſis, iam plenæ iuuentutis monachus, ortus. Et Wiſtremundus ex Aſtigia adolescens ſtrenuus, è cœnobio ſancti Zoili Armilatenſi, quo dudum ſub regula, vel abbate ſe dederunt: vnus à tempore longo in caſtris Domini militans. Wiſtremundus vero nuper ſe in idem cœnobium conferens, ad martyrium ambo diſcunt. Qui locus, pene à Corduba in parte Septentrionis triginta & amplius milliaribus diſtans, vaſtiſſimam horret inter deſerta montium ſolitudinem: ad cuius collis radices, quo idem ſitum eſt, flumen Armilata diſcurrens, magno piſciculorum ſolatio in ediam reſouet monachorum. Ex quo etiam Armilatenſe cœnobium appellatur.

BEATISSIMVS vero Habentius virili iam ætate perfectus, è ciuib. Cordubeniſibus monachorum vitam oblectans, S. Chriſtophori monaſterium incoluit, quod ſitum eſt in ſpectaculum vrbiſ, in parte Auſtrali ſuper crepidinem vltiorem Bætis. Ibique ſeculo mortuus, Chriſto autem ſub arctiſſima regula degens, vt pote ſpontaneo carceri ſe tradens, altis maceriarum ſæpibus circumcluſus, ferreisque laminis intus

In præfatio
ne
Lib. 1. Et hoc
2. cap. 2.

Hieremias
flagris ca-
sus.

Annuus
Domini
Decclj. dies
Iunij viij.

ad carnem obseptus, per fenestras se aduentantibus exhibebat visendum. Iste talis ac tantus cum beato sene Hieremia, de quo supra affati sumus, quique etiam inter cæteros Dei seruos, acrioribus stimulatus flagris, occubuit. Hi sex viri fortissimi, & præclarissimi simul ad expugnandum hostem improbum descendentes, omnes quasi ex vno ore clamauerunt, dicentes. Et nos sub eadem professione, ô iudex, manemus, qua pridem confratres nostri sanctissimi Isaac, & Sanctius deciderunt: exerce sententiam, crudelitatem exaggera, & in ultionem tui vatis totis exardescere furoribus. Quoniam Christum Deum veraciter confitentes, præuium Antichristi, & authorem profani dogmatis vatem vestrum esse profiteamur. Vosq; lethali succo prophetismi eius infectos, & virulento prædicamine Zabuli propinatos, æterna postmodum luituros tormenta scientes dolemus: vestramque orbitatem, & ignorantiam satis deflemus. Hæc cum animoso Spiritu sancti Dei professi sunt, statim decollari iubentur. Prius tamē beatum senem Hieremiam, nescio ob quam assertionem flagellis grauiter cæsum, & inter ipsa verbera (vt ferunt) emortuum, vix hærentem gressibus foras traxerunt. Qui martyres dum ad locum mactationis accederēt, inuicem sese quasi ad epulas inuitarunt. Et primo quidem reuerentissimi Dei ministri Petrus, & Walabonſus ruentes, cæteri deinceps sub eodem iugulantur momento, septimo scilicet idus Iunias, feria prima, Era qua supra. Quorum corpora stipitibus defigentes, post aliquot dierum vastissimo consummarunt incendio, eorumque cineres perdendos flumini tradiderunt.

20

¶ De Sisenando leuita martyre. Cap. V.

Pacense op-
pidum.
S. Aciscii
basilica.



ENIQUE leuita sanctissimus Sisenandus ex Pacensi oppido ortus Cordubam intuitu discendi auctus est, ibique apud beatissimi Aciscii basilicam, qua corpus eiusdem martyris requiescit, digniter enutritus, vt ipse familiaribus retulit inuitantibus se beatissimis Petro, & Walabonſo, iam cælo martyribus collocatis, martyrium quoque & ipse aggressus est. Qui dum in carcere religatus maneret, tradunt, quod prophetico illustratus spiritu patibuli sui horam præscius nuntiauerit. Nam quodam die cum responsum cuidam amico se interroganti aptaret, eique reciprocationis schedam scriberet, tribus aut quatuor iam digestis versiculis, subito nimia hilaritate perfusus, cœlesti quodammodo gaudio vegetatus, è loco sessionis suæ consurgens, astanti puero schedulæ portitori, cui miles Christi reciprocari intendebat, semiscriptam vt erat accomodans, multis audiētibus ait. Recede modo fili, ne impetu satellitum opprimaris, quoniam iam potestas tenebrarum vinculis me extrahere præcipiens, nunc decollandum sibi met exhibebit. Post hanc prophetiā immobili semper gressu ipso persistente eodem momento vociferantes lictores adueniunt, eumque præcipiti furore ad locum, quo martyrium erat consummaturus, pugnis, alapisque cædentes perducunt. Pergit Dei famulus lætantibus animis de corona victoriæ certus, qui ad cœleste conuiuium exhortantibus sanctis fuerat inuitatus. Sic namque iudici præsentatus, eadem qua prius constantia in sancta confessione perdurans, delicatus ephebus gloriosa morte peremptus est, atque inhumatus præ forib. palatii derelictus est, septimo decimo Kal. Aug. feria quinta, Era qua supra. Cuius ossa post multos dies donante Deo à quibusdam mulieribus inuenta inter lapillos aluei, in prædicti martyris Aciscii aulam deportata reconduntur.

Annuus
Decclj. Iulij
dies. 16.
Sanguine,
aut cognati-
one affusus,
cum lib. 1.
carne spum
sibi connexū
dixerit, fra-
tremque 1.
Ludouicum,
eodem modo
postea contri-
bulum nomi-
narit lib. 3. c.
13.

¶ Pauli diaconi Cordubensis, & Theodemiri monachi martyrium. Cap. VI.

50

* i. s. Zoili
basilica, &
eius corpus.
Idem etiam
constat. ex c.
17. eiusdem
lib. 3. cum de
Aureo à
suis & con-
tribula in-
uenerit.



ANCTVS vero Paulus* contribulis noster, & hic leuita dignissimus, cū primo adolescentiæ flore venustaretur, è ciuib. Cordubensibus progenitus, simplex affatim, obediens, & humanus, semper carceratis opem miserationis impēdens, apud basilicam, quæ corporis beati martyris Zoili præsentia illustratur, spiritualibus enutritus est disciplinis. Qui exemplo sanctissimi Sisenandi, verboque instructus, principibus, & consulibus adistere non extimuit, eosque de vanitate culturæ suæ, & scelerosi vatis insania arguens, Christum quoque Deū veraciter confitendo, peremptus est. Fertur tamen, cum adhuc carcere detineretur, imple-

imploratus à Tiberino Pacensi presbytero qui ei ita dicebat, Obtine solutionem meam coram Domino, beate minister, & digno interuentu tuo, dum coronatus Christo peruenieris, longæuum à me carceris squalorem amoue. Erat enim idem sacerdos pene viginti annos ergastulo mancipatus, nescio ob quod crimen accusatus ab inimicis coram rege. Qui presbyter florentissima adhuc iuuentute præpollens, ac virili præditus venustate, illi subterraneo specui deputatus, pene decrepitus, & senio confectus inde eductus, publicis demum carceribus mancipatur. In his martyres Christi vsque in horam mortis degebant. In his parricidarum, homicidarum, latronum, & scortatorum improbi ausus, & execranda temeritas, ac diuersorum criminum rei sub arctissima macerabantur custodia. In his positus prædictus sacerdos, causam sui carceris beato Paulo commisit. Cui martyr sanctus de corona victoriæ confusus, satisfacere optioni eius promittens, non post multos dies martyrij sui fidelis sponsor eum carcere absolutum, Deo fautore, propriæ vrbi restituit. Consummauit autem Dei seruus martyrium suum in pace 13. Cal. Aug. fer. 2. Era qua supra.

Tiberinus
Pacensis.

Anno
Dccclj. dies
Iulij. x. x.

4
Theodemi-
rus Carmo-
nensis mar-
tyr.

Cv i v s cadauer inhumatum, & ante fores palatij derelictum, post nonnullos dies, quorundam fidelium curiositate clam sublatum, cum beati Theodemiri Carmo-
nensis monachi corpore, apud sanctuarium prædicti martyris Zoili conditum est. Qui
& ipse iuuenis post sexta die qua sanctus decedit Paulus, idest 8. Cal. August. fer. 7. Era
qua supra occubuit, regnante Domino nostro I e s v Christo, qui sanctos suos adiuvit,
& coronauit in pace in sæcula sæculorum, Amen.

Anno
Dccclj. Iulij
dies. x. x.

¶ Nunilo, & Alodia virgines & martyres. Cap. VII.

VCVSQVE finem libri secundi esse decreueram, hucusque terminum san-
ctorum ad huiusmodi palestram currentium esse putaueram: Nec quem-
quam post tot discrimina Ecclesiarum, nostrumque carcerem talia certa-
mina opinatus sum aggressurum. Verum quia sanctorum numerum præsa-
ga diuinitas adhuc disponebat augeri talium professione, ideo postmodum quorundam
mentes multiplici ardore inflammans, plures prioribus ad illud destinauit certamen.
Et simili quidem voto ac magnanimitate ceteros imbuens, viros, mulieres, & paru-
los ad exercitium præliorum suorum armauit (Nec quisquam ad talem, tantamq; præ-
scriptus militiam resilire à certamine poterat. Cuius vocabulum coelestis liber notatū
à principio sæculi retinebat, suasque vires ad huiusmodi palestram diuinis ausibus cre-
scere cernebat.) Quorum nomina, ætates, gesta que bellorum suo loco ac tēpore dispo-
nenda sunt. Prius autem illa sanctorum trophæa elucubrandam sunt, quæ ratio & cursus
mensium ordinatim vt acta fuerūt, adducit, licet in aliis regionib. gesta extiterint, Sed
quia vna est confessio quæ vtrosque coronauit, idemque tempus quod vtrosque per
feralem impietatem in cœlum præmisit: reor absurdum non esse, quod competens
annotatio nostra sanctorum agminibus eos inseruit, & coelestium cœtui adunauit.
Vt pari magnificentia laudis à nobis attollerentur in terris, qui vno sunt adnotati co-
dice in supernis. Hac de re actum est, vt breuitas succincta huius opusculi modum pro-
missæ cōtiguitatis excederet. Et liber qui dudum parcius se loquuturum sperabat, aliis
supercrefcentibus ex improviso rebus, in longam deuolueretur seriem scripturæ.

IGITVR referente viro sanctissimo, ac venerandæ paternitatis Venerio Com-
pluteni Episcopo didicimus, in vrbe Bosca, apud oppidum Barbitanum duas sorores
virgines fuisse (quarū vna Nunilo, altera vocabatur Alodia) patre quidē gentili, matre
vero Christiana progenitas. Quæ, dum post mortē impij parentis, mater earū secundū,
& * gentiliū iniret connubiū, nec libere possent fidem Christi tenere, obstante cerui-
coso vitrici paganismo (iam .n. animi puellarum à pio Christi fonte irrigabātur) spre-
to materno cubili nutritione materteræ suæ fidelissime refouentur. Illico earum sancta
infantia Christo Domino cœpit fideliter adherere, & paterni oblitæ ritus, crucifixi re-
ligionem tenerrimis, & sanctificatis mentib. reponentes, illibate custodire. Et quoniā
nataliū infulis præpollebant, summisq; dignitatum fascibus enitescebant, non potuit
delitescere vrbi illarum propositum, redolente, ac relucente conuersatione sanctæ fi-
dei, quam gerebant. Siquidem primæuum adolescentiæ florem iam attigerant, & to-

Venerio
Compluten-
sis Episcopus,
pater,
Bosca Urbis.

3
i. Cūm
Mahometi-
no marito.

4
Barbitanū
oppidum.

tam pene prouinciam rumor sanctitatis earum impleuerat. Cunctique stupebant geminum rosarum profiliisse decorem ex vepribus. Hinc zelotypus hostis antiquus suorum membrorum dolens iacturam, dum per terrores præsidum inuido arbitratu posse immutari iam præsignatas ad thalamum sponsi æterni confidit, dilatum præmium per mortes asperas accelerando, virginibus sacris adducit. Ideoque sanctarum virginum causam instantia satellitum suorum præfecto vrbis insinuat, qui illico suis eas assistere obtutibus iubet. Quas vana promissione munerum illicere tentans, ac perinde de rerum copiis, & clarissimorum iuuenum connubiis adhortatur, si ab hac religione Christianos auocassent, propriis utique natalibus reddite, insuper multarum diuitiarum affluentia ditarentur. Si vero pertinaciori spiritu consultum præsidis conculcassent, in ultimo die 10 excruciatione tormentorum addictæ, ad vltimum gladio vindice interirent. Cui beatæ virginis sancto spiritu animatæ, constantes & intrepidæ, sub vna confessione dixerunt. Quomodo nos præses, à pietate Dei iubes auertere, quas pietas sancta suo lumine perlustrando fecit cognoscere, nihil esse Christo diuitius? nihil fide Christiana felicius? per quam iusti viuunt, per quam sancti regna vicerunt. Sine quo vita nulla est: sine quo mors perpetua viget. Cum quo manere, & in quo viuere solatium verum est. A quo recedere æterna perditio est, à cuius consortio iam nos in hac vita nullatenus discedemus. Quia ipsi integritatem nostram credentes, eius quandoque thalamis speramus admittendas. Nam rerum labentium commoda, quibus nos illicere autumas, pro nihilo reputantes, eo intuitu spernimus, quia cognouimus omnia vana esse sub sole. Nec 20 de pœnarum comminatione turbamur, quã ad modicum valere cognoscimus, quinimo ipsam mortem, quam vltimo terrore proponis, eo gratissimo exoptamus affectu, quo credimus nos per illam incunctanter ad cœlum ascendere, Christum adire, eiusque inconuulsibiliter inhærere amplexibus. Quarum constantiam fidei præses, virtutemque professionis aduertens, quibusdam mulierculis profani ritus peritia præditis, sigillatim eas instruendas commendat, & terroribus quibus potest, ne alternis, aut cuiuslibet fidelium fulciantur colloquiis, admonet. Mulierculæ vero suscipientes virginis Christi, sacrilegi cultus quotidie venenosum dogma eis exponunt, ac peruigili cura cœlesti iam manna relictis cloacæ putrientis poculum propinantes, caslo consumuntur labore. Sed hanc illarum pertinaciam præsidi referentibus mulierculis, post nonnullos dies 30 virginis in forumeductæ, in spectaculum publicum constituuntur, & Christum confidentes, & hostem fidei detestantes, sub ictu gladij corruunt vnde decimo Calendas Nouembris, Era qua supra. Quarum corpora loco, quo deciderant, derelicta summo militum obseruantur studio, ne Christiani ad emolumentum patrocinationis furtim eas surriperent, & recondere. Ferunt tamen, quod illa virginalia cadauera in loco, quo 6 ab ethnicis altis scrobibus magis abscondita, quam humata sunt, signis & miraculis 7 coruscant, & gloriam emeritæ consolationis virtutum efficientia tam fidelibus quam 8 gentilibus ostentant, per Dominum nostrum I E S V M C H R I S T V M, qui viuit cum patre & spiritu sancto vnus Deus in sæcula sæculorum. Amen.

Annus
Decclj. dies
O Bobri.
xxij.

40

*Vita & passio sanctarum virginum Floræ & Mariæ.
Cap. Vlll.*

QUoniam ad laudem CHRISTI pertineat cultus reuerentiæ, qui martyribus exhibetur, respondet tamen fidelibus in remedium animarum, quicquid religiositer in festiuitatibus agitur beatorum, præsertim cum per hoc, & per ipsorum patrocinia, martyrum & summi Redemptoris acquiritur præmiū, in cuius honorem virtutem recolunt sanctorum. Ergo nostrarum virginum Floræ & 50 Mariæ trophæa digesturi insignia, non facundiæ lepōri, non tonantibus euphoniis verborum seruiamus, sed quod fidelibus simpliciter rei gestæ veritatem insinuet, obseruamus: quia sufficere nostris credimus veritatem pura simplicitate digestam, quam vano infulatam cultu fallaciam. Et sat nobis est fideliter referre quod fuit, quia non congruit sub venustate sermonis rem, quæ non extiterit, adhibere. Illibata namque veritas, quoquomodo proferatur, firmiori gressu consistit, & ornatissime fictum mendacium paululum perseuerat. Nec patitur Christus assertorem iustitiæ immunem esse benedictionis præmio, cum tamen reatu homicidij astringatur prolator mendacij.

Harum

HARVM igitur vocationem virginum, quæ dispari solo progenitæ, & pari mor-
tis occasu cœlestibus adunatæ sunt, sigillatim exponi necesse est: & quibus modis vna-
quæque earum prædestinatæ sanctificationis culmen attigerit, Deo fautore, saltim
exili digeramus stylo.

PRIMVM igitur specie decoris, & venustate corporis nimium florens virgo san-
ctissima Flora, sed interiori habitu florentissima, matrem Christianam habens ex vico ^I
Ausinianus, qui ex parte Occidentali milliariibus octo à Corduba distat, purissimis & ^{Ausinianus}
nobilibus (vt ita dixerim) perfunctam natalibus, patrem vero gentilem ex oppido ^{oppidum.}
habuit Hispalensi. Hi, nescio qua occasione propriis locis exules. Cordubam degendi ^{Hispalensis}
10 gratia accesserunt. Qui ex vltimo partu suo hanc infantulam procrearunt, & sublato ^{civitas.}
per mortem genitore, fidelissimæ genitricis tutela sponsa Christi nutritur. Quam pia
mater sacre religionis legibus imbuens, docuit fidei credulitate colere Christum
Deum, qui per vterum Virginis Mariæ ad nos vltimo tempore veniens, & per assum-
ptam humanitatem hominibus proximus factus, per ineffabilem quoque Deitatem
suam inuisibilis, incomprehensibilis, & inæstimabilis semper extitit. Venerabilis nam-
que puella tenerrimis annis fidei pietatem ebibens, cœpit intra mentis recessum alta-
re sanctum construere, quo placita operum bonorum holocaustomata Christo sem-
per offerret. Quæ ab ipsis rudimentis infantie cunctis se vanitatibus sæculi priuans,
totum quod illa ætas (vtpote plenitudine scientiæ expers) pueriliter affectat, superno
20 iam delibuta rore conculcat. Nam quodam tempore cum genitricem eius adirem cau-
sa dignoscendi principium huius puellæ conuersationis, ipsa genitrix inquit. In verita- ²
te vobis loquor, quod ab ineuntibus annis Christi amore in pectore suo recondens filia ^{Flora mater}
mea, sæcularium oblectationum cultum vsquequaque spreuerit, ac semper quæ Dei ^{ad diuum}
sunt, corde meditari studuit: semper opera sancta adimplere non distulit. Adeo vt in ^{Eulogium.}
infantia sua, cum diebus quadragesimæ paruitati eius consulens, siue vt illa ætas conti- ^{Quadrage-}
30 gua robustius conualesceret esu quotidiano, competenti prandij hora cibum ei porri- ^{sima obser-}
gerem: illa in virtute Domini positum habens cor, egentibus eum ministrans, furtim ^{uatio.}
beatum exercebat ieiunium. Sicq; diebus singulis ipsa agente, pene maximum absti-
nentiæ tempus elapsum erat, cum clandestina infantis deuotio vix quibusdam reuelat-
tur indicijs. Quam talibus inhibere votis ipsa obnitens, ne priusquam illud tenerrimū
corpus adolesceret, marcore abstinentiæ quassaretur, conata sum iam ad epulum sua-
dere diurnum. Eam tamen non potui prouocare ad vescendum, nisi sero, & commina-
tione continua: perfecit tamen votum suum electa Christi sponsa.

Ex eo tempore mater solerti vigilantia sobolis mores procurans, eamque in
omnibus rebus Christo assignatam esse considerans, nullatenus deinceps contraire
piis puellæ affectibus audet. Venerabilis vero puella Deo duntaxat placere studens,
prouida obseruatrix Euangelij attendebat Christo monenti, & dicenti: Si quis diligit ^{Ioanni 14.}
me, sermonem meum seruabit, & pater meus diliget eum, & ad eum veniemus, &
mansionem apud eum faciemus. Ita purissimum cœlestis executione præcepti intror-
40 sus præparans habitaculum, nihilominus sanctæ & indiuiduæ Trinitatis quotidiano
frui meretur aduentu.

VERVM dum exercitio sanctitatis id, quod clam meditabatur, vberius in amo-
rem Christi proficeret, latareturque se Christo per eandem religionem perennius
esse ascitam: nec tamen passim fidelium interesse conuentibus auderet, eo quod fra- ^{Flora frater}
trem pestiferi dogmatis perfidum haberet cultorem, qui eius assidue conuersationem ^{impius.}
exploraret: vt ipsa erat natura prudens, & callens ingenio, didicit à sapientibus nihil
proficere obscuratam credulitatem, & celatam confessionem Trinitatis, præsertim
cum scriptum sit: Corde creditur ad iustitiam, ore autem confessio fit ad salutem. Et ^{Ad Rom. 10.}
iterum in Euangelio: Omnis qui confitetur me coram hominibus, confitebor & ego ^{Matth. 10.}
50 cum coram Patre meo, qui est in cœlis: & qui negauerit me coram hominibus, nega-
bo & ego eum coram patre meo, qui est in cœlis. Igitur instructa vtiliter quomodo se
in confessione nominis Christi haberet, sciensq; non leue esse discrimen latenter cre-
dere Christum, & publice existere vexillo Sathanæ denotatam, matre hinc incon- ^{Flora domo}
sulta domum relinquens, clam cum sorore sua fugam iniit. Seseque tutioribus locis ^{fugit.}
inter Christicolas collocantibus, sæuissima infestatione frater earum (quem supra me-
minimus) propter illas Dei lacerat Ecclesiam: adeo vt nonnullos clericorum carceri
tradens, conuentum vbique religiosarum foeminarum persequeretur. Et cum agno-
scerent infestationem, quæ erga sortem Domini grassabatur, indignum diiudican- ^{Domum re-}
tes se esse tutas, & Ecclesiam Dei vapulare: illico sancta Flora, quæ se nouerat ad tale ^{uertitur.}

3 prælum diuinitus fuisse electam, publico regressu in domum reuertens, ait: En ego, quam quæritis, adsum, in medio vestri, pro qua Dei sortem insectamini: adsisto intrepida, Christo credula, religioni fauens Catholica, stigmata crucis gerens, & omnium, quæ cultum pietatis insinuant, affectatrix. Vos modo (si potestis) hanc eneruare confessionem: satagite crudelioribus tormentis fidem meam euincere: & (quod fieri omnino dubito) à Christo me separari contendite: pro cuius amore quicquid ad supplicium meum sæuus imploderit arbiter, gratissimis decreui animis supportare. Credo probabitis me inter pœnas fortioris pertinacia, quam nunc in prima congressione, Christum I E S V M confiteri.

Frater impius Floram accusat.

FRATER autem eius ille peruersus hæc audiens, cædibus ac minis interdum, & 10 blandis eam nitebatur reuocare sermonibus. Sed cum cerneret, nihil conatum suum proficere, quinimo se quasso aspiciens labore consumi, ad iudicem eam pertrahit, dicens: Hanc mihi sororem, ô iudex, vltimus partus matris eiecit, quæ simul mecum ceremonias legis venerabiliter excolens, debitum semper erga cultum fidei nostræ obsequium exhibebat: sed Christiani crebro eam vrgentes instinctu, vatem nostrum abnegare, ritumque detestari fecerunt, & quadam lenocinatione Christum esse Deum credere illexerunt. Quam iudex vtrum se sic haberet illa delatoris germani quæstio sciscitatur. Extemplo ipsa fratrem impium abnegat, cultumque Mahometanum se nullatenus nouisse testatur: & adiungit: Christum ab infantia mea noui: ipsius documentis instructa sum: ipsum habere Deum decreui, ipsique integritatem corporis mei, eius 20 olim thalamis oblectanda, promisi. Hæc vbi virgo sanctissima protulit, mox sacrilegum pectus iudicis furor immanis exagitat, & in eadem martyris iram admouens, inter vtrumque satellitem apprehensis manibus eam extendi præcepit, diroque verberare caput eius pertundens, tamdiu flagris insistit, quousque decisa cum cæsarie cute, os verticis nudum pateret. Perdurat nihilominus adolescens martyr & virgo in sua confessione. Tunc iudex semiuiuam, & pene exanimem impio fratri eam delegans, admonet, vt confota medicamine, & verbo legis instructa sibi demum, nisi se conuerterit, præsentetur.

Flora in capite pro Christi confessione percussitur.

PERDVCTAM deinde in domum suam Christi virginem hostis, non frater, ille iniquus, domesticis eam sceminis demulcendam fomento, & verbo committit, magnis 30 solummodo trabibus catenarum feras mansionis obtrudens. Quia ingenti materia totius prædioli ambitus præmunitus, omnino de nulla euadendi sollicitudine quemquam arguebat. Ideoque non post multos dies, vulneribus expiata fortis Flora, cum se sospitem esse sentiret; quadam nocte, per contiguum infra cortem domui hærens tugurium, celsum parietem iuuante Domino scandens, inde se foris plateali solo proiecit. Quæ nullo stimulata dolore, cœpit per tenebras noctis angelico comitante ducatu, quo Dominus veller ingredi: sicque cuiusdam fidelis inter illud chaos nocturnum hospitio recreata, cum aliquandiu ibidem commaneret, deinceps præclarum. 40 Tuccitanæ vrbis viculum Ossariam intuitu latendi petens, ibi cum * sorore sua vsque ad tempus, quo martyrium consummauit, delituit. Et ego, ego ille peccator, ego diues iniquitatum, qui à principio martyrij sui amicitia eius fructus sum, combinatis manibus meis cicatrices reuerentissimi & delicati illius verticis attrectaui, quum ictibus flagellorum virginalis coma elapsa fuisset.

Tuccitana vrbis. Ossaria viculum.

** Baldegoto ne sine dubio: ad quam post Flora martyrium ipsa O. Eulogio epistolâ dedit, infra pag. 104. Maria martyris. Eleplense opidum, quod sup. fol. 35. ci. uisatem appellauit.*

Froniano opidum, quod supra Sicum dixit. Vualaboso postea martyris.

Saluator presbyter.

VERVM quia Deo fautore beatæ virginis Floræ auspiciu conuersationis ac martyrij adnotatum est, operæpretium reor, si itidem sanctæ virginis Mariæ & martyris processum natiuitatis, primordiaque religionis edisseram. Vt quibus par fuit consensio præliandi, idemque assensus pro iustitia moriendi, consimilis extet in relatu vocationis etiam huius virginis intentio calami. Huius pater ex oppido Eleplensi non infimus prosapia, Christianus tamen huc aduentasse perhibetur. Qui ex genere Arabum 50 coniugem ducens, totius impietatis errore eam emundans, Christi fidei consignauit. Quapropter cum eadem coniuge proprium incolere aruum non valens, per diuersa profugus agitur, quousque diuino gubernaculo ad oppidum Froniano peruenit; qui in montana Cordubensi in parte Occidentali duodecim ab vrbe miliaribus distat, vtroque pignore comitâte, quod ex ea suscepserat, Vualaboso scilicet, & Maria. Ibi vitam suam pro viribus sustentarunt. Ibi mulier illa luporum erepta faucibus, in fide Christi perseuerans, post nonnullum tempus in Domino requieuit. Ibi superstes vir gradu confessionis potitus, arctissimum vitæ perennis callem gaudiis oblectandus celestibus ingreditur. Sed puerum ecclesiasticis regulis educandum, sortique Domini admiscendum piæ memoriæ Saluatori presbytero tradidit, qui tunc præclaro regimine san-

Sancti Felicis monasterium.
Cuteclarense cœnobium.

8

Artemia Adulphi & Ioannis martyrum mater.

Sperandeo Abbas.

Saluator presbyter moriturus.

Vualabon sui diaconi factum.

Vualabon sui martyr.

Sancti Aciseli ecclesiasticus.

Matth. 18.

Flora & Maria iudicibus spiritus se offerunt.

** per integrum sexcentium annorum fugam suam tempore, & constat ex documentis Martirialis, pag. 92. b.*

ne sancti Felicis monasterium, quod in eo loco fundatum est, gubernabat. Sanctam vero hanc virginem Deo deuouens, Cuteclarense cœnobio, quod gloriosa & semper Virginis sanctæ Mariæ genitricis Domini fulget memoria, consignauit, constituens eam apud quandam summæ sanctimoniam sceminam Artemiam nomine. Quæ & ipsa geminum pignus per martyrialem obitum olim cœlo promiserat, Adulphum scilicet & Ioannem, qui in primordio regni principis huius viriliter de hoste triumpharunt. Quorum instar syderum cœli gesta micantia ad emolumentum Ecclesiæ sanctæ, & exemplum debiliū, senex & magister noster, atque illustrissimus Doctor (de quo in libro primo meminimus) beatæ recordationis & memoriæ Sperandeo Abbas stylo latiori composuit. Artemia igitur gratia sanctitatis, prouectæq; ætatis, seu obtentu martyrum filiorum, cæteris in eodem cœnobio commanentibus sceminis antecellens, totius monasterij virginalis conuentus iussu authoritatis eius intendebatur. Docuit autem puellam, sicut ipsa nouerat Deo seruire, in omni humilitate, castitate & obedientia, & timore Domini animum eius exercens. At non post multum tempus prædicto sacerdote Salvatore mundo recedente, puerum etiam ad se nutriendum pater reduxit. Qui duo futuri martyres gratia Spiritus sancti in Dei timore magnopere proficiunt. Tandem vero per gradus ecclesiasticos adolescens ille Vualabonius succrescens, honore diaconij fungitur: pollente nihilominus in omni honestate religionis sanctimoniali puella: cum se nimia charitate diligenter, & alternanti germanitatis dulcedine in omni dilectione spiritali sibimet inuicem obedirent. Quia vero præcedebat ætate virgo sanctissima adolescentem germanum, loco genitricis soror ab eo excolitur, & in prolis affectum commutauit fraternum amorem.

IGITUR dum inter eos hæc assidue gererentur, dispensante Deo, leuita dignissimus Vualabonius cum beato Petro presbytero, seu cum cæteris confessoribus (sicut superius comprehensum est) martyrio coronatur. Et qui æuo vltimus erat sorori, fit primus electione martyrij. Denique remanet destituta præsentiali solatio fratris Christi ancilla, quæ ante mundi constitutionem ad martyrium prædestinata, intus extraque semper tuebatur intercessione fraterna.

ET (vt se habet conditio fragilis) cum crebrius fraternum suspiraret obtutum, cuius in proximo fruitura erat consortio, per quietem quandam sanctus martyr, quandam admonet religiosam, vt iam soror Maria pro se plorare desisteret, quoniam vicino tempore ad eum in supernis esset ventura. Ex eo die vritur cor virginis amore martyrij, & quæ fratris obitum impatienter lugebat, subito diuinitus illustrata, impatienti ardore ad martyrium anhelat. Quodam igitur die, inuitante (vt credo) Christo monasterium derelinquens, forum petitura descendit, quo sicut cæteri martyres, qui iam cœlesti præmio oblectabantur, hæc quoque virgo Christum confitendo, & fidei sanctæ aduersarium repellendo, corona martyrij potiretur. Quæ dum ecclesiam beati Aciseli martyris, in ipso adhuc itinere positā, intuitu Dominum obsecrandi intrasset, Dei nutu ibidē sanctam Florā in suffragio suo præces martyrum aduocantem inuenit. Quæ & ipsa Christo dicenti sibi, iterum venio crucifigi, rediuiuo præliandi studio calens, olim cœpti martyrij palmā è loco latibuli sui alacris inuentura descenderat. Tunc, se inuicē datis osculis salutantes, alterno consultu explorant se. Et cum vnum idemq; votū suum existeremutua proderet confessio, dimidiante Christo qui dixerat: Vbi cūq; fuerint duo, vel tres, in nomine meo congregati, ibi sum in medio eorū. illico indissolubili fœdere charitatis nectuntur, nulla se ab inuicem occasione diuellendæ, nulla intercedente fortuna deciscendæ, nullisq; ab alterutro, quamuis sæuissimis imminentibus casibus, disparandæ, qui ad interitum earum pro confessione veritatis exaggerarentur, quousque & ista Christum, & illa in cœlestibus fratrem adiret Vualabonsum. Sicq; in ipso impetu iudicibus assistentes, ita firmiori alloquutione prima (vt reor) sanctissima Flora eos aggreditur, dicens: En ego illa sum, quæ pro eo quod gentilitio semine procreata Christo ad hæserim, dudum à vobis, vt eum abnegarem, diro verberare lacerata sum. Quæ hætenus infirmitate carnis* huc illucq; profuga delitescens, nunc iam in virtute Dei mei subnixæ, vestris ad stare non verens prætoriis, eadem, qua primū, constantia Christū Deum in veritate profiteor: scelerosumq; dogmatistam vestrum pseudopphetam, adulterrum, magum, & maleficum esse protestor. Tunc deinde virgo venerabilis Maria diffusionem cœlestium gratiarum sanctificato protulit ore. Et ego iudex, olim inter illos confessores magnificos habens germanum, qui non leui sublannatione vatem vestrum infamantes occubuerunt: similisq; audacia Christum esse in veritate Deum asserens, ritum vestrum legisq; ceremonias dæmoniorum figmenta esse profiteor. Extemplo sæ-

uissimus arbiter vesano concitatus furore, sub voce illa terribili frendens, virginale propositum asperrimo deterret boatu: minis exprobrat: clamoribus arguit, adiiciens carceris squalorem, & contubernium scortorum.

S V S C I P I V N T denique abdita carceris sponfarum Christi membra tuenda magis, quam eliminanda, quæ semper pudico honestata decore ab ipsis cunabulis actu sanctimonix præpollentes, præcipua virtutum gratia reluxerunt. In quibus aliquandiu sanctæ virgines permanentes, insistant ieiunio, orationi incumbunt, totumq; illum horrorem ergastuli cœlestium meditatione hymnorum expediunt. Tunc nos etiam ex antro deducti, cum isti carceri deputarentur, Deo fauente ad instructionem illarum librum, documentum martyrij, condimus. Eisque iam pene à proposito suafione quorundam latentibus, in solatium meditandi & consummandi prælia inchoata, dicauimus. Connectentes in finem opusculi orationem suo certamini, omnique ecclesie congruentem.

I G I T V R permanentes in laudibus Dei, & sacratissimæ virginis, post tertiam admonitionem prosternendæ in forumeductæ sunt. Taceam iudicis sciscitationem vicibus allatam eis, vel vna, vel sigillatim ad beatissimam Floram, sicuti iam alibi digessimus. Et intuitu mediocritatis aliquid silentes, ne fastidium protractus sermo legentibus generet, mors virginum pretiosa stylum competenti sine coarctat. Inde præcipiti ducatu ad locum decollationis ductæ, sacra signacula vultibus impriment. Et sic extensis collis, post beatam Floram, sancta Maria prosternitur. Quorum corpora canibus deuoranda, ac volucris discerpenda ibidem relinquentes, alio die in flumen proiecerunt. E quibus cadauer sanctæ Mariæ virginis & martyris, cœnobio Cateclarense, à quo ad martyrium descenderat, donante Deo reponitur. Cum tamen corpus beatissimæ virginis & martyris Floræ, quo situ Dominus reposuerit, penitus ignoretur. Capita vero illarum in basilica sancti Acisceli martyris reconduntur, quo præsentiali corporis sui fauore populos Christianos tuetur.

V L T I M O tantummodo historix loco insinuare curamus, quod priusquam virgines beatæ decideret, quibusdam consorioribus promiserunt, quod eo ipso, quo Christo coronatori suo assisterent, obtentu adeptæ gratiæ sponsum precantes, nos vinculis liberarent: quod ita Deo fautore peractum est. Nam ille octauo calendarum Decembris martyrium consummantes, nos tertio earundem calendarum compedibus resolutos, ab squalore carceris eruerunt. Era qua supra, per Christum Dominum nostrum, qui viuit cum Patre & Spiritu sancto in sæcula sæculorum. Amen.

Gumesindus Toletanus, & seruus Dei, Corduba passi.

Cap. IX.

Toletum.

Faustus, Ianuarius, & Martialis: eorum basilica.

Campania Cordubensis, & eius ecclesia. Seruus Dei.

Paulus presbyter.

Anno Domini Decclij. dies Ianuarij 13.

Sancti Christophori martyris basilica.



Anctus Gumesindus presbyter ex oppido Toletano olim cum utroque parente puer adhuc paruulus Cordubam veniens, votiui genitorum affectu per sacrum clericatus ordinem cœlesti ascriptus militiæ apud basilicam sanctorum trium, qua Faustus, Ianuarius, & Martialis martyres præsentibus corporum suorum fauillis quiescunt, digna pædagogorum educatione in Dei timore clarescit. Vbi post aliquod tempus in sancto diaconij ministerio consecratus, demum cuiusdam Campaniæ Cordubensis ecclesiæ sacerdos adolescens præficitur. Inde ad urbem descendens cum beato Seruo Dei monacho, qui tunc in supradicto sanctuario adhuc iuuenis cum Paulo presbytero reclusus manebat, principibus, & iudicibus ambo assistentes, sub confessione cæterorum occubuerunt, idibus Ianuarij, Era octingentesima nonagesima. Quorum corpora furtim à Christianis sublata, in basilica sancti Christophori martyris, quæ est ultra amnem in parte meridiana, religioso cultu extant recondita.

De sanctis martyribus Aurelio, Felice, Georgio, Sabigothone, & Liliofa. Cap. X.



Vit præterea quidam iuuenis nomine Aurelius, natalibus, & rebus plurimis antecellens. Hic in infantia matre Christiana, & patre gentili orbatus, tutela amite suæ fidelissime vsque in annos adolescentiæ fouebatur, docebaturque Christum veraciter credere Deum: nec præter Ecclesiam salutis viam, & iter regni cœlestis alibi posse reperiri, imbuitur. Quod documentum venerabilis

rabilis puer apprime ebibit, ita vt licet Arabica erudiendus literatura traderetur cogentibus affinibus: infontibus tamen præfixam cœlitus animis fidei sanctæ notitiā nulla vanitatis figmenta immutare quiverunt: sed corde semper Christianismum suum retentans, cum ad solam derisionem * meditationi periturarum insisteret literarum, eo amplius in amorem Christianæ fidei exardescibat, quo liquidius deliramenta peruersi dogmatis probans, subtilem dæmoniosi illius fallaciam aduertebat. Et cum non posset publice cultum fidei gerere, vbique tamen Dei sacerdotibus sese commendans, pro se efficacius exorari poscebat.

* studio, sup.
cap. 4. pag.
35. b.

- 10 INTEREA prouehitur in annis iuuenilibus strenuus adolescens, & florentibus
genis virili facies exornatur decore. Hinc adhortatione affinium condignum suæ nobilitati connubium appetere cogitur. Hinc vnusquisque suorum, prout nouerat, il-
lius, vel illius optimam esse sobolem asseribat: ipse autem interius aliter ruminans,
Christo sui connubij negotium committebat, crebris interuentibus precum cœleste
numen exorans, vt talibus præpollens votis coniux sibi daretur, quæ secretum suum
in melius proficere contenderet, faueretq; mentē & corpore cultori latenti. Cuius fa-
uore tandem adiutus reperit honesto germine virginem constipatam, rebus inclytam,
moribus comptam, specieque pulcherrimam. Quæ cum præcipuo venustatis habitu
extrinsecus decoraretur, præstantius tamen introrsus spiritali enitebat decore. Quia
omnis gloria filia regis ab intus, id est in penetralibus mentis. Ibi enim sanctitate, in
20 fimbriis aureis varietate scilicet amicta virtutum Christo regi placitum exhibebat fa-
mulatum. Hæc namque puella parentibus paganis progenita, adhuc cunabulis incu-
bans, patre orbata est. Cuius genitrix alium virum ducens, qui fidem Christi occulte
retinebat, coniugem impietatis errore extirpans, priuignam Christo assignare studuit,
eamque ex sacramento Baptismatis Sabigotho appellans: licet publice paganis admi-
scerentur, gestabant vero animo firmiori vtrique pietatis religionem. Hanc sibi puel-
lam venerabilis iuuenis iure coniugalitatis asciscens, completis sponsalium titulis, ar-
rarumq; pignore alternanti in inuicem exhibitione contradita legitima, ad vltimū mi-
nisterio sacerdotum ex more sacrantur, sicq; pari commercio aliquo tempore clancule
fidem Christi gerentes, non omnibus arcanum suæ fidei reuelabant carnis infirmita-
30 te depressi, non diminutione vtiq; voti.

Psalm. 44.
ibidem.

Matrimoni-
um inter Ge-
nium & Saxo-
rum alterius
religionis,
sup. 37. b.
Sabigotho
Aurelij &
xor.

- FVIT autem beato Aurelio proximus genere vir quidam nomine Felix, sancta
insuper eidem dilectione connexus, qui occasione diaboli in fide vacillans, cum postea
lapsus præuaricationis suæ altius suspiraret, vltra non potuit patulo congressu reli-
gionem Christi exercere. Qui & ipse filiam occultorum Christianorum nomine Li-
liosam in coniugem ducens, Christum in abditis tectius excolebat. Quapropter in-
conuulsibiliter inuicem adhærentes, semper vnā habuere familiaritatem, eandem
gesserunt dulcedinem, nec prosperis, nec aduersis casibus se disparantes, idem illis ex-
stitit affectus: tantaque illa pietatis necessitas in vtroque fratre perfectionem contulit
charitatis, vt nec vita, nec morte diuiderentur, quos par religionis occasio glomeraue-
40 rat, de quibus merito enarrandum est: Sancti, amabiles, & decori, quomodo in vita sua
dilexerunt se inuicem, ita & in morte non sunt diuisi.

Felix Aure-
lij propin-
quam.

Liliosa Felix
ei & xor.

2. Regum 1.

- EXACTIS igitur non plurimis annis accidit, vt eo die in forum proficisceretur
Aurelius venerabilis, quo Ioannes ille (cuius in priori libro meminimus) odio nominis
Christi vsque ad necem verberibus cruentatus, retrorsum a sella euectus, immensoque
vinculorum pondere coarctatus, vt in parte stramentum reclinaretur iumentis, qua
eius crura pendebant, præcedentibus illuorum præconibus, totam circumeundo vr-
bem satellitum ministerio ad spectaculum vulgi pertractus est. Et cum hinc inde voces
exprobrantium resultarent dicentes, nullatenus dignam sui sceleris pœnam eundem
adhuc persoluisse, quippe quem tantæ reuerentiæ vatem subannatione impetere non
50 verentem, plectendum potius morte turpissima congruebat: extemplo futurus belli-
ger amore compunctus martyrij, cœlesti quodammodo flamine aspiratur, vt illud pro
se fieri spectaculum crederet, causaq; admonitionis sibi fuisse ostensum, ne scilicet for-
midare deberet eos, qui corpora trucidant, cum nihil anxietatis animabus possint in-
ferre, sed illum potius pertimesceret, qui potest corpus & animam perdere, & mittere
in gehennam. Cuius fidei stabilitatem admirans: vere, inquit, super angelicam pe-
tram tabernaculum credulitatis huius viri fundatum est, quod tanta vis tormentorum
non impulit, nec labilium pœnarum aura concussit. Quod si qui vexillum Christi re-
uelatis gerit aspectibus, tot seria cruciamenta zelo Redemptoris sustinuit, cum vtiq;
cladem illius supplicij præuaricando posset euadere: & melius carnis suæ iacturam,

Ioannes con-
fessor.

Matth. 10.

Aurelius de
Ioanne con-
fessore.

quam perniciem animæ iudicans, non se passus est sub vnius vocis articulo à Christi religione abstrahere: quibus me ego dignum conuitiis credam erudiendum, vel quo me arguendum supplicio debeo tradere, vt vigorem illius damnati, quem hodie intuitus sum, capiam, fruarq; constantia?

Aurelius ad Exorem. HÆC, dum crebrescentibus supernis iam vocationis suspiriis, ruminare animo cœpisset, regressus domum retulit piæ sodali cuncta, quæ viderat, lætoque spiritu addit. Tu semper dulcissima coniux, cum ego mihi met viuerem, & Deo mortuus essem, sedulo me adhortata ad confessionem trahebas: instabas quotidie me sæculi voluptatibus nitens auellere: tenebrosis mundi affectibus felicitatem æterni regni præferebas, labentia cuncta, & omne quod sine arctatur, suadebas relinquere: prædicabas monachos, mundum renuntiantes laudabas, religiosarumq; conuersationem oblectans, vitam sæpius suspirabas sanctorum. Sed ego necdum supernæ gratiæ compunctione lustratus, omnino salutaribus non poteram acquiescere hortamentis, aut forte correctionis meæ præfinitam à Deo patre nondum insistens admonitionem, differebam operibus exequi, quod, licet tenuiter, animo meditabar. Ecce iam nunc, charissima, tempus acceptabile venit: ad sunt dies salutis, in quibus à retroactis, & exterioribus resilientes, in id quod inante est, nos extendamus. Et primo omnium munditiæ, & continentia perfectius studentes, vacemus orationi, quo facilius ad reliqua sanctitatis industria properemus. Fiat nunc soror, quæ exiit coniux: in affectu germanitatis thorur nostræ coniunctionis pertranseat: proficiant soboles animarum: subcrescat spiritalium generatio, & sprete glutinatione membrorum cœnosa, nouerit mens præstantius (adempta carnis delectatione) perpetuæ incolumitatis producere germina. Vt quoquo modo condigni martyrij præmio habeamur talium meditatione laborum.

Sapient. 5. SVSCIPIT lætantibus animis venerabilis mulier pium viri consultum, gaudensq; multipliciter in subitatione insperatæ salutis, hæc est (ait) immutatio dexteræ altissimi: hæc sunt iam nostræ vocationis auspicia: hæc sunt, quæ semper optabam, æterni regis commercia: vt carne morientes, viuamus spiritu, quo illi facilius vniamur, de quo scriptum est: Spiritus est Deus, & eos, qui adorant eum, in spiritu & veritate oportet adorare. Quamobrem, Domine mi, quia hoc tibi non humanitus reuelatum est, sed pater cœlestis te olim ad æternum præscriptum militiam, concitis vult iam gressibus properare: cunctis nos vinculis absoluiamur, excutiamur à puluere, desiderio vitæ perennis surgamus.

Ioan. 4. FIT itaque vtrorumque communis in Dei seruitute assensus. Diuiduntur cubilibus: votis conciliantur. Præfulgent lectuli fulcra vestium, colorumq; varietate, quæ suam conuersationem vulgo celarent. Illi autem in interioribus angulis tabernaculi super structum * crudo latere thorur hispidis tantummodo instructum ciliciis * dispares incubabant. Ieiunabant sæpe: sine intermissione orabant, & quoscunque nouerant psalmos, noctu meditabantur. Vincebant tenebrarum chaos interiecto vigiliarum labore, omnemque dæmoniorum fraudem talibus euincebant studiis. Ministrabant egenis: curam pauperum omnino gerebant. Et quoniam adhuc iam dictus Ioannes carcere detinebatur, nos quoque ex antro educti his vinculis detinebamur: vtraque etiam virgo, Maria scilicet & Flora, tunc foeminarum latibulis causa fidei incolebant: aderat frequens eorum erga compeditos discursus, ex eo videlicet tempore quo beatus Isaac monachus, seu cæteri sancti, qui præditam veritatis præconio linguam, principibus, & iudicibus confessuri, quæ vera sunt, astiterant, & propter eandem veritatem occubuerant. Quorum constantia perdurabili, multiplici virtutum robore horum auctæ sunt vires. Nam ille viros perlustrans, illa suis retentas claustris foeminas requirebat.

Eulogium Anselm. docet. IBI ego eum agnouî: ibi amicitiam eius adeptus sum, ibique se à nobis institui deprecatur, quid agi deberet tam de rebus, quam de gemino pignore, quod Deo donante acceperat. Si liceret tales destitui, quas vtique post necem suam profano tradendas ritui altius condolebat: vel si illam diuitiarum copiam protinus fisco agglomerandam, inordinatam relinquere congruebat. Cui cum omnia intuitu regni cœlestis, & causa retributionis æternæ non solum relinquenda, verumetiam fugienda fore censerem, potissimumq; suarum potius animarum, quam liberorum esse commodis consulendum, quibus vtique Christus vindex pater, & tutor est, nihilque prorsus rerum temporalium præponi debere desiderio Redemptoris, seu fruendi sanctorum consortio docerem, confestim subiunxi: Si prouida facilitas suppetit, qua hæc omnia magistra intercedente discretionem, ordinentur: vtile primo iudicamus sobolem tutiori loco

ri loco transponi, vbi Christo liberius assignetur: rebus quoque iuxta mandatum Domini venditis pauperibus erogari, quo expeditior vobis pateat deinceps post Christum ingressus. Sic denique veritas sancta sciscitanti se iuueni quatenus vitam æternam possideret: Si vis (inquit) perfectus esse, vade, vende omnia quæ habes, & da pauperibus: & veni sequere me, & habebis thesaurum in cœlis. Sed etsi pars aliqua in * stipendium relinquatur infantium, culpabile esse non poterit, quod multa patrum insinuant documenta. Ideoque si ad hanc dispensationem potestis attingere, optima res, & perfectius opus est: quod vos omnibus expeditis negotiis securius ad militiam cœli ire compellet. Sin vero quorundam difficultatum repagulis oblatrantibus, hæc dispensatio reuellitur, & nulla interest libertas, qua hæc indulgentissime suppleantur, (præsertim cum magis ex aliquo perturbationes emergere formidatis, quæ vestræ intentioni obsistant) non cunctandum est spernere patrimonium, quod multo melius & latius in cœlo, quo vos nitimini proficisci, reperitur. Non filiarum affectus societati sanctorum est præponendus, cum & illas potest Deus in sæculo enutrire, qui compactauit in ytero, siquidem ei prouida de omnibus cura est. Non omnes paruuli parentum industria refouentur, nec cunctæ proles nutritio educantur labore. Nascitur homo, orbatur in cunabulis solatio genitoris, non tamen Creatoris gubernaculo destituitur, qui est pater orphanorum, & iudex viduarum. O quam multi paruuli, nutricum cura delicatius educati, in deteriora deueniunt? quam plures pupilli ab horribili egestate in magnarum affluentiam opum excrescunt, & fiunt multarum domini rerum, qui vix pauperrimo pane prouecti sunt? Multi ex Christianis progeniti, præpediente deliquio, ecclesiæ membro priuantur. Et nonnulli filij paganorum, præueniente gratia Domini, ad redemptionem fidei salutaris recurrunt. Nec istis sacrilegium obest parentum, nec illis prodest religiositas genitorum. Cum & hi à fide recedentes, Deo alienantur, & illi credentes in Christum (per quem iusti viuunt) eripiuntur diabolo, perenniter Deo coherentes. Cuius rei testis est Dominus, qui in Euangelio proteruam Iudæorum arguens vanitatem ait: Genimina viperarum, quis ostendit vobis fugere à futura ira? facite ergo fructus dignos pœnitentia, & ne velitis dicere intra vos, Patrem habemus Abraham: dico enim vobis, quia potens est Deus de lapidibus istis suscitare filios Abraham. Et iterum: Multi ab Oriente & Occidente venient, & recumbent cum Abraham, Isaac, & Iacob in regno cœlorum: filij autem regni proicientur in tenebras exteriores: illic erit fletus, & stridor dentium.

Matth. 19.
* pro, vñ
cotidiano,
inf. 46. b.

Matth. 3.

Matth. 7.

INSTRVCTVS igitur venerabilis iuuenis quomodo processum martyrialis prælij meditaretur, victorum se precibus solatiandum implorans, animo lætiori in pace discessit. Et cum nos sapius idem, quamdiu illa horribilium claustra carcerum habuere, non desisteret visitare: frequenter tamen prudentissima Sabigotho latibulum illud scæminarum, quo sacratissimæ virgines Flora & Maria detinebantur, noctu quasi vna è compeditis incoluit, vt vel consolaretur certantes, vel se affectui commendaret certantium. Imo potius vt pugnandi pro Christo rege vsibus imbueretur, haberetque consuetudinem præliandi. Instabat precibus, obsecrationibus laborabat, vt memores sui existerent, adepto post triumphum sponsi consortio, quo saltem effuso cruore cœlum ingredi mererentur. Dant illico fiduciam hoc præstandi beneficium sanctæ virgines, quæ suas nouerant in nullo repugnari post victoriam preces, nec poterant commilitonibus quicquam negare, quæ se non dubitabant audiri.

Sabigotho
nuptia.
Flora &
Maria.

DVM ergo ancilla Domini Sabigotho proxime post martyrium virginum infra domesticos parietes Christo seruitutem minus suspecta persolueret, fessoque exercitatione vigiliarum corpori consulens paululum quieuisset, ferunt vtramq; virginem, Mariam scilicet & Floram, niueis amictas cicladibus, diuersarum ligustrium manibus gestantes manipulos, cum choro sanctorum phialas palmis gerentium, (quibus, vtputo, orationes eorum, qui ad prælium venerant informari, in conspectum Domini ferrent) omnes cœlestium luminariorum claritate fulgentes, eidem per somnium astitisse. Quas cum illa, vt arbitrabatur, sediliis se reclinari humillima supplicatione optaret, territa maiestate cœlicolum, vix tenui alloquutione aggreditur, dicens: Quam fiduciam olim præmissæ obsecrationis vobis in carcere, ô sacratissimæ virgines, me habere iubetis? Et si votorum meorum commodis potitura sum, gratissimis deflorate responsis, ne frustra currentes, in vacuum decidamus: ne vires nostri conatus vano consumantur labore, dum aliud intentio quærat, aliud merita expetant. Quia cum Deus plus meritis, quam precibus faueat, nouit tamen idem abdicare congeminatione precaminum, quam non iuuat dignitas meritorum. Idcirco, dominæ meæ sponsæ Christi

Flora &
Maria Sabi
gotho in
somnia ap-
parent.

Sabigotho
ad marty-
res.

*Sanctam
tyres ad Sa-
bigothem.*

sti, si haecenus sustinendi præmium sponſionis vestræ spes nobis fida subsistit, enarrate iubete: quo promptius ad superna tendamus, quo validius in certamine roboremur. Tunc eam sanctæ virginis cœlestium diffusionem gratiarum affatibus præditis demulcentes: commoda (inquiunt) vestri laboris in æthereis reposita, tempore necessario vobis metienda, seruata sunt. Nec labetur præscriptorum merces ad prælium, quod cogit athletas inuictissimos ire ad regnum. Martyrium denique vobis à constitutione mundi diuinitus præfixum, & prædestinatum est. Quod vos post paululum impleturas, congruit felicioribus solito sanctitatis studiis insistere. Quapropter libamina sacerdotum laboribus vestris adſciscite: suffragia implorate Sanctorum: vbique vos precibus seruientium Christo committite: votiuo veneranda Dei sanctuaria discursu incolite, & omnium religiosorum inquirete obsecrationes. Quia, quamlibet præscripta vobis quandoque futura sint præmia, per hanc tamen industriam veluti quibusdam gradibus innitentes, tantæ bonitatis arcem vos verum est posse contingere: nostrumq; sermonem huiuscemodi certum esse indicio contestantes, instanti vobis certamine, adhæsurum contuberniis vestris * cœnobitam nostrum mittemus, qui vobiscum palma potiturus martyrij cœlitus ordinatus est.

* *Georgium
monachum
intelligit.*

POST hanc visionem oculis intuentis abductam, vehementius tantæ rei miraculo beata Sabigotho ad perficienda bella Domini concitatur. Quæ mox hilior è somno exurgens, augeat opera sanctitatis, fragilem ad pugnam erigit sexum, supernoque munere vires ad certandum corroborat. Hinc iam fiducia, spe firmiori virum informans, omnino terrenis exui edocet, quoniam à principio mundi cœlestibus dedicati militis, continuo post victoriam cœlicolis admiscerentur.

*Tabanense
cœnobium.*

HINC magis, magisq; fruendi Redemptore & collegis sanctis ignito desiderio conflagrati, natorum postponentes affectum, spernunt quicquid mundialis peritura species continet. Omnia distrahunt, venditant vniuersa, quo liberiores in assequendo Christum existerent. Ex quo pretio quicquam infantulis relinquentes, totum aliud stipendiis applicant egenorum. Virorum ac mulierum visitant monasteria, præcipue tamen Tabanense cœnobium, de quo sæpius memorauimus, quia summis monasticæ regulis disciplinæ cunctum honestæ famæ rumoribus illustrabat Occiduum. Inde athletæ fortissimi hauriunt documentum: inde instituta percipiunt: ibi se poculo vitæ perennis ingurgitant. Ibi sanctissima Sabigotho frequenter cum ancillis Dei moratur: discit ibi totius sancti timoris industriam. Ibi geminum pignus sub beatarum tutela constituunt.

*Aurelij filii
sancti.*

OSTVENDA mundi renuntiatio, & admirabilis ardor diuinus, quo filiorum affectus respuitur: quo opum affluentia repugnatur: quo proximorum dulcedo refellitur: quo mors pro vita eligitur: quo labentia cuncta contemnuntur: quo intuitu æternæ felicitatis vincla, cædes, cruces, carceres, verbera, & tormenta pro summis habentur deliciis. Vna siquidem filiarum octennio, lustro altera ducebatur. E quibus ego post necem parentum minorem reperiens, vix tenerrimo ore facundiam exprimens, me infantissime adhortatur, vt genitorum gesta scriberem, proderem actus, elucubra- rem trophæa. Et cum propter hoc quid ab ea beneficij præstolarer, exquirerem (mira dicturus sum, tantillam ætatem talia quiuissè in promptu aduertere, nisi forte credendum sit, quod ab illo imbuebatur interius, qui ex ore infantium, & lactentium perficit laudem suam) impetrabo (inquit) pater tibi à Domino Paradisum.

*Psalm. 8.
Diuinæ in-
fantula ad
D. Eulogium
responsum.*

VERVM quia competenti occasione gratia differendi paruitatem infantularum, paululum ab ordine directo recessimus, quo rem scilicet post nouenum martyrij eorum mensem patratam subiungeremus: nunc ærumnosæ & sub mundanis adhuc molestiis laboranti inseruimus historiæ. Non nos obinde fraterna infamare debet reprehensio, vnde culpabiles argui non veremur à Domino. Nec obstat vltimo, an priori, medio vel loco veritas differatur, quandoquidem veritatis assertor nullatenus benedictione priuatur. Idcirco è vestigio repedantes, ad reliqua beatorum studiosius gesta referenda curramus.

*Aluaru ad
aurelium.*

CVM ergo intenti cœlestibus, omni tempore vigiliis, orationibus, eleemosynis, & ieiuniis incumberent: (frequenter tamen superno sydere in cubiculo suo, quo ista meditabantur, resperſi sunt, adeo vt illapsum iubar æthereum omnem præsentis speciem luminaris interpollans, horridum esse chaos sui comparatione autumari compelleret) diuinis sæpe reuelationibus eriguntur: fruuntur colloquiis Angelorum: lætitia cœlicolis mente & spiritu adunati, non sine graui molestia corporale onus ferebant. Quodam namque die, cum atrium serenissimi præceptoris nostri Aluari, to-

uari, toto in scripturarum scientia Occiduo laudari, gratia* collationis mutuae, no-
 4 straque alternanti propositione mentem erudiendi in scripturarum problematibus,
 petiuissem: reperi coram eo militem Christi Aurelium, consultum agonizandi qua-
 8 rentem, & quatenus arriperet martyriale auspicium implorantem. Quem idem Do-
 ctor egregius, & temporis nostri fons sapientiae profluus, Patrum exemplis instituens,
 iubet primo constantiae vires perpendere, secretum suum advertere: considerare ar-
 canum: & utrum imminetia magis nosset ferre, quam declinare supplicia, ultimo ex-
 cepturus delicatis ceruicibus gladium. Et si magis merita martyrum adipisci, quam vo-
 cari martyr contenderet. Et si magis terris ignotus florentibus caelo meritis catalogo
 10 electorum sese affectaret describi, quam in supernis diminuto praemio, famosum tem-
 poralis martyrij anhelaret nomen habere. Tunc ille, se usque ad mortem dimicatu-
 rum spondens, nulla prorsus vi tormentorum intentionem suam superandam esse fa-
 tetur. Mihi, mihi, inquit, maximum vitae solatium Christus est, & mori lucrum. Cui
 14 terrena conuersatio teterrimae noctis caligo est, & memoria transitus mundialis per-
 petuae lucis odorem aspirat. Fit commune deinceps gaudium causa nostri aduentus:
 de aeterno admodum intuitu latamur. Credimus interesse concilio nostro verbum
 Patris altissimi, qui ubique nomini suo dicato collegio se illabi testatus est, dicens: Vbi
 18 cunque fuerint duo vel tres in nomine meo congregati, ibi sum in medio eorum. Et
 cum plura suo agoni competentia referremus, idemque gratissimis animis nostrum ex-
 20 ciperet documentum: satis, ut reor, collatione nostra iuuatus, continuo bella Domini
 initurus, ad propria regreditur.

BEATA vero Sabigotho nonnullis ante passionem diebus dum sola domo resi-
 deret, Christumque ob perfectionem martyrij sui, quibus posset* questibus obsecrare
 4 subito astare sibi mirae pulchritudinis virginem cernit, angelico vegetatam deco-
 re, primum, ut putabatur, adolescentiae florem gerentem. Cui cum illa diceret: Tu
 quis es filia? & si è vicino accedis, causas tui aduentus ediscere. Protinus spectabilis
 virgo, soboles, inquit, amici vestri Montesis sum, quam tu mundialibus ærumnis scis
 olim exemptam, quamque eadem hora, qua supremis vexabatur angustiis, priusquam
 30 propius visitares, reperisti exanimem. Et cum te ego sæculo pene eliminata non no-
 uissem, ipso tamen obitus mei momento quis esses Domino reuelante agnoui: & nunc
 eo mittente praeuia nunciatrix palmae tuae accessi. Instat namque iam vobis tempus
 exequendae victoriae: adsunt dies publice profitendi fidem Catholicam, hostemque re-
 pellendi teterrimum. Quibus sedatis litibus caelorum penetralia vos coronandos
 adsumunt, perpetua deinceps pace fundatos. Igitur scrutans cor suum venerabilis fœ-
 mina, secumque meditans eloquium adstantis, confestim reuoluta memoria, rem
 gestam agnoscit, & priusquam grates euangelizanti sibi puellae referret, labitur à con-
 spectu eius illa virginalis species ætheris nuncia, & praeco sui martyrij. Fit læta tali præ-
 conio: animatur coelesti oraculo, & tanto spe firmiori ad praelium excitatur, quanto se-
 se patratae actionis veritate cernit informari.

40 VERVM ut magis magisque scopo praedestinationis suae intenderent, essentque non
 dubij de mercede reposita, siue ut sanctarum virginum impleretur edictum: octonis an-
 te suam captionem diebus, dudum promissus ille confessor contuberniis eorum adsci-
 scitur, & inconuulsibiliter his quodammodo alligatus, felici martyrio omnes sub vno
 momento pariter coronantur. Idcirco congruum iudicauimus, eiusdem monachi ra-
 tionem, quia optio intercessit, exponere, & quod vehementi admiratione ætatem no-
 stram eius causa concussit, succiduis quoque generationibus opere dignum relegenda
 mandari: ut in eo Catholicorum religiositas incremento fidei augeatur, in quo sui Re-
 demptoris oraculum speciali quodammodo cernit esse veritate impletum. Prædixe-
 rat quippe magister noster & Dominus, quod multi ab Oriente & Occidente venien-
 50 tes, recumberent cum Abraham, Isaac, & Iacob in regno caelorum. Quod testimo-
 nium reuelatis contuemur effectibus in ipso monacho, atque leuita Georgio omnino
 perfectum.

HVC rus Bethleemiticum ortum, & incolatum æthereum peregrina littora
 contulerunt: hic, inquam, vir ultra maria procreatus, ab adolescentia seruitute Dei ob-
 5 lectatur. Viginti & septem annos apud monasterium sancti Sabbæ, quod ab Hiero-
 solyma in parte Australi octo milliaribus distat, cum quingentis, (ut ipse nobis ore suo
 professus est,) qui in eodem cœnobio morabantur fratribus adunatus, sub regulari
 magisterio deguit. Quem venerabilis Abbas David, eius ascisterij tunc procurator,
 ob* stipendium monachorum Africam mittens, is nullo modo tot interiacentia ter-
 10

Georgium mo-
nachum.

Sancti Sabbæ
monasterium.
David abbas.

*Videtur, quod
eleemosynarum
sup. pa. 44. m.

Marth. 7.

Ad Philipp.
10.

Matth. 18.

*pro, latine
rationibus,
aut querelant
unde vulga-
re nostrum no-
men. Quæda
tractum vi-
detur. Vide
et inf. pag.
82.

Montesis stu-
lia Sabigo-
thoni appa-
ruit.

*Africa Ec-
clesia D. Em-
logij tempore
afflictissima*

rarum, mariumq; distulit subire discrimina, quibus utique incunctanter commodum summæ virtutis obedientiæ nouerat promereri. Sed cum ibidem vapulare asperius Dei Ecclesiam incursatione tyrannorum reperisset, Hispaniam quoque eorum, quibus missus fuerat, consultu aggreditur. Erat enim, ut ipsi de eo certissime approbauimus, summæ humilitatis, magnæq; abstinentiæ vir. In omni eloquio suo, dicto, atque responso timor Domini resonabat: ocius semper de puro cordis fonte charitatem exhauriens, fauim dilectionis promebat. Prædicabat cœlestis desiderij requirendam esse compunctionem: mortificare cum vitiis & concupiscentiis membra iubebat, ut in aduentum Domini recidiuo virtutum animata vigore, gloriosiora cum ipso apparerent. Ita sobria præditus sanctitate, iustus videri, vel dici nimium recusabat, iucundus admodum, hilaris, modestus, & abstinens sic utebatur mundo, tanquam non vteretur. Et cum forte, fraterna impetrante charitate, cibum sumere cogeretur, epulabatur parcius: bibebat sobrie, ut magis abstinentem iudicares, quam vescentem. Merum aqua tamdiu temperabat, vsque dum color inficeretur, sapor abesset. Insipidus namque ille gustus, (ita referebat) nec bibere nimium, nec temulari conuiuium patitur. Crebrius ad exorandum currebat: vigilabat attentius: sapius corde diuinum carmen meditabatur, dicebatque: Benedicam Domino in omni tempore, semper laus eius in ore meo. Et cum variis linguis peritus existeret, Græca scilicet, Latina, atque Arabica: nec qualemcumque saltem propter has gloriam affectauit. A die qua monasterium petiit, & cohortibus monachorum ascitus est vsque ad coronam martyrij sui, (ut ipse quibusdam secretius retulit) nec lotus aqua, nec balneis vsus est. Quamdiu nobiscum conuersatus est, nulli omnino ordinem suum reuelauit, nisi cum iam carcere detineretur.

Psalm. 33.

*Georgij de
seipso scri-
psit.*

6 COMMENTATVS est fratribus, ac propinquis suis, cunctisq; patriæ suæ ciuibus martyrij sui breuiarium: quod mihi causa expoliendi transmisit: ne incultior sermo fidem rei gestæ, quibus mittebatur, adimeret. Ibi in principio dictionis suæ monachum se, atque leuitam fore testatus est. Verum quid opus est sermonem in longum protrahere? Quasi non summam reuerentiam vitæ hominis Dei martyrialis cruor adhibeat, præsertim cum quantus, & qualis extiterit effusus propter iustitiam Dei ipse eius martyrialis cruor insinuet, & quod peregrinus mundo peregrinam non reuens sepulturam, omnem penitus genitalis soli, affiniumq; affectionem repulerit. Aut quæ potius laus militem Christi extollet, quam pro Domino mortem, pro vita animâ, pro crucifixo cruorem dedisse? ut ipsum esset redhibitio famuli, quod extitit victoria crucifixi. Quomodo autem beatus minister cœtui sanctorum agglomeratus fuerit, melius ore ipsius sancti Georgij credimus posse innotescere, quo vel nostræ dictionis series, interposito martyris eloquio, quasi desuper benedictionis sale condidatur: vel præstantius commercium suæ connexionis cum cæteris sanctis eodem narrante addiscatur. Nam & ipsis diebus, quibus vna cum sanctis habuit conuersationem, sua ac prædictorum martyrum gesta breui satis stylo exponens, ultimo nobis comprobanda direxit. Ex cuius dictis ea huic operi inferenda curauimus, quæ ad insinuandam eorum coniunctionem satis esse præuidimus. Cætera vero, quæ post defectum sermonum serui Dei sequuntur, nos obtentu, quo cœpimus, indagauimus. Inquit autem hoc modo.

Georgij monachi epistola.

IN nomine Patris, & Filij, & Spiritus sancti. Vniuersæ Catholicæ Ecclesiæ à me indigno & peccatore Georgio monacho, necnon & diacono fratre, & collega seruatorum Dei filiorum sancti Sabbæ quingentorum virorum, perfectam in Domino IESU Christo salutem. Cognoscite, ô fratres charissimi, introitum meum in Hispaniam nihil aliud fuisse, nisi gratia stipendij vestri requirendi, qui sub arctissima regula, & regimine sancti patris David Hierosolymis degitis. A quibus Africam missus, deinceps in Hispanias commigraui. Sed hanc ipsam * insulam nimis afflictam reperiens, cœpi cogitationibus variis æstare, ut aut proprium solum reuiscerem, aut regna Christianorum, id est, Franciam peterem. Et cum proximos, & charissimos super hac re consul- rem, nonnulli peragrarere iubebant, plerique ad cœnobium meum reuerrere cogebant. Hinc velut dubius, diuerso præpeditus tractatu, cui me primo cogitationi submitterem, nesciebam. Pergens autem de Corduba ad Tabanense cœnobium, quo fratrum & sororum benedictio iter meum comitaretur, dixit mihi Abbas ille Martinus, & soror eius domina Elisabeth. Veni frater, & accipe benedictionem ancillæ Dei Sabigothonis. Quæ mox ut me intuita est, promissus (inquit) nostri certaminis comes, & collega, hic monachus erit. Ego vero agnita causa eius, & ratione comperta, illico pedibus eius aduolutus pro me Dominum exorare rogavi, ut forsitan Spiritus sancti respectu illustratus, ad ea, quæ illa præstolabatur, peruenire meruissem. Et illa: Vnde hoc no-

* Quod per mare ex Africa in eam traiecit, ita vocat.

Tabanense monasteriū.

hoc nobis (inquit) pater, vt tu cum peccatoribus pergas? Cumq; eadem nocte ibidem mansissem, apparuit mihi in visione noctis ipsa venerabilis mulier Sabigotho, & nescio quod genus odoramenti pretiosissimi ligni accommodans, referebat. Ditiore ex hoc mihi thesaurus est. Mane autem facto, descendimus ambo in ciuitatem ad virum suum Aurelium, prostrauiq; me pedibus eius, petens ab eo, vt oraret pro me, quod illis in martyrio socius essem. Qui statim præbens assensum, exarsit in me ignis cœlestis per orationes eorum, & factus sum vnus ex illis: & ex tunc non sum ab eis separatus, sed omnes pariter in domo sancti Aurelij congregati, reddimus Domino cum iucunditate vota laudationis. Ibi apud illos reperi beatum Felicem cum coniuge sanctissima Liliofa, ¹⁰ qui & ipsi iam omnia sua vendiderant, & locis sanctis, seu pauperibus erogauerant, parati omne genus tormentorum propter filium Dei, & dilectionem eius suscipere. Eadem hora exiui ab eis, & causas, quibus præpediebar, in omni festinatione composui. Et sic demum valde iam roboratus, ad eos reuerti. Qui læti & exultantes de reditu nostro, gratias Deo referunt, dicentes: Scimus, frater charissime, quia Dominus te misit ad nos. Post hæc omnes in communi cœpimus cogitare, quomodo ad desideratam perueniremus coronam, & ita Domino dispensante visum est nobis, vt pergerent ⁸ sorores nostræ reuelatis vultibus ad ecclesiam, si forte nos alligandi daretur occasio, & ita factum est. Nam reuertentibus de ecclesia mulieribus, quidam præpositus obuius ⁹ adstans, cum causam religionis agnosceret in fœminis, illico viros interrogat, quid ²⁰ sibi vellent ille recursus fœminarum ad sanctuaria Christianorum? Qui responderunt: fidelium mos est ecclesias visitare, & atria venerabilium martyrum pio deuotionis affectu requirere. Vnde quia Christiani sumus, ideo nos ipsius fidei gestare vexillum profitemur. Statimq; iudici delator accedens, omnem rationem nostram coram eo dolosis linguis proponit. Post hæc vadit dominus Aurelius filias visitare, quibus pacis osculo vale dicens, cœlesti virtute armatus ad prælium festinauit. Sed hic iam sanctus Georgius stylum compescens, nos quæ restant, vt ocepimus, prosequamur.

Ipsa postea die, quo se beatus Aurelius nouerat comprehendi, priusquam auroræ crepusculum respiraret, domo nos gratia valedicendi reuifens, precatur pro se Dominum exorare, sui que agonis fautorem per nos fraternam fieri charitatem exponat. Ibi nos illi commendauimus. Ibi patrocinium suum pro nobis, & pro omni ecclesia fieri, osculatis manibus eius, impetrauimus. Post hæc, datis inuicem osculis, separamur in pace.

*Aurelium ante
re martyrium
Eulogium
inuit.*

IGITUR, cum prolatam aduersum Dei sanctos iudex quæstionem intenderet, sciretque authorem huius rei esse Aurelium: grauius ex hoc interius vulneratus præcepit eos quam propere suis conspectibus exhiberi. Tunc milites rapido cursu domum beati Aurelij occupantes, qua omnes sancti collecti manebant, præforibus clamare cœperunt: Exite miseri: exite cominus morituri, quibus vita præsens tedium est, & mors pro gloria computatur. En iudex vocat, instat decretum ultionis effundere: contere vult recedentes à cultu, rebellia paratus colla præscindere: pergite ⁴⁰ vos modo iam debitum mortis exoluere, & commissæ præuaricationis pendentem sententiam. Ex hinc viri cum mulieribus suis quasi ad epulas inuitati procedunt: vadunt ouantes: læti profiliunt; putares eos iam apud iudicem sua inuenturos donaria, qui nihil aliud habere poterant, quam tormenta. Et cum se Georgius sanctus à militibus cerneret non teneri, illico sancta fretus audacia in exprobrationem li-
storum conuersus. Quare (inquit) priuilegium hoc fidelibus irrogatis, & vanum, colere violenter cogitis numen, quos sancta fides proprios hætenus vendicauit? Vt quid alieni à Deo vero perditioni vestræ agglomerare nitimini prædestinatos ad vitam? An non poteritis vos infernalium claustra adire, nisi nos comites habeatis? Nunquid sine nobis æterna vos cruciamina non adurent? Vos abite, vos illuc per-
gite perituri, quo simul cum duce vestro inferorum deliciis perfruamini. Nam ⁵⁰ quid nobis cum tartaro, quem CHRISTVS Deus noster penetrauit, absorpsit, expoliavit, & vicit: vt non iam auderet fideles addicere, qui pridem consueuerat priuilegio suo Sanctos diripere? Vix ille sermonem compleuerat, & iam furens dextra satellitum in iniuriam monachi laborabat. Quem diuersis laceratum sti-
mulis solo allidentes, calcibus etiam, pugnisque acerrime tundunt. Cui cum sancta Sabigotho (iam emortuum putans) surge, frater, eamus, clamaret: ille, quasi ni-
hil mali esset perpeffus, respondit. Hæc omnia, soror, meritorum commodis pro-
sunt, augentque coronam. Et ita, seminecem à terra leuantes, pari cum sanctis ducatu iudici astare fecerunt. Quibus oblatis, cum primum ab eis blando affatu requi-

*Antiqua
Hispanorum
inde osculati
diu manebant
nos.*

*Aurelius cum
ceteris com-
prehensus.*

*Georgius ca-
pitur, & mi-
serè pulsa-
tur.*

reret, cuius rei causa à cultu suo recederent? viuere recusarent? niterenturque pèr-
dere temporalium commodum multiplici deliciarum flore vernans? quos vtrique
postmodum in futuro non solum muliebris oblectatio admirabilis, verumetiam di-
gnitatum, & ferculorum copia demulcendos expectaret: protinus quasi ex vno ore,
Nulla (inquiunt) ò arbiter temporis, affluentia lucris comparatur æternis, quorum
gratia hanc vitam despicientes per fidem I E S V Christi, qua omnis sanctitatis opera-
tor iustificatur, eius denique in futurum benedictionis requie, quæ sanctis promissa
est, nos potituros confidimus. Omnem vero cultum, qui à Christi diuinitate dissen-
tit, nec proficitur sanctæ Trinitatis essentiam, refutat baptismum, infamat Christi-
colas, sacerdotio derogat, omnino reprobum iudicamus, pro nihilo rerum labentia
computantes, quæ non diu subsistunt: quæ autem diligentibus se Christus promissit,
cum sint ineffabilia, semper tamen indefessa iugitate perdurant, & nec oculis con-
templantur, nec aurè captantur, nec corde perpenduntur. Verum, vt credo, quid-
dam etiam aliud religiosius diffuso ore sanctis ante iudicem asserentibus, sectamque
impiorum fortiter expugnantibus, in furore maximo concitatur iudex: rapido tra-
ctu eos carceri applicandos insinuans, importabilium vinculorum onere aggrauari
decreuit.

*Sancti in
carcerem
missi.*

CONTINUO exultantibus animis beati martyres ergastulum adeuntes, gau-
dent auspicio passionis, paruipendunt supplicium, perstrepunt hymnos, insonant
laudes; psalmos persoluunt; insistent orationi, qua fauente Domino victoriam adi-
pisci præualeant. Visitantur ab Angelis; miraculis illustrantur; dissiliunt vincla; &
non audent restringere, quos Christus absoluerat. Ibi etiam, quam cœlis sortem ha-
berent, reuelante Deo agnoscunt. Hinc de palma securi manentes, & Christum, cui
fideliter seruierunt, cernere festinus anhelantes, dilatant vsque in quintum diem mor-
tem suam; serumq; putant se diutius elongari ab illa suauitate regni cœlorum, quam
crebris iam corporeis † vñibus ferme intuebantur.

*II
forte, Gysibus.*

AT CVM iam in forum prosternendi educerentur, venerabilis Sabigotho ar-
mare virum sanctis alloquiis cœpit, confortat, instruit, & confirmat. Introducuntur
palatio, consulibus adstant, adhibentur opes, exhibentur fasces, quibus, si crede-
rent, fruerentur. Sed his oppido in professione sua demorantibus lictoribus perimen-
dos instituunt consules: sospitem abire sanctum Georgium decernentes, pro eo quod
iidem ipsi optimates & priores palatij nihil conuictorum proferentem eum aduersus
vatem suum audiissent. Ille vero minister egregius protinus, vt se comperit derelin-
qui, nec sub vno cum sociis ictu mucronis perimendum institui: cur ait, ò principes
de professione mea, quam coram vobis non protuli, dubitatis? aut putatis me de dis-
cipulo Sathanæ quidquam prosperum cogitare? Ego enim, vt verius agnoscatis illum
angelum, qui eidem præceptori vestro, transfigurando se in spiritum lucis, apparuit;
dæmonem credo fuisse, & hunc cunctis abiectiorem hominibus adiudico, vtpote
diaboli credulum, Antichristi ministrum, & vitiorum omnium labyrinthum: qui non
solum se voragini barathri immerferit, verum & nos sequepedas suæ per inania insti-
tuta æternis dedicarit incendiis. Tunc, in insaniam procures concitati præualidam,
vna simul cum cæteris sententia necandum præcipiunt. Ac sic primo beatum Felicem,
deinde sanctum Georgium trucidantes, post venerabilem Liliōsam, vltimo egre-
gios Agonistas Aurelium & Sabigothonem interimunt, 6. Kalendas Augustas, Era-
dies Iulij 27. DCCCXC.

*12
Annus Do-
mini Dcccii.
dies Iulij 27.*

13 QVORVM corpora nostri Christiani furantes diuersis locis recondunt. Geor-
gius namque cum sancto Aurelio Pilemelariensi cœnobio seruantur. Beatus Felix san-
cti Christophori, quæ vltra flumen est, aulam tuetur. Sancta Sabigotho sanctorum
trium cineribus adunata est. Requiescit apud Genesium martyrem venerabilis Liliō-
sa. Capita vero Georgij & Sabigothonis incolunt. * * * *

*Pilemelari-
ense mona-
sterium.
Sancti Chri-
stophori mo-
nasterium.
Basilica san-
ctorum Fau-
sti, Ianuarij,
& Martia-
lis.*

HI SVNT qui propter testimonium Dei, & fidem I E S V Christi, vsque ad mor-
tem certantes, nihil amoris eius præposuerunt, non filios, non parentes, non affines,
non proximos, non amicos, non res, non vicos, non possessiones, non prædia. Sed
omnia post tergum abiicientes, mortificatis cum vitis, & concupiscen-
tiis corporibus, ad æternam immortalitatem producti sunt.

*14
Sancti Ge-
nesij basili-
ca.*

Regnante Domino nostro I E S V Christo

in sæcula sæculorum,

Amen.

Christo-

¶ Christophorus, & Leouigildus monachi martyres. Cap. XI.

DEINDE Christophorus monachus contribulis noster, ephebus adolescens, ¹ Cordubæ natus, & à pueritia nostri auditor, qui post nostrum magisterium ^{S. Martini} cœnobium S. Martini, quod est in montana Cordubensi, loco, qui appel- ^{monasteriū} latur Roiana, ingressus magnum pie volentibus conuersari specimē san- ^{Rosana di-} ctitatis ostendit. Hic agnita præcedentium nece sanctorum concito gressu in urbem ^{ctum.} descendens, mox obuiare iudici non extimuit: & reddēs coram eo testimonium ve- ² ritatis adnuntiat Euangelium, sancta Domini prædicat, prophanationibus deditum ¹⁰ vulgus exhortatur, arguit male credulos, luituros cum auctore falsario æternum pro- fert incendium. Quem continuo iudex sauo commotus furore carceri deputat: arcti- oribus macerandum vinculis commendat.

³ T V N C etiam Leouigildus monachus Eliberi progenitus, plenæ iuuentutis, vir ^{Eliberi Urb.} sanctus, iustus, & timoratus ex cœnobio sanctorum Iusti & Pastoris, quod est in interio- ^{Sanctorum} ri montana Cordubensi, loco qui dicitur Fraga inter cliuosa montium & condensa syl- ^{Iusti & Pa-} uarum, confini viculi Leiulensis, qui à Corduba distat quinque milliarios Iustros, quo- ^{storis mona-} se nuper moraturus contulerat, martyrio potiturus aduenit. Et priusquam forum in- ^{sterium.} traret, instituēdi se gratia nos inquirens, obsecratur, precatur, exoptat, vt conatus suos ^{Fraga.} nos precib. iuuaremus, eiq; benedictionem consummandi agonem traderemus, pro- ^{Leiulensis} mittens se nostri curam gerere ante Dñm. Cumque à nobis firmatus in pace discede- ^{Vicus.} ret, mox coram iudice suam relaturus professionem adstans, dat testimonium fidei ⁴ secundum cæterorum constantiam: qui cæsus alapis, conuictisque distentus illico a- ^{Leouigildus} pud sauos carceres traditur alligandus. Ibi se famuli Dei alterno fouent consultu, ro- ^{Eulogium} borantur in inuicem: sicque pari voto connexi, cum iam mactationis hora instaret, præ- ^{adit.} ire S. Christophorus B. Leouigildum reuerentia ætatis exoptat, postmodum ipse ruitu- rus. Et ita hoc ordine vterque interiit, 13. Kal. Septemb. Era qua supra. Quorum corpo- ⁵ ra suppositis adusta incendiis, antequam penitus vrerentur, fidelium cura erepta apud ^{Annu Do-} basilicam Sancti Zoili sepulta sunt. ^{mini Decclij.} ^{dies August.} ^{20.} ^{S. Zoili basi-} ^{lica.}

¶ Emilia, & Hieremias martyris. Cap. XII.

POST non longo iterum interuallo, duo adolescētis illustres ex ciuibus Cor- ¹ dubensib. nobili familia procreati, ad palestram martyrij cucurrerūt. Emi- ^{Basilica S.} la scilicet, & Hieremias, qui ab infantia sua apud basilicam S. Cypriani lite- ^{Cypriani.} ras edocētes, vnus ad ministerium diaconij consecratus, alter in habitu lai- cali degebat simpliciter. Et quoniam vterq; Arabico insigniter præpollebat eloquio, ⁴⁰ ferūt tanta per eandem linguā in eorum vatem volubilitate egregium Emilam exagge- rasse opprobria, vt præcedentium martyrum conuitia obliuiscerentur, cernentes ho- ^{Sarraceno-} rum prosecutiones contra suum dogmatistam acrius inualere. Et idcirco nō iam so- ^{rum pertur-} lummodò de mortib. resistentium sibi excogitare cœperunt, verumetiam totam ex- ^{batio,} tirpare Ecclesiam ruminarūt. Quoniam nimio terrore tot hominum recurrentium ad martyrium concussa gentilitas, regni sui arbitrabatur excidium imminere: cum tali et- iam virtute præcinctos paruulos præuideret. Quos per carcerem maceratos, postremū gladio vindice peremerunt. Et cum totus ille dies clara esset serenitate lustratus, sub- ito eadem hora qua decollati sunt, vehemens tonitruorum fragor exurgens mundo in- cutitur: spargit radiātia lampadum fulgura æther superos auelli cardines existimares. Armatur nube grandinum axis: fuscatur dies: turbinibusque inficitur aër: pios cecidisse athletas elementa fatentur. Quorum corpora equuleis suspendentes, vltra amnem ⁵⁰ statuunt, 17. Kalendas Octob. Era qua supra.

¶ De Rogello, & Seruio Deo martyribus. Cap. XIII.

QUAD adhuc præfatos martyres ergastula haberent, ecce alij duo superuene- ¹ runt eandem quam cæteri professionem tenentes, eodemq; voto hostē fi- ^{Eliberi Urb.} dei expugnātes. Quorum vnus Eliberi progenitus, ex vico qui dicitur Pa- ² rapanda, monachus & eunuchus, iam senex prouectaq; ætatis nomine Ro- ^{Parapanda} gellius aduenit. Alter, Seruio Deo vocatus, spado adhuc iuuenis ante paucos annos ab ^{Vicus.}

Orientis partibus ultra maria in prædictam urbem habiturus peregrinus accessit. Hi vero pari se foedere colligantes, vnum propter iustitiam Dei vsque ad mortem certandi votum gesserunt, nullo casu ab inuicem recessuri, quousq; cœlestia sanguine mercaretur. Ideoque sanum illud sacrilegorum petentes, in quo exceptum vulgus abominabiles ritus sapius reddere conuenit, transcendunt limina, turmis se ingerunt, prædicant Euangelium, sectam impietatis subsannant, arguunt cœtum. Appropinquasse regnum cœlorum fidelib. infidelib. autem gehennæ proponunt interitum, quem proculdubio ipsi incurrerent, nisi ad vitam recurrerent. His, & huiusmodi verbis populū exhortantes, necdum ab ore eorum sermo recesserat, & ecce, quasi crepitans in sentibus rogos cohors malignantium aduersus Dei famulos exardescēs cedit, lacerat, percutit, obruit, 10 nititurq; perimere sanctos, qui delubrum suum intrare præsumpserant (quod apud illos quoq; grande facinus reputant) & nisi iudex adesset, qui quodā priuilegio potestatis insipientis populi murmur compescuit, tunc iā vitę spiraminib. priuarentur. Quos ereptos cædentium manib. carceri deputans astringi ferro grauius iubet, furibusq; admiscet. Ibi etiam adhuc prædicant, prophetizant, instare mortem tyranno annuntiat, laudant religionē, vanitatem refellunt. Et cum penitus vigor mēbris deesset, qui ferret supplicium: non tamen destitit lingua vsq; ad mortem à præconando veritatis oraculo. At vero pro eo quod templū suum Euangelizando intrassent, decernunt eos tyrāni & consules, prius manib. pedibusq; abscissis, decollari postremo. Gaudēt tali decre- 20 to famuli Christi: exhilarantur oppido huiusce mortis sententiā excepturi. Instat ferocissimus carnifex, clamat, frendet, minatur, festinare ad pœnam iubet electos, quos utique cernebat maiorem migrandi habere affectum, quā idem inferendi interitū gerebat. Quis illius horæ, fratres charissimi crudelitatem exponat? quis referat clades? quis cruces adnuntiet? quis deniq; admirabilem sanctorum enarret constantiam? Cum & ipsa gentilitas, tali spectaculo stupefacta, nescio quid de Christianismo indulgentius sentiebat. Igitur statuti in loco decollationis martyres sancti, antequam licetor admone- ret, palmas extendunt, lacertos parant: iniectumq; iugulum vlnis excipientes, in diuersa manus dissiliunt. Deinde crurib. amputatis, nulla compuncti tristitia abscissis denuo 30 collis corruerunt. Quorum cadauera, ut erant truncata, patibulis affigentes, ultra fluiuium crucibus cæterorum adsciscunt, 16. Kal. Octob. Era qua supra.

Martyres
ante obitu-
cationem
discorpi.

Anno Do-
mini Decclij.
dies Septem-
bris. 16.

¶ Consilium Christianos disperdendi, quod rex cum proceribus iniit. Cap. XIV.

PRÆTEREA Martyrum causa Ethnici conturbati, ipseque rex in furorem maximum concitatus, varia corde præmeditatur, quibus posset intentionē sanctorum reprimere. Sciscitatur etiā sapientes, explorat philosophos, re- gniq; sui consules super hac re percontatur. Qui omnes vnanimiter in per- 40 niciem conspirantes fidelium, cōprehēdi Christianos, & vinculari sub arctissimos carceres decreuerunt. Tunc iam proculdubio enecandi eos difficultas fuit adēpta, si quis quā vatis sui tēmerari⁹ exprobrator ultra occurreret. Hac nos miseri opinione cōperta, diffugimus, abimus, euagamur, delitescimus, timidoq; discursu & habitu demutato nocturna silentia carpimus. Decidente folio exturbamur, crebro māssiones mutamus, tutiora loca requirimus, ac tremebundi vndiquaq; dilabimur, mori formidantes per gladiū, quandoq; morituri per debitum. Qui ideo forte martyriū fugimus, nō quia time- 40 mus mortē, quæ quandoq; ventura est: sed quia indigni sumus martyrio, quod quibusdam, & non omnibus datum est. Qui n. nunc martyrizantur, & martyrizandi sunt, ab initio mundi præscripti sunt, dicente Apostolo: Quos præsciuit, & prædestinauit conformes fieri imaginis filij sui, ut sit ipse primogenitus in multis fratribus. Quos autem 50 prædestinauit, hos & vocauit: & quos vocauit, illos & glorificauit.

Christiano-
rum dispersio.

Martyrium
Dei est donū.
Ad Rom. 8.

¶ Christianorum perturbatio, & eorundem variae sententiae in concilio Episcoporum Corduba congregato. Cap. XV.

Matth. 23.

M

VLT I Igitur horreo inutiles Dominico, electi foras de rete apostolica, ab eo, qui non ut bonos vasis recondere: sed potius ut stipula, inextinguibili meruerunt incendio deputari, nobiscum vel fugere, vel compati, vel etiam delitescere recusantes; pietatem relinquunt, fidem præua-

præuaricantur, abdicant religionem, crucifixum detestantur. Sese (proh dolor) impietati tradentes, submittunt colla dæmonibus, blasphemant, detrahunt, subuertunt-² que christicolæ. Plurimi etiam, qui pridem nobiscum sano sensu victorias martyrum *Christiano- rum Garsa* prædicabant, constantiam efferebant, laudabant trophæa: extollebant agonem: tam *sententia de* ex sacerdotibus, quam ex laicis sententias mutant, aliter sentiunt, iudicant indiscretos, *martyribus.* quos hætenus felicissimos afferebant, pro eo quod ipsi sancti infirmioribus nolentes compati, suæ potius tranquillitatis, & pacis commoda, quæ in cœlestib. sanguine mercari fidebant, quam nutanti Ecclesiæ inter scopulos perfidorum consulere studuerunt; quibusdam ex lege sententiolis, immutationem oris sui, ac linguæ versibilitatem quasi *Ad Rom. 8.* 10 roborare nitentes. Non perpendentes, quod nullus tantæ præscriptus militiæ, & cœlesti curiæ adnumerandus, instante hora vocationis, nexibus retineri posset mortalibus: cum quotidie in scripturis sacris nobiscum perlegant, quod nec vita, nec læua pericula, nec ipsa etiam mors sanctos à charitate Domini nostri IESV Christi auellere vnquam præualeant.

ILLI autem, qui ab initio actus non destiterunt infamare sanctorum, foedaque *Eulogium* susurrante eorum conati sunt intentionem euertere, bellum quod militibus glorio- *Christiani* sis nequieuerunt inferre, in nos crudeliter vertunt: nosque authores huius rei existere *calumniam- tur.* asserentes, nostro instinctu illa omnia perpetrata fuisse accusant. A deo ut quidam illius *3* temporis publicæ rei exceptor, præpotens vitiis & diuitiis, solo Christianismi nomine *Exceptor* 20 denotatus, operibus autem Deo & angelis eius ignotus, à principio certaminibus bea- *Christiansu* torum infensus, detractor, derogator & infamator eorum, iniquus, tumidus, elatus, su- *martyrum* perbus & improbus, quodam die præsentis concilio Episcoporum multas aduersum *infectator.* 4 me, linguam commouens, exaggerauerit contumelias. Anathematizare sanctos de- cernit talia meditantes, maledicere imperat, persequi stylo iubet electos. Verens infel- icissimus omnium, ne iacturam honoris patiatur. Qui non solum nullam reuerentiam sanctis exhibere studuit, verum etiam prædicare sinistrum esse, quod agunt in populis, præcepit.

Et quanquam metu compulsi, seu metropolitanorum iudicio, qui ob eandem *Concilium* causam tunc è diuersis prouinciis à rege fuerant adunati, aliquid cōmentaremur, quod *rationalē* 30 ipsius tyranni ac populorum serperet aures: inhiberetur esse martyrium; nec licere cui- *Corduba cō-* quam deinceps ad palestram professionis discurrere, præmissio pontificali decreto ipse *gregatum.* 5 literæ nuntiarunt. Eademque schæda minime decedentium agonem impugnans, q- *Concilij sub* futuros laudabiliter extolleret milites percipitur: verumtamen allegoricæ ædita, nisi à *ile decretū,* 6 prudentibus aduerti non poterat. Non tamen inculpabile illud fuisse putamus simula- tionis consultum: quod aliud gestans, & aliud sonans, quasi à discursu martyriali plebē *7* compescere videbatur. Quinimo nisi legitima satisfactione, saltem pro plebe nullatenus remittendum esse confitemur.

40 ¶ *Habdarrahgman rex subito moritur, filius eius Mahomad in regno succedit. Cap. XVI.*

DEnique cum ex omni parte Christianis immineret interitus, ardensque immani furore comminatio principis multos electorum errare compelleret: plerique nobis illam exprobrationem Israeliticam, cum se grauius opprimi cernerent, inferebant, dicētes. Videat Dominus, & iudicet, quoniam *Exod. 5.* fecere fecistis sudorem nostrum coram hoc tyranno, & seruis eius, & præbuitis eis gladium, ut occiderent nos. Crescente etenim numero martyrum, crescebat in maius iracundia principis, augebaturque fidelibus conturbatio, ut pene casus nostri olim *Exod. 6. 6. 7.* 50 Pharaoniticis contra Israel persecutionibus computarentur. Qui sicut ob interuentum Moysis ad Pharaonem pro populo Dei acrius Ægyptij desæuiunt, & operum gra- uissimorum importabili calamitate subditos opprimunt: ita quoque & nos ex eo, quo sancti ad prælium descenderunt, ut loquerentur ex nomine Domini nostri IESV Christi coram rege, & profiterentur consulibus & iudicibus Euangelicam veritatem, proderētque falsitatem vatis iniqui: solito asperius euertimur, & funditus à ministris demoniorum perdendi insequimur. Cumque tanta coarctati angustia crebrius gemere- *1* mus, & latentibus ac vagantibus nobis, denuo Pontifex horribili carcerum specui tra- *Episcopu in* deretur, nullusque nobilium laicorum ingredi fores auderet, futurum in perendie cr- *carcerem* *du. mo.*

*Habdarrah
gman regis
miser obitu.*

3 gastulum metuentes: coepit rex alta ædium petere, scanditque sublime solarium, oppi-
da lustraturus, confestimque è regione pendentia stipitibus sanctorum corpora intue-
tur. Continuo suppositis ignibus cremari ea præcepit. Quorum cineres Deo fautore,
per loca sancta repositi sunt. Et, ô, ad miranda potentia saluatoris, & stupenda virtus
Domini nostri Iesu Christi, qui semper quæsitus in tribulatione adsistit, pulsatus aperit,
inuocatus exaudit. Nam os illud, quod sanctos Dei comburi præcepit, repente eadem
hora diuinitus obstruitur, lingua vero angelo percutiente repressa, suo hærens palato,
vltra fari non potuit. Sicque portantium manibus in stratum reductus, quadam noctis
4 ipsius hora spiritum reddens, priusquam rogos sanctorum cadauerum extingueretur,
idem vita exemptus, æterno clibano deputatus est, relinques successorum imperij Ma-
homad primogenitum, hostem Ecclesiæ Dei, & Christianorum maliuolum persecu-
torem. Qui ingenito quodam odio sæpius quæstionem aduersus fideles proponens,
non illo inferior esse meritis apparuit, cuius nomine insignitus ostenditur. Nam ipso
die, quo sceptrum regni adeptus est, Christianos abdicari Palatio iussit, dignitate pri-
uauit, honore destituit, multa postmodum in nos mala irrogari disponens, si regni feli-
citate & prosperis potiretur euentibus. Nos autem, instanti sine opusculi, spem nostræ
incolumitatis in Domino collocantes, non timeamus quid nobis faciat homo. Cre-
dentes nos vbique aduocati nostri Domini Iesu Christi interpellatione saluari, qui di-
xit: Ecce ego vobiscum sum omnibus dieb. vsq; ad consummationem sæculi. Amen.

*Mahomad
Rex.*

*Hac & veri-
m à D. Eula-
gio explican-
tur post li. 3.
cap. 1.
Christiani
Palatinis
muneribus
priuati.*

*Matth. 38.
Sic fuit in
exemplari
hic titulus,
quemadmo-
dum & ille
sequenti
precaationis.*

Explicit feliciter opus memoriale sanctorum.

DEO GRATIAS.

OBSECRATIO AD CHRISTVM EIVS-
DEM EVLOGII IN COMPLEMENTVM LIBELLI,
SIVE PRO OMNI LAPSV, QVI IN HOC OPERE
commisus est.

Apocaly. 1.



30 Cce Domine Deus meus Alpha, & O. principium & finis, Verus Ema-
nuel noster, initium vitæ meæ, plenitudo animæ meæ, perfectio salu-
tis meæ, zelo tuo accensus, amore sanctorum tuorum compulsus, fratrum
charitate coactus, paruipendentium mutationi compassus, odio inimi-
corum tuorum commotus, tantillus scientia, ingenio parcus, exilis intelle-
ctus: spectamine bonitatis, ac misericordiæ tuæ magnanimus, fretus pietate, clementia
roboratus, aggressum opus te adiuuante perfecti, atque cunctis, sicut potui,
non sicut debui, imo sicut tu mihi posse dedisti. Aperui os meum Domine, & lo-
quutus sum, quia tu iussisti, & quantum voluisti, implesti, atque ad enarrandum iusto-
rum tuorum actus iustissimos cor iniquitate deiectum coegisti. Armasti ad præconan-
dum laudes tuas impeditam sceleribus linguam: & os meum, quod sera vitiorum diu
obstruxerat, subito quadam præditum agonia, ad tua elucubrandam fide ha testamenta
referasti. Verebar, Domine Deus meus, opera mea, & sollicitus de proprio manens fa-
cinore, licet emendationis differrem remedium, meditabar tamen de iniquitatibus
meis penes memetipsum probatum sæpius testimonium, perpendebam iudicium, de-
bitum mei reatus cogitabam vindicium. Et cum apud te notitiam facti sui mens con-
sternata deliquis manere cognosceret, vix cœlum audebat intendere. Tu vero linguā
meam quasi ministeriis tuis aptam ad sacramenta cœlestia ordinanda dignaris impel-
lere. Nam quod exiguis meis meritis materiam tanti meriti construere intentauit, &
quod immundus munda differui, & quod sordidus sancta sanctorum disposui: non su-
perbiæ tumore subnixus, sed humilis & abiectus, gratia acquirendorum præmiorum,
& patrocinio potiendi sanctorū, hoc egi, vel certe, vt penes te ingratus non essem talēti
collati. Aut etiā ne res cœlo dignæ, nullo ad stipulante, obliuioni traderentur perenni.

Eccles. 31.

Iob. 9.

Tu Domine Deus meus scisti affectum meum, penetraisti intentionem, votum
intellexisti, & causam talia commentandi non ignorasti. Tu paruulo instinctum dedi-
sti, miserrimum adiuuisti conatum, erexisti ad grandia imbecillum, & inualidum ani-
mosum fecisti. Neque enim Domine Deus meus, ad tanta me præelectum fieri opina-
tus sum, vt ego tandem essem elucubrador gestorum sanctorū, qui eā grauiū operator
peccaminum. Nunquid si ego mentior, tu testis non es? Si falsum astruo, nonne vides?

Si aliter

Sialiter quam fuit affirmo, tu poteris ignorare? Si non profero veritatem, non latere te potest, qui omnia nosti. Certe tu cuncta consideras, penetras vniuersa, secretum intelligis, vides profundum, omneque tibi patet arcanum, & totum in presenti tibi manens, præteritum & futurum in tuo cuncta volumine ascribentur. Er quod inspiratione tua mens prouocata ruminavit, & quod prædita cœlestium gratiarum virtute elicuit, & quod vanæ laudis stimolata compunctionibus affectauit, & quod ibidem lapsu linguæ nolens incurrit, apud te reposita manent, vniuersaque tuis examinationum libris exarata sunt.

HI N C ad te Domine Deus meus, vario corruptus facinore rediens, multiplicus scelere, iniquitate prælargus, quæso, peto, imploro, vt de illa ineffabilium clementiarum sede beata obsecrantem intendas, aspicias consternatum, adsis roganti, vt prius abdita cordis mei emundans, liberum in confitendo te semper statuas. Purgesq; deinde satum opusculi huius, si quid zizanix prauis sensus subtilis circumuentio tentatoris in ea me non volente, aspersit: si quod loliorum deuix prosequutionis, ignorante me, seminavit. Quicquid ibidem erroris casu respirat, quicquid resonat impolitum, quicquid à te alienum est, quicquid à te procul est, omne quod te ignorat, cuncta quæ tibi obstant, tuamque voluntatem refellunt, & nesciunt pietatem. Tu cuncta, omnipotens Deus meus, erudera, ablue vniuersa, totaque purificatio sanctifica, vt tam sit Domino Deo meo hoc opus acceptum, quam S. Angelis tuis gratiosissimum. Impetret mihi gratiam tuam, sanctorum hauriat benedictionem, obtineat pacem Ecclesiarum. Deferat tibi articulum temporis huius, recenscat coram te populi tui calamitates, teque super latibulum meum, quo ista dicto, respectu miserandi conuertens, diluat omne facinus, ad quod me tentatoris versutia ritu priori, cedente fragilitate, illexit. Sit custos coronæ meæ, sit tutor vitæ meæ, sit mei prouector ad præmia sempiterna, vt idem per te sanctificatus, Memoriale sanctorum dicatur, & me inter memorias electorum tuorum sua conscribas obsecratione. Per te Dominum nostrum, qui cum Patre & Spiritu sancto vnus, sempiternus & immortalis es Deus in sæcula sæculorum, Amen.

Scholia in librum secundum.

Cap. primum.



Abdarraghman vicesimo nono.) *Libri nostratum historicorum Abderramē semper scriptum habent, ubicunque & hic, & alij reges cognomines nominantur. Ego veram hanc, quæ in utroq; fuit exemplari, huius nominis prolationem esse existimo. Nam Arabicū quiddam prorsus stridet, & illa altera ad Hispani sermonis dulcedinem videtur lenita. Est autem hic Habbarraghman huius nominis tertius, vt ex Rasis Mauri, & ex peculiari Ruderici Toletani.*

Habbarraghman rex.

40 ni. Archiepiscopi de rebus Arabum historia constat.

C. Æ. T. E. R. V. M. cum multa sint, eademque sanctissima horum D. Eulogij librorum commoda, quæ sanctorum martyrum rebus gestis commemorandis exhibentur: tum etiam illud non vulgaris eruditionis & utilitatis hinc comparatur: quod clara & ferme indubitata ratio annorum in Hispana historia, ab tempore regis Pelagij, ad Ordonium primum Ramiri primi filium, ex hoc loco, & ex libri tertij principio certissime digeritur. Quo pacto id fiat, non est huius loci differere. Quanti autem momenti sit in annorum ratione & omni Chronologia certum aliquid & fixum, tanquam cardinem, in quo cetera vertantur, inuenisse: hi nosse solummodo possunt, qui in hac re sese aliquantulum defatigarunt. De quo nos initio Gothicae historia, in nostro Chronico late disseruimus.

Temporum ratio in Hispanorum regum historia.

50 Consulatus.) Et hoc etiam ex illa est Latini sermonis licentia, de qua superius diximus. Regnum 2 consulatum, summos regni magistratus consules, honores etiam & dignitates fasces vocat. Idem facit Sāson abbas Cordubensis, de quo antea diximus.

Cordubam vero.) Rasis non Cordubam seorsum, sed omnem Hispaniam, huius regis inclitis operibus scribit fuisse nobilitatam. Hic (inquit) aquas ex montibus in vrbes inuexit, templā exadificauit, & textrinas panni pretiosioris auro intertexti per Hispaniam instituit. Toletanus narrat, Cordubenses plateas lapideo stramento ab hoc rege fuisse munitas: item aquam ex vicinis montibus in templum, arcem & alia celebriora urbis loca plumbeis fistulis fuisse perductam. Influit adhuc in hæc ipsa loca aqua, sed nō magna copia. Vnde constat diuersum fuisse hunc aquaductū, quo nunc eo aqua perducitur, ab illo altero stupendæ structuræ, qui plurimis locis interruptus conspicitur. Per hunc multo maior aquæ vis in urbem dimanabat, decimo ferme milliario procul perducta. Parum est toto hoc itinere montes amplissi-

Aquaductus Cordubæ stupendus.

mos fuisse perfossos, profundasque valles pontibus aquatas. Ipsa montium incredibilis molis, ne pondere suo subterraneum opus deprimeret, crebris turribus, quæ ex ipso vasto canali, tanquam castella excitantur, & in sublime montium emicant, sustentatur. Et cum recta in arcem & templum breui itinere posset is aqueductus peruenire, longo circuitu per eum agrum, cui ab Ranarum cantu nomen est, incuruatur: ut superioribus etiam urbis partibus aqua impertiretur. Hoc opus huius esse regis ego semper credidi. Neque enim ullus alius author memoratur. Et illa artis & templi aqua, quæ nunc perdurat, exigua est: hæc vero ingens profecto fuit, & tanta scriptorum celebritate digna.

4 Quæ olim patritia.) De utroque urbis nomine multa iam diximus. Itidem de regni Arabici sede ibidem collocata.

5 Necnon ex parte linguæ Arabicæ cognitus.) Hispanismus plane est. Non enim significat beatum Perfectum mediocriter linguæ Arabicæ fuisse peritum. Significat profecto Hispana phrasi, insigni Arabica linguæ cognitionem, quæ pollebat, causam extitisse, ut notus Mauris esset, & in pretio habitus. Ita frequenter loquimur: Por parte de sa virtud era muy bien querido. Huiusmodi autem nonnullos alios Hispanismos iam antea annotauimus.

Paulus Emeretensis
diaconus.

6 In prædicto transigit cœnobio.) Quam basilicam antea nominarat, nunc cœnobium vocat. Ecclesiæ nimirum tunc omnes, monasteria etiam promiscue & erant pene, & dicebantur. Ab Gothorum temporibus manserat, ut ex concilijs, & ex Pauli Emeretensis historia præsertim intelligimus. Habebant insignia quæque templa suos abbates, qui præessent, gregemque diaconorum, & aliorum, qui in minoribus ecclesiæ gradibus constituti, interdum nocturne inibi ministrarent. Hoc semel dictum oportuit, ne quempiam sæpius obuium conturbaret. Paulus hic Emeretensis diaconus, cuius mentionem alicubi facimus, cum Emeretensis ecclesiæ & antistitum eius historiam scripsisset, tum etiam de alijs sanctis viris quadam adiunxit. Extat etiam eiusdem confessio catholica. Quæ duo opera manuscripta non parum antiqua in S. Ecclesiæ Toletanæ bibliotheca habentur. Eadem multo vetustiora in nonnullis alijs bibliothecis conspeximus.

7 Egisse prædixit.) Eodem consilio, quo in primo libro quadam de obscenitatibus legis Mahometica dempsimus: eodem hic quoque pauca quadam omisimus, iisdem pene verbis iterum repetita. Et ipse etiam diuus Eulogius: quadam se hic subticere profitetur, quæ horrorem pijs auribus possent præbere.

8 Pfallat Deus.) De imprecationibus nostratibus diximus in primi libri præfationem. Ad eundem modum è conuerso vota quoque prospera & honorifica concipiuntur. Tale illud est in comoedijs. Dij meliora. Et quadam eiusmodi. Sed nos Hispani & frequentius & apertius, ad hunc modum medio sermone, bene ominamur.

Veritatis causa
pro Corduba.

Eos notat,
aduersus
quos scribit,
martyrum
detractores.

9 In campum ultra pontem.) Ea nunc planities Veritatis campus appellatur. SCRIPSIT de hoc martyre Perfecto etiam quisquis fuit Indiculi Luminosi author. Eius autem verba apponam, ut, quanto opere cum D. Eulogij narratione consentiant, appareat. Et primum sacerdotem intueamur Perfectum gentilitio zelo peremptum, fidei constantia decoratum, martyriali gloria insulatum, & vere in electorum numero aggregatum: & quo pacto ad occasionem venerit sinceriter proferamus. Nempe ad aliud pergentem, alijsq; secularibus operibus intendentem, nihilque, de quo gestum est pertrahentem, demoniacarum incursionibus impulsatur. A quibus ille caute & circumspecte, ut istis videtur, ut vero mihi, timide fidem petit: & ne ex responsionibus proprijs impediretur, orauit dicens. Multa erant mihi, ex quibus abundantissime vestras poteram confringere naniæ, vel destruere aniles historiae fabulas, si vestra ultionis non vererer ultrici gladio currentes ultro citroque incurrere sententias. Cui cum fidem dedisset, & e: ut quæ sibi videbantur exponeret, iuramento anteposito imperarent: ille accepta dicendi fiducia, & eorum pro vero iuramento sumens mendacia: post multa & varia sententiarum certamina, propheta eorum voluptuosam lasciuiam, & lenocinationis luxuriam sermone, quo potuit, exprobrauit, & oratione splendida comprobauit. At illi, aliqua super eius meretricationis subsanum, vel coniugatorum adulterij colludium habita consuetudine verborum, frendentes dentibus, & caninis seuiantes rictibus, ore vipereo sibilantes, & leonum ferocitate frementes, abire eum, propter datum nouiter iuramentum permiserunt illasum. Sed post aliquod temporis cursum, dolorum semper pectoribus retinentes venenum, & quasi vetustate temporis reputantes abolitum prius illi iniectum infidum pactum, dolo eum circumnueientes apprehensum iudici sauiissime mendacio inhiantes, quasi destruendum fidei illorum ritum impie protulerunt: eumque maledicentem eorum vatem suo testimonio vilissimi homunculi firmauerunt. Ille inopinato casu perterritus, & inusitata circumuentione perplexus, illorum fraudulenta ignorans consilia, quæ contra eum instruxerat commentatio fraudulenta: se hoc penitus non dixisse, in firma satis prosecutione retexit. At ubi in carcerem missus in se extat conuersus, audaci proposito & virili congressu cepit ipsorum totam legem infringere, & non solum quod pridie dixerat, quæ super eum imperitiæ factio asserebat, verum etiam alia potiora ingerere, mortisque magis gloriam, quam interitum expectare. Tunc eductum in ipsum diei sui horrendum pascha, quo soliti sunt pascha frui carnalia, & ventri libidinique alimenta ministrare satura, gladio vindice peremerunt. Et quasi victoriam hostium

hostium potiti, ad orationis conuenticulum, obsequium Deo se praeſtasse credentes, elati, & innocentis cruore perſuſi, ritum suum perficiendum, vt ſoliti ſunt annue peruenerunt.

Accenſis nauibus.) Flutiales lintres naues per abuſionem quandam vocat.

10

Dignoſque praeſulis.) Cum Cordubensis Episcopi, qui ſuo tempore Ecclesia praeerat, alicubi D.

11

Eulogius meminerit: nunquam tamen nomen eius ſcriptum reliquit. Id qua ratione fecerit, non poſſum intelligere.

In eo titulo, quo.) Poſſumus hinc ſuſpicari, non vnum D. Acifcli templum tantummodo tunc Corduba fuiſſe. Nunc duo priſca etiam recordationis viſuntur. Exiguum delabrum vnum, in quo eductus ſanctus martyr cum ſore Victoria fuerit: alterum ad flumen vetuſtiſſima in veſtibulo ſtructure, ubi ſepulti ambo fuiſſe creduntur. Inde id templum magna veneratione colitur, & paucis antea annis fratribus ordinis S. Dominici tributum, caenobium ibidem inſtituerunt.

12

S. Acifcli
pla.

Sicut quidam poeta.) Verſus eſt Caelij Sedulij. li. i. Carm. Paſchal.

13

Quarto decimo Cal. Maias.) Dies eſt Aprilis decimus octauus: qui quidem eo anno octingteſimo quinquageſimo in ſextam vtiſque feriam incidit. Fuit enim is annus cycliſolaris trigeſimi primi decimus nonus, poſt biſſextum ſecundus. Inde conſtat literam dominicalem E. habuiſſe. Recte igitur ſibi omnia conſonant.

14

Regniſque ſui excidium.) Latius de hac regis formidine libro primo, & alibi ſape. Et alius eſt terror ille, de quo in fine libri huius ſecundi, quod ex capitis ſeptimi principio hoc ipſo libro manifeſtum eſt. Sed nos interim Dei virtutem, Chriſtiana veritatis robur, vim legis Euangelica reuerenter ſuſpiciamus. Conſumit, diſperdit, maectat Chriſtianos impius tyrannus: ſed puſillus grex, cui complacuit patri dare regnum diſperſus & trucidatus validior inſurgit, ingentemque regia potentia terrorem immittit. Hinc nimirum ignem, quem Chriſtus venit mittere in terram, nihil malens, quam vt ardeat, ſi velis extinguere, maior inde flamma erumpit: & frumenti grana emortua in terram cadentia, ingentem fructum ſemper in Eccleſia attulerunt.

15

Caput ſecundum.

EXceptoris reip.) Scribas publicos hoc nomine intelligi debere Budaeus in prioribus in Pandectis annotationibus docuit.

Iſidorus lib.

ii. Etymol.

4.

Exceptor.

2

Tabanos op

pidum.

S. Columba.

30 Tabanos viculum.) Huius oppidi nullum manet veſtigium: neque eſt vnde coniecturam eius ſitus capere poſſimus. Id poſtea caenobium ab Mauris eſt dirutum: ac monachi intra urbem conſugerunt: vt lib. 3. cap. ii. Eulogius ſcribit. Fuit autem ſancta Columba, vt ibi refertur, eodem conſanguinitatis gradu quo Martinus & Eliſabeth cum S. Martyre Iſaac coniuncta. Cetera vero huius martyris geſta, plenius in lib. i. praefatione narrauerat.

In regia vrbe.) Hoc cognomen olim poſt Conſtantinum Conſtantinopoli, quod ex illorum temporum authoribus patet, fuerat tributum. Inde videntur Gothi Toletana vrbi, poſtquam inibi regni ſedem & veluti caput ſtatuerunt, idipſum dediffe. Eadem prorsus ratione Corduba regni in Hiſpania Arabici caput, regia etiam vrbs ſimili antonomafia D. Eulogij tempore appellabatur. Et hoc ipſum in huius lib. 2. principio S. martyr retulit.

3

40 Tertio nonas Iunias fer. 4.) Annus & eo amplius inter Perſectum martyrē, & Iſaac tranſſerat. Tertius enim Iunij dies anni 851. hic notatur. Recte porro feriam quartam fuiſſe memoratur. Habuit naque is annus cycliſolaris viceſimus, D. literam dominicalem. Qua omnia ex ſuperioris capitis ſupputatione aſtruuntur. Et lib. i. hoc ipſum conſirmatur, cum quintus poſt hoc martyrium dies dominicus fuiſſe ſcribitur Incluſive enim vtrinque computatur.

4

At vero de Iſaac martyre, ita in Indicalo Luminoso. Ad noſtros ſpontaneos martyres properemus. Zelo Dei Iſaac religioſus non humana inſtigatione, ſed diuina commotus, nec uſitatum callem noſtris temporibus, ſed oblitteratum incendens, antiquum perſequentionis fumum non ſufferens animo, iudicem adiit: & ea qua alter ſtagello diro vexatus negabat, qua inter verbera ſe non dixiſſe iactator debilis perſonabat: athleta fortis, belliger miles, abundantiori proſequentione firmavit, potiori praelio intentavit, & ingenua mente inchoauit, ingenua morte peregit, conſummauit, impleuit. Vt oſtenderet hominibus fidei ſe zelo commotum, non timore neceſſitatis praeventum, vt conſtanti fiducia Eccleſia praelians bella aperte proferret, & patule, quod quibuſdam indicijs ſuper comprehenſum ſatagebant firmare. Vt etiam produceret

50

Dominus athletarum ſuorum mundo victoriam, & militum ſuorum rudi ſaculo propalaret conſtantiam: & oſtenderet, quod in nouiſſimis temporibus etiam victores haberet, qui bella Domini & inſtinctu, quo primi intentauerant, praeliarentur.

Caput tertium.

¹ **EX** Alabensi oppido.) Alabensi libentius lego ex Plinio & Strabone: cum Alabense fuerit in ex-
Alabense oppidum. plari.

² Inter militares.) Hos pueros nobiles Tyrones vocat author vita & martyrii S. Pelagii. Quod
Tyrones pu- opusculum suo loco apponetur. Et Ioseph D. Eulogii frater natus minimus, ut ego existimo, inter hos palatii
eri. Ioseph Tyrones regi inserviebat. Hoc postea apparebit.
Eulogii fra- ter.

³ Nonas Iunias.) Duobus tantum post Isaac diebus patitur Sanctius die Iunii quinta. Feria vi-
tur sexta, recte signatur. De eius sancto cadavere aut sepultura nihil tradit Eulogius: quoniam cum se-
quentibus martyribus igne fuit concrematum.

Caput quartum.

¹ **I**N vrbe Astigitana.) Nobilis Romanorum tempore colonia, Iulia Firma post Iulij Cæsaris tempora
Astigi Urbis. nominata, conventum habuit iuridicum. Priscum illud nomen Astigi ex sono ipso nomen in Romano
Singularis flu- magna eius astitit antiquitatem. Singuli flumine alluitur: qui post Batim tota Batica est amplior. Vrbs
vici. ipsa & fluvius prisca, sed nonnihil immutata retinet nomina. Ecce enim & Xezil appellatur. Ager e-
ius urbis, non magnus alioqui, feracitate tamen ditat magno opere accolas. Insignis est olei opulentia.
Gossypium magna copia feritur. Horti cum fructuum omnis generis exuberantia utiles, amœnissimum
præterea totum tractum reddunt. Episcopum olim habuit, quod ex conciliis Toletanis & Hispalensibus
constat. Distat à Corduba triginta duobus milliariis, ab Hispali paulo pluribus. Eius Plinius, Pöponius
Mela & Ptolomæus inter alios meminerunt.

² Et S. Walabonsus.) Erat hic Mariae martyris, quæ una cum Flora passa est, frater, ut capite o-
Mariae mar- clauo apparebit.
tyr.

³ Eleplensi.) Cum Ilipa, aut Ilipula (nam authores variant) verum sit nomen urbis, indeque Ili-
Ilipa oppi- pense & Ilipulense exoriatur: nummum tamen peruetustum vidi, in quo MVN. ELEPLA. Erat
dum. scriptum. Ilipula autem duæ fuerunt, quod ex Plinio & Strabone & Livio constat: in Lusitania altera,
altera in Batica. Ego de hac postrema hic puto intelligi. Eam vero eo loco sitam fuisse, quo nunc non adma-
Pennaflor- dum magnum oppidum Pennaflor dictum, medio ferme inter Cordubam & Hispalim itinere videmus
oppidum. longa disputatione in Hispania antiquitatibus, chronico nostro adiunctis probauimus. Inde qui velit pe-
tat. Hic locus plura non postulat.

⁴ In vico Cüteclara.) Hoc oppidulum & in eo cænobium latius ca. viij. describitur.
Cüteclara Ex vico Froniano) Et huius vici postea cap. 8. mentio cum maiori explicatione fiet.
vici.

⁵ Sancti Zoili.) Suus quoque peculiaris locus de hoc diuino dicendi in D. Eulogii ad Pompelonensem
Fronianus Episcopum epistola interueniet.
vici.

⁶ Flumen Armilata.) Paululum immutato nomine nunc, Almellato, appellatur: & super addi-
ta Sarracenorum more in principio Arabica voce, Guad, quæ fluvium significat, integrum fit nomen Guad
S. Zoili tem- Almellato. Ex montibus progressus hic fluvius, duodecimo ferme supra Cordubam milliario Batim in-
plum. trat. Triginta autem & eo amplius milliaria, quæ D. Eulogius memorat, plane docent situm hoc mona-

⁷ sterium fuisse non longe supra insigne illud, quod nunc videmus & veneramur, Franciscanorum cænobi-
Armilata- um, cui S. Franciscus de Monte nomen est. Nempe vicesimo quarto & eo amplius milliario ab nostra vr-
flumen. be ad ripam ferme huius fluminis loco edito, ad Septentrionem est collocatum.
S. Francis- cus de monte.

⁸ S. Christophori.) S. Iuliani templum operis peruetusti, ex aduerso ferme urbis nunc conspici-
S. Iuliani te- tur. Potuit id nomen immutasse. Certe nullius alterius apparent vestigia.
plum.

⁹ De quo supra affati sumus.) Hinc plane apparet hunc Hieremiam martyrem eundem esse, qui
Hieremias supracap. 2. Tabanensis monasterii conditor dicitur. Eius etiam mentio est libro primo, & libro tertio, cap.
martyr. decimo.

¹⁰ Septimo scilicet Idus.) Apparet quanto tunc sancti Cordubenses feruerent amore martyrii: si-
quidem tam frequenter paterentur. Duo tantum dies sabbatum & dominica inter Sanctum & hos sex
martyres intercesserunt. Hic namque dies Iunii octauus notatur. Libro autem primo pridie idus Iunias
sextopost martyrium die cremata, in flumen etiam proiectis cineribus, fuisse eorum cada-
uera tradidit. Horum sex sanctorum martyrium in Vsuardo, sed præcedenti
die apponitur. Sunt & apud Equilineum libri undecimi
cap. ultimo.

¶ Caput quintum.

EX Pacensi oppido.) Colonia Pacensis in Lusitania olim, quod ex Plinio constat, etiam iuridico ¹ conuentu nobilitata, Arabum Hispaniam occupatum vastatione, ad parui oppidi formam, ut nunc ^{Calonia Pa-} conspiciamus, fuit redacta. Pertinet ad Portugalia regnum, Beiaque nuncupatur. De eius nomine, situ, & ^{censis.} antiquitate multa egregie, ut semper solet, Andreas Resendius ad Vasaum scribens. Eius urbis excidium Rasis prosequitur.

Septimo decimo Cal.) Is est Iulij dies decimus sextus, qui eo anno feriam quintam occupa- ² uit, quod ex superioribus iam quibus poterit deprehendere. Quadraginta enim & eo amplius dies, sine martyrio processere.

¶ Caput sextum.

QUæ corpore.) De hac S. Zoili Basilica tunc erit dicendum, cum de ipso martyre in epistolam ad ¹ Pompelonensem Episcopum scribemus.

Illi subterraneo specui.) Maurorum fuit mos subterraneos specus in putei fere vastioris for- ² mam excavatos, tanquam ergastula ad seruitia noctu concludenda, reosque asseruandos habere: quales per ^{Subterra-} omnem Baticam in arcibus præsertim conspiciamus. Mazmorras proprio eius gentis vocabulo nos etiam ^{nei carceres.} nunc appellamus. Corduba in summi templi complurio duo eiusmodi putei hodie quoque ostenduntur, & in carceris huiusmodi usum fabrefactos ab Mauris, omnes affirmant: sed illos ego ad continendam, & diutius asseruandam aquam fluminis potius crediderim fabrefactos. Nam ut erant Arabes eius templi superstitiosi veneratores, crederent profecto, reis, captiuis, eorumque fæditate & pædore contaminari. In arce, aut alicubi fuisse hunc subterraneum carcerem crediderim. Ductus est mos ab Græcis & Romanis, qui huiusmodi subterraneos carceres & habuerunt, & usitato vocabulo Putealia vocitarunt. Et de Puteali, quod Romani Corduba habuerunt, iam suo loco diximus. De utriusq; etiam carceris discrimine alicubi præterea meminit D. Eulogius.

Tertio decimo Cal.) Dies erat Iulij vicesimus, qui eo anno reuera in secundam feriam incide- ³ rat. Habuit Paulus fratrem Hludouicum nomine, qui & ipse martyrio postea fuit coronatus. Libro se- ^{Hludouico} ^{martyr.} ⁴ quenti, cap. 14.

Carmonensis monachi.) Carmona etiam nunc eidem oppido nomen est. Romanorum tem- ⁴ poribus Carmo tantummodo appellabatur. Id veteres nummi testantur, in quibus atergo inscriptum est, ^{Carmona oppi-} CARMO inter duas spicas, agri feracitatem proculdubio denotantes. Est præterea munitissimi situs ergo ^{dum.} ab Iulio Casare lib. 2. commentariorum ea urbs commendata. Eius etiam mentionem apud Strabonem & Ptolemaum reperiēs. Sed in hoc autore Carmoniam perperam legitur. Sita est Carmo vicesimo quarto ab Hispali milliaro, eo itinere quod ad Astigitanam urbem ducit, ab qua milliaribus triginta sex distat.

Octauo Cal.) Omnia prorsus concordant. Is enim dies Iulij vicesimus quintus, ex superioribus ⁵ liquet, sabbatum necessario fuit: quem septimam feriam D. Eulogius vocat, qui inclusine (ita dicunt) ab ⁴ Pauli martyrio dies computat.

¶ Caput septimum.

ET Cursus mensium.) Hinc iam apparet D. Eulogium existimasse, eodem anno quo superiores ¹ martyres, octingentesimo videlicet quinquagesimo primo, has duas virgines passas fuisse. Id in fine huius capituli manifestius patebit. Quod tamen necesse fuit iam hinc ad rectam computationē, qua mox ineunda est, annotare.

Igitur referente.) Quoniam D. Eulogius hic aperte scribit, hoc anno octingentesimo quinquagesimo primo Nunilonem & Alodiam martyrium subiisse: & re vera decennio antea occise pro Christo ² fuerant: ut quo pacto coherere hæc possint intelligamus, necesse fuerit, diligenter hic & exquisite temporū ^{Temporis} ^{ratio.} rationem, seriemque inire.

Cum igitur D. Eulogius hoc ipso anno passas fuisse has duas virgines scribat, & Venerij relatu de earundem martyrio se certiore factum dicat: illud in primis compertum est, hoc ipsum non eo tempore intellexisse, quo apud hunc Episcopum Casaraugusta rediens (quod suo loco videbimus) fuit. Manifestum enim est ante undecim annos diuum Eulogium Compluti apud Venerium fuisse. His adde quod cum Eulogius sanctorum sui temporis martyrum studiosissimus semper fuerit, & Pompelone, & in Legerensi sancti Saluatoris monasterio immoratus aliquantulum fuerit: si passæ iam eo tempore hæ virgines fuissent, audisset utique de earum martyrio, vel ab Pompeloniensi Episcopo, vel ab abbate monachisque Legerensibus. Nam & non longe ab Vuerbetano oppido & Bosca ^{Legerense} ^{canoniam.}

aberant, & consequuta postea sunt, docent, magnam utrobique harum martyrum rationem semper habitam fuisse. Restat ergo, ut post D. Eulogij reditum passa sint, & venerius ad ipsum de his scripserit, non coram retulerit. Iam vero paulo antequam hac de his sacris virginibus scriberet Eulogius, epistolam Venerij peruenisse, sit profecto ex ipsis authoris verbis verisimile. Primum ex prima & secunda huius capituli periodo. Nam pene manifeste indicat, se nihil antea de harum duarum virginum martyrio intellexisse. Deinde ex illis verbis paulo post. Prius tamen illa sanctorum trophæa elucubranda sunt, quæ ratio & cursus mensium ordinatim, ut acta fuerunt adducit, licet in alijs regionibus gesta extiterint. Sequitur illud etiam, quod multum iuvat hanc coniecturam. Sed quia una est confessio, quæ utrosque coronavit, idemque tempus, quod utrosque per feralem impietatem in cælum præmisit, & cætera. Non idem tempus diceret, si annis antea aliquibus passas fuisse intellexisset. Hoc igitur ipso anno apparet Venerium 10 Episcopum ad Eulogium de his duabus martyribus scripsisse. Et idem episcopus longe ab Vrbenetano oppido positus (quinquaginta enim ferme Hispanis leucis Complutum inde distat) Sarracenorum præsertim truculentia Christianorum præpediente discursus & itinera, temporis in quo interfecta fuerant ignarus: superiori anno occisas fortasse scripserat. Aut si nihil scripserat de tempore: Diuus Eulogius, qui nunc tandem cognosset proximum annum his dedit, ratus in eo perisse. Et illa D. Eulogij postrema verba: ferunt tamen, quod illa virginalia cadauera in loco, quo ab ethnicis altis scrobibus magis abscondita, quam humata sunt, signis & miraculis coruscant, & gloriam emerita consolationis virtutum efficientia tam fidelibus quam gentilibus ostentant: hæc inquam verba aperte indicant Eulogium & Venerium pauca, sub obscura & incerta de his virginibus comperisse, qui hoc tempore ibi sepultas credant, neque intelligant octo iam antea annos, quod mox videbimus, inde fuisse translatas. Hæc ita coniectari & 20 rimari cogimur, ut D. Eulogium excusare possimus, cum constet has sanctas virgines ante annos decem pro Christo interemptas. Anno namque Domini octingentesimo quadragesimo secundo, Iunii mensis die decimo octavo, ipsarum corpora in Legerense monasterium S. Saluatoris translata sunt. Id ex diplomate regis Innigui Arista constat: quod Stephanus Garinayus in suo diligenti satis rerum Nauarricarum chronico apposuit. Et cum de tempore martyrij earundem virginum præsentientium opiniones opportune idem author ibidem confutauerit: annum tamen ipse astruere non potuit. Neque ego tamen possum: sed coniecturis non leuibus ducor, ut credam anno octingentesimo quadragesimo, pro Christo occubuisse. Etenim D. Eulogius, ut suo loco ostendemus, Pompelone, & in Legerensi monasterio anno Domini octingentesimo trigesimo nono fuerat: & (quod paulo ante probauimus) nondum martyrium subierant. Et tamen anno 42. post 800. earum corpora transferuntur. Paulo post etiam ex astronomica supputatione 30 multo euidentius hoc ipsum confirmabimus.

Translatio
sanctarum
virginum.
Legerense
monasterium.
Stephanus
Garinayus.

3 Nunilo & Alodia.) Elodia fuit in veteri. Nos Alodiam substituimus, vulgata consuetudine multarum per Hispaniam Ecclesiarum, quæ festum harum sanctarum martyrum celebrant, earundemque historiam in matutinis legunt.

Najara
vrbis.
Castrum
veteris.

4 In vrbe Bosca.) Mira est breuiariorum, ut vocant, in nominandis his oppidis varietas. Illud constat passas has duas virgines fuisse non longe ab Naiara vrbe, in oppido, qui nunc appellatur Castro viejo. Quod Latine Castrum vetus redditur. Ibi sepulchrum sanctarum martyrum ostenditur, ibidem alia sunt prisca recordationis vestigia, & ibidem tanquam alumna & indigena summa totius regionis veneratione coluntur. Hoc omnino compertum & indubitatum possum affirmare. Nomina illa Berbetanum seu Vrbenetanum & Castro Bigeti, quæ in breuiarijs nostratibus leguntur, ex Castro veteri videntur corrupta. Bosca quæ vrbs fuerit, non possum explicare. In veteri exemplari Oisca non Bosca fuit, ego visitatum magis nomen reposui. Nam Oiscam remotam admodum in Aragonensibus urbem, non credo fuisse traductas sanctas virgines.

5 Materteræ nutritione.) Longe diuersum narrant matutinales per Hispaniam lectiones, & sanctoralia, quæ vocant, manuscripta. Orbas nimirum propinquum quendam tutandas suscepisse: cumque is Mahometico errore teneretur, neque Christi fide sanctas virgines posset auertere: ab eodem delatas, & ad præsidem ductas.

6 Subiectu gladij corruerunt.) Lectiones in breuiarijs plura eademque pientissima de cade & sepultura sanctarum, sigillatim commemorant. Et in manuscriptis præsertim, ut vocant, sanctoralibus latius continentur. Inde nos apponemus, quia scitu sunt dignissima: & non plene assequutum D. Eulogij 50 historiam harum virginum confirmant.

T V N C præcepit rex licitori dicens: Percute gladio, & absconde earum capita. At licitor tertio regem interrogat an feriret? Er ut feriret tertio cum audisset: dixit maiori: Extende ceruicem. Tunc sancta Nunilo dixit ad sororem suam minorem. Vide, germana, ne aliter facias, quam ego factura sum. Cui S. Alodia respondit. Nihil dubites, germana, quod ego aliter faciam. Statimque S. Nunilo alacri animo pro-siliens, apprehensis crinibus caput sibi circumligans, dicit ad licitorem. Feri velociter. Ille eleuatum in altum gladium deposuit super eam: non in medium ceruicis locum, sed in mandibulas illud deponens: unde nec penitus caput eius abscidit. Cadenteque in terram corpore, paululum crura eius nudata sunt. Quod cernens soror eius, festinans, protracta veste contextit. Quo facto multitudo hominum miratur, Fideles gau-debant,

debant, infideles tabescebant. Dixitq; iniquus rex carnifici. Sine modo ne ferias. Tunc ad sanctam Alodiā dixit. Quid proderit tibi, si moriaris? Consenti nobis, & viues nobiscum cum multo honore. Quibus martyr respondit. Non consentiam. Festina, percutite me, ne sola pergā. Et eleuans oculos vidit animam sororis suae in columbae specie angelis circumdatam, & dicebat. Expecta me germana, expecta me modicum. O mira virtus Altissimi, puella, quae gladium non longe micantem cauere non poterat, in propriam ceruicem descensurum, non pertimuit: sed apprehensam syndonem, qua vestiebatur, sibi in crure alligauit, & capillis suis faciem suam exterisit. Inde flexis genibus super corpus sororis suae praeiunxit se percussori, qui vno ictu caput eius amputauit. Sicque martyres vna die, vna hora martyrium suum victrices consummauerunt in pace quinta feria, duodecimo Calen. Nouemb. Hae nos ex vetustissimo sanctotali codice ante sexcentos annos Gothicis literis in membrana descripto transcripsimus. Is fuit inclyti cœnobij S. Petri de Cardenna Benedictinorum, nunc in regio S. Laurentij Hieronymianorum seruatur. Ibi in titulo scriptum fuit, passas fuisse sanctas virgines sub Zumahil praeside, Era tamen aut annus signatus non fuit. Sed cum Octob. dies vigesimus primus ibi signetur, & in quintam feriam eo anno incidisse sit superadditum: ex consuetudine nostra astronomica computatione constat, anno Domini 840. sanctas virgines in Christi confessione fuisse coronatas. Is enim annus post triginta integras cycli solaris conuersiones, nonus fuit in trigesima prima. Fuit autem bissextus, habuitque literas dominicales D, C. Et cum. C. mēsi Octob. deserviret, dies 21. in 5. feriam incidit.

Vndecimo Cal.) Cum D. Eulogius in anno, ut ostendimus, aberrasset, inde etiam diem non potest recte signare. Et in Vsuardi quidem martyrologio 22. Octob. diem festum harum sanctarum virginum occupat, quod & in breuiarijs nostratibus seruatur: sed regum diplomata, ut mox apparebit, diem 21. astruunt. Et omnes ferme Hispaniae Ecclesiae earundem virginum festum concelebrant, tanta fuit in eisdem martyrij praestantia & illustris claritas.

Quarum corpora.) Hinc postea educta in Legerensē S. Saluatoris cœnobium, quod non procul admodum distat (ut diximus) sunt translata. Et quanquam vno illo Inigui Arista regis, quod supra retulimus, diplomate satis haec sit testata translatio: libet tamen duo alia apponere, quae ex eodem Legerensī monasterio descripta cum multis alijs habuimus. Ex quorum altero constare poterit 21. Octob. non 22. sanctas virgines occubuisse.

ERA millesima sexagesima die duodecimo Kal. Nou. Sanctius maior rex Navarrae, & Castellae, & Aragoniae facit ad corroborationem ordinis S. Benedicti Domino & magistro suo Sanctio Episcopo donationem de Legerensi cœnobio, quod est fundatum in honore S. Saluatoris, & continet membra virginum & martyrum Christi Nunionis & Alodiae cum innumerabilibus sanctorum reliquiis. Considerans enim semper de inimicis suis triumphasse, & omnes illos per circuitum suum sibi subiugasse: videns etiam, quod post Maurorum inuasionem laici, saecularisque ordo Ecclesias totius Hispaniae habuerunt, eas Ecclesiasticis viris tradere decreuit. Et audiens beati Benedicti doctrinam ubique rutilare: cogitauit qualiter in regionibus suis eam posset transplantare. Et mittens ad Cluniacense cœnobium, euocauit inde abbatem Paternum, & cum illo gregem monachorum, quos in ascysterio S. Ioannis Baptistae constituit. Nunc vero praedictus rex Sanctius praedicto Domino & magistro suo Sancio Episcopo deuota mente commendat, & concedit praedictum monasterium Lejerense, cum possessionibus, quas antecessores reges ei dederunt, & alij quatenus in eo ordinem monachorum constituat, vbi corpora parentum regis requiescant. Facta charta ut supra in praesentia multorum, qui venerant adorare Deum, & celebrare festiuitatem sanctarum martyrum in praedicto monasterio, regnante clarissimo rege praefato Sancio in castella, in Pampilonia, in Alaua, in Aragonie, in Suprarbi, in Ripacorcia, in cuncta Gasconia, in Leyeut. Testes.

Eximena regina mater regis.

Regina dona Munia Maior Garfia.

Ranimirus Gundissaluus.

Bernardus Mattus Aragonensis Episcopus.

Sancius abbas Lejerensis, & Episcopus Pampilonensis.

Paternus abbas S. Ioannis.

Eneco abbas Homiensis.

Senior Exemeno Garces.

Senior Garcia Lopeiz, & Fortunio Sainz, & Acenat Fortunionis, & Fortunio Ossuaz, & Garcia Fortunionis, & Lope Sainz.

ANNO etiam millesimo trigesimo secundo, idem rex eidem monasterio huiusmodi diploma concessit.

Cœnobium
S. Petri de
Cardenna.
Zumahil
praes.

Anno
Domini M.
22. dies Octo-
bris 21.

D. Benedicti
ordo quando
primum in
Hispania.

Annuo Do-
mini M. 32.
ares Decēb.
26.

ERA 1077. Cal. Ianuar. fer. 3. Ego Sancius gratia Dei rex, dono vobis Domino & præfui sanctissimo Domino Sancio, vel omni collegio monachorum cœnobio Legerensi, sub aula S. Saluatoris, vbi sunt corpora beatissimarum virginum & martyrum Nunilonis & Alodia, necnon reliquiæ apostolorum & martyrum, quæ ibi reconditæ sunt: Dono, inquam, vobis in valle de Ostella, prope villam quæ dicitur Portiella, monasterium, quod dicunt S. Ioannis cum suis terminis: & in Pampilonia parrochiam de S. Cæcilia: & in valle de Garonio monasterium, quod dicitur Zeyazahassa.

Ego rex Sancius serenissimus, regnans in Pampilonia & Aragonia, in Suprarbi, & in Ripacorcica, & in omni Gasconia, atq; in cuncta Castella, & Legione, siue in Astorica, confirmo.

Munia Mayor regina, conf.

Ranimirus proles regis, confirmo.

Garfia frater eius, confirmo.

Gundissaluus frater eius, conf.

Fernandus germanus eius, conf.

Martinus Aragonensis Episcopus, conf.

Sancius Pampilonensis Episcopus.

Arnolfus Ripa Corciensis Episcopus.

Munio Alauensis Episcopus.

Iulianus Episcopus Castellensis.

Pontius Episcopus Ouetensis.

Fortunius Sancij dominator Caparroso.

Fortunius Sancij dominator Falces.

Acenarius Fortunionis dominator Vgarre.

Garfia Fortunionis dominator Funes.

Lope Eneconis Dominator Arruesta.

Fortunio Vxuaz Cantabrienfis.

Don Petro sub imperio regis imperans Naiara.

Valassius Fenestella ex palatio regis exaravi, & accepi pretium propter hanc scripturā quinque modios tritici.

Exemena regina Vetula ancilla Dei, degens in Reperus, confirmo.

Paucis post martyrium harum sanctarum virginum annis, regina fuit Hispania, quæ alterius nomine Nunilo vocaretur. Id cum in nostris historijs non sit scriptum, Oueti in camera sancta, de qua iam diximus, video esse testatum. Ibi namque inter prisca regum nostrorum donaria arca etiam est duorum pedum longitudine, tabellis pretiosissimis achaticis lapidis auro circumclusis coagmentata & fabrefacta, gemmis etiam undique diues. In fundo, qui est argenteus, hanc habet inscriptionem, quam ipse fidelissime transcripsi.

SVSCEPTVM PLACIDE MANET HOC IN HONORE
DEI, QVOD OFFERVNT FAMVLI CHRISTI FROY-
LA, ET NVNILO COGNOMENTO SCEMENA. HOC O-
PVVS PERFECTVM EST ET CONCESSVM EST SAN-
CTO SALVATORI OVETENSIS. QVIS QVIS AVFER-
RE HOC DONARIA NOSTRA PRÆSVMPSERIT,
FVLGINE DIVINO INTEREAT IPSE. OPERATVM
EST, ERA DCCCCXLIX.

NE QVE dubium esse potest quin donum sit Froila regis secundi. Nam præter opulentiam, quæ regia plane est, multa sunt alia, quæ id aperte testentur.

CORPORA harum sanctarum virginum hinc postea Bononiam fuisse translata Vasæus scripsit. Sed nemo dubitat nunc etiam in eodem S. Saluatoris Legerensi cœnobio asseruari.

Caput octauum.

IEX vico Ausinianos.) Meminit huius oppidi etiā alibi, nullibi tamen plenius. Nos quod de eo præterea dicere possumus, nihil prorsus habemus. Multa autem seorsum de Flora martyrio in epistola ad Aluarum secunda commemorat.

2 In veritate.) Hispanismus merus.

3 Quam quæritis.) Virgilij est hemistichium, quod sciens volensque Eulogius, sicut alia huiusmodi interseruit.

4 Trabibus catenarum.) Catena aliquando in usum pessuli deseruit.

Infra

Infra cortem.) Latinum vocabulum probatis authoribus notum, regum nostratum vetustiora ⁵ diplomata frequenter usurpant. Significat autem illud patentis loci in domo spatium longius ab habitatione semotum, quod gallinis alendis & aliis huiusmodi vsibus sepitur. ^{Cor.}

Tuccitanæ urbis.) Non pauca Romanorum monumenta, in scriptique lapides, qui in oppido, ⁶ quod nunc Martos in Betica, non longe ab urbe Iacn vulga dicta vocamus, plane docent Tuccitanam ^{Tucci Grbs.} ^{Martos oppo-} ^{dum.} ^{Iacn Grbs.} ^{o-} ^{um} coloniam inibi fuisse: quemadmodum in Hispania antiquitatibus plene docuimus.

Ossaria.) Hoc oppidum, quanquam præclarum dicatur, nullam sui memoriam reliquit.

Artemiam nomine.) Præter hos duos filios, habuit etiam Artemia filiam nomine Auream, ⁷ & ipsam quoque martyrem: de qua in fine libri tertij. Adulphi vero & Ioannis martyrium multis mo- ⁸ dis est celebratissimum. Multa per Hispaniam Ecclesia eorum festum diem celebrant. Is est Septembris vicesimus septimus. Vsuardi martyrologium eodem die Cordubæ passos fuisse memorat. Inde in Roma nuper ab Maurolico abbate exauctum, videtur traductum. Ado Vienenfis in Gallia præsul eosdem etiam eodem die in suo martyrologio posuit: unde Equilinus Episcopus in suo catalogo retulit. Manifestum autem hic ex D. Eulogio est, eos viginti annos & eo amplius hos omnes martyres præcessisse: siquidem initio huius regis passos commemorat.

Iterum venio crucifigi.) Verba sunt Christi ad Petrum apostolum, Romam, cum ibi crucis sup- ⁹ plicium passus est, venientem: ut in martyrij eius historia legitur. Quam hinc iam intelligimus esse vetustissimam. Et sacellum hodie etiam Romæ visitur, eo ipso in loco, quo Christus hæc dicens D. Petro apparuit.

Tunc nos etiam ex antro.) Diximus iam de utriusque carceris Cordubensis discrimine. ¹⁰

Sicuti iam alibi.) In epistola ad Aluarum, quæ suo loco reddetur, ibi latius hæc omnia perscribū- ¹¹ tur. Ibi etiam die vicesimo quarto Septembris occisas fuisse tradit. Annus vero facile astruitur, ex epistola ad Pompelonensem Episcopum. Cordubensis Ecclesia eodem die festum harum sanctarum celebrat. Vsu- ardu, Romanam exauctum, & Adonis martyrologia, Equilini etiam antistitis catalogus earundem meminerunt. Sed desit hic iam Eulogius hebdomadæ dies nominare, unde indubitata certitudo temporis poterat sequentibus adhiberi. Sed satis ad fidem & historiae veritatem est, sanctum martyrem hæc retulisse.

Caput nonum.

³⁰ **Q**ua Faustus.) De inclyta Toletana urbe iam diximus. De sacris his tribus martyribus Cordubē- ¹ sibus celeberrima est in omnibus Hispania Ecclesiis memoria, insigni festiuitate consecrata: & copi- ^{Faustus &} ^{soj marty-} ^{res Cordu-} ^{ben(es).} osa historia in lectionibus matutinis repetita. Martyrologia omnia, & quicumque de sanctis scripserunt, eorum insignem habent mentionem. Sed variat alicubi festus dies, Alibi vicesimus octauus Septembris: alibi Octobris tertius decimus signatur. Vbiq; leguntur exusti. Illud diligenter est animaduertendum horum sanctorum martyrum cineres ad hæc usque D. Eulogij tempora Cordubæ asseruatos fuisse.

Campaniæ Cordubensis.) Campaniæ nomen peculiariter ab Romanis olim ei Italix regioni ² fuit attributum, quæ Neapolim, Capuam aliasque vicinas vrbes habebat: & quod campestris tota esset & plana, ita est appellata. Alioqui Campania pari ratione quacunque similis regio dici potest. Nos certe ⁴⁰ Hispani id nomen in plana quaque transtulimus. Nam planities illa in Vaccais, quæ longo tractu protensa Campos nunc, olim Campi Gothorum, ut est apud Rudericum Toletanum, nuncupabatur: Campani- am vocatam in Compostellana historia, ante quadringentos annos scripta reperio. Sed peculiare magis fuisse videtur, ut Cordubensis planities, tantopere ab Strabone fertilitatis nomine commendata, Campa- nia diceretur. Nomen adhuc paululum immutatum, cum Campinam vocemus, perdurat.

In supra dicto sanctuario.) Sanctorum trium Fausti & comitum templum intelligit. ³

Era 890. Hoc loco in vetusto codice, ad signandum numerum nonagesimum, nota quedam fuit & ⁴ literarum colligatio peregrina, nobisque Hispanis penitus ignota: ut Gothicam fuisse appareat. Ea fuit huiusmodi. L. litera, quinquagesimi numeri nota vulgaris, fuit posita. Inde. X. adiuncta, sed cui minutu- la altera. L. superiori ex parte superioris apicis cohereret: ita ut quadragesimi numeri hæc vulgaris nota ⁵⁰ XL. compleretur: & ex notis utrisq; quinquagesimi & quadragesimi numeri, integer nonagenarius esset perfectus. Eam ego notam ad eum modum innexam in vetustis quatuor sacrorum conciliorum codici- bus, quos habent sancta Ecclesia Toletana & Regium D. Laurentij monasterium ordinis S. Hieronymi ad oppidum Escorial vocatum, iam antea obseruaueram, & quæ esset liquido deprehenderam. Quæ o- mnia mihi hic sigillatim demonstranda fuerunt. ut si quis in vetustum D. Eulogij codicem incidisset, minime haberet, aut dubitaret: sed manifestam veritatem illico in- telligeret, sequentiaque omnia prope digesta conspiceret.

os: so.

Caput decimum.

1 **F**uit præterea.) Ex satis humili exordio sublimiori postmodum oratione diuus Eulogius insurgit: ut iuxta Horatii præceptum, fulgorem ex fumo proferret, Voluit enim plenius stylo grandiori horum martyrum historiam continuare: & spiritus vere Christiani, vere ad martyrium anhelantis ardorem dicendo proferre. Id non sine pia animorum commotione, pijs lectores non uno loco animaduertent.

F. Laurentius Surius diuus Eulogij fragmentum videt.

Videtur F. Laurentius Surius Carthusiensis in fragmentum diui Eulogij incidisse. Tomo enim quarto de probatis Sanctorum historiis totum hoc caput cum nomine authoris inseruit. Ibi semper Natalia non Sabigotho Aurelij vxor nominatur. Surius autem more suo dictionem hic quoque & sancti 10 martyris stylum limauit. Id monuisse oportuit, ut nemo miretur, nimium illa orationis filo ab his discordare, quæ nos religiose admodum nihil prorsus immutando, ut erant in exemplari conseruauimus. Si quæ autem diuersa in Surio referuntur, suis hic nos locis annotauimus.

2 Illius vel illius.) Hispanismus.

3 Ut in parte stramentum.) Obscure significat, pondere catenarum asini clitellas subuersas & deiectas, ita ut in caudam defluerent: eo enim crura retrorsum à sello insidentis inclinata fuisse videntur. In Laurentio Surio longe diuersa hæc referuntur, ut paulo post cælestis per somnium visiones adnectuntur. Ego nihil prorsus in nostro exemplari deesse video: ut hæc superaddita olim ab aliquo existimem. Postmodum etiam filiarum Aurelij nomina Felicitas & Maria apponuntur. Desunt vero quæ de consulo Aluaro Eulogius prosequitur. In supplicio tamen Sabigothonis plura referuntur.

Aluarum.

4 Serenissimi præceptoris.) Diximus, quæ modestiæ ratione Aluarum, qui condiscipulus fuisse, 20 præceptorem suum vocet Eulogius. Serenissimi etiam titulum additum, nobilitatem in Aluaro asserere demonstrauimus.

Monasterium S. Sabba.

5 Monasterium sancti Sabbæ.) Celebratur in libris de sanctorum Patrum vitis hoc cænobium: & ipse sanctus Sabba, ubicumque de sanctis eremi cultoribus agitur, est notissimus.

Breuiariū.

6 Martyrij sui breuiarium.) Hæc voce Plinius & Suetonius vtentes docent, quodcumque opus, & in historia præsertim, summatim, & per compendium scriptum sit, ita solere appellari.

7 Insulam.) Catacrisis illorum temporum est, quales aliæ pleræque.

8 Reuelatis vultibus.) Apparet profecto Christiani moris tunc ex Pauli Apostoli doctrina fuisse, ut non in Ecclesia solum, sed in itinere ad ecclesiam caput fœminæ velarent. Poterant etiam honestatis 30 causa, & ne ab Sarracenis pulsarentur, velatis capitibus fœminæ Christianæ misero illo captiuitatis tempore incedere.

9 Illico viros interrogat.) Aurelium profecto & Felicem, qui cum vxoribus processerant.

10 Osculatis manibus eius.) Cum sacerdos non esset, reuerentia tamen ergo, ab martyre futuro veluti benedictionem sacerdos etiam Eulogius petebat. Nisi credas iam tunc hunc morem hodiernum cœpisse, ut nos Hispani osculari manus & dicamus, & facere aggrediamur.

11 Vsis.) Quasi dicat quibusdam veluti experimentis.

12 Sexto Calend.) Multis locis apparet Adonem Archiepiscopum hos diui Eulogij libros legisse: & in horum martyrum mentione præsertim: siquidem quamuis sub compendio, omnia tamen digniora retulit, quæ hic ab Eulogio commemorantur. Ceterum referente Equilino Episcopo, non Sabigothonem, 40 sed Nataliam eius loco nominat. Sed neque Ado, neque Surius fragmentum recte diem aut mensem notarunt, qui Augusti vicesimum septimum his martyribus tribuerunt.

13 Pilemelariensi cænobio.) Cum iterum fusius huius cænoby mentio occurrerit: tunc nos de eius situ, quæ oportet dicemus: id erit libri tertij cap. duodecimo. In Surio prædictum ab Aurelio refertur, se ibi sepeliendum.

14 Apud Genesium martyrem.) Metonymia, qualis illa Horatii: Scripta palatinus quacumque recepit Apolo. Et multa huiusmodi, quibus Christiani frequenter utimur.

15 Et Sabigothonis incolunt.) Locus hic in veteri codice fuit mutilus, & linea integra cum dimidia vacua relicta, ut si quando posset suppleri. In Surio neque capitulum saltem mentio est.

Caput vndecimum.

Fortassis Rojana eadē, qua Regiana apud Antoninum non longe ab Urbe asfigiatur.

1 **2** **C**ontribulis noster.) Tum hic, tum etiam superius hac voce vsus Eulogius, indicat plane habitationis tantummodo vicinitatem.

Rojana.) * Neque hic quid dicam, tametsi exquiserim, reperio. Eodem quoque silentio Fraga locum & Leiuensem vicum, qui paulo post nominantur, præteribo.

Eliberi.) Corruperant nomen huius urbis Gothica tempora: cum iliberi Romani protulissent. Ex illa corruptela maiorem postea Arabes inuexerant, Elberiam nominantes: unde nos tandem nunc Eluiram pronuntiamus. Fuit enim urbs hæc non longe ab inclyta vrbe Granata, in colle, qui nunc Eluire 3 mons appellatur: cum urbis etiam porta, quæ eo ducit, Eluire nominetur. Illud animaduersione dignum, vero si-

vero simillimum videri, Ili prisca Hispanorū lingua oppidum significauisse. Inde tot urbium, sed in Ba-
tica praesertim, nomina id in principio retinebant. Iliturgi, Iliberi, Ilipula, Ilipa: & alia huiusmodi. De
quo nos in Hispania antiquitatibus.

Quinque milliarios lustros.) † Viginti longo circuitu significat.

Tertiodecimo Calen.) Dies in Vsuaro, Adone, Equilino, & Cordubensi breuiario concordat. Is est Augusti vigesimus.

4 Viginti-
quinque
5 potius
censendi
sunt.

Caput duodecimum.

10 **S** Ancti Cypriani.) In sancti Pelagij historia huius etiam basilica mentio erit.
Decimoseptimo Cal.) Dies est Septembris quintus decimus, qui aperte in veteri exemplari 1
notatur. Vsuarius, breuiarium Cordubense, Ado & Equilinus paucis diebus variant. In Adone & E- 2
quilino Emilianus, non Emila scriptum legitur. Et recte sane non longo intervallo post Christophorum
& Leonigildum hos duos martyres coronatos scripsit Eulogius.

Caput decimumtertium.

C Vm adhuc.) Notat hic quoque modicum temporis interuallum. Et nullus equidem dies in- 1
tercessit.

Parapanda.) Ignotus nunc vicus.

20 **F** anum illud.) Templum hoc Cordubense intelligit Arabica structura, quod hodie perdurat, ma- 3
iorisque ecclesiae dignitatem obtinet: & sua magnitudine, columnarum multitudine, marmorum præ- 4
stantia, operis subtilitate, & multis aliis sui partibus admirationem, atque adeo stuporem spectantibus
præbet. Iam enim fuerat edificatum ab rege Haddarraghman secundo, & Issen eius filio. Authores sunt
Rasis & Rudericus Toletanus antistes in Arabum historia.

Decimosexto Cal.) In sequenti post Emilam & Hieremiam die hi martyres perimuntur: quos 4
nullum breuiarium commemorat.

Caput decimumquartum.

30 **T** Vnciam proculdubio.) Aut significat neminem deinceps tam ex Christianis, quam ex Sar- 1
racenis ausum fuisse non deferre ad iudices quemcunque audisset pseudopropheta Mahometo mā-
ledicentem: aut certe permissum Sarracenis fuisse, ut quem Christianum ita maledicentem audirent, ipsi
protinus, non expectata publica damnatione, impune interimerent.

Quod quibusdam.) Docent ad hunc modum sacri Theologi martyrium donum Dei esse, qui- 2
busdam peculiariter à Deo tributum. Illud autem est animaduertendum diuersam hanc esse ecclesiae Hi-
spanorum persecutionem, ab illa Cordubensi, in qua captus est diuus Eulogius. Tempora id docent eui-
denter. Et libri primi cap. primo nos exquisitius docuimus.

Caput decimumquintum.

40 **N** Obiscum vel fugere.) Hoc namque erat imbecillioribus, & qui martyrio impares erant, per- 1
missum diuinæ legis indulgentia.
Plurimi etiam.) Contra hos tum primo libro, tum etiam in Apologetico diuus Eulogius fusius 2
disputat.

Nos quoque authores.) Hanc grauissimam insectationem pertulit diuus Eulogius, quasi futu- 3
ri martyrij præludium. Ut non subito gladij ictu tantummodo mactaretur: sed carnifices quoque eius ipsi
Christiani, ipsi fratres existerent, quotidiano conuicio illum proscindentes.

Præsenticoncilio Episcoporum.) In tanta calamitate, & dira Ecclesiae persecutione conue- 4
nerant prelati, ut de remedio, si possent, quoquo modo prouiderent. Et Rex etiam iusserat unalique me- 5
tropolitanos, quod mox apparet, conuenire. Nationale ergo, uti vocant, concilium hoc fuit: nisi concilia-
bulum tali authore congregante malis appellare. De hoc exceptore postea lib. 3. cap. 3.

30 **I** nhibitum esse martyrium.) Hæc quæ sequuntur, ad finem usque periodi decretum ab consilio 5
editum continent, subobscurè tamen. Consilium enim præsulum in concilio fuit, (ut misere laboranti
& periclitanti ecclesiae hac ratione prospicerent) edicere quidem & præcipere, quod regi, quod proceribus
placere posset leuiter intuentibus. Cæterum cum vererentur quippiam, quod Dei summi maiestatem
& Christianam religionem offenderet, constituere: ita decreti verba attemperarunt, & consulto quasi
fabrefecerunt: ut nihil impium, si quis penitus rimaretur, assererent. Hoc est quod in sequentibus pro-
sequitur diuus Eulogius. Et multo quidem erant omnia in exemplari obscuriora: & quæ multo cum la-
bore, adhibito etiam sapientissimorum hominum iudicio & lima, fuerunt dilucidiora aliquanto, una,
aut altera voce tantummodo adiecta, reddenda.

Inculpabile.) Hoc est culpa prorsus non caruit. Sententiam enim suam iam hic profert diuus 6
Eulogius. Et de hoc ipso edicto libellis etiam & schedis euulgato loquutus videtur libro primo ad finem.

Quaquam manifestum est de altera diuersa ab hac Sarracenorum perturbatione initio libri huius capite primo scribere: ut ipsius sancti verba tum hoc, tum etiam illo loco, & initio septimi capitis aperte declarant.

- 7 Quinimo nisi legitima satisfactione.) Hoc ait. Neesse fuit profecto imbecillis satisfacere: ne edicto scandalizarentur, si forte id tantummodo, quod ab Sarracenis volebat concilium intelligi, ipsi etiam intelligerent. Oportuit ergo, ut iis, imbecillis inquam & pusillis, satisfaceret: tum legitima interpretatione ad eos & propter eos adhibita, tum etiam causis explicatis, quæ ad eum modum edictum conformare compulissent.

¶ Caput decimum sextum.

- 1 Denuo pontifex.) Cordubensem Episcopum intelligo, quem nusquam proprio nomine designat. Apparet autem iterum antea hunc ipsum præfulem in vincula fuisse coniectum: Reccaffredi tumultu, ut ego existimo.

- 2 Ingressi foris.) Hoc est, domi se continerent nobiles Christiani, pedem inde referre non audentes.

- 3 Pendentia stipitibus.) Quatuor martyrum Emila & Hieremia, Rogelli, & Seruio Dei, qui postremi passi sunt, intelligi neesse est. Caterorum namque, ut ex superioribus liquet, non supererant, exusta partim, partim sepulta. Quod ad sequentem temporis peruestigationem hic iam annotasse oportuit.

- 4 Nos autem.) Hinc apparet diuum Eulogium, hunc librum secundum hoc ipso tempore, quo Mahomad regnare cepit, scripsisse. Nondum enim sequentia, quæ tertio libro prosequitur, gesta fuerant. Quod plenius etiam superaddita hoc loco oratio demonstrat: in qua præterea latere se dicit, cum scriberet.

¶ In orationem.

Mos fuit ab Gothorum temporibus ductus, ut Hispani scriptores, opera sua oratione ad Deum fusa, aut inciperent, aut clauderent. Id in diui Illesonsi opere de laude virginitatis sacratissime Virginis Maria, & in sancti Iuliani Archiepiscopi Toletani libris apparet.

DIVI EVLOGII CORDUBENSIS, MARTYRIS, DOCTORIS, ET ELECTI ARCHIEPISCOPI TOLETANI, MEMORIALIS SANCTORVM, Liber Tertius.

P R A E F A T I O.



VM igitur præcedentium voluminum series affatim impiorum crudelitatem, quæ diu inexpugnabilium virorum constantiam, enisa est fatigare, digesserit, veroque assertionis gressu ortus, ætates, actusque belligeros percurrat Sanctorum: plus aliquid reor sæuitiæ in nos commissum tertius hic liber non sine ingenti vulnere pandet. Nec me quidem supercilio arrogandi hac occasione uti intendant, quod tantæ materiæ parui admodum, & (ut ita dixerim) vilitissimi ingenioli fulcimen adhibuerim, aut forte non res veras nos elucubrasse condemnent. Qui eo intuitu operis huius concinnauius structuram, quo nimirum omnia æquitate districti iudicis in futuro nouimus diiudicanda. Quem nec fallere abdita cogitationum, nec qualitas operum potest. Nam ego, qui scio suo quemque oneri coram Domino subiacere, cur propriis diu grauatam substantiam meam molibus, externo pondere deprimere vellem? aut quid commodi compicto mendaciis mihi conferri sperarem, ex omni postmodum verbo rationem pensurus? Sed hinc agitur tenuis scientiæ venulis mens contenta, quod rem, non dicam magni fluminis tantummodo, verum etiam immensi æquoris affluentia necessario irrigandam attentat: quæ vix paruissimi stillicidij sudorem irrorans, quasi quasdam coactitij, & extorti liquoris guttulas profluit. Nec ab re fessi viatoris comparatione impetiar, qui vigore virium eneruatus, sæpius in itinere sedens, eo vehementius conlassatur, quo crebrius per loca varia compausatur. Ita & nos, totius vbertatis expertes scientiæ, quasi

tiæ, quasi debilitato gradu per inuia loquutionis residemus, pigroque (vt ita dixerim) gressu vix opusculorum limitem contingentes, vbique finem loquendi optamus. Et tunc magis magisque debilis viator quassatur, cum se iam de peruentione itineris gaudere sperans, denuo ex improviso emergere sibi adhuc inopinatum conficiendum cernit spatium. Vnde & nos, qui iam finisse opusculum credebamus, ac veluti procellosum mare in naufragio transmissum remigio latabamur, & optati portus salui fruebamur quiete, nunc aliud fortuito contuemur superuenisse, quod operæpretium præmissis opusculis sit addendum. Tendimus igitur parcitatis facundia coarctatis tendimus imminentium persecutionum casibus occupati: & quasi in contrarium vento surgente, in altum nos demum deuolutos pelagus, inhorrescimus. Confidimus autem eius nos incunctanter bonitatis iuuamine prosperari, qui dignos nos eorum visu, & amicitia diiudicauit, vt quorum fruebamur dulcedine, etiam trophæis imbueremur.

¶ Initium regni Mahomad regis. Cap. I.

20 **Q**Uæterum, vt in fine secundi operis annotatum est, adepto Mahomad patris imperio, confestim in promptum odium contra nos prorumpens, ipso die, quo fascibus infulatus, solium regnaturus conscendit, Christianos omnes palatio abdicans, indignos aulae principali ministerio promulga-
uit. Quos iterum post non longo interuallo sub tributario censu præscribens, plures
præmio regali priuauit, qui dudum militaribus vescabantur annonis. Et quia scri-
ptum est: Secundum iudicem populi, sic & ministri eius; ipsis per idem tempus gu-
bernacula vrbs committit, qui consimili zelo controuersia aduersum Dei popu-
lum laborantes, eum vbique affligerent, euerterent, & opprimerent: vt non solum
vatem suum nullatenus infamari præsumerent, verumetiam terroribus compulsi
abominabilem confiterentur culturam. Sic quoque mœror importabilis & perse-
30 quutio truculenta vndique nobis obuians, plerosque præuaricationis laqueo im-
mergebat.

*Christiani
palatio eua-
di.*

*I
Ecclesiast. 10.*

¶ Præuaricatio illius exceptoris, qui pridem sanctos anathema- tizari compulerat. Cap. II.

40 **V**lti autem, sua se sponte à Christo diuercentes adhærebant iniquis, sectam-
que diaboli summo colebant affectu, sicuti ille spurius, & sanctorum be-
nedictione indignus, de quo in libro secundo meminimus, agit. Qui sæ-
cularis reuerentiæ pompam rebus præponens cœlestibus, inauditaque
libidine pro Deo officium venerans, post biseno mense, quo sanctos ana-
thematizari decreuerat, nosque fœdis conuitiis impetierat, honore deiectus est. Gra-
tia itaque disertudinis linguæ Arabicæ, qua nimium præditus erat, solus è Christia-
nis à consulibus in officio exceptoris detentus, post aliquos menses & palatio, & mi-
nisterio est abdicatus. Quod factum non leuiter ferens, cum se deiectum aspiceret,
priuatumque tanta dignitate altius suspiraret, præstantius Deo mori, quam non vi-
uere sæculo eligens, continuo fidem sanctæ Trinitatis spernens, cedit sectæ peruerfi-
tatis, & nequaquam se Christianum vult iam ultra videri. Quapropter in deteriora
50 conuersus, qui nusquam simplicia meditatus fuerat, exul Christianis effectus, aduna-
tus gentilibus, crebroque discursu illud impietatis delubrum, quasi vnus è ministris
diaboli frequenter ingreditur, expulsus de templo Domini, quod dum adhuc fidelis
existeret, sera ac pigra visitatione incoluit. Scriptum est enim: Non habitabit in me-
dio domus meæ faciens superbiam, & qui iniqua loquitur, non direxit in conspectu
oculorum meorum. Idem vero post negationem in honorem pristinum resti-
tutus, palatio reformatur: quo pædica & hamus cæteros illi-
ciendi existens, foret aliis in præuaricationis scan-
dalum, qui causa gloriæ temporalis
sibi fuerat laqueus.

*Exceptor im-
pius Christum
abnegat.*

Psalm. 100.

Destructio basilicarum. Cap. III.

INterea cum sæpius contra Dei cateruam sæua principis conspiratio inole-
 sceret, affligeretque vbique Christicolas, & nec sic omnes generali dila-
 psu, vt fidebat ad ritum suum prouerent, iubet ecclesias nuper structas di-
 ruere, & quicquid nouo cultu in antiquis basilicis splendebat, fueratque
 temporibus Arabum rudi formatione adiectum elidere. Qua occasione satrapæ tene-
 brarum inde capta, etiam ea templorum culmina subruunt, quæ à tempore pacis stu-
 dio & industria patrum erecta, pene trecentorum, à diebus conditionis suæ numerum ¹⁰
 excedebant annorum.

De seditione prouinciarum. Cap. IV.

- I** quia vndique dibellionum insurgentia bella magnam ei molestiam infe-
 rebant, (nam libere in cunctis Hispaniæ urbibus, quas vigore potestatis, &
 egregij potentia intellectus, largoque munere præmiorum pater suus ac-
 quirendo domauerat, & obsederat, hic priuilegium dominandi gerebat) ²⁰
² Præsertim cum & ex aliquibus locis cæsum & fugatum exercitum suum cernens, vbi-
 que imminui, vbique se gemeret in deteriora conuerti. Iccirco contra nos diu medita-
 tum in futurum differebat perditionis interitum, tardoque ac pigro impetu ecclesia-
 rum operabatur ruinas. Nam nullos credo Christianorum (nisi ista difficultatis obsta-
 rent repagula) secum pateretur morari. Quinimo, vt iam alibi præmissum est, si com-
 modam regnandi haberet licentiam, Iudæos etiam à se repellere compelleret. Quo so-
 lius gentis suæ comitatu vallatus, his præesse solummodo mereretur, cum quibus inex-
 tricabilia æterni barathri lueret tormenta, nec alterius diuersitate religionis vnitas
 damnabilis culturæ scinderetur. Ex qua, Deo vocante, & per splendentia fidei sanctæ
 mysteria compungente, plures admodum recedentes, & pietati adhærentes, mor-
 temq; spe firmiori propter Christum excipientes, idem ingemiscebat: prætereos, qui ³⁰
 nimia carnis impediti formidine, ardua cordis contritione Christo regi sub clamide
 adhuc militant.

*De odio suorum aduersum regem, & de ipsius auaritia, & de tribu-
 tis Christianis impositis. Cap. V.*

- U**mque Ecclesiam Dei flammis inuidiæ inurendo, interno cogitamine cor-
 rosus tabesceret, & suorum pacem affectaret, hæc & huiusmodi cōtra nos
 exercere disponderet: in nullo tamen diuinam dispensationem humana ⁴⁰
 procacitas præualet immutare. Quæ eum cunctis odibilem, vniuersis exo-
 sum, omnibusq; execrabilem reddens, etiam domestico, & vt ferunt pellicum suarum
 odio, vel maledicto impetitur. Verum vt scriptum est: Rex iustus erigit terram, vir au-
 tem auarus destruit eam, hic idem inauditis cupiditatum fascibus ardens, militum an-
 nonas demulcat: tribunorum coarctat donaria, lunaremque præmiorum discursum
 imminuit. Et cum sibi vilia admodum, & pene exigua à vicinioribus locis reddi ve-
 ctigalia cerneret (quia videlicet, si culpa vulgi is ad sceptrum Deo dispensante admo-
 tus est, tamen huius meritorum improbitate vrbes ac nationes in stimulum recalcitra-
 tionis inductæ, non ad integrum tributis prouinciarum eum perfrui patiuntur) ideo
 in nos arma districtiōis conuertens, & vt lutum platearum dominij planctu contri- ⁵⁰
 bulat: quorundam Christianorum eius optioni fauente nequitia, (si tamen Christia-
 ni, & non magis operarij iniquitatis appellandi sint) qui vt priuilegium chirographa
 exigendi obtineant, sortem Domini fideliumque conuentum suo vadimonio vel cri-
 mine à rege mercantes, importabili census onere colla aggrauant miserorum, quo-
 tidie plebem Domini pessimantes. Illa proculdubio plectendi in futurum senten-
 tia, quæ talium condemnans excessus, ait: Et qui pessimant plebem tuam, inueni-
 ant perditionem. Quibus vtique secundum veritatis edictum felicius erat grauatis
 molarum pōdere collibus profundo mergi, quam tanto pusillanimes perturbari scan-
 dalo, aut tantam vim gregi paruo inferre, cui patri dare regnum complacuit. In quo-
 rum con-

Proverb. 29.

Christiani
quidā Chri-
stianorum
persequuntur.

Eccles. 36.

Matth. 18.

Luce 12.

rum conspectu Deus non est, & à quorum intuitu iudicia Dei sublata sunt. Semper invidi, semper iniqui, ubique malitiosi, in alterutrum iracundi, in aliorum euerfione pacifici, in confederationibus infidi, in conspirationibus conciti, in circumuentione versuti, in apparatu noxietatis aptissimi. Pro se inuicem disparati, ad perdendum cæteros adunati, ad decipiendum excitati, ad miserendum pigri. In incessu tumidi, in assertionibus superbi, in promissione dubij, in datione auari, in largitione parci, in acceptione auidi. Id promittentes, quod dari nequeat, id conferentes, quo frui non liceat. Qui non dormiunt, nisi malefecerint, & consurgere ad iniquitatem festinant. Qui lætantur, cum male fecerint, & exultant in rebus pessimis. Et cum se Christianos esse pronuntiant, Christum quotidie in membris eius crucifigunt, ludæ proditoris documenta sectantes, qui præceptorem venaliter distrahendo, pecunias crucifigens, sibi quidem laqueum perditionis effodit, mundo autem libertatem debitam contulit. Hi vero se eidem incorporantes, cum redemptos eius crudeli accusatione affligunt, & (quod non sine graui cordis mei vulnere profero) quos tueri debuerāt, quia sumus inuicem membra Christi, eum (proh dolor) negare compellunt.

Proverb. 2.

De insultatione Procerum contra martyres. Cap. VI.

20 **I**s interim imminentibus malis, & huiuscemodi ærumnis Ecclesia vapulante, ferunt ob hoc regem ingenti crapulatum lætitia, ampliora fidelibus scandala irrogaturum se promittere: & vt alibi taxatum est, dira incurfatione, molestiaq; contriturum, si commodum regnandi successum diutius obtineret: adeo vt plerique procerum olim decedentium martyrum subsannantes constantiam, nobis referrent: quo nunc abiit illa vestrorum virtus agonistarum? quo aufugit magnanimitas? qua absorpta temeritas delitescit? vbi se eneruata fortitudo abduxit? qui dudum cōcitis gressibus certatim ad expugnandum dogmatistam nostrum occurrentes, debita ultione perempti sunt? Nunc adsint, nunc veniant, modo properent, si diuinitus inspirati illud in veritate conseruant certamen.

Cap. primo.

De Fandila martyre. Cap. VII.

DVm ergo in nos huiuscemodi irrisionibus insultarent, & hoc deludio nostram pene consummatam cladibus fatigarent miseriam: adolescens quidam Fandila ephebus, aspectu decorus, honestate vitæ probabilis sanctus, & timoratus presbyter inter has cedes, sæuaq; discrimina, ostium aditumq; primus exercendi martyrium sub huius tyranni priuilegio * patefecit. Hic itaque ex vrbe Accitana progenitus Cordubam discendi gratia veniens totam pene pubertatem ibidem sub pædagogi traditione peragens, confestim vt adolescentiam adiit, monastica oblectatus conuersatione, illico monachis se Deo iugiter militaturus admiscuit. Qui aliquibus locis peragratiss ac demutatis, in quibus ardens deuota mens requiescere non poterat, ultimo se in Tabanense cœnobium contulit. Ibi aliquandiu sub regulari disciplina, vel regimine Abbatis Martini demorans, perfectius in timore Domini elaruit. Et quoniam summæ humilitatis magnæque obedientiæ erat, iccirco gratia sanctitatis, qua cœlitus refulgebat, diu implorantibus ac rogantibus monachis cœnobij sancti Saluatoris, quod haud procul à ciuitate Cordubæ in parte Septentrio-
nis ad radicem mellaris pinaculi situm est, ad officium sacerdotale præelectus inuite, & (vt ita dixerim) violenter instantia vel præiudicio Abbatis sui sanctum ministerium suscipit, & nihilominus ieiuniorum, vigiliarum, orationumque solito propensius labores adaugens, ambulat de virtute in virtutem, visurus Dominum in Sion scalis meritum euectus. Cuius venerabilem vitam, cunctisque necessario imitabilem conuersationem, cum affatim digno laudum præconio eorundem fratrum atque fororum, quibus præerat, relatione pandatur, eo tamen magnificentius declaratur, quo florentissimam iuuentutem animo robustiore transgrediens, gladio martyriali non cunctatus fuerit subdere. Igitur comitante ipsum perfectione timoris Domini, cum omnia terrena despiciens mentem cœlo suspenderet, cuperetque dissolui melius, & cum CHRISTO manere, quam rebus hæere caducis, quodam die obfirmato vultu iudici astans, prædicat Euangelium, impudicum exprobrat vatem; cæterumque

* regno, aut imperio, sup.

Accitana urbs.

Tabanense cœnobium.

2.

Abbas Martinus.

Sancti Saluatoris monasterium. Pinna Melitaria.

Psalm. 83.


noxia combinatum culturae pædioribus (nisi resipiscens pietatis fidem apprehendat) vlticibus luiturum pœnarum incendiis protestatur. Hinc carcere trusus, & vinculis coarctatus, latronum mansionibus alligatur, principali postmodum sententia decollandus. Quod factum iudex regio intimari auditui non differens, accenditur igne furoris immensi, & quodam hebetatus horrore miratur stupidus, quæ esset illa victrix audacia, quæ tantæ gloriæ non expauerit regem, tamque sublime vanitate & superbia caput, atque (vt se putabat) super omnia excellens talibus non reuerentiæ ausibus propulsaret. Quamobrem eodem momento sub voce terribili episcopum comprehendit decernit. Sed ipse fugæ præuentus remedio saluatur. Nam ferunt iam tunc eum nulla intercedente dilatione punire decreuerat. Iusserat etiam omnes Christianos 10
generali sententia perdere, fœminasq; publico distractu dispergere, præter eos qui spreta religione ad cultum suum diuerterent. Et nisi hoc edictum consultu satrapum quassaretur, qui pro eo quod nullus sapiens, nemo vrbæ, nullusq; procerum Christianorum huiuscemodi rem perpetrasset, iccirco non debere vniuersos perimere asse-
rebant, quos non præit personalis dux ad prælium. Et hinc credo iam funditus Chri-
stianismum nostrum partim gladio, partim præuocatione extingueret. Fortissimum vero athletam gladio interficiens patibulo vltra amnem suspendi præcepit.

Episcopus
Cordubensis
in carcerem
ductus subetur
causa edicti
Volati, de
quo sup. lib.
2. cap. 15.
Græue Chri-
stianorum
periculum.

Gesta Anastasii, Felicis, & Digna martyrum. Cap. VIII.

20

Sancti Acif-
cli basilica.



Oppidum
Compluten-
se.

Asturia.

1 Vem sequens alio die Anastasius presbyter, qui ab ineunte ætate apud basi-
licam sancti Acicli Cordubensis disciplinis, & literis eruditus vsque ad
2 plenam iuuentutem ibidem in diaconatus officio degens, post monastica
3 vita, qua dudum fuerat spreto ministerio oblectatus incenibus egerat, de-
4 mum sacerdotio applicatur. Concito gressu palatium petens adstat consulibus, ho-
stemq; fidei veridicis assertionum stimulis feriens gladio confestim abscissus suspen-
ditur. Cum quo & Felix monachus ex oppido Complutensi progenitus natione Ge-
5 tulus, & quadam occasione in Asturias deuolutus, vbi & fidem Catholicam, & religio-
nem monasticam didicit, eodem die hac professione decissus affigitur. 30

Elisabeth
abbatissa.

Agatha Di-
gna appa-
ruit.

Digna hu-
milis.

6 CUMQUE dies illa maximum cursus sui explens metabulum, iam pene in ho-
ram nonam diuergeret: virgo quædam adolescentula merito, & nomine Digna, ex
collegio venerabilis Elisabeth, cuius rationem liber secundus edisserit, Deo reuelante
& confortante ad palmam processit. Paulò namque ante martyrium suum assistere
sibi per somnium videt puellam habitu & specie percomptam angelico, rosas ac lilia
manu gestantem. Quam cum de nomine, causaque sui exploraret aduentus. Ego sum
(inquit) Agatha, olim propter Christum diris attrita suppliciis, & nunc veni partem ti-
bi purpurei muneris huius conferre. Accipe libens donarium, & viriliter age in Do-
mino, nam reliquias rosarum & liliorum, quas in manibus seruo, post te ex hoc loco
datura sum migraturis. Tali denique virgo sacratissima visu ac munere illustrata, cum 40
è dextera colloquentis rosam susceperet, auris admixta cœlestibus ab oculis intuentis
eleuabatur. Hæc autem puella cum pro summa humilitate, atque obedientia inter
conuerginales vltima se iudicaret, essetq; incomparabili apparatu obsecundatrix, nun-
quam tamen appellari se Dignam patiebatur, dicebatque cum lachrymis: Nolite me
7 Dignam vocare, sed magis indignam, quia cuius meriti sum etiam nomine debeo insi-
gniri. Et cum à die reuelationis suæ amore compuncta martyrij tacito cogitamine,
quibus ad id posset iudiciis aspirare, sapius ruminare cœpisset, fit affatim lætior horum
instructa martyrio, quo quasi his præcedentibus hæc firmiori gressu succederet ad co-
ronam. Ideoque apertis silenter cœnobij claustris, cum iam beatos pendere compe-
risset martyres: concito gradu iudicem petens cur fratres suos præcones iustitiæ tru- 50
cidauerit assertionem intrepida percontatur. An quia (inquit) Dei cultores existimus,
sanctamq; fideliter colimus Trinitatē Patrem, & Filium, & Spiritū sanctum vnum, & ve-
rum Deum fatentes, & omne qd ab hac credulitate dissentit, non solū negamus, verum
etiam detestamur, maledicimus, & cōfundimus, idcirco confodimur: Hæc & his simi-
lia sancto, & immaculato ore differente puella, nihil cunctatus arbiter lictoribus decol-
landam cōmittit, qui mox delicatis inferunt iugulum collibus. Nec mora consternatis
corruens membris equuleo deorsum versa suspenditur, ceterisq; transflumen adscisci-
tur. Hoc namq; ordine hi tres vocati, Anastasius scilicet presbyter, Felix monachus, &
Digna virgo beata eodem die dispariter ceciderunt, 18. Calendas Iulij, Era Dcccxcj.

Benildis

Annum Do-
mini Dec-
liq. dies lu-
ny 14.

Benildis matrona martyr. Cap. IX.

Enique hos sequens Benildis, foemina ætate iam prouecta, & vt ferunt non
 † medie timorata, sub professione cæterorum occubuit 17. Calendas Iulij,
 Era qua supra. Quorum cadauera post aliquot dies ingenti concremata
 incendio, ad vltimum fluuij proiectu dispersa sunt.

pro, medio-
 criter
 I
 Annum Do-
 mini Dec-
 lij. dies lu-
 nij 15.

10

Sancta Columba martyr. Cap. X.

Ogimur vel numerositate certantium, vel debita sponsione votorum, in
 longam dictionis seriem stylum protendere. Hinc est quod, vltra quam
 putabamus, in magnum codicem materies aucta opusculi, pene modum
 mediocritatis excesserit. Quia post tot funera, & importabilium ærumna-
 rum discrimina, nullum prorsus talia opinaremur aggressurum. Nos tamen ab inchoa-
 tis nullatenus reticemus, quo cunctorum rationes, vt promissimus, enarremus.

INTER EA fuit virgo quædam nobilis & decora Columba nomine, ex oppido
 Cordubensi progenita, præfati Abbatis Martini, & Elisabeth, de quibus in præceden-
 20 tibus memorauimus, soror. Quæ cum inter bona parentum tenerrime in annis puel-
 laribus degens propositum Elisabeth sororis suæ, quod cum viro suo Hieremia, adhuc
 vulgo admixti gerebant; agnosceret, qui longe antequam monasterium peterent,
 multis se Christo religionibus inter conuentus populi consecrarunt: per sæpe genito-
 rum relicto consortio, domum sororis frequentius visitans, talibus se consignandam
 votis exoptat, anhelæque huius propositi verna cupit existere. Confestim itaque ter-
 rena omnia spernere desiderat: sed aduersatur puellæ intentioni genitrix repugnatu-
 ra. Quæ etiam contra sobolem Elisabeth eiusque virum fœdis iracundiæ motibus ex-
 citata, grauiter conqueritur, quod ita adolescentis illiceret animum: quod sicut se, &
 istam disperderet, mundumq; flore suo vernantem dissipato matrimonio relinquen-
 30 tes, in solatio exterorum id cuperent congerere.

INTER hanc autem conflictationem (vt vulgi mos est) disquiritur ad copulam
 nuptialem puella: crebrisque interpellationibus sæcularitate inuoluere exoptant, cœ-
 lestium thalamorum nuptiis diuinitus assignatam. Et cum nec illa consentiret, nec
 mater desisteret, quo nihilominus nuptui traderetur: ipsa mater (Dei prouidentia) ex
 improviso molestia ægritudinis occupata, sub celeri vocatione mundo exempta reces-
 sit. Remanet Dei famula, non tam matris obitu contristata, quam latior gratia suæ de-
 uotionis sine cuiusquam præiudicio adimplendæ.

VERVM nonnullo tempore in sancta religione apud urbem vtriusque sororibus
 40 versantibus, continuo expleto iam propriis (vt diximus) sumptibus Tabanensi cœno-
 bio, eo se viri cum mulieribus Christo militaturi conferunt. Ibi sancta virgo, terrenis se
 exuens, hæret cœlestibus, & mentem ad studium scripturarum conuertens, fit admo-
 dum eruditior inuestigandi, ac differendi sententiarum obscura. Crescit beatæ virgi-
 nis sanctimonia, & late diffusa cœnobij fama, etiam procul sitarum ad se urbium discursus
 inuitat, quo talium exemplorum magisteriis imbuerentur. Hæc autem virgo, sub
 fratris sui Martini, & Elisabeth regimine manens, præcellit meritis, & gratia honestatis
 omnibus præit. In conuersatione laudabilis, in humilitate sublimis, in castitate perfe-
 cta, in charitate firma, in exorando attenta, ad obediendum apta, ad miserandum cle-
 mens, ad indulgendum facilis, ad prædicandum diserta, ad instruendum prompta.
 50 His quoque virtutibus clarens cunctorum in se prouocabat affectum, omnibus norma
 speculumq; sanctitatis existens. Et quia crebro aduersarij tentationibus propulsaba-
 tur, ideo frequentioribus se coram Domino flectibus mactat: verens ne diu congesta
 laborum vilissimi prædonis irruptione perirent. Hinc ad maiorem sanctitatis caute-
 lam erigitur. metuque hostis adacta, solertius ad summam virtutum districtiori vita
 contendit. Hanc sæpe ægrimoniis tentator macerat, immittit fastidium, speciem vi-
 rorum prætendit, longum astruit victum, diuersisq; fatigat phantasiis. Quibus horri-
 bili metu compulsa luget immaniter, ne lapsu mortis à consortio dirimatur sponsi, cuius
 tanto se ardore charitatis asserebat interitus esse conflagratam, vt quasi excisæ car-
 nis cicatrice pro eius desiderio mente vulnerata existens, nisi solo eius intuitu in cœlis
 nullo modo se perhibebat posse sanare. Nullum vnquam peccatorem quamuis gra-

Martini
 & Elisa-
 beth.
 I
 Hieremia
 martyr.

Tabanense
 monasteriū.

Martini
 & Elisa-
 beth.
 Sancta Co-
 lumba laus.

uioribus oppressum peccatis sermone suo læsit, de nullius actibus iudicauit, de nullius desperauit salute, nec quemquam licet fœdis infamatum despexit rumoribus. Scio (referebat) versutias dæmonum, scio insolentias hominum, qui interdum ipsum maledictionis subsannatione impetunt, quem probatum dignioribus meritis habet omnipotens. Multa sunt enim iudicio condemnata humano, quæ diuino sunt probata, & sanctificata consilio. Et plerumque opinationibus suis transgrediuntur homines diuinam sententiam: dum cuius meriti apud illum quisque permaneat, nesciant. Et tamen iam quasi præfagi occultorum, vel dignum prædicent, vel reprobum infament. Cum utique inculpabilius, si ad se reuerterent, iudicarent: etsi quanto, vel quali oneri vnusquisque subiaceat, vel quo sit debito reus intenderent, nullatenus culpabiliter de incognitis disputarent. Sed agunt nonnulli hæc, quo in veritate exprobratio diuina contra nos olim prolata firmetur, quæ ait: Attendite, & auscultate. Nemo quod bonum est loquitur, nullus est, qui agat pœnitentiam propter peccatum suum, dicens: Quid feci? Qui proprii facinoris trabe neglecta, de festucis aliorum solliciti permanentes, quod leui susurrationis aure captauerint, verum nihilominus, & nullatenus incredibile esse affirmant. Numquam autem virgo clementissima sine causa iram admouit, nisi cum forte aut infantulis, aut aliquam e sororibus negligentem aspiceret, quas solo intuitu oculorum redarguebat humiliter. Numquam aliquando in cuiusquam prorupit contumeliam, nunquam os eius vaniloquio est occupatum, nusquam aniles & otiosas fabulas suis passa est admitti auditibus. Christum corde, Christum ore sæpius 10 meditans, illam frequentius cum omni affectu canebat antiphonam, quam in laudem Sanctorum beati patres suauiter cantu aptauerunt, Aperi mihi Domine Paradisi ianuam, vt ad illam patriam reuertar, vbi mors non est, vbi dulce gaudium perseuerat. Cum his colloqui delectabatur, quorum mens spiritali virtute succincta, mortificata cum vitiis, & concupiscentiis membra gerebant, nec cuiquam se, nisi forte spiritualibus viris, & id perrarum, ac serius visendi præstabat accessum. Quia claustra fœminarum à cellulis monachorum altis interiectis disparata maceriis, licet vnus patris gubernaculo regerentur, hæc tamen sequestratis se mansiunculis retrudentes, nulli omnino con-

Hierem. 8.

tuendi se facultatem præbebant. Sed, si subinde aut fratribus congrua instaret necessitas, aut hospitum pia impetraret humanitas, sola venerabilis Elisabeth per fenestram 30 se exhibebat cernendam, quæ prior, & totius erat mater vera monasterij.

Elisabeth
prior inter
religiosas
cetera tam se-
pore D. Eu-
logij.

Recludit se
sancta Co-
lumba.

QVODAM igitur tempore petiit à consororibus Columba, vt inter ipsa claustra in quodam angulo cellula sibi daretur, quo secum sola demorans immunis à cæterarum strepitu fieret. Annuunt pro rogatu sanctæ sorores, præbentque adminiculum suo consensu augendi virginis sanctitatem, quæ aliquam etiam inde percipere confidebant mercedem. Vt enim præmio dignum est sanctæ conuersationis studium, ita & erga pie viuentes religiosus affectus. Nec distat à factis bona consensio, quæ non virtute animi, sed vitium quassatur defectu: vt cum forte non fuerit vigor corporis talia exercendi, sit mentis intentio similibus delectandi. Communia sunt enim operis sancti commercia, & eo fiunt Christo gratissima, quo simpliciter in charitate perfecta ad 40 nostrum referimus commodum fraternæ sanctitatis studium.

DENIQUE indepta benedictione sororum, exors omni cœnobialium actione curarum virgo venerabilis, in contemplatione Dei, & meditatione scripturarum multum temporis perseuerans, post crebra suspiria, & fletus immensos, in quibus speciali munere supra plurimos cœlitus eminebat, denuo ad instruendos diuinis pastibus conuerginalium animos reuertitur ad cœtum. Ferunt namque illam persæpeternas, & quaternas horas, necnon vsque in medium diem in oratione decumbere, & cum nulla resonarent suspiria, nulloque singultu membra incuterentur, in magno tamen silentio 5 fletum promebat. Adeo vt subtus matta, in qua illa prostrato corpore exorabat, humectum lachrymis pauimentum ostenderetur. Maximum etiam in obsecrationibus 50 stando expendens curriculum, in tantam subito ferebatur theoriam, vt geminatus ex 4 vtroque oculo riuulus lachrymarum ad mentum descendens, in vnum cōuersus meatum, crebra stillatione guttatim quasi e tecto in humum influeret.

Tabanensis
cœnobij
nerfio.

Basilica S.
Cypriani.
Tobia.

INTEREA, cum furor persecutionis, qui in excidium ecclesiarum fremebat, hanc fœminarum collectam vrbi admoueret, in prædiolum, quod dudum sibi in confinio basilicæ sancti Cypriani extruxerant, sese conferunt retrudendæ. Hic iam constituta beatissima virgo incomparabiliter flebat, lugebatque vbertim, & suam quietem, quam gerebat in montibus, & tumultus quos in vrbe incurrerat. Semper tamen, & 3 corde & lingua clamabat: Tu nosti Domine, quia diem hominis non concupiui super terram,

terram. Semper prædicabat, semper orabat, semper psalmos canebat, semper in ore eius latus, & benedictio Domini resonabat. Et quia virginum mansio præfati sanctuarij parietibus cohærebat, tantumque obiectu maceræ a vestibulo altaris dirimebatur, si quem forte cantum sanctorum laudibus resonantem per natalitia martyrum audisset à clericis psallentibus, confestim quadam iucunditate coelestium desideriorum compuncta prorumpibat in lachrymas: ut non minus illam introrsus crederes proclamare: Sitiit anima mea ad Deum vivum, quando veniam & apparebo ante faciem Dei, fuerunt mihi lachrymæ panes die ac nocte, dum dicitur mihi quotidie, ubi est Deus tuus. *Psalm. 41.* Ipsis etenim nexibus corporis, quibus in hac peregrinatione mens sancti cuiusque retenta, ab illa ineffabili claritate sanctorum cum magna supernorum desideriorum siti exusta seiungitur, velut obstantibus murorum repagulis ne ad civitatem viuentium concito, quo vult, gressu pertingat: quasi è regione onus membrorum sibi credens resistere plorat & dicit: Fuerunt mihi lachrymæ meæ panes die ac nocte, dum dicitur mihi quotidie, ubi est Deus tuus. *Ibidem.* Cum illo utique esse desiderat, cum quo Apostolus resoluta iam mortalitate cupiens permanere, dicebat: dissolui & esse cum Christo melius est. *Philip. 1.*

VERVM indefinenter his votis sancta Columba insistens, cum plus aliquid, ut reor, in semetipsam cruciatus, ipsa inferret, quam furens imploderet carnifex, vigiliarum, ieiuniorum, atque orationum scilicet continuando labores: quasi parua essent ista omnia, proprio & ultro neo in se voto illata tormenta, velut de suis etiam meritis, etsi maiora exerceret, non confidebat. Ac metuens ne centesimum virginitatis suæ fructum vacuum apud patrem commodi reperiret: ad ineffabile martyrij indubia lucrum aspirat, quod peccatores etiam directo tramite in regnum mittit cœlorum, dicente Euangelio: Regnum cœlorum vim patitur, & violenti diripiunt illud. *Matth. 11.* Hinc iam ardentius in amore Christi succensa, concitis ad eum gressibus, cui fideliter seruierat, anhelans peruenire, quibusdam etiam reuelationibus ad id frequenter impulsæ: quodam die irrupto latibulo, referatis tacite foribus in forum digrediens, licet in cognita viarum urbis existeret, prouido tamen exploratu, quo iudex moraretur, addiscit. Ibi cum peruenisset, eiusque altaret obtutibus, dat professionem Catholicæ fidei, profert euangelicam veritatem, iniquum dogma retundit, auctoremque magni esse sceleris talia præsumentem annuncians, ipsum denuo arbitrum quare se talibus sacrilegiis combinaret, blandis admodum verbis hortatur. Cuius speciem verbaque miratus, illico eam in palatium ducens, satrapum concilio repræsentat, ibi adhuc proficitur, prædicat, admonet, omnes suæ potius debere saluti consulere, quam vanis insistere deceptionibus, quibus eam transuertere conabantur. Dicebat etiam, non talem Christus habet sponsam, quæ immutari de pristina compactione arrarum eius præualeat. Nam quis ditior illo est, ut vos me copiis rerum credatis illicere? Quis pulchrior eo est, cuius speciei formæ præ filiis hominum claret, ut vos me nuptu terreno arbitremini oblectandam? Quis cultus vel secta euangelicæ fidei veritate sanctior est, quæ per totum orbem Apostolorum vocibus promulgata, æternæ spei credentibus præmium repromittens, omne prophetismum, quod ab illa dissentit, anathema esse in veritate non dubium est. Quamobrem relicta vanitate, verum euangelij ducem requirite, quo melius filij lucis, quam genimina tenebrarum, mortisq; soboles appellemini. Ille etenim dixit: Qui sequitur me, non ambulabit in tenebris, & omnis qui vivit, & credit in me, non morietur in æternum. *Psalm. 44.* *Ioan. 8.*

IGITUR cum fortissimam virginis constantiam consules vniuersi aduerterent, & neque immutari posse talibus imbutam oraculis cernerent, neque hortatum assertionis eius ferre valerent, continuo ante fores palatij eam trucidari præcipiunt. Quam cum summa reuerentia foro constituentes, non se prius decollari permisit, quam præmio licetorem virgo sacratissima honoraret. Sicque pronior ceruicem inclinans, in lapsu iuguli delicatum corpus sternitur. Nec mora, ut erat lineis indutum, cadauer sporta immissum alueo proiici principes mandauerunt, nec sicut cætera occisorum cadauera, aut pro foribus neglexerunt, aut equuleo suspenderunt 15. Calend. Octob. Era DCCCXCI. Quod post sextum diem illæsum & integrum quorundam solertia monachorum diuinitus nobis allatum est, dignoque officio in basilica sanctæ Eulaliæ virginis & martyris, quæ in vico Fragellas constituta est, honorabilem meruit sepulturam. Hoc nobis ad fidem de ea relatum est. Cæterum tu sacratissima, quæ utiliter Ecclesiam Catholicam & viuens conuersationis exemplo, & moriens celsio meritorum instituis patrociniis: esto memor cultoris tui, erue me laqueis mundi, abstrahere pertur-

6 Sancta Columba ad martyrium properat. (progenara)

7 Sancta Columba iugulatur.

8 Annus Domini DCCCXCI. dies Septembris 17. Sancta Eulalia basilica.

9 10 Fragellas.

bationibus sæculi, & confer post mortem requiem paradisi. Per Dominum nostrum Iesum Christum, qui viuit cum patre & Spiritu sancto, vnus & immortalis Deus, per infinita sæcula sæculorum. Amen.

J. Pompa virgo & martyr. Cap. XI.

*Monasteriū
sancti Saluatoris.
Pinna Mellaria,
Fandila
martyr.*



Gitur cum ad multorum notitiam ipso die rumor consummati martyrij prædictæ virginis peruenisset, & non solum totam ciuitatem, verum etiā viciniora loca inserperet: virgo quædam venerabilis, nomine Pomposa, ex cœnobio S. Saluatoris, quod ad radicem Pinna Mellariæ constitutum est, quo dudum se cum parentibus, fratribus & cognatis Christo militatura contulerat: ex quo antea beatissimus Fandila eiusdem loci sacerdos olim descenderat: mox vt illud martyrium à dicentibus comperit, alio die cita occurrit. Hæc namque virgo beata parentum, & propinquorum sanctam conuersationem, quam gerebant in Corduba (ex qua erant progeniti) cernens, confestim auida mente tali se voto assignans, cum his simul mundum spernit, labentia deserit, integritatem promittit, mansuraque pereniter toto nititur conatu appetere. Quapropter parentes eius, distracto patrimonio, præfatum cœnobium construentes in eo loco, qui ex eo quia ab antiquitus congestos in illa celsiori rupe apum industria fauos, qui vsque hodie permanent, maiores nostri viderunt, Pinna Mellaria vocatus est. Ibidem autem se ad exercitium vitæ monasticæ collocantes, tradunt beatam hanc virginem inter illum suorum conuentum pulchriorem gratia sanctitatis floruisse: & quæ vltimum per ætatem gradum tenebat, sit cæteris excellentiori culmine innocentie ac simplicitatis merito sublimata. Tantoque in scripturarum meditatione fortissima permanebat, vt si fieri posset, non diebus, non noctibus à lectione vacaret, nisi quarundam ingruentium tempestatum impediretur procellis. Si quid fortè ad suam exaggeratum sentiret iniuriam, illa quæ maxime humilitatis gratia prominebat, cuncta patienti animo sustinebat. Instabat vigilijs, ieiunijs, & orationibus crebrius incubabat, quibus fauente Domino inuiolabiliter votum posset conseruare promissum. Plura sunt quæ de eius sanctitate referente nobis famulo Christi Felice monacho, eiusdem cœnobii Abbate, cognouimus, quæ obtentu euitandi fastidium relinquentes, ad illud, quod eam sine dubio cœlo præmisit, quam propere festinamus. Cum enim summæ sanctimonie studium gereret, seruiretque Deo fideliter, mox vt beatæ Columbæ martyrium comperit, illico interius igne conflagrata martyrii, sit admodum lætior tali nuntio recreata. Et quibus ad id posset pertingere passibus, tacito & singulari cogitamine ruminat. Et ô miram vocationem Domini, & supernæ dispositionis aditum patefactum, quo nullus prædestinatus martyrij gloria defraudatur: quo nemo cœtui sanctorum ascriptus, humana potest illaqueatione teneri. Fuerunt namque quod multo satis ante hoc tempus hæc virgo ad martyrium conuolasset, nisi quibusdam suorum impediretur repagulis, qui eam, causa sæuientium persecutionū, alta seruabāt custodia. Sed quid in se potest habere custodie conditio miserabilis? quando, sicut scriptum est, nisi Dominus custodierit, in vanum vigilant, qui humaniter se quippiam custodire arbitrantur. Etenim ipsa superueniente nocte, cōsummata in Dei laudibus nocturna vigilia, vnus è fratribus suis ceteris quiescendi gratia regredientibus ad cubile, quasi diuinitus moneretur, & certe non sine prouidentia Domini, arrepta claue, portam monasterij in consuetus aperuit, minimoq; tātummodo clauo superposito retrusit. Ad quam illa silenter accedens, & clamorē referans, vadit per tenebras noctis cœlesti lumine illustrata. Totumque illud iter vasta horridum solitudine ante lucis crepusculum transiens, clarescente mane urbem ingreditur, seseque obtutibus iudicis præsentari non differt. Ad quem sanctæ fidei rationem proponens, vatemque impudicum simplici exhortatione confundens, confestim ille gladio trucidandam decernit, sicque ante fores palatij constituta exempto capite consternatur 13. Calend. Octob. Era Dcccxcj. Cuius cadauer in flumen proicientes, quorundam mercenariorum studio in quadam fouea congestum desuper multo puluere tumulatur. Ex quo iterum, Christo fauente, post dies pene viginti, industria quorundam monachorum inde abstractum, ad prædictum beatæ virginis Eulaliæ sanctuarium reportantes, digno ibidem sacerdotum & religiosorum ministerio, ad pedes sanctæ Columbæ humatum est. Quod nihilominus diuina credimus dispensatione peractum, vt quæ se in vita

Pinna Mellaria vnde dicta.

*Felix Abbas
Pila Mellariensis.*

Psalm. 126.

*Anno
Dccclij. dies
Septemb. 16.
S. Eulalia
basilica.*

se in vita sua tanta charitate dilexerant, morte etiam ab sepultura indiuifæ manerent, regnante domino Iesu Christo in secula seculorum.

Abundius Presbyter & Martyr. Cap. XII.

EX hoc autem tempore, decem mensibus interiectis, quidam presbyter Abundius nomine, de vico Ananellos, qui est in montana Cordubensi, exortus, ibidemque sacerdotium suum peragens, *ferunt*, quorundam commento, vel fraude gentilium, ad martyrium fuisse *pertractum*. Sed ille Dei famulus cum se quadam vocatione in sacrificium verum cælitus aptari conspiceret, quo nolens ducebatur, grato animo adiit. *10* Ac sic interrogatus à iudice, intrepida responsione rationem fidei pandēs, vltimo scelerosum dogmatistem, eiusq; cultores veridicis assertionum obiectis inculcat. Ideoque sub celeri indignatione peremptus, canibus & bestiis deuorandus exponitur V. Idus Iulii. Era DCCCXCII.

Ananellos vicos.
Hæc Latini-
us emenda-
da; aut le-
gendum:
fertur
pertractus.
Annus Do-
mini 853. di-
es Iulii 11.

Martyrium sanctorum Amatoris, Petri, & Hludouici. Cap. XIII.

SUCCEDENTI deniq; tempore, quidam presbyter adolescens, nomine Amator, qui Solim ex oppido Tuccitano cum genitore & fratribus suis Cordubam discendi gra-
20 tia aduentarat, & Petrus monachus, ac Hludouicus contribulis noster, & frater Pau-
li Diaconi, cuius Martyrium liber secundus exponit, ex ciuibus Cordubensibus orti,
vno se fœdere colligantes, ad prædicandam Euangelicam veritatem aptarunt, ideo-
que celeriter sub præcedentium professione perempti sunt. II. Calen. Maias, Era
DCCCXCIII. Quorum corpora fluuiatibus immerfa gurgitibus, Deo fautore, post
aliquot dies littori exponuntur, & cum penitus nullam suæ quietis sanctus sacerdos
notitiam dederit, manent tamen cæteri sancti venerabiliter in præcognitis locis repo-
siti. Nam beatus Petrus in Pinnæ Mellariensis cœnobio tumulatur, Hludouicus in
vico Italicensis prouinciæ nomine Palma, quæ Singilio flumine præfidet, digniter re-
quiescit.

Tuccitanum
oppidum.
Hludouicus
Pauli marty-
ris frater.
Annus 855.
dies Aprilis.
30.

Pilemellari-
ense cœnobium
Italicensis pro-
uincia.
Palma oppi-
dum.

De Witesindo Martyre. Cap. XIV.

EA tempestate Witesindus quidam vir ætate iam plenus, ex prouincia Egabrensi,
qui nescio ob quam persecutionem dudum fidei sanctæ lapsum incurrerat, dum
ad exercitium nuper indepti cultus adhortaretur, abnegat se eiusmodi sacrilegio ma-
nere infectum: quod vel carnis infirmitate, vel circunventione diaboli, subito sibi
susceptum est: Illo momento cum talia fateretur, sub celeri indignatione peremptus
est, Era qua supra.

Egabrum.

Annus Do-
mini 855.

Helie presbyteri, Pauli, & Isidori monachorum Martyrum. Cap. XV.

PRÆTEREA Helias presbyter iam senex ex prouincia Lusitania, cum Paulo & Isi-
40 doro monachis adhuc iuuenili ætate florentibus, sub priorum professione perem-
pti sunt XV. Calen. Maii, Era DCCCXCIV. Quorum corpora patibulis eleuata,
post multos dies Bætico sinu conduntur.

Prouincia
Lusitania.
Annus Do-
mini 857. di-
es Aprilis 17.

De Argimiro Monacho, & Martyre. Cap. XVI.

INDE præterea Argimirus quidam Confessor vir nobilis & ætate iam plenus ex oppi-
do Egabrensi cognationem ducebat, & quodam tempore Cordubæ patritiæ Cen-
sor à rege præfectus extiterat, cum se motus ab administratione iudicii, otium cœno-
bii incoheret quietus, quorundam ethnicorum dolo vel odio circunuentus, accusatur
50 coram iudice de subfano vatis sui, & exprobratur de professione diuinitatis filii Dei,
quodque isto omnipotentem nullum alium fateatur, & illum vanitatis auctorem,
ducemque asserat perditorum. Continuo Dei seruius sub grandi & ferocissimo iudicis
motu coniectus ergastulis, arctius coarctatur. Quem coram se post aliquot dies iu-
bens adstare, dum suis adhortationibus & lenociniis quoddam verborum, profano ritui
manicipare studet, nec præualet: pertinacem in sancto proposito militem Christi e-
quuleo viuentem imposuit, enseque transfossus peremittit IV. Calendas Iulias, Era
DCCCXCIV. Cuius corpus cum post multos dies ex præcepto iudicis de patibulo
deponeretur, cuiusdam religiosi solertia sancti Acisceli basilicæ deportatur, ac digno sa-
cerdotum ministerio propè tumulum prædicti Martyris, & sancti Perfecti humatum est.

Egabrum.
Corduba pa-
tritia.
Censoris mu-
nus.
Eorū, leno-
cinio quoddā:
aut lenocini-
is quibusdā:
aut lenocini-
is quorundā
verborum.
Annus Do-
mini 856. di-
es Iulii 28.
Sancti Aci-
sili basilica.
Sanctus Per-
fectus mar-
tyr.

*Adulphus
& Ioannes
Martyres.
Cuteclariensis
monasterii.*

*Prouincia
Hispalensis.*

*Iudex Aurea
consanguineus.*

*Aurea fidei
abnegat.*

Aurea poenitentia.

*Reciduo vel
rediduo.*

EA tempestate virgo quædam nobilis, nomine Aurea, sanctorum Adulphi, & Ioannis Martyrum, de quibus in præcedentibus memorauimus, soror, quæ à tempore collisionis eorum deuotionis præmio fungebatur, cum reuelatis sacræ religionis studiis in cœnobio Cuteclariensi, quod antiquitus sanctæ & gloriosæ virginis Mariæ nomini dedicatum est, cōmaneret per annos ferme triginta, & amplius, cunctis fidei suæ notitiam donans, nec ullis adumbrata pauoribus, conuersationem Christianismi sui patulo gerebat congressu. Et quia erat stemmatis ortu præcincta, grandique fastu Arabicæ traducis exornabatur, nullus exterorum virginis fidem incurfare audebat, donec quidam suorum ex prouincia Hispalensi, vnde genus trahebat, diuinitus ut arbitror concitati, quo iam debita ante mundi constitutionem virgini corona martyrii pararetur, & præstantius in cælestibus de cōsummato lætaretur triumpho, causa explorandi ad se perlati rumoris fidem, ac propositum virginis venientes, callide contribulam suam gratia hospitandi sese inuifere mentiuntur. Quam non solum Christianam, verum etiam sacræ deuotionis insignitam stigmatate contuentes, confestim de ea iudici referunt quæstionem. Qui & ipse iure natiuitatis eidem virgini concretis adhærebat profapiis. Tali ergo stimulus relatione, suis eam assistere iubens obtutibus, quare se tam nobiliter auctam famulatu fidei Christianæ degenerem reddiderit, vilique proposito tam præcelsi generis infecerit infulam clementi admodum exhortatu compellat. Sed poteris (inquit) quam propere totis absolui pædoribus, debitamq; interpolatæ originis recipere claritatem, si tui gerens consultum fidei nostræ cultibus intimis te votis admittendam elegeris, summisq; nobis affectibus parens, quod sequimur sequaris, & quo ducimur ire contenderis. Si verò & contemptos nos, & etiam quæ colimus abrogaueris, & illos quos hætenus æmulata es, intuitu fidei sectare decreueris: post varia diræ cruciationis tormenta, post multiplicium dolorum immensa supplicia, quæ merito tanti criminis rea rependens, postremò turpissimæ mortis suppliciū incurres. Ferunt eodem momento virginem sub iudicis obiurgatione cessisse, & omne sibi imperatum libenter exequendum polliceri. Et quia melius de rebus non expertis silendum est, quā procaciter incognita ventilare, cuius rei obtentu hæc ipsa negatio Martyrem futuram subrepserit, vtrum formidine carnis, an causa disponendi rem familiarum, incompertus testificare non audeo, nisi forte ex subsequutis euentibus, quibus postmodum obstinenter in professione perdurans, promerita adepta est laureā, ut sese cōiectura arbitratus humani habet, carnis illam infirmitate non subcubuisse credam? Igitur post auditam iudex oris eius professionem, qua iuxta omnes ritus legis suæ degere sponponderat: illico abeundi, quocunq; vult, sibimet libertate collata, è vestigio domum regreditur. Ac sicut prius militans Christo nullatenus à proposito sanctæ fidei desineuit, nec à fidelium contubernio se passa est disgregari, quin potius illorum per sepe se cœtibus conserens, quos pietatis religio perlustrabat, condignis fletibus affectuq; interno lapsum linguæ deplorans, spei suæ veram fiduciam ad redemptoris alligat indulgentiam, si forte reatu præuaricationis obnoxiam famulam non repellat, qui adu- teram ab exitio lapidationis eripiens, Petrum à maris fluctibus incubantem Apostolico functurum primatu receptat, furemq; patricidio coinquinatam suo comitatu paradisum lustraturus admittit. Nec obesse fidebat prælargæ, & incomparabili Domini pietati inutilis famulæ momentaneum crimen, apud quem multimoda miseratio, & redemptio copiosa & exuberans, præuenit gratiæ dono indignus, & quibus strenui laboris stipendia nulla suppeditant, cōsulta pietate iustificat. Auget præterea virgo sancta compunctionem, studium lamentationis multiplicat, votis vota cōgeminat, & duplicato mœrore affectuq; mentē perurgens, ne supremo examine aut de scelere cōdemnata, æterno mancipetur supplicio, aut à consortio fratrum suorum Adulphi scilicet, & Ioannis Martyrum beatorum congruis meritorum repagulis detrudatur, felicibus votis adnititur.

Exin claro intrepidoq; processu frequenter Ecclesiam adiens, iam iamq; in virtute Domini roborata, terrenis abstracta contagiis: & cælesti curiæ anhelat ascribenda: si fortè cuiusquam reciduo contestationis euentu in ius denuo mitteretur. Sed hæc callidus veterator non leuiter ferens, cum fideliori conciliatu nuper elapsam, creatori suo nunc quàm antea militare intelligit, nec in aliquo penitus profuisse conuentionis suæ præstigium contuetur, quin iniecto stupore nescio cuius habitudinis transuersam virginis linguā à professione veritatis leuiter & perfusorie cōstituerat ore, non corde fuisse sublatam aduertens: haud dubie condemonibus de exten-

to cursu

to cursu conqueritur dicens. Hæc celebs pridem me labiis fortuitu honorans, modo cor eius præinctum virtute superna, grandi obiectu à meis disparatur illecebris. Et iccirco quendam in persecutionem Beatæ Virginis, pruritans denuò, ad perquirendam tyronem fidei suæ compulit.

Nonnulli interea gentilium eius explorantes conuersionem, nihilominus iuxta *Aurea iteri
accusatur.* priorem habitum Christi famulam reperientes, illico de ea coram iudice questum deponunt, crimen asserunt, dolosque prætendunt, & vt tanti abusus presumptioni vindex occurrat, talesque ausus legali auctoritate percellat, peruersis linguis contendunt. Qui protinus vehementi ira comotus, ferocium truculento satellitum ministerio suis
10 tam attrahere conspectibus iubens, illico exhibitam de contemptu nuper adepti cultus redarguit, de neglectu promissi comminatur propositi, & cur tanti iuri decretum non reuerita sit horrifonis percontatur clamoribus. Tum virgo, quæ se nouerat ad tale iam diuinitus electam certamen, vt erat prudentioribus diserta facundiis, sancto iam perlustrata respectu, iudici refert. Nunquam à Christo Deo meo separata sum, nunquam à religione pietatis eius discessi: nunquam prophanationibus vestris vel ad momentum inhæsi, licet dudum coram te, lapsu quoddam sermonis, lingua succubuerit. Erat autem cor meum fiduciam habens in Domino, qui me suarum promissionum introrsus adminiculis erigebat dicens, Qui credit in me, etiam si mortuus
20 fuerit uiuet. Inde quamuis verbotenus laqueum præuaricationis incurrerim, viuio tamen sanctæ credulitatis tenore cor præmunitum gerēbam. Nam statim quo à te digressa sum, & votis & affectibus lachrymosis, quem ab infantia mea didiceram cultum exercui, fidem seruauī, propositum gessi. Restat ergo iam nunc, vt secundum profanationis vestræ ritum, aut gladio vindice puniar, aut si inultum præterire factum huiuscemodi potest, de reliquo tota me libertate ad cohærendum Christo domino prætermittē. Tunc immanissimus arbiter virginis assertionē succensus facturus de ea regi relationem ergastulis mancipauit, ingentique vinculorum onere coarctauit. *Aurea ingu-
latur.* Quam alio die per decretum principis gladio trucidans, confestim exanime corpus eius cuiusdam homicidæ patibulo, qui ante paucos dies affixus fuerat capite deorsum suspendi præcepit: cuius beatum cadauer cum cæteris furum membris, qui
30 tunc ob flagitium interempti sunt Bæticis immersum gurgitibus nullum hætenus comparandi vestigium præbuit. Christus autem Deus, & Dominus noster qui est adiutor bellantium, & Martyrum coronator, qui dat lassis virtutem, se quoque requitendi affectum insinuans, prouidam pulsandi ianuam misericordiæ suæ confert, intentionem, multimodo rerum effectu secundum placitam sibi dispensationem præscitam, & prædestinatam ante mundi principium, ad coronam Martyrii famulam suam in pace suscepit. Cui est honor & gloria, virtus, & potestas in secula seculorum. Amen. Coronata est hæc virgo XIV. Calendas Augusti, Era qua supra:

*Annis Do-
mini 856. di-
ci Iulii 19.*

FINIS LIBRI TERTII

Caput primum.

Militaribus vescebantur] In Sancio Martyre de his Christianis nobilibus Sarraceni regis tyronibus iam dictum est.

Caput quartum.

Et quia undique.] Rasis Omarum Hacanis filium contra hunc Mahometum regem rebellasse scribit, ipsumque ab regis exercitu in prælio interemptum. Vixit deinceps, eodem authore, quietus in regno. Rudericus, Toletanos aduersum regem insurrexisse, in Arabum historia scripsit. Victi sunt, & magna strage deleti Toletani, cum rege Ordonio, qui suppetias eis ferebat. Crediderim Omarum Toletanorum ducem fuisse.

Casum, & fugatum.] Ego diuo Eulogio magis crediderim, quam Rasi, qui omnia ei pacata & prospera ubiq; euenisse commemorat. Quanquam cum primo prælio fusus eius exercitus fuisset: potuit deinde & ipse vincere, & rebelles domare.

Caput quintum.

Lunaremq; præmiorum.] Stipendium intelligo, quod singulis mensibus militibus persoluebatur. Ego non solui stipendia per omnes anni menses intelligerem maxime quibus domi milites agerent: cum iam prius ipsis annonis demutillas dicit Eulogius.

Chirographa exigendi.] Hoc est, ut tributis per chirographa exigendis præficerentur. De chirographo vide Docum. Mart. pag. 91. ad finem.

Caput septimum.

Accitana
Colonia.

Ex urbe Accitana.] Vrbs hæc nunc Guadix in Granatæ regno vocatur. Nec est huius loci causas, & testimonia afferre, quæ in Hispaniæ antiquitatibus cõgessimus, ut eadem esse Gaudixiensem urbem, & Accitanam Romanorum olim coloniam probarem.

Se Tabanensi.] De hoc monasterio, de isto etiã altero sancti Saluatoris, superius crebra fuit mentio. Pinnæ Mellariæ retro quoq; meminit, sed suus adhuc erit locus de illa dicendi capite. XII.

Ratio tem-
poris.

Fortissimum vero athletam.) Diem & annum hic prætermisit Eulogius. Ex Vsuaro, Adone, & Equilino Idus Iunii fuere, hoc est tertius decimus eius mensis. Et siquidem die insequenti Anastasius est passus, ut proximo capite scribitur: planum etiam ex Eulogio fit, tertio decimo Iunii sanctum Fandilam fuisse trucidatum.

Caput octauum.

Quem sequens alio die.] Insequentem nullo interiecto diem, hoc est crastinum intelligi debere, ex die cædis sancti Fandilæ indicatur.

Spreto ministerio.] Diaconii ordinis, cuius est præsertim, ut vocabulum ipsum Græcis sonat, in Ecclesia ministrare.

Ego Encanibus pro Encanis, quasi noua dedicatione legerẽ, & paulo sup. in textu, monasticam vitam.

In cenibus egerat.] Locus, quantum ego capere possum est corruptus. Nam neque cenibus vocabulum quid significet reperio: neq; tamen quo pacto emendare possim, succurrit. Et in veteri ita plane fuit scriptum. Nisi fortè quis legendum credat scenicus per S. & tabernacula velit intelligi, vnde & Scenitæ Arabes dicuntur.

Natione Getulus.] Getulia Africa pars est. Hinc autem opinio illa ortum habuit, ut ex Sarracenorum progenie editum hunc diuum credatur. Potuit profectò ex parentibus Christianis nasci. Erant enim in Africa, tametsi ab Sarracenis occupata, Christiani, quemadmodum in Hispania Mocarabes.

In asturias deuolutus.] Hinc quidam hunc nomine & re ipsa Felicem Martyrem in Asturiis passum scribere.

In horam nonam.) Computatio est Romanorum, in sacris etiam Euangeliiis vsitata. Huius autem sancti Martyris festum nonnullæ Hispaniæ Ecclesiæ celebrant totumq; hoc de Dignæ virginis insomnio iisdem penè verbis in lectionibus referunt. Vnde constat diui Eulogii libros legisse, quicumq; ei festiuitati historiam compararunt. Et nos etiam quædam in libro de sanctis Martyribus Iusto & Pastore scripsimus: sed cum nondum diui Eulogii scripta vidissemus.

Nolite me Dignam.) Vera humilitas ex sui cognitione deiecta, in cælum tamen usq; ad Dei cognitionem effertur. Multa sunt autem, quæ perfectam nobis nostri cognitionem præstare possint. Sed illud vnum est, quod ad eam ipsam me sæpe perducit. Nunquam me totum mihi plenè cognoscendum offerro: introspicere me vndiq; omni ex parte non sustineo: & aliquid incompertum reliquisse, me ipsum misere fallens, penè exulto. Hoc, qualis sim, demum mihi ostendit. Hic miserabilis pudor me conspiciendi, me met ipsum mihi plene conspicuum facit. Hoc ipsum olim miseriam nostram deplorantes, hoc Epigrammate complexi sumus.

*Si quando interno me totum lumine lustrem,
Vestigansque animum cernere me cupiam:
Conscia mens qualem sit me ostensura, veretur;
Aque mei partem subtrahit illa mihi.
Cum delusa tamen me me occultasse putabat:
Me miserum tunc me plenius aspicio.*

In cōmune autem ad sui cognitionem mentem etiam tetraſticho olim excitaui-
mus, ex illa Sponſi in canticis adhortatione: Nisi te noueris, o pulcherima mulierum:
egredere post vestigia gregum tuorum, pascere hædos tuos.

Canti. i.

*Tu nisi te agnoscas (mens o pulcherrima rerum)
Quas toto pulcbras condidit orbe Deus,
Pro desiderio, quod te ad sidera tollet,
Turpis terrarum sollicitabit amor.*

Caput nonum.

Ouorum cadauera.) In sancti Zoyli, apud Carrionē nobile oppidū, monasterio ordi-
nis sancti Benedicti corpus sancti Martyris Felicis Cōplutensis in argentea theca ser-
uatur, & magna religione colitur. Eo fuit cum Sancti etiam Zoyli corpore translatum,
quod in vetustis cœnobii monumentis, quæ ego ibidem legi, traditur. Et tamē hic vi-
demus eius cadauer per ignem & aquam fuisse dissipatum. Potuit tamen pia Christia-
norum diligentia ossa non penitus incendio consumpta, de flumine extrahere. Id utiq;
fuit facile cum igne deſſicata ſupernatarent.

Sancti Zoyli
monasteriū.

Caput decimum.

Cum viro suo Hieremia.) Libro 2. cap. 4. aperte ostendimus hunc eundem esse Hie-
remiam, qui Martyr eo capite scribitur. Vide quæ ibi apposuimus.

Huius prapositioni verna.) Hoc est: cupiebat relictis parentibus in monasterium Hiere-
miæ transmigrare, & tanquam vernacula ancilla ei adhærescere.

Vt subtus matta.) Intextum ex sparto seu iunco stramentum. Inde apud Ouidium
in fastis, *Scirpea matta.*

Theoriam.] Græcum est vocabulum: qua si tu dicas contemplationem.

Sancti Cipriani.) Et hæc basilica intra urbem fuit.

Foro constituentes.) Manifestum hinc est forum ante fores palatii extitisse: ut id pla-
teæ fuerit, quod arcis muris obseptū, ante tamē quam ipsam arcem ingrediamur, cum
fluminis prospectu expanditur. Aut illud fortē vacui soli, quod inter turrin, quam Le-
onū vocant, & Episcopalis domus hortos interiaceret, forum fuit. Sed illud alterum ve-
ro propius est.

Turris Leonū.

Cum summa reuerentia.) Intellige sanctam Martyrem cum summa grauitate & mo-
desta vultus constantia ad Martyrium vadentem, ministros & carnifices traxisse. In
quibus quæ potuit esse reuerentia?

Non se prius.) Tanquam quæ summum in morte pro Christi fide obeunda benefici-
um esse intelligeret, etiam carnifici, quanquam immerenti, aliquid eidem largiendo,
voluit gratificari. Hoc innuit: nec tamen quid ei dederit explicuit.

Sanctæ Eulaliæ.) Duas habuit olim Hispania hoc nomine Martyres, Emeretenſem
alteram, alteram Barchinonenſem. Neq; enim audiendi sunt, qui vnam ex vtriusq; fa-
cere voluerunt. Contra quos in nostra historia fuisse disputauimus. Neq; tamen vtrius
fuerit basilica, indicauit. Neq; de oppidulo Fragellas habeo, quod dicam.

Eulaliæ dua.

Caterum tu sacratissima.) Quemadmodum sanctæ huius Martyris vitam, & cædem
cōpiously, atq; etiam facundius diuus Eulogius perſcripſerat, ita etiam pia prece hic in
fine voluit ipsam compellare. Et utroq; quidem fuit virgo dignissima. Ut enim eius vita
eximiis sanctitatis exemplis plena, constantiaq; in morte admiranda, maiorem historie
ſeriem, præſtantiorisq; ſtyli ſplendorem promerebantur: ita quoq; ingentem in cælis
dignitatē adepta, præſentius & maius ſuis ferre patrocinium apud Deum poterat, quod
auide deberet expoſci. Et hæc profectō inſignis vitæ mortisq; in hac virgine præſtan-
tia, hæc digna eius inuocatio, cui principiū iam hinc fecerat Eulogius: faciunt ut cre-
dam, hanc noſtratē Cordubēſem Columbā, non illam alteram ex Sennonibus
Gallicanā, eſſe, quam tanto opere vbiq; inſigni cum religione Hispania tota concele-
bret. Et ſunt præterea plures etiam aliæ cauſæ quæ me permoueant, cum nulla ſit, quæ
contrarium poſſit perſuadere. Quæ enim, rogo, cauſa nōs potuit incitare, ut Gallicanā
Martyrem longē ex Sennonibus, hoc eſt ex remotiſſima Galliæ, quantum ad Hispaniam
pertinet, regione ſolummodo auditā, tanto cum cultu venerationemur? Celebritas cre-

Sanctæ Co-
lumbæ Hi-
ſpaniæ, Hi-
ſpani colli-
mus.

do Martyrii ei⁹, cui⁹ martyrologia vno penè verbo meminerint, Eulinius paucula scripserit: cum breuiaria nostratia minimè in lectionib⁹, aut in die festiuitatis eius cōcor-
dent. Fuit profectò Sennonica Columba virgo sanctissima, Martyr strenua: sed ipsa in
cælis residens, inde nos nunc libenter audiens, optat nos veritatē inuenire, & cōfirma-
re: & illū legitimū cultū, qui vt ab Hispanis Hispaniæ Diuæ debetur, eidē asserere. Is
verò cultus tantus est, & tanto opere insignis, ac penè singularis, vt non alienigenæ, sed
alumnæ tributus debeat videri. Delūbra sunt in agris per Hispaniā quā plurima, Sanctæ
Colūbæ nomine sacrata, quæ populorū eximia veneratione statis diebus solenni ritu
frequētantur. Parentes, deuotione in hanc diuā permoti, eius nomē filiabus imponūt.
Burgensis Ecclesia inter dignitates, vt dicūt, habet sanctæ Columbe Abbātē. Habet cō- 10
dē nomine & honore primariæ dignitatis sacerdotē Ecclesia Segōcina. Sacellū quoq;
huius diuæ ibidē in summo templo est structura nobile, cultu eximiū, & prouentib⁹ in-
signiter locuples. Quanquā vtrobiq; corrupto iam nomine Sancta Coloma, non Colū-
ba vocetur. Hæc tanta veneratio, tam varius cultus religionis, plurimorū tot signis te-
stata deuotio, tot testimoniis declarata, & tam pia animorū propensione semper exau-
cta: cur externæ, & non patriæ, cur alienigenæ, & non ciui, cur peregrinæ, & non do-
mesticæ & penè tutelari diui tribueretur? Indigenā habeam⁹, quæreremus externam?
Propria aderat, alienā aduocaremus? Nostratē profectò nos colimus, Hispanā Marty-
rē veneramur, & vernaculū in ea, iureq; quodā cōmunis patriæ nobis debitū patrociniū
merito exquirimus legitima religione. Sed dies, inquis, quo sanctæ Colūbæ festi- 20
uitas in Hispania celebratur, Decēbris nimirū vltimus, sanctæ Colūbæ Senonensis est
natalitiū, non Cordubēsis, quæ si coleretur, 17. Sept. debuit occupare. Dicam equidē
q; sentio. Primū variant hic breuiaria. Segoncīnū nanq; 8. Ianua. die, Cauriense 3. A-
pril. sanctā Columbā habent. Sed ego credo, cum sanctā Columbā Cordubensē nostra-
tiū aliqui celebrare vellent, nec diē, quo passa Martyriū, scirent, & vlt. Decemb. Colū-
bā coli cernerent: Cordubensē arbitrati, eum diē ei sūtē discrimine attribuerūt. At le-
ctiones Senonensis martyriū referunt. Nimirū quemadmodū dies natalitiū nostratis
diuæ erat incognitus, ita etiā vita & passio, quæ non passim in diui Eulogii libris legeba-
tur. Inde q; ad manum erat, nomenq; idem veluti propriū dabat, arripuerunt. Hoc ipsū
in sancta Marina nostrati, hoc est Gallicienfi, factum videmus. Nihil erat proprium, 30
quod legerent, diuæ Margaritæ historiam ex parte ei accommodarunt. Hæc habui,
quæ de nostræ huius sanctæ Columbæ cultu dicerem: liberum interim iudicium eis
relinquens, qui aliter sentire maluerint.

Refutantur
obiectiones.

Caput vndecimū.

Alio die cita occurrit.) Hinc planè deprehendimus, cum aliū diem, vt capite nono
Eulogius nominat, crastinum debere intelligi.

Hæc nanq; sacra virgo.) Hæc omnia vsq; ad studia & sacrarū scripturarū medita-
tionē tanto opere in veteri exemplari fuere corrupta: vt nullus penè sensus eliceretur.
Nos quoquomodo potuimus emendauimus, vnum atq; alterū verbū superaddentes.

Qui vsq; hodie permanent.) Permanent etiā vsq; in hoc tempus, in quo hæc scribi- 40
mus. Neq; enim dubiū est, quin de eo sublimiore colle & rupe diuus Eulogius intelli-
gat, quæ quarto ab vrbe milliario in vicinorū montium vertice supereminet, supra no-
bilē fundū, qui dicitur el Albayda. Saxum ipsum Sancti Mirandæ rupes appellatur. Ibi
apes in petræ foraminibus quotannis mellificant. Ad culminis eius radices fons dima-
nat permagnus, qui vicinos hortos citriorū omnis generis arboribus confitos rigat.
Situs est monasterio admodū opportunus, & vestigia ædificiorū cum ruinis, non vno
loco apparent. Meminisse autem oportet cap. 8. diuū Eulogiū hoc monasteriū haud p-
cul ab vrbe cōstituisse. Ideo hanc rupē ipsum signare credendū est. Alioqui insignē lo-
cū ad Guadiati fluminis ripas intelligere potuim⁹, q; ab apū per rupes mella cōficiētiū
multitudine, Apiaria vulgo nōinatur. Sed locus 20. ferme ab Corduba distat milliario. 50

Albayda.
Rupes Sancti
de Miranda.

Gadiatus
fluvius.

Maeste humilitatis.) Libenter hac voce cum Liuius utitur.

Vasta horridum solitudine.) Et cōfragoso etiā per cliuos & saxa itinere præruptum.

Sicq; ante fores palatii.) Vides iterum, forum ad arcem ipsam extitisse.

Era DCCCXCVII.) Ita apertè fuit in vetusto codice, sed describentis vitio manife-
sto. Siquidem sanctæ Columbæ Martyrium Pompasam eodem ipso die concitauit. Et
capite etiā sequenti is scriptoris lapsus planè conuincitur.

Caput duodecimum.

Decem mensibus interiectis.) Annus insequens iam nunc denotatur. Is fuit 854:

Ananellos.) Frustra, quid de hoc viculo dicere possim, inquiram.

V. Id. Iulii.) Is est dies eius mensis vndecimū. Perendie celebratur huius Martyris

festum: quia nimirum superiores dies aliis erant sanctorum festiuitatibus impediti. Vsuardi martyrologium anteuertit, & Iunii octauo reposuit.

Caput decimum tertium.

Ex Tuccitano oppido.) De hoc oppido retro dictum iam est.

Hisudonicus.) Aspirationē habuit semper in exēplari hoc nomē. Et ita ex diplomatib. imperatorū, qui hoc nomine fuere, scribit semper F. Onuphrius Panuinius in Cēsarib⁹.

Italicensis provincia.) Longum esset referre, quibus rationibus probari possit, Italicam urbem eo ipso olim situ extitisse, qui nunc cum magnis ruinis Hispalis vetus appellatur, & ex aduerso penē ei vrbi trans flumen opponitur. In nostris Hispaniæ antiquitatibus, quicquid ad id ipsum inuenire potuimus, concessimus.

Palma.) Retinet hoc ipsum nomē id oppidū, quod Comitatus caput, & emporiū est admodum celebre. Illud etiam ad celebritatem & singularem in primis amœnitatē habet insigne, q̄ interamniū est, Singili fluuiō Bætini ab altero eius oppidi latere intrante. Distat a Corduba miliaribus triginta duobus. Palmā autē prouinciæ Italicensis, hoc est diœcesis, fuisse intellige. Nam Episcopum eo tempore quemadmodū superioribus retro seculis habebat. Sic capite sequenti Egabrensem diœcesim prouinciam appellat.

Caput decimum quartum.

Egabrensi.) Ægas Græce capra dicitur. Latini olim Græcū huius vrbis nomen retinebant. Nam quo loco Plin. lib. 3. c. 1. oppida Cordubæ viciniora cōmemorat, pro Bæbro emendatiores cōdices, antiquis adiuuantibus exemplaribus, Ægabro habent. Nos Hispani Græcū vocabulū interpretati, Cabra nunc id oppidū nominam⁹. Penē namq; manifestis testimoniis in præfato de Hispaniæ antiquitatibus opere ostendimus, Ægabro priscum, id ipsum, q̄ nunc Cabra est, oppidū fuisse. Distat a Corduba miliarib⁹ 36. Insigne est oppidū, q̄ Comitatus nomen & titulū præbeat, q̄ situs amœnitate præcellat, q̄ celebratissimā illā voraginē propē habeat, quam nos Simam appellamus: q̄ inter res quæ & rupes hians, nullū vulgo fundū habere creditur. Itaq; in prouerbiū iam abiit. Montes huic oppido vicinos Rasis florū & odoris causa magnopere celebrat. Et ea sua uicōlētia hodiē quoq; iucundissima verno tempore persentitur. Episcopū olim habuit.

Caput decimum quintum.

XV. Cal.) Is est dies Aprilis 17. quo eodem eorum meminit Vsuardus: apud quem Helius, non Helias legitur. Adonis martyrologiū eodē die habet: item Romanū nūp ab Maurolico exauctū. Meminit etiam libri vndecimi ultimo capite Equilinus.

Caput decimum sextum.

Confessor vir nobilis.) Apparet Argimirū, publicē aliquādo ante martyrii tēpus Christianā fidē, & Mahometi pseudoprophetę falsitatē professū fuisse: vnde cōfessoris nomen & gloriam iam retulerat. Nam cōfessores, vt notum est, nomine à primævis nascēntis Ecclesiæ temporibus vsq; to dicebantur, qui ita sese apud iudices gessissent, nec tamen mortem subiissent, quāuis suppliciis essent grauib⁹ affecti.

Censor.) Qui fuerit apud Arabes hic magistratus, ignoramus. Vmbrā aliquā saltem Romanæ censuræ fortē habuit, ex ciuitum censu: vnde hoc ei nomen potuit diuus Eulogius accommodare. Iudicē apparet fuisse ex eodem cap. cum semotus Argimirus ab administratione iudicii dicatur. Tum etiam ex præfat. lib. 1.

Caput decimum septimum.

Sanctorum Adulphi.) Artemiæ igitur, de qua libro secundo capite octauo, filia:

Per annos ferē triginta.) Probē omnia consonant. Initio enim regni Habdar rahgmanis passos Adulfum & Ioannem retulerat, & nunc post eorum Martyrium consecrasse se Deo Auream in monasterio memorat.

Insignitā stigmatē.) De stigmatis metaphora iam diximus libri primi capite primo. Erat autem sacrare virginum insigne, vt alibi etiam diximus, velum capitis, aut nigrū, aut rubeum, vt ex conciliis Toletanis constat. Nigrum nunc gestant: tristitiam videlicet de morte domini nostri Iesu Christi testantes. Rubeus color sanguinis etiam eius pretiosissimi, quo redempti sumus, memoriam potuit respicere.

Non expertis.) In veteri expertis tantummodo fuit: sed descriptoris haud dubie vitio. Cum sensui apertē refragaretur. Ideo nos negationem adiecimus.

Prætermittē.) Conniucendo finito.

XIV. Cal. Aug.) Iulii dies 21 anni 856, in quem vsq; diem diuus Eulogius produxit historiam. Eam videtur postea continuasse, cum in Apologetico sanctos Martyres Salomonem & Rudericū adiecit, qui anno insequenti quinquagesimo septimo mense Martio passi fuere. Inde totis duobus annis, quos diuus Eulogius superuixit, nullum Martyrem fuisse crediderim. Neq; enim scribere de his prætermisisset.

FINIS SCHOLIORVM LIBRI TERTII.

ARGVMENTVM OPERIS SEQVENTIS.



ECREVERAT diuus Eulogius in hoc opere vitam & Martyrum sanctorum Ruderici & Salomonis tantummodo scribere. Id enim initio iam indicat, & tandem in fine operis apparet. Verum quia instabant ad huc pusillanimes quidam Christiani, qui propter imbecilles zelo quodam, sed non secundum scientiam, commoti, martyribus ultro sese iudicibus passionis causa offerentibus detrahebant: iterum aduersus eos hoc opere insurgit, tanquam non satis haberet in primo libro contra hos valide pugnasse. Tractat autem locos quosdam ex his quibus iam responderat, & denuo alia refutat argumenta. Erat autem misere corruptum exemplar, lassato nimirum iam descriptore, & negligentius omnia excipiente. Hinc fuit hic multo magis in emendando sudandum. Neq; tamen nobis permisimus, nisi vnum aut alterum verbum addere, permutare, transponere. Diximus autem iam, authorem indiculi luminosi id opus in defensionem Martyrum scripsisse iisdem tationibus dilutis.

Titulus hic
fuit in veteri

IN NOMINE DOMINI INCIPIT LIBER APOLO-
geticus Sanctorum Martyrum Eulogii Presbyteri.

PROLOGVS.



VM Studio promendi Martyrum gesta operis huius breuitatem extruere intentarem, meumq; exilem in indagatione praeliorum Sanctorum stylum immitterem: confestim oblatrantium stolidorum opiniones recolens, qui proprium de eo pro captu scientiae ferentes iudicium, non vt prioribus, his quoq; reuerentiam Martyribus exhibendam esse decernunt: nisus sum in exordio operis aduersus eos respondere. Quo contigit, vt in vigorem Apologetici gettorum pertransiret materies. Et licet suprema pars Commentarii Martyrum gestet agonem: & qualiter trophaeis victoriarum, milites Dei, clauerint penultima series libelli exponat, pro eo tamen quod in principio delatorum maledictis occurri, potius Apologeticus sanctorum, quam gesta solummodo Martyrum appellare decreui: vt totum pro parte designans, in ox limen lectionis recessum aperiret voluminis, ne pro toto nominans partem, in aliud, quod non existimaret, prudens lector impingeret, foretq; tunc facilis detrahendi infensis occasio, dum aliud nomen, aliud proderet volumen. Percurrant ergo lectores mei simpliciter, quod fidelis deuotio nostra in defensione Martyrum pio redemptori dicauit: nec ritu belluino laborem nostrum maliuola intentione subsanient, quoniam scriptum est: Omnis detractor eradicabitur. Licet enim opus nostrum reprehensionibus dignum sit, Deo tamen, non inuidis, arguendi nos manet iudicium: cui cum velle suppetit indulgendi, protinus subest facilitas exequendi.

Incipit textus Opusculi.



GRECIA beatorum certamina Martyrum feliciūq; monumenta virorum, qui Deo fautore totius vanitatis respuentes affectū, specimen beligerandi praeipuum mortalibus reliquerunt, licet a prudentioribus timoratis indagare sit congruum, & iure a iustificatis quodam priuilegio sanctimoniae exponi sit ratum, non tamen abnuenda est vox peccatorum vera promentium, quandoquidem non solum alienigenarum, vt Hietro & Hiram consultum intenditur, dum & ab vno Moyses exposita iudicii formam custodit, & ab alio Salomon in aedificatione templi industriam accipit verum etiam in rationabili animali humaniter facundiam exercitare conceditur. Quare ergo culpabilis iudicetur talia praesumens, cum in veritate dignus sit premio benedictionis, veritate enarras? Etsi sanctitas remunerat iustum, dignūq; efficit concionari sancta sanctorum: quare non tueatur pietate peccator magnificans iustum, dummodo ad multorum profectum studet patefacere victorias beatorum; quae, si fuerint oblitteratae silentio, nullum poterunt fidelibus pie conuersationis exhibere exemplum, vt elucubrat electorum trophaeis, tam possint desides excitare ad praelium quam certantes informare, perfectionis intendere terminum. Nam cum omnes Sancti terreno non egeant laudationis preconio, qui iam caelestium exuberant muneribus praemiorum, necessario tamen eorum meritis applicatur, quicquid bonitatis suorum gratia exemplarium mortalibus operatur.

Promam igitur dominorum meorum gesta victricia, & in quantum posse caelitus mihi collatum est, in talibus rebus conatus meos expendam, quia non dubii de clementia redemptoris, non solum culparum talibus studiis remedium speramus, verum etiam eorum, quos votiue celebramus stylo, consortium adipisci confidimus, dicente Do-

Et hoc etiam
fuit in exem-
plari.

Exod. 18.
3. Reg. 5.
Num. 22.

mino, Qui vos diligit, me diligit: & qui vos recipit, me recipit: & qui recipit Prophe- *Matth. 10.*
tam in nomine prophetæ, mercedem prophetę accipiet: & qui recipit iustum in no-
mine iusti, mercedem iusti accipiet: & iterum in psalmis, Mihi autem honorificati *Psal. 138.*
sunt amici tui Deus.

Sed priusquam eorum exequar trophæa insignia, opere pretium resistere
credidi imperitis, qui ore blasphemo horum temporum Martyribus derogantes, *Prima ad-
uersariorum
obiectio.*
non esse illos consimiles prioribus Martyribus, volunt. Illa denique (aiunt)
gentilitas olim simulacrorum cultibus dedita, variisq; imaginum sacrilegiis occupata,
milleno exitit idolorum portento subacta, & quot mundi alium mirata est species re-
rum, tot sibi instituit formas Deorum: putans non alias obtineri posse temporarium
commodum, ob quod suum miserabilem summis viribus expendebat conatum; nisi
haberet numerosam obseruantiam numinum. Cuius errore decepta, crudeli perse-
quutione resistentem; ac aduersantem sibi Christianam vexabat militiam conuictis,
lacerationibus, flagris, equuleis, incendiis, bestiis, fluctibus, ac diuersis generibus tor-
mentorum: sperans à cultu religionis reuocari posse supplicii animas, quas spiritali
conflictu introrsus iam eruditas, nouerant etiam facillimè materiales debellantium
euincere pugnas. Sic hebes, dum inuictissimam fortissimorum militum virtutem ad-
miratur, de immensis quoq; miraculorum ostensis obstupescens, insiliat: dæmonicis
deputando præstigiis, quæ cæcata mente pietatis, nequibat effectum aduertere. Erantq; *Alie obie-
ctiones.*
vt apud plurima legimus exemplaria, beatorum occasiones conuertendi ad Christum,
prodigia ipsa signorum. Nam isti tyrones, & nostrorum temporum confessores ab
ictu mucronis celerem tantummodo excipientes interitum, nullam furentium acer-
bitatem perpessi tortorum, non sub diuinum deludarunt stimulum. Præsertim cum
ab hominibus Deum colentibus, & cælestia iura fatentibus compendiosa mortē per-
empti sint. Vnde sat eis est, si præteritorū curationem adepti sunt criminum, quod non
terris catenarū stridor, ferri onus, squalor carceris, nec diuersa pœnalitas persequētis.

Igitur hæc vana paruipendentium adinuentio congrua necesse est legum aucto-
ritate retundatur: & in quantum Dominus iuuerit, veridico assertionum ariete im-
pellatur. Vt mens religiosorum sacratissimis imbuta oraculis, discat ex veritate noui-
cios, sicuti priscos venerari patrones, quos generali deuotione per mortem gloriosam
ire cernit ad cœlos.

Quid enim celere militibus sanctis excidium officit, per quod ad id cursum per-
uenit, quo per varia & aspera tormenta olim catalogus beatorum accessit? Aut quid
interest, quo mortis genere ex hac vita mortis excedat: quando, vt scriptum est, Iustus
quacunq; mortē præoccupatus fuerit; anima eius in refrigerio? Aut quid obest,
vtrum per longa cruciamina, an subitaneo decedat: quando vna eademque res est,
quæ virosque coronat, zelus scilicet Dei, & amor regni perpetui? An non perfecti
exequutores præceptorum Christi censendi sunt, qui subitanea mortificatione accēsi,
rerum oblectamenta spernentes etiam parentum, filiorum, coniugum, fratrum; cun-
ctorumque affectiones affinium ad punctum temporis abnegarunt? & quid inter v-
niuersa supplicia cruentius morte est? Quid terribilius, quam micantem ante oculos
cernere gladium, ceruicibus consentium protinus illapsurum? Aut quid per longa
certamina nisi mors sanctis Martyribus quæritur? Illa utiq; mors de qua Psalmista ca-
nit & dicit, Pretiosa in conspectu Domini mors sanctorum eius. Non enim diu patien-
ti, sed vincenti corona promittitur. Et feliciori pertinacia beati agonis terminum præ-
stolans, de ipse salutis æternæ quodammodo magis animatur, dicente Domino: Qui
perseuerauit vsq; in finem, hic saluus erit. Siue autem dilationibus, siue fortuitis cau-
bus passionum strenuis militibus propter Christum pugnantibus propere seu tarda
mors occurrat, hoc solummodo aduertendum est, si caula fidei passionēs excipiant, si
propter Christum coronatorem Martyrum, vt in æternum saluentur, animas perdere
anhelant, sicut scriptū est, Si quis voluerit animam suam saluam facere perdet eam, &
qui perdiderit animam suam propter me, in vitam æternam custodiet eam: Nam et si
culpæ obnoxii maneant, & ex qualibet sorde vitiorū infecti ad Martyriū veniant: ni-
hil impedit: cum omnib⁹ martyriali trophæo deletis ad Christū coronandi accedant.
Idē enim est per multa tormenta in nomine crucifixi animā in morte tradere, & semel
vno ictu propter ipsum occumbere, qui dixit: Si quis perdiderit animam suam pro-
pter me, in vitam æternā inueniet eam. Et licet scriptum sit, quod per multas tribula-
tiones oporteat nos conscendere ad regnum; utiq; cum suppetunt, sustinendū est vsq;
ad obitum. Sin verò celeritas persequentis intercicens, expeditam confessoribus

Christi intulerit mortem, & in hoc nullatenus gloria eorum mutilanda est, quia perseverauerunt usque in finem.

Comparatio. Frustra ergo zelo Dei accensus ad brauium festinaret miles egregius, & castro conatu in primordiali exercitatione vires suas expenderet, si ab Imperatore emerita victoria triumphis defraudaretur, pro eo, quod in procinctu & in ipso belli auspicio palmam de tyranno obtinuit, neque eam diutina, & laboriosa conflictatione conquisiuit, aut per multimodum concertationis discursum adeptus. Illis utique laboriosis vexationibus, & non expedita victoria corona deberetur, si magis prolixitas pugnae, quam festinatum trophaum pensaretur. Qualitas itaque, non quantitas intentionis obseruanda est discurrentis ad praemium; cum quo quomodo rei desideratae capiatur effectus; unus tamen idemque est rex aeternus, pro cuius amore temporalibus se passionibus sancti omnes submittunt. Quid enim latroni Euangelico obstitit, quod fraterno cruore illitis manibus crucem ascendit? Aut qualibus inter ipsa mortis dispendia miraculis coruscavit, qui (ut ita dixerim) totius vitae suae metam latrociniiis, rapinis, praedisque exegit? Et tamen sub vnius confessione momenti tanto scelere non solum eruitur, verum etiam dignus comitatu Redemptoris primus paradisi possessor habetur, dicente Domino, Hodie mecum eris in paradiso. Et si nemo maiorem habet dilectionem, quam qui animam suam pro amicis suis ponit, quanto excellentiori charitate ferendus est qui pro Deo suo decertat usque ad mortem? Nam & paterfamilias, non vna hora colonis in vineam missis aequam mercedem dispensans, non magnopere de temporis curat diuersitate, quia in exercitatione laboris non expertem a priorum intentione ultimarum mercenariorum operam compensat. Multi autem erunt nouissimi primi, & primi nouissimi, & multi venient ab Oriente, & Occidente, & recumbent cum Abraham, Isaac, & Iacob in regno caelorum.

Secunda objectioni respondet. M I R A C V L O R V M vero insignia ideo olim inter supplicia per eosdem athletas Dei virtus mundo praestabat, ut prodigiorum virtutibus mitigaret furentum insaniam, quae beatorum constantiam fatigabat, vel incredulum genus ab infidelitatis errore conuerteret, qui caelestium iura scripturarum obduratis praecordiis respuebat. Eratque illo tempore multoties necessarium Dei testes signis coruscare virtutum, quoniam rudem per auum diffusum Christianismum nunc instructione verborum, nunc exercitatione scripturarum, nunc ostensione signorum, nunc etiam trophaeis inclytis passionum conabantur radicitus fieri firmum in cordibus credentium populorum, sicut scriptum est: Euntes per vniuersum mundum, praedicate Euangelium omni creaturae; qui crediderit, & baptizatus fuerit, saluus erit: qui vero non crediderit, condemnabitur. Signa autem eorum, qui crediderint, haec sequentur. In nomine meo daemones eiicient, linguis loquentur nouis, serpentes tollent, & si mortiferum quid biberint, non eis nocebit. Super aegros manus imponent, & bene habebunt. Illi autem profecti, praedicauerunt vbique Domino cooperante, & sermonem confirmante sequentibus signis: & iterum, Euntes praedicate dicentes, quia appropinquauit regnum caelorum. Infirmos curate, mortuos suscite, leprosos mundate, daemones eiicite; gratis accepistis, gratis date. Haec prima fidei hostiae rudimenta fuerunt, harum exercitatione virtutum, quasi lactantium paruulorum auspicia, teneritudo eius & conferta est & nutrita; ut ministerio signorum vel aueretur multitudo fidelium, vel roboraretur fides credentium, ac veluti quaedam instrumenta ferramentorum fuerunt, per quae ornamenta ex auro argentove, torques scilicet, monilia, regumque diademata componenda, aptanda, & compingenda, formata sunt.

Miracula per fidem fiunt. I T A Q V E gratia confirmationis Catholicae fidei, in primordio sui portenta atque miracula Christo cooperante profusius esse ostensa videmus: & ideo non miracula fidem praecedunt, aut fides miraculis cedit: ad quorum efficientiam nisi per fidem non peruenitur. Sic Moyses legifer sanctus, alternatione diuini colloqui dignus, fide grandis effectus est. Sic Deo credulus Abraham iustificari potuerunt, dicente scriptura, Credidit Abraham Deo, & reputatum est illi ad iustitiam, & amicus Dei appellatus est. Sic iusti ex fide viuunt, & omnes sancti per fidem regna vicerunt, operati sunt repromissiones, obtinuerunt ora leonum, extinxerunt impetum ignis, fugauerunt aciem gladii, conualuerunt de infirmitate, fortes facti sunt in bello.

Alloquitur aduersarios Eulogius. Vides ne (o tu quisquis ille es, qui contra assurgis) quod haec omnia instrumenta fidei sunt, & quasi clientulo famulatu pie religioni subiecta, ut ex hoc nunc iam te in veritate credere oporteat, non prodigiis atque portentis, sed integritate fidei, & professionis constantia excellentiores fieri martyres: illudque tantummodo in eis sit admiran-

admirandum, quod animo fortiori mortem exceperunt propter Christum. Qui dixit: Qui perdiderit animam suam propter me, in vitam æternam inveniet eam. Sanè omnium virtutum radix ac fundamentum fides est, quæ certantes adiuuat, vincentes coronat, & cœlesti dono quosdam defectu signorum remunerat. Nihil est enim quod sinceræ fidei denegetur: quia nec aliud à nobis Deus, quàm fidem exigit. Hanc diligit, hanc requirit, huic cuncta promittit & tribuit. Fides (inquit) tua te saluum fecit: & esto fidelis vsque ad mortem, & dabo tibi coronam vitæ. Nihil ergo fidei subtrahit, nihil ei impossibile esse depromit.

Matth. 16.

Viuidam ni-
mirum & o-
pibus pl-
nam, intelli-
gi Diuus Eua-
gelizans, qui de
Martyrum
fide loquitur
qua vniuerso-
rum nullam
reperies: si-
quidem per
ingentē cha-
ritatem ope-
ratur. Illam
enim maio-
rem charita-
tem esse Chri-
stus astruxit,
cū animā su-
am ponat
quis pro ami-
cis suis.

Matth. 10.

Nec magnopere de prodigiorum insignibus confidendum est, quæ plerunque ab infidelibus exeruntur, vt in Exod. scribitur. Fecerunt & malefici per incantationes sicut & Moyses. De qua quæstione sufficienter, vt opinor, in illo Memoriali sanctorum opere disputatum est. Siue enim Deitestes, miraculis emicent, siue absque prodigiis beatum certamen expediant, nihil interest, cū ab eis hoc cælestis auctor solummodo expetat, vt vsque ad finem constantiam spei suæ non deserentes, viriliter agonem consument, quo in æternum catalogis adunati sanctorum, de perpetuitate salutis exultent: dicente Domino, Qui perseuerauerit vsque in finem, hic saluus erit.

Simplex profecto dispositio nostra extiterat, vt victorum victorias depromentes, compendiosa breuitati studeremus, sed repagulis insolentium præpeditus, nisus sum hoc apologeticum incertis assertoribus dare, & ideò fortè, vltra quam debui, modum excessi hiltoriæ. Contra quorum prauitates paulisper adhuc veniendum est, quod fidelis conuentus discat, votis ardentioribus plus amare quod credit, dum ex auctori-
tate sacræ legis & veritatem religionis, & errorem impiæ nouitatis compererit.

Tertia obie-
ctio.
Dixit obie-
ctio.

Dicunt enim, quod ab hominibus Deum, & legem colentibus passi sunt, nec ad sacrilegia idolorum, sed ad cultum veri Dei inuitati perempti sunt, & ideò non vt
orum Martyrum, horum Martyria veneranda sunt. Deum ergo & legem isti vanitatis cultores vilo modo habere credendi sunt, qui euangelicæ institutionis per totum orbem vitalia diffusa præcepta non solum non credunt, verumetiam omni zelo peruersitatis magnum discrimen ea fatentibus ingerunt, exolum & iniquum putantes Christum verum Deum, & verum hominem credere? Ac sic, rrisio-
ne nefaria quotidie Dei sortem infamantes, ritum sacræ religionis vbiq; laceffunt, ir-
rident, & maledicunt: spem credulitatis & fidei suæ in cuiusdam pestilentiosi ac dæ-
moniosi homunculi diuinationibus collocantes. Qui ab spiritu immundo præreptus iniquitatis mysterium vt verus antichristi præcursor exercens, nescio quam nouitatis legem pro suo libito, & instinctu dæmoniorum perditō vulgo instituit. De quorum impietate beatus Paulus Apostolus patulis prophetismi oraculis, sancto reuelante spi-
ritu, Thessalonicensib⁹ dicit. Pro eo quod charitatem veritatis non receperunt, vt sal-
ui fierent, ideò mittit illis Deus spiritum erroris, vt credant mendacio, & iudicentur om-
nes qui non crediderunt veritati, sed consenserunt iniquitati in omni seductione.

1. ad Thessa.
2.

Idem quoq; ad Romanos refert, Reuelabitur enim ira Dei de cœlo super omnem im-
pietate, & iniustitiā hominum eorum, qui veritatem in iniustitiā detinent, qui quod
notum est Dei, manifestū est in illis, & cū cognouissent Deum, non sicut Deum glo-
rificauerunt, aut grātas egerunt, sed euauerunt in cogitationibus suis, & obscuratum
est insipiens cor eorum. Dicentes enim se esse sapientes, stulti facti sunt. Qui commu-
tauerunt veritatem Dei in mendacium, & coluerunt, & seruierunt vanitati, potius quā
creatori, qui est Deus benedictus in secula. Propter quod tradidit eos in reprobū sen-
sum, vt faciant quæ non conueniunt: repletos omni iniquitate, malitia, fornicatione,
auaritia, nequitia: plenos inuidia, homicidiis, contentione, dolo, malignitate: susur-
rones, detractores, Deo odibiles, contumeliosos, superbos, elatos, inuentores malorum,
parentibus non obediētes, insipientes, incompósitos, sine affectione, absq; fœdere, si-
ne misericordia. Qui, cū iustitiam Dei cognouissent, non intellexerunt: quoniā qui
taliam agunt, digni sunt morte, non solum qui faciunt, sed & qui consentiunt facientib⁹.
Nam & beatus Petrus princeps Apostolorum, firmissimum Ecclesiæ Catholicæ funda-
mentū, vtpotē cui ab ipso redemptore dictum est: Tu es Petrus, & super hanc petram
ædificabo Ecclesiam meam: ita in suis epistolis ait. Fratres, habemus firmiorem pro-
pheticum sermonē, cui benefacitis intendentes, quasi lucerna lucenti in caliginoso
loco, donec dies luceat, & lucifer oriatur in cordibus nostris. Hoc primum intelli-
gentes, quod omnis prophetia scripturæ, propria interpretatione non fit. Non
enim voluntate humana allata est aliquando prophetia, sed spiritu sancto inspiran-
te loquuti sunt sancti Dei homines. Fuerunt verò & pseudoprophetæ in po-
pulo, sicut & in vobis erunt magistri mendaces, qui subintroducunt se-

Marthometis
atom: nanda
peruersitas.

Ad Rom. 1.

Matth. 16,
2. Petri. 1.

Ibidem. 2.

stas perditionis, & eum, qui emit eos, dominatorem abnegantes, superducent sibi celerem perditionem, & multi sequentur eorum luxurias: per quos via veritatis blasphemabitur, & in auaritia fictis verbis de vobis negotiabuntur. Quibus iudicium iam olim non cessat, perditio eorum non dormitat.

Quæ omnia, sicut hæc beata apostolorum annuntiatio continet, non solum in eodem pseudopropheta, sed & illis, qui eum reuerenter accipiunt, conuenire, multi peritissimorum mecum intelligunt, nec nos tanta de sanctis scripturis contra eum, eiusque sequipedas frustra congeffisse aduertunt. Quippe quem iam vident sacræ legis præconio prædictum, ac veri magistri docentis oraculo denotatum. Multi pseudopropheta surgent, & seducent multos. Nihil certè de nostra in eum exprobratione arguerent, quem tot pattum auctoritate impugnari cernerent.

Quapropter hoc in loco non mihi absurdum esse videtur, si præcedentium de eo doctorum testimonium proferam, ut quomodo eum tunc ecclesiastici viri diiudicauerint, & qualiter illum fide & professione coluerint, quantusque & qualis apud nostros extiterit, melius ex eorum dictis agnoscant, qui nunc cum non sano sensu legem illum adduxisse, aut Deum in veritate coluisse asseuerant.

*Pompelonensis ciuitas.
Legerense monasterium.*

Cum essem olim in Pampilonensi oppido positus, & apud Legerense cœnobium demoraret, cunctaque volumina, quæ ibi erant, gratia dignoscendi incomperta, reuoluerem: subito in quadam parte cuiusdam opusculi hanc de nefando vate historiolum absque auctoris nomine reperi.

*Annis 618.
Diuus Isidorus.
Sisebutus rex.
Templum Sancti Euphrasii.
Iliturgi ciuitas.
Sancta Leocadia templum.*

Exortus est namque Mahomet hæresiarches tempore Heraclii Imperatoris, anno imperii eius septimo, currente Era DCVI. In hoc tempore Isidorus Hispalensis Episcopus in Catholico dogmate clauit, & Sisebutus Toleti regale culmen obtinuit. Ecclesia beati Euphrasii apud Iliturgi urbem super tumulum eius ædificatur. Toleti quoque beata Leocadiæ aula miro opere, iubente prædicto principe, culmine alto extenditur. Obtinuitque prædictus Mahomet nefandus propheta principatum annis decem, quibus expletis mortuus est, & sepultus in inferno. Exordia verò eius fuerunt talia. Cum esset pupillus, factus est cuiusdam viduæ subditus. Cumque in negotiis cupidus fœnerator discurreret, cœpit Christianorum conuenticulis assidue interesse: & ut erat astutior tenebræ filius, cœpit nonnullas collationes Christianorum memoriæ commendare, & inter suos brutos Arabes cunctis sapientior esse. Libidinis verò suæ succensus fomité, cum patrona sua iure barbarico in ira congressus est. Moxque erroris spiritus in speciem vulturis ei apparet, os aureum sibi ostendens, Angelum Gabrielem esse se dixit, & ut propheta appareret, impetrauit. Cumque repletus esset tumore superbiæ, cœpit inaudita brutis animalibus prædicare, & quasi ratione quadam, ut ab idolorum cultu recederent, & Deum incorporeum in coelis adorarent, insinuauit. Arma sibi credentibus assumere iubet, & quasi nouo fidei zelo, ut aduersarios gladio trucidarent, instituit. Occulto quoque Deus iudicio (qui olim per Prophetam dixerat: Ecce ego suscitabo super vos Chaldaeos, gentem amaram & velocem, ambulantem super latitudinem terræ, ut possideat tabernacula non sua. Cuius equi velociores lupis vespertinis, & facies eorum ut ventus vrens, ad arguendos fideles, & terram in solitudinem redigendam) nocere eos permisit. Primum namque fratrem Imperatoris, qui illius terræ ditionem tenebat, interimunt, & ouantes de triumpho victoriæ, gloriosi effecti, apud Damascum Syriæ urbem regni principium fundauerunt. Psalmos denique idem pseudopropheta iti ore insensibilium animalium composuit, vitulæ scilicet rubræ memoriam faciens. Aranæ quoque muscipulæ ad capiendas muscas historiā texuit. Vpupæ præterea & ranæ cantus quosdam composuit: ut fœtor vnius ex eius ore eructaret: garrulitas verò alterius in eius labiis non desineret. Alios quoque ad condimentum sui erroris in honorem Ioseph, Zachariæ, siue etiam genetricis Domini Mariæ stylo suo digessit. Cumque in tanto vaticinii sui errore duraret, uxorem vicini sui nomine Zeid concupiuit, & suæ libidini subiugauit. Quod scelus maritus eius sentiens, exhorruit, eamque prophetæ suo, cui contradicere non valebat, permisit. Ille verò quasi ex voce Dominica in lege sua illud annotauit, dicens. Cumque mulier illa displicuit in oculis Zeid, & eam repudiasset, sociauimus eam prophetæ nostro in coniugium, quod cæteris in exemplum, & posteris fidelibus id agere cupientibus, non sit in peccatum. Post cuius tanti sceleris factum mors animæ, & corporis illius simul appropinquauit. At ille interitum sibi imminere persentiens, quia propria virtute se resurrecturum nullo modo sciebat, per Angelum Gabrielem, qui ei in specie vulturis apparere (ut ipse aiebat,) solitus erat, resuscitaturum se tertia die prædixit. Cumque animum

Mahometis delirantia scripta.

Mahometis mors.

num inferis tradidisset, solliciti de miraculo, quod eis pollicitus fuerat, ardua vigilia cadauer eius custodire iusserunt. Quem cum tertia die foetentem vidissent, & resurgentem nullo modo cernerent, angelos ideo non adesse dixerunt, quia praesentia suorum terrentur. Inuento igitur salubri (vt putabant) consilio, priuatum custodia cadauer eius reliquerunt, statimque vice angelica ad eius foetorem canes ingressi, latus eius deuorauerunt. Quod reperiētes factum residuum cadaueris eius humo dederunt. Et ob eius vindicandam iniuriam, annis singulis canes occidere decreuerunt: vt merito cum eo habeant illic participium, qui pro eo dignum meruerunt subire martyriū. Digne ei quidem accidit vt canum ventrem tantus ac talis propheta repletet; qui non solum suam, sed multorum animas inferis tradidisset. Multa quidem & alia scelera operatus est, quae non sunt scripta in libro hoc: hoc tantum scriptum est, vt legentes quantus hic fuerit agnoscant.

Ecce qualibus prestigiis deditum vulgus, quantaeque impietatis ducem plerique non metuunt sub nomine pie religionis censer. Afferentes, quod ab hominibus Deū colentibus, & legē habentibus, isti tyrones nostrorum temporum milites occisi fuere: nulla discreti prudentia, vt saltem prouido cogitamine aduertant, quia si talium cultus aut lex vera dicenda est, pro certo vigor Christianae religionis infirmabitur.

Et si, quod in veritate fatendum est, notitia sanctae fidei totius mundi compita penetrauit, cunctas nationes terrae peragrans; nullam iam partem orbis expertem luminis eius fore confidimus. Praesertim quia in omnem terram exiuit sonus Apostolorū, & in fines orbis terrae verba illorum. & omne aliud Euangelium praeter quod Apostoli gentibus tradiderunt, anathema magis esse, quam verbum salutis fateamur, sicut dicit Apostolus. Si quis vobis euangelizauerit praeter quod accepistis, anathema sit. Et veritas ore suo discipulos contestatur, dicens, Multi pseudoprophetae surgent, & seducent multos, & dabunt signa magna, & prodigia, ita vt in errorem inducantur, si fieri potest, etiam electi. Et iterum, Nolite omni spiritui credere, sed probate spiritus, si ex Deo sunt. Qua consequentia credendum est, daemonesum & mendacio plenum veritatem proferre? fallaciis obuolutum legem donare? nemus peruersum fructus bonos exhibere? Ille interim nefandus de malo cordis suo thesauro proferens malum, & vulgo insipienti ducatum impietatis ministrans, vterque praecipitium in chaos aeternum poenas luiturus incurrit. De quo atque eius similibus dominus per Oseam loquitur dicens, Ipsi regnauerunt, & non ex me principes extiterunt, & non cognoui.

Denique, inter ceteros post ascensionem Domini haeresum auctores, solus hic infestus nouae superstitionis sectam instinctu Diaboli condens procul ab Ecclesiae sanctae conuentu deciscitur, auctoritatem praeae legis infamans, prophetarum vaticinia respuens, sancti Euangelii veritatem conculeans, & Apostolorum doctrinam detestans, qui ridiculum potius quam rerum necessariorum causas per eandem sectam suam insinuans, ore blasphemio docuit: Christum Dei verbum esse, & spiritum eius, & prophetam quidem magnū, nulla verò Deitatis potentia praeditum, Adae similem, non Deo patri aequalem. Qui ob meritum sanctitatis sancto repletus spiritu, per virtutem Dei miraculis claruit signis, atque portentis enituit, nihil ex propria maiestate, aut Deitate praeualens, sed vt vir iustus & pia seruitute Deo cohaerens, votis supplicibus ab omnipotente multa impetrare promeruit. Sed & alia inaudita vanitatis scelera praedicans: ad inuentionem versipellis, a quo obsidebatur inuenta, qui se eidem transfigurauit in angelum lucis, delubra in quibus pessimum dogma suum coleretur extruxit, constituens in ultimo idolatriae situ turrem, altiori pinnaculo ceteris aedibus prominere, ex qua populis veneno nequitiae suae illectis sacrilegi furoris concionaretur decretum. Quod hodie suae impietatis sacerdotes ab illo edocti obseruant. Ita vt more aselli diffusis mandibulis, impurisque patentibus labiis horrendum praeconium non prius emittant, quam obseratis utroque digito auribus, quod aliis exequendum annuntiant, quasi quoddam edictum sceleris, idem ipse eorum propheta audire non patitur. Quem impietatis rudium dum Diuae memoriae auus meus Eulogius aure captaret, ferunt continuo vexillo crucis frontem praemuniens, cum gemitu, hunc psalmum solitum fuisse cantare. Deus, quis similis tibi? ne taceas neque sileas Deus, quoniam ecce inimici tui Domine sonuerunt, & qui te oderunt, leuauerunt caput. Nos autem mox vt fallentis vocem praconis audimus, confestim oramus. Salua nos Domine ab auditu malo, & nunc & in aeternum. Et iterum, Confundantur omnes qui adorant sculptilia, & qui gloriantur in simulacris suis.

Cuius quidem erroris insaniam praedicationis deliramenta, & impiae nouitatis

precepta quisquis Catholicorum cognoscere cupit, euidentius ab eiusdem sectæ cultoribus perscrutando aduertet. Quoniam sacrum se quippiam tenere, & credere autimantes, non modo priuatis, sed apertis vocibus vatis sui dogmata prædicant. Multa etiam apud quosdam nostrorum scriptorum inueniet, qui zelo Dei armati aduersus ipsum vatē impudicum prudenti exarserunt stylo. Sed & nos in illo memoriali sanctorum opusculo huius sectæ errores ex parte digessimus, refutauimus, & confodimus.

Restat iam nunc expeditis Apologeticis beatorum, ut aliquid de victoriis eorū ad æmulationem catholicæ plebis pandamus. Beatus igitur Rudericus presbyter ex quodam * vico Egabrensi progenitus, in eadem vrbe sanctæ legis doctrinam, gradum-
que sacerdotalem promeruit. Huic duo fratres fuerunt, sed ex his vnus fidem Christi rectius tenens, alter gentilico deprauatus errore, Catholicam spreuit religionem. Qui sicut discors à fide sancta manebat, ita semper discordanti conflictatione ob diuersarum rerum occasiones cum fratre Catholico mouebatur. Nam quadam nocte, nescio qua occasione tumultuaria in alterutrum litigatione se conferentibus, & in sese inuicem fœda similitate bachantibus sanctus sacerdos litem medius sedaturus interuenit. Qui omnes nimis iam furore accensi, cæca indignatione sacerdotem inuoluunt, & magis nescientes, quam volentes, eum vsq; ad necem laceffunt. Ex qua * cede valde contritus, dum omni destitutus vigore, confracta membra lectulo reponeret, profanus ille frater feretro illum imponens, per vicos & vicinia quæq; vehentium humeris duci, ac reduci fecit, & ut verus imitator diaboli fraudulenta machinatione super exanimem sacerdotem testimonium iniquitatis composuit, dicens. Hic frater meus presbyter visitatione Dei compunctus, fidei nostræ cultum elegit, & sicut cernitis, iam in vltimis agens, noluit prius mundo discedere, quam vobis id notum existeret. Ita cum eò loca diuersa peragrans, hæc & his similia criminosis de eo verbis narrabat. Nesciente ipso prorsus, imo nec sentiente, quid contra se vir ille iniquus aptabat. Dei vero dispensatione post nonnullos dies molestis ægitudinis sacerdos erutus, ac viribus reformatus, cum subdola nefandi fratris molimina cognouisset; exemplo Domini, qui ad informandos nos insidias declinauit Herodis: siue sancti Euangelii non surdus auditor, quod de ciuitate in ciuitatem, causa vitandæ persecutionis, delitescere iube-
mur; relicto proprio rure, alibi se Christo libere contulit seruiturus. Quasi posset temporale euadere supplicium, cui diuinitus à constitutione mundi prædestinatum parabatur Martyrium: aut sicut ad tempus sese occulendo insequutorem fefellit profanū, ita quoq; abesse posset oculis pii Redemptoris, & vocatoris sui ad regnum. Per idem ergo tempus grauitet in nos prædialis grassabatur insania, ita ut nonnullas apud Cordubam olim patritiam, nunc autem florentissimum regni Arabici urbem basilicarum turrès euerteret, templorum arces dirueret, & excelsa pinnaculorum prosterneret, quæ signorum pestamina erant, ad conuentum canonicum quotidie Christicolis in-
nuendum. Deniq; cum exoptatum patris sui libitum progenies iniqua cognosceret, ut quibuscunq; modis ac viribus posset, Dei Ecclesiam infestaret: omnem crudelitatis adnsum erga filios lucis tenebrosa proles alacriori voto exercet: minusq; se putat adipisci meritum, nisi summo furore exarserit in euersionem fidelium. Prædixerat quippe hoc veritas sancta auditoribus suis dicens: Absq; synagogis facient vos, & omnis qui interficit vos, arbitrabitur se obsequium præstare Deo. Et iterum, Hæc loquutus sum vobis, ut in me pacem habeatis, in mundo autem pressuram habebitis.

Igitur dum ob rei familiaris necessitatem ex interiori montana Cordubensi, quo se pridem beatus sacerdos intuitu latendi contulerat, in nundinas descendisset, in quibus rerum distractio exercebatur: ab iniquo fratre obuius agnoscitur. Quem ut cernit stigmata piæ religionis ferentem, non mediis laceffitum iniuriis ad vicem exquisiti muneris iudici offert, deponens aduersus eum coram arbitro questum prauaricationis sectæ Mahometianæ, quam se dudum veraciter coliturum, fuerat confessus. Dei verò miles cælesti iam munere illustratus, non sicut olim aduersariis tergum exponit, sed magna præditus fortitudine, nunquam se à Christo fuisse decisum, nunquam peruerso dogmati aliquando consensisse, iudici refert: seseque non solum Chritianum, verum etiam Christi fateri esse ministrum. Quem primò iudex blandis reuocare affatibus putans, poteris (inquit) rerum affluentis, & dignitatum fascibus honorari, & quæ tibi imminet, sententiā mortis euadere, si te pristinis votis rediuiuo ardore reformans, missum ab omnipotente in veritate prophetā nostrū credideris, Christumq; testaueris Deum non esse. Cui beatus sacerdos ait, Illis inquam, iudex, hæc obseruanda

* Ex hoc loco maxime patet vicum apud D. Euologium idem esse quod nos modo Hispana lingua Aldeam appellamus. Idem constat ex cap. 13. lib. 2. Mem. Sæct. Hic è contra videtur aduersari loc. statim sequens per vicos & vicinia eius: & alius D. M. pag. 9. b. Rudericus presbyter martyr. Egabrensis ciuitas.

Matth. 2.

Matth. 10.

Cordubaregum Sarracenorum sedes.

Turres templorum & cymbala.

Ioann. 10. Ibidem.

Montana Cordubensis. Rudericus ab fratre impio accusatus.

propone, qui forte legibus vestris dediti, ritibusq; profanis immerſi, potiori intuitu cō-
modum temporale, quam æternum affectant honorem. Nobis autem quibus vivere *Philipp. 1.*
Christus est, & mori lucrum, cui sanctus ille clauicularius regni futuri dicebat, Do- *Ioann. 6.*
mitte ad quem ibimus, verba vitæ æternæ habes? qui discipulum in carcere commo- *11*
nebat, dicens, Beatus qui non fuerit scandalizatus in me: vt quid perennis fontis pocu- *Matth. 21.*
lum relinqueamus, hausturi gurgitem cœno mendacii ac vitiorum sordibus turbulen-
tum? aut qua vltione procacitas punienda est filiorum, qui pia parentum iura sper-
nentes, iniustum victrici contubernium expetunt? His verbis iudex vehementi furo-
re commotus, applicari martyrem ergastulis iubens: abeat, inquit, cum damniatorum
30 custodia, horrida marcerādum antra carcerum excipiant, parricidarum & futurum so-
latio fruatur, & omni penitus solatio destituta, vel sic peruicax elidatur temeritas.

Adit Dei famulus hilari vultu exultantibus animis specum illum reorum, qui
verè sciebat auctorem suæ salutis vbique inuocatum adesse, nec aliquo posse abesse si-
tu: cuius dominatio omnem penetrat locum: qui etiam potenti diuinitatis im-
perio olim sectatoribus suis fidele promissum dederat dicens, Ecce ego vobiscum
sum omnibus diebus vsque ad consumationem seculi. Hæ sunt, diabole, mi-
naces sæuitiæ tuæ leges: hi sunt exquisiti terrores. Sed dictum est nobis, nolite ti-
mere eos qui occidunt corpus, quia non habent quid amplius faciant, sed potius
eum timete, qui potest corpus & animam perdere, & mittere in gehennam. Et ite-
rum tradent vos in conciliis, & in syganogis suis flagellabunt vos, & ad præsides &
40 Reges ducemini propter me in testimonium illis, & gentibus. Qui autem perse-
uerauerit vsque in finem, hic saluus erit. Si ergo potest concedere aduersus ani-
mam, & pertinacem in cōfessione sua spiritum, supera: videbis me magis per tormen-
ta proficere: & cum tu plus exarseris, plus semper deficies, & feliciorem me facies
peruenire ad gloriam.

Reperit vero in carcere Rudericus beatum Salomonem, quem ob cōfessionem
nominis Christi dudum crudelitas persequentium ibidem religauerat. Simili quippe *Salomonis*
& ipse crimine impediabatur, eo quod sanctæ religionis cultum sprenens, aliquo tem- *Ma-tyr.*
pore sectæ Mæthometanæ adhæsisset. Extemplo indiuiduo voto nectuntur, ac sibimet
30 inuicem consolationis suffragia ministrantes, ab alterutro se ad peragendum agonem
armantur; id in commune statuentes, vt calcatis mundi affectibus, pia quotidie ser-
uitute Deo inhæreant. Fit concors in Dei timore vtrorumque assensus, macerantur
membra ieiuniis, fatigantur vigiliis, limantur ciliciis, meditationibus compunguntur *Ad Philipp. 1.*
orationibus refouentur, sicque ardore quodam cælestis patriæ conflagrati, dissolui
cupiunt, & esse cum Christo, festinantes faciem eius videre, cui seruierunt. cuius a-
more defectum temporis non verentes vitam hanc, vt quoddam discrimen immane,
refugiunt.

Igitur permanentibus sanctis in exercitio officiorum cælestium, & reddentibus
quotidie pio Redemptori ceremonias laudum, pro summis deliciis antrum illud ha-
40 bebant. Quapropter zelo ductus iniquissimo iudex, ferali edicto custodes carceris ar-
guit, eosq; ab inuicem diuelli præcepit, & ne a quoquā visitationis gratia illustrentur
totis vesaniæ suæ furoribus iussit. Sed in nullo te iuuas diabole, quando per hoc dissidiū
constantiam putas fatigari sanctorum, quibus vnum idemque pro Christo moriendi
manet indissolubile votum. Nam hi cōfessores beati ordine & natione dissimiles,
charitate non impares diuerso licet tempore certaminis campum aggressi, vno tamen
eodemque fidei ardore flammati, specimē beatæ passionis egregium orbi instituunt.

Interea non post multos dies obtutibus suis iudex eos exhiberi præcipiens, illico
ad ritum suum inuitat, ac de rerum cōpiis dignitate honorum suadendos attentat,
quos ante mundi constitutionem electos & prædestinatos in adoptione filiorum Dei
50 diuinitas sancta perscripserat. Quorum pertinaciam in Dei professione considerans, *Rudericus &*
post secundā & tertiam exhortationem ex decreto regis fore plectendos statuit. Pri- *Salomonis*
tamen quam egréderentur ad publicum, conuinctorum se pedibus aduoluentes *solicita hu-*
rogant, vt continuis obsecrationibus iuuarentur, ne tentatione humanā prærepti, re- *milias.*
trorsum respicerent, & ab intuitu percipiendi vexillum victoriæ turbarentur. Ita
pacis osculo reconciliati, qui nunquam fuerant litigio separati, omnes præ gaudio
lachrymantes sanctorum se fauoribus tueri exorant. Sicque vrgentibus ministris
voto alacriori profiliunt, celerius properantes ad locum quo passionem consuma-
rent. Et cum iam hora decisionis instraret, iterum à iudice blandius exhortantur cum
specie diuitiarum, honorumque sublimium, quibus vtiq; fruerentur, si reuerterentur.

Abnuunt sancti, sicuti à principio iudicis optionem, ita vt sanctissimus Rudericus quadam vegetatus animositate superno iam munere perlustratus, audacter ei responderet, dicens. Quomodo nos cogis relictâ pietate declinare in deuium, qui sanctæ fidei sacramentis instructi, fortiter ignorantiam vestram dedemus, quos tanto videmus errore infectos? Nam nos adeo hanc sectam detrectabilem iudicamus, vt ne nostris quidem eam incolendam canibus pateremur, quanto magis nosmetipsos fallacissimis eius figmentis subdamus. Aut quare copiis rerum aut dignitate honorum labentium oblectemur, in ipso forsitan oblectationis momento intercidente morte protinus omnia amissuri. qui nouimus apud Christum coronatorem nostrum rerum ineffabilem opes manere, quas oculus non vidit, nec auris audiuit, nec in cor hominis ascendunt, se diligentibus repromissas? Ideoque celeriter crudelitatis tuæ in nos exere vltionem, quos cernis nullatenus à confessione Christi desistere vsque ad mortem, vt & quæ debentur hostibus Dei, tibi accrescant in cumulum, & diu nobis dilatum cito proueniat præmium.

*Sancti martyres cruci-
dantur.*

Hinc acrioribus frendens scelerosus iudex clamoribus, vltimam suæ crudelitatis sententiam promens, perduellium, inquit lictoribus, properate abscindere colla, & debitam in capite contemptorum celerius retorquete vindictam. Sic super crepidinem aluei constituti, crucis signaculo se præmuniunt, & sic denuo ense prostrantur. E quibus prior Dei sacerdos occumbens, præuius triumphator cælum intrauit. Quod ideo iudex fieri voluit, vt si fortè horrore decisi cadaueris beati Salomonis animus flecteretur: quem post varias deceptionum illecebras constantem & fortissimum comprobans, vltimo gladio vindice trucidari præcepit. Hæsit tamen suo collo non funditus vertex incisus, quia expeditiorem beato Ruderico, quam huic Salomoni framea intulit obitum.

*Ingens in oc-
cisos Sanctos
Iamisia*

Sed quia cælorum regna adeuntibus animabus nequit obistere callidus serpens, adhuc contra exanimata corpora bellum exsuscitat. Quasi mortua superare posset cadauera, cum iam nullus esset spiritus, qui potius irrideret, quam sentiret tormenta: aut quasi aliquis titulus putaretur victoriæ, cum defunctis bellum inire. Vt ergo passionibus Christi communicarent Martyres, instinctu ferocitatis à diabolo præses armatus, sub cuius dira crudelitate totius dignitas Cordubensis tunc grauius vexabatur, iubet corpora martyriali cruore perfusa vestigiis inuersis configi, ac deinceps fluuiali abyssu recondi. Eadem nocte ingenti lapidum onere alligata, separatim vastissimo gurgiti immerguntur. Sperabat miser elementis imperare vndarum, quæ præstantius intendere nouerant creatoris imperium, vt creditas sibi opes martyriales non solum à belluis conseruarent, verumetiam erepta saxorum pondere membra placido remigio fluctuum ad locum quietis veherent.

*Diui Eulogii
pienissima
audacia.*

Ego interim peccator Eulogius, qui gesta beatorum meo elucubranda stylo dudum decreueram, cum rumor consummatæ passionis eorum vbique discurrefer, expletis missarum solenniis, ipsorum inuisenda corpora quadam vegetatus audacia adii, ac propius quam cætera spectantium turba accedere non veritus sum. Et testis est redemptor meus, qui hoc commentarium discussurus est, quia non mentior, quod tanta decoris pulchritudine decissa illa cadauera fulgebant, vt crederes, si à quodam sciscitarentur, protinus loquutura.

*Inuentio san-
ctorum cor-
porum*

Nonnulli etiam è turba gentilium venientes sumebant lapillos fluminis, qui cruore Martyrum erant aspersi, & lymphis abluentes proiciebant in pelago, ne Christianis in emolumentum existerent lipsanorum, nescientes quod nihil obesset ab his partem adimere, quibus totam decreuerat Dominus passionem donare. Nam credita algarum latibulis membra, & altis abyssorum gremiis deputata, quæ tam celanda, quam pabula piscibus ministranda susceperant illico diuinitus ad superos reuocata, non solum nequeunt retineri, verumetiam leniori spiramine reciprocanti fluctuum alternatione, quæ dispersa tenebantur, incolumia littoribus exponuntur. Sane beati sacerdotis suis non hæserat ceruicibus caput, quia semel illud vno ictu satelles auulserat. Et ideo alibi vertex, & alibi corpus iactatum, vnoque in loco sabulo oppertum ab accolis viculi, quo vehentibus vndis expositum fuerat, reperitur.

*Tertios vicus
Sancti Gene-
sii monasteri-
um
Fons sancti
Ruderici.*

Interea dum situs quietis sanctorum notitia pene dierum viginti tempus excederet, nec vllum apparendi darent indicium: quorundam ex improviso relatione gentilium proditur, referentibus hoc cuidam presbytero, apud viculum Tertios com-
manenti, quo Monasterium sancti Genesii fundatum est. Quo nuncio idem sacerdos compulsus beatum cadauer suæ depordandum ecclesiæ pergit. Cui redeunt ingens
fidelium

10 fidelium turba occurrit, vtpote summo triumphatori debitum honorem dependere
 anhelans, qui talia pro Deo suo in exemplum Catholicorum non contempserit susti-
 nere, & quia defectu solis crassum tenebrarum chaos illabebatur, totumque mundi
 aspectum nox cæca mutauerat, ministerio obuiantium populorum multimoda lam-
 padum face tenebrosus horror expellitur, adeo vt nimio splendore omnia illustrante,
 rediuium ostentauerit nox illa diem emergere. Flebant omnes præ gaudio, misce-
 batur tripudiis luctus, & nulla contrahente mœstitia vultum, pium refundebat pupil-
 la lamentum. Adest & venerabilis pontifex, feliciū stipatus agmine clericorum, vo-
 20 tis ardentioribus talibus interesse festinantes exequiis, qui mox sanctas reliquias ade-
 unt, & inclitus Papa detegit, & osculis sancta membra demulcet. Redolent secreta
 cubiculi, quo prius beatum corpus sacerdos intulerat, miro suauitatis odore, cunctaq;
 cellulæ pauimenta etiam ablato puluere ferunt aliquādiu suauissimi odoris olfactū
 respirasse. Fit omnibus in stuporem, quod inhumatum corpus nulla putredo insum-
 pserit, nulla pestis infecerit, nulla tabes corruerit, nulla bestiarum altitiumue rabida
 fames discerperit, nec propriæ cutis qualitatem tot dierum interiecta capedo dege-
 nerans immutauerit. Sicq; sacerdotum & religiosorum officio sanctum corpus è cel-
 lula sacerdotis humandum Ecclesiæ inferentes, dant cuncti hymnorum cælestium
 clamorem egregium, resonant ora fidelium congruenti carmine melos, præstrepunt
 omnes diuinæ cantionis euphoniā, implentur atria Domini murmure sancto psal-
 30 morum, feliciūq; laudum odam omnes quasi ex vno ore persoluunt; & suauis con-
 centu omnibus percrepantibus, largoq; fomite luminum totius aulæ penetralibus re-
 lucentibus, regem Christum militia comitante cælicolum ad spectaculum illud, exe-
 quiis innuebat interesse sanctorum.

Expleta igitur functione sanctissimi Ruderici, fit ardentior cunctis intentio re-
 40 quirendi beati Salomonis corpusculum, quod relatione multorum impetu fluminis
 salo credebatur esse transmissum. Nam hæc opinio prouidum magis Christicolarum
 ausum inhibuerat, quam futrens conspiratio præsidis, quæ acrioribus vlciscendum le-
 gibus exploratorem reliquiarum promiserat. Etenim cum nullum latentis corporis
 instaret indicium, moueretque omnes spes beneficentiæ Dei, qui reuelare abstrusa, &
 50 aperta condere cōsuevit, prærogatiua quodammodo diuinitatis potentia, qua in cœ-
 lo & in terra, in mari & in abyssis omnia quæcūq; vult, ordinat, disponit, & facit: su-
 bito per quietem, quo situ corpus martyris delitescat, prædictum admonet sacerdo-
 tem. Cumq; sacerdos monentem de loco sui latibuli sciscitaretur, seseq; instrui quæ-
 reret, quod explorandi tenere debuisset indicium; in illa, inquit, ripa fluminis, quæ
 vico Nymphiano adsciscitur, ibi à comitantibus inter fructeta tamaricum proiectus,
 cespitis limosi perfruor vili sepulchro. Pergit securus ad locum sibimet diuinitus de-
 monstratum ille sacerdos, nec aliter, quàm quod ei reuelatione ostensum est, reperit.
 Quod illico summis reuerentiæ, obsequiis comptum ad vicum Colubris deportans,
 venerabilium Dei sacerdotum officio in basilica sanctorum Cosmæ & Damiani ho-
 60 norifice tumulatur. Consummauerunt autem beati Martyres agonem suum tertio I-
 dus Martias, Era DCCCXCV. regnante domino nostro Iesu Christo in secula secu-
 lorum. Amen.

*Sancti Salomo-
 nis Mar-
 tyris corpus
 inueniunt.*

*Vicus Nym-
 phianus.
 Vicus Colu-
 bris.*

*Basilica san-
 ctorum Cos-
 mæ & Da-
 miani.*

*Annus Do-
 mini 857. di-
 8s Martii. 13.*

Ecce patroni mei Reuerendissimi, milites Christi, testes idonei, bellatores egregii,
 victores potissimi, tutores gregis catholici, detractoribus vestris obuius veniens, eisq;
 pro vigore virium mearum resistens, gesta quoq; victoriarum vestrarum ad exemplū
 fidelium ordinaui, vt tam proficeret cupientibus ire ad regnum, quàm mihi occurre-
 ret ad expiationem facinorum. Quia non displicere vobis, quæ de vobis vera disposui,
 existimo: quinimo grata vobis, Christoque digna obtentu vestro futura credidi cun-
 cta, quæ in hoc opere edidi. Vnde obsecro vos ego peccator Eulogius, pauper meritis
 50 exiguis sanctitate, & culpa multimodus, vt digna intercessio vestra tuitionem mihi,
 & inter ingruentia mundi scandala præbeat, & inter supplicia inferorum, quæ pro
 meritis expauesco, defensionem exhibeat: sanctificando me gratia huius opusculi, di-
 gnūq; efficiendo, quod sordidus sordidaui. Et si fortassis error contrarius fidei in qua-
 libet parte libelli emerit, Dominus vestro interuentu mihi parcat, vos quæso, quibus
 innocentia cordis mei non latet. Præsertim cum non nesciam, prudentes plerunq; in-
 currere sermonis lapsum, vbi animus non gerit errandi affectum.

EXPLICIT DEO FAVTORE LIBER APOLO-
 geticus, pro gestis sanctorum Eulogii peccatoris.

Dd 3

*Ita fuit in
 exemplari.*

SCHOLIA IN APOLOGETI- CVM SANCTORVM MARTYRVVM.



Vodfraternali amore.) Aduerte receptam illorum temporum fuisse opinio-
nem, sanctum latronem fratrem interemisse. Nam aliis etiam locis hoc
ipsum diuus Eulogius innuit, cap. 17. lib. 3. Mem. Sanct. pag. 71. patri-
cidam appellat.

Et apud Legerense cœnobium.) Huius Monasterii meminit etiam Epi-
stola ad Pompelonensem Episcopum, vbi nos de ipso, & de vrbe, plura dicemus: per-
durat enim adhuc incolume.

*Mahometis
initium.*

Exortus est nanque Mahomet.) Annus Heraclii Imperatoris septimus, idem fuit
Iesu Christi domini nostri sexcentessimus decimus septimus. Annus Eræ hic notatus
annum vnum superadiicit. Neq; vlla tamen est repugnantia. Nam vnus anni discri-
men inde potuit prouenire, quod vnus Heraclii annos emergentes, vt aiunt, alius cõ-
putet vsuales. Sed non est huius loci hæc exquisitius rimari. Hæc autem, quæ de Ma-
hometis initiis, progressibus & fine ex eo codice Legerensis cœnobii Eulogius se re-
fert habuisse: iisdem verbis leguntur in paruulo, eodemq; vetustissimo codice literis
Gothicis in membrana descripto, qui est in bibliotheca huius nostræ Academiæ Cõ-
plutensis. Quanquam abscissum folium aliquot lineas in principio abstulit. Exemplar
etiam conciliorum antè sexcentos annos scriptum, quod ex Monasterio sancti Emi-
liani de la Cogolla in Regium Diui Laurentii del Escorial aduectum est, eandem hanc
habet historiam.

*Septem pri-
mi Hispania
Episcopi.*

Ecclesia beati Euphrasii.) Diuus Euphrasius vnus ex septem Episcopis fuit, quos
primos Petrus & Paulus Apostoli Roma in Hispaniam miserunt. Multi Diui Iacobi
Zebedæi Apostoli discipulos fuisse tradunt. Ego in hoc ex probatis authoribus nihil
compertum habeo. Quod potui in nostra historia peruestigauit. Illud omnes affirmant
Hispanorumq; Ecclesiæ ferme omnes in matutinis legunt, Diuum Euphrasium Ilitur-
gi & prædicasse, & obiisse. Fuit autem Iliturgi oppidum ad Bætis fluium supra Cor-
dubam, cuius Liuius, Polybius, Strabo, Plinius, & Ptolomæus meminerunt. Eo autem
loco situm fuisse Plinius memorat, vt credi rectè possit, eodem situ, aut non longè col-
locatum fuisse, quo urbem nunc, Anduiar dictam, esse videmus. De quo latius nos in
nostris Hispaniæ antiquitatibus disseruimus. Illud hic operæ pretium fuit aduertere:
tempore etiam Gothorum huius Diui beatum corpus, cum templo eidem dicato ibi-
dem permanuisse. Nunc nec aliqua saltem in ea ciuitate eius memoria retinetur. Iuxta
opulentum illud Diui Benedicti cœnobium Samos appellatum, de quo plura in Cor-
dubensibus dicemus antiquitatibus: huius Diui corpus in oppidulo dicitur asseruari
& sepulchrum quidem magna religione vidimus ab accolis venerari.

Iliturgi.

Toledo quoq;.) Rudericus Toletanus, & Lucas Tudensis, atq; alii rerum nostratum
authores huius templi structuram ab hoc rege cœptam, & miro opere, ita enim scri-
bunt, perfectam celebrant. Et sequentibus deinceps temporibus, neq; antea vnquam,
concilia in eo templo celebrata fuisse videmus. Creditur autem hoc ipsum esse tem-
plum sanctæ Leocadiæ, quod extra urbem hodie perdurat non longè ab flumine Ta-
go. Nam duo alia eius Diuæ intra urbem visuntur.

Qui ridiculum potius.) Iisdem verbis libro primo vsus Diuus Eulogius fuerat. De il-
lo autem Sarracenorū ex turribus clamore, de quo paulò post Diuus Eulogius, men-
tionem etiam, Indiculi Luminosi author, fecit.

*Rudericus re-
gis aureus
moneta.*

Igitur beatus Rudericus.) Rudericus verum est nomen, quod in Rodrigui nos Hispa-
ni corrupimus. Nam nummum aureum Rudericus, vltimi Gothorum regis, vidi, qui
cum eius vultu has in orbem literas habuit inscriptas. IN DEI NOMINE RUDERICVS
REX. Et parte auersa circum crucem. EGITANIA PRVS, in antiquissimis libris manu
scriptis semper Rudericus legitur. Et Rudericus Archiepiscopi Toletani subscriptiones
authographas nonnullas in publicis archiuis per totam hanc metropolitanam Toleti
ditionem vidimus, vbi Rudericum se, non Rodericum nominat.

Quæ signorum gestamina erant.) Mirum est Arabes huiusmodi ænea cymbala in tem-
plis Christianorum ante hanc direptionem permisisse, quia alia multo magis impietati
suæ tolerabiliora, vt apud hunc auctorem cernimus, vetarent. Pretio antea redem-
ptum

ptum hoc ipsum, & tributo imposito donatum crediderim: nunc verò impietatem cum auaritia certantem vicisse. Et de cymbalo eius temporis, quod hodie perdurat, suo loco diximus.

Deniq; cum exoptatum.) Habdarraghman patrem, & Mahomad eius filius reges intelligit.

Ad vicem exquisiti muneris.) Hæc verba quem sensum habere possint, nec diuinando assequi possum, nec quomodo emendari possint succurrit.

Qui discipulum in carcere.) Hoc ideo dicit, quia Diuus Ioannes Baptista cum iam in vinculis positus discipulos suos ad dominum Iesum misisset: hæc ipsa verba eidem, 10 quem hic discipulum appellat, nuntiare iubentur.

Hæc sunt diabole.) Verba esse videntur Ruderici, dæmoni insultantis. Deesse verò aliquid videtur, quod hæc ab illo dici significaretur. Alioqui prosopopœia subito irrum- pens, constare non potuit.

Ordine & natione dissimiles.) Non dubito, quin desint etiam aliqua, quæ de patria, & vitæ instituto Salomonis tradiderat. Nam qui potuit nunc Eulogius hæc referre, nisi securus se iam necessaria, vt hæc intelligi possent, retulisse.

Et super crepidinem aluei.) Hinc perspicue intelligitur, forum ad Bætis littus fuisse. Nam cum in forum essent hi duo martyres, vt occiderentur, deducti, ad ripam decol- 20 lantur. Et Diui Eulogii cadauer in alueum fluminis præcipitatum non longè ab arce, vt in eius vita annotauimus, iacuit. Ante arcem platea haud dubie forum habuit, & tri- bunal, vt ibidem dictum est.

Ac propius quam cætera turba.) hæc erat sancta diui Eulogii audacia: hæc digna fu- turo martyre magnanimitas. Cum cæteri Christiani infidelibus immixti se continerēt ne mortis periculum adirent, si ad contemplanda martyrum cadauera propius acce- derent, ipse vnus contempto mortis metu, Deum in sanctis suis laudaturus, turba se ex- imens, ad patibulum ferme ipsum progreditur. Satis vero apparet quantum discrimē illa eius adirent fortia vestigia: quum Arabes adstarent, nomini Christiano & marty- rum gloriæ tantopere infensi, vt quod sequitur etiam minutulis eorum sanguinis guttis irascerentur.

In pelago) Ita fuit in veteri, & quamuis credam fluuii aquam qualencunque sig- 30 nificari: non tamen tacebo, quod ea Bætis pars, quæ à solis porta aut paulo superius, *Bætis pel- agus.* ad pontem aut paulo inferius, hoc est ad arcem, veteris vrbs mœnia, vt suo loco dice- mus, alluit, peculiari nomine nunc vocatur Pelagus. Et cum ex re ipsa hoc nomen in- ditum, aut potius adaptatum fuerit: quia nimirum toto eo tractu flumen ipsum laxius stagnet, & in pelagi formam protendatur: credi facile potest, eodem etiam tempore ita fuisse nuncupatam, proprioque nomine hic diuum Eulogium vsum fuisse.

Libsanorum.) Libenter diuus Eulogius Græcis nominibus vtitur: Græce idem est quod apud Latinos reliquæ.

Ab accolis Viculi.) Deesse nomen proprium oppiduli existimo. Numquam e- 40 nim ipsum author solet prætermittere.

Apud viculum Tertios.) & vici & monasterii meminit Aluarus in diui Eulogii vita: & idem diuus alibi non semel. Sunt autem Genesii duo martyres ambo in Dei ecclesia per celebres, Romanus alter, alter Arelatensis. Vtriusque Martyrium vno eo- demque die hoc est Augusti XXV. recolitur.

Et quia defectu solis.) Assurgere tentat hoc loco oratio. Et pectus illud diui Eulogii Deo plenum, & fauorum goriæ cupidissimum, interna deuotione instinctum, fer- uentius prorumpit. Nec deest eloquentiæ natiua vis, sed verbis, quod fuit temporis, destituitur, & modo quod fuit regionis caret.

Et inclitus Papa.) Aliquot etiam retro seculis Papæ nomen, quod patrem signi- 50 ficat, Episcopis quibusque iam commune fuerat. Prudentius ad Valerianum episcopū scribens in Hippoliti martyris passione. Rorantes saxorum apices vidi, optime Papa. Et multæ Sidonii Apollinaris epistolæ episcopis scriptæ, hunc titulum præferunt. Postea vsus tenuit, vt hoc nomen summo Pontifici Romano totius ecclesiæ Christianæ capiti solummodo. per antonomasiam quandam, tribueretur.

Era DCCCXCV.) LXXXV. fuit in veteri: sed perperam profecto. Era enim nonagesima quinta fuit notanda: quandoquidem Machomad rege regnante, quod supra dixerat, interfecti sunt hi duo martyres: qui postremi omnium passi hoc 60 tempore ante Eulogium videntur, anno Domini octingentesimo quinquagesimo septimo.



IN NOMINE DOMINI INCI- PIT LIBER, DOCUMENTVM MARTYRII EV-

*Titulos qui
in exemplari
fuerunt om-
nes reliqua-
mus.*

logii presbyteri, quod in carcere positus, virginibus Christi, Floræ, & Ma-
riæ ergastulo mancipatis, dicauit.

PROOEMIUM OPERIS SVBSEQUENTIS.



Vi copiis rerum, & multiplici quæstu pecuniarum exuberant, quicquid in rebus terrenis affectant, facile consequuntur. Sed mul-
to aliter est penuria & fame vexatis, qui vix quotidianum victum
operoso sudore capeffunt. Diues enim cogitauit & fecit, pauper
cogitando defecit. Ast ego illis longe inferior egestate scientiæ
laborantibus: & eorum, qui exigua literarum parcitate subnixi
sunt, nimis vltimus, hoc opus abiecto satis (ita dixerim) stylo
sensuque digestum, ex eo Documentum Martyrii appellaui, ex quo quorundam vir-
ginum animos reorum mancipatarum specui ad consumandũ cursum certaminis im-
bui: seu quia profuturum fore ceteris talia exquirentibus credidi. Non igitur facun-
diæ nitore, quæ mihi oppido deest, materiam libri succinxi, non leporem venusti ser-
monis in extructione eius intendi. Sed quomodo per huius instrumenti virtutem De-
um possem propitiari, meoque me reatu absolvere: quoniam scriptum est; Qui con-
uerſi fecerit peccatorem, saluat animam eius, & suorum cooperit multitudinem pec-
catorum. Et iterum; Qui ad iustitiam erudiunt multos, fulgebunt sicut stellæ in per-
petuas æternitates. Inde hoc proœmiũ & præsentibus & futuris precem humilem de-
fert lectoribus, vt simplici studeant percurrere animo, quod simplexque dictauit in-
tentio. Et si fortassis in aliquibus sanæ doctrinæ sententiam meam obstare repererint,
nescientiæ id, non voluntario errori ascribant: meliusque emendando indulgeant,
quam reprehendendo derogationibus vacent, quia non erit ad culpæ meæ titulum co-
ram Domino referendum crimen, quod non est vltro meo lapsu commissum.

Iacobi cap. 5.

Danielis. 12.

EVLOGIUS SERVVS CHRISTI VIRGINIBVS SA- cris Floræ, & Mariæ carcere compeditis, salutem.



Arnum hoc opus instructioni vestræ, vt reor, necessarium, Sanctæ in
Domino Iesu Christo Sorores, operæ pretium condere visus sum, quod
Deo fautore vobis fiet proficuum, mihiq; & nunc, & in futuro exami-
ne surget in testimonium. Vel quia ipsius dono, & sancti illustratione
spiritus organũ linguæ meæ præconio veritatis repleti confido: vel quia
coeptũ voluminis huius laborẽ ab eo & perfici & sanctificari spero: vel quia
magna & laudabilia verbis prædico, sensibus admiror, literis effero: superasse vos viros,
superasse clericos fateor. Excessit virtus vestra præclara monumenta virorum, & in
excelsis elatum laboris vestri vexillum dat omnibus piæ operationis documentum.
Incitando desides ad triumphum, imbecilles armando ad prælium, debiles roboran-
do ad bellum, tergiuersantes hortando spe vincendi rediuium ad castra pugnatorũ
facere reditum, & vniuersæ ecclesiæ specimen pro veritate moriendi exhibendo fig-
niferum. Propterea non discedet laus vestra de ore hominum vsque in seculum. Si-
quidem præconabilis est virorum victoria, excellentior tamen foeminarum extollitur
palma: & cum magnum sit in viris victoriæ signum, plerunque gloriose efferuntur
mares triumpho addearum. Maioris vero est admirationis laude colendum foeminas
rem fecisse virorum, quippe quæ sexus sui fragilitatem oblitæ, celsa virtutum appe-
tere non verentur. In quâ subinde fortiũ vigor lassatur. Denique hac magnanimitatis
virtute olim legales foeminæ Est her & ludith subnixæ fuerunt, quæ propter saluationẽ
populi Dei hostium sese periculis iniecerunt. Nam vna earum Aman in perniciem
Israel nefaria machinantem persuasit regi crucifigendum. Altera sopitum quiete viti-
orum Holofernem saluo pudore petemit. Et sic cum excellenti victoria medias pug-
natorum acies scindens, suum reuisura populum voti compos regreditur. Vnde vos
quæso, Sorores meæ, vt harum exemplo succinctæ in excidiũ aduersarii Dei animosũ
spiritum

spiritum erigatis: & ut tam vos quàm cateruam fidelium à perditionis æternæ laqueis eruatis. Est enim angusta & arcta semita: sed compendiosa celeritate vos sub vnius horæ spacio ad sponsi vestri peruenire faciet gaudiū. Non desit sacratio pectoris vestri primæus ardor bellandi, quin potius quotidianis incrementis intra mentium vestrarum recessus sit adauctus, solenniter crepitans; Quasi ex vno ore ambæ clamatae. Mihi *Ad Gal. 7.* autem absit gloriari nisi in cruce domini mei Iesu Christi, per quem mihi mundus crucifixus est, & ego mundo.

Non vos, sorores meæ, seculi blandimenta decipiant, qui Christum dominum ore Apostolico audistis dicentem, Nolite diligere mundum, non est charitas patris in
 10 eo. Quia omne quod in mundo est, concupiscentia oculorum carnis & concupiscentia oculorum est: & superbia vitæ quæ non ex patre, sed ex mundo est: et mundus transiet & concupiscentia eius. Non vos copia rerum illiciat, quia scriptum est: Nolite sperare in iniquitatibus, & in rapinis: nolite concupiscere diuitias: si affluant, nolite cor apponere. Et iterum, Nolite sperare in incerto diuitiarum. Non vos carceris squalidus horror auertat, quæ verè scitis Prophetas, Apostolos & beatos Martyres per carceralia vincula ad caelestem patriam peruenisse. Multisq; secreta mysteriorum in antro posit
 20 is reuelata sunt. Non vos contubernium scortorum exturbet, quoniam scriptum est: Sicut lilia inter spinas, sic amica mea inter filias: & Dominus quidem cum iniquis deputatus est, & inter vtrunq; latronem affixus est. Non vos furentis iudicii terror im
 30 mutet, quoniam nec capillus de capite vestro sine iussu patris vestri auellatur. Non vos conuitia iniuriarum deterreant, quoniam scriptum est, Nolite timore opprobrium hominum, & blasphemias eorum ne metuatis, sicut enim vestimentum, sic comedet eos vermis. Et sicut lana, sic deflorabit eos tineæ. Non vos supplicia illata pœnarum marcescant: non immanitas dolorum exuperet: non vulneribus tormentorum vigor fidei vestræ succumbat, quia scriptum est, Nolite timere eos qui occidunt cor
 40 pus, animæ vero in nullo possunt nocere: sed potius eum timere, qui potest corpus & animam perdere, & mittere in gehennam. Dominus & magister vester hoc iubet, sorores meæ, & ex eius deifico ore ista prolata sunt. Iam non est vitra, quod metuas pu
 50 sillus grex quoniam complacuit patri vestro dare vobis regnum. Roboretur prorsus vehementius humana fragilitas, & exerta manu in certamine pro Deo suo exerceat pugnans. Ipse dabit auxilium, ipse victoriandi conferet meritum, qui tale auditoribus indixit præceptum. Ecce ego vobiscum sum omnibus diebus vsque ad consummationem seculi.

Comminatur certè hostis publica vos ventralitate dimittendas, foroque imponendas, & nefariis vulgariis prostituendas obscœnitatibus, crudeli executione nundinaliter distrahendas. Sed neque huiusmodi obsecro cedatis furoribus, quia non derelinquet Dominus virgam peccatorum super sortem iustorum, ut non extendant iusti ad iniquitatem manus suas: ipse enim vos prouidus scrutator secretorum vestrorum, vestrique vigoris collator, propulsari tentationum molestiis non sinet. Qui
 40 bus probari, & non succumbere posse vestrum spiritum sperat. Quod si (quod absit) persequitoris voluptas improba intercesserit, & vim corporibus inferens, dicata Deo membra libidinose inuitas oppresserit: procul sit tantum ab appetitu animi pernicioſa consensio, quia non polluet mentē aliena corruptio, quā non fœdat propria delectatio. Quapropter in harum tentationum discrimine, quarum graui conflictatione hinc inde prominentibus bellis imbecillitas humana vexatur, dum corporis integritatem amittere veretur, vel perditā periisse dolet, etiam coram Domino præmia integritatis suæ meretur. Nec (dum inter homines vim perpeſsa iam caro turpis notam infamiæ subiisse verecundatur) crimen est: sed id potius intuendum, idque omnibus modis affectandum est, quod nos Deo inculpabiles reddat, non autem metuendum quod
 50 vulgus de nobis iudicium feret. Quoniam non vacuabitur mercede incorruptionis mens, etiam carnis integritate adempta: dummodo permaneat sub testimonio sui opificis castitas interioris hominis illibata. Nam quantumlibet aduersariis cedat infirmitas carnis, quibus datum est corpora trucidare, tormentis affligere, stupris coinquinare pœnisque diuersis addicere: in nullo tamen animabus sanctitatis propositum conseruantibus possunt nocere. Quia ut beatus ait Hieronymus, corpus sanctorum mulierum non vis maculat, sed voluptas. Et iterum sanctissimus Augustinus. Non amittit corpus sanctitatem, manente animi sanctitate, etiam corpore oppresso: sicut amittitur corporis sanctitas, violata animi sanctitate, etiam corpore intacto. Sic Ioseph, sic Hieremias, sic Daniel, & tres pueri multique Hebræorum fideliter Deum

1. Ioan. 2.

Psal. 61.

2. ad Tim. 6.

Cant. 2.

Esai. 51.

Matth. 10.

Luca. 12.

Matth. 28.

Psal. 124.

Hieronymus. Augustinus.

colentium illa tempestate venundati sunt: & tamen à verbo Dei non recesserunt. Quia nullum in statum deuenerunt, quo Deum suum non inuenirent, illum utique ipsum, cuius in mente & intentione passionem ferentes, & dum caderentur, & dum secarentur, & dum lapidarentur & dum venderentur: Christi passionem cogitabant, qui impio post multa secula proditoris discipuli distrahendus erat cōmercio. Deniq; Ioh. 2. Ionas propheta Dei nutu ponto de naui proiectus, belluinis faucibus raptus, ex improviso carceri horrifico mancipatur. Sed tamen expers omnis rationis monstrum illud rationabiliter creatori suo obsequens, mystice tantummodo conseruandum sibi vatē creditum fore intellexit, & inde non demoliendam perneciter alui sui specubus reuerendam prædam reposuit. Ut quæ erat prophetæ causâ periculi, fieret postea nationibus credituris in sacramentum mysterii: & ex eo infractus visceribus, & incolumis permaneret, ex quo triduanæ temporis sepulturam mortis portendebat Dominicæ, quod abrogans Dei sui mandatis parere, Tarsum maluit nauigare. Sic Malchus Monachus in captiuitate, victrici dextera castitatem tuetur, crudeliumque Dominorum iugo exuitur, dum pro eo, intercedente pudicitia, armata vngula seruit, immani feritate impium conterens Dominum, qui pudicum in antro suo immuñem reliquerat Malchum. Sic Paulinus Nolanæ vrbs Episcopus vir eximiæ sanctitatis, & incomparabilis meriti, propter vnicum viduæ filium sponte subiit seruitutem, exemplo veri magistri comotus: qui dum liberum & cōæternum frueretur cum patre & spiritu sancto cuncta disponendi imperium, nec præiret genitoris potestas maiestatem prolis coæque (quia natura diuinitatis indiuisibiliter persistente, diuersitas personarum inconfusa manebat, vna eademque patris filii & spiritus sancti substantia existente) nō rapinam arbitratus est esse se æqualem Deo, sed semetipsum exinaniens, formam serui accepit, humiliavit se vsque ad mortem, mortem autem crucis.

Quapropter sorores mee, hoc Dominicæ passionis exemplar ante oculos cordis statuentes, & eius vestigia iugi meditatione sequentes, omne temporale supplicium pro nihilo reputate. Quia licet sit asperum & amarum, breue tamen est atque fini contiguum, & sub vnus momenti spatio aut qui infert perit, aut sustinens deficit. Quia pœnæ si acriores sunt, citò ingruunt patiendi defectum, si verò leuiiores sunt, facilius tolerantur. In vtroque semper gloriandi vobis manet trophæum: in vtroque semper felicitatis cumulaturs profectus, dum per multimodam excruciationem veluti aurum igne probatum, puriores animæ vestræ decidentibus scoriis vitiorum redduntur, & acrius pœna grassante, maturum laureandis vobis infert interitum: incunctanter vos nihilominus ad verum præmittens solatium, de quo per prophetam dicitur: Dabo eis solatium verum, pacem super pacem.

In huius igitur vitæ corruptione, quantalibet quisq; nostrorum tranquillitate fruatur, commodis vegetetur, prosperitate feratur: ex eo tamen quia peregrinamur à Domino, magis desolationem esse, quam pacem in veritate fatendum est. Quia cuncta, quæ temporalibus rebus hærent, & vario mundi lumine perlustrantur, nihilominus vanitati corruptioniq; succumbunt, & facile à statu suo labuntur, dicente Salomone, Eccles. 1. Omnia vana sub sole.

Hinc vehementius piis Deo affectibus supplicandum est, sanctisq; frequenter studiis insistendū, & quasi lucerna in caliginoso loco lucente diuinarum scripturarū præcepta sanctorumq; iura verborum è tenebris nostræ peregrinationis, quibus à Domino, & beatorum consortio separamur, contemplanda sunt, & seruanda donec dies luceſcat, Lucifer oriatur in cordibus nostris. Vnde, si libero aspectu Deum cernere anhelamus, prius fide corda purificanda sunt, operibus consecranda, & muto charitatis hinc inde vallanda, quibus profecto illius sacri Euangelii sponſione incunctanter condigni habeamur, quæ dicitur: Beati mundo corde, quoniam ipsi Deum videbunt. Inde queso vos beatæ virginēs, ne perdatis coronam vobis paratam, nec vos è charitate Christi cuiusquam rei mundialis oblectatio segreget, sed æquo animo cum Apostolo prædicate dicentes: Quis enim nos separabit à charitate Dei? tribulatio, an angustia, an persecutio, an fames, an nuditas, an periculū, an gladius? Sicut scriptum est, quoniam propter te mortificamur tota die, æstimati sumus ut ouis occisionis. Sed in his omnibus superamus, propter eum, qui dilexit nos. Certus sum enim, quia neque mors, neque vita, neque angeli, neque principatus, neque fortitudo, neque altitudo, neq; profundum, neque instantia, neque futura, neque creatura alia poterit nos separare à charitate Dei, quæ est in Christo Iesu Domino nostro. Quin potius ista omnia propter æternam retributionem alacrioribus animis votisque ardentioribus & querenda sunt

sunt, & ferenda. Manet enim vnicuique apud Dominum reposita laboris sui corona: & pro qualitate certaminis repensabit ille fructum mercedis.

Equidem nec nos diuino beneficio extorres fieri credimus, nec expertes, aut ingratos cælesti munere speramus: quia licet inuiti, tamen pro nomine suo sumus deuincti, & alto ergastulorū laqueo deligati. Repleta sunt penetralia carceris clericorum cateruis, viduata est Ecclesia sacro præsulū & sacerdotū officio. Horrent diuina tabernacula squalidā solitudinē: aranea rexit templū, tenent cuncta silentium. Confusi sunt sacerdotes, & ministri altaris, quia dispersi sunt lapides sanctuarii in capite omnium platearū: & desinentib⁹ in conuentu hymnis cantionū cælestiū, resonant abdita carceris murmure sancto psalmorū. Nō promit cantor diuinū carmē in publico: non vox Psalmistę tinnit in choro, nō lector cōcionatur in pulpito, nō leuita euangelizat in populo, nō sacerdos thus infert altaribus. Quia percusso pastore dispersionē intulit aduersari⁹ gregi catholico, priuata prorsus Ecclesia omni sacro ministerio. Et licet hæc inuiti sustineamus, non esse tamen imūnem coram Domino detentionē nostram confidimus.

Quanto vōs nobilior gloria, præstati⁹ corona, ô sanctę sorores meę, expectat, quę spōte sæculo, & fluxibus eius renūtiantes, zelo Dei armatę, intrepido gressu cōtra hostē fidei libero exilistis processu (Dignę quidē munere diuino, cōdignę autem prophetali oraculo, quo dicitur, Qui sponte obtulistis de Israel animas vestras ad periculū, benedicite Domino) Proferentes testimoniū veritatis in auctore sceleris, & institutorē peruersi dogmatis, victricia cōtra eum arma assumite. Ieiuniis, vigiliis, orationib⁹, & clamorib⁹ dieb⁹ ac noctibus insistentes. Rogo vos, sanctę sorores, ne desistatis a cœptis, ne cessetis ab inchoatis, ne resiliatis a præliorū auspiciis, quia non inchoantib⁹ præmiū, sed persequerantib⁹ datur. Ne respiciatis retro, nec primā fidē irritam faciatis, nec manū super aratrū tenētes, ab itinere regio in deuiū declinetis. Festinate ad mercedem laboris vestri vōs accingere, cōtendite ad culmē perfectionis ascendere. Quia post victoriā miles coronatur strenu⁹, & iam cōsumato labore, cōductis mercenariis merces dispensatur. Nam & qui certat in agone non coronatur, nisi legitimē certauerit. Certare verò legitimē est, omnibus a corde exclusis labentiū rerū affectibus intuitu capefscendi regnū cœlorum, aut cū iustitia viuere vsq; ad mortē, aut nō timere propter iustitiā mortē. Nā cum iustus rediuiuā semper demoniorū vsq; ad obitū perferat litem, nec desint ab eo tērationes vsq; ad finē, receptur⁹ pro qualitate certaminis in futuro mercedē, quātauis sanctitate præcellat, nō pergit securus, nō vadit ad Deū intrepidus. Ille verò, qui sectādo iustitiam, pro iustitia mori eligit, celerē iustatibus bellis defectū imponit, æternūq; indubius ad regnum ascendit. Sit qualis vult, & ex quibuslibet vitiorū laqueis seu peccatorum sordibus venerit, etiam si illotus baptisinate ad Martiriū conuolauerit, nihilominus coronatur.

Ne terreāmini, sorores, furoribus persequentium, neq; formidetis a faciebus eorū, neq; enim timere vos faciet dominus vultum illorū. Vobiscū ille est, qui vos armauit, idem propter vōs pugnat, qui incitauit. Nec adiuuare desister ille ipse, qui vos ad hunc peragendum agonem elegit, quo depictis aduersitatum stimulis secum iure perenni conregnare faciat temporibus infinitis.

Verū ad eos veniamus, qui vos ab hac intētionē inhibēdas esse putarūt, & illā primordialē cōfessionē vestrā infringere, & negare iusserūt, quam vos incitante Christo sponte corā iudice protulistis. Nos autē talia vos agere interdici⁹, quia Deo est obediendū, poti⁹ quā hominib⁹. Magister n. noster, fudatores Ecclesię Apostolos nostros ad prædicationē Euāgelii informās, hoc eis dedit præceptū. Si quis me cōfessus fuerit, & verba mea in generatione ista adultera & peccatrice: hunc & filius hominis cōfitebitur, cū venerit in gloria patris sui & sanctorū angelorū. Non oportet, sorores meę, votū vestrū irritū facere, quia scriptū est: Siquid vouisti Deo, ne tarderis reddere. Displicet n. ei infidelis, & stulta promisso: sed quodcunq; voueris, redde. Multoq; meli⁹ est non votuere, quā post votū promissā negare. Non erit Deo inultū, vt post cōfessionē veritatis denuo veritati repudiū detis. Illudq; os quod testimoniū veritatis professendo diuinitus sacratū est, mendacio polluat. Qui enim ista vos facere iubent, nihil aliud quam mentiri suadent. Et qui ad hoc mentes vestras inclinare cōtendūt, nihil aliud quam veritatē negare cōpellunt. Nulla itaq; differentia est inter mendacē, & veritatē negantē. Quia eodē reatu mihi videtur astringi vera abrogans, quo & falsa depromēs. Mendax n. nititur falsum cōmentū loco veritatis inferere: vera autē obtegens silentio suo falsitati administrat vigorē. Hinc euenit, vt veritas celata nō pateat, & falsitas subnixā præualeat. Vtrūq; verò vnū sūt, & ob hoc impunita nō erūt: Scriptū est enim, Testis falsus non erit impunitus. Et iterum, Os quod mentitur occidit animam:

Miseria Ecclesia persequutio. Thro. 4.

Iud. 9.

1. ad Thim. 2.

Marc. 8.

Eccel. 5.

Quare ergo sanctissimæ sorores, vosmetipsas interficere, vestrarumque animarum parricidas fieri non timeatis? Neque enim aliud agit, quam hominem occidit, qui se ipsum occidit, & grauioris culpæ criminibus obnoxius iudicatur licitor animarum, quam corporum. Quoniam elisa caro quandoque surgit pro meritis cum anima regnatura in gloria: vitiis autem anima interempta secum pariter carnem pertrahit ad gehennam.

Nunquid mentitæ estis in eo, quod patulis assertionibus in aduersarium fidei catholicæ protulistis? Nunquid omne conuitium quod in ipsum præuium Antichristi dixistis, non verum & certum est? virum dæmoniosum, Sathanæ ministrum, mendacio plenum, mortis ac perditionis perpetuæ filium. Nunquid non omnis Catholica Ecclesia identidem quod & vos, Deo testimonium refert?

Proponunt certè vobis expugnatores sancti propositi, eremitatem Ecclesiarum, compeditionem sacerdotum, dispositionem ministeriorum: & quod non est nobis in hoc tempore sacrificium, nec holocaustum, nec oblatio, nec incensum, cuncta vastante sacrilega manu, omniaq; turbante fauore tyrannico. Sed respondendum est eis, sacrificium Deo acceptabile esse spiritum contribulatum: & quod in anima contrita, & in spiritu humilitatis ita à Domino suscipiamur, sicut in holocaustis arietum & taurotum, & sicut in millibus agnorum. Quia non est confusio confitentibus eum. Vos ergo sorores beatæ, iam in illo reti Dominico captæ estis, quod in dextera nauigii ad præceptum magistri missum, plenum magnis piscibus littori expositum est, ad hoc referuaturn, vt scrutinio Apostolorum foris malis proiectis, perenni vos societate iungamini electorum catalogis. Si verò sciscitante iudice, negaueritis vos maledixisse vatem, maledicimini: nec detestatas fuisse, quod Dominus detestatus est, duplici peccato eritis obnoxie. Vnum erit mendacii, negando veritatem, quam iam confessæ estis: aliud subtrahendo coram inimico iustitiæ verbum confessionis. Et certè quæ non maledicimus, è contrario benedicimus: & quem non detestamur, quasi fauendo nostræ societati admittimus,

Vnde insistendum est, sorores meæ, vr cœpta bella cum diuino auxilio in pace animarum vestrarum consumatis, nosq; potiori iuteruentu de cœlestibus tueamini. Quoniam si sic vobis pius Dominus non deest auditor, facilius tamen eius contuberniis coherente, quicquid ab eo petieritis, impertietur. Quia sic immaculata virginitas liberis passibus Dominum sequitur, sic munda castitas a Redemptoris sui consorcio non auellitur: sic etiam purpureo Martyrii aspersa cruore fertis diadematam victrix amicta comitatur. Deus enim Ecclesiam suam à molestia vastatoris defendet, nos quoque sicut voluerit inuicte potestate de vinculis istis eruet, & custodiet, sedibusq; propriis misertus restituet. Vos tantum sorores, perseuerate vsq; ad mortem carnis, vt non solum animarum periculum euadatis, verum etiam in vitam æternam eas custodiat, dicente Domino: Qui perdiderit animam suam propter me, in vitam æternam custodiet eam. Tunc autem quo pacto inculpabiles essetis, si communi cum nostra Ecclesia silentio in hac re vteremini, non detestando publicè, quem frequenti impugnatione blasphematis occultè? Nec statueret vobis Dominus ad reatum, quod sola cordis meditatione, non oris professione ipsum referretis in forum, emulando magis prætextum huius nostræ Ecclesiæ, quæ hoc tempore contra ipsum vatem iniquum clandestinis agit inuentionibus? Pro eo quod

* 1. causante
Ita inf. pra-
pediente de-
liquio, ad E-
piscopum
Pamphilo-
nensem.
Hispania de-
uastatio.
Thr. 4.

præpediente facinore, elapsa aditione Gothorum respublica, quæ olim in Hispanis aucta felicitate Ecclesiarum, & summa dignitate pollente sacerdotum, ab eis moderantibus gubernabatur: in istius nefandi cultorum priuilegium vatis occulto iustoq; Dei iudicio transuecta est. Quoniam quæcunq; Dominus nobis intulit, in vero iudicio fecit, & hæc omnia propter peccata nostra: atq; vt scriptum est, hæreditas nostra versa est ad alienos, domus nostra ad extraneos. Aquas nostras pecunia bibimus, & lingua nostra pretio comparauimus. Serui dominantur nobis, neq; est qui redimat nos de manibus eorum. Qui grauissimo iugo colla præmentes fidelium, omne à regni sui finibus, sicuti cernitis, genus excludere moliantur Christicolum: nunc pro suo libito tantummodo exercere nos sinentes Christianissimum: nunc dira seruitute foetere facientes ritu Pharaonitico sudorè nostrum: nunc intolerabiliter à nobis vectigalem extorquentes chirographum: nunc publicum imponentes miserorum ceruicibus censum: nunc rebus nos abdicantes, crudeliter detrimentis atterunt rerum. Et ita vario oppressione genere orthodoxorum fatigantes conuentum, diuersoq; persecutionis incurso gregem affligentes Dominicum, gratū se Deo suo nostris iacturis credunt præstare obsequium. Quantò tunc præstantior nobis glo-

Exodi. 5.

bis gloria à Domino præstaretur, si desidiam respuentes documento vestro excitati, talia peragere festinaremus, nec nos sub diuino impię gentis laborare stimulo pateremur. Sed nos miser eorum oblectati sceleribus non incongrue Psalmistę denotamur oraculis, qui ait, Cōmixti sunt inter gentes, & didicerunt opera eorum, & seruerunt sculptrilibus eorum, & factum est illis in scandalum. Heu prohi dolor, quia esse sub gentibus delitias computamus, iugumque cum infidelibus ducere non renitimur. Et inde ex quotidiano vsu illorū sacrilegiis plerūq; vtimur, magisq; ipsorū cōtubetnia affectamus, quam vt exemplo Loth Patriarchę relicto Sodomitico rure in monte saluemur. *Gen. 19.*

At vos, beatę virgines, postquam strenuę bellatrices ad publicū profilitis certamę, & corā regibus & principibus mundi intrepida cōfessione repulistis iustitię hostē; pugnandum est vobis vsq; ad mortem, quia hoc genus certaminis in morte glorificatur: & tunc brauiū miles accipit, quādo moritur; eoq; sit de corona victorię certus, quo se ardentib⁹ bellis iniecerit moriturus. Sic vos obitū distrahentes corporeū æternū vitę perēnis emeris statū, luci perpetuę mancipatū, dūq; cęlestia pro terrenis mutando acquiritis, & dispēdendō labētia in æuum mansura percipitis; meritorū vestrorū exēplariis Ecclesiā Catholicā informatis, quo mundana abdicando supēnis rebus intendat. Manet igitur vobis sorores meę, ex vtraq; parte victorię cōmodum, manet ex vtroq; latere prēmiorum indefinentium lucrum: & hinc non indecenter illud Psalmistę vaticinium vestris iustis laboribus extat paratum, quo dicitur: Gloria & diuitiæ in domino eius, & iusticia eius manet in seculum seculi.

Sed iam me in portu silentii constituto priusquam volumen finem appetat, & sancto in spiramine educatis arma præliandi ministrare desistat; tecum mihi paululū loqui libet, o virtutum meritis florens, Flora sanctissima soror, vt nostrę familiaritatis verbum auditu placido captans, secretario cordis recondendum admittas. Nostumq; consultum sanctificatis mentibus tuis, vt pii patris præceptum reponas. Audi ergo filia & vide, & inclina aurem tuam, & obliuiscere populum tuum, & domum patris tui: quoniam concupiscit rex speciem tuam. Non itaque vocatio tua cæterorum similis est. Siquidem tu lupino creata coitu, & oue matre progenita, quasi ex sentibus rosa frondesces. In nullo tibi ethnicum semen obsistens, cum tamen Christiano edita partu, conceptū diuinitus, pięque matris magisterio dominum Iesum Christum adeo credula mente colueris, vt propter nomen eius acrioribus cæsa flagellis; pristinam nullatenus professionem repuletis. Noueras enim spōsum tuum dixisse: Tradent vos in conciliis, & in synagogis flagellabunt vos: & ad præsides regesque ducemini propter me in testimonium illis & gentibus. Qui autem perseuerauerit vsque in finem, hic saluus erit. Hinc iam tibi proposita, auspice Deo gloria cępit te comitari martyrii. Hinc hominis tu magnifica toto orbe fama diffundi, hinc pro te tumor agōnis, populos nationesque peragrans, cępit pluribus innotescere. Denique euulsam ictibus flagellorū venerabilis tui verticis cutem, rimamque, qua cæsaries pulchra defluxerat, ego persequutionis tuę tempore intuitus sum, dignante te illud mihi ostendere veluti proximo patri puritate reuerentię tuę. Et blanda manu attrectans, quia osculis ipsa vulnera non crederem esse demulcēda: postquam à te discessi, diu alteq; memet reputans suspiravi. Exponente verò coram me diffusa cęlitus gratia oris tui ingentia dolorum tuorum, casusq; periculorū, qui te presserant, & quomodo septa custodię, qua mancipata extiteras, diuinitus patefacta nocturna tibi silentia aditum effugiendi præstiterint: reputavi conformem te esse Petri Apostoli passionibus per hæc eademq; gesta, quę cunctis ostenderas. Quippe quia tunc diuinitus absoluta, post sexennium de ciuitate in orbe, de vico in oppido per multa & varia exilia, atque latibula remedio fugę contenta fueras. Et quia prius intuitu euadēdi enormes moles transcenderas; nunc quasi inonenti Christo sponso tuo ac tibi dicenti, Vbi pascis, vbi cubas in meridie foror mea? iterum venio crucifigi: rediuiuo præliandi aucta regressu, forum adis, publicū petis, teque intrepida, confitendo Christum, & detestando fidei aduersarium, iudici offers, fortiterque ei resistens, laudans Christum tuę salutis authorem, pieratis extollis religionē, ac deinceps impudicum vatem infamans nullatenus vera potuisse prædicare, mendacio plenum denuncias: & ob hoc congrue Dauidicum carmen decantas: Loquebar de testimoniis tuis Domine in conspectu regum, & non confundebat. Et iterum. Bene nunciaui iustitiam tuam in Ecclesia magna. Ecce labia mea non prohibebo Domine, tu cognouisti. Iustitiam non abscondi in corde meo, veritatem tuam, & salutare tuum dixi. Non celaui misericordiam tuam, & veritatem tuam à synagoga multa. Ac si patenter diceres, Testimonium veritatis tuę Domine hæctenus

*D. Enlogii
Spiritus for-
titudinis.
Psalm. 105.*

Gen. 19.

Psalm. 133.

*Floram allo-
quitur.*

Psalm. 44.

Cant. 1.

Psalm. 39.

timore carnis celauit: iam nunc, tuis armata viribus, patefaciam, quia sic timere nescit Deicola, sic trepidare ignorat mens tuo munere optima. Hæc ideo, Christi famula, Domina soror mea Flora, tibi disposui, ut tantarum virtutum beneficia recolens, ne tuis collata cælitus meritis perdenda reputes, ne conculcanda pertractes. Festina ad brauium, curre ad præmium, dum tempus capeffendi instat potissimum. Paratus enim est sponsus tuus dominus Iesus Christus titulum tibi conferre perfectionis, si pugnare usque ad mortem non cessaueris: si pro eo mori, sicut à principio elegisti, usque ad supremum contenderis: si hanc perfunctoriam pœnalitatem gaudiis oblectata supernis pro nihilo penderis. Quia non sunt condignæ passionēs huius temporis ad superuenturam gloriā quæ reuelabitur in nobis. Certa bonum certamen, soror mea virgo beata, & si acius vulnereris, non cedas. quia hæc vulnera æternæ sunt felicitatis auspicia, & sempiternis conferunt defectum doloribus. Cuncta permanent incolumia. Mors hæc vitam donat, coetibus sanctorum agglomerat, & statum perennitatis fideliter ac viriliter in agone perseverantibus præstat. Verū quia se pridem claudi iam liber sperauerat, cum me tibi singulariter verbum facere, o soror Flora, olim gesta primordialis martyrii tui cogerent: nunc ad utrasque reditū faciens, adhuc paululum cōmuniter vobis loquens, quod mereamini præmiū, differam, & sic deinceps prolixo sermoni finem imponam.

Inenarrabilia sunt, sorores meæ, præmia vestra, egregia multum nimis reposita munera. Accipietis enim à Domino fructum virginitatis centesimum, & gloriosi martyrii inenarrabile cōmodum. Occurret vobis obuiam sancta & venerabilis regina mundi virgo Maria, florentissimis virginum choris ornata. Aderunt etiā fortissimi milites Dei confratres vestri Perfectus, Isaac, Sancius, Petrus, Vualobonus, Sabinianus, Vuitremundus, Habentius, Hieremias, Sisenandus, Paulus, & Theodemirus, qui vos præcesserunt cū signo fidei, & victoriā de hoste tulerunt, vobisque ianuā perueniendi ad regnū aperuerunt, dignum itineri vestro præparantes occursum, atque dicentes. Venite sorores sanctissimæ, ingredimini thalamū sponsi vestri, quem eatenus dilexistis, ut propter illum mori non timeretis: iam enim hyems transit, imber abiit & recessit, quia temporalis tribulatio à vobis deuicta discessit. Properate sanctæ sorores, festinantes cum iucunditate faciem eius cernere, cui in veritate famulastis, pro quo mori non recusastis, ut in æternū viuatis. Percipite mercedem vestri laboris, & sumite lauream gloriosi certaminis. Quis tunc existimare gaudium tuum poterit o soror Maria? Quis illi felicissimæ horæ diffusam cælitus mentibus tuis lætitiā compensabit cum inter eos Leuitam agnoueris Vualobonum, quem tibi pia parentalis affectio germanum generauit? Quis utrarumque vestrarū tripudiū mortalibus cōiecturis aut verbis humanis expediet, quæ diuino iam gremio cōstitutæ, inter affluentia diuitiarū paradisi locatæ, incunctanter illius remunerationis donaria capietis? Quia oculus non vidit, nec auris audiuit, nec in cor hominis ascenderūt, quæ præparauit Dominus diligentibus se. Vnde obsecro vos, sanctissimæ sorores meæ virgines prudentissimæ, quæ semper oleo castimonie redundantes, ornatissimo lampadū cælestiū emicatis fulgore, quando tabernacula Domini intraueritis, ut mei memores esse dignemini, dum thalamū vestri adieritis sponsi, eiusque amplexibus incessabili merueritis fruitione cōiungi, tuemini me precibus, defensate meritis gloriosis. Profit mihi peccatori huius mediocritas succincta libelli, quem spiritali vestro flagrans amore vestræ saluti cōsulens edidi: quod per eum vos institui, quod ad perficienda bella Domini incitavi, quod ut cōflictu non deficeretis, ense prædicationis armaui, quod illecebras, quas fugere debetis, ostendi: quod præmia, quæ mereatis, disposui quod in laudibus vestris, prout potui me versauit. Vos nōtis quid à vobis petierim, quid charitatis intuitu vobis indixerim. Ut digno interuentu vestro omni vitio careā, culpis exuar, nesciamque delinquere: quo fideli famulatu, omnipotenti Deo meo cohærens, fruar post transitum tam vestro, quā Dominorū meorū cōsortio, in quorū defensione & laude opus cōdidi memoriale sanctorū, quod immanitas persecutoris me cōpulit relinquere imperfectū, Christo fauore quandoque nihilominus cōsumandū. Opitulationē sanè perparuā voluminis in fine adieci, quā & verbis simplicibus edidi, & vestro necessariā proposito fore percensui. Ut crebra meditatione vestris eā memoriis alligantes, tam pro vobis iam cælestis aula luminibus vestigiū cordis supertenantibus, quā pro totius Ecclesiæ Catholicæ cōmoditate Domino offeratis, nostrique mentionem, prout textus exorationis poscit, loco ultimo faciatis. Ita vos Deus pacis ad perfectū sanctificet, ut animas & corpora sine querela in aduentum Domini Iesu Christi seruetis, qui cum patre & spiritu sancto viuit & regnat in secula seculorum: Amen.

EXPLICIT DEO GRATIAS.

ITEM ORATIO EIVSDEM EV- LOGII AD SVpra DICTAS VIRGINES.

10 **D**OMINE Deus omnipotens, qui sperantibus in te es solatium verum, ti-
mentibus te remediū indefessum, & te diligentibus perpetuum gaudiū,
accende igne amoris cor nostrum, & flama tuæ charitatis pectoris nostri
exure recessū, quo valeamus cœptum consummare martyrium. Vt di-
lectionis tuæ in nos vigente incendio, decidant à nobis incentiua peccati-
minum, & male suadæ titillationes procul effugiant vitiorum. Vt dono gratiæ tuæ illu-
minati, cuncta mundi oblectamina valeamus despiciere, & te puris mentibus ac votis
simplicibus vsque quaque diligere, timere, desiderare, & quærere. Da nobis Domine
in tribulatione auxilium, quia vna est salus hominum. Da fortitudinem præliandi in
hoc certamine, & de Sion intuitu liberandi nos respice: quatenus passionis calicem
tua prosequentes vestigia, possimus iucundo ore ebibere. Tu enim, Domine,
20 Israelitas tuos, olim sub diro Aegyptiorum iugo gementes, non solum potenti dextera
liberasti, verum etiam Pharaonem, & exercitum eius in medio mari demersum, ad glo-
riam & honorem nominis tui omnino contriivisti. Da fragilitati nostræ in hac con-
gregatione inuictum resistendi inimico præsidium, Confer inter acies dæmoniorum, &
hominum contra nos insurgentium inexpugnabile dextera tuæ auxillium. Oppone in
defensionem nostram numinis tui scutum, & vsque ad mortem propter te viriliter di-
micandi præbe suffragium, quo valeamus effusione sanguinis nostri passionis tuæ red-
dere debitum. Vt sicut pro nobis tu ipse dignatus es mori, ita nos quoque condigno
pro te martyriali obitu facias interire: vt tormenta æterni supplicii per temporale gla-
dium euadentes, deposita sarcina carnis, ad te mereamur peruenire felices. Adsit et-
iam Domine absque obstaculo catholicæ plebi tua virtus piissima, defendens ecclesiā
30 tuā à vastatoris molestia: omniumque sacerdotum tuorum corona sanctitatis & ca-
stimonie ope subnixā, post illibatum sacræ officiositatis ministerium cælestem adire
iubeas patriam. Inter quos seruum tuum Eulogium, cuius post tuum * mu-
nus documentis instrui-mur, literis edocemur, solatiis confouemur, prædi-
cationibus animamur: omnibus peccatis mundatum, sceleribus vniuersis abstersum
fidelem tibi efficit famulum, tuo perēniter obsequio mancipatum: quo in hac mor-
talitate placitum tibi exhibens famulatum condignus tuarum in futuro habitus mu-
neribus gratiarum saltem, vel vltimum requiescendi obtineat loculum, in regione vi-
uorum. Per Christum Dominum nostrum, qui tecum viuit & regnat in secula secu-
lorum. Amen.

*Id est, gratia
& donum,
ut Hispanis-
mus, despu-
es de tu mer-
ced, sapiat.*

40

SCHOLIA IN DOCUMENTVM Martyriale.

Virginibus sacris *Flora & Maria.*) Diximus iam Gothorum tempore sanctimoniales
fœminas variis nominibus fuisse compellatas, quod in conciliis Toletanis osten-
ditur. Inter cætera, sacrarum virginū nomen fuit eisdem tributum, sed enim non hinc
has duas, sacrās virgines appellat diuus Eulogius, cum altera tantum fuerit sanctimo-
nialis. Sed quia martyrio iam destinata, tanquam sacræ victimæ, multo iustius hoc no-
men promerebantur.

Triumpho adorearum.) Verrius Flaccus, seu Festus Pompeius. Adorea, laus: quia
50 gloriosum putabant qui farris copia abundabat. Sed præsertim ea gloria hoc vocabulo
postea significabatur, quæ bellicis rebus fuisset comparata. Inde videlicet, quod impe-
ratores re bene gesta, frumenti genere, quod adoreum vocant, solerent donari. Plini-
lib. 18. cap. 3. Gloriam denique ipsam à farris honore adoream appellabant. Et capite
octauo eodem libro meminit publicorum donorum; quæ ex farre constarent. Et di-
uus Eulogius amat plerumque eiusmodi inusitata vocabula, quod alibi etiam anno-
tauimus.

Rem fecisse virorum.) Hispanismus.

Illum utique ipsum.) Hic locus misere fuit in exemplari lacer, & deprauatus. Nul-
lus prorsus erat sensus. Nos quoquomodo potuimus emendauimus, & suppleuimus.

Si acriores sunt.) Ex antiquorum philosophorum subtilitate, hoc est desumptum, ut ex Ciceronis tertia Tusculana apparet. Et non ab simile est illud Senecæ. Dolor decedit, ubi quo crescat non habet.

Repleta sunt penetralia caceris.) Misera illa Reccafredi Episcopi tempora deplorat, de quibus Aluarus in diui Eulogii vita.

Non lector concionatur in pulpito.) Concionari vocat aliquid in ecclesia, aut ex sacris literis, aut ex sanctis doctoribus, & conciliis ad fidelium institutionem legere. Hoc erat proprium lectorum. Nam inter missarum solennia epistolam subdiaconus, diaconus, quod vtrumque nunc etiam fit, euangelium legebat. Homilias, hoc est sacras conciones ad populum habere hoc Episcoporum, & Doctorum tantummodo fuit. 10

Sic qualis vult.) Hispanismus, sease qual quisiere.

Etiamsi Illois baptizare.) Theologi sacri, baptismum flaminis vocant martyrium.

Verum ad eos veniamus.) Eos nimirum innuit, contra quos primo libro, & seorsum in martyrum Apologetico depugnauit, qui male sanis argumentis retrahere Christianos a publica confessione volebant. Et has duas virgines horum vesanis ut apparet, monitis lubrico vestigio veluti labantes nutasse, in ipsarum passiones libro primo, & in epistola ad Aluarum scripsit. Ideo validius confirmandas, & hoc errore fortius extrahendas putauit.

Euulsam ictibus.) Quæ sequuntur, fusius in harum duarum virginum passione diuus Eulogius narrat, ubi etiam de martyribus, quos hic nominat, late perscripsit. 20

Aderunt etiam.) Horum omnium martyrium, sanctas has duas virgines præciferat, ut libro secundo constat.

Prosit mihi.) Epilogus concinne adhibitus, & artis integumento artificiosior.

Quod immanitas persequutoris.) Quo tempore ab Reccafredo Episcopo missus est diuus Eulogius in carcerem, nec secundum finierat, quem postea, ut ibidem narrat, expleuit.

Da fragilitati nostræ.) Sumptum haud dubie ex pia oratione, quæ in sacratissimæ virginis Mariæ officio, ut vocant, ad sextam utimur. Concede misericors Deus fragilitati nostræ præsidium.

ARGVMENTVM EPISTOLÆ SEQVENTIS.

CVM in Galliam iter diuus Eulogius faceret, apud hunc antistitem fuerat diuersatus: qui beati Zoyli martyris Cordubensis ab eo reliquias petierat. Eius suæ peregrinationis historiâ hic retexens, reliquias Zoyli, & Aciscii etiâ transmittit: calamitates, quas Cordubensis perpetitur ecclesia, multorumque martyria recensens. Titulos in hac & in cæteris epistolis, quemadmodum in veteri codice fuerunt, reliquimus. Et hic ille Vuiliesindus Episcopus est, cuius multum mentionem facit Innigui Aristæ regis diploma, quod in Nauarrorum historia Garinayus apposuit: de quo in Nuntione & Alodia iam diximus.



REVERENDISSIMO ET SAN-

CTISSIMO DEI MINISTRO DOMINO ET PATRI

meo Vuiliesindo Pampilonensis sedis Episcopo, Eulogius presbyter salutem.

Aluarus & Isidorus Eulogii fratres. Gallia Togata. Hludonicus rex Baioaræ. Vuilhelmus dux Gothia. Carolus rex. Habbarraghman rex. Seburici populi. Gallia Comata. Sancio Sancio comos.



L I M, Beatissime Papa, cum dira seculi fortuna, quæ fratres meos Aluarum & Isidorum a genitrali solo abducens, penè in vltiores Togatæ Gallia partes apud Hludonicum regem Baioariæ exulare fecit: cum me etiam propter eos diuersas adire regiones, & ignota atque laboriosa itinera subire compelleret (quoniâ stipata prædonibus via, & funeroso quondam Wilhelmi tota Gothia perturbata erat incurfu, qui aduersum Carolum regem Francorum eo tempore, auxilio fretus Habbarraghmanis regis Arabum, tyrannidem agens, inuia & inadibilia cuncta reddiderat) ad partes Pampilonenses deuersus, putaueram me inde cito migraturum: sed ipsa iterum, quæ Pampilonem & Seburicos limitat, Gallia Comata, in excidium prædicti Caroli contumaciores ceruices factionibus Comitum Sancio Sancio erigens, contra ius præfati principis veniens, totum illud obsidens iter, immane periculum cômigrantibus ingerebat. Eo tempore magnam mihi consolationem Beatitudo tua in ipsa peregrinatione exhibuit. Et vere summi magistri typum gerens, & in veritate eius præceptis obediens, non distulisti hospitio recreare, quem

quem tibi vera charitas Iesu Christi commendauerat, dicentis: Hospes eram, & collegistis me. Ita thesauros meritorum apud patrem in cælis collocare studens, præbes necessaria destitutis; foues omnia, vniuersa tutaris: adeo vt in illo exilio meo, nihil præter affectuosam peregrinorum fratrum & destitutæ familiæ præsentiam suspirarem. Lugebam ego sæpe, sed tu pater assidue consolabaris mœrentem: flebam multum, sed tu pia compassione releuabas prostratum. Quandoquidem iuxta Apostolum mecum infirmabar; mecum tristabar; plangebasque vbertim, cum ego plorarem. Cumque me vno residere loco multiplex dolor non sineret, libuit mihi loca visitare sanctorum quo deiectum summis mœroribus animum releuarem. Et maxime libuit adire beati
 10 Zachariæ acysterium, quod situm ad radices montium Pireneorum, in præfatæ Gallie portariis, quibus Aragus flumen oriens, rapido cursu Seburim & Pampilonam irrigans, amni Cantabro infunditur. Quod famosissimis in exercitatione regularis disciplinae studiis decoratum, toto refulgebat occiduo. Sed tu pater iuuas anhelantem, & salutari consultu instruis abeuntem; pioque fratrum comitatu foues pergentem. Prius autem, quam ad eundem locum accederem, plures apud Legerense monasterium commorans dies, præcipuos in Dei timore viros ibidem manere cognoui. Deinde alia atque alia loca peragrans, tandem diuino munere ad illud, quod sæpius desiderabam, perueni cœnobium. Præerat quippe ei tunc Odoarius Abbas, summæ sanctitatis magnæque scientiæ vir. Qui, ultra quam referri potest, nos digne suscipiens, omnem erga
 20 nos humanitatem exhibuit. In illo etenim beatæ congregationis collegio, quod bene centenarium numerum excedebat, veluti sydera cæli, alii quidem sic, ceteri vero sic, diuersis meritorum virtutibus emicabant. Florebat in nonnullis perfecta charitas Christi, quæ foris mittit timorem, plerisque alto culmine extollebat humilitas, qua sese vnusquisque iuniore inferior reputans, imitatores præceptorum Dei fieri contendebant. Multi etiam cum essent corpore imbecilles, virtute tamen magnanimitatis subnixi, alacrioribus animis ininctum exercebant obsequium. Sic quoque in aliquos principatum suum obedientia (quæ omnium virtutum magistra est) vindicans, suos non patiebatur executores degenerare. Sed supra vires grandia exercere compellebat, quoscunque suo munere illustrauerat. Operabantur omnes certatim, alter alterum inuitans contendebat præcellere. Augebatur inuicem ardor placendi Deo & fratribus, & vnusquisque propriæ artis industriam ad communem profectum exercitabat. Exercebant alii peregrinorum & hospitem diligentius curam, & quasi declinanti Christo ad hospitia eorum, omnibus aduentantibus obsecundabant. Cum vero tot essent, nullus murmurans, nemo arrogans intererat. Studebant cuncti silentio, totamque per noctem furtiuis precibus incumbentes, nocturnum chaos per uigili meditatione vincebant. Magna se circumspectione vallantes: ne Psalmistæ denotarentur oraculis: qui ait, Dormierunt somnum suum, & nihil inuenerunt.

Sed quid referre de sanctorum virtutibus lingua potest mortalis; qui in terris positi angelicè degunt? Et qui licet inter homines conuersentur, propositum vero gerunt
 30 cæleste? Cum quibus paululum commorans, cum ab eis vellem discedere, omnes solo prorupit, pro se exorare deposcunt & cur tam cito à me desereretur, supplici prece querebantur. præstabat quippe tunc mihi charissimus filius meus Theodemundus
 40 diaconus comitatum: qui ab exordio itineris mei usque in vltimum incontinuis contubernio meo coherens, mecum totius discrimina illius peregrinationis confecit. Regredientibus ergo nobis præbent sodalitatem Abbas ille venerabilis Odoarius, & Ioannes Præpositus: per totum usque in vesperum diem, colloquium de diuinis scripturis gerentes, sic quoque ab invicem datis osculis discedentes, ad te, Apostole Dei, e vestigio repedauius, cuius informatione tanta honoris venerabilitate ab illis patribus excipi meruimus.

Igitur cum proprium reuiscere aruum, piæ matris Elisabeth, seu sotorum duarum
 50 Niolæ & Anullonis, iuniorisque fratris Ioseph vrgeter affectu, cogis, vt adhuc remaneâ nec finis abire merentem: sed vtroque vulnere percussum cor meum tu iam mederi non poteras: cui & peregrinatio fratrum, & desolatio domesticorum quotidianum afferebant lamentum. Ita de nostra charitate confusus, rogas vt Cordubam repetens ipse reliquias tibi sancti martyris Zoyli dirigerem, & hoc munere Pampilonenses populos illustrarem. Illico me satis facere petitioni tuæ, respondi: & huius rei debitorem me vobis esse in veritate promisi.

Quumque à vobis egrederer, festinus Casaraugustam perueni, causa fratrum meorum, quos vulgi opinio negotiatorum cohortibus interesse nuper ab vltioris

Maguntia. Franciæ gremio ibidem descendentibus iactitabat. Deinde vrbi appropinquans, negotiantes quidem repperi, peregrinos autem meos eorum relatione apud Maguntiam nobilissimam Baioariæ ciuitatem, exulasse cognoui. Et verum fuisse hoc negotiatorū nūncium, regredientibus, Deo fautore, succedenti tempore ab inferiori Gallia fratribus nostris, didicimus.

Senior episcopus. Aliquandiu vero apud Seniores pontificem, qui tunc rectis vitæ moribus eandem urbem regebat, demorans, postea Complutum descendi: raptum per Segontiam *Complutū.* transiens ciuitatem, in qua tunc præfulatum gerebat vir prudentissimus Sisemundus. *Segorica.* Et cum ab antistite Complutenſi Venerio digne susceperer, post quintum diem Tole- *Sisemundus episcopus.* tum reuertī. Vbi adhuc vigentem sanctissimum senem nostrum, faculam spiritus san- *Venerius episcopus.* cti, & lucernam totius Hispaniæ, Vistremirum Episcopum comperi. Cuius vitæ san- *Toletum.* ctitas totum orbem illustrans, hactenus honestate morum celsisque meritis catholicū *Vistremirus Archiepiscopus Toletanus, & eius laus.* gregem refouet. Multis apud eum diebus degimus, eiusque angelico contubernio hæsimus.

Cumque in domum me reuocassē, cuncta incolumia reperi, genitricem scilicet, binasque sorores, & vltimum nostrorum omnium ætate Ioseph: quem sæua tyranni indignatio eo tempore a principatu deiecerat. Suscipit peregrinum suum destituta familia, & quasi è sepulchro suscitātū lætantibus animis, gaudet reuississe post longum tempus Dominum. Ego vero semper in omni colloquio meo te patrem excolens semper inter familiares sermocinationes tuam beneficentiam recolens, semper tuæ *Ioseph Eulogij frater.* charitatis affectum corde gestans, mentis vlnis amplector.

Et quia, intercedente terrarū proluxa capedine, multis ab inuicem disparatur spaciis, obstat quoque alio chaos immane, quo ego Cordubæ positus sub impio Arabum gemam imperio: vos autem Pampilona locati, Christicolæ principis tueri meremini dominio: qui semper inter se vtrique graui conflictu certantes, liberum committantibus transitū negant: inde est, vel quod non debitum vestræ bonitati dependimus famulatū: vel quod nō pio desiderio vestro satisfacimus in trāsmiſsione reliquiarū, seu *Pompelo Christiana ditionis iam facta.* quia non quibuscūq; tales tantasq; opes cōmittere duximus ratū. Nunc autē, quia Deo dispensante, Dominus Galindo Enniconis ad propria remeans, suos reuifere fines exoptat, per ipsum vobis præfati martyris reliquias destinauimus. Sed & sancti Acisceli, quas *Galindo Enniconis.* à nobis non postulastis, transmisiſimus, vt vos sponſionis vestræ votum feliciter adimplentēs, eorum beatæ memoriæ construendo basilicam, nobis Deo fautore propter hanc obedientiam patrociniū illorum occurrat ad veniam. Christo vobis omnia repensante atque donante, quæ erga nos operati estis: quem vestrum in nos olim exhibitū non later obsequiū, & quia remuneratione centuplicatū vobis valet rependere cōmodū, qui dixit: & qui vos recipit, me recipit: & qui vos spernit, me spernit: & qui recipit prophetam, in nomine prophetæ mercedem prophetæ accipiet: & qui recipit iustum in nomine iusti, mercedem iusti accipiet. cuncta tibi pater reposita sunt coram Domino, omnia apud illum, quæ piis laboribus tuis debentur, salua & incolumia perseuerant, recipienda ab eo tempore necessario, cum iustus iudex aduenerit, vnicuiq; *30* reddere pro qualitate laborum, aut præmiū, aut supplicium.

Deniq; beatissime pater, nolumus vos ignorare tribulationē nostrā quā his diebus nostro præpediente deliquio sustinemus, vt solito nos propensi⁹ orationum clypeo defendētes, vestrę intercessionis irrepudiabili merito, quod multū apud Dominū valere confidimus, è profundo tædiorum labyrintho erui mereamur. Etenim anno præsentī, qui est Era octingentesima nona, exardescens sæuus aduersus Dei ecclesiam furor tyrannicus omnia subuertit, cuncta vastauit, vniuersa dispersit, retrudens carcere Episcopos, Presbyteros, Abbates, Leuitas, & omnem clerum: & quoscunq; illa tempestate capere potuit, ferro deuinctos, quasi mortuos seculi, subterraneis specubus immerſit. Inter quos ego ille peccator amabilis vester deuinctus sum, & vna pariter omnes *Cordubensis Ecclesia persequutio.* horridos ergastulorum luimus squalores. Viduauit ecclesiam sacro ministerio, priuauit oraculo, alienauit officio: & non est in hoc tempore nobis oblatio, neque sacrificium, neque incensum, neque locus primitiarum, quo possimus placare dominum nostrum: sed in anima contrita, & in spiritu humilitatis reddimus Christo vota laudationis, ita vt à conuentu desinente psalmodię, cantu resonent penetralia carceris murmure sancto hymnorū. Quæ omnia prudenti relatione Dominus Galindo vobis enucleatim poterit enarrare: quia nos partim mœrore depressi, partim fastidium impolitæ orationis vitantes, suis limitibus schedulam coarctauimus, ne in modum commentarii breuitas transiret epistolaris.

Propter

Propter futurarum autem generationum secula illustranda, & ut expertes nostrarum tribulationum, & ærumnarum non fierent, saltem vel pauca è plurimis perstringamus. Quidam enim Presbyterorum, Diaconorum, Monachorum, Virginum, & Laicorum repente zelo diuinitatis armati in forum descendentes, hostem fidei repulerunt: detestantes, atque maledicentes nefandum & scelerosum ipsorum vatem Mahomat: & hoc modo contra eum animosum spiritum erigentes, testimoniū protulerunt. Virum hunc, quem vos summa veneratione excolitis, & cuius sectam præstigiosam instinctu demoniorum elicitam, tanto honore suscipitis; magum, adulterum, & mendacem esse cognouimus, eiusque credulos æternæ perditionis laqueis mancipandos cōfitemur. Quare ergo vos, cum sitis homines prudentissimi, talibus sacrilegiis communicatis, & non potius euangelicam veritatem intenditis? Hæc & his similia, prout spiritus dabat eloqui eis, in conspectu regum & principum confitentes, omnes gladio vindice intercepti sunt. Quorum decisa corpora stipitibus suspendentes, post aliquot dies igne cremarunt: eorumque cineres fluuiatibus aquis perdendos merferunt: pleraque verò inhumata præforibus palatii relinquentes, volucris, canibusque deuoranda exposuerunt, adhibitis custodiis militum, ne quis Christianorum intuitu humanitatis, carnibus nudata cadauera, sepeliret, sicut scriptum est: Posuerunt mortalia seruorum tuorum escas volatilibus celi, carnes sanctorum tuorum bestiis terræ: effuderunt sanguinem eorum veluti aquam in circuitu Hierusalem, & non erat, qui sepeliret. Quorum nomina diesque allisionum in fine epistolæ digeremus. Huius rei causa nos deuincti manemus, propter hoc cōm-

Martyres
Cordubenses.

Psal. 139.

Cur capta
D. Eulogi.

Sane salutationum officia, quæ dudum alia proferendo, omisimus: nunc cernua mente persoluimus, vosque feliciori serie temporum vigere exposcimus. Petentes, ut salua honoris vestri reuerentia, non dedignemini nobis salutare amabiles, & charissimos patres nostros: id est, Fortunium Legerensis monasterii Abbatem, cum omni collegio suo. Odoarium Serafiensis monasterii Abbatem cum omni collegio suo. Saluamus etiam cæteros patres, quos in peregrinatione nostra tutores, & consolatores habuimus, omnemque scholam dominicam in osculo sancto.

Fortunium
Abbas Legerensis.
Athilium
Cellensis
Abbas.
Scemenium
Igasensis
Abbas.
Martyrium
Cordubensium nomina.

In nomine Domini, regnante in perpetuum domino Iesu Christo, anno Incarnationis eius octingentesimo quinquagesimo, Era octingentesima octuagesima octaua, decimo quarto Calendas Maias, Perfectus presbyter occubuit.

Sequenti verò anno, qui nunc est, Era octingentesima octuagesima nona, tertio nonas Iunias, Isaac monachus decidit: post quem Sancio Laicus, de oppido Albenfi, nonas Iunias in hac ipsa Era, martyriali obitu triumphauit.

Deinde Petrus presbyter, Vualabonsus Diaconus, Sabinianus, Vuitremundus, Habentius, & Hieremias monachi, vno die, vnaque hora septimo Idus Iunias, in Era supradicta, intercepti sunt.

Sisenandus verò diaconus decimo septimo Calendas Augustas, eadem Era prostratus est.

Paulus diaconus decimo tertio Calendas Augustas, Era qua supra allisus est.

Theodemirus monachus, octauo Calendas Augustas, eadem Era occisus est.

Isti sunt, qui tradiderunt corpora sua in mortem propter testimonium veritatis, ut in æternum viuerent. Siquidem & duas virgines Christi, Floram & Mariam, nobiscum ob eandem professionem nunc in ergastulum detruserunt: & quotidie de interitu comminantur.

Sic fuit in
exemplari.
Vilhelmsindus
Episcopus,
Guilhesindus
appellatur
in privilegio
Enniconis
regis, quod
protulit Ga-
rrius. Vt
Guilhelmus
& Vilhel-
helmus dis-
citur per
digamma
Folicum.

DATA DECIMO SEPTIMO CALENDAS DECEMBRIS PER
GALINDVM ENNICONIS VIRVM ILLVSTREM, ERA
OCTINGENTESIMA OCTVAGESIMA
NONA.

SCHOLIA IN EPISTO-

L A M S V P E R I O R E M.

Pompelo ci-
uitas.



Ampilonensis (sedes Episcopo.) Verum nomen urbis est Pompelo, ut est apud Strabonem, Plinium, & Ptolemæum. Paulatim autem corruptum in Pampilonam fuit. Nos Hispani corruptius adhuc proferimus Patmplo-
na. Est autem urbs in Vasconibus Hispanis notissima, regni Nauarræ ca-
put & arx munitissima: Strabo, quamuis id plane non scripserit, satis ap-
pertè tamen ab Pompeio conditam fuisse dicit, siquidem Pompelonem, quasi Pompe-
iopolim, hoc est Pompeii ciuitatem dictam docet. Et nomen ipsum urbis suum pro-
fectò refert conditorem.

Carolus
Caluus.

Olim beatissimè Papa.) Quantum ex his, quæ paulò post memorat diuus Eulogius, colligi potest, apparet hanc eius peregrinationem in Caroli Calui regis Francorum i-
nitia incidisse. Cœpit autem mortuo patre Imperatore Hludouico regnare hic Caro-
lus anno Domini octingentesimo quadagesimo, ut in priscis Annonii annalibus ha-
betur. Decem igitur postea annis, aut paulo minus hæc epistola scribitur, ut in fine no-
tatur, & in Nunilone & Allodia nos disquisiimus. Vnde non immerito olim potuit
hic dicere, & quondã etiã paulò mox dicet. De nomine autè Pape, retrò iam diximus.

Gallia To-
gata.

Togata Gallia.) Cisalpina Galliæ pars, quæ Italiæ coniuncta fuit, Togata ideo dice-
batur, quòd togis incolæ, quemadmodum Romani vterentur, Plinius lib. 3. cap. 14.

Hludouicus
Imperator.

Hludouicum regem.) Præposita ad hunc modum aspiratione scriptum fuit in exem-
plari. Quam lectionem ex antiquis monumentis ubiq; sequitur F. Onufrius Panuini-
us. Necesse est autem hic Hludouicum Hludouici Pii Imperatoris filium Caroli Cal-
ui Francorum regis fratrem nominari. Illi enim moriens pater Germaniam hæredita-
rio nomine reliquit, & postea etiam eidem est in arbitraria diuisione post bellum inter
fratres confirmata. Authores ex antiquis sunt Rhegino Prumiensis, & Annonius an-
nalianum scriptores. Vnde Paulus Æmilius, & Robertus Gaguinus desumpserunt. Vuol-
fgangus porro Lazijs lib. de gentium migrationibus septimo diplomata etiam huius
Hludouici regis adducit, quæ per hosce annos concessa sunt: in quibus se Baioariæ re-
gem cõpellat. Ideo Baioariæ regem hunc D. Eulogius vocat. Est autem Baioaria cor-
ruptum nomen, quo Paulus Diaconus & cæteri inde scriptores vtuntur. Verum nomen
Boiaria est à Boiis populis, qui ad Noricum in Germania habitauerunt, quorù Cæsar li-
bro primo & septimo, Plin. lib. 3. cap. 24. & aliubi meminit. Eam suis finibus vndiq; clu-
sam describit Paulus Diaconus lib. rerum Langobardicarum tertio, cap. 29.

Boiaria.

Helysachar
Abbas.

Ayzo dux.

Vuiliemun-
dus.
Ceritania.
Vallensis.

Bernardus
Barcinona
Comes.

Et funeroso quondam Vuilibelmi.) Nihil prius in hac epistola quam series temporum,
& ratio chronologiæ est attendenda. Hinc enim & nihil discors apparebit in Gallorum
historia, quod alioqui poterat lectorem diligentem interturbare. Rursus etiam rectè
sibi constare D. Eulogium, nec discrepans quippiam narrasse apparebit. Cum tamen
nisi tempora cum rebus gestis ita dilucidentur, diuersum quiddã & repugnans sanctus
martyr recensere videatur. Temporum autem & rerum gestarum seriem ex his potissi-
mum annalibus Gallorum desumemus, qui sunt cum vita Caroli Magni iam pridem
Colonix excussi: Illorù author nomen suum non prodidit: satis autè apparet, sui tem-
poris historiam texuisse: quo pluris est eius fides & autoritas facienda. Is igitur anno
827. de Hludouico: Imperator Helysachar presbyterum & Abbatem, & cum eo Hil-
dibrandum atque Donatum comites ad motus Hispanicæ Marcæ componendos mit-
tit: Ante quorum aduentum Aizo Sarracenorum auxilio fretus multa eiusdem
limitis custodibus aduersa intulit: eosq; assiduus incursionibus adeò fatigauit, ut quidã
illorum relictis, quæ tueri debebant, castellis, recederent: Defecit ad eum filius Bero-
nis nomine Vuiliemundus, & alii complures nouarum rerum, gentilitia leuitate, cupi-
di, iunctiq; Sarracenis Ceritaniam & Vallensem rapinis, atq; incendiis quotidie infe-
stabant. Cumq; ad sedandos ac mitigandos Gothorum, atq; Hispanorù in illis finibus
habitantium animos Helysachar abbas cum aliis ab Imp. missis, multa & propria indu-
stria & sociorù consilio prudenter administrarent: Bernardus quoq; Barcinonæ Co-
mes Ayzonis insidiis, & eorum, qui ad eum defecerant calliditati, ac fraudulentis ma-
chinationibus pertinacissimè resisteret, atq; eorum temerarios conatus irritos effice-
ret: exercitus à rege Sarracenorum Habdarraghman, ad auxilium Ayzoni ferendum
missus, Cæsaraugusta venisse nuntiatur. Super quem Abumarbam regis propinquus
dux

dux constitutus, ex persuasione Ayzonis haud dubiam sibi victoriam pollicebatur. *Habduin-
gham Rex.
Cesaraugu-
sta. Abumar-
ban Sarace-
nus.
Pipinus rex
Caroli Mag-
ni filius.
Gerunden-
sis*
Contra quem Imp. filium suum Pinum Aquitanix regem cum immodicis Francorū
copiis mittens, regni sui terminos tueri præcepit. Quod ita factum esset, ni ducum de-
fidia, quos Francorum exercitui præfecerat, tardius quam rerum necessitas postula-
bat, is, quem ducebant, ad marcam peruenisset exercitus. Quæ tarditas in tantum no-
xia fuit, ut Abumarban vastatis Barcinonensium & Gerundensium agris, villisq; incensis,
cunctis etiam, quæ extra vrbes inuenerat, direptis, cum incolumi exercitu Cæsarauga-
stam se reciperet: priusquam à nostro exercitu, vel videri potuisset. Et quia tot retro
annis hi Guillelmi motus occeperant, ideo diuus Eulogius quondam dixit. Intellico
10 autem bellum, quod tunc feri cœptum fuerat, ad Caroli Calui regis tempora, dum ali-
ud ex alio germinat, succreuisse. Fratres etiam Eulogii Hludouici tempore in Galliam
abierant: ibi usq; ad Carolum Caluum eius filium perstiterant. Hoc Carolo iam re-
gnante Pompelone Eulogius fuit. Aliter temporum, quæ ipse magis innuit, quam si-
gnat, ratio constare non potest. Et de Carolo Caluo loqui Eulogium liquet. Is enim ab
anno Domini DCCCXL. ad DCCCLXXVIII. regnum Francorum tenuit.

Gothiam autem vocat eam Gallix ad Narbonem partem, quæ quod Gothis fue-
rat semper subdita, Gallia Gothica fuit appellata. *Gothic.*

Sed ipsa iterum, quæ Pampilonem.) Seburici populi sunt, ut hinc & paulò post apparet, *Seburici po-
puli.*
in Pireneis, & inter Vascones computandi. Ab Seburici ciuitate nomen, ut mox vide-
20 bimus, habuere. Eorum in antiquis Geographis nulla mentio. Longè enim diuersi
sunt ab Sebusiis, seu Sebusianis, quorum Cæsar & Cicero in oratione pro Quintio me-
minere. Illi ad Narbonem, hi ad occasum longè distiti fuere. Illi Gallix, hi erant Hi-
spanix. Intellige verò Galliam Comatam, quæ ab comæ nutriendæ studio nomen
accepit, cum Seburicis ita coniungi, ut in finibus Hispanix ea parte Seburici essent
postremi. Aragus enim fluuius totus est Hispanorum. Et ad Aragum Seburim urbem
fuisse confestim Eulogius memorat.

Factionibus comitis Sancii Sancionis.) Comitatus huius nomen Hispanum esse videtur,
& illorum plane temporum, in quibus iam apud Nauarros & proximos Celtiberos
patris cognomen filii retinebant. Inde sunt vñtatissima priscis temporibus solenni hoc
30 more cognomina, Fernandez, Rodriguez, Goncalez, & multa huiusmodi à patre in
filium deriuata. Sed quis hic Sancio fuerit: aut qua de causa aduersus Carolum Cal-
uum rebellauerit, nusquam in priscis Gallorum, aut nostris, aut Aragonensium anna-
libus legitur. Neq; ego quid hic possim dicere aliunde habeo. *Huius fit me-
tio in Christi-
co Adofonsi
ad Sebastia-
num cum de
Ordinacore-
ge agit.
Sancio San-
cionis comes.*

Acysteriam.) Monasterium. Diximus de hoc vocabulo initio libri primi.

Quibus Aragus flumen.) Paululum immutato nomine nunc Argà vocatur. Non
longè ab Vayotta Gallix vrbe propè Azpeletam oppidum oritur. Ut rectè ab diuo Eu-
logio dictum sit, in Gallix ingressu nasci. Inde Pompelonem veniens, infra Lerin op-
pidum Egam flumen intrat. Vnde manifestum Egam eum esse fluuium, quem hic
diuus Eulogius Cantabrum nominat. Seburis autem vrbs ad Aragi ripam, & ante Pō-
40 pelonem profectò, ut hinc apparet fuit: eius tamen nec nomen nunc extat, nec situs,
qui fuerit, intelligi potest. *Aragus flum-
inis.
Ega fluminis.
Cantaber
fluminis.*

Legerense monasterium.) Huius etiam cœnobii meminit in martyrum apologetico.
Nunc verò San Saluador de Leyri appellatur, & octauo ab vrbe Stella, XXIV. ab Pō-
pelonensi milliario distat. Vidi autem multa priscorum regum Nauarræ & Arago-
nensium monumenta, eidem monasterio concessa, quæ ibidem seruantur, in quibus
Legerense monasterium semper nominatur. Et fuerat iam antea ab rege Innigo Arista
constructum. Quod in Caroli principis Nauarræ historia, & in Aragonensium anna-
libus legitur. Et inter cætera illud Sancii maioris diploma in Nunilone & Alodia iam
retro appositum, oppidorum meminit, & prædiorum, quibus superiores reges idem
50 cœnobium ditauerant. *Legerense
cœnobium.*

Præerat quippe ei.) Sunt qui dicant huius Odoarii Abbatis se quædam opuscula ex-
cussa vidisse. Certe Ioannes Tritemius eius inter scriptores ecclesiasticos nō meminit. *Odoarius:
Abbas.*

Charissimus filius meus.) Spiritualiter filium nominat, quem in Christo, ut diuus
Paulus inquit, genuerat: erudiens, instituens, & ad eum usq; dignitatis in Ecclesia
gradum prouiehens.

Ioannes Præpositus.) Nostri temporis monasteria Benedictina, & Cisterciensia præ-
ter Abbatem, priorem etiam, ita appellant, ex prisco suo instituto habent. Hunc ni-
mirum præpositum vocat diuus Eulogius. *Monasteria
rum præpo-
siti.*

Reliquias tibi.) Alibi iam annotauimus, corpora sanctorum martyrum Zoyli & Aciscii
Cordubæ ad hæc usq; tempora perdurasse. Quod etiā hinc & ex fine epistolæ astringitur.

*Sanctorum
Zoyli & A-
gipoli corpora.*

Nā neq; illustrari Pompelonenses, nisi insigni aliqua missa reliquiarū portione poterāt, nec basilica aliter ædificanda, q; postea fit, peteretur. Neq; pleno dono ditare Episcopū Eulogius potuit, nisi horū martyrum corpora integra penè Cordubę haberentur. Fuit a. S. Zoylus Romanorū Imp. tempore martyriū Cordubę perpeffus. Puteus nunc religio- se suspicitur, in quem pars viscerū eius proiecta fuisse memoratur. Eius corpus Agapio Cordubensi Episcopo Gothorum regū tempore fuit reuelatum. Vnde etiam trans- lationis eius festū celebratur. Carrionē demū multis post Eulogiū annis (quēadmodū in Felice Complutensi martyre diximus) fuit translātum.

*Agapio
Episcopus.*

Ab vltioris Francie.) Boiariā, seu Baloariā Germanię superioris partē: rectē vltiorē Franciā nominat. Nā Francorū tunc & regnū & nomē ad Germaniā vsq; vltimam i o protendebatur. Est autem Moguntia notissima in Germania superiori ciuitas.

Moguntia.

*Casaraugusta.
Lib. 1. cap.
48.*

Casaraugustam perueni.) Huius vrbs magna nunc est celebritas, & eius Plinius, Pto- lemeus, Antonin⁹, & alii meminerūt. Cū Salduba antea prisco & Hispano nomine di- ceretur, ab Augusto Cæsare facta Colonia, nomen accepit. Quod ipsum cum ceteris e- ius vrbs antiquitatibus egregie, vt alia omnia, Hieronymus Curita, indidē ciuis, in suis Aragonensū annalibus persequitur. Neq; tam ea cōmentatione patriā suam illustrat, quā quod tam inclyto alumno possit gloriari. Suauissimū namq; ingeniū, iudiciū in literis rarum, Latine & Gręce lingue singularis cognitio, peritia totius antiquitatis in- signis, egregia in scribenda suorū historia laus, & diu in magnis negotiis probata pru- dentia dignissimū effecere, vt Philippus Rex catholicus summi in sacro Inquisitionis 2 o senatu secretarii, vt vocant, munere virū grauissimū exornaret: postquam iam pridē ab suis Aragonēsis publici historici prouinciā publico regni totius decreto accepisset. Ego etiam iure optimo glorior, magnā mihi cum illo multis iam annis & beneuolētiā, & familiaritatem intercedere: historiæq; meæ, & huius etiam ex parte laboris censo- rem ab Regio senatu mihi tributum. Vt meritō possint iam mihi quæ scripsi, cum tan- to viro placuerint, non displicere.

*Hieronymi
Curita laus.*

*Segontia
dica.*

Complutum descendi.) Recto itinere Cæsaraugusta Cordubā proficiscentibus Segō- cia, primū, inde Cōplutū, Toletū tandē est pertranseundū. Segōcia nomē in Tito Li- uio non semel legitur. Strabo etiam & Plinius eius vrbs meminere. Nunc immuta- to paulisper nomine Siguentica dicitur, cui suus Episcopus dominatur. Insignisq; est eo 3 o præsertim titulo cathedralis Ecclesia, quæ sanctę Liberatę corpore, & magnificentis- simo tumulo illustratur. Altera fuit Segontia in Bætica versus fretū, Plinio nominata. Visuntur eius ruinae non longē ab Lethæi fluminis ripa, hodieq; Gisgonca loco nomē est. Cōplutū id planē oppidū esse, quod nunc Alcalá de Henarés appellatur, in quo nos hæc cōmentamur, multis iisq; grauib; testimoniis astruximus, in opere, quod de san- ctis martyribus Iusto & Pastore superioribus annis euulgauimus. Hinc autem, cum E- piscopū etiā hoc oppidū adhuc tempore diui Eulogiū haberet, maximē probatur, id q; nos etiā ibi cōtendimus, sanctā illam basilicā, qua diuorū Iusti & Pastoris corpora olim cōdita fuerant, semper Christianorū fuisse, neq; eis ab Mauris fuisse ademptam. Quo- niā verò D. Urbicius pio furto eadem corpora Oscam iam hoc tempore asportauerat: 4 o ideo D. Eulogius ipsorū hic non meminit: proculdubio, si adforent, non prætermis- surus. Supplici veneratione eadem sancta corpora reueritus; suæ quoq; deuotionis participem Vuiliesindum effecisset.

*Sanctorum
Iusti & Pa-
storis cor-
pora.
Diuus Urbici-
us.*

Toletum.

Post quintum diem Toletum reueri.) Reueri, inquit, quia Corduba primum egressus, illuc quoque iter fecerat. Quintū diem memorat, vel ab eo, quo Segontia fuerat pro- fectus, vel ab eo quo Complutū intrauerat. Alioqui Compluto Toletum bidui iter tā- tummodo est. Toletū vero vrbs Hispaniæ celeberrima non semel ab Tito Liuiο nomi- nata, ab Plinio & Ptolæmeo mēoratur. De qua, vt de Carthagine Sallustius, præstiterit nihil hic, quā pauca referre. Quū præsertim suo loco, in Hispaniæ nimirum antiquita- tibus, multa fuerimus exequuti.

*Vuistremir
Archiepisco-
pus Toletan-
nus.*

Vuistremirum Episcopum.) Ingenti gloriæ Toletanis Mocarabibus Christianis profe- cto fuit, talem ac tantum virum hoc tempore Episcopū habuisse: sed Cordubensibus meis inde etiā multū præstantissimę laudis deriuatur: diuum videlicet Eulogium eo- dem ipso tempore habuisse, qui multorū Episcoporū suffragio & Toletani populi san- ctis studiis dignus haberetur, qui Vuistremiro, quali bone Deus antistiti, succederet. Idq; circūspecto iudicio & matura deliberatione factū prorsus est: cū ex hac apud se cōmoratione Toletana Mocabarū Ecclesia nobili experimento didicisset, quem virū dignis studiis & populi voluntatē requireret. Debet autem sancta ecclesia Toletana plurimū diuo Eulogio, quod sanctissimi præsulis hic memoriam conseruauerit: Alua- ro itidem Cordubensi, qui ad hoc vsque seculum nostrum notitiam electi antistitis

transmiserit, qui Martyr esse tandem promeruerit. At verò cum hætenus dicat Eulogius, intelligere licet, eo ipso anno, quo scripta hæc fuit epistola, viuere adhuc Vuistremirū Archiepiscopum. Itaq; sequentibus annis electum fuisse diuum Eulogium Toletanum antistitem, hoc est martyrio suo propiorem manifesto deprehendimus.

Quem sancti tyranni indignatio.) Quemadmodum primo libro vidimus, Habdarraghman rex quoscunq; Mocarabes Christianos, qui muneribus publicis fungebantur, aut sibi in palatio quaque ratione inseruiebant (quorū non erat exiguus numerus) magistratib⁹ priuari, palatio eiici,annonis regiis carere præcepit. Inter hos Ioseph quoq; diui Eulogii frater, vt apparet, fuerat multatus. Hoc profectò vocat à principatu deiici, ad sanctū Ioseph patriarchā, Ægyptiorū olim principatū vicariū obtinentē, alludens. Quē enim alium principatū potest in misera Mocarabū Christianorum seruitutē innuere?

Christicola principis tueri meremini dominio.) Carolus Magnus Imperator, Caroli Calui, qui nunc regnabat, auus Pompelonē Mauris iam pridē ademerat, & aliquoties rebellantē ipse, & Hludouicus Pius eius filius restituerant. Qua de re innominati illius authoris annales ita habent: Anno 778. Imp. Carolus Magnus Pompelonē Nauarro-
rū oppidū aggressus, in deditiōe accepit. Et paulò post. Pompelonē reuertitur. Cuius
murū, ne rebellare posset, ad solū vsq; destruxit. Et anno 806. In Hispania verò Nauarri & Pompelonenses, qui superioribus annis ad Sarracenos defecerant, in fidē recepti sunt. Et anno 824. iam sub Hludouico Caroli Magni filio Imp. & Gallorū rege, Æblus
& Asinarius comites cū copiis Vasconū ad Pompelonē missi: cū peractò iam sibi iniū-
cto negotio reuerterentur, &c. Vbi manifeste apparet Pōpelonē recuperatā hac expeditione, si fortē defecerat: sin minus pacatam in tumultu, si quis fuerat exortus, fuisse.

Pompelo à
Christianis
captus.

Æblus &
Asinarius
comites.
Hinc forte
nomē Aznar
Nauarræ
admodum
familiarē.
Galindo En-
nisonis.

Galindo Enniconis.) Hic Galindo Iniguez aut Nauarrus, vt vulgaribus nominib⁹ vtar, aut Aragonensis fuit. Nā in vtriusq; gentis prisceis añalibus Galindi nomen, & inde ductū cognomē sæpe in proceribus legitur. Hieronymi Curite annales lib. i. non semel testantur. In antiquis etiā regū vetustissimorū diplomatibus Galindi nomē inter ceteros proceres reperitur. Ex his mihi sequentia videre contigit. Era 919. hoc est anno Domini 881. die Aprilis 22. Hordoniū rex huius nominis secundus, cū Geluira vxore donariā quā plurimā auro & argento pretiosa, itē vicis, & alia Ecclesiæ Cōpostellanæ, vbi D. Iacobi corpus est tumulatū, dedere. Subscribit, & cōfirmat inter ceteros proceres Galindus. Item Geloyra regina Veremundi regis secundi, vt ipsa de se inquit, vxor, Alfonsi quinti mater, die Augusti decima octaua Era M. LV. h. e. anno Domini 1017. eidem Ecclesiæ plurimā donauit. Inter ceteros præfules subscripsit, & cōfirmat Galindus Abbas. Et his omnibus magis amplum est Froylæ regis Alfonsi quarti filii diploma 25. Octobris Era 950. hoc est anno Domini 912. eidem Ecclesiæ concessum: in quo cum cæteris proceribus Galindus etiam cōfirmat. Quæ tria diplomata in Archiuo eiusdem sanctæ Ecclesiæ asseruantur. Libuit autem hic hæc cōgessisse, vt nobilis huius apud nos familiæ, cui Galindo, seu Galindez cognomen est, antiquitas certis testimoniis astrueretur. Cū autem & hoc loco, & paulò post in exemplari Galindo in
nominatiuo fuisset scriptum: in fine denuo Galindum in accusatiuo habet.

Galindorum
familiæ.

Eorum beatæ memoriæ construendo basilicam.) Vsitato tempore diui Augustini vocabit-
lo, quo & ipse, & alii nonnulli vtūtur, memoria Martyrū locus dicebatur, vbi martyres
colebantur. Hic diuerso aliquantulum sensu, consueto nimirū & vulgari, ponitur. Vi-
detur autem diuus Eulogius ex concilii Africani seu Carthaginensis quinti decreto
hoc ipsum deposcere. Eius hæc sunt verba. Itē placuit, vt altaria quæ passim per agros,
aut vias, tanquam memoriæ martyrum cōstituuntur: in quibus nullum corpus, aut re-
liquiæ martyrum conditæ probantur, ab Episcopis, qui eisdem locis præsunt si fieri po-
test, euertantur. Et paulò post. Et omnino nulla memoria Martyrum probabiliter ac-
ceptetur, nisi aut ibi corpus, aut aliqū certè reliquiæ sint: aut vbi origo alicuius habi-
tationis, vel possessionis, vel passionis fidelissima origine traditur.

Memoria
Martyrum.
Concilii A-
fricani
quintum.

Deniq; Beatissime pater.) Quæ sequuntur omnia de Ecclesiæ nostratis calamitatibus, sanctorumq; martyrio, retro libro primo & secundo leguntur: atq; ibi si quid opus fuit annotauimus. Repetit verò hic eisdem verbis quædam diuus Eulogius, quæ in Documento martyriali posuerat.

Quæ dudum alias proferendo.) Apparet aliam ante Epistolam, sine salutationibus Eulogium ad hunc eundem Vuiliesindum scripsisse. Hoc credo intelligit. Ego verba hæc vt erant in exemplari reliqui.

Odoarium Serafiensis monasterii Abbatem.) Sub Sancti Zachariæ nomine & tutela cœnobii hoc conditū. Hoc alterum nomen Serafiense, quo nunc vtitur, loci fuit aut regionis.

Hurdaſpakenſis Monafterii.) Non dubito, quin id cœnobium intelligat, quod nunc de Vrdax appellamus. Situm eſt trans Pireneſos Galliam verſus, non admodum longè ab vrbe Vayona diſſitum. Et cum Eulogii tempore ordinis diui Benedicti fuerit, nunc eſt Præmonſtratenſis.

ARGVMENTVM EPISTOLÆ EVLOGII ad Aluarum.

Mittit ad Aluarum documentum Martyriale, quod virginibus Flora & Maria ſcripſerat, priuſquam eiſdem legendum traderet, Chriſtiana modestia & inſigni circumspectiōe, ut in ſue appareret, commotus.

CHARISSIMO FRATRI MEO ALVARO Eulogius.



EMPER, mi frater, recordatione peccatorum meorum compunctus, luctum non amitto quotidianum: quoniam ex frequenti vſu non deeſt à me peccandi affectus. Super his quoque vehementi carceris mœrore confectos, non minus ex improviſo tædium mihi occurrit ex eo die quo me ſerenitas veſtra præmonuit, ne à glorificatione militum Chriſti deſiſterem, ne primam de eis ſententiã meam irritam facerem. Quia propterea, quod illi viriliter inimico iuſtitie reſtiterunt, crudelitas nos tyranni carceralibus mancipavit ærumnis, noſtris deputando hortamentis, quod in eos diuinitus inſpiratum eſt. Quasi futura foret hæc nobis occasio facilis vituperandi (quod abſit) quos olim laudaueram, laudandosque verbo & ſtylo extuleram. Qua de re coactus ſum huius opusculi laborem aggredi, quod forte & noſtræ crudelitatis de victoria eorum futuris generationibus redderet teſtimonium, & iſtis virginibus propter veritatis profeſſionem nobiſcum deuinctis, ſpei certandi præberet adminiculum. Quod ego pro arbitrio meo Documentum Martyrii credidi appellandum. Tuum eſt autem, frater chariſſime, huic volumini auctoritatem donare, quia priuſquam earundem virginum adiret obtutus, tuo climati eum iudicio volui: ne forte errore neſcientiæ in aliquibus repugnaret catholico dogmati. Ave in domino Ieſu Chriſto frater chariſſime.

Scholia in epistolam primam ad Aluarum.

Quo me ſerenitas veſtra præmonuit.) Hæc ſerenitatis compellatio, qua non ſemel vitur author ad Aluarum ſcribens, facit, ut eum nobilem admodum fuiſſe credam. De ea autem poſtea in Veremundi regis diplomate dicemus.

Quia propterea.) Eandem cauſam vinculorum ſuorum hanc fuiſſe in ſuperiori Epiſtola retulerat. Alvarus in eius vita ab Reccaffredo Epiſcopo miſſum in carcerem tradit Eulogium. Nimirum in idem vtrunq; recidit.

ARGVMENTVM EPISTOLÆ SEQVENTIS.

Laudat opus ad ſe miſſum, & iudicium de eo facere tum modestia cauſa, tum operis præſtantia detrectat.

ITEM ALVARVS AD EVLOGIUM.



VMINOSVM veſtri operis Documentum ex illis Orientalibus, de quibus legitur, pomis valde bonis eleganter collectum, atque ex vitalibus ſuccis, & ex quadrifido fonte virtutum operoſa arte confectum, iuxta congenitum literarum ſtudium mihi perlegi, & non diſcutiendo, ſed admirando, textum totius opusculi laudabilis percurri. Et quod ex theſauro ſapientiæ Dei à docto ſcriba noua, & veteri re conditione prolatum eſt, altè profundeque totum rimauit, nihilque dignum, quod tanto rependerem operi, in tenuiſſimo pectore pauperis tui inueni. Verè ad inſtar illius Ioseph reconditum triticum tempore neceſſitatis diſpenſas, & fame veri laborantibus alimonie victum impertiris, atque adipe ſpiritali arida corda pingueſcis. Quicquid enim de ſanctis ſcripturæ fontibus à quoquam potuit vnquam hauriri, à te aſſumptum, diſcuſſum eſt, atque digeſtum. Et planè nobis omnibus aliquid mutire volentibus ſilentium deinceps manet impoſitum. Eloquenter namque atque ſplendide oratorum more, imò ſcholæſtica eruditione opus totum digeſtum, & humana pariter ac diuina inſtructione perfectum, non diſcuſſione indiget, ſed potius

potius laudari inquit. Nec egestate laborantibus scientiæ seipsum discutiendum cōmittit, sed in corda infularum præconiis digna, & virtutum laude cothurnata alto, se extollendum boatu infundit. Quod vero meo, quod sæpe probasti, scientia egeno, iudicio tantū fulgorem committis, licet humilitati vobis congenitæ hoc notum sit assignari: tamen cauendum est, ne fulgor materiæ, & authoris splendor furuo inficiatur horrore. Præsertim quia tenebræ discutiuntur à luce, & horrida semper caligo splendore fugatur nubium, quas densas grassedite aureum iubar seremat. Nec compertum est, ut vice contraria discutiant tenebræ lucem, aut densus aer suo subdat iudicio solem. Ego vero, mi Domine, opusculum Dei ecclesiæ dignum, & Christo opifici & coronatori martyrum in primordio sui votiua cordis oblatione sacratum, non humano audeo subdere iudicio, quod certum noui inspiratione diuina ex arcano pectoris vestri prolatum. Et ideo sicut per vos spiritus sanctus loquutus est, ita & nomen, quod ipse author bonorum consensione, imo electione vestra imposuit ei, ut perenniter hæreat, & perpetua memoria vigeat, nostra quam consulis pusillitas videt. Raptim cursimque ipsum opusculum legi, sed ad rescribendum illud retinere dubitavi, ne forte culpabilis vestro fuisset amori. Peto autem, ut in alio quaternione apertiori manu illis sororibus ad me pro rescribendo denū reuertatur.

SCHOLIA IN EPISTOLAM SVPERIOREM.

20 **E**X illis Orientalibus.) Alludit ad paradisi terrestris descriptionem, quæ Genesis 2. capite habetur.

Infularum præconiis digna.) Hoc quantum ego assequi possum, intelligi vult, episcopis poti⁹ & summis sacerdotibus dignis doctoribus opus tradidi debuisse iudicandum. Ipse enim Aluarius laicus (ita loqui consueuimus Christiani) cum esset, ad eum iudicium sacrorum operum, quale hoc diui Eulogii erat, pertinere non poterat. Quæ sequuntur in hac periodo, misere fuerunt in veteri Codice deprauata. Nos quoque modo potuimus restituimus.

Cothurnata.) Elata & sublimia. Poëtæ more loquitur. Sumpta audacius ex tragicorum habitu metaphora, qui cothurnis sublimes efferebantur.

Argumentum.

30 **M**artyrium duarum virginum Floræ & Mariæ celebrat, quod libro secundo latius commemorat.

CHARISSIMO IN DOMINO IESV CHRISTO

fratri meo Aluaro, Eulogius.



40 **M**AGNIFICAVIT Dominus misericordiam suam nobiscum, mi frater, & facti sumus letantes. Quia quibus verbum vitæ in lachrymis seminauim⁹ in gaudio victoriæ fructū metisse videm⁹. Videm⁹ n. virgines nostras debellato principe tenebrarum, conculcatis mundialium oblectamentis affectionum, accensis adorearum lampadibus, obuam profuissse sponso ac regi cælorum. Et quia semper se hostiam viuam, sanctam, Deo placentem præparauerunt, ideo cælestis aulae limina adeuntes, intrauerunt inuitante Christo ad nuptias, cantantes canticum nouum, atque dicentes: Dignus es, domine Deus noster, accipere gloriam & honorem, quoniam redemisti nos de potestate tenebrarum, & fecisti nos condignas sortis sanctorum tuorum, & transtulisti in regnum tuum æternum. Et cum hoc gaudium vniuersalis ecclesiæ de illarum victoriis habeat præcipue, tamen ego præ cæteris quodam tripudio iucunditatis extollor, quoniā non in vacuū eis, iam pene quorundam exprobatōe à gradu suo labentibus, documentum illud martiriale porrexisse conspicio. Quia licet ab initio mundi & vocatio, & sanctificatio earum à deo patre nimirum processerit, habet tamen intentio nostra in earum instructione suam coram Domino mercedem repositam, qui largitionem argenti calicis remunerari promisit, in nomine suo impensam. Nam decimo & amplius die priusquam ad martyriū ducerentur solā dominā meā Florā, instinctu fratris sui, iudex ille iniquitatis auditioni suæ aduocans (post agnitam eius inuictissimam professionem, qua ipsū iudicem Christi ancilla denotans, aduersarium fidei intrepida responsione deiecit) in carcerem eam iussit reuerti. Quapropter claustra, quibus detinebantur ego appropinquans, quæ iudicis ad eam interrogatio fuerit, vel quæ ad iudicem responsio eius extiterit, dominā meam humiliter seiscitatus sum. Illa vero, ut erat angelico decorata aspectu, supernæ claritatis gratia fulgens, hilari vultu, ore pudico, iam quasi quibusdam cælestis patriæ gaudiis vegetata, subridens retulit mihi. Dum hodie iudici

præsentarer, præceptor, astante haud procul è contra fratre meo illo aduersario fidei nostræ, cuius persecutione in hunc lacum decidi; exquisita sum, vtrum eum agnoscerem? Quem ego fratrem meum esse carnalem proferens, quare (inquit iudex) iste cultor fidei nostræ probatissimus manet, & tu Christum profiteris? Respondi, antè octenniū, o iudex, & ego tenebris ignorantia occupata, paternis legib⁹ seruiēs, gentilitio famulabar errori. Sed illuminante me pietatis auctore, elegi fidem Christianorū, propter quam certare disposui vsque ad obitum. Et quæ est, inquit iudex, hodie sententia tua in illud, quod dudum coram me professus es? Exprobationem videlicet sui vatis abstrusis interrogationibus exprimens, qua ipsam auctorem sectæ peruersitatis olim amota formidine detestata sum: cum iterum è latibulis meis ad passionem regrediens, forum petii, ac iudicem adii. Identidem aio, iudex, quæ & primo me exponentē audisti: & si me adhuc disquisieris, ingentiora prioribus de eo referam tibi. Tunc in flatis buccis, turgenti gutture, stridentibus lingua sermonibus, de interitu me, comminans, in ergastulum iussit reuerti. Hæc postquam melliflua oris sui relatione mihi domina mea retulit, verbis eam, quibus potui, confortauī, de spe promerendæ coronæ admonui, eiusque angelicum obtutum reclinis ceruicibus adorauī: deinde precibus eius, & felicibus meritis me commendans reuerendissimis illius colloquiis recreatus, latibula carceris mei reuisi. Vnde quæso fraternitatem tuam, charissime domine, vt ad posterorū memoriam gesta passionis earum breui tantummodo ordinare digneris stylo, ita semper illarū protegi merearis suffragio. Ipso autem die, quo gloriosarum nobis relatus est sub confessione nominis Christi interitus, omnes ad orationum arma currentes, horam nonam in Dei laude persoluimus. Ac deinceps auctis tripudiis vespertinum, matutinum, & missale sacrificium consequenter ad honorē & gloriam nostrarum virginum celebrauimus, cunctique nos illarum patrocinio tutandos fouendosque commisimus. Et quia vniuersorum spes non perfunctorie in earum meritis collocata est: ideo, sicuti cernitis, fauens Christus earundem victoriis & interuentibus gloriosis, post sextum diem, quo illæ coronatæ sunt, nos vinculis absoluit, & carcerali claustro exemit. Nā & quibusdā familiaribus hoc, antequā paterentur, condixerunt sororibus, vt mox, postquam Christo coronatori suo adfisterent, pro nostra liberatione interuenirent. Et sic quidē illæ octauo Calendas Decembris explentes martyrium, nos tertio earundem Calendarum sole dimittimur: magnificantes & benedicentes nomen Dei nostri qui confortauit in certamine sanctas virgines suas Floram & Mariā, & vicerunt nosque per digna illarū merita liberauit in pace, qui est benedictus in secula seculorum. Amen.

S C H O L I A

Accensis adorarum.) Hoc est palmarum & gloriæ triumphalis. diximus de hac voce in ipso martyriali documento. Manifestum autem est, quam seruatoris nostri parabola respiciat.

Quorundam exprobatione.) Hoc nimirū est, quod retro iam in ipso ad eas virgines opere annotauimus.

Illæ vero ut erat.) Huiusmodi piæ commemorationes, quibus frequenter vtitur diuus Eulogius, quanuis martyrum ardore caleant, tamen in ipso sancti huius pectore qualis diuini amoris ignis exardesceret, satis ostendunt. Flagrat profecto his perlectis pius animus, sed cum de martyris flamma accensum se videat, maius profecto incendium ex verborū huiuscemodi face subdi persentit: vt author de suo protus igne ignem in lectorum cordibus videatur accendere. Esto namque, tepide alius absque hoc deuotionis feruore hoc ipsum commemoraret: res eēdem cum essent, tamen nullam pene in lectorum pectore scintillam excitarent.

Matutinum & missale sacrificium.) Non facile possit quispiam intelligere, quo pacto in carcere retrusi Christiani missam celebrare, aut ipsi decenti loco & apparatu possent, aut ab impiis custodibus sinerentur Horarias preces, solenni more submissa voce concinere certe potuere: Verum enimvero, Deus optimus maximus piæ suorum deuotioni non deerrat, & quo pacto consolari se ipsos & armare diuini sacramenti perceptione possent, benignus prouidebat. Nam in documento martyrii plane dixit, horarias preces Christianos Ecclesiæ ministros in carcere positos solitos fuisse decantare.

ARGVMENTVM.

Narrat Baldegotoni Floræ sororis martyrium, cingulumque eius ei transmittit. Cum autem iam omnia fusius, & narrata sint libro secundo, & epistola superiore: atq; utrobique, qua necessaria visa sunt, annotata: nihil hic reliquum fuit, quod scholiis indigeret.

EVLOGIUS SERVVS CHRISTI CHARISSIMÆ

in Domino Iesu Christo sorori nostræ Baldegotoni,

Salutem:

QUOTVM tibi sit, Domina soror, quia consummavit martyrium suum in pace Domina & Sanctissimā Patrona nostra, soror tua Flora, octavo Calendas Decembris die, tertia feria, hora nona, vna pariter cum consocia sua beata Maria Cîteclarensi religiosa (quæ inter illos priores Martyres fratrem in cælum præmisit Vualobonsum Diaconum) perseverantes in sancta professione usque ad mortem. Inde, charissima soror, iubemus te tanta consolationis ope suffultam manere, quanta sine dubio credimus illas inter cælicolas, & beatarum virginum choros collocatas manere. Tenentes victoriæ palmas, quotidie ante thronum agni, canticum novum cantantes, atque dicentes: Dignus es domine Deus noster accipere gloriam & honorem, quia redemisti nos de potestate tenebrarum. & per gloriosum martyrii trophæum transtulisti nos in regnum tuum. Tu vero, dilectissima, stude vitam tuam dignis & Deo placitis moribus exornare, quibus in æternum valeas cum Christo regnare, & beatarum virginum consortiis inhærere. De cætero direximus tibi pro memoria venerabilis sororis tuæ Floræ cingulum, quo illa in carcere usa est. Vale in Domino, & ora pro nobis charissima soror:

ARGVMENTVM.

Opus memoriale martyrum appellatum ad Aluarum mittens, quando cæptum, intermissum, & tandem finitum fuerit, memorat. Censuram & limam eius exposcit. Primum autem eius operis librum solummodo nunc missum: & hinc & ex Aluari responso apparet. Quando in carcere positus diuus Eulogius ad Aluarum scribit.

CHARISSIMO IN DOMINO IESV
CHRISTO FRATRI MEO ALVARO EVLOGIUS.

QUAM, mi frater, tranquillitate vegetatus domestica, & pacatis familiaribus curis, cuncta mihi comodius prosperabantur. Verum dum subito omnes ex martyrio beati Isaac turbaremur, totaque vrbs tantæ rei novitatem stupefceret: cœpere omnes tam clerici quam laici magnanimiter colere quod actum est, summoque honore tanti prædicatoris extollere constantiam. Sed dum coalescens calor diuinus multos incenderet, ageretq; cæteruas fidelium in forum descendere, ac præmissa fidei confessione, hostem Ecclesiæ detestari: illico iracundia tyranni fauientis omnes exterriti, inaudita versibilibitate sententias mutant, detrahunt, maledicunt, auctoresque magni sceleris esse, & eos qui talia agunt, & qui eis fauent, annuntiant: paucis admodum, sicut ipse non nescis, taliū sacrilegio sequestratis, qui primam sententiam suam nullatenus a venerabilitate sanctorum immutauerunt. Quæ de re nifus sum huic insistere operi, & pro captu virium, Domino adiuuante, succinctam huius mediocritatem formare libelli; vt suum de nobis reddens futuris generationibus testimonium, aut monitiū infamiam, aut laudis ab eis susceperem titulum. Cum nos obtentu eius, præmiū defensoris iustitiæ nihilominus a Domino speremus accipere. Quod opus iam penè expeditum, cum me furibunda optio præfidalis horribilibus carceribus applicaret, turbata omni familia mea irruptione satellitum, vt erat chartulis & pitaciis diuersis dispositum; arbitratus sum, quod per varia fuisset dispersum. Sed illud tunc Domino conseruante, nunc inter angustias carcerales, ipso demum iuuante, non solum perfici, verum etiam alibi trans-

tribi promeruit, seseq; non prius alteri quam tibi innotesci elegit. Quia cæteris magis non audet publicari, quam nolit: ne detrahendi occasionem inculta materies aduersariis præbeat, ne ridiculum oratio impolita perosis ex hibeat. Hinc ad te, frater charissime, arbitrum scientiæ meæ iustissimum, opus ipsum vilibus adhuc membranis digestum primo procuravi transmittere, ut fraterno elimatum iudicio, si probaueris, pateat: si reprobaueris, taceat. Ac deinceps tunc iam illabili gressu cuneos susurronum armata dextera scindat, & ad fideles suos victoriando accedat: ut simplici exhortatione catholicum imbuens gregem, quicquid gloriæ promeruerit, vestris laudibus admittatur, vestraq; parti tota eius benedictio applicetur. Sin verò turbinibus suæ obuolutum segnitiae silentio eum decreueris perenni sopire, nullus mutum irridere, nemo tacentem poterit infamare. Vnde quæso serenitatem vestram, ut intuitu charitatis, qua utriq; inconuulsibiliter copulamur, electione arbitrii nostri hoc opus memoriale sanctorum vocatum percurrente emendetis, recensendo excolatis. Et si nominis sui meritum geret, vestro testimonio roborëtis. Ita cum eisdem ipsis, de quibus loquimur, sanctis, adscripta nominis vestri memoria in cælesti pagina, gaudeatis, dum mihi, vel in ultimo angulo paradisi, gratia interuentus eorum, situm præstiterit quiescendi. Amen. Vale in domino Iesu Christo serenissime frater.

SCHOLIA.

A *Vt mendacii infamiam.)* Ex fiducia veritatis ita loquitur subobscurè. *Cum nos obtentu eius.)* Et hic non admodum perspicue loquitur: & tamen zelo fidei, & veritatis etiam fiducia hæc dicuntur.

Pitaciis.) Tabellæ Græcè pitacia dicuntur. Omnia autem in quibus scribebatur, tabellas prisca vocabant, tamen si membrana esset aut charta.

Per varia.) Aliquid deesse videtur, discrimina, aut loca.

Quia cæteris.) Subtile quiddam cum dicere cuperet, non potuit effugere obscuritatem. Cum indigne (inquit) ferat opus se supprimi, hortet tamen in vulgus exire. Cupit, & pariter timet euulgari. Videtur pauculis verbis comprehendere voluisse, quod librum suum alloquens, non paucis versibus Horatius exequitur.

Illabili gressu.) Hoc est firmo, & quod labascere iam non formidet.

Victoriando.) Nouatum illo tempore vocabulum, sicut & illud paulò post inconuulsibiliter, & multa huiusmodi, quæ omnibus nota annotatione nostra non indigent, cum præsertim catalogum ipsorum iam in ipso operis vestibulo apposuerimus.

ARGUMENTVM.

Superiori respondens Aluarus, opusq; magno opere laudans, rerum præstantiam, & orationis extollit grauitatem. Ut edat hortatur, sublimitatem verò dictionis affectans, in affectationem per Cacozolim incurrit.

RESCRIPTVM ALVARI AD EVLOGIVM

Reuerendissimo patri Eulogio Aluarus.

REPRORASTI, mi domine, et molumenta priorum: & anteriorem iamque oblitteratum fulgorem catholicum, ceu fontem obturatum vitæ æternæ, saturum, ex Iesu pectore scatulentibus profluens venis, reserasti fidelibus vniuersis. Ille enim, qui ætatis nostræ huius miseratus errorem, athletarum suorum occultum propalauit agonem: ipse magnum præ omnibus inspirauit doctorem, quem talium verissimum accingeret laudatorem. Vigore nempe æthereo, non mundiali caduco accinctus, & eloquentia pariter diuina humanaq; ornatus, & in hortatione martyrii primus accurrens, & in defensione Ecclesiæ ante alios milites palestræ æternæ desudans, bella Domini prælians, præ cunctis assurgis. Verè namq; ille spiritus corda vestræ prudentiæ tetigit, qui olim missus apostolis Ecclesiam diuersis donis ornauit. Et qui heros, de quibus loquimur, armauit ad pugnam, aptauit ad gloriam, & ad perennem perduxit coronam: ipse fidei vestræ constantiam, ac linguæ disertæ facundiam seu sapientiæ profluentem doctrinam, plus solito acuens in rebus sibi placitis, eo dogmatis imbuit munere, quo sibi notum est soli placere. Et licet philosophica dictio, & Tulliani fontis redundans oratio trimodum illud loquendi genus pro infita naturali cautela retentet, tamen maiori laude habendum est, quod apostolico more digestum est. In vno enim & paruo, ut videtur, volumine & lumen inenarrabile proferens cœli, & venustatem sermonis non medie representas humani: dum & oratorum florem aspergis rethoricum, & porrigis legentibus cibum diuinum. Tibi lacteus

Liuii subditur amnis, tibi dulcis cedit ille secularis lingua Catonis, feruens quoq; Demosthenis ingenium, & diues Ciceronis olim eloquium, floridusq; Quintilianus. Et dudum præconatus stylo in rebus perditis & caducis, & labilis æui rotatu decursis, omnifq; mille generibus exculta doctrina, comparata luculentissimo operi, obsoleta est, & infecta. Terrestris quippe nitor æquipatur ex nulla parte cælesti & immortalis immortalis ingenium extollitur laude. Nescit namq; finiri cum sæculo, quod collatum est dono superno. Bonus enim homo de bono thesauro profert ea, quæ bona sunt, & doctus à Deo scriba de thesauro profert noua, & vetera, de quibus summi patris regat familiam.

Ornasti (mi sanctissime) nostræ ætatis vltima tempora, & sequuturis generationibus odorem nectareum propinasti: vt à generatione in generationem nostra ætas laudetur, & nomen tuum redoleat in vniuersis finibus terræ. Nec vigor diuinus humano præconio indiget: & quod per se extat laudabile, haud dubium quin in prima gloriosum sit facie. Pulcher enim, mox vt videtur, licet à longè videatur, amatur: & ignicomus centri viator confestim vt oritur, cæli oculus comprobatur: nec operoso indiget visu, qui non videntibus oriendo præbet aspectum.

Quod verò humilitati seruando, meo subdis iudicio, quod diuino instruxisti oraculo: licet ob nostram ædificationem tua dicta inficias, & satius veritatem à suo tramine gressu in obliquam mergas: tamen cauendum est iterum, nedum humilitati nimium seruis, infringas iudicium veritatis: dum infimum, & quem tu inficium multoties comprobasti, tantæ materiæ superponis, & pretiosum a vili non solum non discernis, sed quod magis est verendum, cæno limoq; inuoluis. Verum quia nostræ censuræ (quæ nulla est) hanc tacendum, publicandumue iniungis: patienter perfer nostram sententiam, & ipsum codicem sydereo splendore coruscum ad multorum remedium solida, si dici fas est, literis in æternum. Egisti autem, beatissime pater, carmen tonorum, quo mortis metus excantatus effugiat, & antiqua glacie duratus animæ stupor frigusq; pellatur: quo calor vitæ, & ignis ille Deificus, quem Christus venit mittere, ardeat, & extincti carbones, vel corpora mortua, flante ex quatuor partibus mundi spiritu, viuant, & lumen Arabico* dolo extinctum recipiant. Maeste virtute, maeste gloriæ semper habendus, qui non solum linguæ in laudibus confessorum soluisti officium, verumetiam ob oris gratiam in præmium confessorum ex parte sentis supplicium: & inter sæua claustra & arcta custodiæ verbum regni serens, feliciori polles victoria. Præconandus seculis vniuersis, qui & in suppliciis positus linguam non cohibet, & pro omnibus solus non tacet. Splendesce, & ampliori lumine, quo fulges, claresce: quia reposita tibi sunt præmia, & centuplicata te manet corona, nosq; tuo suffragio, quo semper fouisti, tuere.

SCHOLIA.

Quo sibi notum est.) Obscure aliquantulum, vt alia quædam, dixit. Eo te munere Deus donauit, quod illi repensum, solet illi placere. Nouit autem ille solus, & quod tandem hoc munus sit, & quo pacto eodem donati, in ipsius obsequium gratum eidem, & iucundum refundant.

Trimodum illud.) Triplex dicendi genus Rhetores distinguunt, sublime, mediocre, & infimum. In idem penè recidunt Asianum, Rhodium, & Atticum.

Lacteus Liuii subditur amnis.) Tiri Liuii plenam, & dulci quadam æquabilitate redundantem vbertatem, lacteam primus Fabius appellauit. Inde Diuus Hieronymus lacteo illum eloquentiæ fonte manare dixit.

Illa secularis lingua Catonis.) Non video cur secularem Catonis linguam appellauerit. Nisi fortè in nomine Catonis mendum insit, aut in epitheto, vt singularis legendum sit.

Et dudum præconatus.) Hunc authorem, quem maximè omnium nominatum oportuit, reliquit sine nomine. Nec diuinare datur, quem innuat. Et coniunctio quidem deerat in exemplari, fueratq; superaddita prisca admodum, & Mocarabi scriptura, sicuti & multa alia sæpe. Et manifestum utiq; est coniunctionem ab Aluaro interpositam: neq; enim quæ sequuntur Quintiliano tribui possunt.

Et ignicomus centri viator.) Tragicum planè est ephiteton: quemadmodum & poëticum etiam est, solem cæli oculum appellare. Mundi oculus apud Ouid. IV. Metamor.

Tua dicta inficias.) Hoc est, hoc colore, quod dicis, intingas, & hoc prætextu vtaris. Et satius aduerbium, mox additum, pro cautius positum crediderim.

Verum etiam ob oris gratiam.) Subtile, & inde obscurum, præterquam quod ipsa verba nescio quid perplexum inuoluunt. Sensus est. Non solum debito officio linguæ fungeris, confessores laudando: sed præmium etiam laudabilis huius officii assequeris, confessoris iam sustinendo supplicium. Ob martyres laudatos eo munere à Deo afficeris, ut penè iam martyr efficiaris.



D. PETRVS PONTIVS LEONIS¹⁰

A CORDVBA PLACENTINVS EPISCOPVS SVMMVS

per regna, & ditiones Philippi. II. Regis Catholici de fide Christiana inquisitor, Ecclesiæ ciuitatique Cordubensi bene in Domino valere; martyrum suorum gloriam digne suscipere, & ipsorum patrocinio inuocantes digne perfrui.



VANQVAM studia nostra omnia, & diutinos in literis impenso laboris, dignitatis, in quam me immerentem Dei benignitas euexit, & muneris iniuncti ratio suo iure assidue vendicent: nos tamen in diuorū Hispanorum scripta peruestiganda & illustranda vehementer propensi, 20 partem aliquam studiorum nostrorum, curam etiam & diligentiam eo semper libenter contulimus. Cumq; Diui Benedicti per Hispaniam monasteria, propter insignem verustatem huiusmodi opibus ditissima esse reputarem: tum etiam sanctam Ouertensem Ecclesiam in eadem in primis locupletem esse semper existimaui. In misera enim Hispaniæ nostræ Gothorum tempore vastatione, fugientibus nostris, & tutiora loca petentibus, eo conuectos pariter cum sanctorum reliquiis libros etiam quam plurimos memineram. Vtrobique igitur præscos nostrorum authorum, & sanctorum præsertim codices per annos aliquot indagare summa industria & diligentia curauimus. Nec defuit studio huic nostro felicissimus euentus: piamq; sudulitatem benigne Deus iuuit, atq; prouexit. Nam præterquam quod multa in sacris nostratibus 30 conciliis scitu dignissima, neque tamen vnquam antea visa inuenimus, commentaria etiam in sacros libros egregia nonnulla sumus assequuti. Vnus tamen Diuus Eulogius, à nobis hac indagine reperi tus, omnem nostrum laborem, tametsi multo maior fuisset impensus, abunde profectò compensasset. Quis enim sperare saltem auderet, tanto se thesauro beandum? Audieram ego sanè, & alicubi legeram, huius Diui nomen, & quæ scripsisset tenui quadam memoria tantum veluti olfeceram: sed nec votis quidem concipere poteram, me eius aliquando scripta adepturum. Et cum nullum alium mihi dari mallet, de nullo tamen minus cogitabam. Tanti igitur thesauri compos tandem factus Deo Opt. Max. in primis gratias agebam, qui mihi hominì Cordubensi Cordubensis diui scripta sanctissima, & in his tot Cordubensium martyrum triumphos, nunquam speranti, & minimè reputanti repente obtulisset. Sed enim quanuis scripta ipsa per sese erant dignissima, quæ multis de causis plurimi fierent: me tamen illa vehementer commouit, quod præstantissimam alioqui ciuitatis nostræ gloriam, hinc mirum in modum augeri videbam: donumq; etiam hinc me habere, quod digne ego eidem tribuerem, quodq; illa libentissimè acciperet, magno opere gaudebam. Nam præterquam quod Cordubæ natus, educatus, & primis literarum rudimentis Latineq; linguæ cognitione institutus, tantum eidem me debere intelligo, quantum patriæ clarissimæ quisquam vnquam potuit: quod etiam paterna stirpe totus, ex primo urbis Maurorum temporibus expugnatore progredior, nescio quo maioris charitatis & propensissimi affectus incitatione in ipsam semper feror, & eius gloria mirificè recreor. Gratias deinde sanctæ quoq; Ouertensi Ecclesiæ, quas potui persolui, quæ has nobis diuitias per tot secula conseruauisset, & mecum nunc easdem libenter communicasset. Verum enim uero quoniam nos Cordubæ nostræ laus & gloria impensius sollicitabat, ne diutius hoc illam eius incremento carere permetterem: edendi cupidus operam dedi, ut quam primum exemplar ipsum, quod mihi Ouertenses benigne commodauerant, describeretur. Id magno nobis & domesticis nostris labore cōstitit. Gothicis enim literis scriptum cum esset, nisi longo usu legi multa non poterant. Adde incredibilem codicis vetustatem, qui cum aliis, quos ante sexcentos penè annos scriptos fuisse constabat, collatus, paucis retro annis illi prorsus scripti fuisse videbantur. Tanta erat

erat vetustas, & priscorum characterum, atq; membranæ & ipsius etiam compagina-
 tionis manifesta differentia. Quod quemadmodum ad codicis fidem & auctoritatem
 multum habuit momenti: ita ad describendum ingentem attulit difficultatem. Itaq;
 desperantibus aliquando domesticis nostris, quibus eam curam & operam demanda-
 veramus: nos ipsi suppetias in præclaro labore attulimus, & nostra manu nonnulla, in
 quibus ipsi hærebant, descripsimus. Et quemadmodum hunc laborem libenter nos ipsi
 suscepimus, ita etiam illum alterum multo maiorem emendandi, & scholiis illustrandi
 reuera non subterfugissemus: nisi nos pastoralis cura, & Ecclesiæ nostræ Placentinæ,
 cui nos, etsi indignos, præesse Dominus voluit, varia negotia distinerent, ac præpedi-
 10 rent: & nisi vicariam operam in hac parte Ambrosius Morales ciuis noster, & Cordu-
 ba dignus, idemq; regius Philippi secundi domini nostri historicus præstitisset. Is, quo
 est in diuorum Hispanorum vitas & res gestas illustrandas studio & diligentia, hunc
 laborem non impar suscepit: quæ verò est in Cordubam nostram charitate, auide am-
 plexus est. Vt totum hoc, quicquid hic est, est autem per maximum dignitatis & glo-
 riæ Cordubensis incrementum, non alii eidem quam Cordubenses tribuerent. Diuus
 Eulogius primum seipsum dedit, nobilitate, doctrina labore verè Christiano, scriptis
 libris memoria nostratum martyrum conseruata, & demum suo martyrio præstantis-
 simum. Nos eius scripta ex perpetuæ obliuionis tenebris eruiamus, & nunc in lucem
 damus: quod Dei munere nobis cõtigisse & pie credimus, & magno opère lætamur.
 20 Noster Ambrosius, quod totus liber ubiq; declarabit, vt emendatiora, locupletiora, &
 magis perspicue sancti martyris opera ederentur, nullum laborem recusauit. Vestrum
 erit sacerdotes grauissimi, Patres reip. nostræ amantissimi, munus hoc nostrum ad
 veram Cordubæ communis patriæ gloriam comparatum, beneuolo & læto animo su-
 scipere: sanctorum martyrum vestratum gloriam penè rediduiam iucundissime re-
 colere, & iugi semper veneratione reuereri: Dominum in ipsis assidue laudare: ipso-
 rum exemplis insiltere: patrocinia subinde implorare & promereri: eximiamq; hanc
 nostræ ciuitatis laudem, ac verè cælestem præstantiam digno cultu & Christianis ob-
 sequiis semper magnificare. Ita demum fiet, vt & vos hinc magnum religionis fructum,
 pietatisq; emolumentum capiat: nosq; nostro hoc munere, digno illo equidem per-
 30 sese, maius tamen aliquid, Deo bene fortunante, tribuisse lætemur. Valete viri præ-
 stantissimi, clarissimæ vrbis ciues dignissimi.

OPERV M · DIVI EULOGII · FINIS.



AMBROSIVS MORALES PIO LECTORI.

40 **I**USTISSIMIS de causis quæ sequuntur, Diui Eulogii operibus visum est
 adnectere. Nam & Dei gloria in quoruncunque martyrum cædibus
 celebrior utique & mirabilior prædicatur: atque ex omnibus etiam
 inuictæ patientiæ, multarumque virtutum exempla sumuntur. Argu-
 menti præterea indiuulsa cognatio postulabat, vt qui non multis post
 annis sub maem impiis Arabum regibus Cordubæ passi sunt martyres, superioribus
 adiungerentur: & qui loco, causa, & quod maius est, feruentissimi spiritus similitu-
 dine coniungebantur, in posteritatis memoria non separarentur. Iam verò cum Diui
 Pelagii martyrium tota Hispania sit celeberrimum, vix tamen passionis eius exigua, &
 penè iam deleta vestigia perdurabant. Diuæ Eugenix tenuis quædam memoria, eaq;
 50 inter paucissimos permanebat. Dominici & sociorum eius nec fama saltem vlla apud
 nostros Hispanos fuerat. His omnibus incitatus atq; permotus, hæc Diuo Eu-
 logio superaddenda iudicavi: non dubius, quin piis omnibus per Hispa-
 niam, & ubique in commune, seorsum Cordubensibus no-
 stris futurum foret gratissimum.

ADMODVM ILLVSTRI ET RE-
VERENDISSIMO DOMINO ANTONIO MORA-
li Tlaxcaltensi in noua Hispania Episcopo. Ambrosius Morales Cordu-
bensis Regius Historicus eius auunculus.

S. P. D.

10



X quo semel ad te, Præsul optime, de diui Eulogii martyris Cordubensis operibus recens inuentis, & mox in lucem prodituris scripsi: sancta quadam cupiditate cibum pretiosissimum degustanti incensus, tam longe positus, auidissime per literas percunctaris, an iam excussa in vulgus exierint: obnix me obtestans, vt quam citissime ad te transmittantur. Ego vero quam primum possum, non mitto solum, sed hanc etiam partem postremam huius æditionis, quæ tota nostra est, tibi dedicare constitui, tuam peculiarem esse volui, tuique hominis auspiciis in publicum exire. Pusillus sane labor, exiguum munus: sed inde profecto magnum, quod ad laudandum dominum in sanctis eius sit opportunum. Nostrium autem totum est, quicquid hic tibi offerimus. Etenim 20
quantis nostro labore sanctissimi martyris superiora omnia opera sint veluti denotio renata, & redidua, nihilque in eis alienum sit, præterquam quod ab Illustrissimo Placentino Episcopo fuerunt adinuenta: illo tamē nuper vita functo, omnia in me plenius incul uerē, nostraque cura, labore & impensa perficienda fuerunt: cum sequentia omnia, hoc ipsum etiam nostrum habeant, quod à nobis inuenta, Hispanæ Ecclesiæ atque adeo vniuerso orbi Christiano legenda & fruenda traduntur. Atque eo libentius tibi, Antistites Reuerendissime, hoc quicquid est nostri laboris dicauimus, vt mecum pro necessitudinis nostræ & communis sanguinis iure, Deo Opt. Max. quas ego digne non possum, gratias agere insistas, quod me in hoc sanctissimo labore versari dignatus sit, & in sanctorum gloriam tantisper impendi benignissime prouiderit. Quanto 30
enim me indigniorem tam sancto ministerio reputo, tanto maiorem persentio Dei misericordiam, qui eidem me destinauerit. Et cum non dubitem, quin sancta quadam inde lætitia afficiaris, quod nostræ familiæ hoc præclarum: & merito plurimi faciendum Dei benignitate fuerit tributum, vt ex ea sanctorum martyrum nostratium scripta ac monumenta in lucem prodierint: tum etiam inde tibi non modicam Christianæ lætitiæ occasionem oblatam intelligo, quod me, quem valde amas, licet indignū videas tamen in sanctissimo labore Dei munere non segniter insudasse: vnde ipsius (qui est in sanctis suis semper mirabilis) gloria magis ac magis augeatur. Quemadmodum & tui omnes, cum te in hunc præcellsum Ecclesiasticæ hierarchiæ gradum, Episcopum factum, sublatum fuisse gaudemus, familiæq; nostræ inde merito gratulamur: 40
multo tamen maiori lætitiā cumulamur, quod omnibus tuis factis, curis magnisque laboribus in administrando credito tibi grege pro vero Christiani præsulis munere incumbas, & peruigilem te Dominicis ouibus pascendis pastorem, bonorum omnium testimonio & honorifica prædicatione, exhibeas. Idem etiam in fratre tuo Doctore Ludouico Molina. V. C. atque doctiss. supremi Regii Senatus consiliario contingit. Præstantissimam dignitatem adeptum sui omnes lætantur: doctrina vero, prudentia iusti atque æqui amore & solitudine parem se summo honori præstare, vehementi⁹ gaudemus. Quæ omnia ad Dei Opt. Max. gloriam, teque ad dignam gratiarum actionem, quamuis per te satis incitatus sis permouendi gratia scripta hic, & contestata esse volui. Vale Præsul reuerendissime & vigilantissime. Atque equidem 50
meritissimi honoris titulo ideo te Reuerendissimum iure optimo compellamus: quia tu te vigilantissimum præstes.

DE SANCTA EVGENIA

MARTYRE CORDVBENSI.



IGINTI nunc quatuor anni plus minus aguntur, ex quo Cordubæ propè vicum, cui nomen est lōs Marmoleios, dum domus fundamentis scrobes effodiuntur, lapis marmoreus candidus non admodum magnus fuit erutus: qui tredecim versus habuerat insculptos. Verum quia, vt coniectari licet, multo tempore solo impositus iacuit: magna pars literarum pedum attritu fuerat consumpta. Sed bene habet, singulari Dei providentia, & iucundissimo suo munere literæ versuum primores integræ ferme omnes perdurarunt: vt nomen sanctæ Eugeniæ martyris in hunc vsq; diem fidelibus proderent. Hic lapis in sacræ aræ vsum consecratus, Cordubæ in Diui Pauli cœnobio ordinis Prædicatorum, summa cum veneratione asseruatur. Quæ in eo super sunt literæ hæ sunt.

/ / / / / / / / / / / / / / / /
 / / / / / / / / / / / / / / / /
 GENV / / / / / / / / / / VS TRVCVLENTVM
 EX / / / / / / / / / / QVI FOECVNDATA
 NOBIS HIC / / / / / / / / / / RETENTAT
 IN CÆLO DE HINC MERUIT PER SECVLA VIGENS
 ADIVNCTA POLLET CVRIÆ SANCTORVM IN ARCE
 MERCEDES IPSO RVILI SVB SOLE CORVSCAT
 AMBIENS SACRI GLORIAM DE MERCE CRVORIS.
 REX TRIBVIT CVI CORONAM PER SECLA FVTVRA.
 TV ITAQVE NVTIBVS MARTYR NOS MANDA DIVINIS.
 IDEM SVB ERA NOVIES CENTVM IVGVLATVR
 / / / / / SEXAGIES ET VNO SEPTEM DE CALENDIS APRILIS.

APRILIS nomen seorsum ad hunc modum fuit infra scriptum. Vltimi verò versus primam dictionem, quæ deest, crediderim sanè fuisse, RVRSVS. Nam et. R. necesse est fuisse, vt integrum nomen EVGENIA MARTYR compleretur: & illa numeri sequentis ad superiorem adiectio probe (vt illorum temporum fuit in carminibus vsus) per hoc aduerbium copulatur. Huiusmodi verò literas in carminibus, cum alio aliquo quam incipiendi, aut finiendi versus munere funguntur, vt per se aliquid significant, Acrostichas Græci vocant. Quod his verbis Cicero in secundo de diuinatione explicuit. Tum vero quæ Acrostichis dicitur, cum deinceps ex primis versuum literis aliquid connectitur, vt in quibusdam Ennianis, quos Ennius fecit, id certè magis est attentum animi, quam furentis. Et quanquam Ennius huiusmodi versus composuerit, Plautusq; etiam in argumentis fabularum, & similes præterea Sybillæ Erythrææ, ab Diuo Augustino & Eusebio referantur: nostrorum tamen Hispanorum peculiarem hanc fuisse argutiam, & ab eis in primis adamatam video: cum in vno solum prisco Romanorum temporis, eoq; Hispanarum foeminarum, in Hispania saltem naufragio absumptarum Epitaphio quæsitam, animaduertā. Id ex domo Cæsia Aldus in sua Orthographia posuit his versibus descripium, in quibus eius, qui lapidem, titulumq; posuit, nomen, IVLIVS SECVNDVS primis literis legitur.

IAM DATVS EST FINIS VITÆ IAM
 PAVSA MALORVM.
 VOBIS QVAS HABET HOC GNATAM
 MATREMQUE SEPVLCHRVVM.
 LITORE PHOCACIO PELAGI VI
 EXANIMATAS
 ILLIC VNDE DAGVS ET NOBILE
 FLVMEN HIBERVVS
 VORSVM ORTVS VORSVM OCCA
 SVS FLVIT ALTER ET ALTER

Acrostichas
litera.

STAGNA SVB OCCANI TAGVS ET
 TYRRHENICA HIBERV
 SIC ETENIM DVXERE OLIM
 PRIMORDIA PARCÆ
 ET NE VERE SVPER VOBIS VITALIA FILA
 CVM PRIMVM LVCINÀ DARET
 LVCEMQVE ANIMAMQVE
 VT VITÆ DIVERSA DIES FORET V-
 NAQVE LETI
 NOBIS PORRO ALIA EST TRINO
 DE NOMINE FATI
 DICTA DIES LETI, QVAM PRO
 PAGARE SVOPTÈ
 VISVM OLLIS TACITO ARBITRIO
 CVM LEGE PERENNI
 SISTI QVÆ CVNCTOS IVBET AD
 VADIMONIA MORTIS.

10

Diuus Eu-
 genius III.
 Archiepi-
 scopus To-
 letanus.

Ab Gothorum verò temporibus ea voluptas Acrosticharum in carminibus, & in Epitaphiis præsertim à nostris frequentius fuit quæsitæ. Sunt enim Diui Eugenii tertii Archiepiscopi Toletani nonnulla Epitaphia, quæ hac ipsa argutia exornantur. Sed ni- 20
 hil æque egregium & omnibus numeris absolutum, quam eiusdem præsulis Epita-
 phium, quod ipse sibi viuens composuit: & cum in principio Acrostichas habeat, ha-
 bet etiam in fine Tetiostichidas. Ita enim Græci literas appellant, ex quibus in fine
 carminis aliquid connectitur. Quod & apposuimus.

E XCIPE CHRISTE POTENS DISCRETAM CORPORE MENTÈ M,
 V T POSSIM PICÆI POENAM VITARE BARATHR I.
 G RANDIS INEST CVLPA, SED TV PIETATE REDVNDÀ S:
 E LVE PROBRA PATER, ET VITÆ CRIMINA TOLL E.
 N ON SIM PRO MERITIS SANCTORVM COETIBVS EXV L:
 I VDICE TE PROSIT SANCTVM VIDERE TRIBVNA L. 30
 V IS, LECTOR, VNÒ, QVI SIM, DIGNOSCERE VERS V,
 S IGNA PRIORA LÈGE: MOX VLTIMA NOSSÈ VALEBI S.

Duras sibi compedes cum iniēcisset: nullo tamen vestigio titubauit, nullum in-
 concinne gressum protulit. Hòc Epitaphium cum aliis quibusdam eiusdē Antistitis,
 & aliorum carminibus ex Michaelis Acagræ exemplari habuimus. Diuus autem Ille-
 fonsus, qui eidem in Ecclesia Toletana confestim successit, nonnulla ipsum carmine
 scripsisse commemorat. Codex etiam sacrorum conciliorum in Regio sancti Lauren-
 tii ad oppidum Escurial monasterio ante sexcentos ferme annos literis Gothicis, scri-
 ptoris nomen, locum & tempus, quibus scribebat explicat. Tentarunt etiam nostra
 memoria Hispani poetæ non inuenuste Acrostichis ludere. Sed ad Eugeniæ martyri- 40
 um redeamus.

Habdarr-
 raghman
 rex IIII.

Passa est annò Domini nongentesimo vicesimo tertio, Martii mensis die vicesi-
 mo sexto, regnantē iam Habdarragham huius nominis quarto, regni eius anno duo-
 decimo, vt ex chronologia, quam iam non semel inuimus, constat. Hic verò impius
 rex, initio regni sui indito sibi cognomine, Ananzer Alendin Ala (vt est apud Ruder-
 cum Archiepiscopum) se vocari præcepit: quod legis diuinæ defensor interpretatur.
 Vt iam tunc mature ostenderet, quanto Christiani nominis odio flagraret. Eodem et-
 iam illud alterum, quod sibi imposuit cognomen Amomiramolin (quod summorum
 regum inter Sarracenos fuit alioqui commune) spectasse videtur: siquidem (vt est a-
 pud eundem authorem) rex credentium sonat. Nec mitius sese in Christianos reipsa, 50
 quam nomine ediderat, gessit. Quod huius diuæ, & sancti Pelagii cædes inter alia
 ostendunt.

Rex Ordo-
 nius secun-
 dus.

Legionense verò regnum hoc anno Ordonius secundus Alfonsi Magni filius re-
 gebat. Nec dum enim Froyla eius frater regnum acceperat. Nec obstat eius inscriptio,
 quam in Nunilone & Alodia posuimus. Nam nondum rex, sed priuatus adhuc pre-
 tiosam illam arcam obtulerat, atq; ideo regis nomen ibi non vsurpauit.

In hoc sacro marmore illud nunc merito admiramur, literas nimirum, quæ ad-
 huc permanent, durissima, & ipso etiam marmore rigidior materia esse oppletas. Siue
 id bituminis genusest, quod initio excauatis literis fuit infusum: siue lapis est nouæ
 formæ,

formæ, quem natura ibidem, tot seculis, quibus terra obrutum marmor permanfit, ingeneravit.

Ego verò primus omnium, neque alius ante me (Deo Opt. Max. laus, honor & gloria) hoc Epitaphium perlegi, & Acrostichas in eo primus animaduerti, diuæque martyris nomen inde euulgavi, & quæ ad Epitaphii totius, personarum, temporum rerumque rationem plene intelligendam necessaria fuerunt, perscripsi ad F. Laurentium Figueroam Marchionis de Pliego, & Ducis de Feria magnorum principum fratrem, qui diui Pauli monasterio prior tunc Cordubæ præsidebat: & quantum naturalium splendore præstat, tantumdem spectatissima religione, doctrina singulari, concionum sanctissimarum admirabili eloquentia inclytam familiam, & Cordubam nostram illustrat,



DE SANCTO PELAGIO MARTYRE CORDVBENSI.

20

DVOBUS post Diuam Eugeniam annis, hoc est Dominicæ natiuitatis nongentesimo vicesimo quinto, mensis Iunii die vicesimo sexto, qui in dominicam eo anno inciderat, Cordubæ Diuus Pelagius, martyrio, per omnem Hispaniæ Ecclesiam vsque hodie celebratissimo fuit coronatus. Cuius gloriosi triumphi fama etiam ad exteras quoque nationes inclyta permearit, & in Saxoniam vsque remotissimam regionem actutum penetrauerit: ibique Rhositham clarissimam virginem commouerit, vt sanctissimi huius martyris victoriam heroico carmine insigni cum præconio describeret, ac celebraret: *Rhositha de sancto Pelagio scripsit.* & nostrates etiam prisce historici eiusdem meminerint: Ecclesiæ etiam per Hispaniam multæ in lectionibus matutinis martyrii eius seriem retineant: ego tamen hic eam eius martyris historiam apponam, quæ, vt suo loco apparebit, ipsis martyrii diebus, ab eo qui & tunc vixit, & interfuit, scripta videatur: ea in peruetusto codice Gothicis literis in membrana descripto continetur, qui in insigni sancti Petri de Cardenna ordinis sancti Benedicti cœnobio, propè Burgos nobilissimam urbem olim fuerat, & nunc in Regio sancti Laurentii ad oppidum del Escorial asseruatur. Codex etiam sanctæ Ecclesiæ Toletanæ sanctoralis Smaragdinus dictus, admodum vetustus eandem iisdem verbis habet, sancti Pelagii historiam. Vidimus etiam illam ipsam in veteri Tudenfis Ecclesiæ sanctorali. Ibi enim indigenam martyrem, ciuemque suum solenni in sacris pompa Tudenfes concelebrant. Titulum qualis erat in illo veteri Gothico exemplari, & Raguelis authoris nomen in margine appositum, sicuti ibi fuerat, reliquimus. Sed de Raguele postea. Vbiq; autem corruptissime omnia erant descripta, præterquam quod ab Raguele obscure multa, quod fuit illorum temporum, videbantur scripta: Nos quaque ratione potuimus, nihil fermè immutantes, emendauimus.

*Monasteriū:
sancti Petri
de Cardenna.
Burgos.
Regiū sancti
Laurentii
monasteriū.*

VITA VEL PASSIO SANCTI PELAGII MARTYRIS, QVI PASSVS EST COR- duba ciuitate, sub Habbarraghtman rege, die VI Calendas Iulii.

Ragnel pres-
byter doctor
fuit huius
passionis Cor-
dubensis.



ILLUSTRE quidem cuiusque op̄etis tunc habetur exemplum; eum eius narrationis textus cœptum bene tenuerit initium. Quia ex hoc maxi-
me ad laudem prolationis proficit subsequens, si vltima haud discre-
pauerint primis: vt quæ fuit cœpti causa initii, sit etiam ad complemē-
tum operis peragendi. Et licet nostra scriptio martyriū disponere niti-
tur fidelissimi testis, sui tamen primordiis non disiungitur, vbi supplicium paratum
extitit populis Christianis. Vnde autem orandus est Dominus, vt loquendi nobis in
laudem sui præbeat initium, quod consummato opere nullum penitus habeat disci-
dium. Quo tandem ille foris resonet in lingua, qui auctor erat intus in conscientia.

Galleria.

Igitur temporibus illis, cum sæuissima orta fuisset tempestas Christianis, conti-
git, vt totius Hispaniæ hostes contra Galleriam mouerentur, vt si fieri posset funditus
ea subuersa, fideles omnes dominatio possideret externa. Sed non destitit diuinum o-
mnino auxilium, temeritatem reprimens indebitè contra suos venientium. Ad quen-
dam itaq; locum cum prædicti hostes peruenissent, e contra Christianorum exercitus
occurrit, & sese vtriq; obuiarunt. Mos est autem regis fidelium Christianorum, vt sua
simul secum in expeditione Episcopus habeat: Conserro itaq; prælio, ita populus Dei
in fugam versus est, vt etiam ipsi Episcopi cum aliquantis fidelibus captiui tenerentur.
In quibus autem vnus nomine fuit Ermoigius, qui ferro vinctus Cordubæ carcere
mansit clausus. Porro quia diuinitus varia sunt iudicia his, quos omnipotens Deus ad
regna vocat cælestia: fessus iste Ermoigius Episcopus carceris angustiiis, ac ferri oneri-
bus: obsidem pro se suum dedit sobrinum nomine Pelagium, ea quoq; spe retenta, vt
ipso abeunte, captiuos mitteret, quibus hunc sobrinum redimere posset. Verum soli-
ta diuinitus affuere beneficia, quæ hunc Pelagium ita illuminarunt, vt carcerem ha-
beret probationem, vel quotidianorum, sine quibus humana fragilitas viuere non po-
test, casuum limam. Vt eo etiam sibi hoc ergastulum ad ablutionem induceret pec-
catorum, quo antea in propria positus patria cum esset, quamuis puer, absq; illecebris
vitam nequibat ducere incentiuorum. Quia vix homo in bonore positus Deo place-
re potest, cum sibi, quæ sua sunt, quisq; vult vendicare. Vnde Dominus dicit, viam es-
se arctam, quæ ducit ad vitam, latam verò & spatiosam, quæ ducit ad perditionem. Re-
verà quanto facilius est ex prosperis ad ima dilabi, tanto vnicuiq; congruentius extat,
ad sublimia per aspera & confragosa prouehi. Quinimo vnde morti similis extat, inde
angelorum opportunius curiæ associatur.

Ermoigius
Tudensis E-
piscopus.

Pelagius ob-
ses datur.

Sanctissimus
in Pelagio
rudimentis.

Igitur iste beatissimus Pelagius sibi diuinitus hæc omnia inspirata, iuxta quod e-
ius narrant indicia, examinans, caute in carcere vivebat, vbi ferme decem annorum
ætate inclusus fuerat: porro qualem ibidem se gerebat, sodales non tacent, & fama nō
silet. Erat enim castus, sobrius, quietus, cautus, orationibus vigil, lectioni assiduus, Do-
minicorum præceptorum non immemor, bonorum colloquiorum ascitor, malorum
expers, risui non facilis. Elegerat enim sibi magistrum Paulum Apostolum in doctri-
nis vigilantem, deprecationibus instantem, angustiiis communicantem, in pressuris
non deficientem. Quapropter solers erat in lectione, ac facilis in doctrina. Eadem
quippe illius extabat conuersatio, de illa nihilominus responsio, qua, eo reluctante, si
quando fortè quiuis dissimilis fidei gartulus aderat, refutatus abibat. Sic præterea
mente vel corpore seruabat integritatem, vt putares eum non nisi futurum martyriū,
præmeditantem, vtpotè cum talia præberet indicia, quæ nullatenus cælestia amitte-
rent gaudia. Quis verò talem indolem plausbis non efferret, quam species foris pul-
cherrima paradisi gena prærogatiua iam decorauerat? Cui sanè intus manebat instru-
ctor Christus, qui foris erat formæ illuminator: quo ipsum etiam celebraret magi-
strum specie vultus, qui mente laud dubie dignum regebat alumnum. Purificabat
quoque vas suum, dignum parans habitaculum, in quo post paululum, vt sponsus læ-
taretur, & de quo factus laureatus cruore, sibi suisq; amplexibus inter sanctorum curi-
as dignus honore famulus iungeretur. Vt bina tam virginitatis, quam passionis vbe-
rius

rius corona ditatus, duplicem ferret de hoste triumphum; cum & diuitias abhorreret, & vitiis non cederet. Ergo merito duplum pertingit ad brauium; qui cum suis satellitibus hostem calcauerat tetrum. Manens verò sanctus Pelagius promissionibus resistendo fortis, ac vitiis sanè non cedendo laudabilis: quantum interea ille antiquus hostis suis cristatus nequitias eum irretire, nunc apèrte, nunc tacite conabatur, tantum propriæ malitiæ calliditate sub ipsius, Deo annuente, prostrabatur pedibus infirmus.

HIS vero per trium annorum & semis circulum probabiliter gestis, forte quodam die regii tyronis cuiusdam satellites affuere, qui huius beatissimi Pelagii venustiore vultus pulchritudinem suo Domino esse nuntiarunt. Nec immerito pulcher foris intuebatur; quia Domino Iesu Christo intus pulchrior diligebatur. Hoc pacto stulti homines, & veritatis nescii, eius formam gurgitibus vitiorum putabant ob-
 10 tuere, quam idem Dominus noster inter sanctorum virginum choros, suis à dextris pollicebatur stare. Non utique intelligentes miseri, Domino non posse contraire, qui nec suum album, aut nigrum vnquam capillum possunt facere.

QV Æ interea fama regis auribus innotescens, ei optime, sed non recte placuit, cum Dei famulus Pelagius in carceris etiam angustiis pulcher apparuit. Rex itaque inter epulas positus apparitores misit, qui futuram Christo hostiam suis sisterent conspectibus intuendam. Sed quia omnipotenti Deo possibilia manent cuncta; dicta factis complentur: & Dei famulum Pelagium præcipientes satellites cum vinculis rapuerunt; ita ut tridentes in aula regis, cum amputarentur, catenarum tumultus audirentur. Gaudentes itaque, mente cæci regi offerre mortali, cuius iam sibi Christus animam nexu desponsauerat inseparabili: eum regis conspectibus trabea indutum regali obtulerunt, beatissimi auribus pueri mussitantes, quod ad tantum perduceretur honorem eius species. Ad quem illico rex inquit. Puer grandis te honoris fascibus sublimabo, si Christum negare; & nostrum volueris prophetam verum esse dicere. Nonne qualibus quantisue potiamur regnis vides? Insuper addam tibi numerosam auri vel argenti copiam; vestes optimas, ornamenta pretiosa. Sumes præterea tibi qualem ex his tyrunculis elegeris, qui tuis ad votum moribus famuletur: sed & cortes offeram ad habitandum, equos ad vtendum, delicias ad fruendum. Porro & de carcere, quantos petieris, educam, & parentibus etiam tuis in hanc, si volueris, regionem aduocatis immensas dignitates conferam. At verò sanctus Pelagius vniuersa despiciens, ac ridenda esse intelligens: hæc, ait, quæ demonstras, o rex, nihil sunt: & Christum non negabo, Christianus sum, fui, & ero. Nam hæc omnia finem habent, & cum suis spaciis transeunt. Porro Christus, quem ego colo, nescit habere finem: quia nec initium habet vllum. Ipse namque est qui cum patre & spiritu sancto vnus permanet Deus, qui nos ex nihilo fecit, & vniuersa potestate continet.

Interea cum eum ioculariter rex tangere vellet: Tolle canis, inquit, sanctus Pelagius; nunquid me similem tuis effeminatum existimas? Et illico vestimenta, quæ indutus erat scidit, & fortem in palæstra se athletam constituit, eligens digne pro Christo mori, quam turpiter cum diabolo viuere, & vitiis inquinari. Ipsum vero adhuc suaderi posse rex existimans, suis præcepit tyronibus, ut eum suasoribus, delinirent lenociniis si forte apostatando, tantis acquiesceret regalibus pompis. Sed ille adiuvante Domino fortis stetit, & intrepidus permansit, Christianum se solummodo prædicans, eiusque per secula præceptis obsecundare se dicens. Cuius feruentissimum rex spiritum contra persistere videns, atque in suis se desideriis spretum esse intelligens: ira stimulatus, appendite, inquit, illum in forcipes ferreas, ac strictim tandiu sursum deorsum vicissim leuantes deponite, quousque aut animam exhalet, aut Christum esse dominum denegget. Quod beatus Pelagius forti animo pertransiens, stabat intrepidus, qui adhuc pro Christo pati penitus non recusabat. Cuius cum immobilem rex constantiam videret, iussit eum membratim gladio scindi, & in flumine prolici. Qua ministri potestate accepta, per tam immania in eum exercito pugione ludibria debacchati sunt, ut eos putares sacrificia componere de eo, quem immolari, eis insciis, in conspectu domini nostri Iesu Christi erat necesse. Et qui iam electus manebat in cælis, adhuc duriter patiebatur in terris. Nam alius brachium radicitus amputauit; alius tibias defecauit; alius etiam cervicem ferire non destitit. Interea stabat martyr intrepidus, ex quo guttatim sanguis distillabat, pro sudore profluus. Nullum interim præter dominum Iesum Christum inuocans, pro quo pati non recusabat, dicens: Domine eripe me de manu inimicorum meorum. Quem sane diuina potestas non deseruit, faciens illum in pœnis confessorē, ac sub gladii mucrone gloriosum in cælis martyrem. Porro manus, quas ille ad Deum

leuabat, illi sceleratissimi gladio amputabant. Inter quæ beatissimus Pelagius fessus anhelabat. Et quia qui hominum miseretur, non aderat: Deum solummodo inuocabat. Clamabat quidem athleta fortissimus, sed præsens certaminis præerat Dominus, Veni, inquit, accipe coronam, quam tibi ab initio promisi.

Inter hæc spiritus migravit ad Deum. Corpus vero proiectum est in fluminis alueum. Sed post hoc nullatenus defuere fideles, qui illud quærerent, atq; ad sepulchrū honorifice deferrent. Cuius quidem caput cimiterium tenet sancti Cypriani, corpus vero cespes sancti Genesii.

*Cimiteriū
Sancti Cy-
priani.
Sancti Gene-
sii templum.*

O verè dignum Deo martyrium, hora septima cœptum, vespere autem eodem die consummatum. Quis vnquam tale donum vllis compensare valebit sermonibus. Nam pro carceris squalore reddita est ei cæli gloria: pro angustiis temporalibus, meruit cæli munera: pro patria, quam reliquit, possidet paradysum, quem optauit. Dimisit sane parentes, vel fratres: sed nunc angelos habet consortes. Omnis (inquit sermo diuinus) qui dimittit patrem aut matrem, &c. propter nomen meum, centuplum accipiet, & vitam æternam possidebit. Sustinuit membris gladium, qui nunc cælorum obtinet regnum.

*Oratio ad
Sanctum
martyrem.*

O beatissime testis Pelagi, qui inter delicias minasque Christum confiteris, ac blanditiis cedere nolis: eligens magis mori pro veritate, quam viuere seculo, & carere iustitia. Et, quem iam Christus in sorte habebat electorum, promissionibus noluit cedere perditorum. Vnde quæsumus sancte martyr ecclesiæ patrocinare, eamque fo- ueto indefesse præsidis, quam tibi famulari conspicias votorum obsequelis. Quatenus te corā Deo habeat patronum, quem * Galletia oriundum, sed martyrii sanguine Cor-

** Natus Za-
mora, nō pro-
prie Galletia
oriundus di-
ci poterat: ni-
si quod ea a-
tate Hispani-
am interiore
hoc nomine
tantum cen-
sebant, qui in
montibus im-
perabāt, con-
tenti ipsi vel
nomine ipso
Galletia, ubi
regnarent, ut
satis constat
ex huius vi-
ta principio.
Tenera san-
cti Pelagii
martyrio
eius.
Dies Iunij.
XXVI. annus
Domini
925.
Ratio tem-
poris.*

Ignitur hic beatissimus Pelagius ætate circiter tredecim & semis passus est annorū Corduba, ut dictum est, in ciuitate Habberraghman rege imperante. Die videlicet dominica, hora decima, sexto Calendas Iulias, Era DCCCCLXIII. Regnante domino nostro Iesu Christo, qui viuit & regnat cum Deo patre in vnitæte spiritus sancti, vnus in Trinitate Deus, in secula seculorum. Amen.

IN antiquo exemplari scriptum plane per notas fuit, Era DCCCCLXIII. qui fuit annus 30. Domini DCCCCXXVI. Sed cum dies Dominicus, in quo Diuus Pelagius sit passus, ab Raguele nominetur: & certi pene sumus diem Iunii vigesimum sextum, ut mox apparebit, fuisse eodem etiam illo vetustissimo codice, & multis aliis antiquis exemplaribus attestantibus: ex nostra Astronomica supputatione (quæ fallere nullatenus potest) Erā emendauimus, ut esset nongentesima sexagesima tertia, annūque Domini conficeret nongentesimum vicesimum quintum. Habuit enim is annus quibus flexus non fuit. B. literam dominicalem, qua docemur eo anno die Iunii vicesimum sextum, Dominicum diem fuisse, cum insequens annus eum Iunii diem, die lunæ habuerit. Cum igitur ita emendauerimus, dies cum anno, annus cum die recte concordat. Dicet aliquis. Cur potius annum, quam mensis diem emendare instituis? Quia is dies nimirum in omnibus breuiariis martyrologiis, & antiquis exemplaribus, huic diuo tribuitur, & quidem festo sanctorum Ioānis & Pauli impeditus: ut cōmode & iusta de causa transferri diuus Pelagius retro in diem xxv. aut porro in xxvii. vacuos omnifesto potuisset. Relictus eo die est, quia eius fuit proprius.

*Clades ad Iū-
cariam.*

De tota illa infortūata expeditione, quæ causam sancti Pelagii martyrio dedit, Sāpyr⁹ Asturicensis Episcopus, vetustissimus illorum temporum scriptor (ab quo & Rudericus Toletanus, Lucas Tudensis, atque alii transtulerunt) de Ordonio rege huius nominis secundo Alfonsi magni filio loquens, ad hunc modum scripsit. Iterum rex Cordubensis cum aliis Agarenis regibus, & cū multis Sarracenorū exercitibus, contra regē dominū Ordoniū venit, ad locum qui dicitur Mindonia, & inter se dimicantes, & preliū mouētes corruerūt ibi multi ex nostris: & ut ait Dauid varii sunt euētus belli. Ex

*Ordonius rex.
II.*

Mindonia.

Mohis.

*Garfia Na-
uarrorū rex.
Iuncaria val-
lis.*

*Dulcidius
Salmaticensis
episcopus.*

*Hermoigius
Tudensis epis-
copus. Sanctus
Pelagius.*

hinc in anno tertio innumerabile agmen Saracenorum venit ad locum, qui dicitur Mohis. Quo audito Pampilonensis rex Garfia, Sancii regis filius misit velociter ad Dominum Ordonium, ut adiuuaret eum contra adies Agarenorum. Rex vero perrexit cum magno præsidio. Et obuiauerunt sibi in valle, quæ dicitur Iuncaria. Et, ut assolet peccato impediēte, multi corruerunt ex nostris: etiam duo episcopi Dulcidius Salmaticensis, & Ermoigius Tudensis ibidem sunt comprehensi, & Cordubam adducti. Et pro isto Ermoigio Episcopo ingressus fuit obsecrator sobrinus eius sanctus Pelagius Cordubam. Deinde posuerunt eum in carcere, qui postea peruenit ad martyrium.

Annus

Annus huius ad Iuncariam cladis ab Sampyro non signatur. Neque ex præfule ^{Ratio tem-} Toletano, aut ex Luca Tudensi certi quippiam aut signati habere possumus. Historia ^{poris.} regis Alfonsi excussa, nec prælii huius saltem meminit. Annales Aragonensium multo ^{Lib. 1. cap. 6.} post, hoc est circa annum Domini ferme millesimum, contigisse tradunt. Veritas ex superiore Raguelis narratione aliquantisper hoc pacto poterit percipi. Martyrio coronatur Pelagi⁹ ad finem mensis Iunii, anno Domini nongentesimo vicesimo quinto. Tribus annis cum dimidio in carcere permanisse, non semel Raguel ostendit. Adde anni etiam dimidium, quod paciscendo, & obsidibus euocandis sit initio consumptum. Prelium igitur anno Domini nongentesimo vigesimo primo, commissum videtur. Hec ¹⁰ ideo exquisitus supputare volui, quo temporum series, quæ in nostris historicis misere est obscurata, lucem aliquam veritatis, lumine alicunde illato, possit accipere.

Illud hic etiam annotasse opere pretium fuerit. Hunc Raguelem, ipso sancti Pelagii tempore vixisse, ut eius martyrium vidisse potuerit. Nam de eiusdem martyris ^{Raguel Cordubensis.} sodalibus, in carcere simul vinctis se audiuisse asserit, quæ de præclara eius sanctitate scribit. Hoc ipsum etiam inde satis confirmatur. Pauci perfecti anni interfuere, post martyrium sancti Pelagii, & legationem Sancii regis de repetendo eius corpore missam. Loquitur autem Raguel de sancti martyris sepultura: tanquam Cordubæ adhuc corpus caputque permaneant, sine vlla, quæ tunc esset, transferendi mentione. Et Cordubensis ecclesiæ presbyter, credo Raguel fuit. Nam epithetum Cordubensis, non ad passionem ²⁰ in gignendi casu (quod erat ineptum) sed ad scriptorem in nominatio (quod fuit pene necessarium) est referendum. Cur ego fuit in finem transpositum? Nescio profecto: nisi quod multa eiusmodi, cōtempo Latini sermonis legitimo ordine in nostratibus in illorum temporum scriptoribus passim reperio. Doctoris autem vocabulum, pro authoris positum fuit.

Honeste autem & satis verecunde Raguel dixit, regem sanctum puerum ioculariter terigisse: quod liberius Rhosuita, stupri per vim tentati mentione habita, retulit.

TYRONES autem, regis Sarraceni nobiles pueros aut iuvenes fuisse, libro secundo in Sancio martyre, & alibi etiam, docuimus.

Quanta semper fuerit huius sancti martyris celebritas, quanta ubique veneratio ^{Sancius Crassus rex.} ex sequentibus patebit. Idem Sampyrus de rege Sancio Ranimiri secundi filio, qui Crassus est cognominatus, ita inquit. Rex vero Sancius salubre initit consiliū vna cū vxore Terasia, & cum sorore sua regina Geloyra: ut nuncios mitteret ciuitati Cordubæ, ut peteret corp⁹ sancti Pelagii martyris, quod martyrium acceperat in dieb. Ordonii principis sub rege Arabū Habdarraghman. Et dum legatos vna cū Velascone Legionensi Episcopo illuc pro pace, & ipsius corpore sancti Pelagii miserunt: egressus rex Sancius ex Legionem, venit Galletiam, &c. Addit Toletanus. Rex autem construxit monasterium Legionem, in quo corpus sancti Pelagii statuerat collocandum.

Et Sancius quidem rex sancti martyris corpus obtinuit. Erat n. Habdarraghmani charus, iam inde ab eo tempore, quo hydrophisi seu monstruosa pinguedine æger ⁴⁰ Cordubam adierat, Arabum medicorum opem, ab quibus & sanatus est, quæsiturus. Verum sanctas reliquias aduenientes, morte præreptus non vidit. Eas filius eius Ranimirus ^{Ranimirus rex. III.} tertius tandem excepit. De quo Sāpyrus ita inquit. Corpus Sancti Pelagii martyris ab Sarracenis recepit: & cum religiosis episcopis in ciuitate Legionensi tumulauit. Rudericus in eo monasterio, quod ad hoc ipsum pater regis construxerat, ab filio refert sepultum.

EGO in his omnibus Sāpyri Astricensis Episcopi libentius vtor testimonio, quia ^{Sampyrus Astricensis episcopus.} iisdem hiis temporibus, de quibus scripsit, vixit: ut prisca regum monumenta & diplomata in Sancta Compottellana ecclesia, item in Ouetensi asseruata, quorum ego multavidi, testantur. Fons itaque & origo historiæ illorum temporum hic est author. Verum ⁵⁰ autem eius nomen Sampyrus est, non Saphirius, ut quidam proferunt. In Regiis enim illis diplomatis, de quibus diximus, ubi de prisco nostratum more cum processibus regni subscripsit, Samphyrus legitur. Et antiqua omnia exemplaria consentiunt. Trium autem iam habui satis vetusta. Inter quæ insigne admodum illud. S. Ouetensis ecclesiæ fuit, Gothicis literis in membrana descriptum, quod regis Alfonsi, qui Tole-tum cepit fuisse aperto constat testimonio. Eius mihi olim copiam idem Illustrissimus Placentinus episcopus fecit.

Corpus vero sancti Pelagii aliquot post annos Ouetū est translātū: quo tempore Christiani diram Almanforis Arabū, siue regis, siue ducis vastationē in secūdo eius aduentu metuentes, relicta Legionensi vrbe, cum sacris vasis, scriptis, monumentis &

*Pelagius E-
piscopus.*

reliquiis sanctorum regumq; cadaueribus, Oueto transfugerunt. Quae de re ita scribit Pelagius Ouetenſis Episcopus, qui post Sampyrum illorum temporum historiā continuauit. Cū verò, inquit, audiuiſſent & cognouiſſent Legionenſes & Aſturicenſes ciues illam plagam venturam ſuper eos, acceperunt oſſa Regum, quæ erant ſepulta in Legione, & Aſturica vna cum corpore ſancti Pelagii martyris, & intrauerunt Aſurias, & in Oueto in Eccleſia ſanctæ Mariæ digniſſimè ſepelierunt ea. Corpus autē ſancti Pelagii poſuerunt ſuper altare beati Ioannis Baptiſtæ. Hucutq; Pelagius, qui exemplar illud Ouetenſe cum ſua, & Sampyri, & aliorum hiſtoria ſcribi iuſſit, vt præfato regi Alſonſo Toletanorū victori dono daret. Quod cum in ipſo codicis initio ſatis appareat: inſunt etiam nonnulla eiſdem Pelagii Episcopi manu, vt ipſe teſtatur, exarata. Et in 10 regis illius diplomatis eiſdem Episcopi nomen plerunq; videmus ſubſcriptum.

*Fernandus
rex. I.*

Et quamuis in ſancti Ioannis Baptiſtæ venerationem conditum id monaſterium initio fuerit: nunc tamen ſancti Pelagii nomine compellatur, & ſacris Deo virginibus incolitur. Sanctum martyris corpus ſupra maius, vti dicunt, altare theca argentea, quatuor ferme pedum longitudine decentiſſimè repositum, ſupplex veneratus ſum in illa ſancta legatione, qua iuſſu regis Catholici Philippi. II. perfunctus fui, de qua iam Diui Eulogii vita mentio facta eſt. Et ego quidē ab rege Fernando huius nominis primo eo ſublatū, & diuiti tumulo ad eum modum honoratum ſanctum martyrem crediderim. Vidi enim in eodē monaſterio eiſdem regis diploma Gothicis literis ſcriptū, cuius initiū fideliter transcriptū apponā, cū ſua tota illorum temporum ſermonis inconcinnitate. 20

*Corporis san-
cti Pelagii
elemento.*

Nos exigui famuli Chriſti Fredenāduſ rex ex Sancia regina vobis dopnos eximios patronos noſtros præcurſor & Baptiſta Ioannis; nec non & vltimus martyr Pelagius; cuius corpus tumulatum manet, iuxta aulam Sancti Saluatoris ſedis Oueto. In ipſius Ieſu Chriſti honorem, & hunc ſanctum martyrem amorem inſpirauit Dominus in cordibus noſtris, & hanc famulā vernulamque tuam cōiuge mea Sancia ſpiraculum prudentia in cordibus noſtris immiſit, vt in melius reſtaurarem ipſius cimeteriū, vbi ipſum corpuleculum martyris ſanctiſſimi requieſcit. Denique venimus in hunc ſanctum locum cum Episcopis & proles noſtri, & omnes magnati terræ noſtræ, & fecimus trāſlationem mirificam ipſius corporis ſancti: vt maiori ſurgat in culmine; cuius anima ſublimiori exultat in requie. Ideoq; nos iam ſæpe dicti famuli veſtri ad honori- 30 ficentiam corporis ſancti concedimus in hunc locum ſanctum pro ſuſtentatione fratrum & ſororum ibidem degentium; &c. *Et in fine.* Notum die. V. Id. Nouemb. Era Lx i. poſt milleſima. Is eſt annus Domini milleſimus vigefimus tertius.

Atq; ibi quidem ſancti Pelagii corpus magna cum veneratione colitur. Reliquæ verò per Hiſpaniā eccleſiæ, paucis exceptis, annuam eiſdem feſtiuitatem concelebrant. Sed ō negligentia merito deplorandam, per paucæ admodum eiſdem in matutinis legūt hiſtoriam. Illud vero monaſterium, quod primum ab Sancio rege ad reponendum ſancti martyris corpus fuerat Legione ædificatum, Almanſore totam urbem deuaſtante, cū fuiſſet dirutum: poſt eiſdem urbis, cœnobiiq; ipſius inſtaurationem diui Iſidori corpori excipiēdo locū dedit; ab eoq; diuo nomē denuo accepit: q; in eiſdem monaſte- 40 rii antiquis monumentis legitur. Sed hæc iactura (ſi modo iacturam poſſumus nominare) multis aliis, iisq; magnificis huius martyriſ templis, quæ hodiæ per Aſturum, Galletiæ, & veteris Caſtellæ, vti vocā, regiones cernimus, abunde ſatis eſt compenſata.

DE SANCTO DOMINO SARRACENO ET SC
ciis martyribus, Cordubæ coronatis.

V Eremundus rex huius nominis ſecundus, Alſonſi quinti pater, huius martyris & ſociorū, vt mox apparebit, nobis memoriā reliquit, quam, niſi eo authore, alunde non haberemus. Eiſdem ſequens diploma, in ſancta eccleſia Compoſtellana ſeruatur, quod nos inde cum aliis centum ferme hac occasione habuimus. Compoſtellani Archiepiſcopi librum habent manuſcriptum, quod eiſdem ſimul cum dignitate traditur, in 50 quo transcripta ſunt, tum ſummorum pontificum; tum etiam priſcorum regum diplomata, ſanctæ eiſdem Eccleſiæ olim conceſſa. Hunc librum congeſſit Bernardus eiſdem Eccleſiæ, vt vocant, theſaurarius, anno Domini milleſimo centefimo vigefimo nono. Quod in præfatione ipſemet oſtendit Bernardus. Cum autem ſancta eadem eccleſia opera noſtra aliquando indigeret, cum librum nobis tradi iuſſit. Inde nos hoc Veremundi diploma, cum aliis multis tranſcripſimus, quæ rebus Hiſpaniæ, & verè temporū ſupputationi magnā lucē afferre poſſunt. Quinetiam cū ſanctū diui Iacobi Sepulchrū poſtea, tū ſancta legatione Philippi regis catholici fungentes, tum etiam religioſo peregrinorum more inuiſſemus: hoc ipſum diploma in ſecretioribus huiusmodi monu- mentorū collectaneis, quæ Tumbos patrio nomine ibi vocant, denuo vidimus.

REGIS VEREMVNDI SE- CVNDI DIPLOMA.

IN nomine Sanctæ & Indiuiduæ Trinitatis. Dicendum est, quod cun-
tis notum manet quomodo Domino permittente, & peccatis exigen-
tibus, mucro hostilis & crudelitas iniquorū, sæuiens scilicet Hismaeli-
t cagens, promouit se ex Hispaniæ partib⁹ aduersus Christianos. Et per-
gens armata venit vsque ad Septimacensem ciuitatem. Et cateruatim
eam circumvallans, atque in arcu & sagitta eam obsidens, disruptis muris, & aperta ia-
nuā, irruit in ipsam ciuitatem. Et sicut scriptum est, qui conterit multos & innumera-
biles, & facit stare alios pro eis: & nec alio loco, nec alio modo moritur homo, præter
quod positum est: gladio vindice, & hominum scelere præualente, quos ibi Christiāos
inuenit, in ore gladii interemit. Et diruta ciuitate, pauci, qui remanserunt ad Spaniam
in Cordubensem urbem ducti in captiuitatē, onere catenarum onusti, atq; ferro vin-
cti, & carcere trusi, duos annos & dimidium ibi peregerunt, laudantes & benedicen-
tes Deum vnum & trinum semper viuum & verum. Et quoniam Deo cura est de om-
nib⁹, maxime de eis, qui positi in tribulatione cum spe & fiducia Deo animas suas simul
& corpora in benefactis cōmendant: voluit pietas diuina, quomodo iam prædestina-
tione ordinauerat, illorum erumnis & laboribus, & etiam temporalibus malis finem
imponere. Et vt ad eū, cui famulatum exhibuerant, cum palma martyrii tripudiantes
venirent: permisit ipsum tyrannū, qui eos captiuos duxerat, de squalore carceris ip-
sos eiicere, & gladio interfectos, sanguine proprio laureatos, ad regna cælorum, & præ-
mia atque æterna munera à Deo illis præparata, coronandos & remunerandos diri-
gere: Inter quos fuit vir felicissimus nomine Sarracenus proles Ioannis vocitatus, qui
dimisit hæreditatem & cortes in ciuitate Numantia, quæ modo Zamora nuncupa-
tur cum nullum superstitē vel hæreditarium, aut propinquum relinqueret, qui ipsam
hæreditatē possideret: sed remanserit sine herede & sine alicuius serie testamenti. Dū
staret hæc omnia intestata, accepit ea sæuissimus princeps dominus Ranemir⁹ indecē-
ter, & tenuit vsque ad obitum suum. His expletis, ego Deo meo trino & vno, humilim⁹
princeps Veremundus in regno parentum & auorum meorum nutu diuino pie elect⁹,
& solio regni collocatus, antequam ipsi sancti & electi Dei martyrium acciperent, &
adhuc trusi in carcere essent: visum mihi fuit moto pietate in redemptionē animæ meæ
eos inde redimere. Et iam nuncii mei in via erant, quos p illis miserā, quādo ipsū mar-
tyriū cōsumatū est. Quādo tale nunciū ad aures meas peruenit, q ipsi sancti iā in regno
cælorū esset: placuit serenitati nostræ, vt hæreditatis ipsius supradicti martyris Sarrace-
ni, qui in baptismo Dominicus vocitatus est, ecclesiā facerē heredē. Quia inutile & in-
cōueniens erat, vt ille esset in regno cælorum: & hæreditatem eius possideret rustica &
laicalis conuentio. Ob hoc ego iam sæpe dictus princeps Veremundus propter bonū
testimonium in amore Dei, & in memoria ipsius supradicti martyris Dominici partem
aliquam donare decerno, atque in perpetuum ad habendum concedere mihi visum
& conueniens est loco Apostolico in veneratione ipsi⁹ patroni nostri Apostoli Iacobi,
vbi nunc dilectus Dei Petrus Episcopus præsulatum tenebat. Sic do & concedo cor-
tem intrus in ciuitate noua prope ecclesiam sanctæ Leocadiæ in omni gyro, sicut eam
ipse Sanctus Dominicus obtinuit cum omnibus suis vtensilibus; cupis, torcularibus;
& tendis in mercatello, & vineis, quæ seruierunt ipsi corti, vbicunque sunt, ab integro
eas cōcedim⁹. Et azenia integrā in vado, quē dicunt Domini Garfia, & medietatem in
alia in Teliare. Et ibi in Teliare quartā portionē in alia azenia. Et omnes suos hortos
vnum in Aruale, & alium in ripa fluminis Durii. Et suos ferraginales, vbicunque illos
habuit. Et alium hortum in Perales. Et etiam cuncta, quæ ipsi domui deseruierunt, tā
ex illa parte fluminis Durii terras & vineas, & omne suum debitum, quā quæ ipsi cor-
ti deseruiunt. Adhuc dando atque donando adiicimus, quod ipsi corti pertinuit, villa
quam vocitant Alcopam in ripa riuuli Arotoy cum omnibus suis præstationibus, quæ
intus & foris sunt; cupis & torcularibus; terris, vineis per suos certissimos terminos.
Et omnia quæ ad ipsam villam pertinent, sicut ille eam obtinuit, cum suis iugariis &
porcariis qui ibi seruierunt, & modo ibi sunt: siue & peculiare de ouibus, vbicunque
sunt quæ ipsi corti deseruierunt. Omnia supra taxata, quæ resonant iam scripta, iam

supradicto Apostolico loco donare, atq; concedere curauimus in memoria & veneratione sancti illius iam dicti Dominici, vt habeant inde habitantes & Deo seruientes, atq; per singulos dies & annos memoriâ illius facientes, & sacrificia & orationes Deo offerentes, temporale subsidium: & illi cum sancto Dei Apostolo Iacobo etiam in perpetua remuneratione à Deo recipiant collatum præmium inconuulsum. Si quis tamē (quod esse non potest, nec oportet, & fieri minime credimus) aduersus hanc testamenti seriem ad irrumpendum, vel diruendum, venire temptauerit, siue ex progenie vel stirpe nostra, siue etiam quilibet Comes, vel Pontifex, aut quælibet potestas hanc factionem infringere temptauerit: quisquis fuerit, in primis à corpore Christi sit extraneus, & amborum careat lumine oculorum, & cum Iuda Domini traditore in inferno sit damnatus. Facta à serenissimo & pio principe domino Veremundo serie testamenti. IIII. Idus Februarii, Era post millenam tertia scilicet, & decima.

*Annus Domini 975.
Dies Februarii. X.*

Veremundus rex confirmat.

Sebastianus Episcopus confirmat.

Gundisaluus Episcopus confirmat.

Sauaricus Episcopus confirmat.

Armentarius Episcopus confirmat.

Pelagius Episcopus confirmat.

Petrus Episcopus confirmat.

Fredenandus testis.

Sauaricus testis.

Gudesteus testis.

Felix testis.

Vimara testis.

Munius testis.

20

Quædam sunt in hoc diplomate, quæ interpretatione magno opere indigere videntur: quædam etiam ad temporum supputationem animaduertere diligenter oportuit. Ideo utrumq; libenter sumus exequuti.

Septimancensium oppidum. His aduersatur Itine. rarium Annonini, ubi Septimancia in eodem regionis tra-ctum iam legitur.

Venit ad Septimancensem ciuitatem.) Celebre est oppidum ad Durii & Pisoracæ magnorū fluminū confluentes. De oppidi nomine, quo nunc etiam compellatur, fama est ab septem sinistris manib⁹, quas manecas prisca Hispani appellabant, tractū. Nam Mauris hoc ipso bello, de quo regi sermo est, in oppidum irruentib⁹, septem virgines pudicitia suæ periculo consulentes, sinistras sibi abscidisse ferunt: vt horrendo vulnere & defluentis sanguinis conspectu hostes absteriti, trucidare mallerent fœde mutilatas fœminas, quam constuprare, aut in captiuitatem inutiles seruitio ducere. Hoc municipes narrant, eiusq; facti testimonium, oppidi insignia, septem manib⁹ antiqua calatura insculptis, proferunt. Huius autem cladis miror in Sampyri, aut Pelagii historia nullam esse mentionem. Lucas Tudensis illam his verbis scripsit: cum de Ranimiro tertio Sancii Crassi filio sermo esset. Factum est autem, vt cum Sarraceni securitatē accepissent ab Rege Sancio, & filio eius rege Ranimiro, quod non ferrent subsidium Castellanis, direxerunt arma contra comitem Fernandū Gundisalui. Et cum non posset eis dictus comes resistere, cœperunt Sarraceni Gormaz, & Septimancas, & Septempubicam, & multas & horrendas strages perpetrarunt in terra Christianorū. Eadem habet Toletanus. De anno huius cladis in fine diplomatis disputabimus.

Ad Spaniam.) Non dubium est quin plures in Hispania fideles, quam quos Arabes captiuos duxerant, permanerent. Ideo per hyperbolem quædam id est dictū. Spaniam autem pro Hispania scribere, mos fuit illorum temporum, de quo iam diximus.

Duos annos & dimidium.) Tempus diligenter est attendendum. Hinc enim illius rationem postea apertè poterimus inire.

Mors laborum finis.

Illorum ætatis & laboribus.) Pretiosa semper est in conspectu Domini mors sanctorum eius. Ceterum quod hic habetur, ex illorum philosophorum sententia dictum est, qui cum nullum in morte malum esse disputarent, inter cetera mortem malorum omnium & laborum finem esse docebant. Quod ipse Deus tanquā clementissimus hominum pater & dominus, notū eisdem esse voluit, eo ipso tempore, cum vniuerso humano generi meritū supplicii in vno Adam infligeret. Maledicta, inquit, terra in opere tuo, in laboribus comedes ex ea. At ne sempiterna hæc mala crederentur, certaq; spes finiendi laboris relinqueretur, superaddidit: omnibus diebus vitæ tuæ. Et apertius statim. In sudore vultus tui vesceris pane, donec reuertaris in terrā, de qua sumptus es. Quasi apertè diceret. Hæc omnia mala merito tuo patieris: ceterū tuo illa, vt sempiterna nō sint, mortis fine claudētur. Hoc ipsū ego, adolescēs cū esē, hoc epigramate cōplexus sum.

Genes. 2.

SVPPPLICIVM HVMANI GE-
NERIS, ATQVE SOLATIVM.

*Vm Deus vltices armaret criminis iras,
Totum noxa hominum polluit vnda genus:
Infremuit: rutilaque tonans de vellere nubis,
Atroces tumido concipit ore minas.
Inque homines, hominumque genus maledicta futurum
Congerit, irarum verba cruenta notis.*

*Atque ait: inuisus nunc te auersabitur orbis,
Inuisumque tibi nunc erit omne solum.
Sudor & imbriferos fundat ni ex ore liquores,
Hinc sterilis victum iam tibi terra negat.
Sed pro benigni placabilis ira tonantis:
Intentat nondum vulnera, iamque fouet.
Afflictis quam certa adhibet solatia rebus?
Quam mulcet dictis tristia dicta suis?
Ne trepidi, ne spes pauidi ne absomite vestras:
Non plecto aternis crimina vestra malis.
Durate: en dabitur tantos finire labores:
Supplicii inbeo terminus esto, mori.*

Cortem.) Diximus iam de hoc vocabulo in virginibus Flora & Maria.

*Carnora non
est Numantia.*

Numantia, que modo Zamora.) Error fuit illorum temporum communis, vt Zamoram urbem, antiquam Numantiam omnes fuisse crederent. Qua de re extat doctoris Ioannis Genesii Sepuluedæ doctissimi viri, & ciuis Cordubensis clarissimi epistola. Nosque tum in nostra historia, tum etiam in Hispaniæ antiquitatibus fusius omnia sumus prosequuti.

Vel hereditarium.) Pro hærede positum est, tractum propius ex Hispano, hæredero.

Sanissimus princeps.) Historici omnes regis huius Ranimiri sæuitiam, superbiam, & vecordiam notant. Sampyrus ita inquit. Rcx verò Ranimirus, cum esset elatus, & falsiloquus, & in modica scientia positus: cœpit comites Galletiæ & Legionis, siue & Castellæ factis acriter ac verbis contristare. Eadem Toletanus atq; Tudensis habent.

*Ranimirus
III. rex*

In regno parentum & auorum meorum.) Cum Pelagius Ouertensis, consentientibus Toletano & Tudensi, regem hunc Veremundum filium fuisse tradat regis Ordonii, qui frater natu maior fuerit Sancii Crassi: ferendum non est, regis Alfonsi historiam, Sancii Crassi filiū ipsum dicere. Quanquā mendū fuisse apparet in codicib' excussis.

*Ordoni' rex
Veremundi.
II. pater.*

Pie electus.) Nam apertè tres supradicti authores regni successionem iure ad ipsum fuisse deuolutā, Ranimiro sine liberis mortuo, testantur. Et procerū omniū electione præterea in Regnum Legionis & Castellæ est euocatus, cum Galletiæ rex antea esset. *Antequam ipsi sancti & electi.)* Et hoc quoq; ad futuram supputationem mox in eundam, diligenter est attendendum. Illud etiam, quod sequitur, oportet animaduertere. Et iam nuncii mei, &c.

Quando tale nuncium.) Hoc etiam diligenter est notandū ad futuram supputationē.

Serenitati nostræ.) Hæc honorifica compellatio, sicut etiam illæ: gloria nostra, sublimitas nostra, ab Gothis planè sunt desumpta: vt ex conciliis Toletanis, & Gothorum legibus constat. His titulis Reges seipso nominabant, & alii honoris causa eisdem ad Reges utebantur.

*Serenitati
titulus.*

Qui in baptismo Dominicus.) Hinc facile intelligimus, Sarracenus, cognomen esse. Quod etiam multa illorum temporum monumenta testantur: vbi inter cæteros regni primores, nonnullos aliquando hoc cognomine subscribentes legimus. Neq; tamen est necesse ipsa regum diplomata sigillatim commemorare, quæ inter Compostellana & Ouertensia vidimus. In quorum subscriptionibus ad hæc vsq; huius regis tempora frequens etiam est Dominici nomen: vt ab ipsis Gothis, quemadmodum alia multa, videatur cōtinuatū, & inde præter hunc sanctum martyrem, ad tres insignes nostrates Diuos Calciatensem, de Silicibus (quem de Silos vulgò vocant) & fratrum prædicatorum ordinis instituto remperuenisse: quemadmodum ad nos ex his tribus postea dimanauit. Integrum autem nomen huius sancti martyris fuit: Dominicus Iannez Sarracenus. Nam cognomen Iannez patronymicum, rege referente habuit.

*Sancti domi-
nici plures.*

*Ferragina-
les.*

Capis.) Cubas nos non dicimus. Neq; oportet tamen singula quæ sequuntur, barbara nomina annotare, quæ nostris Hispanis nota sunt, & vulgaria. Ferraginales Castellanis tantummodo vsitatum est vocabulum: quod Bætiçi mei non intelligerent. Herrennales vocant, eas agri portiones, in quib⁹ non ad frumenti copiã, sed ad viridis tantummodo pabuli saginam ordeum seritur. Ab Latino farrago ductum videtur.

Potestas.

Potestas.) Præclarus fuit illorum temporum magistratus, hoc titulo & dignitatis nomine insignis: quod vetusta regum ante hunc diplomata testantur: in quorū subscriptionibus procerum quorundam nomini additur potestas, & potestas terræ.

A corpore Christi sit extraneus.) Imprecatio est, non excommunicatio. Quomodo & multa huiusmodi sunt intelligenda, quæ in omnibus ferme regum priscorum diplomatis apud nos reperiuntur. Quæ non intelligenti esse poterant offendiculo.

Reges Hispania sua diplomata testamenta vocabant.

Serie testamenti.) Solenne his temporibus, & multis postea sequentibus fuit, quâmcunq; donationem rex, aut proceres facerent, testamentum ipsum vocitare. Quasi hoc nomine maiori iure solidaretur. Regum exempla sunt, quæcunq; fere eorum reperiuntur diplomata Latine scripta, quibus aut monasteria denuo instituunt, aut institutis iam aliquid donant. Procerum hæc vidi magis insignia. Comitis Fernandi Gundisfalui diploma, quo sancti Petri de Arlança monasterio multa donat. Comitis Petri Ansurii noua institutio Ecclesiæ diuæ semper virginis Mariæ, quam Valle Oleti ædificarat. Ioannis Manuelis noua item institutio, qua constructum ab se sancti Dominici coenobium in oppido Pennasiel, multa eidem donans, testatur.

Ratio temporis.

Erapost millenam.) Annus hic est Dominicæ natiuitatis nongentesimus septuagesimus quintus: Februarii dies decimus. Si autem hanc anni notationem cum superiori- bus cõiunxerimus, annum, quo sanctus Dominicus cum sociis passus est, exacte ferme reperiemus: & ad illorum temporum rationem ineundam, certi aliquid & indubitati statuemus. Supputatio autem ad hunc modum procedit. Anno Domini 975: mensis Februarii die decimo, Veremundus rex hoc diplomate donat sancti martyris bona. Motum verò se, vt donaret, affirmat, illico, vbi martyre cū sociis passū ex suis nūciis audiūisset. Ait enim: Quando tale nuncium, &c. Placuit serenitati nostræ. &c. Nuncii verò missi fuerant, martyribus nondum occisis: & illis ipsis nunciis iter agentibus occiduntur: quod vtrunq; rex fusc & perspicue narrat. Hanc autem legationem hoc ipso anno missam minimè crediderim. Neque enim Ianuarius mensis cum paucis Februarii diebus satis esse poterat, vt Legione Cordubam nuncii irent, ac redirent: cū leucarum nostratum plus centum intersit, montibus etiam niue tota hyeme obrutis, non uno loco interiacentibus. Neq; verisimile porrò est, legatos propius Legionem iter agentes, sed Cordubam iam appropinquantes, verum & certum de martyrum cæde nuntium accepisse. Nam semel audito fidem non erant vtiq; daturi longiore mora, & propiore fama certius aliquid captantes. Et si quid præter captiuorum redemptionem in mandatis habuere, Cordubam profecto peruenerunt. Quæ omnia aperte declarant, nuncios in fine anni superioris, hoc est nongentesimi septuagesimi quarti ab Rege missos, eodemq; ipso anno cum sociis Dominicum martyrio fuisse coronatum.

Alhacan Corduba rex.

Hinc etiam possumus ferme colligere hos sanctos martyres sub rege Arabum Alhacan, fuisse interfectos. Nam huius regnum, quod ex histotia Arabum Ruderici Toletani constat, ad annum Domini nongentesimum octogesimum peruenit: cum decem & sex annos regnasset.

Hinc etiam, ratione probe subducta, scire propèmodum exacte possumus, quo anno clades illa ad Septimancas cum Castellæ vastatione contigerit. Cum enim duos annos & dimidium in vinculis fuisse hos martyres in regio diplomate tradatur: apparet anno nongentesimo septuagesimo secundo, aut primo fuisse captos.

Apparet etiam Ranimiro mortuo, Veremundum illo ipso anno nongentesimo septuagesimo quarto, quo occisi martyres sunt, regnum Castellæ iniisse. Quippe aut ipse met actutum est innata bonitate commotus, vt captiuos Christianos redimeret: aut suorum precibus & lachrymis propere incitaretur. Eratq; hoc pium in primis, cum etiam faustum magnò opere regni principium. Et hanc quoq; festinationem suam rex ipse hic de se prodit. Hæc vel ideo præstiterit exquisitius indagasse, quod ingens sit in nostris historicis temporum per hos reges varietas, quæ hinc aliquantisper poterit amoueri.

HEROES. MAGNI. VOS.
CORDVBA. VESTRA.
PRECATVR.
SIT. VESTRO. SEMPER.
SALVA. PATRO-
CINIO.



AMBROSIVS MORALIS
CORDVBENSIS AD SANCTOS CORDVBEN-
SES MARTYRES DEPRECATIO.



*Agnanimi Heroes, quorum violentia calum
Vim passum rapiens, belligerat moriens:
Quorum mors patriæ tantum truculenta triumphis,
Quantum nullius inclyta vita dedit:*

*Vestra labore suo nunc si illustrata resurgit
Gloria, iamque nouo germine culta viret.
Supplicibus votis, gemituque è corde reuulso
Suspirans, vester vos vocat Ambrosius.
Sustollensque oculos, celsasque ad sidera palmas,
Ingemit: Et tacitus vos sine voce rogat.
Quid poscat petitis? Melius vos scire potestis,
Id quod velle miser debeat, Et petere.*

DE CORDVBÆ VRBIS ORIGINE, SITV ET ANTIQVITATE.



AM multa sunt, quæ D. Eulogius de Corduba nostra suis operibus interseruit: atq; adeo frequenter multarum in ea vrbe regionum, oppidorum, agrorum, fluminum, similiumq; rerum meminit: ut fuerit necessarium, de eius situ & antiquitate multa hic apponere. Et Cordubæ quidem urbis originem, situm, eiusq; mutationes, cum reliquis, quæ ad eius antiquitatem peruestigandam poterant pertinere: in eo opere, quod de Hispaniæ antiquitatibus historiæ nostræ adiunximus, plenius sumus prosequuti. Inde huc nonnulla transferemus.

10 Sita est Corduba in ipso ferme Bæticae prouinciæ medietate, atq; in his eius populis, qui Turduli ab Ptolemæo, Plinio & Strabone nominantur. Ab ortu ea regio ad Bastulos seu Bastetanos usq; protenditur: ab occasu Turdetanos contingens, Hispalensi tractu terminatur. Habet ad meridiem late patentes campos, qui ad Mediterraneum mare & Herculeum fretum expanduntur. Qua verò parte Septentrionem Corduba spectat, posita est ad ipsas Marianorum montium radices: quos nunc Hispani, pristino nomine corrupto, Sierra Morena, hoc est Morenos montes dicimus. Ea verò horum montium pars, quæ Cordubæ imminet, aut saltus Castulonensis est portio, aut cum eo ad ortum coniungitur. In his montibus, authore Plinio, Baturia regio, a Bæti flumine nomen accipiens in duas regiones diuisa, ad Anam usq; fluuium excurrit. Ipse Bætis, qui Cordubæ alluit, Cirtius olim & Tartessus etiam, ut apud Plinium, Liuium & Strabonem est, dictus, tanta semper celebritate fuit, ut toti prouinciæ nomen dederit, tanta porro est magnitudine, ut ingentia flumina exorbens, ab Mauris inde nomen acceperit. Guadalquivir namq; quod huic fluuiio nunc nomen est ab iisdem impositum, magnum flumen ipsorum lingua significat. Ab ortu verò ad occasum latus Cordubæ Australe lambens, ita montes ab planitie determinat, ut id sibi studio habuisse natura videatur: quo diuersissima soli discrimina seiungeret, & eo tanquam limite separaret. Hinc montana, quæ ipsa suburbia pene contingunt, celsis collibus elata, duris cauitibus prærupta, hortis, vineis, olea, & omnium generis arboribus sunt confita. Inde campestris regio trans flumen complanata, nuda, glareis & luto friabilis, frugibus tantummodo ferendis est accommodata.

20 Huius verò tractus quæ sit feracitas, inclyta nostræ ciuitatis horrea, tota Hispania celeberrima satis ostendunt. Alterius verò soli montibus præteriti quanta sit amoenitas cum insigni fertilitate coniuncta, vix quisquam satis digne possit explicare. Ipse præcisæ rupes, scopuli ipsi, ubi planum quidpiam non soli (neq; enim solum est illud, sed lapidum strues) verum quicquid id est plani, Loton suauissimam & siliquam sponte nascentes, satiuas vero oleam, vitem, ficum, cerasum, mala punica & Persica, pruna, & quæ magis mirandum sit, citria mala omnis generis abunde producunt. Præstat hoc ipsum magna ex parte fontes copiosæ, purissimæ, suauis, & ad potum salubris aquæ, quibus passim penè irrumpentibus, irrigua omnia circum circa fiunt. Hinc valles vrbi propiores non nisi ab pulchritudine, ab paradisiacis, ab Regiis hortis, ab rosarum multitudine, aut ab florum aspectu nomen inuenire.

40 Hinc vini & olei Cordubæ tanta est copia, atq; adeo exuberantia, fructuum omnis generis tanta vbertas, ut hoc vnum aliam quantumvis celebrè ciuitatem magno opere posset nobilitare. Mala autem citria omnis generis tanto opere in ea vrbe exuberant, ut aduenis & peregrinis hominibus frequenter sint stupori, non cumuli solum, qui per plateas venales vili pretio cernuntur, sed etiam qui nouorum fructuum aduentu, per agros & iterquilinia proiciuntur: decussis non modico impendio ex arboribus malis, ne superfluentes flores impediant. Florum autem ipsorum in his arboribus tanta vndiqueque intra urbem & per vicina suburbana est copia, tanta verno tempore fragrantia: ut non iam, quod de iisdem floribus Virgilius dixit,

Animas & olentia ciues

30 Ora illis forveant, & senibus medicentur anhelis: sed suauissimo odore vrbs tota, vicinique agri perfundantur, & ad eam suauem olentiam captandam noctu homines peruigiles discurrant. Neq; tamen diutius in Cordubæ amoenitate & vbertate celebranda sit immorandum. Vnum satis sit restis præstantissimi testimonium. Ipse sit Muça dux Arabum, Hispaniæ totius victor, quiq; eam omnem perlustrauerat, & vndique per cognitam habuerat. De eo Rasis Maurus in Arabum historia his ipsis verbis, Latino fideliter redditus scribit. Abibus Aluydi filius, homo qui nullatenus in re vlla mentiretur, ita scripsit. Quum Muça Cordubæ egressus in Africam nauigaturus, summis Hispaniæ proceribus deducentibus, iter occiperet: & in collē, vnde urbis totius prospectus patebat, venisset: mula, cui insidebat, retro conuersa, aliquantulum consistens, urbem tacitus contemplabatur: & tandem in hæc verba cum gemitu prorupit. Eheu Corduba, quantum es insignis?

Corduba sita.

Turduli. Bastuli. Turdetani.

Mariani montes.

Saltus Castulonensis.

Baturia regio.

Ana fluuium.

Bætis flumen.

Cordubensis soli feracitas.

Cordubensis flum. montium amoenitas.

Val hermes.

Val parayso.

Arriafsa.

Hortus reges interpretatur.

La senda del rosal.

Mira flores.

Muça Arabum dux.

de Corduba præstantia dictum.

quæ & quantæ tuæ sunt deliciae? Quantum tibi bonorum Deus voluit conferre? Hæc loquutus, mærens iter continuat. Hucusq; Rasis. Probum autem hunc æstimatorem nemo non possit digne censere, ab quo videat ipsam rei veritatem, ipsam natiui soli præstantiam tales gemitus, talem vocem, tantum encomium extorsisse.

Metalla Cordubensia sunt etiam inter authores celebratissima. Auriferam, quod mox apparebit, poetæ Cordubam vocant: & æs Marianum, hoc est, quod propè eam urbem in eius montibus effoditur, maximè Plinius laudat: cum argenti viui & stibii ditissimas fodinas hodie in eius tractu contpiciamus.

*Corduba
nomen.*

Habuit ea ciuitas duo nomina, quemadmodum apud Plinium legimus. Corduba enim, atq; eadem Colonia Patritia est appellata. Sed Cordubæ nomen priscum fuit 10 & peruetustæ originis, illud alterum quo tempore ei fuerit inditum, suo loco dicemus. Et verum rectumq; vocabulum Cordubam esse Silius Italicus, Martialis, Prudentius, atq; alii poetæ attestantur. Lex enim carminis incorruptiora & incontaminata vocabula conseruat. Potuit sanè nominis huius veritas fidelius ex nummis, & ex lapidibus aëru. Sunt qui se nummos vidisse affirmant. Sed ego harum rerum non indiligens peruestigator, & omnis patriæ meæ antiquitatis in primis studiosus, Romanum nummum adhuc vidi nullum, qui Cordubæ nomen habeat inscriptum: cum colonie patritiæ nomen in quam plurimis Augusti, Tiberii & Germanici etiam, quorum non nullos ipse habeo, conspexerim. Lapidem, in quibus utrunq; & alterum seorsum nomen insit, quinq; apponam: quorum quatuor primos omnes ipse vidi, & ipse descri- 20 psi: vltimum relatu doctiss. hominum habui.

In oppido Linares basis est marmorea, nigra, ex ruinis Castulonensis urbis admodum vicina adnecta, his literis inscripta.

*Lapis Castu-
lonensis ur-
bis.*

VALERIE. CI-
PATINÆ. TVC-
CITANÆ. SA-
CRM. COLO-
NIÆ. PATRI-
CIÆ. CORDV-
BENSIS FLAMI-
NICÆ. COLO-
NIÆ. AVG. GE-
MELLÆ. TVCCI-
TANÆ. FLAMI-
NICÆ. SIVE. SA-
CERDOTI. MV-
NICIPII. CHAS-
TVLONENSIS.

30

Superioribus annis Corduba cum capite, & muliebris statue fragmentis, basis marmorea, cum hac dedicatione est eruta.

*Lapis Cor-
dubensis.*

D. N. CORNELIÆ. SALONINÆ.
AVG. CONIVGI. D. N. IMP.
CÆS. P. LICINI. GALLIENI.
FII. FEL. ET. INVICTI. AVG.
DACICI. MAX. GERMANICI.
MAX. TRIB. POT. IIII. COS. III.
IMP. III. PP. PROCOS. PROVIN-
CIÆ. BÆTICÆ. DEVOTA. NV-
MINI. MAGESTATI. QVE. RIVS

40

CORD |||||

Corduba in Diua Marina templo, ad usum aqua benedicta, cippus marmoreus candidus.

50

*Lapis Cor-
dubensis.*

D. M. S.
M. LVCRETIVS.
VERNA.
PATRICIENSIS.
ANN. LV.
PIVS. IN. SVOS.
H. S. E.
SIT. T. T. LEVIS.

Lora,

*Lora, quod oppidum in medio itinere ferme est, quo Corduba Hispalim
itur, in basi marmorea pro foribus templi.*

*Lora oppi-
dum & eius
lapi.*

L. LVCRETIO. SEVERO. PATRICI-
ENSI. ET. IN. MVNICIPIO. FLAVIO.
AXATITANO. EX. INCOLATV. DE-
CVRIONI. STATVAM. QVAM. TES-
TAMENTO. S. SIBI. PONI. IVSSIT. DA-
TIS. SPORTVLIS. DECVRIONIB. M.
F. AXATITANI|||||||XII|||||||

Hispalis in vico, cui ab Sarpente nomen est, cippus cum hoc epitaphio visitur.

*Lapis Hispa-
lensis.*

Q. FABIVS. Q. F.
QVIRINA FABI-
ANVS ILVRCO-
NENSIS. IDEM
PATRICIENSIS

ANNORVM

XXXXIIII. IVST.

IN SVIS. H. S.

E. S. T. T. L.

Patriciæ verò nomen libentius in vsu fuit tempore Romanorum Imperatorum, tanquam honorificentius & illustri de causa, ut postea videbim⁹, Cordubæ impositū. Cordubæ vero nomen incorruptū credo cum Romano imperio & lingua, ad Gothorū vsq; tempora permanfit. Tunc demum cœpit permutari, ut Cordoua, quemadmodū nunc Hispani proferimus, diceretur: nec subito tamē, sed paulatim immixta corrupte-
la Testimonio sunt aurei nummi Gothici duo, quos ego habeo, diversis satis typis per-
cussos. Reccesvinthi regis Gothorū sunt, & altera parte cum regis ipsius facie inscriptū
habent. RECCESVINTHVS. REX. In auersa verò parte scriptū in orbem est. CORDOBA.
PATRITIA. ut iam V. versum in. O. esset: B. autē nondum esset in. V. permutatū.
Ad eundem etiam modum, tam in Diui Eulogii veteri exemplari, quam in quibusq; li-
bris Gothicis literis, quos vidi plurimos, descriptis, scriptum semper Cordoba reperi-
tur. Et de nostræ vrbis nominibus hæc satis: nunc de eius antiquitate est dicendum.

*Reccefunthi
regis num-
mi.*

Priscam admodum, & peruetustam urbem Cordubā fuisse: cuiusq; originis pro-
pter summam antiquitatem, nullum extet in hominum memoria principium duabus
potissimum de causis adducor ut credam. Primum enim quæcunq; vrbes in Hispania
duobus nominibus olim Romanorum tempore compellabantur: alterum Hispanum
nomen, priscum, vetustissimæ originis, & quasi vernaculum peculiaris linguæ habuisse
constat: alterum vero tanquam Romanæ ditionis & imperii stygma eisdem fuisse im-
pressum, aut adulatione dominantium Imperatorum certè expressum. Tales fuere in
Celtiberia Illurcis ab Tiberio Graccho, mutato nomine, ut author est Verrius Flacc⁹,
Graccutis dicta: Salduba in eadem regione Plinio teste, Casaraugusta postea nomi-
nata. Eodem auctore & priscis lapidibus etiam attestantibus, Obulco Municipiū Pon-
tificense nomen accepit. Attubi, Claritas Iulia: Astigi, Iulia Firma: Tucci, Augusta
Gethella: Iliturgi, Forum Iulium: Hispalis, Romulensis Colonia est dicta. Multa sunt
eiusmodi apud eum authorem & in antiquis marmoribus & nummis nominum in vr-
bibus geminationes: In quibus omnibus negare non possis, prius nomen vernaculum
esse & Hispanum, æqualisq; cum vrbis primordio antiquitatis fuisse. Talis est Cordu-
ba, quæ Colonia Patritia postea est cognominata: testemq; suæ vetustatis priscum no-
men habet, veluti nascenti sibi olim impositū. Illud deinde nostræ vrbis vetustissimam
potest antiquitatem astruere: quod cum Turtuli populi omnium vetustissimi & sapi-
entissimi in Bætica fuisse ab Strabone tradantur, Cordubensis verò situs feracitate &
antecinitate tanto opere præcellat: credi par est, oppidum ibi non paucis retro sæculis
fuisse conditum; neq; neglectam ab eius regionis accolis præstantissimam habitandi
commoditatem. Quemadmodum igitur de Cordubæ origine nihil certi afferri in me-
dium potest: ita etiam vetustissimam ipsam fuisse, merito creditur.

*Corduba an-
tiquitas.*

*Hispana
vrbes bino-
mines.*

*Graccutis.
Casaraugus-
ta.*

*Obulco.
Attubi.
Astigi.
Tucci.
Iliturgi.
Hispalis.*

Turduli.

Quidā ab Persis, quos in Hispaniam etiam venisse Plinius ex Varrone tradit, cōdi-
tam Cordubā fuisse asseuerant. Ipsum vrbis nomē eos, ut opinor, in eam sententiā ille-
xit. Nam Cordubā etiā in Perside ciuitatē fuisse credidere. Sed n. levis est cōiectura,
& quā nullo veritatis fundamento subnixā, facile nobis fuerit in historia nostra, occa-
sione oblata conuellere.

*Corduba ab
Persis non
fuit condita.*

Prima Corduba mentio.

Apud authores nullam priorem Cordubæ mentionem inuenias, quam quæ apud Silium Italicum reperitur. In Catalogo namq; earum Hispaniæ ciuitatum, quæ Hannibali in Italiam transeunti milites inierunt, Cordubā etiā connumerauit illo carmine.

Nec decus Auriferæ cessauit Corduba terra.

Corduba situs duo.

Sed neq; quo in loco condita primum Corduba fuerit, satis constare potest, cū duo eiusdem situs nunc appareant: alter quem vrbs ipsa occupat, alter, quem quarto ab vrbe ad occasum milliario clarissimo Diui Hieronymi monasterio vicinum cū veteris Cordubæ nomine desolatum cernimus. Ego non leuib; coniecturis adducor vt credam, priscam vrbem, eodem quo nunc est iunior ista, situ fuisse. Quod ipsum tunc ostendemus, cū quæ necessario præmittenda sunt, persequuti fuerimus.

Marcus Marcellus Cordubæ conditor seu instaurator.

Sequens igitur, post illam Silii Italici, Cordubæ mentio insignis admodū est & illustris. Refert enim Strabo, Cordubā ab Marco Marcello quasi conditam, & paulò post magnificentissimè auctam. Eius lib. 3. hæc sunt verba. Corduba, Marcelli ædificiu, eo magnitudinis creuit, vt nominis celebritate & potentia polleat. Quæ verba doctos homines non paucos permouisse video, vt crederent, hanc primam esse vrbis nostræ originē, & eiusedē Marcellū verum fuisse conditorē. Proinde necessariū fuerit totum hoc diligenter inuestigare, & subtilius expendere. Quod ex Liuiio atq; Appiano Alexandrino constat, Marcus Marcellus, eius Marci Marcelli, qui docuit Hannibalem posse superari, siue nepos, siue pronepos, totā Hispaniā in Prætura sorte obtinuit, eo ipso anno, quo Q. Martius Philippus secundū, & Gn: Seruilius Cæpio consules fuere. Est au-

Annus ante Christum natum 167.

tem is annus ante Iesu Christi Domini nostri Natiuitatē 167. Totam autem Hispaniā is Marcellus hoc anno suscepit gubernandā: quoniā ex duabus vna prouincia, duob; tantum antea annis fuerat effecta. Idem Cordubam, & hoc ipso anno huiusmodi dubie ædificauit. Cum enim manifestū sit, hoc tempore ædificatam fuisse: siquidem crebrior iam hinc eius mentio, vt statim apparebit, in historia Romana reperiatur, & Strabo Marcelli opus ipsam nominet, neq; vllus alius Marcellus, neq; superioribus annis, neq; multis sequentibus in Hispaniam venerit cum magistratu: planum fit, huic vrbis structuram esse attribuendam. Et hoc procul dubio anno quicquid id operis fuit Marcellus perfecit: non quintodecimo postea, cum in tertio suo consulatu in Hispaniā rediit. Tunc enim diuisa iterum denuo in duas prouincias Hispania, Citeriorē tantummodo rexit: magnis videlicet bellis implicitam, & quæ consulari duce, atq; exercitu indigeret. Habuitq; illo ipso anno vltior Hispania, hoc est Bætica cum Lusitania, proprium seorsum Præforem, M. Accilium: vt est apud Appianum.

Corduba veteris situs.

Sed quid illud tandem fuit, quod Marcellus fecit, vt Cordubam aut condidisse, aut ædificasse dicatur? Dicā quod sentio, quodq; manifesta penè ratione adducor, vt credam. Nouam vrbem in eo situ, qui nunc vetus dicitur, construxit, & à fundamentis totam crexit. Cum oppidum antea esset non admodum magnum, transferte inde, & alio situ amplificare, cogitauit: noua forma, Romana, vtrique denuo vrbem condens, ab se vt esset, & dici posset ædificata perfecit. Vrberem igitur, quæ nunc vetus dicitur Corduba, ædificauit. Docet hoc profecto eius vrbis forma: & tota, quam ruinæ adhuc ostendunt, structura, Romanum plane opus, & Romanorum consilio totum vndique fuisse fabrefactum declarat. Situs namq; totus quadrata forma est, ita vt filo protractus & circuncisignatus initio plane videatur. Duplo longior totus est quam latior ambitus. Ego enim probe funiculo dimensus, cum pedes in fronte duo millia quadringentos inuenissem, ab latere quatuor millia octingentos ad amussim comperi. Cum pedes dico, tertiam vlnæ nostratis, qua pannum lintheum, sericumq; metimur partem intelligo: quod ipsum cum pedis Hispani antiqui mensura probè congruit. Hæc autem tam exquisita diligentia situm quadrandi & conduplicandi, tota planè Romanorum fuit, non nostratium Hispanorum, qui vix dum hoc nostro tempore politioris ædificationis formam didicere. Prominet præterea media vrbe, quadrata etiam forma planities, siue arcem illa habuit, siue forum, quam satis apparet ad perpendicularum fuisse productam. Tantundem enim ab vtraq; fronte distat, superiori latere (nam accliu solo tota vrbs fuerat imposita) aliquantisper cum muro coniungitur. Eam curam, & subtilem formæ symmetryq; diligentiam, quis non videt Romanorum esse, non priscorum Hispanorum? Apparent insuper quatuor magnarum turrum fundamenta, eiusedem industriæ Romanæ & studii in ædificando manifesta testimonia: vt quæ quatuor angulis murorum adnectantur. Eiusdem symmetry Romanæ simul est indicium, via quadrato lapide constrata, quæ ab inferiori vrbis latere, portæ, vt credi potest, coniuncta, in proximum colliculum ducit, vbi magni cuiuspiam ædificii vestigia persequeantur: fanum.

numq; insigne inibi fuisse licet coniecere, cui nobile stramentum, & viæ maior commoditas deberetur. Locus enim ab vrbe diuulsus, & in plano modice admodum elatus vetat præsidium cogitare.

Hæc omnia hominis sunt studiosissimè ædificantis, & veluti ociose ad fabricam confidentis. Multum autem ocii Marcellum toto penè eo anno habuisse, Hispaniæ pax, de qua Liuius & Appianus, declarat. Longum verò sit, si commemorare pergam, quanta ex situ eius vrbis monumenta Romana, superioribus, & nostro etiam hoc sæculo sint eruta: quæ planè testantur, Romanam eam vrbem fuisse, Marcellumq; perinde Romanum hominem eius fuisse conditorè. Cum verò iam ex superioribus satis constet, ante hanc Marcelli ædificationem priscum oppidum, quod Corduba diceretur, in iis locis fuisse: intelligere planè non possumus, num antiquum situm Marcellus suo opere complexus fuerit, an nouum exquisierit. Nisi quod sequentia quædam indicabunt, contempto veteri oppido, ipsum in delectum ab se situm totum penitus transtulisse.

Ex ædificata ad hunc modum denuo vrbe, magnificèq; amplificata: frequentior iam eius vrbis mentionem Romana habet historia. Creuerat nimirum oppidum antea non admodum celebre, & Romana planè vrbs cœpit iam ab Romanis nobilitari. Eo iam paulò post Prætores ad hybernandum exercitum reuocabant, & ad ius petendum populi conueniebant. Quæ omnia ex Romanis & Græcis scriptoribus collecta late nos in nostra historia prosequimur. Hinc Metellus Pius deuicto Sertorio, gem poëtarum indidem ciuium secum Romam reduxit; quod si, vt de eisdem Cicero dixit, pingue quiddam & peregrinum resonabant: temporum plane fuit vitium, non ingeniorum. Neq; enim Roma cultiores poetas tunc temporis habuit. Hic etiam nobile illud continentia frugalissimæ exemplum Prætor Piso, eodem Cicerone referente, edidit. Quod utiq; præstiterit ipsi summi oratoris verbis apponere. Nihil, inquit, nimium vetus proferam. Sunt vestrum, iudices, quam multi, qui Lucium Pisonem cognouerunt, huius. L. Pisonis, qui Prætor fuit, patrem. Is cum esset in Hispania Prætor, qua in prouincia occisus est: nescio quo pacto dum armis exercetur, annulus aureus, quem habebat, fractus est, & comminutus. Cum vellet sibi annulum facere, aurificem iussit vocari in foro, ad sellam, Cordubæ: & ei palam appendit aurum: hominem in foro sellam iubet ponere, & facere annulum omnibus præsentibus. Nimiùm fortasse dicet aliquis hunc diligentem. Hactenus reprehendat, si quis volet: nihil amplius. Verum fuit ei concedendum: filius enim. L. Pisonis erat eius, qui primus de pecuniis repetundis legem tulit. Ridiculum est nunc de Verre me dicere, cum de Pisonis Frugi dixerim. Veruntamen quantum intersit videte. Iste cum aliquorum abacorum faceret vasa aurea, non laborauit, quin non modo in Sicilia, verum etiam Romæ in iudicio audiret. Ille in auri semuncia totam Hispaniam scire voluit, vnde prætori annulus fieret. Nimirum vt hic nomen suum comprobauit, sic ille cognomen.

Superuenerunt non multo post bellorum ciuiliū inter Cæsarem & Pompeiū tempora, in quibus caput prouinciæ Baticæ totius, Corduba, ab Aulo Hirtio, siue is Op-
pius est, appellatur. Et ad hanc Cordubam, ab Marcello ædificatam, de qua nobis sermo nunc est, omnia illa gesta fuisse: multa sunt quæ apertè declarent. Illud in primis, quod pertransito ponte prælium inter ipsum atq; vrbem non semel committitur. Sed non est hic locus de his pertractandi.

Paulo post etiam Augusti Cæsaris temporibus, quibus Strabo & vixit, & scripsit, verè iam is author potuit insigni cum præconio affirmare, eo magnitudinis Cordubam creuisse, vt nominis potentia & celebritate polleret. Colonia enim paulò ante fuerat effecta: nec cuiusuis vulgaris Coloniae dignitas eidem fuerat attributa, sed quæ nomine & maiestate præcelleret, atq; COLONIA PATRICIA, & esset reuera, & vocaretur. Qua de re idem author, de Corduba adhuc verba faciens, his verbis scripsit. Eam sane initio habitauere & Romanorum & indigenarum viri delecti. Nam prima hæc istos ad locos à Romano populo est dimissa Colonia. En tibi & primam in Hispania, saltem in Batica Coloniam Cordubam fuisse, & cum magna dignitatis præstantia, & veluti prærogatiua fuisse. Vtrumq; insigne quiddam est, & ad Cordubentem celebritatem & gloriam singulare. Neque vacat tamen hic quantum hoc sit fusius explicare. Illud vnum tantum modo non præteribo: tantam hanc dignitatem, vt non nisi viri Patritii ex Romanis & Hispanis deligerentur, qui in eam Coloniam immigrarent, & clarissimum vtriusq; nobilitatis domicilium ipsam redderent: eo maxime meritò Cordubam fuisse consequutam, quod fide & tolerantia singulari Iulii Cæsaris partes eo in bello semper fouerit, & ciues Romanos sæpe protexerit atq; seruauit. Id eius ciuitatis, ex quo primū

*Corduba in-
cremenda.*

*Metellus
Pius.
In oratione
pro Archia
poeta.*

*Piso Pisonis
Frugi filius.
In nona
Verrina.*

*Bellorum
ciuiliū tem-
pora.*

*Corduba
Batica ca-
pit.*

*Corduba
prima in Hi-
spania Co-
lonia.*

*Ciuicis in
nummis
Corduben-
sibus.*

In prologo
declamatio-
num.

Colonia facta est, nummi testantur, qui omnes cum COLONIA PATRICIA, in auersa parte habeant inscriptum, Ciuica Corona id ipsum preferunt inclusum. Ciuicam autē seruati ciuis & prēmium, & insigne apud Romanos fuisse, quis ignorat? Vnde & ab Iulio Cæsare prēmii causa Cordubæ, ut Colonia esset, tributum crediderim. Certè Seneca pater de bellis ciuibus loquens, Coloniam iam Cordubam vocat: & in Cordubæ Coloniam iam factæ nummis faciem & nomen Cæsaris Augusti cernimus. Et Carteiam quidem aliquanto vetustiore in Bætica fuisse Coloniam, ex Liuiο prorsus intelligo. Neq; ob stare tamen hoc Strabonis dicto is plane intelliget, qui quo ex hominū genere, Partheniorum videlicet & Libertinorum, deducta fuerit, animaduenerit.

Lapides duo
Cordubæ
Augusti tē-
pore inscri-
pti.
Tempus.

Illi verò duo insignes admodum lapides ex Augusti Cæsaris temporibus ad hæc nostra vsque Cordubæ perdurant, qui ipso eodem anno, quo Dominus noster Iesus Christus natus est, fuere inscripti. Habent enim hæc verba.

IMP. CASAR. DI-
VI. F. AVGVSTVS.
COS. XIII. TRIB.
POTEST. XXI.
PONTIF. MAX.
A. BEATE. ET.
IANO. AVGST.
AD. OCE-
ANVM.
LXIII.

20

Lib. 2. de do-
ctri. Christi.
cap. 28.

Est hic lapis in summo templo, alterq; persimilis in D. Ioannis Herediae domo vi- situr. Amouent autem hæ columnæ omnem illam controuersiam, quam D. Augusti- nus inter quosdam ecclesiæ Christianæ scriptores narrat fuisse de anno Dominicæ na- tiuitatis. Ignorantes enim Romani consulatus seriem, ut idem inquit sanctus doctor, hic diuersa sensere. Sed de hoc non vno in loco historia nostra pertractat. Ibi etiam quod hoc Iani templum Cordubense fuerit prosequimur. Duæ enim aliæ columnæ Tiberii Cæsaris tempore erectæ eisdem etiam omnino verbis eiusdem meminerunt. Altera in ipso fano maiori: in D. Francisci altera conspicitur. Illud verò in antiquitatis studioforum gratiam non prætermittam: in his omnibus columnis numeri primam notam hanc esse. I. quæ nimirum. L. geminata vim habeat, & bis quinquaginta, hoc est centum milliaria signet. Neq; enim pauciora milliaria ab Corduba ad Oceanum, qua magis est propinquus, quam centum quatuordecim reperiēs. Quod Francus Iu- risconsultus antiquitatis studiosissimus primus, quod sciam, animaduertit.

Francus Iu-
risconsultus.

Puteal Cor-
dubæ fuit.

Habuit etiam Romanorum tempore ad Romanæ ciuitatis & aliarum magnifi- centissimarum ciuitatū imitationem puteal Corduba. Visitur namq; hodie quoque in marchionis Commarenis ædibus marmoreum puteal cum hac inscriptione.

P V T E-
A L:
T H A D-
D A I.

40

Lib. 4.
cap. 16.

Aristoteles porro in politicis docet, non nisi magnas vrbes puteal, hoc est subter- raneum carcerem ad putei similitudinem excauatum habere solitas fuisse. Et Libonis puteal Romæ tum ab Horatio celebratum non vno loco legimus, tum etiam in argen- teis nummis depictum & inscriptum videmus. Et hæc omnia cum multis aliis inscri- ptis lapidibus Romanis, qui multis in locis vrbis visuntur, nemo vnquam dubitauit, ex veteris ruinis fuisse huc diuersis temporibus aduecta.

Æmilium
Regulæ Cor-
dubensis.

In ea igitur Marcelli vrbe nati sunt, Senecæ duo pater & filius, Lucanus, Portius Latro, & alii insignes Cordubenses, quorum meminit Seneca pater: Illa eadem clarissi- mum & fortissimum ciuem Æmilium Regulum dedit, qui & ipse cum aliis, ipsum tan- quam ducem insequentibus, in Caligulæ Imperatoris necem coniurauit. Et cum alios, inquit Iosephus, priuata odia incitarent, hunc publica tantummodo mala permouebāt.

Libro anti-
quit. 19. c. 1.
Corduba
noua trans-
latio.

Quandiu verò vrbs illa vetus ab Marcello condita perdurauerit, quoue tempore mutatione oppidi, in hanc, quæ nunc est, sit traducta: & si maximè vellem, non possū tamen liquido explicare. Quod coniecturis assequi possum, in medium adducam. Tempore Tyberii, & Caligulæ Imperatorum, vetus Marcelli ciuitas, non solum sta- bat, sed inclita admodum & celebris vigeat. Id nummi veterēs indicant ibidem re- perti cum Germanici vultu & nomine, quorum auersa pars COLONIA PATRICIA ha- beret in-

Germanici
Cæsaris num-
mi.

ber in-

bet intra ciuicam inscriptum. Neq; multi simul vnquam eiusmodi nummi sunt reperi-
ti, vt reconditi fuisse videantur: sed vnus atq; alter, vt casu prolapsi, & amissi appareāt.
Sed neq; quisquam tamen sequentium Imperatorum nummos se ibi reperisse, vnquā
dixit. Tanta præterea vrbs per illa tempora celebritas, repente vtiq; non potuit conci-
dere: cum in summa pace & tranquillitate nobis Romani imperarent. Non nisi ma-
turo per multos annos consilio, non nisi longi temporis spatio opus fuit, vt inde peni-
tus fuerit immigrandum. Noua etiam vrbs fuit condenda, & magno molimine multa
fuere comparanda. Migrationem namq; fuisse, & oppidi mutationem, res ipsa testatur,
& paulò post sumus ostensuri. Sexaginta igitur aut eo amplius post Caligulam annos
70 eam vrbe[m] stetisse, possumus credere, & ad Traianum vsq; perdurasse.

*Temporis
ratio.*

Ducenti deinde ferme anni ad Diocletiani vsq; imperium præteriere, in quibus
Cordubæ nullam mentionem apud authores inuenimus. Tantum illa basis marmo-
ræa, de qua iam diximus, cum fragmentis etiam muliebris statuae in domo Gattia Me-
desii de Soto Mayor fuit eruta cum Cornelia Saloninæ vxoris Gallieni Imperatoris
inscriptione. Sedenim Diocletiani temporibus dubium esse non potest, quin vrbs
veteris iam perisset, & noua, quæ nunc est, percelebris haberetur. Testimonio sunt san-
ctorum martyrum, qui eo tempore Cordubæ coronati sunt, monumenta, quæ super-
sunt. Ibi sanctorum Aciscii & Victorie domus in qua educati fuerint: ibi sepulchrum,
quod ad portam fluminis fuisse, in eorum passione scribitur: ibi puteus, in quem pars
30 viscetum sancti Zoyli martyris fuerit proiecta, monstratur, atq; omnia & singula ma-
gna religionē ab tota ciuitate coluntur. Ita fit, vt nemo pius ferre iam posset, si quis pas-
sos in veteri vrbe hos sanctos martyres crederet, Et de sanctis tribus martyribus Fausto
Ianuario, & Martiale idem prorsus est statuendum. Et cum Gothos hanc nouam vr-
bem tenuisse constet: & Sisebuti regis temporibus Agapius Cordubensis Episcopus
sanctum Zoyli corpus ibidem, ipso per somnium commonstrante, repererit, quod ab
martyris sui tempore delituerat: ibidem vtiq; fuerat exeatificatus, & occisus. Nam
ab ethnicis inter peregrinorum sepulchra cadaver eius occultatum legimus, ne ab
Christianis dignosceretur: & Agapio episcopo idem martyr (quemadmodum inuen-
tionis habet historia) & locum vbi passus fuit, & vbi suum corpus occultatum iaceret,
50 indicauit. Quæ omnia liquido possunt probare, hanc nouam vrbe[m] Diocletiani & so-
ciorum Imperatorum tempore, hoc est circa annos Dominicæ natiuitatis trecentos
conditam iam, veteri diruta, fuisse. Ille itaque marmoreus lapis ad diui Nicolai, quod
vocat in vrbe, templum effossus, ibidemq; parieti insertus, qui basim Constantii Cæ-
saris (vt eius indicat inscriptio) statuae olim præbuit: in hac noua vrbe dedicatus, non
ex veteri adductus videtur. Quod etiam de Saloninæ statua & basi quispiam posset et-
iam existimare.

*Diocletiano
imperante
Corduba
iam fuerat
translatâ.*

*Sancti A-
ciscius &
Victoria.*

*Sanctus
Zoylus.*

*Sancti Fa-
stus, Ianua-
rius & Mar-
tialis.*

*Sisebutus
rex.*

*Agapitus
Episcopus.*

*Sancti Zoyli
inuentio.*

Tempus.

*Constantii
Cæsaris in-
scriptio.*

*Vrbis mu-
tanda causa.*

*La fuente de
los berros.*

*Los honta-
nares.*

*Veteris situs
incommoda.*

Causa autem huius mutationis, & Cordubæ iterum renascentis occasio vulgò
inter ciues affertur aquæ penuria, quæ vetus Marcelli vrbs laborabat, longius à flumi-
ne quatuor penè milliaribus remota. Ego verè nihil minus in causa fuisse video. Nam
40 & intra vrbs eius situm fontes non vno loco erumpunt: propè muros verò ad ortum
fons est etiam bene magnus, cui ab lauerum copia nomen est: & vicini huic fonti fra-
trum diui Hieronymi horti ab fontium copia nomen inuenere: & amplior ille canalis,
quo ipsum idem diui Hieronymi cœnobiū nunc fruitur, per vallem ipsam dorsumq;
prominetis circumductus, in vrbe[m] influebat. Durat adhuc ad ipsum fontis caput eius
aquæductus portio, quadrato lapide constructa. Reliquum ipsa cœnobia structura, la-
pidum similium indiga, consumpsit. Quicunque etiam putei, inferioribus præsertim
vrbs partibus, effoderentur, aquæ in omnem vsum commodissimæ copiam profecto
subministrarent. Quæ cum ita sint, loci in salubritatem, adde etiam ad inhabitandum
incommoditatem causas potissimas vrbs transferendæ fuisse, credendum est. Eum e-
50 nim situm Marcellus delegerat, qui ponendæ vrbi esset multis modis importunus. A
flumine primum tam longè remouit: cum fluminis eo tempore navigabilis commo-
da essent quam plurima. Munita neq; situ, neq; opere vrbs esse potuit. Per eum enim
cliuum est in planum demissa, cui montium iuga ita super imminuant, vt lapidibus ru-
pibusq; non admodum magnis, quarum est in sublimi ingens copia, tantum commo-
tis, obrui mœnia possent, atq; prosterni. Sed loci insalubritas in primis est insignis.
Idem præcelli montes septentrionale vrbs latius ita protegunt, vt aquilonaribus ven-
tis, qui salubriores existimantur, nullo modo possit affari. Cumque ab ortu ad occa-
sum in longum sit totus situs porrectus, ab Septentrione verò in Meridiem latitudine
per cliuum in planum excurrente protendatur: ad solis ardores, qui sunt in ea regione

feruentissimi, vrbs quanta erat, iacuit exposita. Neque inferiora ædificia tegere in cli-
uio superiora poterant, aut æstus mutua coniunctione impedire: cum interim si quo
algore Aquilones possent subuenire, prærupta montium culmina arcerent. Inde est
quod nunc etiam scorpionum multitudine totus is veteris vrbs situs abundat: ipsa
venenatorum animantium fecunditate loci pestilentis vitium prodēte. Quod ipsum
maximè facit vt credam, priscam illam Cordubam, que ante Marcellum fuerat, hoc
sitū, quo nunc est, extitisse, salubritatisque memoria & experimento eum ipsum ite-
rum nunc repetisse:

*Nova vrbs
situs & for-
ma.
Solis porta.
Anguli por-
ta.*

Instaurata igitur, seu denuo condita noua vrbe, quadratam formam, quantum
possum coniecere, retinuit. Duo enim muri latera ad amussim producta cum antiqui
operis, atq; adeo Romani vestigiis perdurant. Ab arce ad solis, quam dicunt, portam
lambente australe: inde ad eam portam, quæ anguli vocatur, orientale. Duo alia late-
ra, Maurorum credo detrahentium, superaddentium & multis modis immutantium,
substructiones confudere. Et præterquam quod quadrata ista forma, lapidesq; qua-
drati Romanā indicant structurā: ipsa quoq; portarum in illo ad Orientem latere cū
æquè distante interuallo dimensio tota prorsus Romana est. Quinq; enim portas cū
adaperirent, in medio vnā (quæ Ferrea dicebatur, ipsaq; diruta, loco nomen manet)
constituerūt: hinc inde binas equalibus interuallis superaddentes. Perdurant hæc qua-
tuor, solis & anguli, in ipsis angulis: relique mediæ quæ portulæ voce diminuta nun-
cupantur, altera ad Emporii vicū altera ad Fontem siccum est posita: & vtraq; ab suis
locis nomen accepit. Nec dubitant nostri Cordubenses, quin ex veteri Marcelli vr-
be translata in nouam hanc fuerint publicorum & priuatorum edificiolorum omnia or-
namenta. Hinc in vrbe statuæ Romani operis non pauca, inscripti lapides multi: hinc
tot marmoreæ columnæ, multaq; alia huiusmodi, quæ passim visuntur. Quamquam
nonnulla huius nouæ vrbs propria fuisse, superius probabamus.

*Porta ad
Emporii vi-
cum.
Fontis siccū
porta.
Antiqua
monumen-
ta Corduba
multa.*

*De Seneca
domo.
Primus Plie-
guensis
Marchio.
Doctor An-
tonius Mo-
rales.*

Hinc iam liquet, quanto opere vulgus nostræ ciuitatis aberret, qui Senecæ do-
mum eam fuisse affirmat, quæ nunc publici Senatus ædibus ad Austrum coniuncta,
ex aduerso penè diui Benedicti templum respicit. Emit eam olim vir clarissimus. D.
Petrus à Corduba primus Plieguensis Marchio, ea fama commotus, & doctori Anto-
nio Morali patri meo medico præstantissimo dono dedit, dicens: Sapientissimi
viri Cordubensis domum, non nisi ab sapientissimo Cordubensi debere possideri. In
his ædibus ego natus sum: sed Senecæ eas nunquam fuisse, quis iam non videt? Qua-
de re latius in historia nostra & Hispaniæ antiquitatibus diseruimus. Cum verò Sene-
cam nomino, patrē Senecæ philosophi semper intelligo. Hic enim Neronis præceptor
Cordubæ, nisi puer admodum, nunquam fuit: infans penè inde Romam ab patre ab-
ductus.

*Hieronymus
Morales.*

Sed enim silentio hic præterire æquum non est: quamuis Senecæ ipsius nulla mē-
tio perduret in antiquis Cordubæ monumentis, eius tamen familiæ cognomen in ba-
si peruetusta reperiri. Eam nuper Hieronymus Morales filius meus patruelis, iuuenis
ingenio & literis ornatiss. antiquitatisque studiosiss. in patris sui, fratris mei, docto-
ris Augustini Oliuæ, medici etiam præstantissimi domum transferre curauit. Habet
autem inscriptum.

*Doctor Au-
gustinus O-
liua.
Lapis cum
Senecæ cis-
iussuam no-
mine.*

FABIÆ. GN. F.
PRISCÆ. ASIDO-
NENSI. FABIVS. SE-
NECA. ET. IIIIIIIIE-
RIA. Q. F. PRISCA.

Habuit etiam hæc noua vrbs suam Romanorum temporibus magnificentiam:
cum præceptorem etiam Græcarum literarum qui Grammatici nomen (quod erat eo
tempore doctrinæ probatissimè insigne) tueri posset, quique præterea illud habuit ad-
modum singulare, quod supra centesimum annum peruixit. Extat eius laspideus cip-
pus in eiusdem fratris mei doctoris Augustini Oliuæ domo, cum his literis.

D. M. S.
DOMITIVS. ISQVI-
LINVS. MAGIS-
TER. GRAMM.
GRECVS. ANNOR.
CI.
H. S. EST. S. T. T.
LEVIS.

Huius

Huius autem posterioris temporis & rudioris esse hanc inscriptionem, tum characteres iam degenerantes, tum etiam verba ipsa & orthographiæ neglectus docent. Proinde nouæ vrbi hunc lapidem dedi.

- Hæc igitur noua vrbs, insignis etiam ipsa olim & celebris, sed inde multo celebrior, quod clarissimorum martyrum sanguine diuino munere fuerat consecrata: ab Romanis ad Vandalos, inde ad Gothos tandem peruenit: apud quos in magno pretio semper est habita. Bellum videlicet aduersus Agilam regem potuit sola suscipere, & ingenti prælio victum fugare. Eadem rebellandi aduersum Leouigildum patrem diuo Ermenegildo, principi tunc, postea martyri inclyto sese coniunxit, & fidei catholicæ causam pio bello complexa est. Ioannes enim Biclarensis Abbas, qui eo ipso tempore vixit, scriptum in suo chronico reliquit, sanctum principem peracto bello Cordubæ ab patre fuisse comprehensum. Ad amicam nimirum, & suarum partium ciuitatem confugerat. Nummum etiam aureum eiusdem principis habeo, & tanquam sanctissimi martyris egregium monumentum veneror, quem in hoc sacro bello constat esse percussum. Gratissimum autem lectoribus me facturum spero, si ipsum hic descripsero. Altera parte faciem habet principis ipsius iuuenilem cum his literis **ERMENEGILDI**: altera alatam victoriam præfert, vt eius conspectu suorum animis validam eius potiundæ spem Deo duce & adiutore immitteret. Inscriptio autem, quæ victoriam circundat, cum sit cælestis prorsus & admirabilis, tum etiam sanctum principem in eo bello eadem pro militari tessera vsum fuisse, est admodum verisimile. Est enim hæc.
- REGEM DE VITA.** Quam nemo vel leuiter in sacris literis versatus non confestim videt, ex illis D. Pauli ad Titum verbis fuisse desumptâ. Hæreticum hominem post primâ & secundâ correptionem deuita. Et omnia tam acute, prudenter & pie excogitata sunt & adaptata, vt credi possit ab Leandro aut Isidoro fratre viris sanctissimis, literisque & ingenio præstantibus diui etiam Ermenegildi auunculis fuisse excogitata, & principi pie rebellanti ad Symbolum & tesseram tradita. Repertus vero fuit is nummus prope Cordubam tertio milliario, in eo agro qui Casa Blanca, hoc est Domus Alba, nominatur. Et Cordubæ fuisse percussum possumus etiam existimare. Officinam enim nummariam in ea vrbe fuisse, tum ingens eius celebritas, tum nummi illi Reccesuinthi Regis, de quibus retro diximus, ostendunt. Nulla enim alia de causa Cordubæ nomen in illis ad eum modum potuit apponi, nisi quod ibidem fuissent conflat, atque signati. Sed hæc omnia cum aliis nostræ ciuitatis fortunis in nostra de rebus Hispaniæ Historia late prosequimur.

Agila rex Gothorum.

Leonigildus rex.

Diuus Ermenegildus martyr.

Abbas Biclarensis.

Diui Ermenegildi nummus.

Cap. 3.

CHRONOLOGIÆ RATIO IN HIS ANNIS CONTINUATA, QVI IN DIVI EV-

*logii vita, historia & epistolis continentur: unde ratio temporum rector, apertior,
& suis testimoniis asseuerata constabit.*

10



ANTE annū Dominicæ natiuitatis octingentesimum quinquagesimum, unde chronologiam opportune ordimur: Adulphus & Ioānes Hispanensis originis Cordubæ iā fuerant martyrio coronati. Ex libri secūdi cap. VIII. Atinū signare non possumus, nisi quod ante annum Domini octingentesimum trigessimū plāne videntur occisi.

Ante hunc etiam antium, diuus Eulogius in Galliam profectus Pompelonensem Episcopum, & Nauarræ Abbates quam plurimos inuifit. In reditu Cæfaraugustanum, Segoncinum, Complutensem & Toletanum Episcopos, apud eos diuersatus, cognouit. Ex eius epistola ad Pompelonensem Episcopum, quo anno peregrinatus 28 fuerit, non satis constat. Nos suo loco, quantum datum fuit, ratiocinabamur.

Annus Domini DCCCL.

Primus hic est annus, quem diuus Eulogius initio libri secundi notat. Fuit autē post triginta integras cycli solaris conuerfiones in trigesima prima decimus nonus: secundus post bissextum sequutus literam dominicalem. E. habuit. Quæ omnia hic in primis signanda fuerunt: siquidem diuus Eulogius aliquando hebdomadę etiam dies nominat: unde nos certam temporis rationem astruximus, & manifesta veritate confirmauimus.

Leonis quarti pontificis Maximi quartus fuit hic in annus: qui per quinque, etiam sequentes superuixit. Ex. F. Onuphrio Panuinio.

Hlotharius, Romanorum Imperator, qui adhuc vitiebat ad eosdem quinque annos præterea peruenit. Ex eodem, & multis aliis.

Michaël Porphyrogenitus. Theophili successor Constantinopolitanus Imperator, cuius hic nonus erat annus, annum octingentesimum sexagesimum septimum attigit. Ex eisdem.

Initio huius anni Ouetō & Legionē in Hispania regnabat Rahimirus rex huius nominis primus Alfonsi Casti regis successor. Mortu⁹ vero ipso primo Februarii die, filio suo Ordōnio primo regnum reliquit. Id aperte constat, ex eius tumulo, quem in regio Alfonsi Casti vocatō templo Oueti vidimus, cum hoc epitaphio.

OBIIIT DIVÆ MEMORIÆ RANIMIRVS
REX, DIE KAL. FEBRVARII ERA DCCC.
LXXXVIII. OBTESTOR VOS OMNES,
QVI HÆC LECTVRI ESTIS, VT PRO RE-
QVIE ILLIVS ORARE NON DESINATIS:

Et Sampyrus Astoricēsis, Lucasq; Tudēsis Episcopi hunc annū mortis Rahimiri scripserūt. Vetustissimū etiam tumulus docet, non multa post regis mortem fuisse epitaphium insculptum.

Nauarræ & Aragonensium montium regnum Innigus Ximenez cognomento Arista obtinebat: vt ex magis verisimili illorum temporum supputatione colligitur. Quamquam in magna autorum varietate nihil certi & indubitati potest hic affirmari.

Carolus cognomento Caluus Hludouici Imperatoris filius, Caroli Magni Imperatoris nepos in Gallia regnabat. Gallorum omnes Historici. Eratque hic regni eius annus vndecimus. Idem Carolus, quicquid pater atque auus ab Sarracenis in Catalonia, Aragonensium montibus, & apud Nauarros ademerant, retinuit. Aragonensium annales, Gallorum historici.

Regnabat

50

Regnabat late in Hispania, regni sede Cordubæ constituta, Habdaraghman Saracenus huius nominis tertius. Eratq; hic regni eius annus vicesimus nonus. Ex diuo Eulogio initio libri secundi, & ex Rasis Mauri historia, item ex Ruderici Toletani antistitis de Arabibus historia nondum excussa.

Hoc ipso anno primo mensis Maii die, qui in sextam feriam inciderat, Perfectus presbyter Cordubensis martyrio coronatur. Lib. 2. cap. primo.

Post hunc Ioānes pro Christi fide pene ad mortē ceditur, & ludibrii publici causa asino vectus per urbem circūducitur, cōfessorisq; gloriā adipiscitur. Lib. 1. Tēpus li-
quere non potest, nisi quod hoc anno, potius quam sequenti, factum apparet.

10

Annus Domini DCCCLI.

Literā hoc anno diem Dominicum signans. D. fuit.

Die Iunii tertio, qui quarta feria euenerat sanctus Isaac monachus Cordubensis iugulatur. capite. 2. libri secundi.

Sancius Laicus natione Gallus duos post dies martyrio coronatur, feria nimirū sexta insequente eiusdem Iunii mensis die quinto. Libri eiusdem cap. 3.

20 Duobus tantū interiectis diebus, die eiusdē mēsis octauo, & hebdomadē sequē-
tis feria prima, sex pariter sancti martyres trucidantur: Petrus presbyter Astigitanus, Vualabonsus diaconus Ilibulensis, Sabinianus monachus, vico Froniano prope Cor-
dubam natus, Vultremundus Astigitanus monachus, Habentius Cordubensis mo-
nachus, Hieremias itidem Cordubensis monachus. capite eiusdem libri quarto.

Mense Iulio, die decimosexto, qui in quintā feriam inciderat, sanctus Sisenand⁹ diaconus Pacensis ex Lusitania martyrium iugulatus compleuit. capite sequenti.

Veneris die, sabbato & insequenti Dominica tantummodo interiectis, secunda feria, quæ die Iulii vicesimum occupauit, Paulus Cordubensis martyrii palmam adi-
piscitur, capite truncatus. capite sexto.

Sabbato insequente & Iulii die vicesimo quinto Theodemirus monachus Car-
monensis patria martyrio laureatur. Ibidem.

Interea Reccaffredus episcopus iussu tyranni, Dei ecclesiam Cordubæ misere cō-
turbat, diuū Eulogiū in carcerē coniicit. Ex eius vita per Aluarum scripta ex epistola
30 ad Pompelonensē Episcopum, & ex secūdo lib. pluribus locis: vbi nos hoc ipsū annota-
uimus & tēpus * quidē quo captus fuerit diuus Eulogius non possumus exquisite signa-
re. Tantum colligi alicūde potest, per hosce menses, quod suo loco videbimus, cōtigisse.
Causam, cur in carcerem fuerit missus, ipse in Documento martyriali & in epistolis
reddit, Quia nimirum martyres adhortaretur, & ad martyrium ipsos incenderet.

Hic martyrium sanctarū virginū Nunilonis & Alodiæ diuus Eulogius retulit, quæ
non Cordubæ passæ sunt. Et tempus suo loco inuestigabimus.

Flora Cordubensis, Maria Ilipulensis Vualaponi martyris soror, virgines ambæ,
martyrio simul coronantur, mensis nouembris die vicesimo quinto. capite sequenti.

Post sextū diē diuus Eulogius carcerē educitur. Ibidem, & in epistola ad Aluarū.

40

Annus Domini DCCCLII.

Gumefindus Toletanus presbyter, & Seruus Dei monachus, die Ianuarii tertia
decima mortem pro Christi nomine sustinuerunt. capite. IX.

Sancti martyres Aurelius, Felix Cordubenses, cum vxoribus Sabigothon & Liliofa,
commitate etiā Georgio monacho ex Syria, XXVII. Iulii, die occisi sunt, cap. sequenti.

Christophorus Cordubensis, Leouigildus Ilbertianus monachi, pro Christiane
fidei confessione iugulantur, die mensis Augusti vicesimo. cap. XI.

Emila & Hieremias Cordubenses die Septembris quintodecimo martyrio co-
ronantur. capite sequenti.

50 Rogellus Ilbertianus monachus, Seruio Deo ex Syria monachus, varie excar-
nificati die sequenti, Septembris videlicet sextodecimo, capite truncantur.

Habdarraghman rex tot martyrum constantia territus, impedire martyrium
cogitat, & congregari Episcoporum atq; etiā Metropolitanorum conciliū Cordubæ im-
perat. Ex capitibus sequentibus & hæc diuersa omnino est Regis perturbatio, & Eccle-
siæ persecutio ab illa, quam iam superius retulimus. Hoc manifeste ex ipsa temporū
serie in diuo Eulogio, & ex eius verbis constat.

Annus Domini DCCCLIII.

Initio huius anni Habdarraghman rex subito moritur. Mahomat eius filius in
regno succedit. cap. libri secundi decimosexto.

D. Eulogius
in carcerem
detrusus ad-
huc ibi Io-
hannem de-
tentum in-
venit. Detru-
sio vero illa
anno subse-
quenti veri-
similius fuit
ex epistola ad
Episc. Pom-
pelonensem:
maxime cū
& ipsa de-
trusio post a-
liquorum
martyrū pas-
sionem sit
subsecuta,
quos ipse D.
Eulogius ad
martyrium
inflamabat.
Id etiā a-
perius con-
stat ex B. Au-
relii & Saba-
getonis his-
toria cap. 10.
lib. 2. Mem-
Sanct.

* Certe ex
Epistola ad
Episc. Pom-
pelonensem
persecutio-
nem Christi-
anorum, &
perinde D.
Eulogii in
carcerem de-
trusionē hoc
anno fuisse
constat.

Mahomat regni sui initio Christianos acerbissime persequitur, templa diruit. quatuor primis libri tertii capitibus. Hec iam tertia est ecclesiæ Cordubensis persequutio: & huius mentionem fieri credo in sanctorum Ruderici & Salomonis historia. Ex annis ibidem in Apologetico annotatis.

Arabum principū nonnulli in Hispania contra regem Mahomat rebellarunt. Ipse Christianos tributis grauat, suorūq; odiū in se suscitatur. duobus sequentibus capitibus.

Fandila presbyter & monachus Accitanus die Iunii tertio decimo martyrio coronatur. capite. VIII.

Die sequenti, Iunii quartodecimo, Anastasius monachus presbyter, Felix monachus Cōplutenſis, Digna virgo Deo dicata martyrii laureā accipiūt. capite sequenti. 10

Benildis matrona quintadecima eiusdem mensis pro Christi fide iugulatur. c. X.

Sancta Columba Cordubensis virgo Deo dicata decimo septimo Septembris die, capite truncata martyrio coronatur. capite sequenti.

Pompofa virgo & martyr Cordubensis, Octobris die decimo sexto gladio Saracenorum occubuit. cap. XII.

Annus Domini DCCCLIII.

Abundius presbyter ex vico Annanellos prope Cordubam, die Iulii vndecimo martyrium subiit. Libri tertii. cap. XIII.

Annus Domini DCCCLV.

Amator Tuccitanus adolescens. Petrus monachus Cordubensis, Hludouicus 20 item Cordubensis, die Aprilis ultimo omnes pariter martyrio coronantur. cap. XIII.

Vuitesindus senex Egabrensis eodem anno martyr est factus. Diem diuus Eulogius non commemorat. cap. XV.

Annus Domini DCCCLVI.

Helias presbyter senex Lusitanus, Paulus & Isidorus monachi, Aprilis decimo septimo die passi sunt. libri tertii. cap. XVI.

Argimirus Egrabensis monachus in Christi confessione vigesimo octavo Iunii die occiditur. cap. sequenti.

Aurea virgo Deo dicata, Adulphi & Ioannis martyrum soror, die Iulii decimono nono martyrii palmam accepit. cap. ultimo. 30

Annus Domini DCCCLVII.

Rudericus Egabrensis & Salomon martyrium patiuntur Martii die tertio decimo. Ex Apologetico sanctorum.

Annus Domini DCCCLVIII.

Nullum martyrem habuit hic annus, neq; vlla eius est apud diuū Eulogiū mētio.

Annus Domini DCCCLIX.

Diuus Eulogius Cordubensis, presbyter, & Doctor, & electus Archiepiscopus Toletanus, fit etiam hoc anno martyr, Martii mensis die vndecimo, qui eo anno Sabbatum occupauit. Aluarus in eius vita.

Leocritia virgo Cordubensis, cuius causa, & fidei Christianę præsertim ergo, diuus Eulogius mortem fuerat perpeſſus, quarto postea die, hoc est martii quintodecimo, ipsum doctorem suum sequitur martyrio coronata. Ex eodem ibidem. 40

Annus Domini DCCCLX.

Hoc anno, die Iunii primo, sancti martyris Eulogii corpus ex basilica sancti Genesii in basilicam sancti Zoyli martyris translatum est. Ex altero exemplari, in quo vita sancti Eulogii solum fuit.

Hoc tantummodo decenniū sancti Eulogii opera enumerant. Quæ deinceps ad sanctorum martyrum Eugenix, Pelagii, Dominici & sociorum tempora peruestiganda necessaria fuere, suis locis, quanta potuimus diligentia ratiocinati sumus.

Regnabat autem nunc etiam Ordonius primus, qui anno DCCCLXII: postea obiit. Neque enim antea regnum iniit filius eius Alfonsus cognomento Magnus. Id est manifestum ex aurea cruce ingentis magnitudinis operis pulcherrimi, & pretii ex gemmarum multitudine immensi, quam Oueti in sancta camera reliquit, cum hac, a tergo, literis aureis prominentibus, inscriptione. 50

SUSCEPTVM PLACIDE MANEAT HOC IN HONORE DEI,
QVOD OFFERVNT FAMVLVS CHRISTI ADEFONSVS PRINCEPS, ET SCĒMENA REGINA.

QVISQVIS AVFERRE HÆC DONARIA NOSTRA PRÆSVMPSE-
RIT, FVLGINE DIVINO INTEREAT IPSE.

Hoc

Non video unde id constet de basilica S. Genesii. Et m. f. co- dex Ruisii translatione corporis D. Eulogii factam restatur Era 807. qua cum anno Domini 819. concurrat, quo etiam ipse D. Eulogius passus est. Ordonius rex primus. Alfonsus Magnus. Crux Oueti opulentissima.

HOC SIGNO TVETVR PIVS, HOC SIGNO VINCITVR
INIMICVS, HOC OPVS PERFECTVM EST, CONCES-
SVM EST SANCTO SALVATORI OVETENSIS SEDIS.
ET OPERATVM EST IN CASTELLO GAVZON, ANNO
REGNI NOSTRI XVII. DISCVRENTE ERA DCCCCXVI.

Annus hic fuit Christi natiuitatis DCCCLXXVIII. Vnde constat anno Domini
DCCCLXII. Alfonsum hunc regnare cœpisse: cū ann^o patris postremus, ei fuerit prim^o.

- Quæ autem consequuta postea sunt, in Ecclesia Cordubensi, ex vêtustis monu-
10 mentis collecta prosequemur. Constat enim post has duas sub duobus regibus patre
& filio persecutiones, magnam Cordubæ Christiani cultus factam fuisse permutati-
onem: cum omnia in peius ruerent, & retro admodū sublapsa ferrentur. Paudi mo-
nachi monasteria deserere, Abbates alio transfugere, Episcopi ferme nō esse, sacra lo-
ca desertaculoribus, Sarracenis in prædia cedere, & Cordubensis ecclesia, quæ nondū
in captiuitate dec^o & amplitudinē penit^o amiserat, nunc in miserā dispersionē & lugu-
brem ruinam abire. Multa sunt quæ hoc ipsum plane doceant. Monasterium nanq; or-
dinis sancti Benedicti est admodum celebre, & opulentū in ipso Galletiæ, qua Legio-
nensi regio per Bergidum copulatur, introitu: Samanos olim, nunc corrupto nomine
Samos dictum. Ibi monumentum publicæ attestations Gothicis literis in membrana
20 scriptum vidimus, in quo Offilo abbas, Vincentius presbyter & Maria Deo vota sua o-
mnia eidem monasterio largiuntur. Narrantq; in primis, quæ admodū Corduba profugi
tempore Ordonii regis, cū Galletiā peruenissent: benigne ab Rege excepti fuere: qui
illorū calamitatibus cōmotus, id ipsum monasterium, dirutū iā & pene desolatum, cū
prædiis, oppidulis & tota ipsa circumcirca ditione eisdem libenter concessit, vt priscā
in eo religionis formam instaurarent. Eius autem donationis, quæ ab ipsis monasterio
fit publice contestatæ dies fuit Augusti vigesimus quintus anni dominicæ natiuitatis
30 octingentesimi septuagesimi secundi: mortuo nimirū iam eodem Ordonio rege huius
nominis primo, Alfonsi Magni patre, qui tunc, cum hæc publice agebātur, imperiū te-
nebat: vt vicina admodū diuo Eulogio tempora intelligas, hoc est annū post ipsum in-
teremptū duodecimum. Quin etiam diploma eiusdem regis Ordonii primi ibidē vidi-
mus, literis Gothicis & membrana peruetustum, in quo ea monasterii ditionis & oppi-
dorū donatio, quā Offilo Abbas cæteri q; sibi ab Rege factam cōmemorant, cōfinetur:
Concessum autē id diploma fuerat die mensis Maii vigesimo, anni Dominici octingē-
tesimi sexagesimi secundi: duobus nempe, nec pluribus, post diui Eulogii necem ānis:
vt manifestum sit paulo post ipsum martyrio coronatum, Offilonem Abbatem cum re-
liquis Corduba diffugisse. Alia posteriorum Regū diplomata prætereo, quæ ibidē ha-
bentur: in quibus eadē ista de Offilone Abbate cū sociis Cordubensibus, patria diffugi-
entib^o repetuntur. Illud tacendū non puto, dirutū Samanos monasterium Offilonē in-
uenisse, quia centum pene annis antea sub Froyla rege huius nominis primo, Argeric^o
40 Abbas Toletan^o, patria & ipse profug^o cum aliis nonnullis, Regis benignitatē subleu-
tus, ipsum primum ædificauerat. Id etiam eiusdem Froylæ regis diplomate testatum
permanet, cum Ordonius etiam in suo eiusdem Argerici prioris Abbatis & regis Fro-
ylæ, qui ipsum exceperit, meminerit.

- Antiqua præterea & iisdem hisce temporibus scripta Regii, celeberrimi, & am-
plissimi sanctorū martyrum Facundi & Primitiui ordinis sancti Benedicti cœnobii mo-
numenta Regumq; diplomata, quæ nos ibi vidimus testantur, Abbatē Alfonsum cum
suis monachis Corduba profugum, Sarracenorum gladios deuitantem, pūilloque suo
gregi, quæ imparem perferendo martyrio experiretur, sancte & prouide consulente,
ad eundē regem Alfonsum cognomento Magnum Legionem peruenisse. Cūq; regi iā
50 antea cordi fuisset, sanctorum Facundi & Primitiui sepulchra debito cultu venerari, de-
lubrumq; vbi inerant, Sarracenorū impetu dirutum instaurare: quasi diuinitus sibi
oblatū Cordubensē Abbatem monachosq; suos excepit. Substructo deinde miræ ma-
gnitudinis, vt idē Rex in diplomate inquit, templo, quod hodie etiam perdurat, eidē
Abbati Alfonsi cū suis monachis, addito insigni multorū prædiorū, oppidulorū & di-
tionis integre patrimonio, tradidit incolendū, & monasterii ædificiis augendū. Hoc
fuit instaurations, atq; insignis illi^o amplificationis principiū. Vt inclitū per totā Hispa-
niam cœnobium, duobus illusterrimorum martyrum corporibus augustissimum,
multorumq; Regum magnificentia nobilitatum, Cordubensē primum habuerit Ab-
batem & instauratorem, testemq; huius, quā prosequimur, dispersionis. Diploma nā-

*Cordubensi-
um Christi-
anorum di-
persio.*

*Samos mona-
sterium.
Bergidum.
Offilo Abbas*

Annus 872.

Annus 862.

*Argericus
Abbas Tolet-
anus.*

*Sancti Facu-
di monasteri-
um Cordu-
bensibus mo-
nachis pri-
mum inha-
bitatum.
Abbas Al-
fonsus Cordu-
bensis.
Rex Alfonsus
Magnus.*

Annu 874. que regis Alfonsi, in quo huius rei mentio est, annum Domini octingentesimum septuagesimum quartum præfert, hoc est post Diui Eulogii martyrium quartum decimum.

Sæcti Michaelis de Escalada monasterium.

Non admodum longè ab hoc ipso sanctorum Facundi & Primitiui oppido & monasterio illud alterum est, quod sancti Michaelis de Escalada appellant. In eius miræ vetustatis templo varii marmoris columnis exornato, lapide esse inscriptum, venerandæ authoritatis monachi mihi retulerunt, in quo memoria Abbatis cuiusdam Cordubensis conseruatur, qui eo per hosce etiam annos, eadem nimirum calamitate exactus, peruenerit.

Canobium sancti Martini de Castanenda. Senabria oppidum.

Ioannes Abbas Cordubensis. Annus. 952.

Posterioris aliquanto temporis est item lapis bene magnus in Ecclesia monasterii sancti Martini de Castanenda ordinis nunc Cisterciensis, olim Benedicti ad oppidum Senabriam Galletiæ & Lusitaniæ finibus in Legionensi regno propinquum: cuius inscriptio hanc ipsam astruit Cordubensium Christianorum dispersionem. Cum enim in principio doceat, locum illum sanctum diuo Martino quondam fuisse consecratum: profectus deinceps, quo pacto ab Ioanne Abbate, qui Corduba cum monachis venerat, fuerit restitutus: temploque & monasterio magno labore, breui tamen tempore, structis, instauratus. Factum id tandem refert regnante Ordonio principe, anno Domini nonagesimo quinquagesimo secundo. Hæc ibi. Ex cuius anni notatione facile colligimus, regem Ordonium huius nominis tertium, Ranimiri secundi filium ibi nominari. His autem omnibus facile declaratur, quam misero tumultu ecclesia Cordubensis hoc tempore fuerit conquassata, & crudeli ruina penè deiecta.

Christiana religio Corduba peruerat. Concilium Cordubense. Annus 863. Sæsen Abbas. D. Andraæ templum.

Neque tantatamen fuit eius hoc tempore dispersio, quin integra, templisque & viris optime constituta perduraret. Docet hoc in primis concilium multorum Episcoporum Cordubæ paulo post diuum Eulogium occisum congregatum, circa annum nimirum Domini octingentesimum sexagesimum tertium, cuius in Samsonis Abbatis, Cordubensis libro Apologetico secundo fit mentio. Docent hoc ipsum præterea alia multa, quæ idem author eo opere commemorat. Cum interim non deessent martyres, non Christi fideles, qui marmoreo tumulo & epitaphio martyris sepulchrum, quod suo loco apparuit, exornarent.

Lapis in eo templo. Speciosa Christiana femina. Tranquilla sacra virgo. Annus Domini 966.

Sed enim multum diuque etiam post diuum Eulogium Cordubæ templum, sacræ Deo virginis & magnus religionis cultus vigeat. In templo namque diui Andree (quod semper absequentium temporum Christianis Mocarabibus retentum fuisse constat) introrsum in Septentrionali pariete lapis est centum viginti ferme post diuum Eulogium annis sacræ virginis & Deo dicatæ tumulo impositus. Id hæc inscriptæ literæ indicant.

HIC SPECIOSA CONDITA SIMVL CVBAT
CVM FILIA TRANQVILLA SACRA VIRGINE. QVÆ
QVINTA ERA SVBIVIT FVNERA.
POSTEA MATER MILLESIMA QVARTA
RECESSIT VLTIMA.

Cumque, me puero, infra eum lapidem parietem in cellulam audiendis sacris confessionibus suffodere fabri cœpissent: concauatum iam cum harum foeminarum ossibus inuenerunt: nec violare ausi, obstructum ut antea erat reliquerunt.

Lapis autem extrorsum in cimiterio eidem parieti insertus, satis aperte docet, idem templum, ducentis post has virgines annis, Christianorum, sub Arabibus semper fuisse. Habet namque huiusmodi vernaculo nostro sermone epitaphium: barbarum quidem, sed pro tempore cognitione opportunum.

Petrus de Villammar. Annus Domini 1164. Alfonsus Imperator. Abengamia rex.

Fino don Pero Perez de Villammar alcalde del Rey en Cordoua en diez e siete dias de Febrero E. M. c.c. dois. feria sexta. Maestre Daniel me fecit. Deus lo bendiga Amen.

Dicam autem de hoc ipso tumulo quod sentio. Alfonsus Imperator Vrracæ filius, septendecim antea annis Cordubam cœperat, Regique Abengamiæ, cum se supplex Imperatori dedisset, ciuitatem tributo imposito, submissionis etiam facta cōtestatione, reliquerat. Ut igitur publicum imperii testimonium Cordubæ Alfonsus relinqueret, Christianosque liberos deinceps inibi & sui iuris esse ostenderet: præfectum Christianum iuri dicundo cum magistratu & titulo in vrbe esse voluit, qui Christianos iudicaret, tributa ab Mauris soluenda colligeret, Alfonsique ditionem modis omnibus tueretur. Is extinctus, in Christianorum templo sepelitur. Duo igitur hi lapides, simul & vetusta admodum eius templi quadam ex parte structura satis aperte demonstrant, quibusque Maurorum temporibus templum illud Christianos retinuisse, cultumque religionis, atque adeo monasticum ordinem Cordubæ iugiter perseuerasse.

FINIS.

LVDOVICI NONII
HISPANIA, SIVE POPV-
LORVM, VRBIVM, INSVLARVM,
AC FLVMINVM IN EA ACCVRA-
tior descriptio.

Clarissimo viro D. FRANCISCO PAZ,
SER^{morum}. ALBERTI
E T
ISABELLÆ,

BELGICÆ PRINCIPVM ARCHIATRO.

Ludovicus Nonius Medicus Antwerp.

DVdum mihi in votis fuit, V. Cl. affectus in te mei arrhabonem of-
ferre, vt amoris tui nexum, quo me arctè deuinctum scio, si non
soluere, ex parte saltem laxare possem. Nunc occasio, tunc facul-
tas defuit; nuperus hic apud me natus fetus, voto me exsoluet,
HISPANIA, inquam, mea; quam nomini tuo inscribo: vel potius
te illi patronum quæro. Nam vt tenellis infantibus, amuleta quæ-
dam, officiosæ nutrices appendunt, quo fascinantium oculos,
linguaq; queant euadere: ita etiam nomen tuum lubuit Hispaniæ meæ præfigere, ne
calumniæ noxios afflatus, aut sæuos inuidiæ morsus expauescat: sed vt sequestrato ti-
more, ausit frontem commasculare, & in publicum hunc famæ campum prodire. Nec
decorum fuisset alium Patronum Hispaniæ, quàm te in ea honesto genere natum; &
ad hoc doctrinæ & dignitatis culmen euectum ambire: neq; vsquam medici fetus ho-
nestius, quam ad Archiatrum, & ad ordinis nostri principem diuertet. Nec spernes
hoc quamvis leuidentis munus, vel Patriæ causa, quam à fugientis æui iniuria, cona-
tus sum vindicare: & pristinum illi splendorem pro virili restituere. nam superioribus
seculis, quàm misere defœdata fuit, norunt omnes. acerbis, vt opinor, neglecti Lace-
dæmoniorum moris pœnas luit, qui inituri prælia Musis litabant; quo egregia sua fa-
cinora, Musarum ope posteris innotescerent. hinc nacti luculentos scriptores, qui res
illorum gestas, patriamque ita exornarunt, vt pœnè nullum ibi fuerit sine nomine sa-
xum. Secus Hispanis accidit, quibus fortia potius facere, quàm narrare, cura semper
fuit. Quid? an non coegit illos necessitas, Marti potius vltori, quam Musis sacrificare?
Per DCC. enim & plures annos, pro fartis tectis, cum Mauris multo mutuoq; cer-
tarunt sanguine. Qua de causa nec patriam satis illustrare illis integrum, nec domi
forisque gesta, in memoriæ templo sacrare, quota enim facinorum pars ad posteros
peruenit? aut

Aeternis fama monumentis insita floret?

Sed desino hæc vulnera refricare. ad munus meum redeo; quod velim tali vul-
tu suscipias, quali id ego animo, aperto nempe & candido tibi V. Cl. lu-
bens, merito, dono consecroque. Vale. Antuerpiæ Kal.

Mart. clō. lōc. vii.



LECTORI.



N tibi, quam Hispania illustranda opellam
impendi, benigne Lector, qua non tam levis
forsan, quam in gloria est, &
— vnde laboris

10

Plus haurire mali est, quam ex re decerpere
fructus.

Pretium tamen operæ me fecisse credo, nobi-
lissimam hanc Europæ partem, ex altissimis,
quibus nimis diu damnata fuerat, tenebris e-
ripere. Nam per frequentes Barbarorum inundationes, continuæq;
bella, ita afflicta fuit, ut nullum in ea vestigium prisci decoris, nec
sincerus ullus antiquitatis color eluceret. Ita fabula omnia occupa-
uerant, nec impune solum, sed & cum laude passim persultabant. Com-
positis tandem bellis, melioris aliquot scriptores nota, patriæ defor-
mata opem tulere: sed patrio sermone & *κατὰ τὸ πᾶν* pleriq; unus aut alter
Latine, sed sparsim & saltuatim, prout historia ratio postulabat.
Quare continuata serie, Hispaniæ diuulsa membra, in unum collegi,
& antiqua nomina populorum, urbium, fluminum, cum recentiori-
bus composui, ex fide veterum & nobilium scriptorum. Nec omnia lu-
buit persequi; nec potui. Non mediocres enim, dicebat Varro, tenebræ
in silva, ubi hæc captanda: neq; eo quò peruenire volumus semitæ tritæ:
neq; non in tramitibus quædam obiecta, quæ euntem retinere possunt.
Scopus mihi fuit, illa præcipuè tangere, quorum apud priscos scripto-
res fit mentio, illosque eadem opera, illustrare vel emendare: quo le-
gentium ex parte tedium leniri posset. nam genus hoc scripti-
onis impeditum, nec ingenii, aut eloquentiæ est capax. Nec enim admittit ex-
cessus, aut Orationes, sermonesque aut casus mirabiles, vel euentus varios,
non alia iucunda dictu, aut legentibus blanda. Et cum sæpè mutuis dissi-
diis variant auctores, meliori parti accedo, vel Scepticorum more
ὀτλαὲν οἰεῖσθαι in multis, & dubiis, pendenti vestigio, & tamquam super-
oua & aristæ incedo. Quid mirum in tanta scriptorum infrequen-
tia & temporis incuria. Tu, Lector, cogita per salebras & inuia loca
me ambulasse: quare si me alicubi lapsū videris, non indignaberis, sed
ignosces & eriges: memor Pliniani illius dicti: Peculiarem in studiis
causam eorum esse, qui difficultatibus victis, vtilitatem iuuandi prætu-
lerunt gratiæ placendi. Quod tibi in mente velim sit, mi Lector. Vale.

40

50

INDEX CAPITVM.

Cap. I.

DE Hispaniæ etymo. Plinius explicatus. Stephanus Byzantinus emendatus. Variè olim vocata.

Cap. II.

Hispaniæ situs & figura. Diuisio sæpe mutata.

Cap. III.

Fabula de priscis Hispaniæ Regibus exploditur. Berosus & Anniiu reliciuntur.

Cap. IV.

Varii Hispaniæ incolæ: Romani variè illam rexerunt per Proconsules, Prætores, Legatos, Vicarios, Præsides.

Cap. V.

Hispaniæ laus à salubritate, fertilitate. Variæ hic metallorum secturæ. Immen-
sa opes.

Cap. VI.

Incolæ bellicosi. Diutissimè cum Romanis pugnarunt. Fideles. Hospitales.
Litteris dediti.

Cap. VII.

Bætica etiam *Turdetania* dicta. Martianus Capella emendatus. Oleis abundat.
Minio nobilis.

Cap. VIII.

Bætici nobiliores populi. *Turduli*, *Turdetani*, & nōp̄s̄ iidem. *Bastuli* *Bastitani* &
Basetani dicti. Appianus emendatus. Cunei.

Cap. IX.

Gades vñde dictæ. Olim *Aphrodisia*, *Erythia*, *Iunonis insula*, *Cotinusa*, & *Tartessus*
dicta. Frequens nobilitas, magna potentia. Multa de templo Gaditano. Fidis olim na-
uigationis.

Cap. X.

De Herculis columnis variæ opiniones. *Briarei* & *Saturni* dictæ. *Abyla*, & *Cal-
pes* varia nomina. Festus Aulenus emendatur. Strabonis lectio stabilitur.

Cap. XI.

Carteiam non esse *Tariffam* aut *Cartagenam*, sed *Algezira*. *Colonia Libertinorum*
vocata. Num eadem cum *Tartesso*. Dioni & Pausanias emendantur obiter.

Cap. XII.

De prisco *Tartessi* situ, non exstare nostro æuo. Regnum *Tharxes* hic fuisse.

Cap. XIII.

Xeres olim dicta *Asta Regia*. *Colonia Romanorum*. num *Æneg* Stephani By-
zantini fuit.

Cap. XIV.

Nebrissa cognominata *Veneria*. A *Baccho* & *Satyris* condita.

Cap. XV.

Ossuna olim *Vrsø*, A. *Hirtio Vrsø*, *Appiano Orsona*. Situs eius ex A. *Hirtio* petitus.

Cap. XVI.

Hispalis cognominata *Romulensis*. *Isidori* opinio reiecta. Vñde dicta. Eius de-
scriptio.

Cap. XVII.

De *Italica* situ disquisitio. A *Scipione Africano* condita. Hodie *Similla la veia*. Mu-
nicipium Romæ.

Cap. XVIII.

Astigi cognominata *Angusta firma*, nunc *Eceia*. Conuentus Bæticiæ. Inscriptiones
veteres.

Cap. XIX.

Corduba Patricia dicta. A quo condita. Prima *Colonia* in *Hispaniam* deducta.
Vrbis descriptio.

Cap. XX.

Obulco. *Municipium Pontificense* dictum. Diuersa ab *Antonini Bucula*. *Simleri*
error. Cur *Porcunna* dicta. Inscriptio vetus.

Cap. XXI.

Illiturgi etiam *Illurgis*, & *Illurgia* dicta. non esse *Iaen*, sed *Anduxar*.

Cap. XXII.

Granata nec *Illipula*, nec *Illiberis* olim dicta. Sed Maurorum opus. Vnde nomen habet. Diuisa in quatuor partes.

Cap. XXIII.

Abdera à Pœnis aut Phœnicibus condita. Refellitur Franciscus Tarapha.

Cap. XXVI.

Malaca aliquibus *Manace*. Inscriptiones veteres.

Cap. XXV.

Cartima diuersa à T. Linii *Certima*. Egregia inscriptio vetus.

Cap. XXVI.

Singylia nunc *Antiquera*. Ab Antonino *Anticaria*, dicta. Inscripção vetus. Fons ibi medicatus.

Cap. XXVII.

Artigis *Iuliensis* cognominata. De eius thermis pauca.

Cap. XXVIII.

Munda antiquum nomen obtinet, Inscripção vetus. Metropolis olim *Turdetania*.

Cap. XXIX.

Lusitania dicta etiam *Lysitania*. Limites eius. Strabo diuersus à ceteris. Stephani Byzantini hallucinatio. Non propriè Lusitaniæ eadem cum *Portugalia* est. Diuersæ olim prouinciæ. Martiani Capellæ error.

Cap. XXX.

Lusitaniæ populi Duplices Turduli. Idem cum *Turdetanis* Ptolemæi. Celtici vnde fluxere. Vettones nunc Lusitania inclusi, nunc exclusi. Prouincia Vertonia.

Cap. XXXI.

Augusta Emerita ab Augusto condita. Lusitaniæ quondam metropolis. Reliquiæ theatri & Naumachiæ.

Cap. XXXII.

Ebora dicta *Liberalitas Iulia*. Inscriptiones veteres. De situ eius pauca.

Cap. XXXIII.

Pax Iulia hodie *Beiar* est. Iosephus Moletius & Tarapha refelluntur. Inscripção vetus.

Cap. XXXIV.

Setubal à Cetobriga dicta, non à Tubale.

Cap. XXXV.

De Olisiponis nomine. Cognominata *Felicitas Iulia*. Equæ vento concipiunt. Varronis lectio stabilita. Triton hic visus. Urbis descriptio.

Cap. XXXVI.

Scalabis dicta *Presidium Iulium*. Cur vocata *Santarem*.

Cap. XXXVII.

Coymbra non esse *Lacobrigam*: Contra Oliuarium & Tarapham. Error Gerundensis Episcopi. Non esse *Aeminium* antiquorum. Academia nobilis.

Cap. XXXVIII.

Salmantica non à Teucro condita. *Elmantica*, *Hermantica*, *Salmatis* vocata. Academia quo an. instituta.

Cap. XXXIX.

An *Norba Casarea* sit Alcantara. Pœnorum opus creditur. Pons à Traiano constructus. Inscripção vetus. Quando Alcantaræ milites vocati.

Cap. XL.

Tarraconensis prouinciæ limites. Quando mutati. Martianus Capella emendatus.

Cap. XLI.

Tarraconenses populi. Grauii originem à Græcis trahunt. Plinius obiter commendatus.

Cap. XLII.

Gallæci dicti & *Gallaici*. Vnde nomen sumere variæ opiniones. Gallæcia sexta prouincia effecta. Mores illorum.

Cap.

Cap. XLIII.

Astures vnde dicti. Bellaces. Asturcones. Aurifera est. Bifaram diuisa Asturia.

Cap. XLIV.

Cantabri à Laconibus orti. Mores illorum. Mons hic ferreus. Tamarici fontes.

Cap. XLV.

Carpetani vbi olim siti. A Polybio *Carpestii* vocati.

Cap. XLVI.

Vaccæi vbi olim habitarunt. Gentis mores. Bellicosi.

Cap. XLVII.

18 Olcades vbi olim siti.

Cap. XLVIII.

Celtiberi *Celti scythæ*, & *Berones* dicti. Nominis etymon. Potentia illorum & opes. Mores. Simples olim.

Cap. XLIX.

Illergetes non esse *Illurganones* Cæsaris, contra Fluuium Vrsinum. Num *Eilotæ* Polybii sint.

Cap. L.

Cerretani dicti *Juliani*. Cum Hercule in Hispaniam venerunt. Inscriptio vetus.

Cap. LI.

20 Bracara Augusta. A quibus condita. Inter quatuor præcipuas Hispaniæ vrbes. Sedes Regum Sueuorum & Gothorum. De primatu Hispaniæ cum Toletis certat.

Cap. LII.

Quonam modo olim vocata sit Compostella. D. Iacobi corpus quando detectum ibi. Quando in præliis nomen eius ceptum implorari.

Cap. LIII.

Aquæ calidæ *Amphilochiæ*, & *Aquæ Celiæ* dictæ. Vnde *Orense* hodie. Thermae hic salubres.

Cap. LIV.

30 Flauium Brigantium esse *la Coronna*. Fabula explosa de speculo mirando. Pauli Iulii lapsus de Herculis Columnis.

Cap. LV.

Burgos non esse *Augustobrigam*, nec *Aucam* veterem *Brauum* esse Ptolemæi. Vnde nomen mutatum.

Cap. LVI.

Duplex Pintia. Pisoraca amnis. Inscriptio vetus. Urbis descriptio.

Cap. LVII.

Legionensis vrbs ex Sublanciæ ruinis creuit. *Legio VII. gemina* vocata. Olim *Floris* eegnumen habuit. Quando *Leon* cepta dici.

Cap. LVIII.

40 Zamorram non esse *Sisaponem* Ptolemæi, minus *Orcelim*, vel *Numantiam*. *Senticam* esse. Vnde illi nomen.

Cap. LIX.

De Toleti conditoribus reiecta opinio. Carpetaniæ caput. Quando Primatis Hispaniæ dignitas eò translata. *Vrbs Regia* vocata. Fatale hic palatium.

Cap. LX.

Segouia Plinio, eadem cum Secubia Ptolemæi. Etymon reicitur. Aquæductus à Traiano exstructus.

Cap. LXI.

50 D. Virgo ad aquas Lupias. Quando sacra effigies huc delata, & miraculorum aliquot series.

Cap. LXII.

Oretum Germanorum nunc *Calatrava*. Taraphæ crassus error. Inscriptio vetus. Origo Calatratiæ Militum.

Cap. LXIII.

Talabricam non esse Talauera. Ptolemæi *Libora*, & T. Liuii *Eboræ* eadem cum Talauera sunt.

Cap. LXIV.

Castulo Oretanorum vrbs. A Phocensibus condita. Appianus deprauatè *Castaca* vocat. Variè à Plutarcho & Strabone vocata. Res ibi gestæ.

Cap. LXV.

Murgim non esse *Murtiam* ostenditur. Num *Oreola* vocata. Fabula de eius origine explosa. *Menlaria* Protenæi est *Murtia*. Alphonso X. Regi fidissima.

Cap. LXVI.

Appiani error de Carthaginis nouæ auctore. Opinio Silii Italici reiecta. A Carthaginensibus condita. Cur *Spartaria* vocata. Urbis situs ex Liuiio. Argenti fodinæ celebres.

Cap. LXVII.

Dianium & *Hemerofcopium* dictum. Dianæ fano nobilitatum. A Phocenſibus exstructum. Promontorium Ferrariæ, quod & *Tenebrium*. 10

Cap. LXVIII.

Setabis & *Augusta Valeria* dicta. Tenuissimum hic linum. Silius obiter correctus.

Cap. LXIX.

Valentia à D. Iunio Bruto condita. Cur *Veterani* & *Veteres* vocati. *Colonia Iulia* dicta.

Cap. LXX.

Saguntus olim vbi nunc *Moruedro*. A Zacynthis & Ardeatibus condita. Dianæ hic templum vetustissimum.

Cap. LXXI.

Mantua Carpetanorum *Madrimum* est. Escuriacum. Moles ibi regia. 20

Cap. LXXII.

Complutum hodie *Alcala de Henares*. Olim & *Alcala S. Iusti*. Academia hic illustris.

Cap. LXXIII.

Carraca eadem cum Antonini *Ariaca*. *Guadalaia*, hodie. Tagonius amnis. Sertorii Stratagemata.

Cap. LXXIV.

Seguntia hodie *Siguenza*. Variè olim vocata. Reiecta opinio, quæ à Sagunto ortum dicit. 30

Cap. LXXV.

Bilbilim non esse *Calataind*. Municipium fuit. Cognominata *Augusta*. Aquis Salonis clara & ferri temperie. Plinius emendatus.

Cap. LXXVI.

Turiasso hodie *Tarazona*. Ferri temperie clara. Mons Caunus. Martialis emendatus.

Cap. LXXVII.

Clunia hodie *Crunna del Conde*. Municipium olim. *Sulpitia* dicta. Plutarchus emendatus.

Cap. LXXVIII.

Numantia diutissimè Romanis restitit. Gerundensis Episc. duplex error. Ridicula opinio de etymo. Non esse *Zamorra*, sed *Soriam*. Pomponius Mela defensus. 40

Cap. LXXIX.

Flauiobriga nunc *Bilbao*. Olim hic Amanum portus. Situs eius & descriptio.

Cap. LXXX.

Pompelon à Pompeio exstructa. Diuersa à Pompeii trophæis. Vbi hæc exstant. Occupatur à Ferdinando Rege.

Cap. LXXXI.

Duplex Calaguris. Taraphæ error. Fidissima suis ducibus. Egregia inscriptio.

Cap. LXXXII.

Cæsar Augusta Colonia immunis. *Salduba* vocata. Variæ opiniones & fabulæ de prisco nomine refelluntur. Colonia huc ab Augusto deducta. 50

Cap. LXXXIII.

Osca *Victrix* cognominata. A Sertorio hic scholæ institutæ. Vellicius Paterculus correctus.

Cap. LXXXIV.

Ilerda hodie *Lerida*. Sardones vbi. De origine Ilerde. Sicani nomen à Sicoriam traxerunt. Antiqua hic Academia.

Cap. LXXXV.

De Tarracónis origine. Scipionum opus. Dicta *Colonia Iulia Victrix Tyrrenica*. Strabonis lapsus. Circi vestigia. Inscriptiones veteres. Vino linoque nobilis.

Cap. LXXXVI.

Emporiæ hodie *Ampurias*. A Phocenibus conditæ. Incolæ diuersi. Inscriptio vetus.

Cap. LXXXVII.

Montis Serrati descriptio. Quando D. Virgini hic exstructum templum.

Cap. LXXXVIII.

10 De Barcinonis origine reiectæ fabulæ. A Carthaginensibus condita. *Barcinus* & *Barcilona* dicta. *Faudentia Iulia Augusta* cognominata. Urbis descriptio.

Cap. LXXXIX.

De Gerundæ origine varia. Hodie *Girona* dicta. Situs eius & descriptio.

Cap. XC.

Pyrenæi montes. De etymo varia.

Cap. XCI.

Rhuscino olim Galliæ annexa. Perpinianum veteribus ignotum. Opinio Annii Viterbiensis explosa. Descriptio eius.

Cap. XCII.

20 Salsulæ hodie *Salsas*. Fontis ibi descriptio. De piscibus fossilibus multa.

Cap. XCIII.

Cassiterides stanno nobiles. De situ illarum disquisitio. Plinii lectio controuersa. *Oestrymnides* Festo, *Hesperides* Dionysio Alex. dictæ. Festus Auienus correctus. Vbi nam hodie sint.

Cap. XCIV.

Pityusæ insulæ, *Ebusus* & *Ophiusa*. Serpentibus infesta *Ebusus*. Eiusdem nominis vrbs. Colonia Carthaginensium. Isidorus emendatus. Plinii lectio defensa contra Suritam.

Cap. XCV.

30 Baleares insulæ cur *Gymnæsæ* dictæ. Antonini lectio stabilita contra Simlerum. Vnde nomen. Funditores optimi. Laticlauo primi vsi. Mores & ritus.



NOBILIORES HI

SPANIÆ FLVII.

Anas.

Betis.

Cinga.

Cogedus.

Durius.

Iberas.

Lethæ.

Minus.

Monda.

Salo.

Sicoris.

Sucro.

Turia.

Tagus.

HISPANIA.

CAPVT I.

DE HISPANIAE NOMINE, ET ETYMO. PLINIIUS explicatus. Stephanus Byzantinus emendatus. Variè olim vocata.



Entium primordia vrbiūque origines in obscuro esse, Scriptorum fœda adulatio, vanitasque plerumque facit. Dum enim gloriari ex vetustate auidi venantur, initia populorum angusta, splendidaque comminiscuntur, & Poetarum licentia, miscendo vera falsis ad inanes Deos & Herpes deducunt, Hinc fictæ vrbiū origines, inauditæ Regum series nominaq; defluerent: ipsamq; antiquitatē dum anxie suis studēt asserere, fabulis mendaciisque misere defœdant. Largiter hac in parte deliquere Hispani Scriptores: nam cum prouinciā antiquitati sacrate cōnantur, ab Hispano Herculis filio, vel ab Hispalō Rege, Hispaniæ nomen fluxisse, vno consensu cōtendunt omnes. Sed citra 20 classici auctoris alicuius assensum. Ego vero veterū scriptis insistens, à Pane Dionysii cōmite, non vnus aut proletarii scriptoris suffragio deriuatum esse euincam. Agmea mihi ducat C. Plin. lib. 3. cap. 1. *Lusum*, inquit, *Liberi patris aut Lysam cum eo bacchantem nomē dedisse Lusitania, Pana vero præfectum eius vniuersa*. Vides clare duo hic dici, à Luso, vel Lysa Lusitaniā, à Pane vero vniuersam nominatā HISPANIAM; sed hoc vt fabulosū eliminabit aliq; nō ego qui sciā Pliniū subtexere: *At quæ de Hercule, ac Pyrene, vel Saturno traduntur, fabulosa in primis arbitror*. Quid ni idē de Pane, aut Lysa dixisset, si cōmentitia iudicasset? Idem apertius longe docet Plutarchus libello de fluminibus & montib; cap. XVI. *Mox cum Satyros & Panas in militiam delegisset, suo imperio Indos subiecit, atque de victa Iberia, Pana illis lotis præfecit, qui Regionem de seipso PANIAM vocauit, at iuniores vocabulum inde deducentes SPANIAM dixerunt, vti voluit Sophenes libro XIII. rerum Iberic.*

Clare hic ostendit, primò Paniam à Pane, deinde & Spaniā vocatā. In vsu etiā fuisse postremū hoc nomē, testis est vetus Iuuenalis Scholiastes ad Saty. 12. vbi *Spaniā Baticā*, pro Hispania Batica vocat. Idē docet multæ eruditionis Ambrosius Moralis, notis suis ad D. Eulogiū Cordubensem. Facem hoc loco mihi præfert Plutarchus, ad illustrandū Stephanii Byzantini locum, libro de vrbiū. Vidit illum diligentissimus Abrahamus Ortelius, sed corruptum præterit; cuius verba sunt in dictione *Ἰσπανία: Ἰσπανία, δύο ἰταλίας ἐπαρχίαι, ἡ μὲν μεγάλη, ἡ δὲ μικρά. ἐκληθῆναι καὶ Ἰβηρία καὶ παννώνια*. Id est: *Hispania, due sūt Italiæ præfecturæ, maior & minor, vocatur etiam Iberia, & Pannonia*. Sed quis vnquam quæso, HISPANIAM, Pannoniam dictam scripsit? quæ tantum ab hac nostra,

Quantum Hypanis Veneto distat ab Eridano.

Apage ergo hanc vocem, quam nec per somnium quidem auctor scripsit, & eius loco substitue audacter *πανία* HISPANIAM scilicet, olim dictam Iberiam & Paniam. Quod cum imperitis non arrideret, litterarum, Non; interiectione *Pannoniam* effinxerunt. Ioannes etiā Goropius Becanus lib. III. rerum Hispanicarum luculenter satis docet, HISPANIAM primò fuisse dictam *Paniam*, & postea syllabæ, *His*, adiectione *Hispaniam*: quod Cimméria seu Teutonica lingua, *occidiam Paniam* significat, ad discrimen Orientalis Panie, quæ Hesychio teste, Peloponnēsus erat. Et cum constet Italiam olim *Saturniam* dictam, in Saturni memoriā, & *Latium*, quod in illa latuerit, quis mirabitur HISPANIAM in Panis Dei honorem, *Paniam* olim dictam? præsertim cum & 50 ipse Stephanus, Arcadiam *πανία* quondam vocatam referat. Dicta etiam *Hesperia*, vel ab Hespero Rege, Atlantis fratre, vel potius ab *Hespero* Stella, quæ ibi primò conspicitur. Sed non simpliciter *Hesperia* dicta, vt Italia; sed, vt docet Isidorus lib. XIV. cap. III. *Vltima Hesperia*. Vnde Horatius lib. I. carminum oda XXXVI.

Qui nunc Hesperia sospes ad vltima.

A Lucano tamen, citra vllam adiectionem, vocatur *Hesperia*:

Qui ferit Hesperiam post omnia flumina Bætis.

Diodoro vero Siculo lib. VI. Bibliothecæ, & Appiano Alexandrino *Celtiberia*, à præpotente Celtiberorum populo. A Græcis vero passim *Iberia* dicitur, ab *Ibero* fluuio,

vt Ste-

vt Stephano Byzantino placet, vel ab *Ibero* Tubalis filio, vt Pseudo-beroso & nugatori Annio Viterbiensi; sed vero propius est, ad *Iberis* Asiæ populis, qui in Hispaniam venire (si Varroni apud Plinium fides habenda) amni & regioni nomen inditum esse: licet Dionysio Alexandrino aliter visû sit, nempe Orientales Iberos, ab Hispanis ortum & nomen sumxisse, quod & Eustachio eius Cōmentatori, & Nicephoro Callisto Eccles. Historiæ Lib. VIII. Cap. XXIII. persuasum video. Auctor est Strabo sub finē libri tertii olim Hispaniæ incolæ, *Igletas* vocatos fuisse: qua de causa, me prorsus fugit, nisi cum Cl.^{mo} Causabono placeat *Gletas* substituere. Teste enim Stephano. Ἰγλέτας ἔθνος Ἰβηρίας ἐν τοῖς κυνήταις. Id est: *Populus Hispaniæ apud Cynetas*: qui, eodem teste, & *Cynetsii* vocantur, erantque ad Oceanum circa Herculis Columnas, vnde & *Cyneticum promontorium*: quod Ortelius non procul à Sacro collocat. Non multum ab his diuersus Festus Auienus in lambis, nisi quod Anam amnem per Cynetas dicat fluere:

Anna amnis illic per Cynetas effluit

Sulcatque glebam.

Vnde, vt in aperto est, hos populos in confinio Lusitaniæ & Bæticæ olim fuisse, ita etiā æque obscurum quinam illi fuerint.

CAP. II.

HISPANIÆ situs, & figura. Diuisio eius
sepe mutata.

20 **E**Xtrema terrarum ad solis occasum est Hispania, quæ naturæ sollertis ingenio, vel ut alter orbis, partim Pyrenæis montibus, partim Oceani æstibus, & Tyrreni maris littoribus coronata includitur. Corio bubulo humi protenso comparatur. Straboni lib. III. Iustino lib. XLIV. prope quadratæ est figuræ: Paullo vero Orosio lib. I. cap. II. & Æthico in Cosmographia sua trigona est: cuius longitudo, auctore Strabone, sex millia stadiorum, latitudo quinque millia complectitur, vt maximum. Appiano autem Alexandrino in Ibericis, tam longitudine quam latitudine sua decem millia stadiorum explet. Plinius non multum ab Appiani calculo discedit, nam mille & octuaginta duo M. P. habere in longitudine ostendit: latitudo inæqualis est.

30 In duas primum diuisa prouincias, *Citeriorem* & *Vlteriorem*, separante vtramque nobilissimo amne Ibero. Strabo in *Exteriorem* & *Interiorem* à Romanis diuisam dicit. Commodius tamen interpretes poterat, seruasse Romanorum nomina, tam ex illorū mente dicit Hispaniam diuisam in τὴν ἐκτὸς ἐν τὴν ἐντὸς, cui ad amussim quadrant *Citerioris* & *Vlterioris* appellatio.

Stephanus vero Byzantinus in *Maiorem* & *Minorem*, quarum hæc *Vlterior*, illa *Citerior* commodè dicetur. Labente tamen æuo, & prouinciarū terminis mutatis, tres effectæ sunt, *Vlteriore* in Bæticam, & Lusitaniam diuisa; *Citerior* vero etiam *Tarraconēsis* nuncupata, à Tarracone vrbe primaria. *Bætica* quidem à septentrione clauditur Anafluuium; ab occasu Atlanticum; à meridie Balearicum prospectat mare (quod est inter 40 fretum Herculeum, & Charidami promontorium, vulgo *Cabo de Gata*;) ab oriente terminatur linea ducta ab hoc promontorio per Castulonem, ad Anam vsque flumen. Lusitaniam terminat à septentrione amnis Durius (qui eam à Tarraconensi diuidit;) à meridie Anas amnis à Bætica eam separat; ab occidente Atlantici Oceani ea parte, quæ inter Anæ & Durii ostia est; ab oriente Tarraconensi prouincia distiguitur. *Tarraconensis* autem Prouincia à Septentrione in Oceanum Britannicum, ab Oeasone promontorio (quod Mario Aretico *Cabo Preton*, aliis *Fonterabia* est) ad Nerium promontorium vsque, vulgo *Finis terræ*; ab occasu in Oceanum Atlanticum, à dicto promontorio ad ostium Durii amnis excurrit; à Meridie Lusitania, & Balearici maris ora; ab Oriente Pyrenæis montibus includitur. His tribus Hispaniæ prouinciis duæ sunt additæ, Cōstantini Magni tempore, vt cum Ioanne Magarino Gerundensi Episcopo, antiqua Hispaniæ testantur Concilia. Cathaginensis nempe, & Gallætia; sed non satis exacte. Nā 50 c̃ Sexto Aurelio Victore colligit recte Onufrius Panuinius, sub Hadriano Imperatore in VI. Prouincias diuisam, vt refert & Sextus Rufus, & Isidorus, in *Tarraconensem*, *Cartaginensem*, *Lusitaniam*, *Gallaciam*, *Beticam*, & trans freta Africæ *Tingitaniam*, liber etiā Notitiarum Imperii septimam addit, *Insularem*: quod demum sub magno Constantino accidisse, idem asserit exactissimus Romanæ Historiæ scrutator Panuinius. Superiori vero æuo diuisa erat in XII. regna *Legiones*, *Castella antiqua & noua*, *Aragonia*, *Portugallia*, *Nauarra*, *Granata*, *Valentia*, *Toleti*, *Gallæcia*, *Algarbiorum*, *Murtia*, *Corduba*. Ex quibus priora quinque maioris famæ nominisq; fuere; quæq; continuam Regum seriem habuerunt.

Fabula de priscis HISPANIÆ Regibus exploditur. Berofus, & Annii Viterbiensis reiciuntur.

CVM passim Hispanicarum rerum Scriptores de primis HISPANIÆ Regibus multa tradant, pretium operæ fore credidi *παρεργον* hoc adtexere, & ab obo hoc commentum refellere. Ferunt enim vnahimi consensu, Tubalem post cataclysmum vniuersalem, in HISPANIAS traiecisse, sui que nominis vrbes condidisse *Setubalem*, & *Tu-* 10 *dellam*; postea & Noemum hiscelitoribus appulsum, *Noelam* in Gallacia, & in Asturia *Noegam* exstruxisse: à Tubale longam Regum seriem fluxisse, nempe Iberum, Idubedam, Brigum, Tagum, Bætum, Sicorum, Sicanum, aliosq; quos recensere molestum esset. Huius choreæ, & fabulæ præfultor fuit Ioannes Annii Viterbiensis, homo non religiosissimæ fidei, illum secuti ceteri.

— *sicut grex totus in agris*

Vnius scabiæ cadit & porrigine porci.

Is Berofum Chaldæum primus in lucem dedit, & Commentario illustrauit, qui non solum de Chaldæorum, sed totius pœne orbis primordiis, Regibusq; agit. Sed nihil hæc cum Beroso illo, quem Athenienses *χρυσόγλωσσον* vocarunt. Nam cum is ante Alexan- 20 dri Magni æuū vixit, quo non solum Chaldæis, sed & Græcis Europæ res, & præcipue HISPANIÆ, in occulto erant, multisq; demum post seculis latuerunt, donec victricibus Romanorum armis orbis passim detectus, & per commercia coniunctus fuit. Vnde ergo Beroso tam immenso terrarum spatio ab HISPANIA remoto, tanta illius Prouinciæ notitia contigit? sed demus hæc illi diuinitus fuisse cognita: cur posteriorum nemo Scriptorum, ad quos Berosi opera perueniunt, horum meminit Regum? cur hoc ab Eusebio præteritum in Chronicis? Nihil agitis: puræ putæ nugæ sunt, nec genuini solum hoc esse Berosi opus ausim inficiari, sed Annii potius Viterbiensis, aut alicuius malè feriatii commentum credo: cui sub specioso hoc titulo posteritati illudere libido fuit, ratus posteros omnes ita fungos fore, vt lupinos hos ab ere 30 nescirent discernere. Sed quis tam modesti splenis est, dū Hispanica nomina à Chaldæo homine audit è medio Latro peti, vt non risu diffluat. nec Lucilianus ille Crassus hoc sibi imperabit. Anne aliquid ineptius, vel audaciùs dici potest, quàm *Setubalem* à Tubale conditam, qui nunquam Hispaniæ pedem intulit, sed apud Ponti accolas Iberos habitauit? Nec *Setubalis* nomen Latino cælo aut fido alicui Scriptori notū, nisi sub Cætoprigis nomine, vt fusiùs suo loco patebit. An ideo dicemus *Noegam* aut *Noelam* à Noë fundatam, quia vocis aliqua affinitas intercedit? Sic Iberum Tubalis filium fabulantur, à quo postea amni, & toti prouinciæ nomen impositum: cum constet ab Asiaticis Iberis hoc nomen emanasse. Sic Brigum Regem somniant, quia multæ in Hispania vrbes in Briga desinunt, vt *Segobriga*, *Flauiobriga*, *Mirobriga*, quod idem ac Ger- 40 manis *Burgum*, & Gallis *Dunum*, vt *Augustodinum*, *Noviodunum*. Sed piget his diutius immorari ineptiis, quare

— *ne me Crispini scriinia lippæ*

Compilasse putes, verbum non amplius addam.

Præsertim verò cū Becanus noster, & Caspar Barrerius, dudum personam huic Pseudo-Beroso detraxere, multaque vero Beroso contraria habere ostenderunt. Quare auctor sum, vt cum interprete suo Annio

Aut Vticam fugiat, aut vnctus mittatur Ilerdam.

Sufficiant hæc de fabulosis HISPANIÆ Regibus: de veris verò Regibus, mirum, quam altum vbique silentium, & paucorum admodum nomen vel fama superest. Refert Iu- 50 stinus *Gargorim* quendam vetustissimum Tartessorum Regem fuisse, qui mellis colligendi vsus primus inuenit, huic ex filia stupro nepos successit *Habis*, per admirabiles casus, & stupenda pericula diuinitus seruatus, non secus ac Romæ conditores. Hic populum legibus iunxit, & ex agresti ciuilem effecit: quo mortuo, regnum per multa secula à successoribus eius retentum est. Macrobius etiā *Theronis* meminit, Citerioris Hispaniæ regis. Mitto de Arganthonio & Geryone dicere: qui in Bæticæ angulo imperarunt, quia noti omnibus. Mandonius & Indibilis, etsi eos loquantur Historiæ, inter regulos potius & dynastas, quam inter Reges numerandi sunt.

C A P. IV.

Varii Hispania incolæ: Romani variè illam rexerunt, per Procos. Prætores, Legatos, Vicarios, Comites, Præsides.



Arios venisse in HISPANIAM populos, tamquam ad asylum aliquod; narrant historiæ: quorum nonnulli autis sedibus pulsi, ut Phocenses, Rhodii, &

Teucer Salamina, patremque cum fugeret.

20 Alii autem ante multitudinem, patriæ graues huc Colonias deduxere, ut Celtæ. Aliqui verò provinciæ opibus, & fertilitate allecti, & mercimonii causa hic sedes fixere: ut Phænices, Tyrii; Mirum est quod Anneus Seneca scribat Germanos in Hispaniam venisse consolatione ad Heluiam. *Pyreneus Germanorum transitum non inhibuit, per inuia, per ignota versauit se humana lenitas. liberos coniugesq; & graues senio parentes traxerunt.* Sed quo tempore id acciderit, nemo est qui tradat; penes auctorem sit fides.

Imperii verò cupidine, primi Carthaginenses; postea & Romani in illam traiecere, & tamquam pro Helena aliqua pugnantem, mutuis illam cladibus nobilitarunt. Causam, cur primum in HISPANIAM Carthaginenses venerint, aperit Iustinus. lib. XLIV. *Gaditani, inquit, cum à Tyro, unde & Carthaginensium origo est, sacra Hercules per quietem iussu in HISPANIAM transtulissent, urbemq; ibi condidissent, inuidentibus incrementis nouæ urbis finitimis HISPANIÆ populis, ac propterea Gaditanos bello laceissentibus, auxilium consanguineis Carthaginenses miserunt: ibi felici expeditione, & Gaditanos ab iniuria vindicauerunt, & maiorem partem provinciæ imperio suo adiecerunt.* Postea quoque, hortantibus primæ expeditionis auspiciis, Amilcarem Imperatorem cum magna manu ad occupandam provinciæ miserunt: qui magnis rebus gestis, dum fortunam inconsultius sequitur in insidias deductus occiditur. Occasione verò Saguntini excidii, traiecere in HISPANIAM Romani, qui variè & inæqualiter illam administrarunt (nam de Carthaginensium imperio nihil, quod sciam, posteris transmissum.) Primus autem P. Scipio deuictis Carthaginensibus, in Provinciæ redegit HISPANIAM, ut ex T. Liuiio, & Appiano in Ibericis est colligere. Per Procos. administrata primum à primis Scipionibus, ad Cornelium Lentulum, & L. Stettinium, qui anno ab V. C. 10 LV. Procos. creati sunt. postea verò Prætores Provinciæ obtinuerunt: C. Sempronius Tuditanus Citeriorem: M. Heluius Vltiorem, anno ab V. C. 10 LVII. quo tempore primum VI. Prætores creatos; crescentibus Provinciis, & latè diffuso imperio Rom. testis est T. Liuius lib. XXXII. Anno verò 10 LIX. gliscente bello, præter duos Prætores consulari duce & exercitu opus fuit, missusq; M. Porcius Cato Cos. Pro mole verò belli nunc Prætores, nunc Proconsules, nunc Consules provinciæ administrarunt, ut cuiq; obuium erit legenti Romanas Historias: vnum sit multorum instar exemplum. Bello, quod aduersus Sertorium gestum est, Q. Metellus Procos. & Cn. Pompeius Quæstor cum potestate consulari missi sunt, ut refert Liuii Epitome lib. XCI. Ipse etiam Pompeius HISPANIAM per A. Iunium, & Petreum legatos administravit. Augusti verò Cæsaris imperio, *Batica S. P. ommissa fuit: Tarraconensis & Lusitania Cæsari seruata sunt, teste Dione lib. 43.* Iberoni verò Cæsaris æuo, teste Strabone lib. 3. plebis nomine, in *Baticam* Prætor mittebatur, qui Legatum & Quæstorem habebat, in reliquam verò provinciæ Cæsar duos mittebat legatos, Prætorium, & Consularem. Prætorius quidem ius dicebat *Lusitania*: Consularis verò vniuersæ *Tarraconensi* imperabat, qui secum tres legatos habebat, quo commodius vastæ illi provinciæ ius diceret. Appianus de bello Hispaniensi, à Dione & Strabone diuersus abit. Ab eo tempore, inquit, (quo Cantabros Augustus vicit) Romani Iberiam quæ hodie Hispania dicitur, in tres partes diuidere incepisse mihi videntur, in quarum duas, annuos magistratus Seriatim mittit, in tertiam vero Præsidem Imperator. Mutatum tamen & hunc morem sub ipso Tiberio refert Tacitus lib. IV. Annalium, cum dicat Vibium Sereum Procos. vltioris Hispaniæ fuisse, quæ dignitas ad Gratiani Imperatoris tempora durauit, eiusq; demum æuo desisse videtur, ut apud Sulpitium Seuerum lib. 2. Sacræ historiæ videre est. Vltimumq; fuisse Proconsulem Voluentium notat: in cuius locum vicarius substitutus fuit, nam iam Proconsulem habere desierat, ut ait. Postmodum verò nunc Præsidentem, nunc Comitum, nunc Vicariorum nomen viguit. Sextus verò Rufus suo æuo dicit *Baticam & Lusitaniam* Consulares fuisse provincias, *Tarraconensem* verò Præsidialem.

HISPANIAE laus à salubritate, fertilitate. Variæ metallorum
secturæ. Immensa opes.

DE nomine, situ, & diuisione HISPANIAE hætenus: æquum nunc est de natiuis eius bonis, & largitricis naturæ opibus dicere, ne, vt Amyclæ olim, silentio pereant. C. Plinius, vltimis verbis vasti sui operis, Italiâ exceptâ, totius orbis primam laudem HISPANIAE defert. Decumanum hoc testimonium, & præiudicatæ auctoritatis sit ad instar. Sed lubet singula inquirere, ne à fauore potius, quam merito emanasse hoc quis putet. An cæli temperiem quæris? tota ea vitalis, ac perennis salubritatis est, adeo vt beatorum hîc felices sedes, & Elysios campos Homerus statuerit, Strabone teste. Quippe nec violento aestu excoquitur, aut nimio frigore tellus adurit, non ventorum procellis, aut graui paludum nebulæ obnoxia; sed aura est fuda serenaque fontium copia, nemorum frequentia, montium articulis, & portuosis litoribus egregie ornata. At de soli forsan felicitate dubitas? *In omnia*, inquit Iustinus *frugum genera secunda est adeo, vt non ipsis tantum incolis verum etiam Italie vrbique Romanæ, cunctarum rerum abundantia sufficiat.* Olei vero mellisque, & vini non abundans modo sed & prodiga. Lina, & nobilia pecoris vellera; vbi gentium meliora?

*Nec varios discit mentiri hic lana colores
Ipse sed in pratis aries iam suauē rubenti
Murice, iam croceo commutat vellera luto.*

Martialis hoc diserte libro IX. Epigr. LXII.

*Vellera natino pallent vbi flaua metallo,
Et linit Hesperium bractea vina pecus.*

Equorum verò tam pernices alit greges, vt non frustra vento conceptos antiquitùs creditum sit. *Nihil deniq; in ea otiosum*, ait I. Solinus, *nihil sterile quidquid cuiuscumque modi negat messem, viget pabulis, etiam quæ arida sunt ac sterilia, rudentum materiam nauticis subministrant.* Dicam cum Marone, sed dicam verè:

*Hæc loca, non tauri spirantes naribus ignem
Inuertere, satis immanis dentibus Hydri:
Nec galeis, densisq; virum seges horruit hastis:
Sed grauida fruges, & Bacchi Mæsticus humor
Impleuere: tenent oleæ armenta que lata.
Hinc bellator equus campo sese arduus infert.*

Summæ hæc telluris bona & in aperto sunt; sed & operta eius viscera recludere, & scrutari lubet. Mirabere tam variis, & multiugis passim diuitiis fetam. Strabo lib. III. Aurum, argentum, æs, ac ferrum nullibi terrarum, neq; tantum, neq; tam probatum generari est auctor. vnde vt lepidè ita, & verè Posidonius refert, loca subterranea hîc non à Plutone, sed ab opulentia Deo Pluto incoli. Plinius etiam lib. III. cap. III. *Metallis*, inquit, *plumbi, ferri, æris, argenti, auri tota ferme HISPANIA scatet. Citerior & specularibus lapidibus. Batia & minio. sunt & marmorum lapicidina.* Magna hæc sunt, sed maius multo, quod præter Diodorum Siculum lib. VI. Bibliothecæ, refert Aristoteles, lib. de mirandis auditionibus: Phœnices tantam auri, argenti que copiam ex HISPANIA asportasse, vt, cum onustis nauibus argentum superaret, ex ipso anchoras conflauerint. Sed tam inexhausta erat argenti copia, vt asserat Strabo, Carthaginenses duce Barca (*Amilcare* forsan) in Turdetania Hispanos inuenisse vrentes præsepibus & doliis argenteis. Scio V. CL. Ifac. Casaubonum per vocem *Φάρν* laquearia domus accipere, & non *præsepia*: vtrumque tamen immensam, & pœnè fastiditam argenti copiam ostendit. Sed de fide dubitabit non nemo, & dilutæ auctoritatis hæc queretur: videat quid Plinius dicat lib. XXXIII. cap. IV. *Vicena millia pondo [auri] ad hunc modum singulis annis Asturiam, atq; Gallaciam, & Lusitaniam præstare quidam tradiderunt, ita vt plurimum Asturia gignat, neq; in vlla parte terrarum, tot sæculis hæc fertilitas.* Sed quota hæc HISPANIAE pars? quid vniuersam præstitisse dicēs? & ne videar, instar rotarii militis, eminus tantum tela spargere, lubet collato pede rem gerere, & per ipsas Romanorum triumphales prædas ire, vel ipso T. Liuii ductore. Iuuabit vidisse tot lasones ad auratam hanc prædam confluisse, & tot spoliis auctos rediisse. P. Corn. Scipio, primus quod sciam, argenti pondo quatuordecim millia, trecenta quadraginta duo, & signati magnum numerum ærario intulit. L. Lentulus quadraginta quatuor millia argenti,

auri

auri verò bis mille quinquaginta pondo, præter pecuniam militibus diuisam. Corn. Lentulus, & L. Stertinius eodem pœne tempore, argenti septuaginta millia, auri mille quingenta pondo. M. vero Heluius argenti infecti quatuordecim millia, septingenta triginta duo pondo, signati pigatorum septemdecim millia, viginti tria, Oscensis argenti centum viginti millia, quadringenta triginta octo, ex vltiore Hispania asportauit. C. Minuci⁹ ex citeriore, triginta quatuor millia octingenta argenti, bigatorum septuaginta octo millia, argenti Oscensis ducenta septuaginta octo millia ætario intulit. Et cui cupido singulos triumphos colligere, ipsum Liuium consulat, & in acerrimum contrahat triumphales has manubias, videbit exiguo annorum spatio populum Rom. deprædatum fuisse supra sexcenta millia argenti infecti pondo, argenti verò Oscensis quadringenta millia, auri verò circiter decem millia, signati verò infinitam copiam. Mitto nunc ducum militumque rapinas, donatiua, stipendia, quæ dubio procul summam hanc multo superant. Et ex hostica hæc. Quid ex pacata prouincia opum illis venisse censebimus? vel vnus Plinii locus sufficiet, qui lib. XXXIII. refert suo adhuc ætate per Hispanias durasse ab Hannibale inchoatos puteos, ex quib. qui *Bebelo* vocatur, CCC. Annibali pondo in diem subministrauit, quæ Budæi calculo tria aureorum millia efficiunt. Potiori certè iure Auream messem quis HISPANIAM, quam cum Stratocle aut Dromoclidam tribunal vocabit: vbi pace, belloque tanta opum seges indies succresceret, adeo vt iure de illa animosus Poeta Claudianus cecinerit, lib. de laudibus Serenæ:

*Quid dignum memorare tuis HISPANIA terris
Vox humana valet? primo lauat æquore solem
India: tu fessos exacta luce iugales
Prolus, inque tuo respirant sidera fluctu.
Diues equis, frugum facilis, preciosa metallis,
Principibus fecunda pijs.*

Sed hoc laudis ægmen mihi claudant, Latini Pacati Drepani, Panegyrico suo ad Theodosium Augustum, verba: *Sint ut scribitur, Gargara prouentu lata triticeo, Menania memoretur armento, Campania censeatur monte Gaurano, Lydia predicetur amne Pactolo, dum Hispania vni, quidquid ubique laudatur, assurgat: hæc durissimos milites, hæc expertissimos duces, hæc facundissimos oratores, hæc clarissimos vates parit: hæc Iudicum mater, hæc Principum est.* Prisca etiam numismata luculente HISPANIÆ dotes loquuntur. in Hadriani enim Imp. nummo depingitur fœmina sedens cum oleæ ramo, & cuniculo ad pedes, olei vbertatem & cuniculorum frequentiam denotans: vel, vt suspicor, non absurdè, ob metallorum yberes secturas, quæ cuniculis sub terram aguntur. Vnde Catullus vocat *Celtiberiam cuniculosam*. Galbæ vero Imp. nummus refert fœminam militariter ornata: quæ clypeum & bina iacula sinistra, dextera vero spicas frumenti gestat, vt bellacem, fertilemq; simul designet prouinciam. Sed vnde tantum à prisca fertilitate degenerauit? an occulti aliqui & noxii siderum positus genitalem telluris vim infecere? an effecta & lassæ terra inani spe agricolas lactat? neutrum ego in causa putem. Æque enim ac prisca seculis, in omnia frugum genera fecunda est. Sed deest industria. nam cum natura sua in arma magis, quam aratra propensi sint Hispani, per longinquas in vtramque Indiam expeditiones, & continuata bella, exhauritur iuuentus. Hinc agricolarum infrequetia; hinc agri neglecti potius quam steriles cernuntur. Nec desierunt hic metalla; sed Regum interdicto, HISPANIÆ parci nunciubetur, donec India thesauros suos suppeditat.

C A P. VI.

INCOLAE BELLICOSI. DIUTISSIME ROMANIS

resisterunt. Fideles. Hospitales. Literis dediti.

Sufficiat modo, folia hæc aut vmbras potius laudis, pendente manu attigisse. Sed quibus se vere iactat Hispania, nunc dicenda. Incolarum virtutes & ingenia, quæ domi forisque egregie conspicua, in bellum tamen & arma magis propensia: adeo vt plurimis, Iustino auctore, *militares equi & arma, sanguine ipsorum cariora sint*. Ideo assueti

*Nec vitam sine Marte pati: quippe omnis in armis
Lucis causa sita; & damnatum viuere paci.*

Verissimè hoc Silii dictum memorabili exemplo confirmarunt, dum M. Portius Cato quorundam rebellione ictus, arma omnibus cis Iberum Hispanis ademit, quod adeo ægre passos scribit Liuius, vt multi mortem sibi met ipsi consciuerint, *nullam vitam sine armis rati*. L. Florus ideo *Bellatricem, viris armisque nobilem, seminariam hostilis exercitus, & Hannibalis eruditricem* appellat. Thucydides oratione, quæ Alcibiades ad Lacedæmonios

habuit, Ibēros pugnacissimos barbarorum vocat; nec de Ponti accolis ibi sermo (ut non nemo forsan suspicatur) sed de Hispanis nostris. Indicio est Sicilia, & Carthaginensium cum HISPANIA vicinitas, à qua altera Iberia nimis quam remota. Imp. vero Claudius, apud Trebellium Pollionem, HISPANIAM vna cum Gallia *Romani imperii vires* esse dicit: T. vero Liuius, *non quā Italia modo, sed quā vlla pars terrarū bello reparando aptiorē locorum hominumque ingeniis* esse ait: quod non sine suo periculo & clade sensere Romani. Nusquā enim diutius & maiori mole certatum est, nec vlla prouincia tantum Romani cruoris haufit. *Per ducentos enim annos, inquit Velleius Paterculus, in hac multo mutuoque ita certatum est sanguine, ut amissis P. R. Imperatoribus, exercitibusque, saepe contumelia, nonnunquā etiam periculum Romano inferretur imperio. Illa enim prouincia Scipiones consum-* 10 *serunt; illa contumelioso viginti annorum bello, sub duce Viriato maiores nostros exercuerunt; illa terrore Numantini belli P. R. concusserunt; in illis turpe Q. Pompeii fœdus turpiusque Mancini Senatus, cum ignominia dediti imperatoris rescidit; illa tot Consulares, tot Prætorios absumsit duces, patrumque ætate, in tantum Sertorium armis extulit, ut per quinquennium, diiudicari non potuerit, Hispanis, Romanisne in armis plus esset roboris, & uter populus alteri pariturus esset.* Sed HISPANIÆ nunquam animus fuit, ait Florus, aduersus Romanos confurgere, nunquam conferre vires suas lubuit, neque aut impetare, aut tueri libertatem publice: alioquin ita vndiq; mari, Pyrenæoque vallata, ut ingenio situs nec adiri quidem potuerit; sed antea à Romanis obfessa est, quam se ipsam 20 cognosceret, & solā omnium prouinciarum vires suas, postquam victa est, cognouit. Bellaces hos egregie fuisse, quis mirabitur? cum corpora hominum ad inediam, & laborem, animi ad mortem parati erant. ideoque in acie exultabant, tanquam gloriose vita excessuri: lamentabantur in morbo, tanquam turpiter & miserabiliter perituri. Nec defuere inuictō illi robori, & pugnaci animo, egregiæ pacis artes, & togæ decora. An fidem in Socios vel Principes quæres? nuspiam pœne sanctius culta. Testis ipsa Sargentus, vel maxime fidei infelix monumentū: quæ, potius quàm à societate P. R. decisceret, publico & cōmuni rogo se concremauit. Celtiberi nefas esse ducebant supereffe, cum is occidisset, pro cuius salutē spiritum deuouerant. Hinc C. Iulius Cæsar. teste Suetonio, stipatores sibi elegit Hispanos, & Augustus Cæsar Calaguritanorum cohortem habuit. In aduenas vero quam hospitales fuerint, luculente testatur Diodo- 30 rus Siculus: *Aduenientes externos benigne hospitio excipiunt, adeo ut quadam emulatione inuicem pro illorum honore certent: quos vero aduenæ sequuntur, hos laudant, amicosque Deorum esse putant.* Literarum verò studiis & sapientia omni æuo claruerunt. Auctor est Strabo Turdetanos Bæticiæ populos sapientia excelluisse, & memorandæ vetustatis volumina habuisse, & poemata ac leges à sex annorum millibus conscriptas versibus. Sed vetus hoc exemplum non nemo spernet. An & illud, ab ultimis Gadibus T. Liuii fama excitos Romam venisse Hispanos, ut illius aspectu fruerentur, cuius eloquentiam tantopere admirabantur? Ausim dicere Italia excepta, nullam prouinciam clavis ingeniis magis fecundam fuisse, nec plura doctrinæ lumina genuisse. Loquantur duo Senecæ, Columella, Lucanus, Martialis, Iulius Hyginus, Pomponius Mela, Auerroes, aliiq; 40 sexcenti:

Quos ager penna metuente solui

Fama superstes.

Nec inter postrema eius ornamenta censendum puto, Vespasianum Augustum, teste Plinio, procellis reip. iactatum, vniuersæ HISPANIÆ ius Latii tribuisse, præfagus forsan, orituros hinc quandoque Imperatores: quorum auspicio & virtute, eneruatum luxu, & intestinis discordiis Imperium, pristinas vires resumeret, & lacertos iterum moueret. Testes Traianus, Hadrianus & Theodosius, nullis Principibus virtute vel fortitudine inferiores. Vnde merito Claudianus:

Sola nouum Latiis vectigal Iberia rebus

Contulit, Augustos. fruges, æraria, miles

Vndique conueniunt, totoque ex orbe leguntur:

Hæc generat, qui cuncta regant.

De religione quid attinet dicere? cum nuspiā pœne terrarū plus sanguinis pro Christo sit effusum, nec purius alibi seruata, aut felicius in remotissimas orbis plagas propagata sit. Sed vberiori hæc dicenda essent stilo, mihi sufficiat leui hæc penicillo tantū adumbrasse. Nunc institutum vrgemus, ducto à

Bætica initio:

CAP. VII.

BÆTICA

TVRDETANIA DICTA. MARTIANVS CAPELLA

emendatus. Oleis abundat. Minio nobilis.

- 10 **V**T ceteras prouinciarū, ameno cultu, & fertilitate præcedit Bætica, ita etiam non immerito ab illa mihi auspicandum duxi. Nomen habet à fluuio eam mediam secante Bæti. Plinio etiam *ulterior* vocata, Straboni verò lib. 3. *Turdetania* etiam: *Regio ipsa, à flumine Bætica, ab incolis Turdetania vocatur*, à præpotenti scilicet Turdetanorum populo. Hodie verò potior eius pars *Andaluzia* vocatur, corrupto nomine, à Vandâlis olim incolis. A septentrione, clauditur Ana fluuio; ab occasu, Atlantico Oceano; à meridie, mare Balearicum; ab oriente, linea ducta per Castulonem ad Anam usque terminat. Aliter Strabo diuidit. Anas ad septentrionem & occasum terminat: ad ortum autem nonnulli Carpetanorum & Oretani; ad Meridiem vero ex Bæstetanis qui intra Calpen & Gades littus angustū incolūt. Eius longitudo, à Castulone
- 20 Gades usque, teste Plinio, ex sententia M. Agrippæ, in CCCCLXXV. M. P. erat porrecta, latitudo verò eius à Carteiana ora CCXXIV. M. P. Diuersus à Plinio est Martianus Capella, qui lib. VI. *Eadem verò [Bætica] longitudinis dimensione distenditur à Castulonis oppidi fine, in Gaditanum oppidum, CCL. M. P. amplior æstimatur, latitudo quoque in CCXXIV. M. P. excurret.* Sed crassior hic error est, quam ut excusari possit. paulò enim inferius refellit perperam M. Agrippam: qui citerioris Hispaniæ longitudinem patere in CCCCLXXV. M. P. dicit, quod de Bætica Agrippam dicere ex Plinio patet. Iuridicos in ea quatuor conuentus, *Gaditanum, Cordubensem, Hispalensem, & Astigitanum* recenset Plinius. Fædè hic iterum deprauatus Martiani Capellæ codex, qui duos tantum agnoscit *Gaditanum & Cordubensem*. Malim certè codicem utrobique accusare, quam docto Afro inscitæ notam inurere. Regio ipsa omnigena frugum copia mirè luxuriat, siue vinearum prouentus, siue arborarios fructus requiras. Oliuetis verò vnicè diues est, quod Plinius testatum reliquit lib. XVII. cap. XII. *Bætica*, inquit, *uberrimas messes inter oleas mittit*: & lib. XV. cap. II. post Italiam, inter Istriam & Bæticam, dicit par certamen de olei laude. vnde & Statius Papinius Silu. lib. II.
- 30


Quæ Tritonide fertiles Athenas

Vinctis Bætica prouocâs trapetis.

- Cumque omnium ferax sit, tum vel præcipue inexhausta & diuiti metallorum vena scatet. Sed minio inter cetera felix, maximæ olim apud Romanos auctoritatis: indicio est cura diligentiaque, qua illud seruabant. vnde Plinius lib. XXXIII. cap.
- 40 VII. *Celeberrimum [minium] ex Sisaponens regione in Bætica miniario metallo, vectigalibus populi Romani, nullius rei diligentiore custodia, non licet id ibi perficere excoquique: Romam perfertur vena signata, ad dena millia ferè pondo annua.*

- Vrbium etiam frequentia regionis felicitate pandit. nam, teste Plinio, CLXXV. Strabone verò CC. memorabantur: quarum fama celebriores, quæ super amnes extructæ aut æstuariis adiacent: ad hæc litora vndique portuosa, orasque habet patentibus gremiis commercio aptissimas. Auræ hic ita lenes, annique tempestates adeo mites, ut non frustra antiquitas hac potissimum Hispaniæ in parte elysios campos esse crediderit. Sed Bæticæ illa pars, quæ Anam inter & Bætim amnes porrigitur, ut soli felicitate & vbertate à Bætica superatur, ita etiam mutato nomine *Baturia* vocatur, in duas olim diuisa partes totidemque gentes, teste Plinio, *Celticos*, qui Lusitaniam attingunt, *Hispalensis* conuentus, & *Turdulos*, qui Lusitaniæ & Tarraconensem accolunt, iura Cordubam petebant. Hodie plerisque *Estremadura* dicta. Ioanni verò Genesio Sepuluedæ doctissimo viro, *Petroche*, à petrarum, quæ ibi visuntur, frequentia, vocatur. Strabo macræ esse telluris regionem hanc, & immensæ siccitatis tradit.
- 50





C A P. VIII.

BAETICAE NOBILIORES POPULI TURDVLI.

Turdetani, & ἑστὶν iidem. Bastuli, Bastitani & Basētani dicti.

Appianus emendatus. Cunei.

T U R D V L I.

PRIUSQUAM ad Baticæ vrbes se flectat oratio, non inutile erit, nobiliores olim pro-¹⁰
uinciæ populos in medium producere, vt, quorum sparsim mentio incidet, iuuet
illos semel & vno obtutu cognoscere. Primi & magis illustres occurrūt *Turdetani* (qui
& Baticæ Turdetaniæ nomen dedere) iidem & *Turduli* vocantur: licet Polybius
apud Strabonem, eos diuersos faciat & Turdulos finitimos esse Turdetanis ad sep-
temtrionem dicat: T. autem Liuius lib. XXXIV. & Strabo nullum inter eos discrim-
en statuunt. Stephanus vero Byzantinus ex Artemidori sententia Turdetaniæ incol-
as τούρτες, καὶ τούρτανες vocat. Ptolemæus inter Turdulos & Turdetanos discrimen po-
nit & continia. nam Turdetanos dicit Lusitaniam attingere, Turdulos vero Tarraco-
nensem. Plinius vero vtrosque *Turdulos* vocat his verbis: *Turduli, qui Lusitaniam &*
Tarraconensem accolunt, iura Cordubam petunt. Liuius vero citato loco ait: *Omnium Hispa-²⁰*
norum, maxime imbelles habentur Turdetani; freti tamen multitudine sua, obuiam ierunt agmini
Romano. & subdit statim: Nec tamen ea pugna debellatum est: decem millia Celtiberum mercede
Turduli conducunt, alienisque armis parabant bellum. Vbi clarum est vtutrumque nomen pro
vno vsurpari. Auctor est Strabo, hos inter HISPANIÆ populos sapientia olim excel-
luisse, & litterarum studiis, leges quoque versibus à sex annorum millibus conscriptas
habuisse. Incolebant olim potissima & mediterranea Baticæ, & quasi totam Anda-
lusiam, demtis maritimis.

B A S T V L I.

MARITIMAM Baticæ oram accolunt *Bastuli*, qui & *Bastitani*, seu *Basētani* vocantur.
Strabo illos in ora illa, quæ Atlantico Oceano obuersa est, ad Anæ & Batis ostia
statuit: Plinius vero, non solam esse Bastulorum, sed & Turdulorum dicit. Cl. Ptole-
mæus eos *Pænos* cognominat, ad discrimen forsan Bastitanorum, qui Tarraconensem
inhabitant: an quia ora ea vniuersa originis Pænorum est? vt Plinius exsententia M.
Agrippæ tradidit, & vt Pomponius Mela lib. II. cap. VI. *Transuecti ex Africa Phœnices*
habitant. Hos ego *Bastulos* Pænos esse opinor, qui mendose ab Appiano in Ibericis vocā-
tur βλασφοίνικες, cum potius βασφοίνικες, vel βασυλοφίνικες deberent dici: quod vt as-
feram facit ipse Appianus. nam illorum originem ad Annabilem refert his verbis:
*οἱς, φασιν. Ἀντίβαιν τὴν ἀρχὴν τοῦ ἐπικύσσει τινὰς ἐν Λιβύῃς καὶ ὡς τὸ τοῦτο κληθῆναι βλασφοίνικας.*⁴⁰
Ita vt ex Bastulis indigenis & Phœnicibus, seu Pænis aduenis nomen sit efformatum:
ad quam forsan originem videtur Poeta Horatius allusisse lib. II. carm. oda II. vt be-
ne obseruauit Abrahamus Ortelius

—quam si Libyam remotis
Gadibus iungas, & uterque Pænus
Seruiat vni.

Vterque enim Pænus est, qui & Africæ & Hispaniæ maritimam oram colunt. Et cum
hi Pænorum essent originis, mirum est, quod Strabo referat illos coniugia more Græ-
corum contrahere: ægrotos vero Ægyptiorū ritu in plateis deponere, vt qui eo morbi
genere tentati fuerint, illis simili remedio subuenire possint.

C U N E I.

INtra Herculis columnas degunt *Cunei*, teste Polybio lib. X. vbi refert Magonem
Ihyemasse, quo tempore P. Corn. Seipionem in HISPANIAM traiecisse constat. Vo-
cantur autē *Cunei* à vicino Lusitaniae promontorio, quod *Cuneus* Plinio, Straboni vero
in limine lib. 3. *ager Cuneus*, Græcis σφεν dicitur. Mela vero lib. 3. c. 1. manifesto pro-
montoriū hoc etiā *Cuneū agrū* vocat: *Ana proximū [promontoriū] quia lata sede procurrens,*
paulatim

paulatim se ac sua latera fastigiat, Cuneus ager dicitur. Appianus in Ibericis magnæ urbis, quam *Conistorgim* vocat, meminit inter *Cuneos* sitæ, quam refert à Caluceno Lusitano vi captam. Strabo verò in Celticis hanc urbem recentet, & *Conistorim* vocat. unde colligere licet *Cuneos* illos olim fuisse circa Bæturiam, vbi postea Celtici populi ex Lulitania adueniæ sedes fixerunt. Ambrosius Morales credit illos eum tractum coluisse, vbi nunc *Niebla* comitatus est, cum adiacenti territorio.



10

CAP. IX.

G A D E S.

G A D E S V N D E D I C T A E. O L I M A P H R O D I S I Æ,

Erythia, Cotinusa, Iunonis insulæ, & Tartessus dicta. Frequens nobilitas, magna potentia. Multa de templo Gaditano. Finis olim navigationis.

Insula est ad Bætis ostia, qua Europa ab Africa dirimitur, & unde Tyrrheni maris faucibus, Oceani æstus immittitur, angusto spatio a continenti, & veluti flumine abscissa, ²⁰ *Gades* vel *Gadira* dicta, eo quod videatur τῆς γῆς δειγμ., id est, *Terra collum*, vt refert Eustathius in Dionysium Alexandrinum: sed melius Hesychius, quod Phœnices *Gadira* περὶ Φοῦνιαν vocant, id est, *Septimentum*, vnde & Plinius lib. III. cap. XXII. *Pœni Gadira sua lingua sepem vocant*, eo quod mari vndique sit circumscripta. Plato vero in Atlantico, seu Critia dialogo, aliam nominis originem adducit: Neptunum ex Clitone, Euenoris & Leusippes filia, refert quinque geminos masculorum partus suscepisse, primogenitum vocasse *Atlantem*, vnde & pelagus *Atlanticum*; alterum verò eodem partu editum *Gadirum* vocasse, qui Græcis εὐμελος, id est, *Dives ovium*, dicitur, sortitum extremas Atlanticæ insulæ partes; ad columnas Herculis, suo nomine *Gadiricum* locum nuncupasse. Duæ olim erant insulæ, nunc vnica tantum: variis olim nominibus dicta. ³⁰ ab Ephoro, & Philistide, referente Plinio, *Erythia*; à Timæo & Silenō *Aphrōdisias*; ab indigenis verò *Iunonis* dicta. Dionysius Alexandrinus ante Tyriorum aduentum *Cotinusam* dictam ait, ἀπὸ τῆς κοτίνων; quod oleastris abundaret; Plinius vero à Timæo maiorem *Cotinusam* dictam refert; à Romanis vetō *Tartesson*: cui adstipulatur Isacius Tzetzes; in Lycophronis Cassandram, qui scribit Tartesson insulam esse, & ciuitatem prope Herculis columnas: in qua Arganthonius regnavit. Ex Sallustio refert etiam Priscianus *Tartesium* esse, quæ Punica lingua *Gadir* vocatur. Idem Festus Auienus in descriptione ore maritimæ:

Hic Gadir urbs est, dicta Tartessus prius.

⁴⁰ Duæ in hac Insula olim erant vrbes, præter *Gaditanam*, teste Strabone: siquidem L. Cornelius Balbus, vir triumphalis, alteram exstruxit: quam *Neapolim* vocarunt, & ex ambabus tertia deducta, *didyma* dicta; Plinius vero Strabone posterior, vnus tantum meminit oppidi his verbis: *Oppidum habet ciuium Romanorum, quod appellatur Augusta urbs Iulia Gaditana*. Sed cur *Ciuium Romanorum* vocet oppidum, causam refert Dion Cassius lib. XLI. C. Iulium Cæsarem, pacata Hispania Gaditanos ciuitate Romania donasse, quam donationem deinde populus ratam esse iussit, atque ita eos somnii ergo remunerasse; quod quæstor ibi habuit. Visus enim sibi cum matre rem habuisse, atque inde rerum potiundi spem hausisse. Municipium vero olim fuisse ostendit vetusta inscriptio, quæ *Medinæ Sidoniæ* visitur:

50

M. ANTONIO. M. F. GARISIACO:

II. VIRI. MVN. AVG. GAD. D. D.

Eo verò incrementi paulatim, Romanorum amicitia, vrbs hæc peruenit, vt inter quatuor Bæticiæ conuentus annumeraretur. Tiberii vero Cæsaris tempore ad tantæ potentie culmen euaserat, vt Strabo scribat lib. III. vno suo ætatis censu, equestris ordinis, Gaditanos viros, quingentos esse censos: quod in nulla Italicarum urbium, præterquàm Patavii, reperti sunt: Nobilissimam certè olim fuisse urbem, vel ex eo liquet, quod Iuba Mauritanie Rex magni fecerit, huius urbis se esse Duumvirum, teste Festo Auieno: cuius versus ex ora maritima lubet hic adtexere: loquitur de Gadibus:

Tomus III.

Kk 3

*At vis in illis tanta, vel tantum decus
 Aetate prisca, sub fide rerum fuit:
 Rex ut superbus omniumque præpotens
 Quos gens habebat forte tum Maurusia,
 Octauiano Principi acceptissimus,
 Et litteram semper in studio Iuba
 Interfluoque separatus equore,
 Illustriorem semet, urbis istius
 Duumviratu crederet.*

10

Fidem vero potentia facit, quod Macrobius Saturnaliorum lib. I. cap. XX. refert: Theron, inquit, Rex Hispania citerioris, cum ad expugnandum Herculis templum ageretur furore, instructo exercitu nauium, Gaditani ex aduerso venerunt prouecti nauibus longis, commissoque praelio, adhuc aquo Marte consistente pugna, subito in fugam verse sunt regia naues, simulque improviso igne correpta conflagrauerunt. Paucissimi, qui superfuerant hostium, capti, indicauerunt apparuisse sibi leones, proris Gaditanae classis superstantes: ac subito suas naues immisis radiis, quales in solis capite pinguntur, exustas. Cicero etiam oratione pro L. Cornelio Balbo, refert Gaditanos, Romanorum Imperatores comiteatu, pecuniaque saepe iuuissse, & populum Romanum in annonae caritate, suppeditato frumento leuasse. Quod permagni faciet, qui sciuerit quanto frumento Romana vrbs olim indige-
 bat.

Inter celeberrima verò huius Insulae opera templum erat Herculis, quo plures Romanorum duces, magnis rebus gestis vota soluturi ventitabant, ut auctor est Diodorus Siculus lib. VI. Hannibalem etiam refert Silius Italicus, priusquam in Italiam exercitum moueret, Gadibus vota exsoluisse. Hoc verò templum Herculi Aegyptio sacrum fuisse, testatur Pomponius Mela lib. III. cap. VI. Philostratus verò lib. V. De vita Apollonii Tyanæi scribit, duos ibi Hercules cultos fuisse, Aegyptium, & Thebanum, nullo prorsus intus simulacro, cæterum Aegyptio duas aras æneas, Thebano vnam tantum erectam, iuxta quam duodecim Herculis labores conspicerentur, quod & Silius Italicus lib. III.

30

*Sed nullæ effigies, simulacraue nota Deorum
 Maiestate locum, & sacro implere timore,
 In foribus labor Alcide.*

Cur verò sanctum sit refert Mela Pomponius, Templum, inquit, Aegyptii Herculis, conditoribus, religione, vetustate, opibus illustre, Tyrii condidere: cur sanctum sit, ossa eius ibi sita efficiunt: annorum, quæ manet numerus, ab Iliaca tempestate, principia sunt: opes tempus aluit. Eustathius refert in Dionysium Alexandrinum, ex Aeliani sententia, Gadibus altare, Anno & Mense dicatum, vnum videlicet breuiori tempori, alterum longiori: templumque Senectutis esse, quod reueremur ætatem, quæ multa scit & d. dicit: & aliud Mortis, ad honorem communis omnium otii, vel eorum qui præter naturæ legem obierunt. Est etiam altare Penuriae & Artis. Ars enim Penuriam profligat. Eadem ferè Philostratus, additque, illos solos hominum, festis cantibus mortem collaudare. In Herculis quoque templo, auream Pygmalionis oliuam fuisse, idem auctor est: cuius præcipua pulcritudo in fructuum opere erat, qui ex smaragdo erant, veris oliuis simili. Persuasum etiam antiquis, Gades τὸν ἑσχάτον πλοῦν esse, seu finem nauigationis, & ab ipso quidem Hercule constitutum refert Suidas in dictione Γαδεῖρας. Flabertus, inquit, progressus Hercules, cum ob sonitum & tenebras ulterius tendere non posset, columnas ab indigenis sumtas erexit, quibus significaret eo usque peruiam esse terram & mare. Unde & Pindarus in Nemæis dicit Herculem columnas suas nauigationis terminum posuisse
 ode. III.

*Ἡ πᾶς θεὸς αἰς ἑθνεῖν
 Ναυπλίας ἑσχάτης
 Μαρτύρις κλυταῖς.*

id est, Quas diuinus heros posuit nauigationis ultima testes claros. Et clarius ode IV:

*Γαδεῖρων τὸ πρὸς ἑσπέρην οὐ
 Πέρατον δότρεπε
 Αὐτὶς εὐρώπην ποτὶ
 Χέρσον ἔντα ναός.*

Non esse

Non esse scilicet ultra Gaditam nauigandum, sed ad Europam esse reflectendam nauem. Sic & Silius Italicus lib. I.

Aique hominum finem Gades, Calpemque secutus.

Hac in Insula Geryones vixisse, multorum fuit opinio, vt referunt Plinius & Solinus: nec iniuria. nam, Strabone teste, tanta hic pabuli est lætitia, vt pascentium pecorum lac non ferescat, caseumque nisi multa assuta aqua non efficiant, &, ni menstro quoque tempore vena illis tundatur, ne nimio abdomine suffocentur, periculum est. Hæc de Insula dicta sunt: nunc de Incolis videamus.

L. Cornelius Balbus hac vrbe natus, ob res fortiter in HISPANIA gestas, à Cn. Pompeio, ciuitate non solum donatus est (vt videre est in oratione pro eodem à Cicerone habita) sed etiam *de Garamantibus triumphauit*, primus omnium externo curru, teste Plinio, lib. V. cap. V. Hunc & Cos. fuisse, & suæ ætatis homines tantum diuitiis & magnificentia superasse, auctor est Dion lib. XLVIII. vt populo Rom. moriens, in singula capita vicenos quinos denarios legauit.

L. etiam Iunius Moderatus Columella, qui de re rustica eleganter & accuratè admodum scripsit, hinc oriundus fuit, vt de tempore hoc versu testatum reliquit:

Et mea quam generat Tartessus littore Gades.

Martialis etiam Gaditanum dicit *οὐγγεγον* suum Poetam Canium, hoc Hendecasyllabo:

20 *Gaudet iocosa Canis suo Gades.*

Hodierno die Insula hæc nauigationis beneficio & salinis fouetur, tum ex thynorum piscatura multum emolumentum capit: omnis generis frugum & generosi vini feracissima. Non procul ab oppido collapsi Theatri ruinæ complures, aliaque non spernenda vetustatis vestigia spectantur. Et cum Insula hæc olim a continente septingentis passibus, qua proximè distabat, diuulsa esset, nunc, quæ rerum est vicissitudo, ponte cum continente coniungitur.



CAP. X.

COLVMNÆ HERCVLIS.

DE HERCVLIS COLVMNIS VARIÆ OPINIONES.

Saturni & Briarei dicta. Abyla & Calpes varia nomina. Festus Auenus emendatur. Strabonis lectio stabilitur.

40 **H**OC loco vicinas Gadibus vrbes recensere ordo postularet, nisi Herculis tanto pere decantata columnæ me retraherent. Præsertim cum & Pindaro *Γαδεεῖδα* *πόλεις* vocentur, plurimisque persuasum sit, Gadibus illas fuisse: sed obtinuit vltus Gaditano freto vtrimque impositos montes, Herculis columnas vocari, de quibus Martinus Capella eleganter lib. VI. *Europa*, inquit, *Calpe*; *Africa Abyla monte despicitur*; qui vtriusque prominentes, dici columnæ Herculis meruerunt, quod testimonio vetustatis, laboris Herculei limes in illis sit consecratus: siquidem ultra eum progredi, consumpta telluris inuia prohibebant. Denique etiam hoc de eius sacræ virtutis possibilitate persuasum, quod cum antea natura terris maria dispararet, ac tanto cingi circuitu firmaret Oceani, montium prædictorum 50 effossis radicibus, diuulgoque consinio camperuta, deuexis lacunisque terrarum, improrsum pelagus in usum mortalitatis admisit, permutans orbis faciem naturæque discrimina. Idem referunt C. Plinius in procemio lib. III. & Pompon. Melalib. I. *Africa enim hæc olim HISPANIAM inuinit*, & Ann. Seneca Quæst. Nat. lib. VI. cap. XXIX. *Hispanias*, inquit, à contextu *Africa* mare eripuit.

Diuersam longè ab hac opinionem refert Diodorus Siculus lib. V. cap. II. non perfodisse Herculem hos montes, sed vtrumque congesta humo adeo ampliasse: vt cum longè lateque antea, inter vtrumque continentem se Oceanus effan-

deret, his, quasi claustris, vtrîque arctarit, ne grandia cete in nostra maria possent penetrare: & ad nominis sui æternam famam, vtrique monti columnam imposuisse. Varia autem nomina his montibus indita, præsertim à Græcis. Isacius Tzetzes in *Ἰσχυρῶν Lycophronis* poema, has columnas vocat *Alybam* & *Abennam*; Paulus verò Orosius lib. I. cap. II. *Abennam*, & *Calpem* vocat; Eustathius in Dionysium Alex. ait alteram, quæ Europam definit, à barbaris *Calpem*, à Græcis verò, *Alybam* vocari: illam verò, quæ Africæ imminet, ab illis *Abennam*, ab his *Cynægeticam*. sed contra omnium Geographorum mentem, *Alybam*, vel *Abylam* (vel, vt vocat Suidas, *Abylicā*, vt verò Æthicus, *Abulenam*) cum *Calpe* confundit, cum palam sit diuersos esse montes. Ælianus lib. V. Var. hist. ex Aristotelis mente, refert columnas has primo *Briarei*, postea vero cum Hercule terrarum orbem monstris tyrannisque expiasset, tamquam de humano genere bene meritis, *Herculis* vocatas fuisse. Idem Pindari Scholiast. Nem. od. III. & Isacius Tzetzes, ex sententia Clearchi; Eustathius vero primo *Saturni*, postea & *Briarei* tandem *Herculis* fuisse dictas auctor est. Cui verò *Saturni* aut *Briarei* appellatæ fuerint, solerti Lectori indagandum relinquo, nisi placeat cum Zenodoto ex sententia Clearchi sentire, *Briarei* nomine etiam Herculem vocatum. Festus Auienus in descriptione oræ maritimæ *Abylæ* & *Calpes* etymon explicat, ita vt Maurusius *Abyla* idem sit, quod *Mons altus* Latinis; *Calpe* verò Græcis, quod nobis *Cani vasis* & *teretis* species, cuius versus non pigebit in medium producere:

*Sunt parua porro saxa prominentia
Abyla atque Calpe: Calpe in Hispano solo,
Maurusiorum est Abyla. namque Abyla vocant
Gens Punicorum; mons quod altus barbaro est,
Id est Latino, dici vt auctor Plautus est.
Calpeque rursam in Græcia, species canis
Teretisque visu, nuncupatur, & iugi.*

Sed obscurum hoc esse *Calpes* etymon cuius manifestum, quamobrem ita legendum puto:

— species canis
Teretisque vasis nuncupatur, & iugi.

Notum enim est hydriam, vrbam, & quod cauum protuberat, Græcis *κάλπη* dici. Ab hoc vasis genere Græci montem hunc *Calpem* dixere, quia teste Pomp. Mela lib. II. cap. VI. *Calpe mirum in modum concauus, & pæne totus in mare prominet*. Strabo lib. III. refert ex multorum sententia hæc Herculis columnas, Gadibus in templo fuisse ex ære cubitorum octo, in quibus construendi templi sumtus inscriptus erat; communi tamen opinioni subscribit, montes hos esse *Abylam*, & *Calpem*. Philostratus autem refert has ex auro, argentoque simul fuso conflatas esse, litteris inscriptis, quæ à nemine legi possent, illasque esse terrarum, Oceanique vinculum, ab Hercule in domo Parcarum inscriptas, ne qua elementis contentio accederet, neque amicitiam disungerent, qua inuicem tenentur. Crediderè nonnulli, referente Strabone & Eustathio, *Errantes scopulos*, vel *Symplegadas*, Herculei laboris metas, & celebres columnas fuisse. Hæc ideo adduxi, vt sciant quam varie de his senserit vetustas.

Ad radices autem montis *Calpes*, eiusdem nominis sita est vrbs, olim, vt ex Timotheo refert Strabo, *Heraclea* vocata, in Herculis memoriam exstructa, vbi & Hispanorum armamentarium fuit: cuius adhuc suo æuo vestigia existisse refert. Scio Cl^m. virum Casaubonum lectionem hanc Strabonis non recipere, & loco *κάλπη*, legere, *κάρπει*, quia nemo veterum *Calpes* vrbis meminit, præter Antonini Itinerarium, quod vt deprauatum etiam reiecit; sed quam vere, viderit Lector. mihi parum firmæ eius rationes, vt à codicum omnium consensu recedam, videntur: præsertim, cum eo loci hodierno æuo vrbs sita est, *Gibraltar* dicta, qua Pœni primū in Hispaniam irruere, acciti à Iuliano Comite, nomenq; illius priscum in Ducis *Tarif* memoriâ mutatum. Coniecturæ meæ fauet Amb. Morales lib. 12. c. 68. & P. Io. Mariana Rerū Hisp. lib. 6. c. 22. vocat *Gibraltar*, *Heracleā*. Eodē prorsus modo opposita columna, & montis & vrbis nomen præbet *Abila*, hodie *Centa*, vt Castaldo placet, adde Antonini itinerariū *Calpē* & *Carteia* (licet corrupte *Tarteia* habeat) vt diuersa oppida recēdere. Sed ne longius abeam, multorum instar sit Hesychius in Lexico, qui dum varias, in dictione *ἤλας*, de Herculis columnis recenset opiniones, dicit aliquos, vrbes sic vocatas, credidisse. verba eius lubet apponere: *ἐνίοι αὐτῆς νήσος εἶναι φασιν, οἱ δὲ περὶ ὁρίσματα, οἱ δὲ τῶν ὑπερείκων ἀκροῶς, οἱ δὲ πόλεις, καὶ οἱ μὲν δύο, οἱ δὲ τρεῖς, οἱ δὲ μίαν, οἱ δὲ πέντε φασιν.* Id est: *Aliqui ipsas insulas esse dicunt, alii ag-*
gere,

geres, alii continentis promontoria, alii vrbes, alii duas, alii tres, alii vnā, alii quatuor. Circa has Herculis columnas, auctor est Aristot. lib. De mirandis auscultationibus, incendia e-rumpere, alia quidem regi flamma, alia vero per interualla, & tantum noctu. Sed so-lus hoc, quod sciam: præterquam quod hoc æuo nulla ibi eructari incendia omnium ore constat. Non absimile est, quod refert Festus Auienus columnas has Herculis,

—horre siluis undique

Inhospitasque semper esse nauticis:


Inesse quippe dicit illis Herculis

Et templa & aras: inuehi aduenas rates

Deo litare, abire festino pede,

Nefas putatum demorari in insulis.

10



CAP. XI.

CARTEIAM NON ESSE TARIFAM, AVT CAR-thagenam, sed Algerizā. Colonia libertinorum dicta. Num eadem cum Tartesso. Dion & Pausanias emendati obiter.

- 20 **Q**uia superiori capite, in *Carteia* mentionem incidimus, opportunè hic mihi vide-or de illa acturus. Cl. Ptolemæus inter *Bastulos*, qui & *Pæni* cognominantur, ad fretum Gaditanum collocat. quænam hodierna die vrbs sit, fluctuant recentiores. Franciscus Tarapha, & Io. Goropius Becanus *Tariffam* esse; Carolus Clusius, & Iose-phus Moletius, *Carthagenam*, opinantur; Ioannes Oliuarius in Pomponium Melam, *Cartaiam* credit, quæ non procul ab Ana fluuiο est; sed à vero omnes deuiare paucis ostendam. Sita erat *Carteia* teste T. Liuii lib. XXVIII. illa in ora Oceani, vbi pri-mum è faucibus angustis panditur mare, & , vt ait Pomp. Mela lib. II. cap. VI. illo in sinu, quem Calpe efficit. *Tariffa* verò nec in primis illis freti angustis, nec in Cal-pes sinu sita est. Adde si lubet *Tariffa* oram importuosam esse, & infidam nauibus
- 30 stationem; *Carteia* vero portum habet commodum. Hic enim Cn. Pompeius post sinistram ad Mundam prælium, fugiens, conscendit naues, vt præter A. Hirtium testantur Appianus Alex. & Strabo. C. etiam Lælius pugnaturus aduersus Hannone *Carteia* naues soluit, & victor huc classe reuectus. Proinde luce clarius est, non esse *Tariffa*: sed potius, vt auctor est Ambro. Morales, vir de Hispaniæ antiquitate optimè meritis, *Algeriza*. Hæc enim & commodum habet portum, & in sinu ipso, quem Cal-pe efficit, sita est. Non esse *Carthagenam* clarius est, quam vt probatione indigeat, sola ipsa distantia redarguit: cum hæc in *Tarriconensi*; illa vero in *Batica* sit. Non esse *Cartaiam*, licet nominis similitudo suadere posset, situs differentia conuincit: si quidem *Car-taia* ad Anam flumen est. Alterius etiam *Carteia* T. Liuii lib. XXI. meminit, quam
- 40 Olcadum caput, & ab Annibale expugnatam dicit. Carolo Sigonio tamen hoc loci ex Polybio & Stephano placet *Alteiam* legere, licet aliquis dubitaret, quia apud eun-dem Liuium, *Carteia ad Oceanum* vocatur hæc nostra. Cur vero adiectio hæc, si huius nominis vnica tantum vrbs? Sed nihil ad Bacchum hæc.

Latinam hanc coloniam esse factam, & *Libertinorum* appellatam, auctor est T. Liuius lib XLIII. quod eo noui coloni deducti essent: Et alia, inquit, noui generis hominū ex HISPANIA legatio venit, ex militibus Romanis, & ex Hispanis mulieribus, cum quibus con-nubium non esset, natos se memorantes, super quatuor millia hominum. Orabant vt sibi oppidum, in quo habitarent, daretur. Senatus decreuit, vt nomina sua apud L. Cannuleium profiterentur, earumque si quos manumississet, eos *Carteiam* ad Oceanum deduci placere.

- 50 Neoterici nonnulli ab Arganthonio Rege conditam credunt hanc urbem: ego illum regnasse hic ex Silio Italico lib. 3. adducor, vt credam:

Arganthoniacos armat *Carteia* nepotes,

Rex proauus fuit humani ditissimus aui,

Ter denos decies emensus belliger annos.

Anacreon verò (vt obiter hoc tangam) hunc CL. annis vixisse; Plinius verò lib. VII. cap. XLVIII. octuaginta regnasse, & quadagesimo incepisse auctor est, qui tan-tum CXX. anni sunt. Urbem hanc eandem esse cum *Tartesso* Græcorum, idem Plinius

asserit lib. III. cap. I. Strabo dubitat: *Nonnulli*, inquit, *huius ætatis Tartesson appellant Carteiam*. Pomponius etiam Mela lib. II. ambigit: *In eoque [sinu] Carteia, ut quidam putant, aliquando Tartessus*. Illud tamen miror, cum Silius Arganthonium *Carteia* regnasse dicat, illam tamē à *Tartesso* diuersam eum facere, cum Græcis omnibus dicatur *Tartessi* regnasse, ut Anacreon testatur, aliique: Vnde & campos *Argantoninos* Sidonio dictos vocat Cl. Scaliger *Tartessum* hunc tractum Notis in Ausonium. Diuersam autem à *Carteia* esse *Tartessum* his verbis Silius declarat, cum de *Carteia* locutus esset:

*Armat Tartessus stabulanti conscia Phæbo,
Et Munda.*

Sed cum & Gades ostensum est, ex Plinii, Salustii & Tzetze sententia *Tartessū* dici, non absurde quæri posset, an plures fuerint *Tartessi*, vel an totus ille tractus à Gadib⁹ columnas ad usque *Tartessi* nomen obtinuerit, quod curioso Lectori inquirendum relinquo. Vicinam vero Algerizē urbem *Tariffam*, multi credunt olim *Tartessum* fuisse: quæ anno à Christo nato D. CCXIII. à Pœnorum dūce *Tarif* (qui eo loci ex Africa ad occupandam Hispaniam traiecit) nomen sumsit, priori oblitteratō de quo inferius. Agnouit ergo Silius Italicus, pro diuersis urbibus *Carteia* & *Tartessum*; Strabo & Mela dubitarunt. *Algerizæ* hodiernō die copiosus admodum est piscatus, ex quo incolis lucrum ingens, quō etiam superioribus seculis non caruisse crediderim. Auctor enim est Strabo, *Carteia* præter thynnorum frequentiam; murices & purpuras librarum X. esse. Quod ne cui mirum sit, lubet referre, quid Plinius de mirandæ magnitudinis Polypo, obtinente L. Lucullo Procos. Bæticam, lib. IX. cap. XXX. dicat: *Carteia, in cetariis assuetus [Polypus] exire è mari in lacus eorum apertos, atque ibi salsamenta populari, conuertit in se custodum indignationem, assiduitate furti immodici. Sepes erant obiectæ; sed has transcendebat per arborem, nec deprehendi potuit, nisi canum sagacitate: hi redeuntem circumvasere non etn, concitique custodes, expauere nouitatem. Primum omnium magnitudo inaudita erat, deinde color muria obliti odore diro. Quis ibi polypum expectasset, aut ita cognosceret? cum monstro sibi dimicare videbantur. namque & afflatu terribili canes abigebat, nunc extremis criminibus flagellatos, nunc robustioribus brachijs, clauarum modo incussos, aggreg. multis tridentibus confici potuit. Ostendere Lucullo caput eius, dolii magnitudine, amphorarum quindecim capax, atque (ut ipsius Trebii verbis utar) barbas, quas vix utroque brachio complecti esset, clauarum modo thorosās, longas pedum XXX. acetabulis siue caliculis vernalibus peluium modo, dentes magnitudini respondentēs, reliquæ asservatæ miraculo, pependere pondo DCC. Sepias quoque & lolligines eiusdem magnitudinis expulſas in litus illud, idem auctor est. Antiqua etiam numismata, geminis thynnis insignita, hic reperta fidem faciunt, ut refert, Ambrosius Morales, & Antonius Augustinus Dialogis antiquitatum. Plinius vero lib. XXXI. cap. VIII. scombros hic incolas refert piscari, ad conficiendum garum: Monendum mihi hoc loco apud Dionem lib. XLIII. deprauate legi *Crantiam* pro *Carteia*: Ὀὐαπὸ δ' ἰσὸς τῆς Διδίῃ τοῦ ἐπὶ νεανίας ἐναντιοῦντος; καὶ ἐκεῖ μὴ παύσαντες πορεύων ἐς τὴν γῆν. Id est: *Varus* vero à *Didio* apud *Cranciam* nautali praelio superatus in terram euasit. Substituendum vero esse *Carteia*, vel ex *Flora* colligi potest, lib. III. cap. II. Primum in ostio Oceani *Varus Didius* que legati confligere: quo loco nusquam *Crancia* mentio ab assiduo aliquo proditur auctore, sed *Carteia*, ut ex *Liuiō* patet. Similiter & apud *Pausaniam* lib. II. *Eliacorum* pro *Καρπία*, legendum puto *Καρπία*. nisi quis & ita dictam fuisse asserat.*

C A P. XII.

DE PRISCO TARTESSI SITV. NON EXSTARE
nostro aeo. Regnum Tharxes hic fuisse.

Tartessus vrbs, & Græcis, & Latinis Scriptoribus notissima, sed, vt rerum est omnium orbis, ignorantia caligine nostro aeo latet. quare vt viatores, spissa nocte deprehensi, dubia spe, huc illuc lapsanti vestigio errantes, si procul gratæ lucis indicium affulget, co votis, pedibusque contendunt: ita ego ad veterum Scriptorum facem, conabor accedere, vt *Tartessi* situm, locumque detegam. Varie autem *Tartessi* nomen acceptum. nam & *Gades* ita dictas, & *Carteiam* ostendimus; sed præter hæc urbem ab his diuersam fuisse *Tartessum* nunc docebo. Strabo lib. III. refert inter gemina *Tartessi* amnis (qui nunc *Betis* est) ostia, situm quondã fuisse oppidum eiusdem nominis: quod & Pausanias in Eliacis asserit. Idem Steph. Byzantinus: *Ταρτησὸς πόλις ἰβηρίας ἀπὸ τοῦ ποταμοῦ ἀπὸ τοῦ ἀργυροῦ ὀρους ῥέοντος*. Id est: *Tartessus Iberia vrbs est dicta à flumine, qui ex argenteo monte fluit*: qui ipse *Betis* vel *Tartessus* est. Vnde cum palam sit *Tartessum* esse sitam ad Bætim, nequit eadem cum *Carteia* esse: siquidem multis ab hoc amne passibus remota est, in sinu illo scilicet sita, quem *Calpe* efficit. Quod vero non nemo credat *Tariffam* esse priscam *Tartessum*, procul eos à vero aberrare in confessio est: cum *Tariffa* etiam nimum à *Beti* dissita sit. quod vt indubitatum credo, ita maxime mihi dubium priscum ipsius *Tartessi* situm demonstrare. Nam cum *Betis* olim geminis se ostiis mari mergeret temporis decursu alterum illi oblimatum est, & aliquantulum ab antiquo se torlit itinere, vt alii plerique amnes. Quo fit, vt quæ circa illa loca erant vrbes, nunc in obscuro sint. Sed quid Suidam mouerit, quod *Tartessum* prope Auernum lacum fuisse dicat, nulla mihi ratio occurrit. Nobilem vero & opulentam fuisse urbem, vel Poeta ille apud Stephanum innuit, dum illam vocat *Ταρτησίων ὀλβιον αἶον*. Vnde & Anacreon, inter opimas felicitates, quas respuit, nolle se, ait, *Tartessi centum & quinquaginta annis imperare*; Argantonium significans. Cum vero *Tartessus*, inter vltima occidentis loca esset, ansam Poetis fabulandi dedit, vt Tartarum circa *Tartessum* fingerent, quod ex Homero ostendit Strabo. Latinis etiam Poetis frequens est dicere, *Tartesso* solem se mergere, Ouidius *Metamorph. XV*:

Presserat occiduis Tartessia litora Phæbus:

Ausonius etiam cum stridore mergi dicit.

Condiderat iam solis equos Tartessia Calpe

Stridebatque freto Titan insignis Ibero.

Vnde & Statius Papinius Siluarum lib. II. de Bætica loquens:


Felix heu nimis & beata tellus:

Quæ pronos Hyperionis meatus;

Summis Oceani vides in undis.

Stridoremque rotæ cadentis audis:


Hausere id ex Posidonio Philosopho Poetæ, qui solem circa hæc littora multo maiorem occidere affirmabat, & cum strepitu, perinde atque in profundum ibi incideret, pelagusque ad eius contactum efferuesceret. Sed mitto has tellenas nugas, vbi ne scindilla veri apparet. Io. Goropius Becanus lib. V. rerum Hispanicorum, non obscure docet, *Tartessum* vocari in sacris litteris, regnum *Tharxes*. quo rex Salomon simul & in *Ophir* classem mittebat, ad aurum argentumque aduehendum. Nam quod hactenus plurimis persuasum fuit, *Tharxes* vel mare vel Carthaginem denotare, viuis rationibus refellit, quas hic prætereo libens, ne actum agam. Sane regionis circum iacentis felicitas, auri, argentique perennis fecunditas, & scriptorum ea de re vnanimis sententia facit, vt non inuitus illi assentiar: præsertim vero, cum ipsos Tyrios & Phœnices (qui cū Salomonis classe mittebantur) imensam argenti vim ex vicina hac regione asportalle dicat Strabo & Aristoteles:



CAP. XIII.

*Xeres olim dicta Asta regia. Colonia Romanorum. Num Æneg.
Stephani Byzantini fuit.*

DE prisca *Xeres de la frontera*, appellatione dissentiunt auctores. Ioan. Magarinus Episcopus Gerundensis *Sisaponem* fuisse; Clusius *Asidonam*; Lucius Marineus celebrem illam funesto prælio *Mundam*: quæ sigillatim refellere, esset Lectorum opera¹⁰ aburi. Ego verò *Astam* puto, quæ à Plinio *Regia* cognominatur, Colonia Romanorum, inter Bætis æstuarium sita. Quod ut asseram multa faciunt. Strabo lib. 3. portum *Mnesthei* non procul ab *Asta* collocat: qui hoc ævo *portus B. Mariae* indigetatur, capaci tutaq; nauium statione celebris, duabus tantum leucis à *Xeres* distat. Licet Ambrosius Morales credat locum esse inter *Xeres de la frontera*, & *Paerto B. Mariae*, qui hoc ævo, *la Mesa de Asta* vocatur. Ptolemæus etiam ad *Astam* æstuarium collocat, quod Moletio aliisq; *Salucar* est, non procul à *Xeres*, & ut Straboni, Plinio, & Ptolemæo, *Nebrissa* & *Asta* vicinæ vrbes sunt, & inter Bætis æstuarium sitæ, ita etiam *Xeres* à *Nebrissa* non totis quinque leucis distat. Stephanus Byzantinus *Ænegæ* oppidi ad Herculis columnas meminisse, quod an *Xeres* nostrum sit, nominis situsq; vicinitas facit ut credam, suoq; forsitan²⁰ tempore relicto antiquo nomine *Aste*, nouum assumerit, ut multis aliis urbibus accidit. A. Hirtius hanc urbem *Hastam* vocat, cum ceteri sine aspiratione legant: iuxta quæ refert duces Cn. Pompeii, qui funesto Mundeni prælio superfuissent, omnes à Cæsare extra vallum concisos, cum coniurassent castrorum eadem. Strabo refert conuentum Turdetanorum fuisse. Hoc ævo vrbs est murorum ambitu conspicua: ager est, vineis, aruisque lætissimus: nulla eius portio inculta, aut otiosa; sed vel viribus, aut frugiferis arboribus egregie consitus, aut oleo, segeteque ornatus. generosissima vina fundit, quæ non solum Europæi nostri, sed alio sub sole calentes Indi expetunt. Equorum greges alit mira pernicitate laudabiles, quos incolæ *Ginettes* vocant. Moris hac in vrbe est ditioribus, immensæ altitudinis puteos defodere, quibus annonam³⁰ multos in annos conseruant, quos lapidum mole contactos, sine peculiari Senatorum consensu aperire vetitum. vnde cum an. 1561. arcta re frumentaria Germania premeretur, incredibili copia ab hac vrbe prouisum fuit. Auctor est T. Liuius lib. 39. C. Catinimum post fusos Lusitanos in agro Astensi, urbem Astam expugnasse, sed dum incautius muros subit, ictum, post paucos dies obiisse. Refert Morales aliiq; Historici, non procul à *Xeres*, luctuosum illud prælium, inter Arabes & vltimum Gothorum Regem Rodericum, commissum fuisse, vbi Gothi ad internecionem cæsi, & HISPANIA in Arabum potestatem & prædam cessit.



CAP. XIV.

NEBRISSA

Nebrissa cognominata Veneria. A Baccho & Satyris condita.

Turdetaniæ vrbs est *Nebrissa*, teste Ptolemæo Romanorum colonia, cognomine *Veneria*, ut ait Plinius, hodie *Lebrixa* dicta, sita inter Bætis æstuarium; sed nunc à Bæti octo M. P. distat, oblimato altero illius ostio meridionali, vnâ cum alueo. Conditam ferunt⁴⁰

Tempore quo Bacchus populos domitabat Iberos

ducentis prope annis, ante Troianum excidium, ut colligit Antonius Nebrissenis in Historiæ suæ præfatione; à quo & urbem conditam putat. Silius verò Italicus ad Satyros Dionysii, seu Bacchi comites, originem velle videtur referre, non abludente etymo. Nebris enim pellem hinnuli significat, qua Bacchantes induti sacrificare solebāt. Sed lubet Poëtam audire lib. 3.⁵⁰

*Ac Nebrissa Dionyseis conscia Thyrsis,
Quam Satyricolueret leues, redimitaque sacra
Nebride, & hortano Menas nocturna Lyao.*

Oppidum

Oppidum est peramœnum, cum vetusta arce, agro vndique beatissimo cinctum. Hoc enim præcipue Bætica tractu lætissimas fruges, vina lectissima, mella optima, sapidissimos arborum fructus, tellus producit: ut non immerito tam luxuriosus ager à Baccho, aut à petulca Satyrorum manu, ad condendam urbem delectus videatur. Sed non tantum se iactat hæc urbs, quod conditor habuit madidum & lasciuium illum Deum, quæ quod ciuem produxerit *Ælium Antonium*, qui Vandalicis, Punicisque armis pulsas tota Hispania, Latinas Musas, primus reduxit, & extirpata passim barbarie, pristino illas nitori restituit. Rerum à Ferdinando & Isabella Regibus gestarum binas decades cum laude conscripsit: tantumque HISPANIA *Ælio Antonio*, ob restitutas postliminio literas, quantum Ferdinando Regi ob fusos fugatosque Mauros, se debere fatetur.



CAP. XV.

OSSUNA OLIM VRSO. A HIRTIO VRSO. APPIANO
Orsona. Situs eius ex Hirtio petitus.

Non procul à Nebrissa spectatur *Ossuna*, quæ Straboni & Plinio *Vrso*, & *Genua* urbanorum vocata: Antonius August. legit, *Geminam urbanorum* pro *Genua*, teste Ortelio. Ab A. Hirtio, *Vrsionem*, ab Appiano in Ibericis *Orsonam*, à Ptolemæo *Oleastrum* dici auctor est Ios. Moletius. Conuentus olim Astigitani, distans à Singilia, quæ nunc *Antiquera*, circiter M. P. XXX. ab Astigi plus minusue. Sed lubet A. Hirtii verba adducere, qui graphice urbem nobis eiusque situm ob oculos ponit: *Ad oppidum, inquit, recuperandum occasionem non pratermittunt, & reliquos viros capiunt, ac deinde Vrsionem proficiscuntur, quod oppidum magna munitione continebatur, sic ut ipse locus non solum opere, sed etiam natura editus ad oppugnandum hostem appeteret. Hoc acciderat, quod aqua, præterquam in ipso oppido non erat, nam circum circa riuus nusquam reperiatur, propius M. P. octo quæres magno erat adiumento oppidanis. Tum præterea accedebat, ut agger materiesque, unde solita sunt turre agi, propius M. P. VI. non reperiuntur.* Ex quibus non solum patet urbem fuisse egregie munitam & magni momenti, sed etiam descriptionem quadrare optime *Ossunæ*. Oppidum enim aqua caret contermina, arborum genus nullum præter oleam profert ager: quam etiam à Pœnis agriculturæ studiosis illatam fuisse crediderim. Quibus fidem etiam faciunt fragmenta quædam, & cippi cum vetustis inscriptionibus, in ipso oppido reperta, quæ nomen *Vrsonis* ostendunt. Nostro æuo Illustrissimæ Gironum familiæ est, quæ relicto titulo Comitum *Vrenia*, Ducum *Ossunæ*, anno M. D. LXII. annuente Philippo II. nomen sibi vindicauit. Academia hic exstructa, anno M. D. XLIX. insignis, à Ferdinando Mattamoro. Agitur est pecoris, messiumque vberimus: olei etiam fecundus, aer saluberrimus.



CAP. XVI.

HISPALIS.

HISPALIS COGNOMINATA ROMULENSIS. ISIDORI
opinio reiecta. Vnde dicta. Eius descriptio.

UT ceteras HISPANIÆ provincias Bætica, & ita Bæticae vniuersas vrbes *Hispalis*, nobilitate, opibusque longè antecedit. Colonia fuit olim Romanorum, cognomine *Romulensis*, & ex quatuor eiusdem provinciæ conuentibus, teste Plinio. De origine eius ambigunt Scriptores: Franciscus Tarapha, alique subleste fidei Scriptores, ad *Hispalum* Herculis Libyci filium, ex Berosi mente, referunt; Isidorus verò lib. XV. Originum, Iulium Cæsarem refert *Hispalim* condidisse, eamque ex suo & urbis Romæ nomine, *Iuliam Romuleam* nuncupasse. Sed cum veritate hoc pugnare, in aperto est. Nam apud Hirtium aliosque, frequens *Hispalis* mentio, eaque post Mundensè prælium recuperata, dum beneficiorum memoriam *Hispalensibus* Cæsar refricat, non præterisset urbis se conditorem. nec *Iulie Romuleæ* illi cognomen, sed *Romulensis*. Ego in re tam vetusta, & inter fluctuantes Scriptorum opiniones nihil certi ausim statuere. Sufficit coloniam fuisse Romanorum, quæ à Philostrato in vita Apollonii Tyanaei lib. V. cap. I. *Ispula*; à Silio verò Italico *Hispal* vocatur, vnde ait:

Et celebre Oceano, atque alternis aestibus Hispal.

In antiqua verò inscriptione (quam Hispali repertam Ambrosius Morales) *Romulea* vocatur, nullo alio addito nomine:

M. AVRELIO. VERO. CÆS. IMP.

CÆSARIS. TITI. ÆLII. HADR.

AVG. PII. P. P. F. ANTONINO.

COS. II. SCAPHARI. QVI.

ROMVLEÆ. NEGOTIANTVR.

D. S. P. D. D.

Vocatam autem *Hispalim*, vult Isidorus à situ, eò quòd in solo palustri, suffixis in profundo palis locata, ne lubrico & instabili fundamento caderet. Arias verò Montanus apud Ortelium ait *Hispalim*, Phœnicum nomen esse, à *Spila* vel *Spala* deflexum, quod planiciem siue virentem regionem significat, quam suburbanus eius ager egregiè refert.

Vrbs certè est amœnissima, & in primis, non Hispaniæ modò, sed & Europæ, nobilis & opulenta, ad Bætiam appositâ, murorum ambitu, ædificiorum structura & cultu conspicua. suburbium habet amœnum & amplum, cui *Triana* nomen, Bætiamne discretum, sed ponte sublicio vrbi coniunctum. Ager vicinus planus est, & lætissimus, summumq; hic Liberi Patris cum Cerere certamen, sed præcipuus oleæ proventus: nec vsquam generosior eius liquor. oliuas muria maceratas (quas Græci *λυβδάς*, Romani *Drupas*, aut *Natantes* vocant) insignitum magnitudine tum suauitate suppeditat. frugiferis arboribus, sed præcipuè vario citriorum genere felix: & ne in singula me effundâ, naturæ gaudētis & lasciuiētis opus est: vt nihil sit hic quod cultura præterierit. Ferunt Scriptores, quo tempore D. Ferdinandus Maurorum illam iugo eripuit, circa annum M. CCXVII. plus quàm centum millia pagorum, Hispalensis territorii numerata fuisse: quod immensam agri vbertatem arguit, licet incolarum infrequentia, ad magnam raritatē delapsi sint. Iam a Strabonis æuo emporium fuit non incelebre, ita & hac tempestate, longè opulentissimum euasit. huc enim ex vniuersi orbis plagis, maximè verò ex occidua India, & Peruuiano orbe, incredibiles opes aduehuntur. Binæ quotannis classes auro, argento, gemmisque onustæ, noui orbis diuitias hic exponunt: vnde liberali manu in vniuersum orbem dispensantur. Ita vt non queratur HISPANIA defuisse sibi nobiles suas metallorum secturas, sed præbente India opes suas, gaudet visceribus ab auaris manibus parci. Hic iterum omnigenis mercibus ornata, milite & comœatu instructa Indiam petunt. Vnde opibus ita pollet, vt Regi suo ferant, annuo sesquimillionem aureorum obsequii & vectigalium ergo pendere, quantum vix integra alibi regna. Templum habet celeberrimum, & mole sua maximum, turremque egregiæ altitudinis illi adnexam: D. Virgini id sacrum, in cuius impensas annuas, triginta millia aureorum destinata ferunt. Archiepiscopatum habet opimum, splendidumque, & qui, Toletano excepto, nulli opibus & dignitate cedat; centum & amplius illi aureorum millia in annuos prouentus suppetunt; qui tantæ erat olim auctoritatis, vt tempore Hormisdæ Papæ, tota vltior Hispania Bætica scilicet, & Lusitania illius obsequium agnosceret. Imò auctor est D. Illefonso, supplemento ad D. Isidori Chronicon, primatis HISPANIÆ dignitatem, Hispalensis primò Præsulis fuisse: donec Theodiscus, D. Isidori successor, regnante Chintilane Gothorum Rege, hæresi infectus, Archiepiscopatus honore deiectus fuit. Toletum sic dignitas translata, ibique in hoc æuum permanfit. Mirum est quod Plinius refert, lib. II. cap. XCVII. *Hispali* puteum fuisse, qui crescente maris æstu minueretur, augeatur verò decente, ceteris natura vulgaris.

Et licet vrbs hæc Mercurio magis, quàm Phœbo semper dedita, & commerciis quàm litteris notior fuerit, summa tamen ingeniorum fastigia edidit. Quem enim D. Isidoro præferas? vitæ enim sanctitate, litteris tum sacris, tum profanis paucis æqualis, inferior nemini. Satis eum superque doctum illud Originum opus posteris commendat. Nostra etiam memoria eloquenti philosophia, & philosophica eloquentia insignem virum *Sebastianum Foxium Morzillum*, & *Benedictum Ariam Montanum* Theologum, Poetam, linguarum peritiam (Hebraicæ præsertim) nemini secundum protulit.

C A P. XXVII

I T A L I C A.

DE ITALICAE SITV DISQVISITIO. A SCIPIONE

Africano condita. Hodie Siuilla la vaia. Municipium

Romanorum.

10

20

30

40


Quamvis *Italica*, nihil præter deformes ruinas, & diuulsa rudera ostendat; optimorum tamen Imperatorum manibus pauca hæc dentur, vt natale illorum solum cunctis innotescat: multis enim situs eius prisceus ignoratur. Auctor est Appianus Alexandrinus in Ibericis, à Scipione Africano conditam, peracto bello Hispanico, vbi emeritos, & mutilatos membro aliquo milites reliquit, quo tamen loco illam condiderit, non exprimit. Ptolemæus illam in Bætica collocat, ex Plinio verò; *Ilipam* prius vocatam colligunt aliqui. ait enim: *Ilipa cognomine Italica*; collocat autem illam prope Hispalim. Eodem modo apud Strabonem legendum esse asserit doctiss. If. Casaubonus: cuius verba sunt: *Post hæc Italica & Ilipa super Bati*, emendat autem, *quæ & Ilipa*; sed quam exactè, viderit Lector. *Italica* enim non est cognominata *Ilipa*, vt hæc præ se fert lectio; sed *Ilipa*, *Italica* postea dicta. Auctor est Vassæus ignorari à plurimis antiquum situm, aliqui *Nieblam* esse putant; Ambrosius Morales *Siuilla la veia* ostendit esse, & Hieronymus Surita. Multa enim hic indicia antiquæ vrbs, & Romanæ magnificentie impressa vestigia. Inter cetera non pœnitendæ Amphitheatri ruinæ visuntur. Antoninus in Itinerario, Hispali *Italicam* nullum passuum apponit numerum, indicio exiguam fuisse distantiam, & cunctis notam; & hodierno die vix quarto lapide abest. Referunt Ioan. Vassæus, & Ambrosius Morales, bello, quod excitatum fuit inter Regē Leuigildum patrem, sed Ariana hæresi infectū, & Ermenegildū filium Catholicæ fidei assertorem, qui Hispali obsessus erat, anno Domini D. LXXXIV. vt Bætis commercia obsessis auferrentur, iussisse Leuigildum, mœnia *Italica* vetustæ vrbs restaurari, atque ita Hispalenses ad deditionem compulisse; quæ certè omnia *Siuilla la Veia* quadrant. Bæti enim apposita, & leuca tantum ab Hispali distat. De qua Lucas Tudensis: *Inueni*, inquit, *in Chronicis*, quod *Italica* est *Hispalis antiqua*, unde populata fuit hæc *Hispalis quæ nunc est*; sed postremum hoc prorsus à veritate alienum est. Addè quod hodie circumiacentes campi, *los campos de Talca*, ab indigenis vocantur, mutilata voce, tamquam *Campi Italica*. Iuxta hanc urbem refert Paulus Orosius lib. V. cap. XXIII. Herculeium Q. Sertorii legatum cum Metello congressum, viginti millia peditum perdidisse. Fuisse *Italicam* Coloniam olim, videre est in fragmento basis Vulsiniis in Italia reperto: ITEM COLON. ITALICENSIVM IN PROV. BÆTICA: qui reliquam inscriptionem volet, consulat Smetii Antiquitates.

Municipium tamen fuisse auctor est Agellius lib. XVI. cap. XIII. ex oratione D. Hadriani, quam de *Italicensibus* habuit. Miratur enim Imperator, cur *Italicenses* & quædam alia municipia antiqua, cum suis moribus, legibusq; viuere possint, in ius Colonialium mutari gestiuerint.

Hac vrbe orti Imperatores *Traianus* & *Hadrianus*, vt testantur Appianus, Ælius Spartianus, Eutropius. Magnum etiam *Theodosium* hæc vrbs tulit, vt plurimorum fert opinio, & ne quid deesset, *Silium* etiam *Italicum* Poetam egregium, teste Petro Crinito: tametsi dissentiant Ioan. Camers Scholiis ad L. Florum, & Hieronymus Surita: Felicem *Italicam*, quæ virtutum, & doctrinæ hæc fastigia edidit. iactent sese aliæ vrbes, murorum structura, situs opportunitate, agri cælique benignitate, illa vero (quamvis nihil horum illi defuisse olim crediderim) maximorum Heroum natalibus, qui nunquam ignorantie tenebris illam patientur latere, se attollat. Episcopalis vrbs fuit elapsis seculis, primum Episcopum D.

Geruntium Confessorem habuit.

53



CAP. XXVIII.

ASTIGI COGNOMINATA AVGVSTA FIRMA, NUNC
Eccia. Conuentus Batice. Inscriptiones veteres.

VRbs olim clarissima, ne hodie obscura *Astigi*, hoc tempore consentientibus Hispaniæ Scriptoribus, *Eccia* dicitur, Romanorum quondam Colonia, cognomine *Augusta firma*, ut auctor est Plinius. Inter Turdetanos à Prolemæo reponitur, à qua quartus Baticæ conuentus Astigitanus vocatus. Pomponius Mela urbem hanc inter præcipuas totius Baticæ recenset, his verbis: *Urbium de mediterraneis in Tarracoenfis clarissima fuerunt Pallentia & Numantia, nunc est Caesarangusta: in Lusitania Emerita, in Batice Astigi, Hispalis, Corduba*. Conditam dicit Franciscus Tarapha ab *Astyre*, Memnonis auriga, qui amisso ad Troiam hero, in HISPANIAM venit, ubi & Asturibus nomen dedit: de quo Silius lib. III.

*Venit & aurora lacrymis perfusus in orbem
Diuersum, patrias fugit cum deuus oras,
Armiger Eoi non felix Memnonis Astyr.*

Monendum hic obiter, quo loco apud Strabonem lib. III. *Astenas* reperitur, legendum *Astiga*, ut auctor mihi est V. Cl. Is. Casaubonus. In antiquis inscriptionibus nunc *Astigis*, nunc *Augusta forma* fit mentio. vtriusque exemplum ipsa vrbs nobis supeditat:

P. NVMERIVS. MARTIALIS.
ASTIGITANVS. SEVIRALIS.
SIGNVM. PANTHEI.
TESTAMENTO. FIERI. PONIQ.
EX. ARGENTI. LIBRIS. C.
SINE. VLLA. DEDVCTIONE. IVSSIT.

In hac verò Colonia etiam fit mentio:

BONI. EVENTVS.
APONIA. C. F. MONTANA.
SACERD. DIVAR. AVGVSTAR.
COL. AVG. FIR.
EDITIS. OB. HON. SAC. CIRCENSIB.
ET. OB. DEDICAT. ALIIS.
EX. ARG. LIBRIS. CL.
D. S. P. D. D.

Urbis solum vndique fœcundum, & compascuum, & pecori maximè pascendo idoneum: vnde incolæ lanificiò maximam operam impendunt, hincque illis quæstus luculentus, cui maximè fauet Singylis fluuius, vulgo *Chenil*, urbem alluens, è niuosis prope Granatam montibus erumpens, cuius aqua perpurgandæ lanæ mirum in modum efficax. Olim Episcopalis vrbs erat, nunc Archidiaconatus Hispalensis est Ecclesiæ.



CAP. XIX.

CORDVBA.

CORDVBA PATRICIA DICTA. A QVO CONDITA.
Prima colonia in Hispaniam deducta. Urbis descriptio.

AD Bætis ripas apposita est *Corduba*, dicta *Colonia patricia*, teste Plinio, ceteris Bætice urbibus, excepta Hispali, præferenda. Ioan. Gerundensis Episc. dictam putat, tanquam *Cor Bætis*: sed tam ineptum hoc etymon est, ut huic peponem pro corde fuisse quis posset credere. Priscis temporibus fuit vrbs celeberrima, in qua & iuridicus conuentus agebatur. Strabo Marcelli opus esse asserit; sed cuius Marcelli dubitatur hætenus. Vassæus illius putat esse, qui tempore ciuiliis belli, inter Casarem & Pompeium, res in HISPANIA gessit: cui coniecturæ suffragatur quod nusquam ante illud tempus,

tempus, *Corduba* mentio fiat. Nam & T. Liuius cum multas Bæticae vrbes commemoraret, hanc silentio transmittit, sed cum, eodem Strabone teste, prima hæc colonia sit, in HISPANIAM à pop. Rom. deducta, non potest illius Marcelli opus fuisse, tum quia mentio aliqua illius rei facta fuisset ab A. Hirtio, præcipue seditione illa orta inter Marcellum, & Cassium Cæsaris duces prope *Cordubam*. Scio Casaubonum eius esse opinionis, vt dicat ideo *Cordubam* opus esse Marcelli, eò quòd Colonia eius tempore, aut ductu huc missa sit; sed cum ipso Strabone pugnat, vt ostendi. Non enim illo tempore prima potuit Colonia deducta esse, cum Scipionum tempestate nonnullæ fundatæ fuerint. Sed cur à Plinio *Patricia Colonia* vocatur. Strabo videtur causam aperire. *ὡς καὶ πάντες ἐξ ἀρχῆς Ῥωμαίων τε καὶ τῶν Ἰππικωλέων Ἰππικλεῖται ἄνδρες.* 1. quod ab initio habitauerunt eam & Romanorum & indigenarum viri selecti. Cum enim promiscue solebant mitti in alias colonias, in hanc forsitan honestiores tantum, aut plurimi missi sunt.

Vrbs est agri nitore, & soli felicitate conspicua, vt non immerito à Silio Italico, *aureum solum* vocetur:

Nec decus aurifera cessauit Corduba terre.

Strabo etiam asserit, agri virtute, & magnitudine, fauente amne Bæti, primum ibi nauigabili, vt ait Plinius, *Cordubam*, suo æuo, & nominis claritate & potentia polluisse. Huc facit, quod idem Plinius lib. XIX. cap. VIII. asserat carduos apud Carthaginem nouam, & *Cordubam* præcipue, sestertria sena millia vt parcius reddere. Quid censebis cetera holera, horarios, ceterosque fructus, segetemque reddidisse, si carduorum proventus centum quinquaginta millibus circiter aureorum æstimatus fuit.

Nobili etiam platano ornata olim fuit, ob umbras tantum expetita arbore, & quod ætate solem arceat, hyeme admittat: in quam Martialis peculiari lusit epigrammate, lib. IX. epigr. LVII;

*In Tartesiæ domus est notissima terris,
Qua diues placidum Corduba Bæti amat.
Vellera natino pallent ubi flaua metallo,
Et linit Hesperium bractea vincta pecus.
Aedibus in mediis totos amplexa penates,
Stat platanus, densis Cæsariana comis.
Hospitis inuicti posuit quam dextera felix,
Capit & ex illa crescere virga manu.*

Nec ætis metalla Cordubensi agro defuerunt. Plinii siquidem tempestate maximo in honore erat: ait enim lib. XXXIV. cap. II. *Summa nunc gloria* (loquitur de ære) *in Marianum conuersa, quod & Cordubense dicitur.* Vocabatur autem *Marianum*, quod in Marianis montibus, non procul ab hac vrbe reperiatur.

Sed ingeniorum præcipue fecunditate se iactet *Corduba*, quæ cunctis HISPANIAE vrbibus, non modò venit præferenda, sed paucissimis totius Europæ comparanda. At præcipuorum solum meminero, inter quos *Seneca* duo familiam facile ducunt, *Rhetor* pater, & filius *Stoicus Philosophus*, idemque Tragicus; vnà cum affine suo, *Annaeo Lucano* Poeta heroici spiritus: inuidia omni maiores, & quorum opera

—fama loquetur anus:

De quibus Martialis:


*Duosque Senecas, vnicumque Lucanum
Facunda loquitur Corduba.*

Porcius etiam *Latro*, cuius solum in Catilinam declamatio exstat, hac vrbe putatur oriundus, vt & *Sextilius Hena* Poeta, cuius *Seneca Rhetor* lib. I. *Suasoriarum* meminit: *Sextilius Hena*, fuit homo ingeniosus magis, quam eruditus: inæqualis poeta, & pænè quibusdam locis talis, quales esse *Cicero Cordubenses Poetas* ait, pingue quiddam sonantes, & peregrinū. Quin occupata iam a Pœnis HISPANIA, proculcatis passim studiis, non defuere præclarissima ingenia huic vrbi, *Auenzoar*, *Auicenna*, *Auerroes*: quorum hic *Philosophus* acutissimus & Græcorum cuilibet comparandus; ille verò (licet multi pro *Cordubensi Auicennam* non agnoscant) Medicus præstantissimus, vt monumenta testantur. Patrum etiam memoria hac vrbe prodire. *Ioannes Mena*, Poeta vernaculi sermonis, magni ingenii, & *Ambrosius Morales* regius Historiographus: cuius diligentia & acri iudicio in Antiquitate indaganda, plurimum perpetuò debet Hispania, qui & prolixè patriæ suæ laudes descripsit. Hac vrbe etiam ortus *Gonzalvus Ferdinandus d' Aguilar*: qui florentissimum illud Neapolitanum regnum, è Gallorum manibus, summa virtute eripuit, & magna cum laude Hispanis stabilivit, vir maximis antiquorum ducibus comparan-

dus: ut non immerito *Magni ducis* cognomen obtineat. Et ne solidæ laudis cumulo quidquam deesset, sola hæc vrbs tot Martyres constantissimos, tot Virgines castissimas tulit, quot vix alibi integræ prouinciæ. Quæ certamina B. Eulogius Cordubensis Episcopus descripsit accurate, nostraque memoria latinè quoque *P. Martinus de Roa*, Cordubensis & ipse, & Societatis IESV presbyter disertus.

Ambrosius Morales ex antiqua inscriptione ostendit etiam Cordubam, aliquando *Patriciam* tantum vocatam, quam lubet hic apponere.

L. LVCRETIO. SEVERO.
PATRICIENSI.
ET. IN MVNICIPIO. FLAVIO. AXATITANO.
EX. INCOLATV. DECVRIONI.
STATVAM. QVAM. TESTAMENTO.
S. PONI. SIBI. IVSSIT.
DATIS. SPORTVLIS. DECVRION.
.....M. F. AXATITANI.....



CAP. XX.

● BVLECO MVNICIPIVM PONTIFICENSE DICTVM.

Diuerfa ab Antonini Bucula. Simleri error. Cur Porcunna dicta.

Inscriptio vetus.

TVrderanorum in Bætica oppidum est *Obulco*, teste Ptolemæo, quod à Plinio etiam *Pontificense* cognominatur. A. Hirrio lib. IV. de bello Alexandrino *Obulcula*, Stephano verò ο' Βόλκων vocatur; nulla poenè olim de causâ notius, quàm festino C. Cæsaris in Hispaniam aduentu, qui aduersus Pompeii liberos properans, XXVII. diè quàm Roma discessit, Obulconem peruenit, teste Strabone lib. III. Hoc æuo esse *Vbedam* credit Moletius; Marius verò Niger *Signram*; sed Ant. Augustinus, Dialogo VIII. & Ambrosius Morales, esse *Porcunna* firmiter asserunt, quibus & ego lubens assentior. Adde quod Plinius *Obulconem* ab amne Bæti XIV. M. P. in mediterranea distare dicit, cui situs *Porcunnæ* ad amussim respondet, siquidem tribus, sed magnis admodum leucis, à Bæti distare *Porcunnam* in confesso est. An verò hæc eadem cum Antonini *Bucula* sit, credit Simlerus, & *Obulculam* restituit: sed à calore, non à iudicio hæc est emendatio. nam cum Strabo *Obulconem*, XXX. circiter stadiis à *Corduba* distare dicat, quæ non explent III. M. P. non video, qui cum Antonini *Bucula* cōuenire posset. Nam LII. M. P. à *Bucula* *Cordubam* numerat. Sed vnde *Obulconis* in *Porcunna* nomen mutatum, quæret aliquis? licet arduum sit in tanto ætatis decursu causam indagare; place- & tamen Moralis opinio (quam & ab Ant. Augustino confirmatam video) à celebri & antiqua *Scrofæ* statua fluxisse, quæ triginta fætus enixa fuerat, in cuius memoriam, misso priori nomine *Porcunna* dicta fuit, non secus ac *Sarabris* à Tauri effigie, hodie *Toro* vocatur. Statuæ verò hæc *Πυγαφῆ* inscripta est, ut hodie in D. Benedicti æde visitur.

C. CORNELIVS. C. F. .
C. N. GAL. CÆSO.
ÆD. FLAMEN. II. VIR.
MVNICIPII. PONTIF.
C. CORNEL. CÆSO F.
SACERDOS. GENT. MVNICIPII.
SCROFAM. CVM. PORCIS. XXX:
IMPENSA. IPSORVM.
D. D.

Ex qua etiam inscriptione patet, vocatum fuisse hoc oppidum *Municipium Pontificense*, prætermisso *Obulconis* nomine. Exstat & ibidem alia inscriptio, in qua non solum proprium vrbs nomen, sed & cognomen inscriptum est:

L. POR-

L. PORTIVS. L. F. GALERIA. STILO:

OBVLCONENSIS. AN. LXV.

ÆDILIS. II. VIR. DESIGNATVS:

P. I. S. H. S. E. S. T. T. L.

HVIC. ORDO. PONTIFICENSIS.

OBVLCONENSIS.

LOCVM. SEPVLTVRÆ:

IMPENSAM: FVNERIS.

LAUDATIONEM:

STATVAM: EQVESTREM.

DECREVERE.

Vrbem hanc frugū gloria & fertilitate fuisse quondā clarā, ostendūt prisca ab Ant. Augustino producta numismata: quorū quædam *Obulconis* nomen, vna cum tritici & hordei spicis ferebant, alia verò aratrum cum spicis, & serpente in Cereris memoriam.



CAP. XXI.

ILLITVRGI ETIAM ILLVRGIS ET ILLVRGIA

dicta. Non esse Iacn, sed Anduxar.


PVnicis bellis nobilem validamque urbem fuisse *Illiturgim*, in confesso est: & licet hodierno die à prisca nobilitate declinavit, res tamen circa ipsam gestæ vetant illam silentio præteriri. Ptolomæus *Illurgim* nominat; & inter *Turdulos* collocat; Stephanus verò Byzantinus, & Polybius *Illurgiam*; T. Livius & Plinius *Illiturgim* vocant. *Forum Iulium* cognominabatur, conuentus olim Cordubensis. Ant. Beuterus credit, *Iacn* urbem *Illiturgim* fuisse, sed rectius multo Amb. Moral. colligit fuisse, vbi nunc vicus *Anduxar el veio* vix leuca ab vrbe distans: quod confirmat tum cippus marmoreus, ibidem repositus, cum hac inscriptione:

ORDO. ILLITVRGITANORVM.

IMPENSAM: FVNERIS. DECREVIT:

Tum etiam Itinerarium Antonini, vbi enim Corduba Castulonem iter profequitur, Illiturgi Castulonem. M. P. numerat, qui pœnè ipsas V. Leucas ab *Anduxar el veio Castlonem* vsque (vbi Castulo sita fuit) conficiunt. T. etiam Livius *Illiturgis* & *Castulonis* simul semper mentionem facit, siue defectionem, seu excidia earum recenset. Cum enim ad Romanos primum defecissent ducibus Magone, & Amilcare, à Pœnis obsessum fuit, à Scipionibus tamen magna cum hostium clade obsidione exempti fuere: postmodum iterum à Pœnis obsessis Cn. Scipio opem tulit, & caesis XII. millibus hostium, recessum est ab obsidione, vt refert Livius lib. XXIII. & XXIV. Post cladem verò Scipionum, non solum ad Pœnos defecerunt, beneficiorum immemores; sed defectionem scelere cumularunt: dum ex residua clade profugos Romanos hosti prodiderunt; qua de causa Africano Scipioni meritas perfidiæ pœnas dedere, capta per vim vrbe, auctore Livio lib. XXVIII

Oppidum ipsum hac tempestate, amplum, & opulentum, templis, cœnobiisque egregie ornatum, abundat vino, oleo; tritico, ferina carne, melle, fructibusque omnis generis: copiosum ibi sericum, nobilitas frequens, & illustris. Consentiant Hispani scriptores hac in vrbe floruisse, & nunc sepultum esse Sanctum *Euphrasium*, ex septem primis Episcopis, qui Apostolorum iussu in HISPANIA Euangelium propagarunt.



CAP. XXII.

GRANATÆ REGNV M.

GRANATA NEC ILLIPVLA, NEC ILLIBERIS OLIM

dicta. Sed Maurorum opus. Vnde nomen habet. Diuisa in quatuor partes.

NObilissimi regni caput *Granata*, & omnium totius HISPANIÆ urbium maxima, te-
de L. Marinzo: *Illipulam magnam* Ptolemæi credit fuisse Gerundensis Episcopus;

sed toto cælo eum errare Strabo ostendit: qui auctor est ad Bætīm appositam fuisse, inter Hispalim & Cordubam, qui *Ilibam* eam vocat: *Granata* vero, à Bæti procul distat. Ambrosius Morales ostendit *Illipulam* esse *Pennasflor*, exiguum oppidum inter Hispalim & Cordubam. Tarapha vero, aliique non pauci, *Illiberim* olim vocatam fuisse, quam Stephanus *Elibrigem* dicit. Sed probatur Vaseo aut Ambrosio Morali, qui monent *Illiberim* non procul à Granata fuisse eo in colle, qui nunc *Eluise* vocatur, vnde & vrbis porta nomen sumsit, & non à fæmina, vt quidam somniant. Vrbis autem noua est Pœnorum colonia, quam ita dictam volunt nonnulli à Cocco, quem Hispani *Granam* vocant, qui insigni copia in hoc regno legitur; alii vero à mali punici similitudine, quod & *Granata* dicitur. Nam vt illud est granosū, & densissimis acinis refertum, sic & vrbis hæc, dehiscientis granati in modum, confertissimas ædes habet: adde, incolas pro auitis insignibus mala punica gestare, quo nominis etymon referrent.

Vniuersa vrbis multis collibus distincta, inter quos gemini ceteris altiores conflurgunt, quos amnis Darrus per mediam vallem fluens interfecat, in quatuor primarias vrbis regiones, situ quasi separatas, diuiditur. Ea vrbis regio, quæ maximo decoratur templo, *Granata* nomine gaudet, vicos habet plurimos, & arctos ob insignem ædium frequentiam, licet à Christianis laxiores sint redditī. templum habet augustissimum, ea pœne forma, qua Pantheon Rômæ: sacrarium continet sumtuosum, in quo Rex Ferdinandus cum Isabella coniuge (qui hanc urbem à Pœnorum tyrannide anno Domini M. CCCC. XCII. vindicauit) sepulti sunt. Secunda regio *Alhambra* vocata, in qua regium est palatium vetus, vermiculato opere, & immensis sumtibus extructum: tantæ quidē magnitudinis, vt ciuitas potius quam domus dici posset, tota mœnibus, turribusque cincta. Nouum hic Palatium Hispaniarum Reges extruxere, cui ad magnificentiam nec architecturæ concinnitas, nec materiæ nobilitas, nec hortorū amœnus nitor, aut fontium vndique erumpentium iucundum murmur deest: quacumque enim prospexeris, multa sunt quibus oculos animumq; pascas. Ab vno enim latere, vndique luxuriantis agri felicissima amœnitas; ab altero vero inaccessi montes, perpetua niue canentes, vel flagrante Sirio, sese offerunt. Quantū vero in Septentrionem se oculorum acies extendere potest, porrecta camporum æquora, floridis & irriguis distincta pratis occurrunt: hic passim consiti xystrī, & siluulæ frugiferarum arborum: hic leporaria frequentibus feris, in regium oblectamentum conspiciuntur: hic in ipsa Alhambra antiqua visitur inscriptio, quæ *Illiberis* nomen profert:

IMP. CÆS. M. AVRELIO.
PROBO. PIO. FELICI. INVICTO.
AVG. NVM. MAIESTATI Q.
DEVOTVS. ORDO. ILIBER.
DEDICAT. P. P.

Tertia vrbis regio, *el Aluesim* dicta, duobus collibus ornata. Magna hic ædium frequentia, solis olim Mauris incolebatur, agricultura & serici textrinis hic victitant. Ultima regio est *Antiquerula* dicta, ædium frequentia & structura ceteris non inferior situ est plano. Passim hic bombycinus pannus elaboratur, vestis item serica, & holobera præstantissima. Opificum frequentia, qui serico texendo victitant, quanta sit, vel ex eo colligi potest, q̄ ex solis mori arboris foliis, quibus bombyces vescuntur, præter multas serici libras, Regib⁹ triginta millia quotannis pœne aurorū in vectigal cedant. Ambitu suo vrbis circiter M. P. XII. complectitur: tota vndique muris cincta, & propugnaculis mille triginta ornata, aeris hic temperies saluberrima, nec nimis austriinis obnoxia æstibus, aut arctois frigoribus obiecta; sed media axis vtriusque, vernantēq; gaudet temperie. vnde & fructuum præstantia, bonitasque, & aquæ saluberrimæ insignis copia. Est præterea Episcopali dignitate insignita, Iliberitana vicina sede, vt multorum fert opinio, huc translata: iuridicus etiam hic celeberrimus conuentus habetur. Ludum hic parentum memoriā aperuit (quis credat?) Ioannes Æthiops genere, *Latinus* hinc dictus, at præstanti forma, & Musicæ ac Poeticæ in paucis peritus. Lufit enim carmen gratulatorium in Ioannis Austriaci victoriam ad Echinadas insulas, de Turcis anno clō. IC. LXXI. nauali prælio partam.

C A P. XXIII.

ABDERA A POENIS, AVT PHOENICIBVS CONDITA.

*Franciscus Tarapha refellitur. Vnde
Almeria dicta.*

10 **M** Aritimum Baticæ oppidum, non procul à Charidami Promontorio, est. *Abdera*: Gerundensis Episcopus hoc æuo credit *Veram* esse; potior tamen Scriptorum pars *Almeriam* dicit: cui & ego subscribo. Inter Bastanos, seu Bastitanos populos à Ptolemæo recensetur, & *Abdera* illi vocatur. Franciscus Tarapha à Thracibus conditam putat, nominis similitudine motus, quam habet cum Democriti patria: sed unde id Tarapha? quod neque fictum, neq; pictum, neq; scriptum vspiciam est. Melius Strabonis, aut Plinii vestigiis institisset, quorum ille à Phœnicibus, hic vero ex opinione M. Agrippæ à Pœnis originem trahere, ut & oram illam vniuersam, dicit. *Almeria* vero cur postea vocata sit, dicit Tarapha ab Almarico Gothorum Rege: qui anno Domini 15. XV. vel, ut alii, 15. XXX. *HISPANIIS* præfuit, nomen habuisse: qui cum à Childeberto Francorum Rege bello peteretur, propriis diffusis viribus, fuga salutem
20 quærens, hic interfectus fuit. Vixit hæc an. 615. C. XLVII memorabilis expeditione ab Alphonso VIII. Aragonum Rege, S. P. Q. Genuensi, & Raymundo Comite Barcinonensi suscepta, Mauris erepta fuit. Occupata vero vrbe, Genuensibus in præmium nauatæ operæ, catinus ex solido smaragdo, immensi pretii, oblatus fuit, ut auctor est Rodericus Ximenius, Toletanus Archiepiscopus, Rerum Hisp. lib VII. cap. XI. Ligurum tamen Annales, non *Almeria*, sed *Cæsareæ* in palæstina, Guiljelmo illorum Duci, qui primus muros ascenderat, obtigisse illum referunt. Antiquissimum hic fuisse Episcopatum, docent Concilia in Hispania celebrata: cuius primus Episcopus S. Cresipho, B. Iacobi Apostoli discipulus fuit, ut auctor est Ioannes Vassæus.

C A P. XXIV.

MALACA ALIQVIBVS MÆNACE.

Veteres inscriptiones.

30 **Q** VA mediterraneum mare prospectat Batica, secunda est vrbs *Malaca*, hodie vix mutato nomine *Malaga* appellatur; licet Mario Aretio aliter vitum sit qui *Malacæ* olim fuisse, vbi nunc *Caput Maduce*; *Salaubam* vero fuisse, que nunc *Malaga*. Sed hoc est ex meridie tenebras facere: nam & situs, nomen, ceterique Scriptores contra
40 asserunt; inter Bastulos à Ptolemæo memoratur. Primarium fuisse oppidum auctor est Strabo, qui nonnullos credidisse refert, olim *Mænacem* dictam: quam Stephanos videtur *Μαίνην* vocare, nisi *κελπηήν* illam esse scriberet; sed perperam, cum hæc Phœncensium vrbium vltima, quæ ad occasum vergunt; & longias à Calpe distat, quam *Malaca*, quæ Phœnicum ciuitatis propiorem retinet formam. Licet Festus Auienus, in descriptione sua oræ maritimæ, vnam eandemque urbem esse dicat, his versibus:

*Hos propter autem mox iugum Barberium est
Malacheque flumen, vrbe cum cognomine;
Mænace priore que vocata est seculo.*

50 Fluvius vero hic *Malaca*, de quo Poeta, idem est cum Ptolemæi *Saduca*, qui hodierno æuo ab accolis *Guadalqueuircio* indigetatur, teste Floriano lib. I. c. II. licet perperam Marius Aretius *Saldubam* hunc vocet, Dialogo suo, cui *Calipho* nomen, cum nemo Cosmographorum illius meminerit.

Plinius à Pœnis originem trahere asserit; Franciscus Tarapha à Phœnicibus ante Christi aduentum annis 15. III. exstructam putat, quo auctore, nescio. Hoc tempore vrbs est non obscura. nam emporium est satis frequens, agro vndique felici, & amoenissimo cinctum: huc statis temporibus, vndiq; mercatores magna copia confluant, præcipue Belgæ, ut lapidissimos & passos autumnales fructus, ad Septentrionales plagas auehant. Vini & olei copia facunda, unde luculentum incolis lucrum. turribus, propugnaculisque egregie instructa, ut facile omnes hostiles minas contemnat. Indicio

est, longa obsidione à Ferdinando & Isabella Regibus vexatam, nec nisi urgente fame captam fuisse. Armamentarium omni telorum, & machinarum bellicarum genere, longe instructissimum habet, vnde limitaneis Africæ locis, vt Madauro (quod vulgo *Oran* appellatur) necessarii commeatus telaq; suppeditantur. Episcopalis vrbs à multis annis fuit, Martyresque habuit SS. Cyriacum & Paulam, sub Diocletiano passos. Non possum hoc loco præterire inscriptionem, quam Malacæ in honorem Imp. Septimii Seu. Pert. exstare refert Morales:

IMP. CÆS. L. SEPT. SEVERO.
PIO. PERTINACI. AVG.
PARTH. ARAB. ADIAB.
PACATORI ORBIS.
ET. FVNDATORI IMP. ROM.
IN. EIVS. HONOREM. RESP. MALAC.
TEMPLVM. MARTI. D.D.

10

Non procul à Malacæ vicus est *Cannète*, olim *Sabora* dictus, vbi superioribus annis, ænea tabula vna cum insigni inscriptione reperta, quæ quia Imperatoriam breuitatem refert, & scire operæ pretium erat, religiosum putavi hic omittere:

20


IMP. CÆS. VESPASIANVS. AVG.
PONTIFEX. MAXIMVS.
TRIBVNICIAE. POTESTATIS. VIII.
IMP. XIX. CONSVL. VIII. P.P.
SALVTEM. DICIT. IIII VIRIS.
ET DECVRIONIBVS:
SABORENTIVM:

CVM. MVLTIS. DIFFICVLTATIBVS.
INFIRMITATEM. VESTRAM. PREMI. INDICETIS.
PERMITTO VOBIS. OPIDVM. SVB. NOMINE. MEO.
VT. VOLTIS. IN. PLANVM. EXSTRVERE.
VECTIGALIA. QVÆ. AB DIVO. AVG.
ACCEPISSE. DICITIS. CVSTODIO.
SI. QVA. NOVA. ADICERE. VOLTIS.
DE. HIS. PROCONSVLEM. ADIRE. DEBEBITIS.
EGO. ENIM. NVLLO. RESPONDENTE.
CONSTITVERE NIL. POSSVM.
DECRETVM. VESTR ACCEPI. VIII. KAL. AVG.
LEGATOS. DIMISI. IIII. KAL. EASDEM.
VALETE.

30

40

II VIRI. C. CORNELIVS. SEVERVS.
ET. M. SEPTIMIVS. SEVERVS.
PVBLICA. PECVNIA. IN. ÆRE. INCIDERVNT.



CAP. XXV.

CARTIMA. DIVERSA A T. LIVII CERTIMA.

50

Egregia vetus inscriptio.

Non procul à Malacæ, amœnū est oppidum *Cartama*, olim vero *Cartima*, vel *Municipium Cartimitanum* vocatum, vt ex antiqua mox patebit inscriptione: quæ multum diuersa est à T. Liuii *Certima*, cuius lib. XL. meminit. nam in vltima illam Celtiberia statuit, à Tib. Sempronio Graccho obsessam, ad deditionemque compulsam; nostra vero hæc *Cartima* ad maximi montis radices sita (qui num Ptolemæo *Itipula* vocetur, aliis investigandum mando) qui quantum in aquilonem patet sterilis est, & aspretis siluisque horridus, sed aduersa parte culturæ patiens & passim vinetis confusus,

Granas nices, seu amygdala, ficusque sapidissimas magna copia producit, quæ in Boreles regiones magno emolumento incolarum alportantur. Adiacent frequentes silvæ glandiferae & gallæ feraces, quarum tum ad atramentum conficiendum, tum ad densanda hircorum caprarumque coria (vulgo *Corduana*) magnus est usus. Pulcerrimam hoc loco exstare inscriptionem refert Ambrosius Morales, qua Lectorem defraudandum non putavi.

IVNIA. D. F. RVSTICA.
SACERDOS. PERPETVA. ET. PRIMA.
IN. MVNICIPIO. CARTIMITANORVM.
PORTICVS. PVBLICAS.
VETVSTATE. CORRVPTRAS.
REFECIT.
SOLVM. BALINEI. DEDIT.
VECTIGALIA. PVBLICA. VINDICAVIT.
SIGNVM. AEREVM. MARTIS.
IN. FORO. POSVIT.
AD. BALINEVM. SOLO. SVO.
CVM. PISCINA. ET. SIGNO. CVPID.
EPVLO. DATO. ET. SPECT. EDITIS.
D. S. P. D. D.
STATVAS. SIBI.
ET. C. FABIO. IVNIANO. F. SVO.
AB. ORDINE.
CARTIMITANORVM. DECRETAS.
REMISSA. IMPENSA.
AVIÆ. STATVAM. ET. C. FABIO.
FABIANO. VIRO.
D. P. S. F. D.

C A P. X X V I.


SINGYLIA NVNC ANTIQVERA. AB ANTONINO
Anticaria dicta. Inscriptio vetus. Fons ibi medicatus.

Granatensis regni venustum est oppidum *Antiquera*, Plinio olim *Singylia* dictum, vè
40 ex antiquis probant inscriptionib⁹ Amb. Morales, & Car. Clusius. Nomen illi for-
san, à vicino amne *Singyli*, qui Bæti infunditur, hodie *Xenil* dictus. num vero eadem sit
cum Antonini *Anticaria*, quam itinere à Gadibus Cordubam statuit, incertus sum. Sed
50 nominis vicinitas, parum discrepante situ, suadet vt idem, cum Ortelio, credam esse op-
pidum cum *Singylia*. Quid enim miri à Plinii ætate in Antonini æuum nomen mutatum
esse? cum plerisque id euenisse palam est: hinc vix duo Scriptores idem nomen effe-
runt. Situm est oppidum in colle leuiter vndique aspero, & inæquali, sed amœno, &
fecundo, firmum satis & munitum. Castrum habet in vertice cum portis ferreis, vbi Gra-
natensium Regum frequens, & tutus olim erat secessus. Iucundus in subiectos agros
prospect⁹; hinc per proiectos agros latissimè vagatur, hinc cædus montibus coercetur:
adest fontium perennium, & egelidorum frequentia, quorum inter cōfragosa loca ebul-
lientium suauissimū murmur aures demulcet: & limpidæ vndæ visu grate. Salinas ha-
bet copiosas, vnde ingens quæstus exiguo labore venit. non enim, sicut in Germania &
50 Zelandia, ignis adminiculo coquitur, sed æstiuus mensibus, fontana vel cælesti aqua in
stagnum collecta, multo sole concreuit. Vnde & vicini montes candidissimi salis gru-
mos præbent: habet etiam non contemnendas latumias, ad incolarum ædificia. Egre-
gia hic inscriptio seruatur, quæ prisci nominis, & vetustatis memoriam refert:

GALLO. MAXVMIANO. PROCOS. AVG.
ORDO. SINGILIENSIVM.
OB. MVNICIP. DIVTINA. BARBAR. OBSID. LIB.
PATRONO.
CVRANTIBVS. C. FAB. RVSTICO.
ET. L. AEMILIO. PONTIANO.

Secundo ab vrbe milliari medicatus est fons, ad multa morborum genera, sed præcipue ad calculorum vitia celeberrimus, indigenis dictus *Fuente de Aniequera*. Superiori etiara æuo in honorem fuisse prisca inscriptio ab Amb. Morales producta restatur, quam hodieque Singylæ dicit conspici:

FONTI. DIVINO. ARAM.
L. POSTVMIVS. STATVLIVS.
EX. VOTO. D. D. D.



CAP. XXVII.

ARTIGIS IVLIIENSIS COGNOMINATA. DE EIVS
Thermis pauca.

Singylæ fontis salubritas in memoriam mihi reducit *Alhama* nobiles, & vicinas thermas, quarum occasione de ipsa vrbe pauca dicenda erunt. Credit Iosepus Moletius, *Alhamam* esse *Artigim* Ptolemæi, quam Plinius *Iuliensem* dicit cognominari. Turdulorum oppidum quondam, sed quibus coniecturis fultus hoc asserat, incertus sum: quare neq; confirmare argumentis, nec reicere mihi in animo est. Distat nunc à Granata septem milliariibus: immensis vndique præcipitiis, & asperrimis rupibus ambitur, agrò tamen latissimo fruitur: in pratis, hortis, aruisque mira passim luxuries Granatensibus olim Regibus amœnissimum otium, & delicias præbebat. Sed salubres, & vberriimi hic ebullientes fontes, locum præcipue commendabant: qui terecreto quodam naturæ miraculo ex intimis terræ visceribus, secum calorem beneficum ferunt, nullius exteræ flammæ indigi, vt calefiant. Cum enim multis in locis terra opertos ignes tegat, quibus iuge pabulum aluminis, sulphuris, aut bituminis venâ præbet, fit vt eorum ardore incalescens tellus, ferdum vaporem in superiora emittat loca, quo offensi vicini fontes efferuescunt inter venas suas, atq; ita profluunt calidi; in corrupto interdum sapore, si remotiores ab ignis pabulo fontium ortus. Quod si vero per ipsa loca sulphure, aliavæ materia plena fluant aquæ, calorem non solum illius contactu, sed & saporem, & odorem trahere in confesso est. Sed cum studio hæc inquirent, qui naturæ arcanis nobiles curas intulerunt: instituti enim mei minime est exactè hæc persequi. Temperatum adeo huius fontis calorem prædicant, vt nudo corpori nulla inde noxa. ipsa vero aqua pacata adeo, & limpida fluit, vt numerare iniectas stipes, & relucens calculos facile quivis possit. Epotam variis ægritudinibus, & nervorum præcipue ferunt conferre; Martio præsertim & Septembri utilis mensibus. Adauget etiam structuræ elegantia natiuam loci amœnitatem. Regum enim cura, & liberalitate, thermæ hic excitatæ magnis impensis, adeo vt inter Hispaniæ balnea nobilissima habeantur, & cum Statio Papinio I. Sylu. libere dicam.

*Nec si Baianis veniat nouus hospes arboris,
Talia despiciat (fas sit componere magnis
Parua) Neronea nec qui modo lotus in vnda,
Hic iterum sudare neget.*



CAP. XXVIII.

MVNDA ANTIQVVM NOMEN RETINET. IN-
scriptio vetus. Metropolis olim Turdetania.

Ætatis iniuria, & posterorum incuria effecit, vt, quo loco quondam fuerit *Munda*, pene ignoretur. alii enim *Rondam*, alii *Mundecaram* hodie vocari credunt. Sed P. Ioan. Mariana, & Amb. Morales, ostendunt incorruptum nomen, post tot secula seruatum, & *Mundam* esse, quæ viginti millibus à Malaca distat. Suffragatur vetus inscriptio templi foribus præfixa:

IULIVS.

IULIVS. NEMESIVS. NOMENT.

VICE. M. AVRELII. IMP.

SACRA. BÆTICAM. GVBERNANS.


PRÆTORIVM. IN. VRBE. MVNDA.

QVO. PATRES. ET. POPVLVS.

OB. REMP. RITE. ADMINISTRAND.

CONVENIANT. F. MAND.

Eratautem *Munda*, teste Plinio, Colonia immunis, sita editiori in grumo, modico præterfluente amne; palustri & voraginoso solo, ad dextram partem (vt refert A. Hirtius) quem lata planicies excipit, vbertate & amœnitate conspicua, & in vniuersa frugum genera facilis, vt nihil sit quod natura negauerit, nihil quod cultura præterierit. Sed nulla re notior, quàm cruento, & ancipiti circa illam commisso prælio, inter Pompeii liberos, & Dictatorem Cæsarem: vbi tanta Pompeianorum strage bellatum fuit, vt, cum se Mündæ profugi recepissent, & Cæsar obsideri victos imperasset, aggeriq; exstruendo deesset materia, congerie hostilium cadauerum, pilis tragulisque confixa (quia roboreæ sudēs deerant) urbem vallarent. Auctor est Dion lib. XLIII. hoc loco statim à victoria palmæ germen enatum esse. Sed magis mirandum quod & Plin: lib. 36. c. 18. refert, palmaros circa *Mundam* lapides reperiri, idq; quoties fregeris: Strabo lib. III. refert *Mundam* quasi metropolim fuisse vniuersæ Turdetaniæ.



C A P. XXIX.

LVSTITANIÆ REGNVM.

LVSTITANIA. DICTA ETIAM LYSITANIA. LIMITES eius. Strabo diuersus à ceteris. Stephani Byzantini hallucinatio. Lusitania & Portugalia diuersa olim prouincia. Martiani Capelle error.

Hispaniæ vltioris altera prouincia est *Lusitania*, cui *Lusum* Liberi patris, aut *Lysam*, cum eo bacchantem nomen dedisse auctor est Plinius lib. III. cap. I. vnde & promiscuè apud veteres nunc *Lusitania*, nunc *Lysitania* scriptum est. Terminatur secundum Ptolemæum, à Septentrione amne Durio (qui illam à Tarraconensi diuidit;) à Meridie flumine Ana (qui illam à Bætica;) ab Occidente Oceano Atlantico; ab Oriente à Tarraconensi separatur, lineâ ducta ab Oretania veteri vsque ad pontem Durii, è regione *Septimancas*. Strabo verò lib. III. diuersus à Ptolemæo, ceterisque Geographis, Lusitaniæ limites describit: *Huius regionis Australe latus Tagus cingit; ab Occasu verò, & Septentrione Oceanus; ab Aurora Carpetani, Vettones, Vaccai, & Callaici, famæ maioris populi.*

Ex quibus patet, Strabonem *Lusitaniam* à Tago inchoare, regionem verò, quæ inter Tagum & Anam est, *Lusitania* excludere; ab altera verò parte vltra Durium illam extendere: siquidem & Minium amnem, & Artabros *Lusitania* comprehendit, qui à Ptolemæo in Tarraconensi statuuntur; sed cum Plinius etiam Ptolemæo suffragetur, & Durio Anaque fluminibus *Lusitaniam* includat, missa Strabonis descriptione, Ptolemæi vt veriori magisque receptæ adhiærendum. Quid Stephanum Byzantinum lib. de urbibus mouerit, quod *Lusitaniam* Bætici partem asserat, me latet: quemadmodum etiam, quod dicit ex Artemidori sententia, *Belitanos* eosdem esse cum *Lusitanis*. Nam Plinius lib. III. cap. III. prope Cæsaraugustam *Belitanos* Ciuium Romanorum collocat, & Ptolemæus eodem penè loco urbem *Celiam* recenset, satis procul à *Lusitania*: nisi forsan dicamus *Belitanos* à Lusitanis originem trahere, & idè eosdem esse cum Lusitanis. Martianus Capella *Lusitaniam* dicit permeari sui cognominis fluuiò, sed vbi gentium hic fluuius, mihi prorsus ignotum, nisi Anam quis suspicetur esse. Sed terminat amnis hic *Lusitaniam*, non transit. Quare mittamus Sybillina hæc folia. Hodierna die *Portugalia* dicitur, non tamen satis propriè: siquidem nec tota *Portugalia* *Lusitania* finibus circumscripta est; nec etiam totam *Lusitaniam* complectitur; licet potissima eius pars *Portugalia* subiaceat. nam tota interamnis prouincia, vulgò *entre Douro & Minho*, extra Lusitaniam erat; secundum Plinium, & Ptolemæum: nisi Straboni accedamus, qui ait maximam Callaicorum partem *Lusitanos* appellari; & a libi dicit, Minium omnes Lusitaniæ amnes magnitudine superare. Eadem etiam ra-

tione Lusitaniæ pars, quæ Tarraconensem spectat, *Portugalia* non comprehenditur, vñ *Castra Cecilia*, *Castra Iulia*, *Placentia*, *Abila*, *Salmantica*; tum non pauca vrbes, quæ circa Anam sunt, & inter illas *Augusta Emerita*, olim conuentus Lusitaniæ. Nomen verò *Portugalia*, teste Andrea Relendio, à *portu Calis* circa Durii ostia deducitur, & non à *portu Gallorum*, vt insulse L. Marineus Siculus, alique: vnde leuiter inflexo nomine *Portugale*. Paulatim ad Braccarios Galleciæ pattem diffusum, vt auctor est Rodericus Ximenius Archiepisc. Tolet. lib. V. cap. XII. *Interea Alcorexi Rex Agarenorum eam partem Galleciæ, quæ nunc Portugalia dicitur, & vsque ad S. Iacobum, non veritus Apostolum, deuastauit.* Et lib. VI. cap. XI. *Lusitania, & Portugalia*, vt diuersarum prouinciarum, simul meminit, vbi de Ferdinando I. agit: *Cumque in tranquillitate secura gauderet, congregato exercitu processit, vt Lusitaniam & Portugaliæ occuparet, quas tunc temporis Arabes detinebant.*

Lusitania autem omnis in tres iuridicos conuentus, auctore Plinio, distincta erat, in *Pacensem*, *Scalabitanum*, & *Emeritensem*: tota vndique magnis nobilibusque fluuiis irrigua, Durio, Munda, Callipode, Minio, & ab omnibus ob auriferas arenas celebrato Tago: fontium perennium tanta copia, vt, testæ Vaszæ, vltra viginti quinque millia, in ea numerentur, inter quos mirandi aliquot. Refert enim Plinius lib. II. cap. III. *In Carinensi* (seu vt Relendius emendat, *Cetinensi*) *Hispania agro, duos fontes iuxta fluere, alterum omnia respuentem, alterum absorbentem.* postremum hunc fontem, non procul à Tentugalenfi municipio, loco dicto *Cadima*, conspici ait Vaszæus, & coram Rege Io-
anne III. periculum factum, non solum in arborum truncis, ramisque, sed etiam in iumento, quod fonti admoto pede paulatim absorberi cœptum, ægrè tandem à famulis extractum est. octo leucis à *Conimbrica* abest hic fons, & indigenis nunc *Feruentia* vocatur

Præter auriferum verò Tagum, tellus etiam auri ferax, ita vt Lusitaniam, Galleciam, & Asturiam, vicena millia pondo annis singulis præstitisse dicat Plin. lib. XXXIII. cap. IV. plumbi, & crysalli etiam fecundam esse, aliis locis idem est auctor. Huius prouinciæ vbertatem, cultum, amœnitatem quid opus est multis efferre? multorum instar erit Athenæi VIII. Dipnosoph. de illa encomium: qui ex sententia Polybii Megalopolitani post multa: *Sus*, inquit, *qui ad centum librarum pondus accedit, quinque drach-
mis in cœnas emitur, ouis duabus, ficuum talentum tribus obolis, vitulus drachmis quinque, bœs iugo aptus decem: siluestrium verò animalium carnes neque pretio vllò dignæ putantur; sed hæc inter se conferunt, benigneque admodum vicissim largiuntur, ac mutant.*

De incolarum verò virtute, ingenio, & bellica gloria quid attinet multa dicere? Diodorus Siculus fortissimos omnium Celtiberorum *Lusitanos* ait. Strabo etiam lib. 3. *Lusitaniam* ait plurimis annis Romanorum armis oppugnatam. Abunde etiam Florus Lusitanorum virtutem ostendit lib. II. cap. XVII: *Totam certaminum molem cum Lusitanis fuisse, & Numantinis: nec immerito, quippe solis gentium duces contigerunt.* Vnus Viriatus sufficet, qui annos quatuordecim, varia victoria Romanos fatigauit, & si fortuna fauisset, meritis, qui HISPANIÆ Romulus fuisset.

Nec emarcuit nostra tempestate Martius ille vigor. nam patrum memoria, felici ausu, & audaci felicitate, superato Bonæ spei promontorio, ignotum antea vastissimū illud Atlanticum mare primi nobis aperuere Lusitani, detexere latentes Africæ immensas oras, & secunda nauigatione penitissima Indiæ penetrarunt: vbi non cum inermi, aut fugaci Mauro, sed cum potentissimis Indiæ penetrarunt: vbi non cum potentissimis Indiæ Regibus, vniuersi orientis robore, cum Persis, inquam, & Turcis maxima bella felicissimè, terra, marique gesserunt.



C A P. XXX.

LV SITANIAE POPVLI DVPLICES TVRDVLI IIDEM cum Turdetanis Ptolemai. Celtici vnde fluxere. Vettones nunc Lusitania exclusi, nunc inclusi. Prouincia Vettonia.

T V R D V L I

INter Lusitaniæ incolas, numero famaue notissimi fuerunt *Turduli*. Diuisio olim in *Turdolos veteres*, & *Turdulos* citra adiectionem dictos: celeberrimi erant *veteres*, & quasi ceterorum parentes, tam eorum qui Lusitaniam, quam qui Baticam incolebāt. Pomponius Mela eos habitasse à Tagi ostio ad Durium vsque lib. II. cap. I. refert; Plinius

nus verò circa Durium amnem eos collocat, his verbis, lib. IV. cap. XXI. *A Durio Lusitania incipit, Turduli veteres. Præsuri. flumen Vacea.* Vnde parum exacte Abrahamus Ortelius in veteris suæ Hispaniæ descriptione, circa promontorium sacrum *Turdulos veteres* ponit, cum multis hinc millibus Durium amnis remotus sit. Ceteros verò *Turdulos* circa Anam flumen degere testatur Plinius lib. IX. cap. XXII. *Ab Ana, inquit, quo Lusitaniā à Batia discernimus, C. XXI. M. P. à Gadibus Cl. M. P. additis gentes Celtici, Turduli & circa Tagum Vettones.* Ita enim legit Andreas Resendius, cum prius legeretur *Varduli*, qui citerioris provinciæ circa Vascones sunt populi.

Hos ego *Turdulos* eosdem crediderim, cum *Turdetanis*, quos Ptolemæus in Lusitania recenset, ab Anæ oltiis ad promontorium Barbarium, vulgò *Cabo de Pixeles*, ubi nunc Regnum Algarbii est: & cum ceteri Scriptores de *Turdetanis* in Lusitania sileant, & *Turdulorum* situs cum Ptolemæi *Turdetanis* idem prorsus sit, eosdem ausim asserere. Præter verò hos *Turdulos* meminit Plinius citato cap. XXII. *Turdulorum*, qui *Partuli* & *Tapori* vocantur, de quibus quid dicam plane anceps sum, cum nemo hos præter illum agnoscat.

C E L T I C I.

PRæpotens in Lusitania *Celticorum* populus, à Gallis Celtis, ut fama est, originem ducens: iuxta Anam, teste Plinio, habitabant, ad *Turdulos* & *Vettones* longe lateque diffusi, eo pene loci qui hodie *Alemteyo* vocatur, multas præclarasque vrbes occupantes, quas inter autum pene & gentilitium nomen seruarunt *Helue*, nostro ævo non obscura vrbs, ab *Heluiis* Galliis conditoribus sic vocata.

Varii ab his *Celticis* fluxere populi, inter ceteros verò, qui *Beturia* partera incolebant, *Celtici*, teste Plinio lib. III. cap. I. *Celticos, à Celticis ex Lusitania aduenisse manifestum est, sacris, lingua, oppidorum vocabulis, quæ cognominibus in Batia distinguuntur.* ita enim legendum, & non à *Celtiberi*, ut vulgati codices, monet Resendius. nulli enim *Celtiberi* in Lusitania. Sed etiam in citeriori provinciā *Celtici* cognomine *Neria*, & *Celtici Pasamarici* qui omnes circa promontorium *Nerium*, aut *Celticum* dictum habitant: quorum Strabo luculente meminit lib. III. loquitur verò de promontorio *Nerio*: *Circum habitabant Celtici, qui colentes Anam fluvium cognatione contingunt. Nam cum* 30 *ipariter atque Turduli, sociis eo armis pervenissent, seditionem egisse ferunt, postquam Limiam fluvium traiecerunt: ceterum post seditionem, eorum amisso duce, palantes ac dissipati ea in regione desederunt: hac de causa flumen Ἀλνός, id est, Oblivionis appellatum.*

V E T T O N E S.

FRequentem maxime fuisse, & diffusam *Vettonum* nationem, nemo vel obiter in Geographis, & prisca Historia versatus inficiabitur: hinc pugnantia inter sese mutuo Scriptorum sunt testimonia. Nunc enim illos inter Lusitanos recensent, nunc excludunt. Ptolemæus illos Lusitaniæ adscribit, & maxime orientales facit (licet antiqua exemplaria *Ὀβερύωνες* habeant;) Plinius autem lib. IV. cap. XXII. circa Tagum statuit *Vettones*; Cæsar vero primo belli Ciuilibis Commentario, illos Lusitania videtur excludere: ubi enim *Afranii*, *Petrei*, & *Varronis*, Pompeii legatorum præfecturas diuisit 40 subdidit. *Ut Petreius ex Lusitania per Vettones cum omnibus copiis ad Afranium proficiscatur.* Strabo etiam lib. III. Lusitania illos videtur excludere: *Huius regionis (Lusitaniæ) latus australe Tagus cingit, ab occasu vero & septentrione Oceanus; ab aurora Carpetani, Vettones Vaccaei, & Gallaici famæ maioris populi.* Idem tamen statim subdit Strabo: *Contra vero nonnulli & hos Lusitanos nominant.* Vnde alterutrum sequi necessum est, vel duos diuerfos populos fuisse; aut, ut exordio dixeram, frequentem admodum fuisse gentem, quæ angustis suæ provinciæ terminis non cõtenta in citerioris provinciæ partem, aggrauante copia, se diffuderat. Quod & *Andræ Resendii* probari video, q̃ addit, separatim illos etiā provinciā effecisse, occupatis vicinorū agris, cui⁹ caput *Augusta Emerita*, à *Prudentio* statuitur. Confirmat hoc vetusta inscriptio, ab eodē producta, quæ *Emeritæ* visitur. 50

D. M.

P. AELIO. VITALI. AVG. LIB. TABVL.

PROVINC. LVSITANIÆ. ET. VETTONIÆ.

STEPHANVS. LIB.

ET. HERES. PATRONO. FECIT.

Vnde verum esse comperimus, quod Plinius iam suo ævo conquerebatur: *Aliunde aliis exordium mensuræ est, & alia meatus, ita sit, ut nulli duo concinant.*

Ab his populis *Vettonicam* laudatam, & nunc notissimam herbam nomen sumfisse refert Plinius lib. XXV. cap. VIII. auctor est Strabo lib. III. *Vettones*, cum primum

Romanorū castra intuentes quosdam centuriones, deambulationis causa deflectere viam cernerent, insanire homines sunt suspicati: itaque eis præcedentes, viam ad tabernacula commonstrabant, perinde ac, aut fixos per quietem manere, aut pugnare necessarium arbitrarentur.



CAP. XXXI.

EMERITA.

AVGVSTA EMERITA AB AVGVSTO CONDITA. LVSITANIA¹⁰
nia quondam metropolis. Reliquia hic Theatri, & Naumachia.

Post deuictos Cantabros, pacatamque Hispaniam ab Augusto Cæsare, ab emeritis militibus, *Augustam Emeritam* conditam urbem, præter Dionem lib. LIII. & D. Isidorum, sentiunt Scriptores, inter quinque Lusitaniæ colonias Plinio recensetur: celebremque eius ætate fuisse, vel ex eo patet quod inter tres conuentus Lusitaniæ ab eo reponitur. Pomponius etiam Mela suo æuo celeberrimam Lusitaniæ urbem fuisse ostendit. Non defuere inter recentiores, qui nugis suis omnia inuoluentes, dicant, vel à *Myrmidonibus*, vel in Herculis memoriam tamquam *Memoridam* dictam. quis non ridebit tam inficetas etymologias? Ptolemæus inter Celticos; Strabo vero illam inter²⁰ Turdulos collocat; poeta vero Prudentius, hymno in S. Eulalam Emeritensem, inter Vettones recenset:

*Nunc locus Emerita est tumulto,
 Clara Colonia Vettonia,
 Quam memorabilis amnis Anas
 Præterit, & viridante rapax
 Gurgite, mœnia pulcra alluit.*

Et licet auctores hi dissentire videantur, facile lis hæc componi poterit, si temporū decursu variè mutatas prouincias reputauerimus, de quo & Plinius suo æuo conqueratur lib. III. cap. I. *Quæ causa*, inquit, *magnos errores computatione mensuræ sapius parit*,³⁰ *alibi mutato prouinciarum modo, alibi itinerum auctis & deminutis passibus; incubnere maria tam longo æuo, alibi processere littora, torsere se & fluminum aut correxere flexus.* Proinde non erit mirum, Strabonis tempestate, qui sub Tiberio Cæsare floruit, Turdulos viribus opibusque claruisse; Prudentii verò æuo, qui sub Theodosio, Arcadio & Honorio viguit, Vettones superiores fuisse, partemq; Turdulorum agri occupasse, atque ita *Emeritam* inter Vettones annumeratam, cum prius inter Turdulos esset:

Urbem hanc Lusitaniæ caput fuisse, non solum reliquiæ antiquorum ædificiorum, sed & Poeta Ausonius testatur.

*Iure mihi post has memorabere nomen Iberum,
 Emerita, æquoreus quam præterlabitur amnis,
 Submittit cui rota suos Hispania fasces.*

Prudentius etiam dicto hymno luculenter id testatur:

Lusitanorum caput oppidorum Vrbs.

Sita est *Emerita* loco campestri, iuxta flumen Anam, vulgò *Guadiana*: qui pulcherrimo stratus ponte, vt ex architecturæ concinnitate conicerere licet, Romanā magnificentiam refert. hac in vrbe olim duo erant aquæductus, quorum adhuc hinc inde sparsi arcus visuntur, qui operis splendorem præ se ferunt. Vrbi etiam contigua moles est, quam incolæ *Septisolum* vocant, quod referant statò tempore, septem Pænorum Reges hac in vrbe conuenire solitos fuisse, & his sedibus sedisse. sed germanæ nugæ sunt, cum sedilium ne vmbram quidem hæc moles referat; sed theatrum fuisse, ait Ga⁵⁰ sparus Barrerius, quod arcus planè habet collapsos, parietes verò diuersis in locis integros, ruderum adgestione planè deformatum. Arcus etiam hic prope D. Iacobi ædem spectatur, quem incolæ plurimique Scriptores triumphalem fuisse putant: sed præterquam quod falsum sit, triumphales arcus alibi quàm Romæ fuisse, structuræ quoq; sunt magis illustris & operosæ: res gestas, fusos hostes, victoriasq; insculptas habent; vnà cum titulo Imperatoris, vt Romæ videre est in arcu Imp. Septimii Seueri, & Titi Vespasiani. Emeritenfis verò arcus nihil horum præ se fert, ideoq; non abs te Barrerius suspicatur, fuisse tropæum aliquod. insigne præterea antiquitatis opus conspicitur hic, Naumachia. Figura campi est oualis, M. CCCC. pedes in longitudinem porrecta,

porrecta, latitudo verò longitudini respondet: circumdata est magno muro in arcus fornices deducto, ut nonnullis in locis adhuc vestigia monstrant. Vrbs hæc olim nobilissima ad magnam incolarum iniequentiam delapsa est, & præter prisce claritatis ruinas nihil ostendit.

Auctor est Plinius lib. IX. cap. XLI. circa Emeritam coccum esse maximam in laude. Idem lib. XV. cap. III. prædulces oliuas per se tantum siccatas vuisque passis dulciores, admodum raras circa Emeritam Lusitanie esse refert. Gothorum tempestate Episcopalis vrbs erat, postea & Archiepiscopatum obtinuit, nunc utroque spoliata. Metropolitana verò dignitas à Callisto II. Pont. Max. translata fuit Compostellam, ut refert Vasauius Brugensis. Hac vrbe orta est *D. Eulalia*, ut supra citatis versibus meminit Prudentius. eadem oriundus Poeta *Decianus*, ut testatur Martialis:

*Gaudent iocose Canio suo Gades,
Emerita Deciano meo.*



CAP. XXXII.

EBORA.

EBORA DICTA LIBERALITAS IVLIA. IN-
scriptiones veteres. De situ eius pauca.

Per antiquam fuisse Lusitanie urbem Eboram, ut nemo dubitat, ita de primo eius conditore, cuncti pene ambigunt: quod in tanta vetustatis caligine mirum non est. Iacobus Moenetus Vasconcellus IC. Lusitanus, non inepte suspicatur, hanc urbem nominatam fuisse, ab *Eburonibus*, seu *Eburonicibus* Gallie Celticæ populis, cum compertum sit tractum hunc Celtas incoluisse: unde forsitan & *Eburobritum*, & in Bætica *Eburā* ad sinum Gaditanum, & in Carpetania T. Liuius *Eborā* nomen sumere. Viriati certe magni illius Lusitani Ducis tempore floruisse, constat ex antiqua inscriptione, quam ab Andrea Resendio libello, de antiquitate Eboræ desumptam, Lectori hic propono.

L. SILO. SABINVS.

BELLO. CONTRA. VIRIATVM.

IN. EBOR. PROV. LVSIT. AGRO.

MVLTI TVDINE. TELORVM

CONFOSVS.

AD. C. PLAVT. PRÆT.

DELATVS. HVMERIS. MIL.

H. SEP. E. PEC. M. M. F. I.

IN. QVO. NEMINI. VELIM. MECVM.

NEC. SERV. NEC. LIB. INFERRI.

SI. SECVS. FIET.

VELIM. OSSVA: QVORVMCVMQ.

SEPVLCRO: MEO: ERVI.

SI. PATRIA. LIBERA: ERIT.

A Q. Sertorio habitatam & peculiariter dilectam, munitis cinctam, & aquæ ductu ornata fuisse, testatur vetus hæc inscriptio, quam, licet mutila, non pigebit adducere.

Q. SERTOR.

HONOREM. NOMINIS. SVI.

ET. COHOR. FORT. EBOR. MVNIC.

VET. EMER. VIRTVTIS. ERGO.

DON. DON. BELLO. CELTIBER.

DEQVE. MANVBIS.

IN. PVBLIC. MVNIC. EIVS.

VTILITATEM.

VRBEM. MOENIVIT.

EOQVE. AQVAM.

DIVERSIS. IN. DVCT. VNVM.

CONLECTEIS. FONTIBVS.

PERDVENDAM. CVRAVIT.

Cognominata postea hæc vrbs *Liberalitas Iulia* datumq; illi ius veteris Latii, vt testatur Plinius lib. III. cap. XXII. *Oppida*, inquit, *veteris Latii, Eboræ, quod Liberalitas Iulia, & Myrtilis, ac Salacia*: quis verò veteris Latii ius primùm *Eboræ* concesserit incertum. Non absurdum erit suspicari, id C. Iulii Cæsaris beneficio obtinuisse, ideoque etiam cognominata *Liberalitas Iulia*, cui fauet antiqua hæc inscriptio, à Resendio producta:

DIVO. IVLIO.

LIB. IVLIA. EBORA.

OB. ILLIVS. IN. MVN.

ET. MVNIC. LIBERALITATEM.

EX. D. D. D.

QVOIVS. DEDICATIONE.

VENERI. GENETRICI. CÆSTVM.

MATRONÆ. DONVM. TVLERVNT.

10

Sita autem est *Eboræ* loco campestri, situ planè amœno. Finge tibi amphitheatrum aliquod immensum, quale rerum natura sola opifex possit effingere: lata & porrecta est planicies, quæ impendētibus vndiq; montibus clauditur: ipsi montes non inuestes aut steriles, sed densis vetustisque nemoribus ornati: campi subiacentes fertilissimi, & opimæ messis feraces. at tantæ felicitati solus amnis deficit. Fidem Christi ²⁰ amplexa est in ipsis nascentis Ecclesiæ primordiis, auctore D. Mancino, Domini nostri Discipulo, qui sub Traiano, aut, vt alii, sub Nerone martyrio affectus fuit. Hac vrbe oriundi *D. Vincentius, Sabina, & Christetis* sorores ipsius, qui Abulæ sub Daciano Præfide martyrio affecti fuere.

Vrbs hæc ab Arabibus circiter CCCC. annis possessa fuit, & tandem regnante Alphonso Henrico primo Lusitanæ rege, à Christianis occupata fuit, opera & virtute fortissimi viri Giraldi cognomine *Intrepidi*. Episcopalis vrbs fuit, sub Paulo verò III. Pont. Max. Archiepiscopali dignitate ornata, vt & Academia omnium disciplinarum illustrata. viros habuit doctrina conspicuos, *L. Andream Resendium*, diligentissimum antiquitatis indagatorem: cui quantum, non solum patria *Eboræ*, sed & vniuersa ³⁰ debeat Lusitania, testantur eius opera. habuit etiam *Thomam Rodericum à Veiga*, Medicum doctissimum, qui pauca, sed erudita, sed elaborata in lucem edidit.



CAP. XXXIII.

PAX IVLIA HODIE BEIA. IOSEPHVS Moletius & Tarapha reiecti. Inscriptio vetus.

Inter celeberrimas Lusitanæ ciuitates, numerata est *Pax Iulia*, vna ex quinque ⁴⁰ Coniunctis, in qua & Iuridicus olim conuentus, vt auctor est Plinius lib. IV. cap. XXII. à Iosepho Moletio, & Francisco Tarapha, censetur *Badaioz* esse; sed longè hos errare vel Antonini docet Itinerarium, qui numerat ab Esuri per compendium *Pacem Iuliam* M. P. LXXVI. hoc modo: *Myrtilim* M. P. XL. *Pacem Iuliam* XXXVI. Esuris verò, vt hoc obiter moneam, oppidum est, non procul à Marianis montibus, hodie dictum *Xeres*, vt docet Resendius: *Xeres* verò à *Badaioz* tantum XV. M. P. abest, & non LXXVI. vt ostendit Antoninus. quamobrem melius cum L. Andrea Resendio, & Gaspare Barrerio sentiendum, *Pacem Iuliam*, esse *Beiam* hodie dictam. Primò enim competit passuum numerus Antonini, à Myrtili *Pacem Iuliam* vsque M. P. XXXVI. cum nouem leucis, quæ *Mertolam Beiam* numerantur. Hæc in vrbe non pauci antiqui cippi ⁵⁰ marmorei eruuntur, qui Pacis Iuliæ nomen ostendunt, inter ceteros cippus hic integer & non inelegans:

L. ÆLIO. AVREL. COMMODO.

IMP. CÆS. ÆLII.

HADR. ANTONINI. AVG.

PII. P. P. FILIO.

COL. PAX. IVLIA. D. D.

C. PETRONIO. MATERNO.

C. IVLIO. IVLIANO. II. VIR.


Apud

Apud historiographos etiam superioris ævi, & barbaros passim legitur *Pacca. i. Beia*, ut latius videre est apud Resendum. nam quod obiciunt, *Badioxa* Episcopum, *Pacensem* nuncupari, leuius est, quam ut quempiam mouere debeat. cui enim ignotum post funestam illam HISPANIAE illatam a Pœnis cladem, magnam circa sedes Episcopales mutationem accidisse? Emerita enim Augusta, olim Lusitanix metropolis, omni nunc honore spoliata iacet. Egeditanorum Episcopatus, in urbem Gardiam translatus, veterem retinet appellationem, sic *Badia*, quæ prius forsan se ex illa clade collegit, *Pacensis* pontificatus titulo ornata fuit: quorum exempla in Hispaniæ Annalibus

— adeo sunt multa loquacem ut

De classare queant Fabium.

Hac in vrbe aquæ ductus Romani operis multa vestigia. nec paucæ veteres inscriptiones extant, pristinae claritatis indicia. Floruit hic ob *Isidorus* cognomine *Pacensis*, cuius opera mendis referta circumferuntur. *Apringius* etiam Episcopus, non inereditus, cuius in Apocalypsim explicationes ceteris omnium præfert Isidorus, & *Sisennandus Iunior*, qui Cordubæ martyrio affectus fuit, hic viguere.



CAP. XXXIV.

SETUBAL A CETOBRIGA, NON

à Tubale dicta.

Oppidum est Turdetanorum, teste Ptolemæo, *Cetobrix*, vel *Cetobryca*, ut Antonini habet Itinerarium, ad ostia fluminis Callipodis (qui hodie, ut auctor est Resendius, *Iadan*; Becano verò in Hispanicis, *Palma* dicitur:) *Setubal* nunc vocatur, ut Gaspari Barrerio, & And. Resendio visum. Florianus verò Occampo, Antonius Beuterus, alique Annalium Hispaniæ confarcinatores, ex Annio Viterbiensi asserunt *Setubal*, non corruptum adulteratumque esse nomen, sed antiquum & purum putum putant esse, à conditore suo *Tubal* inditum, dictumque *Setubal*, quasi *cæturn Tubalis*, quod ibi sedes fixerit in Hispaniam veniens: sed ridiculum est nimis ad *Tubalem* etymon referre ob nominis exiguam affinitatem; cum constet facilius multò à *Cetobriga* defluxisse corruptum vocabulum *Cetobala*, & inde *Setubal*. *Cetobriga* enim dicta à *cetis* & *briga*; veteri namque Hispanorum sermone *Briga* urbem designat: ut in *Lacobriga*, *Medobriga*, *Talabriga*, videre est. magna autem cetaceorum, utpote thynnorum, & ceterorum magnorum piscium hic luculenta piscatura, ita ut nomen designare videatur, urbem *cetaceorum*. Iosephus verò Moletius, & Carolus Cladius, putant *Setubal* esse *Salaciam*, quæ Plinio *Imperatoria urbs* cognominatur, sed diligentissimus Barrerius ostendit *Salaciam*, esse urbem vicinam *Alcazer de sal* dictam, corruptè admodum, cum primùm *Alcazer de Salacia* vocata fuerit à Pœnis, quasi *Castellum Salacia*: insequenti verò æuo *Alcazer de sal* vocari cœpit (ex qua magnus ille Mathematicus *Petrus Nonius* oriandus fuit, quo illustriorem non vidit HISPANIA.) Hodiernæ die urbs est non incelebris. portu enim gaudet commodo, & nobilium piscium piscatura abundat: quæ de causa mercatores ex penitiori Hispania gregatim huc confluunt. Accedit ingens candidissimi salis inexhausta copia, ob insignem toto illo sinu salinarum frequentiam: cuius gratia ab usque Septemtrione magnus huc nauium numerus confluit, ita ut oppidum breui redditum sit opulentissimum, nec magnarum urbium inuideat claritati. Accedit ager vini, triticique feracissimus. Laudatus hic etiam Iaspis, & Porphyrites effoditur. Arbusi hic etiam genus est, ex quo coccus colligitur, ad tingendam purpuram, Emeritensi, quam Plinius adeo extollit, vix inferior.



CAP. XXXV.

OLISIPO.

DE OLISIPONIS NOMINE. FELICITAS IULIA

cognominata. Equæ vento concipiunt. Varronis lectio firmata. Vbi mons Tagrus.

Triton hic visus. Urbis descriptio.

10

Olispomis prima incunabula, post tot annorum decursa spatia, anxie nimis velle inquirere, ut operosum duco, ita etiam ex vetustissimis Lusitaniæ urbibus esse, facile est asserere. Melior Scriptorum pars ab Ulysse conditam dicit, hinc Straboni οὐδυσσεῖα; Stephano vero Byzantino οὐδυσσεῖς; dicitur; Solino verò *Ulyssippo*; Plinio & Varroni *Olyssippo*; apud Ptolemæum autem corrupte ολισίππων, pro ολισίππων legitur; ut verò ex antiquis inscriptionibus licet colligere, *Olisipo* est scribendum, testis illa quæ hac in vrbe visitur:

IMP. CÆS. M. IULIO.

PHILIPPO. FEL. AVG.

PONTIF. MAX.

TRIB. POT. II.

P. P. CONS. III.

FEL. IUL. OLISIPO.

20

Municipium autem erat olim ciuium Romanorum *Olisipo*, cognominata *Felicitas Iulia*, teste Plinio. Miror ego Iosephum Moletium, Franciscum Tarapham aliosque, tam fluxo, & supino animo fuisse, in Plinii lectione, ut ausint asserere, ab illo *Olisiponē* cognominatam esse *Salaciā*: cum puncto interiecto legendus sit textus, alias in latinitatem peccaret nimis crasse. subiungam eius verba ex lib. IV. cap. XXII. *Oppida memorabilia à Tago, in ora Olisipo, equorum è vento Fauonio conceptu nobile; Salacia, cognominata urbs Imperatoria. Adde Plinium eodem capite, Salacia seorsum mentionem facere: Oppida, inquit, veteris Latii, Eboræ, quod item Liberalitas Iulia, & Myrtylis ac Salacia, quæ diximus.*

30

Sita autem est hæc vrbs in promontorio Magno, quod & *Olisiponense* vocatur, ad Tagi amnis ripas, vbi Sociennis stipatus aquis, latissimo alueo Oceano se immiscet; cuius beneficio quotannis maximæ classes in Atlanticum & Indicum mare emittit, quibus immensæ undique opes ab Indis, Afris & Americis aduehuntur, quas deinde magno emolumento, per vniuersam Europam, liberali manu dispensat, quibus non immerito videtur Tagus iacturam auriferæ arenæ refarciisse: licet hanc potius incolarum inertia, quam fluminis sterilitati tribuendam puto. Vrbs tota quinque collibus distincta iacet, ita ut pars eius in cliuos amœnos blande assurgat, pars vero in valles pendula porrigatur, quæ varietas intuentium animos mire recreat. Vniuersus urbis ambitus VII. M. 40 P. complectitur. Soli, cœli quæ mira felicitas: ager suburbanus in omnia frugum genera mira luxuria se effundit, quæ magna copia, & rara bonitate profert. Interioris urbis magnificentia & amplitudo tanta est, ut vix vlli Europæ urbium cedat, sed eum praeceps contendat: ædificia tam publica quam priuata pleraque elegantis, & sumtuosæ structura: fontes habet complures, & rara aquarum præstantia conspicuos: cœnobia habet plurima, & ornatissima. Et ne singula huius urbis recenseam, vnum tantum adducam, ex quo & munificentiam, & pietatem incolarum quivis colligere potest. Templum est *Misericordiæ* vocatum, saxo quadrato, nobilique exstructum, quod non copioso prædiorum censu, aut numerosis prouentibus instructum est, sed sola piorum hominum liberalitate fouetur, fidem tamen pene superat, quantum in singulos annos, 50 ex gratuita hac & collatitia stipe, in egenos erogetur. à fide dignis accepi, superare sæpius expensi summam, quadraginta & quinquaginta millia aureorum. Huic præsunt viri electi, nominis claritate, & vitæ integritate conspicui, qui *Sodales* seu *Fratres Misericordiæ* vocantur: horum opera omnium inopiæ consulitur, nefasque ducunt, ultra annum quidpiam pecuniarum in hoc ærario seruati. Nosocomium etiam est pauperum, quod est structura, diuitiis, amœnitate loci, nulli totius HISPANIÆ valetudinario secundum. Tanta vero hic munditia, diligentiaque curantur agri; ut optimates pluri- mi eo curandi se gratia conferant.

Armamentarium habet vrbs, omnium armorum telorumq; genere instructis-
simum,

simum, qualia pauca Europa: ita ut hinc quadraginta millia peditum, equitum vero tria millia armari olim potuerint, teste Damiano a Goes. Mitto de nautico apparatu, immensæque magnitudinis nauibus dicere, pictores enim imitari cogor, qui dum exigua tabella plurima volunt exprimere, reluctantibus loci angustiis, rerum tantum apices ob oculos ponunt.

Constans inter veteres est opinio, circa huius urbis confinia, equarum feturam ventis maritantibus inolescere. Vnde Silius Italicus lib. III.

*Hic adeo, cum ver placidum, flatusque tepescit,
Concubitus seruans tacitos, grex prostat equarum,
Et Venerem occultam genitali concipit aura.
Sed non multa dies generi, properatque senectus,
Septimæque his stabulis longissima ducitur ætas.*

Luculente idem confirmat Plinius, lib. VIII. cap. XLII. sed de ætate multum à Poeta diuersus: *Constat in Lusitania, circa Olisiponem oppidum & Tagum amnem, equas fauore flante obuersas, animale contempere spiritum, idque partum fieri & gigni perniciosissimū ita, sed triennium vitæ non excedere.* Sed suspectæ fidei apud nonnullos erit Plinius: qui tamen ex M. Varrone hæc hausit, lib. II. De re rustica, cap. I. *In fetura, inquit, incredibilis est in Hispania, sed est vera, quod in Lusitania ad Oceanum, in ea regione, ubi est oppidum Olisipo, monte Tagro, quadam è vento certo tempore concipiunt equæ, ut hic Gallinæ quoque solent, quarum oua ἰνέμια appellant: sed ex his equis, qui nati pulli, non plus triennium viuunt.* Sed ubi gentium mons hic Tagrus? V. Cl. Ios. Scaliger coniectaneis suis in Varronem, asserit legendum *Monte sacro*, ex Columellæ verbis lib. VI. cap. XXVII. sed, pace tanti viri dixerim, Columella potius ex Varrone emendandus, unde locus desumptus est. nam cum sacer mons Iustino in Galletia sit, quem incolæ ferro violare nefas habent, clarum est de illo neque Varronem, neque Columellam loqui: procul enim ab Olisipone, & extra Lusitaniæ terminos est. Quod verò quidam per sacrum montē, *Promontoriū sacrū* intelligunt, hodie *Cabo de san Vincente* dictum, magis ab Olisipone remotū est, quam ut Varronis verbis quadret. Quare Varronis lectionē retinendā putem: præsertim cum Damianus à Goes, & And. Resendius Lusitani doctissimi, dicant montē Tagrum esse, incolis dictū *Sintra*, à quo Lunæ promontoriū in mare prorūpit; ubi pernicitatis mirandæ equorū greges aluntur, ut idem refert Resendi⁹. Circa Olisiponis littora cōspectos non semel, tantopete Poetis decantatos Tritones & Nereides, refert Plinius lib. IX. cap. V. *Tiberio Principi nunciassē Olisiponensium legationem ob id missam; visum auditumque in quodam specu, concha canentem Tritonem, qua noscitur forma.* Hic in cathedrali templo corpus D. Vincentii Leuitæ & Martyris, ex sacro promontorio allatum, summa cum reuerentia asseruatur. D. etiam Antonius (vulgo *de Padua* dictus) hic natus, cuius natalibus iure merito se hæc urbs iactat. Episcopalis olim tantum urbs, nunc Emeritensi, postea & Braccarensi Ecclesiæ parebat, donec Ioannis primi Portugaliæ Regis tempore in metropolitanam Ecclesiam euecta fuit. Labet hic Cl. V. Iulii Cæsi Scaligeri nobile hac de vrbe præconium adtexere:

*Ergo grauis grumus quo pallidus emicet auri,
Insomni tellus scissa ligone gemit.
Cernis, ubi aduectus peregrinis flatibus orbis?
Cernis, ubi in paruo est India tota sinu?
Pressa maris facies, domita est violentia calis:
Quid reliqui est, nisi te carpere sceptræ poli?
Haud potis esse Deus, non vis homo viuere, fors te
Ex homine egressum tertia quando capit?*

C A P. XXXVI.


SCALABIS DICTA PRÆSIDIVM IVLIVM.

Cur vocata Santaren.

Oppidum peruetustum, Tagi ripis appositum, quinquagesimo ab Olisipone lapide, aduerso flumine distans. Colonia fuit Romanorum, dicta *Scalabis* Plinio, Ptolemaeo vero *Scalabiscus*: sed perperam, ut primus monuit Hier. Surita. nam cum forsan scriptum esset, σκαλαβισκη. seu *Scalabis Colonia*, legerunt coniunctim *Scalabiscus*; postea

Præsidium Iulium vocatum, hodie *Santarenum*. scio Tarapham ea in opinione esse, ut *Scalabim* credat dictam urbem *Trugilho*; sed conuincitur à Barrerio, qui *Castra iulia* esse *Trugilho* ostendit, vnam ex contributis Colonis.

Vrbs priscis temporibus non ingloria, siquidem teste Plinio inter tres Lusitanie conuentus annumerata. Mutationis nominis causam refert Vasaëus in Chronico suo. Nam cum anno Domini D C. LIII. D. Irene in oppido *Tomar*, procorum libidini pudicitiam Deo votam prostituere nollet, ab iisdem interfecta, & in Nabanis fluentia corpus proiectum à sicariis, per Tagum *Scalabim* secundo flumine delatum fuit, ibique magno cum honore sepultum: vrbs relicto prisco nomine, cæpta dici *S. Irenes*, & labente æuo in *Santaren* corruptum fuit. Vrbs ipsa editiori in colle sita, præterlabentem aureum Tagum despicit: ager olei vinique maxime fecundus, tritici feracissimus: & licet arctis limitibus conclusum sit territorium, ingentes tamen tritici acervos fundit. Testis est luculentus *Damianus* à Goes, in Olisiponensis vrbs descriptione, tantam esse soli vberatem, ut sexagesimo à semente iacta die, segetes momento fere temporis aultæ & præmaturæ demetantur. Admiretur nunc quis felices Africæ menses: extollant beatam Campaniæ oram: iactitet se Cereris dono Sicilia; nihil video cur *Santaren* præferantur. hinc vrbs incrementum, hinc sanctæ & innoxie incolarum diuitiæ.



C A P. XXXVII.

C O N I M B R I C A.

C O Y M B R A N O N E S S E L A C O B R I G A M. C O N T R A

Oliuariam & Tarapham. Error Gerundensis Episc. Non esse

Æminium antiquorum. Academia nobilis.

DE antiquo *Coymbra* nomine variant scriptorum sententiæ. Ioannes Oliuarius Scholiis suis in III. Melæ, & Tarapha *Lacobrigam* olim fuisse autumant; sed toto celo eos errare certum est: siquidem Mela *Lacobrigam*, & *Portum Hannibalis* in promontorio sacro numerat, quod hodie *Cabo de S. Vincente* dicitur, à quo multis millibus distat *Coymbra*. Adde peritissimo Lusitanicarum antiquitatum Resendio *Lacobrigam*, esse *Lagos* nonnihil deflexo nomine, oppidum nostro æuo non infrequens, quod eo in promontorio situm est, & pharo à Ioanne III. Lusitanie Rege ornatum. Gerundensis verò Episc. non semel dicit *Colimbricam* olim dictam fuisse *Mundam*, illam celebrem funesto prælio, inter Iulium Cæsarem, & Pompeii filios: inductus, ut videtur, quod *Colimbricam* flumen *Munda* præterfluat, à quo *Munda*, oppido nomen inditum putat: sed mirandum, hominem Hispanum, & non indoctum, tam turpiter lapsum, cum *Munda* in Bætica sit, non procul à Corduba; *Colimbrica* verò, in extrema pene Lusitania. Plurimi vero putant Plinii *Conimbricam* nostram esse *Coymbram*, non abludente nomine: sed illa fuit, vbi hodie *Condexa vetus*, eodem teste Resendio, Vasaëo, aliisque ter sæ auris scriptoribus, quæ nihil præter miserandas antiquitatis ruinas ostendit: ab Alanis (quibus Lusitania in barbarorum illa illuue obtigit) diruta, ex cuius ruinis vicinam *Coymbram* enatam ferunt, ut & plurimis HISPANIÆ urbibus euenisse palam est. Non defuere, qui *Coymbram* olim *Æminium* dictam crediderint, cuius Plinius, & Ptolemæus meminere. Sed cum Plinio pugnat hæc coniectura, ait enim lib. IV. cap. XXXII. *Oppidum & flumen Æminium* (non ut vulgata lectio, *Minium*;) *Coymbra* verò flumen *Munda* est: nec poterat *Munda* & *Æminium* idem flumen esse. subiungit enim Plinius: *A Durio Tagus CC. M. P. interueniente Munda*. At *Æminium* Vasaëo, & Iac. Moenatio Vasconcello est oppidum vulgo dictum *Agada* vel *Aguida*, quod eiusdem nominis fluuius alluitur. Sit igitur pro rato, *Coymbram* ex antiquæ *Conimbricæ* cineribus excitatam, quæ, ut multis placet, *Colimbria* aut *Golibria* vocanda. de nomine enim solo parum anxius sum.

Vrbs est loco sita amœnissimo, in rupe vndique oliuarum siluis, vinetisque cincta, ad *Mundam* amnem Ptolomæo & Plinio: *Muliadem* vero Straboni, vulgo *Mondego* dictum posita: qui duas vrbs partes diuisas pulcerrimi operis ponte coniungit. Distat autem à fluuii ostio VIII. leucis. vicina arua omnis generis fructus magna copia proferunt: multis & limpidissimis fontibus rigatur, præcipue vero aquæductu celebri, à Rege Sebastiano

bastiano an. clō. lō. Lxxri. maximo sumtu perfectō. Hinc enim ad editiorem vrbis col-
lem, qui pone Regiam est, vbi studiosorum forum est, tanta optimæ aquæ copia in
marmoreum stagnum erumpit, vt per omnes plateas, torrentis instat, in varios incolā-
rum vsus deriuetur.

Sed præcipuum illi decus & ornamentum, ex vniuersali disciplinarum Acade-
mia, cuius prima fundamenta ferunt anno m. cc. xc. à Dionysio Rege inchoata; Oli-
siponem postea translata, tandem vero circa annum M. D. L. à Ioanne eius nominis
20 Ill. luxuriante nimis per Indica commercia Olisipone, ne teneros iuuentutis animos
contages hæc vitiorum arroderet, iterum Conimbricam, tanquam ad natium solum,
deducta fuit. Vbi incredibile dictu, & Regum profusa liberalitate, & genio loci adiuta
vberimos ingeniorum fructus effudit quibus breui, non modo Lusitaniam, sed &
Hispaniam vniuersam ditauit. iuuentus hic studiosa & frequens, & prisco more togata.



CAP. XXXVIII.

SALMANTICA.

SALMANTICA NON A TEUCRO CONDITA.

Elmantica, Hermandica, & Salmaris vocata. Academia
quo anno instituta.

Salmantica Lusitaniæ vrbs, Academia toto orbe illustris, licet extra Portugaliæ ter-
minos hodie sita, & Castellæ veteris sit, tamen, quia Ptolemæus illam inter Vettones
Lusitaniæ populos recenset, non erit mihi hic prætereunda. Io. Martinus Episc. Ge-
rundenfis, alique non pauci, à Teucro conditam volunt, in Salaminis memoriam: sed
exigui apud me ponderis est hæc opinio. Iustinus enim lib. XLIV. auctor est Teucrum
30 ea loca occupasse, vbi nunc Carthago noua est, inde Galleciam transisse, nusquam
Salmantica mentionem faciens. Adde solitos fuisse Græcos relictis mediterraneis mari-
tima occupare, commercii causa, vt videre est Olisipone, Emporiis, aliisque mille lo-
cis, vbi sedem fixere.

Dubitant non pauci, num hæc eadem sit vrbs cum Elmantica Stephani, & T. Liuii
Hermandica. Ego eandem ausim asserere: nec me mouet quod Stephanus dicat citra
Iberum esse, cum Salmantica non longe à Durio amne sit; sed error hic cum aliis plu-
culis, Græco homini & Hispanicarum rerum imperito condonandus. Sed vnde colligam
easdem esse vrbes, quæres? Liuius lib. XXI. refert post vastatas Hermandicam &
Arcabalam Carteiorum vrbes (scu, vt Sigonius ex Polybio emendat, *Vaccæorum*) Carpe-
40 tanos, Vaccæosq; incitatos ab exulibus Hermandicæ & Olcadum, adortos Hannibalē
non procul à Tago. Vnde colligere licet, Hermandicā non procul à Carpetanis, & Vac-
cæis fuisse. Vettones autē, inter quos sita est Salmantica, his populis vicinos fuisse testis
est præter Strabonē, Plin. lib. 3. c. 3. his verbis: *Primi in ora sunt Bastuli, post eos, quo, dicitur or-
dine, intus recedēte, Mætesani, Oretani, & ad Tagum Carpetani, iuxta eos Vaccæi, Vettones, & Gel-
tiberi.* Cōiecturæ nostræ fauet Plutarchus, qui lib. De mulierū virtutibus urbē hanc Sal-
manticā nominat: Cum Hannibal, inquit, priusquā in Romanos moueret, Salmanticā obsideret,
& promissis CCC. obsidibus & totidē talentis, obsidionē soluit, quæ cum incolæ soluere recusassent, re-
uersus Hannibal militibus urbē diripiendā dedit. perterriti Salmanticensēs urbē liberis corpori-
bus saluis tradiderunt, cumque urbem exirent, coniuges armatam affortarunt, quibus postea op-
50 portune viris traditis, non solum libertatis eorum, sed & recuperandæ patriæ causa exstiterē. Polyæ-
nus Stratagematum lib. VII. idem narrans, vocat urbem *Salmatidem*, quam Plutarchus
Salmanticam appellat. Non imērito itaque dicemus, Elmanticā Stephani Hermandicā
Liuii, & Polyæni Salmatidem esse Salmanticam nostram, cum res circa illas gestæ ean-
dem ostendant esse.

Vrbs est fluuiō Tormis apposita, qui se in Durium amnem exonerat, non solum
læto agrorum prouentu felix, sed & Episcopali dignitate, & Equitum frequentia con-
spicua: quibus accedit Academia, omnium disciplinarum genere instructissima, iuris-
prudentiæ potissimum sacra. quæ cum primum esset Pallentiæ, tandem à Ferdinando
tertio Castellæ Rege, anno Domini clō. cc. xl. huc translata fuit, quod aptior hic Ma-
farum locus videretur. nec opinione sua frustratus Rex: siquidem vrbs hæc nunc to-
tius H I S P A N I Æ ornamentum, & alteræ Athenæ. Hinc enim tamquam ex Oceano,

in vniuersam HISPANIAM, ingeniorum & virtutum riuuli deducuntur, hinc populi iura & leges petunt, hinc ad Regis curiam Senatores, Doctores, & cuiuscumque scientiæ lusâina mittuntur. ad hoc etiam Gymnasiū magna frequentia, non solum Hispani, sed & exteri, tamquam ad celeberrimum Mineruæ emporium indies confluunt, quæ urbem præclaram & nobilem alioquin, opulentiorē & clariorem efficiunt. In L. Pelagii templo non inelegans marmoreus cippus visitur cum hac inscriptione, quæ quod urbis nomen referat, hic adducitur:

D. M. S.

L. IVLIO. CAPITONI.

SALMANTIC.

ANN. LXX.

IVLIA. RVSTICELLA.

SOROR. PIENTISSIMA.

H. S. E. S. T. T. L.



C A P. XXXIX.

A L C A N T A R A.

IN NORBA CÆSARIENA SIT ALCANTARA.

Pændrum opus creditur. Pons à Traiano exstructus. Inscriptio vetus.

Quando Alcantara milites vocati.

AD Tagi ripas sita est *Alcantara*, mirandi operis ponte præcipue spectanda. hanc prisca seculis *Norbam Cæsarianam* (vnam ex quinque Lusitaniae Colonis, teste Plinio) dictam asserunt Gaspar Barterius, Iosephus Moletius, alique non obscuri nominis scriptores. Scio Episc. Gerundensem credere *Norbam Cæsarianam* bello ciuili Pompeianis ducibus solo æquatam fuisse, quod Cæsari impensius fauerē, cuius locum Augustum Cæsarem, postea vicinam Emeritam condidisse; sed non est, quod hæc figmenta quispiam admittat, præsertim cum Ptolemæus, nec Plinius de illa ut euerſa loquantur. And. vero Resendius, & Ambr. Morales negant *Norbam* fuisse, vbi nunc est *Alcantara*: at hic ingenue profitetur se ignorare, vbi olim illa sita fuerit, creditque nullam fuisse urbem olim, vbi nunc est *Alcantara*, sed nomen hoc illi Pœnis inditum fuisse quod pontem significat. quia cum pons hic militari viæ esset appositus, illius commoditatibus & pulcritudine inuitatos vicinos, paulatim hic domos exstruxisse, atque ita in urbem excreuisse. nam si hoc loco fuisset urbs aliqua, iniquum fuisset illam præteriri, in tabula illa, vbi recenserentur Municipiorum nomina, quæ collata stipe pontem hunc perfecerunt: imo in ipso frontispicio memorantur *Igeditani*, quorum urbs hodie vocatur *Idanha la Velha*, quæ non procul admodum Alcantara distat. Nobilitatur præcipue urbs hæc magnifico & imperatoria maiestate digno ponte, quem plerique Traiano ascribunt, non secus ac Segobienſem aquæductum: licet proletarii scriptores, ad Hispanum, vel Herculem vanissime referant. longitudine sua DC. LXX. pedes, latitudine circiter XXVIII. pedes complectitur: altitudo vero aqua tenus CC. pedum est, totus autem pons sex concamerati operis pilis subnititur. Traiani vero Imperatoris opus esse confirmant inscriptiones antiquæ, quæ inibi visuntur, quas non pigebit recensere, ut nauseatē forte Lectorem hoc nouo ferculo recreem, ut in cubitum iterum se reponat. Ex utraque arcus parte:

IMP. CÆSARI. D. NERVE. F.

NERVÆ. TRAIANO. AVG.

GERM. DACICO.

PONT. MAX. TRIB. POTEST. VIII.

IMP. VI. COS. V. P. P.

In ipso ponte quatuor erant magnæ & marmoreæ tabulæ, in quibus Municipiorum erant inscripta nomina, quorum ope & pecunia opus hoc erat perfectum, trium vacuæ apparent sedes: quarta vero cum hac inscriptione visitur:

MVNICIPIA.

PROVINCIAE. LVSITAN.

STIPE. CONLATA.

QVÆ. OPVS.

PONTIS. PERFECERVNT.

IGÆDITANI.

LANCIENSES. OPIDANI.

TALORI.

INTERAMNIENSES.

COLARNI.

LAGCIENSES. TRANSCVDANI.

ARAVI.

MEIDVBRIGENSES.

ARABRIGENSES.

BANIENSES.

PÆSVRES.

In ipso pontis limine, exiguum est sacellum, D. Iuliano sacrum; ex ipsa rupe excisum, in cuius frontispicio, vnà cum his versibus, hæc visitur inscriptio:

IMP. NERVÆ. TRAIANO.

CÆSARI. AVG.

GERM. DACICO. SACRVM.

Templum in rupe Tagi superis, & Cesare plenum,

Ars ubi materia vincitur ipsa sua.

Quis, quali dederit voto, fortasse requies

Cura viatorum, quos noua fama iuuat.

Ingentem vasta pontem quod mole peregit,

Sacralitaturò fecit honore Lacer.

Qui pontem fecit Lacer, & noua templa dicant,

Illic se sola.....vota litant.

Pontem perpetui mansuram in secula mundi

Fecit diuina nobilis arte Lacer.

Idem Romuleis templum cum Cesare diuis

Constituit, felix vtraque causa sacri.

C. IVLIVS. LACER. H. S. F.

ET. DEDICAVIT. AMICO.

CVRIO. LACONE. IGÆDITANO.

Vrbs hæc ab Alphonso VIII. Mauris erepta, anno circiter cl. XIII. & Calatrana militibus dono data; vnde tanquam ex munitissima arce in hostium fines incurrerent, & in posterum propugnaculum esset ad hostiles impetus eludendos: anno demum cl. CCCC. XI. à Calatrana militibus auctoritate Benedicti XIII. Pont. Max. cruce viridi se distinxere: cum antea cucullo & rubra fascia tantum distincti essent, & nunc milites *Alcantara* vocantur.

CAP. XL.

TARRACO.

1^o TARRACONENSIS PROVINCIAE LIMITES QUANDO mutati. *Martianus Capella emendatus.*

Tarraconensis prouincia angustis magis limitibus olim erat arctata: Pyrenæis enim montibus, & Ibero amne claudebatur, vnde & *Citerior* olim dicta quod cis Iberum esset, licet Isidorus Orig. lib. XIV. cap. IV. *Citeriorem* dictam putet, quasi *circa terras*. Florenti enim Pœnorum imperio quidquid à freto Gaditano Iberum usque terrarum erat, Vltiori Hispaniæ ascribatur, cetera *Citeriori*; sed postquam vniuersa Hispania pulsis Carthaginensibus, populi Rom. victoriis cessit, longè latiores terminos habuit, adeo ut, qui olim *Citerioris* Hispaniæ limes & finis erat Iberus, umbilicus penè

effectus fuerit. vnde & Plinius in limine capitis tertii lib. III. ait Citerioris Hispaniæ, vt & complurium prouinciarum, veterem formam mutatam esse. A Meridie enim Lusitaniæ, & Balearici maris ora terminata fuit; à Septentrione Oceanum Britannicum, ab Oeasone (seu *Olaifone* vt Plinius, non, vt Martianus Capella lib. VI. *Iarfone* aut *Gerfone*) ad promontorium Nerium; ab Occasu Oceanum Atlanticum, à dicto promontorio ad ostium amnis Durii; ab Oriente Pyrenæos montes pro limitibus habuit.

Longitudo eius, teste Plinio, à Pyrenæo ad finem Castulonis DC. VII. extensa; M. P. latitudo verò à Tarracone, ad Olatonis litus CCC. VIII. M. P. Diuisa fuit, pro eius magnitudine, in iuridicos conuentus septem, quot Bætica, & Lusitania simul habent, *Carthaginensem, Tarraconensem, Casaraugustanum, Clunensem, Asturum, Lucensem, 10 Braccarum*. Non prætereundum puto, apud Martianum Capellam, vbi de Hispania agit, lib. VI. lacunam esse supplendam. Ita enim ait: *At vniuersa prouincia, habet conuentus septem, Carthaginensem, Tarraconensem, &c.* quæ enim vniuersa prouincia habet septem conuentus? an Hispania? sed superius dixerat Bæticam duos habere conuentus, atque ita erunt nouem. quare ita legendum puto: *At vniuersa citerior prouincia conuentus habet septem.* nam de Bætica & Lusitania egerat, restabat de Tarraconensi dicere.

Vniuersa hæc prouincia omnis generis metallis abundat, marmorum lazumiis, & speculari lapide, messibus, oleo, vinoque fecunda admodum, sed bellaci præcipue populo nobilis. Testes Celtiberi, Cantabri, Vascones & exitio suo clari Numantini. hoc æuo in multa regna diuisa est: siquidem complectitur *Murciæ regnum, Valentia, 20 Aragonum, Cataloniam, Castellam veterem, Gallæciam, Nauarram, Biscaiam.*



CAP. XLI.

TARRACONENSES POPULI GRAUII ORIGINEM
Græcis trahunt. Plinius obiter emendatus.

Varii Tarraconensem prouinciæ incolunt populi, sed immensi operis & laboris esset, singulos è vetustatis latebris protrahere: nobiliores tantum & memoratu 30 digni dicentur, ceteri verò, vt ignobiles, silentio inuoluentur. nam verbis indulgere, in rerum inopia quid attinet? citra fastidium verò nominentur primo loco *Grauii*, nam Lusitaniæ collimitanei sunt, ad flexum enim Durii amnis eos Pomp. Mela statuit. A Græcis illos originem trahere auctor est Plin. lib. IV. cap. XX. *Heleni, Crauii, Castellum Tyde, Græcorum sobolis omnia*: quo tamen loco mallet geminato L. *Helleni* legere, vt originem suam exprimerent. præit mihi Strabo lib. III. *In Callaicis*, inquit, *quosdam ex Teucris commilitonibus habitasse, ibique oppida fuisse, quorum Έλληνες, alterum Αμφίλοχοι nominatum est.* Vocantur verò hi *Grauii*, a Mela *Gronii*, a Ptolemæo autem *Γροῖοι*, corruptè vt credo vitrobique. Fama est Diomedem ab Ægiale vxore adultera, patria domoque prohibitum, Hispaniæ litoribus, supra Lusitaniam appulisse, inibique urbem in patris 40 memoriam *Tydem* condidisse, quæ a Ptolemæo *Tude* vocatur, & hodie *Tuy* dicta (vnde Lucas Tudenfis Episcopus, non vltimus rerum Hispanicarum Scriptor originem habet.) confirmat hoc Silius Italicus lib. III.

*Et quos nunc Grauios violato nomine Græcam,
Oeneæ misere domus A Etolaque Tyde.*



CAP. XLII.

GALLÆCIA.

GALLÆCI DICTI ET CALLAICI VNDE NOMEN
sumsere. Gallæcia sexta prouincia effecta. Mores illorum.

Grauios attingunt *Gallæci*, frequens nec ignobilis populus, amne Durio à Lusitania diuisi, qui etiam *Callaici* vocantur, hodie verò *Gallegos*. Antonius Beuterus à Gallis & Græcis, in vnum commixtis populis, nomen & originem illos trahere comminiscitur; Fraciscus Tarapha à Galathe Herculis filio dictos putat; Iustinus verò l. 44. *Gallæci*, inquit, *Græcam sibi originem asserunt: siquidem post finem Troiani belli, Teucrum morte Atacis fratris, inuisum patri Telamoni, cum non reciperetur in regnum, Cyprum concessisse, atq. ibi urbem nomine antiquæ*

antiqua patria, Salamiam condidisse, inde accepta opinione paternae mortis patriam repetisse: sed cum ab Eurisace Aiakis filio accessu prohiberetur, Hispaniae litoribus appulsum, loca, ubi nunc est Carthago noua, occupasse, inde Gallaciam transisse, positisque sedibus genti nomen dedisse.

Isidorus Orig. lib. IX. cap. II. *Gallacos* à candore dictos putat, ut & *Gallos*, quia ceteris Hispaniae populis candidiores sunt. Ptolemæus hos in binos populos diuidit, nempe in *Callaicos Braccarios*, & *Lucenses*: illi inter Minium & Durium amnes ad mare habitabant, hodie tractus ille *entre Douro & Minho* nuncupatur, quorum primaria vrbs, *Augusta Braccara*: *Lucenses* verò prope Artabrum promontorium erant, unde & conuentus Lucensis, teste Plinio, quò XVI. populi conueniebant, qui hodie soli *Galleci* vocantur. Lapsu verò ætatis diffusum fuisse, & numerosum populum constat, utpote cum tempore Imp. Hadriani, quo veteris Hispaniæ termini mutati sunt, vni è sex prouinciis nomen dedit *Gallacia*; imò Pauli Orosii tempestate (qui sub Honorio & Arcadio floruit) *Gallaciæ* termini Numantiam vsque, quæ Pelendonum vrbs erat, extensi erant. Strabo etiam refert sua ætate maximam Lusitanorum partem *Callaicos* vocatos esse. Incolæ bello dediti, pacis verò munia vxoribus committebant, unde Iustinus: *Feminae res domesticas, agrorumque culturam administrant, ipsi rapinis & armis seruiunt.* Strabo illos bellacissimos vocat, & subiugatu difficiles, quos tandem D. Iunius Brutus magno prælio vicit, unde & *Callaicus* dici meruit, ut refert L. Florus lib. II. cap. XVII. Silius verò Italicus lib. III. graphicè illorum mores & viuendi normam his versibus depingit:

*Fibrarum, & penna, diuinarumque sagacem
Flammarum, misit diues Gallacia pubem:
Barbara nunc patriis ululantem carmina linguis,
Nunc pedis alterno percussa verberare terram,
Ad numerum resonas gaudente plaudere cetras:
Hæc requies, ludusque viris, ea sacra voluptas.
Cetera femineus peragit labor, addere sulco
Semina, & impresso tellurem vertere aratro
Segne viris, quidquid durum sine Marte gerundum
Callaici coniux obit irrequieta mariti.*

Strabo ab aliquibus *Gallaicos* *αἰετός* vocari refert, quod miror, cum Poeta illos auguriis & extispiciis deditos dicat.

Regio ipsa, olim auri & plumbi feracissima, ut non semel ostendit Plinius. Iustinus verò lib. XLIV. Auro quoque ditissimam dicit, adeo ut etiam aratro frequenter glebas aureas excindant. In huius gentis finibus Sacer mons est, quem ferro violare nefas habetur. sed si quando fulgure terra procissa est (quæ in his locis assidue res est) detectum aurum velut Dei munus colligere permittitur. Nobilis etiam hic Poetarum fabulis est amnis Limia, qui & Oblivionis & Lethes vocatur, de quo & Silius Italicus lib. III.

*Quique super Granius lucentes voluit arenas,
Inferna referens populis oblivina Lethes.*

Romanis hic militibus adeo formidatus erat, ut bellante D. Iunio Bruto in Gallacos, milites eius nollent fluuium transire, donec raptum à signifero signum ipse Brutus transtulit, & sic ut transgredientur persuasit, ut refert Liuii epitome lib. LV.



C A P. XLIII.

ASTVRIÆ REGNUM.

ASTVRES VNDE DICTI. BELLACES ASTVRCONES.

Asturia bifariam diuisa. Aurifera est.

Qua Pyrenæi iugum, haud procul secundo Oceano, sub Septentrionem deducitur, habitant *Astures* Gallaciæ portio, ut auctor est Paulus Orosius lib. VI. cap. XXI. ita dicti ab Astura fluuiio, qui regionem illam alluit, teste Isidoro lib. IX. cap. II. Silius vero Italicus ab Astyre Memnionis auriga dictos credit, lib. III.

*Venit & Aurora lacrymis persusus in orbem
Diuersum, patrias fugeret cum deuus oras,
Armiger Eoi non felix Memnionis Astyr.*

Diuisi erant olim, in *Transmontanos* & *Augustanos*: teste Plinio lib. 3. cap. 3. in duobus

decim populos distincti. caput gentis erat *Asturica*, vrbs magnifica, quam Ptolemæus *Asturicam Augustam* vocat; hodie verò *Astorga* dicta.

Regio vniuersa aspera, montibus siluisque horrida, incolæ bellaces, & libertatis, apprimè tenaces, qua de causa non semel à Romanis defecere, & Augusti Cæsaris præsentia necessaria visa, vt arma ponerent. Vnde L. Florus sub calcem operis, periculum illius belli his verbis exaggerat: *Astures per idem tempus, ingenti agmine à montibus suis descenderant, nec timuere subitus, vt barbaris impares; & positis castris apud Asturam flumen trifario diuiso agmine, tria simul Romanorum castra aggredi pararunt: fuisset & anceps, & cruentum, & vtinam mutua clade certamen, tunc tam fortibus etiam subito, tam cum consilio venientibus.* In plana ab Augusto deducti, quo fera illa ingenia non secus ac siluestres plantæ mutatione soli mitescerent. Regio ipsa, minii, chryfocollæ, & auri præcipuè fecunda. Plinius auctor est lib. XXXIII. cap. IV. *Asturiam, Lusitaniam, & Galleciam singulis annis vicena millia pondo auri præstare, ita vt plurimum Asturia gignat.* Vnde & Silius lib. I.

— *Astur auarus,
Visceribus lacera telluris mergitur imis,
Et redit infelix, effosso concolor auro.*

Asturcones equos laudatos etiam admodum gignit *Asturia*, quibus non vulgaris in cursu gradus, sed mollis alterno crurum explicatu glomeratio, de quib⁹ Silius lib. 3.

*His paruus sonipes, nec Marti notus, at idem
Aut inconcusso glomerat vestigia dorso,
Aut molli pacata celer trahit eseda collo.*

Martialis verò epig. lib. XIV. *Asturum equum:*

*Hic brevis ad numerum rapidos qui colligit ungues
Venit ab auriferis gentibus Astur equus.*

Hoc æuo diuisa est *Asturia* in duas partes, in *Asturiam de Ouiego*, & de *Santillana* dictas: nomen illis vrbes hæ duæ præcipuæ dederunt.

Asturiæ verò debet vniuersa *HISPANIA*, & Christianam religionem, & auitam nobilitatem conseruatam: nam post fatalem illam à Pœnis Hispaniæ illatam cladem, quæ supererat nobilitas, & Gothici sanguinis reliquiæ vnà cum clero, in *Asturiam* profugere, vbi naturæ loci fisi, Maurorum impetus primum hebetarunt: demum ductu Pelagii, excusso Maurorum iugo, continuis bellis vniuersam Hispaniam recuperarunt.



CAP. XLIV.

CANTABRIA.

CANTABRI A LACONIBVS ORTI. MORES ILLORUM. Mons hic ferreus. Tamarici fontes.

Vicini Asturibus sunt *Cantabri*, ita dicti ab vrbis vocabulo, & Ibero Amne, cui infident, teste Isidoro lib. IX. cap. II. prope Iuliobrigam enim in Cantabris oriri Iberum testatur Plinius; sed vbi gentium vrbs illa sit, vnde nomen deducitur, est qui referat nemo. Incolas à Laconibus originem ducere, auctor est Asclepiades Myrlianus apud Strabonem lib. III. partem enim Cantabriæ illos quondam habuisse, fortitudo egregia, & innata illis in laboribus patientia, & pertinax libertatis defendendæ animus indicio sunt. hinc verè & egregiè Silius Italicus lib. III.

*Cantaber ante omnes, hyemisque, æstusque, famisque
Inuictus, palmamque ex omni ferre labore,
Mirus amor populo, cum pigra incanuit ætas
Imbelles iam dudum annos peruertere saxo,
Nec vitam sine Marte pati; quippe omnis in armis
Lucis causa sita est, & damnatum viuere paci.*

Quum Augustus Cæsar magno tandem labore illos debellasset, ne seruitutem seruirent, potior pars igne, ferro, aut ueneno se à captiuitate vindicauit, vt refert L. Florus lib. IV. cap. vltimo. Strabo verò lib. III. refert matres bello hoc Cantabrico, priusquam in hostium potestatem venirent, proles suas necasse: & puerum quendam, accepto à patre ferro, parentes, & fratres captiuos interemisse: nonnullos verò in crucem ab hostibus suffixos, lætitiæ Pæana cecinisse, quasi nihil iuris in illorum libertatem haberent.

Regio

Regio vbiq̃ue montuosa & aspera, & Hispaniæ penè dissimilis, Baccho prorsus inimica, Marti verò, & Vulcano adeò amica; vt non immeritò quis illius Dei officinam vocet, ex qua plena manu natura Martio huic populo arma largiatur. Nam præter plumbū, & magnetem lapidē, (quem nonnulli *ferrum vinum* vocant) copiosas adeò ferri venas fundit, vt auctor sit Plinius lib. XXXIV. cap. XIV. *Cantabria maritima parte, quam Oceanus alluit, montem esse præruptè altum, incredibile dictū, totum ex ea materia [ferro.]* Inexhausta hæc ferri copia & in nostram vsque ætatē durat, quam per Hispanias, Galliasque incolæ magno quæstu distribuunt. Mirum est, quod de *Tamaricis* fontibus in Cantabria prodit Plinius lib. XXXI. cap. II. his verbis: *In Cantabria fontes Tamarici in augurio habentur, tres sunt, octonis pedibus distantes, in vnum alueum coeunt, vasto amne, singulis diebus siccantur duodecies, aliquando vicies, citra suspicionem vllam aquæ, cum sit vicinus illis fons, sine intermissione largus: dirum est non profluere eos aspicere volentibus, sicut proxime Lartio Licinio legato post præturam, post septem dies accidit.*

Vniuersa hæc regio hodie in *Biscaiam* & *Guipuscoa* diuisa est, immunitatibus gaudet maximis, quas & acerrimè incolæ propugnant.




CAP. XLV.

CARPETANIA.

CARPETANI VBI OLIM SITI. A

Polybiò Carpesii vocati.

Non ignobiles in Citeriori Hispania olim fuere *Carpetani*, qui teste Cl. Ptolemæo; à Septentrione confines erant *Vaccæis*; ab Oriente *Celtiberis*; à Meridiè *Oretanos* attingebant; ab Occidente verò *Vettones*: Polybius libro III. auctor est, illos ferocia & hominum multitudine, ceteros eius prouinciæ antecellere. vnde magna pugna deuictis ab Hannibale circa Tagum Carpetanis, nulli vltra Iberum Carthaginiensium armis resistere populi, vt fusè narrant T. Liuius lib. XXI. & Polyb. lib. III. At circa illorum nomen aliquantulum dissentiunt Scriptores. Plutarch. in Hannibale & Strabo lib. III. *Carpentandis* vocant; Liuius verò passim *Carpetanos*; sed tenue est discrimen: maius verò Polybii, qui *Καρπησιεύς* hos vocat, solus quod sciam. Nam quos Liuius lib. XXIII. *Carpesios* vocat, diuersi sunt à *Carpetanis*, quos tamē Henr. Glareanus *Tartesios* credit esse. attamen si Stephano credimus, circa Iberum amnem siti sunt, vnde diuersi erunt, non solum à *Carpetanis*, sed etiam à *Tartesius*. Mihi incertum, quo loco olim fuerint: C. Plinius lib. XIX. cap. VIII. refert in Carpetania laudatissimum cuminum prouenire, vnde & *Vicus cuminariū* Antonino in Itinerario dictus, itinere quodam Emerita Cæsaraugustam vsque, quem Ambrosius Morales credit esse; *Sancta Cris de la carza*, eò quòd toto illo tractu nullus cumini prouentus, quàm in hoc vico: Carpetania autem hoc æuo regnū *Toletanum* vocatur; cuius caput, vel Plinii tempore, erat Tolerum:



CAP. XLVI.

VACCAEI VBI OLIM HABITARINT.

Gentis mores: Bellicosi.

Inter Carpetanos, & Celtiberos siti sunt *Vaccæi*, quos Stephanus Byzantinus vocat *Βακκαίους*; eo olim tractu, quem nunc *Castellam veterem* appellant, bellica virtute quondam clari. Moris inter illos erat olim, teste Diodoro Siculo lib. VI. Biblioth. singulis annis, fortitos inter se agros colere, fructusque cum ceteris communicare, cuiq̃ sua portione assignatā, qua de causa & agricolis illatæ iniuriæ morte multabantur. Auctor est Appianus Alexandrinus in Ibericis, Licinium Lucillum, quem Liuiana Epitome L. *Licinium Lucillum* nominat, inconsulto senatu, & iniusto bello *Vaccaeos* lacessuisse: qui cum illorum urbem Cauciam in deditionem recepisset, militibus diripiendam dedisse, incolasque omnes trucidasse; nullā habitā ætatis sexusue ratione:


Quare ceteræ eius regionis vrbes ad bellum se pararunt, & ab Intercatia, & Pallentia cum damno & ignominia eum repulerunt: iidem etiam Metellum Nepotem, obsidentem Cluniam Areuacorum urbem prælio fuderunt, & urbem obsidione soluerunt, teste Dione lib. XXXIX. Insigni etiam clade Lepidum affecisse eos, testatur Paulus Orosius lib. V. cap. V. nam cum prohibente etiam Senatu Romano innoxios oppugnare pergeret, ad sex millia militum à Vaccæis cæsa sunt, ceteri castris exuti euaserunt. Appianus *Aemilium* vocat, non *Lepidum*.



CAP. XLVII.

OLCADES VBI OLIM SITI.

Non procul à Vaccæis erant *olcades*, ut apud T. Liuium & Polybium videre est. Stephanus Byzantinus Carthagini nouæ finitimos facit. Auctor vitæ Hannibalis post Plutarchum, & Liuius ultra Iberum illos statuunt. P. lo. Mariana non malè suspicatur illos olim fuisse, vbi nunc est *Ocanna*, regni Toletani vrbs, non multum ablu-
dente vocabulo, nec situ repugnante. Illorum urbem *Carteiam* refert ab Hannibale Liuius expugnatam, quam tamen Polybius, & Stephanus *Altheiam* vocant. Quare & Car. Sigonio magis placet pro *Carteia*, *Altheiam* substituere.



CAP. XLVIII.

ARAGONIÆ REGNUM.

CELTIBERI CELTOSCYTHÆ, ET BERONES DICTI. *Nominis etymon. Potentia illorum, opes, mores. Simples olim.*

Diffusum & potens olim, per HISPANIAM *Celtiberorum* nomen. Nam cum, teste Strabone lib. III. plurimam fortunæ ac dignitatis accessionem Celtiberi sibi vindicassent, finitimam omnem regionem eodem nominatam vocabulo reddiderunt, adeo ut tota Hispania *Celtiberia* vocata fuerit, ut supra dictum. Vocati etiam olim *Celtoscythæ* rudi seculo, eodem Strabone auctore lib. I. *Berones* etiam dictos idem refert lib. III. Postea verò, quia teste Isidoro lib. IX. cap. II. ex Gallis Celticis defluerunt, & circa Iberum fluuium confederunt, mixto utroque vocabulo *Celtiberi* vocati sunt. Diod. autem Siculus lib. VI. diuersus est ab hoc etymo. ait enim *Iberos* quondam *Celtasque* pro agris bello certasse, pace demum firmata, communicasse inuicem patriam, & mutua sanxisse connubia: vnde & commixtum nomen, & cum essent duæ validæ nationes, in vberi regione coniunctæ, effecere ut magnum esset *Celtiberorum* nomen, vnde & Lucanus *Pharsaliæ* lib. IV.

— profugique à gente vetusta

Gallorum Celtae miscentes nomen Iberis.

Martialis etiam lib. IV. Epigr. LV.

Nos Celtis geniti & ex Iberis.

In quatuor olim populos diuisi fuere, testibus Plinio, & Strabone, qui tamen populorum nomina prætereunt, nisi quod ille *Pelecondones* recenscat. Prouinciæ verò caput *Segobrigam* Plinius: at Strabo nobilissimam ciuitatem *Namantiam* dicit fuisse. Constat frequentem & vsque eò populosam olim fuisse, ut Polybius scribat apud Strabonem CCC. illorum vrbes à Tib. Graccho subuersas fuisse, quod tamen Strabo, ritu comico, in Gracchi gratiam dictum putat; quod agri natura tantæ urbium frequentie capax non sit. moderatius certè L. Florus, qui lib. II. cap. XVII. CL. urbium subuersione illos à Graccho multatos scribit. Bellica in primis gloria clari fuere, ut Florus citato loco *Celtiberos Hispaniæ robur* nominet. In acie exultabant, ut ait Val. Maximus lib. II. cap. VI. tanquam gloriose & feliciter vita excessuri; lamentabantur in morbo, quasi turpiter & miserabiliter perituri. addit & Silius Italicus lib. III.

His pugna cecidisse decus, corpusque cremari

Tale nefas; calo credunt superisque referri,

Impastus carpat si membra iacentia vultur.

Idem nefas esse ducebant, ut idem refert Val. Maximus, prælio superesse, cum is occidisset pro cuius salute spiritum deuouerant. opibus verò etiam adeo abundasse illos constat, ut referat Strabo ex Posidonii sententia, M. Marcellum ex Celtiberia talentum DC. tributi nomine exigisse. Nam licet ager illorum sterilis esset, auri, argenti-
que tamen egregie fecundus erat. Armis verè ferroque abundabant raræ bonitatis. Nam præter Saloni ad Bilbilem aquas, quibus inuictam armorum temperiem para-
bant, peculiaris ipsis erat ratio ferri temperandi: siquidem, teste Diod. Siculo lib. VI. cap. IX. ferreas laminas in terram abscondentes, ibi tam diu esse sinunt, quoad infir-
miori parte ferrugine exesa, validior supersit, ex eo tum enses fortissimos, tum cetera
10 ad belli usus arma necessaria componunt: hoc pacto fabricatis cedunt omnia, ut neq;
scutum, neque galea, neque aliud vim eorum remoretur. Idem refert præter Strabo-
nem lib. III. circa victus munditiem illos esse elegantes, nisi egregia illos spurcicies fœ-
daret, quod corpus vniuersum lauant vrina, & dentes fricant: vnde eleganter Catul-
lus Epig. XL.

*Nunc Celtiber in Celtiberia terra
Quod quisque minxit, hoc sibi solet mane
Dentem, atque rursam defricare gingiuam:
Ut quod iste vester expolitior dens est,
Hoc te amplius bibisse prædicet loti.*

20 Et rursus Epigrammate XXXVIII.

Et dens Ibera defricatus vrina.

Tangit hoc & Appuleius in Apol. Quem, inquit, multo æquius erat spurcissimorum
Iberorum, ut ait Catullus, sua sibi vrina dentem atque rursam pumicare gingiuam.

Gentem hanc olim, non ut pleriq; Hispanorum, pro callida & vafra non esse ha-
bitam, ostendit T. Liuius lib. XXX. agens de Graccho obsidente Certimam: Vbi, in-
quit, cum iam opera admoueret, veniunt legati ex oppido, quorum sermo antiquæ simplicitatis
fuit, non dissimulantium bellaturos, si vires essent. Petierunt enim, ut sibi in castra Celtiberorum
ire liceret, ad auxilia accipienda, si non impetrassent, tum separatim eos ab illis se consulturos: per-
mittente Graccho ierunt, & post paucis diebus alios legatos decem secum adduxerunt. Meridia-
30 num tempus erat, nihil prius petierunt à Præto, quam ut bibere sibi iuberet dari, epotis primis
poculis, iterum poposcerunt, magno risu circumstantium, in tam rudibus & moris omnis ignaris.



CAP. XLIX.

ILLERGETES NON ESSE ILLVRGAVONENSES

Cæsar, contra Fulvium Vrsinum. Num Eilotæ Polybii.

40 CIs Iberum sunt Illergetes, frequenti olim à populo Rom. defectione celebres duci-
bus Indibili & Mandonio, donec Indibilis à L. Lentulo, & Manlio Acidino in a-
cie cæsus, & Mandonius illis traditus, ut refert T. Liuius lib. XXIX. Fulvius Vrsinus
apud Ortellium credit Illurgauonenses Cæsar, hos esse Illergetes, sed cum Plinius præter
Illergetes, etiam Illurgauonensem meminerit, non facile illi assentior, nec quadrant ver-
ba Cæsar, cum Fului opinionem. Siquidem Illurgauonenses ad Iberum statuit, à quo Il-
lergetes remoti sunt. Credo hos Cæsar & Plinii Illurgauonenses, vocari ad T. Liuium Il-
caonenses lib. XXII. Castra Punica in agro Ilercaonensium, Castra Romanorum ad classem no-
uam erant. Num vero Eilota Polybii sint, non immerito quæri potest. nam lib. X. refert
P. Scipionem cum primum in Hispaniam venisset in Eilotis hyemasse: T. vero Liuius
lib. XXVI. Tarracone hyemem transgisse refert, vnde certum est Eilotas non procul
50 à Tarracone fuisse, ut nec Illergetes; sed cum idem Polybius lib. III. Illergetum memine-
rit, non potest idem esse populus, nisi mendum subesse dicamus. nullus enim Scri-
ptor horum meminit, præter vnum Polybium. Festus Auienus in ora maritima recen-
set Iteates populos, qui non multum à Polybii Eilotis videntur discrepare, sed æque mi-
hi obscuri. Credo etiam mendum subesse apud Polybium, citato loco, ubi vocat, An-
dobalum τῶν λεχητῶν βασιλεὺς. Cum luce clarius sit substituendum esse ἱλερχητῶν. Si-
quidem Indibilis, quem deprauatè vocat Andobalum, Illergetum erat regulus, ut &
Mandonius. ut patet apud Liuium. Refert Hieronymus Paulus Barcinonensis, Il-
lergetes eum olim tractum coluisse, qui nunc Vrgellensis nuncupatur.



CAP. L.

CERRETANI DICTI IULIANI. CVM HERCVLE IN
Hispaniam venerunt. Inscriptio vetus.

Illegetibus esse conterminos *Cerretanos*, auctor est Ptolemæus. Incolebant autem Pyrenæi conualles. Plinius illos *Iulianos* appellat, an forsan ab vrbe *Iulia Libyca*, quam Ptolemæus ibi statuit? suspicari licet præsertim cum nulla manifestior occurrat ratio. 10
Cum Hercule illos olim in Hispaniam venisse innuit Silius Italicus lib. III.

Nec Cerretani quondam Tyrinthia castra

Aut Vasco insuetus galeæ, ferre arma morati.

Dion. lib. XLVIII. refert *Cerretanos* cum à Pop. Rom. defecissent, à Domitii Caluini legato superatos, postea tamen ab illis circumventum fuisse, & desertum à propriis militibus; sed decumato prius milite, iterum à Domitio Caluino debellatos. Strabo lib. III. apud *Cerretanos* pernas optime, & variis modis condiri refert, vnde & Val. Martialis lib. XIII.

Cerretana mihi fiet, vel massa licebit

De Menapis: lauti de petasone vorent.

Eodem etiam libro Poeta *Cerretana* vina commendat;

Cerretana nepos ponet, Setinâ probabis

Non ponit turba, cum tribus illa bibit.

Incolebant autem loca illa Cathalonix, Galliam versus, vbi hodie Comitatus *Certanix* est, vt notat Ambr. Morales lib. VIII. cap. II. qui etiam hanc inscriptionem in Pyrenæis alibi exstare: scribiturque tantum vnico R. nomen *Cerretanorum*:

AVGVSTO.

TERRA. MARIQ. VICTORI.

ELIMINATIS. SACERDOTIBVS.

BONÆ. DEÆ.

ET. COLLEGIO.


VII. EPVLONVM.

COMMVNI. POP. SENTENTIA:

EXCLVSO.

CERETANI. TEMPLVM.

VICTORIÆ. AVG. D. D.



CAP. LI.

BRACCARA.

BRACCARA AVGVSTA A QVIBVS CONDITA. INTER
quatuor præcipuas Hispania vrbes. Sedes Regum Suenorum & Gothorum.
De primatu Hispania cum Toletis certat.

Cvm *Braccara* ea in Portugalix parte, quæ *Interamnis* dicitur, hoc æuo sita sit, cuius tamen à me nulla est facta mentio inter Lusitanicas vrbes; eo quod Lusitaniæ limitibus antiquis exclusa esset; ideo non abs re me facturum puto, si vbi Lusitania desit, 50
Tarraconensem prouinciam auspicatus fuero. Ptolemæus *Braccaram Augustam* vocat, & inter *Gallaicos Bractarios* recenset; Antonini Itineratiū *Bragaram* vocat: hinc forsan hodiernum nomen *Braga* mansit: ex vetustissimis Hispaniæ urbibus esse vt nemo ambigit, ita omnes pene de conditore eius dubii. Episcopo Gerundensis lib. III. à Pœnis conditam ait, & in memoriam amnis *Bragada* (apud quem M. Regulus portentosæ magnitudinis serpentem confecit) nomen *Braccara* inditum alii probabilius forsan, ad Gallos Braccatos originem referunt. Constans enim est auctorum opinio, Gallos totam illam oram occupasse, vnde *Celtici* populi, & *Gallaeci*. luridicum ibi fuisse conuentum testis est Plinius, à quo XXIV. ciuitates iura petebant. In antiquis inscriptionibus *Bracaraugusta* vnica voce, non semel legitur Tarracone: M. VL-

M. VLPIO. C. F.

QVIR. REBVRRO.

EX. BRACARAVG.

OMNIBVS. \ H.

IN. RE. P. SVA. FVNG.

FLAM. P. H. C.

P. H. C.

In ipsa vero Bracaraugusta hanc existare ferunt:

ISIDI. AVG. SACRVM.

LVCRETIA. FIDA.

SACERDOS. PERP.

ROM. ET. AVG.

CONVENTVS. BACARAVG.

V. D.

Aufonius Poeta, suo æuo inter quatuor præcipuas Hispaniæ vrbes, in Catalogo illustrium urbium recenset hoc versu:

Quæque maris sinu iactat se Braccara diues.

Priscis etiam Annalibus constat, Regum Sueuorum sedem fuisse circiter CLXX. annis, sub Gothicis vero Regibus CLXX. annis floruisse. Sita autem est ad Alestem amnem quinque leucis à mari, insigni agri cælique clementia prædita: Archiepiscopatu nobilissimo claret. De primatu Hispaniæ cum Toletana Ecclesia dudum certat, & indecisalis in hodiernum æuum pendet. Cum enim præcipuæ Hispaniæ vrbes & metropoles in Maurorum essent potestate, ab Alphonso I. cognomine Catholico, anno DCCC. XL. prima omnium in libertatem vindicata est, omnesque Hispaniæ Episcopi Braccarensem, pro Metropolitano agnoscebant. Hac in vrbe Lusitaniæ Regum primus sator Henricus Comes, pater Alphonso Henriquez I. Lusitaniæ Regis, in summo templo est sepultus. Christi fidem, edocta ab D. Petro Martyre S. Iacobi discipulo amplexa est, multo cum sanguine constantissime conseruauit. Varia hic Patrum Concilia celebrata.

C A P. LII.

COMPOSTELLA.

QVONAM MODO OLIM VOCATA SIT COMPOSTELLA.

la. D. Iacobi corpus quando detectum. Quando in præliis nomen eius ceptum implorari.

Nunc sese offert *Compostella*, non fluxæ antiquitatis vestigiis, aut rerum gestarum titulis tumens, sed Hispaniæ Tutelaris D. Iacobi reliquiis ornata: quibus ceteris urbibus merito præferenda. de antiquo nomine variant scriptores. Episcopus Gerundensis *Compostellam* dictam putat: cum enim prisci Hispaniæ cultores his in locis Hesperum oriri vidissent, quam regioni illi salubrem stellam credebant, *Compotem stellam* nominarunt; vnde & *Compostellam* urbem dictam. Insulsa hercule & inepta etymologia, quæ cassam nucem non meretur. Franc. vero Tarapha & Ios. Moletius *Flauium Brigantium* Ptolemæi credunt, quod inter Callaicos Lucenses, in magno portu statuit. Guilielmus Soonus libello, de orbis terrarum nouis incolis, putat *Flauium Brigantium* idem esse oppidum cum *Flauionauia*, sed egregie hallucinatur: siquidem *Flauionauia* à Ptolemæo inter Pænicos collocatur; *Flauium* vero *Brigantium* inter Gallaicos Lucenses. Non absurde suspicatur Tarapha in honorem Vespasiani esse exstructum, aut certe prænomen assumisse. Paulus Orosius lib. I. cap. II. solum *Brigantium* nominat, ibique altissimam esse pharum asserit; Io. Oliuarius Valent. Schol. in Melam, credit *Ianafum* oppidum inter Artabros esse *Compostellam*: sed in re tam dubia quid certi statuere meum non est; nisi *Flauium Brigantium* non esse, vt suo loco dicetur. D. verò Iacobi corpus quo pacto primum à discipulis *Iriam Flauiam*, postmodum verò *Compostellam* allatum sit, fuse referunt historię. Cum vero multis seculis latuisset, non solum Pænorum tempestate, sed & ante Gothorum aduentum, anno demum D C C. XCVIII. regnante Alphonso Casto, cælesti indicio, Theodomiro Iriensi Episc. detectum fuit; quo tempore Imp. Carolus Magnus eo, religionis ergo, iter suscepit: qui à

Leone III. Pont. Max. obtinuit, ut Episcopali dignitate ornaretur, ita tamen ut Iriensis Episcopi titulum retineret, quod & obseruatum fuit usque ad annum circiter D. CCC. LXXVII. quo tempore Ioannes VIII. Pont. Max. Compostellanam Ecclesiam, ab Archiepiscopatu Braccarensi exemit. An. vero cl. C. xxiv. referente Cesare Baronio Ecclesiast. Annaliū tomo IX. Callistus Pont. Max. Emeritensis Ecclesie Metropolitici ius, efflagitante Hispaniæ Rege, Compostellam transtulit, tum quia Emerita Sarracenorum iugo premebatur: tum quia peregrinorum concursu & religione Compostella in melius semper cresceret. nam ad illa usque tempora exiguum tantum sacellum fuerat. Increbescente vero fama, D. Iacobi hic latere corpus non solum Hispani, sed omnes pœne nationes excitæ frequentes cum votis, donisque venerunt. ¹⁰ Templum donariis variorum Regum splendide ornatum. Aucta religio, cum paulo post anno D. CCC. XLVI. Ramiro Regi ad Clauigium, intercedente Apostolo, de innumera barbarorum multitudine, victoria concessa. unde cœptum est in præliis nomen eius patrociniūque implorari, victorque exercitus vniuersam Hispaniam voto astrinxit, ut ex singulis agri vineæque iugeris, Compostellano templo frumenti modium, aut vini amphoram quotannis omnes penderent.



CAP. LIII.

20

*À QVÆ CALIDAE AMPHILOCHIA, ET AQVÆ
Celinæ dictæ. Vnde Orense hodie. Therma hic salubres.*

INter Cilenos populos in Gallæcia, Ptolemæus *Aquas calidas* oppidum recenset, incolis hodie *Orense*: quod & *Amphilochiam* dictum prius credunt Aluarus Gomezius, & Beuterus, ab Amphilochio Teucris Comite, qui hic, Strabone teste, diem clausit: ab Antonino vero in itinéraire; *Aquæ Gallinæ* vocatur. Declinante autem imperio Romano & irrumpentibus in Hispanias Gothorum populis, Gallæcia Sueuis in sortem & sedem obtigit, & patrio idiomate urbem hanc *VVarmssee*, quod *lacum calidum* denotat, appellarunt: postmodum vero *Orense* (quasi *VVarense*;) corrupte nimis dictum est. Sed inscii ³⁰ etymologiæ vocarunt Latine *Auriam*, quasi ab auro nomen illi esset.

Sita autem est ad amnis Minii ripas vrbs, agro fruitur non amœno solum, sed & felici: sapidissimis vndique fructibus egregie ornatur, præter generosi & nobilissimi vini copiam: templa habet, structura, & Religione exulta, Cathedrale præsertim: ornatur id signo Christi crucifixi, mira arte & vetusta incolarum pietate venerabili, & miraculis crebris claro. Sed præcipue urbem nobilitant non vno loco erumpentes calidi, & salubres fontes; vnde & vrbi nomen: quorum nonnulli ita moderati sunt caloris, ut innoxie corpus eum queat perferre. alii vero tam intente feruent, ut tactus calorem aspernetur, & oua in illis facile coqui possint. tantus vero circa hos fontes æstus erumpit, ut vel rigente bruma, & operta tellure niuibis, vicinæ fontibus ædes nun- ⁴⁰ quam niue vel pruina albere conspectæ sint: diceres vna in vrbis regione hyemalem, altera vero vernalem & tepidam auram regnare. Mira etiam hic naturæ prouidentia elucescit. nam cum suburbanus ager raras siluas ferat, nec cedux materiæ multum sit ferax, quantum vrbi ad focum opus esset, calidarum hanc copiam diuite vena effudit, qua incolæ ignis beneficio sine igne fruerentur. Cum vero calidi omnes fontes, à latētibis sub terram aluminis, sulfuris & bituminis venis originem trahunt, ut refert Vitruuius lib. VIII. cap. III. Vnde Poeta de illis.

*Siue bitumineæ rapiunt incendia vires
Lucearē exiguīs ardescunt sulfura fumis.*

Discriminat naturam arcani metalli sapor, vel odor aquæ impressus: huius tamē ⁵⁰ men fontis aqua nulla peregrina qualitate adulterata, ex terra erumpit calida, quod mirum est.

*Siues pares flammās vndarum lance rependens
Arbiter in fœdus mons elementa vocat:
Ne cedant superata sibi, sed legibus aquis
Alterius vires possit vtrumque pati.*

Ut Claudianus elegans Poeta. Pro comperto enim habent incolæ à sulphuris venis vires sumere, vnde & multis medetur malis. quæ sulfurea curant balnea. Sed remotum esse caloris fomitem extra dubium est. vnde nullum eius vestigium secum vehunt aquæ.

CAP.

C A P. LIV.

FLAVIVM BRIGANTIVM ESSE LA CORVNNA.

Fabula explosa de speculo mirando. Pauli Iouii lapsus de Herculis Columnis.

Relicto celebri illo promontorio *Artabro*, vel *Celtico*, vt Plinius, vt vero Ptole-
 mazus vocat *Nereio*, hoc æuo *Cabo de finis terre*, inter Gallaicos Lucenses, in magno
 10 portu *Flauii Brigantium* à Ptolemæo recensetur: Dion etiam lib. XXXVII. vocat *Brigantiam*; ab Æthico vero & Paulo Orosio *Brigantia* vocatur: altissima pharo memo-
 randi operis ornata. Antonius Beuterus *Betancos* esse; Florianus vero Occampo, & dili-
 gentissimus Gaspar Batterius, *la Corunna* vocari asserunt. Magnæ cuiusvis classis capa-
 ci portu ornata: in honorem gentis Flauix olim exstructam nomen ipsum ostendit,
 Domitiani forsan æuo. Nam à Plinio nulla eius mentio, qui sub Vespasiano vixit. Incolæ
 ab Hercule conditam referunt, turrinque hic esse ab eodem exstructam, in qua specu-
 lum arcana arte fabricatum erat, vnde naues vel longissimo spatio distantes contem-
 20 plari liceret. In tam ridiculam opinionem vocum ignorantia, & antiquitatis imperitia
 lapsi sunt: nam cum turris illa specula dicatur, speculum illud mirandum, sine opifice
 villo confinxere, & vt ex inscriptione licet videre in Augusti honorem exstructa fuit, à
 Lusitano architecto; sed lubet illam apponere.

MARTI. AVG. SACR.

C. SÆVIVS. LVPVS.

ARCHITECTVS.

A. F. DANIENSIS.

LVSITANVS. EXVL.

Ab hac fabula persuasi nonnulli, credidere arcem Herculis fuisse, & alteras co-
 30 lumnas ab illo hic fixas, non secus ac circa Gades, dictamque urbem hanc *Corunna* tan-
 quam *columnnam*: quod egregium etymon apud Paulum Iouium virum alias grauem &
 doctum, tantum valuit, vt ab imperito aliquo Hispaniæ antiquitatis persuasus, huic opi-
 nioni etiam subscriberet, cum in vita Gonsalui Ferdinandi d' Aguilar, agens de aduen-
 tu Regis Philippi I. in Hispaniam, ita scriberet: *Nec diu Philippus amicorum suorum studia,*
votaque frustratus, vt sua regna ex arbitrio administranda susciperet, in Cantabriam Oceano de-
uectus, peruenit in portum, qui vocatur ad Columnas, fortasse quod ibi quoque altera Herculis
Columna, sicuti Gadibus posita fuerunt, quum eo externo littore terra Hispanica finis. Sed opinio
 hæc infirmiori tibicine tulta, quam vt rationibus conuelli mereatur. Non procul ab
 hoc oppido præstantissimi lapidis sunt fodinæ.

C A P. LV.

BURGOS NON ESSE AVGVSTROBRIGAM, NEC

Aucam veterem. Brauium esse Ptolemæi. Vnde nomen mutatum.

Celebris admodum, & Castellæ veteris Metropolis *Burgos*, quam Florianus olim
 40 *Augustobrigam* dictam putat, quamque Ptolemæus in Vettonibus collocat; sed
 cum Geographis pugnat hæc opinio: siquidem, teste Plinio, *Durius lapsus per Arenacos*
Vaccæosque, determinatis ab Asturia Vettonibus, à Lusitania Gallæis, ibi quoque Turdulos à Brac-
caris arcet. At *Burgos* Asturiæ terminis contineri luce clarius est, atque ita Vettonum *Au-*
 50 *gustobriga* esse nequit. Lucio vero Marinæo & Francisco Taraphæ *Anca* olim dicta. Dis-
 plicet tamen non immerito Ioan. Vaseo. nam XX. circiter M. P. supra *Burgos* fuit *An-*
ca, in monte *Iubeda*, qui & hodie saltus est *Aucensis*, in loco qui hodie *Neustra Sennora de*
Oca vocatur, & in Hispaniæ Conciliis, non semel *Auxitanus* Episcopus legitur. Iidem
 tamen & *Brauium* *Murbogorum* Ptolemæi aiunt esse, & olim *Masburgi* dictam; sed au-
 ctiores vellem protulissent. *Brauium* etiam fuisse Ios. Moletius, & Villanouianus asserunt,
 à Germanis oblitterato priori nomine *Burgam* fuisse vocatam, auctor est Tarapha, &
 anno. D. CCC. XLVI. regnante Castellæ Comite Didaco Porcelli, nouis incolis
 habitari coeptam. Licet Rodericus Ximenius Archiepisc. Toletanus lib. V. cap. XXV.
 dicat Comitem Castellæ Didacum Porcellum, ex multis pagis castrisque, vulgo *Burgi*,
 equitatem Burgensem frequentasse, atque inde nomen *Burgos* inditum.

Vrbs est magnis concinnisque ædibus ornata, incolæ summa cum fide mercaturæ student, templa, & cœnobia habet frequentia. Inter cetera D. Augustini est monasterium, vbi asseruatur magno honore imago Domini nostri Iesu Christi crucifixi, quam à Nicodemo factam perhibent, & à mercatore quodam, tempestate iactato in mari repertam. Multis certe miraculis claret. Extra urbem alterum est monasterium Virginum monialium, vulgo dicunt *de las huelgas*: cuius auctor Alphonsus VIII. Castellæ Rex perhibetur, nullis accessus patet, nisi Principum patriciorumque filiabus. Huic monasterio XIV. non ignobilia oppida, & XVII. monasteria, præter alia obscuriora XL. oppidula parent. Hanc in urbem etiam anno clō. XCVII. Episcopalis sedes, quæ Aucæ erat, translata fuit auctoritate Urbani XI. quo tempore Alphonsus VI. Christianis Toletum restituit.



CAP. LVI.

DVPLEX PINTIA PISORACA AMNIS. INSCRIPTIO
vetus. Urbis descriptio.

DVplicis *Pintia* meminit Ptolemæus, quarum vnam inter Callaicos Lucenses statuit. quam Villanouanus *Chirogam*, Moletius vero *Puerto magno* vocant: alteram in Vaecæis collocat, quæ hodie ab omnibus *Valladolid* dicitur, nobilissimum Hispaniæ oppidum, situm ad ripas *Pisurgæ* fluuii, quem ex antiquis inscriptionibus *Pisora-*
cam vocari constat, vt indicio est illa, quam ab Amb. Morale desumsi:

NERO. CLAVDIVS.

D. CLAVD. AVG. F.

GERMANICI. CÆS. AVG. N.

TI. CÆS. AVG. PRON.

DIVI. AVG. ABN.

CÆS. AVG. GERM.

PONT. MAX.

TRIB. POT. IMP. COS.

A. PISORACA. M. I.

Quod est, à *Pisora* milliare vnum, vel mille passibus à *Pisora* viam statuit.

Hieronymus vero Surita Notis ad Antonini Itinerarium negat *Pinciam* esse *Valisoletum*, Sed cum passim opinionem priorem inualuisse videam, non est quod citra efficaces rationes illam relinquam. ædificiis tam sacris quam profanis, publicis ac priuatis ornatissimum: omnium scientiarum nobilissimo Lyceo honestatur, ex quo præclarissimi ingeniorum riuuli in vniuersam Hispaniam deducuntur: mercatorum commerciis; & mechanicis artibus egregie excultum: aerè itè saluberrimo; nisi interdum obscuris *Pisurgæ* amnis nebulis fœdaretur. Et cum in vniuersa Hispania tantum quatuor sint Iuridici Conuentus, quos *Cancellarias* indigetant, *Pintia* vnius est, qua de caussa magna hic hominum frequentia. siquidem hinc iura petunt populi omnes, qui à Tagi ripa, Castellam vsque comprehenduntur: vnde urbem alioqui claram aduenarum concursus clariorem multo efficit. hortis fontibusque amœnissima est, rerum omnium copia ditissima: ita vt vna hæc contineat, quidquid præcipuè aliæ vrbes singulæ, Reges tamquam placidissimum domicilium illam libenter frequentant, & plurimi Hispaniæ Principes ædes hic habent proprias. inter cetera vero forum habet rerum venalium amplissimum & pulcerrimū, quod ambitu suo septingentos passus complectitur: tanta hic rerum copia varietasque venalis, vt non inmerito quis Amaltheæ hic cornu copiarum esse diceret. Non exiguum splendorem Philippi II. potentissimi Monarchæ incunabula huic vrbi dedere. Natus & hic *Ferdinandus Nonius*, vulgo *Pintianus* à patria cognominatus: qui vt Melam, ac Senecam Scriptorum Hispanos egregie illustrauit, sic & C. Plinii Naturalium Historiam integre post Hermolaum Barbarum (bone Deus, quem & qualem virū!) emendauit.

C A P. LVII.

LEGIONENSE REGNUM.

LEGIONENSIS VRBS EX SVBLANCIAE RVINIS CREVIT.

Legio VII. gemina vocata. Olim Floris cognomen habuit. Quando Leon
capta dicit.

10
L Egiōensem urbem eo tempore exstructam ferunt, Franciscus Tarapha, & Petrus Medina; quā Imperator Nerua Cocceius conscriptis XIV. legionibus ad prouincialium motus compescendos; duas in Hispaniam misit, vt in arduis & montuosis sitas locis vrbes diruerent, & in planitiem deducerent, quō facilius Hispanorum seditionibus in posterum prospicerent, quos & suo pte ingenio, & natura loci ad seditiones paratos nouerat: atq; inter ceteras Sublanciam solo æquatam fuisse; cuius adhuc vestigia exstant, sesquileuca ab vrbe, loco incolis *Sollanco* vocato, ex cuius ruinis Legionensem urbem creuisse fama est. Sita est inter Astures. A Ptolemæo *Legio Germanica septima* vocatur; Ioannes verò Vassæus in Chronico suo, non *Legionem septimam Germanicam*, sed *Geminam* legendum putat: quōd nusquam tota Hispania in vetustis inscriptionib; *Legionis septime Germanica* mentio occurrat, *Gemina* verò frequentissime. Vna hæc inscriptio multarū erit instar Aquilauia in Lusitania (vulgò *Chaues*) reperta:

IMP. CÆS. VESP. AVG.
PONT. MAX. TRIB. POT. X.
IMP. XX. P. P. COS. IX.
IMP. VESP. CÆS. AVG. F.
PONT. TRIB. POT. VIII.
IMP. XIII. COS. VI.

.....

.....

C. CALPETANO. RANTIO.

QVIRINALI.

VAL. FESTO. LEG. AVG. PR. PR.

D. CORN. MÆCIANO. LEG. AVG.

L. ARVNTIO. MAX. PROC. AVG.

LEG. VII. GEM. FEL.

CIVITATES. X.

AQVILAVIENSES.

AOBRIGENSES.

BIBALI.

COELERNI.

EQVÆSI.

INTERAMICI.

LIMICI.

ÆBISOCI.

QVARQVERNI.


TAMAGANI.

50 Cui ad stipulatur Ambr. Morales, P. Ioan. Mariana, alique non imi subsellii viri. Illud mirari subit, quid Franciscum Tarapham mouerit, quōd hanc urbem dicat à XIV. Germanorum legionibus exstructam, quæ non urbem aliquam, sed orbem possent exstruere: idem ait olim *Regiam legiam* vocatam fuisse. Refert & Hieronymus Surita, auctores esse, qui ante CCC. annos prodiderunt Legionem VII. geminam, *Floris* cognomen habuisse. Gerundensis verò Episcopus lib. III. urbem hanc primo à Pœnis ait conditam fuisse, & *Eleonam* dictam, à prouincia Eleona, Libyæ propinqua, in qua leonum magna copia: quam opinionem vnde hauserit, me prorsus fugit; sed *ἀπὸ τοῦ* hæc mittamus.

Annorum verò decursu in Leouigildi Gothorum Regis honorem *Leon* vocari cepta est, vt refert Isidorus libro II. Chronicorum his verbis: *Leouigildus Rex Romanos*

milites apud Legionem urbem bello exstinxit, & ipsam eorum urbem cepit, quam ex suo nomine Legionem vocavit. A qua postea vniuersi regni Legionensis nomen manauit. Anno 722. Pelagius Rex, à Mauris illam sibi vindicauit.

Vrbs est hoc auo nobilissima, & inter cetera templo pulcerrimo conspicua, teste Lucio Marineo; qui, ne Hispalense templum quidem magnitudine sua, nec Toletanum, diuitiis ornamentisque illud superare affirmat. Nam artificio, & concinna architectura illa longè vincit. Augustum sacrarium habet, in quo XXXVII. Reges, & vnus Hispaniæ Imperator sepulti sunt. Nullius pœnè rei indiga, sed incolis suis liberaliter omnia suppeditat. Præcipuè autem Sanctorum meritis, & reliquiis opulenta, inter ceteras verò D. Isidori Hispalensis Episcopi, qui anno Christi 636. obiit, Hispali verò in Legionensem urbem à Ferdinando Magno translatus est. Dignitate Episcopali ornata vrbs, & singulari priuilegio, iam à Gothorum temporibus sedi tantum Apostolicæ obnoxia: nec Metropolitanum agnoscit. Auctor est Isidorus hac vrbe natos esse S. Marcellum Centurionem & Nonam uxorem eius, qui XII. filios Christi Martyres habuerunt.



C A P. LVIII.

Z A M O R A.

20

ZAMORAM NON ESSE SISAPONEM PTOLEMAEI.
Minus Orcelum vel Numantiam. Senticam esse. Vnde illi nomen.

Non obscurum hoc auo oppidum est Zamorra, Maurorum verò tempestate celeberrimum fuit. de cuius prisco nomine discrepant auctores: conabor succinctè variantes opiniones recensere, vt illis euentilatis, probabiliori subscribam. Villanovanus credit esse Ptolemæi *Sisaponem*, sed cum illa inter Oretanos collocetur, Zamorra inter Vaccæos potius sita videatur, non quadrabit *Sisapanes* situs, immò si Plinio, & Straboni fides, in Beturia *Sisapone* locanda erit (nisi aliam à Ptolemæi *Sisaponem* esse dixeris;) Antonius verò Nebrissenis *Orcelum* credit esse, sed & hæc vrbs inter Oretanos refertur, quam multi *Oriolam* putant, nec potest cum Zamorrensi situ conuenire. Non defuere, qui *Numantiam* illam celebrem fuisse suspicantur; sed nimis frigide. Carolus verò Clusius, & Iosephus Moletius *Sarabrim* Ptolemæi dicunt; Ioannes Mariana, alique *Senticam* Ptolemæi aiunt esse, in Vaccæis, non procul à Pintia, at cum *Sarabrim* & *Senticam* Ptolemæus, vt vicinas recenset, non secus ac *Toro* & *Zamorra*, non faciliè erit asserere, quænam illarum sit Zamorra. Ego pluriū & doctiorū opinionī accedā, vt si falli contingat, erroris patronos habeā. *Senticā* itaq; Ptolemæi esse cum Resendio aliisq; asserā: *Zamorra* autē etymon refert Vaseus in Chronico ex Floriano Occampo, ab Arabibus olim *Medinā Zamorathi* appellatā, atq; ea voce significasse ciuitatem *Turquesarum*. nam *Zamorathi* Pœnis lapis cyaneus, vulgò *Turquesa* dicitur. totus enim *Zamorrensis* tractus scatet diuite vena lapidis cyanei, quæ passim in vicinis rupibus se frequentē ostendit. Postquàm ab Almanzore Rege funditus diruta fuit, ab Alphonso Magno, vel eius patre Ferdinando instauratam ferunt, & propugnaculis ita egregiè munitam, vt omnem ferè hostilem impetum eluderet, nec nisi fame ad deditionem compelli posset. Vnde Hispani patriis rythmis, epithetum illi *la bien cercada*, seu egregiè munitam addunt. Episcopo hæc vrbs circa annum cl. C. XIX. donata fuit, à Callisto II. Pont. Max. vt refert Vaseus. Vetusta hic inscriptio visitur, nec ex triuiū, quam lubuit hic adtexere:

DEO. MENIVM.

VIACO.

M. ATTILIVS.

SILONIS. F.

QVIR. SILO.

EX. VOTO.

50

CAP. LIX.

TOLETANVM REGNVN.

DE TOLETI CONDITORIBVS REIECTA OPINIO.

Carpetania caput quando. Primatis Hispaniæ dignitas eo translata. Vrbs Regia vocata. Fatale hic palatium.

10 VT Romanorum æuo *Toletum*, neque magna admodum, neque clara vrbs fuit, ita Gothorum seculo, ad summum incrementum peruenit, vt nulli Hispaniarum vrbi inferior sit. Liuius certè lib. XXXV. paruam urbem fuisse dicit, anno ab Vrbe Condita D. LVI. quando M. Fuluius Proconsul illam expugnauit, his verbis: *Ad Tagum ire pergit. Toletum ibi parua vrbs erat, sed loco munita. Eam cum oppugnaret, Vettonum magnus exercitus Toletanis subsidio venit, cum his signis collatis prosperè pugnavit, & fuis Vettonibus, operibus Toletum cepit.* Plinii verò tempore clarior fuit, nam & Carpetaniæ caput erat: Quo tempore condita fuit, non constat inter auctores: Rodericus enim Ximènius Toletanus Archiepiscopus lib. I. C. III. & ex eo Tarapha, aliq; aiunt C. VIII. annis, priusquam C. Iulius Cæsar rerum potiretur, Coss. Tolemone & Bruto exstru-
20 ctam fuisse: quorum nomina cum nusquam in Fastis reperiantur, meritò prætereunda hæc est opinio. Episcopus Gerundensis lib. V. dicit à D. Iunio Bruto, qui ex deuicta Gallæcia, *Gallaici* nomen meruit, conditam esse; sed ex T. Liuii verbis constat, ante Bruti ætatem multo tempore conditam fuisse, proinde hæc vt incerta mittamus.

Sita est autem in *Carpetanis*, in totius penè Hispaniæ vmbilico, loco aspero & cliuoso, maioriq; ex parte nobilissimo amne Tago ambitur, à reliqua vero parte muris validissimis, & CL. propugnaculis egregiè munita: coeli, agrique insigni felicitate fruitur: lanificii, sericiq; commercio opulenta admodum: equitum nobiliumq; virorum insignitis frequentia, sacerdotum magna opulentia. Aquæductus hic est mirandi operis. nam cum vrbs editiori sit loco sita, quam vt Tagi aquis commodè frui posset,
30 qui humiliorem vrbs partem alluit, ingenio & arte Iannelli Turiani Cremonensis, celeberrimi Mathematici, facta est hydraulica machina, quæ magna versatili rota aquam magno impetu per tubos ductiles & sillanos in editissimam vrbs partem pertrahit, vnde in multos riuulos vrbs commodo deriuatur.

Augustissimo & splendidissimo templo nobilitatur, quod reliquas Hispaniæ sacras ædes longe superat: Archiepiscopo parer, qui dignitate opibusque omnes Hispaniæ proceres antecedit, quem Urbanus II. totius Hispaniæ Primatem constituit, XVII. illi oppida stipendiaria, præter alia minoris famæ, quæ annuo plusquam ducenta millia coronatorum pendent. Anno D. LXXXIX. tempore Regis Flauii Recaredi, III. Toletanò Concilio vocata fuit *Vrbs Regia*, quia sub Leouigildo Reccaredi patrè, Gothorū
40 aula & Regia sedes Toletum migravit. qua de causa insequentés Reges variis operibus exornarunt. Primus vero Rex Wamba pomcerium eius dilatauit, ampliorique muro cinxit, variisq; edificiis illustrauit, quod testatur epigraphè vrbs portis inscripta:

Erexit fautore Deo rex inclytus urbem

Wamba, suæ celebrem protendens gentis honorem.

Extra muros septemtrionem versus, vestigia magni olim theatti sparsa visuntur. Auctor est Rodericus Toletanus Archiepiscopus, ante Arabum in Hispanias irruptionem, hic fatale palatium fuisse, quod inuicti vestes, æterna ferri robora claudebant: ne referatum Hispaniæ excidium adferret, quod in fatis non vulgus solum, sed & prudentissimi quique credebant: sed Roderici vltimi Gothorum Regis animum infelix
50 curiositas subiit, sciendi quid sub tot veritis claustris obseruaretur: ingentes ibi superiorum Regum opes & arcanos thesauros seruari ratus. seras & pessulos perfringi curat, inuitis omnibus: nihil præter arculam repertum, & in ea linteum, quo explicatio nouæ & insolentes hominū facies habitusq; apparuere, cum inscriptione Latina, *Hispania excidium ab illa gente imminere*, vultus habitusque Maurorū erant. Quamorbem ex Africa tantam cladem instare regi ceterisque persuasum; nec falso, vt Hispaniæ Annales etiamnum queruntur. Venit autem in Maurorum potestatem anno. DXV. Iudæorum proditione, dum Christiani Dominica Palmarum, pro veteri more securi extramuros ad D. Leocadię ædes supplicat. Ab Alphonso verò VI. iugi obsidione, in Christianorum potestatem redactum Euangelica luce donatum fuit à D. Eugenio martyre,

B. Dionysii Areopagitæ socio, qui & primus vrbis Episcopus fuit. habuit & Archiepiscopos vitæ sanctimonia, & eruditione conspicuos *S. Iulianum*, & *S. Illephonsum*, quorum hic à B. Virgine ipso Annuntiationis festo, ornamentis ad sacrificandum donatus fuit: hodiernoque die altare in rei gestæ memoriam ostenditur. D. etiam Leocadiæ, martyrio sub Deciano affectæ, magnus hic cultus, cui tria diuersa templa dicata sunt. Illud cerè memorabile XVII. hic Concilia Toletana celebrata fuisse, quot alibi nusquam. Non pigebit referre *Aloysiam Sigæam* virginem Toletanam, quæ cum sui æui doctissimis viris conferri posset, fuisseque quinque linguarum adeò peritam, vt non immeritò Paulus III. Pont. Max. litteras illius ad se scriptas videns Latinè, Græcè, Hebraicè, Syriacè & Arabicè, admiratus fuerit in tenella hac & mustea virgine tam multiplicem ingenii fructum, in viris etiam rarum. Mirro nunc Toletanos insigniter doctos, linguarumque in primis peritos, bina fratrum paria, *Ioannem & Franciscum Vergaras*; *Didacum & Antonium Conarrunias*, Iureconsultos egregios. Duos item taceò *Aluarnos Gomezios*, Poetam alterum domi nobilem, alterum Historicum. Eleganti in marmore insculpta hæc inscriptio visitur, quæ, quia refert antiquum nomen, non pigebit hic adponere:

IMP. CÆS.

M. IVLIO. PHILIPPO.

PIO. FEL. AVG.

PARTHICO.


PONT. MAX. TRIB. POT.

P. P. CONSVLI.

TOLETANI. DEVOTISS.

NUMINI. MAIEST. QVE. EIVS.

D. D.



CAP. LX.

SEGOBIA.


SEGOVIA PLINIO, EADEM CVM PTOLEMAEI Secubia. Etymon reuocatur. Aqueductus à Traiano exstructus.

Quod paucissimis Hispaniæ vrbibus, id Segobia accidit, vt incorruptum nomen inter tot barbaras gentes posteritati transmitteret. Plinius in Areuacis, cum Vxama, & Seguntia collocat, Ptolemæus *Secubiam* vocat; Iosephus Moletius eandem putat esse cum *Segortia Lactea* Ptolemæi, eodem in populo; sed Villanouanus dicit esse *Se-pulueda*; Ant. Augustinus ex vetusto numismate, *Coloniæ Latinæ* cognominatam fuisse docet; Rodericus Archiepsc. Toletanus lib. I. cap. VII. ab Hispano Rege exstructam putat, iuxto promontorium, quod *Cobiam* vocat, ideoque vocasse *Secobiam* tanquam *secus Cobiam* sita. Sed ridiculū hoc etymon, & ἀγέλας ille Crassus rideret. Ioan. Vassæus auctor est, à Celtiberis, dum in Lusitaniam pars eorum patriæ grauis transiret, conditam esse, & in Segobrigæ memoriam vocatam esse *Segouiam*.

Est & *Segouia* in Bætica ad Silicense flumen A. Hirtio auctore, non procul ab Astigi, quam hoc æuo vocari *Segouia la menor*, testatur Vassæus inter Hispalim & Cordubā.

Vrbs est nostro æuo non ignobilis, editiori in loco sita, turribus vndique & propugnaculis munita, lanificio præcipuè clara. nec nobilior tota Hispania pannus, quam Segouix texitur, vnde incolis magnæ opes. Quodque mirandum magis, refert Vassæus vix tota hac vrbe mendicum inueniri, nisi quem ætas aut morb⁹ ab opere excusant. Atrium hic est visendum in quo omnium pene Hispaniæ Regum effigies conspiciuntur. Præcipuum verò vrbis ornamentum, aqueductus est mirandi operis, quem Rodericus idem, & Alphonsus de Carthagera, ab Hispano Rege exstructum somniant: sed eruditioribus & antiquitatis peritis, Traiani Imp. opus perhibetur, in quo facile, Romanæ architecturæ maiestatem, & magnificentiam intueri licet: tantæque firmitatis est moles, vt, cum sæpè particula aliqua reficiatur, vix ad decennium illa perduret, cum prisca structura in hodiernum æuum illæsa seruetur: vrbi hinc de aquarū copia prospicitur, non publicè solum, sed & priuatim. Nostra hic memoria Germanorū ope, & aquarum, inuenta ratio est cudendæ monetæ, non malleis colliso, sed fuso

fuso ac liquato, demumque impresso ductili ære, auro & argento. Priscis ea res inuisa seculis atque inaudita. Solum habet secundum admodum, nihil ut incolis desit, quo commode lauteque vivant: templa habet & cœnobia pie & egregie instructa: quibus accedit Episcopatus splendidus & optimus, utpote qui in annuos redditus plusquam quatuordecim ducatorum millia numeret. Patronum agnoscit *S. Fructuosum* Confessorem.



CAP. LXI.

DE VIRGO AD AQUAS LVPINAS. QUANDO SACRA EFFIGIES HUC DELATA. Miraculorum aliquot series.

CVM hæc vrbs ob imaginem D. Virginis toto orbe celeberrimam excitata sit, operæ pretium me facturum arbitror, si paucis retulero, unde primum imago hæc allata, ubi postmodum reperta, quando coli cæpta. Sæuiente per vniuersam Europam circa annum Domini DC. grauissima peste, regnante Riccaredo Hispaniarum Rege, Gregorius Magnus Pont. creatus, prius quam inaugurandus esset, solemnī indicta supplicatione, frequententem iussit clerum populumque adesse, ut Dei iram, patrocinante D. Virgine, (cuius peculiare effigiem manu gestabat) deprecaretur: nec mora, piissimi Pontificis precibus pestis elanguit, & sedata fuit. Hanc postmodum effigiem D. Leandro Hispalensi Presuli, una cum Moralibus in Iob libris, aliisque reliquis dono misit. In Cathedrali templo summo cum honore seruata fuit, donec luxa libidineque eneruata HISPANIAM, Pœni impune vastaret, Christianis undique fugientibus. Hispalenses aliquot sacerdotes, infidelium manibus elapsi Tolerum fugerunt, ablatis aliquot Sanctorum reliquiis, una cum sacra hac effigie, qui cuncta hæc prope amnem *Guadalupe*, barbarorum metu, in marimoreo sepulcro, adiunctis literis in rei gestæ memoriā, ingesta tellure cōdidere. Multis demum elapsis seculis, tempore Alphonsi XI. accidit, ut bubulcus amissum bouem aduerso anmē *Guadalupe* inuestigaret, quem mortuum reperiens, dum parat corio nudare, reuixisse videt attonitus: cum se illi D. Virgo augusta specie derepente obtulit, imperans ut clero significaret, ut eò loci occultam sacram effigiem effoderent, ibique dedicata æde collocarent. Pastor hic domum rediens, inusitata in Deum flamma, & D. Virginem religione accensus, ut cælestibus mandatis obtemperaret; ecce tibi familiam omnem luctu & mœrore obsitam, ob filii mortem, sed ipse insolita quadam in D. Virginem spe, preces tanto animi feruore fudit, ut iterum cunctis stupentibus vitalis cerneretur. Statimque vniuerso clero rei gestæ seriem omnem retulit, recenti miraculo confirmatam. omnes ilico ad indicatum locum conuolant, repertamque imaginem, tumultuaria excitata ædícula reponunt. Miraculi huius fama vniuersam momento Hispaniam peruasit: magnus eò statim cōcursus fieri, frequentes se D. Virgini commendare, vniuersi opem auxiliumque ærumnis suis experiri. Rex ipse Alphonsi XI. fama rei excitatus huc venit, multumque agri; Castri Iulli & Talabricæ, templo & cœnobio assignauit, ut Deo commodius obsequium præstarent: templum etiam maiori ambitu exstruxit, variisque ornathentis decorauit. nec in cassum. Nam vix elapso triennio D. Virginis præsens numē sensit. Memorabile enim aduersus quinque potentissimos Pœnorum Reges, prælium commisit, prope Amnem Salsum, non procul à Tariffa, & adiuuante Alphonso Lusitaniæ Rege, locero suo, victor euasit. Circa annum clō CCC. XL. ipse Rex hostium spolia Deo obtulit, inter quæ adhuc magni ex ære tripodestempli parietī affixi visuntur.

Templum undique variis donariis, & frequenti anathemate septum est, columnarū votiuīs tabellis tectæ: hæc inter conspicuus est cereus immensæ magnitudinis ex cera alba, quem Olisiponensis populus, sæua pestilentia lue D. Virginis ope liberatus, anno clō. CCCC. XC. offerendum curauit: nam vasa sacra, tam aurea quam argentea censere immensum foret. Argenteæ lampades XXX. perpetuo lumine visuntur, inter quas aliquæ opere & magnitudine conspicuæ. Inter multa Regum Principumque donaria videre est maioris tormenti bellici ferreum globum, quem Alphonsus Albuquerque, aurore memoria, Indiæ Prorex, in monumentum miraculi, quo eum D. Virgo in Goensi obsidione tutata est, misit: nam cum scapha flumen subiret, cōmes quidam eius ita tormenti globo discerptus fuit, ut illius cerebro fœdatus fuerit: quo ille periculo commotus, in D. Virginis *Guadalupæ* se tutelam com-

mendat. Vix orationem finierat, cum tormento excussus globus pectus illi percussit; sed innoxie & ad pedes eius delapsus fuit, licet vix à XL. passibus excussus fuisset, nunc argenteis incrustratus bracteis hic seruatür. cum quo monile misit, multis gemmis & adamantibus ornatum. Effigies hæc D. Virginis ex ligno est, quod cum cariei obnoxium admodum est, mira tamen Dei prouidentia, per DC. annos sub terra incorruptum durauit. Fusci vero coloris est, & vultui maiestas inest tanta, ut referant æditui, se fixis oculis non posse illam intueri. reuerentia enim sentiunt sibi oculorum aciem præstingui. Multa essent hoc loco de sacra hac æde dicenda, quæ spatii exclusus iniquis, præterire cogor.

Oppidum est exiguum, amœnum, fontiumque frequentia irriguum admodum. 10
Flumen *Guadalupe* (nam *Cuada* Mauris aquam notat) muros eius præterfluit, cuius utramque ripam, bicolores undique & proceræ populi obumbrant, alicubi in tantam altitudinem enatæ, ut nauium malis inferuiant; nonnullis in locis luci instar ita densæ, ut vel flagrantissimi solis radios non admittant. Ager suburbanus vini, mellisque, & cuiusque generis fructuum ferax, cetera copiose à vicinis suppeditantur.



CAP. LXII.

O RETVM GERMANORVM NVM CALATRAVA. TA. 20

rapha crassus error. Inscriptio vetus. Origo Calatraue militum.

Calatraua non obscuri nominis oppidum, ad flumen Anam situm, & sacre militiæ nomine præcipue clarum. Ptolemæo *Oretum Germanorum* dictum, teste Car. Clusio, Ios. Moletio & Tarapha, inter Oretanos situm, Stephano vero Byzant. *ωρετάνος*, quam cum Castulone inter Oretanos etiam recenset. num Strabonis *Oria* sit inter Oretanos, non abhorret animus: præcipue cum & Casaubonus & Ortelius eo inclinent. Addit Tarapha nominis etymon: Imp. Valeriani inquit, *temporibus, superiores Germani, abrasa potiti Hispania, à quibus, Oretum Germanorum, Estremadura oppidum hodie vero Calatraua, conditum.* Sed ô Lucumonis acumen! 30

Bædum in crasso iurares aere natum.

Cum videat à Cl. Ptolemæo *Oreti Germanici* mentionem factam, qui teste Suida, M. Antonini temporibus scripsit: Plinius etiam, qui sub Vespasiano vixit, *Oretanos* hos cognomine *Germanos* vocat, unde constat Tarapham nimis supino animo hæc scripto mandasse; cum Valerianus multis post sæculis rerum potitus sit. Ambr. Morales *Calatrauam* negat *Oretum Germanorum* fuisse; sed non procul ab vrbe ædiculam esse quam incolæ *Neustra Sennorum de Oreto* vocant, atque hic antiquum Oretum fuisse. nam & templum illud Romanam architecturam præ se fert, pontemque habet vicinum eiusdem operis. Indicat hoc vetus inscriptio, quæ ab hoc ponte in vicinam urbem *Almargo* translata fuit: 40

P. BÆBIVS. VENVSIVS.

P. BÆBII. VENETI. F.

P. BÆSISCERIS. NEPOS.

O RETANVS.

PETENTE. ORDINE. ET. POP.


IN. HON. DOMVS. DIVINÆ.

PONTEM. FECIT.

EX. HS. XXX. CIRCENS. EDITIS. D. D.

Vrbs hæc *Calatraue* militibus à Rege Sanctio III. cognomine *Desiderato*, data fuit circa annū clo. CLVIII. cuius militiæ primordia non pigebit ab ouo, quod aiunt, brevibus enarrare. Quo tempore Mauris erepta fuit *Calatraua*, Templariis militibus (quorum magna tunc temporis erat virtutis opinio) munienda data est, ut firmum aduersus barbarorum insultus propugnaculum esset: illi, quod Mauros magnis copiis eo venturos fama erat, oppido diffusi, Regi id restituere; nec erat inter procures, qui se periculo exponeret. Aderant forte Toleti, duo Cistercienses monachi, Raimundus Fiterii ad Pisforacam Abbas, & Didacus Velascus, spectatæ olim virtutis miles (nunc Christo militabat) qui monendo, suadendoque Abbatem tandem impulit, ut oppidi muniendi in se curam susciperet, gloriosum id illi, reip. vero Christianæ utilissimum futurum: consilium specie erat temerarium, annuit tamen. Regi Sanctio id gratissimum fuit, Præfili-

Præfulique Toletano: qui quoniam eius ditionis esset, pecuniam de suo suppeditauit, & auctoritate sua orationeque, multos tum nobiles, tum populares exciuit, vt vna cum Abbate pro Christiana rep. discrimini se obicerent. Multi vndique eo mortales confluxere, omnes lubenter difficultates subituri. diligētia hac oppidum aduersus omnes hostiū iniurias egregie munitum fuit. Mauri spe deiecti, an aliis difficultatibus implicati, obsidionem non tentarunt. id faustum militiæ eius omen fuit. Rex in laboris præmium, oppidum Abbati cum subiecto agro & ordini Cisterciensi dono dedit. Is militibus suis vestem rubra cruce insignitam attribuit. Equitum Magistro quadraginta millia aureorum quotannis cedunt. his initiis sacram hanc militiam in hoc, quod videre est, fastigium excretam Alexander III. pont. Max. suo diplomate confirmauit.




C A P. LXIII.

TALABRICA.

TALABRICAM NON ESSE TALAUERA. PTOLE-
mai Libora, & T. Liuii Eburæ eadem cum Talauera sunt.

- 20 Non obscurum *Talauera* municipium, nisi priscum nomen in obscuro esset. Cl. Marius Aretius, & Ant. Nebrissenſis, nuda nominis similitudine alleſti *Talabricam* olim dictam credidere; sed cum Antonino Aug. in Itinerario *Talabrica* a Conimbrica diſtet L. M. P. qui ſunt paulo plus XII. leucis, quæ Conimbrica Caciā vſque numerantur, vnde diligentiffimus Barreſius *Talabricam* Caciā eſſe non malè colligit: Plinius etiam lib. IV. cap. XXI. clare *Talabricam* in Luſitania collocet: *A Durio*, inquit, *Luſitania incipit*, *Turduli veteres*, *Pæſures*, *flumen Vacca*, *oppidum Vacca*, *oppidum Talabrica*. Cum autem *Talauera* ſit ad Tagum ſita in Tarraconenſi prouincia, non poterit *Talabrica* eſſe, quæ in Luſitania eſt. Rod. Ximenius Toletanus antiquitus *Aquis* nomen illi fuiſſe dicit; ſed cum apud clafſicum ſcriptorem hoc non conſtet, non poteſt probari eius
- 30 opinio. Ioannes Mariana Societatis IEſV Theologus Hiſt. De rebus Hiſpaniæ lib. IV. cap. XIII. *Liboram* Ptolemæi & T. Liuii *Eburam* eſſe cōtendit. Qua in re ſuffragatur illi Ant. Beuterus, quæ tam Ptolemæo, quam Liuius in *Carpetania* non procul à *Toleto* ſita eſt, non ſecus atque *Talauera*. Quod vero idem Mariana, *Elboram* vocat, & Diuorum Vincentii, Sabinæ & Chriſtetidis Martyrum patriam aſſerit, omnique ope adnitatur probare, parum efficit. Nam doctiſſimus Andr. Reſendius, tamquam pro aris & focis, in Epiſtola ad Bartholomæum Kebedium, omnia eius argumenta refellit, aque *Eboræ* in Luſitaniæ hæc quadrare, & non *Talauera* docet. T. Liuii *Eburam* credamus eſſe, quæ cum Ptolemæi *Libora* eadem eſt. Auctoſ eſt Liuius, lib. 30. anno ab Vrbe Condita 573. Fuluium Flaccum Prætorem Celtiberos memorabili prælio ad *Eburam* Carpetaniæ
- 40 urbem fuſiſſe. Diligentiores Hiſpani prælii locum à Liuiio explicatum, cum ſuburbano *Talauera* conuenire aſſerunt.

Vrbs ſita eſt loco plano, in valle, IV. M. P. ea in parte latā, ad amnem Tagum: mœnia ſunt opere firmiſſimo, altitudine & latitudine paucis cedunt. Pœnorum tempore aut Gothorum reſtaurata videntur, quod indicant lapides, Romanis inſcripti literis, nullo ordine diſpoſiti. turribus egregie & propugnaculis diſtinſta. Contributus oppido ager egregiè felix, vini mellis pecoriſque admodum ferax: cœnobiis & templis ornatur: nobilitas ibi frequens. Vocatur autem *Talauera de la Reyna*, quia vna erat urbium, quas Reginæ in quotidianos ſumtus obtinebant: qua poſtea Gomeſius Toletanus Archiepiſcopus, ob egregiam nauatam operam Reginæ vxori Henrici II. Caſtellæ Regis, donatus eſt. & deinceps Toletano Præſuli attributa fuit.



CAP. LXIV.

CASTVLO ORETANORVM VRBS A PHOCENSIBVS

condita. Appianus deprauate Castaca vocat. Variè à Plutarcho &

Strabone vocata. Res ibi gesta.

Constans est Scriptorum opinio, *Castulonem* olim fuisse, vbi nunc *Caslonæ*: nec multum ab antiqua appellatione, licet à splendore, & nobilitate, multum deflexit. Pto- 10
lemæus illam inter *Oretanos* collocat. Stephanus Byzantinus deprauatus hoc loco, vt aliis multis. ait enim: *Καστέλων μέγιστη πόλις Ῥητιανίας*: cum ex Ptolemæo legendum sit *Ὠρητιανίας*, vt bene notauit Hieronymus Surita. Conuentus vero erat Carthaginensis, teste Plinio, qui addit Castulonenses populos, ex Colonia Salariensi, Latii veteris esse, qui Cæsari *Venales* appellantur. Olim valida vrbs erat & nobilis. condita fuit à Phocensibus non quidem ab illis qui Ioniam incolebant, sed qui Bæotiam, vnde & in fontis Castalii memoriam *Castulonis* nomen impositum. Hinc Silius Italicus lib. III.

Fulget præcipuis Parnassia Castulo signis.

Nec immerito, nam quo monte sita est, non obscuram Parnassi imaginem præfert. Siquidem & duplici vertice erat, quem vallis angusta interfecabat, ab vno latere 20
fons tenui scaturigine manabat, vt licet hac in re Castalio fonti dispar. Sed liceat.

— magnis componere parua.

Originem hanc probant plurima argentea numismata, ante paucos annos hic reperta, vt luculentus auctor est Ambr. Morales, quæ alatum Pegasus ab vna parte ostendebant; litteris iniuria temporis prorsus deletis. Olim etiam Municipium fuisse antiqua inscriptio ostendit, quam Ambr. Morales non procul ab vrbe, loco dicto *Linares* conspici auctor est, notatq; aspiratione præter omnium Scriptorum mentem habere:

VALERIE. CIPATINÆ.

TVCCITANÆ. SACRVM.

COL. PATRICIÆ.

CORDVBENSIS. FLAMINICÆ.

COL. AVG. GEMELLÆ.

TVCCITANÆ. FLAMINICÆ.

SIVE. SACERDOTI.

MVNICIPII. CHASTVLONENSIS.

Vrbs ipsa ingenio, & natura loci egregie munita, siquidem & monte & conual-
libus profundis ambitur, ita vt tantum ab occidua parte commodus in urbem ingressus
pateret; sed angustus admodum, & si ex priscis vestigiis conicere licet muro, turribus-
que egregie tutus Appianus Alex. deprauate admodum in Ibericis vocat hanc urbem
Κάστρον: nec me mouet patrocinium Stephani Byzantini, qui *Καστέλων*, & *Κάστρον*, vt 40
diuersas vrbes enumerat: nam quæ circa Castacem Appianus refert accidisse. T. Li-
uius Castuloni adscribit. vt liquido apparebit conferenti vtrumque locum. Plutarchus
vero in Sertorio *Caslonem*, Græcorum more, qui vocalem ante A sæpe elidunt, vt videre
est in dictione *Τασκλον* & *Ασκλον*, Strabo vero sæpe voce *Clastonis*, & *Castalonis* vitur, sed
mendose, vt monet H. Casaubonus, & Surita. Agrum habet non secundum modo sed &
diuitem: cum prope hanc urbem, teste Polybio, Plinio, T. Liuius & Strabone, argenti
fodinae erant, quarum adhuc vestigium exstat; plumbi etiam fodinas habet in hodie-
num ætatem. Vestigia hic aquæ ductus exstant, Romanæ munificentiae. Auctor est T.
Liuius lib. XXVIII. hanc urbem post cæsos Scipiones in Hispania, à Romanis ad Car-
thaginenses defecisse, & ex prælio profugis portas vrbis occlusisse, motus tamen vicinæ 50
Illiturgis excidio, ad priores domos rediisse, tradito etiam Punico præsidio.

Hac etiam vrbe oriunda erat *Imilce* Hannibalis vxor, auctore T. Liuius lib. XXIV.
Castulo, inquit, *vrbs Hispania, nobilis & valida, & adeo coniuncta societate Pænis, vt vxor in-*
de Hannibalis esset. Et Silius Italico his versibus.

— at contra Cyrrhai sanguis Imilce

Castalii, cui materno de nomine dicta

Castulo Phœbei seruat cognomina vatis.

Hoc oppido citerioris Hispaniæ longitudinem finiri auctor est Plinius, quam à
Pyrenæis montibus huc vsque dicit comprehendere DCC. VII. M. P. Episcopatu olim

ornata

ornata fuit, qui tamen Toletano subiectus erat, ut ostendunt Annales Regis Alphonsi Prudentis. nunc, quæ rerum sunt vicissitudines, Episcopo caret.



C A P. LXV.

MVRTIÆ REGNVN.

MVRGIM NON ESSE MVRTIAM OSTENDITVR. NVN

10 Oreola vocata. Fabula de eius origine explosa. Menlaria Ptolemai est Murcia.

Regi Alphonso X. fidelissima.

Obscurum olim oppidum, nunc regni caput *Murtia*, & magni nominis: quam Clusius, alique *Murgim* esse opinati sunt, quamque Ptolemæus inter Turdulos inter Turdulos in Bætica statuit, Plinius vero Bætici finem esse dicit, ita ut vel hac sola ratione *Murtia* esse nequeat, utpote quæ inter Carthaginem nouam & Valentiam, procul à Bætici limitibus sita. Rodericus Archiepisc. Toletanus lib. III. cap. XXIII. qua tempestate Mauri vniuersam Hispaniam deuastabant, dictam fuisse *Oreolam*, postmodum vero *Murtiam* affirmat; quod vnde hauserit, me quidem fugit. Scio Ptolemæum *Orcelis* in Bastetanis meminisse, quam hodie *Horiguela* vocant, non procul à *Murtia*: Antonius vero Beuterus, ceterique fabularum patroni, à *Morgetibus* populis deriuant, quos aiunt cum Atlantis filio Morgeto in Italiam primo traiecisse, dein reduces *Murtiam*, aliasque eius nominis vrbes condidisse. Ego vero Ioan. Marietæ Dominicanæ, & Iosephi Moletii potiore opinionem duco, qui *Menlariam* Ptolemæi hodiernam esse *Murtiam* asserunt. siquidem inter mediterraneas Contestanorum vrbes recensetur, non procul à Valentia, quo in loco *Murtia* Valentique regna sunt: & si Abrahami Ortelii Hispaniæ veteris descriptioni fides aliqua danda, nemini erit dubium eodem prorsus loco *Murtiam* nostram, quo *Menlaria* olim, sitam esse.

Alphonfus X. cognomento *Sapiens* hanc à Pœnorum manibus eripuit; qua de causa illi obnoxia admodum & fidelissima, vel in maximo illo Hispaniæ æstu, quo vrbes omnes, Hispali vnâ cum excepta, ad Sanctum Filium descuerant; qua de causa illam septem coronarum insignibus, in fidei memoriam honestauit. Sita est in planicie, amœnissima regione, quam *Straberum* amnis interfuit (alii *Setabim* vocant) & deriuatis hinc inde riuulis, agros irriguos facit: malis citreis confiti campi: sed bombycum præcipuus prouentus, & sericæ vestis copia.



C A P. LXVI.

40 APPIANI ERROR DE CARTHAGINIS NOVAE AV-

ctore. Opinio Silii Italici reiecta. A Carthaginensibus condita. Cur Spartaria dicta. Urbis situs. Argenti fodinae celebres.

Inter principes olim Hispaniæ vrbes; *Carthago noua* locum tenuit, quæ & provinciæ vni nomen dedit. nunc tenue tantum clarissimæ vrbis vestigium superest; proinde conabor illam ex cinere & ruinis excitare. Appianus Alex. in Ibericis putat ab Hannibale, ex Saguntinæ vrbis reliquiis exstructam esse. Sed mirum non est, Græcum in Hispanicis lapsum esse, cum & Romanis, quibus notior erat Hispania, non semel id acciderit. Silius Italicus ad Teucrum eius originem refert:

Dat Carthago viros Teucro fundata vetusto.

50 Sed cum historica veritate pugnat. Nam vetus Carthago, à qua noua nomen sumsit, teste Velleio Paterculo, annis tantum 65. prius quàm Roma cōderetur ab Eliissa Tyria, quàm & Didonē nominant, cōdita est: ita ut à capta Troia an. 361. exstructa fuerit. Nulla ergo erat Carthago, cum Teucer Hispaniæ littorib⁹ appulit. Iustinus certe non dicit Teucrum condidisse Carthaginem, sed Hispaniæ littorib⁹, vbi nunc *Carthago noua* est, appulisse, indeq; in Gallæciam transisse. Polybius, Strabo, & Pomp. Mela ab Hamilcaris genero, cui Hannibal in imperio successit, exstructam dicunt. Isidorus lib. XV. Orig. cap. I. ab Hannibale conditam auctor est. Plinius vero Pœnorum opus esse, ut & Tarraconem Scipionum: à Polybio libro Secundō. *καινή πόλις*. i. *Noua urbs*, similiter & à Stephano Byzantino. non secus ac Libyca Carthago vocatur;

ab aliis vero *καρχηδωνία*; ab Antonino Augusto & Appiano, & Plinio lib. XXXI. *Spartaria* nominatur, ob insignem, quem habet, sparti copiam: inter Contestanos à Prolemaeo recensetur. Iuridicum olim conuentum habebat, quo LXII. populi iura petebant, exceptis Insularum incolis, auctore Plinio, nam teste Strabone lib. III. cum murorum munitione, structura, & pulchritudine, tum portus commoditate, & lacus amœnitate ornatissima. Huius urbis situm cum T. Liuius lib. XXVI. graphicè admodum describat, non pigebit hic adducere, ut hanc purpurâ lacinię meę adnectā: *Sita*, inquit, *Carthago sic est. Sinus est maris media ferme Hispania ora, maxime Africo vëto oppositus, & quingentos passus introrsus redactus, paululo plus passuum in latitudinem patens. huius in ostio sinus, parua insula obiecta ab alto, portum ab omnibus ventis, praterquam Africo tutum facit, ab intimo sinu peninsula excurrit: tumulus is ipse in quo condita urbs est, ab ortu solis, & meridie, cinctus mari; ab occasu claudit stagnum, paulum etiam ad septemtrionem fusum, incerta altitudinis utcumque exastuat aut deficit mare: continenti urbem iugum ducentos ferè & quinquaginta passus patens coniungit.* Polybius lib. X. tumulum illum, in quo urbs condita est, *Cherronesicum* vocat, totamque ciuitatem in quinque tumulos ait diuisam: è quibus maximus ab oriente adiacet prominens in mare, in quo structum est templum Asclepii. E regione huius ab occidente alius est situ similis, cui imposita est regia, magno sumtu ab Hasdrubale exstructa. Ceteri tres minores colles septemtrionale latus claudunt, quorum qui magis orienti obuersus est *Ἡφαιστ*, seu *Vulcani* dicitur: huic vicinus *Aleti*, qui argenti fodinas detexisse videtur, quare diuinos honores illi decreuere: vltimus verò *Σαῦρας*, seu *Saturni* vocatur. T. verò Liuius lib. XXVI. refert extra urbem fuisse tumulum quendam, quem *Mercurium Theutatem* vocabant. Vbi forsā ad imitationem magnæ Carthaginis humanis hostiis litabant, non secus ac illi Saturno. vnde *Luacanus*:

*Et quibus immitis placatur sanguine diro
Theutates, horrensque feris altaribus Esus.*

Sed quam graphicè urbis situm exprimat Silius Italicus lib. XV. nunc videamus:

*Carthago impenso naturæ adiuta fauore
Excelsos tollit pelago circumflua muros,
Arctatas ponti fauces modica insula claudit,
Qua Titan orta terras aspergit Eo.
Et qua prospectat Phœbi iuga seracidentis.
Pigram in planitiem stagnantes egerit undas,
Quas auget veniens, refluxusque reciprocatur astus.
Sed gelidas à fronte sedet sublimis ad Arctos
Urbs imposita iugo, prorumque excurrit in aquor,
Et tuta æterno defendit mania fluctu.*

Portus urbis quantævis classis capax; nec tota quidem Hispania tutiorem inuenias, & ex Liuii descriptione eundem patet esse, quem Virgilius Maro I. *Æneidos* expressit:

*Est in secessu longo locus, insula portum
Efficit obiectu laterum; quibus omnis ab alto
Frangitur, inque sinus scindit sese vnda reductos.
Hinc atque hinc vasta rupes, geminique minantur
In calum scopuli.*


Hanc urbem cum Carthaginenses in belli sedem & armamentarium elegissent, atque huc vniuersæ Hispaniæ obsides pecunias, & quidquid ad vsus bellicos necessarium erat contulissent, vno die à P. Scipione per vim capta fuit, ut latius apud Polybium & Liuium legas licet.

Circa hanc urbem plurimas argenti fodinas fuisse refert Strabo, quibus erant occupatæ quatuor hominum myriades, qui P. R. indies XXV. drachmarum millia referebant, seu secundum Budæum lib. IV. De asse 2500. coronatos. Sed per barbarorum in Hispaniam inundationes, à Vandalis primo, mox vero à Gothis, solo æquata fuit, non totis sexcentis annis decursis, postquam exstructa fuit, atque inter miserandas ruinas, multis seculis sepulta iacuit. Donec eam Philippus II. Hispaniarum Rex potentissimus, parentum memoria, instaurandam curauit, ne Turcæ & Africani piratæ portus præstantia allekti eundem occuparent. Quod à Vespasiano Gonzaga summa diligentia & industria curatum fuit, ita ut nunc egregiè munita sit.

Episcopalis urbis in hodiernum diem vsque primum autem Episcopum habuit San-

Sanctum *Esicium* martyrem : habuit & Episcopos *D. Eugenium*, & *Fulgentium*, qui DD. Leandri & Isidori, frater fuit. Etsi verò hæc vrbs totius Carthaginensis prouinciæ caput erat, cui etiam Toletum parebat, ipse tamen Episcopus Toletano subditus fuit : quæ res non paucos induxit, vt crederent Toletanum Archiepiscopatum primò Carthagine fuisse, post verò Toletum translatam esse sedem. Inter quos Ioannes Vaszus ; sed errare eos crediderim, cum nusquam apud probatæ fidei Scriptorem hoc reperiatur. Illud tantum, Iuridicum conuentum, post euersam Carthaginem, Tolétum migrasse : qua de re plura apud Ambr. Moralem lib. XI. Annalium Hispaniæ cap. XIX. videbit curiosus Lector.

10 Hac in vrbe latissimum olim garum parari solitum fuisse, refert Plinius lib. 31. cap. 8. *Nunc, inquit, laudatissimum ex scombro pisce in Carthaginis Spartaria cetariis : sociorum id appellatur, singulis millibus nummum permutantibus congios penè binos.* Auctor est & Strabo circa Carthaginem nouam arborem esse, quæ de spina corticem emittat, ex quo telæ pulcerrimæ conficiantur.



CAP. LXVII.

DIANIVM ET HEMEROSCOPIVM DICTVM. DIA-


20 na fano nobile A Phocensibus exstructum. Promontorium Ferrariæ, quod & Tenebrium.

Oppidum est *Denia*, priscis temporibus *Dianæ fano* celeberrimum, à quo *Dianium* vocatum. Plinius stipendiarium esse dicit, & conuentus Carthaginensis, Ptolemaus inter Edetanos recenset. ad Balearicum mare situm, inter Carthaginem nouam, & Sucronem amnem. Strabo lib. III. *ἡμεροσκοπίον*. i. *diurnam speculam* dicit vocari. in extremitate habebat *Dianæ Ephesiæ* templum, frequenti religione cultum, vnde & *Artemisium* dictum ; & adhuc, teste Antonino Beutero, promontorium vrbis huius, tribus leucis distans, *Artemus* vulgo dicitur. Stephanus Byzant. ex Artemidori sententia Phocensium Coloniam esse dicitat ; Strabo verò à Massiliensibus conditam, qua in re exigua est diuersitas. Nam & Massilienses à Phocensibus originem duxere, vt Phocenses primò Massiliam appulerint : deinde verò aggrauante multitudine, in Hispaniam colonias deduxerint (quæ tamen ad Phocenses etiam referri possunt) vt Emporias, Hemeroscopium : vbiq; tamen auitæ religionis memores, *Dianæ Ephesiæ* templa erexere.

Oppidum est ad rem maritimam peropportunum. Cum enim in colle exstructum sit, speculam etiam habet mari imminentem ; quæ longinquum nauigantibus prospectum præbet, qua de causa Q. Sertorius hoc oppido ad res maritimas, vt receptaculo vsus est, teste Strabone, qui locus & ante pauca lustra, vulgò *Attalaia de Sertorio* dicebatur. Huc illa Ciceronis pertinent V. Verrinarum : *Quicumque accesserant ad Siciliam paulo pleniores, eos Sertorianos milites esse, atque à Dianio fugere dicebat.* Feltus verò Auienus suo æuo dirutam urbem dicit :

— *Hemeroscopium quoque*
Habitata pridem hic ciuitas, nunc iam solum
Vacuum incolarum languido stagno madet.

Promontorium hoc à Pomponio Mela *Ferrariam* vocari putat Ioachimus Vadianus in Melam, & Florianus Occampo : cui suffragatur ipse Strabo, qui *Dianium* in propinquo habere ferrarias effossiones admodum feraces scribit : vnde verisimile est promontorio nomen inditum. Abrahamus verò Ortelius in veteri sua Hispaniæ descriptione idem promontorium, à Cl. Ptolemæo *Tenebrium* vocari auctor est. miror ego quid Strabonem mouerit, quòd paulo inferiùs scribat Sertorium, postquam ex Celtiberis eiectus esset, aduersa valetudine diem suum clausisse *Hemeroscopii*, cum apud ceteros assiduos Auctores constet, à *Perpenna* esse interemtum, idq; *Ofcæ*, teste Velleio Paterculo. Episcopalis olim vrbs fuit, sed dignitate illa per Maurorum tempora spoliata fuit, nunc Marchionem habet.



CAP. LXVIII.

SETABIS AVGVSTA VALERIA DICTA. TENVIS-
simum hic linum. Silius Italicus obiter correctus.

SETABIS, quam hunc *Xatina* vocant, vrbs est regni Valentia, non procul ab ipsa Valentia: inter Contestanos refert Ptolemæus, qui etiam fluminis eiusdem nominis meminit. conuentus Carthaginensis est Plinio. Hanc Franciscus Tarapha ab Augusto Cæsare cognominatam *Augustam Valeriam* tradit, quod ex Plinio colligere est, licet ob distinctionem importune interiectam aliter videatur. Habet enim sic Pliniana dictio: *Setabitani qui Augustani, Valerenses*, cum citra interpunctionem legendum esset.

Sita est editiori in colle, & flumine Sucrone alluitur: fontibus saluberrimis, arborum fructibus, & præcipue malis punicis abundat: laudatissimi tenuissimique lini prouentu celebris, adeo ut Plinius lib. XIV. cap. I. primam illi palmam deferre videatur his verbis: *Similiter & in Italia, ratione alia inter Padum Ticinumque amnes, ubi à Setabitertia in Europalino palma: secundam enim in vicino capeffunt Retovina, & in AEmilia via, Faentina.* Silius etiam Italicus lib. III. egregiam eius mentionem facit.

*Sedentana cohors, quam Sucre rigentibus undis
Atque altrix celsa mittebat Setabis arce,
Setabis, & telas Arabum spreuisse superbas
Et Peleusiaco filum componere lino.*

Quo in loco obiter mihi notandum videtur, non esse legendum cum vulgo *Sedentana cohors*, sed *Sedetana*: siquidem *Sedetani* (qui Ptolemæo *Hedetani*) Tarraconensis erant prouinciæ; *Sedetani* vero nuspiam leguntur. Hoc in populo Silius Setabim statuit, licet Ptolemæus inter Contestanos, illi vicinos locet. eadem etiam ratione, Catullus commendat sudaria Setaba hendecasyllabo illo in Asinium:

*Nam sudaria Setaba ex Iberis
Miserunt mihi muneri Fabullus
Et Veranius.*

Horum etiam Strabo meminisse videtur, licet mendose apud eum legatur (ut primus monuit Doctissimus Casaubonus) *Σαλτινηται*: Telarum, inquit, summa tenuitas atque copia, quas *Setabita* conficiunt: nusquam enim gentium *Saltiate* sunt. Hinc & Poeta Gratius in Cynegetico suo circa initium.

Hispanique alio spectantur Setabes usu.

Nimis enim tenuia lina sunt, quam ut retibus eouenite possint.



CAP. LXIX.

VALENTINVM REGNVM.

VALENTIA A D. IUNIO BRUTO CONDITA CVR
Veterani & Veteres dicti. Colonia Iulia appellata.

HISPANIAE citerioris nobilissima, & amoenissima vrbs est *Valentia*, à mari teste Plinio III. tantum M. P. distans, quam inter Contestanos populos Ptolemæus, inter Edetanos recenset. hanc ab Hispania Rege Romo, non solum secundum Annium Viterbiensem in Manethonem, sed & præcipuos Hispania scriptores, conditam esse ferunt dictamque ab illius nomine *Romani*, idque CCC. pene annis ante orbis caput Romanam: postea vero nomen in *Valentiani* mutatum. Sed miror ego ineptum illum Annium cum spurio suo Manethone & Beroso, multorum animis ita se insinuasse, ut quicquid ille effutiat, tamquam ex tripode dictum putent. Manifestum enim ex Liui epitome lib. LV. Iunium Brutum circa annum V.C.DC.XVI. militibus, qui sub Viriato militauerant, oppidum dedisse, quod *Valentia* nuncupatum est. Hieronymus vero Surita in Antonini Imp. Itinerarium credit, non hanc *Edetanorum Valentiam*, sed illam, quæ in Lusitania prope Tagum, Viriati militibus à D. Iunio Bruto datam. sed cum apud clas-

ficos Scriptores huius *Valentia* ad Tagum, nusquam mentio fiat, nulla ratio euincet, hanc à Viriati militibus habitatam. nullius etiam momenti est, quòd vrgent *Valentiam Edetanorum*, nimis à Lusitania distare (vbi bellum cum Viriato gestum) quàm vt eò Colonia mitteretur. non enim in sola Lusitania, sed & Carpetania, & Celtiberia, bellum circumtulit Viriatus, & vt refert Appianus in Ibericis, etiam post mortem Viriati, milites eius duce Tantalo, à Sagunto auspiciis Q. Seruili Cæpionis repulsi sunt: & exiguo intercedente tempore, deditionem fecere, agrique illis assignati & sedes, quibus habitarent: quæ certè omnia *Valentia* nostræ fauent, & Liuianæ Epitomæ consonant. Opinioni meæ subscribit Andreas Resendius, in D. Vincentio heroico sanè
10 poemate:

—haud ita multis
*Millibus à pelago scuncta Valentia surgit,
Bruti opus, Hesperiam Tiriatu cede madentem
Ille petens, acies palantes urbis honore
Donauit, positisque diu victricibus armis,
Exauctorato compleuit milite.*

Qua de causa forsan in antiquis inscriptionibus incolæ *Veterani* & *Veteres* nuncupantur, vt indicium facit illa, quæ *Valentia* spectatur:

C. VALENTI. HOSTILIANO.

MESSIO. QVINCTIO.

NOBILISSIMO. CÆS.

PRINCIPI. IUVENTVTIS.

VALENTINI.

VETERA. ET. VETERES.

Eandem verò Coloniam fuisse testatur Plinius. antiquus verò nummus à Goltzio productus, referente Ortelio, *Coloniā Iuliam Valentiam* vocat. Sed quo tempore Colonia effecta fuerit, in tanta antiquitatis caligine latere quis meretur?

S-ita autem est ad amnem Turiam, licet Pomp. Melalib. II. *Duriam* vocet, tamen, monente doctissimo Hermolao Barbaro, *Turia* legendum; quamvis Gerundensis Episcopus dicat *Palentiam* vocari flumen, quod per *Valentiam* decurrit, *Turiam* verò
30 Saguntum præterfluere: sed crassior est error, quàm vt refelli postulet. Vrbs hæc cæli, solique miti temperie nulli cedit, nec felici, ac superbæ Campaniæ inferior. Toto hic anno floribus abundant prata, hortique, vernante semper aura. Hyemis hic rigor exultat: equitum splendore nobilis, mercimoniis opulenta, opificum numerosa turba instructa egregiè: lanificium hic diligentissimè excolitur, vt panni Valentini, & ipsa lana inter ceteras Hispaniæ palmam ferant. Incolæ elegantis, & festiui sunt ingenii, nec à Musis alieni. Auctor est Beuterus urbem à Cn. Scipione maximis cloacis donatam, & publicis priuatique ædificiis excultam; sed more suo, citra testes. Bello Sertoriano à Cn. Pompeio deletam fuisse, auctor est Salustius lib. IV. Historiarum in Epistola eiusdem Pompeii ad Senatum his verbis: *Castra hostium apud Sucronem capta, prælium apud flumen Turiam, & dux hostium C. Herennius, cum urbe Valentia & exercitu deleti, satis clara vobis sunt.* quam tamen postea à Sertorio restitutam dicunt. E Maurorum verò seruitute eam Rodericus Biuar, cognomine *Cid*, anno clo. XXV. asseruit, rei bellicæ vir peritissimus qui cum maximis numerosissimisque hostibus collatis signis, frequenter dimicauit, victor tamen semper euasit, in cuius memoriam *Valentia del Cid* vulgò dicitur: sed illo vita functo, iterum à Pœnis occupata fuit, donec anno 1238. Iacobus I. Aragonum Rex eam iterum Christianis restituerit.


Hac in urbē D. Vincentius Diaconus sub Diocletiano martyrio affectus est. Duos Pontifices Max. Ecclesiæ dedit, Calistum III. & Alexandrum VI. vtrumque ex

50 stirpe Borgia. Archiepiscopatum habet celebrem & opimum. Sed non

ultimo loco duxerim ciuem habuisse *Ludonicum Viuem*, virum

doctissimum, quem ingenii sui fetus posteritati faciunt interesse.





CAP. LXX.

SAGVNTVS OLIM, VBI NVNC MOIVIEDRO. A

Zacynthiis, & Ardeatibus condita. Diana hic Templum vetustissimum. Theatri reliquie.

Reliquias esse Sanguntiaë cladis *Moruietro*, nemo Hispanicarum rerum gnarus ignorat, quasi *muri veteres* dicta. non procul enim à Valentia Edetanorum, ut & olim Saguntus, distat, à mari aliquantulum magis. Olim enim tantum mille passibus, nunc verò II. M. P. mare remotum habet: siue quòd olim tanta urbis magnitudo fuerit, & eò usque protensa excurrerit, siue quòd pelagus arenarum adgestione in tantum recesserit, ne tantæ urbis calamitates ex propinquo aspiceret. De origine eius & primo conditore multa effutunt Hispani, Franciscus Tarapha à Saga filio Chus, nepote Cham, qui cum Tubale in Hispaniam venit, nomen habuisse asserit. Alii à Sagis Ibericis conditam esse fabulantur. T. Liuius lib. XXI. a Zacyntho insula oriundos dicit, quibus etiam misti ab Ardea, Rutulorum generis. Recentiores Hispaniæ Scriptores ad Herculis comitem Zacynthum originem referunt, auctore Silio Italico lib. I.

*Haud procul, Herculei tollunt se littore muri,
Clementer crescente iugo, queis nobile nomen
Conditus excelsò sacrauit colle Zacynthus.
Hic comes Alcide remeabat in agmine Thebas
Geryone exstincto.*

Idem tamen Poeta mox subnectit, & à Zacynthiis & Ardeatibus auctam urbem, cuius non pigebit versus producere:

*Mox profugi, ducente noto, advertere coloni,
Insula quos genuit Graio circumflua ponto,
Atque auxit quondam Laertia regna Zacynthus,
Firmauit tennes ortus mox Daunia pubes
Sedis inops, misit largo quem diues alumno
Magnanimis regnata viris, nunc Ardea nomen.*

Urbs olim opulentissima, maritimis & terrestribus fructibus felix, sanctitate discipline, & sociali fide inprimis illustis, quam usq; in perniciem suam pertinacissimè coluit. Potius enim quàm à Romanis ad victorem Hannibalem desciscerent, communi rogo sese ciues superiecere, cuius excidio secundum bellum Punicum excitatum, & innumeris cædibus illi parentatum est. Octauo demum anno quàm à Pœnis capta est, à Cn. Scipione, depulso Punico præsidio recepta, & antiquis cultoribus, quos belli vis reliquerat, est restituta, teste Liuius lib. XXIV. vnde manifesto Appianum Alexandr. in Ibericis lapsum videre est, qui Spartariam Carthaginem ex Saguntinis ruinis excitatam crediderit. Templum hic erat Dianæ sacrum, magna religione, quod & ad Plinii ætatem perdurauit, eodem teste lib. XVI. cap. XL. his verbis: *In Hispania, Sagunti aiunt templum Diana à Zacyntho aduecta, cum conditoribus, annis ducentis ante Troie excidium, ut auctor est Bocchus, infraque oppidum id haberi, cui pepercit religione inductus Hannibal; iuniperi trabibus etiam nunc durantibus.* Hoc verò xuo ruinæ eius indicio sunt, qualis olim urbs fuerit; inter quas Amphitheatri vestigia spectantur. Huius hemicycli ambitus est pedum Rom. CCC. LIV. latitudo parietis obuersi pedum CC. vomitorium crassitudo pedum XII. cum dimidio in L. gradus etiam consurgebat. Laudatissimos olim calices parabat *Saguntus*, teste Plinio lib. 35. cap. 12. vnde & Martialis lib. 1.

*Quæ non sollicitus teneat, seruetque minister
Sume Saguntino pocula ficta luto.*

Exstat etiam hac in vrbe vetusta admodum Claudio Cæsari, Galieni successoris dicata inscriptio:

SENATVS. POPVLVSQVE.

SAGVNTINORVM.

CLAVDIO.

INVICTO. PIO. FEL. IMP.

CÆS. PONT. MAX.

TRIB. POT. P. P.

PROCOS.

CAP.

C A P. LXXI.

MANTVA CARPETANORVM MADRITIVM

est Escuriacum moles regia.

10 **I**Nter Carpetanos, non procul à Toletò, Ptolemæus *Mantuam* urbem collocat. *Viseriam* etiam dictam referunt Moletius & Tarapha: sed ab illis tantum. hodie *Madrítium* esse in confesso est, licet nonnulli non hoc loco, sed ubi vicus est *Villamanta* dictus, olim *Mantuam* fuisse dicant. *Mantua* conditorem dicit Tarapha, Ocnium Tiberini Latinorum Regis filium, qui à nomine matris *Mantus*, Tiresiæ vatis filiae, ali-
amque in Italia urbem appellauit: sed huic Palæphato, quis aurem præbeat?

Hodie oppidum est ex totius Toletanæ diœcesis felicissimum: situm est editio-
ri in cliuo, & Septentrioni maiori ex parte expositum, cuius radices alluit modicus
amnis, vulgò *Guadarrama* dictus, qui saxeo ponte transitur: non procul à Madritio o-
ritur, & Tago se admiscet. Situs amœnitate, aëris insigni salubritate, & soli egregia fe-
cunditate, inter primas totius Hispaniæ vrbes, non iniuria potest adnumerari. Aiunt
Imp. Carolum V. diuturnia quartana affectum, sola aëris huius clementia, breui mo-
lestissimo morbo liberatum. Saltus habet umbrosos, & frequentes, siluâs Regum ve-
nationibus dedicatas. In Madritii etymio multa & insulsa vulgò feruntur, quæ cum
inepta sunt, silentio premam. Ioannes de Menna Cordubensis, Poeta vernaculus, sed
non insulsi ingenii, *Madrítium* igne cinctum suis rythmis prædicat, quia tam muro-
rum fundamenta, quàm priuatorum ædes pleræque pyrite lapide constant, cuius co-
piosis toto territorio prouentus est. Frequens hic recessus & habitatio Regum, præ-
sertim Philipp. II. qui variis illud operibus exornauit, vt nunc in splendidissimum op-
pidum euaserit: siquidem toto regno huc excita nobilitas, sumtuosa sibi ædificia ex-
struxit. Nefas duxerim, si Madritio relicto, de vicino illi sexto inde lapide *Escuriaco*,
Hieronymianorum monasterio ad S. Laurentium tacerem. Visitur ibi mirandi ope-
ris egregia moles, & plane Regia, quam maximus HISPANIÆ Regum Philippus II. re-
gio sumtu dedicauit. Celeberrimo enim illo prælio ad oppidum S. Quintini Vero-
manduorū caput, D. Laurentio ædem vouit, cuius die anniuersario & tutelari patro-
no, florem Gallicæ nobilitatis fudit, & firmissimam urbem expugnauit, anno Christi
Seruatoris M.D.LVII. Iactitet Roma licet Amphitheatra sua, Pantheion, Capitoli-
um, palatia, & vanis numinibus sacrata templa: dum sese Hispania hac mole cetera
orbis miracula non iniuria superare contendat. nam præter templum, & monasteri-
um rarissimæ structuræ, Bibliothecam habet omnis generis librorum, & præcipue
manuscriptorum copia instructissimam: vt vnica Vaticanâ exceptâ, inter ceteras pal-
mam ferat; qua in re cum Ptolemæo Philadelpho certare videtur. De regio vero pa-
latio, quid attinet dicere, nisi quòd

Ars ibi materia vincitur ipsa sua.

An architecturam requires? ne Vitruuius quidem aliam. an marmora & nobi-
les lapides? nuspiam ratiore. Nam hortorum nitore, fontium amœnitate, siluularum
umbraculis nec ipsa Antiochiæ Daphnè huic se comparauerit. magnitudo eius tanta,
vt vel in quatuor Regum vsus commodè sufficiat. qui singula huius molis scire desi-
derat, Abrah. Ortelii parergon editionis vltimæ adeat.

C A P. LXXII.

C O M P L V T V M.

C O M P L V T V M H O D I E A L C A L A D E H E N A R E S.

Olim & Alcala S. Iusti. *Academia hic illustris.*

50 **V**icinum Toletò etiam inter Carpetanos est *Complutum*, Cæsaraugustani olim con-
uentus teste Plinio, hoc æuo *Alcala de Henares*, ab amne *Henares*, qui vrbis muros
præterfluit. Elapsis seculis trans flumen sita erat, teste Barrerio, ubi adhuc priscae vrbis
vestigia. Tempore Regis Alphonsi Sapientis vocabatur *Alcala S. Iusti*, quia is Sanctus
vnâ cum fratre suo S. Pastore, sub Daciano Præside extra vrbis pomerium martyrio
affecti sunt: quorum his versibus memoriam celebrat Poeta Prudentius:

Torgius IIII.

Pp 2

*Zanguinem Iusti, cui Pastor heret
Ferculum duplex, geminumque donum
Ferre Complutum gremio iuuabit
Membra duorum.*

Vrbs est in planicie sita, figura ouali, concinnis ædificiis, agro feracissimo: unde nescio quis sciolus *Complutum*, tanquam *Complementum* dictum somniat, sed

Res est ridicula & nimis iocosa.

Plateam habet insignem, in longitudinem porrectam, porticibus vtrunque ornatam, sub quibus frequentes, ditæque mercatorum tabernæ sunt. Sed præcipuè se iactat insigni Academia, quæ meritò Hispaniarum Athenæ dici posset, ex qua tanquam ex 10 Durateo illo equo, præclarissima ingeniorum lumina prodierunt, quæ doctrina sua totam Hispaniam, depulsa barbarie illustrarunt. debet hoc insigni heroi Francisco Ximenio Cisnerio, Præsuli Toletano, & S. R. E. Cardinali, instituti S. Francisci, qui Lycæum hoc excitauit, & magnis præmiis viros doctos vndique euocauit: atque ibidem multa collegia (vnum verò augustissimum) & Cænobia & templa excitauit. Sacra Biblia hic Hebraicè, Chaldaicè, Græcè, Latinè, accuratissimè & proprio ære excudenda curauit: qui præter doctrinam, vitæque sanctimoniam, consilio prudentiaque incomparabili fuit, vt non immeritò à Ferdinando rege, Hispaniæ gubernandæ præfectus sit, dum nepos eius Carolus V. adoleret: qua de caussa inter præcipua HISPANIÆ lumina meritò adnumerandus. Cuius tumulo Compluti hi versus inscripti 20 leguntur:

*Condideram Musis Franciscus grande Lycæum:
Condor in exiguo nunc ego sarcophago.
Prætextam iunxi sacro, galeamque galero,
Frater, Dux, Præsul, Cardineusque pater.
Quin virtute mea iunctum est diadema cucullæ:
Quum mihi regnanti paruis Hesperia.*

Vrbs hæc Archiepiscoporum Toleti est: tempore enim Alphonsi VI. Castellæ Regis, & Legionis, post ereptum Pœnis Toletum, Bernardo cuidam inculpatæ vitæ, Archiepiscopatus à Rege delatus fuit, qui postmodum coacta milite *Complutum* diurna obsidione fatigatum, ad deditionem compulit, unde in hoc æuum Toletanæ est 30 dioceseos. olim tamè florente Gothorū imperio, Episcopalis sedes fuit, vt ex Toletanis Conciliis docet Vaszus. Ciuem habuit inter ceteros *Christophorum à Vega* medicum præstantissimum, vt eius testantur opera.



C A P. LXXIII.

CARRACA EADEM CVM ANTONINI ARRIACA

Guadalaia hodie. Tagonius amnis. Sertorii stratagema.

46

Non procul Compluto vrbs est *Guadalaia* vulgò dicta, Punico sermone flumen lapidum signare, plerisque Hispaniæ Scriptoribus persuasum, vt Lucio Marinceo Siculo, & Mario Aretio. Sed fœdè illos hallucinari ostendit Gaspar Batrerijs, qui vnà cum Ambr. Morales Ptolemæi *Carracam*, & Antonini Imp. in Itinerario *Arriacam* esse asserunt (licet Iosias Simlerus *Atriacam* legendum suspicetur) unde Pœni primò *Guadaria* deflexere, posterior verò ætas, magis corruptè, *Guadalaia*, quasi *flumen Arriacæ* dixerunt. moris enim illis dictionem *Guada* frequenter præponere, vt *Guadalupe*, *Guadana*, aliisque sexcentis. *Arriacam* verò, vel *Carracam* esse, suadet passuum numerus, quo Antoninus Compluto *Arriacam* XXII. M. P. distare dicit, qui V. cum dimidia leucas conficiunt, licet Compluto nunc *Guadalaia* tantum IV. sed maximas incolæ numerant: rarè enim exequantur milliaria cum leucarum numero. Sed scrupulum omnem adimit, æquari distantiam, quam *Arriaca* vsq; *Cessatam* Antoninus numerat, cum ea quam *Guadalaia* *Hiram* vsque (ea enim *Cessata* est) XXIV. M. P. sex leucis respondent. 50

Sita est modicè accliui in tumulo ad ripas *Henares* amnis, quem Ambr. Morales à Plutarcho *Tagonium* olim dictum putat. modica, sed non spernenda vrbs, tedes olim præcipua Mendozæ familiæ, & Ducū *de Infantado*, quorū splendidis ædibus & amœnissimis hortis egregiè ornata. Præcipuè vero nobili Q. Sertorii stratagemate celebris. refert n. Plutarchus in eius vita, pulsum à Metello Sertorium, non procul à Characitanis

(ita enim vocat) ad amnem Tagonium castra habuisse, qui vt seculi illa barbaries erat, non oppida colere, nec per vicos habitare, sed antra & speluncas adiacentis montis incolere norant, & naturæ hoc munimine freti, Sertorium vt victum despicere: ille agrè contumeliam ferre, excidium ipsis minitari; sed frustra: obseruat interim speluncas omnes in Boream obuersas patere, vicinumque latè solum puluereum esse, illico iubet milites adiacentem terram suffodere, quasi aggerem admoturus. Barbari conatus eius risere: sequenti die spirante valido Aquilone, iubet milites aggerem quater, equitesque magis tellurè concutere, quò ventus excitati pulueris nubes in ipsorum ora oculosque volueret, quibus cùm nullum effugium pateret, repletis faucibus, spiritusque meatibus præclusis, tertia se illi die tradidere: magna Sertorii fama & gloria. quod non tam hostium, quàm naturæ victor esset.




CAP. LXXIV.

SEGVNTIA

SEGVNTIA HODIE SIGVENZA. VARIE OLIM VOCATA. Reiciuntur qui à Sagunto ortam dicunt.

20 *Seguntia* olim Celtiberorum vrbs non obscura, nunc leuiter deflexo nomine, *Siguenza* vocatur, Plinio *Saguntia*, Ptolemæo *Segobriga* Antonino in Itinerario *Segontia*, T. verò Liuius *Seguntia* dicta est. Est & altera *Segontia* versus fretum Herculeum, à Plinio nominata. Cuius vestigia hodie circa Gaudelete fluminis ripam conspici, & *Gisgonca* locum vocari, auctor est Ambrosius Morales. Antoninus etiam præter has inter Nertobricam & Cæsaream Augustam, *Secontiam* urbem recenset, quam Gaspar Barrerius *Muellam* dictam scribit, non dubiis coniecturis fretus: lubuit has ita strictim vrbes recensere, ne nominis affinitas Lectori erroris ansam præbeat. Statuit autem Antoninus *Segontiam*, inter Complutum & Bilbilim, & à Cessata M. P. XXIV. distare ait, qui sunt septem leuæ ab Hira (quæ Cessata est) *Siguentiam* vsque, licet hic parum exactè M. P. leucis respondeant. sed hoc mirari subiit, nonnullos, nulla mensuræ habita ratione, in mera meridie ita cæcutiisse, vt crediderint hanc urbem, *Saguntum* olim fuisse, nobilem illam memoria seruata in Romanos fidei. Sed magno à se mutuo interuallo distare quis ignorat? Ad Iberum enim *Saguntus* est, vt apud Liuium ceterosque Geographos videre est, à quo *Seguntia* plusquam XXX. leucarum interuallo distata est; alii vero à Saguntinis reliquiis conditam ferunt, inter quos est Ioannes Gillius Zamorrensis: sed citra probati alicuius Scriptoris suffragium. Nam & T. Liuius in bello Macedonico *Seguntia* meminit, quod extincto secundo bello Punico statim enatum est: dubio procul originis *Seguntia* meminisset, cùm recens apud o-
30
40
50
60
70
80
90
100
110
120
130
140
150
160
170
180
190
200
210
220
230
240
250
260
270
280
290
300
310
320
330
340
350
360
370
380
390
400
410
420
430
440
450
460
470
480
490
500
510
520
530
540
550
560
570
580
590
600
610
620
630
640
650
660
670
680
690
700
710
720
730
740
750
760
770
780
790
800
810
820
830
840
850
860
870
880
890
900
910
920
930
940
950
960
970
980
990
1000
1010
1020
1030
1040
1050
1060
1070
1080
1090
1100
1110
1120
1130
1140
1150
1160
1170
1180
1190
1200
1210
1220
1230
1240
1250
1260
1270
1280
1290
1300
1310
1320
1330
1340
1350
1360
1370
1380
1390
1400
1410
1420
1430
1440
1450
1460
1470
1480
1490
1500
1510
1520
1530
1540
1550
1560
1570
1580
1590
1600
1610
1620
1630
1640
1650
1660
1670
1680
1690
1700
1710
1720
1730
1740
1750
1760
1770
1780
1790
1800
1810
1820
1830
1840
1850
1860
1870
1880
1890
1900
1910
1920
1930
1940
1950
1960
1970
1980
1990
2000
2010
2020
2030
2040
2050
2060
2070
2080
2090
2100
2110
2120
2130
2140
2150
2160
2170
2180
2190
2200
2210
2220
2230
2240
2250
2260
2270
2280
2290
2300
2310
2320
2330
2340
2350
2360
2370
2380
2390
2400
2410
2420
2430
2440
2450
2460
2470
2480
2490
2500
2510
2520
2530
2540
2550
2560
2570
2580
2590
2600
2610
2620
2630
2640
2650
2660
2670
2680
2690
2700
2710
2720
2730
2740
2750
2760
2770
2780
2790
2800
2810
2820
2830
2840
2850
2860
2870
2880
2890
2900
2910
2920
2930
2940
2950
2960
2970
2980
2990
3000
3010
3020
3030
3040
3050
3060
3070
3080
3090
3100
3110
3120
3130
3140
3150
3160
3170
3180
3190
3200
3210
3220
3230
3240
3250
3260
3270
3280
3290
3300
3310
3320
3330
3340
3350
3360
3370
3380
3390
3400
3410
3420
3430
3440
3450
3460
3470
3480
3490
3500
3510
3520
3530
3540
3550
3560
3570
3580
3590
3600
3610
3620
3630
3640
3650
3660
3670
3680
3690
3700
3710
3720
3730
3740
3750
3760
3770
3780
3790
3800
3810
3820
3830
3840
3850
3860
3870
3880
3890
3900
3910
3920
3930
3940
3950
3960
3970
3980
3990
4000
4010
4020
4030
4040
4050
4060
4070
4080
4090
4100
4110
4120
4130
4140
4150
4160
4170
4180
4190
4200
4210
4220
4230
4240
4250
4260
4270
4280
4290
4300
4310
4320
4330
4340
4350
4360
4370
4380
4390
4400
4410
4420
4430
4440
4450
4460
4470
4480
4490
4500
4510
4520
4530
4540
4550
4560
4570
4580
4590
4600
4610
4620
4630
4640
4650
4660
4670
4680
4690
4700
4710
4720
4730
4740
4750
4760
4770
4780
4790
4800
4810
4820
4830
4840
4850
4860
4870
4880
4890
4900
4910
4920
4930
4940
4950
4960
4970
4980
4990
5000
5010
5020
5030
5040
5050
5060
5070
5080
5090
5100
5110
5120
5130
5140
5150
5160
5170
5180
5190
5200
5210
5220
5230
5240
5250
5260
5270
5280
5290
5300
5310
5320
5330
5340
5350
5360
5370
5380
5390
5400
5410
5420
5430
5440
5450
5460
5470
5480
5490
5500
5510
5520
5530
5540
5550
5560
5570
5580
5590
5600
5610
5620
5630
5640
5650
5660
5670
5680
5690
5700
5710
5720
5730
5740
5750
5760
5770
5780
5790
5800
5810
5820
5830
5840
5850
5860
5870
5880
5890
5900
5910
5920
5930
5940
5950
5960
5970
5980
5990
6000
6010
6020
6030
6040
6050
6060
6070
6080
6090
6100
6110
6120
6130
6140
6150
6160
6170
6180
6190
6200
6210
6220
6230
6240
6250
6260
6270
6280
6290
6300
6310
6320
6330
6340
6350
6360
6370
6380
6390
6400
6410
6420
6430
6440
6450
6460
6470
6480
6490
6500
6510
6520
6530
6540
6550
6560
6570
6580
6590
6600
6610
6620
6630
6640
6650
6660
6670
6680
6690
6700
6710
6720
6730
6740
6750
6760
6770
6780
6790
6800
6810
6820
6830
6840
6850
6860
6870
6880
6890
6900
6910
6920
6930
6940
6950
6960
6970
6980
6990
7000
7010
7020
7030
7040
7050
7060
7070
7080
7090
7100
7110
7120
7130
7140
7150
7160
7170
7180
7190
7200
7210
7220
7230
7240
7250
7260
7270
7280
7290
7300
7310
7320
7330
7340
7350
7360
7370
7380
7390
7400
7410
7420
7430
7440
7450
7460
7470
7480
7490
7500
7510
7520
7530
7540
7550
7560
7570
7580
7590
7600
7610
7620
7630
7640
7650
7660
7670
7680
7690
7700
7710
7720
7730
7740
7750
7760
7770
7780
7790
7800
7810
7820
7830
7840
7850
7860
7870
7880
7890
7900
7910
7920
7930
7940
7950
7960
7970
7980
7990
8000
8010
8020
8030
8040
8050
8060
8070
8080
8090
8100
8110
8120
8130
8140
8150
8160
8170
8180
8190
8200
8210
8220
8230
8240
8250
8260
8270
8280
8290
8300
8310
8320
8330
8340
8350
8360
8370
8380
8390
8400
8410
8420
8430
8440
8450
8460
8470
8480
8490
8500
8510
8520
8530
8540
8550
8560
8570
8580
8590
8600
8610
8620
8630
8640
8650
8660
8670
8680
8690
8700
8710
8720
8730
8740
8750
8760
8770
8780
8790
8800
8810
8820
8830
8840
8850
8860
8870
8880
8890
8900
8910
8920
8930
8940
8950
8960
8970
8980
8990
9000
9010
9020
9030
9040
9050
9060
9070
9080
9090
9100
9110
9120
9130
9140
9150
9160
9170
9180
9190
9200
9210
9220
9230
9240
9250
9260
9270
9280
9290
9300
9310
9320
9330
9340
9350
9360
9370
9380
9390
9400
9410
9420
9430
9440
9450
9460
9470
9480
9490
9500
9510
9520
9530
9540
9550
9560
9570
9580
9590
9600
9610
9620
9630
9640
9650
9660
9670
9680
9690
9700
9710
9720
9730
9740
9750
9760
9770
9780
9790
9800
9810
9820
9830
9840
9850
9860
9870
9880
9890
9900
9910
9920
9930
9940
9950
9960
9970
9980
9990
10000

Sita hæc vrbs est in cliuo, muris egregiè vallata, & adiuncta arce, collis pedem flumen *Henares* alluit: Episcopali dignitate ornata est iam pridem, vt frequentes in prouincialibus Hispaniæ Conciliis subscriptiones *Seguntinensis Episcopi* testantur. Templum habet non vulgaris operis, binis turribus conspicuum: multa hic marmorea sepulcra Præsulum, & illustrium virorum se offerunt spectantibus. inter cetera *S. Liberate* affabrè ornatum visitur, quod ibi magna in religione habetur. Episcopo in annuos vsus supra XX. aurebrum millia cedunt. Habet etiam *Seguntia* liberalioris disciplinæ, & Theologiæ Collegium non spernendum.



CAP. LXXV.

BILBILIM NON ESSE CALATAIUD. MUNICIPIVM
fuit. Cognominata Augusta. Salone amne clara & ferri temperie.
Plinius emendatus.

SIta est *Calataiud* in Celtiberis, quam plerique festiuissimi Poetæ Martialis (quem Ælius verus Imperator *suum* appellabat *Virgilium*) credidere patriam, Bilbilim inquam; sed refellit receptam hanc opinionem diligentissimus Gaspar Barrerius. potissima illa ratio à situ petita: *Calataiud* enim in conualle; *Bilbilis* verò in monte posita erat, ut non semel testatur Martialis. ita enim ad Lucianum:

Videbis altam Liciane Bilbilim

Aquis, & armis nobilem.

Ita enim felicissimè emendauit primus Hieronymus Surita Cæsaraugustanus, homo doctissimus, cum passim legeretur, *Equis & armis nobilem*. Bilbilitanos enim equos, magno in pretio fuisse non vidi qui scriberet: non enim est

Aptus equis Ithacæ locus,

dicebat ille, cum in aspero monte sit: aquis verò nobilitatam esse Salonis amnis, quibus optimum hodieque armis ferrum temperetur, & incolæ testantur, & Trogus Pompeius, ac Plinius auctores. clariùs verò *Bilbilis* situm exprimit S. Paulinus ad Ausonium præceptorem hisce versibus:

Montanamque mihi Calagurim, & Bilbilim acutis

Pendentem scopulis, collemque iacentis iter de

Exprobras.

Idem verò Martialis patriæ suæ situm alibi clariùs explicat:

Municipes Augusta mihi, quos Bilbilis acris

Monte creat, rapidis quos Salo cingit aquis.

Ita enim legit ibidem doctissimus Surita, & Ant. Augustinus, cum antea passim legeretur *Agri*, loco *Acris*, quæ verè agrestis, & insulsa erat lectio. cum itaque *Bilbilim* editiori loco sitam fuisse constet, non poterit esse *Calataiud*, quæ humiliori loco est. Adde *Bilbilim* vniuersam pœnè Salone cinctam fuisse, ut ex versu superiori constat: *Calataiud* verò Salone tantum alluitur. mons etiam, vbi olim *Bilbilis* fuit, nunc corrupto nomine *Baubula* vocatur ab incolis, media leuca distans à *Calataiud*, vbi multa antiquarum ædium vestigia visuntur. Frequentia hic etiam Romanorum numismata erunt, quæ, quia rudi plebi ignoto, mille figmentorum occasionem præbent. Illud pro rato saltem habent, his in locis quondam inclytam, & populosam urbem fuisse. Minimè etiam prætereundum, *Bilbilim* olim municipium fuisse, & *Augustam* cognominatam: cuius rei licet à Plinio non fiat mentio, innuere satis clarè videtur Martialis supra citato versu:

Municipes Augusta mihi quos Bilbilis acris

Monte creat.

Idem antiqua numismata ostendunt, quorum vnum adducit Ant. Augustinus cum hac inscriptione, in medio inscriptum habet: II. VIR. & circumcirca: M. AVGVSTÆ. BILBILIS. M. SEMP. TIB. L. LIC. VARO. Amne autem Salone olim inclyta, cuius mirifica vis in durando ferro est, ut diximus, & non semel innuit Martialis, præcipuè hoc versu lib. IV. Epig. V.

Grato non pudeat referre versu

Sæuo Bilbilin optimam metallo:

Quæ vincit Chalybasque, Noricosque,

Et ferro Plateam suo sonantem:

Quam fluctu tenui, sed inquieto

Armorum Salo temperator ambit.

Locus hic me monet, Plinium à mendo aut à Scriptoris potiùs incuria vindicandum lib. 34. cap. 14. de ferro agentem: *Alicubi*, inquit, *vena bonitatem hanc præstat, ut in Noricis, alicubi factura, ut Sulmone aqua: ut diximus.* Sed quis quæso *Sulmonem* aquam ferro bonitatem præstare scribit? non licuit vidisse hactenus. Et quod mirum, ipse *Sulmonensis* Poeta nihil hac de re, solum ait:


Sulmo mihi patria est, gelidisque vberimus undis.

Quare

Quare secundo Delio legerem, *Salone aqua*. ipse hoc auctor ostendit, cum ait, *Vti diximus*: nusquam enim toto hoc capite de *Sulmone* verbum, de *Salone* satis clarè: paulo enim superius dixerat: *Summa autem differentia est in aqua, cui subinde candens immergitur, hæc alibi atque alibi utilior, nobilitavit loca gloria ferri, sicuti Bilbilim in Hispania, & Turiaßonem; Comum in Italia*. Sed quæ aqua *Bilbilim* nobilitat, præter *Salonem*? cur *Sulmonem*, si idem faceret, præterisset Plinius, in *Italia* alioquin laudes satis effusus? tanta autem temperaturæ illius erat gloria, ut teste Iustino ex Trogo Pompeio, inter Hispanos nulla arma in pretio fuerint, præter ea quæ *Bilbilis* aut *Chalybis* aquis erant temperata. Sed præter ferrigloriam, auro etiam gloriabatur olim, teste Martiale lib. XII. Epigr. XVIII.

Auro Bilbilis, & superba ferro.

Sed satis extra carceres euagatus sum; Manibus hoc optimi Poetæ datum sit, ne patria eius hominum memoria exfularet. *Calataiud* verò ex *Bilbilitanis* ruinis accuuisse vicinitas loci facit ut credam. Dimidia enim leuca tantum ab illa distat. Ex præcipuis *Aragonix* hoc æuo vrbibus est, subdita *Turiaßonenſi* Episcopo: solum habet fecundum, frumenti, vini, olei, frugiferarumq; arborum patiens: omnis generis opifices alit. Quod ad nominis originem spectat. *Beuterus* auctor est, quendam è *Punicis* Regibus nomine *Aiub*, *Bilbilim* bellis dirutam restituisse, & nomine suo vocasse *Calataiub*. Veritas sit penes auctorem. Incolæ quoque etiamnum hodie armorum se ferrique præstantia, & gloria iactant.



CAP. LXXVI.

*TVRIASSO HODIE TARAZONA. FERRI TEM-
perie clarus. Mons Caunus. Martialis emendatus.*


Non incelebris est *Tarazona*, in *Aragonix*, & *Castellæ* limitibus sita, quam *Ptolemæus* inter *Celtiberos*, *Turiaßonis* nomine collocat; *Plinius* *Cæsaraugustani* illam conuentus facit. Urbis huius incunabula *Lucius Marineus*, *Rodericus Toletanus*, alique *Hispaniæ* Scriptores ad *Tyrios* & *Ausonios* referunt, qui cum *Hercule* secundo in *Hispaniâ* venerunt. *Beuterus*, *Ioannes Marieta*, alique non ad *Tyrios*, sed ad *Turios* *Italia* populos in *Tarentino* sinu (quo loci *Herodotum* suam scripsisse Historiam auctor est *Plinius*) originem referunt: sed quia hæc nullius classici auctoris sunt firmata suffragiis, penes Lectore sit iudiciû. Romano æuo non obscuri nominis vrbs: siquidem egregia ferri temperies, quam aquæ illi tabministrant (non secus ac *Bilbili*, ut modo diximus) tenebris illam exemit, ut auctor est *Plinius* lib. XXXIV. cap. XIV. loquitur autem de aquis: *Hæc alibi atque alibi utilior nobilitavit loca gloria ferri, sicuti Bilbilim in Hispania & Turiaßonem, Comum in Italia: cum ferraria metalla in his locis non sint*. Hanc *Alphonſus VII.* vnâ cum *Calataiud* aliisque vrbibus *Mauris* eripuit circa annum clb. CX.

Sita est vrbs non procul à monte *Cauno*, quem incolæ *Moncayo*, recentiores verò montem *Caci* vocant, à *Caco* illo *Vulcani* filio, qui ab *Hercule* postea in *Italia* cæsus fuit, nomen obtinuisse ferunt: sed meras nugas effundere hos, qui *T. Liuium* ebiter legerit deprehendet: qui lib. XLIX. refert, *Gracchum* cum *Celtiberis* à prima luce ad sextam horam diei signis collatis ad montem *Caunum*, incerta victoria pugasse. An verò hic mons *Caunus* idem sit cum monte *Cano*, vel *Cato*, (variant enim exemplaria) apud *Martialem*, lib. I. Epigr. ad *Licianum*:

*Sterilemque Canum niuib; & fractis sacrum
Vadaueronem montibus.*

non abhorret animus ut credam, & *Caunum* potius legendum. nam *Canis* vel *Cati* montis, in *Celtiboria* non vidi qui meminerit.

Camporum glebis felicissima, & annonæ copia abundans: Episcopali dignitate à multis seculis ornata, atque inter suos Præfules *B. Prudentium* habuit, imperante *Gratiano*, ut refert *Tarapha*: qui à Poeta *Prudentio* diuersus fuit. Scripsit non pauca aduersus *Sabellianos*, & *Iudeos*, quo etiam tempore claruisse *Rufum Festum Auienum*, eruditum Poetam *Hispanum*, auctor est *Ioannes Valsæus* in *Chronico*.




C A P. LXXVII.

CLVNIA HODIE CRVNA DEL CONDE. MVNICIPI-
um olim Sulpitia dicta. Plutarchus emendatus.

Romanorum tempestate, præclarum fuisse oppidum *Cluniam*, nemo vel leuiter in historiis versatus negabit; utpote in quo iuridicus Conuentus agebatur, ut auctor est Plinius, qui in Aeuacis illud esse, & Celtiberiæ finem ait. ut & Ptolemæus, qui & *Coloniā Cluniam* vocat. Ant. Augustinus Dialogo VIII. ex Tiberii Cæsaris nummo docet olim etiam Municipium fuisse *Cluniam*. Cl. vir Læuinus Torrentius in Suetonium ex antiquo numismate, *Cluniam Sulpitiam* dictā refert. In Antonini Itinerario mendose legebatur hoc nomen, *Raudacluniam* coniunctim, cum duæ sint mansiones, & separatim legendæ, ut monet Hieronymus Surita. Apud Plutarchum etiam in Galba deprauate legitur *Κολωνία* pro *Κλενία*, cuius hæc sunt verba: αὐτὸς δὲ μετὰ φίλων εἰς Κολωνίαν Ἰβηρικὴν πόλιν ἀναχώρησας. i. Rursus vero cum amicis in *Coloniā Hispaniæ urbem* recessit. Ex Suetonio enim in Galbā *Cluniam* esse legendū in aperto est, ubi loquitur, quod secundis auspiciis ad imperium capeffendum confirmaretur Galba: Tanto magis, inquit, quod illa carmina sacerdos Iouis *Clunie*, ex penetrali, somnio monitus eruerat: ante ducentos annos similiter a fatidica puella pronuntiata. Auctor est Dion lib. XXXIX. Metellum Nepotem a Vaccæis, oppugnantem *Cluniam*, superatum fuisse, & urbem obsidione liberatam.

Hoc æt̃o *Ciudad real* esse antiquam *Cluniam* credit Iosephus Moletius, sed perperam; siquidem *Ciudad real* prope Alcantaram est, quæ procul admodum ab Aeuacis distat; Antonio vero Nebriscensi, Floriano Occampio & Ioan. Vascō *Crunna del conde* vocatur (ad differentiam *Crunna*, quæ est in Gallæcia) quæ ab *Vxama*, seu *Oisma* sex leucis differt, nec abludente multum vocabulo. Facilis enim lapsus est a *Clunia* in *Crunnam*, licet nonnulli suspicentur locum vrbi vicinum, ubi nunc D. Virginis ædicula est, & *Castro* vocatur, *Cluniam* olim fuisse. Fidem faciunt dirutæ vrbis vestigia, & sparsæ quædam amphitheatri, aliæque non spernendæ antiquitatis reliquiæ. Auctor est Ioannes Vascus hoc in loco repertum fuisse ante paucos annos sigillum conuentus *Clunien*sis: quod penes oppidi comitem adseruatur. Non procul ab hac vrbe feruntur laudatissimi iaspidis feraces esse latumiæ.



C A P. LXXVIII.

NUMANTIA DIVTISIME ROMANIS RESTITIT. GE-
rundenſis Episc. duplex error. Ridicula opinio de etymo. Non esse Zamoram
sed Soriā. Pomponius Mela defensus.

Occurrit nunc summum illud Hispaniæ decus, & urbium, si viros spectes, princeps *Numantia*; quæ licet multis Hispaniæ urbibus, murorum ambitu, opibusque inferior fuerit, bellica tamen gloria, & vera virtute cunctis superior. nam sine muro & turribus ciues patriæ erant propugnaculo, non secus ac prisci Spartani. Et cum tantum quatuor armatorum millia essent, teste L. Floro; seu ut Appiano placet, octo millia, maximos exercitus P. Romani, non solum per viginti annos, Strabone teste, sustinuit fortissime, sed magnis cladib⁹, & pudendis fœderibus frequenter affecit: ita ut Numantini viri non vocem, non conspectum ferret Romanus miles. Sed tandem a fatali vrbi-um euersore Scipione Africano victa fuit: si victa dici posset, quæ nullum de se hostibus gaudium, nec spolia quidem reliquit. Vnde Florus: *Vnus enim vir Numantinus non fuit, qui in catenis duceretur: prada, ut de pauperibus, nulla arma cremauerant: triumphus fuit tantum de nomine.* Græci tamen Scriptores a Romanis hac in re dissentiunt, Strabo paucos superfuisse dicit, qui cedentes murum dederunt, Appianus vero: se suaque Scipionis arbitrio permisisse, eumque quinquaginta triumpho reservasse, ceteros sub hasta vendidisse. mulieres vero etiam libertatis retinendæ adeo pertinaces fuere, ut referat Petronius Arbitr in Satyrico: *Inuentas esse matres capta vrbe, quæ liberorum suorum semesa corpora in sinu tenerent.* Sed satis extra orbitam.

Sita erat in Pelendonibus Celtiberiæ populis, teste Plinio non procul ab amnis Durii

Durii exortu, modice edito in tumulo: Ptolemæus in vicinis Areuacis statuit. Ambitu suo, teste Appiano in Ibericis, complectebatur M. P. bis mille octingenta & octuaginta; Orosius ad tria millia extendit. Non possum non mirari Io. Margatinum Episc. Gerundensem, hominem Hispanum, tam soluto animo fuisse, ut asserat, *Numantiam* ad oram Iberi fluminis sitam, & urbis radices ab hoc amne rigari, repugnantibus omnibus classicis auctoribus. Idem asserit à Numidis conditam, quæ opinio ne scintillam quidem veritatis præ se fert, præter nominis aliquam affinitatem: cuius farinæ est, quod ab Ant. Guevara Imp. Caroli V. Historiographo dicitur, à Numa Pompilio II. Rege Romanorum, conditam.

- 10 *Numantiam* olim fuisse, vbi nunc Soria est, melior Scriptorum pars asserit: licet nonnulli credant fuisse, vbi nunc ignobilis vicus est *Garay* dictus, ibique perantiqui pontis vestigia adhuc seruantur, ut adstruit Ambr. Morales; sed cum exigua sit admodum distantia, nolim de re nauci anxie rixari. Sufficiat in Soriano agro fuisse nobilem illam urbem. Nam quod Lucas Tudensis aliique imi subsellii auctores asserant, *Zamorram* eo loci nunc esse; quo priscis seculis *Numantia*, præterquam quod Plinio nimis clare repugnet, qui dicit prope Durii exortum illam fuisse, à quo *Zamorra* procul admodum distita est, refellit hos diligentissime Ant. Nebrissenis decadis I. lib. V. cap. IV. Non possum, quin hoc loco Pomp. Melam optime de Hispania meritum à stigmatē male illi ab Episcopo Gerundensi inuito, vindicem: ait enim lib. I. Paralipomenon, Melam asserere, Cæsaraugustam nunc esse, quæ olim *Numantia*; cum ne per somnium hoc illi exciderit. Sed lubet tabulis resignatis agere: sic enim hic lib. II. cap. VI. *In Tarraconense urbes clarissima fuerunt Pallentia & Numantia. Nunc est Cæsaraugusta.* Non dicit Cæsaraugustam esse *Numantiam*, sed suo æuo clarissimam esse urbium Tarraconensis prouinciæ, ut olim fuere *Numantia & Palentia*. Quis ferat tantam oscitantiam in tam graui auctore reprehendendo. Paulus quoque Orosius, *Numantiam* Metropolim olim vniuersæ Gallaciæ fuisse asserit. Zamorrenses testimonium hoc Hispani scriptoris sibi patrocinari credunt, sed toto cælo aberrare eos facit diuisio Hispaniæ, tempore Orosii, quo Gallaciæ termini *Numantiam* vsque extensierant: ut bene obseruauere Hieronymus Surita & Ambr. Morales.




C A P. LXXIX

FLAVIOBRIGA NVNC BILBAO. OLIM HIC AMANVM
portus. Situs eius & descriptio.

- QVÆ vernaculæ *Bilbao*, antiquorū *Flauiobrigam* credunt esse, Moletius & Tarapha: quā Ptolemæus inter Autrigones recenset. Io. Marietta carpit Ant. Nebrissensem, quod *Bilbao* putarit *Flauiobrigam* olim dictam; dicitque non antiquam esse, utpote ex-
40 structam à Didaco Lopez de Haro, Cantabriæ Domino, an. M. CCC. eo loci, vbi olim Amanum portus fuit, nescius à Plinio statui *Flauiobrigam*, vbi Amanum portus olim fuit, lib. IV. cap. XX. auctor est Tarapha, in Vespasiani honorem prænomen *Flauii* inditum: non defuere qui hanc urbem Martialis patriam *Bilbilim* nimis impudenter asseruerint: sed hos somniare clarū; quare hos ad Atlantes relegandos auctor sim, vbi memorantur somnia non videri.

- Urbs est Cantabriæ præcipua, non solum ob situs opportunitatem, sed & ob vberem annonæ copiam, & mercatorum insignem concursum. Sita est loco plano: à mari distat duobus miliaribus, loco egregie portuoso: aere vitur temperato & salubri admodum, qua parte continentem spectat. Magnos habet obiectos montes, ut nec frigori nimio obnoxia sit, nec calori: annonam hic tanta affluere copia aiunt, ut nulla pene in Hispania urbs sic hac in re illi comparanda. Piscium omne genus vicinum mare larga manu suppeditat. Lanæ hic commercium summo opere viget, ut quotannis circiter
50 quinquaginta naues, in varias partes hic onerentur: puellæ hic passim incedunt capite nudo, & tonso capillitio: nec virginib⁹ fas est, antequam nuptæ sint, aut capillum alere, aut caput peplo velare: Lacedæmoniorum pene more, quæ intecto corpore, donec nupserant, incedebant:




CAP. XXC.

POMPELON POMPEIO EXSTRUCTA. DIVERSA.

Pompeii trophæis. Vbi hæc exstant. Occupatur à Ferdinando Rege.

Sublato per domesticas insidias Q. Sertorio, sedatisque Hispaniæ motibus, Cn. Pompeius ad optatum triumphum festinans, *Pompelonem* urbem inter Vascones condidit, quasi *Pompeiopolim* vocans, teste Strabone lib. III. quam etiam à Ptolemæo putant quidam *Martuam* dictam, hodie regni Nauarræ metropolis est. ridiculum est Lucæ Tudensis figmentum, de urbis etymo. Refert enim *Pompelonam* dici, quasi *Bamba Lunam*, quod Rex Bamba ciuitatem ampliauit, nomenque antiquum *Martuæ* oblitte-
 ratum. Conuentus erat olim Cæsaraugustani, teste Plinio, qui cum initio capitis III. lib. III. dixerat Pompeium in Pyrenæo trophæa statuisse, quibus testabatur DCCC. XLVI. oppida ab Alpibus, ad fines vltioris Hispaniæ in ditionem à se redacta, credidit Pet. Antonius Beuterus, hæc trophæa Pompeii nihil aliud fuisse, quam à Pompeio exstructam urbem *Pompelonam*, in memoriam rerum ab se gestarum: sed coïmentitium hoc esse quis non videat? cum eodẽ modo cõstet, Augusto Cæsari victis Alpinis gentibus, in ipsis Alpibus erecta trophæa: cuius inscriptionẽ videre est apud Plinium lib. III. 20
 cap. XX. Adde Pompeii trophæorum adhuc hodie non obscura vestigia exstare. Refert enim Ioannes Mariana lib. III. cap. XVI. & Ambr. Morales lib. 8. c. 22. in *Andorre*, & *Altauacæ* Pyrenæi conuallibus, exstare circulos ferreos, liquato plumbo rupibus affixos, decem amplius pedum ambitu, quibus affigi trophæa solent: cui rei fauent triumphalium fornicum imagines, vt Emeritæ conspiciuntur. qua de caussa diligentissimus Abr. Ortelius in antiquæ suæ Hispaniæ descriptione, *Pompelonem* inter Vascones, trophæa vero Pompeii, prope Ruscionem & Salulas collocat; Strabo trophæa Pompeii prope Iuncarium campum statuit, qui non procul à Ruscione est.

Sita autem est vrbs, non procul à Pyrenæi radicibus, in fertilissimis Nauarræ campis, ad flumen Argam vocatum: ciuitas est magna, & opulenta. Auctor est Beuterus, 30
 & Ioannes Vascus urbem hanc Christi religione, in ipsius Ecclesiæ primordiis imbutam esse, idque à *S. Saturnino*, qui à D. Petro Roma missus, XL. amplius hominum millia, septem dierum spatio, ad Christum traduxit, & in his *S. Firminum*, ciuem Pompelonensem, quem & Ecclesiæ præfecisse, & Ambionensi in vrbe postea martyrio affectum ferunt sacræ Martyrum tabulæ. In hunc vsque diem Episcopalis dignitas permanfit. Vrbs hæc cum vniuerso Nauarræ regno, anno clv. D. XII. à Ferdinando Castellæ & Aragoniæ Rege occupatur: Ioanne primum Rege à Iulio II. Pont. Max. habito pro schismatico.



CAP. XXCI.

DVPLEX CALAGVRIS. TARAPHÆ ERROR. FIDISSIMA suis ducibus. Egregia inscriptio.

Dvas in Hispania citeriore *Calaguris* nomine fuisse vrbes, auctor est Plinius; quarum vna *Nascica* cognominata, inter Nascicos populos collocata, prope Oscam, quam & *Municipium Calagurim Iuliam Nascicam* ex antiquo nummo dicunt vocari, Amb. Morales & Hieronymus Súrta: cuius hodie ne vestigia quidem supersunt. Altera vero *Calaguris fibularia* vocata *Calagorina* vero Ptolemæo; nostro æuo *Calahorra* dicta. Conuentus erat 50
 olim Cæsaraugustani: Franciscus Tarapha hoc nomen à C. Caligula illi inditum putat. non credidissẽm Tarapham, tam obesæ naris fuisse, vt tales tricas adstrueret: cum legerit apud Iulium Cæsarem bello quod aduersus Petreium & Afranium gessit, *Calaguris* mentionem. T. Liuius etiam lib. XXX. meminit magni prælii prope Calagurim commissi, inter Celtiberos & Romanos, duce L. Manlio Acidino, Pratore citerioris Hispaniæ: in quo ad XII. Celtiberorum millia cesa, capta ad duo M. fuere. quæ sane omnia multis lustris ante Caligulam gesta fuere.

Sita autem est vrbs ad Iberiæ ripas, & quidem in monte, vnde Paulinus ad Aufonium:

Monta-

*Montanamque mihi Calagurim, & Bilbilim acutis
Pendentem scopulis, collemque iacentis Ilerda
Exprobras?*

Rara in primis in duces suos fide, sed in Q. Sertorium clara admodum, quæ nec morte eius interrupta fuit. qui, ut auctor est Val. Maximus lib. VII. cap. VI. *Quo perseverantius interemti Sertorii cineribus, obsidionem Cn. Pompeii frustrantes, fidem præstarent, quia nullum iam aliud in urbe eorum supererat animal, uxores suas, natosque ad usum nefarie dapis verterunt, quoque diutius armata iuventus, viscera sua visceribus suis aleret, infelices cadaverum reliquias salire non dubitavit.* Hoc etiam Iuvenalis Satyra XV. innuit his versibus:

10 *Vascones: ut fama est, alimentis talibus usi
Produxere animas: sed res diversa: sed illic
Fortuna invidia, bellorumque ultima, casus
Extremi, longa dira obsidionis egestas.*

Iugi tandem obsidione eam Afranius Cn. Pompeii legatus occupatam, ecce incendiog; deleuit. Publicum illud & infelix exemplum, & cum quovis prisce cui comparandum, peculiare Bebricii Calaguritani confirmat: quod prope Lauronam (Logrono hodie) antiquus cippus, referente Ambrosio Morales, ostendit.

DIIS. MANIBVS.

Q. SERTORII.

20 ME. BEBRICIVS. CALAGVRITANVS:

DEVOVI.

ARBITRATVS.

RELIGIONEM. ESSE.

EOI. SVBLATO.

QVI. OMNIA.

CVM. DIIS. IMMORTALIBVS:

COMMVNIA. HABEBAT.

ME. INCOLVMEM:

RETINERE. ANIMAM.

30 VALE. VIATOR. QVI. HÆC. LEGIS:

ET. MEO. DISCE. EXEMPLO.

FIDEM. SERVARE.

IPSA. FIDES:

ETIAM. MORTVIS. PLACET.

CORPORE. HVMANO. EXVSTIS.

Cuius fidelitatis memor Aug. Cæsar Cohortem Calaguritanorum, in corporis sibi custodes delegit, ut auctor est Suetonius in Augusto.

Fabii Quintiliani Rhetoris præstantissimi natalibus nobilitata; qui sub Nerone, à Galba Romam fuit adhuc adolescens perductus. Is cum causis agendis magnum sibi
40 nomen comparasset, primus Romæ publicam scholam instituit, atque ex fisco salarium accepit, ut testatur D. Hieronymus ad Eusebii Chronicon his verbis: *Quintilianus ex Hispania Calaguritanus, primus Romæ publicam scholam tenuit, & salario cohonestatus publico claruit.* vnde & Ausonius in commemoratione Rhetorum Burdigalensium:


Afferat usque licet Fabium Calaguris alumnus,

Non sit Burdigala dum cathedra inferior.

Episcopatum habuit non incelebrem olim, nec hodie eo caret. Non defuere, qui crederent Calagurim, B. Dominici patriam, vocum affinitate decepti: nempe Callarogæ illius patriam, & Calahorre eadem oppida putantes. Martyres patronos habuit SS:

Emetrium & Chelidonium, milites legionarios, Marcelli Centurionis

50 filios, quos Aurelius Prudentius Hymno peculiari prosequitur:



C A P. XXCII.

CÆSARAVGVSTA.

CÆSARAVGVSTA COLONIA IMMVNIS. SALDVBA

*vocata. Variæ opiniones & fabula de prisco nomine refelluntur. Colonia
huc ab Augusto deducta.*

INter nobilissimas totius Hispaniæ vrbes, iure referetur *Cæsaraugusta*, Aragoniæ Me-
tropolis: quam Ptolemæus in Edetania collocat, vt & Plinius; qui etiam Coloniam¹⁰
immunem, & primo *Saldubam* vocatam dicit. Pomponius vero Mela, suo tempore
nobilissimam Tarracōnenfis prouinciæ urbem, ex Mediterraneis dicit fuisse. De anti-
qua eius appellatione multa neoterici comminiscuntur, quæ libet breuiter refellere,
ne aliis officias diutius faciant. Lucius Marineus, quia apud Plinium legerat, *Saldubam*
olim vocatam, dicit à Rege Mauritanæ Iuba exstructam fuisse, vnde illi nomen *Saldu-
ba*, tamquam *Iubæ domus*. Sed nullius hæc opinio momenti est. Nam cum duos tantum
Iubas constet fuisse, patrem scilicet, qui à C. Iulio Cæsare vna cum Corn. Scipione, fu-
sus fugatusque seipsum interemit: & filium eius, qui Romanis litteris ita liberaliter ini-
tius fuit, vt clarissimus apud Afros sui æui scriptor sit habitus, & ab Augusto Cæsare
in autum regnum restitutus. quorum neutrum in Hispania quidquam possedisse con-
stat, quo sublato totum Marinei commentum in auras euanescit. Io. Margarinus Episcopus²⁰
Gerundensis hanc urbem primo *Agrippam* à conditore suo dictam asserit, & in
suam sententiam vocat vel inuitos, Strabonem & Plinium, apud quos tamen ne ver-
bum quidem hac de re. Rodericus vero Ximenius Toletanus Archiepisc. lib. I. cap.
III. *Cæsaraugustam* primo *Auripam* vocatam fuisse autumat. Sed pari in errore cum
Gerundensi versatur. Io. Annius Viterbiensis *Saldubam* principera urbem fuisse tradit,
quam Tubal in Hispania exstruxit. Addit etiam in Bætica ab eodem urbem exstru-
ctā, quam Pomponius Mela *Dubal* vocauit. Non tam anxie ab Hercule quæsitus Hylas,
quam mihi hic locus; sed frustra. nam passim *Salduba* legitur. Quamobrem credo An-
nio Viterbiensi glaucomam ob oculos obiectam fuisse, vt quod non viderit, id se³⁰
vidisse putarit. Nisi forsan deprauato codice vsus fuerit. Gaspar Barrerius
eliminatis hisce fabulis portius à salinis frequentibus nomen fluxisse credit:
montes enim salis fecundos, non procul ab hac urbe distare in confessio est: D. vero Isi-
dorus à Cæsare Augusto exstructam & nominatam dicit. Vero tamen propius est, ante
Augusti tempora ignobile oppidum fuisse, & postea Coloniam huc deductam. Pro-
bat hoc æreus Augusti nummus, in quo vexillum erectum, hasta in base adfixa visitur
(quod signum erat deducendæ Colonix) ab vna parte Augusti effigies, cum hoc titulo:
AVGVSTVS. D. F. auersa vero parte: CÆSARAVGVSTA. M. POR. CN. FAB. II. VIR.

Sita est ad amnem *Iberum* (à quo vniuersa prouincia nomen sumsit) loco cam-
pestri, & patenti, in qua siue soli vbertatem, siue situs amœnitatem, urbis nitorem, &
ornamenta requiras nihil in ea deesse comperies, ædium splendore, nulli Hispaniarum⁴⁰
vrbi secunda: quam tamen Barcino audet æmulari, è laterculo coctili plurimum sunt.
vicos, plateasque latas, & apertas, ac pontem habet egregii operis, quo Iberus transitur.
Inter multa templa, quæ 17. maiora numerantur, præter 14. Monasteria, & alia minora fa-
na & Saccella, celeberrimū est & magnæ religionis, q. D. Virgini ad columnā, incolæ,
Nuestra Senora del pilar vocant. Posteris transmissum est, ædem hanc sacram primā esse,
quæ in orbe in Seruatoris nostri honorem exstructa fuit, idq; quo tempore D. Iacobus
Hispanias obibat, cui ferunt D. Virginem hac in vrbe apparuisse, cælesti fulgore cin-
ctam, dedisseque Apostolo ex iaspide columnam, vna cum sacrata effigie, vtque hoc in
templo locaretur mandasse. Conspicitur hic imago exigua Deiparæ Virginis, vndique
cancellis inauratis septa; coram vero quindecim argentæ lampades perpetuis lucen-
tibus. frequentia hic edita miracula loci pietatē auxere. hac in vrbe martyrum frequen-
tia tanta quanta vix alibi integris in prouinciis, vt innumerabiliū massa, & eius nomina
monasterium ostendit. Diocletiani enim & Maximiniani temporibus, Præses Dacia
vt funditus Christianorum in Hispania nomen deleret, per præconem denuntiavit, v-
qui vellent Christiani, Cæsaraugusta stata hora excedere, tuto & illæsos discessuros: qui
cum summo gaudio continuo se portis effunderent, repente militum copiis cincti, ad
vnum omnes pro Christo obtruncati sunt. Credebat nimirum immanis ille Dei hostis
hoc Christiani sanguinis torrente, nouæ ardorem fidei se instincturum. at frustra fun-
tyran-

tyrannus. Celebrati enim hi martyres innumerabiles, quos Prudentius libro de Coronis decorandos putauit, Hymno, quo Cæsaraugustæ vrbis sic meminit:

*Sola in occursum numerosiores
Martyrum turbas Domino parasti,
Sola prædiues pietate multa
Luce fruieris.
Omnibus portis sacer immolatus
Sanguis, exclusit genus inuidorum
Demonum, & nigras pepulit tenebras
Vrbe piata.*

10

Hac etiam vrbe D. Encratis (vulgò Engratia) Dynastæ cuiusdam Lusitanæ filia, & duci limitaneo Rhodani, prouinciæ Narbonensis Galliæ desponsa, cum XLIX. comitibus, ab eodem Daciano martyrio affecta fuit: quorum etiam omnium ibidem meminit Prudentius: postea verò ita subdit de S. Enkratide:

*Hic & Encrati recubant tuarum
Ossa virtutum, quibus efferati
Spiritus mundi violenta virgo
Dedecorasti.*

20

D. etiam Lambertus indigena, hic martyrio affectus fuit. Episcopatus est antiquissimus: tempore vero Alphonfi XI. à Ioanne XII. Pont. Max. in Metropolitanam dignitatem mutatus: cui quatuor subditi parent Episcopi, *Oscensis, Turiassonensis, Pompeionensis, Calaguritani*. Inter Episcopos habuit S. Braulionem, cui Isidorus libros viginti Originum eruditum sane opus inscripsit: doctrina verò conspicuos viros protulit *Antonium Augustinum* Archiepiscopum Tarraconensem, de Hispania omniq; adeò antiquitate optimè meritum, & *Hieronymum Suritam*, qui Antonini Itinerarium commendauit, & Aragoniæ concinnauit. D. verò Vincentii martyris natalibus præcipue se tollit hæc vrbs, licet aliqui Oscæ natum volunt, qui & sub Daciano Abulæ martyrio affectus. clarè enim Prudentius & ipse Cæsaraugustanus eum pro ciue agnoscit hymno citato:

30

*Noster est, quamuis procul hinc in vrbe
Passus ignota, dederit sepulcri
Gloriam victor prope litus alta
Forte Sagunti.*



CAP. XXCIII.

OSCA VICTRIX COGNOMINATA. A SERTORIO

hic scholæ instituta. Velleius Paterculus correctus.

40


QVÆ priscis Geographis *Oscæ*, recentioribus *Huescæ* leuiter flexo nomine dicitur: vrbs erat olim regionis Vescitaniæ (Surita verò *Vascitania* vult legi, Notis ad Antonini Itinerarium) Conuentus verò Cæsaraugustani, teste Plinio: Ptolemæus autem Illergetum esse, Franciscus Tarapha ex Manethone, dicit ab Osco Vetulonensi, qui Italiæ imperabat, exstructam fuisse: Episc. verò Gerundensis lib. II. Paralipomenon à Caco conditam credit, & *Oscam* vocatam, tanquam *Os caci*, multo ante Herculis in Hispanias aduentum eundemq; asserit Cacam, qui ab Hercule interfectus sit in Italia.

Spectatum admissi risum teneatis amici.

50

Sed cum de illius origine nihil liquidò mihi constet, satius de illa tacere putem, quam nugas asserere. Antonius Augustinus & Hieronymus Surita ex antiquis nummis aiunt urbem *Vitricem* cognominari. Hac in vrbe olim Q. Sertorius Latina, Græcæque linguæ Academiam erexit, teste Plutarcho in vita Sertorii, quo nobilissimos Hispaniæ adolescentes, eruditionis causa euocauerat; reipsa verò vt obsides haberet, erudiendi prætextu, quasi cum maturuisset ætas, in partem administrationis, & imperii eos admissurus: qui eadem in vrbe inter epulas à Perpenna aliisque coniuratis occisus, teste Velleio Paterculo lib. II. Tum M. Perpenna prætorius, è proscriptis, generis clarioris, quam animi, Sertorium inter cænam Aetoscæ interemit. Romanisque certam victoriam, partibus suis excidium, sibi turpissimam mortem pessimo auctorauit facinore. quo loco *Oscæ* legendum clarum est. Nusquam enim *Aetoscæ* mentio; licet Plutarchus Ap-

pianus, & Sallustius in Historiarum Fragmentis vrbis nomen prætereant, vbi Sertorius interfectus fuit. Claudius Puteanus, quo loco Strabo dicit Sertorium morbo extinctum, ἐπὶ λείπτῃ καὶ νόσῳ, feliciter ex Velleio emendat ἐπὶ λείπτῳ δ' ἐν νόσῳ. i. *Exstinctus est Osca.* apud Strabonem etiam lib. III. corruptè *Ileosca* legitur, loco *Osca* his verbis, loquitur de Iaccetania: *Hæc à Pyrenæis radicibus inchoans, in campos usque latius extenditur, & Ilerda ac Ileosca, Ilergetarum locis adiungitur, non procul ab Ibero.* Nusquam enim apud Ptolemæum, aliumve classicum scriptorem, *Ileosca* mentio inter Ilergetas, sed *Osca* passim. Hoc ævo ex Catalonia præcipuis vrbibus, Episcopali dignitate prædita, Tarraconensi Præfule, ex Constantini diuisione subiaceret. Academiam etiam habet antiquam, & à Sertorio, vt dixi, institutam: sed nulla re magis gloriantur incolæ, quam *D. Laurentium* ciuem habuisse, inuictum illum Christi Athletam, qui Romæ sub Decio Imp. martyrio affectus fuit. *D.* etiam *Orontium*, *D. Laurentii* fratrem.



CAP. XXCIV.

ILERDA.

ILERDA HODIE LERIDA. SARDONES VBI DE ORIGINE Ilerda. Sicani nomen à Sicori amne traxerunt. Antiqua hæc Academia.

Ilerda non ignota vrbis, ob res maximas circa illam à C. Iulio Cæsare, contra Afranium & Petreium Pompeii ducēs gestas. Ptolemæus inter Ilergetes annumerat, quos Fulvius Ursinus apud Abr. Ortelium, eosdem esse cum Illurgauonensibus Cæsaris facit. Sed exactius rimanti, non subsistit Fuluii coniectura: dicit enim Cæsar Illurgauonenses flumen Iberum attingere, quo Ilergetes non pertingunt, vt ex Ptolemæo liquet: potius credo hos *Illurgauonenses* eosdem esse, cum Ptolemæi Illergaonibus, qui ad Iberi ostia sunt. Plinius libro tertio capite tertio: *Ilerdenses*, ait, *Surdaonum gentis, iuxta quos Sicoris fluius.* Sed quo loco Surdaones? aut quis illorum præter Plinium meminit? Feliciter Gaspar Barrerius mendosum hunc locum sanat, ab Hermolao Barbaro, & Ferdinando Nonio Pintiano maximis viris præteritum, & *Sardonum* legendum censet. Erant enim *Sardones*, Ruscinonensis comitatus incolæ, qui hæc in partes forte se effuderant, vt etiam monet Beuterus. Pomponius sanè Mela horum meminit lib. II. cap. V. *Inde est, inquit, ora Sardonum, & parua flumina Thelis, & Thicis, vbi accreuerunt per sæcula: Colonia Ruscinum.* Plinius etiam lib. III. cap. IV. his verbis: *In ora regio Sardonum, intusque Consuarnorum, flumina Thelis, & Obris: quorum regionem etiam hodie, Campos de Cerdania nuncupari idem auctor est Barrerius: huius vrbis originem Ioannes Gerundensis Episc. lib. II. ad Illyricos refert, satis herculè remotè, & more suo ineptè. Nonnulli ex Stephani Byzantini obscuris verbis, ad Troianos referunt, quòd addat, Ileus autem Troianis Apollo dicitur.* Vibius Sequester ab *Ilerda* amne vrbis nomen inditum dicit, sed vbi gentium hic amnis? vel quis Sicorim *Ilerdam* vocatum scribit? viderint alii.

Sita verò est modico in colle, qui paulatim in vallem desinit, ad Sicoris amnis ripas, ob auriferas, quas vehit arenas, celeberrimi, vt ferunt Tarapha, & Lucius Marinus lib. XV. sed quia graphicè eius situm Lucanus exprimit, non pigebit eius versus ex lib. IV. adducere:

*Colle tumet modico, lenique excreuit in altum
Pingue solum tumulo, super hunc fundata vetusta
Surgit Ilerda manu, placidis prælabitur undis
Hesperios inter Sicoris non ultimus amnes.
Saxæus ingenti quem pons amplectitur arcu;
Hybernas passurus aquas.*

Aufonius etiam ad Paulinum *Ilerdæ* sic meminit:

*Aus qua deiectis iuga per scruposa ruinis
Arida torrentem Sicorim despectat Ilerda.*

A quo amne nonnulli credunt Siculos primum *Sicanos* appellatos: testis est Thucydides lib. VI. qui amnem hunc *Sicanum* appellat.

Vrbis muri ex viuo saxo structi: ædes non contemnendæ: suburbano agro Bacchus, Ceres & Pomona mirum in modum fauent; nec Pallas fecundâ oleam inuidet. Cathedrale templum affabrè exstructum, editiori vrbis loco situm. Vnde iucundus in subiectos campos prospectus patet. Episcopali dignitate à multis seculis ornata fuit, & sub Sergio huius vrbis Episcopo an. 528. prouinciale Concilium celebratum fuit,

sub Theodorico rege. Antiqua etiam Academia hic excitata an. c. l. CCC. quæ licet nec opulentis redditibus tumeat, nec splendidis ædificiis superbiat, vberes tamen hinc ingeniorum riuuli emanant, qui vniuersam Cataloniam fecundant. Et licet vrbs felici fati sit solo, vberes etiam quæstus ex falsamentis, & salitis piscibus, qui vndique huc aduehebantur, percipit, vnde Horatius librum suum alloquens:

Aut fugies Vticam, aut vnctus mitteris Ilerdam,

quasi diceret, vbi neglectui habebitur, folia eius cessura in piscium aut falsamentorum tectoria: non secus ac Persius alibi scribit,

Linquere nec scombros metuentia carmina nec thus.

- 10 Refert Lucius Marineus lib. X. Ilerdenses Valentia pondera, mensuras, & monetam dedisse; idque quo tempore Iacobus I. Aragonum Rex anno c. l. CC. XXXVIII. Valentiam obledisset, fanciens vt cuius ciuitatis ciues primò urbem irrupissent, illorum moneta ponderibusque Valentini vterentur. Ilerdenses ante omnes in urbem irruentes cò Coloniam deduxere, vnde in hodiernum diem Valentia publicis in litteris *Ilerdam* matrem vocat.



CAP. XXXV.

TARRACO.

- 20 *DE TARRACONIS ORIGINE. — SCIPIONVM OPVS. Dicitur Colonia Iulia Victorix Tyrrhenica. Strabonis lapsus. Circi vestigia. Inscriptiones veteres. Vno linoque nobilis.*

NObilissima est Hispaniæ Citerioris vrbs *Tarracon*, à quâ & vniuersa prouincia *Tarraconensis* vocata: de cuius primordiis, & conditore variè sentiunt Hispanicarum rerum scriptores. Annii Viterbiensis, aliq; triuiales ex opinione Berosi, à Tubale, filio Iaphet, conditam fuisse asseuerant, & lingua Aramea dictam fuisse *Tharacoam* quod pastorum congregationem illis significat: quorum ego opinionem nauci non fecerim, cum apud doctiores adulterina esse Berosi scripta hæc in confesso sit, & nugatoris Annii supposititium partum, vt Ioannes Goropius Becanus in Hispanicis, & in Originibus non semel ostendit. Gaspar etiam Barrerius, peculiari libello, Berosum, Manethonem, Metasthenem, ceterosq; eius fatinæ, quibus Annii tantopere innititur, ita excussit, vt imposturam, & laruam cuius detractam ostenderit. Franciscus Tarapha Ægyptios, duce quodam *Tarracone*, in Hispanias venisse, atq; ibi urbem in illius memoriam condidisse refert. Episcopus verò Gerundensis ad Herculem eius originem refert, atq; à Phœnicæ populis, quos *Aconitas* vocat (qui nuspiā sunt) conditam, dictamque *Tarraconem*, quasi *terram Acon*; sed mittamus hos nugivendulos, & secundioris famæ Scriptoribus innitamur,

- 40 *Queis meliore luto finxit præcordia Phæbus.*

Plinius itaq; Solinus, & Martianus Capella, vnanimi voce, Scipionum opus esse *Tarraconem*, sicut Carthaginem Pœnorum asserunt, non quòd prima vrbs fundamenta iecerint. Constat enim ante Scipionum aduentum ex T. Liuiò urbem fuisse, sed quòd ex obscura in clarissimam ciuitatem illorum opera euaserit: nam de primis eius initiis apud fide dignos auctores altum silentium. Colonia igitur fuit Scipionum *Tarraco*, cognominata *Iulia victrix Tyrrhenica*, vt ostendit doctissimus Ant. Augustinus, Antiquitatum dialogo VII. ex antiquis inscriptionibus tum *Tarracone*, tum *Barcinone* repertis. *Tarraconensis* huiusmodi est:

GENIO.

- 50 COL. I. V. T. TARRAC.
L. MVNATIVS. APRONIANVS.
II. VIR.
Q. Q. TESTAMENTO.
EX. ARG. LIB. XV.
PONI. IVSSIT.

Barcinone verò pluribus in locis hæc conspicitur inscriptio:

IIIIII. VIR. AVG.
COL. I. V. T. TARRACON.
ET. COL. F. I. A. BARCIN.

Id est. *Seuir Augustalis Colonia Iulia victricis Tyrrhenica Tarraconis, & Colonia Faventia Iulia Augusta Barcinonis.* Scio nonnullos legere *Colonia Iulia Vlpia Traiana*, vel *tagata*, sed *ἀπεργασμένη* est, præsertim cum & *Aufonio Tyrrhenica* dicatur. Epistola est apud Paulinum:

Cæsareæ Augustæque domus, Tyrrhenica propter Tarraco.

Pomponius Mela opulentissimam esse dicit, inter illius oræ maritimas vrbes, *quam Thulcis modicus amnis super, ingens Iberus deorsum attingit.* quam Strabo ad principum peregrinationes excipiendas commodissimam, & natam esse, sitamque in sinu quodam maris, sed portu carere. reclamatur tamen T. Liuius, qui lib. XXII. Scipionem & magna classe portum *Tarraconis* ex alto tenuisse, militemque ibi exposuisse scribit. Hodierna certè die multa indicia antiquitus portum fuisse ostendunt. rudera enim non pauca obiectæ molis, quo à ventis tutiores essent naues, visuntur; & hoc æuo, non raro triremes hinc soluere compertum est.

Locus hic est (quem incolæ *placa de la fuente* vocant) amplitudine, & latitudine insignis, qui ex non obscuris vestigiis Circus olim fuisse creditur: quod vt facilius credam faciunt binæ inscriptiones antiquæ, Aurigis nobilioribus dedicatæ, quarum prior in templo D. Virginis dictæ *del Milagro* conspicitur: quas lubet attexere.

D. M.

*Factionis Venetæ Fusco sacranimus aram
De nostro: certe studiosi, & bene amantes.
Vt scirent cuncti monumentum & pignus amoris,
Integra fama tibi, laudemo cursus meruisti,
Certaasti multis, nullum pauper timuisti,
Inuidiam passus, semper fortis tacuisti,
Pulchrè vixisti, fato mortalis obisti.
Quisquis homo es, quærens talem subsiste viator,
Perlege si memor es, si nosti quis fuerit vir.
Fortunam metuant omnes, dicēs tamen vnum:
Fuscus habet titulos, mortis habet tumultum.
Contegit ossa lapis, bene habet, fortuna valebis.
Fundimus in fonti lacrymas, nunc vina precamur,
Vt iaceas placidè nemo tui similis.
Τὸς σὺς ἀγῶνας αἶψα λελήσας.*

20

30

Id est: *Tua certamina auum loquatur.*

Altera inscripta est statuae, quæ sinistra manu palmam, in victoriæ signum continet, quæ in hortis exstat doctissimi Ant. Augustini Archiepiscopi Tarraconensis:

D. M.

*EVTYCHETI. AVRIGÆ. ANN.
XXII. FL. RVFINVS. ET. SEMP.
DIOFANS. SERVO. B. M. F.
Hoc rudis auriga requiescant ossa sepulcro,
Nec tamē ignari flectere lora manu.
Iam qui quadringos auderem scandere currus,
Et tamen à biugis non remouerer equis.
Inuidere meis annis crudelia fata,
Fata quibus nequeas opposuisse manus.
Nec mihi concessa est morituro gloria circi,
Donaret lacrymas ne pia turba mihi.
Vssere ardentes intus mea viscera morbi,
Vincerè quos medicæ non valuerunt manus.
Sparge precor flores super mea busta, viator,
Fauisti viuo forsitan ipse mihi.*

40

50

Et ne quid urbanis deliciis splendorique deesset, Theatrum olim egregii operis habuit, vt ruinæ testantur, eo loci, vbi nunc templum est D. virginis dictæ *del Milagro* licet nunc deforme, & incultum sit: siquidem in templi structuram pulcherrimi lapides sunt ablati, eratque ab vna parte in viua rupe excisum, vnde & sedilia, & gradus. Suburbanus ager frumenti, olei, pecorisque abundans admodum, vini laudatissimi ferax, vt testis Silius Italicus lib. III. belli Punici:

dat

— dat Tarraco pubem

Vitifera, & Latio tantum cessura Lyæo.

Et Martialis etiam lib. XIII. Epigr. XVIII.

Tarraco Campano tantum cessura Lyæo,

Hæc genuit Thuscis æmula vina cadis.

Laudatissimi etiam lini ager est patiens, cui torrens, qui Tarraconem alluit, eximium splendorem conciliat, teste Plinio lib. XIX. cap. I. *Et Citerior Hispania habet splendorem lini præcipuum torrentis, in quo politur, natura, qui Tarraconem alluit, & tenuitas mira: ibi primum carbasis repertis.*


10 Archiepiscopatum habet hæc vrbs percelebrem, & vetustum, & si Gerundenſi Episcopo fides habenda, Toletano prior est. Illud certè non minimum est, non agnovisse vnquam huius vrbis Præsules, Toletanum Archiepiscopum pro superiore, & primæ: vt ceteræ omnes Hispaniæ vrbes, & ab illius se iurisdictione semper exemisse, vt nec iter facienti Toletano Præsuli per diœcesin suam, erectam ferre crucem permiserint.

Augusto Cæsari olim dedita fuit, ob beneficia multa illi collata, dum bellum in Cantabros pararet. cuius memoriam & post mortem ita prosecuti sunt, vt teste Corn. Tacito, à Tiberio Cæsare obtinuerint, vt Tarracone templum illi exstruerent. Plurimis hæc vrbs SS. Martyribus abundat, inter ceteros verò habuit S. *Fructuosum*, *Augu-*
20 *rium*, & *Eulogium* Episcopum Tarraconensem, quorum abunde meminit Poeta Prudentius, hymno illis dedicatò:

Felix Tarraco, Fructuose, vestris

Attollit caput ignibus corruscans.

Hac præterea vrbe oriundus fuit *Paulus Orosius*, D. Augustini discipulus, doctrina & eloquentia singulari, qui ab orbe condito Chronicon ab sua vsq; tempora eleganti filo contexuit.



30

C A P. XXCVI.

EMPORIAE HODIE AMPURIAS. A PHOCENSIBUS

condita. Incola diversi. Inscriptio vetus.

M Aritima est Indigetorum vrbs, inter Tarraconem & Pyrenæos montes sita. Portu commodo ornata. Clari olim nominis fuisse præter historias, testantur non spernendæ ruinæ. A Phocensibus Græciæ populis condita, vt nonnullæ aliæ illo in tractu: vnde Silius Italicus lib. III. vocat *Phocæicas*:

Phocæicæ dant Emporia, dat Tarraco pubem.

Stephanus *Emporias* *καλιπύην πόλιν*, esse dicit, contra omnem rationem. nam etsi
40 Massilienses, qui illam condiderant, in Celtica seu Gallia erant, non tamen Celtas fuisse dicendum. Ptolomæus *Emporias* inter duo flumina collocat, Sambrocam videlicet, & Clodianum. Pomponius Mela Clodiani tantum meminit: Plinius vero lib. 3. cap. 3. pro Clodiano flumen Albam refert. Prius tamen exiguam insulam vrbi oppositam, teste Strabone lib. 3. incoluere, quam *Παλαγόπολιν* vocat, hanc Gerundenſis Episc. nunc *Medam* vocari auctor est. Qua tandem relicta in continentem traiecerè.

Vrbs ipsa primò in duas partes diuisa, & duo oppida, quorū vnū Græci, alterum indigenæ Hispani habitant; post deuictos verò Pompeii liberos, deductis Romanis Colonis à Iulio Cæsare, triplex effectum est. quæ quia disertè & graphicè à T. Liuiο lib. XXXIV. descripta sunt, lubuit hic verba eius inferere; loquitur autem de Catonis
50 in Hispaniam aduentu: *Iam tunc Emporia, duo oppida erant, muro diuisa, vnū Græci habebant à Phocæa, vnde & Massilienses oriundi, alterum Hispani: sed Græcum oppidum, in mare expositum, totum orbem muri, minus CCCC. passus patentem habebat. Hispanis retractior à mari, trium M. P. in circuitu murus erat. Tertium genus, Romani Coloni ab Diuo Iulio post deuictos Pompeii liberos adiecti, nunc in corpus vnū confusi omnes, Hispanis prius, postremo Græcis in ciuitatem Romanam ascitis. miraretur quis cū cerneret aperto mari, ab altera parte, ab altera Hispanis tam fera & bellicose genti obiectos, quæ res eos tutaretur. Disciplina erat custos infirmitatis, quam inter validiores optimè timor continet, partem muri versam in agros egregiè munitam habebant. Vna tantum in eam regionem porta imposita, cuius assiduus custos semper aliquis ex magistratibus erat. Nocte pars tertia ciuium in muris excubebat, neque moris tantum aut legis*

Tomus III.

293

caussa, sed quanta si hostis ad portas esset, observabant vigilias, & circumibant cura. Hispanum neminem in urbem recipiebant, ne ipsi quidem temerè urbe excedebant: ad mare patebat omnibus exitus. Porta ad Hispanorum oppidum versa, nunquam nisi frequentes, pars tertia ferè, cuius proxima nocte vigilia in muris fuerant, egrediebantur. Causa exeundi hæc erat, commercio eorum Hispani imprudentes maris gaudebant, mercarique & ipsi ea, quæ externa nauibus inueherentur, & agrorum exhibere fructus volebant: huius mutui usus desiderium, ut Hispana urbs Græcis pateret faciebat. erant etiam eo tutiores quod sub umbra Romanæ amicitiae latebant, quam sicut minoribus viribus quàm Massilienses, ita pari colebant fide. Hactenus Liuius.

Inter antiquas verò Emporitanorum ruinas cippus repertus non inelegans, qui docet Græcos, nec Hispanorum moribus linguaque pollutos, in Romanorum tandem ditionem cessisse: quam inscriptionem Ambrosio Morales de Hispania optimè merito acceptam fero.

EMPORITANI. POPVLI. GRÆCI.
HOC. TEMPLVM. SVB. NO-
MINE. DIANÆ. EPHESIÆ. EO.
SÆCVLO. CONDIDERE. QVO.
NEC. RELICTA. GRÆCORVM.
LINGVA. NEC. IDIOMATE.
PATRIÆ. IBERÆ. RECEPTO.
IN. MORES. IN. LINGVAM.
IN. IVRA. IN. DITIONEM.
CESSERE. ROMANAM.

M. CETHEGO.

ET. L. APRONIO. COSS.

Non procul ab Emporiis M. Cato Hispanos pugna memorabili deuicit, cæsis quadraginta hostium millibus. Cuius abunde Appianus & T. Liuius meminere. Incolæ, teste Strabone, colligendo lino opus agebant: interior ager sparti erat ferax, inutilior verò agri pars iuncum producit, qua de causa *Iuncarium campum* vocant, à quo crediderim oppido *Iuncaria* nomen inditum. Hac in vrbe olim Episcopalis sedes fuit, nunc verò Gerundensi paret.




C A P. XXCVII.

MONTIS SERRATI DESCRIPTIO. QVANDO D. Virgini hic exstructum templum.

CVM non inter postrema naturæ miracula, hunc montem reponi putem; non o-mittam, quin situra eius tenui colore, pro ingenii mei captu adumbrem. Nam si exactè graphiceque eum describerem, nec naturæ maiestati satisfacerem, nec infan-
tia mea permitteret, & licet mons hic crebris vndique rupibus ambiatur, ipse tamen longè super omnes eminet, ut procul visentibus egregiè turritæ arcis, monti impositæ speciem præbeat: talique ordine rupes hæ dispositæ videntur, ut natura religioso quodam horrore intuentium oculos in se conuertere videatur. Ambitu suo IV. leucas cō-plectitur, nubibusque se condere ob eximiam altitudinem creditur: vertice eius despectantibus vicini montes camporum imaginem præbent: raræ hic conualles, ple-rumque solidæ rupes, & immensæ altitudinis aspreta: atque vbi in rupis verticem magno labore te euasisse putas, statim se offert alia multo altior, in quam vbi per ligneos gradus enixus es, crescere adhuc rupis altitudo videtur. Interdum in vastæ magnitudinis murum excurrunt, variis hinc inde quasi castellis prominentibus, interdum se-orsum collocatæ, ceterisque auulsæ montibus, turris imaginem præbent: & licet horrendæ procul appareant, frequenti tamen, & viridante arbore consitæ Thessala referunt: & cum prorsus inaccessæ videantur, humanæ tamen industriæ hic natura victa cessit. Nam inuiis in locis, summa arte subliceas scalas durissimis scopulis affixe-re, quæ cum multa fronde sunt tectæ, aduenis gratissimas umbras aduersus solis æstum præbent. aiunt à montis iugo, sudo cælo, Baleares insulas (vulgò *Mallorca* & *Menorca*) quæ sexaginta hinc leucis distant, posse conspici. Montis radices alluit amnis, vulgò dictus *Lobregat*; Ptolemæo verò *Rubricatum*: quod sanè nomen potiori ratione illi impositum fuisse puto, quam Arabico sinui, Mare rubrum. Fluctus enim toto anni tem-pore

pore maximè rubent, colorem ab arenis, quas pertransit, mutuatur: amnis est inglorius nulliusque pœnè utilitatis: nam hybernis aquis summopere exæstuat, æstate verò agris inutilis, & arefcente penè alueo, iners voluitur. Restat ut paucis D. Virginis Cœnobii, illis in locis exstructi originem referam. Quo tempore Barcinonæ Gufridus Pilosus cognomine, III. Comes imperabat anno D. CCC. LXXX. opiliones qui his in rupibus gregem pascebant, frequenter animaduenterunt diebus sabathi, post meridiem, in rupem vnam frequens lumen cœlo descendere, vna cum iucundissimo musices concentu. Hoc ostentum ubi parentibus retulerunt, & reipsa illis compertum esset, villæ illius parrocho, & Episcopo Manresæ rem totam significarunt: qui cum eadem oculis viderent, frequenti clero, supplicatione indicta, deducente eos insolito quodam & fragrantis odore, ad rupem peruenere, ubi D. Virginis imago, in antro re-
10 pta fuit (nunc in cœnobio visitur) quam Episcopus vna cum clero, Manresam versus magno honore deferabant. Cum vix eo loci ventum, ubi nunc Cœnobium est, non potuere imaginem loco mouere, sed ibi fixa permansit: quo conspecto Episcopus ibi ædem vouit Diuæ Virgini, dedicauitque. Cœnobium in medio montis situm est, sub inaccessa rupe, ut è propinquo spectantibus, ruinam minari videatur: nec immerito. Nam ante paucos annos, pars præcipitis scopuli diuisa decidit, ut nosocomium protriuerit multosque in illo ægros affligerit. templum est exiguum & obscurius paulo, frequentibus vndique votiuis tabellis ornatum. Spectantur supra XC. argenteæ lam-
20 pades: imago D. Virginis colore est subfusco, & intuentium oculos cœlesti quadam maiestate præstinguens. His in rupibus XII. sunt anachoretarum casæ: nec admiratione caret, videre inter confragosas, & asperrimas rupes, domunculam quandam, tanquam hirundinis nidum, scopulo affixam, & quia pensiles sunt, videntur quouis vento casum minitari: & quod captum pœnè omnem superat, ubi eo peruenieris; videas vno in tuguriolo conclaue, trichinium, musæum, sacrarium, atrium, hortum, & quidquid demum concinnis ædibus conuenit, omnia affabrè facta: nec modicis impensis his in locis casula vna exstrui potest. Multa de hoc monte dicenda supersunt, quæ ut orationis satietatem effugiam silentio inuoluo, si hoc vnum instar colophonis addidero. Montem hunc natum videri ad solitariam vitam degendam. nullæ hic tur-
30 bæ, nulli importuni strepitus, qui mentem à diuina contemplatione possint auocare, solum hic audire est iucundos auicularum garritus, ipsasque aues videre Anachoretarum manibus intrepidè alludere, & cibum capere. Miraculorum seriem enarrare non est huius instituti, neque paucis ea complecti possem.



CAP. XXCVIII.

B A R C I N O.

40 DE BARCINONENSIS ORIGINE REIECTÆ FABULÆ. A Carthaginensibus condita. Barcinus & Barcilona dicta. Fauentia Iulia Augusta cognominata. Urbis descriptio.

DE nobilissimæ huius urbis exordiis varia, incertaque, & magna ex parte fabulosa circumferuntur, quibus barbarorum scriptorum libri ad nauseam usque referti sunt. Nonnulli enim quibus gnarum, Iberos, Persas, & Phœnices relictâ Asia in Hispaniam comigrasse, cum legissent in maculato codice, esse in Caria urbem *Barcillam* (quæ Plinio *Bargyla*, Ptolemæo verò *Pargylia* vocatur) calidè nimis, & incallidè, nec ratione, nec auctoritate vlla adhibita, à *Barcilla* illa *Barcilona* originem dixerunt trahere. alii nescio quas duodecim cymbas (vulgò *Barcas* vocant) sibi finxerunt, ex
50 quibus nonam cymbam, quia illa Hercules aduectus fuerat, urbi nomen dedisse. Quam in re non vulgus solum, sed etiam Rex Alphonsus, *Prudens* licet cognomento, imprudenter lapsus fuit, in suis Hispaniæ Annalibus. tantumque hæc putida fabella apud rudem bonatum artium populum valuit, ut publicis urbis nummis ridicula hæc inscriptio adderetur, BARCA NONA, in Herculis æternam memoriam. Mihi de urbis initiis hætenus nihil certi liquet, nisi illam Carthaginensibus debere primordia, ut testatur Ausonius ad Paulinum his versibus:

*Quid queror? Eoque insector crimina monstri,
Occidui me ripa Tægi, me Punica ledit
Barcino, me bimaræ iuga ninguida Pyrenæi.*

Non absurde quidam hariolantur Hamilcarem Barchinum, Hannibalis fratrem exstruxisse *Barcinonem*, cui rei aliquantulū fauere videtur Martianus Capella, his verbis lib. VI. *Nam Pæni qui fundauere Charthaginem, conditas ubicumque vrbes, amico sibi nomine præsignarunt.* Hæc sufficiant de *Barcinonis* origine in tam spissa caligine, exiguo coniecturæ lumine detexisse. Vocatur etiam *Barcinus* à Paulino Epistola ad Aufonium hoc versu.

Cæsarea est Augusta tui Barcinus amœna.

Paulus Orosius lib. I. cap. III. & Æthicus *Barcionam* vocant. Eandem verò Romanorum Coloniam fuisse, testis est Plinius lib. III. his verbis: *In ora autem Colonia est Barcino, cognominata Fauentia.*

10

Florianus Occampius, non parum hic lapsus, dum ait Romanos, *Barcinonis* nomen in *Fauentiam* mutasse, nescius cognomen non abolere nomē, sed potius adaugere. Ant. Augustinus Dialogo VII. è nummis antiquis, dicit vocari *Coloniam Fauentiam Iuliam Augustam Barcinonem*: hoc pacto COL. F. I. A. BAR. Vibs hæc Pomponii Melæ ætate exigui nominis aut famæ fuit: *Inde, inquit, ad Tarraconē parua sunt oppida, Blanda, Illuro, Betullo, Barcino.* Hodie vero ex totius Hispaniæ nobilissimis vrbibus est, & rerum gestarum magnitudine nullis inferior, paucis æqualis. Omnibus enim bellis, quæ in Sicilia, & Italia late per Aragoniæ Reges, feliciter gesta sunt. naualibus maxime præliis, magnis copiis interfuerunt *Barcinonenses*. Quin etiam cum ceteris Catalanis (quorum Metropolis *Barcino* est) felices in Africam & Orientem expeditiones aliquot fecere, & cum terrore Catalanorū ibi vulgatum nomē. Comites habuit, à tempore Caroli Magni, qui Maurorū illam iugo exemit, circa annū 801. cōstituto Bernardo quodam Comite, quo extincto successus à Ludouico Pio Imp. Iamfredus (alii *Guifrium* vocant) à quo series continua Comitum fluxit, donec an. MCLXII. Aragoniæ regno *Barcinonensis* Comitatus coniunctus fuit. Sita autem est in agro Laetano, qua mediterranea respicit, loco campestri, multis hinc inde villis conspicua, quæ amœnissimum oculis prospectum præbent, ideoque merito à Festo Auieno *amœna* vocatur:

Et Barcinonum amœnas sedes ditium:

Nam pandit illic tuta portus brachia

Vnetque semper dulcibus tellus aquis.

30

Muro cingitur ex laterculo coctili quem turres opportunis locis dispositæ interfingunt: fossiam habet latam & profundam. Domus sunt passim ex viuo saxo exstructæ, quas hortorum amœnitas egregie exornat. horti ipsi, frequenti myrto, & lauro ornati, iasminio, citreisque intercurrentibus. Plateas habet latas & apertas, & quod in Hispania rarum est, cloacarum beneficioundas. Tempia affabre exstructa, picturis & altaribus exculpta. Mercimoniis in primis floret, & opificum industria. vitri conflandi adeo periti, vt Venetis vix cedant. Bellica olim laude, dum sub Comitibus fuit, egregiè floruit. Vini, leguminum, & horariorum fructuum ferax admodum; frumenti, oleique indiga, sed defectum vicini abunde suppleunt. inter geminos amnes sita est, qui sub incolarum pene oculis, se infundunt: ab Oriente est Betullo, à Mela sic vocatus, hodie truncata voce *Besons* dicitur, ab Occidua parte Rubricatum. Non procul ab vrbe mons se extollit prærupte altus, vulgo *Monjui*, ab antiquis vero, auctore Gaspare Barerio, *Mons Iouis*, quo in loco (quod C. Plinius inter Italiæ miracula recenset) inexhausta & perennis est lapacidina, licet ad vrbis muros, & ad complures nobilium domus, assiduo hinc materia petatur, adimplet tamen liberalis natura montis illa vlcera, & cicatricem obducit, vt tot annorum decursu, nihil pœne excisum videatur. Hac in vrbe palmam martyrii adeptus est sanctus *Cucufas*, natione Arabs, attestante Prudentio his verbis:

Barcinon claro Cucufate freta.

Sublatus est hic per insidias, Gothorum Rex Ataulphus, vna cum sex filiis, teste Paulo Orosio, cuius adhuc aliqua sepulcri vestigia exstant, vna cum hoc Epitaphio: licet imperitæ plebi vel Herculis, vel Regis Hispani esse persuasum sit:

Bellipotens valida natus de gente Gothorum

Hic cum sex natis, Rex Ataulphe iaces.

Ausus es Hispanas primus descendere in oras,

Quem comitabantur millia multa virum.

Gens tua tunc natos, & te inuidiosa peremit,

Quem post amplexa est Barcino magna gemens.

C A P. XXXIX.

DE GERUNDÆ ORIGINE PARIÆ. HODIE GIRONA
dicta. Situs eius & descriptio.

QUam vulgo *Gironam* vocant, Plinio, Ptolemæo, Antonino, & Prudentio *Gerunda* est; Florianus Occampius, alique apud me sublestæ fidei Annalium consarcinatores, à Geryone exstructam credunt, ab eo scilicet primum *Geryonam*, & mutato leuiter nomine *Gironam* dictam esse. Decepti procul dubio à Geryone, qui olim aliquo Beticæ in angulo imperauit: interim meridiana in luce cecutientes, non vident corruptum esse à *Gerunda*, nec apud vllum spectatæ fidei scriptorem antiquum hoc legi, nisi forsitan Annales aliqui Hispaniarum nuper nati hoc prodant, vt & Franciscus Tarapha: quorum apud me diluta nimium est auctoritas; nec dubito quin Florianus ex Ioanne Annio Viterbiensi hæc hauserit, qui mihi instar alterius Palephati est, ita meras nugas & gerras Siculas blaterat. Is Cōmentariis in Berosum *Gerundam* à Geryone conditam fuisse contendit: qua auctoritate innixus, ignoro: nisi, vt passim solet, nudo similitudinis præstigio allectus, neglectis interim peritissimorum Geographorum rationibus. Assur-
git *Gerunda* leui tumulo, antiquo muro circumdata, triquetra forma; quod in Geryonis memoriam factum esse fabulantur. Gerundenfis ait in vnoquoque angulo arcem fuisse singulis fratribus attributam: sed quis est tam ἀγέλας, cui hæc non moueant risum? quali vero ab Hierculis aut Geryonis ætate, non dicam vrbs aliqua, sed murorum rudera aliqua, in hodiernam diem exstare potuissent, in Hispania præsertim, tot bellis lacerata, & barbarorū inundationib⁹ vastata: quod si Romanorū opera, multis seculis Geryone posteriora, quæ architecturæ peritia, & materiæ firmitate, aduersus quasvis xui iniurias firmissima videbantur, ita vt nec ipsa

Possæt diruere, aut innumerabilis

Annorum series, & fuga temporum:

funditus pene perierunt, & citra historias ex hominum memoria sublata essent, quid de antiquioribus dicemus? Hanc urbem Ptolemæus, inter Tarraconensis provinciae populos *Autetanos* collocat. alluitur flumine *Vnda* vocato, vulgo vero *Onhar*: immiscet se alteri flumini ab incolis vocato *Ter*, cuius etymologiam deducunt etiam à trigemino Geryone. Mihi videtur hic esse amnis, qui Pomponio Melæ *Thicis* dicitur, à quo corrupte *Ter* nunc dicitur. Cuius verba sunt: *Aceruaria est proxima rupes, quæ in altum Pyrenaum extrudit, dein Thicis flumen ad Rhodam, Clodianum ad Emporias*. Et licet vrbs parua sit, opificum tamen, mercatorumque numero est locuples: spectatur hic in Cathedrali ecclesia altare, vna cum imagine ex argento fusili, variis vtriusque testamenti emblematis insculptis: frontispicium vero lateraque altaris auro, multisque
gemmis coruscant. D. Felicis corpus hac in vrbe spectatur, vt testatur Prudentius:

Parua Felicis decus exhibebit

Artubus sacris locuplex Gerunda.

D. etiam Narcissi martyris hic reliquiae seruantur: in cuius honorem plurima miracula Deus fecit. sufficiet vnum, sed memorabile, adduxisse. Quo tempore Petrus IX. Aragonum Rex, & Cataloniæ Comes rerum potiebatur, Galli, auspiciis Philippi III. Regis (Marineus Siculus lib. ii. sub Carolo Siciliæ Rege hoc accidisse refert) Gerundā vi occupant, qua victoria elati, humana pariter & diuina sperantes, eo impietatis venerant, vt templum stabuli loco ducerent. Qua de caussa, Deo vindice, magna copia muscarum ex viridi candicantibus alis, ex sepulcro D. Narcissi erupit, quæ lethali aculeo Gallos, multo celerius ipsa pestenecabat. Quamobrem amissa magna copiarum parte, coacti fuere urbem deferere. Rex ipse æger Emporiis diem clausit; alii verò Perpiniani obisse tradunt. Sedem habet Episcopalem, cui olim præfuit Ioannes Margarinus, vnde passim Gerundenfis Episcopus vocatur. Anno Domini

DXVII. celebratum hic Concilium VII. Episcoporum, sub

illius vrbs Præfule Fortuniano, vt auctor est Ioan-

nes Vassus in Chronico.



CAP. XXC.

PIRENAEI MONTES. DE ETYMO VARIA.

Galliam ab Hispania Pyrenæi montes dirimunt, geminis promontoriis, in duo maria procurentibus: in mediterraneum quidem *Templo Veneris*, priscis Geographis vocato, vulgo *Cabo de Creus*: in oceanum vero Gallicum *Olearsone*, hodie corrupto nomine *Oiarco*: frequentes hinc inde, in Hispaniam & Galliam montes hi ramos spargunt; inter utrumque mare LXXX. circiter leucarum spatium occupant. Hac in parte Hispania seipsa angustior est multo, hinc vero, quo magis in septentrionem, & occidentem, ad oceanum & à meridie in mediterraneum mare excurrit, eo latior euadit; insultante hinc inde pelago, præterquam qua Pyrenæi Hispaniam claudunt. qua de causa Paulo Orosio *Peninsula* vocatur, Straboni vero quam optime bubulo corio assimilatur, ita ut qua Pyrenæos spectat caput referat, reliqua vero corpus, qua se inter duo maria exporrigit. nonnulli, inter quos Beuterus, opinati sunt hanc montium seriem vniuersam non deberi Pyrenæos appellari, sed diuidi in Antipyrenæos, & Pyrenæos; sed non ita facile à recepta priscorum Geographorum opinione recedendum. Nomen autem Pyrenæi à Græco nomine πῦρ videtur deriuatum, quod olim iniecto ibi ab armentariis igne conflagrarunt, teste Diodoro Siculo lib. V. aliisque Geographis, & Aristotele, libro de mirandis auscultationibus: *In Iberia*, inquit, *combustis aliquando à pastoribus siluis, calenteque ignibus terra, manifestum argentum defluxisse, cumque postmodum terramotus superuenisset, eruptis hiatus, magnam copiam argenti collectam, atque inde Massiliensibus prouentus non vulgares obtigisse.* Alii vero dicunt nomen fluxisse à Pyrena virgine, ab Hercule vitiata, cuius ita meminit Silius Italicus:

*Pyrene celsa nimboſa verticis arce
Diuiſos Celtis, late proſpectat Iberos;
Atque aterna tenet magnis diuortia terris:
Hoſpitis Alcide crimen; qui ſorte laborem
Geryonis peteret cum longa tricornis arma,
Poſſeſſus Baccho, ſaua Bæbrycis in aula
Lugendam formæ ſine virginitate reliquit
Pyrenem.
Deſietumque tenent montes per ſecula nomen.*

Sed hoc à Plinio pro fabuloſo reiicitur: ridiculum vero eſt, quod Annales Regis Alphonſi circa Pyrenæi nomenclaturam adducunt. Aiunt enim à *Pyrrho* Hispaniarum rege Pyrenæos vocatos fuiſſe, cum primo *Cetubales* à Tubale vocarentur. ſed præ vetuſtate putida eſt hæc opinio, proinde nugatoribus hanc relinquamus, quibus ne mica quidẽ ſalis eſt, ut hanc conſeruent. Iſidorus Orig. lib. XIV. cap. VIII. Pyrenæum dicit nuncupatum à crebris fulminum ignibus: quod ferè celi montes fulgure petantur: unde & aptiſſime Claudianus lib. de laudibus Serenæ:

*Pyrenæique ſub antris,
Ignea fulmineis legere Ceraunia nympha.*

Aiunt enim & naturæ ſagaciores indagatores gemmam Cerauniam, locis fulmine iſtis tantum reperiri (quales Pyrenæi montes feruntur) unde & illi nomen. hinc Marbodeus lib. De gemmis.

*Illis quippe locis, quos conſtat fulmine tactos,
Iſte lapis tantum reperiri poſſe putatur.
Vnde Κεραυνῶν eſt Græco ſermone vocatus.*

Refert Strabo lib. III. Pyrenes latus, quod in Hispaniam vergit frequentibus arboribus conſitum eſſe, quod vero Galliam ſpectat, nudum pene aridumque ſpectari.



CAP. XCI.

RHUSCINO OLIM GALLIAE ANNEXA. PERPINIANVM VETERIBUS ignotum. Opinio Annii Viterbiensis explora. Descriptio eius.

Qui Hispaniæ terminus, potuiſſet & operis mei eſſe Pyrenæus: quidquid enim terrarum eſt citra illum; Galliis olim annumerabatur. Sed quia Rhuscinonenſis comitatus,

mitatus, ab aliquot seculis Hispaniæ annexus, & non ignobilis est: iure videbor extra ordinem pauca de illo dicere. Functio Gerardo Comite Rhuscinonensi, absque herede anno M.C.LXVIII. ad Alphonsum Nonum Aragoniæ regem deuolutus est. Cæpitque tum primum in publicis monumentis vocari Rex Aragoniæ, Rhuscinonis Comes, & Prouinciæ Marchio. Sed Ioan. II. Arag. Rex ærarii inopia compulsus, Ludouico XI. Gallorum Regi trecentis aureorum millibus hunc comitatum oppignorauit: quem Carolus VIII. anno M.CCCC.XCIV. Ferdinando Regi iterum restituit. Nomen autem illi dedit antiqua Romanorum Colonia, quæ *Rhuscino Latinorum* vocabatur, quam Athenæus, & Geographi, in Gallia Narbonensi collocant, licet nunc à multis seculis

- 10 Cataloniæ sit annexa: Pomponius Mela describens Gallias à flumine Rheno ad Pyrenæos usque, hæc de Rhuscinone prædicat: *Inde est ora Sardonum, & parua flumina Thelis & Thicis; ubi accreuerunt per sæcula: Colonia Rhuscino, vicus Illiberis, magna quondam urbis, & magnarum opum tenuè vestigium.* Strabo pene eadem, mutatis verbis: *E Pyrene quidem Rhuscino & Illiberis amnes exeunt, è quibus uterque eiusdem nominis urbem habet.*

Solebat hæc vrbs esse, ubi nunc Castellum quoddam est, media leuca à Perpiniano, circa quod, multa rudera, & ædium præscarum passim dissecta vestigia videre est. Vnde & hodierno æuo arx Rhuscinonensis vocatur. Incolæ etiã opinantur, eo loci quondam non incelebrem urbem fuisse, in cuius locum *Perpinianum* successisse putant. Nomen recens, nec penes Geographos celebratum; quæ res nonnullos mouit (inter quos

- 20 Pet. Oliuatiùs Valentinus) *Perpinianum* olim *Rhuscinonem* fuisse. Ioanni vero Margarino Gerundenfi Episcopo, longè aliter visum: quippe cum nomen *Perpiniani* nusquam apud exploratæ fidei Geographum reperisset, in eum impexit scopulum, ut *Perpinianum* credat urbem esse, quam in Itinerario Antoninus *Stabulum* vocat, ego sanè crediderim eum, dum hæc scriberet, aliud egisse Antonini locum legendò, nulla scilicet distantie habita ratione: siquidem is numerat à Salsulis *Stabulum* usque XXXVIII. M. P. qui XII. leucas conficiunt, cum Salsulis *Perpinianum* tres tantum sint. Castellum vero eo loci esse ubi olim *Rhuscino*, docet manifestè Antoninus: siquidem Narbone *Rhuscinonem* XL. M. P. numerat, qui X. leucæ sunt, quot Narbone ad *Rhuscinonis* Castellum numeramus. Refert P. Ioannes Mariana lib. IX. an. M. LXVIII. opera Guinardi Ruscinonensis

- 30 Gomiris, conditum esse Perpinianum.

Vrbs hæc tribus leucis trans Pyrenæos montes sita est loco plano, nisi quod Meridiem versus in clium leuiter assurgat, cui arx imminet. Alluitur amne Theli, cuius pars intra muros recepta est. Post ultimam Gallorum obsidionem, anno cl. lc. XLIII. muros egregie communierant incolæ additis nonnullis propugnaculis. Lanificii hic frequentes opifices: vrbs ipsa citra iniuriam inter amenissimas totius Hispaniæ repõnenda; licet aura minima de causâ maximas mutationes patiatur, & ut vniuersa Narbonensis prouincia, sæuis ventorum turbinibus obnoxia. Magna in veneratione hic habentur D. Honorati Episcopi Arelatensis reliquiæ, in Carmelitarum monasterio repositæ, tum etiã corpora SS. Iuliani & Basilissæ. Hoc in comitatu Episcopus


- 40 palis est vnica vrbs *Helna* nomine, Diuo Hieronymo vero in appendice ad Chronicon Eusebii Cæsariensis, *Helena* vocatur: ubi de Imperatore Constante loquitur: *Constant non longe ab Hispania, in Castro, cui Helena nomen est, interficitur.* Eutropio etiã eodem nomine appellatur, his verbis: *Obiit Constant, non longe ab Hispaniis, in castro, cui Helena nomen est, anno imperii XVII. Aetatis vero suæ XXX.* Episc. idem Gerundenfis putat reginam Helenam, Magni Constantini matrem hanc urbem exstruxisse, aut nepotem eius Constantem in eius memoriam; sed ut solet, sine auctore id asserit.

Ad Perpinianum redeo. Beuterus ita dictum putat à nũq̃ incendio scilicet in Pyrenæis montibus à pastoribus excitato, ductus in errorem à Ioanne Anthio Viterbiensi, qui incendium illud auspicatum fuisse ab illa parte fingit; sed iuuabit eius fugas in me-

- 50 dium adducere: *Regio, inquit, proxima his montibus, corrupta nunc Perpiniana dicitur, cum scribenda sit & dicenda Pyrepiniana; id est, incendii & conflagrationis ostium, quia ibi cæpere pastores ignem arboribus iniicere. nam nũq̃ ignis; Pini vero, os originis dicunt etiam Phænices, ut testantur Talmudistæ: quin etiam hoc addunt, ut Pi, os & origo dicatur, Ni vero & No, magni nominis & fama interpretetur. hinc Pyripini, combustionis origo magni nominis, à quo Pyrepiniana regio scribi debet, nisi forsàn quod vsitatissimum est in compositione illa, per synæresim & synopam Elittera abiiciatur, & dicatur recte Pyrpiniana.* Hactenus ille, dum deliramenta sua vult rata esse, Phænices, Hebræos, & Græcos in subsidium non solum vocat; sed inuitos obtorto collo trahit, ut scilicet

Desinat in piscem mulier formosa superne.

Auctor est L. Marineus Siculus, dum Ludouicus XII. Galliae Rex, *Perpinianum* obsidione premeret arctissima, ciues ad extremam compulso penuriam, consumtis etiam immundis animalibus, primo hostium corporibus, tandem & suorum pro dapibus usus esse. quid illis, si acerbiter casus intuearis, miserius? si constantiam respicias, fidelius? qui ne à Rege suo desciscerent, extrema pati voluerunt potius quam honestè se victori tradere.



CAP. XCII.

10

SALSULAE HODIE SALSAS. FONTIS IBI DESCRIPTIO. De piscibus fossilibus multa.


ARX hæc hodierno die *Salsas*, antiquitus *Salsula* vocabatur: meminit eius in Itinerario Antoninus, is siquidem Narbone *Salsulas* XXX. M. P. numerat; qui septem magnis leucis respondent, quæ hodie numerantur. Pomponius Mela in Galliae Narbonensis descriptione fontis meminit, quem *Salsulas* vocat, qui leuca tantum ab hac arce distat: priscis scriptoribus non incelebris, nostris vero recentioribus omnino præteritus, & quia res est admiratione digna, nollem etiam mihi obliuionis notam, ut ceteris, inuri: proinde fusius paulo de illo in presentiarum agam. De eo sic Pomponius Mela: *Vltra Leocata litoris nomen, & Salsula fons, non dulcibus, sed salisioribus, quam marina sunt aquis defluens, iuxta campus minuta arundine gracilique peruiridis, ceterum stagno subeunte suspensus, id manifestat media pars eius quæ abscissa proximis, velut insula natat, pellique se atque attrahi patitur, quin & ex iis quæ ad imum perfossa sunt, suffusum mare ostenditur, unde Graiis nostrisque auctoribus, veri ne ignorantia, an prudentibus etiâ, mendacj libidine visum est tradere posteris, in ea regione piscem è terra penitus erui, qui vbi ex alto hucusque penetrauerit, per eius foramina ictu capientium interfectus extrahitur.* Athenæus vero lib. VIII. ex Polybii opinione eadem pene refert, licet aliis verbis: Polybius, inquit, XXXIV. Historiarum libro, *ultra Pyrenem ad Narbonem fluuium, campum pertinere ait, quem Illiberis, & Rhuscino interfecant eiusdem nominis urbis præterfluentes, quas incolunt Celtæ, in hoc campo pisces eos, qui fossiles vocantur, erui tradit. Campus ipse exilis parumque fecundus est, multo tamen gramine latus, subitus vero cum arenosa duorum vel trium cubitorum altitudine ea terra sit, ex proximis fluminibus aqua influit; cuius tortuosos atque multiplices cursus cum pisces cibi gratia sectentur (audivisse enim graminis radices dicuntur appetere) effecerunt, ut uniuersus ille ager, subterraneis piscibus sit refertus.* Aristoteles vero his omnibus antiquior, libro de mirandis auscultationibus, circa locum, vbi fons hic erumpit, non solum longe à vero deuiauit, sed alia etiam de hac piscatura diuersa tradit: *In finibus Massiliensium, inquit, circa Ligusticam lacus esse fertur, qui ebulliens effususque piscium multitudinem immensam, verique fidem superantem eiciat; ceterum flantibus Etesis, tantum puluerem concitari, ut coaceruata in lacum humo sicca superficiem obtegat, in formamque area redigat, unde indigenis licet, pertusa siccitate, in triuiis quoscumque pisces citra negotium eximere.* Strabo etiam lib. IV. idem manifeste asserit, his verbis: *Iuxta Rusinonem, inquit, lacus est & ager quem alluit paulum supra mare refertus salinis; habet & effossiles Cestrias pisces. nam si quis duos aut tres fodiat pedes, & in limosam aquam fuscinam demiserit, piscem eximie magnitudinis fixum penetrat.* Quod ne cui forte mirum videatur; non vno id loco accidere testatur Theophrastus libello De piscibus. refert enim circa Heracleam, & alibi in Ponto & circa Tium Ponti, Milesiorum Coloniam, fossiles reperiri pisces. nascuntur vero illi circa fluuios & aquosa loca, quæ cum siccantur paulatim, pisces subinde humorem sectando terram subeunt. Quod vero in Paphlagonia contingit, peculiarem & abditam rationem habet. Illic enim multos & bonos pisces effodi aiunt, cum neque restagnent iis in locis amnes; miraturque & ipse gigni sine coitu. Eadem pene ex Theophrasto narrat Plinius lib. IX. cap. LVII. Lepide hac de re Seneca lib. III. Quest. Nat. ad Lucilium: *Theophrastus affirmat, pisces quibusdam locis erui. Multa hoc in loco tibi in mentem venire, quæ urbane in re incredibili fabulosaque dicas; non cum retibus aliquem aut cum hamis, sed cum dolabra ire piscatum. Expecta ut aliquis in mari versetur, quid est autem quare pisces in terram non transeant, si nos maria transimus?* T. Liuius prodigii loco narrat lib. LII. in Gallico agro, quæ induceretur aratrum, sub existentibus glebis emeruisse pisces. Iuuenalis idem ut valde rarum, & instar portentii Satyra XIII. esse dicit:

— miranti iam sub aratro
Piscibus inuentis, & feta compare multa.

Sed

Sed nihil æque mirandum duco quam quod Appuleius Apologia pro se prima dicat, in Getuliæ mediterraneis montibus pisces, per Deucalionis Diluvia reperiri. Fossiles vero pisces & hoc æuo quandoque inueniri referunt Rondeletius lib. de piscibus, & Georgius Agricola lib. de animantibus subterraneis. sed ad carceres redeo.

Fontem hunc à *Salsulis* non tota leuca distare, oculatus testis refert Gaspar Bar-
 rerus: cuius aqua salsa est, hyberno tempore percalida, æstiuo vero gelida; adiacet huic
 fonti campus multa humilique arundine & aquaticis herbis frequens (vt notauit Mela)
 & continua aquarum ex hoc fonte emanantium illuue vdus, hinc vero per canales
 quosdam in vicinum lacum aqua omnis se exonerat. Fons vero piscosus admodum est.
 10 nam & hyberno tempore aquæ calore, æstiuo vero grato eius frigore alieci, gregatim
 huc pisces confluunt. Arx vero loco campestri sita est, egregie munita, & propugnacu-
 lis instructa, vt hostiles impetus contemnere videatur. Tali vero arte propugnacula
 hæc disposita sunt, vt non vna, sed plures arcès videantur. Subliciis enim pontibus ita
 sunt distincta, vt vno capto nihil damni hinc reliqua percipiant.



CAP. XCIII.

INSVLÆ HISP.

CASSITERIDES STANNO NOBILES. DE SITV ILLA-
 rum disquisitio. Plinii lectio controuersa. Oestrymnides Festo. Hesperides
 Dionysio Alex. dicta. Festus Auienus correctus. Vbi nam hodie sint.

ILlustrata hætenus Hispaniæ continentis potissima pars: nunc equum est, inter fluen-
 ta emergentes terras, (quæ quod *in salo* sunt, *insula* vocantur) illustrare; sed cum delectu,
 & nobiliores tantum, quas præterire iniquum esset. *Cassiterides*, vnde & illis nomen
 (κασιτερος enim stannum est.) Cl. Ptolemæus in occiduo illas Oceano statuit, numero
 decem. Plinius vero lib. IV. cap. XXII. *Ex aduerso*, inquit, *Celtiberia*, complures sunt insulae,
 30 *Cassiterides* Græcis dicta, à fertilitate plumbi. Sed quo pacto ex aduerso *Celtiberia*? si illa
 non solum mediterranea est, sed etiam in orientem porrecta, nimis diuerso situ à Ptole-
 mæi mente. Vero propior Pomponii Melæ opinio, lib. III. cap. VI. *In Celticis*, inquit,
 aliquot sunt insulae, quas, quia plumbo abundant, vno omnes nomine, *Cassiterides* appellant.

Celtici enim populi cognomine *Neria*, vel auctore Plinio lib. IV. cap. XX, circa
 promontorium *Celticum* habitant, quod *Artabrum* & *Nerium* dictum, & in occiduum
 Oceanum præcurrit: vnde Ferdinandus Nonius Pintianus, non *Celtiberia*, sed *Celticorum*
Neriarum apud Pliniū legendū monet. Sed cum Iulius Solinus Plinio adstipuletur, qui has
 insulas aduersus *Celtiberia* latus spectare dicat, nihili contra fidem omnium librorum
 innouare ausim: nisi quis dicat vtroque mendum esse. Præsertim cum & Diodorus
 40 *Siculus* lib. VI. cap. IX. à Ptolemæo & Mela parum dissentiat: *Supra*, inquit, *Lusitaniam*
 plurimum stannum effoditur in insulis Oceani Iberia proximis, quæ à stanno *Cassiterides* nominan-
 tur. Adde Strabonem lib. II. & III. qui has insulas *Artabris* opponi scribit, nemo vero
Celtiberia. Insulæ hæc à festo Auieno *Oestrymnides* vocantur, vt etiam suspicatur Orte-
 lius, quas stanni plumbique diuites facit his versibus:

In quo insula sese exerunt Oestrymnides
 Laxe iacentes, & metallo diuites
 Stanni, atque plumbi, multa vis hic gentis est,
 Superbus animus, efficax solertia,
 Negotiandi cura iugis omnibus.
 50 Nalusque cumbis; turbidum late fretum
 Et belluosi gurgitem Oceani secant.
 Non hi carinas quippe pinu texere
 Facere morem, non abiecti ut usus est
 Curuant sese. Sed rei ad miraculum
 Nautigia iunctis semper aptant pellibus;
 Corioque vastum sepe percurrunt salum.

Sed vnde dictæ *Oestrymnides* hæc insulæ, mihi æque ignotum, ac pleraque alia no-
 mina, quæ solus hic Poeta usurpat. Sed emaculandus mihi hic obiter est: vbi enim ha-
 bet, *Nalusque cumbis*, legendum

Nullisque cymbis turbidum late fretum.

Nam quod Guilelmus Camdenus legit

Non usque nauibus,

& præter auctoris mentem est: & nimis violenta, & à vero aliena est lectio. Poeta enim innuit, illos omnes esse negotiandi studiosos, nec nauibus uti, quæ hac Camdeni lectione tolluntur. Emendandus etiam videtur, ubi habet:

Non hi carinas quippe pinu texere

Facere morem, non abiete ut usus est

Curuant faselo.

Atque ita legendum puto:

Non hi carinas quippe pinu texere

Acereve norunt, non abiete ut usus est

Curuant faselos.

Innuït enim illos ignorare hâues ex pinu, acere, aut abiete texere, seu faselum curuare, sed ex pellibus aptare nauigia. Vnde nec Camdeni lectio probari potest, quæ habet:

Fecere remos, non abiete ut usus est.

Siquidem *pinu texere*, & *fecere remos* incongruum sensum efficere, cuius erudito paterè putem. De coriaciis vero nauigiis loquitur Plinius lib. VII. cap. LVI. his verbis: *Etiam nunc in Britannico Oceano vitiles naues corio circumsulæ fiunt.*

Dionysius Alex. in *Ἑσπερίδαι* has insulas vocat *Hesperidas*, quas statuit non procul à promontorio sacro, ab aliquibus vocato *caput Europæ*:

Νήσους δ' ἑσπερίδας πρὸ προυπτερίου γένεθλη

Ἀφνειοὶ ναῖουσιν ἀγέων παῖδες ἱβήρων.

Subter & Hesperidum stanni felicibus oris

Magnanimi dices nati dominantur Iberam.

Eustathius certe Scholiastes confirmat has esse insulas *Cassiteridas*, à Poeta vocatas *Hesperidas*, stanno fertiles. Soli olim Phœnices has nouerant, teste Strabone, ceteros mortales celabant; lucri causa, quod ex stanno plumboque illis veniebat: vnde cum Romani summo studio illarum notitiam indagarent, cursum naucleri cuiusdam obseruauerunt, qui ne insulas detegeret, nauem in limosa loca & breuia sponte impexit, ubi & Romani naufragium fecerunt; ipse vero incolumis enatauit, & ex publico & raro amissi oneris pretium illi solutum fuit. Sed frequenti tandem navigatione insulas adiere. Missusque aduersus incolas P. Crassus, sed cum miti illos ingenio, patiq; deditos reperisset, effodiendi ipsis metalla industriam aperuit. Plinius lib. VII. cap. LVII. refert Midacritum quendam, primum ex Cassiteride insula plumbum asportasse. Strabo sub finem lib. III. & in Dionysium Alex. Eustathius; incolas esse *μελαχλαῖνες* aiunt, indutos talaribus tunicis, cum baculis ambulantes, persimiles tragicarum furiarum, & Nomadum instar, ex armentis victum quærere. Sed iubet inquirere, quo loco nostra tempestate *Cassiterides* sint, præsertim cum de hoc egregie variant auctorum sententiæ. Abrahamus Ortelius suspicatur esse *Pritanias*, plumbo stannoque hodie nobiles. Sed non placet vel eo nomine quod *Cassiterides*, inter Britanniam & Hispaniam auctores penè omnes statuunt, & ipse Dionysius Alex. statim post *Cassiterides* fuse prosequitur Britannię descriptionem: adde non decem has esse, ut ait Ptolemæus, sed geminas tantum. Guilelmus Camdenus credit esse insulas *Sylly*, quas & nautarum vulgus vocat *Sorlinges*, tum quod Artabris, seu Gallaciæ sint oppositæ, vergantque in Aquilonem; tum quod stanni venis abundant, quæ ut omnia *Cassiteridibus* congruunt; ita etiam numerus negat illas esse. refert enim illas esse CXL. numero, cum Cassiterides decem tantum sint, ex quibus etiam incultæ aliquot, teste Strabone, præterquam quod *Sylly* insulæ propiores multo sint Britannię quam Hispanię. Ego hac in re, lubens Ortelii opinioni subscribam, qui insulas *Sylly* esse Iulii Solini *Silurum* insulas affirmat: quarum & Corn. Tacitus Iulii Agricolæ vita sic meminit: *Silurum colorati vultus & torti plerumque crines, & positi contra Hispaniam, Iberos veteres traiecisse, easque sedes occupasse fidem faciunt.* Gemma vero Frisius mari obrutas latere credidit *Cassiterides*, & nomen tantum potteris transmissum; sed quia facilius est singulorum opiniones conuellere, quam quid certi, in re tam ancipiti statuere, dicam cum Herodoto in Thalia; mihi *Cassiterides* ignotas esse, vel illas esse, quæ non procul à Flauio Brigantio, seu *la Crunna* distant, quarum præcipua *Cizarga* vocatur, teste Ioanne Oliuario in Pomponium Melam, quæ hodie incultæ & neglectæ iacent, vel quod stanni vena defecit, vel quod copia tot diuissimarum insularum, ab Hispanis ut viliores spernantur.

C A P. XCIV.

PITYVS AE INSVLAE, EBVSVS ET OPHIUSA. SER-
pentibus infesta Ebusus. Eiusdem nominis vrbs. Colonia Carthaginensium. Isido-
rus emendatus. Plinii lectio defensa contra Suritiam.

10 **M**editerraneum mare intransibis, geminae se offerunt insulae, à frequenti pineo
frutice dictae Pityusa, postea Ebusus utraque vocata: delinque vna vocata est Ebusus,
altera verò Ophiusa, quae & Colubraria. Distant à Balearibus CCC. stadiis, ut Antonini
fert Itinerarium, ut verò Plinius lib. III. cap. V. septingentis: subiacet verò Ebusus Ma-
iori insulae Balearidum, ut refert in Cosmographia sua Æthicus. De utraque verò in-
sula sic Strabo lib. III. Pityusa, inquit, longius in pelago existentes quam Gymnesia, declinan-
tur in occasum, è quibus una quidem vocatur Ebusus, urbem eiusdem nominis continens, circui-
tus insulae stadiorum CCCC. latitudo inaequalis, uti & longitudo: prope iacet insula Ophiusa lon-
gè minor & deserta. Cur verò deserta sit, serpentum facit copia, adeuntibus perniciofa,
nisi, ut Mela sub finem lib. III. ingressis eam, intra id spatium, quod Ebusitana humo circum-
signauerunt, sine perniciè tuta est; isdem illis serpentibus, qui solent obuios appetere, aspectum e-
20 ius pulueris, aliudne, quod verius, procul & cum pauore fugientibus. Vnde & Plinius lib. III.
cap. V. Ebusi terra serpentes fugat, Colubraria parit: ideo infesta omnibus, nisi Ebusitanam ter-
ram inferentibus. Vocatur autem hodie Moncolobrer, ut auctor est Ambrosius Mora-
les, qui ait illos falli, qui vicinam illi insulam Dragoniram Ophiusam credunt. Ebusus ve-
rò, interfluente tantum freto, ab Ophiusa separata; quae à Dionysio Alexandrino, & ab
Eustathio eius Commentatore Βούρας vocatur, prorsus contrariis dotibus exornata:
siquidem teste Pomponio Mela citato loco, Frumentis tantum non fecunda, ad alia largior,
& omnium quae nocent animalium adeò expers, ut nec ea quidem, quae de agrestibus mitia sunt,
aut generes, aut si inuecta sunt sustineat.

Plinius etiam, Nec cuniculos, inquit, Ebusus gignit populates Balearum messes. idem
30 asserit lib. VIII. cap. LVIII. Diodorus verò Siculus lib. VI. cap. V. vites ibi & lanam
prouenire, palmisque fertilem esse refert. Plinius autem & ficus ferre lib. XV. cap.
XIX. dicit: Honos laudatas seruat [ficus] in capsis, in Ebuso insula praestantissimas ampli-
masque, mox in Marrucinis.

Saccarum etiam, rarum olim felicitatis donum tulisse innuit Stadius Papinius Sil-
uarum lib. I. hoc Hendecasyllabo:

Quod ramis pia germinat Damascus
Et quas praequoquit Ebusia cannas
Largis gratuitum cadit rapinis.

Nihil enim moror illos, qui contra omnium librorum consensum, Hypasita, sub-
40 stituunt. Compascuam verò pecori etiam fuisse, ostendit Festus Auienus in sua orbis
terrarum descriptione:

Ac dilecta vago pecori consurgit Ebusus.

Urbem habuit cognominem, & Carthaginensium Coloniam, quae CLX. annis
post conditam Carthaginem, teste Diodoro Siculo deducta fuit; unde Silius Italicus
lib. III. Phœnissam vocat:

Iamque Ebusus Phœnissa mouet, mouet Artabrus arma.

Liuius etiam lib. XXVIII. Magonem tota Hispania pulsum, Ebusum, ut ad sociam vr-
bem traieciisse dicit: Inde nauibus ad Pityusam insulam, centum millia ferme à continenti (Pæ-
ni tunc eam incolebant) traiecit, itaque classis bona cum pace accepta est: nec commeatus modo be-
50 nigne praebiti, sed in classis supplementum, inuentus, armaque data. Firmam autem & validam
fuisse urbem idem asserit lib. XXII. Plinius verò foederatam ciuitatem fuisse auctor
est. Distat autem à Dianio Ebusus, teste Plinio D. CC. stadiis, licet Hieronymus Su-
rita, ex Isidoro lib. XIV. Originum cap. VI. septuaginta vult substituere, nixus etiam
in Plinii exemplari, sed à vero deuiare palam est. Nam praeterquam quod Iulius So-
linus XXVI. Plinio subscribat, accedit T. Liuius, qui lib. XXVIII. dicit ferme cen-
tum millia passuum à continenti distare: & bene, nam huic numero explendo cen-
tum tantum stadia desunt. Adde his Diodorum Siculum, qui diei vnus tantum navi-
gatione ab Iberia abesse dicit. quare retinendam puto Plinianam lectionem, & Isidori
locum emendandum, & Septingenta stadia, pro LXX. substituendū. nam cum LXX.

stadia vix X. M. P. explent, ipse visus longius à continenti distare iudicabit. Proinde ita legendum cenfeo in Iliodoro: *Ebusus insula Hispaniae dicta, quod à Dianio non procul sit quasi Ebozos, nam septingentis stadiis ab eo distat.* Sed quid sibi vult etymon illud quasi Ebozos? Delio opus habet natatore: nisi placeat legere, quasi *Διοῖον*, quod videlicet Dianium statim excipiat & sublequatur, nam Græcam vocem ætatis lapsu corruptam esse: & in *Ebozos*, aut, ut alii Codices præferunt, *Abozos*, migrasse, nihil certius est. Sed lectorum iudicio coniecturam hanc expono. Insula hæc hodie *Yuiza* vocatur, clara inexhausta & perenni salis copia, quæ non solum Hispaniæ, sed & vicinis prouinciis sufficit. Hac in insula antiqua hæc reperta est inscriptio:

IMP. CÆS.

M. AVRELIO. CARO.


PIO. FELICI. INVICTO. AVG.

PONT. MAX. TRIB. POT.

P. P. COS. II. PROCOS.

ORDO. EBVSII.

D. N. MER.



CAP. XCV.

BALEARES INSVLAE CYRGYMNESIAE DICTAE. ANTONI-²⁰

*ni lectio stabilita contra Smilerum. Vnde nomen. Funditores optimi. Laticlauo primi
vsi. Mores & ritus.*

IN Mediterraneo mari, inter Tarraconis & Sucronis maritima, geminae iacent insulae *Baleares*, vel *Balearides* olim dictae, nunc *Mallorca* & *Menorca*, à Græcis vero *γυμνησια* vocatae. Vel quod ætate nudi incederent incolae; vel quod facto naufragio Bæotorum aliqui nudi huc appulerint, ut Tzetzes in Lycophronem, & Eustathius in Dionysium Alexandrinum innuunt. Harum una *Maiores* altera *Minor* dicebatur. Illa teste Plinio lib. III. cap. V. C. M. P. longitudine, circuitu vero CCC. LXXX. patebat: oppida habebat *Cinium Romanorum*, *Palmam* & *Pollentiam*, *Latina*, *Cinium* & *Cunici*, & *fæderatum* *Bochri* fuit, ab ea XXX. M. P. distat minor, longitudine LX. circuitu vero CL. M. P. ciuitates habet *Iamnonem*, *Taniferam*, *Magonem*. Hactenus Plinius: à quo tamen diuersi sunt Ptolemæus, Strabo & Pomponius Melalib. I. qui tantum in *Maiores* insula, *Palmam* & *Pollentiam*, in *Minori*, *Iamnam* & *Magonem* collocant. Antonini Itinerarium, cur *Maiorem* *Baleari-*⁴⁰
um *Columbam* vocet, *Minorem* vero *Nuram*, me fugit. Vnde & Smilerum in Annotationibus suis credo reieciisse priscam lectionem, & velle legere *Insula Colubraria*, & postea separatim, *Insula Balearis Maior*. sed non persuadet. debuisset enim hoc pacto etiam emendasse sequentia: *Insula Nura Balearis Minor*. Adde in Smileri lectione deesse stadiorum numerum, quem nefas est in Itinerario præterisse, quare retinendam veterem lectionem puto. T. Liuius lib. XXVIII. auctor est maiorem *Balearidum* armis⁴⁰
virisque copiosior, Strabo vero magnitudine tantum à se mutuo differre, virtute autem incolarum, & soli bonitate æquales esse; portus habet capaces & satis tutos, nisi breuia aliqua ostiis vicina essent, seu, ut auctoris verbo utar, *χειρὼδες* essent. Vnde & Lycophronem *χειρὼδες* vocasse has insulas crediderim. Vocatae autem sunt *Baleares* vel à *Baleo* Herculis comite, ut auctor est L. Florus *Liuianæ* Epitomes lib. LX. vel potius à *Βάλλειν*, id est, *Iacere*, quod optimi funditores ab omni æuo fuerint, adeo ut Vegetius lib. I. cap. XVI. *Primos illos fundis vsos fuisse* scribat. Strabo tamen à Phœnicibus hanc artem edoctos scribit, cum insularum potiti essent, qui teste Plinio lib. VII. cap. LVI. *funda primi inuenere. Certos esse quis miretur ictus?* (inquit Florus lib. III.) *cum hæc sola genti arma sint, & unum ab infantia studium. Cibum puer à matre non accipit, nisi quam ipsa*⁵⁰
monstrante percussit. Quod & Lycophron in *Castandra* his versibus explicat:

Οὐ γὰρ τις αὐτὸν ψίσσεται πύρον γνάθῳ,

Πεὺν αὖ κατήσσει νάσον εὐστόχῳ λίθῳ

Ἵ' περ τεύφης, σῆμα κείμενον σκοπῷ.

Non enim aliquis illorum edet panem maxilla,

Priusquam obtineat panem bene iaculato lapide

Super lignum, signum iacentis scopi.

Incolarum vero originem Strabo lib. XIV. secundum plurimorum opinionem, à Rhodiis fluxisse dicit, qui euerfa Troia huc nauigarunt. Silius vero Italicus lib. III. ad Tlepolemm, & ad Lindum Rhodiorum urbem refert:

Iam

*Iam cui Tlepolemus sator, & cui Lindus origo,
Feruida bella ferens Balearis, & alite plumbo.*

Ifacius verò Tzetzes in Lycophronem refert Tlepolemi socios in Cretam, expugnato Ilio venisse: deinde ventis pulsos, in Ibericas peruenisse insulas, ibique habitasse. Vtque insula egregie felix, & fecunda est, & omnis generis armenta ferens. Generosi etiam vini, olim feraces fuisse refert Plinius lib. XIV. cap. VI. *Balearica*, inquit, *[vina] ex Insulis conferuntur Italia primis*. Oleo carebant olim, quare teste Aristotele lib. de mirandis auditionibus, oleum ex terebintho parabant, sed mitescente solo assidua cultura hodie eo abundant: præter agrum fertilem, non facile his in locis est reperire
10 noxium vllum animal; immò refert Plinius lib. XXXV. cap. XIX. terram Balearnem non secus ac Ebusitanam serpentes necare. Nec cuniculos quidem indigenas fuisse multi asserunt, sed ex vicina insula masculum & femellam aduectos, tanta sobole succreuisse, ut populatis messibus, fame periclitati fuerint, & ab Augusto Cæsare militare præsidium aduersus illos coacti petere, teste Plinio lib. VIII. cap. LV. Aut nec argento olim vsos fuisse testatur Diodorus Siculus lib. VI. & Aristoteles lib. de mirandis auditionibus, nec in insulam inferri passos fuisse, memores, Geryonem Chrysaoris filium, ob diuitias ab Hercule interfectum. Cumque olim Carthaginensibus militassent ex stipendio debito, vinum & mulieres, quarum impense cupidi, secum attulere; rati sese omnes vitæ insidias facile euasuros, si auro argentoq; caruissent. Memorat
20 & Strabo lib. III. primos omnium mortalium Balears, Laticlauum induisse, quod & ab Eustathio in Dionysium Alexandrinum, notatum video: mirorq; apud rudes & incultos homines, senatoriæ dignitatis ornamentum primò repertum fuisse. num verò hinc ad Romanos tunica laticlauia peruenierit, nulla mihi ratio suadet ut credam: præsertim cum Plinius lib. IX. cap. XXXIX. refert latiore clauo Tullum Hostilium primum è regibus, deuictis Hetruscis, vsu fuisse, multis annis priusquam Balears P.R. noti essent. Cl. Iustus Lipsius vnicum rei litterariæ (heu quondam) decus, suis ad me litteris credit Balears *πλατυσείμοις χιτῶσι* vsos primum; quas Romani paulò aliter vsurparunt, in lino nempe illi, non in lana: à quibus & Hispani ita vicini sumserunt. de quibus Liuius lib. XXI. *Hispani linteis prætextis purpura tunicis constiterant*. Idem
30 dixerat Polybius, *χιτῶνίδες δὲ ἐν πορφύρῃς* gestare. Non erat forsan purpura ea in clauos distincta, nec tam Augusta ut Senatorum laticlauus.

Ad prælia erumpunt inermes, tribus tantum præcincti fundis circa caput, teste Strabone. Diodorus verò Siculus paulo aliter, ut vna funda caput, altera ventrem cingant, tertia manu gestetur, quibus ita perite & tanta vi, lapides iactabant, teste Flauio Vegetio lib. I. cap. XVI. *Vt sæpe aduersus bellatores, casidibus & cataphractis, loriceisque munitos, teretes lapides de funda, vel fustibulo destinati sagittis sint omnibus grauioribus, cum membris integris lethale tamen vulnus importent, & sine inuidia sanguinis, hostis lapidis ictu intereat*. Primus autem Romanorum hos deuicit Metellus, teste L. Floro lib. II. vide & *Balearici* illi cognomen. Ridiculum est quod Diodorus Siculus lib. VI. de nuptiali Balearidum ritu prodit: finitis enim epulis, qui altioris inter amicos est ætatis, sponsam imminuit, ceterique prout ætas quemque magis honestat, illi accubat. Omnium vltimò sponso patet accessus. Has insulas Iacobus Aragonum Rex anno M. CC. XXX. deuictis Mauris, Hispaniæ restituit. Nostro æuo omnium rerum copia præsertim vini, oleique egregie sunt felices. Ex *Maiore Balearidum* ortus *Raymundus Lullus*, ingenii acumine & varia doctrina conspicuus, quem populares sui tanto honore prosequuntur, ut in vicem Aristotelis, iuuentuti illum exponant. qui cum omnium literarum esset expertus, ac ne Latine sciret quidem, multa patrio sermone euulgauit, ubi non tantum Philosophiæ, quam rerum diuinarum cognitionem inducit, ita tamen obscure, ut doctissimi licet, pauci admodum ea capiant. Variè posteritas de iis iudicauit, & ut cuiq;
40 suus captus, alii ea laudare, alii culpæ. Illud constat supra quingentos in Religionem Christianam errores, ex iis decerptos, Gregorii XI. Pont.

Max. iussu Auenione anathematis ignominia
notatos.

¶



NOBILIORES

HISPANIAE
FLVVII.

ANAS.



INTER Hispaniæ præcipuos amnes iure censetur *Anas*, qui corruptè hodie *Guadiana* dictus, tum quòd notissimus inter Bæticam & Lusitaniam limes, tum quod magnitudine sua conspicuus sit. Oritur autem, teste Plinio, Laminitano in agro Citerioris Hispaniæ (quem alii *Mancha de Aragon*, alii *Campo de Montiel* vocant) modò se in stagna fundens, modo in angustias resorbens, aut in totum cuniculis condens, & sæpius nasci gaudens in Atlanticum Oceanum effunditur. nam quum procul ab ortu suo ex hominum conspectu se eripiat, per cæcos, & subterraneos meatus, ad septem milliaria lucifugus fluit; donec prope *Villaharta* (loci id nomen est) iterum in lucem erumpat, maiori vi & latiori alueo. Video tamen has *Anæ* latebras controuerti, & vt fabulosas à plerisque elimi- 20 nari. Sed Plinio & receptæ passim opinioni suffragantur Hieron. Giraua, & Hieron. Paul. & Gaspar Barrerius doctissimi Hispani, qui in re tam aperta non passi essent palpū sibi obtrudi. Iactitet se nunc fabuloso suo *Alphæo* Græcia, quæ ferūt in Peloponeso Pisas transire, & in Mediterraneum mare influere, nec adulterari pelagi falsugine, sed sub ima maria, hospitales suas aquas seruare, & in Arethusam fontem propè Syracusas refundere: hoc tamen vno, *Alphæo Anas* inferior, quòd Græcorum præconiis caruerit. amnis huius latebræ incolis iocandi materiam præbuere, dum patrio sermone ferunt, pontem esse in Hispania, vbi perpetuò plurima armentorum millia pascantur. Ausonius, vbi de Emerita loquitur, vocat *Anam æquoreum*. Prudentius verò hymno in S. Eu- 30 laliā (loquitur de Emerita:)

*Quam memorabilis amnis Anas
Præterit, & viridanter apax
Mœnia pulcra alluit.*

Festus Auienus in Iambis dicit per Cynetæ populos fluere:

*Ana amnis illic per Cynetæ effluit,
Sulcatque glebam.*

Sed si Ortelio fides aliqua, hallucinatur egregiè Auienus. nam cum *Cyneta* circa promontorium Sacrum sint, multis millibus passuum inferius fluere *Anam* in comperto est.

BÆTIS.

NOBILISSIMUM Hispaniæ flumen *Bætis*, à quo & prouinciæ nomen inditum, Tugien- 40 si saltu exoritur, teste Plinio. Strabo verò & Stephanus Byzantinus ex argenteo monte, quem Festus Auienus *Argentarium* vocat, prope Castulonem, dicunt erumpere. Sed idem Strabo ex Orospe da monte oriri auctor est. Aristoteles verò æui sui ignorantiam secutus, lib. i. Meteorum, vñā cum Danubio ex Pyrenæis montibus putat fluere. Polybius verò vñā cum Ana ex Celtiberia credidit oriri, qui tamen amnes non- 50 gentis inter se distant stadiis, auctore Strabone. Modicus autem primo impetu fertur *Bætis*, sed multis stipatus fluuiis, quibus aquas, famamque ingtatus aufert, non procul à mari grandem lacum efficit (qui Festo Auieno *Ligusticus* vocatur: meminit & Suidas *Ligustici* in Hispania; sed quid esset non expressit) atque hinc tanquam vno fonte, geminus exoritur, quantusque vnico alueo venerat, tantus singulis se mari miscet: licet 60 temporis iniuria, alterum eius ostium quod ad meridiem vergebat, oblimatum nunc sit. Dissentit tamen à passim recepta hac opinione Cl. V. Ioannes Genesius Sepulveda, & geminis ostiis in mare adhuc hodiernò æuo dicit erumpere: infra enim Hispalim constat, quatuor insulas ab hoc amne effici, sed duas esse præcipuas; alteram XVI. alteram XXVIII. circiter M. P. longitudine patere. *Minor* illa, hæc *Maior*, ab indigenis dicitur, quarum inferiorem Bætis quasi duobus brachiis complexus alluit: donec Oceano, breui sinu terras vsq; ad insulam intranti occurrat; quæ duo brachia, Oceanū dextra læuaque influentia, veteres duo Bætis ostia esse dixerunt. Hinc Strabo: *Bætis* 65 *bisarianæ*

bisariam partitus, in Oceanum exit; inter cuius ostia intercepta insula, centum, vel (vt quidam tradunt) amplius stadiis à littore distat. Festus verò Auienus triplici se ostio mari quondam infudisse auctor est:

— sed insulam

Tartessus amnis ex Ligustico lacu
Per aperta fusus undique adlapsu ligat.
Neque iste tractu simplici prouoluitur,
Vnusve sulcat subiacentem cespitem.
Tria ora quippe parte Eoi luminis
Infert in agros, ore bis gemino quoque
Meridiana ciuitatis alluit.

10

Vulgo Guadalquivir, id est Fluvius magnus vocatur, olim verò ab incolis Cirtium appellatum, auctor est T. Liuius lib. XXVIII. Martius, inquit, superato Bati, quem incolae Cirtium appellant, duas opulentas ciuitates sine certamine in deditionem accepit. Stephanus verò Byzantinus ab incolis περιχλν scribit vocari, sed perperam utrobique, vt in Epistolicis quaestionibus obseruauit Cl. I. Lipsius, & Certim ex manuscripto Liuii substituit. Fuit etiam Tartessus antiquis dictus, vt ex Stefichoro ostendit Strabo, quomodo etiam Aristoteli citato loco dicitur: quibus Stephanus suffragatur, qui Tartessi amnis prope urbem Tartessum meminit, vnde & Festus Auienus in lambis suis:

20

— Tartessus

Ager his adhaeret, adluitque cespitem
Tartessus amnis.

Isidorus Originum lib. XIII. Batis etymon à Bado deducit, quod scilicet per humilia loca fluat. Sed pace tanti viri, insulsa nimis est etymologia. Et si longinquo non pigeat petere, melius forsitan noster Becanus, à Belgica dictione Baet, quod vtilitatem designat, Batis nomen deriuat, quia illius aquis commodissime lanæ inficiuntur, cuius causa maxime commendantur ab antiquis. Vnde Martialis:

Batis oliuifera cinem redimite corona,
Aurea qui nitidis vellera tingis aquis.

30

Huc etiam alluisse videtur Iuuenalis Satyra XII.

— generosi graminis ipsum
Infecit natura pecus, sed & egregius font
Viribus occultis, & Batius adiuvat aer.

Refert Philostratus lib. V. cap. II. Vitæ Apollonii Tyanæi, Batim Oceani quasi naturam præ se ferre: siquidem crescente Oceani æstu, versus fontes agi, spiritu quodam ipsum à mari impellente, vnde & Statius Papinius Sil. lib. II.

Attollat resluos in astra fontes
Graio nobilior Melite Batis.

C I N G A.

40

Rapidus potius, quam magnus inter Illergetes Citerioris Hispaniæ populos, est fluvius Cinga, à Pyrenæis montibus decurrens, Gallicam Flauiam urbem, nunc Fragua dictam pertransit, & Ibero sociales vndas defert. Meminit huius Iulius Cæsar lib. I. de bello ciuili, qui magno suo periculo eius violentiam expertus fuit. Lucanus lib. IV. graphicè eius mentionem facit:

— camposque coercet.

Cinga rapax, vetitus fluctus & littora cursu
Oceani pepulisse suo. nam gurgite mixto
Qui præstat terris, aufert tibi nomen Iberus.

50

Eiusdem etiam nominis in Gallia recenset fluvium idem Poeta lib. I.

— quæ Cinga pererrat

Gurgite: quæ Rhodanus raptum velocibus vndis
In mare fert Ararim.

G O G E D F S.

Nisi potissima instituti mei pars esset, loca illa Hispaniæ detegere, quorum apud classicos auctores mentio, Cogedum amnem præterire in animo erat. nam & tenuis & obscuri nominis est; sed quia apud Martiale eius est memoria, aliqd illi dandū cæsi. Oritur hic prope montem Caunū non procul à Bibili, & Vobertam prælabitur, quæ

nunc *Bouierca* dicitur, & Saloni se immiscet, hodie adhuc prisco nomine gaudet; licet Benedictio Ariæ Montano apud Ortelium, *Rio de Codes* dicatur. Martial. lib. I. Epigrammat. ad Licinianum de Hispaniæ locis eius meminit his versibus:

*Tepidi innatabis lene Congedi vadum
Mollesque nymphae lacus.*

Gaspar Barrerius vocat hunc amnem *Cogedum*, & versum hunc Martialis hoc modo censet legendum:

*Tepida natabis lene Cogedi vada
Sed perperam: nam otiosa esset dictio Lene.*

DURIUS.

10

DVRIUS ex maximis Hispaniæ amnibus, ortus in Pelendonibus, teste Plinio, & iuxta Numantiam fluens, dein per Arreuacos, & Vaccæos lapsus, determinat ab Austuria Verthones, & à Lusitania Gallæcos: in Oceanum Atlanticum multis fluminibus ausus procurrit. Straboni *δωριος*; Ptolemæo vero *δωριος*; Appiano in Ibericis *δωριος* vocatur, nostra vero ætate incolis *Duerò* dictus. Isidorus lib. XIII. cap. XXI. *Durium* a Græcis, quasi *Doricum* cognominatum dicit. Amnis est egregie piscosus, & optimas alosas, & lampetras (quas *mutanas fluuiatiles* nonnulli vocant) & salares, magna frequentia fundit, Sed præcipue clarus olim ob auríferas arenas, quod & Silius Italicus cecinit lib. I.

20

Hinc certant Pactole tibi, Duriusque Tagusque.

Licet nostro ævo ob accolarum inertiam admodum raro inueniantur.

IBERUS.

Placulum pene esset *Iberum* præterire nobilissimum Hispaniæ amnem; quippe qui toti prouinciæ, *Iberia* nomen dedit, ut multis placuit, qui teste Plinio lib. III. cap. III. *Nauigabili commercio diues, oritur in Cantabris, haud procul oppido Iuliobriga. CCCC. L. M. P. fluens, nauium per CC. L. M. P. à Varia oppido capax.* Idem tamen exactius lib. IV. cap. XX. à portu Victoriæ Iuliobrigensium fontes Iberi XL. M. P. abesse scribit: Florianus vero Occampius pensculatius eius exortum rimatus, dicit non procul ab *Aguilar del campo* (loco id nomen est) *Iberum* binis fontibus scaturire, & ab incolis locum indigetari *Fontible*, quasi Iberi fontes dicas. multis hic stipatus fluminibus, à septentrione in austrum fertur, cum cæteri Hispaniæ fluuii ab ortu in occasum delabantur, in causa est *Iubeda* mons, à quo in occasum ire prohibetur, unde in austrum necesse se flectit, multas & illustres præteriens vrbes, infra Dertosam, indignanti similis, mari se infundit, tanto quidem impetu ut ultra quinquaginta passus Mediterranei maris salsas undas edulcoret. Nobilitatus etiam Luctatii Catuli fœdere, quo inter potentissimos populos, Romanos & Carthaginenses, vtriusque imperii terminus est statutus: unde prima Hispaniæ diuisio, *Ultra Iberum* & *Cis Iberum* manauit. Sed & præter hunc *Iberum* amnem, alterius in eadem Hispania meminisse videtur Fest. Auienus, & in Batia statuere. nam cum multa de Tarressiis dixisset, subdit:

50

40

*Iberus inde manat amnis, & locos
Fecundat unda: plurimi ab ipsa ferunt
Dictos Iberos, non ab illo flumine
Quod inquietos Vascones praelabitur.*

Vnde forsan Florianus Occampius Bæticæ fluuiolum *Rio Tinto*, vocatum olim fuisse dicit *Iberum*.

LETHE.

NON tam aquarum gloria, quam priscorum fabulis celebratus est *Letmia* Lusitaniæ amnis, Græcis *ληθη*, ut & Silio Italico *Lethe* vocatus; Pomponio Mele & Plinio *Oblivionis flumen* dictum: Francisco Taraphe, & Hieronymo Paulo libello de fluminibus Hispaniæ, *Eunemius* vocatur; sed parum exacte, cum secundum Plinium lib. IV. cap. XXII. *Æminius* sit dicendus, cuius hæc sunt verba: *À Minio, quem supra diximus CC. M. P. (ut auctor est Varro) abest Æminius, quem alibi quidam intelligunt, & Limeam vocant, Oblivionis antiquis dictus, multumque fabulosus.* Strabo ex Celtiberis & Vaccæis dicit *Limeam* fluere, sed ab Andrea Resendio erroris conuincitur, qui refert ex palustribus quibusdam locis, inter Aquis, Caldensem urbem & oppidum Monteregiū erumpere, cuius

50

cuius accolae olim *Limicos* ex vetusto lapide docet vocatos. Sed vnde fabularum origo, & *Obluionis* nomen? refert Strabo, Celticos Lusitanos & Turdulos, cum sociis armis adhuc loca peruenissent, traiecto Limea exorta seditione ducem amisisse; quare palantes & vagos, proximas amnis ripas occupasse, oblitosque expeditionis susceptae & iniuriarum, amni nomen *Obluionis* indidisse. Vanum hoc nomen, vanior deinde religio auxit, cum passim percrebuisset his aquis epotis obluionem incurri, adeo ut Decius Brutus, omnium ore ferretur, quod primus tantopere formidatum militibus flumen traiecisset, ut testantur Appianus lib. de bello Iberico, L. Florus lib. II. cap. XVIII. & Plutarchus in. *Quaestionibus Romanis*. Auri etiam grumulos, ut pleraque Hispaniae flumina suis vndis, commixtos defert. Vnde Silius Italicus lib. II.

*Quique super Granios lucentes voluit arenas,
Infernae populis referens obliuia Letha.*

In Batrica etiam fluuiolus est, *Guadalete* dictus, quem Florianus Ocampius nuda nominis similitudine allectus, *Lethem* etiam indigerat, quasi flumen *Lethem* dixeris.

M I N I V S.

Maximum esse Lusitaniae flumen Minium, auctor est Strabo; Plinio vero, & Mela Tarraconensis est provinciae, & per Bracaros fluit. Posidonius hunc e Cantabris oriri dicit, insulamque ante eius ostium vna cum binis scopulis refert procumbere: sed nullum huiusce rei hodie vestigium exstare ferunt. Strabo etiam *Banim* ait vocatum, seu ut Hermolao Barbaro placet, *Nabim*. Pomponius tamen Mela, *Nabium* à *Minio* diuersum statuit. miror ego ubi *Aethico* mens fuerit, dum Minium prope Pyrenaeum nasci, & in orbem verti ait, ut Brigantium maritimam urbem includere asserat, cum multis millibus à Pyrenaeis oriatur, nec Brigantium, quod inter Callaicos Lucenses est, vlla ex parte attingat. Iustinus libro ultimo à *Mini*, venis, & colore ita dictum amnem credit, ut & Isidorus lib. XIII. Etymol. & cum paucorum fluminum aquas recipiat, natiuis tamen vndis ita diues, ut IV. M. P. ore spatiosus in Oceanum influat, teste Plinio. amnis est egregie piscosus, praecipue vero praegrandes asturiones nutrit.

M V N D A.

Inter Durium & Tagum non inglorius fertur *Munda*, æquis ab Vtroque spatiis distans qui & *Muladas* Straboni vocatur, hoc æuo *Mondego* indigenis dictus; nec ipse auriferæ arenæ gloria caret; licet incolarum inertia, raro admodum nunc inueniantur. Conimbricam, sacram Musis urbem, lato alueo praeterfluit, & ponte firmi & egregii admodum operis transitur, nec procul ab ipsa vrbe mari commiscetur; agris non inutilis & piscosus affatim, sed ubi vel largiori imbre, vel hybernis niuibis augetur, ad insaniam usque excresecit, & late per adiacentes campos magna cum strage:

*Sternit agros, sternit sata leta, boumque labores
Praecipitesque trahit siluas.*

S A L O.

Inter Hispaniae amnes, clarus admodum est *Salo*, qui licet nec lato alueo tumeat, nec auriferis arenis superbiat; nulli tamen cedit ferri gloria: omni enim ferro ipsius aqua est violentior. Aquæ enim temperamento, ferrum acrius robur, & miram duritiem acquirit: vnde Martialis, ubi de Congedo amne egit, subdit:

*Quibus remissum corpus astringens breui
Salone qui ferrum gelat.*

Et libro V. Epigr. VI. ubi de Bilbili:

*Quam fluctu tenui sed inquieto
Armorum Salo temperator ambit.*

Num vero hic sit idem amnis qui Iustino libro ultimo *Bilbilis* vocatur, vel ut manuscripti aliqui *Byrbilis*, non abhorret animus ut credam, praesertim cum illi maximam ferri temperiem adscribat, adeo ut nullum apud eos telum probetur, inquit, quod non aut *Bilbili* flumine, aut *Chalybe* intingatur; quæ certe *Saloni* nostro in primis quadrant. nullus enim praeter *Salonem* ferri gloria in Hispania notior est, nec ea de causa magis celebris. Potuit enim ab adiacente vrbe *Bilbilis* vocari. Vnde mihi nata suspicio non incommode apud Iustinum legi posse: *Quod non aut Bilbilis flumine*, ut nomen fluminis praetereat, urbem vero ostendat. Sed Lectori hoc dispiciendum relinquo.

ILergetum est amnis *Sicoris*, inter Ceretanos ortus, & Ilerdam, nobilem & validam urbem præterfluit: notissimus bello, quod inter Cæsarem, & Pompeii duces, Petreium & Afranium, circa illum gestum fuit, unde Lucanus:

*Hesperios inter Sicoris non ultimus amnis
Saxeus ingenti quem pons amplectitur arcu
Hybernâs passurus aquas.*

Vocatum fuisse & *Sicanum* quondam hunc amnem, non obscure coniicias, unde & accolæ *Sicani* dicti, qui Sicilia olim *Sicania* nomen indiderunt, ut testatur Dionysius Halicarnassæus lib. I. & Thucydides lib. VI. *Veritas*, inquit, *Sicanos* arguit *Iberos* esse, oriundos à flumine *Sicano*, quod in *Iberia* est; à *Ligyis* eiectos; & ab his tunc dictam *Sicaniam* insulam prius *Trinacriam* nominatam. Idem sentit etiam Silius Italicus lib. XIV.

*Vomere verterunt primum novâ rura Sicano.
Pyrene misit populos. qui nomen ab amne
Ascitum patrio; terræ imposuere vacanti.*

Quæ omnia de *Sicori* dicta etiam facilius crediderim, quod nullus in Hispania locus sit, cui magis hæc aptari possint. Vocatur hodie incolis *Segre*, & auratas etiam arenas Oceano deferre, testantur Franciscus Tarapha, & Lucius Marineus.

SICRO.

Inter Cõtestanos Citerioris Hispaniæ populos non procul à Valentia *Sucro* amnis labitur, ex Orospehanis montibus originem trahens, hodie *Xucar* vocatur. Silius Italicus inter Sederanos videretur ponere, cum ait lib. III.

Sedetana cohors, quam Sucro rigentibus undis.

Sed nulla re clatior, quam Sertorii circa illum clade, ubi & castris à Pompeio exutus fuit. Ut testatur Sallustius in Epistolæ fragmento à Pompeio ad Senatum missæ. Ab hoc etiam amne *Sinlum* *Sucronensem* dictum testatur Pomponius Mela: eiusdem etiam nominis oppidum eodem in tractu commemorat cum Strabone T. Liuius.

TURIA.

Non procul à Valentia Edetanorum, Turia amnis labitur, amœnissimos eius agros irrigans, & omni deliciarum genere fecundans. Vnde merito à Claudiano lib. de laudibus Serenæ *formosus* dicitur:

— & roseis formosus Turia ripis.

In eius nomine variant Scriptores: Pomponius enim Mela lib. II. *Duriam* vocat: sic etiam Cicero in oratione pro Cornelio Balbo, *Acerrimis*, inquit, *illis præliis, Sucronensi & Duriensi interfuit Balbus*. Plinii vero exemplaria variant, nunc *Turium*, interdum *Turiam* vocant. Potior tamen scriptorum pars *Turiam* vocat: ita enim in fragmentis historiarum Sallustius, & Plutarchus in Sertorio. Amnem hunc eundem esse cum *Turuli* Ptolomæi, non male coniiciunt Hermolaus Barbarus, & Iosephus Moletius: & situs suadet. Hieronymus Paulus ita dictum ex quorundam opinione dicit, à Phœnicibus, qui tempestate amnis huius ostiis appulsi, multitudinem boum conspicati, *Turiam* vocarunt, quod illis patrio sermone *Turbos* esset. alii verbò à dictione *ῥοῦρα* dictum putant, quæ celerem & impetuosum denotat.

TAGVS.

Tam apud Græcos quam Latinos scriptores *Tagi* nomen illustre fuit, adeo ut cum Marone dicere liceat,

Cui non dictus Hylas?

Oritur autem nobilissimus hic amnis in Celtiberis, teste Strabone; & per Vetonas, & Carpetanos lapsus Toletum, præpotentem urbem pene circumit, tandem Lusitaniam mediam secans, pleno alveo sub Olisiponenſium mœnibus Atlantico pelago infunditur. Quid in mentem Isidoro lib. XIII. venerit, de *Tagi* etymo, lubet potius admirari, quam incitiæ illum arguere: *Tagum*, inquit, *fluvium* Carthago Hispania nuncupavit, ex qua ortus procedit, arenis auriferis copiosus, & ob hoc ceteris fluviiſ prælatus.

Sed

Sed vnde *Tagi* etymon à *Carthagine* deducit, aut quidnam *Tago* cum *Carthagine* commercii? nam procul admodum à noua *Carthagine*, oriri ex *Strabone* iam dictum. fima illi præcipua ex auri arenis, grumulisque, quos tanquam telluris spolia Oceano defert. Vnde *Iuuenalis*:

Omnis arena Tagi, quodque in mare voluitur aurum.

ceterique passim Poëtæ, quos recensere operosum esset. *Mela* verò non aurum solum, sed & gemmas illi ascribit, lib. III. cap. I. his verbis. *In altero [sinu] Olysipto & Tagi ostium, amnis aurum gemmasque generantis.* Mirantur multi, celebris illius & passim vulgatæ auri famæ rara adeo exstare vestigia. Causam refert *Andreas Resendius*. Lege cautum id scrutari, ne commotis arenis, depressiores frumentarii agri aquarum illuuiem patiantur, in fidem tamen vetustæ gloriæ, *Lusitanorum Regum* sceptrum ex *Tagano* auro conflatum, quo purius nullum reperiri possit.

F I N I S.



INDEX

RERVM MEMORABILIVM, QV AE CONTINENTVR IN HOC IV. TOMO rerum Hispanicarum.

A



Adella capitur & trucidatur morte crudelissima	102
Abea Castrum	108
Abdamalech Almanzor's Barbari filius à regno Legionensi fugatur	88
Abderrama Rex Maurorum maximus	75
Abelis vocabuli notatio	5
Abenfuth Rex Barbarorum, expellit ab Hispania Almophades 144 in pralio sauciatus gravissime, aufugit	ibid.
Abenhabel Barbarus	107
Abenhandel , Zaphadola & Lupus Reges Sarracenorum	104
Abimelech Hebræorum Pontifex Maximus.	15
Abobalis Dux & Proconsul Hispania numeratis cætum militibus solidorum, liberatur	79
Abobahya Rex Casaraugustanus subdit se Ramiro Gothorum Regi	83
Abominanda Machometis perversitas	311
Abraham Chaldeorum igne surreptus diuinitus	9
Abubacar Rex Arabum	54
Abundius Presbyter & Martyr	391
Ab Octaviano Augusto Romani Imperatores dicti Augusti	24
Acephalorum hæresis: acephali cur sic dicti	38
Acisceli & Zoyli sanctorum corpora	334
Acta urbs Græcia post Athenam dicta condita à Cecrope	11
Adulteri à Bamba Rege Gothico, puniuntur supplicio hand inconuenienti	61
Adam centum annis à toro coniugali abstinet	6
Adaulphus Episcopus Legionensis	56
Adefonsi Regis trucidator, manibus, oculis & altero pede priuatur	93
Adefonsi Regis Milites delicati	102
Adefonsus Catholicus Petri Cantabriensis ducis filius Eligitur in Regem	ibid.
Adefonsus propter caloris feruorem nimium leuiter indutus ab aduersario quopiam Saraceno lethaliter vulneratus, occubuit	90
Adefonsus Rex Gothorum regno pellitur	74
Adefonsus Regno Gothico restituitur, multa præclara erigit ædificia 74 à duobus Angelis crux aurea extruitur, quam solemniter ritu, Saluatori consecrat	75
Adella Rex Toletanus Adefonsi Regis sororem volens cognoscere reluctantem, ab Angelo, ut illa prædixerat, quamprimum percussus interiit	89
Ad prædandam Italiam Gothi in diuersas partes diuiduntur	45
Adulphus & Johannes Martyres	302
Adulphus Episcopus S. Iacobi ab incurstante Tauro, sibi supplicii loco destinato, seruatur, ipsius vero derisores ab eodem Tauro occiduntur 86 Mortuus mille hominum manibus loco moueri non potuit	ibid.

Aetius dux Romana militia	46
Aegyptus , à Cambyse denuo deuastata, qui Cambyse in Damasco paulo post vitam cum morte commutauit	20
Aegyptus ab Aethiopibus Memphin usque deuastatur	11
Aegyptus à Nabuchodonosore subueritur, Iudæi ibidem reperti in Babylonem deduci captiui	18
Aelii Pertinacis victoria gloriosissima	34
Aeneas Antecessores nominatim recensentur	13
Aeneas , ob regnandi Nobilitatem, dictus primus Rex Latinorum	
Aes Corinthium	14
Africa à Scipione victa	23
Agila Rex Gothorum impius punitur	49
Agnus in Græcia locutus	15
Ajax natione Galata Apostata	42
Alamundarus Rex Saracenorum	336
Alanus fluuius	40
Alani Gothorum vigore extincti	43
Alaricus Eurici Gothorum Principis filius parentis in regno successor 417 pralio victus interficitur	ibid.
Alaricus Rex Gothorum constituitur	45
Alba ciuitas condita ab Ascanio Aeneas, primi Regis Latinorum, filio	13
Albimor Mahumeti discipulus 54 Mahumetum veneno tollit	ibid.
Alcantara , pons Hispania super Tagum	34
Alcantara urbs Sarracenorum obsessa ab Adefonso Rege capitur	112
Alcharatz Castrum Sarracenicum	112
Almo Rex Toletanus, Fernando Regi maximis datis muneribus, humiliter sese subiicit	94
Alexander Aristoboli filius magna collecta manu Iudæam deuastando innadit	25
Alexander & Aristobolus, Herodis Hostes acerrimi	27
Alexander Hyrcani filius, in Senes Obiurgatores inhumano prorsus more, crudelissimus	25
Alexander Macedo Hierusalem statuens euertere in somno à Deo dehortatur 21 Iudæis postmodum multa tribuit, tum demum sumpto veneno expirauit	22
Alexander Moguncia occisus	394
Alexandra Hyrcani Coniunx disertissima regis populum, sed à filio carceri includitur	25
Aliquot Barbarorum Oppida à Christianis diripiuntur	111
Alexandria ab Antiocho obsessa, attamen Romanorum interuentu, liberata	23
Almanzor à destructione sepulchri B. Iacobi fulguratione quapiam deterretur 87 vertitur in fugam 88 moritur ibid	
Almanzor Rex Agarenus, cognita suorum clade de solio in terram profiliit	81
Almenon Adefonso struit insidias	99
Almirans Cordubensis capius & victus Legionem perductus est	81
Almorabides sine Almophades Gentes Transmarina	101
Aluitus Episcopus Legionensis, vir mira sanctitatis	95
Amalaricus ab exercitu ingulatur	48
Amenophis Rex Aegypti crudelis in Hebræos	10
Ananellos vicus	50

I N D E X

Anastasij Imperatoris mors & sepultura ignominiosa 336
Anastasius Gislei. us 47
Annibale combustum 14
Annulus memorie & oblivionis 11
Anteus palaestra artis inuentor, ab Hercule in palaestra vincitur 13
Anteborus Dux Militia Romana multis cum copiis prosteritur 42
Antigonus adiuvante Pacoro Parthorum Rege Hierusalem expugnat & demum Regno restituitur 26
Antigonus catena aurea ad Antonium deductus securi percutitur 27
Antiochi Epiphaniis mors miserrima & foedissima 24
Antiochus Epiphanes obles Romanorum, aufugit spoliatis Templum Hierosolymitanum 23 profanauit sanctuarium ibid.
Antiochus Epiphanes primo mitissimus no. omnibus benignus, post adeptum ver. sibi Imperium, crudelis ac in Deum impius 22
Antiochus in Perside occisus in phano Nanea & membratim a sacerdotibus eiectus 23
Antiochus Pontius Rex Syria, ab obsidione Hierusalem, pecunia Hyrcano placatus, desit 25
Antipater alienigena adeo Gabinio factus familiaris, ut ei Cyprus Regis di. abum uxor matrimonio iungeretur 25 & 26
Antipater ope Iulii Caesaris fit Cuius Romanus 26
Antiqua Ecclesia Hispania abrogantur & illarum loco multo insigniores readificantur 110
Antiquus Hispanorum in deosculandis manibus mos & consuetudo 275
Antonius Cleopatram ducit in uxorem 27 *amborum mors* ibid.
Antoninus Caracalla impatiens libidinis nouercam in uxorem ducit 35
Antoninus de Persis nobiliter triumphat 34
Antoninus Monachus, ab hoc primum Monasteria condita 35
Antoninus Pius, pater patrie 34
Apis ab Egyptiis d. ificatur & Serapis nominatur 10
Appius Claudius cecus, Roma aquas laudias induxit & c. 32
Apollo inuentor Medici. e 12
Apolodorus praeceptor Augusti 24
Apostoli Iacobi protomartyris corpus asseruatur in Hispania 2
Apparitio B. Mariae virginis Musa puella euidam facta & c. 119
Apparitio B. Iacobi Apostoli facta Ramiro Regi Gothorum 76
Apparitio Mixerva 10
Apparitio S. Isidori 104
Aqueductus Cordubensis stupendus 281
Aquilera Oppidum 94
Arabes duo aquis submersi 260
Aragus Fluvius 333
Aratus Astrologus 23
Arca Noe quadripartita 7 quanto temporis intervallo exstructa ibid.
Ar. a testament. mirabiliter ab Hierem. a reservata 17
Archelaus Herodis filius & Regni successor 9000 Iudeorum interfecit 30 patre multo fit crudelior ibid.
Archipf. ul Toietanus Rodericus nomine, populos data prius remissione omnium peccatorum, ad defendendam Religionem, exhortatur 110
Arceus Alexandri Triumphales in Lybia 22
Ardeba. tus quidam ex Nobilitate Graecorum expulsus a suo

Imperatore in Hispaniam aduchitur 68
Araon & Coianca castra 108
Arelatum & Massisa, Eurici Imperio subiticiuntur 47
Argebaudus Antistes Narbonensis 60
Argebaudus Episcopus Narbonensis à Bamba Gothorum Rege recipitur in gratiam 64
Argentei nummi primum Romae cusi 25
Argimirus Monachus & Martyr 301
Arguorum regnum finitum & in Missenas translatum est 12
Ariminum & Beneuentum à Romanis conditum 22
Arion à Delphino in Tenarum deportatus fertur 16
Aristarchus, Aristophanes, Sotades scriptores Tragici 21
Aristobolus & Hyrcanus in gratiam redeunt ac reconciliantur certo tamen pacto 25
Aristobolus in matrem crudelis 25
Aristobulus Iudeus ac Peri, ateticus philosophus, edit commentarios in Moysen 22
Aristobulus Roma elapsus, sed iterum Alexandriam dum muro recingeret, ab Antonio captivus Romam deductus est 26
Aristoteles philosophorum princeps natione Hispanus 3
Armenis fidem suscipiunt 38
Artaxerxes dictus Longimanus 31
Artes liberales contra alium munita asseruantur 8
Ascanius, Aenea filius, secundus Rex Latinorum 13
Asinarius & Ablus comites 335
Aspides & Crocodili, oratione Hieremia fugantur ex Egypto 18
Asiorica, Ventosa & Conimbria ab inimicis urbes obsesse Regno ac dominio Gothorum subiugantur 79
Astures & Vasciones in Cantabria, snibus crebro domantur 55
Ataulfus à Gothis Italia praeficitur 45
athanagi. dus Agilanus, Gothorum Regis, in regno successor 49 moritur Toiet ibid.
Athenienses à pœna pueri minotaurò obijciendi, liberantur 13
Athenienses à Sylla vastantur 24
Athenienses viginti quatuor litteris vti incipiunt cum tamen antea sedecim solummodo vsurparint 21
Athilius Abbas Cellensis 331
Atlas, in Astrologia praedecessores suos superat 10
Attila mors 66
Auarce & Baraliones quid 90
Audacia pientissimi divi Enlogij 316
Aues Dadali Metallina 13
Aurea Virgo & Martyr 302
Aurelius Gothorum Rex ser. vilem impetum contra proprios dominos, restinguit 74
Augusti decretum ut conseretur totus orbis 28

B

Bamba Regis Gothorum exhortatio, contra Paulum Regnum occupare conantem 60
Bamba Rex Gothorum Monasterium ingreditur in quo adhuc 12 annis vixit 68
Babylonia urbis fundatio & descriptio 19
Babylonia cadente, Roma surrexit 20
Babylonia capta 19
Baccia & multa Maurorum Castella destruantur 104
Balthasar videns noctu manum in pariete scribentem, eadem nocte à Chalaais interficitur 19

Balnea

I N D E X

<i>Balnea cur per uniuersum Adefonsi Regis regnum destructa</i>	
102	
<i>Barbarorum cadunt duodecim Millia</i>	79
<i>Barcinona vrbs Bamba Regi Gothorum subiicitur</i>	61
<i>Basilica S. Aciscii</i>	296
<i>Barim mons Armenia</i>	7
<i>Basilides Herefiarcha</i>	34
<i>Barxeni villa</i>	108
<i>Betis pelagus</i>	318
<i>Beatricis Regina mors ac sepultura</i>	115
<i>Betica dicta Turdetania</i>	387
<i>Beatitudo potentie temporalis in quo consistat</i>	1
<i>Belisarius Magister Militum</i>	337
<i>Bella Campalia primus quis instituerit</i>	8
<i>Bellum inter Regem Castella & Regem Legionis</i>	108
<i>Benedictus Abbas</i>	38
<i>Bernardus Comes Barcinona</i>	332
<i>Benabeth Rex Barbarorum 95. subiicit se Fernando</i>	ibid.
<i>Benildis Matrona Martyr</i>	297
<i>Perengaria Hispaniarum Regina causa primaria editi</i>	
<i>Chronici Hispanici</i>	1
<i>Bernaldis Sancti Comitis filius, omnium robustorum Mi-</i>	
<i>litum, Miles robustissimus</i>	75
<i>Barlanga Cinitas</i>	94
<i>Berta soror Caroli Regis Francorum</i>	76
<i>Bibliotheca S. Aciscii</i>	221
<i>Bitumen Turri Babylonica iniectum non nisi sanguine men-</i>	
<i>struo dissolutum</i>	8
<i>Bona oblata D. Iacobo</i>	77
<i>Boetius Philosophus crudeliter interfectus</i>	37
<i>Brennus Dux Senonum Gallorum</i>	21
<i>Brete vicus Hispania</i>	71
<i>Blanca uxor Sancti</i>	105
<i>Brutus primus Romanorum consul</i>	20
<i>Brutus & Tolemon consules Romani maiorem partem plus</i>	
<i>sapientia quam armis obtinent</i>	24
<i>Burdimelus in tauro aeneo combustus</i>	335
<i>Busiris in hospites crudelissimus</i>	12
<i>Bithinia à Phœnice condita</i>	12

C

<i>Caceres Oppidum Barbarorum fortissimum obsessum</i>	
114	
<i>Cadiga Mahometi uxor</i>	53
<i>Caius Caligula homo turpissimus, senatorum consilio interfici-</i>	
<i>citur</i>	32
<i>Caius Caligula Parenti Tiberio succedit: & Herodem Agrip-</i>	
<i>pam Regem Iudææ constituit</i>	32
<i>Calmana Cæni uxor</i>	6
<i>Cambyses, dictus Artaxerxes, Assuerus & Nabuchodono-</i>	
<i>for, Cyro, tamquam parenti, succedit</i>	20
<i>Cangas Hispania vallis</i>	71
<i>Cantaber fluius</i>	333
<i>Carolus M. Rex Francia & Imperator Rom. ingentem No-</i>	
<i>bilium Sarracenorum multitudinem trucidauit 75 obiit</i>	75
<i>Aquiigrani</i>	ibid.
<i>Capitolii fundamenta à quo iacta primitus</i>	16
<i>Carolus Cabous</i>	331
<i>Carolus Tertius Romanorum Imperator in fugam vertitur</i>	
79	
<i>Carteiam non esse Tarifam</i>	393
<i>Carthago à Carchedone Tyrio incepta à Didone vero ipsius</i>	
<i>filia consummata est</i>	14
<i>Carthago dolo occupatur</i>	41
<i>Cartua ampliatur & Pampilona nuncupatur</i>	55
<i>Carus postquàm de Persis triumphasset, fulminis ictu interiit</i>	35

<i>Cata-phrygas Pseudopropheta</i>	394
<i>Castrum de Pozolo à Rege Castella occupatur</i>	108
<i>Castrum dictum S. Stephanus de Canias ab Adefonso Rege</i>	
<i>capitur</i>	113
<i>Castrum S. Iusti supra flumen Malui</i>	93
<i>Casilo Eruiigi Regis soror nubit Egica qui post Eruiigio in re-</i>	
<i>gno succedit</i>	69
<i>Cali conspecta signa prælum denunciant</i>	46
<i>Cæsarea Palastina ab Herode constructa</i>	29
<i>Cæsar perspectis Archelai innumeris vitis illum tamquam</i>	
<i>Tyrannum mittit in exilium</i>	30
<i>Cæsar in subiicienda sibi Iudæa spe sua frustratur</i>	26
<i>Cæsar-Augusta in Hispania à quo condita</i>	27
<i>Ceres cur à Gracis Demetra dicta</i>	10
<i>Cecrops primus, immolando bouem, Iouem adorare precepit</i>	
12	
<i>Chindasuinthus à Romano pontifice obtinuit primatæ Di-</i>	
<i>gnitatem Hispanensem</i>	55
<i>Christus Saluator, uniuerso orbe pacato hunc in mundum</i>	
<i>nascitur</i>	27
<i>Christoferus & Leonigildus Monachi ac Martyres</i>	
227	
<i>Christiani à Barbaris multa reportant spolia</i>	84
<i>Christiani quidam Christianorum persecutores</i>	294
<i>Christianis ad castra Maurorum via ostenditur diuinitus</i>	
111	
<i>Chalda Ignicutores</i>	8
<i>Chronica unde dicatur</i>	3
<i>Cirophanes primus Aegyptiorum Idolatre</i>	8
<i>Cinitatis Legionensis descriptio</i>	95
<i>Cinitas Cauriensis, ab Ordonio Gothorum Rege occupatur</i>	
78	
<i>Cinitas Pompelonensis</i>	312
<i>Cinitates prouincia Tarraconensis, ab Eurico deuastando e-</i>	
<i>uertuntur</i>	47
<i>Cinitates & oppida quedam, quorum nomina ab Antiquita-</i>	
<i>te vel Saracenis fuerunt mutata</i>	58
<i>Cinitates quedam Hispanicae deserta muniuntur muris</i>	
77	
<i>Ciniuum Romanorum (censu agitato) numerus copiosissimus</i>	
22	
<i>Clericis permissum coniugium</i>	69
<i>Codri Regis Atheniensis, pro saluopatria maris spontanea</i>	
14	
<i>Colossus immensa magnitudinis apud Rhodum, terra motu</i>	
<i>corrui</i>	23
<i>Columba sancta ingulatur</i>	299
<i>Columba Martyr</i>	297
<i>Clades Sarracenorum maxima</i>	81
<i>Claudius Augustus à Romanis insigniter honoratur</i>	
44	
<i>Claudius Dux</i>	357
<i>Claudius post Caium Caligulam Imperio præficitur 32 pius</i>	
<i>erga subditos</i>	ibid.
<i>Clades Hispania maxima</i>	70
<i>Clericus vitam ac mores conformet ad regulam S. Isidori</i>	
58	
<i>Cleopatra, inter Antonium & Augustum discordia semi-</i>	
<i>natrix</i>	27
<i>Cleopatra inter Octavianum Augustum & Antonium di-</i>	
<i>scordia natrix</i>	24
<i>Comites Mozarabes Corduba</i>	221
<i>Comitatus Castella in modum Regni, à Garseano ampliatur</i>	
91	
<i>Comes Garfia Fernandi de Castella, innumerabilem fudit</i>	
<i>Sarracenorum multitudinem</i>	88
<i>Comitis Guilielmi Gundisalui Gallici Constantia Militaris</i>	
87	

I N D E X

Ecclesi

I N D E X.

<i>Ecclesia Cera à Rege Gothorum Adefonso condita, per Mauros hostiliter destruitur</i>	80	<i>Figura & Situs Hispania</i>	381
<i>Ecclesia S. Leocadia Toleti, à quo fundata</i>	51	<i>Filia Montesij Sabigothoni noctu apparet</i>	273
<i>Ecclesia Cordubensis persecutio</i>	330	<i>Fily Cain impudici</i>	6
<i>Ecclesia Africana clades</i>	41	<i>Flora Sancta virginis & Martyris Frater impius</i>	265
<i>Ega fluvius</i>	333	<i>Florentina & Theodosia sacra virgines</i>	2
<i>Elisabeth Abbatisa</i>	296	<i>Fluduius princeps Gallorum</i>	47
<i>Elisabetha Ludonici Regis Francorum Coniunx</i>	105	<i>Fluvij Hispania nobiliores</i>	379
<i>Elogium S. Columba</i>	297	<i>Fortunius Abbas Legerensis</i>	331
<i>Emila & Hieremias Martyres</i>	277	<i>Forum unde originem traxerit</i>	10
<i>Ennius Tarentinus à Catona Quaestore Romam est translatus</i>	23	<i>Fragellus vicus</i>	299
<i>Enochi scripta à patribus cur refutata</i>	6	<i>Francorum Exercitus prostratur</i>	48
<i>Episcopatus à Lucensi civitate in Onctum à Froylano translatus</i>	73	<i>Francorum Sexaginta Millia prostrantur</i>	50
<i>Epistola Georgij Monachi</i>	274	<i>Fredenandus Rex</i>	95
<i>Epistola Eulogy ad Alvarum argumentum</i>	336	<i>Fruilanus Episcopus Legionensis 2 labijs suis inmissas prunas ardentes non sensit &c.</i>	ibid.
<i>Ephyranunc Corinthus, à Sisipho ampliata</i>	12	<i>Froyla ambiens exercitu Gothorum Regnum à Senatu Onctensi, incaute interficitur</i>	78
<i>Epaphus conditor Memphis</i>	12	<i>Froyla mortuo, voces in aère quæ exaudita</i>	73
<i>Equi Hispanici velocissimi</i>	2	<i>Froylanus Clericis interdicit Matrimonium</i>	73
<i>Equilinus Episcopus</i>	289	<i>Fulgensius Episcopus Astigitanus</i>	38
<i>Era quid & quando inuenta</i>	26. & 27. & 28	<i>Funus Sancti Roderici</i>	316
<i>Ermegildus Hispani obsessus, ab impio parente Leuigildo dolo captus securi percutitur</i>	49	G	
<i>Erichthonius, Princeps Atheniensium in Gracia, primus eurrum iunxit</i>	12	<i>Alba Neronis successor, nihil memoria dignum praestitit</i>	33
<i>Esdras Legem à Chaldaeis succensam ope spiritus Sancti reparat</i>	21	<i>Galenus Medicus</i>	34
<i>Eulalia Sancta Basilica</i>	299	<i>Gallia conciliabulum facta perfidorum</i>	60
<i>Eulogy Sancti Epistola ad Wiliesindum Pampilonensis sedis Episcopum</i>	328	<i>Gallia Togata</i>	332
<i>Eulogius diui Eulogy Avus</i>	313	<i>Galli à Romanis superantur</i>	21
<i>Euerio Cœnobij Tabanensis</i>	298	<i>Gallorum atq; Francorum ingens multitudo capta à Bamba Rege Gothorum</i>	65
<i>Euphrasij Sancti Templum</i>	312	<i>Garsia de Cabrera Comes</i>	101
<i>Eusebius Episcopus Casariensis</i>	4	<i>Garseanus Rex patris amulus impetum Sarracenorum quovis modo impedire sedulo attentat</i>	91
<i>Eurici mors</i>	47	<i>Garseanus auxilio reliquorum fratrum Patrem Adefonsum regno expellit 80 Adpersequendum Arabes, magnum colligit exercitum</i>	ibid.
<i>Euangelium quo tempore 3 prima vice in sermone Hebrao scriptum</i>	32	<i>Gaudiatus Fluvius</i>	306
<i>Euangelista 4 per quatuor animalia praefiguratur</i>	341	<i>Gauzon Castrum</i>	80
<i>Eutropius Abbas Monasterij Servitani</i>	356	<i>Gens Lydorum bellicosissima à Cyro astute redacta in socordiam</i>	20
<i>Evulmerodach crudelis in patris cadaver</i>	19	<i>Gens Vandalarum & Alanorum ab Hispanijs ad Africam transfertur</i>	37
<i>Evulmerodach à parente regno restituito mittitur in carcerem</i>	19	<i>Gens Iudaica à Gabinio in Quinque Conventus dividitur</i>	25
<i>Exarare litteras unde sic dicatur</i>	21	<i>Gentis Chaldaica Origo</i>	7
<i>Exceptor impius Christum abnegat</i>	293	<i>Gentis Gothica descriptio</i>	43
<i>Excidium Hispania ob hominum peccata</i>	250	<i>Gentium templa à quo subversa</i>	37
<i>Exercitus Arabum, ab Ordonio Rege Gothorum fugatur</i>	77	<i>Geppides Rex Longobardorum</i>	38
<i>Explosio Fabula de priscis Hispania regibus</i>	381	<i>Gerticos villa</i>	55
<i>Ezechias, à Patre pessimo</i>	16	<i>Gesta Anastasij, Felicis & Digna Martyrum</i>	296
F		<i>Gilimer Tyrannus</i>	41
<i>Fabula de Triptolemo quando ficta</i>	12	<i>Gisericus, frater Gunderici Regis Hispanorum, sit Apostata</i>	40
<i>Fasila Pelagij Regis filius à quodam urso necatur</i>	73	<i>Glutini inuentio</i>	16
<i>Familia Galindorum</i>	335	<i>Gorgias Primus Rhetorum</i>	27
<i>Farmarius & Expalio Uuitiza Regis filius cur ab Hispania expulsi</i>	70	<i>Gormaz Castrum</i>	94
<i>Faustus & socij Martyres Cordubenses</i>	289	<i>Gothi passim per Gallias & ceteras regiones dispersi, victis Sarracenis, congregantur ac Chaldaeos expugnant</i>	73
<i>Felix Abbas</i>	300	<i>Gothi vastantur 38 ad Christianam Relig. invitantur</i>	ibid.
<i>Femoralia seu braca quando inventa</i>	8	<i>Gothi de sterpe Magog</i>	43
<i>Fernandi Regis praconia cumulatissima 96. & 97 Mors ipsius Christianissima</i>	ibid.	<i>Gothi Italiam devastant</i>	37
<i>Fernandus Adefonsi Regis filius, regno paterno praeficitur, in Hostes Catholicae religionis crudelis 112 eiusdem virtutum Recensio</i>	ibid.	<i>Gothorum impetus in Graciam, Macedoniam, Asiam &c.</i>	35
<i>Fernandus Roderici Castellanus vir nobilissimus ac potentissimus</i>	106	<i>Gothi pro Patria & fide fortiter dimicant</i>	88

I N D E X

Gothi Hungarorum innumerabilem multitudinem perdunt	nissimus	41
44	Hieremias, à reliquis filiorum Israël, propter salutarem ob-	
Gomez Comes ab Heinricho Comite in loco Campo de Spina	urgationem, lapidatur in Aegypto	17
dicto, trucidatur	103	
Gregorius Papa moritur	50	
Grave Christianorum periculum	296	
Graci cur Latinis insultarint	37	
Graculus quidam ex visione S. Iacobi Apostoli nocturna,		
Fernando Conimbriam se occupaturum, pradicat	93. &	
94		
Guadix urbs in Regno Granata	304	
Gudesteus Ouetensis Episcopus integrum per triennium ta-		
ptius detinetur, ob id terra siccitas & sterilitas emerfit,		
quo rursus liberato, copiosa secuta pluvia	88	
Gulfilas Gothorum Episcopus	44	
Gumildus Magnolensis sedis detestandus Antistes	59	
Gundaredus Rex Normannorum prelio victus, à Gundisalvo		
Comite Sanctionis gladio confoditur	86	
Gundebadus Rex Burgundinorum	48	
Gundemarus Rex Gothorum Victoriosus	51	
Gundericus primus Rex Vandalorum	55	
Guntamundus Clericos in exilium missos revocat	41	
H		
H Abdarrahmami Regis mors subita	279	
Haarianus Iudeos rebelles denuo subiugat	34	
Hæresis Anthropomorphitarum	36	
Hæresis Phariseorum	25	
Heretici in dulcedine querunt amaritudinem, in vita mor-		
tem &c.	117	
Haumarinus Dux Sarracenorum captus cum alijs captivis		
per multis trucidatur	73	
Hebraei ab Heber	7	
Hebraorum captivitas annis septuaginta permansit, quibus		
præterlapsis ignis ab altari subtractus, vivus adhuc re-		
pertus in puteo	18	
Hebraorum egressus ex Aegypto	10	
Hebraorum servitus quamdiu in Aegypto duraverit	10	
Hebron vallis lachrymarum	7	
Helena à Theseo rapta atque fratrum auxilio liberata, capta		
vicissim matre Thesei	13	
Helias presbyter, Paulus & Isidorus Martyres	301	
Helias Propheta vir pilosus Esau haud dissimilis	15	
Heliopoleos Pharaonis Sacerdos	11	
Helysachar Abbas	332	
Henricus Regis Adefonsi filius decennialis parenti demortuo		
succedit 112. iactantegula à Nobile quopiam, casu percuf-		
sus obijt	112	
Hercules, laborans morbo pestilenti, flammis se inijcit	13	
Hermegillus Rex & Martyr	2	
Hermesenda Pelagij Regis filia	73	
Hermericus primus Rex Suenorum	56	
Herodes ab Augusto & Antonio, coronatus Rex Iudæe		
constituitur	27	
Herodes Agrippa qua de causa à Tiberio missus in carcerem		
31 Mors eiusdem miserabilis	32	
Herodes Antipas in Tiberij honorem condit Tiberiadem		
30		
Herodes, Christi Elusor, una cum Herodiade in Exilio mise-		
rabilititer moritur	32	
Herodes in puerulos Beilehemiticos Tyrannus immitissimus		
29 ipsius Mors tragica	ibid.	
Herodes pater Galilæe	26	
Herodes querit Christum recenter natum perdere	29	
Herodotus Historicus	21	
Hesiodus Poeta quo tempore claruerit	15	
Hildericus Hugnerici filius, Catholicorum persecutor imma-		
nissimus		
Hieremias, à reliquis filiorum Israël, propter salutarem ob-		
urgationem, lapidatur in Aegypto	17	
Hieremias & Sophonias Iudæe Propheta	17	
Hieronimus, scripturarum sacrarum primus ex Hebræo in		
sermonem Latinum translator	37	
Hispalis cur cognominata Romulensis	397	
Hispalis Julia Romula vocata	26	
Hispania ab Hispali	40	
Hispania Citerior à Bamba Gothorum Rege subiugatur	55	
Hispania, donis propriis, abundans	2	
Hispania siue populorum, Urbium, Insularium ac fluminum		
in ea, accurata descriptio	373	
Hispania unde derivetur	3	
Hispania Nomen & Etymon	388	
Hispania pars maxima occupatur	37	
Hispani omnes libertate donantur	48	
Hispani servituti subijciuntur	40	
Hispanici Milites post triumphos clementes	3	
Hispanicorum Regum ferocitas	97	
Homer Victor ac Triumphator Gloriosus	54	
Homerum Philosophum tempore Sylvij Aeneæ filij Posthu-		
mi, quarti Regis floruisse creditur	13	
Hospitale B. Iacobi via adstructum	109	
Hostilius Rex Romæ Tertius cum domo sua, fulmine con-		
flagravit	16	
Hulitabulhabat & Veivez, Regis Cordubensis duces	81	
Hunnibaldus solidus Antiquitatis Francica Doctor	356	
Hunni relictis Gallis Italiam perfugiunt 46 à Martia-		
no Imperatore forti plaga caduntur	ibid.	
Hydra Sophista callidissimus	13	
Hymnus in diem natalem S. Eulogij presbyteri	230	
Hypocras Medicus	21	
Hyrcanus ne pontificatum reciperet priuatur auribus	27	
Hyrcanus ab Herode occiditur	27	
I		
Iacobelis in detegendo filiolo, astutia	16	
Iacobus Ferrusius Valentinus, Doctor Theologus	603	
Iacobus Rex Aragonia	107	
Iacobus Iohannis Frater ab Herode & Agrippa occiditur	32	
Iacobus S. Apostolus pro Fernando in terris belligerante, bel-		
licat in caelis	93	
Iaddus Sacerdotum in Hierusalem Princeps denegat Ale-		
xandro venalia & tributum, ob quod Tyrus expugnatur		
& solo aequatur	21	
Iamnes & Mambre insignes Pharaonis Magi	12	
Ianuarius & Februarius decem Anni mensibus adiecti, à		
Numa Pompilio	16	
Iaso impiissimus, pecunia, venatur summum Sacerdotium ab		
Antiocho Epiphane	22	
Idolum Aegyptiorum, Idolum Chaldeorum astu antecellit	9	
Ierusalem prima urbs post diluvium	7	
Iesus Filius Syrae	23	
Iesus Christus Dei filius quo ætatis anno & quo sub Impera-		
toris crucifixus	28	
Iesus Sacerdos Magnus & princeps Gentis Zorobabel quando		
claruerit.	20	
Ignis super altare qua de causa extinctus cum tamen annis 70.		
captivitatibus Babylonice sub aquis in puteo reservatus sit	22	
Ignis de Aethna ad mare usque erupit	21	
Illesonsus Primas Hispanicus & Archiepiscopus Toletanus		
55		
Ilium ab Ilo conditum	12	
Ilium, à filiis Hectoris, receptum	13	
Illyricianus Catholicus	336	
Imago Dei Genitricis cū imagine filij sui emittit sanguinem	198	

I N D E X

<i>Frundar & Alcaten etel Agarenorum Duces</i>	79	<i>Iulij Caesaris Turris mirabilis in Pharo Galliecia</i>	26
<i>Index S. Iohannis incorruptus, & post diuinam mortem, re-</i>		<i>Iuliorum Familia unde traxerit originem</i>	13
<i>pertus</i>	36	<i>Iulius Caesar, primus Romanorum Monarcha & inter mor-</i>	
<i>Ingens in occisos Sanctos Savitia</i>	316	<i>tales victoriosissimus</i>	24
<i>In hymnum & Epitaphium B. Eulogij Scholia</i>	234. & 235	<i>Iuris Ordo quomodo seruetur</i>	1
<i>Initium Regni Mahomad Regis</i>	293	<i>Iusta Sancta virgo & Martyr</i>	95
<i>Insignes Isidori Archiepiscopi Hispalensis laudes atque pra-</i>		<i>Iusti & Pastoris Sancta corpora</i>	334
<i>conia pulcherrima</i>	52	L	
<i>Initium captivitatis decem tribulum Israeliticorum</i>	16	<i>Lamechetiam contra Dei institutum, autor Bigamia</i>	6
<i>Interitus Azarij miserrimus</i>	260	<i>Lapitha & Centauri Nobiles, Thessalorum Milites</i>	13
<i>Inter Pompeium & Iul. Caesarem bellum grauissimum, quo</i>		<i>Lapides & jacula contra Christianos emissa, repercussione</i>	
<i>tamen Pompeius victus & a Rege Egypti trucidatus in-</i>		<i>quapiam in ipsos Sarracenos sagittas emittentes, retor-</i>	
<i>terijt</i>	26	<i>quentur</i>	27
<i>Inuentio Sanctorum Corporum</i>	316	<i>Lapis forma Caprina in Mare in Aegeum caelo decidisse</i>	
<i>Inuentor Musica Tubal</i>	6	<i>visus est</i>	21
<i>Ioachim trucidatus extra moenia inhumatus proijcitur</i>	17	<i>Latinorum Rex nonus Sylvius Carpentus</i>	15
<i>Joachim filius substituitur qui demum omni cum familia</i>		<i>Latrones oculorum evulsione a Ramiro Gothorum Rege puniti</i>	77
<i>in Babylonem captiuus deducitur</i>	ibid.	<i>Laurentius & Vincentius Hispani, Martyres</i>	2
<i>Iohannes Anachoreta</i>	37	<i>Laurentius Surius Monachus Carthusiensis</i>	296
<i>Iohannes Monachus Antiochenus, Mahometi affecula</i>	53	<i>Laus Hieronymi Curia</i>	334
<i>Iohannes Rex Hierosolymitanus Gener Regis Adefonsi</i>	109	<i>Leandez Archiepiscopus Hispalensis reuocatur ab exilio</i>	56
<i>Iohannis Baptista decollatio, eiusdemq; sepultura bipartita</i>	31	<i>Legatorum Romanorum in liberanda, ab obsessioe, efficacia</i>	23
<i>Iohannes Hyrcanus sic cur dictus</i>	24	<i>Legerense Monasterium</i>	312
<i>aperit Davidis sepul-</i>		<i>Legio Vrbs Hispania</i>	2
<i>chrum</i>	ibid.	<i>Legio vrbs condita a Romanis legionibus perpetua gaudet</i>	
<i>Iohannes prepositus</i>	329	<i>libertate</i>	56
<i>Iohannis Episcopi Alexandrini Mors</i>	336	<i>Legio Vrbs denuo capta</i>	92
<i>Iohannes Baptista, Magnus Christi Praco nascitur</i>	27	<i>Legiones Portugalos vincunt in loco Portella de Valdeuer</i>	112
<i>Jonatha Duce & Pontifice Iudeorum interfecto, frater ipsius</i>		<i>Legionenses ob Adefonsi Regis adventum magno applausu</i>	
<i>Simson substituitur</i>	24	<i>exsultant</i>	99
<i>Iosepho cum Puerulo (Christo) in Egyptum ingresso, omnia</i>		<i>Leovildus Rex Gothorum</i>	38
<i>simulachra Egyptiorum sponte sua corruerunt</i>	29	<i>Leuigildus armis regnum amplificat 49 sit crudelissimus</i>	ib.
<i>Iosippus, dimicans contra Antigonum, a Papio Principe An-</i>		<i>Liberi patris, Sepulchrum, apud Delphos aureum</i>	12
<i>rigoni Exercitus interficitur</i>	27	<i>Lignum salutis 15 Creditum lignum crucis Dominica</i>	ibid.
<i>Ionas eversionem Ninive pradicat, quod vaticinium postmo-</i>		<i>Liliosa Felicitis vxor</i>	269
<i>dum impletur</i>	16	<i>Linus & Amphion Musici Graci</i>	12
<i>Iovinianus una cum exercitu Christianissimum amplexus est,</i>		<i>Lycurgus Legislator Apollinis apud Gracos insignis</i>	15
<i>idolorum autem templa claudi precepit</i>	36	<i>Lyra mirabile inventum</i>	12
<i>Irenaeus Episcopus Lugdunensis</i>	34	<i>Litorius Ductor Romani Exercitus 46 cum Gothis impru-</i>	
<i>Isaacus Monachus ac Martyr</i>	261	<i>denter bellum gerit ubi occiditur</i>	ibid.
<i>Isidorus Doctissimus natione Hispanus</i>	3	<i>Linva Reccaredi Regis filius, in regno Parenti demortuo suc-</i>	
<i>Isidorus Doctor & Hispaniarum Legislator obdormit som-</i>		<i>cedit 51 sit degener multa in Regno illicita faciendo</i>	51
<i>no dulcissimo</i>	52	<i>Locorum quorundam Hispanicorum divisiones Bamba Go-</i>	
<i>Isidorus in recensione Chronici sui imitatus 70 interpretes</i>	4	<i>thorum Regis</i>	58
<i>Isis Phorenei Regis Soror, Egyptios de agricultura docuit 10</i>		<i>Longobardi in Italiam introducuntur</i>	38
<i>post mortem in Deorum relata numerum</i>	ibid.	<i>Lucanus Poeta Hispanus</i>	3
<i>Ismaelita postea Agareni, postremo vero Sarraceni dicti</i>	9	<i>Luca Tudensis Episcopi adversus sui temporis hareticos, Al-</i>	
<i>Italica situs disquisitio</i>	399	<i>bigenfes, disputatio tribus distincta libris</i>	117
<i>Iudaea redacta in Provinciam</i>	30	<i>Lucius Quirinus</i>	16
<i>Iudaea a Nabuchodonosore capta, fit tributaria</i>	17	<i>Lucius & Anrelins Commodus</i>	393
<i>Iudaei edificantes templum a vicinis Samaritis impediuntur</i>	22	<i>Ludovicus Rex Francorum</i>	105
<i>Iudaei, tamquam hostes veritatis, quadam de ritibus Legis pra-</i>		<i>Luna, etiam contra Eclipsim naturalem obscurata conspecta</i>	46
<i>sciderunt</i>	27	<i>Lupus, Muzafilius, cognita Clade Parentis se suosq; omnes in</i>	
<i>Iudeorum supplicatio ad Caesarem Roman.</i>	30	<i>Ordony Gothorum Regis Clientelam tradit</i>	78
<i>Iudeos Nobiliores, cur post mortem Herodis trucidatos esse ipse</i>		<i>Lupus Nobilis Dux Francia salutem sibi & exercitui quaerit</i>	
<i>Herodes voluerit</i>	29	<i>pedibus</i>	66
<i>Iudex Aurea Virginis Nobilis Consanguineus</i>	304	<i>Lusitania depredatur</i>	42
<i>Iudices Hebraorum, non dominiu exercuerunt in populu Israel</i>		M	
<i>sed tempore tribulationis consiliu & auxiliu salte praeberunt 12</i>		<i>Mahometi Origo</i>	53
<i>Iugurta contra Romanos dimicans a Sylla & Mario captus</i>		<i>Mahometus Corduba Erroris sui sectam extendit</i>	54
<i>est</i>	25	<i>premonente Damone aufugit</i>	ibid.
<i>Iulianus vir sagax & astutus</i>	70	<i>Machomet Mauritenfis, permissu Adefonsi Regis Gothorum,</i>	
<i>Iulianus, ex Clerico Imperator, Apostata & immanissimis</i>		<i>toto cum exercitu Galliecia fines inhabitat 75 sit periu-</i>	
<i>Bestiis non dissimilis, procedens contra Persas, iaculo inter-</i>		<i>ritus, ob id truncatur capite, amissis Quinquaginta Milli-</i>	
<i>mitur</i>	36	<i>bis Barbarorum</i>	76
<i>Iulianus Episcopus Toletanus mittitur in exilium, in cuius lo-</i>		<i>Macrinus Martianus seditione militari interficitur</i>	35
<i>cum surrogatus Offa</i>	9		
<i>Iulius Africanus primus ex Hispanis breuem temporum an-</i>			
<i>notationem elicit</i>	4		

I N D E X

<i>Madian civitas circa mare rubrum</i>	11	<i>Monasterium S. Facundi</i>	95
<i>Magna Hispaniarum clades</i>	40	<i>Moyſes cur fuerit impeditioris lingua</i>	11
<i>Magna Gothorum multitudo ſubmerſa perijt</i>	45	<i>duxerit &c.</i>	ibid.
<i>Magnus Annus annos quot ſub ſe contineat</i>	8	<i>Moyſes à Pharaone adoptatus in filium</i>	11
<i>Maſſariſſus à Recimiro fraude circumuentus occiditur</i>	41	<i>Coronam impositam deiſciendo frangit &c.</i>	ibid.
<i>Malchus Monachus</i>	322	<i>Mons Auentinus & Ianiculus Romæ adiectus ab Anco</i>	
<i>Malicus Hyrcani amicus veneno amicum appetere atten-</i>		<i>Martio Quarto Rege Romanorum</i>	16
<i>tat: prius tamen ſuſtulit Antipatrum</i>	26	<i>Mentor Caſtrum fortiffimum</i>	103
<i>Manabem Rex Iſraëliticus</i>	16	<i>Mora villa in Confinio Barbarorum cur deſtructa</i>	110
<i>Maſſariſſus in Monte Garicion templum exſtruxit ad formam</i>		<i>Mors Mahometis</i>	312
<i>Templi Hieroſolomytani</i>	21	<i>Mortui Beli imago vivis Reis portus & aſylum</i>	8
<i>Manichaorum Hæſis quando exorta</i>	35	<i>Morum Militum Hiſpanicorum deſcriptio</i>	3
<i>Manlius Torquatus Romanorum Conſul filium naturalem</i>		<i>Multa ſigna in Natiuitate ipſa Chriſti conſpecta, quorum</i>	
<i>virgis caſum ſecuri percuffit &c.</i>	21	<i>in ſacro Codice nulla fit mentio</i>	29
<i>Mauricus Comes.</i>	106	<i>Muradal portus</i>	105
<i>Marcellus Centurio, Nona eius uxor duodecim filij centurio-</i>		<i>Muri ciuitatis Romæ reſtaurantur</i>	43
<i>nes omnes Martyres</i>	2	<i>Muſæus Orphei diſcipulus, & Linus Hercules Magiſter</i>	
<i>Marcus Aurelius Antonini filius propter morum & vita</i>		<i>quo tempore claruerint</i>	13
<i>obſcœnitatem, tumultu militari perimitur</i>	35	<i>Muza, ob ingentis victoriæ gloriâ, tertius Hiſpanorum</i>	
<i>Mariamnis uxor Herodis, ſuſſicione adulterij à marito</i>		<i>Rex a ſuis honorari cupit 78 ab Ordonio tamen cū ingenti</i>	
<i>interficitur, de cuius morte poſtea adeo doluit vt quando-</i>		<i>hominum magnificorum iactura poſtmodū victus & ſu-</i>	
<i>q; in dementiam redigeretur</i>	27	<i>peratus eſt</i>	ibid.
<i>Martinus Braccarenſis, Epiſcopus Diſciplinæ</i>	38	N	
<i>Martinus Abbas</i>	295	<i>Nabuchodonôſor ſis tranſmutatio</i>	18
<i>Martinus Epiſcopus Turonorum Gallia Ciuitatis diues mi-</i>		<i>Naves de Tolofa locus Hiſpania in quo Hiſpani vi-</i>	
<i>racalis</i>	37	<i>tores feliciffimi euaserunt</i>	111
<i>Martinus preſbyter Legionenſis in expoſitione ſcripturarum</i>		<i>Narbona Theoderico tradita</i>	47
<i>primis adequatur Doctores</i>	3	<i>Narciſcus Epiſcopus Hieroſolymitanus</i>	34
<i>Martyrium ſanctorum Amatoris Petri & Hludovici</i>	301	<i>Neronis ſcœla immaniffima & prorfus horrenda</i>	33
<i>Martos Oppidum</i>	289	<i>tandem & à ſeris dilaniatus eſt</i>	ibid.
<i>Masdra Rex ingulatur</i>	42	<i>Nebriffa cur cognominata Veneria.</i>	395
<i>Matrimonium inter virum & uxore alterius Religionis</i>	269	<i>Nehemias Dux Iſrael muros Hieruſalem reſtaurat</i>	21
<i>Mauritius Epiſcopus Legionenſis, Eccleſiæ eiufdẽ fundator</i>	110	<i>Nepotianus quidam Palatii Comes propter tyrannidem ſuis</i>	
<i>Miranda Rupes</i>	306	<i>pœnas meritas, captus enim duobus prinatur oculis</i>	76
<i>Maurorum Tempia</i>	313	<i>Nefarium de Chriſto ſervatore Mahometis iudicium</i>	313
<i>Mauri Maſculi à Fernando Rege trucidantur</i>	94	<i>Nicenum Concilium, ad damnandam ſectam Arrianorum à</i>	
<i>Mauri fugantur, multis ſuorum millibus proſtratis</i>	115	<i>Constantino congregatum</i>	36
<i>Maximinus Chriſtianis inſenſus</i>	35	<i>Niola & Anullo Sorores</i>	329
<i>Miro princeps Sueuorum</i>	42	<i>Nicolaus Epiſcopus Myrrhæa florens Miraculis</i>	36
<i>Melagon Caſtrum Barbarorum à Chriſtianis occupatum</i>	111	<i>Ninua ſubverſo</i>	16
<i>Melcinus inventor Syringarum vt & Lyra</i>	17	<i>Niffa in India à Dionyſio condita</i>	12
<i>Memoriale D. Eulogij</i>	237. & ſeqq.	<i>Nympha Carmentis Latinæ litteras repperit</i>	13
<i>Mercurij Triplex</i>	13	<i>Nobiles Caſtellani ſeditioſi</i>	83
<i>Mercurius Atlantis Filius in Deorum relatus numerum</i>	10	<i>Nobiliores Bætica populi</i>	388
<i>Milites Hiſpanici ſtrenui ac fortiffimi</i>	3	<i>Nomina Martyrum Cordubenſium</i>	331
<i>Minerva cur Pallas dicta</i>	10	<i>Normanni amiſſis ac combuſtis ſeptuaginta navibus à Ra-</i>	
<i>Minos filius Europa Creta Dominator</i>	12	<i>miro Rege Gothorum vincuntur</i>	77
<i>Minotaurus à Theſeo occiditur</i>	13	<i>Novatus Novatiana ſectæ auctor</i>	35
<i>cur Minois Taurus</i>		<i>Numa Pompilius Romuli in regno, ſucceſſor</i>	16
<i>nuncupatus</i>	ibid.	<i>di militibus congiarium</i>	16
<i>Miſera Eccleſia perſecutio</i>	323	<i>Numerus Olympiadum quando à Græciſ inceptus</i>	13
<i>Miſeria Chriſtianorum ſub Sarracenis</i>	247	<i>Nummus aureus Regis Roderici</i>	318
<i>Mirabilis vitreorum conditura flexibilis & ductilis à Lu-</i>		<i>Nunnus Rex capitur</i>	106
<i>cillo quopiam excogitata, ob quod à Romano Caſare, decol-</i>		O	
<i>latus eſt</i>	31	<i>Obſectio quorundam reſutatio</i>	366
<i>Miraculum in Baptiſmo Arriani cuiusdam conſpectum</i>	38	<i>Octaviani Auguſti mors</i>	30
<i>Miraculum inter Baptiſmum Barba conſpectum</i>	335	<i>Octavius Caſar multa in Imperio prælarẽ geſſit ac ter præ-</i>	
<i>Miraculum in Bamba, Gothorum Rege conſpectum eiufq;</i>		<i>clarè triumphavit</i>	27
<i>Enucleatio</i>	55	<i>Odoacrus Rex Oſtrogothorum</i>	48
<i>Miracula initio naſcentis fidei neceſſaria</i>	310	<i>Odoarius Abbas</i>	329
<i>Miramamolinus Rex Almophadum</i>	101	<i>Ocles Caſtrum</i>	102
<i>Mors Alarici Regis Gothorum</i>	45	<i>Olisbona occupatur</i>	42
<i>Monachi & Clerici Theudiſelo Gothorũ principi odioſi</i>	48	<i>Ologithis Gothorum Ciuitas</i>	51
<i>Monarchia Aſſyriorum ad Medos tranſfertur</i>	15	<i>Olympias quid</i>	16
<i>Monasterium ſancti Saluatoris</i>	295	<i>unde dicta</i>	ibid.
<i>Monasterio B. Dionyſij à Ludouico Rege Francorum ob-</i>		<i>Olympus quidam Arrianus, blaſphemans Trinitatem diui-</i>	
<i>fertur Smaragdus</i>	105	<i>nitus combuſtus eſt</i>	38
<i>Monasterium S. Sabba</i>	290	<i>Oppa Sarracenorum Aſſecla à Pelagio, capitur, Alcamam</i>	
<i>Monasterium ſancti Geneſij</i>	316	<i>vero cum viginti millibus Sarracenorum interſcitur</i>	
<i>Monasterium S. Maria in Olgis Ciuitatis Burgenſis</i>	109		72

I N D E X

<i>Opiniones varia de Herculis Columnis</i>	391	<i>Pythagoras inuentor Arithmetica</i>	20
<i>Oraculi Dodonaei primus vsus in Graecia</i>	16	<i>Pyratha Normannorum omnem Hispania Maritimam</i>	
<i>Oratio Pelagij, obfessi a Barbaris, Christianissima</i>	72	<i>gladio & igne devastant</i>	78
<i>Oratio S. Eulogij ad virgines</i>	327	<i>Placentia, Beiaræ, Moia, &c. populantur</i>	108
<i>Ordo D. Benedicti quando in Hispania primo sit exortus</i>		<i>Placidia Theodosij Imperatoris filia coniux Atanlfi</i>	46
287		<i>Plaga Inquiuinalis in Hispania</i>	338
<i>Ordonius Ramiri filius parentis sit in Regno Gothico successor</i>		<i>Plotius Gallus Roma primus Doctor Latina Rhetorica</i>	24
77		<i>Plurima Ciuitates Regni Hispanie ab Adefonso populantur</i>	
<i>Ordonius Antistes Astoricensis</i>	95	110	
<i>Origenis scripta errorereferata</i>	35	<i>Pompa virgo & Martyr</i>	300
<i>Origo gentis Iulia</i>	15	<i>Pompelo Christiana ditionis facta</i>	330
<i>Origo urbis Cordubæ, situs ac antiquitas 359 & sequentibus</i>		<i>Pompeius capit Hierosolymam, sancta sanctorum irreueren-</i>	
<i>aliquot paginis</i>		<i>ter intrauit, &c.</i>	24
<i>Ortus Mularum</i>	10	<i>Pompeius Hierosolymam obsidet, detruso Aristobolo in car-</i>	
<i>Ossuma olim Vrsu a Hirtio Vrsu</i>	397	<i>cerem, prophanatog, templo fortunam sibi infestam red-</i>	
P		<i>didit</i>	25
<i>Pallas Gigas à Minerva trucidatur</i>	10	<i>Populus Ismaeliticus à Carolo M. Rege Francia & Impe-</i>	
<i>Palma Oppidum</i>	301	<i>ratore Romano, funesta truncatione, trucidatur</i>	75
<i>Pampilona & Cesar Augusta capiuntur</i>	47	<i>Portenta mortem Iulij Caesaris antecedentia</i>	26
<i>Phaetontis incendium quando factum</i>	12	<i>Portugalia Vrbes aliquot ab Adefonso Rege Legionensi ca-</i>	
<i>Pantheon Templum Romanum</i>	39	<i>piuntur</i>	111
<i>Partheni Tarentum condunt</i>	16	<i>Portugallie fines à Barbaris devastantur</i>	87
<i>Papa Damasus Hispanus</i>	2	<i>Portugalenses vincuntur</i>	107
<i>Papius victus interficitur</i>	27	<i>Porus & Darius Reges ab Alexandro interfecti</i>	22
<i>Pharao quid significet</i>	10	<i>Pralium, inter Augustum & Antonium, quo victus Anto-</i>	
<i>Paris rapit Helenam</i>	13	<i>ninus moritur</i>	27
<i>Paulus Samosatensis Hæresiarcha</i>	35	<i>Pralium commissum inter Regem Ordonium & Regem</i>	
<i>Paulinus sanctus</i>	322	<i>Abderamam</i>	81
<i>Paulus Dux Bambanici exercitus sit periurus</i>	59	<i>Prima ætatis recensio</i>	5
<i>Paulus perfidus Gallie Tyrannus capitur à Bamba Rege Go-</i>	55	<i>Priamus Laomedontis successor in Troia</i>	13
<i>thorum</i>		<i>Priscillianus Hæreticus</i>	37
<i>Paulus multos è familia Neronis conuertit 33 in catacum-</i>	ibid.	<i>Priscillianus ab Idatio accusatus percutitur gladio</i>	37
<i>bis Roma decollatur</i>		<i>Procidus primus Quadrigam iungit</i>	10
<i>Paulus Diaconus Emeritensis</i>	282	<i>Prometheus Fabricator hominum & inuentor primus an-</i>	
<i>Paulus Tyrannus bello uictus, una cum complicibus decal-</i>	66	<i>nuli</i>	10
<i>natur 65 Incedit corona picea coronatus</i>		<i>Prophetarum in Iudæa, nomina</i>	15
<i>Pelagius Episcopus</i>	355	<i>Provincia Hispanensis</i>	302
<i>Pelagius à Concilio Carthaginensi condemnatur</i>	37	<i>Provincia Italicensis</i>	301
<i>Pelagius comprehenditur & Cordubam ferro uinctus per-</i>	ibid.	<i>Psalterium & Nablum qualia instrumenta Musica</i>	14
<i>ducitur 71 ab Asturibus in Regem eligitur</i>		<i>Phaselus illiso ad saxum capite, expirauit</i>	27
<i>Pelagiolus Regis Veremundi Equus 91 propter nimiam ve-</i>	92	<i>Ptolemeus ingens ac crudelis Tyrannus</i>	24
<i>locitatem hero mortem accelerat</i>		<i>Ptolemeus Philometar, ab Antiocho Magno Rege Syriæ</i>	
<i>Pelagius natione Hispanus, Episcopus Albanensis Cardina-</i>		<i>victus & Iudæam amisit, &c.</i>	23
<i>lis, Dux Cruce signatorum, Damiatam occupat, quam ta-</i>	113	<i>Ptolemæi Philadelphi edicto, omnes, sua ditionis Iudæi, obser-</i>	
<i>men Sarraceni paulo post recuperarunt</i>		<i>vandi Legem Dei, congregati 22 eiusdem Eleazaro &</i>	
<i>Pelagius à Synodo Ephesina condemnatus</i>	37	<i>protramissis 72 interpretibus, tramissa munera ib. & 23</i>	
<i>Perse famis impatientes proprium sanguinem hauriunt</i>	47	<i>Ptolemeus Soter sub specie Religionis, multos cepit Iudæos</i>	
		<i>quos passim hinc inde venditioni exposuit</i>	22
<i>Perfectus Sanctus Martyr</i>	301	<i>Puella Christiana Nobiles ac Ignobiles ex conditione, Sarrac-</i>	
<i>Persecum Romanis pacis fœdera rumpunt</i>	355	<i>enis matrimonio iunguntur</i>	74
<i>Petrus ex carcere Herodis Agrippa liberatur & uinitus</i>	32	Q	
		<i>Quadragesima fere millia Gallorum, à Romanis caesa</i>	23
<i>Petrus Rex Aragonum</i>	111	<i>Quamplurima Hispania Ciuitates à Barbaris ali-</i>	
<i>Petrus Ansuri vir prudens ac lingua Arabica peritus</i>	99	<i>quando obfessas, Troia recuperat</i>	73
<i>Petrus Rex Aragonum à Roderico Didaci capitur</i>	101	<i>Quando Christus passus sit</i>	391
<i>Petrus & Paulus apparent seni cuidam presbytero</i>	119	<i>Qui Euangeliorum scriptores recipiantur</i>	33
<i>Phidon Arginus Inuentor Ponderum atque Mensurarum</i>	15	<i>Qui status Christianæ Religionis Cordubæ sub Arabum</i>	
		<i>Imperio fuerit tempore D. Eulogij</i>	220
<i>Pilatus Hierusalem aqua penuria laboranti fert auxilium</i>	31	<i>Qui Hispani Romæ facti Imperatores</i>	3
		<i>Quintralubel Castrum</i>	80
<i>Philippus primus Christi Imperator efficitur</i>	35	<i>Quinquaginta Saracenorum Millia à Froylano trucidantur</i>	73
<i>Ponia Hispania flumen</i>	71	<i>Quiricus Archiepiscopus Toletanus</i>	58
<i>Phocas homicida</i>	39	R	
<i>Phua filius sacerdotis Heliopoleos quarit Moysen perdere</i>	11	<i>Radagaisus Rex Gothorum Idololatra 45 captus interfi-</i>	
		<i>citur</i>	ibid.
<i>Pinna Mellaria</i>	295	<i>Raguel Cordubensis</i>	351
<i>Pilemellariense Cœnobium</i>	301	<i>Ramirus Abbas</i>	59
<i>Pipinnus Caroli Magni filius</i>	333	<i>Ramirus Gothorum in regno Rex strenuus</i>	76

I N D E X

<i>Ramirus Gothorum in regno rex strenuus</i>	76	<i>lium mittuntur</i>	41
<i>Ranofindus Dux Provinciae Tarraconensis</i>	60	<i>Sacerdotes Maurorum de turribus proclamantes</i>	313
<i>Ratio temporum in Hispanorum regum historia</i>	281	<i>Salamantica, à comite Raymundo populatur</i>	101
<i>Raymundus Comes Barchilonensis</i>	103	<i>Salomon Martyr</i>	315
<i>Reccaredi regis praeconia gloriosissima</i>	50	<i>Salomon undecimo atatis anno etiam contra naturam cursum, genuit filium 14. ejusdem aetatis perfecta & series Imperii ibid.</i>	
<i>Recceswinthus litterarum divinarum ac humanarum amator diligentissimus</i>	55	<i>Salomon & Rodericus Martyres</i>	307
<i>Reccarius rex Suev. 47. telo saucius fugiens capitur ibid.</i>		<i>Salomonis gloria descriptio</i>	15
<i>Reccopolis urbs in Celtiberia à quo extracta</i>	49	<i>Salustius Historiographus quando natus</i>	24
<i>Regalis Iudeorum prosapia libri omnes ab Herode combusti, & id qua de causa</i>	27	<i>Saul primus rex Israeliticus</i>	13
<i>Reges Latini à quo Sylvii denominati</i>	13	<i>Salvaterre, ab Abeniacob Miramamolino rege Barbarorum obsidione cingitur 110. capitur ibid.</i>	
<i>Reges in Syria dicti Antiochi ab Antiocho Sotero</i>	22	<i>Samaria solo aequatur</i>	25
<i>Regibus Romanis expulsis, substituti consules ad Julium Casarem usq.</i>	20	<i>Sampyrus Episcopus Asturicensis</i>	357
<i>Regis notatio. i. ejusdemve requisita quinq.</i>	ibid.	<i>Sancta Christina castrum</i>	76
<i>Regnum Israel à Juda quando divisum. 15 quo tempore etiam, aves conuolarunt super Hierusalem ibid.</i>		<i>Sancta Columba ad Martyrium properat</i>	299
<i>Regnum Legionense contra Sarracenos defenditur</i>	110	<i>Sanctarum virginum Flora & Maria vita & passio</i>	264
<i>Regnum Portugaliæ & Galliciæ à Rege Adefonso obtinetur</i>	100	<i>Sancta Regina</i>	95
<i>Regnum Suevorum deletur & ad Gothos transfertur</i>	43	<i>Sancio Comes Sancionis</i>	334
<i>Regno Orientis cadente, Occidentis regnum surrexit</i>	20	<i>Sancius Crassus rex</i>	351
<i>Regum Lacædæmoniorum defectus</i>	15	<i>Sanctius Comes perpetuo carceri includitur ob stupratam Xenemam regis Adefonsi sororem</i>	73
<i>Reliquie sancti Zozii</i>	329	<i>Sancta Maria munitio occupatur</i>	94
<i>Reliquie lignea arca Noe ubi ostendantur</i>	7	<i>Sancti Eulogii Epitaphium</i>	231
<i>Remismundi regis Suevorum legatio ad Theudericum regem Gothorum</i>	47	<i>Sanctorum quorundam sepultura diversorum locorum</i>	34
<i>Remus à Fabio, Duce Romuli, raistro Pastoralis occiditur</i>	16	<i>Sanctorum aliquot Hispanorum enumeratio</i>	2
<i>Renerius, Ecclesia Romana legatus Papa factus</i>	101	<i>Sanctorum quorundam sepultura diversimoda</i>	95
<i>Responsio Aboari acceptam Epistolam S. Eulogii</i>	340, 341	<i>Santarem oppidum</i>	107
<i>Rex Latinorum decimus Sylvius Tiberinus</i>	15	<i>Sapho Mulier, diverso poemate, apud Græcos insignis</i>	17
<i>Rex Legionensis Adefonsus improbus admodum terribilis in bello nunquam victus sed semper victor extitit ibid.</i>		<i>Sarraceni, nimio percussi terrore ob adventum regis Ferdinandi, relictis pueris & mulierum agmine, aufugiunt</i>	94
<i>Rex Hispaniæ nulli imperio temporali subditur</i>	3	<i>Sarracenorum sexaginta millia flumine obruta, puniuntur divinius</i>	72
<i>Rex Gothorum Ordonius morbo correptus podagrico, animam suam Oveii exhalat</i>	78	<i>Sardanapalus ultimus, Assyriorum Monarchus ab Arbace vincitur 15. seipsum sponte concremat. ibidem.</i>	
<i>Rex Veremundus podagrica agitudine laborans, Barbaro Legionem obsidenti nequit resistere</i>	87	<i>Saturninus Archidiaconus</i>	221
<i>Rixa & dissidia inter regem Fernandum & regem Veremundum qua de causa exorta</i>	91	<i>Scemenus Abbas Igasensis</i>	331
<i>Roderici & Letesma civitates</i>	106	<i>Schisma Donatistarum quando exortum</i>	36
<i>Rodericus Didaci miles victoriosissimus</i>	98	<i>Schola Palentiana constituuntur</i>	109
<i>Rogellus & Servius Martyres</i>	277	<i>Scholia in divi Eulogii vitam</i>	232
<i>Roma quando & quo in loco à Romulo & Remo condita</i>	16	<i>233. & 234.</i>	
<i>Roma, à Gothico exercitu, obsessa vincitur</i>	45	<i>Scholia in Apologeticum Sanctorum Martyrum</i>	312
<i>Roma cunctarum gentium domina subacta Gothis</i>	43	<i>Secunda atatis Genealogia.</i>	7
<i>Roma adjecto monte Calio amplificata</i>	16	<i>Sedechias merore confectus diem suum in carcere obiit.</i>	17
<i>Roma depredata, incensa relinquitur</i>	37	<i>Seleucus in Syria Alexandri successor.</i>	21
<i>Romani, victos Græcos, liberos dimittunt</i>	23	<i>Seme Regis David omne ab Athalia crudelissima extinctum</i>	15
<i>Romani Triumphatis regionibus, quid ex iisdem fecerint</i>	30	<i>Semiramis nubis proprio filio.</i>	9
<i>Romani à Carthaginensibus navali prælio victi Metello, consule, in fugam verso</i>	23	<i>Sena oppidum expugnatur, Barbari partim trucidati, partim in servitutem redacti.</i>	93
<i>Romanorum in Italia bellum lachrymabile</i>	356	<i>Seneca Patria, Hispania.</i>	3
<i>Romanorum Imperatorum series</i>	394, 395, 396 & c.	<i>Septem primi Hispania Episcopi.</i>	312
<i>Romanum Imperium à qua gente nimium defatigatum</i>	43	<i>Septem Tribus & Israel captivati.</i>	16
<i>Romanum Imperium diminuitur, avaritia causa</i>	31	<i>Serapis Rex Aegyptiorum in Deorum numerum refertur</i>	9
<i>Roma pars maxima à Gallis cremata</i>	21	<i>Servus periturus, & Regicida voluntarius occiditur.</i>	80
<i>Romulus Diis annumeratus est, & id qua de causa</i>	16	<i>Servandus Consiliarius Regis Ferdinandi.</i>	94
<i>Romulus & Remus gemelli à Lupa nutriti 16. ejusdem Lupa interpretatio ibid.</i>		<i>Barbaris est terribilis</i>	ibid.
<i>Rustici rebellantes opprimuntur</i>	355	<i>Seuerianus dux Carthaginensis.</i>	2
<i>Rusticus quidam in Gallicia partibus contra Nobilem injuriantem, defenditur</i>	104	<i>Seuerus Antiochenus Hæresis princeps.</i>	338
S			
<i>Sabba civitas regia</i>	11	<i>Sexaginta milia Iudeorum corruerunt victi à Ptolomeo Philopatore.</i>	23
<i>Sabba Regina, regia civitatis Ethiopiae Salomonis miratur prudentiam, offert eidem munera pretiosissima</i>	15	<i>Sextus Servius, Nobilis captiva filius, Rex Romanorum à Tarquinio Superbo præsci Tarquinii filio occisus est.</i>	17
<i>Sacerdotes antiquitus dicti Primates</i>	11	<i>Sybilla Erophilla cur Samia dicta.</i>	16
<i>Sacerdotes & Clerici ob Arrianam detestatam hæresin in exilium mittuntur</i>		<i>Sigericus princeps pacificus cur à suis trucidatus</i>	46
		<i>Silus Gothorum Rex Galleciam rebellantem vincit in monte Ciperio</i>	74
		<i>Silemom quale instrumentum</i>	13
		<i>Simon Cleophas Hierosolymorum episcopus crucifigitur</i>	34
		<i>Synodus Constantinopolitana</i>	75

I N D E X

<i>Synodi Chalcedonenfis defensores exilio damnantur</i>	38
<i>Synodus Romana sub Innocentio Papa Romano</i>	113
<i>Sylvius Capus Rex Latinorum octavus</i>	15
<i>Sylvius Amulius Decimus Quartus Rex Latinorum</i>	16
<i>Sylvius Postumus Aeneas & Lavinia filius tertius Rex Latinorum</i>	13
<i>Sylvius Alba Sylvijs Aeneas filius sextus Rex Latinorum</i>	15
<i>Sylvius Athysia Egyptus Rex Latinorum septimus</i>	15
<i>Sirena, Meretrices cantu & pulchritudine navigantes sefellunt</i>	13
<i>Syria in Romanorum potestatem subacta</i>	24
<i>Syria & Mesopotamia à Mahumeto devastatur</i>	54
<i>Socrates & Demetrius philosophi</i>	21
<i>Solon Atheniensibus praescribit leges</i>	17
<i>Sollicita Ruderis & Salomonis humilitas</i>	315
<i>Sophocles & Euripides scriptores Tragoediarum</i>	21
<i>Sisemundus Episcopus</i>	330
<i>Sisenandus Levita Martyr</i>	262
<i>Sisilico Dux Romanorum ingentem Gothorum multitudinem circumclusam, fame necat</i>	45
<i>Siruthionis in liberando ex vase vitreo pullo, mira & ingeniosa astutia</i>	15
<i>Studia primorum hominum quomodo & per quem asseruata posteritati?</i>	7
<i>Successor Oronj Adefonsus, adinnectis Gallie copijs, Saracenos igne ferroq; devastat</i>	78
<i>Suevi Gothis subiecti</i>	38
<i>Suevi fidei Catholica restituntur</i>	42
<i>Suevi baptizati obtinent Gallieam</i>	50
<i>Suenorum Regnum finitum, quod tamen paulo post restauratum</i>	47
<i>Supplicium humani generis ac solatium</i>	355
<i>Saintila Regis Gothorum praeclara facinora</i>	51

T

T Halamus unde traxerit originem	16
<i>Talavera Agarenorum civitas</i>	84
<i>Thales Milesius Astrologia numerum prius inuestigavit</i>	17
<i>Thamis vermiculus eiusq; sanguinis efficacia</i>	15
<i>Tharasio uxor Adefonsi repudiatur, & in eius locum Beneagaria prudentissima surrogatur 109 cuius liberi suscepti recensentur</i>	ibid.
<i>Tharbis filia Regis Aethiopum Moysi nupsit & propter Idolatriam a Moysse derelinquitur</i>	11
<i>Taraphei castrum</i>	106
<i>Tarquinius Superbus Romanorum Rex Septimus qua de causa regno pulsus</i>	20
<i>Tarquinius Priscus Rex Romanorum quintus 16 eius adificia</i>	ibid.
<i>Tarsilla amita Gregorij</i>	119
<i>Tellio Palentia urbis Episcopus Reuerendissimus</i>	109
<i>Telchines à Gracis victi, in exilio Rhodum condunt</i>	10
<i>Templum Hierosolomytanum à Nabuchodonosore incensum, cuius ornatus a terra hiatu absorptus est</i>	17
<i>Tempore Abieni Iunioris Coss. iugens terra motus</i>	335
<i>Templum Pacis ipso die Natiuitatis Christi funditus est eversum</i>	29
<i>Templum Cordubense</i>	290
<i>Templum Delphicum quando constructum</i>	12
<i>Templa Christianorum Corduba</i>	220
<i>Tempore Adefonsi Regis pax & tranquillitas maxima</i>	100
<i>Templum Salomonis octauo anno absolutum</i>	14
<i>Theodorus Episcopus Cebalusitanus</i>	341
<i>Theodorus frater Heraclij, anissa maxima parte exercitus, à Mahumeto interficitur</i>	54
<i>Theodosij Imperatoris patria Hispania</i>	3

<i>Theodoricus & Frigidarius Fratricida</i>	47
<i>Theodemundus Canonicus</i>	329
<i>Theodora Augusta morbus & subsequuta mors</i>	339
<i>Theodredus Rex Gothorum</i>	42
<i>Theodiscus Isidori successor, sub ovina pelle lupus voracissimus 53 à dignitate Archiepiscopali remouetur</i>	ibid.
<i>Therasia habitu moniali virginibus dedicata se ad sociat, tandem Ouetu mortua 12 monasterio S. Pelagij humatur & 9</i>	
<i>Tucci urbs</i>	289
<i>Thermut filia Regis Pharaonis, in repertum Hebraeorum misericors</i>	10
<i>Tertia aetatis genealogia</i>	37
<i>Thesauri Ecclesiarum Hispanicarum funditus à Barbaris direpti</i>	87
<i>Thenderedus auxiliantibus Romanis & Aetio, Duce exercitus, Hunnorum victor existit</i>	46
<i>Thenderedus Wallia Regis successor Romanis infestus, Arelas nobilissimum Gallie oppidum occupat</i>	46
<i>Tertius vicus</i>	316
<i>Tertullianus Afer</i>	34
<i>Thendefredus Dux Cordubensis, à Ruitiza Rege Gothorum duobus priuatur oculis</i>	69
<i>Thendericus S. Eulalia ostentis perterritus à proposito depradandi abstinet 47 ab Eurico fratre suo interfectus est</i>	ibid.
<i>Thendiscus Gothorum praefectus 48 inter epulas necatur ili.</i>	
<i>Textura auctrix</i>	6
<i>Tiberis fluuius sic dictus à Syluis Tiberino Rege Latinorum decimo</i>	15
<i>Tiberius Pilatum à Iudaeis accusatum mittit in exilium, ubi & sceleratissima Pilati vicia recensentur 31 mors Tiberij</i>	ibid.
<i>Titus Vespasiani filij, eruditio, aliarumq; praeclarissimarum virtutum praecordia de eodem pulcherrima</i>	33
<i>Tyrus ciuitas tribus annis, decemq; insuper mensibus obsessa, attamen capion potuit</i>	19
<i>Toletana Ciuitas</i>	24
<i>Toletanus Archiepiscopus</i>	2
<i>Toletum, ab Adefonso Rege, obsidione cingitur</i>	100
<i>Tota Hispania Romano Imperio à Iul. Cas. subiungatur</i>	26
<i>Totila Rex Gothorum superatur</i>	38
<i>Thracia ferro igniq; devastatur</i>	44
<i>Traianus Quatuordecim mittit legiones contra Occidentem &c.</i>	34
<i>Trafemundus Rex Vandalorum in Ecclesias Catholicas Tyrannus</i>	38
<i>Tres regni Legionensis, Nobiles sapientissimi</i>	98
<i>Tres Iudeorum captiuitatis, productionis manifesta, afflictionis & desolationis</i>	18
<i>Triplices Romanorum Imperatorum Caroli</i>	79
<i>Triptolemus Agriculturae Amphiator</i>	10
<i>Tros Rex, Ganimedis pater, ab hoc Troiani nomen acciperunt</i>	12
<i>Turba Martyrum Cordubensium</i>	243
<i>Turbulentus Hispania status Regnante Unitiza</i>	69
<i>Tucitanum Oppidum</i>	301
<i>Tudericus à fratre Impio accusatur</i>	314
<i>Thulga Rex mitis ac iustus 54 Toleti moritur</i>	ibid.
<i>Tullius Hostilius Rex Romanorum tertius primus usus & fascibus & purpura 16 censum in Repub. exegit nesciam alias facultatum</i>	ibid.
<i>Tumultus quorundam in regno Legionensi</i>	114
<i>Thunus Rex Aegypti alias Polybus</i>	13
<i>Turgellum sancta Crux, Alhange & quaedam alia castra à Fernando Rege acquisita</i>	116
<i>Turris Stratonis</i>	29
<i>Turris Babylonica altitudo</i>	8
<i>Thurismundus Thenderedi Regis filius</i>	46

Valens Arriana Secta Affecta, in Gothicam gentem, ejus-
dem erroris virus transferre 44
Valens jaculo vulneratus, in villa quapiam comburitur 44
Valerianus, cū Galieno filio regnans, a Sapore Rege Persarum
capitur, luminibusq; orbatu in servitute miserrima conse-
nescit 35
Valerius Grachus avaritia deditissimus sacerdotis Principa-
tum palam vendit 36
Vandali cognomine Silingi 40
Vandalorum clades 38
Valentinianus Sicilia depradata, Arrianā inducit heresin 41
Valentinianus cum tota gente Gothorum factus Arrianus 36
Vallis Dei monasterium ordinis Cisterciensis 110
Varii Hispania Incola 382
Varro & Cicero nascentur 24
Vasa aurea D. Petri a virgine quapiam Romana ac conse-
crata quomodo in tumultu bellico conservata 45
Vas onus, da is obfidibus atq; tributis consuetis, a Bamba Go-
thorum Rege, pacem adipiscuntur 61
Vastones expeditione vastantur 31
Valentinus & Maritōn Haresiarcha 34
Vaticinium sacrorum Scriba, de e flumine egresso tauro, inte-
ritum Aegyptii minante 10
Venerius Episcopus 330
Vegel Urbis Barbarorum opulentissima & fortissima obfidi-
one capitur 80
Vellitus Arnulfi Sancti Regis percussor 98
Venetorum & Prasinorum bellum civile 39
Ventidius & Sylo principes Herodem in regnum collocantes 27
Veremundus diaconus, filius Nimarani, in Gothorum regem
eligitur 74
Veremundi Regis liberi 88 & 89
Vespasianus, Galba successor, Miles strenuus cum Tito Hie-
rusalem occupando funditus subvertit 33
Victoriarum gloriosissimarum aliquot recensio obsequentium
a Bamba Rege Gothorum 68
Victor Episcopus Ecclesia Tunnenfis 4
Vicus Nymphianus & Colubris 317
Vigilius Romanus Episcopus 339
Villa bona Veremundi Regis sepultura 89
Vimaranius venusta faciei & Miles strenuus 73
Vimarus Comes vivus capitur 106
Vinea aurea in qua diversi generis gemma pro racemis pen-
dentes 21
Vinum & Mulierum effectus nocentissimus 1
Virgilius nascitur Mantua, scribit Poemata de Christo pro-
phetanā 24
Verginum sanctarum Translatio 386
Virginum vesta in primā institutio 16
Vita & passio Enlogii, presbyteri & Doctoris, Martyrisq;

beatissimi 229. 224 & c.
Vita & passio B. Pelagii 348
Vitellius a Vespasiani ducibus interfectus, & in Tiberim con-
jectus est 33
Ulisbona civitas Hispania ab Ulysse condita 13
Vidula condemnatur exilio 357
Viu Rex Barbarorum fortissimus 70. magnam militum co-
piam mittit in Hispaniam ad eam devastandam ibid.
Vndecimus Rex Latinorum Sylvius Agrippa 15
Vocabuli Hispanie derivatio 3
Vocabuli (cum notatio 6. Cain avarus 6
Urraca, exulando, p. ce. asperso vit 85
Urraca Regina liberalis munificentissima erga Ecclesiam D.
Iacobi Apostoli 77
Urraca consilio & probitate pollet 99
Urraca f. ia Regis Portugalia 106
Vrbicus, fluvius 47
Vrbicius sanctus 334
Vxores Regis rudesofni 100

W

Wallia Sigerici successor pacem init cum Honorio Roma-
norum Imperatore 46
Wistremiri Archiepiscopi Toletani laudes 330
Wuesindus Martyr 301
Wuitiza Faslam (bindasuinidi Regis filium ac Ducem, iussu
uxoris, clava percussit. 96

X

Xenophanes scriptor Comædiarum 26
Xeres cur olim dicta Astaregia 396
Xerxes pictor 21
Xerxes Darii filius parenti demoritur, succedit, & ob pietatem,
multa gloriosa praeclare gerit 41

Y

Zacharias una cum filiis, excepto duntaxat uno posthu-
mo, obrutus lapidibus 15
Zacharia S. Monasterium 329
Zadon, Cadon & Ansilon falsi, Adulphi Episcopi accusatores
86 qui post excommunicantur ibid.
Zapadola Rex 103
Zepherinus Episcopus 35
Zemoza a Sarracenis destructa, denuo reedificatur 95
Zeno Philadelphe Tyrannus, dictus Coryla 24
Zoroastes auctor artis Magica 8
Zorobabel, Dario familiarissimus, templi exstructionem im-
petrat 20
Zoyla sancti Monasterium 305

FINIS.

CHARTARVM SERIES ET ORDO.

(?) A B C D E F G H I K K; L M N O P Q R S T V X Y Z

Aa Bb Cc Dd Ee Ff Gg Hh Ii Kk Ll Mm Nn Oo Pp Qq Rr Ss.

(?) N O P Q R duerniones

ceteræ omnes terniones.

Error in numeris non te turbare debet dum à pag. 124 ad 135. et à 142 ad 153. & à 160 ad 181. fit saltus.

Contigit id nobis inuitis: operi vero nihil deest.

IOANNIS
MARIANÆ HISPANI
E SOC.
IESV

HISTORIÆ HISPANICÆ
APPENDIX.

LIBER scilicet XXI. & nouem ceteri ad XXX. usque, qui viginti illos in Tomo
hoc II. Rerum Hispanicarum ordine se-
quuntur.

Additus & hic est suus INDEX.



FRANCOFVRTI,
Apud Claudium Marnium, & hæ-
redes Ioan. Aubrii.

M. DCVI.

THE NEW YORK
LIBRARY

OF THE
CITY OF NEW YORK
AND
THE LIBRARY OF THE
ALBANY INSTITUTE



1850
1851
1852
1853
1854
1855
1856
1857
1858
1859
1860

IO. MARIANÆ HISPANI,
 E SOCIETATE IESV,
 HISTORIÆ DE REBUS
 HISPANIÆ,
 LIBER XXI.

Bellum Aragonium. Cap. I.



VIEVERAT Hispania superioribus annis bello fessa, Regibus inter se multiplici cognatione atq; affinitate deuinctis. Cum Mauris Granatensibus induciæ fuerant, aut modicè laceffita pax. studium non deerat ardens impiæ gentis opprimendæ intestinis factionibus, & dissidiis tumultuantis, pronæq; in exitium. Nouum hac tempestate bellum exortum est inter Reges Aragoniæ, Vasconum, atque Castellæ maiori conatu quàm successu. Huius belli causas, & originem euentumq; scribere pergitur, alternantib; fortunæ ludos atque Aluari è fastigio casum quo secundo præcipitare cœpit, malorum omnium, & dissidiorum concitator præcipuus. Partam is malis bonis artibus potentiâ quacumque ratione tueri constituens, quamprimum in curiam rediit, proceres quos nouis officiis placare debuit, ii vt ab aula pellerentur & prosè quisque domos abire cogerentur, auctor Regi extitit: pessimum consilium, exitialeq; ipsi imprimis consultori futurum. Velascus, Stunica, Pimentelius, Magistri Calatrauæ & Alcantaræ cognita Regis voluntate discesserant. Supererant Aragonii fratres maiori auctoritate & potentia, quàm vt facile euerti possent. In hos etiam pari temeritate est factus impetus. In Vasconem primum, quem in regnum amandandum vulgus, sed & maiori auctoritate homines clam & in circulis disputabant. Sua eum negligere, curare aliena pari vtrunq; vitio vituperationeque. Hæ voces non ingrata Aluaro, non ingrata Castellæ Regi erant, pro ingenio Principum æqualem honore in ditione non ferenti. Missi qui Castellæ Regis verbis profectionem denunciarent: Blanca etiam vxor tempestate prouisa, de viroque sollicita, legatum miserat Petrum Peraltam, qui profectionem vrgeret. Sic omnes regni ordines flagitare. id priuatim, id publicè fore salutare. Ægrè Vasco Aluari machinationes tulit. parendum tamen necessitati iudicans, Castellæ Regem Vallisoleti conuenit, vbi conuentus regni erant. Fœdus inter Reges Castellæ, Aragoniæ, & Vasconum instauratur. Scribuntur conditiones: iureiurandoq; à duobus Regibus confirmantur. Idem vt Aragonius faceret, earum conditionum exemplum ad eum mittitur, legato in eam rem Diegho Franco iureconsulto. Rebus ad hunc modum constitutis, Vasco quidem in regnum abiit: Aragonius autem tempus extrahendo Franci conatus diu ludificatus, tandem Barcinone responderet, eas sibi conditiones non placere: videri quædam immutanda. simul idoneum hominem nactus occulta ad Aluarum mandata dat: Petrum Manricum omnium dissidiorum esse facem: in omnes se facies vertere, varios subinde colores assumere mobilitate ingenii rerum nouarum cupiditate. si se, si res, si Regem saluos vellet, quàm primùm submouendum videri: neque permittendum, vti ad aliquam reipubl. partem accederet. In alia parte Alfonso Arguello Cæsaraugustano Præfuli vincula sunt iniecta. de exitu non vna opinio fuit, aliis in flumen præcipitarum, aliis gulam fractam dicentibus. idem de aliis ciuib; Cæsaraugustanis factum. initæ cum Aluaro societatis crimen obiectum: re nimium pacis studiū exitio fuit, cum Castella ante pacta: libertasq; loquendi. Regem cogendum, conuenta pacis seruare: ne regiæ temeritatis respub. pœnas daret. Barcinonis Episcopus Franciscus Clemens in Arguelli locum renunciatur. simul cum Rege Vasconum iniurias bello vindicandi Aluarique euertendi consilia communicantur. Henricum fratrem Aragonius ad se euocat, principio mensis Aprilis salutis anno MCCCCXXIX. duorum fratrum colloqui-

Hec annexenda pag. 801. tom. 2. Rer. Hispanie.

30 rentur, auctor Regi extitit: pessimum consilium, exitialeq; ipsi imprimis consultori futurum. Velascus, Stunica, Pimentelius, Magistri Calatrauæ & Alcantaræ cognita Regis voluntate discesserant. Supererant Aragonii fratres maiori auctoritate & potentia, quàm vt facile euerti possent. In hos etiam pari temeritate est factus impetus. In Vasconem primum, quem in regnum amandandum vulgus, sed & maiori auctoritate homines clam & in circulis disputabant. Sua eum negligere, curare aliena pari vtrunq; vitio vituperationeque. Hæ voces non ingrata Aluaro, non ingrata Castellæ Regi erant, pro ingenio Principum æqualem honore in ditione non ferenti. Missi qui Castellæ Regis verbis profectionem denunciarent: Blanca etiam vxor tempestate prouisa, de viroque sollicita, legatum miserat Petrum Peraltam, qui profectionem vrgeret. Sic omnes regni ordines flagitare. id priuatim, id publicè fore salutare. Ægrè Vasco Aluari machinationes tulit. parendum tamen necessitati iudicans, Castellæ Regem Vallisoleti conuenit, vbi conuentus regni erant. Fœdus inter Reges Castellæ, Aragoniæ, & Vasconum instauratur. Scribuntur conditiones: iureiurandoq; à duobus Regibus confirmantur. Idem vt Aragonius faceret, earum conditionum exemplum ad eum mittitur, legato in eam rem Diegho Franco iureconsulto. Rebus ad hunc modum constitutis, Vasco quidem in regnum abiit: Aragonius autem tempus extrahendo Franci conatus diu ludificatus, tandem Barcinone responderet, eas sibi conditiones non placere: videri quædam immutanda. simul idoneum hominem nactus occulta ad Aluarum mandata dat: Petrum Manricum omnium dissidiorum esse facem: in omnes se facies vertere, varios subinde colores assumere mobilitate ingenii rerum nouarum cupiditate. si se, si res, si Regem saluos vellet, quàm primùm submouendum videri: neque permittendum, vti ad aliquam reipubl. partem accederet. In alia parte Alfonso Arguello Cæsaraugustano Præfuli vincula sunt iniecta. de exitu non vna opinio fuit, aliis in flumen præcipitarum, aliis gulam fractam dicentibus. idem de aliis ciuib; Cæsaraugustanis factum. initæ cum Aluaro societatis crimen obiectum: re nimium pacis studiū exitio fuit, cum Castella ante pacta: libertasq; loquendi. Regem cogendum, conuenta pacis seruare: ne regiæ temeritatis respub. pœnas daret. Barcinonis Episcopus Franciscus Clemens in Arguelli locum renunciatur. simul cum Rege Vasconum iniurias bello vindicandi Aluarique euertendi consilia communicantur. Henricum fratrem Aragonius ad se euocat, principio mensis Aprilis salutis anno MCCCCXXIX. duorum fratrum colloqui-

um Turuli habitum. de inferendo Castellæ bello, sociandisq; viribus agitatum euentus docuit. Vasco colloquio non interfuit, regni variis curis implicitus, ipsaque regni inauguratione. quod eatenus factum non erat, Pompelone Maii mensis Idib. Rex & Regina regis insignibus desumptis, atque Gotthorum instituto, duobus clypeis militaribus procerum humeris sustentati, Reges proclamati sunt. In vtraq; prouincia delectus militares occultè habiti. species erat rebus Gallicis opem ferendi: re Castellæ arma inferre parabant. Id non latuit Castellæ Regem. missis vtrinque legationibus nihil profectum est. Reges Harisam accedunt, (quod oppidum veteribus Arci fuit in Areuacis) ea parte in Castellæ fines incurrere destinantes. à Sandoualio Castri Comite, Pennafielis municipium præsidio militari munitur. eodem Petrus Aragonius Medina Campestri aduocatus venit. Contra hos conatus Castellæ Rex ingentes delectus habere tota prouincia. proceres nominatim euocare, imprimis Henricum Aragonium, & Fridericum Castrium Arionæ Ducem (Friderici is nepos erat D. Iacobi militum Magistri.) Nouo sacramento cuncti ordines in verba Regis adacti, fortem & fidelem operam eo bello nauaturos: indicaturosq; si qui contra molirentur. Additæ execrationes si fidem fallerent, expiando scelere Hierosolymam nudis pedibus ituros. iurisiurandi gratiam concedi, petituros nunquam. Palentia mensē Maio extremo, conceptis de scripto verbis in Regis verba iurarunt, primus Aluarus Luna, Contrerius Toletanus Præsul, Lupus Mendoza Compostellanus Archiepiscopus, Fridericus maris Præfectus, Ludouicus Cerda Medina Celina Comes, Calatraux & Alcantara Magistri, Guterrius Toletus Palentinus Episcopus, Stunica, Manricus, Pimentelius, Sarmenus, Ioannes Touarius Valeranicæ regulus, proceres alii magno numero Regem secuti, quod fidē obsequiumq; probarent prompta celeritate certantes. ex eo numero quatuor continuo finibus tutandis Duces præfecti: Aluarus ipse, maris Præfectus, Petrus Manricus, atque huius gener Petrus Velasus. duo equitum millia sequebantur, nomen magis exercitus, quàm robur Aragoniis viribus par. Stunica modico interuallo sequi iussus cum noua equitum manu. Rex cum multo maxima copiarum parte Pennafielem oppidum expugnandum suscepit. admota moenibus castra: voce præconis oppidani ad officium inuitati: si resisterent, morarenturq; rebus maiestatis futuros. facta deditione, Petrus Aragonius, Comesque Castri in arcem se receperunt. oppidanis quod non continuo portas aperuissent data venia. arci vim admoueri non est visum, ne in longum obsidio duceretur. Reges Aragoniæ & Vasconum in Castellæ fines irumpentes ad Cogolludium, quod oppidum in Carpetaniæ, & Areuacum finib. situm est, loco plano, & patenti posuerunt castra: Castellæ Duces in colle sex fermè inde passuum millibus: Aragonii, & Vascones ad duo millia & quingenti equites erant, pedites mille, egregiè armati, & multis bellis exerciti. in Castellæ castris, mille septingenti equites numerabantur, pedites quadringenti. Reges pugnandi cupiditate, proxima luce ipsis Iulii Kalendis die Veneris instructas acies promouent pauca pro tempore milites cohortati, per agmina atq; manipulos. Paucorum scelere conuulsam rempubl. euerfas leges, sanctitates violatas. Se quos maximè rebus perditis patrocinari conueniebat, patria pulsos, bonis spoliatos, liberis, coniugibus, amicisq;. Mutui commercii ius sublatum. Ne factam quidem potestatem Castellæ Regē conueniendi, eum monendi, seq; excusandi. necessariò ad arma ventum. In eius pugnae euentu publicam pacem, salutem vtriusq; gentis, dignitatemq; versari. proinde parati intentiq; essent, signo dato, hostes inuaderent. Si plures essent, aduersus tamen inerme hominum genus, atque imbelles pugnare, quid vetaret? eo armorum vsu esse, ea scientia pugnandi. Nunc numero & virtute præstatis. nulla illis castra sunt, nulla munimenta. Præclari numina facinoris casum dant, nobis propitia, hostibus eripuerunt mentem. Audete ergo, atque hoc die omnes victorias, labores, gloriamq; confirmate. Ventum in conspectum erat: cum Aluarus cognito periculo carros copiis circunduci mandat, nisi de suo loco non pugnare constituens. Ab Henrico Manricoq; in colloquium ventum. probra inuicem iactata, nihil aliud. Expedita vtrinque arma. leuia certamina committi cœpta. cū Cardinalis Fuxensis inter vtrasq; acies oberrans, nunc hos, nunc illos monendo peruicit tandem, ut quoniam multum diei processerat, in proximam lucē certamen reiicerent. Vna nox interposita saluti fuit. Aragoniæ Regina virilis animi scēmina in castra delata, erecto in ipsa planicie tentorio medio inter vtrasque acies, pacem honestis conditionibus composuit. quas postquam Castellæ Duces iureiurando cōfirmarunt, ab armis est discessum. Castellæ copiae iis locis substituerunt. Aragoniæ, & Vasconū Reges sese retro sine maleficio retulerunt. Henricus Aragonius, qui diebus superiorib.

Toletum

Toletū fraude tentarat, ac tantū non ceperat, cū is conatus frustra fuisset, sese sub ipsum pugnae tempus fratribus iunxerat. Seguntia Vrceſiam abiit, pacta pacis spe tutus: aut si id non contingeret, factionis viribus nouos concitaturus motus. Festinabat cum copiarum robore Castellæ Rex, equites decem amplius millia, pedites ad quinquaginta millia sub signis habēs. Aragoniæ Regina, Fuxenſis Cardinalis accedunt: pacta concordia monent, hortanturque vti diſcedat ab armis. Ille spe ferox, & vindictæ studio ardens negat iniuſſu ſuo pactas conditiones fore ratas. Regum inſolentiam malo vindicandam. Ad Belamaſanum in Durii ripa caſtra erant: cū Fridericus Arione Dux Traſtamaræ Comes eò delatus in vincula duci iuſſus eſt: atque in Penafielis arce, quæ in poteſtatem venerat cuſtodiri: vbi proximo anno deceſſit, meliori exitu dignus, ſiue ætatis commiſeratione, ſiue regia propinquitate, ſiue quod nulla expectata fide ad Regem venit: conſcientia credo fretus, aduerſus maiestatis quod obtendeſſetur crimen, cum Aragoniis fratribus conſpiſſe. & eſt diſcordia ciuilis multarum ſuſpicionum mater, innocentia ſæpè aduerſa: boni quàm mali ſuſpectiores ſunt, præſertim ſi otium amant. Sepulcrum eius in monaſterio, cui Beneuiueræ nomē eſt, prope Carrionē in Vacceis cum inſcriptione cernitur, à Petro Ruizio Sarmēto ſororis filio, primoq; Salinaſum Comite poſitum. In Aragonios ſubinde fines penetratum eſt. ingens trepidatio, pauorq; eo tractu: ſimul fuga agreſtium, pecorumq; in munita loca facta. deſertis pagis iniecti ignes: vaſtati agri. Harifaſa promota caſtra, iis locis munitum oppidum operibus, arceq; arduo in colle poſita. fugientibus in eam arcem incolis oppidum direptū incenſumq; magna ex parte. Quo tēpore quaſi in omnes partes ſigno dato in Vaſconū etiā fines non vno loco irruptiones factæ. à Petro Velasco Vincentii fanum vi expugnatū, incenſumq; eſt: quoniā retinere nō ſperabāt arce in fide veteri perſtāt. Ab Epīſcopo Calagurritano, & Diego Stunica fratris filio Guardia oppidum, & arx coniuncta præſidiis occupantur. Beneuentanus cum copiarum parte Henrici Aragonii oppida, vti iuſſus erat, carpere non deſiſtebat. Henricus Ocania deſerta Seguram abiit, quæ arx ad Portugaliz fines Anāq; pertinet: vxoreque in ea arce relicta, ipſe caſtra Iulia feſtinauit, ſi cæteris amiſſis oppidis ea parte iniurias vindicare poſſet. præſto Petrus Aragonius fuit Medina Campeſtri metu tempeſtatis in ea loca delatus, magno iuuenis animo, præcipua rei militaris ſcientia, bello Neapolitano comparata.

Belli Finis. Cap. II.

Satis profectum videbatur ſiue ad nominis exiſtimationem tuendā, ſiue ad iniurias vindicandas, Aragoniorum, & Vaſconum audacia caſtigata, vexatis finibus. Harifaſæ arci aſſidere longum erat, exiguum moræ pretium. ergo à Castellæ Rege copia Medi-nam Celinā reductæ ſunt, victoria lætiores, quam præda. regni fines validis ea parte præſidiis firmati: reliquæ copię in hiberna ſunt dimiſſæ. Rex Medinam Campeſtrem ad regni conuentus feſtinauit, autumnō præcipiti. eius diſceſſu, hoſtibus animus creuit. Vaſco ad regnum tutandum abierat: Aragonius copiis contractis in Castellæ agros incurrit: quā parte Soria in Celtiberis ſita eſt. Deſa oppidum improuiſo captum: arces Ciria, & Boro-
uia in poteſtatem redactæ ſunt, atq; Boſmediaſium Præſecto præſidii venali. magna pecoris & frumēti præda fuit. multi mortales in captiuitatē acti. copię vnde venerāt Calata-iubam incolumes rediere. Ad fines Portugaliz, qua parte Anas decurrit, ab Aragoniis fratribus maiori licētia direpra pecora, quibus ea regio abūdat propter lætiſſima paſcua, atque in Portugaliam miſſa. eorum cottatibus comprimendis par Beneuentanus non erat. eò Aluarus contendit euocato etiam Petro Pontio Marchienæ regulo in Bætica præpotenti copioſoq; actum de præda per ſeciales: nihil præter verba datum à Luſitano Rege, ex arcano Castellæ calamitate lætātē, motibuſq; regno, quod occuparat, firmando opportunis. Addita noua ab Aragoniis fratribus iniuria eſt. cū pares ſe Aluaro fore non ſperarent, Caſtra Iulia, combuſtis ſuburbiiis muniūt: ipſi finitimum Luſitanis Albur querquium improuiſo aduētū occupāt. graue id detrimentū viſum eſt, prouidentibus, ne ſe Luſitani eius oppidi poſſeſſione munirent, nondum cum ea gēte ſtabili pace facta. Rex eò accurrendum iudicauit Aluari accitu: quo maior eſſet auctoritas, & conſecti belli laus, penes ipſum eſſet. longè aliter accidit. Caſtris Iuliis, & arce Muntangio quamuis ex deditioe captis, Alburquerquium non potuerunt redigere in poteſtatem. Sic relic-tis ea parte Alcantaræ magiſtro, & Ioanne Petri Pontii filio, Rex & Aluarus Medinam Campeſtrē redierunt. Noua ad Arauianz planiciem, quæ ad Cauni montis radices protenſa eſt, altera iam Castellæ calamitate locus infauſtus, clades accepta ipſo Diui Marti-ni feſto die à Mendozio cognomento Caluo cum quadringentis Vaſconibus equitibus,

Enecus Mendoza Fitæ regulus cum minori numero obuiam progredi ausus victus acie, cæteris fugatis omnibus, ipse cum paucis occupato tumulto euasit. pauci interiire, plerique velocitas fugæ, regio ignota hostibus, noctis tenebræ tutatæ sunt. Castellæ conuentus 1430. Medinæ Campestri erant, principio anni millesimi quadringentesimi trigesimi. Catalaunorum Dertusæ utroque Rege præsentem: summa difficultas erat pecuniæ in subsidia belli redigendæ, quod diuturnum fore putabant. Aragonii reditus exigui: Castellæ opes aulæ sumptibus exhaustæ. Et est frugalitas Principis, instar vectigalis maximi, bello paceque sufficientis. utrobique de fide procerum disceptatum. Aragonius Fridericum Lunæ Comitem sanare cupiebat, ad hostes respicientem (erepti regni dolor urebat: inconstantem iuuenis animū leuissimi homines in spem vindictæ, & maiorum opum cum Castellæ auxilio erexerant) frustra ea cura suscepta. ditio, quam amplissimam obtinebat, publicatur. idem à Castellæ Rege, de Aragoniis fratribus factitatur. nisi quod eorum oppida, solita profusione, an quo restitutionis spes nulla esset, aliis proceribus attributa sunt. Magistri D. Iacobi ditio Aluaro quasi sequestro commendata. Harum municipium Velasco, Ledesma Stunicæ, utriusque Comitis nomine Petro Manrico Paredes, Pimētelio Beneuētano Maiorga, Petro Pontio Medinilla, Eneco Mendozio oppida Catharinæ Principi ad Caracam data, Guterrio Toletio Palentino Episcopo Alba in Salmanticensi agro sita. aliis alia oppida data. unde noui extitere in Castella principatus, mutatis nonnulli familiis & possidentium cognominibus ad nostram ætatem perstantes. Friderico Lunæ Comiti ex Aragonia profugo, atque per idem tempus Medinam Campestem delato principales honores habiti sunt. Cuellar & Villaloniu donata prius, deinde Ariona, unde familiæ sumptus sequi toleraret. Eleonora Aragoniæ Regina Tordesillam euocatur: atque in Diuæ Claræ Virginum collegio includitur: arces etiam tres, quæ ipsius præsidio tenebatur, iussa tradidit: ne filiis re, aut consilio opitularetur, prouisum scilicet. Burgis tamen id mutatum subeunte post factum humanitatis memoria: & quoniam iniquum erat filiorum peccata parentis pœna lui. reddita ergo libertati, arcesque restitute ea lege, ne filiorum causam eo bello iuaret. Multum in eam rem legatio à Lusitano missa contulit. quod de induciis inter Reges Castellæ & Aragoniæ petebatur, dum dati utrinque arbitri de pacis conditionibus disceptarent, statuerentque, re nondum matura denegatum. Peninsulæ die Dominico Palmarū quinto Idus Aprilis, & proximo die Iouis è tumultu Benedicti Pōtificis tantum odoris afflatum suauissimi, ut totam arcem perfunderet. sic nonnulli scriptores tradunt, gratia potius, quam ex fide, sic arbitror. mouit tamen ea opinio Ioannem Lunam ut patruī corpus Illuecam transferendum curaret, suæ ditionis oppidum: ea tamen lege, ut profano sepulchro compositum funeris honore careret. id contumaciæ supplicium fuit. Erat Castellæ Rex bello parando intentus. magnisque delectibus numerosas copias contraxerat, maiori impetu parans in Aragonios fines incurrere. simul Friderico maris Præfecto mandauit classe instructa Aragoniæ ditionis litora, & maria infesta hostibus ut faceret mota castra: Vxamamque peruentum. Aragonius Turiasone bellum comparabat: Vasco Tudelæ, maiori conatu quam successu: quod utraque gens eam militiam quasi impiam infaustamque auersabatur, collato consilio, missi in Castellam legati Vxamam appulere ad octauū decimum kal. Iulii. datus continuo Senatus: Ilerdæque Episcopus Dominicus legationis princeps, facta dicendi potestate, quanta beneficia Castellæ Regum in Aragonios extitissent, accurata oratione explicuit. eorum beneficiorum memoriam fore perpetuam. Procerum quorundam fraudibus, qui regiis auribus & facilitate abuterentur, & propinquis submotis regnum ipsi constituere cogitabant, præsentem gratia tumidi, & malis artibus ambitiosi, ut ne Regis quidem conueniendi facerent potestatem, compulsos arma sumere. posituros libenter modo æquis conditionibus. quanta hominum cædes, quanta vniuersæ gentis calamitas consecutura esset, si omnibus copiis decertarent, neminem ignorare. gladios semel cognato sanguine delibutos haud facile elui. Peremptorum manes per domos & familias vagari, furoremque animis iniicere. Episcopi oratione perstricti proceres Castellæ Aluarius & Beneuētanus pro se & cæteris respondent. ventum ad iurgia: & rixæ initium quæri videbatur. Raymūdus Perellus è legatorum numero se offert singulari certamini væcordia ferox, si quis experiri armis, & contra disputare audeat. sed præsentem Rege non ultra verba processum. Solutus conuentus. legati tamen Aragonii Castellæ proceres sigillatim ambiendo, sollicitando perpulerunt, uti ad fœdus animos inclinarent. Castellæ castra ad Garai pontem erant, ubi vetus Numantia fuisse ex regionum interuallo magis quam vllō antiquitatis vestigio creditur. inde ad Magianum progressum. eo loco magna legatorum contentione impetratum, ut induciæ inter Reges essent. Aluarius & Lupus Mendoza Compostellanus Episcopus designati

signati qui cum Regum legatis de conditionib. disceptarent. Induciæ tãdem quinquentes his legibus pactæ sunt. Vt positis ab vtrâq; parte armis cõmercii mutui inter eas gentes ius esset. Aragonii fratres Alburquerque intra dies sexaginta discederent: neque in Castellæ fines ingrederentur toto induciarum tempore. quæ in eorum ditione supererant, Castellæ Rex ne attingeret. Ab Aragonii, & Vasconis iniuria Lunæ Comes, & Gotifredus Marchio Cortesius Caroli Regis Vasconis filius, qui in Castellam profugerant, tuti essent. Controuersis finiendis quatuordecim pari ab vtrâq; parte numero arbitri designarentur. iis Agreda in Castellæ, & Turiaso in Aragoniæ finibus designatæ vbi manerent. Eæ conditiones cum Regibus probatæ essent, induciæ voce præconis in Castellæ

10 castris ipso D. Iacobi festo die promulgatæ: idem per vrbes & oppida factum. magna omnium gratulatio fructu præsentis lætantium, & diuturnæ pacis spe. legati in omnes partes dimissi, eam lætitiâ nunciatum: ac nominatim ad Lusitanû: qui missa legatione, & multa flagitatione Regû controuersias componere conatus sæpe erat, lætus ea tempestate Isabella filia recens pacta Philippo Burgundo Duci ex secundis nuptiis cælibi. Ex hoc coniugio Carolus cognomento Audax Burgundiæ quondam Dux natus est, non magis amplitudine rerum gestarum quàm tristi vitæ exitu nobilissimus in paucis Aragonius missa in Lusitaniam classe, fratres Alburquerque euocat se in Italiam comitatuos: de qua dies noctesq; cogitabat. Castellæ copias Vxama dimissas, ad prima veris signa redire mādatur. bellum in Mauros inchoare erat destinatum. Rex ipse Madrigale in Vaccæis, vbi Regina erat, reliquum ætatis extraxit.

20

Bellum Granatense. CAPVT III.

ARAGONII belli finis gemini belli initium fuit Maurici, & Neapolitani: vt nunquam Reges quiescunt, præsertim imperio latè fuso: aliæ ex aliis aptæ, & connexæ in dies controuersiæ nascuntur. Ambitio dominandi, sæuum atque impotens malum nullis finibus resistit: plura cupit pluribusque eget, qui plura habet. O miseram & fœdam conditionem naturæ mortalis. tametsi Ioannem Castellæ Regem studium excusare potuit, Christiani nominis proferendi, gentis Mauricæ in Hispania quidem extirpandæ. Mahomad cognomento Læuus restitutus in regnum, vti ante monstratum est, tributum repræsentare recusabat, quod ipse & maiores pendere consueuerant. ea causâ inducias petenti in

30 ipso Aragonii belli procinctu, neque negatæ præcise erant, neque apertè concessæ: Alfonso modo Loricam legari Granatam placuit, qui barbarum distineret, tempus extraheret. Notia nunc legatione Mauricæ Castellæ Rex de induciis interpellatus negat vllam fœderis conditionem sibi cum Mauro fore, nisi quod pepigerant vectigali repræsentato. Simul Alfonso Lorca ad Tunetanum Regem legatus cum amplis muneribus, expositis mandatis, accusataque Granatensis perfidia & contumacia, eum neq; periculo moueri, neque respondere in amore, vnde prouocatus fuerat, facile impetrauit, ne in bellum auxilia mitterentur ex Africa. Et habent barbari fidem venalem: magisq; vtilitati seruiunt, quam religioni honestatique. an barbari tantum, & non etiam plerique Principes qui veræ religionis nomine gaudent? Salmanticæ in regni conuētibus pecunia in id bellum im-

40 perata. propensa omnium ordinum voluntate, quoniam contra Christiani nominis hostes futurum erat, maiora etiam quam poscebantur data. fine anni in Maurorû ditionem variæ irruptiones factæ sunt. à Gonsaluo Giennensi Episcopo, & Diego Ribera Bæticæ Antelato, collecta manu in qua equites octingenti erant, pedites ad tria millia, in Granatæ planiciem penetratum. geminæ insidiæ dispositæ locis idoneis. Præcursores octoginta ad urbem missi, Mauris ad pugnam eliciendis inducendisq; in fraudem cassesq; egrediuntur illi, sed cautè veriti quod res erat, subesse fraudem. Qui in primis insidiis erant, vt erat constitutum, vix tentato certamine, & ipsi fugiunt. Mauri tunc quasi periculo omni sublato effuse nostros sequi, solutis ordinibus, nullo certo imperio. Ventum ad locum, vbi copiarû robur erat. Re insperata perculsi Mauri (vnde illis terror nostris animus cre-

50 uit) cæduntur omni ex parte. ducenti occisi, centum capti. Cæteris vicini colles per fugio fuerunt: quibus maurici equi assueti erant, nostris locorum insolentia & asperitate retentis. In Arundæ agros Fernandus Toletus Vallis Cornegia regulus Astigi tunc præsidio præfectus, cum alia militum manu incurrit. Non eadem fortuna fuit. concurrentibus incolis exæquata vtrinque clade, atque, periculo discessum. Perea Casorlæ Antelatus alia inuectus parte improuiso aduentu hostium, amissis fermè omnibus suis vix ipse ignobili equo exitum vitauit. à Ferrerio Marefcalo Semenâ municipium vi expugnatum, creptumq; Mauris. Sic secundæ res atq; aduersæ variabant. Et erat iniquû anni tempus: continuisq; imbribus impeditæ luto viæ, inflati amnes. Omnino in Vasconibus Aragone fluuiio ripis superfuso Sagueßæ oppidi pars magna euerfa est, insigni rerum strage, damnoq;

oppidanorū. Sandoualius Castri Comes, Sotomaior Alcantarę magister à Castellæ Rege
 euocati, venire recusarunt inimicorū vim veriti, siue ex cōscientia digna metuentes. con-
 stabat etiam cum Aragoniis fratrib. sentire: neque factis induciis mutatos animos. In ipso
 belli apparatu Aluarus priori vxore Eluira Portocarrera defuncta, Ioannā Beneuentani
 filiam duxit: ad Palentiam nuptiæ celebratæ modica lætitia, ob nouæ nuptæ auiam Ioan-
 nam Mendozam, quæ Henrici maris Præfecti vxor fuerat, per eos dies defunctam, Rege
 tamen & Regina auspiciis nuptiarum. Nihil tum nimium videbatur, crescente Aluari
 1431. tum gratia, tum auctoritate. Hæc principio anni millesimi quādringentesimi trigesimi
 primi gerebantur, quo tempore Martinus Pontifex Aragonio æquanimior factus Gallo-
 rum odio, an alta simulatione, euocato tamen in Italiam Alfonso Rege, Romæ importu- 10
 no tempore extinctus est ad decimū Kalend. Martii. Idonei auctores sequentem annum
 designant: mirari possis in tam recenti memoria tempora annalium dissentire. In Marti-
 ni certe locum Gabriel Condelmerius Cardinalis, natione Venetus cooptatus est, Euge-
 nii quarti nomine, quinto Nonas Martias. Ope potissimum Iordani Vrsini Cardinalis ad
 eum gradum euectus, Vrsinis fauere cœpit, quæ Romæ potentissima factio est, columnas
 proceres insectari. Ioanna etiam Neapolitana mutabili ingenio fœmina Antonio Colu-
 mnæ Salernum abstulit. prioris Pontificis donum ereptum in noui Pontificis gratiam, an
 ob aliquam offensam, vnde noui motus, spes aliæ. Castellæ Rex Petro Manrico rebus ge-
 rendis, iuriq; dicundo præfecto dum bellum Mauricū esset, Medina campestri Toletum
 abiit. in eius vrbs templo numine propitiando noctem peruigilē armatus egit. sic in mo- 20
 re erat, iis qui balteo militari donandi erant. luce, Sacerdotum precatione vexilla lustra-
 ta. inde feriis actis, instauratis sacrificiis, votis nuncupatis ad bellum itum. Ciuitas Regia
 in medio itinere est. in ea vrbe secunda hora post meridiem, ad octauum Kal. Maii, die vi-
 gesima quarta Aprilis terræmotu concussa ædificia, arcis nonnullæ pinnæ discussæ. Rex
 in apertum prodire metu compulsus est. Magna trepidatio, Regis præsentia, & periculo
 maior. Leue detrimentum, nulli homines periere. maior ea clades ipso anno in Aragonia,
 Catalaunis, & Ruscinonensi agro fuit: quædam oppida euerfa, dirutaq; templa, vi terræ-
 motus inuenio. Granatæ etiam, & in Castellæ castris sub ipsum pugnæ conflictum terra
 mouit. Ancipiti præfagio, vtriusq; nationis animi mentesque concussæ. Variæ excitatę re- 30
 ligiones, multiplices significationes captatæ: quibus rebus vulgus hominū mouetur ma-
 ximè, quasi prænunciis futurarum, mobile superstitiosumq;. Barcinone per idem tempus
 Violantes diē obiit grandæua Regina, Ioanni olim Aragonio Regi primo, connubio iun-
 cta, Ludouici Andegauensis, cum quo de regno Neapolitano lis erat, auia. Cordubam
 mense Maio Castellæ Rex appulit. cum valida manu præmissus Aluarus, Illoræ agrū, Gra-
 natæ planiciem soli cæliq; facie in paucis lætissimā, amœnitate æque ac prouentu insignē
 depopulatus est: deliciæ ciuium, horti, villæ ipsis cernentib. flamma vastatæ. ipsum etiam
 Regis Maurici nobilissimū prætorium incensum. neq; his tamē iniuriis, ac ne Aluari quidē
 literis & conuitio ad certamen prouocati prodierunt. causæ in incerto fuere: suspensa ar-
 bitror ciuitate ad expectationem maioris mali. Cordubæ interea de ratione belli delibe- 40
 ratur. variæ diætæ sententiæ. pars agris decernebat vastitatē: neq; vllō certo loco consisten-
 dum videri. pars validam aliquā urbem obsidendam disputabat: vt tantorū laborum cer-
 tus aliquis Regi fructus existeret, prouidendū. in qua plus dignitatis erat, ea vicit sentētia.
 Granatæ regni caput petendā, & collatis signis pugnandum. ad id Gilayrus Maurus fortē
 an consilio Cordubā delatus, qui à puero captus inter barbaros Christiana sacra eiurarat,
 quamuis noster tamen erat animo, vehementer incitabat: pollicebaturq;, cū primum in
 vrbs conspectum se dedissent, Iuzephum Benalmaum Mahomadis Rufi Regis, eius qui
 Hispali occisus fuerat, nepotem in nostra castra venturū. Eo consilio Regina eatenus pro-
 secuta, Carmonem amandata, regia castra ad Aluendinū oppidum mēse Iunio dimidiato
 promota. dum omnes copiæ cōueniunt, extracti dies aliquot. octoginta hominum millia
 conuenerunt nihilominus. plurimi genere & factis nobilissimi. castrorū metatores Die- 50
 gus Ribera Antelatus, & Ioannes Gusmanius designati. cōtra veteris militiæ leges id mu-
 nus Marefcalis detractum. Secundis inde castris ad fines Maurorum peruentum. iuxta ac
 si hostes aessent, reliquo itinere instructæ acies. Aluarus primum agmen ductare iussus:
 in quo duo millia & quingenti equites grauis armaturæ erant. Cum robore peditatus se-
 quebatur Rex multis adiunctis procerib. post principia aulici, & viri togati magno nume-
 ro. Io. Ceresola Vxamensis, Guterrius Toletus Palétinus Episcopi. Vtrunq; latus Héricus
 Nieblæ Comes, Velascus, Stunica, Beneuentanus, Giennensis Episcopus muniebāt. Præ-
 cedebāt aliquanto spacio metatores duo, cū mille equitib. leuis armaturæ. ab his initiū pu-
 gnę factū. Tertio Kal. Iul. egressi Granata Mauri magno clamore. Cau' locus & præruptus
 qui

qui inter utrosque erat, à nostris superatus est. ventum ad manus. vincebant numero barbari: atque pro vulneratis atque defessis recentes ex urbe, quæ prope erat, Mauri submittebantur. idem à nostris fit: Velascus submissus: cuius impetum barbari non tulerunt: sensim se in urbem receperunt pugnantes tamen. auersum hostem eo die nemo vidit. ad Eluiræ môtis (Illiberrinū dixere veteres) radices regia castra vallo, atque fossa munita. Mauri quinque millia equites erant, pedites ad ducenta millia pars in urbe, pars tendentes in vicinis castris: cum tantam multitudinem urbana ædificia non caperent. Die Dominico Maurorum acies ad pugnam productæ. In Calatrauæ magistrum, cui agri complanandi cura erat aggeribus riuisque inæqualis, impressio facta est. periculo cognito, ¹⁰ Henricus Nieblæ Comes, atque Stunica qui è nostris propiores erant, munimenta transgressi, ad opem ferendam iere. cum ardore meridiani solis incalescebat pugna: neque se nostri sine periculo explicare poterant. Rex indignatus quod eo die pugnare non constituerat, suorumque temeritatem incusans Aluarum mittit iussum inhibere pugnam: præliumque dirimere. Eo res perducta erat, ut circumfusus vndique Mauris receptus fugæ similis esset futurus. quod ubi Rex cognouit, instructa pro tempore acie, pauca locutus: cum ²⁰ iis certamen fore quos antea vectigales habuerint. neque duces, neque animos mutatos. Regem barbarum abesse ciuium voluntate diffusum: quorum pars maxima Benalmaum sequitur, qui ad nostrum se præsidium recepit. Parati intetique in hostes inermes atque imbelles irruite. Neque multitudo terreat: ipsi se in pugna impediēt. quo ore quisquam vestrum nisi victor domum repetet? quos Aragonii, quos Vascones, Gallicque timuerunt, hos incondita & collectitia barbarorum multitudo terrebit? absit tantum nefas: superi omen auertite. Hic dies, aut omnes labores & victorias confirmabit: aut quod horret animus dicere, nomini nostro, gentique sempiternam ignominiam inuret. His dictis datum tubis signum. sublatus clamor. factus in Mauros impetus. aliquandiu immotæ acies substiterunt: facies pugnae varia, incerta, fœda atque miserabilis. pars cedere, alii insequi. arma, tela, equi, viri, Mauri nostrique permixti: nihil consilio, neque imperio agi. Rex inter primos progressus testis virtutis, incitatorque tantam alacritatem suis addidit: ut restitutis ordinibus, tum primum pugnam inisse videretur. Fuga mox effusa hostes in urbem compulsi. pars colles petiit locorum notitia, & asperitate confisi. cædendi finem nox fecit. ³⁰ Supra decem hostium millia ceciderunt. (sic creditum, certus numerus iniri non potuit) castra Maurica, quæ vineta inter & oliueta erant à Io. Ceresola capta. Redeuntem in castra Regem sacrata cohors cum infulis & velamentis obuia, lætaque excepit. numini pro victoria actæ gratiæ. decem diebus iisdem in locis expectatum. Mauri ne ad vineas quidem prodire ausi, nullam tamen de fœdere mentionem fecerunt, nimia sui fiducia, aut veniæ desperatione: forte insolitus stupor occuparat mentes plebis & principum. ager vastatus à nostris, nullo vetante. Calatrauæ magister, Ribera Antelatus designati, qui finibus præsidio essent. Benalmaus regio nomine imposito cum ipsis relictus: si factionis opibus regni Granatensis occupandi sese offerret occasio. Hic exitus Granatensis expeditionis fuit præliique nobilis, quod à ficu loco pugnae extrante nomen apud vulgus habuit. ⁴⁰ è nostris pauci nullus magni nominis, neque in pugna, neque toto bello desiderati. eo syncerior lætitia vniuersæ gentis fuit.

Pax inter Reges Castellæ & Lusitaniæ. CAPVT IV.

Abscesserat annis superioribus Nunnius Pereira equitum in Lusitania magister Barcellosii & Oreni comes, non armis modo, sed etiam curis ciuilibus: seq. Olisipone in Carmelitarū cœnobio, quod è belli manubiis construxit, grauior annis incluserat, humanarū rerum inconstantia veritus, ne longa vita cum multis vertetū fortunæ tribueret: simul delicta prioris ætatis expiandi, & diuini numinis promerendi cura sollicitabat, pauperum ⁵⁰ inopiā subleuando, Diuorum templis exædificandis, quæ non pauca in Lusitania extant: Aliubarrôtæ vnum D. Georgii nomine, D. Mariæ alterum ad Villā vitiosā, susceptæ pietatis monimēta præclara, partæ de hostibus victoriæ insignia trophæa. His operibus intentum mors oppressit, ætatis anno septuagesimo primo, ex quo magister equitum factus erat, quadragesimo sexto: eius semper in Hispania viuet auctoritas, memoria vigebit. Corpus in eodem cœnobio est compositum. Funus Rex ipse curauit insigni apparatu, omnium ordinum concursu. id pignus amoris defuncti meritis dedit: cui debebat imperium. Ex Beatrice filia vnica & Alfonso Brigantii Duce susceptis nepotibus ditio- nem omnem antea diuiserat. Amici obitu admonitus Lusitanus Rex æquali sibi vitæ exitum instare, quod semel & iterum tentatum erat, maiori conatu, no-

uaque legatione de pace Castellæ Regem appellare constituit. Abscefferat is Granatæ finibus præproperè. quibusdam videbatur, magnas discessu agendi opportunitates corruptas: vnde in vulgus opinio iactata Aluarum auro Maurico corruptum fuisse inter caricas Granata misso. fides habita, quod nihil magnæ rei, nihil parvæ nisi eius arbitratu agi constaret; & est procliuis in deterius populi persuasio. Ad tertium decimum certe Kalend. Augusti Cordubam ventum est: inde Toleti perfolutis votis, actisque numini gratiis pro data victoria Medinam Campestem festinatum, quo regni conuentus edicto regio habendi erant, nulla re insigniores, quam induciis, quæ cum Lusitano erāt, pace perpetua mutatis. Fœdus honestis conditionibus inter vtramque gentem est factum. tertio Kalend. Nouembris in Castellæ conuentibus, atque Olisipone promulgatum, legato è 10
Castella in eam rem Franco iureconsulto. Castri Comes maiestatis lege damnatur. Alcantaræ magistri oppida publicantur, regiisque præfidiis occupantur. Velascus, Ferdinandus Toletus, Palentinus Episcopus, Guterrius Toletus in custodiam traditi. cum Aragoniis fratribus conspirasse, Aluaroque exitium comparare rerum nouarum studio, crimen opponebatur. Graues ex eare motus animorum consecuti sunt: aduersus Aluari potetiam & fraudes nemini præsidium nisi in armis fore procures iudicabant: præsertim Enecus Médozius Fitam ad omnes casus præsidio & armis munire. In belli maurici sumptus noua pecunia ordinum consensu imperata. vbi res propemodum confecta videbatur, à Ribera Antelato, & Calatrauæ magistro multis oppidis ad deditionem compulsis: Arunda Cambile, Illora, Archidona, Septinilio, aliis. Loxa etiam firmissima ciuitas venit 20
in potestatem. arci quoniam voluntate nihil facturam sperabant vis admota. Iosephus Abensarraxius Granata obsessis præsidio accurrens, victus acie à nostris, atque occisus est. fidei constantia malo fuit, in tanta inclinatione prouincialium, odio præsentis imperii ad Benalmaum respicientium propensissimis voluntatibus. quibus Mahomad Læuus cum se imparem sentiret, alia tempora expectaturus Granata relicta. vbi aduersæ factionis studia vigeant maximè (& nouis nostrorum artibus amplius erant erecti aduersæ factionis animi) Malacam abiit. Benalmaus ipsis Kal. Ianuarii, salutis anno millesimo quadringentesimo trigesimo secundo in urbem exceptus est. Maurorum is annus erat octingentesimus trigesimus quintus mensis Iamad prior. Eo mense Eduardo Lusitano filius ex uxore Eleonara, natus Sintræ est. Alfonso infanti fuit nobile calamitatibus nomen maiori 30
facto. Urbis Granatæ ciues erga nouum Regem nouis officiis certabant: plerique synceris animis, alii tempori seruientes, eoque obsequio promptiore, laxiore vultu, qui maximè simulationi seruit. Rex ipse sacramento confirmauit se in Castellæ clientela futurum: auri pondus annuū tributi nomine, cum fide repræsentaturum. de tota re publicæ confectæ tabulæ. Res optime cōstitutæ fortuna seu vis altior, per omnia humana dandis maximè principatibus potens breui euerit obitu Benalmal. is annis grauis intra sextum regni mensem decessit ad octauum Kal. Iulii, Maurorum mense Xauel. Mahomad Læuus Malaca vbi exiguæ spei exitū expectabat, æmuli obitu nuntiato, nō minori studio quam erat pulsus, denuò vocatus ad regnum, exceptusq; in urbem est. tantum sæpe exiguū tempus potest rebus atque animis commutandis. Et erga exulem & profugum successerat 40
multis humanitas. Is in Abensarraxii locum Andilbarē iuridicundo Prætorem Granatæ constituit. à Rege breues modò induciæ Mauro concessæ. Tumultus ad Lusitaniæ fines erant ab Aragoniis fratribus concitati. vtrique bello impar ærarium continuis sumptibus exhaustum. aliquid etiam Tunetani Regis gratiæ datum, pro amico Rege & necessario missa in Castellam legatione laborantis. Ad Alcantaræ magistrum sanandum, & ab Aragoniis diducendum Aluarus Iforna Conchenis Episcopus missus erat: si pro pontificia auctoritate, & propinquitatis iure, quæ inter eos erat, ruentem in exitum retineret: & ad meliora traduceret. leuis ea necessitudo fuit. re infecta discessum. Haud multo post facta poenitentia fide, Franco demandata cura hominis conciliandi, atque in partes trahendi. magister mobili ingenio & rerum nouarum auido, cui ingrata erant quæ tuta, in temeritate spes, repente quasi furore percitus Alcantaræ arcem Petro Aragonio tradit: Fracum Henrico. insigni facinore aditus ad Regis gratiam penitus interclusus, inuidia ad populū cōcitata, iure gentiū violata fraude impudenterq;. Friderico maris Præfecto, Petro Manrico Antelato Alburquerquii obsidēdi, & Aragonios fratres impugnandi cura est imposita. adiūcta valida militaris manus. A Guterrio Sotomaiore Alcātaræ Promagistro, Petrus Aragonius in lecto nocturna vi captus ipsis Iulii Kal. incertū auūculi magistri monitu, cū eius saluti ab Aragoniis timeret: an q. susceptū ipse ab auunculo Aragoniis adhærēdi consiliū improbareret, Regemq; insigni officio promereri studeret. præmiū certè fuit in auūculi locum cooptatio. Rege enim annitente, Alcantaræ militib. in comitia conuenientibus 50
Io. Soto-

Io. Sotomaior, de multis criminib. postulatus, atq; gradu motus. Gutteriõ auiculi honos est datus. vtriusque consilia pares exitus nacta: merces consentanea meritis. Castellæ proceres, qui in vinculis erant, redditi libertati, nullius probri comperti: seu quia dissimulare magnis sæpe Principibus necesse est, præsertim crimine latè fuso: ne id tantum diligentia assequantur, vt palâ fiat, quibus flagitiis sint vires impares: Verum hæc aliquanto post intermissa repetamus.

Bellum Neapolitanum. CAPVT V.

ALFRONSO Aragonio Rege in Hispaniam reuerso, vti est superius demonstratum, magna rerum inclinatio, Neapoli, maior animorum erat facta: multo maxima eius imperii pars in hostium ius ditionemq; redacta erat. pleriq; proceres Andegauensibus fauebant: pauci iiq; occultè Aragonii maiestate tenebantur. Aragoniæ vires vix vni pares in multa bella vno tempore distractæ. externa tamen quæsitæ, cum tantum belli domestici esset in manibus. Fregosii potentissima inter ciues Genuenses factio vrbe patria & principatu à Philippo Duce Mediolanensi pulsi, supplices ad externa præsidia confugientes Petrum Aragonium Neapoli, vbi tunc res gerebat, exiguaque spe fraternas opes sustentabat, cum classe auxilio euocarant. Accurrit ille non inuitus noui principatus spe iniecta, iniurias certè vindicandi studio ardens superiori bello acceptas: Vanus conatus non fuit. iunctis cum Fregosiis Fliscisque viribus multa oppida & arces tota ora Ligustica de Philippo captæ. maior tota prouincia belli terror illatus, erectis prouincialibus ad spem studiumque rerum nouarum. Ea cura Philippus incensus, ne Genua amissa de veteri principatu periclitari necesse foret, de pace cum Aragoniis agendum censuit: missis in Hispaniam legatis Bonifacium Corsicæ caput, de qua insula tandiu cum Genuensibus fuerat concertatio, traditurum se Aragonio pollicetur, insciis Genuensibus, oblata amicitia haud leue pretium, conditioq; reiicienda non erat. missi ab Aragonio legati in Italiam, qui in re præsentis disceptarent. obsistente Genuensi senatu Portus veneris atque Illicis seu Ericis (nunc Lerice) arces loco munitæ in ora Ligustica pro Bonifacio Aragoniis traditæ sunt: Petrus rebus constitutis è Sicilia, quo se retulerat, euocatur. arces præsidiiis munit: sexque triremibus Philippi Ducis stipendio relictis, quæ eam oram tuerentur, cum classe reliqua abscedit. Cercina demum Afrorum insula vastata, è captiuis, quoniam insigni sunt robore, remigum numerum supplet; rebusq; in Sicilia & Neapoli, vt præsens ferebat status, constitutis in Hispaniam, vti antea dictum est, nauigauit, fratribus auxilium Hispaniensi bello: neque magnam, neque nullam spem ferens regni Neapolitani recuperandi. Terrebant aduersariæ factionis vires Aragoniis validiores. Confirmabat animum gentis ingenium, externa imperia facilius parare armis quàm retinere solitæ: vt sæpe magnis Principibus artes desunt, quibus subiectos populos in pace regant, potiusquam quibus hostes armis superent. Vtriusque nationis Gallicæ, atque Neapolitanæ varios mores esse cogitabat: studia contraria. accessuram breui discordiam extremum malorum. à Regina & aulicis quasi à capite malorum contagionem in reliquum reipub. corpus diffundi: perituram breui, ituramque in præceptis, etiamsi nullus impelleret. Inanis ea cogitatio non fuit. Andegauensis in Calabriam ablegatus: bellum inde curare iussus, neque alias imperii partes attingere. auctor consilii Caracciolus, quò solus vti ante consueuerat, amoto æmulo regnaret, alieno nomine, sua inuidia, communi malo. Ab hoc principio auctis odiis, Aragonius etiam à Caracciolo in regnum reuocatur: omnia prona fore, Gallicam potentiam mora consenuisse, se suosque in eius fide & potestate futuros. incertum ex animo ea polliceretur, an quemcunque cursum fortuna dedisset, rebus suis præsidium parans, ingenio cautus & sagax. Simplicius Antonius Vrsinus Tarentinus Princeps Aragonii amicitiam celebrat, homo nobilis impiger, factiosus, potentia & copiarum auidus: conuicio propemodum Aragonium euoeabat: Gallicæ leuitatis, & arrogantia tædere cepisse (sic ille loquebatur) integra factionis studia superesse: ex aliis plerosq; secum voto stare. se modò in conspectum daret, odio turpitudinis vniuersam multitudinē in partes accessuram. si moraretur spem, externa tamen conquisituros præsidia. His Aragonius literis fama q; excitatus, neq; multū magnificis pollicitis credere, neq; oblata studia reiicere. nisi Regina volente de imperio Neapolitano rursus armis contedere graue erat. fratrib. tamen in Hispania relictis, ipse classe instructa, in qua sex & viginti triremes erant, naues onerariæ nouæ, Africæ litora tentare constituit. ad tuendam id auctoritatē pertinere, & factionis studia ex propinquo sustentanda. Ad decimū Kal. Iunii soluēs è Valentino litore, legensq; Sardiniam, in Sicilia appulit. inde Trupia Brutorum arci munitissimæ ab Andegauensibus obsessæ, atq; ad conditiones redactæ: deditionem facturam, nisi intra diem vigesimum auxilia venirent, in tempore opitulari non potuit, maris tēpestatib. impeditus. in eius oculis

deditio arcis facta. Messanæ ad Aragoniâ classem septuaginta nauigia accefferunt. Gerbis
 petita (quâ nonnulli Lotopliagitæ aut Menyngæ veterib. fuisse credunt.) Ad litus Africæ ea
 insula posita est, minori Sirti vicina, locis vadosis incertisq; (cum tempestate maris limo
 atque arena mutantur) à continenti circiter quatuor millia passuum diuisa, frequens
 cultoribus, lætaq;. Qua ad occasum vergitur propior, ponte mille passuum longitudine,
 continenti committitur. Difficilis oppugnatio erat, propter loci munitionem, circumfu-
 sas ad litus barbarorum copias. Bofferricius enim Tuncitanus Rex cognito Alfonso con-
 silio accurrit: ponte primo impetu nostrorum capto, cum barbaro etiam Rege dimica-
 tum acie est: victi Mauri, atque intra munimenta compulsi. ad regium tentorium ali-
 quandiu dimicatum. ex hostium numero fortissimus quisque cadit. Bofferricius rebus 10
 desperatis equo impositus euasit. cæteri fuga dispersati. minor quam pro tanta victoria cæ-
 des fuit, minorque fructus. viginti bellica tormenta capta, insula in potestatem non ve-
 nit. Dum Punica fraude cōditionibus retractandis tempus extrahitur, Aragonia classis,
 quod futurum barbari expectabant, inopia commeatus Messanam repetere compulsa
 est. De Neapoli recuperanda, consilia agitata: vbi Ioannes Caracciolus inimicorū con-
 spiratione, dum ficta fraude ad Reginam vocatur, ferro peremptus erat ad quintumdeci-
 mum Kal. Septemb. Princeps consilii auctor Cobella Rufa Antonii Sueffæ Ducis cōiux:
 quæ præcipuum gratiæ & auctoritatis locum apud Reginam nacta erat, eoque implaca-
 bili odio in Caracciolum, ferebatur. Viam superi regni recuperandi Alfonso aperiebant:
 neque is occasione deerat. quin Neapolitanis proceribus sollicitatis missaq; ad Reginam 20
 legatione Anariam insulam contendit, ex propinquo omnia diligentius exploraturus.
 Simulabat Ioanna sese pacē non aspernari: icti cum Andegauensi fœderis pœnitere: atq;
 ad priora consilia cupere animum reuocare: modò facultas esset, & sine armis. retractan-
 dis conditionibus reliquum æstatis extractum. Eò ventum vt Regina Ludouico Ande-
 gauensi abdicato, Alfonso Aragonii adoptionem instauraret, fœderis prius icti meminisse
 potius simulans, quam initæ nefariæ cum Gallis societatis. vtrumque arcana syngra-
 pha, quo res occultior esset, factum. vtrumque Cobellæ consilio, & hortatu, qua mul-
 tum & familiariter Regina utebatur: alienis semper imperiis obnoxia, nunc fœmi-
 næ. vsque eò vt belli, pacis consilia vna maximè administraret. pudendam igno-
 miniam. sed prona tamen ciuitas in luxuriam, morum vitio affluentique co- 30
 pia voluptatum, & illecebris omnis amœnitatis maritimæ, terrestrisque, modò
 præsentibus frueretur, nulla honesti cura mouebatur. plebem maxime nulla ho-
 nesti inhonestiq; cura sollicitabat. Sic erant studia hominum ea tempestate. Arago-
 nii interea fratres in magno discrimine esse: captus alter, Henricus intra Alburquerqui-
 um obsessus. maioris belli metus ostendebatur, mota fœderis fide: de qua re Castellæ le-
 gati cum Vascone, qui vtriusque regni finibus præsidio erat, iussi expostularunt. vt Al-
 burquerquo dedito, aliisque oppidis & arcibus vniuersæ Castellæ finibus abscederent
 impetratum Lusitani Regis opera, & auctoritate. icto fœdere, ambo fratres, Catharina
 Henrici vxor, Sotomaior Alcantaræ ante Magister, Cauriæ Episcopus ad Olisiponē na-
 uibus impositi Valentiam urbem Edetanorum delati sunt, nouas inde spes captaturi in Hi- 40
 spania, si minus certè in Italiam nauigaturi: quò à fratre Aragonio Rege conuitio euoca-
 bantur, cura Neapolitani imperii armis recuperandi: cum non ignoraret Reginam sibi
 speciosa verba dare, animo ad æmulum inclinatam. Nihil intestina discordia occultum
 esse patitur. bona malaque consilia vulgantur. ad Aragoniæ fines Turiaso, & Calataiuba
 Friderici Lunæ Comitis variis artibus tentatæ: si Castellæ præsidis occupari possent: id
 fugæ pretium extare cupiebat homo immodicus, mobili ingenio, audax, temerarius. rei
 perficiendæ occasionem suppeditabat, suscepta iis locis de Toletano Primatu controuer-
 sia, minimè idoneo tempore hac causa. Io. Contrerius Toletanus Episcopus inter septem
 arbitros controuersiis cum Aragonio finiendis à Castellæ Rege datus, Agredæ prius, de-
 inde Turiasone crucem potestatis insigne præferibat. contra morem id maiorū vsurpari 50
 Turiasonenses querebantur scitaq; gentis. Dalmatii Cæsaraugustani Præsulis, cui Turia-
 sonensis Episcopus contributus est, dignitatem à Tatraconensi manantem lædi. Toleta-
 norum sæpe audaciam cōpressam: non esse nouo exemplo veteres mores, iuraq; violāda:
 neq; laturos iniuriam. Toletanus factum, antiquis Romanorum Pontificum tabulis tue-
 batur. se tamen Agredæ tenens Aragoniis finib. abstinebat: ne res à verborū disceptatione
 procederet ad manus. Importuna contentione suscepta, nihil communi cōsensu gereba-
 tur, resq; communes præ priuatis cupiditatib. negligi videbantur: ac periculū erat, ne de-
 curso induciarum tempore, denuo rediretur ad arma. quo metu nihil ab vtraq; parte de
 sua cōparatione omittebatur. pecuniæ redigendæ summa difficultas erat, Aragoniis ma-
 ior, tot iam annorum bellis exhaustis.

SVPENSIS Hispanorum animis ad noui belli expectationem noui terrores de cælo ostentati: Mirobrigæ maximè, quo Castellæ Rex accesserat aduersus Aragonios fratres, flamma ingens visa: qua magno spatio discurrente ingens tonitruum est editum: auditumque vltra triginta passuum millia. Ineunte salutis anno millesimo quadringentesimo trigesimo tertio, in Vasconibus & Aragonia niues quadraginta dies cõtinitatæ magna strage quadrupedum, alitumq; feræ necessitate famis ad oppida concurrebant occidi, aut occidere paratæ. Madritum ex vrbe Mirobriga petiit ad regni conuentus. tanta hominum frequentia fuit, vt amplum municipium multitudini non sufficeret: pleriq; in vicinis pagis diuersarentur. de bello Granatensi est actum. missus Fernandus Toletus Vallis Cornegia regulus, decursis induciis aliquot Mauris arcès eripuit. cætera quietus annus Hispaniæ fuit. Madriti inter proceres magnificentia, elegantiaq; certatum. ludi militares magno apparatu, sumptuq; commissi. omnia ad imperii splendorem ea ætate voluptatemq; gentis relata: atq; ea maior, quàm rei bellicæ cura erat. Olisipone hic annus grauis peste fuit. multi mortales absumpti. Ioannes Lusitanus Rex extinctus est pridie Idus Augusti, extrema ætate: sex enim & septuaginta annis vixit, mensibus quatuor, tribus diebus. regnavit annis quadraginta octo mensibus quatuor diebus nouem, fundato posteris imperio, in tanta temporum atrocitate, tantaq; reipub. perturbatione in paucis clarissimus. Successit patri Eduardus, in magna procerum frequentia continuo Lusitaniæ Rex proclamatus, confirmata ætate annos natus vnum & quadraginta, menses nouem, dies quatuordecim: cui ad cæteram felicitatem numerosa proles fuit, ex vniis nuptiis suscepta: Alfonsus primus, cui patre superstite inter Lusitanos primum Principis nomen est inditum, Ferdinandus hoc ipso natus anno, Philippa brevis æui, Elionora, Catharina, Ioanna magnis cum ætate pactæ iunctæq; Principibus. Ipso inaugurationis die à Iudæo Medico Gudialla, novum Regem monitum aiunt, cærimoniam pomeridianis horis peragendam videri: astra si festinaret, infelicem euentum designare: perstitisse tamen contemptu talium, vt fortuitorum. Suscepta regni cura, pestilq; lue Olisipone sedata, nihil prius habuit, quàm defuncti parentis manibus solenni ritu parentare. corpus celeberrimo apparatu atque ad eam diem inaudito, Aliubarrotam delatum, atque in monasterio compositum, quod viciniorum de Castella parte monimentum extructum fuisse, ante est demonstratum. funus profecuti Rex ipse, fratres, proceres, viriq; sacrati magno numero, verissimis lacrymis. Imperii à pietate inchoati principiis media, atque exitus consentanei fuerunt. Hæc in Hispania. Extremo Pontificatus anno Martinus Romanus Pontifex Concilium Episcoporum Basileam indixerat, ad mortalium mores, qui collapsi à veteri sanctitate erant castigandos, Bohemos ad fidem officiumq; reuocandos. Iulianus Cæsarinus Cardinalis vir ea tempestate præclarus, Romæ concilio inchoando legatur. Eugenius Martini successor Episcopos in Italiam transferre conabatur, ratus locorum propinquitate minorem ad res nouandas fore opportunitatem. resistebat Sigismundus Cæsar Germaniæ æquior, quàm Italiæ. cæteri Principes ab vtraque parte sollicitati: ac Aragonius nominatim, in vnam obtinendi Neapolitani regni curam intentus maximè, vnde melior spes affulgebat, adherere Sigismundo visus est: oratoresque ex Aragonia Basileam destinari madauit, Alfonsum Borgiam Valentinum Episcopum, duos alios, è Theologis vnum, alterum ex nobilitate. idem eius exemplo faciunt alii Reges Hispani à Lusitano Diegus Oreni Comes legatus est adiunctis Episcopis, & viris sacratis. Ineunte anno millesimo quadringentesimo trigesimo quarto, Alfonsus Carillius Cardinalis Basileæ decessit, vir præstanti doctrinæ prudentiæq; opinione, columnen nostræ gentis, atq; præsidium. in auunculi locum Alfonsus Carillius Iunior Seguntinus Episcopus creatus est. qui deinde fuit Toletanus archiepiscopus. eo maiori studio ad concilium oratores amandati. à Castellæ Rege Aluarus Isorna Conchenensis Episcopus, Ioannes sylua Cifontanus regulus vexillifer regius, Alfonsus Carthagena Paulo Burgenfi Episcopo natus, pari eruditione, & virtutum omnium indole, Decanus tunc Compostellanus, & Segobiensis, annis sequentibus, patre Aquileiæ Patriarcha renunciato, in eius locum Burgenfis Episcopus est creatus. ea gratia meritis paternis propriisq; virtutibus est habita: id præmium datum Castellæ dignitatis Basileæ in patrum conuentu defensæ, aduersus oratores Anglos qui priora sibi vendicabant. defensionem de scripto conceptam cum patrib. obtulisset, Anglorum audaciam fregit. Hoc fecerunt aliquando Romæ ituro, dixisse Eugenium Pontificem. Si Alfonsus venerit, quo pudore nos Petri sedem occupabimus? rem miraculo comparandam: extitisse in Hispania, qui stirpis Iudaicæ ignobilitatē, atq; inuidiā, virtute superaret. nimirum meritis magis, quàm maiorum imaginibus honos est datus. Sed Aragonio tamen par à Sigismundo gratia reddita non est.

Romæ anno superiori Augustus renunciatus cū corona imperii, quasi mente repēte mutata, cum Venetis, Florentinis, Philippo Mediolanensi fœdus ineundum atq; armorum societatem constituendam curauit, atque perfecit. Aragonios vniuersa Italia pellere destinabant. Pontificiis magis precibus datum, quàm syncera voluntate gestum. Sed longè aliter res accidit, vti sequens narratio declarabit.

Ludovicus Andegauensis defunctus. CAPVT VII.

FRIDERICO Lunæ Comiti ad veterem inuidiam, nouum in castella crimē accessit. vir acer, quietis impatiens, amplo in Aragonia principatu amisso, quæ in Castella acceperat oppida pretio vendiderat, Arionā Aluaro, Villalonium Beneuētano, de suo profusus, alieni auidus, nullam inopiæ supplendæ spem fore, nisi in scelere ratus, Hispalim lautissimam urbem diripere constituit, nauali, Trianaque suburbio occupatis: vnde in ciuium fortunas grassari cogitabat, Nieblæ Comiti infensus maximè præcepſq; in vindictam. Res tanta sine sociis patrari non poterat. adiuncti quos similis inopia & mali mores stimulabant: quibus libido, atque luxuria, ex magnis opibus, nihil reliqui fecerant. in primis duo Hispalenses patritii nefarii consilii participes effecti: quorum nomina, vt memoriæ prodantur non est necesse. Latere is conatus non poterat. Medinæ campeſtri, quo Rex iuerat anni principio Fridericus captus, Vreniamq; primum, deinde in vicinam Olmedo arcem in vincula duci iussus est, eundem carceris & vitæ terminum habiturus. 20 eò minore gentis commiseratione, quod transfugæ eum nomen, inuidiosum suis, Castellæ suspectum effecerat, de sociis capitale supplicium sumptum. Violantes Nieblæ Comitis vxor pro vincto fratre precatura, ne facta quidem Regem adeundi potestate Cuellarem amandata: vetitumque inde iniussu Regis discedere. suspicio erat, sororis opibus confisum scilicet, id facinus agitasse. hunc exitum Friderici spes & conatus habuerunt, meritis & actionum inconstantia consentaneum. Cordubæ in templi maximi exedra, eius sepulchrum ligneum monstratur, eleganti opere Arionæ Ducis nomine, à matre positum, vti vulgi opinio est, filium in Castellam secuta. Ariona vetus Aurigi quibusdam fuisse creditur, aliis municipium Vrgauonense: vti indicio est lapidis inscriptio, quæ in D. Martini eo oppido legitur, Hadriani quondam Augusti statua subiecti 30 his verbis.

IMP. CAESARI DIVI TRAIANI PARTHICI FILIO, DIVI NERVAE NEPOTI
TRAIANO HADRIANO AVGVSTO PONTIFICI MAXIMO TRIB. POT. XIII.
COS. III. PP. MVNICIPIVM ALBENSE VRGAVONENSE DD.

Non deterruit Friderici calamitatis exemplum in simili causa Aragonios fratres: quin prohibiti quamuis Castellæ finibus, & ditione amplissima spoliati, turbandæ reipublicæ consilia verfarent. Querebatur Castellæ Rex icti fœderis condiciones violatas: si inducias stare vellent, Aragonios fratres ex vniuersa Hispania amouendos. auditis de ea re Castellæ legatis, Vasco auctor fratribus extitit, in Italiam nauigandi, ipse breui subsequitur. 40 regno Neapolitano parto, cuius nonnulla spes erat, haud defuturam occasionem veteris in Castella ditionis recuperandæ disputabat: Italiae victoribus cætera in Hispania prona fore. Ventum in Siciliam, vti constitutum erat nauibus. vnde Alfonsus frater in omnem occasionem intentus erat, imperii Neapolitani obtinendi, eos proceres in partes trahendi, cæteros Italiae Principes conciliandi, Eugenium maximè Pontificem, quem suis conatibus in primis aduersari erat expertus. rei perficiendæ opportunitas sese dabat, diuturna valetudine Reginæ, dissidio procerum, ipsius Pontificis casu, Roma fugere compulsi. Columnæ Salernitani Principis in urbem aduentu, facile populus ad arma est concitatus. & erat in magno odio Pontificis nomen, pro eo quod Columnas proceres exagitan- 50 dos susceperat: & ager Romanus recens erat à Philippi Mediolanensis copiis ductu Francisci Sfortiæ, culpa Pontificis deformatus. auctario Tiberi euasit, quamuis Franciscano cucullo, veste pontificia mutata, telis & lapidibus ab vtraque ripa petitus. indignum facinus: sed tantum potest, concepta à populis indignatio. in Hetruriam paratis ad ostia Tiberis triremibus abiit. Pontificis ignominia per omnes prouincias vulgata, variè Principum animos affecit, vt cuiusque studium erat. dignum ea calamitate nonnulli iudicabant: importunis actionibus suos, vicinos, longinquos exacerbare: sanctissimis patrum Basilienſium conatibus pro pietate susceptis, vnum maxime obſistere: ex consuetudine scilicet, digna formidare. plerique indignum facinus accusabant, armis etiam vindicare parati.

parati. Casu eo Aragonius nunciato, Panormi ubi se tenebat, ad septimum Idus Iulii, do-
 lebat, uti par erat, Christiani nominis probrum, pontificiæ maiestatis ignominiam. sed
 in dolore lætabatur tamē, venisse occasionem insitæ pietatis proferēdæ Pontificis prome-
 rendi. missi legati, qui moerorem exponerent, opem offerrent, hostibus vindicandis,
 sedando populo. Lætatus ea legatione Pontifex, studia tamen Aragonio remisit. tempe-
 state intra quintum mensem pacata, Romani tumultus compositi, ciues ad officium re-
 uocati, leges & magistratus acceperē, in capitolio militare præsidium: religione exoluti,
 qua ob violatum Pontificē erant obligati. In Hispania Io. Contrerius Toletanus Archie-
 piscopus decessit sextodecimo kal. Octobris: corpus in tēpli Toletani maximi sacellum,
 10 cui à Diuo Illefonso nomen est celebri funere illatum. habitis comitiis de successore
 creando, cum sententiæ variarēt inter Gusmanium Archidiaconum, & Villaquiranum
 Decanum, diuisis studiis, Ioannes Ceresola Aluari vterinus frater, ex Vxamenſi Episco-
 po nuper Hispalensis factus, Rege annitente Toletanus Præsul renunciatus est. Con-
 iuncto funere Henricus Villena Madriti, ubi Rex erat, extinctus est. amissas opes, atque
 amplissimos honores ablatos, iniuriamque fortunæ honestis solatiis ad extremam sene-
 ctutem tolerauit. tanto eruditionis studio, ut ne à magicis quidem sacris abstinuisset fe-
 ratur. libri iussu Regis Lupo Barriento Dominicano, Henricique Principis magistro ex-
 aminandi sunt traditi. quorum parte combusta, multorum vituperationem incurrit: li-
 20 bros existimantium magno comparatos, eruditorum vſibus sine periculo noxaque ser-
 uari debuisse. regiam ille de scripto concepta defensione, voluntatem excusauit, cui re-
 pugnare fas non esset. Neapolitani proceres odio rerum præsentium, scemineoque fessi
 imperio, ad Aragonium inclinare cœperant. Nicolaus Picininus magnus ea tempestate
 in Italia Dux Braccii propinquus, ad Aragoniam militiā magnis præmiis inuitatur. cum
 Tarentino & necessariis. quæ potissima factio Andegauensis, & Iacobi Caldoræ armis
 exagitata, ad Aragoniū præsidium confugerat, foedus Panormi factum: Aragonii in fide
 fore, si tantum copiarum auxilio mitteretur, quantæ ad defendendum bellum essent
 satis, duo millia equitū, pedites mille Aragoniis stipendiis: validæ copiæ, impares tamen
 aduersariorum potentiæ. Breui Tarētinus ditione amplissima spoliatus, paucas vix arces,
 & oppida retinuit, situ, aut opere munita. confecto ferme bello discessum ab armis. Con-
 30 sentiæ, quæ Brutiorum vrbs est, Andegauensis corpore tantis militiæ laboribus fracto,
 loci insalubritate tentatus morbo, atque oppressus est mense Nouembri dimidiato, in
 ipso ætatis flore, in medio felicitatis cursu, ipsoque in regni obtinendi limine: vix nuptia-
 rum lætitia peracta, ducta recens Margarita Amodei primi Ducis Sabaudi filia, insigni
 formæ venustate. Sic fortuna ludis in rebus humanis. Sic nos nostraque versamur. Ara-
 gonio nimirum cælum viam ad regnum struebat, cui nihil est arduum, eo maiori festi-
 natione, quod Regina ipsa Neapoli decessit, ad quartum Nonas Februarii, ineunte salutis
 anno millesimo quadringentesimo trigesimo quinto, morbi diuturnitate victa mole-
 stiaque oppressa, quam ex filii morte concepit grauissimam: atque adeo ut semet incu-
 40 sare, quod summis ac perpetuis Andegauensis officiis in amore non respondisset: dura
 atque ingrata optimo Principi mortem conciliasset. Corpus Reginæ in Annunciata
 Virginis ædem illatum est, modico ac tumultuario funeris apparatu. Andegauensis &
 Reginæ obitu fortunæ partiū cōuersæ: viresq; Aragoniæ confirmari amplius cœptæ: An-
 degauenses debilitari: tametsi Neapolitanus populus nullo Principū conuentu habito,
 nullo ordine, quod Reginæ etiam testamento cautum erat, Renatum Andegauensem
 Regem pro defuncto fratre iusserat. Parum in eo præsidii erat, qui superiori tēpore dum
 de Lotaringiæ principatu Carolo Duce socero defuncto, cum Antonio Vallemontensi
 Comite eiusdem fratre certat armis, libertatem amiserat, captus in pugna atque in Bur-
 gundi Ducis potestatem traditus: cum quo armorū societas Antonio erat. Ex utroque
 casu quantum dolorem Violantes Regina Andegauensium mater ceperit, explicare su-
 50 peruacaneum sit. res ipsa indicat. multum ei familiæ superi per hæc tempora aduersari
 videntur, Gallorum genti infensi, an Aragoniis propitii. Sed est fere, ut aliarum rerum
 sic felicitatis orbis. per varias gentes, atque familias inerrat nulli propria. Neapoli à mul-
 tudine, qui summæ rerum præessent, Otinus Caracciolus, Georgius Alamanus, & Bal-
 tassar Ratta delecti, Andegauensis factionis facile principes, studio, arteque multitudi-
 nis concitandæ præstantes. Decessere etiam magni in Hispania viri. In eo numero Ro-
 dericum Velasum Palentinum Episcopum miserabili casu, familiæ cocus peremit, Io-
 annes nomine. Emota forte mente nodosum stipitem eccur gestaret, rogantibus ioco
 aulicis respondere erat solitus, mactando Episcopo. Vocem barbarā (erat enim natione
 externus) non intelligentibus risum mouens, mox verissimas lachrymas excussit, heri se-

1435.

curi capite eo stipite comminuto. Adeo tenui filo suspensa sunt salus opesque hominum.

Bellum Mauricum. Cap. VIII.

FOEDA hyems fuit in Hispania, continuis imbris, fluuiorū illuue, viē luto impedita; vix vt commeandi facultas esset. multa ædificia vi inundantium aquarum euerfa. Vallisoleti, atque Medinæ Campestri, vis mali maximè incubuit, molæ frumentariæ impeditę diebus quadraginta, cocto frumento homines vixere. Hispali Bætis ad summa vrbis mœnia minus duobus cubitis excreuit. ciues in metu pars naues scandere: pars diu noctuque rimas omnes stipare nequa penetraret aqua. Ad quintum kalendas Nouembris cœptę tempestates, ad octauum kalen. Aprilis tenuerunt. Magna caritas annonæ. sollicitudo par. belli tamen Maurici cura non intermittebatur, inter aduersa & secunda variantis. Diegus Ribera Antelatus impugnanda Alora, sagittæ ictu ex muro emissæ perierat. alia parte Ioannes Fagiardus Alfonso Antelati filius, fuerat à Mauris in pugna tumultuaria occisus. Diego Perafanius filius suffectus est à Rege, quindecim quamuis annos natus. ea gratia paternis meritis habita est. & erat præclara indole virtutis, vt in ea ætate. Solitudinem nostrorum animis ex iis casibus incussam nouus nuncius mitigauit. à Roderico Manrico Petri Antelati filio Oscam in Bastetanis firmissimum municipium, admotis scalis vi captum. Validam etiam Maurorum manum, quæ auxilio superuenerat. Casorlæ Antelati, & vallis Cornegię reguli accursu fusam cæsamque: Maurorum fuga deditam nostris arcem. Læticia ex ea victoria suscepta breui euauit, maiori quàm intulerant accepta clade. Guterrius Alcantaræ Magister Atchidonam expugnaturus cum octingentis equitibus, peditum dimidiato numero in eos fines inuectus, cognito ex speculis eius itinere, atque fumo significato finitimis, iniquis ad transitū locis circumfessus à quingentis hostibus, qua sagittariis, qua funditoribus, ferme omnibus sociis amissis, vix ipse cum paucis aufugit. improuiso barbarorū aduentu, & contemplatione periculi, stupor omnium animos occupauit: & quasi torpore quodam membra diriguerunt. Cautionior alieno periculo cladeque Ferdinandus Vallis Cornegię regulus Huelmæ prope modum captæ obsidione discessit: cum validas Maurorū copias auxilio obsessis venire, esset nunciatū. & est non minoris virtutis aliquando cedere quam in pericula irruere: maioris hoc aliquanto animi, illud prudentioris consilii, se atque suos ad meliora tēpora conseruasse. vti tunc accidit. auctis enim mox viribus, adiunctoque Giennēsi Episcopo, cum mille & quingentis equitibus, sex peditum millibus Guidixensem agrum vrere, maturas segetes corrumpere, magna incolarum calamitate. Maior equitum numerus Granata venerat, ad quadraginta millia pedites. cum ea multitudine conferre signa non est veritus. consilium non fuisse temerarium, vnde audacia famā habet, euentus docuit, victoria à nostris parta. quadringenti hostes ceciderunt: fugerunt alii metu vincente pudorem. Fugiētes nox texit. Pereę Antelati eo die virtus emicuit. confosso equo, crureque vulnerato in pedes desiliens, circumfusus hostes magno animo sustinuit, submouitque mortis contemptu validior. incruēta nostris victoria non fuit. sauciati non pauci. nonnulli desiderati. In Contestanis non procul Osea duo oppida erant, modico spatio distincta, vtrunque Velis nomine. Rubri alterum, alterum Albi. Hæc oppida à Fagiardo Antelato circūfessa sunt. cōpuli malis barbari, legitima deditiois verba nuncuparunt: si eisdem quibus antea legibus viuerent, nec maiora vectigalia pendere cogerentur. Tribus hæc annis cum Mauris gesta coniunximus, ne memoriam dispersa confunderent. Annus vnde digressi sumus, pace inter Gallos & Burgundos ex tantis moribus facta maxime illustris fuit. odia cruore ciuium exatiata erant. Carolus Rex Galliæ de Burgundo amice honorificeque loquendo pœnitentiæ fidem fecerat: neque cædis Burgundi Ducis auctorem extitisse. accesserent tres Roma Cardinales ad eos Principes legati. iis vltro citroque commeantibus impetratur, vt à tribus Principib. oratores Atrebates conuenirent. de pacis ibi conditionibus agi cœptū. discessere è conuētū Angli, regni Francorum riuales; equiorem Burgundus se præbuit sanandis reip. malis cupidior. Memoriarū Ioannis cæsi Ducis, vt honores à Franco haberentur mandatum, loco vbi cæsus erat, templo eius impensa exedificato, collegioque sacris faciendis instituto. Matisco, Altisiodorum perpetuo iure, alia oppida ad Somonam amnem data, pignoris modo loco, dum quadringenta aureorum millia mulctę nomine redderentur. Nihil nimium Franco videbatur præ cupiditate Burgundi conciliandi, distrahēdiq; ab Anglorū societate: haud ignaro, eo fœdere Galliæ opes, quæ nimium accisæ erant, breui restitutum iri. vti factum est. Ad famam eius fœderis ciues Parisienses excitati arma in Anglos corripuerunt: regia-
que

que vrbs ad pristinum rediit imperium. reliqua procliuia esse cœperunt, quæ eatenus fuerant ardua atrociaque. Nostræ historiæ pace Atrebarensi facienda, Isabellæ Burgundo nuptæ præclaram extitisse operam confirmant: & cum Rege Gallo coram colloquio habito de conditionibus egisse aiunt: ex fide, an ex gratiagentis Lusitanæ in incerto habeo. Illud constat Reginis Aragoniæ, & Vasconum, cum viri Reges Caietam obsidione premerent, uti mox est explicandum, à Castellæ Rege qui Madrito Butracû Eneci Mendozii inuitatu contendebat, ludis & conuiujs remissurus animum, datû ut induciarum tempus ad Nouembris kalendas prorogaretur. Ioannes Luna Illuecæ dominus, in eam rem legatus, Aluaro id gentili suasset, læto ad reliquam felicitatem filii natali: quem recens

10 vxor Madriti pepererat. infanti Ioanni nomen fuit, magna lætitia Regis & procerum: quæ omnia quanto magis simulata erant, eo maioribus officiis Aluari gratiâ promereri certantium.

Aragonius, & fratres capti. CAPVT VIII.

CARACCIOLI, Ludouici Andegauensis, Ioânæ Reginæ funerib. Aragonius ad Neapolitanû regnû tantû non traheretur, sine capite, sine viribus prædæ opportunû, nullo ciuium consensu, nullis externis opibus imbecillum. multi proceres quod necesse erat prouidentes animis, an plebis imperium auersari, in qua nihil est modicum, consilio communicato, Capua vrbe cum arce occupata, in qua bello gerendo magnæ commoditates

20 inerant, legato in Siciliam Reginaldo Aquinate studia sua, opesque Aragonio offerunt: festinaret modo, neque moraretur spem. celeritatē opus esse, priusquam se aduersa factio viribus confirmaret. erant cum Aragonio tres fratres excellenti indole, idonea omnes ætate. Petrus in Sicilia relinquitur ætate minimus, qui reliquam classem colligeret. cum Vascone Henricoq; , & septem tantum triremibus, e portu Messanenſi Alfonsus soluit. Pontiam insulam itum: deinde Aenariam, mox Sueſſam: ubi proceres magno numero Capua profecti eius aduentum expectabant: atque in his princeps Antonius Marſanus Sueſſæ Dux. In ea vrbe de ratione belli collatis sententiis desideratum. Caietam primum impugnare visû est. Maii Nonis classe Aragonia & terrestribus Neapolitanorum procerum copiis, terra marique circumſeſſa. affuit Tarentinus cum copiis euocatus.

30 trahebatur obsidio: Aragoniusque Orlandi monte, qui vrbi imminet occupato, in spem venerat, breui eam ciuitatem obtinendi, commeatus inopia non minus quam externo metu laborantem. Ciues ad deditiōnem inclinabant. Genuenses, quorum erat in ea vrbe magnus numerus mercaturę exercendę per causam, vnde genti amplissime opes publice priuatimq; , obstinatis animis vrbe defendendam censent, ductore impulsoreq; Francisco Spinula: inutilis turba eiicitur: quos Aragonius benigne habitos, ciboque recreatos in pacata loca dimisit: multum ea humanitate tum obſeſſorum ciuiû, tum totius prouinciæ animi conciliati sunt. Genuensis senatus, & suorum commiseratione, & Philippi Mediolanensis iussu incitatus instructam classem auxilio mittit, frumento & commeatu onustam. Dux classi datus Blasius Assaretus propter rei militaris & nauticæ peritiā ex

40 infimo loco, nam precarium quęstum iuuenis fecerat, ad eum honorem euectus. Duodecim onerariæ erant, duæ triremes, vna biremis. Aragonius cognito Genuensis classis aduētū, instructis ipse onerariis quatuordecim, vndecim rostratis nauibus obuiam hosti procedit. Sequuntur proceres ferme ad vnum Regis exēplo prouocati, certaq; victoriæ spe. Ad Pontiam insulam Aragonii, ad Terracinæ litus hostium classis erat. Genuenses misso caduceatore denunciant Regi Aragonio, non pugnandi voluntate, sed opitulandi ciuib; commeatumque importandi missos. si id detur, discessuros sine certamine. magno id Aragoniorum risu est auditum: neque à conuiujs temperatum. expediuntur arma: ante pugnæ initium tres Genuensium naues à reliquo agmine seiunctæ, altum petere cœperunt eo consilio, ut in ipso conflictu secundis à puppi flatibus hostilem classem à ter-

50 go adorirentur: Aragonii fugam interpretati, nullo ordine hostilem classem inuadunt, quasi ad prædam, victoriāq; illud metuentes ne celeritate euaderent. Aragonius in hostium prætoriam impetum facit. Blasius circumducta repente naui regiam nauim à puppi magna vi telorum, lapidumque obruit pondere grauem, & saburra vniuersa in alteram partem inclinatam. idem à reliquis factum nauibus. ferreis inter se vncis iunctę veluti in solo pugnabatur. vincebant Aragonii numero, sed sua multitudine impediti, & pleriq; nausea ex mari laborantes, oneri potius quam vsui erant. Genuenses mari assueti naute ac milites, scientia talium rerum superabant. triremiû nullus vsus propter iunctarum inter se nauium magnitudinem: ad multum diei pugna processerat: cum tres Genuensium naues, quas fugientium speciem præbuisse dictum est, flexo cursu in regias

impactæ pepererunt victoriâ. In regiam nauim trāsgressi, hostes ad deditiōē hortabantur. fœda rerum facies, permixtus cadentium cęsorumque clamor. nihil imperio, neque consilio geri. fors omnia regere. Nauis regia fatiscēte carina aquam accipere. periculo nunciato, Aragonius Philippo Duci deditiōem facit quamuis absēti. In ea nauī Tarentinus & Sueffianus capti sunt. aliis duodecim nauibus quæ in hostium potestatem venerunt, ingens captiuorum numerus fuit; Rex quoque Vasconum, quem in ipso conflictu Rodericus Reboledus lateri adhærēns à cæde seruauit, & Henricus Aragonius. de Petro auctores variant: quidam pugne interfuisse disputant, & cum tribus triremibus euasisse nocte tectum, alii ad Aenariam insulam appulisse cū reliqua ex Sicilia classe aiunt, sub ipsum pugne tempus. Capti præterea Raymundus Boillus Prorex Neapolitanus, Diegus Sandoualius Castri Comes, & filii Fernandus, Diegusque, Ioannes Sotomaior, Encus Daualus Dauali Magistri equitum filius, neposque ex Bertrādo filio Enecus Gueuara, Reges ex Hispania ad hoc bellum secuti. Secundum victoriam facta à Caietanis eruptione nostrorum castra capta, direpta spolia castrensia, & ampla Principum supellex quæ relicta erat. Præsidii castrensis pars in hostium potestatem venerunt, alii per deuia loca, & occultos tramites fuga euaserunt. Cæcas hominum mentes, improuida consilia, varios & commutabiles rerum casus. quis non existimaret de rebus Aragoniis in Italia actum, amissa victoria & quasi de manibus elapsa? victis ad regnum facilius recuperandum factus est gradus, erepta libertas maioris gloriæ occasio extitit. quis crederet? sic humanæ cogitationes in contrarium sæpe vertuntur, non temeritate fortunæ, sed arcano & altiori consilio gubernatæ die Veneris Augusti Nonis pugnatum ad Pontiā insulā est.

Aragonius & fratres libertati redditi. CAPVT X.

COMMISSA pugna Reges, atque è trecentis amplissimo genere captiuis, pars maxima Mediolanum à Blasio victore deducti, amplissimi triumphī species, neque à multis annis visa. alii Genuæ relicti, vt nauatæ operæ ea merces esset. tota Italia expectatione euentus suspēsa, ecquo pacto Dux nobilissima victoria vsurus esset, cogitabat. illius opes ante formidolosæ finitimis, nunc etiam à longinquis timebātur. Ne totius Italiæ imperium inuaderet ardenti Princeps ingenio, imperii audius, continuis bellis exercitus. Multum ille cum animo deliberare, quid facto opus esset. A captiuis Regibus iniquas conditiones extorqueret? libertatis pretium exigeret? præsentī id fructu lætum esset: verendum tamen, ne acceptam illi iniuriam vindicarent suis, & amicorum armis: victique, vt erant soliti, cum victoribus tamen certamen grauius instaurarent. Magnifice exceptos coleret, & gratuita libertate sibi deuinciret? gloriosum id consilium toto orbe terrarum foret: sed ne captando inanem nominis famam, imperii amplificandi occasionem amitteret, atque ancipitis aleę spem subiret considerandum raro ex sententiā cedentem. magna homines beneficia cum soluēdo non sint, insigni maleficio compensare consueuissē. Vicit laudis studium. Principes splendide domi habitos, vt socios, vt amicos cum amplissimis muneribus dimittere constituit. Aragonium etiam cum assensu audiuit, disputantem coram multisque exemplis confirmantem, Gallis immodicum ingeniū esse, neque vllis imperii finibus resistere. Mediolanenses Duces euertendi consilia sæpe agitasse: neque animos esse mutatos. si Italiæ litoribus assueuissent, parto Neapolitano imperio Ligures Galliæ finitimos amicosque haud diu in fide futuros. neq; nouādarum rerū finem fore nisi vniuersa Italia occupata. Io. Galeacio patri, maioribus aliis Gallicos spiritus suspectos sēper fuisse. Hæc agebantur Mediolani in arce: cū Isabella à viro Renato, quem captiuum teneri dictum est. præmissa mari Genuam primum, deinde Caietam, Neapolim postremo, ad quintumdecimum kal. Nouembris appulsa factionis opes vehemēter confirmauit, copiis etiā ad Eugenio Pontifice adiuta: clarissima fœmina, præstanti ingenio, eximia morum suauitate. Hispania Regū calamitate sollicita, mœstaque varia belli pacisque consilia versabat. Cæsar augustæ conuentus Aragonii habiti sunt. actum referente Regina de classe comparāda, ad retinendū Sardinæ Siciliæq; imperiū: in quas à victorib. fore imperiū suspicabātur, nulla iā de imperio Neapolitano spe conatuve. Sorie ad Castellę & Aragoniæ fines colloquio Castellę Regis & sororis Aragoniæ reginę, inducię inter eas gētes antea pactę, in quinq; alios mēses productę. Alienę calamitati insultare iniquū videbatur. euicerat iusta cōmiseratio Castellę Principū animos. Soria dicepsū, & Eleonorā reginā Medinę Cæpestri decessisse nunciatum est, dimidiato mense Decēbri, dolore interclusa anima, quem ex filiorum casu accepit grauissimum scilicet. repentinus obitus eam opinionem confirmauit præ dolore extinctam, lectissimam fœminam & tantorum Principum matrem.

trem. multis locis iusta exequiarum magnifice facta: Cōpluti à Castellæ Rege, à Regina vxore Madrigale. Defunctę tumulus in D. Ioannis matronarum cœnobio compositus, quod sua impensa constructum domicilio ipsa delegerat. Mediolani inter Ducem & Reges fœdus factum, eosdem sine exceptione amicos inimicosque futuros. Dux ad regnum Neapolitanum obtinendum vires & copias est pactus. Rex impugnandis Mediolanensis hostibus omnem opem est pollicitus. magnam id fœdus sollicitudinem incussit tū Italis, tum externis nationibus. Rex Vasco in Hispaniam dimittitur cum ampla potestate rem Aragoniam gubernandi. conquirenda pecuniā erat, nouę conscribendę militares copiæ, numerosa classis instruenda. Tarentinus, & Sueffanus amandati Neapolim, vt suorum animos confirmarent: Petrum iuberent cum classe è Sicilia rebus opitulari. secuta Regis præceptum industria militum festinatioque. Aenariam appulsa Siculorum classe, Caieta venit in potestatem, dedente Lansaloto ciue Neapolitano eius vrbis præfecto, ad octauum kal. Ianuarii ineunte anno millesimo quadringentesimo trigesimo sexto. Proximis 1436. dieb. Aragonius libertati redditus, (memorabile omnib. seculis Philippi liberalitatem) Portum Veneris abiit: quod oppidum, atque Illicis inter tantas procellas in fide Aragonii manserant in Gentuensi litore, magis Aragonii præsidii metu, quā sincera oppidanorum voluntate. Aduersas secundasque Aragonii res ostentis de cœlo significatas memorant. iis quantam fidem res meretur ex se quisque statuatur, adiungatque. vulgata receptaque passim præterire consilium non erat. Quo die ad Pontiam pugnatum est, pontis qui ad Cæsaraugustā Ibero imponebatur, amplissimo in paucis & nobilissimo structuræ genere, præcipuus arcus sub meridiem nulla certa causa collapsus, quinque homines oppressit. Fortuita, ais, vulgi rumoribus in prodigium sæpe post res factas vertuntur, & religionem. esto. Quid ea quæ sequuntur? triginta sex passuum millibus infra urbem Cæsaraugustam oppidum Vililla ad Iberi ripam situm est, ex Celsæ Romanorum in Ilergetibus coloniæ ruinis constitutum: nullaque re hac tempestate, & aurore memoria nobilius, quam campana. cuius nullo mouente, insolito insolentique pulsu nobilissimos in vtrāq; partem euentus significari, iis hominibus persuasum est. inepte an vero non disputo: sed oculati tamen eius miraculi testes citantur, viri non leues. Eam campanam pridie eius diei quo capti sunt Reges, sua sponte pulsata ferunt: iterum ad tertium kal. Nouembris, 30 proximi Ianuarii mensis Nonis tertio sonuisse: quo tempore composito Mediolani fœdere Aragonius est in libertatem restitutus. Iis prodigiis auertendis data piacula: sacrificatumque hostia diuina. Solicitæ prouincialium mentes, nuncio ex Italia allato cura leuata: mœrorq; quem ex aduerso casu susceperant, metusque noui mali, quod impendere ex iis ostentis suspicabantur, publica gentis lætitia mutatus est.

Pax inter Reges Castellæ & Aragoniæ. CAPVT XI.

MOTA GENVENSIVM arma sunt: palamque à Ducis Mediolanensis auctoritate discessum. graue erat partē suo periculo & virtute de Regibus victoriæ fructum ad alios recidisse: gratiam factę pacis dimissorumque cum muneribus captiuorum, vni Philippo Mediolanensi cessisse. odium in se Aragoniæ, & Catalaunicę gentis excitatū: cū quibus graues ab antiquo inimicitę extitissent. patrocinium Mediolanensium Ducum, ad quod necessitate confugerant, imperio atq; adeo dura seruitute mutatū esse, vrebatur scilicet. Hac indignatione permoti, armorum societate cum Eugenio Pontifice & Renato Andegauenſi occulte constituta, arma corripuit. Paccinus Alciatus pro Philippo Duce, Genuę cum potestate Præfectus, in populari tumultu perimitur. gladii intentati aliis. & vulnerati quidā, necatiq; obseruare sermones, vultū habitūq; notare: si vultus indignitate auersari præsentia, & Mediolanensib. fauere videretur. Ergo q; in seditione populari fit, vnde plures erāt, breui omnes fuerunt, si qui contra sentiebāt, palā tamē assentiebāt, assentabaturq; Auctor seditionis Frāciscus Spinula defensa nuper Caieta nobilis magnosq; ex ea re spiritus gerens: ac q; caput erat Fliscis & Fregosis, qui Aragoniis fauebāt inimicus. Genuę auctoritatem pleraq; eo tractu oppida secuta, & ad libertatis dulcedinem excitata defecerunt, pulso Mediolanensi præsidio. Hispani captiui in custodia retēti. Septuaginta aureorum millia ab Aragonio Rege numerata eorum redemptionis pretium. Cum Siculis mitius actum. vetusta inter vtrāq; gentē hospitii atq; commercii iura extrabant. sine pretio dimissi. tres modo Ioannis Vintimillii filii diu Genuę retenti ex odio, an maioris pretii spe incertum. Sed Aragonius tamen Philippi Ducis hortatu, Genuensium motus compescere aggressus ea classe quæ à Petro fratre Caieta missa erat, destitit conatu: cum id longum esset in tanta gētis consternatione: & festinati ad Neapolitana sceptra omnes

mora esset grauis, haud ignaro in bellis ciuilibus diem & horam potius, nisi prouisum sit, magnas sæpe agendi opportunitates corrumpere. nihil esse festinatione salutaris. Ergo è Portu Veneris Henricus missus est in Hispaniam Emporitano principatu donatus, quoniam induciarum tempus exibat, rebus præsidium si se ea parte Castellæ arma commouerent. Rex ipse Caietam classe appulit ad quartum Nonas Februarii. Terracina interea à Petro fratre occupata, magno Eug. Pontificis dolore, in cuius ditione erat, tantum sibi Aragonios sumere, ut Neapolitano imperio non contēti, de vniuersa Italia cogitarent: neque sacrosanctæ maiestatis reuerētia, neque religione moueri vlla feroces & barbaros, durumque hominum genus & asperum conquerebatur scilicet. Neapolitanorum procerum & militum concursus Caietam factus est. copiarum Dux Franciscus Picininus renunciatur. Philippi Ducis gratiæ datum, apud quem Nicolaus Francisci pater præcipuum auctoritatis locum rebus omnibus occupabat, clarissimus ea tempestate copiarum Dux, magno rei militaris usu, cum veteribus comparandus. Ardebat Italia armorum apparatu. aliarum vrbes ad noui belli expectationem suspensæ: aliarum ad pellendos Aragonios fœdere inter se facto coniurabant, Veneti, Florentini, Genuenses maximè, adiutore impulsoreque Eugenio Pontifice, odio gentis nostræ, an Galliæ amore vires conferebant. In Hispania bellum Mauricum trahebatur: inter alios Reges sancita pax, magna Vasconis contentione multoque conatu, vires gentis in Italiam vertere cogitantis, posita rerum Hispaniensium cura. Geminæ arces Galea & Castillegia Mauris deditibus agente Roderico Manrico in potestatem sunt redactæ. concepta ex iis rebus lætitia breui mœrore mutata, tristitiam casu Nieblæ Comitis: quem Heracleam ad freti Gaditani angustias positum oppidum, obsidentem (in eo virtutem ostentare & Regi suo gratificari cupiebat) in tumultuaria pugna sese ad classem recipientem cum quadraginta sociis submersum fuisse nunciabatur, accurrentium pondere euersa oppressaque cymba, quo se maximè tempore Oceani æstus statis horis concitabat. Ioannes Gusmanius paterno casu perculsus, & de summa rerum diffidens soluta continuo obsidione Hispalim abiit. Hic in Assidonis Ducibus primus fuit, Regis dono post aliquantum tempus. is honos doloris blandimentum, nauatarum operum merces accessit nobilissimæ Gusmaniorum familiæ, atque in paucis præpotenti in Hispania. Toleti Castellæ Rex erat, quo Compluto & Madrito lustratis sese retulerat. ludis regia, & festa lætitia personabat, modica aut nulla belli cura. nouæ & maioris lætitie materia adiuncta, sancita in ea vrbe pace inter Castellam Aragoniæ & Vascones ad quartum Nonas Septemb. Alfonsus Borgia Valentinus Episcopus, Io. Luna aliique viri Principes ex Aragonia legati. his adiuncti Toletanus Præsul, Calatrauz Magister, Rodericus Beneuentanus sermone vltro citroque & longa disputatione habita, has fœderis conditiones scripserunt. Blanca Vasconis filia maior Henrico nubito Castellæ Regis filio. Dotis nomine Medina, Olmedum, Roa, Villenæ principatus puellæ dantur. Si proles ex coniugio nata non sit, ea oppida ad Castellæ ditionem redeunto. Eo euentu Vasconi pacto annuo auri pondere ablata oppida compensantur. Henrico Aragonio omnino quinque florenorum millia quotannis dantur, vxori tria millia. Capta ad regnorum fines oppida & arces, ad veteres dominos redeunto. Perfugis venia concessa esto: præterquam Comiti Castrio: & Alcantaræ Magistro, præterea Gotifredo Cortesio Marchioni: quem Vasco excipiendum iudicauit, hominem inquietum, cupidum rerum nouarum & memoria generis in regni cupiditatem impulsus. His conditionibus induciæ pace mutata: armaque sociata aduersus omnes gentes Principesque, excepti modo Lusitanus Gallusque à Castellæ Rege sunt: ab Aragoniis Mediolanensis Dux, Gasto Fuxensis Comes, qui Ioanne patre nuper defuncto eum principatum obtinuerat, quindecim annos natus Vasconis gener Eleonora minori filia in coniugium pacta. Data ob hæc templis dona: ludi, conuiuia, omniaque lætitie instrumenta, per vrbes & oppida instaurata. belli metu sublato, noua rerum facies futura in Hispania videbatur. Castri Comes venia breui impetrata, Castellæ est redditus, constantior aliquanto in fide futurus, diuturno castigatus exilio. Interea Alfonsus Aragonius Neapolitanorum animos pertetare non desistebat, consilioque vires adiuuare. Baltassar Ratta Casertæ Comes, è gubernatorum rerum publicarum numero in partes attrahitur. idein facit Raymundus Vrsinus Nolæ Comes, ex regio sanguine vxore pacta Eleonora Vrgelitani Comitis dudum extincti filia. Capua Rex, vbi belli apparatus erat, votis nuncupatis profectus S. Seuerini Vallem, Salernum urbem, Amalphitanum litus armis præsidiumque capit. Sic Aragoniæ vires confirmata, debilitata hostium. Neapolis regni caput petenda erat, haud exigua victoriæ spe in tanta animorum inclinatione, tantusque factionis copiis. confirmabant animum geminæ arces usque adeo malis temporibus in ea vrbe præsi-

praesidiis tamen Aragoniis retetæ: quod miraculi instar erat, ad totius belli summam omen præclarum.

Clades à Lusitanis in Africa accepta. CAPUT XII.

HORRIDA gelu & niuibushyems fuit in Hispania, quantum mortales non inemine-
rant. Caracæ, vbi Rex Castellæ erat, septem agalones lignatum in vicinas sylvas
egressi, ipsis Ianuarii kal. anno Mcccc trigesimo septimo, cōstrictis præ frigore membris
oppressoque calore vitali extincti sunt. niues glacie, glacies Circio concretæ multis exi-
tio fuere. Rege iniquo anni tempore, viis à multa niue impeditis in Castellā Vltiorem
ituro, quo reipū. cura necessario vocabat, à trecētis operis summotā in vtranque partem
niue equitis altitudine, cumulis extātibus aggeris instar, ægre montes superati quibus
vtraque prouincia dirempta est. Roa mense Maio Vxamam itū. in ea vrbe Rex substitit:
Henricus Princeps Alfarum missus lautum municipium ad Vasconum fines: sequeban-
tur è proceribus amplissimus quisque. eminebat inter omnes Aluarus recēs importunis
precibus Montalbino Reginæ extorto, & ad Scalonē in Carpetanis adiecto. auctis opi-
bus, incēsa magis inuidia, cui nulla potentia par est. Post biduum Regina Vasconum Al-
farum cum filiis accessit, & splendido suorum comitatu Episcopo Pompelonenſi, Petro
Peralta regiæ procuratore, procerib. aliis. Duodennibus spōso sponsæq; solenni apparatu
rituque sponsalia data sunt. Cæremoniæ antistes, Vxamenſis Episcopus regio genere su-
perbus. quatuor in ea læticia diebus consumptis Vasconum Regina sponsæque filia se se
retulere in patriam. Abs Rege Castellæ & Henrico Principe Medinam Cāpestrem itum.
est in eo oppido Petrus Manricus Antelatus Aluari, & Beneuētani consilio captus, iussu
Regis Fontidoniam arcem in custodiam amandatur, mense Augusto. nouum initium
turbandæ reipub. quod magna rerum moles est consecuta. causæ non sunt proditæ. Al-
uari euertendi consilia agitalle cum aliis proceribus euētus docuit. quod maiestatis cri-
men esse ea tempestate putabatur. Fuit hic annus Lusitanis infaustus maxime, clade in
Africa memorabili à Mauris illata. ardebāt quinq; Lusitani Regis fratres cupiditate pro-
ferendi nominis, opes amplificandi. in Hispania qui possent angustis regionis finibus pa-
ce cum finitimis nuper sancita? in Africam maiori gloria transferre arma cogitabant ad-
uersus infensissimam Christiano nomini gentem. Pecuniæ in stipendium redigendæ
difficultas retardabat. ab Eugenio Pontifice venia peccatorum impetrata est, Oreni Co-
mitis legati Lusitani opera, omnibus qui cruce insigni sacram militiam susciperent: Pon-
tificis indulgentia euulgata, incondita multitudo ad arma concurrit. Ferdinandus Auissi
Magister ceteris fratribus ardentior se multitudini ducem offert. Disputatur in concilio
gentis de expeditionis summa, Ioannes D. Jacobi in Lusitania Magister, vnus è regis fra-
tribus de scripto etiam concepta sententia, negat nisi vniuersis regni copiis petendam
Africam. armis, equis, virisq; potentem esse eam prouinciam. Sæpe infelicitè lacessitam
futuram nunc exitio, nisi suis se viribus metiantur. audaciam præcipitem frenandam vi-
deri. Vtinam, inquit, falsus vates sim. nisi impetum animorum tenetis, atque ad rationem
reuocatis. Africani campi nostro sanguine redundabunt. His ne copiis cōfiditis? feroces
ante certamen maximè, in ipso discrimine ignauissimi erunt nullo armorum vsu, nullo
animorum vigore. An Mauros contemnitis? næ hic contēptus magno luetur malò. gen-
tem in pericula promptam, numero infinitam, pro aris & laribus, pro liberis & vxoribus
fortiter dimicaturam irritabitis. Numinis patrociniū aderit. sed maiori morum pro-
bitate conciliatum, qua quos video ad arma maxime accensos. sed si mature, si prudenter
capiantur arma. temerariis votis, impuris precibus frustra superos fagitabis. Ne hic furor
vestris conceptus animis magno constet, vereri me cogit, nonnullus rerum vsus, ardens
patriæ & vestræ omnium salutis amor. Hæc sententia cautissimo cuiq; probabatur: in pri-
mis Petro & Alfonso regis fratribus. vnus Henticus Ferdinandi conatus subleuabat, ge-
neris nobilitatem paresque opes literarum studiis illustrans. quod sæpe accidit, maior &
sanior pars à minore & deteriore victa est. Communi consensu bellum decretū. Com-
parata classe, sex millia militum in naues imposita. fama vero semper maior eum nūme-
rum duplo maiorem prædicabat. id quoque incommode accidit. pridie Idus Augusti
vela explicata intra dies quindecim peruentum in Africam Septæ de ratione belli dis-
ceptatum. omnibus copiis Tingis obsessa, vrbs olim Romanorum nobilissima,
tunc modica, ex aduersum Tartessi ad fretum posita. multa circum glareæ, coque
ager frugibus infœcundus: nisi qua parte excauatæ valles vicini fontis aquis, confitis

hortis eximia amœnitate prouentuq; sunt. Obsessi dies septem & triginta magno conatu impugnati nunquam remiserunt animos, cum spe propinqua auxilii ad defensionem incitati. Phuthensis & Marrocus Reges, aliiq; Africani Principes auxilio accurrunt. sexcenta millia peditum, septuaginta equitum millia sub signis, fortassis eumentente verum fama, traxisse feruntur. His copiis qui possent Lusitani resistere? pugnatum initio acriter, deinde multitudine circumfusa, intra munimenta nostri obsessi. in repentino terrore moesti, fixis in terram oculis, neque respondere, neque rogare. quantum tempus dabat, abditi per centoria, & lucem ipsam vitantes. De fuga consultum: sed quo, aut qua irent locis omnibus occupatis. victi necessitate, legatos de pace mittunt. barbari ullam fœderis conditionem fore negant, nisi Septa dedita, vniuersa Africa decedatur. graue id erat, neque in ipsorum potestate situm. pollicentur tamen modo incolumibus ire liceat. dati obsides Ferdinandus ipse Dux, aliique viri primarii. reliqui illuue corporum deformis acies Septam primum, deinde in Lusitaniam fine anni abierunt. De sancito fœdere in concilio Principum Eboræ disputatur. iniussu Regis conditiones pactas, irritas videri communi eorum qui aderant consilio decernitur. religionem, si qua erat gens obligata, eo fœdere, satis exolui obsidibus in hostium potestate relictis: ut suis capitibus luerent, quæ stultè & temerariè promiserant. An si eadem superbia Lusitaniæ deditioem polliceri barbari vniuersa coegissent, conditioni esset standum? Mauriciq; imperii iugum reponendum Hispaniæ? quid alia, quæ multa polliceri & indignissima potuissent? num iis gens Lusitana teneretur? Ergo Ferdinandi captiuitas perpetua fuit. Sepulcrum eius in vrbe Phuthensi loco sublimi monstratur, erectum videlicet de nostra gente trophæum. penes quem facti culpa præcipua erat, is siue casu, siue consilio Dei pœnas temeritatis princeps exsoluit.

Petrus Aragonius ad Neapolim casus.

C A P V T XIII.

IN Hispania nouorum tumultuum metus ostendebatur, procerib. Castellæ magna ex parte abs Rege suo alienatis, Petro Manrico iniuria (sic illi prædicabant) in vincula tradito. Inter viros sacratos graue vbique de religione certamen erat. Basiliensem conuentum Episcoporum Eugenius Pontifex ab ipso pontificatus initio suspectum habens, dissoluere conatus erat. Ea via inuenta erat eludendi atque debilitandi conciliorum vires: quæ Pontificib. esse cœperant formidabiles. Reuocauit tamen, ab Imperatore Sigismundo & Casarino legato grauissimis literis castigatus. Patres Basilienses plus sibi auctoritatis fumentes, quàm fortasse par erat, & noua ea iniuria prouocati, Eugenio Pontifici denunciarunt, nisi ad conuentum veniret, se in eum constituturos quod in desertores sacræ causæ solitum esset. Obsequi recusantem, deponendum fremunt abrogata pontificia auctoritate. Ita animatis Episcopis, Principum toto orbe Christiano non vna mens erat. alii consilio repugnare quasi præcipiti & temerario, memoria vulnerum quæ superiori schismate rei Christianæ erant inflicta, vix dum cicatrice obducta: in primis obstitit Sigismundus Imperator quamuis à Pontifice alienatus. verum in ipso rei perficiendæ conatu decessit ad quintum Idus Decembris ecclesiæ pace ante fundata, & nunc defensa, quam diuturno imperio nobilior. Res Germanicæ in eius generum Albertum Austriæ Ducem, iam Regem Romanorum translatae sunt. imperii insigne desumptum ipsis Kalen. Ianuarii ineunte anno eius seculi trigesimo octauo. Quo tempore, in Hispaniæ oppido Maderuelo, quod in ditione Aluari erat in Vaccæis, lapidibus pluit, singulis puluini magnitudine, innoxiiis tamen propter materiæ leuitatem. Ioannes Agreda regius præcursor ea causa missus, de re tota quæstione habita, Roam ad Castellæ Regem ex eorum lapidum numero quosdam attulit: tristi an læto omine dubitatum. Ac ne ex euentu quidem belli Maurici, quid ea res portenderet satis intellectum. nam Huelma (Onoua veteribus) copia defensorum & mœnium firmitate munitum oppidum de Mauris Granatensibus captum, Enneci Mendozae Fitæ reguli ductu virtuteq; Giennensi limiti præfecti. lætitia haud diuturna fuit: Roderico Perea Casorlæ Antelato, cū in Maurorum fines inuectus esset, à multo maiori hostium numero cæso. ex mille & quadringentis sociis, viginti tantum seruati fuga. neque Mauris incruenta victoria fuit. cū multis Dux ipse Abenfaraxius Granatæ Prætor in conflictu cecidit, acceptæ cladis nonnullum leuamē. Ab Eugenio Pōtifice Aragonius auersus. Basilienses conatus iuuare videbatur priorib. iniuriis irritatus, & nūc Ioanne Vitelesco Patriarcha Alexadrino, cū valida militari manu in fines Neapolitanos immisso. cuius aduentu magna immutatio animorum facta erat: seq; Tarētinus & Casertæ Comes pōtificiis partib. adiunxerāt, homines in fide parū constātes, ingenio mobili ac vario. cōtra Antonius Colūna Aragonio cōciliatus, spe Salernitani principatus, qui ereptus ante erat, ex pacto Regis beneficio

beneficio recuperādi: breui victus Patriarcha, & Neapolitani regni finib. decedere coactus est, diris quāuis & milite armatus. Duo alii Principes ad officiū reuocati ipso tēpore: quo Renatus Andegauensis pretio tandē redempta libertate Neapolim cū classe appulit ad quartum decimum Kalendas Iunii: parū præsidiū in Renato fuit: nulla pecunia in belli sumptus allata. multorum tantum animi ad spem retum nouarum erecti sunt: multis locis belli flamma excitata. sed vis maior in Marfos, & Pelignos incubuit: vbi Iacobus Caldoranti vsus Dux Renati partes sustentabat. Accurrit Renatus ipse haud magna spē, cū Aragonii opes indies confirmarentur. multa eo tractu oppida & arcēs Aragoniis præsidiis occupatæ. & Renatus tamen hostem ad pugnam prouocare non dubitauit, missa chirotheca militari. id ex animo, an vt existimationem tueretur, non satis constat. Inanis certē conatus fuit, de die & loco pugnae controuersia nata. A Rege Franco in Biturigibus omnium ordinum conuentu, placita Basiliēsis sancita ea lege sunt (Pragmaticam sanctionem vocant) vnde ius dici mandatum: magno Eugenii dolore, quod Pontificatus maximus prope in ordinem redigi videretur, sacerdotiis conferendis, litibus diiudicandis. eo amplius in consilium incubuit soluendi Basiliensem conuentum: vnde tot iniuriæ & noui metus extabant. nouo edicto concilium se Ferrariam transferre pronunciat. Cæsarius legatus cognita Pontificis voluntate, & cum eo quinque e septem qui aderant Cardinalibus Ferrariam abeunt. duo perstitere. Mutandi loci species erat, aduētus Ioannis Palæologi Augusti, & Patriarchæ Constantinopolitani, ad conciliandam pacem inter Orientis Occidentisque Ecclesias. Ii Ferrariam delati ibiq; culti sunt. sed peste grassantē, Florentiam itum Hetruriæ caput. vbi de controuersis, quæ latinos inter & Græcos erant, multorum dierum labore disceptatum, maiori in præsenti spē, quā in futurum prouentu. Basilienses patres, & ante conati Græcos ad se auertere, & nunc contra Eugeniū Pontificem amplius irritati quam territi, in Cæsariini locum Ludouico Cardinali Arelateni substituto, turbida consilia agitare cœperunt, reipublicæ exitialia. Eugenium loco se moturos minabantur abrogato iure clauium, nouoque subrogato Pontifice. In Italia Renato Andegauensi in Pelignis occupato iis arcibus impugnandis, quæ in hostium potestate erant: Aragonius rebus secundis elatus Neapolim urbem belli regniq; caput petere constituit, iuuentutis discessu Renatum secutæ præsidio nudatam: ac ne commeatu quidem in multos dies comparato. Erant in Aragoniis castris ad quindecim hominū millia. quatuor triremes, septem onerarias, plura minora nauigia classis numerabat, subuectionibus à mari prohibendis idonea. hoc apparatu vrbs nobilissima in paucis, numero ciuium, edificiolorum maiestate, imperii amplitudine, mari terraque circumfessa ad decimum Kal. Octobris. aderant Matthæus Aquaviua Andriæ Dux, Comes Nolanus, Ioannes Vintimilius, Petrus Cardona. castris munitis, scalæ, aliaq; machinamenta comparata. copiarum locis idoneis distributæ, dum impetum in urbem facere parant, fortuna quæ in humanis rebus ludere consuevit, & prosperis aduersa confundere, cuncta Aragonii consilia tristi casu conturbauit, & vno momento euertit. Petrus Aragonius ad decimum Kal. Nouemb. speculandi gratia paulum à castris mane progressus, e D. Mariæ Carmelitanæ tēplo, tormento percussus occubuit. pila tercio ad terram illisa, quarto ictu eius caput comminuit. corpus ad D. Magdalenæ delatum. Alfonsus frater accurrens extincti pectus exosculatus. Aliam, inquit, à te frater lætitiā expectabam. æternum patriæ decus, laborum & gloriæ nostræ particeps vale. simul ad adstantes conuersus: militiæ florem, atque omnis elegantiae, hoc die, milites amisimus. quanto hæc cum dolore? In ipso iuuentutis vigore, viginti septem natus annos decessit, cælibe vita, multis bellis cum laude perfunctus. tumulus ad Oui arcem translatitio funere compositus. vulgus militum, sed & populi multitudo Petri eadem in religionem vertebat, præsertim continuis imbribus, oppugnatione impedita. Ioannes Vintimilius Renato, qui obsessis auxilio accurrebat, ad furcas Caudinas obuiam ire iussus eum compulit alio itinere in Nolanum agrum descendere. Improuiso Vintimillii aduentu, aliquot ex hostibus capti sunt. mox composito agmine Neapolim rediit. Alfonsus soluta obsidione Capuam discessit maiori impetu bellum reparaturus, cum primum se hibernum tempus aperiret, duosque reliquos fratres eo consilio ex Hispania euocare constituit: præ cupiditate Neapolitani imperii paternæ regna contēptui habens: quæ à valida Gallorū manu raptō viuere assueta vexari latrocinio cœperant, ductorib. Alexandro Borbonio Ioannis Borbonii filio notho, & Roderico Villandrando: qui Vallisoleri in Hispania natus Gallo aduersus Anglos fortem operam nauarat, & ex gregario milite ordines duxit, decem millibus nonnunquam imperator. Robusto corpore fuit, iracundia maxima. Ergo iis ducib. raptō viuere, & prædas agere assuetis, impetus in Ruscinonensem agrum est factus, magna prouincialium, reginæque Aragoniæ, & regis Vasconum solici-

tudine breui tamen ea tempestas sedata est. Galli propter anni tempus hibernum in aliam partem flexere. Fuit hic annus Lusitanis tristis infaustusque ob recentem cladem Africanam, tum pestis lue, quæ vniuersa ferme prouincia grassata est. multi mortales extincti. Rex ipse Eduardus ad Tomarem cœnobium, quo se ad vitandum periculum contulerat, febri correptus decessit die Veneris ad XIII. Kalend. Octobris ipso interlunio. litteris valde deditus librum etiam de regni moderatione scriptum reliquit, nulla re præterea memorabili gesta, imperio breui. Omnino annorum quinque dierum septem & triginta. Filios reliquit Alphonsum regni successorem sexennem, Fernandum Visei Ducem Dieghi & Emanuelis patrem, Eleonoræ & Isabellæ. Eduardi Regis filia fuere Eleonora Augusta vxor Friderici tertii Imperatoris, Catharina innupta, Ioanna Castellæ Reginæ. Regni Lusitani procuratio Eleonoræ viduæ viri testamento demandata est. tulere id ægrè Lusitani fœminæ imperium, externæ præsertim auersantes. Itaque in comitia euntes eo testamento abdicato, Petrum Conimbricæ Ducem pueri Regis patrum regni procuratorem nominarunt. Graue id decretum Reginæ fuit: deditque litteras de iniuria tum ad fratres, tum ad Castellæ Regem: nihil tamen ea diligentia profecit.

Castella motus. CAPVT XIV.

EVASERAT mense Augusto superiore Manricus Antelatus ex arce Fontidonia, vbi captus tenebatur, vxorq; & filia duæ funibus per fenestram demissi, consciis & adiutoribus Gomæti Carrillii custodiæ præfecti nonnullis domesticis, vnde noui tumultus extiterunt. cum eo enim Fridericus maris Præfectus, Petrus Stunica Ledesmiæ Comes, data fide acceptaq; euertendi Aluari, consilia inter se communicarunt. adsciti in societatem Ioannes Arellanus Camerorum, Petrus Mèdoza Almasani reguli, Ludouicus Cerda Medinæ Celinæ Comes. adiecti paulo post Vxamenfis Episcopus multis in ea temporis perturbatione occupatis arcibus magnum factioni momentum, præter hos Bencuentanus, Touarius, Quignonii fratres. Rei perficiendæ haud facilis erat via, in tanta Aluari gratia, potentia, auctoritate. Medinæ, cui à Riua sicco nomen est, equi, arma, milites, cæteraq;, quæ ex vsu belli futura erant, diligenter comparata. tanti conatus celeritate erant occupandi. Rex Castellæ Madrigale vbi se tenebat mense Februario principio anni millesimi quadringentesimi trigesimi noni, Roam profectus est. sequebantur Henricus filius, Alvarus ipse, Comites Hari Castriq;, Calatrauæ Magister, Episcopi Toletanus & Palentinus. præterea Lupus Barrientus nuper Segobienfis Præsul creatus. ea merces fuerat Henrici Principis iuuentutis literis informatæ. Literæ à coniuratis ad Regem supplices missæ. Earum summa erat: Se quidem paratos esse imperata facere, vt subditos deceret, iis maioribus natos, ea nobilitate: modo Regis & filii Principis arbitrato. Rempubicam ad cuiusquam priuati voluntatem inuerti, Regemq; ipsum in alieno mancipio esse, neque leges prouinciæ pati: neque tantam ipsos ignominiam tolerare debuisse. An æquum videretur aduersus vnum hominem, neque imperia magistratuum, neque nobilitatem, neq; leges valere? Id si esset mutatum, arma ad prohibendas iniurias necessario sumpta, continuo positueros. Ad has litteras nullum abs Rege responsum datum est. Venerat ex Gallia Villandrundus cum quatuor equitum millibus auxilio, Ribadei principatu à Rege Castellæ inuitatus. Aragonii fratres Vasco, Henricusque Castellæ turbationem, suam occasionem facere constituentes, atque in studium incitati pristinae ditionis recuperandæ, quingentis equitibus stipati in Castellæ fines ingressi. vno tempore à Rege & coniuratis ad societatem inuitantur. consilio illi inter se communicato, Vasco quidem Cuellarem, vbi Castellæ Rex erat, profectus est: Henricus Pennasielem abiit, suæ antea ditionis oppidum, quorsum res commotæ euaderent expectare constituens: atque iis se adiungere paratus, vnde maior certiorque spes ostenderetur pristinarum opum recuperandarum. Vallisoleum interea ab Eneço Stunica Ledesmiæ Comitis fratre occupatum erat, præsidio quingentorum equitum. Id municipium magnum, atque opulentum, ibique frumentum magna copia, & commeatus affatim, quæ postquam à coniuratis comperta sunt, eo sese frequentes contulerunt. Castellæ Rex eo nuncio perculsus: fatali suorum defectione ne res publica grauem plagam acciperet, Olmedum abiit, ex propinquo imminentes motus procurare satagens: ac in primis Henricum Aragonium traducere in partes. eo conatu varia Principum colloquia habita: Renedi primum, deinde Tudelæ, postremo Tordesillæ. Sed ea res frustra tentata: cum Henricus operam suam aliquandiu licitatus, coniuratis demum se Principib. adiunxisset, Vasconis (sic est creditum) consilio: vt quicumq; cõtentionis exitus esset, apud vtrosq; præsidium ipsorum reb. esset paratum, & procerum magna pars possessione eorum oppidorum cõtaminata, quæ Aragoniis detracta erant, morâ paci variis artib. afferebât. q̃ nisi iis oppidis restitutis, coalescere nō posse exploratum erat. Sollicita prouincia, & ad

& ad expectationē belli ciuilis suspēsa, affuere viri sancti quib. aut morū probitas, aut eruditionis opinio auctoritatē maximē dabāt. Principes adeunt, docentq̃, quāto cū periculū pax publica importunis diffidiis turbaretur. Si maximē viribus fiderēt, incerta pro certis stultē mutari. Bellum sumere facile esse, exitū fore proculdubio exitialem, alteri minimū parti. Proinde sibi & reipublicæ consulerent: neque florentes Castellæ res importuna contentione perditum irent. Societatis, amicitiaque coniungendæ fore copiam, gladiis nondum fraterno sanguine infectis. Constitutum multo labore, vti ad Castrum Nunnium Principes colloquerentur, de conditionibus pacis coram disceptaturi. Quo tempore ex Italia nunciatum est, Arcem nouam, quæ Neapoli Aragonio præsidio tenebatur, diuturna obsidione fatigatam redactamque ad supremam annonæ difficultatem, hostibus deditam, nono Kalendas Septembris, Aragonio nequicquam opem ferre omnib. copiis conato. Sed eam tamen iniuriam Salerno in Picentinis recepto, multisque aliis oppidis ad ditionem subiunctis egregiē compensatam. Inter Castellæ proceres fœdus tandem ad Castrum Nunnium his conditionibus est factum. Aluarus Cúria abesto semestri spatio, sublata etiam literas ad Regem scribendi facultate. Aragoniis fratribus oppida & honores, quæ ablata erant redduntor: aut pecuniæ tantum annuæ, quantum arbitri iudicabunt. Copiis militaribus missio esto. Urbibus coniurati occupatis præsidia detrahunto. Neu fraudi cuiquam esto Aragonias partes superiori tempore, nunc coniuratos proceres fuisse secutos. Sic Henrico quidem D. Iacobi Magisterium restitutum est: Vasconi Culler municipium. Aluaro æqua permutatione Sepuluega pro eo oppido datum. Castellæ Rex Taurum digressus. quo tempore nunciatum est, Catharinam sororem Hérico nuptam, dolore partus Cæsaraugustæ obiisse ad quartum decimum Kalendas Nouembris, nulla relicta prole. missi Segobienfis Episcopus, & Ioannes Luna Prior Hospitalarius, qui Principis luctum in ea calamitate lenarent. Aluarus Sepuluegam abiit ad quartum Kalendas Nouembris supra bonum, atque honestum perculsus, neque frenare iram, neque moderari linguam, vir egregius alioqui. vno solatio exilium sustentans quod breui rerum mutationem fore prouidebat animo. Abeuntem Ioannes Sylua regius Vexillifer, Petrus Acunius, Gometius Carillius, alii nobiles profecti: beneficiorum memoria, an meliori in futurum spe. In conuentu Basiliensi damnato tandem Eugenii nomine, Amadeus Sabaudus Pontifex salutatur Nonis Nouembris, Felicis quinti nomine indito. Is primum Comes Sabaudia, deinde Dux cum quadraginta annis fuisset, abdicato principatu, ac aulae cultu relicto, in eremum abiit; purioris vitæ studio incensus, sex senioribus ex suorum nobilitate comitibus. id Eugenii felicitati tributum est, quod parum ea electione Principes sunt commoti: ne Philippus quidem Mediolanensis Amadei gener, Eugenii, ac Venetorum hostis: neque Aragonius eidē infensus causam Renati hostis summo studio defendenti, nouum Pontificem venerari in animum induxere: memoria credo superioris diffidii, vnde tantæ calamitates extiterant. aut Basiliensium Patrum auctoritate fluxa, quæ fortasse celeritate valuisset. Tamen ad annum eius seculi quadragesimum septimum in conuentu perstiterunt. quo tempore Ludouici Gallia Delphini armis disturbati, & Frideriei Imperatoris, qui Alberto successerat præcepto prohibiti, soluto raptim conuentu redierunt in patriam. Felix ipse nouus Pontifex aliquanto post pontificiis insignibus positus honore purpuræ & Sabaudia legatione à Nicolao Pontifice Eugenii successore annis consequentibus donatus est. Hic finis non vno tempore Castellæ atq; Ecclesiæ diffidiorum fuit, nouarum rursus rerum initium. quod alia narratione explicandum est.

Novi in Castella motus. CAPVT XV.

CIVILIA in Castella arma cepisse finem videbantur, quasi Aluari calamitate vniuersa prouincia expiata. cum repente & præter opinionem noui tumultus concitati sunt. Nullis finib. ambitio resistit: in omne fas, nefasq; auida rapitur ferox importunaq;: Regis imbecilla mens erat, neque curis imperii satis idonea, nisi alieno præsidio, consilioq; adiuta. ea re cognita proceres primum gratiæ, & auctoritatis locum apud Regem variis artibus captare: ante omnes Fridericus maris Præfectus: cuius erat ingenium varium, flexibile, multiplex: & quem Aluarus pro se maximē vicarium substitui rebus gerendis sua apud Regem commendatione curarat. Aragonii fratres sua se opinione deludi ægrè ferre: industriaque fructum pellendo Aluaro, ad quem minimē oporteret recidisse, dolere scilicet. rara fides inter socios asseclasque aulae: Metandis Tauri hospitii inter vtriusque partis domesticos & necessarios conuiuiis & probris initium rixæ quæri visum: in Rege parum consilii erat, parum auctoritatis proceribus

1440 coercendis. consilio eorum, qui Aluaro fauebant, Medina Campēstri per speciem ven-
tionis egressus, raptim Salmanticam abiit, amplam munitamq; in Vectonibus ciuitatem,
ineunte salutis anno millesimo quadringentesimo quadragesimo. Abeuntis vestigia A-
ragonii fratres, Comites Beneuentani, Ledesmiæ, Hari, Castanedæ, Valentia, præterea
Enecus Mendoza profecuti Madrigale sunt: adiunctis sexcentis equitibus, vim facere
Principi si obfisteretur parati. miseram conditionem pudendamque. vix Castellæ Rex ac-
ceptus Salmantica, procerum aduentu nunciato citato itinere Bonillam abiit, munitum
iis locis oppidum incolarum fide, mœniumque firmitate. Inde legati abs Rege missi sunt
ad Aragonios fratres fide ab iis accepta Salmanticam prius, deinde Abulam, quo se pro-
ceres contulerunt, eius vrbs præoccupandæ spe, vtriusque legationis princeps Guterri- 10
us Toletus Hispalensis Præsul iuit, fidei erga Regem constantia in paucis ea tempestate
nobilis, qui illi gradus ad ampliores honores fuit. parum ea diligentia profectum. proce-
res tantum idoneum hominem nacti, literas ad Regem dederunt, supplices quidē, præce-
ptis tamen ex intima philosophia petitis ad rem publicam gubernandam graues, q̄ caput
erat, in Aluarum criminofas. Rempubicam impotenter habere solitum. Bona publica,
& priuata domum auertere. iudicia inuerrere. neque humani quidquam, neque diuini
sanctum ducere. Hæc partim vera, partim ex odio afficta esse Rex non ignorabat: verum
quasi magicis cantionibus emota mente, aures surdas præbebat, salutaria monentib. ni-
hil responsi datum. contra à proceribus Hari & Beneuēti Comites ad Regem legati per-
uicerunt, vti regni conuentus Vallisoleti essent. ibi Rex & proceres de vniuerso reipu- 20
blicæ statu deliberarent: arbitris iis Comitibus de tota controuersia iudicaretur. Sic fa-
ctum, vt neque vrbes ante à coniuratis occupatæ redderentur, & denuo caperentur alia.
earum hæc sunt nomina: Legio, Segobia, Zamora seu Sentica, Salmantica, Vallisoletum,
Abula, Burgi, Placentia, Caraca. præterea Toletum ab Henrico Aragonio recens occupa-
ta est Petro Aiala dedente: qui arci præfectus, vrbi Prætor abs Rege datus, principem in
ea vrbe auctoritatis & potentia locum tenebat. Vallisoleti, quo mense Aprili conuētum
est, nihil prius actum, quàm vt fide publica Aluarus reuocaretur. Ea cogitatio Regis pe-
ctori infixæ erat: cuius voluntati repugnare periculosum, obsequi miserum erat. sed vicit
tamen metus honestatem. amplissimis verbis literæ in eam sententiam datæ ordinū con-
sensu. officio quisque Aluari gratiam præoccupare satagebat. Vrbes ad Regis potestatem 30
redierunt, Toletum in primis. De iudiciis restituendis actum: tuta non erat alioqui inno-
centia in tanta temporum licentia; vis & latrocinia vigeant, fluxa auctoritate magistra-
tuum. Frustra is conatus susceptus: quin nouæ enatæ difficultates, Henrici Principis Ca-
stellæ alienatione. Maligni sideris vi factum arbitror, vt per hæc tempora præcipuam reb.
omnibus auctoritatem aulici obtinerent, argumento horum Principum patris & filii, qui
ea fuerunt mentis & prudentia imbecillitate, vt semper alieno imperio obnoxii viuerēt.
Ioannes Paciecus Alfonso Gironio Belmontis regulo natus, Hērico Principi à primis an-
nis assuetus, morum similitudine, aut ingenii dexteritate, præcipua apud eum gratia &
auctoritate pollebat. is Aluaro euerso, à quo Principis datus erat in familiam summū po-
tentia locum, vt fecit, quærere videbatur. ea superioribus Aluari meritis gratia fuit. Inter 40
Regem & filium enatæ suspiciones sunt. se Henricus Princeps die quodam à regia sub-
duxit, nisi Regis consiliariis quibusdam loco motis, rediturum se vlllo tempore negās. vix
ad multam noctem agente Vascone socero ad patrem reuocatus est. eò maiori festinati-
onē nuptiæ maturatæ. Blanca deducēte matre ad fines Vasconum, ab Alfonso Cartha-
gena Burgenfi Episcopo, Comite Hari, Fitæ regulo, ea causa legatis Vallisoletum dedu-
cta. Nuptiæ celeberrimo apparatu ad septimum Kalend. Octobris peractæ. ludicrum mi-
litare commissum, auctore Roderico Mendoza regiæ magistro: si ludus fuit, homines no-
biles interfici. hastis exacuto ferro pugnatum. inter alios proceres splendore cultus, con-
uiuiorum apparatu certatum. & erant earum elegantiarum non minus quam militarium
rerum periti. noua nupta tantum ex virgine mulier facta non est. id rumoribus primū, 50
deinde fama vulgatum, publicam gentis lætitiā vehementer conturbauit. Ipso tempo-
re in Gallia de pace inter Anglos & Gallos actum, Burgundi Ducis opera. negotium Isa-
bellæ eius vxori datum, scēminæ regia maiestate, Lusitani Regis amite: more inter Gallos
recepto, vt auctoribus mulieribus de rebus maximis transigatur. ad Flandriæ fines, quo I-
sabella se contulit, & oratores ab Anglo venerunt, de communi pace agi cœptum, re in-
gentis molis, ac lentioris spei. Libertas Carolo Aurelianensi redempta quadringentis mil-
libus aureorum, concedente Anglo in cuius potestate erat, Burgundo annuente, ea lege
vt obliuio iniuriarum inter Burgundos & Aurelianenses esset: & cælibe is toro duceret
Margaritam filiam Cleuens Ducis ex sorore Burgundi procreatam. sic post annos vi-
ginti

ginti quinque, ex quo bellis superioribus ad Blangium captus erat, Aurelianensis patriæ & imperio redditus per sanctæ affinitatem amicitiamq; coluit. Carolus hic filius & hæres fuit Ludouici Aurelianensis, quem à Ioanne Burgundo occisum fuisse docuimus.

Castella Rex captus. CAPVT XVI.

DEcesserat in ipsa nuptiarum Henrici & Blanca lætitia Petrus Máricus in exiguo corpore magno vir animo, callidus, audax, pius tamen & in vtramuis partem se dedisset industrius. Aluari quamuis absentis (nam Scalone se tenebat) consiliis res communes gerebantur. id ægré coniuratis proceribus erat. præterea Henrico Principi: prorsus vt Segobiam relicto patre discesserit fine anni, ad Aragonios propensus. Paciecus amicorum intimus ægro animo subdebat faces. Toletum rursus occupata est, Petro Aiala intra mœnia Henricum Aragonium accipiente, contra quam expresse mandatum erat. addita noua iniuria captis fœcialibus: qui abs Rege missi erant de offensa expostulatum. Ergo Rex vt par erat commotus, eò magnis itineribus festinauit, modico comitatu, maiestate securus: aditu prohibitus ad D. Lazari substitit, ipsa militari via, qua Madritum itur. ab Henrico Aragonio ducenti equites foras portam educti. regis in periculo aliquanta spes, timor amplior: quippe exiguo numero aduersus armatos. expedita arma: subitarii operis munimenta constructa. grauis eo die calamitas extitisset. Henricus ne maiestatem violando nouam inuidiam conflaret, sese in urbem retulit. Villandrundus, cuius præcipua virtus extitit, depulsi periculi præmium tulit, extortis à Rege publicis tabulis, quibus Ribadei Comitibus perpetua lege dabatur ad mensam Regis accumbere, vestisq; qua Reges vterentur omnibus annis octauo Idus Ianuarii, præstitæ operæ monimentum, quoniam eo die ineunte anno millesimo quadringentesimo quadregesimo primo, graui metu fuerunt liberati: Torrigios discessum. in eo oppido Pelagius Ribera Malpichæ regulus cū centum equitibus relictus præsidio est. Rex Abulam contendit: eodem Aluarus abiit de instanti bello consilia communicaturus: eò coniuratorum Principum volūtates amplius exacerbatae sunt: quorum pars maxima Areuali se tenebat: ipsa etiam Regina Castellæ aduersus virum criminationibus aures præbens, in filium & fratres caritate propensior.

Episcopi Burgenfis, Abulensisq; in id oppidum legati: si qua via se daret refarciendæ concordia. parum ea legatione profectum est. A Diego Valera qui in obsequio Hærici Principis erat, ad Regem literæ datæ hac sententia: Quantas calamitates respublica ex fatali Principum discordia pertulerit, commemorare non attinet. Gentis ignominiam vulnera nostra stylo retractare graue, superuacaneumque. præterita accusare facile, remediū adhibere necessarium. De malorum auctoribus disputare quid iuuat? cuiuscunque ea culpa sit, a Deo certè humano generi rector datus, diuinam benignitatem expromere maxime debes, condonatis subditorum peccatis. Tunc clementiæ præcipua laus, cum iræ causæ iustissimæ. Patrem te patriæ vocamus: caritatis paternæ te ea appellatio admoneat ad ignoscendum promptæ, ad vlciscendum tardæ. Sed impune qui tantum iniuriarum præmittitur? an non malo cogantur, quorum animi beneficiis vinci non potuerunt? Verum. sed in facto tamen cū syncerus est animus, nulla offendendi voluntas, quamuis præpostero, iniuriæ nomen iniuste affingatur. Nulla re magis animi magnitudo, quæ magnorum Principum tibi similium virtus propria est, perspicui potest, quam iniuriis hominum condonandis. Varios & ancipites bellorum casus vitare æquum est: certamq; pacem dubiæ victoriæ præferre. quæ vt maxime esset explorata vtravis parte cadente, tuo maxime detrimēto constabit: ad quem subditorum calamitas referatur necesse est. Deum precor, vt suis muneribus perpetuitatem addat: gētis felicitatem tueatur, & propaget: nostris votis aures suas, tuas salutaria monentibus faciles præbeat. Lectæ coram Rege, deinde in senatu literæ, variè, vt cuiusque animus erat acceptæ sunt. sed tacentibus tamen cæteris,

Vnus Guterrius Toletus Antistes væcordi audacia elatus: Opem, inquit, Valera afferat: consiliorum satis habemus. Fuit Valera præstanti vir ingenio, bello bonus, ad cæteras doctes, quibus in tenui censu instructior nemo fuit, gemina legatione in Germaniam obita clarus. Extat ingenii monimentum, historia succincta de rebus Hispaniæ, cui ab auctore Valerianæ nomen est. Henricus Princeps patris accitu Abulam iuit: de ineunda concordia actum. Duæ Regina mater & socrus ab Henrico Principe, cū se Segobiam retulisset, Nieuam euocatae sunt: si iis auctoribus factiones componi possent. In eo oppido Blanca Regina Vasconum decessit ipsis Kalen. Aprilis. corpus in celeberrimo eius oppidi templo tumulatum creditur. magni id auctores tradunt. verum regii sepulcri, neq; eo loco, neque in Diuæ Mariæ Vxuensis, quo se transferri, testamento cauit, vllum vestigiū ex-

tat: vt mirari possis memoriam rei vsque adeo recentis esse oblitteratam. Dominicani eius loci sodales translata ossa affirmant: sed in quem locum non tradunt. Carolus Vianæ Princeps materni regni successor, regio nomine abstinuit à patre coactus, an sponte, an matris monitu. ingenium studiis dederat: non vt otio marcesceret, sed vt præceptis sapientiæ instructior ad rem publicam accederet. Extant ingenii monimenta. Libri Aristotelis de moribus vulgari Hispanorum lingua donati. Breuis de Vasconum Regib. historia. præterea versus non inelegantes, quos ad lyram pangere solitus erat, iuuenis meliori fortuna, patreque benigniore dignissimus. Erat vnum & viginti annos natus cum mater defuncta est. Eius obitu ineundæ pacis cōsilia disturbata: seque Castellæ Regina Areualum retulit. belli flamma in Carpetanis multis locis excitata. præcipui coniuratorum 10 duces Henricus Aragonius, maris Præfectus, Beneuentanus Comes. Aluarus, Scalonæ, vbi se tenebat, suis & Toletani fratris opibus vim præstanti animo propulsabat. variabant secundæ aduersæque res. Enecus Mendoza ad Complutum, quod oppidum Toletano abstulerat, insidiis hostium exceptus, ductore Ioanne Carrillio Casorlæ Antelato, supremum vitæ periculum adiit. amissis sociis ipse accepto vulnere cum paucis euasit. Eodem tempore ad Gresmōdam oppidum ab Aluari copiis victa coniuratorum manus. cecidit in conflictu Laurentius Daualus, Dauali quondam Magistri equitum nepos. infelicem iuuenis casum, lugubri carmine Ioannes Mena Poeta Cordubensis decantauit: præstanti vir eruditione, ea tempestate: condēdis vulgari lingua carminibus in paucis celebratus. modi rudes temporis culpa. ingenium elegans fuit, amœnum, & auribus illius temporis 20 accommodatum. Sepulchrum eius Tordelacunæ in agro Toletano monstratur: vbi consequentibus annis extinctus est. eius semper in Hispania memoria vigeat. Vno tempore à Vascone cum validis copiis in Citeriorem Castellam itum, auxilium coniuratis, quoniam hostes meliora ferebant: dispersi per agros & oppida spoliare, rapere, vi & stupris cuncta miscentes. rerum miserabilem faciem. à Castellæ Rege Medina Campestris atque Areualum, Vasconi in cuius ditione erāt, detracta sunt. Iis locis ad Naharrū pagū Eleonoram Reginam è Lusitania venientem conuenit. arcanis sermonibus de pace nihil impetratum, Regis animo nouis identidem iniuriis exacerbato. Ad Lusitanas tantum contro- uersias componendas legati sunt, qui Petrum Conimbricæ Ducem officii admonerent. idem ab Alfonso Aragonio factum. ex Italia in eam rem missa legatio. nihil præstitum ta- 30 men. Petrus imperandi dulcedinem degustarat. gētis animi in proposito externi imperii repudiandi perstabant. malo cogere non vacabat cum vtrique Principi tantum belli conficiendi superesset. itaque Regina Lusitanæ orbata viro, diuulsa à filiis, imperio spoliata, ad vitæ finem in Castella permansit. Aragonii fratres suarum rerum periculo permoti, relictis Carpetanis sese in Vaccæos citato retulerunt, rebus præsidium. Areualum memoria veteris imperii continuo portas aperuit. Medinam promota castra, vbi Rex erat. leuia pro oppido prælia facta, haud memorando in alterutram partem euentu. diuturna obsidio non fuit. quibusdam incolis aditum aperientibus, nocturno furto oppidum à coniuratis captum, sine sanguine tamen. Castellæ quidem Rex ad periculum excitatus, plateas armatis equitibus occuparat. multitudo domi se continebat: periculi metu an ciuilis bel- 40 li execratione ad arma segnis. Aluarus, Toletanus Præsul eius frater, Magister Alcantaræ, Regis monitu, hostes in eorum capita potissimum sequituros, per auersam portā fuga euaserunt mutata veste, inuolutisque capitibus inter hostium cuneos ignoti. Armatum Regem coniurati quasi supplices adeunt: ad genua prouoluti manum deosculandam petūt: quasi obsequio prompti, certantesque minime grato in regiam vsque deducunt. tunc victi victoresq; in mutuos amplexus ruunt. ciuilia arma mœsta lēticia detestantur, vnde spes & præmia nulla, certa funera & luctus vtriusque parte vincēte. Accurrere Regina atq; Henricus Princeps: multoque sermone & arcano cum Rege habito, aulæ ministeria mutant, Aluari odio. Guterrius Archiepiscopus Hispalensis, Ferdinandus Toletus Albæ Comes, Barrientus Segobienensis Episcopus, oppido discedere sunt compulsi. fidei erga Regē con- 50 stantia grauissimum crimen erat. amicitia illis tamē cum Aluaro inita opponebatur, motibus pacandis impedimento futura. Actum de fœdere: neque licebat repugnare, cum Rex captiui instar teneretur. arbitri delecti sunt cū summa decernēdi potestate, Castellæ Regina, Hēricus filius, Fridericus maris Præfectus, Albæ Comes ea causā curiā reuocatus. Ab iis sententia in Aluarum pronunciata. Vt toto sexennio intra designata ditionis oppida se contineret, mandatum. neue ad Regem scriberet, nisi exemplo literarum cum Regina, & Henrico Principe communicato. Ne noua fœdera faceret: aut milites suis stipēdiis aleret. In eam rem Ioānem filium & nouem arces intra diem trigesimū obsidum loco traderet, sequestris quibus à iudicibus esset mandatum. His rebus nunciatis, Alua- rus

rus supra quā dici potest cōmotus, neq; tenere lachrymas, neq; à cōtumelis tēperare. Quāli ambitionem interpretabantur: alii bonum ingenium contumelia irritatū excusabant. in ægritudine tamen casuq; nouas resurgendi excogitare rationes: verum parum fidei erga proiectum erat: & omnes aditus erant præoccupati. se coniurati nouis affinitatib. confirmabant. Ioanna Friderici maris Præfecti filia Vasconi, Henrico Aragonio Beatrix Beneuentani soror in coniugium pactæ sunt. Diegus Sahdoualius Castri Comes, Henrico Principi ea tempestate assiduus magno vir ingenio vtriusque connubii auctor: quò deter sis inter Principes suspicionibus in vnam euertendi Aluari curam, vti fecerunt, coniunctioribus animis incumbere.

Neapolis ab Aragonio capta. CAPVT XVII.

- SVblato ciuili bello, nonnulla quies esse cœperat in Hispania: festa que lætitia, per vrbes & oppida. Neapolitano bello Italia vniuersa æstuabat. Renati vires, mora conseruauerant. vxor & filii Massiliam erant amandati. quæ res magnam desperatæ victoriæ significationem continebat. sic multitudo interpretabatur, prona semper in deterius credulitate. Magna famæ momenta in bello sunt. magnæ ex eo tempore animorum inclinationes factæ, præsertim Iacobo Caldora, in quo rebus certum præsidium erat, propter eximiam rei militaris scientiam, extincto. cum Circelli collem pontificiæ ditionis diripere pararet, repente exanimatus, inter suorum manus in tentorium delatus, breui animam efflauit. reliqui Caldoræ, quæ familia præpotens erat, ad Aragonios respicere. Auerfa capta. Brutii dediti. ad Troiam Apuliæ urbem Sfortiani prælio victi. reliqua omnia prona erant. Ab Eugenio Pontifice, Venetis, Florentinis, Genuensibus, ad pellendos Aragonios tota Italia, vires denuò sociatæ sunt. Tridentinus Cardinalis cum decem millibus militum in fines Neapolitanos incurrit. in collectio exercitu, moribus, voluntate, studiisq; discrepante, parum præsidii fuit. quin ipso tempore Aragoniæ copiæ Neapolim ductæ. Renatus (vbi belli summa vertebatur) urbem defendere conatus sese intra mœnia tenuit: ciuium credo inconstantiam veritus, an viribus diffusus, si æquo Marte configeretur. Commeatus & auxilii aliquantum à Genuensibus est allatum: sed exiguum id leuamen erat præ urbana multitudo. creuit annonæ, ingentiq; pretio tritici modius constabat. fure qui in publico consilio, faciente animos fame, Renato suaderent, vti quacumq; ratione cum hoste pacisceretur. ducebatur obsidio. famis malum augebatur. duo fabri cæmentarii Anellus & frater, qui in castra transfugerant, urbem haud magno periculo capi posse, docent. Si præmium operæ sit, aditum se monstraturos. Erat aquæ ductus subterraneus, per quem ad urbis commoditatem, ex vicino fonte aqua in puteos diducebatur: ducenti viri fortes delecti sunt: omnesq; transfugis parere iussi. ascensus erat difficilis, angustus aditus. plerisq; deterritis, aut pondere corporum impeditis quadraginta secuti sunt prægredientes fratres. Dolabris conuulsi lapides vbi morabantur transitum. timidos insolentia itineris, duces confirmant verbis exemploq; leuantes nonnunquam manu. magno nisu ad priuatæ domus puteum peruentum. muliercula, cuius ea domus erat, visis militib. continuo exclamat: proditura insidias nisi celeriter oppressa vox esset. Sol exortus erat, nihilque Regi significatum, metu an negligentia. omnes cæcos esse creditum. copiæ tamē, quæ paratæ erant ad muros succedere iussæ. remissa pugna est, cum nihil in vrbe nouari cernerent. Quadraginta milites, siue ad clamorem pugnantium exciti, siue re necessaria compulsi (nam insidiæ detectæ erant) vicinam muri turrim desertam custodibus, occupant: cui Sophiæ nomen est. accurrit Aragonius præsidio futurus: accurrit Renatus ad periculum. eratque turrim recepturus, deturbatis Aragoniis: sed subito ac improvisò inuecti nostri pleno gradu, formidinem incusserunt. vnde illis terror, Aragoniis qui turrim ceperant, animus creuit. multis partibus oppugnatio erat. aliquot tandem portis refractis, in urbem irrumpitur. Renatus, cui potissimum parti, aut loco succurreret incertus, cum nullū prudentis Ducis aut strenui militis officium prætermisisset (nam sua manu plures ex hostium numero trucidarat) in arcem sese recepit. Direptæ nonnullæ ædes. à cædibus temperatur. mox ingresso Rege, prædæ quoque finis est factus. Per hunc modum Neapoli Aragonii potiti sunt, Sabbatho postridie Kalend. Iunii salutis anno millesimo quadringentesimo quadagesimo secundo. Milites pro concione laudati, donatique pro cuiusq; merito magnifice: ante alios Semenius Vrrea, Raymundus Boillius, Petrus Cardona, præcipui copiarum duces. neque Petrus Martinius militibus aquæ ductum subituris dux datus debito præmio fraudatus: ne transfugæ quidem, maioribus quàm eorū fortuna caperet promissis ad audendum incitati. Notabant rerum periti, eodem prope fato & arte à Belisario eam urbem de Gotthis fuisse captam. Renatus, amissa nobilissima vrbe, ac nulla reliqua spe, incolumitatem sibi suisq; aliquando post pactus, ad Eugenium Florentiam, atq; inde

in Galliam concessit. Eius discessu reliqua procliuia fuere. Marfi, Peligni, Apuli breui additionem subiuncti. quicunq; eatenus Aragonii imperii iugum subire detrectarant, superiores offensas officio compensare, certantes festinantesq; ne morando victoris irā exacerbarent. Sic Italia pacata magna ex parte, Hispani nondum planē quiescebāt, quamuis diuturnis fessi malis, paceq; inter Principes facta, discordes antea, & tunc contēptu regentium minū coercitis odiis. Minuta colligere longum: præcipua diffidia hæc fuerūt. Ludouici Gusmanii Calatrauæ Magistri salute desperata decumbentis locū, ambitione præpropera, duo præ cæteris eximii viri obtinere contendebant: Ioānes Gusmanius Promagister ordinis, Fernandus Padillia Clauiger. ab hoc militum animi præoccupati erāt: Ioannes nullam spem honoris adipiscendi, nisi in audacia, & temeritate ratus, cum manu militari Calatrauæ oppida occupare pergit. Clauiger eo conatu cognito, cū quadringentis equitibus obuiam procedit. ad Baragiam agrum in acie dimicatum. victus Ioannes captusq; est. duo filii in pugna occisi. Oppressi æmuli præmium Padillæ datum, quod petebat. in Magistri locum subrogatus est, quamuis obsistente Rege, atque eum honorē Alfonso Vasconis filio notho dari expetente: tanta contentione, vt nouo tumultu ad manus ventum fuerit. Dum Calatraua obsidetur ab hoste Vasconis filio, nouus Magister qui intra oppidum erat, lapide iectus est per imprudentiam, à suorum quodam in hostē emisso. eo sublato Alfonsus æmulus Calatrauæ Magister institutus est. Cantabri, gēs valida & indomita bifariam tumultuati. primūm hetæriis atq; societatis. inter se constitutis, atque à Rege confirmatis, impetus in nobilium arces & fortunas factus. Petrus Aiala intra Saluateram suæ ditionis oppidum circumfessus, accursu Hari Comitis propinqui seruator. In quo eximia fides fuit. nam lectis Aialæ literis, quib. Auxilium petebat, periculum renunciabat: in agro vbi fortē corpus exercebat, tentorium erigi iubet, nisi propinquo liberato rectum non subiturum iuratus. Mota præterea eo tractu vetus religio est. Fratricellorum sectæ semina Durāgi excitata impuræ fœdæq; de infectis ea persuasione quæstiones tormentis habitæ. pleriq; viui combusti. Alfonsus Mella è Franciscano ordine Dux sectæ, iudicii metu Granatam fugit, puellas magno numero secum ducens: quæ turpem vitam exegerunt inter barbaros. ipse qua causa incertum, sed calamis tamē à Mauris per ludum petitus confususq; periit. vitæ exitus consentaneus. huic Ioannes Mella frater fuit Zamoræ tunc Episcopus, deinde Cardinalis. In Lusitania Octobris fine, Ioannes Lusitani Regis patruus ad Salis arcem seu Salaciū decessit tres & quadraginta natus annos, Magister equitum, idem D. Iacobi Magister. ex Isabella vxore, Alfonso fratre Brigantino Duce nata, Diegum reliquit: cui paterni honores sunt dati: filias tres, Isabellam, Beatricē, Philippam. vnde magnorum Principum stirpes constabunt.

Viri insignes. CAPVT XVIII.

Salonē se Aluarus tenebat, ex quo de gradu fuerat deiectus, neq; nulla neq; magna spe pristinae auctoritatis recuperandæ. ingenii, satis diligentia habentē fortuna seu vis altior destituit. eius frater Toletanus præsul Talaueræ extinctus erat, pridie Nonas Feb. grauis calamitas tanto repente sublato præsidio. supererat Rodericus Luna, quē ex patruale natum, Compostellæ superiori tempore Episcopū dederat, quāuis non satis idonea ætate. verū parum in eo reb. asperis subsidii fore cernebatur. & erat ingenio prauo maloq; perditis morib. Proceres in ea temporum perturbatione, id se habituros confidebāt, q; primi occupassent. à Petro Suario Ferdinādi Oropesæ reguli filio Talauera capta, vix Rex ipse Castellæ, cū ex Vltiori Castella accurrisset, in oppidū est exceptus. Defuncti Præsulis funus in tēpli Toletani sacellū delatū est: q; Aluari impensa. extructū erat magnificentissimū. De successore deligendo cōtrouersia excitata. duo præ cæteris cādidi opib. præstabant. Garfiā Osorium Ouetensem Episcopū, Præfecti maris propinqui fauor subleuabat. Guterriū Toletum Hispalensem Præfulē Aragonii fratres: penes quos rerū potestas esse cœperat. is in contētionē vicit magno vir animo, mediocri statura, conspicuus forma, candidus, flaua cæsarie, doctrina excultus, sincero reb. gerēdis animo, seuerior aliquāto, quàm ætatis mores ferre possent. eò nonnullā inuidiā cōflauit. brevis pontificatus, ac fere trium annorum fuit. Fernandū Albæ Comitē Casorlæ ipse Antelatū iussit. Guterrii æmulus Garfias Hispalensi Episcopatu donatus est. Diegus Auriensi Ecclesia Ouetū translatus. Auriensis Ecclesia Ioāni Turrecrematæ cōmendata, ex Dominicano ordine Sancti Sixti Cardinali, multæ eruditionis viro, vt editi libri magno numero testantur. defensa de scripto Romanæ Ecclesiæ maiestate. in tāta tēporum colluione labeq; immortalē laudē consecutus est. Turrecrematæ æqualis, vt in minori ætate, fuit Alfonsus Tostatatus Madrigale in Vaccæis patria, scriptorū mole, cognitiōe antiquitatis, multiplici eruditione ad miraculū clarus. Sermonis elegantia defuit, nōnulla iniuria ne cū quouis antiquorum cōferatur.

annis consequentibus Abulensis Episcopus creatus est. iunior Senis in Hetruria, vbi Eugenius Pontifex erat, theses magno numero ex intima Theologia depromptas, disputandas publice more Peripatetico proposuit. in iis, locis aliquot offendisse Eugenius Pontifex edito diplomate notauit. dicato opere Turrecremata Cardinalis: defēdit rursus Tostatus libro, cui Defensorio nomen fecit, in Pontificum etiam auctoritatem inuectus, iniuriusque præ studio tuendi placita. Atq; hæc fere accusabantur capita. Christum Deum occisum ineunte ætatis anno trigesimo tertio: neque ad octauum kal. Aprilis, vt vulgò veterum sententia est, tertio Nonas eius mensis in crucem actum. Nulli quidem peccato veniam denegari, quanta vis turpitudine ipsius, quacunqueve delinquentis conditione statuque: à pœna tamen & culpa Deum non absolvere. multo minus sacerdotes iure clauium. Quod ille dictum subtili interpretatione explicabat: plerosque nouæ vocis insolentia conturbabat.

Libri vigesimi primi Finis.

IO. MARIANÆ HISPANIÆ
E SOCIETATE IESV,
HISTORIÆ DE REBUS
HISPANIÆ,
LIBER XXII.

Rerum Hispania status. CAPVT I.



HISPANORVM Res in Italia meliori in statu, quàm in Hispania erant. in similibus ingeniis pro conditione rectorum mores fortunaque variabant. Aragonio Regi animus ingens erat, gloriæ maior cupido quam voluptatum: vigilare, laborare, locis omnibus adesse, corpus nullo labore fatigari, calor ac frigoris peræque patiens. quibus virtutibus, clementia, liberalitate, morum facilitate, vtriusque gentis studia promereri non desistebat, haud ignarus in ciuium beneuolentia certissimum præsidium rebus fore, in metu periculum, exitium in odio. In Castella non sublata Aluari potentia, sed dominus commutatus, Vascone alienæ dominationes nō vindice, sed

vicario, Rege Castellæ nunquam sui iuris & mancipii: quæ magna calamitas fuit, nouorum diffidorum origo. Inerant nonnulla bona, sed maiora vitia superabant. corpus procerum & candidum: verum elati humeri, facies indecora. iudicium intelligens poetices & musicæ studiis oblectabat: venationi, & ludis militaribus deditus idoneusque. exiguus animus. curæ imperandi graues, atque adeò intolerandæ. breui auditu quamlibet magna transire, satis magnum imperii fructum ratus, si otio, desidia, voluptatibus marcesceret.

Aulici, ac is maximè cui rerum permisisset arbitrium, Principum legationes audire, responsa reddere, fœdera facere, dare honores & magistratus, regnare alieno nomine, pacis, belli, legum, institutorum arbitri moderatoresque. pudendam Principis socordiam, ac turpitudinem fœdam. Exolescente nimirum veterum Castellæ Regum indole virtutum, non secus atque in satis, & pecudib. semina cælo, terra, tempore maximè mutantur, degenerantque, præsertim sede mutata. sic ardens Principum ingenium copia plerumque voluptatum extinguitur in posteris, euanescitq;: ni vitia institutione corrigantur, coniugum delectu ex durioris hominum genere petitarum, sanguis flaccescens excoquatur, & ad pristinum competentemque habitum reformatur, maiorum mollitie in fortibus castigata. Magnis imperiis nihil est negligendum: audaciaque aulicorum, ante-

quam radices agat, in ipso exortu vindicāda. inueterata velut iure suo fruit: neque euer-
titur, nisi magna multorum ruina, sepeque oppressis ipsis vindicibus. Accusare præterita
superuacaneum/esset: nisi ex alienis vitiis instituendę Principum vitæ atq; conforman-
dæ præcepta repetantur: quantumque desidiæ vigor animi præster, duorum Hispaniæ
potentissimorum Regum exemplo dignoscatur. Aragonius post captam Neapolim cete-
ris vrbibus & arcibus, quæ in Andegauensium fide erant, ad deditionem subiunctis, con-
fecto bello in nobilissimam urbem triumphum inuexit quarto kalen. Martii, eius sæculi
1443 anno quadregesimo tertio veteri Romanorum instituto, curru inaurato sublimis agen-
tibus quatuor eximii candoris equis, præcedente alio æque candido. currum pedibus
sequebantur totius regni reguli optimatesque: præibant viri sacriati cum infulis & vela-
mentis Deo & superis concinentes carmen. circumfusa multitudo diuturnum, felix fau-
stumque imperium acclamabat. Lauream capiti non imposuit, eum honorem superis
habendum dictitans, quorum ope victoria parta esset. Viæ constratæ floribus, multa ve-
ste pretiosa recti parietes, varia odorum suauitate cuncta fragrant. nullus dies iucun-
dior illustriorque illuxit, victis æque ac victoribus. Conciliandi Eugenii Pontificis cura
solicitabat, minus iam ad Gallos propensi, Senis vbi Pontifex erat, Iulii Idibus fœdus ea
lege factum: vt Neapolitanum regnum Aragonio cederet, & post eum Ferdinando filio,
quem ex impari quamuis matre Rex in conuentu Principum eius quidem imperii hære-
dem designarat. Aragonius annuas vncias auri (genus id monetæ est) octo millia in Pon-
tificum erarium inferret: operamque nauaret Francisco Sfortia impugnando: qui Me-
diolanensi affinitate superbus, Picenum magna ex parte occuparat. Plus præstitū, quam
promissum. à Rege ipso capta arma, multaue oppida & arces in Piceno agro, Sfortianis
detracta restitutaque Pontifici. quorum nomina, ac totius belli successus vt memoriæ
prodantur, operę non est. Expetentibus, Genuensibus pax ea lege est data: vt annuatim
peluim auream iusti ponderis Alfonso quandiu viueret, penderēt. quasi ex victis illis trō-
phæum cum in populi conuētū accipere solitus esset, quia graue fœdus haud diuturnum
fuit: neque vltra quartum annum stetit. Vasco etiam susceptam in Castella rerum pote-
statem acerbius exercebat: eo imperium minus diuturnum fuit. durant enim moderata.
Castellę Regem captiui instar habebat. insignem audaciam confidentiamque. in alieno
regno in pace, tanto Principi sermonis etiam liberi commercium abstulisse, adhibitis
custodibus Henrico maris Præfecti fratre & Roderico Mendoza regiæ Magistro: qui
sermones adeuntium Regem & vultus notarēt. Erant in eandem fraudem inducti, Præ-
fectus maris atque Beneuentanus Aragonia affinitate denincti, Henricus Castellę Prin-
ceps, atque Regina. Ramaga, Madrigale, Tordesilla Vacceorum oppida abs Rege Castel-
lę lustrata. Barrientus Abulæ Pontifex rei indignitate commotus, & ex arcano Aluaro
fauens, eius restituendi tempus venisse ratus Ioannem Paciecum adit, rerum statum de-
plorat. Aragoniorum vēcordiam detestatur. Quidquid in Regem admissum esset Hen-
rici Principis ignominia peccari. Quibuscunque moribus & ingenio, parentem esse ta-
men. Si rebus gerendis impar esset, non externos homines Aluaro prohibito in eius lo-
cum, sed ipsum potius reponi æquum fore, & paterna cessatione rerum moderationi ad-
1444 moueri. Quid enim Aluari casu lætemur, si eo submoto nihilominus seruituri eramus,
,, peiori conditione propter acerbiteratem, maiori periculo ob ambitionem imperantium?
,, An credis vicaria potestate fore Aragonios contentos? vt est animus mortalium inexplē-
,, bilis, ad vltiora (mihi crede) contendunt. parto externo imperio feroces noua in Hi-
,, spania regna meditantur. An Henrici secundi memoriam excidisse putas? iniuria Castel-
,, lam occupasse animis infixum habent. exitium vestrę familię moluntur, nisi perierint
perdituri. Mouebatur Paciecus Pontificis oratione: eumque vera prædicare, salutaria
monere non ignorabat. conturbabat tamen viriū imbecillitas: & vt pares essent Aragōiis
opibus verebatur. audendum tamen atque conandum visum est, tentādasque procerum
voluntates: an satis esset animi ad euertendam Aragoniorum tyrannidem. Ea vt rectius
perfici possent, Henrico. Principi persuasum Tordesilla vitata se se Segobiam conferret,
quasi venatione remissurus animum: inde ad Aluarum literæ datæ. Forte duo Comites
Hari, atque Ledesmię, qui Regis dono Placentiæ iam Comes vocabatur, Curiele cōue-
nientes de Rege liberando consilia comunicabant. ea res Henricum Principem Torde-
sillam necessario reuocauit. disturbati ii proceres atque fugati ab Aragoniis. nouorum
dissidiorum fundamenta ponebantur. Vasconis & Ioanne nuptiæ ipsis Kal. Septembris
salutis anno M cccc quadregesimo quarto omnium fere Principum, & duarum, Regina-
rum Castellę nimirum & Lusitanæ concursu, ad Lobatonem peractæ sunt. Henricus
Aragonius per idem tempus suis ipse nuptiis Cordubę celebratis factionis opibus in
Bética

Betica confirmandis diligentem operam dabat. Ad Francorum Regem Diegus Valera legatus, per causam Armeniaci Comititis nuper capti à Delphino, & Martino Alfonsi Gygionis Comititis filio, liberandi. cum Anglis sensisse crimen erat: data tamen libertas ea lege: ut si quando fidem falleret, oppidis Ribadeo, & Canicis, quæ in Asturibus possidebat donò Regū Castellæ, an hereditate spoliatus Cantabriæ etiam finitimæ viribus oppugnaretur. Cum Henrico Principi Aluari euertendi restituendiq; vno tēpore consilia cōmunicata. Vasco euertendum suadebat: in eam rem vires sociandas. Barrientus Patiecusque restituendum iudicabant: maturandumque priusquam ex molitiones proditæ essent: eo consilio, ad Vasconem distinendum fallendumque de incundo cum eo fœdere actum.

10 Interea Henricus Princeps Segobiā rediit. Comites Hari, Placentiæ, Castanedeque vt vires iungeret sollicitati, adiūcti Albē Comes Ferdinādus Toletus cū patruo Toletano Præsule, atq; Encus Mēdoza. Vbi ad Aragonios impugnādos satis esse viriū est visum, Abulā, quo Princeps abiit, fœderati cōuenire iussi sunt. mille quingēti equites cōtracti, nomē magis exercitus, quā robur. eodem Aluarus venit. Pecuniæ redigendæ in stipendiū difficultas opponebatur. Burgos festinatum: vbi alii fœderati proceres erant. Castellæ Rex Portillium amandatur. eius custodiendi cura, Comiti Castri imposita. Vasco raptim delectū habito, duo equitum millia in proceres ducit, nouis identidem copiis confluentibus validiores. Ad Pampliegam in Burgēsi agro, castris collata castra sunt. vtræque acies patienti campo, modico distantes interuallo constiterunt. affuere viri sancti ad periculum exercitiis auctoribus de pace agi cœptum. pene res confecta erat: cum leuis pugna cœpta temerè, confluentibus ab vtraque parte militibus, in iustum prælium exarsit: multum diei processerat. nocte direptum certamen est: seque Vasco virium conscientia tenebris tectus Palentiam retulit urbem satis munitam. nouum Vasconi accessit incommodum. Rex Castellæ Portillio quasi ad venationem egressus, Mogiādo oppido prænsus apud Diui Petri Cardinalem, dimisso abs se Castri Comite ad filium in castra abiit. Regis libertate vires coniuratis concidere. Vasco ad reparandum bellum, in Vascones abiit: proceres coniurati ad suæ quisque ditionis oppida: Henricus Aragonius Ocaniam. Aragonia oppida in Vltiori Castellā Regiis occupata: Medina Campestris, Olmedum, Roa Arandaque. Henricus Aragonius ab Henrico Principe, atque Aluaro fugatus in

30 Contestanos, ab Alfonso Fagiardo (qui partibus infectus erat) Murcia Antelato, Lorcæ intra mœnia exceptus est firmissimi iis locis municipii. sic in præfenti vitatum periculum, nouæque auctoritatis & potentia recuperandæ spes tentatæ. Hæc in exitu anni gesta sunt: quo anno Nonis Iulii Ferdinandus Lusitani Regis patruus in Africa decessit. corpus in vrbe Phuthensi tumulatum, consequentibus annis in maiorum sepulchra ad Aliubarrotam illatum est miraculis clarum: sic gens Lusitana persuadet, dedita religionibus, cultuique suorum Principum maxime. eius memoria consecrata templisque data non est: vita sancta, mores castissimi fuerunt, muliebri nunquam fœdati contactu. nunquam in vita mentitus est. Deum ardentissima pietate coluit. Quas virtutes in hoste admiratus Lazerachus, in cuius potestate erat, nunciata morte obstupuit primum. deinde, dignus,

40 inquit, erat immortalī laude, nisi Mahometi Vati tantopere infensus extitisset. Magnum atque admirabile virtutis numen, quod à prauis etiam & infensis pectoribus extorquet laudem. Ex Gastone Fuxensi Comite & Eleonora Vasconis minori filia, filius item Gasto natus est, brevis ætatis futurus, paternas auitasque opes, hereditatemque Francisco & Catharinæ, qui postea sunt ex eo quidem & Magdalena coniuge geniti, relicturus: vti locis competentibus explicabitur.

Pugnatur ad Olmedum. CAPUT II.

50 **P**VLIS Aragoniis fratribus lux rebus aliqua affulisse visa est, sublato tātisper bello magis quā belli metu. Medinæ Campestris Castellæ conuentus agitati: nouaque pecunia imperata est in stipendium: non quantam res exigent, sed quantam populi pati possent, multiplici imperio fessi, & sæuissimum bellum execrantes. Eodem se Henricus Princeps & Aluarus retulerunt, D. Jacobi oppidis magno numero de Henrico Aragonio captis. de belli summa deliberatum: quod gratissimum imminere prouidebatur: & erat Vasco per Atiensæ fines, quod municipium præsidio obtinebat, in Carpetanos inuectus. sequebantur equites quadringenti, pedites sexcenti. maior quam pro numero belli terror: prouinciales pars infecti partibus erant: plerique citra periculum fortunarum spectatores belli quā participes esse malebant. Torigia, Complutum aliaque oppida à Vascone capta sunt. Castellæ Rex, ne prima negligendo

serperet malum, copiis raptim contractis, Spinale abiit. Parum virium erat tantis molitionibus. Lusitaniæ Regina Toleti obiit Februarii die octauo decimo anno mcccc quadragesimo quinto ineunte. paucis post diebus Maria Castellæ Regina, ad Villacastinum in Segobienfi agro decessit. noxio medicamine herbisque lethalibus corrupta, vtrique vitalia coniuncta funera, repentinique obitus indicio fuerunt: maculisq; Mariæ extinctæ Reginæ corpus respersum. auxit vulgi opinionem, quod haud satis honeste pudicitiam habuisse, frequenti rumore iactabatur. Lusitaniæ Regine corpus in D. Dominici regio virginum collegio, vbi domicilium habebat, compositum est: inde Aliubarrotam translatum filii Regis cura, alterius funus in Guadalupeum templum illatum. obierat per idem tempus Lupus, Mendoza Compostellanus Præsul. in eius locum Aluarus Isorna Concha 10 est translatus. Barrientus Conchenfis Episcopus institutus, gratia meritis debita. Alfonso Fonseca, Abulenfis Ecclesia data: vnde illi gradus ad maiores honores fuit, viro ardentis ingenii, multarumque imaginum. Spinali Madritum Castellæ Rex abiit: inde Cōplutum ab opidanis euocatur. Vicinis locis tendebat Vasco Hērici fratris aduentum aucto militum numero, omnino ad mille & quingentos equites. cum his copiis vicinos montes occupat, vbi vetus Complutum situm est, arduo & difficili ascēsu, nisi de suo loco non pugnaturus, virium conscientia si æquo campo cōgrederetur. Ex iis locis Ferrerius Nufa ad Aragonum legatur, si bello Neapolitano confecto in animum induceret in Hispaniam redire rebus præsidium, belli pacisque arbiter. ad eundem à Castellæ Rege legati erant viri primarii, qui de illatis à fratribus iniuriis conquererentur. Nihil à Regiis ad Complutum motum. Aragonii superatis montibus, quibus Tablatæ nomen est, Areualū festini contendunt: quo procures coniurati venturi erant. iisdem vestigiis Castellæ Rex insecutus, modico inter vtraque agmina spatio. vno die Areualum vtręque copię perueniunt. à Vascone oppidum vi præoccupatum est: nam spe propinqui auxilii ei portas clauserat. de consilii auctoribus supplicium sumptum. fides eximie culta extio fuit, patriæque intempestius amor. Regia castra ad molas frumentarias, quibus ab abbatibus nomen est, metata. duo equitum millia erant, par peditum numerus. Henricus Princeps, Aluarus, Paciecus, Eneus Mendoza, Albæ Comes, Barrientus Pontifex venere. ad Aragonios maris Præfectus, Beneuentanus, Quignonii, Castrī Comes, Ioannes Touarius. horum procerum aduentu mille equites adiuncti. colloquia principum vtriusque partis sunt habita. tempus extractum. Magistri Alcantaræ aduentum expectare arte cupiebant. ea Barrienti Episcopi calliditate Regiis viribus confirmatis, expedita ad pugnam arma. Aragonii neque obsidionem diu tolerare poterant, nullo commatu: neque ad pugnam idonei erant, ob virium imbecillitatem. ad extremū illud ventum: missi in castra faciales Angulus, & Cuellar Vasconis scrinio præfectus. ii facta conueniendi Regis potestate, causas exponunt cur iure licuisset arma sumere, nulla nocendi voluntate, sed necessitate prohibendi iniurias, reipub. in libertatem vindicandæ: quæ misera seruitute premebatur. Si Aluaro amoto, vt instituisti, tui arbitrio Rex regnū capeesses, morā haudquaquā, modo æqua & honesta cōditione pacisci liceat, paci faciem. Tu vide ne aures difficiles præbēdo, incēsa, vastata, direptaq; prouinciæ causa existas: quæ mala 40 a nobis esse sincero animo deuitata, superos hominesq; testamur: hancq; legationē nullo metu, sed trāquillitatis studio reuocādę susceptā. Hęc cū ardenti oratione pronūciassent, schedā eadē continentē capita, Regi in manus tradiderūt. Eo maturius consideraturū dictitātī, inter moras biduo post ad quartū decimū Kal. Iunii, qui dies Mercurii fuit, pugnādi necessitatē casus attulit. Hēricus princeps iuuetā feruens, muro cū quinquaginta equitib. successit, ad pugnā prouocaturus hostē. egrediūtur illi pari numero. à tergo cataphracti sequebātur. ea specie Regios equites territos, & in fugā versos Aragonii ad ipsa castrorū munimenta insequūtur. Grauis ea ignominia visa est. regiæ copię instructæ ad pugnam, productęq; in aciē. In primo agmine Aluarus curabat: à frōte & laterib. quingēti cataphracti muniēbāt, ductorib. præcipuis Alfonso Carillio Seguntino Episcopo, eius fratre Petro 50 Acunio Donniarū regulo, Eneco Mēdoza, Albę Comite. secundū agmē Hērico Principi est attributū. sequebantur à tergo Guterrius Sotomaior Alcantaræ Magister cū trecentis triginta cataphractis. in Postrema acie Rex erat, Toletanus Episcopus, Hari Comes. claudēbāt latera Prior Hospitalarius & Diegus Stunica ab vna parte: ab altera Rodericus Mēdoza regiæ Magister, & Petrus Mendoza Almasani regulus. ad multā diem in acie perstitū: neq; aliquid ex oppido mouebatur. Vix septima diei pars reliqua erat: & regię copię in castra reduci iussæ. tum Aragonii clamorem tollere, atq; portis erūpere, rati noctem vicinam & victis munimento fore, & si vicissent nullo impedimento: quod locorum notitia & equitatu valerent. Ab equitibus leuis armaturæ pugna cœpta, aliorum accursu exarsit.

Aragoniae copiae bifariam diuisae, pars ductore Hérico Aragonio in Aluati agmē incurrit. Vasco, contra Henricū generum dimicauit. acriter ab utraq; parte pugnatum est. Alcantara Magister, & Enecus Mendoza subsidio suis laborantibus accurrunt. metu vincentē pudorem ab utraque parte multi diffugiunt. Aragonii numero pauciores ab hostium multitudine vexati. iamque dies consumptus erat: cū Vasco Henricusque uterque cum turma peculiari, vagari per acies, laborantib. suis succurrere, hostes, vbi cōfertissimi erāt, inuadere, locis omnibus adesse. quoniam imperare cōturbatis omnibus nō licebat. noctis tenebris pudore sublato sese Aragonii in pedes dant. dilapsis sociis. Aragonii fratres Olmedū se receperūt. Beneuetanus & Praefectus maris in alia oppida cōfugerūt. Comes Castri, 10 Henricus maris Praefecti frater, Ferdinādus Quignonius in pugna capti: praeterea ducēti alii. cedes exigua fuit, septē & triginta in acie ceciderūt; ex acceptis vulnerib. deinde perire plures alii. oppidi munitione diffusi Aragonii fratres in Aragoniā cōcubia nocta festinarūt, vitatis oppidis ne qua mora esset. Henricus Aragonius Calataiubē breui extinctus est ex vulnere, quod in sinistra acceperat, noxio, vt creditū est medicamine contabescēte brachio, vir magni quidem sed inquieti tamen animi, neque otium patientis. Corpus in eo oppido sepultum. proles de nomine patris haud leuiore illo turbas concitabit. à victoribus lecta spolia: literaeque in omnes partes sunt dimissae: quibus parva victoria nunciabatur. loco praeterea vbi pugnatum est regia impensa, vota aedicula extructa, Sancti Spiritus nomine, pugnae monumentum, vnde loco etiam Pugnae indita appellatio est.

Nuptiae Ferdinandi Neapoli. CAPUT III.

20 **M**eliorē in Italia cursum res Aragoniae tenebant. cesserat Picenum Alfonso Regis armis. Sfortiani urbibus & oppidis, quae iniuria occupauerāt spoliati, Rege digresso non quiescebant, memoria rerum in Italia gestarum insolentes. Aragonius rogatu Pontificis Eugenii, id bellum repetiturus, ad Populi fontem, quod oppidum non procul Theano est, cum copiis progressus, eo procures cōuenire iussit. affuit cum aliis Antonius Centilia equites trecentos ducens. Is paterna stirpe Centilia, materna Vintimilius, fortem & fidelem operam bello superiori nauarat, Brutiis, Calabris, Consentinis, subiugandis, grandi etiam pecunia ex priuatis facultatibus in stipendium redacta. Henricotam 30 Rufam, Cotronis Marchione genitam principatus heredem, Rex Eneco Dauolo destinabat, praestitae operae praemium. dederatque negotium Antonio. puellam ille sibi festinatis nuptiis iunxit. aucta ex eo potentia creuit audacia. dissimulata in praesens offensa, mox redditum odium est. in necem praepotentis aulici Regique carissimi conspirasse postulatus, metu iudicii ē castris regiis, quae ad Populi fontem erant, profectus non prius constitit, quam ad Catantianum suae ditionis oppidum est peruentum. Commotus ea re, vt par erat, Rex Lupum Vrram, & duces alios in Picenum mittit. ipse ne recenti imperio prima negligendo glisceret malum: aut offensa negligendo, contemptui prouincialibus esset, impunitatisque spes audaciam confirmaret, Neapolim rediit. missi qui Antonium ad sanitatem reuocarent. surdę aures erant monentibus salutaria. ad arma ventum. Rex ipse in Brutios abiit. Roca Bernarda, Bellicastrum primo aduentu capta. Croto obsidione 40 quot diebus sustentata, portas aperuit, maioris mali metu. Ad Catantianum, vbi Antonius vxor & filii ac supellex domestica erant, promota castra. leuia modo praelia fuere. desperata defensione, cum se alii procures non commouerent, largi promissis, in periculo cauti, veniae spem tentat, impetratque ea lege: si se Antonius suaque victoris fidei permetteret. Eam urbem & Turpiam arcē dedere iussus, Neapolim cum vxore, liberis, & domestica supellectile missus est: grauique documento sancitum, in obsequio praesidium, in contumacia exitium esse. In Ioannem Nuczum Insubrem praecipuū defectionis auctorem, seque Consentiae tenentem, impetus factus. in potestatem redacto venia est data, ob similem erga Mediolanensem Ducem, ad quem se contulit, fidei inconstantiam poenas aliquanto post daturō. Flagitiis vindicandis Dei numen apparet. sic magni motus, quorum expectatione suspensa gens erat, breuem & facilem exitum habuere. Pacatae totius 50 prouinciae laetitia nuptiis Ferdinandi, Regis filii celebrata auctaque est. Isabella Claramontia ante desponsa cōnubio, iuncta Neapoli tertio kal. Iunias die Dominico. Tarentino puellae auunculo in fide confirmando, quoniam eatenus nutare visus erat, datum vt regio sanguini iis nuptiis misceretur. In media laetitia multiplex luctus allatus. sorores Reginas, Henricum Aragonium periisse nunciatum: victum Vasconem, Castellaeque finibus pulsum. tristibus sepe iucunda variantur. Legato, Vasconis verbis, expetenti vt in Hispaniam Aragonius rediret, responsum datum: bellum in Piceno superesse, neque fidem suam, neque religionem pati, vt Pontificem in periculo defereret. eo confecto bello, venturum quidem in Hispaniam: ita tamen de eius aduentu con-

fiderent, ut nihil propterea de sua comparatione remitterent. Vasconem vicarium constituere, adhibitis in consilium Cæsaraugustano, Ilerdensi, iisque viris primariis. Vasconum & Aragoniis opibus Castellæ viribus obsistere haud difficile fore. Cum Granatensibus, quod Vasco petebat, annuæ induciæ fœdusque esset. Qua in gente imperii mutatio per idem tempus est facta. Mahomad cognomento Leuus motis intestinis in Castella armis, aliquot annis quieuerat. sublato externo timore grauissima in gente dissidia exorta sunt. in tanta temporum labe diu quiescere Mauri non poterant, hostibus, si foris non erant, domi natis. Duo patruelles Regisque Mauri fratrum filii, Ismael quidem temporum metu, an patruis iram veritus, Castellæ Regi militaturus discessit: per quem sperabat patriam, opes & pristinum auctoritatis locum recipere: alter cui à vitio cruris Mohamadi Claudio nomen erat, Almeriæ vbi se tenebat, procerum conspiratione facta, Granatæ arce Alhambra occupata, patruoque Rege in potestatem redactō, traditoque in custodiam, gentis Mauricæ regnum inuasit, mense Septembri: qui mensis Arabibus Iamad secundus eo anno fuit. Scissa ex eo barbarorum studia. Andilbar Granatensis Prætor cum propinquis & necessariis Montem frigidum (arci munitissimæ id nomen erat, non procul Alcala Regia) occupauit Regis victi restituendi exigua spes erat. Ismael ad regnum capeffendum euocatur. pecunia militeque à Castellæ Rege adiutus eodem festinauit. spes aliqua, metus amplior: quippe modicis viribus aduersus multo maiorem gentis partem pugnaturus. officio seu adulatione noui Regis gratiam plerique aucupari, temporique seruire certabant. Hæc in exitu anni cōtingere. ad prætermissa narrationē reuocamus. 19

Aluarus Diui Iacobi Magister creatur. CAPVT IIII.

Victoria Ad Areualum parta, de rerum summa deliberatur in Aluari tentorio, sinistro crure vulnerato decumbentis. communi Regis & procerum sententiā coniuratorum bona publicata. Cuellar captum, ad Septimancas castra posita. Henrico Principi Fridericum maris Præfectum eximi à coniuratorum numero placebat: veniamque delictis esse. recusabant alii: distinguere eius causam à cæteris negabant: omniumque iudicio etiam durior erat, quod princeps cæteros ad arma sumenda concitasset. ergo Henricus Segobiam abcessit. commotus ea re pater Rex, veritusque ne nouorum motuum id initium esset, Petro Sarmento curam dat, reliqua coniuratorum oppida occupandi. Nieuam seu Niuariam ipse abiit. filius non ante in partes attractus, quam Giennio, Lugrunio, castris Cæciliis sibi, Paciecho, Barcarrota, Saluaterra, Salualeone ad fines Lusitaniæ extortis. unde reprehensio & supplicium expectari debuit, inde relata præmia. Sic tempora erant. Ad Medinam etiam, cui à Riua sicco nomen est, positis regiis castris venia maris Præfecto data, si intra quartum mensem ad officium rediret, Ioanna Regina Vasconum obsidis loco, facturum quæ oportebat retineretur. His legibus arx eius oppidi Regi tradita. reliqua oppida in vltiori Castella breui de coniuratis sunt capta. Initio belli auxilia è Lusitania euocata erant Aluari consilio, Hari quamuis Comite, & aliis proceribus repugnantibus. ea auxilia Maiorgam, vbi Rex erat, appulsa Petro Petri Conimbricæ Ducis filio ductore: qui nuper in Ioannis patruis locum Magister equitum creatus à patre erat. duo milla pedatum, equites mille sexenti, seruum auxilium confecto ferme bello. adolescēti tamen honores habiti, duces pro cuiusque merito splendide donati. nullum præterea operæ pretium. Aluaro tantum agente, Isabella Ioanne Lusitano Principe equitum antea Magistro nata, cum quo magna necessitudo fuerat, & mutuis officiis conciliatus amor, Regi Castellæ pacta ipso inscio. tantum sibi auctoritatis Aluarus sumebat. species vtilitatis prætenta factō est: parata ab ea gente auxilia: grandem pecuniam remitti, quæ in militum stipendia impensa erat. Dimissis Lusitanis auxiliis, Burgos itum. in ea vrbe proceribus aliis venia, etiam Beneuentano & Castri Comiti præter expectationem, cum exceptione tamen, ne biennio hic Lobatone ille Beneuento discederēt: aliis præmia data vltra meritum æstimationem. Enecus Mendoza Sanctæ Iulianæ (vulgus Santillaniam ait) Marchio, Comes Manzanarii regalis renunciatur. Paciecho Villena data. Præterea Abulæ Aluarus Diui Iacobi Magister suffragio eorum militum institutus est. fortuna sublimē ferebat in præceps maiori casu datura. Petrus Gironius, Alfonso Aragonio, qui patrem bello superiori secutus erat, amoto, Calatrauæ Magister creatur. gratia magis Paciechi fratris datū, quā ipsius meritis, quippe Aragonios fratres ante secuti. vterque quasi vitio creatus obtrektoribus non caruit. Aluaro Rodericus Manricus obiectus est, Henrici Principis, ut mox diceretur fauore subleuatus. Petro Ioannes Gusmanius Calatrauæ Promagister: unde magni motus, diuturnaue dissidia extiterunt. Alburquerqueum dedente Fernando Daualo in regiam

regiam potestatem venit. Petro Aialæ Toletanæ arcis vrbisq; custodia adempta: Petroq; Sarmento concredita pessimo publico, vti euentus declarauit: haud leui Henrici Principis dolore, qui Aialæ impensè fauens, amici casum iniquo tulit animo. Dum hæc in Castellam mouentur, Guterrius Toletanus præsul Talaueræ obiit exeunte hoc anno pridie Nonas Decembris. Constans fama perhibet eo oppido in sacrario templi maximè esse sepultum nullo tumuli honore, ne inscriptione quidem. Albæ in S. Leonardi Hieronymiano cœnobio sepulcrum è candido marmore visitur sine inscriptione, è medio templo; vbi locatum erat, ad dextram aræ maximè translatus, inane cœnotaphium tamen, numquam defuncti corpore; contra quam ipse mandaratus, in eum tumulum illatus. **Alfonfus**
10 **Carillius Paciechi** auunculus, defuncti Guterrii Toletani Præsulis in locum cooptatus est, ineunte anno mcccc. quadragesimo sexto, magno vir animo, turbido tamē & inquieto, vti consequentes reipublicæ motus diurni grauesque indicio sunt. Toleti Madritique de belli reliquiis consultatum. Atiensæ, & Torigia tantum in Vasconis fide perstabat validis præfidiis ad omnes casus munitæ: vnde excursions sæpe in finitimos agros factæ. pecorum & hominum prædæ abactæ. præterea de Vascone fama in dies grauior, nouum bellum comparare, & cura crescere prouincialib: Rex Maurus studio noui imperii aucto ritatem fandiendi, & ab Aragoniis sollicitatus, irruptione in fines Bæticæ facta, Benamuriem, & Bensalemam, munita iis locis oppida armis occupat. maior ignominia metusque quam clades. Vtrisque hostibus occurrere non licebat. vnde maius periculum extabat, in Aragonios ductæ copiæ mense Maio. Atiensæ obsidione tribus circiter mensibus continuata, actum de pace. Placuit consensu, vti ea oppida Mariæ Aragoniæ Regine quasi sequestræ darentur: dum delecti arbitri consensu partium, de controuersia pronunciant, vtris reddenda viderentur. fœdere facto Castellæ Rex in oppidum admissus pridie Idus Augusti, cum mœnia quibusdam locis diruenda, ædificia incendi curasset, quasi violatis ab eo cōditionibus arce prohibitus, re infecta retro redire compulsus, Vallisoletum abiit. Toletanus tantum Præsul, & Carolus Arellanus cum copiis relictis, qui Aragoniorum motus ea parte compererent: & si qua occasio esset, ea oppida in potestatem redigerent. Aragoniis haudquaquam eo fractus animus: frequentes excursions ex iis oppidis factæ & latrocinia Caracam vsque: vbi Toletanus Arellanusq; erant. factiosi non pauci
30 tota prouincia sparsi, & reliquis permisti hostilia moliri. suspensiones inter Castellæ proceres renatæ. in iis Vasco maiorem spem habere, quam in armis. Aluarus, Paciechusq; suas vterque opes ex aliena calamitate augere satagentes, dissidii semina inter Principes patrē & filium spargere. Sæuam dominandi cupiditatem, cæcum ambitionis impetum: quantas strages facis? vno in facinore quam multa scelera facta? Delectus militares ab vtraque parte habiti. Rodericus Manricus in eo magis quam in causa confusus, nominatione Eugenii Pontificis, Aragonii Regis suasu, nullo suffragio militari Diui Iacobi se Magistrū dicit: dum hic armis eius militiæ oppida occupare satagit, resistit Aluarus, clades acceptæ redditæque. In tantis prouinciæ motibus, tantisque dissidiis, externa sine cura erant. Mauri principio anni mcccc quadragesimi septimi in nostros fines inuecti, prædas agere ho-
40 minum pecorumq; pagos incendere, vexare agros: oppida, Arenæ, Osca, vtrunque Velles Album Rubrumque in Contestanorum finibus modico dissita interuallo de nostris capta. Neque præsidio militari, neque commeatu satis instructa, hostilem impetum diu sustinere non potuerunt: domestici dissidii fructus hi scilicet erant, maioris mali expectatio.

Bellum Florentinum.

CAPVT V.

HAud abs re fuerit, vt opinor, belli Florentini causas per idem tempus in Italia gesti, successumque compendio indicare. Philippi Mediolanensis filia notha Blanca nomine, Francisco Sfortiæ iuncta erat. dotis nomine aurei sexaginta millia pacti. dum ea summa penditur, Cremona vrbs opulenta pignoris loco data est: eam gener in spē principatus impulsus, quamuis pecunia oblata restituere focero recusauit, Venetorum ope fretus: qui eo tempore cum Florentinis & Genuensibus societate inita, mari terraq; potentes erant. Episcopus Nouariensis ad Alfonso à Philippo legatur, si Florentinos bello peteret, se Venetis viribus parem Cremonam recepturum. Eugenius Pōtifex Venetis ac fociis infensus, Philippo amicus, Regem ad id bellum incitabat. plura quā petebatur præstitit. Raymūdum Buillū eximium ea ætate Ducē in Insubres maturare iubet: ipse hyeme quamuis per Latinos Tibur peruenit: dū ibi expectat quorsum res cōmotæ euaderēt (nam

Florentini meliora pollicebantur) à Venetis magna pars Insubrum occupata est. Re necessaria compulsus Philippus generum in gratiam recepit. idem eius rogatu Alfonsus facit. pecunia etiam mutua adiuuat. verum repente mutata voluntate Alfonsus ad Insubrum imperium ultro à Philippo vocatur. recusat ille, indignum facinus ratus tantum principem, ad priuatam fortunam redigi. Inter hæc Eugenius Pontifex magnum reb. momentum, ad septimum Kalend. Martii Romæ decedit. festinatis comitiis, omnino intra diem decimum Thomas Sarzana Lucæ in Hetruria natus in defuncti locum cooptatus est, Nicolai quinti nomine. generis obscuritatem veris virtutibus illustrauit. quem ob humanioris literaturæ restitutæ in Italiam lucem omnes viri docti ament, laudentque necesse est. Virtute non modo, sed etiam fortuna eo seculo admirabilis fuit. ea infimo loco ad id fastigium sublatus. pacis studium, quanta belli cupiditas decessori fuerat. In Insubrib. bellum vario euentu gerebatur. Philippus Venetorum exercitu Abduam flumen transgresso, curis anxius, ac sibi diffidens, cum Ludouico Dezpuchio Alfonsi legato principatus deponendi Regique tradendi consilia serio communicat, vitam principalem nullis non curis obnoxiam cum priuata & beatiore mutare statuens. Neque senili corpore bellicos labores, neque animo molestias pati posse. Iuvene opus esse ardenti: qui exultantes Venetos audacia & perpetua felicitate compesceret. dum Ludouicus cum iis mandatis ad Alfonsum it, reditque, Philippus in Mediolanensi arce febris & dysenteria diem obiit, Idib. Augusti. Præterea vitæ tædio. quid enim tantum paulo ante Principem nisi longa ætas vertenti fortunæ tribuit? quid alios veteri recentiq; memoria? vt nonnunquam longior vita exoptanda non sit, magnis ærumnis obnoxia. tempore decessisse in magni beneficii loco poni debet. Eo mense Madrigale in Vaccæis Ioannis Castellæ Regis & Isabellæ Lusitanæ nuptiæ confectæ sunt. modicus apparatus fuit propter intestina Principum diffidia, neque magna læritia. Aluaritamen opprimendi inter Regem & Reginam consilia collata. Nondum maturum erat. potestatem ille acerbè exercens exitium accelerabat. ea merces nouis nuptiis conciliatis auspici comparata. Alfonsus vt erat constitutum à Philippo Mediolanensis imperii hæres nuncupatus testamento est. à Raymundo Buillio, cui continuo arx tradita est, belli duces in Alfonsi noui Principis verba sacramento adaçti. Urbana multitudo in spem libertatis arreçta arma capit. vtraque arx in potestatem redacta est plebis: atque à fundamentis euerfa. ab Alfonso parum opis erat bello Florentino inchoato. Ripa Marancia in agro Volaterrano, Piscariæ Castellio Aragoniis armis occupata. Florentini, vt in repentino metu, Fridericum Urbini, Malatestam Arimini regulos auxilio euocant. Plumbinum ab Alfonso obsessum. vicina insula, cui Lili nomen, capta, promissa aurea patera quotannis tributi nomine, pondere aureorum quingentorum vitatum Plumbini periculum. A Florentinis etiam pax impetrata, cum se Sulmonem Alfonsus retulisset, Lili insula & Castellione Piscariæ tamen retentis. De Mediolanensi principatu contentio subsecuta. vicit Franciscus Sfortia expedito consilio iuuenis: Mediolanensibusq; libertatem, Alfonso destinatum imperium sua virtute, & Venetorum opibus abstulit. vnde nouorum Principum stirpes, nouorumq; ac magnorum motuum materia extitit. quæ Galliam, cum Italia, cum vtrisque Hispanos ad nostram ætatem commisit, variante sæpe belli fortuna, vti competentibus locis indicabitur.

Multi proceres in Castella capti. CAPVT VI.

Castellæ res quietæ non erant. inde Maurus imminebat assiduus atque infensus Christiani nominis hostis: inde Vasco, maiorem spem in domestica Castellæ procerum discordia, quam in suis viribus habens: quæ calamitas grauior erat. A Toletano atque Eneco Mendoza, qui in Arellani locum substitutus erat, Torigia diuturna obsidione fatigata ditionem facere coacta est, militum qui in præsidio erant, incolumitatem pacta. id damnum compensatum in Soriam agro, arce ab Atiensæ militib. capta, cui Rupis Alcasari nomen erat. Noua iniuria Castellæ Rex excitatus, Soriam mense Septembri Madrigale abiit. sequebantur tria equitum millia, ad inuadendum Aragonios fines idonea manus. Ipso tempore Cæsaraugustæ eius gentis conuentus erant. belli cura sollicitabat, tantusq; in Castella apparatus haud temerè futurus. Delectus extraordinarii instituti. decimus quisque ciuis fortitione facta, arma sumere compulsus est: quod nisi in summo periculo vsurpari non consuevit. Enecus Bolea, Raymundus Palomarius Soriam legati, quorsum eæ molitiones & copię spectarent rogatum. Societatis amicitiaq; iureiurando confirmatæ meminisset. Quamquam opibus confideret, incerta tamen pro certis mutari correptis armis. Bellum facile sumi: non in eiusdem potestate initum eius, & finem futurum. Ad ea Rex

Rex senatu ad duodecimum kalend. Octobris dato, placide, sibi in more esse respondit, gentis procerumque comitatu stipatum procedere. Aragonios commisisse, ut hostium loco essent, Vasconem consilio & viribus adiuvando. nisi mutatum esset, armis vindicaturum feciales Surbanus Carabeusque, qui de his iniuriis expostularent in conuētu Cæsaraugustano, amandati. Noua rursus ab Aragoniis ad Castellæ Regem missa legatio est, dum altercationibus tempus ducitur, Verdegium in Calataiabæ agro arx, à militibus improuiso capta. ea causa pacis mentio intermissa: ventumque continuo ad manus esset, nisi nouus nuncius, proceres in Castilla intima, inter se coniurationes facere, Regem Castellæ Vallisoletum necessario reuocasset. In eo municipio Christi Dei natalis dies celebratus principio anni mcccc quadragesimi octauo. Quo tēpore à Vasconū quidem manu Campesum captum: ab Albarracini autem præfecto Huelamum: quod oppidum in Celtiberis situm est, non procul vrbe Concha: ad eum modum aduersæ res secundæque variabant. sanandi Castellæ proceres præcipua cura erat: filiumque cum patre Rege conciliandi, mobilitate ingenii nunquam satis fidum neque satis constātem. Aluari & Paciechi ambitio impedimento erat: vterque æmulo prostrato per eius ruinam ad fastigium nitebatur. Id Alfonso Fonseca Abulensis Episcopus sagaci vir ingenio considerans, pacis inter eos atque amicitia ineundæ auctor exitit: cum diceret cōiunctis animis rerum summam potestatem penes ipsos, in dissidio exitum fore. Ad certam diem plerosque proceres capere consilium fuit. Regis & filii Principis in eam rem colloquium institutum, habitumque Medinam Campestrē inter & Tordefillam ad quintū Idus Maii Sabbatho: quo die Diuini spiritus de cœlo in Apostolos illapsi memoria recurrebat. vti erat constitutum Alfonso Pimentelio Beneuentano, Ferdinando Toletō Albano, Henrico Præfecti maris fratri, Quignoniis fratribus Petro Sueroque, vincula iniecta. Beneuentanus, Henricus, Suerusque Portillum in custodiam amandantur. Albanus Petrusque Roman. crimini datum quod Vasconis in Castilla reuocandi consilia agitassent. Prona hominum in deterius persuasio. confictum id ad inuidiam eius facti procurandam fuisse vulgo iactatum. Præfectus maris & Castri Comes forte an consilio, ut sui copiam facerent, adduci non potuere: & allato rei gestæ nuncio se se in Vascones receperunt. eorum procerum oppida capta haud difficulter, quippe deserta defensoribus, neque cōmeatu instructa. Præcipua fuere Medina à Riua sicco, Lobatonium, Aquilaria, Beneuentum, Maiorga, alia magno numero. de Diego Manrico Antelato Nauarreti & Treuigni arces, ipso dedente quasi fidei obsides incertæ dubiæque (sic opinio erat). Læta hæc fædissimo cuique, apud bonos inuidiæ fuere: neque sanata voluntates sed exacerbatæ sunt amplius: maiorisque belli metus ostendebatur. Cæsaraugustæ nondum soluto Aragonio conuentu, mense Aprili inter Aragoniam Castellamque semestres induciæ pactæ. pacis constituendæ facultas an voluntas non fuit. Castri Comes in Vasconibus substitit. Præfectus maris Cæsaraugustam ad quartum kalendas Iunii peruenit. in ea vrbe cum Vascone de rerum summa deliberatum est: atque uti in Italiam contenderet persuasum, acceptæ contumeliæ testis: Aragonio auctor futurus in Hispaniam maturandi. Plumbinū, quod oppidum ab Alfonso Rege obsidebatur (vti autea dictum) vno tempore Præfectus maris & Garfias Toletus Albani filius non eodem itinere peruenerunt. faciles eorum postulatis aures ab Aragonio præbitæ: seque præsidio affuturum recepit, datis ad proceres literis hoc exemplo. Amici, viri præstantes. De vestro casu ex patrueli nostro maris Præfecto cognouimus: quanto cū dolore explicare non attinet. Nobis curæ vos vestraq; fore ac vērō pro Castellæ incolumitate nullum neque impendium neque periculum recusaturos rerum euentus breui indicabit. Valete. E Plumbini castris quarto Idus Augusti. Procerum oppidis occupandis aliquot menses extracti. consilio inter patrem Regem & filium communicato præsidia ad fines regni contra Mauros disponere idoneis locis visum est. Alfonso Gironius Paciechi patruelis, Hellino & Humillæ in Contestanis præfectus ducentique equites, pedites quadringenti. Cum ea manu Mauros ea parte inuectos cecidit, maiori animo quam consilio, successuque. Conturbati hostes propinquum collem occupant: nostros nimia animorum confidentia, legēdis spoliis occupatos securosque repente inuadunt, magno clamore sublato. dispersos ac toto campo palantes cēdunt, neque fugere, neque arma capere valentes: neque omnino facere neque providere quicquam. plerique interempti: paucos cum Duce fuga seruauit. arma & militaria signa capta. ad alias Castellæ calamitates, noua ea clades Regis animum perculit. eo amplius, quod per idem tempus Henricus Princeps Aluaro infensus Madrito, vbi cū patre erat, Segobiam se subduxit. Impleuit ea res Regis animum nouo dolore. conuentus regni Vallisoleti agitare consilium fuit. siqua se via daret ad tanta mala procuranda. Henricus patris monitu

Tordesillam accessit. eodem discessurus Rex conuentum procerum & aulicorum prius habet. Sibi in animo esse explicat, cum filio pacem conciliare: proceribus pro cuiusque merito præmia, poenamve tribuere: ac omnino oppida, quæ de coniuratis erant capta, donare aliis. Regis consilium urbium procuratores pro se quisque laudare: certare adulationibus: quod pessimum obsequii genus est, sed Principibus non ingratum. Vnus Valera Conchæ urbis procurator, socio concedente primas in respondendo partes, insinuatione facta, haud obscurè tamen Regi suadet, ne inauditos proceres damnari patiatur, ea nobilitate, iis maiorum meritis. fore alioqui iudicium iniustum, etiam si iusta decernantur. Fernandus Ribadeneira robusti corporis viribus præstans in paucis, vasto animo, procax ore, in Valeram inuectus, verba malo ipsi fore minatus est. Vocis temeritatē conturbato Rex vultu, aut mox discessu castigauit. Octauo post die à Valera literæ ad Regem, data hac sententia. Da pacem domine in diebus nostris. Quanta in remp. mala, domestica diffidia inuexerint, quid explicem? cum nostræ calamitates indicio sint. post hominum memoriam grauissimæ: vasta omnia, inculta, oppressa, deserta, miserabilem Hispaniæ faciem tertio ruituræ, nisi maturè succurratur. Libet cum antiquis vatib. patriæ squalorem, luctum, exitium deplorare. sed in publica tamen calamitate lamentari modò, neq; aliud præter lacrymas remedium adhibere, vanum arbitror. ea res ad scribendum impulit. In tua prudentia spes nostræ secundum Deum sitæ sunt. Si minus nostra, tui certè imperii calamitas moueat. si quid erit offensum commune omnium damnum erit, tua vnius ignominia peccabitur. Fama atque fortuna hominum pares sunt. atque hac conditione regnatur: prospera ad omnes pertinent, aduersa vni Principi imputantur. Duabus rebus communes res continentur præmio & poena, seueritate & clementia: uti usus docet, & magni viri testantur. Est scilicet, vtriusque rei modus, sicut reliquarum, & quædam in vtroque genere mediocritas. sed non tanta de re propositum est hoc loco disputare. Exemplatum vetera, tum recentia in vtramq; partem asferre, quid iuuat? Multos clementia euexit, seueritas paucos, nullum fortasse. Alexandrum, Cæsarem, Salomonem, Roboamum, Neronem intueri. quæ asperitas rigorq; necessarius fortassis, importunè tamen susceptus exulcerauit: lenitate sananda sunt: diuersaq; via insistendum. Quatuorq; omnino præstanda, sic mea sententia est, utinam tam felix, quam pia. filius conciliandus. exules reuocandi. liberandi vincti. atque obliuio iniuriarum sancienda. At facilitas contemptum pariet. verum, si in imperio contemneretur quisquam, nisi qui seipse contempsit. Non sine periculo auctoritatem suam Princeps subditorum sanguine sanciet. At impunitas confirmabit audaciam: legibusq; improbitas, atq; infidelitas vindicari mandatur. esto: sed Regum propria laus clementia est: & omne magnum exemplum habeat aliquid necesse est, quod reprehendi possit. si quid certe in leges peccatum erit, salute publica compensabitur. Ad vota in extrema tabula confugio. Deumq; precor, ut à nostra ex sincero animo profecta oratione, temeritatis suspicio absit: mentem tuam ut de rebus tantis statuas, lux maior, atque cælestis illustret, doceatq; quod opus sit factò. Ex literæ Aluaro extitere graues. Regi & bono cuiq; gratissimæ. Quibus lectis Placentiæ Comes, Valeræ in familiam ascito, filium maiorem instituendum tradidit, hominis ingenio delectatus, & dicendi libertatem admirans.

Lusitania Regis nuptia. CAPVT VII.

Magnum reipublicæ vulnus inflictum erat, tot tantisq; proceribus, quæ captis, quæ Castellæ finib. discedere compulsis. eos restituendi in libertatem patriamq; ratio intus forisq; excogitata. timor impediēbat obsequii magister haud satis fidelis futurus. reb. mutatis successit audacia. Beneuentanus è custodia elapsus. Alfonsus Leo (cui Diegus Ribera arci & custodiæ præfectus omnia credebat) magnis in præsentis donis, maioribusq; promissis quam pro eius fortuna corruptus, triginta militib. aditum in arcem patefacit. equi in vicino pineto relictī erant. iis consensu Beneuentum Comes est deductus. incolæ regio præsidio deiecto venientes cupidissimè acceperunt. mox Alba, quæ ad Alistē est, obfidione liberata, qua à regiis premebatur: aliaq; minora oppida redacta in potestatem. Rei gestæ nuncio lætati boni, lætata multitudo. Rex conturbatus, Ocaniæ relicto Aluaro bellicq; ei in Aragonios comparandi cura demandata, ipse Beneuentum festinauit. aduersus Regem nouo dolore irritatum, parum præsidii Beneuentano erat. munito oppido in Lusitaniam cōcessit, Regis sui nuptiis recēs celebratis lætam. Isabella Petro patruo, & regni procuratore nata coniugio iuncta, ante septem annos pacto. puella sanctissimis moribus, præcipua formæ dignitate erat. nati ex eo coniugio Ioannes prima ætate defunctus, Ioāna soror, Ioannes alter, cui vita diuturnior fuit, paternusque principatus obuēnit. Regis ætas tenera

tenera adhuc & regni curis impar erat. Petri diuturnum imperium graue cæteris processibus inuidiosumq; esse cœperat. Multitudo rerum nouarum cupida, principum mutatione gaudet: futura semper præsentibus fore meliora credit. Alfonsus Barcelosii Comes ante alios Petri euertendi consilia agitabat: nulla neque fratris commiseratione, neq; memoria recens accepti beneficii. Gósaluo enim Brigantii regulo, sine prole defuncto, Dux Brigantinus fuerat paulo antè renunciatus. Sic sæpe magna merita graui iniuria pensantur: naturæ iura, ambitio inuidiaq; resoluunt, violantq;. Rei perficiendæ parum spei nisi in fraude erat. Regi adolescenti rerumq; ignaro suadet, vti rempublicam capeffat. Reginæ matris primum pulsæ, deinde peremptæ noxio medicamine, contumeliam, Petri quæ auctorem prædicabat, capite vindicandam. superbe, auareq; eatenus imperasse, rempublicam prædæ habuisse. vt est humanus animus infatiabilis, eo quod lege conceditur, ad altiora & non concessa tendere. regnumq; cuius solum nomen desit, dies noctesq; cogitare. Commotus iis criminationibus Rex, Petrum vlcisci parat. Conimbricæ se is inclusit: ne in tam subita rerum mutatione se suosq; contumeliæ offerret, & quorsum quæ cōmota erant euaderent expectaturus. magni animi ægrè iniuriam ferunt. Olisiponis occupandæ proposito, cum eius vrbs ciuib. conspirauit. res tanta latere non potuit. cum manu militari eo profectus infidiis exceptus est: iustoq; prælio dimicatum salutis anno M cccc 1449 quadragesimo nono, de mense non conuenit, auctoresq; in diuersum trahunt. Perit ipse cum multis. vindictam cælestem interpretabantur earum rerum curiosi, ab eius rebus auersi: quod medicata sagitta icto corde occubisset, vir meliori exitu dignus longiori vita. tametsi annos vixit quinquaginta septem. magnus animus fuit, exacta prudētia, quam ex multo rerum vsu collegerat. Regem patruī & soceri necem ægrè tulisse iactatum. fama frequentior resistit: & rerum euentus mendacium arguit. mortuo diu sepultura negata, ad Aliubarrotam tandem, vbi Regum sepulcra sunt, occisi manes ritè conditi sunt, iusta, que exequiarum facta. Iacobus filius in prælio captus, deinde ad Isabellam amitā in Belgas abiit: ab ea Romam missus, purpura donatus est. Beatrix soror eodem subsecuta Adolpho Cleuensi data est vxor. diuturna pax in Lusitania excepit. Rex ætate confirmata sapienter rempublicam gessit. Bello Maurico felicius fuit, quàm quod extrema ætate aduersus Castellæ vires gessit. Præcipua animi pietate liberandis captiuis, qui vincti in Africa erant, magnam vectigalium partem effudit: si effudisse, dicendus est, & non potius in salutem publicam sanctissimè collocasse. Aulicis se suaque regenda tradidit (id vnum in eius moribus accusatur,) temporis vitio sic arbitror, potiusquam suo. quæ labes à plebisque ea ætate Principib. suscepta, occulta siderum vi in alias etiam prouincias magnas calamitates inuexit.

Tumultus Toletanus.

CAPVT VIII.

Canix relictus Aluarus bello Aragonio pecuniam conquirebat: quæ maxima difficultas opponebatur. Toletum amplæ opulētæq; ciuitati pecuniæ haud magna summa imperata aurei ad tria millia. paruæ sæpe res maiorum momentum fiunt. eius pecuniæ redigendæ cura Alfonso Cottæ ciui copioso commendata. restitire ciues: seq; ab eo initio vrbs immunitatem violari esse passuros negarunt. monitus Aluarus in cœpto cū perstaret, æris pulsu è Diuæ Mariæ populus ad arma concitatur. Ioannes Alfonsus, & Petrus Galues Canonici Toletani primi incitatores. consternatæ ad arma multitudini se vtrium consarcinator quidam ducem præbuit. nomen non traditur, de facto constat. In Cottæ ædes impetus fit. ignis iniicitur. materia auidè concipiente flammam, regio ea, vbi Diuæ Magdalænæ templum est, mercatorum frequentia nobilissima, magna ex parte incensa. direptæ opes: miseris ciuib. iniecta vincula, nulla misericordia sexus aut ætatis. fœdum atq; atrox spectaculum ad septimum Kal. Februarii Toleti fuit: ciues à ciuib. non secus, ac si hostes essent, omni iniuria vexati. dira vrbs vastitas. In eos potissimum sequitur, quos ex Iudæis maiorib. prognatos, ac novos homines esse putabāt. gentis inuidia posterorū pœnis vindicata. Sarmentus vrbs Prætor, & Marcus Garfia eius Legatus (Marquillum Mazarambrotium ignominia causa vulgus vocat,) in quib. præsidium esse debuit, concitatæ multitudini faces subdiderunt. audaciam, vt fit, supplicii metus excepit. bellum ex ea re imminere dubitabat nemo. vrbs portæ occupatæ sunt. id vnum reliquum erat. scelus scelere cumulatam. læta in præsens, aliquanto post in perniciem vertere. In Aluaro tantis motibus pacandis parū auctoritatis erat, præsertim Sarmento infenso. Rex eius monitu, Beneuento interea in potestatem redacto, ad incendium accurrit, veritus ne ex iis initiis maior rerum moles extaret. aditu vrbs prohibitus ad Diui Lazari nosocomiū substitit. globi

tormento è propinquo muro displosi addita verborum procacitate: Ea poma à ciuib. expectaret. Noua ex eo sæuendi occasio Sarmento extitit. plures ciues in custodiam traditi, quasi urbem Regi prodere tentassent. quæstiones tormentis habitæ: nonnulli dolore victi, plura etiam quam rogabantur confessi sunt. direpta bona, non paucis gula fracta. scædam carnificinam, fidei crimen obiici, quietis studium accusari, grauissimum scelus inter rebellantes. Missi ad Regem, qui Torrigios concesserat, oratores (nomina ne memoria prodantur, eorum posteris & maioribus tribuendum puto) viri nobiles: Nisi Aluarus amotus esset, ciuitatibus sua immunitas staret, suæ aliarumq; urbium nomine mutationem imperii renunciarunt, in eius locum filio substituto. grauis contumelia audaciaq;: sed ne violaretur ius gentium, dataq; fides valuit. responsum datum non est. obsessa vrbs, Henrico Principe à rebellibus in auxilium euocato periculo erepta. neq; vindici tamē quamuis intra mœnia admissio, aut clauēs portarum vrbs aut arcis datæ sunt. Nihil in concitata multitudine moderatum. nisi pauent, terrent, impotenterq; rempublicam habent. plebiscitum factum ad octauum Idus Iunii, quo Iudæorum ex gente prognati honorib. muneribusq; publicis arcebantur: ac nominatim expressum erat, ne tabelliones essent, neve actores causarum, iuxta Alfonsi Sapientis legem: qua datum Toletanis affirmabant, ne in ea vrbe aut agro cuiquam ex ea gente, aut munus publicum, aut Sacerdotium esset. perturbatè omnia gerebantur: neq; inter arma vimq; quid legibus, aut more sanctū esset, confiderare licebat. impotens tantum dominatus, atroces iniuriæ. Decanus Toletanus cuius neque nomē, neq; genus prodere necesse est, fretus opibus atq; eruditione, fretus Romana gratia, nam Magister Pontificiorum diplomatum Romæ fuit, procedente tēpore Cauriensis Episcopus creatus est (vti nonnulli tradunt à maioribus accepisse) vrbe egressus, atque ad Sanctæ Eulaliæ oppidum subsistens, id edictum temeritatis, atq; impietatis de scripto accusauit maiori animo, quam successu. Septem theses disputandas obtulit. in eam sententiam longiorem disputationem ad Barrientum Conchensem Episcopum dedit. in ea præter cætera nobilissimas Hispaniæ familias cum ipsius propinquis, aliisq; ex eadem natione sanguinem miscuisse, designatis etiam singulorum nominibus notauit: verò an simulatò, quò causam meliorem faceret non arbitror, curiosius indagandum. neq; in eo restitit commotus hominis animus: quin Nicolao Pontifici maximo auctor extitit (sic arbitror) eius diplomatis quo Toletani edicti capita omnia reprobantur, promulgandi tertio pontificatus anno: hoc est, eo ipso quo turbæ Toletanæ extiterunt. Eius diplomatis exemplum, si hoc loco subiiceretur operæpretium me facturum existimaui. Humani generis inimicus illico quò verbum Dei cadere in bonam terram conspexit, operam dedit seminare Zizaniam: vt conculcato semine nullum fructum produceret, pro vt vas electio. Paul. Apost. præcipuus huius Zizaniæ extirpator refert: q; initio inter cōuersos ad fidem, differentia antelationis orta est, Iudæis cum Gentib. de prælatione certantibus, aliis aliter in Dei Ecclesia scissuram inducere cupientibus: cum alii Cephæ, alii Apol. esse certarent. Redemp. noster hæc præuidens ab initio nascent. Ecclesiæ ordinauit, qui huiusmodi Zizaniam extirparent, humanaq; imbecillitate peccantibus aut lapsis occurrerent. prout ipse Apol. ad Rom. scribens omne huius antelationis dissidium diuinis verbis euertit. atq; Petrus Apost. Princeps in singulis diocesisbus ordinatis Episcopis vniuersam schismatum occasionem submouit. Nos nostri Redemp. exemplo, cuius vice, ad huiusmodi potissimè tollenda dissidia, locum licet immeriti tenemus in terris, præfatorum exemplis edocti, omni vigili cura compellimur, operam dare, vt his quæ inter fideles possent diuisionem parere, nostri pontificalis officii auctoritate occurramus, vt inter fideles caritas, amor ac vnitās vigeat. Nihil enim est, q; tam inter fideles conueniat, quàm quod in omnibus, sit velle vnum, inquit Apol. Sicut enim corpus vnum est, & membra multa habet, omnia autem membra corporis, cum sint multa, vnum corpus sunt: ita & Christus. etenim in vno spir. omnes nos in v. c. Baptizati sumus, siue Iudæi, siue Gentiles, siue serui, siue liberi, omnes in vno spiritu potati sumus, vnum corpus & vnus spiritus, sicut vocati estis in vnā spem vocationis vestræ, v. Domi. v. f. v. b. v. D. & pater omnium. Percepimus quosdam novos seminatores Zizaniæ affectantes huius vnitatis & pacis nostræ fidei salutare fundamentū corrumpere, ac quod per vas electionis Apost. Pau. extirpatum fuerat, dissidiū in diuersis partibus, maximè in regnis carissimo filio nostro Ioanni Castellæ & Legionis Regi illustri subiectis, reuocare, ausu temerario asserere, quod qui aut ex Gentilitate, aut ex Iudaismo, aut ex alio quouis errore, Christianæ fidei veritatē agnouerant, & baptizati sunt, & quod grauius est, eorum filios, propter nouam assumptionem fidei non debere ad honores, dignitates, officia, tabellionatus, ad testimonium in Christicolarum causis perhibendū admitti, eos verbis & facto contumeliis afficientes. Quæ cū à Redemp. nostri institutis aliena sint,

na sint, eodem Apost. Paulo testante, cum dicit. G. & honor & pax omni operanti. b. Iudæo & Græco. non est accep. personar. apud Deum. & omnis qui credit in illum non confund. Non enim est distin. Iudæi & Græci: nam idem Domi. omnium. diues in omnes qui inuocant illum. Et alibi: In Christo Iesu, nec circumcisio aliquid valet, nec præputium, sed fides, quæ per carita. operatur. Hos ut à veritate catholicæ fidei aberrantes, ad viam veritatis deducere: ac quatenus in præmissis excefferint animaduertere cupientes. cum non tam præmissis diuinis auctori. contradicant, sed & Illustrium Principum quondam Alfonsi Sapientis cognominati, & Henrici, & charissimi filii nostri Ioannis moderni Castellæ & Leg. Regum, pro fidei augmento, perpetuis sanctionibus, authenticis literis, eorum sigillis munitis, grauib. pœnis vallatis, per nos visis, & maturè discussis: quibus sanxerunt, ut inter nouiter ad fidem conuersos, maximè de Israelitico populo, & antiquos Christianos, nulla in honoribus, dignitatibus, officiis tam Ecclesiasticis, quàm secularib. suscipiendis & habendis, nulla discretio fieret. atque affectantes, ut quisque, quæ recta sunt sapiat, & qui contrarianæ legis normam, falsa seminare, & proximos scandalizare, quæ unitatis & pacis contraria sunt, præsumpsere, debitis pœnis affecti eorum errores agnoscant: præfatorum Principum ordinationes & decreta, ut iuri & sacris canonib. conformia super his edita, ex nostro proprio motu, & certa scientia approbamus & confirmamus, & Apostolicæ auctorita. munimine roboramus, ac omnibus & singulis, cuiuscunque status, gra. aut condi. fuerint Ecclesi. vel secularibus, sub excommunicationis pœna mandamus: ut omnes & singulos ad Christianam fidem conuersos, aut in futurum conuertendos, seu ex Gentilitate vel Iudaismo, aut ex quauis secta venerint, aut venire contigerit, ac eorum posteros, tam Eccle. quam seculares, catholicè, & secundum quod Christianos decet viuentes, ad omnes dignitates, honores, officia, tabellionatus, testiū depositiones, & ad omnia alia, ad quæ alii Christiani quantumcūq; antiqui admitti solent, admittant. nec propter fidei nouam receptionem inter eos, & alios Christianos, discretionem faciant. nec verbis aut factis, contumeliis afficiant, nec affici permittant. sed omni eorum possibilitate contradicant, & opponant, & eos omni caritate prosequantur. & profiteantur, sine personarū acceptione omnes Catholicos vnum esse corpus in Christo, secundum nostræ fidei doctrinam. Quos omnes tales esse, & pro talibus, ab omnibus haberi, harum serie decernimus & declaramus. Verum si qui ex his post baptismum reperiuntur Christianorum fidem non sapere, aut Gentilium, vel Iudæorum errores sectari, vel dolo, aut ignorantia Christianæ fidei non seruare præcepta, quibus casibus in Toletanis conciliis, & maxime Cap. constituit, & alibi, contra huiusmodi à fide Christi apostatas, non pariter cum aliis bonis fidelibus, ad huiusmodi honores admittendos decreta sunt, locum sibi vindicant. prout præfati Reges rectè sacros canones intelligentes, in præmissis eorum cōstitutionibus, quasdam eorum regnorum leges interpretati sunt, aut alias minus quæ Christiano conueniat agere aut sapere. Qui de hoc scandalizatus fuerit, adeat competentem iudicem, & quod iustum est fieri publica auctoritate, iuris seruato ordine studeat. nec quisquam propria auctori. aut ordine iuris non seruato, contra diuina. humana. quæ legum doctrinam, aliquid in eos, aut eorum aliquem audeat attentare. Et quæ sequuntur. Datis Fabriani Camerindicæsis, anno Incarnat. Dominicæ Mcccc xxxviii, octauo Kal. Octobris, Pontif. nostri anno tertio. Alterum eiusdem Nicolai Pontificis diploma biennio post datum tertio Kal. Decembris, ut inseratur operi non est necesse, de eodē argumento priori consonum. Hæc ferè ab annalium auctori. prætermissa, ad inuidiam ut puto declinandam, ex schedis amici deprompta propter rei gestæ nobilitatem hoc loco referenda putauimus. de iure, iniuriæ disputare non est necesse: liberum in vtramq; partem lectori iudicium esto, ex iis quæ exposita sunt, aliisq; de hac controuersia monumentis: quæ multa in vtramque partem circumferuntur, tranquillo neque infecto partib. animo syncerè si pronunciari.

50 *Novæ procerum conspirationes.*

CAPVT IX.

Solicitare Vasco Castellæ proceres non desisteat. ciuitates, Murcia, Conchaq; haud satis sincera erga suum Regem fide erant. inde spes aliqua pristinarum opum recuperandarum, Vasconi & procerib. aliis ostendebatur. Variæ manus prædatum missæ. ad Requenam pecoris magna vis capta: incolæ etiam maiori animo quàm consilio obuiâ progressi in pugna victi sunt. Murcia occupandæ spes euauit. Concha ab Aragoniis tētata, ductore Alfonso Aragonio Vasconis filio. Diegus Mēdoza euocarat, arcis præfectus: quæ ea tempestate in summa vrbe posita erat. nunc rudera tantum & parietinæ extant nobilis ædificii reliquiæ vestigiaq;. Aragonii conatus vani euaserunt. Barriento Pontifex urbem

magna virtute defendit. Eo periculo vitato nouæ molitiones in Aragonia extiterunt, Præfecti maris aduentu: quem in Italiam abiisse monstratum est. Urbium procuratorib. Cæsar Augustam euocatis Aragonii Regis mandata in conuentu recitata sunt. secundum ea, vt vires gentis conferantur, bellumq; Castellæ denunciatur postulatum. excusant illi. pacem, quæ inter vtramq; gentem extabat, Rege absente ærario exhausto, bello importunè mutari. præsidia alia cōquisita. actum de coniugio Vianæ Principis cum filia Hari Comitiss. de colloquio inter Castellæ proceres actum eos, quib. præsens rerum status displicebat. quod caput erat, Henricus Castellæ Princeps ad societatem ineundā inuitatur. Nondum gratia cum patre redintegrata, Toletum is in potestatem redegerat à multitudine populari adiutus. prioris tumultus concitatores Principe agente intra templū maximū, quo se receperant capti. duo Toletani Canonici, ad Diui Torquati in custodiam missi, diuturno, atque grauissimo carcere (qualis in eo oppido est) macerandi. ne capite pœnas darent ordinis sanctitati datum. Marcus Garfia & Fernandus Auila per plateas tracti, atq; omnibus tormentis excruciat, ciuium oculis. in quorum fortunas impotenter grassati erant, gratum spectaculum interitu præbuerunt, facinorib. consentaneo. Mauri præcipua licentia, frequentib. excursionib. finitimum Bætica agrum vexare, incendere, diripere: ingentes prædæ actæ. ad ipsa Giennii & Hispalis suburbia peruentum. pudendam nostrorum ignominiam. Domestica rerum perturbatio vsque eo animos extulerat, vt Vasconi delectus in Aragonia haberi polliceretur Rex barbarus: si alia parte Castellæ fines inuaderet, non dubitaturum se Cordubam admouere castra: neque cessaturum, nisi nobilissima vrbe in potestatem redacta. gratiæ legatis actæ pro ea voluntate: dilatum id tamen: siue quia nondum maturum erat: seu ne noua inuidia factioni accederet. Cluniæ in Areuacis, procerum conuentus fuit ad septimum kal. Augusti. affuerunt Marchiones Villenæ, atq; Santillanius, Hari Comes, Præfectus maris, Rodericus Manricus, qui se Diui Iacobi Magistrum ferebat. Henricum etiam Castellæ Principem interfuisse non nemo ait. Aluari importunitate Castellæ nobilitatem exiliis, carcere, bonorum spoliatione multatā conquerrunt. nunquam illum maiori apud Regem gratia & auctoritate fuisse. nisi in mutua societate aliquid præsidii sit, afflictis nullā spem: cæteris confirmata Aluari audacia, omnib. vnà pereundum. constitutum, vt ad Augustum dimidiatum pro se quisq; quammaximas copias cogerent: atq; in Henrici Principis castra venirent. quæ etsi designato tempore ad Pennafielē in Vaccæis posita sunt: à procerib. tamē cuncta serius administrata. suus quēq; timor retardabat, & conatus toties irriti memoria. neq; satis Henrico Principi fidebatur, parum in vno proposito constanti. Præterea Vasco reb. domesticis & Gallicis districtus vno tempore erat. Maulifonium munita in Aquitania arx Vasconis præsidio obtrinebatur Magistro equitum præfecto, Angli Regis beneficium. eam arcem Fuxensis Comes validis copiis, in quib. duodecim millia peditum, equitū tria millia erant, impugnandā suscepit. vallo & fossa circumdata, castris maximis septa, aggere, vineis, turrib. oppugnata. Vasco raptim delectu habito ad periculum accurrit. vtraq; castra patenti campo modico interuallo constituta. Inter generum & focerum colloquium habitū est. sed vt obsidionem solueret, adduci Fuxensis Vasconis oratione non potuit: cū ad fidē Gallo datā pertinere iudicaret, nisi re confecta, arceq; capta ab obsidione nō discedere. ita Vascone in Hispaniam reuerso ab obsessis deditio facta est. præsidium incolume dimissum. Vasconis & procerum mora de re concilianda inter Henricum Principem & patrē gratia denuo actum. spe pacis conficiendæ dimissæ copiar. Castellæ Rex in Vaccæis substitit. Henricus Princeps Toletum cum abiisset, inter faustas populi acclamationes tripudiāq; more gentis in urbem exceptus, Petrum Sarmentū, quoniam rapinis & iniuriis neq; finis, neq; modus erat, arcis præfectura atq; urbana prætura spoliavit, principio anni M. quadringentesimi quinquagesimi, multum conquerentem fortunæ vices, Principisq; fidem implorātem. Præda ingens, aulæa, peristromata, vestis pretiosa, vasa auro & argento graui ducētis iumentis sarcinariis exportata: impudentissimum furtū, certissimum peculatum. Inter frementis populi clamores, quæ iniuste erant ablata, vi extorquenda dictitātis, euasit tamen data à Principe fide munitus. prædæ tamen pars in itinere intercepta. pars maxima ad Gumielem oppidum, vbi vxor & filii erant, iussu Regis occupata. Sarmētus ipse in Vascones abiit. venia postea data à Romano Pontifice, cum quo res communicata est, eius iussu ceteris bonis ablati ad Bastidam, quod oppidum in Vltiori Castella relictum modò erat, vitam exegit morbis grauissimis, timoriq; obnoxiam, rerum gestarum maculis turpē. In socios rapinarum grauior ira fuit. Variis in vrbib. capti, exquisitis cruciatib. perempti sunt. crudele exemplum: sed paucorū calamitate, populi inuidia, numinis ira, religio tantorum scelerum, ignominiaq; expiata est: ac documentum cæteris datum, ne magistratum violenter & sordidè gerant.

Vix Toletana vrbe pacata, nouus Segobiæ, quo se Hêricus Princeps retulit, tumultus concitatur. Paciechus, de quo crimine incertum, sed delatus tamen est dignum vinctulis cômisisse facinus. Petrus Portocarrerius, qui gratia Principis valere cœperat, index, adiutoribus Conchenſi Episcopo, Ioanne Sylua Vexillifero regio, Pelagio Ribera Mareſcalo. Monent ii Principem vt omnem diligentiam ad dignitatem conſeruandam adhibeat. vnde perſpexiſſet fraudem paratam, in eum vteretur iure ſuo. pœnam de Paciecho ſumptam, cæteris documento futuram, ne ingentia beneficia perfidia compenſarêt. conſilio approbato, vt caperetur decretum eſt. rei perficiendæ haud facilis patebat via. Magnæ opes ſupperebant reo: ipſeſq; cognita Principis ira, vrbis regione occupata, munitaq; vim propulſare parabat. ne pars cum parte pugnaret armis, vti Turueganum ſuæ ditionis oppidum concederet datum. Petro Portocarrerio conciliando opera data. gener factus filia Paciechi notha connubio iuncta. Metellinum amplum ad Anam flumen municipiũ dos dicta. ea arte inimicorum potentia debilitata eſt: Principiſq; offenſa mitigari cœpta. Cum Aragoniis bellum erat haud magno conatu moleſq; feſſæ vires magis, quàm diſſidia ſublata. Bordalua arx ad fines Regni de Aragoniis capta: ruſſuſq; amiſſa. In Vaſconem maior ira, nempe malorum omnium auctorem. opportuna vindicandi iniurias occaſio. domi inter Vaſcones diſſidiis enatis, pars Vianæ Principi ſuadebat, vti maternum regnum capeſſeret. patrem iniuriam ætati, iniuriam genti facere. ex externa gente regium nomen nullo iure occupare: magnorum motuum fundamenta ponebantur. Vaſco Cæſarauguſtæ erat: vbi conuentus Aragonii adulto vere habiti ſunt. De quæſitoribus, quibus Præfectus Iuſtitia Aragonum quaſi legatis vti conſueuit, diſceptatum. eorum munus certis legib. circumſcriptum: ne conceſſa ad ſalutem poteſtate ad iniuriam abuterentur. Bona de quib. lis eſſet, penes ſequeſtrum publicum deponi mandatum: ne iudicibus litium prorogandarum occaſio eſſent, eorum arbitrio permiſſa, atq; in eorum relicta poteſtate. Alphonſo Aragonio res Hiſpaniæ eatenus curæ erant, vt miſſis legationibus ad Principes, hortaretur ad pacem: ſi bellum eſſet in fratrem gentemq; propenſior. alioqui obliuio patriæ cepiſſe videbatur: neq; vti in Hiſpaniam rediret adduci potuit, de ea re quamuis identidem appellatus. illecebræ omnis amœnitatis maritimæ terreſtriſq;, in Italia detinebant: atque in nobiliſſima prouincia primum potentia & auctoritatis locum naſtus. inter Hiſpanos in ſecundis, quod neceſſarium fore prouidebat, numerari recuſabat. laborum fructus optima pax erat, famaſq; nominis: qua inter ſui temporis Principes celeberrimus fuit. vt finitimi longiniquique eius amicitiam certatim expeterent, miſſis in eam rem honeſtiſſimis legationibus Græci maximè Principes Turcarum armis exagitati: qui feroces tantis victoriis, omni ex parte circumfuſi vrgebant aſſidui atque formidabiles. nobiliſſimi imperii ſcilicet, appetebat interitus. ægra gentis ſpes vnus Conſtantinopolis munitione, amplitudineque ſtabat. præſidium id inualidum, atque imbecillum erat. Externa auxilia conquiſita à Demetrio Palæologo (is Conſtantini Auguſti frater erat Atticæ & Peloponneſi Princeps) miſſa ad Aragonium legatio. Si vires conferret, Turcici belli proſtigati amplas prouincias præmium futurum, idem ab Aranito factum Epiri Comite (Albaniam vulgus vocat.) Georgii Caſtrioti propter eximias viri virtutes, gloriamq; bellicam, legatio in eam rē miſſa prætermittenda non eſt: eaſq; de illo Principe hoc loco dicenda quæ conſequentibus commemorandis cognoscendiſq; lucem afferant. Amurati Turcarum Principi datus fidei obſes à patre Ioanne Caſtrioti in Epiri parte ea principatum obtinente, vbi olim Emathia fuit, à puero Mahumeticis ſacris inſtitutus Scanderberchius, hoc eſt Alexander vocitatus eſt. ætate confirmata id ſpecimen præbuit, vt fortiſſimi Ducis in eo indoles appareret, in omni contentione atq; certamine æqualibus maior: procero compactoq; corpore, conſpicua forma, animo magno, gloriæ appetentior quam voluptatum. Itaque eius ductu magnæ ſæpe res breui confectæ. Patriæ inter hæc religionis amor incitabat, paternique principatus ſpes vrebatur iniuria ablati. Inſigni edito facinore tranſire ad noſtros cogitanti, rei perficiendæ opportunitatem caſus attulit. inſigni ad flumen Morauam prælio à Ioanne Hunniade Turcis proſtigatis, Georgius fuga ſeruatus, literis nomine Imperatoris conſcriptis, Croiam urbem paternæ ditionis caput Præfecto decepto improuiſus occupat: vrbes finitimas & oppida capit. Magnum Georgii facinus dolorem barbari Principis animo, magnam curam ingeſſit. literæ vltro citroque miſſæ. ſublata ſpe voluntate quidquam facturum, Turcæ ad incendium accurrunt. multa prælia fuere. magnæ ſæpe hoſtium copiæ à paucis piis proſtigatæ. tantum in vnus viri virtute, præſidii rebus erat. Diui etiam locorum præſides aderant. qui enim humanis viribus & conſilio

1451 tamdiu sustentare potuissent? inuidiasque barbarorū copias toties superare? Singula commemorare longum esset: nominis certē gloria veteres heroas exæquasse visus est, & auspicio nominis Scanderberchii, virtute haud dissimili felicitateq;. Vires exiguæ erant, & tantis conatibus impares. externa auxilia euocata sunt. Veneti adiuncti: Romani Pontifices ad opem ferendam sollicitati: ad Aragonium Regem Caietam, vbi se tenebat incunte anno m cccc quinquagesimo primò legatio venit. Si milite & pecunia, in id bellum iuaret, in eius fide futuram prouinciam, annumq; vectigal repræsentaturos cum fide, quod Turcarum Principibus pendere soliti erant. Benignum respōsum datum: præstita etiam auxilia. sed quantulum id erat, in tanta hostium potentia frementium tandiu bellum ea parte sustentari? Fuit hic annus Hispaniæ maximè faustus. Isabellæ Principis exortu: cui Castellæ imperium defunctis fratribus numina destinabant. vulnera maiorum socordia reipublicæ inflicta, animi magnitudine, & perpetua felicitate sanatura (egregium Hispaniæ decus æternumq;) ad nonum Kal. Maii Madrigale, vbi parentes erant, nata est. Alia parte Henricus maris Præfecti frater, quem captum ante tres annos, cum aliis proceribus diximus, è turri Langa, vbi prope Gormatium detinebatur, hoc astu aufugit. Monitis occultis suis quæ fieri vellet, nocte quadam vestem in strato ita componit, vt dormientis speciem præberet pileolo nocturno imposito: seq; è conclaui subducens in summam turrim euasit. Custos de more conclaui lustrato, dormire Henricum credens obserata silētio ianua discedit. Ille quietis omnibus glomere fili euoluto, restim nodis distinctam à suis accipit. cuius ope librato corpore reptansq; manibus, & pedibus magno nisu, magno animi vigore incolumis euasit, lætus ouansq; non minus felici temeritate quam recepta libertate. Friderico Cæsari per legatos expetenti Eleonora Lusitani Regis soror promissa cōiux. data sponsalia Olisipone quinto Idus Augusti, die Lunæ. mox puella nauibus missa longa & difficili nauigatione Pisas, Senasq; in Hetruriam peruenit.

Bellum ciuile inter Vascones. CAP. XI.

NOuis fœderibus inter proceres, quod ictum erat fœdus, dissipatum est. Vasco præsidio nudatus domestico externoq;. vtrunque Aluarus consilio perfecit (cuius capiti omnis ea concitari cœpta tempestas minari videbatur) in periculo sæpe ab ingenio præsidium petere solitus. quod antea sæpe prosperè cesserat, nunc exitio fuit. superi vix finit fraudes impunè abire. eo tamen auctore, fœdere in speciem cum Vascone facto, Præfecto maris, & Castri Comiti venia denuo data. restituta etiam ditionis oppida sunt. Alfonso Vasconis filio Calatrauæ magisterium promissum: neque venienti præstitum tamen. cum se Petrus Gironius & Almagrum in Oretanis milite & cōmeatu ad vim prohibendam comparasset. ergo re infecta in Aragoniam sese referre compulsus est, ægrè ferente Vascone delusum se fraude esse: idoneumq; visum, qui dolis circumueniretur. Accessit noua iniuria: Aluari consilio Henricus Princeps patri conciliatus est. Præterea (qui grauissimus dolor fuit) belli flamma in Vasconib. concitata diuturni, ciuilis, sæuissimi hac de causa. scissa eius gētis studia ab antiquo erant in Beamontios Agramontiosq; infausta Vasconib. nomina: ex Gallia quidē aduecta, nobilissimis tamē atq; adeo regia stirpe familiis afficta, Lerini Comitibus, Cortesiis Marchionibus, quæ capita duarū factionū erāt. Agramontii Vasconis maiestate tenebantur. ægrum Vianæ Principis animū Beamontii ad sumenda arma incitabant. iniuria interceptū regnū, bello vindicandum dictitare. diuinas & humanas leges à patre violatas. Si vires humanæ deessent, tamen æquissimam causam superis curæ futuram. Cum Castellæ Galliæq; Principib. societas armorum constituta. Castellæ Principes affuturos se pollicentur, si modò palam moueantur arma. Tantundē pollicetur Gallus, omni Aquitania recepta de Anglis, finitimus opportunusq;. & erat per idē tempus Baiona in potestatē redacta, candida cruce in cælo sub conflictum visa. siue vera species fuit, q; nubium natura ferre potest, siue oculorū ludibrium præstigiæq;, in omen verum melioris deinde fortunæ. Crux rubra, quo bellico insigni vti consueuerant, Galli candida ex eo cruce mutata. nihil in continenti relictum Anglis præter Calitiū, & ei contributum angustum agrum. Motis inter Vascones ciuili dissidio armis oppida & vrbes, pars à Beamontiiis occupata, Pompelo regni caput, Olitum, Ayuar municipium. In fide Regis multo plura mansere. nam tempestate prouisa fidissimos quosque rebus & præsidiis præfecerat: seq; ad omnem occasionem magna diligentia cōparauerat. Vianæ etiam principatus in potestatem redactus. Ab Henrico Castellæ Principe Stella munitum oppidum est impugnatum. eodem Rex pater appulit. intus Regina Vasconum erat. Vasco suarum rerum periculo permotus eo Cæsaraugusta citato abiit ad quartumdecimum kalend. Septembris. Exiguus comitatus erat, neque in Aragoniis satis virium ad motus prouinciæ compescendos. maiores delectus in Aragoniis habiturus, Cæsaraugustam ipse, Castellæ

Castellæ Rex & filius quasi bello confecto, Caroli Principis hortatu sese Burgos retulerunt. Mite ingenium malo fuit: collectis à patre copiis, virtute magis & usu pugnandi, quam numero validis ad Ayuarem castra posita, copia defensorum & magnis operibus munitum oppidum. accurrit filius auxilio. castra iuxta posita. acies ad pugnam productæ quinto Nonas Octobris. viris sanctis inter utrosque, commeantibus, quibus graue erat, ac detestandum videbantur propinquos & necessarios inter se configere, filium aduersum patrem, tentatum si reconciliata gratia consensu ponerentur arma. Carolus faciles aures præbebat, his modò conditionibus: Vt venia omnibus à patre esset, etiam Ludouico Beamontio Lerini Comiti equitum Magistro. Vianæ, principatus restitueretur. Regni vectigalium dimidium ipsi cederet: unde vitam aulæque cultum sustentaret. Fœdus id consensu Castellæ Regis sanciretur: uti iureiurando Carolus pactus erat. Ex his capitibus, quædam Vasco tolerabat, reiiciebat alia. filius spe ferox, quoniam multitudine superabat, pugna signum dat. Idem ab hostibus factum. concurrere acies. primum Vasconis agmen loco pulsum: vñus Rodericus Rebolledus Vasconis cubicularius cæteris fugatis, hostes se ferociter inferentes sustinuit. eo virtutis exemplo reliquæ copiarum in pugnam inuectæ: ii etiam qui terga dederant, ignominiam fuga susceptam virtute audaciæque delere studebant. eorum impetum aduersarii non tulerunt, in fugam conuersi, initio à Bæticis equitibus facto. collectitius exercitus par veterano non fuit. minor cædes quam pro victoria. captiui multi. ipse Vianæ Princeps circumfusus omni ex parte hostibus. periculo proximus, gladio, & chirotheca militari Alfonso fratri traditis, deditioem fecit. Nobilis in paucis pugna, fœda initia, detestandi progressus, exitus miserabilis. pugnantium cæforumque numerus memoriæ non est proditus: ac ne de prælii ordine auctores consentiunt: ne de tempore quidem quo est factum, nostrorum scriptorum pudenda socordia. Carolus Tafallæ primum, deinde Monroii seruari à patre iussus est. toto captiuitatis tempore infectis veneno cibus ne perimeretur formidasse, fama est: neque allata post conflictum bellaria attingere ausum, antequam frater gustu explorasset. Lætus victoria Vasco Cæsaraugustam rediit. secuta est vxor, breuique prægnans facta est. neque Beamontii posuere arma, neque demisere animos. & Henricus Castellæ Princeps insensus socero, illis auxilio accurrit. Præterea Aragonii proceres Caroli causæ fauere cæperant, & de eo liberando inter se consilia inire. miserabilis rerum conditio in Vasconibus maxime. in agris vagabantur milites latrocinantium more: intra oppida factiones dissidiaque vigeant: ex eo rixæ, pugnae, cædes. In Bætica Maurorum audacia ad Arcobrigam castigata. equites sexcenti, pedites octingenti ea parte prædatum inuecti, à minori nostrorum numero, cæsi fugatique sunt quinto Idus Februarii anno m cccc quinquagesimo secundo. ductor Ioânes Pontius Arcobrigæ Comes, Marcia seu Marchenæ regulus. Maior ei genti clades proximo mense in Cõtestanis est illata. sexcenti Mauri equites, pedites mille & quingenti ad Eliocrótam (nostris Lorca est) in pugna superati, præda etiam ingens ablata, quadraginta millia maioris minorisque pecoris. nostri trecenti equites erant, pedites ad duo millia: ductores Alfonso Fagiardus Murciae Antelatus, eiusque gener Garfias Manricus: præterea Dieghus Ribera Murciae iuridicundo Præfectus. sic barbarorum conatus aliquandiu restiterunt: versaque fortuna partium est. Mauri à Rege Claudio alienati ad nouum imperium retulere animos. nihil præterea hoc anno memorabile accidit in Hispania: nisi quod Vasconi Regi filius susceptus est sexto Idus Martii. Sosii, qui pagus ad Vasconum & Aragoniæ fines est, ipso itinere, quo se ad virum Sanguessa referebat, Reginam repentinus dolor partus inuasit: foetumque matutum excussit: cui nomen Ferdinando fuit: amplissima regna & immortalis gloria, ob res præclare gestas bello, paceque. Senis Fridericus Cæsar, & Eleonora sponsa conuenerunt. Repetita sponsalia. cæremoniarum antistes Æneas Syluius, Principis gratia, & eruditionis fama nobilis. Nuptiæ Romæ ex ritu Christiano sacratæ, ab ipso Pontifice: de cuius etiam manu sunt coronati. Festa nuptialia Neapoli celeberrimo post hominum memoriam apparatu celebrata sunt. noua in ea vrbe nupta ex sponsa coniux est facta.

Aluarius Luna captus.

CAPVT XII.

Immérito rerum humanarum inconstantiam mortales accusant: quasi fluxæ, caduæ, incertæ paruo momento in contraria vertantur, temeritateque potius fortunæ, quam certo consilio regantur. cum contra vitia & mores accusandi essent: quæ prauos homines in præceps sæpe agunt. Quid enim mirum si inertī iuuenta senectutem egestas premit? si luxu gulaque maiorum opes effunduntur, pereuntque? Si potestas sordide habita

aufertur? si superbiam inuidia sequitur, certa; perniciēs? Nimirum vera rerum vocabu-
 la amissa sunt. aliena largiri, sua prodigere liberalitas vocatur. temeritas in laude ponitur,
 præsertim euentu secundo confirmata: ambitio decori ducitur: impotēs dominatus, at-
 que violentus seueritatis nomen induit. Rarò à moribus fortuna discrepat. nos inepti re-
 rum æstimatores alienas infelicitatis causas perscrutamur: quæ latent sæpe, nonnullæ ta-
 men existunt. Hæc præfari volui, funestum Aluari Lunæ exitū scripturus. Ab humili du-
 cta fortuna ad summum peruenerat, in præceptis ambitio dedit. Bona inerant in natura
 moribusq; inerant mala: vtra magis euentus indicat. ardens ingeniū, perspicax iudicium,
 aptus sermo & cum aculeo faceris, quadam tantū hæsitantia tardior, profunda callidi-
 tas, atq; simulatio, audacia, superbia, ambitio: ex quibus atque ex fraude, compositus vide 10
 batur. corpus exiguum, sed firmum, & bellicis laboribus idoneum: facies minuta, venu-
 sta tamen cum dignitateq;. hæc à primis annis suscepta, confirmauit ætas, auxitq;. Acces-
 sit contemptus hominum, commune potentium malum, aditus difficiles. ætatis flexu ira
 peruiacior fuit. quasi fera in cauea petita iaculis, deinde emissa, inimicorum odio exa-
 cerbatus, impotensq; successu, quas non strages dedit vindictæ studio ardens? His mori-
 bus non corruisse mirum est, sed randiu perstitisse pudendum. Sæpe antea occultis crimi-
 nationib. de maiestate postulatus fuerat, tanquam ingentes opes supra fortunam, supraq;
 conditionem nactus augere non desisteret. euerfa nobilitate graue etiam imperium in
 Regem exerceret. Nihil illi ad regnum præter nomen deesse. studia ciuium habere, mu-
 nitissimas arces: auri & argenti immensam vim: exhaustum esse publicum ærarium. Ve- 20
 ra esse, quæ obiiciebantur Rex non ignorabat: sæpe etiam apud Reginam de iniuria igno-
 miniaq; conquestus erat, cum aliis communicare non ausus, libera etiam gemitus subla-
 ta facultate. Euertendi hominis opportunitatem exoptatus casus attulit. Petrus Stunica
 Placentiæ Comes, se Begiare ditionis oppido continebat, publico in ea temporum collu-
 uione abstinentis. id Aluarus odium interpretatus, eius perniciem molitur. Garfias Albani
 filius è Petrafitæ, quæ arx vicinis locis sita est, prædas agere non desisteat, paternæ iniu-
 riæ, quoniam vinctus tenebatur, vindex. Aluarus eius obsidendi consilium dat, improui-
 so etiam Placentiæ Comitem occupaturus. Sic animus erat. numina, quod parabat aliis
 exitum, in eius caput verterunt. fraus fraude petita. Hari Comes, Santillani Marchio
 Placentiæ Comitis suafu, facta conspiratione in Aluari necem coniurant. quingenti equi. 30
 tes missi Vallisoletum sunt: (quò Rex Burgis venerat in Bellum intentus, quod inter Vaf-
 cones gerebatur) incautum Aluarum oppressuri. tametsi alia species erat Beneuentano
 opitulandi aduersus Petrum Oforium Trastamaræ Comitē, cum quo dissidium erat. Pro-
 cerum consilio indicato Burgos auctore Aluaro reditum. quod saluti fore credebatur,
 maturauit exitum. Arcem eius vrbs Enecus Stunica obtinebat. Eneci frater Placentiæ Co-
 mes cum præsidio militari hostem vt opprimeret euocatur, quò res occultior esset lega-
 ta abs Regina ad auunculum, Ribadei Comite principe fœmina prudentiq;. In Castes
 Aluarum incidisse: irretitumque teneri. omnium telis quasi feram petendum: commu-
 nesq; iniurias vindicandas eius interitu. Neruis æger Comes venire non potuit. Aluarus
 filius missus, dum Curiele oppido Burgis vicino euocat equites, Aluarum Lunā Rex mo- 40
 net, vt in ditionem discedat: quanta inuidia flagret nō ignorare. sibi in animo esse, proce-
 rum consilio rempublicam gerere. consilii nimirum suscepti pœnitentia subierat: aut rei
 exitum formidabat. Recusat ille nisi Toletano Archiepiscopo euocato: quem pro se vica-
 rium substituere cogitabat. præterea Regis ex sermone (neq; enim temere fuisse putabat)
 odoratus insidias nouū facinus designauit. Deus illi mētem eripuit. Alfonso Biuerum,
 qui Regi à consiliis erat, domi obtruncat, atq; è cancellis in subiectum fluuiū præcipitem
 dat, nihil tēporis sanctitate motus tertio Kal. Aprilis, ipso die Veneris Christi cruciatuum
 memoria sacro, salutis anno M cccc quinquagesimo tertio. Extrusus cōtinuò qui Alua-
 453 ri Stunica aduentū vrgeret. Præcessit is obuoluto capite. Sequebantur modicis interual-
 lis octoginta equites. ad arcem noctu ciues quidā euocati, monitiq; vt cū armis vrbs pla- 50
 teas obliderēt. Rumores tota vrbe iactati Aluaro proxima luce parari vincula: nemo tamē
 renunciat. stupor animos occupauerat. vnus è familia Gotor, denunciato periculo, vt no-
 cte in suburbanum hospitium se subduceret hortatur. salutaria monenti nō parēt. Variis
 consiliis agitatus, quod probaret non habebat. quò enim se reciperet? vbi lateret? cui salu-
 tem crederet, vrbis auxiliis infidis, longinquis arcibus, quas habebat fortissimas? Go-
 tore ablegato, rei euentum expectare constituit. Si verum fateri conuenit, quoniam si-
 bi confidebat, contemnebat hostes: vtrunque in periculo nimium, exitialeque malum.
 Rebus comparatis Nonis Aprilis, cū dies Iouis lucesceret, ædes Petri Carthagenæ, v-
 bi Aluarus Luna erat, armati obsident. vim adhibere non est visum, nonnullis quamuis
 militibus

militibus è fenestris ædium vulneratis. Internunciis comitantibus, quod necesse erat, Aluarus Luna deditionem facit syngrapha à Rege missa: nihil eum per iniuriam passurum. speciosa verba rebus vacua. In eisdem ædibus custodiæ mandatus, Abulensem Episcopum è fenestra conspicatus Regis lateri adhærentem (nam eisdem ædibus pransurus sacris operatus veniebat) apprehenso mento suo: Pœnas, inquit, sacrificule huius nostræ iniuriæ dabis. ad quem ille: Deum testor, respondit, nullam me huius consilii partem fuisse. nondum domita malis Aluari ferocia erat. Peraçto prandio, remotisq; mensis, cū Regis conueniendi potestas facta victo non esset, codicillū in hanc sententiā mittit. Quintus & quadragesimus annus, Rex est, ex quo in tuis obsequiis sum. De præmiis non queror. maiora meritis, maiora expectatione fuerunt: non negabo. vnum felicitati meæ defuit, tantæ fortunæ tempestiua moderatio. Dum otio, quod magnorum virorum exemplo petendum fuit, negotium præfero à me debitum, tibi vt putabam, necessariū, in hanc incidi calamitatem. Eripi libertatem, quam tibi non semel vt redderem magnis periculis vitam & fortunas obieci, graue est. Plura dicere dolor prohibet. Multis meis peccatis numina irritata certo scio. his malis si placantur, satis habeam. Opes vltra sustinere non possum. quarum tantam copiam in me cumulasse malo fuit. iis libens cederem nisi in tua potestate omnia essent, erepta nobis facultate hominibus probandi, cum ad summa euexisset te, qui res humanas vt parare, sic possit contemnere: atque vnde acceperit resignare. Illud obtestor, vt quoniam ærarii inopia inductus, vnde minime debui, decem aut duodecim millia aureorum redegi, quæ in oculis seruantur, ea reddi quibus sunt ablata cum fide facias. Hoc si nostris officiis qualiacunque fuerūt, non impetro: æquitati postulati concedere necessarium arbitror. Ad hæc Rex: Quod de obsequio & præmiis diceret, non negare, maiora tulisse, quam ab vllō Rege, aut Imperatore ab vlla memoria priuato contigissent. Eius causa ereptam sibi libertatem, eo adiutore redditam, non minus mereri vituperationis, quam laudis. Regiæ inopiæ ab eo potissimum factæ, suis copiis opitulari æquius futurum fuisse, quam aliena iniuria, se tamen ex eius bonis, iis qui damna pertulerant, facturum satis. maiore in eo conscientiæ ratione habita quam iniuriarum. Mirum est, in tanto numero eorum, qui Aluari beneficiis obstricti erant, nullum in periculo ad præsidium accurrisse. Verum miseros studia destituunt, cum aulæ gratia in contrarium circumacta. Tanti hominis supplicio Hispanis annum insignem, vniuerso orbi Christiano luctuosum reddidit, vrbis Constantinopolis casus, à Turcis vi captæ. Mahomad gentis Imperator multis de nostra gente victoriis insolens, cæteris circum vrbibus & oppidis in Thracia captis, ad Constantinopolim castra posuit. Mari terraque vrbis nobilissima dies quatuor & quinquaginta omnibus operibus impugnata. A Lōgo Iustiano Genuensi aditus in vrbem hostibus est patefactus ad quartum kalendas Iunii. A quibusdam superior annus falso haud dubium & per errorem designatur, Pentecostis feria secunda, de die mensis non discrepantibus. Omnia barbaræ crudelitatis exempla in miseros edita, nullo sexus aut ætatis discrimine. Horret animus gentis ærumnas, nostram ignominiam meminisse, florentissimi quondam imperii opes momento temporis euersæ. violatæ fidei, quam in Concilio Florentino Ioannes Palæologus Imperator dederat, consentanea merces fuit. Frater Constantinus, qui in imperio successerat, ne ludibrio maiestas esset, cum hostes videret irrupere, posito paludamento, inter confertos pugnans occubuit, turpi seruituti honestam mortem præferens. id vnum virtutis specimen præbuit. eius fratres Demetrium & Thomam ad maiorem ignominiam fortuna, Deus verius, seruauit. Perculit ea res, vt par erat, piorum toto orbe animos, intempestiux lacrymæ erant, post acceptam cladem. Ex eo vrbis illa Turcici imperii sedes, domiciliumque fuit, suis copiis & nostris malis nobilis atque præclara. Carolo Vianæ Principi, Cæsaraugustam deductos agentibus Aragoniis cum patre reconciliata gratia, libertas est reddita decimo Kal. Iulii, lcti foederis caput fuit. Vt ipse in patris potestate esset. Ex vrbibus & arcibus, quæ in eius fide erant, præsidia deducerentur. Fidei obfides dati Ludouicus Beamontius Lerini Comes equitum Magister, eiusque filii, alique Vascones viri primarii, breuis lætitiæ fuit, noui motus sunt breui concitati, paterna auuiditate filii impatientia, res publica diu iactata.

Aluari Luna supplicium. CAP. XIII.

VNo tempore à Rege Castellæ Aluari oppida, & thesauri occupabantur, ipse è vinculis causam dicere est compulsus: quæ bona esse non poterat, aduersum Regem tantis præsertim iniuriis exacerbatur. Dati iudices, maiestatis damnarunt. Portilio, quo deductus erat, Vallisoletum relatus, pœnitentiæq; & eucharistia procuratus, ad supplicii locum mula vectus est per plateas, voce præconis sententiæ summam de more incla-

mantis, his verbis: Hoc supplicium huic crudeli tyranno abs Rege esto. Quod præcipiti
 temeritate & amentia cum regię maiestatis diuinę in terris vicarię sugillatione, aula in
 potestatem redacta, rep. que vniuersa ad arbitrium reuocata. Supra conditionem, supra-
 que priuati hominis modum elatus superbia, in Deum, Regemq; contempta regia ma-
 iestate, regii patrimonii magna iactura, fœda iudiciorum perturbatione, ea crimina, flagi-
 tia, maleficia, peculatus perpetravit, pro quibus securi subiicitur: vt diuina regiaq; vindi-
 cta sancita vnius supplicio, cæteris documentum detur similis audacię vitandę. Sic qui
 deliquit, pœnas dato. In medio foro suggestus erat amplius, cruxq; in eo, & geminę faces
 accensę tapete substrato. eo consenso, crucem veneratus aliquotq; passibus confectis, a-
 manuensi puero signatorium annulum, galerumq; dat. Hęc inquit, postrema à me mu-
 nera habet. Ingens pueri ploratus, circumstantium gemitus consecutus est. varię rerum i-
 mages mentibus occurrebant. proximę fœlicitatis cum præsentī fortuna comparatio,
 inimicis etiam excusserat lacrymas. Aderat Barrasa Henrici Principis stabulo Præfectus.
 Huic ad se vocato. Vade, inquit, Principi ex me dicito, famulis gratificandis ne Regis hoc
 exemplum sequatur. Erat vncus ferreus sublimi ligno cõfixus. rogat carnificem ecquem
 in vsum paratus esset? Sciunctum, ille, à trunco vti imponatur caput. Post mortem, subdit
 Aluarus, de corpore vt libet, facito. viro forti mors turpis esse non potest: neque immatu-
 ra tantis honoribus defuncto. Hęc dixit: simul diloricatis tunicis intrepidè securi caput
 subiicit, tertio Nonas Iulii, vir verè magnus, ipsaq; fortunę varietate admirandus. Tri-
 ginta circiter annos ita in aula dominatus est, vt nihil neq; maioris neq; minoris rei, nisi
 eo arbitro gereretur: ne vestes quidem Rex, aut tibi genus, aut aulę ministeria, nisi eius
 voluntate mutabat. Sed exemplo tamen calamitatis, monendi sunt aulici, vt amari à Prin-
 cipibus quam metui malint: qui metus domini exitium serui est: & fata vix sinunt super-
 bos famulos feliciter mori. Alfonsus Spina monachus Franciscanus morienti affuit. is qui
 fortalitium fidei edidit, splendido titulo, voce barbara, eruditum opus & diuinarum re-
 rum cognitione præstanti. Truncus tribus diebus in suggestu relictus pelui iuxta posita,
 ad stipem colligendam, qua sepeliretur homo paulo ante Regibus potentia exequandus.
 Sic res humanę variant. In Diui Andreę vbi cæteri supplicio affecti, sepultus est. inde in
 Diui Francisci translatus intra idem oppidum. annis consequentibus in templum Tole-
 tanum, instaurato ab amicis funere, Regum permissu. Vulgo fertur, consulenti vatē Al-
 uaro prædictum, Cadahalsum exitio fore. eum, quod ad suggestum referre debuisset (id
 ea vox Hispanis significat) oppidum interpretatum illo in Carpetanis nomine, suū quam
 uis per totam vitam vitasse. Nos hęc, vt vana, parum curanda putabamus. Ad Scalonom
 regiā castra erant. id oppidum post Aluari exitum, deditum ea conditione ab vxore est: vt
 viri thesauri æquis partibus ipsa, & Rex partirentur. cætera omnia fisco addicta. Ioannes
 Luna Aluari filius, Sancti Stephani oppidum à patre datum retinuit. huius filia nupta
 Diego Paciecho cum Villena paternum comitatum iunxit. filia altera iuxta Aluaro fuit
 Ioanna nomine. ex impari matre Petrus Luna Fontidonię regulus: filiaq; vxor Ioannis
 Lunę propinqui, Sorię vrbs præfecti. De Aluari casu hætenus. Ab Ismaele Mauro, quē
 annis superioribus ad Mauros abs Rege remissum fuisse monstratum est, factionis opib.
 nostrisq; auxiliis confirmato, Rex Claudus patruelis regno spoliatus est: quo tēpore non
 traditur: de facto nemo dubitat. acceptę superiori anno calamitates studia gentis auerte-
 rant, alioqui nimium in Principum mutationem pronę. Ismael regno suscepto, fide erga
 nostros haud diuturna fuit: in tenui fortuna benignus amicusq;, post victoriam accepti
 beneficii immemor. In Lusitania nummi aurei recens percussi cum primis probi, cruci-
 ati ex eo dicti, quod per idem tempus venia concessa Lusitanis est: quicunque cruce insi-
 gni aduersus Christiani nominis hostes, pro religione arma sumerent. Aluarus Gonsal-
 uus Lameci Episcopus, eam veniam à Romano Pontifice Nicolao quinto abstulit, vir in
 ea gente clarus prudentia, doctrinę opinione præstanti.

50

Castella Rex obiit. CAPVT XIV.

SVblatus Aluarus Luna, neque rerum conditio tamen magnopere in Castella mutata.
 Regi quidem propositum erat, si diuturnior vita contigisset, rempublicam per se gere-
 re adhibitis in consilium Conchensi Episcopo, & Guadalupeo Priore Gonsaluo Illesca
 viris ea ætate integerrimis sanctisq; iis adiutoribus incommoda accepta maioribus com-
 modis sanare: summę diligentię summam imperii seueritatem addere: quæ sæpe inani
 specie clementię salubrior est. Itaque vtrumq; Abulam eo consilio euocauit: quo Scalo-
 na discesserat. Octo millia equitum ad continendam in pace prouinciam, externā vim
 prohiben-

prohibendam ordinariis stipendiis alere cogitabat. Regia vectigalia singulis vrbibus exigenda tradere, toto genere mancipum & publicanorum amoto: quoniam omnes vias pecuniæ norunt, & pecuniæ causa ingentes fraudes suscipiunt. Cœperant Lusitani extrema Africæ littora anniuersariis nauigationibus tentare: aperireque, longissimo tractu vsque ad Bonæ spei promontorium: quod litoribus vtrinque in cuspidem extenuatis, vltra mediâ celi plagam triginta quinque gradibus porrectum est. vnde genti magnæ opes accessere, gloria par. Henricus Lusitani patruus cognitis astrorum conuersionibus, cuius rei peritissimus erat, & in studium incitatus, Christianæ religionis amplificandæ, auctor primus extitit. quo nomine immortalem laudem habeat necesse est. Castellæ Rex
 10 ea Africæ litora ad suum ius pertinere existimabat: neque interceptum à Lusitanis iri, passurum. legatus de ea re Ioannes Gusmanius, ni mutarent minas addidit: bellû sæuissimum finibus illaturos. à Lusitano mite responsum datum: Putare se nihil contra ius factum esse: atque fidere, nisi re diiudicata Castellæ Regem haud moturû arma. Medinam is Campestem & Vallisoletum abierat, si mutato cœlo morbum pelleret, quo lento sed diuturno cœperat laborare. Vno tempore Ioannes Gusmanius è Lusitania cû eo responso rediit: & Aragoniæ Regina spe Principes Hispaniæ facta pace inter se conciliandi, Vallisoletum appulsa est. Inanis conatus non fuit, Regina rem susceptam magna cura administrante, cunctis fere Hispaniæ prouinciis diuturno bello fessis, exhaustisque. etsi noua
 20 offensionis occasio extiterat. Blanca ab Hérico Principe repudiata remissaque ad patrem est, quasi maleficio, sacrisque magicis veneris vsu prohibita. is erat prætextus: re alienæ culpæ pœnas dirèpto coniugio dedit, viro præpõsteræ libidinis auido, (quod sæpe vitium castigare pater conatus erat,) concessæ neque cupido neque potenti præsertim vitiandis virginibus. sic constans opinio fuit, multis argumentis confirmata. A Ludouico Acunio Segobienfis Ecclesiæ Cardinale Ioanne Ceruante Administratore, diuortii sententia pronunciata primum: confirmata deinde ab Archiepiscopo Toletano, Nicolai Põtificis permissu, datis ad eum literis ea de re, non sine admiratione orbis terrarum, dimissa Blanca, neque Henrici toro (quod fuisset consentaneum) diu cælibe. Castellæ Rex noua prole est auctus, Regiæ ad Tordesillam partu mensis Decēbris die septimodecimo. Alfonso illi nomen fuit: neque vltra adolescentiæ annos vixit, belli causa grauis & diuturni
 30 prouincialibus, magis quã dux aut auctor futurus. vti rerû euentus declarabit. Aragoniæ Regina annitente, Castellæ & Aragoniæ arma vt ponerentur mandatum: idem de Vasconibus constitutum patre filioque, dum stabilis pax æquis conditionibus sanciretur. in eam rem proximi anni induciæ concessæ. rem prope confectam Regis Castellæ obitus moratus est. Ingrauescente valetudine, sacris omnibus procuratus, Vallisoleti decessit ad tertiumdecimum kal. Augusti eius seculi anno quinquagesimo quarto. Corpus in Bur- 1454. gensi cœnobio, quod à patre extructum, Carthusianis ipse monachis dederat, vt tumularetur testamento cavit. Extemporale sepulchrum in Diui Pauli Vallisoleti paratum. funus magnificè factum. iusta exequiatum per oppida & orbes persoluta. Ipsa etiam vrbe Neapoli mense proximo. vbi inter atratam cohortem & luctus vnus Venetus legatus in
 40 ostro pōpē funerabili interfuit. Insolenti spectaculo lacrymæ risu mutata. accēsis tamen funalibus lignei tumuli, quod in medio templo ad funus peragendum dandas inferias extructum erat, magna pars arsit. Alfonso Infanti nuper nato Sancti Iacobi militia commendata à patre testamento est, idem præterea Magister equitum renunciatus. vtrûque in Aluari locum. tutores designati Conchensis Episcopus, Prior Guadalupeus, Padillia Cubicularius. cum ne regni successorem nuncuparet imbecilla ætas tenuit, & maiorum motuum metus. cogitasse satis constat. Isabellæ Cuellarem oppidum legauit, ingensque auri pondus. Regiæ coniugi Soriam, Areualum, Madrigalem: vnde vitam principalem, viduitatis incommoda sustentaret.

50 *Henricus Rex Castelle renunciat. CAPVT XV.*

Regis obitu Castellæ res in Henricum filium, vt erat necesse, translatae sunt. in cōuentu procerum, quorum pars aderat, alii ad rei famam confluxerāt, quarto post die infulis, & cæteris regni insignibus exornatus est. Albæ, & Treuigni Comitibus libertas continuo data: quod inaugurationis lætitiâ vehementer auxit. ceteri proceres, qui capti fuerunt, alius alia causa euentuve fuerant antea liberati. paternæ aulæ ministri omnes retenti sunt. de Hispaniæ pace denuo agi cœptum abs Regina Aragoniæ, penes quam viro & Vascone deferentibus, decernendi potestas erat. Hæ conditiones scriptæ, Vasco, Alfonso filius, Henricus Henrici Aragonii filius, iis oppidis & honoribus, quæ in Castel-

la erant, abscedunto. Pro iis designatum auri pondus quotannis Castellæ Rex cum fide pendito. Præfecto maris, Henrico eius fratri, Ioanni Touario Valeranicæ regulo, ceterisque Vasconis partes secuti, potestas esto in patriam ditionemque redeundi. Castri Comes Diegus Sandoualius extinctus erat, atque Borgiæ tumultatus. præmium fidei cultæ erga Aragonios fuit Dianium & Lerma in Valentino agro, atque vltiori Castella: quæ oppida Ferdinando filio reliquit. Is cum paucis è coniuratis exceptus est, ne in Castellam rediret, nisi à nouo Rege prius facultate impetrata. Sancitum præterea, vt arces ad fines Castellæ & Aragoniæ belli tempore captæ, ab vtraque parte restituerentur. Atiensæ quindécim florenorum millibus de Vascone redempta, aliquanto post tentatum, si bellum Vasconum pace mutaretur. minor spes erat, prouentus nullus, quoniam maioribus odiis gerebatur, quippe inter filium & patrē. quo maior necessitudo eo simultas grauior. Dum fœderis conditiones Principum, quorum intererat, consensu firmantur, in annum proximum induciæ prorogatæ. His rebus constitutis, Regina quidem in Aragoniam se se retulit: Villenæ Marchio sine rivali gratia noui Castellæ Regis & opibus validus, Ferrerius Nufæ Reginæ Aragoniæ Comes antea datus, Ioannes Beamôtius Ludouici Magistri equitum in Vasconibus frater, tres hi trium Principum legati, Henrici, Vasconis, Caroli

1455 Agredam conuenere, ineunte anno M cccc quinquagesimo quinto. Loci commoditas inuitabat: quoniam ad fines Vasconum & Aragoniæ in Castella situm est, vt colloquio deligeretur: & Henrici maiestati datum, in cuius ditione erat. parum profectum fœderis conditionibus nondum à Vascone & sociis consensu firmatis, occultis Paciechi artibus inter patrem & filium impedita pace, formidantis, ne rebus tranquillis minus ipsi potentiæ & auctoritatis esset. Induciæ modo ad mensem Aprilē partium consensu continuatæ, spes concepta prouincialium animis breui euanuit. res communes, quasi turbato ventis mari sequaque procella inflatis fluctibus cum agitur nauis, viro & gubernatore opus habebant: quod vnum maxime deerat, Nouus Rex socordia patri persimilis, neque impendunt mala considerare: neque satis animo prouidere tempestates. Ardenti quidem erat ingenio, pusillo tamen, oppletoq; fœditate. reipublicæ curæ grauissimæ. Paciechus rerum arbiter, cautior Aluaro modestiorque, an felicior, nam ad vitæ finem perstitit. Caput Regi magnum, lata frons, cæsi oculi, nasus non natura sed casu simus, cæsaries subflaua, vultus rubedinem fuscedo temperabat: toruus aspectus ac ferus, statura procerus, crura oblonga, forma non indecora, totius corporis habitus firmus vereque militaris. venationis & musices præcipuum studium. cultus moderatus, aqua potus, cibus nimius, mores dissoluti, atque omnibus turpitudinum maculis vita deformis. quibus rebus corpus labefactatum, atque morbis obnoxium fuit. nulla actionum constantia. Liberalis illi atque Impotentis cognomina vulgo afficta sunt: alterum naturæ vitio, alterius causa profusa liberalitas extitit: prorsus vt donandis oppidis, pro fundendis sine iudicio, eoque nulla gratia, quos auide congefferat, thesauris maiores omnes superasse videretur, imperii etiam maiestatem imminuisse, vires debilitasse, alieni appetens, sui prodigus. Data beneficia obliuisci: accepta recordari: eaque properantius compensare quam es mutuum. Mitis sermo atque comis fuit: quosuis benigne appellare. clementia nimia, quæ nisi feueritate astringatur non minora sæpe mala, quam crudelitas affert. Legum contemptus, impunitatis spes prauorum audaciam alit, atque confirmat. hac morū varietate factum, nulla vt tempora turbulentiora extiterint, quam Henrici regno, quod annorum viginti fuit, mensium quatuor, dierum duorum. Prudentia non magis ad ciues in pace regendos defuit, quam intestinis regni motibus pacandis.

Pax Italia. CAPVT XVI.

Mota in Italia arma ante tres annos hac occasione erant. Francisco Sfortiæ post Mediolanenses subactos, imperii partem, quæ ad Abduam est, repetenti de Venetis, & quoniam non reddebatur, bellum meditantibus, Florentini fauere cæperant occulta armorum societate constituta. id egre Venetis fuit. Florentini omnes finibus commercioque prohibiti. Leonelli Ferrariensis Marchionis opera, Aragonius ad socianda arma impulsus: si Florentinis in suis sedibus bellum inferret, Sfortiam iniuriæ fore opportunum. facto fœdere Guillelmus quidem Monferratus Aragoniis stipendiis in Alexandriæ fines immisus est, cum quatuor equitum millibus, duobus peditum. Ferdinandus Aragonii filius Calabriæ Dux (trine iam prolis pater, Alfonsi, Friderici, Eleonoræ) quo maior esset auctoritas, maiorque hostibus terror, in Florentinos amandatur. adiuncti sex millia equites, pedites duo millia: nobiles Duces copiarum Neapolio Vrsinus atque Urbini Comes.

In Cortonę Aretiique fines impetus factus. vastatus ager, direpti; incensique pagi sunt. Foianum oppidum expugnatum: Astor Fauentinus, qui primus opem Florētinis laturus eorum inuitatu accurrerat, acie victus. nonnullę præterea eo tractu arces occupatę. alia parte Vadum in agro Volaterrano Antonius Olzina de hostibus ceperat: finitimosque agros vexare incursionibus non desistebat. In Insu-
 10 Insubribus bellum non minori conatu administratum est. Renatus Andegauensis à Francisco Sfortia ex Gallia euocatus, spe facta, Cisalpino bello confecto communibus armis regnum Neapolitanum pulsus Aragoniis recuperandi, à Sabaudo atque Monferrato Alpium aditu incesso Venetorum hortatu, ipse binis nauibus Genuam appulsus est. exiguo comitatu deformi aulę cultu,
 20 contemptui esse cœpit. Paruę sæpe res magnarum momentum afferunt. A Ludouico Delphino, qui postea Rex Gallię fuit, eo nomine vndecimus, copię terrestri itinere Astam vsque perductę. Gallorum alacritas cum qua expeditionem susceperāt, breui consenuit. tribus exactis mensibus, de causa non constat, sed repente se se in Galliam retulerunt, Renatum accusantibus sociis, imperioque ineptum iudicantibus. venerat in periculum summa rerum. Insubres, & Florentini à sociis deserti, impares hostibus fore videbantur. Aliena calamitas salutis fuit. Constantinopolis amissę nuncius, fama-
 30 que ad concordiam reuocare cœpit. nam barbarus victoria insolens factus, de Italia cogitare, propemodum affore nunciabatur. metus ab intestina discordia reuocauit animos. Simone Camerino Augustiniano monacho, viro prudente, magis quam erudito, vltro citro-
 40 que comitante pax inter Venetos, Insubres, & Florentinos æquis conditionib. ad Laudum oppidum facta erat, proximo superiori anno ad quintum Idus Aprilis. Societas armorum adiecta Venetiis tertio kal. Septembris. Vtrunque Aragonio ægre fuit, se incerto fœdus factum, Venetorum inconstantia atque infidelitate (sic ille putabat.) Ferdinandus filius Neapolim reuocatur. Tanto Rege placando, in quo certissimum præsidium fore rebus credebatur, opera data. à Venetis, Insubribus, & Florentinis oratores missi, qui fœdus festinatum excusarent, viri præstantes. Celeritate opus fuisse: ipsi locum relictum: ac vero primas partes datas. Siquid offensum esset, publicę vtilitati, atque salutis Italię priuatam iniuriam, vti facere consueuisset, condonaret. A Nicolao Pontifice Dominicus Capranicus Cardinalis Firmanus præcipua probitatis, pietatis, modestięque opinione,
 50 innocentia, atque doctrina singulari, quo maior esset auctoritas, aliis oratoribus adiunctus Caietę, quo Rex venit, sociis sacratę dignitati deferentibus, temotis arbitris hac sententia orationem habuit. Rem facilem vltroque tibi expetendam ad te, Rex, oratum venimus: pacem societatemque tibi honorificam, hoc tempore necessariam. Quo vniuersum Christianum orbem ingens ex præterito luctus, maior in futurum metus occupauit. Nostri cessatione (ferme dixerim socordia, amentiaque) grauissima plaga, maior ignominia accepta est. Sit semel peccasse satis. sit errantibus medicina, mala esse passos. Quę acta sunt redargui magis, quam mutari possunt: ea pessima malorum præteritorum conditio est. Sed dum priuatas tamen cupiditates publicis cōmodis potiores ducimus, dum mutuis dissidiis digladiamur, nulla pietatis, nulla religionis cura, alter Christianę reipublicę oculus lumenque extinctum est. quanto hæc cum dolore loquor. sed vltro tamen manantes lacrymas, motumque animi tenere necesse est, dum cætera dissero. In commoda sane intestinis dissidiis accepta, concordia publica sananda sunt. aut hæc, aut nulla faciendę medicinę via est, in tam recenti vulnere publico priuatoque. In nostris, ruinis atrox Christiani nominis hostis ferus ac barbarus insultat. Orientis prouincias vastauit, diripuit, incendit: ipsa Constantinopolis lux orbis terrarum, atque arx, subito vno incendio concidit. Versatur ante oculos tristis eius diei imago, & furor gentis in ciuium cæde bacchantis. matrum familias captiuitas, fuga puerorum, sacrarum virginū vexatio, violata tēplorum sanctitas. horret animus tantę cladis cōmemoratione. Cōstrata classibus maria sunt. Aegeum mare conclusum nauibus nostris. Orientis commercio prohibemur. Quę si vehementer videntur, vt sunt, misera atque miseranda, debent animos nostros ad sumendam vindictam concitare. Sed quid vindictam expetamus alienę iniurię? de patria, de libertate laborandum. neque enim eatenus resistit furor. de Italia meditantur: Romam caput ac sedem religionis in potestatem redigere satagunt. Proh scelus audaciamque intolerandā. Manabit, mihi credite, malum, non solum per Italiam, verum etiam transcendet Alpes obscure serpens: reliquas Occidentis prouincias, nisi resistitis, occupabit. Paruum quiddam instar eorum quę sæpe ac vasto animo conceperunt, euersum Græcorum imperium est. id agunt, molianturque vt oppressis omnibus è priorum natione, nemo ne ad deplorandum quidem rei Christianę nomen, atque ad lamentandum communem calamitatem relinquitur. Scythę, Syri, Afri, gentes militum nume-

ro, corporum robore, & bellandi usu formidabiles hostium sequuntur castra. Num æquum videatur in tanto periculo ad reipublicæ præsidium non excitari? patrieq; & religioni atque adeo humano generi non succurrere? Si Italiæ tranquillitatem rogaremus, erat humanitatis tuæ morem gerere. quid enim aut ad dignitatem honestius, aut ad laudem gloriosius, aut ad fructum salutaris, quam nobilissimæ provinciæ diuturno bello afflictæ publica pace mederi? nunc non de tranquillitate vnius provinciæ agitur: sed de salute, de incolumitate, de libertate vniuersæ piorum nationis. Eam opem à te potissimum resp. præstolatur. & quoniam ductore est opus, ad quem summa imperii in bello redeat: te Ducem atque Imperatorem negotio maritimo, qua parte bellum grauissimum imminet, vniuersa Italia iubet. qui honos ante te nemini est habitus. Omnia abunde suppetunt, 10 prudentia, vigor animi, auctoritas, pugnandi scientia. bellica gloria, multis in Italia, Gallia, Africa victoriis parta, hac vna expeditione illustranda est. eo amplius quod absque inuidia erit: quippe aduersus Christiani nominis hostes. Pone ante oculos Carolum, cui res præclare factæ Magni cognomen pepererunt, Gotifredum, Sigismundum, Hunniadem gratissima genti nomina. an alio itinere putas ad cælum fama euectos, quam piis bellis fortiter administrandis? nō alia causa tot populi, & Principes consensu posuerunt arma, quam ut tuis potissimum auspiciis pro salute communi, pro vindicandis religionis iniuriis, vires sociarent, sanctissimum bellum gererent. Id eorum omnium nomine nobilissimi oratores, quos ex meo ore locutos puta, omnibus precibus flagitant. Id sanctissimus senex Nicolaus Pontifex lacrymis toto ore manantibus, (quo habitu reliquerim succurrit animo) cum imperare posset, precatur, vix egram dolore animam vna spe sustentans pace publica Italiæ facita, iniurias acceptas vindicandi. qua sublata non dubitanter occidet. te non arbitror tam durum fore ut his vocibus, precibus, gemitibus non mouearis. Ad hæc Rex, neque se belli causam fuisse, neque moram paci facturum. in bello pacem, non in pace bellum querere solitum. Nolo, inquit, consentienti Italiæ deesse. Quod fœdus me incio est factum, libenter quidquid id fuit iniuriæ communi causæ condono. Pontificis Maximi auctoritatem, studia populorum ac Principum, pro eo ac debeo, plurimi facio: duxque vel comes in hanc expeditionem ire non recuso. Fœderis à Venetis cum Francisco, ac Florentinis nuper icti tabulæ recitata, in hæc ferme verba. Amicitia, fœdus, ac societas Venetis, Francisco Sfortiæ, ac Florentinis, eorumque fœderatis cum 30 Alfonso Rege pro communi Italiæ quiete, & salute, potissimum pro reprimendis Turcarum conatibus, à quibus graue bellum Christianæ genti imminet, his legibus inuiolabilis in annos quinque & viginti esto: & eo amplius quoad cunctis sociis placuerit. Alfonsus Venetorum, Francisci & Florentinorum, ac fœderatorum statum aduersus eos qui bellum inferant, aut laceffant, siue Italicus, siue externus hostis fuerit, tãquã iuris sui res sit, defendito. Rebus quietis mutuæ opis causa, si qua forte repentina vis ingruat, Alfonsus, Veneti, ac Franciscus, singuli octo millia equitum, peditum quatuor millia, Florentini quina millia equitum, duo peditum in armis parata habento: singulique, militibus, & copiis suis stipendia persoluunto. Si bellum alicunde oriri contingat, nulli partium, nisi de communi omnium cōsensu pacem componere liceto. nec Regi, nec sociis cū vlla Italica 40 natione societate, aut fœdus facere absque communi consensu fas esto. Premente bello singuli dimidiam saltem equitatus partem, & peditatus auxilio ad eum quæ laceffiri contingeret, impigre mittunto: nec illud donec patratum sit bellum, inde reuocanto. Si cōtingat auxilia ad aliquem è sociis mitti belli causa: qui auxilium acceperit, auxiliariis copiis loca in quæ diuertant assignato: annonamque & cetera necessaria eodem pretio, quo popularibus suis venundato. Si quis fœderatorum bellum intulerit, fœdus ex eo violatum, quoad ceteros pertineat, non esto, sed integrum atque incorruptum habento: ceterique laceffito auxilium præbento non minore studio, quã si is qui laceffat in ipso fœdere comprehensus non esset. Si cui sociorum bellum inferatur, nulli reliquorum per eorum fines transitum concedere, aut comineatus præbere fas esto: sed omni vi laceffētis conatibus ob- 50 stanto. Hæ conditiones paucis immutatis abs Rege probatæ sūt. omnes Italiæ ciuitates, ac reguli cōprehēsi. Genuēses tātū, Sigismūdus Malatesta, Astor Fauētinus abs Rege excepti. Genuēses quidē q̃ pacis ante aliquot annos ictæ cōditionibus nō stetitset: Sigismūdus, & Astor q̃ accepta Aragonia in stipendiū pecunia, ad hostes se bellis superiorib. cōtulissent.

Calixtus Pontifex. CAPVT XVII.

E Recta vniuersa Italia; ac vērō reliquæ provinciæ ad meliorem spem erant, publica pace fundata: cum Nicolaus Pontifex, in cuius humeros rerum moles incumberebat maxime, annis curisque grauis decessit ad nonum kal. Aprilis. eius obitu ceptæ molitiones impeditæ sunt, ac penitus disturbatæ. tamen si de successore deligendo continuo comitia habita:

habita: & quoniā res cunctationem non recipiebat, intra diem quartumdecimum Alfonso Borgia Cardinalis in defuncti locum cooptratus, voto se obstrinxit belli Turcici instaurandi: quod se facturum si Pontifex renunciatus esset, in minori fortuna scripta scheda nuncuparat, Calixti etiam nomine designato. tanta fiducia erat eius honoris adipiscendi, ex Vincentii Ferrerii vaticinio (sic vulgus prædicat) à prima ætate concepta. Meritis & sanctitati gratia data. consi cratus Vincentius, ac templis dicatus est. is honor Emundo etiam Anglo communicatus. vtrūque noui Pontificis decreto. Is Setabi in Valentino regno natus, ingenium sublime, erectumque, ac maioribus rebus aptum, in minori ætate literis dedit. cōsequentib; annis per omnes honorū gradus decurrit. Rom.

10 Pontificatū acta ferme ætate adeptus est: nihil in eo humile tamē, nihil sordidū apparuit. Aragonio Regi maximē infensus fuit: siue dignitatis tuēdæ studio, seu quia insitū natura est, vnde ingentia merita extiterūt, quasi creditores auersari. Itaq; rogatus, vt nouo diplomate regni Neapolitani iura Alfonso filioque confirmaret, adduci non potuit. Propinquus augendis vehementius incubuit, quā ea ætas, & sacrosanctæ personæ, quā gerebat, dignitas paterentur. Id maximē in eius moribus accusatur. Sororum filios Catharinę quidem Ioannem Milam, Isabellæ autem Rodericum Borgiam, vno die nouo exemplo Cardinales creauit. Petrus Borgia Roderici frater imperio Pontificio Præfectus pro auunculo Vicarius. vnde Alexander Pontifex, Valētinus Dux, adeo inuidiosa nomina auorum memoria, prodierunt. Inter Castellam & Aragoniam pax firmata. Vasco iis oppidis celsit,

20 quę in Castella ablata erant. annui vectigalis, vt conuenerat, compensatio facta. Vasco num tumultus nondum quiescebant; scissa prouincia in partes. Carolo Vianæ Principi passim fauebatur, arma tenenti, iure potiori. (sic plerisque visum) fauebat Blanca soror pro virili parte, tanta ex eo Vasconis molestia, vt fœdere cum Fuxēsi genero iuncto, Vasconum regnum in eum trāsferre cogitaret Carolo & Blanca repudiatis. satis idonea causa, quod in patrem rebelles existerent, nisi iniuriam prior fecisset. ad id fœdus Rex Gallus sollicitatur. Henricus Castellæ Rex Caroli partes subleuabat: ac periculum erat ne cum Gallia vires Hispaniæ committerentur. Tametsi Henricus Rex belli Granatensis, nouique coniugii apparatu vno tempore districtus erat. Cuellare vbi regni conuentus fuerunt, quasi classico summi, medi, infimi, ad sumenda arma excitati. & pro se quisque

30 nouis officiis certabat Regi fidem, diligentiamque approbare. Toletanus Archiepiscopus, Hari Comes Vallisoleti relictī sūt rerū moderatores & arbitri, ad quos sūma imperii, & iudiciorum rediret, dum Rex abesset. Primo quoque tempore validis copiis contractis, in quibus quinque equitum millia erant, semel Granatæ suburbanus ager, mox noua irruptione Malacitani fines omni belli iniuria vexatī tanta celeritate, quanta vix eques in pace tantum spatii oculis lustrare, pedibus peragrarē potuisset. Ioanna Alfonsi Lusitani Regis soror, Castellæ Regi per legatos desponsa erat. Nuptiæ Cordubæ celebratę ad duodecimum kalendas Iunii magna gentis & procerum lætitia, ex vniuersa prouincia magno numero ad bellum confluentium. Sudibus inter se milites in modum iustę pugnæ concurrere. alii ludi & spectacula commissa. Quoniam in medio belli, & armorum

40 fragore id coniugium est perfectum, in omen à quibusdā verte batur, quasi ex eo coniugio magnæ calamitates impenderent: latumque in pręsentia, exitu fœdum futurum suspicio erat. nuptiarum auspex Turonensis Pręsul à Carolo Galliæ Rege in Castellam legatus: cum qua gente Gallo fœdus erat. cum Anglis simulas, infensis ac diuturnis Gallici nominis hostibus. Ad belli Maurici famiam nouæ militum manus identidem conuenire, equites quatuordecim millia, pedites ad quinquaginta millia, rebus magnis perficiendis exercitus par. cum iis copiis tertio in Maurorum fines penetratum. ipse Granatæ vrbis ager in ciuium oculis incensus. vt iusta pugna confli geretur cum hostibus se ex omni parte ostendantibus, consilium Regi non fuit. animus modo erat, triennio corruptis segetibus barbaros ad supremam annonæ inopiam redigere. Vulgo milites in cōsiliis

50 rapidi, ac lingua immodici ignauiam interpretari: seque, quando tantæ commoditates amitterentur, cum vellent Duces, ac iuberent non esse pugnatu ros. Proceres etiam inter se coniurare, Rege capto alia ratione bellum administrare statuebant. coniurationis auctor præcipuus Petrus Gironius Calatrauæ Magister. Enecus Mendoza tertius Santilani filius, Regi suadet vti Alcaudeto, vbi vis parabatur, se citato Cordubam conferret, aliis confictis causis. sic periculum in pręsentia vitatum. insidiæ nondum indicatę. quib. cognitis tandem Cordubę propter anni tempus milites quidem persoluto stipendio in hiberna dimissi sunt, ad prima tamen veris signa redire iussi. Proceribus missio data vacatioque. ea vindicta concepti sceleris fuit. Rex ipse Abulam & Segobiam venatione remissurus animum contendit. In studium tamen concitatus Bæticam primo tempore

repetendi, ad clypei limbum geminos malignanati ramos affingi iussit inter se cōplicos: quoniam Regum Granatæ ea insignia sunt, quasi destinata voluntate, nisi Mauricio bello confecto, genteque ab stirpe excissa, ab armis non discedendi. Neapoli ineunte proximo
 1456 anno M cccc quinquagesimo sexto Aragonii Regis nepotes, Alfonsus Capuæ Princeps, & Eleonora, Francisci Sfortiæ filius Hippolytæ, & Sfortiæ Mariæ, connubii lege iuncti sunt. ea necessitate, utriusque familiæ opes vehementer confirmatæ: haud obscuro dolore Galixti Pontificis, cuius conatibus eæ molitiones opponebantur. A Castellæ Rege bellum Mauricum remotis proceribus, nouo impetu, eodem consilio administratū est. agri modo vastati, direptique: neque quid maioris rei factum, gemente quamuis exercitu, atque quoniam pugnare prohibebatur, ad arma consternato. Rex concione aduocata: 10
 „ Aequum, inquit, fuerat ciues militem ab Duce regi, non regere. Expectare signa non ex-
 „ torquere. Parendo potius quam imperia Ducum sciscitando res militares continentur.
 „ Fortissimus in discrimine est, qui ante conflictum modestus maxime. Vobis arma & ani-
 „ mus sit, mihi consilium, & virtutis vestræ regimen relinquit. Arte potius, quam viribus
 „ hostes superandi: quod nobilissimum victoriæ genus est. Inter circumfusus barbaros,
 „ sine ignominia seruasse exercitum: sine vulnere, sine sanguine tantum confecisse bellum,
 „ quanta gloria? multo certe maior, quàm hostes innumeros peremisse. vestra salute nihil
 „ nobis milites carius: pluris vnus vestrum vitam, quàm mille barbarorum cædem facio.
 Regis verbis milites indignatione compressa magis quam pacata, Cordubam reducti sunt: domosque diuersi amandati. Rex fine anni Madritum festinauit. Quo tempore à 20
 Lusitano Rege valida classis instructa, missaque in Italiam sociali classi auxilium. etsi ardor Italiæ Principum refrixerat: nouique motus Senis Genuæque importuno tempore cōcitatæ erant. Ea causa Lusitani apparatus inanis fuit. & quoniam pridie Idus Decembris Isabella Regina Eboræ in Lusitania extincta est, non absq; noxi veneni suspicione, prouinciæ luctu maximo. Rex in viridi quamuis iuuenta, ad multam ætatem cælibem vitam exegit. Fuit hic annus Neapolitanis terræ concussione infaustus, iuxta ac nobilis desidentis terræ hiatu. multa oppida & arces sunt euersæ. vis mali ad Iferniam & Brundisium in extrema Italiæ ora inualuit maxime. non pauca ædificia suis conuulsa sedibus deciderunt. ex Boiano oppido lacus factus, æternum tantæ cladis monumentū. magna hominum strages fuit. ad sexaginta millia caputū periisse memorantur. Pius secundus, & 30
 Antoninus Florentinus eum numerum dimidiatum ponunt.

Regis Aragonii obitus. CAPVT XVIII.

Quiescere Hispania non poterat, diuturnis quamuis vexata motibus. tumultuabatur Vascones maioribus quam vnquam odiis. finitimi Cantabri licentia temporum ad arma consternati erant, cedibus inter se factis feri. plebē nobilitas prædæ habebat, ædium præsidio: quas instar arcium vniuersa prouincia singula familiarū capita habet. Eæ magno numero ab Henrico Rege disturbatæ euersæque sunt: cum ad periculū cū exercitu Segobia acurrisset mense Februatio eius seculi anno quinquagesimo septimo. Sic paucorum supplicio prouinciæ motus pacati: cæteris documentum datum iniuriæ vitandæ. in
 1457 ea expeditione Petrutius Munfarius Durangi municipis filius, in ætatis flore in familiam 40
 à Rege admissus, eo multum deinde & familiariter vsus est. Carolo Vianæ Principi amico & fœderato, ne ex propinquo opem ferret, eius præcipiti fuga factum est. Aragoniis & Fuxensis sororii armis impar futurus erat, & maior metus à Gallo Rege proponebatur. ergo ut eum conciliaret in Galliam abiit. verum repente mutato consilio, ingenii leuitate, an quia parum genti fidebat ab aduersariis præoccupatæ, patruī Aragonii Regis accitu Neapolim festinare decreuit: si minus equitate causæ rebus opem impetraret, in exilio vitam acturus. Ex itinere Romæ conuento Pontifice patris acerbis atque ambitionem accusauit: neque eius arbitrio recusabat vniuersam controuersiam permittere. Roma digressus via Appia, Neapoli splendide acceptus, & benigne habitus est, castigatus tantum eum verborum honore, quod in patrem arma sumpsisset. quantumuis equitate 50
 causæ consideret, parendum tamen genitori fuisse, doloremque dissimulandum. id diuinis legibus sanctum, humanis honestū esse. Ad ea Carolus pauca in facti excusationem, respondit, seque in eius potestate fore est pollicitus. Ut lubet, inquit, decernito, memor modo omnes homines aliquo errore duci. hic in illo, sibi in hoc alius indulget. nonne fecistis senes imprudentia ætatis quod à parentibus corripī posset? cogita ergo & me iuuenem esse, & parentem aliquando fuisse. Rodericus Vitalis in Hispaniam continuo amandatus, dū de fœderis cōditionibus inter Vascones agit, Carolus quāuis absens Pōpelone Rex est proclamatus. quo cognito pacis tūc quidē intermissa est mētio. Castellæ Rex Vasconis inuitatu, acceptoque fidei obside Ferdinando eius filio, cū eo ad Alfarū municipium ad fines vtriusque gentis de mense Martio Victoria discedens, collocutus est. ve-

Hæc Reginæ Castellæ & Aragoniæ. plena omnia ludis hilaritateque fuisse. Inter duos
 Reges pax constituta. Ludouicus Dezpuchius Montesiæ Magister, nouus subinde ab
 Aragonio legatus venit. eo agente fœdus quod inter Vasconem & Fuxensem Comitem
 & istum ante fuerat, abrogatum est. totius controuersiæ arbitrium partium consensu,
 Aragonio Regi permissum. spes diuturnæ tranquillitatis ex tantis molitionibus concepta
 animis inanis fuit. Castellæ castra in Bætica ad Maurorum fines erant: eo Henricus Rex
 mense Aprili venit. non minori quam antea impetu, neque minorib. copiis in Granatæ
 fines penetratum est. dum ager vastatur, nostrorum manus iniussu Ducum cum circum-
 fusis hostibus pugnatum progreditur. à multis paucorum audacia compressa. Cecidit in
 pugna Garfias Lassus D. Iacobi miles eximie fortis. viri nobilissimi casus Regem maiori
 impleuit ira. non in segetes modo, vti antea facere consueuerat, sed in vineas & arbores
 igne ferroque sæuitum, quibus antea parcere moris erat. Menia oppidum admotis copiis
 vi captum. perempti incolæ absque discrimine. crudele exemplum, sed ea tamen clade
 Maurorum audacia vindicata est. Supplicibus venia induciæque in annos aliquot con-
 cessione tributi nomine, annua duodecim aureorum millia, sexcentosq; captiuos Christia-
 nos, aut si non essent, parem Maurorum numerum pactis. ignominiosa conditio, sed tan-
 tus terror eam gentem inuaserat. Additum vt qua parte Granatæ fines Giennium attin-
 gunt, belli nihil omnius facultas esset. iis finibus Garfias Manricus Castanede Comes
 præfectus est. adiuncta duo equitum millia. In huius belli subsidium Calixtus Pontifex
 anni huius initio Cruciatam indulserat, non modo viuentibus sed etiam vita functis. no-
 uum in Hispania exemplum. Eius euulgandæ cura Alfonso Spina Palætiæ, vbi Rex erat,
 demandata inouit, ne pecunia ex ea redacta in alios vsus conuerteretur. Qui aut arma
 fumeret contra Mauros, aut ducentos quadrantes conferret, ei quiuis sacerdos sub mor-
 tem peccatorum omniū veniā dabat: etiam si interclusa voce nil aliud quam conceptū ani-
 mo dolorem signo aliquo declararet. Eadem venia vita functis cōcedebatur. Quadrien-
 nium eius veniæ promulgationi præfixū: quo tempore ad trecenta millia aurei in regium
 fiscū redacta. Sed quantulū ex ea summa in bello sacro consumptum? Præterea legatus
 Roma Madritum eo confecto bello ad Regem venit, ensē galerumque gestans Ponti-
 ficis donum, sacra prece natalis Christi peruigilio lustratū, magnisque Principibus, qua-
 lem esse Henricum fama ferebat, mitti solitum. additæ honorificentissimæ literæ. Nulla
 sincera lætitia est. nuncius allatus, Castanede Comitem Maurorum manui obuiam pro-
 gressum, exceptumque insidiis fuisse. captū ipsum, magna suorum strage. In eius locū Du-
 ce alio substituto maioris animi, consilii, atque integritatis, magno is auri pōdere redem-
 ptus est, induciis pace mutatis. hic belli Maurici finis fuit, nouarum rerum initium. In Ita-
 lia bellum Genuense gerebatur. Aragonius Adurniis fauebat. Ioānes Lotaringius Renati
 Andegauensis filius, qui se Calabria Ducem ferebat, Fregosiis opitulatum accesserat. eo
 maior iniecta cura: cum Regem Aragoniū octauo Idus Maii eius sæculi anno quinquā-
 gesimo octauo repēte morbus Neapoli inuasit: ex quo in Arce noua cum ad Idus Iunias
 decubisset, ingrauescente valetudine in arcem alteram, cui ab Ouo nomē est trāsatus,
 si mutatione loci melius haberet, ad quintū Kal. Iulias sub auroram extinctus est, Prin-
 ceptus sua ætate clarissimus, nulli veterum posthabendus, Hispanæ gentis lumen, decus-
 que perpetuum. Literas in pretio habuit: virisque eruditione præstantibus, tantū tribuit,
 vt iis se inclinata quamuis ætate recoquendum præberet. Laurentio Valla familiariter est
 vsus, Antonio Panhormita, Georgio Trapezuntio immortalī laude viris. Bartholomæum
 Faccium, cuius extant de rebus Alfonsi commentarii, mēse Nouembri superiori in-
 ctum tulit ægerrime. Rege quodam Hispano dictum referente quopiam, literas Princi-
 pem nō decere: eam vocē nō Regis, dixit, esse, sed bouis. Faceta Alfonsi dicta, sales, iociq;
 notatur magno numero, ad indicium acuti ingenii, elegātis, prōpti atq; præstātis: quæ vt hic
 referretur visū non est. Ante obitum stella crinita visa Canicrum inter, & Leonem, cauda
 duorum signorum longitudine. rem prodigiosam, & magnorum Principum capitibus
 minantem. Testamentum pridie mortis nuncupauit. quo Ioannem fratrem Regem
 Vasconum Aragonii regni hæredem scripsit. Neapolitanum imperium quasi armis par-
 tum Ferdinando filio notho legauit: vnde magni motus concitati sunt, bellaque. Reginæ
 nulla mentio. fama fuit, & magni viri testantur ea repudiata, Lucretiam Alaniam pel-
 licē ducere cogitasse. Extāt Calixti Pōtificis literæ ipsius manū ad Reginā scriptæ: qui-
 bus amplius quam matri sibi eam debere ait. sed rem tantam euulgandam non esse. Lu-
 cretiam regio apparatu Romam venisse: neq; impetrasse tamen quod maximè sperabat.
 concepti sceleris pœnas vnā cum illis dare noluisse. id maximè intemperantiæ vitium in
 Alfonsi moribus accusare licet. Verum peccata sub mortem omnibus sacris humillimo

corporis habitu expiauit. corpusque ad Populeti, vbi maiorum sepulcra sunt, ipso templi aditu sepeliri mandauit, nullo excitato tumulo, modestiæ argumentum singulare. Alfonsus Carthagena Burgenfis Episcopus per idem tempus decessit. eruditionis monumenta extant, Breuis historia de Regibus Hispaniæ, quã Anacephalæosim dixit: Defensorium fidei, aliaque. in eius locum Ludouicus Acunia cooptatus est.

Pius secundus Pontifex Maximus. CAPVT XIX.

CVM Alfonso pax Italiæ sublata est, imperii Neapolitani opes concussæ: quæ aduersus omnes fortunæ impetus stabilitæ esse videbantur, nouo ac sæuissimo bello concitato, non tam retentæ quam denuo partæ. Erat Ferdinando Regi ingenium sublime, studiis iuris prudentiæ excultum non minus quam militaribus: quæ duo ad rempublicam bello paceque gubernandam aptissima præsidia erant. lucta, saltu, iactu, equestrique certamine nulli cedere: æstus, frigoris, inediæ, laboris patientia, morum comitas, ac modestia singularis: faciles aditus, nullum offendere, cunctos benigne appellare. His tantis virtutibus procerum inuidiam vitare non potuit, humani ingenii vitio noua imperia meditantium. Carolus Vianæ Princeps à plerisque inductus ad capeffendum imperium quasi legibus debitum. Ferdinandum obscuris natalibus esse: non liberis suffragiis reb. præfectum: sed vi ac terroribus gentis consensum expressum. faciles illæ aures calumniis accommodare. magisque facultas deesse, quam voluntas eius imperii occupandi. Polliceri facile est, præstare difficile. adductus in suspicionem nauibus in Siciliam abscessit, quorsum res commotæ euaderent, expectatum, exilii tempore geminæ prolis pater, Philippi, Ioannisque, ex Capa infimo loco matre, quam nihil præter formam commendaret. Anam tertiam prolem ex Maria Armendaria, quæ Francisco Barbastro nupti data est, furto etiam susceptam, Ludouicus primus Medinæ Celinæ Dux vxorem habuit. annua duodecim aureorum millia ab Alfonso Rege legata exuli, Ferdinandus rata habuit. Caroli discessu procerum Neapolitanorum studia non conquieuerunt. à Tarentino Principe & Crotonis Marchione, Ioannes nouus Aragoniæ Rex ad capeffenda Neapolitani imperii sceptrâ euocatus est. cautior ille, Hispaniæ opibus contentus, longinquas haud magnopere curabat: Tudelaque profectus Cæsaraugustæ mense Iulio Aragonii regni curâ suscepit. non vt antea alienæ potestatis vicarius, sed propriæ arbiter. Maior à Calixto Pontifice, vnde minus expectabatur, tempestas extitit. qui notho deferendum regnum, Romanæ Ecclesiæ vestigale negabat. illiusque integrum ius ad se reuocatum contendebat. nimirum Petro Borgia, quem Spoleti in Vmbria Ducem creatat, noua imperia parabat, importuna ambitione, confecta senex ætate, & fortunæ in qua natus erat immemor. Apparebat Italiam bello arsuram, haud dubiâ pristinorum malorum specie renascēte. lenire ægrum Pontificis animum Ferdinando curæ erat: plenas officii & humanitatis literas ad eum hoc exemplo dat. His diebus in media doloris acerbitate, beatissime pater, paternum obitum renunciaui. Breuis epistola fuit, quippe inter lacrymas data. Nunc collecto animo, luctuque tantisper mitigato, significandum duxi: patrem pridie obitus obtestatum, nihil vt in terris, vestra gratia & auctoritate præstantius ducerem. Cum sancta Ecclesia non contenderem, ne prouocatus quidem. impios ausus raro feliciter cadere. His ego præceptis institutus, quod facturum alioqui eram, impensius, vt faciam, accepta beneficia hortantur. Neq; enim obliuisci possum, à primis annis me in tuam disciplinam traditum. Soluisse vna ex Hispania: prouectosque eadem naui ad Italiæ litus: non absq; Dei nutu, ubi iam Pontificatum summum, mihi nouum regnum destinantis: præclaro omine futuræ felicitatis, mutueque concordia. Itaque à puero tibi traditus, tuus, ad mortem esse cupio: me in filium accipito: aut accepto potius, paternam gratiam & humanitatem exhibe, daturum operam, ac præstituro, ne aut grati animi obsequium, aut pietas debita in nostris actionibus requiratur. Vale. Neapoli Kalendis Iulii. Nihil his literis & pollicationibus Pontificis animus mouetur. Principes & ciuitates Italiæ ad arma sollicitat. magnæ molitiones Pontificis obitu dissipatæ. decessit octauo Idus Augusti. id commodè Neapolitanis rebus accidit. Aeneas Syluius Senensis, ex Piccolominea gente nouus Pontifex, Pii secundi appellationem, pace Italiæ restituta sanxit, adhibitoque conatu ad piû bellum instaurandum. Ferdinandum Regem nuncupat, ea duntaxat exceptione, ne id factum præiudicio cuiquam esset. Mantuam ex toto orbe Christiano Episcoporum & Principum conciliû indicit, de expeditione aduersus Turcas acturus. Neq; cõstitērunt tamē semel cõmotæ Neapolitanorū voluntates. Calabri ad arma concitati. Ioānes Lotaringius cū classe triū & viginti tiremium Genua euocatus, ad litus Neapolitanum venit. Belli præcipua fax Antonius Centillia Crotonis Marchio, susceptam Alfonso Rege ignominiam noua rebel-


Febellione vindicare parans, Aragonio, hoc est, suæ gentis imperio Gallicum præferre non dubitabat. furor animi agebat præcipitem. magni & diuturni motus fuerunt: quorum successum sigillatim explicare longum esset, in Hispaniam historia reuocante. Vbi ab Henrico Castellæ Rege noui homines honoribus aucti: Michael Lucas Irantius arcanorum omnium non particeps sed moderator, natus Belmontii in Celtiberis, Magister equitum creatus est. Agreda oppidum dono datum. præterea Veratonum & Voxmedianum arces. Gometius Solisus regiæ Magister, cui Castra cæcilia patria erat (vnde & Cacerius dictus est ab eius oppidi appellatione vulgari) suffragio militum, Regis volûtate Magister Alcantaræ in Guterrii Sotomaioris locum suffectus est. horum fratres nouis principatibus aucti. Valensola Prior Hospitalarius factus est. hos aliosq; pari conditione homines, infensis proceribus opponere cogitabat. prauo consilio par exitus. Rex ipse Madriti, vbi multus esse consueuerat, indulgere voluptatibus, vacuus curis, quibus idoneus non erat. Socordiam animi, vnde in omnia mala præcipitatû est, satis indicat, quod tabulis ab aliis confectis, ne cognitis quidē subscribere erat solitus, alieno arbitrio semper obnoxius, quæ grauissima ignominia fuit. Pares insanis sumptibus aulæ, imperii opes non erant. Dieghus Arias ærario profectus monet, ministrorum turbam imminuendam videri. remp. arroderere plerosque annuis salariis, qui nihil opis conferrent. ingratum Principi consilium fuit. Itaq; vt finem dicendi fecit: & ego, inquit, si Arias essem pecuniæ magis quàm benignitati seruirem. Tu fortunæ in qua natus es consentanea locutus es: ego, quæ Regem decent, faciam, nullo paupertatis metu, ne nouis quidem vectigalibus imperatis. Regum officium est largiri, effundere, imperium non priuata vtilitate, sed publica multorum salute definire. is diuitiarum verissimus fructus est. Aliis dandum, quia vtilis sunt: aliis ne sint prauis. dignam magno Principe vocem. cetera consentanea non erant. Ea tamen popularitas multitudinis studia adiunxit, nullo vt tempore obsequenti-
 10 or fuerit, alienata procerum pars maxima. Ioannes Luna Soriæ vrbs præfectura spoliatus est, atq; libertate. Paciechus consilii auctor. cum Aluari Lunæ ex filio Ioanne Luna neptim, quæ in Præfecti, quippe propinqui, potestate erat, patre puellæ defuncto, Diegho filio sponsam destinaret, & cum ea S. Stephani dotalem comitatum. Alfonsus Fagiardus Murciæ Antelatus nouam Carthaginem, Lorcam, aliasq; arces in Contestanis licentiâ
 20 temporum occuparat. in eum Gonsaluus Sacuedra abs Rege missus nō modo iis oppidis expulit, sed & paternis euerit, satis magnum beneficium arbitratum, quod vita relictæ esset. Decessit Santillanius Marchio. filios reliquit Dieghum, Petrum tum Calagurritanum Episcopum, Enecum, Laurentium, Ioannem. ab his amplissimæ familiæ extiterunt in Hispania. Aragoniæ Regina vidua Valentia pridie Nonas Septembris decessit. corpus in virginum collegio, cui a Trinitate nomen est, tumultum. funeris pompa neque nullæ neq; magna. virtus animi ad cælum fama extulit. A Rege Lusitano valida contracta classe Alcastrarum oppidum Septæ vicinum in Africa, de Mauris captū quintodecimo Kal. Nouemb. qui dies Mercurii fuit, D. Lucæ memoria sacer. Ferdinādus frater Visei Dux, atque Henricus patruus expeditionis comites. capto oppido Eduardus Menesius Præ-
 30 fectus, Maurorum impetum, qui Rege digresso magno numero concurrerant, semel & iterum magno animo sustinuit: fregit audaciam, Dux ea tempestate inter Lusitanos clarus. A Carolo Vianæ Principe legati ad patrem à Sicilia missi, si veniam impetraret, se in eius potestate fore: iuuenili errore commissæ Rex & pater condonaret, syncerus animus non erat: cum eodem tempore Castellæ Regem, & Franciscum Britannum Ducem ad fœdus ineundum sollicitaret, pudenda iuuenis leuitate, armis vindicaturus, quod pater denegasset. ea cura & ne à Siculis, à quibus omnibus officiis cultum audierat, Rex præficeretur, promissa venia euocatus, ad litus Hispaniæ appulit principio anni Milesi. quadrin. quinquagesimi noni. inde in Bailearem maiore cōcessit, quid pater deliberaret in ea
 40 insula expectaturus, neq; magna neq; nulla spe materni regni recuperandi, vitæ exitu pro pinquo. Cōtinuatę erūnē miseros in præceps agunt, atq; de statu mētis immutāt. Petebat legatis ad patrem viris primariis, sibi suisque veniam, datis obsidib. libertatem Ludouico Magistro equitum & necessariis. Iusiurandum, à populis non alium regnorum hæredem fore. Facultatem quacunque in vrbe vellet, morandi curia vitata. Vianæ & Gandiæ principatus sibi dati, ne inanes tituli essent, ditione & vectigalibus occupatis. Ea si data essent, ex vrbibus & arcibus, quæ in Vasconibus in fide perstabant, præsidia primo tempore deducere non recusabat. Eleonoram sororem Fuxensi nuptam, rebus Vasconum gerendis præfici molestum erat: id etiam vt mutaretur adiectum. multum tempus consultationibus extractum: neque tamē concessa omnia: neq; quę sunt pacta, integra fide seruata. nouerç odio (sic creditur vulgo est) priuigno perniciēs comparata, de filiis sollicitæ, de se veritæ, si Carolo paterna regna patre defuncto obuenerent:

M Agnorum in Castella motuum femina breui ad maturitatem venere. Infans Rex a-
 moribus occupatus erat, nulla reipub. cura: primum Catharinæ Sandoualiæ, quam
 noui probri compertam à se amouit, & aliquanto tamen post Toletanis D. Petri virgini-
 bus Præfectam dedit. disciplinam laxatam causabatur. honesta species, sed qui à regia pel-
 lice astringeretur? de eius amasio Alfonso Corduba, capitis supplicium Medinæ Campe-
 stris sumptum. in Catharinæ locum Guiomaris substituta, cui forma præter Reginā com-
 parari nulla poterat. puellæ Alfonso Fonseca Hispalensis Præsul fauebat: Reginæ Villenæ
 Marchio. sic aulæ studia in ambas deducta erant: famulaq; in heram efferebatur. Vétum 10
 ex eo ad rixas, iurgiaq; turpitudines & probra inuicem obiiicere, neutra falsò. æmula a-
 liquando à Regina pugnis, male est mulctata. Addita noua turpitudine. Bertrandus Cueva
 regiæ Magister, Principis gratia potens, magnisq; ab eo opibus auctus ad Reginæ famili-
 aritatem est admissus, nulla maiestatis cura. vulgus in deterius pronum persuasione, tur-
 pem consuetudinem interpretabatur; nonnullis etiam persuasum Rege conscio, & hor-
 tante: quo impotentia maculam elueret. Incredibilis turpitudine dedecusq;. In Regum E-
 lisabethæ & Ferdinandi, cum rerum potirentur, gratiam conficta quidem fabula, proba-
 bilis tamen ex Principis ignauia, Reginæ vitæ licentia maxima. consequentibus certè an-
 nis aucta fides, cum Britanni legati aduentu, ludicrum militare Madritum inter & Par-
 dum à Bertrando institutum est, additumque conuiuium priuatis opibus splendidiùs lau- 20
 tiusq;. Sed tanta ex eo Henrici Principis lætitia, vt eodem loco cœnobium Hieronymia-
 nis monachis extruendū curarit, nulla maiori religione, quàm vt rei gestæ monimentum
 esset. vnde propter loci insalubritatem in locum, vbi nunc Madrito vicinum cernitur,
 translatum est. Principum exemplo lasciuire populus, neque voluptatibus, neq; vestium
 pretio modum facere. procures nullo Principis metu inter se coniurare, priuati compen-
 dii spe inducti, an vt tantum dedecus depellerent. Impendentia ex his rebus mala multis
 prodigiis vno tempore significata creditum est. flamma in cælo ingens visa. qua bifariam
 disiecta, parte ad Orientem excurrente, euanescenteq;, pars altera aliquanto spatio per-
 stitit. In Burgenfi & Vallisoleti agro lapidibus prægrandibus pluit, magna pecorum strage.
 Ad Penaluera, quod oppidum in Carpetanis est, Celtiberiæ vicinum, infans triēnis 30
 impendentes calamitates, nisi pœnitentia mutarent, denunciassē fertur. Segobiæ, vbi re-
 gii leones alebantur, fœda inter eos laniena exitit. A minoribus maior discerptus est, par-
 te etiam deuorata. nec defuerunt, qui coniectarent, quoniam regium animal, id est, peri-
 culum Regi à regulis eo ostento portendi. His prodigiis territa multitudine procurandis,
 sacrificia peracta, nuncupata vota: quod præcipuum erat futurum, mores nihilo meliores
 facti sunt. Fœda sacрати ordinis licentia. nam per hæc tempora inuenio, à Roderico Luna
 Compostellano Episcopo, puellam virginem ex ipsa nuptiarum lætitia ad stuprum fuisse
 raptam. ingens scelus atque intolerandum. ad quod excitati prouinciales ductore præci-
 puo & vindice Ludouico Osorio Trastamaræ Comitiss filio hominem facinorib. fœdum,
 sede, bonisq; pulsum vindicarunt. meritis exitus consentaneus. noua ea inuidia 40
 deformis atque intestabilis in sordibus & egestate reliquam vitam
 exegit. Ita tantisper ex flagitio lætatus, grauissimas,
 atque sempiternas pœnas breui
 persoluit.

Libri vigesimi secundi Finis.

IO. MARIANÆ HISPANI,
E SOCIETATE IESV,
HISTORIÆ DE REBVS
HISPANIÆ,
LIBER XXIII

Concilium Mantuanum. CAPVT L



INTEREA Pius Pontifex Mantuam confluentibus, uti erat
edictum, Episcopis & Principibus magno numero, eodem
ipse contendit. Legati ex Hispania ad conuentum sunt, à Ca-
stellæ Rege Enecus Mendoza Tendillia regulus: ab Arago-
nio Ioannes Margaritus Helenæ in Ruscinonensi agro Epi-
scopus, Petrus Peralta Regiæ Magister. Finitimi longinqui-
que ad iungendas vires aduersus communem hostem soli-
citati. Dauid Trapezuntis Imperator, quæ vrbs ad pontum
Euxinum est vetusta admodum, Vsluncassanus Armeniæ
Rex, Georgius qui se Persidis Regem ferebat, numerosas e-
quitum & peditum copias validam classem missuros se auxi-

lio pollicebantur, periculo proximi. his pollicitis quantum esset credendum, nostri haud
facile statuebant. In Occidentis prouinciis parum præsidii fore videbatur, intestinis dissi-
diis in Italia, Gallia, Hispania vigentibus, præ iis communi Christiani nominis causa post-
habita. Sic est, communis religionis iniuria parum sentitur, vindictæ si cupiditas priuatim
stimulat. His difficultatibus Pontificis animus non vincitur. tentare omnia atque expe-
riri constituens in frequenti totius Christiani nominis conuentu orationem tēpori con-
uenientem habet: quod disertissimo, atq; à primâ ætate dicendi artem professo facile fu-
it. Imperii nobilissimi casum cum lacrymis explicuit: tot regna oppressa, tot prouincias
Christiano nomini ereptas. vbi Christi numen tot seculis sanctissimè cultum erat, vnde
viri sanctissimi eruditissimique magno numero prodierunt, ibi impietatem & superstiti-
onem vigere. Si verum fateri conuenit, non nisi nobis deferentibus tanta plaga accepta
est. nunc saltem has semianimes reliquias piorum seruate. Si parum publica ignominia
mouet: at impendens singulis periculum excitare ad arma debet. conspirandum vniuer-
sis, ne singuli cessatione nostra prædæ, ludibrio, cædi simus. Formidabilis hostis est, tantis
victoriis insolentior effectus. seu vicit ferociter instat victis: seu victus est, instaurat cum
victoribus certamen. Eo amplius excitandi animi. iunctis nostrorum viribus par non e-
rit. aderit concordibus numen: quod continua dissidia remouerunt. Veteres Duces ob-
oculos proponite: magnasq; in Syria victorias de impietate, piorum consensu partas. Qui
fortes & strenui domesticis dissidiis sumus: an ignaui reddamur in communi periculo, in
religionis ignominia? Ecquis se bello sacro Ducem profiteatur? Ecquis Christi Dei cru-
cem humeris præferat secuturis aliis? Ecquis Christi miles esse velit? Profitemur nos Du-
ces, non deerunt fortes strenuique viri ac generosi comites, germanaq; maiorum sobo-
les atque indoles. Stat animus si cæteri desint, me piæ militiæ antesignanum præbere. Ego
ego in medias hostium acies cruce desumpta irruam: nostroq; sanguine, si minus victo-
ria parta erit, at certè placabo superum iram, vestrosq; animos virtutis exemplo inflama-
bo. Christo & Ecclesiæ quibus omnia debeo, supremum hoc obsequiū exhibere certum
est. Mouebantur qui aderant, Pontificis oratione. sed dum oratores Principum priuatis
contentionibus & controuersis tempus terunt, tantus conatus euauit. Ioannes Renati
filius grauissimè expostulabat, Ferdinando hosti suo, Neapolitanum regnum esse confir-
matum. verbis modò sacrum bellum decernitur: atq; illud edicto cautū, contra quā Pon-
tifex in minori fortuna cum Basiliensib. Patrib. senserat, ne à Romani Pontificis sentētia
ad generale conciliū cuiquā prouocandi ius esset. cōuentus dimissus, octauo quā haberi

cœperat mense. Aragonii Legati Neapolim abierunt, Ferdinando de nouo regno gratulaturi. Enecus Mendoza à Pontifice venia impetrata, iis qui pecuniam certam conferrēt, ex ea stipe nobile Tendillæ cœnobium Isidorianis Monachis, atque præclarum extruxit D. Annæ nomine. Huius interim fratri Diegho Mendoza Carraca oppidū, hoc est Guadalaiara, quod incerto iure possidebat, ablatum Galindi ducis improviso aduentu, armisque. aucta ex eo procerum offensio est: factionisq; vires amplius confirmata Regi aduersæ. A Frederico maris Præfecto Aragonius gener ad iungendas vires sollicitatur, atque ad mouendum in Castellam arma. Toleranus Archiepiscopus, Gironius Calatrauæ Magister, Manricorum familia opibus & clientelis valida sequebantur. Mendoza adiuncti noua ea offensa irritatis animis. honesta species prætentæ rerum statum immutandi, qui multis modis erat deprauatus. Eæ molitiones occultæ esse non poterant, ab Alfonso Fonseca Hispalensi Præsule Henrico Principi indicatæ. Compostellana Ecclesia præmium fuit obitu Roderici Lunæ tum vacua Alfonso Fonseca propinquo Decano Hispalensi data. Inuaserat eius ecclesiæ iura (vti paulo ante dictum est) Ludouicus Oforius Petri patris Trastamaræ Comitis potentia confusus. auctoritate opus erat. permutatione facta Alfonso Fonseca senior Compostellanus Episcopus Regis consensu factus est. Alfonso qui junior, Hispalensis. Pompelonensem Ecclesiam Martino Peralta eius vrbis Episcopo defuncto, Bessario Cardinalis natione Græcus præstanti eruditione vir, pietate pari, commendatam suæ curæ absens administrabat.

20

Scanderberchius in Italiam transmittit. CAPVT II.

P I Pontificis conatus, dies noctesq; de bello pio aduersus Turcas cogitantis, Neapolitani motus maximè retardabant: bellumq; quod Ioannem inter Renati filiū & Ferdinandum nouum Regem geri cœperat, Italiæ studiis in ambos distractis, pleraq; Neapolitana nobilitate Aragonio imperio fessa, & ad Andegauenses respiciente. qua spe? quibus viribus? cæcus animi impetus effecit, vt certis dubia præferrent. Princeps Antonius Centillia Crotonis Marchio mutatione temporum liber, in vindictamq; præceps arma sumpsit: & hoc Ferdinandi celeritate oppresso, denuoq; capto, Marinus Martianus Successor Dux sprete regia affinitate Eleonora coniuge Ferdinandi sorore, se rebellibus ducem præbuit. Graue id vulnus fuit: pleriq; eo exemplo concitati dederunt nomina. Tarentinus Princeps voto, primū clamq; deinde apertè: Antonius Caldora, Petrus Io. Paulus Soræ Dux simplicius. minoris nobilitatis numerus iniri non potest. Franciscus Sfortia Mediolani Dux, quibus diebus Mantuani conuentus habebantur, consilium Pontifici præsens dat, vti cum Ferdinando Rege vires iungat. eam expeditissimam fore viam ad Gallos pellendos. Italia pacata, cætera prona fore. Intra Barlettam Apuliæ vrbem Ferdinandus obsessus tenebatur, in repentino periculo metuq; haud satis ad resistendum paratus. Lōginquo itinere, viis ab hoste præoccupatis, auxilia terra mittere promptum non erat. Georgius Scanderberchius, perpetua felicitate bellorum, ea tempestate clarissimus missis in Epirum legatis auxilio euocatur. cognitis ille mandatis Pontificiis, Ferdinandi precibus præclaram occasionem de religione benemerendi, suūq; studium probandi, non esse prætermittendam iudicauit. Præmissō Coico Strosio propinquo cum quingentis equitibus, eodem ipse proficisci parat. commodum accidit, inducias annuas cum Turcis esse. Comparata classe Ragusam tenuit: quæ vrbs veteribus Epidaurus esse creditur. inde breuissimo traiectu Barlettam nauigauit. Aduentum eius hostes non tulerunt. continuo motis castris procul recesserunt. auctus iis auxiliis Ferdinandus, Pontificiis & Mediolanensibus copiis confirmatus, factis aliquot leuibus præliis ad Troiam castra promouit. hostes Nuceriæ statiuā habebant octo inde millibus passuum. Medio spatio mons Segianus assurgit: quem montem qui priores occupassent, facturi operæpretium videbantur. eodem consilio Scanderberchius, & Iacobus Picininus Andegauensiu partium primarius Dux contendunt. præcedunt Epirotæ expeditiores & intempesta nocte profecti. Cum luce utræque acies instructæ ad pugnam sunt. dato signo concurritur pari animorum ardore. Pugna ad vesperam tenuit. victis demum cæsis atque fugatis Andegauensibus, cum victoria, rerum summa atque imperii penes Aragonios steterit, vrbibus & oppidis, quæ ab hostibus occupatæ erant, breui receptis. Scanderberchius splendide donatus, ac nominatim Trano vrbe, & Siponto à Ferdinando acceptis, milites hostium spoliis letos atque ouantes vertenti anno, ex quo venerant, reduxit in patriam. Nouis deinde victoriis de Turcis clarior quam ante ac perpetua felicitate admirabilis, ad Alessium ditioris oppidum graui morbo oppressus septimo post anno decessit. Iohanne filio relicto in Vene-

Venetorum tutela quidem, iussu tamen Neapolim contendere: ibiq; ad iustam ætatem sustentare iis oppidis legatis, quæ dederat Ferdinandus nauatæ operæ præmium. Ab hoc Castrioti nobilissima familia propagata est in Italia, Siponti (vulgus Sancti Angeli ciuitatem vocat) in Apulia principatu. Epiri res continuo conciderunt. tantum sæpe præsidirebus est in vnius viri virtute, consilioq;: vsque adeo vnus homo pluribus præstat. Scanderberchii pronepos fuit Ferdinandus Castriottus, qui proximo seculo discissis habenis ad Ticinum periit manu Francisci Regis Galli cæsus. In Hispania Carolus Vianæ Princeps concessa à patre sibi quisque venia, pactusq; vectigal annuum, vnde vitam sustentaret, è Baleari Barcinonem appulit ad vndecimum Kal. Aprilis, salutis anno Milleesimo quadringentesimo sexagesimo. Ignarus ad exitium festinabat. de eius & Catharinæ Lusitani sororis nuptiis agebatur, missis ab vtraq; parte legatis. Henrici Castellæ Regis arte res propemodum confecta, disturbata est. legati ab eo, electus Mirobrigæ Episcopus sacerdos quidam cucullatus, cuius nomen proditum memoriæ non inuenio, & Dieghus Ribera Regius metator, Carolo persuadent, Isabellam Henrici Regis sororem Lusitano coniugio vti præferret. Inito fœdere Castellæ opibus à duro patre impetraturum quæ cu peret. Faciles ille aures iis verbis præbere. Ita Lusitani coniugii mentio intermissa est. Catharina Princeps ea spe depulsa, se Olisipone in D. Claræ virginum cœnobium inclusit: ibiq; ad vitæ finem perstitit: extincta deinde in ipso noui coniugii apparatu, quo Eduardo quarto Regi Anglo destinabatur vxor, corpus in eadem vrbe ad D. Eulogii sepultum est, testamentum curauit Georgius Acosta virginis à prima ætate institutor. qui illi gradus ad magnos honores fuit: & factus Cardinalis Romæ consequenti tempore obiit. Carolus, conatu eius à Frederico maris præfecto indicato, Ilerdam vbi Catalauniæ gentis conuentus erant, Aragoniæ Fragæ, à patre Rege euocatus dissuadentib. nonnullis, ac fraudem subesse disputantibus cum venisset, osculo quamuis à patre exceptus, duci in custodiam iussus est, Decembris die altero. graue id, eo amplius quod contra opinionem accidit. Dant animum ad loquendum liberè vltimæ miseræ. Vbi, inquit, regia fides nobis priuatim data, atque in commune concessa omnibus ad conuentus generales venientibus? qua elementia à regio osculo amplexuq; paterno, in vincla ferrumq; trador? Præteritæ offensæ quales eæ fuerint non dico: sed condonata sunt certè. noui quid cōmeritus sum? quid amisi? An vlcisci filium, nostroq; sanguine cruentari paternas manus æquum videatur? faceßat tantum nefas. apage dedecus familiæ, ignominiamque. Hæc flagrans oculis, contenta voce, quò latius exaudiretur, ita effudit vt astantes permoueret. plura dicere conatus in custodiam ducitur. Fremere populus: nouercales fraudes accusare: proceres inter se conspirationes facere, iurati nisi Principe liberato haudquaquam quieturos.

Caroli Vianæ Principis obitus. CAPVT III.

Cum Mauris pax constituta, triennio fermè steterat: nunc hac occasione laceßita est. Cerant Ismaeli Granatensi Regi duo filii præ cæteris insignes maximè, Albohacenus Boabdelinusq;. otii impatientia & virtutis ostentandæ studio Albohacenus, exercitu scripto, in quo equites duo millia & quingenti erant, pedites ad quindecim millia, in Baticæ fines incurrit. Astapæ ager omni iniuria deformatus: pecoris ingens abactus numerus. Nunciato periculo Rodericus Pontius Arcobrigæ Comitæ filius, adiuncto Ludouico Per nia, qui Vrsæonis præsidio præfectus erat, & collectis ducentis sexaginta equitibus, pedibus sexcentis, ad hostem pergit grauem præda, atq; vt in nullo tali metu cura solutū. vires nostris exiguæ erant: furoriq; simile fore videbatur, cum tanta multitudine dimicare. Maurorum pars Equarum flumen cum præda transmiserat: in postremo agmine equitatus restiterat. Id Rodericus ex vicino tumultu conspicatus, quamuis suis exhorrentibus certamen, signa canere iubet. truci clamore impetus factus in hostes: quem illi trifariam diuisi constanter exceperunt. diu pugnatum. victi tandem Mauri sunt. mille & quadringenti ceciderunt. è nostris equites triginta, pedites centum quinquaginta desiderati. Ea nocte ad Petræ fontem perstitum. Proxima luce, dum legunt nostri spolia, pecora cateruatim redire vident. fraudem primo, & ex nube pulueris hostium aduentum suspicati, deinde quod res erat, intelligunt, fugatis præ metu custodibus, instinctu quodam naturæ solita pascua repetere. eo lætior victoria fuit, ditiorque præda. per vrbes & oppida pro diuino munere ad omnia templa supplicationes decrete. ad eum modum violato à Mauris fœdere, ab vtrisque in alteros sæpe excursions factæ sunt, & latrocinia euentu haud memorabili. Ioannes Gusmanus primus Assidonæ Dux Nieblæ Comes, Heracleam, quæ ad freti angustias est, bello repetere cogitat, patris calamitate infelicique casu magis irri-

tatus quàm territus. Maior belli moles in Aragonium Regem concitata erat domesticis Caralauni quia Vianæ Principi libertatem reddi missis legatis non impetrabant, à verbis ad arma veniunt. Barcinone magno numero progressi, Fragam in Aragoniæ finibus occupant. missus à Castellæ Rege Gonsaluus Saauedra cum mille quingentis equitibus consternatæ multitudini animos addit. Ductor vniuersi exercitus Catalauni Ioannes Cabrera Modicæ in Siculis Comes. Alia parte Ludouicus Beamontius se ad fines Vasconum in armis ostendit, in Aragoniam irrupturus, nisi æquissimo postulato esset satisfactum. Re necessaria Aragonius compulsus, filio libertatem reddit. Morella vbi detinebatur, dimissum Kal. Martii anno Millesimo quadringentesimo sexagesimo primo ad Villam frâcam Regina nouerca deductum Catalaunis de manu tradidit. vt Barcinonem ipsa iniret, non est datum. Principis libertate positis armis, animi non conquieuerunt. Carolus Catalauni principatus hæres gentis consensu inuito patre est renunciatus. extortum præterea uti, quod Regum filiis maioribus dari erat solitum, rerum moderator esset vniuerso imperio pro patre vicarius: Catalauni principatus arbiter cum summa decernendi potestate, quod patri gratissimum erat, nomine modò Principis retêto, nobilissimam imperii partem detrahi, imminui maiestatem: Gens ferox & ingenii durioris, nisi his postulatis concessis quietura non erat. iis conditionibus retractandis multum tempus est extractum. Quo tempore de Caroli & Isabellæ nuptiis maiori quam vnquam contentione actum: & quasi re confecta à Carolo missi legati in Castellam, puellam regiam, matremq; salutatum iuere Areualum, Ioannes Cabrera & Martinus Cruillius viri præstantes. Bellum in Vasconibus erat. Carolus Artieda Lumbierem oppidum Caroli Principis libertate nunciata eius nomine occupauit. Alfonsus, qui Villæ Formosæ Dux fuit, patris Aragonii Regis iussu eò profectus circumfedit: atq; omnibus operibus impugnare cœpit. parum præsidii in factione erat. missi à Castellæ Rege Rodericus Pontius & Gõsaluus Saauedra obsidionem dissiparunt. maiore mole bellum parabatur. Cum Castellæ Reginam, quæ Arâdæ ad Durium erat, ferre vterum vulgatum est. Eo gratior fama quod præter opinionem accidit. Proclitius in deterius hominum persuasio, vulgò iactatum à Bertrando Cueva grauidam factam, obscuris tum rumoribus. confirmata deinde opinio rerum potiente Ferdinando Aragonio, ex fide an ad gratiam memoria etiam recenti dubitarum. In locum Petri Castellæ, qui Vallisoleti è scalis domi graui casu, extinctus est, Guterrius certè Cueva, Palentinus Episcopus est creatus. id Bertrandi fratris gratiæ datum: qua vnus maximè in aula ea tempestate valebat. Alfonsus Fonseca Præsul è curia ablegatur per speciem honoris: vt quoniam Rex de bello Vasconum cogitabat, ipse Vallisoleti rebus gerendis vicarius præficeretur. callidi consilii auctor, æmulus Villenæ Marchio, quò solus in aula dominaretur, cæteris maior. Eo propensius fides habita est, quod ad proceres conciliandos suam operam pollicebatur, Toletanum & maris Præfectum. nam Calatrauæ Magistrum fratrem suum antea subduxerat è coniuratorum numero. Ergo Alfonso Fonseca Vallisoletum amandato, Villenæ Marchione in Carpetanos profecto, Arandam Calatrauæ Magister venit, duo millia & quingentos equites sub signis habens. cum iis copiis Castellæ Rex Almasanum versus iter intendit. magnus Aragoniis terror: sed belli impetus in Vascones abiit. Lugrunium, quod oppidum in Riuogia est, Maio mense est ventum. confluentibus vndique copiis aucto exercitu, in Vascones penetratum. oppida: S. Vincentii fanum, & Guardia dedita: Viana obsessa, ac multis diebus impugnata, dedente Petro Peralta Præfecto ac Magistro equitum venit in potestatem. Lerinum loci munitione defensum est. sic bellum in Vasconibus gerebatur, non eodem semper euentu. nam Abarûsa oppidum ab Alfonso Aragonii filio vi expugnatum est, cæso captoque Castellæ præsidio. Cum Carolum Vianæ Principem morbus lethalis Barcinone inuasit: quæ animi ægritudo ac perpetuæ curæ conciliarunt. sic nonnulli crediderunt. Inter Beamontios constanti opinione vulgatum, lento veneno, quò fortuitus morbus putaretur, corrupta in custodia vitalia fuisse. decessit nono Kal. Octob. qui dies Mercurii fuit Teclæ virginis memoria sacer, veniam à patre sub mortem precatus. Corpus ad Populeti sepultum. vixit annos quadraginta menses tres dies viginti sex perpetuis ærumnis, quàm re alia nobilior. virtuti & eruditioni fortuna non respondit. Osius Marcus Carolo familiaris in primis fuit, pangēdis lingua Lemouicēsi carminib. in paucis ea ætate celebris. sermo incōptus acutus tamen, multisq; sententiarum & ingenii luminib. illustris. Ad familiæ clypeū gemini molossi rictu ducto feroces, vnumq; os contentione arrodētes, à Carolo Principe afficti fuerāt. Insigni argumento Galliæ & Castellæ Reges significabat: quorum importunitate Vasconum regnum ferme consumptū erat. Alia Principū funera extiterunt: Caroli septimi Galli Regis successore Ludouico vndecimo. Henrici, Lusitani Regis patrui, cælibe vita, nulloque fœmineo

fœmineo contactu fœdata. Septem & septuaginta natus annos Sagrę suę ditionis oppido ad Algarbiũ decessit Idib. Nouembris. Corpus Lacobriga, vbi extemporario sepulcro erat compositum, Aliubarrotam deinde delatum est. Supererat ex omnibus fratribus Alfonso impari matre Brigantinus Dux. hic etiam vertente anno extinctus est, ex vxore Beatrice Nunnii Pereirę filia, Ferdinando filio relicto: vnde Brigantinis Ducibus nunquam intercisã post eorum sobole, generis origo.

Motus Catalani.

CAPVT IV.

- 10 **C**aroli morte sublata dissidiorum causa, neq; dissidia sublata, tamen si Ferdinandus extincti frater, Calataiubę, primum vbi Aragonii conuentus erant, paterni imperii hæres est renunciatus, deinde Barcinone deducente matre. spes ex eo nõnulla futurę tranquillitatis vana euasit, vrbana multitudo repente ad arma concitata, infensis Aragonio proceribus. Dolis nouerę innocentem prutignum, sanctissimum iuuenem, circumuentum oppressumq; clam & in circulis accusabant. Indignum facinus, impium scelus commissum. Ioannes Gualbes è Dominicano ordine seditiosis concionibus populum inflammare amplius: impium atque crudele imperium euerterent armis. quoniam tantum nefas esset commissum, si cessarent ipsi, cælitus ipsorum sanguine vindicandũ: se & gentem ea religione expiarent sumpta prius vindicta. Commota multitudo Regina se ex vrbe
- 20 subduxit, quasi Emporitanorum tumultus pacatura, re, quoniam maiestatem publico offerre metuebat in tanto animorum motu. Gerundę quorsum res euaderent, in Ausetanis expectare constituit. ab Aragonio prouisa tempestate externi Principes ad ineundum fœdus sollicitati sunt: Gallię Rex vt opem ferret pëtitum. Castellę, ne certè noceret: & quando Carolus, pro quo arma sumpserat, defunctus erat, præsidia militum è Vasconibus deduceret. Ille se Madriti dimissis copiis tenebat, vxoris partu latus. quã lecticariorum humeris eò deferendam curarat, ineunte anno Millesimo quadringentesimo sexagesimo secundo. proli Ioannę nomen inditum: atq; in eius verba à cunctis regni ordinib. iuratum, si vita suppedicaret, heredem regni futuram. vidit Castella quod vltimum in ignominia erat: regię stirpi insertam, quam furto genitam fuisse vulgo fuerat. persuasum. habitus
- 30 præterea honos patri, mercesque stupri data. Bertrandus, Ledesmię Comes renunciatus est. Regię procuratore in eius locum Andrea Cabrera amico eius & familiari. qui gradus illi ad amplas opes fuit, non absque multorum obtrectatione, priuati paulo ante hominis crescentem felicitatem malignis oculis intuentium. Aderant Armeniacus Comes à Gallo Rege de pace legatus, Toletanus Præsul reconciliata cum Rege gratia rerum arbiter. Iudicium conuentus singulis septem diebus, in eius ædibus iuridicundo haberi cœptus. Aragoui legati pacem flagitantes, fœdusque, vt fieret peruicerunt tandem. Ad decimum kal. Aprilis hæ Madriti conditiones scriptę. Castellę & Aragoniæ pax esto. Arces Guardiam, Sancti Vincentii, Arcos, Ragam, Vianam, Castellę Rex retincto, datę fidei obsides. cætera restituito. præterea ad fines Vasconum & Aragonię Iuberam Cornagum-
- 40 que, in Contestanis Eliocrotam tradito, Toletano Præsuli, Calatrauę Magistro, atq; Iohanni Galindo quasi sequestris, Aragoni; in potestatē tradituris, si à Castellę Rege fœdus violatum sit. Oliti vbi Aragonius se tenebat in omnes partes prospiciens, cum Gallo fœdus factum est pridie Idus Aprilis ea lege: Vti Gallus septingentos cataphractos equites auxilio mitteret, ducenta aureorum millia in stipendium. Dum ab Aragonio redderentur, Ceretani Ruscinonensesque pignoris loco essent: in Galli potestate neque pro vectigalibus tamen annuis, quę pendere consueuissent, aliquid deduceretur de capite. Quo fœdus sanctius esset, Regum Galli, & Aragonii colloquium institutum ad Saluaterram in ditione Bearnensi. Fuxensi Comiti expetenti datum, vt Blanca Caroli soror, ad quam Vasconum regni iura deuoluta erant, eius in potestate esset. grauis iniuria cum regno libertatem eripi. Sed quid non peruertis funesta dominandi cupiditas? Olito deducta est
- 50 vti conuenerat. multum superũ hominumque fidem obtestata, datis ad Henricum mandatis afflictę misereretur. ad alias ærumnas eripi libertatem: mox vitam ereptum iri. nisi quid in eo præsidiũ sit perituram. fraternę certe necis suarumque miseriarum condignas pœnas expeteret, pristini amoris memor, infelicis quidem sed coniugis tamen. In Ortesia Fuxensis arce asseruata, veneno haud multo post periit nullo vindice. Necis iniustę atque crudelis fama diu compressa. ærũ vitę infelici exitu terminatę. quos premere fata seu vis altior cœpit, hos vrget. Corpus in vrbe Lescare tumultatũ. Aragonius Tu delę erat. Henricus Rex per Segobiã Arandamque Alfarũ accessit. Internuncio Vilelmi Marchione fœderis cõditiones, quę Madriti scriptę erāt, cõfirmatę sunt. Quo tempore

Regina Aragoniæ intra Gerundam obfessa à Catalaunis est tertio kal. Iunii de filio magis, quam de sua salute sollicita. ductor multitudinis Hugo Rugerius Palladius Comes. propugnator acerrimus Ludouicus Dezpuchius Magister Montesiæ. Capta vi vrbs. in arcem veterem cui Gerundelæ nomen, vbi se Regina incluserat, impetus factus. superuentu equitatus Gallici vitatum periculum; vrbs etiam seditiosis ablata. Aragonius ad periculum aduolauit, de vxore filioque sollicitus. multis locis prælia facta. incondita multitudo par militi veterano non erat. multis vrbibus & oppidis captis Barcinonem regia castra sunt promota. Castellæ Regina nouo sed immaturo partu de vita Arandæ, vbi relicta fuerat, periclitata. Solis radio per vitream fenestram scilicet capilli arserant. repentino terrore foetus vtero excussus. tristis ex ea re nuntius lætitia mutatus breui est. Bertrando Ledesmiæ Comiti minor Marchionis Santillanii filia vxor data. nuptiæ maximo apparatu Regis & Reginae præsentia Caracæ celebratæ sunt. Regina inde Segobiam amādāta, Rex Atiensam abiit venatione, cui studio regio idonea est, animum remissurus. Ad eum Augusto mēse Caponius Barcinone legatus, si auxilia mitteret, tuereturque tumultuantes, gentis principatum est pollicitus. Magna res moueri videbatur. consilio habito duo milia & quingenti equites in auxilium missi, notis tramitibus in fines Catalaunos peruenerunt. cum spe defensionis animus multitudinis creuit. quæ promiserant præstitere. Henricus Barcinonensis Princeps proclamatur: eius nomine pecunia signatur. Commota semel audacia gentem in præceps dabat. noua lætitia Henrico Regi allata: à Ioanne Gufmanio Assidonie Duce Heraclea capta de Mauris: à Calatrauæ Magistro Archidona. ad alia regnorum nomina publicis tabulis Heraclea adiici placuit, Abomelici Mauri exemplo: quem ex Merinorum familia se Heracleæ, hoc est, Gibraltaris Regem dixisse superioribus annis, monstratum est.

Regum Castella & Gallie colloquium. CAPVT V.

A Liæ Castellæ militum manus in Valentinos & Aragonios fines immisissæ. ingens trepidatio terrorque. Aragonius ad periculum accurrit. Exhaustis atque exanguibus extorqueri imperium, & libertas potuit si quantæ vires Castellæ erant, tantum ardoris Henrico fuisset. eius conciliandi præcipua Aragonio cura. Principio anni sexagesimi tertii à Gallo Rege maris Gallici Præfectus Almasanum, vbi Henricus erat, legatus splendide acceptus atque habitus est. lauta conuiuia fuere, varii ludi. choreas ad lyræ modos pedibus, nunc plures, nunc cum singulis virginibus aulici singuli plausere. cum Regina Rege spectante iubenteque Gallus legatus, sine tripudio imposito obtestatus iureiurando est, habiti honoris memorem se cum alia fœmina nunquam choream ducturum. Si fallo, vindicate superi. Vt Reges Castellæ Galliæque inter se conuenirent decernitur, de cunctis controuersis disceptaturi coram. vti conuenerat, sic est factum. ad Fonterrabiæ fines mense Aprili extremo colloquium fuit. cum Gallo Gastones pater, & filius Fuxenses Comites, Dux Borbonius, Turonensis Archiepiscopus, maris Præfectus erat. cum Hispano Episcopi Toletanus, Calagurritanusque, Villenæ Marchio, Alcantaræ Magister, Prior Hospitalarius splendido cultu, ac plane singuli regio. ante omnes Ledesmiæ Comes, aurum distinguentibus gemmis peculiari nitore fulgebat. viles Gallorum vestes erant, Regis maxime: vnde scommata dictæque. Vedasum flumen multis cymbis à nostris traiectum: quod Gallicæ maiestati datum puto. nostrates historici factum affirmant, quoniam id flumen ad Hispanorum ditionem totum pertinet. Eo congressu sententia à Rege Gallo, cui rerum arbitrium permissum erat, quam Baionæ pronunciarat, recitata denuo est. Eius hæc summa capita fuerunt. Vt Castellæ copiarum à Catalaunis, præsidia à Vasconibus deducerentur. Stella cum oppidis ei vrbi contributis Henrico cederet in parte Vasconum. Aragoniæ Regina filiaque Rege, datæ fidei obsides essent in Toletani potestate. Eo decreto vtræque gens offensa, Vascones maxime: quorum insigni detrimento fœdus factum querebantur. nullo maiori fructu ex eo conuentu est discessum. Verum de re tota, ac vero de toto hoc colloquiorum inter Principes genere Philippum Comineum notabilem in paucis huius ætatis Gallicæ historiæ scriptorem, veteribus comparandum præstat audire, ex Gallico meis verbis loquentem Latine. Stulte inquit, pari potentia Principes faciunt, cum in colloquium conueniunt ipsi: decursis præsertim adolescentiæ annis, iocisque & lusibus, quibus ea ætas est dedita, emulatione succedente. Neque sine periculo inuicem contingat: neque si id absit operepretium aliud sit, quam inuidia, odiumque maius. vt commodius sit controuersias inter Reges, & si quid aliud negotii est, per legatos viros prudētes componi. Multa me vsus docuit. ex iis quædam exēpla proferre commodum

dum arbitror. Nullæ provinciæ in piorum natione maiori fœdere deuinctæ sunt, quam Galliaë Castella, amicitia Regū cum Regibus, gentis cum gente omnibus execrationibus sancita. ea amicitia freti Rex (Ludouicus Gallie eo nomine xi) paulo postquam regium insigne desumpsit, & Castellæ Rex ad fines vtriusq; provinciæ conuenerunt. Henricus Fonterrabiam accessit, septus splendido comitatu. magnus D. Iacobi Magister, Toletanus Archie. sequebantur, ante alios Ledesmiæ Comes Hérico intimus. Rex Gallus ad D. Ioannis fanum restitit, multis de more proceribus stipatus. pleriq; ex vtraque gente Bationæ erant, primo aduentu rixati grauius. Affuit Regina Aragoniæ, cui cum Henrico lis erat de Stella aliisque Vasconum oppidis Regis arbitrio permissa. Ad fluuii quo ab Hispanis Gallia dirimitur, ceteriorem ripam semel aut secundo sunt collocuti breuissime: quantum D. Iacobi Magistro & Toletano est visum: penes quos rerum arbitrium erat. Eo à Rege magnis culti officiis sunt, ad D. Ioannis oppidum accedentes. Ledesmiæ Comes aut intexto velo fluuium transmisit. cultus par ocreæ elegantes gemmisque distincte erant. Henricus fœda facie, vestium forma ineleganti ingrataque Gallis Rex noster vili cultu conspicuus, breui veste, galero vulgari plumbea imagine affuta. Inde dicteria sannæque: cum Hispani sordes & auaritiam interpretarētur. sic nullo operæpretio conuentus solutus est: nisi quod inter vtrosque proceres eę conspirationes sunt factę, quibus Henricum ad mortem vexatum, desertum à suis & ad miseram conditionem redactum ipse vidi. Aragoniæ Regina, pro Henrico à Rege nostro pronunciatum dolebat: tamen si bello Barcinonensi laborantibus tulit opē. excepit ex eo nouū inter Aragonios & Gallos bellum, ad hanc diem sedecim iam annis continuatum. Ad alia est progrediendum.

Petrus Lusitanus à Catalaunis euocatur. CAPVT VI.

Affuerunt colloquio Principum Cardona & Coponius Barcinonenses lagati: suamque gentem contra fœderis fidem iniuria deserui conquesti sunt nullo fructu. eorum vocibus aures Principum maioris compendii spe erant obturatæ. Tolosæ in Guipuscoa Gaon Iudæus populi concursu interfectus est pridie Nonas Maii: quod Regis præsentia fretus, ad Fonterrabiam se tenentis, vectigal exigeret, cui postulato nomen est: de quo magne olim contentiones genti extiterant. nunc immunitatem imminui ægre ferebant. Impune id facinus fuit. quin Segobiæ, quo paulo post se Henricus contulit, inter duos monachos contentio grauis exarsit. affirmabat alter pro concione, multos è piorum numero ad Iudaicam superstitionem traduci: liber cum Iudæis atque Mauris conuictus carpebatur. & sane multi ex vtraque gente à nostris alieni in aula, & per provinciam libere vagabantur. negabat factum monachus alter, ad gratiam Principum magis quam ex vero: sic arbitror. Nunquam in Hispania maior labes morum & temporum fuit. Hispalis ciuili tumultu æstuabat. Alfonso Fonseca maior Ecclesiam propinqui fidei datam repetebat: sic iura sancire: sic moribus susceptum: sic Romanum Pontificem iubere. Populo & nobilitate in partes distractis tumultus erat: ac periculum, ne pars cum parte dimicaret.

Accurrit magnis itineribus Henricus. Ecclesia Alfonso seniori reddita, de sex præcipuis seditionis auctorib. capitis suppliciū sumptū. A Lusitano valida classe repetita Africa. secuti sunt, Ferdinandus frater, Petrus patruelis equitum Magister. Catalauni Castellæ præsidio nudati, Gallis atque Italis ab Aragonio occupatis, quod vnum supererat, longinqua auxilia euocare constituūt. Petrus Lusitanus equitum Magister Septa ad capeflendum gentis principatum inuitatur, sibi debitum quoniam Vrgelitanæ Comitissæ maiori filia natus erat. desperata causa iura obsoleta tentantur. parer ille: consensisque nauibus ad Barcinonensem litus appulsus ad duodecimum kal. Februarii anno Milesimo quadringentesimo sexagesimo quarto, continuo Barcinonensis Princeps, Rex Aragonius proclamatus est. Inanis sine viribus audacia. honos exitio fuit. Petri quidem discessu, in Africa Lusitanæ vires imminutæ. Tingis tentata. repulsi cum cæde nostri à Mauris. Irruptiones in vicinos agros factę: nulla ad memoriam insignis: nisi quod ad Benasam montē Rex ipse Lusitanus cum copiis omnibus magnum periculum adiit. Eduardus Menesius de salute Regis sollicitus, dum nullum virtutis finem facit, in conflictu perit. cecidere alii. Postremi agminis defensi laudem Villæregiæ Comes tulit regio etiam testimonio: ad se enim veniēti, Hodie, inquit, penes te vnum fides perstitit. Henricus Hispali Heracleam concesserat. eo Septa soluens Lusitanus venit eius inuitatu. dies octo in ea vrbe consumpti. Ab Henrico Rege Astigi in Granatenses fines penetratum est: neque discessum, nisi vectigali accepto, quod Mauri pacti antea erant, aliisque magnificis muneribus allatis. Sic per Giennium vbi Irantius Magister equitum limiti præfectus erat, Madritū festinatum.

Lusitanus Gadalupeo in tēplo vota soluturus eo venit. Ad Archiepiscopi pontē, in Carpe-
tanorū finibus, eius & Henrici Regis colloquio affuit Regina Castellæ virū comitata, in-
uisura fratrem. Eo congressu gemina coniugia pacta cum Lusitano eiusque filio atque
hærede, Isabellæ sororis Ioannæque filia Henrici Regis, dilatas in aliud tempus nuptias,
mora tandem disturbavit. Aragonium imperiū Lusitano præstantius Castellæ imponere
numina destinabant, non sine magno tamen ac diuturno Hispaniæ motu. quæ mala in-
gens ventorum procella Hispali portendisse visa est, quantam non meminerant. par bo-
um cum aratro per aera suspensum. E D. Augustini turri decussa campana, proculque
proiecta: annosæ arbores euulsæ: ædificia multis locis labefactata: armatorū acies in cœ-
lo visæ inter se concurrere: siue vera species fuit, siue præstigiæ. nam à pueris tantum vi- 10
sas memorant. tres aquilæ rostris & vnguibus diu in aere cruenta pugna dimicantes, exa-
nimatæ exanguesq; ad terram decidere. His ostentis mortalium mentes in vota preces-
que conuersæ sunt, si forte numinum iram placarent.

Procerum Castella conspiratio. CAPUT VII.

TOletanum Paciechumque inuisos Henricus habere cēperat, cōtrouersis Aragoniis
haud satis fidos expertus. Itaque neque in Bæticam euntem secuti erant, neque ad
Archiepiscopi pontem Regum colloquiis interfuerunt. quin vim veriti, aut simulato me-
tu Madrito Complutum concessere. adiuncti mox maris Præfectus, Manrici reguli, Ca- 20
latraue Magister accessere paulo post Albæ, Placentiæque Comites Paciecho ad eos
alliciendos occulte profecto. Aragonius magnis promissis ad idem fœdus est pertractus.
Hæc sæuæ tempestatis prima fundamenta fuerunt: qua diu vniuersa Hispania iactata est.
Honestæ aliqua coniurandi causa quærenda erat: optima visa est, Ioannæ Principis abdi-
catio. quasi ex adulterio natæ, Alfonsum & Isabellam regios fratres, qui Maquedæ cum
matre erant, in potestatem vindicandi, idoneos arbitrari, per quos ima summis confun-
derent, turbarent omnia. Expetente Rege, datisque obsidibus Paciechus Madritum re-
diit, simulata beneuolentia, dolis & fraude armatus, proceres alios à Rege alienare fata-
gens. Alfonsi Fonsæ capiendi consilium dat, nisi eo amoto, se in aula tuto versari non
posse causatus. Rege persuaso, geminata perfidia præuicator Alfonsum imminentis pe- 30
riculi admonet. dictis ille fide habita, fuga subductus ad coniuratos re necessaria transiit.
Ferocior Paciechus, Segobiæ, quo in æstiuatum est, die in regiam cū armatis impetum
facit, ad Regem & fratres capiendos, re tractis etiam conclauis foribus. quoniam id non
successit Rege & Bertrando in penitiorem, atque munitiorem ædium partem in repenti-
no metu subtractis, tenebristantum facinus noua fraude tentat. Aderat nox: coniurati
mutua fide læti expediebant arma: cum indicio factō vitatē infidiæ sunt. auctor sceleris
in aula erat. ferro vincendum plerique suadebant. Regem tanta socordia inuaserat, vt
inanem clementiæ speciem saluti præferret, cum negaret fide publica tutum, violari æ-
quū fore. sic periculum in præsentia vitatum: in peius tamen rueret omnia cēperunt. Ber- 40
trandus tantum Diui Iacobi Magister institutus est, concedente Romano Pontifice: fre-
mente populo eum honorem Alfonso Principi Regis fratri iniuria detrahi. Sed audacia
tamen Paciechi nullo alio supplicio præterquam æmulo aucto vindicanda videbatur.
Nouo conatu tentatum, si infidiæ procederent, Rege Villacastinum per speciem collo-
quii attracto. Id etiam periculum indicio factō vitatum. Burgis, quo se coniurati detecta
fraude contulerant, ciuium parte in fœdus attracta, contumeliosæ literæ ad Regem sunt
datæ. earum hæc capita erant. Mauros apud eum versari, flagitiorum omnium impunita-
te concessa. Magistratus venales esse. D. Iacobi Magisterium Bertrando iniuria datum.
Ioannā adulterio natam, regni heredem contra fas & auspicia esse renunciata. hæc si
mutata essent, libenter positueros arma. Lectæ eę literæ Vallisoleti: neq; Regis tamen ma- 50
gnopere commotus animus. Excæcat diuina vindicta mētem, cum vim suam retūdi non
vult. præposteris voluptatibus vires enervatæ erant corporis atque iudicii. Aderat Bar-
rientus Conchen. Episcopus: palamque armis vindicandam iniuriā propemodum cum
conuitio hortatus, nil tamen profecit: obtestatus quamuis, quoniam salutaria monenti-
bus parere recusaret, eum præ omnibus Hispaniæ Regibus ludibrio futurum, fera atque
inutili pœnitentia præsentis ignauix. Concordiæ spes tentata denuo, quando displicebāt
arma. Cabesonium inter & Cigales, quæ oppida in Vaccæis sita sunt, cum Henrico Pacie-
chus qua fronte? qua simulatione? sed diu in patenti cāpo remotis arbitris collocutus, his
conditionibus pepegit. Vti Alfonsus frater regni hæres esset iure suo, Ioanna vxore. Ber-
trandus se Diui Iacobi Magisterio abdicaret. Quatuor rerum arbitri essent, bini ab vtra-
que

que parte delecti. Alfonsus Oropesa ordini Hieronymiano Præfectus, quintus accederet. Quod maior pars in iis controuersis sanxisset, id ius fasque esset. Fœdere factò Alfonsus Segobia in castra regia deductus est, annos vñdecim natus. In eius verba à cunctis qui aderant, iuratum, Bertrando Alburquerque Ducis nomine datum, Cuellar, Roa, Molina, Arienza quibus oppidis annui redditus in Bætica additi ablatis honoris haud iniqua compensatio. Dati arbitri à coniuratis Paciechus & Placentiæ Comes: abs Rege Petrus Velascus, & Gonsaluus Saauedra Paciecho infensi Toletanus, & maris Præfectus Paciechi odio Regi conciliati sunt. breuis ea gratia fuit: aut vt vulgo creditum est simulata ad tempus. Alcantaræ Magister & Metellini Comes cum copiis abs Rege euocati sunt, ad
10 quatuor iudicum potentiam comprimendam armis: à quibus perturbate omnia gerebantur. & verebatur Rex, si sententia esset pronuntiata, ne inane illi imperii nomen relinquerent: cetera auferrent. Vnus ex eo numero Gonsaluus Saauedra, & pari perfidia Aluarus Gometius qui Henrico à secretis erat, eoque quamuis obscuro genere in Carpetanis Maquedam, Turregionium & Syluestri sanum adeptus erat, à Rege euocati sunt. Venientibus magno metu à quibusdam proposito, si Regi se crederent, persuasum est tū his duobus, tum Alcantaræ Magistro, & Metellini Comiti, vti se ad coniuratos cum copiis conferrent. Ea re cognita, Turregionium Petro Ariæ ciui Segobiensi, cuius pater ærarii rationibus præfectus fuerat, expugnandum conceditur. Petrus Velascus coniuratis se adiungit, ægre quamuis, patre Hari Comite filii leuitatem ferente: prorsus vt neque mi-
20 lite neque pecunia iuaret: solusque aut cum paucis inter alios procures viseretur. Quo tempore Pius Romanus Pontifex Anconæ Piceni vrbe decessit nonodecimo kal. Septembris. Conuocatis toto orbe Principibus ad pia arma, tentata quamuis valetudine eo delatus fuerat subeuntibus inuicem satellitibus lecticam, transmissio mari Supero, bello Turcico Dux futurus. ingens animi confidentia. breuis pontificatus fuit omnino annorum sex, ingens gloria. eius tamen obitu totus apparatus euauit. In eius locum festinatis comitiis Petrus Barbus Cardinalis natione Venetus cooptatus est, tertio Kal. Sept. Pauli secūdi nomine vigēte adhuc ætate, septimū & quadragesimū agēs annum, propenso in Hispanam gentem animo, rebus in Castella asperis Henricū ope, & auctoritate iuuit.

Aragonia bella. CAPVT VIII.

30 Petri Lusitani aduentu, Catalaunis maiores viribus animi accessere spei aliquantulum, metus amplior, quippe victis aduersus eos qui sæpe vicerant pugnaturis: obstinatio maxima. Ilerda longa obsidione fatigata, vñto direptoque circum agro deditionem Aragonio facere compulsa est. multis vno tempore partibus belli flamma oppida, agrique vexantur. fœda rerum facies atque miserabilis. Ioannes Cæsaraugustanus Episcopus alter Aragonii filius ex impari matre præcipuus belli dux, armis quam infulis aptior. Burgundionum manus auxilio Petro missa est à Philippo Burgundiæ Duce, exiguum rebus præsidium: sed eorum aduentu tamen, copiæ Catalaunorum Minoresam conuenere, quod
40 oppidum Manresa hodie est, duo millia peditum equites amplius sexcēti. Cerueram oppidum pro Aragonio Pradis Comes obsidione virgebat. Obsessis fame & rerum inopia oppressis, ac de deditione cogitantibus Petrus opē ferre constituit. ad Vasconū fines Aragonii castra erant, motibus eius gentis pacandis intenti. Cum copiarum parte Ferdinandus filius festinare, seque cum Pradis Comite coniungere iussus est. tenera quamuis ætate ac omnino tredecim annos natus in eo bello tyrocinia posuit. sic in castris educato ad literas addiscendas otium non fuit. Ad Regis prata (loco nomen id est) Lusitania castra promota, prælio dimicandi destinato animo. sic exploratores nunciabant. locus vicinus erat. Ferdinandus rebus omnibus instructis, comparatisque, ad hostem pergit: tumulumque occupat, vnde in hostium castra despectus erat. idem Lusitanus facit: vicino colle castra munit, pugnam vt videbatur detrectaturus. acies ad prælium instructæ tamen. In
50 primo agmine Petrus Deza curabat: sequebantur Burgundi modico interuallo proximi. In secundo agmine Bertrandus & Ioannes Armendarii Vasconibus & Castellæ militibus duces dati. Postremum agmen ipse Petrus Lusitanus ducebat. Ferdinandi copiæ minori quamuis numero septingenti equites, mille non amplius pedites, hoc modo ordinata. Prima acies Pradis Comiti commendata, Hugone Rocabertio Ampostæ Præfecto, & Matthæo Moncada dextra læuaque munientibus. Henricus Henrici Aragonii filius in subsidiis collocatus. In postremo agmine cum multis proceribus Ferdinandus substitit. Peditibus Bernardus Vasco præfectus, ac montes vicinos radere iussus est: ne ab aperto latere impeterentur. Priusquam pugnæ signum proponeretur, nobiles aliquot à Ferdinando balteo militari donati sunt. Truci mox clamore edito pugna

à præcursoribus inchoatur. primum ac secundum Lusitani agmen loco mota disiectaque
 Aragoniorum virtute. perculsis parum præsidii fuit in postrema acie, vbi Petrus Lusita-
 nus erat, roburq; copiarum. Effusa fuga facta, peditum per vicinos montes, equitum per
 plana. Petrus Lusitanus posito paludamento, atque victoribus immixtus, proxima luce
 euasit incognitus. Burgundi, in quos primus impetus factus est, ad vnum ferme cæsi: nam
 in primo agmine dimicabant: & referre pedem in pugna gentis instituto in rebus turpif-
 simis habent. Ex aliis plerique capti. in iis Pallasii Comes, belli præcipua fax. pugnatum
 1465 est pridie kalend. Martii anno Millesimo quadringentesimo sexagesimo quinto. eò victo-
 ria lætior quod paucis ex Aragoniorum numero vulneratis, nemo cecidit. Petrus Mino-
 resam sese retulit. à Bertrando Armendario Ceruera oppidum, parte victi exercitus in il-
 lud inuecta munitum, nihilo minori animo, quam si victor extitisset. In Emporitano vis
 belli conuersa, meliore quoque Aragoniarum partium fortuna quam Lusitani. victorib.
 cætera fore procliuia videbantur: eò amplius, quod Beamontiis ad officium reuocatis,
 Vasconum tumultus tãdem cepisse finem videbantur. Ludouico Magistro equitum de-
 functo, Ludouicus & Carolus eius filii venia donati, bonis & honoribus pristinis restitu-
 tis. idem Ioanni Beamontio concessum Priori in Vasconib. Hospitalario, Ludouici Ma-
 gistri equitum fratri. Regni hæreditas Gastoni Fuxensi confirmata, atque Eleonoræ vxori,
 iam Vianæ Principibus. Ismael Rex Granatensis cum optimæ pacis bonis florere cœ-
 pissent, diem obiit septimo Idus Aprilis, qui dies Dominicus fuit, Arabum anni Octingen-
 te. sexagesimi noni, mensis Xauam dies decimus. Successit in imperio Albohacenus filius
 20 magno vir animo atq; militari virtute præstans. huic duæ vxores fuere, altera stirpe Mau-
 rica, vnde Boabdiles filius est natus, cui Regi Paruo, deinde nomen fuit: altera Christia-
 nis sacris eiuratis Zoroyra nomine, filios peperit Cadum Nacremq;. hi Ferdinando Re-
 ge Catholico, quo tempore Granata capta est, nostri sunt effecti. maiori Ferdinando no-
 men inditum: minori Ioannis. mater filiorum exemplo ad nostram religionem reuocata
 Isabellæ nomen suscepit. Albohaceno Rege pax aliquandiu cū ea gente fuit, Irantio Ma-
 gistro equitum Giennensi limiti præfecto, Astigi Martino Corduba. Ferdinandus Nea-
 politanus Rex, victis ac profligatis hostibus tum domesticis tum externis imperium in I-
 talia confirmabat. victus ad Sarnum in Campania insigni prælio cum hostibus facto ante
 annos quatuor, reparatis viribus adiutusq; nouis à Pontifice Romano, & Mediolanensi
 30 Duce copiis, atque Scanderberchio, vti antea dictum est, vertente anno, ex quo victus e-
 rat, hostem exultantem compresserat, ad Troiam Apuliæ urbem acie victum. neque pri-
 us constitit, quàm Lotaringio Duce in Aenariam insulam pulso, procerum motib. com-
 pressis, prouincia pacata: sic vt Lotaringius rebus desperatis, inglorius in Galliam abire
 fuerit compulsus, par virtute maioribus, insigniq; probitatis fama, fortuna haud dissimili.
 Ad hunc modum Ferdinandus procerum Neapolitanorum bello finem imposuit, an-
 citi atque diuturno: triumphumque nobilem de victis hostibus Neapolim inuexit octa-
 uodecimo kalend. Octobris. Ingredientem populus & proceres nullo non honoris gene-
 re cumularunt. gaudii lætitiæque signa promiscuè præbita sunt. Isabella Regina victori-
 am superis acceptam referens, templa adire paruos liberos præ se agens, ad omnia altaria
 40 procumbere, vota soluere, supplicia facere insigni pietate fœmina, dignaq; cui longior vi-
 ta, & victoriæ fructus diuturnior contigisset, fataq; extenderent vitæ tempus. ferme in i-
 psa pacati regni lætitia extincta est. Ferdinandus pace parta, rebusq; ex sententia compo-
 sitis, supra triginta annos regnavit. multa bella pro sociis, atq; amicis suscepta, gesta; for-
 tissimè eius ductu. Turcæ quoq; qui Hidruntem, bonamq; Salentinorum partem ex im-
 prouiso adorti occupauerāt, Alfonsi filii virtute atque opera victi, Italiaq; expulsi sunt. Si
 quibus artibus initio regnum sibi comparauit, easdem in pace otioq; retinuisset, vt maxi-
 mè felix est habitus, sic inter bonos Principes numerari potuit.

Alfonfus Castellæ Rex renunciatur. CAPVT IX.

50

Castellæ motus haudquaquam conquieuerunt, Alfonso Regis fratre in procerum po-
 testatem contradito. quod ad concordiam videbatur excogitatum esse præclare, ma-
 ioris mali occasio extitit: malis consiliis pares adepti exitus. Rex Cabesonio, vbi collo-
 quium fuerat, in Carpetanos discessit: coniurati proceres Placentiam: Calatrauæ Magi-
 ster in Baticam abscessit: vbi Vrsaonem ditione obtinebat (Vreniam in Vaccæis) eā gen-
 tem ad arma concitaturus, vario vir & inconstanti ingenio, amicitia parum firma, sancti
 honestique non tanta cura, quantum studium assequendi eius, quod destinasset animo.
 Valensolæ Priori Hospitalario is honos detrahitur. Giennensis Episcopus bonis spoliatur.
 fides

fides malo fuit, grauiſſimum apud deſciſcentes crimen. vniuerſa prouincia ad ſociandas vires populi ſolicitati: reguli maximè, vt cuiuſque res erant, multa iis pollicendo, magno numero ad commune fœdus iauitati, pertractiq; ſunt, Hiſpalenſes, Cordubenſes publice: Aſſidonix Dux, Arcobrigæ Comes, atque Alſonſus Aquilariuſ priuatim. Prouiſa Hæricuſ tempeſtate, Madriti de ſumma rerum deliberaturuſ, conciliuſ aduocat. Ecquid factuſ opuſ ſit rogat? num ſumenda arma? an quando priora conſilia non proceſſerāt, noua concordix via tentanda? Toletanuſ cæteris tacentibuſ Alſonſum repetenduſ eſſe ait. Securæ pacis, certuſq; pacti nuper coniugii pignuſ, apud quem meliuſ quā apud fratrem, & mox ſoceruſ futuruſ? niſi morem geſſerint armis contumaciam vindicandam. In eam rem Salmanticam feſtinanduſ, bello computando ex propinquo opportunaſ ciuitatem. Sincero hæc animo dici videbantur: itaque alioruſ conſenſu etiam expreſſo, ac nẽmine eoruſ, qui meliora iudicabant contra mutire auſo, cū non ratio, non æquitas dominaretur, ſed viſ & potentia, legatione ad proceres miſſa, militares copix Salmanticam conuenire iuſſæ ſunt: quo Rex iuit. Inde Areualo, quod à proceribuſ occupatuſ erat à Rege obſeſſo, Toletanuſ perſona detracta Abulam (quam urbem paulo ante & Medinæ Campeſtriuſ arcem ab Henrico expreſſerat ipſiuſ præſidio teneri) proceres euocat. eodem ipſe contendit. à Præfecto maris, ex compoſito Valliſoletuſ occupatur, belli ſedes futura. Ad nouæ calamitatis & maioris periculi nunciuſ, Rex torpore tantisper diſcuſſo, remotiſ arbitriſ atque in genua procumbenſ, protenſiſ ad cælum manibuſ, hiſ verbis Deuſ compellat ſe fertur. Tuam Chriſte Rex, opem, per quem Reges regnant, & iura imperandi ſtant, ſupplex imploro: tibi fortunæ, vitamq; committo, illud precatuſ modo, vt vindicta, quam minorem ſcleribuſ eſſe fateor, mihi priuatim ſalutaris ſit, data tuo munere conſtantia animi: minimoq; reipublicæ incommodo luatur. Hæc dixit: ſimul citato itinere ſe Salmanticam retulit. A coniuratiſ procerib. ingeſ facinuſ designatuſ. horret animuſ tantam noſtræ gentiſ ignominiam recordari. ſed dicenduſ eſt tamen: vt diſcant Reges hoc exemplo ſibi primum, deinde ſubdituſ imperare: commotæ multitudiniſ quantæ ſint vires: fulgorem regii nominis opinione potiuſ, quam virib. ſtare. neque Regem, ſi propiuſ inſpicias, eſſe aliud, quam hominem deliciis emollituſ, purpuræ ſplendore magna vlcera regentem, moleſtiæq; graues. ſi miniſteria detrahas, eo infirmioreſ quod molli otio dedituſ imperare didicit non facere. Pro Abulæ mœnibuſ in patenti campo ſuggeſtuſ ex materia ædificatuſ eſt, impoſita Henrici ſtatua, cum tra-bea, reliquoque regio ornatu. conuenere proceres, infinitaque populi multitudo. Voce præconiſ, grauiſſima Henrici crimina publicata. ad ſingula ſententiæ capita, ſtatua ſigillatim omnibuſ regiſ inſignibuſ nudata, ac tandem cum verboruſ contumelia in præceptuſ eſt data. Noniſ Iunii Mercurii die id accidit. Alſonſuſ, qui toti actioni aderat, ſuggeſto impoſituſ, atque humeriſ proceruſ elatuſ, Rex proclamatur Caſtellæ, regiſ vexilluſ de more explicatiſ, atque Alſonſi & Caſtellæ nominibuſ promiſcuo multitudiniſ clamore ingeminatiſ. Tanto facinore euulgato, non vna opinio fuit: aliſ laudanti-buſ, plerique factuſ accuſabant. non ſine exitio imperia mutari: neque geminoſ Soles in orbe eſſe: neque vnā prouinciā duōſ ſummoſ rectoreſ tolerare. Burgi Toletuſq; proceruſ auctoritateſ continuò ſecutæ ſunt. non pauci proceres Henrici cauſæ ardentiuſ fauere cœperunt. poſt ignominiam miſericordia ſucceſſerat, & emendaturuſ putabant: quæ in moribuſ, quæ in repub. deprauata erant. Gaſſiaſ Toletuſ Albanuſ Comes, iam antea conciliata gratia, præſto affuit, cum equitibuſ quingentiſ, peditibuſ mille. Regina Iſabellaque ad Luſitanuſ ablegantur: ſi gratia, & auctori-tate auxilium mitti impetrarent. Guardiaſ ad Luſitaniæ fineſ colloquiuſ fuit. præ-ter verba nulluſ operæpretiuſ. Coniuratoruſ copix Valliſoletuſ conuenere, regiæ Tauruſ. illæ obſtinato animo: hæ numeroſæ magiſ quam validæ. A coniuratiſ Penafloſ mœnibuſ proſtratiſ, Septimancæ obſeſſa, haud minori periculo obſidentiuſ, quam obſeſſoruſ, propter Galindi virtutem: qui Tauro miſſuſ cum tribuſ equitū millibuſ, in oppiduſ eſt inuectuſ, tanta confidentia animoruſ, hoſtiuſque contem-ptu, vt à caloniſ per ludibriuſ ſententiā in Toletanuſ pronuntiata, eiſ ſtatua per plateaſ tracta, atque combuſta fuerit. exiguuſ illatæ ad Abulam contumeliæ leua-men: impar vindicta facientiuſ iniuriā accipientiſque conditione non eadem. obſi-dio ſoluta. Nouiſ conſequentibuſ copiſ numeroſuſ exercituſ Tauri conſtat, octoginta peditū millia, equitū quatuordecim. cum iſ copiſ verſuſ Septimancā itur. Ex itinere Ioanneſ Carilliuſ ex hoſtiuſ numero dux, in tumultuario conſlictu vulnera-tuſ captuſque ad Tordeſillā, aduocato Henrico inſidiaſ eiſ capiti parari cum animā ageret, renunciāuit: coniuratoruſ etiam nomina remotiſ arbitriſ edi-

dit: quæ Henricus perpetuo silentio texit, fortassis in gratiam, aut ex odio indicium confictum quamuis à moriente ratus. regia castra Vallisoletum promota. oppidum copia defensorum munitum expugnari non potuit: & regio torpor quidam occupauerat, incredibilis pudendusque exemplo rectoris. In agro vtriusque partis consensu, Henrici Regis, & Villenæ Marchionis colloquium fuit. multa promissa, nihil præstitum. Regi tamen persuasum, ut quoniam tantis sumptibus pares facultates non essent, copiæ dimitterentur. breui Alfonso regio nomine abdicato, cum aliis proceribus, in eius potestate fideque futurum. Sic milites ab vtraque parte dimissi. Proceribus quamuis nullo operæ pretio facto, ingentia præmia data Medinæ Campestris sunt. Episcopo Calagurritano Petro Mendozæ decumarum tertia pars: quæ Regibus Caracæ atque in eius oppidi agro obuenire solita erat. Santillanio fratri in Asturibus Sancti Emererii oppidum (Santanderium vulgo dicitur) Medinæ Celinæ Comiti Agreda, Albano Carpium, Osorio Trastamaræ Comiti Asturica in Calæcis Marchionis nomine. aliis proceribus alia dono data sunt. Coniuratis Areualum profectis, Vallisoletum ad regiam ditionem rediit: Alfonso captiui instar tenebatur. Redire ad fratrem cogitanti minæ intentatæ: perituum veneno, nisi regnaret. miseram conditionem imperii, à subditis occupati inuersique in contrarium. De concordia tamen nouo conatu actum est. si Isabella Princeps Calatrauæ Magistro nuberet firmiores in fide fore pollicebantur, quam re alia, eum fratremque: penes quos belli & pacis arbitrium esset. Auctor consilii Fonseca Hispalensis. Consensit Rex. re constituta, Duceque Alburquerqui, atque Calagurritano Episcopo à curia amandatis, iis infensus Magister Calatrauæ aduocatur. Iacebat Isabella ægro animo, luctu oppressa, ut in tali metu indignitateque. Cubiculo Præfecta Beatrix Bobadillia pro iure familiari, Ecce, qua mœroris causa sit rogat. Cum lacrymis illa & singultu. An nostram inquit ærūnam, non sentis? Regibus satam in spē melioris fortunæ, pudet dicere, homini propemodum priuato coniugem destinari. Proh dedecus ignominiamque. plura dicere dolor prohibet. Absit, vita, tantum nefas Beatrix ait. me superstiti non erit, non patiar. hoc ferro (nudam sicutam ostentabat) per omnia sacra iuro, cum primum huic aduenerit, securi latus haurire, vitamque eripere certum habeo. Virili animo virginē. Meliora superi. Almagro ad nuptias festinabat, cum repentina vi morbi in itinere oppressus Villarruiæ diem obiit, principio anni Milesi. quadringentesimo sexti. Corpus Calatrauæ in proprio sacrario constitutum est. castissimas Isabellæ preces, tantum dedecus auersantis, auersata numina exaudisse vulgo persuasum: cui excellentius coniugium & maiora imperia destinaret. in defuncti locum duo filii quamuis nothi Rodericus Gironius, Calatrauæ Magister institutus est, Pontificis diplomate in id superiori tempore impetrato, Alfonso frater Vreniæ Comes ex patris testamento factus est. Ante Magistri obitum in agro Giennensi, tanta ciconiarum multitudo extitit, ut Solem auferrent. suspensæ ex eo mortalium mentes id ostentum ut fit varie interpretabantur. Similia homines magis euentis rerū moniti, quam ratione docti formidare consueuerunt. Quo tempore Romæ Rodericus Sanctius vtriusque iuris cum primis peritus, moli Hadriani præfectus, de rebus Hispaniæ piam magis quam elegātem historiam conscribebat, Palentinam ex eo dictam, quod is Palentinæ Ecclesiæ consequentibus annis Episcopus est datus in Henrici gratiam, cui eam historiam nuncupauit, Pauli secundi Pontificis dono, cum quo vetus amicitia erat, multaque familiaritatis iura homini Hispano.

Prelum ad Olmedum factum. CAPUT X.

Rerum omnium perturbatio in Castella erat. misceri omnia: non modestia aut ratio, sed superbia libidoque dominari. latrocinia vigere, iniuriæ, cædes, nullo iudiciorum metu, fluxa ad coercendum flagitia auctoritate magistratuum. Itaque per vrbes & oppida conspirationes factæ, societatesque institutæ, ad scelerum licentiam vindicandam, optimis legibus & institutis Regis concessu temperatæ. ne veterum calamitatum orbis recurreret, prudentes verebantur. quod Roderico Gotthorum Rege factum erat, Mauris ex Africa euocatis, non minori occasione, neque minori periculo, propter fatalem gentis discordiam, Principum libidinem ignauiamque. Itaque Toletanus vulgo Oppas ignominie causa vocabatur: quasi simili ingenio, paremque cladem allaturus patriæ. Ea res Fuxensem prouocauit, ut arma quibus Vasconum regnum inuadere cœperat spe imperandi impatiens, in Castellæ fines conuerteret, nimirum vitio humani ingenii, quod accusabat in leuiro Carolo, hoc sibi licere putabat, iniquus rerum æstimator. oppidaque in Vasconibus Castellæ præfidiis occupata extorquere illato bello, erat in animo. Primo impetu Calagurris capta. Alfarum circumfessum. Dieghus Castillius, qui Hérico à sacris, assiduusque

que in aula, de eius rebus commētaria cōfecit, ad Fuxensem legatus, cū monendo non
 proficeret, raptim contractis copiis effecit, vt obsidione soluta sese vnde venerat citato re-
 ferret. Calagurris etiam à ciuibus prēsidio deiecto ad Castellæ ditionem rediit. Sic in Va-
 sconibus res erant haud tranquillæ. In Catalaunis melior fortuna Aragoniis affulgere vi-
 sa est: hostibus non vno loco superatis, multisq; oppidis tota prouincia receptis. præterea,
 quod caput erat, Petro Lusitano ex morbo sublato. Minoresa Barcinonem contendebat;
 cū Granollia decessit die Dominico tertio kal. Iulii. Corpus ad D. Mariæ iuxta mare Bar-
 cinone tumulatum non absq; funeris pompa. veneno extinctum vulgò creditum est, mo-
 re ea tempestate nimium vsitato Principib. perimendis: aut quia de Principum exitu atro-
 10 ciora vero nunciat fama. Ipse laboribus fractum corpus, molestia victum animum suspi-
 cor: quem fructum collati principatus fuisse non alium, afflictus insignibus accipiter indi-
 cabat, his verbis subiectis. Molestia pro lætitia. Ioanni Lusitanæ iuuentutis Principi so-
 roris filio eum principatum testamento legauit. Dertusa vrbs, aliaq; oppida Aragoniis ar-
 mis cessere, interregni beneficio, haud diurni. frequentes enim Catalauni Barcinonē
 Renatum Andegauensem, perpetuum Aragonii nominis hostem, Regem iusserunt, iræ
 potius quam consilio & æquitati datum. Sed parum in Lusitano præsidii futurū erat: An-
 degauenſi euocato Gallicis auxiliis Aragoniū nudari erat necesse: atq; Fuxensi in Vasco-
 nibus tumultuante, vires impares vtriq; bello fore augurabantur. aduersus eam tempeſta-
 tem Sabaudus, Galeatius Mediolanensis, qui Francisco patri successerat, ad iungendum
 20 foedus ab Aragonio sollicitati sunt. Renatum noui principatus accessione, nisi prouideretur,
 finitimis Sabaudis, Insubribus longinquis, memoria iniuriarum formidabilem futu-
 rum. Angli etiam inuitati. Petro Peralta Magistro equitum ineunte salutis anno Milleſi-
 mo quadringentesimo sexagesimo septimo cura data, coniuratos Castellæ Principes con-
 ciliandi, geminis nuptiis pactis Ioannæ Ferdinandique filiorum Aragonii, cum Alfonso
 Principe Henrici Regis fratre, atque Beatrice Villenæ Marchionis filia. tanta erat aucto-
 ritas hominis paulo ante priuati, vt regio suum iterum sanguinem inferere tentaret, adiu-
 tore Toletano: Henrici Principis imbecillitatis haud dubium argumentum. Neutrum
 coniugium perfectum: & nuper Alfonsus Princeps è Toletani potestate ereptus erat. Be-
 neuentanus cum Henrico reconciliata gratia, Portillium, quod armis ante temporum li-
 30 centia occupauerat, vt daretur obtinuit. nouum beneficium insigni aliquo officio cōpen-
 sare parans, Alfonsum & Toletanum Toletum, vbi aliquandiu hæserant, in Vltiorem Ca-
 stellam venientes hospitio accepit, Alfonsum in arce: aliis in oppido hospitia data. Proxi-
 ma luce proficisci maturantib. negat, Alfonsum in Toletani potestate amplius futurum:
 vim adhiberi non licebat, exiguo comitatu, nullis bellicis tormentis. Henricus nuncio læ-
 tus, expetenti nouam operæ mercedem, vt Diui Iacobi Magister esset concedit. regium
 donum Villenæ Marchionis calliditate interceptum est. cui rem omnem Beneuentanus
 indicauit, arbitratus generi honori haudquaquam eum moram facturum. Sed nullis le-
 gibus necessitudinis ambiciosus animus mouetur. inde internecina inter vtrunq; Princi-
 pem odia, insidiæq; comparatæ. verum id in præsentia occultatum. Beneuentanusq; soce-
 40 ri suasu procerib. coniuratis Alfonsum Principem restituit. sic spes pacis disturbata, redi-
 tumq; ad armæst, magno Henrici dolore, pacis cupidissimi, atque præ eo studio maiesta-
 tis immemoris. Itaque inter eum & Villenæ Marchionem Cauca primū in Vaccæis col-
 loquium habitum est: deinde Madriti, oppidi præsidio Hispalensi concredito. nullum v-
 trobiq; operæpretium est factum: etsi Eleonora Pimentelia Comitissæ Placetiæ vxor, con-
 sensu partium euocata venit. magno animo fœmina, perpetua erga Regem fide idonea
 visa, viro aliisque coniuratis pace facta sanandis. Insidiis faciēdis Villenæ Marchio inten-
 tus, magis quam Henricus vitandis cautus, nouo colloquio Placetiā designauit. verum
 is conatus à proceribus, qui Regem sequebantur, disturbatus est. Periculum fraudemq;
 subesse disputabant: negabantq; ferendū callidi hominis ludibrio toties maiestatem obii-
 50 ci. Segobiam itum æstatis principio. à coniuratis Olmedum occupatum, oppidum deden-
 te Petro Sylua præsidii præfecto. Medina Campestris à coniuratis vexatur, arcem obti-
 nentibus Toletani nomine. periculum erat, ne id etiam oppidum occuparent. vtraq; in-
 iuria Henricus prouocatus, magnos delectus haberi mandat. proceres nominatim euo-
 cati. affuit Medinæ Celinæ Comes, Episcopus Calagurritanus, Alburquerquei Dux, qui
 eatenus curia abstinerant. Petrus etiam Velascus impetrata superioris defectionis ve-
 nia, cum septingentis equitibus, & valida peditum manu à patre missus, decumas merci-
 um, quæ mari importantur, allati auxilii præmium impetrasse memoratur, magis ducta
 per manus opinione, quam certo aliquo testimonio nixum. Ioanna Princeps Santillanæ
 Marchioni fidei obfes à patre data, Butracumq; deducta est. grādis ignominia: sed singu-

li proceres carissime suam operam ignauo Principi venditabant, id habituros rati, quod rebus turbatis extorsissent. Idoneo exercitu conflato, Medinam versus Rex iter instituit. Olmedum, quod deuium non est, ventum erat. Coniurati transitu regias copias prohibebant, instructa ad pugnam acie, portis egrediuntur. Henricus certamen exhorrebat: verum auctoritate fluxa, ardentibus proceribus cupiditate dimicandi prohibere non potuit. insignis pugna fuit in paucis ea tempestate memorabilis. duodecimo kal. Septembris ipso Diui Bernardi festo die, magno impetu concursum. diu pugnatum. ancipiti victoria est discessum: eaque opinio præferebatur, ut utrique victoriæ lætitiâ celebrarent, noctis superuentu dirempta pugna. coniurati se se Olmedum retulerunt cum Alfonso Principe. regii duo millia pedites, equites mille septingenti itinere instituto Medinâ abierunt. Neque Henricus prælio interfuit, Petri Peralte consilio, periculo sub ipsum conflictus tempus subductus (non absque suspitione fraudis, quod coniuratis ex arcano faueret ad eos legatus: Toletano amicus esset, filia paulo ante Troilo Toletani filio nuptui data) neque Villenæ Marchio militariibus Diui Iacobi comitiis in Carpetanis districtus: ubi suffragiis militum ipso tempore eius militiæ Magister institutus est. Impudentissimum facinus, potentia immensum aucta, atque ceteris Principibus maxime formidabili, vniuersæ tragædiæ auctor princeps, atque præclarus, vnde supplicia vereri debuit, noua præmia cumulabat, struebat opes. In Vasconibus Eleonora Fuxensis pro patre Aragonio vicaria res gerebat. quo tempore Viana Pompelonensis Episcopi Nicolai Echauarrii diligentia recuperata pulso Castellæ præsidio, natus est Eleonore nepos Franciscus, cui Phæbo inter eius gētis Reges cognomen fuit, ex Gastone Fuxensis filio & Magdalena vxore. nouo deinceps partu Catharina edita est: qua fratris herede Vasconum regnum ad Labretos transiit, nobilissimam in Gallia familiam: uti competenti loco est explicandum. Tarracone Aragonius intentus bello Catalaunico, multusque erat, quamuis annis grauis, atque utroque caprus lumine, viuudum spiritum retinens. In ea vrbe Eleonoram filiam notham Ludouico Beaumontio Lerini Comiti connubio iunxit. data sponsalia die viges. secundo

1468 Ianuarii nouo anno Millesimo quadringentesimo sexagesimo octauo, auspice Petro Vreara Tarraconensi Præsule Alexandrino Patriarcha. dos dicta quindecim florenorū millia. id blandimentum ad eā Vasconum familiam promerendam, cum primis potentem ac validam datum est. Sed nullis beneficiis perfidia vincitur. Cæsaraugustæ Aragonii conuentus erant. Regina pro viro actionum præses morbo oppressa, atque extincta est Idibus Februarii, magno viri luctu, atque diuturno, se sene, filio, puero rempublicam importunissimo tempore tali præsidio destitui dolentis. erat enim magno ac constanti animo, ingenio bellicis rebus iuxta ac ad rempublicam gerendam idoneo. Paulo ante obitum Exeæ ad Aragoniæ fines, cum Eleonora Fuxensis vxore, priuigna sua, collocuta, fœdus pacemque sanxerat, eosdem amicos inimicosque ambabus fore. Animum virilem, sermonem militare. defunctæ corpus ad Populeti compositum est, vna nota ad posteritatem deformata, quod Carolum priuignum veneno peremisse credita est: flagitiique memoriam morientis animum in primis sollicitum habuisse. conscientiae stimulis sedandis, mœrore depellendo nullum satis idoneum remedium solatiumque inuenisse.

Alfonsi Principis obitus. CAPVT XI.

Castellæ motibus frequenti fama Romam perlatis, & ex Henrici literis ad Paulū Pontificem, seditiosos Episcopos loco moueri, proceres anathemate feriri postulatis, Antonius Venerius Legionensis Episcopus cum potestate legatus in Castellā, prælio ad Olmedum facto, Henricum Medinæ Campestri priorem adiit. id maiestati datum. à factiosis vix impetrata colloquii facultate semel & iterum cum verborum contumelia repulsus est. ne violaretur personæ, quam gerebat, dignitas valuit. diras denunciati, Pontificis partes negarunt esse de republica statuere: & ad concilium proximum ab ea denunciatioue prouocarunt. Suscepta prauitate in peiora præcipitat obduratus animus: neque vlla religione mouetur. Nouo incommodo Henricus perculsus. Ioannes Arias Segobienensis Episcopus, quod Petrum fratrem ærarii rationibus præfectum, in custodiam tradidisset, nulla culpa, Hispalensis tantum fraude, memor iniuriæ, beneficiorum immemor, quamuis liberato fratre, Prexano eius vicario, Mesaque Priore Hieronymiano consciis, adiutoribusque, Segobiam coniuratis prodere statuit urbem munitam atque amplam montibus impositam, quibus Vltior Castella à citeriori discluditur, Vaccei à Carpetanis. Re constituta proceres aduolant. in repentino metu, Regina & Alburquerquei vxor vix impetrarunt, uti in arcem reciperetur, à Petro Munfario Præsfecto infecto partibus ex arcano.

Isabella

Isabella Regis soror conspiracy confcisa, in regia restitit: vrbeque capta ad Alfonso
 fratrem se contulit, eius partes secutura. Celeriter hæc fama, ac nuncii ad Henricum
 referuntur, Medinæ Campestris se tenentem, nihil in vita molestius accidit ea vrbe a-
 missa, quam patriæ instar habebat: vbi thesauri erant, & voluptatum instrumenta. Ex eo
 non minus consilii, quam auxilii inops aberrare mente nemini satis fidere: suos hostes-
 que iuxta metuere: circumspectare omnia: seque repente in contraria vertere: nunc
 placere arma, rursus ad pacis consilia reuocare animum. quæ ob insitam ignauiam præ-
 ualere. colloquio cū Villenæ Marchione Cauca oppidum designatum dissuadentibus
 suis, deinde quia nil proficiebatur deferentibus. Ergo Cauce nihil effectum est. in ar-
 ce Segobienſi colloqui placuit. foedus nihilo stabilius, quam priora futurum, in has ta-
 10 men conditiones fit. Segobiæ arx Alfonso traditor. Thesauros inde mouendi, Henrico
 facultas esto, Madriti in arce asseruandos Petro Munſario præfecto. Regina, Hispan-
 lensis potestati permittitor asseruanda, datæ fidei obses. His rebus confectis intra sextum
 mensem rerum administratio Regià proceribus redditor. Pudendam conditionem, mi-
 serum reipublicæ statum. quam turpe leges Principi à subditis dici, ludibrio toties ma-
 iestatem haberi. Id ignominiosum maxime, quod Regina ad Alahegium arcem, a iuue-
 ne quodam, in quem procaces oculos ipsa coniecerat, stupro oblato prægnans effecta
 est. Proh nefas, dedecusque gentis Hispanæ. Sic opinio de eius fœminæ impudicitia
 suscepta animis, vehementer confirmata est: causaque coniuratorum procerum meli-
 20 or quam antea visa. Rex in tantis malis pene ab omnibus destitutus, mente etiam perer-
 rare, vagarique priuati propemodum habitu, decem tantum equitibus stipatus. quod
 extremum erat, Placentiæ Comitis fidem experiri, seque eius potestati permittere con-
 silium fuit. in eius vrbis arce splendide acceptus, habitusque quatuor mensibus hæsit.
 Quo tempore Ioanne Mella Cardinali defuncto (cui Seguntina ecclesia commendata
 erat à Pontifice, post Petri Luxeni obitum) Petrus Mendozius in eius locum cooptatus
 est, Diego Lupo Decano Seguntino deiecto: qui superiori tempore Canonicorum suf-
 fragio Mellæ Cardinali obiectus fuerat. Noua à Romano Pontifice legatione proceres
 ad sanitatem inuitati: & quoniam non parebant, piorum numero sunt exempti. Sic
 quoque non terrentur: graue id tamen decretum fuit. legati Romam amandati: neque
 30 facta tamen iis Pontificem conueniendi potestas, ac ne ad vrbem quidem accedendi,
 nisi iuratis Alfonso regis titulos haudquaquam adscripturos admissis tadem, grauissi-
 misque verbis increpitis mandatur: vt Pontificis nomine diras omnes coniuratis de-
 nunciarent, nisi mutarent. Impios ausus nemini impune extitisse: neque fore ipsis. vin-
 dicatura numina si homines cessarent. Iuuenem Principem alienæ culpæ reum imma-
 tura morte daturum pœnas. Inane oraculum non fuit: & eo Pontificis studio aliquid
 momenti Henrici rebus allatum. præsertim per idem tempus Toletum vrbe in potesta-
 tem redacta, hac occasione. Petrus Aiala Toletanis iura dabat vrbis Prætor. eius leuir
 Petrus Sylua ex Dominicano ordine Pacis augustæ Episcopus, consilio cum Maria Syl-
 ua sorore sua. Prætoris vxore communicato, Regem Placentia euocat. Ille nuncio læ-
 40 tus biduo peruenit festinato itinere: vt si quid à Toletanis moueretur, celeritate præ-
 curreret. Intempesta nocte in Dominicanorum cœnobium inuectus est: quod in ipso
 vrbis umbilico eminet. Indicio facto, populus æris pulsu ad arma concitatur. Henrico
 in periculo Petrus Aiala, qui rei gestæ erat ignarus, auctor impulsorque sit, ne in ea col-
 lusione publico maiestatem offerret: ac potius de media nocte, cum tumultus resedisset,
 vrbe discederet. sic factum. deducuntibus Perasino Riferæ Pelagii filio, atque duobus
 Petri Aialæ filiis Petro Alfonsoque moestus abcessit. Petrus etiam Episcopus vrbem
 relinquere est compulsus. Successit facti pœnitentia. importunis vxoris precibus ac la-
 crymis victo animo, Prætor Henricum intra diem quartum reuocat. omnia opinione fa-
 cilia fuere. Importuna tantum plebis efflagitatione vetera vrbis priuilegia confir-
 50 mata, noua extorta. Petro Aialæ fidei præmium fuit Fuenſalidæ Comitem renunciari.
 eidem denuo vrbis cura est concredita. Henricus Madritum abiit: Petrumque Mun-
 sarium arci præfectum, quoniam in fide nutabat, vinctum præfectura amouit: deinde
 liberum abire iussit. Toletani amissæ nuncius coniuratos proceres perculit. Arcualo profe-
 cti sese eam vrbem obsessuros minabantur. Eo consilio Abulam festinantes, res inopi-
 na luctu grauissimo perturbauit. In via pagus est Cardegniosa nomine. In eo pago Al-
 fonſus Princeps repentina vi morbi oppressus, atque extinctus est ad tertium Nonas Iu-
 lii. Corpus Arcualum relatum, & in D. Francisci sepultum, consequentibus annis in
 Burgensē Carthusianorum monasterium translatum est. de obitu non vna opinio fuit,
 alii peste decessisse, quæ lues iis locis vehementer grassata est, plerique veneno affirma-

runt, trocta medicata: idque certis indiciis in corpore extincto à medicis deprehensum. Alfonsus Palentinus in Henrici Regis historia, qua in ceteris libertate, id pro certo ponere non dubitavit. terri patricidii auctore etiam designato Villenæ Marchione. quid enim vir eximius tanto dedecore familiam fœdasset? aut quæ culpa in puero esse potuit vix sedecim annos nato? in tantis motibus, tantaque rerum omnium labe, vituperationibus æque ac laudationibus, corruptam huius temporis historiam arbitror.

Ferdinandus Rex Siciliae renūciatur. Cap. XII.

REnatus Andegauensis vltro delatum à Catalaunis principatum sine cunctatione arripuit, ambitione mala inductus, & in studium incitatus acceptas ab Aragoniis iniurias vindicandi. ætate gratis venire ipse non potuit. filius Ioannes Lotaringius, is quem ex Italia pulsum diximus, ad capeffendum imperium amandatur, propriis viribus polens, & Gallicis auxiliis formidabilis: quorum partem Gallus bello ciuili, atque difficillimo, quod cum fratre Bituricum Duce & Carolo Burgundo gestum erat, liberatus miserat, fœderis Aragonii immemor: pars aliquanto post à Ioanne Armeniaco adducta: cum quo Lotaringius non modo fœdus iunxerat, sed fraternum etiam ad rem bellicam nomen. Tantis præfidiis initia Lotaringio læta, parem exitum non habuere. venienti Barcinò portas aperuit. versis ad arma animis, belli pondus in Emporitanos maxime incubuit. Accurrit Aragonius ad præsidium mari, senex quamuis cæcusque ad Rhodopem seu Roses Aragoniorum manus in pugnamultuaria victa est. Gallicus exercitus Gerundam adductus: si pedem Rocabertus præsidio Præfectus, alique Duces portis efferrent, acie decertaturus: si bellum mœnibus propulsarint, urbem munitam & opulentam in potestatem assidendo redigere spes erat. Magno animorum ardore erumpentibus Aragoniis aliquoties pugnatum, maiori obsidentium quam obfessorum damno. Ferdinandi aduentu, cum copias omnes in urbem induxisset, obsidio soluta est. Verum ea lætitia graui molestia commutata est, Ferdinando, ex vrbe egresso & ad Villademarium oppidum à parte Gallici exercitus acie superato cæsi ex Aragoniis multi. Princeps fuga euasit. Rodericus Rebolledus tanti nominis dux, dum eius tuendi studio nullum virtutis finem facit, in hostium potestatem venit. Gallorum primi impetus plusquam virorum validi, arte potius quam viribus sustentandi sunt. id consilium captum, præsidia modo locis idoneis disposita. appetente hyeme, Alfonso Aragonio eius belli cura concredita, Ferdinandus Cæsaraugustam abiit, vbi conuentus gentis erant: matrique Reginæ, vti paulo ante dictum est, ex morbo decumbenti atque agenti animum affuit. Matre defuncta, patre cæco ac septuagenario, rerum & belli moles in Ferdinandi humeros incubuit, in minori quamuis ætate, virtutum indole eximia, atque præstanti. Auctoritate opus erat ad tantas res administrandas. Siciliæ Rex in ea vrbe renūciatur paterni imperii ea parte confors, iisdem propemodum diebus quibus Alfonsum Castellæ Principem decessisse monstrauius. Superi illi ingens imperium destinabant in Italia, Hispaniaque: gloriamq; regni Granatensis sublata. Nunciata Cæsaraugustæ Alfonsi morte, continuo Petrus Peralta cum amplissimis mandatis & procuratione ad coniuratos Castellæ proceres remittitur, Isabellam Ferdinando coniugem expetitur. Cæsaraugustæ Aragonius substitit: in Catalaunos Ferdinandus rediit: vbi bellum mari terraque gerebatur, magno periculo Aragoniarum partium. Lotaringio summa votorum erat Gerundam occupare. ea vrbe capta, cætera prona fore iudicabat. Eo consilio sese in Galliam retulit, ad belli subsidia colligenda. breui operæ pretium factum. in Ruscinonensi agro & Ceretanis, quindecim millia hominum sunt scripta. iis copiis ad veteres adiunctis pares Aragonii non erant: neque ad Gerundenses denovo obfessos, magnoque conatu impugnatos quidquam commeatus inferendi facultas. Ioannis tamen Margariti eius vrbis Episcopi, atque aliorum ducum virtute & diligentia in magno periculo & inopia sustentatum. Ferdinandi Regis vires alio conuersæ: Berga que oppidum ex deditione in potestatem redactum, Septembris die septimodecimo. Eo successu melioris fortunæ omen apparuit, præsertim Aragonio restituta per eos dies videndi facultate. res comparanda miraculo. Abiabar Iudæus Ilerdensis artis medicæ & astrologiæ peritissimus, curationi est adhibitus. Considerata astrorum positione ad tertium Idus Septembris acu dextri oculi albugo deterfa est, lumenque repente oculo insinuatum. recusabat Iudæus tanti discriminis aleam rursus subire: negabatque astra nouo conatui fauere. alterius luminis vsum sufficere. quid humanis viribus maiora tentarent cum periculo? Consilium cautioribus probabat. Rege tamen vrgente ad

te ad quartum Idus Octobris repetita curatione sinister oculus sanatus etiam est. Susceptam ex Regis sanitate lætitiā, vti par erat singularem, soluta Gerundensis obsidio, quo metu cunctorum animi suspensi erant, breui confirmavit. hyemis superuentu & rerum difficultate alacritas, cum qua Galli venerant, concidisse videbatur. In Lusitania, Ioanni Regis Lusitani filio Eleonora patruelis desponsa est. Ioannam Castellæ Reginæ filiam antea pactam, fuisse furto conceptam, matris male tectæ libidines confirmant. Eleonoræ nouæ sponsæ pater Ferdinandus Visei Dux classe instructa, sua an Regis impensa, transmittit in Africam: aliquotque victoriis de Mauris partis in patriam reuerso, sine anni ex vxore Beatrice Ioannis Diui Iacobi in Lusitania Magistri filia, proles suscepta, cui
 20 Emanueli nomen fuit: consequentibus annis, regnum Lusitanum hereditate obuenit. In eius ortu signa in cælo visa, quæ infantis gloriā & maiestatem portenderent Lusitani memorant: gens suis Regibus celebrandis, colendisque, atque earum rerum obseruationibus cum primis addicta.

Castellæ regnum Isabella oblatum. CAP. XIII.

Alfonsi Principis obitus multorum animos ad Henricum auertit. concordia haud stabilis fuit, mox bellum diuturnum & graue: quo Hispaniæ opes attritæ sunt. Burgenses Toletanorum exemplo ad Henrici imperium rediere. consilii auctor Petrus Velas-
 20 lascus. ab Hispalensi, Beneuentano, aliisque proceribus, qui Madriti cum Henrico erant, in eius verba nouo sacramento iuratum. coniurati tanto repente præsidio nudati, vt esset cuius nomine ipsi regnarent, Isbellæ Areualo Abulam deductæ, regni nomen & insignia deferenda censuerunt. Toletanus puellæ animum longa oratione ad capeffendum imperium incitare conatur, iure suum. Regiæ dedecus, ignauiam, socordiam, impudicitiam, suppositos partus in spem alieni regni, æternas gentis maculas commemorat, eius auctoritate & præsidio vindicanda. Nullum laborem, aut periculum patriæ denegare fas esse. Ad hæc illa. Pro vestro studio gratias, inquit, ago maximas, vtinam referre aliquando possim. sed conatus istos tamen, optimo animo quamuis susceptos superis
 30 non placere, fratris heu immaturus obitus indicio sit. Qui res nouari, & regna cupiunt mutari, qd aliud quā grauiora accersunt mala? factiones, dissidia, bella? quæ vt vitentur, alia reipub. vulnera dissimulari, an nō satius iudicatis? Duos Reges neq; rerū natura, neq; dominandi conditio fert. Nullus est idē & diuturnus & præcox fructus. Ego serū regnū mihi obuenire cupio: vt vita Regi diuturna sit, & æterna maiestas. prius ab oculis mortalium auferri necesse est: quam ipsa imperii nomen inuadam. Henrico ergo regnum, reipublicæ pacem reddite. nobis vestri huius studii is erit fructus multo maximus. Expressit ea modestia non assensionem modo sed laudem, magnitudinē animi cunctis qui aderant admirantibus, contemnentis quod ab aliis per flammam gladiosque petitur: dignamque eo ipso iudicabant imperio, quod offerebatur: sed grauis erat tam longa reipublicæ iactatio. Itaque ad concordiam reuocati animi, præsertim missis ab Henrico
 40 legatis: qui proposita venia coniuratos ad sanitatem inuitarent. Hispalensis procerum rogatu, Regis permissu Abulam contendit. Eo internuncio, annitenteq; Andrea Cabrera regiæ Magistro, hæc conditiones scriptæ futuræ pacis. Isabella fraterni regni heres renunciator, Abula, Vbeda, Medina Campestri, Olmedo, Scalonaque disiunctis oppidis in eius potestatem contraditis, iuratæ modo, ne cuiquam nubendi fas sit, nisi regio consensu. Regina filiaque in Lusitaniam amandantur, permissu Pontificis Romani, repudii libello dato. Coniuratis venia esto, bonis omnibus restitutis & honoribus, quæ dissidii tempore erant ablata. His rebus perficiendis quatuor mensium spatium designatum. Eę leges Sanctillanio Marchioni & fratribus, qui sub idem tempus Madritum venerant, non placuerunt. Ioannam, quam in potestate habebant, præferendam iudicabant. confirmatum id studium est Reginę fuga: quę adiutore Ladouico Mendoza è custodia elapsa, noctu ad filiam Butracum abierat, magno Hispalensis dolore, cuius fidei erat concredita, geminę prolis custodię tempore mater effecta, Ferdinandi atque Apostoli: quos Toleti in D. Dominici regio virginum monasterio educatos occulte, pro constanti traditur, præfectę cura: quæ Petri Reginę constupratoris, eiusdem arcto consanguinitatis gradu Hispalensem attingentis propinqua erat. Colloquio Principum nihilominus Guislandi monasterium delectum est: quod Cadahalsum inter & Cebretum oppida cernitur medio ferme itinere, quo Madrito Abulam itur. Eo loco multa fœdera sunt facta. singuli proceres id habituros sperabant, quod à Rege sororeve extorsissent, bello defessis pacis auidissimis. Henricus & Villenius arcano colloqui memorantur. quid sanxerint

memoriæ non est proditum. opes potentiamque Villenii iis sermonibus confirmatam euentus indicauit. Aderat Antonius Venerius Pontificis legatus. ab eo proceres iurifiurandi, quo se Alfonso Ioanneque Principibus, obstrinxerant, religione exoluti sunt: quæ per se tamen rebus mutatis, & capitis diminutione sublata erat. In Henrici verba nouo sacramento adacti. Isabella soror pari consensu & religione regni hæres est renunciata. vtrunque ad tertium decimum kal. Octobris die Lunæ peractum est. Cæteris proceribus venia data. in Arias fratres, qui Segobiam obtinebant, ira peruiacior fuit: cuius explendæ occasio venit. pace facta, restitutisque vrbibus, ii præfectura aimoti: atque Andreas Cabrera Segobiæ præfectus est datus: qui illi gradus ad magnam potentiam fuit, paresque opes. In agro Toletano oppido Petromoro metentibus segetes, inter manus sanguis copiosus effluxit è manipulis manans: quæ res in præsentim miraculo fuit: deinde eas calamitates portendisse obseruatum: quæ Hispaniam oppresserunt. Villenius non minori quam antea gratia rerum arbiter esse cœpit, cæteris proceribus tantam in Henrico socordiam frementibus accusantibusque. eo amplius quod cum Isabella sorore Ocaniâ abiit, appetente anno Milesi. quadringesi. sexagesi. nono, nunquam sui arbitrii sed in alieno mancipio futurus. & erat Villenio destinatum, Isabellam Lusitano Regi connubio iungere: eiusque suasu legatus in eam rem venit è Lusitania, Alfonso Noguera Olisiponsis Episcopus, adiunctis aliis viris primariis. Toletanus contra tendere: missoque Petro Peralta Isabelle animum ne expugnaretur confirmare, ad Aragonium propensæ. Ita de coniugio Lusitano appellata, præcise se id facturam negauit. Dabat consilium Villenius, Isabelle vim adhibendam, maloque cogendam fraternis iussis obtemperare. Henricus ancipiti cura distractus, quod tutius videbatur, Lusitanos legatos in præsentim dimittit. rem nondum maturam esse, atque in aliud tempus reiiciendam videri. & noua occasio erat oblata. Cardinalis Atrebatensis à Gallo legatus, Isabellam Carolo sui regis fratri Duci Bituricum coniugem dari expetebat. Ex eo procerum studia in varias partes diducta: nouique dissidii semina iacta, vix veteri sublato. Bética enim vna ex omnibus prouinciis, vt arma poneret adduci non potuerat: vbi Ioanne Assidonix Duce defuncto, Henricus filius nothus successerat, paterni principatus non magis quam factionum & simultatum hæres. ei adiuncti Arcobrigæ Comes, atque Alfonso Aquilarius Isabelle nomine tumultus concitabant. Eo maturandum iudicatum. Dieghus Villenii filius patre expetente, Villenæ Marchio renunciatur: ipsi Villenio Diui Iacobi Magistri nomen, & auctoritas, regia & Pontificia auctoritate cōfirmata, Isabella Ocaniæ relicta, denuo nisi fratre conscio, de suis nuptiis nihil constituturâ iurata. Beneuentanus & Petrus Velascus Vallisoletum amandantur, reip. moderatores Rege absente eius vicarii futuri.

Nuptia Isabella & Ferdinandi. CAP. XIII.

Rebus ad hunc modum compositis, Henricus quidem in Beticam abiit: sequebantur D. Iacobi Magister, Episcopi Hispalensis, Seguntinusque. modicis itineribus ad Ciuitatem regiam peruentum: vbi Hispalensis substitit morbo tentatus. Giennii ab I-rantio Magistro equitum splendido apparatu exceptus, cultusque Rex Cordubam mox Alfonso Aquilario per conditiones dedente, in potestatem redegit: pacatisque vrbis tumultibus qui inter eum & Cabræ Comitem Petrum Cordubam erant, Hispalim cstate festinauit. Par ibi successus fuit. regia auctoritate motus procerum in ea vrbe pacati sublataque dissidia sunt. Mauri quiescebant, quod mirum videri potuit in tanta rerum nostrarum perturbatione, motuque. verum limitibus præfecti præstanti virtute Duces, atque in primis Magister equitum ad omnem occasionem erecti, vigilesque vim inferri nostris finibus vetabant: motusque intestini recens inter Mauros concitati impedimento erant, bellum meditantibus. Alquirfotes Malacæ Præfectus, magna militari scientia, magnaque nominis fama, ea vrbe occupata, ab imperio Albahaceni defecit. Aderant gentis studia à Rege Mauro alienæ: & fere ea natio pro mobilitate ingenii imperiorum mutatione gaudet. Ventum ad arma. pars cum parte ferro confligit. Alquirfotes viribus inferior & causa, Henricum Regem de fœdere appellare constituit. Archidona ad fines vtriusque gentis oppidum, colloquio delectum est. eo Maurus cum magnis muneribus lætus venit. ab Henrico auxilia promissa: qua occasione Albohace-nus correptis armis sæpe in nostros fines incurrit, hoc & proximo anno. hominum pecorumque ingentes prædæ ablata. agri atque oppida incensa. Barbari dolore perciti eo pro-uecti sunt, vt supremo conatu virtutis edito, multo longius quam antea terrorem bellum circumferrent. magna clades ea fuit, ac veteribus comparanda. nullum tamen insigne

insigne oppidum nostris ablatum. variæ modo manus militares vniuersa Bética, & per Contestanos vagari: latrocinio bellum simile fieri. Ad Isabellam referenda narratio est. quam Ocaniæ relictam, tot tantique vno tempore Principes in coniugium expetebant. Inerant magnæ virtutes, prudentia, pudicitia laus, forma conspicua, idonea ætas, sed dos multo amplissima. Pluribus licitantibus, Lusitano viduo, Bituricum Duci externo iuueni, Ferdinandus est prælatus, felici omine atque præclaro. multum Aragonii diligentia contulit: muneribus (quæ ars nimium multorum experimentis tutissima visa est) aulæ assecclæ illecti. Principem auctoritatis & gratiæ locum apud Isabellam Guterrius Cardenas inferre epulas, & explorare gustu solitus, atque eius auunculus Gonsaluus Chiaconius obtinebant. hic oppido Casarruuius, ille Maqueda promissis expugnati. addita plura alia dona promissaque. His & Toletano agentibus coniugii conditiones scriptæ sunt: quarum summa eo referebatur: Vt Henrico Regi superstiti sua auctoritas constaret: defuncto rerum Castellæ summam Isabella administraret. neque Ferdinandus suo nomine quidquam donaret: ne magistratus externis mandaret. De immunitate, iure & legibus gentis ne quicquam diminueret: ac nisi vxoris voluntate reip. vllam partem attingeret. Hæc omnia arcano constituta sunt. Ferdinandum Catalauni belli cura detinuit: vbi Gerunda nouo conatu ab Aragonii hostibus obsessa deditionem facere compulsa est. Noua etiam tempestas in Vasconibus erat concitata, Nicolao Episcopo occiso: quæ Taffallam ad Eleonoram Principem venientem eius accitu, occisum esse constabat, Petro Peralta cædis auctore. Missi, qui coram Aragonio scelus vindicandum disputarent: ne impunitate confirmaretur audacia, & sceleris religio non vindicati infixæ animis, gentis calamitate lueretur. ab eo Tudelam fraude occupatam: præterea multis oppidis immunitates concessas abs Rege querebantur, quasi de alieno liberaliter. Stellam & contributum agrum Castellæ imperio detraheret. Fuxensis impatientia imperandi agitari, resque spectare ad arma videbatur. eo non minus Aragonio exosus erat, quam eadem de causa antea Carolus. mite tamen responsum legatis Vasconibus datum, ac tempori conueniens. Petro Peralte impune tamen fuit sacram Pontificis personam violasse. Isabella vim verita si diutius Ocaniæ sublisteret, in vltiorem Castellam abiit. Olmedo exclusa, quod oppidum Placentiæ Comitis præsidio erat occupatum, Madrigalem contendit, vbi eius mater erat. Tantæ molitiones occultæ esse non poterant. D. Iacobi Magister Hispalensis Cauce se tenenti post confirmatam valetudinem, vt Isabellam in potestatem redigat impense suadet. Illius conatus, Toletani & Præfecti maris caleritate occupantur. cum iusto equitatu puella Vallisoletum deducta est, amplissimo municipio securior futura, Toletani præsidio. Non minori sollicitudine Ferdinandi animus angebatur. In ipso belli ardore, quod in Catalaunis erat, Valentiam abiit, ad pecuniam redigendam, quæ ex pacto sponsæ numeranda erat, vnde aulæ cultum sustentaret. Inde Cæsaraugustam repetens, quoniam res moram non recipiebat, dissimulato habitu, tantumque quatuor comitibus, ad Vxamam Manricum Treuigni Comitem, qui in parte coniurationis erat, obuium habuit. Eo & ducentis equitibus stipatus Donnias peruenit: quod oppidum in Petri Acunii Comitis Buendia, Toletani fratris ditione erat. Sponsa conuenta, rebusque omnibus instructis, Vallisoleti in edibus Ioannis Biueri, qui ærarii rationibus præfectus erat, vbi nunc iuridicundo conuentus habentur, sponsalia præbita die Mercurii ad quintumdecimum kalen. Nouembris. Proxima luce nuptiæ confectæ. lege propinquitatis Romanus Pontifex Pius secundus soluerat. hic à Toletano affirmatum inuenio, tempori accommodato mendacio: vt Sixti Pontificis de ea re diploma indicio est postmodum datum. Erat Ferdinandus ætate minor, ac vix sedecim annos natus, conspicua tamen forma, militari corpore. Litteræ ad Pontificem, Henricum, Reges, aliosque Principes & proceres datæ: quibus festinatas nuptias excusabat. moderatus cultus fuit: precario pecunia in quotidianos sumptus corrogata. Per idem tempus Henrico Aragonii filio Segorbii ducatus est datus: Alfonso Aragonio Ripagorfa Comitum nomine, ea parte sita vrbs, vbi Ceretani fusi erant Hispaniam à Gallia dirimentes ea parte.

Ioanna Duci Bituricum desponsa. CAP. XV.

Hispali Rex erat, procerum controuersis componendis districtus: cum à D. Iacobi Magistro, qui Cantillanæ vicino oppido subliterat, de sororis nuptiis per litteras certior est factus. Magno ex ea re dolore percitus, repente profectioe denunciata Castra Iulia contendit: quam urbem ad Beticæ fines sitam Alfonso Stunice Placentino Comiti dare destinabat, fidei cultæ rebus asperis præmium. Res tanta latere non potuit. ciues

genus hominum inquietum feroxque, consilio cum Gratiano atque prefato agitato, se id passuros negarunt, armis parati susceptam à maioribus libertatem tueri. Repugnantes malo cogere periculosum erat. Areualum in Vaccæis eius permutatione datum: quod oppidum Placentino mutua pecuniæ pignus ab Alfonso Principe superiori tempore datum erat. de iniqua commutatione, Ducis adiecto honore & nomine aliquid mitigatum. In ea vrbe Magister Alcantaræ venia donatus est: Guterrius frater Cauria etiam vrbe. Id erat Henrici ingenium, ut plerique vnde vindictam merebantur, inde ampla præmia referrent. Allatæ præterea ab Isabella literæ, supplices quidem, sed graues; quibus delatum à morte fratris imperium repudiassè se præfata, matura ætate, Rege cessante nuptias acceleratas excusabat. Aragonium cæteris coniugiis, quæ offerebantur, magnis rationibus fuisse prælatum. Sibi matrique iniurias factas multas & graues obliuisci malle. Filiorum loco futuros se virumque, paternam modo beneuolentiam officiaque præstanti. His in conuentu literis recitatis, nullum aliud responsum datum: quam Regi Segobiam, quo festinabat, perlato eam rem curæ fore. sic nuncius dimissus. Segobiam noui legati amandati sub principia anni Mille. quadrin. septuagesimi, sui uti copiam faceret, seve adeundi nouis coniugibus potestatem postulatum, offensam egregiis officiis compensaturis, reipub. vulnera communibus opibus curaturis: quæ superiori tempore iactata, oppressaque erat. neque iis legatis aliud responsum datum, quam de re tanta consilio procerum statuendum videri. Ea causa prætexta est. re Isabellæ infensus ad Ioannam, quam suam filiam dicebat, retulerat animum. Eam reperita legatione Ludouicus Gallus Carolo fratri suo, quem pro Bria & Campania ex fœdere nuper icto debitis, Aquitaniæ Ducem iusserat, coniugem expetebat. Legationis principes Cardinalis Albigenis idem antea Atrebatensis, atque Comes Bononiensis. Præterea Henricum postulabat, ut vires aduersus Paulum Pontificem, cum quo controuersia erat, sociaret ad indicendum ex toto orbe Christiano Episcoporum concilium. Hoc præcise negatum, nempe certissimum dissidiorum fomentum, tetri schismatis fons: cuius rei superioris temporis memoria multum exempla suppeditabat. Quod de coniugio petebatur, in aliud tempus sustentari placuit, metu, arbitror, nouorum motuum: quibus proceres & populus defessi erant, veteribus dissidiis nondum plane sublati. Nam quo hæc tempore Segobiæ agitabantur, Cordubæ Alfonso Aquilarius Diegho Cordubæ Marefcalo (is Magister castrorum est) ad senatum venienti securoque manus iniecerat, nulla memoria amicitia Rege arbitro cum patre Cabræ Comite nuper constitutæ. libertati is redditus Henrico mandante, cum ab eo iniuriæ vindictam non speraret fluxa auctoritate, socordi ingenio, Granatam profectus Mauro concedente aduersarium ad singulare certamen prouocauit, viridi iuuenta ferox, præceps in vindictam. suburbana Granatæ planicie certamini designata, dies dicta. qua die Diegho in armis ad Solis obitum perstante, quia aduersarius non comparuit, eius effigies ad equi caudam raptata est, ignominie causa: missæque in omnes partes literæ in Alfonso contumeliosæ, rei gestæ pictura repræsentantes imaginem. Alia parte Alcantaræ Magister sui ordinis militibus imperium recusantibus, reque deducta ad arma, vnus multis, viribus impar Guterrii fratris opem implorare necesse habuit. pecunia in stipendium quærenda erat. ea ab Albano affini & necessario mutua sumpta Cauria vrbe, dum pecunia redderetur, pignore. Ea occasione Albani reguli nobilem eius urbis principatum nacti sunt, regio etiam consensu confirmatum, atque in hoc tempus retentum. In eo bello nihil præterea memorabile gestum: nisi quod eæ copiarum ab aduersariis Tagi fluminis transitu prohibita: ac deinde nullo successu dissipatae sunt. Magister ditio- ne spoliatus, & morbo oppressus quem animi ægritudo attulit, proximis annis decessit. Substitutus in eius locum Ioannes Stunica Ducis Areuali filius, militum consensu magna ex parte muneribus, aut terroribus expresso, in Alcantaræ Magistris postremo loco numeratur. Ocaniæ se D. Iacobi Magister per idem tempus tenebat, febri quartana laborans, maiori quam vnquam gratia, & auctoritate. Iniecisse magicis sacris Regi amentiam fama erat, mendacio probabili: quod tantis iniuriis violatus, se suaque illi permetteret: prorsus ut Madritum, quo vicinior esset, se contulisse crederetur. venientem certe in curiam obuius ipse excepit, auxitque Scalonæ principatu. quem quia oppidani dominum recusabant, maioris beneuolentiæ argumento, nulla maiestatis memoria, eo profectus de manu tradidit. Armeniaci Comes Madritum venit ex Gallia profugus, insidias, vimque veritus: quod Fuxensis filiam inscio patre sibi connubio iunxisset. Splendide habitus, cultusque, fide publica quam Galli nomine Albigenis Cardinalis dedit, remissus in patriam est, exitium urgente morum & vite prauitate. Cantabri veteri instituto in factiones duas Ognios & Gamboinos scissi, per hæc tempora grauiter tumultuati sunt. Iis pacandis

candis Petrus Velascus, qui patre eodem nomine recens defuncto, & ad Medinam Pomariam tumultato, Hari Comes renunciatus erat, Madrito amandatus, vtriusque factionis principibus Petro Abendanio & Ioanne Muxica finibus prohibitis, tranquillitatem ex longo interuallo in eam prouinciam retulit. Erat à Paulo Pontifice venia peccatorum concessa, iis qui certam stipem contulissent (quatuor argenteos nummos qui maiori censu erant, medii trinos, tenuiores binos pendere iubebantur) adiecta lege, vt confecta pecuniæ duabus tertiis in structuram templi maximi Segobienfis collatis, pars tertia ipsi Pontifici seruaretur. Vt eam veniam obtineret, Henricus Madrito Segobiã abiit. Setubale in Lusitania Visei Dux octauo Septembris die decessit, septem & triginta natus annos hærede Diegho filio. Corpus è D. Francisci, vbi translato sepulchro in eo oppido iacuit, Pacem Iuliam translatum est, in Conceptionis tumulo extructo: quã eadem adiuncto virginum collegio vxor Beatrix extruendam sua impensa curarat. Vallisoleti iis diebus grauis tumultus concitatus à populo, correptis armis est, in eos qui ex Iudæorum sanguine erant, Christianis quamuis imbuti sacris. Parum abfuit quominus Ferdinandus & Isabella Donniis ad compescendos populares motus accurrentes armatorum concursu violati fuerint. A parte quæ minus sibi confidebat, maioriq; inuidia flagrabat, quasi Iudæis progenitoribus orti essent, Henricus aduocatus nobile municipium in potestatem redegit. Beneuentano eius custodia concredita datis etiam Ioannis Biueri ædibus: qui factioni alteri impense fauens, magnoque studio Isabellæ & Ferdinandi partes complexus, Henricum Regem offenderat. Donniis ex Isabella Principe filia nata ad sextum Nonas Octobris, cui Isabellæ nomen fuit. Legati Galli denuo ea causâ venientes de superioribus nuptiis nouo conatu appellabant. re constituta Ioanna Princeps à Sanctillanio Marchione deducta est. operæ merces tantique pignoris compensatio Alcocerium, Valdoliuz, Salmeroniumque fuere, ad veteres Carpetanorum & Celtiberiæ fines municipia præclara. Villenio cuius in ditione erant, cum vxore dotalia, Requena in Contestanis, vectigalque ex portorio & mercibus in eo oppido amplum datum. Ad Losioiã vallem, Segobiam inter & Butracum, vbi Carthusianorum monasterium nobilissimum est Paularis nomine, Rex, Regina, filiaq; cõuenere: pterea D. Iacobi Magister Hispanensis, Areuali Dux, Seguntinus & fratres insigni apparatu. Eo loco Isabella publicis tabulis abdicata, Ioannæ Principis sponsalia celebrata sunt septimo kalen. Nouembris, Rege & Regina iuratis iustam prolem esse, proceribus nouo Sacramento adactis non aliam regni hæredem fore. Bononiensis Comes pro Carolo vicarius, in manum traditam accepit. cæremoniæ antistes Albigenfis Cardinalis. fœda procella fuit. ventorum, imbrium, & niuiũ tantum, vt Gallis legatis, peracta eius diei celebritate, Segobiam repetentibus in vitæ discrimine, nonnulli è familia vi tempestatum perierint. Inauspicatum ex eo coniugium fore quidam augurabantur otio curiosi alendis rumoribus apto. Inde honoris causa deducente Seguntino Episcopo Burgos vsque in Galliam sese legati retulerunt rebus ex sententia patris læti: noui & grauiissimi belli inter Hispanos Gallosque parata materia, nisi numina de cœlo miserata tempestatem auertissent. Gallo Regi paulo antea proles erat nata cui Carolo nomen fuit. Dux Aquitanus cum spe fraterni regni obtinendi hereditate, vita etiam spoliatus est, non toto deinde biennio circumactõ: quod competentì repetendum loco est.

Trium Principum obitus. CAPVT XVI.

VNo tempore Aragoniæ opes nouo coniugio auctæ, multisque partibus concussæ sunt. Vigenti in Catalaunis bello, in Sardinia, atque Vasconibus mota arma occasione non eadem, pari conatu. Sardi Duce Leonardo Alauona sunt tumultuati. Natus is Sastagi regulo, maternum genus ad Arboreas referebat, veterem in ea insula & præpotentem familiam: quo fretus iure, Salvatore Arborea Oristani Marchione sine filiis defuncto, eius principatum quoniam legibus non fidebat, armis petere constituit. Non vno loco pugnatum est. multa oppida & arces de Rege aliisque proceribus capta. in Prorege Nicolao Carrocio, plus auctoritatis ad compescendos insulanos, quam virtutis & potentia erat. Eo bellum diuturnum fuit. Fuxensis imperandi cupiditate armis correptis, adiunctisque Beamontiis, magnam in Vasconibus prouinciæ partem Aragonio detraxerat. Tudelam castra promouerat. parum spei erat voluntate cessaturum. præmisso Cæsaraugustano Episcopo, ipse Aragonius eius pater, ea quamuis etate, arma sumpsisse memoratur, septumque validis copiis coegisse generum, vti obsidionem solueret. Missis ab vtraque parte legatis, de compositione agi cœptum. Oliti tandem factõ fœdere posita arma sunt. Regium nomen Aragonius retinuit. rerum administratio Fuxensi

pidum ancipiti Marte factum ad tertium kal. Maii. Treuigni Comes peditatu præstabat : equitum non magnus vsus erat locis asperis, qualis omnis ea regio est, pro locorum conditione ingenia durata. Aduersarii pulsi, cæsiq; nonnulli viri nobiles desiderati. plerique capti. Iis libertas est reddita Regis iussu : qui periculo cognito Burgos, Orduniamque magnis itineribus festinarat. Vtrosq; prouinciæ finibus discedere mandat, pactis induciis dum de compositione ageretur. Mox tota Castella magni delectus haberi : proceres nominatim euocati : vt collectis regni viribus Ferdinandus & Isabella finibus discedere cogerentur. consilio tamen D. Iacobi Magistri cessatum. arte potius quam viribus superandos disputantis : nobilissimum id victoriæ genus fore, reipublicæ tantis vexatæ malis necessarium. Ea sententia vicit nemine contradicere auso : ne Regem quidem tametsi secus existimabat. Toleti, atque Hispali vno tempore tumultus concitati. Toletani ciues veteri instituto in duas factiones distracti erant, Aialas, Syluasque his Cifontanus, illis Fuenfaldæ Comes caput erat. Annitente Petro Sylua Pontifice, coniugium pactum Cifontanum inter & Eleonoram Fuenfaldæ Comitissæ filiam. quod erat ad concordiam excogitatum non imprudenter, maius certamen accendit, Cifontano & Ioanne Ribera eius auunculo, quasi ad communem lætitiā, in urbem contra Regis voluntatem admissis. Reducto capite Syluæ in aduersarios armati sæuire aggressi sunt. Ea causa ab Henrico, cum ad periculum festinasset, vrbe pacata, Fuenfaldæ Comitissæ urbana præfectura amoto, quam multos per annos continuarat, substitutus est Garfias Lupus Assistentis nomine, qui ciuibus iura daret. Marchio Gaditanus ab Assidoniæ Duce Hispali pulsus, duos aduersarii fratres materno genere impares tumultuaria pugna sustulit. Assidoniā expugnauit. contentio in iustum bellum exarsit : quam Enecus Mendoza Tendilliæ Comes eo missus, arte magis quam viribus pacauit, Assidonia etiam restituta. Motibus Castellæ pacandis magnum præsidium decessisse videbatur, obitu Pauli secundi Romani Pontificis octauo kal. Augusti, cuius in nostram gentem magna beneficia extiterant. Successit quinto Idus Augusti ex Minorum ordine Franciscus Ruuerus Cardinalis, Sixti quarti nomine, haud minori probitate, humanitateque in nostros. Io. Margaritum Gerundensem Episcopum Romæ pro Aragonio Oratorem donauit purpura. cuius extant de rebus Hispaniæ Paralipomena : & Romæ sepulchrum in D. Mariæ de Populo ad portam Flumentanam. Maurorum manus in Bæticæ agros inuecta est : atque Alcantaræ contributa oppida. ferro igneque vexata. tantum prædæ & spoliū auexere, vix vt explicare agmen possent. Gaditanus Marchio vindictæ studio, iussu Regis in barbarorum finibus Cardellam municipium vi cepit quidem : sed infirmo præsidio munitum breui ad veterem ditionem rediit.

Carolus Aquitanus defunctus. CAP. XVII.

Felix hic annus Lusitanis fuit, felix Aragoniis. Alfonso Rex Lusitanus instructa numerosa classe, omnino nauigiorum maiorum minorumque trecentorum. Africam bello repetiturus, Olisipone soluit Augusto mense dimidiato. Sequebatur Ioannes filius prima militiæ rudimenta in pio bello positurus : ex vniuersa gente nobilissimus quisque, promiscui generis homines ad triginta millia. his copiis primo aduentu Arzilla uicta est. è barbaris duo millia trucidata. captiuis ad quinque millia sub corona venditis, magna pecunia in ærarium redacta. victoria nostris incruenta non fuit. cecidit nobilissimus quisque : Aluarus Castrius, Ioannes Continus Montis sancti & Marialux Comites. Huius cadauere cōspecto Rex ad filium conuersus : Vtinā te, inquit, talē tantumq; militē superi præstent. Arzillæ clade Tingitani Mauri territi, vrbe deserta fugerūt. Capte ei vrbi Rodericum Merlum, Arzillæ, atque Alcaffari Henricum Menesium Valentis Comitem præfectos cum Rex dedisset, tantis rebus breui patris classē triumphans incolumem in patriam reuexit, Alfonso Basconselo in ea expéditione Penellæ Comite creato. ea meritis continuis & maximis cōpensatio fuit. In Catalaunis Gerunda vrbs post Lotaringii obitum, in Aragonii potestatem ciuium deditioe redacta Octobri mense. reliquæ hostiū, quibus Reinerius Scānis Lotaringii filius nothus, Iacobus Galeotus præcipui duces erant, pars ad fanum Hadriani ad ripam Besis fluiui obsessæ : pars quæ Barcinone vicina obsessis opitulatū accurrit insigni pugna superata cæsaq; est ab Alfonso Aragonio, qui ei bello fuerat à patre præfectus. Ad Emporitānos ipse ea quæ ætate, hostes magna diligentia persequabatur. cui castris ad Toroellā positis, per quietem speciē strenui militis in eo bello occisi oblatam memorant, monētis ne castra inde moueret : alioqui imminere malum Regem earum rerum contemptu quasi fortuitarum, motis castris capta Rhodope,

obfessoque oppido Peralada, nocturno impetu Cápobassi aduersarię partis Ducis ferme
 oppressum, vigiliis trucidatis inermem ac ferme nudum Figherę moenibus salutem tuta-
 tum: sed próximo tamen die repetita obsidione, atque agrorum vastatione, deditionem
 tandem ab oppidanis factam: totoque eo tractu ad ditionem subiuncto, Barcinonem
 promota castra. Longa ea obsidio fuit. Vim prohiberi erat Aragonio destinatum: arteq;
 potius commotas ciuium voluntates sanare. Quid enim urbem nobilissimam vastaret,
 deriperet, incenderet? quid militum prædam faceret? & non potius sibi à clementia im-
 mortalem gloriam quæreretur, fructumque multo maximum, ciuium salute & opibus cō-
 feruatis? In Vltiori Castella Ferdinandus & Isabella multis oppidis tentatis, quibusdam
 etiam, atque in his Sepulueda deditis, Toletanum, qui se in Carpetanis tenebat, euocare 10
 constituunt. & quod Aragonius pater præceperat, se suaq; eius potestati permittere vel-
 le pollicentur. Fide fides obligatur maxime. Itaq; eo placato, atq; cum firmo equitatu
 prosequente Tordelacunam, quod oppidum in Carpetanis Toletano subditum est, fer-
 tilissimo agro migrarunt. Carolus Aquitanus Ioannę nuptiis contemptis, incertis natali-
 bus, ambigua dote ad Burgundi filiam, patris inuitatu, suaque sponte animum retule-
 rat. 1472. Ea re cognita Henricus, Segobia vbi se tenebat principio anni Millefi. quadrin-
 gentesi. septuages. secundi, Pacem augustam ire pergit. eam urbem Comes Feriæ obtine-
 bat Magistro infensus: ita venientibus portæ clausæ. grauis contumelia fuit: neque me-
 lior colloquii successus: q; inter eam urbē & Helbes (Heluiam quidā vocant) Portugaliæ
 oppidum, est habitum. de nuptiis Lusitani Ioannæque, qua potissimum causa is labor e- 20
 rat susceptus, nihil certi constitutum. Lusitano Paciechi Magistri fides suspecta erat, sese
 in omnes partes vertentis, vndecunque melior spes ostentaretur. Ferdinandi & Isabellæ
 in dies crescere vires in Castella considerabat, & ipsorum virtutib. & gentis beneuolen-
 tia excitata; & Toletani artibus, singulas ciuitates sollicitari, trahique in partes. Ira in Co-
 mitem Ferię in præsens dissimulata. Madrito Henricus, quo se à Lusitani colloquio retu-
 lerat repetita Bætica, exceptus Cordubę Hispalis aditu abstinuit: eam urbem Assidonix
 Duce cum numerofo equitatu obtinente Magistri, vt ferebat, metu: quem rebus suis in-
 fensum antea sæpe erat expertus. Nullo itaq; magno opere pretio Toletum festinatum ad
 urbanos motus pacandos: qui capta à Cifontano, cū in eā urbē rediisset arce, quæ ad Diui
 Martini pontem erat firmissima, captoq; vrbis Præfecto, grauissimi extiterunt. vix ea se- 30
 ditione pacata Henrici præsentia, sacerdotumq; templi Toletani virtute & armis, Seg-
 obiā ciuili discordia ardere nunciatū est. magna iniecta sollicitudo: quoniam regii thesauri
 in eam urbē relati erant. eo quam primum festinatur. nulla erat facies mali, quam in ea
 temporum atrocitate vniuersa prouincia nō pateretur. rapinę, cædes, iniurię, promiscuę
 libidinis scelerum omniū licentia volitabat impune: sacra atq; profana iuxta contemptui
 erant: pecunia passim adulterata, magno mercatorū commerciiq; dāno. Ea sæpe de scri-
 pto capita Regi explicata: vt remedium adhiberet frustra postulatū. Henrici vācordiā,
 procerum artes, reipublicæ vniuersæ iactationem, pastoritio quidem, sed eleganti carmi-
 ne Ferdinandus Pulgarius nobilis ea ætate scriptor, suppresso nomine ad vitandam inui-
 diam, deplorauit, lingua vulgari, eglogæ forma, satyrę amaritudine, Dominici & Egidii 40
 pastorū inter se colloquētium de reipub. statu afflictis nominib. sermone dato. Hoc anno
 quarto Idus Maii Carolus Aquitanix Dux Burdigalæ diē obiit, in medio apparatu noui
 belli: quod eis, Burgundi, atq; Britanni iunctis viribus in Gallum parabatur. Aquitania
 omnis defuncto Carolo, Galli Regis Præfectos oppidis arcibusq; accepit. Burgundus
 inuidiam Regi conflare, parricidii insimulans, corruptis ab eo familiaribus fratrem veneno
 sublatū. ventum ad arma. quędam, sed ea ignobilia oppida vtrinq; capta: maiora frustra
 tentata. plus iratū Burgundo, plus virium atq; consilii Regi Gallo. Inducę sepe factę: ante
 diem sepe ruptę. verum totius belli successus, & qua ratione ab iis initiis Burgundus tan-
 dem quinto post anno in exitium præceps datus, ad Nantium in Lotharingia ceciderit
 victus ab Heluetiis acie, historicis eius gentis explicandum relinquatur. Gasto Fu- 50
 xensis Comes res Hispanię attingit, Eleonore coniugis iure, Vasconum regni hæres fu-
 turus, si vita longior contigisset. In saltu is Vasconum ad Rocidam vallem hoc anno de-
 cessit: cum ex Gallia iret in Vascones, multis Gallicis bellis atque imperii finibus prola-
 tis, in paucis ea ætate nobilissimus. fratrem habuit Petrum Lautrechii Vicecomitem pari
 virtute, gloriaque, bellis omnibus adiutorem, Lautrechix familiæ nobilissimæ condi-
 torem, defunctus enim Mirandę, quod est Gallię oppidum, superioribus annis vxore
 grauida, posthumum filium habuit Ioannem nomine. ex hoc Odetus, atq; Andreas co-
 gnomento Sparrosus sunt geniti clari Duces: hic bello Vasconum, quo tēpore mortuo
 Ferdinando Rege Catholico ciuilia arma in Hispania mota sunt: ille Mediolanensi
 & Nea-

& Neapolitano aduersus Carolum Cēſarem. præterea Thomas Leſcunius iuxta nobilis in Gallia. Odeto filius Henricus fuit: cui vita longior cæteris fratribus contigit, ad noſtram ætatem propagata.

Rodericus Borgia Cardinalis in Hiſpaniam legatus. Cap. XVIII.

HOnorem purpuræ Seguntinus nobilitati congruum, meritis debitam gratiam, à Pontifice Romano regia opera impetrare cupiebat. Aeger mora, impatienſque, animo vehementer alienatus, neque in Luſitaniam, neque in Beticam euntem Regem proſecutus erat: multus alioqui in aſſiduusque. magnum in eo momentum rebus erat propter familiæ amplitudinem, paresque opes. ægri animi ſanandi ratio excogitata. Magiſter Diui Iacobi obitu prioris vxoris domum ſecundis nuptiis vacuam, filiam Hari Comitis patre concedente duxit. Ea quoniam Maria Mendoza nata erat, Velaszi Mendozæque reguli affinitate deuincti ſunt; Aſſidonix Dux eo præſidio nudatus, quod à Mendozis certiffimum expectabat. & ipſe aduersus inuidiam procerum aliorum, plus vnum omnibus poſſe dolentium, opes vehementer ea affinitate confirmauit, homo callidus, ingenii dexteritate ad verſandos homines, vitædaque pericula pollens in paucis. Purpuræ haud dubia ſpes Seguntino iniecta, Roderici Borgiæ Cardinalis Valentini aduentus: quem à nouo Pontifice legatum, patrium Valentie litus tenuiſſe ad duodecimum kal. Iulii, cultumque in ea vrbe, vt par erat, omnibus officiis, pedestri itinere Tarracone Ferdinandum Siciliæ Regem conueniſſe nunciabatur, per id tempus Barcinonem ad patrem proſectum, eoque conuento, ſeſe ad vxorem referentem. Suſcepti à Ferdinando itineris aliæ cauſæ vulgatæ ſunt. illa veriſſima: de Henrici Segorbii Ducis, & Ioannæ connubio agi, renūciare cupiebat: quod diſturbandum filius diſputabat. pater non credebat, falſis ſæpe delationibus deceptus, ob ætatē cautiore, & indulgentia in Henricum fratris filium propenſus. Omnino Ferdinandus Tarracone in Valentinos abiit. Inde ſeſe in Caſtellam feſtinus retulit, cura ne ſe abſente à prauis hominibus, quorū erat magnus numerus, reſp. turbaretur amplius. Cardinalis legatus Barcinonem ad Aragonium peruenit. Quo tempore obſeſſi ciues diuturnæ obſidionis feſſi malis, atque rerum omnium inopia laborantes de obſtinatione tamen animorum nihil remittebant, duro homines ingenio atque aduerſus mala peruicaci. Inuitati ſæpe ad ſanitatem, ſurdas aures ſalutaria monentibus præbuere. Aragonius literas teſtes ſui animi, teſtes clemētiæ ad extremum dedit. Eo loco reſeſſe, vt neque ſuis, neque alienis viribus ſtare diutius poſſent. Debere eos vrbis pulcherrimæ, quæ caput gentis eſſet, nulli in Hiſpania de nobilitate, atque elegantia concederet, ruina, incendio direptioneq; moueri. ſibi decretum eſſe, dum ipſes eſſet, voluntate ad legitimum imperium redituros, neque vim, neque metum intentare: eoque niſi neceſſitate nō venturum & quaſi viſcera ſecantem ſua. Huius ſui animi teſtem inuocare Deum: nō alio loco neque habuiſſe quam filiorum, neque habiturum vnquam. ac (per ipſos modo liceat) prouinciæ calamitatem omnibus regni opibus ſanare propoſuiſſe. His illi emoliti literis, ac ſpe deſenſionis abiecta legitime deditum vrbes verba nuncupare conſtituunt. Dati iudices, qui de ſingulis controuerſiis ſtatuerent. Gallicum præſidium Ioanne Lotharingii filio Duce dimiſſum. Venia omnibus data, quicunq; eo bello in Regem arma ſumiſſent. Vnus exceptus Pallatii Comes, quædā in Pyrenæi iugis oppida retinens, vnde Gallicis opibus fretus diu moleſtus finitimis exitit, ſuſtentauitque. Quæ geſta eſſent eo decennio, ex quo tempore bellum tenuit, atque decreta à ciuibus, approbata. Sic Octobri menſe extremo Barcinonem Aragonius inuectus, nobiliſſimum clemētiæ exemplum poſteris reliquit, vrbe ea, vnde tantæ iniuriæ extiterant conſeruata. cæteris omnibus clariuſ trophæum. Caroli filii ſublato pœnitentia ſucceſſerat: & pro eius ſalute, non pro externo hoſte arma ſumpta, optimo animo conſiderabat. Neapoli gemina coniugia pacta: duo Ferdinandi Neapolitani filii, Fridericus, Eleonoraque, hæc Sfortiæ Mariæ Barenſi Duci & Mediolanenſis fratri, cui ſtipulatam diximus detracta, Herculi Aſtenſi nupſit Ferrarienſi Duci: Friderico Ioanna Aragonii filia deſponſa eſt. Hoc tamē deinde mutatū. Eleonora Princeps cū Sanguēſſæ in Vaſconibus eſſet, viro deſuncto, vt paulo ante diximus, à Gallo ſolicitata eſt, vt in eius poteſtatē Vaſconum arces contraderet. ad ſtabiliendū nepotibus imperium gentis, id maxime pertinere: firmiſſimumque præſidium ad omnem ſtatum dignitatis. eorum quippe ſore nati, ad aliquā ſollicitudinis partem pertinebant. Ea noua iniuria Aragonius prouocatus ad alias, quæ toto belli Catalaunici tempore multæ & grauē extiterant, correptis in Gallum armis Ruſcinonenſes Ceretanofque ad ditio- nem reuocare conſtituit. Barcinone ad quartum kal. Ianuarii principio anni Milieſi. quadringentēſi. ſeptuageſi. tertii proſecto, accedentique ad fines Helena, Perpinia-

numque continuo portas aperuerunt. Gallico imperio fessis omnibus Aragonio victori passim fauebatur. Reliqua omnia similia fore credebatur. Cardinalis Legatus Aragonia discedens Madritum tenuit. acceptus splendido apparatu sub umbella, præcæptibus proceribus, sacratifq; viris in augusto ornatu, Henrico Rege sinistrum latus stipante: quod more gentis maximo honori ducitur. In id oppidum Episcopi ac Sacerdotes alii ex vniuersa ditione euocati à legato, frequentes conuenerunt. actum de pecunia, quã designato annorum numero, à sacerdotiis redigi in subsidium belli Turcici Pontifex postulabat. graues difficultates opponebantur, iactatione temporum exhaustis omnibus. Vicit tamẽ legati auctoritas, regia voluntate adiuta. subsidium Pontifici Romano, vti expetebat, decretum. imminuendẽ quamuis Ecclesiarum libertatis exemplum ab eo facto induci, alioque auertendi copias Hispaniæ considerabant. Inuaserat pudenda literarum inciticia in sacerdotes Hispaniæ: vsque eò vt pauci Latine scirent, ventri, gulæque seruietes. auaritia rapaces in Ecclesiam Dei manus iniecerat. emere sacerdotia olim simonia, tunc industria erat. neque intelligebant cæci Principes, cæci que Pontifices, irato Deo fieri impium commercii genus: quod facias an patiaris perinde est. Medicinæ faciendæ ratio, iis sacerdotum conuentibus excogitata est. impetratum à Pontifice Romano, vti in singulis ecclesiis cathedralibus bina sacerdotia, quos Canonicatus vocant, suffragio Episcopi, atque collegii Theologo vnum, alterum Iureconsulto obuenerent. Pontificium diploma, quoniam publice cognosci utile foret, eius iniuria temporis sublatis partem, diplomate altero post biennium concessio comprehensam, hoc loco subiicimus. Kal. inquit, Septem. Pontifici. nostri anno quinto per quasdam statuimus, & ordinamus: quod de duobus canonicat. & totidem præbendis, qui primo per cessum vel decessum, aut quamuis aliã dimissionem illos obtinentium extra Rom. curiam, in quibusuis mensibus simul, vel successiue vacarent in qualibet Ecclesiarum earundem, etiã si dispositioni Apostolicæ ex quauis causa (non tamen prima vice) generaliter reseruati forent, perpetuis futuris temporibus quoties illos vacare pro tempore contingeret, vnus qui in Theologia Magister, seu Licenti. & alter in vtroque, vel altero iurium Doctor seu Licenti. existeret, posset, & deberet ab Episc. vna cum capitulo cuiuslibet earum Ecclesiarum ordinaria auctoritate prouideri, in omnibus & per omnia, perinde ac si aliquæ gratiæ expectatiuæ speciales, vel generales reseruatiõis, & nominandi, seu nominatis conferendi facultates & mandata à nobis, seu sede Aposto. vel eius legatis, seu alias eius auctoritate, etiam Regum, Ducum, Principum vel Prelatorum, aut quauis alia consideratione nullatenus emanassent, seu in posterum emanarent. Itatamen, vt de eis qui primo Doctori, vel cum rigore examinis Licenti. in altero iurium, & aliis qui post modum vacarent simul, vel successiue canonici. & præbendis huiusmodi Magistro, vel Licentiato in Theologia prouideretur. Et si inter Doctores & Licen. eosdem ad illos pro tempore nominatos aliqui de nobili genere procreati forent, aliis non nobilibus: & inter ipsos nobiles, qui ex vtroq; parente nobiles forent, nobilibus ex altero tantum: & inter ex vtroque, & vno latere tantum nobiles de maiori nobilium genere procreati per eosdem ordinarios collatores & Capitula præeligerentur. qui si in eadem Ecclesia beneficiati & alias, si qualificati reperiantur, aliis præferantur. sicque perpetuis futuris temporibus obseruetur. Hactenus diplomatis pars.

Perpiniani obsidio. Cap. XIX.

PAcandis Castellæ motibus, componendisque dissidiis, magna à Cardinali Legato contentione adhibita, parum profectum: & ipse, vt natura cogebat, in Ferdinandum ex arcano propensior, ad confirmandam eius causam omnes neruos contendit. Complutum profectus, vbi Ferdinandus, Isabella vxor & Toletanus erant, inde Caracam; nõ alio consilio abiit, quã vt Mendozas regulos in partes traheret: ab Henrico Rege, & D. Iacobi Magistro deduceret, ingenio fretus ad simulandum, dissimulandumque idoneo. Vno tempore tumultus per vrbes & oppida concitati sunt in eos, qui Iudeorum ex sanguine prognati erant, profunda homines auaritia fraudeque. initium Cordubæ factum. ferro, rapinis, incendiis que in miseram gentem sæuitum, furente populo nullo supplicii metu. Numinum iram prudentes interpretabantur, ob abdicata passim ex arcano, quæ ante susceperant Christiana sacra. Cordubæ exemplum alia oppida & vrbes Bæticæ secuta sunt. vis maior in Giennium incubuit. Irantius Magister equitum gentem calamitosam ab iniuria vindicare ausus, seque furenti populo opponere, magnam inuidiæ flammam apud populares accendit. ita facta conspiratione ad aras, sacris operantem, crudeliter obtruncarunt. Therasia vxor, & filii vix arcem tenuerunt. Regii scrinii præfectura Segun-

Seguntino post Irantii cædem concredita. Hari Comes Magister equitum renunciatus est, honore antea per multas familias vagato, deinde in eius posteris statario ad nostram ætatem. Magna ea clades fuit: magnumq; præsidium Henrici rebus ob eximiam Irantii constantemq; fidem, sublatum. Magistri D. Iacobi arte conquistata alia. Henricus Aragonius ad certam coniugii cum Ioanna Principe spem, per Valentinus fines euocatus venit in Castellam: tum ipse, tum mater Beatrix Pimentelia, obuio ad Requenam Magistro ipso, deducenque. maior expectatio, quam successus fuit. quem ex fama probant, visum contempere, insigni hominem arrogantia: qui proceribus complexum ferentibus, manum osculandam in os ingereret, nondum opibus fundatis, neque veritus rerum mobilitatem. Eiusdem magistri arte coniugium est impeditum. Erat enim ex arcano Henrico Aragonio infensus, repetituro paterna oppida, si imperium obtinuisset: Beneuentanumque metuebat, Henrici auunculum, memoria intercepti Magisterii in primis iratum. alia tamen obtendebatur species. magno aliquo Principe opus esse ad motus gentis pacandos. At regiam fidem fallere, ludere eum Principem, graue fore Regi videbatur. ad defendendum bellum magna pecunia opus esse Magister ait, Andreæ Cabrera, cui thesauri cum arce Segobienfi concrediti erant, fraudem neçtens. Vbi tumultum in gentem ex Iudæis maioribus ortam, Bæticæ exemplo Magistri fraude concitatum, atq; Cabrera imprimis capiti minitantes populares quasi miseros tegeret, vix ipse arte & industria pacarat. Seguntino honos purpuræ datus Madriti, missio in eam rem proprio à Pontifice legato. noua muneri gratia addita, concessum à Rege, vt Hispaniæ Cardinalis vocaretur. Henricus Aragonius Madriti aditu prohibitus, Setaffii, qui pagus secundum viam militarem, qua Toletum itur protensus est, expectare iussus, Rege conuento in agro vicino, Odonem est amandatus. Pontificis Romani venia excusabant, nisi lege propinquitatis soluta, inita coniugia inter propinquos, neque esse iusta, neque fausta. sic ille delusus spe est. Henricus Rex Segobiam abiit, per causam expediendæ pecuniæ, quam Andreas Cabrera malignè suppeditabat, D. Iacobi Magistro infensus (quem Segobiensis arcis præfecturam ambire exploratum erat, Madriti iam arce per speciem se muniendi detracta eidem Cabrera) in Ferdinandum ex arcano propensus, & suapte voluntate, & vxore Beatrice Bobadillia in Isabellæ Principis obsequiis educata. Contra noui Cardinalis opes vehementer confirmatæ sunt, defuncto Cauca Alfonso Fonseca, magni ingenii ardentisque animi viro. In eius enim locum Hispaniæ Cardinalis, Hispalensis Episcopus agente Rege est renunciatus, retenta Seguntina Ecclesia, nouo damnatoque exemplo. Sed ita erant eius ætatis mores: quod libebat, licitum videbatur. In Ruscinonensi agro Perpini-anum obsessum tertio Idus Aprilis fuerat, Galliarum copiarum ad viginti peditum millia milleque cataphractos ductore Philippo Sabauda. Aragonius intra oppidum erat, certus quoduis prius adire periculum, quam vt firmissimum municipium, quæ aditus est in Galliam, hostibus defereret: quod maiores animos obsessis faceret, concione in templum aduocata iuratus, se inde pedem nisi obsidione soluta non elaturum. Insignis audacia, animique præstantia in ea ætate, exemplum nescio an probandum: cum in vnius capite, summa rerum & imperii verteretur, si ab hoste esset intra oppidum captus. sed numina tantam calamitatem auerterunt. Oppidanorum virtus egregia fuit. In Regis oculis quisque supremo conatu propugnabat, dimicabatq;. Petri Peraltæ Magistri equitum in Vasconibus fides maximè celebratur. qui in veste Fræsciscana Gallicæ linguæ sciëntia, qua multum utebatur, per medias hostium acies tutus ad Aragonium penetrauit, periculi socius futurus, à quo omnia acceperat, supremum id officium deberi ratus. Aragonii filii tres, Alfonso cum patre erat: Cæsar Augustanus Helenam finitimam urbem valido præsidio occupauit, paternam iussa facturus: Ferdinandus Talamanca cognito periculo profectus, quadringentos equites à Castella auxilio duxit. ei numero ex itinere centum alii sunt adiuncti. cum iis copiis mense Iunio ad opprimendum Emporias delatus, tantum hostibus terrorem iniecit, vt soluta obsidione ac mox ad mensem Octobrem pactis induciis, finibus discesserint. Sic confecto bello Aragonius, triumpho per simili specie, curru sublimis cyanea veste constrato, agentibus quatuor candidis equis, dextra læuâq; stipante nobilitate & magistratibus, effuso ad spectaculum populo, Barcinonem iniit ea porta, cui à Daniele nomen est, ipsa canicie, luminibus restitutis, rebusque gestis clarissimus. Corpus destitutum viribus vigor animi sustentabat. Abscesserat Ferdinandus filius Dertusam, Aragoniæ gentis conuentus agitaturus, pro patre Rege vicarius. cæterum morbo tentatus, conuitioque in Castellam reuocatus, vbi multa nouabantur, eo conatu destitit. Ferdinandi Auissi Magistri, quem obiisse in captiuitate dictum est, ossa per idem tempus à Mauro quodam à Phluthenensi vrbe clam sublata, atque in Lusitaniam aduecta, ad Aliubarrotam, vbi maiores se-

pulti erant, composita tumulto sunt. Inferiæ defuncto ex ritu Christiano magnifice datæ.

Aranda Concilium.

C A P V T X X.

F Vere hæc tempora cæteris quidē Hispaniæ prouinciis nulla re, nisi quod præcipuum est, festa pace nobilia. Vna Castella non quiescebat indies grauiori metu. fœdis Principum certaminibus modestia multitudinis corrupta, oppida & vrbes in factiones scissa erant. Ferdinandi & Isabellæ vires nouis accessionibus augebantur. Henrici Regis ignauia opes minui, plebisque alienatione. & vt in corporibus, sic in imperio grauissimus est morbus, qui diffunditur à capite. In Cantabria tumultus erant. dum equitum Magister armis conatur, Henrici ad imperium reuocare duriore ingenio gentem propositiq; tenacem: Petrus Manricus Treuigni Comes Aragoniis partibus infectus defendere conatur, illata regioni vastitas per se sterili, & rerum omnium indigēti. Toleti noui tumultus concitati. Fuenfaldæ Comes Paciechi fauore, qui in eam urbem oculos etiam auidos cōiecerat, armis intra mœnia irrumperere conatur. atque Ferdinandum Ribadeneiram Marescalum Henrico fidum, vrbe deturbare. Verum ciuium concursu repressa audacia est: & Regis aduentu, qui periculo nunciato aduolauit, motus vrbanus compositi. Sontib. venia data lex impunitatis confirmari visa est. Ex ea audacia Paciechus, siue inuidiam veritus, siue otii cupidus Pennafielem ad vxorem abiit. tot annis in aula assiduus satietatem absentia procurare cogitabat, misso tamen pro se Diegho filio vicario: quem Villenæ Marchionem renunciatum iam diximus. Venientem Henricus ea amoris significatione accepit, ac si ingentia beneficia à patre extitissent: & erat conspicua forma, ætas integra, fortunæ cultus par. Segobiam Toletum itum. In ea vrbe gratia frequenti vsu amplius conciliata. ad Villenium in Hieronymianum cœnobium, cui Parrali nomen est, hospitio datū Henricus quotidie ventitabat. Cum Andrea Cabrera actum, vti gratia cum Paciechis conciliata, in Henrici potestate esset, arce cum thesauris tradita, Moix permutatione: q; municipium ad Celtiberorum & Contestanorum atque Valentinos fines situm est, Conchæ vicinum Cabreræ patriæ. Eò faciles aures præbere pactioni videbatur. Res non latuit. oppidani animis ex eo vehementer offensis, Aragonium præsidium intra mœnia acceperunt Duce Ioanne Heredia, qui ad rem certam è Valentino tractu aduolauit. ægrè id fuit Henrico Regi. Illud grauius. Arandam, quod oppidum in Vxamenfi diœcesi est ad Durii ripam, Isabella Princeps Tordelacuna, vbi se in Carpetanis tenebat viro absente, ab oppidanis consensu euocata, illud imperio subegit. Ioannæ Reginæ detractum. Fœminæ impudicitia, amoresq; male cauti, totius prouinciæ inuidiam commouerant, Regis etiam. Sed est quibusdam insitum, vti magis peccari nolint: quàm quod fatis animi ad vindicanda delicta habeant. vti Henrico Regi per totam vitam accidit. Illa & filia Madriti in arce erant Villenii curæ concreditæ. Arandæ exemplum secuta est Agreda (prope olim Augustobriga sita fuit) magno dolore Medinæ Celinæ Comitis, cui Henricus id oppidum donarat. A Toletano, cum Isabellam esset secutus, Arandæ, prouinciæ Episcoporum concilium indictum, habitumq; est. affuere Episcopi, atque Archipresbyteri ex vniuersa prouincia euocati, ex utroque ordine viri non pauci. Disciplina ecclesiasticæ instaurandæ, species obtendebatur, vitio temporum labefactatæ. Propior tamē cura erat (sic arbitror) factionis vires confirmandi. Nonis Decembris quatuor tantum hæc decreta promulgata. Episcopi in publico semper linteati visuntur. Presbyteri minimum ter aut quater, diuina hostia annis singulis sacrificant. Sacro ordine viris sese obsequiis procerum addicere, aut eorum stipendia facere, præterquam Regis, nefas esto. Cura ecclesiarum, & maiora sacerdotia, quæ Dignitates vocantur, ne cui creduntur, qui Latine nesciat. Vix soluto conuentu Ferdinandus per Almasanum, & Valeranicam à Medinæ Celinæ Comite, & Petro Mendoza Almasani regulo, omnibus officiis ex itinere cultus, Arandam ad vxorem appulit, partium studia præsentia vt confirmaret. Decessere hoc anno in Castella quidem Fridericus Maris Præfectus & Gometius Cacerius Alcantaræ Magister successore Ioanne Stunica, vti paulo ante dictum est: in Gallia autem Nicolaus Ioannis Lotaringii filius Renato aui superstiti. huius ex filia nepos Renatus auiæ maternæ iure Lotaringiam obtinuit, præclara virtutum indole Princeps: cæso Carolo Burgundo Audaci ad Nancium quarto post anno quàm re alia fama maiori. Ioannes Armeniacus Comes nunquam Regi Gallo fidus, gratusve ex quo in Hispaniam pulsum diximus, Burgundi copiis bello in Aquitania cōcitato, Petrum Borbonium Aquitaniæ Præfectum à suis proditum ceperat: neque dimiserat, nisi Lectorio oppido sibi restituto. In illum continuò missæ abs Rege Gallo copiarum ductore Albigenfi Cardinali. Lectorium recuperatum, euersumque est.

Comes

Comes ipse cōtra datam deditio fidem peremptus, ancipiti fama facti: eo minori inuidia quod confecto pontificio diplomate, vt sibi ius fasq; esset sororē germanā ducere, ei vitium attulerat. Pudendam turpitudinem, probrumq;. Impietas suscepta, vāsanaque libido sic est vltore numine exitio vindicata.

Libri vigesimi tertii Finis.

IO. MARIANÆ HISPANIÆ
E SOCIETATE IESV,
HISTORIÆ DE REBUS
HISPANIÆ,
LIBER XXIV.

Isabella Henrico fratri conciliatur.

CAPVT I.



NON quiescebant diuisa Castellæ procerum studia, maiori
indies Aragoniarum partium fiducia viribusq;. neque D. Iacobi
Magister desisteat opibus opes struere, præsidia præ-
sidiis addere maiori habendi auiditate: metuque, ne si Ara-
gonii rerum potiti essent, ipsi cedendum esset principatus
magna parte: quam in eorum ditione fuisse superiorib. an-
nis meminerat. Quo consilio Ferdinandi & Isabellæ coniu-
gio aduersum se præbuerat, Henrici Aragonii & Ioannē pa-
ctas nuptias disturbare pergebat, alias ex alijs moræ causas
& difficultates nectens, Rege quorsum ii conatus specta-
rent, præ socordia non intelligente, aut dissimulante præ i-
gnauia. Ad Madriti arcem, Segobiensem adiacere conten-
debat si id assecutus esset, Regem quasi iniectis compedibus fore in potestate prouidens,
& quemcunq; cursum res habuissent, certum rebus præsidium. ea summa votorum erat.
Andreas Cabrera vnus maximè opponebatur & gratia Principis & ingenio pollens, ne-
que eius pollicitis quamuis magna erant, satis credens. Exortis inter eos suspicionibus at-
que confirmatis, vterque dolos ad euertendum alterum nectit: cautus vterque & calli-
dus, maiori Magister potentia atque opibus. Cabrera felicior omnes ingenii neruos in-
tendit, vt Isabellam conciliaret Henrico fratri. æmuli absentia opportuna conatui erat,
Villennii filii haud pari propter ætatem calliditate. Henrico assiduus, officiis ad tempus ac-
commodatis amplius confirmata gratia, multo sermone persuadet, vt Isabellam sororem
ad se accersat. Id publicè salutare fore, priuatim vrile, honestumque. Magistri conatus
quorsum tendant ignorare neminem: vt republica turbata priuatas familiæ opes augeat,
immensa auiditate ambitioneque, inconstanti fide atque venali. Quod reipub. motus eo
concitatore graues & diuturni, me silente indicant, ex dolis atque fraude ingenium mo-
resque compactos. At filiæ caritas mouet: indignumque iudicas innocentem ætatem pa-
terna hæreditate spoliari. Sed liceat modò vera loqui, quid id populo persuadeas ex te ge-
nitam? & est prudentis non amplius in repub. conari, quàm quod ciuib. probare possis.
Non vt corporibus, sic animis vis afferatur. Opinione multorum, quæ vna famæ vox est,
stant imperia caduntque. Vtcunque res habeat, an duabus sororis filiæq; dotibus, ampli-
tudini nobilissimi regni pares opes non sufficiant inter vtranq; per conditiones tributis?
At imperii maiestatem imminui graue est. sed ciuili discordia, & perpetuis ex eo malis
implicare rempubl. multo grauius. Mihi crede, aut hæc via aut nulla est tantis malis
medendi. si quid priuatis rationibus contrarium est, id pacis studio, patriæ caritati con-
donandum censeo. Quanta mala ex ciuili discordia impendeant, debes cum tem-
pus est considerare: curare etiam, atque præstare. Mouebatur Cabrera oratione Hen-
rici animus, actionum consiliorumque mirabili per totam vitam inconstantia, regio

nomine indignus, solique probrum. Cabrera diligentia, hortatuque, Henrico in sententia euocandæ sororis confirmato, Beatrix Bobadilla viri suasu Arandam proficiscitur: quo res occultior esset, vecta asino, atq; in rusticana veste obuoluto capite. conueniendi Isabellam Principem opportunitatem naçta persuadet, vti quam primum Segobiam in-
 1474 prouisa abeat: fratris, in eam procliuem animum explicat: si mutet arcis munitione fore ab iniuria tutam: si quid periculi subsit tamen, audendum magna conatibus. In eo rerum momento celeritate opus esse: cunctationem fore noxiam. Parua sæpe mora magnas fieri inclinationes. Re constituta Bobadilla se se ad virum refert. subsequitur Isabella haud magno proxima interuallo: seque in arcem Segobiensem infert ad quintum kal. Ianuarii principio anni Millefi. quadrin. septua. quarti. Vulgato eius aduentu varie, vt cuiusq; ani- 10
 mus erat, commouentur ciues, perturbantur aulici. Villenius fraudem subesse & coitionem ratus, conscenso equo Ayllonem vicinum oppidum se subducit festinus & pavidus. Henricus ex Balsaino nemore, vbi venationi dabat operam, Segobiam accurrit, sororem inuisit: magna lætitiæ significatione inter se salutant, in mutuosque amplexus ruunt, eo maiori studio quod ante multos dies non viderant. Arcanis sermonibus longum tempus consumptum. sine colloqui Isabella suam causam fratri commendat, iure minime dubio nixam. Rex sumpturum se tempus ad deliberandum ait. sic à colloquio discessum ad multam diem. die postero in arce cum sorore cœnatus Rex. tertio per plateas ciuitatis Isabella vecta est, honoris gratia, eodem equi habenas regente. Nullus illustrior dies ciuibus, atq; adeo Hispaniæ vniuersæ illuxit, certa concordia spe, malorum metu sublato. auxit opi- 20
 nionem, confirmavitque, Ferdinandi Principis rei gestæ fama & vxoris literis prouocantibus, Turuegano (quo accesserat quorsum res euaderent expectatum) aduentus. Ad octauum Idus Ianuarias, qui dies Magorum memoria sacer est, Henricus, Ferdinandus, Isabella per urbem vna equitantes, celeberrima pompa ciuium oculis gratissimum spectaculum præbuerunt. Post gestationem in Episcopi aula conuiuio ab Andrea Cabrera instructo, vt par erat splendido lautoque, excepti eidem accubuerunt mensæ. quartum adhibitum Rodericum Villandrandum Ribadei Comitem Castillius ait. lege in perpetuum lata patri datum erat, vti superius est demonstratum, vt Ianuarii Kalendis regiæ mensæ conuiuia accederet. Remoris mensis lyristæ, comædi, cantoresque accesserunt. sine bellaria tragemataque illata. Celebritatis læticiam Henrici valetudo nonnihil contur- 30
 bauit, lateris dolore tentati oppressique: sic vt in regiam discedere necesse habuerit. casu factum, vti saniores iudicabant, insidias vulgus interpretabatur, prona semper in deterius persuasione. Eam opinionem, venenum inter epulas datum, Principis perpetua deinde valetudo confirmavit, ac non toto euoluto anno subsecuta mors. perpetua Ferdinandi & Isabellæ felicitas amplitudoque rerum gestarum, iis certe consciis factum scelus fidem abrogat, imperium à parricidio auspicatos fuisse. quod emuli in primis accusabant, accensis odiis, promiscua inter se affingendi crimina libertate. Pro Principis incolumitate supplicationibus ad omnia templa habitis, sacrificiis, precibus, votis placati superi: eiusque valetudo recreata est.

40

Magistri D. Iacobi obitus. CAPVT II.

VT Rex conualuit, de concordia agi cœptum est, per conditiones inter Principes facienda. Petebat Isabella, vt sibi sacramento à regni ordinibus dicto successio confirmaretur iure debita. si id fieret, se & virum perpetuo in officio fore: neque recusabat filiam vnicam, Abulæ arcem quasi fidei obfides tradere in potestatem Cabrera quasi seque-
 stri. Vt Ioanna Henrico Aragonio nuberet, Beneuentanus amitini ludibrio commotus, conuictio postulabat, Henrico assiduus, ipso postulato gravior, nisi concederetur, fœdus disturbaturus. Nec consilium vnum inter procures, nec voluntas erat. aulicorum pars Ioannæ fauebat. ad Isabellam plerique res trahere, animi consiliorumque Henrici poten- 50
 tes, sublato inter fidem, perfidiamque discrimine: quod Isabellæ causam vehementer confirmavit. Ad eam Mēdozæ procures inclinare ceperant, opibus, numero, cliētēlisque præualidi: eoque Toletanus nutare, atque ad Ioannæ partes respicere: vnde maiora præmia, certiorque spes ostendi videbatur. Ancipiti sententia suspensum Henrici Regis animum, D. Iacobi Magister arcanis literis impellit: vti nocturna vi vrbe capta, Ferdinandum atque Isabellam in potestatem redigat. præclari facinoris occasionem oblatā, quando veluti indagine cincti in arce tenerentur. in id operam industriamque suam pollicetur. Res tanta latere non potuit: nec diuinum consilium humana arte disturbari. Indicio facto Ferdinandus quidem raptim Turueganum abscessit: Isabella in arce Segobiensi sub-
 stitit,

stirrit, quorsum ea molitiones euaderent expectatura: nec ferens nobilissimæ arcis possessione decedere: ubi erant thesauri regii, & amplissimus regis cultus: unde regnandi principium fore prouidebat, magno fœmina animo, prudentia, constantiaque supra sexus ætatisque conditionem. Diductos Henricum Ferdinandumque, nouus casus loco iunxit. Carrionem nobile in Vaccæis municipium, superioribus annis licentia temporum, Beneuentanus Henrico concedente extortum, arte munierat. idēgre erat Santillanio, quod incolæ ab antiquo in eius clientela erant, eorum precibus præterea & lacrymis fatigatus Petrus Manrico Treuigni Comiti suadet, uti improuisa vi oppidum præsidio occupet. facit ille imperata. auxilio cum copiis Santillanius Caraca festinat. Beneuentanus ferro
10 inliriam vindicare parans, idem facit, Segobiz eo nuncio perculsus. Diductis in utramque partem aliorum procerum studiis copiisque, periculum erat, ne insignis clades acciperetur utrauis parte prostrata. Accurrunt Principes Henricus Ferdinandusque: hic adiutor Santillanio futurus, si ventum esset ad manus. ille pacis arbiter positus iuxta castris, inter utraque agmina oberrans, vix tandem, ut arma ponerent, impetrare potuit. Regis auctoritati, Beneuentanus suum dolorem condonauit. Magano oppido à Toletano dato, Carrionis arx à fundamentis euerfa est. pace constituta, Santillanus quidem Isabella ad Segobiam conuenta Caracam se se retulit, ad nouas spes penitus conuerso animo suorumque. Henricus Vallisoletto obita, atque Segobiz tantisper moratus cum D. Iacobi Magistro consilia de republica communicaturus, eius consilio & hortatu Madritum discessit. Lu-
20 sitano cōnubio Ioannam Principem elocandam, importunus auctor euicit, ut Henricus Rex ea cura ad Portugaliæ fines progredieretur, afflicta quamuis tenuique valetudine. Hæc species profectiōni obtendebatur. sed maior Magistro cura suberat, Castra Iulia in potestatem redigendi, immensa habendi, opesque struendi auditate ambitioneque pari. regis voluntati ciues paruerunt. Magistri artibus magna senatus parte præoccupata, nobilitatem plebs est secuta. arcis munitio opponebatur: quam Gratianus Sese Præfectus dedere recusabat ingentes de suo sumptus factos excusans: neque vacabat ad calculos impensam reuocare. Henricus ingrauescente locis insalubribus valetudine, iniquo anni tempore Madritum repetiit. Magister ex morbo, quo & ipse oppressus erat, tantisper recreatus lecticariorum humeris Castra Iulia defertur. Ventum ad Sanctæ Crucis fanum:
30 qui pagus ab ea vrbe ad Austrum dissitus est, octo millium spatio. Præfecto ad dedendam arcem inducendo dabatur opera: cum inter eas molitiones maxillæ alterius inflatione abscessuque repente oppressus interiit, concreto in faucibus multo sanguine, ex oreque manante & naribus: an arx esset tradita, inter morientibus vocibus ex astantibus, labentique animæ facilem exitum, placatos superos precantibus. quæritans, nihil aliud. Pulchrâ in morte cogitationem, vitæ consentaneam scilicet. obitus vsque ad deditionem arcis occultatus est. Felicis fanum in Calæcis Præfecto Gratiano datum iure perpetuo. quod illi infaustum fuit. In tumultu populari, de causa non constat, sed ab incolis tamen eius oppidi, lapidibus est oppressus ob fidem venalem vindicta numinum sic vulgus interpretabatur, ad excitandos alendosque id genus rumores aptum procliueque.

40

Ferdinandus Barcinonem abiit. CAPVT III.

DE Ruscinonensibus & Ceretanis Gallos inter & Aragonios liserat: his repetentibus, atque ad ius ditionemque pristinam reuocantibus, excusabant Galli oppignerata ea oppida esse, neque pactum auri pondus in stipendium militare bello Barcinonensi repræsentatum. Posita per inducias uti ante dictum est, arma haud obscure repetebantur. nostris non minus timoris quam spei, quippe aduersus amplissimas Galliæ opes Regemque præualidum bello futuro: Castellæ rebus nondum compositis, unde magna multaue negotia implicabant. Lutetiam de pace legati viri nobilissimi, Ioannes Folchius Cardonæ Comes, Hugo Rocabertius Ampostæ Præfectus, quo maior auctoritas esset cum amplissimo comitatu, causas explicatum ob quas pecunia ea reddenda non videretur. Gallica auxilia bello Barcinonensi neque tempore missa, neque vsui fuisse. Contra fœderis condiciones Ioannem Lotaringium Gallicis copiis adiutum. Exposita legatione nihil profectum est: ac contra patriam ad Lugdunum custodiæ circumdatæ, contra ius gentium, diuinas atque humanas religiones. Eorum periculo quasi datis obsidibus oppignerati Aragonie gentis animi haud se fortiter ad resistendum commouere: tametsi per idem tempus inuente vere quingenti equites Galli ductore Ioanne Alone Aludæ regulo in Ruscinonenses inuecti, adiunctique ad reliqua Gallica præfidia Helenam urbem obsederant, præ metu inferiore parte à ciuibus deserta. Aragonius Barcinone ubi Catalaunicæ gentis con-

uentus erant, comparando defendendoq; bello intentus erat, extrema quamuis ætate homo atque ex febris quartana laborans. longinqua euocata auxilia. quingenti equites nauibus à Ferdinando Neapolitano Rege missi, quantulum rebus præsidium? Ferdinandus Aragonii filius Iunio mense Tordefillam firmum in Vacceis municipium vi occuparat, euocatus ab incolis aduersus Petrum Mendaniam Castri nūnii Præfectum, cum latronum manu (quorum magnus numerus tota prouincia vagabatur impune) iniurium, importunumque finitimis agris & oppidis. Re patrata cum se Segobiam ad vxorem retulisset, patris periculo & valetudine denunciata eo maturare contendit sexto Nonas Iulii, inuiso ex itinere ad Cōplutum Toletano: si æger offensa animus eo humanitatis officio sanaretur. Ad Caracam Sanctillanio in recenti fide confirmato, Cæsaraugustam peruenit. inde Barcinone patrem adiit strenuum senem & nunquam cessantem. Importuno tempore in Valentinis arma mota. Segorbium, & Exerica, firma atque munita in Edetanis oppida arma corripuerunt, pari conatu cōtrario studio. Exerica vt Sarfuelæ imperium depelleret: vnde magnæ iniuriæ extabant. Segorbium vt aduersus regiam voluntatem in Henrici Aragonii ditione permaneret. motus diuturni magis quam difficiles extitere. Ferdinandum Principem de bello Ruscitonensi consultantem, nuncius è Castella perculit Diui Iacobi Magistrum decessisse ad quartum Nonas Octobris. eius obitu seditionem inter procures maiori mole coortam, hac occasione. D. Iacobi Magisterium multi reguli ambiebant contentione pari, causa dissimili. Alburquerqueus, Beneuentanus, Sanctillanius, Assidonius opibus magis quam re alia freti. ante alios suffragio militari, duo erant designati geminis comitiis Legione atque Vrceſi, vbi eius ordinis cænobia sunt, inclyta diuitiis non sanctitate tantum. Legione Alfonsus Cardenas antea in Legionensi regno ordinis Promagister cæteris præfertur. Vrceſi Rodericus Manricus Paredius Comes. Villenius regio fauore armatus, propriisq; viribus pollens vtrunque deiicere satagebat, causatus sibi à Pontifice Romano, patre superſtite eum honorem destinatum, concessumque. sed pontificiæ voluntatis nullo prolato testimonio, confictum plerique suspicabantur, tempore extrahendo, dum nouus conatus in eam rem esset adhibitus: nouumque à Pontifice diploma esset allatum. Singulos procures prehensanti atque ineautius Villaregium progresso, per causam conueniendi Osorni Comitem eius ordinis in Castella Promagistrum, manus iniectæ sunt: deductoque Fontidoniam erepta libertas. Grauis contumelia fuit. nouo dolore Henrico Regi irritato, quia nihil Osorni Comes facturus voluntate videbatur, vim adhiberi placuit. afflicta quamuis valetudine cum copiis Fontidoniam obsedit. affuere Episcopi Toletanus, Burgenſisque, Beneuentanus, Magister equitum, Sanctillanius, Cluniensis, officio in Principem, & facinoris atrocitate commoti. grauis mora erat, Regis morbo recrudescente, alieno anni tempore. fraus fraude vindicata. Ferdinandus Lupus Acunius Toletani frater, qui non minus de Villenii iniuria laborabat, Osorni Comitiss vxorem cum filio per speciem colloquii captam, Optam deducit. ea arte victo viri animo Villenius liberatus est, eo maiori gaudio, q̃ prope metū res fuerat. Sic Osorni Comitiss conatus delusi sunt Villenio capto (quoniam Ioatina Princeps eius fidei erat concredita, & Scalone seruabatur à matre disclusa ob eius impudicitiam) Ferdinandi Principis studia promereri, eoque annitente Magisterium D. Iacobi præripere cæteris omnibus cogitantis. His rebus Barcinone nunciatis, belli defendendi cura Aragonio patri relicta in Emporitanum tractum profecturo quam primum, Ferdinandus Princeps Cæsaraugustam rediit, si res Castellæ pateretur, conuentus Aragonios habiturus ad conquirendam pecuniam, cuius præcipua & maxima difficultas opponebatur: præsertim nouis subinde Gallorum copiis confluentibus ad nongentos equites, pedites decem millia. Helena, vt cœperant supremo conatu circūfessa oppugnataque: fames vrgebat, & rerum omnium inopia obsessi laborabant. Ita Nonis Decembris die Lunę deditionē facere cōpulsæ est incolumi præsidio, Ducibusque: quib. plus inter se irarū, quàm aduersus hostes animi fuit. de Perpiniano grauis cura incesserat, Helena capta, propter hostium præsidia omni ex parte circumfusa: ipsaque Perpiniani arx ab hostibus obtinebatur. ne diutius sustentare possent, metus sollicitabat. Fuit hic annus Siculis memorabilis, Iudæorum per vrbes & oppida strage edita. multitudo incertum qua causa, sed lymphatis similes ad arma populariter consternati, ac ne Lupi Vrree Proregis auctoritate edictisque, ne supplicio quidem de nōnullis fontibus sumpto coercito furore, multos ex eagentes peremerunt. Mauris quies erat: belli sacri nulla cura, in tanta rerum nostrarum colluione. In Vasconibus intestinæ seditiones vigeant. Beamontiis Eleonoræ Principi studentibus, Agramontii Aragonii maiestate veteri instituto tenebantur Principum exemplo, furente etiam populo, atque ad arma concitato.

Ingratiescebat indies Hērici Regis affecta dudum valerudo, ipsa agitatione itineris, eū-
 risque grauibus morbus lethalis medicorum permissu Madritum relatus, nullis salutarī
 bus herbis, succisq; iuuantibus: contra lateris dolore denuo sēuiente, salute prorsus despe-
 rata, vicino exitu, sacris omnibus ex ritu Christiano explatus, ad tertium Idus Decembris
 die Dominico, secunda hora noctis, placido efflauit animam ætatis anno quadra. quinto
 extremo. regnauit annis viginti, mensibus quatuor, diebus duobus & viginti. Nullum te-
 stamentum conscripsit. pauca tantum Ioanni Oueto, qui ei à secretis erat, & cui multum
 credebat, excipienti dictauit. curatores eorum, quæ statuebat nominauit Hispaniæ Car-
 10 dinalē, atque Villenæ Marchionem. De successore rogatus à Petro Masuelo Hierony-
 miano Priore, qui morientis confessionem exceperat, eūquem sibi substitueret, Ioannam
 Principem nominauit, curæ fideiq; concēditam, tum duorum testamenti curatorū, tum
 Santillanii, Beneuentani, Magistri equitum, Ducis Areuall, quos maxime fidos fore exi-
 stimabat. Corpus propter maciem ex diuturno morbo, nullis odoribus curatum, in Diui
 Hieronymi Madriti extemporario sepulcro compositum est, pompā funeris, neque ce-
 lebri admodum, neque vulgari. deinde, vti ipse moriens mandarat, in Guadalūpeo tēplo,
 prope matris sepulcrum tumulatus est: Princeps nulla re magis quam fœdo vitæ genere,
 ignauia, socordia atq; imminuta ex eo imperii maiestate nobilis, nulla virili prole ex Hē-
 20 rici nothi posteritate Regum postremus, vt numero sic fama. Subit memoriā admirari
 rerum inconstantiam: neq; mori tantum homines, sed & ingeniorum sobolem exolesce-
 re, in Principum posteritate, vbi minime oportebat, maximè: vtque singuli morituri na-
 scimur, ita indolem stirpium, satorum, animantium, atque familiarum suos veluti natales,
 incrementaq; habere, ac tandem consenescere extinguiq;. Fuit in Henrico familiæ con-
 ditore viuīdum ingenium, & supra ortus conditionem animus maior. in Ioanne filio feli-
 citas multo minor, neque par industria vigorq;. In Henrico nepote ignea mens, animus
 orbis terrarum ac cæli capax: sed imbecilla valetudine, breuique ætate præstare diu non
 potuit, quas promiserat virtutes. Ioannes eo nomine secundus ingenio fuit erudito magis
 literis, quam ad res gerendas idoneo. In huius filio Hentico, cuius res gestas modo, & obi-
 30 tum explicauimus, consenuit maiorum gloria fœdataque est: industriaque & virtus sibi
 viam ad Castellæ regnum, atque adeo vniuersæ ferme Hispaniæ patefecit, nouorumq; &
 magnorum Principum sobolem, ambiguo tum iure, publico deinde commodo.

Ferdinandus & Isabella Castella Reges.

CAPVT V.

Henrici Regis obitu, omnia in Castella mutauere. plurima pars ad Isabellam sororem
 translata est: non pauci in Ioannæ Principis fide perstiterunt, Villenæ Marchio, Are-
 uali Dux, horum propinqui & necessarii: quoniam tutorum primi erant, regni nomē pe-
 40 nes eam futurum existimantes, regimen atque arbitrium rerum penes se, marito puellæ de
 manu tradito: eo quem priuatis rebus (ea prima cura erat) commodum maximè iudicaf-
 sent. horum auctoritatem totus ille tractus Castellæ, qui Toletō Murciā pertinet, seque-
 batur: Calæcorum nobilium pars maxima, correptis etiam in Compostellanū Alfonso
 Azeuedium Fonsecam armis à reliquis dissentientem. Segobiæ in foro, suggestu è lignis
 excitato Isabellæ coram ab iis qui aderant, sacramentum dictum, contactis more gentis
 sacris: mox regiis vexillis explicatis coneuissique voce præconis nominibus inclamatis,
 Ferdinandus Isabellaq; renunciati Reges sunt. subsecutus astantium plausus. petiæ oscu-
 lo manus. In trabea, equoq; imposita Princeps ad templum maximū deducta superis pro
 diuino munere gratias agit, vt iis quæ dederant adderent perpetuitatem precata. Magna
 50 tunc procerum solitudo Segobiæ erat: Dynastæ, quos magnates dicunt, nulli primi Hispa-
 niæ Cardinalis, Beneuentanusq; celeritate fidem studiumq; vt probarent, Segobiā festi-
 narunt. ex interuallo Toletanus, Santillanius Marchio, Garsias Albanus Dux, Magister e-
 quitū, Præfectus Maris, Alburquerquiussq; subsecuti sunt. ab aliis missi qui eo officio fun-
 gerentur, atq; ipsorū nomine in Isabellæ Principis verba iurarēt. Ferdinando sacramentū
 dicere non placuit, nisi præsentī regniq; cōmoda & leges, gentis instituto, exēplo vxoris
 iurato. Erat is Cæsaraugustæ conuentib. Aragoniis districtus, atq; in studium pecuniæ in
 belli Ruscinonensis sumptus redigendæ intētus. Ea spes quoniam in longum trahebatur,
 nūciata Henrici morte, Ioannia sorore (paulo ante Ferdinando Neapolitano Regi erat pa-
 sta ex prioribus nuptiis cælibi) pro se substituta præfectaque conuentui, continuo in Ca-

stellam iter arripuit, in domestico diffidio ratus nihil celeritate tutius fore: vbi facto magis quā consulto opus est. Castellæ procures fide & opera venali nisi magnis præmiis perituri in officio non erant. Eo ergo Almasanum delato Ludouicus Medinæ Celinæ Comes misso Frācisco Barbastrio Vasconum regnum Annæ vxori debitum affirmabat, Caroli Vianæ Principis filia. vitium natalium subsecuto cum matre coniugio, veniaq; Pontificum procuratum: de quibus rebus publicæ tabulæ proferebatur, veræ an cōfictæ non constat, magna sanè confidentia animi, maiori quā pro viribus conatu. nisi quid opis in Ferdinando esset ad id imperium obtinendum, aliunde præsidia fore. Gallici belli nimium importunæ minæ, impudensq; postulatam. Itaque Barbastrio repulso, Turneganium continuato itinere peruentum est. Segobiam vrbem obire distulit, dum opportunus ap- 10
1475 paratus adornatur. postridie noui anni Millefimi quadringentesimi septuagesimi quinti, rebus omnibus instructis, in vrbem est receptus. summi, medi, infimi dixer sacramentum manus regias deosculati. De forma regiminis controuersia excepit. Isabellæ aulicis negantibus Ferdinandum ad aliquam reipub. partem accedere fas esse, ac ne Regis quidem Castellæ nomen adscribere. de qua re è Neapolitano regnō, non vnum exemplum proferebatur: vtraque Ioanna imperante, viros regio abstinuisset nomine, coniugio contentos, atque eo honore, quem Regina vxor dedisset. Magna ingenia in ea contentione iactata. Aragonii contra tendere: atque nulla Henrici virili prole disputabant ad Ioānem Aragonium stirpis maximum rediisse res. Verū id Francorum moribus legeq; sanctum, facile eludebatur, multis tum nouis, tum antiquis exemplis prolatis, Ormisindæ, Odifin- 20
dæ, Sanctiæ, Vrracæ, Berengariæ: quibus ad fœminas rerum in Castella summam rediisse sæpe constabat. Ergo eo conatu destitere. Inter virum & vxorem fœdus his legibus est scriptum. Vt in regis tabulis, edictis, moneta, Ferdinandi prius, deinde Isabellæ nomen exprimeretur. Contra in communi clypeo, Castellæ insignia Aragoniis potiorē locum occuparent. hoc gentis prærogatiuæ, illud viri dignitati datum est. Isabellæ nomine arces obtinerentur. Eius sacramento tesseraq; quæstores vectigalia regia administrarent. Sacerdotia vtriusque nomine, Reginæ voluntate darentur, modo viris literatis. Ab ambo-
bus cum vno loco essent, iura populi peterent finitimi longinquique: disuncti, quo loco vterque esset, suo nomine ius diceret. aliis vrbibus, & prouinciis, is penes quem esset regius senatus. Idem ordo Prætoribus iuridicundo creandis seruaretur. Graues hæ condi- 30
tiones Ferdinando fuerunt: à subditis, vt acciperent, leges dici. Sed patientia firmato imperio, omnia sui arbitrii fore iudicabat. Simul Isabella Princeps pro insita prudentia, agrū
,, viri animum accommodata oratione delinisse memoratur. Suscepta de iure regni disce-
,, ptatio non minus mihi molesta accidit & grauis. Quid enim iura imperandi distinguere
,, necesse fuit, inter quos amor castissimus & sancti coniugii nexus constringit corpora, ani-
,, mos, fortunas? Sit coniugibus aliis liberum, secretum aliquid à viris habere propriumq;
,, in cuius me ipsam potestatem animumq; contradidi: decus, opes, sceptrā, vitā non com-
,, municarem? tantumq; in mutuum amorem nefas committerem? stulta sim, nisi vnum
,, omnibus imperiis maioris multo facerem. Vbi ego Regina, tu Rex, hoc est, rerum omni-
,, um domi forisq; (nihil excipio) moderator, & arbiter. Hæc nobis sententia stat, æternū- 40
,, que animo stabit, vtinam tam felix quam certa, piaq;. Tempori aliquid dandum fuit: le-
,, guleiorum studiis in vmbra, otioq; magnum prudentiæ nomen velantium. Rebus geren-
,, dis si hac contentione aulici & procures aliquid se promouisse credunt, nā se sua opinio-
,, ne delusos breui sentient: nisi te volente nihil impetrabunt, honores, magistratus, opes,
,, præfecturas. Duo tamen in hac molestia commodè accidisse arbitror. Cautum filia com-
,, muni, quā tuum ius asserēdo à paterna hæreditate exclusam oportuit: quo quid iniquius,
,, nobisq; ipsis molestius contingat? cautum in omne tempus Castellæ populis: nam hono-
,, res, regni arces, vectigalia, magistratus cæteris credere, neque ipse velis neq; sine inuidia
,, gentis motuq; contingat. Id nisi placet, tua sum: de me, pro voluntate, proq; arbitrato sta-
,, tuas licet. Hæc summa votorum est, destinataque voluntas. His verbis placatum Ferdi- 50
nandus animum ad rempublicam retulit, superiorum temporum perturbatione, & immi-
nenti noui diffidii periculo multis partibus iactatam.

Lusitanus Ioannæ causam suscipit.

CAPVT VI.

Ferdinandum principem, Alfonsūq; Lusitanum vno tempore Villenæ Marchio habere ludibrio visus est, non minori quā pater ingenio, neq; maiori fide, in eā se partem daturus,

daturus, unde certior spes ostenderetur priuatas familiæ opes augendi: quatum prima eu-
 ra erat, nulla famæ memoria, ne æquitatis quidem. Petebat à Ferdinando, vt eius ope du-
 bus æmulis quasi vitio creatis loco motis, ipse legib. auspiciatq; Di. Iacobi Magister sub-
 stitueretur. graue postulatam: hominis nunquam fidi potentiam immensum augeri eo
 adiuncto principatu. mite tamen responsum datum, temporiq; conueniens: Si Ioannam
 sequestro traderet idoneo coniugio elocandam, haud moraturos spem. ille præcise factu-
 rum se negare: neque commissurum, vt fidem falleret Hérico Regi de filiæ salute datam.
 Eius vt patrociniū susciperet iure propinquitatis tutorum primus, rempublicamq; ca-
 pesseret per fidos homines Lusitanum hortabatur. molliciem metumq; accusare: testari
 10 superos, monere ne innocentem ætatem, regiam puellam ex sorore natam Rex opulētus
 & maximus in periculo desereret. Superesse gentis studia, superesse procerum, eruptura
 cum occasione maiora. Ducem magis quam voluntatem deficiendi deesse: Erat Lusita-
 nus Stremotii ad regni fines, quo tempore Henricus Rex obiit. De rerum summa, Ville-
 niiq; postulatis consilio habito, variæ dictæ sententiæ. Plurimi bellum decernebant, con-
 tinuoque armis in Castellæ fines penetrandum, vaniloqui, feroces, procaces, neque bello
 neque pace boni. Ingentes thesauros pace congestos, peditum equitumq; nubes, nume-
 rosas mari classes iactant. Ioannes Lusitani filius eius consilii præcipuus auctor, belliq; fu-
 nesti concitator, pro insita iuuenibus audacia temeritateq; præceps. Vnus Ferdinandus
 20 Brigantinus Dux ætate grauis, cautior prudentiorq;, quod alii metum interpretabantur,
 amoremve in Isabellam propinquam, fratris neptim, resistendum iudicabat: neque teme-
 re sumenda arma. Villenium, & necessarios eos esse, qui paulo ante contra Henricum
 Alfonso fratre Rege proclamato, Ioannam quasi adulterio natā repudiassent. Quod qua-
 nunc fronte, quo nouo argumento mutarent, nisi venali pretio fide, unde maiora præmia
 extarent eo vela daturi. Quas arces obsidum loco darent, fidem pari leuitate non muta-
 30 turos, si maiora præmia Ferdinandus polliceretur? Qui populi conceptam animis opini-
 onem euellerent, Ioannam illegitimis natalibus esse, ab ipsomet Alfonso Rege confirma-
 tam, cum Isabellam coniugem expetiuit, Ioannæ oblatas ab Henrico nuptias constanter
 repudiavit? Mentiendo nimirum iactandoq; vires, quas non habent, vana spe inflant, in-
 flatique ipsi sunt. Timidi canes vehementer latrant. modici sæpe torrentes, quam altissi-
 40 mi amnes, cum maiori sonitu fluunt. Eos proceres, easque ciuitates suam sectam esse secu-
 tuos affirmant, quos certò scimus, qua fide Henricum secuti sunt, eadem Isabellæ cau-
 sam complexuros. Vtinam rerum statum subiicere vestris oculis possem, & vt corpora sic
 animi conspicerentur: Villenii vanitati minus credendum iudicaretis. Vera hæc esse pru-
 dentissimus quisque iudicabat. vicit tamen plurimorum sententia: quæ iniquissima con-
 ditio est, dum numerantur in consilio suffragia non ponderantur, apud Reges etiam re-
 rum arbitros. Prius tamen quam se commouerent, Lupus Alburquerqueus ad conside-
 randum rerum statum missus, multorum procerum syngraphas abstulit, Eboramque ad
 Lusitanum adduxit fidei testes, si Ioannam Principem sibi connubio iungeret, tempore
 haud defuturos. Toletani alienatio commoda conantibus erat. Is multos annos in aula
 40 Regum assiduus, quæ res minus verendos magnos homines ipsa satietate facit, otii cupi-
 ditate (sic videri voluit) Segobia se subduxit Februarii die vigesimo, haud obscure iratus
 nouis Regibus: à quibus inani spe lactatum se esse conquerebatur, nullis præstitæ operæ
 præmiis, contra exhausto patrimonio, magnisque sumptibus factis, vt ingratis Principib:
 regnum quasi de manu daret beneficium suum. Præterea Cardinalis crescentem grati-
 am malignis oculis aspiciebat, omnium apud Reges arcanorum arbitri, moderatorisq;
 Ad eum sanandum frustra conatus adhibitus: cum minaretur potius intellecturos æmu-
 los quanti constaret Toletanum Archiepiscopum iniuriis violasse: læsæ irritatæque pati-
 entia suæ quantæ vires essent. inanes etiam fratris Petri Acunii Buendia Comitis preces
 obiurgationibus mixtæ fuerunt, ne se & familiam perditum iret obtestantis: dubia spe in-
 50 certum præcipitare periculum. Superbum ingenium, immodicaq; lingua magis monitis
 irritabatur: ac præsertim Ferdinandus Alarconius, quæ è domesticis vnum maxime inti-
 mum ingenii væcordia effecerat, incauti Principis auribus insidiando, noua identidem
 implebat eius animum ira.

Lusitanus se Regem Castellæ dicit. C A P. VII.

Mouit Toletani discessus, præceptq; alienatio animi, iniicitque curam: ne suscepto
 aduersæ partis patrociniū more suo remp. turbaret ardenti vir ingenio, inquieto ani-
 mo, magnis opib. eo maiori studio præsidia ab omnib. conquisita, domestica externaque.

sanandi proceres cura præcipua. Henricus Aragonius ad officium est pertractus Segor-
 bio, Emporitanisq; restitutis, eorumque quæ commiserat venia data. cum eo Beneuen-
 tanus amittitur in fide confirmatur. vtrunque eo proclivius factum fuit, quod coniugii ab
 Henrico Rege pacti spes intercessa erat, Ioanna Scalona, vbi tenebatur, Castra Iulia aman-
 data, quasi ad Lusitani nuptias: quem Villenæ Marchio Aragoniis viribus opponere co-
 gitabat, distractis bello Gallico, & intestinis Vasconum motibus Perpiniani supremo pe-
 riculo. Quod oppidum ex diuturna obsidione oppressum malis omnibus, nulla auxilii
 spe, ad deditiois condiciones compulsum est, pridie Idus Martii: legatis quos detentos
 in Gallia diximus, libertate concessa, oppidanis facultate, ut cuiusque mens esset disce-
 dendi, resistendive. semestres induciæ inter vtranq; gentem additæ. Ad Gallum à Ferdinā-
 do de pace Ruscinonensiq; principatu per condiciones restituendo, legatus benignum re-
 sponsum tulit, amplissimaq; promissa. Si Ferdinandi filia Desfina nuberet, tantum se copia-
 rum suppeditaturum annuæque pecuniæ, quantum ad Castellæ motus pacandos, re-
 gnumque confirmandum satis esset. De Ruscinonensi principatu non recusaturum iuris
 disceptationem. quod dati arbitri iudicarent id ratum habiturum. In eam rem Guillel-
 mus Garrus à Gallia missus benignis auribus audiebatur, magno Aragonii dolore: qui se
 inficio restantas moveri per literas accusabat. Vrebat maxime acre Toletani ingenium
 alienatum esse: verebaturque ne delecto is Rege alio, rursus sui muneris temp. facere
 tentaret. Serum consilium erat, usque adeo exulceratis voluntatibus. Lusitanus se ad regni
 fines ostentabat cum validis copiis: in quibus equitum quinque millia erant, peditum mil-
 lia quatuordecim, instructi omnes militaribus armis, vincendi confidentia maxima. Quod
 erat proximum, desperata concordia bellum à novis Regibus comparatur. Cabrera quod
 eatenus facere distulerat, ut maior muneri gratia esset, amplioraque præmia, regiones the-
 sauros tradidit, belli subsidium certissimum. Moia illi ad Valentinos fines Marchionis
 nomine nobile municipium, sed modicum datum est. Chincbionium in Carpetanis
 Comitibus honore, arciumque Segobiensium Præfectura iure perpetuo accessere, meritis
 fideique constanter cultæ debitum præmium. Nam si verum fateri convenit: parti reten-
 tique imperii Ferdinando & Isabellæ Regibus magna pars Cabrera opera & industria
 fuit. Segobia cum Reges in belli curam intenti discessissent, Medina Campestris in po-
 testatem venit, forum rerum venaliū vniuersa Hispania maxime celebre, eoq; idoneum
 noua pecunia à mercatoribus redigenda. arcem Albanus eximia in novos Reges fide ve-
 nientibus tradidit: Vallisoletum copiarum militares euocatæ erant. eo Reges concesserunt.
 confluebant in dies copiarum equitum, peditumq; neque numerosæ, neque validæ. Partita
 rerum cura Ferdinandus in Vltiori Castella substitit: vbi maiora gentis studia erant.
 Isabella in Carpetanos abiit Toletanum si facultas esset sanatum. Vitauit ille congressum;
 Briocamq; Compluto discessit, exiguum oppidum, sed loco & opere munitum. Literas
 interceptas accusabat, quibus vitæ suæ insidias fieri constaret. Ne Velasquez quidem Ma-
 gister equitum ad eum sanandum à Regina missus quidquam profecit. Suscepti itineris
 operæ pretium fuit, Toletum in fide confirmata, præsidii à Regina dispositis, uti res at-
 que tempus monebat, Cifontano & Ioanne Ribera ex ea vrbe pulsus, quos Toletano esse
 addictos erat exploratum. Madritum vitatum arce in Villenæ Marchionis potestate. His
 rebus confectis Segobiam Isabella rediens, argentum aurumque regium: rude factum ve-
 in formam pecuniæ mutauit. Quo tempore à Ferdinando Salmantica in fide confirma-
 ta est, eius in eam urbem aduentu, direptis aduersæ sanctionis ciuium ædibus, quorum
 erat magnus numerus. Zamora eadem felicitate venienti portas aperuit, pontis præsidio
 à Francisco Valdesio prius tradito. dedita arx non est, eius præfecto Alfonso Valentia Vil-
 lenii propinquo & necessario. Vim experiri longum erat. Taurum locis vicinam urbem
 adire non est visum ob incertam Ioannis Villoæ primarii ciuis fidem, ad Lusitanos pro-
 cliuius, non tam Ferdinandi odio, quam metu supplicii: quippe regium consultorē pere-
 merat & multis aliis flagitiis erat obnoxius. Regibus Vallisoletum reuersis, Alcarassum
 oppidum ad eorum imperium subiunctum est. Villenii imperium recusantes oppidani
 arma cotripiunt: arcem obsident. missi eo à Regibus Comes Paredius, atque Alfonso
 Fonseca Cauca regulus cum sibi cognomine Episcopo Abulensi. Horum viribus Ville-
 nius, qui ad famam rei gestæ cum copiis accurrerat impar, conatu dissipandæ obsidionis
 destitit. eoque ardentiori studio Lusitanum uti festinaret, datis ad eum literis monet: fa-
 cto non consulto in tali occasione opus esse: seque si adiuuaret languentibus aliis aduer-
 sarios oppressurum. Accepta iniuria irritatus, ferociaque maximum bonum in celeritate
 putabat. Erat Lusitanus ad Pacis augustæ fines mense Maio. Quibus diebus omnino ad
 quintumdecimum Kal. Iunii, die Iouis natus ei ex filio nepos Olisipone est, cui de aui ap-
 pellatione

pellatione Alfonsus nomen fuit. Brevis ætas auiti regni spes intercepit. sacramentum tamen dictum illum defuncto quamuis patre heredem auo futurum. Ex iis natalibus inter Lusitanos quidam expeditionem auspicatam fore ominabantur, fatum esse regno Castellæ potiri, leues homines & vani, nimium spei indulgentes, delusi euentu rerū. Ad Pacem Augustam Feriæ Comes erat in armis, fidus Ferdinando, Seria oppido iis locis capto de aduersariis (Xerez nunc vocant.) Ad dextram Lusitani deflectendum fuisset, vbi Carmo, Astigis, Corduba, causæ fauebant, vt capta Hispali nihil hostile à tergo relinqueretur: ad læuam verso itinere per Alburquerqui & Vectonum fines Placētiam peruenire, modicam urbem lætissima soli facie, cælo graui. In ea vrbe Ioanna in Lusitani manus conuenit, celebratis sponsalibus. toro ne iungeretur, religioni datum est, priusquam propinquitatis vicium, venia Pontificum remitteretur. Iis tamen Regibus Castellæ proclamatis regium insigne est impositum. Lupus Alburquerquius in ipsa lætitia Penamacoris Comes creatur: vt esset gratia meritis, atque labori prehensandis Castellæ proceribus sumpto. Iura quibus causa nitebatur de scripto promulgata, atque in omnes partes missa sunt, prolixo codicillo comprehensa, verbis haud obscure in Reges aduersarios cōtumeliosis. Hæc in exitu Maii mensis gesta sunt: simul de ratione belli deliberatū, in quam partē primum impetum darent.

Zamora à Lusitano capta. CAPVT VIII.

Belli flamma multis vno tempore locis exarsit, certamine vti de regno par erat acerrimo, conatu supremo & maximo. Villenam & contributa oppida Valentini manu vexare ceperat. eo incolæ præsidio, & à Paredio Comite incitati, correptis consensu armis in fidem Ferdinandi concessere: ea lege vt in Regum ditione perpetuo manerent. Magistro Calatraue Ciuitas regia erepta est, quam in Oretanis occuparat Lusitani partes secutus nullo meliori iure. Ad fines Bæticæ, atque in Calçcis, ab vtraque parte in alteros excursiones factæ & latrocinia præcipuo agrestium damno. à Petro Aluarado Tudæ vrbs Lusitani nomine occupata est. contra Burgensium multitudine ad arma consternata, Lusitani partes secuti Enecus Stunica arcis Præfectus, atque Episcopus Ludouicus Acunia impugnantur. Lusitani animus ancipiti sententia suspensus erat, incerti cui primū parti occurreret: aliis alio vocantibus, vt cuiusque res erant, proceribus maligne supeditantibus, quæ prolixè erant polliciti, pecuniam, militem, commeatum, populis eam militiam quasi infaustam auersantibus. Ea res nouam inuidiæ flammam apud Lusitanos accendit. mens eorum & conatus labare cepit, præsertim cum Ferdinandus, cui vix quingenti equites erant quo tempore Lusitani primum in fines irruerunt, firmissimas copias numero, & virtute habere nunciaretur, equitum ad decem millia, peditum ad triginta. Ad Tordesillam, vbi statua erant, lustratus recensitusque exercitus est, ad prohibendos Lusitani conatus ardentibus cunctorum animis, accensis studiis. Re is constituta Areualum prius, quod in fide erat, inde Taurum petiit, aduocante Ioanne Villosa, præterea Zamoræ obtinendæ spe. Neque defuit euentus. urbem vtramque Lusitanus occupauit sine sanguine. Locorum commoditas inuitabat, commeatu importando idonea: quoniam eæ vrbes ad Portugaliam fines sitæ sunt. Eo incommodo commotus Ferdinandus, continuato itinere ad Taurum positus castris per faciem Lusitanos ad pugnam prouocauit, ardenti homines ingenio: certo periculo, si in aciem prodirent, quoniam minori numero erant, quinque equites millia, pedites ad viginti millia, sed lecta Lusitaniam pubes Castellæ incrementis aucta: si detrectarent, minori deinceps audacia, bellicque laude. Cautior Lusitanus copias dissipatas excusare: ad singulare certamen prouocare: in quo minus periculi erat, cunctationis maior occasio. non vltra verba processum. Ferdinandus, triduo statua eo loco habuit; nulloque alio moræ pretio pecuniæ in stipendium commeatusque inopia pressus, quod itinera hostis occuparet, retro conuerso itinere Medinam Campes-
50 trem abiit. In eo oppido ordinum consensu concessum, vti ad belli necessitates templo-
 rum aurum dimidia ex parte mutuū sumeret, rebus tranquillis integrum fide integrum redditurus. Eo subsidio ad obsidendam arcem Burgensem contendit. Varia regii discessus & itineris retro conuersi relicta Tauro vrbe, opinio fuit. Plerisque metum & res inclinatas interpretantib. Toletanus ea etate cum quingentis equitibus mōtib. superatis ad Lusitanum ire pergit: ne bello confecto desertæ causæ culpam incurreret, cuius se fau-
 torem præcipuum fore professus erat, nihil fratris Comititis lacrymis commotus, atque eius filiorum Lupi Casorlæ Antelati, Alfonsique qui in patruī gratiam Pompelonen-
 Episcopus erat creatus, Ferdinandi Petrique: quib. ægre erat patruū præcipiti temeritate
 incertum periculum ruere. Toletano atque Areuali Duce auctorib. Lusitanus cū mille

& quingentis equitibus, idoneoq; peditum numero, ad dissipandam Burgensem obsidionem ire pergens, intra Baltanasiæ arcem, quæ locis arduis impeditisque Pisoricam inter & Durium sita est, Beneuentanum ex deditioe cepit: misitq; Pennasielem. Ipse satis se profecisse ratus ad fructum laudemq; præda lætus, an diffusus ut par Ferdinando esset, si venirent ad manus, repente retro conuerso itinere, conatu abscessit Burgensem arcem iuuandi. Ioanna Zamoræ substiterat. Isabella Vallisoletæ, virili atque expedito animo Princeps, viri periculo permota, raptim iis locis delectu habito, Palentiam est progressa, Burgos si opus esset cum idoneis copiis continuo aduolutura. Expectatione tantæ rei suspensos omnium animos, hostium repentinus regressus sedauit. A Castellæ & Aragoniæ Regibus legati Romam, quod maior esset auctoritas, viri principes, magnoq; numero, dato mense Iulio senatu, mandata explicarunt: suosque Principes in fide officioq; fore sunt polliciti. Eatenus dilatum officium nouo Pontifici debitum, propter intestinos prouinciæ motus & graues, excusarunt. Benignè Pontifex respondit, rebus Aragoniis impense fauens, cum quibus sanguinem miscuerat, Leonardo fratris filio vrbs Præfecto, iuncta Ferdinandi Neapolitani filia notha. Ægrè id Lusitanis oratoribus fuit: & controuersia nondum diiudicata affirmabant, debuisse eum mediā personam gerere belli spectatorem, aut arbitrum non participem. Ad id remedium recursum, quo similes disceptationes sanatas meminerant edictum, ne cuiquam Principi eo facto præiudicaretur. Legationis princeps Dezpuchius Monteskæ Magister, bellicæ virtutis & prudentiæ fama per omnes prouincias celebratus, nouis Italiæ bellis parta: quæ ab Alfonso Aragonio Rege gesta meminimus sæpe eius ductu. Lupo is Semeno Vrræa, qui ipso tempore Siculis præfectus cum laude fuerat, defuncto mense Septembri, Rege deferente eum honorem constanter repudiavit, tantulum vitæ certus religionis & pietatis studiis dare, in cœnobium secedens non à bellicis tantum, sed ciuilibus muneribus. Ioannes Aragonius Cæsaraugustanus Præful diem obiit in arce Albalatæ ad Sicoris ripam, ad tertiumdecimum Kalend. Decemb. patre Rege Aragonio, materno genere haud ignobili, magna auctoritate, par opib. Vniuerso orbe hic annus celebris maxime fuit, venia seculari à Sixto Pontifice ad hunc annum, ac deinde ad quemq; vigesimum quintum redacta. Qua inuitati multi mortales Romam confluxerunt: in his Ferdinandus Neapolitanus, ætate ingrauescente maiori quam antea religionis studio.

Zamora Vrbs à Ferdinando recepta. CAPVT IX.

FIne anni Catalaunicæ gentis conuentus, Aragonius Barcinone agitabat senex strenuus, neque ætate, neque laboribus fracto animo, de vtroque bello sollicitus Gallico Lusitanoque. Nam violatis induciis Trahiguerus cum Gallorū manu, per Ruscinonenses in vicinos Catalaunorum fines inuectus Laurentii fano capto, magnā prouinciæ formidinem incusserat: prorsus ut quod in extremo periculo fieri consuevit, omnes, quorum ætas ad bellum esset idonea, edicto ad signa euocarent. In Castella Lusitani arma vigeant, spe allata nouas in Gallia copias comparari, inter eum Regem & Lusitanum nuper icto fœdere. quo studio, Anglus Gallusq; eatenus infestissimi hostes in finibus Ambianorum ponte facto, inter se collocuti, pacem sanxerunt. Britannus etiam eo fœdere comprehensus est. præterea Bui gundus Ludouico Lucemburgio Magistro equitū Galliæ, qui ad eum confugerat, Gallo donato. Indignum facinus viri inconstantia excusabat, fidelque ex fortuna semper suspensa: qua sæpe utrosque ludibrio habere visus est. alii falsa inuidia laborasse affirmant, ex opulentia, ut sit nata. Sic sunt res & opiniones humanæ. Aduersus eas molitiones in Aragonia gente parum præsidii erat, diuturni belli sumptibus exhaustæ, angustis finibus prouinciæ. ad artes conuerso ingenio, ab Aragonio mense Nouembri induciæ vsque ad mensem septimum instauratæ cum Gallorum gente. Belli Lusitani cura Toletanus ad colloquium inuitatur. Quanta beneficia in regiam Aragoniam extitissent non ignorare: quod par meritis gratia non esset reddita dolere maxime. si positis tantisper offensionibus sui copiam faceret emendaturos. Repulit ille Aragonii preces, perdendi aut pereundi obstinato animo: sæpe ut comminatum fuisse fama sit: Isabella a se Reginam factam: effecturum tamen, ut sceptræ colo mutaret. Regibus Castellæ hominis offensæ curæ magnopere non erant verentibus, ne eo reuocato Cardinalis Hispaniæ, in quo tantum præsidii rebus erat, alienaretur, præsertim indies aucta potentia, confirmatis viribus. nam per idem tempus Villenio Almagrum profecto, Oceania quam in ditione retinebat, orta populari seditione ab illo defeccerat. Aduentu Cifontani Comitæ, & Ioannis Riberæ in fide studioq; oppidanis cōfirmatis, id oppidum Paredio Comiti est resti-

est restitutum, quasi Diui Iacobi Magistro. Zamoram Ferdinandus ipse euocatus Burgis à Francisco Valdesio, qui turribus præfectus aditum se patefacturum pollicebatur, occultus venit: vrbeque in potestatem redacta supremo conatu, arcem quæ Lusitano præsidio firmata erat, oppugnare statuit, nisi re confecta non discessurus. De colloquio inter Aragonium & filium actum: Eleonora etiam Vasconum Principe euocata. pacandi eius gentis tumultus erant ex Biamontensium & Agramontesium dissidiis, quæ fœminæ imperio maximè recruduerāt. & cura Gallici auxilii sollicitabat: quod Iuone Duce accedere nunciabatur: ac per fines Vasconum, ne in Castellam irrumperet, & se Lusitanis coniungeret verebantur. Cantabros ne ea parte Galli inuaderent, locorum asperitas, commeatus inopia, & gentis virtus satis tutari videbantur. Ferdinando ad Zamoram residente, fratris Alfonso Aragonii cura & virtute, qui dudum cum quinquaginta equitibus delectis auxilio ex Aragonia venerat, Burgenſis arcis præſidiarii milites spe defensionis abiecta deditio-

10 nem fecere ineunte salutis anno millesimo quadringentesimo septuagesimo sexto. Isabella Regina, cui deditæ arcis laus est reseruata, consensu vtriusque partis, in id Vallisoleto euocatur. Magnum id momentum fuit, vrbe regia, atque arce penitus exclusis Lusitanis. arci præfectus est Dieghus Ribera, Alfonso Principis institutione sorori Isabellæ gratus, carusq; Madriti Ioanna Castellæ Regina decessit ad sextumdecimum kal. Febr. quidam superiori anno dicunt Idib. Iunii. Corpus ad D. Francisci sepultum. tumulus è candido marmore cum inscriptione constitutus defunctæ cernitur ad aram maximam, motis ex eo loco Roderici Gonſalui Clauigii cineribus: qui legatione ad Tamerlanem Scytham functus, eam templi partem sua impensa constructam moriens sepulturæ delegit. Sic sunt rerum vices. tenuioribus etiam mortuis irrogatur iniuria. De obitu Reginæ varia & atrox fama fuit. quibusdam ex partu extinctam affirmantibus, plerique veneno Lusitani Regis fraude periisse malunt. Alfonso Palentinus in hanc partem inclinat: ex partu fama tenuit in peiora vulgi opinione prona.

Pugna ad Taurum Vrbem.

CAPVT X.

30 **R**estiterat in Lusitania Ioannes Lusitani Regis filius rebus Præfectus. Indole is animi, ætatis ardore, & spe victoriæ ferox, cognitis reb. quæ gestæ erant, fortunam partium inclinasse, in Castellæ proceribus haud satis præsidii esse: notio delectu equites contrahit ad duo millia, peditum millia octo. sed minor pars militaribus armis instructi: cæteri ut quemq; casus armauerat bello haud vtilis admodum erant futuri. cum his copiis Ledesmiæ ponte transmissis S. Felicis fano tentato, Taurum peruenit ad quintum Idus Februarii. vbi pater tria millia quingentos equites, pedites ad viginti millia habebat, vicinis locis in hiberna distributos. In collectio exercitu plus animorum & fiduciæ, quàm vigoris & præsidii erat: sed ea tamen cura Ferdinandus cum Zamoræ arcem obsideret, minori multo numero, equitum ad duo millia & quingentos peditum duplicato numero, ex omnibus partibus copias militares euocat, nouo bello supplementum. Neque enim quieturi Lusitani erant, nisi Zamoræ arce liberata periculo, aut pugna commissa: cuius discrimen Aragonius vitandū omnino per literas & nuncios disputabat: monebatq; filium ne sortem totius certaminis subiret ardenti iuuenis animo. Quid enim in vnus pugnæ euentū, dubio ancipitiq; Marte, rerum & imperii summam committeret? quid præcipitaret spes pulcherrimè fundatas exiguo fructu, ut maximè victoria esset explorata? ætatis impetum ratione, consilioq; frænaret: parentisq; monitis obtemperaret, ob ætatem à multo rerum usu cautioris. Erant cum Ferdinando, Mendoza Cardinalis, Albanus Dux, maris Præfectus cum patruo Henrico Albæ ad Alistem Comite, Lemosii Comes, Asturicæ Marchio officio in Principem certantes. Validas equitum turmas ad Alahegium locis vicinum oppidum Ferdinandi Regis patruelis Henricus, Alfonsusq; frater, præterea Treuigni Comes tenebant. Ipsa etiam Isabella è propinquo, quàm posset opem latura viro, Burgis Tor-

40 desillam accurrit. Lusitanum quamuis tantis auctum copiis, haud ignarum, numero virtutem non respondere, anxium in diuersum arcis defendendæ, & vitandi periculi curæ trahebant. vicit tamen honesti cura. obsessis opem ferre constituit. In Vaccæis ad Durii fluminis ripam geminæ vrbes sitæ sunt, Taurus Zamoraque. quibus Romanorum imperio nominibus fuerint vocatæ, sæpe est dubitatum. plures inuenio qui Tauro Sarabis, Zamoræ Senticæ, vetera nomina adscribunt: quos ut sequar, inclinatur animus. Agro vberi, soli amœnitate atque prouentu, cæli salubritate nulli cedunt. numero ciuiū modico sunt. in plano sitas mœnium firmitas & arces muniunt. Zamora Episcopali sede est illustrior. ab ea Taurus sacra petit, alioqui nobilitate, cultuq; ferme par. modico distitas inter se in-

50

teruallo, flumen ad austrum alluit, gemino lapideo ponte iunctus. Tauro egressus Lusitanus, cum speciem præbisset recta aduersarios petiturum, mutato repente consilio transmissio flumine ad D. Francisci quod cœnobium in aduersa ripa est, è regione Zamoræ castra locauit ad caput pontis, quo aditus ex vrbe erat, tormentis etiam obiectis. Ita neque impugnationem arcis impedire poterat, interfluente flumine: neque pugnae copiam faciebat. Verborum altercationibus tredecim dies sunt consumpti. nihil proficiebatur. Martii Kalend. die Veneris vasis ante lucem conclamatis discedit, Lusitanus pontis parte rupta, ne hostis insequi posset. Cognito hostium consilio Ferdinandus, cum copiis omnibus progredi statuit: dum pons reficitur, multum temporis consumptum est. Aluarus Mendoza cum trecentis equitibus nouissimum hostium agmen carpere, atque pugna distingere iussus est. Sic acies hostium impedimentis graues Ferdinandus est consecutus, angustis egressus in patentes campos, quinque millibus ab vrbe Tauro, vix reliqua exigua diei parte, nam præceps in occasum Sol erat. vitare pugnam hostis non poterat, Ferdinanda propinquo, angusto ponte, quo transitus erat. conuersis agminibus acies ad pugnam instruit. Locus æquior, subsidium ab vrbe vicinum, victis perfugium, noctis tenebræ munimento futuræ faciebant animos. contra Ferdinando curam iniiciebant. Prudentibus certamen exhorrentibus, Ludouicus Touarius studio pugnandi ardens, contentaque voce.

» Aut cedendum regno, inquit, aut dimicandum est. Opinione famaue virtutis imperia
 » parantur, bellaq; constant. quid autem huc processimus, nisi pugnandi voluntate? quid
 » detrectatum certamen, nisi metus significationem continebit? Tu quidem Rex, macte
 » animo, virtuteq; esto: hostes pauidos, & quia tenentur, ad pugnam conuersos, in ea flu-
 » ctuatione animorum citius opprimes quàm ventum ad manus erit. Hæc dixit. simul pro-
 cerum sententiis exquisitis, pugna decernitur. Dato signo prælium ab equitibus incipitur. Erat in primo hostium agmine Ioannes Lusitani filius, octingentis equitibus pedites immixti, qui globos igneos disploderent. Eius impetum, Aluari Mendozæ agmen sustinere non potuit. fugati dispalatique equites sunt. Maius certamen inter Reges fuit. ibi aliquandiu est certatum. pugna nullo more prælii sed latrocinio similis fieri, sine signis, sine ordinibus. Ad regium Lusitani vexillum magnum certamen fuit. Sotomaior Almeida extorserat. confluentes ab vtraque parte milites concerpsere. Almeida ipse capitur. eius arma in templo Toletano appensa victoriæ monumentum in Regum sacello visuntur, 30
 vexilli concerpti vicaria. Ad extremum fugatis Lusitanis, Rex ipse cum paucis ad montes progressus non prius constitit, quàm ad Castrum Nunniū peruenit: & cum fugæ nulla indicia extarent, occisum fuisse creditum est. Fugientes hostes insequi non licuit, tenebris prospectu adempto. Henricus Alistis Comes ad Tauri pontem prouectus, in reditu ab hostium manu captus est: eorum, qui cum Ioanne Lusitani filio integri ad multam noctem in armis perstiterunt. Eam manum Ferdinando, quamuis proximo cliuo occupato, inuadere consilium non fuit, suis dispalatis toto campo, atque ad prædam conuersis. vtrique horis aliquot eisdem vestigiis perstiterunt, diutius Lusitani. Id solamen aliquod acceptæ calamitatis fuit, ignominia leuamen: quod historici Lusitani laudibus celebrant: atque à Ioanne Principe victoriam esse partam affirmant. Sic semper Christiani nominis 40
 hostes vincant. Ferdinandus Zamoram sese retulit: eoq; digresso Lusitani Taurum abeunt. Toletanus prælio interfuit, Ioannis Principis à latere nunquam discedens. Cædes minor quàm pro victoria fuit, neque captiuorum numerus magnus: præda maior direptis Lusitanis impedimentis magna ex parte.

Rex Lusitanus in patriam redit.

CAPVT XI.

MUltis vno tempore locis mouebantur arma: nullaq; ferme pars à belli malis immunis erat. ex eo, ut fit, scelerum licentia confirmata. vniuersa prouincia milites vagari, dispersi per vrbes, oppida, & agros. cædes & latrocinia facere, vi & stupris cuncta fœdare, in omne nefas præcipites, atque venales. In magistratibus parum præsidii erat, aduersus eas calamitates. inter ciues, quod superiori tempore factum diximus, ad ea vindicanda scelera veteres societates instauratæ, nouæ institutæ, militibus in eam rem de publico stipendio dato. Auctor salutaris consilii Alfonsus Quintanilla ærario regio præfectus, consilio bonus manuque. eæ societates optimis legibus astrictæ institutisque temperatæ in vigesimum annum perstiterunt: cum externis hostibus victis, domesticis dissidiis compositis, rebus est reddita pax. Maior belli moles in extremos Cantabros incubuit, ea parte cui Guipuscoæ nomen vulgo est. Ad Olarsonem promontorium in extrema Hispania, arx imminet Gallia finitima, maritimo atque terrestri situ inexpugnabilis: cui Hondarribia

darribiæ incolis nomen est. firmissimas munitiones longa dies addidit Gallicis irruptionibus prohibendis, quibus sæpe finitimi vexantur. In id oppidum à Gallicis copiis impetus primum est factus, ad Ferdinandi vires, quo tempore ad Zamoræ arcem assidebat, alio euocandas consilium callidum. Igneis tormentis, quorum conficiendorum librando-
rumque gens Gallica peritissima est, murorum pars maxima corruens cum fragore latè stragem fecit. Ruderibus completæ fossæ facilem aditum præbebant, exigua defensorum manu, atque iis, continuis vigiliis & laboribus imminutis. Dieghus Sarmētus Salinarum Comes, rerum summæ præfectus, cum se in eam arcem intulisset, quoduis periculum adire certus, obsessis animus creuit, locorum asperitate ingenia quoque & corpora duratis.

10 Eruptione facta in hostium munimenta prorumpunt. Disturbatis operibus, euerfis atque incensis machinis, quoniam bene prima successerant, nouis copiis subinde à Gallicis castris ad periculum accurrentibus, acie cum hoste dimicare non dubitarunt, maior redditæ, quam accepta clades est, neque obsidio dissipata. Madriti arx quæ in Villenii iure erat, magnum factioni præsidium, ab oppidanis correptis armis obsessa est. Petrus Arias, & Petrus Toletus primarii ciues multitudinem ad arma concitarunt. Missa à Regina auxilia sunt, affuit etiam Sanctillanius, quo maior esset auctoritas, vires maiores. Castra Iulia, Batiæque vno tempore, Ferdinandi nomine obsidebantur, in Bætica & Lusitania. In Contestanis Chinchilla, Almanzaque orta inter oppidanos seditione defecerant: Valentinusque finitimos auxilio euocarunt, magno Villenii incommodo, cuius ditione ea oppida

20 tenebantur: tamen si eius industria in officio tum quidem perstiterunt. Aragoniis omnia secunda erant, aspera Lusitanis: eo amplius quod quartodecimo Kalendas Aprilis Zamoræ arx dedita Ferdinando est cum tormentis & omni apparatu bellico. Alfonsi Aragonii aduentus, vt deditionem maturarent, multum contulit, impugnandarum arcium scientia præstantis. Eo incommodo fractis Lusitanorum animis, vt extra periculum esset, Ioannes Princeps Ioannam nouercam amitinamque cum præsidio equitum quadringentorum, in Lusitaniam abduxit belli causam. cū pari numero Toletanus in Carpetanos accessit, quasi vacillantes procerum mentes, & mutata repente voluntate locum gratiæ apud Ferdinandum quærentes, in fide confirmaturus, re victus tædio, nulla victoriæ spe. A Ferdinando Cantalapetra in Segobiensi agro obsessa: vbi Lusitanorum firmi, sumæ copię

30 erant. ea tamen lege semestribus induciis ab eius oppidi impugnatione cessatum, si Villalba, Maiorga, Portillium, Beneuentano redderentur: quas arces fidei obsides pro libertate dederat Lusitano. Vrceſiam Rodericus Manricus, qui se eius militiæ Magistrum ferebat, occupat: arcem obsidebat, quoniam Villenii præsidio tenebatur: ab eo & Toletano festinatum, si obsessis opem ferrēt. nullo operæ pretio facto, repulsi cum ignominia, ac periculo sunt, tum Roderici patris, tum Georgii Manrici filii virtute: cuius hoc bello præclara rudimenta extiterunt. vitæ breuitas prohibuit, ne virtutis indolem, præclarique ingenii lumen exereret factis: vti alio loco est commemorandum. Sic bellum terra gerebatur: neque mari quies erat. Lusitaniæ litoribus Andreas Sunierus cum paucis Aragoniis triremibus imminerebat assueueratque. Tot aduersis casibus debilitati Lusitani Regis,

40 debilitati procerum Castellæ animi, quantum sibi virium decessisset non ignorantium, quantum studii popularis, infaustam militiam auersati, pars multo maxima ad sanitatem redire cæperunt. Primus Areuali Dux, Roderico Mendoza, cui præmium operæ in agro Toletano Pintus oppidum fuit, ad Isabellam legato illi sacramentum Madrigale dixit. Pro quibus supplicium merebatur, præmia amplissima retulit: ad veterem ditionem Alcantaræ Magisterium, de quo lis erat Alfonso Monroyo cum Ioannis Stunicæ Ducis filio, à regibus promissum, datumque. accessit Beatrix Paciecha Metellini Comes fratre Villenio cautiore, fide haud constanti. Iisdem diebus, omnino quarto Nonas Maii coniugium Ferdinandum inter Neapolitani Regis nepotem, & Isabellam Ferdinandi filiā, pactum est. In cultum puellæ ducenta aureorum millia à Neapolitano promissa: tantundem quarta minus parte à patre, si alia proles mascula in spem regni esset suscepta. alio-

50 qui amplissimi regni spes dos esset. Foederis maturandi occasio præcipua, ingens mutuæ pecuniæ vis oblata Ferdinando, magnum rebus momentum in earum rerum difficultate, ea inopia ærarii. Omnino Lusitanus ad eius rei famam, quam referentes, augebant, desperata victoria, temeritatem susceptæ expeditionis noua leuitate luere constituit, Castellæque deserta redire in Patriam. quoniam parum virium in domesticis opibus, parum in fastiosis proceribus fore prouidebat, externa auxilia conquirere parat, Gallicaque arma in Hispaniam commouere. tentata tamen prius concordia spes, controuersiæ arbitrium Aragonio & Toletano permissurum profitebatur. Serum consilium lite martis arbitrio ferme diiudicata repudiatum. Marialbæ Comite Tauri cum præsidio relicto, ipse

tristis atque re male gesta deformis in Lusitaniam Iunii Idibus abscellit. Pauci exules ad omnem adeundam fortunam abeuntem sunt persecuti, magis desperata venia, quàm factionis studio.

Lusitanus discedit in Galliam.

C A P V T XII.

Lusitani opes in Castella eius discessu magis etiam inclinabant. In Ruscinonensibus & Ceretanis Gallica arma mouebantur, initique fœderis conditiones. Salsulæ arx munitissima Narboni obiecta, firmissimum ea parte Hispaniæ propugnaculū, aduersus Gallicos impetus ex deditioe à Gallis capta: Lebia in Emporitanis circumfessa. Externa iniuria, intestina discordia aucta est: Ludouici Mudarræ milites, quorum præclara opera extiterat in Perpiniani obsidione, secessione facta tumultuantes, non tam nocendi voluntate, quàm ob stipendia multorum mensium non soluta, nonnullis oppidis captis ad arma spectare cœperunt: ac periculum erat, ne Gallos in societatem asciscerent. Non ante ea tempestas sedata, quam iustum auri pondus se breui persoluturos, à regis Ilerdæ datis prædibus est cautum. Gallicæ excursions prohiberi non poterant, exhaustis gentis viribus, Rege Aragonio longinquo, atque in Vascones profecto: vbi intestini partium tumultus nihil remittebant, meliori Beamontiæ factionis fortuna, à quibus Pompelo regni caput obtinebatur, Stella erat obfessa. His Ferdinandus fauere magna Aragonii Regis molestia. Sed ne Gallis ea parte aditu patefacto nouam tempestatem in Hispaniam attraherent, erat prouidendum. quibus erat persuasum de Vasconum imperio Ferdinando tradendo inter eum, Eleonoram, & vtriusque patrem Aragonium Regem consilia agitari: excluso Francisco Phæbo, quem ex Gastone Fuxesi ortum diximus, Eleonoræ nepotem. Vt eos motus pacaret, Ferdinandus in Cantabros abiit de Hódarribiæ periculo sollicitus, euocare auxilia parans, comparare classem: cui Latronem Gueuaram nobilissimo loco natum præfecit. Patrem ut Victoriæ accederet inuitauit. Isabella Tordesille substiterat: quod oppidum Durio alluitur, & Lusitanorum excursionibus prohibēdis erat idoneum. Trecentorum equitum præsidium aderat ductore Alfonso Aragonio leuiro. Repetebat ille Calatrauæ Magisterium annis superioribus ablatum, neque magna neque nulla spe: nam Gironios conciliandi, præcipua Regibus cura erat. æger mora impatientiaq; Eleonoram Sotum, quam adamare cœperat in Isabellæ obsequiis versantem, quamuis inclinata iam ætate vir uxorem duxit, professæ castitatis lege à Pontifice Romano solutus. optimo sane publico ambitio importuna de Magisterio sublata est. quod molestum Aragonio patri accidit. adeo ut Ioanni, quem ille furto genuerat, Ripagorsam atque Villaformosam patri detractas daret: quas illi Rex adduxerat vindicato Iacobo Aragonio & occiso Barcinone: qui patris Iacobi Alfonsique aui Gandiæ Ducis iura, & secundum ea duo illa oppida repetebat, ferox conatu audacia exitiali. Ea maiorum meritis & nobilitati gratia fuit scilicet. Arx Segobiensis, vbi Isabella Ferdinandi filia erat, circumfessa in ciuium tumultu, ac ferme capta nunciabatur. Seditiois auctor Cabrera ex re priuata infensus ob ablatam eius arcis præfecturam, Alfonso Maldonadus, adiutoribus Ioanne Aria Episcopo, & Ludouico Mesa ciue primario. Isabella non magis filia, quàm arcis periculo permota, citato itinere ad incendium accurrit. Sic tranquillitas rebus & vrbi restituta est, seditiosis quâ pulsus quâ iudicio vindicatis. mense Augusto id gestum est. Quo mense Aragonius, cum pede altero æger distulisset, Victoriæ accessit. Nullus dies iucundior seni accidit. maximū vitæ fructū cepit, cū filiū aspexit, vnde ipse fuerat ereptis bonis omnib. cū ignominia reiectus, Castellæ Regem effectum. Et ô superi, inquit, ut huius diei latitia propria sit, facite. nulla molestia obscuret, nulla calamitas. & quoniam fortuna ad summum perducta retro volui consuevit, date, ut mutationem eius ipse potius priuatim, si quid est peccatum, si vindicare paratis, sentiam: quàm publico incommodo, aut filiorum calamitate luatur. Hæc lacrymis toto ore manantibus precatus, in filii complexum ruit, primum honoris locum deferens, prohibito dextram deosculari, ad læuam assidens, atque ad hospitium vsque comitatus. Id Castellæ maiestati datum. Aderat Eleonora Vasconum Princeps, magna spectaculi pii, atque susceptæ latitiæ pars. De rebus communibus consultatum: ac Aragonium constituisse scribunt, Aragonium imperium filio de manu tradere. quod in ea ætate verisimile est otii cupiditate tentatum: destitisse tamen ob Castellæ motus nondum compositos. Colora Gallicæ classis præfectus, Cantabriæ & Calæciæ litoribus tentatis, euastatisque in Lusitaniam discessit, ut Regem Lusitanum in Galliam ea classe veheret. Ad Olisiponem is erat, rebus omnibus, quæ ad profectionem opus erant, comparandis intentus. Inde conscensis nauibus in Africam nauigauit primum. Duo Brigantini

gantini filii euntem persecuti sunt, Comes Penamacoris amicorum princeps, Ocrati Prior, Ioannes Pimentelius Beneuentani frater: præterea duo millia, & ducenti milites Tingi Arzillæque præsidium. Septa soluens Illiberim tenuit mense Septembri: qui portus in Galli potestate erat. Inde Perpiniani, & Narbone regio cultu exceptus est. Lusitani aduentu maiori impetu concursum ad arma in Ruscinonensi tractu est. A nostris Laurentii fanum receptum: a Gallis Emporitani fines vsti, direptique. Domesticis dissidiis tumultuabantur prouinciales, eoque aduersus externam vim nullo cōmuni consensu. Quo tempore Aragonius se victoria Tudelam Vasconum oppidum retulerat, in vnam curam tumultus eius gentis pacandi incumbens. Ioanna eius filia in Catalaunis pro patre res gerens, imbecillitatis conscia bellum auerfabatur. ablata tantum iure feciali vtrinque repetita frustra: & inducias tamen tenere placuit antea pactas. Lusitanus pedestri itinere Turonum urbem tristis contendit: vbi Rex Gallus ea tempestate erat. Splendide acceptus atque habitus die constituto secundum salutem hac sententia locutus fertur. Cogor prius oneri, quam vsui esse, quo nihil in vita molestius accidit. Sed bonis tamen nostri regni rebus gratorum sociorum officio functi sæpe, munus tamen officiumque nostrum vestris meritis minus fuisse scimus, fatemurque. Hæc mittantur. Est enim fœda meritorum miseris in ærumna iactatio. Nullæ mihi cum Rege Siculo inimicitia sunt, nisi quæ publicæ: nec gentem Aragoniam sed scelera sed latrocinium persequimur. Ereptus Ioannæ sponsæ ex sorore natæ paternus principatus, opesque, prohi dedecus indignitatemque omnium gentium armis vindicandam, belli sumendi imposuit necessitatem, infelicitatis haec tenus. sic est cælitibus visum, tristes sæpe casus solitis lato exitu mutare. Quod in tua manu Rex inuicte situm est. tu iusto pioque dolori mederi vnus potes, & in nostris malis vestras etiam iniurias vindicare, bellum Ruscinonense & Cantabricum optato exitu terminare, Vascones è faucibus eripere auidissimi tyranni. An eo imperio occupando, rationes defuturas creditis ei, qui dotale imperium armis inuasit, eripuit, oppressit nullo commodiori iure? An facultatem, Castellæ & Aragoniæ præsidiis circumfesso, regionibus modico? Erratis si vllis finibus ambitionem resistere putatis. Scimus auro & lectissima pube Galliam abundare: Neque vniuersæ quamuis Hispaniæ collatas vires, pares vnquam fuisse. Neque nos ita destituti sumus, tametsi supplices vestram opem imploraturi, tantum laboris suscepimus. supersunt integræ Lusitani regni opes, in Castella studia partium partim aperta, plura cum vsus erit, & victoriæ spes maior, eruptura. Vestris tantum auspiciis bellum, quod iam est inchoatum, geratur. Nihil vanitatis in nostra oratione est, & alioqui supplicibus Regibus opem ferre, malis publicis mederi, commodis omnibus, si nulla ostenderentur vt sunt maxima, honestatem, dignitatem, officium præferre, quorum nisi magnorum Principum, quales vos estis, munus est? Ad hæc Gallus pauca: sibi id curæ fore respondet, daturumque operam, ne frustra ad suam opem confugisse videatur. Verbis facta non responderunt. Luteriæ quo discessum est vrgenti Lusitano belli gemini necessitatem aperte excusauit, cum Burgundo Angloque instaurati, ac maiori erumpentis impetu. Præterea lege propinquitatis irritum coniugio pia arma non fore. sic Lusitani conatus delusi sunt: etsi Burgundo is cognatione propinqua, nempe amitino & fœdere iunctus ad eum profectus pacis vniuersæ se interpretem auctoremque offerebat, nihilo feliciori conatu. Nouo Castellæ commodo in Gallia mouebantur arma. Ad Hondarribiam enim in ea rerum Gallicarum difficultate induciæ à Gallis concessæ sunt, breues primo, terraque tantum, deinde agente Cardinali Hispaniæ longiores & sine exceptione.

Taurus de Lusitanis captus.

CAPVT XIII.

Reges pater & filius Victoria disgressi, rursus ad sextum Nonas Octobris Tudelam conuenere, si Vasconum tumultus componerent. Habebat vtraque pars suas clientelas & domesticas & externas: in aulis etiam eorum Principum factionum studia gliscebant. Euocati Lerini Comes & Magister equitum Petrus Peralta factionum capita, se & suos in auctoritate Regum fore professi sunt: quod illi sanxissent habituri ratum, si fallerent, dira caput suum obtestatione execrati. à Beamontiis etiam Pompelo Ferdinandi fidei quasi sequestro cōcredita, ab aduersa factione arces aliæ Aragonio contradictæ sunt. Aderat Alfonsus Carrillius Buendix Comitum frater Pompelo. Episcopus. Molestæ earum molitiones Magdalenæ Fuxensis iunioris vxori acciderunt, coitionem & dolos suspicata, ac de filiis sollicita: ne hereditate paterna excluderentur. Berengarius ad eam legatus constitutæ concordix causas & conditiones explicuit. Debere illam bono animo esse: de Regib. patre & filio secunda omnia expectare. Periculi amplius ex Gallia impende-

re. ne se in fraudem induci pateretur iungendo cum ea gente vires ad Hispaniam inuadendam. Esse quidem Gallum fratrem : cum Aragonio & filiis maiora necessitudinis iura suppetere. Ad hæc illa pro beneuolentia proq; officio gratias agere. De fide dubitasse nunquam : neque à fratre, de viribus sociandis appellatam. ne commissuram quidem, vt necessitudinis cum vtrisque initæ oblita videretur : & si facultas sit, pacis potius quam armorum auctorem fore. In medio conatu Vascones pacandi, noua lætitia accessit. ad tertium Nonas Octobris legatis vltro citroque comitantibus, coniugii leges ipso in oppido firmatæ sunt, Neapolitanum inter & Ioannam Aragoni filiam antea pacti. Sponsalia Certueræ præbita in Catalaunis, vbi sponsa res gerebat : ipsaque Neapolis Regina salutata est. Nouis nuptiis ea regia vacua effecta erat, Beatrice Neapolitani filia ad Matthiæ Hungarum, cui erat desponsa, nauibus amandata, præstanti probitate pudicitiaq; vtre infecundo, geminis quamuis nuptiis initis : his & deinde cum Ladislao Rege, qui in Matthie locum est annis insequentibus subrogatus neque pari virtute, neque felicitate. Non cessabat interea Isabella Regina. Taurus vrbs à Castellæ copiis, ductoribus Alfonso Fonseca Episcopo Abulensi & Friderico Manrico Roderici filio, nocturna vi, furtoque capta est. pastor quidam Bartholomæus nomine aditum in urbem monstrauit, qua parte colle munitæ minor custodia adhibebatur. Re patrata circumfessa arx est. aduolauit ad rei gestæ nuncium Isabella Segobia : vbi priori seditione pacata, ciuibus confirmandis districta erat. Eius aduentu Maria Ioannis Villosæ vxor defensione desperata arcem dedit quarto decimo Kalend. Nouembris. Gener Marialbæ Comes vicina arce relicta, cui Villalfonso nomen erat, cum paucis qui supererant, Lusitanis militibus, magnis itineribus, notisque tramitibus in Lusitaniam abscessit. Magnum erat operæpretium factum. Supererat Castrum Nunnium, vnde Petrus Mendania latissimè prædas agere, & omnia circum infesta reddere, vir ardenti animo, magna militari scientia. Vt Taurus est capta, in eam arcem promotæ copię sunt. tormenta atque alia impugnationi idonea aliquot dierum labore eo deuecta. si de hostibus esset recepta, omnia eo tractu fore pacata sperabant. Verum conatus ille inanis fuit. De Toletano, & Villenio conciliandis agebatur. Villenius æquiores se præbebat : videbaturque supplex à Ferdinando pacem legesq; accepturus modo æquas, & Villena, ac viginti amplius oppidis quæ eo tractu erant, ablata, restitutis. Toletanus duriores se præbebat : tametsi Aragonius non desistebat filium obtestari, vt tantum virum bonis malisve conditionibus pacaret : inconstantiam fortunæ vereretur, ex summo sæpe retro conuerti solitæ, ac verò præcipitare. Prioribus meritis, quæ maxima fuerant, nouas offensas condonaret. eo pacato Lusitani factionem penitus debilitatum iri. Rei perficiendæ nondum maturitas venerat : & iam tamen appropinquabat. Venia certè Villenio promissa, atque ditio vniuersa, arcibus quæ Madriti, & Castris Iuliis obtinebat, Ferdinando restitutis. Idem Toletano datum : qua spe Lupus Acunia eius ex fratre natus Optam dedit, quam Ducis nomine Henrico Regi extorserat in ea temporum perturbatione, labeque. Interea duo magni Principes pari prope fato vno tempore occisi sunt, Galeatius Mediolanensis, Carolus Burgundus. Galeatius ad aram D. Stephani, eius memoria die celebri paucorum coniuratione, priuatos dolores vlciscentium, effusas Principis libidines. Carolus dum Nancium Lotaringiæ urbem iterum obsidet, tempore anni alieno, atroci hyeme, male augurantibus suis, dissuadente Lusitano sub illud tempus ad eum profecto, Nicolao Campobasso deferente, cum Italarum parte, prodenteque hosti arcana, Nonis Ianuarii à Renato Lotaringio Heluetiisque, quorum ab eo tempore nomen celebre esse cœpit, acie victus cecidit, vnica filia Maria relicta : quæ Maximiliano Austriæ Duci iuncta, quantam belli molem atrocis ac diuturni attrahet in Hispaniam, captas continuo à Ludouico Gallo Burgundias, Quintinum, Peronam, aliaq; ad Somonam amnem oppida, ad ius pristinum reuocare dum Burgundi dum nostri tentant maiori conatu, quam prouentu. Maria tres filios peperit Philippum, Margaritam, Franciscum. quarto anno ex quo nupta fuerat, cum esset grauida, ex equi casu concusso vtero periit. Ex Galeatio Ioannes Galeatius relictus est (Isabella ei Aragonia Neapolitani ex Alfonso filio neptis iuncta erat) impar ætate ad remp. gerendam : præterea Blanca Maria Maximiliani iam Cæsaris vxor altera futura infecundo coniugio, tum Anna tertia Galeatii proles.

Arces alia receptæ.

CAPVT XIV.

NOuam importuno tempore contentionem de D. Iacobi Magisterio concitatam Isabella prudentia cōposuit. Rodericus Manricus Paredius Comes D. Iacobi Magister mense

mense Nouembri decessit Vrcefiæ, præclaris maiorib. egregius ipse, Oſca in Baſtitanis
 de Mauris capta annis ſuperioribus magnam adeptus famam. corpus ad aram templi ma-
 ximam eo in oppido ſepulcro illatum: ſupremusque honos defuncto eſt habitus. Opti-
 mi parentis obitum Georgius Manricus nænia elegati deplorauit: in qua multæ poeticæ
 virtutes inſunt, clara ingenii & ſententiarum lumina. æmuli mortem Alſonſus Cardenas
 ſuam occaſionem facturus, Vrceſiam petere conſtituit, armato milite formidabilis vim
 adhibere paratus, ſi morarentur ſpem honoris adipiſcendi Tredecim viri, quorum eæ
 partes erant, ad comitia conuentu facto. Multis aliis proceribus bonis malis artibus eum
 honorem ambientibus, ne res ad arma deducerentur, periculum erat. Eo metu an ditio-
 nis ampliffimæ auiditate, inter Ferdinandum & Iſabellam conſilia Tauri agitantur. armis
 vim coercere longū erat. ad artes conuerſis animis, Ferdinādus Tauri ſubſtitit: Iſabella
 Ocaniam Vrceſiamque contendit feſtinatione tanta, vt tridui itinere Valliſoleto Vrceſ-
 ſiam perueniſſe Pulgatiuſ ſit auctor. Suadet militibus, vti concordie ſtudio ſe Ocaniam
 ſequantur. nobilis municipii amplitudine tutiores ad decernendum fore multis exem-
 plis in eo Magiſtri palatio comitia celebrata fuiſſe conſirmat. hortatur in eo oppido ſer-
 monum miniſtris Fonſeca Abulenſi Epiſcopo, & Fernando Aluaro Toletō à ſecretis Re-
 ginæ, vti ad vitandos tumultus eum ordinē conſenſu Romani Pontificis Ferdinando Re-
 gi adminiſtrandum ad tempus permitterent. Ad ſanandas militū voluntates reuocādam-
 que concordiam, haud minori auctoritate opus eſſe. Re deliberata milites Reginæ po-
 ſtulatſ annuunt, parata multorum aſſentatione: plerique non tam certa obſequendi vo-
 luntate, quam excludendi deiiciendique aduerſarios: quæ magna ſed frequens comitio-
 rum labes eſt. Id initium fuit, militum eorum potentia imminuendæ, exemplum, quod
 ad Calatrauæ & Alcantaræ ordines breui eſt propagatum: etſi Alſonſo Cardenæ, paulo
 poſt datum eſt, vt ordinis Magiſter eſſet, magna multorum procerum offeſſione, vnum
 ſibi prælatum dolentium, nullis meritis, neque comparanda familie nobilitate. ſic illi
 conquerebantur. Ferdinandus rebus in vltiori Caſtella compoſitis, factiſque induciis
 cum Gallis & Luſitanorum reliquiis Ocaniam abiit initio anni Mileſimi quadringen- 1477
 teſimi ſeptuageſimi ſeptimi. Vreniæ Comiti Ioanni Tellio Gironio ad officium ſyncera
 voluntate redeunti, venia eſt data. Toletō, atque Madrito luſtrati, nunciatum eſt, Luſi-
 tanorum varias manus Pacis Auguſtæ & Mirobrigæ fines vrere importunas inſenſasque.
 Gometio Figueroæ Feriæ Comite præmiſſo ad vim arcendam, partita reipub. cura, Iſa-
 bella quidem ad Luſitaniæ fines abire conſtituit, rebus præſidium: Ferdinandus aliquot
 diebus Madriti conſumptis, Toletani ſanandi ſpe, nam pacatus ferox animus non erat
 quamuis paulo ante venia impetrata, eo regium colloquium, ad quod inuitabatur, vitan-
 te, ad nonum Kal. Aprilis die Lunę in Vltiorem Caſtellam diſceſſit cura Vaſcones pa-
 candi: vbi nouo partium conatu multa mouebantur: recenſque Stella ab imperio defece-
 rat ab Agramontiis occupata: idque oppidum Eleonora Princeps ſuis & Caſtellæ viri-
 bus parabat impugnare. Quibus diebus nouus metus eſt allatus. Albohacenus Granatę
 Rex improuiſo violatiſ induciis, quę aliquot annis ſteterant, cum quatuor millibus equi-
 tum peditibus ad triginta millia in Conteſtanos incurrit. ſecuros incauſosque opprimti.
 octauo Idus Aprilis, ipſo Chriſti ad vitam reducis memoria ſacro die Cieſam iis locis i-
 gnobilem pagum incendit, euertit incolis trucidatiſ. Magnæ inde prædę abactę pecorum
 armentorumque. Petro Fagiardo Murciæ Antelato quamuis ad defendendum excitato
 ſeſe incolumes barbari in fines retulerunt, maiori incuſſa formidine, quam damno illato.
 Sed noua moueri arma, & neceſſitatem impoſitam iniurias vindicandi graue erat, inſeſti-
 nis motibus nondum pacatiſ. Eo ſtudio geminæ arceſ, quæ in Luſitanorū fide erant, Can-
 talapetra, atque Caſtrum Nunnium nouo conatu circumſeſſæ impugnataque, deditio-
 ne facta in poteſtatem venerunt. Cantalapetra citius ad quintum kalend. Iunii: Caſtrum
 Nunnium Mendaniæ virtute deſenſa diutius reſtitit. ſed dedita tamen, atq; provinciālium
 concuſſu euerſa eſt: ne latronibus receptui eſſet, quippe loci arduiſ ſita. præſidiariis vtri-
 uſque arcis militibus facultas eſt conceſſa incolumibus, & cum ſupelleſtile in Luſita-
 niam migrandi. Mendanię ſeptem florenorum millia adiecta, Duci, ſi nihil aliud feciſſet,
 arcē ea tandiu deſenſa nobili clarioque. A Regina Caſtris Iuliis ſubigendis non minor o-
 pera data eſt, arcem Villenii nomine Petrus Biatia præſectus muniebat. de deditio-
 ne appellatus, negare primo facturum, niſi Villena & contributiſ oppidiſ Villenio reſtitutiſ.
 (ſic antea conueniſſe dictum eſt) vir eximię conſtantiſ fortique: Non recuſabat Regina
 oppida ea tradere, quibus ille nomināſſet. penes eos quaſi ſequeſtros ſemelti ſpatio poſt-
 quam fuiſſent, Villenio reddendam. Ille fraudem & dolum ſubefſe ratus cunctari, recuſa
 reque. vix a Villenio ipſo, in arcem ingreſſo, victa conſtantiā viri, non tam de ſuis

rebus, quam de heri dignitate & commodo laborantis. Ita dedita is arce, amicitiam Villenio clientelamque renunciauit, ignauiam eius pertectus: qui neque sua dignitate moueretur, neque de suorum salute laboraret: nam præ festinatione neque ipsius præfecti, neque militum incolumitatem fuerat pactus. Ferdinandum res Bætica, quò Isabella euocabat, & ipse in animo habebat, adire Vascones non permiserunt: neque Ioannam sororem priusquam in Italiam nauigaret amplecti. Mense illa Augusto classi imposita, qua Alfonso priuignus, Petrus Gueuara Vasti Marchio, alii viri principes ad litus Barcinonense erant appulsi, omnibus officiis in Liguria culta, ad virum tandem peruenit. Nuptiarum lætitia Neapoli ludis, spectaculis, conuiujs, cultuque & splendore ciuium celebrata est.

Batica pacatur.

C A P V T X V.

10

Reliquis Castellæ partibus vix quiescentibus, motus in Bætica extabant. proceres pro se quisque vrbes arcesq; præsiidijs occupare: vt cuiusque vires erant prædæ temp. ludibrio maiestatem habere. Ab Assidonix Duce Hispalis obtinebatur: à Marchione Gaditano Cæsarianum: ab Alfonso Aquilario Corduba. species obtendebatur, se muniendi aduersus finitimos regulos, vim externam propulsandi Lusitania vicina. spolijs prouinciæ, augere opes erat in animo: quod malis reip. temporibus ferme accidit: imminutis publicis opibus priuatæ crescunt. Et erant intra eas vrbes factiones populares. Hispali ciuitate inter Assidonium & Gaditanum diuisa studiis, Cordubæ Aquilarium inter & Cabre Comitem dissidia vigeant, vt si vlllo tempore grauissima. Isabella prior Hispalim multis 20 quauis dissuadentibus, neq; enim iis venerat copiis, vt vi agere posset, delata tamē in eam urbē, arcem naualeq; occupauit: detraxitq; Assidonix Duci, maiori, quam pro sexu, & viribus animo, Ferdinandus rebus in Vasconibus ferme desperatis, in Vteriori Castella compositis, Ribadei Comite Petro Villandrando Calæcis præfecto, Alfonso Aragonio fratri, & Magistro equitum reliquæ prouinciæ cura data, ipse in Bætica festinare constituit, rebus præsidium certissimum. Guadalupeum Virginis fanum ex itinere iniit venerabundus, supplicationesque habuit. Albano & Beneuentano sequi iussis, quoniam dubia fide inter se & cum alijs proceribus conspirare nunciatum erat, Hispalim idibus Septemb. peruenit. Gaditanus aduerso rumore erat, quasi Lusitanis fauens in Regum oculis Alcalam Guadairam præsidio obtineret. Actum de eo conciliando. remotis arbitris noctu ad colloquium venit. de reddendis arcibus appellatus, facturum se negauit, nisi Nebrissa, Vtrera, aliisque arcibus ab Assidonio, Regi restitutis. se nudato præsiidijs, quid aliud 30 quæri, quàm vt inimici potentia opesque crescerent? æqua postulare visum. ab utroque arces Regi redditæ sunt. alii proceres horum exemplo haud difficulter imperata fecerunt: præsertim cum Granatæ Rege, in quo præsidii magnam partem ponebant, iisdem diebus pactis inducijs, opera Diegli Cordubæ Cabræ Comitris præstanti fide viri: cui cum Rege barbaro vsus erat, multa familiaritatis iura. sic in Bætica res erant sanitati proximæ. In Vasconibus desperatæ ob studia factionum nunquam satis composita. Eleonora Principe quàmuis identidem obestante, sedecim mensium tempus componendis controuersijs designatum Tudela in conuentu Principum fermè exiisse, quoniam in patre, fratre- 40 que parum præsidii esset, externam opem conquisituros. ad auctores redituram culpam impositæ necessitatis. nisi occuparent gentis conatus, exitium instare. Dant animum ad loquendum liberè vltimæ miserix. æquissima postulata surdis auribus accipiebantur, longinquis Regibus, multisq; reipub. difficultatibus, alijs super alias. Aragonio præter Ruscinonense bellum, Siciliæ atque Sardinix res curæ erant. Raymundus Folchius Cardonæ Comes Siciliæ moderator Neapolim Ioannam Reginam secutus, res in Sicilia gerebat: cum in ea insula defuncto in minore ætate Ioanne Cabrera, paternum auitumq; Modicæ Comitatum, ad Annam sororem hæreditate detolutum, multi vno eum tempore ambiebant, alii exclusa puella, alii eam in coniugium expetentes. Aragonius, quoniam publicè referebat quæ illa maritū ascisceret, ampla ditione opibusq; Alfonso Aragonio Ferdinadi 50 Regis filio notho eas nuptias destinabat. Verū Fridericus maris Præfecti filius iis nuptiis postmodum potitus nobilem principatum in suam familiam inuexit. Leonardus Alauona Oristani Marchio nunquam satis fidus, in Sardinia tumultuari cœpit, à Carrocio Prorege contra icti antea fœderis conditiones violatus. Inuictum Aragonii animum ætas imbecilla; tantæ curæ non obruunt: quasi in specula præsidens in omnes prospicit partes: Alauona more maiorum accusatus, vt spoliatione principatus puniretur sancitum est. sententia Idibus Octobris Barcinone pronunciata. exercitui supplementum nauium missum, neque numerosum neque validum. sic bellum extractum in multos dies. Ferdinandi rebus in Bætica pacatis, spei mixtus metus sollicitabat. Lusitanum in patriam

tristitiam relatum nauibus, quamuis uenia nuptiarum à Sixto Pontifice concessa tandem nulla externa auxilia impetrasse. Id solamen erat. à Toletano tamen euocatum fama ferebat: quæ uereri cogebat, ne occultæ insidiæ subessent. Sed is vitio ætatis vacillante sensu parum prouidebat animo: ira consilio inimica, atque ambitio impotens malum agebant præcipitem, oculisque officiebant. & erat fama cognitum Lusitanum ante reb. desperatis Luteria noctu profectum, ut Romam & Hierosolymam obiret, mutataque veste monachum indueret, tædio magis quam certa voluntate. eum aliquanto spatio progressum, è tribus comitibus vni clauē data iussisse, uti scrinium quod Luteriæ reliquerat aperiret. In eo geminæ literæ inuentæ. alteræ ad Gallum quibus consilii sui rationem aperirebat: filium monebat alteris, uti quamprimum regium nomen capefferet, sui nulla curam quem superi, hominesque destituisent: delictis tamen ueniam sperare propitiaque numina deinceps fore, ea calamitate & ignominia placata. Eam summam votorum esse. Lætis literis, filius cum singultu & lacrymis regium insigne desumpserat tertio idus Nouembris. A fuga pater consilioque, Galli diligentia est retractus. deinde ad Cascales oppidum appulsum, quinto die post inaugurationem filius ingenti lætitiæ significatione mœstum, atque insolita macie deformem obuius excepit: in regnumque restituit. Ad hunc modum Lusitanus feroces primos impetus habuit: extrema ludibrio fuere. Proximum annum Mille. quad. septuag. octauum faustum effecit Philippus in Belgis ex Maria Caroli Audacis filia & Maximiliano Austriæ Duce ortus decimo kal. Feb. imperii amplitudine & posteritate felix futurus: breui quamuis vita in flore ætatis est raptus. Florentiæ, quæ libera ciuitas erat, in templo Liberatæ coniuratione ciuium in Mediceos fratres, quasi libertati ciuium insidiantes impetu facto, Iulianus occiditur, Laurentius ærarii sacri munitione euadit. Eo facinore commoti ad arma populares. Saluiatus Pisanus Archiepiscopus coniurationis conscius & particeps, quasi re patrata ad palatium, ubi Senatores iura dabant, aduolans inde populum ad arma concitaturus, facie turbata capitur: ac mox re cognita laqueo è fenestris suspenditur. crudele impiumque spectaculum. Cardinalem Sancti Georgii, qui Florentiæ aderat, & coniuratis fauisse fama vulgabat, Pontificis auunculi metus, & personæ sanctitas, ne eodem impetu violaretur, tutata est. Noui id belli initium fuit, quo Florentinæ opes aliquandiu vexatæ sunt, Pontificis & Neapolitanis armis. ciuib. Florentinis ob casum Archiepiscopum in impiorum numero habitis, agente Franco Rege, atque nouos terrores ex Gallia ostentante, conuentu Aureliæ instituto de Pragmatica sanctione restituenda, ius tandem sacrorum Pontifex, pacemque dedit, illibata usque dum eius urbis libertate.

Ioannes Ferdinando nascitur. CAPVT XVI.

Bellum in Sardinia erat atrox cruentum, anceps. Insulæ copiis in duas partes æquas diuisis, factiosi maiori quam regii ardore pugnabant, quippe pro salute libertateque. spes uictoriæ in externis constituta Genuenses ne Leonardo ferrent opem ob antiquas necessitudines utriusque gentis, induciis Neapoli factis retenti sunt. contra ex Aragonia & Sicilia noua auxilia missa sunt. Comes ipse Cardonæ Siciliæ Prorex cum classe ad periculum nauigauit. Leuia prælia multis locis facta. ad extremum ad Machomeram arcem collata castra: atque iusta pugna est dimicatum. cæso Artaldo filio, fusis fugatisque copiis, Leonardus Lembum ad litus nactus mari profugiens, cum in duas triremes Aragonias incidisset, à Villamarino classis Præfecto in Hispaniam deductus, Setabi in custodiam est datus. bona fisco addicta: oppidaque omnia tum in Sardinia magna multaue, tum in continenti ablata. Oristanumque & Gortianum lege perpetua addicta Regibus, atque ad alios principatuum titulos adiuncta in tabulis publicis ab eo initio sunt. Pugnatum est ad quartumdecimum kal. Iunias uictoria non modo in præsens læta, sed in futurum securitati fuit, ea insula penitus sub imperio Aragonio quiescente: de cuius possessione toties erat cum externis & cum domesticis, & tanta animorum contentione dimicatum. Ferdinandum nondum Baticæ rebus compositis, vxore grauida, duæ res in Carpetanos retiocarant necessario. Toletanus sanandus erat, ne Lusitanum denuo attraheret in prouinciā: quod facturum nunciabatur: Societates quas inter urbes & oppida institutas diximus annis superioribus, ad latrocinia cædesque prohibendas, nouo conatu sancienda erant: quoniam fessi prouinciales magnitudine uectigaliū, languebant: quæ alēdis de cōmuni militib. indicebātur per capita, ne ingenuis quidē immunib. magno reip. cōmodo, quādo nō modo scelerū licentiā cōprimerēt, sed in magno vsu essēt, belli q. gerebatur ea causa Madriti cōuētus generales sūt habitī. In iis cōuētib. Societates in tres alios annos cōsensu

prorogate sunt. De Toletano non idem successus fuit: suspicionibus quavis detergendis data est opera, quia homini erat persuasum infidias vite sue factas. Soluta conventu vicinus Isabella partus Ferdinandum Hispalim reuocavit. Qua in vrbe oratores a Granata Rege missi eius verbis inducias, quae inter vtranque gentem erant, concedi denuo postularunt. Negavit Ferdinandus nisi vectigali representato, quod ab antiquo pendere essent soliti. legatis de ea re Granatam responsum a Barbaro Reges, qui vectigal pendissent, iam pridem esse extinctos: ea tempestate in aedibus monetariis Granatae, neque aurum, neque argentum cudi: sed lanceas, sagittas, acinaces confari. Offensus insolenti responso Ferdinandus, parendum necessitudini iudicans inducias tamen concessit. Reginae maturo partu quarto kalend. Iulias Ioannes est natus, hora vna ante meridiem, in spem paterni auitique imperii: nisi eum Hispaniae fata in flore aetatis inuidissent. Aragonius non rerum modo pondere, sed viuentem fessum Aragoniis moribus imbuendum nepotem ad se mitti postulabat: ac illud verabatur maxime a multo usu cautus, ne fidei alicuius concreditus, quod superioribus annis factum in simili exemplo meminerat, occasio esset male sentientibus, res in Castella eius praesidio nouandi. Neque maior Aragonio contentio erat, de Caesaraugustana Ecclesia, vacuam enim Ioannis Aragonii obitu, Aragonius Alfonso nepoti destinabat: quem Ferdinandus Ceruerae in Catalaunis susceperat furto. vitium natalium facile supplebat Pontifex Sixtus. aetatis veniam ut daret induci non poterat puero sexenni. Inter has contentiones vacuus diu pontificatus Ausi de Zupichio Cardinali datus est, spe Aragonium Montefrae Magistri, cui erat Cardinalis sanguine proximus, id meritis daturum. Non tulit ille tamen dolorem, adiunctis minis, atque in Cardinalis bona & cognatos grassatus, peruicit tandem annitente praesertim Neapolitano Rege, cui multum Sixtus Pontifex tribuere erat solitus, ut ea Ecclesia Alfonso puero iure perpetuae administrationis daretur. novum damnatumque exemplum inductum, vincere pontificiam constantiam Regum importunitate, in ecclesiae iura inuadentium atque libertatem: quod semper accusabitur, & semper erit. Et erat ea tempestate moribus usurpatum, ne Episcopi ecclesiis Hispaniae darentur, nisi quos Reges postularent, nominarentque. Qua occasione paulo post noua contentio de Turiafonsensi ecclesia orta est: cui Andrea Ferricio Cardinali defuncto, Pontifex Andreae Martinum Episcopum dedit. restitit Rex Ferdinandus. ut Hispaniae Cardinalis mutata sententia daretur, contendit atque peruicit. Controversia finem accepit cum Raphaele Galeotto quarto post anno Conchenensi ecclesiae tum vacuae a Sixto Pontifice propinquo praefecto, effecit Rex eo amoto Alfonso Burgensem regiae conscientiae procuratorem e Dominicano ordine Cordubensem Episcopum, rectorem Conchenis dari Castellae in perpetuum, ut quos ipsi expediissent, ii Episcopi praeficerentur, addita praerogatiua. Dederat etiam ante quatuor annos idem Pontifex Henrico Regi, ne externi homines amplius in Castella sacerdotia expectarent: de quo lis tandiu fuerat cum Romanis. Alfonso in extrema aetate Palentinus Episcopus, suo ordini D. Pauli monasterium Vallisoleti construxit.

Inquisitores Castella dati.

CAPVT XVII.

Meliori Hispaniae fato, quod eatenus factum non erat, quaestionibus habendis aduersus religionis desertores, atque haereticos, aliisque in veram pietatem criminibus vindicandis, certi iudices designati in Castella sunt, discreti ab Episcopis, (quorum eae partes ab antiquo erant) Romani Pontificis auctoritate, & fauore Principum armati, Inquisitorum ab officio nomine. Morem in aliis prouinciis frequentem Italia, Gallia, Germania, ipsaque Aragonia, hoc demum tempore Castella est imitata. neque in studio impios conatus vindicandi, se ab vlla gente vinci passa est. auctor consilii Hispaniae Cardinalis. Licentia superiorum temporum, multa in ea prouincia erant deprauata Mauris Iudaeisque cum piis promiscue versantibus, nullo non commercii genere. Praua consuetudine usque non paucos e piorum numero infici necesse fuit: plures sacra Christiana, quae susceperant patria superstitione abdicata, fide inconstanti, nullo vetante deserebant. labe Hispali maxime est grassata. in ea vrbe primum quaestionibus arcano habitis, de fontibus grauiissimis poenis vindicatum est. Nam maiori commisso delicto, igne post diuturnum carcerem & tormento necabantur. leuiori de causa, ignominia inurebatur familiae perpetua. non pauci bonis publicatis aeternis tenebris vinculisque mandati. Rubra crux obliquis radiis ac decussatim in crocea veste, quam S. Benedicti vocant, plerisque data insignis, a ceterisque discreta: ut essent documento & magnitudine supplicii terrerent alios. Quod usu salutare extitit, graue initio prouincialibus visum est. Illa maxime: Parentum scelera filiorum poenis

pœnis lui. Occulto accusatore reos fieri: neque cum indice compositos damnari. Contra
 quam olim factum erat, peccata in religionem vindicari morte. Illud grauissimum, adimi
 per inquisitiones loquendi liberè, audiendique commercium: dispersis per vrbes & op-
 pida & agros obseruatoribus, quod extremum in seruitute credabant. Ita discrepantibus
 iudiciis, nonnulli mortis pœnam remouebant. cæterum suppliciorum acerbitates omnes
 complectebantur. In hoc numero Fernandus Pulgarius arguto atque eleganti ingenio:
 cuius extat de Ferdinandi Regis rebus gestis historia: alii quorum melior sententia fuit,
 qui foedare religionem, & sanctissimas cæremonias mutare conati essent, eos frui vita &
 communi spiritu non putabant oportere: bonis & ignominia multandos videri, nulla fili
 10 orum cura. Præclare id legibus comparatum, vt caritas liberorum cautiore parentes red-
 dat. Occulto iudicio tergiuersationes vitari: neque nisi de coniunctis aperte, aut confessis
 pœnas sumi. In multis sæpe antiquos ecclesiæ mores, prout res & tempora exigunt mu-
 tari: & maiorem licentiam maiori seueritate coercendam videri. Successus opinionem
 superauit. Ii iudices ne amplissima potestate ad quæstum sæuitiamque abuterentur, opti-
 mis legibus cautum initio. plures dies & maior rerum vsus adiunxit. Quod caput est, viri
 integerrimi atque sanctissimi ei muneri præficiuntur, ex vniuersa prouincia delecti: quo-
 rum arbitrio singulorum fortunæ fama, salusque permittitur, disceptatque. Toti admini-
 strationi Thomas Turrecremata, tum quidem est præfectus, ex Dominicano ordine vir
 20 prudens doctusque, præcipua apud Reges gratia, quorum peccata per pœnitentiam ex-
 piare consueuerat, Segobiensi sui ordinis cœnobio præfectus. Auctoritas initio Ca-
 stellæ finibus terminata, quarto post anno in Aragoniam transit, Gualbe & Ortesio
 ex eo ordine veteri instituto Inquisitoribus amotis. Ab eo competentibus locis, prout res
 erant, iudices delegati nullo statario tribunali. consequentibus annis supremus Inquisi-
 tor, quinque viris adiunctis, iudicia religionis maiora exercet in curia regia: vbi suprema
 alia tribunaia sunt, minora bini, terniue Inquisitores. Certa loca iis designantur. Nostra
 ætate Toletum, Concha, Vallisoletum, Calagurris, Hispalis, Corduba, Granata, Ellereña
 in Aragoniis Valentia, Cæsaraugusta, Barcino. A Turrecremata edictis proposita spe ve-
 niæ homines promiscuæ ætatis, sexus, conditionis ad decem & septem millia vltro crimi-
 30 na confessos memorant: duo millia crematos igne, maiori numero in vicinas prouincias
 fuga dilapsos. Ab hoc initio res in hanc auctoritatem creuit atque potestatem: qua nulla
 prauis hominibus toto orbe Christiano formidabilior est, reip. vniuersæ maiori commo-
 do. præsens remedium aduersus impendētia mala, quib. aliæ prouinciæ exagitantur, cælo
 datum. nam humano consilio aduersus tanta pericula satis caueri non potuit.

Aragonii obitus. CAPVT XVIII.

Discessere Hispali Ferdinandus Isabellaque Assidonix Duce, & Gaditano Marchio-
 ne eius vrbis aditu prohibitis. sic amotis factionum capitibus pax rebus reddita est:
 Lupus Vascus homo Lusitanus Moram cui erat præfectus ad fines Castellæ, Ferdinandi
 40 nomine occuparat. de ferendo auxilio actum. Ardebat Ferdinandus studio in Lusitani-
 am irrumpendi: id ad sancientiam imperii auctoritatem pertinere iudicans, si tantum
 audaciæ esse videretur, viriumque, vt hostes in suis finib. bello implicaret, non modo illatū
 defenderet. Id neque Aragonius pater, neque prudentiores probarunt. quid enim haud ma-
 gna spe in periculum suam salutem vocaret? quid de belli & rerū summa periclitaretur
 imperio fundato? Ergo ea cura D. Iacobi Magistro data est, adiunctis mille quingentis e-
 quitibus peditum millibus quindecim mense Augusto. quàm operæpretium apparatus
 maior: & Mora à Ioanne Principe Lusitano recepta, ii conatus præoccupati sunt. Castra
 Iulia in fide firmanda erant. Eo Ferdinandus & Regina vxor accesserunt Corduba obita.
 Quo tempore in Gallia ad Laudum in Cadurcis tertio Idus Septembris coniugium est
 50 institutum per oratores Fridericum inter alterum Neapolitani Regis filium, & Annam
 Amadei Sabaudi Ducis filiam. Nuptæ quoniam sorore Galli Regis erat nata, ab auunculo
 dicta, amplius in Gallia principatus. dum is redderetur, & donec auri pondus, de quo
 lis erat, ab Aragonio esset representatū, pignoris loco Ruscinonenses & Ceretani. Perculit
 ea res Reges patrē & filiū: ac in Neapolitanū maxime iram accendit: q̄ ea propinquitate
 Gallicam amicitiam Hispanæ præferre videretur, atque principatum accipere quamuis
 oblatum, de quo ipsi cōtrouersia esset bellūque. Induciarū quæ cum Gallo erāt tēpus exi-
 bat: & periculū erat, ne rediretur ad arma importuno vtriusq; gētis tēpore. nā Gallus Bel-
 gis magna ex parte occupandis districtus, alia contemnere videbatur. In Castella non-
 dum res erant plane quietæ, Lusitano nouum bellum comparante, Metellini Co-

mite virili animo fœmina, & Alcantaræ militiæ Clauigero alienatis. Camboa Hondarri-
biæ præfectus, & Almafani Archidiaconus Ferdinandi iussu cum Galli legatis, qui Baio-
næ se tenebant, de fœdere agunt. Eorum diligentiam induciæ pace mutatæ sexto Idus
Octobris, non aliis legibus, quam quæ ante belli tempus inter vtranque regiam ab anti-
quo fuerant, Aragonius etiam ea pace comprehensus. quo quid aliud quam ludibrium
continebatur, non restituto, de quo lis erat, principatu? Cautum modo ut binis ab vtraq;
parte iudicibus tum ea controuersia, tum aliæ componerentur. Publicam ex ea re Castel-
læ lætitiæ due res auxere: Henricus Ferdinandi propatruus libertati à Lusitano reddi-
tus Castra Iulia venit. Toletanus malo coactus (nam omnes redditus intercepti erant, &
pleraque oppida ablata) tandem in Ferdinandi fide & potestate fore recepit, traditis to- 10
ta ditione arcibus, ut regio præsidio tenerentur. Lusitanum Regem denuo in Castellam
euocasse crimen erat. nouam hero veniam dari Tellius Archidiaconus Toletanus impe-
trauit, vir ea tempestate doctus & sanctus. Præterea venia propinquitatis quæ facta erat
Lusitano, Romæ à Sixto Pontifice abrogata: Ioannæque coniugio est illi interdictum. In
quo maior ratio est habita Neapolitano Regi gratificandi, id conuitio expetenti, quam ut
quibusdam videbatur, maiestatis atque constantiæ. Missæ de ea re literę pontificiæ mense
Decembri in Hispaniam. De rebus omnibus, ac de Gallica pace collocuturi Reges pater
& filius Molinam atque Darocam venire parabant: cum Aragonium Barcinone mor-
bus oppressit extinxitque ad quartumdecimum kal. Februarii die Martis principio anni 1479
Milesi. quadringentesi. septuage. noni. Corpus ad Populeti sepultum. inferias ut darent 20
funusque curarent, regius cultus oppigneratus est: tanta erat pecuniæ inopia. Vixit an-
nos vnum & octoginta, menses septem, dies viginti, vegeto semper corpore, & belli ac ve-
nationis laborib. par, animo viuido, magnitudine & varietate rerum gestarum, ac diutur-
nitate imperii magnis Regibus exæquandus. Extremam ætatem sugillauit amoribus pu-
ellæ, cui Franciscæ Rosæ nomen fuit, forma conspicua, libidinis auidus magis quam po-
tens. Eam Iacobo Aragonio, quem Barcinone occisum diximus, vxorem destinabat. Te-
stamentum decimo ante nono nuncuparat. In eo tum multa pie & prudenter, tum duo
templa sanctitatis opinione celeberrima, in domicilium Hieronymiani ordinis confor-
mari mandauit: D. Engratiæ Cæsaraugustæ vnum vrbis muro coniunctum, in Catalaunis 30
alterum, cui D. Mariæ Belpuchiæ est appellatio. Vtrumque filius præstitit. Ad Aragonii
regni hæreditatem nepotes Ferdinandi filii ex filia, etiam, si mascula proles deesset, filia-
bus eiusdem præferendos sanxit. Sic sæpe ad Regū arbitrium iura regnandi cōmutantur,

Eleonora Vasconum Regina. CAPVT XVIII.

Aragonii obitu, ut erat necesse, & ut testamento eius cautū erat, diuiso imperio, Fer-
dinando Aragonii accesserunt, Eleonora Princeps materno iure Vasconū regnum
obtinue, annum iam septimum viduata viro, eoque continuis & maximis ærumnis ob-
noxia. impiam ob cædem Nicolai Pompelonensis Episcopi nondum religione exoluta,
gens in factiones scissa erat, meliori fortuna potentiaque partis Beamontiæ, Eleonoræ ad- 40
uerse. Principum familiam atque animos, Caroli Vianæ Principis & Blancę sororis iniu-
ria peremptorum manes tot annos peruagati ad expetēdas pœnas non quiescebāt, quam-
uis nullo fonte relicto. Sic Eleonoræ regnum breuissimum fuit, ne menstruum quidem.
alioqui prole fœcunda fuit posteritate felicior quam vita. quatuor filios genuit, Gasto-
nem natu maximum, Ioannem, Petrum, Iacobum, filias quinque Mariam, Ioannam, Mar-
garitam, Catharinam, Eleonoram. De singulis pauca dicenda sunt: quoniam magnorum
Principum ex iis stemmata texuntur. Gasto obiit, uti ante dictū est, Francisco Phēbo &
Catharina relictis. Ioanni Narbonis auro paterno redemptę vrbis principatus fuit: filii
Gasto & Germana. ille cede ad Rhauennam, hæc Ferdinandi Catholici nuptiis nobiles.
Petrus literarum & pietatis studiis exculto ingenio, à Sixto Pontifice purpurę est honore 50
donatus. Iacobus magno animo bellica munera exercuit coniugio liber: solutę veneris
licentia nōnullos filios suscepit, neque magni in Gallia, neq; nullius nominis. Maria Guil-
lermo Montisferrati Marchioni, Ioanna Armeniaco Comiti Ioanni nupserunt. Francisco
Britanno Duci, Margarita filiam enixa est Annam appellatione: quę dotis nomine pater-
num principatum in Francorum regiam intulit Caroli octauī, & Ludouici duodecimi v-
xor. Catharina Gastoni Fuxensi Candallę Comiti iuncta, duos filios genuit, filiam vnam,
cui Annæ nomen, Hungariæ regnum fuit Ladislai Regis coniugio. Eleonora natu mini-
ma in minori ætate decessit, iam viro matura. Eleonora tantorum Principum mater, fra-
cto laboribus corpore, animo molestia victo, pridie Idus Februarii decessit. Tudela ini-
tium

tium regni, & vitæ finis fuit. Tafallæ Minorum ædem de suo extrui, testamento, eoque corpus suum & matris Blancæ ossa Nieua, quod est oppidum non procul Segobia, afferri ac tepeliri mandauit. Imminutis, propter intestina dissidia, regni vectigalibus tanta inopia laborauit, vt nullo fortunæ subsidio aurum in ornatum ad alendam familiam venderet. Successit nepos Franciscus, cui à formæ venustate Phæbo cognomen fuit, vndecim annos natus. Imperium Magdalenæ matris & Petri Cardinalis patrui auspiciis, dùm ad iustam ætatem perueniret, vt in ea temporum labe prudenter est gubernatum. In Castellæ Rege parum præsidii fuerat: eoque ne nominato quidem in Eleonoræ testamento, eius iussu ad Gallum, vt natuta etiam cogebat, aperte inclinare cœperunt. quod malo fuit, & 10 vetusti regni ac nobilissimi opes breui euerit. Hęc in Vasconibus gerebantur. Quo tempore in Castella vetustate fixæ de religione opiniones mouebantur: auctor Petrus Vxamenfis, qui Salmanticæ Theologicas scholas explicabat audaci ingenio prauoq; ; librum vulgarat multis mendaciis fœdum: quorum vt hic numerus ineatur, non est necesse. In Romanæ Ecclesiæ maiestatem, & Pœnitentiæ sacramentum contumeliosus maxime, Romana responsa errori obnoxia affirmabat. Sacerdotes vim habere ad condonanda peccata, negabat: neq; à Christo Deo præceptum, sed ab hominibus inuectum Pœnitentiæ remedium, non incommodum tamen ad hominum prauitatem coercendam sanadamque. Toletanus Compluti, vbi multus erat, iussu Sixti Romani Pontificis viris doctissimis in conuentum euocatis, re diu multumque deliberata, impia placita reprobauit: auctorem nisi mutaret, anathematis ignominia notauit, sententia pronunciata ad nonum Kalend. Iunii. quam paulopost nouo diplomate Sixtus Pontifex ratam habuit. Ioannes Prexanus nobilis ea ætate Theologus, de scripto Petrum exagitandum suscepit iusto volumine, stilo rudi nempe eius ætatis, sed arguto, atque scholastico. De Villenæ principatu bellum erat. Chinchillam obsidentibus regiis, Villenius præsidio accurrit. obsidione soluta duo regii Duces Alarconius & Georgius Manricus à Petra Biatia, ille ad Albercam est victus, Manricus etiam nouo ad Canauetem commisso prælio, vulnere afflictus, ex quo aliquanto post decessit. crudelitas fati ei ingenio & ætati non debita. Excusabat Villenius in eo bello non contra fidem datam sumpsisse arma, sed necessitate regionum Præfectorum insolentiam frænandi. neque cum Lusitano aut Toletano denuo consilia com 30 municasse. quæ tandem excusatio valuit, ne quid in eum grauius decerneretur. Accidit in eo bello, vt regii, sex è captiuis hostibus laqueis suspenderent. Ioannes Berrius pro Villenio copiarum Dux è suis captiuis totidem sorte lectos ad simile supplicium rapi sanxit. In eo numero ne quidam, cui vxor & filii erant periret, minor natu frater & ipse captiuus magna contentione & lacrymis euicit, vt pro fratre vicarius substitueretur, grata superis victima, exemplum miserabile.

Castellam inter & Lusitaniam facta pax.

CAPVT XX.

IN Beturia, quæ nostris Extremadura est, Ferdinandus & Isabella erant, quo tempore 40 Aragonii imperii hæreditate aucti sunt, pacandis motibus intestinis districti, qui à Metellini Comite Beatrice Paciecha, & Alfonso Monroio Alcantaræ Clauigero fuerat concitati. Illa maiori, quam pro sexu animo, quippe filium aliquot annis vinctum tenuerat, ac domo tandem expulerat, Emerita vrbe præsidio occupata, ne ea possessione caderet. filio quæ cogeretur comitatum restituere, iudicio paternam hæreditatem repetenti, arma corripuit. Clauigerum erepti iniuria (sic ille putabat) Magisterii sui ordinis, atque Ioanni Stunicæ dati dolor vrebatur: multa que eius ordinis oppida armis occuparat. Præterea bellum defendendum erat: quod à Lusitano omnium grauissimum imminere credebatur. Verum fessis, omnibus, ac bello ciuili nihil esse miserius reputantibus, victoria nihil tristius, quæ ferociores homines impotentioresque reddit: cum multa victoriorum per quos 50 vicit arbitrio facienda necessario sint, alienaque calamitate, saginandi sint socii periculi: de ineunda pace mentio iniecta: eo maiori Lusitanorum studio, quod ad Albuferam octo ab Emerita passuum millibus à Magistro Diui Iacobi insigni pugna victi fuerant, ad sextum Kalend. Martii. Pauci ex fuga Emeritam tenuerunt: quæ in Metellini Comitatus potestate erat. Beatrix Isabellæ Reginæ matertera, quæ Visei Duci nupta fuerat, Ioannis Lusitani Principis focrus, magna auctoritate, parique prudentia fœmina, curâ conciliandi vtrunque gentem suscepit. Eius molitionis exitum expectare longum erat Ferdinando, noui regni hæreditatem cernere cupienti, vbi multa turbata erant: vt Vasconum audacia frænanda, qui in Aragonios fines irrupentes, castella nonnulla temere munita ceperant, multamque prædam abigere non desistebant, conuentus Aragonii nullo noui Re-

gis consensu essent indicti. Neque id flagitium in ea gente ducitur. Ita se mores habet. Ergo pacis conditiones sancienti cura Isabellæ coniugi demandata, & Alcantara municipio designato consensu, vbi cum matertera de rebus omnibus constitueret, Ferdinandus obito Guadalupeo Virginis templo, votisque tum solutis, tum nuncupatis, per Eulaliæ fanum, quod oppidum Toletum vicinum est, atque per Harisam & Calataiubam Cæsaraugustam regni caput, ad quartum kalend. Iulias inuectus est, celeberrimo apparatu, plausuque ciuitatis ad spectaculum effusæ. Senatus princeps Ludouicus Naia regium latus de more claudebat. Rex ipse lugubri veste, trabea mutata auro intexta, galeroque pari pulchritudine, equo vectus, sub vmbella urbem iniit, inter faustas populi voces, felix, diuturnumque imperium comprecantis. Iurisdictioni data opera. quicumque se iniuria læsos existimarent, iis facilis ad Principem aditus erat. Inde Barcinonem itum est. De Ruscinonensibus & Ceretanis ad ditionem reuocandis actum, inani tunc conatu, quoniam rei perficiendæ nondum maturitas venerat: & appropinquabat tamen. Iudices tantum quatuor, cum potestate omnes controuersias finiendi Regum Galli & Aragonii, sunt designati. Valentia petita. par locis omnibus lætitia celebrata. Noui tumultus extabant. Semen Vrrea Biotæ Vicecomes, Iacobum Palladium Cheluz Vicecomitem & uxorem improuisa vi ceperat, Chelum & Mansaneram oppida sui iuris facta obtinens. quod iudicio obtinere promptum erat, irritatis audacia iudicibus perdidit. Agente Rege in præsentia arma sunt posita. in annum tertium controuersia tenuit. Pro Iacobo Palladio in causa est pronunciatum. Iisdem diebus Isabella & Beatrix, Alcantaræ ut placuerat, collocutæ inter se, has futuræ pacis conditiones scripsere. Ut Lusitanus Castellæ Regis appellatione & insignibus abstineret: idem de Lusitaniæ faceret Ferdinandus. Ioanna Princeps nuberet Ioanni Ferdinandi filio, cum primum ad iustam ætatem perueniret. Si is sui arbitrii factus recusaret, centum aureorum millia mulctæ nomine penderentur. Ioanne liberum esset virginem sacram induere, si mora coniugii longa videretur. Alfonso Lusitani nepoti Isabella Ferdinandi filia iungeretur. Castellæ nobilibus ne ad res turbandas perfugium in Lusitania foret. Extima Africæ litora nauibus explorare, aperireque Lusitanis Principibus nullo obsistente, ius proprium fasque esto. Eas conditiones ratas fore, designati obsides sunt, Ioanna ipsa Princeps, Isabella Ferdinandi filia, Alfonsusque infans Ioanne Lusitano Principe natus, in Beatricis potestate futuri oppido Mora. Adiunctæ à Lusitano ad Castellæ fines quatuor aliæ arces fidei datæ pignus. Sic arma consensu posita: quæ tandiu viguerant, præcipuo vtriusque gentis incommodo, maiori Lusitanæ. Octobri mense ob ea quæ feliciter acta fuerant, superis decreta vniuersa Hispania supplicia. vtraque natio trepida antea & sollicita de belli euentu, læta agere: meliorem spem animis agitare: de Beatrice fama præclara esse. Ferdinandus ea lætitia Valentia nunciata, Toletum accurrit: vbi fine anni Isabella coniux clarior quam antea atque nobilior pace suo commodo facta, eius aduentum morabatur. Nouum gaudium Regibus ortum. nouam Isabella prolem peperit, octauo idus Nouembris: cui Ioannæ nomen fuit, paterna auitaque regna superi destinabant. Præterea aliquanto post, Ioanna Princeps specie honoris obiecta, ludibrio se haberi cernens, Conimbricæ in Diuæ Claræ vestem mutauit: sacratæque virginis officium susceptum necessario, ad multam ætatem egregie præstitit, pertesa rerum humanarum inconstantia varietatisque. & nihilominus Isabella Alfonsusque infantes, in Beatricis ut conuenerat, potestatem sunt contraditi, obsides reliquarum conditionum pacis. Metelini Comes, Alcantaræ Clauiger ad officium vltro reuocantur. Idem alii Castellæ nobiles faciunt, præsidium firmissimum Lusitanæ causæ, Villenius etiam in gratiam mutatis prioribus conditionibus receptus est, principio anni Millesimi quadringentesimi octogessimi. Scalonam Belmontiumque retinuit, Villena, Almanzia, aliaque oppida Villenæ contributa, quæ contra eum arma sumpserant, Regibus cessere. & erat stultum sine vlllo laboris effectu conari: dum veteres spes captat, de iis quæ erant reliqua periclitari. Imminutis Villenii opibus potentiaque, firma concordia fuit. Renatus Dux Andegauenensis non modo aduersis rebus, sed etiam longa vita nobilis, mense Ianuario extinctus in Gallia est, ad vitæ finem se Aragoniæ, Siciliæ, atque Hierosolymæ Regem nominans, inani appellatione, præterea prouentu nullo, ne spe quidem, amissa recuperandi. Hæredem testamento reliquit Carolum fratris Caroli filium ex asse. Renato Lotaringio suo ex filia nepoti, Bari Ducatum legauit, quem satis amplum in Gallia obtinebat.

TOleti generales conuentus agitati omnino frequentes. voces liberæ fuerunt, ac plenæ expostulationum. nobiles in tenuiorum fortunas grassari populi conquerebatur: eorum auaritia regiū ærarium exhaustum, occupata vectigalia, imperari noua indies magna prouinciæ calamitate. remedium excogitatum. Dati in causa iudices, ab Henrico Rege factas imprudenter donationes, aut temporum necessitate extortas, iniustas fore pronunciarunt. Nobilium audacia coerceri nondum poterat, neque iudicia restitui magnopere labefactata. Mense tantum Maio omnes ordines sacramento adacti Ioannē Regum
 10 filium post eorum fata Castellæ Regem fore: ad sancendam maiestatem, imperiumque stabiliendum id pertinere visum est, dubiis prouincialium voluntatibus ea religione sanandis, confirmandisq; in fide. Sic rebus in Citeriori prouincia compositis, Medinā Campestrem atque Vallisoletum itum est. Iis locis regiæ seueritatis nonnulla exempla constituta, fontibus vindicatis viris nobilib. Magnitudine supplicii deterriti alii. Calæci imprimis, vbi vis eius mali vigeat maxime, feroci homines ingenio, Lucus, Auria, Mindoniū, Biuerum, atque Brigantinus portus imperata facere recusabant. Ferdinandus Acunia, & Garfias Chinchilla iurisperitus eo missi, conuentu gentis Compostellæ habito, Petro Pardo Marefcalo, aliisque factiosis è nobilitate interfectis, latè terrorem vniuersis incusserunt. sic imperii maiestas in ea prouincia sancita est, legibus & magistratibus vetus auctoritas
 20 ex longo interuallo reddita: quamuis Ferdinando Rege absente, atque in extremos Catalunos hac occasione profecto. Mahumetes Turcarum Imperator, cursu tot victoriarum ferox, Rhodum insulam firmissimum ea parte piorum nationis propugniaculum, è mari classe, à terra positus ad urbem castris impugnandam suscepit. Tres ibi menses frustra consumpti. geminè à Neapolitano Rege onerariæ missæ, commeatus affatim & recentē militem ad obsessos cum intulissent. irritō Turcæ conatu cum classis parte Apolloniā Macedoniæ urbem tenuerunt Adriatico finitū imminentem vicinamq; Apulis. Ea classe Acomates Satrapes prouectus, in Italia Hydruntē expugnauit Idibus Augusti. nemini armato inermi pepercere barbari. Excursiones tota Apulia faciunt, ferro flammāq; sæuiunt. Ingens terror ostentatus reliquæ Italiæ, sed & remotis nationibus Reges incitauit, vt
 30 coniunctis viribus oriens incendium comprimerent. A Ferdinando Gonfalius Beteta in eam rem ad Sixtum Pontificem legatur, haud satis tunc nostris rebus æquum: q̃ multis antea argumentis perspectum, recens confirmarat, Carrillio Toletano Præsule Legato in Hispania creato, nullo Regis consensu. Sed Principes antea diffidere inter se solitos, periculi nunc societas iunxit. missō denuo Barcinone Io. Margarito Episcopo Gerundensi ad Italiæ Principes mense Februariō anno M. quadrin. octoge. primo per causam consti- 148
 tuendæ societatis, classē instrui curat, nauigiorum maiorū minorūq; quinque & triginta. Idem Lusitanus facit, viginti nauibus comparatis. serius tamen opinione cuncta procedebant: Alfonsusq; Calabriæ Dux iunctis Italiæ viribus ægrè in iustam obsidionē barbaros compulit. Mors Mahumetis nunciata fregit animos, extincti Nicomediæ in Bithy-
 40 nia ad quintum Nonas Maii. Turcæ incolumitatē pacti, quinto obsidionis mense urbem dederunt. Eorum partem Calabriæ Dux retinuit ad mille quingentos, quorum opera vteretur aduersus Florentinos: à quibus barbaros in Italiam fuisse euocatos rumor erat. multis suspecta fraus Alfonsi ea fingētis: & paulatim in plures cœpit manare suspicio. Mahumetis obitu, Byzantii graues tumultus extitere. alii Baiazetem præferebant defuncti filium natu maximum: pars Gemen natum patre eodem iam Augusto ad imperium vocabant. A Baiazete victus frater ad Prusiam Bithyniæ, primum in Ægyptum, deinde Rhodum aufugit. Rhodii honorificentissimè exceptum cultumq; multis expetentib. Principibus in Galliam transmisere, gratum Ludouico Regi donum. In Aragoniis Lusitanisque auxiliis parum opis fuit, post deditam Hydruntē appulsis ad ea litora nostris classibus. &
 50 erant Regibus noua impedimenta nata, alienissimo reip. tempore Ferdinandus districtus conuentu, qui Calataiubæ est habitus, ad quem Isabella Regina viri iussu Ioannem communem filium adduxerat, Alfonso maris Præsfecto & Petro Velasco Magistro equitū, rerum in Castella cura commendata. Ab ea gente sacramentum acceptum hæredē paterni imperii futurum, cæremonia peracta ad quartū Kal. Iunii. idem factum Barcinone aliquanto post. Ferdinandum tantis rebus perficiendis intentum, noua de Vasconū regno cura sollicitauit. Petrus Cardinalis, & Iacobus pueri Regis patruī, Cæsaraugustæ dato senatu, gentis calamitates accurata oratione explicarunt. à factiosis vrbes & oppida occupari: à Beamontiis Pompelonem, ab aduersariis Stellam, Sanguessam, Olitum. Regiā maiestatem ad inanem appellationem redactam. pupilli, imbecilli, ac propinqui Regis cala-

mitate moueretur. Ludouicum Lerini Comitem impotenti audacia virū in aduersarios cæde, incēdiis, direptionibus grassari. Petrum Nauarram, & Philippum Petri filium Vasconum Marefcalos fraude peremisse. Defuncto Petro Peralta Magistro equitum, eo honore occupato ferociorem euasisse. Ex immanis cupiditatis faucibus reliquam remp. eriperet. In Troilo Carrillio Peraltae genero, ad quem cætera opes socii dotis nomine redierunt, haud satis virium erat ad resistendum æmuli audaciæ. vnus vniuersis plus poterat publice priuatimq;. Pollicetur Ferdinandus sibi Francisci Regis res curæ fore. mittit cū iis Principibus idoneos viros, qui eius verbis tumultuantes, modestiæ monerent: obsequiumque Regi suo debitum commendarent. Tafallę gentis conuentu indicto, mandata ei exposuerunt. negant illi communi consensu factum, quominus Regi liber esset ad regnum aditus: paucorum tantum temeritate impeditum. Veniret modo, daturus operam, ne aliquod officium à subditis populis desideraret. Gratum id responsum fuit. de Rege Pompelonem deducendo consilia cum Ferdinando communicata. armato visum: ne in tanta rerum colluione maiestas ludibrio esset. Regem Lusitanum iisdem diebus mors oppressit, Sintra in quo conclauis erat natus ad quintum Kal. Septembris. Corpus ad Aliubarrotam tumulo est illatum. Gentis imperium Ioannes eo nomine secundus à morte patris suscepit, ab animi præstantia, & rerum gestarum gloria cognomento Magnus. Graues simultates cum Castellæ Principib. per totam vitam, quas pater simplicius, ipse callidius eoque implacabilius exereuit. Odium in procures vertit: quos Castellæ reb. fauere suspicabatur, vti mox est explicandum. Clementia, pietate, seueritate in fontes, ingenio sublimi atque præstanti, expedita memoria atque tenaci, cæteros sua ætate Reges exæquauit: multos etiam vicit. Eius illa vox fuit: Imperium prudentes Principes accipere, aut facere commercio perpetuo hominum in omni sapientiæ parte præstantium: quales in aulis Principum ardenti ingenio versantur. & qui cum Principibus loquuntur, ii accurata prudentique oratione, quę dicunt seque probare illis conantur.

Trium Principum funera.

CAPVT XXII.

TRIBUS annis totidem Principum funera continuata sunt. Massiliæ Carolus Andegauensis obiit fine huius anni, herede scripto Gallo Rege. Quantum id turbarū & tempestatum in Italiam concitabit? nobiles sanè principatus Andegauensis atque Prouinciæ ei Regi accesserunt. Consequenti anno Mille. quadrin. octoge. secundo Alfonsus Carrillius Toletanus Archiepiscopus ipsis kalend. Iuliis, annis grauis, viuendo ingenio, eoq; non ciuilibus modo, sed etiam militaribus muneribus idoneo: à quibus tamen necessitate magis temporum, iraque, quam voluntate abscesserat. Tumulus defuncto Compluti, vbi extremam ætatem melioribus studiis propagabat, in D. Francisci, quod ipse monasterium construxerat, constitutus est ad aram maximam. Troili filii extincti consequentibus annis coniunctum ad læuam sepulchrum, incontinentiæ paternæ fœdum monimentum, Ximenius Cardinalis remouendum ab oculis multitudinis, atq; in monasterii exedram vbi conuentus monasterii sunt, transferendum curauit. Ad Troilum eiusq; filium Alfonsum, qui in Vasconibus Magister equitum fuit, Falcis Marchiones generis originem referunt. Carrillii Præfulis æmulus Hispaniæ Cardinalis, Reges in Aragoniam secutus Toletanam Ecclesiam regendam suscepit, vir magnus, maiorum gloria non magis, quam suis virtutibus clarus. Ea meritis gratia est habita, perpetuæque iuuandæ reipub. voluntati. Enecus Manricus Giennensis Episcopus in eius locum Hispali Præsul est datus. In Vasconibus nouum gaudium maiori luctu mutatum. Franciscus Rex ex Gallia, vbi se tenebat, ob graues & diuturnos Vasconum motus, tandem vt erat constitutum, matre, patruis, atque pleraque ex vtraque gente nobilitate deducentibus. Pompelonem delatus, atque insigni plausu atque apparatu exceptus, in eius vrbs templo primario, regio insigni desumpto tertio Non. Nouembris Rex est proclamatus: in ipso ætatis flore quindecim annos natus, formæ dignitate, venustateque conspicua, indole virtutum omnium præstanti. Beaumontios Agramontiosque inuidiosa exitaliaque nomina compellari capite sanxit. Ludouico Lerini Comiti vt Magister equitum esset confirmauit. Larragam aliaque oppida adiunxit hominē preualidum promerendum blandimenta, Rex bonis artibus, bonoq; consilio popularis. Prouincia lustrata, sublata maleficia, auctoritas restituta magistratibus. cura posteritatis suberat. A Ferdinando Rege Ioannæ filiæ sponsus destinabatur. Gallus auunculus Ioannam alteram præferebat, quamuis in Lusitania virginē sacram Castellæ regni spe dotali, Gallicis armis recuperandi. Magdalena Vasconis mater fœmina ambitiosa ad Gallos propensa, eo magis cōsilio probato, vimque aut fraudē verita, au-

etor filio extitit, ut Galliam repeteret: ubi ampla ditio erat. Vix eo delatū mors oppressit ad D. Pauli sanum tertio Kal. Februarii, anno salutis Milleſi. quadringenteſi. octuage. ter-¹⁴⁸³ tio importuna inuida triſtiſque. Sic adoleſcentiæ floſ quaſi ventorum turbine decuſſus, occidit, cum primos honores oſtendat. Corpus Leſcare ſepultum eſt, Bearnæ vrbe. Soror Catharina Vaſconum regnum ſuſcepit, ut opus erat: initoque in Gallia coniugio imperium ad Gallos tranſtulit, neque diuturnum neque felix. Excepere varii rerum motus, multiplices hominum conatus, temporum conditio miſera: qualem fuiſſe fides eſt, puella in minori ætate, regni herede matre in Gallia orta, eoque à rebus Hiſpaniæ auerſa.

10

Coniuratio in Luſitanum Regem. CAPVT XXIII.

IN Luſitania Ioannes Rex coniuratos in ſuū caput proceres ſuppliciiſ vindicabat, comparatum parricidium multorum ſanguine expians. Mores aſperiores, ſeueritas iudiciorum, ad hæc linguę procacitas nobilitatem alienarat: atq; illud maxime, q̃ contra Maiorū morem in regulorū ditione iis inuitis liſtores regii fontes plectere non dubitarent, Regis fauore & præceptis inſolētioreſ. Irritati proceres iniuria, in commune conſultant: armisque decernunt, ſi foret opus, vindicandam libertatē, & iura maiorū meritis data. Duo Duces regia nobilitate, opibus validi, Ferdinandus Brigantinus, Iacobus Viſei, cōiurationis capita erant. hos multi alii ſequebantur, Montis maioris Marchio, Fari Comes, Brigantini fratres, Garſias Menefius Eboræ Epicoſopus cū fratre Ferdinando, Lupus Alburquerqueius Penamacoris Comes. Atrocis conſpirationis indicium hac occaſione factum eſt. Cōuentus gentis Eboræ à nouo Rege habebantur, omnino frequentes. In iis conuentib. tū alia præclara ſancita ſunt, tum procerum libertas aſtricta lege, ne impune popularibus nocerent: neque plus legibus & æquitate poſſent. Conquerebatur Brigantinus, datam maioribus auctoritatem, violandam non videri. veteres ſchedas excuti mandat, Regumque diplomata Brigantini Ducibus data. Inter eas ſchedas Lupus Figueredus rationum Magiſter inuenit tabulas, quibus cum Caſtellæ Rege inita conſilia reipub. exitialia conſtabat. Eas clam deſumptas ad Regem perfert. quibus ille cognitiſ diſſimulare iubet, & exemplo tranſcripto, unde acceperat, referre tabulas. Accidit ut Regina ex maturo partu³⁰ decumberet Almerini primo vere ipſo anno huius ſeculi octuageſimo tertio. Eius inuiſendæ & confirmadæ ſtudio frater Viſei, & ſororius Brigantii Duces accedunt. ſplendide accepti ab Rege, atque omni comitate culti, die quodam, facto ſacrificio, Brigantinum ſecreto in hunc modum Rex alloquitur. Dux amice. Sacris operati & ad ſanctiſſimas aras⁴⁰ veriffima loqui, certo tibi perſuadeas velim. Conſilia contra nos cum Caſtella agitaſſe, neque tibi honeſta, neque debita nobis, manifeſtus cum ſis, vix credo tamen, tanta ſuperiorem gloriam & merita, ignominia ſœdaſſe. Quanto hæc cum dolore loquor? Sed quid⁵⁰ quid id eſt tamen, perpetua obliuione delere fixum animo habeo: atque cum offenſa beneficio certare: nouiſque honoribus cumulare mutantem modo, nobiſcumque ſentientem: quem Deus huius imperii ſceptra tenere voluit: te proximum potentiæ & auctorita-⁶⁰ tis locum occupare, opes regiis æmulas, coniugio certe parem, cum duas ſorores habeamus vxores. Quis tanta vincula amicitia diſrūpat? aut à quo expectare poſſis ampliores honores? Excæcauit mentem dolor nimirū. ſed ſi quid in nouo regno offenſum eſt mutabitur. ſi à liſtoribus noſtris aliqua irrogata iniuria, exemplo patientiæ debuisti præluce-⁷⁰ re aliis. etiam ego cum me docueris, errata libenter emendabo. Ad tuendam remp. non conſilium tantum à te expecto, ſed arma. Quod ut eo ſtudio, quo opus eſt facias, te ruruſcupio exoratum. Commouit Brigantini Ducis animum oratio Regis. Ne faciles criminationibus præberet aures obſecrat. Se haudquaquam maiorum gloriam perfidia obſcuraturum. Acceptiſ iniuriis maiora beneficia fuiſſe. Procul tantum facinus ſuperi auerterēt. Ne cogitaſſe quidem tantum nefas. Si falleret, dira caput ſuum imprecatione execratur.⁸⁰ Sic à colloquio diſceſſum eſt. Rex Scalabim abiit, Duces in ſuæ ditionis oppida haudquaquam mutatiſ animis. Ferdinādus Talauera ex Hieronymiano ordine Prati Prior, Caſtellæ Regibus à ſacris confeſſionibus in Luſitaniam legatus, ut cōmuni conſenſu firmato ſœdere obſides reciperent, obtinuit. In veteri ſœdere id mutatū tantum eſt, ut Alſonſo Luſitani filio Ioanna nuberet Ferdinandi Regis filia minor, ætate ſimili aucta dote. Extremo mēſe Maio Iſabella ad parentes in Caſtellam miſſa, ad Luſitanum Alſonſus puer. Redeūtem ad patrem officiī cauſa Brigantino proſecuto, Eboræ, ubi curia erat, iniiciuntur vincula. Nouo indicio cognitum erat, Petro Iuſarte internuncio, cum Caſtellæ Rege vetera concilia repetita. Id Gaſpar Iuſartes Petri fratet indicauiſt Regi, pro quo officio conſequenti tempore honores vtrique fratri habiti ſunt: Petroque

Arroiolium oppidum datum est. Dicta causa Brigantinus maiestatis lege, capitis supplicium subiit ad decimum Kalend. Iulii. ceteris documentum datum est, res nisi magno discrimine magnoque motu non nouari, ipsis etiam persepe oppressis auctoribus. Idem supplicium de sex aliis nobilibus Lusitanis, qui in parte coniurationis erant, sumptum est. Magister equitum cum aliis præcepse à provincia exturbatur. Brigantini fratres celeri fuga se se à periculo eripuerunt. Filii Philippus, Iacobus, Dionysius à matre Isabella in Castellam amandati, quam primum tristem nuncium accepit, virum esse captum. Ex iis Philippus in Castella obiit. Iacobus rediit in Lusitaniam venia accepta. Dionysius Lemosii Comitem in Castella duxit. Visei Ducem ætas tutata est. Proxima die à Brigantini supplicio verbis modo castigatum Rex, atque ferme periculo exanimatum incolumem dimisit. 10
Nihil neq; seueritate priori neq; noua clementia, animi coniuratorum mouentur. clanculum inter se conuenientes, temporum conditionem conqueruntur seruituti proximam. In paucorum potentiam, ius ditionemque concessisse: reliquos vulgus esse sine auctoritate gratiaque: Brigantinum quoniam ea ferenda nō putasset, capite pœnas soluisse. „ Eius exemplum ad singulos posse recidere. Quæ quousque patiemur viri Principes? nisi „ prauos conatus insigni aliquo facinore occupamus, omnib. simul pereundum est. Quin „ eadem eadem expiamus? & tyranni sanguine, optimi atque innocentis Principis manibus parentamus? Id communi sententia decretum. Rege sublato Visei Duci gentis imperium destinatur. Ingens cœptum, pertinax conatus, fœdus exitus. dum tempus rei perficiendæ expectatur, detecta Regi coniuratio est. Erat Diegho Tinoco soror Eborensi Episcopo 20 stupri consuetudine familiaris. ea cognitum periculum fratri denunciat: ille Regi Serubale in oppido in veste Franciscana, quo indicium esset occultius. Idem Vascus Coutinus renūciauit, cuius frater Guterrius Coutinus coniurationis factę particeps erat. Vasco indicati post depulsum periculum Borbæ Comitatus, Stremotiūque præmium fuit. Regresso forte in agrum vicinum Rege, vt templum inuideret opinione sanctitatis præstans, adsunt coniurati mutua fide læti: cuius documentum tot diebus fuerat silentium seruaturū. Templo egressum perimere parabant. sed fortuna Regis & Fariæ cubicularii diligentia protexit. Ad aurem denunciato periculo, cum coniuratos comiter appellasset, furorem illi continuerunt. Ad suburbium oppidi mareq; templum alterum est Antiquæ Virginis nomine. In id Rex dissimulanter ingressus, dū plures aulici cōuenirent ad præsidium moratus 30 est, cū Vasco Coutino de industria producto sermone. Grauis erat cōiuratis mora, sollicitis ne ex tanto numero aliquis fidē mutaret. Dies is Veneris erat sexto kalend. Septemb. cum Rex vitato periculo, Visei Ducem Palmela, vbi cum matre euentum morabatur, venire ad se iubet, confictis aliis causis. Pertinax est animus, quem ingens spes deuouit. in tanto quamuis periculo Regem adire non dubitat. Iussu in cœnaculū ascendere paucis præsentibus adacto in pectus pugione peremit. Illud modo fatus: Ito Brigantino renūcia coniurationis exitū ab ipso inchoatæ. Erat is viginti annos circiter natus. mathematici gentis imperium quasi ex astrorum inspectione denunciarant, genus hominum fallax & vanum: cuius in omnibus nationibus mendacia viguerunt, vigeantque. Emanueli occisi Principis fratri omnia, quæ ille habebat, continuo sunt data: vno tantum principatus nomine 40 mutato, vt Pacis Iuliæ Dux vocaretur, imperatum. Huic numina imperium gentis destinabant. quod sphaera orbis similitudine clypeo adiuncta temerè, portendisse visa est. Diegho Syluæ eius pedagogo institutionis præclare præmium fuit oppidum Portalegre Comitatus nomine. E coniuratis aliis, nonnulli capti, Eboræ Episcopus cū fratre Fernando Menesio & Guterrio Coutino. maior pars in Castellam aufugit vagi, inopes, atque mœrore oppleri. Is finis tetra cōspirationis fuit, ea merces. Iisdem diebus Ludouicus Gallia Rex ad tertium Kal. Septembris in suburbano Turonum nemore decessit, postremis testamenti tabulis mandans Ruscinonenses & Ceretanos veteri Aragoni imperio restitui. Successit Carolus filius tredecim annos natus imbecilla valetudine. Pater Ambasiæ educandum curauerat, præter domesticos ministros, ceteris omnibus eius visendi, 50 conueniendi que potestate sublata, ne Latine quidem lingue præceptore dato, illud si sciret satis fore dictitans: Qui nescit simulare, nescit regnare. Verum longius prouectam narrationem retro reuocemus opus est, in Castellamque referamus nouo facto principio.

Libri vigesimi quarti Finis.

IO. MARIANÆ HISPANI.

E SOCIETATE IESV,

HISTORIÆ DE REBUS

HISPANIÆ.

LIBER XXV.

Belli Granatensis initium.

CAPUT I.



NITIVM nouæ narrationis, susceptiq; operis optata meta bellum Granatense erit: quod Regum Ferdinandi & Isabel-
læ auspiciis ductuq;, decem annis gestum est; plenum variis casibus, atrox præliis, successu lætum faustumque Hispaniæ, priorumq; nationi vniuersæ, barbarorum imperio ab stirpe conuulso: quod septingentis amplius annis, ea parte steterat in Hispania, magna nostræ gentis ignominia probroq;. Ter-
ram è propinquo cernentibus, longa, ac difficili nauigatione iactatis detur occupare portum: & confirmatis ingenii virib; labori finem imponere. Cōcedite Superi votis parem facul-
tatem. Baticam inter & Carthaginensem prouinciā Gra-

natæ regnum iacet, vtriusque prouinciæ pars, ambitu colligens septingenta passuum mil-
lia, maiori longitudine, latitudine impari. Arunda enim Oscam ducenta & quadraginta
millia, Cambile Almunecarem vsque centum millia numeramus. Murciæ regnum, hoc
est, veteres Contestanos ab ortu Solis terminum habet, à meridie Mediterraneum mare:
ad Occasum septentrionemque, aliis Baticæ regionibus clauditur. Lætissima cæli soli-
q; facies est. agri omni fertilitate terræ inter primos Hispaniæ conspicui. Ipsi montes, quib;
regio magna ex parte impedita est, aquis manantibus irrigui idoneique culturę, mites ar-
bores alunt, perpetuaque viriditate amœni sunt. vnde aeris temperies hyeme atque æsta-
re, corporibus imprimis salutaris, præsertim qua parte regni caput vrhs Granata sita est,
in paucis nobilissima frequentissimaque. De cuius nomine vniuersæ prouinciæ appella-
tio facta est. ipsi ab spelunca longissima ad Alfaharium pagum pertinente: vbi arcānis o-
lim sacris, & damnatis artibus incolas operatos fama est. Gar enim Arabum lingua spe-
lunca est: & ex Nata Syriæ vrbe, sic aiunt, aduecti à Tariffio milites, oppressa Hispania iis
locis fortunarum sedes collocarunt. ab vtraq; voce Granatæ vocem conflata maiori pru-
dentia & eruditione auctores affirmant. alias notationes nominis afferunt alii. Sed char-
tas inficere, & abuti patientia, non est necesse incertis originibus & opinionibus comme-
morandis. Sanè eo tractatu vrbes quatuordecim erant, municipia septem & nonaginta,
quo tempore postremo bello petiti, oppressique Mauri sunt. in eo numero Almeria, Ma-
laca, Guidixium, quæ Plinio Acci est, maiori frequentia & nobilitate celebrantur. Belli
causæ ab antiquo multæ extabant. Maurici nominis inuidia, discrepantes de rebus diui-
nis opinioniones, regnum iniuria in Hispania constitutum, retentumque diu, pudenda igno-
minia nominis Christiani, multæ & graues inter vtranque gentem iniuriæ: quod fere fi-
nitimis regnis accidit. Reliquias eius gentis ad Hispaniæ angulum redactas, nostrorum
Regum imbecillitas texit, prouincia in plures principatus distracta, fatali inter Principes
dissidio, nullo communi consensu: vt fere tantum de publicis damnis sentimus, quan-
tum ad priuatas res pertinere putamus: religionis amor parum mouet, præ cupiditate in-
iurias vindicandi, proferendi imperium. Si quando præclari conatus extabant, Africæ
vicinæ vires opponebantur, vnde certa auxiliorum spes erat: sæpeque torrentis instar se-
se numerosæ Afrorum copiæ infuderunt in Hispaniam rapidæ, feroces, formidabilef-
que. sic factum, vt impiæ gentis imperium non toto triennio constitutum, tandiu stete-
rit. sic cælo visum. nostræ gentis peccatis iustissima ea merces fuit. Superis irritatis, at-
que nolentibus, inanis conatus omnis fit: placatis cuncta prosperè cadent: vti ea tempe-
state accidit. Quæstionibus de religione constitutis, magistratum auctoritate fundata,

quæ fluxa eatenus fuerat, iniuriis, latrocinis, cædibus vindicatis, continuo nouum lumen
 affulsit. Rebus numine propitio, prouinciæ viribus confirmatis excisi, oppressiq; Mauri
 sunt. Ad veteres belli causas noua accessit. Zahara munitum opere oppidum Arundam
 inter & Aslidoniam situm nostrorum ditione tenebatur, à Ferdinando Ferdinandi Regis
 auo captum de Mauris, vti superius est demonstratum. Præsidio præfectus Fernâdus Sa-
 hauedra, vt in nullo tali metu securus, parum erat à milite & com meatu paratus. Id Re-
 gem barbarum Albohacenum non latuit, cum suorum manu nocturna vi, improuiso ad-
 1481 uentu oppidum capit ad sextum Kalend. Ianuarii, ineunte anno Millesimo quadringen-
 tesimo octuagesimo primo. & erat nox opportuna conatui, imbrium & ventorum tepe-
 state turbida: oppidanis res trepidæ, metus ingens, repentinum malum. Pecudum instar 10
 trucidantur, quicunque armis resistere ausi sunt. aliorum greges munito oppido præ vi-
 ctoribus aguntur Granatam, nulla commiseratione ætatis, sexus, aut conditionis. Graue
 id detrimentum visum est, neque ferenda contumelia. nonnulli vt in malis lætabantur
 iniectam necessitatem recentes & veteres iniurias vindicandi, impiæ gentis exitio. Ferdi-
 nandus & Isabella Medinæ Campestris, vbi nuncium rei gestæ acceperunt, præfectis li-
 miti & vicinis vrbibus mandant, se se ad bellum comparent: nihilque de diligentia & vi-
 gilia remittant: alienæ calamitatis exemplo cautiore sint: nullam barbaris fidem esse
 sanctam. Excusabant illi indiciarum tempore latrocinia vtrosque in alteros exercere con-
 1482 fucuisse: prædas agere: carpere oppida, triduo modo conatu, nullisq; in obsidionis for-
 mam iuxta positis castris. Ea licentia, parique fiducia Castellarium atque Olbera tentatur 20
 à Mauris principio anni proximi Millesimi quadringentesimi octogesimali secundi. No-
 stri nouis identidem prouocati malis vindicare parant. Magna militari manu contracta,
 qua parte irrupendum in fines hostium sit, deliberatur: cum cognitum est Alhamam
 oppidum iniuriæ opportunum fore, exiguo præsidio, imbecilloque, raris vigiliis. Id Die-
 glus Merlus Vrbani Hispali prætor, cui rerum & belli summa erat à Ferdinando Rege
 commendata, cum Roderico Pontio Marchione Gaditano communicat. auiis noctur-
 nisque itineribus aduolant. sequebantur equites duo millia quingenti, pedites, ad quatu-
 or millia. Trinis castris ad vallem perueniunt, locis paulo superioribus circueunt. mili-
 tes itinere fessos docent duces, Alhamam non amplius duobus millibus passuum abesse.
 decere eos libenti animo pati reliquum laborem, dū Mauros vindicent, perpetuos Chri- 30
 stiani nominis hostes: præterea prædam ostentant. Ex omni copia trecenti delecti præce-
 dunt nocte intempesta: omnia quieta esse in arce considerant. Ad motis scalis in muros
 conscendunt. primus Ioannes Ortega: deinde Ioannes Toletanus ciuis, & Marti-
 nus Galindus præcipua milites audacia. vigilantes somno sepultos perimunt, aliisque
 trucidatis, porta, quæ ad campos pertinet, patefacta, reliquæ copię admittuntur.
 Oppidani improuiso metu petculsi corripunt arma: aditum obsident arcis. Lucen-
 te die, Sanctius Abula & Martinus Rogius arcium præfecti Carmonæ Arcobrigæque
 signo dato, in oppidum irrupere ex arce primi conati infelicis audaciæ pœnas dant
 in ipso aditu strati hostium telis. Res moram non recipiebat, quoniam id op-
 pidum Granata abest triginta modo passuum millibus. Quantum ergo auctoritatis au- 40
 dacia partum erat, tantum periculi suberat, nisi continuo oppidum in potestatem venis-
 set. par vtrinque difficultas. Quidam euertendam arcem incendendamque disputa-
 bant: atque in pacata concedendum. Audaciores in temeritate spem habere, pericu-
 lum, vulnera, cædes victoriæ & prædæ auditate pensare soliti. supremum conatum
 adhibere visum est: oppidumque vno tempore variis partibus impugnare. Per muri rui-
 nas quidam scandunt: dumque oppidanorum vim in se vertunt, data facultas nostris
 est, ex arce in oppidum penetrandi. pugnatur acriter in plateis. Nostri virtute vin-
 cebant, numero oppidani, sed imbelles ferme, commercio dediti atque balneis,
 quæ in eo oppido sunt nobilissima emolliti, fractique viribus. præcipites tamen
 desperatio agit, acre in periculo telum. Pugna ad noctem tenuit. hostium obsti- 50
 natio, nostrorum constantia victa est. qui ad templum confugerant magno numero, pars
 trucidati, alii in seruitutem capti sunt. Sic amissæ Zaharæ leuata ignominia, maiori-
 que il-
 lato, quam acceperant damno, vindicata iniuria est. Cruenti belli & diuturni hæc initia
 prima fuerunt. Extat de ea victoria carmen vulgari lingua ea tempestate laudabile, ne-
 que nunc inconditum, & agreste si referatur. Alhama in potestatem redacta est pridie
 kal. Martias. Magnus terror barbaris, magna nostris cura incussa est. terrebat Mauros au-
 dacia: finemque imperio Maurico ne appropinquaret verebantur. ostenta de cælo ange-
 bāt, senexq; fatidicus Zahara capta clamasse fertur. Huius oppidi rudera, vtinā falsus va-
 tes sim, in nostra capita incident. Imperii finem in Hispania venisse, prælagit ani-
 mus.

mus. Eo maiori diligentia delectus vniuersa prouincia habentur. Rex ipse Albohaccenus raptim Alhamam progreditur, tria millia equitum, pedites ad quinquaginta millia trahens. Terrebat nostros is apparatus: sed eò progressum erat, vnde sine pernicie & dedecore nisi victores redire non possent. Ea cura nuncios in omnes partes dimittunt, auxilia postulatum. Ipsi non nocte, non die ab oppido muniendo cessant: atque eas muri partes reficiunt, quæ hostibus opportunæ maximè erant. Præ festinatione hostes neq; tormenta adduxerant, neque machinas oppido expugnando. Id saluti fuit,iani hostium impetu, nostris egregiè pro muro defendentibus, saxaq; & alia, quæ ad manum erant, in subeuntes prouoluentibus. Ad vicinum fluuium maior pugna fuit: vnde quoniam oppidani aquabantur, nullis intra mœnia fontibus, ne cisternis quidem, Mauri alio auertere contendebant: multisque quamuis à nostris vulneratis, perfecere tamen. Batlici ad periculi famam excitantur. Corduba missi mille equites, pedites triplicato numero ductore Alfonso Aquilario, infessis ab hoste montibus retro redierunt. In Duce Assidonix Henrico Gusmanio, reliqua spes erat: tenuis tamen quoniam infensum ex priuatis contentionib. Gaditano, noua iniuria exacerbarant, eo inscio tantum facinus aggressi. Patriæ caritas generosum animum flexit. ante dissidere solitos, communis nunc periculi societas iūxit. Sublato Hispalensi vexillo, adiunctisq; aliis proceribus, Roderico Gironio Calatrauæ Magistro, Diegho Paciecho Villenæ Marchione opitulatum obsessis ire constituit. quinque millia equitum erant, pedites ad quadraginta millia. ex omnibus partib. voluntarii magno numero confluerant, tanta erat cupiditas pro religione pugnandi. Ferdinandus Rex, quo die Alhamam fuisse captam, & de nostrorum periculo nunciatum est, Medina Campesetri profectus Reginaq; sequi iussa, magnis itineribus festinat. Dat literas proceribus, ne se absente in hostium fines irrumpant, maiori conatu & viribus opus esse. Regiæ voluntati obtemperare integrum nō erat. longius prouecti erant: maius in mora periculum obsessis, siti vehementer laborantibus. Consilium salutare fuit. nostrorum aduentum barbari non expectarunt. ne tentata quidem pugna ab obsidione discessum. Venientib. obsessi obuiam progrediuntur. arma posita. salutatio facta. dextræ iunctæ. in complexum itum. manantibus præ gaudio lacrymis, prior Gaditanus Assidonix Ducem complectitur. præsidium, columnen appellat. Deteris simultatibus, quæ multis annis viguerant inter vtrancq; familiam, ad totius belli summam, haud dubium prosperi euentus omen accipitur. Eam lætitiā parum abfuit, quin contentio inter milites exorta conturbarit. petebant auxiliarii spoliū participes esse: fructum victoriæ non minus ad ipsos pertinere: qui tantum periculi tuendo oppido suscepissent. A verbis ventum esset ad manus, ni Assidonix Dux periculo cognito, suorum animos compescuisset. Sibi, inquit, spolia milites, quibus fortuna dedit, habeant: nos pro gloria, pro communi salute certauimus. Is fructus in præsentem esto: in posterum quoniam bellum ducetur, vniuersi imperii Maurici, opes vestræ virtuti profiteor paratas esse. Sic rixa pacata, oppidoque nouo militari præsidio munito, in pacata reliquæ copiæ concesserunt. Non defuit occasione barbarus. repetita continuo obsidio maioris impetu est: variæ etiam manus prædatum in vicinos Bæticæ agros irruerunt. Erat superior Alhamæ pars loco munita, arduo ascensu, saxisque extantib. impedita. Eo minor custodia erat. nocte quadam albentē cælo ad duodecimum Kal. Maii Mauri ea parte solitudinem intelligentes, ad summum montis egressi in oppidum transcenderant: cum ad periculum nostri excitati, pro extrema salute enixè dimicantes, barbaros alios trucidant, alios è muro deturbant præcipientes. Sic ex magno periculo seruati sunt. Duo ciues Hispalenses Petrus Pineda, & Alfonsus Pontius defensi oppidi, præcipuam eo die laudem tulerunt.

Rex Albohaccenus pellitur Granata.

CAPVT II.

50 **A**lhamā impugnabatur, simul de belli summa Cordubæ deliberatio erat. Cautioribus deferendam eam urbem disputantibus, circumfusus hostes, auxilia procul, incertos belli exitus, martemq; communem, Regina virilis animi fœmina defendendam censuit. quid enim arcem defererent, se Regibus de Mauris primò captam? quid eo consilio nisi timoris turpissimi significationem contineri, vnde animus hostibus crescat, minuatur nostris? Ea valuit sententia. Quo maior esset auctoritas nouam expeditionem adornare visum est: Loxaq; obsidere firmā iis locis urbē, nec procul Alhamā distitā. Astigim omnes copiæ conuenire iussæ. quinque millia equitū erant, peditū octo millia, numero tātis conatib. impares. cū parte Rex digressis iā barbaris Alhamā nouo præsidio muniuit, eò delatus ad tertium Kal. Maii, præfecto Ludouico Portocarrerio Palmæ regulo, præstanti ea ætate viro.

mox Granatæ planicie vastata impune se se Cordubam retulit, reliqua quæ ex belli usu furta erant, comparatum. & erat Regina vicina partui, quo geminam prolem enixa est, ad tertium Kal. Iulii, tempestiue alteram, cui Mariâ nomen fuit. foetus alter immaturus fuit: unde anceps omen captatum vulgo, variisque sermonibus materia extitit. Mali suspicionem auxit insolitus mœror in vultu consideratus, eorum qui publica supplicatione instituta vexilla sacra precatione lustranda in templum detulerunt. Ab aliis hæc ut fortuita ridebantur. Die postero Astigim Rex petiit multis proceribus stipatus: & fere nullus erat alicuius nominis, quin eo cuperet reipublicæ operam nauare. Multis quamuis contra disputantibus, alioque contendendū affirmantibus, Merli sententia valuit, quoniam ei Rex multū credebat. Loxa petita. castra ad suburbia posita, inter vicina oliueta: qua Singilis 10 amnis labitur altis ripis difficili vado. Erat locus angustus, neq; idoneus equitatu explicando: ponteq; à ciuib. munito difficilis trāsitus in vltiorē partē. Erat prope cliuus Albohaceni nomine. Eius occupandi, quoniā, ad prohibēdas hostiū eruptiones idoneus erat, imminebatq; vrbi, cura data Calatrauē Magistro, Villenio, atq; Gaditano. Erāt in vrbe ad tria millia equitū Duce impigro Alatare. Ab his tū aliæ eruptiones factę: tum die Sabbatho nouis auxiliis aucti, maiorum spe facta (nam Rex ipse Maurus Granata eo festinabat) bipartito agmine in nostrorum stationem, eorum qui in cliuo erant, impetum faciunt. Iis in fugam versis, reliqui milites in pugnam progrediuntur, nullo militari ordine, nulloque in castris præsidio. Quo cognito, alterum hostium agmen prope sine certamine castra cepit. Metus ingens, ex eo ac trepidatio pugnātes inuadit. In castra reuerſi acriter pugnam 20 instaurant frustra, cum ab vtraque parte hostium telis peterentur. Cecidit in conflictu Calatrauæ Magister, duabus sagittis vulneratus, alterius sub brachio ictu lethali, in flore ætatis, viginti quatuor annos natus. crudelitas fati tanto viro indigna importunaque. periire multi alii, pars effusa fuga seruari. Haud secus quam par erat, ea clade commotus Rex, seroque intelligens, vera fratrem Villæformosæ Ducem monuisse, castra imperite fuisse metata, neque vires idoneas tanto conatui: simul de hostium itinere certior factus proxima luce, vasis conclamatis, sese retro retulit: neque prius constitit, quā ad Petram amantium ventum est, viginti octo inde millibus passuum. Salyti fuit, quod se intrepide receperunt: & in barbaros, qui postremum agmen carpere non desistebant, à Gaditano cum suorum manu impetus factus: quem illi non tulerunt, reiectiq; in urbem 30 sunt. Hic fuit exitus huius expeditionis. Nec deerant sermones, qui Ferdinando insidias à suis paratas euulgarēt, eaque necessitate discessisse. Ipse literis in omnes partes datis militum paucitatem excusauit: & plerique signa deseruerant, infrequentiaque reliquerant, ex urbanis delectibus collectitii, suarumque urbium stipendia facientes: quod necessitas temporum eratq; inopia excusabat, alioqui magnis obnoxium incommodis, uti tunc accidit. Paruæ plerunque offensiones maximas trahunt. Mauri successu feroces Alhamæ obsidionem repetunt, non minori quam ante conatu. Obsessorum periculo commotus Ferdinandus, eo profectus, com meatum intulit in nonum mensem Augusti quartodecimo die nouumque Præfectum dedit Ludouicum Oforium, quamuis in infulis Giennen sem Episcopum destinatum, scientia militari magnoque virum animo. & quo maior es- 40 set auctoritas rursus Granatæ planiciem, agrosque incendio & direptionibus vastat. Sexcentos Mauros equites Granata egressos ad resistendum, Cabræ Comes, atque Calatrauē Promagister magna strage in urbem reiciunt. Rebus asperis in ea gente extremum malorum discordia accesserat. plerique ciues Granatenses correptis armis, Albohacenū vrbe expulerunt. Remp. impotenter habere accusabant, temerarioque conatu tantum bellum in ditionem attraxisse. In eius locum filius Mahomad Boabdiles cognomento Paruulus suffectus est, (Hali Muleius Alcadurbilis à quibusdam vocatur.) in Albohaceni fide Malaca, Basta, aliæque vrbes perſistere. sic diuisa in factiones gēs est: neque minus intestinis dissidiis, quam externis hostibus laborabant, conditio misera atque perturbata, qualem fuisse fides sit, duobus in exigua prouincia Regibus. Mirum videatur tamen 50 in tanta quamuis discordia, à neutra parte nostros in auxilium fuisse vocatos: quin in ipso ardore belli ciuilis constat, tum alias irruptiones tentatas, tū Cagnetum oppidum ad confines vtriusq; gentis, de nostris captum fuisse. Inſignem animorum fiduciā, audaciāque.

Noſtrorum ad Malacæ montes ſtrages. CAPVT III.

REges à Bello Maurico tantisper aliæ regni curæ euocabant in Carpetanos. Ergo Petro Manrico, quem nuper ex Treuigni Comite, Anagari Ducem crearant, Astigi, & Alfonso Cardena Diui Iacobi Magistro Giennii bellum curare, & limiti præesse iussis, atque

que Ioanne Sylua Cifontano Comite in Merli defuncti locum Hispali Præfecto dato, Madritum ipsi hyeme appetente perueniunt. In eo municipio urbium societates, quas ante aliquot annos institutas esse diximus, nouis astrictæ sunt legibus: ne concessa potestate abuterentur, prouidendum erat scilicet. subsidium etiam in belli Maurici usus concesserunt, sedecim iumentorum millia ad comportandum com meatum. A Sixto Pontifice impetratum, ut centum aureorum millia sacerdotiis imperaret: data etiam peccatorum venia Cruciatæ nomine iis, qui aut voluntarii arma sumerent, aut certam stipem in ærarium conferrent. Quod tertio anno repetitum, neque intermissum consequenti tempore, ab hoc initio magnam pecuniæ vim iam omnibus annis in regium ærarium infert.

10 Eæ viæ pecuniæ redigendæ nuper inuentæ, ab iis qui talia acriter speculando gratiâ Principum aucupari solent, magis incommodæ, quam molestæ: uti tempus, & maior rerum usus aperuit. A mensariis & subditis aliis, grandis præterea pecunia mutua sumpta est. Aragoniis Raymundum Folchium Cardonæ Comitem, rectorem destinatum accipere detrectantibus, legesque patrias excusantibus, quæ externum hominem rebus præfici vetarent, filium Alfonsum Aragonium Cæsaraugustæ præfulem rectorem dedit. De Lusitanis & Vasconibus maior cura suberat, ne resp. incommodo tempore, iis partibus, nouis motib. agigaretur. Lusitanus Ioānam Henrici Castellæ Regis filiam cōnubio iungere Regi Vasconum cogitabat: Vascones ad Gallos propensi erant. Lusitani placandi curâ Lupo Datouguix homini Lusitano, & Ioanni Orteghæ Cauriensi Episcopo data est. ad

20 Vascones Rodericus Maldonatus legatur ut Catharinam nouam Reginam fratre interim defuncto, in coniugium expetat Ioanni Ferdinandi filio, iussus prehensare, & sollicitare quoscunque idoneos inueniret, præsertim è factione Beamontensium: in quorum potestate Pompelo vrbs erat, & multo maxima regni pars. penes Principes nomen magis imperii, quam auctoritas imperandi. Abenæ quidem regulus pro Rege rebus præfectus erat homo Gallus præstanti prudētia, magnoque rerum usu. Magdalena Regina mater, audita Castellæ legatione, siue vera siue simulata lætitia negat honestiorem vllam conditionem offerri posse: se moram coniugio non facturam. In Calæcis tumultus erant inter duas familias Magistrum equitum, & Beneuentanum. vtraque factio Episcoporum arces inuadebat, vnde in aduersarios grassarentur. Eas Rex Ferdinando Acunio prouinciæ præfecto præoccupare mandat. Petrus Oforius Lemosii Comes, dū fratris Episcopi Lucensis patrociniū fuscipit, ad eam urbem obsessa ab eo arce pene iustū bellū exarsit.

30 Ea necessitate Ferdinandus Madrito profectus ad tertiū Idus Februarias, eius seculi anno octogesimo tertio. In ipso itinere nūciatur, Lemosii Comitem decessisse, ex filio Alfonso, 1483 Roderico nepote superstite: quem quamuis furto genitum, venia Pontificum heredem scripserat, viuensque in principatus possessionem miserat. Ex ea re nouæ contentiones exarserunt, Ioanna defuncti Comitis filia quæ nupta erat Ludouico Beneuentani filio, eum principatum ad se reuocante. ventum ad manus erat, eos Rex pacate constituit iustos abstinere ab armis, iureque potius & causa quam vi disceptare, in defuncti nepotem propensior. His rebus in Calæcia districto Rege, grauis clades ac qua nulla maior eo bello, à Mauris ad Malacam inflicta est. Petrus Henricus Beticæ Antelatus Cagnetum sue

40 ditionis oppidum receptum adiutore Gaditano, reficiendum curauit. Alia parte Alfonsus Aquilarius, & Diui Iacobi Magister, contracta suorum manu, quoniam prima successerant, elati in hostium fines incurrere constituunt. simili studio Ioannes Sylua Comes Cifontanus Hispali præfectus, cū eius vrbs equitib. Zaharā Mauris eripere cogitabat. Frustra iis conatus fuit. sed communicato tamen Duces consilio, triplici agmine in Malacæ agros pergunt penetrare, bombycis artificio nobiles, eoque diuites prædā præ aliis: cuius maior, quam religionis aut æquitatis cura erat. Studio par exitus. mōtes prope Malacam sunt dumetis & rupibus horridi. Ea parte nostri inuecti agros populantur: pecora abigunt: villas vicofque incendunt: nulli omnium rerum parcitur. nonnulli etiam è no-

50 stris equitibus iuuenta feroces ad ipsa Malacæ mœnia procedunt. Dementia non temeritas erat: qua Malacæ ciues irati, simul montani homines, quos locorum asperitas durauerat, dolor accenderat, se omnibus partibus effundunt. Duæ in pacata ferebant: viæ: altera præter oram maris planior, sed longior, arceque Malacitana, & æstuariis impedita: altera qua venerant, breuior, sed saltibus, perpetuisque montibus aspera. Ac præsertim duo montes sunt, perpetuis circa se iugis clausi. iacet in medio profundā vallem mediam fecans amnis. In eam vallem dimissos nostros, satis iam pauentes, prædaque graues vrgentibus à tergo Mauris, terribilior à fronte clamor exterruit. Erant duorum dierum itinere & inedia fatigati: neque procedere, neque regredi poterant. A Mauris plerique vulnerati, interemptique certo ictu, destinata ferire affueris. Noctis tenebræ au-

„ gebant terrorem, perpetuo hostium clamore. Cum Magister. Quousq; quasi mutæ pecu-
 „ des trucidabimur milites? Ferro animoq; aperienda via est. Prouidendum certè ne inulti
 „ moriamur. Simul clium ascendere cœpit. Ventum ad iuga. pugnatur acriter. pleriq; ca-
 dunt: plures è nostris iiq; nobilissimi genere, factisq;. Gaditanus duces itineris nactus, per
 occultos tramites, alia parte euasit. Cifontani agmen, quod postremum erat, maiore cla-
 dem accepit. Ipse & Petrus frater capti sunt, Granatamq; deducti. Stupor omnium ani-
 mos, ac velut torpor quidam insolitus membra occuparat. Ex bis mille septingentis equi-
 tibus, octingenti ceciderunt: in his Gaditani tres fratres, Iacobus, Lupus, Bertrandus, pro-
 pinqui alii. Captiuorum numerus duplicatus ferme fuit: quadringenti è præcipua Hispa-
 niæ nobilitate. Pauci cum magistro per tesqua & inuia Syngiliam fuga tenuerunt. alii quò
 quemq; spes ducebat, aut pavor, diuersi dissipantur. Ad duodecimum kal. Aprilis grauis
 ea clades accepta, diem D. Benedicti memoria celebrem & faustum, in atrum Hispaniæ
 vertit. Ductor Maurorum Abohardilles Albohaceni frater Malacæ Præfectus, magnam
 eo die opinionem virtutis apud gentem peperit.

Mahomad Boabdiles à nostris capitur.

C A P V T IIII.

EX magno mœrore & luctu breui piorum animi recreati sunt. maiori quàm acceperāt
 reddita clade, frænata barbarorum audacia. Pertinaci inter se contentione duo Re-
 ges Mauri pugnabant, Albohacenus Boabdilesq;, aduersus gentem nostram consensu, o-
 dioq; implacabili, in eo spem aduersæ factionis superandæ habentes, si nostris insectandis
 vlciscendisq; laudem ad populum & fauorem conciliassent. Paterna victoria Boabdilem
 excitabat, vt vltro bello lacefferet. Ergo collecta numerosa manu equitum, peditumque,
 tum ex suis, tū ex aduersaria factione in Astigitanos agros incurrere statuit, spe Lucenam
 expugnandi amplum magis & lautum municipium, quàm validum. Consilii auctor Ala-
 tar socer, quem ex infimo genere, cum scruta aromataq; iunior vendidisset, (id certè no-
 men significat) bellica virtus per omnes militiæ gradus ad eum honorè euexerat, paresq;
 diuitias. & erat nostris finibus assuetus, identidem Lucenæ agros vexare solitus. Dieghus
 Cordubæ regis aulicorum cohorti præfectus, cum aliis oppidis, Lucenam ditione obti-
 nebat. Is Maurorum consilio cognito, patruo suo Cabræ Comiti periculum denunciât: 30
 post superiorem cladem raros ea parte equites superesse: incolarum animos metu debi-
 litatos: Lucenæ mœnia haud satis firma esse ad barbarorum impetum sustentandum. Ad
 yndecimum Kalend. Maii Maurorum copiæ accedunt. Dieghus incolis in superiorem
 oppidi partem traductis, inferiora, in quæ futurum impetum prouidebat, subitario opere,
 & militum præsidio munit: quos ex vicinis locis ducentos amplius equites, octingentos
 pedites contraxerat. Is egregiè defendentibus, repulsi hostes sunt nonnullis occisis, plu-
 ribus vulneratis. in oliuetâ versa est rabies. præterea Ametus Abensarraxius cum trecentis
 equitibus ad euastandos agros Montiliæ dimissus est. Erat illi vsus cum Diegho Cor-
 dubæ Præfecto, & contracta superioribus annis familiaritas: quibus Abensarraxii Grana-
 ta pulsi, diu Cordubæ fuerant. Ergo perfecto opere, Lucenam reuersus Præfectū ad col- 40
 loquiū inuitat, specie amicitiae fallax insidiasque tendens. Fraus fraude delusa. spe de-
 ditionis tempus extrahitur, dum Cabræ Comes accederet: quem vt appropinquare bar-
 barus cognouit, motis castris, retro redire cœpit, præda lætos milites reducturus in patri-
 am. Cognito nostri consilio ex oppido egrediuntur, postremos inuadunt, moranturque
 iter. Interea Cabræ Comes adueniens turbatos hostes metu, impeditoq; incedētes agmi-
 ne inuadere statuit. Vix hæc posteritas credat. Mauri decuplo maiori numero, nostrorum
 primum conspectum non tulerunt. Deus illis mentem eripuit: fama; vt fit, maiora vero
 de nostrorum numero prædicauerat. Torrēs sex passuum millibus abest ipsa militari via,
 qua Loxam iit, amœnis ripis multa fraxino, salice, myrica, & tunc vernis imbrib. auctus.
 Eo Mauri pedes transmissi, sese effusa fuga in pedes dant, prædam modo præ se agentes, 50
 nulla hostis cura. Equites simili metu perculsos, Rex barbarus retinet tamen. Quò rui-
 tis milites inqtiens: quis furor mentes inuasit? An obliti estis hos esse, qui nuper à minori
 „ numero nostrorum victi sunt? Erit igitur in hoc certamine is vobis illisq; animus, qui vi-
 „ ctoribus & victis esse solet. Parcite vobis, parcite famē. an torpentibus manibus, pedes sa-
 „ luti fore speratis? Parum ea oratione proficitur. Cum nostri pleno gradu inueherentur, &
 quadraginta equites paucis peditibus adiunctis à latere aggredierentur, ductore Alfonso
 Aquilario, qui Syngilia ad periculi famam aduolarat, maiorem numerum suspicati, diui-
 nitusque incusso timore (sic interpretari iuuat) sese in fugam dant. Rex equo candido
 defiliens, quo insigni eo die utebatur, vicini torrentis inter arbores & dumos se oc-
 cultare

cultare parat. Iis locis à tribus pedibus, ipsomet metu mortis indicante cognitum, captumque, Præfectus regiæ cohortis, qui fugientium vestigia sequebatur, Lucenam mittit. fugientium magna strages vsque ad noctem facta est. Mille amplius equites ceciderunt. cum his Alatar ipse nonagenarius. Pedites ad quatuor millia, pars capti, pars cæsi sunt. præda ablata. Rei bene gestæ fama nunciusque Reges qui Madriti erant, excitauit vt partita rerum cura, Isabella quidem ad fines Vasconum contenderet, filii coniugio maturando, cuius prima cura erat, Gallis prohibendis Hispaniæ aditu, possessione Vasconum, Ferdinandus autem in Baticam iuit res bellicas curaturus. Ad quartum kal. Maii discessum Madrito est. Cordubæ de ratione belli deliberatur, maiori quam vnquam apparatu, impetuq; & fuerat Albohacenus Granatæ acceptus: vniusque imperio deuincti barbari tenebantur. Capite tamen ablato manebat plerisque ciuibus conscientia prioris studii: nec deerant sermones senium, crudelitatem, auaritiâq; Albohaceni increpantium. Ingenti delectu sex mille equites, pedites ad quadraginta millia contracti. cum iis copiis bellum instauratur. ductor Ferdinandus ipse Illoræ suburbia vastat. Tagiara vicinum Granatæ oppidum vi expugnatum, euersumque est. In ea expugnatione Henricus Regis auunculus regiæque Magister accepto vulnere Alhamam curandus mittitur. In Granatæ planiciem mox ferrum ignesque circumferunt, castris loco munito positis: vnde vastatores cum iusto præsidio in vicinos agros dimittebantur: eo minori periculo suo, maiori hostium damno, quod Albohacenus ciuium voluntate diffusus vrbe egredi non est ausus. Pauci modo milites sese per agros ostentare: vagos palantesque carpere, aut de suo loco pugnaturi. Missi tantum Granata legati: qui si Boabdiles Albohaceno patri traderetur, Comitem Cifontanum & nouem alios è præcipuis captiuis æqua permutatione pollicerentur. addebat alias insolennes fœderis conditiones, ferox animo barbarus, & parta nuper victoria superbus: quas Ferdinandus reiecit, venisse se dictitans, vt leges daret, non acciperet. Arma tenenti nullam pacis conditionem fore. Et erant nostrorum animi ad Boabdilem propensi. Favor & misericordia acres impetus habent. Itaque Regi suadere non desistebat cum aliis Gaditanus, vt eum libertati redderet: factionesque potius inter eam gentem aleret, nostris conatibus inprimis opportunas. Motis castris, Alhamaque munita, Præfectus Enecus Mendoza Tentillæ Comes iussus est, non modo tueri urbem sed de hostibus prædas agere. Vbi Cordubam ventum est, Boabdiles Regis iussu Porcunæ arce, quæ veteribus Obulcū fuit, adductus, in genua procumbens dextramque Ferdinandi deosculari contendens, amplexu & amicis verbis acceptus est. Erga Regem quamuis barbarum, & captiuum hospitii iura sacraque minuenda non videbantur. Fœderis conditiones hæc fuerunt: Boabdiles filium natu maiorem obsidem dato, adiunctis duodecim aliis principum filiis, in fide & obsequio Castellæ futurum, patris sacris modo retentis. Duodecim aureorum millia quotannis pendito. Ad regni conuentus venito. Captiuos quadringentos reddito libertati, quinq; annorum spatium. Sic barbarus in patriam dimissus est. Ferdinandus nouis præsidiis limiti impositis, ac Ludouico Portocarrerio in D. Iacobi Magistri locum Astigitanis præfecto, Corduba discessit Reginam inuisurus. Cū mille quingenti equites Mauri, pedites quatuor millia ductore Bexiro Malacitano Præfecto, in Vtrere agros inuecti Portocarrerii & Gaditani accursu repulsi sunt: victiq; ad Lethem fluuium magna Maurorum strage, Gaditano data vestis, qua Reges vterentur sexto Idus Septembris, Virginis matris natali die, virtutis præmium. lege in perpetuum lata. qui intra eundem mensem non vicisset modo exultantes Mauros, sed etiam Zaharam recepisset, vi improuisa expugnatam. Victoriæ Ferdinandus & Isabella erant, minori iam spe coniugii perficiendi: quod Magdalena mater à Rege Gallo persuasa, cœperat imparem Catharinæ filia, Ioannisque ætatem excusare: hunc puerum, filiam viro maturam. similia coniugia infelicitate cadere. Ad eam urbem Cabræ Comes, & Præfectus regiæ cohorti, Ferdinandi & Isabellæ iussu splendido apparatu excepti sunt cunctis proceribus & Episcopis obuiam progressis, deducente Tolemano Cardinali Petro Mendoza. Is honos virtuti est habitus. merces centena æris minuti millia annua dum viueret, è regio fisco Comiti Cabræ data. Ad vetera gentis insignia, caput Regis coronatum adiectum est, circum oram clypei nouem vexilla de Mauris eo die capta, rei gestæ monumentum, posteris omnibus incitamentum, ad audendum conandumque pro patria & religione præclare. Hibernis aquis, Alhamæ muri pars magna repente corruit: militibusque de vrbe deferenda consultantibus, Enecus Tendillæ Comes expedito consilio linteum prætendit ruinæ, imaginem muri, ita pictoris arguta manu mentiente, vt prius prostrati muri pars fuerit resecta, quam hostis periculum cognouerit, casumq;.

Vascones quieti non erant, discordes olim factionibus, & nunc cōtemptu regentium minus coercitis odiis. nunquam fida inter eos pax iungi potuit. sepe arma posita sunt, sepe repetita. Ita vexatis rebus, vix ut se possent diuturna pace recreare, nouum aliunde bellum accessit. Ioannes Vicecomes Narbonensis Catharinæ Reginae patruus, rerum arbitrium ad se reuocabat: scēminæ imperium illegitimum accusans, legibusq; ventantibus constitutum. præterea post mortem Gastonis fratris se Eleonoram matrem propius quam ex defuncto nepotes attingere. sexus etasque Principis despectui erat. alioqui quo id iure vsurpare potuit: cum sepe meminissent rerum summam in ea gente ad scēminas recidisse? patruis nepotes ex maiori filio præferri, iuri & æquitati sit consonum? Sed nimirum sunt opportuni magnis conatibus transitus rerum: regnandi inexhausta auiditas, nulla æquitate mouetur. Sumptis armis in Fuxensi ditione oppida & arces eius sacramentum acceperunt, pars vi, alii voluntate parati imperata facere: passimq; eius conatibus fauebatur memoria superiorum Principum, externi imperii metu inuidiaque. Iis pacandis motibus maiori præsidio opus erat: virum ac gubernatorem resp. desiderabat. Reginae coniugium maturari placuit. Magdalena Principis matre ad Gallos propensa, nouę difficultates exortæ sunt. Vascones veteris gentis instituto disputabant, ordinum consensu, de Regum suorum coniugio deliberari statuiq; consueuisse. matrimonia ipsis insciis aut nolentibus inita, infausta extitisse. Tudelæ ciues in fide Ferdinandi fore, si secus esset factum, professi sunt. Turiasone is Aragonios conuentus agitabat, principio anni 1484. M. quadrin. octoge. quarti nulla re alia memorabiles, nisi quod Catalauni venire initio excusarunt, maiorum instituto negantes, licere eos extra prouinciā vocare. Interea Catharina Regina Vasconum Ioannis Labreto Alani filio nobilissimo, amplaq; ditione in Gallia Petragorios, Lemouices, Druides aliosque populos obtinenti iuncta est. Noui ex ea re motus animorum in Vasconibus concitati. Alienam calamitatem, Ferdinandus ad occasionem vertens, imperii proferendi repulsæque dolorem vindicandi, commutato superiori consilio, ipse quidem iis locis substitit: Isabellam coniugem in Bæticā mandauit ad bellum Mauricum comparandum: vnde nunciatum erat Albohaceni potentiā crescere, vniuersa ferme gente sub eius imperium reuocata: filii maiestate paucos teneri, ac vix Almeriæ mœnibus regiam appellationem tueri. Gens quasi impium auersabatur, & ad nostra sacra propensum. concionatores per omnes partes à patre dimissi diris execrationibus eius caput defigere: ac furiali carmine deuouere non desistebāt. Nostri Cordubenses Hispalensesq; supra decem hominum millia, facta manu de mense Aprili Malacę agros, vbi maturę segetes erant, depopulati sunt, belli terrorem circumferentes, acceptamque superiori anno iniuriam ipsis locis maiori damno vlciscentes: sperantesq; malis domitos Mauros, tandem in ditionem venturos: nullum ex Africa subsidiū certe exiguū, ea gēte suis bellis implicata, an mari nostris classibus cōstrato, ne se possent commouere. Quæ res Genuenses prouocauit ut Duce Iordieto Oria pirata, Catalauniæ Valentiaq; litora nudata præsidio, igne, ferro, direptionibusque vexarent olim Aragoniæ glorię æmuli: & nunc recenti discordia, ad prohibendos eos conatus fluxa reip. auctoritate. Petrus Fregosius gentis Dux à Paulo Fregosio Genuensi Præfule, & Cardinali vrbe & principatu pulsus erat, nullo propinquitatis respectu. Mediolanēses aduocare, ad vrbs imperiū accusabat: quos impotenter dominari erant experti, degustata libertate, nullius quis leue imperiū laturi. Ea necessitate nostra litora tuendi, publico gētis stipendio noua classis instructa Valentie, Duce Mattheo Scriba ad piratarum excursiones prohibendas. Sed & res ecclesiasticę suo morbo laborabant: quę Ferdinandi præsentia sanandę erant. defuncto Dezpuchio Montesiæ Magistro, quem ea ætas virum strenuum & prudentem in paucis experta est, comitiis militaribus Philippus Boilus in eius locū suffectus erat. Excusabat Ferdinādus, datum sibi à Pontifice, ne nouus Magister, nisi eius voluntate crearetur. Regię voluntates vehementes sunt. Boilo abdicato Philippus Aragonius Carolo Ferdinandi fratre Vianæ Principe natus, Panormitanū episcopatū, cui destinatus erat, Montesiæ magisterio mutauit. Præterea Sixtus Pont. Max. in defuncti Eneci Manrici locū, Rodericū Burgiā Cardinalē Hispali Pontificē dederat. Verū Ferdinādo Rege multū aduersante atq; Petro Ludouico Gadiæ Duce Roderici filio in vincula duci iusso, effectū tādē est, ut inducto priori decreto, Dieghus Médoza Tendiliæ Comitissæ frater Palétinus tū Episcopus, in defuncti locū substitueretur Pōtif. Hispalēsis. gratiæ id & meritis patru Cardinalis Hispaniæ datum. Alfonsus Burgēsis Concha Palentiā migravit. Cōcham, Abula Alfonsus Fōseca. In huius locū Fernādus Talauera Abulēsis Episcopus creatur Prati Prior. Sic in Hispania nominādi Pōtifices potestas Regib. quæbatur, fundabaturq;. Sed res Ecclesię non

non minus in Italia turbatę, vt Principibus multa condonaretur, effecerunt. & erat bellum inter Venetos, & Neapolitanos, haud magna causa excitatum: quod reliquos Italię Principes traxit in partes: dum hi Herculem Ferrariensem Ducę, qui Ferdinandi Neapolitani Regis filiam vxorem habebat, ab iniuria tuentur: impugnant Veneti. In eius belli ardore Sixtus R. Pont. obiit pridie Idus Augusti. Successit Ioannes Baptista Cybo Cardinalis, patria Genuensis, Innocentii octauı nomine. Quo tempore Enecus etiam Daualus extinctus est patre Roderico Daualo Magistro equitum, gratia suorum Principum magnisq; opibus & virtute militari in paucis ea etate clarus. numerosa prole felix, ex Antonela Bernardi Aquinatis Piscarię Marchionis filia, Alfonso Piscarię Marchionem, Martinum, Rodericum, atq; Enecum reliquit Vasti Marchionem, pręterea Emundum, atq; Constantiam filiam. Ab his multorum Principum in Italię genus ducitur. Ex Alfonso Ferdinandus est natus Piscarię Marchio: is qui parentum ætate rerum gestarum gloria Italiam atque adeo vniuersum orbem impleuit, magnus copiarum Dux, ac veteribus comparandus. Ex Eneco Alfonso Vasti Marchio haud minori fama virtuteq; qui patrueli sine prole defuncto, eius principatum cū suo coniunctum posteris reliquit. Piscarię Vasti; appellatione alternante, haud incōmodo tēperamēto, cuius pater Piscarię Marchio dictus est, filius Vasti Marchio vocatur: & ordine cōmutato more perpetuo.

Abohardilles nouus Granatę Rex. CAPVT VI.

Interea Bætici milites ducesque & sua sponte, & Regine hortatu in vnam belli Maurici curam incumbere, quoniam priora ex sententia sine offensione ferme processissent, reliqua prospera futura augurantes. hostium cōsilia, conatus, itinera explorare: nihil neque apud se remissum, neq; apud illos tutum pati: non dies non noctes cessare, neq; per hyemem, neq; æstatē: identidem incursionibus fatigare, locis omnibus instare. De noua expeditione deliberatio Cordubę erat, in quam maxime partem impetus esset futurus: ac Magistro D. Iacobi contra disputante, in Gaditani sententiam passim ibatur, Alloram petendam videri. Est id oppidum medio propetmodum itinere, quo Syngilia Malacam itur, ignobili fluuio pręterfluente, (veteribus quidam Saducam fuisse putant) firmum magis natura loci, nimirum magna ex parte impositum rupibus, quam mœnibus, aliæ munitione. Contractis copiis Rex Ferdinandus pridie kalen. Iunii Turiasone profectus continuato itinere superuenit, belli particeps ductorque magno ad victoriam momento. suorum is consilio approbato tectoque, quo barbari animus ancipiti periculo in varias partes traheretur, Alhamam nouo pręsidio muniendi speciem prębet. vbi Syngiliam ventum est, festinato itinere improuisus cum omnibus copiis Allorę aduenit. oppidanis metus ingens luctusq;, portę mœniaque obsessæ. excussę tormentis ferreæ pilę strauere muros: Maurorumq; animos earum rerum insolitos fregere. Deditionem faciunt pacti incolumitatem, libertatemq; discedēdi, efferendiq; res suas. Captum oppidum ad vndecimum kalen. Iulii eo maiori lętitia, commodoque, quod nulli ex nostris ceciderunt: barbarique diu sustentare potuissent, iugi aqua fluuio inter rupes pręterfluente inedię assueti. Cibus potusque illi genti aduersus famem atq; sitim, non libidini neque luxurię sunt. Sed nostri eas difficultates cœlesti magis ope, quam humano consilio superarunt. Dum vicina tamen oppida tentantur, nostri que studio elati ad Casarabolam tumultuaria pugna cum hostium manu dimicant, Guterrius Sotomaior Bellalcassaris Comes flore iuuentę, & regia affinitate superbus, incautusque in acie versans sagittę medicatę ictu, confossus est. Eo nihilominus incommodo trecentis Calatrauę militibus, pręsidio Alhamę impositis, nam Garsias Padillia se Alhamam defensurum receperat, ea lege eius militię Magister factus in Gironii locum, cum reliquis copiis in Granatę conspectum penetratur. Castra loco munito posita sunt, in quibus sex millia equitum, pedites, ad decem millia vix erant. Intra vrbem septuaginta millia militum numerabant. Sic vulgo iactatū. vt & multitudinē augeat fama, magnum tamen fuisse numerū ex mēdacio quis neget? sic Rex Ferdinandus vastato circum agro, lateque terrore facto intra diem quinquagesimum, lætum victoria militem, spoliisque Mauricis superbum in patriam reduxit. Allorę Ludouicus Portocarrerius pręfectus est; classibus Aluarus Mendoza Castri Comes magno viri animo, prudentiaque. & id prouidebant, ne quid ex Africa moueretur, haud ignari plerunque paruis offensionibus corrumpi spes maximas consueuisse. Aestate transacta bellum pari alacritate repetitum est. Septinilium arx locis munitis posita, vicinaque Malacę impugantur. Eadem fortuna fuit. tormentorum fragore territi propugnatores arcē dederunt: discedēdi quo vellēt facta potestate, additaq;

pecunia pro frumento, comineatuque, quantam delecti arbitri iudicarunt. Nostrorum impetus Arudam versus est. Ea vrbs montanis inaccessa locis modica quidem sed valida: flumen circumductum mœnium maiorem partem cingit, cætera rupes horridæ. Eius vr-
bis ciues à cultu prouinciæ, & humanitate alieni, feroces maxime habebantur, aduersus
hostes viris etiam, armisque muniti finitimis oppidis, quæ multa sunt pari locorum aspe-
ritate præsidia inde petebantur. Eo vrbs potiùdæ maxima cupido nostros inuaserat, pro-
uidentes eo propugnaculo sublato, reliqua facilia fore Malacam vsque. Ergo situ lustra-
to, vastata oliueta, hortique præcipua nobilitate sunt. Pecuniæ in stipendium inopia, ne
diutius iis locis morarentur compulsi, malum magnis sæpe conatibus aduersum. Copiis
in hiberna distributis, Rex & Regina Hispalim ad sextum Nonas Octobris tenuerunt læ-
1485. ti victoria, speq; reliqui belli ex sententia conficiendi. Media hyeme ipso Ianuario mē-
se bellum repetitur salutis anno M. quadrin. octogesi. quinto. Inuictum Regis animum &
nunquam cessantem. Loxam nocturna vi capere spes erat: sed ab itinere hibernæ tempe-
states, & Orteghæ militis consilium reuocauit, dementiam non temeritatem id videri
disputantis. Confluxere tamen nouæ à Castella copiæ: Petrus Magister equitum, Bertran-
dus Alburquerqueus, Petrus Mendoza Casorlæ Antelatus, Ioannes Stunica Alcantaræ
Magister cum sua quisque peculiari manu. D. Jacobi Magister, atq; Anagari Dux bellis
etiam superioribus interfuerunt. Iis auxiliis aucti nostri, ad nouem equitum, peditum vi-
ginti millia erāt. Cum iis copiis bellum repetere visum est, maiori quā ante impetu. Quo
tempore aduersus Boabdilem Regem Almeriæ ciues arma corripuerunt. vt impium gēs
illa auersabatur: ignauiaq; eius accusabant superiora incōmoda fuisse accepta. Impetu in
regiam factō Boabdilis frater interfectus est, mater capta. intestini fatalisq; inter patrē &
filium dissidii pars maxima. Rex ipse Barbarus, cum ea vrbe abesset, nuncio calamitatis
accepto, rebusque desperatis cum paucis Cordubam abiit. Arundē ciues numero immi-
nuti erant metu maximo. Id Iuzephus Seriffius indicauit Gaditano Marchioni. sic belli
impetum quamprimum eo conuertere visum est. prius tamen alia oppida tentata, capta-
que sunt. Cohinum Alloræ vicinum vi expugnatur, soloque equatur, ob mœnium am-
plitudinē defensione difficili. cecidit in ea expugnatione Petrus Alarconius, qui eo bello
specimen virtutis dederat singulare: multaq; præclare gesserat. Cartama antiquum reti-
nens nomen vnus modo permutatione literæ, nam Cartima olim fuit, vnde vallis etiā
ea appellationem habet, Petro Mendozæ deditionem fecit. Eius oppidituendi cura
Diui Jacobi Magistro, ipso expetente est demandata. Vniuersis copiis Malaca petita, v-
bi Abobardilles Albohaceni frater erat: in quo spes & opes gentis Mauricæ ea tempe-
state sitas inuenio: & magnam virtutis opinionem nactus erat, nostris ad Axarquiam su-
peratis, oppressisque. Inde leui prælio factō, eodem itinere quo venerant, reductis copiis
Arunda petita est. Quina circum urbem castra posita. Rex ipse cum maiori copiarum
parte exaduersum arcis constitit. viæ circum occupatæ, ne auxilium obsessis ad-
ueniret: ne cōmeatus: & erat pars ciuium ad euastandos vicinos Baticæ agros profecta.
cōmodissime rebus nostris id accidit. Periculi magnitudine, scēminarū eiulatu, nostro-
rum diligentia dies noctesque continuantium, victis barbarorum animis, deditio facta
eius vrbs est decimo kal. Iunii. Ciuium nobilissimis Hispali, vt cōuenerat, agri dati: quos
Gonsaluo Piconio, & aliis de religione postulatis Inquisitores abstulerant. Munita ea vr-
be, Casarabonela, Marbellaq; ad mare sitū oppidum deditionis verba nuncuparunt. V-
niuersam gentē insolitus terror occuparat. In Regibus suis parū præsidii rebus erat, altero
profugo, Albohaceno morbis, oculorum caligine & senectute impedito. Noua consilia
captata. Muleus Abohardilles ad imperium gentis Malaca euocatur, magno vir animo
consilioque. Maurorum genus mobile, infidum, neque beneficio neq; metu, ac ne vllis
quidem naturæ legibus coercetur. Oblatum imperium barbarus haudquaquam repudi-
auit. Eo maiori gloriā speque Granatam aduenit, quod nonaginta è nostris equites Al-
hama prædatū profectos, vsq; ad Granatæ mōtes, quos Niuosos vulgus vocat, incautius
tēdentes oppressit. Triūphi specie inuectū Granatā, cupidissimis animis Regē ciues pro-
clamant. Albohaceno, principio tumultus Almunecarem, vbi thesauri regii erant, pro-
fecto ab impio fratre vis infertur nullo crimine, imperii tantum nomen exitium attulit:
& quorundam studia fratris perfidiam ambitionemque auersantium, senisque commi-
teratione diuersa consilia captantium. Quod ille periculum parricidio remo-
uendum iudicauit, impius iuxta ac
crudelis.

Barbarus cæso fratre, & parto per scelus regno, nomen sibi ingens fecerat magis quam clarum, malis artibus quæsitâ potentia haud erit diuturna. Nostri quo propior spes erat, eius imperii opes euertendi crescebat ardor animorû, curaq; ne duce mutato crescerent animis hostes: maioriq; periculo bellû esset. Quantû animi esset, quantû viriû noua expeditione tentare Ferdinandus statuit, cæteris quibus cõtra disputantibus, dandaq; militi quietem affirmantibus, continuatis laboribus defatigato. Sed omnes difficultates Regis constantia peruicit, exemplumq; virtutis, cum nullum ipse laborem recusaret primus in acie, castrensia opera obire primus solitus. Sic est, displicet hominibus imperatum obsequium. exemplo facillime obtemperamus. Alcalam Regalem, quoniam id oppidû ad fines hostium pertinebat, copias conuenire iubet. eodem ipse Corduba proficiscitur kal. Septembris, nondum in ea regione sedatis ardoribus æstatis. Ardebat Cabræ Comes cupiditate virtutis ostentandæ, res ab aliis proceribus præclare gestę ad audendum conandumq; incitabant. Expetenti datum, vt in Maurorû fines primus incurreret. cum sua manu equitû septingentorû, peditum ad tria millia, adiuncto Alfonso Montemaiore, Moclinum tentare iubetur: quod oppidum Granatę vicinum est, situ & opere munitum. eodem se pollicetur Rex cum copiis omnibus venturum. Comes noctem continuato itinere Abohardillę improuisus opprimere cogitabat, vicinis locis castra habentē, equites mille quingentos, maiori pedites numero. Id consilium hostem non latuit. subductis in collem copiis luceq; expectata, iniquis angustisque locis nostros circumuētos opprimit, cecidit optimus quisque: ac maiori peditatus parte prostrata, Comes Gonfaluio fratre desiderato, ipse vulneribus acceptis cum nonnullis equitibus in eam partem fuga euasit, vbi Garfias Padillia Magister Calatrauæ erat præcedentium vestigia subsecutus. Ferdinandus cognita suorum clade, paulisper mœstus ē conspectu abiit: deinde ægritudine animi residente. Comitibus, inquit, imprudentia, & nimia obsequentia reliquorum hoc incommodum accepimus: quod tamen celeriter maioribus commodis sanare est animus: atque vestra milites virtute pro ciuib; viris fortissimis atq; miserrimis pœnas capere. Erant ad fines hostium, qua Giennenses agros attingunt, geminę arces atq; oppida Cábile & Albahar interfluente aqua fluminis Frigidi, tenui quidē præsertim eo anni tēpore, sed coercita ripis eoque difficili vado. Ea oppida copiis omnibus circumfessa sunt. Imminet Albahari, quod in vltiori ripa erat, clius propugnaculi instar in metę modū erectus. In eum montē hortatu Regis tormenta magno labore comportata, tantum obsessis terrorē ingesserunt, vt arces & oppida continuo dediderint. Ad nonum kal. Octobris in nostro potestatem redacta, antiquitus infausto die, quo ante centum viginti ferme annos, Petro Rege à Mauris ea oppida occupata meminerāt. Tantis victoriis Ferdinādus, totq; oppidis potitus ac plerisque exercitu incruento, maior & clarior haberi cœpit. omniū in ore esse. Ipse copiis in hiberna dimissis, Complutum cum vxore abiit. In eo itinere Alfonso Aragonius Ferdinandi frater Villę formosę Dux, in primis ea tempestate clarus, multisque bellis exercitus decessit. Corpus ad Populeti inter maiorum busta est compositum. multiplicem prolem reliquit: ex Maria quidem luncia concubina Ioannem Ripagorsę Comitem, & Eleonoram. Ex aliis amicis Alfonso, quem superior ætas Dertusę prius, deinde Tarracone Pontificem vidit, Ferdinandum, Henricum. Ex iustis nuptiis Eleonoraq; vxore Alfonso atque Marinam. hæc Roberti Salernitani Principis vxor, Fernandū peperit in eorum Principum numero postremum futurum. Alfonso Villę formosę Dux fuit: quē auctorem generis Villę formosę Duces, Ripagorsę Comites nominent necesse est. Toleti religionis desertores, ac Iudaicos ritus quos abdicarant, repentē seuerissimis suppliciis ab Inquisitoribus vindicabantur. aliis maiori numero venia data, meliora in posterum pollicentibus. Hæret in domesticis narratio: sed externa quoque referre nexus rerum, & suscepti operis officium hortantur. Ardebant Neapolitani proceres bello, q̃ in Regem suum Ferdinandū coniurati, iunctis viribus comparabant, graues & frequētes iniurias vindicaturi. Innocentii Pontificis instinctu auspiciisque magis nomine, quam viribus iuuaturi propter ingenii imbecillitatem, curasque alias. Coniurationis capita, tres Principes erant Salerni, Bisiniani, Altamura, Antonellus, Hieronymus, Pyrrhus Bautius, præterea Petrus Gueuara Vasti Marchio, alii magnis etiam à Rege beneficiis obligati. quin fama ferebat Fridericum Regis filium, spe regni accessisse in partes, vero an falso ne tunc quidem constitit. Alfonso Calabrię Dux magnam eius inuidiæ partem patri Regi conflauit, incommodus moribus: in quo nec luxuria crudelitati obstabat, nec crudelitas luxuriæ. Arte magis quam armis eos

tumultus Rex prouidus, & à multo vſu callidus compoſuit. Annitente Pontifice quia prima factioſis non procedebant, & Petro Fuxenſi Cardinale deprecatore, quem ea ſpe Romam Pontifex ipſe euocarat, venia tumultuanubus data eſt. Fuerat etiã à Ferdinando ad eos motus pacandos legatus Tendiliæ Comes. Is ſui Regis nomine fideque, tutos fore proceres cõiuratos recepit: modo poſitis armis ad officiũ redirent: ſi falleret dira omnia precatus. Verum Rex Neapolitanus ea promiſſa ludibrio habuit, cum ætate præceps ad deteriora credenda, & ad irroganda ſupplicia: aduerſus quaſuis tempeſtates opibus fretus, quas à patre traditas habebat: & ipſe longa imperii poſſeſſione ingentes cumulauerat. Fœdere factò opprimere aduerſarios cogitabat. Sic ſpecie nuptiarum, quæ in arce Noua Neapoli celebratæ ſunt, Sarni Comes vnus è coniuſuratis cum aliis nonnullis comprehenſus capite pœnas dedit. Principes Altamuræ Biſinianiq; variis temporibus capti cum multis aliis, diuturna cuſtodia perierunt, lenta grauique morte, multũ quamuis expoſtulante per legatos Caſtellæ Rege Ferdinando, minis additis, fidem ſuam haud quaquam ludibrio fore paſſurum. Sed vicit omnia peruiſicax Neapolitani animus, immemor rerum humanarum inconstantia. venturi ſecurus euertendi imperii certiffima fundamenta cede procerum, inuidia prouincialium ponebat. vti breui factum eſt. verũ hæc aliquanto poſt. Compluti ex Iſabella Decembris ſexto decimo die, filia nata eſt, cui Catharina nomen fuit, geminò Anglicano coniugio propriaq; ad extremũ infelicitate ſua, totiuſque gentis Anglicæ nobiliſſima. Quantos ærumnarum fluctus innocentiffima fœmina tolerabis, vnã ob viri fœdam intemperantiam? Alienæ culpæ pœnas dabis. Sic viſum ſuperis. Fatalis mali fundamenta à diſſidio gentis ponebantur. Nam Eduardo, & Richardo vinctis interfectiſque, Richardus puerorum patruus regnum occupauit. Initiis media atque exitus conſentanei fuerunt. Superbe imperantem Henricus Richmondæ Comes ab Armonico Duce Franciſco, à quo fuerat captus, redditus libertati acie ſuperauit, interfecitque. Oppreſſi tyranni merces fuit, imperium quod impiẽ occupauerat. Huius Henrici filius, Henricus fuit, eo nomine octauus Angliæ Rex cum vxore Catharina patriæ religione repudiata, omnibus turpitudinis maculis grauique impietate inuidioſum poſteris nomen, infauſtumque.

Aragonii motus. CAP. VIII.

LEues in Aragonia tumultus extiterunt: ciuilia in Catalaunis arma maiori contentione & periculo mouebantur. vtrique malo Regis Ferdinandi prudentia & auctoritate eſt occurſum. In planicie ad Iberum flumen Cæſarauguſta ſita eſt, edificiorum elegantia, ciuium frequentia, copiis, cultu, nitore, amplitudine in paucis nobiliſſima, aduerſus hoſtes armis, viris, mœnibusque munita: leui imperio & ob id fideliffima, niſi iura acceptẽ à maioribus libertatis imminuãtur. Qua cauſa ſæpe in ea tumultus concitatos inuenimus incredibili animorum ardore, ciuibus aliorum exemplo cautis: neque ignaris paruis ſæpe offenſionibus maiora incommoda exiſtere, graueſque caſus. vti hoc tempore accidit. Ioannes Burgius lictor regius, vt eſt id genus hominum inſolens, ſenatus principem Petrum Cerdanum verborum procacitate violauit. aliorum accuſſu lictori iniectæ manus: dictaque è vinculis cauſa, gula laqueo fracta eſt, leſa in ea Principis maiestate. In ipſo procinctu belli Ferdinandus, cum Granatæ agros inuadere cogitaret, huius anni principio, vt paulo ante dictum eſt, re cognita Ioanni Herediẽ Prætori mandat, vt eius facinoris pœnas expetat ſontibus vindicatis. Interim legatis à ſenatu miſſis ſe quidquam acerbè in eos ſtatuiſſe negat callidus, ſagaxque, ad ſimulanda negotia altitudine ingenii incredibili. Senatus princeps comprehendi non potuit, Præfecti iuſtitia, cuius ſuprema & maxima auctoritas gentis inſtituto eſt, præſidio tutus. De Martino Pertuſa, qui proximum auctoritatis locum in ſenatu occupabat, & cæſi lictoris præcipuus auctor extiterat, feſtinato ſupplicium ſumptum eſt, regiis literis ad populum continendum, qui ad arma erat cõſternatus, in ſudẽ prælatis. Sic glifeens in graui cauſa tumultus in ipſo exortu eſt oppreſſus. vnus animaduerſio, cæteros imperii obliſos admonuit, Regum feroces impetus eſſe, vires graues. Grauiori facinore aliquanto poſtea ciuitas vniuerſa turbata eſt. Petrus Arbue quæſtiones in ea vrbe de religione habere cæperat. Nonnullis irrogata ſupplicia, prauos quosdam homines libertino è genere natos, ſiue libertatis ſpecie, ſiue ex conſcientia ſimilia metuentes incitarunt, vt coniuratione multorum facta Inquiſitoris capiti inſidias ſtruerent. In ſtrato nocturna vi opprimere cogitantes fenestrẽ qua irrum-pẽdum erat, firmiſſimis clatris excluſi, ſpeque falſi, in templo opprimere ſtatuunt. Ad nocturnas preces progreſſo Septembris Idibus, qui dies Mercurii fuit, (biduo poſt alii

tradunt) ad arma templi maximi procumbēti prope cancellos, vis illata. Vitalis Durandus vnus ē cōiurationis principibus, toruus & minax voce, vultu, oculis ardens in ceruice primum vulnus inflixit. subsecuti sūnt alii. Proxima nocte defuncto, nihilq; præter diuinas laudes eo spatio locuto, supremus honos est habitus. Corpus eodem loco, vbi vulnera sūnt inflicta, sepulchro illatum: quo tempore feruere sanguis visus est, nisi oculorum ludibria fuerunt. Decreto senatus aliquanto post, addita lampas sepulchro: quod nisi consecratis hominibus, cæloq; dicatis non datur. Id etiam vt Pauli tertii Pontif. auctoritate fieret, Carolus quintus Augustus curauit. Sic meritis honos debitus est habitus. nam & quintodecimo Septembris die memoria eius celebratur anniuersariis sacris. De consceleratis hominibus intra annum supplicia sumpta. variis casibus ad vnum periere.

10 Proh magnum atque ineuitabile diuinæ vindictæ numen, quam vitare prauī homines haudquaquam potuissent, vt maxime humana supplicia liceret euadere. & habet nescio quos internos mens scelerata carnifices, aut ipsa sibi conscientia carnifex est mentem eripiens. Inquisitoribus deinde præsidii causa datum, vt intra arcem habitarent, cui Algiafariæ nomen est. In Emporitano tractu subditi, quos Pageses vulgo vocabant, impotenti imperio à regulis, in quorum ditione erant, premebantur proxima seruituti conditione, neque ferenda inter Christianas nationes. Quæ vectigalia Mauri rerum domini imperauerant Christianis grauissima, ea mutato quamuis imperio regulis pendere cogebantur ducta ex antiquo consuetudine. eo vniuersa prouincia aduerso rumore erat. Quæ

20 illa tributa essent, neque gentis historiæ declarant: neque nobis diuinare licet. Malos tantum vsus à grauitate vocabant: à quibus eximi, nisi pretio redempta libertate seruorum instar, nemini concedebatur. Sic sepe incolæ correptis armis, aut seruitutem depellere, aut miseris remedium, mortem imponere cogitabant. Et sūnt grauissimi impetus irritatæ necessitatis: sed fallax sine viribus multitudinis audacia. Appellati de eare Reges Alfonso prior, deinde Ioannes eius frater, & Carolus Vianæ Princeps ea vectigalia minui quodam temperamento mandarunt. sed parum auctoritatis inerat ad coerendam nobilitatis audaciam, armis tueri paratæ, quæ maiorum virtute parta erant. Maiori maiestate opus erat. denuo continuatis iam aliquot annis popularium motibus, Ferdinandus, qua in ceteris felicitate, sine imposito, magnā ex eo prudentiæ & dexteritatis

30 laudē peperit. Compluto is cum vxore Segobiam abierat, atq; Medinam Compestrem. Garsiam Toletum iam Ducem Albanum (abscesserat is militaribus curis Friderico filio pro se in bello Granateni vicario) Albē inuisit, cum Petro Magistro equitum conciliaturus, vt fecit: quem & Alfonso Fontecam Compostellanum, rebus præficere in Castella destinabat, bellum Mauricum repetiturus. Eo conatu, ad Guadalupeum templum peruentum est, ad quartum kalen. Maii. eo loco in causa Pagesium sententia pronuntiata decreuit eam seruitutem tanquam piis hominibus grauem, neque vlla in gente usurpatam, antiquandam videri, mitioreque conditione mutandam: vt subditi per capita sexaginta solidos Barcinonenses annuos penderent. Magnum vectigal libentissimis

40 animis incolæ susceperunt, præsertim concessa potestate redimendæ libertatis, si vnica pensione pro vno quoque annuo solido viginti numerarent. Sic ex diuturnis motibus, quæ eam Hispaniæ partem diu sollicitam habuerant, pax facta est. In Lusitania sublatis, vt ante dictum est, proceribus coniuratis, quies erat, Rege omnia ad splendorem imperii reuocante. Azamor Tingitanæ vrbs ad litus Oceani Atlantici, ad lætamq; egressis freti Gaditani fauces, veteribus Thymiaterium, vt quidam disputant, superiori tempore Lusitano vectigalis, denuo sacramentum suscepit: se in eius fide futuram, tributique nomine decem millia alaufas, quarum piscatu abundant, missuram quotannis in Lusitaniā. Quod gloriosum erat genti, non modo imperium fundasse ancipiti iure, armis, virtuteque: sed etiam remotis nationibus iugum seruitutis imponere potuisse, ad maiorem gloriam opesque aditu patefacto.

50

Multa oppida de Mauris capta. CAP. VIIII.

FErebantur in præceptis Mauri, non minus domesticis diffidiis, quam externo metu laborantes. In ipsa vrbe Granata euocatus à factione altera Boabdiles Albaicinum occupauit. ciues cum ciuibus in ipsis plateis pugnabant pertinaci inter se contentione, à nostris cum bellum ingrueret, ad defendendum consensu. maioris periculi metus animos ad concordiam reuocabat. eo sedato ad ciuilia arma redibatur. Rebus desperatis Mozerus, ex Alfaquinatorum ordine, quorum est sacrificia procurare, religiones interpretari, vt in ea gente vir sanctus, quasi diuino instinctu concitus. Quousque ciues insani-

tis (per compita & fora clamare) in sanitate vesani, quæ grauior dementia est, alienis cupiditatibus & ambitioni seruientes, vestrae salutis obliti, coniugum, liberorum, patriæ?
 "Graue est dicere: sed nisi à me auditis, quod nostris malis remedium? Quin animos ad
 "virtutem erigitis? & si minus dedecus mouet, tantum certe periculum propulsatis? An
 "hos reges iustos putabitis, qui imperio gentis per scelus occupato, non præsidium rebus,
 "sed inane sine viribus nomen afferunt? An horum umbra teget? Nimirum nisi istam ignauiam mature excutitis, instare exitium denuncio tristis vates. Mouebatur his vocibus
 populus, etiam qui nolebant, probabant tamen. Ergo aliis ex eo numero Sacerdotibus, annitentibus, & conditiones nuncupantibus, fœdus inter duos Reges Mauros fit. Vt Granata, Almeria, Malaca patruus retentis, reliqua Boabdili concederet. Albaicino Boabdili discessisse non arbitror, ac ne coaluisse pacem, etsi historiae silent, magna scriptorum securitate. Ac illud imprimis eo fœdere providebatur, ut quoniam Rex iunior Ferdinandi beneficiarius erat, ea ipse ditione obtineret, in quæ primū nostrorum impetum fore existimabant. Ea fraus nostros non latuit. collectis vndiq; copiis Loxam petere statuunt, certiori quā antea spe, vindictæ maiori cupiditate. Boabdiles siue tuēdæ inter suos auctoritatis necessitate, siue fortunā in consilio habiturus, cū quingentis equitibus ea vrbe nostris venientibus occurrit. Loca aspera & impedita erant. ad suburbia pugnatur acriter. caesis reiectisque Mauris, trina castra circum urbem metantur, rupto ponte erumpendi facultas hostibus sublata. liberam nostris commeandi vltro citroque facultatem, geminus pons sublicius suppeditabat subitatio opere magno commodo futuri. tormentis prostrata mœnia: nostrisq; per strages lapidum in urbem irrumpere paratibus, obsessi nono ex quo ventum erat die, deditioem faciunt, pacti libertatem efferendi, quæcunq; ex suis bonis possent. Boabdili in castra progresso, atque in genua procumbenti eodem animo fuisse semper, supplicantiq; ne fortunam conuerterent in culpam, æquum nō fore voluntatem ex necessitate interpretari, venia data est. Et erat commodus ad fatale gentis dissidium alendū, ut maxime sons esset. Ferdinandus ea vrbe munita, atq; Aluaro Luna Fontidonie domino concedita, alterius Aluari nepoti, ad alia oppida pergit. Pauca repugnātibus barbaris, plura ex deditioe capit. Illorū ad quartum kal. Iulias, Zagaram, Balnea, Moclinum. ex iis licet quædam, ita erant loco & opere munita ut diu sustentare potuissent, in ipsisque Granatæ oculis ob idque certiori auxilii spe. Nimirum caussis timoris maior timor erat. Illoꝝ Gonçaluus Fernandus Corduba præfectus est, Alfonsi Aquilarii frater, ab his rudimentis quantus breui Dux futurus in Italia? Ipsi Granatenses ciues soliti Illorū regni & vrbis dextrum oculum, Moclinū clypeū vocare, eo accepto incommodo spem ferme abiecerunt, præsertim vicino agro igne corrupto, luctuq; & cede completis omnibus partibus. Abohardilles tamen, qui Singilis transitum prohiberēt, ad Pinorū pontem multis ea tempestate Mauricæ gentis cladibus nobilem equitatus, peditatusque partem mittit. Ipse ne quid moueretur, in vrbe restitit. Postremum illi nostrorum agmen, in quo Enecus Mendoza Infantatus Dux curabat, cum transitum prohibere non possent, pro more gentis magnis clamoribus inuadunt. resistunt nostri acriter. Verum Maurorum multitudine circumfusa equites mille, pedites ad decem millia, proximi periculo, aliarum copiarum aduentu, seruati sunt. reiectis Mauris nostri à tergo instare, rursus ad oliueta suburbana pugnatur. similis fortuna fuit. In ea pugna Ioānes Ripagorſe Comes egregie pugnans, nunc ad prima signa, nunc in medio, nunc in vltimo agmine, confosso quamuis equo, magno adiumento fuit, paternamq; laudem æquasse visus est. Adulta ætate, oppidis, quæ capta erant, militari præsidio firmatis, bello, paceque rerum moderator à Ferdinando est constitutus Fridericus Albani Ducis filius. Ad amouendam contentionem, quæ inter Bæticos procères, de ea præfectura esse cœperat, remedium opportunum, longinquum hominem Ducem creauit. Regem, Calæciæ motus in eam prouinciā vocabant: vbi Lemosii Comes contra Regis edicta auctoritatemque Pontemferratum firmissimum iis locis municipium, tanquam suæ ditionis pulso regio præsidio occupauerat. Ferdinādo, Isabellæque in ea loca delatis, continuo oppidani portas aperuerunt. fraudem milites excusabant. Id Regis voluntate factum Comitem prædicasse. Ipsi etiam nihilominus ad Regem profecto, sequi in eius potestate fore proficenti, eo & aliis oppidis detractis, & ad regiam ditionem subiunctis, mulctato quidē venia est data. Sic vno tempore Mauri acriter impugnati: procères superbia ab hoc initio domita, cœperunt æquo cum cæteris iure viuere in Hispania, inolescere antea atque in miserorum fortunas grassari soliti. præsertim cum Reges votis ad Compostellanū templum persolutis, Salmantica, vbi principio anni Milleſi. quadrin. octogesi. septimi aliquandiu hæserunt, nouum conuentum iuridicundo in Calæcis constituissent, antea solute legibus,

gibus prouinciæ perturbatæque, iudicibus datis, cum suprema decernendi potestate. Ardebat interea Fridericus Albanus studio se proferendi, probandique insigni aliquo facto. Nunciatum erat Malacæ in arce magnum captiuorum numerum in subterraneis carceribus inclusos teneri: & spes erat eius arcis obtinendæ, si nostrorum superuentu ab iis ex composito, rupta vincula essent. sexcenti equites ad id missi, inflatis continuis imbribus fluuiis impediti, inani conatu destiterunt. Intra urbē Granatam nō minor quam antea contentio erat inter Reges barbaros. Abohardilles nouis militib. Guidixio & Basta euocatis, impetu facto in Albaicinum irrupit. Boabdiles, ut in tali periculo, cum suorum manu occurrens hostem repulit. pugna acerrima ad ipsum templi maximi forum multi ex utraque parte ceciderunt. Ferdinandus, Rex Salmantica Cordubam delatus ad sextum Nonas Martii, amici Regis periculo, uti par erat commotus, auxilia misit, Fernando Gadea Duce: quibus ille confirmatus, non illatam vim propulsare, sed ultro hostem lacerare non desisteat, ferox formidabilisque magnam miserorū ciuium strage, quorum periculo ambo Reges delirabant.

Malaca capitur. CAPVT X.

Cordubæ deliberatione suscepta, de belli Maurici ratione cum sententiæ variarent, alii Bastam, alii Guidixium petendas primo confirmantibus, Malacam Rex censuravit: auxiliis, quæ ex Africa trans mittebantur haud inualida, excipiendis idoneam angustio mari, breuique traiectu. Consilio tamen occultato Corduba proficiscitur ad septimum Idus Aprilis. sequebantur equitum duodecim millia, peditum quadraginta. postquam ad fines hostium peruenerunt, consilio Rex indicato, paucis milites alloquitur. Ad certam eos se victoriā ducere ait: quippe imbecillis hostibus dissidio metuque. Vires quæ supererant, in plura præsidia distractas esse. Si, qua alacritate consueuissent antea, festinarent, haud dubiam victoriam fore. Gloriæ quidem ex re bene gesta fructū, prope omnem ipsorum fore. Magna parte prouinciæ subdita, aliis oppidis & urbibus vectigalibus, quid tandem hosti præter nomen superesse? casurum impellente nemine: & postremum tandem conatum rem totam confecisse visum iri. Quo fauore piorum, quo concursu expeditio celebretur vniuersa prouincia cernere ipsos. & sane quacunque iuerant viri, pueri, mulieres vndique ex agris effusi in vota ac preces conuersi, illos reipublicæ columnes, vindices Christianæ religionis, imperiique vocare. In eorum dextris communem salutem ac libertatem esse repositam. faustum iter felixque, maturam ex hostibus victoriam comprecari, vota que suscipere. Inuitare pro se quisque, ut quibus opus haberent, abs se potissimum sumerent. Modestia certare milites. nihil morari, nec ab signis discedere. Maiori animo alacritateque postquam Regis consilium cognouere, quo vellet duceret, aiunt. Ipsius auspiciis ductuque nullum periculum aut laborem recusaturos profitentur. Motis castris Veles, quod oppidum prope Malacam situm est, primo impugnare constituunt. Ad præterfluentem amnem castra faciunt. Erumpunt portis oppidani. Calæcos nulla disciplina militari turmatim, ut quemque sors conglobauerat, pugnantibus durum hominum genus cédunt: aliorum superuentu céduntur ipsi, ad ipsa oppidi mœnia compulsi. suburbia capta. mœnium impugnatio instituta. Accurrunt circum pagani ad oppidi præsidium, maiori conatu, quam profectu. Abohardilles Granata, nostrorum consilio cognito, obsessis que opem ferre constituens, in eius urbis discrimine considerans rerum & imperii summam verti, Roduanum Vanegam urbis Prætorem ducem impigrum, cum cohortibus expeditis, & trecentis equitibus præire iubet, se post paucos dies eodem venturum pollicitus. Nihil à Roduano præstitum: qui nocturna vi nostros opprimere & tormenta clauis defigere, qua parte concipiunt ignem, cogitabat. subsecutus Rex barbarus, arduis impeditisque locis, prope oppidum castra metatur: in quibus mille equites erant, pedites viginti millia. Numero & virtute minores nostris, locorum munitio tutata non est. Castris impedimentisque exuti qua cuique data via est, fuga dissipantur. Barbarum Regem victum studia etiam hominum destituerunt. amisso exercitu redeuntem, Granatæ ciues Boabdile æmulo in Regem consensu salutato mœnibus excluderunt, anxium ac miserantem fortunas suas. Obsessi spe defensionis abiecta, Roduanoque interprete, cui cum Cifontano, ex quo tempore Granatæ captiuus fuit, usus erat, conditionibus deditiōem faciunt ad quintum kalen. Maii. Ut incolumibus liceret res suas quo vellent efferre. Eo oppido in nostram potestatem redacto, integro exercitu ac ferme incruento, Bentomitium vicinum oppidum Velis exemplo leges præsidiumque accepit. Petrus Nauarrus præfectus ei oppido est, ex obscuro loco, nautæque arte, magnus Dux præsertim

consequentibus annis. Vicinos Malacitanos ingens paor inuasit, ne diu sustentare possent, externi auxilii nulla aut modica spe. Connixa præfectus vrbe egressus de deditioe agit. internuncius Ioannes Roboreus diu Malacæ captiuus. lis molitionibus cognitis Afri, qui eam urbem præsidio obtinebāt, veriti ne ipsi hosti traderentur, simul indignantes, quod rem tantam non cōmunicassent, facto impetu, præcipuam arcem, cui Alcasabæ nomen supra urbem est, occupant. deiecto trucidatoque præsidio, ipso etiam Connixæ fratre, ad mœnia aduolant: colloquia ciuium interrumpunt, interficiuntque, si quos contra conari deprehendunt: magnitudine supplicii cæteros desistere compellunt. Ergo tormentis maioribus Syngilia comportatis, nostrorū castra ad Malacā promota sunt ipsis Maii mensis Idibus. Est ea ciuitas in plano sita, nisi qua parte collis assurgit gemina arce munitus (inferiori Alcasabæ, superiori Gebalpharo nomen est) modica spatii, elegans tamen in paucis, & pro amplitudine frequens, portu atque nauali nobilis, qua parte alluitur mari. A tergo montes erigit vineis, hortis domiciliisque nitentes. Vtranque arcem geminus murus coniungit munitione perpetua. ager conspicuus: læta cœli facies: late in vicinum mare prospectus: commercio Africæ, atque Orientis ea tempestate nobilissima copiosaque. Erant in Regis castris D. Iacobi Magister, Præfectus maris, Villenius, Beneuētanus, Alcantaræ Magister, Andreas Cabrera Moie Marchio, plerique omnes Bæticæ reguli, ex Aragonia valida auxilia. Eam urbem fossa, valloque à mari ad mare ductis circumuallare consilium fuit. collemque vbi minor arx erat, præsidio occupare. vtrunque factum. In nouis castris Gaditanus curare iussus est. Regina in castra abiit, deducentibus Petro Mendoza Cardinali, atque Ferdinādo Talauera: quem ex D. Hieronymi monacho spectata vitæ probitas (vti ante dictum est) ad Abulensem Episcopatum euexerat. Priusquam opera perficerentur, Maurorum eruptione leuia sæpe prælia facta. Contra à nostris in mœnia impetus fit. cecidit in conflictu quodam Ortegħa, capta Alhamæ arce, multisque aliis præclaris facinoribus hoc bello nobilis. Triamillia Mauri ad quartum kalen. Iunii vrbe egressi, Gaditani castra improuisi inuadunt: vigiles qui in p̄ima statione erant, obtruncant: mox in munimenta penetrant. In repentino metu Gaditanus nihil territus, nec prorsus demisso animo instructis reliquis obuiam progreditur. fit acris pugna. multi è nostris ceciderunt. Gaditanus ipse vulnus accepit. hostium maior strages fuit. vicinum perfugium ceteros seruauit. Noua in Regis caput, fit in vrbe coniuratio. Maurus in ea gente sanctus vir, destinata voluntate Regem interficiendi, se capiendum ultro præbet. Rege quiescente ad tentorium Marchionis Moræ deductus Regine iussu, cum ex apparatu reputasset, prætorium esse, districto acinace in Aluarum Portugaliā (is forte cum Beatrice Bobadilia colloquebatur) irruit ferrox, toruoque ac minaci aspectu. Corporis inclinatione iētus vitatus, aliorumque accursu Maurus comprehensus peremptusque est. sic diuino beneficio periculum deuittatum. Auctus nostrorum numerus aduentu Affidoniæ Ducis. è Belgis Maximilianus Austriacus mox Cæsar, duas onerarias misit onustas omni bellico apparatu Latrone Gueuara ductore. Auctus & hospitem numerus. nonnulli per stationes mari vicinas in vrbe penetrarunt, auxilium obsessis. Famis malum vrgebat: neque Afrorum contumacia remittebat. Ciuibus tamen vt in maiori periculo, metuque, ad deditioem propensiss, Dordux ex eo numero præcipua auctoritate & opibus in castra progressus, de conditionibus agit. Negat Rex vllam conditionem fore, nisi vrbe ad eius voluntatem dedita. ex arcano tamen Dorduci pollicetur, si fortem & fidelem operam præstet, ipsum & propinquos omnes inuiolatos fore, magnis beneficiis additis. Fide data, nostrorumque præsidio adiuncto in arcem aditu patefacto, in summa homagii turri regia vexilla explicat. Ciuibus Africanisque magnus terror iniectus spei mixtus. Reputantib. incolis Dorduci promissa facta, ad cæteros pertinere, ac colligentibus sarcinas studio discedendi, concursu nostrorum bona omnia, & libertas est ablata. Idem de vicinarum arcium præfidiariis militibus fit, simili errore ad mare progressis. Afri etiam cum eorum duce Zegri venerunt in potestatem. Transfugis, quorum erat magnus numerus, irrogata supplicia, ac religionis desertoribus, qui ex Iudaica gente nostra sacra susceperant, ignis pœna fuit. Aliis Iudæis atque ciuibus Mauris permissum, vt moderato pretio redimerent libertatem. Ad quintumdecimū kal. Septembris vrbs nobilissima capta. dies festi vniuersa Hispania agitantur. superis aguntur gratiæ. votorum damnati, ea promptissimis animis persoluunt. Sedes Episcopi capte vrbi restituta, Pontificum venia, Gothorum ætatis exemplo qua proprium Episcopum habuit. Lætitiā nonnihil obscurauit metus ex Oriente allatus. Baiacerū Turcarū Imperatorē cōtracta valida classe de Sicilia cogitare vires nostrorū in eā partē à bello Granatēsi auertere cogitabat pace etiā cū Ægypti Sultano facta.

Ferdinandi Regis armis premebantur Mauri Granatenses ruine proximi. Simul Lusitani ad Orientis prouincias viam aperiebant anniuersariis nauigationibus: quod ab Henrico Principe institutum fuisse diximus superioribus annis, extima Africæ litora explorare, longiusque in singulos annos prouehi non desistebant. Tantis laboribus fructus non respondebat. Beatas Indiæ prouincias adire, opesque celebratas fama, quas benigna cælum manu iis gentibus copiosius quam aliis dedit, in patriam auhere cogitabant aromata, gemmas, margaritas, aurum, ebur, argentum, aliaque quibus hominum ambitio, magis quam vitæ necessitas pretium adiunxit. Summas rerum nunciat fama, maiora sæpe vero: syluas esse proceribus, & in maximam altitudinem editis arboribus, cynamomi, cassiæ, garyofoli, piperis, zinziberis vim magnam: prodigiosas animantium formas, hominumque insolentes mores, habitusque. Non prudentia, sed temeritas fore videbatur, relegatas in vltimam terrarum regionem, gentes opesque persequi, exiguis Lusitaniæ viribus, immenso terrarum spatio Oceanique disiectas. sed omnes difficultates auaritia habēdi, & gloriæ cupido superabat. Ergo superiorib. annis Bartholomeus Diacius rei nauticæ in paucis præstas, missus abs Rege suo, vt Bonæ spei promontoriū adiret: vbi extenuatis vtrinque litoribus, Africa ad Austrum procul porrigitur. Eo promontorio transmissio ad flumen cui in altera parte Infanti nomen effecerunt, nauigando peruenit. Ingens coepum, pertinax conatus. Antonius ex Franciscano ordine Bartholomeo socius datus vir acer, impiger, solers, atque audax, inde pedestri itinere Africæ, atque Asiæ magnis spatiis lustratis, Hierosolymam peruenit. Inde in Lusitaniam ipse terra Bartholomeus mari reuersi, visa ambo Principi gentique nunciarunt. Quoniam prima successerant maius studium accessit perficiendi, quæ instituta erant. Duo viri ardenti ingenio, magnoque rerum vsu, & quod caput erat, Arabicæ linguæ cognitione præstantes delecti operi perficiendo sunt: Petrus Couillanius, Alfonsus Payua. Classē instruere magni sumptus erat. terra iussi sunt Africæ, atque Asiæ regiones intimas considerare. Ii Idibus Maii Olisipone egressi, obitis Neapoli, Rhodo, Hierosolyma, Alexandria, Cayroque Aegypti vrbe primaria, diuersi Petrus quidem Ormucium, quæ insula ad sinus Persici fauces iacet, Calicutiumque obiuit. Alfonsus autem Aethiopie interioris regiones lustrantem mors oppressit. Petrus literis abs suo Rege acceptis, vt nisi prouinciis omnibus consideratis non rediret in patriam, in Aethiopiam profectus, cum gentis Imperatori Alexandro, quem vulgus præsto Ioannem vocat, Nahu, & Dauidi successoribus, operam & ingenium probasset, discessu est prohibitus, coniuge data atque amplis possessionibus, vnde vitam sustentaret. De scripto tamen ad Regem Lusitanum visa explorataque renunciauit. Calicutium nobilissimum emporium esse totius Orientis maxime celebratum. Gentem fusco colore, viribus imbellem, morum insolentia maxima: superiori corporis parte nudos crura lumbosque veste tegere, plerosque auro purpuraque distincta: lacertos & brachia margaritis onerare: ex humeris acinacem pendere: nuptiis coire foeminam vnā multis maritis: eoque incerta prole, patribus non filios succedere, sed ex sororibus natos. In Aethiopia late fusas gentes, nigro omnes colore, atque Christiano nomine esse: veterem religionem syluescentem, plurimum ex Iudæorum ritu & hereticorum erroribus confusam esse: Regi parere potentissimo innumeras copias equitum & peditum alenti, tendentique sub pellibus: gentis sanandæ magnam spem esse, si vltro citroque missis ad eam legatis in societate asciscerent. Verū hæc cœpta hoc tempore, consequentibus annis gesta sunt. Ferdinandum capta Malaca operi insistentem, Aragonii tumultus in eam prouinciam euocarunt: vbi scelera, latrocinia, cædesque vigeant maxime. Valentia à Philippo Aragonio Montesiæ Magistro, cum ex bello Granatensi rediisset, Ioannes Valterra obtruncatus erat magna nobilitate iuuenis, atque in amoribus Eleonore Crotonis Principis riuialis, quod exitiū attulit. Ea res tumultus graues in ea ciuitate concitauit. Ferdinandus Isabellaque Corduba profecti, Cæsaraugustā ad quintū Idus Nouēbris tenuerūt. In ea vrbe creādi vrbānos magistratus ratio vetus immutata est: senatusque cōcedente, ciuib. detracta potestas ea, vnique Regi permissa, vitandis contentionibus, atque tumultibus remedium opportunum. Præterea Castellæ exemplo ciuitatum inter se societates institutæ, stipendio militari imperato, vnde centum & quinquaginta equites alerentur: qui in omnes partes scelerum licentiam & maleficia, aut metu prohiberent, aut pœna vindicarent. Additum, vt vniuersæ societati nō nisi Cæsaraugustanus ciuis è trib. quos senatus nominaret, à Rege delectus præficeretur, circumscripta certis legibus potestate. Id principio consequentis anni gestū est M. quadringente. octogesi octauī. Quibus diebus à Rege Neapolitano 1488.

legatus Leonardus Toccus domo Græcus atq; à Græcis Augustis genus ducens, opulento principatu à Turcis euersus, profugus in Italiam de nuptiis appellauit pactis superiori tempore, Ferdinandi Capuæ Principis cum Isabella Ferdinandi filia. Eo conatu impedito, quoniam Isabellam Ferdinandus Gallo Regi, aut Lusitani Regis filio coniugem destinabat, æternum concordie inter eas gentes vinculum (sic putabant) Maria altera Isbellæ soror in eius locum est substituta priori modo pacto inducto, irritisque sponsalibus. sed neque hoc coniugium effectum est. Valentiam quo Reges Ferdinandus Isabellaque abierunt, Alanus Labreti Regis pater improuisus forte aduenit, cura ditionem aduersus Galli vires muniendi, magna ex parte detractam: Vascones pacandi, vbi tumultus vigeant, à Beamontiis magna prouinciæ parte occupata, exclusis aditu Regibus. tamen si ante tertium annum fœdere cum Lerini Comite factò, ei & necessariis honores & oppida concesserant, quæ maiores tenuerant, multis de nouo additis homine sanando. sed nullis meritis perfidia flectitur. Franciscus Dux Armoricus erat tuendus: quem quod virili prole careret, Annæ hæredis coniugium multis expetentibus Gallica arma sollicitabant. defendebant Labretus Aurelianusque Maximilianum Cæsarem Brugenfes ciues captum custodiis circumdederant, impetu in regiam factò feroces & rapidi: vnde noua cura accesserat Labreto confœderato, nostrisq; amici Principis calamitate cōmotis. Cum supplici Alano, neque vllas pacis conditiones recusanti, fœdus est factum, societasque armorum constituta, aduersus omnes Principes, vno excepto Rege Gallo: cui fidem fallere neque tutum erat, neque fas, quod Labreti ditio subdita vniuersa Gallico imperio esset atque finitima. Verum ea speciosa verba erant, rebus vacua, quando præsidia externa contra Gallum maxime quærebantur. Additum, vt in ora Cantabriæ classem ædificandi, delectusque militares habendi facultas esset, Iohāne Gralla homine Catalauno ductore earum copiarum. De eo fœdere tabulæ geminæ confectæ sunt, ad duodecimum kal. Aprilis. quarum exemplum subiicere non est necesse.

Bellum Mauricum repetitur. CAP. XII.

VAlentinæ gentis conuentus in ea vrbe inchoati Oriuhelæ ad exitum peruenere, sceleribus vindicandis, quorum non minor in eā gente quam in Aragonia licentia erat. Ex propinquo Ferdinandus iis motibus pacatis, per Contestanos in Mauricos fines nouo conatu apparatuque incurrere festinabat. vbi Abohardilles imperii nomen ægram spe, sustentabat: quamuis æmulo maior potentia, Guidixio, Almeria Baſta subditis mōtibusque Granata ad mare pertinentibus, maiori prouentu, quod à belli malis locorum asperitas eatenus seruarat immunes, & ex bombyce certissima genti vectigalia constarent. Accedebant studia prouincialium, à Boabdile auersa, quasi ignauus, impiusque esset, & nomine tenus Maurus, pectore noster. Auxerat auctoritatem irruptio per saltus, impeditaq; loca, in Alcalę regalis agros facta, nostrisque inopinantibus remissisq;, quod prope Boabdilis ditio esset, præda ingens Guidixium abacta, domiti pecoris maioris minorisq;: sed eam iniuriam Ioannes Benauidius iis finibus præfectus continuo vindicauit, Almeriæ agris incensis, vexatisq;. Regis Ferdinandi bellicus apparatus haud satis animo respōdebat (& Bætica hoc & superiori anno pestis lue vehementer laborarat) si vires suppetere, maiora conaturus. Murciam vbi ipse erat copiis cōuenire iussis, Verā quod oppidum, ad mare sitū Melæ Vergi fuisse creditur, aut Varea Antonino, impugnare statuit. Nec mora oppidani defensione desperata, ad quartum Idus Iunias deditionem faciunt. Veræ exemplū Muxacra (quæ veteribus Murgis fuit) sequitur, vtrunque Veles Albū Rubrumque: multa alia castella, & oppida temere munita, aut sine præsidio accesserunt. magnus terror, neq; minus periculum hostium animos fregerat, ne agri vastarentur ad deditionē inclinatos. Almeriæ locis finitimę aditu, Taberna arx situ inexpugnabilis prohibebat. Eē nouo p̄sidio firmatū Rex senior Guidixio accurrit, mille eqtes, vigintimillia peditū sub signis habēs. simul insidere saltus nostrosq; dispalatos carpere cogitabat, in casum vniuersæ dimicationis non venire ex conscientia suarū imbecillitatis viriū: quod collectitiū exercitus exiguo rei bellicæ vsu. Cum pugnam barbari detrectarent, nostri ferociore facti, multas passim manus ad campeſtria deuastanda dimittunt. vis mali in Almeriæ planiciē maxime incubuit: deinde Baſtę agri vastantur aquis irrigui, ob idq; insigni prouectu & amœnitate. Riuis, quib. ea planicies distinguitur, impediti nostri, haud leue damnū acceperunt. cōcurrentib. Mauris multi ceciderūt. in eo numero Philippus Aragonius Mōtesiæ Magister iuuenta ferox, ferox nobilitate. Imminuto copiarū numero Ferdinandus idoneis locis præsidia disponit. ipse Oſcam primū vicinā Baſtę urbē, deinde secundum Staberi fluminis ripā, Murciā contendit. Toletum inde atq; in vltiorem prouin-

provincia, quo alia regni cura vocabant, discessurus. Eius digressu Rex barbaris, oppida quæ amissa erant, aggreditur. quædā partim spe, partim metu in potestatem reuocat. Interim Gausini incolæ, quod oppidum satis munitum prope Arundam situm erat, nostrorum imperio fessi, aut pro more gentis ingenii leuitate perfidiaque, inter se coniuratione facta, milites præfidiarios obtruncant palantes securosque, ut in nullo tali metu. Letitia diuturna non fuit: vicini Mauri, ne ipsi quasi facinoris cōscii pœnas darent, manu facta Gausinum obsident. Gaditanus Cifontanisque Hispali cum noua manu ad vindictam accurrunt. Sic recepto oppido, incolæ pœnæ cuncti, aut prædæ fuerunt. Ferdinando Vallisoletū ap- pulso ad octauum Idus Septembris, qui dies Sabbathi fuit, noua se se occasio obtulit Placentiæ vrbis recuperandæ, ignauia superiorum Regum alienatæ, Stunicisque regulis addictæ. Aluaro Stunicæ per eos dies defuncto, nepos eodem nomine ex maiori filio successerat. item iuueni Dieghus Stunica patruus intendebat, quasi potior iure. Familiæ clientumque studiis in vtranque partem diductis, Caruaialis factioni in ea vrbe præualidæ opportunas data est, vrbis in potestatem redigendæ. Impetum in arcem factum præfidiarii sustinuerunt. Ferdinandus per speciem eos tumultus pacandi, in eam urbem aduolauit: dedenteque Aluaro nouo Duce, atque Begiarem digresso in potestatem redegit, Ledesmiæ permutatione datam à Iohanne secundo, Petro Stunicæ Aluari proauo. Magnus procerum timor, ne quæ perturbatione temporum superioribus Regibus extorserant, restituerere cogerentur Regi, maiori potentia consilioque. In Aragonia noui tumultus extabant. proceres ciuitatum societatem nuper initam disturbare cogitabant quasi grauem nimiumque priuatis ipsorum commodis obsistentem: neque prius restiterunt, quam ea societate in decem annos abrogata, comitiis Turiasone habitis consequentibus annis. Ad Maximilianum è custodia Brugenfi liberandum, legati à Regibus in Belgas Ioannes Forteca atque Aluarus Arronius rem ex sententia confecerunt. expetenti tamen in coniugium Isabellam Regum filiam Maria priori vxore defuncta, denegatum, spe facta Philippo eius filio, atque heredi futuro, vnam ex Isabellæ sororib. ætate idonea collocandi. quem Austria Archiducis per eos dies nomine, Augusti indulgentia, nepotem auxerat nouo exemplo: (nam maiores Austriæ Duces vocabantur) nouisque honoribus augere destinabat, Hispanicæque affinitati idoneum præstare. Medina Iureconsultus, & Bernardinus Caruaialius in locum Garciæ Toleti Asturicensis tunc Episcopus, deinde Cardinalis & Placentinus Episcopus, apud Romanum Pontificem pro Ferdinando legatorum partes implebant. iis mandatum, ut Maximiliani legatis, quos ad Pontificem miserat præter morem maiorum, ut quidam disputabant superstitere patre Augusto, ita priores partes concederent, si Galli Regis oratores idem facerent: medios assidere non paterentur. Multum ad Maximilianum liberandum classis fama contulit à Labreto, ut conuenerat, in Cantabriæ litoribus edificata. Terra tamen in Britannia Armorica grauis clades accepta est. ad fanum Albini à Galli Regis copiis victi Aurelianus Dux sociique sunt. Ioānes Gralla quoque Hispanorum Dux amissis suis magna ex parte, in victorum potestatem venit.

40

Tres vrbes de Mauris capta.

CAPVT XIII.

VNo tempore Castellæ regia nouis opibus augebatur, à Turcis ingens metus extabat assiduis atque infensis Christiani nominis hostibus, mari terraque potentibus. Defuncto fine anni Garcia Padillia Calatrauæ Magistro (sepulcri inscriptio, quod in eo oppido ad aram templi maximam cernitur, superiori anno ait) extincto certe, multisque vna ambientibus, Ferdinandus Rex concedente Innocentio Pontifice, eum honorem, paresque opes vtendas, fruendas, administrandas stabili possessione suscepit: quod exemplum ad alios militum ordines manauit, effecitque, ut aucta Regum potentia eorum militum auctoritas euanesceret. cum præmia virtuti dari solita emeritæ militiæ viris, rebus conuersis aulæ asseclis plurimum cedant. At tumultus in comitiis vigeant: regique ærarii tenuitas erat supplenda. recte, nisi omnia mala exempla ex bonis initiis deriuarent. Verum hæc reip. vulnera sanare quis possit in tanta assentatorum frequentia? prætermittere satius arbitror. Tamen si quis equo animo ferat, opes maiorum pietate concessas ad profligandos Christiani nominis hostes effundi nullo certe exiguo reip. fructu: quantum iis terræ marisque parari potuit? Ex Oriente fama percrebuerat, numerosas equitum & peditum copias à Baiaceto Turcarum Imperatore contractas esse, valida classe constratum mare. ne in nostros fines sæua verteret tempestas, metus erat: neque voluntas barbaro deerat ad occasum proferendi imperium, vlciscendi dolorem, ob denegatum Gemem fratrem. Aegypti Sultanus morabatur spem, Turcarum incrementis maxime inuidens. Ergo in eum con-

uerso impetu, vndecim prædatorum biremes à reliqua classe diuulsæ, Melitem insulam pene omnem prædæ habuerunt, & direptioni, ipsa etiam ciuitatis suburbia: quæ gemino portu quâ tumuis magnæ classis capax est, vtrumq; portû cuspide terræ distinguete, cui à Sancto Anselmo nomē est. ea parte propugnaculum edificari visum, prohibēdis hostibus: ne eam insulam belli sedem efficiērent, assueti nostris litoribus. Aduersus prædones, ex Sicilia quidem missa classis est, ductore Patela. ferum auxilium hoste cum præda dilapso. Ex Hispania noua classis dimissa nouo Siciliæ Prorege Ferdinando Acunia, non modo ad nostros fines tutandos, sed tentanda etiam Africæ litora idonea. Cum Angliæ atque Austriæ Principibus fœdus instauratum aduersus Galli Regis potentiā. Ea præsidia comparari dubitabat nemo ad Neapolitanum regnum armis occupandum: ad quod proce- 10
1489 res Neapolitani patria exules, pars Ferdinandum, pars Gallum, vnde maior spes erat, o-
pes validiores prouocabant. Quo studio proximo anno M cccc octogesimo nono mille equites, duplicato peditum numero Annæ Britanæ defuncto patre Armorico Duce, mit-
ti decretum est ex Hispania aduersus Galli potentiā auxiliares. ductor Petrus Sarmentus Salinarum Comes. De bello Maurico maior cura erat: & quo propius spes admouebatur imperii Maurici opes euertendi, crescebat animorum ardor. Sic Reges ad sextum Kalen.
Aprilis Medina Campestri bellum instauraturi in Bæticam concessere. Giennii bellici ap-
paratus erant. Corduba obita lustrato exercitu, inuentum duodecim millia equites, pedi-
tes quinquaginta millia sub signis esse. delecta vniuersa ditione inuentus, bello viuida vir-
tus. Ex vna Cantabria & vicinis locis numerosa manus aduenerat: quæ gens molli impe- 20
rio ob idque fidelissima apud Reges est; locorum asperitate duratis corporibus militiæ la-
boribus idonea. Cum his copiis Bastam obsidere visum est. Cuiar oppidum in ipso aditu
captum: quoniam munito loco erat, ne nostrorum conatus impediret. Ineunte mense Iu-
nio ad Bastam castra sunt posita. Perspecto Urbis situ Ferdinandus adhortatus pauca pro
tempore milites, obsessos impugnare constituit. Ipsum erat oppidum in collis latere: cuius
collis partem & subiectam planiciem flumen alluit ignobile, ex aliis partibus colles
assurgunt. in vrbe virorum atque armorum satis magna vis, frumentum in quindecim
menes comparatum. locus opportunus vineis agendis, aliisque machinationibus. Egres-
sis ex vrbe præfidiariis militibus prælium in planicie fit. summa vi ab vtrisque contendit-
ur. laborantibus nostris, atque inter riuos, quibus aqua diducitur in agros, & cæcas fossas 30
impeditis cadentibusque, nouæ è castris copiæ submituntur. sic nostris animus creuit.
hostes in urbem reiecti sunt maiori damno accepto, quod multo minori essent numero,
ad tria millia milites, tertia equites parte. Sic sæpe erumpentibus Mauris pro castris muni-
tionibusque pugnatū est. Nostri segetes, hortosque corrumpere, magno ciuium dolore.
Cecidit Ioannes Luna Illuecæ regulo natus, prima iuuenta & gratia Regis florens, multif-
que præclaris factis nobilis: vti Petrus Martyr Mediolanensis: qui præsens de hoc bello
commentaria confecit auctor est, patria Mediolano vetus Hispaniæ hospes. Pares nostri
tumultuaria pugna Mauris non erant, assuetis, se in fugam vertere, pugnamque incredi-
bili celeritate repetere, vulnerare, cedere. Locus & genus pugne pro hoste erat: nostri nu-
mero & virtute vincebant. Sic obsidio in multos dies ducta est. Rex anxius trahere cum 40
animo suo, omitteret ne inceptum, quoniam frustra erat an exitum expectaret, quo sæ-
pe prospere vsus fuerat. Terrebat maxime anni teinpus multis funeribus lugubris. In salu-
brium ciborum noui succi vulgauerant morbos: pestisque lues nondū plane sedata mul-
tos indies absumebat. Gaditanus Regio concessu per eos dies Marchionis nomine in Du-
cis honorem transformato, mouenda castra disputabat: neque tanti exercitus periculo, i-
gnobilem urbem emendam videri. Vbi periculo respōdent præmia, & secundis reb. am-
,, pliorem fructum esse, & aduersis solatium maius. Si obsidio in hyemem ducatur, inflatis
,, fluuiis, quæ spes, quis receptus? Pereundum vnâ omnibus, nisi mature consulimus. Hor-
,, ret animus meminisse, tua tibi salus vilis Rex est: cuius spiritu omnes viuimus, vincimus-
que. Vera Gaditanum prædicare nemo ignorabat. vicit tamen Regis constantia. Ignauos 50
premunt numina, fortes iuuant. Assidere vrbi constituunt, mœnia circumuallare. fossa
circumducta est. sepesque labro prætenta. Nouem castella ex interuallo posita: quibus in
castellis stationes disponebantur, nequa subito irruptio fieret. copiæ distributæ idoneis
locis sunt. Gaditanus cum quatuor equitum millibus apud tormenta agitare iussus. Sed
externis quamuis auxiliis prohibitis, commeatus affatim in vrbe erat. contra in ca-
stris rei frumentariæ inopia, pecuniæque in stipendium. Nouæ in dies manus auxilio
aduentare. Mense Octobri Duces Petrus Manricus Anagari, Albæ Fridericus, ob
nuper defunctū patrē in veste squalida, Fridericus maris Præfectus, Asturicæ Marchio.
subsecuta paucis post dieb. Regina est cū Isabella filia, Toletano atq; Episcopis aliis quo-
rum

rum aduentu (sic arbitror) fracti obsectorum animi sunt. repente enim Hacenus cognomento Senex urbis Præfectus, ad quem bellici etiam imperii summa redibat, colloquio flexus Guterrii Cardenæ Promagistri Legionensis, cum diu sustentare potuisset, re cum suo Rege, qui Guidixii erat, communicata, deditiōem facere constituit. Res comparanda miraculo visa nostris est. Conditionibus pridie Nonas Decembris nuncupatis, Rex Reginaque triumpho per simili pompa in urbem die proximo inuecti sunt. deditæ urbis cura Carfolæ Antelato Diegho Mendozæ, Cardinalis Hispaniæ fratri concredita est. Ea formidine multa circum oppida ultro dedita, obsides, frumentum, & alia quæ usui forent affatim præbuerunt. Taberna, Seron, quod mirere amplius, Guidixium Almeriaque, quæ
10 diuturnam obsidionem tolerare potuissent, ne tentata quidem defensione ipso seniore Rege dedente, captæ sunt. Ad Almeriam, Regem barbarum in castra venientem, Ferdinandus Rex obuius benigne accepit. paratum imperata facere, seq; & sua victoris voluntati permittere. Accessere præterea in victoriæ partem duæ arces munitissimæ locis inter se coniunctæ marique imminentes, Almunecar ubi regii Maurorum thesauri, cultusque
esse consueuerat, & Salobrena quæ veteribus Selambina in Bastulis ad mare Ibericū fuit, locis arduis, ea munitione, ut Regum filiis & fratribus custodiendis, carceris instar esset. Ei arci Franciscus Ramirus Madriti municeps, tormentis bellicis præfectus, Prætor est
20 datus: cuius præclara facinora multa hoc & bello Lusitanico meritaque præclara extiterant. Enituit etiam in Bastæ impugnatione Martini Galindi cuius Astigitani vnus maxime virtus, Ioannis parentis laudes exæquare contendentis: quo fortior miles ea tempestate nemo fuit. Tantis rebus confectis, recensito ad Guidixium exercitū, pridie kalendas
Ianuarii, incunte salutis anno Millesimo quadringentesimo nonagesimo, inuentū viginti
1490 millia capitum è nostris desiderari. tria millia in pugna ceciderāt: cæteros vulgati morbi, hyemis asperitas consumpsit, concretis frigore membris, corruptis tabo vitalib., morte tristius, lethi genus: sed plerisque è lixarum calonumque numero, eoque minori damno.

Alfonsi Lusitani Principis nuptia. CAPVT XIV.

FInis appetebat, iamque aderat, gentis barbaræ atque imperii inauspicatō in Hispania
30 fundati. vrgebat Ferdinandus Rex, neque indulgenti fortunæ deerat, acer, impiger, solers, cautus, in acie ferox, post victoriam mitis. Supplici prostratoque Regi barbaro conditiones ferente Guterrio Cardena D. Iacobi Legione Promagistro, cuius magnus usus eo bello fuerat, virtus præclara, Fadaraxium donat, in montib. Granatæ situm municipiū. ad-
iicit alias circum villas & pagos, prædiaque vnde ad vitam sustentandam decem aureorum millia annua prouenirent, exiguum vectigal, leueque regni erepti solamen: eo minori commiseratione, quod imperium meminerant à parricidio inchoatum. Mauris recens
subditis datum, ut retentis agris exclusi mœnibus, in suburbiis habitarent, nudati omni munitione. rebellandi facultate sublata, arma etiam & ferramenta detracta. Eo promul-
40 gato fœdere Guidixio Ferdinandus Isabellaque discedunt ad quartum Kalendas Ianuarii, per Astigitanos Hispalim petunt tantis rebus breui confectis, maiores augustioresque
quam antea: per circumfusus studio visendi populos, ad cælum ferentes laudibus prædicationeque, tanquam cælo dilapsos in salutem patriæ magis quam mortales metuere & colere. Externi Principes rei gestæ fama permoti, missis legationibus gratulari, certatimque Hispanam amicitiam appetere Lusitanus maxime Alfonso filio, quod agi ante cor-
ruptum erat, Isabellam maiorem Regum filiam coniugem expetebat, pacis perpetuæ inter utranque regiam, pignus securum. Ferdinando Sylueira iustitiæ Præfecto, & scrinii regii
Magistro Ioanne Texeda è Lusitania legatis, fides nuptiarum Hispali data est quattode-
cimo kalend. Maii. Et erat spes Gallici coniugii intercepta, Gallo Rege ad Annam Britan-
niæ Ducem respiciente. Magna vtriusque gentis lætitia fuit. Lusitanæ minor, Ioanna spon-
50 si amita lectissima, de cuius pietate multa ea gēs prædicat, proximo mense Aueri extincta cælibe vita. Castellæ haud diuturna. Puella ad tertium Idus Nouembris Constantina in
Lusitaniam missa est, deducuntibus Hispaniæ Cardinali, Ludouico Osorio Giennensi Episcopo, Diui Iacobi, & Alcantaræ Magistris, Comitibus Gometio Figueroa Feriæ, Beneuenti Alfonso Pimentelio, multa alia nobilitate. Omnia ad decorem imperii com-
posita, suscepto inter eas gentes de splendore, cultu & elegantia certamine. Ad Caiam quod flumen Pacem Augustam, Helbesque interfluit, noua sponsa in Lusitanorum pro-
cerum potestatem contradita: qui non minori numero obuiam processerunt, cum Emanuele Duce: cui iam numina id coniugium regnūque destinabāt. Ad Stremotium Lusitanæ oppidū Rex Lusitanus & filius præsto fuere. media sponsa ad sinistram socer assedit. In

eo oppido in sponsi manum conuenit ad octauum Kalen. Decembris: qui dies Mercurii fuit. sacra nuptialia die proximo peracta antistite Bracarenfi Episcopo: cuius inter Pontifices Lusitaniæ primæ honoris partes sunt. Iudi nuptiales Eboræ atque Scalabi in sextum mensem continuati. Nihil est syncerum constansque in rebus humanis. Lætitiæ vniuersæ gentis inopinus casus conturbauit. Regem in eo oppido ad ripam Tagi fluminis die quodam sub vesperam progressum, Alfonsus Princeps honoris causa comitatus, cum Ioannem Menesium ad currendum admissis equis prouocasset, ferocis quo ferebatur, equi repentino casu oppressus est, breuique extinctus: quanto parentum & sponsæ, atque totius prouinciæ luctu dicere non est opus. Tot spes, tot gaudia, diem vnum in contrarium vertisse verissimis lacrymis querebantur. Corpus ad maiorum sepulcra tumulo cōtectum, & inferiæ more patrio datæ, Rege & reliqua nobilitate atrata in veste funus prosequentibus. Isabella vix primis gaudiis delibatis, tam breui spatio sponsa, coniux, vidua ad parentes in Castellam cōfecta lectica remissa est. Sic res humanæ & gaudia leui momento permutantur. Regem focerum ex mœrore lentus morbus inuasit, oppressitque quarto post filii obitum anno, fundato sub vitæ finem Olisipone regali xenodochio nobilissimo: cuius fundamentis auri stipēs ipse subiecerat, perpetuitatis omine. Nulla iusta prole relicta, Georgium ex Anna Mendoza pellice susceptum, in primis quamuis annis, Auisii atque D. Iacobi Magistrum renunciandum curauit, atque perfecit. Noua Regum stirpes excipit in Lusitania. Emanueli Regis extincti patruelis, Ferdinandi Visei Ducis filius, iure propinquitatis cæteris deferentibus imperiū gentis suscepit. Ex eo Ioannes est natus. Ex Ioanne filius eodem nomine: quem ætatis breuitas ad imperium paternum auitumque peruenire non concessit, eius Sebastiani patrem, qui auo proximus, gentis Rex in Africa graui ac perpetuo suæ gentis luctu occisus, Philippo Castellæ Regi Emanuelis ex Isabella filia nepoti felicissimo, Lusitanum regnum reliquit, tertio anno antequam hæc scriberemus. Sic in fatis Hispaniæ erat, quibus nihil est arduum. Verum hæc maiori eloquentia & eruditione viri explicabunt: nos ad iter Granatam redeamus.

Granata planicies vastata. CAPVT XV.

Bellum Mauricum cōficere cogitanti Ferdinando, vnus modo Granatæ vrbis munitio opponeretur: fidesque Boabdili Regi superiori tempore data, cum suis omnibus inuiolatum fore. Eius subigendæ præclara occasio est oblata. ciues ne externo quidem metu coerciti, correptis armis Regem, quod sæpe fecerant, intra Albaicinum compulerant, ægra spe non iam de imperio, q̃ pereunte obsequio nullū erat, sed de salute, de libertate laborantē. Cōmota multitudo indignari, fremere, tumultuari, minari exitiū. Amicū Principē in periculo deferere auxilia postulantē iniquū erat, tametsi noui ex Oriēte terrores ostētati erant. Aegypti Sultanus potētissimus, nisi incepto desisteret Ferdināndus gētis Mauricæ impugnantē eisdem imbutæ sacris, cæde vindicaturum se omniū, quicumq; ex piorum natione in Aegypto, atque Syria reliqui erāt minabatur: ne à sacris quidem & templis temperaturum. legatus in eā rem Antonius Millanus Franciscano monasterio Hierosolymæ Præfectus, eadem Neapolitani Regis verbis, eo ex itinere cōuento, monuit, vt fama ferebat, Mauricæ genti æquioris quam honestum esset, & fas Principi Christiano. Nulla iniuria prouocatum debere ab iniuria temperare, neque mouere vnde grauiores calamitates extarent. Sacris quamuis discrepantem gentem temere violandam non videri. Neque barbari minis, neque Neapolitani præceptis Ferdinandus est territus. Ad Sultanum tamen bello peracto Petrus Martyr legatus est facti rationem redditurus: ad Neapolitanum in ipso nouæ expeditionis procinctu, codicillis explicatæ causæ, cur iure Christiano imperium iniuria constitutum ab antiquo, & vnde multæ recentes offensæ prouocarent, euertere honestum fasque esset. De piorum salute laborare: sed tēperaturos dolori barbaros cognita veritate: neque commissuros vindictæ studio, vt vectigalia amitterent, quæ genti grauissima imperabant. Nominis sanctitas non modo tutum à periculo indignitateque Antonium legatum præstitit: sed effecit, vt reuerentissime officiosissimeque haberetur, dimittereturque. Simul ad Granatenses ciues missi, qui Ferdinandi verbis nunciarent. Si positis armis imperata facerent, eadē conditione, qua cæteri dedititii futuros. Commouit ea denunciatio vtranque factionem, vt positis odiis de communi salute consultarent. Neque ignorabat barbarus Rex, Ferdinandum magis nomen ad præsidium eius quam vires afferre. pro se verbo, pro se ipso re pugnaturum: neque cessaturum, nisi vrbe in potestatem redacta. Viri in ea gente Sancti inter vtrosque commeantes ad concordiam prouocare, obtestari, monere, quod in rem foret. Seu finis belli esset,

esset, seu resumere arma mallent, vnicum genti in pace præsidium: dissidio utrosque prædæ fore. Ergo sancita concordia inter Mauros, nostri prædabundi in Granatæ planiciem irrumpunt Rege ductore, Regina Moclini relicta: vastatæ circum segetes magno ciuium dolore, metuque, ne fame premerentur. Ioannes expeditionis comes à patre Rege balteo militari donatur, laboris præmium, ad maiora incitamentum. Abacta Cordubam præda, lateque terrore iniecto, Villenæ Marchio limiti præficitur. Alfonsi fratris in ea irruptione amissi solamen, dextrique brachii debilitati hastæ ictu: dum quendam è suis à Mauris circumfusus periculo eripit, magno Princeps animo, magnoque rei militaris usu. Mauri vix metu depulso, ductore Boabdile Alhendinum arcem nostrorum præsidio recens muniam evertunt. Ea iniuria vindicata, noua irruptione vastatis abs Rege panico millioque quæ vna spes supererat vitæ, sequenti anno sustentandæ. quindecim diebus ea clades continuata est. Guidixienses Mauri correptis armis tumultuantes, nostros, qui in arce erant, adacta vi perimere parabant: sed Villenii celeritas seruauit. Per speciem Fandaraxium impugnandi, quod oppidum ab imperio Abohardillis defecerat, Guidixiū inuectus cum valida manu equitum peditumque, Mauros vrbe egressos quasi numerū lustraturus, clausis portis aditu prohibuit: nostrosque periculo eripuit. Rursus Ferdinandus de mense Augusto in Granatæ fines igne, ferroque populationes fecit. Nouo Boabdiles conatu Salobrenam obsidebat: sed magna virtute & diligentia Francisco Ramiro defendente, nouoque à tergo terrore urgente, incepto abstinere, Granatamque se se referre compulsus est.

10 Abohardilli datum subditis tumultuantibus recusantibusque eius imperiū, ut in Africam traiceret, amplissimis muneribus donatus: uti erat in superiori fœdere cautum.

Granata obsessa. CAPUT XVI.

HYeme Hispali exacta, Reges Ferdinandus Isabellaque bellum repetunt. ad Alcalam Regalem Regina cum filiis restitit ad omnes casus parata, breuique iisdem vestigiis secutura, gloriæ & periculi futura particeps. Ferdināus procerum aduentu, & militum quos vrbiū conuentus suis stipendiis submittebant, aucto exercitu, trinis castris in Granatæ conspectum Sabbatho ad nonum kal. Maii salutis anno Millesimo quadringentesimo nonagesimo primo ad Guetaris (id pago nomen est sexto ab vrbe lapide) scaturigines, cum ventum esset, ex iis locis Villenæ Marchionem & tria equitum millia in vicinos montes prædatum mittit: ipse se eodem subsequitur, cum copiarum robore pollicetur præsidio futurus: si quid montani homines durum in armis genus, aut ex vrbe hostes mouerent. Fecit imperata Marchio Rex versus Padulium progressus repulsis Mauris, qui ad premendum nostrorum agmen, ex vrbe erant egressi, coniectisque in fugam, Marchionem re ex sententia patrata nouem pagis Maurorum incensis, multaue præda redeuntem accepit lætus, & quoniam prima prospere euenerant, in vltiores montes belli terrorem infert. late populationes, direptionesque factæ. Mauri equites peditesque notis tramitibus montium, qua transitus erat, angustias obsidentes victi deiectique sunt. Cœptis fauebant numina. quindecim alii pagi direpti euersique: magnaue præda capta: cuius copia erat, montanis à belli superioris malis immunibus, idoneisque in urbem commectus affatim importando: quod omnino prohibendum erat. His rebus sine vulnere confectis, intra triduum vnde discesserant, læti redierunt. factis castris munimenta addunt, subitarii operis fossam, vallumque. Quinquaginta millia militum erant, quinta equitum parte, Hispanæ iuuentutis flos ingenti delectu contractæ, viuida virtus, vigenque. Urbem equitum peditumque numerosæ copię muniebant: quoscunque belli sæuitia reliquos fecerat, magno rei militaris usu. In vrba multitudo parum præsidii rebus erat, in pace feroci, in periculo ignaua. Vrbs Granata natura loci, opere, muris, propugnaculis inexpugnabilis tutaque erat. Ab occasu panditur planicies agri optimi, multo effuso in ea sanguine, vberi gleba, centum decem millium ambitu. longitudo maior quam pro latitudinis modo fontibus qui ex vicinis montibus sex & triginta deriuantur ac riuis irrigua, amœnaque ac humano prope cultu felicior. Ab ortu Illiberritanos montes erigit, vbi quondam Illiberris sita fuit: Niuosos ad austrum iugis perpetuis inter se serie coherentibus ad Mediterraneum mare. Latéra leniter decliua, & cultura læta & domiciliis frequentia sunt. vrbs gemino imposita colle, Darro amne interfluente tenui aqua quem Singilis mediam intertecans planiciem, vrbe dilapsam excipit. Mœnia validissima sunt, mille & triginta turribus distincta, horrentiaque specie minaci, septem olim portis, nunc duodecim. Circumuallari coronaque militum cingi non potest, egregiis etiam à planicie vnde ascensus æquior est, operibus propugnaculisque firmata. Ea parte templū est maximum,

Mauris rerum potentibus rudis structura, nostra ætate eleganti opere, eisdem vestigiis perfectum humano prope cultu augustius, sanctum omnibus circa populis, inclytū non tam diuitiis, quam Sacerdotum numero probitateque. Prope forum ducentos pedes latum triplo longius ad lineam directum edificiis ambientibus & mercatorum tabernis elegans. Geminæ arces sunt: ad austrum nobilissima pertinet, vrbi imminens, proprioque cincta muro, cui Alhambra hoc est, Rubra nomen vicini soli color effecit, an ex alio oppido eiusdem nominis eam appellationem sumpsit, spatiis iustæ ciuitatis instar. Fundamenta Mahomad cognomento Mirus posuit. extruxere consequentes Reges: sed gloriam perfecti operis Iusephus cognomento Bulhagix tulit. Supra eius arcis portam in læui marmore inscriptio legitur Arabicis literis, eo Rege demonstrans fuisse perfectum opus, dedicatumque gentis anno septingentesimo quadragesimo septimo, ad nostram rationem anno Millesimo trecentesimo quadragesimo sexto. Eundem, Albaicinum in aduerso colle sitam vrbis regionem, proprio muro cinxisse constat: eo sumptu, vt arte metalla permutasse, cum opes regni non sufficerent, fama sit. Reliqua vrbs interiecta est, vicis deformis, angustis plateis, vitio gentis Mauricæ ædificandi oppida minime curiosæ. Domorum sexaginta millia complectebatur, ingens numerus, ac vix fidem factururus. illud mirabilius quod à legatis Iacobi secundi Aragonii Regis Clementi quinto Romano Pontifici, Viēenses conuentus habenti, affirmatum inuenio. Ducēta millia capitum Granatæ eo tempore, numerari, vix tamen ex tanto numero quingentos ex Mauris parentibus auisq; prognatos esse: quinquaginta millia Christiana sacra eiurasse: pios ad triginta millia captiuos teneri. Illud certius, ciues in viginti tres tribus nostra ætate distinctos. de numero ciuium laborare non attinet, nihil ad liquidum fama perducitur in eo genere maxime. Ex vrbe & ex reliqua prouincia septingenta aureorum millia Mauris Regibus prouenire erant solita. Infana vectigalia erant: septimaque frugum & pecorum pars pendebatur. decedentibus sine liberis Reges heredes ex asse erant, cæteris pro portione quantum vnus ex filiorum numero. Regina cum filiis venit in castra. Quo tempore Romæ, Pomponensis ecclesia Alfonsi Carrillii obitu vacua, Cæsari Borgia tunc Protonotario, deinde Cardinali pridie Idus Septembris commendata est. Ferdinando Regi animus erat, supremo abhibito conatu eam urbem in potestatem redigere: agris identidem vastatis ciues ad extremā inopiam redigere, locis vbi castra erant ædificata vrbe cui à sancta Fide nomen fecit. Surgebat incredibili celeritate opus: breuique ad fastigium peruenit. Intra mœnia suis quæque partibus tentoria descripta, tum tendentium ordine, tum itinerum interuallis specie mirabili, ad instar iustæ vrbis. Interim variæ manus prædatum dimissæ, cum Mauris ex vrbe egredientibus sæpe pugnare. captis aliquando tormentis, magnoq; hostiumque numero malo compulso in urbem reicere. muro succedere propius quam ante meminerant. turres vnā & alterā capere, earum quibus prope urbem & speculis & munitione hostes utebantur. Successu lætos inopinatus casus conturbauit. Ad sextum Idus Iulii noctu in Regis tentorio incendiū excitatum, maioris periculi metum incussit. Erant tabernacula ex ramalibus plurimum intexta. iis auide concipientibus flammam (candela forte à Regina neglecta) repente tum prætorium tum vicina tentoria arserunt. neque sisti ignis poterat. Fraude Rex hostium id contigisse putabat. In publicum nudus prodit arrepto clypeo militari. Certe periculū erat, ne Mauri occasione captata, in nostra castra impetum facerent. Gaditanus eo metu cum equitatus parte totā noctē in armis, qua parte hostibus transeundum erat, sustentauit. Maior turbatio, quam periculum fuit. Proxima luce populationes repetitæ: variæ etiam manus diebus consequentibus in montes missæ prædatum, nihil hosti tutum faciebant, enixe quamuis locis omnibus propugnabat, desperatione, qua nihil est acrius, faciente animos. Verum nostris nihil remittentibus, Mauri malis omnibus domiti ad deditionem flexere animos. Bulcacino Mulcho vrbis Prætor in castra egresso, atque è nostris vltro citroque comitantibus Gonsaluo Fernando Corduba, & Fernando Safra, qui Regi à secretis erat, hæ conditiones consensu scriptæ sunt, atque vtriusque partis sacramento firmatæ, ad septimum kalendas Decembris. Intra dies sexaginta vtrāque arcem, turres, portas Mauri traderent. Regis Ferdinandi sacramentum acciperent, in fide & potestate futuros. Christianos captiuos sine pretio mitterent. Dum ea essent perfecta, intra diem duodecimum obsides quingentos darent, ciuiū nobilissimorum filios. Idem possessiones retinerent, arma, equosq; tormentis modo cōtraditis, templa ex ritu gētis, patriaq; sacra. Suis legibus viuerent iudicib. ex gēte creatis: quorū cōsilio regii Prætores iura dicerēt Mauris. Vectigalia triennio remitterētur magna ex parte: neque deinceps maiora imperarentur, quam suis Regib. pendere consueuissent.

consueuissent. Qui in Africam nauigare mallent, iis sua pretio vendendi facultas esset: nauigia cum fide darentur quibus ipsi portubus nominarent. Boabdili filius ac cæteri superiori tempore fidei obsides, Moclino, ubi erant, deducti redderentur. Vrbe dedita nullo amplius fidei pignore opus fore.

Tumultus in vrbe concitatur. CAPVT XVII:

His conditionibus pactum foedus, haud magna occasione disturbatū ferme est. Vulgus, Maurorum maxime infidum, mobile, seditiosum, quieti & otio aduersum. Maurus quidam, cuius nomen nō proditur, quasi panicis actus, turbida oratione ad arma concitare populum non desistebat. In simulatione beneuolentiæ, proditionem, fraudem, infidias contineri. Boabdilem & proceres nomine Mauros esse, voto cum hostibus stare. Perpetuæ seruitutis iugum imponitur, adeste animis. Sed præsentis miserias & pericula ferre graue est? Animi est ista mollities, paulisper in malis tolerare non posse: minora, ac temporaria mala perpetuis, & grauioribus mutare. Quid vero ad spem affertur inuiolatos vos fore. de bonis non ago, quæ pari vanitate integra fore persuadent: nempe novos ciues alius ager sustentabit? An ignoratis quanta vestri sanguinis hauriendi sitis sit? superioribus bellis parentibus, propinquis magna ex parte desideratis, vindicare prætermittant? Vetera omitto. annum iam circumuallatos & nos macerant, & ipsi non minores clades pertulerunt, circa munimenta sæpe trucidati, neque magis obsidentes, quàm obfessi, nouæ urbis munitione bellum defendentes. Ferrei sint, nisi vrbe dedita vestris capitibus peremptorum manibus parentarint. Quasi bestię cæco impetu, ac rabie concitatae sitiunt sanguinem. Sed viri sanè non sumus. alioqui mecum sustentate. Aderit numen, Mahometesque vates. responsa vetera, & siderum motus fauent fortibus, sed destituunt ignauos. At annuæ inopia premit. sed si parcitis, & quæ à priuatis recondita sunt, in commune confertis in multos dies possumus tolerare: iisque consumptis eorum corporibus, qui ad bellum inutiles sunt, famem propulsare quid vetet? Graue, inquis, & horrendum facinus. sed exemplum tamen à veteribus in simili periculo si non haberemus, institui denuo, & postea prodi pulcherrimum iudicarem. Stat sententia: si mortem recusare fas non sit, cruciatus contumeliasque vitare. Capi, diripi, incendi patriam non videbo: matres, virgines, pueros ad stuprum & in seruitutem rapi. Idem si persuadeo corripite viri arma: foedus importunū disturbate. nec cunctatione opus est, ubi perniciosior est quies quàm audacia. Hæc ardentibus oculis, vultu minaci per compita & plateas voce væcordi concionatus, viginti hominum millia ad arma concitauit. Furore & rabie, & causis incertis, eoque difficilioribus remediis agitabantur. Boabdiles nulla iam auctoritate, ne in tanta colluuiatione, ludibrio haberetur, intra Alhambram arcem se tenuit. Feroces primos impetus multitudo habet: mox conquiescit, sine capite, sine viribus vano conatu. Idem sedatis tantisper animis, proxima luce in Albaicinum descendens, ubi gentis studia integra erant, consternatas suorum mentes sanare contendit. Vestra inquit, causa nō mea, ut quidam inuerecunde suspicati sunt, huc monitorem venisse, vel hæc fides sit, quod arce in nostra potestate posita, hostem aduocare nolui, vestra salute neglecta quamuis nouis iniuriis prouocatus: neque antea dum vestris viribus restitistis, dum auxilia aliunde sperastis, dum frumentum in vrbe fuit, pacis constituendæ vnquam auctor fui. Mittantur vetera. sæpe à nobis peccatum esse confiteor, fide hosti habita, regno aduersus patrem sumpto: sed poenarum nihil minus datum est. Rebus desperatis foedus pepigi cum hoste, ne honestum dicam, tempore certe necessarium. Quid fanatici homines, ut pacem pulcherrime institutam euerant afferre possint, non intelligo. Si alicunde præsidium est, pacta conuenta mecum fallite. sed si omnia sublata sunt, opes, præsidia, comestus, mens propemodum ipsa: quid furore perciti, vel alieno si prouideris, vel vestro si morem geritis in perniciem irruitis? E duobus cum necessaria sunt, minus incommodum suscipere sapientes decet. quales vos esse considerem, nisi superior tumultus hanc opinionem debilitasset. Sed cum omnia victoris sint, cum necessitas urgeat, quidquid relinquitur pro munere habituri estis. De fide hostium non disputo. non semel violatam fuisse confiteor. Verum fides obligatur fide. obsides exigere accipereque quid prohibeat, aut arces, aut viros principes. belli conficiendi cupidine omnia hostis dabit. Hac oratione commoti multitudinis animi conquieuerunt. Sic sæpe popularis tumultus non maiora remedia, quam causæ sunt. Quid Mauro multitudinis concitatori sit factum non inuenio. fuga euasisse suspicabar. Sed præterito Boabdiles periculo admonitus, interiecto dierum spatium, multa rursus nouari posse, literas continuo ad Ferdinandum Regem dat: munusque adiicit duos equos

generosos, acinacem, ephippia. Quæ in vrbe contigerant, renuntiat. celeritate opus esse, exiguam sepe moram magnorum motuum causam extitisse. Quod felix faustumq; esset, quando superis ea sententia staret, Alhambram proxima luce iniret. de manu se arcem regnumque victori traditurum.

Granata capta.

CAPVT XVIII.

EÆ literæ ipsis Kalend. Ianuarii **vertentis** anni missæ in castra sunt: quibus Ferdināus lectis, quanta sit lætitia affectus diiudicare promptum est. Rebus in diem proximum comparatis, qui dies in fastis Granatensibus eius vrbis capte memoria sacer est, veste lugubri ob Alfonsi Lusitani Principis casum, trabea repente mutata, instructas armatasque acies quasi ad pugnam in arcem urbemq; ducit, gratum oculis spectaculum. Regina filii-que ex interuallo sequebantur: intertextis auro vestibus proceres luxu pretioq; ornatus certantes. Ea pompa apparatuq; accedenti propius arcem Regi, Boabdiles obuiam egressus, quinquaginta equitibus stipatus occurrit. In pedes defilire, regiamq; victoris manum deoculari prohibitus, demissis in terram oculis haud læta fronte, id modo elocutus. Tui Rex inuicte sumus, tibi imperio & vrbe cedimus, vt ut libet moderato vt speramus, & leni, arcis clauis in manum dedit, ille Reginæ, Regina filio. Ab eo Enecus Tendillæ Comes arcis præfectus, belloq; dux in ea prouincia futurus acceptis clauibus, cum valida equitum manu in arcem ingressus est. subsequēbatur splēdidus procerum & Sacerdotum ordo. In quib. Toletanus Hispalensisque Episcopi eminebant, D. Iacobi Magister, Gadi-tanus Dux. ante omnes Fernandus Talauera ex Abulensi Præsule capte vrbi designatus Archiepiscopus, sacra precatōe ē libris pontificalibus recitata, vt moris est, legitima capientium vrbes verba nūcupauit: simul crucem, quam Toletanus præferebat potestatis insigne, in summa turri constituit, gemino vexillo addito Regio & D. Iacobi. subsecutus est plausus, & lætitie permixtus clamor militum & procerum. viri sacrați hymnum Deo pro diuino munere concinuerunt. Regem in genua procumbentem, atque humillimo corporis habitu gratias agentem numini, quod suo ductu dedisset gētis impiæ imperium, & nomen in Hispania excindi: crucemque insignem erigi, vbi diu impietas viguerat altis stabilita radicibus: atque vt ea rata, propria, fixaq; essent precantem, peracta oratione proceres adierunt, gratulantesq; de nouo imperio, dextram ex ordine deosculati sunt in genua procumbentes. Idem officium Reginæ, filioque Principi cum esset præstitum, peracta eius diei pompa, post prandium, secundum vicinam vrbis portam in castra eodem ordine reditum est. Purchenæ vallis in Contestanis paulo ante Mauris erepta Boabdili tradita est: vectigaliaq; designata, in Africam nauigaturo tandem, tædio vitæ priuata, cui impares Reges sunt. Quingenti captiui, vt conuenerat, libertati redditi sine pretio, habita supplicatione Regem sacrificio peracto die altero supplices adiuuerunt. militibus, quod sibi patriam, se patriæ restituisent, egere gratias: quod pro religione, pietate, Hispaniæ salute, & gloria res humanis maiores confecissent, accurata oratione collaudarunt, restitutores, parentes, vindices nūcupantes. Urbem ingredi non est visum, priusquam omnia tuta essent, portis, turribus, propugnaculis, præfidiis occupatis. Priori persimili pompa in urbem inuecti quarto post die, ad aras procubere, laudes diuinas hymnosque repetētes Duces militesq; concelebantes numen, quod victorias victoriis cumularēt, triumphosque de hostibus Christiani nominis præberet. Ferdinandus, Isabellaque augustiores solito visi sunt, splēdido cultu, vigenti ætate, nouo imperio, tantoq; bello confecto cōspicui paresq; maiores conditione mortali. cælo certe dati ad salutem Hispaniæ, constituenda iudicia, quæ labefactata erant, leges sancientes, vnde iura populis dantur, vindicandam religionem, pacem publicam fundandam domesticis externisque dissidiis sublatis: proferendum imperium non in Hispania modo, sed ipso tempore ad extremas calī oras: ingenia prouincialium ad virtutis, & eruditionis studium excitanda, præmiis, quæ sunt amplissima in Hispania, non maiorum imaginibus, neque ad cuiusquam gratiam, sed ad veram meritorum rationem tributis. Doctrinæ cultu suscepto, quantum profectum sit, explicare non est necesse. res ipsa indicat. maiori eruditione & sanctitate Sacerdotes & Episcopi, maiori prudentia & integritate magistratus, vbi terrarum inueniantur? Itaque ante hæc tempora paucos quosdam literarum laude præstantes numerare licet: qui deinceps in Hispania in omni eruditionis genere excellentes fuerint, recensere quis audeat? Erat vtrique statura mediocris, omnibus membris æqualis & congruens, facies honesta, maiestas in vultu incessuque par, aspectus gratus. colorem candidum nonnulla fuscedo

fuscedo temperabat, Regi maximè militiæ laboribus adustiori. spadicea & proluxa cæsa-
 ries erat, barba detonsa, lata supercilia, caluum caput, os exiguum, labia rubra, dentes mi-
 nuti & rari, lati humeri, erecta ceruix, vox acuta, sermo expeditus, perspicuum ingenium,
 iudicium graue, mores faciles. Se adeuntib. comis clementisq; bellicis fuit iuxta ac ciuili-
 bus muneribus par: tam assiduus in negotio, vt labore refici ac reparari videretur. Corpus
 nullis mundiciis emollitum, sed cultu & victu frugali & parato militare. Equos arte inci-
 tare, atq; in varios orbes flectere cum dexteritate. Iunior tesseris & alea, maior aucupio a-
 nimum curis grauem remittere solitus. Regina præstanti formæ venustate, flauis capillis
 fuit, cæsis oculis, nullo fuco mentita facie, totius oris dignitate modestiaq; singulari, reli-
 10 gionis studiis dedita, atq; literarum, viri amans sed cum zelotypia suspicionibusq;. Latinæ
 linguæ non planè expers fuit. quo præsidio Ferdinandus caruit, nullo literarum cultu in
 minori ætate: cognoscendis tamen ex historia maiorum gestis, & literatorum hominum
 colloquiis animum oblectabat. Quo die natus est Ferdinandus (sic affirmatum inuenio)
 Neapoli quidam è Carmelitano ordine vir sanctus, Alfonso Regi. Hodie, inquit, in Hispa-
 nia citeriore puer tui generis est natus: cui cælum noua imperia pollicetur, ingentes opes,
 felicitatemq; pio præ cæteris, religionisq; cultori, & amplificatori præclaro. In tantis vir-
 tutibus quædam vitia inesse propemodum necesse fuit: vt nihil est in rebus humanis syn-
 cerum. Sed auaritiam tamen, calamitas vectigalium excusare potuit: seueritatem, tempo-
 rum morumq; labes. Callido ingenio fuisse fidemq; ex commodo nonnunquam mutasse
 20 externi auctores accusant, ex fide, an ex inuidia gentis non disputo. & solet hominum ma-
 litia virtutib. veris, vicina vitiorum nomina affingere: sicut è contrario fallunt, atq; laudantur
 vitia, quæ virtutes imitantur. Magnos sibi principes toto orbe Christiano affinitate deuin-
 xit, Lusitanos, Austriacos, Anglos. Plures regias propinquitate complexus est, Ferdinandi
 Neapolitani patruelis, Annæ Britannæ, quæ Galliæ Regina fuit, tū Catharinæ Vasconum
 Reginae auunculus maior. Id etiam in Ferdinandi actionib. accusatur: quod Catharinam
 & virum nullo consanguinitatis respectu, immensa imperandi ambitione, auito regno ex-
 pulit in Galliam consequentib. annis. Sed species religionis prætenta facto est, & Roma-
 ni Pontificis iussa: vnde diuturni grauesq; motus extiterunt. Henricus Labretus his Prin-
 cipib. natus, paternum regnum repetiit maiori conatu quàm successu. Ex hoc & Marga-
 30 rita Francisci Regis Galliæ sorore, Ioanna principatus hæres nata est, Antonio Borbonio
 Vindomienfi Duci coniux: eius Henrici mater, quem ducta Margarita trium Regum Gal-
 liæ sorore Francisci, Caroli, Henrici, proximum affinitate, proximum sanguine per viros
 stemmate generis continuato, peruersæ de religione opinionēs, patriaq; sacra repudiata,
 præcipitem agunt: aliis procerib. eum negantibus imperio Gallico idoneum videri, qui
 prauis de religione opinionib. infectus sit: successoremq; alium nominandum esse affir-
 mantibus, si Henricus Rex eius leuir sine prole decesserit. Eam controuersiam tempus
 Marte arbitro diiudicabit. Ipse portu occupato sub finem laborum vela traham: & longæ
 festinem scriptioni finem facere. Obita à Regibus, atq; lustrata vrbe Granata, Mauri sub
 Christianum imperium superis auctoribus, auspicato, in æternum, ea in Hispaniæ parte
 40 concesserunt, salutis anno millesimo quadringentesimo nonagesimo secundo, octauo Id. 1492
 Ianuarii: qui dies Veneris fuit, anni Arabum octingentesimi nonagesimi septimi, mensis
 Rabih Haraba, dies octauus. Piis omnibus, vt Magorum memoria sacer veteri instituto ce-
 lebrisq;, ita recenti victoria vniuersæ Hispaniæ salutaris, faustusq; illuxit: cū sublata euer-
 saq; impietate, superior gentis ignominia depulsa est: Hispaniæq; pars non exigua in for-
 mam prouinciæ redacta magistratus legesq; accepit. Lætitiae particeps reliquus orbis fuit.
 Literę ad Innocentium Pont. Max. Regesq; datæ: ac missi qui gaudiū ingens nunciarent.
 Confectum Mauricum bellum, cæsos, domitosq; hostes, impositum Granatæ iugum, vr-
 bi quondam nostrorum spoliis extructæ superbeq; ac Christo redditum tandem vniuer-
 sæ Hispaniæ imperium. Eo nuncio vrbes & prouinciæ finitimæ, longinquæ, dies festos a-
 50 gitare: ludos & spectacula instituere. Omne genus, ætas, ordo, conditio, templa adire, ad
 aras procumbere, vota persolvere. Romam pace ante triduum Pontificem inter & Nea-
 politanos Principes facta, lætam Ioannes Strada à Ferdinando nuncius ex Hispania, ipsis
 Kalend. Februarii noua ea lætitia cumulauit. Supplicatione ad D. Iacobi Hi-
 spanorum ædem decreta habitaq; Regum & Hispaniæ laudes
 præconiis haud immeritis accommodata temporis
 oratione celebrata sunt.

IO. MARIANÆ HISPANI,
E SOCIETATE IESV,
HISTORIÆ DE REBVS
HISPANIÆ,
LIBER XXVI.

Iudei ex Hispania pulsi.

CAPVT I.



ONFECTO Granatensi bello, Hispaniæ totius gloria fructuque maximo. conuulsoque in ea Maurico imperio tandem: quod multis sæculis steterat altis nixum fundamentis: 10 Ferdinandus & Isabella reges ad noua, & illustriora bella, conatusque retulerunt animos. Generosi principes & nunquam cessantes, qui dies noctesque nil cogitabant aliud, quam ad exitum qua ratione perducerent ea consilia, quæ pro pietate & vera religione susceperât præclare: & qua via cæperant ad laudem & immortalitatem nominis peruenirent. Neque verum erat pace Hispaniæ & felicitate fundata in medio ætatis cursu conquiescere, vitæ se mollis iucunditatibus dare: ac ne pati quidem, nobiles milites, quos superioribus bellis magno numero parauerant militiæ claros & fide maxime insignes, otio & voluptatibus, qui fructus victoriæ est, in patria & vmbra marcescere: sed quando in Hispania nulli hostes supererant, nulla laudis bellicæ materia, procul eos ad nouas spes tendandas amandare, longinquas subiugare nationes: vti in præsentī accidit, quo prouentu dicere non est necesse: res ipsa indicat. Ab eo enim tempore eoque aditu nomen Hispanorum eatenus ignobile, certe angustis Hispaniæ finibus inclusum, breuissimo deinceps tempore non modo Italiam, Galliam, Africamque cursu victoriarum maximo peruasit, sed ad extremos orbis terrarum fines peruenit vltra solis vias & ipsius Oceani limites. Magna rerum moles incumbit humeris, grauiusque onus quam imbecillæ nostri ingenii vires sustinere possint: pelagus immensum, quo tranando par esse quis audeat? Itaq; quod sum initio præfatus huius operis in Granatensi bello resistere, neque vltra procedere deliberatum erat. Nimirum suo se quemque pede metiri neque maiora viribus conari æquum est: præter alia incommoda quæ eo loco sunt à nobis indicata. Verum ab ea sententia vt tantisper desisterem amici fecerunt viri eruditione præstantes conuitio historiam mutilam relinqui accusantes earum rerum explicatione sublata, ad quas lector festinare solet, minori veterum cura. Porro quæ proximis annis ab Hispanis gesta sunt propter amplitudinem rerum & gloriâ quibus iacta sunt fundamenta eius imperii, quod hodie tenet Hispania latissimum, magnam operi gratiam à fine pulcherrimo allatura contendeant scilicet. Quod negligendum præceptum non erat: sed curandum potius, vt extrema narrationis pars, quasi postremus actus fabulæ, multo quam cætera elegantior, illustriorque esset. Hæc illi afferebant viri prudentes & graues. Quid facerem? quod consilium captarem potissimum? Repugnare nihilominus? cautus essem: idem ne præfractus viderer & durus cauendum erat. Obtemperarem amicè monentibus? modestiæ fortassis laudem tenerem: sed ne inconstantia vitium incurrerem, metus suberat. Quid ergo? morem eatenus gerendum duxi, vt recēiori nihilominus memoria deuitata, proximis modo annis gesta explicarem. Sic enim sine aliqua offensione cogitabam commemorari potique in extrema historia posse ea: quæ amplitudine & gloria longe superant quæcunq; ab omni memoria à nostra gente gesta sunt: ac nescio an ab vlla vnquam natione tā breui spatio res æque illustres sint perfectæ, finesque adeo imperii & famæ prolati tantopere. Verum priuquam iis rebus explicandis stilum applicamus, meminisse operæpretium erit quod alio loco dictum est: Francisco Britanno Duci nupsisse annis superioribus Margaritam filiam Eleonoræ, quæ Regina Vasconum fuit, soror Ferdinandi Regis. Ex eo coniugio

iugio Anna & Isabella natæ sunt, nulla proles mascula. Harum virginum nuptias multi principes ambiebant, pari contentione successu vario. Annæ imprimis in paternas opes ob ætatis prærogatiuam successuræ. In ea contentione Carolus octauus Gallia rex riuales alios facile superabat opibus maior propinquiore principatu: præter alias necessitudines, quæ cum Armoricis Britannis erant, quippe Gallia Regum beneficiariis. Tamen & ipsi Gallo Regi à superioribus annis Margarita pacta erat Maximiliani Regis Romanorum filia: & is Princeps post Mariæ vxoris obitum cælibe toro, sibi Annam Britanni filiam iungere cupiebat pactis adeo puellæ patre concedente sponsalibus. Verum Gallo neque vires deerant neque artes ad præoccupandum aliorum Principum conatus. Religionis atque honesti exigua cura, quoniam de proferendo imperio agebatur. Sumit in Britannum arma, quasi Gallos proceres ad se confugientes tegetet: ac nominatim accusabat, quod Ludouicum Aurelianensem ducem sororium suum Ioanna vxore, Galli sorore iuniore, à se alienatum ditione tectoque accepisset. Magnum videlicet crimen amittum texisse. Carolo enim Aurelianensis, Britannus Caroli sorore Margarita nati erant. Verum filia nuptias extorquere ea simulata specie satagebat. In eo discrimine Britannus ad Angliæ Germaniæque opem supplex confugit. Ac in primis Alanum Labretum, Vasconum Regis patrem & ipsi spe facta eius coniugii à multis tantopere expetiti in Hispaniam legauit: qui superiori tempore Ferdinando Rege Valentia conuenio, ab eo impetrauit vt classe ad Sebastiani fanum in extrema Cantabria instructa auxilia in Britanniam mitteret. Classis ductor designatus Ioannes Gralla natione Catalaunus inferre, & explorare gustu epulas regias solitus. Inter Gallos Britannosque varia extitere certamina, quæ sigillatim recensere operæ non est. Ad Albini fanum tandem iusto prælio est dimicatum. Vice-re Galli. Labretus fuga euasit. Aurelianensis Grallaque capti: tum Ioannes Auraneus princeps, qui Catharina sorore Britanninatus auunculi in eo bello partes est secutus. Vix dimidia pars Britanni exercitus superfuit: è Gallis mille ducenti cecidere nihilominus. Pugnatum est mense Augusto eius seculi anno duodenonagesimo. Post eam victoriam in fœdus itum est. Gallus captiuus dedit libertatem quamuis non vno tempore omnib. neq; vna de causa. Britannus nisi consensu Galli Regis filias nuptui non daturum recepit. Id præstitit proximo anno sublatus morte. Filiarum tutelam Britanniæ Marescalo, quem imprimis fidum erat expertus, moriens commendauit, ad Labreti nuptias propenso ante fœdus cum Gallo ictum pactas. Restitere Dunensis & Britannia Cancellarius ei coniugio: ante omnes Auraneus qui propinquitate fretus virgines sorores in suam redegit potestatem earum nuptias sui arbitrii facturus. Vnde noui motus extitere. Marescalus, Angliæ opem implorauit, Auraneus Ferdinandi Regis. Vtrinque missæ sunt militares manus: ac ex Hispania mille equites duce Petro Sarmiento Salinarum Comite initio anni M ccccxc in Britanniam appulere. Hispanica auxilia Britanni pleriq; habuere suspecta. Scilicet nationis odio, veritique ne verbo pro illis, re pro seipsis pugnaret. Sic parum profectum est. Princeps ipsa accersa ab aliis ad Regem Romanorum erat propensa: idque iniri coniugium decretum est. Sic Labretus ea spe depulsus: ac ne Isabellæ minoris Britanni filia cum

filio suo item minori, de quo etiam actum erat, coniugium sperans per hoc ipsum tempus vita functæ, dolore repulsæ facile ad Gallos animum retulit. Nannetes, quæ vrbs Britannia caput in potestate erat, transitionis pignus dedit equitum magisterio illectus maxime, qui honos in Gallia præcipuus & maximus mutata fidei pretium offerebatur. Ab eo aditu cætera procliuius Gallo fuere: Ferdinandus etiā rex copias suas euocauit specie quasi parum proficeretur ob alienatos prouincialium animos, re quoniam in spem venerat Ruscinonenses & Ceretanos recipiendi. Sic Galli reddituros se pollicebantur, in eo Ludouici vndecimi Regis Galli secuti voluntatem. Is enim sub mortem conscientia victus, & Fræncisci de Paula Minimorum conditoris monitis castigatus, quem ab extrema Italia acciuerat salutis à medicis desperatæ tutelarem, Lumbensi Episcopo & Dunensi Comiti Perpiniani restituendæ negotium dederat. Verum Rege interea defuncto ab itinere re infecta reuocati sunt ab iis qui ad Gallia gubernacula patre defuncto, Rege pupillo sedebant. Hispanorum qui in Britannia erant, discessu Gallus maximam eius principatus partem armis præfidiisque occupauit. Anna eius soror natu maior Borbonii vxor pro ea potestate qua res omnes in Gallia ad nutum moderabatur, vt spretis nuptiis Margaritæ ob maturam ætatem, Annam Britannam duceret auctor fratri extitit. Hoc coniugio nobilis principatus ad reliquam ditionem adiunctus, opesque & vires eius gentis magnum incrementum acceperet. Prorsus vt Galli pacatis eius regni motibus, de Italia subinde cogitare cæperint. In Hispania Ferdinandus & Isabella Reges bello Maurico exempti, quam primum de pellendis vniuersa ditione Iudæis, quæ alia pestis supererat, inter se consulta-

bant. Eo consilio Granatę, vbi morabatur, mēse Martio salutis an. M ccccxcii per edictū voce præconis denunciarunt, ludæi omnes, nisi mutarent, vti ex omni ditione discederent. Parando exilio quatuor menses dati sunt, cum facultate eo spatio vendendi bona secum, quo vellent asportandi. Id edictum noua Thomę Turrecrematę Inquisitoris sanctione amplius est astrictum mense Aprili piis omnibus vetantis cum ea gente commercium: grauique supplicio sancientis si quis eo decurso tempore victu aut re alia quam eos homines iuaret. Sic innumera ludæorum multitudo mari ex Hispania soluentes, tum Africam, Italiam & orientis solis oras tenuerunt: vbi in hunc diem patriam Hispanorum linguam mordicus retinent: tum plerique in Portugaliā vicinā abiēre. Fecit eo migrandi potestatem Ioannes eo nomine secundus Portugalię Rex ea tamen lege, vt per capita octonos aureos singuli penderent hospitii pretium: atque intra certum tempus rursus ex iis finibus commigrarent, captiuitatis pœna proposita iis qui secus fecissent. Itaque multi in seruos eo transacto tempore dati sunt: quos omnes tamen Emanuel Ioannis successor, cum primum regni infulas suscepit, mitiori censura reddidit liberati. Iudæorum multitudinem, qui ex Hispania discesserunt, ad certum numerum reuocare promptum non est. Plerique scriptores centum & septuaginta familiarum millia abisse confirmant: quidam ad octingenta millia capita peruenisse ait. Ingens numerus, ac vix fidem factururus. Sed vnde tamen multis occasio extitit hoc decretum accusandi gentem copiosā, & quę omnes vias pecunię nouerant amouere, à prudentia Ferdinandi alienum existimantibus. Magno utique compendio fructuque earum prouinciarum, ad quas copiarum Hispanię magnā partem, aurum, argentum, gemmas, vestemque pretiosā secum detulere. Multi ex eo numero, ne patria carerent, Christo dedere nomina, pars synceris animis: alii simulata pietate temporarij seruitutes breui ad ingenium fraudes & mendacia redierunt.

Alexandri Sexti Pontificis electio.

C A P V T I I.

INterea Romę Innocentius Pontifex decessit ad octauum Kalendas Augusti. Patres conclauis, vbi comitia haberentur, custodiam cum aliis Ferdinandi Hispani Regis legatis credidere. ii erant duo episcopi Asturicensis, atque Pacis Augustę. Ignotus ille, hic Bernardinus Caruaialius ab his initiis maiorem famam quam laudem olim consecutus. Die proximo in suffragia designando successore conuenere, diuisi studiis bifariam pertinaci inter se certamine. Pars Iuliano Rouereo adhærebat ingentis ingenii Cardinali, si minus sibi pontificatum obtineret, in Georgium Acostam Portugalię Cardinalem propensius haud obscure. Alii Ascanium Sfortiam Ducis Mediolanensis fratrem, & Rodericum Borgiam Vicecancellarium sequebantur diuitiis & amplitudine senatus facile principes. Qui plura largiri poterat, turpi, vti fama tulit, ambitu victor in ea contentione. Borgia pontificatum adeptus bonis malis rationibus Alexandri sexti nomen desumpsit. Multum illi Ascanii tum diligentia tum gratia & auctoritas contulit ad conciliandas collegii voluntates: eoque merito, vt merces operę esset, Vicecancellarius continuo S. R. E. est designatus. Primo dein Patrum conuentu Ioannem Borgiam Archiepiscopum Montis regalis nouus Pontifex ex sorore natum donauit purpura. Ex inuidia odioque nationis multa afficta Alexandro Pontifici crimina suspicabamur: maiora certe vero atrocioraq; prædicatione hominum esse facta. Et est vulgus ad deteriora credulitate pronum. Natus est in Hispania vrbe Valentia, pater Gotifredus Lenzolius, mater Isabella Borgia. Renunciata Calixti auunculi electione, ad non dubiam purpurę spem continuo Romam iunior aduolauit. Cardinalis factus tum alia intemperantia fœdus extitit, tum iustę propemodum vxoris loco & cultu habuit Zanoziam Romanam puellam: ex qua quatuor filios genuit: Petrum Ludouicum natu maximum, Cæsarem, Ioannem, Gotifredum, filiam vnā nomine Lucretiam. Petrum Gandię Ducem fecit auro redemptę, vsque adeo erat locuples. thesauros ab auunculo Pontifice relictos opimis ipse sacerdotiorum vectigalib. auxerat. Defuncto maiori filio antequam ipse esset Pontifex prætermissoque Cæsare, vnde illi irarum causę, Ioannem in eo principatu substituit: deditque coniugem Mariam Aragoniam Alfonsi secundi Neapolitani Regis filiam notham. Vnde natus est Ioannes Francisci pater, eius quem abdicato paterno & auito principatu nostri ordinis socium deinde Præpositum generalem vidimus, præcipuum nostrę ætatis miraculum. Incidit Alexandri Pontificis electio in tertium Idus Augusti: diadema capiti imposuit septimo Kalendas Septembris. Quo die Valentiam patriam metropolitano iure paulo ante donatam esse, nouo ipse diplomate ratum habuit: simul eius ecclesię Archiepiscopum Cæsarem filium suum.

suum dixit relictō illi etiam Pompelonensi Episcopatu, famæ personæque quam gerebat, nulla cura. Proximo anno duodecimo kalendas Octobris eundē in Cardinaliū collegiū cooptauit, quasi Dominici Ariniani cui Zanozia nupta erat, iustum filiū. Impotens est animus, quem ingens cupiditas deuouit, uerēcordia viribus armata neque pudore mouetur, neque ueritatis conscientia. legibus, ut ita crederetur, cautum multorum ad gratiam loquentium testimonia confirmarunt. Contra hiscere nemo Rotæ iudicum, nemo Cardinalium, cum quibus rem communicauit, ausus est. Tantam improbitatem tam perditos eius seculi mores ingemuisse orbem Christianum arbitror. Hinc uero proxima mala quibus premimur: Gotifredus minimus natus Alexandri filius, ab Alfonso Neapolitano Rege annis consequentibus Squilatii principatu in extrema Italiæ ora donatus est, uxor Sanctia eius Regis filia sed ex obscura matre. Lucretia Pisauriensi regulo primū deinde Alfonso Aragonio Viselis duci eius Alfonsi Regis filio ex impari etiā matre nupsit. Atque hoc à Cæsare leuiro qui abdicata purpura, Dux Valentinus vocabatur immaniter interfecto, postremo coniux data est Alfonso Atestino Herculis Ducis Ferrariensis filio maiori. Hoc Pontifice quatuordecim Hispani Cardinales in senatum lecti sunt: in hoc numero Bernardinus Caruaialius ardenti atque inquieto ingenio uir Asturicensis prius deinceps Pacēsis, Carthaginensis, Seguntinus ac Placētinus in Hispania Episcopus. Hæc initia quanta consequentur mala? Mouebantur Vascones nunquam plane quieti. Hinc Ioannis Narbonensis Vicecomitis arma premebant: inde Lerini comitis conatus sollicitabant suis semper regibus infensi. Fortuna eorum Principum contemtui erat homini factioso & regia Aragoniæ affinitate superbo. Narbonensis quidem iniuriam sibi factam expostulabat Francisco & Catharina Gastonis fratris filiis in regni eius successione deinceps prælatis: cum Gastone defuncto superstite Cleonora matre ad se qui matri propinquior quam nepotes erat, successionis ius pertinere disputaret. Lis hæc sæpe exagitata, neque vnquam satis composita recurret tamen. Lerini Comes Pompelone pridem in potestatem redacta vrbe primaria, Olitem recens aliasq; arces occupare non desisteat. Miserabilis rerum facies, fæda malorum colluies. Ad Ferdinandum Regem Hispanum consensu decursum: ut pro ea necessitudine quæ illi cum iis regibus eaque gente erat, sua auctoritate & arbitrio eas controuersias componeret. Ille in Vicecomitis Narbonensis causa, se Regibus non defuturum indicauit quasi potioribus iure, neque passurum ut iniuria auito regno pellerentur à patruo. Ea tunc mens fuit. Eo responso Narbonensis haudquaquam quieuit. Correptis armis in Fuxensem principatum inuasit: ubi aliquot oppidis captis, simul lite contestata Parisiensium iudicum opem implorabat, quoniam is principatus in parte Galliæ positus, Galli Regis in fide ditioneque erat. Verum fædere inter diffidentes tandem facto, tunc quidem ea cōtrouersia finem habuit rursus eruptura. De Lerini Comite consensu eorum principum sanxit Ferdinandus rex, uti quæ per vim occupabat ac Olitē nominatim restitueret. Simul Vasconum finibus perpetuo abiret cum uxore (quamuis Ferdinandi ea soror erat) & filiis Ludouico & Ferdinando. Officia in Bastetanis data Marchionis nomine exilii solamen, amissæ patriæ nonnulla compensatio: præter alia quæ in posterum sunt promissa. Quæ omnia ad eos Reges promerendos gentisque motus pacandos expectabant. Verum anno proximo hæc conditiones agitata, non ante tertium post annum finem habuere. Ad intermissa redeat oratio.

Nauigatio ad Indos occiduos inchoatur. CAP. III.

Orbem terræ uniuersum tres in partes antiqui diuiserunt. inuentæ demum auorum ætate nouæ nationes, terrarum tractus immensi quartam adiacere: quæ reliquis omnibus magnitudine ferme par noui orbis nomen inuenit, ad quem nullæ antiquorum litteræ nulla penetrarunt arma. Rem plane mirabilem, maioribus denegatam laudem, nostris hominibus nostroque seculo seruata, qua nihil ab omni memoria contigit in Hispania, neque ad dignitatem honestius, neque ad celebritatem illustrius, neque fructu ueriori. Id qua ratione contigerit, & quibus opibus & industria ad Indos occiduos maris Atlantici fluctibus superatis fuerit peruentum, explicandum est. Nauis quædam in Africæ commercio occupata superioribus annis, uentorum uolentia, abrepta ad ignotas terras & littora appulit. In reditu uectoribus & nautis fame extinctis, Nauarchus cum tribus aut quatuor focis Maderam insulam, quæ in ditione Lusitanorum erat, tandem tenuit mortuo quam spiranti similior. Agebat forte in ea insula Christophorus Columbus natione Ligur (nam & uxorem in Lusitania duxerat) ingentis animi uir, singulari industria, quod erat præcipuum rei nauticæ imprimis peritus. Excepit is hospitio Nau-

archum: qui longinquæ nauigationis laboribus fracto corpore, breui extinctus commentaria quæ de tota nauigatione confecerat, Columbo reliquit. Quæ si vera causa fuit siue ex Astronomica disciplina, aut à quodam Marco Polo medico Florentino edoctus statuit quasi rem minime dubiam, trans noti orbis terminos etiam ad occidentem solem, magna terrarum spatia patere, nouas & incognitas gentes habitare lingua, moribus, superstitionibus dissonas. Hanc sui animi cogitationem cum Lusitano Rege primum, deinde cum Henrico septimo Angliæ Rege communicauit. Somnia utriusque afferre visus est. Auctoris humilitas contemnebatur, ut maxime probabilia afferret. Repulsus tamen non destitit non quieuit. Quin ad Ferdinandum Regem Hispanum se contulit, & cum nihilo magis audiretur septennii patientia peruicacit tandem, quo tempore Granata de Mauris capta est, ut tres naues regiis sumptibus instructæ eo duce experirentur an promissis responderent facta. Decem & septem millia aurei mutuo sumpti, propter inopiam erarii bello Granatensi exhausti tantæ molitioni initium præbuere. Sic solent ex paruis momenta maximarum rerum pendere. Instructis Columbus nauibus ad Palos Bæticæ portum in Oceanum Atlanticum egressus tertio nonas Augusti passis velis Canarias primum insulas petiit. Inde in occasum directis proris superatisque vasti pelagi fluctibus, cum quibus non maior illi lucta fuit quam cum sociorum contumacia & desperatione conuitio efflagitantium temerario ut incepto absteret: neque eos in certum exitium raperet: tandem de mense Octobri insulas plures inuenit ad eius regionis spatiosa littora quam Floridam deinde dixere. Ea & insulas Lucaias ab incolis nuncupatas, ipse in Regis gratiam Principis dici voluit. Dum terræ eius conditionem & diuitias explorat, atque agrestes ferosque hominum mores cicurare contendit, aliquandiu in illis insulis moratus, deinde extructa arce in qua triginta octo è fociis reliquit. Diegho Arana duce, decemque ex incolis in naues impositis rediit in Hispaniam confectæ nauigationis nuncius lætissimus, auri & copiarum, quas ea terra fundit secum deferens specimen, atque primitias. Prouocauit is successus tum Reges tum prouinciales, ut maiori studio in eam nauigationem incumbetent. Itaque Columbus repetitis nauigationibus plures alias insulas, in his Hispaniolam & Cubam spatiis præ cæteris latiores, magnamque continentis partem explorauit, eius quod à freto Magellanico ad Boiadoris promontorium, immenso marium & littorum tractu ab Antarctica ad Arcticam plagam excurrit ultra quinque millia leucarum legentibus littora. Ad medium quidem spatium sinuosa ea littora & exesa efficiunt, ut à portu Nominis Dei, qui ad mare nostrum est, usque ad Panamam aduerso atque Austrico mari adiacentem urbem, vix decem & octo leucas conficiant, quibus ea iter est. Utriusque maris litora ad septentrionem longissimo tractu nostrorum diligentia sunt explorata: neque hæcenus tamen cognitum, an occidui Indi cum orientalibus sint coniuncti: an vero supra Cataium Sinarum portum, supraque Cipangrim aut Iaponem dirimantur freto aliquo. Obiit Columbus post annos quatuordecim vir immortalis gloria, æterno præconio prædicandus. Viuo & mortuo honores habiti, minor meritis gratia (neque enim par merces esse poterat) dux quamuis Beraguæ præfectus maris Indici fuerit constitutus. Nouis alii nauigationibus tum Columbo superstite, tum maxime defuncto, eius imitatione varias insulas & littora aperuerunt ad oceanum: singula recensere longum esset. Sed in hoc numero tamen Americus Vespucius Florentinus Emanuelis Lusitani Regis auspiciis anno primum M. D. Bresiliam vniuersam explorauit partem haud dubium noui orbis. Tametsi inuentæ Bresiliæ laudem historici Lusitani ad Petrum Aluarum Capralem ablegant, uti alio loco explicabimus. Post littora omnia ad mare nostrum decursa Vascus Nunnius Balboa Pacis Augustæ ciuis magnorum spirituum vir apprime pugna, constans aduersus metus Isthmum, qui castigatis immensum ab utraque parte littoribus à portu Nominis Dei ad Panamam pertinet, primus nostrorum aperuit: mareque Antarcticum inuenit anno M. D. X I I I. magna nostræ gentis gloria fructuque. Ex Columbi & Americi nauigationibus Castellæ & Lusitaniæ regibus orta lis est. Contendebat Lusitanus ignoti orbis exploratione venia Pontificum Romanorum, ac nominatim Eugenii quarti ad ipsum vniuersam pertinere. Quid Castellæ rex in alieni iuris prouincias inuaderet? Quid nouo conatu alieni laboris & industriæ fructum occuparet: Ille contra Alexandri Sexti diplomate causam tuebatur anno M. ccccxciii. cōcedentis, ut linea cogitatione descripta per utrumque cæli cardinem centum omnino leucas ultra insulas Hesperides, quæ ad viride promontorium iacent, quidquid terrarum ad solis occasum inueniretur, ipsi cederet, cætera Lusitano relinqueretur: quod aliquanto post nouo diplomate correxit, additis ad centum leucas priores aliis trecentis & septuaginta, ut Bresilia recens reperta intra fines Lusitiæ conquisitionis com-

comprehenderetur. Orosius in Emanuelis Regis ultra Olisiponis meridianum triginta sex gradus ad occasum lineam cogitatione descriptam affirmat. Omnino ex ea concordia, eaque pactione lis noua nata est apta nexaque ex priori. Malucas insulas, vnde aromata aduehunt, Castellani contendebant, intra eam orbis partem comprehendi, quæ ipsis est à Pontifice attributa. Negabant Lusitani, & per lunæ deliquia, quæ vna ratio est terræ longitudinis dimetiendæ, obseruatum aiunt, Indi fluminis ostium Olisipone distare nonaginta non amplius gradibus: inde ad meridianum qui per extremas Molucas mente designatur, duos & quadraginta gradus absolui: cui summæ si adiiciantur triginta sex gradus, qui Olisipone versus occasum numerantur, vnde ea nauigatio inchoatur, nondum subducta ratione peruenietur ad centum octoginta partes è trecentis sexaginta, in quas terrarum longitudo vniuersa vulgo tribuitur. Illud constat Ferdinandum Magalianem natione Lusitanum à Rege suo alienatum quod diu in India orientali versatus & multis stipendiis factis Alfonso Alburquerqueio Prætoris paria meritis non accepisset præmia, post mortem Ferdinandi Regis catholici, Carolo eius nepoti persuasisse, Castellæ naues directis inter occasum & meridiem prorsus posse nouo itinere ad Malucas insulas peruenire. Opem monitis addit: datisque quinque nauibus Hispali soluit salutis anno M.D.XIX. Canarias primū insulas non deuias, tum Brasiliam petit: emensisque iis littoribus ad gradum tertium & quinquagesimum ultra mediam cæli plagam fretum inuenit, quod de eius nomine Magellanicum est dictum. In aditu eius freti naus vna ad scopulos fracta est: altera tædio nauigationis obscure noctis tenebris tecta Hispalim rediit. Transmisso freto post multorum dierum nauigationem per mare vastissimum ad Subum tandem insulam excensione facta ducem & socios aliquot, barbari specie amicitiae fallaces conuiuio exceptos perfide peremerunt. Eorum cæde quoniam in tres naues neque nautæ neque vela sufficiebant, incensa vna naui, qui supererant, ad Molucas tandem non longe distitas peruenerunt. Noua ibi laborum facies, noua discrimina. Ad Tidorem tamen vnā ex iis insulis aromata in naues imponunt peritum ex iis locis specimen. Atque è duabus nauibus vna amissa, quoniam sentina aquam accipiebat, quæ reliqua erat, diuerso itinere superato Bonæ spei promontorio post multa & varia discrimina Hispalim peruenit tertio anno postquam inde discesserat. Nauis Victoria Nauarchus Ioannes Sebastianus Canus Cantaber, Guetaria patria, animi constantia & inaudita felicitate promeritus, vt nomen ipsius æternitati consecratur. Tentarunt alii consequentibus annis semel iterum, & tertio ea nauigatione ad Molucas penetrare: sed quoniam fructus labori & impensæ non respondebat, tandem destiterunt. Ac Ioannes tertius Lusitanix Rex Carolo Cæsari trecenta quinquaginta millia aureos mutua dedit ea lege, vt à commercio Malucarum tandiu ipse & posterius abstinerent, donec ea summa cum fide reddita esset, litem pecunia diremit. Hoc tempore ea controuersia penitus sedata est, vniuersa Hispania ad vnius potestatem ditionemque reuocata. Ultra Isthmum noui orbis ad mare Australe noua Hispania ad dextram iacet latissimis fusa spatiis, vrbsque Messicana regionis caput in palude sua humilibus cæcisque circa vadis. In ea & finitimis regionibus late imperabat Motezuma, quem Ferdināus Cortesius anno M. D. XX. intra suum palatium viuum cæpit. Eo tamen per imprudentiam ictu lapidis à suis occiso, quos tumultuantes atque in nostros exitium parantes è fenestra prolato capite pacare volebat: pulsi prius vrbe Hispani, deinde relictis viribus reuersi vicere aduersarios. Sic latissimæ illę prouincię Carolo Cæsari cesserunt. Cortesius tanto subiugato imperio immortalem sibi laudem peperit, posteris opimum principatum Vallesius Marchionibus. Ad Isthmi læuam Franciscus Pizarrus anno M.D.XXV. Peruam inuenit, & sexto post anno capto occisoque Atabalipa eius prouinciæ imperatore, vniuersam eiusdem Caroli Cæsaris subegit imperio, omnium, quæ repertæ sunt, venis auri & argenti beatissimam gentem, si sua nosset commoda, adeo vt domesticum omne instrumentum ollæ & caldaria & lebetes ex auro & argento conflarent. Ingens miraculum. Prædam, quam credi possit, maiorem Pizarrus cum Almagro præcipuo eius expeditionis socio non optima fide diuisit. Vnde irarum causæ & cædes mutue. Sed singulis tamen gregariis militibus ex ea præda supra nouem aureorum millia obuenerunt, quantæ spolia satis constabat nunquam ab vlla memoria, vllaue gente relata. Si milites trecenti circiter supra centum millia indigenas commisso prælio vicerunt gentem inermem & imbellem scilicet sudes tantum & sagittas ferentem nullo præfixas ferro. Ex copia insolentia nata superbiaque opulentię comes. Ferdinandus Francisci frater Almagrum palam hostilia molientem vi adacta peremit. Almagri ex impari Indicaque matre filius Dieghus in Francisci Pizarri ædes dato impetu eius sanguine perempti patris mani-

bus parentauit. Hunc alter Francisci frater Gonsaluus adiutore Vaccacastrio regio deinde Prætor interfecit: & successu ac copiis elatus postea superbia, à regia auctoritate palam defecit. Verum suis & multorum opibus præualidum, tam procul ab Hispania vi opprimere difficile erat. Ad artes conuerso ingenio Petrus Gasca sacerdos ad eos motus pacandos missus à Carolo Imperatore in toga vicit rebelles: easque regiones motusque sumpto de præcipuis factionis capitibus supplicio pacauit. Reuersus in Hispaniam Palentino primum deinde Seguntino Episcopatu donatus ad vltimam processit ætatem maiori industriæ & integritatis fama, quam opibus. Ferdinandus Pizarus è tribus fratribus diu superstes in Hispania, quo vltro venerat Almagari cædem excusatum, causam è vinculis dicere multis annis est coactus. Sic ira cælestis occisi crudeliter Atabalipæ innocentis manes vltæ, ac per omnes domos aduersariorum vagata, nullo innoxio relicto breui tempore pœnas à singulis improbæ cupiditatis & cædis iniustæ habuit.

Ruscinonenses & Ceretani Regi Aragonio restituti. C A P V T I I I I.

ARdebat Carolus octauus Rex Gallia incredibili cupiditate Neapolitanum regnum armis occupandi suorum consiliis propter ætatem imbecillitatemque obnoxius. Ad vetera iura, quæ certissima existimabat, nouæ causæ nouæque commoditates accedebant. Vires opesque ad perficiendum, quæ versabat animo, deesse non poterant florentissimum regnum possidenti viris armisque præualidum. Hæc cogitanti Regis Romanorum ira opponebatur ad priores offensiones intercepta recens sponsa Britanna, repudiataque Margarita filia denuo irritati. Simul ne à tergo eo in bello longinquo districto aliquid Rex Aragonius moueret, verendum erat patrocínio Neapolitanorum suscepto pro ea necessitudine quæ illi cum iis erat sanguine iunctis: proque studio Ruscinonenses & Ceretanos, de quibus lis erat, ad veterem ditionem reuocandi. Ergo de Aragonio conciliando in fœdusque attrahendo primum actum est. Constitutum vt delecti ab vtroque Principe viri primarii ad fines vtriusque ditionis conuenientes de pacis conditionibus ferio consultarent. Regi Gallo præ studio expeditionem Italicam maturandi omnis mora longa erat: & quacunque ratione pacisci, statutum cum animo ac deliberatum habebat. Ferdinandus & Isabella Reges ne occasione deesset, quæ momento temporis præteruolat festina & præcept, relicto Granatæ Eneco Mendoza Tendilliæ Comite, quem Alhambræ arci præfuerat, bello ea parte ducem, in Aragoniam festinare constituunt. Eo consilio Iuni mensis initio in viam se dant. Sequebantur filius & princeps & filię, splendidus procerum numerus. Borgiam ventum ad confines Vasconum & Aragoniæ: quo urbium societates ante aliquot annos ad prohibenda scelera institutas venire iusserat gestæ reipublice rationem reddituras. Eo conuentu soluto Cæsaraugustam festinarum est. In ea vrbe, ne urbani magistratus ciuium suffragio, vti facere consueuerant, sed nominatione Regis deinde legerentur nouo decreto cautum, quod non diu stetit. Antiquis homines stare malunt, vt maxime vsus manifeste arguat quam nouis institutis, præsertim iis quibus ius libertatis minui videtur. Barcinonem tandem mense Octobri est peruen-
tum. In ea vrbe atrox facinus in Regem nihil minus cogitantem commissum est. Consueuerat singulis hebdomadis statò die publice omnibus se aduentibus aures dare, vindicare iniuria oppressos. Ad septimum Idus Decembris die Veneris diutius solito in ea auditione moratum equo canatione egredientem prodicionis securum Ioannes Canamarius natione Catalaunica Remensæ natus nemine eorum, qui aderant, considerante propius accedens districto repente gladio securum sub aure vulnerauit. Atroci temeritate commoti aulici, conturbata ciuitas, pro eo ac par erat, de conscelerato homine quæstione tormentis habita cognouerunt, nullo auctore nullo socio tantum flagitiū designasse. Sed furore percitum per quietem somniasse Rege interfecto fore successorem. Ea re & quoniam leue vulnus fuit concepta animis molestia est mitigata. Neque tamen excusatio valuit, quo minus fanaticus homo exquisitis cruciatibus perimeretur. laniato occisoque corpori ignis à victimariis subiectus. Agebatur interim de fœderis inter duos Reges faciendi conditionibus. Conuenere ab vtraque parte legati viri primarii pro Gallo Ludouicus Ambœsa Albigenfis Episcopus, pro Aragonio Ioannes Coloma, ipsi à commentariis. Ad Figueras oppidum in finibus Ruscinonensium & Emporitano-
rum de conditionibus coram disceptatum est primum, deinde Narbone. In ea vrbe ad
1493. quintū decimū kal. Februarii anno M. cccc. xciii. consensu hæ conditiones sancitæ sunt. Pax Regib. Gallo & Hispano esto fœdusque aduersus omnes principes vno excepto Pontifice romano. Filias ne Ferdinandus rex cuique principi iungito nisi ex Galli regis voluntate
rusci-

Ruscinonenses & Ceretani ad Aragonium imperium ditionemque redeunt de detractis inde præfidiis Gallicis. Eo beneficio habere sibi Gallus Hispanos obstrictos volebat: quod aliquot menses dilatum est priusquam ea redderetur oppida. In rebus magnis novæ identidem suboriuntur difficultates: ægreque homines imperii antiqua possessione decedunt. Supererat Maximilianus Rex Romanorum: cum quo post multas quidē difficultates fædus item est factum. Margarita filia restituta, quæ eatenus in Gallia erat, cum dote Artesiæ comitatu, certa que spe Burgundiæ etiam reddendæ, de quo principatu à Gallis per vim antea occupato maior lis erat, retractata sæpe neq; ad hanc diem composita. Hoc fædus ipso tempore sancitum est, quo Fridericus Cæsar gravis annis vix
10 trahebat animā, ætate & laborib. fracto corpore ac nup̄ enato Carcinomate noxio; q. ne latius serperet, crus alterum est præcisum. Vim doloris senex sustinere non potuit. Subsecuta continuo mors est ad quartum decimum kalendas Septembris. Eius obitu imperium Romanum, alii que defuncti auiti principatus in Maximilianum filium, vti opus erat, translati sunt iam Regem Romanorum cui Ludouicus Bari dux Ioannis Galeatii ducis Mediolanensis patruus illius sororem Blancam Mariam toro iungere parabat. Dotis nomine quadringenta aureorum millia oblata: ea vtrumque lege, vt pro ea auctoritate quaungebatur, Mediolanensem principatum imperatorum beneficium ipsi donaret iure quoque optimo possidendum fruendumque. Immane facinus, diram dominandi cupiditatem: eo amplius quod summę pactę vadem dedit Ioannem ipsum Gale-
20 aciū, in quem ex machinationes comparabantur. Vnius hominis ambitio quantas procellas concitabit. Iniquissimæ pactiōis species erat: quod neque Franciscus Sfortia neque eius filius Galeacius vnquam eas tabulas ab imperatore impetrassent. Eoque eum principatum quasi legitimo possessore vacuum, & ad imperii ius reuocatum dari denuo pluris licitanti posset. In Aragonia & Catalaunis moram trahebat Ferdinandus quorsum euaderent Gallorum promissa expectans. Ita mense tandem Septembri Ruscinonenses & Ceretani restituti sunt Aragonio imperio, Gallicis præfidiis ex omnibus arcibus vt pacti erant, detractis. Quam liberalitatem omnes admirati sunt: Historici ac præsertim Gallici sine fine vituperant, dum maiora incerta spē captant, opimos principatus reliquisse, ac tandem amisisse vtraque ex euentu nimirum, vt vulgo fit, de consiliis Principum temere pronunciantes. Plerique Albigensem Episcopum auro Hispano corruptum sugillant vero an falso dicere non possum, confictum suspicabar.
30

Militarium ordinum magisteria Ferdinando Regi data. CAP. V.

VNo tempore Ruscinonenses & Ceretani Aragonio imperio sunt redditi: & in aduersa extremaque Hispania Gadeis insula ad Castellæ Regum ditionem rediit angusta quidem spatiis, agri tamen omni fertilitate feracis & amœni, commercio externarum gentium propter portus celeberrimi commoditatem frequens & copiosa cum primis. Henricus quartus Castellæ Rex qua in cæteris profusione eam Ioanni Pontio Leoni
40 Arcobrigæ Comiti Marchionis Gaditani nomine dono dederat: quod posteri retractarent. Eo enim defuncto aliquot mensibus postquam Granata capta est, Roderico Pontio eius nepoti, qui in auitas opes successit, Regum iussu detracta est, & ad regiam ditionem restituta. Datum tamen oppidum Casares in Africa, tum Comitis Arcobrigæ nomen ducis appellatione est mutatum, levis vtraque ablati eius principatus compensatio. Sed Regum imperium ferendum est quamuis graue. Illud sine inuidia, quod Palma insula vna è Fortunatis Alfonsi Luci virtute & ductu, Regum Castellæ auspiciis & sumptu domita subditaque est. Nihil tamen ad memoriam præclarius in hunc annum incidit ea mutatione, quæ in tribus sacris militaribus Castellæ ordinibus facta est. Multum
50 ii milites iuuerāt Mauris ex vniuersa Hispania deturbadis impio imperio euertēdo, genere & factis nobilissimi, strenui, pugnaces. Confecto Granatensi bello, cū parū iam terroris ab hoste esset, pro gratia odiū redditū. Dolebant Reges ab eorū potestate Magistros eorū ordinum esse liberos, iis opibus eaque auctoritate vt Regibus formidabiles essent, tumultus & bella sæpe in prouincia concitarent. Ea species facta est prætenta, vera an conficta non disputamus. Certe in comitiis non lex & æquitas sæpe valebant: sed vis & ambitus. Itaque ab Innocentio octauo diploma est ablatum, quo sublati Magistris eorum ordinum administratio procuratioque omnis Regibus credebatur. Sic Garfia Padillia defuncto ante sex ferme annos Calatraux Magistro, eius locum Ferdinandus Rex occupauit nullo amplius militum suffragio, vt moris erat, Magistro substituto. Quod exemplum ad diui Iacobi ordinem manauit hoc anno Alfonso Cardena

eius militiæ magistro defuncto. Et vt finis esset, proximo anno à Ioanne Stunica Alcázaræ Magistro impetratum est, vt eum honorem in Regis gratiam Hispalensi Pontificatu mutaret. Accessit eidem post aliquot annos purpura Pontificis dono Regis auctoritate & gratia. Sic Regi tres illi ordines cesserunt vt dum vita maneret, eorum ditio-
nem & opes ipse procuraret. Alexander Pontifex ad Innocentii veniam adiecit porro in ea administratione Reginam sociam cum iure succedendi, si quid viro humanitus contigisset. Postremo Hadrianus sextus in gratiam Caroli alumni, cui debebat pontificatum, ei & successoribus concessit lege perpetua ius præsentandi Episcopos Hispaniæ, qui ante ad eorum supplicationem precario à Pontificibus Romanis institu-
ebantur. Et vt eos ordines in omne tempus ipsi administrarent, liberalitas quam nul-
la posteritas taceat, cuncti admirentur, nemo retrectet. Ioannis Stunicæ iam Cardina-
lis in familiam ascriptus fuit Antonius Nebriffensis immortalis laude vir, eique dictionarium Latino Hispanum nuncupauit, eruditione & ob restitutam in Hispaniam Latinam linguam barbarie profligata promeritus vt nomen eius Historiis Hispaniæ inferatur; sed & multorum librorum editione: in quibus de belli Granatensi & Vasconum commentaria confecit atque reliquit, aliquanto quidem maiori diligentia & fide quam
dictionis elegantia. Multis procerum funeribus hic annus insignis fuit. Decessere præter Marchionem Gaditanum, & diui Iacobi Magistrum, Henricus Gusmanius Assidonie dux, Petrus Fernandus Velascus magister equitum in Castella. tum Petrus Henricus Beticæ Antelatus. successere filii parentibus Assidonie duci Ioannes Gusmanius,
Magistro equitum Bernardinus Velascus: cui nupsit Ioanna Aragonia Ferdinandi Regis filia notha. Ex hoc coniugio nulla mascula proles sed filia tantum Iuliana nomine suscepta est, de qua rursus mentio redibit.

Belli Neapolitani causa.

C A P V T VI.

Qui escebat Italia viris, opibus & fama florens. Italis Principibus inter se & cum liberis ciuitatibus qua iunctis sanguine, qua multiplici deuinctis fædere. Cum repente periculosum & graue bellum, vnde minime putabatur, exortum est. Neapolitana expeditione suscepta qua nihil per hæc tempora illustrius extitit maiorque fama, Carolus octauus Gallie rex Italicas rationes atque adeo vniuersæ Europæ tranquillitatem vehementer conturbauit: Tanti mali origines & prima initia explicare, operæpretium erit. Urbanus sextus Carolum Dirrachii Principem ex Hungaria euocarat olim aduersus Ioannam Neapolitanam Reginam Clementi septimo eius emulo, vt in nomen Pontificatus inuaderet, auctorem præcipuam, quo facto ecclesiæ pax turbata est vniuersus orbis Christianus scissus in partes. Ludouicum illa Andegauensem Ioannis Regis Galli minorem filium, quem opponeret aduersario ex Gallia operæ amplo præmio excitum successorem adoptauit. Frustra is conatus fuit, vita & regno Regina spoliata: Ludouici filius item Ludouicus cum Ladislao Caroli filio Neapolitano Rege bellum gessit, nihilo tamen meliori euentu quam pater. Nepos item Ludouicus à Martino quinto Pontifice euocatus aduersus Ioannam Ladislai sororem Reginam etiam Neapolitanam haud maiori quam superior pudicitie laude, Alfonsum Aragonium Regem ea ad depellendam tempestatem adoptatum, deinde ob enatas suspiciones rescissa adoptione abdicatum expulit in Hispaniam. Ludouico tertio sine prole defuncto renatus frater successit: cum quo Alfonsus conuersa fortuna diu bellum gessit extincta iam Neapolitana regina in Galliamque redire compulsa. Renati filius Ioannes Lotaringius Ferdinandum Alfonsi filium bello fatigauit eo quod à proceribus Neapolitanis est concitatum eorum dux. Victus tamen atque ex Italia deturbatus non quieuit. Quin bello Catalaunico aduersus Ioannem Alfonsi fratrem regem Aragonium
è rebellibus ducem præbuit: eoque Barcinone in ipso belli ardore extincto Carolus renato patruo successit. Hic testamento hæredem scripsit Ludouicum vndecimum Gallie regem, quoniam in Renato Lotaringio renati Andegauensis ex filia nepote propinquo suo ad euertendas Aragonias opes Neapolitanum regnum occupandum, cuius rei prima cura erat, impares vires fore prouidebat. Belli Neapolitani hæc prima origo extitit. Accessit altera Galeacio duce Mediolanensi à suis occiso, vt est superius indicatum, Ludouicus Sfortia dux Barensis ob teneram ætatem Ioannis Galeacii, qui extincti fratris filius erat Mediolanensis principatus procuracionem arripuit apprimè sagax & cautus. Habebat is in matrimonio Beatricem Herculis Ducis Ferrariensis
forem

forem. Alfonsus quoque Calabriae dux Ferdinandi Neapolitani Regis filius Hippolytam duxerat Sfortiam Galeacii & Ludouici sororem : vnde Ferdinandus & Isabella sunt nati Ferdinando quidem auitum atque paternum regnum post aui fata & parentis abdicationem obuenerit : Isabella autem Ioanni Galeacio duci Mediolanensi data est coniux. Hæc geminæ iam prolis mater facta , iniuriæ impatientia virili animo fœmina patri auctor extitit , vt Ludouico patruo euerso , qui haud obscuro suo quam alieno nomine dominari malebat , principem generum in maiorum opes reponeret : eam ignominiam diutius in Aragonia gente hætere nefas esse. Non desse ciuium studia cum occasione eruptura haud dubium. tantum se viros esse ostenderent iis maioribus ea nobilitate sensit Ludouicus tempestatem, quæ in eius caput parabatur. Ad artes conuerso ingenio, quoniam viribus par non erat, Carolum octauum Galliarum Regem iuuenta ferocem gloriæ cupidum, in arma promptum, magnis pollicitis & certa victoris spe, aduersus Neapolitanos Principes armavit. Venisse tempus vindicandi iniurias, quæ ab Aragoniis extabant repetendi antiqua iura nobilissimo principatu occupato. Eos conatus Stephanus Belcarius ei Regi in primis carus, quippe à pueritia nutritus omniumque adeo arcanorum non particeps modo, sed moderator & arbiter, & Guillelmus Brissonetus ærario præfectus Maclouiensis Episcopus homo copiosus iuuabant. Accedebant plerique Neapolitani procures ob fœuitiam Ferdinandi Regis extorres patria. In eo numero Antonelus & Bernardinus Sanseuerini Salerni & Brisiniani Principes finem malis & exilio exoptantes, incensum Regis animum quasi nouis facibus admotis ad eam expeditionem instigare non desistebant. Eo ardentiori studio quæ in Gallia initio quamuis benigne accepti, parca deinde manu adiuti vti Comineus ait, multa ea nobilitate indigna patiebantur haud idoneis in alimenta vectigalibus datis. Ergo inopiæ malo & moræ impatientia adacti, seque in omnes partes versantes, vnde spes aliqua proponebatur pristinarum opum, Ferdinando item Aragonio Regi, Neapolitanum regnum obtulerunt, de alieno munifici scilicet vitium natalium in Neapolitano Rege accusantes. Verum is cautiore eos procures vindictæ tantum cupiditate incitari nulla æquitatis cura intelligens, eoque continuo daturos vela vnde melior spes afflueret patriæ recuperandæ & auitos principatus, eorum pollicitis surdas aures præbuit. Ac illud potius deliberatum habebat, quacunque ratione posset, subleuandi Neapolitanos, Regem Gallum ab eo consilio deducere Italici bello vexandæ. Quod erat plane difficile, longius prouectis rebus omnibus & apparatu bellico, quam vt resistere possent. Sic ab vtraque parte præsidia conquistata diligenter sunt concordia spe sublata. Ludouicus Sfortia cæteros Italici principes sibi & cum Gallo fœdere conciliare, auxilia vndique comparare. Vni Florentini ex vniuersa Italia à Ludouici consiliis auersi initio quidem ab Aragoniis steterunt. Veneti, vti facere consueuerunt, quorsum eque molitiones euaderent expectare decreuerunt belli spectatores potius quam pars, ex euentu consilium capere vt res se darent. Alexander Pontifex, tamen si initio se auersum ab Aragoniis ostendit, mox spe facta filios in Neapolitano regno nouis principatibus augendi, ad hæc annua ipsi pensione promissa, mutata voluntate ad eos inclinare constituit, vnde maiora beneficia extabant proximæ spes ostendebatur maioris utilitatis. Honestatem respexisse non arbitror. Ipsi Neapolitani principes haudquaquam se in periculo deseruere quos poterant omnes ad communicandas opes sollicitarunt communi patriæ opitulandum. Excitato simul incendio cunctorum opes arsuras. Ac in primis ad Ferdinandum Aragonium legarunt, qui eorum nomine omnibus precibus patrocinium imploraret. Debere eum & patruelis & regis & sororii periculo moueri, eiusque calamitatem suam ducere. Quod si iura propinquitatis & amicitia parum valerent, Siculis saltem rationibus moteretur, quæ Neapolitano principatu à Gallis euerso in manifestum periculum veniebant. Rebus integris succurreret, perditis inanem, certe intempestiuam opem fore. Cupiebat Ferdinandus Aragonios principes propinquos & necessarios periculo eripere, vera esse, quæ prædicabant, non ignorabat, memoria tamen recentis fœderis & sacramenti religione detinebatur, ne in Gallum arma sumeret. Ac in præsentis satis habuit Garciam Lassum prudentia iuxta & nobilitate virum conspicuum, facundum, callidum, audacem Romanum legare, qui Pontificem in voluntate & sententia confirmaret tegendi Neapolitanos. Simul Alfonsum Siluam Cifontani fratrem, Calatrauæ Clauigerum misit in Galliam, vt cum Regem à consilio inuadendi Neapolim deduceret: sin minus admoneret principum eorum res sibi curæ fore, consanguinitatis & necessitudinum, quæ cum iis erant

1494. iura postulare, ne iniuria opprimi pateretur. Hæc omnia ineunte salutis anno M. ccccxc. v. gesta sunt. Quo tempore Ferdinandus & Isabella reges qui eatenus in Aragonia substituerant, Cæsaraugusta profecti Tordesillam abierunt. Inde Vallisoletum & Medinam Campestrum. In eo municipio est allatum Ferdinandum Regem Neapolitanum obiisse diem. Decessit ad octauum kalendas Februarii annis grauis de belli euentu sollicitus & periculo, quod ingenii ipse sequitia fecerat. Eo felix tamen ut in malis quod regni paulo ante sua & patris industria florentissimi euerfas opes non vidit. Opportuna mors exitio domus eripuit. Successit Alfonsus extincti filius ciuibus nihilo gratior quam pater. Coronam capiti imposuit Ioannes Borgia Cardinalis ab auunculo Pontifice ea causa Neapolim legatus. Castellæ item Regibus ab Alexandro Pontifice exemplo maiorum datum est, ut decimarum ecclesiasticarum tertiam non modo in Castella & Legionem, sed etiam in nouo Granatensi regno verterent in vsus belli Maurici. Tordesillæ magna contentione viri delecti fines vtriusque nauigationis Indicæ designabant occidue & ad orientem. Consensu tandem ad septimum Idus Iunii decretum est, ut triginta sex gradus ultra Olisiponis meridianum nauigatio occidua Castellæ, inde etiam Lusitanica sed versus orientem inchoaretur. Et quoniam de Africa haud multo minor inter eos Reges disceptatio erat: per idem tempus ut Pluthense regnum Lusitanis armis cederet, Tremesenum Castellæ conquisitionis haberetur constitutum est spacijs ad vtrumq; mare Mediterraneum & Oceanum extensum nulla designatione tunc limitum accuratiori, vnde nouæ controuersia deinde extiterunt.

Rex Gallia Neapolitanum regnum occupauit.

CAPVT VII.

INGENTI delectu Rex Gallus vires imperii & copias vniuersas in vnum conferre, certus in Italiam primo quoque tempore transmittere belli dux. Apparatus vniuerso sedes Lugdunum delecta est ciuitas ampla laetaque. Alpes vicina qua transitus erat infesto rigore & æternis pressæ niuib; in cælum surgentes. Eo Iulianus Ruuerus Cardinalis sancti Petri ostia digressus vbi se tenuerat infensi metu Pontificis accurrit expeditionis instigator & particeps. Contra Alfonsus Silua, uti erat iussu, eum Regem obtestari quotidiano conuitio, uti desisteret tranquillum Italiæ statum sollicitare, quod nationes alias in partes traheret. Intempestiæ eę voces accidebant atque auribus ingratæ in eum statum perductæ, vnde regredi sine ignominia non liceret. Itaque Rex Gallus Petro Borbonio sororio suo in Gallia relicto, qui rebus se absente præficeret, ex ea vrbe cum copiis omnibus mouit die Martis ad decimum kalendas Iulii. sequebatur Regem Galliæ nobilitas vniuersa viginti millia pedites, equites ad quinque millia inuietum copiarum robur. Pecunia in stipendium quærenda erat, mutua à proceribus sumpta: à Genuensi mensario præterea centum quinquaginta Francorum millia. Sed quantum id erat tanto bello perficiendo; cælestes quibus fauent, iis omnia prona faciunt, ardua aduersariis sicut in præsentem accidit. Alfonsus Neapolitanus rex ad occupandos Galli conatus, bellumque procul à finibus remouendum classe valida instructa misit Fridericum fratrem in Ligures, ut Genuensium ditionem & littora vastaret: eamque vrberem deduceret à Ludouici Sfortiæ hostis imperio. Simul Ferdinandum filium Calabriae ducem magnæ spei iuuenem cum validis copiis terra misit, ut Mediolanenses fines inuaderet bello illato. Prudenter destinata vis altior euerit. Fridericus mari parum præstitit. post Macram amnem quo ab Hetruria Ligures dirimuntur, gemini deinceps sinus neque vasti neque angusti panduntur. Ac in priori quidem Ericis portus occurrit nunc Lerice, ex aduersum Lunæ seu Veneris tum promontorium tum portus ab insula quondam Veneri sacra proxime obiecta ea appellatione desumpta. In medio sinu Spedia est ad mare generoso vino nobile oppidum. Posterioris sinus ad fines extremos inde vrbs Segesta Tiguliorum est, hinc Delphini portus, nunc Portofinus. In sinu dorso Rapallū Genua viginti non amplius millib; iacet parum ea tempestate munitum oppidum. Classe Fridericus in ea littora delatus tentato frustra Veneris portu, inde repulsus Rapallum cepit. Diuturna possessio non fuit. Genuensium & Heluetiorum accursu receptum est oppidum, atque præsidariis male mulctatis, retro se cum ignominia damnoque Neapolitana classis retulit. Sic maritres erant. Terra Ferdinandum Calabriae ducem Galliæ & Mediolanenses copiæ Obenigno ductore præcipuo obuiam factæ, ne ultra Flaminiam procederet, ac vero ut retro flecteret iter, coegerunt. Romam abiit si quid opis in Pontifice esset aduersus

uerius imminentem undique tempestatem. Rex Gallus continuato itinere superatis Alpium Coctiarum iugis Astam tandem peruenit ad quintum Idus Septembris. Ea vrbs Aurelianensis ditione tenebatur. Regem cum cæteris ad id bellum fecuti, certâ spe totius Mediolanensis principatus occupandi iniuria vti præ se ferebat, ab Sfortiis occupati vindicaturus, si qua se rebus turbatis occasio daret. noua ex eo tela dissensionum texebatur. In eo exercitu legatus Hispanus profecto malignis oculis visebatur. Multa indigna persona, quam gerebat, pati porro necesse erat, quæ vir prudens alta dissimulatione deuorabat, dum ne officio deesset. Eo tamen Galli ardenti ingenio gens sunt progressi, ut Viennæ discedere e Gallia iuberent. Astæ etiam nullum regii metatores hospitium designarent. Sic necessario ex ea vrbe profectus Genuam abiit Liguriæ caput. Tædere iam Ludouicum Sfortiam cæperat consilii suscepti Gallos in Italiam pertrahendi communi incendio ne ipse quoque inuolueretur veritus non sine causa. Cum eo Alfonso Silua per litteras egit, ut rupto Gallico fœdere ad Aragonias partes fœdusque transiret. Suadere facile fuit tum mutanti cum spe iniecta regis affinitatis Ferdinandi regis filia illius filio maiori iuncta coniugio. Honestissima is conditione illectus viro alioqui animo vastus & immodicus ex eo tempore mutare constituit. Astam tamen se contulit ob Regis Galli aduentum simulata lætitia pectore anxio: eique pecuniam in stipendium militare continuo numerauit ex fœdere certe debitam. Eo subsidio Gallus & Ludouico Aurelianensi Astæ relicto ad spem occupandi vniuersum principatum Mediolanensem cui imminebat, cum copiis Ticinum castra promouit. In ea vrbe Ioannem Galleacium ducis Mediolanensis nomen & umbram agentem animam ex diuturno morbo tabeque inuisit, officium humanitati debitum & propinquitati; quippe e duabus sororibus Ludouico Duce Sabaudò genitis erant nati. Rege Placentiam versus digresso dux decessit ad duodecimum kalendas Nouembris lento, uti creditum est & multa testabantur signa veneno sensim venis illapso consumptis vitalibus. Quæ fama seu verâ seu falsâ extitit, in sanum quantam Ludouico patruo inuidiam conciliauit, ad arreptum principatum vitam quoque crudeliter abstulisse cunctis videlicet detestantibus. Ipso die, quo is Princeps defunctus est, Placentiam Rex Gallus peruenit, deducente Ludouico Sfortia honori id datum. Ex ea vrbe cognita ducis morte continuo Mediolanum aduolauit: seque eius verbis ducem dixit solemni ceremonia plausuque gentis in adulationem Principum pronæ. Tamen defunctus princeps quinquennem filium reliquerat Franciscum nomine in spem aucti principatus susceptum duas filias, præterea vxorem prægnantem. Diram dominandi cupiditatem, quæ omnia humanitatis & modestiæ iura subuertis nulla famæ memoria, nulla honestatis. Quin eodem die tum ad alios tum ad Alfonso Neapolitanum Regem litteras dedit; quibus generi principis obitum renunciabat. Se summa procerum & populi voluntate pro eo ducem salutatum. Non dubitare id ipsi gratum fore haud ignaro qua voluntate & studio eius salutem, atque totius regni incolumitatem esset curaturus. Ludibrium ipsa iniuria multo tristius. Sic ludunt homines callidi in aliena calamitate. Placentia Gallus in Hetruriam abiit. Confluebant undique legati de aduentu in Italiam gratulatum, amicitiam & pacem oratum. Ante alios Veneti suos oratores destinarunt, maiestati debitum officium. Senensis etiam Cardinalis à Pontificè legatus Pisas appulit, sed Regis conueniendi denegata facultate propter auunculi Pontificis memoriam quondam ad Aragonios propensi irrita legatione discessit. Florentini senatus princeps Petrus Medices obuiam Gallo progressus, à quo se auersum ostendebat, eius promerendi placandique præcipiti cupiditate arces quinque firmissimas tradidit in Apenini iugis. Eæ fuerunt Seresana, Seresanolâ, & Petra sancta olim fanum Feroniæ. præterea Pisana & quinta Liburni prope Arni fluminis ostium, qua parte mittit in mare Mediterraneum, Labronæ olim statio; tanta ex ea re indignatione populi Florentini, præsertim cum demandatæ potestatis fines esset prætergressus, & maiorum modestiæ oblitus videretur moribus aliis, ut eo & fratribus Ioanne Cardinali & Iuliano exilio mulctatis ædes etiam diripuerint, gemmas, vestem pretiosam, aurum, argentum, immensas opes multos congestas per annos: quæ auferri non poterant, publicarint. Pisis Rex aliquot dies substitit: vrbe quondam cum opum amplitudine, tum rei naualis gloria inter cæteros Italiæ populos clarissima: eorumque ciuium precibus libertatem dedit à Florentinorum imperio. Quantas ea indulgentia calamitates afferret, quantas elades, populo velut ex diutina siti nimis auide hauriente liber-

tatem? Sic vota hominum in contrarium vertuntur. Inde digressus Florentiam iniit, quo die Picus Mirandula in ea decessit è vita quatuor & triginta natus annos rarum ingenii atque eruditionis lumen, Phœnicis ex eo cognomen consecutus. Actum cum Florentinis ciuibus de fœdere. Conuenit inter eos uti peracto bello Rex arces redderet, neque Mediceos vnquam restitueret in patriam. In stipendium ciues publice centum & viginti florenorum millia numerarent. cœtuabat Roma inter metum & spem suspensis omnium animis. Cardinales & procures studiis discrepabant. Gallicas partes Columnii sequebantur Prosper & Fabricius: Neapolitanas cum familia Virginius Vrsinus homo præpotens & factiosus. Columnii adiuncto Ascanio Sfortia Cardinali Ostiam occupauerant: prohibitisque ex mari subiectionibus, unde plurimum Roma alitur, non secus ac si hostis pro portis esset angustia annonæ erat. Persuasum vulgo Pontifici decretum esse cum Gallo pacisci, aut si minus id contingeret vrbe deserta migrare alio. Ea noua turbarum populo occasio exitit. Pontifex ad pellendum eum metum sedandumque tumultum in conuentu publico Cardinalibus & nobilitati obtestatur: sibi stare sententiam in ea controuersia, causæ æquitatem sectari nulla personarum ratione habita. quod si Gallus in urbem irumperet, omnibus viribus obsistere: ac vero si res ferrent sanguinem pro officio vitamque profundere. Magnificis promissis parum mouebatur populus, obstabat metus. alii super alios aduentare Regem iamque affore nunciabant. Pontificiæ ditionis oppida indies à Gallicis copiis occupari. Itaque Pontifex ipse, neque suis neque Neapolitanis viribus parem se fore hosti præualido confidens, ex vrbe dimisso Ferdinando Calabriae duce, qui in suburbio tendebat cum copiis rebus præsidium, in molem Hadriani firmissimam arcem se recepit. Ne ludibrio sacrosancta maiestas in ea colluuiione esset, prouidebatur. Denique Rex cum omnibus copiis Flumentana porta Romam iniit pridie kalendas Ianuarii ineunte anno M. cccc. xcv. inter ingentes populi plausus, faustasque voces & certantia multitudinis vota, sed & Cardinales quidam eius aduentum haud obscuris lætitiæ signis concelebrarunt, sic ad diui Marci ductus est ex lapidibus amphitheatræ à Paulo secundo Pontifice constitutum palatium elegantia visendum & amplitudine. Hæc Romæ. In Hispaniæ vrbe Caraca Petrus Gonsalvus Mendoza Cardinalis obiit tertio Idus Ianuarii vir pari nobilitate & prudentia republica administranda magna per totam vitam auctoritate. Cupiditatibus non satis imperauit inter obsequia fortunæ, contra quam non satis causa est humana imbecillitas. Vacuam eius obitu Toletanam ecclesiam Franciscus Semenus Cisnerius è Franciscano ordine tenuit maiori spiritu vir, quam pro humili fortuna, in qua natus atque educatus est. In omne argumentum sanctimonix grauitatisque compositus: atque eo tempore Reginx Isabelle à confessionibus. Accessit deinde purpuræ rebus gestis & pro meritis debitus honos. Magnum rex Gallus suo in urbem aduentu terrorem commouerat. Actum de fœdere inter eum & Pontificem. Anni tentibus viris primariis sancitur; uti Valentix Cardinalis regia castra sequeretur obsidis loco legati nomine. Gemes Turcæ frater in eius potestatem traderetur idoneus rebus in Oriente turbandis, quoniam de bello Turcico cogitabant Galli. Præterea arces vrbs veteris Terracinx & Spoleti dum bellum maneret. Quo confecto non eas modo restitueret Rex sed etiam Ostiam; ac vero Pontificem præsens veneraretur obsequiumque de more deferret, uti paulo post fecit ad D. Petri. Multum contulit ad fœderis conditiones constituendas purpura per eos dies Brissone Episcopo Maclouienfi à Pontifice data. Fœdere facto Gallus ad quintum kalendas Februarii Roma discessit petiturus Neapolim. Copiarum pars in Præcutinos Aprutiumque missa est ductore præcipuo Fabricio Columna. Ibi omnia prona fuere vrbs Aquila eo tractu multaque alia oppida ultro in gallicam ditionem venere. Interea Ferdinandus rex cognitis rebus quæ in Italia gerebantur, Gallum aduersus Neapolitanos principes festinare, ac pro eo studio Pontificis maiestatem contemptui habitam, gallicis conatibus obsistere palam constituit: atque in eam rem Ocania, ubi fine superioris anni se tenebat, Antonium Fonseca & Ioannem Albionem in Italiam extruxit, qui gallo eius verbis obtestarentur ne Pontifici grauis existeret, neue eius ditioni bellum inferret; alioqui, uti in superiori fœdere exceptum erat, ecclesiæ incolumitatem sibi curæ fore. videret ne præposteris actionibus superûm iram, hominum inuidiam commoueret. Impios conatus tristi sæpe exitu terminari. Simul Triuenti Comitem eius classis ducem designauit, quam ad Illicis littus paratam instructamque habebat. Gonsaluum item Fernandum à Corduba virum strenuum, quatum ducem bre-

breui futurum, quingentis equitib. præfecit, quos Neapolitano Regi auxiliares mittere destinabat, non minori Siciliæ cura. Legati quidem Romam peruenerunt ipso die quo Gallus ex ea vrbe discessit. Nec mora communicato cum Pontifice consilio festinatoque itinere Regem cōsecuti, in agro litteras dederunt suæ legationis testes. Monuerunt subinde ne ulterius progrediretur, priusquā ecclesiæ Romanæ ac pontifici satisfaceret. Ea legatione eaque denunciatione & audacia turbatus Gallus respondit tamen Velitris, quō eo die perueniendum erat, dicendi quæ vellent fore potestatem: In eo oppido dato procerum senatu coram, pluribus verbis exposuerunt mandata. Eorum summa erat de iniuria Pontifici facta expostulare. Obtestari simul ne arma Neapolitanis finibus inferret, priusquam iudicio vinceret aduersarios, seque iure potiorē esse confirmaret. Vim intempestiue intentare, æquum non videri. Multis vltro citroque verbis consumptis multisque ab vtraque parte iactatis in alteros probris & querimoniis qua veris qua falsis, Gallus tandem responsum dedit ulterius esse in ea expeditione progressum, quam vt retractare liceret: bello peracto non recusare de iure cum aduersariis certamen. Verba ea erant rebus vacua: quis enim Gallos crederet nobilissimi regni possessionem iudicium arbitrio permissuros; quis de victoriæ fructu legibus disceptaturos aliquando? Ergo Antonius Fonseca. Quando inquit, ô Rex æquissimis postulatis obtemperare detrectas, & vim admouere ac metum paras, armis & viribus ferox, Deus innocentiae vindex omnis insolentiae inimicus; huius controuersiæ iudex esto: eius arbitrio atque patrocinio rem totam permittimus. Rex enim vero noster hac denunciatione sin minus ceteris, suæ certe conscientiae satisfecit, vt deinde liberata fide suis viribus & copiis in eam partem sedet, quam æquiorē iudicabit. Hæc dixit: simul coram rege & proceribus, qui in conuentu aderant, initi antea fæderis tabulas lacerauit. Audax facinus imprimis, neque ferenda Gallis contumelia visa est: ne tamen violaretur ius gentium valuit. Romam dimitti placuit. Hæc legatio quamuis re nulla impetrata pro qua erat suscepta vana prorsus non extitit. Pontifex enim confirmato erectoque ex eo ad meliorem spem animo, dignitatis memor decreuit isti nuper cum Gallis fæderis conditionibus haudquaquā stare. Ipse etiam Valentiae Cardinalis proxima nocte minus intentis in eius custodiam Gallis dissimulato habitu Velitris egressus non prius constitit, quam Spoletum ventum est firmam Pontificiæ ditionis in Vmbria urbem. Romam consulto vitauit, ne voluntate Pontificis aufugisse videlicet è castris crederetur.

Rex Gallus Neapolim ingreditur. CAPVT VIII.

Ipso tempore quo Rex Gallus Romæ morabatur, Alfonsus Neapolitanus defensionis & victoriæ spe penitus abiecta, de eo imperio abdicando, nondum integro anno euolutō à patris obitu, serio cogitabat. Eo consilio Ferdinando filio è castris euocato atque in procerum conuentu hac sententia locutus fertur. Quo in statures nostræ sint, viri nobiles mecum pariter consideratis. Hostis ferox & validus pro portis. Nostri in fide parum constantes. Haud maiori celeritate Galli irrumpunt, quam prouinciales deditionem faciunt: vrbes & oppida in eorum tradunt potestatem vexillis hostium passim sublatis. Auxilia externa longinqua: & qui opem maxime afferre debuissent, hos nostra calamitas, periculum, & ignominia parum mouent. Hostes amicosve incusare eius est, qui viuere & regnare velit. Plura dicere argumentum ignauiae. Meis delictis irā cælestē irritatā fateor: qui deliquit pœnas is dato iustissimas morte, ignominia, omnibus malis. His suppliciis si placantur numina, si expiantur noxæ, satis habeam. Vitæ fines præscribere non licet: neque vero ex hac veluti custodia migrare Dei iniussu: qui pro voluntate viuendi spatia restringit & laxat. Quod meum est tamen, hanc coronam regiam qua sum indignus, hoc sceptrum pono. peccatorum hoc piaculum esto. Alii diutius hoc imperium tenuerint: nemo libentius reliquerit nemo fortius. Filium tamen pro me (qua spe quibus virtutibus & prudentia:) Regem in posterum iubeo haud iniqua permutatione pro sene & valetudinario, florenti etate iuuenem, corpore firmo, inuictō animo. Quam cuperem vtilē eo in statu res nostræ essent, quo orbis terrarum probarem quanti facerem ea, quæ prima ad felicitatem putantur. Sed quando eam animi magnitudinem ostentare non licet: certe non erit minoris prudentiæ cedere necessitati, cuius inuictæ sunt vires. Hinc posteritas de nostro ingenio statuatur. Neque enim semper prudens nauclerus fœda procella inflatis fluctibus obstitit. Sed demissa antenna versa que in obliquū naui expectat dū ventorum violentia transacta pelagi sequitur.

componatur. Hæc nostra sententia est, certaue voluntas. & quando patriæ charissimæ præsidio esse in periculo non possum, quod instar mortis est, ea relicta in exilium abire deliberatum habeo. Regni equidem paulo ante florentis atque domus nostræ ruinam non videbo: fortassis etiam hoc quasi sacrificio Deum placabo vindicta ut leuior sit, hominum misericordiam commouebo, ut maiori animo in nostræ causæ patrociniū incumbant. Vobis, qui præsentēs estis, quique absunt, obsequium erga nouum Regem commendare, superuacaneum fore arbitror: ne ipsi quidem præcipere ut ciues omni comitate & beneuolentia complectatur, vestrisque meritis magnis, & perpetuis debitam gratiam rependat. Hæc abdicationis cæremonia in Oui arce peracta est ad decimum kalendas Februarii translatis imperii tabulas dictante Iouiano Pontano. Mox Alfonso domestica supellectile, quæ erat pretiosissima, in naues imposita in Siciliam concessit statuēs 10
Mazare, Ioannæ nouerçæ dotalis, amani & tranquilli secessus vrbe melioribus studiis vitæ reliquum exigere veste in sacerdotis formam mutata. Litteras ad principes dedit, quibus sui facti rationem explicabat: ac nominatim ad Ferdinandum regem perscripsit imbecilla valetudine compulsam vitam principalem abdicasse, ac vero voti religione se quondam id facturum implicasse, qua conscientiam exoluere æquum erat, ac prorsus necessariam. Sic ille credi voluit. Propius tamen vero est, odium popularium sustinere in eo rerum discrimine non potuisse: filiumque cogitasse, quod apprime gratus ciuibz esset ad bellum defendendum fore commodiorem. Seroq; intellexit principum opes beneuolentia suorum quam ferro satellitum esse tutiores. Obiit Alfonso non toto 20
circumactō anno ex quo regni procurationem deposuit domestica procella iam magna ex parte mitigata. Corpus Messanæ ad dextram arē in templo eius vrbis primario positum est cum inscriptione subiecta tum eleganti tum acuta:

Alfonsum Libitina diu fugis arma gerentem.

Nunc positus (qua nam gloria!) fraude necas.

Nouus rex cum primum regnum arripuit per plateas vrbis circumductus gratum populo spectaculum præbuit. Quacunque incedebat pompa, multa vestis pretiosa viscebatur, multa odoramenta spirabant, faustæ personabāt voces felix diuturnumq; imperium comprecantium. Leui momento populi gratia circumagitur. tantundem intra paucos dies pro hoste fecere. Ferdinādus sane delatum regnum à grato initio auspicari cupiens 30
vinctis magno numero è plebe atque nobilitate dedit continuo libertatem. Eius benignitatis expertes tantum fuerunt Marini Martiani filius Ioannes Baptista Rosani princeps, Sueßæ Dux, & populi Comes in custodia quamuis diu seruati, ex quo procerum bellum profligatum fuit, quippe Aragoniæ genti ad insaniam infensi. Celebritate peracta ex vrbe Rex ad diui Germani fanum abiit totius prouinciæ claustra occupatum & montium coeuntium fauces in Cassinati agro, qua Gallis transitus erat: vbi Neapolitano copię tendebant arcendis Gallis intentæ: quoniam id oppidum ad confines Neapolitanos & pontificiæ ditionis est positum. Verum cognito capta Aquila Gallos in Campaniam deflectere, ne à tergo & à fronte circumuenirentur; necessario è Cassinati salu Capuam se recepere urbem operibus & militari præsidio firmatam. Cum copiis Gallus ad sanctum 40
Germanum applicuit, vim afferre nisi ultro deditionem facerent paratus. Sic ciues defensione desperata portas aperuerunt. Promotis Gallicis inde castris maiori quamuis difficultate Capua in potestatem venit. Triuuleius Mediolanensis patria dux strenuus Neapolitanis desertis ad Gallicas partes, vnde melior spes affulgere videbatur; modica fidei cura traductus præcipuus deditionis auctor extitit. Abscefferat Ferdinandus rex à Friderico patruo quem rebus præfecerat Neapolim ad tumultum ciuium pacandum turbulenta consilia de ea vrbe dedenda agitantium euocatus. Virginus Ursinus & Petilianus eximii copiarum duces amissa Capua intra Nolam quo se ex fuga receperunt, capti sunt. Earum urbium amissarum fama cum peruasisset omnia repente ad Gallos inclinarent. ipsa etiam vrbs Neapolis regni caput, nemine obsistere auso ac vero incre- 50
dibili populi plausu victorem intra portas admisit ad octauum kalendas Martii. alium crederes populū, aliū senatū, tanta leuitate vniuersi circumacti sunt nullo iudicio sed suscepto more quemcunque principem adulandi clamore studioque inani. In eam urbem ingressō Rege Gallo, aut ut alii malunt Capuæ dum morabatur Comes Baiazeti Turcarum imperatoris frater decessit. Nouus rex vix prima dominandi dulcedine delibata, vrbe deserta consilii inops à plerisque desertus ad arcis nouæ præsidium confugit, vbi Ioanna regina cum filia eiusdē nominis erat; Fridericus patruus aliq; proceres cōuenere haud exiguo numero fidē & officium victoris gratia potiora arbitrati. Quod in ea rerum colluione pro miraculo erat. Ex ea arce in alteram se contulit, ab Quo dictā, rupi impositā mari

mari omni ex parte circumfluo, eoque firmissimam triremibus, quas paratas habebat, in Ænariam insulam traicere, & si res ferrent, in Siciliam discedere destinans breui sperâs rerum conuersionem fore, quod rerum humanarum incōstantia & vtriusque gentis ingenia non lingua magis quam moribus discrepantium suadebant. Tametsi res Gallicæ absque vlla offensione prosperum cursum hætenus tenuere: atque ita vt intra non rotos quindecim dies vniuersi regni vrbes & arces, quam late ditionis Neapolitanæ fines patēt, victoris fortunam secutæ fuerint. Ipsas etiam Neapolitanas arces Germani duces custodiæ præfecti, ô homines venales, pretio prodiderunt ad turpia seu honesta iuxta leues. Caietanam arcem vi Galli admota cæperunt, in paucis quamuis firmissimam: inerantq; 10 milites & prouisi antea commeatus. Pauca tantum in Brutiis oppida in fide pristina perstiterunt. Sed quantulum id erat? Ea quoque indies carpebantur nulla spe à suo Rege nullis auxiliis. Is se ad Ænariam tenebat, rebus perditis nō præsidium, sed magis acceptæ ignominia deformis tum spectator tum testis, quanto animi cum motu dicere non est necesse. Rhegium denique victoribus cessit exaduersum quamuis Messanæ posita in oculis classis Hispanicæ nulla à suo Rege allata agendi facultate prorsus inutilis in periculo. Ex distantibus locis præcepta sæpe & consilia post res afferuntur. Sic nobilissima prouincia puncto temporis Gallicæ ditionis facta est: vix vt credam adeo celerem & facilem rerum conuersionem in vlla gente ab omni memoria contigisse.

20 *Fœdus Principum contra Regem Gallum. CAPVT IX.*

Postquam ad Neapolim Gallis ferme omnia cesserunt, cæteri principes tum Itali tum 30 externi reputare secum atque inter ipsos communicare cæperunt, quam graue esset eius gentis imperiū futurum, si diu in Italia inueterasset. Ferdinandus Rex Hispanus proximus periculo videbatur Gallis confecto Neapolitano bello de Sicilia, vti fama erat, cogitantibus auctore & impulsore Salernitano è numero Neapolitanorum exulum maxime infenso nomini & genti Aragoniæ. Cupiditas præterea dominandi vltro incitabat cunctis affectibus flagrantior, tetrum malum, neque vllis resistens finibus. Ergo Ferdinandus Rex alios principes de iungendis contra Gallum viribus vltro appellare, vt cui 40 pares singuli non erant, communicatis opibus superiores euaderent. In mutua societate certissimum rebus fore præsidium. Eo Laurentium Suarium Figneroam ad Venetos legarat, recensque Ioannem Dezam ad Ludouicum Mediolanensem dimisit alliciendum non spe modo regis affinitatis, de qua iam actum erat, sed etiam regni totius Gallia Cispalinæ. quæ voces ambitiosi hominis auribus gratissimæ accidebant. In id fœdus facile Maximilianum Cæsarem & Anglum accessuros sperabat: quos sibi affinitate deuincire cogitabat: ac in primis Ioannē principē & Ioannā filios permutatis nuptiis Philippo Archiduci & Margaritæ sorori coniuges dare. Quæ coniugia ante agitata, Francisci Rogii opera ad Belgas ideo profecti tandem pacta sunt. In belli sumptus, quod difficile & diuturnum fore prouidebatur, pecunia quærenda erat. Eo studio in Aragonia gentis 50 conuentus sunt indicti: quibus Rex Catharinam filiam præficere cogitabat; & cum id non esset impetratum agente veteris moris tenaci. ipsemet necessario in eam prouinciā ad conuentum habendum concessit. Tantæ molitiones arcanis quamuis consiliis agitata, irritæ non fuerunt. Venetiis, quo legati Principum conuenerunt, exeunte mense Martio inter Pontificem, Cæsarem, Regem Aragonium, Venetos & Mediolanenses armorum societas est constituta, quam sanctissimam dixere. Pactionis summa capita erant. Vt viginti quinque annorum spatio communi impensa pro facultate cuiusque sociorum & copia collatis viribus triginta quatuor millia pedites, equites viginti octo millia sub signis omnes haberent. Ingens numerus, opinione atque spe maior Ecclesiæ libertatis tuendæ, qua reipubl. firmamentum continetur, species erat: atque à singulo- 50 rum finibus iniuriam prohibendi. Re Gallos vniuersa Italia deturbare satagebant par modo votis successus contingeret. Arcanis hæc tractata conuentibus mirum est in tanta multitudine de fœdere disceptantium non erupisse. Omnino Philippus Comineus prudentia & vsu rerum præstans Venetiis pro Gallo Rege legatus eo tempore, nihil eorum quæ agebantur odoratus, fœderis præter opinionem facti causas ex Augustino Baruadico Veneto Duce audiens, quasi repente consternata mente rogauit suo ne Regi foret reditus in Galliam facultas! Magna ex hoc tempore rerum immutatio facta est, magna conuersio. Neapolitanos Gallici imperii tædere iam cæperat suæque leuitatis. Frequentibus contumeliis victores morumque insolentia & linguæ procacitate grauissimum odium in animis popularium commouerant: plerique etiam iniuria bonis

euerſi finem malis exoptabant proni in vindictam, cum nullam opem à principe expectarent. Dux quoque Mediolanenſis recens Nouaria ab Aurelianenſi intercepta & ad reliquam ditionem haud obſcure aſpiranti de imperii ſumma dubitare cogebatur. Gallo præſertim claſſe ſua Genuam occupare cogitanti, vt idoneis auctoribus fama vulgabat. Ita in periculo ad Venetos confugere habuit neceſſe & omnibus precibus eorum opem implorare. Contra Gallus tempeſtate prouiſa, quæ eius capiti minabatur, & patriæ deſiderio ne reditu prohiberetur, Italia relicta eo continuo proficiſci maturauit. Prius autem quam ſe in viam daret duces alios per vrbes & prouincias diſtribuit, ac Obenignum imprimis Magiſtrum equitum dictum Brutiis præfecit, Lucanis Perſinum Alegrii fratrem, Gilbertum autem Mompenerium regia nobilitate designauit: qui cum copiarum parte rebus præſſet Neapoli ſumma bello paceque decernendi credita poteſtate. Simul à Pontifice poſtulauit per legatos, vt ſibi more maiorum poſſeſſionem parti imperii pontificio decreto & diplomate confirmaret. Ea ſumma votorum erat. Et quoniam de repetenda Gallia cogitaret, cupere oppido, Roma bona eius venia repetita coram de rebus magnis conſilia communicare. Colloquendi Pontifici idoneum tempus non eſt viſum Romanis Gallici nominis odio adeo incenſis, vt colloqui ſine tumultu non poſſent. Neapolitanum imperium cuiquam addicere niſi cauſa iudicum prius arbitrio diiudicata æquum non erat. In eam ſententiam reſponſum eſt datum, Gallo minime gratum non certamen iuris quærenti ſed vim. Eo amplius profectionem vrgere inſtitit: Diſceſſit Neapoli ad tertium decimum Kalendas Iunii Romam iniiit iſſis Iunii Kalendis. In ea vrbe pontificem non inuenit Peruſiam elapſum metu ne itinerum maietas in tanta rerum colluuiione eſſet ludibrio. Ex vrbe breui profeſtus Rex, & Senis aliquandiu moratus vitata Florentia Piſas peruenit. Eam urbem Florentinis contendentibus vti ad eorum ditionem reuocaret, in eoque fidem ante datam liberaret, contra Piſanis cum lachrymis obteſtantibus vt datum beneficium tueretur, neque nobiliſſimam ciuitatem patere-tur ad ſeruituti proximam conditionem redire, duriffima premi tyrannide: in neutram partem ſententia pronuntiata diſceſſit in Inſubres miſſis tamen prius Fregoſiſ qui factionis opibus Genuæ & totius Ligurię imperium Mediolanenſi detraherent. Qui conatus fruſtra fuit. Regi ad Tarri ripam progreſſo occurrit cum copiis Franciſcus Mantuanus Marchio à Venetis delectus copiarum dux. Ex Apenini iugis dilapſus amnis præceps inter ſaxa inæquali alueo delatus patentibus demum campis in Padum euoluitur. Recuſabat pugnam Gallus non ignarus imminutum ſuorum militum numerum: ac ſecum Aurelianenſi coniungere cupiebat impræſiis, modo ex iis anguſtiis daretur euadere. Hoc regis votum erat: neceſſario tamen ventum eſt ad manus. Ad Tarri fluminis ripam tribus millibus paſſuum ab vrbe Parma caſtra collata ſunt caſtris. Venetorum copię ad Forum nouum erant ad montium radices ſitum pagum. Gallus ad vicinę vallis qua montes coeunt fauces reſtitit. Eo loco prælium eſt commiſſum in paucis nobiliſſimum fama. Inſtruuntur acies, tollitur clamor, ab omni parte concurritur. Itali prima Gallorum acie proſtigata, verſisque intempeſtiue ad prædam militibus ſpatium victis dedere ſeſe colligendi, ac reſtitutis ordinibus pugnam repetendi ex impetu eoque animorum vigore quem aduerſarii non tulere diſperſi per agros & graues præda. Magnum Rex vitæ periculum eo die adiit prætorianis ferro peremptis vix aliorum ſuperuentu eſt ſeruatus. Victoria quidem parta trium dierum inducias à victis impetrare tamen non potuit. Sic per occultam teſſeram profectione denunciata ſilentio motis caſtris ex iis locis euasit. Ne graue damnum acciperet in diſceſſu inflatis repente eius fluminis aquis atque ex ea hoſte tranſitu prohibito factum eſt. Leuiſtatum armaturæ equites abeuntis veſtigia ſunt ſubſecuti. Ab iis atque ab incolis iniquis ad tranſitum locis cædes factæ atque magna impedimentorum pars eſt ablata. In pugna ſuper quatuor Italo-rum milia ceciderunt. Cum reliquis copiis Mantuanus Claſtidium prius, mox Nouariam feſtinauit. eius vrbs obſidionem, qua Aurelianenſis incluſus à Ludouico Sfortia premebatur, vrgere erat deſtinatum. Rex ſeptimis caſtris præter Placentiam & Derthonam Aſtam nemini infeſtus peruenit. lætuſq; vitatis periculis vltro inſtaurabat numini & diuis tutelariſ ſacrum.

Ferdinandus Rex Neapolim eſt ingreſſus. CAPVT X.

Vix dum Gallus Neapoli abierat cum fortuna partium mutata & in contrarium verſa eſt. Ex ſunt rerum vices. Hispanica claſſis Meſſanæ in portu erat ductore Triuentio. Eo reges pater & filius domo profugi conuenerunt Alſonſus & Ferdinandus, præterea Ioanna

Ioanna regina vidua Alfonsi nouerca rebus profligatis remedium quæsituri. Gonsaluum
 Fernandum cum equitibus eius fidei concreditus & sua peculiatu classe aduersæ tēpesta-
 tes in Baleari maiori & in Sardinia plures opinione & voluntate dies tenuerant: neque
 ante nonum Kalendas Iunii Messanæ portum tenere potuit. Quo iam tempore Ferdi-
 nandus Rex Rhegium exaduersum Messanæ impositam freto urbem cum arcē aliaque
 finitima in Brutiis redegerat in potestatem: vbi Eberardus Obenignus natione Scotus
 dux strenuus rem Gallicani virtute & prudentia sustentabat. Gonsaluo Rhegium Croto,
 Amantia aliaque eo tractu oppida sunt continuo tradita pignoris loco dum sumptus in
 bello futuri & facti compensantur. Sicilia quoque rebus propter vicinitatem præsi-
 10 dium & securitas ea possessione querebatur. Fridericus cum paucis triremibus ad oram
 Apuliæ missus iunctus Venetæ classi bellum alternante fortuna gerebat. Caieta à Gallis
 porro defecit, sed breui tamen subacta suo malo didicit furentis populi graues impetus
 esse, conatus inanes. De ratione gerendi belli in Brutiis deliberatū. In pari voluntate non
 vna mens cunctis erat, neque sententia eadem. Regi stabat continuo Neapolim ire: quo
 à ciuibus conuitio vocari cæperat etiam ante Galli discessum: vt sunt benigni in calamita-
 te & dolore mortales, maiora viribus pollicebantur. Vbi in urbem veniret, concursus
 ab importuni imperii odio ad iustum & legitimum regem ex vniuersa ditione exem-
 plo futurum. Gonsaluo graue videbatur accepta in Brutiis oppida hostium iniuriæ per-
 mittere absentia sua debilitare spem atque conatum reliquæ ferme prouinciæ se suaque
 20 omnia in ditionem Hispanicam certatim offerentium. Placuit vti iunctis viribus Semen-
 nariam obsidione soluerent, qua premebatur à Gallicis copiis. Persuus è Lucanis aduo-
 catus Gallorum vires & animos confirmarat. Obenignus nostrorum consilio cognito
 qua necessario iter Regi erat ferox processit. Recusabat Gonsaluus certamen. Rex iuuen-
 ta feruens eo consilio repudiato pugnare dereuit. Victus tamen in prælio, equoque pro-
 lapso in fuga ne viuus in potestatem hostiū veniret, Ioannes Andreæ Altauila frater con-
 stanti raraque fide à puero in Regis obsequiis educatus atque in omnia familiaria iura
 affluens eius periculo perspecto in pedes destitutus suum equum vltro obtulit. Euasit rex
 desultoriæ artis peritia in equum desiliens oblatum. qui dedit pro eo hostiū accursu
 cecidit grata superis atque hominibus ob fidem præstantem victimā. Pugnatum est ad
 30 vndecimum Kalendas Iulii. Fugientibus & male mulctatis regiis Semenaria propinqua
 effugium fuit, quibusdam incitamentum ne supremo conatu pugnarent. Syluæ quosdam
 & vicini montes texerunt. Victoriæ eius cum primis nobilis vt minor fructus Gallis victo-
 ribus esset ipsorum incuria Regis diligentia effecit. Profectus ex eo oppido in Siciliam
 abiit destinata voluntate Neapolim petendi priusquam acceptæ cladis nuncius accensa
 pro se ciuium studia restingueret Gonsaluus defendendæ Semenariæ spe abiecta, ea de-
 ferta in vicina loca dilapsus breui operæ pretium fecit multis circum oppidis vi aut vo-
 luntate occupatis, neque vero destitit priusquam Brutiorum regionem ferme vniuersā
 Gallis detractam ad ditionem subiunxit. Rex cum sexaginta nauibus, quas in Messa-
 nensi portu inuenit milite vacuas, ac turba tantum nauali instructas, sublatis velis ad Nea-
 40 politanum littus appulsus per mediam hostium classem in eam urbem est inuectus ipso
 die quo ad Tarrum pugnatum est pridie nonas Iulii. Ciues incredibili gaudio elati cor-
 repts armis in Gallos impetum dant repente omnia in contrarium versa. Armati per vr-
 bem ciues implacabili odio Gallos insectari, plenæ cadibus viæ, cruenta fora templaque
 refractæ direptæq; ædes, & qui resisteret trucidatus, ac nominatim Salernitani & Bisinia-
 ni ædes domestica supellectile sunt spoliata. Mompenserius motui plebis furentis impar
 in arcem nouam se recepit adiuncto Salernitano. Neapolis exemplum Capua secuta est
 locis vicina, item Salernum & Apuli innumeraque adeo ciuitates pulso Gallico præsidio
 Ferdinandi Regis vexilla præferre, ingeminare nomen. Ad hæc pugna ad Tarrum com-
 missæ vulgato nuncio Columnii proceres Prosper & Fabricius, eatenus Gallicas partes
 50 secuti se ad Neapolitanas transtulere. Vrsini contra siue ab insita æmulatione eius fami-
 liæ siue necessaria re impulsu ad Gallos transferunt, quippe Pitilianus Comes & Virgini-
 us Vrsinus eius familiæ principes à Gallis capti tenebantur. Arces Neapolitanas, quæ in
 hostium potestate manebant, regii supremo conatu impugnare dies noctesque. In sanctæ
 crucis monasterio, quod arcis iustæ instar munitum. Nouæque arcis coniunctum erat, in-
 ter milites præfidiarios Maurus quidam Alfonso Daualo Piscariæ Marchioni notus, quip-
 pe in eius familia quondam versatus seruili ingenio & fraude, si pretium operæ sit, adi-
 tum se monstraturum pollicetur. Re constituta, nocte quadam accedit Marchio specu-
 laturus locum nihil veritus insidias, venturi plane ignarus, incauti guttur transfigit Mau-
 rus sagitta emissa. Tanti viri casū vniuersa ciuitas luxit: luxere milites ob spectatā multis

in rebus virtutem paremque industriam omnium copiarum à Rege ducem designatum. Filius in tenera ætate Ferdinandus relictus est strenuus & nobilis consequentibus annis dux copiarum futurus verissima patris imago. Occisi locum Prosper Columna ante ad Aragonios traductus ex Regis voluntate obtinuit. Homini præpotenti promerendo id blandimentum est datum. Neapolitanæ arces diuturnæ obsidionis malis nullis ex Gallia subsidiis premebantur exigua sustentandi spe. Obenignū de ferenda ope appellare constituunt. Neque defuit ille vocantibus. Gallicum vigorem extinxerant Neapolitanæ illecebræ & voluptates vrbis cum primis amœnæ. vulgati præterea morbi plerosque extinxerant. & sane malorum colluuiione fœdum bellum amplius insigniuit nouum genus morbi in ea expeditione visi. Corporum libidinoso contactu vis mali serpebat maxime nullis idoneis remediis, vt in tabe recenti, vsq; dum excogitatis: vnde crebræ in vulgus mortes. Morbum Gallicum dixere Itali, galli Neapolitanum, Afri Hispanicum nulla certa origine mali, opiniones vacillarunt. Ex nouo orbe vbi sæua contagio multum viget in Europam diffusam peritiores arbitrantur: atque hoc tempore à militibus Hispanis in Italiam atque Neapolim delatam luem qua caput & barba depilari solent, facies miserum in modum enatis bubonibus deformari, exedi viscera atque corrūpi ac sequi tandem interitum. Tenariffe postrema è Fortunatis insulis classe ad id missa domita atque ad Regum Castellæ ditionem subiuncta tandem est. Insulæ eius Rex nauibus in Hispaniam delatus, inde Venetias transmissus donum iis ciuibus ab insolenti habitu & spectaculo non ingratum. Amicitiam nuper constitutam & fœdus ea beneuolentia significatione astringere certabat Hispanus. Alfonso Luco Tenariffes & Palmæ subiugatarum præmium fuit Antelati honos & nomen in Canarias insulas seu Fortunatas concessum. Sic omnes illæ insulæ in Hispanorum potestate regiaque Castellæ ditione conqueuere tandem expeditionibus sæpe repetitis: bellumque id ante multos annos inchoatum hoc tempore finem habuit.

Rex Lusitanus obiit.

CAPVT XI.

NON cessabat interea Ferdinandus Rex Hispanus Regem Lusitanum & Anglum ad commune Principum aliorum fœdus asciscere per legatos, præsidia vndique conquirere. Strenuum principem & rebus maximis natum. Excusauit Lusitanus amicitiam cum Gallo à multis annis stabilem: non videri temere violandam. Et erat Pontifici subiratus: à quo impetrare non potuerat vt Georgium ex impari sed nobili matre filium iure legitimo donaret. Nullo enim respondente in successionem regni mutare aliquid non est visum. Lusitano quidem deliberatum erat eum heredem scribere ex assē, si minus venia Pontificis certe Maximiliani Cæsaris amitini iure successionis illi debito, sic interpretabantur eius voluntate in Georgium translate. Quod sane quid erat aliud, quam pulcherrime stantem reip. pacem præpostera ambitione & cupiditate turbare? nouorum motuum materiam quærere? Ab Anglo non fœderis societas petebatur, sed etiam nouæ affinitatis vinculum. Arcturo Angli hærede & filia Ferdinandi Hispani Regis iunctis connubio. Vtrumque factum, sed consequenti tempore Lusitanus aqua intercute laborabat indies grauiore tum valetudine tum vitæ periculo. Pellendo morbo ad aquæ calidæ scaturigines abiit quæ in Algarbio atque Turdetanis habentur totius Lusitaniæ maxime salutare. Sæpe remedia in contrarium vertuntur. Morbi vis eo remedio nihil remisit: quin aucta potius Albore oppido decessit ad octauum decimum Kalendas Octobris, magno atque ardenti ingenio Princeps callidus, facundus, in vindictam tamen præceps. Successorem ex parte correctâ superiori voluntate testamento designauit patruelem Emanuelem patruo Ferdinando natum. Pacis Iuliæ Ducem, Georgio filio substituto si eum contingeret sine prole decedere. Longinquum id erat & incertum neque satis æquitati consentaneum. Sed Regum voluntates vehementes sunt. In præsentem ergo militiæ magisterio donari volebat, eius cui à Christo nomen est Conimbricæ ducem esse. Ab eo certe Aueri duces generis stemma deriuant nobilissimi. Inerant haud dubium in defuncti Regis moribus & ingenio bona, inerant mala. animus erectus, excelsus, magna appetens, maiora sæpe viribus, scelerum vindex, studiosorum & fortium hominum fautor. Multo effuso ciuium sanguine inuidiam apud suos commouit, tamen pro argumento insigni ad clypeum. adiecerat pelicanum rostro lacerantem pectus alitem vt pullos suos in vitam proprio sanguine reuocet. Corpus translatio funere in Syluensi æde compositum, Aliubarrotam inde delatum est eorum regum

gum sepulchris, sed & victoria de Castella olim parva nobile oppidum. Regium Lusitaniæ insigne publico omnium consensu ad Emanuelem, uti opus erat, delatum est Salaciæ eo tempore agentem cum Regina sorore regiaque vexilla eius nomine ingeminato more gentis sublata explicataque sunt. Et si Maximilianus Cæsar id regnum sibi deberi contendebat iure sanguinis in pari propinquitate maior natu. Inter eos qui a latere defunctum regem sanguine attingunt non stirpē, ex viro an fœmina sint nati, sed in pari propinquitatis gradu sexum atque ætatem in successione esse consideranda. Vtiq; Ferdināus Visei dux, unde Emanuel est natus, & Eleonora Augusta Maximiliani mater, patruus & amita defuncti regis erant. Porro Lusitani sexum in imperio non discernunt: neque stirpem considerant, sed capita. Verum de hac tota controuersia alio loco copiosius dictum est. Emanuelis causam gentis studia iuuerunt, præclaræque corporis & animi dotes, quibus nulli ea ætate principum inferior extitit. Ruscinonensi limiti Henricus erat præfectus Albæ ad Alisterem Comes. Is iussu sui Regis in agros Narbonenses cum manu militari irrumpens late terrorem incussit. Idem Petrus Manricus fecit sed per extremam Cantabriam in Aquitaniæ fines inuectus. Nihil tamen memorabile est gestum. prædæ tantum hominum & pecorum abactæ. Quod præcipuum fuit Gallo qui diu Astæ substitit, iniecta necessitas fœderis cum Ludouico Mediolanensi maturandi, ne versis ad Italiæ bellum terga nudarentur, sed potius ea solutus cura reduxque in Galliam conatus Hispanos & irruptiones prohiberet. Et erat stultum aliena curare, sua negligere.

20 Fœderis leges fuerunt: ut Nouaria Mediolanensi redderetur quinquaginta aureorum millibus numeratis Aurelianensi. Arx Genuæ, quam Galli ceperāt, penes Sequestrum esset Ferrariæ ducem. Gallicis copiis per Insubres volente duce liberum iter esset, additis etiam de suo ad recuperandum Neapolim auxiliis. His rebus constitutis Gallus præcipiti autumnno cum copiis trans Alpes in Galliam rediit. graue Neapolitano regi extitit Ludouicum Mediolanensem ducem contempto publico Principum fœdere sibi priuatim, quod erat nefas, consuluisse: unde præsidium rebus expectare debuisset, ab eo nullo propinquitatis respectu, erat enim eius auunculus, rationes Neapolitanas secundo vehementer conturbari. Re ille necessaria excusabat cum hoste pepigisse. Alios principes parum opis præter nomen in eo periculo communicasse, quid factū vituperarent: haud dubium exitium, nisi ita fecisset rebus instare. Ergo Neapolitanus Rex aduersus tempestatem ex Gallia rursus imminentem præsidia vndique comparare, ac Ferdinandum Regem Hispanum sibi amplius deuincere satagebat filia eius in cōnubium expedita. Non abnuebat conditionem Hispanus, sed belli ancipitis exitum expectare malebat ex euentu sumpturus consilium. Mōrē impatiētia Neapolitanus & Ioannē Reginæ viduæ suasu eius filiam eodem nomine duxit soluta lege propinquitatis à Pontifice, quoniam amita eius erat. In ipsa nuptiarum lætitia, res bellicæ curæ erant. Veneti ad ferendam opem sollicitati ægre quidem sed consensere tandem. Mantuano ductore auxilia decreta equitum peditumque: præterea in præsentī quindecim aureorum millia mutuo in stipendium data. Dum ea pecunia redditur, sumptusque necessario in bello futuri compensantur, Brundisium,

40 Hydrunt, Tranū, Monopolis, Poliganum in Apulis nobiles vrbes & Lautæ pignori datæ Venetorum votis sæpe expetitæ, quoniam alluuntur mari supero Orientis commercio commodissime unde genti certissima vectigalia constant. Nouas ad tempestates concitandas hi apparatus pertinebant. Ferdinandus quoque Hispanus haud minori cura bellum repetere parabat, quod per fines Ruscinonenses nuper erat inchoatum. Ea expeditio proprie ad Aragonios pertinebat. In eius gentis conuentibus, qui superiori anno Turiasone sunt capti, de publico auxiliares ducenti grauis armaturæ equites, leuis armaturæ trecenti toto triennio decreti sunt, cum eo ut in septem turmas tributis duces Rex e gente quidem designaret. Contra ut aliqua gratia esset, quod antea consueuerant, datum est à Rege ut publica ciuitatum munera & magistratus tribuerentur. deinde ciuium nominatione e designatis coniectisque in vrbem sorte ducta. Deinde in Dertusanis Catalaunorum conuentibus, qui superioribus mensibus inchoati ad anni Millesimi quadringentesimi nonagesimi sexti initium tenuerunt, simile decretum auxiliis iuuandi Regem est factum eo propensiore voluntate, quod Ruscinonenses in quorum finibus primus belli impetus futurus erat, proprie ad Catalaunos pertinent, eorum imperio contributi ditionis pars. simul de coniugiis cum Austriaca familia actum magna contentione est: tamen Archiducis animus affinitatem Hispanicam auersari videbatur contumax propter ætatem, parumq; in futurum prospiciens, patrisve obtemperans voluntati votisque.

Bellum Neapolitanum gerebatur supremo partium conatu, vt de regno diductis in
 ambos prouincialium studiis & viribus. Galli quamuis imminuti numero firmis-
 simas tamen arces & vrbes retinebant. Caietam obsidebat Neapolitanus Rex: in Bru-
 tiis & Magna Græcia Hispanorum arma duce Gonsaluo felicem cursum tenebant: vt
 oppidis & arcibus magno numero ad ditionem subiunctis vix Gallis ea quidem parte su-
 peresset, vbi pedem ponerent tuto. Firmatus vsu miles Hispanus nulla discordia corru- 10
 ptus, nulla acie exhaustus, sed belli Maurici domitor sæpe meliora ferre. Persius & O-
 benignus Gallorum præcipui in ea prouincia Duces contempto proprio periculo haud
 ignari quanto in discrimine arces Neapolitanæ essent, ibi belli & rerum summam ver-
 ti in ea fortunæ inclinatione consilio inter se communicato decreuere tamen, vt O-
 benigno relicto, qui Hispanorum conatibus obsisteret, Persius cum copiarum par-
 te Salernum ditionis tum Gallicæ urbem abiret, si liceret ea ope Neapolitanas arces tu-
 eri, sin minus iunctis cum Mompenferio viribus bellum eo tractu instauraret, si qua se
 daret occasio Neapolis recuperandæ. quæ prima cura sollicitabat. Sic factum. Per-
 sius ex itinere multis oppidis ex ditione adiunctis quatuor porro Neapolitanorum 20
 millia iussu sui Regis obuia ad Ebulum Picentinorum oppidum non procul Sylari a-
 mne ductore Matalonio, acie superauit. Læta ea victoria Gallis in præsens fuit exi-
 guo in futurum vsui: territis quidem aduersariis nulla manus numero aut viribus infi-
 gnis prodire in aciem, obsistereque eorum conatibus audebat. Rex tamen prius-
 quam acceptæ cladis nuncius ad obsessos perueniret, de arcium ditione transigit,
 nisi intra certum diem idonea superuenirent auxilia. Accessit Persius victor ad
 Neapolis conspectum, sed cum intra arces nihil moueretur, & Rege extra mœnia ten-
 dente penetrare ipse ad obsessos non posset retro flexit iter. Sic arces omni præsi-
 dio destitutæ elapsis paulo ante Mompenferio & Salernitano abeuntibusque Saler-
 num, vt pepigerat deditæ sunt. Pecunia Gallis ducibus in stipendium deerat. Ad
 quam redigendam in Apuliam concedere statuunt portorio è pecoribus: vnde præ- 30
 cipua & maxima vectigalia iis regibus constant. Eo consilio Mompenferius, Persi-
 us atque Virginius Vrsinus vires conferunt. præcipui Gallorum duces hi erant, mi-
 nores multi alii, tum Itali generis tum Gallici. Neapolitanæ copię in varias par-
 tes distractæ erant. Rex ipse receptis Neapolitanis arcibus de belli summa sollicitus
 Beneuentum abiit: quam urbem Pontificiæ ditionis Fridericus patruus ab ingruenti-
 bus vndique Gallis defenderat. Inde cognito Gallorum consilio Fogiam abiit quæ
 ex Harporum ruinis creuit. Eo etiam Mantuanus cum Venetis auxiliis appulit. Id
 commode accidit. Sexcenti tamen Germani duce Fabricio ad Regem contendentes,
 cum eo inuito Nuceriam digressi essent, vbi altera eius nationis manus expecta-
 bat, quam deducere secum cogitabant, quo maior gratia esset validius subsidium, for- 40
 te in hostiles copias incidentes ferme ad vnum cæsi sunt: etsi supremo conatu pu-
 gnauerunt, multosque & ipsi ex hostium equitibus peremere. Tanta ex eo Gallorum
 superbia vt ad Fogiæ mœnia promotis castris Regem ad pugnam prouocare non dubi-
 tarent: quam ille eo incommodo & superiori ad Semenariam ignominia cautior casti-
 gatusque detrectauit copiis nondum in vnum locum contractis. Leuia tantum fue-
 re certamina: & ab vtraque parte cædes, captiuique neque nullius neque magni nomi-
 nis. Galli vltius progressi portorii partem redegerunt, partem Rex. pars alia in ea
 perturbatione periit à neutris exacta. In ea colluione non oppida & vrbes modo sed i-
 pși pastores aruæque, vt hostile solum vastabantur. Gallorum ferociam comprimere cu-
 piebat Rex haud ignarus ea parte victis reliqua procliuia fore. Gonsalvus in Brutiis vni- 50
 uersa prouincia ferme in potestatem redacta ipsaque adeo vrbe Consentia capta ar-
 cem obsidione graui premebat. In Obenigno parum præsidii erat ad extremum Ita-
 liæ angulum compacto sustentanteque maiori locorum fiducia quam virium. Monuit
 Gonsaluum Rex vt cæteris prætermisiss in præsentem ad se actutum festinaret: belli ca-
 pite confecto reliqua secutura. Sibi ad ducendum bellum virium satis esse, ad laceffen-
 dū prælio hostem maiores copias optare. Gonsalvus vera Regē prædicare non ignorabat.
 In diuersum tamen variæ curæ anxium trahebant. Omittere inceptum graue erat, sed
 regi opitulari necessarium. Ergo obtemperandi decreto Ludouicum Aragonium Cardi-
 nalem cum parte copiarum in Brutiis relinquere statuit, qui bellum se absente sustenta-
 ret

tet castris quam infulis aptior. Is Ferdinandi Regis patruelis erat Henrico natus Alfonsi
 quidem Regis fratre, sed ex impari matre. Agrestes homines magno numero spe prædæ,
 an ut iter impedirent, iniquis ad transitum locis se in armis ostendunt. Nihil terrètur Hi-
 spani cum Mauris Granatensibus in præruptis locis & arduis pugnare assueti. Impressio-
 ne in vicinos facta ad Muranum oppidum magno eos numero cæciderunt, nisi quos fu-
 ga dilapsos vicini saltus seruarunt. Ex captiuis quæstione habita cognitum est nobilium
 magnam manum ad Laynum seu Laum contractam destinata voluntate Consentina ar-
 cis disturbata obsidione tuendæ. Gonsalvus ne pulcherrimæ occasione deesset tota
 nocte itinere continuato, sub auroram in id oppidum irruptione facta nobilium magnam
 10 partem peremit, cepit alios, quos mari ad Regem misit Principes in eo numero erant Ni-
 castri Comes & Honoratus Sanseuerinus Bisiniani frater. In diuersa parte Galli Cercel-
 lum in Samnitibus obsidebant decem millibus Beneuentum distitum oppidum. Rex ut
 eam obsidionem dissiparet Frangettum finitimum accurrit cum copiis, ubi Gallicum præ-
 sidium erat. Suorum periculo permotæ Gallorum copiarum opitulatum venere. Serum au-
 xilium fuit oppido iam tunc capto à Rege tum incenso ne præda miles impediretur sci-
 licet hostique opportunus ex eo esset. Constitere duæ acies ex aduersum duobus occupa-
 tis collibus valle interiecta: quam transcendere neutri sunt ausi. Res Gallicæ inclinare
 cæperant: animos & corpora peregrinæ voluptates eneruant. Rex quoque re cum suis
 communicata deliberatum habebat, nisi suo commodo, ac explorata victoriæ spe cum
 20 hoste non configere, neque sua festinatione committere, ut casus aliquis partium for-
 tunam permutaret. Gonsalvi in aduentum certe sustentare visum est quem festinare
 & prope diem affore fama & idonei testes nunciabant. Neque fefellit spes, breui in
 castra Regia peruenit, tametsi Mompenserius obuiam progressus, eius iter impedire
 omni studio conatus erat. Quo tempore Rex vestigiis omnibus vrgere Gallorum co-
 pias annonæ angustia laborantes, iamque detrectantes pugnam & de Apulia cogi-
 tantes. Verum premente Rege conuerso itinere se se intra Atellam incluserunt &
 euentu huius belli nobilem cum primis urbem, & tunc Amalfitani Principis ditioni
 contributam. Rex quo minus id oppidum occuparent, sua diligentia impedire
 non potuit, quod proximum erat, circumuallare constituit. Ducebatur obsidio pa-
 30 ri defensorum & impugnantium conatu, neque dispari spe, cum Gonsalvus diu ex-
 pectatus in castra tandem regia peruenit ad octauum Kalendas Iulias, qui dies Ioan-
 nis Baptistæ natali facer est. Eius aduentus obsessis grauis exitialisque, obsiden-
 tibus lætissimus accidit rerum gestarum fiducia utrisque cogitantibus eius virtute fo-
 re bello grauissimo finem. Accessit ad lætitiæ plausus. Consensu duces & milites
 venientem Magni ducis titulo & nomine honestarunt factis præclaris consentaneum,
 quod ab hoc initio susceptam & aliarum nationum eximio fauore confirmatum in
 morem abiit, ut hoc potius nomine quam nativo cognoscatur. Ac sane alii duces in
 Italia quamuis per se strenui cum eo comparati multo inferiores rebus omnibus vide-
 bantur. Erat enim ingenio magno belli & pacis artibus peræque instructus, præ-
 40 cipua morum suauitate, colligendæ militaris beneuolentiæ eximius artifex, in præ-
 senti grande ad victoriam momentum. Opinionem de eius virtutibus susceptam
 confirmabat ipse industria, satis decorus facundia, omniumque quæ diceret atque
 ageret, arte quadam ostentator. Ita cum primum Atellam peruenit situ considera-
 to ipsis Kalendis Iulii cum suorum manu molas frumentarias, unde obsessi alebantur,
 momento temporis occupauit, valido inde hostium præsidio deiecto. Fregit ea res
 Gallorum spiritus, regiis fiduciam addidit breui opprimi ac profligari aduersarios pos-
 se. Ex paruis sæpe initiis magnarum rerum exitus pendent. Leuia aliquot prælia
 fuere pro oppido, casus varii: Salernitanus & Bisinianus in ditione delectus habere
 50 destinata voluntate Gallicas partes à casu sustentandi, opem obsessis ferendi. Verum ea
 diligentia nihil est præstitum: ac contra Mompenserius, Virginius Vrsinus, & Persius ob-
 sidionis malis fatigati se & oppidum dedere decreuerunt. Leges consensu scriptæ. si intra
 trigessimum diem idonea auxilia non mitterentur ex Gallia, copiarum Gallorum ex vniuer-
 sa Italia decederent cum bona venia impedimenta, equos, arma secum asportan-
 di. Arces & oppida Regi restituerent vniuersa ditione Caieta, Venusia, & Taren-
 to modo retentis, præterea quidquid Obenigni & Montii Ducis armis occupa-
 tum esset. Discedentibus Rex mari naues, terraque iter tutum præstaret. Mense Iu-
 lio hæc conditiones sunt iureiurando & datis obsidibus confirmatæ: in iis tabu-
 lis mirum enim uero videatur Gonsalvo Magni Ducis nomen consensu adscriptum.
 Dedita ut conuenerat ea urbe aliisque arcibus Galli profecti, exiguo numero

tamen in patriam peruenerunt. morbis & variis casibus consumpta multo maior pars: ipse etiam Moimpensius ad Vesalum afflicta valetudine, an ex molestia periit. Virginius Vrsinus & Iordanus filius in custodiam dati fœderis in eo fide violata. Sed Alexandri Pontificis iussa urgebant, cui obistere Regi tutum non erat pro imperio id mandatis. atque pro Pontificia auctoritate concepti cum iurisiurandi religione soluentis. Affuere in hoc bello Ioannes Borgia Cardinalis Amalfitanus Episcopus Pontificis ex sorore natus, non idem de quo eodem nomine Episcopatu alio est commemoratum, sed tamen pro auunculo Pontifice legatus, tum Dux Gandiæ Pontificiæ manus quam subsidio ei Regi misit, ductor. iis meritis Vrsinorum facta iniuria gratificatum est. Gonsalui discessures Gallicæ in Brutiis & Magna Græcia resurgere, Hispanorum vires debilitari cæperant. Ita die proximo post fœderis condiciones ad Atellam firmatas eam prouinciā repetiit: cuius partem multo maximam eius absentia Obenignus ad Gallicam ditionem reuocarat acerrima belli fax, virtutis & prudentiæ spectatæ magis quam felicitis ob præualentē aduersarium. Eius enim diligentia locis omnibus prementis in commune aliorum Gallorum fœdus consentire, ac vero relicta Italia in Galliam redire est compulsus. Quo tempore omnino dimidiato mense Augusto in Castella vltiori Isabellæ Reginæ mater Isabella decessit è vita annis postremis parum sui compos. Corpus extemporario funere Areuali sepultum, vbi extremam ætatem exegerat, consequentibus annis in Burgenſe Carthusianorum monasterium translatum est: loco vbi vir eius Ioānes eo nomine secundus Castellæ rex fuerat compositum. Ad vndecimum Kalendas Septembris defunctę neptis Ioanna nomine classe ad Lauretanum portum instructa in Belgas abiit ad pactas nuptias cum Philippo Austriæ Archiduce. Regina mater filiam vsque ad portum est profecuta, Fridericus Henricus maris Præfectus Belgas vsque. In coniugii eius celebritatem ludorum apparatus omnemque lætitiæ significationem intentos. Ab Alexandro item Pontifice Ferdinandus puellæ pater Catholici cognomentum accepit in posteros cum regno transfusum stabili possessione. Honorum titulos Principibus diuidere Pontificibus Romanis datur. Erat in more vt in litteris Apostolicis adscriberetur, Regi Castellæ illustri. Ergo deinde noua indulgentia adscribi placuit, Regi Hispaniarum catholico, non sine obrectatione & inuidia Regis Lusitani, quando Ferdinandus imperio vniuersam Hispaniam non obtineret, eius tum non exigua parte penes alios Reges. Contentio ab eo tempore excitata ad nostram ætatem tenuit. Maiori motu exarsisse Gallum verisimile est, si quod Comineus ait, Pontifici erat destinatum Christianissimi appellationem, qua reges Gallos ante aliquot annos simili exemplo in Ludouico vndecimo Pius secundus Pont. Max. honestauit, in Ferdinandum transferre rerum gestarum amplitudini gratiam consentaneam.

Reges Lusitani. C A P V T XIII.

Emanuel Lusitanix Rex cum primum regium insigne desumpsit. Montem maiorem regni ordines ad generales conuentus euocauit de rebus grauissimis consilia communicare volens. Eo Georgius accessit defuncti Regis filius, ætatis agens annum quartū decimum, Diegho Almeyda deducente Priore Hospitalario, quem sagax pater delegerat, qui pueri imbecillam ætatem regeret consilio, imbueret moribus eo loco dignis. Venientem Rex benigne accepit, quin ad eius amplexum lachrymas fudit indices beneuolentiæ, decessoristum memoria tum desiderio expressas. Filii eum loco futurum promisit charissimi, se patre dignum præstaret. Simul legatos dimisit ad varios Principes, nominatim Castellæ Regibus suæ inaugurationis gaudium nunciare voluit: Alexandro Pontifici more maiorum suo nomine obsequiū debitum deferri. In noui Regis aula principem gratiæ locum obtinebant Dieghus Silua, quo morum institutore & magistro creuerat; tū Ioannes Emanuel Ioanne Guardix Episcopo natus & Iusta Roderica illius amica, quæ Emanuelis Regis nutrix fuit. Dieghum Portalegris Comitem esse iussit operæ & discipli-
næ præmiū, Ioannem regio cubiculo præfecit. Ex vsu familiari parique ætate gratia aucta, adeo vt cæteros aulicos facile rebus omnibus anteciret. In iis conuentibus edictum est vt Iudæis omnib. à defuncto Rege in seruos datis redderetur libertas. Superiorem seueritatem noua censura mitigare æquum videbatur; miseræ gentis calamitatem subleuare. Auxilia in Africam decreta atque militare supplementū: vbi Septam freto imminentem Ioannes Rex eo nomine primus eripuerat Mauris. Tingini & Arcillam ad extremum occasum atq; ad Oceani littus Alfonso Emanuelis patruus. Inuecta virtute posterius retinuerant: felicibus sæpe armis submouerant hostes, agris finitimis attulerant vastitatē. Arcillæ præfectus Ioannes Menesius cupidus nouo Regi suam industriam probandi multis circa

pagis consuetū vectigal pēdere recusantibus, cōmunicato cōsilio cum Tingitano Præfecto atque cum eo iunctis viribus in eos ducens, forte in Barraxam & Almandarinum incurrit strenuos Afrorum magnique nominis duces. Non detrectauit certamen Menesius etsi numero vincebatur. Commissa pugna victi fugatique hostes sunt, virtuti cessit multitudo. Lata ea victoria in præsens fuit, rerum maiorum initium. Interea ad Montem maiorem conuentus celeberrimi, multis quamuis & magnis rebus nondum constitutis necessario sunt dissipati pestis ob luem in ea regione grassari incipientem. Ipse adeo rex dimissis ordinibus raptim ex eo oppido discessit huius anni initio; atque sub ieiunii Christiani tempus Setubaliam sese contulit. Quæ profectio non incolumitati tantum est data

10 sed officio studioque duas sorores viduas inuisendi Eleonoram Reginam, & Isabellam Brigantino antea nuptam. Eo congressu nihil prius actū quam de Alvaro Brigantini Ducis occisi fratre ducisque filiis, qui in Castella profugi durum exilium tolerabant, patria extorres in patriam, paternasque opes & pristinum dignitatis locum reponendis. Id Ferdinandus Rex Castellæ enixe contendebat: innoxios nihilque mali promeritos eriperet supplicio: sorores tantundem cum lachrymis flagitabant, ardentius Isabella quam cæ calamitates propius attingebant eodem momento orbata viro filiisque, familiæ vniuersæ miserabili luctu. Ante omnes Beatrix Visei Dux precibus Regem filium fatigabat, eique pro materno iure mandabat, vt sanguine & necessitudine coniunctos subleuaret. Non

20 tibi, inquit, solum, regnum cœlitus datum sed matri, sororibus, & propinquis; omnib. denique qui in te spem emergendi iure collocarunt, partem aliquam imperii communicandam & felicitatis cogitare debes. Fructum ex nostro fundo nostraque ex arbore decerpere quis vetabit? Quæ si nos spes fefellerit animis nostris concepta, quo ibimus? ad cuius opem confugiemus? An importuna seueritate committes vnde cunctos nos pigeat te ad culmen dignitatis & gloriæ peruenisse? Cum eras priuatus, nostram sortem & miseriam deplorabamus: nunc ad eam acerbiter, iniuriam importuna seueritate factam adiungere erit necesse. Quare si vlla tibi æquitatis, si vlla pietatis cura est, si labores eius quæ te peperit, si amorem quo te sum perpetuo prosecuta memoria retines, matri filiam restitue, sorori filios, auix nepotes, memet denique totam mihi redde, meaq; membra disuncta locis & lacera & disiecta in vnum quasi corpus salutari ista manu compinge. Atque

30 eum acceptæ potestatis præcipuum fructū cogitato, hoc quasi initio accepti principatus specimen dare cæteris ad bene sperandum hoc quasi salutari signo sublato. Cupiebat Rex iustissimis matris & sororū votis satisfacere. Verū ne repente defuncti Regis censura mutata in leuitatis suspensionem incurreret, verebatur; ac simul providendum erat ne eorum animos irritaret qui bonorū exulib. ablatorum se attactu & longa possessione cōtaminauerant. Vicere tamen omnes difficultates pietatis respectus, matris & propinquorū postulat. Quib. bona & honores exulū sunt ablata, eos aliis pro præsentī copia datis munerib. pacauit. Nullus vt regiam clementiā accusaret, contra laudaret multi & perpetuo præconio celebrarent, qui nollent etiam factū probantib. Regii cōiugii cura sollicitare, & prolis in spē regni suscipiendæ. Ætas matura erat quippe sex & viginti annorū. Nulla conditio

40 Castellæ regū affinitate potior erat: neq; id gens Lusitana ignorabat. Ferdinādo & Isabelæ Regib. de eo coniugio appellatis placebat Emanuelē generum adoptare: ceterū vt maiorem filiā coniugem darēt, non adducebantur. proxima in Belgas abierat. Catharina etiā Arcturo Anglo pacta erat. Mariam omniū minimam coniugē Lusitano libenter destinabant. Abnuī Lusitanus: neq; aliū Principē sibi præferri in coniugio maioris filiæ ferebat pro gentis ingenio nulli de dignitate concedens. Admabat præterea Isabellā & forma & indole oblectatus ex quo tēpore fuerat in Lusitania Alfonso Principi nupta. Agebatur de eo coniugio: eaq; ex re Ferdinādo Rex Catholicus occasione captata Lusitanū sollicitabat, vt se ad Principem fœdus contra Galliæ opes & Regē adiungeret. Isabella quoque Princeps inter conjugales leges Mauros & Iudeos Lusitani regni finib. deturbari iubebat

50 voti peruicax qui perfidā gentē tueretur à Christianis institutis abhorrentē, ei vt toro iungeretur adduci nō posse. Cupiebat Emanuel vtriq; postulato satisfacere puellę amore ardēs impatiensq; morē. Verū ne Ferdinādo obtēperaret, amicitia cū Gallis à multis annis stantē & mutuis officiis cultam excusauit. Hispaniæ finib. ab iniuria tuēdis vires & fœdus libenter offerre: vt se externis bellis implicaret, alienum à suis rationib. putare. Ad Isabelæ gratiam promerendam ægre quidem, sed datum tamen, vt nouo edicto, quod sub huius anni finem promulgatum est, Mauri & Iudæi omnes iuberētur finibus Lusitanię abscedere seruitutis metu proposito, si qui post designatum tempus restitissent. Solutum antea pœna noua lege sanciri placuit. Mauri quidem in Africam continuo sine recusatione transmiserunt. Iudæis non eadem facultas extitit: quibus paulo post nouo edicto

filii sunt detracti quatuordecim annis minores, atque salutaribus aquis per vim adhibiti. Insolens decretum à legibus & institutis Christianis abhorrens maxime. Malo cogas homines Christiana sacra suscipere? libertate cælo data in re omnium grauiissima spoliis, quos Deus sui arbitrii esse voluit? Graue id piaculum sit: ac ne filios quidem à parentibus eo studio abstrahere liceat. In utroque tamen gens Lusitana peccauit, pueris enim uero sine uoluntate parentum ad baptismum uolenter raptis, atque maioribus natu, ut Christo darent nomina, conuiitiis & contumelia vexatis. ac nominatim discedendi facultate per fraudem sublata, cuius necessitas erat imposita. Ita plerique seruitutis metu dederunt manus, quidam sincera uoluntate, pars multo maxima tempore seruientes animo simulato: cuius rei deinde clara documenta extiterunt. multi ad patriam superstitionem, quam reie- 10
cisse, uisi erant, cum ignominia Christiani nominis reuersi. Ergo Iudæi variis modis & indignis sunt in Lusitania vexati. Ab Alexandro Pontifice impetratum eis qui tribus ordinibus militaribus se deinceps in Lusitania adiungerent, perpetuæ castitatis uenia, indulta certe facultate coniugii: quo eatenus erant ueteri instituto prohibiti. Eius indulgentiæ grauiissimas extitisse causas non dubito tempore accommodatas. Libidinis effrænatae licentia, natalium macula iniusta proli ex iis militibus genitæ. Cæterum res ea obtrectatione non caruit, ut omnia noua, aliis moderationem laudantibus, alii maiorem cautionem requirebant & constantiam. Sæpe etiam quæ prudenter excogitata videbantur in perniciem uertuntur. Ea est humani ingenii imbecillitas. Ab hoc certe aditu opima eorum ordinum uectigalia non hominibus militaribus, ut antea, attribui, sed in aulicorum 20
delicias, qui castra nunquam uiderunt, conferri cœperunt. quanta peruersione & bonorum gemitu dicere non attinet. Præmiorum spe certa sublata quotusquisque non potius delicatam & amœnam uitam, quam militiæ labores & puluerem complectatur.

Ferdinandus Rex Neapolitanus obiit.

CAPVT XIV.

Motus Italiæ non quiescebant nondum in malaciam compositi. Anglus cum affinitate Hispanica ad commune fœdus contra Galli conatus adiecit animum: seq; cæteris Principibus adiunxit. Cæsar etiam venturum in Italiam profitebatur Galliæ Cisalpinæ & Hetruriæ cura ubi multa mouebantur. Sic Dux Mediolanensis à Gallico fœdere 30
discedere constituit. Cognita præsertim Delfini tum infantis morte, & Galli Regis eius patris uoletudine perpetua, ne res Gallicæ ad Aurelianensem iuratum hostem recideret, haud temere metuebat: atque ex ea re exitium, quoniam is princeps eius rationibus, uel maxime erat infensus, in Mediolanensi principatu ab antiquo riuales. In Neapolitano regno Apuliæ partem Veneti obtinebant, Gonsaluus sui Regis nomine Rhegium, Amantiam, aliaque in Brutiis oppida & arces. Andegauensium in potestate non pauca, neque contemnendæ arces supererant, neglecta in eo icti nuper cum Gallis fœderis fide. Ad eas impugnandas Rex, Cæsarem patrum furto conceptum Tarentum amandauit. Urbinate, qui eo bello iuuerat, in Pelignis & Samnitibus curare iussit. Atque hic quidem breui omnibus circa oppidis ad ditionem regiam subiunctis cum Prospero Columna Ro- 40
mam abiit. Caietæ subiugandæ maior cura sollicitabat: quam mari Triuentius & cum eo Venetæ triremes acriter, sed irritò conatu impugnabant. Terra obsidere parabat Rex omnibus copiis, cum id cogitantem dysenteria in uilla apud Vesæuum, ac ex eo mors oppressit Nonis Octobris Neapoli, quo se deferendum curauit. Quid flos ætatis iuuat? quid gaudia & aliæ uitæ iucunditates? quid uictoriæ de hostibus partæ regnumq; receptum? omnia subuexit importuna mors & sæua. Vix degustato primi regni fructu est raptus. Miserabile iuxta & insigne exemplum humanæ felicitatis inconstantia. Luxere extinctum ciues uerissimis lachrymis: unum uirum ducemq; sprete aliorum segnitia laudibus ad cælum ferre. Accurrit Castellonio, ubi tum agebat, Fridericus patruus cognito regis periculo: atque ipso quo decessit die Neapoli Rex est proclamatus quippe proximus sanguine. Salerni & Bisiniani principes, Meliti & Lauriæ Comites, qui in ea urbe erant infensi maxime Aragonio nomini sibi per conditiones adiunxit, sed fide parum constanti. Intempestiuo quidem eius principis obitu, multorum animi ad nouas spes nouasq; molitiones excitati sunt; ac nominatim Neapoli & Romæ ad Regem Catholicum res Neapolitanas recidisse quidam prolatis de scripto uetustis iuribus & tabulis confirmabant. Ex uoces Pontifici & aliis Italiæ principibus accidebant ingrata, iis etiam qui uera dici iudicabant. Sua cuiq; tuendi præcipua cura erat, graue Hispanorum Regis potentiam noui & magni principatus accessiōe augeri. Imbecillū Regē uicinū habere potius uolebāt. Gonsaluus qui aliorum conatibus obistere unus poterat, arce Cōsentina impugnāda districtus, ea capta 50
& Obenigno

& Obenigno in Galliam pulso, vniuersaque adeo Brutiorum prouincia breui subdita. Nolam abiit: atque in ea vrbe relicto milite, Neapoli Reginas matrem & filiam inuifit, luctum & mœrorem, quo erant oppressæ, sua præsentia & accommodatis officiis leuaturus. Vrgebat contractis copiis nouus Rex Caietam obsidione, atque omnibus vitibus impugnabat: quo tempore Obenignus pedestri itinere Romam petens forte an consilio in ea loca peruenit. Is Regis concessu in urbem ingressus obsessis auctor extitit ditiones per conditiones maturandæ. Defensionis spem nullam superesse Gallia longinqua suo Rege aliis curis districto. Satis molestiarum diuturna obsidione tolerasse. Non videri amplius laborandum. Ita vrbe dedita Galli rostrata naui & duabus onerariis discesserunt

10 in Galliam. Miraculo est habitum è duabus nauibus alteram mari hauistam ad littus alteram Terracinæ eiectam fregisse. A templorum spoliatoribus dona auro & argento grauiæ & sacrorum instrumenta reliquumq; apparatus nulla religionis cura vehentibus eas pœnas scilicet habuerunt locorum præsidēs tutelaresq; diui. Sic opes male partæ pereunt, perduntque possessores. Cæsar, vti erat pollicitus transcensis Alpibus in Insubres armatus irrupit. Mille equites, pedites quinque millia sequebantur nomen magis quam robur exercitus. Præcipua spes in Italicis copiis. Itaque Mediolanensis Dux se cum illo coniunxit. Sabaudus & Monferratus imperii beneficiarii, quamuis Asta euocati venire neglexerunt. inane sine viribus maiestatis nomen spreuere. Idem fecit Ferrariensis Dux tametsi Mutinam & Rhegium Imperatorum beneficium obtinebat. Genuam tueri erat pro-

20 positum aduersus Galli conatus missa classe & ope Rouerei Sancti Petri Cardinalis aliorumque ciuium eam redigere in potestatem contendentis. Pisanos præterea tegere animus erat aduersus Florentinos omnibus viribus conantes eos ad pristinum ius ditionemque reuocare oppressa quam à Gallo acceperant libertate. Illi quoniam pares viribus non erant, vt arreptam libertatem retinerent, ad aliorum Principum opes supplices confugerant. Ac Venetos nominatim ad vires communicandas sollicitarant quiduis perpeti obstinantes, ne iugum seruitutis grauissimum atq; intolerandum à Florentinis reponeretur, extremum malorum. Eam prædam Dux Mediolanensis Venetis eripere cupidus ac vero eius vrbs possessionem ad suum principatum adiungere, auctor Cæsari extitit vt Pisano-

30 rum patrocinium susciperet. Quod ille libenter fecit: ac Liburnum vltra Arni fauces positum oppidum nobile portu circumfedit præsens. Conatus inanis fuit; obsidione soluta cum ignominia discessit. Pudenda actionum inconstantia agebatur: neq; satis principibus fidebat, à quibus erat euocatus. Ita de reditu in Germaniam cogitare cœpit nulla decoris cura. De ea re Ticini deliberatione suscepta, cui conuentui cum aliis Dux Mediolanensis interfuit, Bernardinus Caruaialius Cardinalis à Pontifice legatus, vt Principum fœdus promoueret, accommodata oratione persuasit, vti dilata tantisper profectio rebus Genuensibus opem ferret, quæ in periculum veniebant propter Galli conatus eam urbem suæ ditionis facere cupientis. Cū ex Hispania est allatum inducias enimvero Reges Gallum inter & Hispanum pactas spe haud dubia pacis porro perpetuæ inter se sancientiæ. Id Italicæ rationes vehementer conturbauit: ac Cæsar vt ardentius in disceden-

40 di voluntatem incumberet effecit. Induciæ ab Hispano hac occasione sunt cōcessæ. Quo tempore bellum ad Neapolim maiori impetu gerebatur. Hispanis noui ex Gallia terrores ostentati. Irruptionibus quæ per Ruscinonenses identidem fiebant irritata ea gens vindicare haud dubium parabat. Delectus militares in Gallia ingentes ac reliqui bellici apparatus, imminere Hispanis finibus tempestatem manifeste indicabant. Ea cura Ferdinandus Rex Catholicus eo propius accedens Gerundiæ aliquandiu substitit cum delectis copiis, quæ ex omni parte ad periculum confluxerant gentis in arma promptæ. Verum autumno præcipiti cum nihil ex Gallia moueretur, dimissis Rex copiis & plerisque militibus alio atque alio dilapsis in Castellam redire atque Burgos festinare constituit: quo Regiam occurrere mandauerat filii principis nuptias cum Margarita sponsa celebratum. Ea

50 profectio cognita Rex Gallus Ruscinonenses idoneo præsidio nudatos atq; opportunos iniuriæ cōtracto raptim exercitu, decem & octo millia milites ductore Carolo Albano Sanctanderii regulo pro duce Borbonio Narbonensi limiti ea parte præfecto in Hispaniæ fines irrumpere mandat. Sic ad quintum decimum Kalendas Nouembris qui dies Veneris fuit, Saltila in aditu Hispaniæ posita arx iis copiis est circumfessa. Murus erat veteris structuræ, neq; idoneus tormentorum ictibus sustinendis, quæ pestis igneo vomitu & globis ferreis obuia quæq; prosternt. Militum qui erant in præsidio virtus hostilē impetum diu sustinere nō potuit. Die proximo oppido per vim expugnato, arx etiā ad ditionis cōditiones redacta est. Aduolauit Héricus Comes ad præsidium, & cū iis copiis, quas contrahere potuit, ad Ribasaltas constitit quatuor passuum millibus distitum oppidum.

Serus opitulator arce iam amissa. Quod erat proximum ad nominis existimationem tuendam, hostem, qui deserta arce quam tueri non sperabat, se ad vicinos montes receperat locorum asperitate magis confusus quam viribus insecutus est pugnandi si copia esset, certa voluntate. Constiterunt ferme in conspectu utraque castra dies aliquot. Ventum ad manus non est: actum tamen per internuncios de fœdere. Sanxere itaque uti ea parte quidem positis armis induciæ essent usque ad octauum decimum diem mensis Ianuarii 1497 anni proximi Millefimi quadringentesimi nonagesimi septimi. Nihil est in bello tam leue quod maiorum rerum momentum non sit. Itali principes ex iis induciis suspicati Regem Hispanum communi causa & fœdere deserto sibi priuatim consulere. Quæ suspicio manauit latissime. Cæsaremque iam dudum de reditu cogitantem impulit, Italia deserta 10 nullo tantæ molitionis pretio in Germaniam extemplo ut festinaret præceps & pauidus.

Dux Gandia occisus. C A P V T X V.

SImul Virginius & Iordanus Vrsini ad Neapolim vincti sunt magna multorum inuidia, & vinculorum suorum auctorque Alexander Pontifex in eius familiæ oppida & ditionem inuolauit, quam obtinebant amplissimam in agro Romano. Præcipui duces ei bello designati Gadiæ Dux, Vrbinas, atque Fabricius Columna aliquot initio oppidis captis Bracianum obsidebant situ & ope firmissimam arcem. Carolus Vrsinus & Vitelocius pecunia ex Gallia aduecta, delectibusque militaribus institutis equitum peditumque, obfessis opem ferre decreuerunt. trecetos grauis armaturæ equites, leuis armaturæ quadringentos, pedites bis mille & quingentos sub signis habebant. Cum his copiis Vasanum Pontificiæ ditionis oppidum impugnare statuunt. Validum municipium auferre Pontificiis è re famaue videbatur: Certe Pontificios auxilio venturos soluta Braciani obsidione haud inepte cogitarunt: futuramque pugnae copiam ex æquo. Non fefellit coniectura: hostes quamuis minori numero Vrsinis obuiam procedunt pugnandi destinata voluntate. in victore exercitu amissi eius oppidi ignominiam hæere graue existimantes atque intolerandum. Ventum ad manus ad nonum Kalendas Februarii. Motæ loco initio Vrsinorum acies in vicino colle constiterunt loci munitione magis quam armis fretæ. Fabricius Columna cum copiarum parte æquioribus tramitibus circuire collem, hostesque 30 adoriri à tergo parabat: cum illi Pontificiorum paucitate qui in acie perstabant, considerata in eos præcipites feruntur eo impetu, quem illi imminuti numero nihilque minus expectantes non tulerunt. Cæsi omnes versique in fugam. Gandiæ Dux vulnere in facie accepto euasit, Vrbinas captus est. Nobilis victoria ad famam, usu salutaris fuit. Oppida quæ erant ablata ad victores ferme redierunt. Ipse quoque Alexander Pontifex maioris mali metu & re necessaria magis quam sincera voluntate Vrsinos recepit in gratiâ. Gonsalvus quamuis bello Neapolitano nondum confecto Romam cum militari manu profectus Pontifici adiutor, eius concordie constituendæ præcipuus auctor extitit: eoque merito Vrsinorum familiam viris armisque præualidam Regi suo conciliauit. Quibus rebus constitutis Pontificis hortatu eiusque in gratiam Ostiam abiit, quæ vrbs Gallico usque dum præsidio tenebatur. Menaute Guerri Præfecto, tanta ex eo molestia vrbs Romæ, ut non secus ac si hostis pro portis esset & circum mœnia, annonæ angustia laborarent. Magnæ difficultates opponebantur, ardua arcis mœnia, munitiones adiectæ validum præsidium, in multos dies comparatus cōmeatus. Virtuti cessere difficultates. intra octauum diem ab Hispanis admotis scalis capta per vim: & Præfecto tamen se tandem dediti vita multaue blandimenta in fidem accepto data sunt. Multum ad eam urbem capiendam Garfiæ Lassi pro Rege catholico legati apud Pontificem industria virtus que contulit, atque ea prudentia qua nemini sua ætate concessisse visus est. Gonsalvus cupiebat ea expeditione confecta in regnum Neapolitanum redire arces impugnatum, quæ à Cardinali Sancti Petri Iuliano Ruuereo Gallicis partibus addictissimo ad fines eius prouinciæ obtinebantur. Adit Pontificem, discedendi facultatem petit, sermone longius producto Reges Ferdinandum & Isabellam in eius ære esse Pontifex ait, neque in officio respondere tamen, ut erat opus, & collata beneficia postulabant. Ingenium eorum nemini æque ac sibi esse notum. Credo equidem, Gonsalvus subdit, tibi esse notos quorum in ditione 40 es natus. Quod vero addis nulla eorum in te officia extare: nimirum oblitus es eorū Regum ope & auctoritate stare tibi pōtificateum, in tanta quamuis licentia actionum aulaque vniuersæ morum peruersitate. Ergo quæ collapsa sunt, seueriori censura in pristinum statum restituas moneo priusquam meus Rex religione prohibeatur ei fauere qui suis moribus vniuersum orbem Christianum fœdare, prauoque vitæ exemplo multis exitio esse videatur. 50

videatur. Adiecit alia quæ ira dedit: recensuitque sigillatim beneficia collata à suis Regibus multa & magna. Pontifex victus conscientia scilicet & audacia hominis militaris perterritus, cui loquendi fiduciam misera temporum & morum conditio dabat, mutire non est ultra ausus. Malorum etiam colluuiæ, quæ ex eo fonte orbis Christianus premebatur, Castellæ & Lusitanæ reges impulit repetitis legationibus Gonsalvi exēplo tantundem à Pontifice ut postularent. Verum frustra omnis opera sumebatur frænanda impotentis ingenii prauitate, ita formatis auribus ut acerba quæ utilia, & nihil nisi iucundum & no-
 10 cium acciperent. Quin paulo post in Cardinalium cætu ubi de regno Neapolitano Friderico confirmando actum est, Beneuentum Pontificiæ ditionis urbem Gandiæ duci, ut traderetur, serio agitauit. Præterea destinatum habebat iis Regibus tributis, quod annuatim ecclesiæ Romanæ pendere iure fundi consueuerant, gratiam facere, mutare principatu, quem Gandiæ Duci dari volebat in ditione centum aureorū millia valote exæquantem. Restitit coram Gasias Lassus effræni cupiditati augendi suos: ac disertis verbis denunciavit suo id Regi curæ fore si secus esset decretum: neque passurum ut Beneuentum in cuiusquam gratiam ecclesiæ detraheretur quocumque tandem prætextu, rationeue. Parum ea diligentia fuisset profectum, nisi quem neque ratio à furore neque pudor à prauitate continere poterat, eius rationes conturbasset Ducis Gandiæ repentina sæuaque mors. Id qua ratione contigerit explicandum est. Nocte quadam ad octauum decimum Kalendas Iulias ex hortis, ubi cænati erant, dux & duo Cardinales Valentinus & Borgia
 20 se domum referebant. Diuertit de via dux cum vnico à pedibus famulo: quem etiam à se dimisit arma quæsitū. Fecit ille ut erat imperatum: verum in reditu herum non inuenit: neque vero die proximo omnino intelliigi potuit ubi esset. Mula tantum qua vehebatur ad Flaminiam portam Urbis est inuenta indicium aduersi alicuius casus. Maiori diligentia & inquisitione cognitum è nauiculario est de media nocte è cymba in qua pernoctabat, vidisse hominem è mula qua portabatur ab alio in clunibus insidente & duobus ab utroque latere ad extremum pontem ubi ventum esset, in subiectum flumen præcipitem datum. Rogasse qui in mula sedebat, an mergeretur: ac duobus affirmantibus, discessisse omnes. Loco à nauiculario designato urinantes ad imum vsque flumen quæsitum diligenter corpus inuenere nouem fœdatum vulneribus cum vestibus ac reliquo omni or-
 30 natu. Autor cædis qui esset, explorari non potuit. Multi suspicionibus exagitati. Quidam ab Ursinis occisum putarunt, iram in patrem conceptam in filium expromentibus scilicet. Alii Ascanium Sfortiam Cardinalem sugillare haud minori odio incensum in Borgias. Cæsaris Valentini Cardinalis fraus suspecta erat aliis, & paulatim in plures cœpit manare suspicio. Quæ fama præualuit, quasi inuidia stimulatus, quod in Gandiæ principatu minor ætate frater ipsi esset antea prælatus, dolorem ea cæde vindicasset. Verum quis statuere possit? quis vulgi linguam & pronunciandi temeritatem frænare? odium in Pontificem conceptum efficiebat, ut procliui in deterius persuasione populos sinistra interpretatione cuncta acciperet. Nempe infensum semel principem alienæ sæpe culpæ grauant. Ex Duce filius item Ioannes nomine relictus est paterni principatus hæres diu superstes
 40 atque ex duobus coniugiis numerosæ deinde prolis pater.

Ioannis Principis Hispaniæ nuptiæ. CAPVT XVI.

Qua classe Ioanna princeps in Belgas nauigauit, Margarita Archiducis soror ex aliquanto interuallo in Hispaniam vecta est, ad Ioannis Principis nuptias permutatione alterna inter fratres sororesque pacta. Mense Martio ad Santanderii portum appulit. Rex focer & sponsus obuiam sunt progressi. Ad Reinosam in manus conuenere: nuptiæ Burgis initio mensis Aprilis celebratæ apparatu & lætitia post hominum memoriam singulari. Nuptialia sacra Toletanus antistes peregit, auspices adhibiti Fridericus maris Præfectus & mater Maria Velasca. ut in aula Margaritæ, ministeria mutarentur Rex nō permisit: ac dedit potius ut suo arbitratu retineret eos aulicos, qui gratissimi ob communem originem, linguam, moresque essent. De pace inter Regem Catholicum & Gallum per conditiones constituenda agebatur. Ferdinandus Stradæ in Galliam pro legato ire iussu rei perficiendæ imprimis demandata cura. Pacis sanciedæ facultas nondum erat, neque tempus opportunum. Lugduni huius anni initio induciæ generales sunt pactæ cum Hispanis quidem ducto principio à quinto Martii die, cum aliis autem fœderatis principibus uti vellent, septimum Kalendas Maii. Earum finis esset Kalendis Nouembris omnibus sine discrimine. ea enim uero causa Gonsaluo extitit discessus ab urbe Roma maturandi, ne ob pactas à suo Rege inducias ogeretur arma ponere prius quam arces quæ à Cardi-

nali Sancti Petri in regno Neapolitano tenebantur, in potestatem venirent. Quod præstare tamen non potuit militari seditione intempestive excitata. Pactis induciis agebatur inter duos Reges nihilominus de pace, ne ad arma redire esset necesse. Fridericum Regem Neapolitanum Galli propter paternos natales vitiosos iniuria id regnum occupare priores accusarunt. Eo excluso ius regnandi ad Gallum necessario, aut Hispanum pertinere. Præstare positis armis illud inter se per conditiones partiti. Non displicebat ea conditio Ferdinando, neque dubitabat totam cōtrouersiam Cæsaris arbitrio permittere. Recusabat Gallus ius suum minime dubium, ut ipse videbatur, ad iudicum examen vocare. Ferdinando tamen si regnum id sibi cederet, æquam compensationem offerre aut in pecunia, aut alia quapiam ratione: usque eo ut Vasconum regnum se daturum polliceretur: 10 quorum reges habere Ferdinandus suspectos cœperat, Labretis & Fuxensibus, ut natura cogebat, ad Gallos nimium propensis. Ad Medinam Campestrum quo Galli legati venerant, de re tanta disceptatio erat instituta. Studio ii prouecti sui Regis nomine Brutios & magnam Græciam in extrema Italia pacis pretium promittebant; ea tamen exceptione, ut si reliquo regno subdito victor Gallus eam etiam prouinciam suæ ditionis facere vellet, Vasconum regno mutare liceret: additis tamen triginta aureorum millibus annuis exæquarentur cum eius prouinciæ, minora Vasconum regni vectigalia. Gallicis pollicitis ita mouebatur Ferdinandus, ut belli potius odio mallet Friderico regnum confirmari tantum pecuniæ daturum Gallis quantum delecti arbitri pro factis in superiori bello sumptibus iudicassent, annuo quinetiam tributo adiecto, quod in omne tempus penderetur. 20 Quo fœdus esset stabile, Ferdinandus Dux Calabriæ Friderici filius natu maior Borbonii Ducis filiam ex Regis Galli sorore natam duceret, dotis nomine veniam & pacem in eam regiam illaturam. Honestæ conditio. Sic Gallici legati sunt dimissi. Et quoniam induciarum tempore decurso metus suberat redituros ad arma Gallos Rex Catholicus nihil de sua comparatione remittere à multo usu cautus attentusq; Vascones imprimis frænare erat propositum, unde bellici terrores vel maxime ostentabantur. Ita ab iis Regibus arces in suam potestatem contradi fidei pignora volebat, certe arcium præfectos nouo in eius verba sacramento fidem astringere. Ad hæc Bernardinum Velasum equitum in Castellum magistrum limitum ea parte præfecit, ne se Vascones possent commouere. Non minor de Ruscinonensibus cura erat, ne per eos fines Galli in Hispaniam irrumperent duce de- 30 stitutos. Quoniam in populari tumultu inter milites & ciues forte Perpiniani concitato Henricus Comes ad sedandas iras egressus lapide ex solario temere iacto ictus perierat. Ergo in eius locum Fridericus Albanus Dux Gallorum conatus ea parte reprimendi curam suscepit. Classis etiam Hispanica ad ea littora accurrere iussa est. ductor Enecus Mantricus. Atque hi bellici apparatus in Hispania erant neque nulli neque maximi. In Italia Fridericus Rex de suis rebus sollicitus delectus habere auxiliaque vndique conquerere. Ducem Mediolanensem imprimis in partes attrahere satagens geminis nuptiis oblati eius, quoniam Hippolyta vxor superiori anno decesserat, cum Carlota sua ex priorivxore, sorore Sabaudi Ducis, filia. Maximiliano Ducis maiori filio Isabellam Aragoniam coniugem destinabat, sibi item ex Isabella natam Principis Altamuræ filia super- 40 stite coniuge. Honestæ conditiones neque repudiandæ prorsus præcipiti vtriusque familiæ casu caruerunt effectu. Simul à Romano Pontifice ut sibi regni eius possessionem suo diplomate confirmaret enixe contendebat, aduersus imminentes tempestates non leue stabilimentum. Id ut assequantur Borgiis se multa largituros pollicitus. Ita exorato Pontifice non multo post Valentinus Cardinalis missus Neapolim iurato in pontificis verba quasi beneficiario coronam capiti imposuit. Affuit toti cæremoniæ Archiepiscopus Consentinus. Populus non secus ac si pacata prouincia esset prompta adulatione gratia haud diuturna, eius dici lætitiā ludis, conuiujs, & exquisito apparatu, ac sumptu celebravit. Rex etiam se in eos munificum exhibuit, quorum præclara opera extiterat. Itaque peractis sacris voce præconis Prosperum Columnam Traiecti Ducem Fundanum 50 Comitem esse iussit, Fabricium Columnam Talliacozi ducem, Gargani Magnum Gonsaluum. Piscarii Marchionis extincti fratrem Enecum Daualum Vasti Marchionem denunciauit. Plura alia multis è nobilitate largitus est. his debita dimittere, aliis dare immunitates nulla in posterum cura regnum lacerare. Omnium voluntates ea beneficentia promereri erat propositum, qua popularium animi maxime capiuntur. Munificentiam celebrabat vulgus, quidam etiam pecuniis mercabantur. Sapientes irrita iudicabant, quæ neque dari neque accipi poterant incolumi imperii maiestate. Antonelus Sanseuerinus Salerni Princeps celebritati non interfuit. vocata quamuis per edictum

Etum vniuersa nobilitate venire renuit. Nouorum motuum ea fundamenta erant: præsertim ad eam noxam munitis arcibus denuo atque armis & commeatu comparato. quæ noua culpa erat, alienatæ voluntatis argumentum haud dubium.

Lusitani in Indiam penetrant.

CAPVT XVII.

VNo tempore Europæ quidem prouinciæ ac præsertim Italia præsentī malorum pondere, maiori impendentium metu fatiscebatur, extrema autem ad Solis occasum Lusitania diuturnæ pacis bonis omnibus & felicitate florebat domi; foris conspicua imperii fines ad remotissimas gentes proferre, Euangeliiq; lucem ad postremos orbis terrarum fines accendere, ad ipsosq; adeo Indos penetrare cogitabat. Consiliū ausu temerariū visum, euentu salutare exitit ingentemq; deinde gloriam genti peperit pareq; opes. Henricus Eduardi Regis frater ingenti spiritu vir primus omnium in eam cogitationem incubuit nouas orbis regiones inuestigandi: anniuersariisq; classib. Australem cœli plagam explorare iussis ad extima Africæ littora, qua inflatis immensum Oceani fluctib. quatitur, nouas insulas, gentes incognitas inuenit. Præclaros eius conatus abrupit mors: quæ incidit in salutis humanæ annum millesimum quadringentesimum sexagesimum ætatis septimum & sexagesimum. Clarissimum Principem immortalī gloria, tum ob alias virtutes & castitatis cultum nullo per totam vitam fœmineo contactu fœdata, tū præsertim propter eam nauigationem ingenti ausu tentatam. Per se parum (etenim non multum processit) magni momenti locum obtinuit tēpore consequenti. Destitit Alfonsus Rex Eduardi filius incepto non voluntate certaq; sententia, sed motu temporū impeditus & continuis calamitatib. aliis super alias ad vitæ exitum exercitus. Eius filius Ioānes eo nomine secundus, ardenti ingenio princeps eo repetito cōnatu dimissis identidem classib. Africæ & Æthiopie littora longe lateq; aperuit vltra mediam cœli plagam antiquis incognitam inaccessamq;. Neq; cessauit in opere priusquam immensa Africæ littora in promontorium desinere cognitum est flexu terrarum in Orientem facto, cui à cōtinuis maris tempestatibus Procelloso nomen fecere nautæ. Rex ipse omnis causa Bonæ spei nuncupauit, & quoniam eo circumflexo sperabat ad Asiæ & Indiæ Orientalis oras posse nauigando penetrari, in concessam laudem vlli antea mortalium; Orientisq; opes immensas & copias in Lusitaniam auertere. Sic promontorio, id est nomen loquentium vsu confirmatum. De iis regionibus certiora allaturos terra prius Petrum Couillaniū & Alfonsum Paiuam Asiæ atq; Africæ penitiores recessus exploratum misit, vti competenti loco explicatū est. Couillanius quidem Asiæ littorib. emensis Cairum Ægypti urbē primariam rediit. Inde Paiuæ obitu cognito, quē initio mors oppressit magnis sæpe aduersa conatibus, in intimam Æthiopiam, qua late Presto Ioannis imperium patet, penetrare porro institit. Ab eo principe reditu in patriam prohibitus ad suum Regem tamen visa explorataq; de scripto concepta explicataq; sigillatim cunctorum ratione misit: nullaq; deinde dandi litteras facultate pro mortuo habitus est: donec consequenti tempore, quid illi acciderit Lusitani aduentu suo in Indiam cognouere. Interea post Ioannis Regis fata Emanuel rerum cura suscepta continuo animum ad eam maturandam expeditionem retulit. De re tamen tanta in consilio prius deliberatione suscepta, variæ, vt fit, dictæ sententiæ. Pars longinquā adeo nauigationē auersari. Ingētia pericula, exigua cōmoda, parum spei. Si gloriā si vtilitatē sequeretur, ex Africano cōmercio & Æthiopico mari satis magnos fructus suppetere. Quid maiora viribus captarent? quid præcipiti temeritate in certum exitium ruerent? Præstare gentem Lusitanie campis desertisq; latissimis colendis exercere, quam maioris lucri spe otio & desidia prouinciales corrumpi, mores patrios inuerti. Quod deinde malum emendari non posset. Alii procedendum in opere contendebant. Neq; enim eatenus esse cur incepti pœniteret: vti aucta ex eo commercio vectigalia regia argumento erant. Magnis conatib. aditus primos arduos semper à generosis animis vinci, iisdem difficultatib. ignauos homines obrui. Si cauti nimium esse velimus, quis ingentia facinora vnquam aggredietur? Nihil gratis mortalibus natura dat. Timidos fortuna seu Deus destituit, fortibus adest. Modum quibusdam placebat nauigationi præscribere. Africæ littora explorari vniuersæ, neq; vltra procedere. Honestum & commodum certis finibus includi: cupiditati nisi frānos iniicias, immensum efferri: neq; cessare nisi in præceps dato eo, qui obtemperandum duxerit. Lusitanie viribus & copiis si extensas immensum Africæ regiones aperirent, fore satis. Suo se quemq; metiri pedē esse verum. Inter variantes sentēcias, in qua plus dignitatis erat, ea vicit in cōcilio; & secundum eam Rex incepto progrediendi destinata voluntate, quatuor naues instrui omnib. rebus mādatur. iis Vascus Gama præficitur

magnorum spirituum vir, eoque vel maxime idoneus ad nouum iter nouamque nauiga-
 tionem tentandam, qualem ab vlla memoria aggredi nemo ausus fuerat. Socii adiuncti
 Paulus Gama frater & Nicolaus Cœlius, alique viri præstantes, ad hæc centum & sexa-
 ginta pars nautæ pars milites. Exigua manus, ingens inceptum. Regium vexillum sacra
 precatione lustratum de more in Diuæ virginis templo ab Henrico olim Principe primo
 totius nauigationis auctore in littore Olisiponenſi extructo: quibus deinde vestigiis, au-
 ctis Indico commercio vectigalibus Emanuel Rex nobile monasterium Bethleem di-
 ctum Hieronymiano ordini constituit. Ex eo loco conscensis nauibus soluerunt ad se-
 ptimum idus Iulii, inter multorum qui abeuntes ad littus proſequebantur lachrymas &
 lamenta, vt non felicem nauigationem precari, sed funus efferre viderentur, quos nun- 10
 quam viſuros certo ſibi perſuadebant. Illi tamen læta fronte, anxiiſ animis explicatis velis
 Fortunatas inſulas petiuerunt: inde Viridis promontorii inſulas: quas antiqui Heſperidas
 dixere. Eas inſulas præteruecti, atque quæ in eo numero eſt præcipua & a diuo Iacobo
 nomen habet relicta, directis ad ortum proris ſinu vaſtiſſimo enauigando multis procel-
 liſ obnoxio tres menſes conſumpſerunt, priuſquam terram è Charcheſiſ intueri omni-
 no poſſent. Cœlum vndique tantum & mare. Donec vltra mediam cœli plagam decem
 gradibus viſa terra ad amœni fluminis oſtium applicuere naues multis opacum arborib.
 aquandi neceſſitate, & vt ſe à iactatione maris reficerent. Gens erat colore fuſco, capillo
 criſpo & breui, nudis corporibus, tiguria è paleis & ramalib., piſcibus ſole duratis, pomis,
 & herbis quas ſponte terra fundit, vitam tolerant, nullo in mutuos vſus ne cum finitimis 20
 quidem commercio. Cum iis per nutus, quoniam lingua prorsus erat ignota, inito com-
 mercio, vilibus ſcrutis regionis fructus & pecora mutarunt, commeatum reliquæ nauig-
 ationi. Sinui ſanctæ Helenæ flumini diui Iacobi indita ex eo tempore nomina. Repetita
 nauigatione Bonæ ſpei promontorium ſuperare conantes, continuis atq; ſæuiſſimis tem-
 peſtatibus iactati identidem de ſalute deſperabant. Prorſus vt ſocii ducẽ circumſiſterẽt
 obteſtarenturq; ne præcipiti temeritate rueret in exitiũ, quid cũ maris ſequitia, quid cũ cœ-
 lo luçtaretur? quid negatã omnib. viã temerario conatu tentaret? De reditu cogitaret po-
 tius, eam ſalutis vnã ſpem eſſe ſcilicet reliquã, tenuem quamuis & exiguã. Inuiſto Ga-
 ma poſtulabat animo, neque ſociorũ lachrymis & obteſtatione mouebatur. Contra hor-
 tari fortibus animis inanes ponerent metus. Adeſſe finem omnibus votis expeditũ, iam 30
 nihil gloriæ deeſſe, nihil obſtare virtuti, labore non maximo incognita niſi immortalibus
 eſſe viſuros. Salutaria monẽti metus obſtruxerat aures. In necem eius conſpirant, vnus
 capite aliorum omnium ſalutem redimere cogitantes. Indicata à Paulo fratre coniuratio
 ne naucleros in vincla ferrumque dat: ipſe nauis qua vehebatur gubernandæ curam ar-
 repto clauo ſuſcipit. Summa contentione ad extremum promontorium tandem luçtan-
 do cum fluctibus peruenit. Frequentes & amœni agri viſcebantur, ſyluæ præcipua viridi-
 tate, proceris & opacis arboribus veſtita littorã. Eo promontorio circumducto ad duo-
 decim. Kalendas Decembris, quo tempore ſolis ad Auſtrum inclinantis vicinitate maxi-
 mi æſtus in iis regionibus vident emenſiſque porro quinquaginta circiter leucis ſinus
 occurrit, cui à ſancto Blaſio nomen eſt factum. In medio ſinu inſula iacet ſpatiis an- 40
 guſta vitulis marinis referta. Ad eam inſulam applicuerunt naues aquandi neceſſita-
 te. Incolæ ea parte ſimiles iis erant qui aduerſa littora Africæ late tenent, fuſco colore,
 nudo corpore, genitalibus modo in ligneam vaginam conditis. Elephantos terra alit,
 & boues quib. pro iumentis vtuntur ſarcinariis. Aues viſuntur implumes anſerum ma-
 gnitudine alis membranaceis veſpertilionum in modum. iis non ad volatum vtuntur,
 ſed ad curſus velocitatem incitandam. Ex iis locis proſecti lenta quamuis nauigatione
 propter maris rapidi & reciprocantis fluctus aduerſos, ad regionem tandem peruene-
 runt, quam incolæ quidem Zanguebarem dixere, noſtri à Chriſti natali nominarunt
 à die quo eo applicuerunt, indita ſinui appellatione fluuium, qui ea parte in mare mit-
 tit Regum dixere, quoniam quo die Magorum ad Chriſtum aduentus memoria anni- 50
 uerſaria celebratur egreſſi aquatũ è nauibus in littus ſunt. Maris æſtus nihil remittebat,
 neque aduerſæ & ſædæ tempeſtates. Ergo vitata terra in altum progreſſi, Zoſala non viſa
 tunc, quod præcipuum in iis littoribus oppidum occurrit, venis auri imprimis nobile, vl-
 tra illud prouecti gentem conſiderarũt, minus quam priores coloratã, cultu aliquanto ele-
 gantiorẽ, quantũ ex geſtibus & ſignis licebat conicere, maiori humanitate & moribus
 cultioribus. Aeneas armillas in brachiis geſtabant: viri inſuper pugiones ſtãneis capulis.
 Lingua erat prorsus ignota, niſi quod inter alios quidam Arabice noſtris ſecundam ſalu-
 tẽ renũciauit: nõ procul verſari in cõmercio naues Luſitanis haud abſimiles tum forma
 tum magnitudine. in iis homines colore candido negociari. Ea denunciatio gratiſſima
 accidit,

accidit; quod quivis ex suo sensu æstimare potest. Indiam enim ex iis notis à barbaris ignaris designari intellectum est. Itaque in vota precesque conuersi Deo gratias immortales egerunt concinentes hymnum, vt tantis muneribus cumulum, tantis laboribus felicem exitum adderet cum lachrymis postularunt. Simul ex eo flumini vicino Bonorum signorum indidere nomen tantæ lætitiæ posteris monumentum. ad hæc columnam in litore erexerunt Raphaelis archangeli indita appellatione, quod ad eum terrarum & maris tractum nomen ex eo deriuauit: atque è decem hominibus, quos capitalia in Lusitania promeritos morteque in exilium mutata secum adduxerant ea causâ, duos ibi reliquerunt, qui gentis linguam addiscerent, & totius regionis ingenium, mores & naturam explorarent. lætitiâ ex ea spe conceptam maximam haud dubium, multorum aduersa valetudo obscurauit. Gingiuis intumescantibus multi absumpti sunt. Grauitatem cœli quidam accusabant; alii falsamenta, quibus tandiu sustentant vitam. Insalubrium ciborum insolentes succi, itineris labor, animi ægritudo, nouumque cœlum morbos vulgarunt. Mensem integrum iis in locis traxere moram non minori periculo quam molestia. Inde Mosambicum itum est urbem in insula exigua positum è quatuor continenti proximis quinto decimo vltra æquatorē gradu, vigesimo à Bonæ spei promōtorio commercio nobilem propter confluentes vndique magno numero ex iis regionibus mercatores. Incolæ religione Mahumetani erant colore subnigro, bombycinas vestes distinguente auro, tegumenta capiti è linteo in spiram complicato præcipua magnitudine. Ex humeris pendebant acinaces, læua gestabant scuta. In eo habitu consensu myoparōnibus ad visendas nostras naues venerunt. Accepti benigne atque habiti. Ex iis sciscitando cognitum est urbem eam Abrahami Regis Quiloæ ditione teneri vrbis in iis littoribus nobilis vltcriusque positæ. Rebus ab eo gerendis præfectum Prætorem, quem Arabice Xequem vocant, & alioqui proprio nomine tunc Zacoeya nuncupabatur. In eius Prætoris gratiam datis muneribus insinuati nostri impetrarunt duos naucleros maris peritos, qui nauium cursum in Indiam dirigerent ne in vada aut scopulos inciderent. Atq; initio quidem incolæ nostros Sarracenos occiduos persuasi eos humaniter acceperunt: ea vero initæ amicitia causa. deinde cognito Christianæ religionis esse cultores benigni tatem odio mutarunt: ipsi quinetiam nauigationis duces natatu fugientes naues in alto destitutas deseruerunt. Tormentis Lusitani in urbem directis versantes in littore quosdam peremere magno reliquorum omnium terrore: quorum ad oculos & aures ea fulgura & tonitrua insolita prorsus accidebant. Prætor imprimis ad imas preces descendens placare iram quacumque ratione cupiebat. Ergo condonata noxa nauclerum accepisse itineris ducem satis habuerunt haud minori perfidia quam priores. Omnino eos Quiloæ Regi in potestatem tradere satagens gentem Christianam ea loca tenere prædicabat, ex iis quos Abissinos vocant. Si ad eam urbem appellerent hospitii ius com meatuq; omne genus fore facultatem. Blandis verbis & pollicitis deceptos & periculo proximos diuinum numen eripuit. Inflato repente mari cum portum tenere non potuere. Alioqui in apertum discrimen venissent, vrbe præualida, Regeque ob ea quæ ad Mosambicum gesta audierat vehementer infenso atque in vindictam prono. Non destitit tamen Sarracenus nauclerus nostris continuata perfidia dolosnectere. Ergo suasisit vti Mombazam peterent urbem rupi impositam mari circumfluo ferme omni ex parte, portuque ex eo commodissimo insigne. Ex ea vrbe multi nostros studio visendi processere obuiam: cū quibus arcano conceptam perfidiam perfidus communicauit haud dissimili hominibus ingenio. Vis numinis quanta esset eo etiam loco apparuit in Lusitanos benigni hostibus infensi. Vascus Gama in ipso portus aditu, ne in proxima breuia incideret, repente demitti vela, ancoras iaci præcepit. Ibi nauclerus ex repentino nautarum discursu & ex conscientia perfidiam detectam veritus se in mare deiecit proxima terra. Idem eius exemplo fecerunt quidam eius vrbis ciues qui è nauibus nondum abierant. Naues tres tantummodo erant: nam quarta com meatibus destinata, iis consumptis & propter nautarum paucitatem iam dudum fuerat incensa. Gratias nostri egere superis, quod manifesto eos periculo eripuisset: præterea nauclerum nauigationis ducem commodiorem breui nacti sunt. Sublatis inde velis continuato itinere gemina Sarracenorum nauigia ceperunt, atque in iis captiuos omnino tredecim, nam alii in mare omnes profiluerunt. Ab iis cognitum Melindem urbem haud procul abesse ferme æquatori subiectam. Regem insigni humanitate esse, beneficium atque in aduenas hospitalem. Ea denunciatione animati nostri eo contendere decreuerunt. Vera esse quæ à captiuis audierant, deprehēdunt. Regi, eorum aduentus gratus extitit: & quoniam senio ipse prohibebatur naues inuifere, filium pro se vicarium misit: cum quo omni comitatis & benignitatis genere à nostris certatum

est. Secundum salutem & munera vtrunque data gratissimos sermones miscuere. Dedit is princeps nauclerum nostris. Gama contra tredecim, quos paulo ante ceperat, Sarracenos donauit gratissimum ei principi donum. Sic comparato com meatu nauibusque refectis, Lusitani discesserunt fide data in reditu eodem se venturos benignitatis regiae memores, & ut facultas esset oratorem in Lusitaniam mittendi per causam Emanuelis Regis amicitiam expetendi. Lenta nauigatio eatenus fuerat. Christi in vitam reducis memoria sacri solemnescq; dies transacti. Melinde tamen soluentes secundis prouecti flatib. vno & viginti diebus in Indiam laborum metam diu optatam peruenerunt septingentis ferme leucis inde distitam. Ad tertium decimum Kalendas Iunias terra ab speculatoribus visa paulo post duobus à Calecutio millibus iactis ancoris consistere. Caret ea vrbs quamuis totius Orientis celeberrima portu, & tempus erat minime tutum, quippe iis in regionibus hyems vel maxime sauire ceperat, magnum naturae miraculum, in quo mens humana considerando fatiscat. Malabaris regionem, vbi Calecutium est, erecti in nubes perpetua iuga montis intersecant, in promontorium desinentis quod Cori dixit antiquitas, nunc Comorinū vocatur. Ab vtraque parte pari altitudine caeli cardo surgit, media caeli plaga pari ab vtrisque distantia, & citra montes tamen mense Maio continuis imbribus hyems incipit marique fluctus intumescunt, vltra montes aestatis ardorib. torrentur campi & oppida, pelagus in malaciam componitur. Rem plane mirabilem, atque sine exemplo. Rationem eius discriminis reddere, diuinæ sapientiae pelagus scrutari mente, explicare oratione num quis possit? Acutissima ingenia hac discutienda quaestione caecutiant plane atq; hallucinentur. mentis oculis velum saepe natura praetendit, ne possit recondita & arcana eius mortalitas assequi.

Quid Vascus Gama Calecutii gesserit. CAPVT XVIII.

Priusquam quid à Vasco Gama Calecutii sit gestum explicamus, operæ pretiū erit, earum Asiae prouinciarum amplitudinem compendio designatā ob oculos ponere. India omnis ab occasu Arachosiae & Gedrosiae, & Paropomissadarum finibus terminatur, ad ortū extremos Sinas attingit, ad Septentriones Imao monte, qui est pars Caucasi clauditur. Ab Austro Indico mari alluitur Oceani parte. In duas vniuersa diuiditur, partes, quæ citra, quæq; est vltra Gangem. tamen si nostri Indiae nomine angustius usurpato appellant Indiam regiones modo Indo & Gange fluminib. comprehensas. nam & indigenarum terrarum tractum Indestam vulgo vocant, & quæ vltra Gāgem vastis terrarū spatiis extenduntur, alia nomina habent. Inter hæc duo flumina montes eriguntur perpetuis iugis tendentes ad Oceanum, desinuntq; ad Austrum Comorino promontorio constituto. Ad ea littora multæ gentes fusæ sunt. Præcipuæ inter alias, Cambaia ab ostio Indi fluminis latissima prouincia, mox Malabares. In medio inter has gentes spatium exigua insula iacet, mare à fronte tergum & latera fluuius claudit in gemina diductus brachia. In ea nobilissima vrbs Goa regni Decani pars nūc Lusitani in iis regionib. sedes imperii. Malabares gens ineptis deorum superstitionib. miserrime seruiens in quatuor genera hominum tributū sunt. nobiles quos Caymales vocant; Sacerdotes, qui & Brachmanæ sunt, præcipua auctoritate homines: milites Nayres dictos; postremo plebem ex agricolis & opificibus constantē. Mercatores ferme sunt externi. Fusco colore omnes, vmbilico tenus nudi incedunt, cætera vsque ad tibias bombycina aut gossipina veste contegunt, acinaces ex humero pendent spectaculum nostris insolens. Ritus & mores gentis insolentiores plane sunt & feri. Ex vno cætera coniice. Fœminæ multis pro libidine viris nubūt. Ita patres testamento filios quippe incertos hæredes non instituunt sed sororum liberos. Multos in Reges diuisa gens erat. Regi Calecutii tanquam domino parebant cæteri, ex eo Zamorinum vocabant hoc est imperatorem. Opes & à maioribus relictas habebat, & ipse longa imperii possessione ingentes cumulauerat. Lautæ imprimis ciuitas & ampla Calecutium est, mercatorum ex locis omnibus confluentium frequentia & mercatu aromatum præ cæteris celeberrimum Orientis emporium. In media regione ad mare posita. Latissima spatiis quoniam domus inter se coniunctæ non sunt. Sed late spatientibus syluis & viridariis diuisæ. Regia tantum & deorum templa è lapide extruuntur: priuatorum ædes è materia palmarum foliis & ramalibus contextæ: neq; plurib. sublata tabulatis sed humiles. Sumptuosius ædificare nobilib. iuxta ac plebi est vetitum. Is erat Calecutii rerum status, ii gentis ritus & mores: quo tempore Vascus Gama ad eas regiones applicuit. Accurrunt continuo multæ cymbæ ad naues studio visendi gentem insolenti vultu, habitu cultuque corporis. Gama è damnatis vnum in terram eiecit, mirabile spectaculum genti. Itaque ex
omni

omni parte magno numero circumstant: neq; satiantur aspectu. Aderant inter alios duo
 mercatores Mauri Tuneti nati. iis ex habitu cognito Hispanum eum hominem esse, alter
 eorum nomine Monzayda Hispanice rogat, ex qua Hispania regione esset? Respondet
 ille e Lusitania. Tunc Maurus domū deductum aduentus causam & totius nauigationis
 ordinem rogat: edoctusq; omnia ad naues ducem salutaturus accedit. Acceptus benigne
 exponit, quo tempore Ioānes Lusitanus Rex Tunetū mittere solitus erat, qui arma telaq;
 compararent, se fidelem & assiduam operam in negotio præstitisse. Ad hæc de regione v-
 niuersa quæ scire opus erat, cuncta sigillatim exposuit. Diuinitus datum interpretem di-
 ceres. Postremo opem & industriam, si vti vellet, vltro obtulit. Die proximo Gama duos
 10 nuncios cum Monzayda in urbem misit, qui regi venisse se in eas oras renunciarent, nisi
 eius venia in terram nolle descēdere. Impetrata facultate sui ad eum Regis litteras perla-
 turum, & mandata quæ coram cōmunicanda de reb. magnis deq; iungenda amicitia ac-
 ceperat. Agebat tunc Rex Pandarane oppido duob. ab vrbe millib. passuum. Eo in oppi-
 do Gamæ nunciis facta conueniendi potestate dicendi quæ vellent, respondit nauū ad
 ea littora appulsum gratum accidisse. Ad se Dux Lusitanus porro veniret: colloquiū fore
 gratissimum. Missurū qui ad se deduceret. Interim ex loco vbi in ancoris stabat, propter
 hibernum anni tempus procellis obnoxium ad Pandaranis commodiorem stationē ap-
 pelleret naues. Sic factum. Post aliquot dies venit urbis Prætor (Catualem ipsi dicunt) vt
 Gamam in Regiam deduceret. Ille fratre suo pro se in nauib. vicario relicto cum manda-
 20 tis, quando Regis colloquium detrectare non licebat supremo quamuis salutis discrimi-
 nē, si quid aduersi contingeret, reb. aliis neglectis in Lusitaniā sublatis velis rediret quam
 primum Emanueli Regi totius expeditionis rationem nunciatum: & nihilominus ad o-
 mnes casus nauium scaphæ ad littus sibi præsto essent. His datis præceptis ex omni copia
 duodecim sibi socios adiunxit splendenti omnes cultu formaq; & corporum habitu præ-
 cæteris præstantes. Nullus ea tempestate inter Indos equorum aliorumve iumentorum
 vsus facultasve erat. Ita Gamam designati ad id baiuli ad regiam vsque portarunt humeris
 sellaque sublatum. Accedentem honoris causa obuiam facti nonnulli Caymales excepe-
 runt, & cum iis Brachmanorum antistes more gentis linteatus. Is hospitem manu appre-
 hensum per multas cænationes induxit, quarum in vno quoq; ostio decem milites custo-
 30 diæ adhibiti scilicet excubabant. Ventum tandem ad conclaue spatiosum eteromallo vi-
 ridi & bombycino stratum. parietes aulae vestiebant sericum distinguente auro visendo
 contextu. Gradus in theatri formam dispositi circum conclaue surgebant, procerib. desti-
 nata sedes. Rex in strato ornatissimo decumbebat gossipina veste indutus candoris exi-
 mii aureis distincta rosis. In capite pileus aureus tiaræ similitudine, brachia & crura de
 more gentis nuda ornabant armillæ aureæ annuliq; manuum & pedū digitis inserti iun-
 ctis gemmis aliisq; pari splendore pretiosis lapillis. Color erat subniger, corpus procerum,
 habitu & gestibus dignitatem regiam & maiestatem haud dubie representans. Gama se-
 cundum salutem sedere vna cum sociis iussus facta dicendi potestate in hūc modum lo-
 cutus fertur. Emanuel Lusitaniæ Rex inclytus magnusq; princeps in studiū incitatus no-
 40 ua inauditaq; inuestigandi, cum principib. longinquis amicitiam fœdusq; iungendi, qui
 præ cæteris fama ab animi magnitudine & potentia celebrantur, ac nominatim cōmotus
 iis quæ de huius regni nobilitate tuaq; præstanti virtute toto orbe terrarum prædicantur;
 ex vltimis cœli oris ad Solis occasum, nos misit eius te nomine salutatum tuamq; amicitia-
 m expetitur. Nihil ad voluntates conciliandas morum similitudine pariq; animorum
 præstantia potentius est in Regib. maxime, quorum maiestas proxime ad diuinam condi-
 tionem accedit, & quo ipsi maiores sunt, eo plures amicitia & beneuolentia complecti e-
 quum arbitror. Sit ergo pretium primos in expetenda tua amicitia extitisse. in amore re-
 spondere à quibus fueris prouocatus generosi animi est. Quam coniunctionem, si utili-
 tas spectatur fore vtrisque commodissimam arbitror commercio duarum gentium tan-
 50 tis maris & terrarum spatiis dissitarum. Erit certe honorificū per omnes terras vulgari fa-
 ma ex postremis cœli plagis venisse ius commercij vobiscum pacemq; rogatum. Secun-
 dum hæc verba litteras quas afferebat, obtulit Lusitanice Arabiceq; conscriptas, cū mu-
 nerib. quæ ex præsentī copia parauerat, neq; nullius pretii neq; magni, sed sua nouitate spe-
 ctanda. Lætus ea legatione Rex barbarus paucis: fratris sui Emanuelis Regis voluntatem
 gratam extitisse ait: placere commercium fœdusq; inter vtramq; gentem stare. Deinde
 multa tum de tota nauigatione tum de Lusitaniæ reb. sciscitatus ducem & socios hospi-
 tio splendido accipi mandat. His rebus, vt sit, continuo fama & populari rumore vulgatis
 Sarraceni institores, quorum erat in vrbe magnus numerus, veriti non sine causa ne à Lu-
 sitanis quæstus spes maximi interciperetur, & ab insito odio in Christianorum nationem

vniuersam, re inter se communicata Regem & aulicos adeunt, mendaciis & fictionibus inuidiam Lusitanis conflare. Piratas eos esse, immanesque latrones humani generis hostes. Iis Calecutium admissis nouas sibi sedes necessario alia domicilia quærenda. Viderent an paucis prædonibus & toto cœlo disiunctis hominibus, deberent veteres amicos certissimis compendiis rem Malabaricam augere solitos posthabere nulla præsertim sua noxa. Malabares ingenio mobili sunt, parumque in fide data constantes, leui momento in varias partes versantur. Sarracenorum verbis & fraude decepti, Lusitanis inferre necem parant. Indicatis à Monzayda insidiis, occultis Gama itineribus ægre quamuis se se ad naues refert. Molitur actutum ancoras. progressus in altum Indo cuidam litteras ad Regem perferendas dat expostulationum plenas aduersus Catualem imprimis: quem in beneuolentiæ significatione hospitii iura violasse accusabat per summam perfidiam. Præterea Lusitanos quosdam & merces quæ præ festinatione in terra manserant, ad se mitti postulabat. Purgare se ad eas querimonias Zamorinus. culpam veteri Regum instituto in ministros conferre. daturus noxæ pœnas. Verbis pulchris quia facta non respõdebant, Gama ad vim conuersus nauim, quæ prima se obtulit, facto in eam impetu cepit, atque in ea sex homines primarios cum famulis aliquanto numero. Eos vt liberaret Rex Lusitanus & merces ad Gamã misit, tum ad Emanuelis Regis litteras breue responsum. Cum eo responso Lusitani in patriam redire constituunt aditæ Indiæ confectæque nauigationis longissimæ lætitiâ nunciaturi. Malabares restituti non sunt, idonei vtique quos in Lusitaniam deferrent gentis specimen & primitias, instituta certe prouinciæ, insolentes mores & ritus cæteraque omnia ex iis cognoscere fore promptum munus Emanueli Regi Lusitaniæque vniuersæ oculis spectaculum ipsa nouitate gratum.

Vasus Gama redit in Lusitaniam. CAPVT XIX.

Priusquam Lusitani sublatis velis ex hostili regione discederent, Monzayda se in naues recepit, veritus ne fraudi esset cum externa & inimica gente commercium: nam capiti eius insidias quoque parari certum erat. Ea hospitii & initæ cum Lusitanis amicitiae merces. Et est omnis malitia suspicax. Præ festinatione bona in ea vrbe reliquit in Lusitaniam nauigare constituens: vbi sacro deinde fonte ablutus Christiani hominis officium reliqua vita constanter impleuit. Vindicare iniurias Zamorinus non potuit classe propter anni tempus in terram subducta: id vero ad audendum Lusitanis animos fecit. Sexaginta modo myoparones, quos instruere armatis potuit, in naues nostras inuecti coorta sæua tempestate disiecti sunt: nostris è contrario, qui lente nauigabant ea ventorum vi data facultas est celerius se subducendi à Calecutii cõspectu. Ad insulas paruas delati quæ ea vasti maris parte occurrunt, octo biremes piratæ nomine Timoia inuentas forte inuadunt, atque vna earum capta cæteras in fugam agunt. Anchedium inde prouecti sunt sexaginta leucis inde distitam insulam continenti vicinam. In ea insula dum armamenta componunt, multi ex vicino littore visendi studio ad naues traiciunt. Inter cæteros quidam Gamam Italicis verbis & more cum salutasset, secundum salutem Goam urbem propinquam esse nunciauit. Zabaïum eius vrbis dominum, cum quo ipse vsum haberet, eius amicitiam percupere. Roganti Gamæ vnde domo esset? ex Italia respondit. Qui in eas regiones venisset tam procul à patria? nauigantem in Græciam in piratarum manus incidisse. Sic variis mutatis dominis ei Sarraceno principi in seruitutem datum. Ex vultu Gama, & quoniam responsa non satis consentiebant, dolum & fraudem suspicatus illum quæstioni subiecit. Expressa tormentis veritas. Iudæum religione, natione Sarmatam esse, atq; à Zabaïo principe speculatorem missum. Mox re cognita cum classe impugnatum esse venturum. Ea denunciatione Gama discessum ex iis locis quanta potuit festinatione maturauit. Iudæus in Lusitaniam porro abductus, & salutaribus aquis expiatus Gasparis nomine sumpto, vt erat acuto ingenio magnique vsus, fidelem & diligentem operam Emanueli Regi in magnis rebus exhibuit. Lenta nauigatio erat, incommodum anni tempus. Obtinendo tamen tempestatibus & mari Africæ promontorium quod primum redeuntibus occurrit & Guardafui vocatur, ægre quamuis superarunt. Hinc Magadaxo, quæ proxima vrbs est, quoniam ciues Sarraceni erant deuotata, ac tormentis modo è nauibus diuerberata, aliquotque nauibus in portu iaculando demersis, vltcriusque octo Sarracenorum nauigiis, in quæ forte inciderunt, fugatis, Melindem, vti erant in discessu polliciti, incolumes appulerunt. Ab eo Rege benigne accepti recreatis ex maris iactatione corporibus comparatoque comœatu, legatum secum abduxerunt in Lusitaniam ab eo principe per causam fœderis amicitiaeque cum

cum Lusitano Rege sancienda. Nauis cui Paulus Gama præerat, præ aliis situ confecta quassataque erat, nautæ præterea deerant & armamenta; eam incendere visum est Paulo Gama in Prætoriam transueto. Iter prosecuti Zansibarem appulerunt insulam cum cætera amœnitate præcipuam, tum arboribus aromata omnium generum ferentibus salutarem à littore Africæ sex tantum leucis disinctam. Melindem, & Quiloam inter Mombaza vicina. Ultra ea loca Mosambicū delati erecta ibi columna ex iis quas secum deferebant, insigni tum ad Sancti Blasii littus aquatum lignatumque egressi. Bonæ spei promontorium ad sextum Kalendas Maias transmisere. Hesperidas demum & vasto circuitu Tertias insulas appulsum: vbi Paulus Gama decessit laboribus fractus & morbo, 1^o quo multis diebus fuerat conflictatus. Ex iis insulis soluentes Olisiponem tenuerūt mense Septembri biennio iam exacto ex quo primum in Indiam discesserant. Gratissimus eorum aduentus tum Regi extitit, tum ciuitati vniuersæ. Egressos in terram circumfusa vndique turba quasi à morte reuocatos; de rebus Indicis ac de tota itineris ratione sine fine perquirere, nobiles conatus, felicem exitum laudibus ad cælum ferre, pericula & tempestates, quas erant passi libenter audire: neque satiare oculos aspectu earum rerum quas ad ostentationem mercium & copiarum Indicarum secum quasi specimen attulerant. Neque minori miraculo erant homines ex iis regionibus vecti ab insolenti vultu, lingua & corporum cultu. Gamam sociosque quasi delapsos è cælo heroes maiores conditione mortali intueri, venerarique. Tametsi è quatuor nauibus duæ tantum supererant, è sociis 2^o tertia pars paulo amplius. Quæ clades & pericula nihil mouerunt gentem in arma & labores promptam, quominus plerique priorum exemplo suam operam certatim & industriam ad progrediendum vltius in cœpta navigatione deferrent. Honoris spes blandiebatur; leuiore ut viderentur difficultates lucri cupiditas efficiebat, qua nihil est acrius.

Navigatio qua hodie in Orientalem Indiam itur.

CAPVT XX.

AD hunc modum Vascus Gama iter in Indiam aperuit navigatione cōfecta omnium 3^o quæ à condito orbe celebratæ sunt, absque controuersia nobilissima, siue longitudinem spectes, vastumque mare ad vtrumque cœli axem porrectum, siue difficultates & pericula, eo maiora, quod via prorsus ignota, neque exploratis eatenus alternantis amplissimi maris agitationibus hallucinari initio atque offendere sæpe necesse fuit. Dies & vsus & maior rerum cognitio, eam navigationem multo faciliorem effecit, atque ita ut quo ad tempus, quo inchoari conuenit, & quibus cœli & maris regionibus progrediendum sit multa fuerint obseruata immutataque, quæ hoc loco si attingerem operepretium me facturum existimabam; quo lector, si quis in hæc inciderit, tantæ rei leuem certe cognitionem accipiat. Verum antequam id explico, vastissima ea littora describenda stylo sunt, atque ob oculos ponendæ regiones tum numero multæ, tum amplitudine mirabiles. Freti Gaditani faucibus transmissis ad læuam Africæ littora latissime excurrunt magno leucarum numero Atlantici maris sæuis verberata fluctibus citra & ultra mediam 4^o cœli regionem. Ac primum Atlas mons nobilissimus perpetuis, ac in cœlum erectis iugis magnam Africæ partem dirimit in mare Oceanum è tribus primum promontoriū Ampelusium mittens. Deinde occurrit quod Lusitani promontorium Non dixere, quippe persuasi, qui præcipiti temeritate illud traiceret, eum haudquaquam ad suos redire amplius. Succedit Boiadoris promontorium viginti octo graduum altitudine insulæ Palmæ obiectum è Fortunatarum numero. Atque hæc duo posteriora promontoria Atlantis montis extremæ quoque sunt partes. Sequitur in eodem littore Album promontorium vnius & viginti graduum altitudine, atque prope illud exigua insula Argina dicta, vnde & totus is sinus nomen accepit: nam Argini sinus dicitur. Inde ad Viride promontorium 5^o proceditur, vicinasque insulas decem numero, quarum præcipua à D. Iacobo appellationem habet, vniuersas antiqui vocarūt Hesperides fabulosis poetarum carminibus inclytas. Non desunt tamen qui eo nomine comprehendi etiam contendant omnes insulas ad solis occasum recenti memoria ab Hispanis inuentas. Distat promontorium Viride sedecim gradibus à media cœli & orbis plaga. citra illud Sanaga fluuius in mare mittit, ultra alter amnis decurrit quem à latitudine Magnum fluuium dixere. Suspicio est (pro certo ponere neutrum licet) vnius fluminis duo ea brachia esse. Addunt Nigir fluuium esse ab antiquis celebratum, quod cum Nilo communes habeat scaturigines. Sane iisdem temporibus augentur exundantque atque in iis quod in Nilo, Crocodilli & equi marini visuntur ad originis indicium & naturæ haud

abfimilis. Traiecto Magni fluminis ostio, quod vndecim graduū altitudine iacet, octauo gradu Serraleona surgit immensum, sic dicta quod propter sublimitatem tonitruis peritrepit, & fulguribus perpetuo coruscet. Et quoniam incolæ propter locorū perpetuum æstum noctu ad opus accēsis facibus egredientes faciūt, (quod alio loco dictum est) campi & colles ardere utique flammis videantur. Hunc montem à Ptolemæo Currum deorum dictum putant, quinque quamuis graduum per errorem altitudine ab eo designata, quod mirum non est, Æquatori subiecta. D. Thomæ insula non procul à continenti tenditur diues sacchari prouentu, quantum cœli grauitate fœda & infamis. Sexto vltra eam insulam gradu aurifodina ad continētis littus occurrit, vnde aurum eruitur purissimum. Mina hoc est sectura ex eo ab Hispanis vocata. D. Iacobi flumen post hæc in mare deuoluitur, & sanctę Helenę sinus late extenditur: quo Vascus Gama uti dictum est, naues appulit aquandi necessitate. Sunt alia peculiaria flumina, variaque promontoria, ut in tanto interuallo terrarum maris & littorum est necesse: nos nobiliora tantum attigimus. Bonę spei promontorium, quod extenuata in metę formam Africę littora extremum faciunt vltra æquatorem triginta quinque gradibus porrigitur. Quo circumducto aduersa littora excurrunt latissime, promontoriis multis & fluminibus distincta. Inter quę sancti Blasii, Nauitatis, & Bonorum signorum fluuii præ cæteris maxime nobiles sunt, quousque Zofalam perueniatur venis auri præcipuum in iis littoribus oppidum. Zofalam quidam Tharsis esse disputant urbem diuinis litteris celebratam: quo Salomon Rex per mare rubrum classes mittere solitus erat aurum aliasque natiuas copias asportatum Hierosoly-
mam. Ipsi etiam indigenę libris suis & monumentis ære prisco atque saxi antiquis exprefsum id esse confirmant. Alii malunt esse Prassium promontorium, quod Ptolemæus vltra medium cœli quindecim gradibus designat modo. Zofala supra viginti gradus Australem cœli cardinem à terra surgentem videt. Vltra Zofalam ad dextram D. Laurentii latissima insula iacet, quam indigenę Madagascarum dixere. Ad læuam Mozambique nobile Africę vltioris emporium propter portus commoditatem altitudine graduum quindecim Australium. Eo transuecto portu paribus ferme interuallis Quiloa & Mombassa Zanzibare insula coniuncta, tum Melinde ad ipsam mediā cœli regionem occurrunt. Tuta nauibus ad Mombazam statio est: Melindis littora importuosa plane & aspera. Magadaxum quinto inde gradu ad septētrionem pertinet, decimo postremum Africę promontorium ad sinus Arabici fauces, quod Guardafu hodie nautarum vulgus vocat, Ptolemæus Aromata dixit. Propinqua Socotora quam à Christianis habitatam insulam inuenere sterilem tamen omnis vitę cultioris & amœnæ commoditatis indigam locorum riatura immitia quoque efferauit ingenia. Hanc à Ptolemæo Dioscoridis insulam vocari quidam putant. Succedunt haud magno interuallo sinus Arabici fauces, intra quas ad Africę littus Ercofus portus panditur regni quidem Barnagassi pars imperio tamen latissimo Presto Ioannis contributi. Exterius in Arabiæ ora Ademum sita est munitissima vrbs iis faucibus imminens. Sinum Arabicum inter & Persicum Arabia felix posita est, atque in medio eius dorso qua parte Oceani vndis alluitur promontorium. Siagrum, quod Escafalla tum dixere, seu Fattaquem atque in extremo littore qua parte sinus Persici fauces sunt promontorium Corodamum, quod vulgo Rosalgate nominatur. Intra sinus Persici fauces Ormutia insula (cuius nominis in nauigatione Nearchi apud Arrianum mentionem inuenio) visitur spaciis angusta, macro solo, cæterum commercio eo confluentium mercatorum copiosa cum primis & beata. Sexto & vigesimo gradu ab æquinoctiali circulo dissita quidem est: parique altitudine vltius ad ostium Indi fluminis Diu insula arxque succedit celebri fama ob ea quę à Lusitanis fortissima edita sunt facinora eam arcem defendendo primum contra Sulthanos Aegypti, deinde etiam contra Turcarum vires & conatus. Dio transuecta & Bazaino non procul dissita Lusitanorum arce, Ciaulum & Dabulum occurrunt & ipsę Cambaię vrbes portibus insignes exiguo inter se interuallo. Inde littora multum ad Australem plagam excurrunt, vsque ad promontorium Comorinum seu Cori pertinentia. In iis littoribus ad occasum Goa vrbs nobilissima posita est ad sextum decimum gradum ab æquatore, ad duodecimum Calecutium, quas inter Cananor vrbs iacet & ad promontorium Cocinum Coulanumque Malabaris ciuitates, commercio omnes aromatum piperis quoque prouentu fama celebratę & insignes. Malabarium è regione Maldiuaris insulę sunt, sic dictę à nomine eius quę inter cæteras principatū tenet. Mille amplius numerantur exiguę spaciis sæpeque ita inter se coniunctę ut vix ex angustia euripique nauigatibus sint peruii. Præcipuus prouentus è palmis nuces ferentibus, quas Cocos vocamus, mirabili arboris commoditate, quę genti victū necessarium cultumq; in naues & armamenta materiam funes & vela vna suppeditat.

suppeditat. Ad ortum Comorino promontorio Zeilanum insula adiacet angusto freto à
 continenti dirempta, Cinamomi prouentu vna maxime celebrata & diues. Succedunt
 Narfinguae & Pegu regna vastissima: iisque interiectum Bengalæ regnum, vnde sinus
 amplissimus nomen habet ad urbem Malacam pertinens & ipsam nobilissimam: cui So-
 matra insula vicina est æquinoctiali subiecta. Eruditorum plerique Somatram à Ptole-
 mæo Tapobranam vocari contendunt, Malacam Auream Chersonesum: neque desunt
 qui persuadeant Malacam in diuinis libris Ophir dici: quo Salomon Rex classes mittere
 erat solitus auro argentoque vehendo magnagloria pari compendio: quin Peguenses
 haud dissiti se ab iis Iudæis progenitos ferunt: quos Salomon ad aurum Ophir effodien-
 dum in eas regiones dimiserat. Quod si minus hodie iis locis ea metalla eruun-
 tur, fiebat olim, quod ipsum Auræ Chersonesi nomen indicat. In itu & reditu Salo-
 monis naues triennium ponebant, quod certe de Tharsis nauigatione explicant diui-
 ni libri. Magnetis vsu nondum ad nauigandi eximiam commoditatem inuento le-
 gebant littora: neque se alto permittere nauigantes auebant. Ea vero longæ mo-
 ræ tardæque nauigationis causa extitit. Malacæ ad ortum dextramque ex interual-
 lo obiectæ sunt Moluecæ insulæ Caryophilli prouentu maxime celebres, quod vnæ
 omnium ferunt alioqui ita steriles vt cuncta pene ad victum & cultum aliunde petant.
 Sic bona sua diuina prouidentia dispensat, præcipuæ quinque numero sunt. Ar-
 bor Caryophilli trunco & foliis lauri speciem reddit flore imprimis odorato. Is du-
 ratus fructus est mensis maxime expetitus. Ad læuam septentrionesque Malaca in
 Sinas itur gentem late fusam copiis opibusque præualidam. In aditu eius prouin-
 ciæ Macanum insula est Lusitanorum mercatorum hospitium, quoniam in conti-
 nentem penetrare gentis instituto nulli aduenæ datur. Distant ab ea insula Iaponi gens
 extrema, quo Lusitanorum arma peruenerunt, trecentis circiter leucis septentriones ver-
 sus. diuisi Iaponi sunt in tres maiores insulas pluribus aliis minoribus circumfusus inter-
 fluo euripo disinctas, ortum præter septentrionesque à trigesimo altitudinis gradu vs-
 que ad quadragesimum porrecti. Summa longitudo leucarum bis centum, latitudine,
 qua se maxime pandunt, octoginta leucas non excedunt ab ortu Nouæ Hispaniæ obiecti,
 a septentrione Scythas, ab occasu Sinas aspiciunt. Tributi in multa regna pluribus regib.
 feruiunt, litterarum alioqui ingenio capaci bello dediti gloriæ siqua gens auidissimi. Indi-
 cæ nauigationis ratio hoc pacto nostro tempore instituitur. Olisipone mense Martio na-
 uigaturi solunt certe Aprili ineunte. Insulam Maderam primum petunt centum quin-
 quaginta leucis satis lato ab Hispania mari periculofoque disinctam, deinde Canarias
 trecentis leucis nihilominus remotas Olisipone. Ad promontorium Album ex iis insulis
 proceditur atque insulas Hesperides. Recta vterius progredi continuis ab Austro fla-
 tibus prohibiti relictis Africæ littoribus magno circuitu parique nisu occasum inter &
 Austrum directis proris in Brasiliæ sæpe conspectum partem haud dubium noui orbis.
 procedunt. In iis littoribus diui Augustini promontorium imprimis celebre deci-
 mo vltra æquatorem gradu positum est. Id promontorium quæ naus ventorum
 violentia aut propter anni tempus superare non finitur, relictæ nauigatione, quoni-
 am frustra conatus omnis esset, vnde soluerat necessario reuertitur. Quibus supe-
 rare id promontorium cælo contingit, ii nouo circuitu proris Austrum inter & so-
 lis ortum directis Bonæ spei promontorium transmittete contendunt, ad quadra-
 gesimum gradum ad Austrum declinantes ad vitandas procellas, quæ ad extre-
 mam Africæ cuspidem excitantur perpetuo sæuissimæ, immanes aquarum moles il-
 listu reciproco toto littore franguntur. Transueto eo promontorio Zofalam aut
 Mozambicum tenent. Quibus locis, nisi nauigatio sit prospera hyemare cogun-
 tur. Alioqui enauigato eo mari atque æquatore denuo transmissio haud multis di-
 ebus Goam laborum & nauigationis vniuersæ metam peruenitur. Graues plerum-
 que casus in ea nauigatione interueniunt, Malaciæ longissima tædia, reflantes ven-
 ti, sæuæ & frequentes procellæ, ex nausea cibi fastidium, ex immodica æstus & frigo-
 ris vicissitudine, vitiato cibo & potu, sentinæ tetrissimo halitu varia morborum ge-
 nera, Lethargi, abscessus, tumores, oris vlcera, affectæ tabo gingiuæ. Quin-
 que menses si in tota nauigatione ponantur felicissimam putant, sæpius anno am-
 plius consumitur. Goa Malacam ad aliasque regiones magis Orientales statis na-
 uigatur temporibus. Hispaniam repetituri mensis Decembris finem expectant.
 ventorum vices continuis ab ortu flatibus ac dudum explorata nauigandi ra-
 tio idoneum maxime id tempus esse docuerunt. Mensibus Martio aut Aprili

Bonæ spei promontorium transmittitur. Ad sanctæ Helenæ in reditu insulam appellant
iis locis non deuiam, quam in vastissimo mari tanquam diuerforium diuina prouidentia
disposuit reficiendis nauigantibus fessisq; recreandis corporibus arborum fructibus, ve-
natu, piscatu, quibus bonis abundat, nullo quamuis cultore propter locorum angustias &
quoniam procul à continenti disiuncta est. Per Tercias tandem insulas magno circuitu
propter ventorum vicissitudines confecta nauigatione longissima, vnde
discesserant, Olisiponem appellant plurimum mensibus
Augusto & Septembri.

Libri vigesimi sexti Finis.

10

IO. MARIANÆ HISPANI
E SOCIETATE IESV,
HISTORIÆ DE REBUS 20
HISPANIÆ,
LIBER XXVII.

Ioannis Hispania Principis obitus.

CAPVT I.



Es Hispanorum vno tempore in Italia quidem prosperum
cursum tenebant, in Hispania autem, vt est fere conditio
mortalium inter dulcia & dubia variabant. Gemina Ferdi- 30
nandi Regis filiarum coniugia sunt pacta. Catharinæ profe-
cto cum Arcturo Vualix principe Hērici septimi Regis An-
gli filio maiori. Isabellæ autem principis connubium cum E-
manuele Lusitano Rege post multas & graues difficultates
& moras non stipulatum modo sed & tandem coniunctum
est. Nouis affinitatibus tantos Principes habere deuinctos &
ad Austriacos adiungere magnum, gloriosumq; Regi Hispa-
no, rebus intus forisque præcipuum ab alterna ope præsidium.
Catharinæ sponsalia in Anglia assumptæ in cælum Vir-
ginis memoria sacro die in palatio Vuodestochio data sunt Ioanne Puebla quo agēte con 40
nubiales conditiones constituerant, pro sponsa absenti vicario ritu & more inter Princi-
pes solenni. Affuerunt cæremoniæ Rex & Regina, splendidusque procerum cætus. Ad
Lusitanum connubium paciscendum missus in Castellam est Ioannes Emanuel magna
apud eum Regem gratia quippe ipsius collactaneus. Eius aduentu atque opera sancitum
tandem, vti Ferdinandus & Isabella Reges filiam deducerent ad Lusitanix fines. Eo ve-
nisset Emanuel Rex pridie Kalendas Octobris ad ineundum coniugium. Regum conuen-
tui nuptiarumque celebritati primum Ceclaminum oppidum designare placuit: deinde
propter regionis sterilitatem annonæ angustiam nullo circa florēti lautoque oppido, vn-
de pararetur comæatus tantæ multitudini, Valentia Alcantaræ delecta. Vbi triduum Re-
ges moratos vniuersamq; nuptialem lætitiā conturbauit nuncius de Ioannis Principis 50
gravi valetudine intempestiue scilicet allatus. Tercio die postquam Salmanticam cum v-
xore venerat in febrim incidisse: qua diebus tredecim est extinctus. Accurrit Valentia ci-
tato itinere Rex pater, Salmanticamq; peruenit, ægroto agentē animam sed integris sen-
sibus. Ita agnito patre obiit tamen ad quartum Nonas Octobris. magno atque miserabili
non parentum modo sed & totius gentis luctu. Quantas spes, quanta gaudia dies vnus
abstulit Hispaniæ? Ferebat vterum vxor exiguum mœroris concepti solamen & impro-
uisæ calamitatis præsertim immaturo partu intra paucos dies. Extincti corpus Abulæ tu-
mulo est compositum in Dominicano celeberrimo cœnobio, Diui Thomæ nomine in
ea vrbe constituto patris Regis impensa. Tristis nuncius Valentiam peruenit nuptiarum
lætitia

lætitia nondum peracta, quæ post discessum porro Ferdinando Regis celebratæ sunt. Rogauit socrum Emanuel Rex mœrore tantisper dissimulato atque vultu ad lætitiâ composito, monitisque aulicis vt tantumdem facerent, ne quid ad nouam nuptiam iam Lusitanæ Reginam manaret. Erat difficile in tanto luctu publico priuatoque dissimulare diu. Ita quamprimum in Lusitaniam abducta Ebore tandem fratris obitu nunciato ingentem animo molestiam accepit eo intempestiue sublato quem diligebat vnice. Hispaniam vniuersam tanto Principe orbatam, in qua acquiescebat spe, dolebat scilicet impense. Parentes singulari constantia patientiaque eam plagam tulerunt: in quo excelsi atque inuicti animi præbuerunt argumenta non minus illustria, quam victoriis

10 multis & clarissimis eatenus & in posterum partis ex quanto motum animi tenere, quam hostes subiugare est præstantius. Et est natura fixum, vt caduca pereant, fragilia quæ sunt facta conterantur: æquissimum vt Deo nostrarum rerum, aut suarum verius arbitrium mortali conditione homines permittamus. Neapolitanæ res haud satis tranquillæ erant. Salernitanus nunquam satis fidus cum cæteris eius sectæ proceribus non quiescebat: ac necessabat quidem suæ ditionis oppida & arces diligenter munire. Alienatæ voluntatis primum argumentum extitit abfuisse Neapoli quo die Fridericus Rex solenni cæremonia de manu Pontificii legati coronam & regni infulas suscepit. Et erant per edictum proceres ad solennitatem euocati nequa esset excusatio, ipseque Salernitanus antea affuerat quo primum is tempore ciuium consensu Rex fuit renunciatus. Nunc ob factos superi-

20 ori tempore sumptus pecuniæ inopiam excusabat: neque sine idoneo cultu & comitatu venire par fuisse. Verior interpretatio ea specie tegi infensum animum rerum nouarum studium. Accurrit quidem die postero Bisinianus sui facti rationem redditurus. Ad Salernitanum quin etiam sanandum & ad Regem perducendum pro ea gratia & auctoritate qua valebat maxime quippe secundum eum factionis princeps Regi operam obtulit. Nihil tamen ea diligentia profectum, an ludibrium erat & composita inter duos præuaricatio & fabula. Vim parari & arma placuit, vt metu cederet, cuius perfidia & contumacia vinci benignitate non poterat. Collectis copiis à Rege intra Dianum circumfessis est præcipuam arcem è multis quas firmissimas ditione is obtinebat. Gonsalvus reditum in Hispaniam adornabat, quasi bello Neapolitano peracto moræ idonea causa

30 non esset amplioris. Eo maturando discessu in Brutios iuerat, atque in Siciliam. Inde rebus constitutis hoc tempore Neapolim reducem per causam nouum Regem & Reginas salutandi priusquam se in iter daret, rogarunt enixe vt correptis denuo armis Diani obsidioni interesset, multis impeditæ difficultatibus, multis intus defensoribus, infidis Regi prouincialibus. Ea de eius virtute opinio suscepta erat, vt victoriam & felicitatem secum ferre crederetur. Annuit ille Principum feminarum votis & precibus. Collectis Hispanis quingentis parique Germanorum numero abs rege dato propius muro succedens eo loco statione delecta, non sine suo periculo obsessos dies noctesque fatigatos ad dedicationem compulit his legibus. Salernitanus, quique eum comitari vellent, regni finibus abscedunt. Iis omnibus incolumitas esto facultasque sua cuique efferendi. Salernitani

40 principatus arces omnes regi traduntur commeatus & tormenta bellica ac reliquum bellicum apparatus idoneo pretio compensaturo. Sic ad quintum kalendas Ianuarii instante salutis anno M.cccc.xcvi. Salernitanus legitima dedentium arces verba nuncupauit. Eius Senogaliam Piceni urbem Ioannis Rouerei Præfecti in ditione Gallicis partibus addicti deducendi cura Amalfitano Principi demandata est, è necessariis Conciæ & Lauriæ Comites eum in exilium sunt secuti. Capacius graui ætate impeditus cautioreque annis & vsu Regis fidei se suaque permittere satius duxit venia parata. Huius anni autumno à Ioanne Assidoniæ Duce classis in Africam missa & Melillam occupatum Almeriæ obiectum oppidum à Mauris quibusdam de causis desertum. Facti in ea expeditione sumptus compensati sunt, eo oppido Regis beneficio Duci & successoribus perpetuo iure contradito. Gerbis item seu Meningis insulæ regulus (Xequem incolæ vocant) quo nostrorum viribus eum principatû tueretur à Regis Tunetani imperio detractum in fidem Ioannis nuçæ Proregis Siculi & clientelam concessit incolumi religione maiorum & arrepta libertate, Regis adeo Catholici factus stipendiarius. Cum præsidio ergo Hispanico Margaritus dux curare ibi iussus est insulæ imperium à Mauro-

rum iniuria tuendo & aduersus eius Regis arma. Hoc initium magna rerum moles annis sequentibus est subsecuta.

Regibus Gallia & Hispania federe vincendis conatus adhiberi ante ceptus erat, neque usque dum intermittebatur. De conditionibus disceptatum: qua causa honestissima legatio ex Gallia ad Regem Catholicum venit tunc temporis Compluti morantem. Legationis princeps Clarus regulus dato senatu accommodatam temporis orationem habuit. Eius summa erat: ut iunctis inter se viribus Gallus Hispanusque bellum Italiae inferrent. E Neapolitano regno Brutii & Magna Græcia Hispano cederent, ea tamen lege ut eam provinciam cum Vasconum regno mutandi facultas Gallo relinqueretur, adiectis annuis triginta millibus auri ad exequandum ablati principatus cum dato scilicet vectigalia. E reliquis urbibus Mediolanum & Genuam cum contributa utrique ditione obtineret Gallus: cetera ex æquo inter se partirentur bona fide. Hæc ille. Et de Neapolitano quidem regno quod proponebatur Hispano non displicebat: alias tamen urbes inuadere non inducebat in animum præsertim Cæsare inconsulto: cuius in iure res Italiae patrocinioque erant. Responsum ergo legaturum se in Galliam viros idoneos qui de conditionibus agerent & concordia, qua nihil esset antiquius. Agebantur hæc. Simul Regi Catholico mores gentis collapsos acriori censura astringere curæ erat: ac præcipue monasteria quorum perturbatione, temporum vita laxior & seueris iudicibus parum probata, ab eoque Claustralia vulgo vocabantur, ad seueriorem disciplinam & veteris moris normam reuocare satagebat. Grauiissimus est morbus qui à viris sacratis tanquam à capite in cætera membra defluit. Eo maior ad id hominum genus curandum diligentia adhibeatur opus est. Paruere Regiæ voluntati præsertim æquissimæ adiutæque Pontificis decreto Castellæ monachi continuo & facile Dominicani, Augustiniani, Carmelitæ: Franciscani deinde egre quamuis cum reliquis consensere. Præclarum enim uero facinus dignam Rege Catholico curam. Compluti, uti constitutum erat, delecti qui in Galliam irerent Ferdinandus Strada & duo socii eo appulerunt: quo tempore Ruscinonenses inuadere Gallis destinatum erat, Perpignanumque occupare positis iuxta castris. Verum eos metus & conatus Galli mors interceptit. Amboese extincti ad septimum Idus Aprilis. Pila ludentes è superiori pergula prospectantem repentina atque lethalis vis apoplexis oppressit annos natum septem & viginti. Nulla ex eo prole relicta res gallicæ in Ducem Aurelianensem iure sanguinis per viros ducto stemmate reciderunt, Ludovicum duodecimum dictum inter Gallia reges. Anna Borbonii ducis vxor defuncti soror natu maior regnum sibi quippe propinquiore deberi disputabat. Parum proficiebat tamen intempestiua disceptatione populo & proceribus legi Salicæ nimium addictis regni hæreditatem in foeminas transferri vetanti. Non destitit tamen neque se in causa deseruit: ut regno excluderetur, contendebat nihilominus quæ regibus aduenticia hæreditate obuenerant, ea certe sibi deberi. Profecto provinciam Phocæensem atque Andegauos recenti memoria ad reliquos principatus adiuncta. quo enim iure qua lege detraherent. Ne id quidem impetratum, iure an iniuria disputare non est necesse. Regis Catholici legati Blesis, ubi nouus rex erat, eo salutato gaudioque functi ob nouum regnum in ea urbe atque Aureliæ de iungendo fædere summa contentione adbibita, præter verba, gratam fore concordiam, retulere nihil aliud. Erat ei Principi deliberatum eomitate & benignitate cunctos se adeuntes complecti, nihil denegare cuiquam, dum regnum, quod nouitate nutabat, ut omnes principatus, tempore confirmaret. Simul providebatur ne diuortio, quod cum vxore adornabat aliquis impedimentum afferret, coniugiumve disturbaret quod inire cum Regina vidua parabat profectionem in Britanniam adornanti nobili principatu dotali: Ea summa votorum erat & destinata voluntas. Neque fefellit spes. Diuortii gemina causa afferebatur. A Rege socero de sacro fonte susceptum, neque venia Pontificis sacre ex eo propinquitatis legem sublatam. Deinde non sponte sed terroribus propositis priorem vxorem duxisse. Sic veteri coniugio dirempto Britanna coniux in regium torum est ascita. Vnde duæ tantum filie sunt natæ. Maior Claudia nomine Francisco Valesio nupsit foceri successori; minor Denata duci Ferrariensi nupta, viro defuncto diu superuixit in Gallia Calvinianæ sectæ patrocinio suscepto maiori fama quam laude. Carolo Rege superstiti, ut Cæsar Borgia ad exitum Italiae natus veste mutata relictaque purpura nouas spes sequeretur castris quam sacrae purpure aptior agebatur. Nouum damnatumque exemplum, & ad turbandam Italiae ac vero totius orbis pacem comparatum. Eæ molitiones haud ingræte ei Regi accidebant quippe iuueni. Quin ad promerendum Pontificem idoneum principatum in Gallia ei daturum pollicebatur. De Alienione etiam in eius gratiam pontificiæ ditioni subtrahenda est agitatum vincente pudorem tetra cupiditate. Carlotam etiam coniugem offerebat Friderici Regis ex prior

vxore

vxore filiam, consobrinam suam & tunc in Gallia morantem. Verum pater virginis con-
 sultus postulati fœditate offensus adduci non potuit vt coniugio male coherenti Arago-
 nium sanguinem & stemma generis sugillaret præsertim Tarëti Principatu dotali, quod
 expetebant, vnde haud obscure ad regnum Neapolitanum occupandum gradum face-
 rent. Mediolanensis Dux eiusque frater Ascanius Cardinalis conuitio monebant, ne in
 eo articulo discrimineq; rerum suarū Pontificem sibi infensum redderet repulsa. digni-
 tatis speciem non esse tanti, vt propterea Gallos iterum induceret in Italiam in eius cer-
 tam perniciem. Qui terrores vani non extitere. Regi Catholico hos conatus non proba-
 bant, etsi ad aucupandam eius gratiam Pompelonensem Valentinumque episcopatus ex
 10 eius voluntate quibus nominaret daturum Pontificē pollicebantur Cæsaris Borgiæ ab-
 dicatione. Pompelonensem ecclesiam Innocentius octauus regendam commiserat. Va-
 lentinam pater in eundem transtulerat Pontifex factus. Offendebatur orbis Christianus
 his molitionibus, eaq; fœditate recenti memoria Alerix Cardinali meminerāt facultatem
 ab Innocentio Pontifice denegatam purpura eiurata monachum induendi. Num eo ho-
 nore abdicatione Cardinali & Diacono turpe non videbatur continentix lege soluto vxo-
 ris porro ducendæ facere potestatem. Enimvero Romę ea morū turpitudō vigeat (an
 Romæ tantum & non etiam intra Pontificis regiam?) vt cuicumque peruersitati locus
 esse videretur. Piis viris occasio data palā Pontificia instituta, mores & tempora accusan-
 di. In eo numero Hieronymus Sauaranola patria Ferraria ex Dominicano ordine celo-
 20 bris concionator, qui Florentiæ rebus gerendis multum annis superioribus auctoritate
 potuerat, quod ē suggestu magna dicēdi libertate sæpe in Pontificem esset inuectus, eius
 iussu cum duobus sociis in foro eius vrbs publice fuit combustus die Palmarum Domi-
 nico, nempe postridie obitus Regis Galli iure an iniuria ne tunc quidem cognosci peni-
 tus potuit. Multi ad hanc diem extinctum in martyrum numero habent. Ab aliis teme-
 ritatis accusatur, quorum sententia magis placet. Neq; Florentiæ tantum mores Pontifi-
 cis accusati sunt: sed coram Gaspario Lassus Vega pro Rege Catholico Romæ legatus eum
 libera voce increpuit ex sui Regis litteris obtestatus nisi mutaret, si homines cessarent,
 grauius cælitus imminere piacula propter grauē offensionem totius orbis Christiani, quā
 late romanæ prauitatis fama manarat. Verum quid iuuat sanare velle, quem diuina vl-
 30 tio in præceps agit, luceque subtracta suarum cupiditatum carnificina tradit? Commo-
 tus ea increpatione Pontifex vehementer in verba contumeliosa minasq; prorupit nullo
 porro maiori fructu. Pectus in peius indurauit vsque eo vt paulo post Cæsar Borgia in
 conuentu Patrum publice excusans Diaconum se non sponte neque libera voluntate fa-
 ctum, petierit continentix legis ex eo sibi fieri gratiam, atque purpuram & sacerdotia
 abdicandi esse potestatem. Multi ē Patrum numero non expectandū existimabant, dum
 homo impotens sacros honores abdicaret, quod honorificū ipsi erat, sed iudicio potius
 spoliandū, siue quod malis rationibus eos honores ac præsertim purpurā esset cōsecutus,
 siue propter morum prauitatem & libidinis licentiā vix etiam in profano homine tolera-
 bilē, vt legatus Hispanus dicere erat solitus. Nemo tamen mutire est ausus: ea erat Ponti-
 40 ficis impotentia & temporum conditio misera prorsus & profligata. Itaque collegium ea
 postulata rata habuit contra fas, contra auspicia, cōtra omnia equitatis iura: Nouus Gal-
 liæ rex Valentia in Allobrogibus dedit Ducis nomine: quæ vrbs Auenioni vicina & ali-
 quando Pontificiæ ditionis ad regem Gallix ius ab annis superioribus trāsierat. Eo prin-
 cipatu prouocatus & spe facta promissi cum Carlota coniugii veste mutata, morū prau-
 tate haud deposita in Galliam maturauit flagitiorū omnium vitiorumq; princeps. Magni
 honores aduenæ habiti, coniugii tamen concepta animo spes euanuit regia virgine eam
 fœditatem constanter auersanti. tanta ex eo indignatione Ducis, vt de Gallia deferenda
 cogitaret. Leniuit irati animū rex Carlota Fuxensi Labreti filia sorore regis Vasconum
 coniuge data, haud iniqua permutatione neq; nobilitate minori. Adiecta ampla dos, atq;
 50 ex ærario regio annua vectigalia. Tanti fuit impotentem hominem eo tempore prome-
 reri: quippe industria quamuis flagitioso inerat, & vt virtutibus boni, sic ille econtrario
 vitiis valebat. Ex eo coniugio filia nata est, quæ annis consequentibus extincto patre in a-
 uunculi regis potestate patrociniūq; māsit. Ipso anno præcipiti æstate Gōsaluus Magnus
 dux instructa classe Neapoli soluit in Hispaniā. Ingens gentis decus & gloria propter a-
 nimi magnitudinem, industriam, bellicas artes, victoriasque nobilissimas, Neapolitani
 regni felicitatem fundatam pulsis Gallis, res cæteras ex sententia compositas.

Isabelle Lusitaniæ Regina obitus. CAPVT III.

DEfuncto Ioanne Castellæ Principe, vt dictum est, magna eius parentes de stabilitate
 successione sollicitudo inuaserat haud ignaros nisi heres certus sit, procellam in-
 -

publica concitari Regum morte esse propemodum necesse : Margaritæ vterus morabatur quorsum ea spes euaderet. Dolor curaque ingeminata foetu famineo immaturo Compluti excussio, ubi Reges hyemarunt. Continuo ergo Emanuele Regem monuerunt ad Castellæ sceptræ hereditatēque vxoris iure vocari : rumperent porro moras, quod felix faustumque esset venirent in Castellam. In eorum verba populos ordinesque more maiorum sacramentum dicturos post parentum fata non alios Reges fore. id præcipuum successionis inter Hispanos stabilimentum. Simul in Belgas miserunt, qui Philippum generum & vxorem monerent, uti inani Principum Castellæ appellatione, quam nescio quid secuti an quodam veluti præfagio usurparant, deinde abstinere. Gentis instituto cum titulum Regum maioribus filiis hæredibus porro dari, neque communicari cum aliis. Ergo Lusitani Reges ea denunciatione Pacem Augustam petiuere Castellæ urbem ad vtriusque regni fines. Præsto affuerunt Medinæ Assidoniæ Albæque duces alique procures qui eos exciperent deducerentque ad patres destinati. Christi cruciatum memoria sacros dies ad Guadalupeum Virginis sanum morati Toletum tandem peruenerunt ad sextum kalendas Maias, ubi eos Reges Catholici expectabant. Tercio post die, qui dies Dominicus fuit, uti erat constitutum solemniter ritu & more iureiurando confirmata Regibus Lusitanis Castellæ regni hereditas : moxque Castellæ Principes dicti sunt. Aragoniis non eadem voluntas erat, neque par tranquillitatis studium. Henricus Segorbii dux Regis Catholici patrueis gentis instituto & legibus feminas ab Aragoniis sceptris arceri disputabat. Sibi proinde & Alfonso filio, regis hereditatis ius post Ferdinandum relinqui, genus à Ferdinandus Rege auo per viros continuato stemmate deducuntibus, Henrico patre vno è Ferdinandi filiis. Ut sanarent gentis voluntates, vincerentque eas difficultates & moras Castellæ & Lusitaniæ Reges Cæsar augustam abierunt. In ea vrbe ad octauum decimum kal. Iulias in conuentu gentis referente Rege Catholico de ea controversia variæ sunt dictæ sententiæ. Plerique nouum induci in Aragoniam exemplum confirmabant, exhorrebantque, nulli vnquam femine quasi hæredi future dicto sacramento, multorum etiam Regum lege à successionem cum sexum exclusum penitus & amotum. Quod si id antiquatum, aut contraria lege abrogatum contenderent, postremo Ioannis postremi Aragonii Regis testamento starent filias & neptes sancientis ad sceptræ tamen demum vocandas, si filius Ferdinandus Rex sine filiis sineque nepotibus decederet masculis ex filio filiaue natis. Eius rei nondum venisse tempus, neque futuros euentus esse exploratos : quod intempestive diuinarent? quid festinatione præpropere futuri spem rescinderent, recens instituta mutarent, ac Emanuele Regem Aragoniæ principem dici non ferebant exemplo calamitatum castigati, quæ recenti memoria in Vasconibus extitere, quod Ioannem Aragonium Blancæ coniugio eius regni hæredis, Vasconum principem præpostera facilitate iussissent. Alii contendere ac feminis concessum disputare ius regni: neque Aragoniis legibus in successionem regni sexum distingui. Cuius rei Petronillæ exemplum proferebatur idoneum Ramiri Regis filia cognomento Monachi. Deinde Alfonsi ex ea nati testamentum, qui matris, quæ secus sanxerat, in eo voluntate repudiata, lege in omne tempus lata regnum obtinendi feminis facultatem sanxit, ius dedit. Gonsalvus Garfia à sancta Maria nobilis ea tempestate in Aragonia iureconsultus disputationem erudite in eam sententiam de scripto conceptam Regi Catholico in manus dedit. Tempori seruire adularique voluisse interpretabantur multi: adeo nihil motum ex antiquo probabile est inter Aragonios præsertim gentis instituta mordicus tueri solitos iura libertatis. Tempus altercationibus trahi Isabellæ Reginae molitum accidebat Castellæ gentis obsequio assuetæ: atque adeo ut die quodam dicere non dubitaret. Satius fore armis eam gentem maloque subigere, quam provincialium conuentuum insolentiam, gentisque vniuersæ irreuerentiam tolerare. Aderat forte sermoni Alfonsus Fonseca. Is Reginae oratione offensus libera voce. Non arbitror, inquit Aragonios peccare tuendo libertatem & priuilegia quæ à maioribus acceperunt, qui pollicitis cauti sacramentisque, in fide semel suscepta sunt apprimè constantes, Regumque suorum obsequio imprimis dediti. Hactenus nulli regum filie regni hereditate publico consensu decreta, vituperandi non sunt si nouum exemplum inducere detrectant veriti ab eo principio ne ius imminuatur patriæ libertatis. Controversia finem habuit Isabellæ Principis obitu ad decimum kal. Septembris subsecuto die Iouis in ea vrbe ex partu extinctæ vix hora decursa ex quo filium pepererat, cui Michaeli nomen fuit, vita brevis, gaudio luctus maior. Toletanus Archiepiscopus Regem iter prosecutus labenti animæ pacem & veniam precatu accommodata etiam prudentique oratione rerum humanarum contemptum, & cælestis felicitatis morienti spem ingessit. Rex Lusitanus vxore lectissima repente spoliatus continuo in patriam rediit. Defunctæ corpus translatitio funere in diui Francisci sepultum, deinde

deinde Toletum delatum in cænobio virginum composuerunt quod Isabellæ nomine pater constituerat auiæ maternæ edibus in monasterium conformatis. Iustis persolutis Aragonii sine mora regiæ voluntati obsecuti sunt, recētis calamitatis misericordia animos ad obsequium flexerat, & difficultates prius propositas magna ex parte sublatas videbant. Ita ad decimum kal. Octobris infanti sacramentum est dictū, ea modo exceptione, si Ferdinandus Rex mascula prole careret: alioqui iusiurandum ex eo irritum & inane fore pronunciarunt. Eo temperamento libertati gentis consultum, cuius cura maxime sollicitabatur. Ocahiæ idem paulo post Castellæ princeps hæresq; solenni ritu pronuntiatus est. Verum priusquam Rex Cæsaraugusta discederet Alfonso Siluam Calatravæ Clauigerum in Galliam legauit, qui nouo Regi de suscepto regno gaudium nunciaret, & aliis legatis iunctus de concordie legibus disceptaret, statueretq;. Magna ii contentione adhibita rem ex voto confecerunt. Philippus quoq; Belga priuatim patre & socero inconsultis cum Gallo æquis conditionibus pepigit. Multum his constituendis fæderibus Georgius Amboesa Rhotomagensis Archiepiscopus iuuuit pro ea gratia & auctoritate, qua apud suum principem valebat maxime omnium arcanorum non particeps modo, sed pene moderator & arbiter. Accessit mense Septembri purpura Pontificis dono crescenti gratiæ & sed & propriis virtutibus datus honos. Rex quoq; Gallus iuncta cum vicinis principibus amicitia oppido cupiebat in Italiam transire Mediolanensem principatū sed & Neapolitanum regnum armis occupaturus iure, vti existimabat sua, iniuria ab aliis occupata. Cæsaraugusta item Enecus Corduba Comitis Egabri frater & Philippus Pontius iureconsultus Romam amandati sunt, vt sui Regis verbis Pontifici denuntiarent Beneuentum ne ecclesiæ Romanæ imperio detraheret, curiæ Romanæ vitia acriori censura castigaret, domesticam licentiam frenaret quæ maxima erat cum magna verè pietatis labe. Idem soceri hortatu Lusitanus fecit. In patriam reuersus Rodericum Castriū & Henricum Coutinum Romam legauit cum mandatis monendi Pontificem tantundemque obtestandi consilio prius cum soceri legatis communicato. Fecerunt illi diligenter quod erat mandatum. Pontificem quæ erant iussi hortati, eo prouecti sunt, die quadam vt remotis arbitris obtestationē in tabulas referret Garfias ipse Lassus notarii Apostolici munere fungens. Tulit ægerrime Pontifex audax facinus: secundum minas eos ausus impune non fore, supplicio vindicaturum, subiecit tamē Beneuentum Pontificio imperio detractam non esse, ne velle quidem, tametsi Patrum collegium cōsenserat vt Gandiæ Ducidaretur iure fundi penes ecclesiam Romanā retento. De curiæ & palatiis castigandis quod præscriberent, multum sibi Reges in eo sumere dixit, aliaq; subiecit stomacho plena, quæ furor dabat. Intra paucos tamē dies, iussu, vt interpretabantur Pontificis, filii Gotifredus & Lucretia cum coniugibus rege Neapolitano natis ē palatio romaq; discesserunt. Horum vero atq; Cæsaris Borgia morum licentia, & fædæ libidines magnam inuidiæ partē Pontifici conciliarant, offensis ea dissimulatione ciuitate atq; adeo orbe Christiano vniuerso. Odiū quidē in Garfiā Lassum conceptū altius in Pontificis pectus descendit, q̄ vt sedari possit. Itaq; roma discedere necesse habuit. Subsecuti sunt Lusitani legati initio anni M. cccc. xcix. palā offensi parū ea diligētia fuisse profectū, contra in peius cuncta rueret. Romana vitia omnē medicinam respuere. Alii Castellæ legati restiterunt in ea vrbe dum Laurentius Suarius Figueroa Venetiis, vbi oratorem agebat vir exacta prudentia romam veniret in locum Garfiæ Lassi fratris legati ordinarii munere imposito.

1499.

Ludonicus Mediolanensis dux eo principatu spoliatur. CAPVT IIII.

INuictum regis Catholici animū curæ non obruunt multæ quāuis & graues, p̄sudet in speculis, indeq; late p̄spicit in omnes partes. Res Italicæ proximè periculo rege Gallo vetera eadēq; minime dubia, vt ipsi videbatur, iura armis repetenti quoniā certare legib. & causa longum erat. Satis ex se inflammato ad maturandā expeditionē subdebāt faces. Pontifex arcano Friderici regis vlciscendi præcipiti cupiditate, à quo se lēsum putabat filiæ nuptiis denegatis. Præterea augendi suos spes ostendebatur ac præsertim ducē Valētinum ambizioso virum ingenio prauoq; Veneti apertius Duci Mediolanensi irati erāt pro Pisanis prius sociū, deinde hostē fædere cum Florentinis factō. Pacta ergo cū eo rege amicitia & societate mille ducentos equites obtulerūt sex millia Heluetios Germanosve contra ducē Mediolanensem ea ramen lege vt pretium opere, impensę cōpensatio, Cremona & Geradada essent ei principatui detractę & ad Venetā ditionem subiunctę post victoriā. Dux cognito periculo rerum suarum, parum opis in Christianis Principib. fore, quos infensos alios alia causa suspicabatur extremum malorum Turcis suasit, vt instructa classe Venetorum ditionem inuaderent; si bello p̄prio implicarentur, aduersus Gallum vires aliunde nō defuturas. Magna piis omnib. sollicitudo iniecta: plus inuidiæ ex eo Duci

quam virium accessit. Antonellus Salernitanus in Urbini Ducis ditione propinqui & necessarii decessit Roberto filio successore nō tā nominis & fortunarū q̄ odii in Aragonios perpetui, q̄ illi odiū male tandē fuit Cēsaraugustę Gonfaluio Garfię iureconsulto celeberrimo irrogata atrox iniuria mense Iulio. Facinoris auctor cognosci nō potuit certo. Multi suspicionibus subiecti prę cæteris Ebuli Vicecomes magnis argumentis vindicta nulla. Vasconum Reges q̄dam a Rege Catholico extorquere veteris ditionis oppida ipso tēpore moliebantur. Ludouicus vndecimus Gallię Rex quo tēpore ad Baionā in Tarbellis cum Henrico quarto Castellę Rege est collocutus tum alia p̄stitit, tū in controuersia q̄ ipsum inter & Vascones erat, consensu partiū arbiter factus, sententia pronunciata sanxit, vt dū sumptus cōpensarentur q̄ Carolo Vianę principe tuendo à Ioanne Castellę Rege ipsoq; 10 Henrico facti erant, seq; eā pecuniam soluturū, Carolus obstrinxerat, Stella vrbs cū cōtributis oppidis Henrico cederet. Vrbs quidē nunquā est tradita, alia tantū oppida: & ea ipsa à Vasconibus, vti sese offerebat occasio, erant recepta pleraq; & ad veterē ditionem imperiumq; subiuncta. Castellę tunc præsidiis Arcus modo, Guardia & Vincentii fanum tenebantur. Hęc enim uero oppida restitui Vascones postulabāt, vitiosam Galli sententiā extitisse accusantes, pręterea affirmantes Regē Catholicū superiorib. annis pollicitū se ea oppida redditurū. Si minus æquitate postulati moueretur, certe regiā fidē ea restitutione liberaret. Ne res ab altercatione ad arma deduceretur & vim erat piculū, turbidamq; cōciret ē Gallia tēpestatē. Verū Italicę expeditionis apparatu districtus gallus aliena curare q̄ posset: & vtq; numerosus exercitus superatis Alpiū iugis Astā peruenit urbē à Philippo 20 Vicecomite Mediolanensi Duce datā olim Carolo Aurelianensi eius Regis patri, ea lege vt contra Venetos sociaret arma, opē ferret, bello eū sub vitæ finē fatigantes. Pręcipui gallicatum Duces Stuardus Obenignus & Ioannes Iacobus Triuultius Asta mēse Augusto motis castris omnia opinione faciliora inuenere. Alexandria, Ticinum, Placentia breui ad ditionē subiunctæ. accessere minora oppida magno numero. Veneti quoq; haud minori felicitate Cremonā, geradadā, Laudē & quidquid Mediolanēsis principatus eo tractu erat victricibus armis præsidiisq; occuparūt. Tantis vno tēpore cladib. Mediolanenses ciues conterriti correptis repēte armis magnisq; clamoribus Ludouico abdicato per vrbis plateas gallica signa sustulerunt. Ad tumultum popularem sedandum Dux neque virium neque animi satis habens, neque iubendi vetandive potens non tam princeps 30 iam quam belli causa ad arcem necessario cum confugisset rebus desperatis Ascanium Cardinalē & sui scrinii Præfectum cum filiis thesaurisq; in germaniā præmisit: eodem ipse paulo post postridie kalen. Septembris de nocte ne appellatis quidē militibus est subsecutus. Exiliatq; itineris socii Atestinus Cardinalis & galeacius Sanseuerinus eius gener & copiarum dux præcipuus. Sic imperium malis artibus quæsitum non fuit stabile; ambitionem, inhumanitatem cupiditatemq; superi vindicarunt. Ipse principatu deturbatus, amissis amicis, quorū plerosq; p̄posteris actionib. alienarat, vagus incertusq; agebatur, non magis virium inops quam consilii. Princeps alioqui eximie sagax, neq; illi res vlla, neq; quisquam hominum satis placebat. Tertio post mense in partē victoriæ genua concessit vltro ne tentata quidem defensione. Restiterat gallus Lugduni quorsum res 40 euaderent expectans. Inde nobilissimæ victorię fructum percepturus & vt parti principatus rationes cōponeret, in Italiam maturauit. Mediolanum ineunti triumphi persimili pompa populus obuiā portis est fusus magna significatione lætitię fausta omnia, vitam longæuam, felicitatē perpetuam cōprecari tantundē factururus pro aduersario si vicisset, quę mobilitas plebis est. Dux Valentinus Regis iter profecutus Flaminia vrbibus ad veterem ditionem Pontificiam reuocandis trecētos grauis armaturę equites regiis stipendiis dari impetrauit Iuone Alegrio duce, pręterea quatuor millia Helueticos impensa Pontificis & auspiciis militaturos. Decreta etiam gallica auxilia Florentinis aduersus Pisanos libertatem tuentes. Mediolanensi bello confecto ex sententia, continuo gallus ad Neapolitanum regnum animum adiecit, sua sponte currentē Pontifex subditis stimulis certa; victoriæ spe concitabat. Placuit tamen reficere copias priusquam in eam expeditionem se daret, eoq; in galliam redire. genuę Philippum Rauastainum, Mediolano Ioannem Iacobum Triuultium spectata virtute fideq; viros præfecit alterum germanici generis Italici alterum. Franciscum Ioannis galeacii Mediolanēsi principatu à patruo spoliati filium, ne quid turbarum ea occasione existeret, secum in galliam abduxit: vbi in sacerdotis morem detonsus annis sequentibus ex equi casu inter venandum in Heduis periit, nulla neq; vitæ neq; mortis laude. Italiae motus Regē Catholicū sollicitū habebant, nē velut ex continentibus tectis diffusa flāma inuolui & ipsum necesse esset. Itaq; Frederici Regis nomine honestissimas condiciones gallo offerre, ad pacem hortari. Recusabat ille

ille partem, vniuersas regni florentis opes spe vasta & cupiditate complexus. Ad eas ergo conditiones recursum, quæ à Gallis dudum propositæ, fuerant ab Hispano repudiatæ. Fridericum propter parentis natales iniustum Regem esse Gallus & Hispanus certiori iure iunctis viribus Neapolitanum regnum expugnatum inter se per conditiones partirentur. In eius fœderis maturandi curam intentus agebat tunc rex Catholicus Granatæ, quo Ioanna soror Neapolitana Regina ex Italia in Hispaniam redux appulit. Margarita simul princeps ex ea vrbe profecta in patriam abiit, deducente Alfonso Fonseca Cōpostellano præfide ad galliæ fines, quæ iter erat. Simul ex aula assæclis quidam cuius nomen non proditur, in Galliam amandatur iussus cum Michaelē Ioanne Gralla apud Regem Gallum legato consiliis communicatis suo ipsorum nomine ad eam pacis conditionem recurrere, si forte eadem mens Gallo esset, quæ antea, an victoria ferocior esset factus. Fecit ille quæ erat mandatum. Rhotomagensi Cardinali, ex cuius arbitrio cuncta belli & pacis consilia prodibant & molitiones haudquaquā displicebant: ne Clario quidem regulo proximum auctoritatis & gratiæ locum in ea aula occupanti. Accedebat vtilitas huic quidem facta Crotonis obtinendæ Magnæ Græciæ maritimæ vrbs: cuius se Marchionem dicebat. His adiutoribus fœdus breui coiturum dubitabat nemo. Fridericus Rex aduersus ex Gallia imminentem tempestatem, an harum etiam molitionum non ignarus, si armis peteretur, aduocaturum Turcarum classem in Italiam minari. Tentauit etiam Pontificem placare Theani principatu & Sueffa, quæ vrbes in Gandiæ ducis ditione fuerant. Valentino vltro oblati ingenti pecunia adiecta, præterea Alfonso Aragonio fratris filio, cui nupserat Lucretia Borgia, Salerni & Sanseuerini principatum pollicitus, largus in periculo, & nimius quæ retractaret parta pace. Ea est timoris natura. Honestissimas Pontificis conditiones Valentini litteræ disturbarunt ex Gallia, vbi tunc erat, renunciantis eius concordie in tempestiua mentione Gallorum animos vehementer esse turbatos: proinde eo commercio prorsus absterent. Huius anni fine in Belgis Cleonora est nata Archiducis filia maior annis sequentibus Regina prius Lusitaniæ, deinde Galliarum priori coniugio quam posteriori felicius, in vtraque fortuna salua probitatis fama.

Montani ad Granatam Mauri rebellant. CAPUT V.

30 **Q**uo tempore Rex & Regina Granatam abierunt, Archiepiscopus Toletanus Compluti hæsit schola in eo oppido cōstituenda intentus ad exemplar Parisiensis in gallia modicis tunc initiis deinde præclarum literarum domiciliū. Collegii præcipui & maximi, cui à Diuo Illelsonso est nomen, fundamenta primum sunt iacta pridie Idus Martii. Architectus Petrus cumiel in ea arte apprimè versatus & nobilis, formacei initio parietes. frontem è candido lapide pulcherrimam tempus adiunxit. Nouum granatæ regnū stabiliendi Regibus cura erat. Si Mauri, quorum magna multitudo supererat, Christiana sacra susciperent, fore consultum videbatur ne à ceteris ciuibus in religionis placitis discreparent. Quippe in religionis dissidio concordia animorum inter ciues constare non potest. Euo-
40 cato in eam rē Toletano præfule & quid facto opus esset monito, Reges Hispalim disceserunt. Archiepiscopi Toletanus & granatensis communicato consilio parique ardore in opus ingressi vitæ probitate similes & promouendæ religionis studio incensi ex æquo ad Mauros sanandos diligentē nauare operā statuunt. Mauros quosdā Elches vulgo dictos, qui Christi sacra, quæ prius susceperant, eiurarāt, inquisitorū permissu, quorū ea cura erat, malo cogere visum est: ac præsertim teneros filios per vim auulsos sacris fontibus eluēdos adhibere. Id vero barbarum initium extitit. Etsi gentis sacerdotes præterea, quos Alfaquinos dicunt, multa Præfulum benignitate, donisq; victi è promiscua Maurorū multitudine plerosq;, vt se Christo adiungerēt, auctoritate & exemplo effecere. Intelligebantur artes, offendebantq; Maurorū vulgus. Ergo promoti animis & in rabiem acti Albaicini Mauri,
50 q; magno numero erant, correptis armis, q; abscondita tenebant, plateas transuersis trabibusq; muniere. Toletanū quoq; intra edes suas p noctē obsederūt perimere destinantes. Ingēs ea nocte trepidatio, & ciuitatis permixtio pauide tumultuantisq;. Cū luce Tendillig Comes, quippe belli dux arcisq; Alhambre Præfectus, militib. in vrbe euocatis neutri vti nocerent inter se auctoritate & minis effecit. Missæ ad Reges litteræ periculū renunciātū. In quo accidit exigua quidē sed memoria digna res. Litteras Toletanus ad Reges Aethiopi perferendas dedit, viginti leucas pedibus conficere die vno solito nihilominus. In quo peccatū fuisse grauissime euentus docuit. Ad primū enim aut alterū diuersoriū tantū vini miser haurit (& est ea gēs in ebrietatē effusa) vt emota mēte diē integrū indormire crapulæ opus habuerit. Fama aliq; sup alios de re tāta rumores nūtiq; vti necesse erat Hispalim

præcurrerant. Mirabantur reges nihil à Toletano literarū venire. Reginā negligentē pu-
debat, plerosq; sermones in eius nomen erumpere, qui ea auctore in sublimem dignitatis
locum conscenderat. Rex quoq; ad superiorē molestiam, quoniam eum honorē Alfonso
Aragonio filio suo destinarat antea, & tunc notio tēdio concepto haud obscuris verborum
aculeis Reginā perstringens, En, inquit, tuum Antistitē præclarum scilicet & magnum. Ap-
pulit tandem Aethiops: Toletanusq; ex ea mora pudore suffusus Frānciscum Ruiciū ex eo-
dem ordine socium suum misit: qui factum excusaret, & totius rei ordinem regi-
bus explicaret, calumniamque detergeret, quę multi eius imprudentia accusa- 10
bant Mauros fuisse concitatos in furorem. Præterea accusare quā mutare facilius est. Sed
Granatæ tamen & Toleti anniuersariis sacris ad quintum decimum kal. Ian. eius diei me-
moriam renouatur omnibus annis, quo tria Maurorum millia sacro fonte abluta fuerunt.
Ad quęstiones habendas puniendāq; quorū noxa in eo tumultu grauior extitisset, missus
cū potestate iudex, voce pconis veniā edixit tamen omnibus, qui Christiana sacra syncera
mente susciperēt. Supplicio de quibusdā sumpto, aliis in vincula traditis, tū hi, tum eorum
exemplo ceteri Mauri, qui Albaicinum incolebant, se Christi religionem velle profi-
teri renunciarunt supplices in timore animo peruicaces atque insaniam repetituri, v-
bi facultas esset, tantundem fecerunt alii qui per Granatam reliquam sparsis domiciliis
habitant, quippe in villis suburbanis vitam terræ cultu tolerabant, omnes ad quin- 20
quaginta millia capitum. Tempora simul superstitione Maurica fēda, ex ritu Christia-
no sacrata sunt. Simulatio, haud potest esse diuturna: neque metus officii ma-
gister satis idoneus. Montani ad Granatam Mauri locorum natura freti simulantes an-
vero persuasi reliquos per vim nostros fuisse factos, tumultus passim cōcitare cōspiratio-
ne inter se facta consilio cōmunicato. Initium rebellandi Huegariis incolæ fecerunt mu-
nitione magis quam viribus confisi: quippe locis asperrimis est oppidū. Accurrunt magna
celeritate Tendillia Comes & Magnus Gonsaluus, forte eo tēpore agens Granatæ, ne pri-
ma negligendo serperet malū. Capto per vim oppido in plerosq; rebelles ferro est scuitū.
Cæteros vicina mōtium iuga sylueq; texere. Eodem impetu alia circum Maurorū oppida
capta: neq; sisti tamen malū potuit fatali defectione quasi pestis lue per late patentes mō-
tes diffusa grassanteq;. Atq; ita vt non modo sua tueri parati essent, sed de finitimis prædas 30
agere, vastare agros, carpere quoq; oppida, cædes facere. Marxenam imprimis obsederūt
quod oppidum in Promagistri Castellę ditione erat. Aduersus hos conatus Petrus Fagiar-
dus, qui Almeriæ cum exigua manu militari tunc erat, Alhamillam vicinū Marxenæ op-
pidum de Mauris cum arce cepit: eoq; terrore Marxenæ obsidio soluta est, hostes dissipati.
1500. Salutis anno Millef. quingentesimo auspicante hæc gerebantur. Ipso tempore Regina
Hispani relicta rex Granatam rediit in vnam comprimendi eos motus curam intentus,
metu ne ex Africa quæ vicina est, & vnde auxilia rebelles petere decreuerant, graui ali-
quo bello implicaretur Hispania vix è superioribus cladibus recreata: ipseq; intestini bel-
li mole impeditus cogeretur ab Italiæ cogitatione cessare: quod eius rationes vehemen-
ter conturbaret. Itaq; Beticæ ciuitatibus & nobilitate vniuersa ad arma signaq; euocatis, 40
numerosum exercitum magis quam validum confluxit. Cum iis copiis ipsemet kalendis
Martii Granata profectus Langiaronem versus contendit locis præruptis situm oppidum.
Obstinatis Mauri animis nihil voluntate facturi videbantur. Vi admota captum dire-
ptumq; est oppidum. Lerini Comes alique proceres copiis in plures diductis manus ac
per eos montes dissipati multas ea parte arces & oppida pari felicitate expugnarunt. Saxa
ac deformis eo tractu vniuerso rerū facies. Victa malis ferocia Mauri rebelles se dedere
decreuerunt. Imprudenti impetu cēpta; iniitiis valida, mora languescunt. Data omnibus
venia modo pacatis ea lege vt intra dies quatuor Castellū ferreum, Adram, Bugnoliumq;
restituerent, q̄ oppida motuū initio de nostris ceperant, & quamuis infirma ante iniuriæq;
opportuna diligenter ipsi ad omnes casus vimq; arcendam munierant. Armatelaq; omne 50
genus traderent. Præterea quinquaginta millia auri duabus pensionibus. Obsidesq; fidei,
ita facturos in Magni Ducis potestati triginta quatuor è præcipuis Mauris. Motib. ad hūc
modum cōpositis rex Granatę substitit ea gente ad Christum adiungenda abluenda sa-
lutarib. aquis districtus. Ea diligentia paulo post montani Mauri, quique Almeriæ, Bastæ, &
Guidixii habitabant aliisq; locis nostra sacra populariter susceperunt. Missi ad eos cōfirman-
dos, sanandos ceteros pii in omnes partes concionatores sunt adiuncti militari præsidio.
Dignitatis specie ne violarentur impune agebatur, si qui male cogitarent. Et est gēs Mau-
rica mobili ingenio, fluxa fide. Quod prudenter ad salutem comparatum videba-
tur in contrarium vertit, sic humana consilia sepe deluduntur. improuidas ho-
minum mentes. Vulgatum rursus fama ex eo apparatu vim & metum Mauris
nouo

nouo conatu intentari. Incolę Belesichi & Nixarii, quę oppida iugis montium asperrimis
 sita sunt, arma hyeme proxima corripuerunt patrię superstitionis libertatem supremo co-
 natu, tueri destinantes. Horum exemplum pleraq; eo tractu oppida montana sunt secuta:
 signumq; sublatum, quo confluerent cęteri Mauri. Qua spe quibus viribus? cęcus animi
 impetus miseram gentem in furorę agebat patrię superstitionis amore qua nihil est po-
 tentius. A Rege qui vsq; dum Granatę morabatur bello dux designatus regię aulicorũ
 cohorti Pręfectus cōtinuo collectas copias Belesichum admouit: Impugnatum oppidum
 omnibus virib; & machinis. Obsessis tamen strenue tuentibus a mœnib. repulsi sunt no-
 stri non sine multorum strage. Inter quos viri genere factisve clari cecidere. Ducebatur
 10 obsidio tamen. Mauri sola desperatione sustentabant, pro nostris causa erat, & parta sepe
 victoria. Obsessi tãdem siti victi positis armis, iisq; & reliquo apparatu bellico victori tra-
 ditis oppidum arcemq; dederunt vnã incolumitatę pacti. Bona & libertatę arbitrio vi-
 ctoris permisere de regia clementia confisi: Eo terrore Nixarii incolę iisdem conditioni-
 bus venere in potestatę, ea tantũ exceptione, vt libertatę publice redimędi viginti quinq;
 aureorũ millib. facultas esset. Festinatę deditionis id pręmiũ fuit. Ad Regę pręterea pla-
 candum Mauri supra decem millia Seronis Tiiole aliorumq; eo tractu pagorum incolę
 sacris fontibus sunt admoti. Magnus numerus, ad pacandã gentem rei; summam emo-
 lumentum parũ. Nam eodẽ tempore in Arundę & Villalongę cōfragosis montib. Maurici
 tumultus publice sunt concitati. Cōmotus, vt par erat, noua rebellione Rex voce quidem
 20 pręconis edictaq; denunciari mandauit omnib. Mauris qui in iis montibus, vbi motus e-
 rat, habitarent, vt in Castellã discederent, parando discessu dies non amplius decę dati, cũ
 eo tamen arcano concessit, si qui nostrã religionę susciperent, iis manendi in patria suaq;
 cuiq; retinendi venia esset. Deinde Vrenię Comiti & Alfonso Aquilario Magni ducis
 fratri maiori, pręterea Ioanni Siluę Cifontano Comiti tunc Hispalęsi Prętori belli cura
 est demandata. Mauros indigenas eo terrore proposito facile animos ad sanitatę reuocã-
 tes Gandules gens Africana quę auxilio rebellib. venerat, ab ea mēte deducere conabã-
 tur. quibus in temeritate & in contumacia spes, nihil pręcipuũ in Hispania. Saniores tamē
 Arundam positis armis vltro magnoq; numero venerunt Christianę religionis amorę si-
 mulantes. Maior pars in incępto perstitit: & qui immunita loca tenebāt in montē Rubrũ
 30 pręcipua asperitate se suos suaq; contulerunt loci ardui natura confisi magis q̃ vera vir-
 tute. Iisdę vestigiis regię copię persecutę prope Monardam ad radices eius montis po-
 fuerunt castra. Mauri ad mōtis latus in armis se ostentare ascensu prohiberę hostes para-
 bant. Cōmoti eo spectaculo pauci ē piōrũ numero cupiditate prędę dueũ iniussu subla-
 to raptim vexillo transmissaq; torrēte, qui ea parte decurrebat pręceps inter saxa niti per
 ardua cęperunt. Secuti sunt alii ne primis desertis in periculo ignominia aliqua eladesq;
 acciperetur. Vrgebant de superiori loco Mauri, nostrosq; ascensu magnavirtute prohibe-
 bant. Si premebantur turpe nō ducebant loco cedere, seq; in altiora iuga recipere quę ex
 interuallo exęquata munitaq; quasi propugnacula habebant. Instantib. nostris ad plani-
 cię latam peruentũ tandē est summumq; fastigium montis vbi Maurorum vxores filiiq;
 40 erant atq; impedimenta, incitamentũ vtrisq; vt supremo conatu alii tuerentur, alii cona-
 rētur prędam rapere. Nostros cupiditas arcebat, aduersarios desperatio, si victi essent, in
 rabię agebat. Cessit tamē virtuti sine viribus furor. Mauri qua parte nostri impressionē fe-
 cerunt, terga verterunt. Institere in primo agmine Alfonsus Aquilarius & Vrenię Comes
 cũ duob. filiis. Ne victoria integra esset, praua cupiditas obstitit importunũq; inter ipsos
 certamē hostę neglecto spolia consecrandi. Maior pars quasi victoria parta ad prędam
 versi sunt turbatis ordinib. militaris discipline nulla cura. Multis horis in ascēsu pugnaq;
 consumptis nox superueniens victos texit locorum peritos, nostris temeritas exitio fuit.
 Ductor Maurorum Feruis Benastepar collectis ex fuga suorum reliquiis vir strenuus &
 sagax, hostium perturbatione ratus rei bene gerendę opportunitatę oblatam, circumfu-
 sos milites pro tempore hac sententia oratione acuit. Quo milites ruitis, quę causa fugi-
 50 endi, Bona, vxores & filios quo loco relinquitis? Nisi vestrę vos manus texerint & ar-
 ma, quis nam malis medeatur, quis erit pręsidio? An quo vos fugietis, eodem rabidi ho-
 stes non poterunt penetrare? Furor est in pedibus spem ponere, quorum dextrę ferro
 sunt armatę. Quę ignauos terrent, & timidis videntur ardua, virtuti peruia sunt. Hostium
 perturbationem considerate (forte sulphurei pulueris cado incenso late diffusa flamma
 dispalatos prędantesque monstrauit.) Ergo pensato agmine in hostes dissipatos irruite
 vestris spoliis graues impeditosque. Pręcedam ipse, ferroque secuturis iter pandam. Vo-
 bis nisi exemplum milites dederò, verbis meis ne amplius fidem adiungatis. Ducis ver-
 bis inflāmati Mauri pugnã magnis animis repetunt. Non audacia sed temeritas videba-
 tur victores nouo conatu laceßere. Ignauos tamē necessitas acuit, & desperatio, q̃ sæpe spei

causa extitit. Dux Maurus forte an consilio in Alfonso Aquilariū delatus, qui vsque dum cum paucis pugnam sustentabat, vt erat thorace propter æstum diloricato, eius petus graui vulnere fauciauit. Ingeminarunt alii ictus eo vulnere numero, vt deformatum corpus in hostis potestate relictum vix postea dignosci à domesticis potuerit. Perierunt cum eo plures ducentis, atque in eo numero Franciscus Ramirus Madriti ciuis dux magnus virtute fama pari toto bello Granatensi parta. Petrus Corduba Alfonsi Aquilariū filius periculo ægre ereptus ad Vrenium euasit cum globo militum hostis successu ferocientis impetum comprimere paratum. Cifontanus paulo inferius in mōtis latere cum Hispalensi vexillo resistens multis ex fuga ad eius præsidium se recipientibus saluti fuit, suique agminis & fugientium armis hostium vim vsque ad auroram sustentauit. Cum luce Mauri fracti metu an pugnando defatigati montis fastigium conuersis signis repererunt. Sic Alfonso periit genere & factis inter Hispanos nobilissimus heros. Hostes eripere vitam: de eius laudibus nunquam bona posteritas conticescet quandiu Hispanicæ res stabunt. Arundæ Rex tunc erat commotus, vt par erat ea clade, Gentis perfidiam vlcisci correptis armis destinabat. Placuit tamen Anagari ducem Daydinum impugnare oppidum non satis validum, neque satis munitum. Vrenio & Cifontano mandatum vt infestos montes nouo conatu superandi, qua parte ante ascenderant, speciē præberent. Hostes nouo terrore proposito desperata victoria de compositione vltro appellare constituunt, veniam positis armis fore non desperantes. Datum abs Rege vt in Africā discedere volentibus libera facultas esset nauibus etiam ad Altape portum ad traiciendum integra fide paratis, per capita tantum denos aureos singuli traiecturi penderent libertatis pretium: qui patria carere nollent Christo ii sincere nomina darent. Firmato iis conditionibus sedere multi in Africam abiere: multo plures restiterunt in Hispania insimulata Christianæ religionis specie nihilo abeuntibus saniores ingenio peruicaci. Sic diuturni motus qui Hispaniam sollicitam habebant, & mala quæ ex iis impendere grauissima videbantur, faciliorem opinione exitum habuere. Verum Alfonsi Aquilariū mors in proximum annum incidit. Ad superiora rationemq; temporum reuertamur.

Res Mediolanenses. CAPVT VI.

Montani Mauri ad Granatam tumultuabantur, simul à Rege Catholico instructa classe Gonfaluus destinabatur Venetis auxilium aduersus Turcas eorum ditionem inuadentes armis, imminentes reliquæ Italiæ spei occupandæ accitu, vt ferebat fama tum Mediolanensis Ducis tū Regis Neapolitani sua vt tuerentur à iuratis aduersariis inclinatis rebus grande momentum, sic illi putabant. De Siciliā quoque cura erat, cui illa procella quippe è vicino minabatur maxime. Simul à Valentino Pōtificis nomine, Gallicis armis bello ad Flaminiam illato de variis tyrannis eo tractu vrbes & oppida capiebantur, nullo relicto innoxio qui resisteret. Ita forum Cornelii occupauit, atq; Forliuium, cuius vrbs Comitem principem feminam cepit. In Pisauri regulū ardentior ira: cui antea soror Lucretia nupta fuerat. Grauiissimū est odiū, quod inter propinquos & necessarios excitatur. Prouiso ille periculo vrbe, vt tempus dabat munita fuga euaserat, quam vrbe obsidere Valentinus institit. Magnorum motuū sœuæ tempestatis hæc initia erant: Magnum Italiæ malum parabatur: Ac præsertim Ludouicus Sfortia ad principatum recuperandū ab Imperatore & Germanis Principibus aliis auxilia patrociniūq; implorare non desistebat. Ea diligentia Heluetiorum & Grisonum conflato idoneo exercitu Ascanium Cardinalem fratrem Ianuario mense præmisit in Insubres: vbi faciliora omnia opinione sunt inuenta, priorē inuidiā misericordia mitigarat. Erga eiectū & exulē successerat humanitas. Arces & vrbes certatim venienti se dedere, festinatione fidem studiumque approbare cupientes. Ipsa etiam vrbs Comum & oppida lacui Lario adiacentia vltro portas aperuere. Ad eam famam Mediolanenses ciues arreptis pro Ludouico armis Triuulcium in arcem se compingere compulerunt. Vnde die tertio cum equitatu Ticinum versus discessit. Ipso die Ascanius Cardinalis quasi victoria de hostibus parta triumphī simili pompa vrbe iniiuit. Subsecutus est Ludouicus frater, arce quamuis Gallico præsidio detenta. Ticinum, Laus, Dertona, Placentia ad vetus imperium aliarum vrbiū exemplo sponte redierunt: aliæ pulsas Gallicis præsidiis se dedere duci satagebant. Clandestinis hæc agitata consiliis alto silentio premebantur, dum votis opportuna se daret occasio. Gallici exercitus robur Nouariam ex condicto confluit, si auctis viribus possent ducis conatibus obsistere, prodire in aciem. Gallicæ etiam copiæ, quæ in Flaminia curabant eodem conuenere cōmeatu petito. Quæ causa extitit Duci Valentino id bellū inter-

Intermittendi Pisaurō quamvis nondum expugnata, Romā repetendi, quo fratres porro redierant cum Pontifice redintegrata gratia videlicet. Romæ Valentinus apparatu, incessu, excubiis, vindicandis hominibus vim Principis complexus, nomen imperii Pontifici modo relinquere vsque eo obnoxio ut nihil magnæ rei nisi eo arbitrio gereretur: Rerum conditio miserabilis fædaque. Gandavi, ubi Ioanna Princeps agebat, Carolus Archiduci natu maior filius est natus felici sorte ipso Matthiæ Apostoli memoria sacro die: cui amplissima imperia, immensæ copiarum victoriæ de hostibus multæ & præclaræ cælo destinatæ erant. Octauo ab ortu die Margarita amita in eam urbem appulsa infantem de sacro fonte suscepit una cum Margarita altera posteriori Caroli Audacis coniuge vsque dum superstiti. Ducem Lucemburgium vocari infantem placuit veteri more mutato: nam ante Ducem Burgundiæ maiores filii Carolesii Comites vocari moris erat. Implevit ea res Hispaniam noua lætitia, ipsa Isabella Regina die natali nunciato, subdidit ex diuinis litteris: Cecidit fors super Mathiam. vaticinium vanum non extitit, neque coniectura falsa. Enimvero de incolumitate Michaelis Principis ob eius imbecillitatem exigua spes erat: ac paulo post Granatæ obiit. Eius plane obitu Philippus Archidux & vxor Castellæ & Aragoniæ Principes dici cæpere, haud dubio hæreditatis iure indicioque: E Lusitania post Vasci Game reditum classe tredecim nauium Petrus Aluarus Capralis Indiam iussus repetere, profectus, Olisipone ad octauum Idus Martii ex itinere Brasiliam primus mortalium inuenit, tametsi eam laudem alii ad Americū Vespuciū Florentinum natione ablegāt, litem dirimere non est tanti. Inde magno flexu Calecutium delatus, atque in ea vrbe benigne primum acceptus, deinde quæ est gentis perfidia & leuitas, violatus iniuria, necessario ad vim & manus venit. Hæc in India. In Lusitania Iacobi Visei ducis filius ex impari matre ab Emanuele Rege patruo Magister equitum in Lusitania constitutus hoc tempore, annis consequentibus filia vnica relicta decessit: quæ Villeregalis Comiti vxor data est postmodum. Bellum in Insulribus ducebatur meliori sorte ducis Mediolanensis multa denuo carpentis oppida & ad reliqua aspirantis. Alexandria vltro in eius potestatem concessit. Nouariam eo admotis copiis ex deditioe cepit, arcem in Gallica fide perstantem impugnabat. Haud diuturna felicitas fuit. Cum aduersariis, qui non procul ea vrbe tendebant, iusto prælio decernere parans vnaque victoria molesto bello finē imponere, copias foras urbem produxit sane sedecim millia quæ Germanos quæ Heluetios. Instructa acie datoque pugnarum signo Heluetii contra morē gentis contraque spem detrectarunt contra Gallos & qui ex sua natione ab illis stabant, ferro dimicare suorum iniussu magistratuum. Ea species est proditioe quæ sita. Dux necessario sese in urbem copiasque retulit ab ea mente Heluetios si posset deducturus. Fefellit eum spes, & est omnis incauta securitas. Ingenti pecunia venditum prodiderunt Gallis infensis importunisque hostibus. Delatus mox in Galliam atque in arctam custodiam datus vitæ & vinculorum eundem finem habuit egregius alioqui Princeps, nisi à scelere principatum esset auspicatus: quod superiea calamitate vindicarunt. Ascanius Cardinalis fratris miseria grauique casu nunciato continuo arcis Mediolanensis, quam impugnabat obsidione soluta, Placentiam versus discessit, quingenti equites sequebantur ad reparandam domus ruinam exigua manus, spei tamen aliquantum euadendi, metus amplior. A Carolo Vrsino Venetorum, qui eo tractu militabant, duce ex itinere victis fuscisque ceteris Cardinalis ipse captus, atque in Galliam quoque missus est gratum Gallo Regi munus ruinæ fraternæ socius. Eius iussu Biturigum in urbem aliquandiu detentus ex aliquanto intervallo libertatem obtinuit. Is honor purpuræ sacrae habitus est & Rhotomagensis Cardinalis gratiæ: cuius ad arbitrium cunctæ in Gallia res vertebantur. Ducis filii Maximilianus Franciscusque, ne sequa domus suæ ruina una opprimerentur, in Cæsaris curia relictæ à patre, diu apud Germanos morati sunt inopes, exules, sine lare familiari vagi. Post victoriæ Mediolanensis principatus haud egre quidem Gallo cessit vniuersus. Ciuitates eæ, quæ Duci aduenienti sine mora deditioem fecerant, ingenti singulæ in stipendium pecunia sunt mulctatæ. Sic Italia suis copiis & viribus in sua viscera vertebat arma, suo quin etiam sanguine vincebatur. Venerat in Italiam Rhotomagensis Cardinalis bello antea à Gallo dux cum aliis destinatus. Parta victoria Mediolani agebat, rerum Italicarum bello paceque arbiter habebatur. Eo promerendo datum expetenti à Pontifice est, ut totius Gallie una excepta Britannia, legatus esset annuo & semestri spatio tunc: quod deinde tempus est additionibus sepe amplificatum, ac proprium redditum dum vita mansit. De Vasconum regibus multa Rex Catholicus suspicari accipiendis delationibus pronus in eos principes maxime. Amicitia cum Gallo multis officiis culta, magneque cum ea gente necessitudines vereri cogebant, ne monstri aliquid Hispanie parerent. Ita annis superioribus præter sacramentum ab arcium Præfectis in

verba Régis Catholici vniuersa ditione factum, Sanguessam & Vianam quasi fidei pignora penes sequestrum esse constitutum fuerat designato quinque annorum spatio. Eo decurso tempore Vascones ea oppida repetebant: neque restituebat Hispanus aliam ex alia moræ causam obtendens. Vt controuersias componeret Rex Vasconum Hispaniam adiit mense Aprili, vbi reges Catholici morabantur. Ea diligentia Magdalenaque filia vnica fidei pignore in Castellam amandata, vt in aula Reginæ cresceret, litibus tunc quidem finis est impositus, eaque oppida restituta, de quibus erat disceptatio. Contra Lerini Comiti in Castella exuli à Vascone venia data, ademptique principatus pars multo maior reddita est. Equitum adeo magisterium restitutum non sine inuidia Alfonsi Peralte sancti Stephani Comitis, cui graue erat honorem antea delatum nullo suo merito in gratiam inquieti & factiosi hominis detrahi. Vnde noui motus & molestiæ metuebantur extitereque.

Gonsalvus Magnus dux in Italiam redit. CAP. VII.

SEcularem annum more maiorum Pontifex clausit, venia peccatorum inuitati innumerum mortales ex omnibus prouinciis Romam confluxerunt finitimi & longinqui pietatis studiis certantes plenam maiestate & numine urbem inuisere, religionis arcem, veritatis magistram. Morum licentia vigeat inter viros sacros vt si qua in parte orbis maxime. Eam turpitudinem vindicare Deus visus est euentu mirabili Pontifice castigato ceteris territis exemplo. Apostolorum Petri & Pauli sacro die hora quarta post meridiem violentus turbo extitit imbris & grandinis, qualem non meminerant. Ventorum vehementi procella tubus vaporarius euersus supra cænationem cui à Pontificibus est nomen, vbi forte Pontifex tunc agebat familiari sermone tempus fallens. Supra eam cænationem Valentini domicilium erat. Procidentis tubi pondus tabulatum primum traxit, atque è tribus Florentinis ciuibus, qui expectabant dum à Valentino debita pecuniæ summa redderetur, secundo tabulato fracto duos ad pedes Pontificis exanimatos & occisos proiecit, tertium quoque spirantem, sed graui vulnere faucium. Multi cum lateres tum tabulæ ne Pontificis caput comminuerent superstantis vmbellæ tegmine factum est. Eadem inuoluto capite ne puluere suffocaretur, valuit. Accurrunt aulici, exanimatum Pontificem inter rudera repertum capite & manu grauius sauciatis, expiranti similem nec satis compotem mentis in strato componunt. Capuæ Cardinalis, & quidam alius, qui soli cum Pontifice erant sub fenestrarum absidibus & recessibus vitam seruauerunt. Multi apud populum coniectandi superstitioni ad insaniam deditum, Romæ præsertim rumores sunt sparsi. Variæ significationes & prodigia captata lingua procaci. Septuagesimum annum impleuerat Pontifex. tractata vulnera recrudescere videbantur. Vulgi sermonibus multi successores in Pontificatu senatus principes designabantur. Valentinus ipse auxilia Gallica conquirere, alia præsidia ab aliis, ad eum constituendum Pontificem, quem priuatis quisque rationibus opportunum maxime iudicabat, nulla reip. cura. Verum eas omnes molitiones restituta breui Pontificis valetudo frænauit. Ipso tempore Gonsalvus instructa idonea classe nauium supra triginta adiunctisque aliquot triremibus, biremibus, Malacæ è portu soluit. Vehementius ea classe pedites quatuor millia, equites grauis armaturæ trecenti. Viri inter cæteros nobilitate factisque præstantes. In eo numero Dieghus Lupus Mendoza Hispaniæ Cardinali natus, Alfonsus Silua Calatrauæ Clauiger. Lenta nauigatio fuit. Secundo prouecti flatu ad Balearem maiorem atque Sardiniam appulsi impeditique multis malaciis, tandem Messanæ in Sicilia portum tenuerunt ad quintum decimum kalendas Augusti. Eo Hispani milites per Italiam dispersi atque ex bellis superioribus relictis magno viri animo pugnandi scientia præstantes confluxerunt, naues quoque aliæ conuenere seque adiungere ad Hispanicam classem. A Turcis mari terraque vrbs in Peloponneso præclara Methone obsidione premebatur. Veneti, quorum in ditione erat, Gonsalum, vt se cum eorum classe coniungeret, conuitio sollicitabant. Cupiebat is obsequi iustissimis postulatis. Magnis tamen impeditis difficultatibus non ante quintum kalendas Octobris vrbe iam à Turcis capta soluit Messana, serum rebus perditis auxilium. Inter alias moræ causas illa præcipua. Gerbis regulus noua militum subsidia postulabat mitti, insulanos frænare cupiens noua ope, Margariti ducis & militum, qui sub eo erant, licentia, rapinis & iniuriis exacerbatos, ac in ipsum Africa vniuersa commota quasi rebus nostris faueret, Maurus nomine tenus esset. Mauro satisfacere integrum non erat alio properantibus. Spe depulsus Margaritum & suos arte in potestatem reductos deinde dimisit liberos arce tamen & vniuersa insula prohibitos. Hispanica classis

classis Corcyram maris Ionii Venetæ ditionis insulam tenuit postridie Kalendas Octobris. Eius aduentus salutaris fuit insulanis. Turcæ inuadendi eos mutata voluntate Naupliam Peloponnesi urbem & nauale cum primis olim nobile admota eo classe impugnare decreuerunt. In gallia per idem tempus magna legatorum contentione pax tandem inter Reges gallum & Catholicum facta est. Conditiones aliæ honestæ fuerunt. De Neapolitano regno sancitum, vt facta diuisione Apuli & Brutii Hispano cederent. Reliqua obtineret gallus. Vectigalia modo ex pecoribus in Apulia colligi solita ex æquo partirentur: ac vero regni prouentus vniuersos ita vt neutris amplius cederet quam alteris. omnino ex æquari redditus vtriusque partis bona fide volebant. Fœdus lubricum neque futurum stabile. Species factio prætentata præter vetusta vtriusque Regis iura Turcis pro religione bellum illaturos. Fridericum, cui cum ea gente fœdus erat & iuncta amicitia, quamque auxilio euocare decreuerat, ne pro religione susceptos conatus impediret, ditione spoliare visum est. Idonea species scilicet magis quam vera causa consona iuri & æquitati. Clandestinis primum hæc agitata consiliis alto silentio tegebantur. Pontifici dein significata gratissima ei extiterunt, quin vtrique Regi Pontificia auctoritate partis decretæ imperium suo diplomate quasi beneficiariis Romanæ Ecclesiæ confirmauit. Gallo Neapolitani & Hierosolymitani Regi Hispano Apuliæ Ducis titulos. Friderici Regis odium incitabat: spesque ex communi præda suos nouis augendi principatibus, haud obscure à gallo & Hispano facta. Cælestis vindicta quos

10 premere cœpit, in præceps agit. Veteres domini non magis viribus quam consilio destituti vagi, incerti, virtuti an fidei popularium minus crederent dubitabant sæpe in fuga ac paulo post in armis spem habentes. Hispana classis è Corcyra profecta Zazynthum appulit Nonis Octobris. Eo porro Veneta classis se cum Hispana coniunxit, duæque onerariæ ex gallia venire cum militibus octingentis auxilium à Gallo Rege promissum pretiumque Ascanii Cardinalis in eius potestatem antea contraditi. Turcæ soluta Naupliæ obsidione siue propter anni tempus in hyemem vergentis, seu nostris classibus vt pares essent, veriti, qui in sinu Corinthiaco classem hiberno tempore continere consueuerant ad Venetorum ditionem ipsamque Italiam ex propinquo vexandas, circumducto Peloponneso ad Euripum & Chalcidis littora constiterunt. Ad

30 Zazynthum de belli ratione à nostris disputatum est, non vna sed varia ducum sententia. Magnio Gonsaluo Methonem tentare placebat expugnatum facilem priusquam operibus muniretur assuesceretque Turcico imperio. Plerique Cephaloniam peti maluerent centum & quinquaginta millium ambitu, tutissimo ad occasum portu cum optimis totius orbis comparando Corcyram inter & Zazynthum positam insulam Sinus Corinthiaci faucibus obiectam. Eo consilio probato Gallisque Zazyntho abeuntibus specie quasi non solueretur stipendium, cæteri Georgii fanum petiuerunt præcipuum Cephaloniæ oppidum. Neque mora: ipso die positis iuxta castris, tormentisque mœnium parte strata nostri irumpere per strages & rudera intra oppidum conantur. Trecenti Turcæ præsidarii milites eximie fortes magno animo cum impetum

40 sustinuerunt. E nostris vulnerati aliquot, cæteri à mœnibus sunt repulsi. Tempus erat minime idoneum, imbribus continuis & frigoribus impediti milites dies tamen aliquot sustentarunt pro ingenio gentis aduersus mala peruicaces. Ipso tandem peruigilio diei Christi ortu celeberrimi supremo conatu adhibito admotisque scalis periculi omnis immemores intra horæ spatium in oppidum penetrarunt. Periere in conflictu Turcæ centum septuaginta. Alii quinquaginta qui se in turrim receperant desperata defensione Magni Gonsalui arbitrio salutem & libertatem permiserunt de clementia confisi. Primus in oppidum Martinus Gomerius centurio vulnere quamuis accepto irrupit, Turcis etiam ex aditu quem obsepserant deiectis. Ea insula superiori tempore in Leonardi Tocci græci reguli ditione fuerat. Huius fratri Veneti detractam

50 tradiderunt Turcis. De illis nunc captam Magnus Gonsalvus Venetis restituit, magnum ea moderatione ab animi magnitudine decus omnium prædicatione & fama consecutus. Et alioqui commodissima Venetis classibus ea statio erat præsertim post Methonem amissam, Hispanico imperio ob longitudinem parum commoda possessio. Sic classis Hispanica ex ea insula dubio cœlo profecta sæuaque tempestate disiecta, incolumis tamen Syracusas tenuit extremam Siciliæ ad ortum urbem gemino portu & vetusta imprimis nobilitate præclaram. In Siciliam Veneti Magno Gonsaluo miserunt, qui sitæ ciuitatis ius darent, donaque offerrent vasa argento grauiam vestemque pretiosam nauatæ operæ & impensi beneficii monumentum. Ille Veneti modo cuius honore

contentus cætera ad suum Regem in Hispaniam remisit cum elegantibus litteris; & erat natura acutus & falsus. Hæc omnia ipso tempore gerebantur, quo Valentinus Dux post casum immaniter Viselium sororium suum Romæ repetito bello Flaminie vrbes carpere non desitebat. Pisaurum & Ariminum ne tentata quidem defensione portas aperuerunt. Impotentis hominis iracundia timebatur. Fauentia tamen diu resistit ope Ioannis Bentiuolii freta Bononiam ditioe obtinentis. Hostem præualidum externo bello distingere pars consilii quietisque erat. Præterea ipso anno pontificia sententia diuortium confirmatum est: quo Ladislaus Hungarus Rex Beatricem Aragoniam thoro expulerat uxorem quondam Matthiæ decessoris Regis inclyti, Ferdinandi senioris Neapolitani Regis filiam, eoque Catholici Regis propinquam. Secundum Pontificis sententiam Ladislao iuncta connubio est Anna castonis Fuxensis Candalæ reguli filia, neptis Eleonoræ Vasconum Reginæ: quæ Ferdinandi Catholici soror extitit. Sic Hispano nouæ nuptæ maiori auunculo ad aliorum principum affinitates Hungarica porro iis nuptiis accessit.

Lusitani Regis coniugium.

CAPVT VIII.

Quatuor Regi Catholico filiæ fuerant. Isabella natu maior decesserat ex partu, Ioanna & Catharina Austriaco & Anglico Principibus nupserant. Supererat Maria natu minima magnis & ipsa expetita connubiis. Fridericus filio suo Duci Calabriae coniugem dari cupiebat, regni, quod nutare tempestate videbatur, ab ea affinitate stabilitum. Lusitano par votum erat, post vxoris decessum thoro cœlibe, maiores nempe è propinquo ad obtinendum vires. Itaque ea præferebatur conditio, lege propinquitatis soluere id coniugium primoque affinitatis gradu vt iustum esset, ardua plane res erat, neque probabilis exempli. Ipse etiam Pontifex alioqui minime superstitiosus ea venia concedenda sese oppido præbebat difficilem Galli Regis intercessione præcise negans nisi futura ex eo incommoda præstarentur, minæque intentatæ, se vnquam quod petebatur facturum. Multi dies in ea altercatione consumpti. Vt Calabriae Duci Ioanna Regina, quæ Ferdinando secundo Neapolitano Regi fuerat iuncta vxor daretur, Rex Catholicus curabat, in ea prouincia relicta quadringentis aureorum millibus patris testamento dotalibus. Non displicebat ea conditio Friderico Regi, graue ducenti eam pecuniæ summam forori viduæ numerare. Cupiebat tamen inter connubiales leges pacisci vt Rex Catholicus res Neapolitanas in clientelam susciperet in sponsæ gratiam ex sorore natæ. Quod ille detrectabat facere molitionum conscius & particeps id regnū per conditiones diuidendi cum Gallo. Ac vero eo fœdere maturato Friderico quamuis ad id quod ante offerebatur, propenso, simpliciter, coniugiū coire non est passus. Prouisa quæ imminebat tempestate. Fridericus Rex Gallum omni ratione pacare contendebat. Recusabat ille pacem veniamque dare, nisi Caietana arce fidei pignore, filioque Calabriae Duce in galliam amandato, iunctaque eidem connubio germana Narbonensis reguli & Mariæ suæ sororis filia; si conditio non placeret, certe Engolismensis sororem duceret. Præterea decies centum aureorum millia exigebat in præsentī, deinde annua viginti quinque millia lege perpetua. Grande gallicæ amicitiae pretium videlicet ac graue Fridericus recusauit. Atque aliis conditionibus reiectis decies centum millia aureos se datum tamen recipiebat. Sic neque fœdus coiuit, neque vllum eorum coniugiorum coaluit. Pontifex quoque Lusitano sublata mora, affinitatis cum noua sponsa gratiam fecit. Ita Granatæ mense Augusto id coniugium confecit Aluarus Portugalensis pro Lusitano vicarius. Nullis ludis neque illo principali apparatu ea lætitia celebrata tunc est. gemina filiorum Ioannis & Isabellæ funera recurrebant animis. Pridie Idus Septembris in ea quidem vrbe concessum, vt quæ patera Reges biberent. Diuæ Luciæ memoria festo die omnibus annis, ea caderet Moix Marchionibus fidei cultæ difficillimis temporibus monumentum insigne posteritati, quoniam eo die meminerant ab Andrea Cabrera regiam ipsis supellectilem thesaurosque traditos in arcibus Segobien- sibus asseruatos, grande momentum bello ex sententia conficiendo, obtinendo regno vniuerso, de qua possessione cum Lusitanis certabant. Nouam nuptam vsque ad Lusitaniæ fines prosecuti sunt, princeps Dieghus Furtadus Mendoza Hispalensis præsul idem Alexandria Patriarcha Tēdillia Comitē frater, cui tūc purpuræ honos accessit, nomenque Cardinalis Hispaniæ patrui item Petri Cardinalis exemplo. præterea Villenæ Marchio, alique viri principes haud exiguo numero. Accurrit ad Lusitaniæ fines Brigantinus haud

haud obscure quamuis offensus honoribus quos Emanuel Rex in Georgium Ioannis Regis filium cumulabat supra merita supraque ætatem. Duci quin etiam Conimbricensi renunciato uti pater sub mortem mandarat, uxorem Beatricem dedit Aluaro Portugallensi & Philippa Melo natam. Brigantium plerique nobiles Lusitani comitabantur. Ab iis noua nupta excepta est ad tertium decimum Kalendas Nouembris. Rex Salaciæ eius aduentum morabatur, eoque in oppido decimo deinde die nuptiæ celebratæ sunt, ludis omne genus, conuiuiis, ac reliquo omni principali apparatu. Prole numerosa fecundum id coniugium fuit felixq; multis ex eo filiis susceptis, uti suis locis indicabitur. Haud magno interuallo Margarita Austriaca Philiberto Allobrogi iuncta est coniugio haud felici-
 10 ciori quam antea, hoc quoque viro breui extincto Ægypti Sulthanus Regi Catholico iratus erat ex quo tempore Mauros Granatenses bello oppressit. Ex eo periculū ne in Christianos eius imperio subditos Sarracenis confusos conceptam iram effunderet: neque nostris libera facultas esset, ut antea, adeundi Hierosolymā Christi Dei vita & obitu sanctissimam ciuitatem plenam præsentī numine. Lenire animum barbari visum est legato ad eum qui facti causas & ordinem coram explicaret. In eam rem Petrus Martyr Angleria domo Mediolanensis à regis sacris perspecta prudentia vir deligitur. præclare is officio functus, expositisque mandatis, quæcumque voluit, agendi dexteritate ab eo Principe impetrauit. tum iisdem vestigiis se se retulit in Hispaniam anno in ea legatione integro consumpto. Obsequii merces fuit Granatensis decanatus sacerdotium donūque hone-
 20 stum magis quam opimum. In ea vrbe consequentibus annis defunctum, uti ipse testamento sanxerat, in sella amici & familiares composuerunt veste pretiosa indutum, quam Sulthanus dono dederat, sed in sacrae modum conformata. Id virtutis monimentum esto eruditionis, Decades quas de bello Granatensi, de legatione sua, de noui orbis inuentione confecit maiori aliquanto diligentia & fide quam styli felicitate.

Bello Neapolitano designati duces. CAPUT IX.

SVspensis mortales animis toto orbe Christiano expectabant, quid bellici apparatus tanti parituri tandem essent. Aduersus Fridericum Regem, galliæ atque Hispaniæ vi-
 30 res atque in eius perniciem consensu conferri plerique mirabantur, alii non credebant. granata tamen Kalēdis Martii anno Millesimo quingentesimo primo, missi qui magno Gonfaluio sui Regis verbis renunciarent uti ad nouum bellum inchoandum Turcico dimisso continuo se se Messanam referret cum classe. ibi certiora mandata expectaret: & ut maior esset auctoritas paulo post regius vicarius in Apulia & Calabria nōdum domitis est dictus. Aduersus Turcarum conatus tum à Rege Lusitano tum à gallo impetratum Ferdinandi suasu, ut suis classibus Orientis oras tuerentur ab iniuria, ferocienti barbaro frānos iniicerent, ab Italia arcerent. Obtemperauit Lusitanus tum æquitate postulati inuitatus, tum ut focero gratificaretur. Instructæ classi Ioannes Menesius regiæ Magister Tarrocæque Comes delectus, ex itinere Masalquiurum portum in Africæ littore Ora-
 40 no vicinum expugnare tentauit, commercio opportunam & Hispaniæ littorum securitati possessionem. Inde irritō conatu repulsus Corcyramque delatus nullo nauigationis longinquæ pretio se se tandem in Lusitaniam retulit. gallo etsi suam & ipse classem misit Turcici conatus curæ admodum non erant præ studio belli Neapolitani maturandi. Satis per se ad id incitato acres addebant stimulos plerique Neapolitani procures quādo mo extorres, quā infecti partibus. Ludouicus Armeniacus Namursii dux Armeniaci guisæque Comes bello dux à gallo præficitur, Ludouico Lucemburgio Lignio Comite repudiato, qui eum honorem ambiebat obtinēdi Altamuræ principatus spe, quoniam Pyrrhi Baucii neptim ex gisota filia uxorem habebat: cui Ferdinandus senior bello procerum detractum eum principatum Friderico filio dederat quasi Isabellæ minoris Pyrrhi
 50 filia, quam illi iunxit, dotalet. Metus suberat ne ea contentio in prouincia aliquid turbarum daret. Namursius belli quamuis cura suscepta diu substitit in gallia. Festinantibus omnis cunctatio grauis erat. Obenignus Magister equitum dono galli Regis Neapoli antea dictus ex Insucribus ubi erat, cum copiis omnibus mouit, & cum eo gaiaci Comes vir nobilis patria exul. Dum noui belli apparatus sollicitam habent Italiam in Laurentii Suarii locum missus ex Hispania est Franciscus Rogius, qui pro Rege Catholico oratoris partes Romæ impleret, vir eximie sagax & callidus, ad versandos hominum animos arte præditus & ingenio. Apud Imperatorem ab annis superioribus eodem munere legati fungebatur Ioannes Emanuel ardenti vir ingenio & inquieto, alioqui magnis animi & corporis dotibus, facetus natura acutus & perspicax. In gallia Ioannes Michael gralla,

Ioannes Clauerus Neapoli. Acceptis Gonsaluis sui Regis mandatis continuo Messaniam accurrit: unde Panormum cum Ioanne Nufa Sicilia Prorege de noui belli ratione deliberatum, pecuniam in sumptus & militem in supplementum eo adiutore conquistum subsidia omne genus. Intempestiua de potestate inter duos contentio excitata agendi oportunitatem ferme corrumpit. Et est superioris non modo sed etiam consortis impatiens dira dominandi ambitio. Valuit tamen obsequendi regiis mandatis studium. Magnusque Gonsaluis delectu ut tempus dedit, instituto redactaque pecunia aliquanta, Messanam breui recurrit, ubi bellici præcipue apparatus & copiarum erant. Obtinebat is in Apulie parte Garganum Friderici Regis dono operæ præmium datum cum inaugurationis die multos principatus inter belli duces distribuit numerum magnitudine potius quam morum 10 constantia amicos meritis magis quam nactus. Ergo Gonsaluis Focio centurione Neapolim legato necessitatem parendi excusauit, eoque principatu ultro abdicato iurisiurandi gratiam fieri sibi postulauit, & fidei qua ea de causa Friderico erat obstrictus. Dedit Rex quam petebat veniam relicto etiam quem abdicabat principatu cum multo verborum honore, cupere se multo ampliori munere eius promerita compensasse, porro excusationem accipere: tantum ne ex iis arcibus bellum regiis finibus inferret, aut de finitimis prædas ageret, quod erat æquissimum postulatum. Ex hac tamen Gonsalui denunciatione intellexit plane rebus suis exitum instare. Legati præterea ex Hispania monere nullam in Rege Catholico opem rebus fore: Hispaniam in armis esse, bellicis apparatus, equis, militibus omnia perstrepere: quo ii conatus eaque molitiones pertinerent, dubitare neminem. Tum demum quasi ex alto sopore excitatus in omnes partes circumspicere, neque illi consilium vllum, aut quemquam hominum placere. Sic miseri solent. Quid certe faceret? quod captaret consilium infidis prouincialibus, modicis viribus, nulla in externis spe filium Ferdinandum Tarentum ablegauit urbem in extrema Apulia atque Italia ad mare sitam firmam imprimis & validam. Quin & in Apolloniam exaduersum Italiae misisse fama prædicabat, qui Turcarum auxilia aduersus eam tempestatem excitarent, nulla in timore honesti cura. Delectu item habito quantas maximas copias contrahit, octingentos grauis armaturæ equites, pedites quatuor millia. Sed quantum id erat præsidii ad sustentandum Galliarum atque Hispaniarum vires. Imminens cælo clades nulla diligentia moueri potuit. Capuam munire decreuit quasi belli arcem 30 futuram. tuendæ cura Fabricio Columnæ & Hugoni Cardonio cum ducentis cataphractis mille & sexcentis peditibus commendatur. Gonsaluis ut erat sagaci ingenio atque eximie cautus intelligebat plane fœderis nuper icti inter duos Reges conditiones haud fore stabiles. Gallorum ingenium nullis finibus resistere, ne pati quidem consortium regnandi ambitionis malum sæuum & impotens: diuidenda præda magnas futuras difficultates, noua iurgia prouidebat animo. Proinde nihil festinatione salutaris arbitratus, ad id omnes industriæ neruos intendit, ut Gallorum conatus occuparet, efficeretque celeritate ne sibi impedimento esse possent, quo minus partem certe attributam obtineret, de reliquo facturus ut se res darent. Ac primum classis multo maximam partem Apuliarum littora misit Diegho Mendoza ductore Turcas, si id tentarent, Italiae 40 aditu prohibitum. Classis Lusitana ut erat constitutum lenta navigatione prohibita in eam usus non fuit, uti est antea indicatum. Cum classis parte misit Enecum Lupum Aialam Neapolim, qui Ioannam Reginam Neapolitanam in Siciliam abductam belli periculis eximeret. Dedit Fridericus discedendi facultatem non inuitus tamen antea recusarat, eo retento pignore auunculum Regem sibi obstringere scilicet fatagens. Hispanorum copiarum secundum hæc transmissio freto in Italiae littore constituerunt. Eæ erant trecenti cataphracti, totidem leuis armaturæ equites, pedites tria millia octingenti. Ad eum numerum sexcenti Hispani milites accessere, quos Franciscus Rogius legatus Roma subsidio misit, ex iis qui in Flaminia Valentino militabant magno armorum usu. Ex Sicilia præterea quadringenti grauis armaturæ equites 50 indigenarum adiuncti sunt ex vniuersa insula lectissima pubes. His copiis Brutii & Magna Græcia breui in potestatem concesserunt. Præter Giracium & Agathæ fanum firmissimas arces, reliqua Gonsaluo ditionem fecerunt. Messanensi freto superato Hispanicarum copiarum in Italiam traiecerunt postridie Kalendas Iulias, Gallicæ Roma obita ad fines Neapolitanos alia parte tertio post die perueniunt. Omnia iis etiam opinione speque facilia. Quacumque iter erat oppida & vrbes cupidissime aperiebant portas paratæ com meatu, pecunia, & rebus aliis iuuare. Pari animorum consternatione Aprutium, parte Gallici exercitus eo dimissa, in ditionem venit nullo repugnante Gallici imperii iugum subire. Capua præsidii fiducia resistens, quamuis ad motus castris

castris obsessa Gallorum impetum diu frænare potuit: nisi Palenæ Comes eius vr̄bis ciuis Gallis mutata repente fide patefecisset aditum. Ingressi in vr̄bem victores implacabili odio ciues consecrari, diripere opes publicas priuatasque, nihil vsquam secretum aut clausum pati: plenæ cædibus plateæ foraque. Fabricium Columnam, Hugonem, aliosq; duces, qui erant in præsidio, viuos ceperunt. Rei gestæ nuncio ad quartum Kalendas Augusti Nicastri accepto Gonsaluus excitus Consentia arcem expugnat magna velocitate; eique vr̄bi Ludouicum Mudarram præficit, Aieli Comitem fidum expertus prouinciæ vniuersæ pro se vicarium magno rerum vsu virum industriaque. Ipse in Apulos proficisci destinabat cupiens ea quoque prouincia potiri priusquam à Gallis Neapolis esset capta. 10
Eo ventum & imperata cæteræ vr̄bes & arces eo tractu continuo fecerunt deditionis celeritate certantes Regis Catholici ac Hispani ducis gratiam aucupari per eum modum satagentes. Tarentum restitit ducis Calabriae præsentia & præsidii virtute, suaque munitione confisa. Ad motis copiis obsidere & vim admouere visum est. Interea Galli vr̄bi Neapoli imminere tum suis viribus tum Valentini ope: qui Fauentia in Flaminia atq; in Hettruria Plombino captis Regi Gallo operâ in eo bello nauaturus citus aduenerat, tum propensa in eam gentem voluntate vt se Cæsarem Borgiam è Gallia diceret, gentilicii clypei præcipuam partem lilia, Gallorum Regum insignia distinguarent, concepti in Hispanos odii clarum ab vtraque re argumentum. Sic mores erant: vnde status aliquis fauoris ostendebatur, eo vela dandi destinata voluntas. Neapolis defensione desperata in tanta 20
gentis consternatione tam lubrica fide, Fridericus non iam præsidium rebus, sed belli causa cum Gallis ducibus pepigit Iulio mense extremo, vt vr̄be cum arcibus dedita & sexaginta aureorum millibus in belli sumptus numeratis, ipsi in Ænariam discedendi cum thesauris reliquis, regiæ cultu & familia vniuersa facultas esset, intra sex menses inde quocumque gentium vellet ituro. Facto fœdere discessit pullo amictu mœsta circum familia in eam insulam cum vxore & filiis. Regina Hungariæ, Isabellaque Ioanni Galeacio vero duci Mediolanensi nupta secutæ sunt. Neque erat quisquam adeo saxeus quem non commoueret ille aspectus. Opulenti regni dominum, relicta fortunæ suæ sede, per medios populares exire de vr̄be in exilium. Eodem confluxerunt tum Prosper Columna tum Fabricius pecunia iam liber quem stantem secuti erant, eidem deiecto adhærere decre- 30
uere, rerum commutationem breui futuram suspicantes. Deseruere alii proceres. Rebus prosperis certaturi ad obsequium prostrati fortunam detrectabant. Neapoli subdita ac vero reliquis prouinciis in fœdere designatis momento domitis, Galli ad reliqua & non concessa aspirare. Militares animos frænare quis possit? imperandi ambitionem quæuis intra modestiæ fines coerceat? In Castella Mariam Paciecam Beneuenti Comitem inter & Alonsum Pimentelium eius filium magnæ controuersiæ extiterant de tutela & coniugio neptis Mariæ Comitio, cui Villafrancæ iure paterno principatus obuenerat. Id coniugium Infantatus & Albæ Duces ambiebant filiis suis opima illecti dote, tum Alonsus ipse virginis auunculus Beneuenti Comes sibi. Vicit in contentione tandem Albanus. Si 40
Beatrix virginis eius matertera Garfiæ Ducis maiori filio nuberet, datum vt ea virgo Petro Toletio iungeretur Garfiæ minori fratri sic est factum. Petrum nostra ætas vidit eximium bello paceq; virum, sanguinem cum magnis Principibus miscuisse, posteris ex eo coniugio tum Villafrancæ Marchionibus tum Florentiæ Ducibus.

Neapolitani regni descriptio. CAPVT X.

Capta Neapoli continuo nouæ cōtrouersiæ inter victores extiterunt, aliæ ex aliis nexæ: vti erat necesse inter Gallos & Hispanos moribus, ingenio, & institutis discrepantes vel maxime nationes, & tunc ob recentem victoriam maiori quam antea insolentia. De summa initio nulla extitit controuersia. De quibusdam modo parti regni prouinciis 50
disceptatio suscepta non expressis in superiori fœdere, quæ quib. attribui deberent. Eæ erant Basilicata veterib. Lucania, Capitinata atque Principatus tū Citerior tum Vltior. Galli pro innata ingeniis confidentia ne appellatis quidem confœderatis Capacii filium miserunt, qui in ditione, Lucaniæ parte populares in Galli Regis verba sacramēto adigeret. De Amalfitano principatu, qui in eadem prouincia est, cum eo principe trāssegere inscio Gonsaluo. ab ipso quin etiam Rege Gallo Ioāni Iacobo Triuultio ante donata ea ditione fuerat anticipata quasi de suo munificētia, vnde noua iurgia extarent. Ad hæc nōnulli proceres, quos Reges Neapolitani iunctos tenebant, libertati redditi, atq; in eo numero Ioannes Baptista Martianus quadraginta ferme annorum vinculis non domita, sed irritata ferocia, Rosanum in Magna Græcia occupare tētauit paternæ olim ditionis opimum

principatum. Simili exemplo Ludouicus Arsius è præcipuis Gallorum ducibus, Ludouici Lucemburgii nomine & auctoritate Altamuram in Apulia armis præfidiisque occupauit. Quod quid erat aliud quam cuncta sibi arrogare, vna summis miscere, socios contemnere, vnde nouorum bellorum occasio & materia existeret: Nondum tamē tantis quamuis iniuriis violato fœdere ab Hispano expediebantur arma. Concordiæ viam prius tentare placuit. Appellati de ea re primum Obenignus, deinde Mamursius qui cōfecto tandem bello captaque Neapoli in prouinciā appulerat belli & pacis de cætero arbiter. Ne in prouinciis iuris minime controuersi alterutri quidquam in alteros mouerent, neq; sibi auctoritatem arrogarent consensu decretum. De quibus lis erat, donec consulti Reges quid placeret, certe delecti consensu arbitri pronunciarent, quæcumque oppida Gallica vexilla explicarent, iis Hispanica porro adiungerent, tantundem è contrario facerēt Hispani, commodum temperamentum, si verbis & pollicitis responderent facta; & quod de vectigalib. annuis & forma regiminis in eam sententiam pari moderatione sanxerūt, diu tenuisset. Verum maior lux erit rebus, faciliusq; intelligetur vtra partium certiori iure niteretur, si hoc loco Neapolitani regni forma partesque eius summa explicata ob oculos fuerint posita. Extremam Italiam, quæ à saltu Terracinenſi Pontiniſq; paludib. per Volſcorum fines Sabinorum & Marſorum montes per Furconenſes & Ferentanos in Picenum ad ostia Truenti pertinet, supero atq; infero mari circumfluis diu Neapolitani Reges imperio tenuerunt. Perpetuis iugis sicuti reliqua Italia Apenini montes vniuerſa prouincia dirimitur: qui mons ab Alpib. diductus progreditur arduus plerumq; mollior aliquando, vsq; ad Magnæ Græciæ finem: desinitq; in Armorum promontorium. Ambitus totius regni mari terraq; milliaria numerat mille quingenta sexaginta octo. Adeuntib. eā prouinciā ad eius montis dextram Campania primum occurrit à Leboriis olim populis habitatus tractus, vnde nomen hodie quoq; Præcipuæ ea parte vrbes Caieta, Nola, Capua, ipsaq; Neapolis regni caput. Vetus quidem Cāpania olim præterea continebat quidquid terrarum à Terracinenſi saltu ad Tiberim pertinet Pontificiæ nunc ditionis regionem gemina appellatione: nam quæ pars ad mare vergit Maritima seu Maremma dicitur, interiora Prænestinum post agrum vsq; ad Aquinates fines Campaniæ vsq; dum nomen retinent. Ad sinistram Aprutium est multos ex antiquis populis complexu coercens, nempe Sabinos vbi Asculum erat Piceni etiam pars. Marrucinos, vbi Theate nunc cernitur. In Vestinis Aquila numeratur, in Pelignis Sulmo vetustior. In Marſis Talliacotium & lacus Fucinus, Samnitum etiam pars: ad eandem prouinciā pertinet vsq; ad Campaniæ fines, ad quam pars altera Samnitum spectat inter Austrum & occasum fusa, ac fere quib. nunc locis Beneuentum cernitur. Recentiori memoria Aprutium in citerius vltcriusque Aterno amne seu Piscaria interfluente dirimitur. Atq; hæ duæ prouinciæ Campania & Aprutium in fœdere, Gallis sunt contributæ. Vtra Aprutium in eodem latere Apulia iacet trifariam vulgo diuisa in Capitinatam, vbi mons Garganus assurgit, & Barensem tractum Trano & Monopoli quæ ex veteris Egnatiæ ruinis creuit, vrbibus insignem: atq; Hidruntis territorium Brundisio Tarentum pertinens vrbē in extrema Italia mari imminentem loco & operib. munitam ad Magnæ Græciæ fines austrum inter & ortum sitā. Supra Neapolim exaduersum Apuliæ principatus consequitur olim Picētini Salerno prouinciæ capite. Basilicata deinde quæ magna ex parte Lucania veterib. fuit, montes tenet, quib. ab Apulis dirimuntur. Brutii ad mare inferum vergentes Cosentia vrbe primaria & ad Messanenſe fretum Rhegium vrbs sua antiquitate quam ciuium frequentia aut elegātia operum hac certe tempestate nobilior. Interiora Magna Græcia tenet Rosano & Catanciano aliſq; oppidis insignis. Brutios & Magnā Græciam vno Calabriæ nomine vulgus loquētium comprehendit. Et Calabria quidem Apuliaq; absq; controuersia Hispaniæ ditioni relinquebantur. De principatu dubitari poterat ad vtros iure pertineret. Nam qui Calabriæ finib. eum tractum comprehendebant, passim refellebantur. Tantundem de Basilicata statui potest: tamenſi non deerant, qui quod in montib. sita sit, negarent ſeiungi ab aliis prouinciis debere, sed qua parte ortum spectat ad Apuliæ qua occasum ad Brutiorum seu Calabriæ fines pertinere: Itaq; à Regib. vt duas eas prouincias rursus ex æquo diuiderent facile admittebatur. Maior de Capitinata supererat lis quippe prouentu præ cæteris celebri. A Frentone ea pars, quod nunc flumen Fertorium est, Aprutii finis, ad Aufidum extenditur. In ea Manfredonia olim Sipontus dicta, Garganus & Troia viſuntur. Atq; id Capitinatæ nomen tractui adhæsit, ex quo tempore Græcis ea Italiæ pars subdita erat, ad hanc aratem retentum. A Præfecto, qui Catapan vocabatur, regio Catapaniata primū dicta est. Inde vero Capitinatæ nomen paucis commutatis litteris, tum Capitanei vox fluxit prætorem vrbis vulgo in Italia, sed & ordinum in bello ductorem significans. Et quidem

dem Apuliæ finibus eam regionem comprehendi, satis indicat mons Garganus in Apulia à Ptolemæo quidem collocatus. Frenoque fluuius à plerisque Aprutii & Apuliæ communis terminus designatus. Recentiores quoque Capitinatam Apulis annumerant. certe ea parte vectigal è pecoribus Apuliæ exigì solet magni proventus ac quo nullum est optimum magis iis Regibus vectigal. Furor erat tantis præsidiiis fultam munitamque sententiam velle contumacia euertere. Verum de re tota cuique liberum esto iudiciũ. Quod ad rem præsentem attinet, ex eo plane arrepta occasione Hispani Galliue inter se distinxere arma, marte arbitro dirimere litem destinantes, quando Reges quamuis de ea re sæpe appellati statuere quid certi eatenus noluerant, viribus crèdo pro se quisque confisi aduersus æmuli potentiam. Propius vero parte contempta vniuersum regnum uterque spe & cupiditate erat complexus. Et sordent concessa, cum noua speramus. vitium id mortalitatis. Verum ad hæc loco competenti oratio recurret. Nunc Fridericus Rex ex Ænaria insula, in quam per conditiones traiecerat, Regi Catholico infensus maxime à quo se euersum videbat, nullo propinquitatis respectu, in Galliam concedere constituit triginta annua Francorum millia ab eo Rege in alimenta pactus, vnde vitam calamitosam toleraret in exilio. Ergo cum vxore & liberis eo contendit. Beatrix soror Hungariæ Regina restitit in ea insula: vnde breui in Siciliam discessit. Isabella fratris filia Ioannis Galeacii antea coniux & ipsa Barim se contulit Apuliæ urbem. Miserum Aragoniæ familiæ naufragium & ruina regiæ in varias partes & quasi fragmenta dissiliens. Galli se fidei
 20 Fridericus credebat: simul cum Philippo Austriaco magna contentione agebatur, ut quam primum in Hispaniam ipse & vxor venirent sacramentum, ut sit, a populis accepturi tantorum regnorum hæredes post facta parentum fore. Noua prole hoc anno actum, cui Isabella nomen, prouidus focer in Hispaniam abstrahere cupiebat prouinciæ moribus, lingua institutisque imbuendum, vitia correcturum, quæ ætatis imprudentia, & aulicorum præpostero obsequio & adulatione generosam alioqui indolem deprauasse cognouerat. Illis Belgica licentia assuetis & principis facilitate ad sua commoda abutentibus graue erat in Hispaniam venire, focer cautus & callidus verentibus ne principis liberati suisque cupiditatibus agendi dexteritate & auctoritate paterna frænos iniceret. Ioannes quidem Fonseca Cordubensis Episcopus Regi à sacris notæ prudentiæ vi
 30 in Belgas propterea legatus profectionem virgere non desisteat importunus exactor. Rex item Gallus quod erat futurum prouidens, ut per Galliam iter faceret omnino suadere institit. Quod factum est tandem. Sed & ex Hispania classe ad Brigantinum portum parata Catharina regia puella in Angliam ad pactas antea nuptias discessit. Grana-
 ta, ubi tum parentes agebant, profecta multis iter prosequentibus ad octauum Kalendas Septembris è portu soluit. Alfonsus Fonseca Compostellanus præsul, Egabri Comes cum vxore & pleraque nobilitate sponsam in Angliam ægre quamuis deduxere. Tranquillo profectos mari repente exorta vis ventorum tempestasque distulit. Pars nauium ad Angliæ littora appulerunt; plurimæ in Lauretanum se portum intulere. Inde sedata procella postridie Kalendas Septembris explicatis denuo velis in Angliam secun-
 40 da nauigatione peruenerunt. Nuptiæ virginis & Arturi sponsi continuo principali apparatu celebratæ sunt, lætitia haud diuturna. Quantæ te miseriæ manent innocens puella vnus ob væcordiam impotentis viri sui minime compotis? Ipso mense agente Regina Isabella Beatrix Castria Lemosii Comitis filia & hæres futura nupsit Dionysio Iacobi Brigantini filio à Ioanne Lusitano Rege perempti. Puellæ Patri Sarria, Castrum, atque Oterum iuris controuersi oppida abs Regib. dono data quasi in partem dotis, atque in coniugii gratiam. Tridenti vrbe in faucibus Alpium sita, qua montes inter se coeunt, Casarem inter præsentem & Gallum Regem misso ea causa legato pax facta ea potissimum lege est, ut Carolo Philippi Belgæ filio Claudia nuberet Galli maior filia: quod sæpe coniugium retractatum nunquam coaluit.

Philippi Belgæ aduentus in Hispaniam.

CAPVT XI.

CLasses è Lusitania & Gallia auctore Rege Catholico Venetis contra Turcas auxiliares missæ nullo operæpretio sese retro retulerunt, uti paulo ante est indicatum de Lusitania quid gesserit. Gallica Chium delata Genuensis tum ditionis insulam spatiis angustam, prouentu masticis celebrem, impedito tantum vectigali, quod Turcis pendere consueuerant, cætera peste, tempestatibus, hostium incurſu

consumpta, milites vix mille superstites in Apuliam vicinam appulsi Gonsalvi iussu benigne accepti atque habiti sunt. Erga afflictos misericordia valuit, & societatis nondum plane disturbata memoria. Veneti quoque in hiberna receperunt quinque & viginti triremes haud satis instructi bello defendendo aduersus Turcarum arma. Rem periculi proximam cœlites sunt tutati nulla Turcica classe hoc anno è naualibus in piorum perniciem educta. Alioqui aduersus eam potentiam parum præsidii in piorum viribus bello inter se districtis nostrorumque comparatione fuisset. In Castella à Regibus edicto sancitum Mauros tota prouincia ac in Bética præsertim cum piis confuso nullo non commercii genere Mudegiarum vulgo dictos nisi Christo darent nomina Christiana religione suscepta, finibus certe intra diem certum discederent. Belli præterea ciuilis metus ostentati magno prouincialium motu, nisi mature esset occursum nascenti malo. Ludouicus Cerda Medinæ Celinæ dux sub mortem concubinam duxit, Ioānem filium ex ea susceptum stupro iure legitimo hæredem principatus destinans. Ægre id tulit Enecus Cerda ducis fratris post fata eam hæreditatem spe & cupiditate complexus. Eneci filio Ludouico nupserat filia ducis Infantatus. Obstinatus est animus quem ingentes spes deuouerunt. Generi iuraret armis tueretur focer opibus & clientelis validus, collectis raptim copiis Cogolludium obsedit, id oppidum & vero reliquam defuncti Ducis ditionem armis præsidiiisque occupaturus, quoniam legibus non fidebat. Verum à Rege monitus ne regnum importune turbaret, neque vim potius quam iuris certamen quæreretur, necessaria re atque si pergeret, maioris mali metu militares copias dimisit. Sic Ioannes absque controuersia paterno principatu potitus est, propriumque posteris reliquit. Iis sedatis motibus ac vniuersa prouincia graui sollicitudine erepta, nunciatum est Philippum Belgam & uxorem itinere per Galliam arrepto festinare: prope diemque ad fines Hispaniæ affore. Magni honores toto itinere venientibus sunt habiti, festi vbique dies omni iucunditate agitati. Ac Lutetiæ præsertim ludi omne genus & spectacula ad eorum Principum aduentum Galli iussu sunt instituta. In ea vrbe sancita antea ad Tridentum pax inter eos Principes, ab utroque noua sacramenti religione & execrationibus confirmata est. Ac Belga omnibus actionibus & cæremoniis se Flandriæ nomine Galli beneficiarium gentis instituto exhibere non recusauit. Vxor cautior patriæ dignitatis memor nulla re priores Gallo partes concedere visa est. Ex ea vrbe digressi per Aurelianenses, Pictones & Aquitaniam, Fonterrabiam tandem in extrema Hispania perueniunt ad quartum Kalendas Februarii salutis anno Millesimo quingentesimo secundo. In eo oppido præsto fuere à Regibus destinati Magister equitum Castellæ Anagari dux cum filio Treuigni Comite, præterea Castellæ Promagister Guterrius Cardenas. Quo maior lætitia esset soluti cultus antea præscripti legibus prouinciales, ut bombycina veste vterentur ac vero versicolore, sunt ultro nouo edicto inuitati. Veteris gentis modestiæ id argumentum esto, & quantum ab antiquo mores in Hispania mutarint. Huius anni principio Lucretia Borgia Alfonso Atestino nupsit Herculis ducis Ferrariensis filio maiori. Dos dicta centum millia auri, & aliquot oppida in agro Bononiensi, præterea tributum annui, quod ii Duces quasi beneficiarii pendere consueuerant ecclesiæ Romanæ in dotis partem, gratia facta est. Vnde nouæ controuersiæ extarent. E Fonterrabia Principes Burgis Vallisoletto, Medinaque Campestris obitis superatisque Segobienensibus montibus, quæ utraque Castella dirimitur, Madritum tandem peruenire. Reges Granata obuiam genero & filiæ profecti per Vectones Guadalupeum fanum petiuerunt. Eo loco duci Valentino Adriam urbem principis nomine aliaque oppida Neapolitanæ ditionis dederunt. Nihil immodicum videbatur tunc homine vasto & immodico promerendo. Actum porro ut à Catholico Galloque Regibus idonea vectigalia designarentur, unde Fridericus Rex & filius vitam & aulæ cultum sustentarent in exilio. Secundum hæc Toletum ventum ad decimum Kalendas Maias. Eodem Principes appulerunt ineunte eo mense serius aliquanto quam vellent propter valetudinem Philippi Principis ad Oliam vicum aliquot dies decumbentis. insolitum cœlum, noui ciborum succi, potus indulgentia conciliauerat morbum. Magno in eam urbem excepti sunt plausu apparatuque incredibili: mox rebus ex sententia constitutis sacramentum in eorum verba Rege coram & Regina sine mora atque difficultate dixere ad vndecimum Kalendas Iunii, primi Dieghus Mendoza Cardinalis, Toletanus Archiepiscopus, multi alii antistites. Inde Bernardinus Velasus Magister equitum. Alburquerque Infantatus, Albæ, Begiarisque duces, Villenæ Marchio, magno numero procures luxu & familiæ splendore certantes. Cautum ut hæreditate suscepta genti ex suis legibus iura darent, mutandi ex antiquo nulla facultas esset. Aduentu tantorum principum Hispania læta, vrbes & oppida ludis & festa hilaritate personabant: cū in Anglia verissimis lachrymis Ar-

Mis Arturi principis obitus lugebatur in flore ætatis extincti, vix delibatis primis coniugii recentis gaudiis vxore virgine quamuis quinto ante mense confectis nuptiis. Sic fama vulgavit, & idonei auctores testantur; ob Principis ætatem probabilis, nati quatuordecim tantum annos, ea imbecillitate corporis vt libidinis magis audus esse videretur quam potens. Continuo tamen abs Regibus Catholicis missus est in Angliam, qui luctu eum Regem ob amissum filium leuaret. Simul de Catharina principe vidua superstiti filio iungenda ageretur. Verum Rex ille neque dotem restituere, neque expedire quod expetebatur coniugium infelix scilicet & infaustum. Nec bonis æternis fruitur, nec malis perpetuo ingemiscit natura mortalium, tristibus læta miscentur. Molestiam quidem ex iis rebus conceptam mitigauit, tum Philippi Principis præsentia, tum partus Mariæ Reginae Lusitaniæ filium in spem paterni regni enixæ Olisipone pridie Nonas Iulii, cui Ioanni nomen fuit accedentibus annis studio religionis amplificandæ, cultuque bonarum artium atque imperii moderatione eximium Principem sua ætate, atque præstantem in paucis Regem futurum.

Dux Calabria in Hispaniam missus.

CAPVT XII.

Assidebat Tarento Gonsaluus cum copiis, vt dictum est, in magna spe Ferdinandi Ducis Calabria, qui intra eam urbem erat, ad pacis condiciones perducendi. Ita quodie ad eam urbem Hispanorum castra sunt posita de fœdere continuo agi cœpit. Dum conueniunt de conditionibus, interprete Octauiano Sanctio inducias duorum mensium sanciri placuit; nouari interea nihil donec Fridericus Rex per legatos consultus, quid sue esset voluntatis significaret. Ad designatum tempus nullum ab eo Rege responsum venit. Rebus desperatis mens quoque & consilium miseros destituit. Inducias tamen iisdem conditionibus ad finem superioris anni ampliari datum est. Exiuit annus, neque a Friderico certi quidquam in rem afferebatur. In duos denuo menses induciæ sunt prorogatae, vrbe penes sequestrum Bindum Ptolemæum Regis Catholici subditum multis in rebus spectatæ fidei virum, ea lege vti eo decurso tempore eam in potestatem Gonsalui traderet. Duci tamen Calabria discedendi quo vellet, libera esset, regiæ cultum & familiam secum efferendi potestas. Sic Tarenti res erant. Giracii arx duodecim à littore milibus deditionem Hispano fecit. Simul Salernitanus ad Gonsaluum venit præcipua belli vniuersi fax. vt sibi ex Bisiniano paterni principatus restituerentur offensas priores nouis officiis compensaturis postulabat in timore largus promissis. Petebat præterea Lauriæ ditionem adiici & quinque aureorum millia annua, quæ maioribus suis priores Reges honorarii nomine pendere consueuerant, ingens videlicet nouæ amicitia, pretium animi non satis pacati domitique malis haud dubium argumentum. Itaque re infecta discessit. Meliori fide procures plerique Fridericum Regem in Ænariam secuti quasi diminutione capitis sacramenti religione soluti sese ad Gonsaluum contulere, grande momentum ad bellum ex sententia conficiendum. Ille benigne acceptos in præcipuo etiam honore apud se habuit, eos maxime quos rebus gerendis belloque defendendo idoneos maxime arbitratus est: ac imprimis Columnios Prosperum ac Fabricium omni comitate est complexus ne ad Venetos se conferrent, à quibus magnis præmiis annuoque stipendio inuitari habebat exploratum. Magnarum rerum fundamenta ponebantur. Nam Dieghus Mendoza atque Enecus Aiala Manfredoniam seu Sipontum urbem assidendo in potestatem redegerunt. Præfectus quoque arcis Friderici Regis nomine, ad deditionem perductus est, tamen si Alegrius Iuo cum copiis obsessis opitulatum accurrerat. Ad extremum vrbs Tarentum vti constituerant, dedita Gonsaluo est, deditæ arces. Dux Calabria concessa eundi quo vellet facultate, Barim urbem migravit in fide quidem paterna eatenus perstantem, haud firmam tamen aut mœnibus aut arce, neque diu, si vis admoueretur, sustentaturam. In ea vrbe tamen fera licet mandata à patre expectare voluit, à cuius voluntate discedere, atque priuatim pacisci cum Hispano nefas iudicabat. Gonsaluus cupiebat apprimè facili & minime malè iuuenem indole cum Rege suo conciliare, ne in Galliam patris exemplo profecto in posterum aliquid barbarum existeret ea causa, haud ignarus sæpe ex parua scintilla magnum excitari incendium, nihil in bello negligendum. Agebatur de fœdere triginta aureorum millia annua qua in regno Neapolitano, qua in Hispania oblata sunt ditione data vnde ea summa proueniret, eiectione haud contemnenda conditio. Neque illi displicebat, si modo patri probaret, & verbis responderent facta. Isabella patruielis ne cum amita Hungariæ Regina in Siciliam, quo inuitabatur iret, in eam Apuliæ urbem delata monendo suaserit, vt litteras sua manu conscriptas ad Gonsaluum daret

quibus rogabat, ut nullo libertatis pactæ respectu, quando pater quod ipsi erat commodum negligere, alioquerendere videretur, eum ad Regem Catholicum amandare non dubitaret. Hanc sui animi destinatam sententiam esse patris quamuis reuerentia id nollet in vulgus prodire. Quæ si vera fama fuit siue conficta, certe non videtur diu in eo proposito perstitisse, ætatis inconstantia, mentis imbecillitas varia & sibi contraria subiiciebat menti. Et quis est cuius animus in rebus asperis non vacillet? Friderici patris voluntas eum ad se euocantis retardabat, Gonsaluum adeo conuitio monentis uti memor fidei datæ, memor nobilitatis eum liberum, uti erat pollicitus, dimitteret. Verum is custodiis circumdederat ne iniussu quoquam discederet, ea diligentia, ut liber quamuis per Apuliæ oppida discursus esset, vix sine arbitris daretur ad venationem egredi. Eum tamē pro- 10 merendi cura Regis Catholici nomine denuo coniugium offerebatur, cum Ioāna Neapolitana vidua ex Regis Catholici sorore nata, aut cum filia eius Catharina Arturi Vualliæ principis item vidua, conditiones honestissimæ, voto speque maiores: quando rebus perditis dabatur, quod integris vix speraret. An ludus erat iuuenem vanis promissis lactabant. Ioannes Gueuara Potentiæ Comes pro ea gratia & auctoritate, qua valebat maxime, incauti Principis animum in quam volebat partem versabat. Summâ. Duci persuasum tandem effectumque prorsus uti Tarentum rediret. Inde in Hispaniam mitti consultum fore visum est. Ad id delecta triremis: ac Ioannes Concillius qui præesset missus cum mandatis daret operam ne qua arte is Princeps euaderet, quâ celerrime nauigationem conficeret. Coram facilius de re tota & conuentionis conditionibus conuenturos 20 disputabant. Accommodatis blandimētis rati iuuenis animum victum in fide atque officio erga Catholicos Reges propinquos & necessarios fore constantē. Id velamen obtendebatur, ea species pollicitis haud satis sincera fide seruatis. In bello promissorum constantiam quis requirat? an in re militari tantum & non etiam inter Principes in pace, præsertim cum de imperio proferendo aut conseruando quacumque ratione agitur? Quæ magna peruersitas est: sed tanti libido dominandi.

Belli Neapolitani initia. CAPVT XIII.

Nondum de regno Neapolitano Galli & Hispani inter se mouebant arma. Duces tan- 30 tum utriusque gentis cum suis Regibus de ratione componendi controuersias consultabant. Vtrique inter metum & spem variabant. Fidentiores Galli læta bello gens. Sed est nemo tam promptus ad arma, qui non quietem pari pretio potius amet. A Rege Gallo Corconius ea de re legatus in Hispaniam paulo ante quam Philippo Belgæ sacramentum diceretur, Toletum appulit. Legationis summa erat. Prouincias Gallo in Neapolitano regno attributas annuis vectigalibus inferiores esse iis quas Hispanus occupauit. Pro- uentu, uti æquum erat, & initæ amicitiae leges postulabant, exequando Capitinata Gallis relinqueretur. Ad hæc Rex Catholicus: si factæ diuisionis Gallum pœniteret permutatio- nem se prouinciarum minime recusare, copiis quas prædicabat maiores esse, se volente frueretur. Si ea conditio non placeret, certe diuisis principatu & Lucania æqua fieret 40 compensatio. Capitinatam Apuliæ opimum tractum intercipere neque ius neque fas esse. Nisi hæc placerent, pacis studio tamen controuersiam omnem Pontificis & Cardinalium arbitrio se libenter permissurum. Harum conditionum nulla placebat Gallo: multo minus prouinciarum commutationem fieri, ne vrbe Neapoli decederet regioque titulo eius urbis atque Hierosolymæ per cōditiones fœderis dato, in quo dignitas erat prouentu potior. Ventum ad minas, facturos Hispanos vi quod voluntate recusarent. Itaque die quodam Hispanis legatis coram Gallo affirmantibus à Rege suo nullam sanciti fœderis conditionem violatam integra fide minuta quæque religiose seruasse: Gallus respondit tantundem præstitisse se: si quis contra affirmaret nō recusare cum Rege Catholico singulari certamine ac ne cum Rege quidem Romanorum tueri dignitatem. Ad hæc Gralla suum Regem iustissimum principem esse ait ut si quis in toto vrbe terrarum, si res exi- 50 geret, non recusaturum martis arbitrio litem permittere armisque tueri innocentiam à cuiuscumque calumnia. Verum subdit Gallus, Rex Hispanus me maior esse non debet. Ne ipse quidem meo Rege priores tibi arrogare Gralla addidit. Neque dubium est Regis Catholici animum ad pacem quam ad arma procliuem magis fuisse, Gonsaluum per litteras monuisse ac vero pro imperio mandasse, uti in vnam curam pacis incumberet, ne ue arma sumeret nisi necessario. Gratius id fore, quam si bello vniuersum regnum subditum daret. Belli prima fundamenta præter alia minora Alegrius posuit, quo tempore Manfredoniam seu Sipontum Hispanorum obsidione liberare aggressus est, uti est superius

rius indicatum. Et quo minor excusatio esset, notius quo tenderent, Gonsaluo ad Tarenti mœnia assidente districtoque ea obsidione, Galli Troiam Capitinatæ urbem aliaque circum oppida armis occuparunt. Missi, qui iure fœciali ablata repeterent, obtestarentur que ne importuno conatu pacta conuenta disturbarent, cuius è vestigio pœniteret. Nihil tamen ea diligentia est impetratum. Tantum ne ulterius armatis progredi esset necesse duo duces uti colloqueretur est decretum. Sic Gonsalvus rebus Tarenti constitutis Atellam venit Amalfim Namursius Lucaniæ oppida. Medio interuallo Antonii nomine facellum est: quod colloquio idoneum utrique iudicarunt. In eo facello de controuersis Leguleii ab utraq; parte delecti multis verbis ac clamore prope concionali disceptarunt, ¹⁰ non argumentis & ratione, sed conuitio & lingue petulantia, fructu præterea nullo. Conqueriebantur Galli Hispanis attributas prouincias septuaginta millia aureos quotannis reddere amplius quam Gallicæ. Compensationem vectigalium fieri æquum videri. Resistere Hispani ac restitui Capitinatam, qua erant iniuria pulsi imprimis postulare, id iure communi sanctum esse, priuato haud aduersum: ubi in eo satis factum esset, de exæquatione vectigaliū minime recusare. Re infecta è colloquio discessum. Duces tamē inter se verborum honore certarunt, quanto magis falsa erant, quæ fiebant, quæque dicebantur omnia, dissimulatione maiori, & accuratiore comitate. Desperata ex eo concordia ad arma vimque ventum est. Quo in statu res essent, utrique suis regibus significarunt per litteras. Necessaria resumī arma. si bellum ex sententia confici vellent, milite & pecunia iuuarent. Simul Gonsalvus propter annonæ difficultatem iis locis grauē, copiarum partem in Principatus oppida dimisit. Dux Scalada cum cohorte peculiari Atripaldam, pulsus Gallis qui in eo oppido erant in eo tractu occupauit triginta millibus ab vrbe Neapoli. Tantundem de aliis oppidis finitimis fecerunt alij Hispani cēturiones. Ad hæc Galli fremere, Hispanorum vœcordiam accusare in circulis, & per litteras ad Regem suū. Comotus ille eo nuncio quæcumque Hispanorum in Gallia bona & merces repente fisco addici mandauit. Erat iniquum neque denunciato voce præconis bello, neque præfinito, ut fit, ad discessum ex prouincia die raptim inuolare in hospites, rem familiarem detrahare. Sed tanti iracundia fuit consilio inimica atque æquitati. Rex Catholicus contra monere suos ut Gallos quacumque ratione placarent relictis etiam oppidis quæ ³⁰ in Capitinata ii cœperant, prouinciæ profecto maiorem partem. Pacis enim uero studio flagrabat, exhorrebat arma. Rursus ergo duces si qua se via pacis daret, in D. Antonii facellum cōuenere. Designati ab utraque parte viri diuisione instaurata prorsus ex Gallorum commodo & voluntate Lucanos, Principatum & quod erat caput, Capitinatam ex æquo partiti sunt. Gallos modo pacarent & promerentur, nihil tunc nimium videbatur. Venere interea ex gallia mille Heluetii, ducenti grauis armaturæ equites pecuniæ in stipendium affatim. Eo subsidio Galli confirmati rupere moras. Venusiam in Apulia occuparunt, urbem dedente Petro Nauarro militum qui in præsidio erant, suasu & obtestatione quoniam sustentare posse non sperabant. Quaratam eodem impetu ceperūt Camilli item Carraccioli deditione. Vtrumque oppidum duodecim passuum ⁴⁰ millibus Barletta distat, ubi forte Gonsalvus statiuatunc habebat cum multo maxima copiarum parte. Viselis, Altamuræ principatus nobile oppidum ad gallos defecit ultro. Atque nostrarum triremium accursu receptum breui superuenientes galli pulsus Hispanis suæ ditionis rursus fecerunt. Grauis ignominia visa est neque dissimulanda contumelia. Æstas erat in præcipiti, Gallique qui Quaratæ morabantur aquæ penuria, annonæ difficultate laborabant in seffis itinerib. à nostro equitatu. Ergo relicto ii oppido qua iuerant regredi decreuerunt. Ad Aufidi ripam castra habentibus Gallis Augusti fine, Gonsalvus Barletta egressus pugnae copiam fecit. Detrectarunt illi certamen, institutoque itinere Amalfim versus sunt progressi. Nostri equites aliquanto numero abeuntes vrgeri ac postremo præsertim agmini molesti & graues cædere dispalatos: neque cessare ⁵⁰ nisi magna impedimentorum hostilium parte capta. Namursius etiam atque Obenignus præcipui copiarum duces priuatæ supellectilis haud exiguam partem in tumultu amiserunt. Mille alios Heluetios Neapolim iam appulsos, & quadringentos equites qui Florentiam peruenerant, Galli prope diem expectabant. Sine eo supplemento summam certaminis sortem periclitari recusabant. Gonsalvus quoque à suo Rege classem submitti postulabat, atque in ea in supplementum quadringentos leuis armaturæ equites, bis mille Calæcos Asturesque gentem locorum asperitate & tenui à primis annis propter locorum sterilitatem victu duratam, ex eo bello idoneam. Ad Ioannem Emanuelem scripsit, uti duo millia Germanos ære conduceret quos Hispanis mitteret, & in pugna Heluetiis opponeret. Ad eos excipiendos & mari

supero transmittendos Malferitum notæ industriæ virum Anconam Piceni urbem destinavit. Rex Catholicus quando pacis consilia non processerant, ad bellum conuerso animo, triremium instructa classe cui Bernardum Villamarinum præfecit, ducētos grauis, totidem leuis armaturæ equites, adiunctis peditibus & pecunia in Italiam mittere statuit. Simul Cæsarem monebat, vti pro imperii iure Italiæ finibus arma inferret. Mediolani in possessionem mitteret, è duobus Ludouici pulsi eo principatu filiis alterum: qui inopes, exules, sine lare familiari in Germania visebantur: Ac quod mirum videri possit, Florentiam Hetruriæ caput Valentino duci dari volebat Regis nomine & iure sed quasi imperii beneficiario. Pontificem aliena munificentia promereri erat destinatum, quem in partes attrahere fœdusque nisi spe emolumenti maximi & honoris specie non sperabat bello Neapolitano ex sententia conficiendo magnum momentum allaturum.

Philippus Princeps in Belgas abiit. C A P V T XIII.

TOleti Rex Catholicus aliquandiu Principum aduentum ludis & omni hilaritate celebravit: iis dein cum Regina in ea vrbe relictis Cæsaraugustam discessit ad octauum Idus Iulii. In eam urbem conuentus indictos ad quartum decimum Kalendas Augusti, exitinere in longius tempus sustentari placuit. Gentis promerendæ prima cura erat, ne Principibus sacramentum dicere detrectarent libertatis à maioribus susceptæ in studium imprimis incitati. Sub initium Septembris quo iam tempore Rex Cæsaraugustā peruenerat, Magni consalui precib. & importunitati classem submitti expetenti datum est, vt noua instructa diligenter classe, cum parte Emanuel Benauidius quadringentos equites pari numero cataphractos & leuis armaturæ, præterea pedites trecentos auxilio veheret, cum reliquis nauibus consequeretur Ludouicus Portocarrerius Palmæ regulus, bello granatensi spectatæ virtutis. Quo maior honor esset, exæquatæ cum cōsaluo potestate bellum curare placuit. Dati trecenti cataphracti, quadringenti expediti equites, pedites ad tria millia. Rebus in arcto positis præsertim in Brutiis & Magna græcia haud minori subsidio opus erat. Venetos præterea in partes attrahere cupiebat, ad Hispanum fœdus vt videbatur propensos. In eam rem missus denuo Venetias Laurentius Suarius Figueroa, vt pro ea gratia & auctoritate, quam superioris legationis tempore apud eos ciues natus erat, rem conficeret, faceret quin etiam spem vires communicandi opemque ad Mediolanensem principatum, aut Aprutios ad ditionem adiungendos quibus prouinciis cupiditate imminebāt. Die constituto cōuentus gentis Aragoniæ inchoatur. In eis Rex petiit Michaelē principe extincto in Ioāne Principis nēpe maioris filiæ inq; Philippi eius viri, q̄ æquū erat, verba iurarēt, eius regni hæredes fore. Additū præterea vt bello Neapolitano, q̄ ad eā gentē proprie spectabat, auxilia decernerent. Vtrumq; & tunc propitiis aurib. auditū, & postmodum obediēter factū est. Dum de subsidio tamen in bellum Neapolitanū deliberatur in cōuentu, à Rege Catholico princeps Philippus & vxor sunt moniti, quam primum vt eo festinarent: agendi opportunitatem non esse prætermittendam. Fecerunt illi quod imperabat. Appulsis acceptisque in eam urbem splendido regioque apparatu, ad sextum Kalendas Nouembris sacramentum est à cunctis ordinibus dictum more maiorum ea cæremonia, iisque cautionibus, quæ in ea celebritate adhiberi in ea gente sunt solitæ. Ita nouo exemplo fœminæ nondum extinctis parentibus regni hæreditas Aragonii iuramento ordinum est confirmata. Neque enim Petronillæ quamuis in Reginam susceptæ simili cæremonia sceptrum sunt data, ac ne tunc quidem is sacramenti ritus in vsu erat. Sub hæc Philippus Madritum discessit, iisdem vestigiis paulo post subsecutam vxorem Rex pater comitatus est, relicta soror Regina Neapolitana quæ cōuentui Aragonio ad finem præesset. Nam Granata diebus superioribus, vbi Rex & Regina erant, profecta in ea loca venerat voluntate destinata traiciendi in Italiam filiæ solamen atque præsidium vnica viduæque. Dum ea profectio maturatur, datum vt Aragoniæ gentis remp. procuraret pro fratre vicaria in locum Alfonsi Aragonii Regis filii Cæsaraugustani antistitis catenus Aragoniis rebus præfecti. Philippo principi mora in Hispania molesta erat, aulicis graues Hispanorum mores multum à Belgica facilitate discrepantes. Ii incauti iuuenis ætatem pro voluntate versabant obsequio & gratia heri potentes. Præ cæteris præstabant tum Bissuntinus Archiepiscopus qui cum Principem in Hispaniam comitatus, in ea diebus superioribus obierat: & secundum eum Verius regulus proximum auctoritatis locum occupabat, vterque Gallicis partibus, nec mirum, plus satis addictus. Honesta profectio species quæsitæ est, visa optima. Belgas eius discessu præsidio nudatos vt in nullo tali metu, bello inter Gallos & Hispanos repente concitato, ne aliquod incommodum

dum acciperetur, eius præsentia indigere. Reges ab ea mente ægrum Principis animum abducere, vxorem vtero graui relinquere ac partul vicinam videri inhumanum. Salutaria monētibus obturatæ aures erant: obduratus animus. ne impetratum quidem, vt Gallicum iter vitaret, reb. adeo turbatis se in hostis potestatem vltro ne daret. Excusabat ille se potius arbitro cum ea gente conuenturam concordiam: ad quam Gallus propensus tunc quidem videbatur, siue Friderico consensu in regnum paternum restituto, siue trās-lato ab Hispano quidem in Carolum Austriacum nepotem, à Gallo autem in Claudiam filiam pacti inter eos exante condicto coniugii eo regno dotali. Verum hæc molitiones i-nanes visæ sunt, atque eo pertinere vt Rex Catholicus fœderis fiducia curam belli remit-
10 teret, Hispanique adeo duces non satis à milite & pecunia parati facilius opprimerentur. Intelligebantur artes: sed pars prudentiæ erat tantisper dissimulare. Ergo Philippus Ma-
drito tandem discessit vxore cum parentibus relicta. In Aragoniam & Catalaunos itum, atque Perpinianum. Eo à Ludouico Gallo fides publica venit iter fore tutum. Ita in Gal-
liæ fines ingressus continuato itinere Lugdunum appulit, vbi Gallus morabatur & Rho-
tomagensis Cardinalis Pontificis nomine in gallia legatus. Verum hæc fine huius anni & subsequēntis principio gesta sunt: ad bellum Neapolitanum narratio recurat celebra-
rimum præ cæteris ea ætate.

An Regem Catholicum in Italiam abire fuisset consultum.

20

CAPVT XV.

Bellum Neapolitanum interea ducebatur flamma per omnes partes excitata. vis maior
in Apuliam Brutios & Magnam græciam incubuit vbi Salernitanus, Bisinianus, &
Rosanius, atque Meliti Comes gallicas palam partes inueterato studio sectabantur. gallis
consilium fuit eo cum robore copiarum accurrere: atq; vt id expeditius esset nullo à ter-
go damno, Alegrium cum trecentis equitibus in Capitinata relinquere cum pari equita-
tu & mille equitibus Palicium tueri, quæ in Barenfi tractu per vim occuparant. Lucaniæ
præsidio Ludouicum Arsum designarunt attributis quadringentis equitibus & idoneo
peditatu. Namursius in Brutios ducere volebat grauis armaturæ equites ducētos pedites
30 mille. Obenignum ad Spinasolam subsistere cum reliquis copiis Barlettæ obiectum, vbi
erat Hispani robur exercitus, ad viginti quatuor inde passuum millia. Restitit Obenignus
magnam græciam & Brutios sibi prouinciam deposcens. Terranouæ principatum occu-
pādi spe, dono Regis Catholici consaluo attributum, ipsi detractum. Decretū vti eo am-
bo contenderent coniunctis viribus gesturi bellum. Prius tamen quam eo mouerent ca-
stra, Obenignus Barim versus abiit cum centum & quinquaginta equitibus peditib. mil-
le. Namursius specie famaue quasi in Brutios duceret, Tarrentum versus flexo itinere,
Materam & Castellanetam occupauit haud firma oppida. Materæ Comitem & Mazaræ
Episcopum, qui Materæ erant, acie vicit. Parta victoria exigua quamuis elatus vltorius-
que progressus ad Tarentum castra posuit, ibi Calabriae ducem esse ratus. Verū ille com-
40 modum ante nouem dies in Siciliam abierat. Hispani milites eam urbem præsidio obti-
nentes facta eruptione & impetu hostium castra incurrerunt, quem aduersarii non tuler-
runt. Cum ignominia se retro referre compulsi ad arcem viginti duobus millibus Taren-
to dissitam castra posuerunt, ad Barensem agrum contendere destinantes, vbi iūctis cum
Obenigno viribus Bitontum occupare cogitabant, si minus id contingeret, certe in Bru-
tios vim vertere. Accidit interea vt Galli qui in Lucanis erant, robur exercitus Gallici lit-
teras ad Dieghum Mendozam testato descriptas per fœcialem mitterent, quibus vnde-
cim Galli equites, Hispanos pari numero ad certamen prouocarunt die proximo, hora
post meridiem tertia designato. Locum certamini Barlettam inter & Viselim campum
medio spatio in omnes patentem partes ipsorum fide ab insidiis vique tutum. Addita lex
50 vt victi victorum captiui essent, darent & caperent opima spolia equos & arma neque sæ-
uirent inter se amplius. Breue tempus Hispanis visum est ad se comparandum, tuendum
tamen, quod virtute pepererant dignitatis ac famæ decus iudicans Consaluus certamini
annuit. Delecti ex omni copia notæ virtutis vndecim viri, quorum nomina vt prodantur
non est necesse. Sed in eo numero tamē Dieghus garcias Paredius toto hoc bello in pau-
cis fama præstans. Is belli initio in Brutios transmiserat sexcentis peditibus dux. Die pro-
ximo cum luce certamini necessaria singuli compararunt, equos, arma, splendida vestes.
Profecturos seq; mutuis ehortationibus ad depromendam virtutem incitantes, consal-
uus item Columniis Fabricio & Prospero coram, Termestino duce aliisque proceribus
multis, his verbis ad certamen acuit. Quicumque singulari certamine experiri parant, iis

„ prima cura esse debet æquitatis causæ, quam tuendam suscipiunt, alioqui ne pro victoria
 „ lactum & ignominiam referant numine vindice, verendum est. Hæc non vestrum pri-
 „ uata paucorum est, sed cum gente vniuersa & Rege nostro communis totius orbis con-
 „ sensu & approbatione probabilis, iuri consona causæ æquitatem certa cōsequetur victo-
 „ ria, adeste milites animis. Proinde diuina humanaq; spe pleni, quo soletis impetu in pu-
 „ gnam irruite, præsidio inter vos estote, memores in huius pugnae euentu totius gentis di-
 „ gnitatem verti, patriæ decus, Regum nostrorum gloriam, cunctorum lætitiā & cōmo-
 „ da, pro quibus singulis sanguinem vitamque profunderet si fortes viri estis, æquissimum
 „ est. Nisi victoria pacta milites, quo vultu redibitis in castra? quibus vos oculis focii aspici-
 „ ent: vel in morte victoriam, vel in victoria salutem, famam & præmia constituta putate. 10
 „ Ad hæc milites paucis, mori se posse dixerunt: officio tamen non deesse, neque ignauia
 „ notam suscipere fixum habere. Secundū hæc verba itur in arma. Quatuor tibicines præ-
 „ cedebant, quemq; comitabatur suus armiger. Ingens ad rei famam tum militum tum in-
 „ digenarum cōuenerat multitudo. Ad locum certamini designatū Hispani vna hora prius
 „ quam aduersarii accesserunt. Illorum aduentu magno animorum ardore pugna inchoa-
 „ tur. A neutris victoria aperte stetit. E gallis tamen cæsus vnus, alter deditus, nouem vulne-
 „ rati, totidem equi occisi sunt. Ex Hispanis nemo cecidit, vnus deditioem fecit, duobus
 „ impositæ plagæ, tres equi perierunt. Ad noctem pugna tenuit, neque gallos tamen tanto
 „ quamuis incommodo accepto potuerunt Hispani ad deditioem cogere, in pedes desti-
 „ tutos equorum iacentium corpora texerunt. Hispanorum equi ad eum aspectum exhor- 20
 „ rentes propius vt accederent, adigi non poterant, si premerentur, domitis frænis retro
 „ vertebantur, aut cum fremitu in pedes erigebantur. Is finis certaminis fuit neutris igno-
 „ miniosi. Quod Gonsalvus tulit ægerrime Hispanos milites pugnam non sustentasse, dum
 „ aduersarios penitus frangerent, victoriæ integrum decus auferrent. Interea Rex gallus
 „ in Italiam maturare constituit è propinquo in belli apparatus incumbere volens: Ex re-
 „ motis locis sæpe remedia post morbū venire non ignarus: In Insubribus tamen substitit.
 „ Regi Catholico eodem traiciendi voluntas erat: eoque consilio Cæsaraugustam abierat.
 „ Maiorum exempla ad audendum incitabant: qui sua præsentia in Sardinia, Sicilia, & ad
 „ Neapolim ea perfecerunt, quæ per alios ægre aut nullo modo potuissent. Maximi mo-
 „ menti res visa est, digna consultatione. Magnis viris adhibitis in cōsiliū de ea profectio- 30
 „ ne Rege referente disceptatur. Variæ, vt sit, sententiæ fuerunt. Guterrius Cardenas Castel-
 „ læ Promagister prouecta ætate vir, ex eo multo vsu rerum cautus in conuentu hac sen-
 „ tentia orationem habuit. In re grauissima audire potius quam loqui esset satius. iussus ta-
 „ men consiliū dabo vtinam tam felix quam fidele. Quicumque magnum facinus aggre-
 „ di vult in primis prouentus spem cum periculo quod proponitur, debet comparare vbi
 „ paria sunt periculum & præmium, & prosperis rebus vberior fructus est, & aduersis sola-
 „ tium maius. Obnoxii enim animi est rerum difficultate terreri sed non minoris temerita-
 „ tis exigui spe fructus in maiora incommoda certamque perniciem incurrere. In præsen-
 „ ti deliberatione si nominis existimationi consultum volumus, qua fere bellorum euen-
 „ tus constant, (magna esse famæ momenta quis neget in bello magis?) maiorem fore con 40
 „ sidero à ducibus victoria parta, victis minorem ignominiam, vtrumque è contrario Re-
 „ ge præsentia. Ac illud considerandum: ante nostrum appulsum si bellum confectum sit,
 „ quod fieri posse quis dubitet? redire inglorios necesse erit labore frustra suscepto. nam
 „ à nostris victoria parta confecti belli laus penes alios erit, nostra in casum molestia cederet.
 „ Si ab aduersariis steterit, ad bellum instaurandum nullæ vires satis erunt, ne totius qui-
 „ dem Hispaniæ in vnum collatæ. Italiæ principes suspensis hætenus animis bellicque spe-
 „ ctatores tantum, si conceperint animis vires gentis nostræ imbecillas esse, neque bello
 „ profligando idoneas nisi Rex adsit, vt sunt ingenio mobili nouas fortasse spes captabunt.
 „ Non ea sum mente vt Reges velim in otio vitam consumere & quasi in lustris ignauia
 „ animalia solent consenescere, seque iucunditatibus dare: sed neque eorum salutem in 50
 „ periculum voco nisi re necessaria. Quis in longinqua adeo nauigatione maris sæuitiam,
 „ ventorum vices non metuat. Quis Genuensium vires & arrogantiam non cōsiderat præ-
 „ fertim si gallicæ classes adiungantur, vt est verisimile, ad nostrā classē certe impugnan-
 „ dam? Quis vitam & salutem Regis prælio nauali committat in quo fors plerunque domi-
 „ natur virtute potentior in mari. Documento sit Alfonsus patruus à paucis Genuensium
 „ nauibus victus captusque vna cum fratribus. De offensione procerū nihil dicam facul-
 „ tateque turbandi res, absentia eius cuius prudentia intra modestiæ fines cōtinentur qua-
 „ si asperioribus frænis domita contumacia. Vt cætera absint, qui possis Reginam relin-
 „ quere valetudine ægra grauiorem morte eam profectionem hæud dubium habituram?

Si qui

Si qui Aragonii Reges mare transmiserunt, temporum conditio enataque occasiones ex-
 cusarunt: ne maiores quidem semper saniora consilia sectati sunt. Arma bellumque de-
 poscere in castris à primis annis versatum non miror, non vitupero, sed si tanta cupida-
 tas induendi arma sollicitat, ut bello Galliae fines è propinquo laceffamus statuo: quo ho-
 stium viribus ad defensionem patrii soli conuersis Neapolitani conatus debilitentur &
 de imperio Mediolanensi porro decedere contingat. Hæc mea sententia est si commo-
 da vtimini, si contra synceræ voluntati detur venia. Quod placebit Rex consilium, id o-
 ptimum iudicabo. Si traiciendi in Italiam sententia stat, hac quamvis ætate, esse comes non
 recusabo. primus me itineri accingam, certus vitam & fortunas periculo potius quamvis
 10 graui obicere, quam ut videar officio defuisse. Verum consultoris liberæ voces esse de-
 bêt, Principis ad audiendum patientes aures, libera diiudicatio. Magna assensione astan-
 tium Guterrii oratio excepta est, valida argumenta visa, dignaque ea prudentiæ opinio-
 ne viro. Ea vulgata tamen, Episcopus quidam, cuius nomen non exprimitur, quamvis
 minime rogatus codicillum Regi ultro in manus dedit, hac ferme sententia verbisque.
 Quod nullo rogante consilium iniussus do, hæc siue temetitas siue licentia veniam me-
 retur. De re communi loquendi nulli, sit ille quicumque, facultas merito denegatur. In-
 commoda & pericula si sigillatim cuncta, ut Promagister fecit, siue examinanda, nemo
 rem arduam aggredietur. Neque agricola culturæ & sationis labores arripiat, neque nau-
 clerus procelloso mari nauim committat, ac ne miles quidem cum tanto salutis discrimi-
 20 ne induat arma, procedat in aciem. Nullus denique erit, qui si in difficultates omnes re-
 spexerit, suo muneri satisfaciât. Hęc est humanæ imbecillitatis cōditio, hac lege viuimus.
 Nihil magnum Deus aut natura mortalibus dat sine multo labore & sudore. Primam Re-
 gibus rei militaris curam esse nemini est dubium, militum delectus habere, exercitus re-
 gere, siue bellum defendendum sit siue hostis laceffendus. Ecquid aliud gladius quo es
 præcinctus significat, quam patriæ tutorem esse, quod sine bello non contingat. Ac ne id
 quidem quæstitionis est, commodius bella à Regibus quam per duces sint illi quicumq;
 geri. Regem ad bellum euntem prosequuntur ciues. summi, medii, infimi turpe ducunt
 30 domi resistere, deliciis incubare, quorum Princeps in acie & in puluere atque in periculo
 pro communi salute, pro imperii dignitate versatur. Nemo quantavis dignitate tali du-
 ctore arma sumere recusat, cum plerique proceres æquali, aut fortassis minori obtempe-
 rare turpe ducant, atque eius ad arbitrium verti. Documento sit præsens tempus. Quis
 enim è numero procerum, rogo, ad bellum Neapolitanum est profectus excellēti quam-
 uis eximiis dotibus duci data belli cura? Deinde pecuniam in stipendium, bellicos com-
 meatus, ac cætera necessaria Rege præsentē expedire pròptum est. Enatis difficultatibus
 facilius prudentiusque occurritur, absente consilia post res afferuntur inepta sæpe: quo-
 niam auribus fideiores sunt oculi, & in horas agendi occasiones mutantur. Beneuolen-
 tia militum, qua nihil est in bello potentius, cognitione conciliatur & usu: quippe homi-
 nes militares canibus similes, ut Plato ait, domesticis blandiuntur, externis allatrant. In
 40 oculis principis, à quo præmia virtutis expectant, viri fortes leonibus pares euadunt, i-
 gnauos ad audendum pudor sollicitat, metusque ignominiae. Homerus quidem deos
 ipsos in pugnam inducit inflammare pugnaces iuuenum animos. Agamēnonem fingit
 etiam gregarios milites nomine compellantem. Alexander, credo, & Cæsar nunquam
 orbi iugum imperii imposuissent, si domi deliciis indulgentes res bellicas per vicarios
 administrassent. Quæ res imperium Romanum è culmine ad terram afflixit? sane princi-
 pes belli tempore domi desides, ducum virtute confisi. Sed mittantur vetera. Mauri haud
 dubium hodie in Hispania viuerent, nisi ipse bello Granatenſi interfuiſſes copiarum du-
 ctor actotius expeditionis particeps. Carolus Galliae Rex quanta celeritate suo in I-
 taliam traiectu Neapolitanos domuit: eius discessu, quæ fuerant breui parta, ad veteres
 dominos redierunt. Regium corpus ut labore frangatur, verendum non est, si assueſcas,
 50 emollitur molestia. Aulae præterea obsequia, & ministeria, atque aliæ vitæ principalis
 commoditates nunquam desunt. Plausus quin etiam cunctorum, molestiam minuunt,
 armato atque inermi circumfusa omni ex parte multitudo theatri instar est omnium ocu-
 lis in ipsum coniectis, laudibus celebrans quæcumque facit, laude vegetatur animus
 corpusque. Multo minus maris pericula moueant. quem enim Regem submersum vi-
 dimus? Quod si Alfonso Rex, quo nos exemplo tantopere terrent, naualem pugnam re-
 cusare voluisset, nemo pugnandi necessitatem imposeret. Sui fiducia hostium contem-
 ptus vtrumq; exiriale malum, in ea præcipitarunt incommoda. Vnde tamen regia eum
 maiestas in maiorem gloriam euexit, viresque contra aduersarios nouas adiunxit. Quod
 si durum tamen videtur Regem interesse bello, incertæ præliorum sorti caput & sal-

„uum obicere, quid prohibeat Siciliam finitimam adire rebus eius insulæ compositis, re-
 „gio aspectu ea gente recreata in belli Neapolitani apparatus diligentius incumbere?
 „Hæc nostra sententia est verior fortasse quam grata multorum auribus. Verum ea re-
 „media sæpe salubria existunt quæ acerbiora ægrotorum palato: neque vtilia semper quæ
 dulcia. Episcopi libertas plerisque placebat, vera dicere videbatur. ii etiam qui contra
 tendebant magis nolebant quam non probabant sententiam. Vicit tamen Promagister,
 quippe cunctorum auribus gratiora locutus cautiorque. Accessere Henricus regis a-
 uunculus, Aluarus Portugalensis, regio senatui Præfectus, Garfias Lassus, Antonius Fon-
 seca, Ferdinandus Vegha magna auctoritate magnæque prudentiæ opinione proceres
 idem cum Promagistro iudicantes. Accessit per litteras Gonsalui in eam sententiam suf- 10
 fragium victoriam haud dubiam suo ductu de hostibus pollicentis. Quæ asseueratio in
 magnis ducibus vituperatione carere non solet. Belli successu nihil incertius. Metus
 profecto ex Gallia finitima ostentati frequentes Regem ex Hispania abire tum quidem
 non sunt passi.

Rursus Galli ab Hispanis ad pugnam prouocantur.

C A P V T X V I.

Cæsaraugustæ Aragonii in Philippi & vxoris verba iurabant, res Hispanorum in Bru-
 tiis & magna Græcia in præcipiti erant. Siciliæ Prorex eo periculo permotus Mes-
 sanam accurrit angusto ab Italiæ ora diremptam freto. In ea vrbe militum externorum 20
 numerum legit, rebus inclinatis præsidium. Roma etiam Goliſani Comititis duo fratres
 Cardonii Hugo Ioannesque relicta honestissima conditione, quam apud Valentinum
 obtinebant, suasu Francisci Rogii legati eodem appulerunt cum ducentis & quadragin-
 ta delectis militibus. Nec mora: cum ea manu aliisque militibus, quos legere potuerunt
 e portu Messanensi fretum in tempore transmissere. Nam Meliti Comes Bisiniani fra-
 ter Terranoua, quæ Thurium veteribus fuit, capta, arcem impugnabat supremo conatu.
 Hugo eo profectus Comitem, qui obuiam processerat, acie superatum obsidionem sol-
 uere compulit. Simul Salernitanum & Bisinianum Consentia obsidione raptim dimissa
 resarciendo, detrimento in planiciem Terranouæ dilabi. Cômissa ea pugna fuit quarto
 die priusquam Emanuel Benauidius copias, quas ex Hispania vehebat quindecim nau- 30
 bus, in Messanensem portum inferret. Ea classe inter alios duces Antonius Leiuia in Ita-
 liam venit strenuus imprimis miles, ac deinde eximius copiarum dux prudentiæ & vir-
 tutis opinione maxima. Eæ copiæ breui transmissio freto se cum Hugone Cardonio &
 cæteris coniunxerunt. Contra Salernitanus & Bisinianus Melito, quo se receperant, vt is
 Comes cum septingentis Heluetiis aliquanto equitatu, & maiori prouincialium nume-
 ro Consentia obsidionem repeteret, consensu decreuerunt. Suscepta is demandata cura
 ad Motam Calameræ castra promouit Rosano dissitum oppidum tribus modo milli-
 bus passuum, vbi Hispanici exercitus multo maxima pars statiuia habebat. Ii rati opprimi
 aduersarios posse noctu strenue facto itinere improuisi superuenere. dubia luce in oppi-
 dum inuadunt, & quoniam clausum mœnibus non erat, momento temporis capiunt. 40
 Repentino in terrore hostes pars fugere, pars cædi. cum Comite pars maior se se in
 arcem eius oppidi receperunt. Vim arcis admouere non licuit cognito Obenignum
 cum omnibus copiis in ea loca delatum forte, an consilio adferendam opem Comiti
 festinare propediemque affore. Hæ Hispanicæ copiæ Rosanum reductæ sunt haud
 maiori operæ pretio facto. Alia parte Fabricius cesualdus Consæ Comititis filius, idem
 Amalfirani Principis gener Tarentino limiti pro Gallis præfectus cum manu militari
 ad vastandos eius vrbs agros progressus, Ludouici Ferreræ & Petri Nauarri, qui
 Tarentum præsidio obtinebant, accursu iniquis ad transitum locis cæsis militibus
 omnibus, vix vt tres tantum euaserint, captus Comes ipse venit in potestatem. In A-
 pulia reliqua eo maiori ardore bellum gerebatur, quod vtrique pars vectigal ex pe- 50
 coribus, quo præcipui eius regni redditus constant, exigere à pastoribus festinabat.
 Nec deerat egentissimus quisque ex plebe spe prædæ fingere studia partium. Conflictus
 peculiare varios & multos recensere longum esset. Prouincialium ingens damnum,
 quando à Gallis & Hispanis certatim gentis miseræ pecora diripiebantur. Rapiendi
 licentia misericordiam non recipit. Duces partium accendendo bello acres, frænandis
 iniuriis impares. His malis vt occurreret Namursius Canusii, vbi erat, cum vniuersis
 copiis decreuit Aufido impositum pōtem euertere ad quartum à Barletta lapidem: quo
 sublata Hispanis libera commeandi facultate, prædandi in Apulia modus esset, præter-
 tim hibernis pluuiis inflato amne difficili vado. Obenignus item cum primum in Brutios
 peruenit,

peruenit, Terranouam urbem occupare constituit. Mœnia erant infirma, neq; commeatus affatim ex ante conuecto comparati. Hispanorum copiae, qui in ea vrbe erant, desperata defensione per montes ad aduersi atque Orientalis maris littora se recipere constituunt. Prudenter destinata Gallorum celeritas occupatis confragosis locis, qua iter erat, importune disturbarunt. Repentino in terrore Hispani pedites se in pedes dant: ex equitibus ad quinquaginta capti sunt qua grauis armaturæ qua leuis ac fere ex Antonii Leuæ ala, qui in eis angustiis omnium prædicatione & fama eximii bellatoris laudem tulit. His rudimentis ad summum decus contendebat. E nostris plerique Giracium se atque in finitimas eo tractu arces expauore recepere. Secundum eam victoriam magna rerum commutatio facta est: ac fere Magna Græcia & Brutii Obenignio deditionem fecerunt mobili ingenio gens, fideque sæpe ex fortuna suspensa. Pugnatum est ad septimum Kalendas Ianuarii. Quarto post die Namursius vti erat constitutum, cum copiis ex statuiis egressus pontis Aufido impositi tormentorum ictibus mediam fornicem euerit, turrimque ex quo illac transierat semidirutam, qua pontis aditus claudebatur. Gonsaluus hostium consilio cognito, milites Andria haud exiguo numero euocauit. grauis festinanti eorum militum mora fuit. Sed iis tamen ad alias copias adiunctis celeritate correxit tarditatem. Itaque in hostium conspectum venit, retro conuersis vestigiis, vnde venerant, redire destinantium. Misso tubicine Gonsaluus Namursio renunciauit festinare se. proinde eius aduentum expectaret, si causæ consideret, se martis arbitrium non recusare. Respondit ille tum demum fore pugnandi copiam, si Gonsaluus Fernandus Canusium accederet, quam prope ipse Barlettam. Sic in Italia res erant, quo tempore Illicim appulsus Calabriae dux inde Madritum abiit, vbi reges erant. Captiuo quamuis honores habiti non secus ac Regis filio, excipiendoque in urbem principalis apparatus decretus. Exilii molestiam ablati regni dolorem iis blandimentis mitigare æquum erat. In Flaminia bellum Valentinus instaurarat pari conatu feliciore euentu quam ante. Kalendis enim Ianuarii salutis anno Millef. quingentes. tertio Senogallia vrbs detracta 1503: Præfecti filio ex deditione venit in potestatem. In ea vrbe Franciscum Vrsinum Grauinæ ducem ad se vltro venientem, venturi securum cepit, vna cum Paulo Vrsino Vitellochio, & Oliuero Firmensi viris primariis eximiis bello ducibus. Eo nuncio lætus Pontifex Romæ Vrsino Cardinali manus iniecit. Hæ molitiones eo pertinebāt, vt Columnensium exemplo, qui vitam calamitosam in exilio propagabant fortunis euerfi, Vrsinorum porro familia opprimeretur, ditioque eius familiæ omnis in agro Romano Pontifici cederet, nulla memoria icti paulo ante cum ea gente fœderis, religionis in eo violatæ nulla cura. Perusiam paulo post Valentinus felicibus armis Pontificiæ ditioni restituit, Tiferinumque. His successibus spe vasta & cupiditate elatus. Senenses præterea, Lucenses, Pisanosque liberas & validas ciuitates ad deditionem adiungere parabat. Galli tantum Regis metus frænabat ingentes spiritus superbiamque, earum urbium patrocínio suscepto nacti opportunitatem copias militares è Gallia Neapolim vsque transmittendi, nullo qui transitum impediret, quod ad alendum bellum quod erat in manibus commodissimum putabat. Tametsi Florentinos inter & Pisanos bellum ducebatur. Pisani que Hispaniæ viribus cupientes arreptam libertatem tueri, superiori tempore se liberrati incolumi in Regis Catholici obtulerant clientelam. Abnuuit ille tunc, ne importuno tempore nouum ordiri bellum esset necesse, quod Galliam & Italiam in partes traheret, cū vtrisque committeret Hispaniam. Mutata deinde sententia cum ad spreta paulo ante consilia recurrere destinaret, occasio iam abierat, quæ momento temporis irreuocabilis labitur, populari voluntate nihil leuius, paulo momento in contrarias partes circūagitur. E Lusitania duo patruales Alfonsus Franciscus Alburquerqueii, cum ternis quisque nauibus in Orientis oras missi sunt. Quanta rerum moles exigua hæc initia consequetur? Ab hoc tenui principio rudimentisque Alfonsus maxime in quantum ducem euadet?

Palicius ab Hispanis capitur. CAPVT XVII.

BArlettæ Magnus Gonsaluus rebus suis in arcto positis, varia atque contraria consilia in animo versare. Hinc in aciem prodire nisi Germanorum aduentu & auxiliis Hispanicis, quæ in horas expectabat confirmatus, certa vincendi spe recusabat. Inde annonæ angustia sollicitabat, compellebatque iis locis relictis pugnae discrimen periclitari. Monorbini enim, vbi Namursius, Canusii atq; Cirinola statiuā habebat maior commeatus copia suppetebat. In ea cogitationū anxietate, vitatis extremis mediā tenere viam placuit. Diuisis enim uero copiis varias manus ad prædandum finitimos agros dimisit, consilium

salutare ad tuendam nominis existimationem militem exercendum, alendaque præda copias. Sed quantulum opis id erat in angustia? Sic ad octauum decimum Kalendas Februarii Barletta digressus Diegho Mendoza duce cum trecentis expeditis equitibus præmissis, qui vicinos agros Labelum vsque viginti quinque inde passuum millibus percurreret, vbi portorii Apuli bona pars redigitur, ipse ad quartum à Monorbino milliare castra posuit. Gallis prohibendis si Mendoza obuiam prodire tentarent. Haud incommode irruptio cecidit. Prædæ actæ latissime. supra quadraginta ouium millia domum auersa præcipuo agrestium damno luctuque. Ciriniola egressi ducenti equites cataphracti, sagittarii totidem, iuncti pari numero militem, qui Canusii erant, re cognita prædam Hispanis ablatum abierunt. Gonsalvi copiarum occurrunt ex aduerso, intercipere iter Gallorum cupientes. Ne maius operæ pretium existeret imprudentia militum factum est. locum aduersariis relinquerunt se se Canusium referendi paucis modo ex suo numero desideratis. Namursius neque priori incommodo neque noua iniuria irritatus in aciem prodire noluit. quo consilio exploratum non est, Hispanis certe cum præda se ad suos recipiendi facultas data. Post quatuor dies nunciato Palicium cum quingentis equitibus Barlettæ fines vastare acceptæ ignominia vindicta solamen. Gonsalvus & Dieghus Mendoza diuisis bifariam copiis locorum angustias infederunt: quibus Gallis necessario transitus erat. Equi casu in ipso egressu ad terram prostratus Palicius ulterius non est progressus. Vicarius tamen Mota nomine cum septuaginta qua equitibus, qua sagittariis prædatum porro pergens in insidias præcipitavit. Socii omnes præter duos qua cæsi, qua capti sunt. Mota dux viuis in Dieghi Mendoza venit potestatem. Is in familiari sermone quamuis captiuus ingenio arroganti. lingua procaci in Italorum nationem probra conuitiaque iactare. Enecus Lupus Aiala contra idoneis argumentis Italos tueri, Galli conuitiis aduersari. Disputandi calore incensus Mota, si decem Itali cum gallis totidem pugna decernere auderent, vna se cum aliis, vera esse quæ dixerat Marte arbitro confirmatum edixit. Vagatus is sermo in castris (neque Gallus occultauit, neque sine arbitris fuit) prouocauit Italos, qui Hispanorum castra fortunamque sequebantur, vti Gonsaluum frequentes adirent. Iniuriam genti factam vniversæ conqueruntur, vindicandi petunt facultatem. Idem flagitare Hispani quamuis nullo suo incommodo in sociorum iniuria se despectos tamen cogitantes. 30 Annuat ille libenter decoris apprime tenax de virtute confusus Italorum. De loco certaminis, deque militum ab vtraque parte numero disceptatio fuit. Consensu Andriam inter & Quadratam septum pugnae designatum, decretumque vt tredecim ab vtraque parte non amplius equites dimicarent. Idibus Februarii ad certamen est progressum. Prospectus in omnes partes erat, neque opportunus insidiis. locus Gonsalvus tamen cum copiis omnibus prope Andriam substitit iniuriam, sicunde existeret prohibere paratus. Iam Hispani, Galli, Itali ad spectaculum pugnae eius frequentes exierant, incolæ studio visendi proximos campos & colles repleuerant. A delectis iudicibus vtrisque loca designata. Vehemens ventus flare cæperat Gallis aduersus propitius Italis quippe à tergo. Vt locorum mutatione exæquationeque ex obliquo ab vtrisque flatus exciperetur, postularunt Galli. Nihil impetratum tamen. Ergo infensis hastis concurritur, quas etsi venti impotentia Gallis omnibus excussit de manibus, nihil tamen aduersi accidit, nemo ad terram prostratus ne vllus quidem equus occisus. Ad gladios clauasque perducta pugna Gallis Itali longe superiores extiterunt, tum agilitate equorum obedi- 40 entium, tum pugnandi dexteritate. Horæ spatio vno cæso, atque altero grauiter sauciato, Galli reliqui è loco certaminis pulsi victique sunt. Ex Italis vni tantum leue vulnus est inflatum. Victoria parta clari latique victores Barlettam ea nocte redierunt duodecim captiuos præ se agentes, defensa gentis dignitate, vindicata procacis hominis contumelia nobilissimi. Excepti ab omnibus insigni plausu, à magno Gonsaluo ad cenam etiam adhibiti. virtuti atque felicitati debitus honos. Is euentus pugnae fuit in paucis eo tēpore celebratae, nomina pugnantium vt sigillatim referantur operæ non est. Interea Ludouicus Ferrera & Petrus Nauarrus Tarento eductis copiis Castellametam ex deditioe, aliaque circum oppida vi aut voluntate occuparunt. Cum maioris rei oblata opportunitas est. Palicius qui se Aprutii Proregem ferebat & cum eo Amadeus Curtonus Sabaudi ducis vicarius Rubi morabantur decem & octo passuum millibus Barletta: cum iis supra quingentos pars equites grauis armaturæ pars sagittarii. Eos inuadere Gonsalvus oppido cupiebat, hostium aliorum vicinitas metusque ex eo retardabat. Commodū Namursium cognouit abiisse spe Castellanetæ recuperandæ. Amalfitanum cum robore exercitus gallici Canusii substitisse. Rubum denuo centum quinquaginta

ginta equites missos augendo eius oppidi præsidio. Aduolat Gonsalvus cum mille equibus peditum tribus millibus, & aliquot igneis tormentis sub noctem profectus ad octauum kalendas Martii, qui dies Mercurii fuit. Continuato strenue tota nocte itinere sub auroram Rubum improuisus accedit. Nec morator tormentis murus quassatur. Longum erat militibus expectare dum aditus prorsus patefieret globis ignitis strato muro, Iniusu scalis superare mœnia contendunt. Nullo ductore sibi quisque auctor incitatorque erat. Defendunt aduersarii acriter. Hispanos subeuntes contis saxisque deturbant: ac retro redire compellunt præter ignominiam tamen nulla alia clade. Tormentorum rursus continua iaculatione muri magna parte prostrata, ignominia prioris demendæ studio ardentiores milites feliciori quam ante conatu per ruinas & rudera in oppidum irrumperere parant. Defendunt rursus eximia virtute aduersarii. Pugnatur acerrime: multum effunditur sanguinis. Ad extremum victa defensorum constantia in oppidum penetratur. Recens iracundia sanguine expletur. cædes per vias ædesque factæ nullo militum & populi discrimine. E Gallis ducenti ceciderunt: multo plures vulnerati. Palicius quamuis capite sauciato fugam meditatus per auersam portam in limite captus est. Sabaudi Ducis vicarius se in arcem recepit sustentaturus dum maiora è propinquo auxilia aduentarent. Directis tamèn eo tormentis maioris mali metu deditionem fecit sine exceptione ad victoris arbitrium. Capti sunt item multi alii viri præstantes cum magno rei Gallicæ detrimento inclinationeque. Ex Hispanis pauci desiderati, neque quisquam
10 magni nominis. Diegho tantum Mendozæ in oppidi ingressu lapidis ictu concussa galea sensum excussit nullo præterea maiori nocumento. Victoria parta direptoque oppido continuo se victores retulerunt in pacata, priusquam ad rei gestæ famam ex vicinis locis Gallicæ copiae ad vindictam confluerent. Festinatio salutaris fuit. Namursius enim Gonsalvi consilio indicato dimissa Castellaneta reuertebatur, ut iunctis cum Amalfitano viribus Rubi ad præsidium accurreret. Rebus perditis ferus opitulator variatis consiliis neutri parti opportunus aduenit. Ex hoc plane tempore res Gallicæ aperte inclinare cœperunt exitio proximæ. Ac Præianes quidem miles Hospitalarius in prouincia Phocænsi natus, qui è Rhodo cum quatuor triremibus, duabus biremibus Gallis auxilio venerat, impeditoque Hispanis commeatu, captisque quibusdam nauibus Apu-
30 liæ littora infesta habere pergebat, victus est. Lezcanus rei nauticæ apprime callens cum quatuor triremibus Apuliæ littora ab hostili iniuria tueri iussus quingentis militibus in triremes impositis Gallum impugnaturus Brundisium versus nauigauit. Eius aduentu hostis territus consilio detrectandi certaminis in Hydruntis portum se intulit Venerorum, in quorum ea vrbs ditione erat, præsidio confisus sustentare posse. Nihil ea re moratus Lezcanus duas naues quæ extra portum in ancoris stabant, aliaque minora nauigia cepit, maiora moliebatur, in portum irrumperere. Creuit ex eo hosti terror. Ita ne tentata quidem defensione per noctem nautis & militibus expositis in terram atque nautica suppellectile sublata, triremes biremesque cum tormentis submersit, ne Hispanus iis potiretur; quæ magna desperatio fuit. Villamarinus cui Præfecti maris nomen erat
40 datum, in portu Messanensi cum aliquot triremibus ea littora tuebatur, quasi ex specula in omnes partes despectu quocumque vocaret necessitas paratus accurrere. Ad supplendum militum & nauium numerum Portocarrerii aduentum expectabat auide dudum ex Hispania profecti. Gonsalvus tamen ut continuo Apuliæ portum aliquem tene- ret, hortabatur. Emanuelis Benauidii exemplo veritus scilicet ne in Brutiis subsisteret, contra quam ipse mandarât, ut quam primum ad se festinaret viresque secum conferret. Ea parte bello profligato, vbi de summa certabatur, cætera in victoriæ partem facile accessura. Ludouico item Ferreræ & Petro Nauarro, qui Tarentum obtinebant, ut vires & ipsi conferrent mandatum est, tum Lezcano qui hoste profligato continuo quingentos milites in terram exposuerat, præterea Mazaræ Episcopo galipoli curanti, profecto,
50 ut cum sua quisque manu Barlettam aduolarent. Auctis ea diligentia viribus Hispanus cum hoste minus iam feroci signis collatis dimicare, vnoque prælio finem molestiis imponere & bello destinabat certa victoriæ spe.

Vasti Marchio Hispanorum partes amplectitur.

CAPVT XVIII.

EAdem cura noua conquirēdi auxilia Namursium Canusii sollicitum habebat, eo amplius quod passim galli milites ab Hispanis cædebantur magno rei gallicæ detrimento

pari ignominia. Ad fanum Ioannis Rotundi Arriaran dux Manfredonia profectos du-
 centos Gallos nihilominus cæciderat. Parem hostium numerum acie fudere Ludouicus
 Ferrera & Petrus Nauarrus Tarento, vti erant iussi, digressi prope Grutallas transitu pro-
 hibere conatos, quinquaginta insuper captiuis. Iidem vltius progressi adiunctoq; Lez-
 cano, Bitonti Marchionem quingentos tum equites tum pedites ad Namursium, vt vi-
 res conferret, ducentem in conflictu victum ceperunt, cæsis Marchionis patruo Antonio
 Aquaiua eiusque filio. Præterea Oliua Centurio gallorum manum nactus pugna com-
 missa trigintaque ex numero cæsis, cæteros fudit. Adhæc quinquaginta equites pedites
 septuaginta Viseli egressos vt Hispanorum pabulatores impeterent. Dieghus Mendoza,
 qui suis præsidio iuerat, momento in fugam compulit male mulctatos. Atque equites 10
 Viselim præ metu redierunt equorum velocitate adiuti, pedites intra turrim, ad quam se
 receperant impugnati cæsiq; sunt. His incommodis commotus Namursius monet O-
 benignum vnaque Salernitanum & Bisinianum si rem Gallicam saluam cuperent, vt
 Brutiorum & Magnæ Græciæ oppidis pro præsentī copia munitis, statuq; regionis com-
 positis, ad se quam primum venirent. Cum hoste feroci exultante successibus vniuersis
 viribus dimicandum videri. Ducis mandatis obtemperare non est visum spem subiugan-
 di penitus eam prouinciam, quæ se offerebat, prætermittendam non putabant. Non mi-
 nori cupiditate Gonsalvus dimicandi cum hostibus ardebat haud ignarus annonæ
 difficultate crescente indies, diutius in iis locis sustentare non posse. Receptum fugæ si-
 milem. magna in bello famæ momenta audaciam pro munimento fore. Veneta tamen 20
 nauis frumento onusta Tranum appulit, qua Hispani sunt potiti, exiguum leuamen.
 Sed ex Sicilia item quinque nauibus non vno tempore frumenti tria millia medimni
 allati subsidium famis maius, præsertim pecorum adiuncta frequenti præda ex vici-
 nis agris. Aprutii vrbes ac nominatim Aquila gentis caput ad fœdus Hispanum iam
 dudum erant propensæ. Arcano hæc agitata dum maturum esset, tegebantur. Ca-
 pua quinetiam, Atella, Salernumque à Gallis defecturas se pollicebantur, tractum in
 defectionis societatem finitimos. Constitutum, vt quam primum Hispanorum copæ
 in apertum progredierentur, omnes eæ vrbes Gallica insignia transitionis argumen-
 to Hispanicis vexillis mutarent. Muri Comiti venia est data merito quamuis gra-
 uia supplicia, qui primus in Lucanis vbi ditionem obtinebat gallicas partes palam fo- 30
 uisset multis, vt idem facerent, auctor exemplo voceque. Salernitano parum fideba-
 tur ad Hispanos transitionem pollicenti, expetentique adeo in coniugium Gonsalui
 Magni filiam sanioris mentis indicio. Explorata multis & magnis in rebus viri in-
 constantia dictis detrahebat fidem. De Amalfitano haud certior spes, facturum quæ
 pollicebatur, velle ad Hispanos transire. Maiori rei Hispanicæ commodo certiori fide
 Enecus Daualus Ænariam suæ ditionis insulam, seque Regis Catholici palam obsequiis
 adiunxit haud leui ad victoriam adiumento. Origo illi ex Hispania fuit. Enecus Da-
 ualus Roderico Daualo equitum in Castella Magistro natus præcipua apud Reges Nea-
 politanos gratia & auctoritate Antolenam Aquinatem duxit Bernardi Gasparis Aqui-
 natis Piscariæ Marchionis & Montedorisi Comitis filiam & hæredem paternæ ditio- 40
 nis. Ex hoc coniugio Alfonsus Daualus natus est Piscariæ Marchio, quem per fidem
 colloquii Maurus in obsidione arcis Neapolitanæ peremit infante relicto, cui Ferdi-
 nando nomen fuit. Alteri Eneci filio (quem Zurita Martinum vocat) Montedorisi
 principatus obuēnit nulla præterea laude. Minor duobus Enecus Daualus extitit, cui
 Fridericus Rex accedentibus annis operæ impensæ præmium vastum dedit Marchionis
 nomine iure hæreditario Ænariæ imperium dum viueret, insulæque prouentus omnes,
 secturas aluminis, atque arcis prefecturam. Horum procerum duo alii fratres fuerunt
 Rodericus, Emundusque vti alio loco dictum est, tum soror Constantia nomine Serræ
 Comes primum, deinde Francauillæ dux lectissima fœmina. Ergo Marchione prome-
 rendo datum, vt ad omnia quæ Regum priorum dono possidebat, Prochytam insulam 50
 adiiceret, cataphractis centum, leuis armaturæ equitibus ducentis sub ea stipendia regia
 darentur. Ferdinando item fratris filio Piscariæ principatus est confirmatus, nomen-
 que Regii cubicularii auo antea patrique à prioribus regibus datus honos. Cautum præ-
 terea, si Hispani eo regno pellerentur, idonea opum compensatio in Hispania esset. Ho-
 nestissimæ conditiones, sed maiorum. Enecique ipsius virtuti & meritis consenta-
 neæ. Iis rebus constitutendis non pauci menses sunt consumpti. Ea vero causa ex-
 titit non ante professi studii in Hispanos quo alioqui erat ardenti, à Gallis peni-
 tus auersus. Eneci filius Alfonsus, Piscariam tandem Ferdinandi patruelis sine prole
 in flore

in flore ætatis atque in medio felicitatis cursu importuna morte extincti ad Vasti principatum adiunxit. Nepotem eiusdem Ferdinandum Piscariæ Marchionem annis superioribus Prorègem Siciliae vidimus, quo tempore in ea insula versabamur, ducta Mantuani forore nobilissima, amplissima dote. Verum quo tempore Vasti Marchio se suaque Regis Catholici fidei permisit, Aquilera miles sacer vir impiger & bellicæ compos laudis, trecentos milites in Crotonis portum intulit auxilium à Francisco Rogio legato Roma opportune destinatum. Gometius item Solisus Consentia arcem obsidione liberauit urbemque vi cepit, pulso Meliti Comite numero quamuis militum vinceretur ac vix quartam hostium partem exæquaret. Eo maior gloria, dedecus hosti, de Gallis ad Rubum captis disceptatio tenuit magno animorum motu diu vtrinque agitata. Conuenerat inter utrosque ut bello modeste gesto quippe inter Christianos, equiti capto equo & armis tractis libertatem redimere fas esset annui stipendii quarta. Ceperant Galli diebus superioribus Theodorum Bocalum Epirotarum equitum ducem, Dieghum Veram rei tormentariæ magistrum, atque Escaladam centuriæ Hispanorum præfectum, aliosque ad triginta. Et cæteros quidem missos fecerunt quæ lege & pretio erat constitutum; retinere tres modo causati duces eos esse, neque debere communi lege comprehendi: quorû esset dignitas maior eximendos à vulgi conditione videri. Nunc quasi sui obliti postulabant tamen Gallos ad Rubum captos pacto prius pretio dimitti, scilicet non considerantes viros primarios esse, plerosque etiam ordinum ductores. Præterea Gonfaluio renunciatum, legem eam militiæ Neapolitanæ, quarta stipendii equitem captum redimi, non extendi ad eos qui in iusto prælio, aut oppido per vim capto venissent in potestatem. Consulti milites veterani nobilesque provinciæ prouectæ ætatis consensu, non aliter provinciæ moribus esse obseruatum vero an ad gratiam curiose inquirendum non arbitror, sed responderunt tamen. In eam certe sententiâ Gallis responsam est datum: captiui uti de libertatis pretio cum iis constituerent, in quorum potestate erant: neque communi cæterorum priuilegio se tegerent. In quo non lucro paucorum consultum arbitror: sed ea excusatione cautum ne prælio viri pugnaces apprime interessent, quod ut res se dabant breui de summa rerum futurum videbatur.

30.

Pax a Philippo Principe in Gallia pacta.

CAPVT XIX.

Philippus Princeps discedendi ex Hispania certus ex Rege socero enixe cupiebat cognoscere, vellet per conditiones arma ponere cum Gallis instaurato fœdere: sibi que potestatem esse paciscendi si forte Rex Gallus æqua videretur appetere. Recusauit initio Rex Catholicus vtrumque siue genero non satis fidens, multo minus eius aulicis, quos ad Gallos esse propensos multa indicabant, siue amicorum in Italia animos debilitare metuebat, si se conscio & volente generum principem per Galliam iter habere vulgaretur. Dedit tamen in eam rem angusta certe mandata, quæ transilire nefas esset. Profecto tamen eo Bernardum Buillium Abbatem iisdem vestigiis sequi iussit, testatoque descriptam paciscendi formulam ad eum perferre, quæ ampla potestas continebatur finiendi pace facta controuersias. cum eo ne delegatæ potestatis exemplum communicaret cuiquam præter principem ipsum iuratum arcani fidem: ac ne Principi quidem Schedam crederet, si præscriptæ formulæ fines transgrederetur. Quo in Apulia tempore & magna Græcia arma mouebantur ardore quo vnquam maximo, Compluti ex Ioanna principe paulo post discessum viri filius est natus ad sextum Idus Martii, cui fuit Ferdinandus nomen, imperium & ampla regna annis accedentibus. Abluit infantem sacro fonte aquis salutaribus Toletanus susceptoribus Anagari Duce, & Villenio. Lugduni Rex Gallus & Rhotomagensis Cardinalis in Gallia Pontificis legatus aduentu Philippi principis continuo de fœdere sanciendo consilia agitarunt. De conditionibus disceptatio erat. Datæ potestatis fines & paciscendi formam ex Hispania missam negligi videbatur. Buillius Philippum Principem monet, ne suo Rege inscio quidquam nouaret, cassâ fore contra eius decretum inita pacta. Ea monita vocefque contemnebantur: ac ne facta quidem potestas est nunciandi Regi Catholico per litteras mutatis ad celeritatem equis, quæ agebantur. Mirabilis confidentia. coegerunt etiam minis atque terroribus concreditæ potestatis exemplum ut publicaret. Principi ipsi iniecta necessitudo est paciscendi, quoniam in Galli potestate erat. Aulici quoque homines Belgæ fœdus maturari cupiebant moræ impatientia, Regis in eo Catholici voluntate neglecta. Pecunia Gallica corruptos fama vulgauit in deterius semper prona hominû

50

persuasione. Initi foederis summa duarum rerum optione continebatur. Rex Catholicus Carolo nepoti attributam regni Neapolitani partem cederet, Gallus Claudia filia quasi pacti coniugii dotem inter infantes ineundi maiori vtriusque ætate. Cum eo ut Catholici pars penes sequestrum esset Philippum generum, aut quos ipse nominasset: Gallus retineret sua. Audax negotium dicerem impudens conatus. Neque magis æquum quod sequitur. Si ea conditio minus placeret, vterque Rex attributas provincias in priori foedere possideret, Capitinata de qua præcipua lis erat, sequestro daretur consensu designando. Foederis vtraque pars Gallis erat propitia. Hispano aspera, quando in altera Gallo sua retinente Ferdinādo detrahebatur, quod obtinebat, Hispanis præsertim ex ea provincia deturbatis, quod ea gēs imprimis cupiebat, si id contingeret reliqua provincia fore persuasi, altera conditione suscepta lis in eodem statu perstabat, nulla maiori ex eo tranquillitate: ne spe quidem ut in vnum sequestrum conuenirent. Quis enim aut unde neutri partium addictus? Interea Rex Catholicus Cæsaraugustam redierat ad dissoluendum gentis conuentum qui eatenus tenuerat. In ea vrbe ineunte Aprili mense Regi præsentia decreta auxilia sunt in bellum Neapolitanum ducenti grauis trecenti leuis armaturæ equites triennii spatium: adiecta lege, ut duces & milites ex ea gente legerentur. Breui ergo delectu habito mandatum omnibus, ut ad fines Ruscinonenses accederent, propter belli terrores ea parte ex Gallia ostentatos. Britannia enim Marefcalus & Dunesis Comes cum ordinariis Gallia militibus Carcasonem confluebant, quo loco ex aliis gentibus copiarum concursus erat futurus. Tanti apparatus quo pertinerent, dubitabat nemo. Tuendo limite Rex Catholicus copiis suis ut ad Figueras oppidum præsto essent limiti vicinum edixit: simul Sanctius Castella Ruscinonensi tractui Præfectus vir eximie fortis & cautus oppida & arces ad vim hostium sustinendam muniebat, metu ne impendens tempestas imparatum opprimeret. Rex ipse eodem accedendi voluntate Populerum delatus, in eo monasterio Buillii, Abbatis litteras accepit renunciantis quod erat ipse veritus, vim Philippo Principi minasque intentari, nisi in foedus consentiret, quamuis contra formam ab ipso præscriptam iniquum & graue. Rescripsit Rex quid facto opus esset. Nihil profectum tamen ea diligentia. Voce præconis Lugduni euulgato foedere Philippus Princeps Ioannem Hedinum aule metatorem, Gallus Eduardum Bullotum in Italiam dimiserunt, ut pro se vterque Gonsaluo & Namursio confectæ pacis gaudium ingens videlicet nunciarent: & quod erat consequens suorum Principum nomine mandarent positis armis ne in bello ultra procederetur. Sic Philippus in Allobroges abiit cum Margarita sorore & Sabauda Duce eorum inuitatu Christi in vitam reducis memoriæ dicatos dies celebraturus. Hedinus & Eduardus festinato per Romam itinere, locisque omnibus factam pacem euulgantes Barlettam peruenere in ipso procinctu prælii: cuius forti duo duces rerum summam permittere decreuerant. Gonsalvus imprimis aduentu ex Germania militum quingentorum supra duo millia lætus, victoriæ spe certa. iis supra Venetias ad Tergestum conscensa classe emensoque nullo prohibente mari supero ad quartum idus Aprilis Manfredoniam appulere. Dedit Hedinus Gonsaluo litteras, quibus Philippus Princeps Regis Catholici nomine arma ut ponerentur, mandabat, pacem factam ne bello importuno violaret obtestatus. Respondit (à suo Rege per litteras monitus Philippum per Galliam iter facere, si quid forte de pace induciisue præscriberet, iniussu suo ne quidquam mutaret) res in eo esse statu ut Principis mandatis obtemperare integrum non esset, nisi Rege prius consulto quid in eo rerum articulo facto opus esset. Consilia res magis hominibus dare, quæ in horas variantur, quam homines rebus. Gallos priores sumpsisse arma: nunc re Gallica inclinata nefas esse importuno foederi dare aures. Scire quod consilium captare ipse deberet: Ac vero Namursio coram conueniens daturum responsum. Sic factum. Rex quoque Catholicus ab eo foedere auersus animo, ut satisfacere omnium votis videretur, de restituendo in Neapolitanum regnum Friderico exule Rege per legatum rursus egit. Verum Gallus ne facta quidem de ea re conueniendi potestate, legatum cum ignominia repulit. pactæ concordia Hispanos non stare tulit ægerrime, gnarus modicas vires esse sibi, aduersarium præualidum.

Obenignus victus & captus.

CAPVT XX.

CLasse instructa Ludouicus Portocarrerius è portu Carthaginis nouæ soluerat dimidiato mense Februario. Minime idonea tempestate profectos gemina procella disiecit, prius ad Narbonensem sinum, deinde in Panormitano littore. Velox tamen nauigatio fuit,

fuit, viginti diebus nulla desiderata naui Messanenſem portū tenuerunt, magnis quamuis laboribus toleratis incolumes. Qua parte copias exponerent, diſceptatum in ea vrbe eſt. Quidam Gonſalui præceptis obtemperandum dicere, neque conſiſtendum priuſquam ad Apuliæ oram ventum eſſet, viresque conferrent cum reliquo exercitu. Ludouico Portocarrerio importuna nauigatio viſa eſt præſertim milite aduerſa & lōga nauigatione iactato. Rhegium ergo traiecit, bellum ea parte geſturus, vti in Hiſpania miſſum erat. Obenignus poſt victoriam de Benauidio & Hugone Cardonio partam ad Motam Bubalinam cum copiis conſiſtebat, ſpe Giracium ſine vulnere obrinendi Hiſpanis fame ad deditiōnem adactis, qui è ſuperiori clade ſuperſtites magno ſe numero in id oppidum ad præſidium receperant. Biſinianus in ditionem abierat: Salernitanus & Meliti Comes Neapolim. Decreuerat Portocarrerius copias in aciem producere: eoquē conſilio milites recenſuit cum lethali feбри importuno tempore correptus eſt. Viſ mali augebatur in dies, vt medici deſperarent. Ante obitum duces partium aliquot egregios Terranouam occupaſſe cognouit, urbem cū multis aliis oppidis claiſis aduentu nunciato à Gallis deſertam. Obenignum cognito eius morbo cum copiis continuo accuſſiſſe grauique obſidione premere mœnibus haud firmis ſalutem tuentes exigua ſpe niſi aliunde venirent auxilia, quoniam vincebantur numero, premebat inopia. Eo motus periculo Portocarrerius Fernando Andradio pro ſe ſubſtituto equitatum peditatumque mittit obſeſſis auxilium. Præſecto item maris Villamarino, vti triremes Gioiam admoueret præceptum eſt, quāſi

20 mari terraque copiarū obſeſſis opitulatum mitterentur; ſi territi ea ſpecie aduerſarii deſiſterent. Feſtinarunt noſtri cognito obſeſſos annonæ inopiarū laborare ſuprema. Semenariam promota caſtra. Obenignus Terranouæ ſuburbis relictis ad vicinos pagos abſceſſit. Sic Andradius ſoluta obſidione ſatis ſe profeciſſe ratus Semenariæ cum copiis ſubſtitit. Noui eo milites confluxere ac imprimis Benauidius, Antonius Leuia, Gōſaluus Daualus, Hugo & Ioannes Cardonii, quiſque cum ſua peculiari manu operæpretium facturi. Ex iis omnibus idoneo exercitu quamuis conſlato, Melitum tamen redire deſtinātes, Hugo ne pulcherrimam occaſionem, quæ momento præteruolat, ignauia prætermitterent hoſtis delendi auctor erat. Prudentes duces oblatam opportunitatem auide arripere, neque inutili cautione certam victoriæ ſpem corrumpere: cuius negligentia è veſtigio ſera pœnitentia ſubſequatur.

30 Cunctatione rem Gallicam creſcere, aduentare auxilia vndique: nec collectitium militem, ſed veterem & aſſuetum armis. Excusaſuit tamen Andradius prælii committendi denegatam expreſſe facultatem. Quod voluntate tamen facere recusaſuit, caſus paulo in neceſſitatem vertit. Obiit interim Portocarrerius. Corpus Meſſanæ in æde maxima amplo funere tumulatum exaduerſum Alſonſi Neapolitani Regis eo loco ſepulti. Eius obitu inter duces nonnulla diſceptatio extitit, quis deſuncti in locum cæteris omnibus imperaret. In ſuis meritis æſtimandis nimium ſibi fauet ambitio mortalium. Arbitrio Proregis Siculi controuerſiam finire placuit. Ille deſuncti voluntatem ſecutus denuo Andradium ſummum ducem nominauit. Cardoniis fratrib. ea nominatio moleſta accidit imprimis: neque moderari linguam viri alioqui modeſti, nimis

40 molliter pati dolorem; exiguo vſu iuuenem præferri ſibi neq; generis nobilitate præſtanti, & minori multo armorum vſu, nulla gloria militari. Vicit tamen in generofiſis animis dolorem de ſuo Rege benemerendi voluntas, officiiq; ratio, vt cum cæteris conſentiret. Ardebant Hiſpani cupiditate cum hoſtibus iuſto prælio conſligendi. Vtraque caſtra vicina erāt, modico dirempta interuallo. Non minus ſe pugnae cupidum Obenignus oſtendere memor ſuæ dignitatis & Gallicæ gloriæ. Miſſo tubicine aduerſarios prouocat ad certamen. Excusaſuit Andradius accepti mādati memor. Metum interpretatus hoſtis & quoniam Hiſpanos milites ægre ferre cognouerat ſtipendia non ſolui, in ſuperbiā elatus Roſano & Gioia eduſtis copiis propius Hiſpanorum ſtatiua promouit caſtra; ne dubitauit quidem ſe in Semenariæ conſpectum dare. Vadato flumine longius æquo per eam planiciem proceſſit magna Hiſpanorum ignominia probroque. Calæcos paulo ante tumultuantes quoniam ſtipendia nō ſoluebantur, breui duces placarant gemmiſ priuatim ac reliquo cultu diuenditis, pretioq; inter milites diſtributo. In Gallico exercitu trecenti grauiſ, ſexcenti leuiſ armaturæ equites erant, mille & quingenti pedites, ſupra tria millia vicani numerus magis quam robur. Hiſpanorum copiarū competentia inſtructæ ordine Semenariæ egreſſæ octingenti equites pedites ad quatuor millia exultanti hoſti proceſſere obuiam certā pugnandi voluntatē. Detrectato Obenignus contra opinionem certamine gioiā copias reduxit. Inſtitere è veſtigio aduerſarii oppidum impugnare, aut ſi Gallus in aciem prodiret, ſigna conferre deſtinantes, certe percuſſos vrgere, quoniam metus confeſſionē expreſſerāt. Leuia fuere certamina haud memorabili in alterutrā partē euentu.

Irritatis tantum animis sibiq; fidentes vtriq; ad vndecimum Kalen. Maii, qui dies Veneris fuit, quasi ex composito atque antecondicto copias in aciem produxere. Obenignus suos ad pugnam inflammabat, ad memoriam reuocata victoria quam iis locis se duce annis superioribus obtinuerant de Ferdinando Rege Neapolitano Gonsaluoque. Qui numero sumum exercitum & validum iis ductoribus, milites, virtute profligastis; quantumque Gallica gens aliis nationibus præstet vigore animorum, scientiaque pugnandi, documentum fuitis: an æquum videatur paucos inermes, seminudos Hispanos, neque satis inter se consentientes metuere? laudi & gloriæ partem imponere maculam? Auertant numina tantum nefas, neque patimini milites dedecus graue morte ipsa & sanguine procurandum. Is in pugna potius animus esto, qui victoribus esse debet, excelsus & magnus. Ergo in hostes impetum date memores nobilitatis vestræ, memores gloriæ & nominis Gallici. Hæc Obenignus dixit. Agmina per planiciem progrediebantur. Pars vtrique auerso sole inchoare pugnam satagebat, ne eius radiis oculorum acies obtunderetur scilicet. Hispani hac mente paulo superius traicere fluuium. Galli metum fugamque interpretati perturbatis ordinibus in pugnam inuadunt. Neque magis ex disciplina tormentis globos dispendunt nullo fructu nullo hostium detrimento, non minus fortuna Hispanis sæpe in hoc bello quam ratio affuit. Hispanæ acies in hunc modum instructæ erant. Leuum cornu tenebant. Hispani pedites Italique, dextrum equites expediti, mediam aciem cataphracti. Ab his ea impressio facta est qua Gallos fere omnes infensis auulsos hastis ex equis deturbaverunt. Secundum Gallorum agmen, ubi pedites curabant, eo spectaculo territi ne tentata quidem pugna verterunt terga. Nostri fugientibus insistere usque ad Gioiæ portas, quod se maior pars ex fuga receperunt. Capti plerique omnes Galli duces. Intra Gioiam Honoratus & Alfonsus Sanseuerini, hic patruelis ille frater Bisiniani, deditionem compulsi fecerunt. Obenigni fortuna eadem fuit. Intra Angiti arcem, quo se receperat, impugnatus acerrime in victorum potestatem viuis venit. eius captiuitate nihil de victoriæ gloria aut communi Hispanorum lætitia diminutum, si hostis maxime infensus & importunus fuga euasisset. Victoria in paucis ea ætate celebris fregit gallorum animos. Brutii & magna græcia vniuersa momento temporis ad Hispanos inclinarunt, eiusque imperii iugum volentes nolentes susceperunt. Nihil præterea deditis grauius imperatum.

Magnum ad Ciriniolam prælium.

C A P V T XXI.

ANnonæ difficultate anxius Gonsalui animus in diuersa & contraria trahebatur. Tribus amplius diebus iis locis sustentare non licebat: neque facultas ostendebatur aliunde rei frumentariæ. Ne eo tractu oppida ad hostes auerteret verebatur scilicet, famis malum cunctos ex æquo premens. Hostes ad pugnam elicere fore optimum visum est: vnoque prælio si minus victoria certe morte ex iis difficultatibus euadere. Eo consilio Ciriniolam, seu Gerionem mauis, ducere oppidum haud satis firmum, sed multis in arce militibus præfidiariis munitum: quod caput erat à Gallicis castris sed modo passuum millibus positum. Ex eo pugnae copiam fore suspicabatur: impugnati in oculis oppidi ignominiam Gallos non laturus. Sub discessum equitibus geminos aureos per capita distribuit, peditibus aureum dimidiatum, exiguum inopiæ leuamen. Sed tanta inerat pugnandi cupiditas, tantus animorum ardor, ut debita multorum mensuræ stipendia nemo flagitaret, nulla seditiosa vox audiretur totis castris. Die primo sub Cannis clade olim Romanorum nobili vico secundum Aufidi fluminis ripam Hispani constiterunt. Aberant hostium castra tribus modo passuum millibus. Cum luce proxima instituto itinere Ciriniolam pergere porro instructa acie propter hostium propinquitatem. Fabricius Columna & Ludouicus Ferrera cum præcursoribus præcedebant. In prima acie Dieghus Mendoza curabat duobus Hispanorum peditum millibus attributis ferox. Medium agmen Dux Termenstinus ducebat ducentis cataphractis & duobus aliis Hispanorum peditum millibus constans. Cum Germanis cataphractis aliquanto numero, & leuis armaturæ equitibus in postrema acie substitit. Magnus Gonsalvus vim hostium, si à tergo premerent, propulsare paratus. Regio arida erat imprimis, diei æstus maximus, longius opinione iter. Militum defatigatio tanta, ut siti & cataphractis nonnulli exanimati perierint repente vi ardoris interclusa anima, & Germanis item non pauci Hispanisque peditibus. Cognita Galli nostrorum lassitudine angustiam alienam suam occasionem facere destinantes hære in terga ac vero vniuerso prælio dimicare statuerunt. Eo consilio ex statuiis egressi quingenti grauis armaturæ equites, leuis ad duo milia erant, quatuor milia qua Heluetii qua Vascones ex Gallia. Acies hoc ordine instructæ. Salernitanus in prima acie ducentos cataphractos ductabat pedites bis mille. Postremum agmen Amalfitano tributum est: in quo equitum turma erat, mille vicani

vicani prouinciales paucissimi Vasconum numeri. Cum reliquis copiis mediam aciem
 obtinebat Namursius inscius nimirum ad exitium festinare. Nostri peditatu superiores
 erant, nisi sitis & estus fatigarent. Hostium equitatus potior videbatur armis equisque
 validior. Ad hunc modum instructis ordinibus Galli postremum nostrorum agmen la-
 cessere, instare atque vrgeri locis omnibus nullo ad respirandum spatio dato. Nostri
 cum molestia itineris & cum hostibus luctandum erat. Fessi estu passim sternunt corpo-
 ra & infrequentia relinquunt signa. Ciriniolam vbi castra munita nostri habebant, per-
 uenire nisi amissis impedimentis, magnaue peditum clade fas non erat, multis toto iti-
 nere ad terram proiectis præ siti æstuque. In iis angustiis Gonsaluus nihil perturbatus,
 10 ingens animus, equitibus mandat vt equorum clunibus pedites exciperent, qui maxime
 laborarent, exemplo ipse excitat alios, potum quin etiam deficientibus porrigit propria
 nonnunquam manu. Ducis constantia cæteri animati ad castrorum tandem locum per-
 uenere. Nulla eatenus insignis accepta clades. Dies in noctem præcipitabat vix duabus
 horis reliquis ad solis occasum. Cum se Gallicus equitatus prope ostendit, integris for-
 midabilis, quid estu, siti, labore debilitatis? Ex metu audacia orta est. Intra munimenta
 acies momento instructa certa pugnandi voluntate. Ad circumfusas legiones priusquã
 pugnae signum daretur, Gonsaluus hac sententia orationem habuit. Militaris gloria, viri
 nobiles, ex victis paratur hostibus. Victoria sine labore & periculo non contingat. Mo-
 lestiis multis & magnis assuetos an mutare æquum sit? Suscepti antea laboris & miseriae
 20 fructus vberimus ostentatur. Adeste milites animis, omnis faceßat ignauia. Causa,
 quam tuemur, æquitate, si maxime viribus hostes vincerent, de victoria tamen nõ diffi-
 derem. Nunc rebus omnibus præstatis numero, scientia pugnandi, animorum vigore,
 vincendi consuetudine. Galli quid aliud quam præda victoribus? & tamen quod robo-
 ris sit, Itali nobiscum palam aut voto stant. Auide deposcebatis hostem: an pugnandi
 necessitudine iniecta cessatis, exhorretis certamen? Tantam superi ignominiam auerti-
 te. Hic dies, si viri estis, diuturnis molestiis finem afferet. In dextris opes, gloriam, supe-
 rioris temporis fructum, instantis lætitiã, futuri felicitatem portatis. His dictis pugnae
 signum datur. Namursius propter diei tempus in proximam lucem sustentare voluit.
 Iuo Alegrius vt continuo pugnaretur euicit ferox rapidusque in consiliis ac lingua im-
 30 modicus. Blanditur sibi humanus animus sæpe concepta temere spe. Victus ea impor-
 tunitate Namursius, Huc, inquit, arma puer. Quam vereor ne hic noster incitator ma-
 iorem in equi pedibus spem, quam in dextra ponat. Præfagium vanum non fuit. Trede-
 cim ab vtraque parte tormenta maiora erant. Disposita prius Gallica maiori fragore quam
 commodo. Hispanica late stragem quippe ex superiori loco librata in Gallorum agmine
 fecerunt. Verum ne maior esset clades Itali militis errore factum est: qui victos Hispanos
 imprudentia ratus pulueris sulphurei cados duobus curribus gestatos raptim incendit.
 Magna militum turbatio fuit. Latissime diffusa flamma plerique putarunt Hispanorum
 res esse perditas. In eo discrimine Gonsaluus præsentis animo hilari facie ad circumstan-
 tes. Bono, inquit, estote animo, datur cælo clara victoria, præclarum flamma omeni quasi
 40 incensis ad eam celebrandam facibus. Namursius clade incitatus, quam nostrã tormen-
 ta intulerant, sine mora in aduersarios incurrit, cum octingentis cataphractis. Hispanorum
 pedites in fronte erant dispositi, grauis armaturæ equites ab vtroque latere, obiecta fossa.
 Quæ res Gallos equites fefellit non satis discusso tormentarii pulueris fumo, qui velut a-
 tra nebula cælum absconderat, coegitque nullo operæ pretio retro se in gyrum referre.
 Nullum in conflictu leue peccatum est. Exiguæ sæpe offensiones reliqua in præceps tra-
 hunt. Receptus multis equitibus exitium attulit. Germani milites ex propinquo plum-
 beis eiacularis igne globis multos è Gallico equitatu prostrarunt ipsumque adeo summum
 ducem. Sequebantur cataphractis proximi Heluerii & Vascones in hos è munimentis
 egressi Hispani pedites eum impetum tulerunt: cui pares hostes non fuerunt, cæsi fusi-
 que passim. Salernitanus & Amalfitanus, qui eo die in postrema acie curabant, promo-
 50 uerunt agmina si turbatis suis præsidio essent. Occurrit magnus Gonsaluus qua vir-
 tute quoque vigore erat solitus. Singuli in sui ducis oculis strenue pugnabant, ne ignavis quæ-
 dem cessandi locus erat. Omnibus partibus sternebantur Gallicæ copiae cede promiscua,
 multum locis omnibus effunditur sanguinis. Hispano urgente breui fusa hostium agmi-
 na hærent in terga victores, insequunturque victos cum magna fugientium strage usque
 ad castra sex millibus distita. Quæ & ipsa momento temporis capta sunt cum epulis ad
 cœnam paratis opipare, quibus Hispani opus habebant, continuo eius diei labore fracti,
 & annonæ ante penuria pressi. Copiosa spolia fuere aurum, argentum, multaque preti-
 osa vestis, scyphi sigillati, annuli gemmati, baccata monilia muliebrem cultum & mulatia.

Italię opes rapinis longo tempore accumulatę. Cædes minor quam pro victoria. nox & vicinæ sylvæ effugium percussis præstiterunt. Pugna hæc nobilissima ad quartum kalendas Maii commissæ est die Veneris. Cecidit inter alios in primo incursu Namursius ipse dux; quem Gonsalvus Barlettæ ad D. Francisci insigni funere sepeliri curavit, honos extincto debitus leue superstitis solamen. Cecidere item Morconis Comes, Chandiūque Heluetiis præfectus cum omnibus fere eius gentis centurionibus. Salernitanus Amalfitanusque & Lochiti Marchio acceptis in pugna vulneribus evasere tamen fuga: Alegrius quoque, vti Namursius erat vaticinatus. Metus pudore potentior. Gallica tormenta capta omnia & pleraque militaria signa. Quienerunt ea nocte victores læti exultantesque. Die proximo Ciriniola portas aperuit præsidio se dedente ad victoris arbitrium. Idem trecenti milites fecerunt, qui ex fuga eius oppidi arcem tenuerant. Canusium item infulas & velamenta supplicum prætendit insignibus distincta Hispanicis. Præcipuam in ea pugna laudem omnium confessione tulerunt Hispani pedites; nam Germani præter grandinem globorum in cataphractus Gallos intio eiaculatam, in nullo deinde usu fuerunt, alienæ pugnæ spectatores otiosi. Ante omnes ex Italia Dux Termenstinus excelluit. Ex Hispanis Dieghus Mendoza, de quo magnus Gonsalvus, eod die, inquit, operatum ut suorum auctorum ex sanguine. Cæsis sepultura data. inuentum è Gallorum copiis tria millia & trecentos cecidisse nihilominus. Ex Hispanis in pugna novem tantum desideratos, neque vllum magni nominis. Plures in itinere sitis extinxit. Mille quin etiam & quingenti ad aquam in puteis quibusdam forte repertam sine mente fusi ac sine vlllo sensu iacentes ad ordines ut redirent, adduci nulla arte potuerunt.


Quo ambiguo magis euentu pignantibus inter se vtrisque copiis, lætior victoria insigniorque extitit, victoribus fructus & gloria maior.

Libri vigesimi septimi Finis.

IO. MARIANÆ HISPANI, E SOCIETATE IESV, HISTORIÆ DE REBUS HISPANIÆ,

LIBER XXVIII.

Vrbs Neapolis Hispano deditur. CAPVT I.



DATA ad Ciriniolam victoria magna rerum immutatio facta est: ac fere vniuersa prouincia ad victores inclinauit. Magnus Gonsalvus neque victoria focors neque insolens factus haudquaquam remittere animum gnarus rebus secundis securitatem succedere: ex ea ruinam sæpe infelicitatemque. Prospera difficilius quam aduersa tolerari. Ventis à puppi flantibus vigilanti gubernatore opus esse, neque laborem curamque remittenti, priusquam confecta nauigatione in optatum portum nauim incolumem inferat. Eo amplius excitandam diligentiam ac fortunę instandum iudicare, quod die postero partem ad Semenariam victorię captique Obenigni nuncium accepit, serius quidem aliquanto quam fuisset opus, quoniam se Ferdinandus Andradius Gonsalvi imperio immunem exemptumque; ferebat, quippe Portocarrerii successor. Quod dignitatis memor, osor insolentię Gonsalvus tulit ægerime: atque ita ut per litteras reditus in Hispaniam peteret à Rege facultatem. Sibi Andradium potestate exæquari non passurum. imperii conditionem natura incōmunicabilem. Breui tamē venere mandata Andrudio ut desisteret, Gonsalvo uti eius opera ad reliquam prouinciam subigendam bellum conficiendum vteretur: alæ cataphractorum præficeret. Sic intempestiuę contentioni finis est impositus, & ad belli tamē reliquias ex sententia finiēdas geminę victorię fama multum contulit: ex qua sæpe bellorum successus pendent. Proceres quoque ut quisque gratia & aucto-

auctoritate valebat plurimum. in varias partes dimissi Gallico studio rebelles docuerunt temeritatem fore exitialem, suo quemque furere malo, inanem sine viribus fore contumaciam. Ita breui Capitinata & Lucania ferme vniuersa sub imperium Hispanicum adiunctæ sunt. Multa quinetiam oppida & procures in Salernitano principatu in partes palam transierunt eadem fide confectantes Hispanum, qua fauerant Gallos. Eorum, qui prælio euaserunt fuga, plerique in Campaniâ concessere, Caietæ munitissimæ vrbs præsidio sustentare destinantes, dum auxilia è Gallia aduenirent, & cætera bello instaurando necessaria, de reliquis vrbibus diffusi. Insecutus iisdem vestigiis cum numero equitum Petrus Pacius, effecit, vt Capuanõ deuia sublati Hispanicis vexillis victoris fortunâ sequeretur, & vt esset transitionis pretium, eorû ciuiû parte ad reliquam copiam adiuncta Galli cataphracti quinquaginta, quos nancisci potuerunt priusquam Caietam tenerent, obtruncati omnes sunt. Lochiti Marchio cum primum domum appulit, redacta quantam potuit ex re familiari pecunia, curatisq; vulneribus in pugna acceptis cum vxore Romanam abiit ad auunculum Senensem Cardinalem in exilio toleraturus, dum melior spes affulgeret. Alii se procures in varias vrbes receperunt: ac nōminatim Alegrius & Salernitanus Amalfim initio tenuerunt: verum oppidi munitione parû confisi, inde die proximo Neapolim festinarunt. Montelæ Comes, per cuius ditionem iter erat, victoribus fidem approbare cupiens euntes male mulctauit ex quingētis equitibus, quos secum ducebant, ducentis amplius qua cæsis qua captis. Ludouicus Arsius ex fuga

20 Venusiam petiit oppidi arce confisus sustentare posse, quæ erat firmissima. Locus propinquus. Ita cum copiis Gonsaluus actutum accurrit facturus operæpretium priusquã ducebatur auctoritas militi fiducia rediret metu sedato. Ad Leoneſam posuit castra oppidum Venusiæ & Amalfi finitimum: cum Amalfitano principe actum de deditioe. Conuenit tandem, vti Amalfim victori traderet, in alio quopiam principatus oppido sustentare liberum esset, dum à Rege Catholico in gratiam reciperetur, iis legib; quas inter se sanxerant, superiores offensas melioribus officiis compensaturus. Sic ille pollicebatur, tametsi suspicio erat pro ingenti varietate, quorsum res Gallicæ euaderet, expectare etiam velle, ex euentu cōsiliū sumere, quippe Gallicis studiis inueteratus. Fabricius Columna, populiq; & Montorii Comites in Aprutium ire iussi sunt amicæ factioni præsidium, terror

30 aduersariis, omnibus auctores vti Gallicæ amicitia præferrent Hispanicam. Villamarino maris præfecto cum triremibus aliisq; nauibus, quas cumq; posset cōtrahere, Neapolim versus nauigare mandatum est, quo Gonsaluus festinare decreuerat. Ita consilio ipsum regni caput petendi prudenter suscepto, Beneuentum cum copiis abiit, inde Gaudelum. Ex eo oppido litteras ad Neapolitanos dedit insigni molestia humanitateq;. Omnia benignitatis & comitatis à se officia expectarent. Modo per ipsos liceret, daturum operam vt omnis militaris vis, omnis insolentia ab eorum finibus amoueretur. Incruentam immunemq; à malis nobilissimam vrbem conseruare, id vero votorum summam esse. Materæ Comes & senatus princeps vrbe egressi de fœdere agere cæperunt. Eorû diligentia conscriptæ honestæ conditiones, atq; vrbs dedita est magno militum dolore, qui præ-

40 dam ex capta maluissent. Interea Venetiæ regulus vrbs in Armoricis sitæ idē minor Labreti filius, cognita Galbrum clade Valentini Ducis, cui aduersus Vrsinos in agro Romano militabat, consensu, cum ducentis equitibus, peditum aliquanto numero Neapolim abiit rebus inclinatis subsidio futurus, Gallorum copiis adiunctus quæ ex Apulia, Brutiis Aprutioq; confluentibus gentis reliquiis ad Lirim amnem statua habebant, neq; numero valide neq; animis. Iis ne se commouerent, quadringenti à Gonsaluo grauis armaturæ equites Capuam ad Sueſſam obiecti erant. Nunc reliquas copias eo mittere decretum erat, mille modo retentis militibus, quem numerû arcibus Neapolitanis impugnandis idoneum fore existimabat. Restitere Hispani in spem erecti Neapolis diripiendæ si qua se occasio daret. Facto species prætenta Gonsaluū pollicitum Neapoli debita stipendia daturum: vt se amplius ludibrio haberet, nō passuros. Motus militaris instar torrentis inflati est, obuia subuertit. Commotæ multitudini tantisper cedendum iudicans Gonsaluus Hispanos pedites secum Neapolim ducere commutato consilio edixit, equitibus modo & germanis cohortibus iussum Sueſſam præcedere propediem iisdem vestigiis securum. Pacato ad hunc modum militari tumultu Neapolim est inuectus ad septimum decimum kalendas Iunii triumphi perſimili specie. Præibant Hispani milites sublati Hispaniæ vexillis feroces in suas turmas distributi visendo ordine, vestium pretio cultuque certantes. Procures, urbanaq; nobilitas processit obuiam lætæ cultu vniuersi. Populus per agros & vias cum filiis & coniugibus effusus plausu & vocibus faustis personare. Sacerdotes cum infulis intrantem ac diui ipsi prope exciti sedibus suis exce-

perunt. Fortissimi ducis habitum vultumque cuncti cum admiratione notare: victos fufosque toties hostes sine fine prædicare: victorias præfentes cum superioribus comparare Ferdinando & Friderico Neapolitanis Regibus eo adiutore & ductore partis: de coelo lapsum videri maiorem conditione mortali. Pompa per plateas ducta, quibus Reges procedere moris erat cum regium infigne infulasque fufciperet, neque minori apparatu plaufuq;. Parietes peristromata vefteiebant auro purpuraque fulgentia, pavimentum floribus ftratum, odorum vbique fuauitas: vrbe vniuerfa gratulatio feftaque lætitia. Ii etiam, qui Gallicis partibus ftuduerant præ aliis, vultu, qui maxime fimulationi feruit, ad lætitiã composito, obfequii promptitudine cæteros fuperare certabant, nouis officiis offenfã priores inducere. Vrbs Neapolis, vnde vniuerfo regno nomen, inter præcipuas Italiae ciuitates numeratur copiis, amplitudine, numero ciuium & cultu, amcenitatibus maritimæ terreftribusq; cõmodis. Ad inferi maris littus fita in montis latere feptentriones inter & ortum fenfim affurgentis. Platea infigni longitudine ad lineam directæ magnificis ædificiis regiarum adinfar diftinctæ. prouinciæ procures magno numero in ea vrbe affueti maiorem anni partem traducere, certatim magnifica palatia conftruunt ftructuræ genere fuperbo præcipua Salernitani Principis Grauinæque ducis. Sic factum vt nulla in vrbe plures procures Comites Marchiones ducesque quam Neapoli numerentur. Cæli temperies inuitat. fertiffimus ager late fpatiantibus campis ferendis frugibus & vineis & alendo pecori bonus, affluensque rerum omnium copia, horti irrigui præcipua gratia, quorum ex omni parte magnus numerus eft in quincuncem difpofitis arboribus, herbarumque omne genus confitis arcis viridantes infigni amœnitatē. Vniuerfa ciuitas in quinque regiones tribuitur publicæ in fingulis domus, quas fedes vocant conuentibus ciuium feruientes de republica ftatit temporibus confultantium deq; annonæ copia. Tempia, monafteria, Xenodochia numerosa præcipuaq; tota vrbe vifuntur magnifico fingula ftructuræ genere: in quibus quod ab Annuntiata Virgine nomen præfert pauperibus deftinata domus maxime celebratur, quippe indies corrogata ftipe fupra quinquaginta millia aureorum expenfa fert quotannis. Mœnia firma cingunt urbem diftincta ex ordine turribus afpectu minacia, quatuorque nihilominus munita arcibus. In quibus principem locum obtinet, quod vulgo Caftellum nouum vocatur, latum fpatiis, munitum operibus prope molem in mare magnis cæmentis iactam portus adinfar. Ad feptentriones Porta Capuana pofita eft olim firmiffima arx, nunc regis iudiciis & tribunalibus designata fedes. Caftellum ab Ovo rupi eft impositum anguftum quidem fpatiis fed mari omni ex parte circumfluo inacceffum. Poftremo quæ a fancto Anhelmo nomen habet arx cæteris eminet, nouis hodie operibus munita præcipua elegantia. Ex his arcibus duæ in Gallarum poteftate manebant dedita quamuis vrbe Caftella tum Nouum tum ab Ovo dictum. Et hoc quidem natura loci munitum à paucis militibus tenebatur, Caftellum Nouum quingenti Galli nihilominus tuebantur: Gonfaluus peracta pompa continuo adiuncto Ioanne Clauerio aliisque nobilibus arcium earum fitum cõfideraturus domo proceffit, qua parte admoueri opera & impugnari poffent. Neque mora Caftello Nouo vis admota. tormentorum ictibus quaffati muri: actis cuniculis fubruti. Propugnabant obfeffi pro extrema fpe ftrenue dimicantes ex omni Gallia lecta pubes. Cum claffe Villamarinus feptimo die poft Gonfaluum ad eã urbem appulfus, in ancoris ftetit commeatum ne ad obfeffos inferretur prohibere contendens. Inter hæc Romæ Pontifex pridie kalendas Iunii nouis Cardinalibus fenatum fuppleuit. Atq; e nouem quos vna creatione donauit purpura, quinq; omnino Valentini homines erant, pro virtutibus cõmunis patria. Ab Hifpanis obfeffi intra arces Galli premebantur mari terraq;: ac poft varios incurfus vi tandem capta arx atq; à militibus direpta eft pridie Idus Iunii. Ioannes Pelagius Berrius ciuis Giennenfis idem e familia Gonfalui primus irrupit. id vero propius: tametfi multi deinde eam fibi laudem arrogarunt, torpor quidã aduerfarios occupauit ni fupremo conatu irrumpentibus refifterent. Impugnatae arcis præcipua laus penes duos duces ftetit. Petrum Nauarrũ agendi ex arce cuniculos dexterritate mirabili, & Numium Ocampum cui nauatae operæ merces fuit captae arcis præfeftura. ne alii quidem fua laude præmiis fraudati. Inter alios vinctos in ea arce repertus eft Hugo Rugerius Pallafius Comes Regi Catholico & Ioanni eius patri fupra quadraginta annos rebellis infenfusq;. Is in Hifpaniam miffus Sedabi in agro Valentino lege maieltatis vinculorum & vitæ eundem finem habuit. Gallicæ & Genuefes naues Caieta opitulatum miffæ fuerant obfeffis Neapoli arcibus ferum rebus perditis auxilium: tametfi obfidio fupra vnum & viginti dies tenuerat. Maior terror à Gallica claffe inftabat, quinq; triremes, fex onerarias, minora nauigia multo plura aduentare fama erat, in vindictam

dictam ardenti studio, quando tueri arces integrum non fuerat. Villamarinus ut par esset tanto apparatui veritus in AEnarię portum suam intulit classem. Ea obiecta munitione hostilis classis impetum elusit ad impugnandum festinantis. In quo Vasti Marchionis in ea insula usque dum morantis fides & virtus enituit una maxime, tum classe tum vniuersa insula egregie defensa. Oui castellum supererat quod dum caperetur Gonsaluo expectare longum erat. Ergo ea cura Petro Nauarro & Numio Ocampo demandata ex vrbe discessit. Illi in proximo littore tormentis dispositis, cymbis arci succedunt. Coniectos superius ignes & lapides ab obsessis coria, quib. tegebantur cymbæ, respuebant, tormentorum usum propinquitas ademerat. Vectibus perforata rupe & sulphurei pulueris cadis iniecto igne euerſa turris est, tormentis è terra maior præsidii pars cæsa. Viginti, qui supererant, vnam salutem pacti dederunt arces solennia verba nuncuparunt. Capte arcis custodia Lupo Arriarano concredita est impigro viro in reliqua vita, sed & in ea obsidione industriæ & virtutis notæ. Sic vrbs Neapolis vniuersa nulla eius parte à Gallis retenta in Hispanorum potestatem venit magna in præſenti lætitia, maiori in futurum spe. A Fabricio quoque Columna septingentorum militum ope, quos Roma Franciscus Rogius subsidio miserat, Aquila vrbs vi capta est in Pelignis Aprutii caput atque eo exemplo metuque reliqua prouincia mox victoribus cessit. Fracasius Sanſeuerinus & Hieronymus Golioſius Andegauensium in ciuitate princeps euaserunt in Pontificiæ ditionis proximos fines dilapsi fuga felici, quippe hostis aduersus pericula ferox vigiliis parum erat intentus.

20

Caieta obsidio. CAPVT II.

Discessit Neapoli Gonsaluius ad quartum decimum kalendas Iulii Germani fanum versus, Gallis obsistere cogitans vltra Lirim statua habentibus neque magna neque nulla spe pristinae fortunæ: simul oppida quædam eo tractu subigere cupiebat Gallicarum profecto partium. Atellam seu Auersam ex itinere Capuamque cluium rogatu adiit. Omnibus officiis venientem colere Hispano nomini quantopere essent addicti ostendere ciues cupiebant scilicet ex animo an tempori seruiantes. Sed maiora tamen, quam erant polliciti præstiterunt susceptæ beneuolentiæ argumenta. Garſias Paredius & Christophorus Zamudius eximii copiarum ductores cum mille & quingentis militibus præmissi sancti Germani oppidum arcemque impugnare pergebant. Aduentu Gonsalui incolæ deditionem fecere. Cassinatem arcem locis finitimam obtinens Petrus Mediceus cum valida Gallorum manu obsessis opitulari ausus non est. quin desperata defensione, si eo Hispani ire pergerent raptim profectus tuendi oppidi & monasterii celeberrimi fama curam ducentis militibus reliquit. Illi Hispanis Gonsaluoque vim veriti intra dies duodecim eam arcem tradituros, nisi à Gallis idonea eo spatio auxilia venirent sunt polliciti. longum erat tandiu assidere obsessis. Ita illi violata pactione tantisper in Gallica fide perſistere. Alia parte à Magno Gonsaluo Roca guillelma, & Traiectum Liri præterfluente oppidum, aliæque circum arces ad ditionem subiunctæ sunt: præterea Castellonium & Mola Caietæ vicina oppida, quorum alterum Ciceronis Formianum fuisse olim eruditi perſuadent. Caieta supererat & sua munitione vrbs & militum numero expugnata plane difficilis. Sed nihil est virtuti constantiæque inaccessum. Ad eam Gonsaluius ipsis kalendis Iulii copias admouit positis iuxta castris impugnaturus scilicet. Ea vrbs circulo ferme vniuersa alluitur mari, eoque firmissima vno tantum à terra aditu angusto atque arduo relicto. Mons Orlandus imminet vrbaniſ edificiis arduus item ascensu & gallicis in eo tormentis constitutis ignes obsidentibus exitiales euomebat, propius ut accedere sine periculo non liceret. Quatuor millia & quingenti intus milites erant: in hoc numero equites mille quingenti qui ex omnibus partibus ad sustentandum extremam spem eo confluerant, si qua se via daret recuperandi opes amissas. Quod præcipuum erat, maris imperiū tenebāt Hispanica classe gallicę impari. Sic neque auxiliis obſeſſi neque cōmeatu prohiberi poterant. Villamarinus quidē ad ea littora cū triremib. accurrit, si existeret occasio rei benegerēdæ, sed virib. impar parū profecit. Gōſaluius bellica maiora tormenta, quę Neapoli reliquerat, deuehi iussit. Orlandi montem impugnare votum erat, vnde in subiecta noſtrorum castra, ex propinquo apertoque displodebantur globi cum multorum sæpe strage miserabili. Periit in eo numero Hugo Cardonius dux impiger, neque nobilitate maior quam scientia pugnandi. Annōnæ angustia obſeſſos premebat, farina maxima nullis molis frumentariis. Ad octauum Idus Augusti commeatus affatim mille & quingentos auxiliares milites duæ

onerariæ, rostratæ maiores quatuor intulerunt, præterea triremes aliquot quibus Salu-
 cius Marchio vehabatur in locum Namursii summus copiarum à Gallo dux designatus.
 Ingens obsessis gaudium, neque levis spes posserem Gallicam iis opibus restitui. Ita
 displotis eodem die ex Orlando monte tormentis Rabastenus Germanorum tribunus
 globo haudquaquam in spem tantæ rei misso periit. Nouo incommodo inductus Gon-
 saluus die postero copias Castellonium reduxit amæno salubrique cælo oppidum, atque
 extra globi iactum. Multis diebus consumptis nullum tamen operæpretium extitit. ne-
 que enim urbem inuadere licebat, quamuis magna muri parte ab Hispanicis tormentis
 strata: quoniam obsessi diruta magna diligentia munierant. Neque præsidarii erum-
 pebant ad conferendum manus. Quo die tamen nostræ copiæ reducebantur Castello- 10
 nium duo millia & quingenti milites portis egressi postremum discedentium agmen
 carpere, ubi Germani erant. Cessere illi sensim, astu Gallos ex angustis locis in apertum
 pellicere cupientes. In delusos fraude exultantesque quadringenti Hispani repente
 conuersi eo impetu, quem illi non tulerunt, tergis fugientium hæserè, neque cesserunt
 priusquam ad Caietæ portas ventum est. ducentos è Gallorum numero in fuga cæsos
 Hispani victores in reditu nullo prohibente spoliarunt armis indumentisque. Caietæ
 obsidio ducebatur: simul vtræque gens in bellicos apparatus vndique conquirendos pro
 virili districta erat. Ac præsertim à Rege Gallo Caietanis auxilia decreta Tramullio
 duce, sexcenti cataphracti equites, Heluetii ad octo millia, præter Gallorum millia
 quatuor mari ad varios Liguriæ & Hetruriæ portus appulsa. Parma vrbs designata, quo
 copiæ omnes conuenirent. Ferrariæ dux, Mantuanus Marchio, alique Itali proce- 20
 res præsto fuerunt in studium rei Gallicæ subleuandæ vehementer inflammati. Regii
 præterea in Gallia Scrinii magister Ambianensisque Præfectus, qui prælio ad Cirinio-
 lam facto interfuit Caietæ romam profecti expeditionem vrgerè non cessabant belli
 duces vt festinarent vrgentes. Mantuano persuadere plerique nitebantur, vt Tramul-
 lio socius eius belli curam susciperet. Abnuere is initio Laurentii Suarii diligentia &
 auctoritate cautior: qui Mantuano per litteras & Venetis assiduus, vt Hispanorum po-
 tius partes vtrique in eo discrimine palam amplecterentur; auctor erat incitatorque
 priuatis id rationibus salutare fore vniuersæ Italiæ commodum si pro virili parte Galli-
 cos spiritus frænarent. Cunctabantur Veneti, fluctuabat Mantuanus. Cognito ta-
 men Tramullium valetudine impediri ne vltèrius progrediretur, quasi riuale subla- 30
 to regi Gallo obsequium detulit. E contrario à Rege Catholico sex triremes, & in iis
 aliquanta pecunia in stipendium missæ duce eius classis Raymundo Cardonio. Sed
 neque iis quamuis triremibus ad alias Hispanicas adiunctis vniuersa classis Gallicæ par-
 erat triginta maiora minoraque nauigia nihilominus numeranti. Gonsaluus item omni
 ope Vrsinos romæ factiosam familiam viris & armis validam in partes trahere satage-
 bat. Conatus inanis non fuit. Gentis princeps Pitilianus Comes vltro offerebat, ho-
 nestis modo conditionibus transiitione facta cum quadringentis equitibus in castra
 venturum. Conuenit tandem pactione facta vt Bartholomæus Liuianus Vrsinorum
 dux esset ardenti ingenio vir inquieto tamen, ipsaque fortunæ inter aduersa & prospera 40
 consequenti tempore in bellis Italiæ, quibus interfuit alterantis varietate mirabilis, ma-
 nu quam consilio melior. Vt Cæsar in Insubres irrueret Gallorum audacia frænanda a-
 gebatur serio in bellicos sumptus ingenti oblata pecunia scilicet. Simul à Pontifice
 contendebant rei Hispanicæ patrociniū susciperet eo tempore ad neutros aperte in-
 clinante, memoria personæ quam gerebat, an ex euentu consilium sumpturus. Va-
 lentini ingenium id erat, vt haud tuto eius constantiæ fideretur in omnes se partes ver-
 tere soliti, vnde melior affulgeret spes nulla famæ nulla equitatis cura. Verum has o-
 mnes molitiones Pontificis mors inopina disturbauit ad quintum decimum kalendas
 Septembris subsecuta noxio veneno corruptis vitalibus; eo quod Valentinus in hortis
 apud Hadrianum Cornetum Cardinalem cum Pontifice cænaturus diluerat in exitium 50
 quorundam Cardinalium quos ad cænam inuitarat. Deus scelerum vindex quam para-
 bat fraudem, in eius caput & exitium conuertit. Mutatis per imprudentiam à ministro
 lagenis epotum auide propter æstus graues vinum medicatum, atque venis intimis dif-
 fusum Pontificem & Hadrianum Cardinalem propter ætatem extinxit quamuis omni-
 bus frustra tentatis remediis. Valentinus felicior iuuetæ vigore adiutus & opportunis
 medicamentis euasit. recens exenteratæ mulæ vtero inclusum calor imprimis iuuisse fer-
 tur. Morbus tamen ex eo diuturnus importunusque rationes eius vehementer affli-
 xit, euertit male fundatas spes. Is exitus fuit Alexandri Pontificis paulo ante vniuer-
 sum orbem terrentis, an verius morum prauitate & vitæ licentia offendentis. tutelam
 cære-

cæremoniarum gesserat annis vndecim. Multa de eius vita tum fama quæ nulli parcat, tum de scripto prodite sunt, vero an ex inuidia haud facile dixerim, omnia conficta temere fuisse non arbitror. Pontificis certe obitum multi ad nouas spes erecti, variæ molitiones extitere, in quibus maiorem fiduciam adipiscendi honoris supremi quam in virtutibus eo loco idoneis reposuere quidam. Sic erant tempota moresque. iisdem diebus in Heduis ad Matisconem Fridericus Rex cum Gallo est collocutus. Benigne accepto restitutionis iniecta est spes. Eo maior quod à Rege Catholico eadem pacis faciendæ via tentabatur: verba pulchra rebus ad extremum vacua. collusio visa, & vterque princeps prauaricator. Sic miseris vbique deluditur. Friderici à commentariis Actius Synchronus Sanazarius insignis vates fuit exilii indiuiduus comes. Hic & Iouianus Pontanus superioribus Regibus Neapolitanis item à secretis multa in Alexandrum Pontificem fortassis supra verum effudere certe stomachi plena conuitia. Abs Rege Gallo Sanazarii ingenio & eruditioni multi honores habiti sunt: eoque agente exuli in patriam restituto bona post malum reddita sunt satis ampla, ne datam hero fidem falleret relictæ, eo indignior calamitate maloque.

Salsulæ arx à Gallis obsessâ.

CAPVT III.

20 **B**ellici terrores ex Gallia ostentati, atroxque tempestas imminere visa est. Copiis ex vniuerso Gallico imperio Narbonem confluentib. finitimi Ruscinonenses ne vexarentur belli flamma eo tractu excitata scilicet verebantur nostri. Ea cura Rex Catholicus Baroinonem accessit, ex propinquo, quæ bello defendendo necessaria erant comparatum. Simul ingenti delectu ex vniuerso imperio colligebat copias. Fridericus Albanus dux iis limitibus cum potestate præfectus. Non deerant qui consulerent, ut vltro Gallicis finibus illato bello hostiles conatus occuparet. ad tuendam nominis estimationem id maxime pertinere, si audaciæ & virium tantum suppetere crederetur, ut hostes vltro lacefferet. De Vasconibus non minor quam antea cura erat, iis Regibus nomini Gallico vehementer addictis, atque ita ut Regis eius minor frater Venetiæ in
30 Armoricis regulus ad Neapolim Gallicas partes palam sequeretur, Lubretum vtriusque patrem Aquitanie præficerent ad Hispaniæ nimirum limites ea parte inuadendos idoneum opibus & auctoritatē. Ad hæc Lussæ regulus ex Gallia in Ansi vallem Aragoniæ ditionis partem irrumpere parabat: atque in ea Virduni arcem occupare: irrita molitio nisi per Vasconum fines Roncalensesque adeo daretur transitus. His suspicionibus detergendis ii Reges intenti Magdalenam filiam quasi fidei obsidem in aula Isabellæ Reginæ educandam dederant, vti est superius indicatum. Minoris iam pretii id pignus erat prole mascula nuper iis regibus nata in spem paterni regni, cui Henrico nomen fuit, vita molestiis obnoxia, ac ne longæua quidem. Isabella
40 Regina de bello sollicita Madriti, vbi morabatur, equitum Magistro, ducique Anagari mandauit ad ipsorum subditos propriosque milites adiunctis quingentis equitibus quos ipsa misit, ad Vasconum fines accederent. Ioannes item ribera ei limiti à superiori tempore præfectus nihil de sua comparatione omittere, certus ex Gallia imminere Hispaniæ finibus tempestatem. Vanæ superstitiones non fuerunt. Gallis enim infano delectu omnibus regni amplissimi viribus contractis in Ruscinonenses irrumpere decreuit ferox oppidis, agris, hominibus vastitatē parans, Hispanos haud pares futuros ratus validis copiis in quib. viginti millia milites numerabatur, quæ tyrones, quæ veterani, præcipuū robur decem peditum millia, mille equites, numerus alii ad terrorem comparatus. Multi proceres aderant genere & factis nobilissimi. Militaris imperii ac
50 torius expeditionis summa penes Britannæ Marescalum erat, qui Latine Castorum metator dicitur: Collectis iis copiis Augusti fine ad Palmam agri Ruscinonensis pagum castra promouit. Eo in loco aliquot diebus consumptis dum vires omnes & impedimenta conueniunt ad Salsulas arcem progressi sunt per montes pedites, equites per plana, locis idoneis ex interuallo præsidia toto itinere relictæ, ne commeatus ex Gallia facultas ab Hispano interciperetur. Sabbatho ad sextum decimum kalendas Octobris ad Salsulas munierunt castra eam arcem impugnandi certa voluntate. Albanus Perpinianum vicinum municipium peruenerat mille expeditos, quingentos grauis armaturæ equites, pedites ad sex millia sub signis trahens. Quantulæ vires eæ erant cū Gallicis cōparatæ? Albani tamen aduentu Sanctius Castellæ Ruscinonensis limiti

antea præfectus Salsulas est ingressus obsidionis fortunam cum cæteris subire paratus. Egredi Hispani milites ducis iussu sunt hostium castra speculatum, & si qua se daret occasio pugnandi voluntate. Cum robore exercitus dux ipse Perpiniano relicta supra Salsulas supraque Gallica castra ad Ribas altas constitit ab hostium incursum tutus locorum asperitate accessum prohibente & in omnem occasionem intentus aut inuadendi hostes, aut obsessos subleuandi. Quin Gallos ad pugnam prouocare non est veritus misso feciali: audax facinus in ea militum paucitate, nisi loci, in quo erat munitio animos fecisset, & ab iniuria tutum præstaret. Quo tempore Galli ad Salsulas castra propius promouerunt aggere & fossa circumdata in apparatus eius arcis impugnandæ incumbentes, Romæ Cardinales intra conclaue more instituto clausi de sufficiendo in Alexandri locum Pontifice disceptabant. Multi honorem expetebant, maiorem in ambitu spem quàm in vitæ probitate & modestia reponentes. Præ cæteris Rhotomagensis Cardinalis se ostentabat, Gallici exercitus fauore fretus Romam contendens: opeque Aragonii & Ascanii Cardinalium, quos secum ex Gallia adduxerat ambitionis adiutores scilicet præclaros. Resistebat Iulianus Ruuereus Cardinalis alioqui Gallico nomini ad insaniam additus, sed in Pontificatus petitione neminem præferri sibi patiens. Bernardinum profecto Caruaialium Magnus Gonsalvus subleuabat parta de gallis victoria multisque ex eo adiunctis amicis validus in quamcunque se partem dedisset: quo studio ut Ioannes Columna Cardinalis ex Sicilia, ubi Alexandri Pontificis metu in familiam grassantis se eatenus tenuerat, ad comitia festinaret gratia & auctoritate & ope effecit. Simul Romanam cum militari manu e castris Prosperum Columnam & Dieghum Mendozam dimisit. Facto species prætexta ne vis afferretur Patribus aliqua gallorum aduentu: unde noui motus existerent maioraque mala. Importunis contentionibus trahebatur tempus: magnique erant comitiorum æstus. Nihil tamen tres candidati sua diligentia profecerunt, Neapolitanus quidem Cardinalis spe ambitione tribus sed ex interuallo proximus. Decretum à Patribus consensu ante electionem, ut quicumque confectis suffragiis Pontifex renunciaretur, intra biennium proximum Episcopos in conuentum generalem cogeret: quod repeteretur deinde institutum singulis tribus annis lege in omne tempus lata. Superioris temporis licentiam frænare, sanare reip. vulnera erat Patribus propositum; orbi vniuerso id expetenti satisfacere. In eam sententiam cunctis, qui aderant, sacramento adactis post quinque & triginta dies maior collegii pars Seriensensem Cardinalem Franciscum Picolomineum Pontificem iussit vitæ innocentia & inculpatis moribus promeritum ut cæteris præesset, idoneum visum, per quem proximi Pontificatus vitia & vulnera multa & fæda sanarentur. Ad decimum kalendas Octobris ea nominatio facta est. In ipso nihil tumidum, arrogans, aut in rebus nouis nouum fuit, ea erat modestia. Pii tertii nomen desumpsit, Pii secundi auunculi grati Pontificatus instaurata in eo memoria. Ardebat cupiditate ecclesiæ mores astringendi acriori censura, ac præsertim vrbis Romæ & curiæ totius tetrum odorem amouendi: idque consilium in quodam Patrum conuentu priusquam susceperet diadema palam exposuit, ac vero Episcopos ex toto orbe in conuentum ut cogeret nolle biennium expectare, sed rumpere continuo moras fixum animo esse. Numina orbis Christiani sceleribus irritata talem ac tantum Pontificem inuiderunt, sæua & importuna mors præclaros noui Pontificis conatus disturbauit sexto & vigesimo die ex quo fuerat in Petri sede collocatus. Admixtus gaudio mæror electione atque obitu non vna omnibus via. Saniores lapsum de cælo Pontificem iudicare, atque in eo numero Rex Catholicus. quidam secus existimare, pars superioris temporis licentiam amantes, cautiore verebantur ne Italiam turbaret, gallorum patrocínio suscepto, quibus Lochiti Marchio erat cum primis addictus eius ex sorore natus. Id cum multis Magnus Gonsalvus quoque metuebat à multo rerum usu cautior, mentis humanæ altos esse recessus cogitans, mores sæpe in suprema rerum omnium potestate mutari raro in melius neminem cupiditate vacare, paucos sibi acriter imperare. seque ætate præsertim præcipiti retexere. Parum in his comitiis Valentinus præstitit, quippe ex aduersa epti veneni valetudine lecto affixus. Quæ res Romanæ quoque nobilitati bonis euersæ iniuria prioris temporis opportunitatem præbuit ablata recipiendi. Veneti rebus turbatis promiscuam odorati prædam accurrentesque vrbes aliquot in Flaminia occuparunt ex alienis incommodis utique crescere soliti, ex finitimorum calamitate & iniuria fines imperii proferre. Sic in Valentini fide Forliui & Arimini arces fere eo tractu tantum perstiterunt: momentoque temporis dilapsa sunt, quæ male quæsitæ fuerant; ludibrio habitus qui paulo ante terror vniuersæ Italiæ erat.

Hos ludos fortuna seu vis superior facit, has vices mutat. Ipsa quin oppida & vrbes talem indignatæ dominum extemplo abruptere frænos: maleque cohærentis compages imperii multas repente in partes ac veluti in fragmenta dissiluit.

Salutarum obsidio soluitur. C A P. IIII.

Galli supremo conatu actis occulte cuniculis, tormentorumque ictibus quassatis Sal-
 10 sularum manibus præcipue turris partem. Propugnaculumque strauerunt recentis structure neque plane perfectum opus. Eo patefacto aditu muro succedere non dubitarunt musculis tecti vectibus conuellere lapides quibus fundamenta continebantur. Magnum in periculum res erat adducta. In ea angustia obsessi propugnaculum illud, quoniam defendere non licebat, deferere decreuerunt, in subterraneis tamen cameris supposito tormentario puluere; quo incenso concipientemque flammam superstans area in sublime sublata dissiluit magna cum Gallorum strage, qui magno numero conscenderant per rudera quasi victoria explorata. Quadringenti amplius periere quidam ambugni flammis, aut discriptis membris ex alto præcipientes, aut ruinis accumulati, pars ab iis cæsi, qui ex arce repente eruperunt. Confluentibus in dies militibus Albani augebatur exercitus: atque ita ut quadringenti cataphracti essent, mille & quingenti expediti equites, pedites ad decem millia. His fretus copiis ad
 20 quintum Nonas Octobris die Veneris ad Gallica castra successit propius: neque reduxit militem ante solis occasum. Pugnam detrætarunt Galli, quos tamen se intra munimen tenentes displosis nostri tormentis nonnullo illato damno maiori aliquanto ignominia multarunt. Ferdinãdus Rex ad Gerundã auxiliares copias à Castella festinantes morabatur, haud minori numero, quam quæ ad Perpinianum erant, & melius armatas. His adiunctis copiis Gallos si pugnam recusarent, intra castra vallumque impugnare certum erat. Classis quæ tutaretur ea littora comparata duce Stopignano nondum appulerat turbato mari aduersis ventorum flatibus prohibita. Hispanicis triremibus in bellum Gallicum intentis decem & nouem biremes Mauricæ Valentinæ & Granatensem oram igne & direptionibus vexarant. Impune fore licentiam credebant. Martinus tamen Galindus Granatensibus littoribus tutandis præfectus cum iis ad Carthaginem nouam commissa pugna piraticas omnes biremes aut cepit aut submersit; prorsus ut ne vna quidem eam cladem euaserit. Eo nuncio lætus Rex quasi præclaro omine ad belli totius summam gerunda cum Castellæ copiis profectus Perpinianum appulit ad quartum decimum kalendas Nouembris die Iouis. In magnum discrimen obsessorum salus venerat, nisi continuo operæpretium existeret. Missa manu militari, quæ ab hostium tergo itinera versus galliam locis idoneis insideret: cum cæteris copiis continuo gallica impetere statim visum est. Id ut cum maiori fructu certiorque victoriæ spe fieret, quo die Rex castra contulit castris ligneam turrim ab hostibus in vicina palude multis sublatam tabulatis
 40 ne videlicet commeatus ex gallia facultas interciperetur, impugnare sine mora est aggressus. Capta turris, Regis aduentus, pugnandi decretum terruit vehementer gallos. Ipsa nocte ne conclamatis quidem vasibus quo profectio occultior esset, tormentis via militari Narbonem præmissis relictæque præ festinatione impedimentorum bellicique instrumenti parte silentio mouerunt castra. Et quidem initio in planiciem flexo itinere quasi pugnam appeterent, continuo quasi mutato cõsilio Narbonem versus discesserunt. Aragonii & Catalauni equites abeuntium hæserunt tergis postremo agmini graues imprimis. Quem hostes impetum non ferentes tormentorum, belli partem apparatus, tentoriaque non pauca, quæ deferebant secum deferere sunt coacti, fugientibus quam cedentibus propiores, quamuis seruatis ordinibus. Cum robore exercitus subsequebatur Rex pugnae audax. Magnam eo die eladem galli accepissent, nisi itineris festinatione propinquoque perfugio hostium aduentum & conatus occupassent. Rex quoniam abeuntis insequi non licuit, in galliæ fines vastabundus irrumpit, hominum & pecudum actæ prædæ: Leucata aliaque ignobilia oppida eo tractu de hostibus capta. Inter hæc Olisipone Rege Lusitano Isabella filia nata est ad nonum kalendas Nouembris: cui cælum orbis Christiani imperium destinabat cum Caroli quinti coniugio, filium Philippum adiecta Lusitania matris iure Hispaniæ vniuersæ Regem. Venere paulo post ex Gallia oratores: quorum opera induciæ quinque mensium inter duos Reges atque vtramque gentem pactæ sunt, excepto Neapolitano tantum bello. Is finis nobilissimæ expeditionis fuit: ad cuius famam orbis Christianus vniuersus suspensus tenebatur quem

successum habitura esset. Limiti præfectus tamen Bernardus Rogius Dianii Marchio, adiunctis mille cataphractis, bis mille expeditis equitibus, tribus peditum millibus ad omnes casus paratum præsidium. Obsessæ item arcis cura Dimæ Requesenio est cōcredita. Rebus ad hunc modum compositis Barcinonem Rex rediit. Inde Michaellem Ioannem Grallam & Antonium Augustinum legauit ad Gallum, vti in fœdere recens iſto erat cautum. addita mandata vt controuersias de regno Neapolitano pactione aliqua finirent. Catholicum Regem ea contentio sollicitum habebat, tum propter Gallicas copias eo festinantes, tum maxime Pii tertii Pontificis morte nunciata electioneque in eius locum Iuliani Ruuerei Cardinalis qui in Pontificatu Iulii secundi nomen edidit. ardens eius ingenium timebatur Gallicis addictum partibus. Ad conciliandas Patrum voluntates, eorum quos legerat in senatum Alexander Pontifex multum Valentinus contulit, odio enim uero Bernardini Caruaialii, cui collegii partem fauere erat exploratum. Iisdem diebus Philippus Princeps ex Allobrogibus, vbi eatenus hæserat, in Germaniam discessit patrem inuisurus. Filio is auctor exitit, ne pacem cum Gallo paulo ante pactam violari à socero ægre ferret multis obnoxiam incommodis docens. Pollicebatur quinetiam si pecunia suppeditaretur ab Hispano, irrupturum se in Italiam qua parte Insuæres late fusi sunt. Quod Ioannes Emanuel, & Gutierrius Fuenfaldia pro Rege Catholico in Germania legati persuadere enixe conabantur. Rex Ferdinandus magnificis promissis quantum esset credendum non satis statuebat Cæsaris ingenium varium & inconstans expertus; ad omnem fortunæ cursum vt erat cautus & sagax maius in pecunia sua quam in alienis viribus præsidium certiorē spem collocans. Tempus his molitionibus nullo emolumento extrahebatur. In Ioanna filia turbata mentis certe per interualla vacillantis haud obscura argumenta visebantur, quod parentibus vt par erat, molestissimum accidit: ac vero ea res felicitatis reliquæ lucem vel maxime obscurauit. Sic sunt res humanæ: ea conditione viuimus, nulli sincera lætitia datur. Ad virum festinare cupienti mora omnis grauis erat. Mulcebat prudens mater ægrum filia animum, aliam ex alia moræ causam excusare, clausum mare aduerso anni tempore sæuis procellis. Nullis consiliis ardor animi placabatur. Sic die quodam in rabiem acta è Medinæ Campestris arce, vbi se tenebat, pedibus proficisci in Belgas tentauit; quibus comitibus? quo viæ subsidio? furor agebat præcipitem. Furenti quamuis manus iniicere maiestas verabatur. Sublicium tantum pontem sustulere custodes. Ita egrediendi facultate prohibita ad arcis portas substitit, in vicina culina cibum somnumque capiens neque frigoris, quod sæuebat in ea regione eoque anni tempore maxime, neque aeris nocturni iniuriis cedens. Ac ne vinci quidem potuit Ioannis Fonsecæ Cordubensis Episcopi, qui ei assiduus erat, precibus, ne auctoritate quidem Toletani Archiepiscopi qui ad rei famam superuenerat, vti ad priora cubicula rediret, saluti consuleret in periculum adductæ. Registra mater ad eius rei famam quamuis afflictæ vehementer valetudine Segobia accurrens filia vt resisteret pro auctoritate materna persuasit. Simul vt eam placaret classem ad Lauretanum portum instrui mandauit, qua cum primum se anni tempus vernum aperuisset ad virum nauigaret in Belgas tandem reducem multis mensibus in gallia & apud Allobroges consumptis exigua vxoris cura.

Bis ad Lirim victi Galli.

C A P V T . V .

IN Italia gallicæ copię Neapolim versus contendebant. Lentum iter erat neque solita militum alacritas quasi tacita diuinatio imminentis mali. Florentiam Senamque nullo prohibente tenuerunt ductore Mantuano. Tramullius febri quartana impeditus retro substitit, cum copiarum tamen parte ex interuallo secuturus. Iactatione itineris & propter anni tempus ingrauescēte valetudine Romæ hæsit belli cura abiecta. Aditu eius urbis prohibitus gallicus exercitus per pontem Miluium duum modo millium spatio distitum, Tiberim traicere permissus ad Neapolitanos fines prope accedebat. Cōmotus ea re cōsaluus ancipiti cura anxius erat. Caietā obsidione vrgere pſeueraret; ireve potius obuiam gallicis copiis in obfessorum auxilium festinantibus. Multa apud animum suum cogitanti Roma magnum in periculo ad victoriam momentum, duo millia pedites venerunt centum expediti equites: quos Franciscus Rogius suprema diligentia ex Hispanis germanis Italisque tumultuario delectu collegerat, præter ducentos alios germanos & quingentos Italos, quos propediem se subsidio missurum, ac iam in procinctu esse significabat. Ductor Hugo Moncada studio in iis angustiis operam fidemque suo Regi probandi honestam conditionē reliquerat, quā à Valentino centum cata-

Cataphractis præfectus obtinebat. Commodissime id auxilium accidit : atque eo amplius quod Salsularum obsidio impediēbat, ne ex Hispania milite aut pecunia partes iuuantur. Nouis copiis auctus Gonsalvus cum hoste configere statuit. Ergo cum primum Gallos Romam præteruēctos esse, atque ad fines Neapolitanos accedere cognouit, Castellonio continuo cum copiis omnibus mouit, si hostes prælio superasset ratus Caietam haud dubie in victoriæ partem accessuram. Primis castris ad Liris ripam peruentum. Eo loco Petro Pacio relicto, qui transitu fluminis Gallos prohiberet, ponti lapideo impositus custos cum valida militum manu, ipse ulterius progressus ad Germani fatum castra posuit. Gallicæ copię ad Pontecorum erant ditionis Pontificiæ oppidum ad

10 Liris ripam patentibus campis sex modo inde passuum millibus. Mille cataphractus bis mille expeditos equites, nouem millia pedites maiori ex parte Italos habere Gallos fama nunciabat. Maiora minoraque tormenta ignea triginta sex. Præcessit cum Hispani exercitus parte Petrus Nauarrus Cassinatem arcem occupatum vsque dum Gallico præsidio nomineque detentam. Nec mora arx illa vi expugnata Hispano cessit ferme in oculis Gallici exercitus, suis opem ferre non valentis, quæ magna ignominia fuit. Multum fama in bello potest. Eo maius dedecus exitit quod rumore vulgatum erat, Mantuanum linguæ intemperantia iactare solitum : cupere se cum ea colluione Marianorum (sic Hispanos per contumeliam vocant) pugna experiri. Gonsalvus castra promouit posuitque in hostium conspectu mille passuum modo intervallo diffita. Inde

20 misso feciali ad pugnam prouocauit hostem, quando tanta animi confidentia esset, tantus alienę virtutis despectus. Respondit Mantuanus ad Lirim fore pugnandi copiam; eo inuito traiecturum. Ex Aprutii montibus ortus is fluuius Germani fanum præter & Pontificiæ ditionis agros labitur altissimis ripis castigatus angustusque alueo profundo, vix vt vadari possit: neque alio ea parte iunctus pontē nisi qui ad Pontecorum est. Placido cursu multisque mæandris Caietam quamuis citra flumen positam Roma adire nisi bis traiecto flumine instituto itinere ac breuissimo non licet. Alegrius Caieta profectus ad tria millia hominum ducebat Gallico exercitui supplementum. Is vt traiecto flumine continuo pugna experirentur, auctor erat oblitus scilicet cladis ignominiaque eius festinatione importunitateque ad Ciriniolam acceptæ. Dimidiato

30 Octobri die Dominico Galli ad Ceperani vada traiecere. Hispanæ ditionis oppidum Rocasicca mille ducentis militibus tenebatur. Duces impigri Villalua, Pizarrus, Zamudius facta ex eo oppido eruptione in primum gallorum agmen nullo ordine quasi per pacata tendentium inuecti amplius trecentis ex eo numero qua cæsis qua captis ad suos læti ouantesque redierunt. Accurrere reliquæ gallicæ copię socios vindicare destinantes oppidi ruina præsidii cæde. Fefellit eos spes temere concepta. Obsessi non modo vim omnem à mœnibus arcuere, sed erumpentes oppido rursus plus ducentis ex hostibus in pugna cæsis reliquos intra munimenta compulere. Cessit virtuti numerus. Die postero tria militum millia obsessis auxilio præsto fuerunt, ductores Prosper Columna & Petrus Nauarrus. Simul cum copiis omnibus Gonsalvus festinabat, initio

40 iudicans spem metumve gigni: prout prima cecissent fore reliqua. Galli quamuis specie repetendę impugnationis, veriti tamen si quid sinistri accideret, ne tormenta caperentur; & alioqui tempore exclusi multis imbribus impedito motis copiis vltra flumen retulere castra. Post biduum transmissō iterum fluuiō in Aquinatem agrum deflexere sex millibus passuum à Germani fano, quo Gonsalvus in statiuā redierat. Imbriū tēpestas ne pugna decerneretur impediuit. Inflato amne galli ad Pontecorui pontem retro conuersi interiectum fluuium pro munimento hosti obicere destinabant. Institit iisdem

vestigiis Hispanus vltra Aquinates procedens vbi Gallos ad pugnam elicere tentauit. Cautiores illi loco idoneo delecto obiectisque tormentis in detrectandi certaminis sententia perstiterunt. Sic Gonsalvus & milites necessario solita statiuā repetierunt pleni de cætero bona spe quoniam metum aduersariis posita, cum qua venerant, ferocia ex-

50 presserant. Galli quoque trans flumen reduxere castra Nouembri mēse auspicantē. Quo Romæ mense Vrsini cum Columniis proceribus in obsequium Hispani Regis consentire legatorum tum Hispani tum Veneti opera & auctoritate facto fēdere. Venetis gallorū felicitas grauis erat: ac ne libenter quidem ferebant præualidi Principis vicinitatem. Quingentos grauis armaturæ equites Vrsini in id bellū obtulerunt si à Rege Catholico sexaginta aureorū millia annua pēderentur. Ac sigillatim Bartholomeus Liuianus, cuius eo bello p̄clara extitit opera se ducturū tria millia qua equites qua pedites obrulit inter præcipuos eius familiæ sed & vniuersæ Italiæ ea quidem ætate duces habitus. A Fabricio Columna Rocauandra capta vi est in oculis hostium auxilio accurrere impugnatis non

audentium. Sic res Gallica in præceps ire visa est. Quin secundum fluminis ripam mota Gallorum castra Germani fanum inter & Caietam medio ferme interuallo constiterunt. Ponte lapideo cui Petrus Pacius custodiendo erat impositus traicere flumen destinabant. Mille & ducenti Hispani pedites præsidio relictæ, & aliquot equites expediti vim vniuersi exercitus Gallici sustinuerunt, triduum diurno nocturno pugnae laborem continuantes. Sic Gallis transitu prohibitis cum robore exercitus Gonsalvus accessit suorum periculo commotus: & de rerum summa sollicitus, si hostes voti cõpotes euasissent. Eius aduentu parti pontis quæ lignea erat, subiecti ignes: Castraque ad pontis caput locata sunt. Eo loco maius ab intestina discordia periculum extitit. hyemis sæuitia Hispani milites & stipendii inopia in rabiem acti tumultuari, per vicina oppida & agros dispersi prædas agere præcipuo rusticorum damno, tum equites tum pedites frequenter signa deferere. Insanum quanta extitit animorum consternatio, quantum in discrimen venere res. Præcipui quin etiam duces militem in statiuam reducendi auctores erant, cum locorum & temporis iniquitate vnaque cum hostibus pugnare non audaciam videri sed temeritatem. Regrediendum in munita, & excedendum potius quam pellerentur specie prudentiæ admonebant ignavi. Eo processum, ut die quodam hastam miles quidam Magni Gonsalvi pectori admoueret minas intentans, nisi pareret necessitati. Verum is alta dissimulatione magnoque animo militares mulcebat iras. Corrogata quin etiam vndique pecunia binos aureos militibus per capita distribuit. Ducibus in consilio contra tendentibus suadentibusque copias in aliud tempus seruaret. Probe, inquit, noui quo loco res nostræ sint, 20
 ” quanti referat cum hoste configere. Ad sepulturam potius vel vno passu ulterius promoto procedere certum habeo: quam si retro tantundem conuerso pede centum annis
 ” sit propaganda. Hic meta laborum esto aut vitæ finis, si superis ea sententia stabit. Diuersum mihi nemo suadeat. Columnios proceres præcipuos discedendi ex iis locis suadores, erant qui suspicionibus incescerent tanquam inuidia & æmulatione Hispaniæ incrementa ægre ferrent, Gallos subleuari cuperent. Ex eo sane inter Columnios & Gonsaluum offensiones diuturnæque similitudines extiterunt. Ducis diligentia & auctoritate quamuis sedato ægre tumultu militari contineri milites non potuerunt quin plerique castra signaque deferrent. Imminuto Hispanorum numero hostibus facile fuit triremibus quibusdam & cymbis valido nexu vinctis ligneum pontem silentio noctis imponere nullo prohibente. 30
 Mille & quingenti Galli ea arte traiecto flumine in nostrorum qui nihil minus cogitabant, stationes facto repente impetu, quoddam veluti propugnaculum pulso inde Hispanico præsidio ceperunt. Eo metu in castris Hispani ad arma vndique concurrere paucissimi equitum numeri pedites ad quinque millia. In discrimine Gonsalvus se ipso maior conscenso equo acies primū instruxit, ut tempus daret: mox in pedes destitutus arrepta militari securi inter primos in hostes ferox incurrit. Quinque gallorum millia flumen traicerant, sequebantur alii, ad hæc tormenta in aduersa ripa disposita in Hispanas acies displodere non cessabant. Maior terror quam clades. Tantis quamuis præsidiis muniti hostes Hispanorum peditum incurrentium impetum & alacritatem pugnandi sustinere non valuerunt. Ac versi in fugam continuo pontem qua transierant repetierunt. Transeundi 40
 festinatione cum inter se prementes alii super alios ruerent, ad mille & quadringentos ex gallorum numero pars ferro trucidati pars subiecti fluminis vorticibus merfi sede perierunt. Gonsalvus nullo tormentorum metu ad pontis caput accessit: signa quin etiam & militum centuriæ quædam hostibus permixtæ in aduersam ripam vrgendo cadendoque aduersarios euaserunt. In receptu tamen ex eo numero quidam tormentorum globis sunt discerpti, atque inter eos viri præstantes nonnulli: alii vulnerati ac nominatim Lamudius qualis ac quantus dux. Ante alios vexilliferi virtus enituit, qui globi ictu amissa dextra vexillum sinistra arripuit: & ea quoque nouo ictu ablata utroque brachio vexillum complexus vestigio tamdiu immobilis constitit, donec Galli sunt pulsi. De viri nomine scriptores variant in facto non discrepantes, à plerisque Fernandus Illesca vocatur, vir- 50
 tute profecto promeritus ut præclara virtus viri famæ inseratur, iisque beneficiis dignus, quæ a suo Rege accepit ampla Gonsalvi prædicatione auctoritateque adiutus. Pugne huius euentus gallorum animos fregit: prorsus ut ne interdicto quidem flumine se tutos arbitrati pontem valido præsidio munirent non tam traiciendi victoriæ vespere, sed ne nostris in aduersam ripam transeundi facultas esset, ipsorum castra impugnandi. Ad hæc Mantuanum inter & Alegrium contentiones suspensionesque exortæ sunt minime idoneo tempore. Res prosperas cuncti sibi vendicant, aduersas imputant aliis. Sic Mantuanus desertis castris retro redire constituit. Species discessui prætentæ quasi gallorum arrogantiam ferre non posset linguæ procacitatem tantam ut Cynedum appellere non dubitarent
 graui-

grauissimam contumeliam. Verior interpretatio: cum perditis fortunas suas miscere noluisse. In eius locum dum abs Rege Gallo veniant mandata summa belli administrandi militari consensu ad Salucium defertur. Is ferox ingenio & viribus odioq; Hispani nominis à primis annis imbutus paulo ante Caietam appulerat, vti paulo ante dictum est, Proregis autoritate & nomine. Mantuani discessu Gonsaluus, quamuis militum numero inferior certiori victoriæ spe traiecto flumine prælio cum hoste decernere statuit. Difficilis conatus Gallis aduersam ripam obtinentibus. Supra eorum tamen pontem septem passuum millibus ponte carris cymbisq; sustentato flumen iungendi curam Liuiano demandat. Alto silentio hæ molitiones tectæ, ne hostis præsentiret disturbaretq; conatum. Iacto
 10 ponte Sueffa vbi statua Gonsaluus habebat, profectus cum bis mille Hispanis peditibus, Germanis mille & quingentis non amplius die Iouis ad quintum Kalen. Ianuarii flumen traiecit. Diegho Mendoza & Fernão Andradio demandata cura equitibus ea nocte exhibernaculis excitis, cum iis postera luce ad auroram præsto adesse. Id vbi Galli senserunt Hispanos transisse flumen motis continuo castris vicini montis iuga occuparunt loco magis quam armis confisi. Metum interpretata ignobilia aliquot oppida ad eam ripam Gallicarum partium ad Hispanos ultro transierunt. Ea nocte in agro nostri tolerata cum luce secundum ripam fluminis in hostes pergere. Qui in consilio detrectandi certaminis perstantes maiora tormenta ne, si terra traheretur, limo profundo haustis rotis hærerent, cymbis imposita Petro Mediceo secundo flumine Caietam deuehenda commendarunt. Fecit
 20 ille quod iubebatur: verum ad ostium fluminis turbato quamuis sæuoque mari festinare porro contendens haustis cymbis tormentisq; ipse etiam est merfus. Reliquæ copiæ deserto ponte atq; tormentis maioribus, quæ supererant, tentoriis & impedimentorum parte, vna hora ante lucem e castris egressæ Molam haud longinquam Caietæq; vicinam festinare decernunt eius mœnibus salutem tueri sperantes. Gonsaluus itinere hostium consilioq; explorato Prosperum Columnam cum expeditis equitibus præmisit, qui hostes à tergo premendo distineret, dum peditatus subsequeretur. Pleno passu cum primum ad Molæ pontem peruenit, qua Gallo transitus erat, pugnæ signum datur: Imperum & alacritatem nostrorum diu hostes non tulerunt. Versos in fugam, usq; ad Molæ & Caietæ portas, quo victi non pauci confugerunt, victores in tergis hærentes sunt insecuti. Multi toto itinere
 30 ceciderunt, tormenta duo & triginta capta milleq; & quingenti equi. Clara victoria fuit confecto secundum eam bello reliquis maior. Gallorum pars Fundos versus dilapsa, quiq; eo tractu in præsidiis erant Romam appetentes rusticorum ex vicinis agris spe prædæ facto cursu iniquis ad transitum locis magno numero interiere: pauci vt stragem euaserint forte magis quam consilio aut virtute. Præcipuam à fortitudine militariq; scientia utroq; conflictu, sed & vniuersa expeditione omnium confessione ex Italis Liuianus ex Hispanis Hugo Moncada laudem tulerunt.

Caieta dedita. CAPUT VI.

40 C Vpiebat Gonsaluus Gallorum turbationem ad occasionem vertere Orlandi montem eodem impetu occupandi Caietæ vrbi imminentem. Prudenter destinata fœda tempestas imbresq; toto eo die molesti disturbarunt. Et miles labore continenti fameque nullo neq; eo die neq; superiori nocte cibo sumpto fatigatus vix arma portabat. vigor animorum cadendiq; cupiditas fessa corpora sustentauit eatenus. Sic coactus destitit, copiasq; Castellonium reduxit ad priora statua. Gallis ad Molam se munire decretum erat, minoribus tormentis quæ supererant, locis idoneis obiectis: nam primum impetum in id oppidum futurum non dubitabant. Verum Gonsaluo curatis militum corporibus atq; ex labore recreatis commodius visum est antequam ducibus auctoritas, militi obsequium utrisq; fiducia rediret, metu sublato ipsum caput Caietam petere vimq; ad mouere voluntate nihil facturis. Facilius opinione expugnatio fuit. Aditu quem muri parte prostrata mensibus
 50 superioribus tormenta patefecerant, haud ægrè Orlandi montem occuparunt, qui eum præsidio tenebant vix spatium nacti sunt in urbem euadendi. Sic quæ ex superiori pugna supererant, amissa sunt spolia mille equi capti geminaq; tormenta, quibus in priori obsidione late stragem in Hispanorum castris fecerant. Ad hæc debilitatis hostes animis præsertim Hispanorum castris ad vrbis mœnia promotis quinquaginta primum e Gallia Cisalpina cataphracti ductore Miradulano Comite portis egressi supplicum habitu venerunt in castra supinas manus tendentes, veniam orantibus darent, iram in obstinatos seruarent. Subsecuti sunt nocte proxima tres viri primarii à Salucio de pace & deditioe legati. Petebant ii facta dicendi potestate, vti captiuos pecunia redimere cōcederetur. Ea reiecta petitione

ad maiora porro procedentes, si captiui tum Galli tum Italici generis redderentur, Caietam urbem dedituros & arcem polliceri, Mondragonem quoque Sinuessæ antiquæ & rudioribus constitutam arcem. Præterea Hispanis & Italis, qui Hispanorum partes erant secuti captiuis libertatem sine pretio daturus. Honestæ conditiones, neque Gonsalui auribus ingrata. Italos modo captiuos dimittere graue erat ac nominatim Matthæum Aquaiuiam Bitonti Marchionem, & Alphonsum Sanseuerinum Bisiniani patruelem, quorum noxæ maiores erant, vindicta ipsi digniores itaque. Ita eorum causam de cæteris annuens ad Regem Catholicum ablegabat, neque ad suum arbitrium reuocabat, quid de illis statuendum esset. Post multam disceptationem inter nunciis ab utraque parte comitantibus. Galli de Italis captiuis remiserunt tandem. Summa ipsis Ianuarii Kal. principio anni Mill. quingentes. quarti consensu hæ conditiones scriptæ. Obenigno ac reliquis Gallis captiuis daretur libertas. De Italis captiuis supplicium sumere, ac ne in eorum causa quidquam decernere fas esset, priusquam à Gallo legati pro iis deprecatores mitterentur in Hispaniam. Militibus cum armis & impedimentis ac reliquo apparatu abscedere liceret. Caietani ciues sua omnia retinerent, quæ ante bellum libertate iureque. Reliquis tota ditione urbibus cautum ne unquam fraudi esset Gallis adhæsisse partibus. Fœdere ad hunc modum sancito continuo, qui mari ituri erant, naues conscendere cœperunt. Theodorus Triuulcius cum Italis Gallisque militibus pedestri itinere in pacata discessurus pari celeritate urbe est egressus. His rebus celeriter confectis tertio Nonas Ianuar. die Mercurii urbi & arci deditis Ludouicus Ferrera est præfectus præmium laboribus virtutisque debitum. Tarenti quam urbem obtinebat, cura Petro Nicusæ demandata. Captiuis quicumque præsto fuerunt reddita extemplo libertas est. eodem post biduum appulit Obenignus & cum eo Galli captiui ad mille & ducentos. Et Obenignus quidem continuo naues conscendit: alii fide publica accepta terra abierunt. Plerique tamen in reditu perire laboribus fracto corpore tentata valetudine: ipse etiam Salucius summus copiarum dux Genuæ decessit, nihil imperio militari affecurus nisi molestiam ignominiamque. Palicius è numero Gallorum captiuorum antea euaserat Antonii Cardonii permutatione quem Hugonis fratrem Galli superioribus mensibus in conflictu ceperant. Fidei difficilis reip. temporibus eximie ab Antonio & fratribus cultæ laborumque ipsi priuatim præmium Padula fuit Capacio detractum municipium Marchionis nomine, adiecto, quo gratius honestiusque donum esset à Rege Catholico concessum. Non deerant qui Gonsaluum consilii præcipitis in eare incularent. Tanti ciuitatem unam alioqui breui in potestatem venturam non fuisse, ut tot captiuis libertate reddita redimi equum videretur viris genere & factis nobilissimis. Placere omnibus qui posset iudicia singulorum linguasque frenare? Patientia prædicabant quando hostes mœnibus clausos teneret subdi eam urbem cum cæteris liquisse: neque committendum ut rursus de rerum summa periclitarentur, si iis ducibus ea peritia bellum esset instauratum. Ad eas voces Gonsalvus plaris esse quod in sulphureum puluerem & globos ferreos insumeretur dicere, quam quod iactabant periculum. Supremam vulneris curationem omnibus plagis præstare, quas Obenignus alique captiui ferro facturi essent. Denique canem mortuum non latrare, neque militem in fugam compulsam nocere. Horum alterum captiuis necessario euenturum. Magnorum ducum consilia haud merito temeritatis accusari debent, aut imprudentie, ut rationes maxime lateant ignaris, ubi calceus premat. Si licet coniecturam facere, suspicari possumus pecuniæ in stipendium suprema difficultate laborasse, neque minori annonæ inopia alendo exercitui. Ex eo tumultus militaris ne existeret metuere, paruis sæpe momentis in bello magnas conuersiones fieri non ignarum. Ad hæc fama vulgatum ad ciuitatem veterem duas onerarias comœatu & instrumento bellico onustas Caietam destinari præter alias duas ad Fossas Marianas in Narbonensi littore rebus omnibus instructas paratasque eodem nauigare. Ac illud sollicitare maxime, quod Pontificem facere Andegauensibus exploratum erat, ac nouo vinculo uti astringeretur amicitia, Finarii Marchionem in Galliam misisse filiam coniugium ut pacisceretur cum Lotaringii filio. Regno Neapolitano quasi dotali armis sua ope subactis Hispanisque depulsis repetito maiorum suorum iure haud dubio uti ipsi prædicabant. Si id ex voto non succederet vasta animi cupiditate Franciscum Mariam Præfecti fratris filium cogitabat iungere coniugio cum filia Friderici Regis, facta patri puellæ spe regnum, unde erat eiectus recuperandi: Sic Principum voluntates ut vehementes, uno sæpe tempore tendunt in contraria. Denique ignorabat nemo ad consilium Friderici in maiorum opes restituendi à Regibus Hispano galloque agitatam, accessisse Pontificem adiutorem. Eius molitionis famam aduersarios erexisse ad nouas spes, amicorum animos debilitasse imperium negligentibus cunctis, quod fore diuturnum non putabant. Ita importuni conatus confecto bello occupandi videbantur. Et utique in ea cura, maxime omnium urebat, quod urbes & quaestores regii pecuniam maligne suppeditarent in sumptus bellicos, mutatione imperii cupientes eam.

- eam pecuniam Friderico reduci donum seruare & sibi in posterum gratiam. unde indies inopia crescere rerum quæ ex belli usu essent, suprema annonæ angustia premi, neque in stipendium militare pecuniam suppetere. Ergo Caieta ad deditionis cōditiones redacta, priusquā noui aliquid incideret, q̄ instituta præclare consilia peruerteret: continuo Termentinum Ducem in Aprutium amandauit eius prouinciæ moderatorem, simul vt Bionti Marchionis arces eo tractu iugum detrectâtes ad imperium adiungeret. Liuiano cū ra data est Ludouicum Arsum impugnandi se Venuſiē tenentem maiori aliquanto arcis munitæ fiducia quā viriū. Aduersus Cōuerſanum regulū Materē Comes & Petrus Pacius abierunt. Capacium itē intra Laurinum obsederunt Egidius Nepos & Petrus Nauarrus.
- 10 Obsesso huic ac de salute libertateq; sollicito permissum Tranum discedere Venetæ ditionis in Apulia urbem cum vxore filiis & domestica supellectile, relictis modō pecoribus, tormentis, & reliquo bellico apparatu. In magna Græcia à comessio Solisio Rosanius magna principatus parte adempta ægramq; spem seq; sustentatis Sanſeuerinā tantum & Rosano urbib. retentis: intra Rosanum ab eodem obsessus tenebatur. Erat præterea Gōſaluo destinatum Præfecti Ruueri oppida, quæ in ditione Neapolitana obtinebat, admota vi carpere patrui Pontificis nulla cura. Sanior ille Hispanorum partes amplexus aut simulās continuo tota ditione sublatis Regis Catholici insignib. nomen Hispanū inſclamari mandauit. Fides vt ſyncera videretur, vltro ad victorem venire ipse constituit. Accepit venientē Gonſaluus benigne venia data eorum quæ ſecus geſſerat: tamenſi non ignorabat animo
- 20 alieno eſſe: ac tandiu perſtiturum in fide, quandiu foret ex usu non amplius. Sed Pontifici tamen placando data ea diſſimulatio eſt, ne aperte aliquid tūbarum daret, vt erat ardenti ingenio à primis annis atq; à maioribus hostis Hispani nominis.

Induciæ Gallos inter & Hispanos pactæ. CAPVT VII.

- Caietæ captæ, vt impenſæ parceretur, ea tuenda maxime haud dubium futuræ, & grauiſſimæ in ea ærarii calamitate, custodia Hispanis credita eſt eo in coloniæ formā deductis, è veteranis delectu habito. Mox Gōſaluus Neapolim aduolauit: vbi eo plauſu eaq; lætitiæ publicæ veræ, an ſimulatæ ſignificatione inuectus eſt, quā Regem è priorib. vnum ciuib. gratum ac de hostib. parto triumpho redeuntem maiori excipere non poſſent. Ad eam urbē proceres priuatim, ciuitates publice edicto vocatiit, vt qui eatenus nō feciſſent,
- 30 ſacramento in Regis victoris verba ſuſcepto fidem aſtringerent amplius. In eo conuentu eos qui bello indiſtriā operamq; probarant, laudib. præmiisq; vt cuiuſq; merita erāt, honeſtauit. Liuiano nominatim annuos octo millia aureos designauit lege perpetua ex Biſiniano principatu detractos. Propinquis eius duo millia & trecētos tribuit, quo maior eſſet gratia præmio ſingulorū virtuti & præclaris factis ex æquato. Ea in Vrſinos munificētia Columnii vtebantur, priuatas inimicitias publicæ cauſæ importune miſcentes. inuidia in præceps agebat, qua plures ſæpe inimici quā iniuria parantur, quæ peſſima cōditio humanæ mortalitatis eſt. Perturbatus ſemel animus nunquā in vno gradu reſiſtit. Proſper Columna in Hispaniā nauigare conſtituit, querelis aduerſus præſentē rerum ſtatū armatus, efficiendi ſpe vt Gōſaluo, cui maxime iratus erat, ſuccederetur. Odii cauſæ acriores quia
- 40 iniquæ. Fabricius Roma, quo iuerat, facultatem petiit Florentinis militādi: quam veniam Gonſaluus dedit re neceſſaria, ne iniuſſu ſumpta vindicandi neceſſitatem imponeret. De conſtituēdis iudiciis ſerio in conuentu actum eſt: quæ vehemēter labefactarat bellorum iniuria, tēporum conditio; rapinæ, cædes omneq; genus flagitia impune exercebātur nullo vindice, ne ipſi quidē conſanguinei inter ſe à mutuis iniuriis & cædib. tēperabant, tetra malorū colluies. Quies prouinciæ ſine armis, arma ſine ſtipendiis, ſtipendia ſine tributis non contingant. Curatum ergo, vt populis volentib. pecuniæ redigeretur quantum ſatis videretur impenſis factis inſtantibuſq; alendiſq; ſtipendio militibus: quos retinere omni ratione deſtinabat, atq; in oppida tribuere, vbi moleſtiq; foret minus annonæ copia maior. Hispanorum modo centurias aliquot, quoniā inutiles erāt, quippe ex perditiffimis homi-
- 50 nib. conflata data aliquanta pecunia & cōmeatu procul in Hispaniā duab. nauib. amādaui, ea ſentina exhausta cōmodiores fore reliquos milites ratus. Simul belli mala maiori diligētia reſarcire inſtauratis mœnibus, munitis arcib. præcipue Neapolitanis Caietanaq; Capuā adhibitis propugnaculis adiunetisq; aliis munimentis ita firmavit, vt munitior videretur, quā ſi perpetuo muro cinxiſſet. Hæc omnia eo pertinebant, vt ſi quid denuo ab hoſte moueretur, prouinciā ad defendendū paratā inueniret, atq; omnib. præſidiis ſeptā. Ac præſertim ciuium adiuncta beneuolentia; quæ præcipua cura fuit, omnes difficultates vicit cunctis ad obſequium paratis, quæcumq; poſtularet, nihilq; omnino, q̄ placeret denegantib. Et eſt longe potentior amor ad obtinendum q̄ velis quam timor. Ac vero tota Italia eam nominis exiſtimationē erat conſecutus, vt pleræq; vrbes certatim ſtudia defer-

rent transitumq; ad Hispanorum partes. Genuæ imprimis Adornii & Fregosii, quamuis inter se aduersæ factiones, consensu polliciti sunt, si duo militū millia mitteret, graue gal-
lorum imperii iugum de ceruicibus continuo excussuros. Iulianus Medicus Petri frater eius, qui ad Lirimmersus est, centum millia aureos annua ipsum ac propinquos daturus modo Hispaniæ viribus in patriam Florentiā, vnde exulabat, restitueretur. Pisani retinen-
dæ libertatis, quam auide arripuerant, studio inflammati aduersus Florentinos non dubi-
tabant vrbs patrociniū, aut si id malet imperium Hispano deferre. Tantundem Aretini
detulere Florentinorum imperio defessi, rerum nouarū cupiditate immemores videlicet
humanæ fortis, imperium vix nisi in peius mutari. Plombini sane regulo volenti expeten-
tiq; datum vt sub vmbra Hispanicæ protectionis delitesceret, vrbs modicæ quidē, cæ- 10
terum regno retinendo percōmodæ ad excipiendas ex Hispania classes idoneæ, propter
egregium portum tutasque circa stationes, & aliam opportunitatem maritimam terre-
streque. Pandulfus Petrucius Senensis suo & suæ vrbs nomine Paulusque Ballionius
Perusinus sibi Perusiæque veniam & pacem à Gonfaluō expetiere. Ex ipsa Mediolano
vrbe sexcenti ciues clam cōmunicato inter se consilio studia & opes offerebant, si indu-
ceret in animum arma in eam partem conuertere, Galliaque Cisalpinæ bellum inferre
belli & pacis ea tempestate arbiter in vniuersa Italia. Verū hæ omnes molitiones distur-
batæ sunt induciis à Gralla & Antonio Augustino trium annorū in gallia pactis compre-
henso etiam in eo fœdere regno Neapolitano. Rex Catholicus Meioradæ sub finē men-
sis Ianuarii eam pactiōnem iureiurando firmavit. Sancitū inter alias condiciones vt Nea- 20
poli voce præconis id fœdus enunciaretur Februarii die vigesimo quinto. Distulit Gon-
faluus euulgare prius dictitans rebellibus contestandam videri. Rosanius eo vti benefi-
cio noluit: ac potius Solisio cognita Regis voluntate oppugnationē remittente neq; vigi-
liis intentis ex vrbe copiis eductis Cherintiam obsedit, vastatis circum agris igne ferroq;
Ludouicus Arsius quāuis inducias amplexus Andriæ & Barlettæ pecora deprædatus, ca-
ptiuos etiā incolas egit. Hispani in violatores fœderis posse animaduerti ex cōcepta in eo
verborum formula rati vtrumq; male mulctare destinabāt. Et Venusiæ quidē arcem fa-
cile ceperunt haud satis munitā ab Arsio relictā, quib. diebus paulo ante Trani ab-
cessit, inde in Galliam iturus mari. Quod ad ostentationē audaciæ fecit, milites signis sub-
latis pullatis tympanis per hostiū quasi per pacata ducens, acceptæ ignominia leue sola- 30
mē. Rosanū vrbs tandem per cōditiones à ciuib. est dedita. Intra eam Rosanius & multi
alii è nobilitate Neapolitana viri præstantes sunt capti. Rosani exemplo Sanseuerina quo-
que breui in partes accessit. Conuersanū Petrus Pacius vi cepit. His captis vrbibus Brutii
& Magna Græcia Hispano prorsus cesserunt. Prouinciæ illi vniuersæ in locum Aieli Co-
mitis propter longæuam eius ætatē, rerum molli impares vires, Hugo Moncada est præfe-
ctus cum summa bello paceq; decernendi potestate. Secundum hæc sextantum oppida
eaq; procul à mari in vniuerso Neapolitano regno gallis relictā sunt. Magna Regis Galli
offensione oppida contendētis post diem induciis euulgandis præfixū ab Hispanis capta
restitui æquum esse: ac vero initi fœderis euulgatione dilata fraudē susceptam interpreta-
batur, quæ noxa patrocinari non deberet. Itaq; omnib. persuasum non diutius in fide da- 40
ta permanfurum quā ex vsu esset: ac fœderis simulatione agere vt Hispanos imparatos in-
ueniret. Confirmavit eam opinionē eodem tēpore, quo induciæ sunt pactæ, summa im-
perii militaris per Italiam Ioanni Iacobo Triulcio delegata viro nihil minus quam quie-
tē concordiamq; patienti, ardentis ingenii, factiosq;, neque tam præmiis periculorum
quam ipsis periculis læto. Quinq; etiam Heluetiorum millia expectabantur ventura pro-
pediē, ex Gallia quingenti grauis armaturæ equites Obenigno Alegrioq; ductoribus. A
Mātuano & Ferrariēsi ingētes delectus instituti. tāti apparatus quo expectarēt dubitabat
nemo. Decumbebat Gōfaluus Neapoli salute ferme desperata. Ex ea re & quoniam fama
rursus nunciabatur Fridericū in pristinas opes restitutum iri, ac vero à Pōtifice agi, vt gal-
licis copiis iūmnus dux designaretur multis sermonibus materia extitit. In fœcunda gi- 50
gnēdis inimicitii ciuitate & ex otio ferendis rumorib. apta multorū odia eruperunt, quæ
aduersus Gōfaluū eatenus pectoribus tecta tenebantur. In quo Columnii proceres lon-
gius prouecti linguę licētia multa in eum intēperanter effuderunt. Verum eā procellam,
quæ maiora incōmoda minabatur, ægroti valetudo breui recreata ac plane destituta dis-
iecit. Ipse cōtinuo in bellicos apparatus diligēter incubuit ad defendendum q, omnium
grauissimum imminere bellum videbatur de Neapolitano regno. Vbi & per vniuersam
Italiā atq; Hispaniā maligna sideris in frugib. corruptis & satis, annonæ angustia maxima
laboratum est. Nonis Apr. die Veneris sancto horrēdi terræmotus extitere cū magna edi-
ficiorum strage: vis maior labesq; in oppida quædam incubuit secundum Bētis ripam sita.

His

His malis territi mortales votis & suppliciis irata placare numina ad omnia templa instauratis. Olisipone valida classe instructa Lupus Suarius cognomento Aluarenga soluit Orientis regiones versus Indosq;. Prima Lusitani imperii in iis oris latissimi fundamēta ab iis exiguis initiis ponebantur: quibus magnæ structuræ moles breui ex interuallo accessit.

Valentinus dux captus, missusque in Hispaniam. CAPUT VIII.

- O**btinebant in Flaminia Veneti vrbes, quas extincto Alexandro Pōtifice occuparant armis: & ad alias aspirabant nihilo meliori iure. Valentinus Pontificiis opib. repente nudatus, sociis infidis, ab amicis destitutus, imparq; Venetorū virib. Iulium nouū Pōtificē vltro inuitauit ad capessēdas arces, quæ eo tractu illius imperio parebāt. Facto sic fœdere
- 10 Petrus Ouētus Pōtifici à cubiculo, & antea è familia Valētini ipsius cōsensu missus est, vt eas arces obtineret. Dux vt erat ingenio vario atq; inconstanti, subeunte initi cōsiliū pœnitentia aliud atq; aliud subiiciente animo, vt peruersa ingenia facere solēt, ad Dieghum Quignoniū eius nomine Cæsænæ præfectum litteras dat cū mandatis Ouētū necaret laqueo fracta ceruice. Fecit ille q; imperabatur diligenter. Pōtifex grauē, vt erat, ignominiā neq; dissimulandū iudicans auctore necis intra Pontificiam aulam detineri iussit, dum eę arces redditæ essent: ac nominatim Cæsæna, Forliuiū atq; Bertinorum. Cōmeantib. tamē internuntiis constitutum est, vt capto redderetur libertas cum primū eę vrbes & arces Pōtificiis legatis essent cōtraditæ. Interim vinctus Ostiæ custodiretur Bernardini Carualii Cardinalis cura fideq;. Ita ipsemet petierat alibi se tutū fore non sperans multis & va-
- 20 lidis circūfusus inimicis. In quo numero principes erant Guido Montefeltrius Vrbini dux ipseq; præfectus vrbis Pōtificis ex fratre natus. Additū, vt traditis arcib. facultas capto esset geminis Pontificiis tñremib. in galliā concedere: nisi dederentur in Pontificis rediret potestātē. Cognitis iis molitionib. Gonsaluus acre ducis ingeniū, reb. turbandis idoneum veritus Neapoli Lescanū Ostiam dimisit, qui Cardinali eius verbis suaderet, vt vincto auctor existeret Neapolim potius quā in galliā abeundi. si quietē amaret, pecuniā & secreta Campaniæ offerret: si bellū, honestam conditionē, opima stipendia; tantum se & sua Ferdinādi Regis fidei permitteret. Ne incēdio scilicet late excitato malorū orbis rediret metuebant q; sopita videbantur. Sanē Valentino melius, quā vlli hominum Italica ingenia & conatus quorsum tenderent exploratū erat. Metuebatur ab omnib. militum beneuolentiā sibi adiunxerat, ac eorū maxime qui habebantur audacissimi, temeritate prōptiores. Voluntas praua nō nisi scēlere querebatur. Obtulit Cardinalis operā & industriā, quanti id referret nō ignarus fideq; publicā à Gonsaluo missam accepit tutū apud se fore ab iniuria. Interea Cæsæna & Bertinorū legatis Pōtificis traditæ sunt. Idē vt faceret Gonsaluus Mirafontius domo Vasco Forliuio Præfectus adduci non potuit nisi prius quindecim aureorū millia numerarēt, q; in munitiones & stipendia expēsa ferebat. Dux libertatis cupidus & quoniā inimicos eius vitæ insidiari cognouerat. Venetis mensariis eam summā repræsentandam edixit datis nominib. Decreta eā pecunia neq; de solutione, neq; de Præfecti Forliuiensis fide dubitabatur. Sic Dux libertati redditus Cardinalis diligētia, multoq; suasu relicta gallia Neapolim flexit iter. vrgēis diuina vltio versutū alioqui hominē excæcauit. Dextram
- 40 venienti Gonsaluus obtulit fidei amorisq; pignus. Comiter acceptum dein omnib. officiis coluit. Ille tamē vt erat ardenti ingenio quietis impatiens cōtinuo milite & pecunia Forliuiensem arcē iuuandi cōsilia agitare institit Pontificiis nōdum deditā: vasto simul animo Plōbinum, Perusiā, atq; Pisas occupandi varias rationes tentare audax, callidus & in quācumq; se partem dedisset industrius aut prauus. neq; pensi habēs Pisas sub patrocinio Hispano delitescere, eamq; ad tuendā vrbem in clientelā Hispaniæ susceptā missos Neapoli peditū equitūq; numeros. Subornare quin etiā tū germanorū tum Hispanorū cohortes, q; in regno Neapolitano erāt iniecta maioris spe stipēdiū: Importunę molitiōes latere equi possent inter infensos circūfusus vndiq; obseruatorib. ? Gonsaluus tamen ne hospitii iura datq; fidē violasse videretur, cauere satis initio habuit: custodiis dissimulāter circū dare,
- 50 ne impotentis hominis conatus vltius procederēt. Offensus ea re Valentinus dispositis ex interuallo ad cursū equis è Neapolitanis finib. fugere cogitabat. Suscepti cōsiliū Neapolim eundi pœnitētia subierat sera iam: præsertim ex quo certior fuerat factus biduo postquā Ostia ipse discesserat, Romā peruenisse Finarii Marchionē cū galli Regis mādatis honestissimas cōditiones offerentis, si eius auspicia quā Hispani sequi mallet. His conatibus, vnde magna incōmoda nisi occurreretur tēpestiue, extitissent, cōmotus Gōsaluus in arce noua ducem detineri mandauit, noua & diligenti custodia adhibita ne fuga posset elabi. Tāetsi Pōtifex quoniā arx Forliuiensis nō reddebatur Ostiā referri, aut sibi tradi, vt antea decreuerāt enixe postulabat. Vt placaretur Pōtifex Gōsaluus vincto persuasit ea arce tradita data se fide liberaret. Missiq; ad id Artes quidā è familia Ducis & Ioannes Cardonius

Romã ad Frãciscum Rogiũ legatum, cũ notis & tessera, per q̃ arcis præfectus haud dubiũ intelligeret heri ea esse mãdata. Sic Forliuensis arx tandẽ in Pontificis venit potestatem. Artes Ducis quãuis vincti timebantur. Ea anxius cura Gonsalvus postquã se in oēs cogitationes versasset, fore consultũ iudicauit si procul ab Italia amãdaretur. Fidei violatę elui maculã, quoniam cõmisisse videbatur, vt pacta non seruarẽtur. Ergo Antonio Cardonio & Lescano eũ vt in Hispaniã abducerent, cura data est, Italię, ac vero Christiani orbis facẽ in vltimos fines amouerẽt, ne nouis incendiis cuncta rursus flagrarent. De Valentini vinctulis & in Hispaniã missione varii sermones extiterunt. A plerisq; Gonsalvi fides & cõstantia sugillata est. Ipsi etiã Regi Catholico initio displicuit ancipitis fortunę susceptus conatus. Verum eo erat progressũ, vt retractare nõ liceret. Gonsalvus quoq; officii maiori cura quã famę, damnis, quę eius libertate fugaq; si facultas cõtingeret, impendebant cõsideratis inanes rumores, & q̃d alii iudicaturi essent, contẽnendos putauit. Magnis Principib. præceptum exemplumq; salutare: officium rumore iudiciisq; hominum antiquius arbitrari. Præ aliis Regi gallo graue extitit ducem vinctũ teneri, à quo reb. suis certissimum in Italia præfidiũ expectabat. Ad nuncium vero fuisse in Hispaniã abductum, dixisse fertur. Deinceps pro fide Punica merito substituamus Hispaniam. nihilo illa constãtior. Interea Vasconum Rex & Regina missa honestissima legatione in Castellam Hẽrico Labreto filio & hæredi Isabellam Philippi Principis filiam minorem, coniugem expetiere. Benignis aurib. ea legatio initio accepta est. Cõmodum videbatur eo vinculo fidẽ eorũ Principum & gentis nutãtem astringere amplius: ne ea parte procella aliqua existeret. Quam curam hæctenus grauem auxerat recens Magdalenę obitus ad Medinam Campestrẽ extinctę, q̃ obsidis loco à Regib. parentib. fuerat missa annis superiorib. Ioãnes Emanuel in exiguo quamuis corpore, vt se res dedissent, industria mirabili acris ingenii sed ambigui apud Cæsarem in Germania legati partes implebat Ferdinandi Regis nomine. Nũc Philippi Principis accitu iuit in Belgas, præcipua deinde gratia & auctoritate in ea aula futurus, in præsentia reb. omnibus, quę Hispaniam attingerent præcipuus consultor & arbiter Principis voluntate constitutus: maiori aliquanto ex eo gaudio Cæsaris per eum sperantis finẽ controuersis, q̃ cum filio erant, fore; quam Ferdinandi sibi ab eius ingenio metuentis ne proinnata calliditate instituta apud generũ cõsilia & conatus disturbarẽt. Quippe Carolum nepotem cupiebat in Hispaniam attrahere à primis annis imbuendum Hispanicis moribus, mutua gentis beneuolentia qua maius quam in armis præsidium continetur. Cæsari & filio cõmodius videbatur Carolum detinere spe coniugii cum Claudia, vti erat ante agitatũ, idonei maxime ad lites cõponendas q̃ Hispaniam inter Galliam atq; Burgundiam tot annorũ spatio extiterant. Ac amplissima præsertim dos inuitabat, Aurelię, Britannię, Mediolani, & Burgundię, quos principatus Rex Gallus sponis se hæreditarios relicturũ pollicebatur, in id populis continuo sacramento adactis. Largus promissis & quę natura cupiditatis ardẽtis est, immodicus. Puellę matri Regiņę consultius videbatur eam Francisco Valesio Engolismorum duci, cui proxima regni spes destinabatur; connubio collocare. Omnino passurum eum nemo existimabat regno suscepto nobilissimos principatus detrahi seiungiq; à reliqua ditione: ne futurũ quidẽ cauere satis posse, nisi viuis parẽtib. puellę de manu traderẽtur; præfidiis in eius verba iuratis, q̃ quis auderet sperare? postulare quidem nefas.

Gonsalvi potestas circumcisa. CAPVT IX.

IN medio felicitatis cursu tantaq; gloria parta obtrectatorum linguas, fortunę incurfus vitare Magnus Gonsalvus nõ potuit. Et est natura datum vt prosperis dubia succedant, post serenum atrox ventorum tempestas consequatur. Ab externa vi nõ modo tutus sed inuictus intestinis calumniis petebatur instantis periculi ignarus. Inuisi suspectiq; dominantib. sunt, quos altius virtus euexit, quia meritis æquam cõpensationem facere nõ possunt, malignis eos oculis intuentur. Minorum calumniis iidem obnoxii sunt grauius ferentium gloria & opib. præstare, quos paulo ante in æquo viderunt. Omnino æmulatio nascitur inter æquales, alitur contentione, exardescit inuidia, cuius finis est odiũ. Verum hæc mortalitatis humanę vitia sunt. ad quę noua & validior accessit causa virũ præclarũ exagitandi. Omnibus, qui in superiori bello strenuam operam nauarant satisfacere non potuit ne dum ignauis, qui enim liceret, præsertim, vt est hominum ingenium vnoquoq; sibi blandienti, plurisq; quam erant propria merita æstimanti, aliena contemnenti, pari vtrumq; vitio? Sic aliis collata præmia non minus vrebant, quam sibi detracta, quę deberi existimabant. Ex fonte tetro fœdoq; plenę expostulationum voces prodierunt. Et tamen ægritudo priuata suusq; cuiusq; dolor honesta boni cõmunis specie velabatur. Eas querelas in Hispaniam pertulere quidẽ eo profecti, plures missis codicillis: excepere multi patulis auribus, eorum qui in aulis Principum magno numero viuunt vaniloq; ignaui, nulla propria

propria virtute, sed Principum offensione perspecta, viros præclaros criminando, quod pessimum obsequii genus est, crescere opibus & potentia & gratia assueti. Capita accusationis multa erant. Hæc præcipua. Iulianum Ruuereum Cardinalem (qualem hominem & quanto Hispani nominis odio?) In Pontificatus petitione subleuasse. quo id argumento, quibus testimoniis? Certe conatus eius peruertere debuisset accusabant ex interceptis litteris inter regni tempore cognitos & priuatim ex syngrapha nuda ipsiusmet manu, qua in Hispanos studia pollicitus, scilicet mente priori mutata, de se Gonsaluum summa sperare iubebat pontificatum adepto. Verum id ludibrium erat: neque calumnia prudentibus probata. Nam Bernardino Caruaialio Gonsaluum fauisse dubium non erat nullo prauo ambitu, sed modesta voluntatis significatione: Franciscum Rogium legatum Neapolitano Cardinali, quamuis Galli eo nomini addicto, ut si quis alius, spe purpuræ, ut ferebatur iniecta. Vtriusque conatus inanis extitit, pontificatum adepto, quem minime vellent. Communis molestia occasionem præbuit innoxium prorsus in eo facto criminandi. Hæc prima accusatio erat. Ex militari licentia sumebatur altera maiori specie veri. Milites belli tempore laxius vivere assuetos quippe, rapto, rei familiaris angustias in pace ægre ferentes per vrbes & oppida spoliare, rapere, vi & stupris cuncta pollueri, non sacro non profano abstinere. Alieneque culpæ Gonsaluus reus agebatur sed cum sua implicata, quasi militibus omnia concederet, neque feruitate legum eorum cupiditates frænaret, castigaret flagitia. Ex eo magnam inuidiam Hispanæ genti vniuersæ cõflari. Irritatis prouincialibus, ne noui motus extarent, verendum esse. Sic illi disputabant. Ad hæc Gonsaluus. Neque milites à religione & modestia commendare, neque eorum eleuare crimina, quando ob flagitia ne natali quidem solo eorum licentiam tolerante patriis finibus discedere compulsi arma induerant obærat, exules, capitalia ausi plerique. Ac vero præcipuam licentiæ causam regiones quæstores præbere negatis diu stipendiis, ut miraculi instar esset inter tot labores tantaque fame & nuditate corporum tandiu sustentasse seque obediens præstitisse, præsertim ad Lirim atque Caietam annuis & bimestribus stipendiis debitum nullum tumultum cõcitasse, aut secessionem fecisse. Neque tamē vllum crimen, vllamue iniuriam impune esse, quin ex legis præscripto vindicaretur. Crimina omnia impediri nulla diligentia posse, ne frænari quidem linguas in tanta colluione nationum, diuersaque indole hominum. Accusabatur deinde eius incuria ærarium publicum cum esse exhaustum, pudenda vectigalium calamitate, regiæ pecuniæ peculatu multiplici. Eo neque eius regni redditus, qui erant amplissimi, neque perduellium, ex bonis redactam pecuniā bellicis sumptibus fuisse satis. Quod caput erat, pecuniæ ex Hispania aduectæ nullas rationes extare accepti expensique. Verum ille Francisci Sancti Regii opsonatoris, id quidquid esset, culpa factum excusabat, aliorumque quæstorum, quos regiæ pecuniæ attractu se contaminasse videri poterat, quid alienam culpam ad se deriuarent? Vectigalia Neapolitana detractis oneribus ordinariis quadringenta & quinquaginta millia auri annua non excedere. Cum in militaria stipendia sumptusque alios necessarios supra octingenta millia vno anno facta impensa creuisset. Ex bonis additis fisco haud magnam pecuniā extitisse propter præmia necessario data viris nobilissimis: qui magno numero Hispanorum auspicia secuti erant. Idonea criminis depulsio: sed ex qua noua atque omnium grauissima accusatio cõflata est. Donare eum oppida, principatus, præfecturas quasi ex proprio, non fiduciaria potestate. Peti à Pontifice ipsius nominatione episcopatus, quibus ipse vellet, inscio inconsultoque Rege, cuius eque partes manifeste erant. E contrario regia beneficia retractare, haud minori offensa temeritateque, non se sua conditione metiri sed regia. Ac nominatim Ioāni Clauerio Alfonsi Sanseuerini oppida regiæ munificentiæ donum denegasse, aliis præterea Regis mandatis sæpe non obtēperasse incredibili contumacia. Quod si rerum status secus videbatur postulare, qua fronte tantum sibi sumeret, ut ne rationem quidem facti reddendam per litteras iudicaret? Principum sæpe patientia seruos insolentes reddi alienoque regnare nomine, peccare adeo, quod vindicaretur malo. Sic illi prædicabant. Nec dubium hac in parte offendisse Gonsaluum per incuriam corruptum animum in viro summa fide interpretari quis audeat? Sed cum iudicio excellēti esset, cōscientia securus fortassis ulterius progressus est quam vicarii cōditio pateretur, Principumque ingenium de minutissimis quoque rationem reddi expectantium. Nullus utique sine culpa viuit, in hoc ille, is in re alia sibi indulget. Columnii proceres præ cæteris accusando Gonsaluo præcipuam curam impendebant: ac nominatim Prosper Columna in Hispaniam profectus est apud Regem de acceptis iniuriis ex postulatū effectumque diligentia ut Gonsaluo in prouincia succederetur multis argumentis, quibus aduersarium prosterne cogitabat, ex aliena inuidia & infamia gloriam & honores captas. Ex arcano tamē nihil vrebatur magis quam honores Liuiano habiti plurium equitum præfectura data, quam ipsi Fabricioque patrueli. Id vero grauius ipsa morte ducebat auctoris ruina vindicandum.

Gonsalvus parum ægritudine hominis offensaq; commoueri: tantum monere regem per litteras obtestariq; Prosperum vti omni benignitate complecteretur, munerum magnitudine mulceret iras, cum eo tamen ne Vrsini immutato ipsorū honore alienarentur. Refferre tāti duas eas familias deuinctas obsequentesq; habere. Salutaria monita inuidia potentior euerit. Quotidianis expostulationib; & querelis commotus animo Rex haud vana prorsus esse quæ à tam multis dicebātur, legato Neapolim ex familia Reginae viro nobili Alfonso Deza de quibus postulabatur omnib; admonuit. Ac vero diserte mandauit, daret operam vt regia vectigalia maiori in posterū diligentia fideq; procurarent. Militum licentiam frænaret, quorum bonam partē ex ea prouincia deduci mittiq; in Hispaniam bello quod in Africam transferre volebat auxilium. Iudicia constitueret temporū iniuria labefactata, ex legum priorum moreq; præscripto. Ioannes Spinelus Conseruatoris nomine abstinere genti vehementer inuidioso. Deniq; Proregis potestate contentus, iis finib; auctoritatem contineret maiora sibi relinqueret. Graue hoc postremū mandatum Gonsaluo extitit: regni eius conditorē cum tanta Hispani nominis gloria questuq; in aliorum præfectorum ordinem redigi, angustis cancellis circumscribi potestatem, eam videlicet gratiam effusi sanguinis esse, præmiumq; toties victoriæ de hostibus partæ. In reliqua tamen molestia arcis Nouæ præfectura, quam ipse Nunnio Ocampo crediderat, in Ludouicum Peixum translata à Rege, ne ipso quidē appellato, vrebat maxime scilicet insignis contumelia, argumentum regii animi sine causa alienati. In Gallia de induciis pace mutandis agebatur, Friderico in regnum Neapolitanum restituto, quod Rex Catholicus probabat cum eo si Ferdinandus eius filius Ioannam Neapolitanam Reginam viduā vxorem duceret Gallus restituto Friderico, filio eius Germanam Fuxensem & sorore natam vxorem omnino destinabat. Coniugium tamen Caroli cū Claudia filia potius existimabat, si modo Hispanis deductis ex Italia regnum Neapolitanum penes sequestrum esset Philippum Caroli patrem. His conditionibus agitandis aliquot menses consumpti sunt haud magno fructu. Gallo placebat eas controuersias arbitrio Pontificis finiedas permitti. Hispanus adiungebat collegium Cardinalium. Ratio excogitari nulla poterat quæ ab utroq; probaretur. Qui enim posset Andegauensiu restitutio imprimis opponebatur ardua prorsus rebus multum ab antiquo mutatis. Gallus enim Salernitano Bisiano, Amalfitanoq; cum primum patria extorres se in Galliā receperunt, per publicas tabulas fuerat pollicitus nunquam cum Hispano facturum fœdus, nisi prius in detractos principatus illi reponerentur. Promissi fidem fallere graue erat. Multis disceptationib; parum proficiebatur. Eare quoniam vexilla Hispanica Pisīs fuisse sublata nunciatum erat offenso Gallus animo Hispanos legatos ex vniuersa Galliā discedere mandauit Grallam & Antonium Augustinum. Importunis actionibus belli pacisq; cōmercia sublata. Iis acceptis mandatis Regina legatoq; Cardinali salutatis, ac postero die Friderico Rege inuiso Regem suum propensa in eum volūtate esse morient. Per quē staret, quo minus restitueretur in regnū dies superiores & conatus ab utraq; parte documento fuisse. His defuncti officiis itineri se dederunt ad septimū Kalēdas Septembris ex ea curia digressi recta petētes Hispaniam.

Fœdus contra Venetos factum. CAPVT X.

Dimittendi ē Gallia Hispanos legatos superior causa palam iactata est, maior tamen ex arcano cura sollicitabat ne fœdus præsentia disturbarent scilicet, quod Cæsar & Philippus filius cum Gallo inire cupiebant. Sic fama vulgauit, quam variam non fuisse mox rerum euentus confirmauit. Simul enim atque ii discessere Blesis, eodem Cæsaris & Philippi Principis legati superuenerunt. Eorum opera ad decimum kalendas Octobris suorum Principum nomine cum Gallo fœdus sancitum est, quod veram atque indiuiduam amicitiam vocari placuit. Præcipua pactionis capita. Ne Cæsar Insucribus arma inferret, neque alios Italiæ regulos Galli confœderatos impugnaret. Eorum ne cuiquam fraudi esset, si quid in imperii maiestatem cōmisissent ex quo Carolus octauus galliæ Rex transcensis Alpibus in Italiam irruerat. Si quid in posterum deliquissent, vindicandi fas esset nullo in contrarium Gallico patrocinio. Publicis tabulis Mediolani principatus possessio Gallo iure hæreditario confirmaretur intra tres menses, pro ea indulgentia ducenta millia Francorum præsentia numeraturo. De regno Neapolitano ne Gallus pacisceretur cum Hispano nisi Cæsaris consensu. Si concordiam inire honestis conditionibus Hispanus recusaret, Cæsar Gallum copiis & armis iuuaret ad regnum recuperandum. Ludouici Sfortiæ postremi Mediolanensis Ducis filiis in Gallia oppida & vectigalia designarentur, quotiescumque eam prouinciam domicilio deligerent, vnde vitam sustentarent. Exulibus Mediolanensibus venia daretur, bonaque quibus fuerant euersi iure belli. Quatuor menses designati, intra quod tempus Hispano liberum esset, se ad eam

eam societatem adiungere, ea tamē exceptione si Carolo nepoti traderet Neapolitanum imperium iis conditionibus, quæ antea fuerant præscriptæ. Intra tres menses singuli amicos nominarent, quos hoc fœdere vellent cōprehendi. In quo mirum vidēri potuit, neq; à Cæsare neq; à Philippo Regē Catholicum inter amicos fuisse numeratū. Quæ res multis sermonē dedit, Regis animo molestiam. Atq; hoc quidem fœdus palam agitatū sancitumq; quo totius Europæ arma mouebantur importuno conatu. Occulte enim eodē die noua armorum societas à trib. Principib. adiuncto ad fœdus Pontifice sancita est. Vires iungendi pro Christiana religione aduersus Turcas species factō prætentæ. Venetos impugnare destinatum cunctis erat, animusq; vnicuiq; iniustis possessorib. detrahendi quæ
10 superiori tempore singulis ablata iniuria occupare interpretabantur. Pontificio imperio Alexandri Pontificis post obitū & Valentini Ducis vincula Rhauennam, Seruiā, Fauentiam, Ariminum, Cæsānā cum subdito cuiq; agro, Imolæ, quæ olim Forum Cornelii fuit, ditionis magnam partem detraxerant. Cæsar Roboretum, Veronam, Patauium, Vicentiā, Taruissium, & Forum Iulii quasi ad imperii & Austriacæ familiæ ius spectātes capere destinabat. Ad Mediolanensem principatum Bressā, Cremā, Bergomum, Cremonam & Geradam cum suo quamq; agro à Venetis possellas gallo reuocare certum erat. Sēua tempestas in nobilissimam ciuitatem, quasi increbrescente vento ex omnib. plagis & maiores voluente fluctus cōcitabatur, minori multorum cōmiseratione propter perpetuam eorum ciuium in prolatando imperii fines quacumq; ratione constantem cupiditatem.
20 Monuit Laurentius Suarius harum molitionum Venetum Senatum spe inter eos & Regem Catholicum societate armorum constituta Neapolitanas res sustentandi, quæ in periculum veniebant hoste præualido Hispanis thesauris exhaustis vsq; eo, vt ex rationario regio cōstaret, posteriori eo bello vsq; ad tertium Idus Octobris supra decies centum aureorum millia in nominib. aut pecunia ex Hispania missa in Italiam. Ingens ea tempestate summa, nunc leuis impēsa: vsq; adeo res ab antiquo mutarunt paucis annis. Veneti nō facile verbis legati fidem adiungere: atq; more & instituto suo belli spectatores esse malle quam pars, ex euentu consilium captare destinantes quod è re ipsorum futurum maxime iudicassent. An Veneti tantum hoc sequuntur & non etiam Principes alii? Quin ipso tempore Ægypti Sulthanum sollicitasse scribunt, vt Indici maris imperium Lusitanis eriperet,
30 Orientis commercio prohiberet, quod illi suis classibus occuparant magno Venetæ reip. incommodo Aromatibus quæ Alexandriam deuelni solita erant, in Lusitaniam auerfis. Id vt facilius impetrarent legatum Cairum miserunt urbem Ægypti primariam: cum eo ingens æris pondus, tormenta conflandi scientia, nauesq; more nostro fabricādi peritos artifices, Regi Calcutii, quod nobilissimum Orientis emporium est, subsidium quo Lusitani pellerentur Indici oris. Egerunt præterea cum Rege Catholico vt eas cōtrouersias componeret, pro ea auctoritate quam apud Lusitanos paterna gratia necessitudo & ius propinquitatis dabat. Lucri cupiditas maximi aures Lusitanorum obturarat ne pacē fœdusq; orantes audirent. Ita Laurentii Suarii legati consilio dissimulare constituit, neq; in ea re mouere quidquam nulla proficiēdi spe. Enimuero magnis Principib. multa aggredienda non sunt ne dignitatis iacturam afferat irritus conatus, quia magnæ famæ momenta in vtramque partem sunt.

Fridericus Rex & Isabella Regina decessere.

CAPVT XI.

PARUM iucunditatis modestiæ plurimum plerisque horum Principum aderat, acerbæ vitæ conditio, & mortalitatis nostræ; quo plura suppetunt, pluribus eget. Cæsare premebat inopia vectigalium filiiq; contumacia paternis consiliis repugnantis. Philippi principis vxor mente vacillabat. Matrem eius Reginam sub vitæ finem morbo⁹ prolixus & fœdus inuaserat breui finem allaturus vitæ, nullis idoneis remediis. Eius morte incommoda ne redirent & tumultus, prudentes merito verebantur, certe rerum & reip. moderandæ forma ne ab antiquo mutaretur. Regi Gallo quæ poterat esse tranquillitas præter alia spoliato amplissimi regni opibus, iniuria, vti ille putabat. Fridericus Rex anxio pectore nō cessabat apud animū suum agitare rationes in pristinas opes patriæq; redeundi. Obtestari Reges vt memores rerū humanarū, & fortunā suam moderarentur, & alienā miseriam ne vrgerent. Desertus tamen ab omnibus, ac inani tantū spe lactatus diu, eam atre bilis vim toto corpore suscepit venis diffusā vt labefactata valetudine in febrim quartanā incidit. quo pressus morbo Blessis post legatorum discessum Turones rediit, ordinario domicilio delectā urbem propter cæli & agri præcipuā temperiē & amœnitatē. Rei familiaris angustia premebat, propinquorū fides fluxa, inter hostes infensissimos diuturnū exilium,

Fieri non posse considerabat, ut duo Reges in vnam sententiam conspirarent. Quod de sua restitutione proponebatur merum esse ludibrium ad orbem fallendū se distindum ea dissimulatione. Neque in eo decipiebatur, quando ab utroque eæ conditiones proponebantur, quas alterum non probaturum minime dubitabant. His anxium curis maior ex arcano dolor vrebatur. Filium Calabriae Ducē cui proxima regni spes destinabatur, non ea esse magnitudine animi, industria, virtutibus quib. ad emergendum ex iis angustiis opus erat, ac se defuncto cogitabat facile obtemperaturum præsenti rerū statui, haud magno ad superiora conamine. In quam sententiā sub vitæ finem litteras ad filiū dedit, multis prudentiæ luminib. illitas, præceptisque saluberrimis distinctas. Debere se eum ita rebus præsentibus accommodare ut ad maiora niteretur, neque præposteris voluptatibus 10 extingui, vigorem animi, frangi corpus, neque terreri difficultatib. quāvis maximis oportere. Se fortem & munificum ut præsens fortuna daret, cunctis exhiberet, corpus idoneis laborib. virile efficeret ac militare, modestia animū firmaret. Ex quo intelligitur huic principi non consiliū non prudentiā defuisse. Fortuna aut vis maior virtuti obtulit, contra quā non est satis cauta mortalitas. Hæc eius se conatibus perpetuo aduersam exhibuit. Atque ita ut nocte quadam ædes, ubi habitabat, improviso igne concepto, lateque fuso incendio conflagrarint, vix ut cum vxore & filiis nudis nudus euaserit. Eo casu recrudescente auctoque vehementer morbo in ea vrbe decessit ad quintum Idus Nouembris, morte quam vita felicius nihil delato regno assecutus nisi labores curasque graues. Duas vxores habuit. Ex priori Carlottam filiam reliquit eo iam tempore in Gallia nuptam, ex poste- 20 riori filios quinque. Isabellam, Iuliam, Alfonsum, Cæsarem, & qui cæteros ætate præstabat Ferdinandum Calabriae ducem. Medinæ is Campestris se tenebat, Regibus assiduus, cum de patris obitu nuncius aduenit. Prospero Columnæ id denunciandi, doloremque leniendi abs rege Catholico cura data est. Tametsi & ipsum proprius dolor vrebatur ob Reginae afflictam ac plane desperatam valetudinem. Proximo illa interitu Philippi principis & vxoris aduentum in Hispaniam sollicitare moræ omnis impatiens metu ne motus existerent, idemque ægrotæ verbis exposcebat Guterrius Gometius Fuen- 30 salida apud Belgas regius legatus. Excusabat princeps bellum à Gheldriæ duce finibus illatum. Ea species prætexta auersæ voluntati veniendi, imperii Hispanici quod deferetur, contemptui, uti præse ferre videbatur. Inter has molitiones ingrauescente morbo in eo municipio decessit ad sextum Kalendas Decembris magno atque incredibili prouinciæ totius luctu, principē amisisse dolentiū ea animi magnitudine & prudentia, ii virtutib. ut inter laudes eius minima sit, superasse longo interuallo Reginas alias quascūque Hispania vidit ab omni memoria, ac vero totius orbis à multis profecto seculis. Granatā sepulcro delegit, ibi quoniā regiū sacellum nondū extructū plane erat, trāslatitio funere in Alhābræ arce cōposita est. In funere atque exequiis sago indui prouinciales vetuit, atque ex eo tēpore lugubris amictus insolētia tūc v̄sitati, mitiori luctu mutata est. Donationes vi magis quā volūtate sui regni initio expressas, fore iniustas testamēto sanxit. A quo numero exemit tamē Moiam, quā ultro datā ob eximia merita affirmavit Andreæ Cabrerae eiusque vxoris. proinde ratū beneficiū in omne tempus propriumque fore voluit. Hæredem ex 40 asse Ioānam filiā scripsit, vnaque Philippū eius virum. Addito tamē iuxta ea quæ ante biennium regni conueritus postularant, si valetudine absentiæ aut aliam quācumque ob causam Ioanna impediretur, aut omnino nollet regni curā suscipere: uti eius loco & nomine Ferdināus Rex remp. procuraret, dum Carolus nepos viginti nihilominus annos esset natus. Præterea ultra militarium ordinum magisteria Regi a Pontifice commendata, prouentuum omnium dimidiū ex insulis & continēti noui orbis viro legauit. præterea viginti quinque aureorū millia ex aliis vectigalibus regiis item annua. Testamēti curatores Regem nominauit. Toletanum præsulem, Dieghum Dezam Palentinum episcopū, Antonium Fonsēcā, & Ioannem Velasquiū rationū regiarū magistros, præter hos ab epistolis Ioannem Lupum Lezarragam fidos & industrios experta. Non deerāt tamē viri alioqui 50 præstantes, qui stolidi temeritate Reginae testamēto cōtempto Ferdinādo Regi suaderēt uti continuo in Regis Castellæ nomē inuaderet, quippe è Castellæ regib. genus ducenti per viros stēmate ducto serie cōtinua. Ad tuendam auctoritatē id fore cōmodius quam vicarii administratoris nomen. Populorū studiis & antea adiūctis, & nūc sublatis quibusdā tributis & edictis, quæ subditos male haberēt, aucta gratia, de successu verēdū nil esse. Surdis auribus hæc accipiebantur, mirabili animi constantia spernentis, quæ ab aliis per ferrū & ignes petūtur. Ita ipso die, quo Regina obiit post prædium luctu in lætum vultum mutato, egressus regia è suggestu in foro excitato regia vexilla explicari, Ioannæ filiæ & Philippi viri nominibus gentis instituto in clāmatis curauit. Fridericus Toletus Albanus

Albanus Dux vexilliferi partes impleuit. Eo exemplo per vrbes & oppida, quib. ea prærogatiua data est, similis cæremonia est perfecta, sed in clamato tantum Ioannæ Reginae nomine, Philippi viri mentione nulla, tantundem in regiis diplomatis, atq; edictis publicis, quæ voce præconis euulgantur, obseruatum est. Enimuero sacramento veteres tabulas, priuilegia & leges regni confirmari à Philippo prius volebant, ne aliquid ab antiquo moueretur quod ciues improbarent, turbas conciret. Assuetis homines stari malunt, nisi quæ vsus manifeste arguit, ac nominatim ne externos in iudicium senatum legeret, neq; iis vrbes aut arces crederet, vti ab Isabella Regina testamento inter alia cautum expresse erat. Hoc mense & Decembri proximo vis ingens pluuiarum extitit, mira aquarum proluuius, atque ita vt agris superfusi amnes, corruptis satis famē grauissimam attulerint qua vt hoc anno sic proximo in Hispania laboratum est: famē excepit pestis lues per omnes partes diffusa cum magna multorum clade.

Controuersia de Castellæ administratione. C A P V T XII.

Isabellæ Reginae morte contentiones molestæ extiterunt. Concordia & potentia vix vno vestigio consistunt. Ferdinando Regi & vxoris testamento Castellæ regnum administrationem retinere erat destinatum, haud dubio impedimento Ioannæ filiz, quam in Belgis inclusam teneri vulgatum erat, sublata decernendi, atque quoquam egrediendi libertate. Id vt assequeretur, primum genero Regi per litteras renunciavit, ne sine vxore omnino in Hispaniam veniret. Cupere prouinciales, quod fama ferebatur, de eius valetudine certius cognoscere, idonea esset an secus rebus in Castilla gerendis. Deinde ex vniuerso regno proceres, & procuratores vrbiū Taurū euocauit ad conuētus generales. In iis conuētibus tertio Idus Ianuarii salutis anno Mil. quingent. quinto Garfias Lassus Vega Legionis promagister Præses cæteris datus ac vero reliqui procuratores vrbiū lecto Reginae testamēti capite de regni hærede eiusq; ad ministratione, defunctæ volūtate approbata secundū eam consensu sacramentū Ioannæ dixere quasi Castellæ Reginae, matris hæredi, ac Philippo viro coniugis iure, præterea Regi Catholico administratoris nomine. Ac paucis inde dieb. in conuentu pronunciatum nouæ Reginae valetudinē esse exploratā. Idoneis id testib. fama vulgarat, quæ nihil occulti esse patitur inter Principes maxime. arcana quoque populo proponit atque explicat. Proinde orare Regē omnibus precibus, vt vxoris carissimæ volūtati obtemperaret, rem publicā capefferet, neque defereret in sinum confugientē. Simul in Belgas nuncios misere cum litteris tertio Idus Februarii datis, quib. nouo Regi rerum à se gestarum rationē reddidere. Ab his initiis conceptā animi tranquillitatis spem multa turbant. Plerique rectoris mutationem expetebant humani ingenii initio futura præsentib. potiora fore putantes. quæ sæpe fefellit spes. Ac proceres præsertim iniquo animo ferebant Ferdinandum Regem rebus præesse. quemque suus vrebatur dolor an spes incitabat. pars oppida Hærici Regis domo possessa diu, noua censura detracta moleste ferebant, alii quod postulati alicuius & voti cōpotes non euassent, dolere scilicet impense. Illud vero cūctos male habebat, quod iudiciis cōstitutis, legibusque reddita vi potētorum insolentia frænabatur, ne impune in tenuiores inuolarent, vti facere antea impune consueuerant. In eo numero Petrus Manricus Anagari Dux cæteris ardentior suis & suorum opibus palam Ferdinandi conatibus obfistebat. Secundum cum Dieghus Lupus Paciecus Villenæ Marchio se ostētare offensus eius principatus oppidis pridem ablatis, nisi rebus turbatis nulla recipiendi spe. Aliis proceribus idem animi erat, & si temporis seruire ac tantisper dissimulare decreuerant, eo daturi vela, vnde melior spes ostenderetur priuati commodi, quæ potissima cura erat. Vnus Fridericus Albanus Dux perpetuo à Ferdinandi partibus immotus stetit, viri fidem prædicandam si reip. amor tranquillitatis & nō potius propinquitatis respectus detinuit, ne cū cæteris sentiret. Hæc domestica erāt. Atrocior à Belgis imminere tēpestas videbatur. Philippus & amicorum principes offensos se putare importuno Ferdinandi Regis conatu. Quod Regis nomen adiungerent, & ad veniendum in Hispaniam inuitarent, id contumeliam interpretabantur. Quæ apud concordēs vincula caritatis, apud infensos irarum incitāmēta erant. Quorsum venturum dicebant? Regem cur vocarēt? Quid enim nisi ludibriū contineret, Regis nomē dare, & Regiā potestatem adimere? Quid in Castellam veniret? an vt acceptæ ignominiz deformis testis viseretur? inani vmbra regiz maiestatis, fructus penes alterum esset? Aëgris cūctorum animis faces subdebat Ioannes Emanuel in exiguo corpore ardenti prorsus ingenio, multo in dicendo sale. Id veritus Ferdinandus conatus erat illum à Philippo genero abstrahere, ne latius incendium importuno afflatu

funderetur. Ac primum in Germaniam redire iussit iniunctas oratoris apud Cæsare partes implere mandans. Philippus foceri arte perspecta discedere non permisit amica vi parata nisi obtemperaret: ac vero maiori deinde in gratia fuit omnium arcanorum particeps ac pene arbiter factus. Quia id non successerat, magnis pollicitis eius vxorē Catharinam Castellam non minoris animi fœminam tentare visum est, si benignitate præfractus viri animus expugnaretur. Multa & magna ipsi & filiis promissa. Parum tamen est ea noua diligentia profectum. Vir enim apprime sagax maiore in principe & iuvene & munifico spem reponebat, quam in sene & callido & parco. Non restiterunt offensiones in vno gradu locoq; sed in Italiam transgressæ effecerunt, vt Ferdinando Gonsalui fides esset suspecta, ne ad generum & Cæsarem inclinaret, regnumq; ex eo Neapolitanum eriperetur. Augebat suspiciones dissimulanter eoq; validius Prosper Columna suo in Hispaniam aduentu, quamuis sibi & propinquis ex aliena inuidia captans emolumentum, & consecutus adeo quæcumq; voluit. Ac nominatim datum, vt ala quadringentorum equitum Liuiano credita, ad ducentos redigeretur. Iussit præterea Ferdinandus, vt mille & ducentis cataphractis, sexceteris equitibus expeditis, ac tribus peditum Hispanorum millib. Neapolitani regni retentis præsidio, duo millia pedites Hispani mitterentur in Hispaniam in belli Africani apparatus, germanis missio esset. Quæ omnia eo pertinebant, vt impenſa minueretur, ac vero debilitatis Gonsalui viribus nocere ex Italia nemo posset, si res deduceretur ad bellum. Rebus enim uero Neapolitanis & litibus diiudicandis nouum in curia regiatribunal est constitutum, iudicibus designatis Thoma Malferito, Ludouico Sapata, Ludouico Sanctio Ærarii præfecto, Ioanne Baptista Spindo, deniq; Michael Peresio Almasanio qui esset à commentariis, actaq; & decreta testato describeret, & actionum formulas dictaret. E Vasconibus Latro Mauleonius legatus Regum suorum nomine pacem & veniam petiit à Ferdinando, inter vtramque gentem constitutam confirmari amplius Philippi Regis filia iuncta connubio Henrico Vianæ principi, cui proxime post parentes regnum destinabatur Vasconum. Adiunxit postulatis Valentino libertatem reddi in arce Medinæ Campestris iuncto. Quod Cardinales item magno numero exposcebant in Alexandri Sexti ære, quippe ab eo in senatū allekti purpura data memores beneficii. Ad hæc Ferdinadus pacem fœdusq; probare; ac ne reiicere coniugium quod expetebat. De Valentini libertate præcise negare tunc quidem opportunum fore. Hæc palam respondit ex arcano anxius, & de fide Gonsalui suspicione suscepta, sæpe in animo voluens; expediret Valentini opera vti in rebus Italix. Fidelis tantum obsequii pignus requirebat: ne accepta libertate ad hostes transfiret pro ingenii varietate, & vinculorum diuturnitate amplius patientia irritata amplius noceret. Eo descensum vt Alfonso Atestinus Ferrariensis Dux, patre per hæc tempora defuncto non dubitaret pro leuiro se vadē offerre; & est grauior & difficilior animi & sententiæ pro alio, sit ille quicumq; quam pecuniæ obligatio. Ab Emanuele Lusitano Rege Romam legati Dieghus Sofa Portuësis Episcopus & Dieghus Paciechus, qui gaudio ob delatum pontificatum fungereintur, & more maiorū obsequium debitum deferrent. Simul ad retinendum Indici maris imperium post varias classes annis superioribus missas in Orientis oras, placuit Prætoris nomine virum idoneum mittere, cui ceteri Lusitani obtemperarent, & cuius imperio deuincti, maiori animorum concordia in negotio versarentur. Franciscus Almeida delectus perspecta prudētia & virtute vir est, qui valida instructa classe quam primum eam prouinciā susceperet, multis impeditam difficultatibus. Nam & Veneti obstabant conatui, vt antea dictum est, & Ægypti Sulthanus siue vltro, siue iis incitatoribus, Lusitanos Indica nauigatione prohibendi negotium in se quasi proprium susceperat. Francisci monasterio Hierosolymitano Præfectus nomine Maurus vir Sanctus cum litteris ad Romanum Pontificem legatur in Ferdinandum contumeliosis, iniuria occupasse Granatæ regnum, maloq; Mauros compulisse ad Christiana sacra. In Lusitanum minacibus propter Orientis commercium interceptum, regionum vestigialium & singulorum priuati commodi incredibili calamitate. Nisi Pontificia auctoritate audaces conatus asperioribus frenis & censura ipse castigaret, excidium Hierosolymitani sepulcri, cum ignominia religionis Christianæ, ac vero piis omnibus, qui in eius ditione erant minitari. Ea legatione denunciationeq; minarum commotus animo Pontifex eundem Maurum misit in Hispaniam cum earum litterarum exemplo, vt iis consideratis Reges quid barbaro respondendum, quid faciendum videretur mature perspicerent. De Ferdinandi responso nihil traditur minas, vt erat magno animo, contempsisse credam. Lusitanus quidem ad quem maxime eæ voces molitionesque spectabant, litteras ad Pontificem hac sententia dedit. Ex earum litterarum exemplo quas à Sulthano datas ad nos misisti, cognoui accusationes in Regem focerum meque

conflatas

conflatas laudes verius quam vituperationes. Quid enim gloriosius Principi Christiano contingat, quam impietati odio esse? Minæ quas adiungit, eo spectant, ut à Christiani nominis amplificatione desistamus. Quid Rex socer ad hæc responsurus sit, nō est nostrum statuere, ipse pro sua prudentia obiectis calumniis satisfaciet. De me illud plane affirmare possum, cupere oppido maiorem Sulthano exoptulandi datam occasionem. Ac vero Indica navigatione suscepta, nihil æque cordi fuisse, fateor, quam Mecchæ Mahometis sepulchro vr̄bis & ædis famosæ euerfionem. Quod eum Deo futurum aliquando speramus. Tunc Sulthano licebit maledicta in nos effundere maiori stomacho. Exiguo nūc incommodo allato quid latrat? Interfecturum Christianos euerfurumq; sacrum Hierosolymæ sepulcrum, quod minatur non arbitror tam fore præcipitem ac temerarium, ut vectigalibus carere velit, quæ ex ea natione ingentia rediguntur: ne commissurum quidem ut vniuersum orbem Christianum excitet in vindictam iunctis cunctorum viribus. Quod ut contingat, vestrum erit, Pater beatissime, curare ac vero præstare. Principum animos & vires in vnum consensum sociare euellendi ab stirpe gentem scētamq; nefariam. Hanc laudem ab Alexandro Pontifice, frustra expetitam expectatamq; fortassis in vestra tempora cœleste numē seruauit. Quod responsum Sulthani litteris dari par sit, statuent sacri istius collegii Patres vestræ administri potestatis, neq; enim tātæ sapiētīæ quantā in Romanis sedibus versatur, quidquam perscribere nostræ modestiæ esset. Quid animi geram, quo tendant nostri conatus breui epistola explicasse satis habeam.

20 *Offensiones inter duos Reges socerum & generum continuatæ. CAPVT XIII.*

IN Tauri conuētibus leges promulgatæ sunt, quæ Isabella superstite sancitæ vulgo à loco leges Tauri vocantur, reip. imprimis salutes. Soluta conuentu Ferdinādus tamen in ea vr̄be restitit vsq; ad Aprilis finem ex propinquo explorare cupiens Lusitani Regis animum, in quam partem se daret, in suscepta cum genero de Castellæ administratione controuerfia. Procēres odio incitati eam moram in peius interpretari, Ioannam Henrici Regis filiam velle sibi connubio iungere, eius repetito iure, quod armis ante impugnarat inuitis genero & filia non Castellæ administrationem retinere, sed etiam regiam maiestatem. Infānum quantum ii rumōres multorum animos alienarunt. Rebus turbatis multa finguntur libere, creduntur impune prona semper in deterius hominū persuasione. Omnino Alonsus Caualleria regio scrinio præfectus suadere institit, ut rectoris nomine posito, tutoris & vsufructuarii nomina sumeret, patribus iure data in filiorum bona eorum, qui nondum in suam tutelam venerunt. Ioannam Reginam in eo numero esse si minus propter valetudinem sensu imbecillo, & quoniam erepta libertate quidquam statuendi, procul à patria detinebatur. Adiungebat præterea regium nomē tum vsufructuarii iure, tum prioris coniugii quamuis vxore defuncta, exemplo Ioānis patris, qui defuncta quamuis priori coniuge filiisq; adeo ex eo coniugio relictis ad mortem nomen & potestatem Regis Vasconum retinuit regno dotali. Rectoris moderatorisque titulos esse imbecillos, obnoxios mutationi, Regiam maiestatem & nomen rebus gerendis, prouincialibus frenandis fore salutare. Henricum Trāstamaræ Comitem parum initio profecisse, paucosque eius auspicia secutos: postquam Regis nomen arripuit, rerum continuo magnā conuersionem factam. Hæc ille. Castellæ procēres quique Philippo à consiliis erant, longe alia insistentes via, regni administrationem vniuersam ad nouum Regem ablegabant, quippe iustæ Reginæ virum cuius potiores quam parentis sunt partes, arctius vinculum caritatis. Reges si venirent rerum spectatores tantum sublata decernendi potestate fore tum ipsis tum gēti ignominiosum. Duos supremos rerum moderatores quis ferret? quis inter ipsos conciliaret? Prudenter facturum Ferdinandum, si quod erat necesse, sponte sua aliena procuratione relicta, in Aragoniam concederet: inde filios iuaret pro virili atque ex eorum voluntate. Vi extorquere gubernacula fore noxium. De regnis Neapolitano & Granatensi non minus sententiæ discrepabant. Ferdinandus enim Granatēsis imperii partem sibi tribuebat quippe coniugii tempore partum profectitium incrementum à Neapolitano consortium omne excludebat, nempe ex Aragoniæ gentis antiquo iure occupatum. Ita moleste tulit à genero in Gallico societate lere, de ea ditione, quasi de re sua fuisse statutum, ne appellato quidem se, cuius in iure mancipioque esset. Eo etiam Gonsalui fides suspecta erat quasi homo in Castella natus Castellæ incrementis faueret. Aucta suspicio misso Neapolim ex Germania, qui Cæsaris nomine rogaret ecquid animi gereret, si res ad arma deduceretur. Pontifex quoque quærere ex eo porro institit, si cum Cæsare & Gallo Rege armorum ipse constitueret societatem contra Ferdinandum, vtri partium adhæsurus esset. Et Cæsarem quidem ambiguo responso suspenderat haud satis apertis verbis negata ope. Ad Pontificem plane: ignorare profecto eum quibus maioribus

esset natus, quantis ipse priuatim astrictus vinculis, ne Regi suo fidem datam falleret, æ vero ne turpitudine aliqua suscepta familiæ nobilitatem fœdaret. Sic in Italia res erant. Ferdinandus Tauro discedens per Areualum Segobiam in æstiuā abiit. Ex ea vrbe Ioannem Fonsecam tunc Palentinum episcopum in Belgas legauit, vt filiæ assiduus eius imbecillitatem consilio regeret, Lupum quoque Concillū Michaelis Peresi Almafani propinquum, vt esset ab epistolis. Contra ad Regem Catholicum a Cæsare & Philippo filio legati venerunt, Andreas Burgius Cremonensis patria, & Philibertus, cui familiaris vsus cum Philippo erat, & Castellæ rerum ampla cognitio. Ferdinandus idoneum hominem nactus, querimonias in generum, in eius sinum effudit. rursusque Ioannem Emanuelem præcipuam discordiæ faciem ab eo abducere tentauit. Excusauit ille discessum, palamque datam Regi Catholico fidem obsequiumque confectis tabulis renunciauit. Noua offensionum tela per hunc modum ordiebatur, præsertim Lupo Concillo in ferrū & vincula tradito: vbi diu grauiā incommoda tolerauit squalorem carceris aliasque graues miseras, quales infenso principe præsidio longinquo aduenā pertulisse fides sit. litteras ad Ferdinandum scripsisse crimen erat: quibus filia significabat, suæ esse voluntatis vt res in Castella ipse procuraret ex matris testamēto. In intestina discordia nihil occulti esse potest. ita interceptis iis litteris lectisque Philippus iram vertit in eum qui minime noxius erat, quin & cæteris Hispanis vxoris ex familia eam alloquendi facultas sublata. Ex iis rebus aucta Reginæ molestia afflictæque amplius valetudine concussæ mentis, publico prohibere fuit necesse. Gonsalvus interim in Italia de sua comparatione nihil omittere haud ignarus suspicionum Regis, sed officiorum offensa certare constituens, obsequio fidem probare. Cum mille Hispanis peditibus, quos dimittere iussus erat, Nunnium Ocampum amandauit Plombino atque Pisis auxiliarem. Suscepta ille prouincia Plombino, quo primum appulit, Pisas profectus suo aduentu Florentinorum audaciam fregit, eripuitque urbem e faucibus hostium soluta obsidione quam multis diebus pertulerat, ac amissa defensionis spe vix suis viribus sustentabat. Vt Lusitano creditus equitum numerus minueretur ex præscripto Ferdinandi Regis Columnii æmuli flagitare non desistebant. Dissimulabat Gonsalvus veritus hominis ingenium non laturi iniuriā dignitatis fœdatæ. Cognito tamen cum Pontifice in Hispaniæ perniciem occulte conspirare, ac nominatim suscepto Mediceorum patrocinio Florentinis bellum inferre velle imminuto equitum numero stipendique militaris parte dimidia detracta continuo ille quasi persona posita Plombini occupandi improuisa vi consilia agitauit. Viribus maior conatus, præsertim Nunnio Ocampo in eam urbem reuerso. Ita conuerso itinere Pisas ingredi cōstituit, quasi præsidio aduersus hostes futurus. Ex molitiones vno tempore tum Gonsaluo tum Florentinis indicatæ sunt. Ac Gonsalvus quidem reliqui stipendii multam, atque vestigalium, quæ dono Ferdinandi obtinebat in Neapolitano regno indixit, si vltius procederet. Florentini etiam ductore Hercule Bentiuolio obuiam profecti angustisq; obsessis prope Turrin sancti Vincentii quinque millibus Campilla diffitam Plombini ditionis oppido collatis vexillis profligarunt. Victus in ea pugna atque vulneratus, præterea Neapoli, vti indictum erat demptis bonis omnibus deformis iratusque palam desertis Hispaniæ aliena auspicia est secutus. Vulgi opinioni euentus respondit. cuncti ardenti ingenio & inquieto hominem non diutius in fide permansurum existimabant quam aliunde maioris spes commodi non ostenderetur. Milites, quos dimitti iussus erat, quamuis spe facta non ad otium sed ad bellum Africanum Gerbisque insulam occupandam amandari, tumultu concitato seditioneque facta magnam Gonsaluo iniecere curam, ne maior inde rerum moles exurgeret. Eam tamen diligentiam adhibuit mulcendis animis militibus, qua arte plurimum valuit, vt breui contumacia deposita, ac imperata facere parati in Hispaniam nauigarint.

Varia cum Rege Gallo fœdera. CAPVT XIV.

50

CVpiebat Philippus Belga fœdus Blefis cum Gallo Rege sancitum patris Cæsaris consensu ratum esse. Colloqui visum ad Haguenaum imperii urbem. Conuenere eo ad diem dictum tum Cæsar tum Philippus: Accessit Georgius Ambeosa Rhotomagensis Cardinalis cum ampla decernendi potestate quam Gallus dedit, ex eius cōsiliis rempublicam bello paceque regere solitus. Vt Mediolanensis principatus Cæsaris consensu Gallo confirmaretur, vti erat ante decretum, iure hæreditario concessū, si mascula proles esset, sin minus Claudix & Carolo eius sponso dotis profectitiæ nomine cederet: cū eo tamen vt si Galli culpa id coniugium non constitisset, ab eo in Austriacam familiā datum beneficium

beneficium transiret. Additum præterea, ne ea indulgentia cuiquam præiudicio esset. Hac exceptione Ludouici Sfortiæ filii causam tutati sunt; in paternas opes restituti postmodum. Priori conditione Carolus iam Augustus obitu Sfortiarum eum principatum ad se iure deuolutum occupauit, posterisque proprium reliquit. Sed utique eo euentu Gallo restitui mandatum ducenta Francorum millia concessæ veniæ pretium in præsentis Cardinalis Rhotomagensis sui Regis nomine in verba Cæsaris sacramentum dixit fidei debitæ pignus, quoniam is principatus imperii beneficium est potiori dominio semper penes Augustos retento. De Neapolitano regno in hoc colloquio nullum verbum, sed Caroli & Claudię coniugio decreto id imperium vltro in dotis partem accedebat. Egreditur Ferdinandus se in scio de rebus tantis constitui, fœdusq; haud obscure se aduersum fieri grauissimis verbis exposulauit, in generi consultores inuectus potissimum, simplicem Principis animum fraudibus circumuenire, idoneum ducere quem ludibrio haberent. Ac illud vrebatur maxime Gallo Regi Mediolanensia iura confirmari, nulla Burgundiæ aut Neapolitani regni facta mentione, iteq; aliunde compensatione pudenda siue incuria siue ignauia. Ita Austriacis infensus nulla affinitatis cū iis initæ memoria, ad Galli Regis occupandam gratiam adiecit animum, suis rebus ex eo præsidium parans, quemcumq; cursu cœptæ offensiones tenerent. Has cogitationes versanti, aliud atq; aliud subiciente animo, fore optimum visum est cum Germana Fuxensi coniugium, quoniam eius Regis ex sorore nata erat caritate filiæ instar. Eo consilio Ioannem Enguerram à Cisterciensi ordine Inquisitorem in Catalaunis, quo occultior esset conatus, ablegauit in Galliam cum mandatis & in eam sententiam litteris. Gratum imprimis id postulatū Gallo accidit: atque ita ut iura regni Neapolitani in germanam eiusq; filios trāsferret quasi dotalia, addita tantum lege, ut nulla suscepta prole ex eo connubio, id imperium, absq; controuersia ad se & hæredes rediret; quingenta præterea aureorum millia decem annorum spatium æquis pensionib. Ferdinandus numeraret pro impensa in superiorib. bellis facta. Andegauenfib. bona fide redderentur ablati maiorum principatus, q̄ erat plane difficillimum. Captiuus Gonsaluus redderet libertatem ac nominatim Rosanio, & Bitonti Marchioni. Dux tantum Valentinus & Palladius Comes ab hoc numero excepti, ne vinculis eximerentur. His legib. Gallus fidem obstrinxit adiutorem fore Ferdinando aduersus Cæsarem eiusq; filium, si Castellæ procurationē extorquere tentarent. Guiuardinus addit à Ferdinando Gastoni leuiro promissam item opem ad Vasconum regnum occupandum iure suo uti ipse existimabat. Magnarum rerum fundamenta ponebantur: quibus conditionibus sancendis vere exacto, adultaq; ætate, tandem ad octauum Kalendas Sept. Segobia missi sunt Ioannes Silua Cifontanus Comes, Thomas Malferitus, ipseque Ioannes Enguerra cum ampla statuendi facultate, & publicis tabulis, quib. Neapolitanis captiuus libertas, exulib. patria bonaq; pristina reddi mandatum. Atq; ut maior esset fides, actū de coniugio est Roberti Salernitani cum Marina Aragonia, Alfonsi Aragonii Villæformosæ Ducis Ripagorsæ Comitis filia. Tanta ex his reb. Galli lætitia ut Philippum Belgā Hispaniæ aditu prohibere conaretur missō idoneo homine, qui eius nomine denunciaret, ne prius se itineri daret, quam componeret cum socero controuersias. Verbis adiungit facta Gheldriæ Duce persuaso, uti maiori quam antea mole & copiis Belgam lacefferet. bello in ditione implicatum ab Hispaniæ cogitatione abducere erat destinatum. Hoc euulgato fœdere magni animorum motus extitere in Italia atq; per vniuersam Hispaniā. Exulum oppida qui possidebant inter se conspirare, sanguinis pretium tueri armis destinantes inter se præsidio fore. In eo numero Prosper Colūna offensus maxime, Neapolitanis finib. abscedens Pontifici polliceri non dubitauit, si Gallus iure eius regni decederet, suis & suorum virib. ad ius ecclesiæ reuocaturum. Castellæ item procures nouo coniugio cōmoti, eo amplius quod fama vulgabat, ab Isabella Regina Ferdinando rerum in Castella procurationem demandatam iurato prius cœlibem vitam, Cifontano suadere conuitio, ne in Galliam de iis reb. legatus proficisceretur, nisi vellet gentis vniuersæ inuidia deflagrare quasi saluti communi aduersus. Quidam etiam Gonsalum accusare, quod tandiu cūctaretur Philippi Regis partes palam profiteri. Nouo coniugio id regnum Carolo Principi detrahi siue fœcundum extitisset filiis, siue nulla suscepta prole. Philippo quidem ipsi grauem molestiam attulit, non Regno Neapolitano per eas condiciones cadere, sed de vniuerso Aragonio imperio periclitari si proles mascula socero esset ex noua coniuge nata. Generi animo leniendo Petrum Aialam, qui legati munus obierat in Anglia, Rex Catholicus misit in Belgas, ut vna cum Fuenfalida ordinatio oratore fœderis initi generum admoneret: atq; suo nomine postularet Concilio libertatem, qui ad Villabordam arcta custodia vinctus tenebatur. Fecerunt illi diligenter q̄ iussum erat. Responsum tamē placere

coniugium, neq; suæ modestiæ esse quidquam in eo præscribere, focero sui iuris, eaque prudentia & rerum usu quam vellent vxorem ducere fas esse. Quod de Consilio postularent vnum è familia esse annuo designato salario, victo ob crimina dari libertatem fas non videri nisi ex legum præscripto vindicata prauitate. Veneti inter hæc quasi ludi spectatores procellam ipsis imminentem non considerare. Pontifici tantum in speciem placato retentis in Flaminia Fauentia modo & Arimino. Fori Cornelii & Cæsænæ, quæ obtinebant oppida ex fœdere reddidere, suscepto præterea patrocínio Ducis Urbini Urbis Romæ Præfecti quem Pontificis fratre natum, in eius gratiâ Urbinas adoptarat heredem data coniuge Mantuani ex sorore sua filia. Gonsaluo missus qui pacem cum Gallo pactam nunciaret, cum mandatis quam primum in Hispaniam maturaret. Consilio eius & auctoritate ad res magnas componendas egere rempublicam. Ex arcano Cæsaraugustinus præsul erat designatus successor in regni Neapolitani procuratione. lætatus Gōsaluus eo nuncio pacis fœdera voce præconis euulgari, publicaue lætitia celebrari iussit ludis conuiuibusque. Commissa spectacula, cōcurrere milites ad simulacrum pugne. Quod de discessu iubebatur præsto se esse respondit, breuiq; facturū. Ex animo an simulate ne tunc quidem cognosci potuit. Sane aduersis quandoq; tempestatibus sæuaque ventorum vi, aliquando vario rerū euentu prohibitus, diu profectioe sustetata maleuolis occasionem præbuit in deterius interpretandi, variis sermonibus materiam. Ioānem quidem Lupum Vergaram, qui ei à secretis erat, miserat in Hispaniam synceræ ipsius voluntatis fideique rebus omnibus cultæ testem idoneum, modica dictis fides, quoniam verbis facta non respondebant.

Mazalquiurum in Africa captum de Mauris. CAPVT XV.

Non discedebat a Catholici Regis latere Toletanus Antistes, eius dignitatis in omnibus controuersis acerrimus fautor, multos etiam auctoritate retinuit, ne studia verterent in contrarium. Ingenti præterea animo vir gloriæ cupidior, quam pro humili conditione in qua natus educatusque fuerat, Regi crebris sermonibus etiam tum superstite Regina suadere institit, vt confecto Neapolitano bello in Africam arma verteret maiori gloria minori inuidia, neque contemnendo fructu. Quantum terræ parari potuit, eo, quem inter se Galli & Hispani fuderant, sanguine? Eo ventum vt Rex non exiguum militum numerum redire in Hispaniam iusserit, effeceritque ad eam expeditionem penitus conuerso animo. Tendillæ quoque Comes si centum aureorum millia ex regio fisco numerarentur, Oranum & vicinum portum Mazalquiurum aliaque oppida finitima se Mauris erepturum pollicebatur, reddito etiā quidquid ex ea summa superesset impensæ, quod deesset suppleturus de suo. Pactionem propemodum confectam Regi importunus obitus disturbauit. Verum ne is conatus inanis prorsus euaderet, neq; milites Neapoli aduecti otio marcerent, Toletanus in eius belli sumptus mutua dedit ad triginta aureorū millia. Hoc subsidio in Beticæ littorib. classis instructa primū ad Tedeliciū fraude occupādum: q; oppidū Bugiā inter & Algeriū ad mare nostrū sitū est. Deinde quoniam tanti nō erat, neq; cōmode retineri oppidum poterat longinquis auxiliis nulla prope fida statione mutata sententia placuit classe Mazalquiurum inuadere. Ea voce Arabice Portus Magnus significatur, quo nomine à Ptolemæo olim quoq; vocatus est Orano vrbi vicinus exaduersū Almeriæ aliquanta tamē ad Orientē inclinatione. Instructa classe, in qua sex triremes maiora, alia minoraque nauigia multo plura numerabantur, quinq; militū millia, Dieghus Fernandus Corduba regiæ aulicorū cohorti præfectus, delectusq; eius expeditionis Dux, ad quē summa imperii rediret, Raymūdo Cardonio rei maritimæ cura demandata, rebus omnib. comparatis è Malacenfi littore soluit ad quartum kalendas Septembris. Dubio cælo profectos aduersæ tēpestates coegerūt ad Almeriam subsistere aliquot dies. Ita ex eo portu sublatis denuo velis idoneis tempestatib. classem incolumē ad tertiū Idus eius mensis Mazalquiurum intulerūt. tamen in aditu portus propugnaculū erat ex disciplina militari prudenter ædificatum multis horridum tormentis. Exponere in terram milites difficile erat ad vada cæca & mēandros quibus littus impeditur, tempus aduersum accedebat, marini fluctus inflati, ad hæc centū & quinquaginta Mauri equites pedites tria millia prohibere descensum parati. Virtuti impedimēta cesserūt. Alacres nostri mutua adhortatione in terram defilierunt. Primus Petrus Lupus Zagalius præcipua audacia miles. Secuti eius exemplo cæteri conserta pugna hostes Oranum reiicere. Quadringenti milites præsidarii in Mazalquiuri arce relictī occiso tormenti ictu præfecto & plerisque arcis tormentis, nostrorum globis disturbatis atque diffractis die tertio pro mœnibus supinas manus tendentes veniam orarunt. Irā in contumaces verteret supplicib. & se dedētib. parcerēt. In quo duo cōmodissime accidisse notabant.

bant. Nostrorum enim è Malaca discessu cognito, ingens Maurorum multitudo in armis ad littus concurrerat excensionem prohibitori. Sed exiguo cōmeatu, & quoniā ex mora suspicabātur, alio hostes diuertisse, post octo dies diuersi demos rediere. Sic nauigationis tarditas cōmode accidit. Neq; minus salutaris deditiois factæ celeritas extitit. Alioqui Mauri ingenti numero accurrētes auxilio seq; in armis per vicina montiū iuga ostentantes, multo difficiliorem expugnationem reddidissent: nisi ipso die arcem præsiarii deditissent. Enimuero quib. Deus fauet hos subleuat excæcat aduersarios. Sed ad Orani tamen copias ii Mauri adiuncti in aciem prodierunt, quasi pugnandi voluntate. Nostris tamen obuiam progressis totius certaminis sortem subire detrectarunt. Leues modo dimi-

20 cationes extitere à Mauris in lignatores nostros & pabulatores impressiōe facta haud memorabili in alterutram partem euentu. Arcis custodia aulicorum cōhortis Præfecto credita est; quo honor amplior esset, ducis summi nomē adiunctum expeditionis Africanæ. Parta victoria & reb. aliis compositis Raymundus Cardonius ad octauum Kalend. Octobris ex ea quidem ora profectus incolumē victricemq; classē Malacam retulit. Mazalquiuiirii præsiariis militib. induciæ ab Orani ciuib. sunt concessæ & ius cōmerciū vtriq; commodum Mauris necessarium ad Orientis continuandum commercium, vnde certissima vectigalia genti quæstusq; constabant. Venetæ enim triremes aromata & merces ex India aduehi solita Alexandriam Ægypti urbem, redempta; atq; in naves imposita ad

30 Africæ, Hispaniæ, Galliæ, Belgarū, Angliæ, Daniæq; oras & portus magno suo & illarum gentium comodo anniuersariis nauigationib. deuehere solitæ erant. Hæc expeditione confecta magna nominis existimatio omnium prædicatione Ferdinando accessit, quādo parta Neapolitano bello laude non contentus ad noua & illustriora bella rerulerat animum Africæ expeditionis ac Christiani nominis amplificationē haud vano conatu. Præua sunt hominum ingenia & varia. Maleuoli ex eo ipso sinistre suspicandi occasionē capere, specie impugnandi Mauros vires collatas aduersus Philippi generi conatus si venire in Hispaniam & datam procurationem extorquere vi tentaret. Toletanus quidem Archiepiscopus à pulchro initio erectus studio promouendi expeditionem Africanam in eo bello magnam vectigalium suorum partem impendere cogitauit: ac ne dubitare quidem ducē se sacro bello dare, in Africamq; traicere, vti postea factū est, vir acer iuxta ac pius

40 animi magnitudine ad miraculum præstans. Hoc mense dimidiato ex Ioāna Regina filia nata est Brusselis in Belgis, cui Maria nomen fuit, Hungariæ regnum Ludouico, Hungaro iunctæ coniugio consequentib. tempore atq; annis. Arripuit eam occasionem Ferdinandus de felici partu filia gratulatum Carolum Alagonium è familiā in Belgas mittendi cum mandatis ad Philippum generum ac monitis concordiam cum securitate potiore vtriq; fore quam cum periculo contumaciam. Pestis lue quæ Olisipone grassari cœperat, territus Emanuel Rex Almerinum concessit. Ea contagione per Hispaniam diffusa fœdum annum, nobilem superior victoria de Mauris parta effecit, insigniuit etiā conuentus regius iuridicundo è ciuitate regia, vbi diu hæserat, Granatā translatus. Urbis de Mauris non ita pridem captæ nouis incrementis nobilitandæ amplificandæque cura suberat.

40 conuētus Præses designatus est Asturicēsis Episcopus vir præclarus ea ætate celebri fama.

Fœdus inter duos Reges socerum & generum factum.

CAPVT XVI.

Segobiæ & in Balsaino regiæ venationi destinato nemore aliquot menses substitit Ferdinandus. Inde ad tertium decimum Kalendas Nouem. Salmanticam abiit. In ea vrbe pax cum Gallo voce præconis per plateas euulgata est, minori aliquanto Castellæ quā Aragoniæ gentis lætitia plausuq;. Diuelli imperii Hispanici compagem, quæ post lōga tempora coaluerat, regio coniugio, si mascula proles extaret, molestum aliis, gratū erat Aragoniæ genti Regem peculiarem atq; ex sua gente habere cupientib. Sic sunt res humanæ q; vni iucundum existit ex eo alteri mœstitia nascitur, nihil est q; æquo omnib. placeat. Ad

50 frænandos Philippi conatus hæc omnia spectabant, tantā importunitate circūacti vt datis Brusselis litteris proceres Castellæ ad arma pro se & aduersus socerum concitaret, ac nominatim Villenium, Anagari ducem, Garciam Lassum, Assidonium Vreniæ Comitem studio vel maxime incensos rerum nouarum. Ipsi etiā maris Præfectus & Magister equitum quamuis arcto propinquitatis gradu cum Ferdinando coniuncti nutabant. Ioannes Emanuel per litteras ægris animis discordiæ subdere faces importunus & audax; acutus iuxta & sagax. Tametsi omnib. sermonib. pacis studium præferebat coituræ facile, modo, q; æquitas postulabat, Ferdinandus suo regno contentus, Castellæ tum possessione tum procuratione decederet, si id fecisset cætera conuentura. Alioqui amissis, quæ in Castella

obtinebat, Aragoniū imperium in discrimen venturum, si cæptæ offensiones in aperta o-
 dia prorupissent, ventumq; esset ad manus. Propinquorum sanguine illita arma nō facile
 elui. Philippum Regem haud dubie venturum idq; breui siue volente socero siue repu-
 gnante. Monuit Rex Gallus semel & secundo missis ad Philippum legatis ne se in id iter
 daret nisi controuersis prius cum socero compositis. Id vtriq; honestum salutareq; fore.
 nouæ necessitudini id datum: si bellum esset caritate in Philippū pronior. Iis monitis pa-
 rere integrum non erat multis è Castella euocantibus, sexagintaq; nauib. nihilominus in
 Belgico littore paratis, conuenturis propediem plurib. Ita sexto Idus Nouemb. Brusselis
 cum vxore ad classem iturus discessit. Lentum iter fuit: atq; ita vt plerisq; persuasum esset,
 expectare ipsum, dum qui partib. studebant, palam arriperent arma. Villenius factionis
 caput ipso tempore Toletū ingressus in suspicionem venit, accepta à Philippo potestate
 eam urbem velle in partes traducere. Ea suspicione suscepta Siluæ factio præpotens inter
 eos ciues Ferdinandiq; in studium incitati Prætori adiuncti vim propulsare parabant. Id
 veritus Villenius ne pars ciuium cum parte confligeret, suspicionib. de se fortasse temere
 conceptis anxius ex vrbe discessit. Præter Siluas, Albanum & Toletanum Ferdinādo præ-
 cæteris studebant Bernardus Rogius Diani Marchio, Guterrius Lupus Calatrauæ Pro-
 magister, Antonius Fonseca & Ferdinandus Vegha, hic præter vsum familiarem, eidem
 à consiliis. Vna omnium erat sententia: omnib. virib. impediendum omniq; ope ne Phi-
 lippus in Hispania pedem poneret, nisi prius controuersis diiudicatis. Id etiam placebat
 Ferdinando, & tamen vim intentare, armaq; aduersus filios sumere graue erat: ac ne satis
 fidebat id probaturum genti Reges legitimos prouinciæ aditū prohiberi. Varii rerū mo-
 tus, multiplices hominum conatus, temporum conditio misera; qualē fuisse fides sit duo-
 bus ea propinquitate de regno contēdentib. Anxios metu prouincialium animos litteræ
 à Philippo in breue tamen tempus recrearunt: cupere vero cum socero concordia cōsti-
 tuti. His eius legati mandatis ampla paciscendi potestate data consensu. Salmanticæ ad o-
 ctauum Kal. Decemb. subiectas conditiones societatis & amicitiae inter duos Reges scri-
 psere. Duo Reges & Regina rerum in Castella moderatores sunt o triū pari potestate.
 Eorum syngraphis leges edicta diplomata, actionū formulæ rata sunt: certe singulorum
 nomina in actis omnib. exprimuntur. Cum primum Philippus & vxor in prouinciā ve-
 nerint, sacramentum à populis dicitur eis tanquam Regibus, Ferdinando quasi modera-
 tori, Carolo vt principi & successori in imperio Castellæ, Legionis atq; Granatæ. Regia vo-
 cūgalia ex æquo inter duos Reges diuiduntur deductis ordinariis & extraordinariis im-
 pēsis: ne exceptis tum quidem ordinum militarium redditibus, quāuis Pontificum venia
 Ferdinando addictis. Arcium præfectos, urbium Prætores ac reliquos magistratus legerēt
 forte scilicet pari vtriq; Regi numero designato. His conditionib. fœdus factum qui tūe-
 rentur designati Pontifex, Cæsar, Angliæ & Lusitaniæ Reges. Additum præterea, vt si Re-
 gina rerum particeps esse recusaret, in diplomatis tamen triū nomina exprimerentur,
 duorum modo Regū syngraphæ. alterius in absentia qui præsens esset solus subscriberet,
 q; is decreuisset, id ius fasq; esset. Huius fœderis exemplum cum fide descriptū in Belgas
 missum, Philippo & suis, quib. omne potestatis consortium ingratum erat, vehemēter dis-
 plicuit. Iureiurando tamen confirmare visum est. Regis Galli opes timebātur Ferdinādo
 deuincti, magnarum reb. momentum in vtramq; partem. Et alioqui vbi pedē in Hispania
 posuissent omnia ex sententia cessura existimabāt. Lupo quoq; Concillo victo catenus
 atq; horridi carceris malis vexato vehementer, libertatem reddidere. Fœdus Salmantin.
 1506. per plateas octauo Idus Ian. ineunte anno Mill. quingent. sexto voce præconis euulgatum
 est maiori in præsentī lætitiā q̃ in posterū fructu. Philippus, vti postea cognitū est, vxorq;
 biduo post soluere è littore Belgico in Hispaniam ituri. Tēpore anni minime idoneo pro-
 fectos atrox ventorum tempestas disiecit. Aliquot nauib. submersis procellæ sæuitia, reli-
 qua classis necessario Anglicum portum tenuit, cui Vucy manrico nomē est. loci oppor-
 tunitate inuitati Philippus Anglusq; ad Vuindessorium inter se viderūt. Cōgressus inanis
 non fuit. Sancita inter eos Principes amicitia, vt Margarita Allobrogum Ducis vidua An-
 glo denuo nuberet, pactum, Maria Angli filia Carolo Austriaco; neutrum tamen coniū-
 gium coaluit, initi tantum fœderis & colloquii pretium fuit Suffolcius Dux Anglo hosti
 ad non dubiam perniciem traditus contra fidem exuli à Philippo datam, tutum in Belgis
 fore. His reb. proficiendis, ludisq; & omni hilaritate is mēsis & proximus abiēre. Sub exi-
 tum Februarii ad Falamū portum nauesq; redierunt in Hispaniam traiecturi haud lon-
 gissimo traiectu. Ioannis Emanuelis acre ingenium offensus animus timebatur. Sic Fer-
 dinandus fœdere Salmanticæ euulgato ad eum litteras dedit humanissimas. Obluioni
 traditis superiorib. offensionib. curaret, ad id q; erat æquum, & propinquitatis iura postu-
 labant,

labant, suscepta beneuolentia Philippi animum reuocari. Sibi stare sententiam beneficiis vincere maleuolos, officio cum offensis & benignitate certare. Ad hæc quid Emanuël responderit hoc loco subiicere commodum fore arbitror, ut ex responso viri libertas ingeniumq; haud infulsum dignoscatur. Accepti tuis litteras. iis obsequi certum habeo, neq; vlla in parte deesse muneri mihi imposito, offensiones pro virili parte amouendi stabiliendi concordiam. Certus Regum ætate tuis præceptis & institutione informata magna comoda publice & priuatim fore. Quod mihi semper fuisse antiquissimum Deus & conscientia idonei testes sunt. Etsi nonnulli, forsitan & inter alios ipse coniectura ex iis quæ sum per iniuriam passus, diuersum sibi persuaferunt. Enimvero linguas frenare qui possum, qui iudicia hominum varia in deterius prona? Syncera quidẽ voluntatis præmium neq; expecto neq; requiro. Ac satis habeam si superiores labores & merita deleta est memoria tua prorsus non essent. Itaq; senectutem meam reputanti altamque nostri obliuionẽ pro præmiis, quæ in hac vita expectabam amplissima, credam potius velle te preces mutare: inferiasq; extincto dare. Quam ego laborum compensationem nolim, qui audierim Principes sæpe ministris suis exitium conciliasse: pro obsequio æterna supplicia reddita. Ab eorum nemine, ne si Christianissimus sit quantum Rex Gallia, subditum aliquem purgatoris creptum flammis fuisse aliquando. Ego tamen officio mihi necessario tibi debito nunquam deero ac ne cessabo quidem tuam monere benignitatem, ut si quæ supersunt explicanda in fœdere, eam modestiam & prudentiam adhibeas concordiaẽ amore quam æquum est & con-

10
20
30
40
50

Rex Catholicus denuo duxit uxorem. CAPUT XVII.

A Rege Catholico ad principes recentis fœderis vindices consensu designatos missi sunt legati, qui gaudium nunciarent, confectam pacem, controuersis inter se ac generum finem allatum. Ac nominatim de Lusitano Rege cognoscere cupiebat, si fœderis conditionibus non staretur, quam ab ipso opem sperare posset. Responsum anceps fuit & frigidum, verba generalia. Et utiq; Philippum inter & Lusitanum iuncta multisq; officiis firmata amicitia stabat. Atq; adeo ut ad eum excipiendum quoniam Bæticam iturus dicebatur, Lusitania non deuia ingens facti argenti auriq; pondus pararet, conflaretq; siue ad ostentationem opum, seu ut hospiti pretiosa dona darent vasa auro & argento visenda gemmis & arte. Tamen pestis lues sollicitabat per vniuersam se ditionem diffundentis atque Scalabi iam grassantis. Quo metu Almerino, vbi substiterat, Abrantes abiit oppidum in colle situm, eoq; salubriori, puriori; aura. In eo oppido ex Regina ad quintum Nonas Martii filius natus est, cui Ludouico nomen fuit, animi celsitudo præcipua, insignis animi pietas præsertim accedente ætate, quæ longæua non fuit. Iunior ex humili loco fœmina filium suscepit Antonium consequentibus annis Ocrati Priorem faciem patriæ futurum, cum defuncto patre Henrico & Rege & Cardinali, nihil veritus natalium vitium, se Lusitaniæ Regem dixit factiosorum & perduellium, atq; est plebis fœce hominum ope confusus. Infans octauo die fontibus salutaribus est admotus susceptoribus. Brigantino Duce cum matre & Abrantis Comite. Eam lætitiæ tumultus Olisipone haud magna occasione concitatus vehementer conturbauit. In diui dominici Christi Dei est cruce pendentis effigies sculptilis visebatur sinistri lateris vulnus vitro tegente. Die quodam qui sacris operabantur, vitri splendorem forte animaduersum per errorem miraculum putarunt coelo editum. Repugnauit vnus quidam ex adstantium numero procacioribus verbis, quam eius conditio pateretur, quippe ex Iudæorum genere & sanguine. Populus malitiam interpretatus, ferox ut solet in eiusmodi rebus, & rapidus iniectis in miserum hominem manibus, temploque abstractum interimunt ac repente subdito igne pyra excitata comburunt. Quidam ex eo monasterio monachus vacordi oratione furenti populo flammam addidit, ut Christo ab ea gente illatas omni tempore iniurias vindicarent est loco superiori hortatur. Hæc singuli, hæc vniuersi inconditis clamoribus vociferantur. Nulla res vehementius multitudinem inflamat quam religionis species quamuis simulata & inanis. Vbi superstitione capta est non ratione agitur sed furore, alioqui impotens, sæua vacordis que. Acti amplius in furorem populares quasi signo dato in eius nationis ædes irruunt feroces formidabilesque, sibi quisque adhortator & dux. Crucem duo eius ordinis monachi præferebant vexilli adinstar. Rabies in miserorum cæde bacchantis populi tribus diebus omnino tenuit: ex quanto tempore supra duo millia homines sunt occisi plerique innoxii, aliqui etiam ex diuerso genere per errorem aut ex simultate. Rebus turbatis cum omnes omnia audeant, minus insignia sunt quæ singuli faciunt, cuncta pari violentia voluntur. Belgæ & Germani est nauibus, quæ in portu erant, concurrunt ad prædam participes futuri, aut manu sua direptis domibus, aut à promiscua plebe paruos

redemptis spoliis. Rex ex eo cōmotus, vt par erat, animo, ac vindicare certus. Dieghum Almeida, & Dieghum Lupum, qui quæstiones exercerēt destinat. Duo monachi multitudinis concitatores dicta causa mandati lege de sicariis, ignis supplicium extinctis fuit. De plerisq; fontib. sumpta vindicta sed carptim & singulis, in multitudinis motu salutare remedium. Externi sublatis velis euaserunt cum nauib. copia miseræ gentis onustis. Sic frequenti ac numerosæ ciuitati tranquillitas rediit. tumultus popularis id remedium extitit, mali causis nihilo maius. Philippi & vxoris aduētum in Castellam indies singulos expectabant prouinciales non vno omnes animo: simul Ferdinandi cum Germana nuptiæ festinatae. Obuii sponsæ Salmantica Fonterrabiam in extrema Hispania iuere Cæsaraugustanus Præsul officio in patrem incitatus, & cum eo nobiles tū viri tum matronæ. Contra Reginæ Neapolitanæ mater & filia, tum Calabriæ dux atq; splēdidus procerum comitatus Regem Vallisoleum prosecuti, inde Donnias abierunt. In eo oppido ad quintum decimum Kalend. Aprilis nuptiæ celebratæ sunt neq; nullo neq; celeberrimo apparatu. Ferdinandus arcto propinquitatis gradu sponsam attingebat, quippe eius auunculus maior Eleonoræ Reginæ Vasconum, quæ auia puellæ fuit, frater. Soluit ea lege Pōtifex Romanus ægre tamen Cæsare & filio connubio intercedentib. Reginam ex Gallia prosecuti erant Ludouicus Amboesa Albigenis Episcopus, Hector Pignatelus & Petrus Sactanderius à Gallo legati. Eminebant in cætero comitatu Salernitanus Amalfitanusque & alii Andegauenses proceres ea profectiōe sperantes malis & exilio finem composita pace. Proximo post nuptias die, noui coniuges ac cæteri Principes conuerso itinere Vallisoleum redierunt. In eo municipio Rex nouo sacramento suo & successorum nomine initum nuper cū Gallia fœderis capita omnia rata fore cōfirmavit, si falleret dira omnia in suum caput præcatus. Paucis post diebus Andegauenses proceres in coniugium verba quasi Regum Neapolitanorum iusiurandum dixere. Peracta nuptiarum lætitia Ferdināus Burgos abiit, per causam excipiendi Regem generum, quem existimabat ad Lauretanū portum, aut e vicinis aliquem propediem affuturum. Sequebantur Præsules Toletanus Hispalensisq;, Albanus, Magister equitum, maris Præfectus Comes Cifontanus, in studium, vt videbatur, incitati curandi, vt regno administrando Isabellæ Reginæ testamēto explicata voluntas rata esset, nulla in contrarium exceptione. Peruenerāt Turrecrematā: cum nunciatum est Reges filios ad Brigantinum portum appulsos omnino ad quartū Kalend. 30 Maii. Lenta nauigatio longa; mora vt esset, Regum in Anglia congressus effecit ludis & spectaculis celebratus in hospitum gratiam. Ad Falamux quoq; portum dum idonea ad traiciendum tempestas expectatur, multi dies abierunt. Ad Brigantinum portum appellendi classē causa extitit Philippo iniecta à malitiosis persuasio; in Castellam ingredi fore commodum quam longissime à focero liceret. Eius absentia si quid à procerib. moueretur, & in quam partem se populi darent facile cogniturum, ex euentu consilium sumeret, certus Salmantini fœderis conditionib. non stare nisi necessario. Totius machinationis auctor Emanuel Principis simplicitati & ingenuo candori illudens: vsq; eo vt in Batiçæ oram ducturus diceretur, Nerio promontorio classē circumducto, nisi aduersi ventorum status vetuissent. Sub hoc tēpus consalius Marignus Assidonii nomine Melillæ Præ- 40 fectus Casalam oppidū viginti inde millib. in Phuthēsī regno sitū cum idoneo portu, improuisus occupauit. Operę & impēsæ ab Assidonio factę merces fuit id oppidum in eius, vti par erat, relictum iure hæreditario.

Ferdinandus generum cupit inuisere.

CAPVT XVIII.

Philippi Regis aduentus, quo publicā felicitatem fundari, reb. tranquillitatē reddi par erat, ne contra reip. statum pacemq; penitus conuelleret, vti se initia dabāt, Ferdinādi prudentia, atq; animi magnitudo effecit. Qui reb. aduersis se maior, dissimulatione, comitate, agendi dexteritate in bonū vertit, quæ incendiū exitiumq; reb. minitari videbantur. Non idē vtriq; animus erat, neq; vna agendi ratio sed prorsus contraria. Philippus, quasi vis pararetur Beneuenti & Lemosii Comites ac reliquā Calæciæ nobilitatē, præterea Castellę proceres singulos per litteras de cōmunicanda ope appellare, eiusq; vt partes palam profiterentur hortari. Hoc quid aliud erat quā pro pace discordias ferere, cōcitare tumultus temere imprudenterq;? Ab eo initio, quoniā conatus ex sentētia processerat, speq; maior procerū ad eū cōcursus fiebat ex omnib. partib. vltērī progressus palā profiteri cœpit. Salmātini fœderis legib. haudquaquā obtemperaturū, ignarus videlicet rerū humanarū inconstantię. Saceri aulicos & ministros infensos habere, malignis intueri oculis, vsq; eo vt die quodā Petrū Aialā monuerit: multa in Belgis & Anglia se aduersum agitata scire: dissimulasse tamē in foceri gratiā; si pergeret haud impune conatus fore. quando vnus esset e subditorū numero atq; in suo ære, attēte consideraret, quid facto opus esset. nisi obtemperaret

faret malo vindicaturū. Miserat Rex Catholicus quatuor viros in curia rerū capitalium,
 apparitores, ac reliquum forense ministerium, vt penes nouum Regem suas quiq; præ-
 starent partes, munera exercerent. Honori datū contumeliam interpretatus focerū tan-
 tū sibi sumere, vt ministros & famulos daret, q; nullo pacto ferre habebat præiudicatum
 fixumq; animo, neq; tutorem pati neq; patrum, vti Ioannes Emanuel dicere solitus erat,
 eos vnde venerant, continuo remisit. Sic est. Multa quæ apud, concordēs vincula carita-
 tis argumentaq; sunt, inter infensos iras concitant. Philippi aulici & amicorū princeps
 multa in Ferdinando accusabant, nouo maxime coniugio irritati cū Germana: quo filius
 & nepotibus atrocem factam iniuriam scilicet interpretabantur regno Neapolitano de-
 tracto. In quo iure ac merito reprehendi poterat, nisi præpostera ipsorum ratio coegisset
 ad patrociniū calli Regis, vt dignitatē tueretur, quacūq; conditione confugere, artem-
 que eludere arte. Alioqui lōge alia mēte Rex Catholicus erat, quā æmuli accusabāt. Nam
 filiorū aduentu nunciato continuo Raymundum Cardoniū & Ferdinandū Vegham mi-
 sit de aduentu gratulatū. Ipse etiam conuerso itinere flexoq; legionem maturare con-
 stituit eos inuisurus. Substitit tamen Asturicę de eorum voluntate dū certiora cognosce-
 ret. Præterea Villeniū cum amplissimo comitatu Burgos appulsum, atq; Anagari ducem
 propinquis accitis & cum manu militari ad nouos Reges ire parantem, monuit, vt muta-
 to consilio non plures comites solito secum ferrent. Eas molitiones delectusq; legib. ve-
 titas, ne tūc quidē fore impune, quæp̃pe minime necessarias, quādo nulla belli suspicio es-
 set, cūctis amica pax. Generū interprete Petro Aiala vt duo millia Germanos, quos secū
 duxerat, dimitteret hortari porro, ne apparatu non necessario prouincialium animi offen-
 derentur: q; omni cura externo Principi prouidēdū iudicabat. Michaelē Almasanum
 profecto, cui multum fidebat arcanorum participi, legauit vt Raymundo Cardonio Fer-
 nando Veghę, Petro Aialæ, & Guterrio Fuensalidæ iunctus efficeret vt colloquio mutuo
 locus & tempus designaretur, cupere se oppido videre & amplecti filios carissimos. Fecit
 ille quod iussum erat. Primum vt Sarriæ congregerentur, deinde ad Pontem ferratum
 agitatum. Philippi intimis nullus locus placebat, metu, vt erat sagaci ingenio Ferdinan-
 dus Philippus facili ingenuoque, ne colloquio inter se susceptas suspensiones detēgerēt,
 quod naturæ iuri & propinquitatis legib. consonum priuatis aulici rationibus aduersum
 omni conatu vitabant. Ita Emanuel, penes quem rerum omnium erat arbitriū Petro Aialæ
 die quodam de colloquio Principum sermone instituto, palam edixit, Errare Ferdinan-
 dum inani fundamento magnæ, vt videbatur, molis iacto. idq; trifariam. Neque enim
 passuros in cōgressu de aliquo negocio fieri mētionē, hoc primū sibi persuaderet. Deinde
 colloquiū in agro fore non pari vtrinq; comitatu sed Philippi multo maiori. Postremo
 falli si in filiar beneuolentia spem aliquā reponeret inanem haud dubiū futurā. Hæc Ema-
 nuel præ arrogātia & fastu ingentibus promissis contēptis, quib. tum filiis factis eū rursus
 expugnare tentarunt, quippe Principis gratia vēcors atq; se ipso insolentior. Quo tēpore
 hæc agebantur Vallisoleti Christophorus Columbus obiit mēse Maio immortalī laudē
 vir primus noui orbis inuentor: vti alio loco dictum est. Villenius Beneuetanus, & Ana-
 gari Dux ad nouū Regē venere festinatione fidem obsequiumq; probare certātes. Acces-
 sere indies alii proceres in iis Begiaris Dux, Asturicæ & Aquilarii Marchiones, ipseque
 Garfias Lassus, postremo Infantatus Dux eodē appulit. Tantis præfidiis munita factio ad
 maiora aspirabat præsentium tædio nulla fœderis memoria. Ferdināndus Asturica, vbi hæ-
 ferat ad Idus Maii, Rauanalium discessit, Compostellā eūdi voluntate eā urbem colloquio,
 de quo agebatur, oportunā fore ratus. Ex intimis quidā ne festinaret, monebāt. Incōsul-
 ti impetus cœpta initiis valida mora cōsenescere, ac prauos conatus debilitari. Quod præ-
 ua ambitio solet, breui inter proceres & noui principis aulicos enatis odiis, quādo singu-
 li sibi rerū arbitriū arrogarent, eas fore difficultates, quib. Philippus suo malo admone-
 retur, intelligeretq; quantopere soceri ope & cōsilio propterea indigeret. In eo statu res
 Castellę erant, vt si apertū bellū demas, peior esse nō posset. Italiæ Principes aliæq; natio-
 nes aduentu Philippi quid futurum esset auide expectare: ac cunctis erat persuasū Ferdi-
 nandū, qui eatenus terrori fuerat, dēptis virib. & potētia deinceps fore ludibrio. Ex eius
 calamitate & ignominia pleriq; neētere nouas spes. Eā opinionē vulgo susceptā vehemē-
 ter cōfirmabat cūctatione sua cōsaluus, cōtra quā iussū erat, resistens Neapoli. Virū pru-
 dentē & magnū profecto nō sine causa regiis mādatis nō obtēperare. Ille tamē iis suspicio-
 nib. cognitīs equos & domesticā supellectilē præmisit quasi mox subsecuturus. Deinde
 Petrum Nauarrum legauit in Hispaniam equis citatis moram excusatum veris rationib.
 redditīs sui facti. Dum præsidia locis competentibus disponit, militibus satisfacit
 pecuniæ in stipendium ob inopiam tumultuantibus re necessaria aliquot menses ex-
 tractos. Verum Ioannes Baptista Spinelus vna in Hispaniam profectus consaluo infensus

tum priuatim sibi factas iniurias cōqueri, tum praua interpretatione accusare quæcumq; ab eo quamuis fideliter & prudenter gesta erant. Regiis & aulicorum aurib. ad eas voces & criminationes patulis innocentiam accusare facile erat. Sæpe etiam calumnia veritate valentior, acres certe primos impetus habet. Itaq; Cæsaraugustano Præsuli mandauit vt Neapolim profectus curam rerum ipse desumeret in Gonsalui locum confectis in eâ sententiam tabulis. Consilium iuuare arte visum est. Ioanni Lupo Vergaræ Gonsalui à secretis data abs Rege scheda, qua iureiurando pollicebatur Diui Iacobi magisteriũ se illi cessurum, cum primum in Hispaniam esset appulsus. Vere atq; ex animo id promitti, vt crederetur, ingentia Gonsalui merita faciiebant: falso & fraude euentus docuit: & quoniam simul Petro Nauarro, quem Oliuiti Comitem dixerat, cuiq; multum credebat, vt filium Cæsaraugustanum præsulẽ secutus Gonsaluo in arce noua manus iniiceret, arcano mandauit: metu se suspecti hominis liberaret: q̃ eius dexteritate & audacia successurum confidebat. Decretum insolens prorsus & immane numina disturbarunt, ne ea iniuria obscuraretur æternum Hispaniæ decus clarissimum orbis sidus. Et forte litteræ à Gōsaluo ipso tempore ad Regem allatæ, accurata oratione, & accommodatis argumentis (& est magna veritatis vis) solis instar depulsa mendacii & suspicionum nebula lucem aperuerunt. In iis fidei constantiam sacramento nouo, & execratione firmavit: & in quamcumq; partem se res darent ei perpetuo adhæsurum, neq; cuiquam præter ipsũ regnum Neapolitanum traditurum, & alioqui propediem in Hispaniam afforẽ reb. cæteris prætermisiss. His litteris tunc quidem sedata tempestas: vnde magna extitissent incommoda, ingēs Hispaniæ dedecus vniuersæ.

Ferdinandus ad filiam Reginam liberandam delectus haberi mandar. CAPVT XIX.

Vix proceres & reguli ad Brigantinum portum appulerant, cum inter ipsos & aduersus Belgas contentionum & inuidiæ ingens exarsit flamma. Ad Principem gratiæ & auctoritatis locum in ea aula singuli nitebantur ambitione væcordi, modestiæ nulla cura. Villenius ante alios sibi primas arrogare, cum sacris Princeps operabatur cortinæ regiæ proximus ex vno latere quippe regiæ Castellæ procurator, ex altero Verius regulus, & ipse in Belgis aulæ magister proximum occupabat locum. De Regum colloquio sententiis inter se discrepabant. Hispani impedire pro virib. satagebant: ne mutuo congressu offensiones detergerentur scilicet. Belgæ simpliciores non abnuere à vulgi existimatione multum referre si colloquerentur rati, periculi parum ostendi. Quid variis imaginib. locum darent? Verio regulo præ aliis id placebat consilium, ex inuidia & æmulatione vti malitiosi interpretabantur, Ioannis Emanuelis crescentis gratia auctoritateq;. Sed vtique hoc tempore plura molestiæ signa quam lætitiæ visebantur in vultu, & cōcursu tot procerum quasi concussa mente vereri videbatur, ne alio prælato ipse è fastigio felicitatis caderet, in omni consilio circumscriptus & cautus. Cunctis tamen vna mens & oratio erat, Ferdinandi actiones accusare linguarum intemperantia. Quidam graue ducebāt, vectigalium regionum illi dimidiũ attribui, neq; ordinum magisteria amplissimis redditib. venire in diuisionis partem. Aliis mirabile videbatur neq; tolerandum, tres in Castella Reges esse. Ioannes item Emanuel diploma proferebat in Gallia descriptũ, quo se Ferdinandus Regem Castellæ dicebat. id ad faciendam inuidiam pertinebat. Accusabant nonnulli, arces & præsidia teneri Ferdinandi Regis nomine, nullo Philippo loco relicto præfectum aliquem nominandi, ne Prætores quidẽ ciuitatum, quãdo eam quoq; auctoritatẽ sibi Ferdinandus sumeret. Quod præcipuum & maximum accusationis caput erat, delectus eum militares habere specie filiæ liberandæ: quæ propter valetudinem sensu turbato inclusa teneretur sublata eâ visẽdi omnib. promiscue facultate. Cōficta prorsus ea criminatio nõ erat vtrumq; Principẽ perstringens. Vere enim à Philippo Regina tenebatur inclusa. Ferdinandus cura anxius se tuendi, si res ad bellũ deduceretur, datis in omnes partes litteris delectus haberi militares mandauit. Honestã species molitioni prætentã grataq; populâribus liberandi filiam iis viribus & copiis. Dux quin etiam Albarius militum numerum haud exiguum conscripserat in Legionensi ditioe Ferdinãdi in fide solus inter dynastas perstans, in ea temporũ atrocitate quamuis non ignarus quanto in discrimine versaretur si perseveraret cunctis obniti. Nam equitum Magister Ferdinandi gener & maris Præfectus eiusdem amitinus consultius fore iudicarunt tempori cedere, Philippumque amplecti eique præsto esse, quam inutili cunctatione se suosque in præceps dare. In ea procerum alienatione Ferdinandus haudquaquã abiecit animum. Cōflabatur exercitus: simul Iacobum Albionẽ in Aragonia nobili loco natũ in galliã legauit, qui rerũ cōditione explicata

explicata pro iure initæ amicitia à Gallo postulare, daret operam bellū in Belgis maiori mole Gheldria Dux & Leodiensis Episcopus concitarent. Quo Philippus periculo frænatus ad æquiores pacis conditiones deduceretur. Hæc arcano parabatur præsidia, & de colloquio tamen non intermittebatur. Tempus altercationib. tractum. Moræ tædio Philippus Brigantino è portu digressus Compostellam abiit. Præcedebant germanorum cohortes in armis & cum bellicis tormētis non secus ac si per hosticum iter esset, prouinciā vi expugnare pararent. Ipso die nempe quinto Kalend. Iunii Ferdinandus & vxor Betanfos Compostella abierunt. Alfonsus Fōseca Compostellæ Præsul Catholici Regis partes palam fouebat eo studio quo qui maximo, Philippi aulici id non ignorantes eam urbem colloquio propterea idoneam non iudicabant, ac ne moræ quidē diuturnæ, fano quāuis præsentī numine sanctitatis opinione & religione celeberrimo: sed Orenes versus discesserunt. Ferdinandus substitit ad Villafrancam. locorū propinquitate inuitatus Philippus misit ad socerum, qui diceret, si ad se Toletanus mitteretur cum ampla decernendi potestate, fore controuersis haud dubium finem optatum. Factum est ita. Verum Toletani diligentia atq; labore parum proficiebatur, procerum artib. concordia impedita, reb. turbatis cogitantium maiori in gratia, tranquillis auctoritatis & compendii minus fore. Ferdinandus Villafranca Bagniezam abiit, inde Matillam. Quo tempore pleriq; Episcopi & nobiles eius iter prosecuti procerū suasu, qui aduersas partes sequebantur, ad Philippum abiere senem Principem florenti ætate iuvene mutantes. Ea sollicitudine eaq; animorum consternatione Ferdinandus admonitus si ad arma ventum esset, parem genero nō fore; quacumq; conditione pacisci decreuit. In rationem necessitas versa est. Id vt assequeretur, litteras ad generum dedit: quib. rogauit vt cunctatione omni & disceptatione sublata sui omnino copiam faceret. Colloquium vtriusq; salutare ne defugeret. Quid vereretur? quid fraudib. & malignitati aures præberet? cur orbi inutili cunctatione sermonem daret? Rescripsit Philippus multis se iniuriis violatum. Delectus contra ipsum haberi. Rumores fraude sparfos, vinctam se Reginam tenere. Inquisitorum, quorum est in Hispania potestas tremenda summæ proxima, auctoritati aduersari, ac vero propinquis eorum fauere, quos violatæ religionis reos in vincla illi & ferrum tradidissent. Quæ omnia ad faciendam inuidiam pertinere, prouinciales fraude alienandos. Interea efficiebatur nihil. Philippi afflæ Ferdinandi animum explorare, antequam in colloquium veniretur, vehementer cupiebant, an in fœderis conditionibus quæ Salmantica sancitæ erant, immutari aliquid pateretur. An Castellæ procurationem eiurare. Hic vero difficultatis & moræ nodus & cardo. In quo cautior Ferdinandus consilia detegere non inducebat in animū priusquam cum genero esset congressus, integra consultatione in id tempus seruata, ratus coram omnia facilius quam per interpretes conuentura.

Colloquium inter duos Reges. CAPVT XX.

Magna quamuis diligentia Toletani parum de colloquio & cōcordia proficiebatur tamen. Vilæ regulus & Ioannes Emanuel negotio, à Philippo præpositi opponebantur. Toletan⁹ simplicius rē gerebat, vt personæ grauitatē decuit, illi calliditate & fraudib. armati. Ex cōmodo pacisci satagebant deceptis fessive aduersariis: si id non cōtingeret, certe tēpus extrahere. Eum ad Philippū vndiq; fieri concursum vt breui magna penes socerū solitudine coactus Castella deserta in Aragoniā abiturus videretur. Id supremum & maximum tum duob. tum sociis votum erat. Ipse quoq; Toletanus concordia nulla spe certe tenui Ferdinando consilium dabat, vt tēpori cedens in Carpetanos sese referret retro conuerso itinere: arcib. & oppidis, quæ multa & firma Toletanus eo tractu obtinebat, tantisper sustentaret dum animorum æstus remitteret. Daret malorum pœnitentiæ, daret bonorum consensui spatium. Praua consilia initiis valida mora languescere, bona è contrario confirmari. Multa quæ natura impedita sunt, mora expediri. Dum eo perueniretur multa posse intercedere, præsertim tam lento itinere, eo anni tempore, victus, vt erat gēs, intēperantia, q. caput erat, multis inter Hispanos & Belgas enatis suspicionib. haud fore prouinciales tam vācordes, vt ex comparatione temporis præteriti cum præsentī errasse se non faterentur, cuperentq; emendare. Hæc Toletanus prudenter, vt euentus docuit, eo ipso iam Ferdinando suspectior: quasi temporī inferuaret, & ad Philippi gratiam cum cæteris niteretur se deserto: ex heri damno & ignominia cōpendium captaret. Nimirum vera monentibus is fructus esse solet, assentatio sine periculo peragitur. Verino, quo Philippus peruenerat, Dieghum Gueuaram miserat ad socerum cum mandatis, ne festinaret, cunctationem vtriusque fore commodiorem. Non destitit tamen Ferdinandus

filios videndi certus, quid graue ducerent dictitans si inermis alloqueretur armatum? Quæ malorum spectra fingerent animis? Vilæ regulus & Ioannes Emanuel, quando de-
 tractare colloquium non poterant, Nellafa, quo Philippus venerat, ad Ferdinandum ire
 pergunt diem & locum congressui designaturi, misso tamen prius Albano specie nego-
 cium peragendi, sed re ut pro Ioanne Emanuel pignus esset, violatum fore. Interim Phi-
 lippus Sanabriæ vicum, Ferdinandus Asturianos concesserant, octo millium modo inter-
 uallo. Eo in oppido Ioannes Emanuel & Vilæ regulus accepti a Ferdinādo benigne sunt
 nulla offensarum mentione. Quin blandis eos verbis compellans ea dixit, per quæ intel-
 ligeretur, nullam se moram facturum concordia ex generi voluntate, mutatis, quæ vidē-
 rentur, in superioris fœderis conditionibus. Inter ea oppida medio ferme interuallo villa 10
 est sita Remessal dicta. Ei villæ propinquum roboretum colloquio delectum. Die poste-
 ro, uti erat constitutum, Reges duo ex hospitibus sunt profecti nō pari sed lōge diuerso co-
 mitatu. Regem Catholicum ducenti sequebantur, mulis veeti atque inermes pacis habi-
 tu & cultu, Philippus milite & armatis stipatus. Prope Sanabriæ vicum duo millia hista-
 ti dispositi erant præter indigenas, qui ex omni parte cōfluxerant visendi auidi & studio
 in nouū Regem suis sedibus exciti, equitum præterea valida manus, eorum qui procures
 secuti fuerant. Præcessere mille Germani quasi locorum exploratores, aulicis subsecutis
 Philippus ipse clausit agmē in equo atq; sub veste tectus armis. Dextram Toletanus stipa-
 bat sinistram Emanuel. Ferdinandus occupato podio prætereūtes spectare animo sereno
 si ex vultu cōiiceret. Accessere procures ex ordine dextram gētis instituto osculatum, 20
 quos ille festiue excepit. Beneuētano complexū ferens sensit armatum. Cū risu, Comes,
 „ ait, quī solito obesiores factus? sensit ille aculeum dicti, responditq; sane id tempore est fa-
 „ ctū. carissæ Lasso, tu etiam, inquit, & ille. Enimuero cū omnib. aliis. Secutus est astantium
 „ risus. Accessit Philippus haud læto vultu ex equo in pedes desilire volentē aliorū exēplo
 foceri dextrā osculatū, occupauit ille cōplexu, & osculo læta renidētq; facie. Ad vitādā
 multitudinem, quæ circū fluxerat verba habitūq; notātes, aliquo concedere placuit. Pro-
 pe erat sacellū: in quod duo Reges secundum salutationem sunt ingressi: & cum eis Tole-
 „ tanus & Emanuel. Toletanus qua in cæteris libertate, ad Emanuelē. Nō decet, inquit, pri-
 „ uatos Principum suorū sermonib. interesse. Faceßamus ergo. Non auso repugnare socio
 „ cum prope ianuā essent, egredere Toletanus addit, ego ianitoris implebo munus. Sic illo 30
 egresso clausaq; ianua in vicino podio assedit. Reges postquā inter se solita salutantiū ver-
 ba diixerat, Ferdinandus prior aduersum uti flecteret, aut pacis cupidum ut vehementius
 accēderet, hac sentētia locutus fertur. Si nostræ tranquillitatis & iucunditatis, quā com-
 „ modi & honestatis rationē potius habuissē, susceptas hætenus contumelias & probra
 „ nunquam pertulissē. Verū amoris vis magna est paterni maior, multa patitur, multa dis-
 „ simulat. Huic studio parē gratiam redditam nō esse, tua pariter ac nostra causā dolemus.
 „ Ut mihi Regina vxor rerum procurationē demandaret, ipse obsequeretur iustæ voluntati,
 „ nulla praua ambitione factum est, ac ne plura quidē habendi cupiditate, multo minus
 „ cuiusquam dignitatem eleuandi voluntate. Satis diuitiarum diuino beneficio suppetit.
 „ Filiorum porro contemptus, quid aliud quam dedecus nobis pareret? Vestræ ætati, præ- 40
 „ fertim rerum vsu non magno, neq; probe cognitis gentis ingeniis, ne imponeretur vestræ
 „ que illuderetur ingenuitati non sine causa verebāmur. Astuti homines cōmoda sua suo-
 „ rumq; ex vestra ignominia publica, adeo calamitate captarent. Inde existerent dissidia
 „ & tumultus iis pares, quos Regum facilitas, aulicorum prauitas peperit superiori tempore
 „ quibus vulneribus vix nunc est cicatrix obducta. Verum quando nostra voluntas non
 „ ea mente, qua par erat, accipitur: quod alioqui rebus compositis facturum eram, continuo
 „ rerum procurationem abdicare certum habeo. Pluris enim animorum cōcordia, quam
 „ quidquam aliud esse debet præsertim alio vocantibus reb. magnis, quæ nostram absen-
 „ tiam gemunt, præsentia curabit. Omnia in te sunt, quæ aut fortuna hominibus aut natura
 „ largitur, ætas, opes, ingenium: neque studia gentis desunt: ut sint propria faxint superi. Il- 50
 „ lud monere non desinam, videndum, quibus fidere debeatis, quib. administris partem
 „ aliquam potestatis credere. Quam nisi tempestiue cautionem ac diligentiam adhibueris
 „ quod auertant numina, neq; ipse velim, magnæ difficultates & egestas implicabūt. Hunc
 „ Archiepiscopum sum expertus magno animo esse ac minime malo. Illi & similibus tuto
 „ fidas. Auri splendorem alia metalla imitantur, mentiuntur fūco probitatis illita vitia sæ-
 „ peque loca virtuti debita per simulationem prauī homines occuparunt. Philippus Rex
 „ paucis respondit, ut erat ab intimis edoctus. Ea consilia magnum apud se pondus habitu-
 „ ra: pro eo ac par erat obsequiū deferre ac perpetuam voluntatē obtēperandi præceptis ex
 „ amore profectō paterno profectis. Verba vocesq; non audiebantur. vultus procul visen-
 „ tibus

tibus notabantur Philippi proiectus & moestus Ferdinandi non insultans sed grauis & lœtitiæ propior. Sic è colloquio discessum nulla duabus quamuis horis inter colloquendum consumptis mētionē Reginæ neq; à patre facta ad vitandā offensionis occasionem, neq; à genere oblata eam videndi facultate. Quod certe fuit inhumanū vulgo sed & proceribus sermonū ac vituperandi materiam præbuit. Maiori plane animorum offensione quam cum qua venerāt, digressi in oppida vnde discesserant cōtinuo redierūt ipso die ad memoriam insigni Sabbatho ad duodecimum kalendas Iulias.

Alterum Regum colloquium. CAPVT XXI.

- 10 **C**ontinuato Reges itinere duodecim aut summum sedecim inter se milliū interuallo Philippus ipso D. Ioannis peruigilio Beneuentum tenuit. Ferdinandus sollicitare non cessabat, concordia vt sanciretur quibus id negotii datum erat, consensu Ferdinādo denunciarunt Castellæ procuratione in generum translata, vti in Aragoniam abiret, ordinum militarium tamen retenta præfectura, aliisque Isabellæ Reginæ testamento legatis integris. Hac lege fœdus sancitū eosdē amicos inimicosq; futuros nemine excepto. Hoc pactū à Ferdinando Villafañila sacramento confirmatū est astantib. Toletano, Emanuele & Villæ regulo ad quintum Kalendas Iulii. tantundem die proximo Philippus Beneuenti præstitit, victoria de socero parta per eum modum, cuius ex tēplo auctores & gentem pœniteret, latus eo amplius quod ex arcano tabulis confectis Reginæ valetudinem reb. gerendis inutilem iidem contestati sunt. Quod erat nihil aliud quam rerum summam ad
- 20 se trahere & sine rivali regnare. Contestatus est etiam Ferdinandus secreto coram Thoma Malferito, Ioanne Cabrero, & Michaele Almasanio, qui erat à secretis necessitate coactum in eas conditiones venisse, quippe inermem aduersus militum legionib. cinctum: cum liceret reuocaturum. Rebus ad hunc modum cōstitutis Ferdinandus Tordesillam abiit. Ex eo oppido litteras in omnes partes dedit kalendis Iulii conscriptas: quibus sibi destinatum affirmabat Castellæ procuratione cedere, cum primum filii applicuissēt. Eius voluntatis argumento Castella relicta velle suarum rerum curam arripere, suisque subditis prospicere diurnam absentiam sui Regis ægre ferentibus, cum publico haud dubium multorum detrimento coniunctam. Priusquam Tordesilla discederet, misit ad eum Philippus qui denunciaret Reginæ contumaciam & iurgia Beneuenti extitisse. Orare
- 30 proinde paterna auctoritate remedium. Huic legationi, quoniam inuidiosa res erat & Philippo certum vxorem includere, nihil certi respondere voluit. Rem modo omnem eius probitati & conscientiæ permittere. Se quidem parentem esse, ipsum tamen virum, eam vtriusque filiorum matrem, sperare nihil tanta necessitudine indignum facturum: suaque prudentia saniora secuturum consilia. Quod vt faceret, rogare enixe. Tordesilla Tudelam itum est, nomen id vico non procul Vallisoletto. Philippus Muzientes accessit ex itinere in eam sententiam pertractis proceribus syngraphasque extorquens, quibus Reginam includi probarent. Præfectus maris consensum cum cæteris rogatus respondit: priusquam missæ ad se in eam sententiam descriptæ schedæ subscriberet, cupere Regis voluntate causam explorato eius deliberationis cognoscere Regina, si liceret, visa & com
- 40 uenta. Placuit postulatū fieri. Sic accepta venia Præfectus maris & Beneuetanus in eius oppidi arcem admissi Reginam in cœnatione inuenerūt maligna luce, in veste nigra obsoletaq; cucullo capiti imposito, quo faciem fere velaret, ex iis credo, quib. in Gallia fœminis capiti imponere, & oris partem velare familiaris est vsus. Ad ianuam Garfias Lassus erat, intus Toletanus præsul. Assurrexit illa viso maris Præfecto, excepitque eo honore & ritu quo mater posset, nisi q; pedibus stetit. Rogauit num à patre veniret: & qua illum valetudine reliquisset. Respondit Præfectus pridie se Tudelæ latum valentemq; reliquisse. discessum in Aragoniam parantem, ac iam in procinctu esse. Tum illa incolumitatem orare: atq; oppido libenter visuram dicere. Aliis institutis ex professo sermonibus, nihil tamen absonū excidit. Vrgebat Philippus includi cōtinuo. Præfectus vidēdū, inquit, quid
- 50 facto opus sit. sine Regina Vallisoletum eundum nō arbitror: alioqui incommoda & animorum motum denuncio. Cōmota plebe & ad tantæ rei expectationem erecta caue ne proceribus male sentientibus detur occasio rerum nouarum Reginæ liberandæ specie popularibus grata. Me quidē auctore vxorem nunquam à te seiunges: & quādo præcipua valetudinis causa Zelotypia continetur, non arbitror committendum, quo mēte amplius eo facto concussa morbus simul augeatur. Digna res visa est, quæ ad consilium deferretur. Collatis sententiis placuit Vallisoletum deduci. Prius tamen quā ex iis locis discessum esset, rursus Reges inter se videre. Renedum vicus medio ferme spatio Tudelæ propinquior colloquio delectus. Re cōstitutata Ferdinandus generū monuit maiori quam antea beneuolentiæ significatione accederet. Vtriusq; interesse verū intelligi concordēs vel

maxime discessisse. Quid datent sermonē orbi nouis offensionib. susceptis neq; deteris prioribus? Tercio Nonas Iulii post prandium profecti sunt Reges. Prior Ferdināus accedens in pagi templo expectauit dum gener accederet. Venienti obuiā progreditur, vt inter se viderunt, dextrā iunctā, in complexum itum, magna vtrinq; comitate certarum. In templi sacello remotis arbitris horam & dimidiam subſistere. Monuit generū Ferdināus quid factū opus eſſet, quid vitandum vt ſine offeſſione rempublicam gereret. Fino colloqui Toletano ad ſe euōcato verba inter ſe dixerunt magnā amoris ſignificationem exprimentia. Quod ſi tam facile ſuorum mentes Philippus flexiſſet, quam ipſe ceſſerat, cōcordia inter dūos facile potuit ſtare. Ergo ē colloquio eſt diſceſſū. Ac Ferdināus nulla præterea negocii alicuius mētione, ne filiā quidē, cuius viſendē haud dubiū ſtudio flagra-
bat, Renedo diſcedēs in Aragoniā iter intēdit. Albano veniā eiſ iter proſequēdi Neapo-
lim vſq; quo breui erat iturus, roganti negauit præciſe multis quāuis precib. fatigatus, gra-
tius facturū excuſans ſi in Caſtella maneret præpoſitus iis quib. ſuarū rerū procuratiōem
delegarat. Hierant Guterrius Lupus Padillia Calatrauæ Promagiſter, & Fernāus Vegha
ordinum militarium iudiciis præſecti, tū Ludouicus Ferrerius, qui oratoris partes apud
generum impletet. His mandatum vt Albani voluntati non ſecus ac ſuā cuncti obſeque-
rentur, imperium reſpicerent. Diſceſſum, qui vniuerſo orbi vehementer ignominioſus
eſt viſus, ea ipſe magnitudine animi pertulit, quo cēteros antea fortunē ſequentes fluctus,
eo indignior iniuria quo eam æquiori animo pertulit. Proceres ſe adeuntes benigne ac-
cepit nulla moleſtiæ vel leui ſignificatione. Gentis ingratos animos forte accuſauit quif-
quam aduerſus eū cui omnia deberent: magnis ſe potius obſequiis deuinctum dixit: da-
turum operam, quantum liceret, vt memori contuliſſe videretur. Ita demum diſceſſit eo
vultu habituq; quaſi breui ſe rediturum, & in maiori gloria fore præſagiret animus. Et
quidem cognita Principis indole, vtriuſq; gentis ingenio haud diu res eodem loco man-
ſuras, breuiq; ex comparatione instantis temporis cum præterito, quantum ſenilis prur-
dencia rerumq; vſus maximus iuuenis facilitati præſtaret non ſine gemitu & reuocandi
voluntate intellectuſ provinciales, diuinare promptum erat.

Res nouæ in Caſtella. CAPVT XXII.

ET vtiq; vix Ferdinando digreſſo magna rerum immutatio facta eſt. E capite in corpus
reip. ſalus labesq; diffunditur. Rex Regi quantum præſtat: Indixerat Philippus regni
conuentus Valliſoletum lautum & amplū municipium, q; de Reginæ captiuitate cogita-
rat, ordinum conſenſu confirmari cupiens. Honeſta ſcilicet ſpecies parum mente valete
neq; idoneam rebus gerendis videri. Subornatis procetibus Toletanus etiam accedens,
vt in eiſ potēſtatem cuſtodienda traderetur quibuſdam vrbium procuratoribus aucto-
ritate perſuaſit. Vnus maris Præſectus ex omnibus qui aderant, appellatus de conſenſu
præciſe ſe paſſurum negauit: nouum atq; inſolens exemplū induci. Neq; in eo reſtitit, ſed
vrbium procuratores allocutus ne rei turpiſſimæ aſſentirentur palā monuit, q; ſine fidei
Reginæ debitæ ſugillatione non contingeret. Vera iis prædicare videbatur, animorum
tamen imbecillitati Principis obſiſtere voluntati nō auſi per ſe, profeſſi ſunt tamē ſi quis
procerum conatui faueret, aperte repugnāturos. Tum ille commune periculum fore ſa-
cramento confirmauit in cauſa iuſtiſſima, quemcumq; exitū haberet. neq; ſibi priuatim
conſulturum, tantum viros ſe præſtarent. His verbis animata maior ſuffragiorū pars cru-
dele decretum abiecit, ac quæ in Tauri conuentibus ſanxerant, nouo iure iurando con-
firmari modo placuit in Ioannæ verba quaſi iuſtæ Reginæ & Philippi Regis eiſ mariti,
tum Caroli Principis poſt matris fata non alium regni hæredem fore. Regium ærarium
exhaustum erat factis ſumptibus geminæ aulæ & militariſ. ſtipēdiis multiplici præterea
peculatu. In bellum Mauricum pecunia decreta, aureorum millia ducenta & quinquaginta
duobus annis à populis redigenda. Graue ſubſidiū fuit fame grauiffima provincia
laborante, vſq; adeo vt aduectitio ex Sicilia frumento mediterranea quoq; vitam tolera-
rent. Carpetani & Celtiberi ē Carthaginis nouæ portu petebāt, ē Malacēſi Bætica vniuer-
ſa inaudita ad hæc tēpora rei frumentariæ inopia caritate mirabili longinquæ vecturæ im-
penſa aucta, & tanquā in ſumma abundantia pecuniæ illudebatur tamen paſſim ſine iu-
dicio donatæ, in ludis & conuiuiis intemperanter conſumptæ. nouus quoq; Rex dome-
ſticis præda erat. Excepit noua calamitas cū magno religionis dedecore. Regii conſulto-
res & miniſtri Inquiſitorum iudicia & auctoritatem labefactare cœperant, iis ſe immi-
ſcentes cauſis temere promercali homines ingenio atque profani. Ac nominatim aures
præbere Cordubenſis Inquiſitoris Dieghi Luceri actiones præpoſteras accuſantib. quaſi
indigna atrocitæq; tū ipſe tū ceteri adminiſtri pro potēſtate geſſiſſent, neq; quieturis niſi
mouerentur & ordine & munere. Vincit ea cauſa fauebant inter alios Egabri Comes, &
Prieghi

Prieghi Marchio validissimo conatu. Populares correptis armis quosdam ex Inquisitoris ministris in vincula rapuerunt, viq; in arcem irrumpere Inquisitorum domiciliū. Accusabant propterea summū Inquisitorē Dieghū Dezā eundē Hispalensem quoq; præsulē, quiq; ei à supremis conciliis erant, Rodericū Mercadū, Azpeitiā, Fernandū Montemaiore, Ioannē Tauerā, Sofamq; viros quāuis integerrimos. Tauri illa tēpestāte maiora de religione iudicia exercebant, vinctis multis ex eo numero, qui ad Iudaicā perfidiā, quam eiurarant ante, redierant viri alioqui copiis & clientelis præstantes. cum iis mitius agi Philippi aulici cupiebant. Deinde q̄ non minus gentem perturbauit, neq; minora attulit incōmoda, vno tempore abdicatis omnibus vrbium Prætoribus, arciumq; Præfectis, ipsiq; adeo limiti designatis custodibus, repente in eorum locum alii sunt substituti. In quo trifariam atque grauissime peccatum est. primum enim Belgis magno numero iis honoribus conceditis indigenæ sunt vehementer offēsi, non alienigenarum modo multitudine onerari prouinciā, sed honores debitos ciuib; occupare. Deinde tam multis procurationibus vacuis idoneos homines deligere qui licuisset? temerario delectu plerisque suffici nulla prudentia, tenui probitate necesse fuit, quæ magna labes extitit ac pudēda socordia. Non paucis aulicorū fauor pro virtutib; erat, aut pecunia qua honores & magistratus licebantur apud Belgas præsertim venales homines, pretioq; nihil denegare, solitos ē calamitatē reip. opes & potentiam aucupari. Postremo quibus illi honores sunt detracti, præmia suæ & maiorum virtuti data iniuria & præcipitanter detrahi conquerebantur scilicet. Vnde veluti ex vitiatō fonte expostulationes innumeræ extitere, odiaq; breui erupturā in apertas simultates. Harum rerū fama vero fortassis maior diffusā in omnes partes honores & magistratus esse venales, tū prouincialib; tum Reginæ factam iniuriā, popularium auertit animos, atq; ita vt inter se conspiraret arcano, malis præsentib; quæ magna erant, maiora impendebāt, & atrociora mederi satagētes. Alios proceres crederēs alium populum. Addebat alimenta rumoribus Belgarū ingenium nihil dissimulantū sed omnia consilia & actiones in populi oculis proponentium. Ferdinandum deseruisse dolebāt scilicet suspirabantq; tā incenso eius desiderio, vt si conuerso itinere retro rediret, passim secuturos prouinciales appareret nouo Rege deserto. Nihil est in populo modicum: nunquam in vno gradu resistit. Ex eo nouus Rex contemptui esse cœpit, prorsus vt Garciam Lassum, cum maxime vellet, neq; regio cōsilio præficere, neq; Ferdinando filio inductorē adhibere potuerit procerum intercessionē eo conatu impedito. Sic Ioannes Emanuel Præsidis vicarias partes implebat donec alius in eo munere propriē succederet. In Bætica Asidonix Dux, Vreniē Comes, Prieghi Marchio atq; Egabri Comes ex antedictō inter se arcano conuenere. Male coercitam famam supprimentes augere solent. De Regina liberanda consilia communicasse vulgo iactatū. Ex his nubibus ne sæua existeret tēpestas prudentes verebantur. Mense Augusto Rex & Regina Vallisoletō Segobiā discesserunt, quoniam Moix Marchio, vt erat iussum, eam arcem Emanueli tradere recusaret, vim adhibitori si amplius cunctaretur. Verū is cautior cognitō delectus militares haberi ad eam arcem impugnandā tandem obsequium contumaciæ prætulit, haud ignarus regū iras mora acriores existere, æquū atq; iniquum regis imperium ferendū. Sic rex priusquam Segobiam ventum esset, flexo itinere Tudelam abiit Durio præterfluente nobile municipium, inde Burgos atq; Victoriā iturus Gallicis copiis obuiam, quas ea parte irrumperē in Hispaniam velle fama vulgabat. Per Vasconum fines ne aliquid moueretur, pro Ioannē ribera ei limiti Anagari Dux est substitutus. Deinde cū iis regib; frædus factum Castellæ & Legionis regnis comprehensis, de socero Aragoniaue nulla mentio, q̄ vulgo homines accusarent passim, atq; mirarētur, in eo fœderis leges ad Villafillam cū socero constituti, ac vero in vno facto humanitatis & naturæ iura peruertere, quibus Deus parentibus obnoxios filios fore sanxit.

Obitus Philippi Regis. CAPVT XXIII.

50 **F**erdinandus rex per Montacurum ē Castella digressus & Garizā, quæ Arci veterib; fuit, in Aragoniæ finibus oppidum, Cæsaraugustam urbē regni caput contēdit. Prior Regina deinde subsecutus rex excepti in ea vrbe sunt plausu & lætitia gentis eo cumulatiorē, q̄ ex eo coniugio Regem peculiarem habituros se confidebant æquo cum cæteris iurē à primis annis viuere affluctum, iusto moderatoq; imperio, vti leges & instituta gētis postularunt superiorum Regum exempla. Priusquam ē Castella discederet ex itinere à Rege genero magna contentione petiit, Valentinum Borgiam sibi dedi iure captium suum. Velle eū in aliqua Aragoniæ arce diligēter custodire, certe Neapolim deferre quippe rebus Italiæ ex sententia componendis virum apprime idoneū. Nā propediē eo ire cogitabat. eoque classē Barcinone instrui mandaret. Philippum Regem socero obsequi


volentem (neq; enim tanti id erat) amici deterruerunt consilio communicato prius statuendum disputantes, ad quem captivus spectaret vinctus & missus in Hispaniam à Gonsaluo, superstitum Isabella Regina. Ex parvis sepe magnarum rerum momēta pendere. Importunis altercationibus extracto tempore nihil tandem impetratum quæ nova contumelia fuit, novæ offensionis occasio. De magno Gonsaluo crescere cura: ex moræ diuturnitate alienum animū suspicari, ab æmulis præsertim & maleuolis varii rumores spargi quidam Cæsaris aduentum expectare affirmabant per mare superum parantis cum octo Germanorum millibus regnum Neapolitanum occupare. Accusabāt alii ad Gallum transire velle, conditiones transitionis nuncupare Rhotomagensem Cardinalem. Quibusdam erat persuasū interprete Ticinensi Cardinali fœdus cum Pontifice agitare. Om-
nino imperium militare suscepturum bello aduersus Ioannem Bentiuolum Bononiam ecclesiæ Romanæ antea imperii, tyrannide prementem. Neq; deerant sermones prædicantium Prospero Columna sibi adiuncto filiæ adeo coniugio cū illius filio pacto monstri profecto aliquid alere, certe eius familiæ præsidio aduersus omnes fortunæ ictus se tutum velle præstare. Nemo dubitabat quantum is poterat, velle tantundem, singulis vt fit, ex se alienum animum merientib. coniectura fallaci. Nunnium Ocampum mutatis equis ad celeritatem ire ipse in Hispaniam iusserat, suæ sincerae voluntatis testem, celeris aduētus vadem. Aduersus vulgi rumores tales ac tantos non satis fidei Nunnii affirmationi adiunctum, quoniam dictis facta contraria videbantur. Calumniæ apertæ aures erant malum innocentia aduersum. Sic Rex quam primum proficisci cōstituens Aragoniæ Proregem
Archiepiscopum Cæsaraugustanum designauit, Catalauniæ Calabria Ducem detractis tamen è familia Italis, quorum partem se Neapolim comitari iussit. Gallū quin etiā sollicitauit vt Reginā Ducis matrem cum filiis reliquis ad se mitteret, vt in superiori fœdere cautum erat. Rebus securitas quærebatur. Negauit illa venturam, ac potius in Mantuani agri oppidum abiit comite Ludouico Gonzaga ex sorore Antonia Baucia nato, decē aureorum millia in familiæ alimenta à Gallo Rege pacta. Rebus ad profectiōē paratis præmissus Neapolim est Carolus Alagonius regii aduentus nuncius, ac Columniis procerib. qui rebus suis timere videbantur, verbis Regis testatum nihil eos per iniuriam passuros. His rebus perfectis pridie Nonas Septembris Ferdinandus Barcinone soluit, & cum eo germana vxor Reginæ Neapolitanæ mater & filia præterea splendidus procerum comi-
tatus tum è Castella, tum præsertim ex Aragonia amplior. Catalauniæ triremium dux Raymundus Cardonius, Sicularum Tristanus Dolcius. Sequebantur plura alia nauigia maiora minoraq; in speciem validæ & numerosæ classis. Neapolitanæ triremes in eo litore subistite à Gonsaluo retentæ, vt iis venienti Regi obuiā procederet. Quo consilio Neapoli biduo postquā Rex Barcinone discessit, quoniam mare magnū erat, ventus aduersus pedestri itinere Caietam abiit. In ea vrbe ad duodecimum kalendas Octobris triremium aduentum sustentauit. Dux Termēstinus aliq; Italici generis proceres euntē honoris causa profecuti, è captiuis adiuncti Rosanius, Birōti Marchio, Alfonsus Sanseuerinus, Fabricius Gesualdus: alios aduersa valetudo detinuit Neapoli. Interea Philippus Rex cum primum Burgos peruenit Magistri equitum quamuis ædib. hospitio delectis, Ioan-
nam Aragoniam eius vxorem aula expuit: ne scilicet esset cū qua Regina suas molestias communicaret & cuius in sermone acquiesceret. De Albano maiestatis quæstiones haberi cæptæ. Fidei constantia erga Ferdinandum crimen erat ea tempestate grauißimum. Maris Præfecto minori iam gratia mandatum, vt fidei pignus è suis arcem aliquam traderet. Quod ille cum Villenio, Anagari Duce, & Beneuentano consilio communicato facere detrectauit. Magnum malum q; ab his initiis reip. parabatur, atrocemq; tempestatem multorum capitibus & fortunis minitantem Philippi Regis improuisa valetudo, & mors importuna discussit. Febris pestilens nihil minus cogitatem inuasit, atq; intra paucos dies extinxit. Veneno corrupta vitalia sensim venis illapso exitiabili tarditate, suspicio quibusdam fuit inanis tamen, vti eius medici sunt testati, atq; in eo numero Ludouicus Marlia-
nus, qui deinde Tudensi episcopatu donatus est in Calæcia, nimiam defatigationem verius intemperantiam exitio fuisse inter obsequia fortunæ minus quam ante suis cupiditatibus imperanti. Decūbenti semper Regina astitit: ac ne ab extincti quidē corpore diuelli potuit vlla procerum diligentia ac precibus, quāuis præter ordinariam valetudinē vtero graui ad septimum Kalēdas Octobris decessit prima hora post meridiē ætatis anno octauo & vigesimo. Granatæ corpus sepeliri mādaui. Dum id fieret, trāslatitio funere ad Miraflores Carthusianorum Burgense monasterium tumulo compositum est. Eo fine vitam clausit Philippus Rex vix regni inchoati primis fructib. delibatis. Ætatis breuitas effecit ne diutalem Principem præstaret, qualem eximia indoles polliceri videbatur. Quid nobilitas

oilitas profuit? quid ætatis flos, eximia totius corporis orisq; dignitas? Quid opes & potentia, quib. cæteros Principes Christianos facile superauit? Quid regia & splēdidus aulicorum numerus? cuncta p̄uertit mors importuna p̄cep̄sq;. Tantum sibi in reb. humanis sumit. Sola virtus non interit, culus certa merces est aliis fundata radicib. Diuina consilia explorare quis ausit? Quis humanæ felicitatis incōstantiam pro dignitate admirari accusareq;? Multorum spes sunt euersæ, aliorum ad nouos conatus nihilominus erecti animi. Statura corporis iusta fuit, facies cāndida rubraq;, barba rara breuisq;, labiū inferius porrectum cum grātia, oculi mediocres, promissa cēsaries: vniuersi corporis habitus cum venustate decorus atq; amabilis. Animus ingens, sed facilis: q; nisi cautio adsit & modus, in
 10 perniciem vertitur aulicorum abusu prauitateq;. Otio luxurioso oblectabatur, à negotiis abhorrens, eoq; int̄imorum libidini & imperio semper obnoxius. Id vnum fama accusauit, quæ nullum Principem innoxium patitur, si libido abesset, auaritiā s̄uitiamq; non timeres. Mense Augusto crinitum astrum exitit octo diebus, cauda flammata porrectaq; occasum inter & austrum. Post fata creditum est huius Principis capiti minari: eiusq; obitu magnam rerum mutationem fore motusq; graues.

Libri vigesimi octauī Finis.

20 IO. MARIANÆ HISPANI
 E SOCIETATE IESV,
 HISTORIÆ DE REBUS
 HISPANIÆ,
 LIBER XXIX.

Ferdinando Regi obitus Philippi generi nunciatur. CAPVT I.

30  BITV Philippi Regis magna rerum maior animorum immutatio facta est conuulsa penitus rep. maiori, quam meminerant periculo. Fluxa & inconstans humanæ vitę cōditio. Quis Castellæ felicitatem tantis munitā p̄sidiis, lōgo tempore fundatā, multorum annorum pacem, iustitię cultum, quib. bonis à nulla gente vincebatur, puncto temporis crederet, in p̄cep̄s itura: desitura in tyrannidē & rerum omnium permixtionē miserabilem nī cōtinuo succurreretur? Magnam rerum sub cœlo inconstantiā, nostrę imbecillitatis clarum argumentū. Hora vna aufert, q; multis annis quæsitū erat: quoq; naus maior, eo sua mole amplius laborat, & proprio mergitur p̄dere, si nauclero destituatur & clauo. Vti in p̄senti Castellæ accidit. Proce-
 40 res inter se diffidebāt, nullo cōmuni consensu paucis iudiciū aut reip. amor: plerisq; p̄sens rerum status displicebat; pari dolore aliena cōmoda ac suas iniurias metiebātur. Immēsā ambitioni satisfacere quis posset, q̄s hiantē cupiditatē satiare ea multitudine hominum? Purimæ p̄fecturæ & honores prouinciæ penes Belgas erant. Obsequii patriæq; desertæ ea scilicet merces. Hi redigēdæ pecunię vias omnes inuestigare, quāuis cum prouincialīū gemitu: p̄dæ habere rempub. pretio non æquitate iura describere, impotēs dominatus ac s̄auus. Omnino in Hispania diu hærere non cogitantes, nulla famæ cura cuncta v̄nalia habere honores, magistrat⁹ p̄m̄ia virtuti debita: ex iis pecuniā captare quasi breui principatu festinantes. Accēsas aulicorum cupiditates ipsa Principis facilitas acuebat, minori metu, maiori q̄stu apud iuuenem & credulum. Prouinciales ea offensi perversitate tantis
 50 malis aut finem aut modū optabant: atq; procerū exemplo scissi in partes, pleriq; sup̄iora tempora tædio p̄sentiū suspirare: quidā etiam à Ferdinando p̄propere se desertos atq; inhumāniter accusare: cum ipsi priores eum deseruissent, atq; ignominiosi discessus culpā porro sustinerent. Hostamen animorū motus, offensionēq; graues Princeps p̄sēntia auctoritateq; quamuis iuuenis: ac erroris cōmissi tradito reipub. clauo, cui minime cōueniebat, detractōq; ei, cui omnes amplius quā suis singuli parētib. debebāt, prouincia p̄ tot annos opimæ pacis cōmodis florente, ac multis accessionib. amplificata eo duce re-
 ctoreq; memoriā frēnabat maxime: ne noui mōtus existērent. Leuius. n. ferunt homines, q̄ sua culpa accersierunt mala. Defuncto tamē Philippo Rege cōtinuo erumpentib. odiis quasi fræno domito multorū turbidi conatus exitere, maioris mali metus, nullo q̄ prohi-

bere posset, contumaciamq; castigare, malis impendentib. remediū afferre. Regina, q̄ res
 ea maxime attingebat, ob valetudinē & ingenii cura omnis grauis atq; intolerāda vide-
 batur. Carolus filius imbecilla ætate, externis morib. & institutione, si pro matre suscep-
 set rerū procuratiōē alieno imperio obnoxius futurus erat. periculū ne externi eius no-
 mine regnarent cū magna prouincialium inuidia motuq;. E duob. Caroli auis Maximilian⁹
 Cæsar procul aberat. Si curā rerū susciperet non minor suspiciō: penes eos rerū summam
 fore, q̄ morū Hispaniæ essent prorsus ignari reip. magno atq; incredibili incōmodo gen-
 tisq; offensione, ex recēti memoria metus probabilis. Supererat Ferdinādus idoneus ma-
 xime ob exactā prudentiā & animi magnitudinē eorum ēt qui nolebāt cōfessione. Verū
 is ex Hispania aberat suscepta ignominia irritatus. Ad hæc ex consciētia qui deliquerant, 10
 ne eius reditu meritas pœnas exoluerent, & arrepta potestate, vt sunt hominū ingenia, vl-
 cisci dolorem vellet verebatur. Hac anxii cura varias cogitationes, abhorrētia cōsilia ver-
 sabāt, fœdas rerū imagines, aliud atq; aliud subiiciēte animo, vt sit, cū prima quæq; dāna-
 mus. pridie obitus Philippi, salute iam à medicis desperata inter proceres tumultus extitit
 grauis belli ciuilib. suspicio, nisi opportuno remedio occursū esset. His malis, q̄ multorum
 capitib. minabatur cōmoti Magister equitū, maris Præfectus, & Infantatus Dux hi studio
 in Ferdinandū palā incitati cū Anagari Duce & Villenio q̄ aduersę partis capita erāt apud
 Toletanū Archiepiscopū cōuenere de reb. omnib. disceptaturi. Grauiorē cōtrouersiā e-
 rāt, maiores conatus q̄ vt cōponi sedariq; facile possent. Cōsensu definitū, vt cū Toletano
 sex alii viri ab vtraq; parte iudices designati de litib. statuerēt: q̄ esset sancitū ius fasq; habe- 20
 retur: nullus cōtra repugnaret. Ab iis Kal. Oct. fœdus percussū atq; procerum sacramento
 „ confirmatū est in tres menses anniq; finē his prorsus legib. Nulli militares delectus habē-
 „ tor. Proceres ne saluti aut fortunis inter se insidiator: neue omnino lēdūto. Nemo Reginā
 „ q̄ Burgis erat, neq; Ferdinandū filiū, qui Septimācis educabatur, in suā potestatē redigito.
 Qui secus faxit, reliqui pceres vindicāto. Petrus Nūnius Gusmanus Calatraue Clauiger,
 cui Ferdinādī instituēdi cura data erat, procerū conatus veritus ne infante p vim detractō
 turbarū occasio existeret (nā Philippo nondū extincto Dieghus gueuara & Philippus Ala-
 id facere tentarāt litteris patris nomine, vti creditū est cōfictis (Vallisoletani cōuentus iu-
 dices eorumq; Præsidiē instātis periculi admonuit, nisi opē ipsi tulissent. Ea denūciatione
 illi Septimācas haud procul sitū oppidū profecti puerū Vallisoletū deductū ad D. gregorii 30
 eustodiendū curarunt, collegiū ab Alfonso Burgēsī Palétino Episcopo Dominicanis, quē
 ipse ordinē professus erat, regia impēsa cōstitutū. Ea diligētia quorundā pposteri conatus
 elusi sunt, cautumq; publicæ trāquillitati. Sic res in Castella erāt. Ferdinādus Catholicus,
 quo die inter proceres sancita cōcordia est, Genuæ portū tenuit. Lēta nauigatio fuit, ad-
 uersis tempestatib. prohibiti in varios Hispaniæ & Galliæ portus necessario classē intule-
 runt. Antequā Genuam ventū esset, cōsaluus obuiam Regi profectus suas secū triremes
 ad reliquam classē adiunxit. Veniētem rex accepit humanissimē ingentiq; lētitia, qua-
 si leuata superiori sollicitudine sincero gaudio mens tum primū vacaret, deterisq; suspi-
 cionib. eximiā viri fidē plane perspexisset. Additus verborū honor publicū priuatūq; p-
 coniu. Neq; n. fas erat quidquā de merita laude sinistris rumorib. detrahi obscurari iniu- 40
 ria gloriā tantis virtutib. partā. Vulgo homines ac p̄sertim Italici generis nunquā sibi p̄sua-
 ferant ea prudētia heroē abiectis cōditionibus, q̄ multæ & honestissimæ offerebantur, se
 suaq; vnquā Regis potestati permissurū callidi imprimis parciq; virorū insigniū prome-
 ritis æstinādīs cōpensandisq;. Noluit Rex eam ciuitatē inuisere, ne in terrā quidē descen-
 dere, quāuis ab iis ciuib. publice & priuatim magnis p̄missis munerib. ad hospitiiū inuitat⁹.
 Primores tantū ciuitatis se adeuntes monuit vt populares cōtinerent, quos nunciatū erat
 Gallici imperii grauitate fessos vim & arma parare. Alioqui Regi Gallo fratri suo deesse
 studio & opera nequaquā posse, si secus factū esset. Ea admonitione frānati tātis per ciues
 metu Hispanicę classis aliquandiu irā continuerūt in Gallicā nationē conceptā diu, q̄ ali-
 quanto post tñ effuderunt, ea cōtumacia correptis armis, vt Gallū in Italiā ii motus neces- 50
 sario reuocarint. E portu Genuēsī digressus Hispanus vētis nihilominus reflātib. ad portū
 Delphini substitit aliquandiu. Eo loco tertio Nonas Oct. de Philippi obitu tandē cogno-
 uit, ex Toletani litteris aliorumq; eius nomini studentium. Ii cōsensu flagitabāt oblitis vti
 priorib. offensionibus, q̄ primum in Castellā sese referret. Trāquilla omnia inuenturum,
 neq; minora gētis studia q̄ in Aragonia futura. Festinaret modo beneuolētiæ memor po-
 tius q̄ iniuriæ, neq; inutili cūctatione reb. nouis locū daret difficili deinde remedio feraq;
 moræ pœnitētia. Eam ab ipso opē vniuersam gentē præstolari cū gemitu & lacrymis. Nō
 fore tā inexorabilē, vt iis vocib. & precib. non moueretur. Tantundē Aluarus Osorius fla-
 gitauit à Philippo Rege, adiunctus socero comes oratoris munere. Has Ferdinādus preces
 excelsō animo repulit, & si nemo eo melius cognoscebat vera esse, quę de Castellę piculo

predicabāt. nihilq; optatius cōtingere poterat ad Castellæ procuratiōē, vnde erat eiectus, reditu. Ergo in cōsilio perstans cōceptū iter prosequendi, litteras ad Episcopos, & proceres, & ciuitates dedit: quib. molestū Philippi generi obitū extitisse significauit. Rogare enixe vt fidei memores perpetuo erga suos Reges ab vniuersa gēte cultæ, Regina obsequiū deferrent. Se quidem deesse illis non posse: ac vero compositis Neapolitanis reb. breui, non moraturum spem voraq; gentis deesse optime meritæ. Cōuerso retro itinere rediturum, voluntate certa cunctis gratificandi, vt eorum merita & obsequia perpetua suo iure postularent.

Rex Catholicus Neapolim inuit.

C A P. II.

- 10 **E** portū Delphini solūēs Ferdinandus, quāuis aduersis tempestatib. in Caietæ portum tandē intulit clāssē. Ea in vrbe & Puteolis dies aliquot substitit, dum Neapolitani (qui nunquā sibi persuaserāt eo Regē peruenturū, p̄sertim ex quo de obitu Philippi cognitū est) sese ad eū excipiendū cōparant. Maximus post memoriā hominum apparatus, lætitiæ publicæ & priuatæ significatio præcipua extitit. Eo lōgior aliquāto mora. Sed Puteolis ad Qui arcē abiit mari circumfusa omni ex parte. Ac Kal. Nou. reb. omnib. paratis ex Neapolitana mole portus adinstar viginti triremes egressæ insigni ornatu vexillis & flāmulis explicatis visendo spectaculo atq; ordine ad Regē accessere. Eo prætoriā ingresso dispoſere tormēta de more primū triremes, arces deinceps & naues, q̄ in portu & ancoris stabāt. Ingēs fumus fragorq; auriū & oculorū vsum aliquātō spatio diē quoq; ipsum atra diffusa nebula abstulere. Discussa nebula redditaq; luce sensim triremes se ad molē retulere remis.
- 20 Pontē ligneū ad mare tibicinib. sustētatum cōtabulatumq; asserib. arcus ex eadē materia erectus claudebat. Eo loco Regi & Reginē ex cēsuris Magnus Gōsaluus & vniuersa Neapolitana nobilitas p̄stō fuere intertextis aurovestib. luxu sumptuq; certātes. luctū amissī Philippi splēdenti cultu cūcti mutarāt, misti fœminis mares, ætatis teneræ maiorib. effusi obuiā omni ex parte. Rex ipse bōbycinā trabeā coccino colore gestabat. Regina aureo rigentē cycladē circū humeros breue palliū, viridi colore laqueis eximio decore distinctū. Eā manu Gōsaluus vsq; ad pōtis frontē arcumq; pduxit. Quo loco Rex eius vrbis tabulis & priuilegiis sacramēto more maiorum cōfirmatis, in equum albū cōscendit in mannum æque cādīdum Regina. Umbellā ciuitatis primores gestabāt: vexillū Fabricius Columna de manu Regis acceptum, vexilliferi regii et honore addito. eius latera stipabāt gemini de
- 30 more feciales. Subsequebatur Magnus Gōsaluus in veste exterius serica coloris purpurei, subtus aurea, ad dextrā Prosp. Columna: mox alii proceres & Principum legati lōgo ordine. Pōpæ vniuersæ lætitiā præ cæteris captiui auxere iā libertate donati diuturni carceris squalore deterſo, meliori in posterum spe læti ouātesq;. Agmē vniuersum claufere Borgia Sorretiq; Cardinales post regiā umbellā proximi. Hoc ordine p plateas p̄cipuas circūducta pōpa, sedesq; vrbanas quinq; vbi ciues & matronæ expectabāt visēdo ornatu cū vocū & instrumētorum cōcētū locis singulis mirabili, in tēplum maximum tandē puenit. Quo loco varii monachorum ordines ac reliq. viri sacrati cum ferculis & velamētis lētitie, collegiorum signis, dictorum insignib. veniētes excepere deo cōcinētes hymnū. Quacumq; incedebat agmē, multa p̄tiosa vestis tegēs parietes, multa erāt odoramēta disposita. Ad ar-
- 40 cē Nouā, vbi pōpæ finis fuit, duæ Reginē Neapolitanē, & Hungariē Regina obuiā procefere & ipsæ pristinæ felicitatis cum subsecutis ærumnis cōparatione nō exigua spectaculi pars. Die postero Rex cunctis procerib. ac nobilitate prosequēte post vniuersā vrbē obambulatā in Gōsalui hospitium diuertit, ea popularitate nō Gōsaluo modo cōhonestato, sed & plebis gratiam promeritus: q̄ morum & actionum maxime facilitate capitur. Mox de reb. cōmunib. actum est ac imprimis de procerib. Neapolitanis in pristinum locum restituendis, vti erat in fœdere sanctum. De magnis & multis præterea reb. deliberatio futura erat. Ergo ad generales regni conuentus Neapolim edicto omnes regni ordines euocantur. In iis conuentib. Ferdinandi & Ioannæ filiæ atq; successorum sacramētum, à cunctis, qui intererant est susceptum nō alios Reges fore. Germanæ Reginē nulla mentio magno
- 50 multorum miraculo, fœderis nuper cum Gallo icti in eo legib. non stari. Germanæ tamen valetudo excusata, & iam Vallisoleti Reginam Neapolitanam fuisse proclamata. Hōnesta videlicet species, sed q̄ non omnib. probaret. Interea Castella dissidiis æstuebat ex arcano in partes scissa, palam nōdum arma mouebantur. Neq; mirum sublato capite omnia reip. membra laborare. Proceres inter se dissidebant discordes ante, & tunc contemptu regentium minus coercitis odiis. Regina neq; idonea ad res gerendas erat, neque volens. Regii cōsiliū mandatis pauci obtēperabant, iuuvis nemo: cogendi malo auctoritatis parū & viriū. Et est fluxa potētia nō sua vi nixa. Nusquā imperium, nusquā obsequium, omnia soluta & turbata atq; etiam in deterius versa. Quidā regni conuentus indicendos iudicabant; atq; ordinū cōmuni sententia regni rectores designādos. Eius cōsiliū principes au-

dores Toletanus, Magister equitū & maris Præfectus extitere. Intercessit Albanus cōsiliū, q̄ non ipse dedisset, inimicus, an quia ita sentiebat, Regum tantū esse conuentus indicere iudicans. Interregni tēpore nihil nouarent. Mediā viā tentare visū est. conatui suscepto regii adiungere nominis vmbra. Regina de eā re appellata adduci nulla arte potuit vt edicta, quib. euocabātur ordines, sua subscriptione probaret. Irrito eo conatu, q̄ erat proximum tamen, q̄ Reginæ à cōsiliis erant, cōuentus Burgos indixere. Reginę prius valetudine publico testimonio cōprobata ne lege maiestatis tenerētur. Reb. controuersis pauci vrbium procuratores cōuenerunt edictis obtēperantes: neq; quidquā ii præstiterunt tandē irritō conatu. Varii animorū motus, multiplices conatus, rerū conditio misera, veterū malorum ne orbis recurreret prouinciales verebātur. Proceres nō vna sententiā, pleriq; tamen rerū 10 arbitrium Ferdinādo deferebāt, in hoc numero Toletanus, Magister equitū, maris Præfectus, duces Alburquerquei & Begiari. Non eadē tamen ne iis quidē mens omnib. neque cōsentiens oratio, q̄dam eius præsentia requirebant, alii absenti ēt reip. curam delegabāt. id Toletanus secutus suspicionē p̄buit rerum arbitrium ad se velle reuocare. vsq; eo vt vicariā fieri potestate petierit regnum administrandi qualē habuit, cū ad cōtrouersias cum Philippo cōponēdas ante fuerat à Ferdinādo missus. Id fama vulgauit vero an falso, haud facile dixerim. Reb. turbatis, multa temere finguntur, dicūtur impune. Sed simul de ea re Reginā appellare nō dubitasse affirmatur. Anagari Dux, Alfonsus Tellus Villenii frater, & Ioānes Emanuel cōtratendētes Ioānæ Reginæ regni procuratione propter valetudinē detracta, pro mortua habendā conuētus regni pronunciare volebāt. Eo decreto haud du 20 biū in Carolū filiū scepra & ius imperii transferri. Verum neq; his plane consentiens sententiā erat. Duci. n. placebat venire ipsum in Hispaniā. reip. eius nomine moderatores ordinū cōsensu designari. Alfonsus Cæsari potestātē delegabat quippe Principis auo paterno, cui leges eius tutelā manifeste darent. Ea plerisq; opinio magis q̄ Ducis probata. Ipseq; Cæsar oppido cupiebat eā procurationē arripere: atq; ita vt cæteris contēptis in Hispaniā propediē venturū se significaret. Nō deerant, q̄ Lusitanię Regē Castellę moderatorē dari vellēt, in Isabellā filiā & Ferdinandum infantes iunctos cōiugio regno trās lato: quo iure? quib. virib. ? Nimirū cæcus animorū impetus agebat in p̄ceps, odiumq; externi imperii, cuius recēs documentū extiterat. Turpius alii ad Regū Vasconię præsidium cōfugere, Viane itē Principis, de quo actū erat cū Philippi filia coniugio. Priuatas singuli cupiditates vt 30 fieri solet, spēs q; sequebātur, publicę vtilitatis exigua, si ab iis discreparet, cura. quo morbo laborasse ēt Toletanū rumor erat, sibi præterea purpurā, socio Frācisco Ruicio episcopatū aliquē destinare. Infantatus Dux filiū suū Palentinis Præsulē dari. Alburquerqueius Segobiensē arcē Moix Marchioni, cū quo amicitia erat, restitui. Anagari Ducē male habebat Magistri equitū, Villeniū Albani gratia & reb. omnib. auctoritas penes Ferdinandū. Nullū sine æmulo aulæ fauor esse patitur: neq; minus q̄ iniuria propria, vrit inimici felicitas. Beneuētanus Villalonio suæ ditionis oppido nundinarū ius à Philippo datū quāuis Medi næ Cāpestreis detrimēto ratū esse cupiebat. Sic singulos proprius dolor vrebāt, aut incitabat cupiditas, eo vela daturos, vnde certior spes affulgeret assequēdi, q̄ animo destinaſset omni alia cura soluti. Malis, q̄ ex eo fonte impēdebāt, procuradis Toletanus & delecti cū 40 eo arbitri in p̄cerū cōtrouersis, nouo eos sacramēto adegere, neminē præsidio & ad reip. gubernacula euocaturū Principē aliquē externū, neq; cum eo facturū fœdus. Rex quoq; Catholicus piculo cognito litteris ad plerosq; proceres pollicitus est se daturū vltro, quæcumq; ipsi expetiissent: si obsequiū cū securitate quā contumaciā cū periculo mallēt. Ac nominatim Villenio Villenā Almanſamq; q̄tis pretiū promisit. Anagari Duci rerū vana liū decumā, q̄ in Anagari ditione pēdi cōsueuerat. Nulla diligētia mala impendētia vitantur. Seu quia q̄ cælo manēt, moueri nō possunt, seu quia turbidas hominum mētes sanare difficile est. Procerū dissidio factū vt scelerū impune grassaretur licētia, multa præpostere fierēt, nullo qui vindicaret. Ac primū quib. dieb. Ferdinandus Neapolim ingredi parabat, Valētinus Medinę Cāpestreis arce fune demissus euasit. Sēsere qui intus erāt fugę strepitū. 50 Sed ad prohibendū pares nō erāt. Parra libertate ad Beneuētanum abiit fugę adiutorem, deinde in Vascones magno periculo rerū Italiæ vbi præcipuā obtinebat auctoritatem ingenio prauo & malis artib. validus. Præterea Ioannes Gusmanius Assidonię Dux filium Henricū cū copiis misit, vt Heracleā freto Gaditano impositā vrbē occuparet, superiorib. annis sibi dono datā ab Henrico Rege. deinde à Ferdinādo detractā iniuria, sic ille conq̄rebatur, reb. turbatis absenteq; Rege impunitatē facto fore ratus. Arci Præfectus Garſiæ Lassi vicarius vim prohibere paratus, Tendilliæ Comes Granata, aliq; Baticæ vrb. iū conuentus ad periculū aduolātes effecerunt, vt obsidio solueretur præsertim Hispalēsi præfule adinonēte legib. q̄ armis causa quā vi disceptare honestius tutiusq; fore: q̄ se abs Regina & Rege patre impetraturū est pollicitus vt cum eo de iure certarēt. Importunos conatus

fore exitiales auctori maxime. Sic ab armis est discessum. Maior aliunde tempestas ostentata. Hi duo Asidonius & Hispalensis Vrenia & Egabri Comites, Prieghi Marchio quales & quāti reguli ad Toccinam Bæticæ oppidum conuenere. Ibi fœdere inter se factō tabulis cōfectis iureiurādo decreuerūt Reginę debitum obsequium ac totius regni cōmoda. Obtemperaturos se mandatis Reginæ atq; eorum qui a regiis consiliis erāt. De regni conuentib., quos adornabāt, contestari, si quid in iis esset cōstitutum, q̄ Dei legibus Reginæ mandatis, aut publicæ vtilitati esset aduersum nequaquam ratum habituros. Sic in Bætica res erant honesta specie turbidi conatus. Plerisq; licentia placebat sed honesta conatibus prædebat nomina. In alia parte Rodericus Mēdoza Ceneti Marchio Mariam Fōsecam sibi toro iungere cupiebat. Exorta de eo coniugio lite, dum a sacro iudice in causa esset pronunciatum, Reges Catholici sponsam in variis monasteriis custodiri mandarant, ne qua vis interim afferretur. Marchio vt erat ardenti animo audax & præceps, rebus turbatis ex Olgarum Vallisoletano monasterio, vbi postremo erat; vi admota detraxit, & amore & scelere male sanus: q̄ noua prouinciæ turbatio gentisq; fuit. Toleti tumultus hac occasione extitit, Fuēsalidæ Comes apparitoris munere, quo Regum ab antiquo munere ea familia in illa vrbe fungitur, cōfusus Petrum Castellam Prætorē loco mouere est aggressus. Insignem confidentiam virib. maiore conatum milites Ocania a Ferdinando Vegha missi cōtinuo repressere, aduersaq; Comiti Siluarum factio Prætori adhærens. Per eum modum motæ vrbi tranquillitas rediit. Madriti nō minor turbatio dissidiumq; 10 extitit inter Sapatas & Petrum Lassum Ferdinandi partes sectantes, aduersus Ioannem Ariam eidem infensum. Segobiæ item Moie Marchio portas & templum maximum armatis occupauit, arcis præfecturā iniuria detractam obtinendi spei imminens. Dissidiorum flammam tumultumq; grauem vniuersa prouincia multis cōcitantib. exinguebat nemo. Colluuiēs malorum qualem a multis annis Castella non viderat, quasi cōuulsa suis sedibus nutans atq; ruitura supra suo pondere, etiam si nullus impelleret.

Ioanna Regina Burgis discessit. CAPVT III.

Castellę Regina impedita valetudine malorum occasio magis quam leuamen, fluctuanti reip. opitulari non poterat, medicas prohibere a rep. manus poterat. Omnium sanctorum anniuersaria memoria festum diem ad Miraflores monasteriū celebrauit. Ibi 30 sacris operata post prandium sepulcrum aperiri mandauit, vbi viri corpus erat. Ingressa intro & loculo a Burgenfi Episcopo reſerato cadauer attente considerauit oculis, contretauit etiam manu sine gemitu tamen millisq; effusis lacrymis ac prorsus nihil, vt videbatur, animo commota. Sic eodem die sese in urbem retulit. Suspiciatam crediderunt, in Belgas extinctum fuisse, ablatum ab ea natione hominibus, in familiam Principis adscriptis. Verum illi cupidi in patriam quam primum redeundi mercedes potius annuas, & si quæ heri testamento debebantur legata, magna contentione exigere moræ impatientia vendita, si opus esset, defuncti supellectile, ne diu sustentare necesse esset in Hispania nulla iam melioris fortunæ spe. Regina de ea re appellata, iustissimo postulato nil respondit aliud, quam viri manes expiandi precibus curam se, vt par erat, non neglecturam. 40 Burgis vt discederet sæpe agitatū vrbe diuisa in factiones. Magistrū equitū, in cuius illa adib. morabatur, maior ciuium pars sequebatur. Ioanni Emanuēli æmulo neq; ciuium studia deerant neq; voluntas Reginæ in suam potestatem redigendæ arcis fiducia: cuius præfectura cum multis aliis tota prouincia a Philippo Rege fuerat donatus. Pestis lues in ea vrbe grassari incipientis discessum vt maturarent effecit. Villenius etiam Escalonam suæ conditionis oppidum cupiebat deduci. Conatus omnes disturbabat Reginæ ingenium consilio repudiato nisi q̄ insedisset animo Ioannam Aragoniam sororem cōtinuo a viri obitu reuocarat in regiam. Eam & Dianii Marchionis vxorem Salinarum Comitem cum nuru Maria Vlloa in primis gratas habere ceperat atq; cū iis libet sermōnes familiares miscere. His auctōrib. ad suburbanā domū egressa, graui vtero, ac proximo partu, relicta ea vrbe cōstituit Turrecrematā discedere viri cadauere secū asportato, quasi ex eo oppido mis- 50 sura Granatā funere sepulcroq; stabili. Eo consilio pridie discessus nepe ad quartū decimū kalēdas Ianuarii Ioāni Lupo Lazarragæ a secretis mādauit, diploma cōficeret, quo donationis a Philippo viro post mortē Isabellæ Reginæ factas abrogabat. Ea res quoniam ad multos pertinebat, grauissimos animorū motus cōcitatura videbatur. Cū tātē proinde Lazarraga atq; aliam ex alia morę causā excusanti, quatuor e regiis cōsiliariis ad se Regina vocati quā primū tabulas in eā sententiā conficerēt, præcise iussit. præterea ex suorū cōsultorum albo eradi quoscūq; post matris Reginæ obitū ad eū numerū adiunxisset Philippus vir, atq; ita denunciari, quorum intererat. Die postero, priusquā se in iter daret, vrbiū procuratores salutatū accedentes post varios sermones rogarūt, vellet ne ex ipsorum numero binos ad Ferdinandū patrē ablegari oratū, vt quam primū veniret in Hispaniam

adiutor reb. gerendis. Aduentum respondit patris cupere: solatio æque ac voluptati fore. De regni procuratione nullum verbum. Ac iussit potius pro se quisq; in hospitia discederent: neq; iniussu conuentus agerent. Quod erat nil aliud quam cōuentus soluere, prohibere incommoda q̄ multorum iudicio ex illis ne extarēt timebatur. Reb. ita constitutis Regina Miraflores abiit die Dominico tertio decimo Kal. Ian. A prandio Philippi regis corpus è tumulo detractum atq; lecto funebri impositum præmisit. Comites adiuncti Episcopi Giennensis & Mindoniensis, & cum illis Malacensis Præsul Dieghus Ramirus à Villascusa. Paulo post egressa Regina est neq; splendido neq; modico comitatu stipante. Villenius tamen aderat, & Ludouicus Ferrerius legatus Ferdinandi. Accessit mox Magister equitum multiq; alii in officium incitati nihil sentientis, sed maiestati datū officium. 10 Nocturnum iter erat accensis facibus. Ad mediam noctem Pauiam ventum, inde Turrecrematam, vbi Regina diu substitit. Burgis manserunt regii consiliarii, Toletanus, maris Præfectus, Anagari Dux. Tempus exibat, procerum in pacto fœdere & concordia designatum. Actum de eo prorogando. Non vna mens erat omnibus, neq; par cunctis oratio. Magister equitum abnuebat, eo fœdere causatus Regiæ maiestatem imminui. Maris Præfecto, ampliari placebat. Toletanus ad hanc sententiā adiciebat de suo: regis consiliariis auctoritatem imperandi sancendam videri. aut eam viam aut nullā ostendi gerendæ reipublicæ sustentandæq; sine noxa vsq; ad Ferdinandi Regis aduentum. Multis grauis erat Ferdinandus, neq; rerum procuratorē volebant. Ergo vt id impedirent, de Regiæ coniugio actum est. Villenius Calabriae Ducem coniugem destinabat, pari nobilitate quāuis 20 è paterno regno magna fortunæ iniquitate deturbatum. Præferebāt alii Alfonsum Henrici Aragonii filiū ex Aragoniæ & Castellæ regio sanguine solū superstitē stēmate quidem per viros cōtinuato. Eo ventū vt Mariæ Villoæ, cui cū Regina familiaris vsus erat, opimus principatus promitteretur operę merces si eius animū exploraret. Fecit illa q̄ iussum erat molli occasione captata. Tū Regina apage, inquit, tantū nefas: nouo me cōiugio implicari vis? Nec deerāt q̄ Anglo iungi vellent, prouecta quāuis ætate eius cōnubii percupido. Incertis p̄ter hæc rumorib. fama vulgauit, vt paulo post mōstrabitur, Gastoni Fuxensi Narbonis Principi à Ferdinando eius magno auunculo & sororio, Reginā filiam vxorē destinari. Infanum quantū is rumor quamuis confictus multorū ab eo auertit animos, aliorum studia debilitauit alioqui in Ferdinandū Regem accēsa. Quod falso creditū est, sæpe veri 30 vicem obtinuit. *Neapolitanis exulibus Principatus restituti.* CAP. IV.

Regis Catholici Italica profectio multorū animi ad nouas spes sūt erecti. Ex omnib. Italię partib. legati Neapolim confluxere gratulatū de aduētū, simulq; de reb. magnis. Inter alias molitiones opera Galli Regis curatū est, ne Belgici principatus procuratio Cæsari ab ea gente demandaretur. Ea re neq; Carolū Principem, neq; Cæsare vēturos in Hispaniā prouidebatur, q̄ potissima cura erat. Principe ea procuratione impedito Cæsare lōgiquo. Contra Rex Gallus Ferdinandū sollicitare vt ad Venetos impugnādos, detrahendāq; vrbes, quas iniuria de finitimis & lōgiquis ceperant, secū & cū Pontifice vires iungeret. His Ferdinandus molitionib. libēter accōmodabat aures ardēs cupiditate recuperandi eas vrbes, quas in Apulię ora & ditione Neapolitana Veneti obtinebāt à superiorib. 40 annis impēsē in bello cōtra Gallos factæ pignus. Nouo tamen bello implicati exhorrebat priusquā fluctus Castellæ essent in malaciā cōpositi. Ac interim consultius fore iudicabat in amicitia perstare cū iis ciuib. constituta industria potissimū atq; auctoritate Laurentii Suarii sui in ea vrbe legati. Quem dieb. superiorib. extinctū vniuersa ciuitas doloris argumento funere amplo & exequiis celeberrimis honestatū curauit, filio consaluo Ruizio Figueroa pro patre substituto, dū à suo Rege venirent mādāta. Satagebat Pōtifex Ioanne Bentiuolo pulso Bononiā galliæ Cisalpinæ urbē primariā & opulentā ditioni pōtificiæ restituere. Præcipua rei ex sententia perficiendæ spes in gallo erat equitū & peditū copias in eam expeditionē pollicito missurū se. Ipse quinetiam Pōtifex ad eā urbem subigendam proficisci parabat. Ad ea p̄sidia Hispanici nominis vmbrā sin minus auxilia, adiungere visū 50 est. De ea re appellatus Ferdinādus misit q̄ suis verbis moneret. Bentiuolū se quidē Pontifici æqua p̄sertim petēti deesse studio & ope nō posse. Copiis omnib. & virib. curaturum vt Ecclesię Rom. suum patrimoniū fartum tectumq; esset, sua Pontificib. dignitas. His ille acceptis mādatis tātis virib. impar Pontifici per cōditiones vrbs obtulit imperium. Foro Cornelii, vbi Pōtifex erat ad ciuiū Bononiensiu animos versādos missus est Archiepiscopus Manfredoniæ, q̄ Sipōtus olim fuit, adiuncto Frācisco Rogio Ferdinādi legato. Iis agētib. tyrāno vrbe egresso, ciues cōtumacia posita suæ vrbs imperiū Pontifici detulerunt elatis per cōpita eius vexillis, arcib. & propugnaculis in eius potestātē cōtraditis. Antonius Acunius Neapoli missus est ad Pontificē qui verbis Ferdinandi de victoria successuq; gaudiō fungeretur.

fungeretur. Maior ex arcano cura suberat tēpestiuis officiis regni Neapolitani iura promē
 rendi expressis à Pōtifice tabulis, quib. sibi & posteris eā possessionem confirmaret, nulla
 fœdētis cū gallo icti memoria. In summa potestate id æquius, q̃ validius. Regib. p̃ vtilitate
 nulla honestatis cura est, neq; qd de ipsis fama loquatur tanti habent. Arcano hæc agitata
 cōsilia accurate tegebantur. Fine quidem huius anni Egidiū Viterbiensem Augustiniano
 ordinī Præfectum generalē, concionatorem ea etate eximium, Bononiā vbi Pōtifex erat,
 legauit cum mandatis. Paratum se esse pro eius incolumitate & Pontificia dignitate non
 virib. iuuare, sed sanguinē vitamq; profundere. Experiretur cū vellet, siue ecclesiæ patri-
 monium tyrannis eripi vellet, siue bello peti Turcas, quo iam pridē animus ardētī studio
 10 ferebatur. Hæc agebantur. Simul de Andegauensib. in maiorū opes & principatus repo-
 nēdis serio Neapoli disputabatur. ardua res & multis implicita difficultatib; q̃ ea oppida
 contributa essent iis, qui superiorib. bellis industriā & opēā nauarant. Sanguinis ii p̃tium
 auferri quī æquis animis ferret? Quæ impedita p̃fecto erant, Regis prudētia & auctoritas
 expediuit. Quædam oppida possessorib. detracta, alia ditione aut annuis vectigalib. æqua
 cōpensatione mutauit. Integros etiā principatus de suo pecunia redemit, quos recēs spo-
 liatis donaret. Sed quantulū id erat? multa oppida ē regia ditione detrahē, & nouis ad-
 dicere dominis necesse fuit. Alioqui omnib. satisfacere nō potuisset, neq; motus animorū
 frænare palā regiā munificentiam laudantiū, si contingeret tamen sine virorū fortīū iniū-
 ria. In exulū numero præcipui extiterunt Salernitanus, Amalfitanus & Bisinianus, Cōsæ,
 20 Morchonīs, & Monteleonis, Comites; præter hos Alfonso Sāseuerinus. Sueflā redempta
 pecunia Magno Gonfaluō ducis nomine data meritis ingentib. minor omniū cōfessionē
 gratia. Theani principatus, Ciriniola, Mōtefosculum, & Flumē empta itē pretio pro aliis
 oppidis permutata sunt. Quæ omnia in Ducis Gādiensis iure erant amplissimā ditionē &
 principatus in regno Neapolitano obtinentis dono superiorū Regū, atq; in gratiā aui Ale-
 xandri Pōtificis. Inter eos, quib. oppida ante dono data, nunc sunt abs Rege ablata, multi
 tū Italici generis tū Hispanici numerātur. Præcipui tamē erant Petrus Pacius, Antonius
 Leiuā, Fernandus Alarconius, Gomecius Solisius, Dieghus garfias Paredius. Atq; hi oēs
 æquissimis animis tulerunt, pro cuius dignitate sanguinē sæpe profuderāt, fortunas & vi-
 tā in discrimē vocarant, à suo Rege repētī præmia virtutib. data. Eo amplius q̃ de reditu in
 30 patriā cogitantes, quamuis minorē compensationē in Hispania pluris fecere q̃ maiores in
 Italia copias, hoc est, in exilio, vti illi interpretabātur certe tā procul à patria atq; inter in-
 fensos. Colūnios & Vrsinos principes Romæ familias benignitate alliciendi, vinciendiq;
 beneficiis præcipua cura fuit propriis inter se quāuis dissidiis discrepātes magno ad rerū
 summā adiūmēto. Senenses præterea publicē, & Plōbini regulū priuatim. Ad imperium
 Neapolitanū tuendū præsidia vndiq; q̃rebantur. Ipso tēpore Lubianę Episcopus, & Lucas
 Reginaldus Neapolim appulerūt à Cæsare legati de Castellę cōtrouersis, ad utrū ea pro-
 curatio spectaret. Hi Regē conueniēdi facta potestate postquā gaudio functi sūt ob felicē
 faustumq; aduentū in Italiā & res alias ex sentētia fluentes, Castellę reb. fore saluberrimū
 verbis Cæsaris significarūt, si eā procurationē retinerent, qui fuissent ante regni modera-
 40 tores à gēte designati. Deinde ne Andegauēses in maiorū opes restituerentur, enixe con-
 tendere. tantum hostium domi alere fore procul dubio exitiale. In nouo & lōginq̃uo im-
 perio nō defuturā occasionem res nouandi, quib. animus non deesset. Actum præterea de
 coniugio Caroli Principis cū Claudia Galli filia, q̃ probari Ferdinando cupiebāt, ac vero
 vt perficeretur, pro sua parte dare diligentē operam. De reb. tantis per interpretes consti-
 tuere fore longum & difficile aliis conditiones ferentib. Si Cæsar & Ferdināndus inter se
 viderent, facile omnia, atq; ex sentētia conuentura. Et erat Cæsari deliberatum in Italiam
 transire, specie coronā imperii de manu Pontificis more maiorum suscipiendi: re vt Galli
 conatib. obuiā iret: de quo fama nunciabat velle Romā proficisci, sibiq; imperium, Rho-
 tomagēsi Cardinali Pontificatum destinare. Rumores eos fortasse inanes, quasi veros ex-
 50 ploratosq; Cæsar Cōstantiæ in imperii conuentib. graui oratione accusarat. falsum sæpe
 veri locum habet. Auditis legatis Ferdināndus nullo petito ad integrā consultationē spatio,
 continuo ad Reginā filiam Castellæ procurationē pertinere respondit. Quid aliena cura
 sollicitaret? Ea impedita aut nolente res gerere, se quippe patrem vicarium substitui tum
 superstiti tum defunctæ. Eatenus nullos in Castella regni rectores à gente fuisse designa-
 tos. De Andegauensib. restituendis fidem astrinxisse, q̃ violare seq; mendacii religione a-
 stringere nefas esset. Quod de Caroli coniugio dicerent, Regem callum admonuisse re-
 gni ordines reptugnare cōsilio. Mediolanum & Armoricos diuelli à reliquo imperio non
 laturos. Orare potius vti filiam Engolismorum Duci coniugē daret: cui regnādi post eum
 proxima spes destinabatur. Deniq; cōgressū Cæsaris fore gratū cū se eius rei opportunitas
 daret, nihil aliud. Tēpus colloq̃o nō dare, neq; alia polliceri, magnā cōcordiæ despationē

afferebat. Non destitit tamen legati: rursus dato senatu eo sunt post multa progressi, ut Cæsari dicerent stare sententiam cum eo & ius & nomen imperii communicare. Italia certe imperio in ipso translato ad eamq; ditionem subiugandam virib. iuuare. Promissis speciosis sed inanib. nihil motus Ferdinandus, ut erat excelsio animo, se passurum negauit, de imperii auctoritate quidquam diminui: neq; de Italia velle nisi q; iure suū erat. Actum præterea de armorum societate cum Cæsare, Gallo atq; Pontifice aduersus Venetos. Ad id postulatum, modo cæteri inter se consentirent, moram fœderi non facturum respōdit. Ad hæc Iacobum Concillum Giracii Pontificem ad Cæsarem legauit cum mandatis palam, diuersa ex arcano cura votisq;, daret operā, ut Belgæ rerum suarum procuracionem ad Cæsarem deferrent nempe Caroli Principis auum eoq; legib. iubentib. tutorem eiusdem in minori ætate.

Ioanna Regina partus. CAPVT V.

1507. **I**oanna Regina Turrecremata erat ineunte salutis anno Mille. quingentes. sept. mente vacillans nulla reip. cura. In eo oppido postridie Idus Ianua. die Iouis filiam enixa est cui Catharina nomen, regnum accedentib. annis Lusitania fuit. Partu de vita periclitata Regina est nulla obstetrice: q; officium illi præstare Maria Villosa cubiculo Præfecta præ cæteris gratioſa & familiaris necesse habuit maiori animo quam peritia artis. Valetudo offiebat, consilio & medicinæ remediis iuxta inimica. Aderant Toletanus, Magister equitum, aliiq; procures officio incitati erga nihil sentientem imperantemue. Regii consiliarii cum ipsorum Præſide Giennensi Episcopo Burgis subſtiterant. Atq; illi quidem oppido cupiebant flammam diſſidiorum inter procures maiores indies fumentem vires ſedare. Auctoritatis parum erat: eorum mandatis atq; edictis pauci obtemperabant, nemo qui nollet. Scelerum adeo licentia volitabat, colluies malorum iniuriarumq;, pudendus rerum ſtatus. Tumultus Cordubæ contra Inquiſitores pridem concitatus nondū ceſſabat. Præcipua irarum occasio, de vinctis quaſtione habita, pleroſq; è nobilitate vrbana in tormētis fuiſſe delatos quaſi criminum ſocios. Et eſt maligna calamitas: ſupplicio multorum acquieſcit: an multis indicatis & ſclerum infamia ambuſtis veniā cunctis fore ſperabant. Populus tamen in eo fraudem Inquiſitorū & dolos interpretatus prona ſemper erga Præfectos in deterius fide vim & arma parare. Toleti Siluæ & Aialæ antiquæ aduerſæq; factio nes corripuerunt inter ſe arma. Aialæ recuperatori ad quaſtiones habendas miſſo à regio cōſilio fauētes. Siluæ Prætori, recuperatorē vrbis aditu prohibere deſtinanti. Virib. quāuis præſtantes Siluas quippe vrbis portas & pōtes obtinebāt, vicerūt Aialæ populi cōcurſu adiuti. Sic Prætor Petrus Caſtella ex vrbe eſt pulſus cædes tamē & vulnera extitere. Sæuitia mutuis odiis ſanguine imbuta, deinde in avaritiā deſiit. Nihil ſecretū aut clauſū ſinere quaſi aduerſarios occultarēt. inde direptiones prædeq;. Madritū turbare pergebāt Petrus Laſſus ſtudio in Regē Catholicū incitatus, & Ioānes Arias aduerſæ factionis caput. vbiq; lamēta & turbæ, in quib. peſſimo cuiq; pluriſima viſ. Vrbānū Conchæ ſenatum opprimebat. Philip pus Acunius Prætor, ne Reginæ auctoritatē ſequerentur. Dieghus Furtatus Mēdoza correptis armis pulſo Prætoſe effecit, ut à ſenatu duumviri Reginæ nomine deſignati cōſenſu popularib. iura darent. Segobiæ Moix Marchio arce obleſſa aduerſæ factionis ciues vrbe expulſit, eo viq; ſtudio prouectus, ut D. Romani ædi ignes iniiceret, nihil mor^o loci ſanctitate, p^o ſtudio hoſtes vindicandi, quoniā eo ſe quidam ex aduerſariis receperāt. Reginæ fluxa auctoritas erat tantis malis prohibēdis, medicinæ impedimentū magis q̄ tutamē. In Batrica ad prohibēdas iniurias frænandamq; audaciā Prieghi Marchio & Egabri Comes, cum Tendilliæ Comite Granatenſis militiæ ſummo duce, & Murcia Antelato vires & cōſilia ſociarūt ex Regine auctoritate & nomine res geri dū Ferdinandus pater in Hiſpaniā rediret. Vreniæ Comes in curiā venerat, cupidus cōponendi procerū diſſidia. Et ipſum tamen proprius dolor vrebatur ſuiſq; adeo cupiditatib. agitabatur. Votorum ſummā ſinebat ſibi quidē Carmonēſis arcis præfectura, quā abſtulerant, Roderico autē filio ſacræ militiæ alia quapiā præfectura: quā illi cōmēdari expoſcebat. Procures expediebāt arma. Maris Præfectus delectis copiis Villadadæ & Villauincētio minari, oppidis, uti ipſe prædicabat, ab Albano iniuria occupatis. Anagari Dux multis ſtipatus armatis in curia agēs eo audaciæ proceſſit, ut die quodā hoſpitia regio cōſilio ad Villamedianā metata occuparet: qua illi neceſſitate Palentiā diuertere nulla audaciā vindicādi facultate. Ioānes Emanuel ſexaginta grauis armaturæ eq̄tes nihilominus Turrecrematā aduexit, nullā iam ſpē niſi turbatis reb. & in audacia ponēs. Villenius itē & Magiſter equitum delectus habere, militum præſidium cōquirere. Nō publicum cōſilium vigeat, ſed viſ & immanitas dominabatur, vnoquoq; tantum ſibi auctoritatis ſumēte, quā vires inerāt. Aduerſus hāc tempeſtatē Toletanus nō niſi ſatellitib. ſtipatus in publicū procedere certus, ne in ea colluuiōe dignitas ludibrio eſſet, ceterum equites pedites trecentos cōduxit pecunia. Præterea ſtipendio equitibus regni custo-

gni custodiæ designatis de suo persoluto, eos Regina sibi que nouo iureiurando astrinxit facturos quæ imperaret. Ad frænandum procerum licentiam hæc omnia præsidia referebantur: simul, ne à regio consilio responsa aliqua, mandataue prodirent, turbatæ tempestati non satis consentanea. Hac diligentia commotus Anagari Dux maiori numero milites è ditione euocauit. Periculum erat ne pars cum parte confligeret: ac verò nocte quadam nihil propius est factum quam vt inter se Ducis & Toletani milites venirent ad manus. Id ne aliquando contingeret cautum, ne vlli milites Turtecrematæ versarentur præterquam Reginae solius & Toletani. Ea denunciatione Dux raptim atq; iratus è curia discessit. Priusquam Ioannes Emanuel idem faceret, colloquio ad Grigiotam instituto, ipse & maris Præfectus, Villenius, & Beneuetanus, atq; Andreas Burgius pro Cæsare legatus consensu decreuerunt, Ferdinandum Regem aditu Castellæ prohibere, nisi prius eorum postulatis & querelis esset satisfactum. Magna rerū moles ab his initiis sæua procella imminere videbatur. Toletani prudentia potentiaque importunis conatibus opponebatur. Quem viribus superare non sperabant, fraude euertere aggrediuntur. Eorum quidam Donniis conuenientes rumores spargere in vulgus constituunt, quasi Reginam Toletarius & Magister equitum vincitā tenerent. Præterea Villaloniu profecti delectus militares habent, specie Segobiensem arcem defendendi aduersus intempestiuos Andree Cabreræ conatus. Villenium inter & Lusitanum Regem consilia agitata Ferdinandum reditu in Castellam prohibendi: Cæsarque vt aduecto Carolo nepote rerum procurationem tutelæ iure & nomine arriperet, pro virili curandi. Roma ipso tempore venit Antonius Acunius inter alia reip. mala Zamoræ Episcopus renunciatus. Venienti Ferdinandus Rex dedit mandata, vt pro ea propinquitate qua Villenium complectebatur, eo sanando pacandoque operam daret; pollicereturque eius verbis. Villenam & Almanfam, quas tantopere expetiisset, si idem quietis quam periculi pretium referre malet. Nihil ea diligentia profectum. Ne Aluarus quidem Oforius Anagari Duce & Emanuele conuentis, ac de sanitate appellatis meliora tulit. Inuictus est animus, quæ ardens studium ingentes spes deuouerunt. Antonio Acunio delatus episcopatus bifariam genti molestus extitit, atque iis penes quos rerum potestas erat. Equitum Magister inimicorum præcipuo data præmia, se nullis honoribus cohonestari conquebatur scilicet. Deinde graue visum est, nulla Reginae aut patris Ferdinandi, vti moris erat, nominatione Antonio eum honorem fuisse delatum. Nouo insolentique exemplo si dissimularent, de iure dignitateque regia multum decedere. Itaque regii consultores Decano & canonicis eius ecclesiæ per litteras mandarunt, Antonio eius ecclesiæ possessionem ne darent, si data esset impedirent vsum, vectigaliaq; interciperent. Sera diligentia inanisq; fuit, illo iam nullo prohibente possessionem honoris adepto. Quatuor uiri rerum capitalium in curia regia versantur legibus & fauore Principis armati, auctoritate summæ proxima. Ex eo numero audacem maxime & promptum Ronquillum nomine Zamoram misere, vt consilii exequeretur mandata. Illum Antonius cum manu militari intempesta nocte veniens captum in hospitio, in arcem Fermoselam perduxit. Grauis contumelia extitit, metus ne dissimulatione cōfirmaretur audacia. Salmanticensis Prætor & Albanus Dux consilii iussu, cum manu militari impotentis hominis impetum, quasi equum tenacem & turbidum asperioribus frænis compescere aggressi nihil præstiterè tamen. Rebus turbatis cum omnes omnia audeant, pleraq; facinorosa sunt impune. In pace bonæ artes vigent, rebus commotis prauī homines maiorem vim habent. Itaque Artonio collatus honos incolumis extitit & proprius, magno deinde suo malo si consequentia tempora spectes, eiusdem enim Ronquilli, quem vinxerat, manu periit, cum factiosorum dux factus remp. turbaret, vitæ par exitus. Tumultibus plena omnia erant, varia consilia; conatus, querelæ; fædum vere ac miserandum spectaculum. Meliores quoq; fidem & operam carissime veditare, sibi, propinquis, & necessariis præmia extorquere, id singuli habituros rati, quod in ea rerum turbatione datum esset. Ferdinando regi gladium in fontes distringere non placebat, ne vindicta inuidiæ esset. Sed neq; honestum videbatur largitione & donis redimere, quod iura legesque darent. Prudens consilium, æquum tamen & salutare omnes iudicabant, iniuria oppressos subleuare, frænare legibus prauorum hominum impotentiam. Ipso tempore regii consultoribus visum est regni conuentus in quatuor menses sustentari. Ea prorogatione urbium procuratores Burgis, vbi hæserant, domos quinque redierunt nulla rursus conuentus agitando spe, nisi in commodiorem formam rebus mutatis.

Sic res in Castella erant. Inter Vascones noui extitere motus hac occasione. Ioannes in
 ea gente Rex Ferdinandi, cuius metu frænabatur, absentiam opportunam conatui ra-
 tus Lerini Comitem in Vasconibus Magistrum equitum inquietum hominem & au-
 dacem vindicare constituit. Id cogitanti commode cecidit Valentini fuga: quem ad se
 dilapsum continuo bello, quod meditabatur, summum ducem præfecit idoneum ho-
 minem arbitratus per quem Lerini Comitem maiorum ditione spoliatum ex omni-
 bus regni finibus deturbaret, haud innoxium. Eo consilio magnis pro præsentī copia
 delectibus exercitum contraxit velites ducentos centum & quinquaginta cataphractos, 10
 pedites ad quinque millia. Cum iis copiis ad sextum Idus Martii die Mercurii Vianæ
 arcem infedit Magistri equitum custodiæ creditam ante, & tunc Ludouico Beamon-
 tio vicario pro patre: q. Anagari Ducis gener erat magnæ spei iuuenis par opib. & nobili-
 tate. Non latuere ii conatus Magistrum equitum. Filii & arcis periculo iuxta commo-
 tus ex Mendauia ditionis municipio duodecim milliū spatio, ad præsidium die altero ob-
 sidionis accurrit. Et erat nox opportuna conatui imbribus & ventis, horrida tempestas,
 deiecti nubibus turbines. Ducentos modo equites secum deduxit, pedites sexcentos
 in loco cauo terreo tumulto tectos reliquit. Munita arce, vti tempus dabat, sub auroram
 redeuntem sensere aduersarii. Totis castris regiis ad arma couclamatum est, septuaginta
 equites Valentinum sequuntur præ festinatione non satis armatum: Rex cum reliquis 20
 copiis subsequēbatur lente tamen & ex interuallo, neque acie competenter instructa
 ne seruatis quidem ordinibus venturi securus. Dux, vt erat audax, impressione in-
 cidentes facta captis ex eo numero quindecim, studioq; prouectus equitem porro quen-
 dam insectandi, in insidias præceps fertur. Conuersi tunc quatuor ex hostibus equi-
 tes in eum irruerunt. Ex iis vnus hausta latus supra ilia hausit, ictuque ex eo equo de-
 turbauit. Accurrere qui in insidiis erant. Pedibus eximie quamuis pugnantem lancea
 gemino præfixa ferro, plures tamen vnum peremerunt. Prostrato pleraque vulnera feri-
 tate & sequitia sunt imposita, arma vestesque puncto detracta ne relicto quidem indusio.
 Duce cadente reliqui mæsti se se retulerunt in castra. Magister quoque equitum, quo
 securior esset, Mendauia Lerinum abiit loci munitione vim hostium propulsare con- 30
 stituens. Sic periit, vniuersæ Italiæ paulo ante terror: ad cuius arbitrium belli & pacis in
 ea leges & fœdera vertebantur, ingentis vir haud dubium animi, strenuus manu, ser-
 mone promptus, ferendæ inuidiæ, & seditionum artifex, raptor, largitor, in pace pessim-
 us, in bello maiori fama quam laude. Secunda sæpe fortuna vsum aduersa ad extre-
 mum exercuit. Superi præsentī interitu superioris vitæ & scelerum iusta exegere pia-
 cula. Notatum à curiosis hominibus intra diocesium Pompelonensem occisum, quo pri-
 mum episcopatu fuerat donatus, atque ipso quo eius possessionem iniit nempe magni
 Gregorii festo die. Vnicam filiam reliquit penes matrem atque auunculum Vasconum
 Regem. Eo quamuis incommodo accepto mæstus premebat obsessos rex certus do-
 lorem, rebellium malo vindicare & suis copiis & iis auxiliis equitum peditumque, quos 40
 è Castella Magister equitum miserat. Contra Anagari Dux cum manu militari ad Vasco-
 num fines accessit Lerini Comiti pro necessitudine laturus opem. Ipse quin etiam Cæsar-
 angustanus Præsul delectus habere instituit certa voluntate eundē tuēdi, qui in Ferdinandi
 patris clientela erat, porro sororis regiæ coniux. Verum hæc omnia vt in alieno periculo
 lente administrata. Sic Vianæ arx obsidionis fessa malis necessario facto fœdere deditio-
 nem fecit. Rex quoq; cum copiis quæ ad sexcentos equites octo millia pedites excreue-
 rant, ragam impugnatum inde abiit. regio Castellæ consilio Vasconū motus curæ erant.
 Iis pacandis missus Lupus Cōcillus arcanorum reginæ particeps eius verbis Vasconum
 regem obtestatum vt legibus potius cum Lerini Comite disceptaret, quam vi & armis.
 Trimestres si essent induciæ, eo spatio controuersias omnes præsertim Ferdinando
 rege appulso & disceptatore pacatū iri. Clementiæ laus tunc maior, cum iræ causæ iustif- 50
 simæ. Quid pacem importuno conatu turbaret, & cum Vasconibus Castellæ vires cōmit-
 teret iniuriam non dissimulaturæ? Negauit rex passurum se amplius vt vnus hominis
 importunitate vniuersa gens turbaretur scissa in partes. Neque fas esse neq; honestum
 prauos conatus, vllius Principis ope tegi, impunitate audaciam & scelerum confirmari
 licentiam. Daturum quidē fonti & extrema merito veniam, si modo coram peteret sup-
 plex, Lerinoque tradito & filiis vt in eius obsequiis versarentur, ipse vniuersi regni fini-
 bus in omne tempus abscederet. in vltimas terras diras secum & furias portaret.
 Hæc agebantur; neque is rex tamen cessabat Comitis ditionem occupare. Dedita

- Raga aliaque circum oppida sunt. Intra Lerinum quod vnum oppidum supererat cum filiis & clientibus extremam iam spem Comes sustentabat, quibus viribus? qua fiducia? animi obstinatio rapiebat in præceps. Breui enim id quoque oppidum ad cætera accessit facta deditio. Comesque bonis omnibus euersus ne pago quidem exiguo relicto, profugus in Castella primum deinde in Aragonia sine lare familiari vagari necesse habuit aliena ex misericordia inopem vitam sustentans, quasi in patria tranquillam & beatam ætatem exigere potuit. Is fuit contumaciæ fructus. Ducis Anagari patrociniū non parum obfuit, quoniam multorum inuidia flagrabat, ut ab equitum in Castella Magistro ac cæteris Ferdinandi nomini addictis in periculo desereretur, adiuto quin etiā Vascones.
- 10 Sic vnde opem sperabat perniciēs certa extitit. Commode tamen cecidit Castellæ rebus Anagari Ducem bello Vasconum distentū à turbanda prouinciæ tranquillitate tantisper quieuisse. Eo amplius quod Beneuentanus ad Ferdinandi partes accessit militiæ sacræ præfectura quadam commendata & quingentorum aureorum vectigali annuo è regio fisco concessa. Præterea Villalonio gentilitio municipio nundinas cōcedendi, quod præ cæteris expetebat, facta porro spe. Begiatis quoque Dux expugnatus est, quæcūque exoptabat promissis. His duobus proceribus adiunctis ad reliquos, pars quæ Ferdinando studebat, eiusque reditum optabat, validior esse cœpit: aduersa debilitari penitusque concidere in causa quam superi hominesque improbarent. Pestis lues Turrecrematæ inualuit: quod malum latè diffusum hoc anno vehēmenter afflixit vniuersam Hispaniam. Superior an-
- 20 nonæ angustia famesque effecerat ut herbis plerique & fœdis carnibus victitarent. Ciborum insalubrium noui succi morbos vulgauerant, qua tabe mortales innumeri perierunt. Nullis idoneis remediis campi, plateæ & domus strata cadatieribus erant, nullo qui efferret; metus & periculum animos efferauerant. Ac ne erant qui ægrotis assiderent: notis ignotisque imminentis facies mali misericordiam abstulerat. Fædus annus atque ad memoriam insignis. Eo periculo Regina Fornellos abiit pagum exiguum, neque ab eo municipio dissitum amplius quatuor passuum millibus. Ex iis locis non discedere deliberatum erat, antequam pater veniret. In regium consilium redire qui matre superstite eo fūgebantur munere iusserat: qui deinde accesserant viri nominatione amoueri. Sic Giennensis Episcopus domum abiit. Noui consiliarii quorum hæc sunt nomina, Aguirre, Guerrerus, Abula, atque Alfonsus Castella id mutari mandatum cor-
- 30 tendentes, summa diligentia nihil præstitere tamen. Sic Angulus, Vargas, & Sapata pristinum dignitatis locum, vnde erant deiectioni, recuperarunt. Arcis Segobienensis obsidionem Moia Marchio vrgere non destitit. Propugnabant milites præsidarii supremo conatu. Verum continuo sex mensium labore fracti & cuniculis subterraneis parte arcis euersa Idibus tandem Maii supplicum velamentis pro muro explicatis ex pacto venia data, verba deditum arces pronunciarunt. Sic Marchio arcem iniuria ablata recepit & suis viribus & ope primum Alburquerqui Ducis, qui obsidioni interesse voluit, deinde Magistri equitum, Albani, Antonii Fonseca missa à singulis militari manu. Ac fere qui Ferdinando Regi studebant, ii Ioannini Emanueli iufensi Marchionis conatus subleuarunt.
- 40

Cæsar & Ferdinandus de Castelle procuratione disceptant. C A P. VII.

- CÆsaris legati Neapoli restiterant. Ab iis magno studio curatum ut Cæsar & Ferdinandus inter se viderent. Venturum Nicæam Cæsarem urbem in ora Liguriæ, aut Ferdinandus Romam accederet, de qua ille cogitabat profectio ad imperii coronam. Die vno corā facilius conuenturos, quā multo tempore si per alios conditiones ferantur. Regi Catholico stabat sententia colloquium detrectandi. Eam voluntatem ut specie aliqua honestatis velaret. Illud præcipuum Castellæ res fluctuantes eam moram non pati,
- 50 quæ aliquot mensium necessario futura erat. Hoc accepto responso legati coram contestati sunt, ne in Castellam rediret, nisi prius iis controuersis compositis. Alioqui Cæsarem quoque venturum. Si quid ex eo incommodi existeret, penes eum culpam futurā, qui auctor extitisset, mali causa præcipua. Ea denunciatione etsi belli potius minæ quam pacis voluntas exprimebatur: visum est tamen ut cum legatis Gonsaluis, adiunctis qui à cubiculo regio, & qui ab epistolis erat de iure vtriusque Principis disceptaret: si qua via se daret concordia sancienda. Eo instituto colloquio multa ab utraque parte dicta sunt ut in lite omnium grauissima. Præcipua fundamenta, quibus Ferdinandi causa incumbebat, ad tria capita reuocantur. Patrem esse ac proinde Regine tutorē ex legū omnium præscripto. Id ipsum Regine placere: cuius voluntatis multa extarēt documēta. Præterea

Isabellæ Reginæ testamēto & volūtate nō aliter fuisse sancitū. Quid nouis decretis certiffi-
 ma iura mutarēt? qd in re minime dubia lites importune mouerēt? Hæc pro Ferdinando
 valida haud dubiū & illustria argumenta. Sed & Cæsari nō minora suppetebāt neq; infir-
 miora præsidia. Regina valetudine impedita res in Carolū filiū translata: in cuius tutela
 nemo auo paterno potior erat, omnib. ipse inito posteriori cōiugio Ferdinandū tutelæ iu-
 re decidisse p̄sertim fide Isabellæ cōiugi perpetui cēlibatus data. Quod vt negaret, cōstare
 plane nunquam ipsam Castellæ procuratiōē fore delegaturam testamento, si nouis nu-
 ptiis se implicaturum putasset. Denique proceribus, vt ipse rebus imponeretur rector nō
 placere: neque verum esse eo conatū nullo gentis consensu turbare remp. dare male co-
 gitantibus arma. Plura alia in vtramque partem præsidia sunt producta: his tamen præ-
 cipue vtriusq; causa continebatur. Ventum ad conditiones concordia. Cæsaris legati
 quatuor & viginti hominibus rerū Castellæ curam delegabant. ita tamen vt ex eo nume-
 ro Cæsar sedecim nominaret nihilominus, octo Ferdinandus sacerdotiorum, quæ ad re-
 gium ius spectant, & magistratuum pars tertia arbitrio Ferdinandi Regis relinqueretur
 reliqua gubernatorum delectui. Vectigalium regionum quarta eidē cederet, tres quar-
 tæ Reginæ. Præterea Caroli Principis ad stabiliendam successionem, regni arces omnes
 Cæsaris nomine & sacramento tenerentur. Gratissimæ conditiones rebus turbandis op-
 portune magis quam constituenda pace: Additum, vt procerum nonnulli filii atq; e re-
 liqua nobilitate principes in Belgas missi in Caroli obsequiis & aula versarentur, vna
 crescerent, mutua inter ipsos & cum Principe beneuolentiæ alimentū. Ne cuiquā Phi-
 lippi Regis partes esse secutum in posterū fraudi esset. Iura Neapolitani regni ita à Ponti-
 fice confirmarentur, ne Caroli Principis in eo imperio turbaretur successio. Horū qdam
 tolerari poterant: alia neq; concedi fas fuisset, ac ne multis quidē annis cōsensu partium
 cōponi. Ita Ferdinandus concordia spe abiecta, se ad profectiōem cōparare, nihil ter-
 ritus nouo Cæsaris conatu denunciatione q; Missus Neapoli in Germaniā Bartholomeus
 Samperius paulo ante ingenium & industriā in regia probarat. Cæsar idoneum hominem
 nactus qui sua mandata perferret, Ferdinandum suis verbis obtestari iussit ne in Castel-
 lam rediret nondum controuersis inter ambos diiudicatis, si secus faceret minax. Ve-
 rum Rex in consilio perstans abeundi, misit prius Romam qui eius nomine obsequium
 Pontifici deferrent. Ii fuere Bernardus Dezpuchius Montefiæ Magister, Antonius Au-
 gustinus, & e Valentina nobilitate Hieronymus Viquius, cui præterea legati ordina-
 rii in ea curia artes implere mandatum est, in locum Francisci Rogii eatenus eo functi
 munere cum dignitate. Dato legatis senatu pridie kalendas Maii Antonius Augustinus
 eleganti & accurata oratione eius officii moram excusauit multis enatis impedin-
 tis susceptā necessario. Deinde obsequium obtulit viresq; vniuersas sui regis ad proflig-
 andā nequitiam sacrosanctæ ecclesiæ dignitatē tuendam aduersus omnium hominum
 conatus. Benigne Pontifex, si animus vultu æstimaretur, ad hæc respondit lata & placi-
 da fronte. Beneuolentiæ argumento rosam auream nocte Christi Dei natali prece ex li-
 bris pontificalibus sacrari solitam de manu tradidit Regi ipsorum perferendam amoris
 sui pignus. Ex arcano quoq; Gonfaluū inuitabat, si ecclesiæ copiarum Dux esse vellet
 bello quod aduersus Venetos meditabatur, gratiam meritis fore parem. Eundem hono-
 rem deferebant Veneti, si eorum auspicia sequi malet. Ea enim suscepta de eius virtute &
 felicitate opinio erat, vt secum ferre victoriam persuasum omnibus esset, in quamcunq;
 partem inclinaret. Honestissimas condiciones arte occupauit Ferdinandus promisso ei
 rursus Diui Iacobi magisterio. Et ne verba viderentur inania rebus vacua, Antonio
 Augustino, cum Romam est missus, mandauit, vti à Pontifice impetraret potestatem
 Archiepiscopis Toletano & Hispalensi, atq; Palétino Episcopo esse, ipsius cessione eū ho-
 norem in Gonfaluū transferendi cum primum in Castellam ventum esset. Id ne con-
 tinuo faceret multa impedire: ac præsertim tumultus se absente ne propterea existerent
 non sine causa vereri. Pontifex vt continuo regis cessione Magisterium Gonfaluū da-
 ret, facile adducebatur, vt aliis antistitib. vicariam ad id delegaret potestatem persua-
 deri non potuit. Sic in præsentī dilatus honor est non sine suspiciōe Regis artibus vi-
 rum insignem ludibrio habitum, quo ex Italia ea fraude deduceretur. Opinione vulgo
 susceptam confirmauit euentus nunquā eo dato honore, ac ne aliis quidē p̄miis. An su-
 mus in timore benigni, post victoriā parci: quod vitiū late patet, & est in multis. Tamen si
 iam Sueffiæ & Terranouæ Dux erat, ac Magister equitum Neapoli amplissimi honores si
 ex se considerentur, si cum virtute & meritis tanti viri cōferantur tenues prorsus & mo-
 dici. Fædere cum Gallo icto Ferdinandi animus sollicitus erat, verentis nulla ex Germa-
 na cōiuge prole ne per conditiones imperium Neapolitanū ad Gallos rediret. Ea cura
 Rho-

Rhotomagensem Cardinalem expugnare est aggressus in pontificatus maximi petitione opem omnem pollicitus, si id esset eius opera & auctoritate mutatum. Et erat cōmodius iure & legibus cū Gallo disceptare quando Caroli Principis & Claudiae retractato cōiugio, contra superiora pacta Mediolanum & Armoricos puellae dotales principatus ablato compensari equum videretur inducta conditione de regni Neapolitani successione, praefertim dubia neque tanti. Controversiarum potius fontem posteris perpetuum meliori censura adimendum videri. Verum his postulatis surdas aures Rex Gallus praebat, offensus sacramento quod Ioannae Reginae & posteris Neapoli dictum erat, nulla Germanae ex sorore natae mentione contra quam in superiori fœdere cauerant, haud dubium
 10 mutatae voluntatis & fidei argumentum.

Ferdinandus discessit Neapoli. C A P. VIII.

C Vpiebat Ferdinandus quam primum se in iter dare, gnarus ad res Castellae pacadas, prauos multorum conatus frangendos quanti si adesset futurum. Festinanti omnis mora erat grauis. Verum Neapolitanae rationes retardabant nondum plane compositae. Regni eius iura possessionemque diplomate à Pontifice, ut moris erat, impetrato stabilendi prima & maxima cura erat. Agebat id diligenter Hieronymus Viquius legatus: magno tamen labore & diligentia parum promouebatur. Annuebat quidem Pontifex Regis postulatis, sed cum eo si Hispaniae viribus & copiis Fauentia & Ariminum Venetis eriperentur in Flaminia iniustis plane ac violentis possessoribus. longae eque molitiones erant. res ardua. Cum Castellae res nullam paterentur moram, eo festinare quacunque ratione discernit. Sub protectionem tamen fidei atque innocentiae Gonsaluo testimonium dedit tabulis publice in eam sententiam confectis: maiores praedicatione hominum famaue res ab eo perfectas fuisse, integra semper fide. Earum tabularum exempla testatio descripta in omnes partes missa sunt: si qui secus fuerant temere suspicati, ea praecleara testificatione omnem dubitationem animis eximerent. Venerat Neapolim Ioannes Nucæus Siciliae Prorex. Hunc propter eximiam fidem excellentesque virtutes Neapolitanum Proregem designarat Gonsalui in locum. Verum eo ante Regis protectionem &
 30 filio eiusdem nominis, qui iam Aragoniae Iustitia erat, inrepestiue defunctis, locum tenuit Ioannes Aragonius Ripagorsae Comes: quem Regis propinquitas quippe ex eius fratre genitum magis quam aliae virtutes subleuabat. In Siciliam Raymundus Cardonius est missus, qui remp. gereret vicarii generalis indito nomine. Proregi consilarii de rebus supremis bello paceque adhibiti Andreas Caraffa Sanseuerinae Comes, nobile illi genus & bello paceque clara origo: tum Hector Pignatelus, Monteleonis item Comes, & Ioannes Baptista Spinelus detracto conseruatoris nomine, quod dederat, in ea gente inuidioso cum primis & graui. Adiecit mandata Columnios & Vrsinos proceres omni cura complecterentur. Bartholomæo Liuiano ditio restitueretur annuaque vectigalia ad obsequium modo retracto. Ad reliquas militares copias ducenti è nobilitate delecti equi-
 40 tes, qui Continuorum nomine versarentur in Proregis curia centum & quinquaginta aureorum annuo singulis stipendio. Venetos pacare supererat, quoniam de Regis voluntate dubitabant. Missus est eo studio Philippus Ferrerius qui ordinarii legati nomine & munere in ea vrbeungeretur. Rebus ad hunc modum compositis pridie Nonas Iunii die Veneris cum sedecim triremium classe è littore Neapolitano Rex soluit, abducto secum Magno Gonsaluo, ut fama tulit, propter affectati regni suspensionem. Onerariae plures in speciem numerosae classis ante dies octo discesserant ductore Petro Nauarro. Lusitania opima pace, opibus & fama florebat immortale decus vniuerso orbe consecuta. Cælo datum beneficium eo Rege sceptra tenente, quo nullus praestantior esset prudentia atque animi magnitudine, praeterea felix numerosa pulchraque prole. Regina
 50 quoque Nonis Iunii filium Olisipone peperit, cui Ferdinando nomen fuit, brevis ætas: in adolescentiae flore raptus diu praestantium virtutum specimen praebere non potuit, quas eximia indoles & litterarum amor polliceri videbatur. Lusitano Regi Castellae proceres nonnulli ac nominatim Villenius rerum in ea gente procurationem deferebant. Ad disturbandum Ferdinandi Regis aduentum is conatus pertinebat. multorumque mentes is morbus inuaserat, nec deerant sermones passim Ferdinandi senium & auaritiam increpantium. Verum Lusitanus cum suarum rerum periculo quantum iis procerum promissis fidendum esset non satis statuebat superioris temporis memoria & exemplis cautior. Ex arcano tamen Castellae rebus admouere manus oppido cupiebat: mutuo filiorum cum Reginae filiis coniugio, tutelam Caroli generi rerumque procurationem obuenturam

ultro cogitans. Et erat commodissimum Indico commercio Africanisq; expeditionibus. Castellę opibus tenui censu Principem subleuari, ea cura potestateque suscepta. Si id non contingeret Cæsarem in Castellam euocare quasi iure concessum ac legibus sanctum, fixum animo deliberatumq; habebat. Ad quod Rex quoque Vasconum inuitabat, vsque dum transitum per prouinciam offerret magno itineris compendio. Sane ambos Reges Ferdinandi felicitas perpetuo vrebat, perpetuum Principum malum. potentissimi Regis vicinitas molesta atq; intoleranda videbatur. Sed & Vasconem metus proprię sollicitabat, non quieturum Ferdinandum nisi eo regno occupato. Seu præfagit animus vrgentem calamitatem atque instantem, seu ex conscientia iram veritus. Sed & à Castellę proceribus factiosis Cæsarem ad capeffendam temp. prouocatum se in viam dare, atque in Hispaniam traicere deliberatum habuisse litterę argumento sunt, quas ad Emanuelelem dedit Constantia, vbi imperii conuentus erant, hac sententia. Aliis litteris significauit fixum mihi esse in Hispaniam proficisci, Carolumque nepotem mecum ducere. Equidem Reginę filię maiestatem tueri aduersus prauos hominum conatus, Principis imbecillam etatem tegere, eiusque successionem consulere meo labore æquum arbitror. Eo festinatio maior erit, quod quædam in ista prouincia nouari nunciatum est. Intra quatuordecim aut quindecim dies in Belgas ipse discedam, vbi nepos Carolus agit. interim parabuntur iussu meo, quę ex vsu Hispanicę profectiois erunt. Itaque, vt communicatis consiliis cum oratore nostro, aliisque proceribus qui Principis partes sectantur, quod hætenus fecistis mea causa diligentius cutetis hortor & mando, detis operam ne in Reginę libertatem, aut Principis successionem quidquam insolenter committatur. Certe id mihi fore curę credite ac vero nostro aduentu ne sine fructu vester labor contingat effecturum ac potius vt cultę fidei ea gratia sit, quam extincti filii in vos perspecta beneuolentia, vestrę obsequia videntur postulare. Vale Constantia nostri imperii. vrbe pridie Idus Iunii anni milē. quingentesi. septimi.

Regum Galli & Catholici colloquium. CAPVT IX.

REX Gallus in Italia agebat. Alpium fauces ante aliquot menses cum validis copiis transgressus. Genuensium motus pristinę libertatis spe Gallici imperii odio graues & incitati, veniendi necessitatem imposuere. Anni enim superioris sine plebs in nobilitatem incitata correptis armis lilia Gallię insigne ex locis omnibus erasere. Commoti populares nunquam in vno gradu resistunt. Ducem ex infima plebe Paulum Nonum ex lanas inficiendi arte ad rerum fastigium euexere. Iis motibus incitatus Gallus numerofo exercitu præmisso, ipse paulo post præcedentium vestigia subsecutus tumultuantes compescuit. Locorum vicinitas inuitauit vt Reges inter se consilio communicato videre vellent. Sauona in ora Ligurię vrbs, colloquio idonea visa est, Regis Catholici nauigatio lenta fuit. Aduersę tempestates Caietę in Romano littore atq; in Hetrurię ora aliquandiu detinuerunt. Genuam tandem ad sextum kal. Iulii peruenit incolumi classe. Gasto Fuxensis Regem auunculum atq; sororium excepit cum quatuor triremibus obuiam factus eximia indole formaque adolescens. Hospitis aduentum Gallus Sauonę morabatur. Petri Apostoli peruigilio sublatis è portu Genuensi ancoris egressus est Ferdinandus. Genuę Sauona finitima est exiguo diffita interuallo. Ita eodem die accedentes Regem & Reginam ad littus progressus Gallus splendido accepit apparatu. In mutuos complexus itum, iunctę dextrę, salutatio facta ingenti tum vtriusq; Principis tū omnium, qui insigni spectaculo aderant, lætitia. Sub vmbella duo Reges & Regina in vrbis arcem deducti sunt hospitio Hispani designatam. Maior vt honor esset Gallus relicta arce ad Episcopi ædes diuertit. Die postero qui diuo Petro sacer erat, vna operati sacris sunt insigni apparatu. Aulici vtrique splendenti cultu & vestium pretio superbi Hispani præsertim spoliis Neapolitanis insigni elegantia. militum phalerę torquesque splendebant, militari habitu ferociam cuncti spirabant. Ea nocte Regina apud Regem auunculū cōuiuio excepta est, cum Ferdinādo Rege Cardinales duo cęnarunt. Diuę Praxedis à Pontifice ad Reges de rebus magnis legatus, & Rhotomagensis in Gallia item ab antiquo legatus. Die proximo duo Reges cęnę Magnum Gonsaluum tertium adhibuere. multo præterea verborum honore & benignitate gallus est cōplexus, virtutem, felicitatē, bellicas artes etiam in hoste miratus, clarissima victoriarum monumenta ubiq; relicta. Tandē cum Obenigno Ferdinandus præstitit. atq; ita vt Venafram oppidum, q̃ Comitiss nomine in regno Neapolitano initio belli obtinuerat, sibi is ex tanta benignitate polliceretur spe præpropera falsus. In eo congressu multa sunt agitata, illud præcipuū. Aduersus Vene-

Venetos, de quo antea actū erat, arma viresq; sociare arcano omnia ne prodita in vulgus vim perderent. Soluta conuentu repetitaq; nauigatione Ferdinandus in Hispaniā discessit. Prolixa rursus inde nauigatio fuit aduersæ atq; importunæ tempestates. Ita non ante quartum Idus Iulias ad Cadaquium portum in ora Catalauniæ classem intulit. Pestis lues eo tractu grassabatur. Vitando periculo non prius cessatum, quam ad littus Valentinum ventum est omnino ad tertium decimum kalendas Augusti, quo cum cæteris nauibus ante decem dies appulerat Petrus Nauarrus. Magni honores in ea vrbe aduenientibus Regibus sunt habiti commorantibusque. Regina sub vmbella excepta deductaq; in arcem. Qui honos veteri instituto Regibus primum eam urbem adeuntibus haberi consuevit. Ferdinandi reditu nunciato Castellæ motus quierunt. Metus nonnunquam quam gratia potentior est. Ipse quoque Villenius posita contumacia obsequium detulit promissa ipsi compensatione, ac verò restitutione omnium quæ iniuria fuisse ablata dati in causa iudices pronunciaissent. Necessitate expressum officium quamuis, gratum tamen in primis extitit. Vreniæque Comes operæ Villenio patrueli sanando nauatæ præmium tulit Carmonæ arcis præfecturam, quam sui iuris esse & superiori tempore iniuria detractam conquerebatur. Assidonio item pro vrbe Heraclea, quam sui iuris putabat, spes compensationis iniecta est interprete Magistro equitum data in præsentem pecunia aut in posterum annuo è fisco regio vectigali in omne tempus designato. Toletanus rebus omnibus pro virili parte iuuabat lætus ad alia quæ Ferdinando dono antea acceperat, honore purpuræ à Pontifice eo annitente concessæ, præterea Inquisitoris generalis in Castella & Legione cura data Hispalensis cessione: vti indicio sunt litteræ à Ferdinando priusquam Neapoli discederet, ad Toletanum in eam sententiam datæ: quarum exemplar autographum Compluti seruatur in Diui Illesonsi collegio eius opera & impensa in eo municipio constructo magnifice. In Aragonia Inquisitoris generalis munus & nomen Ioannes Enguerra retinuit regis conscientiam per confessionē solitus expiare. Iis proceribus in partes attractis cæteri fere ac vero prouinciales vniuersi quieuerunt. Offensionis & tumultus sæpe causis remedia nihilo maiora sunt. Illud aduerso rumore fuit, ac passim improbatū. quod Alfonsus Fonseca Compostellanæ ecclesiæ est præfectus iuuenis ardenti ingenio moribus non satis probatis fauor Principis pro eruditione & virtutibus fuit. Eo maior fæditas quod in patris locum successit, ea causa Alexandrini Patriarchæ tunc renunciati, inanis vmbra dignitatis & sine prouentu nomen. Nouum exemplum & prauum amplissimam ecclesiam à patre in filiū quasi hæreditate transferri eumq; spurium, contra omnes honestatis leges. Verum patris in Regem merita eximia extiterant, rebusque turbatis multa præpostere fiunt, ipseq; Alfonsus iunior regis iter in Italiam persecutus eius gratiam promeruerat actionum elegantia ingenii dexteritate apparatuque & impensa principali. Sic iuuat facti insolentiam ex parte aliqua excusare, ac præsertim Regis pœnitentia subsecuta ac per totam vitam conscientiam sollicitate. Et quis est regum in tanta rerum varietate, tanta licentia, qui non peccet in aliquo? In aliquo tantum & non potius in multis labatur. Dux Anagari & Ioannes Emanuel supererant noxa maiori, nulla veniæ spe, eoque maiori contumacia. Accessit recens ad eum numerum Lemosii Comes noua offensa irritato rege. Occupauerat in Galæcis Ponferratum regiæ ditionis municipium, & Villafrancæ contributos pagos & agrum magna ex parte. Ad ipsius ius ea pertinere disputabat. Quod legibus petere debuisset, allata vi in crimen maiestatis vertit. Fornellis, vbi Regina tunc agebat, de frænanda Comitibus audacia actum. Consilii regii decreto atque ex Toletani & aliorum procerū sententia Albano & Beneuentano ea cura est demandata. Delectu illi habito, bis mille equites, pedites tria millia contraxere facinus vindicandi voluntate. Brigantinus opem Comiti laturus videbatur Dionysii fratris suasu, cui Comitibus filia & hæres iuncta coniugio erat. Destitit tamen à rege Lusitano monitus pro imperio: Toletano quoque suauis vt iuris certamen expetente Comite discederetur ab armis. Comes ab omnibus desertus præsertim ex quo Ferdinandum appulisse Valentiam cognitum est, metuq; maioris mali, Ponferrato aliisque oppidis quæ occupauerat, restitutis arma posuit obsequium cū securitate, arrogantem cum periculo præferens. Ioannes Emanuel eius factionis facile princeps destinata voluntate in Germaniam abeundi, & in Belgas, quo præcesserant Vile Veriusq; reguli aliiq; ex ea gente Philippi regis antea assecræ, Burgensem arcem Anagari Duci, Gierrensem Egabri Comiti custodiendas cōmendauit. Appulso Valentiam rege hæc gerebatur: simul ex Africa nuncius venit, regiæ aulicorum cohorti Præfectum Mazalquiuiro cum ceterum equitibus peditibus ad tria millia maiori ex parte ex eorum numero, qui Neapoli venerat, in fines Tremesenios irrupisse vastatisq; latissime hostiū agris cū ingenti abacta præda

hominum pecorumque rediret, non procul Orano à Tremesenio Rege & innumera Maurorum multitudine, qui abeuntium vestigiis institerant, facta pugna fuisse victum. Cessit virtus numero. E nostris præda omni ablata plerique in pugna ceciderunt versi omnes in hostes. Ea cura etiam morientibus honesti exitus fuit. Præfectus cum septuaginta equitibus cuneo facto per medios hostes erupit Masalquiurumq; abiit. Quadringenti tantum fuga euaserunt nocte & vicinis sylvis tecti, captiuorum par numerus. Conturbauit ea strages Hispaniæ gentis animos. Ferdinandus quoque eo percitus nuncio aliquot actutum triremes misit Masalquiuiro auxiliares, si opus esset & vim Mauri pararent. Neapolitani interea milites otii impatientia per prouinciam dispersi vi & stupris, & rixis cuncta polluere. Plerique ad rapinas conuersi. In eo numero Dieghus Garfias Paredius, ut erat vasto animo, audax & promptus piraticam exercere constituit largus priuatim, quod rapinis suppleret. Idem fecere Dieghus Aguius & Melgaregius. Habendi cupiditas idonea iniuriæ faciendæ causa videbatur: Hoc discrimen inter utrosque: quod Paredius ad Orientis oras profectus de hostibus Christiani nominis prædas agere institit, minor ea noxa. Duo alii ad AEnariam insulam statione delecta promiscue, quicunque iniuriæ opportuni erant, eos spoliare fortunis & vita, ex aliena calamitate opes captantes propria & totius gentis inuidia. Missus à Prorege cum militum numero Michalotus Prateus domo Catalaunus rei bellicæ & nauticæ imprimis peritus piratas ob Beluederium nactus oppidum Bisiniano contributum captis biremibus interiora prouinciæ fuga petere coegit. Victoriæ lætitiâ inopinus casus conturbauit. Subita ventorum vi naui, qua vehebatur oppressa periit, nullo qui morti eriperet quamuis multis è vicino littore cladem prospicientibus. Magnum rerum ludibrium conuersionemque. Violentia fluctuum compage laxata asseres interfluens vnda submersit nauim. Ipso tempore Alfonso Alburquerquius superiori anno cum Tristano Acunio missus è Lusitania ad Orientis oras Francisco Almeida successor, virtutis specimen præbere cupiens, ratus ut prima cessissent secutura alia, ex itinere Ormutium occupauit. Insula nobilissima ea est ad sinus Persici fauces, angusta quidem spatiis ac sedecim modo millium ambitu, tenui gleba, nulla aqua, æstu vehementi, frugum egens ac omnis amœnitatis: gemino tamen portu Orientis commercio idonea, atque ex eo omnibus quæ ad victum cultumq; necessaria sunt, quod caput est diuitiis auro, & argento gemmisque beata, & cum primis Orientis celebritate & mercatorum frequentia comparandum emporium. In Africa item littore, quod Oceanus alluit Lusitani Mauris abstulerunt Saphinum urbem copiosam, latam spatiis, incolarum numero frequentem, quondam Regi Marrocio subditam, tunc in iure & mancipio reguli peculiaris.

Rex Catholicus Reginam filiam inuist. CAPUT X.

Germana Regina Valentie substitit rebus gerendis pro viro vicaria, breui tamen in Castellam itura. Petrus Nauarrus cum militum cohortibus, eorum qui in classe venerant, præmissus est Almasanum versus ad Castellæ fines situm oppidum. Subsecutus est Rex ad tertium Idus Augusti. Processere obuiam Cæsaraugustanus Præsul officio in patrem incitatus, Medinæ Celinæ & Alburquerqui Duces. Eo comitatu ad reliquam aula cohortem adiecto Montacutum primum Castellæ municipium peruenit ad duodecimum kalendas Septembris. Inde Almasanum Arandamq; itum est. Toto itinere proceres & Episcopi visendi studio & officio in Principem incitati salutatim accedebant, quidam metu, multi per adulationem, plerique ne aliis euntibus ipsi subsisterent festinationi studentes offensas priores tegere: ii quanto magis ficta erant obsequia, tanto magis plura beneuolentiæ argumenta præbere. Regina Fornellis hærebat incommodo fati hospitio: neque ut abscederet induci potuit, quamuis templi contignatione fortuito igne incensa: atque ita ut Philippi viri corpus necessario in regiam fuerit inde translatum. Nunciato tamen patris aduentu ex eo pago tandem digressa Tortoles abiit vicum Arandæ vicinum. Rex quoque Villauelam discessit duorum milliū à filia interuallo. Sic Sabbatho quinto kalendas Septembris precibus vespertinis operatus Tortoles petiit. Processere obuiam Magister equitum & Villenius alique proceres è reginæ comitatu: præterea Toletanus, Pontificius nuncius cum aliis Episcopis cuncti ex ordine vultu ad lætitiâ composito dextram osculis more gentis appetere. Ventum ad paratum hospitium, ubi Regina patris aduentum expectabat. Ad eius aspectum cucullo, quo tegebat caput detracto se ad eius pedes osculatura deiecit. Rex detecto capite genu ad terram flexo prostratam erexit. Amplexati inter se aliquanto spatio in domum cœnationem cōcessere.

Dua-

Duabus amplius horis in colloquio decursis Regina reuerſa in Regiam eſt, quo Rex pater die poſtero illam inuiſit. Remotis arbitris qui inter eos ſermones extiterint cognoſci certo non potuit. Ex Regis tamen in diſceſſu hilari & placido vultu ſuſpicati homines ſunt de Regine valetudine melius quam antea, regnique procurationem illi demandariſe. Eam opinionem euentus cōprobauit rebus continuo ad arbitriū compoſitis, creatis vti viſum eſt magiſtratibus atq; miniſtris aliis. Septem dies in eo pago morati oſtauo ad Diuę Marię Campeſtris fanū proceſſere. In eo oppido ne purpurę honor haberetur Toletano à Pontifice datę Regine interceſſione factum eſt, nefas fore negantis quo ipſa loco eſſet viduata viro, oppreſſa luctu, lætitiā vllam celebrari. Sic Mahamudii cæremonia

10 peracta eſt, oppido exiguo apparatu principali ac celeberrimo. Auētus honor nomine, nā Cardinalis Hiſpaniæ dictus eſt: quibus D. Balbinę titulus Romę fuerat adſcriptus. Aderat in curia Andreas Burgius pro Cęſare legatus ſagax, callidus, promptus ad ſimulanda negocia altitudine ingenii mirabili, ea audacia vt poſt Ferdinādi aduentū non dubitaret tamen ſolicitare, prehēſare ſingulos proceres, quos idoneos gratia aut offeſa putabat, vt Cęſari rerum arbitrium deferret. In quo etſi dignum ſupplicio facinus cōmiſiſſe viſus erat, ius tamen gentium valuit vt inuiolatus ē curia dimitteretur. Species pręſerta faſto referendi in Germaniam datis ipſi mandatis reſponſum. Adiunctus itneris ſocius Ioannes Albion cum nouis Regis & Reginę nomine ad Cęſarem mandatis precantium, eum deinde legatum mitteret, qui publicę tranquillitati magis ſtuderet: reip. turbationem vtriſque fore noxiam, importunas molitiones periculo non vacare. Simul magiſtrum equitum, maris Pręfectum, atque Albanū inter ſe conciliare ſublatis mutuis offeſionibus aggreſſus eſt. Ingens conatus neque fructus pœnitendus, quando vna opera ſibi

20 eos proceres ea auctoritate & opibus obnoxios præſtare commodum erat; reip. vniuerſę ſalutare in vnam proceres ſententiam conſpirare priuatis diſſidiorum cauſis amotis. Pręterea ad Baticę motus animum retulit, vbi non minora diſſidia vigeabant. Ac Cordubę Prieghi Marchio Dieghi Oſorii Prętoris apparitoribus & miniſtris faſces per vim ademerat. Vbedę factioſi ciues Molinę dicti multa turbare Antonii Manrici fauore ſuperbi, qui Anagari Ducis propinquus eius partes ſequebatur, Hiſpalis quieta nihilo magis erat. Obitu Ioannis Aſſidonię Ducis Petrus Gironius Vrenię Comitis filius amoto Henrico defuncti filio Mariam vxorem ſubſtituebat opimi principatus hæredem & ipſam extincti filiam neque ex alia matre. Ad tantos motus pacandos vi-

30 ro & gubernatore opus erat. Cantabrię & Calæcię portus muniti magna cura ſunt aduerſus omnes caſus. Aczemofii Comiti, & Fernando Andradio magnis in Calæcia opibus & clientelis turbidos ex vniuerſę prouincię finibus diſcedere mandatum eſt. Par cura adhibita Gaditano Heracleę & Malacę portubus muniendis, ac quoniam Mauris indigenis diſſidebatur, effectum vt oppida omnia octo à mari millibus vacua incolis relinqueretur Heraclea Almeriam vſque. Pulſis eo littore Mauris veteres Chriſtianos ſubſtituere animus erat, prohibere eius gentis ſcelera, quorum propter Africę vicinitatem magna ea parte licentia erat, ſæpeque Chriſtianos captiuos in eas oras

40 abducebant. Verum iſtandem conatus effectū caruit. Obtinebat Ioannes Emanuel Philippi Regis beneficio Burgenſem, Giennenſem, Placentiæ & Miraueti arcēs. Pręſectis mandatum vt Regi eas ſine mora darent. Burgenſi arcis Pręfectus Franciſcus Tamaius de ea re appellatus tempore extrahendo præter ſpecioſa verba nihil præſtabat. Digna temeritas vindiſta & malo viſa eſt. Rex Burgos ire conſtituit, ſimul Petro Nauarro cura data cum militariſ. copiis, quas ducebat, & tormentis bellicis ē Medinę Campeſtris arce detractis, eam arcem impugnandi. Periculo conſiderato Pręfectus arcem dedere decreuit: quod exemplum alię continuo arcēs imitatę ſunt. Sic Ioannes Emanuel omni præſidio deſtitutus propinquis lōginquisq; inſenſis, rege irato p̄ Vaſcones in Galliam euasit, inde in Germaniam iturus ad Cęſaris præſidiū. Vnus Anagari Dux ex

50 ea factione ſupererat, ſed quibus viribus? qua fiducia? quibus adiutorib. intra Anagarum ſuſtentare cogitabat, munita vrbe & militibus, quos potuit, contractis? Cæcus animi impetus in præceps egit. Et alioqui erat perſuaſum Cęſarem propediem cum exercitu & Carolo nepote in Hiſpaniam venturum. Hac ſpe Iſabellę reginę teſtamento, qua parte certe de regni procuratione ſtatuit, aſſenſum præbere, quo tempore conuentus Tauri habiti ſunt, noluit: conſequenti tempore cōſilii regii edictis non obtemperauit, ne quatuoruiris quidē rerum capitaliū aliisq; miniſtris curię vt regia mādāta in eius ditione exequerentur cōceſſit. Ad ea crimina delectus militares habere inſtitit, tumultusq; cōcitauit. Studio quin etiā vltorius p̄greſſus, quaſi Caroli Principis vicari⁹ ſe Prorogę dixit: & pro arrepta temere poteſtate, Prętorib. mādauit vt ſuo nomine tabulas edictaq; euulgarēt: q. Vbedę certe factū eſt Antonio Manrico Prętore patri ſui volūtati obſequēti, partes

secuto. Impotentes conatus, priusquam altiores malum radices ageret, frenandi erant. Eo consilio quaestiones maiestatis de eo in curia sunt habitae. Simul è D. Mariæ Campestribus fano Burgos ire Rex constituit. Arcos peruentum: quo ex oppido Fernandum Stradam regiis epulis praefectum ad Ducem misit arces ut traderet expetitum fidei pignus: videret ne noua offensa si recusaret ad priores addita, maioris seueritatis necessitatem imponeret. Detrectauit ille facere quod iussum erat incommodus & molestus. Rex in eo oppido relicta Regina quoniam Burgos ire noluit extincti in ea vrbe viri memor, ipse in eam urbem abiit in vindictam intentus. Petro etiam Nauarro cum copiis quas ducebat, & regni ordinariis equitibus bellicisque tormentis vniuersam Ducis ditionem eumque capere mandauit. Intercessere procures ac nominatim Magister equitum, Albanusque ut seueritati modus esset precantes meliora de Duce polliciti. Dux ipse metu proposito cessit, qui benignitate vinci non potuerat. Nauarreti, Treuigni, Oconis, Redecillæ, Daualilli, Ribæque arces tradidit, uti erat iussum: praeterea Balmasedæ arcis regiae datam antea praefecturam restituit. Albanus earum arcium sequester consensu designatus, atque ii Praefecti quos ipse singulis daret. Ita rex mitigato animo, eorum quæ prius commiserat supplici veniam dedit. Neque multo post Antonio Manrico Treuigni Comiti Ducis filio sensim eas arces reddidit atque dissimulanter. Clementia saepius quam seueritate reip. sanantur vulnera. Dissidiorum certe nebula opportuna benignitate, quasi solis radiis depulsis vnde saeva tempestas instabat, lux rebus reddita est & optata tranquillitas. Errant, qui in populi & procerum beneuolentia nihil opis repositum putant, omnia 20 regis metus. Itaque ad Ducem Alburquerqueum amplius promerendum de Ioannæ Aragoniæ neptis ex filio Cæsaraugustano Praefule coniugio cum eius maiori filio consilia agitata. Quod tamen connubium non coaluit: ac puella Ioanni Borgiæ Gandiensi Duci postmodum data coniux est.

De variis coniugiis actum.

CAPVT XI.

CAESAR vno tempore regibus Gallo & Ferdinando in sensus Ferdinandum accusabat in Castellæ rerum procuracionem precipitanter inuasisse controuersis cum ipso nondum compositis, neque lite diiudicata. Grauis ignominia visa est armisque vindicanda iniuria. Tria millia Germanorum uti ferebat fama, in Neapolitanos fines immittere cogitabat, quo gentem ad rerum nouarum studium concitaret. Simul ut Aragonii Cardinalis conatus iuaret Calabriae Duci in Italiam pertracto paternum regnum restituere parantis, praesidiis vndique ad id obtinendum petitis praevindictæ studio nulla nepotis cura. Neque deerant rumores suspicioni subiicientes Magnum Gonsaluum quasi praesentium rerum tadio quietis impatientia consilii eius particeps esset filia etiã maiori nupta Calabriae Duci. Destinare propterea Pontifici obsequi, copiarum eius & noui contra Venetos belli cura suscepta. Medacio habita fides, quoniã ad id inuitabatur annuo stipendio aureorum sexaginta millium. Quia honestissima conditio erat, famæ credebatur passim. Verum hæ suspicionis erant: inane prorsus quod de Cæsare ferebatur. Breui enim est intellectum vires illas, vnde rumores alebantur, velle in Mediolanenses fines & contra Venetos conuertere: utrisque inferre bellum. rex tamen Catholicus ex eo cautior, acriores custodias circumdedit Duci Calabriae, ne è curia se inscio posset elabi. Simul Ripagorsæ Comiti mandauit, uti Cardinalem Neapoli romam prorsus amandaret. Facto quidem alia praetenta species est, sed rumoribus plane nulla fides habita ad id ut recurreretur, effecit. Gallie regem expostulabat Cæsar Gheldrie ducem subleuare eo bello, quod Belgicis finibus importunus diu intulit. Praeterea Burgundiae fines armis vexasse, quo tempore in Italia Ferdinandus agebat, eius consilii particeps, uti ille accusabat. Ad hæc colloquium inter duos Reges Satorniæ institutum ante, suspectum monstri profecto simile aliquid allaturum credere. Coniugium Claudiam inter & Carolum toties patrum disturbare: ac ipso tempore agi de nuptiis regie puellæ cum Engolismorum Duce 50 dolebat dolebat scilicet impense: ubi rescivit impedire conatus Cardinalis Rothomagensis opera. Cæsaris votis multa patrocinebantur. ceteris omnibus validius fundamentum, in federe ad Hagenaum facto Mediolanensis principatus iura Gallo simul & Philippo Principi Cæsareo diplomate confirmata filiorum connubii inter eos spe certa fideque data. Coniugio disturbato indulgentiam concessam fore irritam. Ferdinando ea res curæ admodum non erat, quippe Mediolani principatus iacturam regni Neapolitani successore Carolo nepoti relicto satagebat compensare fedus violatum, alterius fœderis mota fide. Galli aures Cæsaris postulatis surde erant. Sic ille animum in Angliam reuocauit

uit Mariam eius Regis filiam Carolo iungi cupiens. In quo eo usque progressum est, ut in puellæ dotem designarent ducenta & quinquaginta aureorum millia: diem & locum celebritati nuptiarum præfigerent. Additum etiam ut Ferdinandi & Ioannæ Regum consensus exposceretur, ac renuentibus nihilominus connubium constaret. Cupiebat Anglus hoc coniugium, in quo tantæ commoditates inerant coire. Maior tamen & propior cura sollicitabat Ferdinandi voluntate sibi toro Castellæ Reginam iungendi; quod sperare non temeritas sed amentia erat. Dissimulabat tamen Ferdinandus spe inani senem lactans: ne se auersum coniugio præberet Catharinæ filiæ & Vualia Principis pacto. Anglus tempus extrahere aliam ex alia moræ causam nectere, ea cunctatione extorquere parans quod maxime optabat. Fraus utrinque eludebatur fraude, ac veluti contrariarum in vno corpore ægritudinum complicatio utrosque male habebat. quo morbo fere Principes magni laborant, expugnantibus inter se studiis vita componitur haud leui molestia labeque eorum felicitatis. Mors Angli breui subsecuta intempestiuos intercepit conatus. Plerique vulgo Ferdinandum accusabant, quasi Gastoni Fuxensi leuiro suo Reginam filiam coniugem destinaret suis & Gallia uunculi viribus regnum Vasconum adepturo: quod illi iniuria ereptum prædicabant. Sed & Hispanum peculiaris dolor incitabat, & studium eos Reges vindicandi ob auersum penitus à se animum: nullam prætermissam occasionem susceptam simultatem testandi. Recensque apertum odii documentum extiterat Lerini Comite ditione spoliato nulla sui absentis cura, quamuis gnari sororii iniurias ac in eius præsertim patrocínio delitescantis, pro suis habiturum. Eo maiori offensione quod legibus disceptare, uti post suum aduentum expetierat, profugo ditione restituta recusarant, parato quamuis multam subire, quam delecti consensu iudices iuxta leges indicerent. In Germaniam peruenerat Ioannes Emanuel minori iam apud Cæsarem gratia & auctoritate quam antea. Miseros cuncti destituunt: neque mala in vno gradu resistunt. Delusus ergo spe sua ac suscepti frustra itineris pertæsus reuocare cupiebat, atque in Hispaniam redire. Eo consilio petiit à Ferdinando è duobus alterum. Ut eius venia reduci bona pristina reponeret, atque eo loco haberet, quem generis nobilitas & priora merita postulerent. certe cum vxore & liberis in Lusitaniam ire concederet. Quod si iustissimis postulatis non moueretur, facturum haud dubium quod solent homines desperati. Nullam esse potentiam cui non sit periculum etiam ab inualido, præsertim si ad vires furor accedat. Nullum responsum datum: maiores noxæ erant, quam ut veniam speraret. Ita è patria exul miseriis coopertus ac profugus minori quamuis Principis fauore ingenii tamen acumine dexterritateque agendi, dissidiorum inter eos Principes sementem facere impedire concordiam nunquam destitit egregius dissidiorum artifex. Iuuabat conatus Bernardinus Caruaialius Pontificis ad Cæsarem legatus. Sic vulgo suspicati sunt homines. coniecturæ accommodata fides propter turbidum vtriusque ingenium parem actionum varietatem. Et quoniam Cardinalis propinqui, à rebus Ferdinandi auersi regni procuratorem esse constitutum ægre neque dissimulanter ferebant. Suscepta sinistra aduersus

40 Cardinalem suspicione Ferdinandus à Pontifice porro petiit Legati munere detractum eum actutum Romam reuocaret: acerrimam discordiarum facem amoueret. Quod ægre quidem sed impetratum est tandem.

De Caroli Principis in Hispaniam aduentu actum.

C A P V T XII.

Bellicos apparatus à Cæsare institutos declarauit euentus non ad occupandum Neapolitanum imperium, uti erant homines suspicati & fama ferebat, pertinere: sed aduersus Gallum Regem pro Mediolanensi principatu & Venetorum dirione. Ferdinandus rex & Pontifex, ne ex eo initio veniretur ad arma, sollicitare non desistebant, sin minus pace facta certe pactis induciis viam aliquam concordie inirent. Id Cæsari non placebat pactum fieri nisi magno suo commodo adiunctis conditionibus. quas Gallus non probare dignitatis memor, insolentia omnis impatiens. Omissa igitur pacis mentione, Cæsar Margaritæ filiæ Belgarum procuratore delegata se in iter dedit Italiam versus mense Ianuario salutis anno millesimo quingentesimo octauo auspicante. Proximo mense Tridentum 1508. peruenit modicam urbem in Alpium faucibus sitam. In ea solenni cæremonia more maiorum, cum in Italiam ad imperii coronam contenderent, selectum Imperatorem dixit, nam antea regis romanorum nomen tantum prætulera. Brandenburgensi Marchioni imperii militaris summam detulerat ad iter profecuto. Copiæ exigua

erant, neque magnis conatibus idoneæ vires. A Erarii inopia premebat inagnis semper molitionibus aduersa. Regi tamen non poterat generosus ardor animi quin viribus maiora captaret. Bellum ad Cadori vallem ditionis Venetæ inchoatum est, cum repente nuncius Heluetiorum quinque millia Gallicis stipendiis in Italiam festinare, Cæsarem in Sueuiam reuocauit, si conuentus Sueuici auctoritate disturbarer eas copias. Nihil ea diligentia profectum. Nouo tamen nuncio, Gallicas copias in Lucemburgeneses fines irrumpere eo continuo quasi belli Italici oblitus accurrit. Pudenda inconstantia ac cōsili-
orum varietate circumactus irritō sæpe conatu cogebatur in medio cursu deficere: moliri multa, nihil ad exitum perducere cum ignominia labeque. Eius discessu maior Germanorum pars, qui in Cadori valle manserant, signa deseruere castraq; Duo millia qui
supererant, à Venetis copiis maiori numero somno meroque sepultos ante lucem impressione facta improuiso aduentu conciderunt. Longe alia Ferdinandi Regis ratio erat agendi. Arrepta quamuis atque certis præfidiis Castellæ procuratione stabilita, memor tamen rerum humanarum, quæ fluxæ & instabiles, sæpe in contrarium migrant, neq;
ignarus non paucos obstinata mente rerum nouarum consilia agitare, nullo loco desse, vigilare, quosdam terrere metu, aliorum inuidiam beneficiis expugnare. In eo numero præcipue se ostentabant Alfonso Manricus, Roderici Manrici Magistri D. Iacobi filius idem Pacis Augustæ præsul, & Cataniæ in Sicilia Episcopus Petri Nunnii Gusmani Calatrauæ Clauigeri frater. Ii postquam deserto Ferdinando Philippo regi
adhæserant, sublata emergendi spe dum is rerum potiretur, ex desperatione animos ob-
stinauerant, priorem errorem nouo & grauiore cumulantes. Pontifex de ea re appellatus, Toletano & Burgenfi Præsulibus inquirendi in eos Episcopos potestatem fecit. Ad-
uersus regem tantis offensis irritatum tueri innocentiam qui possent? Alfonso Manricus fuga in Belgas concedere tentauit. Captus tamen non procul Santanderio in Asturibus à Francisco Luxano Trasmieræ seu Ultramontanorum tunc Prætor, aliquandiu in Atiensæ arce detentus, demum in Toletani potestatem, iuxta Pontificis mandata est
contraditus. In Germania Iacobus Concillus Giracii Episcopus à Ferdinando legatus Cæsarem, vti erat mandatum, monere non desisteat: Carolum Principem in Hispaniam mitteret. prouinciæ moribus à prima ætate imbui ad stabiliendam successionē &
studia gentis confirmanda, q̃ res alia fore salutaris. Ferdinando ipso superstite ausurum
neminem ea iura mutare: eo sublato quin procures Ferdinandum Infantem nota probataque indole natum educatumque in Hispauia fratri præferrent, neminem posse
vlla arte aut viribus præitare. rebus in Hispania turbatis, quæ Italiæ imperium staret? Perspicaci & cauto Ferdinandus ingenio auertere mala cupiebat, quæ repudiato eius consilio in Hispania paulo post sunt subsecuta. Nunquam enim Cæsar adduci potuit,
vt Carolum concederet in Hispaniam venire nisi rerum secum procuratione participata, regionum vectigalium parte concessa, vnde inopiam suppleret subsidiaque parata haberet variis & arduis conatibus sæpe supra vires susceptis. Quibus promouendis præter alia mille & quingentos milites, Gallo à Ferdinando auxiliares
datos ad se traduci postulauit. Verum Franciscus Ormedes ad id à Ferdinando missus
effecit vt in Galli fide & obsequio perstarent, nulla cura Brandenburgeris, qui eos quasi Cæsaris subditos neque iussis obsequentes neque respondentes ad nomina, maiestatis reos pronunciarat. Enimuero Cæsar rerum in Castella arbitrium arrogabat
sibi: irritatis amplius voluntatibus, quod Andreæ Burgium rursus à Cæsare legatum Hispaniæ aditu prohibuissent. In quo grauissimam contumeliā contineri ille quidem interpretabatur malo vindicandam iniuriā, si virēs voluntati pares sup-
peterent. rex Lusitanus his contentionibus liber hominis famam per omnes Orientis oras latissime propagari, anniuersariis nauigationibus struere opes, nouis identidem victoriis maris Indici imperium occupare, inuicta virtute ducum pariter &
militum, neque minori felicitate. Calecutii & Cambaiæ reges maxime infensos Lusitanorum conatibus, eoque Cocini aliosque minutos reges vexatos bello, quasi
Lusitanos portubus exciperent, commercioque subleuarent victos sæpe acie multisque illatis cladibus castigarunt, quasi frænâ asperioribus domita contumacia,
pauci innumeros, indigenas aduenæ ex vltimis orbis partibus.

BAetici proceres ægre tulerant nullam eorum rationem à Ferdinando Rege fuisse habitam, cum primum rediit in Hispaniam: & qui Castellę procerum voluntates magno redemerat, nihil ipsis, qui neque potentia neque opibus illis concederent, à sene parco esse datum. Inuidia in præceps dabat alienis semper incrementis anxia: dignitatis tamen species obtendebatur. Cunctos ea molestia premebat. præ cæteris tamē Petrus Ferdinandus Corduba Prieghi Marchio & Egabri Comes de iniuria expostulatē, parati dolorem vindicare, si qua se occasio obtulisset. Accidit ut in rixa populari temerē Cordubæ concitata, regii ministri ē fontibus vnum in vincla raperent. Ioannis Ariæ Cordubensis Episcopi aulici correptis armis captum per vim eripuerunt ne in custodiam daretur. Commotus ea temeritate Rex Burgis, ubi erat, misit Fernandum Gometium Ferreram quatuoruirum in curia rerum capitalium, ut quæstione habita noxam eam vindicaret legibus. Inchoata, ut erat mandatum, cognitione Prieghi Marchio monet, ne ulterius progrediatur priusquam abs rege noua veniant mandata: esse quæ cum illo cōmunicanda videantur, interim tamen vrbe discederet. Non audacia sed temeritas erat, regia auctoritate armato iudici obistere. leuius crimen grauiore cumulatū. Negat ille facturum quæ Marchio volebat, ac potius illi & fratri verbis Regis mandauit, continuo ex vrbe discessum. Grauis ea contumelia visa est, neq; dissimulanda iniuria. Contracta militari manu, reque cum vrbano senatu cōmunicata, captum iudicem in Montillię arcem suæ ditioris custodiendū misit: ac deinde paulo post libertati reddidit iussu Corduba abstinere, malū iudicio pareret minatus. Insolens facinus maiori regē impleuit ira, tēpore minime idoneo turbari Marchionis importunitate rēp. Eo festinare cōstituit certus vindicare ne prauum exemplum dissimulatione in plures diffunderetur. Mensis Iulii finē Burgis profectus Arcos, ubi Regina erat peruenit. Tunc Ferdinandum Infantem vię comitem esse voluit, specie quidem valetudinis tuendæ, re à matre abstrahere erat destinatum, ægre quamuis ferente filii absentiam. Dies aliquot Vallisoleti consumpti. In eo municipio Ioanni Riberæ limiti Vasconum præfecto mandatum est ut eum suis cohortibus circū Arcos tenderet Reginæ præsidio fururus. Si qua vis existeret Magistri equitum maris Præfecti, Albanique in eo tractu morantium, opem si opus foret adiungeret. Militari delectu contractas copias se comitari Rex voluit vlciisci iniuriam constituens: qua violata regia auctoritate, nisi esset occursum salutari seueritate periculum erat ne respublica tempore importunissimo turbaretur. Hispali quoq; Eriecus Velascus Vrbanus Prætor voce præconis denūciauit, ciues ut sexaginta annis minores, maiores viginti, parati essent Regē prosequi cum armis, aut quē ille iussisset, Marchionis insolentiā vindicatum. Gonsaluus cognita Regis ira, iræque causa de euentu sollicitus his omnino verbis ad Marchionem litteras dedit. Super errore commisso id possum tantum scribere: fore salutare consilium si continuo ad Regem supplex venias in eius potestate futurus. Quod si feceris, vindictam denuncio sed tolerabilem, si renuis, exitium. Anxius ancipiti periculo Marchio patrum monitis obtemperare tamen decreuit, proceres etiam lenire Regis animum, gnari id exemplū ad omnes pertinere seu seueritatis seu clemētiæ. in vnius causa cunctorum fortunas & dignitatem disceptare. Gonsaluus præ cæteris querebatur acerbiorē, quā par esset, vindictam parari. Pœnitentiæ argumento ad Regem ultro venire, quid amplius sequi vellet? Imprudentis Iuuenis noxam Alfonsi Aquilarii patris meritis donari num æquum videretur, in bello non ita pridē occisi, ut maxime recētes ipsius labores & molestiæ graues de memoria excidissent? Regi certū erat, nullis precib. moueri, gratiæ inexpugnabilē se p̄stare. Ita Marchio omni alia spe destitutus Toletū, quo rex p̄cesserat, veniens se suaq; eius clementiæ permittit. Iussus ad vigesimum lapidē à curia abesse arcesque tradere fidei obsequi; pignora continuo obtemperauit. Cordubam ubi ventum est, Regem prosequentibus equitibus mille, peditibus triplicato numero, Marchio ē vinculis more gentis causam dicere est compulsus. Postulatus lege maiestatis à Fiscī procuratore, nullum criminis responsum dedit, precatus tātummodo Regem si nō veniam certe vindictę modum. Maiorum meritis eam gratiam daret, noxamque condonaret, in posterum meliora polliceri. Peracta cognitione nonnulli e Cordubensi nobilitate, quorū maior noxa extiterat, capitis damnati sunt, aliis e plebe laqueus vitæ finis fuit. Alfonsi Carcamī & Bernardini Bucanigię in tecta e desque sequitum est: quo supplicio perduelles gentis instituto vindicari solent, ut sint reliquis documento, & supplicii magnitudine perterreantur alii. Duorum noxa præcipua, cum quatuoruiro iniectæ sunt manus affuisse, Marchionem familiæ nobilitas tutata est, ultroque ad Regem venisse culpę deprecatur.

torem, ut leuior vindicta esset & tolerabilior. Exilii tamen indicta poena ab ea vrbe perpetui, ex vniuersæ Baticæ finibus dum Regi placeret. Præterea arces omnes demptæ sunt, Montillia ædes arcis adinstar à fundamentis euersæ. Maius id tamen supplicium quibusdam visum est quam pro delicti modo. Ac Gonsalvus Regis seueritatem fauitiæ proximam detestabatur: quem neque defunctorum, neque superstitum præclara facinora flecterent: opes maiorum sanguine fundatas euerti impense dolebat scilicet. Oc cultis hæc sermonibus & inter fidos agitata ne infensus animus irritaretur amplius. Magister equitum apertius dolere, ac duo in causa accusare potissimum. Contra morem maiorum institutam contra Marchionem cognitionem, nunquam Magnatum seu Dynastarum causam aliis delegari iudicibus consueuisse. Regi soli in eos animaduertendi fuisse facultatem. Eum semper honorem ordinis dignitati habitum. Deinde se auctore Marchionem ad Regem venisse: sic in eius supplicio violatam fidem suam expostulare. Periculum erat ne alienato tanti viri animo, regni que finibus digresso noui ac turbulenti motus existerent, Ferdinandi nondum auctoritate satis firmata, multis in prouincia ex arcano æmulis. Corduba Henricus Toletus & Ferdinandus Tellius Iureconsultus Romam legati sunt verbis Reginae obsequium Pontifici delatum, quod eatenus officium præstitum non erat temporum multa varietate. Iisdem diebus Bernardinus Caruaialius Cardinalis detractæ legati munere, quo in Germaniaungebatur Romam euocatus est. Ferdinandi id Regis votis ad amouendam suspicionem eum ad Cæsarem inclinare, datum. Neapoli Hungariæ Regina decessit ea inopia ut funeri exequiisq; Prorex de publico pecuniam suppeditaret. Sepulta est in ea vrbe ad Petri Martyris: qua in æde Reginae etiam matris tumulus extat. Corduba Ferdinandus præcipiti autumno discedens Hispalim iniiit insigni ciuium apparatu, pompa, plausuque. Aderant Ferdinandus Infans, & Germana Regina præcipua spectaculi pars. Henricus Assidonius minor ætate à patre relictus in coniugium pacta Maria Gironia in Petri Gironii (puellæ is frater erat Comitis Vreniæ filius maior ardenti iuuenis animo) tutela ex patris testamento acquiescebat. Petrus & suis opibus & sororii viribus concitare in prouincia motus: ipsi quin etiam Prieghi Marchioni opem ferre tentauit. Feruor ætatis agebat in præceps. Assidonius neque iuuare eos conatus, neq; repugnare alieno imperio obnoxius propter ætatem & imbecillitatem sensus. Regi destinatum erat, conatus coercere, Assidonii arces in potestatem redigere. Eius iram, quo tempore Baticam petens Valisoleti substitit, Vreniæ Comes veritus filium in potestate futurum recepit, arcesq; adeo traditurum regi. Magister item equitum pro Assidonio sororis filio se vadem obtulit officio non defuturum. Promissis non responderunt facta. rege Hispalim appulso tum Petrus tum Assidonius restitere Assidoniæ: neque regem, uti par erat, salutatum accessere: ne euocati quidem nisi necessario cunctanterque. Hispalim tandem ubi venere, Petrum Gironium ea tutela moueri, atque Hispali & Assidoniæ finibus discedere iussum est. Contumaciæ merces exilium. Assidonio quoque mandatum arces, uti ante conuenerat, traderet. Graue mandatum est iussum: neque morem gerendum. Nocte quadam in Lusitaniam vterque discessere regia seueritate commoti: at præcipue suscepta suspicione Assidonio nouam sponsam destinari, priori pacto rescisso, filiam Cæsaraugustani Præsulis, atque ex eo Regis neptim: mutatis equis festinantes retinere non licuit: quod erat vindictæ proximum, Præfectis, uti artes dederent iussum est, malum nisi obtemperarent passuros. Nieblæ & Triguero Præfecti parere recusarunt. Mercado quin etiam quatuoruiro rerum capitalium ad id misso, ac de deditioe appellanti Nieblæ incolæ portas clausere. Gratiæ facinus missæ abs Rege copiæ breui vindicarunt oppido per vim capto direptoque. Crudele exemplum, paucorum culpam etiam innoxios luere: sed quo commoti ceteri mox imperata fecerunt. Hispalensi Præsuli aliis viris primariis quasi sequestris arces sunt traditæ: ac regio consilio in Petrum Gironium cognitio permissa. Offensis noua seueritate proceribus Magister equitum litteras expostulationum plenas ad regem dedit, qua in ceteris libertate fiduciaq; Regi tamen deliberatū erat procerum contumaciam frænare factumque contundere. Id dū assequeretur quid homines loquerentur, penſi non habere. Toletanus qui Fordesillæ substiterat, regios conatus consilio & opera iuuare, malis medendi prouinciamque pacandi eam tutissimam esse viam, ac vestigio sæpe calcandam omnibus sermonibus dictitans.

DVM Baticæ fluctus in malaciam componuntur autumnus abiit. Belli Africani cura sollicitabat: Lusitanisq; auxilia sunt missa in ea prouincia periculo proximis. Ferdinandus Rex quasi ex altissima specula in omnes partes despicere non cessabat, vniuersam Christianam rempublicam animo & prouidentia complexus. Ea tempestate spes atque opes cunctorum in eo sitæ erant. Phutense regnum cognitum est in partes diductum tumultuari, à Rege Mauro duobus eius fratribus dissidentibus. Opportunam ex eo occasionem oblatam rei Christianæ noua expeditione in Africa promouendæ, Mauros impugnandi. Valida classis in Malacæ portu instructa, prædatoriæ Veleſii Gomeræ biremes nostris nimium assuetæ littoribus Granatensem oram nudatam præsidio nautico late depredatæ sunt. Accurrit Petrus Nauarrus, cui expeditionis Africanæ summa permissa erat: Aliquot biremibus captis nostris spoliis graues, cæteras est insecutus ad insulam Veleſio obiectam commune piratarum perfugium. Arcis eius insulæ, cui Penonio est nomē, impositi præsidio ducenti milites, visis nostrorum triremib. suspicati urbem Veleſiū petere, relicta arce in continentem traicere ciuib. præsidio futuri. Arripuit occasionem Petrus Nauarrus arceq; continuo capta, quoniam portui imminet & ex aduersum vrbis sita est excusæ inde tormētis pilæ nihil ciuib. tutum reliquere, prorsus vt in subterraneis specubus conditi salutem tutari necesse haberent. Capta est arx ad decimum kal. Augusti.

Cōmoda imprimis ea possessio visa est de Africa cogitantibus, munitæ operibus militare præsidium decernitur. Lusitanis ad oram Oceani maris cum Mauris bellum erat. Proferendi fines opportuna videbatur occasio oblata. Zeianus, Phutensis Regis patruelis, si se duce considerent, Azamorem nobilem eo tractu urbem venturam in potestatem pollicebatur. Maurica fides plerisq; suspecta erat: sæpe antea pacta conuenta ludibrio fuisse. Rex tamen Emanuel Mauri verbis confusus parata classe quadringentos equites pedites supra duo millia mittere in eam rem constituit ductore Ioanne Menesio magno rei militaris aduersus Mauros vsu, magna peritia viro. Olisipone ad septimum kal. Augusti profecti, idoneisq; tempestatibus ad littus Africæ prouecti opinione se falsos inuenerunt Maurica fraude delusos. Ciues enim, qui magno numero erant, urbem eximie tutati sunt. Zeianus tamen impostor eo terrore à ciuib. quas voluit condiciones expressit, sicque Lusitanis desertis, quod fuerat initio propositum, ad hostes transiit. Irrito Lusitani conatu metuque maioris mali naues repetiere. Sæuebat ventis mare: cæca & humilia vada prope vsu tantum indigenis nota, minori præterea estu, quod luna senesceret. Sic naues aliquot in iis vadis hæſere vnaque triremis. Reliqua classis quia cursum tenere non potuit, ad fretum Gaditanum deflexit. Necessitate factum vertit in bonum. Phutensis enim Rex Lusitanorum audacia irritatus, an nominis famam extendendi cupidus contractis numerosis copiis equitum peditumque Arcillam circumſedit ad quartum decimum kal. Nouembris die Iouis vrbis præsidio præfectus Vascus Coutignus Borbæ Comes primo die hostium impetum magna virtute sustinuit. Verum die

proximo muri parte strata ruinis adituq; patefacto Mauri in urbē vi irrupere. Pugnatum est in plateis acriter multis cadentibus, Comes brachio sagitta icto in arcem se suosque, quos potuit in ea trepitatione, recepit, haud satis munitam instructamque commeatu, bellicoq; instrumento vt in nullo tali metu. Impugnata arx tormentis bellicis cuniculisq; vndiq; sub terra excauatis. Quanto in periculo obsessi versarētur, Tingi vbi Ioannes Menesius agebat, & Hispali, quo Ferdinandus venerat, breui nunciatum est. Menesius classe ad ea loca delatus instituto biduū cum hostib. certamine, pulsisque arcis propugnaculo, quod ceperant, obsessos supremo exitii periculo eripuit commeatu & milite in arcem illato. Petrus quoq; Nauarrus Heraclea, vbi cum sua classe erat, iussus à Rege est eodē festinare. Præcessit Ramirus Gusmanius Cæsariani Prætor naui trecentos pedites, aliquotq; vrbanos equites auxilio secum ferens. Cum spe defensionis obsessis animus etiam accessit. Menesio & Ramiro in arcem ingressis non tueri mœnia, sed eruptione facta cominus cum hoste pugnari ausi procul Mauros à fossa remouerunt. Aduentus Petri Nauarri eo delati tertio kal. Nouemb. fluctuantes inter spem & metū Lusitanorum animos porro confirmauit certa victoriæ spe. Continua enim globorum procella classis disploſis tormentis quassatos afflictosq; ex aperto latere Mauros deferere castra coegit: ipsumq; Phutensem Regem incensa vrbe Alcaſarquiurum cum copiis redire. Clara in præſenti victoria, in posterum vsui fuit territa eo exemplo Maurica gente, ne eodē impetu alias Lusitanorum eo tractu arces inuaderent, quasi ex vicina Hispania ad vim arcendam auxiliis paratis. Eduardi Menesii pro patre Ioanne Menesio Tarocæ Comite, Tingi Præ-

fecti, & Roderici Sose Alcaſarum obtinentis animi ſunt à metu confirmati, quem ſi Ar-
cilla eſſet amiſſa ingentem conceperant diu & ipſos ſuſtentare non poſſe. Miſere duces
in Luſitaniam & Caſtellam litteras de victoria laureatas læti ſucceſſu. Emanuel Rex
cognita victoria tum Petrum Nauarrum & Cæſariani Prætorem ampliffimis verbis
laudatos, ſex cuique aureorum millibus muneratus eſt: quod illi munus accipere recu-
ſarunt contenti præclarique operis conſcientia & de regis ſui munificentia maiora præ-
mia ſperantes; tum Regi Catholico ita gratias opportuni auxilii egit, vt non obſcure ſe
læſum ſignificaret Penonio arce à Nauarro occupata, quippe regni Phutēſis parte, quod
illi impugnandum iure finium erat per conditiones antea attributum. Excufaui Ferdin-
nandus Veleſium cum contributis arcibus ſui iuris eſſe, neq; Phutenſi Regi obnoxiam
ſed Regi proprio ſeruire. Vt res tunc erant oneri potius Luſitanis quam lucro, magna
neceſſario impenſa eam arcem retinendam fore, ne Granatenſi littori ex ea proſecto
piratæ imminerent. Et alioqui ſi ad Phutenſe regnum pertinere eſſet exploratum, liben-
ter ea poſſeſſione ceſſurum cum primum ea ipſe parte Africæ bellum inferre fixum ha-
beret. Interim alieno ſumptu quid vexaretur? In Aragonia Lerini Comes menſe No-
uembri Arandæ oppido annis quidē grauis, maiori tamen animi ægritudine cōſumptus,
propter exiguam opem à Rege leuiro rebus allatam deceſſit, filius Ludouicus Beamontius
prioris aduerſus Vaſconum Regem ſimultatis non minus quam fortunarum iurium
& actionum defuncti heres.

Fædus Cameraci ictum.

C A P. XV.

20

IN maxima hyemis ſæuitia, qualem non viderant Ferdinandus Rex Hiſpali relicta in
Caſtellam redire neceſſe habuit. Feſtinationis gemina cauſa extitit. Petrus Gueuara
Dieghi frater ex Germania indiſſimulato habitu veſteque plebeia per fines Cantabriæ
in Hiſpaniam ingreſſus, atque ad Pancorum captus fuerat. De eo Septimancis, quo
deductus eſt, quæſtione tormentis habita cognitum, multa proceres arcano cū Cæſare
conſilia agitare reip. exitialia. In eo numero atq; indicio principes erant Magnus Gon-
ſaluus, Anagari Dux, Vreniæ Comes. Quia probabilia, vera dixiſſe index creditus eſt. Sæ-
pe etiam falſum quæſtione expreſſum veri vicem obtinuit. Deinde Infantatus Dux cum
aliis proceribus conſpirare nunciabatur aduerſus Ferdinandum Regem: quodq; vehe-
mentius vrebatur Hiſpani Cardinali conſcio atq; particeps, ita tamen vt neq; flammam in-
uidiæ accenderet, neq; pro auctoritate penitus reſtingueret. Grauis pleriſq; ſeueritas
Ferdinandi erat, ſuum quisq; dolorem quaſi ignem, reip. ruina lenire non dubitabat. Su-
ſpecta imprimis Gonſalui & Magiſtri equitum familiaritas erat, atq; rebus omnibus ani-
morum coniunctio. Offenſus vtriuſq; animus ingentesq; ſpiritus timebantur, oblatam
doloris vindicandi occaſionem non prætermiſſuros. Infantatus Duce placando ſanan-
doq; Tendilliæ Comitum prudentia multum iuuat, pro ea propinquitate monentis eū mo-
nentis neceſſarios lubricæ viæ ne inſiſterent. væcordiâ multis exitiale paucis commodo
 fuiſſe. ſi quid offenderet in rep. meliora in voto haberent, qualiacunq; tolerarent. Reli-
quos Rex ingenii dexterritate qua metu, qua blandimentis & beneficiis ſedauit. Ac no-
minatim cum primum per Vectones Salmanticam appulſus eſt Villenium ſibi deuinxit
pro Villena & Almanſa, quæ ille expetebat, oppida, annuo vectigali designato, quantum
ex iis oppidis percipere eſſet ſolitus additis inſuper, quo gratius eſſet donum, in Grana-
tenſi regno oppidis Toloxio & Monda. Honeſta æquaq; compenſatio ipſi etiam Villenio
viſa eſt. Cæſari propoſitum erat cum Gallo Rege paciſci: æquum ſe omnib. controuerſis
præbere ſi Ferdinandi amicitia renunciata, acceptas potius ab illo iniurias ferro & alienis
viribus vindicaret, dolores vlciſceretur tum veteres multos, tum recētes Andrea Burgio
legato ſuo ſinibus prohibito & capto Petro Gueuara internuncio, digna videlicet ſuppli-
cio contumelia. Vti in colloquium de pace veniretur cōſtitutum erat. Margarita Prin-
ceps pro patre vicaria, Rhotomagenſis Cardinalis Pontificis & Galli regis nomine de
conditionibus diſceperent Cameraci vrbe ad confines Gallicæ & Belgicę ditionis pri-
maria. Acceſſit vltro an inuitatus Iacobus Albion pro Ferdinando rege in Gallia orator,
Gallum inter & Cæſarem fædere factō Ferdinandū excludere deſtinarāt. Summa tamen
Pontificis cōtentione commutata repente voluntate, vt tres Principes inter ſe & cum
Pontifice, de quo ſæpe actum erat, armorum ſocietatem conſtituerent, impetratum ad-
uerſus Venetos iniuſtos multarum vrbiū poſſeſſores: quas ſuperiore tempore aliā alia de
cauſa veris dominis detraxerant, Pontificū quoq; violata maiestate diuinę proxima. Initi
fæderis hæ leges fuerunt. Sociis bellum cū Venetis eſto donec ſinguli ereptas ſibi vrbes
& oppida recipiant. Qui prior ſua obtinuerit, alios nihilominus ſocios iuuato, dum &
ipſi

ipsi suæ sint partis & voti compotes facti. Cæsar & Gallus per se ipsos bellū administrato: neq; id munus ducibus deleganto. Bello inchoando Aprilis kalendæ designatæ sunt proximi anni. Quo tempore Cæsar pollicitus est Gallo Mediolanensia iura nouo diplomate confirmaturum, numeranti modo in præsentī centum aureorum millia in posterum fide data opem ferendi, dum Cæsar sui iuris vrbes Venetis auferret, neq; propterea ipse cogeretur Gallum iuuare in pari conatu detrahendi Venetis, quæcunq; ad Mediolanensem principatum spectarent. Controuersia inter Cæsarem & Regem Catholicū ne fædus disturbarent, cautum vt continuo consensu iudices designarentur qui ex æquo & bono eam litem dirimerent, cum primum bello Veneto finis esset. Additum præterea vt
 10 Allobrogum Ducem ad commune fædus inuitarent Cypri insulæ, quam Veneti occupant iniecta spe. Item Ferrariensem Ducem & Mantuanū erepta quoque ipsis oppida si communibus armis extorquere vellent. Rapitur in præceps animus cupiditate inflammatus, neq; in mediocritate consistit. Gallus & Ferdinandus quorum arbitrio Florentini & Pisani suas controuersias permiserant præ studio promouendi pactum bellum Pisanos Florentinis hostibus tradiderunt sententia pronunciata, nulla famæ memoria. Sed honesta factio species prætentæ est: Italiæ pacem aliter constare non posse, cuius prima cura erat scilicet noua bella & internecina meditantibus. Suspicio fuit Florentinorum viribus vti voluisse aduersus Venetos: ac centum aureorum millibus, quæ Florentini si secundum ipsos causa data esset, polliciti erant Pisanorum libertatem, qui se eorum fidei permiserant, turpi mercatu vendidisse; magno tantorum Principum dedecore infamiaq;
 20 maiori Ferdinandi, cuius clientele & patrocinio se suaq; Pisani permiserant. Verum quid attinet horum Principum peccata accusare? familiare est cunctis præ studio habendi plura, nihil præterea curare. Aut quis oblata imperii amplificandi occasione leges honestatis & pudoris respiciat? tetra libido dominandi cæteris affectibus maior. Cameracense fædus ad quartū Idus Decembris sancitū est. Margarita Princeps pace facta in Heduos discessit oppida quædam à Gallo acceptura, quæ ex pacto fædere erat Belgarū imperio redditurus. Hoc ipso mense Robertus Salerni Princeps extinctus Neapoli est; Ferdinando filio in tenera ætate relicto hærede non magis principatus, quam perpetui atque exitialis in Aragonios odii: quod consequentibus annis tandem malo fuit. Pueri mater Alfonsi Ducis Villeformosæ soror Marina Aragonia nupsit paulo post Plombini
 30 regulo ex Regis patrui voluntate. principio is anni proximi Vallisoleti corā Pontificis Nuncio Cæsaris & Galli Regis legatis initi fæderis conditiones iureiurando sanxit.

Classis a Sulthano in Indiam missa contra Lusitanos. CAP. XVI.

ARdebat magnus AEgypti Sulthanus Campson nomine, incredibili cupiditate exturbandi Lusitanos ex vniuersis Indiæ oris. Multa vt in eum conatum ingrederetur barbarum incitabant. Ac præsertim Calecutii & Cambaiæ Reges in eam rem opem omnem & vires polliciti. Accessere in partes Veneti, vtī superius indicatum est. Mercēs Indicas
 40 & aromata post Lusitanorum in eas oras aduentum auersas in occasum, quæ antea Alexandriam deuehi solitæ erant magno regionum vectigalium incremento totius provinciæ & vicinarum gentium fructu, dolebat scilicet impense Sulthanus, dolebant Veneti, propinqui longinque. Quid faceret? quam rationem incommodo mederi institueret? Bellum inferret? At multa ab eo conatu retardabant. Incerti bellorum exitus, classis edificandæ difficultas nulla in AEgypto cædua materia, pecuniæ in stipendium sublata ab hoste facultas. Tentare Pontificem visum est, si minis propositis excindendæ in suo imperio Christianæ gentis à stirpe Lusitani desisterent. Ita Maurus Franciscanis Hierosolymæ præfectus in Italiam atque Hispaniam legatus in eam rem fuit, vtī superius commemorauimus. Parum spei retulit facturos Hispanos quæ cuperet. Vim adhibere &
 50 metum placuit. Materia aliunde aduecta & ad Cairū elaborata ac tandem Sueciū Rubri maris emporium, quæ ciuitas heroum fuit tridui itinere camelis deuecta constructa classis triremium sex onerariarum quinq;. Octingenti Mameluci in eam classē impositi (sic milites vocant Christianis parentib. natos eius imperii robur apprime bellaces.) Vniuersæ administrationi Mirocemus præficitur natione quidem Persa, cæterum rei militaris & nauticæ peritus in paucis. Suscepta is maritimæ expeditionis cura quamprimum è portu soluit, atq; Rubri sinus fauces egressus præter littus Arabicū superato sinu Persico Diū appulit Cambaiæ insulam & urbem nobilem fama & commercio eo confluentium mercatorum. Franciscus Almeida Prætor eius molitionis ignarus Laurentium filium cū octo nauibus miserat ad tuendū Indici maris imperiū, simul vt nauibus, quæ onustæ mercibus

Cocino in Lusitaniā ibant, præsidio esset, ne qua vis extaret. In eo itinere multis Maurorum nauib. in variis portubus incensis, ad Ciaulum in ancoris stabat expositis in terram eopiis periculi securus. Eo loco de aduentu AEgyptiacæ classis est cognitū, seq; Melichiacum pro Cambaie Rege Dio Præfectum cum triginta quatuor prædatoriis biremibus Persæ adiunxisse. Priusquam moliri ancoras posset, aut se ad pugnam comparare, hostium legentes littora quinque tantum naues conspexere. Parum eo spectaculo Lusitani commoueri, quippe ex numero suspicati Alonsum Alburquerqueum, quem venturum propediem expectabant, iis nauibus vehi. Dum suspensis animis hærent, percussa paulo acriore vento vela naues hostiles in portū intulere. Tunc Lusitani sua se opinione deceptos dolere: improviso metu cōsternati, arma tamē expedire. Atq; eo die eminus tantum pugnatum est tormentis igneis vtrinq; displosis maiori fragore quam dāno. Die proximo Laurentius suorum virtute confusus si cominus ventum esset ad manus impetu facto, in Mirocemi prætoriam transilire tentauit. Frustra is conatus fuit. iniicere harpagones ferreos in hostilem nauem non potuit, grauior naus sua ne in vadis hæreret veritus, maris præsertim æstu remittente aquisq; in suum recurrentibus fretum reciproca vicissitudine. Sagittis quoq; & globis ex hostili naui nempe altiori afflicti pleriq; è militū & nautarum numero: ipse gemina sagitta ictus est grauius. Accepti incōmodi leuamen aliquod extitit quod Pelagius Sosa & Dieghus Paresius cum sua quisq; triremi inuecti in singulas naues hostium, vtramq; ceperunt. Is finis eo die pugnae fuit haud satis cōmoda. Die tertio Melichiacus qui ita subsidii manserat retro, cum suis biremib. in portum inuehitur. Eius aduentu desperata Lusitani victoria nouoq; metu proposito in altum cedere, suosq; certo periculo eripere tentant. Ergo de media nocte sublati velis e portu egredi contendunt. Non latuit ea res hostes quippe propinquos neque desides: ac miseros plerumq; cuncta p̄sidia destituunt, cadunt præpostere q̄ prudenter erant cogitata. Cedentes vrgent barbari, atq; impetu in prætoriam facto q̄ postrema ibat, vnam multæ circumstantes premunt. Cæbris tormentorum ictibus verberatis lateribus, laxataq; asserum cōpage vndā accipit: nouoq; aquæ pondere grauata hæret in vadis. Triremes opem ferre conantes recedens magno impetu cœtus impedit. id quoq; incommode accidit. Destitutam tamen hærentemq; nauim accedere prope hostes non audent. Tormentis eminus verberant, resistunt acriter Lusitani, vt tempus dabat quamuis exitio proximi virtutis memores. Acuit desperatio animos, certum in periculo præsidium, sæpe ex metu fiducia orta. Laurentio fæmur graui vulnere ictum est, globus alter paulo post in pectus impactum misere discerptum perimit. Cadente duce naus tandē capta est: è centum epibatis, octoginta nihilominus cæsis, viginti tantum in hostium potestatem venere plerique vulneribus fædi. Prætoriam missa naues aliæ in altum prouectæ se in Cananoris portum intulere: inde Cocinum misere, qui Francisco Almeida tristem nuncium afferret, cæsum filium, prætoriam captam reliquas naues vix fuga seruatas, hostili classe Indicum mare constratum. Ille quamq̄ acri doloris sensu perstrictus lugeri filium veruit. Eo virtutis extremo documento edito, vt parato ad euadendum lembo, sociis fugam suadentibus, vitæ sanguinemq; profunderē maluerit, q̄ suos in periculo deferere, laudib. potius celebrandū dictitans. Mortem omnibus à natura propositam laude vituperationeq; distingui. Si cunctis par exitus manet, nobilioris animi esse merito perire. Pugnatū est fine anni. Prætor Cananorem abiit in vindictam toto pectore intētus classisq; apparatus. Accessit paulo post Alonsum Alburquerqueus. Is suo aduentu ex regiis litteris cōtinuo tradi sibi prouinciā volebat. Excusauit Almeida, sustentandum tantisper dictitans dum Sulthani classem e mari Indico ipse depelleret. Priusquam noui Prætoris auctoritas coalesceret, multaq; nollent, fortassis ventura. Hæc palam: ex arcano autem Alburquerquii ingenium timebatur impotens ac temerarium, vti fama vulgabat. Ventum ad iurgia & rixæ initiū. Almeida in suscepto consilio perstans captum Alburquerqueum Cocinum amonet. Mox instructa classe in mare egressus in Onoris portu aliquot Calcutii Regis naues nactus incendit. Inde in Dabulis portum prouectus, multis in eo nauib. ignes iniicit, eamq; urbem captam diripuit. Discessum ex eo portu Nonis Ianuarii salutis anno milles. quingentes. nono. Diu versus directis proris vbi aduersaria classis stabat in ancoris. Mirocemus cognito nostrorum consilio in mare est egressus pugnandi voluntate. Substitit tamen in vadis, quoniam planiores carinæ erant, vrbe à tergo tormentis in pugna iuuatura, si nostræ naues propius accederent. Aduersaria classis tres magnas onerarias numerabat, tres rostratas maiores, sex triremes, & quatuor alias Cambaie naues, præter Melichiaci biremes. Almeida decē & nouē naues qua triremes qua alias ducebat: in iis Lusitanos mille trecentos, socios Malabares quadringentos incredibili omnes ardore pugnandi ad non dubium

dubium victoriæ omen si ad manus ventum esset. Accessere classes ad tormenti iētum, sed repente cadente vento & noctis tenebris impediti à pugna destiterunt. Die proximo repetitum certamen. Præcedebat Nurinius Vascus Pereira in prætoriam Miroceni facturus impetum, à tergo aliis nauibus competenti ordine instructis. Almeida in subsidiis restitit ad omnem occasionem intentus iuuandi suos si qua parte laborarent. Magno animo pari vtrinque clamore in pugnam inuaditur. Diu acriter dimicatur. primum tormētis deinde gladiis & contis res geritur. Anceps victoriæ primum, deinde à Lusitanis stetit. Ex hostibus quatuor millia cecidere. in eo numero ex octingentis Mamelucis vix duo & viginti euaserunt. tanta pugnandi rabies fuit decoris studiū. Tres onerariæ submersæ sunt, præter biremium lemborumque magnum numerum. Duæ rostratæ, totidē triremes, quatuor onerariæ captæ in potestatem venerunt. Duces Mirocemum & Melichiacium fugam seruauit proximo perfugio. Miraculo fuit è Lusitanis duo tantum & triginta cecidisse; vulnerati maiori numero circiter trecenti, nulla desiderata nauis. Insignis victoriæ pars omnibus, quæ in India sunt partæ nobilitate fructuque. Peracta pugna triumphiper simili specie Prætor Cocinum cum classe rediit. In ea vrbe ne controuersiæ inter Almeidam & Alburquerqueum in aperta odia prorumperent, & pars gentis cum parte confligeret in ambo diductæ studiis, per opportunum Ferdinandi Coutigni aduentus effecit. Is enim è Lusitania hoc anno missus cum mandatis Almeidam ex India dimittendi in eius locum Alburquerqueio substituto, vti erat ante decretum, id tempestiue executus importunos Indicos motus pacauit, vnde maiora timebantur mala. Ferdinandus Rex Salmantica Vallisoletum inde Arcos discessit: vbi Regina filia substiterat hospitio minime cōmodo: atque ita vt superiori mense Decembri præ frigore in morbum inciderit, aduersus salutaria monētes obstinato prorsus animo. Solus pater (tantū reuerentia valuit à teneris suscepta) vt locum vestemque mutaret, blandis verbis obtinuit. Mense eam Februario Tordefillam deducit: & cum ea viri corpus ex eius oppidi templo detractum: quod annis cōsequētibz Caroli Augusti filii iussu Granatam delatum tumulto stabili conquieuit. Regina ad vitæ exitum in eo municipio restitit, nunquam ne ex interuallo quidem remittente valetudine, ne voluntate quidem capeflendi legibus quamuis debitum à cunctisq; vltro delatum gentis imperium.

Angli Regis obitus. CAPVT XVII.

30 Sic Ioannæ Regine res erant, cum mortuis verius quam viuētibz & spirantibz numerandæ: Si cultum respiceret serua quam Regine propior videri potuit, si victus rationem miserabilis, aulicorum exiguus numerus, procul omnis lætitiæ. Duarum eius sororum dispar fors. Lusitaniæ Regina bonis omnibus, quæ prima ad felicitatem vulgus putat; opibus, delitiis, honestisq; solatiis affluebat. Ad hæc numerosa prole felix, hoc ipso anno filiū Eboræ peperit cui Alfonso nomen fuit, purpureæ honos, vita brevis in flore ætatis extincto. Vualix Princeps Catharina in Anglia morabatur neq; cælebs prorsus neq; cōiux fœderis asperitatem & rebus omnibus duritiem equo animo dissimulans, per eum modum fatagentis extorquere sibi & filiæ coniugia magnopere ab ipso expetita cum Ioanna Regina & Carolo eius filio. Ratio præpostera & Regibus prorsus indigna: quod accōmodatis officiis & blandimētis deberet, velle malo & inconditis actionibus obtinere. Deuorauit illa omnes eas molestias magno & excelso animo: vt quæ patientiæ sibi legem indixerat, & facie & morbus atq; animi magnitudine, præ cæteris sororibus matris expressam imaginem repræsenteret. Ne ea incōmoda diuturna tūc essent, eius Regis breui subsecuta mors effecit sabbatho extincti ad vndecimum kal. Maii. Eius obitu non multo post pactum iam coniugium cum Vualix Principe, qui regno à morte patris suscepto Henricus Octauus fuit tandem coaluit haud felix faustumque; sed multis potius miseriis obnoxium. Atq; illi quidē secūdo in Anglia nubere non placebat, quasi tacita diuinatione imminentes ex eo calamitates præfagiret animus. Sic ad patrē scripsit. Orare obtestariq; ne eo paciscendo coniugio priuatam ipsius commoditatem vota que respiceret: sed quod e re sua modo futurum iudicaret. Et erat Regi patri commodum imprimis cum Principem noua affinitate iunctum tenere propter florentes Angliæ opes viresque Principis indolem, si ex facie considerares, non incommodam. Nequaquam tamen ad spem euentus respondit; ac contra breui ea lætitiæ luxuriauit. Henrico etiam promptum non erat eo loco uxorem alibi inuenire, præter restitutionem dotis necessario futuram eo dirempto coniugio. Aetate inter ipsos discrepabant, sponsa aliquot annis maiori, magna sæpe beneuolentiæ inter coniuges labe, frequenter quāuis contēpta ratio p̄sertim inter Principes. Hērici corp⁹ & facies eximia elegātia fuit, incōditi mores accedentibz annis in

Venerem vita soluta. Enimuero ingenio indulgere quam imperare maluit, seq; frangere, plurium Principū exemplo, vsque dum ab ecclesiæ imperio & placitis propterea desciverit, patefacto in ea prouincia hæresibus pestilentibus aditu, quibus misere hodieq; conflictatur. Ita homo amentissimus consiliis omnibus præceptis & deuius superstite dum Catharina coniuge, specie quasi fratri maiori antea coniunctæ Pontifex sibi nubendi veniam dare non potuisset, ea dimissa, ex qua tamen Mariam filiam susceperat post patris & fratris fata Angliæ deinde Reginam, duxit palam Annam Bolenam, quam lege de adulteriis conuictam securi subiecit Isabellæ matrem quo hæc scribimus tempore Anglica sceptrā obtinentis. Anna occisa Ioannam Semeram sibi iunxit toro, quæ ex partu breui periit. proli tamen incolumi post patrem proxime Angliæ Regi Eduardo sexto nomen fuit. Sic in regiâ quartis nuptiis vacuam accessit Anna Ducis Cleuensis soror. Hanc dimittere constituens quam ob offensam incertum, sed volens abdicare, vt factum honestatis specie velaret, legem promiscue tulit diuinæ aduersam de soluendis coniugiis. Quinta Henrici vxor Anna Hauarda fuit & ipsa de adulterio conuicta, eoque supplicio subiecta, & quoniam delibato antea virginitatis flore ad Regis torum accesserat. Postremo Catharinā Parram viduam duxit. Hoc coniugium vt stabile esset nulla ex eo proles; mors Regis breui consecuta præstitit: quæ prauos conatus, impotentis libidinis licentiam rumpens, gaudium voluere & pestiferum perpetua ignominia & infamia mutauit. Luxuria pestis blanda quantas strages facis? Verum ad priora redeamus. Catharinæ ob coniugium susceptam lætitiā Ferdinandus Rex Vallisoleti celebrauit Ioannis Baptistæ festo die, quo in Anglia confectum est. Militare ludicrum institutum ex Maurorum imitatione. Qua alterius agminis pars primum procurrit in aduersarios, missisque arundinibus iaculorum imagine, retro conuersis equis cedunt prementibus aduersariis, quos excipit pars altera agminis quasi in subsidiis relicta; hanc ex aduersa parte alii ludo continuato. Sic equites inuicem insequentes refugientesque nunc premunt aduersos, nunc terga dant. Ludum per se gratum vt celebrius videretur, Rex effecit ea quamuis ætate in aciem progressus dux alterius agminis cultu splendenti & vario, vt alii omnes qui interfuerunt certamini. Maioris præterea lætitiæ argumento, vt Carolus nepos Angliæ sorori iungeretur concessit; mandauitque Guterrio suo in Angliā legato vt puellæ dextram quasi futuræ domine osculo peteret. Quod Hispanorum more honori & obsequio ducitur. Eo in municipio ineunte mense Maio ex Germana Regina filius est Ferdinando natus, cui Ioanni nomen fuit, magna parentū lætitiā & vniuersæ Aragoniæ gentis, si vita longior contigisset. Verum intra paucas ab ortu horas expirauit. Corpus ad D. Pauli in eo oppido compositum, deinde Populeti sepulchrum stabile habuit monasterio Regum Aragoniæ tumultus destinato. Belli aduersus Venetos comparandi prima cura erat. Arma necessario sumi Rex videri volebat. Vrbes Apuliæ maritimas olim à Ferdinādo iuniore Neapolitano Rege Venetis oppigneratas extorquere destinabat iniustis possessoribus bifariam. Quando neq; tunc pignoris legibus steterant, & deinde pectunia oblata de redditione appellati surdas aures præberent, ac vero cōtumeliæ initar ducerent id postulātū. Deinde maiore pecuniæ Hispanicæ summam insumptā, siue cum bello aduersus Turcas captam Cephaloniam de manu Venetis victor Gonsalvus tradidit, siue cum per Hispaniæ fines Rex ipse Galliæ bellum intulit eorum suāsu fideque annua quinquaginta millia numeraturos in bellicos sumptus. Quos nunquam soluisse accusabat, quamuis de facta promissione & solutione sæpe appellati fuerant.

Cardinalis Hispaniæ in Africam transmittit.

CAPVT XVIII.

Interea vniuersa Castella belli Africani ardebat apparatus. Milites, arma cōmeatus, naues conqueri magna diligentia concursationeque. Incitator præcipuus Hispaniæ Cardinalis maiori quam pro ortus conditione, neq; fortunis minori animo. Et interest parum qualis sit quisque parente modo ingenuus. Is ad promouendam expeditionem, non pecuniam modo large suppeditauit, sed ducem bello se præbuit, tantus ardor erat Christi hostes extirpandi. Bellici commeatus Malacam collati. Militares copię Carthaginem octingenti grauis armaturę equites regni custodiæ destinati, alii præterea pedites equitesque, pars voluntarii alii ære conducti. Omnino in eo exercitu quatuordecim millia homines numerabantur militaribus omnes armis instructi, plerique Neapolitanis bellis magnam virtutis opinionem nacti vincere assueti. Curam rei tormentariæ tenebat Dieghus Vera; negotio maritimo Hieronymus Viannellus

bellus destinatur dux, summa expeditionis Petro Nauarro permissa. Mense superiori Carthaginis in portum classis vniuersa conuenerat triremium decem, maiorum præterea minorumque nauigiorum ad octoginta. Priusquã ancoras molirentur soluerentq; militum seditio exarsit stipendia exposcentium. Nauarrus inconditis moribus vir fraudibus & rapinis assuetus, ingenio militari magis quam commodo cuncta miscere. Vicit tamen prudẽtia & patientia Cardinalis, ne præclaros conatus importuna discordia turbaret. Nauarrum male habebat motis quos ipse designarat, quosdam centuriones e familia Cardinalis fuisse substitutos, locaq; virtuti debita inertes aulicos gratia occupare. Annitentibus viris primariis diffidio pacato Nauarrus nouo iureiurando in Cardinalis
10 verba est adactus facturũ quæcunq; imperasset, Compositis controuersis ad septimum decimum kal. Iunii die Mercurii e portu Carthaginensi vela fecerunt bona spe pleni lætiq;. Die proximo, qui ascendenti in cœlum Christo sacer erat, secundo à puppi flatus classem in Masalquiuri portum intulere. Eo loco cognitum est aduersus Oranum eam expeditionem suscipi. Urbis ea Tremesenio regno contributa ciuium sex millia ea tempestate numerabat. ad mare sitam validi omni ex parte muti additis ex interuallo propugnaculis cingebant. ædificia partim planiciem occupant, partim in collis latus assurgunt. Plateæ & vici enormes nulla distinctione sed passim erectę domus, neque dimensis ad lineam directis & latis viarum spatiis, vt solet gens Maurica ædificandi minime curiosa, neque dedita elegantis. Tremesenio dissita est centum & quadraginta millium
20 spatio Carthagini Hispanicæ exaduersum obiecta. Nobile quondam in iis oris emporium frequentia mercatorum Genuensium & Catalaunorum eo propter commoditatem portus confluentium celebre imprimis & frequens: tantis ex eo copiis vt prædatorias biremes magno numero lembosque alerent ordinariis stipendiis magno incõmodo Beticę littorum, quibus importuni imminebant grauesq;. Noctu nostri in portum inuecti, luce proxima copias in terrã exposuere. In eo acieq; instruenda multę horę abierunt. In quatuor quadrata agmina gens vniuersa est tributa, in singulis bis mille & quingenti pedites constituti, vtraque latera equites muniebant. Cardinalis in templo arcis interea castissimis precibus dederat operam. prius tamen quam instructę acies in Mauros mouerent urbis aditu nostros prohibere paratos, & iugis proximis se in armis ostentantes, vt nostros ascẽsu utiq; montis arcerẽt, mula ad milites est egressus. multi sacerdotes & monachi prosequabantur, crucem dignitatis insigne præferebat Ferdinandus super sui ordinis Franciscana veste gladio accinctus reliquorum exemplo Cardinalis iussu. Insolens spectaculum multis quippe militari ingenio lingua procaci inter metum, risum excussit. Tum Præsul ad circumfusas legiones hac sententia locutus fertur. Si meis
30 verbis cogitarem, milites ad vestros animos inflammandos opus fore: vt ducum aliquis in hoc genere præstās accõmodata oratione ad pugnam accēderet, effecissem. nã neq; ego militare facundiam exercui, & victorię spẽ precibus potius firmaui ad Deum fusis. Intelligere quidem vos arbitror pro religione & communi salute esse certamen. pro ea si res feret, sanguinẽ vitamq; profundere esse paratos, neq; incitatore indigere vllõ vestrę
40 virtutis sed fræno. Ita vestrę alacritatis conceptiq; animi ardoris ex fronte oculisque emicantis victorię omen haud dubium, testis tantum spectatorq; veni. Audaciam, animorumque vigorem inuictum quem tot bellis milites præstitistis, an æquum sit contra Christiani nominis hostes abiicere? eos inquam hostes qui Hispaniæ littora igne ferroque depopulati sunt, pecora abegere, diripere oppida & agros, matres, vxores, filios, fratresque in captiuitatem egerunt duriorẽ ipsa morte: siue ferro oneratos, inculta tenebris, odore tetra ergastula detineant, siue fædis aliis obsequiis ex dominorum libidine mancipientur. Vestrũ ex Hispania discessum contemplatę matres vestra opera
50 filios expectant, filii parentes: eoque proiecti ante aras ad omnia templa diuinam clementiam cum lachrymis & gemitu implorare non cessant, nulla piacula cælestibus placandis obmittunt. An æquum videatur tantę multitudinis spes & vota irrita cadere? paratę glorię inur maculam? Apage tantum nefas, faceßat dedecus ignauiaq;. Abscedant inanes metus foribus animis. Ego ego ipse, si cessatis, in medios hostes irruam crucemq; illam Christianę gentis vexillum & spem inter hostium agmina collocare certum habeo. An erit qui sui Præsulis exemplum non sequatur? qui euntem in hostes deferat? Et sane vbi nam vita paulo post interitura sanguisq; maiori fructu ponatur, quam pro religione, pro patria, pro communi salute, gloriãq; vniuersę gentis Hispanę. Tueri omnibus viribus, quod a maioribus accepimus patrimonium dignitatis ac famę, patrię religionis dignitatẽ tueri, & sanctitatem. Id vero fixum est animo. Hęc ille dixit, ardentibus oculis, vultuq;, voce contenta, quo latius exaudiretur. Circumfusi omni ex parte milites

ducesque enixe obtestari, in templum rediret, pro cunctorum salute vota continuaret & preces; sibi cum diuina ope destinatum esse sin minus victoria, vti confidebant, certe morte operam industriamque probare nisi victis hostibus non redituros in patriam. Cessit Cardinalis suorum votis reuersus in arcem. in D. Michaelis sacello preces cum gemitu & lachrymis fundere non cessauit, dum pugna commissa est. Dies inclinabat in vespertum. Ancipiti Nauarrus sententia an pugnam sustentaret in diem proximum, quid factu opus esset Cardinale consuluit. Censuit ille non expectandum, dū mora, militum ardor remitteret pugne signum expectantium. Quid maiorem hostium multitudinem confluere cessatione paterentur? Nocte interposita multos incidere saepe casus. Secundum hæc verba continuo signum datur. In montem milites magno nisu & alacritate conscendunt. Neque locorum iniquitas, neque Mauri ad duodecim millia equites peditesque fastigio occupato proicientes tela, prouoluentesq; in subeuntes taxa & quæcunque ad manum erant, deterruere nostros, quo minus in summum iugum euaderent. Væcordia militari quidam milites Caracæ vrbis ciues iniussu desertis ordinibus impressioneque in hostes facta, non agmine sed turmatim amisso Ludouico Contrerio cæteri necessario retulere pedem pudorem vincente metu. Cæsi caput in urbem delatum per plateas à pueris rotabatur cum clamore, cæsum Alfaquinum. Sic Arabica lingua Cardinalem vocabant. Commotus eo rumore è captiuis quidam aliquando in Cardinalis familiam adscriptus capite considerato diligenter, altero orbatum oculo, oris lineamentis longe aliis, negauit profecto id caput Alfaquini Christianorum esse, sed potius alicuius militis gregarii. Sed inter inconditos plebis clamores captiuo nulla fides. Dum pedites in montem euadunt, equites longiori circuitu per latus montis ad summum euecti cum hostibus dimicare cœperunt, tormentis quoq; displosis cæsi non pauci. In confertos & temere se offerentes non frustra cadebant tela. Pedites tandem addere gradum, impressione in aduersarios facta, arduo ascensu quamuis fessi montis partem occuparunt, cedentibus Mauris quousque ad aquæductus quosdam est ventum. Nouo conatu tormentis in summum iugum magno labore traductis, præterea districtis gladiis alius alium adhortati hostes ex vniuerso monte depulsos in fugam compulere. Hærentes fugientium tergis, quoniam vrbis portæ clausæ erant, victores iuxta ac victi solutis ordinibus hi in pedibus salutis spem ponentes, illi sanguine nondum expleti ultra urbem processere. Arabes qui erant intra mœniarum benegerendæ occasionem ex nostrorum perturbatione venisse rati portis egressi duce vrbano Prætorè pleno gradu in victores feruntur. A tergo adoriri pergētes nouus detinuit terror. Pars nostrorū admotis scalis in muros cōscendere tentabant. Dum hi in se vim ciuiū Arabumq; auertunt, socii militesque nauales à mari, nullo repugnante succedentes muro ea parte imbecilliori neglectis custodiis turres quasdam occuparunt arcemque Aleasabam dictam. Accessere manus aliæ militares. Captam urbem momento diripiunt. Maurorum e pugna reliquie, quāuis Hispaniæ vexillis pro mœnibus explicatis cæco furore urbē conantur repetere. Vana est sine viribus temeritas. Nostri victoriā superbi per auersam portam egressi hostes à tergo & à fronte circumuentos magno numero cæciderunt. Occisi eo die Mauri quatuor millia, capti ad quinque millia. Victoriæ nobilissimæ lætitiā auxere miracula diuinis non absimilia considerantibus propter nostrorum militum perturbationem nullam eo die militarem disciplinam, nullū imperium obsequiumve extitisse. dein vix vrbe capta Tremesenus Prætor cum numeroso exercitu aduenit certissimum vrbi præsidium, nisi nostri celeritate forte magis quam consilio eius aduentum occupassent. Cardinalis cuius feruentissimis precibus & sincere religioni non temere vulgo accepta victoria fertur, lætus successu ouansque in urbem ingressus templum maximum ex ritu Christiano solenni cæremonia Mariæ victricis nomine Mahumetanis sordibus expiatis sacrauit. Die postero profecisse se satis vrbe illa capta, inchoata feliciter Africano bello siue ad nominis existimationem siue ad fructum arbitratus, consensis triremibus Carthaginem nauigauit, capte vrbis moderatore relicto Petro Nauarro dum à Rege noua venirent mandata. Carthaginem delatus misit qui Ferdinando Regi gaudium ingens, partam victoriam, urbem captam, se reducem nunciaret. Sic Complutum profectus, id municipium iniit quinto decimo die ex quo Oranum ceperat nullo principali apparatu, priuato quam victori propior. quippe victoriæ laudem non industriæ humanæ sed diuino patrocinio tribuens an humanæ gloriæ contemptu, modestiæque animi. Et Cardinali quidem fixum erat opimis templi maximi Toletani sacerdotiis Orani Abbatem recens institutum adiungere, partæ victoriæ posteris monumentum. Restitit minutus ac solo ferme nomine Episcopus Auriensis ex indita à Pontifice sorte appellatione

latione contendens eam urbem sui iuris fore designati episcopatus sedem haud dubiam. Peritiores Oranum negabant olim proprio Episcopo fuisse attributam. Auriam ad solis ortum non modico intervallo distitam, quippe prouinciæ Carthaginensis urbem, quod certis monumentis monstrabatur. Oranum & finitimos Tingitanæ potius prouinciæ finibus contineri. Quod lite contestata tandem valuit: & Cardinalis causæ iis opibus ea laude parta passim fauebatur. Non minor Ferdinando Regi eius urbis nutriendæ & nouis opibus firmandæ cura erat. Diui Iacobi militibus Vallisoletum ad generales eius ordinis conuentus euocatis, consensu decreuit Orani monasterium ei ordini constituere, eo nobiles crucem insigne eius militiæ sumerent, operamque nauarent in bello Africano aduersus Mauros Christiani nominis hostes. Atque ut esset vnde noui monasterii sacerdotes & milites vitam tolerarent, à Pontifice Romano impetratum est, duorum monasteriorum Villarii, & D. Martini, quæ ei ordini in Compostellæ & Oueti diocesisibus sita sunt redditus Oranum transferri. Salutare consilium, ut in rebus magnis, enatæ difficultates neque conspirantes sententiæ disturbarunt magnis semper conatibus aduersæ. Ne nouum quidem decretum magis valuit, Bugiæ & Tripoli, quas vrbes Nauarrus proximo anno de Mauris cepit, Calatrauæ & Alcantaræ militibus simili exemplo collegia instituendi. Quod ne fieret, tum alia, tum Italica bella maiori quam antea mole renata inter alia reip. mala & labes salutare consilium plane disturbarunt.

Bellum contra Venetos. CAP. XIX.

IN fœdere Cameracensi decretum erat, ut singuli confederati bello Venetos lacefferent per partes, cuncti tamen ne ultra kal. Aprilis bellandi principium sustentarent. Ferdinandus Rex fidei datæ memor instructa in Hispania classe Zamudium tribunum misit cū duobus peditum millib. notæ virtutis, ut adiuncti iis militibus, qui ad Neapolim erant, quinq; millium numerum implerent. lente is apparatus processit, tum Proregis ingenio parum rebus bello præsertim sed & in pace administrandis idoneo, ac tunc suspicanti Neapolitanos procures inter se conspirare nouarum rerum studio, tū Fabricii Columnæ consilio bellum moueri detrectantis aduersus Apuliæ vrbes, priusquam classis instructa esset ad prohibendam iis littoribus Venetam venturam haud dubium obsessis opitulatum. Fraus quibusdam visa est, & in communi causa præuaricatio. Benignior & verior interpretatio, sic per errorem iudicasse. Et quis est qui non aliquando fallatur? Primus Rex Gallus arma Venetis intulit. Tramullium miserat cum pecunia ad conducendos idoneo numero Heluetios, reliquas copias Alpes superare iussit, cum primum se anni tempus aperuit. Ipse vestigiis iisdem subsecutus kalendis Maii Mediolanum iniit, Carolus Amboesa in gratiam patruī Rhotomagensis Cardinalis, ei vrbi præfectus erat vniuersæque Insubrum ditioni bello paceque moderator. Regis iter prosecutus est Antonius Dux Lotaringius. Vniuersæ copię hominum ad quadraginta millia in Venetorum ditionem facto impetu, facile oppida quæ ad Abduam fluuium obtinebant, Gallicis præsidis occuparunt. Veneti in sano delectu exercitum conflant militum quinquaginta millium. Summi duces Pitiliani Comes & Bartholomæus Liuianus vterque ex Vrsinorum familia, Regi Catholico obnoxii, ob ea oppida & vectigalia quæ in regno Neapolitano obtinebant, nauatæ superioribus bellis operæ præmium. Ad ripam vltiorem Abduæ non procul Laude vrbe, Riuolta oppidum situm est paulo ante de Venetis captum. Ad id oppidum vtræque acies in conspectum venire. Par vtrisque pugnandi cupiditas. Ardentiores Veneti in aduersarios impetum priores fecere. Ancipiti diu marte pugnatum nihil strenuus ab ignauo, sapiens à prudenti, consilia à casu differre. cuncta pari violentia voluebantur. Italici pedites Gallico peditatu tantisper loco moto meliora ferre visi sunt. Plerunque paruæ res maximas trahunt, in bello præsertim sæpe ex minimis maxima momenta existunt. Gallica tormenta inter vepreta disposita, atque in inopinantes Venetos repente displosa cum magna ipsorum strage peperere victoriam. Venetorum pedites turbatis ordinibus, Gallici equitatus recens in pugnam inducti seque superfundentis ex omnibus partibus impetum non tulere. versi omnes in fugam cæsiq; magno numero sunt. E ducibus Pitilianus cum paucis euasit fuga, Liuianus cum multis in hostium potestatem venit. Nobilis victoria fuit in paucis. loco pugne iussu Galli Regis sacellum constructum est Mariæ victricis nomine rei gestæ posteritati monumentum. Ingens utilitas, quando eius pugnae euentu nobilissimæ ciuitates missis legatis pacem & veniam à victore petierant. Hæ fuerunt Crema, Cremona, Bergomum, & Brixia, enimvero omnes quæ Gallo in fœdere de-

signatę fuerant. Eodem tempore Franciscus Maria Ruuereus Pontificis ex fratre natus, iamque Dux Urbini in locum auunculi Guidonis Vualdi bello in Flaminia contra Venetos cum copiis Pontificiis concitato Salarolum oppidum Fauentini agri primum de Venetis cepit, deinde Fauentiam ipsam & Ariminum. Rhauennam postremo atque Seruiam, quales & quantas ciuitates? certe quidquid de Pontificia ditione occupauerant. Prorex Neapolitanus quamuis lente cunctanterque exercitum tamen fine mensis Maii paratum habuit ad inuadendas Apulię vrbes ditionis tunc Venetę. Prosper & Fabricius Columnę, Amalfitanus, Hadrię Dux, Morconis & Nolę Comites Proregę ad id bellum sunt profecuti. Pitiliano Nolani auo, atque Liuiano ante pugnam cum Gallis cõmissam denunciatum fuerat ne suo Regi deessent in bello, alioqui vindictam expectarent, aduersus beneficiarios parere recusantes legibus constitutam. Nihil illi ea denunciatione 10 moti à Venetis stare maluerunt. Curam equitum Sanseuerinę Comes tenuit, commeatus Baptista Spinelus Cariati Comes. Villamarinus maris Pręfectus idem Comes Capaci in portu Messanenfi duodecim triremes instructas habebat decem onerarias. Simul atque amica Gallica classis accessisset ductoribus Albanı Duce & Pręiane viro industrio in Apuliam iturus ad ea tutanda littora arcendam Venetam classem. Ingentes apparatus ne diu essent necessarii, Venetorum prudentia effecit. Tranum obsidebat Prorex in magna spe vrbs obtinendę, occulta ciuitum machinatione: cum Venetiis legati venerunt arcanis instructi notis per quas intelligeretur haud dubium senatus esse mandata, Brundisium, Hidruntum, Tranum, Molam, Polighanum continuo vti deditiõnem 20 facerent ne defensione quidem tentata. Ferrariensis item & Mantuanus quędam oppida Venetis detraxerunt, sua olim, vti videri volebant, & ex vetusta memoria, & tabulis demonstrabant. Aduersus prostratos obsoleta quoque iura solent valere. Cuncta elementa in perniciem nobilissimę vrbs conspirasse visa sunt, atrox ex omni parte ventorum procella instare, vt miraculo simile videatur penitus non concidisse. Ea est humanę vitę conditio, neque bona propria sunt, neque mala perpetua, in orbem aduersis succedunt prospera, tristia secundis. Tanta certe in pręsenti Venetorum consternatio fuit, vt de vrbe dedenda Ladislao Regi Hungaro cogitasse fama sit, eius viribus sperantes afflictis rebus ac desperatis propemodum, leuamen. Per tot ætates inuiolatam libertatem illius primum fidei ditionique permisso. Cedit interdum generosus spiritus necessitati, & sæuentis procellę viribus succumbit. Pisani etiam Florentinis tandem 30 cesserunt amissa libertate. Ad superiora mala, quę si fuissent extrema, intoleranda videbantur; atrocior Venetis certe ex Germania pestis accessit. Cęsar & sua sponte & sociorum exemplo excitatus cum copiis ineunte mense Iunio Oenipontum venerat in Alpium iugis sitam vrbem, Venetorum finibus ea parte bellum illatum. Italicis equitibus grauis armaturę ducem destinarat Constantinum Cominatum Macedonię Principem. Ludouicus Gonzaga Mantuani patruelis, & Mirandulę Comes, alique ex Italica nobilitate in ea expeditione Cęsari militabant. Italię viribus impugnabatur Italia. Accessere mille & quingenti Hispani, qui Gallo Rege tandem relicto ad Cęsarem se contulerant. Non se deseruere tamen Veneti ad alia mala nouo exagitati periculo: cum primum Esteranum Cęsar peruenit, eum de pace interpellare decreuerunt, 40 iis conditionibus quas veller imponere. Eius rei argumento ad eum chartam candidam misere pręter subscriptiones senatus nullis impressam notis. Sic fama tulit. tueretur modo miseros, atque in ea rerum omnium desperatione nobilissimę vrbs patrocinium fusciperet. Repulit ille precēs, quocumque ibat deditis oppidis primum quę Benaco lacu alluuntur, deinde vrbibus Verona, Vicentia, & Patauio, ferme vt in Italia nihil Venetis superesset, superbus rerum humanarum inconstantię immemor, nisi vrbe ipsa Venetiis capta non videbatur quieturus. Et vtique eam mari terraque vrgeri parabat tum Hispanica & Gallica classibus, tum terrestribus suis & Galli copiis secundo Meduaco obsessos fatigare, commeatuque prohibere. Expugnatam iis viribus vrbem diuisam quadrifariam totidemque impositis arcibus inter socios di- 50 uidebat cuique parte attributa: si pares somnio euentus contingerent, certa victorię spe pręsumpta. vnus vrbs in quatuor partes diuisę totidem inter socios imperium diuidi. Ingenium varium, inconstans, multiplex, pręposterę cogitationes, vana consilia, vani conatus. Non displicuit Ferdinando Regi Cęsarıs consilium initio, Apulię quamuis vrbibus receptis, dimitti Hispanos omnes, pręter quingentos quos Zamudium in Hispaniam referre iussit, classe modo in Italia relicta. Paulo post tamen repulit. Ne ipsi quidem neque Pontifici visum est, ẽ republica fore eius vrbs excidium. Attentius enim re considerata pręter vanitatem eius molitionis prouidebatur, quidquid ultra

ultra præscriptos in fœdere fines progressum esset, id totum ex Galli commodo fore. Pro-
 pinquo Mediolanensi principatu, sociis longinquis, non dubitaturum pœe facta, vniuer-
 sam eam urbem primo quoque tempore pulsîs sociis armis occupare. Ex eo ne ad Italiæ
 totius imperium aspiraret, ac vero romanæ ecclesiæ de manu dare Pontificem tentaret,
 verendum erat. Qui metus Iulium Pontificem sollicitum habuit, ne se viuo faceret validus
 opibus & ingenio. Vsq̃ue eo vt Cardinalem Rhotomagensem antea riualet, Tridenti
 cum Cæsare collocutum fuisse, curasse etiam vt Cæsar & Gallus inter se viderent ægerri-
 me antea tulerit. Certe monstri simile aliquid versare eos Principes animis in suam ac
 ecclesiæ perniciem. Fluxa est potētia & solita opinione magis hominum quam suis viri-
 10 bus nitens, qualis sacerdotum est. Itaque eorum Principum colloquium impedire omni
 ope contendit: idemque Ferdinandus rex curauit, per legatū suum Iacobum Concillum
 tum Episcopum Catanæ Cæsare persuaso in gallicæ amicitia specie insidias latere.

A Venetis Patauium receptum. CAPVT XX.

COnfecto Rex Gallus bello magna atque incredibili celeritate neq; gloria fructuque
 minori Mediolanum rediit, indeque in Galliam abiit quo regni curæ vocabant. Mil-
 le quingentos grauis armaturæ equites per vrbes recens partas distributos præsidio reli-
 quit rerum moderatore Carolo Amboesa Chaumantio regulo, magno Galliæ Magistro.
 20 gētis instituto maior quam Magistri equitū is honor & auctoritas est. Cæsarei exercitus
 pars multo maxima in Taruisinos & Friuolēses seu Foroiuliēses fines incubuit: quoniam
 imperata facere aliarumq; vrbiū exemplū sequi detrectabant contumacia. Eo maior im-
 petus festinatioque & spēs, quod continenti Italiæ certe nihil præterea Venetis erat ex
 ampla ante ditione relictum. Nouus conatus, vnde periculum maius timebatur, victis re-
 surgendi opportunitatem attulit. Patauii ciues Germanorum imperium, relictumque a-
 deo in vrbe præsidium graue ducētes defectionem meditabantur. Eam Veneti occasio-
 nem arripientes, & quoniam hostiū copiarū procul aberant, consilio cum iis ciuib. occulte
 cōmunicato, rebusq; omnibus comparatis, eam urbē recuperarunt. Andreas Gritus cum
 mille equitibus grauis armaturæ & aliquanto peditum numero portis occupatis, accur-
 30 su præterea ciuium veteri imperio fauentium, cæsos Germanos compulit in arcem se re-
 cipere: quam die quoque postero ad deditionis condiciones adegit. Sic dies duos & qua-
 draginta postquam ea vrbs fuerat amissa, in Venetorū potestatem venit. Melioris spei in-
 itium id fuit, miseriarum finis. Leui momento surgunt res humanæ caduntque. Amissæ
 eius vrbs nuncio Cæsar ad Marosticam accepto oppidum in Alpium faucibus situm vi-
 ginti quatuor millibus Patauio distitum, ne circumfusis hostibus transitus impediretur,
 Scalam abiit ad Oenipōti Austriacæ ditionis fines. Continuato Veneti impetu Assulā ce-
 perunt, centū & quinquaginta Hispanis, qui in eo oppido erant, trucidatis. Simile exem-
 plum in ducentos alios Hispanos editum est Castelfrancum præsidio obtinentes: vbi &
 centurio Aluatadus est captus. Tanta erat vindictæ rabies, vt ex mille & quingentis Hi-
 40 spanis, qui a Gallo ad Cæsarē transierant, & licentia militari incolas irritant rapere, spo-
 liare vi & stupris cūcta polluere per agros & oppida assueti pauci euaserint, quin cæsi aut
 capti fuerint. Inuidiosum Hispanorum nomen avaritia eorum ac libido indigenis fecer-
 rat. Veroniam ad Venetos & ipsam propensam Patauiique exemplo defectionem medi-
 tantem Palicius accurrens cum copiis frænauit, dum a Cæsare idoneum imponeretur
 præsidium, copiarum è Belgis atque è Germania aduentum ad Alpium fauces susten-
 tante, atque ab Italiæ finibus abstinente, ne maiestas ludibrio esset si in tanta alienatio-
 ne Italicæ nationis exiguis viribus bellum repeteret. Ergo iis copiis appulsis conflatoque
 exercitu hominum ad triginta millia, missis præterea a Gallo mille & trecentis equitibus
 auxilio, a Pontifice trecētis, nouo conatu in Italiam irrumpens Patauium obsedit Nonis
 50 Septembris. Pitilianus ac præcipui Venetorum duces præsidio accurrentes in urbem in-
 gressi sunt, quiduis perpeti parati ne in hostis rediret potestatem. In duobus millib. equi-
 tum Epirotarum præcipua vis. ii frequenter eruptione facta ex vrbe nihil Cæsareis tutum
 relinquebant, ne respirandi quidem spatium. Dispositis tormentis hostes magnam par-
 tem muri ad terram strauere, per ruinas tamen in urbem euadere supremo conatu ten-
 tantes ab obsessis sunt repulsi pertinaci contentione, nouis identidem per Meduacum
 auxiliis confirmatis, prorsus vt ad viginti quinque millia defensores in vrbe essent ido-
 neus numerus non ad tuenda modo mœnia, sed ad configendum æquo Marte patenti-
 bus campis. In primo impetu multi Hispani propugnaculo capto, tormentarii pulueris
 cadis, quos sub terra condiderant incensis discerpti sunt Hispanicæ militiæ flos, quippe

ex Magni Gōsalui disciplina pleriq; Fregit hoc incommodū hostium animos, vsq; eo vt honestam aliquam occasionem dari cuperent discedendi sine ignominia, nulla iam victoriæ spe. Itaque discessere tandem Octobris initio, nulla famæ cura, quoniam metus periculi iuxta & moræ tædium fatigabat. Magna famæ vis, in bello maior. Intempestius discessus effecit, vt magna repente rerum conuersione facta multorum auerterentur animi. Cum spe vinci Germanos posse, accessit pugnandi animus. Vicentini primi correptis armis & à Patauio euocatis auxiliis in Gasparem Sāseuerinum & tria Germanorum millia præsidio Cæsaris nomine eam urbem obtinentes impressione facta se dedere & urbem relinquere coegerunt. Alia parte Venetorum copiæ non quiescebant, sed instandum fortunæ quæ conuerti videbatur ratæ, oppida prope Patauium à Ferrariēsi dudum occupata inuasere. Ex iis Ateste, Monsilice, & Montagnana continuo imperata fecerunt. Vnde suspicio ac vero certa fides inuitatu incolarum excitari bellum, neq; Venetorum vi aut inertia hostium, sed fraude tot victorias constare. Ab his quidem initiis Veneti elati aduerso Pado classem miserunt Ferrariam urbem obsessum. Terra eodem missæ copiæ ex itinere Poiesium, & Robigum de Ferrariensi sine sanguine receperunt. Resurgentibus passim fauebatur à gente hostibus infensa. Ad Ferrariam non eadem fortuna fuit. Dux & Cardinalis frater auxiliis à Pontifice & Gallo Rege missis in aciem progressi tormentisque in ripa Padi collocatis scienter, classem Venetorum quassatam mersere, atque ita vt è triremib. decem & septem, amissis omnino quindecim soluere obsidionem non sine ignominia fuerint cæteri coacti. Prius tamen quam id contingeret Franciscus Mantuanus cum equitū numero in suam urbē pergens infestis itinerib. ab Andrea gritto captus fuerat. Idoneus quem cum Liuiano permutarent à Gallis eatenus detento. Grande pretium: sed ea erat virtutis opinione Liuianus, vt nihil Veneto senatui nimium videretur. Quamuis plerique accusabant cladem ad Riuoltam eius temeritate & festinatione fuisse acceptam, eoque præceptis ingenium vitandum, ne resurgentes Venetorum spes noua imprudentia euerteret. Verona inter spem & metum fluctuabat, metus pro Cæsare suadebat, libido pro Venetis. Præsidio impositus Ioannes Emanuel cum duobus Hispanorum millibus, & galli auxilio superuenientes ad defectionem procliues retinuerunt. gallici auxilii dux erat Obenignus, eius Obenigni ex fratre an sorore nat⁹, quem in Neapolitano bello inter Gallicos duces à virtutis opinione inter primos celebrant iure historici Galli. Carolus Amboesa cum robore Gallici exercitus Brixiam inter & Cremonam statua habere in omnem occasionem intentus rei bene gerendæ, socios subleuandi. Triuulcio Brixia custodia concredita. Veronæ in locum Ioannis Emanuelis ipso missionem flagitante, Ludouicus Beamontius, qui ab annis superioribus gallica stipendia faciebat, tuendæ curam suscepit magnus nobilitate, neq; minor industria virtuteq; domo Vasco.

Controuersia inter Cæsarem & Ferdinandum composita.

C A P V T. XXI.

LErini Comitis obitu magna Ferdinandum Regem cupiditas inceserat efficiendi vt Ludouicus Beamontius in maiorū opes & locū restitueretur defuncti filius, atque ex Ferdinandi ipsius sorore vsq; dum superstitē natus. Maiori ardore in eū conatū incubuit, quo tempore bellū in Insubrib. magna contentione gerebatur: si agēdi dexteritate offensus animus flecteretur. Nihil neq; eius auctoritas, neq; diligentia valuit: ne in fontem quīdem esse filiū in iis quæ pater peccauerat. Iniquum videri parentum peccata filiorū poenis lui. Vim adhiberi & metum placuit. Ac præsertim noua iniuria irritarant Sanguessæ incolæ in Aragoniæ vicinos fines inuecti. Facto species prætenta, oppida Vlim & Fileram ad vetus eius municipii ius reuocandi. Aragonii conatum intempestiuū vindicarāt in Sanguessæ agros irruptione facta, atq; in oppidanorū oculis planiciem subiectam municipio longe lateq; vastantes, segetibus, arboribus, tectis ignes iniecti. Maioris belli fundamenta ab his initiis iacta: sed quoniam priuatæ controuersia erāt nondum publice arma mouebantur. Ac Ludouicus quidem Beamontius precibus, patientia, & modestia impetrare satagebat, priusquā ad vim procederetur, paternam ditionem honoresq; alios. Sic in Vasconib. res erant periculo proximæ. De cōtrouersis Cæsare inter & Ferdinandū Regem, fanciendaq; per cōditiones cōcordia serio agebatur. Castellæ procurationē utroq; ad ius suū reuocātē Ferdinandus quamuis possessione potior liti finē imponere oppido cupiebat: proceribus quibusdam, qui rebus nouis studebant, sanandis remedium aut hoc aut nullum fore idoneum ratus. Sed cum eo tamen si Isabellæ vxoris voluntate ex parte

parte mutata, dum Regina filia viueret rerum sibi administratio relinqueretur tutela iure à legibus haud dubium patri dato, quod Regina vxor neque voluit neque potuit immutare. Ea demum defuncta facile adducebatur Carolo nepoti sceptrum de manu tradere, modo annos viginti nato, vti Regina sanxerat testamento. Ita suo tantummodo defunctæ voluntati stari volebat, mutari contraria. Et est humanus animus insatiabilis, cupiditas imperandi aliis affectibus maior. Iudices in causa consensu designati Galliarum Rex & Rhotomagensis Cardinalis blaridimento accommodato eorum beneuolentiam amplius promereri destinabant scilicet: alioqui facturi quod inter se è re vtriusque fore præiudicassent. Vt conditiones nuncuparet Andreas Burgius in Hispaniam remissus, benigne acceptus atque habitus est. Apud Cæsarem Catanæ Episcopus de eadem re disceptauit Ferdinandi legatus. Duorum opera subiectæ leges scriptæ sunt. Castellæ procuratio penes Ferdinandum dum vixerit, propria esto, qua ratione ante est explicatum. Mascula proles si forte ex germana Regina sit nata, certæ nihilominus in Castellæ regno successionis Carolo nepoti satis dato. Quo pignore, quibus vadibus? Nouo, si ita contingeret, sacramento in gentis conuentu adigi populos placuit, in Caroli verba eius regni hæredem fore. Ferdinandus Rex in primis Castellæ conuentibus rectam rerum administrationem iuraret. Vt Asturum principatus vectigalia Carolo cederent, Cæsar petebat, ne nomen principis esset inane. Negabat Ferdinandus vlli id Regum filio datum cælibi. Concessit tamen annua triginta aureorum millia, aucta quoque ea summa cum vxorem duceret, quantum iudicatum esset æquitati consonum, & ærarii tenuitas pateret. Centum aureorum millia destinabat sibi Cæsar, inopiam sic supplere è Castellæ vectigalibus concordia haud magnum pretium. Excusauit Ferdinandus exhausto ærario reddenda necessario creditoribus quingenta aureorum millia mutua à mensariis sumpta & spatiis funebrib. aucta. Dare tamen quinquaginta aureorum millia à Florentinis ciuibus debita Pisanæ libertatis prodita pretium. Missurum præterea bello aduersus Venetos trecentos cataphractos quadrimestri aut quinquemestri stipendio de suo. Additum præterea, vt quocunque tempore Carolus Princeps in Hispaniam venturus esset, instructa classis ad eum vehendum mitteretur. Eadem vbi venisset continuo Ferdinandus frater veheretur in Belgas. Tantarum molitionum ignari Ioannes Emanuel aliiq; ex Hispania nobiles in Germania versantes cum primum fœdus pactum rescuerunt, disturbare conati nihil profecere tamen. Ac potius vt importunos eorum conatus eluderent, res integra ad Margaritam Principem ablegata cum ampla patris nomine paciscendi facultate. Eius diligentia finis controuersis est impositus: ac superiores conditiones sancitæ sunt. Ad hæc quadam simulatione ad Regem Gallum concordia capita, quasi re integra deferri visum est, vt adiuncto Rhotomagensi Cardinali, q; æquitati videretur consonum, id sententia pronüciata statueretur. Blesis vbi Gallus morabatur, disceptatores præsto fuere pro Cæsare Mercurinus Gatinaria Burgundiæ Præses, & Andreas Burgius eius ordinarius legatus deinceps in Gallia futurus: pro Ferdinando Iacobus Albiõ eius item penes Gallum orator, & Hieronymus Cabanillas in eius locum in posterum destinatus. Iis agentibus instituta cognitione liteque contestata perrogataque, atque sententia pronüciata pridie Idus Decembris fœderis cõditiones omnes comprobatae sunt de quibus inter partes conuenerat. Ac secundum eas, iis qui Cæsaris aut Caroli Principis partes secuti erant, bona paterna sunt restituta facultasq; concessa in patriam postliminio redeundi. Petro quoque Gueuaræ eatenus victo reddita libertas. Hunc exitum diuturnæ controuersia habuerunt, quæ sollicitam tenuerant Hispaniam. Inita concordia quidam è nobilitate quasi in Caroli Principis obsequiis aulaque versari vellent in Belgas discessere. quietis impatientia agitabat. In eo numero Alfonsus Manricus Pacis Augustæ Episcopus inquieti ingenii vir, alieno semper à Ferdinandi rebus animo, tædio præsentium exilium tranquillitati prætulit. Hoc tempore Pitilianus Veneti exercitus imperator ad Lonigum agri Vicentini oppidum ex morbo decessit eo maiori studio Liuiani libertas expetita. De Lemosio Comite, quoniam turbulenta consilia cū Belgis & Lusitanis agitare erat perspectum, nouo decreto statutum vt fidei pignus Sarriae & Monfortii arces Pozæ regulo traderet ea tempestate Colæcia rebus Præfecto. Raymundus Cardonius in locum Ripagorsæ Comitis è Sicilia, vbi res gerebat euocatus Neapolim regendam suscepit. Siculos Hugo Moncada, vterque Proregis nomine potestateq;. De abdicatione Ripagorsæ Comitis multa in vulgus iactata sunt. Pleriq; eius ingenium acutabant tantarum rerum procuratori non satis idoneum. Excitat quosdam rerum magnitudo, obtundit alios. Vrsinorum delationibus quidam de culmine deturbatum suspicati sunt. Verum statuere quis audeat? quis plebis linguas frænare? Principum offensionis & gratia

causas rimari, leui momento in contrarias partes circumactæ? Nullius enimvero tanta claritas est, quæ malignitatis dentes fortunæ vicissitudines possit vitare.

Bugia & Tripolis de Mauris capta. CAPVT XXII.

ARdebat Ferdinandus incredibili cupiditate vertēdi arma in hostes Christinani nominis, maiori laude certiori fructu bellum quam quod tanta contentione cōtra Venetos gerebatur. Ita confecto eo bello, vti breui fore confidebant, & à quoque sociorum vrbib. sui iuris receptis nunquam placuit Venetorum remp. funditus euerti, sed stare potius incolumi libertate: suis viuere legibus & imperio. Ac in partem potius fœderis societatisque recipi Venetos volebat, vt communibus armis terra marique inuaderetur Turca communis atque infensus hostis piorum nationis. Discrepantes in eo voluntates diffidentia inter se vota in vnā sententiam pertrahere res ardua erat. Quod proximum videbatur, ad suas vires adiuncta ope quam pro se singuli Principes sponte cōmunicarent id bellum suscipere atque in Orientem proficisci sacræ expeditionis dux in animo fixum habuit, laudauit Pontifex eos tantī regis pro pietate conatus, seque pro virili iuuaturum est professus. Neapolitanæ & Siculæ opes commodissimæ erant in bellum vicinis auxiliis parato com meatu. Hæc Rex ille præ se ferebat. rerum statum attente considerantes absonum prorsus & alienum ab eius prudentia iudicabant, prouecta Principem ætate gentisque in Castella animis non satis pacatis tam procul ipsum à finibus discedere, cum bellum Africanum esset in manibus, longinqua & difficiliora meditari. Ergo eo conatu in præsentī reiecto, ad expeditionem Africanam, optimo principio, ad omen certissimum felicitis exitus, antea inchoatum maiori mole promouendum retulere animos. Petrus Nauarrus in Masalquiluito portu tredecim naues habebat lecto limite, & armamentis & rebus omnibus instructas. Ea consensa classe in Ebusum insulam nauigauit: vbi Vianellus cum classis parte eius aduentum expectabat. Restitere vnā dies aliquot, dum hyemis sæuitia & maris tempestates remitterent. Bugiam, quæ olim Thabraca fuit, petere consilium erat, eo loco inter milites vulgatum. Longa omnis mora ad prædam festinantibus, vrbis nobilissimæ in Numidiæ quidem littore sitæ non procul tamen Mauritaniz Cæsariensis finibus, inter Tūnetanos & Tremesenios Reges ex interuallo alternantis: donec Abufferrius Tūnetanus Rex ad suum imperium stabili possessione adiunxit Abdulhazis à patre relictam regio nomine obtinuit ab imperio Tūnetano liberam posterisque iure quo potuit optimo hæreditariam reliquit. Abdurrahamel ex illius posteritate eam in præsentī obtinebat pulso Muleio Abdalla, qui meliori iure niti videbatur, quippe ex ipsius fratre maiori natus. Odii causæ, quia iniustæ acerbiores, inter alias ambitio dominandi sæuum & impotens malum. Ad latus ardui mōtis sita erat, perpetuoque muro cincta veteri quidem sed valido. Arx satis firma in superiori vrbis parte eminebat. Supra octo familiarum millia eo tempore numerabat. publicis philosophiæ scholis, auditorum frequentia præter cæteras Africæ vrbes celeberrima. Ager inæqualis rupibusque impeditus, eoque serendis arboribus quam segetibus commodior, aliunde aduecto frumento vitam tolerabat. Kalendis Ianuarii principio anni millesimi quingentesimi decimi Hispani ex Ebuso soluentes quinque diebus littus Africæ tenuerunt. Copias eo die in terram exponere aduersi flatus vetuerunt. E iugis montis se Rex Maurus ostentare decem millia pedites, & aliquot equitum turmas secum trahens. Eos ad littus appropinquantes, nostros vt excensione prohiberent, tormentis classicis excussæ pilæ procul arcuerē. In terram expositas copias nullo prohibente in quatuor agmina Nauarrus distribuit. Eo ordine magno nisu superato monte ad pugnam festinabat, quam Mauri detrectarūt, præ metu in urbem regressi mœnibus magis fidentes quam armis. Fefellit ea quoque spes, nostrorum pars per latus vrbis veteris desertæ à ciuib. alii per superiora muro succedentes ad motis scalis breui in urbem irruerunt. insolitus pauor ciuium mentes occuparat. Ita intra urbem nullo resistente in prædam auersi milites. Rex cum copiis desertæ mox vrbe per auersam portam se foras proripuit. Terruit ea victoria vniuersam Africam, eo lætior quod Muleius Abdalla rebus turbatis è custodia elapsus, qua detinebatur à patruo ad nostros perfugit. Superi quos premere instituunt, in præceps dant. Nostri & virtute potiores & successu læti, vrbe egressi tyrannum ad trigessimum lapidem castra habentem denuo facto impetu compulere in fugam. Nihil neque apud se remissum, neque apud illum tutum pati. Ea diligentia successuque præteritæ finitimæ ciuitates certatim obsequium detulere Ferdinandi fidem patrociniumque implorantes, veniam & pacem oratum misere legatos. Princeps inter alias Algerium, quæ Circa olim Masinissæ regia à quibusdam

quibusdam fuisse creditur, certe Arabū lingua Gezer hoc est insula vocatur, ab ea quam in mari vicinam littori & obiectam habet, tunc modica viribus & ignobilis, hoc tempore Hispaniæ terror nostris spoliis extracta, superbaque iuxta ac clara. Algerii exemplum Tenecius Rex & vrbs Tedeliciū secuti sunt. ipsi adeo Mostagani incolæ & Tremese-
 10 nius Rex nostros de pace & se dedendo appellarunt cuncta virtuti peruia fore territi bar-
 bari iudicabant, nihil Nauarro præsertim duce arduum. Leges omnibus impositæ, qui-
 bus in amicitiam fœdusque venirent. Præcipuæ erant, vt captiuis Christianis sine pretio
 libertas esset, & vectigal honorarium singulis annis cum fide repræsentarent. His rebus
 quamuis districtus Petrus Nauarrus bello interim maiori conatu apparando curam im-
 20 pendere, gnarus modicas esse vires sibi & instandum famæ, antequam consternatis ho-
 stibus fiducia rediret. Fama bellæ geri magis quam viribus. Quo tempore in Orientis o-
 ris Alfonso Alburquerqueius susceptam procurationem à præclaro initio auspicari cupi-
 ens, in Decano Indiæ littore Goam urbem occupauit, sedem deinde imperii Lusitani in
 iis regionibus nobilissimam. Insula eiusdem nominis sita est, quam fluuius neque tenui
 neque multa aqua duobus ostiis in mare mittens efficit angustam quidem spatiis ac vix
 viginti millium ambitu, cæterum commodissimam Orientis commercio, propter maris
 & multarum gentium vicinitatem, quarum ad fines iacet. Rei bene gerendæ opportuni-
 tatem Zabaimus Idalcanus obtulit imperium tunc obtinens eius vrbs. bella enim lon-
 30 ginquæ defendendi necessitate milite vacuum reliquerat venturi securus. Timoræ pira-
 ta cum quatuordecim biremibus de finitimis prædas agere solitus, re cognita Alburquer-
 quium monuit opportunæ vrbs capiendæ occasionem non videri prætermittendam.
 Ille cognito piratam vera prædicare, salutaria monere cum classe in portū inuectus haud
 ægre urbem occupauit ad quartum decimum kalendas Martii. Longe alia Francisci Al-
 meidæ decessoris fors fuit. Ad Bonæ spei promontorium epibatas & socios inter in littus
 aquatum & com meatum quærendum egressos & Æthiopes, quos Cafres vocant, con-
 citata forte rixa, cum præsidio suis è nauib. accurrisset, in pugna periit durata præustaq;
 igne fude traiecto gutture. Crudelitas fati tanto viro non debita. Qui maiora sæpe pericu-
 la mari terraque euaserat, inuicta virtute magnam nominis celebritatem consecutus fue-
 rat, gentis vilissimæ manu corruit. ipsa morte tristius mortis genus. Periit ipsis Kalendis
 30 Martii. Garfiam Toletum Albani Ducis maiorem filium expeditioni Africanæ ducem
 Ferdinandus destinarat, propter viri nobilitatem maiori auctoritate fore bellum prou-
 debat. Et quoniam Nauarri opera necessaria videbatur in Italiæ bellis, quæ maiori mole
 renascebantur. Aliquot menses abiire priusquam is ex Hispania discederet. Moræ impa-
 tientia Nauarrus & quia insueti cœli æstus & grauitas morbos inter milites vulgauerat,
 ad septimum Idus Iunii Bugia soluens Fauignanam abiit: quæ insula Lilybæo Siciliæ pro-
 montorio vicina Cosyra veteribus fuit. Eo Neapolitanæ & Siculæ triremes adiunctis plu-
 rib. aliis nauigiis ex antecondictis appulere. Ad octo millia militum quæ Bugia vene-
 rant, nouæ classis appulsu accessere alia sex millia. His omnibus copiis apparatuque ex
 40 ea insula sublatis velis intra paucos dies in Tripolis conspectum se dedere vrbs ultra Nu-
 midiam inter duas syrtes sitæ in prouincia, quam peculiari nomine dixere Africam, Tu-
 netano antea Regi subditæ, nunc eo excusso imperio peculiari regulo seruientis, quæ Xe-
 quem vocant. Circumfluo plurima ex parte mari, non ita latum à terra additum turrito
 muro & fossam permeante aqua munitum habet. Inerant milites & prouisi antea com-
 meatus. Numidæ quoq; equites, aliiq; Mauri ad præsidium accurrere, prorsus vt par nostris
 numerus militū in vrbe esset. Nauarrus tamē expositas in terrā copias, bifariamq; diuisas,
 partē cū Mauris pugnare iussit, qui ad littus prodierāt nostros vt excensione prohiberent,
 reliquis data cura urbem impugnandi. Præterea à mari militum & nautarum manus e-
 gressa cum scalis ea parte in urbem transcendere tentarunt. Acris pugna extitit, duabus
 50 horis magna contentione pugnatum victis tandem fufisque Mauris, in urbem admotis
 scalis, qua parte Victoriæ porta cernitur ferro est penetratū. Ioannes Ramirus gēte Ara-
 gonius nobilis genere inter primos muros scandit secuti cæteri noua intra urbem pugna
 instituta, difficiliora omnia opinione inuenerunt. Acuebat Mauros desperatio haudqua-
 quā iam de victoria sollicitos sed ne inulti caderent decori exitus cura. Cessit virtuti rabi-
 es furorq;. Occisi ex Mauris ad quinq; hominum millia sunt, capti plurimi, atq; inter eos
 vrbs regulus. Neq; nostris incruenta victoria fuit. præter gregarios milites non paucos,
 nonnulli genere aut factis nobilissimi ceciderunt. In hoc numero è Cabreris alter patruo
 regio cubiculario & propria virtute promeritus, vt memoriæ inferatur. Rodericus item
 Porres tribunus militū periit, & Christophorus Arriarā maris Præfectus, magnus animo,
 prudētia par. Vrbs diripiēda militib. est tradita, id nauatæ operæ præmiū extitit, profun-

do ventre cum cæteris victarum gentium spoliis eam quoque copiam merfuris, futuris temporis nulla cura. Classis præsidio relictis captiui dati sunt, mercesque intra urbem inuentæ. Eo temperamento Nauarrus quando militum sitim opulentæ quamuis urbis spolia non sedarunt (qui enim possent) tumultum & rixas compefcere satis habuit.

In bello Italico parum promouebatur. C A P. XXIII.

Bellum contra Venetos ducebatur, minori ardore quam antea. Conatus initio validi mora languerant. Rex Gallus receptis sui iuris urbibus se festinus in Galliam receperat: in Germaniam Cæsar bello inchoato neque finito, quando Taruisini & Foroiulien-
 10 ses atque Aquileia subiugandi supererant, Padua impositum iugum excusserat. Veronam cum subiecto agro Galli obtinebant, oppigneratam, dum sexaginta aureorum millia redderentur à gallo Rege in belli sumptus mutua Cæsari data, adiecta lege ut nisi intra annum ea summa esset reddita, urbis imperium suo iure retineret. Pecuniæ in stipendium difficultas maxima Cæsaris conatus retardabat. Socios uti in Cameracensi fœdere sanctum præscriptumque erat, de communicanda ope appellare, dum communibus armis eas urbes sui iuris efficeret, Venetis ereptas ad imperium adiungeret. Cæsarei exercitus dux summus Analthi Princeps nulla auctoritate, exiguo numero militum, quæ debita stipendia non soluerentur. Æqua petere visum est. Ita Carolus Amboesa magnus Galliæ Magister
 20 valida auxilia communicauit: eaq; ope Vicentia recepta est ciuium deditio ad Cæsaris voluntatem. Neapoli Vincentium Capuanum Termestinum ducem militari scientia præstantem multis in rebus fidum antea expertus Ferdinandus Rex & cum eo quadringentos cataphractos misit auxilio lectissimam manum ex eorum Hispanorum numero qui Neapolitana stipendia faciebant. A Pontifice nulli venire milites, nulla se lege teneri, ut auxilia mitteret, persuaso, siue in Gallum Regem ira Ducem Ferrariensem hostem suum palam tegentem. Quod magis suspicor Venetorum calamitate flexus ad misericordiam, nobilissimam urbem malis castigatam perire penitus non ferebat. Itaque solutos anathemate quo erant impliciti, in gratiam fœdusque accepit. Quod erat præcipuum, eorum ope uti volebat aduersus Ferrariensem Ducem quasi gallici patrocini fiducia rebellis imperio. Odium acrius quam pro noxæ modo. Iis littoribus elluue maris arefcente vnda sal
 30 crescit. Ergo salem Comacii ditionis oppido conficere crimen erat, cum incommodo vectigalium quæ ex Pontificiis salinis ad Seruiam proueniebant. Præterea è mercibus quæ secundo Pado Venetias vehebantur, noua exigere portoria. Ab his initiis irritabili ingenio Pontifex euocatum Romam ad dicendam causam, ac venire recusantem lege maiestatis damnauit, principatus, quem beneficio ecclesiæ romanæ obtinebat, iure decidisse. Ægre seueritatem Pontificis tulit Gallus Rex. vindicandi ardore Gallicos Cardinales & qui sacerdotia obtinebant in Gallia, continuo Roma discedere per edictum mandauit, nisi parerent atque suas singuli ecclesias inuiderent, ac per se regerent, annuorum vectigalium multam comminatus. Ex his initiis magna diffidiorum moles cõsecuta breui est. Et tunc Pontifex Venetis triremibus genuam misit Octavianum Campofregosum,
 40 aliosque Genuenses exules, ut eorum opera, suaque auctoritate quæ in ea urbe obtinebat, quippe Sauonæ urbe vicina natus, ciues sub imperio gallico quiescentes ad mutandam fidem impelleret. Simul si quid ea diligentia in urbe moueretur, Marcum Antonium Columnam Luca, ubi agebat, cum equitum & peditum manu propius accedere, præstoque esse ad omnem rei benegerendæ occasionem mandauit. Conatui successus defuit. A Venetis tamen Mantuanum dimitti è vinculis & captiuitate liberum impetravit, idoneum hominem ratus quem Gallico, quæ meditabatur, bello ducem præficeret, fidei obside eius filio, quem tradi sibi voluit à patre belli Ferrariensis cura Francisco Vrbinati Ioannis fratris filio demandata est. Vniuersam eam ditionem occupare armis ipsamque urbem Ferrariam Pontificibus Romanis quippe directis dominis restituere destinarat, Galli nulla cura in
 50 cuius tutela erat, & Dux eius auspiciis bello districtus. Belli initia læta fuerunt, tristis exitus. A Pontificiis enim breui quæcumque oppida & arces Ferrariensis in Aemilia ultra Padum obtinebat, armis præsidiiisque sunt occupata. Lucus circumsessa accurrit præsidio ex Insu-
 bribus Chatillonius cum trecentis Gallis cataphractis ad quartum Kalendas Augusti. Eius aduentu Pontificii veriti ut pares essent, Lucensis arcis obsidione soluta raptim Forum Cornelii abiire manum & munitionis fiducia. Præsidio destituta oppida præsertim veteri imperio, incolis studentibus. facile ad ditionem Ferrariensis rediere: sed belli fortuna alternante rursus amisit. Cardinalis Ticinensis Mutinam ciuium quorundam fraude porro occupauit Pontificis nomine. Rhegium finitimam urbem ne pari arte caperetur ad idoneam militum manum à
 Ferrariensi

Ferrariensi missam, accessere à Carolo Amboesa summo Gallorū duce & rectore in Insu-
bribus, ducenti grauis armaturæ equites. Sic in præsentia periculum vitatum. Urbinas
Bononia munienda nauare operam, metu ne Gallici exercitus robur in eius perniciem
incumberet, repentina vi aut positis iuxta castris. Aduersus Gallorum conatus bellumq;
vt in Insu-
bribus excitaret Heluetiorum duodecim millia in Italiam attrahere visum est
gentem ferocem virtute militari præstantem, octo millia stipendiis Pontificiis conductæ
quatuor alia Venetorum ære. Gallos ex Insu-
bribus deturbare, ac vero ex vniuersa Italia,
Maximilianumque Sfortiam in Germania exulem & vagum in maiorum opes repone-
re destinatum erat. Heluetios deducendi cura data est Episcopo Sedunensi & ipsi gente
10 Heluetio, quo maior diligentia esset, iniecta etiam purpuræ spe. Maiores viribus Ponti-
ficis conatus erant, sed ingenio ipsius consentanei suapte natura turbido, inquieto, arden-
ti, cuius rei per totam vitam multa & magna documenta extiterant Sixti auunculi pon-
tificatu magnus dissidiorum artifex architectusque Innocentio Pontifice Neapolitanis
proceribus auctor arma in suum Regem sumendi, vti fama tulit, Alexandro Pontifica-
tum adepto Gallis, vt venirent in Italiam, & publicā pacem turbarent præsens persuasit.
Sic omni tempore pacis se impatientem ostendit, turbarum amantem, quietis tædio no-
uas belli causas circumspiciens Pontificis consilia nō latuere Carolū Amboesam. Me-
diolanum copias retulit, si quid moueretur, eius certe vrbis & Genuæ imperio con-
sulere parans. ea incolumi ditione reditura alia. Discessus tamen alia species erat. Cæsare
20 absente nullum operæ pretium extare, tantis laboribus & sumptu profici parum, neque
conatibus euentum respondere præsertim Venetorum viribus identidem auctis nouis
ex AEmilia aliisque regionibus supplementis militaribus. Restitit tamen Triuultius
cum valida cataphractorum manu, ne sine eo præsidio Cæsarei impares hostibus essent:
ac ne durare quidem in castris & campis patentib. possent, quippe aduersariis inferiores.
Mutata fortuna belli rebusque inclinatis is metus Germanos inuaserat, vt Vicentiæ mu-
nitione diffusi tormenta bellica ex ea vrbe eiusque arce Veronam comportanda iudica-
uerint, maiori salutis cura quā laudis. consalui vxor Maria Manrica eatenus genuæ resti-
terat. Suspecta gallis eius mora esse cœperat, quoniam virum Pontifex non cessabat in
Italiam euocare, honestissima conditione oblata imperii militaris suarū copiarū. Vt eam
30 amoueret suspicionem, per hoc tempus mari discessit in Hispaniam. Ad cuius prouinciæ
fines, qua Aquitaniā ad Oceanū attingunt, Fonterrabiæ municipes cum Hōdaia Aquita-
ni oppidi incolis de Vedasi fluuii utrosq; agros interfluentis galliāq; dirimentis ab Hi-
spania, possessione disceptabant vtrius oppidi iuris esset, non parum sæpe armis. In contro-
uersia à Regibus dati iudices ripa sua cuiq; oppido attributa fluuium communem fore
pronunciarunt. salutare temperamento quieuerunt tandem ii motus.

Pontifex Ferdinando Regi Neapolitanum regnum attribuit. CAPUT XXIV.

Ferdinandus Rex Aragonios, Valentinos & Catalaunos Montionē ad generales con-
uentus euocarat, duodecimo Kal. Maii in edictis adscripto, quo die præsto cuncti es-
sent. In subsidium Africani belli, cuius cura proprie eam gentē attingebat, pecuniam or-
40 dinum voluntate redigere, erat propositum propter inopiam ærarii tot bellis exhausti.
Ineunte vere ne occasione definitoq; tempori deesset, Madrito discessit. In eo municipio
Ferdinandus nepos & Hispaniæ Cardinalis subistere, præterea regium consilium. Re-
gem profecuti sunt Assidonius & Petrus Gironius, eorum quæ iuuenili errore delique-
rant, venia iam impetrata, & Sālucari tamen Nieblæ, & Hudux arces quasi fidei pignora
retentæ. Duobus adiuncti sunt Magister equitū Prieghi Marchio, atq; Vreniæ Comes of-
ficio in Principē incitati, an prosequi eū iussi ne turbas cōcitarēt. Hoc comitatu Cæsar-
augustā appulsus Montionē inde abiit. Magna gētis frequētia conuenit, q; ii primum ge-
nerales conuētus Ferdinādo Rege in ea gente haberētur. Antea enim singulæ prouinciæ
Aragoniis Regib. subditæ, per se suos conuentus agitarāt. His reb. districtus quamuis rex
50 belli Africani atque Italici curā animo cōplexus à Rege Gallo imprimis cōtendebat, vt
fancita ante annos aliquot in fœdere lex de regni Neapolitani successionē, nulla ex Ger-
mana Regina ple noua cēsura immutaretur. His postulatis gallus aures nō accōmodabat
spe cōcepta id regnū obtinendi nisi iure & causa certe armis. Sic Ferdinādi conat⁹ inanes
extitere, præsertim Rhotomagēsi Cardinali per hoc tēpus defuncto, cuius penes gallum
præcipua gratia erat & reb. omnibus auctoritas, studium haud obscurum Ferdinando
gratificandi, in iis quæ publicæ pacis interessent. Hac cura Ferdinando anxio ac dies no-
ctesque varias cogitationes animo versanti optimū fore visum est, odium Pontificis in
Gallum conceptum in suum commodum conuertere, atque occasionem suā facere. Pru-
dēs Princeps, qui quamcūq; rē è publica vtilitate fore prouidet, ea vtitur modo honesta.

Vt Pontificia auctoritate ipsi & posteris regnum Neapolitanum quasi Romanæ ecclesiæ beneficium confirmaret, postulat. Graue id initio Pontifici visum est, neque ea indulgentia præiudicatum Gallo Regi quamuis infenso volebat. Deinde auctis odiis, bellis quæ erant in manibus & maiora meditabatur, ope ex Hispania iuuari expetens animum flexit: atq; vt indulgentiæ maior gratia esset, ita postulatis annuit vt amplius nihil desiderari posset, ne si Ferdinandus arbitrio suo diploma fingeret. Ab Alexandro Pontifice Gallus parte eius regni concessa fuerat Neapolitanus & Hierosolymitanus Rex dictus, vt superius est indicatum. Id decretum mouere præsertim Rege inaudito erat plane difficile, neque exemplum satis probabile. Ad artes conuerso animo pronunciare visum est, Pontificium beneficium irritum videri redditum dupliciter honorario vectigali ab eo Rege, vt erat 10 iussum, nunquam repræsentato, præterea absq; Pontificis venia, cuius eæ partes erant, de regno Neapolitano superiori foedere cum Ferdinando facto. Dignum videlicet abdicatione facinus. Hac pronunciata Pontifex sententia, quod erat consequens, regnum Neapolitanum Ferdinando & successoribus confirmauit vniuersum, ea lege vt Petri & Pauli festo die annuas octo millia auri vncias in Pontificium ærarium inferret, quolibet triennio equum candidum daret, in præsentem quinquaginta millia aureos. Tantundem successores cum primum Reges essent à Pontificibus dicti. Enimvero repetitæ in Ferdinando eæ leges sunt nihilo mutatæ, quibus Carolo eius nominis primo id regnum fuerat olim à Pontificibus delatum. Sed & eæ leges ineunte mense Iulio impositæ à Pontifice & Cardinalium collegio, paulo post mitiori censura castigatæ sunt omnino ad septimum Id. Augusti. Remisso enim annuo vectigali & quinquaginta aureorum millibus, equum candidum quolibet triennio repræsentari satis habuere, ac quoties in Pontificia ditione bellum esset auxiliares mitti trecentos grauis armaturæ equites: qua vna è pactis antea conditionibus decedere non placuit, quoniam ea ope in bello Ferrariensi vti destinabant. Sic in præsentem decidere. Annis consequentibus à Leone Pontifice imperatum, vt ii Reges annua septem aureorum millia penderent, veniæ pretium Carolo Augusto concessæ imperii Romani nomen cum eo regno iungendi, contra quam leges olim Andegauensibus & Aragoniis Neapolitanis Regibus impositæ ferrent. Gallo Regi graue accidit, Neapolitana iura ea indulgentia à se in Hispanum translata. Ferdinandi se fraude delusum, Pontificis iracundia violatum accusare: vindicaturum ferro nisi esset id decretum abrogatum. 30 De quo eius legatus coram Ferdinando Rege grauissime exposulauit Montione: vbi Aragonii conuentus erant diras minasq; detestatus. Inani verborum sonitu nostri parum mouebantur. In iis conuentibus Idib. Augusti ordinum voluntate in bellum Africanum quingenta aureorum millia decreta sunt, ingens summa siue tēpora consideres, siue gentis immunitatem. Sed tanti erat impiam gētem bello opprimere. Auxit studium animorumque ardorem nuncius iis dieb. de capta Tripoli allatus. Additum nouo decreto, si Regem priusquam conuētus esset solutus, alio aut belli cura aut Castellæ rerum procuratio euocaret, vt Germaniam Reginam pro se conuentui præficeret. Facta etiam eidem copia denuo, si res ferrent, gentes ad conuentus euocandi, modo eam Rex pro se vicariam reb. in eo regno gerendis nominaret. Sanctum præterea vt in ea gente collegia soluerentur 40 ciuium ante annos aliquot instituta latrociniiis & cædibus vindicandis. Ab nullo non genere periculum non est, si cæsus & consilia & secretas cōsultationes agitare permittatur. Sæpe etiam quæ salubriter instituta erant, abusu hominum & ipso tempore deprauantur. Affuere conuentibus, vt erat necesse, Antonius Augustinus Vicecancellarius & Ioannes Nuza Aragonum Iustitia. Prima vox Alfonsi Aragonii Cæsaraugustani Præfulis fuit. In procerum ordine primi assederunt Belchiti & Arandæ Comites. Inter nobiles Michael Gurrea, & Michael Peresius Almasanius. Accessere procuratores Aragoniæ Valentiaq; atq; earum vrbiū & municipiorum, quibus ius suffragii gentis instituto in conuentibus dari solet. Legati Principum atq; è Castella, Neapoli, & Sicilia proceres magno numero Montione versabantur, conuentus quidem expertes, familiæ apparatu & splendore vestium elegantiaq; inter se certantes clari nobilitate opibus magni.

Garfias Toletus in Gerbis insula occisus.

C A P V T XXV.

AD Malacam Bæticæ vrbe instructa classe vt Garfias Toletus in Africam transmitteret bello dux vrgebat Ferdinandus Rex. cunctabatur ille metu pestis Bugiæ grassantis. Ita non ante adultam ætatem conscendit classem, qua septem hominum millia vehabantur, validum supplementum. Mollior. tempestatib. Bugiam vêtum breui, ibi classis partem & tria militum millia reliquit vrbi præsidium. Dieghus quoq; Vera rebus vrbanis compo-

compositis, ex eo portu soluit comes nauigationis, vnaque in Tripolis portum sedecim intulere naues. Opportunus eorum aduentus extitisse videbatur. Petro Nauarro octo hominum millibus in suam classem iam impositis propediem petituro Gerbim Tripoli ad occasum distitam trecentis circiter millibus insulam præcipuam & maximam earum, quæ Africæ littoribus adiacent. Veteres Menyngem, Girbamque dixerunt. Iouius Girapolim, vnde? Campi plani atque arenosi, palmetis & oliuetis impediti grata oculis viriditate. Continenti proxima est adeo, vt ponte cum Africano littore iungatur. Circuitu sedecim amplius millia collegit, aquæ penuria, nullis fontibus, oppidum nullum villæ tantum & ad mare arx Principis domicilium. Tinetano olim Regi subdita, tunc peculia-
10 ri regulo seruiebat, quem lingua gentis Xequem dicunt. Nauarri consilio probato breui cum copiis, quæ ad Tripolim erant, & classe eo discessere. Venere in conspectum ad quintum Kalendas Septembris die Iouis, Augustini memoria sacro. Milites nullo repugnante in terram desiliere insulam inter & continentem ad locum cui Põtifracto est nomen. Copiis omnibus in septem agmina tributis, Garcias Toletus quamuis summam imperii militaris obtinebat, in prima acie cum peculiari nobilium manu ipsum secuta curare voluit. Quidam repugnante Nauarro defendunt, fama frequentior consensisse dam-
20 nat fortassis, vt sine æmulo imperaret, aut potius ne ardenti iuueni repugnando rixam concitaret. Maurus sub signis habebat equites centum & quinquaginta pedites ad duo millia, plerosque tamen inermes sudibus & cõtis armatos, debilitatos metu, prorsus vt ne veniretur ad manus fœdus appeterent oblati honestissimis conditionibus, quas nostri
30 gentis contemptu spe certa victoriæ repudiarunt. Post meridiem mouere agmina ardenti iam sole, pene vt flammæ excitari in nudo & arenoso solo viderentur. Ab imperitis hæc ad nomen infelicitis exitus vertebantur. Quod in pace fors & natura, in periculo prodigium & ira Dei esse creditur. Æstus & pulueris impatientia laborare omnes sine sensu & sine mente, in terram abiecti non pauci præ siti periere. Aliquanto spatio progressum erat, cum primum agmen ad palmeta quædam peruenit. Ibi cõspicati milites parietinas, atque ex eo suspicati eo loco puteos esse retineri non potuerunt quin desertis ordinibus relictisque signis ad explendam sitim frequentes concurrerent. Mauri è propinquo cõ-
40 spicati nostrorum turbationem, suamque occasionem rati in vagos & palantes dedere impetum. Garcias & cæteri equites, in pedes destituti arma expedire. Animaduerso periculo quidam vt desisteret, seque retro referret monere. Apage tantum nefas, ait, Inferte milites gradum. An huc processimus vt terga vertamus: Vitam eripere fors aduersa poterit, nos tamen non comitemus vt nostræ nobilitati macula iniusta, officii obliti videamur. Illud caute socii ne inulti ponamus animam, nemo nisi in hostem versus cadat. Ea
50 suprema cura esto. Hæc flagrans oculis, væcordi voce dixit simul de Aragonio quodam nobili, arrepta militari hasta in Mauros ingruentes inuasit. Neque ducis verba, neque virtutis exemplum mouere milites. Auersi in fugam ferme omnes continuo terga dederunt. sensum excusserat metus, proximo exitio pudore validior. Mauri cuneo facto in nostros inuecti primo impetu ex promptissimis quatuor peremerunt, Garciam Toletum, Garciam Sarmentum, Loaysam, & Christophorum Velasquium præcipua omnes nobilitate
60 ordinum ductores. Fugientium consternatio tanta extitit, vt agmina integra, quæ retro sequebantur, trepidatione turbarent, densi & conglobati perfringerent ordines, prorsus vt omnes fugam arriperent. In eo periculo Nauarrus, quoniam nihil aliud supererat, præsidium à prudentia petens, agmina Dieghi Paciechi, & Egidii Nepotis quæ in subsidiis secum reliquerat, locis idoneis infessis, qua nostri fugiebant, hostes transitu prohibere mandauit. Salutare consilium ne cuncti simul perirent. Alioqui inopinato casu turbata Nauarrus mente tanti quamuis vsus dux, quasi officii & virtutis oblitus inter primos classem conscendit. Mollior interpretatio, & fortasse verior, triremes, quæ propius littus in alto erant, vt milites acciperent pro imperio efficere voluisse. Multi enim deficientibus scaphis ad natantes quoniam metus misericordiam non recipit, conscensione in naues prohibiti inter fluctus peribant, in rabiem desperatione versitalesque nautis & militibus in periculo socios & commilitones precantes. E nostris quatuor millia desiderati sunt quæ cæsi quæ capti. Nobiles maxime præter superiores perierunt Alfonso Andrada, Santangelus, Melchior Gonsalvus Aragoniæ Conseruatoris filius, aliiq; genere & factis eximii. Garciæ corpus victor ad se delatum aliquanto post, quoniam intelligeret è præcipua Hispaniæ nobilitate ac Regis esse propinquum in ligneo loculo seruari: facturumque quod placuisset, ad Hugonem Moncadam Siciliæ Proregem scripsit. Garciæ filius Fernandus Aluarus Toletus in tenera à patre ætate relictus accedentibus annis in eximium bellatorem euasit, atque ita vt nulli

duci nostra & parentum ætate priores concessisse videatur magnus animo par prudentia felicitateque. ingenium paulo asperius & morum seueritas nocuit, ne cum quolibet antiquorum ducum conferatur. Garfæ pater Fridericus Ferdinandi Regis consobrinus fuit. Autis Garfias primus ex ea familia Ducis nomen & honorem promeritus. cuius pater Fernandus Aluarus Toletus patruui Guterrii Toleti Archiepiscopi Toletani dono Albani municipium non procul Salmantica accepit, Comitum nomen Regis beneficio. Nauarrus priusquam ex hostili littore solueret Egidium Nepotem & Alonsum Aquilarium ad Regem ablegauit nuncios & testes cladis acceptæ. Ducem occisum, ple-
rosque milites periisse, grauiorem clade ignominiam. Dein triremibus Neapolim aman-
datis, vti erat iussum, cum reliqua classe aduersis quamuis tempestatibus per octo iactata
dies, Tripolim tenuit ad tertium decimum Kalendas Octobris. Ad eius vr̄bis præsidium
tria militum millia reliquit duce Diegho Vera. Parem numerum ætate aut vulneribus
grauēs pletosque etiam integros missos fecit. Cum classe & quatuor millibus ex omni
copia delectis ad vexanda Africæ littora processit Gerbim inter & Tunetum. Idoneum
nauigationi tempus non erat: continuus procellis sæuiēti mari, ad Lampedosam seu Lo-
padusam dum hyemis sæuitia remitteret, classem & militem continere necesse habuit, v-
nam ex insulis, quæ Africam inter & Siciliam obiacent. Safinum in ora Africæ Lusita-
nis subditam vr̄bem sine huius anni innumera Maurorum impugnabat multitudo. Ve-
nere ex Madera insula militum numeri. Opportuno auxilio confirmatus Ataydius præ-
sidio præfectus vr̄be acerrime defensa Mauros conatu abscedere compulit. Soluta ob-
sidione in vicinos Maurorum agros irruptione facta, Almedinam vsque prædabundus
processit triginta duobus millibus nihilominus distitum oppidum. Variæ pugnae cum
Mauris factæ: magnam hominum pecorumque post collectam prædam tamen in redi-
tu hostibus magno numero circumfusus amittere. Magna alioqui virtute dux consequen-
ti tempore sæpe Mauris molestus & grauis extitit; aliquando ad ipsas Marroccii vr̄bis
portas prouectus maiori aliquanto audacia quam fructu, facinus quod laudarent mul-
ti, cautiōres accusarent. Sic sunt hominum tum facta tum iudicia. Pari studio in ope-
re versabantur Ioannes Coutignus Arcillæ Præfectus pro patre Vasco Coutigno Bor-
bæ Comite. Item Petrus Sofa cui Azamoris credita custodia erat. Duces apprimē pu-
gnaces Lusitaniæ ditionis fines & laudem gentis extendere in Africa non cessa-
bant, latissima prouincia in multa ditiusa imperia nulla imperantium
concordia, eoque prona in exitium, neque par Hispaniæ fu-
tura, si pace Principes facta iunctisque viribus
in eam curam incumberent impiæ
gentis extirpandæ.



Libri vigesimi noni Finis.

IO. MARIANÆ HISPANI
E SOCIETATE IESV,
HISTORIÆ DE REBUS
HISPANIÆ,
LIBER XXX.

Quidam Cardinales ab auctoritate Pontificis discesserunt.

CAPVT I.



No ferme tempore Ferdinandus Rex solutis Montione Aragoniis conuentibus per Cæsaraugustā sese in Castellam retulit, & Iulius Pontifex Roma digressus Bononiam festinauit Galliæ Cisalpinæ urbem primariam vterq; re necessaria. Regi deliberatum erat Castellæ conuentibus interesse, ad quos per edictum Madritum gētem antea euocarāt. Maior tamen cura belli Africani suberat: quo se iturum videri voluit acceptæ vtiq; ad Menyngem insulam cladis in vindictam inflammatus. Bellum Italicum animo porro & cogitatione versabat: quo singuli Principes vocabant eius opem flagitantes certa victoriæ spe in quamcumque se partem dedisset præcipua auctoritate par opibus. Vni se respublica to-

tam tradiderat temporib. coacta & intestinis diffidiis, quam late Christianorum nomen patebat. Pontifex Bononia, quo Septembris fine peruenit in bellum Ferrariense maiori conatu incumbere destinabat: in quo Urbini Dux copiis Pōtificiis Præfectus parum eatenus promouerat. Hostis & suo apparatu diligentiaq; confusus, & Galliæ opib. superbus & contumax, Pontificios vrgendo coegerat, sese prope Mutinam munitis castris tenere. Spe aliquantum sustentare posse, metus amplior. Madriti Ferdinandus pridie Nonas Octobris coram Cæsaris & Caroli Principis legatis atq; Pontificis Nuncio, vti Blesis in fœdere sancitum erat, cōceptis verbis Castellæ commoda pro eo ac par erat, procuratorisq; munus exigebat, curaturū se iurauit. De Pontifice & gallo cura anxius, qua ratione vtriq; satisfaceret sine alterius offensione mediā personam sustinere statuit. Ita Fabricio Colūne mandat vt è Neapolitano equitatu trecentos grauis armaturæ equites ad Pontificias copias adiungat, cum eo tamen ne Gallicis finib. inferatur bellum, contra Ferrariensem iuuare satis habeat. Ea ope quāuis necessario præstita quippe debita Neapolitani regni causa & iure, ne Gallus offēderetur, quasi exæquata lāce Villamarino maris Italici Præfecto cura data vñdecim triremes recens à Nauarro ex Africa missas in Ligurię oram ducendi, eoq; præsidio Genuenses ciues frænandi, ne Gallici imperii iugum excuterent: q̃ moliri videbantur. Termenstinus Veronæ agebat cum quadringentis equitib. eius curæ cōmissis, Hispani Regis stipendio Cæsaris ex commodo bellum gerēs. Eam urbem positis iuxta castris acri conatu impugnantes Venetorum copias numerosas quamuis & validas soluta obsidione in pacata sese referre tum præsidii virtus compulit, tū Caroli Amboesæ cum quadringentis cataphractis obsessis opitulatum festinantis metus, ne à tergo & a fronte circūuenti pares vtrifq; nō essent. Maior aliunde atq; atrocior tēpestas extitit. In discessu Pontifex Romæ Cardinalib. edixerat se vt cuncti sequerētur nulla excusatione accepta. Eorum quidam ingenii Pontificii asperitate offensi, an consiliis occulte cum Gallo communicatis, atque in rerum nouarum studium incitati Neapolim abire cogitarunt. Appellatus de ea re Prorex Cardinales finib. accipere detrectauit molitiones fortassis odoratus. Sic mutato consilio & re necessaria Florētiam processere. In ea vrbe Bernardini Carualii tentata valetudo ipsi & sociis subsistendi opportunam occasionem præbuit. Non cessabat tamen Pōtifex vt ad se cōtinuo venirent, in dies flagitare, ipsa flagitationis importunitate suspectior, subesse profecto fraudē aut consilia vulgata. Eo metu alias ex aliis nexas moræ causas excusare, quē cursū cōmotæ res habiturę essent expectātes. Nā quō tēpore Pōtifex

Bononiæ erat, eius copiæ Mutinæ, magnus Galliæ Magister facinus aggressus est magis ad nominis famam celebre, quam ad laudem. Cum quadringentis equitibus, quos Veronam duxerat, ea soluta obsidione, flexo repente itinere adiunctisq; aliis ducentis equitibus, qui rubiæræ erant, Bononiam improuisus accessit urbem occupare satagens. Vi- res conatui impares Bentiuoli ex ea vrbe profugi subleuabant expeditionis comites atq; factionis opibus polliciti continuo venienti portas patefactum iri. spei euentus non respondit. Pontifici tamen & Cardinalibus vt in tali periculo, ingentem metum incussum opportunus Fabricii Columnæ aduentus depulit, ciues in officio confirmauit, Gallo- rumque spiritus fregit penitus: atque ita vt obsidione solutâ retro cōtinuo redierint. Ab- euntes & trepidos vrgeri Fabricius noluit in tergis hærens memor regii mandati, Gal- los non esse laceffendos, neque eorum conatus ad gratiam cuiusquam vindicâdos. No- uæ subinde spes, fœdi conatus exceperet, vix priori metu sedato. grauis repente morbo. in ea vrbe Pontificem inuasit. Sanitate à medicis desperata turpi Patres ambitu prehen- sare inter se, nulla decoris memoria nulla probitatis & modestiæ, præ cupiditate assequen- di q; animis destinarant, summum honoris fastigium. Recreata Pontifex valetudine in- dicatas molitiones ægre, pro eo ac par erat, tulit. quin Patres ad se ad quartum Idus eius mensis euocatos graui increpatione castigauit. Se superstite de successore agitasse. di- gnum vindicta commisisse facinus. Et sunt inuisi suspectique dominantibus qui succe- dendi spem importuno tempore præsumunt. In posterum ergo seuerò edicto simoniaca labes coercita in electione Pontificum: q; edictum initio pontificatus perscriptum eate- nus promulgare varias ob causas distulerat. De Patribus cura crescere, qui ad Florêtiam substiterant, neque iussis obtemperare voluerant. monstri simile aliquid profecto versa- re animo neque cessaturos priusquam orbis Christiani pacem turbarent. Itaque, q; ipsi expetierant, facile dabat, vt Neapolim migrarent in metu benignus & placidus. Recusa- runt illi vterius progressi, quam vt reuocare gradum facile esset. Duo quin etiam ex eo numero Bernardinus & Cosentinus Ticinûm abiire certa sententia generalem Episco- porum conuentum indicendi. Insolêti facto species obiecta honesta scilicet ecclesiæ mo- ribus, qui nimium prolapsi erant, castigandi acriori censura, ipsoque Pontifice si opus es- set abdicando non minori præsidio opus esse. Præclari quidem conatus, ratio præposte- ra magnisq; incommodis obnoxia gallus & Cæsariis se consiliis miscuere paucorum te- meritas patroni Ferdinando etiam Rege tentato si posset in eam fraudem induci. Blesis sane nouo Cæsarem inter & gallum fœdere per idem tempus constituto opera Matthæi Langi Gursensis Episcopi, qui Cæsaria secretis erat gratosus & familiaris, accessit etiam in partem Cabanillas Ferdinandi legatus, sed cum mandatis, ne quid in Pontificis digni- tatem decerni pateretur. Parum tamen ea cautione præstitum est. Inter cætera eius fœ- deris capita, expressum debere quidem reliquos socios virib. iuuare Cæsarem dum di- tionis Venetæ partem sui iuris, obtineret armis: sic Cameracensi in fœdere præscriptum fuisse. hætenus non male. Additum tamen vt Pōtifex iure potius quam armis cum Fer- rariensi disceptaret. Si parere salutaria monentibus obtestantibusq; recusaret, à Cæsare in germania eius nationis Episcoporum cōuentus agitentur nationales, idemq; in Aragonia & Castella fieret ad ea constituenda q; paulo ante Gallicana ecclesia sanxerat Aureliæ pri- mum deinde ad Turones conuentu gentis habito. Miseram temporum labem à profanis Christi Vicario leges imperandi præscribi. In vno peccato quot & quanta extitere pec- cata? sed præcipua capita erant, quibus pontificatus propemodum redigebatur in ordi- nem vt Gallici sacerdotes, ne exceptis quidem Cardinalibus aut in Pontificis familiam adscriptas suas singuli ecclesias regerent, in Galliam reduces. Si repugnarent intercepti annui redditus in templorum alios vsus & commoda verterentur. Exitiale decretum ec- clesiæ paci inimicum, dissidiorum fons. Pontifici vsq; adeo graue, vt diris & anathemate detestatus fuerit, quicumq; impio decreto obtēperassent. Ac nominatim magnum Gal- liæ Magistrum atque Triuultium cæterosq; duces Gallica in Italia stipendia facientes, ad hæc quicumq; ecclesiæ Gallicanæ conuentibus interessent. Ne Ferdinando quidē Regi, Blesis recens ictum fœdus placuit: neque Gallicanæ ecclesiæ damnatum exemplum, ne importuni quidem Cardinalium conatus. Ac potius Cæsarem pro necessitudinis iure ab ea mente deductum Pontifici conciliare & cum Venetis in pace ponere tentauit. Quo tēpore de Ioanna Neapolitana Regina Carolo Sabaudo Duci iungenda actum est. Ferdi- nādus Reginæ auunculus coniugii conciliator præcipuus ducentis aureorum millib. in puellæ dotem cultumq; designatis. Ita quasi re confecta se illam Sabaudie Ducem dixisse huius temporis tabulæ indicio sunt. Neque tamē id coniugium coaluit, qua causa incer- tum suspicor Reginæ ætatem displicuisse annis prouectæ: ac consequentib. certe annis Beatricem

Beatricem Lusitani Regis filiam Carolo iunctam constat. Neapoli anni fine tumultus ex-
 titere plebe ad arma consternata offensaque vehementer aduersus Inquisitores qui mo-
 re ex Hispania translato cæperant in eâ vrbe iudicia de religione exercere, maiori seueri-
 tate quam mores gentis reciperent. Ierant Andreas Palæcius Inquisitor, & illi adiunctus
 Archiepiscopi Vicarius. Malo commotos populares frænare non licebat. Sæuiente indi-
 ces motu Prorex per edictum Iudæos omnes quique ex ea gente Christianis sacris abdic-
 tis ex Hispania non ita pridem venerant, quorum erat magnus numerus, eius regni fini-
 bus arcuit. Exilio parando proximus mensis Martius designatus. Ea colluuiione pulsa ci-
 uium ac vero totius prouinciæ in veræ religionis constantia & animorû pietate satis per-
 10 specta Inquisitionis & rem & nomen minus videri necessaria: proinde cessare & amoue-
 ri sancitum. Et utiq; periti sæpè naucleri sæuientis pelagi fluctibus quandoq; obniti non
 audent, ventorum violentiæ cedunt. Pontifex ipse, cuius maxime dignitati Inquisitores
 seruiunt, ne incommodo tempore eo constituto tribunali turbarent tranquillitatē gen-
 tis, auctor erat. Sic populus conquieuit.

A Gallis Bononia occupatur. CAPVT II.

GAllus Rex Ferdinandum suspectum habere cæperat, ne Pontificis partes subleuaret
 cum eo nouo fœdere facto. Heluætiis magno numero Pontificis auro cōductis ne in
 Mediolanenses fines bellum verteretur, porro metuebat. Ea cura Pontificē placare con-
 stituit sibiq; adiungere interprete atque annitente Francisco Alidosio Ticinensi Cardi-
 20 nali, qui multum apud eum gratia & auctoritate poterat. In bellum Turcicum equitum
 peditumq; validis copiis oblatis, Ferrariensem præterea pollicebatur redditurû Pontifici
 Centû Plebemq; agri Bononiensis oppida, annuaq; quatuor aureorû millia repræsentatu-
 rum vectigal pendi antea solitum. ceterum quo ab Alexandro Pontifice fuerat liberatus,
 eaq; oppida acceperat, dotis nomine vtrumq; cū vxore Lucretia Borgia. Adiecit decessu
 rum omnibus oppidis, quæcumq; in Flaminia obtinebat. Honestæ conditiones, nisi Pon-
 tificis animo speque vniuersam Ferrariensis ditionem cōplexus esset. Obfirmatur animus
 quem ingens spes percellit. Mutina occupata Rhegium Lepidi & Rubieram haud lon-
 ginquæ oppida adiacere cogitabat propediem. Pōtificis conatus grauis Cæsari extitit Mu-
 tinam & illi contributa oppida imperii beneficiû Ferrariensi datum quasi stipendiario de-
 30 trahi se incio, ne dum auctore. Monuit ne vltius progrediretur, ac Mutinā potius sibi
 redderet. alioqui iniuriam curæ fore. Monuit ea denunciatio Pontificem facileq; addu-
 cebatur Mutinā Cæsari dare, sed cum eo si retineret sibi, certe ne eâ Ferrariensi traderet,
 multo minus Regi gallo. Ferdinandum belli Africani cura imprimis sollicitabat: neque
 Italiæ motus negligebat quasi ex specula in omnes dispiciens partes. Ita Termestino quo-
 niam Cæsare absente, nulloq; idoneo exercitu parum ad Veronam proficiebatur, vt Nea-
 polim rediret cum suis equitibus mandat. Fecit ille q; iussu erat, ex itinere à Pontifice
 quem ad Bononiam intusit, benigne acceptus cultusq;. Madrito Rex reb. aliis omnibus
 prætermisiss Hispalim abiit ineunte salutis anno mill. quingentesi. vndécimo in apparatus
 plane Africanos intentus. Cladē ad Mehynigem acceptam vindicare destinatē nouum
 40 præterea incommodum amplius irritarat, Vilanello tribuno ad Querquensiam insulam
 cum quadringentis militibus, qui aequatum egressi erant, obtruncato à Mauris: qui no-
 etis silentio & tenebris tecti inopinantes & somno sepultos oppresserunt ipso Matthiæ A-
 postoli festo die. Pontifex quoque media hyeme, quæ fuit præter morem sæuissima, bel-
 lo Ferrariensem ditionem fatigabat. Et quoniam eius & Venetorum copiæ parum profi-
 ciebant, vt erat ardens animus, mora omnis grauis, ipsemet nulla valetudinis memoria
 Bononia digressus Mirandulam impugnatum abiit. In qua obsidione accidit vt Pontifi-
 cis de belli ratione cum aliis Patribus deliberantis tentorium euerteret globus tormēto
 ex arcē ei aculatus sed citra cuiusquam nōxam, eorum qui aderant Patrum. Rei gestæ &
 diuinæ indulgentiæ monimentum pila ipsa in templo Lauretano celeberrimo appensa ca-
 50 pitis humani magnitudinem exæquans in hunc diem coram beatę Virginis signo visitur,
 cui salutem acceptam Pontifex tulit. Intra id utique oppidum Ludouici Pici Comitis v-
 xor viro defuncto verita animum Pontificis irati irritati peticulo, & vt viribus par esset,
 quamuis mœnibus armisque munita comœatuque instructa, id dedere tamen consti-
 tuit. Ab eo initio obfirmato amplius Pontifex animo quasi certa victoria Bononiam i-
 pse discessit, ad obsidendam tamen Ferrariam militem amandauit. Accessit Andreas Gri-
 tus cum Venetorum auxiliis. Conatus inanis fuit. Ferrariensis validis copiis & omni bel-
 lico apparatu instructus, atq; magno Galliæ Magistro cum equitatu, quem ad Veronam
 habebat, se se ad Padi ripam ostentante, dimicandi decreto, si opus esset, effecit vt Ponti-
 ficis se se necessario retro referrent vtrisque viribus impares futuri si ad manus ventum

esset. Eo depulso periculo Galli flexo itinere Rhegium abiire: vbi Gasto Fuxensis curare urbemque tueri iussus erat, præclara indole iuuenis regia nobilitate. Mutina ne eodem impetu caperetur, quamuis supremo à Gallis conatu impugnata Marci Antonii Columnę virtute & diligentia factum est, eam urbem præsidio Pontificis nomine obtinentis quamuis deditam iam expetenti Cæsari auctore Ferdinando Rege. Pontifex quoniam priores conatus non successerant, denuo in ditionem Ferrariensis incurrere statuit. Rhauenna vrbs commoda visa est, per cuius fines Pontificiæ copiæ progredierentur, certiori (quippe mare proximum est) Venetæ classis ope, com meatu parato. Hoc consilio Bononia cum copiis rursus discessit. Euentus priori nihilo melior. Victi quin etiam Pontificii repulsi que, neque classis Veneta aduerso Pado in hosticū penetrare est ausa: 10 hostilibus tormentis in ripa eius fluminis dispositis memoria superioris temporis cautiore, ne insignis aliqua clades rursus acciperetur verebantur. Quo tempore Carolus Ambosæ Chaumontius regulus, magnus Galliæ Magister ex morbo Rhegii decessit ad tertium Idus Februarias. Mense proximo Pontifex Rhauennæ nouem creatis Cardinalibus senatum suppleuit. In eo numero Sedunensis Episcopus lectus est, natione Heluetius, tum Gursensis antistes à Cæsare tunc in Italiam legatus de controuersis, quæ illi cum Venetis, cum Gallo, & cum Pontifice erant. Vtrumque purpuræ honore dato promereri placuit, atque in partes traducere. In Chaumontii locum substitutus Triuultius militari prærogatiua, dū noua à Gallo venirēt mandata & sua spōte & Mirādulæ Comitis, quippe ex sorore natæ, iniuria prouocatus dolorē vindicare cōstituit. Præclara occasio se se dedit 20 Bononiā urbē occupādi discessu Pontificis præsidio vacuā, certe neq; valido neq; vigilantimunitā, ac potius in socordiam resoluta. Aduolauit cū milite Triuultius urbemq; nulla difficultate obtinuit. Urbinate præsidii pro Pontifice Præfecto cum militib; ac reliquis ducibus raptim profecto quoniam in repentino metu parem se hosti præsertim à parte ciuium adiuto fore non putabat. Discessit etiam Ticinensis Cardinalis Rhauennamque abiit, vbi apud Pontificem patruū Urbinate accusare acerrime nō dubitauit. Tantum gratia potest; quæ leui momento circumagitur apud Principes maxime. Eius culpa amissam Bononiā affirmare: ac vero consilia in Pontificem cōmunicasse cū Ferrariensi: cui ex arcano bene cupiebat, Eleonora vxore ex Isabella Ferrariēsis sorore nata quæ Francisco Mantuano nupserat. Non latuit ea siue calumnia siue accusatio Urbinate. Sic fert 30 aulæ consuetudo, vt nihil occultum esse patiatur plena delatoribus. Inuidia eo nocentior quo magis ex occulto grassatur. Ergo in vindictam præceps die quodam in Cardinalem ad Pontificem euntem, quamuis multis assecis atque in iis aliquot centurionibus stipatum, in platea cum armatis irruit, adactoque in viscera gladio peremit. Quid Pontificis beneuolētia profuit? quid purpuræ sacræ pares opes? Insignis audacia, sed tanti iracundia fuit. Ne impii parricidii pænas daret, patruus Pontifex valuit: neque defuere sermones existimantium, vt sunt hominum varia iudicia, prona in deterius hominum persuasio, id facinus conscio profecto, atque auctore Pontifice fuisse factum, simulata fuga compositam inter duos atque peractam fabulam.

Ab aliquot Cardinalibus Episcopi ad concilium euocati. C A P. III.

SVperioribus comitiis pontificiis clausi intra cōclauē Patres consensu pro se quisq; sacramento sunt polliciti, quicumq; eorū esset Pontifex renunciatus intra bienniū Episcoporū è toto orbe conuentū habiturū: si falleret graui caput suū obtestatiōe deuinciēs. Sanandis reip. malis aut eam aut nullam spem superesse. Ab vniuerso ope expetitur remedium quid amplius morarentur? piorum vota diutius quid frustrari sinerent? Cōfectis suffragiis Iulius pontificatum adeptus, promissi immemor præsentī potentia viuorum odium restingui posteritatisque inuidiam existimabat præceps in consiliis & rapidus. Ne Constantiense quidem & Basiliense decretū tanti fuit quolibet decennio ea haberi concilia mandans, graui multa proposita, si quis saluberrimæ institutioni morā afferret. Accessere noua & multa dedecora romanæ curiæ & aulæ pōtificiæ Alexandro p̄sertim & Iulio Pontificib; rerū Romæ porientibus, q̄ p̄sens ætas accusaret & annaliū scriptores nobis vituperandum traderent. Pudet tēporis & fœditatis. Pleriq; modestia & probitate cōspiciui tātis malis finē remediumq; optabāt. Medicinā facere quī posset desperata ferme fanitate? peccādi cōsuetudo in morē trāsierat. metu omni pudoreq; sublato maiora nequitia præmia q̄ probitas & virt⁹ habuit. Miseram temporum conditionē. Et est morbus grauissimus, qui diffunditur à capite. Ad eam indignationem vota que multorum, adiuncta Cæsaris & Galli à Pontifice alienatio occasionem præbuit duobus Cardinalibus, qui Ti-
cinum

cinum se contulerant, in partes attracto Narbonensi itē Cardinali, ut suo & sex aliorum Patrū nomine Episcopos ad generale conciliū euocarent. Ad terrendos Pontifices coercedamq; Romanam licentiam ea via inuenta erat magnis alioqui incommodis obnoxia: quod semper accusabitur, & sæpe recurret tamen. Et est nihil tam validum cui non sit periculum à multitudine, si in cœtus coire permittatur. Itaque Mediolani, quo Ticino abierunt, in eam rem edicta euulgarunt in ipso belli Ferrariensis ardore; quib. causas explicarunt, cur iure Christiano liceret, ac vero necessariū videretur, ad illud extremum atque vltimum decurrere, ut conuentus generales agitare curarent. Argumenta deesse qui poterant & causæ in tanta eius seculi prauitate tam corruptis moribus tum plebis tum

10 ordinis sacra? Accessere Parisiensis Episcopus aliiq; excitati ad edictum ex Gallia Præsules. Legati à Cæsare Hieronymus Nogarolus Comes & alii duo viri primarii à Gallo Rege totidem, qui suorum Principum nomine turbidos conatus adiuuarent. Ab his nouo exemplo edicta porro euulgata sunt: quibus Cæsaribus & Gallis Regibus ecclesiæ Romanæ dignitatem curæ semper fuisse explicarunt. Malorum ad tyrannidē vindicandam ac publicam totius orbis ex eo fonte offensionem amouendam, remedium salutare exco-

20 gitasse Episcoporum ex toto orbe conuentum. In his omnib. edictis cōcilio vrbs Pisæ designata & Sept. Kalen. quo loco & tempore cuncti Episcopi præsto essent. Ac Cæsari qui dem alia omnia placebant. Italiam tantum Germania mutabat, Constantia nominatim prælata, Pisis vrbi longinquæ, neq; tranquille satis, rerum indigæ, quippe bello superiori,

30 quod diu cum Florentinis de libertate & imperio gessit, exhaustæ. Is rebus cognitis Ferdinandus Rex Catholicus alienum se ab iis molitionibus ostendit, eo maiori studio, q̃ in edictis in eam voluntatem, ipsum conspirasse significabatur. Cum Cæsare quin etiā agit, ut eo conatu desisteret. superioris tēporis calamitatum exempla & vulnera recentia vix cicatrice obducta satis indicare, ea consilia conatusq; præposteros infelicitate cadere. Qui res nouari cupiunt, & imperia mutari, quid aliud quam sibi & aliis exitiū parant? Quid ea ratione eoq; itinere quæri, q̃ dissidiorum & tetri schismatis materiam? Præterea Cabanillæ suo in Gallia legato mandauit, blandis quidem verbis testato tamen Gallum Regem moneret, uti Bononiam cum subiecto agro Pontifici restitueret: neq; pateretur alia Pontificiæ ditionis oppida à suis occupari, ac multo minus ecclesiæ pacem turbari consilio

40 conuocato: si secus faxit, ne quid propterea resp. detrimenti capiat, curæ fore. Excusauit Gallus à Pontifice motam fœderis fidem neque pactis eum conditionibus stetisse. Bello rum euentus esse varios, victoriam cælo dari auferriq; cuius voluntati nullus præscriberet. Pacem non recusare tamen modo æquam honestamq; sin bellum malent, neq; id timere. Ac nominatim petebat Cameracensis fœderis conditionibus stari. Cardinales, qui à Pontifice discesserant in pristinum dignitatis gradū redire. Mantuano summo Veneti exercitus ductori iurisiurandi gratiam fieri, qua se religione in eam militiā obstrinxerat, restituto etiam filio, qui obsidis loco pro patre penes Pontificem detinebatur. Ferrariensi veniā & pacem esse abrogatis sententiis, quæ in eum fuerant pronunciata, neque propterea tamē oppidis decederet, quæ vltra Padū obtinebat, ne Cæto quidē & Plebe, quando dotis nomine erant data, uti paulo ante dictum est. Hæc ipsa Cæsar etiam per legatos

50 flagitare. Quæ omnia grauius Pontifex iudicabat, & ut erat erecto animo, nō ferebat à subditis ut obtemperarent, imperandi leges dici. Ferdinandus nulla spe reliqua instantibus futurisque malis auctoritate medendi, dolensq; salutaria ipsius præcepta respui, vim adhibere ac metum statuit. Ita deposita media persona palam ad Pontificem transiit tanto studio eius dignitatem ab iniuria tuendi, ut Africano bello neglecto, quo ire cogitaret, in vnā belli Italici curā toto pectore incumberet. Eoq; mille sagittarios persoluto tamen stipendio dimisit, qui Gadeis peruenerant Iunio mense ab Anglo genero missi in bellum Africanum auxiliares. Ad hæc cum eo Rege sanxit, ut nisi Gallus Bononiam restitueret Pontifici, neque à conatu concilium agitando desisteret, ac potius finibus Hispaniæ arma inferret, Ferdinādus dū bello Italico district' esset, occuparet ipse conatus, atq; ne nocere posset bello Aquitaniam implicaret. His reb. cōstitutis Hispali Rex Burgos est profectus. Vētum ad Guadalupeum fanum loci religione ac præsertim Virginis matris numine celeberrimum. Ex eo loco Petro Nauarro mandauit, ut cum copiis eius curæ concreditus Neapolim actutum nauigaret, vbi Cardonius belli Africani specie instructas paratasque habebat lectissimas equitū turmas ex vniuersa ditione in vnū collatas. Sancitū præterea ut Tripolis nuper de Mauris capta Siciliæ contributa esset propter locorum vicinitatem auxilio atq; commeatu faciliore. Ad eam quoq; urbem tuendā cū idonea classe missus ex Hispania est Iacobus Requesenius Diegho Veræ successor. Cuius opera Rex in bello Italico uti cogitabat tormentorum cura restituta propter insignem collimandi, ac vniuersi

tormentarii apparatus & fabricationis scientiam. Non diu Requesenius Tripoli substituit, nempe militari tumultu in ea vrbe forte cōcitato, Prorex Sicilia eo profectus motu composito, iisque militibus cum duce in Siciliam abductis Tripolis præsidio Guillelmū fratrem maioriq; ex eo auctoritate ad frænandos milites, in eius locū Præfectū, vrbique rectorem dedit.

Nouum à Pontifice concilium Lateranum conuocatur. C A P. II II.

C Vpiebat Ferdinandus Cæsarem ab amicitia galli Regis distrahere eius rationibus & nominis existimationi parum consentanea. In eam rem & vt Catanēsi Episcopo succederet, Petrus Vrrea legat' est cum mādatis Venetos Cæsari cōciliare facto fœdere curaret, Cæsare Pōtifici. Ingenio Cæsar mobili & vario, vt in reliqua ætate nō satis statuebat animo, quid facto opus esset, in q̄ se daret partem anxius. Inter multiplices tamen cogitationes fluctuātī visum est, Gursensem quidē ad Pontificē legare, si eius opera cōtrouersia inter ipsos facta pace cōponerentur, ad Venetos Petrum Vrreā, vt sancito cū vrbe fœdere discederetur ab armis Venetorum nomine Pōtifex dabat vt Cæsar Veronam & Vicentiā ditione stabili retineret, aliqua Venetis cederet de iis capta quasi beneficiariis imperii, ducēta & quinquaginta auri millia numeraturis pro ea cōcessione, annuaq; adeo triginta millia. Cæteræ cum iis cōtrouersia ipsius & Ferdinādī Regis arbitrio finirentur. Honestissimæ conditiones: sed quas Gursensis vasto animo maiora cōplexus repudiavit immemor scilicet rerū humanarū varietatis & inconstantia præsentī potētia inflatus. Ne Petrus quidē Vrrea quidquam apud Venetos Patres profecit erectos quippe in spē, vt res se dabant, breui Italia turbata ex aliena calamitate respiraturos. Ex longo rerum vsu haud inane vaticinium extitisse breui euētus cōprobauit. A Ferdinando Rege Cæsar & Margarita importuna efflagitatione expetebāt, virib. & pecunia iuuaret ad bellū defendendū q̄ Gheldria Dux Gallico patrociniō cōfusus Belgicis finib. inferre pergebat porro, molestus imprimis & grauis. Veram id incōmodum tanti non erat Hispano p̄ cura atq; studio rerū Italicarū. ne Cæsari quidem vsq; adeo, ne contra Gheldria Ducē motis armis in galli offensionē incurreret ad priores necessitudines specie religionis, tūc qua nihil fallacius magis q̄ antea amicitia deuincti. Ætate iā adulta ea moles rerū mouebatur. Quo tēpore ad oriētis solis extremas oras Lusitanica arma prosperū cursum tenebant; atq; ita nihil vt amplius desiderari posset. Cognouerat Emanuel Rex annis superiorib. vltra Goā vltraq; Calecutiū Malacam esse forum rerum venalium cum primis totius India nobile: vbi & incolere & mercari cōsueuerant ex omnib. nationib. innumeri mortales. Maris vicinitas & multarum circa gentium, quarum ad fines iacet, mutui vsus dedere celebritatem. Die gho Lupo Siqueire, ante annos Olisipone soluerat, negocium datum ea vrbe obita, visa explorataque Regi suo renunciandi. Fecit ille quod iussum erat, in reliquo comitatu Garfia Sofa & Fernando Magallane prosequentibus ad Somatram prius appulit insulam ex aduersum Malacæ equatori subiectam, latam spatiis in multa imperia diductam à Mahumetanis & inani gentium superstitione detentis hominibus cultam per partes, pingue solum bifero triferoque singulis annis prouentu. Cum ea gente instituto commercio iunctaque amicitia, Malacam haud procul distitam cognouit, olim Siami Regi subditam tunc peculiari Regi seruientem nomine Mahomadi. Siqueira vbi traiecit, cum eo Rege pace facta, atq; fœdere sancito per conditiones Rodericum Aracium cum Lusitanorum numero intra vrbem designatis ædibus habitare voluit, vtriusque gentis commercio id commodum fore ratus. Mahumetanus & suo ingenio suspicax, & à Lusitanis mali aliquid imminere arbitratus, naues occupare conatur. Ea spe irrita Lusitanos, qui in vrbe erant, nihil minus cogitantes in ferrum; & vincula rapit. Et est leuissimum genus hominum seruituti natum, ad omnem auram spei mobilis infidaque gens. longum erat iniuriam vindicare, neque vires idoneæ conatui in frequenti ciuitate, inimicis multis, Rege infenso. Ita dux Lusitanus cum mercibus, quas potuit auehere Cocinum retro nauigās, inde in Lusitaniam ire perrexit. Alburquerqueius iam rerum Lusitanarum cura suscepta rei indignitate commotus collata in vnum classe iniuriam vlisci constituit, ne neglecta animos cæteris barbaris faceret. Goa profectus, atque in Somatræ vicinæ portum inuectus Malacam tandem appulit. In eo itinere obuiam nauim cepit; in quam transgressi Lusitani, quasi certa victoria, ingenti repente flamma excitata territi conatu destiterunt. Inanem fuisse metum deinde ex captiuis cognitum: ac innoxiam flāmam artificio quodam ad terrorem à barbaris excitari. Paulo post in nauim alteram inuecti eam ceperunt, tametsi Mahumetanus quidā Nahodabeguia Lusitano nomini maxime infensus, ac Regi Malacitano capiēdi Lusitanos præcipuus auctor, venia desperata si captus esset, enixe nauim est tutatus, donec multis cōfossus vulnerib. tādē occubuit. Miraculo res cōparanda; tot acceptis vulnerib. nullū tamē effundi sanguinē. Verū spoliato corpore atq; in reliquo

quo conatu detracta armilla vno impetu sanguinis riuī quasi amoro obice per oēs partes latissime effluxere. Causam suscitati intellexere in ea armilla vinctum lapidem admirandæ potestatis sistendi sanguinis, in Siam regno exanimantib. erui; quas Cabrisias vulgo vocant, an commentum est, rumore certe res maior facta. Peruenere Lusitani Malacā Iulii Kal. Cum ciuib. enixe pro extrema spe dimicantib. varia extitere certamina. Vrbs tādē nobilis capta & ad Lusitanorum imperium adiuncta, patriam superstitionē vera religione mutauit. Sic Christianæ religionis cultus & nomen ad extremos orbis fines proferebatur. In Italia Pontificia maiestas diuinæ proxima nutare videbatur tetri schismatis metu, q̄ nisi exorata numina auerterent, importuni conatus profecto minabatur. Ea cura Pontifex anxius omisso bello Romam redire constituit: si posset ingenii dexteritate vrgētem tempestatem sedare. Cogitationem in omnes partes versanti fore optimū visum est, præposteras inimicorum molitiones occupare, temporī cedere. Ita ad quintum decimū Kal. Augusti edicto promulgato, Episcopos toto orbe, quiq; more maiorum cōcilio interesse deberent, ad generales conuentus. Lateranū euocauit auspicandos instituendosq; anno proximo tertio decimo Kal. Maii. Insanū quantum ea denunciatio aduersariorum spiritus fregit, causam debilitauit. Supra bonum atq; honestum perculsus tamen Pōtifex parum à procacib. verbis temperabat, alioqui ardenti ingenio in iracundiam procliuīs. In eo conuentu Galliæ Reginam non iustam eius Regis vxorem esse pronunciandū minari. Aquitanos & Nortmannos iniuria occupatos sacramenti religione exoluendos, quo Gallo fidem obstrinxerant, & ad Anglicū imperium restituendos. Hæc omnia qua ad dolorem vliscendum pertinebant, qua ad Gallū terrendum frānandūmq; Verū ira quæ tegitur nocet, professā vim perdit. Gallus quidem eo proposito metu æquiorē se concordiaē fāciendæ præbere, velleq; adeo cum Venetis pacisci modo darent ipsi, quæ Cæsari erant oblata. Non diu tamen in eo perstitit, aliud atq; aliud subiiciente animo. cōcilio Pisano fauere vt cæperat, consultius fore visum est: q̄ Cæsar nouo conatu Veronam aut Tridentum transferebat. Neutro Gallus eius machinationis architectus præcipuus actionum moderator & arbiter, quod Veronæ graui calo grassarentur mōrbi; Tridentū exigua ciuitas esset; neq; idonea tantæ multitudini, quantam conuenturam existimabāt. Ac potius Cardinalib. auctor erat, vti quam primum moras rumperent, actiones concilii inchoarent, neq; amplius suspensum orbem tenerent. Florentinis etiā suāsit, vti Pisas urbem, dum conuentus essent Cardinalium potestati permitterent, quo maior esset auctoritas. Cautiores illi vrbi neq; validæ neq; frequenti salutem permittere detrectabant, nisi Galli & Cæsaris legati prius conuenirent, idoneūsq; ex vtraq; gente Episcoporum numerus, communi multorum periculo fore se tutiores rati. Neq; interim tamen de concordia appellati audire recusabant, modo tuto liceret ad Pōtificem redire idoneo loco attributo, in quem sese reciperent fide Pontificis tuti. Hæc omnia ludus erant, & in cōmuni causa præuaricatio tēpore extrahendo dum inchoata stabilirent: an quemcumq; cursum res tenerent ad vtrosq; receptum parantes. Romæ quidem instituta in eos cognitione cōtestataq; atq; perrogata causa quatuor ex eo numero Cardinales pronunciata sententia sacerdotiis omnib. & purpura sunt spoliati Caruaialius, Cosentinus, Sanmalus, atq; Baius. Idem de Sanseuerino & Labrito sociis coniurationis vt statueretur, maturum nō erat, & iam tamen tempus appropinquabat. Intercessere huic decreto initio maior collegii pars. Quidam etiā factiosos Cardinales excusant. Nihil eos aduersus leges cōmisisse conuentus vt haberetur expetentes ad castigandos mores fāciendam disciplinā veterem tum in membris tum in capite. Neq; decrant sermones increpantium, Pontificem tum ob sacramenti suscepti religionem mōtam, tum eo conatu impedito posse iure clauium interdicti, iuxta decreta Basiliensia sessione vndecima promulgata.

Fædus à Ferdinando cum Pontifice & Venetis factum. CAP. V.

50 **M**Agha contentione de armorum societate Pontificem inter & Ferdinādum Regem agebatur. Ventum ad conditiones. Rex pecunia in stipendiū iuuari expetebat. Graue Pōtifici videbatur spe incerta euentus, nudari eo tuēdæ dignitatis præsidio certissimo. Ea anxius cura nonnunquam ad Gallicū fœdus reuocare animū æquis propositis conditionib. Id quoniā ex animi sentētia nō successit, necessario ad Hispanū præsidium recurrit quippe certius atq; fide magis stabili. Ita re propemodum cōstituta Ferdinādus magnam exercitus partem in Africam parati, Neapolim actutum ire mandauit. Ergo quingēti cataphraeti, velites sexcēti, pedites duo millia Malacæ ē portu in Italiā soluerunt. Peditū cura Zamudio tribuno demandata est: omnib. copiis præfectus Alfonso Caruaialius Xodaris dominus, ad hunc militaris imperii summa redibat dum Neapolim accessissent. Africani belli ad fallendū hostē species obiecta. Male cohærens cōmentum dissimulari qui posset?

quando ipso tēpore, quo ii milites discessere Malaca Augusti certe principio, Petrus Nā-
uarrus vti iussum erat, Neapolim detulerat mille quingētos milites squalidā quamvis &
pannosam aciem sed bellis Africanis tamen exercitos & superiorem cladium reliquias.
Apparatu belli districtis omnibus, nondum mouebātur arma. Arte seu ex animo Gallus
minorem filiam Ferdinādo infanti vxorem obtulit, id si coiret coniugium decessurum se
regni Neapolitani virib. Non abnuebat Ferdinandus oblatam vltro conditionē: sed cum
eo si Bononiam Pontifici restitueret moram paci non facturum. Eam summam votorum
esse. Excusauit Gallus rationes deesse, qui poterant possidenti, tenentiq; arma? His moli-
tionibus extrahebatur tempus neq; belli initium erat, appetebat tamē omniū, quæ erant
gesta grauissimi. Gallus cum Bentiuolis inito fædere vrbem Bononiam eamq; familiam 10
in clientelam accepit. Gastoni quin etiam Fuxēsi Namursio duci, quē Mediolano præfe-
cerat, bello Italico ducem summum vt in eius vrbis præsidium mitteret quadringentos
equites grauis armaturæ mādauit; si res exigenter, ipse cum omnib. copiis iisdē vestigiis
subsequeretur. eā omnino vrbē ab iniuria tueretur, retineret impio. E cōtrario ab Anglo
eā causa in Galliā legatū ei; adiunctus Cabanillas Ferdinādi orator Gallum contestati
sunt palā, vt Bononiam Pontifici redderet. Si recusaret pontificiam dignitatē & opes suis
Principib. curæ fore. Belli haud obscura denunciatione cōmotus animo Gallus destina-
tū sibi respondit Bononiam tueri, nō secus atq; Mediolanum; neq; terreri minis, moram
bello non facere, cum vellēt experirentur. Accidit vt Pontifex ægrotaret salute ferme à
medicis desperata. Cæsar quoq; mense Sept. Tridentū accesserat vnde Catanensis Epi- 20
scopus cōmeatu impetrato, se se retulit in Hispaniā. Vasto is Princeps animo Pōtificatum
erat cōplexus Iulii obitu, an etiā eo superstitē. Sic fama tulit & annales testātur. Nō deerāt
qui cupiditati fauerent vani assentatoresq; quales in aulis Principum multi viuunt. Præ-
cæteris Sanseuerinus Cardinalis ei assiduus non Pontificatum modo pollicebatur, sed &
Neapolitanū imperium in partem accessurum, familiæ ope sed & totius Italiæ virib. odio
nominis Hispani. Iret tantū, sui; in cōuentu Pisano copiam faceret, vbi cæteri factiosi
Cardinales morabātur. Inanes molitiones, spes vanæ, multumq; à Ferdinādi Regis ratio-
nib. & consiliis discrepantes. Ergo ad quartū Nonas Oct. societas tandē instituta est Hi-
spanum inter Pontificē & Venetos, quam dixere sanctissimā Bononiam recuperandi de-
creto ac reliquam Pontificiā ditionem. Præterea tuendi Pontificū dignitatem aduersus 30
factiosos Pisanumq; adeo consiliū. Leges scriptæ, vt intra viginti dies ex quo fœdus euul-
gatum esset, Ferdinandus Rex mitteret in eā expeditionem mille & ducentos grauis ar-
maturæ equites, velites mille, Hispanos pedites decē millia. Pontifex sexcentos cataphra-
ctos ductore Termenstino. Ad eas copias à Venetis conscriptus exercitus adiungeretur:
maris imperiū tueretur peculiaris Veneta classis cū vndecim regiis triremib. collata. In
stipendiū regii exercitus Pontifex & Veneti singulis mensib. quadraginta auri millia nu-
merarēt, dum bellū esset. Ac die quo fœdus euulgatū esset, duplicatam eam summam in
duorū mensium stipendia. Vniuersi exercitus socialis imperator & ductor Regis nomi-
natione præficeretur. Ita summā expeditionis Cardonio Neapolitano Proregi demāda-
uit. Veneti in hoc fœdere quācumq; pecuniæ summā Neapolitanis Regib. ex Aragonia 40
gente, mutuā olim dedissent, missam facere contestati sunt in defunctos nulla recipiendi
iam spe munifici. Cæsar societatis particeps esse noluit: expressum tamen in fœderis tabu-
lis eo factā conscio, ac vero fauente Anglo. Pontifici graues cōditiones extitere ac mo-
lestæ, ac q. de pecunia sancitū est, grauissimū: re tamen necessaria consensit. Primum quia
eo ex morbo decūbente nobilitas populusque Romanus arreptis armis tumultuari erāt.
Vrbana priuilegia in fringi, ipsos tyrannica seruitute opprimi, ac iustū singulos seruitium
pati palā conquerebantur. Dein Florentinis Gallico nomine addictis verendū erat: ne is
Rex Romā vsq; armatus nullo prohibēte procederet: ac vero Petri cathedræ Pōtificem
cū vellet de manu daret. Quod præcipuū erat. Pisanus conuentus sollicitū habebat, ne q.
fama vulgarat, eo deiecto, quasi iure suo neq; sine exēplo nouū Pontificem crearet; malo 50
rumq; superiorū elluuiēs recurreret. Ipso tēpore Dieghus Garsias Paredius notū pericu-
lis & vācordi audacia nomē, de quo supra memoratum est, cōfecto Neapolitano bello
piraticā exercuisse: delicti venia desperata se ad Cæsarem trāstulerat bello Veneto naua-
turus operā. In eo semel & iterū captus est prius ad Veronam Epirotas inter & Cæsareos
tumultuario instituto certamine: deinde Vicentiæ ex morbo lecto affixus cū ad ius Ve-
netorū ea vrbs rediit. Villamarinus maris Præfectus ex Hispania, quo iussus cum triremi-
bus ierat, Neapolim se se retulit bello sociali & ipse destinatus dux classarius. Berēgarius
Olmus cum aliquot triremib. ad custodiā Granatēsis orę mansit in Hispania. Rodericus
quoq; Basanius aliq; duces & milites lēbos piraticos, quos ad Tetuani fluminis ostium
se recipere

se recipere cognitū erat, incensum ire pergebant. Cum nunciatū est Regē Phuthensem cum numerosis copiis septam ire obsessum. Accurrere vtriq; continuo ad præsidium: locorum vicinitas inuitauit, & studiū barbarum impugnādi, atq; in eo operā & industriam cunctis probandi. Septam vbi venere, Mauros Tingim processisse cognouere, q̄ urbem præsidio obtinebat Eduardus Menesius præcipua nobilitate Lusitanus pari virtute & industria. Spei aliquantū posse hostium impetū aliquādiu audacia sustentari, metus amplior ob exiguum defensorum numerum. Eo traiecere nostri sabbato ad quintū decimum Kal. Nou. Obsessos premi ab hoste inuenere, tormentis bellicis multos perēptos, quassatum murum late ruinā fecisse. In cuniculis maiori barbari spe propius urbē promouere
 10 castra ex propinquo quoq; acrius impugnaturi oppidum sub testudine parantes muri lapides vectib. conuellere. In ea angustia nouo auxilio confirmati obsessi à virtute petere præsidium constituunt. Fortes numina iuuant, ignauos destituunt. Ac primū Rodericus Bassanius & socii ex oppido egressi in quandā hostium stationē irruere eo impetu, quem illi nō tulerunt. Multis ē præcipuis cæsis cæteri deseruere locū. Successu dein læti Lusitani equites die proximo cum Mauris dimicatum processerunt. Leue certamē fuit, rari disperiq; pugnarunt nō acie instructa sed magno impetu procurentes, si premerentur cedere nō turpe rati. Sic est mos gētis Africanæ, cæterum Lusitani equites cum Mauris pugnare longo vsu edocti ea dexteritate pressere aduersarios, vt Barbarus amissa spe expugnandi oppidum soluta obsidione die tertio castra retro mouenda duxerit. Castellæ duces se & suos Heracleam retulere ē faucibus potentissimi hostis erepta ea vrbe subleuatis
 20 Lusitanis læti ouantesque bellicæ virtutis laudem Africanis spoliis potiorē existimantes.

Bellum in Italia inchoatur. CAP. VI.

PRorex Neapolitanus copias in aciem producere, iterq; institutū arripere parabat. Cū peditib. Petrus Nauarrus Caietæ & vicinis locis tēdebat. Equitatus in procinctu erat, cunctiq; ad profectiōē expediti. Prosper Columna ire in eam expeditionē excusauit, indignū ratus nisi se digna procuratione cōcredita signa aliena sequi. Contentione honoris suscepta magnæ sæpe in bello opportunitates corrumpuntur. Eo Fabricio Columnæ generalis in bello nomen & munus impositum est, ne & ipse patruelis exemplo militiā detrectaret. Andreas quoque Caraffa Comes sanctæ Seuerinæ ire recusauit quamuis Gallico
 30 odio à maiorib. hereditario. Notatum præ cæteris promptiores maioriq; alacritate ad induenda arma procures Andegauenses extitisse. Superiores offensas nouis officiis cōpensare destinabant, mutato domino non minorē quam antea fecissent, constantiā præstare. Ardentiores præ cæteris Bitonti Marchio Adriæ Ducis filius, Atelæ itē Marchio Amalfitani filius vnicus, Traiecti Dux, filii Comitū Matalonis & Aliani. Ne Bisinianus quidē sua gloria fraudandus; etsi tentata valetudine destitit. Certæ tamē voluntatis argumento quoniam bellum contra Gallum erat Sancti Michaelis torquem Gallicæ militiæ & amicitæ symbolum ad eum Regem remisit quasi renunciata fide & amicitia. Tantundem Amalfitanus, Adriēsis, & Matalonius præstitere. Nauarrus cū suis legionariis versus Pontecuruum signa mouit. Paulo post omnino postridie kalendas Nouembris cum Prorege
 40 Neapoli equites processere, splendido cultu & fulgentibus armis conspicua acies. Ipso tempore Cæsaris animus variis cogitationibus fluctuabat, curisq; sæpe inter se cōtrariis circumactus. Hinc à Cardinali Sanseuerino inani spe lactabatur. Inde Petrus Vrrea si se confederatis Principib. adiungeret, causamq; susciperet, in qua salus publica vertebatur communib. armis sumptuq; pollicebatur Mediolani principatū, sed & Gheldrię Ducem ne bello amplius lacefferet impugnatum iri. Hęc illi via magis placebat quippe certior & tutior pro ingenio quamuis non satis quid facturus esset statuens. Ad fœdus Venetū reuocabat animū iis conditionib. quas Gursensi Pontifex antea obtulit. Optima videbantur quorū tempus effugerat. Sic solent homines inconstantes infelicesq;. Veneti. n. præter sociale exercitum, cui satis pfidebant, mille equites cataphractos suis stipēdiis alebant
 50 quib. alii ducenti accessere à Paulo Ballionio adducti suo delectu illorū stipendio supra tria millia equites expediti maiori ex parte Epirotæ: ad hæc nouē millia pedites. Sic res Venetorū erant virib. satis & cōsilio pollentes: Magna tamē contentione Hieronými Visquii pro Ferdinādo apud Pontificē legati, Cæsarem inter & Venetos induciē pactē sunt. Quæ etsi in præsentī ex vsu socialis belli nō fuerūt, neq; enim Venetorū copię ad reliquū exercitū, q̄ agebatur sese adiungere, in posterū tamen salutates imprimis extitere. Interea Gallus Rex nihil de sua cōparatione remittere ac Namursiū diligēter monere q̄ primū vt cū hoste decerneret ad eas copias, quas numerosas habebat, nouis ex Gallia supplemētis adiūctis validus. In Heluetiis etiā ingētes delectus habere statuit gentēq; ferocē adducere, ne Pōtificis patrociniū susciperet societatis cū hostib. virib. cōtra Cardinalis Sedunēsis

conatus & diligentia nouo purpuræ honore in studium Pōtifici gratificādi magis quam antea incensi. Simul vt Cæsare distineret Andrea Burgio interprete pontificatum illi, si id cuperet, sin minus ex eius voluntate daturū pollicebatur scilicet de alieno munificus. An fraus & ludibrium erat. Addebat quæcumq; Pōtifices de imperio detraxissent, vt recuperaret, effecturū. Demum è regno Neapolitano eam partē quā ipse expetiisset, Mediolanenses & Genuenses quoties bellū esset, lege perpetua certa Imperatorib. missuros auxilia quasi tributi honorarii nomine. Magnifica ptōmissa, eoq; minus fidei. Inter hæc Sanseuerinus Cardinalis à Cæsare impetrata venia discessit parū lætus exiguo tantarum molitionū prouentu. Cardonio Proregi deliberatum erat per Florentiā iter habere, nihil à tergo hostile relinquere: quoniam ea vrbs Gallo & factiosis Cardinalib. erat addicta. Restitit Pontifex, qua causa incertum, sed per Aprutii fines mādauit vt in Flaminia contenderet, inde Bononiā. Anni tēpus aduersum erat, sæua hyems, loca aspera impedita itinera niuem glacies astrinxerat. Multorum è militum numero tentata valetudinē pauci tamen periire. Cum copiis omnibus Forū Cornelii peruentū est. In ea vrbe necessario dies aliquot sustentatum, dum milites mōra recrearet, tormenta veherentur. Quæ Manfredonia mari missa in Arimini portū intulere ipso natali Christi die principio anni millesimi quingentesimi duodecimi. Inde Forum Cornelii delata. Nauarrus cum legionariis vltius progressus ad Lucum & Bagnacaballum continebat suos. Atq; ne tēpus frustratereretur & vt operæpretio facto tērorem aduersariis incuteret Bastidā impugnare constituit Ferrariensis arcem Pado impositam ducētis quamuis & quinquaginta Italici militibus munitam. Placuit Cardonio id consilium. Admotis copiis pridie Kal. Ianuarii impugnari cæpta est arx. Obstructas consilio obsefforum mentes, ne exitiū quidē imminens aperuit. Pugnatum acriter ab vtraq; parte: ac tertio tandem impetu vi Hispani intra arcē irruperūt. Magna pro numero cædes fuit. Omnes ferme defensores & puberes cum duce Vestitelo ceciderunt. Eo exemplo metus finitimos inuasit considerātes nihil arduum fore gēti, quæ intra quintum diem munitissimam arcem expugnasset. spes erat metu domari gentem posse: q; pulcherrimum est victoriæ genus. Ioāni Mediceo Cardinali in eo bello Legato Pontificio oppidum cessit, spolia militibus militaria magis quam ampla. Alfonso Aragonum Friderici Regis secundum filiū expetenti magnopere Gallo Regi mater permisit quamuis duodecim non amplius annos natū. Ex eo Galli conicere, prædicareq; profecto destinatum cum Gallica puerum classe Neapolim amādare populumque & gentem vniuersam ad arma per eum modum concire nouo Rege quem cuperent de manu dato. Fides rumori eo maior fuit, quoniam id credunt homines q; cupiunt: & in vrbe militibus nudata gens vniuersa summi, medi, infimi, vti antea habere consueuere, Regem peculiarem dari, expectabant, vitio humani ingenii præterita præsentibus potiora fore putantes: Hispanorum præterea militum licentia vniuersæ gentis inuidiosum nomen fecerat.

Bononia obseffa.

C A P. VII.

Bastidæ captæ Nauarrus laude superbus se se Forum Cornelii retulit. Ex ea vrbe Butrium promotis castris, eo loco de ratione belli referente Cardonio cōsultatum est. Fabricius Columna, vt ad Centum & Plebem, quæ oppida Petrus Pacius cum expeditis equitibus per eos dies de hostibus ceperat, promotis castris Castellum francum impugnatum irent, auctor erat, commodissimum munitione situque, quippe Carpin inter, vbi Gallicæ copiarū statua habebant, & Bononiam, quo ipsi erant ituri, positum oppidum. Indē diuisis in partes copiis agri Bononiensis pagos & oppida carperent priusquam vrbe obseffa de rerum summa periclitarentur. Eam esse conditionem bellorum vt facilibus confectis, ad maiora & difficiliora procedatur. Nunciari præterea Namursium cum firmis copiis equitum peditumque auxilio festinare: intra urbem Borbonium nothum, Alegrium, Robertum Marchiam cum trecentis cataphractis motari, ciues magno numero atq; bellaces. Quid certā victoriæ spē moræ impatientia euerterēt? quid in periculā nō necessaria intēpestiua festinatione irruerent? Fabricii sententia aliis fere ducib. probabatur, satis gloriosa cōsilia esse quæ cauta reputantib. nō minus esse strenui ducis consilio quā armis vincere. Vnus Petrus Nauarrus vēcordi contētione Bononiā cōtinuo eūdum disputabat quindecim nō amplius millib. distitā. Fama bella confici, si alio recesserint aut cūctati fuerint, met⁹ & imbecillitatis infamiā subituros. Breui ac facile ea vrbe expugnata (sic videri voluit ex sua audacia de sūma iudicans) quasi dēpto capite minora oppida in victoriæ partē accessura. Ea valuit sententia propter viri auctoritatē inter milites maximā, & quoniā segnē operā præstare erat solitus, si ab eius iudicio recederetur, quo vitio ferme capiti homines & p̄fracti laborāt. Termēstinus cū copiis pōtificiis Roma ea tēpestate p̄fectus quoniā in itinere obiit: neq; Vrbinas eā tūc curā suscipere voluit (& paulo post tamē mutata

mutata sententia pro se misit in defuncti locum vicarium) Pontificiis militibus & ducibus à Pontifice mandatū, uti Cardinali suo in eo bello Legato obtēperarēt, ac vero Cardonio summo duci copias traderēt, eiusq; cūcti imperiū respicerent, quē ut ampli⁹ promeretur, excitaretq; nouo honore, pileū gladiūque misit munera magnis Principib. dari solita, p̄terea vexilla inter sacra natalitia ab ipsomet prece ex Romano ritu lustrata. Veneti neque pecunia, ut erat sancitum, neq; milite cōmunem causam iuuerunt, ac nomen magis quam vires ad sociorū p̄sidium attulere, suarū rerū anxii cura, an ex aliena industria fructū captātes. Enimuero socialis exercitus vmbra recti suæ ditionis vrbes à Cēsare occupatas recipere, & si possēt viresq; suppeterēt, tandundē de Gallo facere destinabāt. Ergo Butrio egressus Cardonius ad quartū à Bononia lapidē castra p̄mouit subiectos inde agros contēplatus cognouit loca aspera esse, acieq; explicāda incōmoda irriguo agro eoq; multis impedito riuis, atq; emissariis multoq; adeo luto hyemis maxime tēpore. Die proximo ad sept. decimū Kal. Feb. cū copiis vltius progressus locū castris idoneū cōsiderauit. Intra urbem quingenti iā cataphracti erant, pedites ad duo millia. dux p̄cipuus Iuo Alegrius superioris belli memoria haudquāq; fracto animo. Accidit quo die Butrio Cardonius discessit, ut Ferrariēsis cū copiis Bastidā repeteret. Impugnatio acris fuit: intra horas viginti vi captā à fundamētis euertit credo in ea hostiū vicinitate sustētari posse diffusus. Prætorium Bononiæ vicinum ad tormenti iactum Belpogii nomine Bentiuolæ familiæ gentilitium merandis castris à Cardonio est deletum. Vltius cum peditatus parte Padulæ Marchio & Comes Populi monasterium stationi delegere cui à Diuo Michaelē in saltu nomen est, extinctis ignib. quos ciues, quoniā vrbi imminet, quasi hostili loco, iniecerant. Sic bellum iura in contrariū mutat. Eo loco tormenta aliquot cōstituere reliqua in colle, qui vltra id monasterium molliter assurgit, ea parte impressionē in vrbs mania facere cogitātes. Namursius interim Parmā, vbi erat, copias in vnū cōferre: in quib. octingēti cataphracti, mille expediti equites, tria millia pedites numerabat. Præter eū numerum ad Finariū viginti à Bononia passuum millib. Ferrariēsis auxilia præsto esse Vasconum duo millia cū aliquāto equitatu. Cum iis omnib. copiis Bononiæ obsidionem diffipare certe summā certaminis periclitari cogitabat ferox iuuenta opib. & nobilitate magnus. Fabricius Columna exercitus partē ad Centū & Plebē cōtinebat, quoniam ea iter erat si Gallos trāsitu prohibere posset. Destitit tamē à Cardonio iussus se cū cæteris copiis iūgere atq; in aduersū vrbs partē trāsferre, qua mōtes eriguntur ex Apenini iugis diducti. Traducere in eā partem muralia tormenta destinabant: atq; ea propter mæniū imbecillitatem patēfacto aditu per ruinas & lapidū stragem in urbem ferro penetrare. Verum paulo post nouo decreto, ut omnes copię intra vna castra coirent, visū est, ad bellica tormenta tuenda, & transitu prohibendū Gallica auxilia in consiliū pertinebat. Michaelis inter ædem & Florētīæ portā disposita tormenta ad quintū Kal. Feb. excussis ignitis globis late fecere stragē. Muri parte strata, per ruinas quidā milites turri vicina occupata vexilla in ea victoriæ argumēto erexerūt. Ingēs vtrinq; clamor sed dissonus disparq; victoriā hi ingeminare, arma illi arma. Periculo exciti obsessi magna vi eos milites tandē è turri capta deturbarūt. Erectā ex eo ad meliorē spē diui tutelares & superueniens tempestas sæuissima urbē ab excidio seruauit. Triduū continuatē noctu atq; per diem niues astrictis præ frigore mēbris ac milite vix tenēti arma, opportunæ conatui, Namursium inuitarunt ut in urbem nocte cū validis auxiliis penetraret. Quod fecit nō tantū nemine prohibente, quoniam castra procul aberant, sed ne à vigiliis quidem conatu perspecto. Ex eo mutata plane belli fortuna est, atq; in contrariū cōuersa. Cardonius propter hyemis sæuitiam veritus ne aliquod insigne detrimentū extaret: & alioqui minori iam spe vrbs nouis copiis firmatæ potiundē, retro cum copiis & tormentis ad Lazari fanum duobus à Bononia millibus se recepit. Pontificiæ copię vltius metu prouectæ non prius cōstitērunt, quam Forū Cornelii ditionis Pontificiæ urbem ventū est. Cardonius ad Petri fanū castra p̄mouit, reliqui ducēs per vicina circa oppida distributi, dum frigora remitterent & cœli sequentis rigor mitesceret. Is fuit exitus Bononiensis obsidionis maiori apparatu quā fructu fama quā laude. A plerisq; ut sit, Cardonius accusabatur inertię, quasi rigidissimo tēpore elabi octo dies passus esset, priusquā aliquod operæpretiū cōstaret, castra imperitē metata procul vnde debuissent. Cuniculis & aggerib. agendis nō minus fuisse peccatum. Deniq; eam negligentīā atq; incuriā extitisse, ut hostis in urbē nullo prouidente euaserit. Sic sunt militū ingenia prospera omnes sibi arrogant, tristia imputātur ducibus. Tempus enimuero conatui importunum prorsus extitit. id præ cæteris in Cardonio fama accusauit, quæ pretium reb. & nomen dat. Ne Heluetii quidem cōtra quā sperabatur & erāt polliciti ad obsidionē accessere: ac ne à Venetis vlla auxilia venire uti ex fœdere debuisset.

Sic inuat rei male gestæ culpam ex parte cum aliis communicari. Huc obsidioni præter cæteros Antonius Leitia, Aluaradusque interfuere atq; Ferdinandus Daualus Piscariæ Marchio ab his rudimentis quantus & qualis dux iu Italica breui futurus? Diuersa in parte nihilo commodiori successu Henricus Angliæ Rex, cum primum se anni tempus aperiret, in Aquitaniam irrumperè parabat & sua sponte incitatus veterum de ea prouincia contentionum memoria, & Ludouici Carroci à Ferdinando legati accurata diligentia, vt pollicitis staret, neq; communi causæ deesset sedulo obtestantis. Delectus in id bellum dux Thomas Grauis. Orseti Marchio gratia & auctoritate in paucis pollens, quippe Regem arcto propinquitatis gradu contingens. lente tamen conatus procedebat. Ferdinandus Rex vt intermisso interim bello Africano, copiæ porro Orano deducerentur statuit, 10
iis tantum relictis militibus, qui ad tuendam urbem opportuni & necessarii videbantur. Minor vt numerus esset sumptus leuior prouisum, suburbano agro & vrbis domibus inter milites distributis ita vt ducenti equites pedites quadringenti ex iis prouentibus præfidiarii alerentur. Quo libentius ea domicilia transferrent, data nouis ciuib. tributorum omnium immunitas etiã decimæ rerum venaliû: singulis præterea addita ex regio fisco ordinaria stipendia, dupliciariis maiora. Sub idẽ tempus Olisipone pridie Kal. Februarii ex Regina filius est natus, cui Henrico nomen fuit, mores castissimi; cõsequenti tempore accessit purpuræ honor, ac postrema ætate mirabile seu ludo seu sorte extinctis propinquioribus magno numero Lusitaniæ regnum obuēnit Sebastiani Lusitani Regis infelici casu. Miraculo habitum quo die natus est infans niuem copiosam decidisse insolitum in 20
ea vrbe & rarum propter aeris cælique magnam temperiem. Niuis candorem affirmant quidam portendisse vitæ sanctitatem, castimonię laudem ad mortem sine vlla labe retentæ cultæq; nullis ad mortem illecebris voluptatum victa constantia. Vultu inter omnes fratres & totius corporis habitu paternam imaginem proxime representauit, animi magnitudine & constantia nõ impar. cum regno q; annuũ & septimestre fuit, nihil assecutus præter molestias & curas graues integra semper probitatis fama nõ ita pridem decessit. Burgis Ferdinandus agebat. Ibi ad quintum decimum Kal. Martii extincto Bernardino Velasco Magistro equitum, vt Iuliana defuncti filia regia neptis nuberet Petro Ferdinando Velasco perfecit filio maiori Enesci Velaschi, cui ad fratris defuncti opes dono Regis & nominatione Magistri quoque equitum honos & dignitas accessit. 30

A Pontifice Vasconum Rex anathemate deuinctus. CAPVT VIII.

NAmursii absentia Brixia & Bergomi ciuib. occasionem præbuit, quam illi arripere auide, excusso Gallico imperio ad ius Venetorum vetus redeundi. arces tantum in fide perstitere præfidiis defensæ. Eo maior audacia visa est. Ne id exemplum ad alias ciuitates manaret, quæ Venetis ereptæ Gallo parebant, ac omnino ne dissimulatione latius serperet defectionis malum prouidendum videbatur. Ita Namursius Bononia liberata obsidione munitaq; competenter, eo continuo accurrere statuit Alegrio secũ deducto, atq; in eius locum substituto Fulleta Gallo, qui Bononiam cum idoneis copiis tueretur. 40
Eæ erant trecenti cataphracti & tria millia pedites, idonea rebus maioribus manus. Accedenti propius Namursio grittus obuiam processit cum Venetorum copiis & Brixianorum proletariis incondita multitudo in speciem iusti exercitus. Patrati facinoris conscientia, veniẽq; desperatio ciues reddebat audaces. Detrectauit Namursius certamẽ. cur enim etiam secundo prælio aliquos ex suis amitteret? cur fortunam periclitaretur? Ergo flexo ad montes itinere, nocte concubia in arcem ingressus, ea parte in urbem vi irrupit. Vrbe capta in vicina Venetorum castra extemplo impetum dat. Acerrima pugna fuit, feruente cæde, ac pugna alternante fortuna multi ab vtraque parte cecidere: victoria tamen penes Gallos stetit. Capti Grittus ipse copiarum dux, & Antonius Iustinianus ei vrbi Prætor à senatu datus, Paulusq; Manfronius. De Ludouico Bogaro Comite quoniam 50
urbem Venetis prodiderat, quippe in ea natus multum apud ciues poterat, capto cum aliis in pugna, causa è vinculis dicta, quæ bona esse non poterat, lege maiestatis supplicium sumpsere. Eo exemplo seueritatis Bergomates moniti ad deditionem flexere animos. Namursius magnus antea & clarus, clarior & nobilior haberi cæpit, qui Bononia defensa, fugatis Hispanis, duas opimas vrbes ad imperium ea celeritate reuocasset. Reliqua consentanea non fuere. Obenigno cum valida manu Brixia curare iussu, ac reliquis copiis circum Veronam distributis, vt fructus aliquis victoriae per otium esset, Mediolanum ad uolauit, ludis & cõuiuiis, ad q; ætas vocabat, dies celebraturus, quos ante ieiunium anniuersariũ vulgo homines cū lætitia agitare solent. Molestè id tulit Gallus Rex in eo rerum articulo

articulo intēpestiue sane cessasse, vt cōtinuo in aciē copias producat, districte mādāt, Cardōio & sociis obuiā. Imminuto hostes suorū numero, reb. in arcto positis, ex recēti incōmodo nominis gloria obscurata, anteq̃ sublato metu fiducia rediret, p̃fecto in p̃ceps impelli posse, tātū ne bene agēdi occasiōi deesset. Cōuētus Pisani Patres ex Hispanorū ignominia angustiaq; & Gallorū felicitate cōfirmatis amplius animis, ex suo numero duos Cardinales designarunt Sanseuerinū, qui Bononiā in Italia, & Baiū, qui Auēnionē in Gallia p̃fessent vterq; legati nomine & potestate. Vt Venetos cū Cēsare in fœdus conciliaret magna quāuis Pontifex cōtentione, iis conditionib. quas pridē obtulerat, repetitis parū profecit tamen ne à Cēsare quidē impetratum, vt se ad pactā nuper armorū societate adiungeret, labantib. Hispanorū reb. grāde momentū allaturus. cautior ille belli socialis spectator esse mallebat quā particeps, consiliū sumpturus vt res darent. Interim quidquid viriū erat, aduersus Venetos cōferre decreuerat vindictæ audus. Industria tamē & diligētia Hieronymi Viquii legati, induciq; in tēpus sunt pactæ certis cōditionibus: in quib. Veneti pecuniæ summam haud exiguā repræsētare Cēsari iussi sunt, inopia tamen minorē, neq; quantū litē ipse æstimaret Regi Gallo præcipua cura erat secundum bellū Italicū Nortmāniæ primū, deinde Aquitaniæ littora & arces muniendi: in quæ Angli primum impetū futurum prouidebat: ne dum longinqua captat, proxima amitteret. Simul Vasconum Regem sibi omnibus officiis deuincire studebat: ex arcano in Gastonem Fuxēsē Namursiū Ducē in controuersia de Vasconum regno pronior, atq; eā ditionē confecto bello Italicō se illi de manu daturum pollicitus. Galli amicitia Vasconi exitialis exitit. Id qua ratione cōtigerit, paulo plurib. explicandū est. Cognito Pontifex eū Regē ecclesiæ hostib. fauere, ac vero Pisani conuentus Patres, suos hostes complecti ex animo, re cū Cardinaliū senatu cōmunicata ad illud extremū atq; vltimum decurrit, q̃ aduersus rebelles Principes fanitate desperata remediū vsurpari consuevit. Senatus cōsulto Rex & Regina Vasconum execr. tione ritu Christiano deuincti ditione omni spoliātur, ad cōmunem prædā eo decreto aliis Principib. inuitatis. Hæc sententia ad duodecimū Kal. Martii est Romæ pronunciata. Suspecta Ferdinādi Regis fraus erat, & paulatim in plures cæpit manare rumor, eo annitēte seuerū decretū & graue prodiisse, coniectura probabilis, quoniā diu penes so arcano id diploma Pontificiū occultauit, dū variæ cogitationes recurrunt animo scilicet,

30 quid fama locutura esset, sanandiq; eos Principes rationē mitiorem instituere satagit. Sic sub Martii finē Petrū Montanoniū legauit, qui eos Reges officii admōneret, si saperēt, ne cum Gallo rationes miscerent, neq; suis atq; ecclesiæ hostibus porro fauerent neq; per fines transitū darent. Vtriusq; rei pignus Henricus filius esset in Castellam ablegatus certa coniugii spe ac fide cū Isabella aut Catharina Ferdinandi neptib. Honestissima postulata feroci Vasco animo repulit gallicis credo fretus opibus, si quid incideret aduersū. Quin Ferdinādo studentib. molestus esse, nouos in ditionē habere delect⁹. Neq; cessare quamuis à Ioāne Ribera limitis Præfecto monitus. res gallorū in Italia prosperæ, cōtra Hispanorū afflictæ animos faciebant: quæ pleniora & vberiora pleriq; ad suos scribebāt, multa etiā afficta rumorib. supra verū. Cardonius in agro Bononiēsi cōtinebat copias, neq; retro redire, gnarus quātū scilicet in bello fama possit & nominis existimatio, neq; vltius progredi ausus, etsi Pōtifex monebat, vt in Mediolanenſes fines irrūperet. hostes in ditione bello laceſſeret. Verū ne cōmeatus interciperētur, prouidēdū erat, dignitatis specie ne incurreretur in maiora mala. Rhauēna lōginqua vnde annona deferebatur in castra, hoste virib. & fiducia præualido. Hyemis sæuitia imminutæ numero copiæ, multis extinctis plures alii signa deseruerāt atq; infrequētia reliquerant. Præterea hoste prope constituto sexcenti equites Pontificii cum Vrbinatis legato è castris vno impetu discesserant specie quasi nō soluerentur stipēdia, & ab Hispanis extarēt insidiæ. Omnino Urbini Dux occulta cū Gallo cōsilia agitare nō est veritus: & cōstat qua nouos delectus haberet pecuniam ipsi à Gallo decretā in nominib. apud Florentinū mensariū. Has ob causas sociali exercitu vehemēter imminuto, Cardonio & Legato Pōtificio visū quatuor millia Italici generis in supplementū cēturiare. Pōtifex octo millia iubebat, si fieret, pecunia cōtinuo oblata. Nouo supplemento cōfirmatis viribus q̃ primum vt cum hoste confligeretur, auctor erat, æger mora & spei impatiens. Cautior Ferdināduſ gnarus Gallorū vires initio validas mora languescere, bellū duci iussit dum Venetorū copiæ aduenirēt; q̃ pactis cum Cēsare induciis facile erat modo volentib. Heluetiorū præterea numerum adiungi, si eius rei facultas nō esset, certe Germanorū. Satis gloriosa cōsilia, quæ tuta, patiētia nisi vires iuuarēt in præceps ituros. Id vt suaderet, Ferdinandum Valdesium cohorti prætoris Præfectum in Italiam amandauit, qui Pontifice Romæ de ea re conuento in castra delatus eadem Cardonio eius verbis denunciaret. Fecit ille mandata diligenter. Ad Cardonium veniē ad quartum Kalendas Aprilis quo iam tempore vtraque castra in conspectu erant: vt vix

videretur posse detrectari certamen citra grauem nominis ignominiam iacturamq; partibus quæ recusaret. *Nobilis pugna ad Rhauennam facta.* CAPVT IX.

AD Petri fanum, Butrium, Cêtum & Plebem agri Bononiensis oppida socialis exercitus statiuâ habebat. Cardonius iis locis Gallos expectare constituit, si vellêt prælio vniuerso decernere locorum natura nostris propitia faciebat animos, & incredibilis in milite ardor pugnâdi. Superior ignominia incitabat & partæ toties de Gallis antea victoriæ. Promouere Galli castra, eisq; adiunctus Ferrariensis cum valida & numerosa militû manu cultu fulgenti & armis conspicua. Triduo utræq; acies in conspectu constiterê, neque tamen ad manus est ventum; dum Galli locorum iniquitatem perhorrescunt, Cardonius Regis sui mandatis à Valdesio allatis obsequi cupit, neque vniuersi certaminis sortê subire nisi re necessaria, certe de suo loco pugna commissâ ad non dubiam victoriæ spê. Ergo Galli detrectata pugna, in cuius euêtu rerum & imperii Italici summa vertebatur; pridie Kal. Aprilis mouere castra. Rhauennam petere destinatum erat. Ea vrbe capta, quoniam ex eo copioso rerum venalium mercatu in hostium castra annonæ affatim in dies deferabatur, rei frumentariæ angustiam fore putabant. Eo metu Cardonius dieb. superioribus Petrum Castrum cum centum equitib. expeditis & Ludouicum Dentichium Neapolitanum ciuem cum mille peditib. Italis præmiserat ad vrbis præfidiû. Parum spei erât diu eos sustentaturos aduersus vniuersas Gallicas copias; vrbs ea tanti, vt continuo iisdem vestigiis hostem subsequi constitueret. Ttium non amplius millium spatio inter vtraque agmina. Et de Rhauenna tamen sollicitus Marcum Antonium Columnam cum centum suis cataphractis & quingentis Hispanis peditibus iubet præcedere; urbemque ingressus tueri. Mari Adriatico Rhauenna adiacet inter duos amnes sita facili ambos vado. Vno Ronco nomen, Montoni alteri. Aluei ita propinqui vt vrbis mœnia stringant, ad læuam Monto, Roncus dexter, inter duos petentibus urbem, olim Vitis dictus. Ad eam urbem inter fluuios castra posuere Galli die Iouis Christi cruciatuum memoria sacro ad sextum Idus Aprilis. Die proximo muto succedentes impugnant conatu acerrimo. Defendunt præfidiarii milites magna virtute. Inprimis Ludouicus Dentichius, qui inter pugnâdum amisso fratre, ea & ipse vulnera accepit ex quib. breui decessit. Cardonius secundû Roncum amnem gemina dirimentem castra exercitusq;, ad urbem propius accedere pergit. Sabbatho duob. ab hoste millibus confedit ad molas frumentariâs, fossâ ductâ, sæpeq; labro interiori prætenta. Disceptatur in consilio, deberent ultra procedere. Variæ extitere sententiæ & contrariæ. Fabricio resistere placebat eo loco. commeatus ipsis facultatem hostibus inopiam breui futuram dicere. Præterea ex eo loco urbem tueri promptum, aut si hostes occupare ausu temerario tentarent, à tergo vrgerentibus certam victoriâ. Nauarrus contra differuit homo sui capitis, & inimicus consilio etiam saniori, q. non ipse dedisset. Magnam is pugnandi cupiditatem semper præ se tulit confusus maxime Hispanorû virtute, quos aduersus omnes hostium copias parabat obiicere. Non audacia ea sed temeritas sed furor erat. Cautiori sententiæ prælata ea in qua plus dignitatis inesse videbatur, promotæ nostrorum acies. leue certamen exitit, equitum gallicorû numero in primum nostrorum agmen inuecto. Nihil tamen ad memoriâ eo die incidit insigne. Hostib. tantû in sua castra reuersis, nostri ea nocte ferme in conspectu constitere, diurno nocturnum laborem continuantes subitaria munitione castra cinxere. Die proximo Dominico, qui Christi ad vitam reducis memoria celeberrimus fuit: tertio Id. Aprilis utræq; acies quasi ex condicto ad pugnam sunt explicatæ. Galli viginti quatuor millia pedites numerabant, Gallos Vascones, Germanos, & Italici generis, duo millia cataphractus, equites expeditos pari numero bellica tormenta quinquaginta. In primo agmine Ferrariensis & Palicius curare iussi sunt. Medium agmen Nortmanniæ Senescalus & Sâseuerinus Cardinalis conuentus Pisani legatus tenuere. Fridericus Rozolius aciem postremâ. Namursius cû lecta equitû turma ad subita mansit in subsidiis in eam partem daturus impetum, vbi maxime sui laborarêt. In sociali exercitu eminenti fama ad decê & octo millia pedites cõtineri, vero Hispani octo millium numerum non efficiebant. Italorum millia quatuor; mille & duceti equites grauis armaturæ, leuis duo millia. Tormeta quatuor & viginti nō amplius. Debuerat Cardonius ante aurorâ mouere silêtio agmina neq; cōclamatis vasis, vt trāsitu hostes amnis aciesq; instruere ex disciplina in aduersa ripa prohiberet. In eo quoq; cōtra Fabricii monita Nauarrum aut suum iudiciû secutus. Sic hostib. facultas data ponte trāsmisso copias omnes loco patenti explicandi. Primum in sociali exercitu agmē ductabat. Fabricius octingentis cataphractis, sexcentis equitib. expeditis, peditum quatuor millib. constans. Reliquæ copię oēs in gemina agmina tributæ ductorib. alterius Cardonio, alterius Petro Nauarro. Hoc ordine promouerūt acies. Duces pro se quisq; suos milites p turmas

mas & manipulos ad pugnam hortari, victoriam polliceri, inanes metus decederent fortibus animis. Namursum imprimis ad circumfusas legiones hac sententia locutus fertur. Quod diu milites, expetiistis cum hoste patentibus campis certamen fortuna seu vis maior, benignæ instar matris tot antea largita victorias, in præsentī annuit: offertque vobis opportunitatē illustrioris victoriæ, quam quæ ab omni memoria ab vlla gente sit parta. Equidem vocem sæpe vestram audiui, Quando dabitur hostis, quando acies instruētur? En vota virtusq; in aperto, omnia vobis prona eademq; hostibus aduersa: Adeste animis, nihil in nostra oratione vanitatis est. Non Rhauenna, vniuersaq; AEmilia atq; Flaminia vestræ virtuti cedent: sed quantula pars erunt præmii ex parta victoria parti? Nullo qui resistat in Italia reliquo, quis Romā vobis eripiat, urbē & curiam Christianorū toto vrbe spoliis superbā: lis copiis auro, argēto, gemmis, vesteq; pretiosa multos per annos structis ditari ad miraculū an vllus vetet? Roma Neapolim an pferre arma pigeat, atq; superioris tēporis iniurias multas & graues hostiū, qui fecerunt, exitio vindicare? quanta cū gloria & fructu dicere non attinet. Tantā felicitatē eripiat nemo: proxima victoria semper sequentis erit instrumentum. Quod virtus vestra pollicetur, fortuna, victoriæ frequentes, vultus alacritas & ferocia. Aduersarii ii sunt, qui turpi fuga Bononia discesserunt noctis tenebris tecti, qui fori Cornelii & Fauentiæ mœnibus asperis ve locis salutem tueri quam dextris maluerunt. Is igitur vobis & illis animus erit qui fugacibus & victorib: esse solet, humilis illis & abiectus, vobis erectus & ferox. Nunq̃ hæc colluies cum nostra gente de Neapolitano regno æquo Marte pugnavit, sed fossis, aggeribus, aut fluminibus obiectis. Ne hos quidē eos esse milites credite, qui in bellis Neapolitanis inueterarūt, sed aut ex eo numero fugacissimi, ideoq; tandiu superstites, aut tyrones nullo vsu: certē cū Matūrorum modo iaculis & retusis hastis pugnare soliti, atq; ab iis ipsis anno superiori victi fusiq; ad Mænyngis insulā corporib: imbecillitatē animis ignominiam in aciē protulere. Iam pridē Hispanorū acerrimi ceciderunt: ignaui & metuentes supersunt. Nauarrus quoq; tanti scilicet nominis dux ea prudentia, suo malo didicit quantum inter se differant ignitis globis actisq; sub terra cuniculis subruere mœnia, & hostē propius ferire. Nulla illis in vera virtute fiducia posita est sed in fraude. An hac etiam nocte non aduertitis se subitarii operis fossa, obiectisq; carris inclusisse, leui munimento scilicet, neq; intelligentes longe aliter q̃ fortassis cogitant, certamen fore. Ignē pilæ tormentis excussē, mihi credite, è cauernis & latebris in apertū producent. Ibi quantum Gallorum alacritas, Germanorum ferocitas, Italorum generosus ardor Hispanorū fraudib: præstet, facile dignoscetur. Illud vereor modo, ne aliquid ex vestra gloria decerpat numerus q̃ hostiū ferme duplo maior. Sed oblatā tamen cœlitus vincendi securitatē arripere, quis iure interpretetur ignauia, & iure non potius temeritatē & insaniam hostium accuset? Quos ad pugnā non virtus non spes trahit, sed Fabricii Columnæ auctoritas alieno periculo satagentis Marco Antonio propinquo, vti est pollicitus, opitulari. Aut potius excēcat animos diuina vindicta, cū vim suā refringi non vult, Iulii falsi Pontificis superbia & sceleribus irritata, fraudib: Aragonii Regis & perfidia, nostri Regis simplicitati sæpe illudentis. Verum quid attinet nō necessariā orationem longius producere? Quid fortissimorum militum victoriā prolixo sermone morari? Reo auspice in hostes irruite. Hic dies meo Regi imperiū, vobis ditissima Italiæ spolia præstabit. Ego dux vester nulla salutis cura, vti facere sum solitus, omnibus partib: adero virtutis cuiusq; testis spectatorq; adiutor in periculo, omnium ducum felicissimus maiorib: ex victoria diuitiis paratis q̃ vlli à trecētis annis milites in Italia retulerint. Excussæ mox tormentis pilæ stragem late in Gallorum prima acie fluuiū transiente fecerunt: multo maiora damna intulerunt nostris cataphractis Gallica vicissim displosa tormenta q̃ppe duplicato numero q̃ socialia, locoq; aperto scienter disposita, adhuc nullis obiectis exaduersum munimentis. In eo discrimine Piscarius cum expeditis equitib: impetū in hostes facit: vt pugna comin' cœpta miscerētur agmina. Cataphracti ab vtraq; parte subsecuti sunt haud satis seruatis ordinibus. Prælium varium, atrox, anceps fit, his rursusq; illis exitiabile. multi in vestigio pleriq; non inulti cadunt aduersis omnes vulneribus. Gallorū equitum numerus maior erat, alacritas conspicua. Multitudine hostium, nostri constantia victa loco tantisper moueri cœperunt. In eo conflictu Piscarius equo vulnerato viuus in hostiū potestatem venit, cecidit Petrus Pacius præstanti virtute Dux in bello Neapolitano ingenti laude parta. Tum Petrus Nauarrus cupidus victoriæ gloriā vniuersam ad se trahere equitum turbatione conspecta Hispanos pedites recenter in pugnā inducit trecentis à tergo equitibus, quos potuit colligere, firmatā aciem. Anteq̃ in Germanorum peditatū impressio fieret, Zamudius Tribunus animaduertit è Germanis centurionib: quendā Iacobum Empserum nomine prouectum à reliquis, eum quippe

fulgentibus armis conspicuum ad singulare certamen vocare. Correpta is atq; concussa militari hasta, ô rex, inquit, quanti tua hoc die constant beneficia, leue profecto pretium hodierni periculi atq; ambigua sorte certaminis. His dictis in Germanum irruit, vastoq; hostem corpore primo ictu ad terram strauit. Reliqui eo spectaculo cōmoti, cēci furore in ferrum ac vulnera vēcordi audacia ruunt. Momentoq; tēporis fufis cāsisq; Germanis eodē impetu in Vascones & Italos inuecti cāsos in fugā auertunt. Maior aliorum fuga q̄ cādes, Germanis insita constantia exitio fuit. E duodecim eius gentis centurionib. nouē cecidere nihilominus, aliorum militum cādes par. Neq; destitere Hispani priusq̄ ad tormenta ventum est: capta etiam eodē impetu quidā scriptores affirmant, Gallici negant: atq; alenolaco Galeoto rei tormētariæ Magistro egregie fuisse defensa aiūt. Illud cōuenit, Gallicum equitatum ea strage & periculo perspecto conuersis in Hispanos signis eam impressionē fecisse cui pares illi non fuere: q̄uis aliquandiu fortiter pugnarunt, quippe diurna pugna fessi, nullo equitatu defensi. Tunc Zamudius periit. crudele fatum tanti viri virtutē non debitum, periēre plures alii duces. Petrus quoq; Nauarrus captus est. Reliqui atq; iis adiuncti qui ex prima acie superfuerant cladi, seruatis ordinib. se recipere cēperunt ex vno latere clausi amne, ex altero viæ publicæ aggerem pro munimento habentes. Cupiebat Namursius eo cēso agmine victoria integra potiri, neq; de publica lētitia quicq̄ diminui, si maior hostilis peditatus pars incolumis euassisset. Palicius satis eo die esse profectum disputare neq; cōmittendum vnde irritabile hominū genus amplius efferuesceret. sæpe ex desperatione spē ortam. Ille nihil his monitis est deterritus. cum paucis prouectū ac molestum esse porro pergentem conuersi Hispani ex equo præcipitem dedere, peremit miles gregarius nihil prostrati verbis motus, captiuum se habere reginæ Aragoniæ fratrem. Incensus furore animus misericordiam nō recipit, an Gallica verba Hispanus non intellexit. Periēre itē Allegrius & filius, Lautrechius pro mortuo inter iacentes relictus est. Sic secundo flumine ad tria millia milites abire sunt permisi. Fabricius interim cum suis & quos ex reliquo numero colligere potuit pugna alia parte sustentabat, neque prius destitit quam duob. vulnerib. acceptis & cum equo prolapsus venit in potestatem Ferrariensis militum. Capto Fabricio nullo amplius repugnante victoria à Gallis aperte stetit tanta tamen strage afflictis, vt neq; ad insequendum hostem satis animi fuerit, neq; ad novos conatus. De cāsorū numero nihil certi statui potest propter magnam inter scriptores varietatem, vulgato gentium affectui vno quoq; vt videtur, seruiente. Illud cōstat quinq; horas pugnam tenuisse aliquanto maiori quam hostium vincentiū clade, siue Namursii summi ducis cāde Germanorum ferme omnium strage occisisq; ex vniuerso exercitu nobilissimis præter Ferrariensem Paliciūq; siue socialis equitatus incolumitate, prorsus vt ea nocte ad tria millia equites versus Ariminum & Anconā sese receperint qua grauis armaturæ qua velites, ad hęc pedites Hispani sup quatuor millia euasere. Cardonius ex fuga Pisaurium primum, deinde Anconam abiit fugientes fusi exercitus reliquias collecturus. Factis & genere viri præstantes seruati sunt Traiecti Dux, Populi Comes, Rodericus Diacius Ceron, Alfonsus Caruaialius, Antonius Leiuā quamuis duob. equis in pugna tormentis occisis. Fernandus Valdesius qui pugna interesse voluit, Iulius Mediceus miles Hospitalarius. Capti præter superiores, legatus, & Ioānes Cardonius Padulæ Marchionis frater, q̄ ex vulnerib. decessit, Fernādus Alarconius, Marchiones Ateleq; atq; Bitonti, alii præterea quorum inire numerum longū esset. Captiui Mediolanū sunt deducti, Fabricius tantum, Alarconius & Ioannes Cardonius Ferrariæ mansere. Victoriis secundum prælium continuo Rhauenna portas aperuit. Obstructas antea consilio se dedēdi mentes metus aperuit. Pactis tamē in deditione conditionib. Galli non steterē rebus secundis feroces & accepta clade irritati. Egressis Marco Antonio Colūna atq; Petro Castrio Cēsānā versus, vrbē milites diripere, sēuitia & cupiditas instigabāt, vbiq; lamenta & vlulatus & fēda captæ vrbis imago, nihil vsq̄ secretum & clausum, aut si resisteretur certa cēdes. Adeo vt Hispani militis inuidiosa antea petulantia desideraretur. ne tēplorū quidē thesauris aut monasteriis pepercere. Gallici scriptores Iaquinū centurionē eius vēcordiē auctorē extitisse, accusant: q̄ ex spoliis Brixie sacris, auro intertexta veste superbus. Simili cōpendio ductus, q̄ capitale extitit, militib. suāsūt vt par impietatis exēplum Rhauennæ etiā constituerēt. plures certe opinione intra vrbē copiē omne genus sunt inuētē. Forum item Cornelii, Forum Liuii, Cēsāna, Ariminum, ac fere omnes Flaminie arces in victoriæ partem vltro concesserunt. Quas Sanseuerinus Legatus, Pisani conuentus nomine in fidē & tutelam accepit. Prælii huius q̄ inter Italica in paucis nobilissimum fuit, fama in omnes partes diffusa, Pontifex quidem non abiecit animū quamuis Romano populo ad arma consternato defectionemq; Ac p̄cipue confirmauit Vrbinas delato extēplo studio

studio cupiens priora errata emendare, ad patrui Pontificis redire gratiam: atq; Iulius Mediceus qui facultate impetrata visendi legatum patruelē req; cum eo cōmunicata Romā delatus, quo in statu res essent, anxio Pontifici renunciavit, suisq; & legati verbis bono animo esse iussit, maiore cladē illatam Gallis q̄ acceptam: rerumq; breui conuersionē fore. Ferdinando Regi persuasum minore multo stragem vero extitisse. Quādo ex eius litteris affirmatum inuenio, equites peditesq; ē suis copiis nō amplius mille & quingentis ratione inita desideratos. Magnū tamen Gonsalū in Italiā remittere statuit idoneum virum, qui sua præsētia ea vulnera maiorib. commodis sanāret. Sic litteris in omnes partes esse deliberatū sibi & fixum significauit. Solisio itē militi sacro duo millia Hispanos attribuit Neapolim continuo auehēdos in supplementum, melioris spei initium. Rex Gallus pugnae euentu nunciato, Vtinam inquit, Italiæ vniuersæ iactura mei Namursii vitā redimerē, Similes victoriæ inimicis contingant. De iis enim scite vulgo dicitur. Qui victus est, superatur quidē, sed victoris tamen ruina. Veneris hac victoria erat persuasum, Gallis nō Neapolim tantū cessurā, sed vniuersæ Italię imperio spē & cupiditate imminere, iugumq; imposituros. Fluctuantes atq; de transiitione cogitantes Spinelus Cariati Comes pro Ferdinando in ea vrbe legatus erexit oratione tēpori accōmodata, docens minora opinione damna extitisse: effecitq; ne ad nouū fædus respicerent reiecto veteri. Sorrenti Cardinalis pro Cardonio rebus Neapoli Præfectus, dum bellū esset, Hugonē Moncadā ē Sicilia aduocare in præsidium, admonereq; pro imposito munere Neapolis atq; Siciliæ summi ducis ne cunctaretur rebus asperis succurrere. Quod ille libenter præstitit, Tripoli deductos milites, equitumq; numerum secum Neapolim deuehēs. Eandem Cardonius Ancona profectus, urbem iniit ad quartum Nonas Maii in vnam curam reparandi exercitum intentus, ac cætera bello necessaria conquirendi vt tempus & facultas darent.

Conuentus Lateranensis inchoatur. CAP. X.

Priusquam id præliū committeretur, Pontifex Romæ in conuentus Lateranēsis, quem indixerat, apparatus cura districtus octo designauit Cardinales in senatu qui mature considerarent: q̄ comparare opus esset, ac vero diligentem operam nauarent morib. tum Romani populi, tum præcipue curiæ aulæq; Pontificiæ acriori censura castigandis. Neq; enim decebat vbi domicilium sanctitatis & pudicitiaē esse debet, vnde leges prodeūt probitatis, à quib. iura sacraq; petuntur, ibi vigere prauitatē altis nixā radicibus: q̄ oculos & animos offenderet Episcoporū e toto vrbe confluentiū. Enimvero summus Pontificatus sanctos vel accipiat vel faciat æquū est. Siculos & Neapolitanos p̄sules priorib. edictis parere excusantes maiori q̄ alios cura euocare. Ex Hispania quoq; ac nominatim Toletanū Hispalensemq; vt venirēt, vrgere nobiles præ ceteris Antistites & graues. Eorū præsentia honestare conuentum cupiebat actionib. auctoritatem maiore conciliare, vsq; eo studio prouectus vt Hispalensi purpuræ honorē modo veniēti deferret. Pisani conuentus existimationē per eū modo obscurare cupiebat, à factiosis Cardinalib. indicti & haberi cœpti. Ii per hosce dies Mediolanū delati conuentu in eā urbem translato, victorię superbi supra verū celebri fama, eo sunt audacię progressi, vt edicta euulgarint in Pontificē cōtumeliosa & graua. In iis præfati sæpe obtestatos hortatosq; Pontificem, vti sui in concilio copiā faceret, certe e decem vrbib. vnam conuentui idoneā ipse deligeret, libertate Patrib. decernendi data (quid enim si vox libera non sit, liberum esse?) nihil profecisse. ac vero eius improbitate infinitā vim sanguinis effusam esse mutandi nulla spe. Ob ea flagitia clauū iure spoliatum ex præscripta sanctiōne Basilienſi sessione vndecima, quarta & quinta Synodi Constantiensis, eoq; in synodum Pontificiā omnē potestātē decernere trāslatā. Sententiæ exempla pro forib. templorum Mediolani, Florentiæ, Genuę, Veronę, atq; Bononiæ sunt affixa. Proiectā audaciā probrūq; ingemuit orbis Christianus: Pontifici stimulos addidit vt in cœptis festinaret. Ergo ad sextū Idus Maii Lateranensis conuentus inchoationi Pontifex affuit actionū præses & moderator, affuere Cardinales atq; Episcopi magno numero ex variis regionib. in studium iuuandi ecclesiā Pisanorū Patrū audaciā frænandi incitati. In primo conuentu Egidius Viterbius Augustiniano ordini Generalis Præfectus excellēs ea etate atq; p̄ ceteris clar⁹ in Italia cōcionator, iussus ē suggestu dicere subiecta sentētia elegantē ad Patres orationē habuit. Anni fluxere aliquot, ex quo p̄ vniuersā Italiā ex Ioānis Apostoli Apocalypsi dicendi sumpta occasione, magnas ecclesiæ calamitates instare sum vaticinatus: certam tamen ex iis malis emergendi aliquando spē promitti, Lator, Patres, atq; ex animo gaudeo nostrū vaticinium inane nō extitisse. Rebus enimvero in extremū discrimen adductis, & in tetrā malorū caliginē, quasi post obscure noctis tenebras melioris spei lumen ostenditur, serenū post sequeam ventorum & turbinū tempestatem. Hoc discerpant inter cætera a cœlestib. terrena, q̄ illa instauratione nō indigent q̄ p̄ æterna natura;

„res humanae propter innatam inconstantiam & varietatem remediis opportunis ne penitus
 „intereant soluanturq; reparari identidem opus habent. Quod victus animantibus, q; cul-
 „tura irrigatioq; plantis est, id in vita & morib. accurata disciplina, ne noxiis vitiorum sentib.
 „filuescant atq; vastetur instar neglecti agri. Bonus agricola arbores vel adminiculis erigit,
 „vel circumcidendo castigat, sub aliena latentib. umbra caelum aperit, ramorum densitate
 „impeditas interlucet, telluris vitio laborantib. mutat locum: neq; rectas tantum & fertiles colit,
 „sed deprauatas corrigit & minus fructuosas: neq; sudori parcat, modo praedia horti; nitescant.
 „Tantundem de pastoribus dici potest, sed locum videtis. Ergo doctrina & exemplis
 „excolantur animi; quae in populi moribus delapsa fluxere seueriorib. legibus astringantur.
 „ea cultura esto. Vos omnes caelestis pater huius agri custodes & cultores dedit, sui gregis
 „curatores. An aequum videatur inertiae se dare? alium stertere? & non potius cui omnia debemus
 „pro ea vitam sanguinemq; profundere? Possunt quidem eam diligentiam pastores in suis singuli
 „caulis praestare, tantum ne exitialis somnus inuadat, verum a tempore Magni Constantini
 „vsu perpetuo edocti sumus multo id commodius contingere, maiori efficacia; cum Anti-
 „stites in unum locum conuenientes, diuinoq; afflatu adiuti inter se conspirantes de salute pu-
 „blica in comune consultant. Repetite Patres veteres historias, euoluite antiqua scriptorum
 „monumenta, reuocate in memoriam superiores arumnas & mala. Quis haereses antiquas
 „& sectas nefarias a stirpe conuulsi? concilia. Quis Principum insolentiam frenauit, terro-
 „rem improbitati ne se efferret grauis & importuna quis incussit? an non id concilia pre-
 „stitere? longum esset explicare singula; sed certe quid ecclesiae vniuersae maiestatem tuerur,
 „cultum religionis & sanctissimas caeremonias illustrat, populi prauitatem coercet, fouet pie-
 „tatem & legib. vt obtemperetur facit? An non haec omnia a conciliis praestantur? Quod si labori
 „& industriae fructus non respondet, si vitiorum pestes in multorum pernicioem & reip. dedecus
 „maiori quam opus esset, licentia grassantur: videte Patres, ne forte salutaris instituti intermissio
 „eam conscuerit labem. Magna vis horum conuentuum existit, saluberrima operatio, ita tamen
 „si accedat innocentiae in nostris morib. & probitatis exemplum. Certissimum subsidium a
 „vita rectorum reliqua diligentiae paratur, nostri capitis imitatione, & doctoris, qui vt diuinae
 „perhibent litterae, coepit facere & docere. Salutaris doctrina est, sed si docentis exemplis
 „iuuetur. Displicet hominibus imperata correctio, actione facillime iubetur, exemplo fa-
 „cillime obtemperatur. mouent enim magis exempla quam verba, atq; vti nunc o vti nunc tam multi
 „bene operarentur, quam multi praecipunt bene. Verum in re certissima herendum non est.
 „Sed quis tamen non videat, non gemat huius aui arumnas continuas & graues? mores po-
 „puli in omnem licentiam solutos. Imperitiam, ambitionem, impudicitiam, vbi minus de-
 „cebat grassari? Intemperantiam & rapinas Principum an militum an vtrorumq;. Dicam au-
 „dacter fortasse, sed vt arbitror vere, siccis oculis quis aspiciat Italiae campos humano ma-
 „dentes sanguine magis quam de caelo imbribus, vndantes per vrbes, & oppida gladios, in-
 „nocentiam oppressam? Haec aliaq; multa mala vestram opem, Patres expectant, ea sublata
 „spe vnde remedium nostris miseriis petatur? Magnam prouinciā, Pater sancte, suscepisti:
 „multa aggressus es & perfecisti praclare. Sublata latrocinia, aperta itinera, plures ad sacrum
 „imperium vrbes restitutae, quam a quoquam alio ab omni memoria Pontificum. Magna
 „haec sunt atq; praecleara, quis neget? quis non videat? Omnium tamen maximam a tua pru-
 „dentia cuncti praestolamur. opem Principibus Christianis pacatis in communem hostem
 „omnium opes viresq; conuerte. Id vt facilius contingat, positis absonis armis ea arripiamus
 „quam nostrae militiae sunt consentanea. Iis vitia omne genus scelera multa quam quis & fœda, sunt im-
 „pugnanda. Quando n. vita solutior? quando ambitio magis effrenis? Quando maior de diuinis
 „rebus loquendi sentiendiq; vt cuiq; placet, licentia? laniena fauor an villo tempore accidit,
 „quam quae Brixiae prius, deinde ad Rhauennam extitit? cruoris riuus nondum exiccatis? Quae o-
 „mnia quid aliud quam voces caelestes sunt denunciante quantopere ad haec suprema re-
 „media facramq; ancoram recurrere esset necesse. fructus vt cumulatior existat, modestiae
 „studio, clamores amoueantur & iurgia. Sed cum eo tamen si loquendi decernendiq; li-
 „bertas sit omnibus vt maxime quidam dolorem facere videatur. Magna Deo a vobis Patres
 „debetur gratia, quos lingua, moribus & genere discrepantes in hunc locum perduxit; ma-
 „гна laus vobis ab omnibus bonis, qui tantos labores sumpstis pro studio iuuandi ecclesiam.
 „Magna sapientia in his augustissimis sedib. versatur, auctoritas par. Aderit Christus suo nu-
 „mine, cuius agitur causa, ciuesq; caelestes omnes; vos imprimis Petre & Paule clara inter
 „caelestes lumina, ecclesiae sanctae atq; huius vrbs tutelares, clamores nostri & singultus ad
 „misericordiam flectant. Ecclesiam vestram iuuate, vestro, inquam, sudore confitam cultamq;
 „vineam, diuinam Christi & vestro sanguine irriguam hereditatem & quam a tyrannorum
 „saucia liberaastis, ne eorum manibus extirpetur & pereat, qui se filios eius & familiares
 pro-

profidentur, benigne facite. Cunctos hos Patres & sanctos Præsules confirmate cœlesti ope, ut mentis oculis in Deum solum coniectis, ac nihil præterea captantes, quæ nostra vulnera postulant & tantæ miseriæ exigunt, ea adhibere remedia ne metuant.

Bellum Vasconum inchoatur. C A P. XI.

TRanquillæ tunc res in Hispania quidem erant finitimis Regibus partim affinitate deuinctis, partim icto fœdere in amicitiam & societatem ascitis. Italiæ Principibus & militibus magis vires decrant bello fessis & fractis, quàm voluntas repetendi arma: cum repente in utraq; gente bellum exarsit atrox & graue euentu utrobique; Gallis exitiali. Id qua ratione contigerit explicamus. Cæsarem inter & Venetos pactę induciæ ad Sedunensis diligentiam adiunctæ, præterea prælii ad Rhauennam fama Heluetiis iniecere voluntatem in Italiam transeundi Pontificiæ causæ patrociniū suscepto. Quod alios terruisset gentis ferocis animos ad festinandum incitauit; atque ita ut ad quartum decimum kal. Iunii ad Valcamonicam essent agri Brixienfis oppidum ad sedecim hominū millia cum tormentis castris decem & octo, præter alia sex millia milites per Mediolanenses fines Nouariam versus cōtendētes, aliaque duo millia Bergomū: incredibilis multitudo per angustæ regionis modo. Præerat his copiis Altosaxus militari laude præstans, illique adiunctus Sedunensis Cardinalis. Galli siue studio Aquitaniam tuendi ab Anglorum iniuriā, sui Regis iussu, ut excusant scriptores Gallici, seu metu ne Heluetiis, Italis, Hispanis in Italia in eorum perniciem consternatis tantisque apparatibus pares essent, deserta Italia in patriam frequentes redire. Restitit Palicius in Insucribus cum modicis copiis, ex quibus tamen indies milites dilapsi signa infrequentia reliquere. Veronā supra viginti Heluetiorum millia peruenire ad sextum kal. Iunii. Vrbs ea cum arce Gallis deferentibus sine sanguine venit in hostiū potestatem. Eo Veneti ut Paulus Capellus eius vrbs copias ad Heluetios adiungeret, senatusconsulto decreuere. Ea erant septingenti cataphracti, velites octingenti, pedites quatuor millia. Heluetii recentibus auxiliis aucti & Verona capta læti Valesium progrediuntur, quo se Verona deserta Galli receperant. Idē successus fuit, ne tentata quidē defensione locum deseruere; ne prohibitis quidē transitu hostibus quæ erat promptum Mincio flumine interiecto, præpeditis ripis difficili vado. Iisdem vestigiis victores subsecuti, cedentibus nihil ut tutum esset, effecerunt Cremonā usque. Vi quadam abdita Galli in pauorē & fugam agebantur. Et Cæsaris industria Germani, qui in Gallico exercitu supererant, cōmeatu petito discesserunt, tanta ex eo Palicii consternatione ut non prius constiterit, quā Astam ventū esset Mediolanensis principatus ad fines extremos sitam, neque procul Alpibus, Italiam deferendi certa voluntate, quæ magnā desperationis significationem continebat. Sic vrbes alię Gallico imperio repudiato deterfis Galliæ insignibus defecere passim. Cremona Sedunensi imperii nomine se subdidit. Mediolanum ac ferme aliæ ipsi contributæ vrbes ad victores accessere. Cuncta elementa in Gallos conspirasse visa sunt, impios in Pontificiam maiestatem ausus eorum qui fecerant, perniciē vindicare. Ut belli aduersus Gallos iustior causa esset, ardentius gentis studium, lætior successus, victoria facilior; Gursensis & Petrus Vrræ ea castra secuti Maximilianū Sfortiam in Italiam euocandum iudicabāt. Factiosi Cardinales in tam repentina rerum conuersione Mediolano diffisi in Galliam discessere. Vrbes Placentia & Parma in eo rerum motu ultro se Pontifici subdiderūt. Arripuit ille occasionem libenter imperii proferendi, ad suum ius pertinere contendens Rhauennæ quondam exarchatui contributas, quo tempore Græci Augusti Italiæ partem obtinuerunt. Obsoleta nimirum iura ex vetustis deprompta tabulis mouebantur, nunquam nisi armis valida. In Hispania Ferdinandus belli causas aduersus Vasconem querere videbatur, satis sibi dari damni ea parte illati, si qua vis ex Gallia ingrueret, postulans. Henricum filium quia dare fidei obsidem Vasco recusauit: certe sex arces traderet pignoris loco facturum quæ oporteret. Eas obtinerent Vascones quidem, Ferdinandi tamen nominatione sacramentoque. Durum id quoque videbatur. Latio Mauleonius Burgo à Vascone legatur nulla tamen idonea paciscendi facultate. A Vasconum regno tutos Hispaniæ fines fore pollicitus, ut tantundem de aliis principatibus, quos ii Reges in Gallia obtinebant, & Hispaniæ limites attingunt, in fœdere caueretur; non satis adducebatur. Responsum ergo Vasconi post multas disceptationes, ex duobus alterum eligeret. A neutra parte staret, sed mediū se gereret inter disceptantes. certe si viribus Gallicis Regem Gallum iuuaret Vasconum opes in auxilium Hispani & socialis exercitus conferret. Vasconi Ferdinandi felicitas erat suspecta, ne Namursum sublato, Germanę extincti sororis, iure repetitō, regnum illud quasi dotale occuparet. Aduersus eas suspiciones Orbalis Galli apud Vasconem orator, si id cōtingeret, Galliæ vires vniuersas venturas auxilio polliceri, ut plerique, qui in aulis Principū viuunt, vaniloquus maria terras inani sonitu verborum complens. Quin Henrico Vasconis filio

adiecit nupturam minorem Galli filiam. Inanes pollicitationes rebus vacuæ, credulum Principem egere præcipitem, ut Hispani ea propinquitate contempta, contra diuinas leges & humanas se Gallo socium adiungeret. Inter hæc Orseti Marchio ad finem Cantabrię appulit ad sextum Idus Iunii cum classe, in qua quinque millia sagittarios vehebat, exiguum numerum, delectam tamen Angliæ pubem. Ad Sebastiani fanum Fredericus Portugalia Seguntinus Episcopus expectabat, classi & militib. necessaria præbiturus Regis iussu. Delectu in Castella habito idoneus exercitus cõstabatur Albano ductore summo. Ferdinando Regi fore commodam videbatur, Vascones primum impetere: nullo a tergo hoste in Aquitaniam demum inuadere: si ita esset factum, maiorem commeatus fore facultatem, cuncta faciliora. In eam expeditionem intētus gentis Aragoniæ conuentus agitare decernit actionum Præside Germana Regina, milites scribere ex ea gente ple-
rosq; capite censos in subsidium eius belli, quod per se gesturum dictitabat. Decreta in eo conuentu auxilia in biennium & octo menses, equites grauis armaturæ ducenti, leuis trecenti. Prouisa tēpestare Vasco Petrum Nauarrum Marefcalum ad Ferdinandū de pace legauit. Arces quasdam fidei obsides daturum, demptis tamen Stellæ & sancti Ioannis arcibus, quas expetierat imprimis, & erant præcipuæ: vitio mortalitatis ad ea recurrebatur consilia quę ante repudiarat, utrūq; intempestiue. Ut Pompelo primū peteretur visum est. capite dempto reliqua prona fore. Idem ut Anglus faceret quamuis de ea re appellatus adduci non potuit. Sine sui Regis mādatis bellū Vasconi inferre nefas putare. Ac vero Ferdinandum conquerebatur ad inuadendam Aquitaniam copias paratas non habere. Occasionem præteruolasse, certe in aditu prouinciæ Baionam occupandi tunc præsidio nudatam urbē: mora effecisse ut milite & rebus omnib. instructa, difficilior impugnatio foret. Sic ex suo commodo Hispanum bella gerere: ad sociorum præsidium præter nomen nihil opis asferre solitum: ac ludibrio potius præ fastu habere ceteros, vilia arbitrari capita.

Vasconum regnum occupatur. CAP. XII.

AD Victoriā Albanus sui Regis mādata morabatur, in q̄ partē cū copiis ituruseffet, p̄ vicina Catabriæ & Riuogię oppida eo tēpore distributis; Ex erāt mille cataphracti mille & quingenti velites, peditū sex millia, eorum tribuni Rengifus & Villalba militari laude & longo militię vſu p̄stantes, viginti tormenta bellica Præfecto Diegho Vera. Ut Pōpelonem duceret Vasconum regni caput. Albano duci mandata venere. Ille nihil cunctatus collecto exercitu, motisq; continuo castris ad Vasconum fines peruenit die Mercurii ad tertium decimum kal. Augusti. In primo agmine Ludouicus Beamontius longo exilio irritatus, atq; doloris vlciscendi cupidus curabat. Periculo cognito Vasco Regina vxore cū filiis in Bearnē amandatis, ipse Pompelone restitit eam urbē tueri constituens. Imbecillæ vires erant, neq; hostibus potentia par iter expeditum nullo repugnāte: opinione faciliora omnia extitere. Ita Vascone Lumbierrem oppidum profecto, accedēti ad mania Albano ciues supplicum velamenta explicarunt, supinas manus tendentes, verteret in noxios irā, se deditib. parceret. Nuncupatis conditionibus vrbs dedita est ad octauum kal. Augusti ipso Iacobi Apostoli memoria sacro die. Cætera eo regno oppida Pōpelonis exemplo incitata, metuq; hostium securura videbantur. Vasco in ea suorum consternatione consilii inops tres viros idoneos ad Albanum mittit cum mandatis, facturum se quęcunq; essent imperata. Responsum, uti Ferdinandi voluntas expectaretur, ab ea nō discederet. Missi de tota re legati acerbas conditiones retulere. Vasconū regnum traderet vniuersum, in potestate Ferdinandi futurū dū bellū sociale esset & ecclesiæ dissidia cōponerentur: ac deinde quandiu esset visum. Fidei pignus esset Henricus filius in Castella educandus. Erat iniquū filium & regnum postulare, neq; definire ante quē diē redditurus esset, ut si in omne tempus retineret, nulla tamen mēdacii religione obstringeretur. Ergo ea seueritate imperandi irritatus Vasco & alioqui de rerū summa in Hispania diffusus in Galliam trāscendit. Regis discessu, Vasconum oppida de deditiōne appellata, missis procuratoribus sine mora iussū fecerunt. Stellæ tantum arx & Escuæ vallis incolę illa munitione, hi locorum asperitate confisi in fide veteri perstitere. Roncaleses quamuis & ipsi montium iugis & syluis contra irrupentes dēfensi, accessere ad reliquos cum ea exceptione si Aragoniæ legibus & institutis viuere daretur. Interim ex Gallia missæ copię ad tuendum Vasconē Bearnem peruenere. Maior expectatio fama; , quā successus. Monitus tamen periculo Ferdinandus Burgis Lugruniū ad fines Vasconū abiit, ē propinquo sua ope cōsilio iuuaturus. Accessere cū copiis viri nobilissimi, Emanuel Benauidius, Ludouicus Cueva, Enecus itē Velascus equitū in Castella Magister cupidi operam in eo bello Regi nauandi. Antonius Acunia Zamorę Episcopus superioribus diebus Pompelonē iuerat Pontificis verbis obtestatū, ne Vasco cū factiosis ac pacem ecclesiæ turbātib. res suas misceret: si secus esset factū diras in

in caput eius minas & extrema exempla detestari. Parum ea tunc diligentia profectū. Hoc tamen tempore Ferdinandus idoneum hominē ratus, per quē Vasconi pacis conditiones recēs impositas denunciaret, eū in Bearnem destinauit. Accedenti Saluaterrā iniectæ sunt manus: ac quo minor excusatio esset, iussu eius Regis Longauillæ Duci est traditus Aquitaniæ præfecto, Gallici item exercitus, qui opitulatum venerat, ductori. Neq; personæ dignitas valuit, neq; legati nomen etiam inter barbaros sanctum. Etsi alia species captiuitatis prætenfa est: ac inter alias accusationes obiectum, nuper prælio ad Rhauennam cōmisso interfuisse, dignum videlicet vinculis maloq; crimen. Paulo post tamen idem siue succedente pœnitentia, seu quia commodum erat, mititur ad Ferdinandum internuncius de pace, tribus fratris filiis pro se relictis obsidibus, rediturum quotiescunq; iussus esset. Miraculo fuit ea facilitate celeritateq; vniuersum regnum Vasconum Hispano cessisse. Ex eo Galli coitionem & dolum profecto subesse suspicari. Sponte Vasconis excitari bellū, cunctaq; quæ acciderant nō gentis ignauia aut hostium virtute sed cōpōsita fraude euenire. Suspicionem late fusam vt detergeret Vasco ad Gallum contendit rei gestę ordinem explicatum. Præterea Gallis Saluaterram dedit fidei pignus: & vt id oppidū maiori præsidio munitum ab iniuria tuerentur. Gallo Regi destinatum erat vires vniuersas in Aquitaniam mittere Delfino etiam copiarum Duce adiunctis militibus & ducibus præcipuis, qui ex Italia redierāt, pleriq; in Regis familiā adscripti & claris orti natalibus. Cōtra Ferdinandus imperio recens capto stabiliendo dabat operam diligentem: ac nominatim à Pompelonis ciuib; sacramentū exegit, nō iam quasi sequester, sed Regis nomine. Facto species prætentata Ioannem Regem pactis conditionibus non stetisse. Sic regnum victori cedere belli iure, quo quē optimo. Cum Petro Nauarra Marefcalo, & cum sancti Stephani Comite, vt ad Ferdinandi partes accederent posita contumacia per internuncios agebatur. Comes, quem paulo post Faleis Marchionem dixere, facile adductus est vt tempori seruiret. Marefcalus causæ sui Regis acerrimus propugnator, re communicata cū propinquis, facturū negauit, quod sine dedecore & fidei datæ sugillatione non posset. Tudela vrbs, etsi inter primas obsequium victori detulerat, sacramento fidem vt obstringeret adduci non poterat. Aragoniis legibus viuere cupientes ii ciues, hoc est vitę conditione libertati proxima, non ante destiterunt, q̃ Cæsaraugustanus Præsul collectis copiis ad ea mœnia accessit vim ad mouere paratus & metum. Obseratas cōsilio mentes timor aperuit, effecitq; vt qua cæteri conditione imperata facerent: neq; in cōmuni causā sibi priuatim consularent. Aditū in galliam patefacere Castellæ copiis erat destinatum. Hoc consilio ab Albano duce missus Villalba tribunus cum sua legione peditum ad tria millia & trecentis cataphractis sancti Ioannis municipium ad radices Pyrenæi montis galliam prospectans occupauit. Eodem paulo post cum robore exercitus accessit Albanus. superuenere Fernandus Vegha Promagister Castellæ, & Dieghus Lupus Aiala, quibus Ferdinandus ob perspectam prudentiam & agendi dexteritatem multum credebatur. Albani in ea loca discessus dupliciter commodus extitit, gallis Hispaniæ aditu prohibitis, ne res in Vasconibus turbarent, tum ad Aquitaniā inuadendam itinere patefacto. Orseti Marchio sollicitatus denuo, vt suis copiis ad Hispanias adiunctis in Aquitaniæ saltem fines irrumperet, redditus q̃uis multis & magnis causis ob quas necesse fuit prius bello Vasconum finem imponere, præcise se facturū negauit, incomodum tēpus excusans autumno p̃cipiri, præterea ardorem cū quo milites venerant extinctum, numerum imminutum, morbis inter milites ex cæli insolentia vulgatis. Hæc palam ex arcano atq; inter suos Ferdinādo infensus, ludibrio gentē habuisse, atq; dum Vascones imperio adiiceret, de Aquitania nihil curare, omnibus sermonibus accusabat. Ex actionibus de mente coniectari facile esse. Fine, in Angliam maturare constituit quippe propinqua iā hyeme, nulloq; moræ in Hispania pretio, p̃ter sumptus inanes & militū interitu numerū imminutū. Sic ille cōquerebatur, hasq; discessus causas extitisse iactauit. nō defuerunt tamen qui suspicarentur, Nebrissenfis in proprio cōmentario, quē confecit de hoc bello affirmatione probabile, auro eum gallico emptū excusationes inanes ineptasq; quasi velamen prætendisse cupiditati.

Res Italia. CAPVT XIII.

Magna rerum conuersio in Italia post pugnam ad Rhauennam factā extitit: galliq; victores non secus ac si victi fuissent, locis omnibus vexati. Sic repente aduersis prospera commutantur. Urbinas cum copiis Pontificiis in fines Bononienses inuectus depulatus agros ciues suarū rerum cura incēso in oculis agro inter primos Italię feraci, pulsus Bentiuolis compulit mutati imperii argumento Pontificia vexilla pro muro & per plateas explicare, demptis gallicis. Sic vrbs nobilissima ad vetus imperiū rediit. Cardinalis Strigoni Nannentensisq; in gallia erant: accessit recēs Finarii Cardinalis. Ab his vt callus cū

Pontifice conciliaretur superioribus offensionibus deterfis dabatur opera nōnulla initio proficiendi spe, irritō deinde successu. Seueritas Pontificia salutare abrupit conatus. Diplomate euulgato Regem Gallum furiali carmine deuouet, & iure Pontificio maledicit: gentē vniuersam sacris interdicit. Subditorū sæpe malo Principes peccāt. Elatus studio sacramenti religione quo fidē Gallo obstrinxerant, Nortinannos, & Aquitanos soluit. Lugduno, quoniam factiosos Cardinales intra mēnia acceperat, nundinarum ius Geneuam, vbi olim agi consueuerant, transfert urbem ad lacum Lemanium sitā, nobilem olim, nunc hēresum colluie fædam. Contra ab Hieronymo Viquio, vt venia Ferrariensi esset & pax, diligenter est curatum. Fabricii Columnæ gratia & auctoritas ad emolliendū Pontificis animū multum iuuuit. Constitutum vt captiuus ipse libertate data, Romā supplex veniret. Sic factum. Fabricio ipso & Alarconio prosequentibus Romā abiit. In toga bōbycina ete-¹⁰ romalla detecto capite, in Patrum senatum ingressū humillimo corporis habitu contumeliosis quibus verbis Pontifex acceptum, quā præceps iracundia dedit & ferox ingeniū, soluit quidem anathemate; Rhegium tamen urbem, contra quā conuenerat, non restituit. Ac potius in vincla rapere statuit (cogitasse satis constat) maloque Ferrariam extorquere voluisse. Neque destitisset, vt erat ardenti obfirmatoque animo, nisi importunos ille conatus celeri discessu occupasset. Sic ars arte victa est. Cardonius breui reparato exercitu Neapoli versus Aprutium discessit. Recensitis eo copiis, peditum septem millia sunt inuenta duobus adiunctis millibus, qui recens ex Hispania venerant. Horum cura Padulæ Marchioni desti-²⁰ nata est, & quoniam ad Aquilam in rixa quadam sibi ipse manū vulnerauit, eius locum tenuit Solisius magno vir animo. Cataphracti mille ducēti erant, leuis armaturæ equites quingenti & quinquaginta. Præter hunc numerum Prosper Columna cū quadringentis equitibus propediem venturus in castra expectabatur. Huic prima acies est data. In medio agmine Golifani Comes Traiecti Dux & Antonius Leiuā curabant. Postremam aciem Alfonsus Caruaialius Xodaris regulus ducebat, illique adiuncti nobiles alii duces. In centurionum numero Ioannes Urbinas fuit bellis deinde Italicis magnam consecutus laudem. Has Cardonius copias sub signis habuit, cum à Pontifice subeunte belli suscepti pœnitentia venire mādāta, ne vltius progrediretur, ac se potius finibus cōtineret. Insu-³⁰ brum bello confecto, quid nouo exercitu provincias fatigarent, vexaret agros & oppida? Hōesta scilicet species digna Pōtifice cura. Altior tamē cogitatio pectori infederat, trās-³⁰ alpinos omnes ex vniuersa Italia pellendi. Gallos quidē Hispanica ope & Heluetiorū viribus deturbarat: nunc Italiæ Principum copiis & armis tantundem de Hispanis fore confidebat. Cardonius tamen ea denuntiatione nihil territus cum omnibus copiis Aprutium transgressus, Firmum tenuit Piceni urbem ad superū mare. Inde p̄ter Forliuiū & Fauentiā continuato itinere in agrū Bononiensem irruit. Ad sancti Petri oppidum in eo tractu positis castris legati ab Heluetiis venerunt contestatum, quod iusserat Pontifex, ne procederet amplius. Si negligeret, obuiam ituros. Gallos ex Insu-⁴⁰ tribus pulsos, arcibus, quæ in fide perstabāt, subiugandis idoneas ipsis vires suppetere. Quid se suosque frustra importuno labore vexaret? Cardonius se sociali bello summum delectum ducem dicere: nisi Principum confederatorum iussu cessare nō posse. Ita motis castris Bononiam primum, deinde Mu-⁴⁰ tinā abiit, cum Gursensi coram belligerendi consilia Mantuæ, vti conuenerat inter eos, communicare constitueus. Accessere Cariaci Comes & Petrus Vrrea dimidiato circiter Augusto mense. Collatis sententiis, quid opus facto esset decernere promptum non erat. Ad priores difficultates accessere Veneti cum cæteris Cardonium aditu Insu-⁵⁰ brum palam arcentes. Erat præterea illis destinatum Brixiam Cenomanorum impugnare Gallicarum tum partium urbem, Veneræ ditioni detractā Obenigno custode cum tribus amplius militum millibus. Cæsaris & Ferdinandi legatis alia mens erat; eam urbem sociali exercitu occupari, sociorumque adeo nomine obtineri. Vicit tamen sententia non esse eā possessionē tanti, vt Venetos tunc quidē propterea irritarent. Ac potius Cardoniū Mediceorū patrociniū suscepto Florentiā ducere visum est; exulesque adeo in patriā, vnde fuerant ⁵⁰ iniuria pulsi, armis Hispaniæ restituere. Soluta Mātuario cōuentu, eoque approbato cōsilio Cardonius Mutinam rediit, vbi reliquerat copias. Iulianus Mediceus iter prosequabatur. Ioānes Cardinalis Iuliani frater iam ē Gallica captiuitate forte magis quam consilio liber, Bononiæ cum tormentis operiebatur. Maius momentum in Prospero Columna, qui tandem se suosque reliquis copiis adiunxit. Moræ causa Pontifex extitit transitu per Picenum prohibito, reque necessaria longiori itinere facto. Sub idē tempus vt Maximilianus Sfortia, qui iam se in Germania Mediolanensem Ducem dixerat proxima paterni principatus spe, in Italiam veniret decretum erat, præsentia Insu-⁵⁰ bres pacatum, si qui præterea Gallica maiestate tenerentur. Pontifici Placentiam & Parmam præsidis in ea ditione occu-

occuparant, vti paulo ante dictum est, quasi antiquis temporib. iuris Pōtificii extitissent. Romæ Paschalis Burgenfis Episcopus decessit ex Dominicano ordine solitus quotannis Romana templa religionis ergo, plena maiestatis & numinis venerabundus inuisere. Et tunc Lateranensis conuentus pari pietate inter paucos conspicuus; si vera memorantur, clarus miraculis ante & post obitam mortem. Decessere præterea Archiepiscopi Auennionensis & Rhegiensis viri & ipsi præstantes. Vulgati inter patres morbi ad alias causas adiuncti effecerunt, vt post primam & secundā actiones cōuentu ampliato, reliquæ actiones in proximi Decembris initium consensu reiicerentur. Pontifici erat destinatum Patrum ope bellum in Turcas decernere, quasi classico excitis ad arma toto orbe Principibus. Baiazetis filiorum inter ipsos dissidia conatui opportuna videbantur, ea contentione vt Selimus minor Baiazetis filius ope prætorianorū militum imperio patri detractō, paulo post maiores fratres Achomatē & Corcutum obtrūcarit. Oblatam cælo occasionem ferocem impugnandi, arripere Pontifex cupiebat oppido, cupiebant omnes boni. Non deerant tamen sermones suspicantium ea arte Hispanos ex Italia deducere destinasse. nihil sincere geri prauo homines ingenio credunt. Sinistro rumori fides adiuncta passim est, quoniam Pontifici haud dabium votorum ea summa erat.

Magni Gonsalui profectio in Italiam impedita. CAP. XIII.

Cardonius Neapolitanus Prorex, vti erat decretum, versus Florentiam cum copiis omnibus mouit. Fama erat eam urbem in libertatem asserere destinasse quorundā libidine & impotenti dominatu oppressam, atq; efficere vt pace cum Pontifice conciliata factionis ne amplius faueret. Nemine repugnante Pratum appulit ab ea vrbe decē modo passuum millibus distitum oppidum. Inerant milites magno numero, & conuecti antea comineatus. Ita de deditioe appellati facere recusarunt. Vim admouere & metum placuit. Dispositis tormentis atq; displosis quassata mœnia late stragē fecere. Aditu patefacto vi in oppidum per ruinas irrumpitur. In captos & miseros incolas militaris sæuitiæ auaritiæ & libidinis multa exempla extiterūt; cum omnia profana spoliaffent, ne à sacris quidem abstinerunt, constupratæ virgines, certa si quis resisteret cædes. Terruit ea res Florētinos vehementer; atq; ita vt ad fædus faciendū sine mora animos flexerint, alioqui peruicaci ingenio & obstinata aduersus mala gens. Id quo liberius contingeret Vexilliferi munus superemę potestatis bello paceq; nomen, Petro Soderino, quippe Gallis ad insaniam addicto detraxere. Mox delecti viri primarii, qui de conditionibus cum Hispano disceptarent. Ii à Cardonio benigne accepti atq; habiti pepigere fædus, cuius summa capita erant. Vt Medicei & Pacii exules in patriam & bona paterna, vnde euersi erant, inducto priori decreto restituerentur. Florentini publice ad fædus Principum accederent pro ecclesiæ dignitatē antea sancitum. Gallicum patrocinium mutarent Hispanico, Ferdinandi Regis in clientelam accepti. Firmato illi in eas leges fædere beneuolentię maioris argumento suarum copiarum summum ductorem dixerunt Padulæ Marchionem. Pecunia etiam, cuius penuria erat, in stipendium militare Cardonium iuuerunt. Tantundem Senenses, Lucēsque fecere in Ferdinandi Regis fidem & tutelam & ipsi accepti. Per idem tempus Ianus Maria Campofregosus factionis opibus Genuā ingressus eius vrbis in gratiam Pontificis dictus est dux. Sic contributa Genuæ oppida passim ab imperio Gallico defecere, auide pleriq; quasi ex diuturna siti arripientibus libertatem. Id vt esset stabile & ex sententia cōtigeret, prouisum vt Berengarius Olmius cum suis triremibus ad Liguriæ oram accederet. Ex eo cuncta Hispano in Italia prospere fluere, nihil vt amplius desideraret, etiam si ex suo arbitratu fingere successus daretur. Magni Gonsalui ex eo profectio in Italiam dilata primum, deinde penitus disturbata est. Quod qua ratione cōtigerit, explicemus. Postq̃ ad Rhauennam Hispani male pugnarunt, omniū oculi in Gonsalū sunt coniecti certa spe, eius virtute & prudentia tantis malis fore ignominiaq; leuamen, quippe ea tempestate spes & opes cunctorum in illo fixæ videbantur. Salus in vltimas angustias deducta nullum ambitioni nullum inuidiæ locum reliquerat. A plerisq; Cardonii imperitia Nauarri temeritate accusabatur, in eam cladem fuisse præcipitatum. Gonsalum hominē de cælo lapsum maiorem conditione mortali multo vsu & magnitudine animi cunctis haud dubiū præstare bellica scientia, industria, felicitate. Ferdinandus ipse Rex, licet de tanti viri voluntate parū fidebat, multis a se iniuriis exacerbat, & conceptum potius odium expromere cupiebat, re tamen necessaria eum in Italiam mittere decreuit rebus profligatis salutare præsidium. Burgos, vbi Rex erat, euocato profectio denunciatur. Otii ille inimicus, quo diu marcescere videbatur, iuuādi rēp. libēter oblatā cælo occasionē arripuit. Et erat gloriosum vni se rēp. tradere tēporib. coactā & malis. In profectiōē & apparatū intērus Malacā abiit. Mirabile dictu q̃ multi Italica expeditione euulgata ex omnib. partib. confluxerint, vt in eā militiā

nomina darēt, cupidissimi eo duce induendi arma, pleriq; sua virtute nobiles & claro ex genere orti. Regi tantus concursus molestus extitit, & Gōsalui inuidia & quoniā de bello Vasconū cogitabat. Et fere Regib: boni q̄ mali suspectiores sunt, semperq; alienæ virtutis plausus formidinē facit, præsertim si modū excessit. Ita definito numero mādāt, quingentos grauis armaturæ equites duceret, pedites duo millia non amplius: Nihilo tamē magis ardore remisso in eum numerum viri nobilissimi legi ambiunt: multi ex prætoria cohorte Regis aut alioqui eius in Hispania stipendia faciētes missione impetrata, non deserta militia sed mutata in Italiam abire festinant, eius ducis auspicia sequi cupiētes, qui suæ fortunę esse videretur artifex, opes, victoriam, felicitatem secum ferre in quamcūq; se dedisset partē. E Castella atq; Batrica ingens numerus in eam expeditionē volūtarii, suaq; impensa militaturi ire parabāt, satis magnum operæ pretiū fore rati si tali magistro prima militiē tyrocinia posuissent. Rex quo maior ardor erat, eo cūctari amplius, moræ causas alias ex aliis nexas excusare, spe Cardonium præclaro aliquo successu superioris ignominia memoriā deleturum. Quem ea beneuolentia complecti visus est, vt opīnionem vulgo fortassis temere sed susceptā tamē confirmaret, ex eo genitum. Ergo rebus in Italia prosperum cursum tenentibus maiori indies incremento, Ferdinandus Rex posita tandem persona Gonsaluo denuntiauit, profectiōem vsq; ad hyemis exitum sustentaret: interim extraordinarios sumptus excusaret: daret porro operam, vt aulici & milites regiis stipendiis conducti ad bellum Vasconum proficiscerentur. Hæc mandata initio Septembris Cordubam ad Gonsaluū delata, pro eo ac par erat molesta extiterunt tam ipsi quam militibus vniuersis: prorsus vt ē cataphractorum ducibus nullus ad bellum Vasconum iuerit præter Guterrium Quixadam. Gonsaluus litteris expostulationum plenis tum ad Regem tum ad amicos datis aulę fraudes conquestus est; cuius insidias vitare quis possit? accusare fortunā fluxam inconstantemq; , inuidiam alienam, quæ nihil aliud scit quam obrectare melioribus, corrumpere honores, & præmia eorum. Superiora merita qualia & quanta, ea scilicet mercede pensari. Vincitur interdum generosus spiritus, & iracundiæ viribus succūbit. In dolore tamen maximo duo p̄cipue extitisse molesta. Nominis existimationi labē inuri prona hominum in deterius suspiciōe, profecto nisi magna de causā grauem ob aliquam offensam superius decretum haudquaquam iri mutatum. Populi rumores tolerare durū, necessariū tamen. Deinde, iis qui vt se prosequerentur, magnos sumptus tolerarant, nullam compēsationem abs Rege esse, nullam gratiam: id vero grauissimum videri atq; intolerandum, sua causā insignem iacturam passos. Duriorem ipsa morte vitæ conditionem deinde exilio mutare constituens ē familia misit, qui à Rege facultatem peteret Terranouam suæ ditionis oppidum in extrema Italia discedendi, amœni secessus, & ab arbitris remoti. id summi beneficii loco futurum. Ad hæc rex longo vsu edoctus fallaci vultu verbisq; blandis sedare iras, respondit: eius operam minime fore necessariam Gallis ex Italia pulsus: neq; opportunum nouas ex Hispania copias mittere, quo tempore de Hispanis vniuersa Italia pellendis consilia Pontifex serio agitarēt. Profectiōni quam optabat duriorem se ostendit, ac consultius iudicabat tantis defuncto honorib: ea ætate Loxæ domi suæ conuiuiscere, magnorum virorum exemplo vacatione impetrata. Leges maiorem annis otio reddere, quid negotia non necessaria captaret? gloriæ meritæ & partæ quid vltra periculum faceret? Præclara verba, si cætera responderēt. Sed alienati animi atq; offensi multa deinde argumenta extitere. Præter suspiciones superiores, reus in secreto ab aulicis agebatur nulla facultate calumnias detergendi. Inuidia eo nocentior, quo magis ex occulto grassatur. Ita in Garfiæ Lassi defuncti locum Legionis Promagister fieri cum cuperet atq; peteret, repulsam tulit Ferdinando Toletō prælato. Par euētus alterius petitionis fuit, quæ Hornachos diui Iacobi militiæ oppidum vectigalq; honorarium ex eo commendari per idē tempus postulauit. grauem ignominiam clarum auersi animi signum. Offensionis susceptæ præter alia duplicem causam inuenio. Altera propria. Enimuero Ferdinando regi Gonsalui voluntas semper suspecta fuit: & constat sæpe conquestū apud amicos, consilia eum aliena agitasse. dissimulatum tamen superiorū meritorum memoria, haud dubiū ingenti numero moleq;. Cōmunis fere magnis Principibus altera: ac potius cūctis hominibus, beneficia eo vsq; grata ducentibus, dum videntur exolui posse, vbi modum excessere quos quasi creditores aspicimus, iis pro gratia odium redditur. Et est procliuius iniurię q̄ beneficio vicē repēdere, q̄a vltio placet, gratia plerūq; est oneri. Vtiq; si meritis paria p̄mia reddi non poterant, æquū profecto videbatur tali viro nihil denegari q̄ dono dignū esset. Verū præterita accusare quis iuuat? Quis regū offensas præceptis salutarib: frenabit? Suspiciones amouebit aulicorū præsertim calūnniis & fraudib: confirmatas, meliores criminando allatrandoq; eorum magnitudini, q̄ facillimū factu est, ex aliena iniuria & malo splendēre volentium.

AD sancti Ioannis oppidum Albanus morabatur neq; magno neq; vilo moræ pretio. Gallis tamen Hispaniæ aditu ea parte prohibitis variæ militares manus prædatum in vicinos agros progressæ pecora abigere, agrestium eadem facere, villas, vicosq; incedere nulla præterea re memorabili. Bellica tormenta deerant. Ea Dieghus Vera magno labore nisuq; propter locorum asperitatē superatis montib. trochleis ergastisq; sæpe in summas rupes sublata pariq; industria in subiectas valles demissa tandē id in oppidū intulit. Borbonius, Longaulla, Mompenserius, Palicius atq; Lautrechius ad Saluaterram & finitima Bearnē loca statua habebāt, atq; in iis octingētos cataphractos, pedites octo millia, Hispanis copiis obiecti haud magno diffiti interuallo. Præterea Delfinus ad Garriciū validā continebat manum, paratus quocunq; res vocassent, in eam partē impetū dare. Vasconis tantum aduentum cum suis peculiarib. copiis sustentabant, vt in Hispaniā irrumperent maiorum regnum recuperandi spe. Ea vulgata fama Sanazariæ & Roncalensis vallium incolæ veteris imperii amore nouum excutere tentarunt correptis armis. Marefcalus quoq; Vasconum Petrus Nauarra, qui eatenus medium se gesserat, palam Gallicas partes amplexus est, Tudela vrbe raptim ad Gallos profectus sub aduentum Ferdinandi Regis eo delati ad excipiendam Germanam coniugē solutis Aragoniis conuentib. reuertentem. Ea res Vasconem excitauit, vt maiori festinatione renascentia suorum studia foueret, fugacia esse occasionum momenta non ignarus. E Vasconibus in Galliam atq; Bearnem gemina vallis pertinet in fauces desinens, quib. necessario trāsitus & iter est; altera Roncalis dicitur vulgo, vallis altera Roncarum. Roncali sancti Ioannis oppidum subiectum est ad montis radices qua in Galliam prospectat. In eo Albanus tendebat cū copiis. Vasco in Vascones parte altera armatus Palicio adiūcto irrupit, mēse Octobri dimidiato. Hispanis minores vires erant, q̃ vt in vnus pugnæ sorte de summa rerum auderent periclitari. Variæ tantum manus iniquis ad transitum locis, quacunq; montes in angustias coeunt, se ostentare, distingere hostem. Fernandus Valdesius in eo numero Burgium ingressus, id oppidum tueri tentauit. Leui imbecillaq; munitione inuitati hostes impetu factō, quamuis quadringentis è suo numero amissis intra munimēta irrupere. Ex obsessis cecidere nō pauci, atq; inter alios dux ipse Valdesius egregie q̃uis pugnans. Indignatione in ea pericula irruisse fama fuit ex regis verbis concepta, redeunti ex prælio ad Rhauennā factō dicentis, Boni vbi manēt? Altius id verbū hæsit quasi vibratū telū, q̃ vt euelli nisi morte posset. Albanus Pōpelonis piculo p̃motus relicto in sancti Ioānis oppido Diegho Vera, vnaq; octingentis Legionariis ducentisq; cataphractis, & viginti bellicis tormētis, cū reliquis copiis superare montes, & rebus Vasconū opitulari constituit. Transitu redeuntes prohibere facile Vasconi fuit, quod facere omnino debuisset. Excæcauit nimirū diuina vrgens vltio, Principes & gentem peruertere volens. Ac ne continuo quidē, vti opus erat, Pōpelonem copias admouit præsidio infirmo fluxa regentium, vti in nouo imperio, auctoritate, opportunam iniuriæ. Vtroq; errore factum, vt omnia in contrarium verterentur, accedentib. subinde ad præsidium nouis cohortibus, Albanoq; adeo cum exercitus robore in vrbe inuecto. Sic cū spe defensionis ciuib. animus etiā accessit. Cēsaraugustanus quoq; Præsul sub idē tempus Exeā duxit ad sex militū millia equites peditesq; opportunū in ea difficultate rebus præsidium. Inter cætera oppida, q̃ correptis armis à nouo imperio defecere, arcis munitione cōfisa Stella ampla vrbs rebellarat. Franciscus Nauarra eo delatus, ope quorundam ciuium, quibus noua defectio displicuerat, intra mænia admissus, oppidanorum copias militum suorum prædā fecit direpta vrbe. Arx impugnari nisi maiorib. viribus non poterat. Accessit cum copiis aulicorum cohorti Præfectus. metus sæpe officii magister obfessorum mentes aperuit, vt ferocia deposita supplicum velamenta præferrent pacem petentes & veniam, arce dedita. Id exemplum Cabrega, Mongiardinū, & Tafallæ arces cū primis munitæ, sunt secutæ facta item deditione. Vasconi omnia aspera erant, prona hostibus. Nā per Broti quoq; vallē & fauces quas coeuntes Lacetani montes efficiunt, Bigorræ Senescalus cum manu militari in Aragonios fines irrupit. Ager & frugū vacuus præsertim eo tempore anni. Torlam aggressus inter montium iuga sitū oppidum vi admota cepit. Indigenæ eo tractu inter se inuitantes facta manu, atq; iis adiunctis qui ex oppidanis supererant, montani homines frigore & laboribus durati in hostes prædæ & direptioni intentos factō repente impetu, priusquam se colligerent, duobus amplius millib. ex eo numero cæsis, cæteros in fugā cōpulerunt, amissis impedimentis & aliquot minorib. tormentis, q̃ secum detulerant. Vasco sero quāuis octo tamē à Pōpelone millib. ad Vrrociū pagum castra promouit. In ciuiū beneuolentia p̃cipua spes victoriæ, quos sub eius aduentū aliquid p̃fecto moturos intra vrbe cōfidebat. Cōcepta haud temere fiducia

fefellit. Ducentis ciuib. ab Albano ea vrbe antea pulsus, quos suspectos maxime credidit, cæteri eorum exemplo pœnæ cautiores conquievere. Simul ad Reginæ pontem haud diffitum oppidum nouæ militares manus confluebant Pompelonē tuendi, sed & prælio decernendi, si res ferrent, voluntate. Mille & quingenti pedites Vaccæorum è Cāpania atq; ex Vltramontanis venire, Bugia nongenti duce Lupo Arriano Barcionem paulo ante appulsi. Accessere eodem Aragoniæ copiæ. Summa imperii Anagari Duci erat permissa. Alfonsi Peralte sancti Stephani Comitis inter Vascones præcipua rebus omnibus fides studiumq;. Amplius deuinciendo eius animo Marefcali Vasconum nomen tunc est adiunctum in locum Petri Nauartæ lege maiestatis damnati, nec multo post aucta indulgentia Marchionis Falcis titulus & honos accessit. Hæc agebantur, neq; tamen ob- 10
 fidione Pompelonem hostes cingebant. Dum noua à Delphino Gallorum auxilia expectantur, tēpus est extractum maiori vrbis cōmodo q̄ hostium. Palicius moleste ferebat nihil ex voto speq; succedere: ac contra omnia in contrariū verti. Vt aliquod opere præ-
 tium extaret, Vasconis castra eo loco posita, vnde ciues cōmeatus facultate prohiberent. Aliæ interim Gallorum manus eorum qui vltra montes tendebant, in Cantabriæ fines irruperūt. Hispanicas vires in plures partes diducere consiliū erat. Lautrechius iis copiis præfectus per Fonterrabiæ fines ad Sebastiani fanū castra promouit, oppidi modici quidē sed validi potiundi spe, ad mare positi Hispaniæq; fines extremos. Forte Ioannes Aragonius Cæsaraugustani Præfulis filius in eo oppido morabatur, dum in Belgas proficisceretur fidei pignus ab atto Ferdinādo regnum illi Neapolitanum nequaquā destinari, cōtra 20
 q̄ Cæsar suspicabatur: Ioannes Nucæus Comes itineris ibat legati munere imposito in curia Caroli Principis. Eorū præsentia salutis fuit. Oppidani q̄uis pauci pro ingenua audacia, & eo inflāmati præsidio magna virtute tutati oppidum hostes à mœnibus repulso Renteriā reiecere: inde ne concursu prouincialium reditu prohiberentur, Aquitaniā festinato repetiere. Ad vires adiunctæ artes, q̄ incōmode Gallis cecidere: Ferdinandus Aragonius Calabria Dux sub idem tempus Gallicis promissis lactatus, Neapolitanum regnum tradituros iure suum possessione alienum, Lugrunio, vbi cum Ferdinando rege erat, in Gallica castra dilabi deliberatum habuit. Res tanta sine consciis & adiutoribus peragi nō poterat. Indicio factō vincula iniecta tum ipsi sunt, tū quattuor infelices consilii interpretib. administrisq;. Miseros omnia p̄sidia, mœis quoq; sepe destituit. Ducis custo- 30
 diæ Atienis primum arx, deinde Setabis in Valentino tractu designata est. Sociis maiestatis lege postulatis conuictisq;, per plateas tractis vncus & laqueus vitæ finis fuit. Extinctorum cadauera mēbratim dissecta. Conatus temere suscepti is exitus extitit. Anni tempus incōmodum erat, præceps in hyemē. Galli cōmunicatō cōsilio festinaue decernunt, moramq; superiorem maiori conatu & ardore corrigere. Gemina virginum sacrarum monasteria extra vrbē sita sunt, alterum Diuæ Engratiæ nomine, Claræ alterū. Hæc Galli collegia diripere nulla locorum sanctitatis memoria metuue. Quidā quin etiam centurio Germanicus aperto sacrario, pixidem argenteā prædādi auidus Eucharistiam, q̄ in ea continebatur, in altare impius iuxta & temerarius proiecit. Virgo templi editua eo
 „ spectaculo cōmota. Apage inquit, tātum nefas: Christiana sacra impiis attrectare mani- 40
 „ bus non metuis? nō te pudet? cælo vindictā exspecta. Adest in limine, quē violasti, testis
 „ idē & vltor Deus. Ad q̄ ille renidenti vultu. Hic ait, Hispaniorum Deus est nō Germano-
 rū. Ab his initiis tetri de religione dissidii paulo post in iis regionib. subsecuti fundamēta nō obscura ponebantur. Suscepta impietas impune nō fuit. Iudæ instar proditoris disruptis effusisq; viscerib. periit. Hæc Nebrissensis fide probabilia, interest publice vt vera credātur. Displosis moxtormētis excussę igneę pilę strauere late muros. Per ruinas & strages lapidum semel & secundo magno impetu ingruentes Gallos repulere Hispani insigni virtute felicitateq;. Cæsi ab vtraq; parte multi, plura ruinis obruta cadauera. Defensæ vtraq;, impugnatione vrbis præcipuā laudē tulere Villalba tribunus militū, Fernandus Toletus, Fernandus Vegha, Antonius Fonseca, multiq; alii viri nobilissimi. Ioannes Albion periit Aragoniis maiorib. clarus suaq; præstans virtute. Anagari Dux p iuga montis, 50
 quē Reniegā dicunt, se ostentare, sex millia pedites sub signis habens, equitumq; turmas paratus hostiū castra inuadere, cum vrbē ipsi impugnarent, certe cōmeatus intercipere, grauare annonā Segorbii & Villæformosæ Duces prosequiebantur, Aquilarii Marchio, Montacuti & Ripagorſe Comites, ipseq; regię aulicorū cohorti Præfectus magnus nobilitate generis, & reb. gestis clarus. Galli tātō apparatusi vt pares essent veriti tātis copiis, soluta obsidione per Maiæ mōtis angustias faucesq; Galliā repetere decreuerūt. Pridie kal. Decemb. mouere castra. Secuti abeūtes iisdē vestigiis Ludouicus Beamōtius in Vasconib. equitū Magister auunculi regis beneficio, & Villalba tribunus è postremo agmine
 cæsis

cæsis aliquanto numero hostibus, tredecim etiam tormenta bellica cedentibus extorserunt. Is finis belli fuit de Vasconum regno nobilis in paucis, istantorum apparatus exitus. Agramonteses abiecta defensionis spe arces quas retinebant, victori dediderunt, obsequium cum securitate contumaciæ cum periculo præferentes. Pompelonis mœnia, quæ erant quassata, resecta diligenter: areaque excitadæ arci designata est, quo munitior vrbs esset aduersus externam vim, ciues à defectione quasi iniecto fræno in posterum detinerentur. Aulicorû cohorti Præfectus, genti rector designatur Proregis nomine, in Comaris Marchionem honoris causa mutato nomine, quo maior esset auctoritas, præsentibus & superioribus meritis gratia, incitamentum ad maiores conatus. Dum is prouinciam de-

10 mandatam domesticis rebus compositis capefferet, ab Albano Petrus Toletus filius est substitutus, Villæfrancæ Marchio, qui cum cæteris urbem defendit præstanti iuuenis indole. accedentibus annis Neapoli multo tēpore Prorex, prudentia ac animi magnitudine in paucis parentum & nostra ætate conspicuus, claris maioribus & bonis artibus præditus.

Cardonius Brixiam urbem cepit. CAPUT XVI.

Hunc cursum habuit bellum in Hispaniæ parte concitatum. In Italia confecto bello

20 Hetrusco Cardonius, qua felicitate dictum est, compositisq; Florentiæ ex sententia rebus, prioriq; adeo ignominia in laudē versa, ducere porro in Insubres pergit. Mutinæ, ditionis tunc Cæsareæ cū ipso Gursensis, Petrus Vrrea, atque Andreas Burgius conuenire de belli ratione rursus in cōmune deliberatū. Brixiam Gallico usq; dum præsidio munitam obsidebant Veneti ad suum imperiū reuocandi spe. Cæsar sui esse iuris disputabat, neq; passurū ut ab alio quocumq; eriperetur. Heluetii ad Maximiliani Sfortiæ ditionem, cuius patrociniū susceperant adiungi cupiebant, vim adhibitori nisi esset obtēperatum. Trifariam in diuersa se intendentibus studiis ne graue incommodum extaret, verēdum. Consensu Mutinæ decretum est, ut Cardonius occupatis disceptantium conatibus, eam urbem admotis copiis captam de Gallis confederatorum nomine obtineret, ei redditurus cui iure & legibus deberetur. Eo probato decreto Gursensis quidem Mutinæ substituit, Vrrea, Burgiusq; Romam abierunt Pontificis de ea re voluntatem mentemq; exploratum, simul pactam ex fœderis legibus in stipendiū pecuniā extorquendi spe, quoniam

30 ab aliquot mensibus reddita nō erat. Abnuitt Pōtifex, ex quo ad Rhauennā erat dimicatum, excusans nullam pecuniam deberi quasi motis societatis legibus antiquato fœdere. Daturū tamen sponte, si Cardonius Mediolanensem expeditionē Ferrariensi mutaret, quam urbē occupandi nondum neq; spem neq; voluntatē deposuerat, mora feruentior & aduersus difficultates animo peruiaci. Omnino Urbinas copias in aciem produxerat non alia spe: ac præter Italos Heluetiorū duo millia ad Lucū & Bagnacaballū continebat. Minores conatu vires nisi aliūde esset adiutus. ac præsertim pecuniæ in stipendiū ob inopiam passim dilapsi milites signa indies deferebāt. Vrrea & Burgius præter speciosa verba facturos q; Pontifici placeret, nihil præstitere. Missus Bernardus Bibiena, cui purpuræ deinde

40 honos accessit, Cardonium edoctum, quid Pontifex postularet & vellet. Commodum Piscarius pecunia redempta à Gallis libertate, Mutinam delatus cataphractorū alæ continuo præficitur inter Hispanas lectissimæ, cui Gaspar Pomarius dux fuerat in tumultu quodā Mediolani nuper occisus. Ergo Kalendis Octobris Cardonius Mutina versus Mirandulā mouit, quo tempore bellum in Vasconibus vigeat maxime ardore præcipuo. Ad Ostiam Padum transmisit. Ibi recēsis copiis pedites nouem millia sunt inuenti Padulio summo ductore. Prosper Columna in dies expectabatur quadringentos amplius grauis armaturæ equites mille pedites in supplementum adducens. Moræ occasio, transitu prohibere Pontifex per ditionem frustra conatus. Non destitit præterea Sedunēsem mone- re, efficeret ne Heluetii sinerent Cardonium in Insubres penetrare. Hispanos dictitabat

50 ad imperium vniuersæ Italiæ aspirare. Quid gallis eiectis profecissent, si Hispanis seruituri erant inopia, auaritia, peruiacia maiori? Non imperium externū excussum, sed peiori seruitute, si id contingeret, mutatum iri. Veronam tamen Cardonius nullo prohibente peruenit, ubi Rocandulfus ad reliquas copias duo millia Germanorū, equites expeditos quadringentos adiunxit, præterea tormenta bellica sex maiora, culebrinam vnā, minora atq; campestria viginti. Eo apparatu Brixiam versus mouere signa. Ob benignum Venetorum obsidione fatigatus, & metu noui aduentantis exercitus cōmotus, ut par erat, Cæsaris vexilla è muro prætedit ditionis indicio. Tū Bibiena in Hispanorū castra delatus Pōtifis mandata, ut erat iussu, explicuit. Respondit verbis blādus Cardonius, cupere vero Pontificis iussis obtēperare, facturumq; adeo fuisse, si antequā Padum traiceret in castra ipse

venisset nunc ulterius esse progressum, quā ut sine ignominia & dedecore reuocare liceret. Bello confecto facturum q; Patri & Pontifici placuisset. Digressus Verona Cardonius Piscariam ex itinere vna cum arce Gallicæ tūditionis subegit. Ad Venetos & Paulum Ballionium summum Veneti exercitus ducem antequam Hispanorū copiae Brixiam peruenirent, qui suis verbis denunciarēt legatos misit se quidē socialis exercitus summum ducem, ne deesset officio, venire, daturum operam ut cuiq; sociorum sua iura cōstarent. Proinde suos conatus iuuarēt, viresq; coniungerēt: in amore & officio vinci turpissimum ducerent. Verbis ludebatur, alioqui discrepantib. voluntatib. vel maxime atq; in diuersa tendentibus, q; poterant inter se cōuenire? Octo ab ea vrbe millibus Hispanorum castra erant, cum Galli ad deditiōem flexere animos honestis modo conditionib. Datum ut gallicæ copiae, quadringenti cataphracti, pedites ad duo millia, cum equis, armis & impedimentis omnib. relicta vrbe irent quocumq; voluntas aut commoditas ferret. Mediolanensem modo arcem aliasve Gallicis præsidiis detentas vitarent. Pro magno habitum duobus exercitibus vallatos quāuis Gallos, nullaq; auxiliorum spe id expressisse. Verum hostium inter ipsos suspiciones afflictos iuuerunt, annitēte præsertim Gursensi, cuius erat præcipua reb. omnibus auctoritas. Eadem conditiones præsidiariis arcis militib. sunt concessę pactis deditiōem arcis cum tormentis & reliquo instrumēto bellico, nisi intra vnum & viginti dies idoneæ copiae auxilio superuenirēt. Pacta Brixia deditiōe ad octauum kalendas Nouembris ipso die Cardonius ad Castanetolam non procul ea vrbe lustrato & recensito vniuerso exercitu, inuenit supra octo millia peditum in castris habere iis adiunctis, qui tunc cum Prospero Columna in subsidium accesserunt. Solisio impigro viro deditæ ciuitatis cura cōmendata est, militibus mille circiter in tutelā attributis. Reliquæ copiae Bergomi arcem impugnatam, dedita interim ea etiam vrbe, abierunt. Villamarinus maris per Italiam Præfectus Neapoli cum septem triremibus discesserat Pontificiis triremibus, quæ ad Urbem veterem paratæ erant adiunctis Genuam iturus Lanterna arcem obsessum Gallico præsidio imperioq; eatenus detentam. In eo portu tres alias Venetas triremes inuenit senatus decreto rogatu Pōtificis in id missas, præterea quatuor alias Genuensis ducis, sed milite, turba nauali, & tormētis parum instructas. Lente omnia procedebāt, obsidioq; in lōgum ducebatur. exigua proficiendi spes. gallica classis multo minor sociali, sese ad Massiliam continebat sex non amplius triremium, & vnius rostrate maioris nauis, nihil nisi ex suo commodo ausura. Cardinales factiosi Lugduni institutos cōuentus agitare porro pergebant, magnificis promissis Principes singulos lactantes prehensantesq; de alieno iure munifici. Hugo Mōcada Siciliae Prorex validā classem in Tripolis portum intulit. eam urbē atcesq; munire destinabat, bello Africano repetendo cōmodissimam possessionem. Urbinas in Æmilia Rhauennam inter & Bononiam quingentos grauis armaturæ equites continebat, Heluetios mille. Italorum maior numerus, minor vsus licētia maior. E castris enim digressi ducum iniussu, rapere, spoliare, vi & stupris cuncta polluere, in omne fas nefasq; auidi atq; venales præcipuo agrestium damno. Belli aduersus Ferrariēsē haud magno conatu ex intervallo repetiti is fructus extitit præterea nullus.

Maximilianus Sfortia Mediolanum ingreditur. CAPVT XVII.

Maximilianus Sfortia Tridēti atq; Veronæ aliquādiu morā traxit. Ut galli ex omni ditione pellerētur, ac Mediolani & Cremonæ arces reciperētur dum auide expectat, aliquot abiire menses. Simul Heluetiis ut pretiū suscepti laboris esset, atq; in eā rem ciues Mediolanēses pecuniæ affatim volētes decernerēt, sedulo agebatur. Ii. n. in studium noui Principis tuendi quāuis incitati; neq; Principatus partem aliquā detrahi cōcedentes, ne Parmā quidem & Placentiā à Pōtifice occupatas, nō Astā, q; penes gallos erat, ac ne Cremonā quidem & Geradadā Venetis ante aliquot annos ex fœdere datas cum Gallis icto; in partē tamen p̄dæ venire cōstituerant de alieno munifici, de suo parci vitio vtrumq; humanæ mortalitatis. Cōuenit ut Mediolanenses duob. annis centum & quinquaginta millia auri illis numerarent, annua quadraginta millia in omne tempus tributū honorarii nomine. Fidei pignus tres in ditione arces essent penes eos relicta. Principum aliorum non vna mens erat, neq; cōsentiētes voluntates. Cæsar vni ex nepotib. Mediolanum potius q; Sfortiis destinabat. Pares conatui vires nō erant, Gallia infensa vniuersaq; Italia ex veteri stirpe Principē Mediolano dari expetēte; si morarentur spem vi parata atq; armis: Gentis cōmunia vota vocesq; Laudis Pōpeia Episcopo occasionem p̄buere de eo Principatu cogitādi, quoniā galeacii Mediolanensis Ducis fili⁹ erat sed stupro susceptus. Nō displicuere ii conatus Sedunēsi Cardinali rerū in ea gente p̄curationem, q; obtinebat, retinēdi alieno nōe regnādi spe ināes Principis titulos penes Episc. fore impiu penes se quo minores vires essēt, eo amplius aliena ope sustētari op⁹ fore. Ne Pōtif. qdē auersū se iis molitionib. p̄bere visus est ob suspiciōes susceptas in Maximilianū parū propēsus. Cæsari & Ferdinādo regi

obstrictum maxime minus sperabat fidum & obsequentem futurum. Ad hos conatus occupandos Brixia capta ut Maximilianus Sfortia quamprimum Mediolanum iniret curatum præstitumque est. Urbem iniit ad quartum Kalendas Ianuarii ineunte salutis anno millesimo quingentesimo decimo tertio prosequētib. Sedunensi Gursensiq; Cardonio¹⁵¹³ & Petro Vrra. Venienti obuiam vniuersa ciuitas effusa portis est, quasi ex diuturna siti cuncti auide suum Principem expectabant. Heluetiorū legati solenni cæremonia in manus dedere claues, cunctaque quondā veterib. Principib. exhiberi solita cōtinuo decreuit senatus. Peracta lætitia superosq; precati ut suis beneficiis fauerent, & tantis muneribus perpetuitatē adderent, ad bellum retulere animos. Gallis eripere quæcumq; retinebant¹⁰ necesse erat. Padulius cum peditatu Trezum arcem impugnatū iuit ad Abduæ ripam operibus militeq; firmatam, breui tamen dedita est. Nouariæ arcē simili exēplo Ducis copiar Gallico præsidio pulso ceperunt, non minus quamuis munitam, neq; minoris momenti possessionem. De induciis quæ Cæsare inter & Venetos erant, pace mutandis agebatur, & quoniam pactum induciarum tempus cum mense Ianuario exibat, mensis Februarii primū deinde Martius est adiectus, vtrumq; Cariati Comitibus diligētia auctoritateq;. Conditiones à Pontifice anno superiori oblatas Gursensis æquior iā factus probabat. Veneti ad nullum fœdus veniebant nisi restituta Verona. Vim adhibere visum est, Cæsaris, Hispaniæ, & Mediolanēsis. copiis in vnū corpus collatis. Heluetiorū nulla mentio, quoniā Tramullii ad eos legati opera breui ad fœdus Gallicū transituros suspicio erat²⁰ haud inanis euentu, & tunc magnis coniecturis fundata. Cardonio priusquā in Venetos expedirent arma, Mediolanensem principatū stabilire inprimis placebat Gallis possessione deturbatis vrbiū & arcium quæ magno numero vsq; dum in prouincia obtinebāt. Triuulcius quoq; quinque peditum millib. nouo delectu collectis ac plurib. indies in castra confluentibus, denuo bellum reparare cogitabat, virtutis & prudentiæ dux opinione singulari. Eo Prosper Columna cum valida manu Astam urbem tenere iussus est, transituq; Gallos arcere, quoniā in aditu Insuorum sita est, Subalpinis & mox Gallia propinqua. Ferdinādus rex ut bello in patria implicaret Gallos distineretq;, Anglo genero auctor extitit. Anglicæ gētis infociabile ingenium est. Haud facile in cuiusquā alterius nationis cōsortium veniunt, cuius rei anno superiori satis clarum documētum extitit. Curatum ergo ut³⁰ Calitium ditionis Anglicæ urbē traducto milite Nortmānos lacēsserent. Aquitaniam accessuram in victoriæ partem, Angli commodo copiis Hispaniæ sumptuq; q; facturum se Ferdinandus prolixè pollicebatur. Honestæ conditio, si verbis responderent facta. Ea spe incitatus Anglus classe quinquaginta vacuum nouem millia milites delectā ex vniuersa Anglia pubem, cultu & fulgentibus armis visendā aciem transmittere in Galliā constituit. Eo ardore ut à Rege socero alias quinquaginta naues in vsum eius belli mitti flagitaret. Tot vno tempore bella conatusq; graues cura complecti, atq; ope qui posset Ferdinādus præsertim valetudine afflicta, Bæticaq; dissidiis æstuante. Morbum cōciliavit poculum noxiō medicamine fœdum, q; Regina diluit Mediæ Cæpestis, spe prolem ex Rege concipiendi. Id Caruius & Petrus Martyr in propriis commentariis quasi exploratū pro⁴⁰ certo posuerunt, nominatis etiam amatoriar potione administris fœminis principibus: quarum nomina ne hoc loco exprimantur, earum tum maioribus tum posteris tribuendum putabam. Nausea ex eo Regem inuasit cibi nulla appetentia: ut ad molestiā leuandam per syluās & saltus erraret, venationis specie congressu hominū deuotato. Accessere frequentia deliquia, & aquæ intercutis haud obscura signa morbi lethalis. Sic in contrarium vertuntur, quæ imprudenter alio & temere destinātur. Bæticæ motus extitere Henrici obitu Affidoni Ducis. Soror defuncto Germana erat Mencia Petro Gironio nupta. Præterea frater ex nouerca Alfonsus Peresius Gusmanius. Testamento is heredem ex asse sororem nominauit, posteriori patris coniugio vitii damnato. Petrus Gironius leui eo præsidio munitus optimū principatum urbemq; Affidoniā ditionis caput occupare tenta⁵⁰ uit. Eleonora Stunica Hærici & Menciæ nouerca iuris certamē quærere pro filio sollicita, potiori iure omnium iudicio, parata Regis ope, quippe in eam caritate pronior erat, præter æquitatē causæ spe atq; studio nouo Duci iungendi Annam ex filio Cæsaraugustano Præsule neptim. Suas vtraq; pars clientelas habebat suosq; fautores viros Principes prouinciæ in ambos diductæ causis diuersis studio pari. Periculū erat ne in bellum apertum ex contentiones erumperent. Petri Gironii ardens ingeniū timebatur omnis intolerantiæ impatiens, consilio inimicum q; non ipse probasset. Vbi animorum motus conquievere, ius valuit regio præsertim fauore munitum & gratia: principatusq; cessit defuncti fratri. Bugiæ consalius Marignus erat Præfectus, Orano Martinus Argote pro Comaris Marchione legatus. Leuia prælia cōmissa cum Mauris, excursionescq; in vicinos agros facta,

nullo præterea euentu ad memoriam insigni. Muleius tantum Abdala iis iniuriis prouocatus se cum copiis in Bugiæ conspectum dedit. Nihil est tam firmum, cui non sit periculum etiam ab inualido. Vrbe mœnib. & præsidio defensa in suburbii tecta sequitū est igne ferroq; nihil vt integrum manserit, præter turrim, quo se Iudæi receperunt. Marignum temeritate accusatur eam accersiuisse cladem: quippe pactæ cum Mauris pacis conditionibus non steterat finitimis importunus & grauis. Ad gentem pacandam Marigno in ea vigilia & procuratione Raymundus Carrocus successor datus est virtutis & prudentiæ opinione præstantior.

Iulii Pontificis obitus. CAPUT XVIII.

Iulii quoq; Pontificis imbecillam diu valetudinem continuæ curæ grauabant. In affecto corpore quamlibet leuis causa maior existit. Senem septuagenarium lethifero oppressum morbo diu non posse superuiuere vulgatum erat, tenaci febricula fluenteq; sensim aluo. Metus suberat, ne eo defuncto factiosi Cardinales Pontificatum sui muneris facere aggredierentur quasi Synodi auctoritate ad ipsos electionis ius recidisset, certe comitiis Pontificiis Romæ interesse vellent. Mediolanensi Duci, Florentinis, Senensibus, Lucensibus vt itinera diligenter obsideant, mandatum à Cardinalium collegio est. Decessit Pontifex ad decimum Kal. Martii: corpus amplo funere ad Petri vincula illatū sepulcro. Inter alia præclara opera curasq; graues Vaticanum tēplum iisdē vestigiis mutata forma superbo structuræ genere primus instaurare est aggressus Bramantes architectus. Subsequentibus Pontifices in opere processere longius. Pius quartus & Gregorius tertius decimus maiori festinatione & sumptu quam alii. Absoluti & dedicati operis laudem Xistus quintus ante paucos omnino annos tulit. Pontificis obitu Romanus populus ad arma conuertentus, tumultus concitare cœpit. Sic solent vacuo Pontificatu, tunc acrius maiorque impetu extincti Pontificis seueritate irritati, Columnis etiam, quibus infensum se Iulius præbuerat, & Vrsinis quibus fauerat, inter se mutua æmulatione in vindictam inflammatis. Diui Pauli monasterium Benedictini ordinis furentis populi concursu diripitur. rapinæ aliæ & cædes factæ. Hieronymi Viquii diligentia & auctoritate vrbis tumultibus magna ex parte compositis, Patres dimisso prius Mantuani filio, qui pro patre obses erat, in comitia conuenere ad quartum Nonas Martii. Septimo post die Ioannes Mediceus Cardinalis Pontifex est salutatus. Iuniorum suffragia in petitione subleuarunt. maior numerus minorem vicit: neq; enim suffragia ponderantur sed numerantur. In pontificatu se Leonem decimum dixit, ipsoque die testatus est velle se pactam armorum societatem tueri: ac vero vt Cæsar & Anglus ad id fœdus accederent, daturum operam. Cardinales Caruaialius Sanseuerinusq; Lugduno, vbi minori quam vnquam fiducia existimationeque partes tuebantur, in Italiam discesserant comitiis Pontificiis interesse destinantes & suo iure & Prosperi Columnæ ope: qui & ipse Romam proficisci parabat, Pontificem de manu daturus orbi, sic pollicebatur maius fortuna & viribus facinus. Imminentem ex eo tempestatem vis altior discussit. Prosperum discedere vetuit Cardonius metu ne eius aduentu motus Romæ existerent prompta in arma plebe: neu libertas decernendi Patrib. eriperetur extremum malorum fonsque. Duo Cardinales ad Arni fluminis fauces rostrata excelsa naui appulso custodiae destinati milites captos Pisas inde abduxere. Reigestæ nuncium Iulius Mediceus ad Pontificem patruelem misit. Viterbium ille captos deduci primum iussit, deinde ciuitatem Castellanam eius vrbis arce satis firma custodię designata, dum è vinculis causam dicerent. Magni honores habiti, multaue blandimenta data abs Iulio sunt, tum duobus Cardinalibus, tum Solerio regulo, qui cum eis à Gallo Romam legatus ibat. operam fidemque Gallis probandi studio tenebatur. Hinc vero consequentibus annis in maiora incommoda præcipitatum. Mortuo priore Pontifice, noui auctoritate nondum fundata facile Mediolanensi fuit Placentiam occupare, tentare Parmam. Cardonius in eam partem cum copiis accurrit metu noui à Gallis belli, neque idoneo tempore ad inuadendum Venetos, vti erat destinatum. Pecuniæ in stipendium suprema inopia premebat: neque eius redigendæ via alicunde ostendebatur. Proxima quoque spes retinebat, Venetos cum Cæsare pace facta cōciliandi. profectiq; ea de causa erant in Germaniam Gursensis primū, deinde subsecuti Vrrea & Cariati Comes. De conditionib. pacis non consentiebant. Cæsar Brixiā & Veronā tueri destinabat. Veneti ad nullum accedebāt fœdus, nisi veteri penitus imperio restituto. Accessit Gallus in ea altercatione aliorū dissidia suā fore occasionem ratus. Andreas Gritus iā vna cū Liuiano recepta libertate beneficii memor & gallicis partib. inueteratus galli conatus subleuauit, Cæsaris euertit. Itaq; fœdere festinato Venetis quæcūq; ante bellum possidebant, concessa à Gallo sunt Cremona & Geradada modo exceptis, quæ Mediolanensi ditioni, vti redde-

redderentur, expressit. In id bellum, quod opinione grauius futurū erat, quippe de Mediolanensi principatu Gallis certabat, de ablatiis antea urbibus. Veneti, hi quidem mille grauius armaturæ equites peditum millia sex copiarum duce Liuiano polliciti sunt: Gallus autem mille & ducentos cataphractos, pedites duodecim millia. cura peditū Roberto Marchiæ concredita, expeditionis summa Tramullio, adiuncto tamē Triuultio propter summam Italiæ rerum peritiam, patemque rei militaris scientiā. Is cū continuo copiis, quas paratas habebat, Astam urbem tenuit. Liuianus ad Venetorum exercitum abiit Veronā occupare parans, si id non cōtingeret, cum Gallicis certe copiis vires conferre. Nouo euulgato fœdere magna rerum & animorum conuersio facta est: multæ Insubrum ciuitates à
10 Maximiliano Sfortia nouo Duce defecere: gens ad omnem auram spei metusque umbram mobilis neque satis constans in fide. Felicitatis humanæ quanta est inconstantia, quanta labe: facili momento in contrariū vertitur. Vix noui principatus primis gaudiis degustatis nouus Princeps in præcepis ire cōpit. Festinati cum Venetis fœderis Gallo causam præcipuam extitisse inueniebam, alterius pactiōis conficiendæ proxima spes auctore Caruaialio Cardinali. Enimvero à Ferdinādo Rege inducias esse cupiebat citra Alpes quidem. Commodum id vtriusque Principis rationibus; Ferdinādi quidē morā satagentis Vasconū regnum firmare, quod nouitate mutabat, Galli autē Insubribus imperii iugum, quod excusserāt, reponere. Ea cura præcipua summaque votorum. Regis Vasconū & Maximiliani Sfortiæ nulla, ac ne famæ quidem memoria præ cupiditate assequendi quod animo destinarāt. ut hostes
20 vlciscerentur, amicos mutuo inter se & confœderatos donarunt: scilicet potentiā supbia, & superbiæ affinis imbecilliorum contēptus sequitur. Induciis sancendis Iacobus Concillus Catanæ ad Ilerdæ episcopatum ipso tempore translatus, in Galliam legatus Baionæ cum Odeto Fuxensi Lautréchii regulo, qui Aquitaniæ erat Præfectus, de conditionibus disceptauit. Ex colloquio nullo fructu cum discessissent, ad Ortuuiam arcem, mense Martio dimidiato rursus conuenire ditionis quidem Gallicæ, cæterum Fonterrabiæ disitam sex tantum millibus passuum. In ea arce consensu hæ conditiones sancitæ sunt Kal. Aprilis. Ferdinando atque eius confœderatis Anglo & Carolo Austriaco cum Gallo, Scotto Rege & Gheldriæ Duce ab eo die induciæ annuæ essent. Eo interuallo inter vtrāque gentē commercii ius facultasque, citra Alpes quidem, qua parte ponebantur arma. Rex Vasconum in
30 fœdere à Gallo neque nominatus neque comprehensus est, quod perinde videbatur, atque in prædam hosti dari nulla amplius emergendi spe. De Anglo & Cæsare statutum, ut nisi intra duos menses eas inducias ratas haberent, ne postmodum ad fœdus admitterentur. Molestum id fœdus Cæsari extitit se præsertim inscio festinatum. Ferdinandi artes accusabat. An id esset, quod omnibus sermonibus usurpabat, communem secum fortunam habere, seiunctum nihil: iis pactis induciis intra octo dies Gallo Mediolanensem principatum cessurum; mox Italiæ Principibus victoris fortunam haud dubium secuturis. Neapolitanum regnum victoriæ partem fore & quasi corollarium ac vero reliquam Italiā nullo repugnante daturam manus. Italia domita conuersis in vtrumque armis, qui veri hostes existerent, vindicaturum scilicet iniurias pro voluntate arbitraturque. In reliqua molestia accusabat maxime,
40 Caruaialii Cardinalis multis modis inuisi infensique consilia. de re tanta audita Galli præcipuo cōmodo, cui ille esset addictus, originis immemor & patriæ caritatis. Si verum fateri conuenit acutissime is, ut erat ingenio perspicaci & callido, viam solus considerauit eos Principes inter se conciliandi, nisi vtrique obiecta propria vtilitate nunquam in vnum fœdus coituos. eam ut assequerentur, reliqua neglecturos vincula necessitudinum & honestatis. Sic erat horum Principum ingenium. Neque erat dubium vrbes Venetis à Cæsare nuper detractas pactis iis induciis cōtinuo ad vetus imperium nouo depulso redituras. Id vero eius animum vrebatur maxime, tametsi diuersa dolori species prætendebatur.

De bello Vasconum.

CAPVT XIX.

50 Ante pactas cum Gallo inducias Lautrechius Baionæ in Tarbellis veteres copias instruere, nouas conscribere, æneas balistas cōflare. Sancti Ioannis oppidū Vasconum inuadere parabat neque operibus neque militibus satis firmū. Eo improuisa vi occupato municipio, vti confidebat, neque erat difficile, transcensis montibus in Vascones citramontanos irrumpere cogitabat. Eo metu Comarius per idoneos homines Roncaleses finitimos pacare est aggressus nunquam satis fidos, & tunc rerum nouarū spe proxima Gallis transitum per fines daturus, si obsisteretur ferro viam inuenturis, nisi prouideretur. pedites item equitesque Diegho Verē misit oppidi eius Præfecto, quo ipse numero postularat. Verum has omnes ab vtraque parte molitiones, conatusque pactæ, ut dictum est, induciæ distur-

barunt. Ferdinando præterea Regi occasio extitit, non modo imperium recens partum confirmandi, sed & nouis accessionibus amplificandi. Ioannes Rex Vasconum quinque hominum millia sub signis habebat, si spes aliqua melioris fortunæ affulgeret auersæ eatenus, hostibus propitiæ. Simul Zamoræ Episcopum monuit, ut fidei datæ memor ad captiuitatem rediret. Disceptata tamen causa Ferdinandus liberum eum, neque promissi reditus fide teneri pronunciauit, quod iure gentium violato captus fuisset legatus præsertim de iis, quæ ad tuendam Pontificiam dignitatem pertinebant, deinde Longauillæ obitu; cui fidem dederat, quasi capitis diminutione, promisso fuisse exemptum. Urgebat alia parte Marescalus Vasconum, quem Cortesium quoque Marchionem dixere, cum duobus aliis militum millibus in vicinos Santabriæ fines inuectus. Incolæ Ludouici Cueur iussu, qui Fonterrabiæ pro patre vicarius res gerebat, durum in armis genus in vnum agmen coeuntes, hostium conatib. restitere. Rediere illi Maiam Vasconum arcem in Galliæ latere, qua parte in Aquitaniam est transitus. Inde de finitimis prædas agere, rapere, spoliare, si promerentur perfugio parato. Vrsuæ haud longinqui oppidi regulus Hispano addictus, Præfecti eius arcis absentiam opportunam fore conatui ratus, cum manu militari impugnatum aduolat. Minor numerus erat quam pro molitione, & forte an consilio Præfectus arcis superuenit. Ita spe irrita discessit. Ne Comarii quidē conatus initio meliorem exitum habuere. Dieghus Vera & Valensola cum maiori numero eius iussu ad impugnandam eam arcem profecti nihil præstitere amplius. Cognito quin etiam tum Marescalum, tum Vasconum Regem auxilio obsessis propediem venturos, raptim soluta obsidione retro sese retulere tormentis præ festinatione Azpilcueta relictis loco minime tuto. Paucorum militum perfugium excindere, quoniam latronum in morē vicinos montes infestos reddebant igne ferro, prædiq; abactis, oppido cupiebant nostri. Comarius ipse cum duob. amplius militum millibus & tormentis maioribus, quam quæ ante detulerant, impugnatum accessit. Obsessi nulla ex Gallia auxilii spe & Regis sui virib. hosti imparib. intra dies paucos supplicum vexillis prætentis dedidere arcem. Lata in præsentī victoria fuit, in posterum vsui Vasconum deinde omni tractu pacato, qui ultra montes ad Galliæ fines pertinet. Comites Fuxēses ab antiquo in Catalaunis Andorræ vallem & Castelboū prope Vrgeliam urbem in Pyrenæi montis ocomplexu possederant. Vtraque Catharinæ Regina Vasconū à maiorib. relictā iure quoque optimo, ad cætera mala victori accesserunt, armis erepta. Iisdem dieb. Neapoli Sorrenti Cardinali ad comitia Pōtificia profecto, Villamarinus maris Præfectus res gerebat minori q̃ opus esset auctoritate. Brutii & Apuli, præfectis earum prouincialium Ferdinando Alarconio & Padulæ Marchione Cardoniū ad bellum secutis, ad hæc exiguo numero militum relictō quasi domitis frænis motus cōcitarunt. Maiori peruiacia in regulos, eorum subditi sunt debacchati quasi indigna seruitute, impotēti dominatu premerentur. Integra oppida corripere arma vitæ acerbissimæ conditionem si minus victoria certe morte excutere destinātes. Nihil in vulgo modicum aut timent aut terrent, tenuioresq; opprimunt. multæ cædes, atrocīa flagitia extitere, non sacro non profano abstinuere manus. Neq; erat, qui tumultuantes compesceret. Deinde fama vulgabatur Turcam validam instruere classem ad euertēdas piorū opes. Incertum erat in quam partem seua tempestas irrueret. Rhodum plerique insulam designabāt; non pauci de Sicilia, Apuliaue metuebant, iniuriæ opportunis neq; longinquis. Veneti quoq; ex quo ad Gallicum accessere fœdus, vrbes antea in Apulia possessas, vnde fuerūt eiekti, imperio reddere cum cæteris cogitabant si votis pares vires suppetērēt. Omnia hæc iura cōplecti arduum Ferdinando quidem, sed necessarium erat. Iis littorib. muniendis data est opera, terra dispositis per vrbes præsidiis, à mari Villamarini classe ad omnes casus instructa parataq; Berengarius Olmius, qui initio Aprilis cum quatuor triremib. milite & reb. omnib. satis instructis Hispali discesserat, improviso occupaturus piraticas biremes nonnullas quas ad Tituani flumen in aduerso Africæ littore se recepisse. Lusitanus Tingi Præfectus nunciarat, iussus est reb. aliis prætermisissis in Italiā vela dare, reliquæ classi subsidium. Sub idem tempus Genuæ grauissimi extitere motus. Adurnii patria pulsi, quamuis hætenus Aragonio nomini cum primis addicti diuturno fessi exilio ad Gallicū fœdus versi eius ope sunt polliciti pulsis Fregosis ad Gallicum imperium Genuenses redituros. Tantę molitiones latere non poterant, quamuis arcana agitatz. Cognitum Fliscum & fratres cum exulibus cōspirasse. Ducis fratres conatu occupato, eum intra palatium peremere, quasi lege maiestatis conuictum. Occisi fratres felici fuga vitata cæde, se Adurniis adiūxere: delectuq; militari habito ad vrbis mœnia accessere vindicare parati hostis exitio. tantundem Gallica classis mari fecit. Dux cum suis triremibus, Gallicis obuiam egressus cedentes metu an dolo dum longius insequitur, Adurnii Fliscique urbem à terra occupa-

occuparunt. Sic lætis miscetur aduersa. Duce Plombinū delato classis eius Lunæ portum tenuit. In eiectionem Octauianum Fregosium consensu ciues Ducem dixere, quippe gratum vniuerso populo vrbis tutelæ idoneū fratre Salernitano Archiepiscopo, ipsoque Romano Pontifice propinquitate deuincto. Læticia Adurniis diuturna non fuit Fregosii omni alio præsidio destituti Cardonio supplices sunt polliciti, si eius ope in patriam restituerentur, urbem eam in Hispani clientela fore. Nuncupatis foederis initi conditionibus, missus cum copiis Piscarius vrbis imperium Adurniis ademptum amicæ factioni reddidit. De vrbis duce mutari nihil est visum: quando gēte Fregosius, beneuolentia etiā Adurni-
 10 nios quoque cōplectebatur. Verū hæc aliquanto post acciderūt: ad prætermissa redeamus.

Galli ab Heluetiis ad Nouariam victi.

CAPVT XX.

AD Astam & Taurinos Gallicæ copiarum coibant: neque Tramullius de sua comparatione aliquid remittebat ardenti ingenio vir, gloriæ cupidior quā pecuniæ aut voluptatū. Accessere ex Gallia expediti equites quadringenti circiter. Italici generis Triuulcius socius & Sacromorus Vicecomes, hic deserto Maximiliano Duce cuius eatenus auspicia fuerat secutus perfidiam breui superi eius capite vindicarunt. Liuianus cum Venetorum copiis Veronam obsidere porro parabat haud ignarus primis euentibus metum aut fiduciam gigni: pro ut initia cessissent fore alia. Mirum dictu præter hos duos exercitus Venetorum & Gallicū, tres alios in Gallicæ Cisalpinæ atque adeo Insubrum variis partibus vno tempore ali potuisse: tanta hominum militarium colluie prouinciam haud latam spatiis
 20 fuisse parem. Intra Veronam Germani quinque millia tendentes, equites expediti sexcenti Vicentiā vsque; agris, pagis, oppidis, importuni instabant nemine repugnante. Prope Placentiam Cardonius Prorex metatis castris mille & quadringentos cataphractos, equites expeditos octingentos pedites ad septem millia cōtinebat. Italiæ spoliis splendidā aciem, & sua virtute præstantem. Heluetiis Maximilianus dux stipatus erat, quibus multum fidebat quasi externis & quibus opes & principatum debebat. Octo millium ii numerum explebant, & quinque alia millia propediem transcensis Alpibus ventura expectabātur. Tantis quamuis paratis præsidii metu Gallici apparatus vrgentisq; belli, pleræque Insubrum ciuitates Duce deserto Gallica vexilla explicarunt, mutati imperii argumento, neque fidei tenaces neque constantes in perfidia. Dux ipse ancipitis pugnae aleam subire reformidans,
 30 patentibus campis non ausus sustentare, Nouariam se cum copiis compegit pridie Kal. Iunii, in ea vrbe ab ea gente patrem Gallis fuisse veditum, oblitus ominis scilicet, aut quæfortuito accidunt, parum curans. Cupere Cardonius significabat se cum Duce coniungere. Inopia pecuniæ retardauit Romam à Viquio legato promissā, neque allatā tamen. & ex Hispania iussum erat, ut Neapolim copias referret: neque Gallos irritaret. Sic Cardonii cunctationē historiæ nostrates excusant. Quod in ancipitibus deterrimum est, mediam tenere viam placuit. atque iisdem locis sustentare nulla neque Ducis neque Gallorum gratia. Peditum curam Solisio cōmendauit in Padulii locum Florentini exercitus ducis antea designati. Pro Solisio Ludouicus Huardus Brixie præsidio & custodiæ est Præfectus. Cremonæ Pontificias copias sustentare voluit: & quo maius esset præsidium deinde Ferramoscā eodē dimisit adiunctis quadraginta equitibus. cataphractis, peditibus trecētis Hispanis, Italis quingentis. Parum ea diligentia est profectum. Cum primum Liuianus cum copiis omnibus eo accessit, urbem quamuis munitam vi occupauit: cæsisque equitibus omnibus ad ducentos, Hispanis peditibus hastas detraxit, gentem ferocem ea ignominia vltis. Rei gestæ nuncio Galli amplius confirmati Nouariā copias admouere. enimvero octingētos equites grauis armaturæ, pedites octo millia: ex iis tria millia germanos, reliquos temere collectos, quibus neque ex victoria gloria neque ex fuga ignominia metus. Impugnandi urbem specie modo præbita destitute tamen, seque ad priora statua retulerunt Gaiam inter & Nouariam fossa & vallo diligenter munita. Discessus præter opinionem causa nunciū extitit auxilio obsessis aduentare Heluetios numero ad duodecim
 50 millia, præter alia quinque millia ductore Altosaxo iisdem vestigiis sequentes. Priorum aduentu obsessi in victoria certam spem erecti, ne expectato quidē Altosaxo vrbe egressi continuo in hostes sunt pugnandi certa voluntate, victoria spe, quoniā aduentu metum expresserant hosti. Galli detrectare certamen gnari modicas sibi vires: neque ita iuuari loco, ut non plus hosti in virtute esset. Re tamen necessaria & decoris cura in aciem produxere copias. Gallis equitibus pugnandi voluntas aut animus non fuit. Inter pedites acerrime duabus horis dimicatum. Germani feroces hostium impetum magno animo sustentarunt: iis victis victoria penes Heluetios stetit. Cædes quam pro numero maior. Supra septem hominum millia ceciderunt, atque in iis omnes Germani, viri quoque nobilitate factisq; clari Coriolanus, Triuulcius, atque Ludouicus Beamontius Nobilis victoria

in paucis fuit & cum veterib. comparāda. Secundum eam, quæ ad octauum Idus Iunias est parata. Altolaxus serus opitulator accessit sibi præreptam laudem frendens. Præterea Mediolanum ac Ticinum ac vero reliquæ Insubrum vrbes ad victoris imperium vltro rediere, nullo iam Gallorum metu: quorū numerosas equitum peditumq; copias ab Heluetiis peditib. concisas considerabant. A Cardonio quadringētī grauis armaturę equites ad Ducē submissi auxilio post victoriā quoniā equitatu carebat, hostiū equites perstitērāt incolumes. Reliquæ Hispaniæ copiæ ad Trebiam non procul Placentia, vti instituerant, in statiuis perstitērunt. Multū ex iis locis tamē Cardonius partes iuuit. Liuiano prohibito ne copias suas cum Gallicis conferret, victoriā certam reddidit si conaretur procedere, hæsurus in tergo, & opprimi poterat si Hispani & Heluetii mediū clausissent. Cautior ille 10 pugna ad Nouariā euentu cognito copias in pacata reduxit. ex erant mille cataphracti, trecenti velites peditum quinque millia neq; virtute neq; cultu & armis cōspicua acies, sed ex plebis face. Diuturnis bellis Venetorum ærario exhausto pecuniæ in stipendium suprema inopia laborabatur vt à ciuib. cogerentur reddituum decimam rerū venalium centesimam exigere magno popularium gemitu, graue onus neq; imponi solitum. Liuianus ex itinere Lignanū cepit, q; oppidū Villada & ei adiuncti milites obtinebāt præsidio. Inde Veronā duxit impugnandi voluntate. Egressi tamen ex vrbe præfidiarii milites cæso ex iis copiis aliquanto numero, vt absisteret tamē conatu efficere non potuerunt. Sic in Insubrib. res erant, inter metū & spē vtriusq; partis animi & vires alternantes. Romæ factioniosi Cardinales posita contentione, atq; palā eiurata secta pœnitentiam professi, in gratiam Pōtificis restituti sunt. Malis castigati & damnis cum ecclesia conciliati sacerdotia priora & pristinum purpuræ honorē recepere ad septimū Kal. Iulii. Hūc exitū superiora dissidia habuerunt grauiā & diuturna, vnde sæua tempestas aliquādo instare visa est. Vt Cardonius copias conferret, Maximilianus Dux sollicitare non desisteat, ne reparatis Gallorum virib. de fortunis rursus periclitari cogeretur. Æquissimis postulatis ille obtemperare constituens trinis castris Sarasinam peruenit. Ex eo loco Piscario Genuam ablegato, vti iam est dictum, ipse cum copiarum robore Veronam ire perrexit, Liuiani obsidione fatigatam, exitio proximam. In eo itinere cum primum Brixianum agrum attingit, Pontenicus & Vrsouuū, omniaq; oppida quæ Salo flumine alluuntur, ex deditioe in potestatem redegit. Bergomū quin etiam accedenti propius portas aperuit, pecuniæ 30 etiam aliquanta summa iuuit in stipendium militare. Arx tantū in fide Venetorū perstitit. Vim adhibere longū erat festinanti. In ea vrbe Puchio relicto pecuniā ex fœdere pactam vt redigeret Pesqueriā abiit. Rencius pro Venetis Cremæ præsidio impositus dux impiger, audax, callidus re cognita, cum Bergomi non procul distat ciuib. consilio cōmunicato clam, noctu in vrbe admissus capta pecunia è Puchii sociis quosdam etiā viuos cepit, ipso vix duce munitæ domus præsidio sese tuente. Pesqueriā contra Cardonius occupauit, validū quamuis oppidum opera milesq; firmauerāt. Inde Pataviū cōtendit adiuncto ex itinere cursensi cū auxiliis recens & Germania in ea loca delato. Copiis omnib. in eius vrbe conspectum est ventum sub initiū mēsis Augusti. Maior virib. conatus propter amplitudinē vrbe Liuianq; virtutē soluta raptim Veronēsi obsidione eo delati. Ita 40 breui re infecta neecessario discessere nostri maiori detrimento accepto q̄ illato. Leui. n. certamine cum Epirotis equitibus commisso Alfonso Caruaialius strenuus dux & cum eo Cardenas & Espinosa centuriones capti sunt. Equites expeditos cū Piscario Genuam amandasse nocuit, ad arcendos Epirotarū incurfus frānandamq; audaciā idoneos maxime. Hunc cursum res in Italia tenebant. In Hispania Ferdinandus Rex annis grauis, imbecilla valetudine, curis fatigatus de pace Gallum vltro appellauit, vtriq; concordiam q̄ bellum magis salutarem fore. De Ferdinādi Infantis & Renatæ minoris Galli filiæ cōnubio actum est, fœderis stabile vinculū quærebatur. Gallus in puellæ dotem cultumq; Mediolanenses & Genuenses daret, Ferdinandus nepoti Neapolitanum regnū concederet lege perpetua, non incōmoda ratio, nisi mera ludibria essent votis verba contraria inani 50 spe aduersariis ne nocerent, distinendis. Ac Gallum maxime tempestatis ex Anglia cura sollicitabat. Nam rex Anglus cum quadraginta millibus peditum mille & quingentis equitib. Caletū traiecerat suæ ditionis in cōtinenti vrbe præualidam. Ex ea vrbe in Morinos finitimos irruens Teruannam obsedit mense Augusto, Abeuillā haud procul distitam Delfinus cum copiis accessit ad omnem occasionem attentus. Alia parte raptim collectæ Gallorū maiores copiæ obsessis opem laturæ venerunt. Iusto prælio dimicatū cum esset, victis cæsisq; Gallis Longauillæ Dux alique procures Galli in hostium potestatem capti venerūt. In victoriæ partem oppidum etiam accessit & ipsum vi captū. Euerfis arce, turrib. propugnaculoq; eius oppidi Anglicæ copiæ Tornacū vrbe sunt admotæ quo tempore

tempore in Anglia Sorris Comes Scottū Regem, qui in Galli gratiā in Anglicos fines ir-
ruperat, commisso praelio ad quintū Idus Septembris victis fuisq; copiis occidit. Ea victo-
ria nunciata Tornacēses nulla amplius spe ad deditiōē flexere animos. Ad eā urbē Cæsar
accessit Anglū inuisurus, tū Margarita Princeps, deinde Carolus Austriacus. Insulas mox
inde concessere de rebus magnis colloquio instituto. Morā molesta erat Anglo, neq; fa-
cile de tantis rebus breui constituere. Delegata potestate Cæsar, Angli, & Ferdinandi
Regum legati cōsilio inter se communicato, consensu sanxere, vt quisq; triū Principum,
cum primū induciarum tempus exiisset, per suos fines Galliam inuaderet: ac nominatim
Aquitanos impugnandi Hispano cura est imposita suo sumptu & periculo, Angli com-
pendio. An id erat pacem facere cum Gallo? Ferdinandum Regem neque id fœdus pro-
basse, neque factum sua voluntate aut iussu fuisse euentus rerum satis indicat. Coniugi-
um Carolum Austriacum inter & Mariam sororem Angli sæpe retractatum, nouo de-
creto confirmari placuit, proximo etiam anno celebrationi perfectionique designato.
Autumnus in hyemem iam præcipitabat. Bello ergo in Morinis intermisso præsidis tan-
tum dispositis, vt res & tempus monuit, cum copiis Anglus mare rursus transmisit. Vix
vnquam res Gallicæ in maiori angustia fuere, exitio viciniore. Heluetii præsertim au-
ctore Cæsare in Heduorum fines inuecti grauiissimum terrorem vniuersæ genti immise-
re, ne malorū colluies rediret, quæ quondam ab Anglis pertulerant. Tramullius
eo periculo ex Italia euocatus etsi ferocem gentem acie superauit à victis tamen, non se-
cus ac si vicissent, leges grauiissimæ hosti impositæ sunt. Ex fuere ne Gallus amplius Pifa-
ni conuentus, vt fecerat, auctoritatem sequeretur, sed posita contumacia mutaret. Ex ar-
cibus Mediolani & Cremonæ præsidia militaria deduceret. Et quod ignominiosum pla-
ne fuit, certis pensionibus quadringenta aureorum millia genti repræsentaret, ingens pa-
cis pretium. Quid amplius victores exigere potuissent? sed tanti fuit eam tempestatem à
finibus arcere, vt præ metu parum ignominia moueret. Vi sane expressa stabilia non fue-
runt. præter gratiam cum Pontifice conciliatam, aliis conditionibus Gallus nō stetit, pol-
licitis in periculo benignus, rebus post tempestatem parcus.

Ad Vicentiam Cardonius Venetos vicit. CAPVT XXI.

30 **D**VM alii Christiani Principes mutuis odiis inter se digladiantur, viresque & opes fru-
stra consumunt, Emanuel Rex Lusitaniæ bonis omnibus florebat. domi otium atq;
diuitiæ, quæ prima ad felicitatem mortales habent, foris autem in Africa atq; in extremis
Orientis oris secundo victoriarum cursu Christianæ religionis gloriam & cultū lōge late
que proferebat maiorib. indies incremētis. Egressis Gaditani freti fauces ad læuā in Afri-
cæ littorib. qua parte Oceanus orbē terrarū amplexu finit, vrbs Azamor sita est Phuthēsis
regni pars ciuiū numero ampla copiosaq; diuite & feracigleba. Rigat ea arua mœniaq;
alluit fluuius, quē indigenæ Omirabihū vocant: antiquis Asamā fuisse quidam putāt con-
iectura neq; certa neq; prorsus inani. Eam urbem annis superiorib. Emanuel Rex occu-
pare tentauit, vt antea dictū est. Zeiami Mauri fraude & vanis promissis delusi Lusitani
desistere conatu. Maurus, q; erat initio propositum, iis digressis vrbis imperium arripuit.
Grauem iniuriam, atq; hætenus dissimulatam vindicandi occasionem commotæ in ty-
rannū ciuiū voluntates, auersa studia præbuerunt. Regū iræ mora acriores existunt. Clas-
se instructa numerosa peditū viginti millia equites mille & septingentos in eam rem mit-
tere cōstituit. Ioannes Menesius ac pleriq; è præcipua nobilitate secuti sunt. Summa ex-
peditionis Iacobo Brigantino permissa regia nobilitate Duci quippe ex Regis sorore na-
to. Rebus omnib. cōparatis Olisipone soluere prouecta iam æstate vigenti æstu. Prolixa
nauigatio extitit: malaciæ detinere naues. Ventum tamē Azamorē sub initium autum-
ni. Cum ciuib. qui multi erant, & iis qui auxilio venerāt leuia cōmissa certamina. Deinde
50 dispositis tormētis excussæ pilæ strauere muros, ad hæc è præcipuis Mauris aliquot pere-
mere. Eius procellæ metu reliqui Mauri ne expectata quidē impugnatione altera porta
egressi noctu, qua parte minus acris custodia erat, frequētes in pacata abierunt. Deserta
vrbs sub initiū Sept. venit in potestatē. Accessere, vt sit post insignē victoriam alia eo tra-
ctu oppida ac nominatim vrbes Tite & Almedina. Brigātinus valida manu ad vrbis tutelā
relicta ductorib. Roderico Barreto & Ioāne Menesio classē incolumē in Lusitaniā redu-
xit. Marrociū urbē impugnandā multi disputabāt victoria feroces vēcordi audacia in fer-
rū & vulnera propti p̄dæ spe Dux cui cauta cōsilia cū rationē temeritate potiora erāt, fidu-
ciariā se operam obtinere excusauit; neq; incio rege rē tantā aggrediendā videri. Prospe-
ro euentu erectus animo Emanuel eā Africæ oram armis peragrarē certus, Pinonii arcis

iure eatenus controuerso cum Castella abcessit, ea lege tamen si Castellæ Reges illi permitterent, quidquid à fine Phutensis regni ad Boiadoris promotorium pertinet olim attributum iis Regibus, quippe Veleſii regni partem vtriusq; maris littora fusa ditione complexi. Bellum in Italia ducebatur. Cardonius Prorex Albareto, quo se receperat soluta Patauī obſidione, ad vastanda Venetorum oppida & agros est egressus. Auctor suaforce Gursensis Cardinalis. At primum Montagnanæ itinere arrepto Bauolentam accessit ad ripam Bachilionis, quem Meduacum minorem dixerē quidam, sitū oppidum, cymbas & carros magno numero domestica multorum supellectile vesteque onustas, metu belli Venetias se suaq; recipere contendentium, militum prædam fecit. Grauem iis spoliis exercitum Plebem duxit Venetorum delicias, prætoris ciuium splendidum oppidū, gratum oculis ab amœnitate & copiis spectaculum. Direptis ædibus iniecere ignes in Venetæ urbis oculis magno ciuium dolore prædiis singulorum ædificiisque fumantib. Meduacum imposito ponte traiectis copiis Mestrem est itum suburbii instar Venetiarum quinque millib. nihilo amplius ab vrbe distitum pagū. Capto similis quæ cæteris fortuna fuit. Ad proximum mare domus quædā rustico opere sunt, palisq; & aggere littus statu minatum, ne terram fluctus exedant scilicet, ab antiquo prouisum. Inde quoniam ad tormenti scitum ab vrbe distat excussis ignitis globis urbana ædificia petita, non secus ac si obſidione premerentur. Ad Diui Secundi monasterium peruenere pilæ magno ciuium dolore non damnum, quod magnum esse non potuit, sed ignominiam, supra quā dici possit, moleste ferentium, hostes tam prope accessisse nullo qui dedecus vindicaret. Id imprimis virebat ciues dignitatis apprime tenaces. Liuianus sero quamuis, cum copiis tamē occurrit prælio vt dimicaret. Cardonius commotus periculo præsertim ex omni parte circūfusus hostibus, satisq; ad laudem & fructum profecisse ratus conuerso itinere Vicentiam repetere decreuit. Profecti Mestre primo die quatuordecim millia confecerunt, longum iter expedito agmini. Ipsi impedimenta & spolia direptæ gentis quingentis amplius carris vehabant. Ballionius Taruisio, tum Patauini milites accurrere virib. cum Liuiano iunctis, cedentes Hispanos inuasuri magna victoriæ fiducia, quippe maiori numero & recentes aduersus fessos & præda graues pugnaturi. Septem millia pedites vniuersi erant, mille & ducenti equites. Præterea vicani ad decem millia se ostētantes è vicinis montiū iugis: sed quæta pars militarib. armis instructi, cæteri sparis & cōtis vt quemq; casus armauerat. Meduaci transitu prohibere nostros destinant ex aduersum positis castris. Noctū illi silentio superius ad sex millia passuum vado transſerre copias. Quod erat reliquum Liuianus recognita Vicentiam inter, quo iter erat, & nostrorum agmina idoneas conatui coeuntium inter se collium angustias obsedit positis castris prope Vlmum vicum. Intercepto itinere Hispani in supremum discrimē venerant. Neq; vltius procedere licebat in ea locorum iniquitate, neq; regredi tutum hostili omni à tergo tractu. In ancipiti periculo optimum fore visum est simulato receptu ac retro conuersis repente signis, hostē in patentes cāpos elicere. Ita factum. Hostes fugam ex intempestiua festinatione interpretati, ne mora è manib. hostis elaberetur, pleni fiducia desertis viæ angustis, gradū inferunt præ festinatione, turbatis ordinib. Cardonius rei bene gerendæ ex eo opportunitate perspecta cū Piscario, qui peditib. Hispanis Præfectus in postremo agmine eo die curabat, quid faciendū videretur cōmunicat. Pugnandum ille ait, neq; cōmittendum cunctatione vt victoria elaboratur de manib. idē Prosper Columna consultus censer grauis armaturæ equitū dux in medio agmine constitutus. Primam aciē tenebant Germani in singulos dies cū Hispanis locum cōmutantes. Ii ducum voluntate decretoq; cognito versi in hostem continuo eum impetum in Venetos dedere, quē illi non tulerunt. Auerſi momento in fugā sunt herente in tergis Piscario vsq; ad urbis portas. Ciues eas præ metu clauſerāt, ne cum suis confusus hostis irrumperet. Sic pleriq; fugientes fluminis vorticib. rapti perierunt: atq; inter alios Sacromorus Vicecomes intēpestiux proditiōis ultore numine cum aliis merſus. Cardonius interim collecto milite cum Germanis & quibusdam Hispanorū cohortibus, in peditatus equitatusq; hostilis partē inuasit. vicino colle cum quinque tormētis se tenētes. Pari facilitate ii quoq; deturbati è loco sese in pedes dedere vulnera tergis, animis ignominia metumq; ferentes. Nonis Octob. pugnatum est. Cecidere è Venetorū copiis grauis armaturæ equites septingēti, peditū maior strages cæsis, nisi quos fuga seruauit. Captus Paulus Ballionius cū mulis, duo & viginti tormēta bellica in prædæ partē ceſſerunt. E primorib. euasere Liuianus ex fuga Patauī delatus, Gritusq; non ante consistens, quā Taruisium est ventū. Præcipuam eo die laudē è victorib. tulerunt Fernādus Alarconius, Garſias Paredius, Garſias Manricus, alii quorum inire numerum lōgum eſſet. molestū sua singulos laudē fraudare sed necessarium. Antonius Leiuæ prælio non interfuit cum manu militari

sub id tempus Cremæ vrbi obiectus. Magna clades ea fuit, magnisq; laudib. victoria celebrata: ad cuius famā cuncta pene victorib. cesserunt. Vicentiæ Cardonius copias aliquot dierum quiete recreauit. Bergomi arx eatenus in fide Veneta perstans venit in potestatem vi capta. Paulus Ballionius è captiuitate est dimissus, iuratus modo reditum nisi Veneti eius permutatione Alfonso Caruaialium redderent libertati. Pacti eius euentus is fuit. Caruaialius in vinculis obiit: neq; Ballionius tamen rediit, quasi nulla mēdaciū religione obstrictus. fidem seruare nolentib. argumenta nunquam defunt, honestatis specie prauitatem velante. An Caruaialii mortē se sacramento liberum credidit? Alioqui nostris ad votum fluebant cætera. Mediolanēsis arx graui & diuturna obsidione fessa ad deditiōnis conditiones tandem venit, sane ad duodecimum Kal. Decemb. Tantundem Cremonæ arx fecit. Sic Galli ex vniuersæ Galliæ Cisalpinæ finib. & Mediolanēsi imperio deturbati. Lanternam tantum arcem retinere Genuæ vrbis ceruicib. imminētē, durum iis ciuib. frænum. Nouus Dux collectis virib. eam arcem obsidere institit, aduersam Gallorum fortunam porro vrgerē. Adurnii & Flisci exules præsto fuere auxilio, factionis opib. confisi patefacto aditu penetraturos in urbem. Aduersa factio cum de vigilantia curaq; nihil remitteret, nullo intra urbem motu qui venerāt, retro se cum ignominia & iactura retulere necessario, tormentorum etiam parte amissa. Lucas Alagonius iussu Ferdinandi Regis in ea vrbe subsistens conseruata. vrbis atq; defensæ magna pars fuit, quingentorum Hispanorum præsidio à mœnib. depulso hoste. Lateranenſes conuentus habebātur Romæ. Ad eos Galli oratores sūt admissi factionorū patrociniō abdicato, Gallicaq; ecclesia Romanę subdita. quod palam testati sunt. De Bonæ Ioannis Galeacii Mediolanensis Ducis filia Iuliano Mediceo Pontificis fratri connubio iungenda agebatur. Ferdinando Regi ea conditio non displicebat. Villamarino etiam negotium dedit id curādi. Appellata de cōsensu Isabella Aragonia virginis mater. Apage, inquit, tantum nefas, non patiar me viua non erit, dignitatis scilicet in aduersa quamuis fortuna & ingenitæ nobilitatis memor, alioqui in Maximilianum Sfortiam pronior: quo genere adoptato Mediolanēsis principatus iniuria detracti iura ad posteros reuocabantur. Venetis ex arcano fauebat Pontifex. Nobilissimæ vrbis proximum exitium dolebat impense. Monuit Cardonium ne bello præcipitantes vrgeret amplius. Viam aliquā fanciendę concordia prius quærendam videri. Quo tempore Aragonia mouebatur Comitum Ripagorsæ & Arādæ dissidio prouincia studiis in ambos diducta. Ferdināduſ Rēx ne à paruis initiis latius serperet malum, ex parua scintilla magnum sæpe excitari incēdium, positis armis pro imperio, iure vt disceptarēt, mandauit, paratus vindicare si quis nō obtemperasset. lite contestata dictaq; causa Ripagorsæ Comitem iniuriam fecisse pronunciauit, multaq; nomine Aragoniæ finib. iussit abstinere, quandiu Regi placuisset. Eo pulso conqueiere prouinciales. Brutii & Magna Græcia grauius atq; atrocius quā bello afflictabantur: sed & aliis tota Neapolitana ditione regionib. multa oppida & incolæ dominorū iniuriis irritati corripuere arma, miseris modum aut finem vel ipsa morte quærētes. Præcipua in eo numero sancta Seuerina olim Sibere-na, Policastrum, Maturanumq;. Missus in Brutios Petrus Castrius pacata gente reb. tranquillitatem reddidit ægre quamuis & tempore insumpto. Muri Comiti Apuliā demandatam prouinciam vt præsens gereret, mandatum est. Michaeli Aierui in Aprucium abire, cura & diligentia è saltib. latrociniis sublatis effecturo vt magistratib. sua constaret auctoritas temporum vitio collapsa penitus, nulla in ea gente facultate vindicandi flagitia. leges naturæ & humanitatis iura belli tempore in contrarium mutantur.

Inducia Hispanum inter & Gallum prorogata.

C A P. XXII.

Galliæ Regina decessit ad quintum Idus Ian. salutis anno mill. quing. decimo quarto. 1514
 Lectissimæ fœminæ obitum luxit gens vniuersa. Rēx maxime eius vir neruis Bleſis tunc æger molestissime tulit tum eius desiderio, tum veritus ne in Britānia Armorica motus existerent imperii Gallici odio. Varii Principes qui eum inuiserent luctumq; leuarēt legatos misere. In eo numero Germana Regina Bernardum Mesā Episcopum Trinopolitanum legauit cum mādatis, secundum officium tēpori & propinquitati debitum leuato Regis luctu, de quo antea erat actum, Namursum & Narbonē reddi postularēt aliaq; à castone fratre possessa sorori atq; hæredi legitimæ. In Italiā profecto Ramirus Nunnius cusmanius dimissus à Ferdinādo Rege est, vt Romæ oratoris regii partes impleret, iussus ex itinere cum genuēsib. publice fœdus sancire. Fecit ille diligēter mādata. Pactionis summa duob. cōprehēsa capitib. Rex vrbis eius & Octauiani Fregosii Ducis patrociniū suscipet. Genuēsē è cōtrario vires cōferret certo vt militū numero Regis impiū & dignitatē

tuerentur. Confectæ in eam sententiam tabulæ ad tertium Nonas Martii: quo tempore Adurnii Heluctiorum ope moliebantur eius vrbis statum commutare pulcherrime tunc vt videbatur, stantem. In gallia Trinopolitani Episcopi industria tum alia agitata sed inani conatu sunt, tum denuo de Ferdinandi Infantis & Renatæ minoris Galli filiæ coniugio actum. Astringi eo vinculo Gallum & Hispanum in vnam stabilis pacis voluntatem commodū videbatur, ambos bello fessos tenui valetudine. Ea re propemodū confecta, vt Regi viduo de nouo coniugio meditāti masculæ prolis spe, Eleonora Caroli Austriaci soror nuberet. Serio agitatū est. Simul Venetis cū Cæsare conciliandis dabatur opera. Pontificis arbitrato cōtrouersias finire placuit. Cōpromissi exemplū cursensis Romæ detulit: in quo erat expressum ne in alterutram partem quidquam definiretur nisi ex Ferdinandi Regis consensu & voluntate. Suscepta Pōtifex ea cura, institutaque cognitione ad quintum decimum Kalendas Februarii pronunciata sententia, vt Cæsari Verona & Vicentia Venetis Brixia & Bergomum cederent sanxit. Præterea in præsentī à Venetis Cæsari ducenta quinquaginta millia auri penderentur, annua in omne tempus millia triginta. Irritus labor extitit. Dum Ferdinandus consulitur de re tota, Veneti decreto Pontificis palam se obtemperaturos negarunt iniquum causati. Nondum optata pax Italiæ coalescere poterat quamuis bello omnibus fessis exhaustisque. Induciarum Galliam inter & Hispaniam pactum tempus exhibat. Vtrisque incommodum iuxta ac graue erat ad arma redire. Quintanæ Regi Hispano à secretis, eius nomine in Gallia res gerentis diligentia sancitum, vt dum pax componeretur induciæ in annum alterum prorogarentur conditionibus antea pactis nihilo commutatis. Nihil est tam sanctum, quod place re omnibus possit. Delfino quidem ea prorogatio grauis accidit verito ne in pacem defineret: qua ipse Mediolanensis Principatus spe & hæreditate caderet. Cæsar parum curauit in belli Veneti cogitationem & apparatus incumbens: ac potius cupiebat inducias pace mutari. Angli modo impediti conatus sunt bello Morinos & Aquitanos armis præfidiisque obtinendi. Inter propinquos violata caritate acris sequitur indignatio. Ita Anglus quia vindicare dolorem ex ea re susceptum non licebat soceri molitionibus occupatis Gallum in fœdus prior attraxit Maria sorore in coniugium illi pacta. Londini vrbe Angliæ primaria conuentu de tota re habito, pro Anglo Thomas Volsæus tūc Archiepiscopus Eboracensis & paulo post Cardinalis, Angliæ Marefcalus, & tertius Episcopus Vintoniensis, Galli nomine Longauillæ Dux, & Nortmanni conuentus Præses disceptarunt corā. Fœdere facto ad septimū Idus Augusti inter alia expressum est, vt certo militū numero inter se iuuarent, si quis alterutrum bello laceraret, mox festinatæ nuptiæ ferales sunt luctu ob amissā non ita pridem vxorē in lætum cultū mutato. Notatū, ab Anglo in fœderis tabulis inter suos confœderatos ne nominatum quidem Ferdinandum socerum esse. Conceptam animo irā placare Ludouicus Carrocus Ferdinandi legatus hætenus in Anglia conatus: conata & Regina pro ea gratia quam apud gētem vniuersam obtinebat maximā viro à se nondū penitus alienato nihil vterq; diligētia perfecit. Paulo post Ludouico Carrocio in Hispaniā reuerso, in eius locū suffectus in Angliam Trinopolis Episcopus abiit. In Italia bellū ducebatur alternāte fortuna dubio exitu. Sed à Cardonio tamen cū copiis Citadela duob. à Meduaco amne millib. Patauiū inter & Taruisiū, oppidū situ, operib. & præsidio firmissimū vi captum est. Prosper Columna cū Mediolanensis copiis Cremam impugnabat. Defendit Rētius pro Venetis vrbis præsidio præfectus. Itaq; expugnari nō potuit. Garfias Manricus cum aliquot equitū ad Robigum tendebat vt in nullo tali metu securus. Liuianus vindictæ auidus superiora incōmoda refarciendi, ignominiam leuandi, atq; vt id assequeretur in omnem occasionē intentus, cognita nostrorū socordia, vt fit ex reb. lætis nata, nocturna vi repente in oppidum irruit. Defendere Hispani vt locus & tempus dabat, vbi plurimum periculi, & laboris ostendebatur, ibi maiore vi resistentes. Viribus tamen impares deditione facta saluti consuluerunt. Manricus & alii cum eo centuriones capti Vicentiam sunt abducti: Rētius rei bene gestæ fama per motus noctu in Mediolanensis exercitus stationem Crema egressus incurrit, qui Siluio Sabello duce nil minus cogitabant, iis improuisa vi fufis momento Bergomum festinato itinere nullo prohibente cepit. Hispani qui in ea vrbe erant, ancipiti periculo & repentina vi territi in arcem confugerunt. Cardonius periculo nunciato cōtinuo auxilio accurrit ipsis kal. Nouembris. Victricibus copiis par virib. Rētius non erat. Tormentis quoq; icta pars muri corruens cum fragore late stragem fecit. Itaque vrbem per conditiones restituit. tantisper ex victoria lætatus. tristibus sæpe prospera bellum commutat secundis aspera. Et est prudentis ducis eas vicissitudines præmeditatas habere neq; si quid aduersi accidit frangi animo, sed contra potius niti. Lanternæ porro arx Genuæ vehementer

vehementer molesta in Octauiani Fregosii ducis potestatem tandem longa obsidione fatigata concessit. Ad intermissa stylum referamus.

Lusitania res.

CAPVT XXIII.

Turcarum imperator bello liber, quod cum fratribus gesserat & Ismaele Perfa qui eorum partes adiuuarat grauissimum, centum & quinquaginta triremium classem instruebat, uti fama ferebat, in Italiam Christianæ religionis caput arcemq; Primum impetum in Piceni littora oramq; fore vulgo suspicabantur haud longinquam & Pontificiæ
 10 ditionis prouinciam. Metus externus ciues conciliare solet, ut positis mutuis odiis, detestis offensionib. in vnā communis salutis tuendæ conspirent voluntatem. Verum gladii sanguine ciuium & propinquorum delibuti non facile eluuntur. Ita efferati Principum animi videbantur, ut præ cupiditate inter se vindicandi, communi periculo parum mouerentur. Non abiicit tamen Pontifex animum. Cæsarem & Hispanum ad sociandas secum vires sollicitauit: ne imparatos feræ hostis occuparet. Mediolanensi Duce & Genuensibus ad commune fœdus attractis, cæteros Principes accessuros confidebat, ac præsertim Reges Gallum Anglum Lusitanum. Conditiones fœderis scriptæ: quarum ea summa
 20 fuere capita. Ut quicumque, è sociis aliquem bello lacefferet, quasi communem hostem cuncti vindicarent armis. Piorum prouinciis a Turcarum vi tuendis singuli focii equitum certum numerum in commune conferrent: pecuniæ quantum designatum est delectib. militum habendis & in eorum stipendium. Ne pauciores sedecim Heluetiorum millib. ad signa euocarent. Prudenter & pie excogitata priuatæ Principum cupiditates euertit. Saluti fuit aliis bellis Turcas distetos in piorum exitium arma vertere, tunc quidem non potuisse. Rempublicam sine viribus, sine consilio, sine capite fluctuantem texere numina. In vna Lusitania domi industria vigeat, foris arma prosperum cursum tenebat. Lætus is Rex copiis quæ ex Indico commercio proueniebant ingentes & belli Africani successibus, Romam honestissimam legationem sine superioris anni decreuit. Pontifici more maiorum obsequium delatum. Adiunxit ad ostentationem amplitudinis pretiosa dona. Sacrorum instrumenta, vestes Pontificales auro rigentes, eo splendore qui ex clarissimis gemmis esse debuit, ea varietate ut ars cum copia certaret. Specie, pretio, atque elegantia maiori quam vidissent homines in Pontificia aula, vasa auro & argento graua artis plena. E Perside pantheram miræ pernicitatis priscis Romanorum ludis exhiberi solitum animal equi clunibus strati eleganter insidens. Indi rectoris ad signum syluas pererrare ferasque capere edocta. Accessit aureo strato turritus elephas assuetus inter alia flexo poplite venerari. Principem tybiæ sonum pedib. vastique mole corporis motu quamuis incondito modulari proboscide haustam copiosam aquam in circumfusam turbam effundere. Denique Rhinoceros vehebatur, non visum in Italia à multis seculis animal ferum truculentumq; ut cum elephanto commissus natura inimicissimo, veteris magnificentia spectaculum Romanorum oculis repræsentaret. Verum qui ab ultimis oris aduectus, Oceani tremendos fluctus euaserat, ad Genuenses scopulos fracta naui periit in ventorum procella. catenis impeditus neque enare potuit, neque à vectoribus eripi naufragio. Eius legationis Princeps Tristianus Actinia rerum Indicarum longo usu callens Romam iniiit ad quartum Idus Martii. Paulo post dato senatu hac sententia oratione habuit è duobus legati collegis alter Iacobus Paciecus Iurecōsultus ad tredecimum Kalendas Aprilis. Rex Emanuel ab extrema Lusitania, Pater sancte, huc nos venire iussit de Pontificatu delato gratulatum: quod felix diuturnumq; magnoque adeo ecclesiæ commodo fore auguramur, optamusq; simul ad deferendum obsequium debitum quidem sed libentissime tamen oblatum. Moram re necessaria suscepam hactenus excusare debet prompta voluntas. Officio preces adiungit honestissimas atque tempore necessarias. Paterna cura prouidendum videri, ut superiores orbis Christiani iacturæ reparentur facta pace. Id fiet, si Principes Christiani priuatis singulorum dissidiis sublatis, vires in commune contulerint aduersus hostem communem infensumq; in nostris ruinis exultantē nostraq; ex calamitate & spoliis superbum & magnum nouis indies incrementis. Quæ enim si gloria queritur, honestior causa, si utilitas fructuosior hac cogitatione esse potest? Facessat superior amentia: pœnarum satis est datum. Amentes prorsus & furiosi, qui in se ipsos ferrum stringunt væcordes & rabidi. Proderit Episcoporum conuentus continuari, neq; solui priusquam omnia ex sententia componantur. Patrum auctoritate diuina in terris æmula, id curari atq; præstari summopere exoptat, petitq; quoad vires tulerint, communi causæ nō defuturus, paratus etiam, si res ferent, pro communi salute & ecclesiæ dignitate

» vitam sanguinemque profundere. Nihil in nostra oratione vanitatis est. Sed quid
 » non expectare fas sit ab eo qui omnes cogitationes consumit in conatum religionis Chri-
 » stianæ amplificandæ, siue in vltimis Orientis solis oris, vbi vexillum crucis inter natio-
 » nes feras & barbaras intulit atque erexit, vsque ad extremos orbis fines, quanto fructu
 » & laude dicere non est necesse: siue in Africanis expeditionib. ærario consumpto & re-
 » gni virib. exhaustis, Ex Indiæ spoliis & copiis primitias specimēq; offert, Pater beatissime,
 » munera ex regionū lōginitate vnde aduecta sunt, & ex pietate Principis magis quā ex
 » p̄tio æstimāda speq; adeo certa fore aliquādo, vt latissimæ regiōes & gētes innumere ante
 » vestros pedes p̄strata Christo se subdāt. Pro Africanis spoliis minus gratiæ habituris, quo
 » v̄sitatiora sunt postulatū offerimus honestum prorsus & sanctū. Id est. Vt quoniā bello 10
 » Africano gerendo pares regni vires & opes regiæ nō sunt, susceptos conatus primum
 » concessa peccatorum venia ex ecclesiæ thesauris iuues benigna manu; deinde concedas
 » vt pars aliqua in Lusitania sacrorum vectigalium ad id bellum conferatur. Vbi enim
 » melius ponantur, atque eorum qui eas opes templis legarunt volūntati magis consenta-
 » neæ? Cum quibus fructus & gloria communicatur, an iniquum videatur vt oneris par-
 » tem ferant? Non arbitramur vestram benignitatem in re omnium æquissima denegatu-
 » ram, quod aliis Principibus variis temporibus est datum. Læto vultu & placido Pontifex
 » legati orationem audiuit. Breue responsum. Emanuelem Rēgem pro eo ac par erat ma-
 » gni facere: allata munera grata extitisse. Quod postularent curæ fore. piissimos tanti Prin-
 » cipis conatus pro viribus iuuaturum. Confectis mox tabulis Cruciatæ veniā in opē belli 20
 » Africani concessit. Adiecit decumarum ecclesiasticarum tertias in templorum fabrica-
 » tiones & sarta recta cultumque consumi solitas. Præterea aliorum sacrorum vectigaliū
 » in vniuersa Lusitania decimam. In vsu harum concessionum graues difficultates extite-
 » re. ministri & collectores simulatione religionis inertix alimenta quærere; multas con-
 » cipere fraudes. Et alioqui ex publicis vectigalibus quantum peculatus auertit. Iis incom-
 » modis commotus sacer ordo centum & quinquaginta aureorum millibus pristinam re-
 » demere immunitatem, ac non vltra triennium molestæ exactiōes extitere. Populo gra-
 » ue videbatur eas copias in victum sacerdotum & templorum cultum destinatas alio con-
 » uerti, vnde in aulicorum delicias tandem desinerent rebus à prima origine mutatis. O-
 » ptima sæpe instituta exitiali exitu terminantur, & fere mala exempla ex sano initio ortū 30
 » habent. Castellæ recens documentum redderet cautiōres. vbi postquam in sacros tem-
 » plorum redditus Reges inuolarunt, maiori quam antea premebantur inopia. Enimvero
 » qui exiguis olim vectigalibus, Maurorū imperio conuulso, externas inuicta virtute gen-
 » tes ad ditionem adiunxere, eos nouis indies tributis plebe fessa, & sacrorum vectigalium
 » parte magna occupata, nullo idoneo operæ pretio sua mole ruere, & proprio laborare
 » pondere. Priuatorum testamenta legibus sancta esse conquerebantur: eorum moueri,
 » qui Christum hæredem scripsere. Dotem multis alioqui fulcitam prærogatiuis Christi
 » sponsæ detrahi, ipsa inuita & qui dederunt repugnantibus. Regii ministri siue assentan-
 » di studio, seu quia ita sentiebant, facto honestatis speciem prætere. Cuius in ope &
 » patrociniō nō profana magis vectigalia quam templorum sacri redditus delitescerent, ab 40
 » vtrisque partem aliquam decerpi & ad reip. præsidium conferri æquum omnino videri.
 » Et constat Ambrosii ætate templorum prædia Augustis tributum soluisse. Equidem de
 » re tanta statuere non ausim, neque ad meum arbitrium reuoco inter disceptantes quid
 » sentiendum sit, pronuntiare consentaneum tamen putarim vt à viris sacris in com-
 » mune aliquid concedatur, ita tamen si non maius subsidium sit, quam pro copiarum
 » modo rataq; portione. Itaq; si reddituum provinciæ aut prædiorū quartā aut quintam ob-
 » tinent, non maiorem neq; annui census partē neq; regionum vectigalium in ærariū con-
 » ferant. Quod caput est, ne sua auctoritate id Principes faciāt, sed eius venia, vnde iura &
 » leges sacræ petuntur, Romani certe Pōtificis. Accedat etiā, quorū interest, Episcoporum 50
 » provinciæ consensus & sacrati ordinis vt aliquādo factū scimus. Nā ordo sacrus peiori
 » cōditione esse nō debet, q̄ populi, quib. volentib. tributa a Regib. imperātur. Verū hac in
 » medio relinq̄atur, ne in lubrico loco vestigiū fallat. Is sane legationis Lusitanæ successus
 » fuit. A Præstoioāne magno Æthiopix Imperatore Olisiponē legatus venit gente Arme-
 » nus, professione monastica, Matthæus nomine. Princeps gētis Dauid dictus Regis Lusi-
 » tani, ex quo Petrus Couillanius in eas regiones penetrauit, fama cōmotus, deinde Lusi-
 » tanorum in India parta gloria amplius erectus in studium mutuo commercio vires cum
 » ea gente iungendi, idoneum hominem nactus in Lusitaniam extremam ablegare con-
 » stituit. Is ab Alfonso Alburquerque benigne acceptus atq; habitus, quæ prima se dedit
 » occasio, ad Lusitanum est missus. Vectores impostorem arbitrati, multis tota nauigatio-
 » ne contumeliis vexarūt. Iis Olisipone iniecta vincula; ne maior vindicta esset, Matthæus

intercessit, impetrauitque. Régis conueniendi facta potestate binas litteras protulit vna sententia diuerso idiomate & charactere Æthiopico Persicoq;. Adiecit ex auro crucem veræ crucis parte inclusa Æthiopum Imperatoris donum. Grata legatio extitit, lectæq; litteræ coram, adhibitis earum linguarum peritis. Matthæo hospiti honores habiti lautiæq; publice data. Ab eo ritus gentis & de diuinis rebus placita cognita sunt à Christiana pietate non parum sæpe abhorrentia: prorsus vt Christianæ religionis præter nomen vix aliquid retinuisse videatur. Omnia explicare longum esset. Pauca proferre exempla satis arbitror. Octauo die verenda circumcidunt mares iuxta & foeminae. Quadragesimo abluuntur baptisate. In partu Iudaico instituto foeminae expiantur. Lege veteri
 10 damnatis cibus abstinent. Ad obeuntem solem ieiunia producant. Eucharistiæ diuinæ vtramque partem populus quoque sumit. Presbyteri vxores ducunt: monachi cælibes, & Episcopi quos ex monasteriis legunt sacra & ideo deuota iam capita. Peccata confessione expiare cõtendunt, cælestesq; venerantur cultu religioso. Sûma in eorum moribus & institutis, quædam merentur laudem, pleraque sunt absona. Rhegium Lepidi Pontifex obtinebat: Mutinam haud remotam à Cæsare accepit oppigneratam dum redderet mutua, quæ dedit, quadraginta aureorû millia. Eas vrbes ad Parmam & Placentiam adiun-
 20 ctas Iuliano fratri destinasse fama fuit, vero an falso haud facile dixerim, sed daturum rumor erat iure fundi Pontificibus relicto, adiuncta quin etiam Ferraria, si vires voluntati parës suppeteret: eidem paulo post Filibertam vxorem Caroli Allobrogum Ducis sororem lectissimam in puellæ dotem & cultum de suo centum aureorum millia dedit.

Vascones Castellæ contributi. CAP. XXIV.

Anglicum coniugium Gallo Regi exitiale extitit breui consecuto obitu. Sic solent senes complexibus impestiui indulgentes præsertim discrepante nuptæ nouæ, ætate, ipsorum imbecilla valetudine. Gaudium breui mærore mutatur. Anno nouo millesimo quingentesimo decimo quinto decessit. Supremus honor defuncto habitus corporisque in maiorum sepulcra illatum tumulo è candido marmore, superbo structuræ genere atq; elegatiss. Infaniam ne magnis quidem imperiis tolerabilem æmulati proximi Reges effecere vt nouis sepulchris templi spatia non sufficiant alioqui vasti. Eius morte in generum Franciscum Valesium Engolismorum Ducem impetium Gallicum est
 30 translatum ardenti iuuenem ingenio, magnis animi & corporis dõtibus, quas secum ipsa certas natura cõgessit. Vulgo p̃suasum erat nõ cessaturû nisi Mediolano recepta, regnoq; adeo Vasconû, q; spoliatis Regib. pollicitus erat. Rerum tamē Italix maior cura. eo bello districtû ne aliq; à tergo terror reuocaret in galliã verebatur. Ab Anglia metuebat nihil pace cum ea gente pulcherrime stãte. Carolum Austriacum, ne ex Belgis tempestas existeret, Renatæ glori iungere tentauit. Honestæ conditio videbatur, neq; repudianda prorsus. Nasai Comes & Michael Croius Principis cubiculo Præfecti ideo Lutetiam appulsi coniugium stipulati sunt nono Kal. Aprilis. Dos dicta sexcenta auri millia, ducenta in
 40 præsentî pecunia, pro quadringentis millibus Bituriges pignori dari decretum. Carolus Princeps in suam tutelam abierat, ab auo Cæsare & amita Margarita Belgarum procuratione permissa. His pacatis Principibus Ferdinandus supererat maiori prudentia, Rex q; vt arte caperetur. Lautrechius Aquitanix Præfectus negotio dato Comarium de induciis in tertium annum prorogandis vltro appellauit. Abnuît Ferdinandus cognita haud dubium Galli destinatione in omni consilio circûscriptus & sagax, nisi Italia porro comprehensa arma citra Alpes nequaquam positurum. Sic ars arte delusa. Quin etiã ad omnes casus ope parata, fœdus institutum vt nouo decreto firmaretur curauit, aduersus Turcas & ad singulorum sociorum ditionem communibus armis tuendam, Gallicos impetus retardatum iri, si id assecutus esset, animo neq; inepte prospiciens simul ad fœdus al-
 50 terum inclinauit à Leone Pontifice expeditum Bernardo Bibiena Cardinali sanctæ Mariæ in porticu ad Cæsarem propterea legato. Eius fœderis leges. Vt Cæsar Veronã Vicentiam, Forum Iulii, & Taruissũ teneret. Duci Mediolanensi cederent Brixia, Bergomum Crema. Harum trium vrbium permutatione Parmam & Placentiam Pontifici relinqueret Iuliano fratri Principatum. Eo temperamento Ducis Mediolanensis imperio firmato facile Ferdinandus adducebatur, vti ei Caroli Austriaci sororibus coniux daretur certe Margarita Princeps aut Neapolitana Regina, arcta omnes deuinctæ necessitudine, quippe neptis prima, nurus altera, tertia sororis filia: Sfortiana nobilitate maiora cõiugia. Dies cruciatuum Christi Dei memoria sacros & lugubres Ferdinandus ad Meioradam transegit, in curâ intentus vtriusq; gentis conuentus quã primum agitandi, Castellæ qui-

dem Burgis, Aragoniæ autem Calataiubæ lauto municipio. Olmedi edita promulgata sunt pridie Idus Aprilis. Et Aragoniis quidem conuentibus inchoandis Maii mensis dies undecimus designatus. Vt actionib. pro se vicaria præesset ex superioris gētis cōcessione, Reginam coniugē in Aragoniā amandauit, iussam iis solutis conuentib. Illedæ Calataunorum conuentus agitare, Valentinos postremo Valentia. Ipse Burgos festinauit ne designato tempore occasione deesset ordinū voluntate redigendæ pecuniæ, cuius prima cura erat, magna inopia, maiorque quam ex Aragonia spes. Belli metus multiplicis impendebat: cui omnino occurrendum erat, nouo militum delectu supplendi exercitus, firmāda præsidia. Actum de ea re Burgis. consensu decretum est quadringentis aureorum millibus ærarii tenuitatem regio conatus iuuare. Magnum vectigal & graue vt exhaustis populis imperaretur Ferdinandi Regis beneficium euicit, vmbra quamuis dignitatis magis quam prouentus. Vasconum regnum in iis conuentib. Castellæ cōtribuit olim quamuis Aragoniis obnoxium, recensque ab Aragonio rege, & Aragoniis viribus ex parte auxilioque partum. Verum Regi, ne Vascones Aragoniæ institutis & legib. libertatē arriperent, prouidendum omnino videbatur, ab omni memoria inuidiosam seruiēdi rationem vnde magni motus extiterant, alioqui in suam gentē caritate propensior. Accessere sumptus Castellæ maiores in bello Vasconum tolerati maior multo militum numerus ex ea gente, ad defendendam in posterum prouinciā validiores multo vires. Sed ex eo tamen constat Ferdinando destinatum prorsus animo fuisse, eam ditionem nunquam abdicare, quasi sui iuris non secus ac alios principatus, neq; vlla religione moueri, vt ab ea sententia decederet. Sic variis sermonib. præ se tulit. Viribus potiori argumenta nunquā defunt ad retinendū quæcumq; armis occupauit. An Principatum aliquem vltro veteri domino redditū docere quis possit? Si verū fateri licet, nōnullis Ferdinādi causa præsidii fulciebatur neq; contemnēdis neq; prorsus inanibus. Primum Pontificis sententia Reges veteres fuisse ditione spoliatos: quos more maiorum extrema meritis exempla furiali carmine deuouit, & iure Pontificio maledixit. Deinde in Reges Castellæ translātū ius Claræ uxoris prioris Henrici Castellæ deinde Regis eo nomine quarti ipsius voluntate. & donatione, quo tempore à patre sæuo ad non dubium exitium data est in Gastonis Fuxensis sororii potestatem, eius nece oppido cupientis, quæ iure potior erat, quippe maior natu, Vasconum imperium ad se trahere. Ita per omnes patrati parricidii affines & eorum posteros peruagata ira cælestis haud longo tempore pœnas à singulis improbæ cupiditatis exegit, maneq; innocentis puellæ mortuæ vindicta quā viuæ regis opib., felicioris nullo inimicorū innoxio relicto tandem quieuerunt. Accessit ad cætera Ferdinandi præsidia Germanæ Reginæ ius Gastonis Namursii fratris in locum. Quod si eo iure contendas Castellæ Vascones contribui non potuisse. Suspiciari licet quid enim vetat? cum prole careret factum eius consensu certaq; voluntate: quando post tres annos in conuentu Cæsaraugustano Vasconum regnum in Carolum Austriacum transtulit Castellæ iam & Aragoniæ Regem. Certior interpretatio Deum esse qui tempora sæclaq; commutat, euertit regna fulcitq; quos numen subleuat, his dare imperia, vrgere quos decreuit premere. Neq; tantum propter iniustitias & iniurias transfertur regnum de gente in gentem, sed propter contumelias & dolos: vt diuini libri testantur. Cōuentus Aragonii Calataiubæ habebantur. Vt à populis pecunia in stipendium redigeretur postulatū. Id proceres & nobiles facere, nisi subditis populis præcisa facultate regiam opem per appellationem implorandi recusarunt, tanta obstinatione vt conuentus aliquot menses impediri necesse fuerit. Afflicta Regis valetudo contemnebatur. Cæsaraugustanus Præsul magno quamuis labore promouebant parū. Nulla spe in conuentu irritatos Proceres quidquam pro sano facturos, singulas ciuitates appellare placuit de subsidio priuatim concedendo. His difficultatibus commotus Rex quamuis extrema valetudine atq; ita vt nocte quadam pro mortuo habitus fuerit, Burgis in Aragoniā festinare statuit, spe Proceres præsentī nihil denegaturos. Exitinere Antoniū Augustinū regio Aragoniæ scitinio. Præfectū ad se citato venire. mādāt. cōsilia de reb. magnis cōmunicaturū. Aduenienti ad Arandā Durio alluēte nobile oppidū, quo rex processerat, cōtinuo iniecta in hospitio vincula sunt. Gomeri Ferreria in curia regia rerū capitaliū iudex captū in Septimācēsē deduxit custodiē designatā arcē. de vinculorū causa multa sūt dicta, vt in reb. nouis & præter opinionē, cōtingit. Quidam cum Carolo Austriaco consilia Regi ingrata aduersaq; communicasse interpretabantur. Alii petulātes oculos in Germanam Reginam coniecisse, ac vērō de stupro appellasse. Verior opinio: cum Aragoniis Proceribus consensisse in conuentu: eiusq; malo voluisse regem cæteros officii admonere magis vsurpandi iuris causa, quā quod vnius culpa esset. Segobia cum Regio consilio Hispaniæ Cardinalis substitit. Rex adiuncto Ferdinando nepote Calataiubam festinauit. Frustra is labor fuit. Proceribus nulla diligentia persuaderi

potuit, neque vnus vincula tanti erant, vt desisterent nisi libertate quam petierant concessa æquitati prorsus aduersa iniuriarum fonte. Regis morbus recrudescebat labore molestiaque auctus. Vilillæ quoq; nobili campana instare finem significatum, magnorum euentuum nuntia Regumq; obitus. Sic fama tulit, Aragoniæ gentis communi persuasione confirmata. Verum diiudicare quis possit? In eiusmodi rebus quanta sæpe existit vanitas. Ergo re necessaria, autumnus tempore nullo publice pecuniæ subsidio in conuentu impetrato sese Rex in Castellam retulit. Regina Calataiubæ conuentibus solutis Ilerdam processit. Sic in Castella & Aragonia res erant. quo tempore ad Viennam Austriæ, Cæsar & duo fratres Sigismundus Poloniæ & Ladislaus Hungariæ Reges conuenere ad sextū decimum Kalendas Augusti. Colloquii præcipua causa coniugia extiterunt Ferdinandum & Mariam Austriacos fratres inter & Annam atque Ludouicum iam Bohemiæ Regem Hungari filios inita ipso Magdalene memoria sacro die. auspex & antistes totius cæremoniæ Thomas Cardinalis Strigoniæ Pontificis legatus. Lætitia ludis, cōiuiiis & omne genus spectaculis atque Principum numero læto cultu, geminis auro & purpura distinctis vestibus plures dies continuata est. Interfuere ex sponsis Ludouicus & Anna patrem Regem secuti; præterea Maria Austriaca. absentiam Ferdinandi Cæsar eius auus suppleuit quasi procurator sponalibus stipulandis. Noratum à curiosis non modo Ferdinandum & Mariam sororem Ferdinandi Regis ex sanguine fuisse eius nepotes, sed & Ludouicum & Annam pronepotes Eleonoræ extitisse Valconū Reginæ, quæ soror Ferdinandi fuit, Catharinæ nimirum nepotes, quæ Gastoni nupsit Candalæ regulo. Gastonis enim filia Anna nomine Ladislao Hungaro nupta Ludouicum & Annam nouos sponfos peperit. Ita Ioannis Aragonii Regis Ferdinādo filio quam sua virtute & rebus gestis nobilioris, sanguis omnium fere gentium regiis insertus latissime est propagatus.

Alfonsi Alburquerquii obitus.

CAPVT XXV.

Magna & præclara ab Alfonso Alburquerquio Indiæ Prætore toto suæ Præturæ tempore opera sunt perfecta. Immortalem à gente Lusitana laudem habeat, necesse est, quippe imperii Lusitani in extremis orbis oris conditor princeps. Annis grauem imbecilla valetudo vexare cœperat. Multi præterea æmuli (omnibus satisfacere qui posset? certe virtutem inuidia premit) in Lusitaniam delati criminabantur, virtutibus vicina vitiorum nomina affingentes calumnia & mendacio armati. Reus in absentia agebatur criminationum iuxta ac criminantium ignarus, securitateque quam conscientia dabat incautus. Et quidem aperta odia depelli possunt fraus & dolus obscura, eoque ineuitabilia. Emanueli Regi, vt ei succederetur tandem persuasere. Delectus è nobilitate Lusitana Lupus Suarius, Aluarenga magnæ spei vir, qui res in India gereret. Comites adiuncti Matthæus Legatus Abassini Regis & Eduardus Galuanus vna in Æthiopiam iturus. Verum eam legationem obire importuna mors prohibuit. Atque in eius locum consequentibus annis substitutus Rodericus Lima in ipso Æthiopix aditu Matthæo extincto ad eum Regem legatus peruenit. Franciscus Aluarus presbyter profecutus eundem legatum de tota ratione itineris & regionis natura gentisque institutis commetaria patria lingua accurate descripta in lucem edidit. Nouus Prætor nauigatione vix quinque mæstri præter morem à celeritate felicissima Olisipone Goam peruenit, omnino postridie Kalendas Septembris. Sub id tempus quinto post diē ex Lusitaniæ regina filius est natus, Eduardus nomine, miti Princeps ingenio, modestia & comitate insignis studiis venationis & musicæ imprimis deditus. In florenti ætate raptus, ex vxore tamen filium eiusdem nominis breuis & ipsum æui & duas filias reliquit. Maior Maria dicta Alexandro Farnesio nupsit Principi tunc, deinde Parmensi Duci, Catharina hodieque superstes Brigantino Duci est iuncta. Quibus diebus Lupus Suarius Goam appulit, Alfonso Alburquerquius Ormutii ex diuturnis laboribus fluentis alui morbo lætali oppressus eius insulæ reb. compositis regeque persuaso, vt amicitiam Lusitanam constanter coleret, in ea fortunis suis certissimum præsidium repositum putaret; cupidus Goam delicias suas ante obitum inuisendi, nauim conscendit. In itinere de successoris aduentu cognouit. Eo nuncio supra æquum & honestum perculsus vir alioqui egregius neque dissimulare dolorem, neque tenere linguam. Proh Christe Sancte, inquit, quantæ me molestiæ circumuallant? Si regi pareo, in hominum calumnias incurro, si respicio homines, Regem offendo. Ad aras. nullum alibi perfugium. Hæc truci voce ardentique vultu vt procul exaudiretur, adstantibus commouerant lachrymas. Commoti animi ipse non ambitionem imperandi putabam. Quid enim alienius eo tempore? Sed morbi molestia victum, quæ omnia

reddit ingrata, aut excelsio animo ægre tulisse interpretabar calumnias supra virtutem fuisse. Nam, vt ad se collecto tantisper animo rediit. Certe subdit, Regum corda Deus sua sapientia regit. Quid futurum putatis. Si me mortuo idoneus rector esset à Lusitania expectandus? quantum periculum rebus in India immineret? His dictis quieuit. Morbus nauigatione inualescebat minori in horas spe. E Goa propinqua euocari presbyterum mandat, cui erat solitus conscientia vulnera per confessionem detegere. Cum eo rebus omnibus communicatis, pœnitentiaque & oleo sacro ex ritu Christiano expiatus, die quodam ante lucem efflauit animam. Vir haud dubium insigni cum primis virtute, felicitate & pugnandi scientia comparandus eorum, quos ab vlla memoria Hispania genuit. Magnitudine animi, benignitate, prudentia, iustitiæ cultu maior fuerit in ambiguo 10 est. Ex æquo hæ virtutes in eius moribus & vita colluxere: nulli earum vt palmam concedere fas sit. Corpus labore inuictum, animus expeditus in consulendo perficiendoque quidquid factu optimum iudicasset. Suis carus, hostibus formidabilis. Multum rei Lusitaniæ fauere numina duobus primis Prætoribus datis excellenti virtutum omnium indole, pari conatu, audacia, successu eorum quæ aggrediebantur felicissimis. In vna tamen voluntate Christi nomen amplificandi, & quodcumque periculum subeundi pro officio Regi suo debito & gentis gloria illustranda sententiis vel maxime discrepabant. Almei- da primus Indiæ Prætor nolebat vires & classes Lusitaniæ ad expugnandas vrbes & arces conferri in illis oris, modicas esse vires Lusitanorum dictitans, auxilia longinqua; si in plures distraherentur partes, fore iniuriæ opportunos, neque pares tantis conatibus. Ma- 20 ris imperium tenerent modo, cætera in iis regionibus prona fore. Alburquerqueius contra ex ipsa auxiliorum longinquitate & virium exiguitate contendebat pluribus coloniis ea littora occupanda videri. vnde quasi ex seminariis supplementa suppeterent, cômear- tus facultas, cæduaue materia ad extruendas naues, armamenta comparanda. Alioqui neque maris imperium diu stare posse, neque commercii facultatem: quando siue maris tempestatibus seu hostium in classes aliquando disici vincique necesse foret. Itaque fore commodum si portibus & arcibus, quam possent latissime vasta littora amplecterentur, ad omnes casus parato perfugio. Alburquerquii rationem fuisse commodiorem tem- pus indicauit, iudex testisque syncerus, & rerum euentus, qui consiliis fere pretium fa- mamque constituit. Vxorem nunquam habuit: ex ancilla tamen susceptum filium reli- 30 quit. De eo sollicitus sub mortem his verbis ad Regem scripsit. Inter frequentes singul- tus, & mortis instantis signa certissima has postremas litteras do. Filium vnicum habeo. eum tua benignitate complectare precor. Paternis meritis ea gratia esto. Quæ qualia sint, me silente opera ipsa testantur. Corpus amplo funere ac vere regio in diuæ Mariæ ædiculam ab ipso Goæ constructam illatum est. Omnis ordo & ætas obuiam effusa in ve- ste sordida verissimis lachrymis gentis gloriam, salutare præsidium vna occubuisse atque eodem tumulo sepeliri sine fine dolebant scilicet: atque ita vt singulorum parentes aut fratres lugeri, omnes crederes vnus spiritu vixisse extincto perituros. Corpus occidit, & vita præsens ablata est multis obnoxia miseriis. Merces in cælo certa virtuti, inter homi- nes nominis gloria non inanis sed solida perpetuo vigeat nullis seculis interitura. Rex ex 40 interuallo cognito Alburquerqueium obiisse, doluit impense. Filio ad se vocato benigne- que accepto Blasii nomen à prima ætate inditum, Alfonsi appellatione mutauit in patris memoriam & gratiam; prædia & vectigalia dedit ampla vnde vitam sustentaret. quam ducta vxore lectissima deinde in multos annos propagauit non ita pridem extinctus; su- aque impensa Diuæ Mariæ ædiculam Goensem, vbi pater sepultus fuerat, noua structura & spatiis in iusti templi formam amplificandam curauit. In Africa ad ostium Mamoræ fluminis, quod antiquis Subur fuit, Emanuel Rex arcem imponere cogitauit vltra Arcil- lam centum non amplius millibus passuum. Classe ducentarum nauium maiorum mi- norumque octo millia hominum in eam rem mitti placuit. Ductor Antonius Norogna, Olisipone digressi Idibus Aprilis ad ostium fluminis appulere nono Kalendas Maii. Infe- 50 lix conatus exitit. Cœptam continuo ædificari arcem innumera Maurorum multitudo sub signis sese circumfundens ex omnibus partibus, disturbauit, amissi; tormentis, quæ in noua arce erant posita, & è Lusitanis media parte desiderata, classis coacta est cum igno- minia & iactura sese in Lusitaniam referre.

Rex Gallus Mediolanum abiit.

C A P. XXVI.

FRanciscus eo nomine primus Galliæ Rex simul ac regium insigne desumpsit, nobile regnum viris, armis, copiis & gloria florens post fata soceri adeptus, collecto numero- so exer-

so exercitu ad Mediolanum repetendum animum retulit. Non deerant Maximiliano
 Duci sua præsidia fautoresq;. Quindecim Heluetiorum millia ad periculi famam accur-
 rere, tueri destinantes cuius patrociniū susceperant, atque datum beneficium. Belli ini-
 tia aduersa extiterunt ad omen summæ vniuersæ. Prosper Columna cum equitibus ca-
 taphractis transitu Gallos prohibere idoneo loco infesso constituens, occupato ab hosti-
 bus conatu improuisa vi inter cænanandum ad Villafrancam est captus à Palicii militibus.
 Rex ipse Gallus cum validis copiis in Insubres irruens prope Mediolanum castra promo-
 uit, ea vrbe capta cætera prona fore ratus. Cardonius ad Abduæ ripam castra habebat.
 cum Pontificiis copiis Placentiæ morabatur Laurentius Mediceus Petri filius eius, qui
 10 ad Liris ostium est merfus. Vtræque copię si cum Heluetiis iungerentur, magnum ad vi-
 ctoriā momentum. Id prouidens Dux Mediolanensis fieri ita oppido cupiebat, cura-
 batq; eo maiori studio quod prope metum erat, Galli ad nutum rebus fluere incipientib.
 Alexandria quidem vltro in partes accessit. Nouaria capta est cum arce Petri Nauarri ma-
 xime industria. Nam is Hispano lente admodum de eo liberando consilia explicanti in-
 fensus, ad callum trāsīit viginti aureorum millib. ex regio ærario persolutis libertatis pre-
 tio. Missi à Ferdinando Rege, qui magnis propositis præmiis ad officium reuocarent &
 pristina fidei cultum, præstitere nihil. Serum remedium animo penitus alienato. Quin fi-
 dei & amicitia renuntiata argumento Oliuitum in Neapolitano regno Comitē nomi-
 ne datum vltro remisit confectis de ea abdicatione tabulis. Magni viri concedunt sæpe i-
 racundia & vindictæ studio in maiora mala præcipitant. Cardonius Heluetiis non satis
 20 fidebat ferocis hominib. ingenii, & ambigui. & erat suspicio arcano ad callum respicere.
 Ne Pontificiis quidem multum credebat, Parmam & Placentiam retinendi studio speq;
 frastulgeret, quas vrbes eripere Heluetii contendebant, ad Gallos facile transituris. Ergo
 Marco Antonio Columna Veronæ, Brixia Ludouico Hicardo curare iussis ipse ponte è
 cymbis confecto cum exercitus robore Pado transmissio constituit in agro Placentino ad
 Trebia ripam munitis castris se tenere. nihil eo itinere hostile extitit oppidis circum ami-
 cis. Displicuere ea consilia eaq; cunctatio Heluetiis, haud dubium improvida exitiāliaq;
 vti euentus docuit. Vim numinis quis auertat? Sed vnde suspicio sponte Hispani excitari
 bellum, cunctaq; quæ accidere non ignauia militum neq; hostium virtute sed fraude du-
 cum euenisse. Cardonii aduentus spe sublata Heluetii tamen paucis adiunctis Italis Me-
 30 diolano egressi cum vniuersis gallicis copiis configere constituunt. non audacia id sed
 temeritas erat. Dux neq; iubendi neq; vetandi potens, non iam Princeps, sed belli causa.
 Furore militari cuncta agebantur. Castra galli ad Marignanum & sanctum Donatum ad
 sextum ab vrbe lapidem munierant, spe ciues voluntate in potestatem vēturos. Liuianus
 præterea festinabat vt cum Gallicis suas copias conferret. enimvero equites grauis arma-
 turæ nongentos expeditos mille & quadringentos, pedites ad nouem millia. Heluetiis fe-
 stinandi ea causa extitit, vt Liuiani aduentum occuparent pugna facta, si vtræq; copię iun-
 gerentur de victoria diffisi. Instructa acie foras vrbis portas erumpūt ipsa conatus magni-
 tudine & mortis contemptu formidabiles. nullo duce sibi quisq; auctor erat, incitatorq;.
 40 Galli contra iis excipiendis in aciem & ipsi copias producunt. Primū agmen Carolo Bor-
 bonio datum, postremum Palicio Rex in media acie curabat. Gallica tormenta multa &
 præstantia in subeuntes munimenta Heluetios displosa late fecere stragē. Iuniores ex eo
 numero facto agmine rabie & furore cæci nouo impetu in munitiones facto, quāuis ad-
 uersariis egregie resistentibus, fossa tamen profunda transcensa & vallo tormentorū par-
 tem occupant. Feruēte vtrinq; cæde ac fortuna victoriā alternante, ne nox quidem su-
 perueniens pugnam diremit, quandiu luna sublustris fuit ad mediam fere noctem: tanta
 erat vincendi rabies. Heluetii prosperis feroces, Gallos pudor irritauerat & sui Regis præ-
 sentia accenderat. pugna varia, atrox, anceps, his atq; illis rursus exitiabilis. Rex ad pri-
 mam aciem prouectus & inter primos iuuenili impetu pugnans in armis reliquum no-
 50 ctis sustentare necesse habuit, ne galea quidem detracta neque somno capto nisi quan-
 tum corpore in tormenti currum tantisper inclinato licuit, ne gustato quidem cibo
 septem & viginti horarum spatio. Ingens animi & corporis vigor: cum luce pugna
 redintegratur non minori quam antea rabie. A Ienolaco Galeoto tormenta peri-
 te disposita librataque, ab aperto latere multam Heluetiorum cædem stragemque fe-
 cerunt. Accidit in medio pugnae ardore vt Liuianus è propinquo audito tormen-
 torum fragore cum aliquot equitum turmis superueniret apprime pugnae dux. Hel-
 uetii cum omnibus copiis accessisse rati, ea opinione late per agmina vagata fractis
 animis desperataque victoria Mediolanum versus sese recepere, sed sensim at-
 que seruatis ordinibus. Ex ea vrbe extemplo sublati signis Latium lacum versus

discessere. In Idus Septembris & diem posterum in paucis memorabilis pugna incidit. Victori continuo cedere omnia. Mediolanenses eum intra mœnia accepere. Arx quo se Dux cum manu militari recepit acriter impugnata tormentis, atque cuniculis à Nauarro scienter actis intra trigesimum obsidionis diem deditiorem fecit. Dux in Galliam amandatur in alimenta annuis triginta sex aureorum millibus decretis in exilio vitam calamitosam propagaturus ex pacto inter hostes tam procul à patria. Breuia ac fluxa mortalium gaudia. vix delibato suscepti principatus primo fructu, in quas ærurnas præcipitavit: si fructus & gaudium dici debent continuæ curæ, & terrores quibus is Princeps ex quo rerum summam obtinuit cruciatus est, alieno semper obnoxius arbitrio & imperio eorum, qui publicis vectigalibus occupatis, ac ingenti identidem pecunia imperata pacis legibus & belli ex commodo rogatis abrogatisque misero Principi præter umbram nominis, nihil nisi seruitium sordes & egestatem reliquerant, ne gemitus quidem liberam facultatem. Cæteræ vrbes & arces Duce sublato eiusque exemplo in victoriæ partem sine sanguine concesserunt. Cardonius extemplo Neapolim copias reduxit cura Neapolitanarum rerum nouarum cupiditate arripere arma volebant nisi metus maioris mali frænaret. Mænyngem quidem insulam petere distinendis copiis iussus erat, an timori ea species prætendebatur. Pontifex tempori inservire constituens ex condito Bononiæ victorem conuenit. In eo conuentu Rex quæcumque voluit facile impetrauit armamenti nihil denegare fas erat. Dedit etiam quasi mutua permutatione facta, vt Pragmatica sanctio abrogaretur sacra in Gallia ordinis magno gemitu. Gentis voces liberæ fuerunt & plenæ expostulationum, nihil amplius. Sic solet populus sine capite. In Hispania Ferdinandum Regem nouæ porro curæ sollicitabant. Magnum Gonsaluum in Belgas nauigaturum vulgatum est, adiunctis Egabri & Vreniæ Comitibus & Prieghi Marchione. Grandem pecuniam comparatam, vt cum res exegissent, nec facultas fugam nec inopia moraretur. Ea opinio cum late manasset Mangiarestius missus est abs Rege cum mandatis discessum prohibendi, & si foret opus in Gonsaluum iniiciendi manus. Tantum Hispaniæ dedecus auertere numina de cœlo. Mense Octobri Gonsaluus febri quartana laborare cœpit Loxæ vbi morabatur. Simulata valetudine ludere suspicio erat: neque minor proinde cura custodiaque. Angli animo suscepta indignatio morâ inualescebat. Ad eum placandum ne hostium conatus importuno maxime tempore iuuaret munera decreta vestis, vasa gemmis distinguuntibus aurum, equique generosi auro strati. legatus in id Ludouicus Gilabertus miles sacer in Angliam appulit Regiæ vtero prægnanti lætam. Quo diutius expectarant in exigua spe, eo maiorem voluptatem vniuersæ genti commouit. Thomæ quoque Volsæo purpura Roma delata ludis & conuiujs celebrata. Ex infimo is loco ad primum dignitatis gradum in Angliam ascendit, vt ex rerum fastigio grauiori casu præcipitaret. Gratia Principis, cui fuit intimus, & praua obsequia pro virtutibus fuere. Superbia atque ambitio exitium ipsi & vniuersæ genti attulerunt. Is ergo & Ferdinandi legatus mutuo aliquot dierum congressu, ad quintum decimum Kalendas Nouembris fœdus & amicitiam stabilem inter duos illos Principes sanxere. Ludouicus Requesenius nouem triremium dux ad Cossyram insulam, vulgo Pantalaream, tredecim piraticas triremes Siciliae spoliis & præda onustas nactus. commissa pugna vicit per æstatem. Aliquanto post Bugiam obsedit Omichus Turca cognomento Barbarossa, cum sua peculiari classe eo delatus. Multi præterea Mauri è vicino tractu Turcæ conatus subleuatum terra accurrerunt. In arcto res positas raymundus Carrocus vrbi Præfectus supremo conatu defendit Michael Gurra in Balearibus Prorex obsessis auxilio opportune superuenit. Ducebatur tamen obsidio, in aliquot menses continuata. Obsessi annonæ inopia laborare cœperant. Cogitantes de facienda deditiione navis recreauit à Sardinia Prorege missa cum comœatu & bellico instrumento. Qua ope tamdiu sustentatum est, donec Turca abiecta spe urbem occupandi soluta obsidione fine anni discessit.

Ferdinandi Regis Catholici obitus. CAPVT XXVII.

Valerudo tum Ferdinandi Regis Catholici tum Magni Gonsalui recrudescerebat maiori in dies sæuitia inani medentium cura, vtriusque exitus vrgebat. Gonsaluus mortis angustiis exæstans lecticariorum humeris Loxa Granatam abiit, si cœli mutatione melius haberet. Nihil ea diligentia est profectum. Altero Decembris die in ea vrbe decessit vir plane admirabilis animi magnitudine & perpetuo victoriarum cursu clarior omnibus dux, quos à multis annis Hispana terra tulit, alioqui magnorum virorum ferax. Extrema ætate magnis procellis iactatus numquam indignum quidquam est locutus,

cutus, & quamquam rebus aduersis integra semper virtutis & constantiæ fama. quippe
 solitus non minus in secundis tristitia, quam in asperis secunda cogitare. Aulicorum ex in-
 uidia minor meritis Principis gratia, gloriam nō minuit, sed auxit: effecit certe ne postre-
 mis annis offenderet. Multos longæua ætas vertenti fortunæ tribuit: magnique sæpe viri
 quietis impatientia & rerum varietate superiorem gloriam obscurarunt: cum sit arduum
 mare frequenter sulcantem, nunquam fluctibus tempestateq; sæuiente iactari. Tempus
 vitam abstulit: virtutum memoria vigeat quādiu mundus stabit. Eius obitu in Eliuram
 filiam maiorem natu domesticæ fortunæ translata sunt: equitum Magisterium Neapoli
 vacuum Fabricio Columnæ cessit Regis dono in posteris porro ad hanc diem stabili, ina-
 nis vmbra & sine prouentu nomen. Ferdinandus Rex Hispalim ire constituens per hye-
 mem mitioris cæli urbem, Placentiam haud deuia se contulerat & ipsam amœnitate præ-
 cipua. Ibi quamuis afflictæ magis indies valetudine splendide à ciuibus acceptus, atque
 habitus ludis frequentibus & grata hilaritate, diebus aliquot ei ciuitati datis, Ferdinan-
 dum nepotem ad Guadalupum oppidum ire iussit templumque sanctitate & miracu-
 lis celeberrimum, propter quod municipium inuistur: nam alia visendi causa nulla est.
 Profecuti sunt euntem Petrus Nunnus Gusmanus Calatrauæ Clauiger eius moribus
 formandis adhibitis & litterarius magister Aluarus Osorius Asturicæ Episcopus. Rex in
 Vestonum eam partem discessit, quam Serenam dicimus, ardearum volatu, quarum est
 eo tractu magnus numerus (& eo aucupii genere præ cæteris oblectabatur) animū cu-
 ris & ægritudine grauem tantisper leuaturus. Maris Præfectus, Dux Albanus & Burgensis
 Episcopus sequebantur, è regis consultoribus tres Laurentius Caruaialius, cuius extat de
 rebus hoc tempore gestis diarium. Sapata & Franciscus Vargas rationibus Præfectus ex
 Agnete Caruaialia vxore, Guterrii Caruaialii Episcopi Placentini non ita pridem extin-
 cti pater. Eodem Hadrianus Belga Louanienfis Decanus, Caroli Principis magister ap-
 pulit è Belgis missus de reb. magnis ad auum legatus. Vt Carolo annua quinquaginta au-
 ri millia darentur eo annitente constitutum est. Concessum etiam vt Castellæ procura-
 tionem Ferdinandus Rex, vt ipse expetierat, dum viueret propriam retineret, etiam post
 Reginæ mortem. Id ultro adiectum. Insignis munificentia sed vitæ exitu proximo, cuius
 rei manifesta signa perspiciebantur, leuis gratia. Per dies Christi Dei è virgine nati memo-
 ria celebres hæc agitata decretaq; sunt. Ad castra Iulia vicus Madrigalegium est ei vrbi
 contributus. In eo pago Regis ægritudo ipsa itineris agitatione grauior est effecta, pror-
 sus vt medici diu victurum desperarent. Accurrit cognito periculo Decanus Louanien-
 sis. Eius aduentus Regi molestus accidit. Vt Guadalupum, quo iuerat Ferdinandum In-
 fantem inuisum sese referret, atque ibi iussit suum aduentum sustentare. Mox testamen-
 tum confecit. Peccata Thomæ Matienso è Dominicano ordine sibi ante à confessioni-
 bus, aperuit. Regina Ilerdæ Regis periculo nunciato itinere festinato pridie quam testa-
 mentum nuncuparet, mœsta iuxta ac sollicita accessit. Proximo die Mercurii post medi-
 am noctem vna amplius hora animam placide efflauit decimo Kalendas Februarii au-
 spicante salutis anno millesimo quingentesimo decimo sexto. Princeps iustitiæ cul-
 tu, prudentiæ laude, animique præstantia excellentior omnibus, qui vnquam in Hi-
 spania extiterunt. Vitia deesse nunquam possunt. ea est humanæ vitæ conditio. ex in-
 uidia quoque & malitia multa magnis viris immeritis affingi peccata procliuè est. Im-
 perii modestia religionis amore, bonarum artium studio, forma haud dubium iusti,
 mitis, benefici, ac vere Christiani Regis, ac speculum in quod omnes Hispani Prin-
 cipes intueantur, aureæ pacis in Hispania & publicæ securitatis atque elegantiae & am-
 plitudinis conditor.

Tria testamenta memor mortalitatis confecit. Primum Burgis ante tres annos.
 Alterum Arandæ ad Durii ripam anno superiori. Tertium sub mortem. In iis omni-
 bus Ioannam Reginam hæredem, Carolum eius filium rerum procuratorem scripsit.
 Carolo absente in primo testamento, Ferdinando Caroli fratri regni procuracionem
 demandauit. In duobus postremis eo capite mutato, rebus Aragoniis Cæsaraugusta-
 num Præsulem præfecit eo euentu, Castellæ, Hispaniæ Cardinalem. Id valuit decretum.
 Decanus tamen Louanienfis productis in eam sententiam Caroli Principis mandatis &
 tabulis, Cardinali rebus gerendis consors accessit. Ferdinando nepoti in Neapolitano
 regno, vrbes Tarentum, Crotonem, Tropeam, Amantiam & Galipolim legauit, præterea
 annua quinquaginta aureorū millia ex eius prouinciæ regis vectigalibus, dum à Carolo
 fratre Principatus aliquis in eo tractu daretur eam summam reddens quotannis. Vt Cala-
 briæ Dux offensa quamuis multipliciter graui, redderetur libertati, mandauit, addito
 etiam Caroli munificentia idoneo principatu & vectigalibus vnde vitam principalem

sustentaret. Quod tamen decretum non ante annum millesimum quingentesimum tertium obtinuit. variæ causæ excusatæ, promptæ semper aduersus prostratos & paratæ. De Antonio Augustino Serinii Magistro mentio nulla. Oblitus fuerit offensam, aut aliis placentendam relinquere maluerit etiam recenti memoria dubitatū est. Cardinalis certe Hispaniæ rerum arbiter factus paulo post vinctum in Belgas misit: vbi dicta causa pro eius innocentia dati iudices pronunciarunt proximo mense Septembri. Testamento curatores adhibiti Regina, Carolus nepos, Cæsar-Augustanus Præsul, Cardonæ Dux lectissima foemina, Albanus, Prorex Neapolitanus, Thomas Matienſis à confessionibus ab epistolis Michael Clemens, quo excipiente testamentum confecerat, extincti corpus Granatam delatum templi maximi sacello regio composuere, vnaque Isabellæ Reginæ ossa eatenus ad Alhambræ arcem extemporario tumultu connecta. Ex eorum numero qui agenti animam affuerunt, plerisque dilapsis, vt est mortuorum obliuio parata, soli Ferdinandus Aragonius, & Bernardus Dianii Marchio, paucique è familia nobiles funus prosecuti sunt. Toto itinere populi obuiam progressi in sordida veste luctuque fædatis cum ferculis & velamentis veniam & pacem extincti animæ precari. Cordubæ celebrior pompa extitit Prieghi Marchione, Egabri Comite vniuersaque vrba nobilitate curantib. Ciuitas omnis obuiam effusa cum coniugib. & liberis, sacerdotes cum insignibus, ac diui ipsi prope exciti sedibus suis exceperunt. Quem viuum infensum experti erant, erga mortuum in generosis animis successit humanitas. Granatæ tandem sacratus ordo, vrbanus senatus, regnisque iudicum conuentus certatim funus honestarunt. Lecto funebri nobilissimi quique humeros supposuere. Iusta apparatu celeberrimo facta sunt, dataque extincto inferiæ, vti opus erat, expugnatori atque conditori vrbis eiusque atque adeo vniuersi Granatensis regni bonorum, felicitatisque optimo patrono, atque præclaro.

F I N I S.

INDEX



INDEX GENERALIS HORVM DE- CEM LIBRORVM POSTERIORVM IO. MARIANÆ, IN QVO

PRIMVS NVMERVS PAGINAM, SECVN-
dus versum indicat.



- A.**
Bensarraxius Granatæ prætor in conflictu cecidit 8.22.20.55. Successit Adilbares. 8.41
Abohardilles nouus Granatæ Rex 123.10. Malacæ subsidia mittit 129.44. de Africæ rebus. 279.1
Albarracinus Huelamanum oppid. celuberorum capit. 37.12
Albohacenus Granatæ Rex iustitiam cum contestans violat 103.38. legatos Hispalim inducias repetiturus mittit 106.3. pellitur Granata. 117.50
Alcantaræ Magistri oppida publicantur. 8.12
Alcassarum oppidum de Mauris capit 57.38
Alexander sextus Põtifex eligitur 144.25. confirmat Valentiam Metropolitano iure donatam 144.58. in ditiones Vrlinorum inuolat 168.15. Eos in gratiam recipit. ib.36
Alfonso Alburquerque obitus. 341.25
Alfonso Arguello Cæsaraugustanus Præsul in vincula conicitur. 150. in flumen præcipitatur. ib.52. ei succedit Franciscus Clemens Barcinonis Episcopus. ibid.6
Alfonso Aragoniæ Rex in Hispaniam reuertitur. 9.8. Simplicii Ant. Vrlini literis excitatus Africam tentat. ib.52. in Siciliam appulit. ib.58. Gerbæ Insulam oppugnat. 10.1. cum Bessericio dimicat. ib.10. Ipse & fratres capti 15.15. libertati redditi. 16.25. Neapolim petit 18.58. 21.10. discedit vires reparaturus. 21.52. Neapolim capit 27.50. splendide triumphatur de Neapoli 30.8. fœdus cum Eugenio Pontifice init. 16.16. bellū repetit. 33.14. Roca Bernarda & Bellicastrum capit. 33.40. nuptias Ferdinandi filii celebrat. ib.50. Plumbinū obsedit. 36.33. eius in Quo Arce obitus 54.32. Apopthegma. ib.48. Testamentum. ib.57. Sepulchrum. 56.1. successor Ioannes frater Rex Vaconum. ib.51
Alfonso Biuerus misere obruncatus. 46.45
Alfonso Carillius Toletanus Archiepiscopus obiit. 112.33
Alfonso Carillius Cardinalis Basileæ discessit. 11.45. cui succedit Alfonso Caril. iunior ibid. 11.47.
Alfonso Carthagena Burgenfis Episcopus obiit. 56.4. Ei succedit Ludouicus Acunia. ib.
Alfonso Henrici regis frater Castellæ Rex renunciatur 68.50. obiit 72.40. 73.57
Alfonso Regis Neapolitani coronatio 15.2.8. oratio de Imperio se abdicando 15.40. Obitus 156.20
Alfonso Lorca ad Tunetanum Regē legatus. 5.34
Alfonso Lusitani Principis nuptiæ. 135.30. Inopinatus obitus. 136.8
Alhama à Mauris obsidetur 118.36. à Ferdinando munitur. 123.34
Almunecarax de Mauris capta. 135.16
Aluarus Luna, in Castella dissidia concitat 1.25. Eius consilium de pellen dis aula procerib. aula proceribus. ibid. ei commendata est ditio Magistri D. Iacobi 4.14. Eius vxor prima Eluira Porto carceraria. 6.4. secunda: Ioanna Beneuentani filia. ib. nuptiæ ad Valentiam celebratæ. ib.5 Granatæ planicie depopulatur. 6.36
Aluari euerendi consilia communicantur. 22.20. literę eius rei causa ad Regem supplices mittuntur. 22.32
Aluarus Luna Sepuluegum abire iussus. 23.20. Eius casus 24.40. 47.50. 48.12. Scalona latet 28.35. Aluari restituendi consilia communicantur 31.6. D. Iacobi Magister creatur 34.22
Alfonsum Biuerum misere obruncat 46.45. capitur 45.54. 46.58. Supplicio afficitur 47.55. 48.20. Codicillos regi offert 47.10. bona eius æquis partib. inter regem & vxorem ipsius partita 48.34
Amadeus Dux Sabaudus, Pontifex in Concilio Basileensi salutatur sub Felicis V. nomine 23.32
Americus Vespucius primus Bresiliæ explorator 146.43
Angli Regis obitus 283.30
Antonius Pathormita Alfonso Aragonio Regi familiaris 55.43
Aragonii Ciriæ & Borouiam arces in potestate redigunt 3.40
Aragonii principum fœdus contra Carolum Regem Gallum 157.20
Aragonium bellum 1.10. Eius finis 3.30
Aragonia bella 67.30
in Aragonia ciuitatum societates institutæ 131.1
Aragonios inter & Gallos induciæ 96.49
Aragonii motus 126.30
Aragoniz res 43.1
Arandæ concilium 86.2
B.
Basiliense concilium 11.2.20.28
Barrientus Abidæ Pontifex Aluarum restituere conatur 30.35
Bartholomæus Faccius Alfonso Regi Aragonio familiaris 55.43. obiit. ibid.
Basta opp. de Mauris captum 135.4
Bellum Aragonium 1.10. Eius finis. 3.30
Bellum inter reges Aragoniz Vasconum & Castellæ 1.20.2.32.
Bellum Florentinum 35.45
Bellum Granatense 5.22. Eius exitus. 7.38.
Belli Granatensis initium 115.10
Bellum inter Ioannem Andegauensem & Ferdinandum Neap. Regem 60.25
Bellum in Italia inchoatur 307.22
in Bello Italico parum promouebatur 294.5
Bellum Mauricum 14.2. Eius ratio 129.15
Bellum Mauricum repetitur 132.27
134.15
Bellum Neapolitanum 98
aliud Bellum Neapolitanum 149.10
Eius causa 150.25
Belli Neapolitani initia 202.36
Bello Neapolitano designati duces 132.1
Bellum in Sardinia 105.35
Bellum ciuile inter Vascones 44.25
Bellum Vasconum inchoatur 317.4.
perficitur 329.50
Bellum contra Venetos 287.20
Batica pacatur 104.10
Bononia à Gallis occupatur 301.15
Bononia obsessa 308.38
Bononia ab Aragoniis capta 3.40
Brixia à Cardonio capta 325.15. Piscaria vna cum arce subacta 326.3
Bugia de Mauris capta 292.5
C.
Cæsaraugustana cædes 1.53
Cæsaraugustæ regni conuentus habetur 36.53.37.5. & 34
Cæsar & Ferdinandus de Castellæ procuratione disceptant 267.43. Inter se conueniunt 290.40
Caia flumen Pacein Augustam Helbes que interfuit 135.56
Caicta à Gallis deficit 159.11. à Ferdinando Rege Neapol. obsidetur 162.7. post a Friderico patruo 167.4. iterum a Gonfaluob obsessa 221.20. dedita 229.40
Calæci cæduntur 129.40
Calataiuba Aragonius conuentus habetur 63.10. Regnum Neapolitanum sibi adferere conatur 56.32. moritur ib.51. ei succedit Æneas Syluius Pii secundi appellatione ib.54
Canariæ insulæ inuentæ 147.18
In Cantabria tumultus 80.56
Canta lapetra arx recepta 103.47
Cardinales quidam Episcopos ad Concilium euocant 302.40
Cardinalis Hispaniæ in Africam transmittit 284.50
Cardonius Brixiam urbem cepit 325.15 Venetos ad Vicentiam vicit 332.30
Carolus Andegauensis Massiliæ obiit 112.28. Gallum Regem heredem scripsit 112.30
Carolus Aquitanus defunctus 81.38
Carolus Burgundus ad Nancium cecidit 102.41
Carolus Bituricum dux Ioannæ Principis coniugium expetit 77.52.79.30. a Gasto Fuxensi in ludicro militari vulneratus extinctus est 80.5
Carolus 7. Gallus rex obiit 62.58. succedit Carolus 8. Rex Galliar 148. fœdus cum Maximiliano Rom. Rege facit 149.10. Neapolitanū regnum occupare conatur 150.25. 152.22. Astam peruenit 153.1. Ticinum castra mouit ib.20. Romæ cum plausu excipitur 154.24. Neapolim ingreditur 155.35. a finibus regni depellitur 162.5. obiit 182.1
Carolus Vianæ Princeps 53.22. Rex Neap. proclamatur 54.57. legatos ad patrem mittit 57.42. Nuptias cum Catharina Lusitani Regis sorore agitat 61.11. eius obitus 61.40
ff

INDEX.

Caroli Principis in Hispaniam aduētus
275.46
Castaneda comes a Mauris captus 55.
31
de Castellæ administratione contro-
uerfiæ 239.15
Castellæ Regis in planicie Araucina
clades 358.4.1
Castellæ Rex Petrum Manricum reb.
gerendis præfecit 6.19. capitur 25.4
eius custodia Comiti Castri impo-
nitur 3.17. obiit 49.35. ei in regno
succedit Henricus ib.40
Castellæ & Aragoniæ pax 63.38
Castellam inter & Lusitaniam pax fa-
cta 109.40
Castellæ inquisitores dantur 107.40
Castellæ motus 22.16. Noui motus 23
46
in Castella noui principatus 4.18
in Castella omnium rerum perturba-
tio 70.46.72.45
Castellæ procerum sacramentum &
votum 2.14 iurantium nonina 2.
20
Castellæ proceres fœdus contra Alua-
rum ineunt 23.15. multicapri 36.
44
Castellæ procerum noui conspiratio-
nes 41.50
in Castella prodigia 58.2
Castellæ regnum Isabellæ oblatum 75
15
in Castella res nouæ 254.28
Castellæ conuentus 299.21
Castri Nunnium receptum 103.48
Castri Comes maiestatis lege damna-
tur 8.11. in pugna ad Olmedum ca-
ptus 33.9. Castellæ redditur 18.49
Catalauni morus 63.10
Catalaunica gentis conuentus 96.30
Catharina Ferdinandi filia 125.1
Christophorus columbus primus no-
ui orbis inuentor 145.57. obiit 146
37
Ciria arx capta 3.40
Cogolludum Carpetaniæ oppidum 2.
32
Colloquium inter Henricum & Man-
ricum 2.51. inter Castellæ Regem
& filium, Medinæ campestris ha-
bitum 37.20
Colloquium Regum Ioannis Arag. &
Ludouici XI. Gallorum 63.48. Re-
gum Castellæ & Galliarum 64.25. inter
Ferdinandum & Philippum socerum
& generum Reges 251.38. inter
eisdem Alterum colloquium 253.
10. Aliud Regum Galli & Catholici
270.28
Comes Castri in pugna ad Olmedum
captus 33.9
Complutum vetus vrbs 32.15
Concilium Basiliense 11.2. 20. 28. in
eo damnatur Eugenius 23.30. Ama-
deus Dux Sabaudus Pontifex salu-
tatur 23.32
Concilium a Pio secundo Mantuam
indictum 5.56. habitum 59.17.59.
20. 60.34
de Coniugiis variis actum 274.28
Coniuratio in Lusitanum regem 113.
10
Coniuratio procerum Castellæ ad e-
uerrendum Aluarum 22.24.23.15
Constantinopolis a Turcis capta 47.
30.51.15 & 45
Controuersia de Castellæ administra-
tione 239.15
Controuersia inter duos Reges Ferdi-
nandum & Philippum socerum &
generum continuata 241.20
Controuersia inter Cæsarem & Ferdi-
nandum composita 290.40
Conuentus Lateranensis inchoatur 315
25

ad Criniam magnum prælium 216.30.
Cuellar captum 34.25
Cuia oppidum de Mauris captum 134
22
D.
David Trapezuntis imperator 59.
23
Desa oppidum captum 3.40
Dieghus Lupus Paciecus Villenæ Mar-
chis 239.44
Dieghus Mendoza Casorlæ Antelatus
135.7. Sandillanum Marchio 57.32
Dieghus Ribera Antelatus sagitta per-
iit 14.15 ei filius sufficitur ib.18
Dominicus Ilerdæ Episcopus legatio-
nis in Castellam princeps 4.40. Ora-
tionem habet ib.50
Durangi fratricellorum festa 28.24
E.
Eduardi Lusitanæ Regis numero-
sa proles 11.21. Parentatio ma-
rium parentis ib.28
Eleonora Aragoniæ regina 4.22. In D.
Claræ Virginum collegio includi-
tur ib.23
Eleonora Vasconum regina 108.34
Emanuel Rex Lusitanus 160.47. gene-
rales conuentus indicit 164.36. Iu-
dæis libertatem restitui iussit 167.
10. Monasterium Bethlehem dictum,
Hieronymitano ordini constituit
175.10. Nuptias cum Isabella Fer-
dinandi Catholici Regis filia habet
180.48. Eius vxor ex partu obiit 183
58. eius cum Maria Isabellæ sorore
coniugium secundum 194.20
Enecus Mendoza Fiteæ regulus acie
victus 4.1
Enecus Mendoza Tendillæ Comes 8.1
23. Maricus classis Hispanici ductor
181.18. Daualus Vasti Marchio de-
nunciatur 179.12
Episcopi ab aliquot Cardinalibus ad
Concilium euocati 302.40
Eugenius Pontifex in Concilio Basil.
damnatus 23.30. obiit 36.4. Tho-
mas Sarzana Lucæ in eius locum co-
optatus Nicolai 5. nomine 36.5
F.
Ferdinandus & Isabella Castellæ Re-
ges 91.35
Ferdinandi Alfonsi Aragonii regis fi-
lii nuptiæ 33.20. & 50. obicitur ei
quod sit ex concubinato conceptus
56.7. Neapolis ei legatur 55.53. eius
ingenium 56.10. cum Carolo Via-
næ Principi dissidium ib.16. ad Ca-
lixum Pontif. literæ ib.36. Rex Si-
ciliæ renunciatur 74. 10. Nuptias
cum Isabella celebrat 76.35. Barci-
nonem abiit 89.40. in Lusitaniam
irrupere conatur 107.40. pacem
cum Gallo init. 108.4. Catharina ei
nascitur. 125.7. Ioannes ei filius nas-
citur. 106.10. cum Anglis & Austri-
is principib. fœdus initatur 134.8
Bastam obsidet ib.24. Granatæ pla-
niciem vastat 137.3. fœdus init 138.
50. militarium ordinum magisteria
ei dantur 149.34. obiit 152.5. suc-
cessit Alfonsus filius ib.8
Ferdinandus Alfonsi filius Rex Nea-
politani 156.26. Neapolim est in-
gressus 158. 55. Caietam obsidet
162.8. obiit 166.25. ei succedit Fri-
dericus patruus ib.50
Ferdinandus Rex Catholicus 167.44
pacem cum Gallo init 169.52
an Ferdinandum Regem Catholicum
in Italiam abire fuisset consultum
205.20. inter eum & Philippum ge-
nerum controuersia continuata
241.20. fœdus inter eos factum 245
42. Ferdinandus Catholicus collo-
quium cum Rege Gallo habet 270.

28. Regiam filiam inuicit 272.36
in Baticam abiit 277.1. Venetis ar-
ma infert 287.30. cum iisdem fœ-
dus facit 305.48. obitus Philippi
generi ei nunciatur 257.30. Neapo-
lim init 259.8. cum Cæsare de Ca-
stellæ procuratore disceptat 267.
42. discessit Neapoli 269.11. Neapo-
litani regnum a Pontifice ei attri-
buitur 295.36. cum Iulio Pontif. &
Venetis fœdus facit 305.49. obiit
344.50. tria testamenta cõfecit 345
46
Ferdinandus Toletus quod contra Al-
uarum conspirasse diceretur in cu-
stodiam datur 8.13
Ferdinandus Quignonius ad Olme-
dum captus 33.10
Ferdinandus Castriotus manu Fran-
cisci Regis Galli cæsus 61.6
Ferdinandus Megalianus Canarias pri-
mum insulas inuenit 147.18
Ferdinandus dux Calabriæ in Hispani-
am missus 201.20
Ferrerius Marefcalus Semena Munici-
pium expugnat 5.56
Florentinum bellum 31.45
Fœdus inter Aragonium & Castellæ
Regem tentatum 4.56
Fœdus inter Alfonsum Aragonium &
Eugenium Pontificem 30.16
Fœdus principum contra Carolum Re-
gem Gallum 151.20
Fœdus contra Venetos factum 236.
40
Fœdus Gallum inter & Cæsarem Ca-
meraci dictum 280.20
Fœdus Ferdinandi Regis Catholici cū
Pontif. & Venetis 305.48
Fœdus inter Ioannem Aragoniū Re-
gem & Ludouicum XI. Regē Gal-
lum 63.44
Franciscus eo nomine I. Gallie rex Me-
diolanum abiit 342.57
Franciscus Rex Gall. Vasconum Rex
proclamatus 111.48
Fridericus maris præfectus 2.19. Ara-
gonia littora infestat 4.37
Fridericus Arionæ dux Trastamaræ
Comes in vincula ducitur 3.9. obiit
in arce Pennasileis 3.10. sepultus in
Monasterio Beneuere ib.14
Friderici Lunæ Comititis ditio publica-
tur 4.11
Fridericus Lunæ Comes Hispaniam diri-
pit 12.12. captus a Castellæ rege 12.
20. obiit in carcere 12.25. eius sepul-
crum ligneum cordubæ ib.27
Fridericus Rex Neapolitanus 166.50
Caietam obsidet 167.4
Fridericus Rex & Isabella Regina dis-
cessere 237.42
G.
Galeatus Mediolanensis occisus
ad aram D. Stephani 102.39
Gallor. & Neapolitanor. studia cõtra-
ria 9.37
Galli à finibus regni Neapolitani de-
pelluntur 162.5
Galli ab Hispanis rursus ad pugnam
prouocantur 108.15
Galli Salsulam arcem obsident 223.20
relinquunt 225.5. bis ad Litim vin-
cuntur 226.40
Gallum inter & Cæsarem fœdus came-
raci dictum 280.20
Galli Bononiam occupant 301.15
Galli ab Heluetiis ad Nouariam victi
331.10
Gundia dux occisus 168.12
Garfias Lassus D. Iacobi miles occu-
bit 55.10
Garfias Toletus in Gerbis insula occi-
sus 296.51
Genuense bellum 55.35
Geor.

INDEX.

Georgius Trapezuntius Alfonso Aragon. regi familiaris 55, 44
Gerbis, insula ab Alfonso Rege Aragonio petitur 10, 1
Consilius Magnus dux in Italiam rediit 192, 15 eius potestas circumcisa 234, 43 caeteram obsidet 221, 20 Orlandi montem occupat 229, 52 urbe petitur 230, 10 Neapoli cum plausu exceptus 231, 27 eius profectio in Italiam impedita 321, 18
Granata terra mouit 6, 25
Granata planities vastata 136, 30 descriptio 137, 46, 138 tumultus 139, 6 obsidio 137, 25. Quis Granatam edificauerit 138, 7 capitur 140, 8
Guterrius Toletus in custodiam traditur 8, 13
Guterrius Sotomaior petrum Aragonium in Lecto cepit 8, 55 patrueli Ioannem gradu moto ipsius honorem adeptus est 9, 2
H.
Henricus Aragonius calataiubæ extinctus 33, 15
Henricus Rex castellæ renunciatur 49, 50 caroli Viani Principi fauet 53, 27 eius nuptiæ cum Ioanna Lusitani Regis sorore ib. 35. Pax cum Vasconum Rege 55, 2. Granatensem agrum vastat ib. 8 Menam opp. capit ib. 12 ense & galero à Pontifice calixto donatur ib. 30 inter nouos homines honores distribuit 57, 4 amori dat operam 58, 3 in Vasconum fines irrumptit 62, 40 Vianam obsidet ib. 42 cum Ludouico Gallo Rege colloquitur 64, 35 obiit 70, 18
Henricus Lusitani Regis patruus, primus in Africam nauigandum putauit 49, 6
Hispanis tumultu æstuat 65, 37
Hispani oratores a Granatæ rege mittuntur 106, 8
Hispanorum res in Italia florent 29, 54
Hispaniæ status 29, 50
Hispaniola & cuba insulæ inuentæ 146, 27
Hispanor. ad Malacæ montes strages 118, 55
Hispanos inter & Gallos induciæ prorogant 335, 45
Huelamanum celtiberorū oppidum captum 37, 12
I.
Induciæ quinquennales inter Aragonium & castellæ Reges 5, 1 ipso festo D. Iacobi prouulgantur 5, 10
Induciæ Gallos inter & Hispanos patet 131, 23
Induciæ inter Regem catholicum & Gallum 225, 58
Induciæ Hispanum inter & Gallum prorogant 335, 45
Induciæ inter Regem catholicum & Gallum 169, 58
Innocentius pontifex discessit 144, 30, successit Borgia Alexandri sexti nomine ib. 38
Inquisitores castellæ dati 107, 40
Ioannes Sotomaior gradu motus 9, 1. eius auunculus honoratus ib. 2
Ioan. caraccianus honoratur 10, 16
Ioannes Lusitaniæ Rex obiit 11, 15, successit patri Eduardus 11, 20
Ioan. contrerius Toletanus archiepiscopus discessit 13, 8 Toleti sepultus ib. 10 ei succedit Ioan. cerefolia Hispanensis Episcopus ib. 14
Ioanna Regina Andegauensis obiit 13, 36
Ioan. castellæ regis cum Isabella Lusitanæ nuptiæ 36, 22. pugna cū Mauris 37, 50. obitus 48, 50

Ioannes Andegauensis victus 60, 54
Ioannes Aragoniæ Rex 55, 53. 56, 27 cum Ludouico XI. rege Gallo foedus facit 63, 44 obiit 107, 35. regni heredes nepotes ex Ferdinando filio instituit 108, 30
Ioannes Rex Lusitanus 175, 6 obiit 136, 19. 160, 25 successit Emanuel eius patruelis ib. 47
Ioannæ Lusitanæ Reginæ partus 262, 11
Ioanna Aragonii filia Neapolitano desponsata 102, 8
Ioanna Regina castellæ Burgis discessit 261, 28
Ioannes Luna apud cuiar cadit 134, 36
Ioannes canamarius Ferdinandū Regem Aragonium vulnerat 148, 44 crematur ib. 52
Ioannes medicus Pontifex salutaris 328, 30 Galeatus dux Mediolanensis obiit 253, 25. Menesius Arcillæ præfectus Afros vincit 165, 20
Ioannis Principis Hispaniæ nuptiæ 169, 42. obitus 180, 28
Iosephus Abensarraxius victus & occisus est 8, 22 in locum eius Adilbares prætor Granatæ constitutus 8, 41
Italiæ pax 50, 45 Sublata Alfonso Arag. Regis obitu 56, 8
Italia nouo bello concussa 56, 10
Iudæi ex Hispania pulsi 142, 8. 144, 10 à Ioanne secundo Portugalliæ Rege suscepti ib. 11 ex Lusitania pulsi 166, 8
Iulianus Cæsarinus cardinalis Martini Pontif. legatus 11, 36
Iulianus Kuereus cardinalis 152, 28
Iulius Pontifex Ferdinando Regi catholico Regnum Neapolitanum attribuit 295, 36 ab eius autoritate quidam Cardinales discedunt 299, 15 Vasconum Regem anathemate deuincit 310, 31 obiit 328, 10 ei successit Ioannes Medicus sub nomine Leonis X. ib. 30
L.
Lateranensis conuentus inchoatur 315, 26
Laurentius Valla Alfonso regi Aragonio familiaris 55, 43
Leo decimus Pontifex creatus 328, 30
Ludouicus Andegauensis in Calabria ablegatur 9, 40 obiit 12, 6. 13, 31 successit in regno frater Renatus 13, 44
Ludouicus XI. Galliarum rex 51, 10. 62, 58 cum Ioanne Rege Aragoniæ foedus facit 63, 42 cum Henrico castellæ Rege colloquium habet 64, 25
Ludouicus Mediolanensis Dux eo principatu spoliatur 185, 45
Lupus Mendoza compostellanus præsul obiit 32, 10 in eius locum transfertur Aluarus Isorna concha ib.
Lusitani suorum principum studiosissimi 31, 35
Lusitanis in Africa memorabilis clades illata 19, 2
Lusitanæ regis nuptiæ 38, 40
Lusitani Ioannæ causam suscipiunt 92, 55 se Regem castellæ dicunt 93, 55 Zamoram capit 95, 20 in patriam rediit 98, 50 discedit in Galliam 100, 4. Taurum capit 101, 46 obiit 111, 1
Ioannes eo nomine secundus in imperio succedit 112, 15
Lusitaniæ procures in regē conspirant 113, 10
Lusitaniæ Rex Ioannes obiit 136, 19 successit Emanuel extincti patruelis ibid. 20

Lusitani Reges 164, 36
Lusitani nauigationes in Africam tentant 49, 3
contra Lusitanos à Sultano classis mittitur 281, 35
Lusitani in Italiam penetrant 171, 4
Lusitaniæ res 337, 2
M.
Madridi regni conuentus habitus 11, 8, nec non ludii militares ib. 12, alius ibidem conuentus generallis habetur 105, 60
Mahometes Turcarū Imperator Rhodum impugnat 111, 24. obiit ibid. 40
Mahomad Boabdiles capitur 120, 15
Malaca capitur 129, 20
Mantuanum concilium 59, 18
Maria castellæ Regina obiit 32, 3
Martinus Pontifex concilium Episcoporum Basiliense indicit 11, 34. Eugenius eius successor in Italiam episcopos transferre conatur 11, 38. 20
Martinus Pontifex obiit 6, 8 ei succedit Gabriel condemerius cardinalis Eugenii 4. nomine ib. 13
Mauri inducias à castellæ Rege petunt 5, 32, nihil proficiunt ib.
Mauri caduntur 5, 50 iterum vincuntur 7, 30 tertium victi 10, 9
Mauricum bellum 14, 2
Maurorum strages & fuga 14, 20 36
Mauricum bellum aliud 53, 45. 57, 40
Mauri contestanos inuadunt 103, 38
Mauri Alhamæ obsidionem repetunt 118, 36
Mauri multa oppida capiunt 127, 50
Maurorum agri vastantur 134, 35
Maximilianus Sfortia Mediolanum ingreditur 326, 40
Mazalquiuirū de Mauris captum 244, 2
Medinæ campestris castellæ conuentus habetur 338, 4. 4
Mediolanenses res 190, 28
Mena opp. Maur. ab Henrico cast. Rege captum 51, 2
Mendozius caluus castellam fundit 360
Montani ad Granatā Mauri rebellant 187, 30
Montione Aragonii cōuentus habentur 295, 36, 296, 31, 299, 16 motus Aragonii 126, 30 catalauni 63, 10
N.
Nauigatio ad Indos occiduos inchoatur 145, 45
Nauigatio qua hodie in Orientalem Indiam itur 177, 25
Neapolitanum bellum 9, 8
Neapolitani à Gallis studiis & moribus insident 9, 37
Neapolis ab Alfonso Aragonio capta 27, 10
Neapolitani motus 60, 22
Neapolitano be' o designati duces 122, 1
Neapolitani regni descriptio 197, 45
Neapolis vrbs Hispano deditur, 218, 40
Neapolitanis litib. diiudicandis iudices constituti 240, 20
Neapolitanis exulibus principatus restituti 262, 31
Nicolai 5. Pontificis diploma 40, 30. obitus 52, 58. In huius defuncti locum cooptatur Alfonso Borgia calixti nomine 53, 3
Nices in Vasconibus & Aragonia 40. dies continuata 11, 6
ad Nouariam Galli victi 331, 10
Nunnius Percia Barcellosi comes fit 421, 20

I N D E X.

- armelita 7. 46. plurima templa
ædificat ib. 50. obiit ib. 53 Funus in
signe rex ipse Lusitanus parat ibid.
57
- O.
- O** Benignus victus & captus 314.
55. libertate datus 230.22
Olispone graui peste infestata 11.14
ad Olmedum pugnatur 31.50.32.52
alia ad Olmedum pugna 70.46
Orlandus mons prope Caietam 229.
40
Osca municipium captum 14.16
Osca de Mauris capta 103.1
- P.
- P** alicius ab Hispanis capitur 209.
50
Paulus secundus Pontifex obiit 81.24
successit Franciscus Ruuereus Car-
dinalis Sixti I V. nomine ib.27
Pax inter Reges Castellæ & Lusitanæ
7.42 promulgatur 8.10 inter Re-
ges Castellæ & Aragoniæ 17.35
Pax Italiæ 50.45 sublata 56.8
Pax inter Castellæ & Vasconum reges
55.2 inter Castellam & Aragoniam
63.38 inter Regem Catholicum &
Gallum 169.52
Pennafielis obsidetur 2.28
Perpiniani obsidio 84.42
Petrus Aragonius Medina Campestri
aduocatus Pennafielem venit 2.10
Petrus Aragonius a Guterrio Soroma-
iore vi captus est 8.55
Petrus Aragonius ad Neapolim occu-
buit 21.40 Tumulus eius ad Oui ar-
cem ib.45
Petrus Manricus Antelatus Aluari cõ-
silio captus 19.23 solutus 22.17 a
Castellæ rege reb. gerendis præfe-
ctus 6.19
Petrus Lusitanus a catalaunis euoca-
tur 65.24.67.30
Petrus Lusitanus Rex Aragonius pro-
clamatur 65.48
Petrus Suarius Talaueram capit 28.
43
Pimentelius Calatraux & Alcantaræ
Magister aula discedit 1.31
Pius secundus Pontifex max. 56.8.&
54. Concilium Mantuam indicit ib.
& 59.20
Philippo Principi pax in Gallia pacta
213.30
Philippi Belgæ aduentus in Hispaniã
199.50 in Belgas abiit 204.12 Phi-
lippi Castellæ regis obitus 255.50
- Ferdinando nunciatur 257.30 eius
vixoris obitus 261.28
Piscaria a Cardonio subacta 326.3
Pompelo obsessa 323.1
Prælium ad Olmedum factum 70.45
Procerum Castellæ conspiratio 66.15
Prodigia in castella visa 58.2
Pugna ad Olmedum 31.50.32.53. ad
Taurum urbem 97.30 ad crinio-
lum magna 216.30
- R.
- R** eges Lusitani 164.36 Neapolim
defendit 27.25 in Galliã con-
cedit 28.1 oblatum a catalaunis
principatum arripit 74.10 res A-
fricæ 279.1 Aragoniæ 43.1
Res nouæ in castella 254.28 Italiæ
319.51 Lusitanæ 337.2 Mediola-
nenses 190.28 Vasconum 122.1
Roderici Lunæ compostellani Episco-
pi ingens scelus 58.36 episcopatu
mouetur ib. Alfonsus Fonseca ei suc-
cedit 60.12
Rodericus Manricus Paredius comes
D. fac. Mag. discessit 103.1
Ruscinonenses & ceretani Regi Ara-
gonio restituti 148.16
- S.
- S** alobrena de Mauris capta 135.16
Salsulæ arx a Gallis obsessa 223.20
obsidione soluitur 225.5
Sandoualium castrum comes Pennafielis
municipium præsidio munit 2.10
Sanguessa inundatione euerfa 5.60
Scanderberchius in Italiam transmit-
tit 60.20.68.30
Seguntia Vrcesiam abit. 3.2
Sigismundus cæsar Basilicæ conuocan-
dos episcopos contendit 11.38
Stunica calatraux & Alcant. Mag. dis-
cedit 1.31
a Sulthano classis in Indiam cõtra Lu-
sitanos missa 281.35
- T.
- T** alauera capta 28.43
ad Taurum urbem pugna 97.30
Taurus de Lusitanis capta 101.46
Terræmotu Neapoli multa oppida &
homines ad sexaginta millia inter-
iere 54.27
Toletum Vrbs Regia 6.23 terræmotu
concussa ib.24
Toletum tumultus 39.35.81.10 genera-
les conuentus agitati 111.2
Tonitru vltra triginta millia passuum
auditum 11.4
Tripolis de Mauris capta 292.5.296.36
- Tumultus in cantabria 80.56
Tumultus Hispalensis 65.37. alter 81.
10
Turpia Brutior. arx ab Andegauenfib.
obsessa 9.58. dedita 10.1
Turuli colloquium habitum inter A-
ragonium & Henricum fratrem 2.
1.
- V.
- V** alentia metropolitano iure do-
nata 144.58
Valentinus Dux 226.11. captus in Hi-
spaniam missus 233.5 occisus 266.1
Vallisoletum cõuentus regni celebratur
1.40
Vasconum bellum inchoatur 317.4
Vasconum regnum inchoatur 318.
25.
aliud Vasconum bellum 329.50
Vascones Castellæ contributi 339.21
Vascones campesum oppidum capi-
unt 37.11 bellum ciuile mouent
44.25
Vasconum res 122.1. tumultus 53.20
54.34
Vasus Gama quid calecutii gesserit
174.25. Redit in Lusitaniam 176.25
Vasco regno dignus iudicatur 1.33. in
auguratur 2.3
Vasconis nuptiæ 30.56. copiar contra
castellæ Regem 31.16
Vasti Marchio Hispanorum partes am-
plectitur 211.55
Velasus calatraux & Alcant. Magi-
ster aula discedit 1.31. in custodiam
traditur 8.13
Veneti bello petuntur 287.20. Patavi-
um recipiunt 289.15. Ferrariam ob-
sident 290.15 in bello Italico parem
promouent 1294.5
Vincentii fanum vi expugnatur incen-
diturque 3.22
Violantes Aragon. Regina grandæua
obiit 6.32
Virginus & Iordanus Vrsini ad Neapo-
lim victi 168.13 ditionibus ab A-
lexandro Pontif. spoliati ib.14
Viri insignes 28.35
- X.
- X** auam mensis 68.18
- Z.
- Z** amora a Lusitano capta 95.20. a
Ferdinando recepta 96.30
Zoroyra Albohaceni Granatæ regis
vixor ad christianissimum conuersa.
Isabellæ nomine accepto 62.
24

